



*Doz Sarmiento*

R. 69  
117

~~117~~ *V*

~~117~~ *G*

~~117~~ *+*



~~N 3~~

~~lin 3~~

pet 206  
in 41

~~I n 34~~

~~Ar~~

A. N. 3



W

G

W

W

A. N. 3



BENEDICTI  
ARIÆ MONTANI  
HISPALENSIS

COMMENTARIA  
IN DVODECIM  
PROPHETAS.

*Accorregido segun  
el y purgado del  
año de 1322  
Johan D. Amun*

*Delali B.  
Suilla*

*de 1. Aug.<sup>ra</sup> de  
P. N. 3*



*Revisito Por el expurgatorio  
de este año de 1610*

*J. Pedro de ponce*

ANTVVERPIÆ,  
Ex officina Christophori Plantini,  
Regii prototypographi,  
M. D. LXXI.

*Cum Privilegio Regie cath. Maiestatis.*

*Huius libri pretium Regij consilij æstimatione præscriptum, sunt LXXII. stufferi.*



*Summa Privilegiorum.*

**R**EGIÆ Catholicæ Matris. Privilegijs cautum est, ne quis cuiuscunque status aut conditionis, *Benedicti Aria Montani Hispalensis Commentaria in duodecim Prophetas*, citra Christophori Plantini voluntatem, intra sex annos imprimat, alibiue impressa in eius ditionis fines importet, aut quovis modo distrahat. Qui secus faxit, confiscationis librorum, & poena; ut latius in Regio diplomate expressum est, multabitur. Dat. Bruxellis in Consilio priuato 30. Ianuarij.

In Consilio verò Brabantia, 15. Februarij, M. D. LXX.

Subsignat.

De Langhe.

Censura Doctoris Seb. Baer, ex collegio censorum Antuerpiæ Catholicæ Matris. auctoritate, & Episcopi delectu institutorum.

**COMMENTARIA** clariss. & doctiss. viri Benedicti Aria Montani in omnes Prophetas minores non solum commendanda sunt, quia pietatem & verum propheta sensum referunt, verum etiam quod ad hæreticorum dogmata extirpanda, & ad pietatem promovendam omnibus concionatoribus plurimum conferant. quod attestor

Sebastianus Baer Delphius insignis colleg. Ecclesiæ S. Mariæ Antuerp. Plebanus, & Canonicus.



AD SANCTISSIMAM MATREM  
ECCLESIAM CATHOLICAM, ILLIVSQUE  
PONTIFICEM SVMMVM, ATQVE LEGITIMOS MINI-  
stros omnes, Benedicti Ariæ Montani Hispalensis  
Epistola dedicatoria.



RIMOS accepta, à te, disciplina, ac per quadra-  
ginta & amplius annos, cum parentum & magi-  
strorum cura meorum, tum assidua opera & diu-  
turna sacrarum librorum lectione & meditatione ex-  
cultis, fructus tibi, Mater sanctissima, nunc edo, satis  
quidem expectato maturos tempore; quos si non pro-  
ferentis ingenij natura & ope prestantes; at ipsa sinceri animi & studij  
propensione mei, argumentiq; dignitate tibi non ingratos fore spero.

Etenim cum ab ineunte atate, ex parentum ac propinquorum voto,  
& propenso animi mei motu in literarum studia incubuerim, & eas ar-  
tes, quibus liberales doctrina atq; ingenia continentur, sub optimis ac do-  
ctissimis praeceptoribus didicerim, Theologica doctrina studio iam tunc  
à primis annis flagrare coepi, quod illa mihi, vel nomine ipso audito,  
adeo placeret, ut prater ceteras omnes disciplinas, quibus animi imbui  
informariq; possunt, Christiano ac pio homine iudicaretur dignissima.  
nam cum à Christianis parentibus, ad instituendam vitam in ipsa prima  
pueritia imbutus, inter prima domestica eruditionis initia duplici me  
parte constare cognovissem, corpore mortali, ad mortalium parentum  
naturam effecto, & animo immortalis, ad immortalis Dei exemplar ex-  
presso atque indito; quaeque mortalia essent, omnia incerta, caduca, mobi-  
lia; quae vero immortalia, eadem optima, aeterna, beata, praestantissimaq;  
natura definitionem sortita cognoscerem, eorum quae digniora & solidio-  
ra, praestantioraq; essent, rationem in primis habendam duxi: cetera  
vero eatenus obeunda, tractanda, & tenenda, quoad dignioribus in ser-  
uire & ministrare posse viderentur. Nullam igitur exercenda vita  
partem potiore sum arbitratus, quam eam, qua animi excolerentur  
humani, hoc est, scientiarum & sapientiae studia: inter quae ea maxime  
excellere intelligebam, quibus animus, ea praecipue parte, innatur, qua ad  
principem auctoremq; suum refertur. Atque in eiusmodi incundo ac te-  
nendo instituto, felici me condicione in Christiano populo natum esse, agnos-  
cebam; cui totius praecipua disciplina praecepta & instituta non ex humani  
ac nunquam fere sibi consentientis ingenij coniecturis, ratiocinationibus  
& observationibus, sed ex divini verbi certissimis & locupletissimis the-

## EPISTOLA

sauris apud amantissimam & benignissimam Matrem Ecclesiam, ad  
 usum communicationemq; depositis essent petenda: Audiebam enim sa-  
 pientie olim professores, qui gravissimo cognomēto philosophi vocati sunt,  
 illud impense summa cura ac diligentia, magno assiduog; labore egisse, ut  
 illam consequerentur doctrinae formam, quae humanos animos proximè  
 attingeret, id est, ut certam diuinarum humanarumq; rerum notionē  
 haberent: ad eamq; quarendam, duo sibi proposuisse tractanda genera;  
 quorum alterum in ijs versaretur cognoscendis rebus, quae inferiorem  
 mundi naturam spectarent (quam illi Physicam partem vocabant) al-  
 terum in ijs, quae ad praestantem naturae dignitatem amplitudinēq; re- 10  
 ferrentur (quae ab ipsis τὰ μετὰ φύσιν dicebantur. Atque in utroq; tra-  
 ctando genere, illos, utpote humani sensus acie; sed quasi per caliginē mul-  
 tam perstricta uterentur; aut frequenter & nimium aberrasse, aut ve-  
 hementer hallucinatos procul à veri statuendi fine substitisse, longissimeq;  
 ab ijs fuisse superatos; quorū mentibus veri inueniendi vias indaganti- 15  
 bus, certa & sancta religio, diuini verbi & ecclesiasticae interpretationis  
 lumen prae tulisset. quam ob rem, ubi primum Romanae linguae notitia  
 usq; imbutus essem, (qui mihi primus ad sapientiam aditus fuit) alacri  
 animo & contento studio, humanarum disciplinarū castra, nobilissimos  
 duces secutus miles nō in exercitatus frequentavi; in qua militia, me etsi 20  
 non strenuissimè, non tamen ceterorū aetatis meae ignauissimè gessi, tam-  
 diūq; versatus sum, quoad per disciplinae consuetudinē & usum, ac per  
 aetatis peritiam magistrorūmq; meorum iudicium & cōsiliū, in opta-  
 tissimū sacrae Theologiae Gymnasium deductus sum, in quo per quinque  
 iam & viginti versatus annos, quantum ipse perpetua excitatione 25  
 profecerim, (cum ea ex re, nec plausum nec lucrum quaesierim) an alijs  
 notum perspectumne sit, nec affirmare possum, nec indicare ipse curo:  
 Quantum verò gratulatus ipse fuerim mihi, cui ex Dei beneficio hunc  
 vitae ordinem adipisci contigerit, nulla, quamvis longissima & disertis-  
 sima, oratione explicare queo: Etenim cum per scholasticas exercitatio- 30  
 nes primum deductus (quae ad verbum Dei purè & doctè tractandum  
 viam muniunt inoffensam) ad diuinorum librorū sacraria sum admis-  
 sus, atque in ipsis foribus, Deo mihi propitio, antiquarum linguarum sub-  
 sidio, & quadam velut luce adiutus fui, visus mihi sum in illū suavis-  
 simum & amoenissimum paradysum deduci, ex quo fons egreditur, qui 35  
 in quatuor diuisus capita terrā omnē percurrit, atq. eas, quas perlabitur  
 regiones, auro optimo, gemmis margaritisq; ditat praestantissimis. Visus  
 etiā mihi sum in editissimo positus monte, aeterna gloria Christi & regni  
 Dei,



# DEDICATORIA.

Dei, non quidem formam, amplitudinē & maiestatem ipsam, quā mortal-  
 talis homo Adami filius adhuc, spectare potest nemo, sed specimen tamen  
 quoddam intueri. cuius admiranda pulchritudine adeo captus fui, ut in  
 eo uno loco tabernaculū vitæ meæ collocare decreuerim, inq̃ his sedibus  
 5 quiete, otio, & perpetua meditatione morum, animiq̃ mei excolendi fa-  
 cultatē & commoditatē, ut mihi ex diuina benignitate habere possem,  
 optauerim. Atque equidē per id tempus mihi tantū meoq̃ animo pro-  
 spicere ac sapere cogitabā, ac per omnē prorsus vitam discipulū agere con-  
 stituebam; ob eamq̃ rem, ex hominum frequentia remotus, in solitudines  
 10 discesseram, ubi sacrorum lectioni librorum assiduā & perpetuam ope-  
 ram darem; dumq̃ illic lateo, quantā nunquam vel labore & studio  
 consequi, vel ingenij viribus æquare possem, singulari dei beneficio ac  
 dono accepi: id quod ipse nō raro, tum infrequenti pientissimorum viro-  
 rum colloquio, tum communi sermone testatus ac professus sum. Cū  
 15 verò postea, & propria mente, & multorū optimorum & sapientissi-  
 morum virorum sententia atque auctoritate inductus, intelligerem  
 non mei tantum causa natum, aut aliqua bonarum artium, nedum sacræ  
 eruditionis facultate auctum fuisse me, sed quæ gratis acceperim, pietatis  
 iure ac lege, cum fratribus meis cōmunicanda accepisse, iisdemq̃ debere:  
 20 tametsi doctoris, quod non mererer, nomen & munus recusare optarē,  
 ingrati tamen ac desidis christiani & officiū, vel pietatem potius negli-  
 gentis notā, quam summi & maximi viri inuendā mihi minabātur,  
 turpiorem duxi & insigniorem, quā ut continere, aut ferre, aut in-  
 iustam dissimulare possem, præsertim cum à multis, de reddenda Deo,  
 25 talenti mihi crediti, ratione, seuerissimè admonerer. Quæ de re utpote  
 maxima, cogitanti mihi illud tandem consiliū probatum fuit, ut vel  
 ignorationis, temeritatis, ruditatis, inscitia, vel inculta orationis, vel  
 quodcunq̃ huiusmodi, quod aduersus personā, ingeniumve meū reperiri,  
 à doctioribus & seuerioribus posset, nomen subirem potius, quā deserti  
 30 erga fratres officij, & impediti, aut subducti cōmodi (si quod expectari  
 ex labore meo posset) apud pientiores accusarer. Cū diu igitur mecum  
 deliberassem, quam potissimum sacrorum librorum deligerem partē, in  
 qua primū opera mea pensum conficerē, duodecim prophetarum explica-  
 tionem oportunissimā existimaui, quod ea iustum opus implere posset, &  
 35 præter cetera diuina lectionis volumina visa esset raros Græcæ &  
 Latine expositores habere; atque eos, qui extarent, liberius illud inter-  
 pretandi genus, quod allegoricum vocant, plerunq̃ fuisse sequutos: quod  
 quietis quidem Ecclesiæ temporibus incundum cum primis ac suauis est;

turbata autem religionis tranquillitate, & dissidijs ac sectis in Christi-  
 anum populum inductis, non perinde ad explicandā confirmandamq;  
 veritatem expetitur, atque illa alia simplicior seuerioribusq; astricta le-  
 gibus, qua vulgato verbo literalis dicitur. quam verò in diuino expli-  
 cando verbo rationē tenuerim, tibi sanctissima mater, quam breuissime s  
 possim, reddere & exponere operapretium duxi.

Cum ante annos decem coacto postremū Tridenti Concilio frequenti  
 Patrū omnium, Cardinalium, Patriarcharū, Archiepiscoporum, Epi-  
 scoporum, Archimandritarū & Doctorum, caterorumq; omnium (quos  
 tuos legitimos ministros agnoscimus & veneramur) Senatu de proposi- 10  
 tis argumentis sententiā ipse doctorum omnium minimus atque indig-  
 nissimus, dicere quoque iuberer (quo die primum in illo celeberrimo con-  
 cessu auditus sum) omnem argumentationis orationisq; mea materiā,  
 ex ipsis sacrorum librorū promptuarijs, atq. ex manifesta diuini Verbi  
 veritate me expositurum esse, professus fui: non equidem, quod aliorū 15  
 vel institutum, vel rationem improbarem, qui de re proposita sancto-  
 rum doctorum, aliorumq; optimorum auctōrū recitatis sententijs dili-  
 genter ac docte differerent; sed quod id disputādi genus illius loci ac tem-  
 poris cōmoditati minus videretur oportunū, minusq; cum antiquis exē-  
 plis cōueniens, atq. eorum dissidiōrū, qua nostro seculo facta sunt, auctōri- 20  
 bus & sectatoribus (quorum praeipue informandorum & renocandorū  
 causa Conciliū celebraretur) omnino esset repudiātū: cum illi religionis  
 causam à se stare, affirmare & contendere, ob eam rē, auderent, quod  
 à nostris non tam diuini Verbi auctōritate, quā doctorum & inter-  
 pretum placitis & sententijs peti sese atque oppugnari causarentur: cū 25  
 tamen illi sibi visi essent firmissimum praesidium in diuinis libris consti-  
 tuisse, de quo sese nunquam deiectū iri, sectatoribus suis, quos miserrimē  
 deceperunt, magna ignoratione, vel stulta potius arrogantia iactare so-  
 lent. Eiusmodi itaque opinionem & arrogatam sibi diuini Verbi facul-  
 tatem & gloriam, ut vanā omnino & mendacem ostenderē, simūlque 30  
 ut loci illius, & grauissimarum, de quibus agebatur, rerum dignitati  
 inservirem, demandatum mihi argumentum, aduersus sectariorū, &  
 à disciplina tua descipientium hominum sententiam, quanquam docto-  
 rum auctōritatem plurimum valuisse & valere oportere confirmarē;  
 in eiusmodi tamen causa cū eiusmodi aduersarijs, omīssis auctōritatibus, 35  
 ipsa re, & diuinorum librorum lectione, veritatem exquirere sum ag-  
 gressus: quid autē & quā feliciter in eo genere, non quidē proprii inge-  
 nij, sed diuini beneficij ope, tuoque Mater voto egerim, satis apertē  
 indicare



indicare potuit illa summo omnium nationum & virorum consensu,  
 Deo significata gratulatio, illéq. plausus, quo perorata iam sententia, ex-  
 ceptus fui; non qui vel tantillum laudis mihi ingenioq. meo tribui aut  
 sentirem, aut paterer, sed qui manifestum & inoffensum Dei verbū  
 5 omni ex parte sibi consentiens & constans, atque ab omni sectarum &  
 errorum confirmatione longè alienum cum ostendissem, agnosci, probari,  
 & summa letitia publicè laudari gauderem. Videbam enim ministros  
 illos tuos, quorum sanctissimo officio, sacrorum librorum cura, inter-  
 pretatio, propugnatio, & dignitas per Deum patrem, per Chri-  
 10 stum filium, per sanctum Spiritum, perque te Christi sponsam com-  
 missa est, thesaurum sanctissimum & pretiosissimum ipsiq. charissimum,  
 & observatione omni dignissimum, sacram inquam scripturam, veri-  
 tatis aduersariorum audacia, inscitia & temeritate usurpatum, con-  
 taminatum, direptum & pene conculcatum, à me atque ab alijs suarū  
 15 partium catholicis famulis, reuerentia summa, fide integra, & magna  
 cum attendentium utilitate observari, tractari, & coli; eiusque verum  
 ac legitimum usum ab istorum arrogantia vindicatū, nobis nostrisq.  
 asserti & confirmari. Optimorum igitur patrum ex illo concilio, atque  
 sacrarum rerum cognitione prastantium, aliorūq. doctissimorū & pie-  
 20 tissimorum virorum, quos magnos ego auctores habeo, consilijs & au-  
 ctoritate inductus ac persuasus, hoc differendi & interpretandi genus,  
 iam olim & perpetuò, in Christiana schola probatissimum, non in dispu-  
 tationibus & actionibus modo, sed in sacris etiam explicandis libris, obser-  
 uare & persequi constitui, ut precipuam & copiosiore, ad id munus  
 25 conficiendum, supellectilem ex diuini verbi inexhausta & ad omne ar-  
 gumentum opportunissima lectione pararem, & ijs, qui ex varia apud  
 patres & doctos auctores collecta materia nostræ religionis atque doctri-  
 næ tabernaculum communiunt, & sartum tectumq. curant, usum ali-  
 quem non ingratum nec incommodum offerrem, & ijs etiam quibus no-  
 30 stro seculo nullum, præter diuinum verbum, sanctum & efficax esse pu-  
 tatur, tergiversationem impedirem, ac diuinorum etiam scriptorum ve-  
 ritatem, non ab illis, sed à nobis stare, demonstrare. Cum igitur utriq.  
 parti & nostræ & eorum, qui à nobis discesserunt, satisfacere studuerim,  
 ut nostrorum causam, re ipsa, ratione, oratione, atque studio meliorem  
 35 ego etiam, omnium minimus, pro mea parte excolerem & defenderem,  
 & aliorum saluti quam ardentissime cupio, Christiano animo & officio,  
 consulere; illud semel prædictum perpetuo, omnibus exceptum volui, me in  
 nostrarum explicationū statuenda fide, eam auctoritatem præcipuè appel-  
 lare,

# EPISTOLA DEDICAT.

lare, quæ cunctis maxima & summa iure optimo habetur, hoc est, sacro-  
rum librorum manifestum, apertum & irrefragabile testimonium. Si  
quas præterea copias ex varijs caterorum auctorum classibus nō inpor-  
tunè, pro temporum argumentorumq; ratione atq. usu, produxerimus,  
eas, ijs fidei auctoritatibusq; partibus, quas profiteantur, valere & constare, &  
& suum singulis dignitatis gradum ascribi tribuiq; oportere, sicut iam  
pridem à te, sanctissima atq. integerrima veritatis assertrice, illustrissi-  
mis præceptis, legibus & institutis est definitum.

Accipe igitur mater sanctissima minimi ingenio atq. eruditionis, fa-  
cultate ac dignitate, inter omnes non doctores modo, sed discipulos etiam, <sup>10</sup>  
qui apud te sunt; at verò pietate & studio in te, eorum, quos hoc seculo  
alis, non postremi filij, munus primum: quod ex tua doctrina, cura &  
communicatione, ad fratrum meorum utilitatem acceptum tibi refero.  
Cuius in primis integrum ac sincerum iudicium, cunctis studijs, actioni-  
bus, scriptis, orationibusq; meis exspecto, ac subire cupio, & expectandum <sup>15</sup>  
subeundumq; mihi summa reverentia perpetuò profiteor, nihil unquam,  
neque notati per te mihi erroris defensurus, neq. adhibita correctionis, ut  
pium & obsequentem filium decet, recusaturus. Quod si labor studiumq;  
meum tibi uni, ob divinam, qua gubernaris & abundas, virtutē &  
sapientiam, notissimo isto & admirando omnibus erga tuos amore & <sup>20</sup>  
materno affectu probetur: quidquid reliquum vitæ mihi fuerit, id omne,  
in sacris libris, in tuam filiorumq; tuorum gratiam, & pro ea, quæ mihi  
ex diuino beneficio contigerit, ingenij & eruditionis facultate, explicandis  
consecro: Tibi autem mater sanctissima prosperum & perpetuū diuina  
gratia, pacis & tranquillitatis usum, omnibus etiam filijs tuis magnū <sup>25</sup>  
erga sacras disciplinas amorem, ardentissimum studium, pientissimamq;  
erga te obedientiam cupio atq. opto. Antuerpia Brabantinorum, Luca  
Evangelista solenni die. cIo. Io. LXX.



r

# BENEDICTI ARIÆ MONTANI

## IN HOSSEÆ VATICINIA

### COMMENTARIUM.

#### PRÆFATIO DE PROPHETICA LEGATIONE.



VANQVAM scelerati illius & callidissimi hostis, atque omnium malorum primi auctoris artes, conatus; & consilia omnia in ea re consumantur, vt omnes ad felicitatem aditus hominibus præcludantur: idque ille vt efficiat, densissimas humanis mentibus tenebras afferre quotidie & cogitet, & molitur, atque illud omnino curet, ne vlla cælestis illius luminis portio nobis eluceat, qua verum à falso, ab honesto turpe, discernere valeamus: quam quidem rem propter humanæ dignitatis inuidiam, & conceptam semel diuini honoris æmulationē, is semper agit. Tamen illa, quæ maximo semper hominum amore diuina abundauit benignitas, hæc & huiusmodi pericula propulsare nunquam cessat. nam quicquid consilij, quicquid operæ, aduersarius noster in turbandis humanis rebus ponit, totum sapientissimè diuina prouidentia eludit.

IGITVR cùm certa quædã ad felicitatem via sit, eaque duabus partibus contineatur; fide in Deum; & mandatorũ, voluntatisque eius obseruatione: utrãq. partē in humanis mentibus perturbare pertinacissimè diabolus studet ac molitur. Atque fidei quidem purissimæ rationes omnes hoc vno negotio iugulari posse putat, si contrarias, aut absurdas, aut saltem non veras, de Deo, deq; diuina natura opiniones inferat: quibus aut humana opera à Deo omnino negligi, aut Deum humanis moribus libèter accommodari, aut externo potius, quã interno delectari cultu, aut alia quauis ratione diuinam naturã pro libitu nostro & varijs gentiũ cogitationibus vel distrahi vel definiri posse putetur: ita vt neq. simplex omnino, neq; adeo pura credatur esse; neque quicquam ex diuina dignitate per deorum multitudinem detrahi. His atque huius aliorumq; etiam generum, quamplurimis opinionibus humanas mentes callidissimus ille serpens imbuere studet, vt in ipso statim religionis limine impingatur, & prima errorum elementa concepta falsam omnino totius vitæ viã terere atq; absolvere cogant. Alteram vero pietatis

A                      partem

Gen. 7.

partem non minore diligentia, atque artibus non dissimilibus corrumpere hostis non cessat, cum hominū mores quāperditissimos esse curet, atque non rarò huius voti compos, magno hominum malo fiat. Nam cum humanus appetitus ad voluptatem & ambitionem, atque ad huiusmodi vitia iam inde ab adolescentia sua procliuis sit, eaque res hostem ipsum primum peruersitatis auctorem minimè lateat, neque eum decipiendorum hominum rationes fugiant, qui præstantissima olim capita hominumque omnium parentem vna cum vxore facile in deceptionē erroremque induxerit, indefessa opera, assiduoque studio, virtutis egentissimos, vitiis vehementer præditos homines reddere contendit: quod si præstare potest, ut utroque animus morbo laboret, fidei defectu & morum corruptela, (id verò in primis sequitur & efficere studet) minus, tamē, ut vel altero afficiatur morbo saltē, vel ut non omnino neutro, enixe conatur. Nouit enim utroque morbo liberos esse oportere eos, qui ad æternam felicitatem viā affectant: contraque in æternam miseriā vtriusque ægritudinis languore corruere. Atque harū, quas cōmemorauimus, rerum exēpla quāplurima, vel vna Israëlitarū gens diuinos legentibus libros, facile suppeditabit: cum homines illos, qui apertiore diuinæ naturæ cognitione gaudebant, qui diuinorum cōsiliiorum ipsius numinis beneficio præter cæteros mortales cōscii fuerant, qui Dei in se studium, benignitatē, prouidentia, tam assidue fuerant experti, qui maximum de hominum ruina reparanda responsum acceperant, qui in cæterarū gētium lucē, & doctrinā constituti fuerant ab eo, qui annunciat verbū suum Iacob, iustitias & iudicia sua Israël: non fecit taliter omni nationi, & iudicia sua non manifestauit eis. Tamen hos à sincera fidei ratione, & à recta morum via deductos, non rarò transuersos egit Sathanas. Quam quidē ob rem gentem & regionem illam, cuius initia augusta, atque felicissima fuisse cōstat, nō paucis calamitatibus diuinæ iustitiæ sentētia affectā fuisse legimus. Verū enim uero quod diuina misericordia omnem Sathanæ malitiā incōparabili superet interuallo, hos antiqui hostis conatus, atque huiusmodi cōsilia vires suas integras habere, Deus nō est passus. Nam cum maximè illius gentis perdendæ studio, & cupiditate cōmunis hostis arderet, tunc maximè eorum tēporibus vitæ incolumitati, & rationibus omnibus Deus consulebat. In iis autem rebus & commoditatibus, quas ad hostis frangenda cōsilia diuina comparauit prouidentia, frequens illa oraculorum per diuinos vates fusio cum primis censetur. Nam iis viris ad cōmunem hominū vtilitatem sapientissimè Deus est vsus, per quos viros, vel Heroas potius,

Esa. 37.



potius, diuinæ naturæ ratio, arcana atque consilia, quantum fas esset,  
 populo aperta sunt: & quæ communis hostis artes, quæ fallaciæ, qui  
 conatus, quibusque rebus hæc vitari, & eludi possent, est patefactum.  
 Per hos eisdem humana mens ad veritatem, atque homines ipsi ad  
 5 morum & vitæ correctionem sunt reuocati. Hi præterita cōmemo-  
 rabant, præsentium temporum res, status, eorumque rationes veras  
 docebant, & futura, siue fausta, siue infesta forent, à se præuisa cane-  
 bant: ne eo morbo humana mens laboraret, qui maxima pericula  
 laborantibus procreare solet: videlicet rerum inscitia, & veritatis  
 10 ignoratione. Hi demum fuere, qui de diuina erga totius orbis salutem  
 voluntate prolixè polliciti sunt, & maximi illius Dei beneficii spem  
 in hominum piorum mentibus aluere. Hos tantæ dignitatis, atque  
 auctoritatis Deus esse voluit, ut nulli homini fidem haberi iusserit,  
 qui diuersam, aut alienam operum, & vitæ, negotiorumque rationem  
 15 ab horum responsis atque sententiis, ederet: ita, ut quicumque se Messiam  
 prophetam & orbis restitutorem professus esset, nec tamen cum ho-  
 rum vatum definitionibus ad amissim quadraret, is, ut vanus ac  
 mendax omnino exploderetur. Sed quia nos in cōmentando breui-  
 tatem sequi cogitamus, longam de vatum & vaticiniorum rationibus  
 20 disputationem cōsulto prætermittimus, cōmodius id & prolixius illam,  
 cum Deus annuerit, facturum. Inter eos vates, qui oracula atque  
 responsa, & sententias suas, literarum monumentis commendarunt,  
 duodecim fuere, qui vulgato veterique vocabulo Minores dicuntur:  
 non quod sententiarum auctoritate, rerum aut elocutionis ratione,  
 25 cæteris postponantur; sed quod horum singuli scripturæ modo, &  
 breuitate, impares sint iis, qui maiores vocantur; quorum quæ extant  
 scripta iustum volumine implent. Hæc igitur vna res Minorum nomen  
 non auctoribus, sed libellis indidit, atque eadem res in causa fuit, ut  
 in vnum codicem omnes simul conferrentur, ne quid ex illis propter  
 30 chartarum periret breuitatem. In his autem duodecim, primum lectionis  
 ordine locum, antiqui sacrorum librorum concinnatores Hossæ  
 vatis propterea esse voluerunt: quod ille inter primos vates, quorum  
 scripta extant, fuerit vaticinatus. Namque certum quoddam vatici-  
 nandi genus à Samuele, usque ad posterioris templi secula frequentatum  
 35 fuisse legimus; cuius generis professores, videntes sunt appellati, du-  
 plici ad rem accommodato verbo Hhaza & Raa; quorum alterum  
 videre, alterum verò intueri siue contemplari, possis interpretari. Nam  
 quibus in populi vtilitatem à numine donatum erat, ut præte-  
 rita ac futura prospicerent, & publicarum ac priuatarum rerum  
 40 rationibus prouiderent, ij vno agnomine videntes nominati sunt,  
 A 2 eorumque.

הורא

eorumq. munus videndi verbo fuerat explicatū. Contigit autē non raro huius generis viris, vt oblatas rerum imagines, siue præteritarū siue præsentium, siue futurarum, certis quibusdam modis & rationibus ad id à numine aptati, atque comparati, contemplarentur, & velut in theatro quodā constituti spectarent, siue per symbola quædam, siue per ipsarum rerum simulachra, ac si res ipsæ ad spectandū obiectæ fuissent. Atque id videndi & vaticinandi genus, scriptura intuitionem vel contemplationē nominat; quam nostra versio frequētissimè visionē interpretatur. Cuius generis illa sunt: Visio Esaie filij Amos. & apud Ezechielem: & quærēt, inquit, visionem à propheta. & multis alijs in locis; ex quibus visionis nomen certæ cuiusdam significationis esse intelligatur; quæ potius ad internā contemplationem, & ad rerum atque negotiorum obseruationē, quam ad videndi sensum pertinere videtur. Nam hoc verbo diuinus vates vsus est, cum caneret, Latabitur iustus cum viderit vindictam: hoc est, cum obseruauerit malorum ultorem esse Deum. At verò ex ijs vatibus, qui à Samuele & deinceps (vt D. Petrus inquit) fuerunt, quidam historia, quidam etiam propriis scriptis, atque editis libris, memoriā suam ad nostra vsque tempora propagarunt: neque enim Eliæ, neque eius discipuli, atq. sectatoris Elizæi, vllū apud nos extat scriptum, sed neque Iesu Christi & Apostolorum tēporibus extitisse accepimus. Quorum verò scripta nunc in manibus omnium sunt, eadem & nostræ ecclesiæ recentis etiam ætate vulgata atq. nota fuerunt. Igitur in iis qui vaticiniorum suorum scriptores primi fuere, Hosseas & Amos, Michæas atque Esaia, omniū primi commemorantur. Namq. eodem seculo quatuor illos fuisse ipsis voluminū initiis declaratur; qui sub Ozia, Ioatham & Achaz regibus Iudæ suo munere functi fuisse dicuntur. Verū enim uero quod inter primos prophetas Hosseā collocauimus, nō eo dictū accipi debet, quod hos omniū primos scripsisse affirmemus, sed quod eorū, quorum ad nos scripta permanarint, & qui simul munere functi suo sunt, Hosseas, Ioël, atque Amos cum Esaia, eodem seculo primi fuerunt. Hos verò Obadias & Michæas, quorum scripta extant, præcessisse dicuntur. Nam temporibus Achab Obadias floruit; Michæas verò ad decimum regni Iosaphat annum refertur; erat autem annus septimus & vigesimus supra ter millesimum, cum primum Achab rerum est potitus. Ne tamen ordinis & temporum rationem prætermisere videamur, quæ plurimum ad prophetarum explanationem conferre solet, nonnulla de his alijsq. rationibus quam breuissime, & quam clarissime dicere fuērit operæ precium.

Esa. 1.  
Ezech. 7.

Ps. 57.



COMMUNES PROPHETICORVM LI-  
BRORVM DISPUTATIONES.

**A**NTE igitur quam ipsum vaticiniarum explicationem aggrediamur, communes quasdam omnibus ferè eorū libris rationes & dubitationes idoneas, de quibus queratur, & dignas, de quibus disseratur, duximus: quod eas ad temporum, nominum, generum, aliarumque rerum oportunaram rationem considerandam, commoditatis plurimum allaturas arbitraremur. quas neque ij, qui ante nos cum summa laude de sacris rebus scripserunt, prætermittendas putauerunt: de quibus nos non commentantium, sed disputantium modo agemus, varijs in singula argumenta sententijs in vtramque partem adductis, auctorum autem nominibus celatis, quod nemini detrudere vnquam cogitemus; nostram verò sententiam disserendi magis, quam iudicandi consilio expositam existimari volumus. Primum autem ipse ordo, seriesque librorum causam rationēque sui inuestigari postulat: videlicet, quāobrem alij alijs præpositi fuerint. Id enim nec temerè, aut casu, nec sine certo consilio accidisse dicendum est, quando neque rerum dignitas, neque religio ipsa id dici permittat, neque cogitari diuinæ providentiæ patiatur ratio. quæ cum in minimis rebus magna, certa, constansq. sit, in huiusmodi grauissimis & summis, maxima, constantissimaq. fuisse, dicenda necessario est. Sunt autem qui hunc librorum ordinem vaticinandi temporibus adscribant, & eum vnicuique locum obtineri dicant, quem auctor munere obeundo occupauerit. itaque ita primum Hoseam vaticinatum, deinde Ioëlem, atque consequenter alios omnes putant. Hanc verò sententiam, cum alia quedā, tum Abdias cum primis infirmat, qui communi omnium antiquorum Hebræorum, qui de temporibus meminerint calculo, Achab regis temporibus fuisse existimatur, vt in eius vatis exponendo vaticinio docebimus. Quæ res hunc vatē Hoseæ, Ioëli, Amosque, quibus tamen illius liber postponitur, etate, & agenda legatione antecessisse ostendit. Atq; etiā ex libro ab Hebræis Z Z E D E R G H O L A M, hoc est seculorum series inscripto, & ex disputationibus institutis in tractatum de Pascha, Hoseam, Amosum & Micheam eodem seculo vaticinatos fuisse accepimus, quod ipsorum quoq. diligenter obseruata lectione indicatur. Quare si ex temporū serie ordinis ratio petenda foret, consequenter hos collocari; neque inter Hoseam & Amosum, Ioëlem, & inter Amosum & Micheam, Abdiam atque Ionam inseri, fuisset consentaneum. His accedit quod Iohel, Nahhum, & Habbakuq, Manasse regis tempestate vaticinandi munere functi, ab iisdem antiquis Hebræis commemorantur. Quamobrem si ex temporibus cuiusque omnium ordo statuendus fuit, definiri hoc modo debuerat, vt Abdias primus, secundus Ionas, post hos Hoseas, Amos & Micheas, collocarentur: deinde Ioël, Nahhum & Habakuq qui fuerunt in diebus Manasse, post quos Sephonias, qui Iosia regnante fuit: postremi verò Haggeus, Zacharias & Malachias, qui post transmigrationem Babylonis fuere vaticinati. Sunt verò qui dicant duodecim prophetas hos sic olim a septuaginta interpretibus dispositos in antiquis Græcorum libris aliquando fuisse, vt ordine Hosseas, Amos, Micheas, Ioël, Abdias, Ionas, Nahhum, Habbakuq, Sephonias, Haggeus, Zacharias, & Malachias enumerarentur; atq. his quatuor terminibus eorū seriem fuisse indicatā cōfirment. quod quāuis certū exploratumq. esset: tamen cum ea, quam indicare volūt, temporū ratione & serie quibusdam non conuenire, ex ijs quæ disseruimus, deprehenditur. Fuere, qui Ioëlem, Nahhum, Ionam, Hoseam & Esaïam ad idem tēpus referrent: neque tamen aut sacrorum librorum, aut antiquorum auctorū auctoritate id statuerent: neque enim ea ratio

סדר עולם  
Mifnaioth de  
פסח

in Ioële & Nabhum satis perspicua ant cōflans est : præterea Amosum & Michaam ab his prætermittos miror, quos eorundem regum temporibus cum Esaia & Hossea vaticinatos fuisse scriptura indicat. Alia autem tum distribuendorū, tum collocandorum, vatum ratio est, quæ minus dubitationis afferre videbitur, si eo modo res disponantur, quo tempora olim Iudaicarum rerum ( quæ præcipua & constantissima ratio est ) adnotata sunt. Solent enim Hebraei tres ætates aut rerum facies constituere, ante templum excisum, in ipsis excisionis temporibus, & post dirutum excisumque, ac iam denuo restitutum templum. Atque hoc modo quidam ex vatribus ad primam, alij ad secundam, reliqui ad tertiam ( vt ita dicamus ) ætatem referuntur. Etenim Esaia ante excisionem fuisse, ipsis illius annotatis temporibus docemur, qui vidit in diebus Ozia, 10 Ioatham, Achaz & Ezechia regum Iuda, cuius tamen quod plura essent oracula, iustum volumen implevere, separatimque à duodecim edita sunt, quos ob breuitatem minores dici, atque simul in vno corpore esse antiquis placuit : quorum primus, qui iisdem cum Esaia temporibus fuerat, Hosseas collocatus est : proximum verò locum Ioël in lib. cui titulus. רבבא obtinuit, quod Hosseam ætate & obeundo munere contigerit, Amosumque antecesserit. 15 בחרא Namque Amosus ex vltimis ferè Ioëlis versibus vaticinio suo initium fecit : Dominus de Sion rugiet, & de Ierusalem dabit vocem suam. Atque hanc causam nonnulli ex Christianis auctoribus fuisse dicunt, quamobrem in Ioëlis libello agendi tempus minus indicatum sit, quoniam idem vtriusque fuerit, quod proximè sequutus Amosus ostenderit : quanquam Ioël vel diutius vixerit, vel vaticinandi munere fuerit diutius 20 perfunctus, quippe qui ad Manassei tempora pertinuisse in seculorum serie traditur. Amos autem tertium locum propterea sortitus est, quod in diebus Ozia vaticinatus fuit, qui tamen intra biennium, ( vt in illius commentarijs docebimus ) munus suum absoluit, cum Ioël vltèrius etiam suum prorogauerit. namque vltimum illius vaticinium. Et erit post hæc, & effundam spiritum meum super omnem carnem, aut Manassis tempore, aut paulò antè editum esse putari potest. Atque ita horum trium vatum series cum temporum ratione aptè conuenire videtur. At verò Abdias, qui hos omnes tres ætate antecesserat, librorū ordine, propterea secutus existimatur, quod ipsos sententijs, oraculis, & dicendi genere instruxisset primus vt dux & antesignanus aliquis cognoscatur. Etenim eadem ferè non solum vaticinia, sed verba etiam in gravissimis argumentis apud Amosum, Ioëlem, & Hosseam, atque apud Abdiam observantur. Namque Ioël in libri sui fine Idumæorum vastationem, & Israelis restitutionem prædixit : Aegyptus in desolationem erit, & Idumæa in desertum perditionis, pro eo quod inique egerint in filios Iuda, & effuderint sanguinem innocentem in terra sua, & Iudæa in æternum habitabitur, & Ierusalem in generatione & generationem, & mundabo sanguinem eorum quem non mundaueram, & Dominus commorabitur in Sion. Amos etiam eadem ferè sententia librum suum absoluit : Vt possideant reliquias Idumææ & omnes nationes : eò quod inuocatum sit nomen meum super eos, dicit Dominus faciens hæc, &c. His autem duobus, quibus tamen tempore prior fuerat, quod de Idumæo excidio, atque de Israelitarum salute vaticinando antecesserit, 40 proximus librorum ordine accessit, vt illud eorum qui distribuerint consilium fuisse videatur, ostendere nimirum Abdiam fuisse primum qui de illis rebus dixisset : cuius vaticinium alij etiam confirmauerint. Cumque in librorum serie Esaia propter operis magnitudinem atque temporis rationem ante Ieremiam, Ezechielem & Danielelem collocatus fuerit, eodem modo Hosseam, vt longiori libro ceteris præeuntem, & tempore 45 Esaia æqualem, primum inter duodecim esse, consentaneum visum fuit. Abdias verò quoniam propter eam rem, atque etiam quod non Israëlita, sed Idumæus genere fuisset, cum pri-



- cum primus locus non concederetur, is tamen iure tributus est, quem argumenti, sententiarumque ratio postulabat. Nam, ut diximus, non solum vaticinia ipsa, sed orationes & verba ab his ex illo repetita sunt. Quippe ut apud Abdiam est: Propter iniquitatem in fratrem tuum Iacob, operiet te confusio. Sic apud Ioelē Hebraicè ad verbum: Propter iniquitatem in filios Iuda, &c. Apud Abdiam legimus, quoniam iuxta est dies Domini super omnes gentes. Et apud Ioelē: Quia venit dies domini, quia prope est. Et iterū: Quia ibi sedebo ut iudicē omnes gentes, &c. Illud etiā quod Abdias dixerat: Et in monte Sion erit saluatio, & erit sanctus, & possidebit domus Iacob eos, qui se posederant, & hereditabunt hi, qui ad Austrum sunt montem Esau, &c. iisdē ferē verbis imitatus Amos repetiuit: ut possideant reliquias Idumæ, & omnes nationes, eò quod inuocatum sit nomen meum super eos, &c. Vbi verò Abdie vaticinia idoneo argumētis loco reposita sunt, caterorum series ex temporum ratione, ut initio cæperat, deducitur: atq. ita post Abdiam Ionas primum locum obtinuit, qui in diebus Ieroboam filij Ioas vaticinatus dicitur, sicut scriptum est: Ipse restituit terminos Israel ab introitu Emath usque ad mare solitudinis iuxta sermonē Domini Dei Israel, quē loquutus est per seruū suum Ionā filiū Amithai prophetam, qui erat de Geth, quæ est in Opher. Ex hoc autem loco Ionam & Amosum eodem tempore fuisse docemur. Post Ionam verò est Micheas Morastites, cuius vaticinia post mortē Ieroboā filij Ioas edita fuisse cognouimus. namque Ieroboam in diebus Osie vitæcessit. Micheas autem à temporibus Ioathan, qui Osie filius fuit, usq. ad dies Ezechie vaticinatus est. Michea autē Nahhum & Habakuq libri subiuncti sunt, quod uterq. ad dies Manasse filij Ezechie in libro de seculorū serie referatur. Atque horum vaticinia & sententia & argumento simillima inter se sunt. Etenim Nahhum, Niniues, & Niniuitici imperij excidū ob crudelitātē, cum in ceteras gentes, tum in decem tribus à se captas & abductas exercitā, prædixit. Habakuq verò de Babylonis & Chaldaeorum excisione ob grauem & nefariam Iudeorum stragē templiq. prophanationē & incendiū, atque ob cetera impietatis crimina. Idemq. de Nabugodonosoris familia penitus labefactanda perdendaq. egit. At verò Sophonie, quod Iosia regis Iuda temporibus vaticinari contigit, locus etiam post Micheā & Habakuq certo ordine fuit adscriptus. Atque hac classis eorū est qui ante incensum templum vaticinati fuere. Ipso autem vastitatis tempore Ieremiam & Ezechielem munus suum obisse, ipsa eorum scripta apertē docent: ut & Haggæum Zachariam atque Malachiam rebus iam restitutis, & secundi templi diebus, quos visitationis dies Hebræi vocant vaticinatos, ex ipsorummet libris accepimus. Atque Abdia eo quem significauimus modo posterioribus addito, caterorum omnium ratio & series pulchrē iam constare videtur. Hactenus igitur prima nobis quæstio explicata sit.
- Existit autem secundo loco quæstio subdifficilis ex varia annotandi tēporis in vatum initijs obseruatione. Etenim in sex libris ex his, regū, quorū atatibus vates munus suum obierint, mētio fit apertissima, partim Iudeorū, partim Israëlitarū, aliquādo etiā Medorū & Persarū. Vt in Hossea: Verbū domini quod fuit ad Iosue filium Beerī in diebus Ozie, Ioathan, Ahaz, Ezechie, regū Iuda, & in diebus Ieroboā filij Ioas regis Israel. In Amos sic: Verba Amos qui fuit in pastoribus ex Thecoagh, qui vidit super Israel in diebus Ozie regis Iuda, & in diebus Ieroboā filij Ioas regis Israel. In Michea vero legimus: Verbum Domini quod fuit ad Micheā Morasthai in diebus Ioathā, Achaz, Ezechie regū Iehuda. Sophonie autē initium illud est: Verbū Domini quod fuit ad Sophoniā, &c. in diebus Iosie filij Amon regis Iuda. In Haggæi quoq. scriptis dicitur: In anno secundo Darij regis, in mense sexto, in die primo mensis factū est verbū Domini in manu Haggæi prophete. Huic simile Zacharie initium est: In mēse octauo in anno secundo Darij factū est verbū Domini

Abd. 1.

Ioel. 3.  
Abd. 1.  
Ioel. 3.

Abd. 1.

Amos. 9.

4. Reg. 14.

סדר עלם

Sophonias.

Hofcas.

Amos.

Micheas.

Sophonias.

Haggæus.

Zacharias.

ad Zachariam, &c. His itaque sex vaticinijs tempora, nomináque regū, sub quibus vaticinati fuerint, adscribuntur. At verò Ioël, Abdias, Ionas, Nahhum, Habakuq & Malachias, sine ulla temporum aut regum notatione leguntur; cum tamen eorum temporibus reges qui indicari possent, nō defuerint. Huius autem varietatis causa inuenienda est, quæ quocunque modo de horum initijs librorū statuatur, tamē obseruationem, & diligentiamque ad sui contemplationem postulat. Siue enim horum librorum initia & inscriptiones ab auctoribus ipsis olim, siue ab Esdra Scriba (vt nonnulli volunt) sint postea adiunctæ: eadem tamen vtrobique querendi ratio manet; (cum nihil ab illis, neq; ab Esdra quicquam sine magno iudicio, imò sine diuino consilio in hoc genere factum credatur): quid causæ fuerit quamobrem in sex libris tempora atque nomina diligenter indicata, in alijs vero sex libris fuerint hæc omnino prætermissa. Ad hanc autem absoluendam questionem cum nulla apud commentatores ratio conscripta extet; illa tamen idonea satis esse videtur, si statuamus in vaticiniorum rationibus temporum aut regum notationes non esse necessario requirendas. Namque Prophetis tres fines constitutos fuisse obseruauimus; ad quorum aliquem vel omnes etiam actio omnis referenda esset. Ex quibus ille primus & maxime vaticinantibus proprius, vt futura res, vel quæ ad publicam hominum salutē, vel quæ ad alias regum, regnōrū, ciuitatū, terrarum & singularum interdum personarum rationes pertinerent, antequam editæ essent, ex diuino hominibus vtilissimo consilio prædicerentur, sicut scriptum est: Quia nō faciet domus tua domus, nisi reuelet secretum suum suis prophetis. Ex qua re illud efficitur, vt & Deum omnia ante etiam, quam sint, cognoscere intelligamus, & hominem mortalem diuini consilij & arcani compotē atq. indicē esse posse fateamur. Alter verò vaticinij finis est, vt hominum mores, studia atque actiones, Prophetarum consilio, admonitione, ac doctrina, vel componantur vel corrigantur. Nam ex eorū, qui vaticiniorum consilia & reprehensiones olim vel secuti studiose fuerint, vel contempserint exemplis obseruato felici, aut duro exitu, posteri sibiipsis cauere ac prospicere, ex vatumque sententia vitam instituere potuerunt & debuerunt: sicut scriptum est: Si enim qui per Angelos dictus est sermo firmus factus est; & omnis præuaricatio & inobedientia, iustam accepit mercedis retributionem. Tertius autem Prophetarum finis fuit, de rebus maximis, arcanis atque spiritualibus diuinorum dictōrū ac promissorum rationem, veritatem, atque constantiam docere & confirmare. Nam quis vnquam mortalium quicquā cogitare, nedū affirmare, de lapsi & perditī humani generis restitutione, de verbi Dei cū humana natura coniunctione, de conceptu, de natiuitate, de morte eiusdē, quis de spirituali, quis de corporali resurrectione certum aliquid & exploratum dicere posset, nisi Deus id quōdam vatum officio indicasset, atque frequentibus testimonijs sperandam, expectandamque liberationē proposuisset & confirmasset? Cū autem nobis Prophetica lectionis utilitas perpetua sit, nec minus earum quæ gesta sunt rerum exemplum, quam præsentium obseruatio, atque futurorum expectatio, documētū, spei, atq. commoditatis ad vitam instituendam adferat: non magni retulerit, scire quo tempore is auctor scripserit, cuius scripta & certissima & vtilissima semper fore manifestū sit. Nam quæ illis hominibus, quorum ætate vates agebant, præsens actio fuerat, eadem posteris præsentī perpetuū consilio, exemplo, aut documento esse potest. Quæ verò de futuris rebus antiquis proposita, fidem olim diuini verbi auctoritate & ministrorum gravitate atque constantia meruere, eadem si gesta iam sunt cæterorum quæ nondum fuerint edita, & spem facere certissimā, & expectationem mouere, propinquioremq. ostendere valent. Itaq; ex prætermisso in vatum libris actionis tēpore, nihil quatenus ad sententiam aut argumentū de veritatis & fidei summa: quatenus verò ad finē & legentium



sum pertinet, nihil de utilitatis summa decedit. In quibus verò vaticinijs tempus indicatum est, in ijs non etatis, qua ipsi vixerint aut egerint, adnotande, sed sententia & argumenti certi commodius explicandi rationem habitam fuisse arbitramur. Namque ubicunque aliquid dictum actumve est, quod ad regem quempiam illiusve regni res pertineret, consultissimum fuerat ea adnotari tempora, ex quorum historijs vaticiniorum illorum argumentum peti explicarique posset. Hosseas enim futuram Iehu excisionem atque Israëlís absolutam abductionem, & Iudeorum ex Babylonienſi captivitate liberationem singulariter prædixit. Quamobrem ea tempora indicata sunt, quæ vel certis sceleribus & quorundam regum culpa cladem illam commerita fuerant, vel aliorum etiam principum abſtinentia, cura & studio, clementiam illam atque minus severam in Iudaicum populum sententiam impetraverant. Atque ad hanc rationem illa huius vaticinia referenda sunt. Et visitabo sanguinem Iezrahel super domum Iehu, & quiescere faciam regnum domus Israël. Et iterum: Quia non addam ultra misereri domus Israël, & domus Iuda miserebor. Opportunissima autem ad hanc rem mentio illa Ioathan, Acha, & Ezechia fuit. Quod & Ezechia pietati bonam clementiæ partem in Iudaicis rebus diutius conſervandis à Deo tributam fuisse existimandum sit. Nomen etiam Ieroboam filij Ioas propterea est appellatum, quod is ex familia Iehu fuerit, maiorumque suorum imitator, quam familiam extinguendam penitus fore vates prædixit. Amos etiam quod de Samarie vastatione vaticinatus est, atque instructas sibi ab Amasea sacerdote Bethel insidias, accusationemque apud regem factam narrauit, Ieroboam regis Israëlís nomine & tempore annotato est editus. Idem autem quedam etiam de Iudeis aperte & singulariter dixit, quæ ut melius exponerentur temporis significationem requirerant, ut in eius commentarijs latius docturi sumus. In Michæ vero lamentationibus multa nominatim loca ex tribu Iuda appellata sunt: atque vaticinijs ipsius patria est etiam indicata. Ut illud: Quia venit usque ad Iudam, tetigit usque ad portam populi mei, usque ad Ierusalem. Et illud: Quia infirmata est in bonum habitans Maroth, quia descendit malum à Domino in portam Ierusalem. Tumultus quadrigæ stuporis habitati Lachis, &c. Idem etiam: domus Acirib & habitantes Mareſſah. Aliarum item Iudæ urbium meminit, de quibus quæ dixit cum private ad Iudeorum gentem (cuius maxima cura vates ageretur) referenda essent, ipsis regum temporibus & rebus accommodari oportuit: quorum contemplatione sententiarum summa melius & commodius subduci posset. Ob eam itaque rem in inscriptione fuit: In diebus Ioathan, Acha, Ezechia, regum Iuda, quod vidit super Samariam & Ierusalem, &c. Sed & Sophonias multa singulariter de Ierosolymitanis dixit, quæ temporis rationem certam ad exponendum postularent, quam idcirco indicari consentaneum fuit. Dixerat enim: Eterit in tempore illo, scrutabor Ierusalem in lucernis, & visitabo super viros defixos in fecibus suis, &c. Et totum ferè caput: Vae provocatrix & redempta civitas, columba, &c. Et: Lauda filia Syon, &c. Quatuor igitur vatum horum vaticinia quod regum tempora & historias aliqua ex parte spectarent, nominibus etiam & diebus adnotatis edita fuere. Haggeus autem quod de reedificando templo, deque illius operis ratione & fine ageret, Darij regis tempora sine quibus vaticinijs sententia constare non posset, ipsemet in scriptis suis annotavit. Zacharias quoque Darij temporum meminit, cuius ipse monarchiam ad Græcos migraturam certo sibi oraculo prædixerat. Atque hæc causa satis aperte reddita nobis videtur, quamobrem sex his vaticinijs temporum regumque nomina adscripta fuerint. At verò apud Ioëlem, Abdiam, Ionam, Nabhum, Habbakuk, & Malachiam nullius ad Iudæ vel Israëlís regna private spectantis rei singularis adnotatio, mentiove fit: quamobrem neque regum nominibus explicationis causa appellandis, opus fuit. Namque

Ioël siue de fame in Israëliticam regionē futura, ut interpretes putant, siue de quatuor orbis imperijs (ut suo loco videbitur) vaticinatus fuerit: tamen eius vaticinia nec ad Iudæ, nec ad Israël regnum singulari aliqua ratione referuntur: sed magis omnia illorū regnorum tēpora in vniuersum complectūtur. Abdias etiam Edom excidiū, & Israëlitarum restitutionē nō singulariter, sed generaliter prædixit. Iona autem & Nahhum, qui ambo de Ninives rebus egerunt, & Habbakuq, qui de Nabucodonosoris illiusque familia exitio dixit, Iudæorū & Israëlitarum regū nomina adscribi, nulla ratio postulabat, ut neq. Malachia etiam vaticinijs, qui de omni populi & sacerdotaliū rerum statu magis, quam de priuato aliquo ad regnū regemque pertinenti argumento verba fecit. Ex quibus rebus omnibus illud apparet non tam tēporum, quibus vates vel dixerint, vel vaticinati fuerint, quam argumenti in opere ipso significandi causa, dies & annos, atq. nomina etiā regū ad vaticinia vocari solere. Atq. hætenus secunda questio est discussa.

Illud aut nobis tertio loco disputandū occurrit, quidnā in causa videatur esse, quāobrem ex his duodecim vatribus quinq. tantum patrū, aut etiam auorū nomina expresse indicata, reliquis verō septem fuerint omnino prætermissa. Sunt autem quinque illi, Hosseas filius Bocri, Ioël filius Pathuel, Ionas filius Amithai, Sophonias filius Cussi, & Zacharias filius Barachia. Ceteri vero sunt Amos, Abdias, Micheas, Nahhum, Habbakuq, Haggæus, Malachias, qui tamen non minus quam alij patres habuerunt. Huius autem differentie causam cum ex sacris libris apertam reddere non possimus, ex diligēti cōiectura inuestigare debemus. Dico igitur eos qui nominatim appellati sunt, patres celebres illustresque illis temporibus, & gentibus suis notissimos fuisse: atque ideo & honoris & fidei etiam faciendæ confirmandæque causa una cum filijs ad illas publicas actiones & partes esse appellatos, eodem ignominie periculo exponendos, si vana vaticinia euasisse unquam accideret. Tantum enim causæ actionisque sue veritati atque auctoritati vates fidebant, ut sancta etiam parentū nomina testimoniū loco adhibere, & profiteri minime dubitarent. Reliqui autem, quibus obscuriores aut minus noti patres contigerant appellare eos aut indicare, nec vaticiniū rationibus necessarium, neque suæ ipsorum dignitati aut muneri tenendo, aut fidei confirmandæ, opportunū sunt arbitrati. Etenim ad vaticinandi legationem legitimè obeundam, nihil generis aut familie ratio per se confert: neque enim ut in regio aut sacerdotali munere, sic in vaticiniū aut legis ferendæ, vel docendæ officio certarum tribuum, aut familiarū personæ optantur. Namq. in sacerdote præterquam ex Leuitica tribu Aaronisque familia, in regem aut præterquam ex Iudæ tribu vngi legitimè post Saulem nemini contigit: vaticinari autem & docere pluribus, nulla certa generis ratione habita, datum fuit: Etenim Moyses, Samuel, Elias, Elizeus, Nathan, & alij multi nec eiusdem familie, nec tribus etiam eiusdē fuere. Atque adeo huic assignando muneri personarū magis animos morēsque congruos, quam certum genus à Deo deligi solere arbitramur, præsertim cum ad futurarum rerum prædictionem, vitiorum etiam reprehensio adiuncta sit: nam futura solum prædicere etiam Balaamo, etiam Caiphæ, alijsque non adeo probatis hominibus oportunè aliquando conceditur: temporum autem scelera & crimina ex diuini spiritus instinctu accusare, grauiter carpere, non nisi optimis & integerrimis viris datur.

Accidere etiam potest ut in ijs, quæ appellantur patrum nominibus, oportuna aliqua significatio fuerit, quæ cum filiorum ipsorū munere officioque conueniat, dignaq. existimetur, quæ ad vatum ipsorum partes commendandas, etiam petatur: ut Hosseæ pater Beerī, quod nomen puteū, siue puteū meum, siue putealē latine sonat, ex eo fortasse impositū, quod legis & diuinæ doctrinæ vberissima copia apud ætatis suæ homines affluerit. Ioël dictus filius Pethuel; ut ex nomine panis ac buccellæ Dei, vati ad annonæ & fru-

& frugū desiderandarū imaginē vaticiniū editū fuisse videatur. Ionas verò ob vatici-  
 niorū & dictorū constantiā & veritatē, patris nomē Amithai, hoc est veracis, appella-  
 uerit. At verò Sophonia, cui nomē argumentis ab eodē tractatis congruum est (significat  
 enim arcana absconditaq. Dei) quòd in patris nomine Chusi nihil magnū, aut vehemēter  
 & cōueniens obseruaretur: auorū & maiorū, nō aliena nomina sunt addita, filij Gadalia,  
 filij Amaria, filij Hbazakia, quod latine dicere possimus, filij magnitudinis Dei, filij dicti  
 Dei, filij fortitudinis & apprehensionis Dei. Atq. ita Zachariae nomen Barachiae patris  
 est adiunctū, quod diuinā benedictionē, & affluentē vaticiniorū de humana felicitate, &  
 salute copiā suppeditatā ostēderet. Itaq. ijs vatibus quorū officijs paterna nomina respo-  
 10 derent, siue antiqua & vulgata cōmemoratione appellata fuerint, quēadmodū fieri saepe  
 solet, siue ab ipsis vatibus usurpata, siue deniq. à librorū inscriptoribus adiuncta, cō-  
 mode pfecto & vtiliter annotata sunt. Atq. equidē nomina hac pariter cū filiorū com-  
 memoratione usurpari cōmuni sermone solere, multa in sacris libris loca indicāt. Etenim  
 & historia ipse Ionā filiū Amithai nominat: & Christus Zachariā filiū Barachiae, ex vul-  
 15 gato iā cōmemorationis vsu, dixit. Quorū verò paterna nomina indicata nō sint, ea nihil  
 huic rationi idoneū, atq. opportunū habuisse existimare possumus. Illud verò nec alienū,  
 nec creditu difficile esset, si hac patrū nomina distinctionis causa filiis imposita diceretur,  
 quòd eadē etate alij atq. alij idē nomē sortiti, patrū aut auorū cognominib' dignosceretur;  
 quod in antiquis linguis obseruatū, in Hispana etiā ad nostra vsq. tempora factitatum  
 20 videmus. vt apud Græcos Aiaces Telamoniū & Oilaus: apud Latinos L. Tit. Sēpro-  
 nius L. F. Namq. huiusmodi certa & vulgata olim in personis distinguendis nota fuit.  
 Itaq. nominibus ijs, quae eodē tēpore pluribus viris fuere, vsitata paterni nominis cogno-  
 minationē addere opus fuit: ceteris verò, quibus nihil ambigui ad cognoscendum, nomen  
 ipsum solū appellatū reliquisset, paternū cognomentū sine vllō incōmodo est ptermis-  
 25 sum. Igitur inter ea, quae ex coniectura afferri à nobis in hoc genere posse videntur, haec visa  
 sunt aptissima. Illa verò ex Hebraeorum traditione & iamdiu celebris, & à nostris etiā  
 Christianis scriptoribus ad hanc questionē expediendam relata ratio est. Eos qui in vatū  
 inscriptionibus patres aut aui appellantur, vates etiam, prophetico munere perfunctos  
 fuisse: ceteros aut propterea nō appellari, quod vates nō fuerint. Atq. huic sentētie fun-  
 30 damentū ex illa Amosi expositione iactū est, qui cū se, aut instituto suo, aut paterni offici  
 imitatione, vatē euasisse negaret, diuina tatū presentiq. iussione eā, qua fungeretur, lega-  
 tionē suscepisse profitebatur. Non sum, inquit, propheta, nec filius prophetae. Qui verò  
 huic sentētie subscribere, illud etiā addiderūt. Pethuelē quē Ioeli patrē scriptura adiun-  
 git, eundē & Samuelem illum celeberrimū Israelitarū vatem, vltimum reipub. cōsu-  
 35 lem iudicēq. fuisse. Atq. hac de patrum nominibus indicandis dixisse satis fuerit.

Ex hoc autē loco aditus nobis aperiri videtur, vt de patria nominibus apud quosdā  
 vates expressis, apud alios verò pratermissis quarendū sit. Docemur nāq. Amosū ex  
 4 pastoribus Thecuae, Michaeā Moraſtitē, Nabhum Elcussēū fuisse: de ceteris verò nihil his  
 simile legimus. Atq. in maiorū etiā vatū libris nulla de Iesae & Iezechielis patria mētio  
 40 est, de Ieremia aut scribitur: Verba Hieremia filij Helchie de sacerdotibus qui fuerunt in  
 Anathoth, quae fuit in terra Benjamin. Nā si ad indicandā tribū & genus vniuscuiusq.  
 ex vatibus patria adnotata est, adhuc noua quæstio existet, curnam quorundam tribus  
 diligenter indicata, ceterorum verò neglecta aut pratermissa fuerint? Præterea eam  
 patrie adnotandae causam nō fuisse, Ieremia ratio ostendit, cui si ad significandā tribum  
 45 adscribi quicquā opus esset, pratermissio omnino loci nomine, ex sacerdotibus genus dedu-  
 ctum indicare, abunde satis fuisset. Vt etiā Ezechielis generi indicando patrē Chuziacer-  
 dotē appellare satis fuit. Præterea Nabhum cognomen illud additum Elcussi, quanquā  
 patrie esse dicatur, tamē neq. genus, neq. tribū indicat, quādo de loco ipso Elcus ad certā  
 tribus



tribus cuiuspiam ditionem referendo, nihil ex sacris literis compertum habeamus. Tantum autem Mareffam, unde Micheas Morastites cognominatus est, in Iudaea urbibus numerata nouimus. Nec verò de Amos genere & tribu ex eo constat, quod Thecoë loci facta mentio est. Non enim ille Thecoi vel Thecoites fuisse dicitur, sed fuisse in pastoribus Thecoagh, hoc est, ex illa rustica vite exercitatione ad vaticinii munus obeundum legatus. Thecoagh autem in Asseritarum agro sita dicitur.

Huius autem variae adnotationis causam inuenire triplicem possumus ex ipsa rerum consentanea ratione profectam. Prima autem est personarum (ut in paternis nominibus diximus) distinctio. Accidere namque potuit, ut alij atque alij eodem tempore Amosi, Michæa, Nahhūmi vocarentur, quos si non per quod patrū, vel obscuri, vel iisdem nominibus dicti essent, tamen per locorum nomina discernendos iudicarent, ut ferè in humilioris fortune hominibus accidit, quibus prout & facilius patriæ aut loci unde venerint, quam familie cognomenta adnotantur. Atque hoc modo Iesus Christus vel Nazarenus, vel Galileus ab inuidis & maleuolis humilitatis magis obijcienda, quam laudis aut arcanae significationis causa cognominabatur, cum ab ijs qui illius virtutem atque excellentem dignitatem agnoscerent, filius David audiret. Itaque personæ distinguendæ notatione loci nomen apud hos, ut patris apud alios habere videtur: ex quo fit, ut quorū locus adnotatur, eorundem paterni nominis mentio non fiat, præter unum Hieremiam, cui certo & singulari, ut docebimus, consilio, & loci, & generis, & patris nomen est adscriptum. Secunda etiam adnotandi loci causa ex libris ipsius argumento, & sententiarum rationibus peti rectè potest. Namque illa inter Amaseam & Amosum disceptatio loci ad explicandum indicationem postulabat. Amaseas enim Bethel sacerdos dixit: Qui vides fuge tibi in terram Iehudah, & comede ibi panem, & ibi prophetabis. Cui Amos: Non sum, inquit, ego propheta, & non filius prophetae ego, sed bubulcus ego, &c. Cuius dicti ut explicaretur sententia, indicatum nobis initio est: Qui fuit in pastoribus, namque ille dixit: bubulcus ego, &c. Deinde etiā & loci nomen addi opus fuit Thecoagh, quæ vrbs ad Asseritarū ditionem pertinebat. Quamobrè cum dixit illi Amaseas, fuge tibi in terram Iehuda, ut in alterius ditionis & regni terram securitatis causa fugeret, suadere conabatur illi quem ex decem tribubus Israëlitis esse cognouerat. Nam si ex tribu Iuda fuisset, nihil opus erat dicere: fuge tibi in terram Iuda, sed, redito in terrā, &c. Quod si antiquorum quoque Hebræorum atque philosophorum placitis assentiendum est, nonnihil etiam ad vatis argumentum explicandum loci hæc notatio significationis afferre videtur. Aiunt enim Thechoë homines prudentiores, dexterioresque fuisse cum ob simplicem & facilem victum, tum verò ob loci editiorem & montanum situm purioremque celi atque aëris usum, quod in montibus vrbs illa esset, sicut scriptum est: Et in Thecoagh clangite buccina, namque speculatores buccina aut cornu signum edituri, editissima quæque loca unde vox audiri longius possit, ascendere consueuerunt. Atque hanc esse causam quidam putant. quamobrem Ioab Absalonis restitutionem cogitans, Thecoiten feminam sapientem appellatam ad persuadendum Regi ascieuit. Atque ita in hoc pastore Amos similem non ex disciplina aut educatione, sed ex loci ingenio innatam prudentiam, quam ille in responsione aduersus Amaseam ostendit, significare voluisse scriptura videtur. Neque enim ad tribum indicandam Thecoë nomen est inductum, cum ea vrbs cuiusdam tribui adscripta fuerit ex sacris libris exploratum non sit, adeo ut Hebræis doctoribus illum in libris Regum locum exponentibus in tribu Benjamin sita esse dicatur, eademque à D. Hieronimo sex à Bethlehém Iudæ miliaribus distare scribatur. Igitur non tribus indicanda, sed sententiæ potius & argumenti explicandi causa loca adnotari videntur. Atque eodem quoque consilio Michæa vati patriæ cognomentum additum

additum esse arbitramur. Nam cum ille lugubrē lamentationem pro multarū ex Iudaica tribu urbium excidio fecisset, inter quas etiam suā ipsius patriā commemorasset, eamq. acerbiori esset gemitu prosequutus, quanā inter ceteras esset, initio indicare consultissimū duxit, ut tantus dolor ex pietate & naturali proborum hominum sensu profectus ostenderetur. At verò Nabhūm nō ex eo Elcussi cognominatus videtur, quod patriā sortitus fuerit Elcus dictam (nullū enim in omni sacra Chorographia huiusmodi loci nomē extat) sed potius ex significatione ipsa cognomenti rationem petendam putamus. Significat enim Elcussi posteriorem repetitorem, vel serotinū, ac verbum ipsum ad posteriorem aliquam ex duabus rebus, quæ serius edetur, indicandam usurpari solet: ex quo fit, ut ē duabus oportunis, in anno pluuijs, posterior Malkus dicta sit, quā Latini serotinā interpretātur. Quæ quidē ratio omnis eo pertinere videtur, ut doceamur Nabhūm, qui idem cum Iona argumentum de Niniues excidio pertractauerit, posteriorem tamen vaticinatum fuisse, atque eandem diuinam sententiam instillasse, qua tandem urbi illi exitium maturatum allatumque est. Hanc verò adnotationem præterq. quod Chaldaeus paraphrastes apertē indicauit in ipsius vatis libro significatam obseruari cōtingit, ut nos suo loco ostendemus. Illa demum accurata parentum, generis ac patriæ adnotatio, quam Ieremiæ initio videmus, ad vatis sanctitatem, ac singularem electionem adornandam spectat: quod ad tam graue atque seuerum vaticiniū genus, quale Ieremiæ fidei & diligentie commissum creditumque fuit, virū deligi oportuerit, & paternæ virtutis exemplo disciplina, educatione & exercitatione probatissimum, cuius ad tantam rem satis apta natura ac persona foret. Igitur is electus esse dicitur, cuius pater Helkias fuerit sacerdos magnus, vir optimus & patientissimus, qui repertum inter templi supellestiliē legis librum ad regem religiosissimē tulerat, populoque prælegendum curauerat: deinde etiam quod idem ex sacerdotibus fuerit, qui in Anathoth habitarent, quos ob loci propinquitatem in sacris frequentandis atque procurandis rebus in templo colendo & celebrando præ ceteris exercitatissimos, atque in omni pietatis ratione spectatissimos fuisse consentaneum est; quippe cum Anathoth in sorte Benjamin sita omnium ex alijs tribubus sacerdotium urbium proxima Hierosolymis esset. Atque hæc omnia electionis argumenta diuinum illud responsum, quod illius vatis initio editum est, significabat.

30 Priusquam egredereris ex vtero noui te, &c. Itaq. locorum & patriæ annotationem, non generis ac tribus indicandæ, sed significationis & argumenti explicandi causa, quibusdam vatibus additam esse existimamus.

Hier. i.

Tertiam autem huius rei rationem ex antiquorum doctorum atque interpretum sententia afferre possumus, qui eos vates quorum patria indicata non fuerit Ierosolymitanos fuisse omnes aiunt: idque ex eo adstruunt quod scriptum est, De Sion exhibit lex, & verbum Domini de Hierusalem, &c. Illam enim urbē fuisse tradunt, quæ ob singulare Dei beneficium, ac templi illius amplitudinem, & regum sedes, & prophetarum communis patria fuerit, quod cum certum exploratumque esset, ceteros, qui ex alijs locis delecti fuissent, ut rarum exemplum indicari oportuisse dicant, nempe duos tantum Amosum & Micheam, nullum præterea alium. Neque verò hanc sententiam Hieremiæ nomine & loco opposito refutari, propterea quod ille cum sacerdos fuerit, & maximam temporis partem Hierosolymis, & in templo versatus, ibidemque vaticinandi spiritu auctus, ab Hierosolymitana ciuitate alienus non sit. Quod si Hosseas & Ionas etiam obijciatur, quorum neuter Hierosolymis natus fuit; namque, ut ex ipsorum interpretum & doctorum traditione accepimus, Hosseas filius fuit Beerī, qui idem Beerab princeps in Reubenitide tribu. Ionas verò cuius etiam patria non adnotatur in libri initio, Hierosolymitanus non fuit, sed ex Gethhahhepher

Hebræi doct.  
in li סגילהHebræi doct.  
in פסיקתא



in sorte Zabulon; responderi tamen ab illis possit, hos duos quanquam alijs locis natos, Hierosolymis tamen ciues adscriptos vixisse, atque ibidem prophetico munere fuisse perfectos. Quibus ex rebus omnibus illud colligitur, quod initio proposueramus, nomina locorum vatis ad indicandam tribum non fuisse adnotata; namq. ea res nihil ad prophetie rationem confert; quandoquidem vates omnes quocunque in loco nati fuerint, unius Dei viuentis filij sunt. in quibus verò illa notata fuerint, in ijs certam argumenti & sententie habitam fuisse rationem.

5 Illud præterea quinto loco adnotatione & disputatione dignū videtur, quod propheta cognomentum tribus tantum vatis adiunctum, ceteris vero omnibus prætermisum obseruatur. Quibus autem adiunctum est, hi sunt: Habbakuq, cuius libri initium sic habet: 10 Onus quod vidit Habbakuq propheta. Haggeus, apud quem legimus: In anno secundo Darij, &c. Fuit Verbum Domini in manu Haggei propheta: & Zacharias, qui ita scriptum reliquit. In mense octauo, in anno secundo Darij, fuit Verbum Domini ad zachariam filium Barachie, filij Ghido prophetam. Ceterorum verò vatu nullus in proprijs libris propheta cognominatus est: qua de re nihil ab antiquis doctoribus, neque ab 15 interpretibus alijs scriptum extat. Nobis tamen quenam causa huius diligentis annotationis fuerit, inuestigandum. Principio igitur Habbakuq propterea propheta cognominatus fuisse videtur, quod nonnullis fortasse in dubium venire potuisset, an prophetico spiritus donec auctus instructusque esset, an sancti alijs scriptoris munere, dignitateq. functus dicendus foret, utpote cuius liber, & dicendi genere, & auctoritatis dictis & 20 actionibus vatum conciliande consuetudine, longe ab alijs diuersam rationem sequutus videatur; atque ita quanquam à spiritu sancto dictatus existimari deberet; tamen ad prophetie gradum non peruenisse fortasse quibusdam putaretur. Nihil enim in eo libro illis orationibus simile auditur. Verbum Domini quod fuit ad Habbakuq: aut, & fuit Verbum Domini ad Habbakuq. Neque etiam illis: Sic dicit Dominus: vel 25 dictum Domini, quibus dicendi formulis, vaticiniorum suorum auctoritatem diuinam, vaticiniaque ipsa non propria sententia edita, sed Deo dictante excepta atque relata asserere consuevere. Præterea ceteri vates, ut non suam sed diuinam planè causam, actionem atque orationem quam habent esse confirment, ipsam Dei personam sermonibus inducunt suis: ut, Non offeratis mihi sacrificium vltra incensum, &c. abominatio est 30 mihi. Consolamini, consolamini populum meum dicit Dominus, &c. Cuius rei frequentissima apud omnes vates exēpla sunt. At verò Habbakuq ita orationē instituit, ut suā  
 „ solius plane esse professus videri fortasse possit. Vtique Domine clamabo, & nō exau-  
 „ dies, Vociferabor ad te vim patiens & non saluabis? Quare ostendisti mihi iniquita-  
 „ tem & laborem videre prædam & iniustitiam contra me. Et, Nunquid nō tu à prin- 35  
 „ cipio Domine Deus meus, sancte meus, & non moriemur? Et, Super custodiā meā stabo,  
 „ & figam gradum super munitiōē. Et, Domine audiui auditionē tuam & timui, &c.  
 „ Ita ut de Nabugodonosoris impij prosperitate, & Israëlitis miserijs conquesturus hic  
 „ auctor, non tam propheticum dicendi genus quā psalmi Assaphici formulā secutus fuisse  
 „ putetur. Quam bonus Israël Deus, ijs qui recto sunt corde; mei autem penè moti sunt 40  
 „ pedes, pene effusi sunt gressus mei. Quia zelauit super iniquos, pacem peccatorum videns.  
 „ Quanquam enim in secundo capite dixerit Habbakuq. Et respondit mihi Dominus,  
 „ & dixit, scribe visum & explana sermonem, &c. tamen ea res propheticum dicendi  
 „ genus, non planè demonstrat, cum vates post querelas illas & disputationes de im-  
 „ proborum prosperitate & successibus; tamen extremos illorum casus & ruinas 45  
 „ diuine providentiæ cogitatis rationibus intellexisse & indicasse magis, quam pro-  
 „ phetico aliquo, & præsentī responso accepto retulisse videatur. Ut illud etiam  
 apud

Habb. i.  
Hagg. i.

Habbakuq.

Cap. 2.

Cap. 3.

Ps. 73.

- apud Psalmistam. Donec intrem in sanctuarium Dei, & intelligam in nouissimis eorū. Ps. 73.  
 Et quod David eodem argumento acclamauit. Quam magnificata sunt opera tua Domine, nimis profunde facta sunt cogitationes tue: vir insipiens non cognoscet, & stultus non intelliget hac, &c. Cum exorti fuerint peccatores sicut fœnū terræ, & apparuerint omnes operantes iniquitatem, ut intereant in seculum seculi, &c. Et illud: Et respexit oculus meus super inimicos meos, & de insurgentibus in me malignatibus audiet auris mea. Iussus ut palma florebit, &c. Quæ omnia quanquā vera, certa, & spiritus sancti instinctu dicta sunt, tamen propheticum gradum & nomen non sunt sortita. Neque enim hi, quos citauimus ex Psalmo, versus ostendunt auctore a Deo prophetico spiritu actum uidisse aut audiuisse, ea quæ de bonorum & malorum finibus differebantur, sed ex legis & prophetarum oraculis obseruata, & cognita, diuino instinctu & consilio scripta esse. Ut illud etiam. Audiam quid loquatur in me Dominus, quoniam loquetur pacem in plebem suam, &c. Ad huiusmodi autem scripturæ genus Habbakuq librū referri non alienum fortasse videretur, ad quod illud etiam facit, quod huius libri fini adnotatum sit: Oratio Habbakuq pro ignorantibus, vel ut Hebraicè habetur על שגגות, cuius similis per sepe in Psalmis inscriptio obseruatur, SIGAION LEDAVID, &c. Igitur huius dubitationis tollendæ penitus causa, Habbakuq libro illam inscriptionem additam esse intelligimus. Ps. 35.
- ONVS QVOD VIDIT HABBAKVCQ PROPHETA. Namque grauiissima duo verba illa, ONVS QVOD VIDIT, solis vatibus, nulli præterea alij auctorum ordini tribuuntur: quamobrem oneris visioni prophetae cognomentum addi consentaneum fuit; ita ut hac inscriptione aperte & quæstio ipsa indicetur, & indicata absoluitur: nimirum Habbakuq quanquā diuerso à ceteris vatibus dicendi genere vsum, conquerentis & disceptantis partes oratione agentem, tamen verè Prophetam fuisse, atque propheticum argumentum causaq. genus tractasse, idq. grauissimo etiam prophetiæ genere, nempe visione accepisse. Ceteros verò vates, quorum & genus dicendi, & rerum, de quibus agitur, argumenta, prophetiam manifestè ostendunt, huiusmodi prophetae cognomento commendari, atque indicari non fuisse opus, atque ita illud quod hic sibi à Deo dictum & responsum expresserit, scribe visum, &c. verè visum, diuinitusque dictatum fuisse confirmatur.
- Verum aliam tamen causam esse arbitramur, quamobrem Haggæus fuerit propheta cognominatus: quod ex Hebræorum sententia vaticinium tantum in terra Israël, atque in ea regione, quæ à Deo in hereditate Iacob definita fuerat, constare posse diceretur, atque adeo magni miraculi loco duci, si alibi quam in terra sancta appellata, aut propheta aliquis extaret, aut vaticinium ederetur, quod illa regio gratissima præter ceteras & peculiariter delecta ad diuinarum virtutum edenda exempla, credatur, ut in disputationibus suis doctus quidam auctor dialogo inter sapientē & regem Chozar inducto, differuit. Atque ea causa adductum Mosē, tanquam singularis beneficii, & miraculi exemplum illud cecirisse putabant antiqui: Inuenit eum in terra deserta, in loco erroris & vastæ solitudinis circunduxit eum, & docuit, & custodiuit quasi pupillam oculi sui. Lib. בְּקוֹר.
- Etenim vaticinium, id est, futurarum rerum cognitio, Dei propria virtus esse affirmatur, quam ille cum certis hominibus communicet: ibi tamen communicare solum putetur, ubi peculiaribus argumentis maiestatem, præsentiam, providentiamque suam probare dignatus fuerit: hanc autem regionem illam præcipue fuisse aiunt, in qua & templum sibi dicari, & sacra arca propitiatorio, atque incisis legum tabulis, & caelestique igne ornari voluerit: interim enim dum horum ornamentorum omnium ratio integra constaret, prophetia ut comes indiuidua regioni ac genti non defutura esse credebatur, id quod illo loco significatum dicitur: Et loquar ad te de super propitia- Deut. 32.



propitiatorii de inter duo Cherubim, &c. Hinc enim & vaticinii, & scientiæ, & intellectus dona ad idoneos homines permanere, illisq. rebus sublatis cessare existimatur, adeo  
 Thren. cap. 2. ut propter eam causam ab Hieremia vaticinii defectum indicatum, atq. deploratum asserat. Etiam propheta non inuenerunt visionem à Domino. Nam quanquam Ezechiel & Hieremias extra regionem illam vaticinati fuerint, tamen eius muneris ac virtutis, antequam Babylonem, aut alio migrarent, in urbe ipsa Hierusalē copotes fuisse dicuntur; id quod de Hieremia exploratum est, de Ezechiele autem ex eo ostenditur, quod in eius libri initio scriptum sit, *והיה דבר* fuit, fuit, vel esse fuit, verbum Domini ad Ezechielem, &c. quod sic interpretantur: Verbum quod fuerat ad Ezechielem ante, fuit etiam in terra Chaldeorum, &c. Atq. antiquissimos prophetas, qui in primis ætatibus fuerant, alio prophetiæ munere præditos, alio genere usus tradunt, quod magis ad ipsorum dignitatem & sanctitatem efficiendam, atq. amplificandam, quam ad alios homines de futuris rebus erudiendos, atq. salutis rationem docendos pertineret; quales fuere Noe, Sem, Eber, & Patriarchæ, qui quamquam prophetae fuerint, non tamen certis legationibus acceptis missi dicuntur, nec illorum vaticinia huius generis usquam extant, neq. extitisse unquam certa auctoritate compertum est. Itaq. qua ratione uncti ad propriam ipsorum sanctitatem, eadem prophetæ etiam Dei familiaritate & alloquio usi dicuntur. Nolite tangere Christos meos, & in Prophetis  
 Ps. 105. meis nolite malignari. Altiorē aut prophetiæ gradum, & magis definitum legationis munus sortitos fuisse ceteros existimamus, qui ab expugnata iam & culta per Israelitas regione creati sunt, id est, oēs quotquot à Samuele & deinceps usq. ad templi excidium & sacrorum monumentorum defectum fuisse commemorantur. Namq. his temporibus vates auctoritate summa de magnis, certis atq. apertis causis publice priuateq. missi sunt, qui vel populum omnem, vel reges, vel alias etiam personas diuini consilij, voluntatis ac iudicij facerent certiores. Adeo verò de hac re constans & communis Israelitarum omnium opinio erat, ut secundi templi temporibus vaticinium propterea deficere putaretur, quod ad minorem multo, ac minus elegantem templi structuram illius etiam sacri apparatus arcæ, propitiatorii, Cherubim, tabularum, &c. defectus desideriumq. accessisset; cum tamen alia huius desiderati vaticiniorum usus causa fuerit, quam nos idoneo loco, si Deus cõcesserit, indicabimus. Verum enimvero cum secundi templi temporibus Iudaicas res erigere, & restituere, atq. futurum propediē Christi aduentum adornare, apparare, orbique indicare Deus decreuisset, tres ad eam rem procurandam atq. commendandam vates, quos certis & idoneis mandatis traditis legaret, delegit Haggæum, Zachariam & Malachiam; eorumq. primum (cuius præter hominum opinionem & sententiam missi ratio, munus atq. auctoritas in dubium venire poterat) prophetæ titulo & cognomine signari, fidemq. hoc modo ceteris duobus & prophetici muneris, & certæ legationis fieri voluit. Atq. ea res, ut testata magis, constans, aperta que esset, multis in locis apud vatem ipsum significantissimis verbis fuit expressa: ut secundo primi capitis versu: Hæc ait Dominus exercituum dicens: Et tertio versu: factum est verbum Domini in manu Haggæi Prophetæ. Et illud frequenter: Hæc dicit Dominus exercituum. Illud etiam ut grauissimi testimonij, & publicæ agnitionis atq. confessionis additum est argumentum. Et audivit Zorobabel filius Salathiel, & Iesus filius Iosedec sacerdos magnus, & oēs reliquæ populi vocē Dei sui, & verba Haggæi Prophetæ, sicut misit eum Dominus Deus eorum ad eos, & timuit omnis populus à facie domini. Illud porro in hanc sententiam significantissimum est: Et dixit Haggæus nuncius Domini de nuncijs domini ad populum dicens: Ego vobiscum dicit Dominus. Quæ quidem verba omnia accurate repetita eo tendunt, ut demōstret vaticinandi spiritum etiam illo tempore fuisse hominibus ad publicam utilitatem atq. eruditionem impertitum. Eandem etiam in Zachariæ cognomēto rationem reddere possumus,

cuius

cuius vatis actiones, paulo post Haggæum, ut suo loco demonstrabimus, ceptæ sunt. Atq. Malachiâ, quanquā eiusmodi Prophetæ agnomen nō indicauerit, tamē nomē ipsum satis ad eam rem afferre auctoritatis indicatum est. Nam Malachi, nuncium siue nuncium meum significat: nuncius autem maximorum prophetarum proprium officij cognomentū est: ut apud Haggæum vidimus, quem nuncium Domini de nuncijs domini scriptura appellauit. Apud eundē etiam Malachiâ, Iohannes qui Prophetarum maximus Christi iudicio & sententia pronūciatus est, eodē vatis ipsius nomine cognominatur: Ecce ego mitto Malachi Angelū meum, siue nunciū meum: ita ut nō defuerint qui hunc etiā locum de Malachia ipso interpretarētur. Hebrais itaq. aut Hebraice sciētibus nō necessarium fuit, hunc postremum vate prophetā cognominari, quē nomen ipsum missum esse & nuncium satis apertē indicabat. Plus enim ad eam rem ostendēdam auctoritatis & efficientia nomen solum habere indicatum est, quā si cognomento addito exponeretur; atque adeo ob eam rem ea huius vatis libro inscriptio præposita est, quæ cum nominis significatione aptissimē conueniret. Onus verbi Domini in manu Malachi: quam nos suo loco, si Deus annuerit, explicaturi sumus. Est ergo in nomine ipso Malachi antonomasia & dignitas quædam indicata, quæ nullo adiuncto cognomine augeri magis potuit. His etiam illud accedit, quod quibusdam ex antiquis auctoribus Malachiam eundem & Esdræ esse placuerit; alijs autem Mardocheum; ijs autem Malachi non iam nominis, sed cognomenti loco appellari potest, quod ex munere & officio additum fuisse existimetur. Atque hætenus quidem quintæ quæstionis ratio nobis explicata est.

Nunc verò deinceps causa est inquirenda, quā ob rē vnicum Nahhum Prophetæ opus inter cetera aliorum vatum omnia, liber dictus sit. Neque enim ceterorum vatum scripta, quod in vnum corpus vnā cum Nahhum coagmentata fuerunt, aut minus libri, aut breuiore quam hic sunt; eam ob causam hic solus libri nomen præ ceteris meruisse existimari debet. Atque huius singularis & propriæ in hoc vate obseruationis illa ratio ipsa operis inscriptione nobis indicari videtur. Ceteros vates omnes ea quæ in mandatis à Deo habuerint, propria ipsorum præsentiq. actione & oratione fuisse executos, ut non solum alij apud Israëlitas legationes vnusquisque suas præsentis obierint; sed & Ionas etiam apud Niniuitas, ad quos diuino iussu legatus venerat, munus suū voce, verbis, actioneque propria expleuerit. Nahhum verò nec Niniuem petere: nec Niniuitas præsentem alloqui, sed scripto & misso libro, sui exitij admonere iussu fuisse: quā ob rem eundem, rationem suam ab alijs vatibus diuersam, certa inscriptionis formula indicasse adnotasseque arbitramur. Onus Niniue, liber visionis Nahhum Elchusæi, &c. Namq. ut in huius & Malachiæ vatis commentarijs docebimus, libri & oneris nomina epistolam aut literas ad aliquem datas significant.

Illud porrò vltimum & obseruatione & expositione dignissimum indicauimus, quod in vatum initijs adnotandis, atque inter se conferendis animaduertimus. Etenim sex formulæ sunt, quibus prophetarum scripta, quæ extant inchoari consueuere: prima illa est quatuor vatibus cōmunis: Verbum Domini quod fuit ad Hosæ filium Beerī, vel ad Ioëlem filium Pethuelis, vel ad Michæam Morastitem, vel ad Sophoniam, &c. Secunda verò est, quā totius Ionæ libri initio, & apud alios vates in priuatis vaticinijs, non in libri initio, sed in corpore ipso videmus hoc modo: Et fuit, siue, Et factum est verbum Domini ad Ionam filium Amithai, &c. Et factum est verbum Domini ad N. Tertia autem est visionis inscriptio, quæ quibusdam apponitur, ut Visio Abdia, Visio Nahhum Elchusæi. Visio Isaia filii Amos. Quarta inscriptionū siue initiorū formula à verborū plurali nomine alicui vati adiuncto pronūciatur: ut verba Amos: verba Hieremiæ. Quinta incipiendi formula nomine oneris exprimitur: ut



161.

Onus Niniue, Liber visionis Nahhum Elcussæi. Et onus quod vidit Habakuq. Et onus verbi Domini ad Israël in manu Malachiæ. Apud ceteros etiam vates sæpe verbum illud Onus ad primata vaticinia exordienda usurpatum observatur. ut Onus Babel: Onus Tyri: Onus Ægypti, &c. Et apud Zachariam, Onus verbi Domini ad Israël: &c. Onus verbi Domini in terra Hadrach. Sexto demum modo à regum nominibus & temporibus indicandis vatum scripta initium facere solent, ut Haggæi liber: In anno secundo Darij. Et Zachariæ prima pagina sic habet: In mense quinto, in anno secundo Darij. Quam etiam rationem, Iezechiel secutus, sic exorsus est: Et fuit in trigesimo anno. Quid igitur causæ est, quamobrem non idem omnibus vaticinijs initium, vel à diuina auctoritate ductum. ut Verbum Domini, &c. 10 Quandoquidem communis omnibus illis ea ratio sit, ut à Deo dictata fuisse verè dicatur: vel & fuit Verbum Domini: vel denique aliunde, eodem tamen modo factum? neque enim hanc incipiendi varietatem ratione & consilio vacare putandum est. Nihil enim adeo proprium cuiquam vel vati vel vaticinio indicatur in his exordijs, quod non idem commune etiam ceteris dici posse videatur: omnibus namque diuina ad dicendum auctoritas cõstat, omnibus nomina propria, quibus appellarentur, fuere, omnibus verba facta, omnibus vel visione, vel spectro, vel somnio vaticinium ostensum, vel quo genere cuique ostenderetur, indicare integrum esset, sicut & ijs fuit qui visionem indicarunt. Dein de si nomen oneris, ut plerique ex interpretibus, & Chaldeus paraphrastes, volunt, ita definiendum est, ut prophetiam à vate ex Deo acceptam, vel graue prophetiam intelligamus, nulla prophetia vel leuis, vel non ex Deo accepta fuit. Præterea cum omnes vates alicuius vel Israëlitarum, vel Iudeorum, vel Persarum regis tempore fuerint, quare non idem omnes à temporum & regum notatione & nomine initium vaticinijs dederint, est inquirendum. Id autem ut magis clare ac distincte fiat, singulorum rationes consideranda nobis fuerint. Igitur earum, quas indicauimus formula sententia & argumentum omne, ad tria tantum genera refertur, quorum primum est Verbum Domini. Secundum, Visio. Tertium verò Onus. Namque primum genus illas cõplectitur formulas: Verbum Domini quod fuit: Et fuit verbum Domini. Quæ verborum tantum situ & ordine, non autem sententia differunt. Idem enim significat verbum Domini quod fuit, & fuit verbum Domini, nisi quantum hæc posterior forma cum præcclenti aliqua narratione cõtexi & cõtinuari videtur: ut, Et fuit sol ad intrandum. Et fuit cum illi sepelirent virum, &c. (ubi nos vertimus & fuit: vetus interpretes habet, & factum est: quod idem nobis significat) sed tamen illud: Et fuit, ad verbum redditum est pro וְיָיָא. Quod antiqui Hebræi calamitosi & grauis argumenti vaticinijs addi solere putauerunt. Volunt enim esse compositam vocem ex duabus interiectionibus וְיָיָא & וְיָיָא quæ dolorem 35 mœstitiamque indicare solent, ita ut in Iona id etiam indicatum velint, quod ab illo vate in naui, mare, & ceti ventre laboris exantlatum fuerit. Atque ad hoc primum genus Verbum Domini, illa etiam sexta formula pertinet, qua regis atque ætatis mentio fit: ut in Haggæo & Zachariæ videre est. Nam statim post regum nomina subiungitur, fuit Verbum Domini in manu Haggæi prophætæ. fuit Verbum Domini ad Zachariam. Apparet itaque hanc formulam hoc genere: Verbum Domini contineri. Neque enim quamuis verborum situ & loco nonnihil discrepent, tamen sententia ab his quæ adnotauimus illa quicquam differunt: Verbum Domini quod fuit ad Hosæ filium Beer, in diebus Ozæ, Ioatham. Cum eadem omnibus & verbi domini inscriptio, & temporis ac regis mentio sit. Etenim liberum cuique homini & integrum est, 45 iisdem verbis, modo sententia sibi ipsi constet, pro suo arbitratu locatis uti. Sic enim Euangelistæ eandem rem iisdem verbis situ tantum, & serie variatibus narrare solent, ut, In diebus autem

Matt. 3.

autem illis venit Ioannes Baptista prædicans in deserto Iudææ, & dicens pœnitentiam agite, appropinquavit enim regnum cœlorum. Hic est enim qui dictus est per Isaiã prophetam dicentē: Vox clamantis in deserto, parate viam Domini, rectas facite semitas eius. Sic Matthæus. Marcus verò sic: Vox clamantis in deserto, parate viam Domini rectas  
 5 facite semitas eius. Fuit Ioannes in deserto baptizans & prædicans baptismū pœnitentiæ. Lucas autem: Et factum est Verbum Domini super Ioannē Zachariæ filium in deserto baptizans, & venit in omnem regionem Iordanis prædicās baptismum pœnitentiæ, &c. Atq. ita primam, secundā, & sextam formulā ad primū genus cōmodissimè referimus. Secundum verò genus, quod nomine visionis adnotauimus, tertiam formulam comple-  
 10 titur: vt Visio Isaiæ, Visio Abdiæ, &c. quo in genere quarta quoq; formula continetur, in qua initium à verbo, vel verbis & persona ducitur, nisi alias aliud indicatum sit: vt verba Amos, &c. cōtinuo enim huic inscriptioni subiūgitur: Qui vidit super Israël in diebus Oziæ: qua oratione illud indicatū est, verba illa sibi eo prophetici in-  
 15 scriptus genere, qui visio dicitur, fuisse dictata. Illud verò apud Hieremiā: Verba Hieremiæ filij Helchiæ, ad primū genus pertinere apposita narratione declaratur. Quod factum est Verbū Domini ad eum. Idem enim hoc atq. illud est, Verbum Dñi quod factū est ad Hieremiā. Verū enimvero cum omnium vatū vaticinia nihilominus eorundē verba dici posse videātur, quidnā priuata rationis fuerit in his quorum verbis personæ etiā nomen adiunctū est, operæ precium fuerit cognoscere. Nam quod ab antiquis  
 20 ad hanc rem affertur, id non satis cōmode hunc nodū expedit: videlicet eos qui suū nomē initio profitētur, asperā, grauē & obiurgatoriā orationē instituisse, in eaq. habenda nomen suū libertatis & integritatis ostēdenda causa appellasse, ita vt cū legimus verba Hieremiæ, verba Amos, reprehensionē culpæ & vitiorū cōtineri intelligamus. Sed nullus ferè in cæteris vatibus est, apud quē reprehensiones, obiurgationes, atq. grauissima accu-  
 25 sationes nō sint. Etenim Isaias, Iesechiel, Hoseas, omnes deniq. cæteri vsq. ad extremum omnium Malachiā, in temporū suorū vitia & mores grauissimè perorarunt: neque tamen eiusmodi inscriptionē habent: Verba Hoseæ, &c. Alia igitur huiusmodi inscriptionis causa & significatio est, Quod in his vatum libris præter vaticinia certæ quedā rerum, quas vates ipsi aut egerint, aut pertulerint, narrationes contineātur, ita vt nō solū ver-  
 30 borū & orationū argumenta & exēpla, sed rerū etiam gestarum historia sint, Vt quæ Hieremias sibi ex suscepto & diligentur factō officio apud regem, principes, sacerdotes, populū, & Ghamedmelech Ethiopē accidisse narrat. Quodq. item Amoso cum Amaseā negociū fuit, quæ quod ad historiā propriè pertinent, historiæ nomē inscriptionēq. in his duobus personis præter cæteros, quibus nihil tale inter vaticinandū acciderat, meruerūt.  
 35 Atq. ita verba Amos, Verba Hieremiæ, res ab his vatibus, tū gestas tū platas exponimus eadē significatione, qua exponi illa solēt: Verba dierū regum Israël. & palā: Factum est verbū istud. Ego faciā verbū in Israël, & reliquū verborum Salomonis, & omnia quæ fecit, &c. Quibus in locis & multis alijs verba, res gestas, dictaq. & facta cuiuspiā significāt: qualia in Hieremiæ & Amosi libris obseruantur, vbi præter  
 40 vaticinia ipsa & legationes quedam etiā propriæ ipsorū res, actiones, orationesq. sunt, cuiusmodi nihil in cæterorū vatū libris offendimus, in ijs enim tantū id quod acceptū à Deo fuerit, relatū explicatūq. legitur. Quamobrē vni Deo, vt auctori vnico ac pprio, attribui adscribiq. solet ille titulus, Verbū Dñi. Visio, vel Onus. Tertium aut genus est, Onus, in quo quinta, quā indicauim⁹, formula versatur. Illud demū in hoc argumēto  
 45 obseruatōe dignū est, fieri nōnunq. vt singula genera, singulis, aliquādo etiā vt duo simul vni vati adscribātur, atq. hac etiā cōiungendi ratio, varia in alijs atq. alijs sit. Alterius modi exēpla illa sunt. Verbū Dñi quod fuit ad Hoseag. Verbū Dñi quod fuit  
 B 4 ad Ioël,

Mar. i.

Luc. 3.

Exod. 17.  
1. Sam. 3.  
3. Reg. 1.



ad Ioël, &c. Visio Isaïæ, Visio Abdiæ, Onus Ægypti, Onus Babel. Posterioris illa varia etiam exempla sunt: Fuit Verbum Domini ad Abraham in visione. Et onus, Verbi Domini ad Israël in manu Malachiæ. Et Onus Niniue, Liber visionis Nahhum Elcussæi. Onus Babel quod vidit Isaïas. Onus quod vidit Habbakuq. Itaque vnum quidem simplex, vel duo varijs modis coniuncta, vni vati, sed tamen tria omnia simul nulli vsquam adscripta inuenimus.

IG. II.

Existit autem hoc loco non incommoda disputatio, cuius argumentum ex antiquorū expositorum obseruationibus proficiscitur. Legimus enim in expositione illius loci apud Isaïam. Visio dura nunciata est mihi: decem verborum genera Vatribus familiaria, & veluti propria esse, quorum frequentissimus usus apud eius ordinis auctores fuerit, ea sunt. PROPHECIA. Visio. Stillatio. Verbum, siue Locutio. Dictum. Præceptum. Onus. Parabola. Ænigma, siue Propositio, Interpretatio. Quæ sua, id est, Hebraica lingua sic sonāt: נבואה חזק השפה ריבוי אמירה ציווי מטאמסל חידה מליצה: quorū durissimum genus visio esse perhibetur quod scriptum sit, Visio dura nunciata est mihi, &c. Hi gradus, vel vt aptius dicamus, hæc statū discrimina & prophetiæ rationibus ab antiquis recensentur: quæ si ita se habeant, videndum est primum an nostra triplex generum partitio satis cōmode facta sit, cum posuerimus vnum genus, Verbum Domini. Alterum Visio. Tertium Onus: videntur enim septem aliæ partes adhuc superesse. Deinde etiam illud videndum est, an decem illa verba ab antiquis obseruata synonyma sint, eidemque rei omnia cōueniant, an variam singula significationem rationemque sequantur. Namque si idem omnium pondus, eademque ratio est, illud minime stare potest, quod ab iisdem assertitur, durissimum genus esse Visionem. Sin verò differre inter se dicantur, quenam vniuscuiusque ratio propriè sit, cognoscere opera precii fuerit. Tertio autem inquirere oportebit, quidnam antiqui auctores interesse putauerint inter Verbum siue Locutionem & Dictum, quæ separata ab illis fuere: adeo vt illud sapientissime in hoc genere expressum adnotetur. Et locutus est Dominus ad Mosem dicens: siue vt Hebraice habet, ad dicendum. Præterea quid differat PARABOLA ab ÆNIGMATE siue propositione, quæ ab antiquis distincta sunt. Omne enim Ænigma parabolam dici, nihil, vt videtur, prohibet. Illud autem difficilius multo ceteris esse videtur, quod in decem illis prophetiæ formis siue verbis Prophetia numeretur, vt ceteræ nouem formæ à prophetia distinguantur. Quod si ceteræ etiam ad prophetiā pertineant, eiusque formæ partēsve sint, inerudita partitio fuisse videtur, quæ genus ipsum inter species, & totum inter partes collocet.

Hos. II.

Num. II.

Demum illud in hac ratione est querendum, cur decem illis familiaribus & proprijs vatū verbis alia, quæ non minus frequentia atque familiaria esse obseruantur, adnumerata non fuerint. Ea autem decem altera sunt, Manus Domini, vt scriptum est, fuit super me manus domini. Nuntiatio: vt, Visio dura nunciata est mihi. Vocatio: vt, Et vocauit Mosem, Et vocauit Samuelem. & Effatum; quod hebraicè dicitur נאום, in vaticiniorum sententijs claudendis frequentissimum, pro quo noster interpres reddit. Dicit dominus exercituum. Et Auditio, vt Et Audiui vocem Domini dicētis. Auditionē audiuius à Domino: & Inspectio, quæ Hebraicè ראיה diuersum verbum à Visione, vt scriptum est, Vidi siue aspexi Dominum. Vidi in nocte. & Similitudo, vt & in manu prophetarum assimilatus sum. Atque etiā Somnium & Prospectio, quæ Hebraicè מראה: & Apparitio. Quæ omnia prophetica verba sunt, sicut scriptum est. Si quis fuerit propheta Domini, in visione apparebo ei, vel per somnium loquar ad illum,

illum, &c. ita ut cum ab antiquis decē notata sunt, viginti notanda fuisse videantur.

Verum enimvero rebus omnibus diligenter examinatis, atq. perpensis, antiquorum accuratam observationem veram atq. certam esse, nihilque cum nostra triplici partitione pugnantem reperimus. Etenim prophetie ratio omnis, vel auctorem ipsum, vel suscipientem, vel tertium aliquem ad quem mandatur, spectat. Auctorem dicimus Deum vatum mentibus consilia mandataque sua dantem, ad quem relata prophetia, dicitur Verbum Domini; quocumq. modo illa suggesta fuerit, siue imaginibus, spectrisq. obiectis, siue expresse dictatis verbis, mandatum enim ipsum consilium & sententia omnis, Verbum Domini, auctoritatemq. diuinam sortitum est. Susceptorē verò appellamus personā ipsam, cui  
 10 prophetia vel arcanum Dei consilium creditur, qui cum vel futuri temporis, vel presentis quidem, tamen absentes loco res diuino dono prospiciat, videns & prospiciens, hoc est רואה וחוזה appellatur, atque ex hac ratione prophetia ipsa visio vel inspectio dicitur. Nihil autē ad hanc rationē refert, quomodo illi prophetia suggesta sit, an verbis expressis, an imaginibus obiectis, utcumq. enim res demonstratur, videri tamen & perspicui vatis  
 15 mente dicitur. Videt enim ille, & diuini sibi aperti consilij conscius est. Atq. ex hac ratione scriptum est: fuit verbum Domini ad Abraham in visione dicens: Ne timeas Abraham, &c. etenim verborum illorū expressa explicatio, in qua nulla imago, nullum spectrum est obiectum, tamen in visione facta fuisse dicitur. Neq. etiam, quantum ad suscipientem ipsum pertinet, magno discrimine differt, an per quietē illi, an in vigilia prophetia  
 20 contigerit: quanquā quæ dormientibus creditur, Somnium propheticum; quæ vero vigilantibus Visio & Prospectio dicta sit, siue Hebraicè מראה מוחה. Namq. utrumque modum vocat scriptura חזון vel מראה visionem vel inspectionem, sicut scriptum est, Per Somnium in visione noctis, Hebraicè בחלום בחזון לילה & scriptum est, Et dixit Deus ad Israël in visione noctis, Hebraicè במראה Itaque vel vigilantibus, vel dor-  
 25 mientibus allata prophetie Visio & inspectio dicitur: neq. vllum in re ipsa discrimē est, nisi quantum vel noctu, vel interdiu accidat, id quod scriptura ipsa indicare aperte solet. At verò quoad prophetia personā eam spectat, aduersus quam edita est, siue illa priuatus aliquis, vel publicus homo, siue ciuitas, siue tota etiam regio sit, Onus dicitur, Hebraicè משה à verbo נשא quod est ferre siue portare, quod ei, in quem allata fuerit, illa  
 30 diuina sententia ferenda sit. Est enim verbum נשא cōmune tam ei, qui alteri rem imponit, quam ei, qui ab altero impositā fert, quod vel vno illo exēplo ostenditur: In die illa sumetur super vos parabola &c. Hebraicè ינשא. Tolletur super vos, &c. Itaque omnis prophetie natura & ratio, ad tres has personas tantum refertur, ad eam vnde proficiscitur, ad eā cui creditur, demūq. ad eam aduersum quā editur: atq. ut ad primā  
 35 personā relata, primum nostrum genus. Verbum Domini: ad secundam verò secundū genus, Visio. ad tertiam autem tertium genus, Onus spectat: atq. adeo hac ratio ipso sermonis vsu confirmatur. Solet namq. dici, Verbum Domini, sed Visio Domini dici nō solet. Neq. enim Deus est ille, qui visionē accipit, sed propheta: Neq. etiā dici solet Onus Domini. Quod nō obscurē fortassis ab Hieremia significatū est. Et propheta &  
 40 sacerdos, & populus, qui dicit, Onus Domini visitabo super virū illū, & super domum eius: Hæc dicetis vnusquisque ad proximum suum, & ad fratrem suum. Quid respondit Dominus? & quid locutus est Dominus? & Onus Domini vltra non memorabitur: quia onus erit vnicuiq. sermo eius, & peruertistis verba Dei viuentis, &c. Atque ita Onus cum propriē vsurpatur, ad  
 45 tertiam personam referri solet: ut, Onus vallis Visionis, Onus Tyri, &c. Illud etiam hoc loco animaduertendum est, cum duo ex his generibus coniuncta simul sunt, significatione certa non carere. Nam si legamus Verbum Domini cum Visione, aut  
 videndi

Gen.

Iob. 33.  
Gen. 46. v. 1

Mich. 2.

Hier. 23.



videndi verbo iunctum, intelligimus vati per visionem illud verbum fuisse creditum. Sin verò verbum cum onere fuerit, illud significatur consilium & verbum Domini vati creditum esse, eiusque rei periculum ad gentem vel hominem certū, quem scriptura indicet præcipue pertinere. Visio autem & Onus cum coniunguntur, Onus illud visioni fuisse vati demonstratum docent. Cur autem huiusmodi verba nonnunquam; separata & distincta, interdum verò coniuncta legantur, ex ipsa vaticiniorum ratione & sententia suis in locis erit sigillatim considerandum. Igitur quæ à nobis ad tria illa genera redacta sunt, eadem omnia ab antiquis specierum enumeratione sunt explicata, neque sibi inuicem vlla ex parte aduersantur.

At verò tria etiam genera antiqui constituerunt, ad quæ ea, quæ à nobis adnotata 10 sunt, verba omnia referantur. Primum genus prophetae siue excipientis; Secundum auctoris, id est, Dei; tertium personæ, cuius res agitur, rationes continet. Prophetica rationem tribus gradibus perfici dicunt: quorum primus est affectio & animatio prophetae ipsius erga Deum, quæ non natura propriè, sed consilio, voluntateque definitur, ita ut probitate & diuinarum studio rerum constet. Namque his affectionibus 15 acta humana mens, ad diuinarum contemplationem, cognitionem, laudemque rerum rapitur, quæ cum eum gradum obtinuerit, spiritus sancti virtutem experta, maxima & diuina mysteria canit, ac iam tum prophetare dicitur, sicut scriptum est: Habebis ibi gregem prophetarum descendantium de excelsis, & ante eos psalterium, & tympanum, & tybiam, & cytharam, ipsosque prophetantes, & infiliet in te 20 Spiritus Domini, & prophetabis cum eis, &c. Secundus prophetici doni gradus est Visio. Etenim humana mens post illam priorè diuini spiritus insinuationem purgata, magis altiusque elata, ad arcana consilia, resque futuras cognoscendas perducitur, quo in gradu cum fuerit, videre ac prospicere dicitur. Nihil autem interest ad visionis nomen obtinendum, an vaticiniorum argumenta obiectis spectris intellecta, an expressis & 25 dictatis verbis excepta sint. Tertius denique prophetici muneris gradus, est exercitatio, siue perfunctio, cum vates ea quæ viderit, in publicum edere iussus, refert & canit, cuiusunque argumenti illa sint, siue ad futurarum enunciationem rerum, siue ad morum doctrinam spectent: hoc autem genus antiqui vocant מִסְתָּח, Latine Instillationem dicimus, nomine ex illis sententijs facto. Et super illos stillabat eloquium meum. & 30 Non prophetabis super domum Israël, & non instillabis super domum idoli, &c. Et apud Michæam. Ne stilleris stillantes, ne stilleris super istos, &c. Ita fit, ut tria illa verba Prophetia, Visio, instillatio, ad vatem ipsum referantur, quatenus vaticiniorum gradus assequutus fuerit. Tria autem altera auctore ipsum, id est, Deum vatum mentes informantem respiciunt: Locutio, Dictum, Iussio siue Præceptum. 35 Nam quæ à Deo in vatem proficisci solent munera, nonnunquam alloquio & sermone expresse facto expediuntur, cuiusmodi ratio vni præter ceteros Mosi frequentissimè contigit, sicut sæpissimè scriptum est: Et locutus est Dominus ad Moysen. Neque enim huic formæ similes illæ sunt: Et fuit Verbum Domini: & Verbum Domini quod fuit. His namque orationibus alius minus, quam prior ille familiaris allocutionis 40 modus indicatur. Rursus etiam accidere sæpe solet, ut vates non alloquio, expressisque verbis audiant, sed mente & intellectu illustrati, exceptum diuinum consilium ac mysteria doceantur: Atque hic modus Dictum vocatur, cuius significandi causa vates illud frequenter usurpant. Sic dicit Dominus. Et dixit Dominus ad Hoseam: Et dixit Dominus ad Isaiam. Non ut illis res certis verbis expresse aut dictate, ut Mosi 45 leges & præcepta fuerint, sed quod certa rerum notitia & copia facta, atque ut propria deinde ipsorum oratione exponeretur, credita mandataque fuerit. At verò quoniam Mosi

2 Sam. 10.

Iob. 29.

Amos. 7.  
Micha. 2.

Mos utrunque contigit, ut & alloquentis se Dei vox audiretur (sicut scriptum est, audiebat vocem loquentis ad se de propitiatorio) atque etiam ut intellectu & mente Num. 7. illustrata ratio rerum sibi creditarum & communicatarum perciperetur, ob eam rem utrunque verbum Locutio & Dictio, in Mosais narrationibus est frequentissimum.

5 Et locutus est Dominus ad Moysen dicens.

Demum tertium illud verbum Præceptio siue Iussio, ad eos pertinet, qui quanquam Dei vocem, expressamque orationem audierint, non tamen aliquem ex prophetis gradibus obtinere dicuntur: neque enim ut propheta omnes mente illustrati arcana rerum percipiunt, neque ut Moses simul cum verbis & oratione animi etiam diuina illa illustratione afficiuntur, sed tantum quæ dicta sibi celitus fuerint auribus & mente pro cuiuscunque captu accipiunt: in quo genere Israëlita fuerunt, qui in Sina monte decem præcepta e medio nubis, ignis & fumi pronunciata una cum tubæ sonitu audire: atque etiam discipuli tres in monte Thabor, quibus illud diuinum de Christo præconium & Luc. 9. præceptum est auditum: Hic est filius meus dilectus, in quo mihi bene complacui, ipsum audite. Ad hoc etiam genus illa pertinet vox, quam cum multi de Christo audirent, alij tamen aliter interpretati sunt: Clarificaui & iterum clarificabo. Itaque Locutio ad Moysen gradum propriè pertinet: Dictum, ad alios prophetas: Iussio autem siue Præceptio ad eos, qui propheta non sunt, sed eo tamē diuino beneficio sunt affecti, ut Dei vocem audire potuerint, sicut scriptum est: Quid est omnis caro ut audiat Deut. 5. vocem Dei viuentis, qui de medio ignis loquitur, sicut nos audiuius? Hæc igitur horum trium verborum diuinum influxum & effectum spectantium ratio est.

Sed & tertium illud genus, quo eius aduersum quem diuina verba fiunt res & rationes contineri diximus, quatuor etiam verbis, veluti partibus & speciebus constituitur: ea sunt, Onus, Parabola, Propositio, Interpretatio. Accidit enim nonnumquam ut propheta impositum sibi & decretum à Deo aduersus personam quampiam onus dicendo exponat, quod propriè Onus dicitur à Parabola, Propositione & interpretatione diuersum, quantum ad sententiam atque elocutionis formam attinet. Nonnumquam verò fit, ut quæ ipse viderit, similitudinibus & parabolis propositis eloquatur, quarum sententia tamen aut aperta sit, aut facilem explicationem habeat. Ut quæ apud Isaiam sunt: Et vidi Dominum sedentem super solium, & Seraphim, &c. Atque hæc forma propriè מְסֹרֶת dicitur, quam Græcè Parabolam siue Allegoriam vocamus. Euenit etiam aliquando, ut oratio ex verbis & imaginibus quibusdam instituat, quorum difficilis, abstrusa atque recondita significatio sit, & præcipuum aliquem interpretem ad explicandum requirat: cuius generis sunt, Ezechielis currus, Zachariæ visiones, Danielis hebdomada, & Ioannis Theologi Apocalypsis. Hæc eloquendi abstrusa & captu difficilis forma, propriè חֲדָרָה Hebraice dicta, nobis Ænigma, siue Propositio vocatur. Est autem חֲדָרָה nomen à verbo חָדַד factum, quod acutere significat: acutissimam enim eius mentis esse aciem oportet, quæ in huiusmodi dictorum sententiam penetrare possit. Non raro etiam accidere solet, ut propheta, quanquam nec παραβολαὶ nec ἀνιγμωτικὸς eloquatur, tamen sublimi & eleganti dicendi utatur genere, resque omnes amplissimis prosequatur verbis, quorum sententia quanquam vulgaribus mentibus constet, elegantia tamen ratio sine docto interprete constare non possit. Hoc dicendi genus cum ceterorum vatum omnium commune multis in locis, tum Davidis in Psalmis, & Salomonis in sapientia libris, proprium est. Idque nobis interpretatio siue elegantia, Hebraicis autem מְלִיצָה dicitur, à verbo מָלַךְ, quod Latine dulcescere, vel suauē esse, reddere possumus, ut ex illo loco obseruare est: Quam dulcia faucibus meis eloquia tua, Ps. 118. &c. Igitur tria illa prima verba, Prophetia, Visio, Stillatio, prophetam propriè: Tria



Tria verò altera Locutio, Dictum, Iussio, auctorem ipsum, id est, Deum: quatuor autem vltima, Onus, Parabola, Propositio, Interpretatio, personam spectat eam, ad quam oratio habenda est. Neque verò hic in eam partem disputare animus est; vt omnes has formas, aut certè complures ex his, in eodem vate obseruari negemus: sed illud tantum ostendere volumus ad quodnam genus, ad quam personam, vnaquæque forma pertineat. Nam Onus propriè id est, quod decretum à Deo aduersus personam aliquam vates exponit. Parabola autem & Propositio, elocutionis genera sunt à vaticibus ipsis pro rerum, temporum, ac personarum rationibus ad agendum, perorandumque ex diuino tamen consilio vsurpata, sicut scriptum est apud Ezechielem: Et factum est Verbum Domini ad me dicens, Fili hominis, propone ænigma, 10 & narra parabolam ad domum Israël. Hebraicè ad verbum sic est: ænigmatiza ænigma & paraboliza parabolam, &c. Hæc itaque species quod tribus illis generibus continerentur, ab antiquis in vniuersum indicata sunt, sigillatim autè non sunt notatæ: Quòd ad Visionis, Locutionis, & Oneris rationem ceteræ omnes referri putarètur. De illa verò re, de qua quærebamus, quodnam omnium generum grauissimum existi- 15 mandum esset, in quo varias doctorum hominum sententias collegimus, si ad humanæ mentis captū referatur, rectè ab antiquis statutū traditūq. est, Visionem esse durissimam. Etenim futuras post longissima tempora, aut absentes locoque remotas res prospicere grauissimum, & humanæ mentis captu longè maius munus creditur. Nam vt Hieremias inquit: Quis affuit in consilio Domini, & vidit & audiuit sermonē 20 eius, &c. vel vt Hebraicè est, Quis stetit in arcano Domini, &c. fuere autem qui Locutionem grauissimam esse asseuerarent: quorum sententia nō tam hominem ipsum consilij diuini participem, quàm Dei sublimitatem spectat. Maxima enim, atque omnem humanam dignitatem longe superans res existimatur, vt Deus ad humanū colloquium descendere, atq. arcana sua consilia cum hominibus communicare velit, sicut scriptū est: 25 Ecce ostendit nobis Dominus Deus noster maiestatem & magnitudinē suā, vocem enim eius audiuius de medio ignis, & probauimus hodie quod loquitur Deus cum homine, &c. Alij verò sunt quibus Onus omnium generum grauissimum est indicatum. Quippe his non adeo mirabile videtur humanum animus, cuius origo cælestis credatur, diuinas influxiones atque illustrationes posse capere, neque 30 etiam alienum à diuina benignitate & gratia existimatur, velle Deum consilia sua cum vaticibus cōmunicare, vtpote quem nullius beneficij, quod poni in hominibus possit, auarum esse constet, sicut scriptum est, Domine quid est homo quòd memor es eius, &c. Sed illud vehementer admirandum videretur, velle Deum tam exactam & minutam rationem singularum rerum, quæ ad aliquam gentem vel personam pertinent, 35 cum vaticibus communicare, cum ex Philosophia doctrina humanus intellectus ad vniuersalia tantum à separatis causis accipienda aptus idoneusque esse putetur; singulariū verò rerum cognitionem ex sensibus habere dicatur. Quamobrem vt præter humanæ philosophiæ rationes nouum & insuetum, ita etiā grauissimum prophetiæ genus Onus nonnullis videtur. Illud autem commode adnotari operæ precium fuerit. Prophetare 40 verbum, & Prophetia nomen ad primum illum vaticinij gradum significandū vsurpari, ita vt raptus ille, quo homines sacris rebus intenti, aliquando ita afficiuntur, vt in diuinas laudes prorumpant, versus & hymnos ex tempore compositos canant; item conciones sacre diuino spiritu rem & verba suggerente, præterea futurarum prædictiones rerū, quæ propriè vaticinia sunt, deinde sententiæ grauissimæ & consilia diuini- 45 nitus data aut relata, hæc inquam omnia prophetiæ, & qui hæc exerceant prophetare dicantur, vt nos alias pluribus, modò Deo nostra consilia probentur, docebimus.

Itaque

Itaque prophetia ipsam primam mentium agitationem significat. Deinde etiam oportune est adnotandū verba illa, (Locutio, Dictū, & Iussio) gradibus inter se distare certis, qui non temere à quolibet compleantur. Etenim illud exploratum est omnē iussionem esse dictum, omne dictum quoque esse locutionem, quæ tamen ratio vice versa non recurrit, quamobrem huiusmodi verborū expositio recto, ut constat, consequentiæ ordine ab antiquis explicata est. Atque hætenus tribus, quas proposueramus, questionibus fuerit à nobis satisfactum.

- Quarta autem nostra questio, præter verborum interpretationem, nihil ad explicandum difficultatis habet. Namque Manus Domini vim illam diuinitus in prophetarum animos illapsam significat, quamobrem à Chaldaeo paraphraste verba illa: Manus Domini, hoc modo semper explicatur. Prophetia ab ante Dominum: quæ verba quod communia omni diuina influxioni essent, inter augustiora genera poni non fuit necessarium. Neque etiam illa commemorari, Vocatio, Nunciatio, Auditio, quæ cum idem quod Verba & Dicta significant, in illis generibus, Locutio, Dictum, Iussio, comprehensa esse cognoscuntur. Sed illa quoque omnia: Inspectio, Aspectio, Somnium, Similitudo, continentur in Visionis nomine, quod omnibus, quæ vel interdum vel noctu obijciuntur, spectris commune est. Neque enim quicquam aliud est Similitudo, quam species quæ visentibus ostenduntur, sicut scriptum est: Et Ego Visionem multiplicavi, & in manu Prophetarum assimilatus sum. Denique Apparitio ad visionem quoque refertur. Nunquam enim Deus mortalibus vatibus, ita ut ipse est, sed aliqua specie inducta apparuit, sicut scriptum est, Deum nemo vidit unquam, &c. Neesse ergo est aliquam rerum similitudinem intueatur is, cui apparere Deus vel angelus dicitur, ut suo loco exponendum nobis Deus dabit. Quæ igitur imaginibus & spectris videntur, ea omnia ad Visionem, quæ verò expressis verbis accipiuntur, ad Locutionem spectant. His igitur rebus omnibus quæ ad communem omnium prophetarum interpretationem oportuna videbantur, hætenus explicatis, ad expositionis opus iam deinceps accessuris, Osee primi omnium vatis libri argumentum breuiter exponere consultissimum visum nobis fuit.

Osc. 12.

Iohan. 1.

C

ARGVMEN-





ARGVMENTVM VATICINII. *Hosſea*

5 **U**M POPVLVM ISRAELITICVM, ET IVDÆO-  
 rum gentem, reliquumque Solymorum vulgus omnium  
 10 generum suscepta scelera; maximè autè simulachrorum  
 superstitiosos cultus, ad diuinam indignationem fre-  
 quenter adduxissent, atque ea res in causa esse posset, vt  
 Dei promissiones per hominum scelus aut impediren-  
 tur, aut saltem retardarentur, maximarum misericordia-  
 rum Deus non oblitus, arcano illi suo consilio deesse no-  
 luit, quod de hominum reparatione iam inde à principio  
 instituerat. Sed quæ res huic negotio obſtare poterant,  
 quominus tandem explicaretur, eas res corrigere, com-  
 ponere, aut prorsus de medio tollere instituit. Quamobrem hanc prouinciam sacris va-  
 15 tibus tradidit, vt antiquorum Dei consiliorum populum admonerët, & quantum nefas,  
 quanta ab illis flagitia admiffa ſint, commemorarent; atque decreta in impios grauiffima  
 ſupplicia (niſi peccare deſinant, & diuinam miſericordiam fide, ſupplicationibus, atque  
 vitæ correctione caprent) in illis conſumenda eſſe aſſeuerarent. Namque Dei iuſtitia, vt  
 non cedatur, fieri nõ poſteſt: cum homines ſcleribus obligati, tamen oportune ſibi con-  
 20 ſulere, & inuenta in ſacris libris remedia, quarere negligunt. Igitur Hoſſeas vnus ex ſacro  
 varum collegio Iſraëlitarum ſcelera & Iudæorum cum primis commemorat, & quas illos  
 calamitates ob eam rem accipere ſit neceſſe, exponit. Namque futurum eſſe prædicit, vt  
 Iſraëlis frequentiffima gens captiua, atque per totum orbem diſpergenda abducatur.  
 Iuda verò atque Ephraim vtraque tribus ex patria in Babyloniam victoris triumphum  
 25 ſequuta commigret. Sed Iſraëlitarum diſperſionem atque exilia diuturna nimis fore  
 prædicit, cum Iudæorum tamen in patriam reditus ante peractum ſeculum ſit expectan-  
 dus. Nam & Hieroſolymitanum reſtitui phanum, & illum totius orbis reparatorem ea  
 in vrbe expectari oportebat; cuius promiſſionem certiffimam eſſe, diuina voluit benigni-  
 tas: tamen quæ inferni hoſtis, & humani ingenij malitia eſt; cum is, qui à Deo in ſua gen-  
 30 tis amplitudinem & ſalutem fuerat mittendus, ab ijs ingratiffimè ſit ſuſcipiendus, à qui-  
 bus gratiffimè ſuſceptum iri oportuit; Iudæos illud eius ſcleris ſupplicium duros oſten-  
 dit, vt vrbe exciſa, & templo diruto, omni prorsus honore, auctoritate, fortunis omnibus  
expoliati victorum hoſtium libidini expoſiti, à Dei gratia longè ſemoti, & libertatem &  
religionis honorem, atque denique omnem decorem amittant. Neque verò eam miſe-  
 35 riam expuere illis integrum vnquam erit, donec inexhauſta Dei miſericordia affectæ  
 omnes pariter duodecim tribus, tam ij qui ex Iſraëlitis reiecti, quàm qui ex Iudæis pro-  
 pria culpa fuerant repudiati, in gratiam tandem à Deo recipiantur; quam reſtitutionem  
 integram atque ſtabilem fore præcinit; ita vt nunquam rursus in diuerſa regna, aut in di-  
 uerſas factionum partes diſſoluantur; ſed ſtabili in concòrdia conſtituti, vni regi, & popu-  
 40 lorum paſtori Chriſto parentes præſtantiffimæ illius, ad quam homines comparati ſunt,  
 felicitatis compotes euadant. Haſtenus totius libri argumentum à nobis eſt propoſitum.

45 **E**LOCUTIONIS autem & dicendi genus, quo vates hic vſus eſt, varium & mul-  
 tiplex eſſe cõſtat: nam breuibus chartis, multas atque maximas res complectitur,  
 & innumeris affectibus plenus eloquitur: quamobré obſcurius illum loqui interdum  
 animaduertimus; ſolet enim affectibus concitati hominis concitatus etiam  
 eſſe, atque varius ſermo, qui rem fuſius interdum, ſæpiſſime contractius, atque breuius  
 efferat. Sed quam animi affectionem refert Vates hic, ea nulla in humanis mentibus ex-  
 cogitari poteſt concitior: ſuſtinet enim perſonam viri vxoris amantiffimi, eiudemque  
 50 grauiffima adulterij iniuria ab vxore affecti: cui dolori nullum humanæ leges modum  
 inuenire popuerunt, neque vllum diuina lex impoſuit modum, quominus animus vin-  
 dictæ cupidus expleatur. ergo ſi quis propriam vxorem, quam is ſummo amore & maxi-  
 mis beneficijs ſit proſequutus, in adulterio palam deprehenderit, quanto dolore quanta-  
 que ira ardere illum neceſſe ſit, nemo plene exiſtimare poſſit. Sed cum maximus atque  
 vehementiffimus amor vltionis impetum & conatum retardet, quibus ille perturbatio-  
 C 2 nibus



nibus, quibus molestissimis cogitationibus agatur, quisnam valeat explicare? Enimuero vterq; affectus seorsum, neq; modū, neq; consilium certum aut habere, aut sequi potest, nempe amor, & violatæ cōiugalī fidei dolor; nedum, si pariter eundem animū infestent, modum aut rationem dicendi vel agendi certam sequantur: ea nimirum res huic vario atq; conciso dicēdi generi, quo Hosseas vtitur, causa est. Adde etiam quod non suas, sed Dei partes Vates hoc in libro agit, qui cum vxoris, hoc est plebis suæ sit amantissimus, idemque ob violati fœderis crimen nimis offensus, maxima ad vtramque rem explicandam argumenta, maximas atque appositas eloquendi figuras Vati suo suggerit, quibus & Dei erga plebem amor indicatur, & scelēris ab illa admissi grauitas expenditur. Has autem perturbationes amoris, gratiæ, iræ, atque doloris, & quæ huiusmodi animi impulsio-  
nes vocantur, Deo sacræ literæ non tam affectus quàm effectus ratione tribuunt. Etenim quæ in his rebus ad molestiam atque mentis imperfectionem pertinent, ea à Deo longissimè esse aliena, tum ipsa diuinæ naturæ consideratio, tum arcana volumina docent: quæ verò ad virtutem atque efficientiam ex his rebus pertinere videntur, ea Deo maximè conuenire constat. In amore igitur duo sunt, animi eius, qui amat, perturbatio, & maxi-  
ma ad beneficentiam propensio; in violati connubij iniuria duo item sunt, grauissimus ob acceptam iniuriam dolor, atque iustæ pœnæ sumendæ consequentia. Ex his quatuor rebus priores duas diuinę negamus inesse naturę, animi perturbationem atque dolorem; alteras illi relinquimus, beneficentiam atque animaduersionē. Est etiam alia ratio, quam obrem Deus hoc dicendi genere apud homines vtratur, & has animi impulsiones non  
raro exprimat, nimirum vt homines intelligant, cuiusmodi eorum scelera sint, quæ ipsum Deum (si capere id eius natura posset) in eiusmodi perturbationes iram, odium, inimicitias, vltionis appetitum, & quæ huius sunt generis, impellere valerent. Præterea cum diuina scripta ad hoc dictata à Spiritu sancto sint, vt ea re homines diuinarum atque humanarum rerum rationes doceantur, & ad virtutem atque officia, ad honestatem, ad salu-  
tem denique suam vocentur, eo eloquendi genere Deus vti consueuit, quo maximè homines ad has res impelli solent. Solent autem vehementissimè humani affectus similibus affectibus commoueri. Nam quæ à perturbationibus animi sunt, dolore, cupiditate, iracundia, metu, quia necessitatis vim quandam habent, afferunt auctoritatem & fidem: atque ea res efficit, vt hoc dicendi genus semper in grauissimis causis ab oratoribus  
vsurpetur. Sed nunc de his satis, iam verò interpretationem ipsam aggrediamur.

*Verbum Domini quod factum est ad Hossee filium Beerī, In diebus Ozia, Ioathan, Achaz, Ezechia, Regum Iuda.*

35

PGI. 74.

**A**UCTORITATEM atque fidem vaticinio hæc auctoris & Vatis & temporum ratio affert: attentionem etiam ipsa re, de qua dicendum est, dignam capiat, atque legentium audientiumque animos dociliores reddit: namque cum nihil vnquam frustra & sine maximo consilio à numine fiat, consequens est, attentos esse oportere homines, dum Deum verba facere paratē audiunt. Nunquam enim accidit, vt Deus aut temerè, aut iocose, aut ociose loqueretur; sed quotiescunque orationem quamuis breuissimam habere visus est, magni momenti res, atque negotia, hominibus vtilissima tractasse, semper fuit obseruatus. Quamobrem scriptum est: Audiam quid loquatur in me Dominus Deus, quoniam loquetur pacem in plebem suam, & super sanctos suos, & in eos, qui con-  
uertuntur ad cor. Atque hæc res causa Mosi atque alijs scriptoribus fuit, vt diuinum aliquem sermonem relaturi, Dei verbum, illud esse præmonerent, his verbis: Et loquutus est Dominus ad Mosē dicens: Et loquutus est Dominus ad me dicens. Quibus verbis illud indicatur, magnam rem atque auribus animisq; attentis excipiendam esse, quam Deus oratione enuntiare instituerit; eamque rem non humana sed diuina auctoritate  
esse diffiniendam. Eodem igitur verbo vsus est Hosseas, quo Mosēs, atque alij vti consueuerunt, quanquā inflexione diuerso. Nam quod alij hoc modo proferunt: Et loquutus est Dominus; Hosseas verbi tantum in nomen mutatione protulit: loquutio Domini, siue verbum Domini; eadem namque omnibus in locis origo, idem the-  
ma est: Dabar verbum & dabbar loqui, qua ex re illud efficitur, vt attentis animis hunc Vatem

Vatem audire oporteat diuinam orationem omni auctoritate præditam, nobis referre parantem. *Verbum Domini quod factum est ad Hosseam, siue, quod fuit ad Hosseam filium Beer.* Voluit Deus, qui se humanis rebus providere sapissimè testatus est, suorum erga homines consiliorum, & voluntatis suæ interpretes & testes vnum atque alterum, & interdum  
 5 plures ex hominibus ipsis creare; vt quidquid ille siue fausti siue infauti in homines decreuisset, id non casu, sed diuino consilio accidere intelligeretur. Atq; cum is nihil agat, cuius aptissima ratio reddi non possit; omnium verò rationum, quæ Dei nomine reddi hominibus possunt, duplex caput, & duo veluti fontes sint, alterum misericordia & veritas, alterum verò iustitia: ex eo fieri videmus, vt per ministros suos & consilia sua  
 10 aperire Deus, & quæ obtemperantibus præmia ex diuina misericordia, quæ rursus non obtemperantibus supplicia ex iustitia diuina comparentur, exponere consuerit. Qua de re Paulus: Multifariam, inquit, multisque modis loquutus est Deus in patribus per Prophetas, & in sacris annalibus legimus: Mittebatq; illis Dominus Prophetas, vt reuerterentur ad Dominum. quos protestantes illi audire nolebant. protestantes dicit, hoc est,  
 15 diuinum illis consilium aperientes: quia non faciet Dominus Deus verbum, nisi reuelauerit secretum suum ad seruos suos prophetas. Namq; nihil est quod homines perinde transuersos agat, quàm absentium & futurarum rerum ignoratio, atque impia de diuina  
 20 providentia, opinio: tum demum ad omnium generum scelera & maleficia intemperatissimè homines accedunt, cum illud sibi persuadent, signa nostra non vidimus iam non est Propheta, & nos non cognoscet amplius. Igitur ex pluribus, qui à Deo ad eas res, de quibus diximus creati fuerunt, prophetis, vnus hic est Hosseas, qui nomē suum consultò  
 25 profitetur, ne liber hic fictus ac supposititijs esse videatur: atque, vt omnis generis malitiæ his rationibus prouideatur. solet namq; nominis explicatio fidem rei facere, auctoritatemq; conciliare dicendis: quam rem à bonis auctoribus perpetuo obseruatam videmus, maximè verò ab ijs qui diuino dictate spiritu de rebus sacris volumina conscripsere. Plenæ autem sunt huiusce rei exemplis antiquæ, plenæ etiam nouæ chartæ, vt illud: cæcus Barthimæus, filius Timei, Simon Cyreneus, pater Alexandri & Rufi.  
 30 *FILIVM BEERI* ab antiquis & doctioribus Hebræis receptum est, & communis obseruationis lege traditum, si cui Vati patris nomen addatur, eum etiam patrem vatis munere fuisse functum; auum autem non tam muneris quam honoris causâ nominari. Cæterum, si nulla patris mentio fiat, illum primum, non item patrem fuisse vaticinatum, cuius verò certa patria non explicatur, Hierosolymitanum eum ciuem fuisse arbitrantur, nisi ex tribus, vel generis ratione aliud intelligi possit. Hanc autem Hebræorum  
 35 obseruationem diuus etiam Hieronymus se non ignorasse significauit. Ex qua verò tribu oriundus fuerit Hosseas, adhuc compertum nobis nō est, nam quod Isiodorus eum Bethleemitem esse dicit, atque ad Isfascaris tribum refert, cum certum auctore non proferat, et si probabile ipsius auctoritate fiat, non tamen ad historię cogit certitudinem. Nec defunt qui dicant, *Beer*, quem liber hic patrem Hosseæ facit, eandem esse Beera principem in Reubenitide tribu à Beaiā eiusdem familiæ duce genitum, qui Beera à Tiglath Pelassar abductus fuisse in annalibus cōmemoratur. Quod si aliunde certa hæc  
 40 ratio est, ex diuersa tamen nominis cadentia non protinus incerta redditur: nam cum multi in linguis Hebraica, Assyria, atque Arabica interdum duplici, nōnunquam multiplici nomine appellentur: & huius nominum varietatis non simplex, vt aliās à nobis dicitur, ratio sit, vnum genus est, vltimæ literæ vel syllabæ mutatio, vt Iethro qui idem Iether  
 45 nominatur, & Hananiahu, idem ab Ezechiele vate dictus Hanania. Exod. 4.

*In diebus Ozie, Ioathan, Achaz, Ezechie regum Iuda, & in diebus  
 Ieroboam filij Ioas Regis Israel.*

50 **A** VCTORIS nomen temporum ratio aptè sequitur, quæ plurimū ad res, de quibus in vaticinijs agitur, intelligēdas confert: nam quæ res à vatibus vel innuuntur, vel verborum & sententiarum figuris significātur, eas ab historijs expositas atque explicatas petere conuenit: historiarum verò exacta ratio, ætatum atq; temporum obseruationibus indicatur. Eorum porrò temporum, quæ ad rerum narrationem pertinent, nulla commodior ratio consignari potest, quàm illa, quæ cum regum atque principum ætatibus coniungitur.

caſi-  
cio.

iungitur. Siquidem rerum varietatem, non tam temporum natura, quàm hominum ingenia edunt, hominum autem ingenia, mores ipſos principum plerunq; ſequuntur: fere enim fit vt aut gratia, aut metu, aut imitatione, atque adeo æmulatione, principum ſententiæ atque facta valeant: qualemq; ſeſe aut rex aut magiſtratus, præbuerit, talem ſe etiam populus exhibere ſoleat: quod ſi negligentiores ſunt, qui præſunt, & nullam certam retineant ſententiam, tum verò inconfantiſſimum & offici) negligentiffimum reliquum vulgus efficitur. Præterea regnorum atque regum memoriam & diutius & communius, quam temporum conſtare videmus; quoniam reges ipſi, atq; ipſorum geſta frequenti commemoratione repetuntur. Etenim promptius eſt quo rege, quàm quo anno, quoue tempore quid acciderit, meminiffe. Adde, quod regum atq; principum mentio in vaticinijs propterea etiam fit, quod ea non priuata ſed publica fuiſſe atque mani- feſta, eorumq; vaticiniorum rationes ad reges ipſos atque ad regnorum negocia perti- niſſe intelligantur. Ex qua re diuina miſericordia plurimum commendatur, & diuina iuſtitia recta atque æquiſſimæ eſſe confirmatur: non ſolum enim priuatos aliquot homi- nes, ſed totum populum cum ſuis regibus ſuarum rerum admonitos eſſe Deus voluit, vt reſiſcentibus corrigendæ vitæ commoditas & occaſio daretur; negligentibus verò, atq; diuinum imperium detrectantibus, nulla excuſatio conſtare poſſet.

Vaticiniorum  
argumenta &  
præſenti tempore  
& perpetuo  
vtilia.

Iſraëlitarum rex  
eius Iudeis ad-  
notatus.

Iſraëlitæ reges  
Hoſſeæ tempo-  
ribus.

Ioſeph. lib. 9.  
cap. 10.

Prophetarum  
tempora.

Iſa. c. 6.

3. Reg. c. 11.

4. Reg. c. 13.

Dies.

Tempus.

Sol temporum  
index.

Pertinent ergo Hoſſeæ vaticinia ad eorum regum tempora, qui in ipſo libri initio no- minatim citantur; quibus temporibus non hæc ſolum, quæ in hoc volumine continentur à vate dicta fuiſſe intelligimus, ſed alia quamplurima cum priuata tum publica, vt fui muneris ratio & rerum atq; negotiorum commoditas poſtulabat: quam rem alias com- modius tractabimus. Sed quæ in hoc libello conſcripta ſunt, quædam velut capita eorum negotiorum eſſe conſtat, & quæ non ſolum ad illorum temporum correctionem, ſed ad ſequentes etiam ætates, atq; adeo ad noſtra tempora vtilia fore diuinus voluerit ſpiritus. Quæcunque enim ſcripta ſunt, ad noſtram doctrinam ſcripta ſunt. Quod verò quatuor Regum Iudæorum temporibus Ieroboam etiam Regis Iſraëlitici tempora connume- rantur, id non ob ea ſolummodo quæ ad decem tribus ſpectant, factum dicimus; nam ſi ea vnica cauſa fuiſſet, cæterorum etiam regum, qui poſt Ieroboam ad Ezechiaſ vſque tempora Iſraëlitis præfuerunt, meminiffe oportuit; quoniam ſuorum etiam temporum hiſtoriæ à vaticiniorum atque prophetarum ſcriptis alienæ non ſunt. Fuerunt autem illis temporibus poſt Ieroboamum, Zacharias, Salum, Menahem, Phaceæ duo, atq; Hoſſeas filius Ela Iſraëlitarum vltimus regum, qui aut regnum in Samaria adminiſtrarunt aut tyrannidem exercuerunt. Sed Ieroboamum regem ob eam cauſam hoc in loco nomi- natum fuiſſe arbitramur, vt Hoſſeæ tempus quo vaticinatus eſt, ab ipſo initio regni Oziaſ conſtituatur. Namq; Oziaſ, qui idem Azariaſ dictus eſt, vigefimo & ſeptimo anno regni Ieroboam ſuo iure regnare cœpit, eodem quo pater eius Amaziaſ in Lachiſ eſt interfe- ctus, is antea pro patre vndecim annis regnum adminiſtrauerat. Igitur Hoſſeam diuinus vaticinandi ſpiritus, primis Oziaſ annis afflauit, cum adhuc Ieroboam rerum apud Iſraë- litas potiretur, atque hæc res opinionem nonnullis hominibus doctis fecit, Hoſſeam pri- mum omnium, qui ad ætatem ſuam referuntur, prophetarum vaticinij munus fuiſſe exe- quutum: namq; reliqui nimirum Eſaias, Amos & Micheas à diebus Oziaſ tantum cœ- piſſe commemorantur: & cum Oziaſ annis regnauerit quinquaginta duobus, fieri potuit, vt in extrema illius ætate vaticinandi munus reliquis fuerit mandatum; quandoquidem & Iſaias eo anno, quo Oziaſ mortuus eſt, ſeſe ignito carbone diuinitus tactum, atque ad legationem initiatum fuiſſe indicare videtur. Filium autem Ioas Ieroboam diſtinctionis cauſa nominat, duo namq; eiufdem nominis viri regnum apud Iſraëlitas obtinuerunt, quorum alter fuit Ieroboam filius Nabat primus Iſraëlitarum à Iudeis defectionis auctor & dux, qui æternum impietatis ſuæ exemplum ſucceſſoribus regibus, quicunque impij fuerunt, reliquit: alter verò hic, quem huius libri initio vates nominat, filius Ioas, qui in Iſraëlitarum regum ordine duodecimus numeratur. Quod verò ad linguæ & ſtyli ratio- nem attinet: dies hoc in loco pro temporibus atq; adeò pro ipſis eorum, de quibus men- tio fit, ætate atque tempeſtate: uſurpatur, ea figura, quam Græci metonimiā dicunt: conſtant namq; tempora diebus poſſimum, ex diebus enim menſes atque anni confi- ciuntur: Quoniam Sol qui maximus temporum eſt index ſui curſus rationem diebus poſſimum aptat, ſingulis ſingula in ſignifero circulo ſpatia conficiens: atq; ob eam cauſam



sam frequens hæc in diuinis libris est lectio, vt tempora atq; ætates dierum nomine diffiniantur. Hunc vatem Hosseam ad longissimam vsq; senectam ætatem suam extendisse, Hebrai auctores arbitrantur.

Hosseas dñi vici.

*Principium loquendi Dominum in Hossee.*

5 **N**Ouo & à ceterorum vatum consuetudine alieno exordio vaticinium suum Hosseas Exordium noui exempli. inchoat, atq; ipsa nouitate obseruationem à legentibus exigit; ea autem res nouam cum vate hoc agendi rationem à Deo suscitata indicat. Namq; si à Mose ad Hosseam  
10 vsque, præteritorum temporum memoria repetatur, nemo sanè Propheta in diuinis monumentis inuenietur, quem Deus hoc modo ad vaticinij munus cōparauerit, vt quæ ad populum, ac de populo dicenda essent, vates ipse in se prius suaque actione repræsen-  
15 taret, adeò vt mirabile fuerit vati, se hoc modo compellari, quo antea nemo alius à Deo fuerit compellatus, idque quod ipsi mirabile visum fuerit, posteris animaduertendum obseruandumq; reliquerit; signum namq; id semper futurum esse intellexit, quo ea res, de qua in suis ille scriptis ageret, magna atque grauis ex diuina etiam sententia fuisse  
20 argueretur: huius ergo hemistichij sententia illa est. Attendite (inquit vates) quale principium orationi, apud me, suæ dederit Deus, atque rem ipsam grauissimam vtique esse animaduertite. Vt autem dictionis figuræ atque stylo, quantum rerum atque sententiarum necessitas exigit, obsequamur, animaduersione dignum visum est, hanc constructionis formam, videlicet, *loqui in*, frequenter in sacris literis vsurpari, cum de vaticinio, aut de diuino spiritu atque prophetico sermo fit, vt illa, nunquid in Mose duntaxat lo-  
quutus est Dominus, & non etiam in nobis est loquutus, & spiritus loquutus est in me, & audiam quid loquatur in me Dominus. Num. c. 12. Psal. 74.

25 *Et dixit Dominus ad Hosseam: Vade, sume tibi vxorem fornicationum, & fac tibi filios fornicationum, quia fornicans fornicabitur terra à Domino.*

**N**ON rarò contingere atque vsu venire videmus, vt cum quis rem aliquam maximi Actionis atque representationis ratio & vsus. momenti explicare alijs cupiat, non tam verbis & oratione, quàm rebus ipsis, vel earum rerum de quibus agitur imagine & representatione negotium explicet atque ostendat. Non enim tanta verborum atque orationis vis, nec tam efficax natura est, vt ad sensus atque animos percuendos, perinde ac res ipsæ valere possint. Nam  
*Segnius irritant animos demissa per aurem, Quàm quæ sunt oculis subiecta fidelibus, & quæ Ipse sibi tradit spectator.* Si enim animi conceptibus tantum homines inter se agerent, aut  
35 si negotia sua rebus in medium adductis atq; propositis explicare possent, verborum profecto rarus vsus esset: Nunc quoniam res pro voto tractare atq; proponere nō possumus, Aristot. de interpretat. lib. 1. c. 11. Reum cogitationum & verborum vis. verbis pro rebus vtimur. Sunt autē verba nō tam rerum, quàm cogitationū animi signa, cogitationes verò ipsæ rerū imagines esse cognoscuntur: Minus ergo verbis, quàm cogitationibus humanus animus permouetur, & cogitationibus minus quam rebus, ex qua  
40 re illud efficitur, vt cum quis vel seipsum, vel alterum maximè cōmoueri cupiat, verarum aut verisimilium rerum imaginibus & actionibus ipsis potius quam orationibus utatur; nonnunquam etiam vtraque cōiungat atque componat, nimirum res & orationem. Atque hæc causa fuit quamobrem Ahias Silonites Propheta diuisionem Israëliti regni Ieroboamo asseuerantissimè prædicturus, proprium pallium nouum in duodecim scide-  
45 rit partes, & duabus tantum apud se relictis, decem Ieroboamo tradiderit. eadem etiam causa Helisseo fuit, vt arcum & sagittas peteret, intenderet, atque in Syriam iaceret. Sed Helissei. 4. Reg. 13. & noui Testamenti vatibus hoc etiam solenne fuisse cognouimus. Nam cum quidam Paulo, & adstantibus socijs, quæ vincula, & qualis carcer Apostolum ipsum Ierosolymam petentem maneret, pronuntiare pararet, suas ipsius manus, pedesq; Pauli baltheo ligauit, A. G. 21.  
50 & ita futuræ rei exemplum atque imaginem proposuit. Neque verò hoc apud eos homines solum de quibus in sacris libris mentio fit, spectari consuevit, sed in cæterarum etiam gentium moribus atque actionibus obseruatur. Alexander Macedo, cum tota iam Græ- Alexandri. cia in suum imperium redacta in Asiam traiecisset, vbi primum expositus terram contingit, iactis arcu sagittis, solum ipsum Asiæ petijisse, & eius maximæ orbis partis imperium, atque summam sibi promississe dicitur. Hoc eodem agendi modo Hosseas vates ex diuino

imperio vsus est, vt vaticinio suo initium ex rebus atq; negocijs daret, & adiuncta etiam oratione prosequeretur. Quid verò illum agere iusserit Deus, audiamus; rem nimirum grauissimam, & quam nisi diuini imperij auctoritas imposuisset, non leuiter probus quis ferre posset. Namq; illi mulierem turpem atq; adulterijs notatam vxorem ducere imperatum est; cuius rei vel ex ipsa cogitatione maximis eum molestijs configi, eum cuiusq; hoc contigerit, necesse est: namque huiusmodi moribus vxorem experiri, quam iam diu duxeris & bonam atq; fidelem antea credideris, molestissimū quidem est, retinere verò grauissimum, vlcisci autem promptum, demum expellere vtcunque admittendum, (humani animi cogitationes & communem naturam describimus, non præcepta aut consilia damus.) At verò eius quam libidinibus atque fornicis foetoribus infamem cognoueris, nuptias tibi conciliare velle nouas, mirabile quidem hoc fuerit, & maximi atque patientissimi animi opus, nec non & vehementissimi atq; omnino stupendi amoris indicium. Quòd si id etiam eo consilio agatur, vt mulieris illius deleantur notæ, farciatur infamia, mores restituantur, atque ad frugem corrigantur, quis non ingētem in eo viro bonitatem & incomparabilem misericordiam probet atque admiretur? Igitur Deus vt vtrunque simul in se esse ostendat, maximam videlicet offensionem, quam ex Synagogæ sceleribus acceperit, quæ grauissimo dolore fortissimum quemque virum angere valeat, maximam etiam suam bonitatem & misericordiam, qua antea vitæ scelera ferre, & ad bonam frugem reuocare, atque in amicitiam & gratiam vxorem, hoc est plebem recipere paratus sit; totum hoc negocium non tam oratione explicari quàm rebus ipsis representari atque agi vatis sui ministerio curat. Nos verò qui explicandi, atque declarandi sacra volumina munus suscepimus, pium atque Christianum lectorem semel admonitum esse cupimus necessariæ, & ad rem nostram accommodatæ obseruationis, quam fortasse suscepta breuitas sæpius repetere non patietur. Quòd autem admonemus, illud est, cū de Deo sermo habetur, illis iisdem verbis nobis esse agendum, quæ ad rem de qua agitur, & ad eos quibus cū agitur, non ad Deum ipsum accommodari possunt. Etenim vt Dei perfectissima atque immensa natura ignota nobis & imperscrutabilis est, ita quibus verbis quaque oratione aptè de illo dicere possimus, non est compertum. Sed cū Deus ipse sublimis humana atque diuina negotia cum hominibus tractare sua illa maxima bonitate fuerit dignatus, non suis illa verbis, quibus secum ipse agere potest, sed nostris, hoc est, quibus cum hominibus agere commodius erat, explicare voluit. Eiusmodi ergo & nos verborum genere in diuinis scripturis aperiendis vtemur, quo ipse in ipsis scripturis, vt sese nostris cogitationibus accommodet, vti voluit, qui cum natura sua atque omnium hominum concessione veracissimus omnino sit: tamen sæpe in promissionibus aut sermonibus suis humano more iurat; cū iustissimus sit, & nihil non iustissime agere putari possit: tamen rationem cum hominibus confert, accipit atque explicat. Quamobrem nullam alicui cordato atque sapienti viro admirationem mouere debet, si cum de Deo à nobis agitur, amoris, iræ, indignationis, vltionis, doloris, atque offensionis, alia præterea animorum motus atque affectus significantia verba Deo accommodari audiat. nam de rebus ipsis quæ his verbis indicantur, quatenus Deo diuinæque naturæ conueniant, aliàs sumus philosophati. *In argumēto*

*Et dixit Dominus ad Hossee.*

IN superioribus diximus orationem illam, *Principium loquendi Dominum in Hossee*: perfectam non efficere sententiam; sed hemistichium, hoc est medium versum esse, quem subiuncta oratio compleat, *et dixit dominus*. Neque verò coniunctio, *Et*, nostræ reluctatur sententiæ, cū variæ in sacris libris significationis, & non simplicis vsus hæc particula sit; nam præter alia ad quæ accommodari solet, sententiæ initiis absolutè coniungitur, sine vlla ad præcedētes orationes relatione: quòd & illa coniunctio, *igitur*, apud Latinos præstare cognoscitur. Huius obseruationis multa exempla diligenti lectori passim occurrunt; ex quibus illa sunt: Et leuauit Abraham oculos suos, & dixit: & acceperunt farinam, coniecerunq; in ollam. Sic hoc in loco, *Et dixit Dominus*, eandem sententiā cum illa oratione reddit. Dixit igitur Dominus, *Vade*. verbum hoc nonnunquā non tam corporis & pedum motum, atque incessum, quàm animi promptitudinem atque attentionem, & ad ea quæ subsequuntur præparationem imperat, vt, *Vade ad formicam* ô piger, hoc est, formicæ scdilitatem

Sermo communis ad diuinas res accommodatus.

Gen. 15.  
1. Re. c. 4.

Vade, verbum.

Prouer. 6.

sedulitatem attente cōtemplator atq; imitator. Venite disperdamus eos de terra. Venite & ambulemus in luce Domini. Igitur Hosseas vxorem fornicationum sibi accipere iubetur: fornicationum autem numero multitudinis dicit, vt negotij grauitas augeatur, & veritatis significatio apertius referatur, atq; diuina misericordia, ad quam tota hæc ratio spectat mirabili commendatione probetur. Neque enim vno tantum ac simplici scelere, sed innumeris & multiplicibus sese Israëliticæ & Iudææ gentes contaminauerant, postquam à simplici & vero Dei cultu ad superstitionē descuerunt. Quamobrem vxorem multis stuprorum & turpitudinis notis insignem vt ducat, iubetur.

Psalm. 82.  
Eccl. 25.  
Fornicationes.

- 10 **Q**UANTVM autem cū diuinorum librorum interpretationem Christianis atq; amicissimis viris id efflagitantibus susciperemus, nō id nobis negotium credidimus dari, vt aliorum interpretū, qui ante nos summa cum laude in hoc genere versati sunt, vel cōmentationes refelleremus, vel frāgeremus sentētiās, aut iurati sequeremur (nā ab omni inuidia atq; æmulatione alienos nos fore certum fuit, quoniam pietati atq; breuitati vna  
15 hac ratione consuli posse putabamus: ) tamen cū in eiusmodi nodum inciderimus, quē nō nisi appellatis ijs, à quibus fuerit nexus, explicare possimus, dāda opera est, vt quāta cū facilitate & venia id fieri possit, & veritatis desiderio & officio nostro satisfaciamus. Multas enim ab interpretibus ex propria vniuscuiusq; sententia erga sacra scripta, quæstiones institutas accepimus, quas non inuenisse cōmodius fortasse fuisset, inuentas autē præter-  
20 mittere facilius quidē ac promptius, non tamē fuerit expeditius: vt in huius loci explanatione, quōd Hosseas vxorē fornicationis accipere iubeatur. In quo explicando interpretes in tres sentētiās diuisos videmus. Primus enim omnium Ionathas Vzielis filius, qui ob sacros libros à se Chaldaicē versos interpretis cognomen inuenit, totū hoc negotiū ex parabolæ rationibus ac locis interpretatur, perinde ac si Deus, nihil eorū quæ scripta in huius  
25 vaticinij initio sunt, iuxta verborum significationē agi aut intelligi, aut etiam representari præceperit, sed omnino per ænigmata atq; symbola consilium suum Hosseæ proposuerit. huius autem interpretis eiusmodi legimus expositionem: *Dixit Dominus ad Hosseam: Vade .. vaticinare vaticinium contra habitatores ciuitatis inquinata, vt non addant peccare, nam rebellione re- .. bellauerunt incole terre à doctrina Domini: & abiit, & vaticinatus est aduersus illos, vt si poeniterēt, ..*  
30 *ignoscēdum esset illis, sin minus, vt decidunt folia ficuum, decident.* Sic ille. atq; iuxta hanc rationē .. historiam totam producit. cuius sanē viri interpretatio atq; auctoritas ansam doctissimo homini Mosei Ægyptio, atque alijs eius gentis non poenitendis auctoribus, dedit, vt negotium hoc tamen non omnino secundū parabolam dictum, tamen non verē atque re ipsa, sed visione quadam prophetica transactum existimarēt. Nam cū quædam in pro-  
35 pheticis monumentis negotia velut aliarum rerum signa atque symbola nōnunquam inuenirentur, quæ natura sua duriora attendentibus videri possent, cōsultum illis visum est, si ea non re ipsa exercita, sed mentis atque animi cogitatione acta atq; representata fuisse & crederentur, & docerentur. Ex quo quidem consilio illud communis obseruationis nomine ad arcanorum voluminum explicationem traditum ab illis est, velut præceptum;  
40 si quid durius, & à personarum decore atque dignitate abhorrens in sacris offendatur libris, id non re ipsa atque actu fuisse exercitum; sed aut somnio aut visione, atque mentis elatione representatum definire oportere. Vt quōd Isaias ad Vatem vxorem accedere iussus sit, & procreato ex illo complexo filio nomen Selal Hazbaz imponere. Ieremias etiam ex diuino imperio lora ac neruos parauerit, & collo aptauerit suo, atque ea demum  
45 ad finitimarum gentium reges miserit. Præterea Ezechielis vxorem è viuis sublatam fuisse, dicente ad ipsum Deo: Ecce ego auferam à te desiderium oculorum tuorum: & quęcunq; huius generis duriora aut indigniora visa fuerint, ea non verē atque re ipsa, sed prophetica, vt aiunt, visione fuisse peracta. Addunt præterea nihilominus moueri potuisse vates ipsos harum rerum atque negotiorum imaginibus & spectaculis animi cogi-  
50 tatione & prophetica representatione comparatis, quā si rebus ipsīs afficerentur. Nam quos diuinus Spiritus ad eam rem intuendam conformabat, omnino permotos atque vera animi affectione actos esse consentaneum fuit. Antiquiores verò Hebræorum sapientes totam rem hanc in aliam sententiam disputant, aiuntq; re & veritate hoc nuptiarum & filiorum procreandi negotium, non imagine aut cogitatione fuisse peractum, multa tamen cū hæc ab illis tractentur, non tam fortassis ex veritate, quā  
ex

Disputatio de  
actionibus pro-  
phetiis.

Chaldei Para-  
phrases.

Moses Ægy-  
ptius.

Regula inter-  
pretum.

Isa. 64.

Ierem. 27.

Hebræi antiqui.  
Minaiores de  
Passah. c. 8



ex verisimilitudine conficta legimus, vt quòd vates longum antea cum Deo sermonem contulerit, curaueritq; atq; orauerit Israëliticum populum, tot sceleribus cõtaminatum, permutari, aliamq; adoptari gentem, quæ pietatem atq; sanctitatẽ melius coleret & retineret: Quam rem adeò longe à cõfictio sibi initio repetunt atq; pìotrahunt, vt quæ prima in hoc libro legũtur verba vix totius sermonis medium, ne dum initium esse concedant.

Religionem maximam in libro- rum factorũ ex- positione obser- nandum esse.

**N**O B I S autem cùm in diuina atque arcana voluminum sanctitate, non ita ingenio- sis esse fas fuerit, vt pro animi cogitatione & linguæ celeritate, aut addere aut detra- here ijs, quæ à diuino spiritu scripta atque tradita sunt, vel tantillum possimus, tutior quæ- dam alia & rectior via est terenda, qua acceptum explicandi onus, quantum id à nobis ex diuino beneficio expectari possit, perferamus: Tantam esse, tamq; sanctam diuinorum 10 verborum maiestatem, vt nulli hominum in illis quidquam temere statuere liceat, præter quàm, quod ipsa ratio, atq. illorum series exigere videatur, innumeris ex ipso sacro thesau- ro depromptis argumentis probare ac confirmare possemus, si res ipsa non tam manifesta esset, vt nostram non desideraret sedulitatem: vnum tamẽ solum nobis diui Iacobi præ- ceptum repetere non incommodum visum est, quo sacer ille Apostolus humanum in 15 hoc genere licentiam demere, & luxuriantis linguæ impetum cohibere molitur. Nolite, inquit, plures magistri fieri fratres, scientes quoniam maius iudicium sumitis, in multis enim offendimus omnes: si quis in verbo non offendit, hic perfectus est. Quòd autem humanæ linguæ, si quis ei indulgere, quàm temperare maluerit, ingens malum atq; effre- natum sit, subiungit: omnis enim natura bestiarum & volucrum, & serpentium, & cate- 20 rorum domantur, & domita sunt à natura humana: linguam autem nullus domare po- test, inquietũ malum &c. Igitur in diuinis libris quidquid præter id, quod ratio ipsa diui- na admittere videtur, pro nostro arbitratu statuere, omnibus hominibus religio est: præ- terquàm ijs, quos certis signis & irrefragabili auctoritate probatos diuinus spiritus ad id mu- nus creauerit, quales fuere olim diuini Vates, quales Apostoli spiritu sancto imbuti, qualis 25 Iesus Christus sapientiæ spiritu auctissimus, qui docebat tanquàm potestatem habens, non sicut Scribæ aut Pharisei. Nam quid facilius, quàm diuina oracula suscipere explicanda; si negotiũ hoc priuatæ interpretationis (quod Petrus negat) esset? quid rursus obscurius, & à veritatis inueniendæ via longius remotũ esse potest, si non certã aliquã rationẽ cõsequi oporteat, si propriam cuiuslibet cogitationẽ suscipere & tueri integrum sit? Quam ob rem, 30 cùm quis nulla sacrorũ librorũ auctoritate fultus, nullis diuinis signis aut sacri ministerij certa dignitate probatus, priuata tantum cogitatione aut familiari & domestico cõsensu siue receptione vsus de rebus ijs, quæ in sacris libris tractantur, statuere quidquam visus fuerit, cõtra quàm ipsa diuina verba aut indicare, aut innuere videantur, is profecto non maiorem quàm priuatã apud me auctoritatem obtinebit. Illud etiam his accedit, quòd 35 huiusce generis actiones, quæ vatibus à numine præscribebãtur, signa atq; admonitiones erant, quibus aut principes, aut populos, aut alios ad quos res pertinebãt, præmonitos atq; edoctos, imò & maximè cõmotos Deus esse voluit. Quam verò admonitionẽ, quẽ animi motum excitare potuerunt signa illa, quæ ijs nunquã visa sint, quos maximè permoueri opus erat. sed vatibus tantũ intraq; illorũ mentes acta atq; repræsentata. Signorum cùm 40 varia genera sint, atq; diuersæ rationes; omnium tamen hæc cõmunis natura ac vis est, vt sensibus primũ aut intellectibus percepta aliud quidpiam à seipsis indicent atq; probent: quæ si sensibus aut intellectibus nõ percipiuntur, signa esse non possunt: Namq; ex imagi- ne siue ex re, sensibus primum oblata, & ex ea quæ sequetur significatione, aut notatione, conficitur id, quod dicimus signum. cõsequens ergo est Hoseæ coniugium, & liberorũ 45 susceptionem, Isaïæ ad vatem vxorẽ accessus, Ieremiæ vincula, atq; Ezechieli desideratã coniugem, & quæcunq; huiusmodi in antiquis libris leguntur, vel reipsa & veritate fuisse edita, vel signa iure non debere vocari. Neq; verò leue apud nos argumentum illud est, quòd hæc signa hominibus duris ac pertinacibus, & qui verbis atq; oratione difficillime mouerẽtur, edi iubebantur: quibus cùm solenne & frequens esset, verba apud eos à vati- 50 bus facta refellere, aut si quid durius prædictum ab illis esset, vel negare futurũ, vel mitius multò atq; minus durum, quàm prædictum aut descriptũ sit, expectari posse, asseuerare: pronum etiam facillimumq; iisdem fuisset, has res omnes atq; hæc portẽta, quibus vates se visione prophetica admonitos fuisse, atq; ex ijs vaticinari iussos denunciarent, pro suis ipsorum sententijs & votis, non pro veritate interpretari, & consuetũ consiliorum, ac vitæ institu-

institutum nihilominus seruare ac promouere: Nam si diceret Isaias se filio ex visione procreato nomē indidisse. *Accelera diuide spolia*, in promptu fuit, vt à suę ætatis hominibus ita res reciperetur; & etiam non reipsa, sed visione & imaginatione fore expoliandos. Ieremias etiā si nullos sibi laqueos, nullas cathenas verē indidit, neq. ad finitimos transiit reges, neque publicē gestauit, neque his ab Hanania vate portentū pernegante in populi conspectu verē est exutus, sed tantū hæc sibi mentis cogitatione accidisse narrauit, atq; simili exēplo rem illis apud quos sermonē habebat, euenturā prædixit, audire & illud procul dubio potuit, vel ab illo sibi æmulo Hanania, sese portentorū significationē perinde admittere, atq. proposita ab illo fuerit; itaq. futurū esse, vt & populi, & principes

10 ij, quibus ea mala portendebantur, eodē etiā modo quo ostensa fuerant, experirentur: Ostēsa autē fuisse visione aut per somnium; nō aliter ergo quā per visionē aut somnium illa mala fore expectanda. Adde quod tam multa ac frequens circumstantiarum & totius apparatus explicatio rem visione peractam accipere non permittit. Namque in his narrandis negotijs testes adhibentur, describuntur loca, nomina etiam vel locorum

15 vel rerum vel personarum appellantur, oportunitates ac momenta temporum constituuntur, & quæ plurima huius generis coniungi solēt, quibus non ad cogitationes indicandas, sed ad res ipsas ostendendas, atque ad rei veritatem confirmandam homines vti consueuerunt: quanquam non inficiemur permultas res ab antiquis patribus atque à vatis, aut per quietem, aut prophetica mentis agitatione, fuisse monstratas, ijfdemq;

20 spectris illos arcanarum aut futurarum rerum admonitos fuisse, & visionum suarum etiam rationes & significationes alijs tradidisse; tamen longē diuersam harum atq. illarum esse rerum rationem, vel ex earum comparatione, demonstrare non fuerit difficile: cum non omnino similis & narrandi modus in vtroque genere seruari, neque argumētorum & circumstantiarum par pondus, eodemq; modo comparatum, afferri soleat.

25 Sed & ipsa nimirum sacra scripta quid in visione actum sit, quid in somnijs ostensum notis appositis, & nonnunquam manifestis verbis indicare obseruantur. Nobis enim qui vix obuia quæque, & sensibus exposita videmus, an quicquam prophetica visione conspici à viuētib; hominibus posset, planē fuisset ignotum, nisi vates ipsi, atque adeo diuinus spiritus, nos id fieri posse atque solere docuissent: & cum hostes atq. præceptor

30 suo infensum exercitum tantum conspiceret puer ille Helissæi vatis, nihil amplius illi cōspectum arbitraremur, nisi eodem ipso vate orante Deus puero innumeras curruum atque armatorum militū myriadas spectandas obijceret: itaq. ipsis illis in locis, in quibus de huiusmodi visis agitur, quam rationem ea sequantur, explicatur. Sic nimirum Abraham inter percussas ex fœdere cadauerum partes dormiens, quæ à numine tradita illi

35 fuere vidisse atque audisse fertur: sic Iacob scalam angelorum frequentia celebratam per quietem vidisse dictus est: sic Isaias visione Dei thronū atq. seraphinorum ministeria, seq; ignito carbone diuinitus tactum conspexisse ipse ait: sic Ezechiel longam de spectris & ædificationibus suis ipse exædificat historiam: sic Petrus quæ de gentium electione per visionem acceperat, eodem visus & mentis excessus nomine, narratione

40 iterum atq. iterum repetita exponit: quæ verò non visione, sed diuino suggerente spiritu acceperat, ea proprijs signata notis ad collegas atque socios bis retulit: quæ demum reipsa sunt manifestè effecta; vt diuini spiritus in Cornelium eiusque familiam illapsus, productis ostendit testimonijs. Igitur cum diuinus ipse spiritus indicare atque docere res omnes & possit & soleat, & quid huiusmodi visis ostēdatur, adnotare, nimium ingenuosi ac nescio, an perinde religiosi fuerit interpretis, si quæ res durior visa fuerit factu,

45 eam rem non ex veritate, sed ex animi tantum agitatione, ex somnio, ex visu definire. Illa verò ratio, qua quidam vt hoc statuerent adducti sunt, prophetica electionem non planē perspectam illis esse, probat. Aiunt enim si hæc quæ prophetis, vt agerētur, mandata sunt, reipsa & veritate sunt acta; consequens esset, Deum id agere vt vatum

50 suorum honor atque dignitas deformeretur: vtpote quos negotia humillima atq. abiectissima sustinere iussos populo spectandos atque ridēdos exposuerit: quibus sic responsum esse volumus: Deum non vt reges, sic & prophetas dignitatis eorum causa creare solitum esse: nam regibus vnā cum populorum atque publicarum rerum cura, dignitatem etiam atque honorem defert, totamq; eorum familiam in splendorem dat, sicut scriptum est: Nonne cum paruulus esses in oculis tuis caput, in tribub; Israël factus es, vnxitq;

De spectris prophetis.

vt Josephus in  
capitulis vncas  
maile eos plu  
ra omis

Reg. c. 6

Ad arg. de honore vatum.

Electio regum &amp; prophetarum.

1. Sam. 15

es, vnxitq. te dominus in regem super Israël, At verò in vatibus creâdis, non tam eorū honoris, quàm oneris habetur ratio; propterea quòd hi non suiipforum, sed popu-  
*stragescha* lorum causa mitti soleant: nimirum vt aberrantes à recta virtutis via homines ad meliorem frugem corrigant; quæ res, quòd propter morum atque ingeniorum varietatem, non vna aut simplici ratione parari possit, ex eo fit, vt alio atque alio modo prophetarum opera atque ministerio Deus vtatur. Itaq; nō tam vatum, quàm populorum, quorum causa parantur Vates, rationes atque res agit Deus. Si quid autem durius illis fuerit imperatum, tamen parere solent, vt qui se non sui, sed aliorum causa ad id officij vocatos agnoscāt. Quam ob rem Ieremias, etsi grauiter illatas sibi iniurias cōqueratur, & inferendas expectet; tamen pergit, & diuina iussa rixæ, virum discordiæ in vniuersa  
*Iere. 15.* mihi mater mea (inquit) quare genuisti me virum mihi, omnes tamē maledicunt mihi. terra? non fœneraui, neque quisquam fœnerauit mihi, vates non tam sibi, quam alijs Igitur si tempora, historias, & mundi fastus euoluamus, vates non tam sibi, quam alijs fuisse natos atque creatos, vel ex ipso eorum docebimur exitu. Ferè enim ab Isaia, vsq. ad Ioannem Baptistam nullus occurrit, quem non iniuriis ab hominibus laceffitum, & crudeli tandem morte affectum spectemus: quæ ex re fit, vt neque nouum neq. mirandum videri debeat, si huiusmodi partium, quæ duræ atque eorum dignitati in hac vita aduersæ videntur, eos actores spectauerimus, quos sicut oues in medium luporum Deus miserit: Arbitramur igitur vxoris Ezechielis vatis obitum verè cōtigisse, vt ea re populo futurus ex proprijs malis dolor portenderetur: Neq. Isaiam nudum per Vrbem incessisse inficiamur: neque Hosseæ vatis humiles impudicæ feminae nuptias admiramur; quæ si veræ non essent, atque adeò paratu durissimæ, non ita aptè vel humanam malitiam, vel diuinam patientiam atque bonitatem repræsenterent. Namq; ipso sui spectaculo huiusmodi res magis, quàm relatione hominum animos afficere, & commouere poterant: quibus autem modis id melius potuit præstari, ijs modis vt res ageretur, iubebat Deus; cui tanta corrigendi atq. restituendi homines cura semper fuit. Duxisse itaq. Hosseam his moribus vxorem, ratio ipsa, quam obrem id agere iussus fuerit, declarat, & simplex lectio atque consuetus ordo probant; in qua sententia antiquorū auctorum maxima pars est, quos & diuus Hieronymus sacrorum librorum interpres, sequitur.  
*Hierony.* Igitur Vxorem fornicationum accipere iubetur Hosseas, hoc est, quam fornicatam fuisse, & libidinibus expositam omnibus esset conspicuum. Nec enim quarèda illi erat virgo aliqua, nec honestis moribus vidua, neque item mulier, cuius fama incertis rumoribus laboraret, nimirum quæ à nonnullis amaretur: an verò quicquam præterea turpe admisisset, foret incertum: sed eam quæ omnem pepulisse pudicitiam manifestis argumentis probaretur. Nulla autem maiora eius rei argumēta esse possunt, quàm filiorum citra legitimum matrimonium procreatio atque susceptio; quo argumento Thamaris fornicationem apud Iudam socerum suum delatam fuisse legimus: fornicata est Thamar nurus tua, atque etiam illa grauida est ex fornicationibus; ita vt scelus negari non posset, quòd vterus sine legitimo coniugio tumens argueret: huiusmodi impudicitia mulierem inuenire sibi iubetur Hosseas, quā vnā cum filijs maternæ improbitatis testibus acciperet, ferret, aleret, adoptaret, & ad frugem institueret: Nam quod verbum latinè legimus in nonnullis translationibus (*sac tibi filios fornicationum*) id præterquam quod nusquam in exemplaribus aut Hebraicis, aut Græcis, neque in emendationibus vulgatæ editionis latinis est, ipsa matrimonij ratio non necessarium esse docet: Etenim filios ex quacunque, modò ritè atque legitimè, accepta vxore procreatos: nec lex, nec ratio vlla, fornicationis nota inurit: sed ad manifestam stuprorum probationem, filijs auctam, prophetæ vxorem vult esse Deus: cuiusmodi stuprum Thamar filij probauerant, nisi aliunde productis argumentis, ex socero sibi fuisse conceptos illa redargueret. Sed hanc rem, & græca interpretatio significare videtur, quæ ex multis nominibus, quibus filij definiuntur, vnum elegit, quod ad matrè potius, quàm patrè pertinet *τέκνα πορνείας* partus fornicationis, deinde, vt significationi imago responderet, hoc est curatum: Namq; Hebræorum synagogam multis supersticiosi cultus adulterijs esse contaminatam arguebat innumerabilis vatum sacrificulorum, atque aliorum hominum turba, quos aræ, templa, simulachra, ceremoniæ, & vanum gentilis religionis negotium omne pascebat, & fouebat. Vatem autem, cum id de se specta-



ſpectaculum ederet, & vir alioqui ſanctus atque honeſtatis, dignitatisq; ſuæ ſtudioſus, huiusmodi coniugij conflictam moleſtijs conſpiceret, admirationē & horrendam aliquam expectationem populo commouere neceſſe erat, & quorſum hæc tenderent, ab omnibus interrogari, quam interrogationem, quo ille reſponſo exciperet, ſic à Deo eſt admonitus:

*Quia fornicans fornicabitur terra à Domino.*

HOC EST, quia his moribus vxorem ſynagogam Dominus Deus fert, quæ cùm quondam illi legitimè coniuncta fuerit & multis cumulata beneficijs, tamen antiquos mores ſuos ſibi renouauit; vtq; in adoleſcentia ſua in Ægypto ſuperſtitioni operam dederat, atque à paterna veri Dei religione, ad infana Ægyptiorum monſtra deſciuerat, nunc demum in eodem, quem ſuxerat, errore verſatur, & multis ex ſcelere procreatis filijs, tamen Dei ſeſe vxorem appellitat, cùm mœcha, atque adulterijs multis notata ſit, & tamen Dei patientia ac bonitate nondum eſt repudiata, imò ferre atque fouere illam parat Deus, & omnem operam nauat, vt illi conſulat, ſi tamen ipſa ſibi conſultum eſſe velit. Verbum *fornicabitur* in futuro tempore conſultò à Latino interprete eſt re-  
 15 lictum, quod tamen non tam temporis quàm aſſeuerationis & certitudinis rationem tenet. Nam cùm quid aut certiffimum eſſe, aut perpetuum, aut in communi vſu & conſuetudine poſitum ſignificare volunt Hebræi, id futuri temporis verbo enunciant: vt, opera quæ non ſient, feciſti mecum: hoc eſt, quæ neque ſolent, neque debuere fieri quam  
 20 nos obſeruationem pluribus alias explicuimus. Hoc igitur in loco, *fornicabitur*, aſſeuerationis, & affirmationis vim obtinet, & commune atque conſuetum id malum eſſe indicat: Ad aſſeuerationem verò eiſdem verbi repetitio plurimum efficere ſolet: *Fornicans fornicabitur*. Terræ autem nomine homines terram incolentes ſignificat, vt: Omnis terra  
 25 adoret te, & pſallat nomini tuo. namq; etſi communis omni animantium generi ſedes ter-  
 ra ſit, nullius tamen cauſa præterquam hominis eam creatam eſſe conſtat. ſiquidem (vt ſcriptum eſt) Cælum cæli Domino, terram autem dedit filijs hominum: ex quo fit, vt hoc  
 metonymiæ genus frequenter in ſacris literis uſurpetur.

*Et abiit & accepit Gomer filiam Diblaim, & concepit & peperit ei filium, & dixit Dominus ad eum: Voca nomen eius Iezraghel.*

ET ABIIT: diuino dicto ſedulò paruiffe Prophetam verbum hoc ſignificat, & qua diligentia pium hominem diuinis præceptis parere atque obedire oporteat, perdocet: neque enim quicquam cunctatus fuiſſe vates, neque de ea re quamuis duriffima verbum vllum feciſſe dicitur; ſed continuò Dei præceptum faceſſentem inueniſſe ſibi  
 35 vxorem ei negotio apprime idoneam, notæ illa ætate impudicitia femina, cuius nomen vna cum paterno pronunciat: *Gomer filiam Diblaim*. quorum nominum interpretationes ſectatus Chaldeus interpretes totum negotium ad allegoriam vt diximus, tranſtulit, atque oſtium alijs patefecit, vt hanc etiam explicationis inirent viam, neque tamen illius perſequerentur veſtigia. Nam cùm *Gomer* à verbo conſumationem ſignificante deriuetur, *Diblaim* verò caricas, vel caricarum, hoc eſt, aridarum ficuum par ſignificet; vtramq;  
 40 ſignificationem, pro ſua cuiuſque cogitatione ſinguli tractauere: quorum omnes referre ſententias præterquam quòd noſtri inſtituti id non eſt, longa fuerit magis quàm benigna materia. Sed quoniam in eum locum incidimus, vt de nominibus proprijs dicendi nobis copia facta ſit, quædā pro capitis huius ratione breuiter admonere viſum eſt: nullus enim  
 45 campus latius patere ſolet ijs, qui ſacra atque arcana ſcripta omnia ad allegorias trãſferre ſolent, quàm hic in quo propria locorum aut perſonarum aut etiam rerum nomina continentur, cùm vnusquique putet eam eſſe huiusmodi interpretationum naturam, ita flexibilem, vt ſequatur, quocunque torqueas:

NON parum igitur refert, vtrum nominum interpretationem, atque imponendorum  
 50 eorum cauſam ex ipſis ſacris libris proferamus, an aliundè quæramus. Quædam namq; nomina diuinitus aut ex oraculo rebus atque perſonis facta eſſe; quædam etiam ex hiſtoria ab ipſis hominibus conſultò indita fuiſſe conſtat: nam cùm res aut perſonas negotij alicuius ſigna & teſtimonia eſſe voluit Deus, quo nomine appellanda ſint illa, præmonere ipſe ſolet, ex quo genere illi Eſaiæ vatis filij vnà cum nominibus ſuis fuerunt, quamobrem ipſe vates ait: ecce ego & filij mei, quos dedit mihi Dominus in ſignum &,,  
 D in por-

18. c. 3. in portentum Israël. Quæ verò ab hominibus ipsis facta nomina sunt, aut ob presentium, aut ob præteritarum rerum recordationem, plerunque facta fuisse constat: cuiusmodi sunt Benoni, quem mater ob vehementem atque lethalem, quo in illius partu angebatur, dolorem, sic vocari iusserat, pater verò nomē in Benjamin, ne perpetuò vxoris luctum renouare cogeretur, mutauit. ob futurum autem rerum, aut personarum, aut negotiorum euentum, nulla vel rarissima nomina ab hominibus legimus imposita: eam namque auctoritatē solus sibi diuinus spiritus vendicat, ijsq. tantum vsum tribuit, quibus sese insinuare dignatur: vt Noë nomen, quē mater sic appellari voluit, quòd diuinitus admonita præuiderit eum fore piū, & Deo gratū hominē, & per quē orbis esset resarcienda iactura.

**M**ULTA præterea in sacris libris nomina sunt, quorum quamuis certa haberi possit interpretatio; causa tamen, quamobrem indita huic vel illi personæ fuerint, nulla redditur. Eam verò causam si quis inuenire paret, coniectura vtatur, necesse est: Atque in locorum quidem multorum appellationibus explicandis facilius multò coniectura est, vt Iericho, quod odorem siue fragrantiam significat, nomen ob balsamum in eo vico prouenientem factum fuisse videri possit: nam quod de luna dicitur, alienum est: in personarum verò ratione nominibus suis accommodanda, non ita facilem coniiciendi modum experire, si rem sapienter persequi velis. hoc autem illis in primis nominum possessoribus ita accidere dicimus: nam in ijs quæ secundo aut tertio loco, aut deinceps ita vocati fuerint, non est cur multum laboremus, cum ea nomina aut ex parentum voto, aut ex imitatione aliqua, aut etiam ex nominum ipsorum gratia imposita esse credantur.

**I**GITUR in ijs nominibus quorū interpretationē atq. causam diuina scripta præfuerint, ingeniosum esse quēpiam nefas est: in quibus verò nominibus nulla neq. interpretatio, neq. ratio redditur, maximè autē personarū: vtrunq. reddere incertum fuerit, magis quàm vtile. Quòd si cōiiciendi genus aliquod sequi velimus, summa in hoc prudētia est, quodnā potissimū genus sequi oporteat. Sed quoniā latè patet ratio hæc, & maiore locū occupat, quā qui nobis cōmentionis lege datur, eā in aliud tēpus differre cōsultius putamus.

**C**VM ergo in hoc loco duorum generū nomina sint, & quæ à Deo imponi iubentur, atque in signum & portentū imposita declaratur, qualia filiorum appellationes sunt, & quæ imposita iam inuenerit propheta, qualia sunt vxoris atque foci nomina: illa cum rationibus suis cōsiderare atque religiose obseruare in his certi nihil statuere est animus. nam an casu ita vocati fuerint pater & gnata, an consultò atq. ex futuræ rei expectatione, neq. scripturis docemur sacris, neque affirmare aut negare omnino integrum est. Sed ne tamen omnino nihil de his nominibus dicamus, illud quod commodissimum ex multis, quas reperire possumus, rationibus, & q. cum ipso de quo agitur negotio cōuenire aptius videtur, exponemus. *Gomer*, consumationem significat hæc vox, qua certum pœnarum & suppliciorum fore euentum, ita vt tandē perficiatur, quod tamdiu cōminatus fuerit Deus, indicari videtur. *Diblain* verò ficus aridas duas significat, vt vtrunq. regnum Israëlitarum & Iudæorum debilem & viribus fractum, atque ob publica peccata arens ostenderet.

*Et concepit, & peperit ei filium.*

**C**ONIVGIUM prolis susceptio sequitur, nisi aliud impediatur, sed vxorē ex diuino imperio, sibi vates inuenerat, quam editi antea filij non sterilem esse arguebant. concepit igitur ex Hosea dicitur, nō ex fornicatione, vt olim, quamobrem subiungit: *Et peperit ei filium*, quòd verò additur *Ei*, interpretationē corroborat nostram. Marem autem primum filium fuisse ait, fortitudinis atq. roboris symbolo vsus, quòd ea, quæ eo nomine significabantur, supplicia nō leuiter, sed grauissimè atq. fortissimè à Deo essent irroganda: siquidem masculorū corpus in omni animantium genere cum calidius ac siccus natura sit, plenum est, & quasi pallium, vt Hippocrates ait, densum tum ad visum, tum ad tactū, & labor ipsius corroborat corpus, & ad quamcunque rem fortius reddit.

*Et dixit Dominus ad eum: Voca nomē eius Iezraghel: quoniam adhuc modicum, & visitabo sanguinē Iezraghel super domū Iehu, & quiescere faciam regnū domus Israël.*

**N**OMEN non nouum, sed tamen noua ratione accommodatum puero imponere iubetur Hoseas: namq. Iezraghel nomine duo loca vocata fuisse, ex diuinis constat historijs. Sæpe autem aut ex consilio, aut casu accidere solet, vt ad eam rem, quæ iam multo ante constabat, noui negotij fiat accessio, quòd cum re illa vel nomine vel ratione conue-

conueniat, vt quod prudentissima illa femina apud David verba faciens de Nabal viro suo dicebat: ne ponat dominus meus rex cor suum super virum istum iniquum Nabal, quia secundum nomen suum stultus est, & stultitia est cum eo. quo in loco significatur, Nabal nomē, quod sorte aut casu, aut aliam ob causam à parentibus fuerat impositum; in hominis mores apte quadrasse. sic etiam nomen *Iezraghel*, quod diuini brachij fortitudinem significat, in ijs rebus vsurpari vult Deus, quæ iam verè cum diuino cōueniant brachio; hoc est, in supplicijs de sceleratis hominibus sumptis. nam vt olim dum innocentem Naboth sanguinem in valle, cui nomen erat *Iezraghel*, Deus Achab & Iezabel atque eorum liberis per Iehu trucidatis vlciſceretur, nomen *Iezraghel*, hoc est Dei brachium, commodè vsurpari appellarique poterat. sic etiam hoc tempore, cum Iehu impij posteritatem omnem perdendam idem curet Deus, Futurū est, vt *Iezraghel* mentio frequentissima iurè fiat, & horrendum illud brachium Domini in publicis atque priuatis sermonibus versetur: nam diuinum brachium virtutem & vlciſcendi facultatem significare non vno in loco accipimus, in brachio virtutis tuæ disperſisti omnes inimicos tuos, & illud tuum brachium cum potentia. Itaque hoc in loco Deus iubet Vatem suum puero nomen *Iezraghel* facere, vt si quando id nomen iurè vsurpatum sit, nunc maximè vsurpari debeat, cum Deus impium Iehu genus virtutis suæ brachio sit vlurus: eam verò nominis causam Deus ipse profert.

*Quoniam adhuc modicum & visitabo.*] Visitaturum se dicit sanguinem *Iezraghel*; non quod Deus vlciſci paret Achab, & vxoris eius necem, atque totius illorum domus interitum, quæ Iehu vastante corruerat: siquidem id negotium & Deo ipso auctore à Iehu fuerat susceptum, atque eodem probante cōfectum: dixerat namque propheta Iehu à se in regem vncto: *Hæc dicit Dominus. Vnxi te regem super populum meum Israel, & percuties domum Achab domini tui, & vlciſcar sanguinem seruorum meorum prophetarum: & sanguinem omnium seruorum Domini:* eidem verò ab effecta iam cede reuertenti, Dei verbis illud est relatū: *Quia studiose egisti, quod rectum erat, & placebat in oculis meis, & omnia quæ erant in corde meo fecisti contra domum Achab, filij tui vsque ad quartam generationem sedebunt super thronum Israël:* nihil igitur scelens hac in re ab Iehu admissum esse legimus, neque eam esse huius loci rationem arbitramur, vt impium Achab sanguinem suo imperio fufum Deus vlciſci pararet: sed illam huius versus sententiam esse dicimus: ex quo Achab eiusque familia ob impiam superstitionem atque homidum sanctorū necem Deo vlto in valle *Iezraghel* funditus perierunt, eius rei fama atque nomen illud non modò Samariæ, sed apud vniuersam Israëlitarum gentem omnium sermonē percrebuit, vt cum diuinam vlutionem maximam significare vellent, & totius familiæ ac dignitatis Achab repente extinctæ meminissent, nomen *Iezraghel*, hoc est brachij Dei, & diuinæ vlutionis frequenti mentione audiretur, cum iam ex antiquo linguae vsu Domini brachium diuinam significare virtutem docuerimus.

IGITUR cum brachium Domini extendi soleat in eos, qui impio vanorū deorum cultu flagrent, atque ob eam rem, & ob consequuta ex ea re scelera, tantas in valle *Iezraghel* pœnas Achab familia dederit, futurum esse Deus dicit, vt, non post multum tempus tota Iehu familia, eodem vlutionis genere afficiatur, quo Achab in valle *Iezraghel* fuerat affectus, nimirum vt eius posteritas omnis funditus pereat, & Israëlítico regno priuetur: neque quisquam ex genere Iehu supersit, qui vltra teneat principatum. visitare, itaque sanguinem *Iezraghel* super domum Iehu, idem significat, quod similem stragem in domo Iehu edere, atq. in valle *Iezraghel* in domo Achab fuerat edita: nam in Achab (qui fecerat secundum omnia opera Ieroboam filij Nabat) ita sententia fuerat pronuntiata: *Perdam omnem domum Achab, & interficiam de domo Achab mingentem ad parietem, & clausum & nouissimum in Israël (ita vt nulla sit illis reliqua regni spes) & dabo domum Achab sicut domum Ieroboam filij Nabat.* atque adeo cum Iehu regem ijsdem sceleribus diuina notet scriptura, quibus neque illius posteritatem absoluat, consequens est, vt ijsdem pœnis iure afficiendos pronuntiet, sicut scriptū est: *Veruntamen Iehu à peccatis Ieroboam filij Nabat, qui peccare fecit Israël, non recessit, nec dereliquit vitulos aureos, qui erant in Bethel & Dan, nec custoduit, vt ambularet in lege Domini Israël in toto corde suo: non enim recessit à peccatis Ieroboam, qui peccare fecit Israël: hæc culpæ summa fuit. sententiæ etiam summa illi alteri non dissimilis hæc fuit: Visuabo sanguinem *Iezraghel* super domum Iehu, & quiescere faciam regnum domus Israël.*



Deut. 17.  
Genes. 50.  
Exod. 5.

4. Reg. 14.  
Ioseph. li. 9.  
c. 10.

4. Reg. 9.

1. Par. c. 4.

Iosue. 15.

Iosue. c. 17.

4. Reg. 9.

2. Reg. 2.

4. Reg. 19.

Verbum autem, visitare, cum quadruplicem obtineat significationem, ad recordationis & memorie rationem frequentissimo vsu ducitur : vt, Visitauit Dominus Sarram, & dominus visitando visitabit nos: Et quod ad Mosen ipse dicit dominus, visitans visitauit vos. eadem nimirum significatione se Deus hoc in loco sanguinem Iezraghel visitaturum proficitur, quod breui futurum esset, vt par domus Iehu ob paria scelera strages Iezraghelitici casus memoriam renouaret. Eam autem ruinam non statim futuram prædicat, sed *adhuc modicum* : vt prædictionis mentio aliquanto ante peruulgata diuinam prouidentiam arguat, & rei diuturnior expectatio attentionem simul & religionem hominum animis afferat. Præterea vt diuinæ misericordie argumenta repetantur, cuius ea natura est, vt quoad fieri possit, impiorum differat supplicia : Solet enim Deus, etiam cum iram suam ostendere velit, & notam facere potentiam, atque brachium suum exerere, vasa iræ apta in interitum in multa patientia (vt Paulus inquit) sustinere; atque adeo ita euenit: nam Ieroboam annis quadraginta vno regnum administravit, Syros vicit, terminos Israël ab introitu Emath vsque ad Asphaltitæ lacum restituit. huius verò filius Zacharias sexto regni sui mense, & regno pulsus & 15 vita priuatus est: in quo huic familie regnandi finis est factus. atq. eam sententiā habet id quod subditur: *Quiescere faciam regnum domus Israël*, hoc est, efficiam vt regnum domus Israël in ea familia cesset: non enim hoc in loco Samarie vastatio & Israelitarum ruina prædicatur, quæ interiecto aliquanto tempore accidit; sed id quod ad Zachariæ necem 20 mox erat consequuturum: Iehu autem domum ob eam rem appellat, quod Ieroboam ex eius posteris fuit: nam is primus ex gente sua Achabi domo deleta regnum annis duodeviginti obtinuit. huic filius Iehoiahas successit, qui & ipse annis decē & septem rerum est potitus. post hunc Ioas sedecim annis regno præfuit, quem Ieroboam sequutus est, filiumq. regni hæredem reliquit Zachariam: promiserat autem Deus Iehu ob rem strenuè aduersus domum Achab gestam, perpetuum ac certum vsque ad quartum 25 hæredem familie sue fore regnum; quam spem & diutius ei prorogasset, nisi iam ab eius tempore Israeliticarum rerum tædere illum cœpisset, nam cum Iehu Ieroboami exemplo religionem neglexisset, & impietatis sue posteros suos habuisset imitatores, effectum est; vt huius tandem familie curam solueret Deus, eamque extingui & regni dignitate priuari curaret. Neque verò alienum videri poterit, si Iezraghelis & 30 nomen & historia breuiter à nobis tractetur, quantum ex diuinis videlicet didicimus libris: Namque antiquius Hosea vate hoc nomen fuisse, & vnum ex posteris Iuda sic fuisse appellatum in sacris annalibus legimus, vbi inter Iude filios Iezraghel quidam filius Etham, qui idem Hur dictus fuit, commemoratur. Sed & occurrunt hoc nomine dictæ 35 duæ vrbes, Iosue chorographiam atque sacras historias legentibus; altera in tribu Iudæ, quæ ex descriptionis ratione in editiore loco sita fuisse videtur; altera verò in ea terræ parte, quæ filijs Ioseph bello occupanda cessit, in amœnissima valle (cui ab ipsa vrbe nomen factum est) posita, & Isaacis finitima, neque multum ab Israelitarum regia Samaria distans; ita vt ob loci amœnitatem, & propinquitatem regis hortis & pulcherrimo palatio fuisset ornata, atque hæc quidem res, impiæ Iezabelis dolo, Naboth necē 40 & vineæ publicationem, in hanc vallem Ioram Achabi filius, vt ex acceptis in Syriaco prælio vulneribus recrearetur, secesserat; in ea valle à Iehu, cui curru vectus obuiam venerat, sagitta petitus perijt: ea vallis Iezabelem primum Iehu iussu, præcipitem excepit, & deinde à canibus distractam atque dilaceratam tulit, ita vt is locus initium dicto dederit, quod de regina illa impia vulgò frequenter vsurpandum diuinus præ- 45 dixerat vates, in agro Iezraghel comedent canes carnem Iezabel, & erit sicut stercus super faciem terræ in agro Iezraghel, ita vt prætereuntes dicant; hæccine est illa Iezabel. In hanc vallem septuaginta filiorum Achab capita ad Iehu à Samarie optimatibus sunt delata: neq. hos solū, sed omnes qui erāt reliqui de domo Achab in hac valle Iehu percussit: itaq. vallis hæc totius domus Achab extinctæ testis fuit, & eius ultionis monu- 50 mentum, vñ cum nomine suo ad æternam memoriā propagauit: atq. hanc memoriā in domū Iehu à se excitandā eodem nomine (quod vatis filio imponi iubet) significat Deus. In illa die conteram arcum Israël in Valle Iezraghel. Triplicem fuisse rationem quam obrem puero nomen Iezraghel fieri voluerit Deus, ex ipsius verbis docemur, nimirum primum illud supplicium, quod domus Achab ob superstitionem in valle Iezraghel

Iezraghel dederat, cuius exēplo ceteros oēs ab huiusmodi culpa abstinuiffe oportebat, cū scirēt contaminatā religionē diuini brachij fortitudine expiari: Deinde Iehu domus interitum & ruinam, quæ & ipsa cum nihil minus in religione violanda peccauisset, Iezraghel hoc est diuinū brachium vt experiretur necesse erat: cum autē scriptum sit: *isa. 26.*

5 & ponam in pondere iustitiā & iudicium in mensura, neq. diuina manus apprehensam semel stateram abiecerit, sed suum cuiq. tribuens iusto pondere & integra vtatur mensura, consequens fuit vniuersum populum Israëliticum meritis pœnas daturum, neq. Iezraghelis vltionem effugere posse eos, qui in eadem culpa essent, ob quam culpam nomen Iezraghelis notissimum atque celeberrimum fuerat. Itaque Deus aliam causam

10 etiam esse ait, quam obrē nomen Iezraghel vatis filio factum frequenti mētionē appellaretur, quod futurum mox erat, vt per omnes Israëlitici generis partes, ad caput vsque ipsum, hoc est ad regnum Iuda, diuina vltio peruaderet. *Erit, inquit, in illa die.* Ex quo tempore domus Iehu corruit, Israëlitarum res diminui ac labi cœperunt, atq. vsq. ad Iudaicam transmigrationem deficere: Zacharias enim sexto regni mense à Salum

15 est occisus: Salum à Menahem obfessus primū post mensem in regia perijt: Menahem per annos decem occupatam tyrannidem, non sine magnis populorum calamitatibus, protraxit, cum ipse vsque ad pregnantium feminarum diruptionem in eos, qui ipsius imperium detrectabant, sæuierit, & populo imperata maxima pecunia Thersam urbem Assyriorum regis oblidione liberauerit: huius filius Phacea annos duos paternam tyrannidem vix sustentauit, qui & ipse à Phacea Remaliæ filio exercitus sui duce insidias

20 passus, in Samaria non longē à valle Iezraghel perijt. Hinc autem secundi Phaceæ anno decimoquinto postquā is tyrannidem primum occuparat, Teglat Pelassar Assyriorum Rex totam Galaaditem regionem vastauit, cepit atque abduxit, quo in bello Rubenitis & Gaditis tribus & Manasse dimidia victorem hostem sunt sequutæ. Phaceas hic cū vigesimum iam annum rebus ita fractis regnaret, ab Hossea est interceptus, quem & ipsum Salmanassar tributarium fecit, septimo occupatæ tyrannidis anno, deinde dum ille de defectione cogiraret, Zabulonis & Neptalim tribus Assyrijs abducentibus cessisse legimus, & tandem nono huius anno Samariam captam, & vniuersam Israëlitarum gentem patrijs regionibus exulare coactā. Nec verò interea Iudeo-

30 rum regibus atq. populis, aut quies aut tranquillitas erat, nec eos feliciter agere sinebat Deus, quos violatæ etiam religionis & publicæ iniuriæ sceleribus alligatos esse cōstabat. Igitur Iudæorum res si historias diligenter legeremus, nimis detritas fuisse cōperiemus, ab eo tempore quo Zacharias Iehu pronepos extinctus est, qui fuit ter millesimus centesimus sexagesimus primus annus ab orbe condito, ad tempora vsque Nabugadnezeris

35 Babilonici regis, qui sanctam urbem cum fano vastauit suo, atque omnem Iudæorum gentem Babylonem migrare iussit: Is autem annus quadagesimus octauus à mundi initio erat, supra ter millesimum atque tricentesimum. Itaque Israëliticæ res, quæ tot per secula feliciter floruerant, exigui temporis spatio, nimirum intra cētum octoginta & septem annos funditus corruere, neque vlla interea regis ætas fuit, quæ strage, cede,

40 insidijs, cōiuratione & ruina vacaret; atq. hæc causa est, quam obrē Deus per varē dicat, *in illa die.* Etenim in narrandis rebus gestis, illa quæ ab vno inchoantur initio, ad idem tempus, atque adeo ad eum diem quo cœpta sunt, referuntur. Præterea regnorum atq. ciuitatum suæ ætates sunt, vt hominum atque aliorum animalium suæ etiam, vt autem

45 hominum ætates diebus cōstant, sic publicarum rerum atq. regnorum certis annorum centurijs, quasi diebus suis, constant. ferè igitur eadem centuria annorum, qua Israëliticum regum defecit, atque tota gens perpetuo est exilio abducta, eadem ferè & Iudæorum vastationem anni centum triginta & septem, quam vnā diem regni ætatibus esse constat, Dei autem negotijs, non diem, sed exiguam diei partem: quippe qui in

50 pœnis, quas aduersus gentem aliquam constituit, sumendis, non tardet promissionem suam, sed patienter agat, nolens aliquos perire, sed omnes ad pœnitentiam reuerti: *i. Pet. 2.* qua de re, hoc est, de diuina vltione verba faciens, Petrus ait. Vnum verò hoc nō lateat, nos charissimi, quod vnus dies apud Dominum sicut mille anni, & mille anni sicut dies vnus. Neque vero inauditus est hic dicendi modus aliarum etiam linguarum scriptoribus, qui totius actionis tempus ad vnum diem referre etiam solent, vt Vergilius:

Georg. 1.

Messisq; diem, tempusq; serendi ergo non cessaturam Israëlitarum calamitatē prædicit Deus, & vsque ad Iudæorum & Beniaminitarum vastationem duraturā, quæ extrema calamitatis illius linea futura erat. nā cum quis eorū qui arcu vtuntur, ita in pugna vincitur, vt arcum amittat, atq. illum ante oculos ab hoste frangi cōspiciat, omnē salutis & victoriæ spē abiicit; quippe cui, quo se tueatur, quo propugnet, nihil sit reliquū. Appellat autē duas has tribus arcum Israëliticū, quādo totius Israëliticæ gentis caput, robur atq. decus hæ fuerāt tribus, & quod inter oēs duodecim tribus, duæ hæ fortissimæ fuerāt, & quod eadē præter cætera arma, quibus in bello vtebātur, arcu etiā peritissimè vteretur: cuius exempli rationē erga Iudæos David in illa Elegia, quā de Saulis & Ionathæ nece

cōdidit, indicauit. Ad docendum, inquit, filios Iuda arcum. De Benjamin verò poste-

Israhelis nomen.  
1. Paral. 12.

ritate, sic scriptū est; Fortissimi & egregij pugnatōres tendētes arcū dextra & sinistra, laxa iaciētes, atq. hastas arcu. Est & illud obseruatione nō indignū, cum nomē Israël absolute appellatur, integrā Iacob familiā, hoc est, duodecim tribus significari: nā cū decē tribus seorsum indicātur, aut id sit appositione Iuda, aut regnum, aut domus Israël, proprijs

Psal.  
Esa. 10.

notis nominatur. Sed cū Israël appellatum audimus, Iacob ipsum secundū oēs, quæ ex illo natæ sunt, familias intelligi existimamus, vt, Qui regis Israël intende. Bos cognouit possessorē suum, & asinus præsepe domini sui, Israël autē non cognouit, populus meus nō intellexit: atq. adēd secundum hanc rationem Iudaica gens arcus Israël appellatur.

Quoniā verò triplex hæ clades domus Achab, & domus Iehu, & tādē totius domus Israël ob eundē vanū deorum cultū cum scelere cōiunctum, eodē vindice atq. auctore Deo eiusdēq; brachij fortitudine cōtigit: effectum est, vt oēs ad vnā primā, quæ à domo Achab in valle Iezraghelis accepta est, referretur; perinde ac si dicatur, stragē illā Iezragheliticæ vallis nouum sui exēplum, iterum atq. tertio editurā: cum perseueret eadem causa, quamobrē ipsa fuerit edita: vt qui earū calamitatum formā & causam cognouerint, illud inter se iactent: Adhuc vallis Iezraghel cōsuetā spectacula edere nō cessat: nō

secus atq. nos, cum populorū christianorū calamitosum vtrinq. cōflictū significare exēplo volumus, Rauenæ mentionē facimus. Igitur non hæc omnia in eodem loco, in eadē valle Iezraghelis contigisse (quoniā neq; illic omnia contigēre) sed vnus exēpli omnia, vnus causæ atq. iudicij vnus fuisse, dicemus, & nomen Iezraghel, hoc est brachij diuini

omnino omnibus apte conuenisse. Illud etiam hoc in loco prætermittendum non esse indicauimus, quod ad idē argumentū & nomine & re facere existimamus; quandoquidē huius nominis rationem maximā haberi Deus ipse voluit. Nomen Iezraghel ex verbo, quod seminare significat, fieri; vt Iezraghel, seminabit Deus, interpretemur: Vallem autem hebraicē *Ghemeq*, dici, quod profunditatē indicat, propterea, quod vallium natura ea est, vt inter montes profundæ iaceant, sicut scriptum est: Ascendunt montes, & descendunt valles in locum quem fundasti eis; & illud Poëtæ:

Iezraghel nomen.

Ps. 103.

Quid meta.

*Insit & extendi campos, subsidere valles.*

Igitur cū hæc oratio in valle Iezraghel alteri atq. alteri significationi respōdeat, vtrāq. autē nihil à re, de qua sermo est, aliena sit: cumq; Deus prophetæ sui filium hoc nomē in signum atq. portentum habere iubeat, & assidua appellatione à parentibus audire, Iezraghel, Iezraghel: præterea & nominis vallis Iezraghel mentionē fieri frequentē velit, ab eadē etiā de nominibus his cogitatione nō alienos hominum animos esse vult, quæ nobis Deū profundē vltionē & poenā seminaturū repræsentare possit: cum eadē vtriusq. significationis ratio atque finis idem sit, quamobrē id puero nomen fuerit impositum.

vt ex vna pœna  
et alia oriatur  
vltio scilicet se.  
in d. suū gen. 1.

*Et concepit adhuc & peperit filiam, & dixit ei, voca nomē eius Lo - ruhama, quia non addam vltra misereri domui Israël, sed obliuione obliuiscar eos.*

**C**V M rebus magis quàm verbis hoc vaticinium cōstare voluerit Deus, atq. his imaginibus (quæ vehemētius quā oratio vlla animos mouere possunt) homines ad mouendos curauerit, effectum est, vt secundam prædictionē editurus, secundopartu vatis vxorē fecundam reddiderit; filiæ verò eam matrem esse fecit, vt omnino res & nomen futuræ rei, ad quam significandam hæc parabantur, conuenirent. Hactenus primo partu & filij nomine diuinæ vltionis imaginem sumus contemplati, qua Deus tam in Iudæos quàm in Israëlitas pro eorum sceleribus vsurus erat. Sed tamen quem exitum ea res habitura esset, celatum nobis illo primo spectaculo fuit, tantum pueri nomine



nomine identidem à parentibus, à necessariis, à populo omni appellato diuini Brachij  
 robur atq. altà eius satione audiuius. Verùm quid tamè has res consequuturū esset,  
 cū expectari posset, hoc secundo explicatur partu. An videlicet miserturus tandē sit  
 Deus populo suo, an non. Ostenditur autē Deum misericordia vsurum, nō tamē integra  
 5 omnino & maxima illa sua vsurum esse misericordia, qua olim Mose appellante atque  
 orāte apud Sinaim montē erga totū populū est vsus: cui cū suppliciū atq. abolitionem  
 pararet, pepercit tamen, & maximū illud violatæ religionis scelus remisit & cōdonauit.  
 Nunc verò futurū esse prædicit, vt filijs Iuda misereatur, atque à babylonicæ seruitutis  
 miserijs vindicatis, & patriā & possessionem restituat suā: At verò decem tribubus, quæ à  
 10 Senacheribo abductæ sunt, nunquam amplius reditus pateat, sed per vniuersum orbem  
 lōgè lateq. dispersis, & regni spe, & religionis sanctitate, omnibusq; ijs, quæ beatas facere  
 Respub. possunt, carēdum sit. Itaq. cum ex diuino cōsilio vtriusq. populi res hoc modo  
 sese habere deberent: ex eodem consilio & filiam vati ei nomen *Lo ruhhamā* contigisse  
 legimus: Nam vt femina debiliior natura est, quàm mas (constat enim humidioribus  
 15 & frigidioribus elementis) ex quo fit vt rara & laxa & velut fluida; tum ad visum, tum  
 ad tactum sit, quamobrem infirmitudinis atque debilitatis symbolum esse solet, vt  
 scriptum est: Gladius ad equos eius, & ad currus eius, & ad omne vulgus, quod est in  
 medio eius, & erunt quasi mulieres: Ad huius autem infirmitudinis rationem non ad  
 plenam quandam atque integram, sed ad debilem reparationem & salutē Israël con-  
 20 uertendus fore significatur: Quippe cuius, nō omnia mēbra, hoc est, non oēs familiæ, sed  
 dux tantum in antiquā dignitatem atq. in suum locum essent restituendæ. Voca, inquit  
 Deus, nomē eius *Lo-Ruhhamā*. Nulla re magis rerū aut gestarū, aut gerendarū memo-  
 riā, quàm nominibus impositis custodiri, argumēto imprimis sunt diuinę literę; deinde  
 omnis aliorū scriptorū ac maximè historicorū & poetarū turba: Ob hanc enim causam  
 25 olī Segor nomē à Lot fuerat impositū: & Bethel loco à Iacob, & Phares ab obstetrice, &c.

Hippocra-  
 tes de glan-  
 dulis &  
 dicta.

Ierem. 50.

Genes. 15.

*Tu quoque littoribus nostris Æneia nutrix:*

*Æternam moriens famam Caieta dedisti:*

Causa autem est quod res nominibus frequenter appellatur: quoties verò aut rē, aut  
 locum aut personam in sermonē adducimus, tories sese nobis nominis impositi ratio  
 30 repræsentat. vt oblatum nomen interim explicemus, duabus illud constare partibus,  
 iisdēq. integris, animaduerti oportet, atq. vtramq. partē proprio accentu insignitā, ita  
 vt seorsim altera atq. altera sint pronuntiandæ; hoc modo *Lo Ruhhamā*; quod Latine in-  
 terpretatū sonat, nō misericordiā cōsecuta, atq. eius rationis illa est significatio, cū de  
 vtroque populo Israëlitarum atq. Iudæorum seuinctas atq. discretas sentētias ex nomi-  
 35 nis Iezraghel allusione pronuntiare iusserit Deus, quæstionē ex ea re consequutam non  
 simplicem sed duplicem esse oportuit: altera enim quærēdum fuit, quisnā Israëlitis tāti  
 supplicij finis esset expectandus, num misericordiæ vsus aliquando sperari daretur, an  
 prorsus misericordiæ spes omnis abiicienda esset? Et Iudæis etiam vter esset spectandus  
 finis? vtramq; dubitationē breuissimo sententiæ complexu remouet Deus, quantum  
 40 nominis breuitate cōtineri poterat, ad prius rogatum respōdet Deus: Non. ad posterius  
 verò rogatum sic respondet, Misericordiā consecuta: ita vt & Israëlitis regnum sine resti-  
 tutionis spe abducendū fore; Iudæis verò salutis & reditus in patriam spem dari, fuerit  
 responsum. in nomine itaque pronuntiando & commoratione aliqua ad primam syl-  
 labam est vtendum; ex reliquis autē, prima atq. altera breuium, aut potius semibreuiū  
 45 more sunt percurrendæ; vltima verò circumflexo accentu atq. spiritus protractione,  
 vt in longis fit, est efferenda, hoc modo *Lô Ruhhamâ*, huius autem sententiæ breui-  
 tatem, quam puellæ nomen continebat, subiuncta oratione explicat: Quia nō addam,  
 inquit, vltra misereri domui Israël, sed obliuione obliuiscar eos. Nemo eorum, qui  
 iusto supplicio diuinitus ob sua scelera afficiuntur, illud verè queri poterit, se diuinam  
 50 irā aut iustitiā, non itē misericordiā fuisse expertum; cū verissimum illud sit, Deum nō  
 semel, sed sæpius misereantur omnibus se præbere, antequā repetitis pœnis iudi-  
 cem declaret: Sicut scriptū est, Misericors Dominus & iustus, & Deus noster misereatur.  
 misericordiam tamen antiquiorem apud Deum esse diuinus Psalter canit, proprijque  
 muneris & diuini ingenij esse vt misereatur: atque adeo misereri officium esse Dei;  
 iustum quidē illum esse, sed iustitiam non tam ab ipso vltro exerceri, quam à nostris

Psalm. 114.

Ps. 114. „edi sceleribus: at verò misericordiam vltro ab ipso tribui, quoniã Deus noster miseretur. Id autem ipsum aduersus Israël domum fuisse prestitum; testes sunt tot vates diuini consilij interpretes & pœnitentiæ præcones, quot impijs Israëlitarum manibus extincti fuere: Altaria, inquit Elias, tua Deus destruxerunt, prophetas tuos occiderunt, & ego remansi solus. Hæc causã est quamobrem Deus se domui Israël vltius misereri & Diuinę misericordiæ oportunitas. nolle, dicat. Quanquã enim verissimum illud sit, nullum diuinę misericordiæ modum, nullum finem esse: certum tamen tempus, & suis terminis definitum esse constat, quo diuinam misericordiam mortalibus experiri licet: huius verò oblatis sibi thesauri con- Heb. 10. temptores, terribilem quandam iudicij expectationem manere, & ignis æmulationem, quæ cõsumptura est aduersarios. Verum enimvero hæc hoc in loco misericordiæ nega- 10 tio, ad ea bona atque ad comoda ea pertinet, quæ filios Israël dum in patrijs regionibus agerent, sequebantur; quæ ijsdem ab hoste abductis perpetuò clausa sunt, nunquã amplius capienda. Nam misericordia ea quæ circa animorum felicitatem versatur, non illis hoc in loco negatur, quibus vbicunque terrarum sint, modò ipsi non impe- 15 dian, contingere potest: modò diuinis verbis & præceptis parere, modo illius consilij non deesse velint, quamobrem sanctum Iesu Christi euangelium ab Apostolis curatum est, illis quamuis disiectis atq. dispersis, annuntiari, Iacobus Dei & domini nostri Iesu- Iaco. 1. christi seruus, duodecim tribubus quæ sunt in dispersione salutem. *Sed obliuione obliuiscar eorum.* Si nobis Hebraicè explicandus susceptus esset hic liber, quid verbum hoc in loco positum significaret, disputare liberet; latinam tamen versionem, eamq; vulgatam pro- 20 fessis, nihil est ab oblatis verbis recedendum, nisi quid planè cum sententiã ipsa, atq. cum Hebraici exemplaris veritate pugnet, quòd rectè rem expendentibus, aut nunquam autquã rarissimè acciderit: igitur siue obliuisci latinè, siue *ἀντιτάσσεσθαι* Grecè, hoc est, reniti atque aduersari, legamus; eandem rem vtraque indicat significatio, nimirum eos restituendi negationem. Hactenus ratio alterius partis, ex his quibus nomen puellæ 25 constabat, est explicata, nempe Lo; : Nunc altera explicatur Ruhhama: *Et domui Iudæ miserebor, & saluabo eos in Domino Deo suo.* Quoniam totius orbis seruatorem atq. expiatorem, & cunctis gentibus expectandum ducem, ex Iudæ genere nasciturum esse olim prædictum fuerat, atque idem apud Dauidem iureiurando fuerat cõfirmatum. propterea vt verbum Dei maneret, Iudæ domum, simul cum Beniaminitica familia, quæ regni 30 societate, & ciuitatis communione, eadem existimatur, diuina misericordia restituendam fore prædicit, illam verò restitutionem eiusmodi futuram, vt diuinę misericordię omnino acceptam ferri oporteat, nullis hominum neque consilij, neque armis, neque copijs, neque rebus denique gestis, tribui; sic, vt quicumque eam rê cogitauerit, diuinę misericordiæ atque prouidentię opus illud esse statuatur. Sic enim cõtigit, vt post septua- 35 gesimum annum trasmigrationis, Zorobabel Iudæorum Dux, & Iosuah summus sacerdos cum Iudæis quadraginta quinque millibus atque trecentis & septuaginta à Cyro rege libertate donati, in patriã redirent, & templum quod secundum appellatum est, ædificarent. In anno, inquit, primo Cyri regis Persarum, vt compleretur verbũ Domini 40 ex ore Ieremiæ (quo verbo id temporis spatium fuerat definitum) suscitauit dominus spiritum Cyri regis Persarum, & traduxit vocem in omni regno suo, etiã per scripturã dicens: Hæc dicit Cyrus Rex Persarum: Omnia regna terræ dedit mihi Deus celi, & ipse præcepit mihi vt ædificarem ei domum in terra Salem, quæ est in Iudæa. Igitur 45 nullis hominum, aut consilij, aut copijs, aut armis; sed diuini verbi firmitudine hæc Iudæis contigit liberatio: atque ita Caldaicè legimus, in Deo suo, in verbo Dei sui. *Non saluabo eos in arcu, & gladio, & bello, & in equis, & in equitibus.* Hæc enim omnia humana præsidia sunt, quæ diuino destitutis auxilio, impedimenta potius quàm copię aut præsidia fuerint appellada, & quibus ij qui diuinę misericordiæ curæ sunt, minimè omniũ 50 egeant, sicut scriptum est: Hi in curribus, & hi in equis, nos autem in nomine domini sperauimus; ipsi obligati sunt, & ceciderunt, nos autem surreximus, & erecti sumus: Vtriusque populi salutem & misericordiam alteri negatam, alteri concessam ciuilitè definire oportet, quando iudaicarum rerum ratio, atq. restitutio, quæ ciuilis fuit alterius partis explicat rationem: *Et ablactauit Lo, Ruhhama, & concepit & peperit filiũ, & dixit ei, voca nomen eius Loghami, quia vos non populus meus, & ego non ero vester Deus.* Primi filij procreationem & nomen tantum descripserat; de ablactatione autem nihil dixerat.

Nunc

Nunc verò ante tertium partum ablaçtationis filix meminit. Huius autem loci sententiam significationibus eius verbi, quod Latine ablaçtare est redditum, aperiri posse arbitramur. Gamal enim ablaçtare pariter, & rependere, ac retribuere significat. Itaque cum puellam ablaçtatam fuisse dicat, retributionem populo Israëlítico factam esse ostendit; quippe cum diuina sententia decretum sit, Iudæos in patriam restituendos fore; Israelitas verò minimè fore: Quoniam hæc eorum retributio erat, vt qui prius à vera religione, à fidei atque Ecclesiæ societate, descuerant, qui diutius in impietate perseuerauerant, qui maximis ob eam rem sceleribus sese contaminauerant, eas quas darent pœnas diutius sustinerent: Ablaçtatam esse Lo-Ruhhamam propterea dicit, quòd illius ætatis homines, qui primi è Palestina atque è sedibus proprijs eieçti abductiq; sunt, sine vlla restitutionis spe, vitam in seruitute transfugerunt, cum tamen multi ex Iudæis qui Babylonem commigrauerant, in patriam tandè restituti redierint: Itaq; Iudæi tametsi cum Israëlitis Iezraghelis vltionem fuerint experti, tamen Israëlítica ablaçtatione, hoc est retributione, affecti non sunt. Tertium autem filium à vatis vxore editum fuisse, quem Deus *Loghani* iusserit appellari, nomine videlicet tribus ex partibus composito, quod tamen vno pronuntiatur accentu: Significat autè, *Non populus meus*: quo nomine integram Israëlitarum & Iudæorum repudiationem, quæ tandem Euangelij tempore erat futura; cum Iudæorum atque Israëlitarum gens abiecto è vinea hærede, & regno, & dignitate omni, ac demum diuina gratia fuerint expulsi. Nam cum totum Israëliticum genus appellatum fuerit à Deo *Populus meus*, sicut scriptum est: *Pars autem domini populus eius Israël funiculus hæreditatis eius*: illi tamen officium nõ ex dignitate præstiterint, neque eius dignitatis atque honoris auctorem Deum agnouerint, atque adeo in ea re deteriores atque stupidiore iumentis sese præbuerint: Cognouit enim bos possessorem suum, & asinus præsepe Domini sui, Israël autem non cognouit, *populus meus* non intellexit: hac ingratitude, atque hac culpa cõmeriti sunt, vt nomen *Populi mei* deponentes, huic oppositum, *Non populi mei nomen acciperent*; & diuino auxilio atque cura orbat, illa nimirum quam priuatè à Deo experiebantur, & patria, & regno & sacerdotio, omni denique antiqua dignitate carerent: Quam quidem rem ita prædicit atque explicat Deus: *Quia vos non populus meus, & ego non ero vester*; Latinus interpretes explicationis causa addidit, Deus. Est autem argumētum à relatiuis peti- tum: quorum alterum si negatur, & alterũ negari necesse est. Cum igitur sese Deus priuata atque familiari quadam prouidentia huius populi curam suscepisse, multis modis fuerit olim testatus, ipsumq; populum ad sanctitatem diuinæ similè vocarit, vt scriptum est: *Sancti eritis, quoniam ego sanctus sum dominus Deus vester*: consequens fuit, vt cum illi sanctitudine caruissent, diuina etiam illa cura, qua familiariter fouebantur, carerēt. Atque hæc quidem res, vt ab illis caueretur, illud diuino præmonente spiritu audierāt, Date Deo vestro gloriam antequam cõtenebrescere faciat & offendant pedes vestri ad montes caliginosos, expectabitis lucem & ponet eam in tenebras, & in vmbra mortis. *Et erit numerus filiorum Israël quasi arena maris, quæ sine mensura est, & non numerabitur.* Altissimi consilij atque incomparabilis sapientiæ Deus nullum bonum inchoauit, quin omni impedimento omniq; difficultate, superata, perficeret: atq. ita futuris rebus à se institutis, consuluit, vt quidquid aduersum accideret sua illa consilia nullo modo aut frangi aut minui possent: sed certissimum semper haberent exitum. Pollicitus fuerat olim ille summus omnium gubernator, & totius misericordiæ pater, Abrahamo cultori suo pi- tissimo sobolem atque posteritatem stellis & maris arenæ mensura & numero parè esse facturum; quam rem iam præstare incœperat, dum ex vno Iacobo nepote tot hominũ millia, quot in diuinis recẽsentur historijs, Abrahamo edidisset. Nunc verò cum populum hunc à se abdicandum per Vatem prædiceret, tamen consilium illud suum, quod primum proposuerat, minimè repudiandum esse dicit: Nam qui potēs est ex lapidibus suscitare filios Abrahæ, idem ex gentibus alium populũ sibi adoptare, & verum Abrahæ semen ex illis suscitare potest. Neque verò si gentem eam, quæ ex Abrahamo iuxta carnem oriunda erat, abiecisset, promissionem diuinam protinus nullam, atq. frustratam suo exitu esse consequebatur; quando verĩ Abrahæ filij, quibus tantum diuina scripta tribuunt, non ij propriè sint, quos ex illius semine cõstat fuisse ortos: Nam neq. Ismaël, qui verus atque certus Abrahami filius fuit, aut paternum nomen, aut hæreditatem obtinuit:



Gen. 12.

Rom. 9.

1. Pet. 2.

Deut. 18.

Gen.

Ierem. c. 33.

Psal. 146.  
Eccl. 1.

obtinuit: sed illo tantū appellationis & promissæ hæreditatis iure uti oportuit, quicūq.  
Abrahami filij iuxta eam rationem, qua Isaac filius illi contigerat, futuri essent; sicut  
scriptū est: in Isaac vocabitur tibi semen. at verò Isaac non secundum naturā, sed secun-  
dum promissionem filius parentibus suis contigit, qui Abrahamo annum agenti cente-  
simum ex vxore sterili, & iam longo etiam æuo ad conceptionem inepta promissus, &  
promissis credenti donatus est. Itaq. Isaac non tam humana opera Abrahamo natus,  
quā diuina donatus fuisse existimatur. atque adeo potius promissioni atque fidei, quā  
naturali virtuti generatio illa fuit tribuenda: Igitur si ijs abiectis atq. abdicatis filiis, qui  
tantum humanam & carneam naturam sapiunt, qualis filius fuerat Ismaël, alios cul-  
tori suo Abrahamo Deus suffecerit, qui ad Isaac similitudinē promissi ac donati fuerint, 10  
& paternam illius fidem, vt Isaac fuerint imitati, ex ea re efficitur, vt nunquam Deus  
confilium suum aut repudiasse, aut trāstulisse, sed potius exequutus fuisse dicatur: Abra-  
ham non tam sibi natum, quā donatum filium agnouit. Isaac filius suum ortum, nomē,  
atque omne hæreditatis ius nō naturæ sed diuinæ promissioni accepta retulit, igitur qui  
ex fide fuerint, siue ex gentibus illi in familiam sint recepti, siue ex lapidibus ac saxis ad 15  
hæreditatem obeunda effecti, ij benedicentur cum fideli Abrahamā & verē Israëlita erūt,  
(vt diuus inquit Paulus.) Totū hūc locū quoad caput ipsum definitur, ad gentiū voca-  
tionē, quas Deus per Iesu Christi euangeliū in filios adoptauit, pertinere à Spiritu Sācto  
Paulo interprete docemur. Vfus est autem vates hoc in loco orationis figura, quæ Græcis  
Antipophora, Latinis verò occupatio dicitur: ea est cū aduersarij redargutionē aut in- 20  
terrogationē cita responsione præuenimus, vt illud: Quod si tacita cogitatione respon-  
deris, quomodo possum scire verbū, quod os Domini nō est loquutū: hoc habebis signū  
&c. Igitur redargutionem omnē vates removet, docens etiā filij Israël secundū carnē  
ob violatā religionē, ob neglectā fidem & pietatē repudientur, tamen ingentē populum  
futurū esse, qui Israëlīs fidē, religionē necnēq; tueatur: ita vt diuina promissio nulla ex 25  
parte otiosa videri possit. namq; ea hominū & populorū multitudine Israëliticū nomē  
& genus propagandum fore pollicetur, vt proposito Abrahamæ innumerabili numero aptē  
respōdeant. Vt autē quā magna posteritatis multitudo illū esset sequutura, Abrahamē indi-  
cetur, prædictū fuerat: Erit semen tuū vt arena quæ est in littore maris, atque vt stella  
cæli quæ numerari nō possunt. Quantus autē futurus fuerit Christianus populus, nimirū 30  
ex omnibus hominū nationibus, tam Iudæis, quā iis, quæ circūcisæ nō fuerant, coactus,  
his arenarū & stellarū figuris vates declarat, alluditq; ad utrūq. symbolum, quod olim  
Abrahamæ fuerat explicatū: nam si populū in vnū cumulū colligas, nō magis quā arenā  
maris metiri possis, si verò singulos oculis & digito numerare pares, numerādi finis nullus  
profecto fuerit. *Et erit numerus filiorū Israël sicut arena maris, quæ sine mensura est infinita.* sic po- 35  
pulū Christianæ religionis cultorē. latissimē per totū orbem esse propagandū, vt modus  
omnis humanus excedatur, quē si in numerū redigere q̄s curet, *Et nō numerabitur*, vt neq.  
stellæ oēs quæ in cælo sunt numerari possunt: illud hoc in loco admonere placuit, quod  
multum ad aliorū locorū explicationē contulerit, sæpe in diuinis libris accidere, vt cū  
alicubi ad alterum locū alludatur, non integra fiat allusio, sed vna parte explicata, aliæ 40  
tantū indicentur partes. huius generis nullum aliud exemplū præter id quod in prōptu-  
est subiicere libet: plura verò attentius legentibus passim occurrent: quæ quoties cōti-  
gerint, sic sunt explicanda, vt quid cuiq. parti accōmodari, aut natura aut cōsuetudine  
soleat, imprimis intelligatur, & ex accōmodationis ratione, si quid in allusionibus deerit,  
reponatur: vt in hoc exēplo dū mensurā atq. numerū legimus, & rei natura & sermonis 45  
vfus atq. cōsuetudo fert, vt mēsurā ad arenā, numerus verò ad stellas referatur: vt scriptū  
est: *Quēadmodum non numeratur militia cælestis, & nō mensuratur arena maris; sic*  
multiplicabo semē David serui mei & Leuitas ministrātes mihi. Itaq. locus hic sic est ex-  
plicādus. Numerus filiorū Israël erit copiosissimus, vt arena maris, quæ copiosa est adeo,  
vt mensurā omnē contēnat, & non numerabitur numerus filiorū Israël, vt neq. cælestis 50  
militia numerari potest. Nā tametsi neutrū infinitū sit, neq. altera natura numero, vel  
mensura careat altera; homini tamen aut alterā metiri, aut memorare alterā negatum  
est, utrūq. verò Deo est attributū, qui numerat multitudinē stellarū, & omnibus eis no-  
mina vocat, idēq; arenā maris metitur, & pluuiæ guttas numerat: Non solū autem apud  
sacros auctores, sed etiā apud ceteros vtrāq. natura ad immensitatē referri solet, sic p̄c̄ra.

Quam

*Quam magnus numerus Libysæ arenæ*

*Laserpiceris iacet Cyrenis.*

*Aut quam sidera multa cum tacet nox &c.*

Caecilius li. 1.

- Et erit in loco ubi dicitur eis, non populus meus vos dicitur eis, Filij Dei viventis. Magnam atq;  
5 admirabilem rerum permutationem, quæ diuina misericordia Christi Iesu opera facta  
est, hoc in loco Dei nomine vates prædicit, Neminem futurum esse, ut gentes, quæ ob  
veritatis inscitiam & religionis veræ defectum, nec populi etiam Dei nomen habe-  
bant, in ea dignitate sint locandæ, ut verè filij Dei, ne dum populus Dei audire possint.  
Quam quidem dignitatem Iesu Christi opera atque efficientia reppererunt: namq; ille  
10 totius ecclesiæ caput constitutus effecit, ut filij ius, hæreditatem, & nomen, quod natura  
ipse sua, & iusto obedientiæ officio possidebat, cum suis omnibus membris communi-  
caret: id quod ex illis membris vnū huiusmodi sermone testatur. Videte qualé cha-  
ritatem nobis dedit Pater, ut filij Dei nominemur & simus. Ad hanc salutem, ad hanc  
laudē vocatæ gentes, quæ quondā ab eo longè aberāt, tamen venientes admissæ sunt, ut  
15 scriptū est: Quæsierunt me, qui antea nō interrogabant; inuenerūt me, qui nō quæsierūt  
me. Et dixi: Ecce ego, ecce ego ad gentē, quæ nesciebat me, & quæ nō inuocabat nomē  
meū: Quod ad linguam attinet, prius verbum, *Dicitur*, ad temporis rationē non est reuo-  
candum: sed meminisse oportet obseruationis eius, quam nos semel explicatā, nunquā  
neglectā fore volumus, nepe futurū verbum aliquando aut naturam rei, aut consuetu-  
20 dinem significare; idque ubi contigerit, temporis rationem haberi non oportere; sed  
vel rem de qua agitur, aut ad naturam aut ad consuetudinem esse referendam, ut in su-  
perioribus, *fornicans fornicabitur*. id est, manifestū est eam fornicari solere: sic etiā hoc in  
loco, ubi dicitur non plebs mea vos: idem cum illa oratione est ubi dici solebat, non plebs mea vos.  
ibidem dicitur *Populus Dei viventis*, in quo vita est; vita verò lux hominū est. quotquot  
25 autem receperunt eum, dedit eis potestatem filios Dei fieri, non quidē ex sanguinibus,  
neque ex voluntate carnis, sed ex Deo natos & viuentes; nimirum quia filij Dei viuētis  
erunt, tunc cum in vnum corpus cum Christo eorum capite coniuncti atque cooptati  
fuerint. Et congregabuntur filij Iudæ & filij Israël pariter, & ponent sibi vnum caput & ascen-  
dent de terra. Omnes homines quicunq; fidei cōfessione & obedientia præstiterint qua-  
30 cunq; ex gente sint, in numero filiorum Iudæ, & Israëlitis reponendos esse diuina scripta  
docent, quandoquidē vnū ouile, & vnus futurus erat pastor. Atq; huius quidē rei huius-  
modi ordinem & rationē diuina statuerat sapientia, ut primi omnium Iudæi & Israëlites  
in vnum consilium idemq; votum conuenientes, caput sibi vnum constituerent Chri-  
stum: deinde verò ab his res adeo præclare gereretur, ut ex vniuerso hominum genere  
35 multarum copiarū accessio fieret, omnesq; in vnum gregē cum diuino spiritu ductum  
recipiendæ essent: hæc autē Patrem suum Iesus Christus ut efficerentur, orabat, Pater,  
inquit, sancte, sanctifica eos quos dedisti mihi in veritate: Sermo tuus veritas est, sicut  
tu me misisti in mundum, ita ego misi eos in mundum, & pro eis sanctifico meipsum,  
ut sint & ipsi sanctificati in veritate: Non pro eis autem rogo tantum, sed pro eis qui  
40 credituri sunt per verbum eorum nunc, ut omnes vnum sint, sicut tu Pater in me, &  
ego in te, & ut ipsi in nobis vnum sint, & credat mundus, quia tu me misisti: & ego  
claritatem quam dedisti mihi dedi eis, ut sint vnum, sicut & nos vnū sumus, ego in eis,  
& tu in me, ut sint consummati in vnum. Pater quos dedisti mihi, volo, ut ubi ego sum, &  
illic sint mecum, & notum faciam eis nomen meum, & notum faciam, ut dilectio qua  
45 dilexisti me, in eis sit, & ego in ipsis. Hac oratione pro sua reuerentia exauditus, illud  
impetrauit, ut post ascensum suum, dum discipuli ex Iudæis & Israëlitis numero centū  
& viginti pariter in eodem loco constituti ac vnanimi oratione perseverarent, diuinū  
spiritus sancti donum acciperent, & diuinorū promissorum cōpotes efficerentur. Atq;  
adeo hi ceteros ex Iudæis & Israëlitis ad eandem dignitatem vocabant, in qua & alias  
50 etiā gentes locandas esse aiebant: Vobis, inquit est repromissio & filiis vestris, & omnibus  
qui longè sunt, quoscunq; aduocauerit Dominus Deus noster. Interim autē Dominus  
augebat, qui salui fiebāt quotidie in idipsum, & multitudinis credentiū erat cor vnū &  
anima vna: Igitur huiusmodi arcanū, negotiū omne hoc in loco per vatē suū prædicit  
Deus: nepe futurum ut discipuli ex Iudæis & Israëlitis diuini spiritus opera Christū sibi  
cōstituāt caput, ut qui olim capti & peccati vinculis irretiti infernæ tyrannidi parebāt,  
& diffi-

& dissipati atque exules terram incolebant alienam, ascenderent tandē de terra capti-  
uitatis suæ, & in terris adhuc agentes, tamen cælos animo menteq; conscenderent, ibi-  
demq; maxima negotia obirent, quam rem ab ipsis testatam legimus. Nostra, inquit,  
” cōuersatio in cælis est. *Quia magnus dies Iezraghel.* Dictum à nobis est Iezraghelis nomine  
Malach. 3. maxima Dei gesta significari, & celeberrimam quamq; vltionem, qua scelera expiare,  
” & hostibus suis terrorem iactare maximum Deus consueuerit: Magnus autē diuinæ  
Acto. 4. vltionis dies ille fuit, quò Christi discipuli spiritus sancti igne expurgati, & peccatis  
Acto. 2. soluti, Christi triumphum vel eius nominis hostibus inuitis prædicabant, & virtute  
magna, testimonium resurrectionis reddebant; eamque rem non nisi diuino brachio  
” gestam esse asseuerabant. Dexterā, inquit, Dei exaltatus Christus & promissione spiri- 10  
” tus sancti à patre accepta effudit hoc donum, quod vos videtis & auditis, in discipulos  
” suos. subiungit autem historia: Fiebat autem magnus omni animæ timor: Multa quoq.  
signa & prodigia per Apostolos in Ierusalem fiebant, & metus erat magnus vniuersis;  
*Quia magnus dies brachij Dei.*

## CAPVT II.

*Dicite fratribus vestris populus meus, & sorori vestræ mise-  
ricordiam consecuta.*



N FREQVENTI vsu auctoribus omnibus est, vt cū rem aliquā, 20  
quam facere certum est, etiam futuram prædicent, ea etiam quæ  
rem ipsam aut consequi, aut simul cum illa esse possint, ac si præsens  
iam esset, oratione admoneant atque suadeant, aut alio modo agerēt  
ac persequatur. Sic Propertius, cū Athenas iter à se institutū caneret;  
quanquam nondum domo exiisset, quia tamen proficisci statuerat: 25  
dicebat. *Nunc agite o socij propellite in aquora nauem,* &c. Hac autem  
dicendi figura nulli frequentius quàm sacri vates vtuntur; qui cū futura tanquam  
præsentia præuideant, eos animi affectus induunt, quos mouere illis ipsa rei ratio ido-  
nea esset: Itaq. absentes tanquam præsentēs cōpellant, alloquūtur, hortātur, deterrent,  
excitant, animant, atque adeò auditorū animos sua oratione velut rei iamiam gerendæ 30  
spectatores reddunt: Sic Isaias: Consolamini consolamini, populum meū, loquimini ad  
cor Ierusalem. Hanc eandem rationem secutus vates noster Hosseas, dum ex Dei per-  
sona, quam in hoc vaticinio suo sustinet, maximam atque admirabilem in humanis  
rebus mutationem Christi opera faciendam esse prædixerit: ita vt diuinam salutem nō  
ad Iudæos solum, sed ad gentes etiam peruenturam caneret, perinde quasi in ipso iam 35  
negotio esset, miris affectibus actus, latissimo salutis euangelio, gentes admonendas  
curat, nec minus certas reddere, quàm si ipsa earum iam salus adesset: Igitur alloquitur  
Deus alterum populum Israhelitarum, vt benignitatem diuinam gentibus annuntient,  
atque ea re ipsi maximè latentur, quòd qui singularis erat populus, nunc multarum  
gentium accessione auctus ac propagatus sit, atque innumeros fratres & sorores 40  
eiusdem secum dignitatis habeat. Neq. verò secus res ipsa sese habuit, cū Petrus diuino  
” oraculo & spectatę visionis significatione, certior factus, audierit: Quod ego sanctificauī,  
” tu commune ne dixeris: quamobrem ipse apud suæ gentis confessum testatus est: Mihi  
Acto. c. 15. ostendit Deus neminem immundum dicere hominem; nam in omni gente qui timet  
” Deum, & operatur iustitiam, hic acceptus est illi: ex qua re effectum est, vt gentes ab 45  
Israheliticis discipulis & voce & scripto fratres appellarentur. Apostoli & seniores fratres  
” ijs qui sunt Antiochiæ & Syriæ, & Silicię fratribus salutē. Iubet itaq. Deus, vt à Iudæis  
gentes fratres atque sorores appellentur, & sese ad cælestis ciuitatis largitionē & com-  
municationem diuina misericordia vocatas esse cognoscant: fratres autem & sorores  
multitudinis numero, propterea dicit, quod gentiū populi & turbæ innumera variazq; 50  
tum linguis, tum religionibus & sententiis, ac viuendi institutis essent; cū tamen  
Israhel vnus populus vnaq; synagoga tantum dicitur: Atq. adeo hanc ipsam rem Paulus  
apud Lystrios significabat: Nos, inquit, annuntiamus vobis conuerti ad Deum, qui fecit  
” cælum & terrā, mare & omnia, quæ in eis sunt: qui in præteritis generationibus dimisit  
” omnes gentes ingredi vias suas. Atq. eadem hæc res in causā est, quamobrem in Hebraica  
lingua,



linguā atque in diuinis libris non nisi numero multitudinis gētes appellentur, quotiescunque aut in sermonem de Dei populo, aut de religione inciditur, vt, Simulachra gentium argentum &c. Psal. 113.

*Iudicate matrem vestram, iudicate quoniam ipsa non vxor mea, & ego non vir eius.*

**S**I dicendi artem in vatibus persequi velimus, illud in omnibus ferè illorum libris frequenti vsu obseruatum inueniemus, demonstratiuum genus simul cum deliberatiuo esse permistum, sic vt in principio propositio quædam statuatur, quæ eos de quibus sermo est sceleribus contaminatos esse asseueret: hanc propositionē confirmatio sequitur, quæ tantum indicatione criminum, enumerationē cum rerum amplificatione coniunctam cōtinet: Deinde verò dehortatio atq. dissuasio accedit multis modis distincta atq. exornata, maximè autem pœnarum atque suppliciorū prædictione: Vltimum locū aduocatio tenet, quæ promissionibus diuinis plena, homines ad magnā spē vocat, & ad virtutis ac pietatis studium incitat. Igitur præter exordium quatuor partibus prophetica oratio constat, propositione, cōfirmatione per iudicationem siue narrationem, dissuasione, atque vltima ea, quam nos παρακλησις siue aduocationem nominamus. Haftenus Propheta noster exordio, propositione atq. cōfirmationis parte vsus est, interiecta interim diuina sententia, quæ in illius sæculi homines fuerat lata, nunc deinceps tertiam suscepit partē, cuius ratio omnis in dehortando siue dissuadendo versatur. Agit verò Hosseas Dei partes, cuius personam dicendo sustinet: alloquitur autē prophetas alios & viros bonos ac pios quicunque in populo illo erant, eosdemq. hortatur, vt communibus rationibus & saluti consulant. Nam cum boni viri non sibi solis nati sint, sed natalis quoq. eorum partē, eamq. maximā patria partim amici, partim etiā cæteri homines sibi vendicent, necesse est, vt cum res postulet, sese erga publicas res non negligentes, sed virtute sua dignos præbeant; atq. eo maximè si periculum imminere intelligatur, quod nisi declinetur, cōmunicari etiam ipsis necesse est. Quanto autē latius malū peruagatur, tanto pluribus medicis vti cōuenit, vt cōmodius & maturius afflictae, aut deficientis sanitati succurratur. Neq. verò locus vllus, aut negligentiae, aut ambitioni, aut æmulationi ob eam causam relinquendus est, quod ea cura atq. labor pluribus imponitur; quoniā virum bonū in ijs quæ ad Rempublicā & religionem pertinet, non tam quid à se laudis & cōmodi, q̃ quid à Repu. incōmodi accipi possit si solus ipse rē gerat, curare oportet. Quamobrē Iesus Christus, cui vni vt humanas res expedire posse datū fuerat, magnā bonorū ministrorū copiam, qui cæteris hominibus laborarent, dari desiderabat: Messis quidē multa est, operarij autē pauci, rogate ergo dominum messis, vt mittat operarios in messem suam. Sic Deus prophetas oēs atq. optimos quosq., & integerrimos in populo viros ad eam curā, eumq. laborē capiendū hortatur, vt matris propriæ animum ab impiæ superstitionis turpitudine auertant. *Iudicate matrē vestrā, iudicate.* Repetitio ipsa vehementiā habet & contentionē, atq. rei conficiendæ desiderium certissimū arguit; vt, Benedictū nomē maiestatis eius, & dicet omnis populus, fiat, fiat. Ducite ab vrbe domū mea carmina, ducite Daphnim. Iudicare autē iubet matrem, nō vt filios iudicis munus aduersus matrem propriam suscipere iubeat; id enim munus Dei ipsius est, qui reddit unicuiq. iuxta opera sua; sed quod exposulare eos cum matre, eāq. multis modis initis acriter ipsorū opera reuocari velit. Hoc enim significat verbū Rib Hebraicū; pro quo interpret interdū iudicare, interdum cōtendere & rixari vertit: vt, Iudica domine nocētes mihi, impugna impugnantes me. quē locum ex verborū ratione reddere sic possumus; Iurga Domine iurgātes me: namq. apud Hebræos Rib, id quod apud Latinos iurgium significat. Est autē iurgium cōiunctorum familiarium aut vicinorū concertatio atq. dissensio; qualis fuit illa inter pastores Abraham & Lot, quæ Hebraicè Rib dicitur, Latine etiam, *Et fuit, inquit, iurgium inter pastores, &c.* Excitantur vates atque boni piiq. viri à Deo, vt matrem suam ob eam causam obiurgent, quod sacrum coniugij ius, quo cum Deo deuincta fuerat, vsque adeo apertè & impudenter violauerit, vt signis etiam atq. apertissimis argumentis suos mores impudiciāque suam profiteri non erubescat, ac si nullum, quem metuat, quem reueretur, cuius dignitatis atq. honoris rationem habeat, virum agnosceret: sed omni iam maritali iugo excusso, omni prorsus exēplo, pudore neglecto (quæ duo feminarū vincula & frena quædā esse solent,) quod in proclui

Demonstratiuum  
genus cum deli-  
beratiuo.  
Oratiouis pro-  
phetica partes.

Bonorum officium.

Matt. 9.

Psal. 71.  
Virgi. Eclog.

יבן

Psal. 34.

Feminarum  
frena.

E

ei sexui

ei sexui est, ad omnē lasciviā prolatur, atq. libidinē suā, tū cultu, tum incessu, & totius oris corporisq. habitu prae se ferat. hanc verò turpitudinē femina cum cōpleuerit, nihil sibi metuendum putat, nisi forsā sollicitudine cognatorum & necessariorum ab errore aliqua ex parte reuocetur, qui cum videant illius feminæ vitia, & infamiā ad se quoque pertinere, & notam illorū generi etiā inuri, nihil nō tentant, quo ad meliorē frugē illam reuocent, utq. sibi ea in re cōsulant, omnia experiri solent. Atq. adeo si quis his moribus mulierem corrigi desiderat, eam curam cognatis & necessarijs iniicit. sic Poeta quidam

Catullus. olim; *Propinquis, quibus est puella cura, Amicos medicosque conuocate, &c.* Itaq. quod frequenti more, & consuetudine fit, id hoc in loco à Deo representatur, ut corrigendæ synagogæ curā propinquis filiisq. illius, quorū nimirū id maximē interest, iniiciat. [*Quoniam ipsa non* 10  
*uxor mea, et ego nō vir eius.*] Causam addit quamobrē ipsam à filijs obiurgari velit, scilicet quod eo impudicitiae venerit, ut propriū virum nō magis, quā si nullus esset, reueretur:

atq. hæc existimationi potius, quā ipsa re à Deo dicta sunt. neq. enim hætenus synagogam illē repudiauerat; nam & hæc & quæ sequuntur, nō repudiādi animo, sed admonēdi magis atq. deterrendi fuere prædicta. Omni namq. cura repudiatae uxoris vir solutus, 15  
quidquid illa deinceps agat, patiaturq., securus negligit: At verò Deus synagogā ad frugem redire, & futuris malis cauere peroptat: qui & apud Isaiā nondum se istorū matrē repudiāsse, testatur: Hæc dicit dominus: Quis est iste liber repudiij matris vestrae, quo di-

Isai. 50.

„ misi eam? Huius itaq. loci sententia est: obiurgate matrem vestrā vos, nā me non magis  
„ audit, quā si nullo cōiugij iure existimet audiendum. vos ergo illā iurgiis assidue pro- 20  
sequimini: fieri etenim sæpe solet, ut cum frustra potissimas in corrigendo rerum rationes, atque artes experti fuerimus, minores etiā adhibeamus; interdū verò alijs atq. alijs rem appellatis, nullū lapidem non moueamus, dum id, quod maximē fieri decuerit, efficiatur. Sic Ofellus cum alia ratione homines à ciborē luxuria deterrire non posset, ait;

indeclinabiles  
vires.  
Heracl. ferm.  
lib. 2. saty. 2.

At vos, *Præsentis Austri coquite horum obsonia: quamvis putet aper, rhombusque regens, &c.* 25

Atque in omnibus auctoribus potissimum sacris indeclinabilium partium exactā percipere oportet cognitionem. Namq. ea non parum luminis ad sententiam purē, atque eleganter explicandam afferre solet: Est autē apud Hebræos vox, CH I, quæ ferē causalis coniunctionis vim obtinet, cum quadā tamen varietate pro rerum & sententiarū ratione distinctā, quam in loco obseruare operæpretium fuerit. vnum autē genus est, quod 30  
admirationem quandam simul cum indignatione habet, & triste nescio quid, atq. auri-

„

„ apud Malachiam Deus: Magnum est nomen meum in gentibus, & vos polluistis illud,  
„ quia dicitis mensa Domini cōtaminata est, & cibus eius vilis. Hoc est, quia ita apud nos  
„ cogitatis, atq. statuitis: Idem officium coniunctionis: Q U O N I A M hoc in loco est, quod 35  
„ & apud Latinos in dictione, N A M, nō ineleganter obseruatur: ut cum irati atq. stomachantis potius affectū, q̄ causę rationē explicat, ut, *Nam quis te iuuenis confidentissimē nostras*

Malach. 1.

Georg. 4.

Tracastor de  
syphili.

*Impulit. Nam quid Sol te, inquit, rerum patremque Deumque* Dicimus,  
*Et sacras vulgus rude ponimus aras?* Illud interim hoc in loco docemur, quot quibusque  
modis Deus scelerosos atque flagitiosos homines ab errore reuocet, utque omnia prius 40  
tentet, quā damnet quemquam: Præterea quibus artibus fratrum commodis & salutis  
à nobis quamuis iniuria laceffit, quamuis offensis sit prospiciendum.

*Auferat fornicationes suas à facie sua, & adulteria sua de medio huberū suorum.*

Isa. 30.

„ **M**AXIMAM Dei misericordiam agnoscere oportet, qui tot sceleribus, tot adul-  
terijs à synagoga offensus, tamen nondum repudiij studio, sed eius corrigendæ atque 45  
ad sanitatem & fidem reuocandæ flagret desiderio; quod si eueniat, præteritam culpā  
„ ignoscendā sibi esse pollicetur: sicut scriptū est: Propterea expectat dominus, ut misereatur  
vestri, si verò turpissimē susceptā à se illa viā perseuerare & transigere cogitet, futurū  
esse certissimē, ut non semper mariti sui patientia abutatur, dabit namq. poenas scelere  
dignas. Itaq. totius obiurgationis filiorum aduersus matrem finis hic est, ut auferat for- 50  
nicationes suas à facie sua. Solent enim aliquando mulieres impudicitiae suæ notas sibi  
ipsis apponere, nimirū cultu vsæ nimio, & qui pudicam feminam honestoq. viro con-  
iunctam dedecet; maximē autem hunc sexum studiosa faciei medicatio accusat: Nam  
quæ vno viro contenta est, & coniugalem fidem sanctē seruare cogitat, satis culta est, si  
moribus & vitæ sanctitate, ac totius corporis puritate hunc sibi retinere studeat.

- Un si qua placet, culta puella sat est,* inquit ille. Quæ verò medicata facie foras prodit, quæ nimio studio ornari amat, & ea alijs quàm viro proprio placere malle creditur: Mœchis foliata parantur, inquit ille. Hæc res grauius offendere solet virum probum, qui propriam uxorem à domestica cura, à labore ad huiusmodi studium translatam videat, hoc vt in-
- 5 gratissimum Deo vehementer exagitarunt vates, Apostoli vetuerunt, sancti & boni viri omnes sunt detestati. Dixit dominus Deus pro eo quod eleuata sunt filia Sio, & ambulauerunt extento collo, & nutibus oculorum ibant & plaudebant, &c. in die illa auferet dominus ornamentum calciamentorum, & lunulas, & torques, & monilia, & armillas, & mitras, & discriminaria, & periscelidas, & murenulas, & olfactoria, & innaures, & annulos,
- 10 & gemas in fronte pendentes, &c. & erit pro suauis odore, foetor, & pro zona funiculus, & pro crispanti crine, caluitium, & pro fascia pectorali, cilicium. Quoniam autem ab initio libri sub coniugij representatione Dei cum Israëlitis populo negotium explicari cœptum est, ad hanc imaginem omnia nobis reuocanda sunt. Solent viri Hebræo more uxores sibi despondere, desponsas munere aliquo & testibus additis, quibusdam etiam
- 15 verbis conceptis sibi sacrare, sacratis tabulas obsignare, atque proferre, in quibus quid ab uxore afferatur, quid etiam viro dotis nomine uxori addatur, scriptum sit: deinde tandem vxor ad viri ædes cum pompa ducitur, vtrique autem cum vita, & cura, res omnes communes sunt, & iura etiam communia: si verò ob malè conseruatam gratiam repudietur, causa imprimis est cognoscenda, quæ si de turpitudine allegatur, plenaque non adducitur
- 20 probatio, vxor cum rebus suis, atque ijs etiam quæ à viro dotis nomine fuerant addita, accepto libello rejicitur: sin verò de turpitudine certo convinci potuit, sine tabulis & mariti donis inanis excluditur: qua de re plura in Deuteroseon libro. Igitur cum Deus synagogam virtutibus & animi opibus omnino nudam suam maximam misericordiam sibi spopondisset, tum multis in Ægypto editis signis, multis donis ex Ægypto abductam, multis in solitudine,
- 25 collatis beneficijs, adhibitis grauissimis testibus celo & terra sibi eandem sacrasset: eam præterea, agris, urbibus, provincijs, diuitijs, in promissa patribus terra auxisset; adhuc maxima & celeberrima pompa in ædes, hoc est, in sanctæ religionis locum deduxisset: illa tamen ingratis nimium atque impiè coniugij fidem & nomen reiicit, & dereliquit Dominum factorem suum, & recessit à Deo salutari suo. Atqui nec eam fidem violare, nec eum cultum
- 30 prodere, quæ tanto Domino, marito suo præstari oportuit, erubuit: verum omne obsequium ad alienos Deos, à quibus nullum acceperat beneficium, transtulit: quin & illis templa innumera in sui mariti urbibus edificauit, aras consecrauit, signa composuit, & curauit, disciplinam atque sacerdotia instituit, hostias produxit, sacra fecit, atque omni prorsus scelere quodcumque ex his fontibus oriri solet, sese contaminauit, demum eoque
- 35 in hac rabie infaniaque processit, ut libinis suæ notas publice gestare verita non sit, omnia enim fora, cœpita, plateas, vias, agros, silvas, lucos signis, statuis atque delubris ornauit, & thure atque vnguento loca omnia cœpleuit, seseque dijs vel nolentibus venditauit & prostituit, à quibus tamen illa rebus commodis nullis, nisi tantum infamia & dedecore, aucta est. Ut igitur in matrona medicata facies & nimis ornatus libidinem prodit; ita
- 40 in synagoga ornatus ille, atque vanorum Deorum cultus, quo ciuitates publice ornabatur, manifesti adulterij certissima probatio erat. nam facies apertissima corporis totius pars est, cui quidquid patens est & publicum similitudine respondet. Atque ad eam hac etiam similitudine Ieremias vates usus est, dum illis vanum atque omni utilitate carum, huius rei studium exprobat. Cum te, inquit, vestieris coccino, cum donata fueris monili aureo, & pinxeris
- 45 fūco faciem tuam frustra componeris. *Et adulteria sua de medio huberum suorum.* Per Metonymiam adulterij signa pro adulterijs ipsis dicit: Atque hubera quidem non sine nota à feminis nudantur, quoniam libidinis sedes quedam in ea corporis parte est, namque venæ quedam & viæ sunt, quibus ab utero, ad mamillas accessio fit, quæ obrem quæcumque pudore, ac pudicitiam proficitur toti corpori atque ijs velandis maximè partibus curam adhibere debet, quæ
- 50 decus atque honestatē sui ostentione minuere possunt, ut ad talos stola demissa, & circumdata palla sit: etenim quæ liberalius & dignius educata est, vel hominum conspectus fastidire, vel sui ipsius pudore confundi vehementer solet, ubi forte aliqua minus decoro habitu uti cogatur: id quod Babyloni illi gentium Regina euenturum prædixerat vates: Tolle molam & mole farinam, denuda turpitudinem tuam, discooperi humerum & reuela crura. Quod si cruribus atque humeris nudis conspici grauius ac turpius,

Propertius li.  
1. eleg. 2.  
Iuuen. sat. 6.  
Isai. 3.

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”

”



Galen. de vsu  
partium.

ingenue mulieres putant, nedum fuerit ignominiosum, mammæ, in quibus maius impu-  
dicitæ momentū est, nudas gestare : Atque adeo alia improbitatis in vxoribus signa po-  
tius, quam hæc maritis ferenda esse, docti & boni viri sunt arbitrati. Quæcunq. autē iis  
moribus sunt, vt quod venale habent, apertè gestent, atq. vbera nudent, solent vngu-  
entorum alabastris, floribus, amuletis, atq. amatoria carmina continentibus tabellis eū sinū,  
qui inter mammæ est complere, vt hoc modo insaniam suā manifestissimè prodant: quæ  
res & in iis Isaia versibus, quos paulò antè retulimus, describitur. Sic etiā hebræorum po-  
pulus totus his magis abundabat, & in medio vberum suorum, hoc est doctorum atque  
magistrorum, à quibus doctrinæ succo alendus erat, & quodammodo imbuendus, super-  
fluitas religionis disciplinas carmina de Diis deorumq. pueris composita, & rationem  
suffituum atque vnguentorum, quorum vsus in illis cultibus erat, multa denique atque  
turpissima huius generis inquinamenta continebant, vt scriptum est: Qui populum istū  
beatificant, seducunt sunt; & qui beatificantur, præcipitantur. Habuisse autem istos  
suas doctrinæ & disciplinarum rationes, quibus munus suum ornat, & populum varie-  
tatis amatorem detineret, vel ex illo loco constare potest. Clamabant ergo voce magna,  
& incidebant se iuxta ritum suum cultus, & lanceolis, donec perfunderentur sanguine.

3. Reg. 18.

*Ne forte expoliam eam nudam & statuam eam secundum diem natiuitatis  
sue, & ponam eam quasi solitudinem.*

QVÆ poenæ quāta animaduersio Iudeorū gentem maneret, quæ superstitionē quā  
pietate colere, & suscepti sceleris cursum tenere maluisset; deinceps exponit vates,  
vt quæ nec pudore (quæ loca hæcenus cōsiderata sunt) reuocaretur, saltē poenarū metu  
(qui improbis hominibus ferē vnicus esse solet terror) de impietatis via defleceret: agit  
quoq. vt ij, ad quos sermo est, hoc est boni & sancti viri maternæ salutē studiosius prospici-  
ant, neq. vllis vel grauissimis minarū rationibus parcāt, dūmodo matrē suā ad sanam  
mentē reuocare, atq. ab impendēte subtrahere calamitate conētur. Non enim vel magis  
durus vel minus pius filius est, qui, quibus modis id fieri potest, insanæ morbum à paren-  
tibus depelli curat. Ostenditur etiam ex hoc loco quā iuste seuerū iudicē Deus aduer-  
sus eos homines agat, qui misericordē patrē toties experiri neglexerint, qui toties poenas  
minatum contempserint, sicut scriptum est: Quia reliquistis verbū hoc idcirco erit vobis  
iniquitas hæc, sicut interruptio cadens. Quod autē honestis mulieribus turpe esse debet,  
quod maxime ignominiosum, hoc à Deo ad populum deterrendum prædicitur. Turpe  
enim est etiam ijs, quas docuimus legibus atque moribus illis vxorē repudiari, multò tur-  
pius si absq. tabulis exigi, omnium verò turpissimum nudā extrudi. Igitur Deus propter  
vnā suā misericordiam hanc Israëlitarum gentem, in cōmuni hominū humilitate  
iacentem, nihilq. præter ceteros mortales egregium olim sortitam, ab humillimis initijs,  
ad tantum euocauerit honoris gradum, vt eam magno beneficiorum cumulo auctā  
vxorem sibi acceperit, eidem voluntatem & consilia sua communicauerit mysteria cre-  
diderit, ita vt non fecerit taliter omni nationi & iudicia sua non manifestauerit eis. quo-  
niam rem elegantissimè idem Deus apud Ezechielem commemorat: Hæc dicit Domi-  
nus: Radix tua & generatio tua de terra Canaan: pater tuus Amorreus & mater tua  
Chetæa: Et quando nata es in die ortus tui non est præcisus vmbilicus tuus, & aqua nō es  
lota in salutem, nec sale salita, neque inuoluta pannis: Non pepercit super te oculus, vt  
faceret tibi vnum ex his, misertus tui, sed proiecta es super faciem terræ, in abiectione  
animæ tuæ, in die quo nata es: Transiens autem per te, vidi te conculcatam in sanguine  
tuo, & dixi tibi cū esses in sanguine tuo, viue; dixi inquam in sanguine tuo viue, multi-  
plicatā quasi germen agri dedi te, & multiplicata es, & grandis effecta: & ingressa es  
& peruenisti ad mundum muliebrem, vbera tua intumuerunt, & pilus tuus germina-  
uit, & eras nuda & confusione plena: Et transiui per te, & vidi te, & ecce tempus tuum,  
tempus amantium, & expandi amictum meum, & operui ignominiam tuam, &  
iuraui tibi, & ingressus sum pactum meum, ait Dominus Deus, & facta es mihi: Et  
laui te aqua, & mundaui sanguinem tuum ex te, & vnxi te oleo: Et vestiui te discolo-  
ribus, & calciaui te hyacintho, & cinxi te bysso, & indui te subtilibus: Et ornaui te orna-  
mento & dedi armillas in manibus tuis, & torquem circa collum tuum: Et dedi in aurē  
super os tuum, & circulos auribus tuis, & coronā decoris in capite tuo, & ornata es auro &  
argento,

Isa. 30.

pag. 80

Psal. 147.

Ezech. 16.

argento, & vestita es bysso & polymito, & multis coloribus, similam & mel, & oleum „  
 comediti, & decora facta es vehementer nimis, & profecisti in regnum: Et egressum est „  
 nomen tuum in gentes propter speciem tuam, quia perfecta erat in decore meo, quæ posue- „  
 ram super te, dicit dominus Deus: Et habens fiduciam in pulchritudine tua fornicata es in „  
 5 nomine tuo, & exposuisti fornicationem tuam omni transeunti, ut eius fieres, &c. Vniuersa  
 hæc commemoratio, exprobratio quædam est gentis beneficii immemoris, in qua omnia,  
 quæ nobis de legitimo coniugij more dicta sunt, percommodè indicantur. Cum itaq. pro-  
 uidentia ultra reliquas nationes egregia Deus erga gentem illam fuerit usus (id quod hi-  
 storias & tempora ab Egyptiaca seruitute ad Iesu Christi ætatē voluentibus facile cōstare  
 10 poterit) cumq. tantum illa gens ingratitude flagitium admisit, ut proprii & veri Dei  
 oblita, pietatē & cultum ad eos Deos transferret; quibus nihil omnino acceptum ferre pote-  
 rat: hac culpa illud sibi cōmerita est, ut omni honore, dignitate, ornatu denudata, lege,  
 prophetis & aliis huius generis exturbata bonis, diuinam illam erga se prouidentiam desiderare  
 omnino, & nihil egregium præter ceteras gentes experiri; imò sese ultra alienatissimam  
 15 quæq. à Deo gentē longè inferius positam sentire cogeretur. quæ res ab eo demum tempore  
 illis euenit, cum ab Apostolis audierunt: vobis oportebat, primum loqui verbum Dei, sed „  
 quia repellitis illud, & indignos vos iudicatis Euangelij gloriæ Christi, ecce cōuertimur „  
 ad gentes, sic enim præcepit nobis Dominus. Ex illo enim tempore Deus huius seculi „  
 excæcauit mentes incredulorum, ut non fulgeat illis illuminatio Euangelij gloriæ „  
 20 Christi, ut indicentur omnes qui non crediderunt veritati, sed consenserunt iniquitati: „  
 Hoc autem est eam nudam ponere, videlicet omnibusq. bonis, rebus omnibus, quibus sin- „  
 gularē ob gratiam abundauerat, fore carituram. *Secundum diem natiuitatis sue.* Cum apud Chal-  
 dæos agebat, inq. illa gentium ignobilitate atq. obscuro errore versabatur, antequam Abra- „  
 hamo patre suo euocato, egregiam præter ceteras nationes Dei in se prouidentiam expe- „  
 25 riri cœpisset, sicut scriptum est: Trans fluuium habitarunt patres vestri ab initio, Thare „  
 pater Abraham & Nachor, seruiertq. dijs alienis. Tuli ergo patrem vestrum Abraham de  
 Mesopotamiæ finibus, & adduxi eum ad terram Chanaan, multiplicauiq. semen eius, &c.  
 Igitur Iudæos, nisi ab illis moribus, ab illa mente desisterent, ad antiquam suam conditio-  
 nem transferendos prædixerat Deus; & quoniam non destiterunt, translatos hætenus vide-  
 30 mus, ita ut inter omnes gentes dispersi sine lege, sine rege, sine prophetis, sine vlla ciuitatis  
 aut reipublicæ specie, omnibus omnium nationum, linguarum, religionum & sectarum homi-  
 nibus ludibrio expositi, exulem atq. miserrimam prorsus vitam agant. Extat enim libellus  
 à Biniamino quodam Cantabrico Iudæo quadringentis ab hinc annis editus, cui titulus est,  
 35 profectiones siue itinera Biniamin. is cum medicus atq. astrologus esset, cognoscendarum  
 rerum studio incensus & artis fretus presidio, vniuersum penè terrarum orbem, præter eam  
 terræ partem, quæ nostris temporibus ad occidentem inuēta est, peragrauit: ac nullum ferè locum  
 adiit, in quo Iudæorum siue Israëlitarum copiam non offenderet, quorum summam quæ singulis  
 in locis esset, subductam eodem in libello reddidit; quæ, cum essemus Tridenti Constantino-  
 poli nobis allatum cum Martino Ayala dignissimo. tunc Secobiensium nunc Valentinorum Ponti-  
 40 fice, & Ioanne Delgado apud Tydeses Canonico, magna cum voluptate legimus: ij autem ut  
 sunt publicæ utilitatis studiosissimi, cum latinis hominibus librum (quoniam Hebraicè cōscri-  
 ptus est,) communicari desiderabāt. Et ponam eam quasi solitudinem. Ea terrarum portio, solitudo  
 in sacris libris dicitur, quæ propter solis aut cæli intemperiem, & propter aquarum inopiam, quas  
 sponte natura aliàs proferre copiosè solet, omnem sui usum hominibus, atq. à Deo cæteris  
 45 animantibus negat, præterq. malefico serpentum generi, cuius naturæ frequēs esse solet,  
 sicut scriptum est: Dominus ductor tuus fuit in solitudine, in qua erat serpens, flatu adures, „  
 & scorpio & dyphas, & nullæ omnino aquæ; qui eduxit riuos de petra durissima, & cibauit „  
 te manna in solitudine. Itaq. cum minatur Deus atq. dicit, & Ponam eam quasi solitudinem. eius „  
 conditionis & miserie ratione eorum memoriā renouat, ad quā conditionem & miseriam vene- „  
 50 rant, cum olim in Arabiæ solitudine sunt perducti, in qua nihil aut ad esum aut ad potum,  
 aut omnino ad vitam idoneum nisi diuino beneficio & miraculo habere potuerunt. nam loci  
 natura nihil illis præter metus & terrores, nihil deniq. præter exitium, aut pmittere aut sup-  
 peditare poterat, sicut scriptum est: Quadraginta annis duxit te per desertum, ut affligeret te,  
 & afflixit te penuria; nimirum earum rerum penuria, quæ in humanos usus natura pcreari so-  
 let. adeo ad huiusmodi conditionem Iudæorum populi venere, ut omnibus celestibus bonis,

Acto. 13.

2. Cor. 4.

Iosu. 24.

Profectiones  
Biniamin.

Deutero. 8.

Vbi supra.





ex gentili femina, aut etiã ex serua susceptũ sibi, sed matri potius ascriberet: huius autẽ appellationis causam Deus addit: *Quia fornicata est mater eorũ, & genetrix eorum confusa est.* Quicunque autem illegitimẽ natus esset, ad eum neque patris hæreditas, neque nomen venire poterat, quamobrẽ huiusmodi homines à Synagoga exscindebantur: Confusam autem dicit, id est, adulterij criminibus notatã; cuiusmodi mulieres Romani damnatas appellabant, nimirum quæ adulteriorum multorum publicẽ conuictæ togam induere in manifestum impuditiæ suæ signum legibus cogeantur, vt est apud Poëtam:

*Est mœcha Labulla*

*Damnetur si vis, etiam Carphinia, talem*

Iuven. Saty. 2

10 *Non sumet damnata togam, &c.* Verũ enim uero alias uenia digniores inuenias, vt sunt, quæ accusatæ cum sint, tamen defensione aliqua utuntur, & crimen a se rejicere student. equidem harum miserabilis damnatio est, sed peiores multo sunt, quæ crimen vultu, incessu, & toto habitu professæ, verbis etiam atque oratione tueri & fouere student, & quæ causas querũt, quibus scelus possint defendere. Nam hoc durũ nimium 15 ceruicis utque incircuncisi cordis argumentum est maximum, vt scriptum est: *Væ qui dicitis bono malum, & malo bonum, ponentes lucem tenebras, & tenebras lucem: & vt Philip. 3.* Paulus ait: *Lætantur in confusione sua.* Igitur maximẽ confusa horum genetrix:

*Quia dixit: Vadam post amatores meos, qui dant panes mihi, & aquas meas, lanam meam & linum meum, oleum meum, & potum meum.*

20 **D**IVINAM naturam non ex otio, sed ex actione & utilitate ab hominibus cognosci, & quoad eius fieri potest, definiri, sacra imprimis literæ, & prophana docuere. Namque bona sacrorum sermonum pars in diuinis beneficijs ostendendis consumitur, vt Deicerta natura ab hominibus cognoscatur, atque adeo quæ prima nobis de diuina natura inferitur cognitio, non nisi à beneficij enarratione inchoatur: In principio 25 creauit Deus cælum & terram, &c. quamobrem & cum verum Deum, ijs qui dii non sunt, esse tamen putantur, sacra carmina comparat, quæ ab illo plurima, quæ nulla ab istis commoda capiantur, ostendere solent. Qui facit mirabilia magna solus. & iterum: Quoniam omnes dii gentium dæmonia, Dominus autem cælos fecit: Sed & imperitorum 30 etiam gentilium vulgus, non ob aliam causam dijs suis arcum, sagittã, hastam, clypeum, fuscina, fulmen dabant, nisi quod naturæ vi nihil agentem Deum cogitare nequibant. Ipsi qui maximẽ omnium irridetur Ægyptij, nullam belluam nisi ob aliquam utilitatem quam ex ea caperent, consecrauerunt. Tota autem opinionum perueritas illa fuit, vt ijs potius rebus beneficia accepta referrentur, à quibus fuerant minimẽ accepta, atque ijs pro diis haberetur & agnosceretur, qui aut nulla, aut non propria vi mortales iuuare poterat: 35 is autem cuius vera & immensa, atque conspicua virtus ex coilatis beneficijs fuerat ostensa paulatim in obliuionẽ tradit, velut ignotus aliquis Deus iudicaretur, vt Paulus dicebat: Viri Athenienses, per omnia quasi superstitiosos vos video; Præteriens enim vidi simulacra horũ, & inueni aram in qua scriptum erat, Ignoto Deo. Quod ergo ignorantes colitis, hoc ego annuntio vobis, Deum qui fecit mundum, & omnia quæ in eo sunt, qui non longe ab vnoquoque nostrum est, in ipso enim viuimus & mouemur & sumus, sicut & quidam vestrorum poëtarum dixerunt. Hac perueritate opinionũ errantem vxorem suam synagogam insanijsse Deus ait, ita vt gloriam, gratitudinem & laudem quam illi Deo attribuere debuit, cuius scilicet beneficio in illa locata fuit dignitatẽ, tamen in quas res facta non fuerat, transfunderet, in solem, lunam & stellas, in cæterasque naturas, quæ à Deo ipso 45 non vt numina, sed vt mundi mortaliumque ministræ habendæ, conditæ fuerunt, vt scriptum est: Sol & luna, omnes stellæ & lumen, Cæli calorumque; & aquæ omnes, quæ super cælos sunt laudent nomen Domini: Quia ipse dixit, & facta sunt, ipse mandauit & creata sunt, Ignis, grando, nix, glacies & spiritus procellarum, quæ faciunt verbũ eius. Quoniam autem in coniugij atque adulteriorum allegorijs in hac oratione Deus elegatissimẽ vsus est, hætenus eandem rationẽ persecutus, amatores synagogæ eos vocat, quos illa pro dijs colebat, à quibus se beneficijs affectum putabat, nimirum Phœbum, Dianam, Bacchum & Mineruam, siue Solem & Lunam atque astra, siue quocunque nomine eadem appellarent: Nam cum horum lumine & motu rerum earum, quæ in hoc inferiori mundo gi- gnuntur, ortus, accretiones, copias, decretionẽ, & interitus fieri quidam videret, primam

Misnaïoth de sanctificatione nuptiarum cap. 3.  
Et Canb. in Zacha. c. 9.  
Misnaïoth de sanct. nup. c. 4

Divina natura ex beneficijs cognoscitur.

Genie. 1.

Psalm. 71.

Psalm. 93.

Act. 17.

Psalm. 41.

ipsis virtutem atque auctoritatem falsò tribuerunt. in qua re multum omnes quidē gentes, sed plurimum Israëlita peccauere; quibus illud certum persuasumq; esse debuit, non ex huiusmodi astrorū vi, sed ex singulari Dei benignitate & promissione sibi contingere, vt rerū omnium præter cōmunem naturā vsum, copia suppeditaretur assidua. Namq. is dixerat: Dabo vobis pluuias temporibus suis, & terra gignet germē suū, & pomis arbores replebuntur, apprehendet messium tritura vindemiam, & vindemia occupabit seminem, & comedetis panem vestrum in saturitate. Solem verò & Lunam, quæ eadem Minerva olei inuentrix dicebatur eos esse, per quos, annonæ, atque frugum omnia genera hominibus contingerent, vulgaris fuit gentium persuasio.

Verg. lib. 1.  
Georgic.

Vos o clarissima mundi.  
Lumina, labentem calo quæ ducitis annum  
Liber & alma Ceres, vestro si munere Tellus  
Chaoniam pingui glandem mutauit arista. & aliàs  
Oleæque Minerva inuentrix, &c.

Jerem. c. 44.

Solis & Luna  
vni.

ירח  
לבנה

Apul lib. de  
Mundo.

Hos amatores suos atque adeò adamatōres Hebraicè gens illa vocabat, quòd sibi vt tot frugibus, tot fructibus abundaret, non nisi his amicis atque propitijs contingere posse putaret, quod & aliàs profiteri non erubescbat. Ex quo tempore, inquit, cessauimus sacrificare reginæ cæli, & libare ei libamina, indigemus omnibus, & gladio & fame consumpti sumus. Neque verò illud alienum videri cuiquam debet, quòd amatores suos nominet, & inter hos etiam Lunam reponat. namque harum naturarum quæ neque mares neque feminæ sunt, indiscretum genus esse antiqui voluerunt. Quamobrem & Luna duplex nomen apud Hebræos est alterum masculinum Iareah, alterum femininum Le-bana. Sed & vanæ illius Theologiæ Antistites dijs suis non alterum tantum sexum, sed vtrunque attribuerunt, atque ex hoc fit, vt Venerem interdum marem, feminam nonnunquam effingerent. Atque hæc quidem res vel Orphei carminibus ab Apuleio citatis, explicari tota potest.

Iupiter est caput & medium, Iouis omnia munus,  
Iupiter est fundamen humi, ac stellantis Olympi,  
Iupiter et mas est, & nescia femina mortis. &c.

Qui dant mihi panes meos & aquas meas, lanam meam & linum meum,  
oleum meum & potum meum.

NAM Luna montibus, siluis atque fontibus præesse credebatur, & terræ vim addere qua fructus proferret idoneos, ob attributam illi humidam naturam, ex quibus caussis tergeminae nomen obtinuit:

Vergil.

Catull.

Tergeminamque Hecatē, et triplicis ora Diana. Sed & feminis in partu auxiliari credebatur, quòd humore atque calore suo vteros vehementer afficiat:

O Latonia maximi.	Montium domina vt fores,	Tu Lucina dolentibus,
Magna progenies Iouis,	Siluarumque virentium,	Iuno dicta puerperis;
Quam Mater propè Deliam	Saluumque reconditorum,	Tu potens Trivia et notho es
Deposuit oliuam:	Amniumque sonantium.	Dicta lumine Luna.

Ouidius. gitor

Lathmus Endymion, non est tibi Luna pudori.

Oleum meum & potum meum.

Potiv.

Mishaioth  
de decimis.

Macrob. lib.  
1. Satural.

POTVM non solū pro vino dixit, sed pro omni quod ex quauis re paratur poculo, siue ex pomis, siue ex ordeo, vel quacunq. id natura humida efficiatur. conficiebatur enim potus apud Hebræos ex frumentis, piris, malis punicis, cornis, mespilis, sorbis, moris, nucleis pineis: ex herbis, asparago, cumila, origano: quæ omnia, quauis vini nomen non propriè sortiantur, sicera tamen & potus in sacris libris dicuntur; de quibus passim in antiquis deuterofibus mentio fit. isdem verò rebus maximè præesse Sol credebatur, quòd varia caloris ac siccitatis efficientia res omnes ad temperatam naturæ perfectionem perducatur; vnde & rerum omnium dictus est auctor, & varijs nominibus pro varia virtute fuit appellatus, namque idem Apollo Mercurius & Mars, atque aliud aliudque est.

Propter

Propter hoc ecce ego *sepiam* viam tuam *spinis*, & *sepiam* eam *maceria*,  
& *femitas* suas non inueniet:

- O**PTIMI atque diligentissimi medici munere fungitur Deus, quum homines vitijs & luxuria ob rerum abundantiam laborantes, penuria ob eam rem afficit, vt morbo liberet, nam quæ ex abundantia proficiscuntur mala, difficillimæ curationis sunt, neque alia re melius quam subductione sanantur: Huiusmodi morbos medici Plethorias siue repletiones vocant. Quanta ergo misericordia Deus erga homines vtatur, vel ex eo manifestum est, quod grauissimè offensus, tamen non perdere, sed restituere cogitat. quam quidem ob rem ea se moliturum Deus prædicit, quibus hoc effici possit, vt ad sanam mentem, atque ad officium tandem ægotantes reuocetur: Igitur maximam illam bonorum copiam, quibus populus ille affluebat, subducet; ita vt & fame, & aliarum rerum penuria laborent, atq. cælestium influxuum effectus frustra expectent; deinde etiam ab hostibus abducti, omnem cultum, omnem operam quam dijs impenderant vanam fuisse intelligant, seque ad veri Dei atque Domini sui tantum de se meriti voluntatem nutumque conuertant: vtitur autem pulcherrima semitarum atque via translatione quæ frequens in diuinis literis est, atque adeo in ijs libris in quibus de moribus agitur. nam cum omnibus animantibus & maximè hominibus motus ad hoc datus sit, vt ea quæ sibi profutura putent motu quærant, & quæ nocitura videntur motu etiam declinent, atque ad eam rem viarum commoditas inuenta sit, qua certius atque expeditius moueri atque agi homines possint, hanc similitudinem à corporis motibus ad animi affectus commodissimè tum sacri, tum ceteri auctores transtulerunt. Si quis verò alterius iter impedire cogitat, nullam neque promptiorem, neque magis certam viam sequi potest, quam si vias corrumpat & dissipet: hoc autem plenius fieri solet macerie atque aggere extructo, & sentibus spinisq; inductis. Hanc eandem translationem, imò hanc eandem causam, rationemque secutus vates dixit: Circumædificauit aduersum me, vt non egrediar: Conclussit vias meas lapidibus quadratis, semitas meas subuertit. Spinas autè pro omni impedimento & pro omni votorum difficultate sæpe vsurpari manifestum est: Maledicta terra in opere tuo, spinas & tribulos germinabit tibi. Et apud Poëtam:
- Pro molli viola, pro purpureo Narcisso  
Carduus & spinis surgit Palinurus acutis.
- Viam & semitas, expositione repetit, qua in figura diuinus sermo frequens esse solet, vt: Vias tuas Domine demonstra mihi, & semitas edoce me. neque verò temerè hoc vsurpatur: namque non vnus solet esse propositi virgendi in negotijs modus. Cum ergo propter multarum rerum affluentiam, fructuum atque annonæ copiam, linum, lanam, oleum, pacem, & propter variarum rerum felicem successum insanierit populus, & his commoditatibus multos sibi amatores cummulauerit, omnia hæc minus prosperè illis cessura prædicit Deus. Illa verò personarum subita mutatio, viam tuam & semitas suas, non noua in sacris carminibus est; maximè cum dicentis affectus in sermone iudicatur.
- Et sequetur amatores suos, & non apprehendet eos, & quæret eos, & non inueniet, & dicet: Vadam & reuertar ad virum meum priorem, quia bene mihi erat, tunc magis quam nunc.

Hipp. Aphor. lib. 1. Plethoria. Medicorum officium.

Morbi ex prosperitate. Misericordia.

Semita via.

Animantium motus.

Itineris impedendi ratio.

Thren. 3.

Spina. Gene. 3.

33

Virg. Eclo. 5.

Psal. 24.

- N**ON aliàs magis homines religionem colere, & vota frequentare solent, quam in miseris & afflictis rebus. nam cum diuinam naturam benignam esse suis ipsius rationibus constet, atque ab afferendo malo alienam: ex eo fit, vt cum homines in mala grauissima atque publica inciderint, ex propria ipsorum culpa magis, quam ex numinis odio vel studio orta esse interpretentur: hanc cogitationem pœnitentia & votorum atque supplicationum frequentatio sequitur; sed superuacaneum tamen interdum experiuntur studium; nimirum cum res non ex certo consilio atque scientia, sed ex errore geritur: nam si minus rectè, quæ in re peccatum sit, perpendatur; nunquam profectò certa respiscendi via iniri poterit, neque certus ad placandum Deum, atque ad malum depellendum aditus aperiri: euenietque, vt cum non absit culpa, pœnarum potius accessio, quam detractio fiat. Magni ergo interest malorum causam (qualis potissimum sit) perspectam habere, & pœnitendi officium ad diuini consilij artem normamque dirigere, sicut in eum qui in



1248. qui in laboriosissimis, sed superuacaneis rebus, curam omnem consumit, scriptum est: Utinam attendisses mandata mea, facta fuisset quasi flumen pax tua, & iustitia tua sicut gurgites maris. Hunc igitur errorum & scelerum morbum, quo populus ille laborabat, indicat Deus, & quæ ex his sequutura esset mendola atq. inutilis pœnitentia: item quo pacto per diuinam iustitiam atque misericordiam, tanquam insani ad mentem atque salutem potius essent reuocandi, prædicit. Nam cum se minus feliciter agere ex calamitatem cognoscerent, protinus ad superstitionis cultum studiosius curam ferebant, & frequentiam Deorum, quam ex insaniam admiserant, hostijs cæsis, ceremonijs & ludis in-stitutis curabant: hoc enim est curare amatores. Quanquam verò hoc pacto res deterius illis indies cederent, neque quicquam ex hac religione compendij, sed dispendij plurimum sese facere animaduertent; non tamen preposteram religionem sibi susceptam damnarunt; sed perstare in eadem, & cum vanissimis Dijs verum atque viuentem Deum cultus & sacrorum communicatione sociare moliti sunt. atque ob hanc causam dixit: *Vadam*, videlicet post amatores meos, quod primo consilio nondum desistat, sed nouo atque auctiori vtatur, nempe hoc, *reuerter ad virum meum priorem*, quia bene erat mihi tunc magis quam nunc: Ita se putabant plenissime religionis totius momentis omnibus consulturos, si Deum illum antiquissimum, cuius propriam in seipsos prouidentiam iam inde à principio ab Ægyptijs temporibus fuerant experti, colerent; neque tamen astorum & calorum interim, quæ ab ipsis putabantur minima cultus rationesque negligerent: nam si maximè illi prouidentiam concedebant, his curam influxuum atque com- munem vtilitatem cum cæteris etiam gentibus tribuebant. quamobrem melius secum agi posse sperabant, si vtrisque & Deo antiquo ipsorum viro ac domino, & dijs terrarum dominis vota atque sacra facerent, quam si dijs solis illo neglecto idem præstarent. nam neque nunc malè illis res cedere, cum dijs faciunt, dicunt; sed ex comparatione melius cessisse cum virum suum olim colerent: fatentur ergo, & optimè cessuras cum vtrisque is rebus hisque insaniam erroribus illud optimè consonat, quod scriptum de hoc populo fuit. Et commemorati sunt, quia Deus adiutor eorum est, & Deus excelsus redemptor eorum est. Et dilexerunt eum in ore suo & lingua sua mentiti sunt ei. Cor autem eorum non erat rectum cum eo, neque fideles habiti sunt in testamento eius. quis autem error fuerit, quo ad tantum insaniam redacti sunt, Deus ipse per Vatem exponit.

*Et hæc nesciuit quia ego dedi ei frumentum, & vinum, & oleum & argentum multiplicavi ei & aurum, quæ fecerunt Baal.*

NA M cum à testamento diuinaque lege assidua meditatione recolenda ad gentium philosophiam, astronomiam, atque adeo ad eorum superstitionis, studium sese transulissent, vanis opinionibus decepti, atque per istarum rerum antistites delusi maximum numen ad frugum & rerum omnium copiam gignendam Soli atque Lunæ, & astris, cæterisque naturis tribuerunt; quippe ea astra rebus omnibus, etiam metallis & mineralibus, quæ inter terræ viscera gignuntur, præesse omnino putantur: Quæ res quamquam ita se habere aliàs posset, vt ex cæli astrorumque momentis, rerum ortus atque interitus, in his quæ sub cælo sunt, efficerentur; nullo tamen numine, nullis diuinis honoribus ea colenda esse censi oportuit, quæ non sponte sua, sed consilij, imperijque diuini efficientia, quidquid ab ipsis præstatur, efficiunt. si enim in testamento Dei fideles haberentur, agnouissent sanè quod scriptum est, verum esse: Et fecit Dominus luminaria magna, vt præessent diei & nocti, & vt essent in signa & tempora & momenta, & stellas etiam in eiusmodi ministeria comparauit. Quoniam & si maximè in annorum atque temporum ratione astrorum natura aliquid posset; non tamen tam exundantem, tam assiduam, & continuato successu felicem rerum copiam, quanta Hebræis contingebat, ex cæli astrorumque virtute, sed ex diuina potius prouidentia prouenire credi oportuerat. Nam in cælestibus vt motuum, & conuentionum atque concursuum, ita temporum & prouentuum varietas est; neque ab ijs luminibus sua mutari potest ratio, vt aliter atq. aliter pro diuerso concursuum genere in ijs, quæ infernè sunt, efficiatur, sicut scriptum est: Ipse dixit, & facta sunt, ipse mandauit, & creata sunt, statuit ea in æternum, & in seculum seculi, præceptum posuit, & non præteribit. Ergo quod perpetuo frumenti atque aliarum

aliarum rerum, quibus mortalis hæc vita carere non debet, successu fruerentur, non cælo, non cælestibus astris, non vanis numinibus, sed vero antiquoq̃ue Domino, à quo hæc promissa fuerant, accepta referri oportuit, & hoc beneficium oblati decimis, primitiis, primogenitis, atque hostiis frequentatis, (vt in ipsis fœderis tabulis vtrinque pactum conuentumq̃ue fuerat) profiteri: at verò illi contra ius, contraq̃ue fas per summum scelus, quibus diuitiis opibusq̃. Dei ex benignitate florebat, in superstitione studiosissimè exercenda sunt abusi. hoc nimirum est, quod dicit, *Et argentum & aurum multiplicauit, quod fecerunt Baal.*] Baal nomen est genericum, non vnum aliquem certum Deum, vt Apollinem, aut Liberum, aut Mercurium significans; sed eam in vniuersum notionem comprehendit, quæ diuinæ naturæ conuenit, siue illa natura vnica sit, vt verè est, siue in plures partes (vt antiqua putauit vanitas) diffusa sit: Significat enim imperium, dominationemq̃ue, & nutum illum, quo ea, quæ infra se posita sunt, gubernatur, & aguntur; nam nomen Baghal à verbo Baghal, deducitur, quod præesse, dominari, atque subigere Latine reddi potest. Hanc eandem rationem Latinus sermo explicare conatus, commune dijs vocabulum Numen, fecit à verbo Nuo, siue à nutu deriuatum, quod deorum nutu atque vultu, cuncta regi atque agi putarent, vt apud Poëtam est:

*Olli subridens diuum pater atque hominum Rex,*

Virg. Aen. 1.

*Vultu quo calum tempestatesq̃ue serenat.*

Itaque Baal siue numen, siue dominum vertamus, rem ipsam etsi non assequuti fuerimus ob Hebraicorum verborum maiestatem, tamen fortasse proprius cōsequemur. Porro deorum simulachra, ex quàm pretiosissima atque diutissimè duratura materia facere summa apud gentes religio fuit, sanctissima autem atque augustissima argentea aureaq̃ue putabantur.

*Nunc te marmoreum pro tempore fecimus, at tu*

Virg. Edo. 3.

*Si foetura gregem suppleuerit, aureus esto.*

Igitur in his insanijs aurum atque argentum, quorum parcissimi esse solent homines, profusius illi consumeabant, sicut scriptum est: Argento & auro decorauit illud, clauis & malleis compegit, vt non dissolutur. Itaque hoc in loco copiarum atque diuitiarum abusus damnatur: qua damnatione, vtinam nos Christiāni immunes essemus, vt bonarum rerum vsum non ad libidines, non ad ambitionem, non denique ad prauissima & corruptissima, sed ad rectissima quæque haberemus, sed vt Eusebius ait: *Rebus quæ bonæ factæ sunt, malus malè vtitur.*

Euf. Emisen.  
de Epiph. dñi  
Homil. 4.

*Idcirco conuertar, & sumam frumentum meum in tempore suo, & vinum meum in tempore suo, & liberabo lanam meam, & linum meum, quæ operiebant ignominiam eius.*

**C**VM in omnibus quæ circa homines geruntur, diuinæ vestigia appareant prouidentia, tum maximè in ijs quæ aduersa videntur, elucet, quanquā aliquibus tunc latere existimentur. Nouit namq̃. Deus quale hominum ingenium sit, & quàm facile secundo rerum successu, ad insaniam atque ad scelera adigatur. Ex quo fit, vt cū illi consultissimum esse velit Deus, vitiorum fomenta subducatur; charior enim est Deo homo, quàm

40 sibi.

*Nos animorum*

*Impulsu, & ceca, magnaq̃ue cupidine ducti,*

*Diuitias petimus, rerum quoque plurima, at illi*

*Notum quis rerum secundus, qualis, & vsus.*

Cū ergo rerum copia, ad ingratitudinem atque aded ad impietatem adegerit homines, ita vt alijs potius, quàm Deo bonorum omnium auctori, si quid illis boni contigerit, acceptum referant, maximæ prouidentia consilium est, vt earum rerum inopia & subtractione ad sanitatem reuocentur, atque (vt in medicorum præceptis est,) abundantia malum defectus curet. Quamobrem Deus ita hoc loco populum insania liberandum prædicit, nimirum annona illis & cæterarum rerum copia negata, vt cum maximè se cæli, atque astrorum beneficio, rebus omnibus affluentes fore sperarent, tum maximè vanas suas spes, atque opiniones experirentur: & tandem (quod suo bono noluerunt) suo edocti malo, verum omnium bonorum auctorem solum Deum agnoscant: Qui producit ventos de thesauris suis, qui parat terræ pluuiam, qui dat iumentis escam illorum, & pullis coruorum inuocantibus eum, & hunc agnitum cæteris, damnatis vanitatibus ament, colant, solumq̃ue venerentur, & adorent: Idcirco inquit Deus,

Aphor. lib. 24

Psal. 134

Deus, quia hæc gens stultissima magni interesse putauit, si mecum etiam cæli astra, atque alia falso dicta numina componeret & coleret, neque mihi soli diuinos honores tribuendos esse censuit, sed & virum antiquum & amatores retinendos curauit, ut ego mihi honorem laudemque meam iure meo vendicem, curabo, ut cum maximè illis omnia tempora fauere, astra omnia conducere, omnia denique commoda congruere videantur, & rerum omnium abundantia pleno cornu promitti, tum maximè omnia hæc vana mendacia atque totius efficientiæ expertia euadant; hoc est, fumere frumentum & vinum in tempore suo, siue ut Hebraicè legitur, in oportunitate atque maturitate sua: id est, cum aptissimus sese illis annus ostenderit atque præbuerit. [Conuertar.] Promiserat Deus se singulari & benignissima prouidentia genti huic consulturum, ut quanuis cæteris gentibus cæli atque astrarum & temporum constitutio annonam negarent; illis tamen nihil esset metuendum, quos non nisi ex sola diuina prouidentia pendere oportebat, sicut scriptum est: Audite verbum quod locutus est Dominus super vos domus Israël, iuxta vias gentium nolite discere, & à signis cæli nolite metuere, quæ timent gentes, quia leges populorum vanæ sunt. Igitur cum Deus etiam inuitis & negantibus signis omnibus, huic populo omnia, quæ ad vitam necessaria esse putantur, suppeditaret: id non sine miraculo fieri manifestum erat, ut hac ratione Deus bonorum omnium auctor, probaretur, id cum apud istos ob stultitiam parum valuerit, alio miraculo huic opposito se vsurum prædicit, nimirum quod omnibus astris, signis omnibus & temporibus plenam concedentibus copiam, solus tamen Deus illis inopiam molitur summam; ut quod probari illis prosperitate non potuit, miseria rursus atque indigentia sentiat. Conuertar igitur ab instituta ratione, ad eam, quæ huic opposita est; nam antea negantibus astris ego istis omnia donabam, nunc omnibus lata omnia promittentibus temporibus atque signis, ego tamen negabo: [Linum meum & lanam meam, frumentum meum, & vinum meum.] Quid enim habuere, quod non acceperant, quod si acceperant, quare gloriabantur quasi non accepissent, aut alijs potius, quam mihi accepta hæc referebāt? Intelligent itaque meum fuisse, cum non ab alio accipere, quam à me possint, & intelligent quos in vsus ea conuerti oportuit, quæ à me accepissent, an in honestam vitæ suæ translationem in cultum honoremque meum, an in turpissimos Deorum amores exercendos, atque in vitæ luxus, & superstitionis libidinem obeundas, cum res omnes non ad vtentium libidines, sed ad Domini voluntatem atque consilium referri debeant. [Liberabo.] auferam, hoc verbo sacræ literæ vtuntur, cum quid ab aliquo tanquam ab iniusto possessore postliminio reuocatur, id quod iam in ijs quorum possessio aut vsus iniuria non vacat, plerunque accidere solet.

Gen. 2. 31. Sic Iacob ad vxores: Sed & Deus abstulit substantiam patris vestri, & dedit mihi. & ille rursus: Sed & Deus tulit opes patris nostri: & eas tradidit nobis, ac filiis nostris. vtrobiue id verbum Hebraicè legimus, quod hoc in loco, liberare, interpretes vertit: detinètur enim res huiusmodi dominis, velut inuitæ, & ad dignos transferri sese optant, ut scriptum est:

Hab. 2. 1. Quia lapis de pariete clamabit, & lignum quod inter iuncturas ædificiorum est, respondebit.

Et nunc reuelabo stultitiam eius in oculis amatorum eius, & vir non eruet eam de manu mea, Et cessare faciam omne gaudium eius, solennitatem eius, neomeniam eius, Sabbathum, & omnia festa tempora eius.

Cum illis omnem calamitatem & futuram annonæ pecorum & cæterarum rerum defectum prædixerit; atque his modis suam in illos indignationem testatam fore ostenderit, quid ex his consequuturum sit, continuo subiungit, nimirum ineuitabile dedecus atque ignominiam, & totius lætitiæ antiquæ ingens desiderium. Merito enim quis carere cogitur rebus ijs, quas à legitimo vsu ad summum nefas prauè transfulerat. Hoc autem à Deo per translationem dicitur, etenim si quis maritus siue vir alius mulierem menstrui sanguinis foeditate laborantem, nudo corpore conspiciendam exponat, id efficiet, ut cum à cæteris, tum verò ab amatoribus ijs, quibus ob speciem atque obfucatum mundum appetebatur, turpitudinis spectatæ detestatione deseratur. Hoc pacto, cum gente ista actum iri prædicit Deus, ut ijs commoditatibus & bonis priuata, quæ in luxus, in libidines, in superstitionis vsus consumebat, protinus nihil habeat, quo suos illa amatores lactet, prouocet, atque rerum omnium copia sublata, nullum numen vanum colat, suamque tantum stultitiam prodatur, quæ à vero & vnico viro suo Deo, à quo



à quo vno tantis fuerat affecta beneficijs; ad eos descenderit, quibus nunc in calamitate, atque in summa inopia constituta, non auxilioribus sed turpitudinis, atque stultitiæ suæ spectatoribus tantum vti possit. neque enim si à Deo destituta, atque gratia, & prouidentia priuata, ad alios confugiet quicquam sibi apud eos emolumentum aut subsidij comperiet, sed hoc tantum efficiet, vt quid illi vero suo marito offenso acciderit, manifestet, & (quod summæ ignominia genus est) præter dedecoris sui manifestationem, nullius præterea voti compos fiat. huius rei causam addit; neminem ex amatoribus futurum esse, qui huic malo ab ipsa gente ferendo, succurrere possit, aut obuiare. Nam cum semel Deus illis tritico, vineo, oleo, pecoribus, lino, rebusque alijs atque adeo gratia sua interdico cere coeperit, nulla in astris, neque in cæteris falso vocatis dijs virtus, nullum numen erit, nihil omnino quod obstat, quominus merita ab illis repetantur poenæ. Quod autem legitimus, & *vir non eruet*, Latine dici potest, neque quisquam eruet: nam vir interdum relatiuum nomen est ad distributionem accommodatum, quod etiam anima carentibus rebus adiungitur. frequentissima autem ea in Hebraico idiomate obseruatio est, vt: Po-  
15 fuit Abraham partes cadauerum, virum contra socium suum, id est, vnamquamque è regione alterius, & non docebit vir fratrem suum, neque vir proximum suum, hoc est, neque quisquam alium docebit. Neque verò solum futurum esse ait Deus, vt ex hac rerum penuria nullus superstitioni exercendæ locus relinquatur; sed neque vlla etiam illis ad legitimam lætitiæ superstiti commoditas. nam antea affluentiori copia, illis prouisum à Deo  
20 fuerat, vt & sibi requiem aliquam interdum parare, & diuinis rebus contemplandis vacare facta esset. Ex hoc namque fonte sabbathorum & solennitatum, calendarum atque cæterorum festorum institutio manauerat, quibus diebus sibi iudulgere, honestè tamen, permittebantur, & diuinis beneficijs, laudum & sacrorum frequentatione meditandis, iubeantur vacare: Hæc omnia ab illis (quæ magna hominum peruersitas est, corrupta fuere,  
25 & ad scelus, ad iniuriam, ad impietatem atque superstitionem translata, sicut scriptum est: *Neomeniam & Sabbathum, & festiuitates alias non quæram, iniqui sunt coetus vestri: Calendas vestras & solennitates vestras odiuit anima mea: facta sunt mihi molesta, laboravi sustinens.* Igitur æquum est, vt ijs solennitatibus & festis arceantur, quicunque pietatem atque fas in impietatem & nefas conuertunt. [*Omne gaudium eius.*] Genus est  
30 gaudium ad ea quæ sequuntur, [*Solennitatem.*] Tempora festa fuerunt illis tria, iam inde à principio instituta, triplici colligendorum fructuum anni tempore, supplicationibus, atque gratiarum actionibus celebranda. Erant præterea alia, quæ solennitates vocarentur, tum ex antiqua institutione susceptæ, vt Neomenia, annorum principia, & iubileorum hebdomades; tum etiam nouæ, aut à populis, aut à familijs, à regibus, atque ab alijs etiam  
35 priuatis vocatæ: quæ omnes solennitatis nomine comprehenduntur, quibus quiescere, & conuiuia agere fas fuerat, vt quæ à Solomone, propter sacri templi initiationem per dies quatuordecim sunt frequentata. Hæc omnia, & quæ cuiuscunque modi essent, desitura esse Deus prædicit, quoniam rerum copia priuandis, & in exilium abducendis, nihil harum rerum præter desiderium superesse illis poterat.

40 *Et corrumpam vineam eius & ficulneam eius, de quibus dixit, mercedes meæ sunt, quas dederunt mihi amatores mei, & ponam eam in saltum, & comedent eam bestia agri.*

45 **F**VTURAM illis ex religionis profanatione calamitatem vehementius amplificat, cum non solum eos annonæ & vini & olei copia priuandos (quod sanè perquam miserum fuerat) sed quod miserrimum omnino est ipsis agris, vinetis, atque hortis fore mulcandos prædicat. nam si saluis plantis fructus pereant, tamen sequentis anni spes non protinus adimitur. at verò si cum fructibus arbores etiam ipse perdantur, nihil omnino spei reliquum sit. quoniam autem non modò fructus vanis illis dijs, & astrarum viribus acceptos  
50 Iudæorum gens referebat, sed agros etiam ipsos, vineas atque hortos deorum munere se possidere, profitebatur. nam vineæ Libero patri, oliuæ Mineruæ, ficus & cætera Pomonæ, & similibus nominibus, quæ diuerso nomine apud alias atque alias gentes colebantur, tutelæ esse credebantur; Vt ille canebat:

*Populus Alcide gratissima, vitis Iacho,  
 Formosæ myrthus Veneri, sua laurea Phæbo:*

*Consentaneum fuit, vt harum etiam  
 F rerum*

*Vergil.  
 Eclog. 7.*



utriusque enim rationi sententia consentire re ipsa & euentu intelligitur: Vt in agno Paschali verum fuit nullum os rumpi; idem etiam verum in sacro agno pro totius orbis sceleribus expiandis immolato fuisse planum est: ita verum fuit vineta cum ficetis hortorumque omni pulchritudine fuisse Iudæis per hostem vastata, in saltumque redacta & ferarum etiam exposita pabulis & gentem ipsam eiusque regionem hostium vastationi cessisse: gentem autem vineæ nomine significari, & hostem feræ similitudine describi, non vno in loco legimus, vt: Exterminauit eam aper de silua, & singularis ferus depastus est eam. Psal. 79. Deus virtutum conuertere, respice de cælo, & vide, & visita vineam istam:

Et visitabo super eam dies Baalim, quibus accendebat incensum, & ornabatur in aure sua, & monili suo, & ibat post amatores suos, & mei obliuiscetur dicit Dominus.

IN EA calamitate atque poena, quam populus ob flagitia subiturus semel esset, cos hesituros prædicit, quantum diuturna insania, qua colendis simulachris flagrauerant, exigere videatur: Constat autem illos per omnia Iudicum tempora, & per Regum Israëlitarum atque etiam Iudæorum ætates ad vsque Babylonicæ abductionis annos hanc culpam sustinuisse; eorum autem posteros, hoc est, qui restituti fani temporibus vivere, varijs atque innumeris flagitijs fuisse nobilitatos: quorum vnum illud omnium maximum fuit, quod ad omnium vatum à se suisque maioribus occisorum sanguinem, etiam veri illorum ipsorum Regis & domini Christi necem addiderunt, & paternam mensuram tanto admissio in se crimine compleuerunt, quibus ex rebus omnibus effectum est, vt à Romanis victi atque abducti diuturnis cooperiantur miserijs, quas expuere illis omnino integrum non sit, & verissimum illud sibi à Deo prædictum, agnoscant. Quod si de illis aliqui remanserint, tabescent in iniquitatibus suis in terra inimicorum suorum, & propter peccata patrum suorum, & sua affligentur, donec confiteantur iniquitates suas, & maiorum suorum recordentur, quibus præuaricati sunt in me, & ambulauerunt ex aduerso mihi: Accendere autem incensum, pro omni colendi & sacrificandi opere dictum est. namque vnum ex iis negotijs, quæ cultus causa aduersus Deum à mortalibus suscipiuntur, est thuris & odoriferarum resinarum suffitus: hæc enim sacris aris cremantur. Speciem ergo pro toto sacrorum genere posuit, quod & aliarum etiam linguarum auctoribus familiariissimum est. Quoniam autem vt Deorum sibi amorem & voluntatem conciliaret, omnibus utebatur ornamentis, & tum maximè, cum eorum numinum quæ ab eo colebatur, festi celebrarentur dies (omni namque pompa omni que apparatu, diis colendis vacabat) propterea varijs is populus miserijs affligendus esse diuino prædicitur oraculo, vt quantum quandiuque veri Dei sui oblitus vanis cultibus multo cum molimine & vestium aliarumque rerum preciosissimarum apparatu operam dederit, tandiu tantumque eo habitu eoque viuendi genere vsurus sit, quæ captiue & miserimæ genti conueniant, vt iusta rerum vicissitudine correctæ atque edocta gens ista quantum Deum qualémque sibi meritum neglexerit suo malo perentiscat. perstat autem diuina oratio in adulteræ femine allegoria, huiusmodi enim mulieres, quidquid ornatus monilium & deliciarum comparare sibi potuere, id omne in alliciendorum Deorum amatorum cura atque studio consumunt:

Mæchis foliata parantur;

Emitur his quidquid graciles huc mittitis Indi.

Iouen. Sat. 6.

Propter hoc, ecce ego lactabo eam, & ducam eam in solitudinem, & loquar ad cor eius.

HABENT diuinæ comminationes suam catastrophem, quam inexhausta Dei misericordia sapissimè profert; neque vnquam tam iratus est dominus in populum suum, quin natiue interim misericordiæ (vt Propheta cecinit) recorderetur: Etenim promptior & promior multò ad hanc rem, quàm ad ultionem, quàmque ad sumendas poenas natura sua est: Qui supplicia publicè decerni in populos solet, non tam vt eos, perdat, quàm vt eorum tandem misereatur. interim verè iustitiæ diuinæ satisfiat: id que efficiatur, vt qui secundis rebus abusi vsque ad impietatem insanierint aduersis correpti ad sanitatem reuocentur, ac demum prosperioribus atque magis secundis diuino beneficio tandem perfruantur, sicut scriptum est: Arguet te malitia tua, & auersio tua increpabit te: Scito & vide

Ieremi. 4.



- „ quia malum & amarum est reliquisse te dominū Deum tuum, & non esse timorem mei  
 Ierem. 29. „ apud te, dicit dominus exercituum. Et iterum: Ecce ego cogito cogitationes pacis, quas  
 „ ego cogito super vos, cogitationes pacis, & non afflictionis, vt dem vobis malorum finem  
 „ & patientiam: Ergo post tristē illam, sed iustam tamen pœnarum & captiuitatis mul-  
 tiplicisq̃ miserix prædictionem, quam Deus populo Iudaico exponendam Propheta  
 mandauit, letissimum ex misericordia sua exitum curauit etiam promittendum: Nempe  
 futurum tandem esse, vt Iudæus imò totus Israëliticus populus antiquæ synagogæ filius  
 ad Deum suum conuersus, maxima atq. pretiosissima dona, quorum causa electus olim  
 fuerat, diuina ex liberalitate accipiat, hoc est, spiritali illa atque cælesti benedictione,  
 & æterni consortio regni, cum maximo atque admirando potius quam explicando bo- 10  
 norum cumulo, quæ Deus iis qui se diligunt parauerat, fruatur: [*Propter hoc,*] quia ita  
 infanix morbo victa est, vt non alia ratione quam pœnarum reuocari possit, ego tantum  
 his pœnis efficiam, vt eam tandem mentis suæ, hoc est bonæ compotem esse, atque ab  
 ea, quam nunc sibi per errorem finxerit, desistere faciam: hoc enim lactare est, quauis  
 ratione quocunq. id modo fieri possit, aliquē, vt sententiā mutet, pellicere, siue ex bona 15  
 in malam, siue ex mala in bonam ea fiat commutatio. Cū autem mala omnino senten-  
 tia in huius gentis animis infederit, vt à Deo ad vanitatem ad superstitionēq̃. conuersi  
 viuant, lactaturum se eos prædicit Deus, & ad pœnitentiam reuocaturū, vt euangelij læ-  
 tissimo accepto nuntio, ad antiquum dignitatis locum multò etiam felicius restituatur,  
 quantum videlicet cælestibus bonis, quibus augendi ornandique sunt, terrena, quibus 20  
 olim aucti fuerant, cedere natura sua solent. [*Et ducam eam in solitudinem.*] Vt olim  
 primis recentis adhuc Ecclesiæ temporibus Iudæi in primis & Græci omnes, quotquot  
 Euangelio credētes Spiritum sanctū atq. filiorum adoptionem acceperant inter ceteros  
 homines, tanquam inter siluestres feras, & noxia atque malefica animantium genera vi-  
 Philip. 1. „ tam agebant simplicissimam, sanctam atque innocentissimam (sicut scriptum est: Vt sitis 25  
 „ sine querela, & simplices filij Dei sine reprehensione, in medio nationis prauæ & peruersæ  
 „ inter quos lucetis sicut luminaria in mundo, verbum vitæ continentes) sic futurum esse  
 Deus respondet, vt cum totus Israël ad pœnitentiam reuocatus, restituendus sit: parem  
 porro vitam illisque primis Christianis simillimam agat, verbum vitæ continens, cuius  
 virtute molestissima quæque, quæ illi mundus & rectores tenebrarum harum offerre 30  
 possint, constanter perferat; neque vllō incommodo à proposita sibi spe deiciatur, quo-  
 minus ad æternam, quo vocatur atque ducitur, patriam victor perueniat. quod autem  
 Paulus verbum vitæ dixerat, id Deus hoc in loco ad cor loqui dixit: est enim hebraicæ  
 linguæ tropus vt cum apud aliquem blandissimè, & pro voto verba fiunt, eiusmodi oratio  
 hac phrasi significetur: *locutus est ad cor eius*, hoc est blandè, amicè commodè atque ex 35  
 animi sui sententia eum cōpellauit, & si quid mœroris aut metus inerat, id totū lenissima  
 10. 40. „ oratione prorsus ademit: Sic Isaias: Consolamini, consolamini populū meum, loquimini  
 „ ad cor Ierusalem. At verò solitudinis nomine hoc in loco non tam sermonis simplicitate,  
 quam translationis figura cæterarum gentium atque hominum frequentiam signifi-  
 cari, inter quos pij perinde viuunt, ac si inter feras, & belluas versarentur, ex Iesechielis 40  
 scriptis docemur, qui eandem ipsam rem planius, adiuncta videlicet atque præsentī  
 nota exposuit: Et adducam vos de populis, & congregabo vos de terris in quibus dispersi  
 „ estis in manu valida, & in brachio extento, & in furore effuso, regnabo super vos, & addu-  
 „ cam vos in desertum populorū, & iudicabor vobiscum ibi facie ad faciem. Et quoniam  
 in eum locum incidimus, qui in vatum omnium sermone plurimus & celeberrimus est, 45  
 operæ pretium facturi videmur, si de eo nunc breuiter & commodè dicamus, quantum  
 ad vatum de ea re explicanda argumenta satis esse videatur, commodius & longius ean-  
 dem rem aliàs si Deus annuerit tractaturi, vbi multa quæ iam parata nobis sunt sacrorum  
 scriptorum testimonia producentur; quibus non solum doceri homines veritatem pos-  
 sint, sed ad diuinæ benignitatis admirationem, ad vitæ in melius mutationem, ad maxi- 50  
 mam immortalitatis atque felicitatis spem rapi atque impelli queant. Igitur vt olim cū  
 humanæ reparationis imago, & quædam quasi species à Deo præberetur Israël filij, qui-  
 bus durissima quædam seruitus apud Ægyptios fuerat, præclaram & veram Dei virtute  
 & beneficio libertatem recuperauerant, & antequam promissam atque paratam sibi  
 in patria quietem viderēt totos quadraginta annos in solitudinibus versati, diuinæ provi-  
 dentix

dentiaē semper addicti fuerunt, in eademque solitudine ingentibus Dei beneficijs ad omnes casus peruincendos vsi, caelestibus pasti cibis vitam quadam supra mortalem consuetudinem traduxerunt, donec optatam requiem capientes omni prorsus eo labore, omni sollicitudine, omni motu & vagatione, quibus in solitudine exercebantur, caruere: sic & in ea liberatione, quae Christo auctore hominum generi futura à vatribus praedicebatur, eandem prorsus imaginem veritate ipsa consequendā esse, & ab antiquis expectatum fuit, & ab ijs, qui eius rei sensum experimēto degusta uerunt, fuit affirmatū: Namq. hi postquam Christi opera & beneficio diuinum atque promissum spiritum acceperunt, 1. Pet. 4. sese maxima illa, qua vitijs & peccatis seruiebant seruitute, vere liberatos experti sunt, & quod reliquum vitae in carne fuit, id totum Deo dicatum fuisse eorum ipsorum testi- Philip. 4. monijs constat; ita vt per totam vitam nihil ab eis nisi diuinum & cogitaretur & ageretur; nihil tam graue, nihil tam inimicum aut infensum esset, quod non diuina ope, qua Rom. 8. sese nunquam defectos senserat, peruinceretur. itaque nulla re impediti sunt quominus aeternam illam in caelesti patria, qua nunc perpetuò cum Deo fruuntur, requiem caperēt.

15 Huius veritatis olim innumera argumenta atque innumera fuerunt prolata signa, quae si nunc rariora ostenduntur, id non diuinæ promissionis, aut veritatis infirmitate, sed hominum vitio & culpa accidit, qui ab ijs legibus, & cōditionibus quibus haec maxima Dei dona accipiuntur abalienati sese tanto testimonio indignos reddiderunt. Est tamē abunde satis in diuinis libris testimoniorū, quae petere omnibus licebit, quicunque diuinam 20 veritatem non ignorare cupiunt, ijsque verissimis & certissimis ad suam vtilitatem velut lucerna lucente, in loco caliginoso vti, donec dies illucescat, & Lucifer in illorum cordibus oriatur. Ad hanc autem spem hoc in loco Israël filij à Deo vocantur, quos in gratiam tandem suam restituendos idem promittit.

25 *Et dabo illis vinitores eius, ex eodem loco, & vallem Achor ad aperiendam spem, & canet ibi iuxta dies iuuentutis suae, & iuxta dies ascensionis suae de terra Aegypti.*

Q V A N Q V A M vulgatam editionem, quae communis & frequens omnibus Eccle-  
siae nostrae hominibus est, sequuturos nos profiteamur, tamen vt res postulare vide-  
bitur exemplaria Hebraica, Chaldaica atque Graeca, interdum consulere & recitare non  
30 pigebit, saltem manifestioris explicationis causa. Nobis enim dum haec scribebamus, multis linguis sacri libri conscripti, ante oculos erant, quos omnes quoad eius fieri poterat, huic vni quam vulgatam appellamus, editioni ad explicationē seruire volebamus: Igitur quod hoc in verū legimus, *Dabo illi vinitores eius, ex eodem loco*, Ex Chaldaica para-  
35 phrasi verum videtur, in qua sic scriptum: *Vaamani lah iath parnazzaaha*: hoc est, Et parabo ei gubernatores eius: Namque Hebraica sic habent: *Ve nathathi la'eth cherameisha*. Graeca vero huic consonat multum *Καὶ δώσω αὐτῇ τὰ κτήματα αὐτῆς*. Et dabo ei possessiones suas siue pignora sua. Quod si vineae & possessiones quid hoc in loco significet, aperuerimus, quid vinitorum atq. gubernatorum ratio velit, fuerit etiam profectò manifestum: haec enim  
40 relationem quandam inter se habere, seseq. mutuò exponere videntur, possessio, & possessor, siue gubernator, Vineae & vinitor. Olim cum Israeliticus populus Aegyptiaca seruitute liberatus est, non statim in promissum atq. desideratū Regnum fuit admissus, nam quadraginta annis in Arabiae solitudinibus angelum quendam, & Dei ministrum secuti ducem, vagati sunt: interim potiundae patriae desiderio & promissionis spe cōsolabantur:  
45 neque per totū illud tempus promissam in requiem ingressi sunt, sed cum iam & errandi & laborum statutus adesset finis, & Iericho munitissima vrbe capta, primam regni possessionem, primos iam agros occupassent, viderunt cum maxima sua calamitate impetus & conatus suos retardari, vt & parum abfuerit quin spe etiam possidēdi regni deiicerentur: Namque ob sacrilegum nefas Ghachani filij Carmi magna virorum multitudo à  
50 praeiis Ghai vrbis incolis turpissimè fusa & caesa est, ita vt cor populi liquefieret factumq. esset quasi aqua: neq. verò prius spē diuini verbi promissionibus redintegrare potuerunt, quam scelus sumptis in auctorem eiusq. familiam dignis suppliciis expiatum foret: ex qua re nomen loco inditum fuit, nam vallis Ghacor appellari Iosue iussu coepta est. At verò in ea liberatione, quam Deus populo suo maximā parauit quamq. per omnes vates suos, atq. per nostrū Hossiam predicandā curauit, secus omnia speranda pijs hominibus erant:

ואמני  
ליה ית  
פרנסתה  
ונתתי לה  
את כרמיה

Iosue 7.

Namque ij, quibus diuini spiritus donum in Christianæ testimonium veritatis contigit, primitias quasdam & arram atque pignus æternæ hereditatis, etiam dum hanc vitam agerent, dum mundus huius solitudines frequentarent, Dei beneficio acceperunt, & necdum ad cælum sublatis, tamen cum Deo, cum beatissimis spiritibus conuersabantur, & maxima atque inenarrabili voluptate eademque diuina afficiebantur, & diuinum regnum, cuius nouissima absoluta possessio in cælis futura erat, intra se non solum spe, sed fruitione quadam possidebant: Namque sacri spiritus virtute, quam in se experiebatur supra omnem mortalem aleam constituti verè Dei filij & diuinarum rerum participes effecti fuerant: cuius rei quamplurima à nobis testimonia citari poterat, nisi breuitatis studio auocaremur. vnum Rom. 8. verò atque alterum confirmationis causa attulisse non pigebit: Quicumque, inquit, spiritu Dei aguntur, ij filij Dei sunt. Non enim accepistis spiritum seruitutis iterum in timore, sed accepistis spiritum adoptionis filiorum Dei, in quo clamamus, Abba pater: Ipse enim spiritus, testimonium reddit spiritui nostro, quod sumus filij Dei: Si autem filij, & Ephes. 1. heredes, heredes quidem Dei, coheredes autem Christi. & alio in loco: Signati estis, ait, spiritu promissionis sancto, qui est pignus hereditatis nostræ, in redemptionem acquisitionis in laudem gloriæ ipsius: & conuersatio nostra in cælis est. Hunc autem spiritum non per imputationem aut vana aliqua opinione, sed re ipsa sanctissimi illi discipuli obtinebant. Atque ex ijs, quæ dicta à nobis sunt, illud planum atque apertum esse videtur, quod Deus per hunc vatem promittit. [Et dabo ei vineas suas, vel possessiones suas, siue pignora sua, ex eodem loco:] nimirum ex deserto ipso gentium, in quo vitam degent antequam ad patriam perueniant; ex eo inquam loco diuinæ hereditatis possessores erunt spiritu promissionis sancto per Christum accepto. Hebraicus codex habet מִי־סָאֵם, Chaldaicus מִי־חָאֵם מֵאֵם, Græcus ἐξ ἁδὲν, quod Latine vertere possis, exinde, si linguæ id admittat usus. Vineas autem dixit proprias se illi daturum, vt antitheton faceret eius rei quam superius dixerat, & corruptam vineam eius, & ficum eius, namque omnia in melius vertenda, & multo auctius multoque augustius à numine vltro offerenda promittuntur. [Et vallem Achor ad aperiendam spem.] hoc est, vallis Ghacor desperationis olim causam Israëlitis penè dederat, cum optatæ atque desideratæ diu quietis primum limen iam tenerent: contra verò nunc ijs accidet, quos ego, inquit Deus, in requiem meam sum vocaturus, qui non desperationis, sed spei ianuam primo ingressu sibi aperiri cognoscent, sicut scriptum est: Nō accepistis spiritum seruitutis iterum in timore, sed accepistis spiritum adoptionis filiorum Dei. Et iterum: Nihil igitur damnationis est ijs, qui sunt in Christo. Hæc sententia Hebraicè optimè explicatur sic: Et vallem Achor in ianuam spei, ita vt pro ea, quæ illis acciderat, perturbatione, quæque nominis loco imponendi causa olim fuerat. Hi contra in maximam futuræ perfectæ possessionis regni spem ingrediantur. [Et canet ibi iuxta dies iuuentutis sue.] Iuuentam illius gentis vocauit ætatē, eam in qua à Deo ex durissima seruitute in libertatem reconciliata est, & transmissio rubri maris vado in sponsam & coniugem accepta: illo namque tempore tanto Dei beneficio deuincti filij Israël, vnà cum Moysē duce suo, celeberrimum illud carmen gratiarum actionis in diuinæ misericordiæ laudem cecinere: Cantemus Domino, gloriose enim magnificatus est, equum & ascensorem proiecit in mare, fortitudo mea, & laus mea Dominus, & factus est mihi in salutē, iste Deus meus, & glorificabo eum, Deus patris mei, & exaltabo eum, &c. Verè quidem hoc carmen ab Ægyptiaca seruitute liberatis, cantatum quondam fuerat; sed verissimè olim à Diaboli tyrannide liberandis cantandum fore diuinus prædicit spiritus. Namque hi maximo illo quod experturi in se fuerant beneficio obstricti totam vitam in diuinis laudibus illustrandis transacturi erant; quod profectò officium verè ab ijs præstitum fuisse legimus, qui Christo auctore tanti diuini beneficii compotes facti sunt, sicut scriptum est: Qui vocauit vos è tenebris in admirabile lumē suum, vt simus in laudem gloriæ ipsius, & virtutes eius annuntietis. his itaque illud verissimè cantatum est: Fortitudo mea, laus mea Dominus, & factus est mihi in salutem. cuiusmodi carminibus meditandis atque canendis operam daturum esse populum à Deo liberatum, & diuino donatum beneficio prædixit Hosseas.

Et erit in die illa, ait Dominus: Vocabit me vir meus, & non vocabit me ultra Baalim, & auferam nomina Baalim de ore eius, & non recordabitur ultra nominis eorum.



**E**X I I S locis quæ plurima passim in sacris libris occurrunt aduersus eos, qui linguarum  
 studium superuacaneum arguunt, vnus hic est, cuius integram atque germanam sen-  
 tentiam cum suis salibus & tropis nemo planè callere possit, nisi rem ipsam ad verbo-  
 rum hebraicæ linguæ vim atque rationem reuocauerit; atque à Deo si quispiam diuino  
 5 spiritu illustrante sacras literas doceatur; tamen huiusmodi locorum vim, & significa-  
 tionem nō sine linguæ, in qua scripta sunt, mentione & cognitione, eodem Spiritu ape-  
 riente, percipiet. sed hæc de linguarum necessitate disputatio longior est, quàm vt nobis  
 commentationi intentis possit institui. Igitur in Hebraica lingua nomen *Baal* in eorum  
 10 nominum genere continetur, quæ plurimis significandis rebus, siue causa, siue consulto  
 siue ex pari, siue ex impari etiam ratione imposita sunt; cuius generis res homonymas  
 Dialectici, vocant: Nam *Baal* nomen à verbo *Baal* factum est, quod verbum præesse  
 dominari, subigere, & nuere etiam significat: Ipsum autem nomen ad dominium, siue  
 15 ad nutum, cui parere oporteat, pertinere videtur; quamobrem & ad vxoris maritum, &  
 seruorum, vel gentis dominum, aut cuiuscunque rei naturā accommodatur, ea ratione,  
 qua homines atque alia regit, sibi quæ subiicit: cui significationi Latinum Numen re-  
 spondere iam docuimus: Cum verò nullum nec latium nec græcum compertum ha-  
 ctenus nobis nomen sit, quod huic ad amussim respondeat; commodum fuerit, vt qua-  
 cunque lingua id petere liceat, in huiusmodi vocibus explicandis, petamus. Est autem  
 20 in lingua Hispanica nomen *Amo*, quod cum *Baghal* si non omnino quadrat, plurimum  
 tamen conuenire, videtur. Namque hoc nomen persæpe in rerum & personarum do-  
 miniis vsurpatur. Præterea vxores etiam maritos hoc nomine dicunt: ita nomē *Amo* ad  
 dominum, ad maritum, atque ad numen non inconcinne accommodatur: Itaque *Ba-*  
 25 *ghal* dominum, maritum, atque numen significat. Est & aliud apud Hebræos nomen  
 I s s, quod Latine virum interpretatur: Id verò non solum hominem ea ratione qua  
 30 mas est, & à femina distinctus, sed etiam qua animi virtutibus excellit. præterea qua fe-  
 minæ alicuius maritus est, significat; quibus notionibus & viri nomen apud Latinos ser-  
 uire solet; Virum enim hominem masculinum vocamus, & eum qui aliqua animi virtute  
 vtitur. ex qua re illud frequens est, vt virum bonum quempiam appellemus; atq; etiam  
 35 qui mariti officio apud feminas funguntur, earum dicuntur esse viri. Vt, Vir gregis ipse  
 caper deerauerat. Illud etiam non parum ad huius loci explicationem cōtulerit, quod  
 de horum nominum Etymologia indicauimus: *Bacal* à verbo deduci, quod imperium  
 quoddam & dominium significet, & metus nescio quid adferat; quemadmodum do-  
 minus apud Latinos odiosum nomen erat, & iis seruitutem quandam denunciabat,  
 40 quibus aliquis dominus esset: quod quidam ex antiquis poetis eleganter significauit:  
 35 *Sic mihi seruitium video, dominam quæ paratam*  
*Iam mihi libertas illa paterna vale.* Quamobrem Augustus dominum se vo-  
 cari vetuit; quod leuius suum imperium dominio esse voluerit. Alterum verò nomen  
 I s s, quod latine vir vertitur, nihil omnino odii, sed commendationis plurimum conti-  
 45 net: nam masculinam excellentiam in eo, de quo dicitur, ostendit, vt Gedeon filius Ioas  
 vir Israël, hoc est princeps, & dignitatis eximie homo: & Nōne vir tu es? quis similis  
 tui in Israël? Habet etiam nomen I s s, aliquid grati, & iucundi, quod animos tantum  
 conciliet, quantum contrā *Baghal* alienat. Ab hoc autē eodem themate, oculi pupilla,  
 qua nihil toto corpore charius esse solet, I s s o n dicitur: harum nostrarū obseruatio-  
 50 num summa hæc est: *Baghal* dominum maritum & numen significat, deductum à ver-  
 bo, quod dominium & imperium sua significatione complectitur: Hispanicè dicimus  
*Amo*. Vir masculinum & coniugem atque gratiosum significat hominem. Dicit itaque  
 Deus, tale se ac tam sanctum, & magnum amicitie & coniugij fœdus cum sua gente  
 initurum, vt deinceps nulla suspicio cadere, nullaque offensio atque ira irarum nihil in-  
 tercedere possit. Nam durum illum spiritum, quo peruersæ acta atque à viro suo aliena  
 55 desciscēbat, in nouum spiritum mutaturus, & renouaturus erat Deus, eundemq; spiri-  
 tum ita confirmaturus in eorum visceribus, vt fidele semper sanctumque ac stabile Dei  
 & Ecclesiæ coniugium perseueraret, sicut scriptū est: Circumcidet dominus Deus tuus  
 cor tuum, & cor seminis tui, vt diligas dominum Deum tuum in toto corde tuo, & in  
 tota anima tua, vt possis viuere. Atque adeo tantus huic genti erga Deum suum amor,  
 tam ab omni seruitutis metu alienus, tamque ab omni externo ac vano cultu & super-  
 stitione

stitutione abhorrens animus, ut nominibus etiam & verbis desuescat, quæ illorum affectuum, quibus olim malè laborabat, recordationem aliquam afferre possint: & iis solum utatur nominibus & verbis, quæ animi affectui, amoris, fidei, reuerentiæ & pietati integre, aptè respondeant: Quamobrem futurum, ut cum de coniugij rationibus verba fiant, non nomine Baalim, sed nomine I s s utendum sit: Nam cum Bagal, ut diximus, maritum, & numen, & subactorem, siue dominum significet, nihil erit, cur vllum huius nominis vsum habere oporteat; sed eius potius, quod cū præsentibus rebus magis conueniat, ita ut non Baghali, hoc est maritum meum, sed I s s I, hoc est virum meum, verè præstantissimum atque principem meum, & mihi charissimum, me deinceps appellet: Nam si iterum me Baghali appellaret, se iisdem affectionibus teneri, neque sui corruptorū adhuc esse oblitam, suspicio esset, Ut autē ea omnia, quibus me olim & offendere, & irritare solebat, damnata sibi atque antiquata esse ostendat; nullam omnino mentionem, vel nominum illorum, quibus olim utebatur facere equum erit. Quam autem aptè, quàm propriè coniugis affectus, hoc in loco exprimitur, qui uxorem à se ob adulteria abalienatam in gratiam reuocat, quis non videt? Namque huiusmodi nullam omninò memoriam, nullam recordationem illorum amatorum, quibus vix fuerint, superesse in illis volunt: nam si quæ etiam maledicendo amatoris sui nomen aliquando proferat, ab ea amorem non penitus esse exutum argumento esse solet; & qui hoc non vident mariti, fatui putantur.

Catal. de les  
biz marito.

*Mule, nihil sentis; si nostri oblita taceret,*

*Sana esset:* Hunc penitus affectum è visceribus gentis & coniugis suæ euellendum curaturus erat Deus; ita ut nulla omnino recordatio; sed neque per contumeliam reliqua illis esset, propterea addit, & auferam nomina Baalim de ore eius, & non recordabitur, vltra nominis eorum: Et quæ me nunc virum suum non putat esse, nec appellare vult (ut ante dixeram) me olim virum suum sibi charissimum, qui tanta tamque præclara beneficia in eam augustissimè contulerim, ore pleno cantabit. Quod autem nomina Baghalim dicit id ad propria vniuscuiusq. eorum, qui ab antiquis colebantur, Deorum nomina pertinet, nam suum cuiq. nomen erat præter Baghal, quod omnibus erat commune. Hoc in loco præter ea quæ explicata à nobis sunt, multa erant obseruanda; quæ breuitatis gratia prætermittimus; in quibus vnum illud est, quod euangelio in gentibus propagando vanorū deorum, & mutorum, simulachrorum cultus erat abolendus: quæ res totis antiquæ legis temporibus non contigit. Namq. non solum superstitio apud exterarum gentes non est imminuta; sed & Hebræos ipsos, quibus maximè prohibita tunc erat, peruasit, corrupit, & perdidit. sæcū autem Euangelicis temporibus euenit: quippe quum, quocunque aliqua Iesu Christi notitia perlata est; etiam si eius doctrina ab omnibus nō sit recepta, antiqua tamē deorū superstitio omnino est explosa. Etenim nullus huic vanitati cultus apud Christianos, nullus apud Arabes, & Mauros, nullus apud Turcas; sed neque apud eos Indos, qui ad Gangem fluiuium habitant, vllus spectatur. Omnes hi quamuis non eundem Christum Saluatorem agnoscant; eundem tamen Deum, summum naturæ humanæ bonum colunt atque adorant, sicut scriptum est: Et erit dominus in Regem super omnem terram; in illa die erit Deus vnus, & nomen eius vnum: futurumque est Dei beneficio ut & Christus vnus ab omnibus recipiatur, cū omnes ad Deum verè conuersi, atque verè Israelitæ facti, quærēt dominum, Deum suum, & Dauid Regem suum, & pauebūt ad dominum, & ad bonum eius in nouissimis diebus, & alio in loco: Quia tunc reddam populis labium electum, ut inuocet nomen domini, & seruiant ei humero vno. Omnia autem hæc non tam humana opera & studio, quàm Dei beneficio euentura esse dicuntur. namque hæc tanta rerum mutatio, tam præclara humani spiritus renouatio non nostrū, sed Dei opus esse potest: quamobrem dicit: *Auferam*: de quibus maximis, & præstātissimis negotiis Apostolus dicebat: Non sumus sufficientes cogitare aliquid ex nobis, tanquam ex nobis; sed sufficientia nostra ex Deo est:

*Et percutiam cum eis fœdus in die illa cum bestia agri, & cū volucre celi, & cum reptili terræ, & arcum & gladium, & bellum conteram de terra, & dormire eos faciam fiducialiter.*

Summa

**S**VMMAE tranquillitatis & quietis descriptio ad cæteras animantes, atque adeo ad inanimata vsq. producitur: sic enim Sibyllina folia, sic poëtarum carmina, cum aut ætatem auream desiderant, aut restituendam vaticinantur, omnia tranquilla; quieta, & mitissima fore prædicant, quæcunque aut hominibus nocere, aut hominum laboribus, & conatibus, votisq. officere solent. maximâ præterea frugum, & bonorum omnium copiam sponte ac diuino munere prouenturam promittunt:

*Ipsæ lacte domum referent distenta capellæ*

*Vbera, nec magnos metuent armenta leones.*

*Ipsa tibi blandos fundent cunabula flores.*

*Occidet & serpens, & fallax herba veneni*

*Occidet, assyrium vulgo nascetur amomum.*

Vergil.  
Eclog. 4.

Huiusmodi tropis & symbolis omnium linguarum poëta humanam felicitatem, pacem, & vitæ quietem describere consueuere; siue natura (quæ prima poëtarum magistra est) id illis suggerat; siue sacræ & arcanae literæ, quibus hæc ratio iam inde à principio familiarissima fuit, aliqua ex parte notæ fuerint. Nemo enim ferè ex vatribus est, qui felicitatem illam descripturus, quæ hominibus per diuinum Messiam fuerat afferenda non in his locis elegantissimè peruoluatur, vt: *Quia cum lapidibus agrifœdus tuus, & feras agri pacificas reddam tibi.* Et apud Isaiam: *Et habitabit lupo cum agno, & pardus cum* Isai. 43.  
*hædo accubabit, vitulus & leo & ovis simul morabuntur, & puer paruulus minabitur eos: vitulus & vrsus pascentur, simul requiescent catuli eorum, & leo quasi bos comedet, & paleas, & delectabitur infans ab ubere super foramina aspidis, & in cauerna reguli, qui ablatus fuerit, manum suam mittet: non nocebit, & non occident in vniuerso monte sancto meo.* Et quæ plurima in hanc sententiam in sacris libris passim occurrunt, eosdè etiam locos Deus apud vatem nostrum excitat, vbi futuram temporis Euangelij felicitatem describit, & promittit: nempe fore, vt cum in summa pace atque amicitia cum numine agant ipso, ob adoptionem filiorum, ob spiritum sanctum acceptum: maximâ etiam animorum tranquillitatem, quietem maximam in seipsis experiantur; vt iam peccatorum & scelerum monstra, quibus antea miserrimè affligebantur, minus horreat; atque alias etiâ, quibus iusti in hac vita ab iniustis exercentur, calamitates & ærumnas constantissimè superent: vt ab iisdem ipsis, qui hæc in se experti sunt, scriptum extat: *Non est nobis colluctatio aduersus carnem & sanguinẽ; sed aduersus principes, & potestates, aduersus mundi rectores tenebrarum harum, contra spiritualia nequitię in cælestibus, & alio in loco: Quis ergo nos separabit à charitate Christi? tribulatio? an angustia? an nuditas, an fames? an persecutio? an gladius? sed in his omnibus superamus, propter eum qui dilexit nos.* Ephes. 6.  
Huius autem rei signum futurum erat, quod bestias omnes, serpentes, & monstra cætera, quæ hominibus infesta esse solent, contempturi essent. Cuius rei satis manifestum periculum Paulus apud Melitenses fecit, coniecta Rom. 8.  
vipera, quæ illius digito hæserat, in ignem, maximo spectantium stupore, dum illæsus perseverat: *Quam etiam ob rem apostolis à Christo dictum est: Ecce dedi vobis potestatem calcandi supra serpentes, & scorpiones, & super omnem virtutem inimici, & nihil vobis nocebit: Hoc ergo ingens Dei beneficium, hæc futura in suos, sibiq. charissimos cura atque prouidentia hoc in loco prædicatur: & feriam eis pactum: hoc est in eorum vtilitatem, & cõmodum, singulari ac propria prouidentia ferarum, aliorumq. noxiorum animalium naturam ita tẽperabo, vt ijs, quos ego dilecturus sum, nocere nullo modo possint: hoc est ferire pactum cum his bestiis & reptilibus; nempe efficere vt quamuis naturæ suę malitiã & vim in cæteras gentes exprimant; tamẽ ab his, quos diuinus amor exceperit, vel omnino abstineant, vel si quid contra conentur, nullam valeant experiri: *Feriam eis pactum cum bestia agri;* sic Hebraicè in datiuo legitur: vt pactum cum bestiis in gratiã piorum feriat. Acto. 17.  
Quod si cum brutis & sensus expertibus fœdus est ferendum, vt omninò ab ijs noceri non possit; nec ab hominibus etiam periculum expectandum esse consentaneum videtur; sed vt & in summa pace agatur, belloq. omnes fores claudantur, nec sit armorum vllus vsus: Cum Spiritus ille pacis & coniunctionis homines sit afflaturus, hoc pacto, vt dum non propriã, sed aliorum vtilitati student, omnem bellifam præcidant. Contingit autem hoc verissimè ijs, qui in hac Dei filiorum dignitate locantur: hienim ob domitum diuino munere appetitum, ob sedatas animi perturbationes,*



Ioan. 17.

tiones, pacem cum Deo, cum animis suis, cum cæteris hominibus seruant. Atque hæc quidem noua viuendi ratio primorū christianorū temporibus apertè suscitata fuit, qui in summa pace per totam vitam degerunt. & quanquam inter se, & locis diuersi, & genere, & lingua essent, amoris tamen & pacis studio coniunctissimi fuerunt. Hanc autē gratiam diuina illa oratione Christus à patre suo impetrauit: Non pro eis, inquit, tantū rogo, sed pro ijs qui credituri sunt, per verbum eorum in me, vt omnes vnum sint, sicut tu pater in me, & ego in te, vt ipsi in nobis vnum sint, vt credat mundus, quia tu me misisti, qui auctor pacis, & animorū cōiunctionis futurus, tuis oraculis prædictus fuerā.

Isai. 4.

Quoniam apud Isaiam legitur: Et iudicabit gentes, & arguet populos multos, & cōflabunt gladios suos in vomeres, & lanceas suas in falces. Non leuabit gens contra gentē bunt gladios suos in vomeres, & lanceas suas in falces. Non leuabit gens contra gentē gladium, neq. exercebuntur vltra ad præliū. & apud Hosseam: Arcum & gladiū, & bellū conterā de terra. Quicunq. verò hoc pacto affecturus esset eos, qui in se crederent, vt animorū tranquillitatē, coniunctionē ac pacem veram illis afferret, hic verè is erat, quē à se mittendum Deus prædixerat. Huius autem veritatis argumentū satis manifestum in Apostolorum historijs reperire licet, vbi sic legimus: Multitudinis credentiū erat cor

Acto. 4.

vnum, & anima vna, nec quisquā eorum quæ possidebat, aliquid suum esse dicebat. Sed & apud exterasetiam nationes huius rei testimoniū confirmatum est: nam quo tēpore Christus Iesus in terris Augusto Cæsare imperāte cōuersatus est in toto orbe belli tumultus cessauit. Et Neronis tēporibus cum Euangeliū per omnes nationes propagaretur, Senatus Popul. Q. R. pace terra mariq.ue parta Ianum occlusisse in antiquis numismatibus legitur, vt ex his omnibus planum atq. manifestum esset, maximum pacis autorē addesse, cū maximæ atq. diuinæ pacis, quam ille in suorū animis peperisset, scintillæ quædam redundarent, quæ cæteris etiam gentibus quietem dare possent. *Et dormire eos faciam fiducialiter.* Ex consequenti antecedens confirmatur; nam somnus profundus. & quietissimus non contigit, nisi securis, nihil metuentibus, atq. ab omni sollicitudine alienis. In pace in idipsum, dormiam & requiescam, quoniam tu domine singulariter in spe, constituisti me: Latini in vtramq. aurem dormire dicunt. Cuiusmodi somno securissimè fruebatur victus, & in carcere durissimo coniectus Petrus, nihil Herodis Regis iram & vim, nihil Iudæorum expectationē curans, cū ab Angelo excitatus, & liberatus est. *Bestie agri, volucres celi, & reptili terræ.* In triplex enim hoc genus infestas atque maleficas animantes, sacra philosophia diuidit; cuiusmodi sunt leones, lupi, & pardi, ac vrsi & aquilæ, & quæ ad hanc naturam referuntur multæ aues; locustæ etiam & quæcunq. agris nocere solent: serpentium verò natura ferè omnis pernitiōsa est. *Arcum & gladiū.* Argumentum est à destinatis, sine quibus res effici non potest: nam si hæc sublata sunt, bellum sepultum esse consequitur.

Psal. 4.

Acto. 12.

*Et sponsabo te mihi in sempiternum, & sponsabo te mihi in iustitia & iudicio, & in misericordia & miserationibus, & sponsabo te mihi in fide, & scies quia ego Dominus.*

**H**A CT E N V S reconciliationis initia, atq. præambula quædā scripta sunt, nunc verò deinceps ipsam reconciliationem planam atq. integrā prædicens, addit; & quibus ea rationibus, quibus ceremonijs sit celebranda, describit. Quoniā verò locus diuinus planè est, & maxima atq. hominibus vtilissima mysteria continet, quæ commodè aperiri non possunt; nisi ipsa simplex ratio, ad quam hæc arcana referuntur, explicetur: nonnihil prius de sponsalibus, repudijs & reconciliatione, quæ inter Israëlitas antiqua cōsuetudine fieri solent, altius repetere operæpretiū est. Iā diximus quod si qua mulier viro suo in dedecoris suspiciōne veniat, legū, & iudiciū permissu repudiatur: verū si suspiciōnis argumēta certa sint, quæ iudicibus probari possint, ijs rebus omnibus eā expoliare licebat, quæ sponsaliū iure aut mariti liberalitate accepisset; vt sine honore & sine rebus ad vitā cōmodis eiiceretur. quod si maritus vel tēporis interuallo longiore, vel cōceptæ de vxore opinionis mutatione, odiū atq. irā deposuisset; neq. tamē illa alteri viro interim nupsisset, repudiata reuocare poterat, atq. in antiquā gratiā, & vitæ cōiugiiq. cōfortiū admittere. Hæc de repudio & reuocatione: de spōsalibus quā breuissimè deinceps. Coniugiorū ritus huiusmodi erat: principio inter iuuenū parētes nuptiæ in certū diē cōstituebatur; quod si parētes alicui nō essent, res ad eos pertinebat, quibus iuuenes vel naturæ

Misnaioth de libello c. 6. & 7. Misnaioth de sanctis nuptialibus c. 1.

lege,

lege vel iure alio curæ esse debuere: post hos, consensus iuuenū exigebatur, simul ac ij  
 cōlensissent, puella arrabonis nomine, aut argentū, aut tabulam aliquā publicè signatā  
 accipiebat, quibus sese illi traditam, & velut venditam profiteretur. his acceptis mune-  
 ribus, quæ prius libera & sui iuris, arrata, sponsata, atque sanctificata dicebatur: sancti-  
 ficata, hoc est ei tantum in coniugium atque in omne iustum obsequiū destinata, à quo  
 ea munera accepisset; exinde vltro citroq. alter alterius esse dicebatur; tandem conue-  
 niebatur, vxorque à paterna in coniugis domum ducebatur. Hæc omnia recolenda no-  
 bis sunt, vtpote quæ in hoc capite significantur. nam & Synagoga virum suum ad iram  
 suis adulteriis concitasse conuicta est; ob eamque rem, obq. obstinatam mentem, vt om-  
 nibus etiam acceptis à marito beneficiis expoliata repudiaretur, cōmerita, fuerit. Ve-  
 rum multa prius à Deo vehementer amante mouēda fuerant, quò illa ad mentem atq.  
 ad sanitatem reuocaretur, ac tandem abnegatam & depositam viri appellationem resu-  
 meret, & frequentaret; ita demum illa in gratiam recipienda, atq. in inuiolabile con-  
 iugij fœdus, reuocanda erat. quæ res in præsentī versu prædicatur: nam non semel, sed ter  
 desponsandi verbū repetitur: id quod mysterio non caret, cum ternarius numerus cer-  
 titudini in omni idiomate ferè apud omnes auctores seruiat. quamobrem certa atque  
 firma desponsatio fore docetur. Præterea etiam adorandum arcanū Trinitatis indicari  
 hoc in loco asserimus; quoniam quæ desponsata Christo Ecclesia fuit, Patri etiā & Sancto  
 Spiritui desponsata fuisse dicitur. Hoc dicendi genere Christus apud Ioannem vsus est, Ioan. 12.  
 cum gregem suum Petro atque Apostolis pascendum commendaret: ter enim dixit,  
 Pasce meas oues, meos agnos; vt eum gregem totius trinitatis propriū esse affirmaret.  
 Sponsabo te mihi in sempiternum: Antea enim in diuina gratia nunquā permanerat Syna-  
 goga: nam cum tabernaculū illud frequentabatur, quod à Mose fabricatum in Sylo  
 fixum est, & illi in fœdere, & testamento eius non mansissent, repulsi atque repu-  
 diati sunt, sicut scriptum est: In iram concitauerunt eum in collibus suis, & in sculpti-  
 libus suis, ad æmulationem eum prouocauerunt: Audiuit Deus & spreuit, & ad nihilū Psalm. 77.  
 redegit valde Israël: Et repulit tabernaculum Sylo, tabernaculum suum vbi habitauit  
 in hominibus. Sed neque in illo celeberrimo fano, quod Salomonis impensis & auspi-  
 ciis ædificatum ac dedicatum fuit, diuina maiestas, & singularis in eum populum pro-  
 uidentia permanxit: Namque desiderata illis iustitia, desideratum iudicium, demū desi-  
 derata sanctitas & misericordia est, quod & multis in locis ab Amos Propheta notatur. Amos c. 2.  
 Et tandē seculi vitio atq. hominū culpa, secundum illud templum ab Esdra restitutum,  
 atque ab Herode magnificentissimè perfectū cum suis cultoribus damnatum, periit:  
 sicut scriptum est: Ecce relinquetur vobis domus vestra deserta. Ex quibus manifestū Luc. 13.  
 fit antiqua illa sponsalia cum synagoga eterna non fuisse: At verò quas nunc ter repetito  
 verbo pollicetur nuptias, ita firmas ac stabiles fore prædicit, vt nullo tempore sui finem  
 metuere possint; quippe quæ iis donis, iis arris, ineundæ, atq. celebrandæ sunt, quæ nul-  
 la ætate, nullo tempore corrumpantur aut vitientur. Non enim pecunijs, non terrenis  
 pollicitis, & donis, non legum tabulis in lapide incisis, & publicè signatis, vt olim pera-  
 genda res erat, sed cælestibus, & planè diuinis, quibus Deus sponsam suā ita ornaturus  
 erat, vt nullo non tempore placere sibi, & gratissima esse posset: Nā quæ ea esse debebāt?  
 nēpè Iustitia, Iudiciū, Misericordia, & Miserationes, atq. Fides, quibus beneficiis semper  
 illā honestā, semper pulchrā, semper omni vitio carentē, semper sibi amabilem redditurus  
 erat: & quoniam sponsi erga nouam sponsam amor vehemens, ardens, & omni ex parte  
 dulcis est, semper eam sponsæ amore ab se amandam pollicetur. [*Sponsabo te, inquit,* Ierem. 31.  
*mihi in sempiternum,*] Vt nullo tēpore primus ille atque recens erga te amor tepescat.  
 Hanc eandem rem alio in loco prædictam atque confirmatam videre est: Ecce dies ve-  
 niunt dicit Dominus, & feriam domui Israël, & domui Iuda fœdus nouum: non secun-  
 dum pactū quod pepigimus patribus vestris in die qua apprehendi manū eorum, vt edu-  
 cerem eos de terra Ægypti: Pactum quod irritū fecerunt, & ego dominatus sum eorum  
 dicit Dominus: Sed hoc erit pactum, quod feriam cum domo Israël, post dies illos dicit  
 Dominus, dabo legem meam in visceribus eorum, & in corde eorum scribam eam: Et  
 non docebit vltra vir proximum suum, & vir fratrem suum dicēs: Cognosce dominum:  
 Omnes enim cognoscent me, à minimo eorum vsq. ad maximum, ait Dominus: Quia  
 propitiabor iniquitati eorum, & peccati eorū non meminor amplius: Hæc sunt arræ,  
 hæc est

Rom. 9.

Luc. 1.

Ephes. 5.

כלוב  
צאן ברה  
קדוש

Psal. 71.

Ad Heb. c. 2.

hæc est dos à Deo, qua Ecclesia perpetuo atque stabilissimo coniugio deuincienda fuit: nempe iustitia, vt iustissimi viri iustissima coniux esset: Iudicium, vt nihil in ea, eiusque actionibus deprehenderetur, cuius honesta ratio reddi non posset: Misericordia & miserationibus; quoniam non volentis neque currentis opera; sed Dei miserationis dono, hæc illi danda erant: nam vt sese illi traderet Deus, vt Spiritum Sanctum suum in illius sanctificationem donaret, vt eam maiestatis suæ templum atq. sedem perpetuam efficeret, misericordiæ ineffabilis amoris dona hæc fuerunt: quæ nullis humanis negotijs aut artibus comparari potuerunt: nedum à gente ob scelera, & violatam aduersus Deum suum fidem repudiata; sed Christi Iesu opera & conciliatione omnia hæc illi cōtigerunt. quod quidem ipsum iam iam præstandū vates Zacharias agnoscens, miris laudibus efferebat: 10

Luc. 1. sicut scriptum est: Iusiurandum quod iurauit ad Abraham patrem nostrum daturum se nobis; Vt sine timore de manu inimicorum liberati, seruiamus illi in sanctitate & iustitia corā ipso omnibus diebus nostris, Per viscera misericordiæ Dei nostri, in quibus visitauit nos oriens ex alto. Idem præstitum & effectum testatur Paulus: Viri, inquit, diligite vxores vestras, sicut Christus dilexit Ecclesiam, & tradidit seipsum pro ea, vt illam sanctificaret, mundas eam lauacro aquæ, in verbo vitæ, vt exhiberet ipsam sibi gloriosam Ecclesiam non habentem maculam aut rugam, aut aliquid huiusmodi, sed vt sit sancta, & immaculata. Horum nominum iustitiæ, iudicij, quod Zacharias & Paulus sanctitatem dicunt: Misericordiæ & miserationum definitiones longiores explicationes in alium locum consultò differimus. Et sponsabo te mihi in fide. Dictum à nobis superius est, hæc omnia quæ à 20 sponso arrarum nomine dari consueuerunt, quibus sponsa Hebraico more sanctificata dicitur propriè sponsi dona esse, non sponsæ patrimonium, aut aliud quidpiam ab ea ex paterna domo allatum; sed quod omninò debeat illa sponso acceptum referre. Nam quæ ad matrimonij vsum res afferuntur, vt in triplici sunt genere, sic & triplici etiam nomine vocari consueuere: quæcunq. enim ab illa ad vitæ atq. vsus communionem dotis nomine, 25 aut hæreditatis iure, afferuntur, Celub, hoc est canistrum, siue canistratum dicuntur: Quæ verò mariti propria fuerant, quocunq. modo ea sibi vendicare is possit, Tzon Barzel, hoc est pecus ferreum, siue peculium appellantur: Quæ autem à viro sponsalium ritu atque iure accepta in vxoris potestatem transeunt, ea proprio nomine sanctitates, siue sancta dicuntur; quod eiusmodi earum rerum interuentu vxor viro sanctificata, in coniugij officiū 30 atque obsequium cedat, tanquam ijs donis empta illi & proprii iuris effecta fuerit. Igitur Iustitia, & Sanctitas, siue Iudicium, Misericordia & Miserationes, non tam à sponsa Ecclesia allata, ad hoc sacrum coniugium, quàm accepta fore sacra acta definiunt. Est enim altera iustitiæ ratio, qua homines iusti; altera qua propriè iustificati dicuntur: sic etiā de iudicio, sic de misericordia, & miserationibus est sentiendum; de quibus aliàs nos plura, 35 & exactius: nūc autem quoniam hoc postulare locus videtur, de fide sanctificationis, siue sponsationis nonnihil, sed strictim tamen erit expediendum. Duplex est eius quæ in sacris libris traditur fidei ratio; vnum genus est, quod natura ipsa hominum Deo auctore omnibus commune fecit; cuius officium est, vt ijs sermonibus & verbis credatur, quæ verissima esse existimata fuerint: Namq. hominibus maximè autem sapientibus & bonis fidē 40 habere solemus, cum quippiam ab illis narratur, cuius aliàs certa à nobis noticia non est. Credimus autem ijs, quos & viros bonos & veraces esse intelleximus. Quoniam verò nihil neque naturæ bonitate, & præsentia, neque orationis veritate atq. integritate Deo comparari potest; fit vt ijs verbis maximè credamus, quæ à Deo manasse scimus. Verum enim uerò cum de maximis rebus, & ijs quæ ad hominum vitam instituendam, atque ad 45 eorum ipsorum felicitatem explicandam pertinent, verba Deus facere soleat; vt eiusmodi verbis credamus, duabus rebus potissimum opus est; signo, quo verba Dei esse agnoscantur; & gratia, qua fides nostra ad credendum tam arcanis narrationibus & difficillimis enunciationibus promoueat. Diuinorum autem sermonū, qui in totis sacris libris continentur, signa, quibus auctoritas obtinetur, miracula, & prodigia sunt: quæ 50 cum solus Deus efficere possit (sicut scriptum est: Qui facit mirabilia magna solus) suis verbis, & sermonibus solus etiam ipse auctoritatem potest addere: Atque hoc argumento, tum alij sancti auctores, tum diuus Paulus sacros libros non ab humano, sed à diuino consilio profectos esse probat: contestante, inquit, Deo signis, portentis & miraculis, &c. gratiam autem nulli hominum negari, qui tamen admittere velit, tum ipsa benignitatis



benignitatis diuinæ ratio, tum sacræ literæ passim docent: namque oculus Domini super metuentes eum, & in eos qui sperant super misericordia eius: Quia misericordiam & veritatem diligit Deus, gratiam & gloriam dabit Dominus: Non priuabit bonis eos, qui ambulabant in innocentia. Hoc fidei genus, ut naturæ virtus est, fidem naturalem vocare solent Psal. 41.

5 Theologi, ita tamen naturalem, ut donum Dei esse definiant: Quid enim habes quod non accepisti: ut verò gratia, & diuini oculi luce plurimum adiuta, aucta que est, fidem infusam appellant. Atque adeò hanc fidem Deus ab omnibus exigit, quicumque illum pure, & sanctè colere atque studiose sequi voluerint: namque sine hac fide impossibile est placere Deo. Huius autem fidei, quoad illa in hominum animis viuunt, & rationes suas agit, indiuidua com- Isc. 2.

10 mes est charitas; qua homines Deo credentes, dicto etiam parent: & quicquid iussi fuerint, studiose ac diligenter facessunt. Hac fide & charitate quicumque probati sunt, fideles appellantur & iusti: Quod si charitas absit, fides languidissima, ac potius mortua iacere creditur. Munere itaque huius fidei & dilectionis societate animati pii homines, attendunt credentes, utque euentus ex Dei consilio, & sua ipsorum animi sententia succedat, omni 2. Timoth. 2.

15 pietate, omni que officio sese comparant, quo Deo se placituros credunt: atque ita rectè dispositi, diuinorum munerum & pollicitationum compotes fiunt; sicut scriptum est: Quicumque emundauerit se ab istis, erit vas in honorem sanctificatum & utile Domino ad omne opus bonum paratum: verum enim uerò cum in donorum, quæ à Deo promissa sunt, definitionibus diuinis etiam Spiritus connumeretur, quem Deus per suum verum 2. Timoth. 2.

20 Messiam omnibus credentibus & obedientibus donaturum sese non semel promiserat, efficitur, ut si quæ Deus huius dono & usu dignetur, is alio iam modo, alia efficaciore atque illustriore dignitate diuinis verbis credat, quàm antea credebat. quippe antea testimonium diuinum non in se, sed extra se habebat: nimirum in miraculis, prodigijs & portentis, quorum ipse aut spectator, aut tantum auditor fuerat: nunc verò accepto Spiritu testimonium Dei Philip. 2.

25 intra se habeat, credatque firmissimè Dei verbis, promissionibus, & Iesum verum esse Christum, agnoscatque eius veritatem & virtutem per quem fidelibus hæc danda dona fuerant prædicta. Huiusmodi ergo testimonium in se habentes, altero etiam fidei modo vtuntur. quæ omnino ac maxime propriè infusa fides appellari debeat: nam prior fides partim naturalis est, partim verò infusa, in quantum scilicet diuini oculi lumine & virtute illustratur ac augetur. posterior autem hæc, quam diuinus spiritus in ijs, qui priori fide probati sunt, Galat. 5.

30 efficit, omnino supra communem naturæ usum, & tota noua, nouumque Dei opus est: Ex fide inquit Paulus, in fidem: hoc est ex priore fidei genere in hoc alterum augustissimum genus vocati. & alio in loco: Vobis donatum est pro Christo, non solum ut in eum credatis; sed ut etiam pro illo patiamini: videlicet quod Spiritum sanctum in se possidebāt, vel ab illo potius possidebantur. cuius cum multa dona sunt, quibus ille donare solet eos, apud quos habitat. ex his donis etiam hæc sunt: Patientia, Mansuetudo & Fides. Itaque qui harum Galat. 5.

35 quos habitat. ex his donis etiam hæc sunt: Patientia, Mansuetudo & Fides. Itaque qui harum verbum diuinum esse, quo auctore promissiones diuinas efficacissimas atque certissimas experitur. quo testimonio vnus ex ijs, qui usi sunt edoctus dicebat. Ipse enim spiritus testimonium reddit spiritui nostro, quod sumus filij Dei; non quod ipsi hanc adoptionem sibi Galat. 5.

40 persuaserint, ut quidam nunc falsò statuunt; sed quod reuelatione diuina à spiritu traditum ita acceperint. Itaque hæc est illa fides, de qua dictum est *Desponsabo te mihi in fide, & scies quod ego Dominus*, vel ut Hebraicè & Græcè legitur, *& scies Dominum*: idem autem hoc cum illo est: Quia omnes agnoscet me à minimo eorum usque ad maximum eorum. Ierem. 31.

Et erit in die illa, exaudiam dicit Dominus, exaudiam cælos, & illi exaudient terram, & terra exaudiet triticum, & vinum, & oleum; & hæc exaudient Iezrahel.

SI à susceptæ breuitatis compendijs digredi animus esset; latissimus se nobis campus aperiebat ad disputandum de natura rerum, de quibus iis quæ fiunt in sublimi, atque de harum omnium gubernatrice prouidentia: quibus de rebus non minus iucundè ac suauiter, quàm verè ex diuinis arcanisque libris philosophari possemus. Sed dabit Deus & his quoque comoditatem & tempus. Nunc verò quàm eleganter, quàm poëtice res describatur; & si non persequi, indicare tamen commodissimum erit, ac mihi quidè natura ad poëticam facultatem comparato, & in antiquorum poëtarum libris non parum à puero olim versato;

(absit à confidente arrogantia suspicio) cætera omnia, quæcunq. Græcis, & Latinis auctoribus extant poemata, omnē cum sacris scriptis cōparationem omnino formidare, & tanquam sidera reliqua solis aduentu, & luce obscurari visa sunt. Nam quid tam elegans in hac quæ nobis ante oculos posita sentētia est, afferri possit, quàm est illud apud Maronē:

Georg. 2.

*Tum Pater omnipotens fecundis imbribus æther*

*Coniugis in gremium lætæ descendit, & omnes*

*Magnus alit, magno commixtus corpore fœtus.*

Sed nihil hæc ad nostri vatis

dignitatem, atque elegantiam; maximè si Hebraicè suis numeris, & pedibus quibus constat, accommodetur sententia. [Exaudiam exaudiam cælos, & illi exaudient terram. &c.] Siue ut Hebraicè legitur: *Respondebo cælis, & illi respondebunt terræ.* Omnia igitur ad diuinā spectare prouidentiam, hoc loco, & multis alijs docemur: neq. quicquam in rerum natura esse, quod non egeat diuino consilio & nutu. Neq. verò de peccatis nobis sermo est, quæ ut huiuscemodi sunt, non in rerum natura numerari, sed contra rerum naturā existimari debent. cætera autem omnia & si maximè officium suum & munus præstare insito appetitu cupiant: nihil tamen quicquā sine diuino, à quo pendet nutu, efficere possunt. Orant quidem illa omnia Deum vocibus & precibus propriis, quamuis eorum linguæ minus à nobis intelligatur: orant, inquam, ut hominibus (in quorum vsum facta productaq. sunt) officio, & vtilitate prodesse, à Deo finantur. Sed peruidet tamen Deus quid opus sit, quid maximè humanis rebus conueniat: atque ita naturas rerum nutu & voluntate sua temperat, ut pro sui consilij ratione, non pro rerum ipsarum appetitu, & viribus gerantur. Homines igitur annonam & frumenta, aliæque telluris munera expectant: at illa desiderant temperiem & fecunditatem: tellus verò ipsa cælestem vicissitudinem & temporū oportunitatem requirit: cælum denique diuino consilio paret. Itaque vbi luxu & nimia prosperitate homines ab officio ad libidinem declinant, subductione opus est. tunc verò natura cessat & fructus quàm tenuissimos proferre aut omnino negare iubetur. Rursus verò vbi homines pietatis & liberalitatis diuinæ non indigni fiunt, prospera omnia ac felicissima in humanos vsus Dei cōsilio atque auspicio redduntur, sicut scriptum est: Posuit flumina in desertum, exitus aquarum in sitim: Terram fructiferam in saluginem à maritima inhabitatum in ea. Et rursus: Posuit desertum in stagna aquarū, & terram sine aqua in exitus aquarum, & collocauit illic esurientes, & constituerunt ciuitatem habitationis, & seminauerunt agros & plantauerunt vineas, & fecerunt fructum natiuitatis. Ut verò in superioribus triticū, oleum, vinum, & cæteras humanæ vitæ comoditates, quæ astrorum virtutibus & numinibus falsò tribuebantur, ad se reuocatum iri comminatus est; sic iam modo rebus & moribus hominum in melius mutatis, & diuini spiritus dono compositis abundè omnia in melius cessura, cælum, terram, fructus & annonam votis respōsura promittit. Illud autem maximè in mentem venire, & sæpius cogitatione repeti oportuerit, cum de huiusmodi felicitatibus à vatibus sermo fit, non tam ad terrena, & corruptibilia respiciendum esse, quàm ad cælestia, & incorruptibilia, quibus humanus animus ornatur, augetur, atque beatus efficitur. nam ut pictores, quas pulcherrimas esse volunt rerum aut hominum vel diuorum effigies, antequam suis coloribus ad viuum effingant, & splendoribus ornent, certis lineis, creta aut carbone describunt, neque tamen eas lineas perpetuò durare volunt, imò superinductis coloribus penitus delent atque occultant. sic Deus has terrenas, quas scripturæ vocant benedictiones, velut vmbras quasdam, & primas lineas esse voluit earum rerum atque diuitiarum, quæ in futura tempora producendis ad perfectionem hominibus parabuntur. In qua allegoria cælum diuinum auxilium & gratiam; terra verò humanam naturam; fructus aut hominū officia, actiones & opera significare solent.

Psalm. 84.

Atque hæc res elegantissimè Psalmis decantata explicataque est: ut, Benedixisti Domine terram tuam, auertisti captiuitatē Iacob; remisisti iniquitatem plebis tuæ, operuisti omnia peccata eorum, & cum hanc rationem persecutus fuerit vates, subiungit: Veritas de terra orta est, & Iustitia de cælo prospexit. Etenim Dominus dabit benignitatem, & terra nostra dabit fructum suum. Hanc rerum vicissitudinē hoc in loco Deus per vatem promittit, quam sæpe aliàs sub hac dicendi figura delineauerat: ut apud Ezechielem Deus, vaticinare, inquit, super humum Israël: Et dices montibus & collibus, iugis & vallibus: Hæc dicit dominus Deus: Ecce ego in zelo meo, & in furore meo locutus sum, eo quod confusionem gentium sustineretis, idcirco leuauī manū meam, ut gentes quæ in circuitu vestro

Ezech. 38.

vestro sunt, ipsæ confusionem suam portent. Vos autem montes Israël ramos vestros germinetis, & fructum vestrum afferatis populo meo Israël. Atque adeò hanc felicitatem cælestem cum omnium promissionum successu euenisse ijs, quos sibi in filios adoptauit Deus, testatur Apostolus: Benedictus Deus qui benedixit nos in omni benedictione, non carnalis, sed spirituali in cælestibus. Sicut elegit nos in ipso ante mundi constitutionem, ut essemus sancti, & immaculati in conspectu eius in charitate. [Et exaudiam dicit Dominus, exaudiam.] Pulchra repetitio vnius verbi ad rem asseuerandam frequens est, Amen Amen dico vobis: & apud alios auctores: *Nescis temeraria, nescis Quem fugias. Quamuis Chal-*

Ephes. 3.

"

"

Ouid. Metamorph. lib.

10 [Et hæc exaudienti Iezraghel.] Omnia pro votis populo Dei euentura omnia in melius conuertenda atque verborum etiam ipsorum significationes & rationes commutandæ promittuntur: ita ut nihil triste, nihil non felix faustumque eueniat ijs, qui in diuinam gratiam, in filiorum libertatem reconciliati fuerint. Vtitur autem Deus pulcherrima permutatione, quæ plurimum ad sententias atque ad orationes exornandas valet. Ea est cum aut verbum aliquod, aut tota oratio ab alia in aliam significationem mutatur. quod cum multis modis fiat, vnus ex ambiguo elegantissimus est modus. fit autem, verbo ex altera in alteram significationem permutato, ut Cicero Verrem, verè Verrem appellare in orationibus solebat. Hoc itaque in loco ut hactenus nominis Iezraghel durior fuerat obseruata significatio, quatenus brachium Dei, & diuinam vltionem referebat; dumque ea significandi ratio 20 maneret, nihil mitius, quam fructuum & victus subductionem, quam captiuitates & miserrimas seruitutes audiebamus; quarum calamitatum ratio talis redebatur: [Quia magnus est Iezraghel,] hoc est brachij diuini dies. sic rursus pace iam atque amicitia conciliata, cum omnium rerum optimarum maximam fore copiam, maximam felicitatem promittat, nomen etiam Iezraghel, ad rationem alteram reuocandum prædicit, quæ semen diuinum significari potest. nam qui olim calamitatibus vexati, & supplicijs affecti erant Iezraghel, hoc est, Brachium Domini maximo cum dolore audierant. rursus tot virtutibus, tot donis, tot dignitatibus cumulati, & audi, Iezraghel, hoc est semen diuinum, & filij Dei maxima cum voluptate audient, ut scriptum est: Et vocabuntur in ea fortes iustitiae, plantatio domini ad glorificandum: Et omnes qui viderint eos agnoscent illos, quod isti sunt semen, cui benedixit Dominus: Par ergo est, ut triticum, oleum, vinum, & quæ ijs rebus significantur, animorum virtutes; Ac deinde tellus alma parens, cælumque benignum, & Deus ipse Pater natorum vota secundet. Ut autem alteram Iezraghel significationem respiciendâ esse doceret, eodem verbo vsus promissiones suas noua accessione cumulauit. pollicetur enim ex paruo pij generis & nominis initio ingentem sobolem, & maximam diuini nominis gloriam fore propagandam; neque verò intra eos tantum, qui secundum carnem Israëlitarum essent arcendam fore hanc sponfam Ecclesiam, sed per omnes orbis partes maximo cum pij populi & diuinæ gloriæ incremento peruersuram esse, ita ut ex paucis Israëlitis, qui iuxta carnis & spiritus rationem, hoc nomine appellari meritò potuerunt, ingens Israelitarum sit prouenturus numerus, qui spiritu verè Israëlitarum sint. Atque ut agricolis plures ex vno qui seminatur modij colligentibus proueniunt: sic ex paucis hominibus, qui ad Euangelium seminandum in omnes terrarum regiones erant mittendi, maxima hominum, qui ad cæleste regnum pertineant, copia gignatur. Sic ille, cuius auspicio atque auxilio hæc seges serebatur, dicebat: Simile est regnum cælorum grano sinapis. quod accipiens homo seminauit in agro suo; quod minimum quidem est omnibus seminibus: cum autem creuerit, maius est omnibus oleribus, & fit arbor, ita ut volucres cæli veniant & habitent in ramis eius. Huc etiam pertinent, quæ de fermento in tribus farinae satis abscondito, sapientissime ab illo diferta sunt. Huius rei causa Deus hoc in loco addidit:

*Et seminabo eam mihi in terrâ.*

30 **E**A M, intelligo sementem siue seminem, id quod Iezraghel, hoc est diuinum semen appellatur. Neque verò sperare debebāt Israëlites, ut à locis & regionibus ijs, quas dispersi incolébāt, ad eam Syriæ partem, quæ olim illis diuinæ fortis dono cõtigerat, reducerentur: nam tā angustis spatijs tanta hominum multitudo qui capi posset: sed vbiuis gentium illi foret, ibidem diuina ciuitate donandi atque in filios & seminem Dei adoptandi, & suorum, nec non & viciniarum gentium accessione augendi erat: Seminabo, inquit, eam in terrâ: non in terra Canaã, sed in vniuersum in terra dixit, ut &



Rom. 9.

vnus ex ijs qui seminati ad hanc rem fuerunt, hunc eundem locum interpretatur: Vt ostenderet, inquit, diuitias gloriæ suæ in vasa misericordiæ, quæ præparauit in gloriam, quos & vocauit, non solum ex iudæis, sed etiam ex gentibus, sicut in Hosea dicit: Vocabo non plebem meam, plebem meam. Antiquissimi etiam Hebræorum, & qui circa salutis humanæ tempora fuerunt, hanc seminationis rationem hoc modo explicabant.

*Et miserebor eius quæ fuit absque misericordia, & dicam non populo, populus meus es tu, & ipse dicet: Deus meus es tu.*

**N**ihil in humanis Rhetorum præceptis, ad faciendam in narrationibus fidem magis commendari solet, quam vt rerum gestarum ordo seriesque seruetur: atque vt quidq. primùm gestum erit, ita primùm exponamus, & rerum ac temporum ordinem conseruemus, vt gestæ res erunt; aut vt potuisse geri videbuntur. In diuinæ autem eloquentiæ rationibus nihil minus hac obseruatione necessarium videtur. neq. enim Deus humanarum artium præceptis parere cogitur; sed vt sapientia & consilio omnia superat, sic nostrarum obseruationum angustijs non cõtentus, liberiori campo exultat, atque con- temptis etiam rursus humanarum viarum dispendijs, & circuitionibus, maxima atque artificiosissima compendia sibi ipse facit, eademq. discipulis suis, ijs, inquam, quos ipse docendos suscepit, facillima reddit. Causa autem, quamobrè ad faciendam fidem temporum ratio & rerum ordo apud nos desideratur, nulla alia est quàm mentis nostræ tenuitas, & maxima ad cognoscendum ingenij imbecillitas; nec non & rerum ipsarum ac negotiorum fluxa & labens natura: quoniam apud nos res non simul omnes cõficiuntur, sed temporum momentis, quæ sequantur, indigent: cum tempore enim ipso nasci, produci, & confici obseruantur. Vt verò temporum partes inter se coniunguntur, præteritum præfenti, & futuro præfens, ita rerum partes inter se & antecedere, & cõiungi, & consequi solent. Nobis autem huiusmodi rerum series obseruare, omniâque ad hanc rationem reuocare assuetis, quicquid discrepauerit alienum prorsus, atque absurdum, & ad fidem faciendam ineptum, videtur: vt pote quibus multi temporum modi ob naturæ imbecillitatem præfentes esse nequeant, multarum etiam rerum coniuncta narratio tanquam angusto vase respuatur. Consequens ergo est, si quid iuxta humana præcepta & artes narrandum nobis sit, temporū atque ordinis rationes expectari oportere: aliàs narrationem dilucidā minus videri. Verùm enim uero Deus qui omnem humanā rationem & cogitationem infinitè superat, tempora omnia, & rerum despiciit series, extrâque omnē mensuræ modū positus, cælum, terram, mariâ, mundū; denique totum pugno comprehendit, neq. tamen manum cõplet. ex quo fit, vt nihil illi præteritum, nihil futurum, nihil detractum aut desideratum, nihil nouum esse possit; sed omnia præfentia sint, omnia uiuant, omnia denique iam facta, atque certa sint; siue ea apud nos incerta, siue infecta, siue expectata, siue certa, facta atq. peracta fuerint. Igitur nobis, si de rebus, quæ apud nos geruntur, sermo habeatur; cum illis duobus generibus & rerum ipsarum, & nostræ cognitionis est temperandus. Deo verò sermonem suum ad suam illam, quæ humanas omnes definitiones transcendit, cognoscendi rationem transferre integrum est; ita vt ea quæ gesta iam sunt, cum ijs quæ olim gerentur, & omnia cum præfentibus rebus coniungat atque componat: Quoniam, vt inquit Habbacuk, mundi ac æternitatis itinera eius solius sunt, illi quæ soli manifesta, & in illius tantum potestate, vt à filio eius accepimus, cõstituta. Etenim poëtæ etiam qui facultatem suam, non tam arti, quàm Deo acceptam referri volunt; & sese diuino impetu ad canendū excitari, agique iactitāt; huiusmodi Rhetorū de narrationibus præceptiones contemnere solent, & diuinum quoddam dicendi genus vtcunque conati, temporum ac rerum series prætermittunt: *Et iam nunc dicunt, iam nunc debentia dici pleraq. differunt, & præfens in tēpus omittunt; & in medias res non secus ac notus auditorē rapit, atq. iam modò me Thebis modò iam me ponit Athenis.* De qua re dictum nobis fusius est in ijs libellis, quos nuper de Christianis Rhetoricis carmine componebamus. Omnis autē hæc, in quam incidimus disputatio, eò pertinet, vt quoties in diuinis libris, maximè autem in vatum oraculis rerum & temporū series vel cõfusa, vel turbata, vel certè minus dilucida, videbitur, tenuitatem nostram agnoscetes, diuinæ artis modos, rationesq. admiremur, atque ad eam excellentiam, ad eumque sublimem cognoscendi gradum animis, studio & votis omnibus contendamus; vt doctrinæ huius partem aliquam Dei dono consequi possimus.

Habac. 3.  
Ad. 1.

Hor. in arte.

possimus. Hoc itaque in loco Deus omne Iudæorum ævum tribus ferè versibus explicat, omnemque eorum historiam vno, atque eo non longo capite complectitur: namque antiqua illorum status memoria ab Ægyptiis usque temporibus repetita, quas ob causas abiiciendi essent, commemoravit: deinde reconciliationis promissionem adiecit, quod divinæ misericordiæ beneficio in coniugij regniq. societate, vna cum gentibus aliis erant conuocandi: sed quia plerique illorum importuni, contumaces, atque divinæ vocationi increduli futuri erant eosdem omni dignitate, omni tam divino quam humano splendore merito carituros, atque interim gentes in eorum locum esse sufficiendas prædixit. Tandem verò (quæ maxima Dei benignitas, quæ ineffabilis misericordia est) vitæ ac regni aditus illis esse patefaciendos. neque tamen verendum posthac esse, ne de loco & de certa re ac possessione deturbentur. Hæc itaque omnia diuersis temporibus euentura; quoniam ad vnâ hanc gentem, atque adeo ad vnum regnum pertinebant, quod semel præuisa à Deo sunt, & præsentia illi semper fuere, ideo paucissimis versibus comprehensa, & vna ferè periodo sunt coniuncta. Nomina autem *Loruhama*, & *Loghami*, hoc est non misericordiam consecuta, & non populus meus, vna cum rationibus & rebus ipsis Deus à se esse commutanda promittit, vt iam deinceps misericordiâ consecuta, & populus meus appelletur. atq. Deus ipse vicissim, Deus meus, à populo suo audiat. [Et ipsa dicit deus meus.] Gubernatorem & præsidem consilio, studio, curaque providentem significat vox *Elohi*: itaque curæ se esse Deo suo agnoscit. Habet autem affectum Hebraicè nomen, *Deus meus*, eò quod in vocandi casu positum acclamationem & amorem studiumque maximè indicat: nam longissimæ orationis, quam is, qui amore affectus maximo instituere vix posset, compendium quoddam vocandi casus, esse solet; maximè autè si non tam proprio nomine, quam alio quopiam quod ad rem ad affectumque pertineat, quis compelletur: sic Paulus: Accipitis, inquit, spiritum adoptionis filiorum in quo clamamus Abba Pater. Hactenus ergo totius Iudæorum historię summa quædam nobis præscripta est, atque ad hanc eandem diuus Paulus animo & cogitatione conuersus, plenam suæ gentis restitutionem prædixit: Nolo, inquit, vos ignorare fratres mysterium hoc, vt non sitis vobismetipsis sapientes, quod cæcitas ex parte contigit Israël, donec plenitudo gentium intraret, & sic omnis Israël saluus fieret, sicut scriptum est: Veniet ex Sion qui eripiat & auertat impietatem à Jacob. & hoc illis à me testamentum; cum abstulero peccata eorum. secundum Evangelium quidem inimici propter vos. Secundum electionem autem charissimi, propter patres. Sine poenitentia enim sunt dona & vocatio Dei. Sicut enim aliquando & vos non credidistis Deo, nunc autem misericordiam consecuti estis propter incredulitatem illorum. Ita & isti nunc non crediderunt in vestram misericordiam, vt & ipsi misericordiam consequantur. Hæc Paulus. At verò nos hoc in loco pium lectorem admonendum esse existimauimus, vt omni studio ardētibus votis, assiduisque precibus à Deo misericordiam efflagitemus: atq. illud deprecemur, ne vt Iudæorum rebellio occasione nobis ad Euangelium atque ad regni societatem dedit; sic nostra impietas illis aditum ad reconciliationem aperiat. neque ea nos excludamur ianua, quæ illis ad misericordiam est cõcedenda. Amen.

Scimus profectò quid vereamur, & quamobrem hoc prædixerimus, ea nobis neque levis, neque incerta ratio est.

## CAPVT III.

ET DIXIT Dominus ad me, adhuc vade, & dilige mulierem dilectam amico & adulteram, sicut diligit Dominus filios Israël, & ipsi respectant ad Deos alienos, & diligunt vinacia vuarum.

NON POSSE non obscuram atque difficilem libri huius lectionem videri, demonstratū nobis in superioribus est. Huius autem difficultatis inter alias causas vnâ illam coniecimus, quod sub amantis viri, atq. eiusdem vehementer ob adulterium dolentis persona, sermo instituatur. namque vtraque perturbatio, si quem corripit inquietum diuersumque agit, atq. in varia multiplicique cura & cogitatione versari cogit. Eius autè rei index certissimus sermo est: videmus enim ab ijs, qui huiusmodi distinentur curis, nunc hunc, nunc illum sermonem & arripere & dimitti, sæpius accusari, interdū dānari, femineamque impudiciā exprobrari,

non raro inuidiam in riuales concitari, in amatam mulierem contemptum odiumque effundi: rursus hæc mitigari, & eam tandem affectione, quæ antiquior fuerat, ad amorē nimirum plus cæteris omnibus valere. Quamobrē de pace, de reconciliatione, de amore demum redintegrando cogitatur, atq; agitur; atq; vt tota hæc res ac ratio illustrior nobis fiat, exemplum aliquod habere non pigebit. Neque verò minimū referre puto, vnde illud petatur, quando illud nobis non ad vitæ documentū aliquod, sed ad rei, de qua loquimur, similitudinem est dirigendum. *Dum tu Lydia Telephi &c.* Tandem subiungitur,

Horat. lib. 1.  
od. 13.

*Felices ter & amplius.*

*Quos irrupta tenet copula, nec malis.*

*Diuisus querimonijs.*

*Suprema citius soluit amor die. &c.*

Ierem. c. 29.

Igitur cum iam Deus per vatem suum, multas huiusmodi cogitationes & curas aptissimo sermone expresserit, tandem ira in omnem in pacē & gratiam vltro offerendam sibi mutatā esse prædicat, sicut scriptū est: Ego enim scio cogitationes, quas cogito super vos, cogitationes pacis non afflictionis, vt dem vobis finem & patientiam, & inuocabitis me, & ibitis & orabitis me, & ego exaudiam vos, quæ- 15  
retis me, & iuuenietis, cum quæsieritis me in toto corde vestro, & iuueniar à vobis, ait dominus; & reducam captiuitatem, & congregabo vos de vniuersis gentibus, & de cunctis locis, ad quæ expuli vos. De his autem cogitationibus totus hic sermo cum vate instituitur, prædiciturq; quid interim futurum sit, dum Israëlita gens omnino in gratiam cum Deo reuertatur: Namque hætenus duo nobis tempora, duo gentis huius status descripti 20  
sunt, atque in altero quidem antiqua eius historia breuissimè fuit proposita, qua rudis ille populus disciplinæ ignarus, totius honoris inops egenusq; fuerat, vt Dei beneficio repente auctior extiterat, & à Deo ad maximū honorem fuerat euocatus: In altero verò eiusdem populi ingratitudinem atq; insaniam complexi sumus, & quas ob fidem atq; religionem 25  
violatam pœnas subiturus sit, & tandem eundē in gratiam diuina benignitate reuocandū cognouimus. Superest tertius ille ac medius gradus, quem ille, dum optatissimus malorum & calamitatum finis aderit, complebit. Hic demum gradus hoc in capite describitur atque prædicitur: Sed illa tamen causa imprimis repetitur, quare sic illis consultū esse velit Deus, nimirum quia nihil odit eorum quæ fecit: homines autem præcipue quam 30  
uis indignos, amat, pro quibus vnicum & charissimum sibi filium ad mortem dedit. Verumenimvero vt instituta semel sermonis & prædicēdi ratio modusq; seruaretur, eam de qua agitur, rem magnam atq; diuturnā futuram non verbis tantum, sed signis etiam expressam esse voluit Deus. Iubet itaq; vatem suum nouam aliam cum muliere rationem inire, vt ante oculos poneretur tanquam imago quædam & representatio rationis eius, 35  
quæ ab ipso Deo aduersum Synagogam deinceps esset suscitanda: idē autem alia ratione cum mulieris persona agi opus erat, dignitate, honore, regno, & ciuitatibus suis expulsa, ob antiqua & præsentia scelera; adeoque ob repulsam Messiae suo ab ipsa illatam, quandiu diuina reconciliatio esset expectanda. Namque longē aliter actum iri oportebat, quàm antē abdicationem actum, aut post restitutionem esset agendum: Atque ex 40  
partes vnius tantum rationis, & modi spectatione satis aptè agi, ac representari commodē non poterant: siquidem antea cum synagoga Deus, perinde ac vir cum amata sibi nō tam integris moribus prædita vxore, se habuit. Tandem verò ad sanitatem bonāq; frugem restitutam sibi tanquam viro bono vxorem bonam, charissimam, atque gratissimam curæ esse futurā est pollicitus, vtraq; autē res à vate nostro cum vna vxoris illius, quā duxerat, persona cōmodè representata est. Sed quoniam aliud iam negotium non ex coniugij 45  
legibus & officiis gerendū est, aliud agendi genus, aliusq; modus obseruandus proponitur: [Et dixit dominus ad me: adhuc vade:] Attentionem multam magnam futuræ rei expectationē initio statim molitur, cum verba denuò sibi à numine facta, nouumq; sermonē quasi de re noua & maxima institutum, referat: Porro particula illa, *adhuc*, nouam deinceps agendi rationem suscitandam significat; eademq; particula in simili sententia vt 50  
Deus ipse solet, vt Adhuc vna plaga tangam Pharaonem & Ægyptum: Sic hoc loco: Adhuc vade, atque aliam rationem inito. Ire autem imperandi modo positum agendi sedulitatem & maturitatem suadet, vt superius: Vade & fume tibi vxorem fornicationis. [Et dilige mulierem dilectam amico & adulteram.] Hæc totius negotij imago, & representatio est: Nam cum Deus futuram sibi aduersum Israëliticam gentem abnegationem 55  
& ex-

Exod. 11.

Osce 2.



& exclusionem esset comminatus; vel certam potius partim ob spectata iam, partim ob prauis in ijs ipsis scelera prædixisset, & tandem futurum esse promitteret, vt in misericordiam atque in gratiam reciperentur: quo tamen pacto cum illis interim agendum esset, incertum & ignotum esse potuit. atque ea ignoratio, & incertitudo in causa fuit, vt multi ex illis spem omnem animumque despondentes, præcipientes irent; multi rursus certæ pollicitæ spei non rite sanctæque innixi, vitijs & voluptatibus per totam vitam securi liquefierent, & mollii diffuerent: alij demum illud fieri omnino posse negarent, vt deserti ac destituti à Deo vel diem vnum peragerent, tum quod filij Abrahæ Isaac & Iacob essent; quorum sobolem à Deo desertam esse non decebat: tum etiã quod omni naturæ prorsus videatur repugnare, vt res aliquæ à diuina prouidentia neglectæ atque dimissæ, durare valeant, sicut scriptum est: Auertente te faciem tuam turbabuntur, auferes spiritum eorum, & deficient, & in puluerem suum reuertentur. Itaque vt huiusmodi hominum animis hæitationes, dubitationesque remouerentur; hoc & agendi & dicendi genus institutum est, quo ostenderetur, non vt antea feliciter, non vt futuris temporibus felicissime illis esse prouidendum; sed prouidendum esse tamen, vt nec ipsi funditus perirent, nec omnino nullum semen Abrahæ superesset; ex quo maxima illa iustorum, & piorum hominum soboles esset, propaganda, sicut scriptum est: Nisi Dominus Sabaoth reliquisset nobis semen, quasi Sodoma fuissimus, & Gomorra similes essemus. Expendenda autem, imprimis singula verba sunt, & cum superioribus componenda; ex quorum cognitione, & comparatione, certa nobis constare possit interpretatio: Initio enim vates vxorem accipere feminam impudicam, atque ex eadem filios suscipere iussus est; nunc verò dilectam amanti viro mulierem, eandem libidinibus indulgentem, non accipere, sed amare imperatur. Vt ergo magnum inter vtramque actionem discrimen est, sic eorum negotiorum quæ his imaginibus significantur, alia atque alia omnino ratio obseruatur: Nam quam superius accipere iussus est vxorem, eam legitimam sibi certis coniugij legibus statisque ceremonijs (quæ ab Hebræis Lekahhim, hoc est, acceptiones dicuntur) duxit. Nunc verò amici affectu amare, non vt vxorem aut accipere, aut habere imperatur; sed quod vsu sæpè venire videmus meretriculis, quæ corpore quæstum faciunt: vt vnus tamen præcipuus sibi deligatur, cuius sese nomini, & protectioni committant; hic autem amicus focusque appellatur, cui ne qua amicæ iniuria fiat, prouidere cura est: Namque huiusmodi natura, & sexus viri consilio ac cura destituta, diu bene agere, & cõseruari haud quaquam potest, sicut scriptum est: Mulieres septem apprehendent virum vnum dicentes: Panem nostrum comedemus, & vestimentis nostris operiemur, tantummodo inuocetur nomen tuum super nos, aufer opprobrium nostrum, &c. Huiusmodi præstantem hominem Hispanicè significantiùs quàm Latinè amicum dicere solemus, Græcè φίλον, Hebraicè vero Reagh, vtraque quidem posteriora nomina, multò quàm illud Latinum, aut Hispanum, aptiora sunt: Nam alios præter eum qui descriptus est, amatores & riuales appellari ferè apud omnes est consuetum. Hactenus quidem descripta nobis imago est, nunc verò deinceps res ipsa cum imagine est componenda: Olim Deus synagogam legitimis ceremonijs, & multis additis beneficijs in vxorẽ acceperat, illa verò officij immemor sui, & sceleribus multis, & turpissimis superstitionis adulterijs sese contaminauit. Quamobrem viri sui stomachum atque iracundiam non semel fuit experta: nondum illis temporibus rupto coniugio, nec vxoris nomine, neque dignitate amissa, nam lex & sacerdotium & regnum, tametsi non nihil interrupta & debilitata sunt, non tamen sunt omnino sublata; donec in lapidẽ offensionis, atque in petram scandali impegere: quo admissio scelere, & coniugij nomine, & viri officio meritò spoliati sunt, sicut scriptum est: In sceleribus vestris diuisi matrem vestram, quia veni, & non erat vir, vocaui, & non erat qui mihi respondere vellet. Quia verò cogitauerat Deus illam sibi in tempora illa felicia reponere, docet nunc interim quo officij genere erga eandẽ functurus sit: nimirum amore eo, quo quis feminam alijs amatoribus prostitutam in suam tutelam suscipit. Huiusmodi verò hominis sic amantis illa imprimis cura esse debet, ne quid desideretur, quod ad vitam alendam pertinet. Eam curam ita temperari ab eo necessum est, vt quoad fieri possit, suo consilio, & opera ad meliorem mentem & frugem redeat: Audiat illa sæpè eundẽ ornatus, & cultus, totiusque victus luxuriam vera atque vehementi oratione arguentem: audiat amatorum turbas, hoc est, maximum feminarum dedecus damnantẽ. ad vnus autẽ id est, sui tantum amorem,

Psal. 103.

Isai. c. 1.

לקחי

Isai. c. 4.

רעג

Vide Iosippum  
vbi ex professo  
idem ostenditur.

Isai. 50.

Proper. lib. 1.  
eleg. 2.

Psal. 49.

1. Tim. 2.

Prou. 23.

Psal. 118.

fidem consuetudinemque reuocantem percipiat; seseque illi demum, si resipiscat, perpetuò amantem ac vtilem non tam amatorem, quam maritum futurum esse promittentem sentiat: Hoc munus, hoc officium, hæc cura est amantis, siue socij: qualem se aduersus huiusmodi mulierculam præstare vates noster iubetur. Si quis verò huius curæ atque officij exemplum aliquod desideret; quando ad huiusmodi genus tota hæc ratio à numine ipso reuocatur, is primi Propertij libri elegiam secundam legat, in qua huius rei imago absolutissimè depingitur. Hoc itaque modo synagogam, quamdiu in repudio permanferit, amatam à Deo esse constat. nam neq. ijs quibus ante vñ fuerat beneficijs, neque eadem dignitate vtitur, neque curas illas, & correptiones, & iurgia in se diuina experitur; sed promissæ tantum reuocationis spe alitur, & in diuinorum librorù lectione versata, simulachrorum cultû, & cætera impia scelera horrere & vitare discit; ac interim vitæ muneribus vtitur potius quàm fruitur, donec optata illa, felicissimaque dies adfit; cum è tenebris, & vmbra mortis, in qua nunc iacebat, in lucem tandem atque in vitam prodeat. hic diuini amoris erga gentē illam modus, hæc ratio est. Ob eam verò causam, quòd ad hanc veritatem similitudo & imago ipsa reuocabatur, dictum est vati: Amato feminam amore amici, sic enim Deus amabit filios Israël, vt imago potius rem quàm res imaginem imitetur: [*Quia ipsi respectant ad deos alienos:*] Inter alia multa officia, quibus *van* particula apud Hebræos fungi obseruatur, vnum est, quòd relatiua quandoque fit: quam particulam propter frequentem coniungendi vim, in nostram coniunctionem, E T, interpretes ferè semper vertere solent: sed tamen ad quod officium reuocari possit, ipsa sententiæ ratio, & contextus rerum facillè indicabit. Relatiuè autem hic ponitur, & alibi non raro, vt Homo in honore, & non intellexit, comparatus est iuuentutis. ita enim ad verbum sonat ille versus. Huius autem loci hic contextus est: Amato tu feminam dilectam amico, & adulteram, sicut amat Dominus filios Israël; qui & ipsi ad alienos Deos respectant. Atqui cum hæc inter Deum & vatem agerentur, Israëlità ad deos alienos respectabant. & quoniam de hoc statu iam cogitabat Deus, eumq. quauis futurum, tamen ante oculos vati suo præuidendum prædicendumque veluti præsentem ponebat: idcirco totus de præsentis sermo est; apud Deum enim nihil futurû, nihil variû aut permutatum esse potest; sed ille immensus amor quem natura habet, alia atque alia ratione, ad alias & alias res refertur; neque amorem illè suum, sed ego amandi mei & fouet, & tamen pro varia rerû natura, & aptitudine hoc minus illud magis, aut citius, aut tardius virtutem eius experitur; ita Dei immensa ac ineffabilis amoris erga homines vis, pro cuiusq. capacitate in singulos infunditur; & vt Paulus ait: Varia valorum ratio, atque natura est: alia enim lignea, alia fictilia, quædam argentea, & aurea quædam sunt; sed ad honorem partim, partim verò ad contumeliam apta esse cõstat. Qui ergo emundauerit se ab istis, erit vas in honorem sanctificatû, & vtile Domino ad omne opus bonû paratum: Nam per Deum natura cum bonum, tum supremum nõ stat; sed per vasa ipsa quòd minus omnia magnam atque vtilissimam diuinæ beneficentiæ partem capiant. Respectare autem ad deos alienos dicuntur, vt hoc dicendi genere ac tropo vetiti amoris scelere flagrare arguantur: Etenim nullæ corporis nostri partes, amorē quamuis celatum apertius, quàm oculi indicant. Is enim sensus est, per quem maximè ea perturbatio concipitur, & concepta foueri maximè solet, sicut scriptum est: Oculi tui videbûnt extraneas. Ex quo fit, vt si quis amorem suum maximè dissimulare velit; tamen cum id præsens est quod amatur, non possit sibi téperare, quin oculos animumq. subinde defigat. Proditur autem hoc modo vel inuitis amantibus amor. Quamobrem sibi hac in parte consultum esse optabat vates, vt oculi sui ad verum Dei amorē & cultum, ab omni vana, & incommoda perturbatione reuocarentur: Auerte, inquit, oculos meos, ne videant vanitatem; in via tua viuifica me. [*Et diligunt vinacia vuarum:*] Pulcherimè aptissimeq. susceptam allegoriam persequitur: adeo quippè coniuncti esse solent, & mutuis officijs se iuuare Bacchus & Venus, hoc est ebrietas & libido, vt nunquam inter auctores alterius mētio fiat, quin altera continuò subiiciatur; est enim vtriq. & alliciendi & nocēdi par potestas; nam vtraq. hominem de virtutis & sapientiæ gradu, de mente deniq. deturbat; vtraque alteri cum aptè conueniat, vtraq. etiam alteri coniuncta in crimen vocatur, vt apud hūc eundem vatem Deus, inquit; [*Fornicatio & vinum. & ebrietas auferunt cor.*] Sic ille cum amoris

amoris atque fidei proditæ amicam insimularet, ebrietatem vt criminis huius argumentum satis idoneum obiciebat.

*Vror, seu tibi candidos*

*Turparunt humeros immodice mero*

*Rixa: &c.*

Horat. li. 1.  
Od. 13.

Neque verò hoc in loco Iudæa gens à Deo,

ebrietatis accusatur, namque aliàs, & eiusmodi vitij notabitur. sed cum maximum crimen (cuius causa hæc oratio habetur) sit vanorum deorum cultus, quod sub adu-  
riorum allegoria afferri cœptum est, vitur hoc argumento tanquam certissimo, quod  
legis, & diuinorum mysteriorum ignara ebria, atque à sensu & mente aliena, nihil nisi  
superstitionem, & nefarios cultus amet, ac sequatur, sicut ij qui intemperanti sese  
vino atque ebrietati dediderunt, Veneri, & turpissimis voluptatibus indulgere so-  
lent, sicut scriptum est: Ne intuearis in vino, quando flauescit, cùm splenduerit in  
vitro color eius, ingreditur blandè, & in nouissimo mordebit, vt coluber, & sicut re-  
gulus venena diffundet, ex qua re illud sequetur quod Oculi tui videbunt extraneas, &  
cor tuum loquetur peruersa. quam etiam ob rem quidam dicebat:

*At nequis modici transfiliat munera liberi, &c.*

*Monet Sithonijs non leuis Euius,*

*Cùm fas, atque nefas exiguo fine libidinum*

*Discernunt auidi.*

Horat. li. 1.  
Od. 18.

20 *Vinacia vuarum.* Pocula vini, siue lagenas potius, Hispanicè garrafas, vt eos vehemèter  
ebrios ostenderet, qui non calices & pocula modò, sed totas lagenas exhauserint. Vuarù  
autem pro vini dixit metonymia poetica ad rem exaggerandam vsus, qui tropus non  
infrequens diuinis carminibus est, vt sanguinem vuar bibere meracissimum, & in ex-  
ternis poematibus:

25 *Cacubam, & prælo domitam Calæno.*

*Tu bibes vuam: &c.*

Deut. 23.  
Horat. li. 1.  
Od. 20.

*Et fodi eam mihi quindecim argenteis & coro hordei, & dimidio coro hordei.*

IV s s v s vates eam rem agere, qua futuræ aduersus Iudæos prouidentæ imago quædã  
30 repræsentanda fuerat, continuò se diuina iussa facessisse ait, & in societatem acce-  
pisse mulierem, quam sibi quindecim argenteis, & homer hordei, & dimidio homer  
hordei pactam ostendit. Fodere hoc in loco idem quod mancipare significat, translatione  
ab illis sumpta, qui seruos libertatem negligentes perforata auricula sibi lege & cõsue-  
tutine addicebant. Cùm autem argenteis quindecim & hordei homer atque Lethec  
35 (quod dimidium est homer) illam sibi obligatam dicat; non autem legitimis acceptio-  
nibus, & dote, & totius rei familiaris vitæ atque victus cõmunicatione, vt cum dilecta  
uxore fieri consuevit, ostendit iis rationibus à Deo, Israëlítico populo consulendũ fore,  
quæ cum eorum conditione in illo rerum statu aptissimè conuenirent, non illis præcla-  
ris & abundantibus rationibus, quibus olim eis fuerat prouisum, vt tritico, vino, oleo,  
40 lino & lana, & demum rerum omnium copia affluerent, sed vt victu eodemque tenui,  
nimirum hordei, nec tamen geminata mensura, atque cultu etiam penè seruili quin-  
decim argenteis comparato non deficerentur; cæteris præterea quæcunque suauiore  
& iucundiorẽ vitam faciunt, magistratibus, honoribus, prædijs & agris, regibus pri-  
uatis & publicis rebus, atque adeo ciuitatibus carerent. Atq. ad hunc locum Iudaicas  
45 res deũdissæ, in eoque hætenus esse, nemo, qui & illorum historias legerit, eisdemq.  
vbicumque gentium vitam degunt, viderit, nescire potest. Et quoniam in hoc loco, vt  
ferè in omnibus alijs, quibus numerorum aut mensurarum mentio intermittitur, variè  
tum Hebræi, tum Græci, tum etiam Latini interpretes omnes commētantur, atq. rem  
ad allegoram reuocantes, propriam quisque aut ex arte, aut excogitatione sua, diuina-  
50 tionem in medium affert: non alienum erit, si nos aliquid etiam proferamus, quod  
tamen legentium iudicio sit permittendum. neque verò aliorũ sententias enumerare,  
aut in nostra commentaria transcribere animus fuit; ne vltra quã vellemus, voluminis  
magnitudo, & commentationis modus excresceret: Satis enim fuerit eos qui excellere  
hac in parte videntur, auctores in libri nostri margine indicasse. Imprimis illa nobis  
vsurpanda est cogitatio, multa verba in Hebraica, vt in alijs linguis esse quæ agnomina-  
tionis

Hierony.  
Cambi  
salo.

Ambro.  
Epiſt. 39.



Cic. lib. de  
orat.Horat. lib. 1.  
epist.

tionis figura, aut variæ significationis ratione, ab vna ad aliam rem transferri possint, atq. hac significationum deriuatione non infrequenter auctores vi solere, multamq. de hac re, atque de hoc elocutionis ornamento, longam esse apud dicendi artifices disputationem, cuius generis illud est: *Asinaq. paternum.* Cognomen veritas in risum & fabula fies. Igitur conductâ sibi mulier quindecim argenteis à vate narratur, quibus vitam interrim tueri posset, quoad illa in meliorem mentem mutata, redeuntis tandem ad se amorem & curam maiore experiretur: Atque illud hac imagine indicari videtur, quibus potissimum rebus atque consilijs adiutus Israël, & ad diuturnam illam spem fortiter tenendam, instructus esse possit: Nulla autem illis commodiora, & magis ad eam rem apta esse probantur, quam assidua sacrorum librorum lectio, in quibus certa loca sunt, quæ de hac re consulentibus satis idoneum suppeditare possint ad sperandum materiam: Nam quod semel à Deo in hominum vtilitatē promissum est, id nisi nostra impediatur culpa, ut succedat necesse est: Atque ad eam spem alendam plurimum confert ingens & indefessa arcanorum voluminum lectio, sicut scriptum est: Quæcunque scripta sunt ad nostram doctrinam scripta sunt, ut per consolationem scripturarum spem habeamus: 15

Quindecim itaque imprimis vates fuere, apud quos oracula, de hac Israëlita restituti-  
one funduntur. ij autem sunt, David Rex primus in quibusdam psalmis, secundus  
Isaias, Ieremias tertius, quartus Iezechiel, Hosseas quintus, sexto loco Ioël, septimus  
Amos, octauus Gobadias, nonus Michæas, decimus Habakuq, Sophonias, Daniel,  
Aggeus, Zacharias cum Malachia, quindenarium hi numerū complent, neq. quisquā  
alius præter hos vates est, qui de hac re verba faciat manifesta: Atque hanc sententiam  
coniiciendi hæc simplicissima ratio est: Numerus quindenarius ut occurrit sine vlla alia  
diuinatione præsentī intentione conueniens admittitur: Argentum autem Hebraicè  
*Chexxeph* dicitur à verbo *Chaxxaph*, quod concupiscere rem aliquam, ad eamque attētum  
esse significat, ut in psalmo: Concupiuit, & defecit anima mea in atria domini, quando  
veniam & apparebo, &c. Ita autem ad vatum lectionem Israëlita vehementer attenti,  
& earum rerum quæ illis prospera prædicuntur desiderio affecti sunt, ut vates illæ visendi  
diuini templi spe atq. desiderio affectus erat: Namq. in his præter multam & maximam  
sapientiam calamitatum suarum finem, & multa futuræ atque sperandæ felicitatis testi-  
monia contineri creduntur: Quamobrem mirum in modum illis attendunt: quo verbo  
etiam Diuus Petrus ad eosdem de ea re scribens, usus est: Habemus, inquit, firmio-  
rem propheticum sermonem, cui bene facitis attendentes: Certè quindecim illis  
sunt, quibus attendere, quos assidua lectione versari expediat; ad quorum prædictiones  
& promissâ tanquam ad lucem aliquam aspiciendum sit; ut Lucernæ, inquit Petrus,  
lucenti in caliginoso loco, donec dies elucescat, & Lucifer oriatur in cordibus vestris. 35  
Atque de quindecim argenteis hætenus: nunc verò de Ghomer hordei, & de Lethec,  
hoc est dimidio ghomer hordei erit deinceps dicendum. Homer mensuræ genus  
apud Hebræos erat, de qua nos in nostris de fido disputationibus exactius Deo duce  
agemus. Nomen verò ipsum complementum siue cumulum significat, nam cum ranas  
Ægyptijs infestas, Mose perniciem illam deprecante, Deus extinxisset, in hammarim  
hammarim, hoc est in cumulos cumulos aceruatim à populo comportatas fuisse legi-  
mus. & apud Habbakuq cumulum aquarum multarum pro mari, dictum legimus.  
significat ergo homer cumulum: Lethech verò dimidium homer cum sit, eius etiam  
acerui, ad quem homer refertur, dimidium significabit. atqui & hordei nomen certæ  
cuiusdam significationis est, quæ ad hanc rationem non minus, quàm superiora aptè  
referre placet: nam turbo, procella, & tempestas, & maxima quæque calamitas no-  
mine, & verbo saghar significantur, quæ ad idem erymon cum hordei nomine refe-  
runtur: ut in Psalmo: Et in circuitu eius SAGHAR MEOD, id est tempestas valida  
& iterum dixit, & stetit spiritus Saghar, id est procellæ. Nomine igitur Seghorim, id est  
hordeorum in hac significatione usurpato ipsa sese totius sententiæ ratio detegit atque  
aperit. nam ut ad longam istam seruitutis miseriam, restitutionis spe ferendam  
atque leniendam, quindecim vatum lectio illis proponitur, sic etiam ea scripta co-  
gnoscenda, atque animo versanda indicantur, quibus scriptis omnis futurarum illis  
calamitatum, & miseriarum summa præfinitur: Atq. duo præcipue loca sunt, in quibus  
hac de re agitur: Alter est septimum supra vigesimum libri Deuteronomij caput:  
Alter

huc cepit payuim  
tatis h3 quiddo  
nes pphete et  
moyses et hanc  
nam

Psal. 84.

כסף

2. Pet. 1.

Exod. 8.

Habacuq. 3.

לחך

טעורים

Psal. 58.

Psal. 50.

Deutero. 27.

Alter verò leuitici vigesimum & sextum, quibus locis imprecationes & diræ populo illi obnuntiantur, si legem, si fœdus diuinum neglexerit, atque ruperit. Sunt autem in Deuteronomio nonaginta octo numero quæ calamitatum aceruum, atque cumulû, hoc est, homer, complent: In leuitico verò quadraginta quinque tantum sunt, quæ 5 lethec, hoc est dimidium homer absoluunt. Hæc vates pronunciat haurienda illis esse prius quàm miserijs, quibus scatent, extricari cōtingat; atq. ad eorû in sacris libris cognitione adhortatur: namque ita fiet, vt ipsi non casu, sed diuino consilio eò sese venisse agnoscant, & futuræ rursus restitutionis pollicitis, atque spe alantur, quæ ex illis eisdem locis, vbi diræ atque imprecationes continetur, petere licebit, sunt enim hæc illis con-  
 10 tinuò subiectæ: Atque adeò ex hac cumuli atque dimidij dirarû cumuli assidua cogitatione magnum illi fructum consequentur: quippe & iustum Dei iudicium imprimis agnoscent, malumq. suum prouidentia spe ac fide solabuntur, atque meliorum rerum desiderio affecti diuinam misericordiam assiduis precibus appellabunt, vt ijs tandem malis feliciorum finem atque exitum det.

15 *Et dixit ad eam, dies multos expectabis me.*

PRO ratione conceptæ similitudinis decorum omne, atque omnis œconomia à vate conseruatur. namque hoc in loco vates eius partes agit, qui mulierculæ pluribus quondam amatoribus prostituta, curam gerit, quique eam ad sanitatem atque officiû reuocare studet: quod duabus rebus potissimum efficitur victu & cultu parcius sup-  
 20 peditato, & oratione ad hanc rem accommodata, qualem antea apud poëtam indicauimus. Igitur cum vates priorem partem soluerit; hanc alteram breuibus quidē verbis, tamen idoneis sententijs adiungit: Ostendit enim se ira & dolore commotû, quod tot procos sibi præferri, & addi videat. Cæterum quia id non dolose, verum vt ira percitus cogitat, opus esse: vt quadiu ipse secesserit, illa quoq. consilium mentemq. mutet: & vt  
 25 frugi feminam sese gerat: vt tandem mutatis vitæ moribus, habitu, & officio amantis sopitum amorē excitet, ita fiet vt cū eo in gratiam reuertatur, & in spem cōiugij veniat. [*Dies multos expectabis me.*] Hebraicè & Græcè, sedebis mihi, quo verbo id vitæ & cultus genus significatur, quo viduæ, aut quæ viros suos vel amissos desiderant, vel diutius absentes expectant, vel iratos atque dissidentes sibi reuocare student, vti consueuere:  
 30 cuiusmodi vitæ genus Thamar illa referre nobis poterit, quam sedere apud patrē suum, donec futurus illi maritus cresceret, Iudas focer iubebat. Sedebis itaque mihi, hoc est nomini meo addicta, neque alium præter me appellabis. Quod si quis huiusmodi consilio, mente atque habitu mulieris exemplum ex alijs auctoribus desideret, vnum satis profectò aptum ex Propertio petere licebit, libro 3. Elegia 6.

Gent. 36.

Propert. lib. 3. eleg. 6.

35 *Non fornicaberis, neque eris viro: Et ego expectabo te.*

LEGES imponit mulieri, quibus teneri illa debeat, si modò reconciliatum sibi virum velit, atque altera quidem honestissima lex illa est, vt à libidine omni abste-  
 40 neat, & mœchorum cōsuetudine abiecta ad viri optimi desiderium penitus reuocetur: quem tamen non ita citò facilem experietur; quippe diebus multis iucundissima illius consuetudine caritura est, scilicet vt sentiat, quanto priuata bono sit: atque reditum sibi, aliquando pro dignitate amplecti & conseruare discat. [*Non eris viro.*] Hæc altera lex est, vt ferat viri proprii desiderium, durum illud quidem, ferendum tamen: nam leuius sit patientia quidquid corrigere est nefas, inquit, ille. [*Et ego expectabo te.*]  
 45 Hebraicè & Græcè Et ego tibi, subaudiendum, non ero, hoc est viri officio aduersum te non fungar: Nam superior negatio inferiorem etiam orationem negat: Est autē locus à relatiuis. Hæc verò vatis oratio atque prædictio est, qua apud eam, quam sibi conduxerat mulierem, vsus ipse fuit. At verò quoniam futuri Israëlitarum status imago, & representatio quædam hæc fuerat, ne quis aliter rem interpretaretur, rationem ipsam  
 50 atque interpretationem (vt nihil apertius) continuò subiecit: vt si quis cuius rei causa illa ab ipso agerentur, rogaret, responderet idem, nempè fore vt Israëlitarum gens diu Reipublicæ, atque omnis religionis vsu, dignitate, atque luce careat, vt neque sacrarum & prophanarum rerum ius, & morem antiquum retineat, neque eum qui per scelus inductus est, seruet: Vt autem hoc explicaret, argumenta à destinatis sumpsit, sine quibus res geri non consueuere, hoc modo.

Quia dies

*Quia dies multos sedebunt filij Israël sine rege, & sine principe, & sine sacrificio, & sine altari, & sine ephod, & sine theraphim.*

Horat. li. i.  
Od. 31.  
Thucno i. 11

**H**Æc omnia enumerauit, quorum vel ad statam puramque Dei religionem, vel ad vanorum deorum cultum atque ad superstitionem vsus erat, quibus demptis, vsus quoque eorum demptum esse consequitur, vt illud: *nec turpem senectam degere, nec ciuitatem carentem.* [Sedebunt.] Vt ad viduarum, atque relictarum mulierum rationem, sic ad obrutas vastatasque respublicas, aptissime verbū hoc transfertur, vt, *Quomodo sedet sola ciuitas plena populo: Est enim miserorum federe, cum præ ærumna, & animi dolore* 10 *nihil agere, atq. adeo sese præ imbecillitate ægrè sustinere ipsi possint. Sine Rege; cuius cō-* filio, & auctoritate publicæ res administrantur. *Et sine principe* alio, quem illis ex propria gente, sibi adhibere liceat: namque olim quanquam apud Babylonem Iudæi exularēt, principe tamen quodam Ierosolymitanæ utebantur reliquæ: nunc verò & aliarum gentium, apud quas miserè vitam agunt, legibus & regibus vel inuiti obtemperant, & neq. principis nomen inter se appellare audent, quamuis caput quoddam captiuitatis dictum, 15 in quocumque loco sunt, sibi præficiant, quod tamen nullo principis fungatur officio. [Et sine sacrificio, & sine altari.] Hebraicè posterius hoc, *statua* dicitur, vt eos diuino proflus cultui, tam proprio quàm alieno operam daturus esse neget: nam vt sacrificium ad purā, & concessam illis sacrorum rationem, sic statua ad vanum gētilium simulachrorum pertinet cultum. quod si altare quis malit legere, vt Latina nostra versio habet, aliud esse exi- 20 stimet altare oportet à sacrificio concessio, neque enim geminarentur nomina, si res eadē vtrobique indicaretur. [Et sine ephod & sine theraphim:] Quoniam humanæ res sine diuino consilio, nec rectè administrantur, nec succedunt, oracula olim necessaria fuere. Hæc autem aut vera certa que sunt, qualia quæ à Deo verò fundūtur, aut incerta, aut vana, qualia à dæmone vel fundebantur, vel ab eius ministris atque sacerdotibus 25 fingeantur, quibus vulgus erroneam fidem habebat. Cū igitur Israëlita ad impium sacrorum morem à verò cultu transierint, diuinandi etiam rationem & modum gētibus consuetum obseruabant: namq. Hebreis ex Ephod ex vrim & thunnim, vera & certa; Gentibus verò ex certis ad certam temporis horam, & syderum astrorumque coniunctionem aptatis signis atque imaginibus, ex auibus, extis, ex tripode, atque alijs ex rebus, 30 vana & incerta petebantur responsa: Vtroque genere destituendos Israëlitas vates prædicat: Singulas autem species in singulis generibus tantum dixit, consueta autoribus dicendi figura vsus, vt, conteres naues, Tharsis, pro quibuscumque nauibus: &, *quodcumque* minabitur Euris, *Fluctibus Hesperijs*: Euris pro vento dictum. Atque ad hunc locum 35 Iudæorum res deuenisse, eumque hætenus tenere, certius est, quàm vt probationem nostram desideret. nam neque Ierosolymis, si qui ex ea gente degunt, sacra patrio more faciūt, cū templum illud, in quo solo hæc exerceri fas fuerat, à barbaris sit occupatum, & Machometano ritu frequentetur: (Extra urbem verò sacris operā dare nefas illis est.) Neque etiam prophanis gentium cultibus, & sacrificijs vacant, quæ ab Euangelicæ propagationis tempore per totum ferè orbem obsoleuerunt. 40

psal.  
Horat. Od.  
26.

*Et post hæc reuertentur filij Israël, & querunt dominum Deum suum, & David Regem suum, & pauebunt ad Dominum, & ad bonum eius in nouissimo dierum.*

**S**UPERIORVM promissorum hæc confirmatio est, atque asseueratio, quæ eorum ad 45 quos pertinet spem, iteratione, atque repetitione redintegrat: In precedenti autem capite res omnis propositionis forma prædicta fuerat: in hoc autem disposita, & vnicuique parti sua tempora sunt tributa; atque ita temporum & rerum distinctione vaticinijs ratio certior atque explicatior apparet, & sperantium animi reuocantur, ex obseruata antecedentium, & præsentium rerum serie ad futuram tranquillitatem expectandam: *Et postea,* 50 conuertentur vocati à Deo Israëlita, atq. Euangelij mutatione rursus inuitati emollitis iam diuina misericordia eorum cordibus, quæ hætenus ob propriam ipsorum culpam obduruerant, reuertentur ab ista, in qua nunc iacent, miseria, ad nouam illam atq. desideratam felicitatem. [Et querent dominum Deum suum,] cuius regnum intra ipsosmet futurū est: querēt in toto corde & in tota anima, & mente, damnatis prioribus omnibus cogitatio-



cogitationibus & studijs, quæcunque veritati, & consilio diuino aduersabantur. [*Er-  
querent etiam David Regem eius,*] Iesum Christum verum Dei vnctum, cui David solium  
perpetuo possidendum à Deo traditum est, cuiusque regni finis futurus est nullus. hunc <sup>Luc. 1.  
Act. 2.</sup>  
eundem ipsum sibi regem & iudicem vniuersorum à Deo lectum, datumque agnoscet:  
5 huius imperijs, vt planè diuinis obtemperabunt. nam vt Deo, sic & Christo eius, & cre- <sup>Ioan. 12.  
14.  
Marth. 6.</sup>  
dere & optemperare oportet: Creditis in Deum, & in me credite, inquit ille: & Pater  
etiam, hic est, inquit, filius meus dilectus, in quo mihi benè complacui, ipsum audite.  
Vt autè diuinæ naturæ dignitatis, & imperij eiusdè cõmunionem in Christo indicaret,  
zeugmate figura elegantiissimè est vsus, vnoque verbo vtriusque obsequium & cultum  
10 patris videlicet, & filij est complexus. [*Querent Deum, & David Regem eius.*] Sed quod  
David antiqui secundum carnem patris nomine nepotem ipsum verum & certum atq.  
æternum regni hæredem appellaret, res ipsa, ius, & ratio postulabant: Quamobrem &  
eiusmodi creber atque consuetus vatibus est sermo, vt apud Ezechielem: Ego dominus <sup>Ezech. 34.</sup>  
ero eis in Deum, & David seruus meus princeps in medio eorum: atque apud alias <sup>20</sup>  
etiam gentes, qui eiusdem imperij, aut dignitatis erant primi sui imperij auctoris no-  
men gerebant; vt à primo Iulio Cæsare omnes, dicti sunt Cæsares. Horum autem stu-  
dium atque cura omnis, cùm eum felicitatis compleuerint gradum, nulla alia erit, quàm  
vt summam erga se Dei benignitatem agnoscètes, atq. in animo cogitantes Deum ipsum  
tantorum auctorem bonorum perpetuo cultu reuereantur, & bonum ipsum sibi dono  
20 datum, hoc est spiritus diuini munus decentibus officijs, & totius vitæ integritate atque  
sanctitate tueantur, sicut scriptum est: Satagite vt certam vestram vocationem & ele- <sup>2. Pet. 1.</sup>  
ctionem faciatis, hæc enim facientes non peccabitis aliquando; & iterum alio in loco. <sup>Ephes. 4.</sup>  
Nolite contristare spiritum sanctum Dei, in quo signati estis in die redemptionis: Hæc  
erit vita solutorum istis, in quibus versantur, miserijs Iudæorum, ad quam vtinam diuino  
25 munere quàm citissimè traducantur, neque nos tamen tanta felicitate, & honoribus  
tantis excludamur. Amen.

## CAPVT QVARTVM.

*Audite verbum Domini filij Israël, quia iudicium domini cum  
habitoribus terræ.*

35 **H**ACTENVS Israëlitarum rerum initia progressus, & incrementa,  
atque earum fines, diuino ex oraculo cognouimus: denique omnia  
quæ ad illos pertinebant negotia in breuem quandam summam re-  
ducta sunt. tota autem res à Deo cum vate acta est, ita vt futuram  
in eam gentem, eiusque posteros animaduersionem, & totius cõslij  
40 sui rationem cum illo communicaret, & sese iudicem integerrimum  
ostenderet, & promissa misericordia patrem pientissimum aman-  
tissimumque virum probaret. nam Deus vt iustissimus atque ab omni iniquitate alie-  
nissimus est, ita suorum iudiciorum rationem hominibus bonis tamen, & sapientibus  
(quales prophetae sunt) probandam aperire consuevit, nequid horum aut casu receptum,  
aut negligentis numinis, vel priuato odio agentis, libidine effusum putetur, sicut scriptum  
45 est: An est malum in ciuitate quod Dominus fecerit? Quia non faciet Dominus Deus <sup>Amos 3.</sup>  
verbum, nisi reuelauerit secretum suum ad seruos suos prophetas. Hactenus ergo se  
iudicem apud vatem gessit, & consilia aperuit sua. nunc verò deinceps cum populo  
ipso agit, cuius criminibus & sceleribus irritatus, eam, quam audiuius sententiam pro-  
nunciauit, & stabiliiuit, & sermonem apud omnes, præcipuè verò apud Israëlitas habet;  
50 quo in sermone primum accusatoris personam, deinde etiam iudicis sustinet, atque  
vtrique officio propriæ partes, attributæ sunt. Est autem totius orationis argumentum  
hoc: Imprimis quantum gens illa ab officio, à diuinæ legis obseruantia, ad vitia atque ad  
libidines degenerarit, ostenditur. præterea quemadmodum ex illis malis in impuden-  
tiam, & inde in grauissimum, atque turpissimum impietatis morbum delapsa sit: eoque  
H comme-

morbo sacerdotes & principes obnoxios arguit; quamobrem captiuitatis & magnarum miseriarum poenas omnibus primum esse sustinendas confirmat, qui primi tantam culpam commeriti: quin etiam easdem ad posteros suos, ut meritorum, ita suppliciorum heredes esse redituras. Statim ergo in ipso accusationis initio exordio vitur diuinis accusationibus familiari, quo & attentionem, & docilitatem parat, & rem ipsam cognitu necessariam docet, & parata attentione quid acturus imprimis sit, proponit; nimirum se illius seculi & gentis mores turpissimos accusaturum. quam eandem dum ille accusat, suorum criminum cognitricem adesse vult, usque adeo accusationem quam facit, iustam atque irrefragabilem esse profitetur: Deinde vero propositam confirmat causam, & demum dicendo iure iudicis munus exequitur. [*Audite verbum Domini filij Israël:*] Ab accusatoris & rei ipsius de qua agitur magnitudine, attentionem captat: quod accusator Deus sit, qui non odio, non ira, non propriis commodis, non denique alio vilo vitio, sed rei ipsius indignitate, ad accusandum moueatur; quod filij Israël rei sint, quos præter alios omnes homines, iustos atque integros esse oportuit, quoniam Israël patre gaudebant, in quem tanta beneficia Deus contulit, ut ob eorum beneficiorum recordationem nomen illi Iacob in Israël mutauerit, ut assidua nominis appellatione, & dignitatis, & officij sui admonerentur. Itaque non tam Iacob, quam Israël filios in crimen vocat, quibus hoc ipsum quod à Deo in crimen vocari possint, grauior quædam culpa est. *Audite*, autem simplex verbum protulit, neque verborum copia longum exordium esse voluit; tum ut causam se potius, & rebus ipsis, quam verbis inniti ostenderet; tum quod verbum ipsum longæ orationis vice seruire in diuinis sermonibus solet, neque vnquam nisi in re maxima atque grauissima usurpatur, quam ipsorum, apud quos agitur cognoscere interfit: ut, *Audite verbum Domini principes Sodomæ*: *Audite* hoc omnes gentes, auribus percipite, qui habitatis orbem. ut autem, *verbum Domini*, dixit, rem consilio diuino agitaram atque putaram ostendit. nam D A B B A R pro quo verbum vertimus animi imprimis cogitatum, deinde effatum ipsum significat, unde & pro toto negotio aliquo accipitur. Neminem præterea excipit cum filios Israël appellet, non plebem, non principes, non etiam sacerdotes ipsos, quia Israël nomine omnis Iacobi posteritas habita diuinorum beneficiorum, atque promissorum ratione, appellatur. [*Quia iudicium domino est cum habitatoribus terræ.*] Cuiusmodi causa, & quo in genere agenda sit, proponit: Nam causam in iudicio dicturus est aduersus populum, qui conditioni & pacto non steterint; quamobrem creditas ea conditione res, & iustas etiam poenas ab illis esse repetendas. Itaque hoc, hemistichium totius orationis propositionem & statum continet. Iudicium hoc in loco litem interpretamur: nam quod Hebraicè est *Rib*, contentionem, litem, controuersiamque. vertere, ratio ipsa, & locorum sententia docet; ut, Iudica Domine nocentes mihi, Hebraicè *rib adonai ribeni*, id est Litiga domine cum litigantibus mecum, de quo verbo nos plura in Habbakuq differebamus: Itaque lis est Domino aduersus eos, qui Cananæam terram incolunt: quos omnes in ius, & iudicium Dominus ipse vocat, quos cum nemo deserti officij arguat, Deus ipse suas partes agere, atque aduersarios accusare cogitauit. [*Cum habitatoribus terræ.*] Articulus Hebraicè & Græcè nomini terræ appositus, certam terram de qua sermo fiat, indicat; nimirum eam, quæ ab ijs, quorum iudicium postulat, tenebatur. Totius autem actionis argumentum huiusmodi est. Deus Israëlitis regionem, ex qua Cananæos expulit, cum omnibus rebus, & fortunis possidendam ea conditione tradidit, ut impietate omni, iniuria, atque sceleribus alieni (quamobrem primi possessores expulsi fuerant) pietatem, officium, atque vitæ integritatem colerent, id, quod si ab illis purè sancteque obseruaretur, sese ipsam propitium, dextrum atque faustum fore à principio ad finem usque anni futurum receperat; minus id præstarent, se prædixerat ultorem, & vindicem, assertoremque testibus celo ac terra, sicut scriptum est: Et dedit illis regiones gentium, & labores populorum possederunt, ut custodiant iustificationes eius, & legem eius exquirant. At vero cum isti conditionibus, legibusque violatis animos suos ab hac pietatis atque virtutis cura ad summam infamiam impietatemque traduxerint, & quemadmodum patres eorum in arcum prauum conuersi fuerint, non solum Dei minus secundam in se prouidentiam, sed magnam indignationem, merito sunt experti: Repetit ergo suum ius Deus, & ab iniustis possessoribus terram vindicare

Isai. c. i.  
Psal. 8.

וכר

Psal. 34.

Habac. i.

Deut. ii.

Psal. 104.

vindicare parat, ob eam causam quòd incolæ conditionibus acceptis, non permanserint: namque hæc iustissima ad repetendum causa est. Sic apud Ieremiam eodem iure postulantem Deum audiuius: Circumite vias, & aspiciate, & considerate, & quærite in plateis eius, an inueniatis virum facientem iudicium, & quærentem fidem, & propitius ero ei ciuitati. Igitur cum litem sibi esse cum *habitoribus terre* proposuerit, habitationis & terræ nominibus pactum violatum esse subindicauit: nã de habitatione, & aduersus habitatores causa sibi tractabatur. Propositionem autem hanc subiecta partitione confirmat, ita vt nullum officij genus fuerit, quod isti non violauerint, nulla rursus sceleris forma, quam non studio summo atque actionibus suis  
 10 expresserint.

*Non est enim veritas & non est misericordia, & non  
 est scientia Dei in terra.*

15 **C**VM pietas, & virtus duobus officiorum generibus definiantur, quorum alterum sit eorum quæ erga Deum, alterum verò eorum, quæ erga homines fieri oporteat, utrumque genus ab Israëlitis proditum fuisse criminatur; & vtinã nos etiam christiani, quibus maius donum iisdem conditionibus creditum est, huiusmodi crimen effugere possimus. Nobis autem singulæ seorsum formæ describendæ sunt, vt quid vnũquodq. horũ sit, & ad quod genus referri possit, intelligatur: Negationem verò propterea præmisit, quod ijs quæ desiderantur, virtutum & officiorum conditionibus terram possidendam acceperant, vt scriptum est: Vt custodiant iustificationes eius: Etenim iusti-  
 20 ficationes non tam præceptis negatiuis, quàm affirmatiuis continentur: Nam si quis non furetur, non peieret, non hominem occidat, non continuò iustus est, nisi idem & Deum ardentissimè amet, & eius causa in homines etiam sit beneficentissimus. Itaque non solum nemini noceri, sed nemini officium cum opus est, nõ præstari oportet, quibus ex vtriusque rebus sit, vt diuinus sermo cum aliquem commendare vult, à malo declinantem, & bonum facientem testetur, vt Vir fuit in terra Hus, nomine Iob, simplex & rectus & timens Deum, & recedens à malo cunctis diebus vitæ suæ. Desiderantur ergo imprimis officia in Israëlita gente, ob quorum defectum de diuinorum possessione donorum meritò deturbandi erant. Atque tria imprimis commemorat virtutum genera, quorum studium & assiduam exercitationem ab illis celebrari volens Deus perpetuam ipse materiam, & certas occasiones obtulerat. sunt autem officiorum genera hæc, veritas, misericordia & Dei scientia, quorum causa illis ad  
 30 terram incolendam admissis, primitias, decimas agrorum requiem & iubileorum tributa imperauerat; quibus rebus omnibus, & ad veritatem & fidem, & ad misericordiam, atque ad tantorum beneficiorum auctoris Dei cognitionem assuefactos esse voluit: Hæc autem omnia ipsius terræ possidendæ, legibus continebantur, quæ cum minus præstita ab illis essent (quemadmodum ex alijs locis manifestum est) desiderari in terra dicuntur. Veritatem autem hoc in loco definimus eam virtutem quæ iustitiæ omnis fundamentum est, per quam damus operam, ne quid aliter, quàm confirmauerimus, fiat, aut factum aut futurum sit. atque hæc ipsa in debitis numeratur officijs; illa verò altera quæ sequitur, non tam ad debita, quàm ad ea, quæ vltro præstantur officia pertinet: Misericordia ea est animi virtus ad opem ferendam & hominum indignorum  
 40 calamitates subleuandas. Quisnam verò in eo cui veritas sancta non est, requirat misericordiam? sed neque Dei scientiam, cum hanc apud eos, qui à veritate atque à misericordia desciuere, quàm minimam esse manifestum sit: Neque enim vera atque integra Dei scientia constare omnino sine officio potest, sicut scriptum est. Pater tuus comedit, & bibit, & fecit iudicium & iustitias, tunc benè erat ei: Iudicauit cau-  
 45 tam pauperis & egeni, tunc benè erat ei, nunquid non hoc est cognoscere me, dicit Dominus. Igitur diuina scientia religionem, pietatem, & virtutum officiorumque studium continere videtur, ob eamque causam hunc locũ sic explicat Chaldaus interpres: [Neque sunt qui ambulent in timore Dei in terra.] Hæc itaque illis officia, hæc studia, hi mores publicè fuerant priuateque colendi, sed cessere pietas fidesque: In quorum sub-  
 50 iere locum fraudesque dolique, Insidieque & vis, & amor sceleratus habendi.

Ierem. 5.

,,

Psal. 104.

Psal. 36.  
Iob. 1.De inuencio.  
lib. 1.

Tuscul. 4.

Ierem. 22.

Quid. met. mor. lib. 2.



*Maledictum & mendacium, & homicidium, & furtum, & adulterium inundauerunt, & sanguis sanguinem tetigit.*

OMNES fraudum & scelerum partes in hæc velut genera actæ sunt, quibus non solum terra infamis erat, sed homines ipsi vbicunq. essent, flagrabant. *Maledictum*, iuramenta vana & irrita significat; & quia in varijs iurandi modis ille magis esse formidabilis videtur, qui per execrationes & imprecationes fit, hunc præ alijs omnibus protulit, qui si violetur atque rumpatur, cæterarum quoque omnium sanctitatem negligi, atque violari facile arguit. Est autem Hebraicè *Alah* verbum infinitum, quod cum imprecationibus & detestationibus iurare significat, idque Græcus interpres rectè vertit, Ara. eius iurandi modi initium tale apud Hebræos erat, Si feci, vel si non feci, siue facio, siue faciam, hæc atque hæc mala in caput descendant meum: quam rem iurare in caput græci dicebant: *Comedam, inquit, flebile nati Sinciput elixi Pharioque madentis aceto.* Huiusmodi iuramento vt grauissimo vsum Petrum euangelia indicant: Quod genus & inter alia Christus Dominus vetuit: Neque per caput, inquit, tuum iuraueris: Atque in hoc primo scelere, & religionis, & fidei publicæ prodicionem intelligimus. [*Mendacium.*] primum illud nomen in quacunque re interpositum iusiurandum, atque idem neglectum, hoc secundum certæ rei & debitæ negationem significat, vt depositi vel crediti, vel officij, atque muneris cuiusuis, modo debitum sit. Nam mentiri verbum, pro eo quod est fidem datam fallere, & Hebræi & Latini frequenter vsurpant, vt filij alieni mentiti sunt mihi, filij alieni inueterati sunt, & si mentitus fuerit proximo suo depositum repetenti. [*Homicidium.*] scelerum numerum simul & grauitatem auget. est enim homicidium hominum generi imprimis perniciosissimum, & numini vehementer inuisum, cum id animal vita priuatur, cuius vitæ causa totus hic inferior orbis productus sit. Omne autem iniuriarum genus, quæ ab alijs hominibus in alios perueniunt, vel in personis ipsis, vel in re, vel in honore atque dignitate versatur, nullum autem genus intactum, nullum non vehementer exercitum illis esse dicit, cum homicidia & furti, atque stupra cõmemoret: sed & dicendi modus ipse scelerum numerum auget, & studium indicat, nam infinitio modo Hebraicè sic legimus, *imprecari*, & *mentiri*, & *occidere*, & *furari*, & *fornicari*: quæ oratione communem omnibus, & maxime frequentatam iniuriarum esse exercitationem ostendit: Quam rem & sequenti hemistichio explicat: [*Inundauerunt & sanguis sanguinem tetigit.*] Hebraicè ruperunt, & sanguines in sanguines contigerunt, vt non priuatam, sed publicam peccandi licentiam demonstraret. rupisse legum ait & æquitatis pudoris & timoris etiam vallum, ita vt nullus locus, nullum tempus suscipiendis, admittendisque vacet flagitijs, neque quidquam obsteret, quin omnia loca, tempora, & capita omnia sceleribus redundant: Nam

Iuuenal. saty.  
13.

*Quæ tam festa dies, vt cesset prodere furem,  
Perfidiam, fraudes, atque omni ex crimine lucrum  
Quæsitum, & partos gladio, vel pyxide nummos?*

cõtractos esse, vt effrenata nullis supplitijs, nullo exilio, vinculis aut damno coercita, nulla religione cohibita humana libido, diuina omnia atq. humana iura nefarijs polluerit sceleribus, ita vt completa videatur eorum esse malitia, quæ rupto omni prorsus obice, omni diruta macerie, continuis flagitijs omnia compleat. Verbum autem *ruperunt*, vel *inundauerunt*, quamuis ad præcedentia omnia referatur, cum adulterijs proximum sit, in eo genere nullum libidinis modum prætermisum esse docet: *sanguines* verò iniuriarum significationem multis in locis vsurpare iam notius est, quàm vt exemplorum copia opus sit, vt, *Libera me de sanguinibus Deus.* hoc in loco sanguinis contactus, mutuas & continuas iniurias significat. ad hunc autem statum, vbi res hominum defluerint, pronum est, vt diuinum iudicium atque ultionem expectent, qualem & Amorrhæi eiusdem regionis incolæ, vbi iam sua ipsorum completa fuit iniquitas, experti sunt, sicut scriptum est: Custodite leges meas atque iudicia, & facite ea, ne & vos euomatur terra, quam intraturi estis, & habitaturi: Nolite ambulare in legitimis nationum, quas ego expulsurus sum ante vos: omnia enim hæc fecerunt, & abominatus sum eas: nunc verò quando & ab istis omnia hæc admissa atque exercita sunt.

Psal. 50.

Gene. 15.  
Leuit. 20.

*Propter*

*Propter hoc lugebit terra, & infirmabitur omnis qui habitat in ea: in bestia  
agri, & in volucre cali: sed & pisces maris congregabuntur.*

**C**VM terra animantium omnium, & hominū præcipuè sedes sit, fieri persæpe solet;  
5 *ut in latis & in mœstis rebus ab habitatoribus ad ipsam sermo ratioq. transferatur,*  
& ridere & lugere terra dicatur; nec id in sacris libris solum, sed etiā in externis aucto-  
ribus passim obseruatur: Vt, *Aret ager, vitio moriens fuit aëris herba*: Vt autem lætitia *Virg. Eclog. 7*  
& risus felicitatis & nitoris, sic contra mœstitia atque luctus miseræ sordium, atque  
vastationis est comes. Nihil autem ita lætū atq. iucundū, ut regio & hominibus,  
10 & vtilibus animantibus frequens est; nihil rursus ita horridū, aut ita triste, ut vastatos,  
& incultos terræ tractus videri, maximè si frequētīæ atq. culturæ relicta vestigia huma-  
narum rerum vicissitudinem & ruinam testentur: Igitur propter peccata populi istius,  
terram vastandā, atque omni ornatu, omniq. nitore spoliandā esse prædicit, &  
15 decernit, ita ut mœsta terra & lugens utpote regibus viduata, & filijs orbata suis visatur;  
neque solum homines, sed quadrupedes etiam in ea, atq. aues esse desiderandas, quod  
complura harum animantium genera hominum, vel cura, vel cultura, vel etiam opéra  
ad viuendum indigeant: non solum enim pecora & armenta vitam sine humana cura  
tueri non possunt, sed & feræ plurimæ, ut leones, lupi, vrsi & vulpes, quibus nisi ex ho-  
minum rebus vnde rapiant, suppetant copię, non faciliè est aut propagare, aut tueri  
20 genus suum. auium verò maxima pars, ex agris, hortis, & vinetis atq. filuis, ab homine  
cultis, alitur. quod si homines terris atq. agris omninò cedant, illa etiam genera omnia  
cedere consequens est: sicut & Ieremias in eandem sententiam, dixit: Intuitus sum, & *Ieremi. c. 4:*  
non erat homo, & omne volatile cæli recessit: Inspeci & ecce locus pascuus & fertilis,  
desertum erat. Atque hoc in loco bestiam agri, pro omni animantium genere, ex quo  
25 vsus aliquis hominibus percipitur, dixit iuxta figuram cunctis auctoribus notam; sicut  
Adria pro omni mari, & pecus, pro armentis etiam vsurpatur. huiusmodi etiā illud est:  
Hæc est bestia quam comedetis, cum aliàs nomen hoc ad feras tātum accommodetur: *Leuit. ix.*  
quod si propria significatione nomen vsurpari velis, erit argumentum ex contentione  
ductum, siue ut Dialectici loquuntur à maiori. nam si feris regionem ad viuendum in-  
commodam fore prædicit, longè multò profectò incommodiorem pecoribus etiam  
30 futurarum significat. [*Sed & pisces maris congregabuntur.*] Neque enim solum ad terra-  
rum tractus, sed ad stagna etiam, fluuios & lacus, atque adeò ad mare ipsum terris illis  
vicinum, ea calamitas pertinebit, adeò omnia effceta & sterilia Dei indignatione red-  
duntur, sicut scriptum est: Posuit flumina in desertum, exitus aquarum in sitim: Terram  
35 fructiferam in falsuginem à malitia inhabitantium in ea. Vt enim Dei cura atque pro-  
uidentia, quibus consulit vbertatem & felicitatem maximam affert, ita rursus, quas  
negligit ad maximam sterilitatem, atque adeo ad internationem, vel eo ipso solū quod  
negligit, conuertit, ut scriptum est: Omnia à te expectant, ut des illis escam in tempore,  
40 dante te illis colligent, aperiente te manum tuam omnia replebuntur benedictione,  
auferente autem te faciem turbabuntur, auferes spiritum eorū & deficient, & in pul-  
uerem suum reuertentur. Congregari autem hoc in loco interire significat, & in per-  
eūtium numerum, & gregem colligi, tum ex frequenti verbi usu, ut congregatus est ad  
patres suos; tum etiam ex rei pictura, & viuā descriptione: nam cum pisces vagū genus,  
dum viuunt casu aliquo in mari, aut fluminibus, aut in stagnis intereūt, magnam eorū  
45 copiam ad littus aut ripas, siue ad margines, ab vndis ipsis proiectam videre est. Chal-  
dæus & Græcus interpretes, alter *lixagerum*, hoc est pauci fient; alter *Ecleipsus*, hoc  
est, deficient verbum vertere, ut congregari, in numerum breuissimum redigi, expo-  
nerent. Diuinam profectò iram ad hæc vsque tēpora Syriæ pars, quæ Israëlitis cesserat,  
testatur, quæ cum vbertate nulli olim cederet, post acceptam à Tito cladem nulli alij  
50 orbis regioni non inuidet. [*In volucre cali.*] Cum volucre cæli, sic Græcè, & non incō-  
modè, ut, In baculo meo transiui Iordanem istum.

*Veruntamen vnusquisque non iudicet, & non arguatur vir: populus enim  
tuus sicut hi, qui contradicunt sacerdoti.*

**N**VN QVAM alias peius Respub. habet, quam cum nullus in ipsa correctioni relin-  
quitur locus: Nam etiam inter perditissimos mores, sperandum est, si vir bonus  
quispiam

quispiam extiterit, cuius oratio inter ciues valeat; si nullus vitæ sanctitate, & oratione id prestare possit, ut reliquorum mores arguat, ut virtutem doceat, atque suadeat, actum conclamatumque est. Atque in religiosa diuinoque iure stabilita Republica, hoc sacerdotum munus officiumque est, ut etiam si reliqua plebs corruptissimis sit moribus, illi tamen salubribus præceptis, oratione vitæque integritate monendo, hortandoque populum, ad mentem reuocent, & reducant, sicut scriptum est: Docebunt iudicia tua Iacob, & alio in loco: Ibis inquit, ad sacerdotem. Quod si eò morbus processerit, ut in medicos etiam ipsos, hoc est sacerdotes peruasent, quænam salutis reliqua erit spes? quis ei parebit, qui sibi met non cauerit? & quis ab eo consilium petet, qui sibi non sapiat? maxime verò cum infania laboretur, cuius curationem nemo nisi sanus suscipere possit. Nihil igitur in huiusmodi rerum atque morum ruina ab hominibus expectandum, nisi Deo nostri cura sit, ut ipse vel verbis, vel minis aut flagellis, & supplicijs, aut etiam alijs, quibus ea infania curatur remediorum generibus, humanarum rerum saluti consulat. Igitur cum ad hunc locum Israëlitarum Respublica deuenisset, & litem aduersus eos instituerat Deus, ut in superioribus vidimus: Quia iudicium cum habitatoribus terræ. Nunc verò quam ob causam, his etiam accusatoris partibus usus sit, exponit; quia nimis apud eos, quorum id agere intererat, nemo sit, cui ea tuto tradi possit prouincia: nam à planta pedis usque ad caput, non est in eo populo sanitas, sed à principe usque ad sacerdotem omnes student auaritiæ: nihil autem leuius sacerdotum vitia, & perditum mores populo, quam nequiter viuendi, & liberius peccandi exemplum afferre solent, ut scriptum est: Si Sacerdos qui vnctus est, peccauerit, delinquere faciens populum: nihil etiam huiusmodi sacerdotis reprehensio & admonitio, atque ad virtutem reuocatio in impudente iam & propter turpe exemplum contemnente populo, efficere solet, nisi ut multa accusans & maledicens totidem & ipse bona cum venia, audiat malefactaque noscat sua: Hoc itaque est illud, quod à Deo per vatem dictum hoc sermone est: Nimirum esse neminem qui peccantem arguere possit populum, quando iam sacerdoti turpitudinem etiam suam obicere populus ipse didicerit. Atque ob eam causam arguatur frustra, id quod maximam in populo ipso impudentiam, & diuinæ apud eos legis contemptum, atque negligentiam arguit. Solet namque leuissimum hominum vulgus, non tam legis grauitatem & pondus, quam ministri auctoritatem, summo cum errore æstimare; cuius erroris tollendi causa Dominus dicebat: In cathedra Moysi cum sederint scribæ & pharisæi omnia quæcunque vobis dixerint facite, secundum autem opera illorum scribæ & pharisæi omnia quæcunque vobis dixerint facite, secundum autem opera illorum non ne feceritis. [Veruntamen] Multam atque variam indeclinabilium partium vim in omnibus linguis esse, nemo vel mediocriter eruditus est, qui nesciat. namque eadem pars alium atque alium animi motum, diuersis in locis, & sermonibus indicat; & si quid est in linguis, quod negotium interpretantibus faciat, cum verbum verbo reddere fideliter curant, hoc vnum imprimis est: verborum enim & nominum constantem rationem, & par pondus plerumque reddere possis, particularum verò ut constans omnino ratio sit, efficere non poteris. Quis in alia lingua vocem inueniat simplicem, quæ cum voce latina, ut, paribus numeris conueniat: varijs profecto vocibus nobis fuerit utendum, si exactè sententiam, & cogitationes, quæ sermonibus exprimuntur, consequi velimus. ex rebus verò multis, quas ob res venustas, & decor, sermonisque puritas ex alia in aliam linguam vertentibus, integra atque simplex non cōtingit, vnus est earum partium, quas indeclinabiles vocant usus. Igitur apud Hebræos vox est *Ach*, pro qua interpres noster plerumque reddit, *verum* & *veruntamen*, quæ apud illos non semper aduersantis fungitur officio, sed alio atque alio in genere animi motibus & conceptionibus inseruit: Vnum genus est, cum is qui loquitur aliquid interea affirmare non sine indignatione vult, non autem omnino imperare, quamuis imperatiuo modo sit usus, verum ita imperat, ut non ex sua mente, sed ex rei more aliena culpa id euenisse affirmet; quale est illud Ariadnæ apud Catullum. [Et iam nulla viro iuranti semina credat.] sic hoc in loco accipiendum est, *veruntamen*, ac si dicat superuacaneam hoc tempore reprehensionem fore, cum integer nemo reprehendere alios possit, nemoque rursus patienter se ab alio viro notari ferat: licebit itaque, *veruntamen*, vocem ad Catulli imitationem, & iam explicare sic. Et iam nemo alium notabit, neque quisquam quempiam reprehendet, cum id importunum omnino atque improbum apud istos iudicetur: Hispanicè sic sententia hæc est

Isai. 6. 7.

Leuit. 4.

Math. 23.

Carul. Argoman.



hæc effertur potest: *Ni a m haura quien castigue ni quien sea reprehendido.* Italicè autem: *Pur gĩa non fara chi repretenda.* Gallicè, *Toutesfois on n'aura qui reprendre.* Græcus interpres vocem *Veruntamen* ἐπεὶ reddidit; varia etiam vsus voce. [*Populus enim tuus.*] causam profert; quamobrem reprehensionis inter eos nullus sit vsus: quoniam inquit sacerdos, cuius id intererat, si id agat, sua etiam delicta agnoscere timet; quippe qui nec ita sit vitæ integræ nec pudicæ, vt alienam corrigere possit impunè. [*sicut qui contradicit sacerdoti.*] Sicut non hic similitudini, sed asseuerationi atque affirmationi seruit, vt illud: *Iura mihi sicut dies* Genes. 33. *hæc: & illud: Facti sunt principes Iuda, sicut assumentes terminum, hoc est, vt reassu-* Osee 5. *mentes, Latinus sermo coniunctione Vt eodem modo vitur:*

10 *Longa quibus facies ouis erit, illa memento,*

*Vt succi melioris, & vt magis alba rotundis*

*Ponere &c.*

Omnino illud statuimus, eos qui linguarum peritiam negligunt, magno sese intelligendi vsu fructuque, vel ob vnam hanc indeclinabilium vocum rationem priuare. [*Populus tuus.*] ad secundam persona eleganter populum retulit, 15 nam in ironijs, irrisiõibus, & reprehensionibus cùm secunda persona tanquam ad eam rem inducta, sermo non inconcinnè instituitur, vt:

*Omne in præcipiti stetit vitium videre velis*

*Totos pande sinus.*

*Et tuus hic populus sapiens & iustus in vno. &c.*

Potest etiam hoc in loco pro-

20 nomen *tuus*, ad terram ipsam per apostrophem referri; nam de terræ iure hac in causâ agitur, quam expositionem nos aptiorem esse arbitramur, quasi ad Deum aut Israëlẽ patrem sermo referatur; Deus enim ipse verba per vatem facit; sed de Israëlẽ nulla hactenus in hac oratione facta mentio est: [*Contradicunt.*] propriè hic litigare significat, ita vt liceat litigantibus causam suam vtrinque pari agere iure. Persuasit itaque sibi iam 25 populus non ferendas esse sacerdotum reprehensiones, cùm ab illis non vitæ sanctitate, non causâ ipsâ superari se credat. Itaque si quid acerbius à sacerdotibus audit, contumeliam iniuriamque interpretatur, quamobrem inuectiuis, & ipse contra vitur:

*Et corruet hodie, & corruet etiam propheta tecum nocte:*

30 *tacere feci matrem tuam.*

**P**OPULI aduersus sacerdotes sermonem refert, quo se carpentes excipere solitus ille erat. nam sacerdotes aut diuinæ legis atque præceptorum populum admonebant, aut prophetarum etiam dicta, & sermones proponebant, non pauci autem falsi vates inter 35 illos erant, quorum aut mores & facta cum dictis discreparent, aut mendax omnino legatio & vaticinium esset, quippe qui non iussi aut missi à Deo, sed in populi gratiam ambitiose vaticinium profiterentur. idque à populo non vno argumento deprehensum fuerat: huiusmodi sermonibus ab eo sacerdotes excipiebantur, vt suorum etiam errorum atque scelerum admoniti, sibi interim cauere, alioqui cum ipsis quos obijciebant prophetis male & citissimè perituri. [*Et corruet.*] Præcessisse sermones aliquos apposita coniunctio indicat, quæ hoc loco sententias illatione connectit, vt illud: *Dic ad eos qui* Ezech. 2. *linunt absq. temperatura. Et corruet paries, &c.* Nam vt apud Arabes coniunctio *Phe,* & iunctura & consequentiæ nota est, sic etiam & apud Hebræos *Vau.* Quid, inquit, sacerdos populum accusas? quid legis prophanatione obijcis? quid vates eorumque dicta, 45 atque minas auribus nostris inculcas? Nam & tu nequior populo reprehensor ades, vt tuis vicissim moribus nos opponere, & æqua etiam aut maiora mala tibi prædicere nefas non fuerit, quos tu vitæ turpitudine & exemplo nihilominus offendis: Corruet tu igitur hodie, & paulò post propheta etiam, cuius nos minis & prædictionibus territas. nam tu hodie corruet, & illum non diu casus suus expectabit, sed noctu corruet: Itaque oratio hæc, popularis ad sacerdotes reiectionis confirmatio quædam est. [*Nocte:*] punctum colon voci huic apponendum est, Sic [*Tu hodie, & propheta nocte: Tacere feci matrem tuam.*] Si versionis huius verbis singulis religiosè adhærendum nobis est, membri huius ratio sententiæ fuerit, vt Deus dicat nihil habere synagogam, quod Deo arguenti accusantiq. obijcere possit: etenim si maximè sacerdotibus & prophetis possit obijcere, illi inquit, sacerdotum maledicta, & reprehensionis tacitè, atq. æquo animo au-

dire non solent; quippe quos totidem maledictis, aut etiam pluribus prosequatur. at verò in accusante, & in iudicium vocante tacere coguntur, vt qui veram sui accusationem eo auctore audiant cui nihil obijci possit. Ideo hoc accusandi munus, ijs quorum id agere referebat prætermisissis ipse suscepi, ego ipse accuso non sacerdos quispiam, ego prædico non vates aliquis, qui aut ad populi gratiam, aut ad sui admirationem comparatus accessisse putetur. Hæc nobis de hac re ad versionis huius rationem commoda visa fuit interpretatio: simplicior verò quædam alia magisque coherens Hebraicam phrasim, & sermonis vim secutis, explicabitur: Nam cum Hebraicè mater in recto potius, quàm in accusandi casu sit, & verbum id pro quo, *tacere feci*, Latine legimus, propriè similari, aut similem esse vertere possis, si rationem verbi, atq. coniugationis vniuersam spectes, ita verti non incommodè posse putauimus, *Et similis ero matri tuæ, aut referam matrem tuam, aut, videbor mater tua*, vt casus scilicet casui reddatur. etenim omnia hæc versu vno comprehenduntur.

*Et corruet hodie, & corruet etiam propheta tecum nocte: & videbor mater tua.* 15

**H**Æc autem versionis huius (siquidem illa alicui probabitur) sententia est: Cum iniquum videri alioqui posset, & nefas esse existimari, vt vice rerum perturbata populus sacerdotem suum corripere auderet; quippe cum ius æquitasque exigat, vt à sacerdote populus, non à populo sacerdos corripiatur: Insinuatione vsus est populus, qua officium suum apud sacerdotes tueretur, non enim quòd sibi in sacerdotes animaduertendi officium populus vt priuatus vsurparet, id à se tentatum dicit; sed quòd totius Reipublicæ nomine, quasi mater quædam erga sacerdotes esset: vt enim singulos filios & dicto parentes sacerdotibus esse oportet atque decet, ita totam ciuitatem ipsam, & Israëliticam vniuersitatem matrem sacerdotibus, eorumque rebus consulentem esse non absònum aut iniquum est. Igitur vt mater filios quos diligit, corripit: sic sacerdotes suos, à populo corripit, & maternis affectibus, atque durioribus increpationibus officij eos admoneri non dedecet, quamobrem dicit: [*Nam videbor mater tua.*] hoc est, quod mihi quidem priuato nomine non licebat, materno tamen (quòd iure profiteri possum) nomine licebit. atque huiusmodi insinuatione seruus ille utebatur, quem herus se corripientem minus æquo animo ferebat: *Dauus ne? ita Dauus amicum Mancipium domino.* Hanc verò versionem, 30 præterquam quod Hebraicum exemplar postulat, Græca etiam adiuuat editio, ὁμοίωσα τὴν μητέρα σου.

Horat. lib. 2.  
serm. sat. 7.

*Conticuit populus meus, eò quòd non habuerit scientiam.*

**O**STENDIT quam ob causam in vitia, in scelera, demum in impietatis morbum delapsus sit populus; atq. huius labis reos sacerdotes etiam facit, quos & vehemèter ob eam culpam accusat, atque damnat. nam res sic se habet vt populus nisi agendarum rerum admoneatur, cum per se ipse rudis & indoctus sit, à propria libidine, atque à corrupta natura opinionibus acceptis, totum se aut in otium, aut in non probanda studia tradat; quocirca ea prouincia sacerdotum ordini decreta est, vt diuina lege, & sapientia, atque idoneis consilijs instructi ipsi alios doctrina, disciplina, & vitæ etiam exemplo in officio continere studeant; id si non præstetur actum iri de populi salute. idque maxime si populus non solum sacerdotum reprehensionem non ferre, sed vitæ etiam magistrum sacerdotibus se se iactare ausus fuerit; quòd certè temeritate, & quadam impatientia fit: nam si populo vitæ sanctæ ac sapienter agendæ ratione expectes, tacebunt profectò & obmutescunt [*Eò quòd non habuerit scientiam.*] Si autem eadem ratio ad sacerdotes reuocetur, atque periculum facere velis, an quise eorum officio respòdeat, nihilò magis sapientes eos, quàm populum inuenies: sed cum morum atque vitæ iuxta diuinas leges & præcepta instituendæ normâ ab his expectari oporteat, sicut scriptum est: Et scripsit Moses legem hanc, & tradidit eam sacerdotibus filijs Leui. deprehendes eorum quamplurimos neque librum ipsum contigisse vnquam, & si qui sint, quibus ea aliquando cura fuerit, vt diuinis libris voluendis operam darent, tamè id studij genus iam diu ab illis nauari desitum esse, siue eos socordia atque desidia emarcescètes, siue obseruandæ à populo disciplinæ desperantes laboris eius iam olim tædere cœperit, siue quod omnibus commune fuerint augendæ rei & cupidis, & ad propria commoda atque ad voluptatem intentos ea diuinæ legis

Deut. 31.

legis, aut discendæ aut retinendæ cura fuerit abiecta. Itaque sacerdotes huius rei in culpa sunt, quia scientiam diuinam repulerunt, aut si quibus aliqua eius contigerat pars, tamen socordia & remissione omnino excidit. Minatur autem illis pœnas, quòd tam illi quàm eorum populus, apud quos id muneris & dignitatis sustinebant, Deo ipsi offenso negligendi repudiandi que sint, vt quantum noceat diuinam neglexisse legem, vtrique suo magno malo sentiant.

*Quia tu scientiam repulisti, repellam te ne sacerdotio fungaris mihi.*

10 **I**N DIGNVS enim munere & dignitate est, quisquis eas artes, quibus illa conciliatur dignitas, neglexerit. Huius verò dignitatis ars diuinæ legis scientia est, vt scriptum est: Malach. 3. Labia sacerdotis custodient scientiam, & legem requirunt ex ore eius, quia angelus Domini est.

15 *Et quia oblita es legis Dei tui, obliuiscar filiorum tuorum & ego.*

**N**AM si id, quo tueri rempublicam oportet, reijciatur, ipsam etiam labefactari atque obrui necesse est. Diuinis autem legibus religiosa respublica temperatur, & conseruatur, talemque nunquam prouidentia destituit. at verò si ab officio recesserit, consequens est Deum illi minus propitium fore: [Oblita,] Oblitus Hebraicè, Chaldaicè, & Græcè. nam sacerdotes alloquitur, aut si genus femineum mauius ad sacerdotum congregationem referendum est: Filios tuos populares, qui omnes disciplinæ gratia sacerdotum filij sunt: aliàs autem mater populus appellari solet, cùm ratio ad vniuersam concionem reuocatur.

25 *Secundum multitudinem eorum sic peccauerunt mihi: Gloriam eorum in ignominiam commutabo.*

**A**MPLIFICATIO est, qua sacerdotum atque sacrorum ministrorum scelus immodicè auctum ostenditur: nescio quo malo hominum vitio fit, vt quæ parua in initio sunt, magnumque virtutis & probitatis documentum præ se ferunt, eadem tamen increfcente hominum (quorum id curare interest) multitudine, cùm maximè amplificatum iri sperare oporteret, spem omnem contrario euentu fallant, & cùm nihil magis expetendum sit, quàm vt sacrorum ac religionis societates, summa hominum frequentia ornentur atque celebrentur, quod & Mosi in votis fuerat, cùm diceret: Dominus Deus patrum vestrorum addat ad hunc numerum multa millia, & benedicat vobis, sicut locutus est. tamen ab ipsa frequentia & multitudine peruertantur res alioqui natura sua & institutione sanctissimæ. Quid est per Deum immortalem in ijs, quæ ad instituendam, temperandam, conseruandamque Rempublicam necessaria sunt, sacerdotio dignius? sanctius? vtilius? quæ societas vt magis indies augetur, & cresceret, exoptandum fuerat. nam si vnus vir Aaron in eo ordine tantum fructum cæteris hominibus ferebat, vt de eo scriptum extet: Lex veritatis fuit in ore eius, & iniquitas non est inuenta in labijs eius, in pace & æquitate ambulauit mecum, & multos auertit ab iniquitate; quantum fructum sperari oportuit si plures eiusdem officij idem præstissent munus? optandum profectò, expetendumque maximè, atque cum Mosè dicendum fuerat: Quis tribuat vt omnes homines prophetent, & vt det eis Dominus spiritum suum? Verùm enimuerò hoc amplissimum collegium vbi summa frequentia auctum est, sic à Deo accusatur. [Secundum multitudinem eorum, sic peccauerunt mihi.]

Hoc est simul atque sacerdotes hi dignitatis, atque instituti sui obliuisci, & humana sapere cœperunt, (vt sunt res hominum) sua vnusquisque curauere, & religionis meæ studio neglecto, auaritia, & cupiditatibus exarserunt, & quo maior eorum numerus fuit, eò vehementius aut mutuo exemplo, aut contentione ingenium suum in eas artes intenderunt, quibus diuitiæ, ac res eæ quæ ab hominibus appetuntur, parari atque seruari solent. Hoc verò malum illorum, multitudine atque frequentia mirum in modum auctum est. nam malitia atque morum peruersitas (quæ hominum sunt) ibi viuunt ac vigent maxime, vbi maximus est hominum conuentus, qualem causam de eiusmodi



Gen. 6.

eiufmodi rebus atque ingenijs hominum diuinæ literæ indicare solent, sicut scriptū est: Cumq. coepissent homines multiplicari &c. subiungit autem: Vidensq. Dominus quod multa malitia esset in terra.

*Sic peccauerunt mihi.*

1. Sam. 2.

Psal. 51.

**Q**UANTO nullum in legem peccatum sine legislatoris ipsius offensione sit, atque in hoc culpa est, quod peccantem ipsum à Deo (vt à Theologis dicitur) auertat: tamen quodam modo, imò quodam insigni modo sacerdotum peccata, atque eorum, qui munere & officio ad Deum propius accedunt (quos propinquos suos Deus ipse appellat) offensione sua Deum propius attingere videntur, atque animaduersionem & pœnas ab auctoribus suis grauiiores vehementioresque repetendas postulare: nam si ij qui præter cætera alios à peccatis reuocare debent, perfidia & iniquitate contaminentur, quid sani, quid puri atque integri in reliquo hominum genere fuerit? hoc nimirum significabat negligentissimus ille sacerdos Heli cum filios suos allocutus diceret: Nolite filij mei, non est bona fama, quam ego audio, vt transgredi faciatis populum Domini, Si peccauerit vir in virum, placari ei potest Deus, Si autem in Dominum peccauerit vir, quis orabit pro eo? Hac grauissima culpa, & maleficio sese implicant sacerdotes, atque reges, qui cum ob dignitatis amplitudinem, reliquos homines minimè timeant, Deum ipsum, quem iudicem atque vindicem metuere obseruareque debent, contemnere etiam audent. atque hoc illud est, quod David supplex confitebatur: Tibi soli peccaui, & malum coram te feci. Itaque illud Emphasim non paruum habet: *Peccauerunt mihi.*] Ergo cum id quod illis vt muneris sui partem quam rectissime, atque expeditissime vnusquisque curaret, adiumento esse debuisset, hoc est collegarum frequentia & celebritas, contra in negligentia occasionem, & in suorum cuiusque commodorum materiam & facultatem conuersa fuerint, meritò factum est, vt maiestas amplitudo & dignitas, quam ex collegij sui celebritate promittere sibi sperareque potuerūt, secus cessisse & in suum ipsorum dedecus atque ignominiam tandem versa & mutata omnia conspiciat.

*Gloriam eorum in ignominiam commutabo.*

כבוד

קל

Hippoc. de arte lib. 1.

Iob 29. 30.

Psal. 136.

**G**LORIA Hebraicè *Cabod* dicitur, quod nomen pondus, grauitatem magnitudinemque propriè significat. nam quos honore dignos existimamus, graues atque auctoritate sua grauiter à nobis suscipiendos iudicamus. Ignominia verò contraria omninò significatione *Kalon*, quod leuitatem significat nominatur: huic significationi nomen apertissimum Romani fecerunt, Vilipendium: Igitur quod Hippocrates de arte sua dolens, lugensque dixit: Medicina artium nobilissima redacta est in vilipendium malignitate vtentium. Hoc nos maximo cum animi dolore referre possumus, cum in eum locum sacræ res deuenerint, vt vtentium malignitate, & negligentia amplissimus sacerdotum ordo à sua diuina illa grauitate, ad leuitatem fuerit deductus. Populi autem ac vulgi eiufmodi ingenium est, vt eos, quibus maximum honorem tribuere iure debeat, quamcunq. vel leuissimam occasionem nactus summa despicientia & contemptione prosequatur, vt est ille inhonestæ potius, quam honestæ fabulæ audivissimus decantator; sicut scriptum est: Quando procedebā ad portas ciuitatis, & in platea parabant cathedram mihi: Auris audiens beatificabat me, oculus videns testimonium reddebat mihi. Et paulò post: Nunc in eorum canticum versus sum, & factus sum eis in prouerbium: Abominatur me, & longè fugiunt à me, & faciem meam conspuere non verètur. Ergo sacerdotibus quibus maximos honores decreuerat Deus, his contrà maximā ignominiam ob desertum officium, decernit, vt adhuc Iudæorum Republica salua à populo ipso contemneretur, atq. eadem rursus vastata, atque exterminata ab hostibus capti, derisi & contempti à victoribus patrio more, cantare rogarentur, vt scriptum est: Quia illic interrogauerunt nos, qui captiuos duxerunt nos, verba cantionum, & qui abduxerunt nos, Hymnum cantate nobis de cantibus Syon: Atque vtinam hoc Dei in sacerdotes testimonium, & iudicium non ad hæc vsque Christianorum secula pertineat. Quemadmodum verò officium omne à sacerdotibus peruersum fuerit, adiuncta oratione exponit Deus: Etenim illa magna in rebus peruersitas est, si nulla rerum pars in eodem loco, in quo primum instituta est, consistere sinatur; sed perturbata omnia, cōfusaque reddantur, & quod primum esse oportuit, id postremo

stremo loco sit. Publicis verò muneribus & negotijs, maximè autem sacris, quæ hominibus à Deo data sunt, hic modus atque ordo est adhibitus, ut qui ea curarent, officio imprimis satisfacerent suo, hoc est communè populi rem strenuè imprimis agerent; deinde ab ijs, quibus ministrabant, mercedè suam non tam cupidè, quàm iustè acciperent. Cum autem ita humano ingenio corrupta omnia atque deprauata esse deprehenduntur, ut officio atque curæ nihil loci sit, sed ambitio atq. avaritia omnia occupauerint, & munus atque officium spe prædæ potius, quam præmium ipsum mercedis loco accipiat; tum verò maxima labes atque pernicies rebus ipsis publicis infertur, tum iustissima in ministratores ipsos accusatio atque damnatio est. hanc verò in sacerdotum moribus atque officijs peruersitatem subiuncta oratione indicat accusatque Deus.

*Peccata, inquit, populi mei comedent, & ad iniquitatem eorum subleuabunt animas suas.*

QVORSVM pertinuit tanta in eligendo sacerdote, non solum morum, verum etiam membrorum integritatis inquisitio: quorsum tam exacta annorum, ætatis, necessitudinum atque societatis ratio? quorsum tam crebræ, sanctæ, statæ, solemnesq. in eodem initiando ceremoniæ? quorsum illi illa omnium aliarum rerum vacatio data est? Num omnia hæc ad id vnum comparata esse videri possunt, ut otio, inertia atque desidiosa hebescentes sacerdotes aliorum sudoribus atque laboribus fruerentur; an ad id potius, ut quæ ad populum pertinent, diuina omnia diligenter, atque assiduè curantes à populo ipso cibaria, quibus alantur, accipiant: ita ut hoc illorum studium, hæc partes sint, populorum suorum animis consulere; hoc rursus populi officium ea quæ suppeditent ad cultum, & ad victum sacerdotibus suis parare, sicut scriptum est: Præceptum sempiternum est in generationes vestras, ut habeatis scientiam discernendi inter sanctum & prophanum, inter pollutum & immundum: doceatisque filios Israël omnia legitima mea, quæ locutus est Dominus ad eos per manum Moysi. hoc fuerat præceptum sempiternum sacerdotibus, hoc proprium illorum officium ac munus, hæc illis cura perpetuè iustinenda fuit. At verò ne locata sibi ex sacrificiorum portionibus, cibaria, ut legem aliquam, sibi instituta esse, ac non potius ut laborum mercedem tributa existimarent alio interiecto sermone, alio dicendi modo usus legislator subiunxit: Locutusque est Moyses ad Aaron, & ad Eleazar & Ithamar filios eius, qui residui erant, dixit: Tollite sacrificium quod remansit de oblatione Domini, & comedite illud quod datum est tibi, & filiis tuis, de oblationibus Domini, pectusculum quoque quod oblatum est, & armum qui separatus est edetis, in loco mundissimo, tu & filij tui, & filia tuæ tecum: tibi enim ac liberis tuis reposita sunt de hostijs salutaribus filiorum Israël. cum de officio agit, præceptum, inquit, est: ubi verò de mercede, datum & repositum ait. Contra verò illi & officio & omni religionis atque populi cura abiecta, victum, cultum, cibariaque sua tantum curabant, perinde quasi hoc vnum præcepti nomine traditum illis fuisset. Nullam, inquit Deus, aliam sacerdotij partem tuentur, nisi tantum peccata populi mei comedent, hoc est, ad hanc rem se institutos putant; ob hanc vnam sacerdotia appetierunt, & consecuti sunt, ut peccata populi mei comedant: hoc est, hostias pro peccatis oblatas: namque victima ipsa quæ pro peccato mactatur, peccatum frequentissimè in sacris libris dicitur, ut in eodem loco Moyses dixerat Aaroni: Quare non comedistis peccatum in loco sancto? quo in loco Latinus interpretes nomen *hhata*, quod peccatum significat, non ad verbi vim, sed ad sententiam potius, hostiam pro peccato, vertit. Cum autem non solum ex peccato, sed ex alijs etiam victimis & hostijs, ut ex ijs quæ *minha*, hoc est, oblationes proprie dicuntur, ex delicto, ex pacificis & spontaneis quædam partes ad sacerdotum victum decretae sint, cur peccati magis, quàm aliarum victimarum hoc in loco meminerit, id causæ fuit, quod omnia alia genera præter delictum, non tam animi offerentium, obligatione, quàm sponte & voluntate offerantur; delicti etiam victimam (quo sacrificio grauissima scelera expiantur) rarius mactari contingat. Cum verò peccati hostia peccantes religionis lege obliget, horumq. maxima multitudo, atque assidua peccandi frequentia sit, fit ut in hoc genere frequentiora sacrificia sint. Atque hæc quæ dicta nobis de his generibus sunt, sacros diligentius libros euoluentibus facile patere possunt. His accedit quod ex hoc genere quàm ex cæteris maior mactatæ victimæ portio sacerdotibus forte obuenit. Quamobrem hoc genus apud eos, qui sacerdotia spe prædæ

prædæ ineunt maximi momenti est; nimirum quo magnos & vberes quæstus sibi posuerint: Quantum verò in hoc à sacerdotibus peccatum sit, ex eo percipi potest, quòd quæ pars illis ex victimis, quæ pro peccato offeruntur, obtrigit, ea lege destinata est, ut meminerint populi peccata sibi suscipienda atque sustinenda fore, curentque tum doctrina, atque etiam morum & vitæ exemplo, ut libidinum peccatorumque consuetudini resistent, & quantum in ipsis est totam causam suscipiant, ac sese peccatis illis pro populo reos supponant, diuinamque misericordiam supplici precatione exorent. sic enim de hac re illis est indictum: Cur non comedisti hostiam pro peccato in loco sancto? quæ sancta sanctorum est, & data vobis, ut portetis iniquitatem multitudinis, & rogetis pro ea in conspectu Domini. Magnum quidem omnia hæc mysterium habuere, atque ad noui testamenti rationes accommodata præclaras nobis significationes portant; quas nos in communem Christianorum vtilitatem aliquando obseruari, atque aperiri desideramus. Ergo cum se ad hanc rem animo & cogitatione conuertere, atque frequentiam peccatorum populi potius formidare atque deprecari sacerdotes debuissent, illi contrà, perinde quasi nihil aliud in ea re quàm priuatæ eorum commoditates continerentur, optare, atque procurare sibi imperauerat, ut quàm maxima peccantium atque peccatorum esset copia, quæ suam illis mercem cum quæstu compendioque suppeditaret. Hinc illa tam supina negligetia erga diuinæ legis studia disciplinam atq. doctrinam; hinc in cumulandis rursus traditionum oneribus maxima solertia; hinc in tota illa captio-num, legum, obseruationum, pollutionum, satisfactionum, oblationum (quibus miserè populorum animæ irretirentur) laqueorum tela ordiendâ maxima diligetia, de qua scriptum est: Væ filij desertores dicit Dominus, ordientes telam, & non ex me consulentes consilium; sed non per spiritum meum; nimirum quia diuina lege, disciplina & sacerdotio ipso, non ut Dei instrumento ad populi vtilitatem; sed ut ligone aliquo ad mercedes quàm plurimas sibi accipiendas, quæstu magis, quàm officio ipso ducti, cõtra ius & fas vsi fuerunt. atque hoc est quod addidit: [Et ad iniquitatem eorum leuauerunt animam suam]

Quemadmodum enim mercenarius, cui non aliunde victus suppetit quo alere vitam possit, suas operas, alijs, nõ laboris studio (improbat enim vehemèter laborè) sed mercedis spe locat, sicut de mercenarijs scriptum est: Eadem die red des ei premium suum ante soles occasum, quia pauper est, & ad illud leuauit animam suam, sic in exemplari legimus, hoc est, quia minime ille tibi sese suamque operam locasset, nisi inopia coactus victum sibi ex ea re parare statuisset. ita isti, inquit Deus, animas suas ad populi iniquitatem locauerunt, cum precij atque mercedis nomine & ratione omnem sacerdotij dignitatem, officiumque omne definierint. his etenim si sine humano præmio & emolumento officium esset faciendum, nihil minus, quàm sacerdotium in votis esset: Heu quisnam ista cogitatio animi dolore & lachrymis temperare valeat: Quod verò ad orationis rationem attinet vtrunq. verbum in hoc versu futuri temporis est, comedent, subleuabunt, quod tempus ex Hebraicæ linguæ vsu ad eorum rationem accommodari solet, quæ vel consuetudinis vel officij causa perpetuò talia sint, aut esse cõsueuere. itaque futurum hoc in loco non pro futuro tantum tempore, sed pro omnibus temporis partibus instanti præterito atque futuro vsurpatur, hoc modo, comedent, comedere solent, subleuabunt, subleuare solent, qua de re largè & copiosè nobis commentario in Habbakuq scribendum est.

*Et erit sicut populus sic sacerdos, & visitabo super eum vias eius, & cogitationes eius reddam ei.*

HIC VERSVS formulam quandam concludit, qua diuinum iudicium in sacerdotes continetur: summa autè Dei æquitas nobis hoc in loco cognoscenda proponitur, qui nullam in iudicio personam agnoscat, sed æquissimum rerum æstimatorem & iudicem omnibus hominibus se præbeat, sicut scriptum est. Qui peccauerit mihi, delebo eum de libro meo, videlicet, ne quauis summum & altissimum dignitatis gradum obtinuerit, poenam & animaduersionem eo loci non ascensuram esse sibi persuadeat: namque diuina lex neminem excipit nominatim, sed vnumquemque officium proprium sequi & intueri iubet, quamobrem sacerdotibus ipsis in arca testimonij seruanda lex, atq. eadè coram omni populo recitanda & explicanda creditur & committitur, sicut scriptum est: Omnis autem populus, & omnes maiores natu, ducesque ac iudices stabant, ex vtraque parte



parte arcæ in conspectu sacerdotum: Nihilque ex ijs que Moses iusserat reliquit intactū, sed vniuersa replicauit corā omni multitudine Israël, mulieribus ac paruulis, & aduenis, qui inter eos morabatur. Vt verò diuina lex nullum nominatim excipit, ita nemo est, qui in officio violando culpæ pœnam possit effugere. [*Sed erit sicut populus, sic sacerdos.*]

- 5 Similitudo hæc non supplicij est, sed conditionis, ne videlicet aut sacerdos populi peccatum ob dignitatis suæ amplitudinem non ad se pertinere putaret, aut rursum populus omnem peccatorū suorum pœnam in sacerdotes tanquam in auctores reiiciendam absoluebatque arbitraretur, & illorum negligētiam excusaret. ob eam rem de diuini iudicij sententia pronuntiatum est, quicumque violatæ legis culpam sustinuerint, eosdem  
10 sceleris ac cōscientiæ pœnas, esse laturos. At verò supplicium tanto in quenquam grauius esse decretum, quanto quisque stultè minus, ac magis ambitiosè peccauerit, sicut scriptū est: Fili hominis speculatorem dedi te domui Israël, & audies de ore meo verbum, & Ezech. 5.  
annuntiabis eis ex me: Si dicente me ad impium, morte morieris, tu non annūtiaueris ei, neque locutus fueris, vt auertatur à via sua impia, & viuat, ipse impius in iniquitate sua  
15 morietur, sanguinē autem eius de manu tua requiram. Quod si à populo, vt à proprii interitus ministro; à sacerdote autem vel propheta ob negligētiam, vt ab auctore pœnæ repetuntur grauissime, quantas illas à sacerdotibus & prophetis repetendas esse existimandum est, qui ijsdem aut maioribus etiam sceleribus obligati, populo non solum ob negligentiam minimè profuerunt, sed ob perniciosum exemplum vehementer etiam nocue-  
20 runt: Quamobrem subiungit: [*Et visitabo super eum vias eius, & cogitationes eius reddā ei.*]

- Visitandi verbū in iudiciorū etiam ratione vsurpatū, atq. sic vertit Græcus interpres, & iudicabo. Propria autē huius verbi significatio est, quam Latini curandi siue procuradi verbo enuntiant. Diligēter igitur curandū sibi esse Deus ait, vt rationes & cōsilia omnia quecunque sacerdotes ad proprium cuiusque cōmodum inierunt, in suam calamitatē &  
25 perniciem recidisse sentiant. *cogitationes eius maghallelam* excogitata consilia, & ad curam ac meditationē reuocata hæc vox significat: Excogitauerāt enim modū, atq. viam facilē sese inijsse putauerant, qua maximū quæstū minimo negotio facerent, scilicet, si per illos oscitantes, aut nihil agētes liberius peccare populo liceret. hanc itaq. munierant viam ei, quam Deus ipsis indicasset atq. tradidisset longè dissimilem. Consequēs ergo fuit, vt qui  
30 à diuina via, diuinoq. consilio ad sua tantum cōmoda amplificāda deflexissent, suas illas rationes id maximū malum tandē euasisse sentirent. namq. quo ad scelera patranda impudenter ausus, eo maiore perniciem suis auctoribus parit, sicut scriptū est: Ecce paritur in iustitiā, & cōcepit dolorē, & peperit iniquitatem: Conuertetur dolor eius in caput  
eius, & in verticē ipsius iniquitas eius descendet. Itaq. cū hæc peccandi populo licentia  
35 sacerdotū negligētia vltro procurata diuinā iram incitauerit, ira verò reos in iudicium seuerū atq. æquū vocauerit, grauiissimarum pœnarū eos omnes participes esse, necesse est, quicūq. scelerū societate inter se fuerunt cōiuncti; cōuerteturq. cōceptus dolor populi in caput eius, & in sacerdotē tanq. populi verticē, iniquitas eius descēdet: [*Et visitabo sup. eum.*] Tam ad sacerdotes ipsos quā ad populū oratio refertur, quoniā illi oēs vnū Reipub.  
40 corpus constituunt, & omnes scelere, & cōmuni inter se conscientia, & consequēti iudicij periculo obnoxij sunt, vt scriptū est: A planta pedis vsq. ad caput non est in eo sanitas, sed  
à principe vsq. ad sacerdotē, oēs studēt auaritiæ. Cæterum, vt accusatio sacerdotes ipsos, tanq. principes & auctores delicti, premit, ita sentētia lata eosdē omnium primos attingit.

- 45 *Et comedent, & non saturabuntur: fornicati sunt, & non cessabunt: quia Dominum dereliquerunt in non custodiendo.*

- IUSTISSIMÆ sententiæ, ac diuini iudicij formula hæc est, vt studijs, & malis cupiditatibus suis, cōtrarias omnino res vnusquisq. experiatur. sic illud in feminarum luxus pronuntiatum legimus: Et erit pro suaui odore fœtor, & pro zona, funiculus, pro crispanti  
50 crine, caluitium, &c. Sic in sacerdotes sententia fertur iustissima, vt qui huic vni tantum avaritiæ studuerant, atque victimarum copia famem explere putauerant, contrā quantò plus victimarum, atque aliarum rerum congefferint, tanto vehementius esurire, & omnium commodorum inopia laborare se sentiant: & quoniam illud etiam cogitauerant, vt male partas ex prophanato sacerdotio res filijs suis, quos ex damnato concubitu susceperant, relinquerēt, atq. hac ratione nomina sobolesque suas ad infinitam posteritatem  
I propagarent,

propagarent, omnia hæc contra euentura Deus prædicit, vt neq. ipsi rebus partis fruatur, neq. quam cogitabant posteritatem assequantur vnquam. Nam totam illam hæredum sobolem, quibus faciendis, locupletandis atq. stabiliendis operam dederant, cum rebus ipsis & diuitiis, vel non successuram, vel quam citissimè perituram esse affirmat, quæ ad modum iam superius dixerat: Oblita es legis Dei tui, obliuiscar filiorum tuorum & ego. 5

Quod ad versionē attinet pro verbo Latino, cessabunt, Hebraicum exēplar habet paraz, 779 Quod ad versionē attinet pro verbo Latino, cessabunt, Hebraicum exēplar habet paraz, quod prorumpere, & propagare significat, atque ita in chaldaicis legimus. *Accipient uxores, & non gignent filios*; Græca autem interpretatio habet *παρελεύθεσι*, non alienum à sententia verbum; significat enim dirigere & administrare. Illud etiam animaduersione dignum est, quod cum homines duplici causā rerum suarum satagere soleant, vt scilicet 10 habeant vnde & ipsi alantur, & filiis prouideant suis, & quamuis maximis aucti diuitijs, atque fortunis locupletati, tamen victui suo consulere se dicant: vtriq. causæ diuina sententia accommodatur, vt comedentes nunquam saturentur, atque liberis indulgentes optata careant posteritate. Quam verò ad viuum mores nostri hac oratione exprimatur, maximo cum animi dolore pientissimo cuique obseruandum est. [Quia dominum dereli- 15 querunt in custodiendo.] Pronuntiata sententiæ causam iustissimus æquissimisque iudex addit, atq. criminū omnium & totius culpæ summā explicat, hoc supplicij genere, eos subiiciendos esse pronuntians, nēpe inedia & gloriæ ac posteritatis defectu, sic enim scriptū est: Loquens locutus sum vt domus tua, & domus patris tui ministraret in cōspectu meo, 20 vsque in sempiternū. Nunc autem absit hoc à me dicit Dominus, sed quicunq. honorificabit me, glorificabo eum, qui autem contemnunt me, erunt ignobiles. [Dominū dereliquerunt in non custodiendo.] Ne quis humanæ sapientiæ, vel potius imperitiæ locus relin- quatur, neu quod ad effugiendū crimen diuerticulum reperiatur, absoluta definitione causam suam confirmat Deus. Namq. vsque adeo callida hominum stultitia est, vt quæ separari natura non possunt, tamen ingenio separare contendat, sibiq. in ea re satisfaciat, 25 in qua minimè Deo satisfieri certū est. Nam si quis Deum esse, eundēq. summū bonum confessus, nulla pietate, nullo officio, nullis virtutibus illum colat, & tamē nō odio haberi, sed etiā amari sibi dicat, atque in ea re disputet; parū hæc cognitio & amor à cognitione, & amore, quo mali dæmones erga Deum affecti sunt, distare videtur. Diuina verò sapi- entia simplicius multò de hac re statuens atque iudicans cognitionem amoremque erga 30 Deum cū ipsius cultu coniunctam esse definit. Nam si cognoscere & negare, si amore adharere, & deferere idem sunt, eundem etiam animum imbuiere vtraque hæc possunt. Quicunq. enim Deum in notitia se habere atque amare profitetur, factis autem negat, ac deserit, perinde ferē in culpa est, atque is, qui diuinæ naturæ inscitia aut contēptione laborat. Quid vocatis me domine domine, & non facitis voluntatem patris mei? Hæc 35 diuini filij vox est. Igitur vt omne fraudis & astutiæ ostium filiis desertoribus occludatur, simplicissima atq. verissima desertionis ratione argumentatio tota colligitur. [Quia domi- num dereliquerunt in non custodiendo.] Quippè hic simplicissimus certissimusq. desertionis modus est, nempe pietatē nō custodire; nam vt ipse alio in loco dicit: Si Pater ego, vbi est cultus mei? si Dominus vbi est timor mei: Hebraicè hæc oratio negatione caret: *In custo-* 40 *dienao*, hoc est dum sibi suisque rebus consulentes, diuinis rebus minimè consultum esse voluerunt. *Custodie* autē nomen in sacris idē quod officiū apud Latinos significat, nēpe id, quod vnūquemq. hominū pro muneris, & cōditionis suæ ratione facere oporteat, vt illud: Super custodia mea stabo, & figā gradum super stationem meā. cuius translationis rationē nos aliàs Deo annuente prosequemur: neq. verò satis Deo visum est, deserti officij crimē illis obicere, nisi etiam id subiūcta oratione cōfirmaret. Quamobrē ex suis illorū studiis argumentum producit fortissimum, quo illos ab officio omni alienos esse demonstret.

*Fornicatio & vinum & ebrietas auferunt cor.*

Qvī fieri potest, inquit Deus, vt apud eos, qui mente ipsi non cōstant, officiū vllum stare possit? Et cū isti se totos vino ac Veneri tradiderint, quidnam ab eis expectari oportuit? nisi id quod ea studia consequi natum est; nimirum dementia & furor, ex qua re nullum dedecoris, nullum probri, nullum impietatis genus oriri posse non creditur. Nam vino intemperantius hausto cordis regnum occupari testis est ille, qui periculum primus omnium fecit. Ita verò Veneri amicum esse vinum, vt ab eius consuetudine nul- 45 lis naturæ ac virtutis legibus nullo dedecore, nullo pudore absterreatur, testis etiam Lot exemplo

exemplo suo nobis esse poterit. Quamobrem scriptum est: Ne intuearis vinum quando Proverb. 23.  
 flauescit, cum splenderit in vitro color eius, ingreditur blâdè, & in nouissimo mordebit „  
 vt coluber, & sicut regulus venena diffundet. Oculi tui videbunt extraneas, & cor tuum „  
 loquetur peruersa. Veneris autem sodalem propterea Bacchû gentium poëtæ fecerunt,  
 5 quod ad humanos animos expugnandos atq. sibi subiiciendos vterque simul conspirent. Horat. lib. 3.  
Od. 18.  
 [Fornicatio, vinum & mustum.] Sic Hebraicè, vt ab eis ebriositas studiosius conquisita  
 esse ostendatur. non enim solum vino veteri, sed & nouo indulgebant, vt mistione sua-  
 uiora pocula parantes, ebrietatem & petulantiam copia atque arte grauiore sibi moliren-  
 tur: namque antiquum & nouum vinum simul commixtum, alterum vehementiores  
 10 vires, alterum verò crebriores exhalationes suppetit; atque ita coniunctis viribus facilio-  
 rem & certiore de corde victoriam vtrumque simul reportat. Cor in sacris alteram ho- Psal. 84.  
 minis partem, hoc est animum, significat: namque cum duplex nostri pars sit, corpus &  
 anima, alterum caro, alterum verò cor metonymicè dicitur, vt: Cor meum & caro mea  
 exultauerunt in Deum viuum. Quod verò ad differendi & dicendi pertinet artem, con-  
 15 firmatio est, in qua argumentum ab eo ductum est, qui à repugnantibus dicitur: namque  
 pietatis & sapientiæ cultus, & ebrietatis atque Veneris studium, cum vtrunque de occu-  
 pando in humanis animis regno contendat, maximè inter se pugnant, quod si alterû ob-  
 tinuerit, alterum expelli necesse est. Vç, inquit Isaias, qui consurgitis mane ad ebrietatem Isa. 5.  
 sectandam, & potandum vsque ad vespërâ, vt vino astuetis, cithara, & lyra & tympanum „  
 20 & tibia in conuiujs vestris, & opus Domini non respicitis, neq. opera manuum eius con-  
 sideratis: Est autem huiusmodi argumentum à repugnantibus firmissimum, vt illud: Aristot. lib. 2.  
Topic.  
Iuuen. Sat. 8.  
*Hæc opera, atque hæc sunt generosi principis artes &c.*

*Populus meus in ligno suo interrogauit, & baculus suus annuntiauit ei, Quia spi-  
 ritus fornicationum decepti eos, & fornicati sunt à Deo suo.*

25 **ACCUSATIONIS** alteram partè sequitur, in qua populum reum agit, & quoniam  
 ex sacerdotum negligètia, & culpa, populi scelera nata atque aucta sunt, ideo vbi illorum  
 crimen recensuit, ad huius impietatem atque scelera notanda sese deinceps conuertit.  
 Totius autem causæ, caput hoc est: Gentè vero Deo ac viuenti electam & dicatam ma-  
 30 ximis & innumeris beneficijs deuinctam, ac multis nominibus multisque modis Dei in  
 se sui peculiarem curam expertam à cultu atque religione, suo scelere ad superstitionem  
 & impietatem defecisse. Coniecturalis autè status in hac accusatione tractatur. namque  
 impietatis scelus animo conceptum, quamuis ipsorum malitia, & impudentia, Deo, qui  
 corda hominum & renes scrutatur, absconditum non sit, tamen cum publicè accusatur,  
 35 suis argumentis & testimonijs agitari solet, ne humana audacia & malitia, quæ occultum  
 scelus cogitatione abscondere & negare non potest, publicum accusantis crimen à se re-  
 mouere contendat. Cum autem ad coniecturalem cõstitutionem tractandam signa ob-  
 seruentur, certissima euidentissimaque flagitij signa hoc in loco proponuntur. nullum  
 enim causæ certius signum est, quàm ipse effectus: in effectus autem coniectura instru-  
 40 menta, quæ ad efficiendum comparari solent, apponuntur. Vtroque ergo argumento in  
 hac constitutione tractanda Deus est vsus: Quod populus in ipso manifesto impietatis  
 & perfidiæ facinore, cum armis, quibus illud committi soleat, deprehensus manifestè fue-  
 rit. [Populus meus, Emphasim habet: Indignissimum enim est id scelus à populo Dei  
 viuents esse cõceptum, quo etiam ab ijs qui à Deo alieni sunt, nullum grauius patratum  
 45 sit, cuiusmodi superstitio, & vanus simulachrorû cultus est. Et cum iam olim sese suaque  
 omnia mihi tradiderit, & actionû studiorumque suorum rationes, & instituta, atque au-  
 spicia ex me vno cum maximis atque certissimis successuum exemplis petierit, cum tot  
 legibus, tot præceptis institutis, & oraculis abundarit, tamen nunc sui atque mei oblitus  
 ad impietatem animû suum traduxit, & mutas statuas consulit atque colit. [In ligno suo.]  
 50 Lignum hoc in loco simulachra, deorumque signa atque instrumenta ad diuinationem  
 comparata significat. Huius explicationis argumento est propositio *In*, quæ instrumentum  
 in sacris indicare solet, vt: In chamo & freno maxillas eorum cõstringe. Multa autè apud Psal. 11.  
 gentes erant instrumenta, quibus sortes, oracula atq. auguria capiebantur, vt aues, ignes,  
 aquæ, flatus, exta, tripodes, mensæ, delubra, atque alia, ex quibus vnum genus erât baculi,  
 perticæ & virgæ, certis ominibus & ceremonijs ad eam rem inauguratæ, qualis in collegio  
 1 2 augurum



augurum lituus incuruus erat, cuius formā in numismatibus antiquis conspiciamus. Quæ omnia suo in loco diligentius tractāda, nunc nobis percurrēda sunt. Igitur cætera institutorum genera naturam rerum apud eos, qui sapienter considerant, vanissima ab hoc ligneorū, & sensu motuque carētium instrumentorū vanitate superari deprehenduntur. Quamobrē superstitionis, & impietatis summæ argumentū est, quod populus id tractat, quo maxima vanitas in eo ipso vanitatis negotio inest. In ligno suo à se factio atque parato, baculus suus annuntiavit ei: non respondit; sed annuntiavit: nam ligni & baculi naturæ impossibile quidem est vt respondeat, tamen si consulentis ipsius manu moueatur, vertatur, aut conijciatur, casu vel agentis arte euenit, vt in hanc aut illam partē inclinet aut cadat, & quodam crepitu sonet, in certam cæli constitutionem dirigatur; ex quibus rebus non responsa, sed significationes atq. denuntiationes quasdam parari falsò sibi isti persuadēt. In ligno suo quod ipse dolauit atque ad eam rem cōparauit, Et baculus suus ab ipso motus & tractatus annuntiavit ei. Summa autem peruersitas est, ab ea re duci posse putare, quam ipsam à te duci atq. agi oporteat. Baculus autem nullum hominem visu oculisque præditum ducere solet, neque quisquā est qui baculum suum quam viam tenere atque sequi oporteat, interroget: si quis autem baculo tentans iter agit, is planè cæcus est, qui si baculo suo fidem habens ire pergat, periculum sibi ipsi tandē creet, fuerit necesse. Locus ergo à factis destinatisq. est, & anthithetis atq. cōtentionibus res tota tractatur, & quod ad actionem atque pronuntiationem pertinet, indignantis habitu, gestu, & voce pronun-

Ita. 1. tiata oratio est, quo maior rei fides & vehementior auditorū vis adhibeatur, vt illud: Cognouit bos possessorem suum, & asinus præsepe Domini sui, Israël autem non cognouit, populus meus non intellexit. & illud apud externos auctores.

Iuuen. Sat. 2. *Segmenta, & longos habitus, & flammea sumit  
Arcano qui sacra ferens nutantia loro  
Sudauit clypeis ancilibus.*

Ex crimine autem facti oblato & demonstrato concepti à populo sceleris argumentationē concludit: [Spiritus enim fornicationis decepit eos, & fornicati sunt à Deo suo.] Scelus animo conceptum in facinus tandem erupit, vt negari non possit. Perseuerat autē in allegoria coniugij, quam instituerat, & populum coniugalis fidei pollutæ atque violatæ accusat. Amplificat verò crimen ab impudentia atq. audacia, quæ eo proruperat, vt non modò in cubiculis, aut intra domos, & tecta, sed in agris, siluis in montibus publicè prostituatur, & locorum oportunitates, non verecundiæ, sed voluptatis caussa sequatur: [Spiritus fornicationis] Spiritus cum possessiuo casu iunctus, vehementem ad agendum impetum ac vim humanos animos occupantem atq. agentem indicat, siue ea affectio bona, siue vitiosa sit, siue etiam diuinitus delata, siue à malo demone excitata fuerit, siue diuturna sit, siue ex repentina caussa commutetur. Est autem translatio à ventis sumpta, qui cum vehemētius in mare incumbunt, naues non pro nauarum cōsilio, sed suo arbitrio pellunt. sic spiritus fortitudinis in Nabugodonosor, spiritus mendacij in falsis prophetis, & in populo spiritus erroris sapissimè conspicitur. Hunc malum spiritum Latini furorem vocant: *His furor ipse*

Iuuen. Sat. 2. *Dat veniam,* inquit ille. sed & in hac significatione regio spiritu aliquem esse Tullius dixit: Et quoniam à ventorum natura ad animum translata similitudo est, aptissimo verbo decipiendi est vsus [Spiritus fornicationis decepit eos.] Hebraicè planius, *errare fecit eos*, hoc est, pro tempestatis ritu, non quo lex & ratio, sed quo animi impetus volebat, impulit. atque hoc modo à Deo suo, in quem omne illorum iter dirigi oportuit, ad idolorum & vanitatis cultum studiumque cōuersi sunt, & quocunque illos animi impetus, errorque rapit, eò contendunt [Fornicati sunt à Deo suo,] Hebraicè de sub Deo suo: hoc est legitimo atque augusto viri sui Dei cubili, & puluinari tegetem & lupanaria per summum nefas atque audaciam prætulerunt.

*Super capita montium sacrificabant, & super colles accendebant thymiama: Subtus quercum & populum, & therebynthum: Quia bona erat umbra eius.*

ACCUSATIONEM criminis per species confirmando amplificat, & impudentiam atq. audaciam oratione exaggerat, cum nullus locus etiam publicus sit, quem non stupris atque adulterijs suis gens illa, hoc est, Dei vxor synagoga compleuerit, atque ea loca maximè frequentarit, à quibus longissimè abesse debuit; quod certè summam illorum erga

erga Deum suum contemptionem arguit. nam vt gentium delusa antiquitas, locis quibusdam diuinitatem inesse putauit, ita ea loca numinibus suis dicata ad templorum ædificationem, ad sacrificiorum vsus, & ritus aptauit. Huius generis loca, montes erant & siluæ, atque arboribus frequentes luci; sed & arbores ipsas in Deorum tutela esse voluere:

Lactant. de  
vera relig.

Virg. in Buc.  
Eclog. 7.

Deute. 12.

Vitruu. lib. 2.

Horat. lib. 3.  
Od. 8.

5 *Populus Alcide gratissima, vitis Iaccho,  
Formose myrthus Veneri, sua laurea Phæbo.* Hæc & huiusmodi loca omnia non solum vitata, sed penitus diruta atque excisa illis promissam terram occupatibus esse voluit Deus: Subuertite, inquit, omnia loca, in quibus coluerunt gentes, quas possessuri estis, Deos suos super montes excelsos & colles, & subter omne lignum frondosum. Capita mon-  
10 tium eadem à Latinis vertices vocantur editissimi, quos cælum ipsum propius attingere putabant, & ad numinum maiestatem adorandam liberiores, angustioresque esse iudicabant, in quibus quæ templa edificabantur phana vocata sunt, propterea quod conspiciua, atque omni ex parte patentia essent. [Et super colles adolebant Thymiamata.] Duo cultus genera, victimarum mactatio, & thuris suffitus fuere, ad quæ ritus cæteri, & cere-  
15 moniæ omnes referuntur, vt illud:

*Quid velint flores, & acerra thuris  
Plena, miraris: positusque carbo in  
Cesspite vino.*

[Sub quercu:] Quæ Ioui sacra fuit, [Populo] quæ Herculi, & [Terebyntho.] sic  
20 vertit nomen *Ela*, vetus interpret. ex Hebræis verò quidam cum Chaldæo *Ionatha Buthma*, hoc est, castaneum; alij vltimum interpretantur. Nomen *Ela*, Græcus interpret' *δένδρον ελα*, *αὐλὸς*, hoc est, arboris coadumbrantis reddidit, qua circuitione lucum significauit: vt cumque sit, has omnes arbores, quò frödiū pulchritudine & proceritate atque opacitate gratiores essent, eò diuinis honoribus frequentandis commodiores esse putabant,  
25 idcirco subiungit: [Quia bona erat umbra eius.] Pronomen singulare ad singulas arbores refertur. De his ritibus sacrorum nos aliàs fortassis, quæ ad totam hanc rem in sacris libris elucidadam facere possint, dicemus. *Sacrificabant, Adolebant.* Hebraicè, *Sacrificabunt, adolebunt*; nam hoc verbi tempore, consuetudo (vt in alio loco diximus) significatur, hoc est, sacrificare, & adolere solent; à qua ratione imperfectum præteritum apud La-  
30 tinos & Græcos non est alienum.

*Propterea fornicabuntur filia vestra, & sponsa vestra adulteræ erunt.*

PAVLVS Apostolus ad Romanos scribens aptissimum huius loci explicationi facit Roma. 1.  
sermonem: Quia commutauerunt veritatem Dei in mendacium, & coluerunt & serui-  
35 runt creaturæ potius quàm Creatori: Propterea tradidit illos in passionem ignominie &c. Fieri enim nonnunquam solet, vt peccati poena, peccatum etiam sit, diuino videlicet iudicio id permittente, in grauiorem damnationem eorum, qui impietate ac scelere sese  
vltro obligauerint: Ex idolorum autè cultu atq. ex superstitionibus (quam rem omnem  
animorum fornicationem sacri libri nominant) corporum etiam turpissima stupra ac libi-  
40 dines oriri antiquas historias atq. monumenta legentibus manifestius est, quàm vt explicatione nostra indigeat: id imprimis diuina ex permissione fit: nam à Deo alienati homines, cupiditatibus suis, hoc est, malis & effrenatis libidinibus permittuntur. Tum id etiam  
ijsdem ipsis rationibus, studijs, & actionibus, quibus in superstitione homines vtuntur, ef-  
fici natum est. namq. idololatriæ varia genera, exquisita loca, certi dies, certæ noctium aut  
45 dierum horæ, certi ad eam rem ministri, iuuenes, puellæ, eunuchi, imberbes, tum præterea ritus, & ceremoniæ quibus hæc peraguntur, vt conuiuia, compotationes, lusus, cantus, decursiones, ludi, spectacula, fabularum actiones, & quæ eiusmodi sunt, omnia hæc non tam religionis quàm voluptatis atque animi causa cõparata videntur; adde impias de Deorum natura & officijs opiniones, quod hi mares, illæ feminae, amatores illi, virginum &  
50 puerorum raptores, & perditissimarum voluptatū exempla, auctoresque narrètur. Quid vero ex his rebus sperari potest, nisi illud quod scriptum est: Sedit populus manducare & Num. 11.  
bibere, & surrexerunt ludere. Igitur corruptam & contaminatam religionis puritatem, morum etiam consuetudinisque malæ corruptelam sequi necesse est. cum maiores natu propria voluntate & studio, iuniores verò seniorum exemplo, omni sese sceleri contami-  
nandos tradiderint, idcirco non mirandum esse Deus dicit, si filia, & nurus corruptorum  
I 3 & per-

& perditissimorum hominum corruptissimæ & perditissimæ etiam ipsæ euaserint, cum ille sexus, atque illa ætas natura sua ad libidinem voluptatemque procliuvis, eorum, quos reuereri, à quibus in officio contineri debuit, negligentia & exemplo ad omnem luxurię licentiam libera euadat.

*Non visitabo super filias vestras, cum fuerint fornicatæ, & super sponfas vestras cum adulterauerint.*

VSQVE A DEO sanctum, & ab omni non solum factum, verum opprobrio quoque turpi intactum Israëliticum populum esse, & seruari sibi Deus voluit, vt honestatis & decoris eius causam ipse susceperit, atque promulgatis legibus, si quis aliqua ex parte Israël no- 10  
Leuit. 9. men, honorem sanctitatemque polluerit, sceleris se vindicem constituerit. Virginitatem, nuptarumque stupra & adulteria, maximam & diuturnam familijs infamię labem aspergunt. quamobrem maxima cura & studio vnusquisque suarum filiarum, atque ad se pertinentium feminarum integritati & famę in republica bene instituta, cauere atque providere solet. Summi autem vitij signum manifestum est, si quo in populo hæc ratio ne- 15  
gligatur. Idcirco huic rei editis legibus Deus prouidit, vt populi sui puritatem atq. sanctitatem publicę & priuatę tueretur. nam si qua filia, si qua nurus adulterij aut stupri scelere familię suę splendore maculasset, huic cum ignominia & dedecore mori, poena & familiaris ac publicę maculę expiatio erat. quibus de rebus in hunc modum scriptum est:  
Leuit. 19. Nolite ambulare in legitimis nationum, quas expulsurus sum ante vos. Omnia enim hæc 20  
„ fecerunt, & abominatus sum eas: Ego Dominus Deus vester qui separavi vos à cæteris  
„ populis: Et ne prostituas filiam tuam, ne polluat terra & contaminetur piaculo. & alio  
Deuter. 22. in loco: Si mœchatus fuerit quis cum vxore alterius, & adulterium perpetraverit cum  
„ coniuge proximi sui, morte moriatur & mœchus & adultera. De virgine autem sic: Si  
„ verè fuit ei obiectum, quod virginitas in ea non sit inuenta, eiicient eam extra fores domus 25  
„ patris sui, & lapidibus obruent eam viri ciuitatis illius, & morietur: Quia nefas fecit in  
„ Israël vt fornicaretur in domo patris sui, & auferes malum de medio tui. Hæc est diuina  
„ visitatio in eos, qui nefas in Israël faciunt. Quod si Israël ipse, cuius famę & splendori Deus  
priuatę cõsulebat, scelus publicę admittat, foueat ac probet, flagitijque atque dedecoris  
plenus sit, ipse profecto leges de filiarum honestate vindicanda repudiare, atque Deum 30  
ea cura liberare velle videtur. Quamobrem Deus qui publicam patrum honestatem requirebat, & priuatam filiarum conseruandam susceperat, ad parentes vt sceleris primos, ac maximos auctores supplicio afficiendos conuersus, filiarum, quæ minori in culpa sunt, poenam interim negliget, ac dum ipsas libidinose agere permittit, violati publicę officij poenas à parentibus repetet: [Non visitabo super filias vestras.] Imò potius ad vestrum 35  
dedecus, in istarum flagitijs interim conniuebo. nam quid me vestris priuatis rebus intentum esse oportuit, ne qua vobis labe ac macula ab alijs fiat, cum vos omni turpitudine atque nefario scelere vitam vestram omnem studiosè, imò ambitiosè cõdatam commaculatamque esse volueritis.

*Quoniam ipsi cum meretricibus conuersabantur, & cum effeminatis sacrificabant, 40  
& populus non intelligens vapulabit.*

CUM VIRI ipsi parentes, mariti, & fratres, non solum animo superstitionibus, & vanis cultibus tradendo, sed corpore etiam omnibus flagitiorum libidinibus cõtaminando assiduam operam dent, nūquid his veniam censura mea dabit, & vexabit mulierculas & 45  
puellas, populum videlicet proprio consilio ex ætatis & naturæ imbecillitate carentem, atque eorum, quorum id intererat, cura destitutum & mala disciplina deprauatum? [Populum non intelligentem] mulierculas vocat: namque vna Eua huius populi prima mater exemplo nobis esse potest, quàm facile huiusmodi natura seducatur, & quàm cito voluptatum desiderio, nisi aliunde cohibeatur, exastuare possit, sicut scriptum est: Videns igitur mulier quod esset bonum lignum ad vescendum & pulchrum oculis aspectuque delectabile, 50  
„ tulit de fructu illius & comedit: [Et populus non intelligens vapulabit:] Ironicos, aut interrogatiue potius, quàm cum asseueratione legendum est: nam argumētatio hæc per contentionem, siue, vt Dialectici dicunt, per comparisonem maioris & minoris cõcluditur,  
Iuoc. Saty. 2. vt illud: De nobis post hæc tristis sententia fertur: Chaldaicè hic locus per  
interro-



interrogationem non inconcinne legitur, hoc modo. [Et populus generationis quæ non studet legi an nō collidetur?] Videlicet exemplo, & consuetudine maiorum suorum. Græcè autem totus hic locus ad spiritualis fornicationis rationē paraphrastice tractatur sic: Quia ipsi cum meretricibus cōmaculabātur, & cū initiatis sacrificabant, & populus intelligēs implicatus est cū fornicatione. [Cum meretricibus & cū effeminatis: Hebraicè, & cū scortis.] Gentiū atq. idola colentiū celebritates & frequētiē huiusmodi impudico mulierū genere refertæ erant: Nam quo non prostat femina templo? vt aiebat ille. Omnium autē rerum atq. negotiorū, quæ ab hominibus inuenta & instituta sunt, euentū obseruari oportere, atque an cuiusmodi res Deo probētur indicari posse, tum ex hoc loco, tum ex multis alijs docemur. Nam quæ res non ex diuino, sed ex humano consilio incepra atque instituta improbandos, & turpes plerūque partus edere solet, eam rem Deo non probari planum est. ex qua re factum est, vt hypocrisis, & humanæ simulationis rationem ex operibus obseruandam Christus indicauerit. Cæterum neque filiabus & nurubus propterea impunē peccare licebit, quòd super eas se non visitaturum dicat Deus. Namq. hoc in loco non de æterna animorum, sed corporum temporali pœna agitur, quæ de auctoribus potissimum sumi solet. & quanquam ij etiam, qui aliena auctoritate aut consilio deliquerūt, eadem plectantur pœna: causa tamen in iudicio cum auctoribus ipsis agi solet, atq. hoc in loco iudicialis, vt diximus, causa tractatur. Idcirco dicit, non visitabo, quod apud sacros auctores in iudiciorum rationibus vsurpatur, vt apud Samuelē Deus, Visitauī quæcūq. fecit Amalec Israël.

*Si fornicaris tu Israël, non delinquat saltem Iuda.*

MALORVM hominum & impiorum consuetudines amicitia & familiaritates, quantum bonis etiam viris nocere soleant, non vno tantum exemplo compertum est. Nam si quis impiorum societatibus assuescat, consuetudine & familiaritate inductus, in idem genus morbi delabitur: Quamobrem contagionem huiusmodi sapissimè sacri deprecantur auctores, vt: Non veniat mihi pes superbiæ, & manus peccatoris non moueat me: Hæc res cū vtrisque vehementer obeſt, tum ijs maxime, à quibus malorum contagiones proficiſcuntur, in aliosque manant. At verò Deus nihil omnino mali in hominibus esse vult, qui non solum legibus & præceptis singulorum peccata coercet; sed præcipua & maxima cura peccandi exemplis & contagionibus cauet, & priuatis legibus, grauioribus pœnis, atque alio expiationū genere aduersus eos vtitur, qui consuetudine, familiaritate, aut alio modo perniciosum exemplum prodidēre, vt scriptum est: Et facta est ira domini contra Iudam & Ierusalem propter delictum: nam de hoc genere in illo loco sermo est. Igitur Israëlita, qui sese suosque filios omni scelerum genere contaminauerant, ne etiam vicinis suis sua contagione obsint, hoc in loco à Deo deterrentur; iubetque vt si minus suorum flagitiorum pœnas atque supplicia horreāt, saltem alienarum culparum crimen suscipere formident. Duplex sceleris admittendi occasio Iudæorum genti ab Israëlítico populo dabatur, altera locorum & viarum, altera verò sacri sermonis & vocum communio erat. & quoniam locus id exigere videtur, breuis quædam topographiæ ratio hic nobis habenda est. Cū primum Ieroboam nouarū rerum auctor & dux regnū Israëliticū occupauit, stabiliēdi imperij rationē impiam quidem, callidam tamē & ad tēpus idoneā excogitauerat. nam cum hominū societas atq. cōiunctio nulla re magis, quàm religionis comunione seruetur, ne populus consueta religionis colendæ desiderio Ierosolymitanū templum frequentando familiaritatem & consuetudinem cum Iudæis retineret, atque hoc pacto minus certa ipse dominatione vteretur, ex duobus à se conflatis vitulis aureis, alterum in Dan, alterum verò in Bethel consecrauit, atque horum sacra per sacerdotes à se ex popularibus creatos curauit. Hoc itaque pacto (vt res hominum sunt) euenit, vt maiori plausu atq. frequentia superstitione, quàm vera pietas coleretur. Præterea populus Gilgal locum religionis causa frequentare cœpit, eo nomine quòd ipsorum pater Iacob à Deo in eo loco admonitus, Israël etiam nomen accepisset. atq. hæc loci dignitas ad veterem religionem turpandam & permutandam multum apud illorum animos momenti habuit, vt scriptum est: Omnis malitia eorum in Gilgal, quia ibi exosos habui eos. [Propter malitiam adinventionū eorum.] Adinventionū malitia & calliditas illa fuit, quòd sese nō aliū quā verū Deū Iacob, & in eo loco, in quo eū Israël vīsum fuisse apud oēs cōstabat, coli profiteretur, atq. hac ratione facillè vulgò persuaderi potuit.

Iosu. 18.

Neque verò isti suis tantum popularibus, sed vicinis, etiam Iudæis imponere huiusmodi fraude potuerunt. Israëlitis autem vel templum Bethel, vel id etiam quod in Gilgal erat, aut supplicationum, aut sacrificiorum faciendi causa petentibus per Iudæorum & Biniaminitarum regionem iter necessario faciendum fuit. namq. Bethel (quæ olim Luza dicta est) in sorte Biniaminiæ tribus sita erat, à qua non nimium distabat Gilgal. Igitur ex viarum atque itinerum cõmercijs, vocabulorumque & sermonis sacri communicatione effectum est, vt à Iudæis & Biniaminitis eadem loca atque eadem templa sancta quoque haberentur, & religiosè colerentur. Minus ergo grauer ferendum esset, si Israëlites Deum ipsum à quo verè per summam impietatem descuerant, prædicare etiam & nominare desinerent, nec non si templa, statuas, & sacra in Dan tantum, aut etiã in alijs locis, intra suos tamen limites instituentes, ab aliorum regionibus exemplo suo corruptis, abstinuissent. Hoc igitur est quod dicit: [*Si fornicaris tu Israël, non delinquat saltem Iuda.*] Namque isti falsis nominis mei appellationibus & prædicationibus, atque templorum celebritate, quæ templa per summum nefas in sua regione abs te sancta & effata habentur, eadem tecum implicati sunt scelerum societate: *Delinquat*, verbû Hebraicum *Assam* (pro quo sapissimè interpres reddit delinquere,) de ea culpa dici solet, quæ ab alio profecta in alium etiam permanuit, vt si quis alteri vt peccet impulsor sit, de utroque *Assam* dicatur: vt Isaac à Rege Gerarè obiurgatus audiit: Quare imposuisti nobis? poterat quisque coire cum vxore tua, & induxeras super nos grande *Assam*. & illud clarius: Si sacerdos qui vnctus est, peccauerit, delinquere faciens populum: quo in loco vox *Assam* est. eadem significatione verbum, delinquere, latinum à Cicerone frequenter vsurpatur.

DWN

*Et ne ascenderitis in Bethauen.*

Iosu. 18.

LUZAM olim, postea Bethel à Iacob dictam in loco edito sitam fuisse ex Iosue descriptione accepimus: Cecidit inquit fors filiorum Ioseph, à Iordane contra Iericho, & aquas eius, ab oriente solitudo, quæ ascendit de Iericho ad montem Bethel. à quo loco oppidum nomine Bethauen, non procul aberat. vt autem Bethel Dei fortis domum, ita Bethauen domum vanitatis significat. namque *Auen*, res est vana, & cui nulla utilitatis, sed incommodi potius ratio subest, ex qua iniquitatis operarij in sacris appellatur: ex vicinitate autem & euentu nomen *Bethel* in *Bethauen* per antiphrasim mutatur. qui enim locus olim ob diuinam visionem Israël patri domus Dei dictus est, nepotibus eius in domum mendacij est commutatus, atque ita Amos vates censuit: Et Bethel erit inutilis: quo in loco pro inutilis Latine, *Auen* Hebraicè est.

Amos 3.

*Neque iuraueritis viuit Dominus.*

HIS VERBIS apud eos, quibus nomen Dei sanctissimum erat, iusiurandum olim comprehendebatur. Huiusmodi verò iuramenta, quòd à religionis argumento deueniant, auertenda Deus vehementer curat: itaque satius esset, si suo tantum nō aliorum etiam periculo peccarent. Propterea autem cum eos à Bethel, & Gilgal reuocasset, nullā Danitici templi fecit mentionem, quòd is locus ab Israëlitis peti poterat, nullo Iudæa termino obiter decurso.

*Quia sicut vacca lasciuens declinauit Israël.*

ISRAELITARVM petulantiam vehementi oratione patefacit & arguit: Vsq. adeo, inquit, intemperanti & inuerecundo ingenio Israël est, vt effrenata mente omne scelus, atque nefas licenter percurrat; neque cogitet, num sibi malum, num alijs detrimentum, illa sua licentia & consuetudine afferat. Aptissima verò similitudine ad hanc rem explicandam Deus vsus est: nam Israeliticum populum iuuentutis indomitæ similem esse dicit, quæ uberioribus pastus nacta, in eisque aliquandiu cõmorata, pinguior reddita, iugum aspernatur, dominum contemnit, ac iam suis pastibus, & locis non contenta, alienos agros pererrat, in vicinorum sata irrumpit, quæ petulantia magis, quàm famis explendæ causa, decerpit. Non secus Israël facit, cui cum felicioribus locis, & regionibus, etiam cum regno, regioque nomine vti contigerit, lasciuam superstitionis licentiam sibi ipsi proposuit; qua etiam dum nimium abutitur, aliena loca voluptatis atq. animi gratia peruagatur. etenim non contentus templa, & statuas in Dan erexisse, in Gilgal & in Bethel non diuinitatis alicuius, sed licentiæ suæ simulachra collocauit. Hoc autem animantium genus inter omnia quæ hominis ad vsum cicurari nata sunt, interim dum in-

dum indomitum perseuerat, petulantissimum est, non solum enim sequentem dominum fugere (vt indomiti equi faciunt) sed petere etiam vltro, & cornu ferire solent. atque ob hanc naturæ similitudinem Christus apud Psaltem dicebat: Circumdede runt me vituli multi. Cum autem in omni animantium genere feminæ natura sua magis impotentes, & stultæ magis sint, ex eo fit, vt quouis impetu, & quouis appetitu vehementius etiâ, quam mares agantur. & quoniam sub vxoris imagine Israëlitarum gens accusata à Deo est, percommode vitulæ similitudine res est explicata. Est præterea nescio quid elegantia ac decoris in femineis animantium nominibus; quamobrem ab antiquis auctoribus libentius ea nomina vsurpabantur, vt: Quemadmodum desiderat cerua ad fontes aquarum:

10 Et Poëta. *Scilicet ante omnes furor est insignis equarum.* Huiusmodi petulantiam venuste fatis, sed minus eleganter, quam à vate nostro Hossea ab Anacreonte & Horatio descriptam legimus; namque illi genus equorum petulans quidem expressere; Hosseas verò vaccarum genus petulantissimum & procacissimum vsurpauit,

Psal. 40.  
Virgil. Geor.  
lib. 3.

Anacreon. od.  
strom. 64.

*Quæ velut latis equa trima campis*

15 *Ludit exultim, metuitque tangi, &c.*

Huiusmodi orationum, & sententiarum collationibus quantum à sacris auctoribus laudatissimi quique ex prophanis superentur, facile intelligent ij, qui dicendi splendorem, & elegantiam in diuinis libris requirunt: de qua re nos in commentarijs nostris nonnunquam, sed proprio opere latius Deo annuente agemus. [Quia sicut vacca.] Quoniam hoc in loco non tam causam

Horat. lib. 3.  
od. 11.

20 quàm explicationem atque asseuerationem cum dicentis animi impetu & vehementia continet, vt illud: Iucundus homo qui misereretur, & commodat disponit sermones suos in iudicio; hic est carminis finis: sequentis verò principium est: Quoniam in æternum non commouebitur. quibus in locis vox, quoniam, vehementer affirmat, remque exaggerat, quod & nam, apud latinos facit, vt nam me hercule, inquit, Antonius, &c.

Psal. 111.

Cice deorat.  
lib. 2,

25 [Lasciuens declinavit.] Hebraicè זָזָרָהּ זָזָרָהּ, hoc est errans errauit, sine lasciuieris lasciuuit. nam verbum זָזָרָהּ petulanter agere significat, vt: Si genuerit filium homo contumacem & proteruum. & illud: Qui exasperant non exaltentur in semetipsis: in his locis & alijs verbum זָזָרָהּ est.

Deute. 21.  
Psal. 66.

30 *Nunc pascet eos Dominus quasi agnum in latitudine.*

E A N D E M adhuc translationem vrgens huius petulantia exitum dignum prædicat, videlicet breui futurum esse, vt Israël, cui velut iuuenæ indomitæ proprius locus angustus videbatur; neque satis idoneus, in quo lasciuia suæ ludos cursusque conficeret: atque ob id vicinos quoque agros temerè percurrerat, & corrumpebat, captius ductus per totum orbem dispergatur, ac non sine suo magno malo, latioribus, quàm optauerat vtatur spatijs. id verò Deo auctore illis accidet, cuius prouidentia huiusmodi prædictionibus atque euentibus arguitur. Nam cum poena scelerum, vel peccantium votis omninò contraria, vel similis etiam omninò sit, quanquàm id vaticinio prædictum nō fuerit; tamen nō casu, sed certo consilio res euenire existimanda est: Casus enim nullam rationum, & consiliorum consequentiam habet: consilium verò vel maximam habet. Vt autem iuuenæ errantis descriptione petulantia & exultationis imago eleganter explicata est, sic etiam summa miseria atque calamitas, summa etiam animi ægrotudo & vitæ perturbatio, & magna confusio agni in spatiofo loco errantis similitudine exprimitur. Oues omnium animantium timidissimæ sunt, & si quod consilium, si qua cogitatio, aut his simile aliquid in aliorum naturis inesse putatur, ea re oues omninò carere videntur: ex eoque fit, vt humana cura, & diligentia hoc genus magis, quàm cætera indigeat; vnde summa rerum perturbatio & confusio huius generis imaginibus depingitur, vt scriptum est: Vidi vniuersum Israël dispersum in montibus sicut oues absque pastore, & dixit Dominus: Non habet isti dominos, &c. & illud: Eratis enim vt oues errantes. Illud verò hoc in loco miseria amplificationem habet, quod in genere ouium agnus vsurpatus fuerit, cui præter eam quæ ex natura est, ætatis etiam imbecillitas accedit. Quæ verò magis apta erroris metus & perturbationis imago exprimi potuit, quàm si quis agnum solum in vasta solitudine relictum effingat: qui cum nullo consilio sit, cursu parum, viribus nihil omnino valeat, herbarum & pastus immemor, erroribus & balatu loca omnia peruagatur & complet, & omnia metuit, omnia fugit, & tamen his rebus omnibus periculum sibi magis, quàm salutem

2. Paralip. 38  
1. Pet. 2.



salutem parit. Infelix profectò, & miserum spectaculum, & quod dolorem non solum ipsi, qui in ea miseria est, acerbissimum faciat, sed spectantium etiam animos commoueat, sicut scriptum est: Et videns turbas viscerum dolore tactus est super eas, erant enim dispersæ tanquam oves non habentes pastorem. In hac etiam similitudine exteri auctores à nostris longo interuallo superantur: illi enim hanc rem hinnuli aut damulæ imagine describunt: quod genus, quanquam cæteris rebus agno par esset, tamen cursu ad fugam longè antecellit, quod vnum salutis præsidium sæpe est, cum contra & hoc etiam agni careant. *Nunc pascet*: Et temporis breuitatem & pœnæ comminationem indicat vox *Nunc*, vt illud: Et nunc quid faciam vineæ meæ.

*Particeps idolorum Ephraim, dimitte eum. Separatum est conuiuium eorum, fornicatione fornicati sunt: dilexerunt asferre ignominiam protectores eius.*

SINGVLAREM Israëliitarum insolentiam & contumaciam indicat hoc loco Deus, quos eò proteruitatis processisse dicit, vt disciplinam omnem & correctionem reiiciant. Namque cum bonorū summam in voluptate, & idololatriæ scortatione sibi ipsi statuerint, atque in huiusmodi studia toto incumbat, nullum correctioni locum reliquunt. Vbi verò quis non errore, non ignoratione coactus, sed consultò suam ipse miseriam tuetur, quid facias illi? sinas miserum esse libeter. Extremus autem infelicitatis gradus est, si cui ob culpam suam, ob contemptum suum, diuina correctio, castigatioq. negetur. Etenim dum castigationi locus est aliquis, nonnullum etiam spei superesse putandū est. Quanta verò diuinorum iudiciorum sit æquitas, vel ex eo perspicitur, quòd antè quàm aliquis pœna damnetur, ad extremam vsque correctionem à malicia ad pœnitentiam reuocatur. Neque quisquam propterea destituitur, quòd ad hoc natus fuerit; sed quòd ipse vt iustissime destitueretur, fuerit commertus. Quamobrem ne quis suam damnationem diuinæ voluntati, sed propriæ malitiæ & contempti ascribat; Deus ipse in damnatissimis & reprobatis hominum causis rationem, quamobrè damnati reprobatiq. sint, reddere solet: Prius enim quàm in Pharaonem horrendam indurationis sententiam ferret, Mosi prædixerat: Ego scio quod non dimittet vos Rex Ægypti, vt eatis; nisi per manum validam. Hanc ergò rationem hoc in loco persequitur Deus: lubet enim vatem suum, ne iam plus operæ in Israëlitis corripiendis frustra consumat, qui perinde superstitionis studio incumbunt, ac si necessitudine aliqua idolis coniuncti sint. hoc est quod dicit. [*Particeps idolorum Ephraim.*] Ieroboam, qui primus vitulorum & impietatis auctor Israëlitis fuit, ex Tribu Ephraim erat: ideo hanc superstitionem, vt partum quendam suum Ephraimæ fouebant, & tuebantur. Alludit autem ad vacca allegoriam, cui Israël similem dixerat: nam ita vitulos suos aureos Israël amat, vt vacca suos. Totū verò indomitæ iuuenæ studium, vel pabulo consumitur, vel ludo & cursitatione absolvitur. Idcirco, ait, cum sese ille coerceri non patiat, [*Dimitte eum.*] Nullas enim alias res agere vult, quàm vel conuiuijs, vel idololatriæ fornicationi, intendere. itaq. nullū tempus illi aut à voluptatis, aut à superstitionis studio vnquam vacat, sicut scriptum est ab Isaia: *Væ qui consurgitis manè ad ebrietatem sectandam & potandum, vsque ad vesperam, vt vino æstuetis, & opus domini non respicitis: hoc est quod dicit: [Separatum est conuiuium eorum.] id est, Postquam exempta fames epulis, mensq. remota. [Fornicati fornicati sunt.]* Quis igitur interea reprehensioni locus erit? *Particeps* Hebraicè *hhabur*, id est coniunctus, colligatus. [*Dilexerunt, asferre ignominiam protectores eius.*] Vnumquodque hominum studium, & ars vnaquæque, etiam inutilis, proprias quasdam orationes habet earū sectatoribus familiares, quas illi libenter vsurpant: cuiuscemodi illud in ore omnium helluonum esse solet: Manducemus & bibamus, cras enim moriemur. Solent verò sacri auctores cum de his rerum & studiorum generibus agunt, eiusmodi sermones & voces inducere, vt per eam orationis figuram, quæ Mimosis dicitur rem ipsam expressius effingant, & cum hoc interdum fufius, interdum pressius, & vno tantum verbo fiat, accidit sæpe, vt ea loca paulò obscuriora reddantur. qualis locus est ille in Euangelio: Vos autem dicitis corbam, hoc est munus &c. Quamobrem sacrorum scriptorū interpretem suscepto officio satisfacere cupientem, nihil horum ignorare oportet. Igitur vt locus hic nobis commodius explicetur, meminisse oportet, voluptati deditos non solum summum in ea re bonum sibi proposuisse, sed id quod ignominiosum verè est, & turpissimum, vt honestissimum

stissimum ceterisque rebus antefendum iactare consueuisse, & cætera præ his studia damnare; adeò vt quod alijs summum dedecus & probum videtur, illis contrà summum iudicetur decus, sicut scriptum est: Quorū Deus venter est, & gloriantur in ignominia sua. Similes autem sermones, similesque voces ab istis vsurpari manifestum est, vt: Ecclē. c. 9.

5 Perfrueret vino cum vxore quam diligis, cunctis diebus instabilitatis vitæ tuæ: Quod-  
cunque facere potest manus tua, instanter operare, quia nec opus, nec ratio, neque sapi-  
entia, neque scientia erit apud inferos, quo tu properas? & illud Anacreontis:

	<i>Religatus at papyro,</i>	<i>Properat volutris atas:</i>	<i>Etenim priusquam ad orci</i>	Anacreon.
	<i>Tunicam Cupido collo</i>	<i>Roseas meo corollas,</i>	<i>Rapiar nigri choreas,</i>	
10	<i>Mihi poculum ministret:</i>	<i>Capiti ferasq. odores,</i>	<i>Volo dissipare curas.</i>	
	<i>Rota nā velut curulis</i>	<i>Mihi &amp; voces amicā.</i>		

Ex hoc sermonū genere est verbū *Afferre*, quod à nostro vate interpretatione refertur: vox enim est vini cupidorū, epulasq. petentiū: vt Salomō referēs, inquit, Sanguisugæ duæ sunt filix dicentes, *Affer, Affer*, & apud Latinos, appone, funde, præbe, &c. Hæc studia  
15 atq. hi sermones cum omnibus hominibus, tū maximè principibus ignominiosi sunt, vt  
scriptum est: Beata terra cuius Rex nobilis est, & cuius principes vescuntur in tempore suo ad reficiendum, & nō ad luxuriam. At verò Principes hi Ephraimæ, & vaccæ Israëliticæ defensores voluptatibus consumpti, summam ignominiam summum bonum ducentes, verbum illud frequentare dilexerunt, *Affer, Affer*. Ecclē. 10.

20 *Ligauit eum spiritus in alis suis, & confundentur à sacrificijs suis.*

DIVINÆ sententiæ decretum hoc est, quo Israëlita dispersio futura prædicitur; qua poena Hossea Rege afflicti sunt anno ab orbe condito ter millesimo, ducētesimo, decimo tertio; Regni verò Israëlitarū ducentesimo quadagesimo tertio, vt ex libris Regū, ex Iosephi historijs, atque ex alijs auctoribus accepimus. Vt autem hanc dispersionem  
25 longè lateq. dissipandam verissimè atque appositissimè significaret, dicit illos à Domino ventis per vniuersum orbem asportandos fuisse commissos. Nam cum primum illi à vero Deo ad vanitatem descendi, ventis sese cōmittere visi sunt. Venti verò velocissimi esse, & omnia loca citissimè peruagari, atque mandata Dei diligentissimè perferre credūtur, Psal. 103.  
30 vt scriptum est: Qui ponis nubem ascensum tuum, & ambulas super pennas ventorum, & qui facit angelos suos spiritus, &c. Cum autem illos non certo alicui spiritui, sed spiritui traditos dicat, omnium ventorum potestati permisos, & in quatuor mundi plagas dissipandos esse indicat. Nam præter id, quod vehementes hi spiritus venti nōmine dicuntur, qui vbi volunt spirant, & nescimus vnde veniant, aut quo vadant; plagæ etiam  
35 atque regiones mundi ventorum nominibus designantur, vt, Venient Angeli, & conuocabunt electos à quatuor ventis. Tum demum Israëlitas, quos nunc ludere & lasciuire vehementer delectat, iussisse, & idololatriæ indulgisse vehementissimè serò pudebit. Alligauit iam eum populum spiritus in alis suis. Ioan. 3. Mar. 13.

40

## CAPVT V.



*VDITE hoc sacerdotes, & attendite domus Israël, & domus Regis auscultate, quia vobis iudicium est.*

45 **I**VS TISSIMVS atque sanctissimus omnium iudex Deus, qui vt neminem damnet, neminem omninò in culpa esse cupit; cum tandem diuinarum legum & æquitatis ratio postulat, vt hominū causa in iudicium ducatur, æquissimum & diligentissimum sese iudicem & rerū æstimatorem præbet. Et quoniam æquissimum iudicium neminem indicta causa damnari patitur, neque actorem solum, sed reum etiam ipsum, vel qui rei  
50 causam defendat, audiendum esse statuit; ideo in qualibet causa iudicanda, suo officio semper satisfacit Deus, qui neminem vnquam damnat, antequam in iudicium vocatus, aut nullam, aut vanam, aut ineptam criminis depulsionem habuisse conuincatur: Alioqui, inquit Paulus, quomodo iudicabit Deus hunc mundum? Igitur cum in his prophetæ nostri sermonibus dies Israëlitis dicta fuerit, & hætenus accusatione, & crimine inferendo transacta res sit; nunc altera iudicij tractatur pars, in qua si quid

quid pro reo dici possit, expectatum est; & cum nulla criminis diluendi idonea constiterit ratio, tum demum exquisita damnationis sententia pronuntiatur; atque accusationis præcedentis exordium fuerat: *Quia lis est domino cum habitatoribus terræ.* Defensionis autem subiectæ initium est: *Quia vobis iudicium est.* Accusationis autem formula postulat, ut omnes in crimen vocentur, quicumq. culpæ & sceleris participes sunt: Defensio autem eos ad dicendam causam admittit, qui maximè dicere & possunt, & debent; quales sunt ij, quorum auctoritate & cōsilio præcipuum scelus est admissum, atq. idcirco omnibus in iudicium vocatis, defendēdi cum ius tum auctoritas regiæ familiæ præcipuè tribuitur. Triplicem autē ordinem inter accusandū propheta appellauerat: in sacerdote s enim dixerat: *Quia repulisti tu me, repellā & ego te, ne sacerdotio fungaris mihi.* In populū verò: *Populus meus in ligno suo interrogavit.* In magistratum autem: *Dilexerunt afferre ignominiam principes eius.* Eisdem etiam ordines eadem serie ad defensionis suæ redargutionem audiendam compellat, ne quis videlicet iniquius secum actum causaretur, quod non ad dicendam causam fuisset admissus. Atque ordines illi sic appellantur: *Audite hoc sacerdotes.* Et attendite domus Israël, Et domus regis auscultate. Causæ gravitatem & feueritatem hæc exquisita attentionis petitio arguit: Accusando quidem, semel omnibus dixerat, *Audite.* Nunc verò incremento vsus, *audite, attendite, & auscultate,* dicit. Nam Deo causam dicturo, cuius oratio simplex, pura, vera, atque omnis erroris, calliditatis, & simulationis expers est, satis fuerat dixisse, *Audite;* quippe qui criminum enumeratione, & explicatione, ac simplicissima probatione susceptum accusatoris munus expleturus erat. Nunc verò cum causa ipsa hominum & defensio (si qua illis reliqua est) refellenda à vate suscipiatur, cum negationibus criminum occurrendum, derivationibus obuiandum, excusationi, translationi, tergiversationi, dissimulationi, & denique his rebus omnibus, quas humana calliditas, non ut culpam, sed ut culpæ poenam declinet, tentare solet, resistendū sit, ne quid suarum artium prætermisum, aut interclusum sibi esse homines causari possint, nunc cum eorum causa pro ipsis, & aduersus eos, atque ipsorum artibus, & modis agenda est, attentissimis auribus atque animis esse iubentur. *Quia vobis iudicium est.* In superiori oratione dixerat *Rib,* quod iurgium significat. huiusmodi autem accusatorij sermonis ratio est: Namque accusator criminum & flagitiorum atrocitate cōmotus, concitato sermone in reum liberius inuehitur, cōtrā, reus sedatiore oratione, & rationibus magis, quàm perturbationibus utitur. quanquam autem index vtrāque partem audiat, sententiā tamē dicturus defensionis potius, quàm accusationis vim & pondus æstimat, quamobrem dicit: *Quia vobis iudicium est.* Nomen *Mispat,* iudicium à ratione profectum significat, ut primo capite Habbakuq à nobis dicitur, hoc est, quia siquid à vobis dici poterat, antequā sententia pronuncietur, ego ipse exquisitissime dicere & refellere etiam paratus sum. Vos autem imprimis appello principes & magistratus populi, quoniam præcipuo quodā iure iudicium vobis est, atque ad vos maximè pertinet. Huius verò rei rationem reddens, ait.

*Quoniam laqueus facti estis speculationi, & sicut rete expansum super Thabor.*

Midras Than  
humavolumi  
ne Thagani-  
orh.

3. Reg. 12.

TRADUNT Hebræi in libro qui Midras Thanuma inscribitur, & in ieiuniorum volumine, Ieroboamum hortis arcibusque in montibus Thabor, & Mispa extructis, excubias collocasse, quibus populus impediretur, ne statis diebus festis Ierosolymam peteret, poenamque capitis contra intentantibus indixisse; quod nō sine principum & magistratum suorum consilio à Ieroboamo tātum esse credendū est, sic enim legimus: Et excogitato consilio fecit duos vitulos aureos, & dixit eis: Nolite ascendere ultra in Ierusalem, &c. Hæc omnia excogitato consilio decreta, & edita esse historia indicat. Nullam ergo his defensionem superesse dicit, quorum consilio & opera populus in idololatriæ scelus fuit impulsus. Atque status hic coniecturalis est, in quo rei facultas & voluntas querūtur. Atqui volūtatis facultas est index: facultatis verò multa indicia, aut ex antecedentibus re ipsam, aut ex ijs quæ cum ea simul sunt, aut ex consequentibus sumuntur: cōsequentia autem indicia, maximè verò quæ diuturna sunt, rem ipsam certissimè arguunt. Igitur si domus regia hoc à se crimē depellere nitatur, nihil efficiet; nā testes horti sunt, & adhuc conspiciuntur in Thabor, & Mispat turres, & excubiæ positæ regis & Senatusconsulto; quibus tanquam feras & aues laqueis irretitas, miseros Ierosolymam tendentes trucidaverint, In speculatione. Nomen proprium & Græcus & Latinus interpres, ut appellativum verterunt;



verterunt; sic aliàs etiam facere solent, vt: Et factus est in Salem locus eius, & habitatio eius in Syon; vbi nomen proprium Salé ex significatione reddidere. Et factus est in pace locus eius. Mispat autem & Thabor montes sunt editissimi, alter in confinijs Iuda, & Biniamin non procul ab Ephraïtis, alter verò in sorte Iscariotidis tribus. Cum autem commodissima ad venationem loca montes sint, sicut scriptum est: Montes excelsi ceruis: Appositissima venationis translatione vates in hac oratione est vsus.

Psal. 75.  
Iosue 11.  
Iosue 19.  
Psal. 75.

*Et victimas declinastis in profundum, & ego eruditor omnium eorum.*

- 10 HEBRAÏCE sic: Et maclare, inclinare profundauerunt: Græcè verò, & venatores indaginem fixere. Amplificat rem, & culpam auget à consilio, à certa & manifesta voluntate arguens: Nam coniecturæ, in quibus rebus voluntas & facultas ostenditur, nullam aliam probationem desiderant. Quæstio itaq. est, quisnâ huic idololatriæ populo auctor fuerit, accusatur domus regia; hi crimen in populum deriuare conantur; occurritur; ab  
15 accusatore argumenta manifesta afferuntur; consilij & facultatis deinde testimonio res confirmatur. Primum & grauiissimum argumentum voluntatis & facultatis laquei Mispat, & Thabor rete sunt; deinde cædes in locis illis istorum consilio, auctoritate, atque etiam decretis frequenter patratæ: à quibus vehemèter, profundè, & imperiosè sancitum est, vt citra misericordiam quicumque in via quæ ducit Ierusalem secundum  
20 dies festos comprehensus esset, maclaretur atque iugularetur. Atque ita explicamus maclare, inclinare profundauerunt. Vehementi & profunda voluntatum inclinatione, atque omni studio ad necem eorum, qui suis de superstitione decretis non obtemperassent, incubuerunt. nam profundare, est vehementem alicui rei operam dare, vt: Conuertimini sicut profundastis discessionem domus Israël. Sed cum totam domum regiam, hoc est principes, & iudices omnes huius criminis reos fecerit, ne quis à se crimen depellere, & in socios & collegas transferre posset, asserens se ab eo consilio atque adedò à culpa alienum fuisse; eiusmodi translatione vates infringit, ostendens suo ipsius testimonio neminem eorū culpa vacare; cum nullus ex iis sit, quem vates ipse non ob hanc rem arguerit, atque reprehenderit; & ab hac sententia, frustra tamen, deter-  
25 ruerit. Quamobrem subiungit: [Et ego eruditor omnium eorum.] Hebraicè ego מוֹדָר, id est increpatio & obiurgatio: Omnibus illis; non modò enim singulos obiurgauimus, verum illis omnibus, ego ipsa obiurgatio fui. Exaggeratione hac vsus vates, certissimum illorum consilium, & constantissimam in hoc scelere omnium voluntatem fuisse demonstrat, & cum omnes dicit, neminem excipit iuxta sacrorum librorum dialecticam, quam regulam diuo Paulo præceptore didicimus. Atque ob hanc rem omnes  
35 initio compellauerat.

Esa. 32.

מוֹדָר

Hebr. 2.

*Ego scio Ephraim & Israël non est absconditus à me: Quia nunc fornicatus est Ephraim, contaminatus est Israël.*

- 40 POPVLVM etiam redarguit vates, qui cum vitium publicè concipere, & fouere maximè soleat, tamen crimen à se propulsare, & in principes suos conferre consuevit; idque maximè excusationi sibi fore existimat, si peccati conuictus, se non sua sponte, non suo exemplo, sed magnis auctoribus ad peccandum adductum fuisse dicat: cum illud verissimum sit, nullam esse tantam principum potentiam, vt leges non solum  
45 iniquas, sed neque etiam aquas sine populi consensu sancire, aut stabilire valeat. Namq. intercedente populo, neque Sauli in religiosa re aduersus proprium filium ex edicto, & iureiurando decernere integrum fuit, sicut scriptum est. Dixitque populus ad Saul, ergone Ionathas morietur? qui fecit salutem hanc magnam in Israël: hoc nefas est: Viuit Dominus si ceciderit capillus de capite eius in terram. Itaque cum Israëlitiæ nouæ tribus,  
50 in Ephraim regiam familiam, illa autem in principes ipsos & sacerdotes, hoc est in domū regiam culpam transferre conaretur: Criminis translationi vates occurrit, docetq. illos, à quibus iniquæ leges acceptæ sint, tam in vitio esse, quàm eos, à quibus propositæ, & latæ fuerint. In omni autem iniqua lege ferenda populus culpa non caret, maximè verò cum de superstitione, & vano cultu leges eduntur, quod ex populi voto, & studio fieri planū est.

Lactius in  
vita Agefilai.

2<sup>a</sup> Reg. 14.

K

Etenim

Vide Platonē  
in lib. de Re-  
publica.

Ierem. 5.

1. Reg. 14.

2. Reg. 17.  
Lib. de serie  
mundi.

2. Reg. 17.

Etenim & veteres olim legum latores, varias leges & ritus in populi gratiam tulere; cum videlicet probè cognouissent, nulla magis re vinciri populum posse, quàm religione; creduli enim animi facile superstitioni credunt & concedunt, sicut scriptum est: Prophetæ prophetabant mendacium, & sacerdotes applaudebant manibus suis, & populus meus dilexit talia. Ita cum nefaria hæc superstitio, non tam studiosè à principibus edis, quàm à populo libenter suscipi cōsueuerit, idcirco in accusatione subiungit: [Ego scio Ephraim & Israël, non est absconditus à me, quia nunc fornicatus est Ephraim.] Cui nihil iucundius aut gratius fuit, quàm ut quod proprii ingenij insolentia vehemèter cupiebat, id sibi per leges atq. principū & sacerdotum placita liceret, eodē scelere contaminatus est Israël. Nam quod Rex optauerat, populū videlicet à Deo quàm maximè alienatum in suam gratiam pellicere, facile obtinuit, id quod Deus reginæ per Ahhiam vatem testatus est: Et tradet dominus Israël propter peccata Ieroboam, qui peccauit, & peccare fecit Israël. Neque verò solū testimonio diuino & prophetico res asseueratur, sed voluntatis etiam declaratione, & certissimis indiciis demonstratur: Nam ubi iam superstitione populus, imbutus fuerit, si quis extet princeps, qui eiusmodi studia restringere molietur, tamen frustra tentet; namque populus eandem voluntatem retinebit, & nouis excogitandis rebus concepti sceleris causam tuebitur. Etenim Hosseas Elæ filius Israëlitarū decimus septimus Rex, qui non perinde atque alij, qui antè eum regnauerant, malus fuisse in diuinis libris dicitur, lucos atque hortos à Ieroboamo vanæ religionis causā confitos, excidisse, in annalibus hebræorum commemoratur, & tamen nihil effecit: Nec enim idolo-

latrariam minuere, nec populum aliqua ex parte corrigere potuit, sicut scriptum est: Et irritauerunt filij Israël verbis non rectis dominum Deum suum, & ædificauerunt sibi excelsa in cunctis vrbibus suis, à turre custodum, vsque ad ciuitatem munitam, feceruntque sibi statuas & lucos in omni colle sublimi, & subter omne lignum nemorosum. Itaque vitulis & delubris à Ieroboamo institutis, non contenti, excisorum etiam à Rege lucorum desiderio affecti, singuli sibi lucos & statuas faciebant: Hoc vulgi ingenium, hæc studia, cum manifestè vates comperisset, & res non coniectura, sed oculis & manibus teneretur, dixit:

*Non dabunt cogitationes suas, vt reuertantur ad Deum suum.*

**C**OGITATIONES dare in aliquam rem, est in eam studiosè intendere. Cum autē quis animum ad certa studia, quibus nimium delectatur, contulit, nullis conditionibus dimoueri poterit, ut ad alias res agendas abducatur; quantum enim temporis atq. operæ studijs suis non impenderit, id totum sibi periisse ducit: Vide ergo quantū sibi bonum populus iste in vano cultu statuerit, ut vel animo de resipiscencia cogitare, & Dei sui meminisse id magno temporis dispendio, & cogitationum iacturæ ascribat. Tantū vitiosa & corrupta consuetudo valet, ut viam etiam ad pœnitentiam hominibus præcludat.

*Quia spiritus fornicationum in medio eorum est.*

Sic Aristot. lib.  
de motu ani-  
mantium.  
Gen. 18.  
1. Samuel. 4.

Deut. 40.

**Q**UOD sit spiritus fornicationum, iam diximus. In medio autem esse, idem est quod principem locum obtinere & regnare, atq. cordis regnum & sedem occupare, ut: Risit Sarra in medio sui, & afferamus ad nos arcam foederis domini de Silo, & veniat in medium nostri, ut saluet nos de manu inimicorum nostrorum. Atqui cum oportuerit hos Deum in medio sui habere, eundemque vnum sibi ut summum regem, & salutis auctorem præficere, sicut scriptum est: Neque est alia natio tam grandis, ut habeat Deos in medio sui, sicut Deus noster adest in cunctis obsecrationibus nostris: tamen adeò insanierunt, ut fornicationis spiritu agitati, Dei notitiam non habeant: Dei inquam, qui sese illis nomine illo ineffabili, Adonai, cognoscendum tam multis argumentis ostenderat.

*Et respondebit arrogantia Israël in facie eius.*

**N**ON solū coniectura, argumētatione, & testimonijs, sed expresso etiā signo actionē suam cōfirmat in Israël: Quædā enim mulieres impudicæ sunt, quæ tamen animi morbum dissimulant, & honestatē ficto sermone & vultu prætexunt, sic ut ingenio ac diligētia in arguēdo opus sit: Aliæ verò cōtrā sic vultu & incessu sese produūt, ut nihil horū sit necesse, imò adeò perfriatæ frontis sunt, ut impudicitiam suam palam iactent, ut scriptum est:

Eccē

Ecce occurrit ei mulier ornatu meretricio garrula, & vaga. Est autem vultus maximus simulationis, & dissimulationis artifex, vt quod animus non præstat, confingere vultus possit: At cum frontem ipsam atque oculos vitium occuparit, tum probitatis speciem omnem exulasse manifestum est. Sic igitur Israël nefarium scelus ab Hossea hoc expresso signo arguitur: Non enim solú idololatriam secretò, atque intra priuatos parietes coluerat, sed impotentissime fornicationis spiritu actus, ebrietate, ludis, & ceremonijs, atque alijs huiusmodi facitandis, verbis etiam in verum Deum impudentibus effutientis improbitatem suam palam profitebatur, vt scriptum est: Et imitauerunt filij Israël verbis non rectis dominum Deum suum, &c. Itaque nihil diligentie nec laboris in ostendenda Israëlitarum improbitate à nobis requiratur, ait vates, cum ipse sese omni turpitudinis nota insignem præbeat, cum summum dedecus, summum decorem putet, sicut scriptum est: Væ corona superbiæ ebrij Ephraim & flori decidenti, gloriæ exultationis eius, qui erant in vertice vallis pinguißimæ, errantes à vino. [Et respondebit.] Respondere in loco, testificari est, vt: Non respondebis contra proximum tuum falsum testimonium, & illud, quod huic sententiæ simillimum apud Isaiam est: Agnitio vultus eorum respondebit eis, & peccatum suum quasi Sodoma prædicauerunt, neque absconderunt. Atque hic extremus improbitatis gradus est, ad quem cum quis peruenit, proximum est, vt præceps ruat: propterea subiunxit:

*Et Israël & Ephraim corruent in iniquitate sua.*

20 NAM cum ipse amentissimus, & omnibus consilijs præceps, spontè euaserit, ipse sibi, atque imitatoribus suis exitio fuit, sicut scriptum est: Perditio tua ex te Israël. [Iniquitate sua.] Declinationem à recta, simplici & tuta via significat nomen iniquitas, à verbo *Ghauah*, quod declinationem, & peruersionem sonat, vt: Nunquid Deus peruertit iudicium, & si omnipotens peruertit iustitiam.

*Et Iudas etiam ruet cum eis.*

25 NON solùm domus regia, qui primi scelus admisere, atque Israël qui suscepere, sed etiam Iuda, qui ob consuetudinem hos imitati sunt, corruent; hoc enim diuinæ iustitiæ est, vt anima quæ peccauerit, siue spontè sua, siue aliorum impulsu & auctoritate scelus admittat, ipsa moriatur: Est autem hæc argumentatio à minori. Etenim si is qui alterius impulsu scelus suscepit, criminis non est expers, nedum is erit cuius auctoritate, aut etiam exemplo peccatum est. Quod ad dicendi artē pertinet, obliqua notatione vsus est vates: Ea fit cum in alterius accusatione, alter obliquè eadem aspergitur nota, vt: Flii hominis vsq. quo graui cordi, quo in loco Saul notatur, & in ethnicis auctoribus: Non quæro quis perussit, nihil est Glaucia quod metuas, non excutio te si quid fortè ferri habuisti.

*In gregibus suis, & in armentis suis vadent ad quærendum Dominum, & non inuenient: Ablatus est ab eis: in Dominum præuicati sunt, quia filios alienos genuerunt: deuorabit eos mensis cum partibus suis.*

40 ACCVS AVERAT Israël em atque eodem in crimine Iudam etiam accersuerat: cū autem nulla vtriusque purgationis ratio superesset, quod neque fortuna, neque necessitate, neque imprudentia factum excusari poterat, vna illis in hoc causæ genere reliqua fuerat poenæ declinandi via, quam deprecationem Rhetores nominant: Eius vsus est, cū fatebimur nos peccasse, neque imprudenter, aut necessario, aut fortuito fecisse dicemus, & tamen ignosci nobis postulabimus; Et hæc causa ante Deum sepißimè in sacris venit libris, vt: Miserere mei Deus secundum magnam misericordiam tuam, &c. Hanc verò deprecationis viam frustra istis tentandam esse dicit, qui in eum scelerum & culpæ locum peruenierint, vt veniam & impunitatem assequi ex iusto Dei iudicio non valeant: Nam vt in Habbakuq prophetæ commētariis disserimus, quanquam misericordia ditissimus in omnes inuocantes se Deus sit, existunt tamè aliquando tēpora, in quibus diuina misericordia, à sceleratissimis hominibus frustra ad effugiendam poenā, impleretur. Ergo cum tanta insolentia tantaque impudētia fuerint, vt sceleribus & flagitijs nullū hætenus modum statuerent, & libidines suas nec fronte etiam vel supercilio contexerint, ac tamdiu reuocari, atque expectati, diuina tamen patiētia fuerint abusi; quando ad poenæ deprecationē admittentur, qui nō antè à scelere desistere voluere, quàm ad supplicium rapiantur?



2. Reg. 23.

rapiantur: tum verò et si frequenti hostia diuinam effugere pœnam studeant, tamen sustinere cogendi sunt: Videmus enim quanto studio Ioseas Rex publicam rem & religionem correxerit, suosque ad officium reuocandos curauerit; cum imminentem propter impietatem populo suo ruinam magnopere timuisset, & tamen ut scriptum est: Non est reuersus Dominus ab ira furoris sui magni, quò iratus est furor eius contra Iudá, propter irritationes, quibus prouocauerat eum Manasses. Dixit itaque Dominus: Etiam Iudam auferá à facie mea, sicut abstuli Israël. Atq. adeò hæc huius orationis sententia est. [*In gregibus suis.*] hoc est, Quamquam totos mihi greges, tota armenta, sua, nò aliunde rapta aut male acquisita sacrificent, & tum demum veniam petant, cum iam in promptu vitio sit, tamen nò impetrabunt à Domino qui ablatus est ab eis, & sua ipsorù nefaria culpa repulsus. Cum frustra enim misericordiæ auxiliù implorat, qui còtra misericordiæ rationem facit. Cum autem Dominus sese misericordem, hoc est, nomine suo, *Adonai*, dignù hætenus in istos prabuierit, fueritq. per summam impudentiam & contèptionem reiectus, ipsi sibi ut misericordiá non consequerètur, còmeruere; quia scilicet in Dominum prauaricati sunt. Hoc in loco nomen tetragrammatum est; ad cuius nominis arcanam interpretationem omnis misericordiæ ratio accommodatur. *Præuaricari*, *Bagad* Hebraicè debito officio aliquè fraudare est, quòd verbù sæpè interpretes spernere reddit; ut: Non poterit vendere eam, cum spreuerit eam, & Filios enutriui, & exaltaui, & ipsi spreuerunt me. Ita ergò indigni misericordia sunt, qui misericordem toties spreuerint: Nam in deprecatione, ignoscèdi ratio, ex tribus locis quæritur: Vnus est, si plura, aut maiora officia, quàm maleficia, videbùtur constare: Secundus, si qua virtus aut nobilitas erit, in eo qui supplicabit. Atque hos locos Ezechias ægrotans tractabat: Obsecro, inquit, Domine, memento quæso quomodo ambulauerim corà te in veritate, & in corde perfecto, & quod bonù est in oculis tuis fecerim. Tertius locus est, si qua spes erit vsui futura, si sine supplicio discesserit. Huius rei causà David dicebat: Docebo iniquos vias tuas, & impij ad te conuertètur: Libera me de san- guinibus Deus Deus salutis meæ, & exultabit lingua mea iustitiam tuam, &c. Atque de primo quidem loco populus hic à vate deiectus est, dicente: [*In Dominum præuaricati sunt.*] Secundum verò & tertium obtinere non possunt, cum adeò impia istorù vita, adeo flagitiosa esse ostendatur, ut neque de ipsis, neque de ipsorum filijs quicquã boni sperari possit credatur: Non modò enim hi omnem vitam flagitiosissimam vixerunt, sed gentiù conubijs atque affinitatibus sese contra ius, contra fas deuinxerunt, ex quibus matrimonijs filios suscipere, qui maternæ ac paternæ impietatis discipuli, atque imitatores scelus & superstitionem in ventura secula, nepotesq. propagent, atque hoc est, quod dicit: *Genuerunt filios alienos*. A genere Israëlítico, & à vera religione alienos, cū hoc illis cautū esse lex voluerit: Neq. sociabis cū eis cōiugia, filiã tuã nò dabis filio eius, neq. filiã illius accipies filio tuo: Quia seducet filium tuũ ne sequatur me, & ut magis seruiat dijs alienis, irasceturq. furor Domini, & delebitte cito. Et quoniam cito delendos esse, qui huiusmodi in se scelus admisissent diuina lex prædixerat: Propterea in iudicij sententia dicitur: [*Et nunc deuorabit eos mensis cū partibus suis:*] Nunc, & proximum tempus significat, & illatione etiam ex antecedentibus habet, ac si dicat proximum est, ut cito & breuissimi temporis spatio, nimirum intra mensem absumantur, & in captiuitatem abductis magna partiũ, generis, familiarum, atque etiam hæreditatum, & locorũ confusio & perturbatio accadat: Neque enim aliqua tribus integra in vnum aliquem certum locum migrabit, sed ut ipsi cum gentibus per nefaria connubia sese miscuere, ita sparsi atque commisti inter gentes cum summa ignominia miseram vitam degent. *Deuorabit*, absumet, ut nomen eorũ & partes, atque hæreditatis rationes perturbètur & deleantur. *Mensis* autem spatio eam rem transigendam prædicit, ut pœnæ ratio legi respondeat, in qua legitur: *Et delebit te cito*. Magnæ ergo prouidentie signum est, si pœna legi omnino quadret, magnam verò conficiendi celeritatè significat, cum tantus populus, tanta rerum, vrbium, agrorũ, & regni felicitas intra menstruum tẽpus omninò funditus ruat, ut illud: Et succidi tres pastores in mense vno. Quod si quis eũ mensem, in quo hæc acta sint, curiosius inquirat, inueniet in libro ieiuniorũ, & in alijs auctoribus mensem A B, qui nostro Iulio respòdet, fuisse; in quo multas, & magnas calamitates Israëlita acceperint. Scribunt enim nona die mensis A B, iudiciũ de exploratorũ peccato fuisse editũ; eadẽ die tẽplum primũ & secundum itẽ fuisse dirutum; eadem die aliquot post annis tẽpli solum fuisse exaratum; duas ciuitates Israëlítico populo

populo frequentissimas Cether & Alexandriam eadem eiusdem mensis die expugnatas. Deniq. cum ex Hispania migrare coacti sunt, qui fuit annus ab initio mundi 5252. extremam edicti diem nona eiusdem mensis terminauit. Eodem etiam mense Samariam fuisse captam Salomon Iarhius, atque hunc secutus Lyranus, tradunt: Vt hic mensis 5 Israëlitis impiè agentibus fatalis fuisse videatur.

*Clangite Buccina in Gabaa, Tuba in Rama: Vlulate in Bethauen.*

POST accusationem & defensionem iudicij sententia pronuntiari solet: Atque hæc hoc in loco iudiciorum formula exprimitur. Solenne autem fuit, & diuinitus institutum, 10. vt quoties de magnis & diuinis rebus cum populo agendum esset, buccina ac tuba certis in locis caneretur, vt eo cantu excitatus populus ad audiendum, id quod sua maximè intererat, conueniret; sicut scriptum est: Buccinate in Neomenia tuba in die solennitatis vestræ, quia ius in Israël est, & iudicium Deo Iacob. Testimoniū in Ioseph posuit illud, &c. Causa verò quamobrem in his potissimum locis cani iubeatur, illa nimirū fuit, quòd 15. aduersus Israëlitas & Iudæos sententiam dicturus Deus, quam potissimum iudicij formā atque rationem initurus sit, ostendit, vt res non temerè, ac fortuitò, sed consultò acta, & transacta videatur: Atque hoc modo diuinæ iustitiæ æquitas, & populi culpa insignior, atque illustrior arguatur. Caterum vt locum hunc intelligamus, animum ad historiam reuocare, & nefarij illius stupri meminisse oportet, quod à nonnullis petulantissimis ex 20. Biniaminitica tribu Leuiticæ cuidam concubinæ Bethlehem venienti per vim est illatū. Videmus enim vt communi cæterarum tribuum sententia, & non sine diuinis oraculis totus Israël in Biniaminiticæ tribus pernitiem vrbisque exitium conspirauerit, & bello vtrunque suscepto in primo & secundo prælio, tametsi Biniaminitanos Israëlitarum numero & copijs superassent; tamen ex Israëlitis cæsos fuisse, & vltra triginta millia occubuisse, 25. omnino incolumi aduersa acie, vt ne vnus ceciderit. Quæ res cum non casu, sed consilio, atque responso diuino gesta esset, Deum Israëlitis plusquam Biniaminitis ob impietatem, & scelera infensum, arguere potuit: In tertio tandem conflictu Biniaminitæ etiā iusto supplicio perierunt, cum ex viginti quinque millibus, & sexcentis solum sexcenti fuga euaserint. Atque adeò hanc rem imaginem quandam & quasi præludiū instantis calamitatis fuisse ostendit Deus: nam vtriusque & Israëlitis & Biniaminitanis infensum se esse demonstrauerat; quamobrem vtrosque diuinam misericordiam poenitentia, non iram scelere sibi conciliari oportuerat. Cum autem illud correctionis velut documentum isti neglexerint, & contempserint, hoc integrum & iustum iudicium vt experiatur 30. necesse est. Quoniam verò antiquum hoc exemplum renouare decreuit, ad eandem imaginem contemplandam auditores reuocat. [*Clangite tuba in Gabaa.*] Mementote inquit antiquæ illius stragis Biniamin, qui cum scelus in Gabaa admisissent, omnium Israëlitarum impetum primum semel atque iterum frangere, deinde cum sua summa perniciæ demum excipere coacti sunt. Rama autem vrbs est in Biniaminitica tribu, in loco excelsio sita, quod & nomen ipsum declarat: Est & alia in sorte Neptali, sed hic de vtrāq. 35. mentio fiat, locus ipse indicat. Bethauen etiam in eadem Biniaminitica tribu esse ex descriptione Iosue accepimus: Et fors, inquit, tribus Biniamin contra occidentem ad montana conscendens habet exitus suos ad solitudinem Bethauen. Altissima autem loca ad sonandum commodissima esse constat: Etenim ab his locis propter liberum aëris tractū latius expanditur, atque longius auditur sonus. *Clangere, vlulare, Buccina & Tuba.* Canendi varios modos, atque instrumenta diuersa à Deo in lege ad celebrem & solennem 40. populi conuocationem instituta significant; quarum rerum rationes oportuno in loco Deo annuente explicabimus.

*Post tergum tuum Biniamin.*

50. VT CÆTERÆ omnes, inquit, tribus in tuam pernitiem coniuratæ, atq. in te irruentes, maiorem cladem prius pertulere, quàm tibi attulerint; sic futurum nunc est, vt & Israëlitarum, & tu impietatis poenas detis; illi tamen maiores, & maturiores subeant. Atque hoc est quod dicit:

*Ephraim in desolatione erit.*

VT DVAS tribus vno Biniamin nomine appellat, sic decem alias Ephraim appellatione

latione Synecdochicōs nominat: Namque Reges ex Ephraim erant, ergo ut olim, cum te insequerentur Israëlita, citius & grauius sunt castigati: sic nunc non in correctionē, sed in desolationem eorum res deuenturae sunt. Etenim quid nunc futurum esset, nisi respuissent, iam tunc à me certissimis signis & imaginibus protendebatur; atque adeo

*In die correctionis in tribubus Israël ostendi fidem.*

Hoc est huius veræ pugnae diuinæ illud antiquum iudicium, & quod quasi præiudicium fuit.

*Facti sunt principes Iuda quasi assumentes terminum: super eos effundam quasi aquam iram meam.*

IAM sententia per partes in singulos pronuntiatur. Est autem hæc diuinorum iudiciorum formula, ut notatæ cuiusque prius culpæ, & in caput atque summam redactæ, iusta deinceps pœna constituitur. Quod vel in prima illa trina sententia in Serpentem, in Euam, atque in Adamum lata, videre est: Quia fecisti hoc, maledictus eris: Quia hoc fecisti, multiplicabo æumnas tuas: Quia audisti vocem vxoris tuæ, maledicta terra in opere tuo. Eandem hoc in loco formulam per singulas exprimit partes. Primum in Iudam sententia pronuntiatur, qui ut dignitate, & acceptis beneficijs præstantissimus, sic deserti officii culpa obligatissimus fuerat. Culpa est, quod facti sunt quasi assumentes terminum. Maximum flagitium etiam ex legis edicto erat, si quis agrorum suorum terminis non contentus, alienos corrumpere tentaret: Huiusmodi enim nefarios ausus dira imprecatione lex prosequatur. Maledictus, inquit, qui transfert terminos proximi sui. Atque hac diuina cautione non tantum agrorum limitibus religiose custodiendis, sed multò etiam magis religionis ac pietatis definitionibus obseruandis est prouisum, ut præscriptis finibus vnusquisque contentus, ab alienis ritibus, legibus, ceremoniis, denique vniuerso cultu, mentem, oculos, & manus obstinerent. Principes autem Iuda primum pauperiorum agros cupidè appetierant, & limites nefariè tentauerant, ut apud Ezechielem legimus: Et non depopulabuntur vltra principes populum meum, sed terram dabunt domui Israël, secundum tribus eorum: Deinde etiam ipsi in vicinorum impias leges & iura inuaserant, & definitum religionis limitem vltèrius promouerant. Qui huiusmodi igitur fuerint, atque in dira, & talia viciosa inciderint, paribus noxiæ pœnis tenentur. Pœnæ autem sunt, [Effundam super eos iram meam, quasi aquam.] Vehementibus & varijs calamitatibus affligendos esse, hoc tropo prædicit: namque aquarum effusio, immoderatam profusionem significare solet: Etenim ex rebus ijs, quarum nobis assiduus & necessarius est vsus, nulli minus, quam aquæ parçitur: Vinum, lac, oleum, mel, & quidquid eiusmodi est, etiam si corruptiora, aut ad vsum ineptiora, reddita sint, tamen non temerè effunduntur: Aquam verò etiam purissimam si quis in vase inueniat, quò ad alia opus sit, profundit. Itaque effundere sicut aquam iram, idem est, quòd iræ non parcere, quominus vniuersa in illos profundatur, quale & illud est: Effuderunt sanguinem eorum tanquam aquam in circuitu Ierusalem. Quod ad orationis vim pertinet, particula illa, quasi, non solum similitudinem, sed asseuerationem rei secum affert, ut illud in superioribus fuit: Populus tuus sicut hi qui contradicunt sacerdoti. Sic hoc in loco eandem vim obtinens, ostendit, principes ad id scelus studiose incubuisse.

*Calumniam patiens est Ephraim: fractus est iudicio: quoniam cœpit abire post sordes.*

ISRAELITARVM culpam versus hic continet, qui quanquam necessitatis excusationem habere videantur, nullā tamen habent, quominus iudicium subeant grauissimum: Nam principio quidem Ephraim, principum, magistratuum, & sacerdotum imperio, decretis & edictis, ut scelus admitteret, coactum se dicere potuit. Iam illa primū animaduertenda in eo culpa est, quòd nullis præmiis, nullis minis, nullis quauis iniquis conditionibus, ut sceleratissimo consentiret imperio, adduci debuerat: quòd si populus diuino timore imbutus, communi voluntate, legibus intercederet, nulla profectò rebus ad easdem stabiliendas reliqua fuit potestas. Oportuerat ergo vitam illis omnem potius, quàm vim & perseuerantiam ad principum improbitatem refringendā defuisse: Quamobrem nulla illis propterea excusatio est, quominus in iudicium vocatis, causa esset



5 effect cadendū. Quòd si non modò impijs regū consilijs & imperijs nō restitisse, sed vltro  
 etiam consentisse, cōuicti sunt (vt superius dicebatur: *Ego scio Ephraim, & Israël non est ab-*  
*conditus à me.*) quoniam patrocínio causam suam tueri possunt: Etenim regia iussa tum  
 rata & firma esse oportet, cū diuinis præceptis & honestè viuendi institutis non repu-  
 gnant. quam rem Salomonis regis præcepto docemur: Ego, inquit, os regis obseruo, iuxta Ecclesiast. 8.  
 rationē iuramenti Dei: Ne festines recedere à facie eius, neq. permanceas in opere malo, „  
 quia omne quod voluerit, faciet. Quòd si maximè sermo regius plenus potestate sit, neq. „  
 dicere ei quisquam possit, quare ita facis; tamen, inquit Salomō, qui custodit præceptum  
 Dei, non experietur quidquam mali: Manifestum igitur est Ephraim fractū iudicio esse,  
 10 & causa cecidisse, quoniam nō solum impias leges nō reiecit, sed quòd maximè flagitio-  
 sum est, sceleratissima regis imperia sciens & volens ipse est exequutus. [*Quoniā cœpit,*]  
 consultò, & spontè: *Abire*, non trahi, nō cogi, aut impelli, sed *Abire post sordes*, hoc est, post  
 impurissimum & prophanissimum Ieroboami præceptum, ita vt Ieroboam non duras le-  
 ges imposuisse, sed populi libidini largitus esse videri possit. [*Quoniā cœpit.*] Verbum  
 15 hoc voluntatem & studium ad rem agendam significat, cū quis non alieno impulsu, sed  
 suo consilio & libidine rem aliquam aut actionem init, à qua non facile diuelli possit. Sic Gen. 11.  
 Deus hominum pertinaciam olim etiam ostendit: Ecce inquit, vnus est populus, & labij „  
 vnius; cœperuntque hoc facere, nec desistent à cogitationibus suis, donec eas opere com- „  
 pleant. *Abire*, vltro, non trahi, vt: Beatus vir qui non abiit in consilio impiorum. *Sordes* He-  
 20 braicè *szaua* præceptum propriè significat, quanquam Latinus interpret aliam verbi origi-  
 nem secutus, non incommodè vertit sordes, nam *szaua* sordescere, *szauah* præcipere est.

*Et ego quasi tinea Ephraim, & quasi putredo domui Iuda.*

O D I V I N Æ clementiæ infiniti atque inexhausti thesauri, quæ tam diu cunctatur, vt  
 misereatur nostri: vt cū homines sceleribus obligati, debitas meritasque pœnas, diuino  
 25 iudicio persolvere debeant, minus tamen graues, quàm iustas interim pendūt, & castiga-  
 torem potius, quàm vltorem Deum experiuntur, donec peccatorū expleta & cumulata  
 mensura diuinam tandem iustitiam in se prouocant, & inuitam cōcitant, sicut scriptum  
 est: Videns autem Deus, quòd multa malitia esset in terra, & quòd cuncta cogitatio ho-  
 minum esset intenta ad malum, tactus dolore cordis intrinsecus; delebo, inquit, hominē „  
 30 quem creauī &c. Non solum ergo punire nollet, sed cū animaduersio omninò neces-  
 saria est, tunc paulatim & leniter castigat, pungit, flagellat, corripit, si quo modo tandem  
 sentiant, & resipiscant. Et quanquam in sententia, omnē iram profusurum sese prædixe-  
 rit, sensim tamen prius instillat: quòd si omninò in vitijs perseuerauerint, tunc demum  
 profundit, sicut scriptum est: Domine, oculi tui respiciunt fidem, percussisti eos & nō do-  
 35 luerunt, attriuisisti eos, & renuerunt accipere disciplinam, indurauerunt facies suas supra „  
 petram &c. Hoc temperamentum atq. hunc modum à se seruandū esse, prædicit Deus, „  
 curaturumq. vt leuioribus calamitatibus paulatim deterantur atque erudiantur potius,  
 quàm perdantur. Hanc verò rem appositissima similitudine indicat, cū illorū res pau-  
 40 latim à se opprimendas, & tanquam vestem tinea, & ligna carie arrodendas: nam si quis  
 ex sacris annalibus harum rerum memoriam eruat, comperiet iam ab huius Prophetæ  
 temporibus, ad vtriusq. populi abductionem multas paulatim calamitates Israëlitis om-  
 nibus exhaustas fuisse. In Iudaicis rebus Achaz anno ab ædificatione templi ducētesimo  
 45 quinquagesimo nono Assyriorū regem adorauit: tertio post anno à Phacea & Rafin ob-  
 sessus est: Ezechias iustus, patrē sine honore sepeliuit: magni etiam in ciuitate tumultus,  
 dum hic religionis res corrigit, fuere, anno ducentesimo septuagesimo quinto, qui primus  
 huic regi annus regni fuit. Cumq. hic vsq. ad decimum quintū annū regnasset, Iudæa à  
 Senacherib vastata, & Ierusalem obsidionis periculo diuinitus liberata est. Manasses im-  
 pius horribiles ciuium suorū cædes fecit: Iudæa à rege Babylonico magna manu fuit in-  
 festata: rex dolo capt⁹ est: Ammō decimus & octauus rex domesticis insidijs periit: Iosia  
 50 regis tempore oleum sacrum sublatū est, & sacerdotes vngi desiēre: Hic rex dum regnū  
 superstitione purgare studet, in multos animaduertit. Iehoachim xx. Iudæorū rex, tertio  
 regni mense in Ægyptū captiuus migrat, regioni tributū est imperatū. Post annū v. Iosias  
 à Pharaone in Madin vulneratus, periit. Iehoachin anno viij. regni sui Nabugodonosori  
 tributum pepedit: tertio post anno ab eodē occisus, & qui huic successit Iehoachin intra  
 tertiū. Post hūc Sedechias primo anno Babylonē tributa cōferre est coactus: huius anno

nono vrbs obfessa, vndecimo tandem vnà cum templo diruta est. Atque hæc & alia huiusmodi Iudæis accidere. Israëlitarum verò interea non mitiora passi sunt: namq. huius Prophetæ diebus Phul Terſam obſedit, cui Menahem tyrannus vt exercitū ſolueret, maximam pecuniam dedit. Phacea filius Menahem, Phacæ dolo periit. Anno decimotertio Ioathan regis Iudæ; Phacee verò Iſraëliitarū regis decimoquarto Theglath Pelaffar totam Galaaditen regionē vaſtauit, cepit & abduxit. Deinde Phacea rex ab Hoſſea per inſidias occiditur, anno regni ſui vigefimo. Hūc Hoſſeam Salmanaſſar ſeptimo poſt anno tributo ſubiecit; vndecimo anno tributa negata ſunt. ex qua re cū periculum timeretur, Sux Ægyptiorū regis auxilium imploratur. Poſt rebellionē demū anno nono Samaria capta fuit, decemq. tribus abductæ. Quoniam autem Iſraëliitarum res breuiori temporis ſpatio; videlicet intra quadraginta & nouem annos protriæ ſunt: Iudæorū verò calamitates maiori etiam cum tumultu vſq. ad centefimum ac nonageſimū annum ſunt protractæ. idcirco dicit: [*Ego quaſi tinea Ephraim, & quaſi caries domui Iuda.*] Etenim tinea veſtes corrodit, ſicut ſcriptum eſt: Sicut veſtimētum quod comeditur à tinea. Rekab verò, hoc eſt caries, quam putredinem nonnunquam vertit interpres, duriora, vt lignum atque oſſa tentat & perdit, iuxta illud: Exiſtimauit, vt lignum carie abſumptum, & illud etiam: Vita carniū ſanitas cordis; & caries oſſium inuidia. Atque illæ illis vtriſque calamitates diuino conſilio venturæ eſſe ſignificantur, quamobrè dicit: [*Ego ſicut tinea*] Quaſi dicat: Namq. iſti (vt ſunt ingenia hominum) rem non conſilio, ſed caſu accidiffe interpretaturi, atque ob id rebus ſuis non rectè cōſulturi erant: nam cū ſibi ab hoſtibus bellum parantibus cauerent, arbitrati ea mala hominum odio potius, quàm Dei conſilio ſibi impendere, rebus ſic afflictis opem & auxilium, nō à Deo, ſed ab alijs hominibus inſdemq. impijs, petebant: atque ita omni ſcelerum genere cumulati, cōtrarios conſilijs ſuis, hoc eſt, exitiales exitus habuerunt. Quamobrem ait:

*Et vidit Ephraim languorem ſuum, & Iudas vinculum ſuum, & abiit Ephraim ad Aſſur, & miſit ad regem vltorem.*

AFFLICTAS vtriuſque populi res, languoris & vulneris translationibus deſcribit: namq. vt morbus & vulnus corpus humanum labefactare & corrumpere etiam ſolent, niſi curentur: ita Reſpublica aſſiduis calamitatibus labefactata, ad interitum tendit, niſi certo præſidio foueatur: veruntamē iſti ſux ſalutis perfugium & præſidium firmiter ſibi in hominibus, hoc eſt, in carne & ſanguine, quàm in Deo, collocauerūt. [*Et abiit Ephraim ad Aſſur.*] Hoſſeas filius Ela tributo quotannis collato, pacē cum Aſſyriorum rege paciſcebatur, atque hoc modo quieti ac tranquillitati ſux conſuluiſſe arbitrabatur. [*Et miſit ad regem vltorem.* Hebraicè eſt, *ad regem Iareb*, & Græcè *Iarem*,] vt regionis aut vrbs nomen eſſe videatur, quod & Hebræis interpretibus receptū eſt, quibus *Iareb*, vrbs eſt in Aſſyria: namq. Achaz à Raſim & Phacea oppreſſus, magno publici & ſacri auri atque argenti pondere, per legatos miſſo, Theglath Pelaffar Aſſyrij regis auxilium ſibi iunxit: Vel ſi vltorem regem cum Chaldæo paraphraſte interpretari placet, agnomen eſſe Aſſyriorum regum intelligamus oportet, qui totius orbis vindices dicebātur. Rerum enim ſumma & imperium penes Aſſyrios illis tēporibus erat. Quod ad orationis rationē facit, ex duabus partibus, quas antea aſſumpſerat, alterā in conſequenti explicat, alterā indicat, hoc modo: Et vidit Ephraim: & Iudas. ſ. *vidit quoque*, & abiit Ephraim; & miſit, videlicet Iudas: eſt enim hic quidam Zeugmatis modus. [*Vinculum ſuum.*] Per Synecdochen vulnus ſuum: nam vt vulnerū curationis pars eſt ligatio, ita eadem & vulneris ſignū eſſe ſolet. vt apud Iſaiam: Non ſunt ligata, & non ſunt fora oleo. Ligationum autem detractio, vulnera iam ſanata arguit. In eadem verò verborum translatione permanens, auxilium humanum fruſtra illis petendum eſſe prædicat, quamobrè eos incurabiles oſtendit, ita vt ad diuinam prouidentiam res ſit neceſſariò reuocanda. Etenim medicorū huiusmodi eſt ſacramentum, eos qui à morbis victi ſunt non curare, vtpote quorum ægritudines diuinæ potius, quàm naturali efficientiæ aſcribi oportuerit, atque ob eam rem ſubiungit:

*Et ipſe non poterit ſanare vos, nec ſoluere poterit à vobis vinculum.*

OMNIA hæc à vate ante prædicta, quàm acta atque ſpectata eſſent, diuinæ prouidentię argumenta illis eſſe potuerant & debuerant, vt cū primum cædi cœpiſſent, ipſi

vel diuinum implorarent, vel nullum aliud sperarent auxilium, & tamen illi contra fecerunt: namque fortuna magis quam culpa calamitosos se esse iudicantes. & singulas calamitates, vt humanam vicissitudinem, non vt diuinam castigationem, & paternam clementiam interpretati, tamen vincere & perfringere omnino nitebantur, cum se non funditus  
 5 perdi, sed corrodi sensim & minui intelligerent. atque adeo his cogitationibus, consilijs, & studijs, Deum, quem castigatorem & patrem habebat, iudicem atq. ultorem, experiri commeriti sunt. Hæc itaque res subiuncta oratione prædicitur:

*Quoniam ego quasi leæna Ephraim, & quasi catulus leonis domui Iuda, ego capiam, vadam, & tollam, & non est qui eruat.*

- 10 ITA FIET vt malis contra eorum consilia & conatus adauctis, atq. ad vltimum exitium productis, veritatem tandem agnoscant. Magnam verò illorum perniciem duorum eiusdem generis animalium similitudine describit. Duo Hebraica nomina sunt *Sahhal* & *Chephir*, quæ in leonum genere non raro vsurpantur, atque *Sahhal*, (pro quo Latinus interpres interdum leonem, sæpe autem leonam vertit; Græcus autem Pantheram,) fortissimum in eo genere animal, & truculentissimum esse constat, quod non solum viribus  
 15 præster, sed voce etiam magis terribili sit. vt apud Iob: Rugitus leonis, & vox *Sahhal*, & Iob 4. Psa. 81. vt Basiliscus inter serpentes nocentissimus, sic in ferarum genere *Sahhal* ferissimus esse vel ex illo versu arguitur: Super *Sahhal* & basiliscum ambulabis, & conculcabis leonem, & draconem. *Chephir* autem leunculus est catulo maior, qui iam rapere, & prædas capere  
 20 re didicit, atque solus sine matre audet, hic ob ætatis feruorem audacior est, atque hominem minus etiam, quam maiores leones formidat; ex quo fit, vt impetum in eum faciat, & audaciam ferociamque suam, atque prædæ audacitatem, voce etiam truculentiore prodatur, sicut scriptum est: Mater tua leæna inter leones cubauit, & in medio leunculorum  
 25 enutrit catulos suos, & eduxit vnū de catulis suis, qui *Chephir* factus est, & didicit capere prædam, & hominem comedere. Et alio in loco: Sicut fremitus leunculi, ita regis ira: Prouerb. 26. Latina lingua propter verborum inopiam omnes has differentias duobus tantum nominibus leonum & catulorum significat. Huiusmodi demum regia atrocitate, atq. similibus viribus in Israël & Iudam vsurum se Deus prædicit, vt qui tinea similem contempserant, iam regem fortissimum, potentissimum ultorem, denique *Sahhal* & leunculum sentiant. Quamquam verò præda & exitium utroque animali significetur, ratio tamen diuersa  
 30 utriusque prædæ faciendæ indicatur: namque *Sahhal* præda facta siluas petere, & desertiora loca penetrare consuevit. quamobrem Iob cum abditissimum & nulli animantium peruium locum describeret, dixit: Non calcauerunt eam semitam filij struthionum, nec transiit per  
 35 eam *Sahhal*. Sic igitur abducendos Israëlitas esse prædicit, vt fusi atq. dissipati oēs mundi plagas, atq. adeo ignotissimas orbis terræ partes exilio penetrent: atq. ita dispersi mutuo auxilio, vt restituantur, nunquam sibi esse possint. Filiorum verò Iuda tametsi omnes simul  
 40 atq. integras copias capiendas fore, & non longè à patria migraturas prædicat, tamē nullis viribus, nullis consilijs diuinæ virtuti obistere posse, quominus id quod decretum in eos supplicium fuerit, omnino subeant: Siquidem leunculus eodem in loco rapere, & prædam  
 45 deuoraturus cubare intrepidè solet; idemque canum latratus, & pastorum minas ac voces ita contemnit, vt nunquam nisi expletus, & saturatus discedat. Hanc leonem naturā illo in vaticinio descripsit Iacob: Catulus leonis Iuda, ad prædā ascendisti fili mi requiescens accubisti vt leo, & quasi leæna: quis suscitabit eum? Hanc ob causam illud Deus dicit: [Et ego,] non casus aut fortuna [capiam] bello [vadam] abducendo [et tollā] migrare cogā  
 45 [et non est qui eripiat:] namque vt ad expectandum patientissimus est Deus, ita ad punien-

*Vadam & reuertar ad locum meum, donec deficiatis, & queratis faciem meam.*

- HACTENVS officium suum ostenderat Deus, & se iudicem iustum fortemque esse  
 50 declarauerat, cui officio cum res, moresque hominum postulant, vt non ab eo satisfiat, fieri non potest, quanuis hoc ipsum (si ita loqui liceat) inuitus faciat. nollet enim Deus vllam iudiciorum & poenarum materiam in hominibus esse, nollet inquam, imò certissimo iurciurando obtestari solet, nulla re minus quam hominum poenis, & exitio, nulla se magis quam eorundem salute delectari. Per memetipsum iuraui, ait Dominus, nolo mortē peccatoris, sed magis vt conuertatur & viuat. Nunc iam suam illam benefaciendi voluntatē,  
 suum



suum misericordiae flagrantissimū studium aperit, nunc, vt solet, ad se homines allectare & inuitare incipit, vt nullus videlicet sit, qui in perspectissima Dei erga homines beneuolentia spem non habeat. Principio autem antiprophorae respōdet; nam quum Isralitarum & Iudaeorum loca habitatoribus vacua relinquenda esse prādicasset, & rogari à quopiam posset. Quid igitur facies nomini illi tuo magno? nonne te misericordissimum, 5 nonne hominum amantissimum prādicare soles? nonne ob misericordiae studium templi angustias, & tabernaculorum humilitatem non es aspernatus? nonne tu dixisti, & erit nomen meum ibi? Respondet Deus maiestatis & praesentiae argumēta ab eo loco ad caelum sibi interim reuocanda esse, ac tam diu sustinenda, dum isti calamitatibus & miserijs eruditi resipuerint, & diuinam fidem & misericordiam implorare didicerint; namque 10 hoc modo atque hac ratione non solum in diuinam gratiam, atque in propriam patriam restituentur, sed & maximi illius atq. immortalis beneficij cōsortes fient, quo totum sibi hominum genus obligare parauerat Deus: & cuius beneficij proferendi causa, Hebraei ex omnibus hominibus electi fuerant. [*Vadam & reuertar ad locum meum.*] Diuina 15 maiestatis sedē caelum esse Salomon ipse testatus fuerat, cū illum supplicationibus & votis ad templum vocaret suum. Vt exaudias, inquit, deprecationem serui tui, & populi tui Israhel, quodcūque orauerit in loco isto, & exaudies in loco habitaculi tui in caelo, sicut scriptum est: Caelum est sedes mea. Ad hunc locū se reuersurum dicit, non quod omnia 20 loca infinita illa sua natura & virtute non compleat, sed quod gratiae & prouidentiae, beneuolentiaeque suae argumenta manifestiora in eo loco, in eoque templo edere dignatus fuerat, sicut scriptum est: Notus in Iudaea Deus, in Israhel magnum nomen eius, & factus est in Salem locus eius, & habitatio eius in Sion &c. [*Donec deficiatis.*] Hebraicē ad 25 verbum *donec ad delinquant se*, hoc est, donec se delicti reos agnoscant, & non ad casum, non ad humanum odium, sed ad diuinam castigationem calamitates referant suas. [*Et querant faciem meam.*] Non quærant Assyrios, non humanum auxilium, quod vtile, & salutare illis esse non potest; Sed faciem meam. Quemadmodū enim ex sacrae philosophiae disciplina, quibus rebus faciem suam auertit Deus, eas res turbare & interimi necessario infertur, (vt scriptū est: Auertente te faciem tuam turbabuntur;) sic vultum illum, benignumque spiritum suum, referente, aperienteque Deo omnia rursus recreantur & restituantur: Emitte, inquit, spiritum tuum, & creabuntur, & renouabis faciem terrae. Atque 30 vt illi supplicantes querūtur, Quare faciem tuam abscondis, & obliuisceris inopiae nostrae, ita orantes petunt: Faciem tuam illumina super seruum tuum. Prādicat autem cōfessionem & supplicationem illam, qua Iudaei iam in patriam restituendi usi sunt: Deus meus confundor, & erubescō leuare faciem meam ad te, quoniam iniquitates nostrae multiplicatae sunt super caput nostrum, & delicta nostra creuerunt vsq. ad caelum. Quam orationem totam ad hunc locum explanandum relegere, operæ precium fuerit. 35

4 Reg. 8.

3 Reg. 8.

Isa. 61.

Psal. 75.

Psal. 133.

Psal. 44.

Ecd. 9.

## CAPVT VI.



*N* tribulatione sua, mane consurgent ad me.

40

**S**I DEVS nostris & piorum hominum votis annuerit, vt commētationis nostrae opus ad optatum perferamus exitum, in comoda, oportunaque loca aliquando veniendum esse speramus, vt de diuina eloquentia, quae omnem humanā superat artem, aliqua ex parte differendum sit. Tunc inter frequētes, quibus vates vtuntur dicendi exornationes & figuras diuinarum Parechaseon ratio à nobis tradetur, quae vaticiniorum sermonibus propria quadam cōueniunt elegantia, cuiusmodi figura hoc in loco vates, vel potius Deus apud vatem vsus est, qui à calamitate minori ad maiorem, ab exigua terrene salutis mentione, ad maximam illam spiritualis salutis cōmemorationem est egressus, ad quam 45 omnis diuinarum scripturarum ratio, omnis vatum prādictio, omnis veteris testamenti pertinet apparatus, sicut scriptum est: Vos estis filij prophetarum, & testamenti, quod disposuit Deus ad Abraham. & quoniam de hac re hoc in loco varia, sublimi, atq. prophetica & figuris referta oratione agitur, summa nobis prius totius rei tenenda est. Igitur vaticinium hoc Isralitarum restitutionē non terrenam illam & carnalē, sed spiritualem & caelestem continet, cuius auctore Deum, pontificem autē atq. ministrum Christum fore prādicat: 50

- prædicit: eius verò eam futuram esse rationem, vt Hebræi qui propria culpa toto orbe dispersi miserè seruiebant deploratis & desperatis rebus Deum repetant, inuocentque qui sua inexhausta misericordia præstò illis erit; quos & ad veram Christi notitiam adducet, qua vitæ æternæ ratio cõstat. Interim verò populum ipsum scelerum arguit, atque ad erroris sui cognitionem, & emendationem, sanitatemq. reuocat: deinde suam erga eosdem fidem semper sibi cõfirmatum esse affirmat, neq. vllam vnquam officij sui partem fuisse prætermisam, quominus aut illi suum dignitatis & gratiæ gradum tenerent, aut propria culpa deiectioni suam ipsius benignitatem rursùm obtinerent. [In tribulatione sua.] Hebraicè tribulatio siue angustia, emphasim & adnotationem articulo adiunctam habet, quæ cum adest certam aliquam rem & notatu dignam esse indicat: Nulla autem Iudæis & Israëlitis maior, diuturnior, & grauior calamitas accidit, quàm ea in qua nunc sunt, postquam à Tito post Christi mortem & resurrectionem victi, oppressi atque abducti fuerunt, quam iam amplius mille & quingentis perferunt annis, in summa vitæ miseria, in maxima veri ignoratione, in maximis tenebris, & miserrima animorum cæcitate, æuū agentes.
- 15 [Mane consurgent ad me:] Sahhar verbum, pro quo Græcus vertit ὁπρὸς πρός diligenter & sollicitè querere aliquid est, quo verbo eorum animus & studium notatur, qui neglectam vtilissimam sibi rem, suo tandem periculo docti desiderant atque repetunt: cuiusmodi illud est, quod à Sapientia dicitur: Quum irruerit repentina calamitas, & interitus quasi tempestas ingruerit: quādo venerit super vos tribulatio & angustia, Tunc inuocabūt me, & non exaudiam, manè consurgent, & non inuenient me. Igitur Iudæi qui nunc ignorantia atq. erroris somno sepulti iacent, qui nunc reprobationis veterno affecti toto corpore dolentes non sentiunt, vbi excitati, senserint quanto in periculo sint, cum eos vitæ conditionisq. suæ pudebit, & tædebit, tunc Dominum diligenter quærent, ita vt etiam quod nunc in his malis sint, misericordiæ fuerit adscribendum: namque his artibus prodigi
- 25 atque rebelles filij erudiri & reuocari à Deo solent.

*Venite & reuertamur ad Dominum, quia ipse cepit & sanabit nos, percussit & curabit nos.*

- ELEGANTI Profopopœia horum fides atque pœnitentia describitur, quandoquidem diuina dona non capiuntur, nisi ab ijs qui credentes, pœnitentiæ veræ operā dant, vt scriptum est: Pœnite mini, & credite Euangelio. Itaq. cum vulnera sua sentiunt, salutem sibi à Deo sperandam fide proponunt, atque ad eam petendam communi pœnitentiæ studio incumbunt. [Venite.] Hoc verbum studiorum excitationem magis, quàm corporis motum explicat, vt: Venite exultemus Domino, &c. Communis autem cura salutis & vitæ commendatur, dum vnusquisque non tam quæ sua, quàm quæ etiam aliorū sunt, curat: Præterea mutua excitatio, & cõmune studium ad agendas res, multum momenti, multum etiam ponderis ad diuinā misericordiam & prouidentiam nobis conciliandam habet; ex qua cogitatione illæ voces sunt: Laudate Dominū omnes gentes: Omnes gentes plaudite manibus: Venite adoremus & procidamus ante Dominum, & alia huius generis quamplurima, vt ex multarum personis facierum eius, quæ in nobis est donationis, per multos gratiæ agantur, inquit Paulus: Reuertamur ad Dominum, animo, cogitatione, actionibus, studijsq. omnibus illum quæramus, ab ea viuendi ratione quam antehac tenuimus, & ab vñtata consuetudine recedentes. nam quæ pœnitentia virtus dicitur his rationibus definitur, vt scriptum est: Declina à malo, & fac bonum, inquire pacem, & persequere eam. [Dominum.] Nomen illud ineffabile & arcanum, quod misericordiæ rationibus præcipuè explicatur, hoc in loco, & in omnibus alijs ab hoc Propheta appellatur, pro quo Latinus interpret Dominū plerunque reddit. [Quia ipse cepit & sanabit nos] Fidem hæc oratio indicat, quæ in omnibus, quæ ad pietatem pertinent, actionibus fundamentum iacit: namque accedentem ad Deum primum oportet credere quòd sit, & quòd inquirantibus se remunerator sit. Credunt ergo inflicta sibi à Deo plagas, non vt perirēt, sed vt resipiscerent, atq. hoc non tam ad vltionem, quàm ad misericordiam pertinuisse. namque cum illi, populus eius & oues pastionis eius fuissent, & pastorem contemnentes, septa & passionum terminos corrumpentes, aberrassent: illum, quem pastorem contempserant, leonem experti sunt, qui non eò rapuit vt deuoraret penitus, sed vt captum pecus in suam ditionem potestatemq. redigeret: captas ergo & mitescere atq. parere volentes

oues non vorabit sed fouebit, pascet, & custodiet; & si quæ inter capiendum vulnus acceperint, sanabit & curabit; tanta est eius bonitas, & tam ardens benefaciendi studium. Quanquam autem fides prius quàm pietatis actio animo concipiatur, opera tamen & actiones, quæ fidei comitis argumenta sunt, prius nobis, quàm ipsa fides, ostenduntur, atq; hæc causa est, quamobrem maxima illa, & illustrissima opera à credentibus suscepta, fidei testimonium ab Apostolo nominetur, & hi, inquit, omnes testimonio fidei probati, & inuenti sunt. Ita fit, vt si quis diligenter ad opus accingatur, fidem suam prober. Ego ostendam tibi ex operibus fidem meam, Iacobus aiebat. Quamobrem cum fidem suam hi profiteri volunt, orationem à certo fidei argumento, hoc est, ab actione & studio inchoant. Atque hic quidem arguendi ac demonstrandi modus maximum apud homines pondus habet, cum ex signo causa reperitur. Huiusmodi verò argumentandi genere vt nos docebat summus ille ac diuinus præceptor: Ex operibus, inquit, eorum cognoscetis eos. Dicitur autem apud Peripateticos demonstratio à posteriori, apud antiquissimos verò auctores argumentatio à signo; in diuinis libris testimonium nominatur. *Cepit.* Venatorium verbum est, rapuit, vt superius dixerat, ego rapiam: Ipse, inquit, rapuit, non Assur, non Titus, sed ipse Dominus; ob eamque causam nobis non humanum auxilium, sed diuinum omnino est querendum. [*Percussit & curabit nos.*] Hebraicè est, ligabit nos. Duobus modis nocere solent feræ dum prædas faciunt, aut enim dente vulnus inferunt, aut fugientem pecudem violentia atque impetu opprimunt & confringunt. vulneratis medicina, hoc est fomenta, confractis verò colligationes præcipuè remedio sunt, sicut scriptum est: Quod infirmum fuit non consolidastis, quod ægrotum non sanastis, quod confractum est non alligastis.

*Viuificabit nos post duos dies, in die tertia suscitabit nos, & viuemus in conspectu eius.*

MAGNUM hac oratione, atque his verbis mysterium enūtiatur: Etenim de maximo illo sacramento resurrectionis mortuorum Christi agitur, quod sacramentum vsque ad diuini spiritus aduentum celatum tacitumque fuit. Tunc verò reuelatum est sanctis, quibus voluit Deus notas facere diuitias sacramenti huius in gentibus. reuelabitur etiam publico multorum experimento, cum venerit qui eripiat & auertat impietatem à Iacob. Nobis autem ipsa primum simplex verborum explicatio tractanda est, deinde si minus apertè mysterium explicetur, venia est danda, quando eiusmodi res hæc est, vt quicumque Dei dono participes eius facti sunt, his vel vnus verbi significatione percipiantur; qui verò expertes adhuc sunt, his nisi longissima & perpetua oratione instituta, mysterij pars aliqua declarari non possit. Orandum itaque nobis, & assiduis precibus petendum cū D. Paulo est, vt impleamur agnitione voluntatis eius in omni sapientia, & intellectu spirituali; interim nos officio nostro, prout res feret, satisfacere conabimur. [*Viuificabit.*] Sanitatem integram verbum hoc, cum de morbis & vulneribus agitur, significat, id est sanos inco-lumescq; reddet nos, vt: Ite & cōsultite Deum Acharon, vtrum viuere queam de infirmitate mea hac, & alio in loco: Dixitque Isaias afferte massam ficuum, quam cum attulissent, & posuisset super vlcus eius, vixit, sic hebraicè. [*Post duos dies.*] Quamuis Israelitarum plagæ & calamitates, si humanis rationibus considerentur, diuturniores fuisse videantur; tamen si cum illa salutis æternitate conferantur, breuissimæ sunt, sicut scriptum est: Non sunt condignæ passionis temporis huius ad futuram gloriam, quæ reuelabitur in nobis. Temporis autem rationes in sacris libris sic percipiuntur, vt duorum dierum spatio breuissimum, mensis verò nomine breue, dierum autem appellatione, longius tempus, hoc est annus, definiatur; vt illud: Si verò biduo, aut vno mēse, vel diebus, fuisset nubes super tabernaculum, &c. Itaque exhaustos dolores proximæ salutis, & æternæ vitæ spe consolantur. [*Et die tertia suscitabit nos:*] Hebraicè stabiliet nos: quod breui futurum esse, & credant, & dicant, vt acceptam Dei dono salutem perpetuò retineant. [*Et viuemus in conspectu eius.*] nunquam illius prouidentia destituti, sed faciem eius in nos semper attemptam experti: Etenim in quemcunque Deus vultum suum & oculos intendit, huic stabilem felicitatem fore consentaneum est; quamobrem sacer ille vates orabat: Ne proicias me à facie tua, & spiritum sanctum tuum ne auferas à me. Itaque animos iam erigunt, & promissionis diuinæ fide, in eam spem adducuntur, vt breuissimè futurum esse dicant,



dicant, cum omnem erroris, ignorantis, peccatorum captiuitatis, poenarū ac durissimæ  
 feruitutis miseriam expuentes, diuina ac perpetua felicitate fruantur. Verum enimuerò  
 cum se tertia die stabiliendos, & perpetuò intentis Dei in se oculis vñros affirmant; non  
 mundanam aliquam & fluxam felicitatem (qualem hactenus somniarunt) sed diuinam  
 5 quandam stabilem ac certam sibi promittunt, qualemque illi affecuti sunt, quicumque à  
 pristina vitæ conuersatione cum Christo cōmortui, tertia die consurrexerunt. At verò Rom. 8.  
 tertia illa salutis & resurrectionis dies iam orbi illuxit, perpetuò dum mundus manserit  
 duratura, ac nos qui in hac noui testamēti tēpora vehementer antiquis patribus optata,  
 atq. sperata peruenimus, in hac die cōstitutisumus: si tamen diuino dono nobis eā illu-  
 10 cere cōtingat, atq. per nostra scelera, per culpā nostram nō stet, quominus diuina illa luce  
 fruamur: Scio equidem, scio, quid dicam, quo modo autem me explicem, nescio; res est  
 planè diuina, quam tracto, quam neque humanus oculus vidit, neque auris audiuit, neq. »  
 in cor hominis ascendisse compertum est. Norunt optimè filij Dei quicunq. spiritu Dei  
 aguntur, quid ipse dicere vellem, si mihi quo modo dicendum esset diuinitus daretur:  
 15 Norunt illi optimè, atque apertissimè, quæ huiusmodi vaticiniorū sententia, quod argu-  
 mentum sit. Et ecce nunc tempus acceptabile, ecce nunc dies salutis; & rursus: Donec  
 hodie cognominatur, in nobis festinemus ingredi in requiē ipsius, & rursus: Donec dies  
 elucescat, & lucifer oriatur in cordibus vestris. Hanc diē quæ lachrymas, fletum luctūq.  
 omnem leuatura, & gaudium atq. integrā læticiam allatura sit, Israëlitz hoc oraculo spe-  
 20 rare iubentur, quæ vtinam illis citissimè, sine nostra tamen inuidia contingat, vt è tene-  
 bris & caligine in diuinam lucem euocati, cognoscant verum Deum, & quem misit,  
 Iesum Christum filium suum; qua cognitione æternæ vitæ cōsortes fiant, sicut ipsi sibi  
 ex diuinis promissionibus spondere possunt.

Heb. 4.  
2. Pet. 1.

Phil. 3.

*Sciēmus sequemurque vt cognoscamus Dominum.*

25 H I S verbis illa summa felicitas describitur, qua hi fruūtur, quibus voluit Deus notas  
 facere diuitias sacramenti huius, cuius qui participes extitēre, omnia quæcunque antè  
 nouerant, quæcunq. maximi fecerant, vt stercorea reputant, ob eminentem in se Christi »  
 scientiam ad cognoscendum eum & virtutē resurrectionis eius, & societatem passionum »  
 30 illius. [Sciēmus sequemurque:] Postquā enim veram Dei eiusq. filij notitiā quis habuerit,  
 ac semel illuminatus est, & gustauit bonū Dei verbum, nullis rebus, nullis viribus, nullis  
 quamuis maximis periculis ab eius amore, & studio abstrahi potest, sicut scriptum est:  
 Certus sum enim quod neq. mors, neque vita, neq. angeli, neque principatus, neq. vir-  
 35 tutes, neque instātia, neque futura &c. poterunt nos separare à charitate Dei, sed omnes »  
 libenter sequuntur, postquam admissi sunt in penu illud ditissimum, omni suauitate re-  
 fertum: Trahe me post te, inquit, illa, & sequemur: [Vt cognoscamus Dominum.] Hoc  
 enim inter diuinas promissiones expectandum proponebatur, futurum scilicet cum de-  
 sideratissima illa salus hominibus reddenda esset, vt impleatur terra scientia Domini. &  
 40 apud Ieremiam pollicetur Deus: Non docebit vltra vir proximū suum, sed omnes scient »  
 me à minimo vñque ad maximum.

Rom. 8.

Cant. 1.

Esa. 11.

*Quasi diluculum preparatus est egressus eius.*

N O S T R A tempora describuntur, in quibus iam hæc diuina vitæ ac veritatis lux ex-  
 orta plurimis hominibus illuxit, qui virtute magna certissimum de Christo testimonium  
 45 reddidere, & eum esse veram lucem dixēre, quæ illuminat omnem hominem. Verum  
 quia homines dilexerūt tenebras magis quā lucē, nō omnibus sese hæc lux manifesta-  
 uit, & quoniā in prōptu est, vt ijs qui eā admiserint, luceat, sicut scriptū est: Ego sto ad ostiū  
 & pulso, si quis aperuerit mihi, intrabo ad eū, & ostendā ei meipsum. Ob eam rē egressum  
 50 eius in promptu, proximumq. esse dicit, perinde atq. solis exortus auroræ est proximus;  
 nāq. olim nox erat cum huius lucis aduentus desiderabatur, nūc verò iā nox illa præcessit,  
 dies autem appropinquauit. consequens itaq. est, vt ijs qui in tenebris & vmbra mortis ia-  
 cere nō amant, his sol iā iam sit exoriturus. Hanc rem atq. adeò hanc felicitatē Euangelij  
 gloriæ Christi illuminatione Paulus nominat. qua incredulos huius seculi Iudæos iure  
 1. Cor. 11.  
 caruisse dicit: sed cum illi ea cæcitate, quæ ex parte contigit Israëlī, tandem liberabun-  
 tur, tunc demum se illa maxima felicitate afficiendos sperant; nempe:

Ioan. 1.

Apoc. 3.

1. Cor. 11.

*Et veniet quasi imber temporaneus & serotinus terra.*

PVLCHERRIMA atque appositissima similitudine futuram hominum in melius mutationem, & felicem statum prædicit: nam quemadmodum terræ nativa fœcunditas solis calore, & imbrium oportuna tempestate manifestatur, maiori scilicet frugum fructuumque vbertate & copia, vt apud poetam est:

Virg. Geor. 2.

*Tum pater omnipotens fœcundus imbribus æther*

*Coniugis in gremium lætæ descendit, & omnes*

Psal. 18.

*Magnus alit magno commixtus corpore fœtus.*

„ est qui se abscondat à calore eius: namque omnia fouet, omnia recreat. De pluuia verò scriptum est: Quomodo descendit imber de cælo, & inebriat terram, & germinare eam

„ facit, & dat semen ferenti, & panem comedenti. Sic etiam futurum esse dicit, vt ij quibus diuinus sol illuxerit, diuini etiam spiritus virtutibus irrigati, vberimis bonorum operum

Psal. 84.

Malach. 4.

fructibus abundet, sicut scriptum est: Etenim Dominus dabit benignitatem, & terra nostra dabit fructum suum. De sole autem illo sic: Et orietur vobis timentibus nomen meum

„ sol iustitiæ, & sanitas in pennis eius. [Sicut pluuia temporanea & serotina.] Tametsi vna

Camhi. Ier. 3.

atque altera in anno pluuia aliarum terrarum regiones contentæ non sint, sed assiduas potius irrigationes desiderant, vt Belgica; tamen ei regioni quam incolendam Deus Israëlitis donauit, ita se peculiari quadam cura consulturum promiserat, vt duobus tantum imbribus

Deuter. 11.

cultores iuuaret suos, & perpetuum diuinæ erga se prouidentiae proferret argumentum. Erat autem alterius pluiæ tempus opportunum in mense Marhhesiam, qui nostro Octo-

bris respondet, quo mense sementem agricolæ faciunt: alterius verò in Nizzam primo solaris anni mense, cum sol arietem occupat. Vterque verò imber & qui ex eorum virtute

capiebantur, tempestiui atque vberissimi fructus à communis naturæ contemplatione, ad auctoris sui Dei agnitionem attendentium animos aduocabant, sicut scriptum est: Dabit

„ pluuiam terræ vestræ temporaneam & serotinam, vt colligatis frumentum & vinum. Igitur cum humanæ naturæ terram diuini spiritus vi fœcundat Deus, eiusmodi fructus

„ adeo elegantes, adeo vberes redduntur, vt diuinam potius, quam humanam virtutem redoleat, sicut ab ijs ipsis, qui eo modo affecti sunt, affirmari solet: Nō sumus sufficientes

„ cogitare aliquid ex nobis, quasi ex nobis, sed sufficiētia nostra ex Deo est. Et alio in loco: Deus, inquit, est qui operatur in nobis & velle & perficere pro bona voluntate sua: nimirum de huiusmodi fructibus, illis in locis ab Apostolo agebatur.

„ Deus, inquit, est qui operatur in nobis & velle & perficere pro bona voluntate sua: nimirum de huiusmodi fructibus, illis in locis ab Apostolo agebatur.

„ Deus, inquit, est qui operatur in nobis & velle & perficere pro bona voluntate sua: nimirum de huiusmodi fructibus, illis in locis ab Apostolo agebatur.

„ Deus, inquit, est qui operatur in nobis & velle & perficere pro bona voluntate sua: nimirum de huiusmodi fructibus, illis in locis ab Apostolo agebatur.

„ Deus, inquit, est qui operatur in nobis & velle & perficere pro bona voluntate sua: nimirum de huiusmodi fructibus, illis in locis ab Apostolo agebatur.

*Quid faciam tibi Ephraim? quid faciam tibi Iuda? misericordia vestra, quasi nubes matutina, & quasi ros manē pertransiens:*

PROMISERAT Deus futurum aliquando esse vt Israëlita & Iudæi malis & calamitatibus eruditi, ad mentis sanitatem redirent, & diuinam misericordiam, & maximam

illam benignitatem fide & pœnitentia consequerentur: His quippe hostijs, vt Paulus ait, promeretur Deus. Nunc causam profert, quamobrem non alia ratione, quam calamitatibus, & miseriarum diuturnitate eos à tenebris ad lucem, à mortis vmbra ad vitæ usum

reuocare statuerit. Duplex modus est quo viri vxores suas, à quibus iniuria affecti sunt, & quas perdere nolunt quia amant, ab errore auertere consueuerunt: Primò enim consilijs

& monitis res agitur, quod & primum & humanissimum officium est, adhibitis ad eam rem amicis necessarijs & optimis viris. Quòd si id frustra se expertos cognouerint, tunc

altera tentatur ars, quæ cōtumacibus & duris ingenijs difficilior quidem & grauior, magis tamen apta esse multis periculis comprobatur. Expellitur vxor, minis, calamitatibus,

& difficultatibus afficitur, donec sentiens illa, suamque summam improbitatem & perfidiam agnoscens ab optimo atque humanissimo cōiuge, & culpæ absolutionem, & errati

veniam supplices manus tendēs, impetret. Si verò ad hanc similitudinē cōmentationem nostrā referamus, Deum hoc loco videmus prioris modi omnē artē, omnia momēta sibi

obseruata esse, & cōfirmare priusquā alterā experiri partē opus esset: namq. amicis omnibus, & bonis viris cōuocatis, eius corrigendæ studium & curam non solum cōmiserat, sed

Sup. 2.

etiam cōmendauerat, sicut scriptū in superioribus est: Iudicate matrē vestrā, iudicate, ne fortē &c. Cum verò eum laborē frustra susceptū frustra tēpus in ea re contritū esse cōstet, mirandum profectò non est, si altera illa difficilior quidē, magis tamē idonea adhibeatur

ars:

ars: [Quid faciam tibi Ephraim?] Primos sceleris auctores regiam Israëlitarum familiam & per metonymiam totum populum appellat, deinde horum imitatores. [Quid faciam tibi Iuda?] Nisi hoc facio, inquit, ut te durioribus pœnis & castigatione ab improbitate diuellam, quid faciam cum te multis minus, & admonitionibus à sententia non deterruerim: Nam si aliquando tandem post multam & meam diligentiam, & prophetarum sedulitatem post leuiiores intentatas minas, & impositas plagas non nihil resipiscere visus es, id instabile fuit, quippe minimis momentis, maximæ tibi ad vitiosam consuetudinem mutationes factæ sunt. [Et misericordia vestra, quasi nubes matutina.] Si qua sanctitatis aut pietatis cogitatione, & cura vos aliquando tacti fuistis, ea repente relaxata ut nubecula aliqua matutina solis calore discussa euauit. [Et quasi ros manè pertransiens.] Cuius vim aura & calor prius consumpsit, quam herbae atque fata experirentur. [Misericordia.] Cum ad Deum hoc nomen refertur, notum est quid significet: cum verò ad homines, iustitiam & sanctitatem atque omne virtutis studium significare solet. Ut pro eo quod non est recordatus facere misericordiam: namq. vocabulum Hebraicum *Hhezzed*, abundans Psal. 108.  
חסד  
beneficium definitur. Si quis verò virtutem & pietatem proficitur, eum diligenter & flagranti studio in eam rem incumbere oportet, ita ut non imminuta sed aucta, atque abundanti virtute præditus esse dicatur, hinc fit, ut Hebraei *Hhezzedim* nominet eosdem, quos Latini sanctos dicunt, quale illud est: Scitote quoniam mirificauit Dominus sanctum suum. Psal. 5.  
חסיד  
Hanc ob causam Deus hoc in loco dicit: Cum ego ut misericordiam vobis tribuam, non solum virtutem, sed sanctitatem & misericordiam in vobis requiram, inuenio tamen non solum misericordiam, sed omnem virtutis constantiam desiderari: Nam Iehu rex Israël, qui religionis & regni rebus corrigendis prospicere visus, Baal de Israël deturbasse dicitur, segniter tamē & negligenter, imò potius impietatem gessit, cum ipse sese impietatis scelere contaminauerit, pristinamq. consuetudinem in populi gratiam fouerit, sicut scriptum est: Veruntamen à peccatis Ieroboam filij Nabat, qui peccare fecit Israël non recessit: 2. Reg. 10.  
2. Reg. 21.  
Apud Iudæos verò tamdiu res melius habuere, quamdiu Ezechias & Iosias rerum potiti sunt, sed his successerunt Manasses & Ioachaz, quibus impietatem non modò tueri, sed propagare etiam studium fuit: Siquidem fecerunt malum in oculis Domini, & eos qui ante se regnauerant non modò impietate æquarunt, sed etiam superarunt. 2. Reg. 23.

30 *Propter hoc dolui in prophetis, & occidi eos in verbis oris mei.*

SvAM diligentiam & sedulitatem testimonijs & irrefragabilibus argumentis ostendit, cum non solum eos admonēdos, sed omni officio & assiduitate erudiēdos, corrigendosq. curauerit: Testes, inquit, sunt tot vates, tot diuini homines, quorum sedulitate, diligentia, patientia, ego vsus, vos autē estis abusi, ita ut madata mea illis credita, nihil aliud quam exitium ipsis peperisse videantur: Vsus ego ijs fui ad vestram eruditionem, ut latomus ferramētis ad cedendos lapides uti solet. Adeo verò difficiles, adeoq. duros vos præbuiſtis ut vestra asperitate ferramēta, partim detrita, partim retusa, aut cōfracta perierint, & nihil præterea aut boni, aut culti in vobis fuerit effectū: [Dolui in Prophetis.] Verbū est lapidarum dolare *Haszab*, & sæpè à sacris auctoribus in ea re vsurpatur, ut: Aspice ad rupem ex qua excisi estis. [In prophetis.] In particula ad instrumentum accommodatur, ut: Domine si percutimus in gladio? & infunda, in lapide. Animaduertendum autem est, quam rationem in prophetis mittendis Deus sequatur, nimirum eam quam lapicida in ferreis instrumentis cōparandis sequitur: quæ conflantur, acuuntur, & probantur, ut dum lapides coluntur, ipsa interim attritiora atque imminuta reddantur. quod si adeo duri lapides contingant, ut præter instrumentorū cōsumptionem nihil amplius præstetur, tum verò merita lapidū improbatio est, ita vates ad populi eruditionē electi à Deo sunt, ut non tam ipsorum honoris & commoditatis, quam publicæ utilitatis haberetur ratio. ferendum autē esset, si aliquo vatum incōmodo, tamen populus in disciplina proficeret: sed cum omni opera, omni labore in ea re cōsumpto, nihil eruditionis nihil culturæ, nihil aliud, quam consumptorū & à populo ipso occisorū vatum desiderium relinquitur, consequens est populū illum meritò repudiari. [Et occidi eos in verbis oris mei.] Sermones & mandata mea vatibus illis credita, nihil aliud in duritie vestra effecerunt, nisi quod perdendorum atq. necandorum vatum occasione vobis ingratisſimis & crudelissimis hominibus attulerint: Dura ceruice & incircuncisi corde semper vos spiritui sancto restitistis, A. 7.

sicut patres vestri & vos: Quem prophetarum non sunt persecuti patres vestri, & occiderunt eos: sic D. Stephanus. [Et occidi.] Cum affectu & dolore pronuntiatur, ut qui charissimam & pretiosissimam rem, in inutilia & vana se impedisse frustra videat. Sic Deus dum vates suos sanctissimos atq. integerrimos viros, quibus mundus dignus non erat, in vilissimam, & contumacissimam gentis correctione procuranda, à se frustra consumptos con- queritur, & vehementem dolentis affectum, imitatur, & maximam ingratitudinis ac sceleris populum ipsum arguit, iustissimamq. imminentis poenae sententiam fore comprobatur, atque hoc est quod dicit:

*Et iudicia tua quasi lux egredientur.*

Ex his quae dicta & commemorata sunt, acre illud & seuerum iudicium in illos pronuntiatum, usque adeo æquum & purum, hoc est, sine exceptione esse affirmatur, ut à nemine possit improbari; quandoquid illud non solum legitimam, & maturam criminum & causae cognitionem, sed longam etiam emendationis expectationem fuerit consecutum, ita ut si quis huius iudicii manifestam aequitatem non videat, is eo modo solis lucem redarguere & negare possit: hæc huius hemistichij sententia est. Et, coniunctio asseuerat & infert, ut illud: Et dabo lapides prægrandes desuper irruentes. [Iudicia tua.] Rectissime Græcus interpres *κρίμα* vertit, & Chaldaeus *denin*, utrumque enim non tam causae cognitionem, quam ipsum iudicis calculum, & iudicii sententiam significat, hoc est, pronuntiata à me in vnumquemque vestrum sententia; rationes solis luce clariores sunt. sic Deus apud Moysen iudiciorum nomen usurpat: Percutiam omne primogenitum in terra Ægypti ab homine usque ad pecus, & in cunctis dijs Ægypti faciam iudicia. [Quasi lux egredientur.] Hebraice *quasi lux egredietur*. Zeugma est, hoc est clara & manifesta prodibunt, ut solet lux, in sacro sermone iudicium prodire, vel egredi, vel exire est causa tractata & cognita sententiam proferri, ut illud: A facie tua iudicium meum prodeat, & Cum iudicatur exeat condemnatus: idem verbum iuridicum *Isa. 4.* omnibus illis in locis est.

*Quia misericordiam volui, & non sacrificium, & scientiam Dei plus quam holocaustum.*

OMNEM si qua populus uti poterat exceptionem hoc pronuntiato præcidit Deus, cum nihil ab illis actum interea esse demonstrat, quod ad iram placandam diuinam aut ad suam culpam redimendam esset idoneum. nam cum religionis summa, & quoddam caput hoc sit, ut homines diuinæ & humanæ naturæ cognitione, & sacro timore imbuti, omni cogitatione, omnibus studiis, actionibus suis, pietatem atq. aequitatem comprimis colant, sicut scriptum est: Diliges Dominum Deum tuum ex toto corde tuo, &c. Et proximum tuum sicut te ipsum. Et si quid interim per humanam fragilitatem peccatum fuerit, id rursus correctum in posterum, ingenua confessione sacrificijsque oblati expietur: Cumque hanc pietatis colendae rationem certam omnibus esse oportuerit, contra commissum est, ut homines pietatem ipsam, & officij studium, quod totius rei fundamentum est, abijciant: Si quid tamen aut retinere, aut repetere statuunt, eam partem eligant, in qua difficultatis & operæ minimum, atque minus etiam utilitatis sit, qualia sunt ceremoniae & sacrificia, quae si rite & sanctè facta non sint, vana & sine fructu illis, à quibus fiunt, redduntur, sicut scriptum est in huiusmodi principes Sodomorum & populum Gomorrah:

Quo mihi multitudinem victimarum vestrarum? plenus sum. &c. Atque sacrificia primum antiqua illa, quae veteris testamenti tempore faciebantur, non natura sua, sed summae illius atq. maximae victimae, hoc est Christi agni Dei aliquando immolandi virtute grata erant, & ijs, pro quibus offerebantur ad carnis emundationem interim proderat, si modo poenitentia præcesserat peccatorum, ut disertissime hæc à Paulo in Epistola ad Hebræos disputata sunt: Noui verò testamenti sacrificia, quoniam ipsam Iesu Christi oblationem alio modo, quam illa antiqua, hoc est perfectè repræsentant, grata quidem natura sua sunt ob eam quæ in ipsis continetur rem, hoc est, ob Christi corpus, cuius mysterium maius est, quam ut nunc à nobis aperiri possit, tamen ijs pro quibus offeruntur, nisi fide, & poenitentia, atque pietate probati fuerint, iudicium potius afferunt, quam auertant, sicut idem Paulus ad Corinthios scribens, affirmat. Itaque sacrificiorum frequentatio ijs ad salutem conducit, qui priorem pietatis partem, hoc est, misericordiam sectantur. Igitur cum duæ pietatis partes sint, quarum altera in recta atque exacta animorum institutione, altera in sacrorum frequentatione posita est (de ea gente loquimur, quæ verè & diuinitus

Ezech. 13.  
Hesichius. &  
in Homerum  
Eustach.

Exod. 12.

Psalms. 17.  
Psalms. 109.

Luc. 10.

Isa. 1.

Hebr. 10.

1. Cor. 11.



diuinitus tradite religionis est particeps) vtrique parti purè, simpliciter & sanctè incumbi oportuerat. sed p̄tissima cura & studium priori est adhibendum; ita vt si altera necessariò pratermittenda, vel alteri postponenda fuisset, priorè optare consultius esset, sicut scriptum est: Cum offers munus tuum ante altare (quod ad posteriorè partem nempe sacrificiorum Marth. 5. pertinet) & ibi recordatus fueris, quod frater tuus habet aliquid aduersum te (quod pertinet ad priorè, hoc est, ad misericordiam) relinque ibi munus tuum ante altare, & vade prius reconciliari fratri tuo, & tunc veniens offer munus tuum. Quinimò & posteriorè partem aliquando desinere, priorem verò nunquam esse desituram, in sacris arcanisque literis est traditum. namque antiqua illa sacrificia iamdiu desuisse manifestum est; ex quo 10 Euangelij lux umbras illas disculit, cum tamen pietatis & misericordiæ lex Euangelij aduentu non sublata, sed confirmata magis & stabilita fuerit, de qua lege scriptum est: Nolite putare quia veni soluere legem, sed adimplere: Nostra verò sacrificia tunc frequētari etiam desinent, cum prophetiæ euacuabuntur, cum linguæ cessabunt, &c. sed charitas nunquā excidet. Igitur cum ex his duabus partibus, priorè sibi delegerit Deus; eandemq. 15 certam, perpetuamq. atque sanctam ab hominibus seruari voluerit, & sine hac alteram vel repudiandam, vel illis non vtilem fore prædixerit: tamen quæ maxima peruersitas est, vel vtraque ab hominibus corrumpitur, vel posterior tantum, eademq. nec integra, nec sancta retinetur. ita fit vt hoc modo nunquam illis cum Deo conueniat: namq. ille sacrificiorum frequentiam nunquam ab eis requisit; misericordiæ verò studium atque 20 exercitationē semper exegit: Non in sacrificijs tuis arguam te, inquit, neq. in holocaustis tuis [vt sint] in conspectu meo semper, & alio in loco: Quum veneritis antè conspectum meum, quis quæsiuit hæc de manibus vestris: Quin potius lauamini, mudi estote, auferte malum cogitationum vestrarum ab oculis meis, quiescite peruersè agere, discite benefacere, subuenite oppresso, iudicate pupillum, defendite viduam &c. Hoc modo religionis 25 res tractandas & considerandas docebat Christus, cum hac sententia vsus, dixit: Euntes discite quid est, Misericordiam volui, & nō sacrificiū: Volui Hebraicè *Hhaphazthi*, optaui, cuius verbi vsus est, cum voluntas electionē sequitur, id est optio, non vobis, sed mihi est danda; ego autem semper ad vestram vtilitatem officium sacrificio prætuli, atq. iam inde à principio voluntatem hanc meam vobis aperui, vt misericordiam sine sacrificio magis, quam sacrificium sine misericordia optarem: voces *non*, non absolutam negationē, sed adiunctam etiam habet cōparationem, ita vt à se non omninò respui sacrificia, sed misericordiam exposci dicat; nam & sacrificijs annuit ille quidē, quæ tamen à bonis, misericordibusq. faciuntur; ijs autem, quæ à malis & misericordia vacuis offeruntur, vt ad veram animorum salutem cedant, neque oculos quidem adijcit, sicut scriptum est: Aspexit 30 autem Dominus ad Abel, & ad munera eius, ad Cain autē & ad munera eius nō respexit, quia eius opera mala erant, ait Ioannes. Quod verò ex comparatione, nō autem absolute negatio vsurpata sit, subiecto hemistichio declaratur. [Et scientiam Dei magis quam holocausta.] Diximus in superioribus apertam Dei cognitionem maximam rem maximeq. esse expetendam, eamq. diuinum esse donum, quod nemo hominum propria opera sibi comparare valeat, accipere tamen à donante possit, primumq. hoc esse eorum, qui fide & pœnitētia Deum quærunt. Nunc autem Dei cognitionē se in hominibus requiri Deus ipse ait, vt videri possit id non tam diuino dono, quam humana opera posse contingere. Hanc difficultatem & dubitationem nominū distinctione tollemus, si prius de rebus his, non nihil accuratè differamus. Eorum quæ ad humanam felicitatem pertinent, quædam 35 sunt quæ nostris viribus, nostroq. negotio non efficiuntur, sed Deum habet agnoscuntq. auctorem; nimirum quæ diuina omninò sunt & spiritualia: cuius generis sunt, gratia, peccatorū remissio, realis ipsa (vt ita dicam) iustificatio, commortificatio cum Christo, & conresurrectio, diuini spiritus infusio, Christi in membris nostris arcana atq. admirabilis habitatio, & generis huius quæcunq. sunt, quæ ij quibus contingere non viribus tribuunt 40 suis, sed ipsi Deo penitus accepta referunt, sicut scriptum est: Nemo potest venire ad me, nisi pater meus traxerit eum. et illud: Gratia saluati estis per fidem, & hoc non ex vobis, donum enim Dei est. Sexcenta diuinarum scripturarum loca ad hanc rem sunt, quæ tamen breuitatis studio pratermittimus, cum rem ipsam indicare satis esse arbitremur. Ex hoc genere cognitio illa Dei est, quam antea vates optandam & aliquando sperandam Hebræis prædixerat, de qua & nos non nihil diximus, pluraq. in mente animoque 45 nostro

nostro dici à diuino spiritu petiuimus. Cæterum aliud etiam genus est rerum, quod tametsi sine diuina ope, gratia & auxilio effici parariq. non possit, sicut scriptum est: Quid habes quod nō accepisti? tamen quodā modo illi virtuti, quæ à Deo donata est, humanæ naturæ, voluntati, studio, & conatibus non immeritò tribuuntur; quippe cum propter hæc agenda atque exercenda homo ipse natura confirmatus est, tum à Deo necessario & oportuno auxilio nunquam fuerit destitutus. In hoc genere numerantur poenitentia, fides, & scientia; non illa fides & scientia, quæ infusæ à Theologis propriè appellantur, hoc est, quæ totæ à Deo omnino sunt, sed quæ naturæ virtutibus, humano studio & opera, Deo sese adiutorem præbente in nobis fiunt; de quibus plura aliàs oportunè ex diuino auxilio differemus. Hæc verò atque alia quæcunque huius generis sunt, Deus ex ijs hominibus requirit, quibus illa alterius generis à se donanda seruantur: huiusmodi æquissimis atque honestissimis postulationibus sæpè Deus erga homines vtitur, qualis illa est: Et nunc Israël quid Dominus Deus tuus petit à te, nisi vt timeas Dominum Deum tuum, & ambules in vijs eius, & diligas eum, ac seruias ei in toto corde tuo, & in tota anima tua, & custodiasque mandata Domini, & ceremonias eius, quas ego hodie præcipio tibi, vt bene sit tibi. Verum enimuerò scientia hæc, quam ad hoc posterius rerum genus spectare dicimus, vt non eadem cum illa altera priori est, sic non ijsdem verbis significatur: Duplex namque Dei cognitio est, altera, qua ipse in hominum mētes illapsus, imperscrutabilem hominibus sui, suarumq. rerum notitiam aperit, vt scriptum est: Dabo ei calculum candidum, & in calculo nomē meum nouum scriptum, quod nemo scit nisi qui accipit. Huiusmodi donum misericordiæ opus omnino est, atque ob eam rem cognitio Dei hæc, nomine illo arcano, quod misericordiam maximè indicat, definitur; cuius nominis vis & efficacia tunc primum ostēdi cœpit, cum Deus liberandis ab Ægyptia seruitute Israelitis operam dabat, in exemplum maximè illius misericordiæ, qua in animorum seruitute repellenda vsurus aliquando esset: Altera verò Dei est notitia, qua homines vel ex humana mentis virtute & cogitatione, vel ex rerum naturæ contemplatione, vel ex diuina per vocem aut sacras arcanasque literas, doctrina (atque hæc ratio cæteris huius generis præstat) in diuinæ naturæ cognitionem ita veniunt, vt si minus quid sit Deus assequi possint, quid tamen non sit, intelligere valeant, spiritumq. esse non ignorent, & quid ab hominibus velit, quid non velit, cognoscant. vtramque hanc Theologiam & naturalem videlicet, & (vt consueto verbo vramur) reuelatam, tum apud multos eius disciplinæ professores discimus, tum in illo Psalmo breuissimè, atque elegantissimè docemur. Alterum quidem genus: Qui dat niuem sicut lanam, nebulam sicut cinerem spargit, mittit cristallum suū sicut buccellas, ante faciem frigoris eius quis sustinebit? atque hoc modo notitiam sui gentibus omnibus aperire Deus dicitur: Alterum autē genus est, quod scriptis libris, annuntiat verbum suum Iacob, iustitias & iudicia sua Israël, Non fecit taliter omni nationi, & iudicia sua non manifestauit eis. Hęc igitur illa Dei cognitio est, quæ ex omnibus hominibus requiritur, quam si quis ignorauerit, ignorabitur, vt ait Apostolus, sed notitia hæc non illo nomine arcano, sed alio nempe *Elohim*, definitur, quod nomen rectorem, gubernatorem atq. rebus hominum prouidentem significat, quibus notis cognosci ab hominibus quicunque rationis sunt compotes, vel ex naturæ animaduersione, vel ex sacrorum librorum lectione potest. atque adeò vtrunq. hoc sui cognoscendi genus Deus Mosi indicabat, cum diceret: Ego Dominus, qui apparui Abraham, Isaac & Iacob, in Deo omnipotente, & nomē meum, Adonai, non indicaui eis. Igitur vt eò redeamus, vnde nostra deducta est oratio, hæc scientiam *Elohim* magis quàm holocausta ex hominibus à se exigi Deus affirmat, quam quisquis habuerit, non falsas de religione opiniones accipiet, atque primò Deum animum spiritumq. esse cognoscet, magisq. spiritu & veritate colendum, quàm externo tantum eoq. odioso cultu adorandum intelliget: neq. tamen interim hæc aut omittet, aut negliget, sed externa, & aspectabilia, ad interna atque spiritualia accommodabit, & misericordiam atque officium sacrificio anteponet, vel (quod præstantissimū fuerit) vtraque ritè, legitimè, atque sanctè coniunget. Etenim quæ secus est, ea non recta cognitio Dei est, sed quæ homines ad impietatem impellat magis, quàm ad veram instituat pietatem, sicut scriptum est: Populus hic labijs me honoret, cor autem eorum longè est à me, sed frustra colunt me, docentes doctrinas & mandata hominum.

Sill. Ital.

Heu primæ scelerum causse mortalibus agris,

Naturam nescire Deum,

inquit ille.  
Israelitæ

Israëlitæ & Iudæi sese causam suam in iudicio vicisse putabant, quòd aliquam religionis imaginem aut restitutam sibi aut retentam iactarent, vel ex eo ipso quòd Hosseas filius Ela hortos ab Ieroboamo confitos demolitus, copiam ipsis Ierosolymitanū templum petendi fecerat, siue quod Iosias vanorum Deorum phanis, arisq̃ue dirutis, ceremonias atq̃ sacrificia in templo curauerat instauranda; cū tamen ea non modo imago, sed neque umbra quidem religionis ac pietatis verè dici posset, quòd nimirū religionis virtus, pietas, misericordia, ac denique officium omne proditum illis esset: quamobrem non solum in iudicio non liberari, sed si illorum perfidiæ & contumaciæ ratio tantum habenda esset, neque misericordiam sperare poterant, sicut scriptum est: Iudiciū sine misericordia illi, qui non facit misericordiam.

*Ipsi autem sicut Adam transgressi sunt pactum: ibi prauaricati sunt in me.*

CÆTERAS omnes criminis effugiendi vias vtrique populo iam Deus intercluserat; vnum autem illis reliquum erat, scilicet, asyllum, quò se reciperent, vnum perfugium, à quo etiam excluduntur: Nam qui suam causam alia ratione defendere non valebant, in terræ, quam incolerent, sanctitate & dignitate, salutis suæ præsidium collocabant; nimirum asserentes terram, quæ ab ipsis coleretur, sanctam atque Deo gratā, ipsorum etiam maioribus promissam, desertam, & cultoribus suis vacuam relinqui posse, nō esse timendum. cuiusmodi debiles spes sibi ipsis proponere homines in rebus alienis solent, cū nullas proprias ac domesticas habent, quibus possint fidere. sic Iudæi & apud Isaiā tēpli sanctitatem & maiestatem de omni alio præsidio deiectioni appellabāt, Templum domini, templum domini: Cælum, inquit Deus, est sedes mea, & terra scabellū pedum meorū, quæ est ista domus, quam edificastis mihi, & quis locus requietionis meæ. Cū ergo isti regionem quam tenerent iam inde à principio sibi paratam & destinatam intelligerent, ex quo diuidebat altissimus gentes, quando separabat filios Adam; namque tunc constituit terminos populorum [terræ Canaam] iuxta numerum filiorum Israël, eademq̃. Abraham pollicitus fuerit: Semini, inquit, tuo dabo terrā hanc, & in illa die pepigit Dominus pactum cum Abraham dicens: Semini tuo dabo terram à fluuio Ægypti, vsque ad fluuiū magnum Euphratem. tametsi omnibus alijs rationibus conuictos se intelligerent, tamen terram quam possidebant, ita sanctam esse putabant, vt nunquam cultoribus, habitatoribusq̃ue suis, quibus promissam acceperāt, vacuā fore crederent; quasi verò habitatores propter terrā, & nō potius terra propter habitatores fuisset comparata, & quasi vt Christus ait sabbatum non propter hominem institutū, sed homo propter sabbatum creatus existimari debeat. Quamobrem eiusmodi terræ rationem istam esse docet, in qua nulla stabilis permanendi possit esse fiducia: Nam quando Deus cum Abraham de ea re paciscebatur, æquissima illa lex atque conditio instituta est, vt pietate atq̃ vitæ sanctitate Deum semper colerent, & numen ipsum sibi propitium semper esse officio faciēdo curarent: Lige pactiōem: Ambula coram me, & esto perfectus, ponamq̃. fœdus meum inter me & te, & multiplicabo te vehementer nimis, Daboq̃ue tibi & semini tuo terram peregrinationis tuæ, & omnem terram Canaam in possessionem æternam. Ac ne Abrahamo tantum lex dicta & conditio proposita videri posset, iterum atque iterum clarius etiam repetitur: Dixitq̃ue iterum Deus ad Abraham, & tu ergo custodies pactū meum, & semen tuum post te in generationibus tuis. His conditionibus Deus cum Abrahamo transiegit, cū promitteret; cū verò pacta & promissa exoluere illius filijs pararet, easdem conditiones longa oratione repetijt: Iuxta morem regionis Cananæorū, ad quam ego introducturus sum vos, non agetis, facietis iudicia mea, & præcepta mea seruabitis, & ambulabitis in eis: Omnes execrationes istas fecerunt populi terræ, qui fuerunt antè vos, & polluerunt eam: Cauete ergò ne & vos similiter euomat cum paria feceritis. Horum quidem pactorum conuentorumq̃ue constantia perpetuæ possessionis ius constare illis posset, & persequi liceret, non autem terræ solummodo dignitate & promissionibus allegandis: Sed cum ipsi à pacto discesserint, nihil magis loci sanctitudine & diuinis pollicitationibus possessionem suam tueri possunt, quàm primus ille hominum parēs Adam suam est tutatus: Nam nec cæli, nec aëris temperatione, nec soli vbertate, nec fructuum omnium copia, nec etiam dulcissimarum limpidissimarumq̃ue aquarū abundantia, nullis denique rebus, quæ locum aliquem felicem atque illustrem efficere possunt

possunt, terra hæc cum illa deliciarum paradiso comparanda est, quam diuina manus in hominis gratiam plantauerat, atque inenarrabilibus ornauerat commodis, adeò vt arbores etiam essent, quorum fructibus vitam hominum ad æternam vsq. ætatem propagari possent. Hunc locum non solum promissione, sed etiam donatione diuina possessionis iurisque sui Adamus fecerat, à quo tamen quia in conditione atque pacto non mansit, meritisimè expulsus atq. exturbatus, & omni redeūdispe deiectus fuit, ita nulla loci ratio est à Deo habita, quominus ille humanis cultoribus & dominis vacuus relinqueretur: Etenim qui possessionis ius violat, quo iure de possessione agat, non habet. Cum ergo Adam *ibi*, hoc est in paradiso leuissimum obseruantie onus à donante impositum abiecerit, possessionis iure meritò est priuatus: Quale verò possessionis ius experiri poterunt filij Israël, cū Deus iustus iudex sit, qui paribus in causis simili iudicio vti consuevit, sicut scriptum est: Ego Deus, & non mutor. Atque adeò antiquum illud Dei de Adamo iudicium, huius rei suæ præiudicium fuisse, interpretari illos oportuerat, si scaperent, maximè cum sibi prædictum fuisse negare non possint: Cauete ergò, inquit, ne & vos similiter euomat cum paria feceritis. [*Ibi præuaticati sunt in me:*] Cum terra, quam incoheret, mea esset, meaue liberalitate illis in vsum cessisset, tamen in me dominum terræ præuaticati sunt. Quamquam autem terram non nominat, tamen de illa sermonem fieri aduerbium locale arguit, *ibi*, quod argumenti genus à coniugatis apud dialecticos dicitur. *Præuaticati sunt ibi*. Adam in suo loco & isti in suo; quamobrem inde vtrique meritò sunt expulsi. Hunc locum expositores græcam fortasse versionem secuti, non ad Adam primū, sed ad quēlibet hominem referunt, præter Lyranum, qui interpretationem nostram breuibus indicat verbis: Aptissima autem hæc qua vsi sumus, expositio est:

*Galaad ciuitas operantium idolum supplantata sanguine.*

Cum de sacrificiis hætenus ageret oratio, ad Iudæos præcipuè pertinere videbatur, apud quos & templum stabat, & sacrificiorum rationes, tametsi nec integræ nec puræ, tamen aliquo modo constabant: Nunc verò deinceps Israëlita cæteri eodè inuoluntur crimine, imprimisque Galaaditarum gens, qui vt loca occupauerant feliciora, ita proteruiore euaserant, perinde ac si loci amœnitas, & vbertas ad luxuriam, non autem ad officium præstandū sortè illis obtigisset: Nam pastionis & frugū vbertate eam regionem fuisse fertilem & Michæas & Zacharias declarant. Ex libris Paralipomenon accepimus Esrielem quendam ex filiis Manasses ex Syra concubina Machir filium genuisse. Machiro progenitum Galaad nomen regioni dedisse, quæ inter Iordanem & Bassam & Libanum sita, & montis Libani ramentum, & campestem etiam planiciem continet. Hanc autem regionem dimidiæ tribui Manasses sorte obtigisse, ex eodem accepimus libro, & in psalmis legimus: Meus est Galaad & meus est Manasses. Illud autem nescio quo malo hominū genio, vel potius vitio, accidit, vt quò ditiora & magis amœna quisque populus incolit loca, eò magis sit vitij obnoxius, quod inde fortasse manat, quòd rerum affluentia & opes libidini fomentum ac materiam suppeditent, sicut scriptum est: Incrassatus est dilectus & recalcitrauit. Quam etiam causam diuina historia in nefarijs Sodomorum flagitijs significat: Antequam Dominus euerneret Sodomā & Gomorram vniuersa terra irrigabatur, sicut paradysus Domini: ita etiam accidit, vt Galaadita secunda fortuna vehementer transuersos egerit, ac superbia corruerit, vt cum Deum Israëlitarum rerum tædere cœpisset, in hos omnium primos calamitas peruaserit, percussitque eos Azaël in vniuersis finibus Israël, à Iordane contra orientale plagam omnē terram Galaad & Ruben & Manasse ab Aroer, vsque ad torrentem Arnon. In hac regione vrbes quædam ex earū numero erant, quas ad sacerdotum habitationem & homicidarum perfugium sanctas esse voluit lex, quarū nomina erant Ramoth in Galaad & suburbana eius, Maanaim cum suburbanis suis, Hesbon & Iezer cum suburbanis suis. At verò cum eam regionem propter sacerdotum frequentiam, & propter Asylorum religionem sanctissimis & innocentissimis cultoribus abundare oportuerit, cōtra deprehensum est eam esse ciuitatem operantium iniquitatem, & conciliabula hominum insidiatum, qui sanguine & cæde viuerent. *Supplantata*. Idem significat supplantare in sacris quod insidias facere, atque supplantator dicitur, à quo cum periculum nullum timeatur, maximum tamen offertur, vt Qui edebat panes meos magnificauit super me supplantationem: Vnde & meritò nomen fratri Iacob impositū asserbat Esau, à quo bis supplantatus,

Mich. 7.

Zacha. 10.

1. Paral. 2. &amp; 7

1. Paral. 27.

Psalm. 60. 108.

Vide Hipparchum in egyptia Arabiæ.

Deuter. 33.

Gen. 13.

2. Reg. 10.

1. Paralip. 6.

Psalm. 40.



tatus, hoc est insidias bis ipse fuisset passus. Est autem synecdoche figura supplantata sanguine, hoc est innocentum cædibus & insidijs plena, cuius studia omnia insidijs, & cædibus consumuntur. Sententiam autem hanc subiunctis versibus aperit.

*Et quasi fauces virorum latronum, particeps sacerdotum in via interficientium pergentes Sichem.*

5 SUPERSTITIONEM & vanum cultum propter regni stabilitatem à regibus instituta, & legibus firmata fuisse iam vidimus, quæ res de communi principum atque sacerdotum consilij sententia facta, & à populo suscepta fuit: nam si cum principum imperijs  
10 & potestatibus sacerdotum sententia atq. auctoritas cõiungatur, faciliè quælibet res populo persuaderi potest. Non solum autem in hac re sacerdotes superstitionis auctores, sed vindices etiam sese præbuerant, atque iidem illi, quos pax, quos humanitas, quos misericordia maximè decebat, crudelissimi ac perniciosissimi potestatis administratores, atque satellites erant: Nam si quis contra illorum sententiam, vel agere, vel conari aliquid voluisset, pro-  
15 scriptionis de capite, & bonis suis latam pœnam primis sacerdotum sententijs dānatus subire cogebatur; ex qua præda ac rapina, & res & numerus illorum indies augebatur: id quod si quis earum rerum quæ Helix tēpestare gestæ sunt, historias legerit, adeò clare & manifestè cognoscet, ut nostris non indigeat probationibus: eò autē crudelitatis & sequitiæ sacerdotes processerant, ut cum nequissimis, & sceleratissimis hominibus fœdere, ac nefaria societate coniuncti, latronum ritu palantes, vias assidue infestarent, atque ex insidijs homines  
20 occiderent. [*Et quasi fauces virorum latronum.*] Quamquam hic locus clarius alio modo verti poterat, tamen sic ut occurrit, erit nobis explicandus: Quoniam latrones loca opportuna ad grassandum deligere solent, qualia sunt angustiae, & viarum asperitates. Huiusmodi ad insidias innocentibus hominibus faciendas loca & stationes ab his Galaaditis  
25 hominibus una cum sacerdotibus electa fuisse dicit: Ita fauces pro locis angustis accipiuntur, ut Corinthus in angustijs & faucibus Græciæ posita esse dicta est, & Æmilius in faucibus macelli sedebat. [*Particeps sacerdotum.*] Nam ut sacerdotes in illo Latrocinio principes erant, ceteri verò qui cum illis fuerant, socij & sceleris atque prædæ participes dicuntur. [*Interficientium,*] Hebraicè propriè est occideret; quod verbum mortem homini  
30 per iniuriam & vim oblatam significat; cum autem in futuro tempore sit, studium & assiduitatem homicidiorum indicat. Hi verò Galaaditæ eas præcipue vias ad scelus hoc occupauerant, quæ Sichem ab Ierusalem, aut aliunde petentes ducerent. Erat autē Sechem vrbs Samariæ metropolis: (Nam hic non de altera Sichem, ubi ossa Ioseph reposita sunt, agitur:) Quamobrem multas & frequentes ad eam urbem vias fuisse cõsentaneum est.  
35 In vulgata versione præpositio, *de*, vacat, & nomen *Sichem* in accusandi casu est legendum; nam Hebraicè est *Sechemah*, quam desinentiâ locorum nomina habent; cum ad illa est iter, ut Ierusalaimah Mizraimah, idem est quod in Ierusalè & in Mizraim. Maximam autem illorum iniuriam esse arguit, qui calūnia quadā & nimis callida interpretatione, quoscunque in via qua itur Sichem offendissent, occidebant, non solum ab vrbe, sed ad  
40 urbem ipsam iter facientes Quoniam autem hæc iniuria per summam calliditatem, fraudem, & dolum apud hos extiterat, propterea affirmando subiungit:

*Quia scelus operati sunt.*

HEBRAICÈ *zimah*, fecerunt. Est autem *zimah* excogitatae malitiæ nefarium commentum, ut ne prostituas filiam tuam, ne contaminetur terra, & impleatur *zimah* & alio  
45 in loco: Qui supra uxorem filiam duxerit, matrem eius, scelus operatus est; viuius ardebit cum eis, nec permanebit tantum nefas in medio vestri. Vtrobique pro scelus & nefas  
est *zimah*: itaque portentosum aliquod flagitium consultò susceptum significat.

50 *In domo Israël vidi horrenda, ibi fornicationes Ephraim, contaminatus est Israël.*

Eos qui scelere & flagitio præexcelluissent, hætenus notauerat Deus, nimirum qui non vnum atque simplex peccatum susceperant, sed superstitioni dolum, calliditatem, auaritiāque addentes, non solum paricidijs sese contaminauerant, sed omni scelere cooperuerant. Nunc verò reliquis omnibus, hoc est vniuersæ Israëlī superstitionis  
& vio-

1. Reg. 16.

& violatæ coniugalis fidei notam inurit : Nullam enim esse tribum affirmat , quæ Ephraim sententiam atque exemplum vitulis colendis , lucis , aris , phanisque celebrationis secuta non fuerit . itaque nullam apud eos terræ partem hac religionis violatione vacuam atque puram esse ostendit : Nam quanquam primum apud Ephraitas scelus conceptum atque admissum , libenter tamen à cæteris susceptum atque perfectum est : Neque enim satis eis fuerat , vt ambulant in peccatis Ieroboam filij Nabat , nisi in alijs atque alijs temporibus aliæ atque aliæ cultuum rationes impiæ , & regum consilio , & voluntate sua initæ essent . Igitur vt totum populum contaminatum , & turpitudinis notam insignem demonstraret , affirmat rem inditijs aut testimonijs aliunde productis non egere , cum ipsi Israëlitarum aperte ac palam in ore atque in oculis omnium sese flagitijs nobilitarent . *Vidi* , inquit , *vidi* ipse in domo tota Israël horrenda atque nefanda spectacula . Et quamvis Ephraim princeps atque auctor huius fornicationis & infamis superstitionis fuerit , atque ibi apud eos in Dan & Bethel prima huius morbi fuerint initia , corruptionis tamen vis , & contagio in totam Israëlitis familiam permanuit : hoc est quod dicit . [ *Ibi fornicationes Ephraim , contaminatus est Israël .* ] Ephraim familiam regiam , reliquum vero populum Israël nominat : Hebraicè est , ibi fornicatio Ephraim , & repetendum erat ad uerbium , ibi contaminatus est Israël , sed aposiopesis est usus propter indignationem , nam familiaris hæc figura est ijs , qui ira aut alia perturbatione commoti , plura vultu indicant , quam verbis proferunt , vt illud : Seruate mihi in puero , in Absalon , deficit verbum . Vehementer autem sese scelere antè oculos posito irritatum ostendit : Nam quæ quis indignissima viderit , taceri & celari non oportere arbitratur , vt ille aiebat :

2. Reg. 18.

Persius saty. 1.

*Vidi, vidi, ipse libelle.* Nulla ergo Israëlitis sese defendendi ratio , nulla ad effugiendum via , nec locus relictus est : Ipsi enim propria audacia atque impudentia rationes omnes suas iugularunt , illi ipsi monstratam per vates misericordiam viam inire noluerunt , ipsi locorum omnium sanctitatem prophanis cultibus , atque omni flagitio polluerunt , non solum in Iuda , sed in Gilgad atque in Ephraim , unde & toti provincie labe est illata . Quid igitur faciam tibi Ephraim ? quid nisi illud alterum faciam , quod faciendum prædixi , & quod fieri oportere manifestum est : Et tibi Iuda quid faciam ? qui non leuioribus sceleribus obligatus es ?

*Sed & Iuda pone messem tibi, cum conuertero captiuitatem populi mei.*

QVOMODO cum diuina misericordia iustitiæ conueniat , docet hoc in loco vates : Nam quanquam misericordiam promissiones firmissimas esse semper Deus voluerit , tamen cum hominum vitijs & peccatis id postulantibus iudiciorum ratio ineunda est , ita res temperatur , vt neque Deus iustitiæ non satisfaciat , neque suæ desit misericordiae . Huius rationis ignoratio homines in maximum errorem inducere potest . Iudæi cum ex diuino responso intellexissent , fore , vt ille totius orbis vindex , rex atque seruator , ex eorum familia esset oriturus , hanc promissionem sanctam & ratam esse credentes , aut nullas aut exiguas calamitates aduenturas , etiam si improbe vixissent , sibi persuadebant ; cum fieri non posse arbitrarentur , vt repelleret Dominus plebem suam , in qua tantum opus edere moliebatur . Non solum autem se non perdendos , sed neque patrium solum relicturos putabant , cum tantæ Dei promissiones & præclara initia successu suo frustranda , non crederent . Atque hæc res admirabilis illis videbatur , quoties aliquo modo premeretur , atque in ea red disputabant , quæ fieri posset , vt Deus ruinam , aut calamitatem illis , & suum illud maximum opus , ( quod non nisi se saluis edi cõueniret , ) moliretur . atque hic locus diffusius à nobis in commentarijs Habbakuq tractatur . Verum enimvero ita res gerenda ac gubernanda erat , vt & in suscepto consilio Deus permaneret , & neque tamen interdum improborum sceleribus conueniret ; verum improbitatem & audaciam castigando comprimens , meritas opinionis suæ poenas in certam diem reseruaret : Ea autem dies futura erat , vbi ille suum consilium absoluisset , missoque seruatore populum sibi varijs terrarum partibus dispersum colligeret , qui diaboli , in quam abducti erant , seruitutem , illius virtute & opera repellentes , in diuini regni ciuitatem reciperentur , neque solum libertatis , sed adoptionis etiam filiorum perpetuæ possessionis ius haberent : Nam si filij & hæredes , hæredes quidem Dei , cohæredes autem Christi . Hæc itaque summa consilij diuini fuit , vt Iudæis interim clementer agens parceret , neque tamen indulgeret Deus , dum ille sibi munda-

Habbakuq. 3.

Psalm. 39.

mundaret populum acceptabilem, sectatorem bonorum operum. quòd si castigati atque admoniti interdū non relapsicerent, tum verò cumulatæ improbitatis cumulas tam diu pœnas darent, quoad in diuturna seruitute, multis æumnis & miserijs pressi, diuinam tandem misericordiam & fidem implorantes cum ceteris Israëlitis experirentur: Scriptū Psal. 88.

5 est enim: In æternum seruabo illi misericordiam meam, & testamentū meum fidele ipsi, „  
 & ponam in seculum seculi semen eius, & Thronum eius sicut dies cæli: Si autem dere- „  
 liquerint filij eius legem meam, & in iudicijs meis non ambulauerint: Si iustitias meas „  
 prophanauerint, & mandata mea non custodierint, visitabo in virga iniquitates eorum, „  
 & in verberibus peccata eorum; Misericordiam autem meam non dispergā ab eo, neque

10 nocebo in veritate mea, neque prophanabo testamentum meum, & quæ procedunt de labijs meis non faciam irrita. Igitur cū in idem impietatis crimen Iudæi cum Israëlitis vocati causam suam nihilo magis quàm illi obtinuerint; & tamē Israëlitis ex iudicij sententia maturior, longior ac grauior pœna, quàm Iudæis decreta videretur; ne aut diuina æquitas, aut Iudæorum crimen in dubium alicui venire posset, exceptionis ratio expli-

15 catur: Primū quòd cū Israël quasi vacca lasciuiens primus declinauerit, & admittēdi sceleris auctor Iudæis fuerit, priorq. terram, in qua plantatus fuerat, polluerit, prior etiam pœnas subire & sustinere debuit, atque plantarum euulsionem inde primum incipere; vbi primum labes est facta; namq. hoc modo & Iudiciorum æquitati, & promissæ misericordix negotio, optimè consuli visum est, hoc est quod dicit; *Etiam Iuda. Etiam*, posterior-

20 rem locum occupat hæc coniunctio. [*Pone messe tibi.*] Quoniam mentio de terræ dignitate facta est, cui plurimū isti omnes fidebant, à qua se diuelli posse, ne inculta relinqueretur, non putabant, & tamen Israëlitis cū constituta sit sua ad migrandum dies, sua etiam & Iudæis cōstituitur, qua de terra cedendū illis, perinde atque segetibus certū quo metantur tempus est. Id autem erit [*Cūm reduxero captiuitatem populi mei.*] Non potuit

25 clariùs prædici tempus illud aureum, quo Deus Messiam suum missurus fuerat, vt filios Dei qui in dispersione erant, congregaret: Namq. hic est verus Dei populus, quē ipse sibi omnibus, ex gentibus elegit, quorum secundum fidem genus ex Abraham, secundum Ioan. i.  
 veterem hominē mortificatio, & noui hominis regeneratio à Deo per Christum, qui non „  
 ex sanguinibus, neque ex voluntate carnis, neque ex voluntate viri, sed ex Deo nati sunt, „

30 per lauacrum regenerationis, & renouationis spiritus sancti in libertatem ab ea seruitute vindicati, cui per totam vitam fuerant obnoxij. Itaque iudaica messis, hoc est strages, in eam diem dilata est, cū iam Deus non plebem suam, plebē suam vocasset, & non misericordiam consecutā, misericordiā consecutam; cū Iudæi non solū maiorū suorum, sed suis etiā sceleribus obligati, impietatis implerent mensuram, & ultionem omnis sanguinis, qui effusus est à sanguine Abel, vsque ad sanguinem Zachariæ filij Barachix, sibi ipsi pararent: Eo enim tempore regnum Dei auferendum ab illis erat, & genti fructū eius facienti concedendū; ita euenit vt simul erga hos iudicium, erga gentes misericordia exerceretur. Atq. hoc modo neque iustitiæ suæ, neque misericordiæ consilio Deus vnquā defuit. Atque adeò hoc mysterium vatum tēporibus enunciatū anno mundi ferè quater

40 millesimo trigesimo quarto, Christi verò trigesimo septimo explicatū est, cū Dominus vineæ missis exercitibus suis agricolas perdidit, septima die Septembris eius anni cū iam Euangelium in vniuerso mundo esset auditū; cuius mysterij causa: Paulus exclamabat: Rom. i.  
 O altitudo diuitiarum sapientiæ & scientiæ Dei, quàm incomprehensibilia iudicia eius, „  
 & inuestigabiles viæ eius. [*Pone messem tibi.*] Eleganti translatione sermonem exornauit, „

45 quandoquidē hæc lis habitatoribus terræ intenta est, qui in terra illa tanquam seges aliqua seminati fuerant, hos omnino iam aridos demetendos esse dicit: atque messis nomine stragem illam significauit, qua Iudæi vel perdendi, vel penitus erant abdu-cendi; qualis calamitas non fuit ab initio omnis creaturæ, ita vt nisi Deus abbreviaffer „  
 dies illos, non saluaretur vlla caro. Sic apud Ieremiam de Babylonis vastatione prædi-

5 ctum est: Adhuc modicum & veniet tempus messionis eius & Syllani temporis messem Ierem. vi.  
Cicer.  
 latini dixerunt.

**C**VM SANARE vellem Israël, reuelata est iniquitas Ephraim, & malitia Samaria, quia operati sunt mendacium, quia fur ingressus est spoliis, & latrunculus foris.

**D**IVINORVM vatum libri multis & grauissimis de causis difficiles explicatus habent, ex quibus vna est eius quæ à vate sustinetur personæ ignoratio. consueuere enim persæpè vates pro negotiorum, pro hominū apud quos agitur, pro temporū ratione, aliam atque aliam personam induere, quā si quis non agnouerit, frustra spectet agentem: Nam neque quid agatur, neque quā rectè aut commodè agatur, intelliget. Quam 10 quidem ob rem eum, qui sacros libros explicandos suscipit, sapientem & plurimarū rerum oportet esse peritum, siue ea facultas ex multarum facultatum disciplina, ex rerum tractatione & vſu, siue, quod maximè optandum esset, ex diuino spiritus sancti beneficio habeatur. Atque harum omnium facultatem rerum & copiam dono Dei oblatam, D. Paulus scientiam multis in locis nominat, cuius se non rudem neque expertè fuisse pro- 15 fitetur: Et si imperitus, inquit, sermone, non tamen scientia: quodd ad omnia sacrarū literarum intelligenda mysteria diuino spiritu auctus esset. Ad hunc sapientiæ gradum ut perueniamus, contento pietatis & orandi studio, cursuque nobis omnibus est laborandum, ut scriptum est: Si quis vestrum indiget sapientia postulet à Deo, qui dat omnibus 20 affluenter, & non impropere, & dabitur ei. Interest ergo diuinorum vatum interpretis, quæ quo in loco partes agantur, intelligere, ut referre ipse possit, & eos qui legēt docere. Hactenus Hossias Deum maritum vxori iratum, accusatorem & iudicem aptissimis orationibus expressit: Nunc verò hoc in loco vates ipse officium & nomen tuetur suū: Nam vates non solum ut futura enuntient, creantur; sed etiam ut hominum mores integros, 25 religiosos, iustosque esse assiduis orationibus, consilijs atque exhortationibus procurent. Hanc curam & alijs & vati nostro iniunctam fuisse iam intelleximus: Iudicate, iudicate matrem vestram, dicebat Deus, iudicate. Eam curam diligenter sustinuisse, nihil tamen se effecisse vates hoc in loco ostendit & dolet: Quod verò in ea re tantæ operæ ac laboris consumpti nullus fuerit fructus, eos apud quos agebat in culpa esse dicit, qui vitæ & salutis suæ consultum esse noluerunt, atque in eo explicando, optimi & fidelissimi medici 30 officio functum se esse ostendit; cuius imaginem quandam & similitudinem intueri oportet, ut orationis totius rationem possimus comprehendere. In primis autem commune illud medicorum præceptum est diligenter tenendum, quod totius artis caput & principium est: In morbis curandis non solum medici assiduitatem & curam, sed ægrotantis etiam, & eorum qui adsunt, officium & diligentiam esse requirendam, etenim 35 ægrotanti frustra medicum quantumuis fidelē adduxeris, si curari sese ille non patiatur: Non enim solum seipsum opus est præstare oportuna facientem, sed & ægrotum, & eos qui adsunt, & quæ extra hæc sunt, inquit Hippocrates. Sicut igitur grauissimi morbi, & vulnera quædam sunt, quæ sua natura curari, nisi diuinitus non possunt; & alia, quæ non naturā, sed ægroti negligentia & culpa insanabilia fiunt, ita ut neque diuini- 40 tus etiam curentur, atque eos qui huiusmodi fuerint, tanquam à morbis & à seipsis victos omnino deferere, in medicorum iuramentis præceptū, & diuinis in libris est consultum: Curauimus, inquit, Babylonem, & non est curata, derelinquamus eam. Ostendit principio vates se, dum fidem officiumque suum his præstaret, eorum insolentiam & culpam ita apertè cognouisse, ut testari possit per eosdem commissum fuisse, quominus 45 curentur: [Cum sanare vellem Israël.] Hebraicè est curare: Nam ut corporum morbi & vulnera, ita animorum peccata & scelera, vitia ægritudinesque sunt, ut scriptum est. Ego dixi Domine miserere mei, sana animam meam, quia peccaui tibi. Atque ut illa fomentis, vnguentis, ligaturis, euacuationibus, & continentia; sic hæc diuinis sermonibus, consilijs, reuocationibus, exhortationibus, & poenitentia curantur, si tamen maturè & 50 oportunè fuerint quæsitæ remedia: Etenim neglectis & iam desperatis morbis vetat Hippocrates adhibere medicinā, ob eāque rē scriptum est: Tempus occidendi & tēpus fanandi. Itaque cum oportunè remedijs subuenire vellet Israël, singularem suam insolentiam & contumaciam ægrotantes ipsi medico atque omnibus medicinis neglectis proderunt: huius rei causa dicit: [Reuelata est iniquitas Ephraim, & malitia Samaria.] Peruersitatem

2. Corint. 11.

Iaco. 1.

Supr. c. 2.

Hip. Aphor. lib. 1.

Hippo. lib. de acre aquis &amp; focis. Gale. de Crit. lib. 100.

Hippoc. iurandum. Ierem. 51.

Themist. in poster. Plato in Philosophia. Plal. 40.

Ecclesiast. 3.



sitatem & contumaciam hæc nomina significant: Iniquitas enim ex hebraico verbo red-  
 dita propriè pueritas & deuiatio est: Malitia verò quod græcū *μαλίστα* aptè exprimit,  
 singularem animi morbum, qui vultu etiam & corporis habitudine cognosci manifestis-  
 sime possit: sic Pharaon septem boues à se per quietem visas macilentas & malas visu fuisse  
 5 depingit: sic Ioseph duorum qui in carcere erant sociorum animi morbum ex vultu in-  
 dicans, rogauit cur malæ sunt facies vestræ? sic etiam Hossæas morbum Israëlitarum in-  
 timas totius corporis venas peruasisse, atque ægotantem ipsum ita victum esse ostendit,  
 vt curationem tamen non admittat. Vt autem in corpore caput & facies principatū ob-  
 tinet, atque in ijs grauissimorum morborum primæ ad indicandum notæ, & indicia me-  
 10 dici reperire consueuere, primæque eius artis præcepta à vultu & facie inchoant; sic &  
 noster hic medicus cum curare vellet Israëlitis corpus, quod tota ipsa Israëlitarum societas  
 erat, caput ipsum & faciem regni primum contemplatus, magni, diuturni & desperati  
 morbi notas & manifesta signa deprehendit: Corporis autem totius faciem Ephraim  
 regiam tribum, Samariam verò urbem regiam caput nominat, ex quibus totius corporis  
 15 morbi & ægrotationes nascantur. Eadem translatione vsus est, & Isaias: A planta, inquit,  
 pedis vsque ad caput non est in eo sanitas. Samariam autem caput fuisse illo testimonio  
 comprobatur: Caput Syriæ Damascus, & caput Ephraim Samaria. O diuinorum scripto-  
 rum conuenientiam, atque rerum & sententiarum admirandum consensum? Quantò  
 20 verò maiori studio remedia adhibebat illis, tantò illi sese rursus nequiores, improbiores,  
 tantò se magis perfidos præstabant, ita vt morbus indies & augetur, & per omnes cor-  
 poris partes & venas omnes venenum permaneret; hoc est, dum vates diligentissimus  
 medicus increpationibus, obiurgationibus, consiliis, & crebris, assiduisque huiusmodi  
 exquisitis remedijs apud eos vteretur, namque extremis morbis extrema remedia sunt  
 adhibenda, sicut scriptum est: Liorem & vlcus absterges in malo, & plagas penetra-  
 25 lium ventris; illi verò contrà easdem ipsas res auidissimè appetebant, quibus animi mor-  
 bus augetur, sicut scriptum est: Super quo percutimini adhuc additis rebellionem,  
 omne caput ad languorem, & omne cor infirmum. Qualibus verò appetendis, & com-  
 muni impetu siue ratione requirendis rebus, morbum & furorem suum ipsi alerent,  
 subiuncta partitione exponit: [*Operati sum mendaciū, quia fur ingressus est spolians, & latrun-*  
 30 *culus foris.*] Tantum abest vt resipiscant, vt in ipsis curationis horis palam officium, omne  
 & contemnant & prodant, atque leges diuinas quibus obseruandis salutem sperare pote-  
 rant, violent atque evertant: Namque operari *Seker* pro quo mendacium vertimus, est  
 debitum officium per summā iniuriam deferere, vt illud: Iura ergo ne mentiaris mihi, &  
 posteris meis. & illud: Si fecissem in animam meam audacter. Itaque *Seker* officij viola-  
 35 tionem ex singulari audacia interpretari possumus; & cum isti neque in Deum, neque in  
 homines impiè agere desisissent, ac non solum officium violarent, vt qui nec pactis aut  
 conuentis starent, sed ad iniuriam faciendam vltèrius etiam proruperant, vtpote furtis,  
 rapinis sese domi, foris verò letrocinijs exercentes, ob eam rem dicit: [*Fur ingressus est*  
 40 *spolians, & latrunculus foris.*] Atque in hac re animaduertendum est, quanta mala publicè  
 & priuatè ex violata religione oriri soleant: Etenim iis artibus exiguo & ad speciem pio  
 initio maximam labem & perniciem integris hominum rebus ac moribus communis  
 ille hostis diabolus inferre consuevit; cum religionis nomine impietatem suadet, atque  
 eam quæ verè licentia est, libertatem interpretatur; per licetiam verò amicorum & fra-  
 trum dissidia facit: hinc autem maximum campum ad iniurias faciendas aperit. Qua  
 45 quidem ego in re expressam nostrorum temporum imaginem maximo cum animi mei  
 dolore intueor, cum prò Dei summi fidem, tot ac tanta christianorum loca, postquā  
 semel religionis, obtento nomine (quæ mera impietas est) dissentio facta est, per summā  
 licentiā omni officio, iustitia & religione vacua, multis proditionibus, furtis, rapinis, cæ-  
 dibus, latrocinijs, stupris, adulterijs, & omnibus iniuriarum atque scelerum generibus,  
 50 omni infamia flagrare videam. Scilicet hæc nobis spectacula parabant, qui primi peruer-  
 tendæ religionis, & dissidij faciendi auctores fuerunt, qui dum libertatem promitteret,  
 calumniæ iniuriæ, atque omnis luxuriæ licentiam dederunt. Præcipita domine, & diuide  
 linguas eorum; sana domine populum tuum, miserere, miserere rudis atque imperitæ  
 multitudinis plebis tuæ, quæ duces secuta cæcos quantum periculum adierit, non per-  
 uidet. Sed vatem nostrum audiamus.

Hippoc. de  
de Prognost.  
lib. 1. c. 1.

Isai. 1.

Isai. 7.

Aphor.

Prouer. 20.

Isai. 1.

Seker.  
Gen. 24.  
2. Samuel. 18

*Et ne forte dicant in cordibus suis omnem malitiam eorum me recordatum : nunc circumdederunt eos adinventiones sue, & coram facie mea factæ sunt.*

CERTISSIMA argumenta atque indicia morbi à vate notantur, vt apertior eorum culpa sit, qui cum morbum suum celare non possint, tamen negare conentur, atque ideo curari se non patiantur, sed neque curatione indigere credant : Ea est enim hominum malitia, atque in seipsos indulgentia, vt alienorum vitiorum callidissimi, suorum verò negligentissimi æstimatores sint; quòd si ab aliquo liberè & verè arguantur, id non veritatis, sed maledicti studio fieri interpretentur, aut si maximè antiqua sua vitia fateantur, præsentia tamen dissimulent, & negent; huiusmodi rei à vate nostro occurritur iam: præsentia tamen dissimulent, & negent; huiusmodi rei à vate nostro occurritur iam: 10  
Cum enim in promptu esset Israëlitis, vt sese valere dicerent, ob eamque rem neque me dico neq. medicina egere illudq. adderēt, Vatem odio atq. maledicendi studio antiqua illis vitia obseruata, nunc denuò repetere, atque obijcere; quorum iam obliuisci potius, quam meminisse oporteret, quòd illud humani & candidi, hoc morosi & callidi atque hominis exprobandi, occasione ambitiosè magis, quàm iustè quærentis esset: cuius iusmodi querimoniam Iob apud Deum humano quodam sensu habebat: Vt quæras, inquit, iniquitatem meam & peccatum meum scruteris. Hac demètia deprauatos Israëlitas Hosæas redarguit, ostenditque se nō illis antiqua peccata repetere, sed noua & præsentia obijcere, quæ palam omnibus sint, quæque ipsi vultu atque incessu fateantur. 20  
[Ne forte dicant in cordibus.] Hebraicè est cordibus in datiuo, hoc est ne sibi indulgentes, persuadeant, me odio potius, quàm eorum sanitatis desiderio flagrantem, omnem eorū malitiam in memoriam reduxisse, atque præsentis ægritudinis nomine notasse. Ego præsentis morbi notas adeo manifestas esse affirmo, vt si se sanos affirmare velint, sua maximam insaniam prodant. [Etenim nunc circumdederunt eos adinventiones sue.] Nunc antiquis vitijs, nouas ægotandi causas adiunxerunt, quando vitulis Ieroboami parum contenti plurimis & assiduis adinventionibus superstitionis rationem auxerant & ornauerant. 25  
[Et coram facie mea factæ sunt:] Vt non opus sit antiquis, & à nostra memoria remotis, sed præsentibus vti inditijs, vt præsens illorum morbus arguatur me præsentem, me inquit curare studente, insaniunt. 30

*In malitia sua letificauerunt regem, & in mendacijs principes.*

TOTUM corpus iam malè habere, & à planta pedis vsque ad caput nullam in eo esse sanitatem ostendit: Namque caput primum laborare incepit, interim verò corpus, sine morbo esse videbatur, sed capite malè affecto, corpus ipsum mali expers non erat: latebat tamen virus & membrorum omnium venas occultè penetrabat, quas vbi occupauit totius corporis vitium & corruptionem patefecit. Cum ergò Rex ambitionis & tyrannidis causa idololatriæ morbo ægotare cœpisset, & principes atq. ea omnia quæ circa caput erant, malè haberēt, cætera totius populi membra infirmiora quidè & magis, quàm caput ipsum imbecilla, idem vitij conceperunt, ita vt totum corpus æquali valetudinis habitu vsum morbi sensu iam careret, & cum ad deprecandum & curandum morbum sensus, dolorque incitent, hi propterea incurabiles effecti sunt; quod non solum ægotantes non sentiunt, sed etiam gaudent, & rident, atque suo gaudio caput ipsum exhilarant, vnde morbi initia facta sunt; consequens ergo est eos dementia affectos, atque mentis stupore oppressos esse: Quicunque enim aliqua parte corporis dolentes non sentiunt, signum est in his mentem ægotare. [In malitia sua letificauerunt Regem.] 45  
Mirum dictu est, quàm vehementer populus regum studijs & cupiditati morem gerat, in malis etiam moribus, quantum diligentia & imitatione præcurrat, ita vt principes viri tempestatum suarum venti esse videantur, qui vel leui flatu ac nutu suorum temporum mores aut agitare, aut turbare, aut contra feliciter etiam ducere possint, sicut scriptum est: Princeps qui libenter audit verba mendacij, omnes ministros habet impiōs; & iterum: Multi, inquit, quærunť faciem principis. Itaque hos adeo insanijsse superstitionibus dicit, vt caput ipsum superstitionis, hoc est regem non solum in dubium rei benè gestæ vocent, sed etiam oratione laudent, imitatione moribus & adinuentis rebus probent. [Et in mendacijs:] Hebraicè in negatione

Iob. 10.

Hippocra.  
Aphor. lib. 2.

Proverb. 20.

negatione siue in defectione: Negare autē siue deficere in sacris antiquum & certū cō-  
siliū repudiare, & nouas res moliri est, & qui huiusmodi sūt, negatores dicuntur. hoc  
verbo vtitur Psātes cum dicit: Filij alieni mentiti sūt mihi. Cū ergo principum con- Psal. 18.  
silio & edicto isti vitulos colere iuberentur, & illud audirent, hi sūt dij tui Israhēl, qui  
5 eduxerunt te de terra Ægypti: Hanc negationem populus auctis adinventionibus, & no-  
uis superstitionibus in suam libidinem & in principum gratiam repertis, superauit.

*Omnes adulterantes quasi clibanus succensus à coquente: quieuit paululum  
ciuitas à commistione fermenti, donec fermentaretur totum.*

- 10 COMMUNE idololatriæ morbum per omnes totius Reipublicæ partes, tanquā  
calamitosam tempestatē, pestemque peruasisse, demonstrat, qua in re signis vtitur cui-  
dentibus, quod notarum genus in certissimis argumentis à medicis ponitur: nulla enim  
alia re magis morbus cognoscitur, quā ex vitalium aut animalium actionum impedi-  
mento, difficultate, vel peruerſitate, vt si quis non sentiat, non intelligat, & non mo-  
15 neatur, vel secus quā ſani ſolent, hæc & alia his consentanea faciat. Cū ergo iam  
omnium hominum tam plebeiorum quā principum studia & actiones corrupta esse  
videantur, conſequens est omnes ægrotare; quod si initio morbi signa non nisi in capite,  
& in ijs quæ circa caput sūt, apparuerant, tamen iam corpus capitis vitiū laborare incœ-  
perat, sed interim non deprehendebatur malum, dum sensim per venas & membra  
20 omnia permanabat; quæ postquam occupauit, tunc demum nulla corporis pars officio  
munereque suo recte functa est. Igitur principio cœperunt reges & principes effrenata  
superstitionis libidine & cupiditate ardere; cuius incendij flamma tantum in ijs lucebat,  
tanquā si pectore ardentem furnum ferrent, ad quem omnes massæ percoquendæ re-  
ferrentur: Id verò tunc accidit cū decreto principum pronuntiatum est: Hi sūt Dij  
25 tui Israhēl, &c. Hac translatione vates idololatriæ studium notauit aptissimē; nam pistoria  
ars triplici negotio & cura perficitur, imprimis quærendum est fermentum, quo massa  
vitiatur omnis, fermento addito massa subigitur, & dum tota massa fermentatur, furnus  
incenditur, tunc demum panes coquuntur. Prima igitur massæ pars regia familia fuit,  
ex qua vitium ad omnem populum manauit, quod humana concupiscentia, quæ cor-  
30 ptionis totius principium est, fouit, donec iam totum fermentatum, atque superstitionis  
amore incitati omnes fuere; tunc verò maximē idololatriæ studio flagrare cœptum pu-  
blicè ac passim fuit, tunc vnusquisque corruptas iam, & fermentatas erga vanum cultum  
cogitationes coquendas in medium protulit. Qua in re considerandum est, quā ardētī  
& propenso animo homines ad vitia, & superstitiones prolabantur, quantumque mala  
35 illa cupiditate, quā concupiscentiam Theologi vocant, ad eam libidinem procliuēs,  
sūt, cū ex paruis initiis maxima in ea re incendia concipiantur, sic vt modico fermēto,  
grandes massæ corrumpi solent. Operæ precium autem fuerit videre, quā eleganter  
acceptam à medicis translationem vates persequitur. Vt enim corporis humani cor-  
ruptiones & vitia tametsi in membris regnent, non tantum tamen periculum creant, neq.  
40 tam manifesta sūt cū membra peruadunt & penetrant, quantum cū iam omnibus  
occupatis & victis humoribus, febres pariunt, & æstus ardentissimos concitant: sic hoc  
loco vates populum Israhēliticum morbo superstitionis grauissimo cum æstu febrique,  
hoc est cum manifestissima libidine iactari demonstrat. *Omnes adulterantes quasi clibanus  
succensus.* Adulterantes superstitione & idololatria, & ijs quæ hanc peruerſitatem sequi  
45 nata sūt stupris quasi clibanus succensus à coquente: Reges & regum familiam co-  
quentes, & primi auctores nominantur, qui ad suam vtilitatem, ad quæstum suum primi  
furnum hunc ædificauerant & incenderant: reliquum verò vulgus panis conficiendi,  
subigendæ massæ & coquendæ societate & communicatione cum regibus ipsis coniūgit.  
Ardere autem in sacris & prophanis libris, pro vehemēti impetu, studio alicuius rei vsur-  
50 patur, vt: Exardescet sicut ignis zelus tuus; & Cū exarserit in breui ira eius. Sic etiam  
apud Latinos, avaritia, amore, & studio aliquis ardere dicitur, & in cupiditatibus ardere  
à Sallustio dictum est. Fermenti autem nomine corruptelam & contagem, labemq. om-  
nem significari, totis antiquarum ceremoniarum libris est manifestum, & Christus,  
Cauete, inquit, à fermento Phariseorum.

Vt Galenus li-  
bro de natur.  
facult. 3. &  
de locis affec-  
tibus primo.

1. Cor. 5.

Psal. 2.  
Psal. 79.

Sallust. 2.  
Leuit. 23.

*Dies regis nostri: cæperunt principes furere à vino, extendit manum suam cum illuforibus.*

DIXIMVS ex actionibus perturbatis, naturalium facultatum læsionem & corporis morbum deprehendi, eodemque modo animorum corruptelam & internæ egritudinis ex operibus & studijs hominû cognosci. Hanc aut partē hoc in loco docet vates, ostēdens eos in eam idololatriæ insaniā incidisse, vt ultra etiā regia vota fuerint debacchati, qui nō solum dijs illis qui à regibus cōsecrati fuerant, sed regibus ipsis festos dies atq. ludos instituerant, & natales principū omni vitiorū genere insignes effecerant. Respondet autē hic versus illi, quē superius cantauerat: In malicia sua lætificauerūt regem. Vtitur verò inductione personæ [*Dies regis nostri:*] Eo quod populus ipse natalē regis sui, siue diē qui regni initiū fuisset, annuis celebritatibus sanctū esse voluerat, quē magna frequentia celebrandū indixerit. Populi vox erat *Dies regis nostri*. Hac inductione studiū & adulatio vulgi erga regem significatur. quibus autem rebus dies ille coleretur, sua, non populi oratione vsus continuo subiungit: Consueuere olim dies natalitios regum solennibus, pompis, & laudatorijs orationibus celebrare, atque in his regum triūphos, victorias, & res rectē in bello & in pace gestas recolere, futuris temporibus bene ominari, Deo regem suum commendare. Isti verò nihil horum facitabant, sed voluptatibus, & delicijs omnibus celebritatē inchoantes; iniurijs & cædibus finiebant. cum enim summa licentia bibebatur, tū dicerijs & perniciosissimis salibus, imò & fellibus vnusquisque ab alijs aspergebatur; hinc probra, infamiæ, rixæ, hinc postremò cædes secutæ sunt: namq. eiusmodi licentiæ, tales solent exitus spectari: [*Cæperunt principes furere à vino:*] Hebraicè est, *Cæperunt principes vtrem ex vino*, hoc eorum studiū fuit, hæc festi celebritas vino & vtribus positis, bibēdo certare. Cum verò vinum copiam dicendi maiorem fecerit, tunc nullius nomini, famæ & astimationi parcere, sed vnusquisque *Qualibet in quemuis opprobria fingere seuus*, vt ille aiebat. [*Extendit manū suam cū illuforibus.*] Illufores idē sunt qui itrisores, de quibus dictum est: Qui erudit illuforem, iniuriam sibi ipsi parit. Hi sunt quibus nihil sanctū est, nihil à detractōne tutum; namque diuina pariter & humana derident, omnia contem-  
nunt, & neque leges, neque iudicia vlla verentur, sicut scriptum est: Testis illufor deridet iudicium. Horum opera maximè atque frequentes iniuriæ, iurgia, rixæque & turbæ con-  
citantur: Eiice, inquit, derisorem, & exhibe cum eo iurgium, & cessabunt causæ & contumeliæ. ab huiusmodi hominum genere cum longè regum ratio voluntasque abhor-  
rere debeat, tamen dum vino & voluptatibus simul indulgetur, non abalienantur; imò [*manum suam extendit rex cum illuforibus.*] ita vt omnes eandem agant rem, eodem irridendi studio delectentur: Et quidem in conuiujs popularibus, & in ijs quæ voluptatis causa dantur cœnis, huiusmodi irrisionum maxima est frequentia, vt scriptum est: Irrisio vini & tumultus sicere. Atqui huiusmodi actionibus morbi vis manifestè arguitur; verum quid hæc præludia consequi possint, faciliè conijcere est, nimirum à vino & scom-  
mate infidiæ & nocendi studia, quæ omnia Reipublicæ morbum ostendunt, & interitū protendunt. Quod si aliquandiu quiescat æger dum dormit, morbi tamen causæ & humorum corruptiones augentur, vt expergefactus vehementius crucietur; eam rem sub-  
iecta oratione vates explicat.

*Quia applicauerunt quasi clibanum cor suum, cum insidiaretur eis: tota nocte dormiuit coquens eos, manè ipse succensus quasi ignis flamma.*

INITIA progressus & fines iniuriarum faciendarum appositissimè describuntur; Nam dum conuiujs & cœnis vinoque coram regibus & principibus suis vacarent, dicacitate & irrisione sese excitabant, tantumque regis præsentia prohibebantur, ne res manu ar-  
misque gereretur. quod si quiescere interea & abstinere visi erant, tamen odia & sorbe-  
bantur & coquebantur, infidiæq. tantisper parabatur, dum nocendi comoditas atq. ma-  
tura oportunitas haberi posset; ea cū contingeret nullo scelere, nulla iniuria abstinebatur; ita vt per occasionem, neque iudicibus, neq. regibus etiam parceretur. Nam tamen in-  
numera regum & principum cædes, quæ apud Israëlitas factæ sunt. Diuini iudicij sen-  
tentia fuerint factæ, occasionem tamen ex priuatis odijs habuere. Hoc verò si quis illorū annales euoluerit, faciliè intelliget. Itaque populum omnem cum regibus & principibus  
suis



fuit totam videlicet Rempublicam grauissimè ægrotare, & exitio proximam esse manifestum erat: Quemadmodum furnarij noctu fumos incensos occludere solent, quibus conceptus ignis, tamdiu fouetur, donec manè furnarij manu excitatur; tunc verò scintillas, tunc flammæ euomit. Itaque eleganti translatione morbum, febrem, & animorū furorē, atq. faciendæ iniuriæ appetitum depinxit; quem appetitum furnarij siue coquētis nomine significauit. Eandem omnino rem, eandem sententiam apertiore oratione vates alius dixit: Væ qui cogitatis iniquitatem & ad operandum malum, in cubilibus vestris, Michæ 2. in luce matutina faciunt illud, quoniā valet manus eorum. [Cum insidiaretur eis.] Verbu' impersonaliter accipimus: Namque Hebraicè est cum insidiantur ipsi, atque hoc modo clarior sententia est.

*Omnes calefacti sunt, quasi clibanus & deuorauerunt iudices suos, omnes reges eorum ceciderunt, non est qui clamet in eis ad me.*

OMNI hominum ordini eundem impietatis & sceleris ignem fuisse subiectum, ita ut nulla ætas, nulla conditio esset, quæ non flagraret, apertè ostendit: Cum populū omnē clibano similem dixerit, qui vbi flammæ in se concepit, omnia incendit, & consumpsit; namque vbi populus religionis & honestatis modum finesque transiuit, omnes alios ordines, vel vi, vel imitatione & obsequio, ad sua demum studia transfert, ut ignis cum vires sumpsit, omnia incendere & consumere solet, quæcunque aut corripit, aut extinguendi etiam causa excipit. quæ res vel in Mose obseruari potest, quem impius & incredulus populus incredulitate sua penè implicauerat, sicut scriptum est: Et vexatus est Moyses Psalm. 105. propter eos, quia exacerbauerunt spiritum eius. Ergo cum omnis populus impietatis studio, ut clibanus arderet, effectum est, ut iudices etiam & principes easdem flammæ conciperent, sicut scriptum etiam est: Prophetæ prophetabant mendacium & sacerdotes applaudebant manibus suis, & populus meus dilexit talia. Consequens autem erat, ut qui iisdem sceleribus implicati essent, periculis & pœnis communicarent, sicut scriptum est: Quid igitur fiet in nouissimo eius? Omnes itaque eodē morbo laborabant, & multi ex illis ob eam causam interibant: maximè verò hæc calamitas in principibus ipsis & regibus spectabatur, qui partim suorum dolo, partim hostium armis peribant. At verò cum hic morbus ad extremum exitium tendere videretur, in eiusmodi morbi constitutione multum preces & vota laborantium valere solent, cum iam à medicis desperatur salus. Sed cum istorum interesset ad me in tanta calamitate & ægritudine clamare, ut ille cum ægrotaret sanitatem exoptans atque sperans clamabat: Domine Deus salutis meæ in die clamaui & nocte coram te, &c. tamen nemo istorum est qui clamet ad me. Psalm. 4. [Deuorauerunt iudices suos.] Translationis sermonem eleganter obseruauit: Hebraicè est, comederunt siue consumpserunt iudices suos: Namque ignis comedere & cōsumere in dicitur, ut: Deus noster ignis comedens est, & in igne zeli eius deuorabitur omnis terra: Et aëtheris igni ætherisque flamma consumi, Cicero in Philosophicis dixit. Vsq. adeo igitur morbo insaniuit hic populus, ut quamuis maximis periculis, & membrorum suorū afflictionibus & resolutionibus, tamen nunquam sentiat, neque à medico, neque à Deo opem imploret. Non est qui clamet ad me. Dei oratio est, cuius personam interdū vates sustinet, ut hætenus medici sustinuerat.

*Ephraim in populis ipse commiscebatur, Ephraim factus est subcinericius panis qui non reuersatur.*

MORBI causæ & initia explicantur, & quamobrem æger curari non possit, ostenditur: Nam ex actionibus (ut diximus) morbum cognouimus: Cum enim populum antea sanctum, sobrium, castum, abstinentē, & pium, epulis deinde vino, somno, iocis, & voluptatibus omnibus, itē auaritiæ, latrociniiis, insidiis deditum viderimus, atque ideo à Deo alienū, sic ut illū repudiarit, nouaque numina instituerit, manifestum est in grauissimum morbu' & insaniam incidisse populum eum, qui huiusmodi studiis teneatur. Morbi ergo querenda est causa, atq. hæc imprimis abscindenda, deinde vitiosæ affectiones ipsæ, quæ iā hæserūt curandæ. Illud verò mirū admodū est, vnde tāta in Ephraim cōmutatio morū; ut ijs quibus ipse maximè alienus erat, nūc ita vehementer deditus sit. Inuenit tandē causam quā aperit manifestè, nimirū quod cōmisti sunt inter gētes, quibus cum omnis vita & consue-

Galen. in methodo lib. 7. & lib. de constitutione art. medicæ.

Exod. 34.  
Leuit. 20.

Vide Laertii  
& Liuium.

Gen. 48.

Iunen. sat. 2.

consuetudo vitiosa & flagitiosa sit, geri non potuit, vt qui assueuerint non contamina-  
rentur. quam quidem ob rem horum familiaritate & consuetudine interdictum illis  
esse lex voluit, qui selecti & separati à reliquis nationibus propterea sunt, vt ab earum  
studijs abhorrentes officium ipsi & pietatem virtutemque omnem inter se conseruaret,  
& religionis veræ sacrarium quoddam essent. Caue, inquit, ne cum habitatoribus terræ  
illius vnquam iungas amicitias, quæ sint tibi in ruinam: Ego dominus Deus vester, qui  
separavi vos à cæteris populis, vt essetis mei: Peruiderat namque Deus nihil hominum  
ingenio tam promptum esse, quàm à veteri & probata disciplina per familiaritatem & con-  
suetudinem ad peregrinos mores vsumque transferri. Atque huic rei non solum diuino  
iudicio, sed hominum etiam eorum qui sapientiam professi sunt, cautum atque proui-  
sum est; nam & Lacedæmoniorum præceptis & institutis, neque ciues peregrinari, neq.  
hospites vltra tres dies in ciuitate manere permittebantur: maximam namque labem  
rebus integris hæc res infert. Hæc itaque malorum causa fuit, quod [*Ephraim in populis ipse  
commiscebatur:*] Ephraim pro Israël dixit; namque ex filijs Ioseph, alter hic fuit aui adop-  
tione maior, & iure potior, quem Israël, hoc est suo nomine honorificè appellandum fore  
auus ipse prædixerat: Inuocetur, inquit, super illos nomen meum, & in te benedicetur  
Israël, & dicetur, faciat tibi dominus sicut Ephraim. Vtitur autem exornatione, quã an-  
titheton vocant. Ephraim quem sanctiorem, atque à cæteris populis longius separatum  
esse oportuit, ipse tamen cum populis commiscebatur, ipse sibi turpitudinis, ac sceleris  
contagionem molitus est: *Aspice quid faciant commercia*, inquit ille. Cum autem morbi  
causam abscindi primum, atque contrariis remedijs affectione curari ipsam oportuerit;  
causa autem his mali fuerit, à Deo suo ad populos Deo inuisos desciuisse; hi tamen  
neque causa auelli, neque remedijs vti idoneis volunt, sed adhuc populorum amicitias,  
& studia quærun, ac mala sua iisdem quibus orta sunt, contagijs augent. [*Ephraim sa-  
ctus est subcinericius panis qui non reuersatur.*] Antiquorum medicorum artis more similitu-  
dinibus rem explicat; quoniam ea ratio ad docendum aptior, atque ad memoriam est  
accommodatior. Ostendit autem quo in statu Israëlitarum res sint: Etenim cum ex gen-  
tium consuetudine, & societate, ea, in quibus erat, mala, easque molestias contraxisset,  
neque etiam in duris rebus ab illa consuetudine recedere vellet, ægritudine indies  
acriore facta, ad exitium citato cursu ferebatur, atque in morbo consenscens salutis adi-  
tum præcludebat; sentiebat ille quidem malum, pericula experiebatur, insidias & bella  
quotidie patiebatur, & timebat, morbo tandem & malis omnibus vrgeri se videbat, &  
tantum remedia non vbi inueniri possent, sed ab ipsis gentibus, vnde origo malorum fuerat,  
quærebat, atq. hoc modo calamitas tantum augebatur; nulla verò salutis spes erat, nihil  
enim aliud inuocatum gentium subsidium illis præstabat, nisi vt eorum absumptis opibus  
ruinam maturaret: namq. gentium societatem & auxilium non sine maximo facultatum  
suarum detrimento habere poterant. Atque hæc res eleganti similitudine à Deo per-  
vatem ostenditur. Vt enim libum super carbones coniectum, si non versetur, ea parte  
qua ignem accipit, exurit, & perit; superiori verò parte qua humorem conseruat, non  
probe coquitur. eius verò libi hoc modo vsti atque exciccati, eam partem, qua vtile quic-  
quam superest, comedi, cætera reiici solent. Sic Israëlitarum res habebant, qui malis &  
doloribus exusti, cum in proposito perseuerarēt, gentes sibi aduocabāt vicinas, à quibus  
malum quidem, & suarum, quæ supererant, fortunarum damnum & iacturam, nullum  
verò aliud auxilium experiebatur; sed vt placenta siccior & aridior reddita est. sic istis  
malum inueterascere, & curatu difficillimum indies reddi, intelligi oportuit; ipsi tamen  
verum malorum remedium non quærebant; vnicum autem & certissimum remedium  
illud erat, vt Deum, qui vitæ & salutis origo ac fons est, cognoscerent, & appellarent.

*Comederunt alieni, (quorum fidem implorabant,) robur eius, ipse nesciuit:  
sed & cani effusi sunt in eo, & ipse ignorauit.*

ITA vt morbo ad multam ætatem atque ad senectam vsque (quæ morti viciniſſima  
est) producto, & vnà cum valetudinis detrimento, naturalium etiam virium defectu la-  
boret: [*& tamen ipse ignorauit.*] In summa ignoratia non morbi malorumque suorum, sed  
veri & certi sue salutis auctoris Dei adhuc illum versari dicit, vt apud Isaiam: Cognouit  
bos possessorem suum, & asinus præsepe Domini sui, Israël non cognouit, populus meus  
non

Isa. i.

non intellexit. Repetitio nominis *Ephraim Ephraim* affectum habet, & commiserationem ex præteritarum rerum recordatione, & præsentium comparatione mouet, vt :  
*Ilion, Ilion Fatalis, incessusque iudex, &c.* Horat. lib. 3.  
Od. 3.

*Et respondebit superbia Israël in facie eius: nec reuersi sunt ad dominum suum,  
 & non quaesierunt eum in omnibus his.*

OSTENDERAT quo in loco res Israëlitarum essent, & qualis morbi eorū esset constitutio, nunc deinceps ostendit, quam illi mente sint, nimirum insanissimo capite, & stultissimo corde, qui tot malis pressi, tamen gloriam Deo non dabant, nec se culpæ reos confitebantur, nec morbi causas eas, quæ relatæ sunt, esse concedebant, sed oportuna consulentem ac facientem medicum superbè insolenterque vrgebant, atque insolentiam suam vultu etiam ipso superciliosque palam proferebant, & perinde ac si nihil à Deo aut paterentur, aut sperarent, ita nulla Dei cura, nullo timore tacti auxilium sibi vnde solum venire poterat, non quærebant, sicut scriptum est: Auxilium meum à domino, qui fecit cælum & terram, neque poenitentiae studijs, ad eum à quo descuerant, reuertebantur, sed adhuc ad hominum opem, qui sanare non valerent, imò qui perdere magis, & nocere solummodo poterant, confugiebant: nam præter alios morbos, à mētis etiam sanitate alienissimi fuerant, adeò vt celeriter in suum malum, in suamque perniciem aduolarent. ac perinde atque columbis accidit, vt paleis in agro proiectis, escas subesse putantes, aucupis insidias non antè præuideant, quàm incidant, ita istis euenit, quibus in afflictis rebus auxilium à gentibus petitur, à quibus nullum subsidium, sed certissimum illis periculū sit, sicut prædictum illis in lege fuerat: Non inibis cum eis foedus, neque cum diis eorum, non habitent in terra tua, ne fortè peccare te faciant in me, & seruias dijs eorum, quod tibi certè erit in captionem. Hoc non semel Israëlitis prædictum fuerat, & tamen Psalm. 120.  
Exod. 32

*Factus est Ephraim, quasi columba seducta non habens cor.*

CÆTERA auium genera tametsi retibus & pedicis, aliisque capiantur dolis, tamen præuifas insidias fugiunt, & rete formidant, quamobrem cura aucupibus est, ne præsentibus auibus retia extendantur, sicut scriptum est: Quia frustra tenditur rete ante oculos pennatorum, fugiunt enim rete præuifis, & sese vocibus mutuis à periculo deterrent: Columba verò vt volatu velocissima, sic corde & cogitatione tardissima est, adeò vt venientem ad se aucupem minus caueat, & retia tendentem minimè sentiat, eumque aliquando in arboribus confidens, tamdiu expectet & maneat, quoad in circum missum rete exagitata decidat; ex quo fit, vt non tam aucupis arte, quàm sua stultitia videatur esse seducta. Sic etiam Israël toties præmonitus, qui vt à gentium etiam finitimarū commercio, & consuetudine caueret, dolos & insidias retia, atque scādala sibi apud eos certa esse, tamen non solum finitimas, sed remotiores etiā gentes vltro ipse longo petit volatu, atque vtilitatem sibi eos allaturos sperat, apud quos incommodis multis semper est affectus, sic videlicet Prouer. 1.

*Ægyptum inuocabant, & ad Assyrios abierunt, & cum profecti fuerint, expandam super eos rete meum, & quasi volucres cæli detraham eos.*

NAM Ægyptij antiqui ipsorum hostes erant, Assyriorum verò potentia suspecta illis esse debuit. Eos autem ego (inquit Deus) periculi auctores eis reddā, quos ipsi sibi salutē opemque laturos sperabant. itaq. ijs gentibus, quibus ipsi pro auxilio, ego aduersus illos pro retibus vtar, & vt aues liberè per aërem vagantes aucupis arte decidunt, sic isti de dignitatis suæ gradu me castigatore Assyriorum opera deicientur, & capti abducentur, sicut scriptum est: Si ponendo posueris in animo tuo vt reuertaris in Ægyptum, erit vt gladius, quē timueritis, ibi apprehendat vos, & alio in loco: Væ qui descendunt in Ægyptum ad auxilium, in equis sperantes & habentes fiduciā in quadrigis, quia multæ sunt, & super equitibus, quia præualidi nimis, & non sunt confisi super sanctum Israël, & Dominum non requisierunt: Ipse autem sapiens [auceps & venator] adduxit malum, & verba sua non abstulit, & consurget contra domum impiorum, & contra auxilium Esa. 31.

Mat. 10.  
Viderur con-  
sonum peripa-  
tetica discipuli-  
nz.  
Proverb. 10.  
quod cor om-  
nium cogita-  
tionum fons  
statuat.  
Aristoteles:  
Galē. & Hip-  
pocrat. in ce-  
rebro statuūt.  
Galen. de lo-  
cis affect. &  
de formatio-  
ne fortis li. 9.  
Martialis.

operantium iniquitatem. *Columba* Auium omnium simplicissima columba esse dicitur; in qua tamen omnis prudentia desideratur, quamobrem huius simplicitatem cum serpentis prudentia coniunctam in suis discipulis Christus requirit. *Non habens cor*. Cor pro sapientia usurpatur in sacris, eò quod sapientia sedes iuxta diuinā philosophiā in corde præcipuè sit, vt scriptum est: In labiis sapientis inuenitur sapientia; & virga in dorso eius, qui indiget corde. Neq. verò hæc ratio Academicos Philosophos latuit, qui nō vt quidā Peripatetici in cerebro, sed in corde sapientiam locarunt. Cordatos etiam homines latini hanc ob causam dicebant, & cor habere idem quod sapere apud eos significabat, vt: *Solus in cunctis animalibus hircus habet cor*. Columbam autem præter cæterarum auium naturam felle carere experimento videmus; ex quo fit vt illa simplicissima etiam aliarum omnium sit Israëlita corde & sapientia defecti, salutis suæ malè consulebant, nam communi sententia & studio, Deo qui opem solus ferre poterat, neglecto, auxilium ab eis est petitum, à quibus perniciēs timenda fuit, & quia omnis populi vox & sententia fuerat, vt ad Assyrios atque Aegyptios subsidij causa iretur, eam rem illis contra cessuram Deus prædicit:

*Cædam, inquit, eos secundum auditionem cætus eorum.*

**AUDITVS** est enim eorum cætus decernere publicis impensis ad gentes eundem esse: vt ergo auditi sunt sic cædentur: Ipsi quidem cogitant & statuunt Assyrios & Aegyptios petere, vt calamitatem fugiant, ego verò per eosdem ipsos calamitatem illis afferā, ita vt quod voluere, quod petiere, id habeant. cupiere Aegyptios, habebunt, sed quales antè experti fuerant: Assyriorum etiam potentiam atque vim perferent. Huius rei causa illud non sine affectu & amplificatione profert:

*Vae eis quoniam recesserunt à me, vastabuntur quoniam præuaricati sunt in me, & ego redemi eos, & ipsi locuti sunt contra me mendacium.*

Hoc in Iobē  
13.

Ierem. 2.

Isai. 1.

1. Reg. 12.

Deutronom.  
33.

Psal. 71.

**INTERNETIONEM** eis atq. exitiū prædicit, eò quod salutaria aspernati aegritudini sese vltro ipsi dediderint: Etenim cum vna tantum certa illis esset ad salutem via, hoc est, vt Deum, qui solus sanare & posset & vellet, supplici voto & poenitentia atque contritione ad se reuocarent; tamen ab hac ratione se isti quā longissimè abalienauerunt, & suū interitum ipsi sibi attulerunt, sicut scriptum est: Perditio tua ex te Israël, salus autem ex me. Quamobrem & alio in loco ab eodem Deo ob hanc ipsam rem incusantur: Audite cæli & dirumpimini: Duo enim mala fecit populus meus, & me dereliquerunt fontem aquæ viuæ, & foderunt sibi cisternas pertusas, quæ continere non valent aquas. Commoratur igitur in firmissimo argumento, ostendens eos non tam morbi natura, quā propria culpa, stultitia, & vitio fore insanabiles; atque hoc totius orationis firmamentum, propositio, & commemoratio est, quam præcipuè à capitis huius initio tractat. [*Vastabuntur quoniam præuaricati sunt in me*] Hebraicè verbum est Passagh, quod est alicuius auctoritati & nomini detrahere, cui plurimum tribui debeat, vt Filios enutriu, & exaltaui, & ipsi præuaricati sunt in me. & Israëlita præuaricati sunt in domum David. sic etiam in Deum præuaricati sunt, quem nec plagarum nec salutis auctorem confessi sunt, nec gloriam illi dederunt, qui dixit: ego occidam, ego viuere faciam, percutiam & ego sanabo, & non est qui de manu mea possit eruiere: Et cum nullus alius sit à quo salutem sibi sperare aut potuissent, aut debuissent; tamen negauerunt me & mendacia locuti sunt in me, prouidentiam & humanarum rerum curam mihi detrahentes: Nunquid, inquit, scit Deus & si est scientia in excelsis? [*Et ego redemi eos, & ipsi locuti sunt contra me mendacia*] Si verbum præteritum placet, sic locus est explicandus, Cum nullum alium seruatorem in afflictis & desperatis rebus suis præter me fuerint vnquam experti, tamen peruersè de me & sentiunt & loquuntur. Sin verò futurum tempus, vt in Hebraico exemplari est, magis placeat sese paratum ad sanandum significat Deus, sed eos ipsos sibi suisque commodis officere: *Et ego redimam eos*: Hoc est & possum & cupio ex iis malis eos liberare, tamen repudior ab eis. hæc huius orationis sententia est, quam facile agnoscet quisquis Hebraici futuri vim perspectam habeat.

Et



*Et non clamauerunt ad me in corde suo, sed vlulabant in cubilibus suis: super triticum & vinum ruminabant, recesserunt à me.*

- ILLORVM infaniam adhuc exagitat, ostendens quàm auerſi à ſanitate ſint, quibus cùm morbus vehementer ingraueſcat, adeo, vt præ miſeria & dolore gemere & vlulare cogantur; tamẽ Dei ſeruatoris auxilium ipſi non implorent & medicinã nullã admittant, ſed tantum ciborum & voluptatum deſiderio teneantur, quibus frui per morbum non liceat: Namque ægrotis inſipientibus vehementius ciborum & potuum, quàm ſalutis deſiderium eſt, neque tam grauẽ eſt quòd ſanitate, quàm quod cibi appetentia, & guſtus ſuauiſſime deſtituantur: Morbus enim vitioſa offenſione & ſaſtidio cibos ab ægrotantibus alienat. Hi verò obſtinatis ægris ſimiles, qui medicamento nulla, cibi verò magna cura tangantur; nam cùm oportuerit me, qui origo & fons ſalutis ſum, ab ijs animo totaque mente inuocari, tamen noctu de rebus ſuis, de annonæ penuria, de vini & frumenti deſectu potiùs, quàm de me cum animo ſuo cogitant. [*Non reclamauerunt ad me in corde ſuo.*] Hoc eſt nunquam eis in mentem venit vt ad me clamarent, [*ſed vlulabant in cubilibus ſuis:*]
- 15 Translatio à grauiſſimo morbo ſumpta eſt, quo qui correpti ſunt, & in lecto cubare & vlulare ſolent. Eſt autem clamare implorantis auxilium, vlulare verò muliebriter tantum dolentis atque gementis, qui quid ſentiat queritur & gemit; qua ratione miſeriam expuat non cogitat. Iſraëlitaꝝ temporum & rerum calamitatem deplorabant, atq. in cubilibus ſuis, quæ cogitationum officinæ ſunt, illud tantum curabant, quibus rationibus famem frumenti atq. muſti inopiam cauere, neque me iſtorum damnorum ſua ipſorum culpa auctore agnoſcebant, neque qui ſolus mederi, & reſarcire poſſem inuocabant, ſed
- 20 *receſſerunt à me*, fonte, vitæ, & ſalutis bonorumque omnium parente.

*Et ego erudiui eos, & confortans brachia eorum, & in me cogitauerunt malitiam.*

- 25 OPTIMI & ſolertiſſimi medici diligentiam, ſtudio & curam, rurfus oſtendit; ſtultiſſimi verò ægroti negligentiam & culpam arguit: nam cùm medicus qui ſeſe præſtet oportuna facientem, & morbum arte curare inſtituat ſanitatem ægroti promiſerit, tamen neglectus fuerit & repudiatus, non iniuria, ſed ſua maxima culpa, & meritò ægrotus perire dicendus eſt. Exponit & cõprobat officium ſuum Deus, cùm non ſolùm
- 30 ipſe ſe præſto fuiſſe, vt opem ferret Iſraëli ægrotanti oſtendat, ſed etiam omnia meliora fuiſſe pollicitum, & prædixiſſe vt ille ſanitatis ſpe concepta mente conſtaret, & ad omnia quàm rectiſſimè ſeſe haberet: quæ res plurimum in curandis ægretudinibus valet. Itaq. Hippocrat. omni ſtudio ſanitati Iſraëlis conſultum à ſe fuiſſe demonſtrat, cui non ſolùm ſalutem afferre volebat, ſed vitrò etiam promittens animum addere parabat, vt ſcriptum eſt: Con-
- 35 uertimini ad me, & quare moriemini domus Iſraël per memetiſum iurauit, dicit Dominus, nolo mortem peccatoris, ſed magis vt conuertatur à via ſua mala, & viuat. Ego inquit, ipſe admonui eos mali & reparationis ſuæ: Ego confortauit brachia eorum ne deſponderent animum. Eſt enim hic habitus conſolantis, & meliora omnia promittentis, vt illud? Confortate manus diſſolutas, & genua debilia roborate, dicite, puſillanimes
- 40 confortamini, & nolite timere: Et tamen ipſi ſalutem à me promiſſam ita interpretabantur, vt crederent futuram, ſed eam ab hominibus tamen potiùs, quàm ab ipſo Deo & ſperarent & peterent. Huius rei cauſa & cogitauerunt malitiam: Ita vt promiſſione & exhortatione mea abuterentur, & cùm ſanitatem cuperent, non legitime eam quærerent.

*Reuerſi ſunt vt eſſent abſque iugo, facti ſunt ſicut arcus doſoſus.*

- 45 MEDICVS hac lege ſanitatem promittit, ſi parère medicinæ legibus ægrotus velit, ſi abſtineat, ſi ſuſtineat, ſi demum ſeſe curantis conſilio, & fidei poteſtatiſque permittat. At verò ægroti quidam adeo proterui eſſe deprehenduntur, vt medici promiſſiones admittant quidem, leges verò & conſilia repudient, & ad alias remedij inueniendi rationes, ab iis, quæ veriſſimæ & certiſſimæ ſunt ſeſe traducant. Iſraëli poenitentia denuntiata promiſſa curatio eſt, ille ſalutem quidem ſperare, ſed quoniã ille iugum poenitentiaꝝ imponi ſibi recuſabat, ab hominibus potiùs, quàm Deo ſalutem accipere cogitauit, atque ita factus eſt, ſicut arcus doſoſus; qui cum non æquabili arte, neque materia apta conſectus ſit, ſagittas aliò, quàm quòd à ſagittario dirigitur, mittit: Oportuerat enim eos peccatum ſuum agnoſcentes anteactæ vitæ poenitiuiſſe, & Deum quem conſiteretur vitæ auctorem

3. Reg. 8.

omni studio colere, & propitium sibi omni pietate, atque votis omnibus reddere. Illi verò cum periculo per Heliam vatem veri Dei factò caterorum Deorum vanitatem communi sententia damnassent, & Adonai veritatem frequētissimo theatro incredibili clamore & plausu comprobassent, tamen nec deinceps sicut Deum adorauerunt, sed falsa numina nihilominus colentes ad homines potius, quàm ad Deum auxilij causa confugerunt: [Facti enim sunt sicut arcus prauus.] Quam quidem ob rem ostensa illis salutis spes præcideretur, vt ab iis hominibus à quibus auxilium petierint exitium atque ignominiam patiantur.

*Cadent in gladio principes eius à furore lingue sue.*

OMNIA illis fecus, quàm sperata fuerint, cessura prædicit; ex ea enim ægritudine Rempublicam illorum leuandam non esse, sed principum exitio, populi etiam calamitatem esse coniungendam: Namque principes gladio perituros ait vt planè in regum libris periisse eos legimus. Huius autem rei causa fuit, quòd eorum linguam qua Deo detrahente ausi sunt, auxilium aliunde procurantes, detestatus fuerit Deus: quem verò ipse detestatur, corruat necesse est, sicut scriptum est: Et quem detestatur Dominus corruet ibi. Furorem autem diuinam indignationem & detestationem hoc in loco definimus: Est enim Hebraicè verbum Zagharn quod detestari & execrari significat: quo verbo vsus est Balaam, de Aram adduxit me Balac Rex Moabitarum de montibus orientis: Veni, inquit, & maledic Iacob, & detestare Israël. Quanam (& excipit) ratione detester quem Deus non est detestatus? Huiusmodi autem detestatio linguam detrahentem meritò insequitur, vt scriptum est: Ventus Aquilo dissipabit pluuias, & facies detestans linguam detrahentem. Ita demum eueniet, vt horum principes detrahentis lingue vtriusque detestationem diuinamque indignationem experti, non solum calamitatibus, sed probis omnibus & maledictis apud Ægyptios vexentur: Nam cum Dei beneficio Ægyptiacam olim seruitutem repellentes Ægyptum remeare fuissent prohibiti; redeuntes tamen hoc effecere, vt Ægyptiacum auxilium diuinæ anteponerent virtuti, & sese ludibrio Ægyptiorum exponerent, qui calamitatem illis exprobrabant præsentem, à qua non tam diuina, quàm sua ope defendi posse arbitrabantur, atque adeò ad miserimas res huiusmodi irrisio, tanquam cumulus miseriorum accedit, quam Sarcasmon Rhetores vocant, quo miseris & calamitosus hominibus insultatur, quale illud est, Alios saluos fecit, seipsum saluum facere non potest &c. Hanc itaque rem subiuncta oratione significat:

*Ista subsannatio eorum in terra Ægypti.*

TERRA enim Ægypti non ad suam vtilitatem, sed ad seruitutem, & calamitatem, qualia olim perpeffi sunt, ad irrisionem denique sui paratam intelligere oportuit, sicut scriptum est: Onus Iumentorum austri in terra tribulationis & angustiae, leæna & leo ex eis vipera & regulus volans portantes super humeros iumentorum diuitias suas, & super gibbum camelorum thesauros suos ad populum qui eis prodesse non poterit. Non fuerunt in auxilium & in aliquam vtilitatem, sed in confusionem & in opprobrium.

## CAPVT VIIII.



**N** GVTTVRE tuo sit tuba, quasi aquila super domum Domini, pro eo quod transgressi sunt fœdus meum, & legem meam præuaricati sunt.

Psal. 118.

EX INNUMERIS ferè diuinorum scriptorum testimonijs atque exemplis accepimus, nihil ab humanarum causarum iudicè Deo fieri, cuius non rectissima atque iustissima ratio reddi possit, & quæ ijs ipsis in quos iudicium exercetur, debeat probari: cuiusmodi rationes non raro ab eodem Deo allatæ efficiunt, vt qui natura simplicissimus atque immutabilis sit, idem semper æquissimus iudex esse demonstretur, sicut scriptum est: Iustus es Domine, & rectum iudicium tuum: Mandasti iustitiam testimonia tua & veritatem tuam nimis. Huius maximæ veritatis exemplum à vate nobis hoc in capite ponitur, ita vt planè nullus locus ijs relinquatur, qui ad diuinam potius voluntatē, quàm

quàm ad veritatem & rationem quæstiones de damnatione hominum reuocant, cum nunquam Dei voluntas ab æquitatis ratione in iudicio deflectere soleat. Nam tamen in scelerum pœnis repetendis, non eadem cum omnibus hominibus formula agatur, quidam enim leuiore, quidam grauiore, alij serius, alij verò maturius pœnas subeunt; huiusmodi tamen iudiciorum dissimilitudo, varietates etiam iuris atq. æquitatis ipsi Deo perspectas habet. Cum igitur hætenus Israëlitarum & Iudæorum tractata causa, & sententia lata fuerit, iamq. pœnæ repetendæ tempus instat (cuius ratio modus atque series diuersa in Ephraïtis atq. in Iudæis futura est) & appropinquantis pœnæ periculum per Vatem denuntiari, & totius rei, vt gerenda est, rationem reddi curat, Deus. Est autem totius rei argumentum hoc: Deus per Assyriorum reges ab Israëlitis & Iudeis pœnas paulò post huius Vatis tempora repetiuit, sed ita actum est, vt Israëlitarum res ab hoste labefactatæ perirent; Iudæorum verò ita afflictæ essent, vt penè deficerent: in causa autè fuit quod Iudæorum neque tam nefaria, neq. tam antiqua scelera fecerint, neque tanta in errore futura esset, quanta Israëlitarum contumacia. Hanc autem rationem publico præconio omnibus hominibus notam, manifestam, testatamq. esse voluit Deus; quamobrem contentissima voce Vatem proclamare, & totius negotij seriem atque causam exponere iubet. *[In gutture tuo sit tuba.]* Quoniam eiusmodi res est, quam nulli hominum ignoratam aut incertam esse oportuerit, cum homines iudicia, decretasq. in eos pœnas, non tam suæ ipsorum culpæ, quam meæ voluntati ascribere, atque adeo hanc totam rem ad prædestinationis (quam ipsi non satis sapienter intelligunt) rationes referre soleant; propterea non modò humana voce, sed tubæ sono tibi contédendum est, vt mandatū hoc meum quàm fieri possit manifestissimè exponas. Igitur gutture tuo pro tuba vttere, & dicito: *[Quasi aquila super domum Domini.]* Conficiendæ rei celeritatē hac similitudine & dicēdi tropo indicat: Cum post Israëlitarum expugnationem & abductionem Iudæorum res ita a Senacherib inuadendas esse prædicat: vt penè expugnētur, adèò vt re in Samaria strenuissimè & celerrimè gesta ab Assyrijs Ierusalem atque domus Domini velocissimè & fortissimè petantur. namq. Aquila præterquam quòd imperij & regni maximè autem Assyrij imaginem refert fortitudinis etiam atque celeritatis rationibus accommodatur, vt apud Ieremiam: Ecce quasi Aquila ascendet, & auolabit, & expandet alas suas super Bosram, & erit cor fortium Idumææ in die illa quasi cor mulieris parturientis. Verum de hac similitudine plura à nobis in Habbakuq commentarijs differuntur: Quin & in numismatibus antiquis, tum Græcis, tum Latinis aquila imperium significat, hodieque Romanus Imperator id insigne refert. *[Pro eo quod transgressi sunt fœdus meum, & in legem meam præuaricati sunt.]* Quo tempore Samaritanorum res delendæ erant: mala etiam Ierolymitanis impendere oportebat; quoniam & ipsi in culpa fuerant, cuius illa summa est, quod ijs quamuis templi religio erat sancta, tamen diuinum fœdus violatum, & multa contra legem per summum nefas fuerant admissa: sed quoniam hi nec sceleribus hætenus nec deinceps contumacia & proteruitate cum Ephraïtis æquabantur, ex eo factum est, vt neque ita vt Israëlita maturè abducerentur, nec tantam rerum suarum acciperent calamitatem: namq. Israëlita non modò nefariè susceptum scelus constanter perseuerare, & transigere instituerunt, sed neque in ipsis miserrimis rebus diuinam opem implorare, vt superius dictum est: Et me non inuocabunt in corde suo. Contrà verò Iudæi & Ierolymitani ciues à Senacherib vexati ad diuinum auxilium precibus, & publicè susceptis votis confugerunt: Illa enim tēpestate rex optimus Ezechias Ierolymitanis contigerat, qui sacris & publicis rebus restitutis, quātum efficere ipse potuit Deum fuis precibus, hostijs, atque alijs legitimis rationibus placandum procurauit. Qua re illud consecuti sunt, vt non tam maturè pœnas darent: quòd si in officio perseuerassent, nunquam profectò illos optimi incepti pœnituisset. Hæc misericordiæ captandæ ratio à Deo præuisa atque à vate hoc in loco ob eam rem prædicta est, vt summa cum æquitate omnia facta esse probentur.

*Me inuocabunt, Deus meus cognouimus te Israël.*

ORATIONIS à Iudæis habendæ argumentum explicat, ea dicendi figura vsus, quæ oratoribus inductio dicitur, cuius generis alia iam in hoc vate exempla habuimus. nō solum autem actionē ipsam atq. supplicationē prædicat, sed quibus è locis futuræ orationis argumenta

argumenta petenda sint, prædocet, videlicet oratione supplici vsuros eos, non qui officia, non qui merita propria commemorarent (quæ nulla erant) sed tantum qui miseriam suam exponerent, & qui se tamen non rectos Dei cultores esse agnoscerent, tamen illius habere notitiam profiterentur, Deumque Israël esse eundem solum atque vnicum agnoscerent, à quo cum Israël iam inde ab initio multis & diuinis beneficiis fuisset ornatus (quod & ipsum Israël nomen indicat) sperandum esse ut pluribus etiam deinceps afficiatur, quæ illius erga Israël maximam misericordia est. Igitur cum illi nomen Israël peterentur, qui & Deum agnoscerent, cuius & fidem implorarent, & misericordiam spectarent, æquum esse ab eo impetrare, ut quam summam gratiam & benignitatem haberent, experti in omnibus rebus sunt, eandem etiam nunc in miserrimis experiantur. Hoc itaque verborum compendio futurarum apud Iudæos orationum, supplicationum & actionum erga Deum sententia colligitur. huius autem generis exemplum vnum & alterum ab Ezechia Rege editum in sacris historiis habemus: Domine Deus Israël qui sedes super cherubin, tu es Deus solus regum omnium terræ, tu fecisti cælum & terram, inclina aurem tuam & audi, aperi Domine oculos tuos, & vide omnia verba Senacherib, quæ mihi ut exprobraret nobis Deum viuentem. Verè domine dissipauerunt Reges Assyriorum gentes & terras omnium, & miserunt Deos eorum in ignem; non enim erant Dii, sed opera manuum hominum ex ligno & lapide, & perdiderunt eos: Nunc igitur Domine Deus noster saluos nos fac de manu eorum, ut sciant omnia regna terræ, quod tu es Dominus Deus solus. Est & eiusdem sententiæ grauissima, & gratissima illa cōcio ad populum de salute diuinitus speranda, ab eodem Ezechia habita: Viriliter agite, & confortamini, nolite timere, nec paueritis Regem Assyriorum, & vniuersam multitudinem quæ est cum eo, plures enim nobiscum sunt, quàm cum illo: Cum illo enim est brachium carneum, nobiscum Dominus Deus noster, qui auxiliator est noster, pugnatque pro nobis: Confortatusque est, (narrat historia) populus huiusmodi verbis Ezechie regis Iudæ. Atque hoc modo Iudæi sese, cum affligerentur, gesserunt, quem quidem modum felici euentu comprobare: Israël verò qui eandem rationem inire posset, ut cum rege suo diuinam misericordiam imploraret, contempsit tamen, quamobrem meritisimas tum impietatis, tum etiam contemptus pœnas, maturius multò quàm Iudæ dedit. Ut verò æquitatis manifestetur ratio, comprobatione rem ipsam vates colligit.

*Proiecit Israël bonum inimicus persequetur eum.*

Isai. i.

SICUT & alio in loco scriptum est: Væ genti peccatrici, populo graui iniquitate, semini nequam, filijs sceleratis, dereliquerunt dominum, blasphemauerunt sanctum Israël, abalienati sunt retrorsum. Cum ergo sese à bono, hoc est à Deo suo, ab eiusque consilio alienauerunt, pronum fuit, ut in summam miseriam deciderent, sicut scriptum est: Et dilexit maledictionem & veniet ei, & noluit benedictionem, & elongabitur ab eo. Ne verò Israël culpam in reges suos deriuaret, quorum legibus ille inuitus paruisset. quod Iudæis Ezechias optimus Rex præesset, Israëlitis verò Hosseas filius Ela impius, & non pietiores alij ante præfuissent, hanc defensionem sic infringit Deus, ut vel huius etiā rei, quod impiis regibus vsi sint culpam populus ipse sustineat. Iam enim hoc primum animaduertendum in eis est scelus, quod ipsi sibi ex ambitiosa festinatione, & populari tumultu ac ciuili discordia, non autem ex diuino consilio reges creauerunt: Nam tamen Ieroboamo per Ahia Silonitæ pallij discisi imagine futura in Israëlitis dissensio, & regni diuisio prædicta fuerit; non tamen id populus in creando rege peruidebat, aut curabat, ut ea ratione diuinum sequeretur consilium; non enim Deus illi consultus fuit, sed temeritate potius quàm pietate res acta est: Neque verò promissio certa & perpetua obtinendi principatus Ieroboamo fuerat, sed ea duntaxat lege: Si audieris, inquit, Deus omnia quæ præceperot tibi, & ambulaueris in vijs meis, & feceris quod rectum est coram me, &c. Itaque nec regni stabilitas Ieroboamo promissa simpliciter, nec de eo perficiendo Israëlitis ex diuina promissione cogitabant, nunquam enim ut oraculum cōsulerent, curauerunt: quod si maximè Ieroboamus ex Dei sententia principatum obtinuit, ea tamen nunquam ab ijs est sciscitata; quisnam præter vnum Iehu filium Namsi ex diuina sententia, ac non potius propria libidine rex est constitutus? Nulla itaque ratione illi crimen in reges transfatum, à se depellere possunt. huius rei causa dicit Deus:

Psal. 108.

1. Reg. 11.



*Ipsi regnauerunt, & non ex me principes extiterunt, & non cognoui.*

HEBRAICE est, ipsi regnare fecerunt, principes instituerunt, quos ego non cognoui, hoc est, non probati. Sed quid opus est regum impietatem obijcere, quādo impijs legibus non solum populus intercedere, sed obistere etiam publicè & potuerit & debuerit. Neque enim regis imperio ita parere populum oportet, vt æquitati diuinarum legum, atque religionis auctoritati detrahatur: quemadmodum illi decreto, quod de Ionata deuouēdo factum à rege fuerat, quanquam regijs iurisiurandi sacramentis firmato, sapienter à populo est intercessum. Ergo cum Ieroboamo impietatem suadenti, atque etiam imperanti intercedere & resistere debuissent, & regibus etiam alijs, à quibus ad huiusmodi nefaria scelera impellebantur, si tamen impelli ad eas res populus potest; tantum abfuit vt id populus faceret, vt vtrò etiam ipse proprio studio, & sumptu impietatem auxerit & propagauerit: Neque enim satis visum fuit vitulos à Ieroboamo positos colere, nisi populus ipse tributim ad suam voluptatem & libidinem plures novos deos de suis sumptibus sibi consecraret. Itaque neque coacti neque inuiti, sed spontè ac libenter grandem pecuniam ad statuas publicè contulerunt.

*Aurum suum, & argentum suum fecerunt sibi idola, vt interirent.*

NULLA re magis populi voluntas erga superstitiosum simulachrorum cultum argui potuit, quàm quod aurum suum & argentum suum alioqui auarus ad eam rem contulerit. Etenim quod argento comparatur charum atque expetitur ei qui cōparat esse oportet. Hoc etiam argumēto eos qui in solitudine erant inflāmato ad idololatriam studio raptos fuisse ab Aarone apud Moſen probatum est. Ne indignetur, inquit, Dominus meus, tu enim nosti populum hunc, quod pronus sit ad malum: Dixerunt mihi fac nobis Deos qui nos præcedant &c. Quibus ego dixi: Quis vestrum habet aurum? Tulerunt & dederunt mihi, & proieci illud in ignem, egressusq. est hic vitulus. Nullam ergo Israëlītē nefarij sceleris sui excusationem habēt, qui non solum impietate admiserunt, sed auro etiam atque argento non regio, sed suo vtrò emerunt. Maximum autem auri atq. argenti pondus in eam vanissimam rem illis fuisse impensum subiuncto testimonio ostendit. [Vt interirent.] Verbum ad aurum & argentum refertur. tantam inquit auri atq. argenti vim ad statuas contulerūt, vt multū suis fortunis detraxerint, quod certæ summæ rem sibi desideratam, summeque gratam arguit. Quoniam autem vitulorum simulachra non diuinitatis alicuius, sed impietatis populi certum signū fuerat, cuius cultu nullum auxilium, sed maximum potius exitium sibi procurauerāt: huius rei causa dicit illos sibi damnum & malum proprio sumptu & labore quæfuisse, qui vitulum conflauerint, à quo profligati fuerint; cumque diu in eo scelere perseverauerint, maturam ipsi sibi atque etiam diuturnam calamitatem importauerunt: atque ob hanc rem dicit:

*Proiectus est vitulus tuus Samaria, iratus est furor meus in eis, & siquequo non poterunt emundari?*

HEBRAICE est, Proiecit vitulus tuus Samaria, significatq. Israëlēm cuius regia Samaria fuit, corruptum & proiectū esse ab eo vitulo, quem ipse sibi aluerat, translatione ad rem accommodata pulcherrimè vsus: Nam ipsi sibi exitium & pepererūt & aluerut, quam obrem iratum se illis Deus ostendit. Significat autē abductionē & captiuitatem Israëlitarū, qui propria idolomania culpa à suis sedibus ciecti sunt, tāquam cornibus vituli, quem ipsi enutrierant, expulsi & exturbati fuerint. Quoniam autem hæc maxima in illis culpa fuerat diuturna, à qua nulla sese defendere excusatione potuerant, propterea infert: [Vtiquequo non poterunt emundari?] Hoc est, tanta illorum culpa tam turpis causa est, vt quæri merito possit, non solum quomodo sese excusare poterūt: sed etiam quādo scelus expiare tandē valeant: nam in quo nullus culpæ modus fuerit, in eo nullum pœnæ & expiationis modū statui æquum est. Quoniam vituli mētio facta est, quem à Ieroboamo in Samaria conflātū legimus, cuius sceleris crimē regi fortasse suo referre populus cōtenderet, vt qui aliorū crimina sustineret, hanc saltem partē depelleret, ostendit Deus hanc etiam culpæ notam ita populo esse inustam, vt abluere ipsi non possint: Namq. alios Deos, quos colendos susceperant, à finitimis gentibus consuetudinis commercio auctos fuisse dici posset, ita vt gentiū auctoritate cōsuetudine atque impulsu Israël peccasse videatur: Vitulorum

verò cultum in Israël natum atq. auctum fuisse, quem à nullis finitimarum gentium acceperint, sed tanquam propria suæ gentis numina ipsi proprio consilio atq. auctoritate consecrauerint, sicut in decreto edictum fuit: Hi sunt dii tui Israël. Dij tui, inquit: atque ea res à Ieroboamo neque occultè facta, neque aliunde asportata est, sed in Israël in media Samaria publicè vitulus est conflatus, atque à Deo ab artifice Israëlita ita ut figuram, consecrationem, & omnem suæ diuinitatis opinionem solis debeat Israëlitis: Neque alio nomine quàm Israëlitis, aut Samariæ vitulus appelleretur, namque in Samaria natus atque ex ea vrbe in Dan & delatus & sacratus fuerat:

*Quia ex Israël ipse est, & artifex fecit illum, & non est Deus.*

NAM ALIORUM deorum simulachra cum diuinitatis opinione ab alijs gentibus accipere potuerunt, & minus fortasse culpæ esse in ea re videri posset, si aliorum sententijs & consilijs acquiescerent, & eorum fidei, à quibus cultum ceremoniasq. accipiebant sese committerent. poterat hæc quidem utcumque deceptio videri, si ita existimarent gentes à quibus eam religionis rationem susceperint non fieri verisimile errorem suum, tamdiu fouisse, si in errore se esse crederent; denique hæc atque his similia falsò quidem, ut cumque tamen cogitari de alienis religionibus potuere. at verò in vituli ratione nullus planè locus huiusmodi erroribus aut exceptionibus relictus est, cum ipsi consilio inito hunc potius, quàm alium Deum suum esse voluerint, hæc illis figura magis placuerit, & ad eam rem artificem parauerint, à quo ubi fusus vitulus esset, qui antea nihil aliud quàm aurum vel argètum erat, Deus renuntiaretur, nouus Deus recenter intra ipsorum urbem natus, imò potius factus, cui homo artifex figuram pro diuinitate dederit, cum nunquam apud alias vicinas gentes vituli imagini nisi apud has olim in deserto, & nunc Samariæ diuini honores fuerint decreti, sicut scriptum est: Ipsi me prouocauerunt in eo qui non erat Deus, & irritauerunt in vanitatibus suis, hoc est, in vanis inuentis suis, quæ nulla neque veritatis neque deceptionis ratione tueri possint. [Et non est Deus:] sed nouum ipsorum figmentum & excogitatum monstrum artificis opera factum, & communi totius populi furore acceptum, itaque cum de illo instituendo à rege & principibus consuleretur cum decerneretur, cum ad artificem deferretur aurum, cum in fornace cõflaretur, cum denique statueretur & consecraretur, populus aderat, qui non solum aduersari, sed etiam maximo cum applausu excipere deprehensus est. Est autem adeò proprium ipsorum inuentum hoc, ut neque à gentibus ullis finitimis antea traditum sit, neq. ab ullis deinceps sit admittendum: Consueuere enim duces & summi Imperatores deorum simulachra, & statuas, quæ in expugnatis urbibus colerentur integras seruire, & ad vrbes suas, tum religionis, tum etiam monumenti causa traducere, & in proprijs templis vel in publicis & celeberrimis locis statuere. cuius rei exempla multa in historijs passim occurrunt: Verum enim uerò erga Samariæ vitulum nulla neque diuinitatis, neque artificij, neq. alterius rei præterquam vtilitatis ratio ab hoste habebitur, qui capta vrbe & collecta præda vitulos in auri solummodo usum cõminuet; tantum abest, ut diuinis honoribus prosequatur. Planè manifestum est, vitulorum colendorum errorem proprium Israëlitarum esse, neque illos cum gentibus ullis hoc scelus communicasse: Nam quòd de Api Ægyptiorum Deo à quibusdam dicitur, longè aliud est, cum Apis bos grandior sit, isque viuus, & certis maculis insignitus atque alio nomine ab Ægyptijs, quàm vitulus iste fusilis Israëlitarum colatur. quibus de rebus aliàs plura dicenda sunt; neq. enim longas de singulis argumentis disputationes commentationis nostræ angustia capere possunt:

*Quia in aranearum telas erit vitulus Samariæ.*

QUI nullis gentibus antea dedicatus aut notus solis verò Israelitis cultus, atque pecuniæ suæ detrimento consecratus in nullum tandem usum, sed in contemptum erit & despectionem, Hebraicè est, in scissilia erit vitulus. Est appositissima ad sententiam lectio, significans ea parte tantum vsui fore hostibus, qua cultoribus suis detrimento & damno fuerit; nam qua aurum est, vtile esse potuit, si in nummos cuderetur, hæc verò inutilis fuit Israëlitis qui aurum in eo conflando consumpserant. sapientiores itaque multo hostes qui vitulum in laminas atque fragmenta redigent; nimirum quis verus eius vsus sit, intelligentes; contra verò stultissimi Israëlita, qui materiæ vilitate neglecta figuræ conformatæ diuinum

uinum vsum sperauerant, atque in hac re multum consilij, operæ, industriæ ac spei collocauerant; sed omnia vana hæc illis atque inutilia fore, imò in magnum malum euasura prædicuntur.

*Qui ventum seminabunt, & turbinem metent, culmus stans non est in eo, germen non faciet farinam, quòd si fecerit alieni comedent eum.*

QVI seminatur & laborem suscipit & sumptum facit, & tempus etiam in ea re consumit, sed tamen hæc omnia spe fructus, vt Paulus inquit, perferuntur. peruidere autem vnumquemque oportet, quid seminauerit: neque enim aliud ex semente sperare licet, quàm id quod seminis natura producere potest. atque ex hoc errore, & huius rei ignorantia multorum labores non solum vanos, sed etiam inutiles euadere diuina sapientia docet, cum quiuvis ex quacunque re quam seminauerit, maximas sibi maximorum fructuum spes pollicetur, etiamsi iacti seminis natura eiusmodi fructus non ferat. Cæterum cum fructus tandem non pro opinione, sed pro rerum quæ seminatae sunt natura colligantur, tum verò fors hominibus ac non potius imprudentia stultitiaque accusatur. Heu heu quantus & quamplurimus error humanis in mentibus versatur. Cum itaque Israelitæ ventum seminauerint, & maximo labore & sumptu vanitatis studijs operam dederint, turbinem metant necesse est. Ventus intra terram conceptus cum eruperit, puluerem secum excitat, & turbinem efficit, turbo autem occurrentium oculos, aures & nares atque os infestat, totum denique corpus turbat atque circumagit, vt scriptum est: Ita persequeris eos in ira tua, & in turbine tuo turbabis eos. Quemadmodum autem ventus vanitatem cum maximo apparatu ac impetu in sacris significat, vt apud Iob: Vtique quò loqueris talia, & ventus multiplex sermo oris tui? Sic turbo vltionem grauem & celerrimam refert, quale illud est: Dominus in tempestate, & turbine via eius. Talem profectò suorum studiorum exitum ab istis esse expectandum prædicit Vates, vt fusi, perturbati, & ea in quam incubuerant, impietate inuoluti rapiantur, deiiciantur, & dissipentur: vt in eo ipso in quo quis peccauit ex diuini iudicij sententia puniatur: Cum autem ex vanitate nihil præter vanitatem sperari possit, translatione sumptam persecutus non solum veris fructibus, sed etiam iucunditate omni & voluptate frustrandos eos esse præcinit, cum illa seges non ad spicam, sed neque ad culmum sit peruentura. atque hoc est quod dicit: Culmus stans non est in eo. Est autem culmus canna in segete cum iam ad nodos usque creuerit, nodorum enim vi continetur vt consistere rectus possit. vt illud:

*Et venerata Ceres, vt culmo surgeret alto.*

Et illud: Septem spicæ pullula-

Horat. ferm.  
lib. 2. saty. 2.  
Gen. 14.

bant in culmo vno. Illud enim verissimum est omnis humane infelicitatis initium & caput religionis prophanatione esse, & idolorum cultu maxima rebus publicis esse inuenta mala, sicut scriptum est: Infandorum enim idolorum cultura omnis mali causa est, & initium & finis. Aut enim filios suos sacrificantes, aut obscura sacrificia facientes, aut infanix plenas vigilias habentes, neque vitam, neque nuptias mundas iam custodiunt, sed & alius alium per inuidiam occidit, aut adulterans contristat, & omnia commixta sunt, Sanguis, homicidium, furtum & fictio, corruptio & infidelitas, turbatio & periurium, tumultus bonorum, & cætera mala quæ in eodem loco à sapiente commemorantur, quibus malis quæ abundauerit Respublica, quemnam non dico bonum fructum, sed neque culmum sperare à Deo possit: profectò neque animorum vllis internis, neque externis bonis cumulabitur? [*Germen non faciens farinam.*] Vt vano & inutili labore consumpto omnis vtilitatis spe frustrentur. Quòd si fortè aliquid farinæ confici possit, id erit quàm exiguum & tenuissimum, neque in suum tamen, sed in hostium vsum cedit, à quibus & libertate simul, & fortunis omnibus exturbentur. [*Quod si fecerit alieni comedent eam.*] Persistit adhuc in translatione, quam deinceps porro explicat:

*Deuoratus est Israël, nunc factus est in nationibus quasi vas immundum.*

QUAM ipsis calamitosus fuerit error, ostendit, qui in aduersis rebus amicitias & societates cum gentibus inire cupierunt, quas in maximis damnis & sumptibus, suarumque fortunarum dispendio initas sine vlllo suo emolumento tamdiu retineant, quoad nihil illis quod socijs donaretur iam superesset: Namque huiusmodi hominum foedera, quæ non religione aut officio, sed commodis tantum atque vtilitate sancita sunt, facile rebus aduersis franguntur, sicut scriptum est: Ecce non est auxilium meum in me, & necessarij quoque.

Iob 6.

mei recesserunt à me; fratres mei præterierunt me sicut torrens qui raptim transit in conuallibus. Hanc etiam sociorum fidem expertus est Israël, quos interim dum sine ullo ipsorum dispendio aut periculo donis datis, muneribusque onerare potuit, retinuit. Postquam verò inexhaustus iam ipse fidei ac præsidij periculū in eis facere voluit, vel nullos inuenit, vel derisores in se expertus est: Ægyptijs munera missa fuerant, Assyrii sæpe auro & argento fuerant aucti, Phul à Menahem argenti rudis & cælati mille talenta acceperat, atque cum sic funditus exhaustus atq. deuoratus fuerat Israël, tum demum [*Factus est in nationibus quasi vas immundum:*] Quod cum cibis quibus plenum fuerat inane à cœnantibus est relictum, reijci atque ob sordes fastidiri solet: sic Israël communi odio & fastidio repudiatus est à nationibus, quibus se plenum non seruandum sed absumendum præbuerat. *Deuoratus est Israël.* Rem futuram præterito tempore prophetica certitudine dicit, nunc, postquam deuoratus est, fastiditur ab omnibus, cum nihil in eo utilitatis, sed tantum sordium & miseriarum feces fuerint relidua, sic rem igitur vti futura est præsentī facundia atque oratione depingit, vt iam agi dicere possis quod paulò post re ipsa fuerat spectandum.

*Quia ipsi ascenderunt ad Assur: onager solitarius sibi Ephraim munera dederunt amatoribus suis.*

REM, quam sub translatione dixerat, narratione explicat, & similitudine exornat: Ostendit autem quam ob causam fortunis & diuitijs primū exhausti, deinde ab ijs quos socios putabant fuerint reiecti, Quoniam, inquit, cum diuinę disciplinæ iugum detrectarent, & libertatē siue potius licentiam illam, quam ipsi sibi largiti fuerāt, retinere vellent, perinde atque onager aliquis qui nullo hominis imperio sed suo ipsius impetu in solitudine agitur, nunc hos, nunc illos amicitie atque societatis causa petebant. Itaq. ad Assyrios muneribus missis, ac tributo collato ascēderunt, quibus nō officij, sed utilitatis gratia admissi, vbi inutiles esse cœperunt, fastiditi cōtinuò fuere. Cæterum, hos ego, inquit Deus, qui sese homines, & in seruitutem meam natos esse obliui, onagri libertatē affectauere, eò deducam vt multis venatoribus circūdātī, & capti frena & capistra ore accipiant, & grauissima onera, atque importunum equitem dorso ferant. Onager licentię & libertatis imaginem in sacris exprimit: Namque id animal hominis imperia, præter cæteras belluas, auersatū solitudine delectatur, sicut scriptū est: *Quis dimisit onagrum liberum* 30  
 „ & vincula eius quis soluit? Cui dedi in solitudine domū & tabernacula eius in terra salu-  
 „ ginis: Contemnit multitudinem ciuitatis & clamorem exactoris nō audit. Circumspicit  
 „ montes pascuę suę, & virentia quęque perquirat. Huius ergo animantis imaginem per  
 summā insolentiam sibi induerat Ephraim, qui non quò vocabatur, sed quò liberet eun-  
 dum sibi esse in animum induxerat, sicut scriptum est: *Vir vanus in superbiam erigitur,* 35  
 „ & tanquam onager se liberum natum putat.

Iob 11.

*Sed & cum mercede conduxerint nationes, nunc congregabo eos, & quiescent paulisper ab onere regis & principum.*

Isai. 8.

Prouerb. 11.

HYMANAM sapientiam, studia, & conatus nihil aduersus diuina consilia valere ostendit, sicut scriptum est: Inite consilium, & dissipabitur: loquimini verbum, & non fiet: imò proprijs artibus, consilijs decepti homines, capi & perire solent: namque fatuos vt Salomon ait, sua ipsorum interficit auersatio: Incolumia omnia ac salua perpetua fore sibi promiserat Israël, si cum Assyrijs & Ægyptijs fœdus quacunque conditione sanciret. quamobrem illorum societates & amicitias magno sibi precio comparauit, quo factum est, vt minoris ab hoste, quem socium putabant, fierent, ipsiq. stipendio soluto inimicum exercitum aduersum seipso conducerent. Ait itaque Deus, efficiam vt illi non gratis mercedem accepisse videantur, sed cum auro atque argento meo vsi fuerint, ego rursus illorum opera contra Israëlitas vtar, qui se his muneribus saluos beatosque fore putauerant. [*Congregabo eos.*] populos videlicet & gentes, qui iam stipendio accepto con-  
 ducti sunt, & quoniam tædere iam cœperat Israëlitas munerum & tributorum quæ in  
 annum regibus & principibus Assyrijs conferebantur, grauissimumque illud onus puta-  
 bant, & quod cum sustinere ipsi non possent, negare cogitauerant, eueniet vt congregati  
 contra se exercitus tantum pondus perferre cogantur, vt leuissimum eis illud onus meri-  
 to existimetur, quod saluis rebus suis deposuerant: Namque sæpe vsu venire videmus, vt  
 quæ



quæ grauissima mala hominibus iudicari solent, eadem posteriorum calamitatum comparatione, optabiliora iudicentur, sicut scriptum in hoc genere est: Et erunt posteriora hominis illius peiora prioribus. [Et quiescent paulisper.] Hebraicè est, & dolebunt parum ab onere regis & principum, dolore illo, ad eum dolorem collato videlicet, quem ex bello abductione, & miseris ærumnisq. illis, quibus denuò prementur, accipient: Quod si Latine vulgatæ editionis sententiam quis assequi cupiat, eos interim à tributi pensione quieturos esse significat, dum Deus Assyriorum exercitus aduersus eos colligeret: namq. hac occasione Assyrius rex arrepta bellû Israhelitis intulit, cum illi tributa intolerabilia esse arbitrati, conferre destiterunt, ut in Israhelitarum regum libris legimus, ita quiescent paulisper ab onere: Aliquantulam quietem iudicari posse onus regis dicit, si cum futuris laboribus comparetur, qui quietem illam consequentur; atque hæc eadem cum superiori expositione fere est, sed quàm ex Hebraica veritate explicuimus sententiam, ea cum re ipsa & oratione aptius & commodius cohærere videtur. Retulimus verò pronomen illud ad nationes, quoniam nationum nomen Hebraicè masculinû est. Quàm sit autem verum leuiora onera tributorum quam belli & captiuitatis videri, res ipsa comprobatur; nam tributis exoluendis regû tantum & principum onera sustinentur. Cæterum, in bello & captiuitate, non solum regum, sed multò etiam magis populorum & vulgi iniurias, opprobria, oppressiones, atque intolerabiles molestias, victi, patiuntur, dum abiectissimus quisq. ex plebe quidlibet in victos, & miseros licere sibi putat & audet crudeliter: Atque ideo Israhelitæ præ omnibus miserrimis hominibus his miseris & ærumnis premuntur, qui per totum orbem dispersi, omnibus ferè hominibus ludibrio & despectui sunt, & vitam varijs nocentium libidinibus atque moribus expositam habent. huius tanti mali causam repetit Deus:

25 *Quia multiplicauit Israhel altaria ad peccandum, facta sunt ei altaria ad peccandum: scribam ei multiplices leges meas, quæ alienæ reputatæ sunt.*

ELEGANTISSIMA antithesi summa Israhelitarum peruersitas notatur, cuius antitheseos huiusmodi sententia est: Israhel genus ad diuinos cultus electum, ad sanctitudinem vocatum rationem omnem officij commutauit, quibus non satis fuit peccatis & sceleribus parentum pollui, nisi etiam ipsi plura sibi scelera adinuenirentur atque accumularentur: Nam parentes eorum altaria vitulis erexerant, quibus filij non contenti, nouas aras, templa, lucos novos, aliosque cultus addiderunt, scilicet ut nulla vitæ aut temporis pars peccato illis & turpitudine vacaret, quemadmodum de Achab scriptum est: Qui addidit Baal, & lucos &c. Hoc ergo est quod dicit, Facta fuerunt Israhel altaria ad peccandum: Satis altarium fuerat, & satis superque ad peccandum instructorum, & tamen ipse multiplicauit altaria ad peccandum. Perinde quasi Israhel ad hanc vnam rem ab initio institutus esset, nempe ad peccandum: Ita omni studio, omni conatu summa ope curauit, ut quamplurimas peccandi commoditates haberet, & propter eam causam multiplicauit, prouexit, atque auxit: Nam quod quisque sua interesse credat, id auctum atque abundans esse maximè cupit, contrà verò quod alienum & superuacaneum putet, id quantò abundantius tantò etiam molestius ducit, & vehemètiùs fastidit. Ita Israhelitæ peccatorum oportunitates quamplurimas esse sibi voverunt, atque ob eam causam primis maiorum suorum altaribus, noua etiam altaria addiderunt, quasi hæreditatem impietatis ampliaturi: leges autem à me scriptas, illisque traditas, in quibus sese per totam vitam exercerent, tanquam alienas à se reiecerunt: [Scribam ei multiplices leges meas.] Oratio cum affectu pronuntiata est, quali uti homines solent, cum magnâ curam & operam aliqua in re sibi consumptam, quæ tamen non ex sententia cesserit, indicare volunt, ut illud:

— En quis conseruimus agros?

Inferre nunc Melibœe pyros, pone ordine vites. Huiusmodi & illud est: Ego autem cum illi in molestia essent, induebar cilicio, humiliabam in ieiunio animam &c. [Multiplicauit altaria ad peccatum, Facta sunt ei altaria ad delictum.] Hebraicæ, Et erant ei altaria ad peccatum. ita eadem utrobique Latinarum vocum significatio est peccati & delicti. Ergo æquissima rerum vicissitudo erit, ut cum Israhel magno apparatu à me traditam legem repudiaret (cuius obseruatione & cultu sanctum illum esse oportuit) atque sanctitatem peccato cumulauerit, ad eamque rem multò altarium vsus fuerit numero, sic missa ab illo

Virg. Eclog.

Psal. 34.

ad Assyrios amicitiae & foederis causa, pecunia à me in conducendi aduersus eum militis mercedem, atque stipendium conuertatur. [*Scribam ei.*] Futurum pro imperatiuofaxe in sacris vsurpatur, vt: Altaria eorum destruetis, & lucos succidetis: Cum autem prima persona imperatiuus careat, commodissimus certis in locis futuri vsus est.

*Hostias muneris mei offerent, & immolabunt carnes, & comedent, & Dominus non suscipiet eas, nunc recordabitur iniquitatis eorum.*

Quæ modo dicta sunt de multiplici altarium vsu ad peccandum, de diuinarum legum repudio ad omnem Israël pertinebant tam ad Iudæos quàm ad Ephraitas, namq. in eadem superstitionis & impietatis culpa utrosq. fuisse manifestum est, atque utrosq. etiam poena dignos, sed cum Iudæis mitius fuit agendum non propter merita, sed propter orationem supplicem, atque in regis gratiam: neq. enim aliquam egregiam virtutem in Iudæorum populo experiri possis, quamobrem illis esset parcendum. ideo futurum erat, vt cum Israhelitas Assyrij perderent quasi Aquila super domum Domini aduolarent: Iam si quæ virtus, si quæ pietatis species obijci à Iudæis posse videbatur, eam nullam esse demonstrat. Quippe qui religionis imagine proposita non officio, non pietati, sed suis tantum commodis seruiebant: Ferè enim fit vt in rebus quæ pietatem & diuinum cultum cum vsu aliquo coniuncta habent, homines eam partem accipiant, quam vsui sibi esse intelligant in eandemque vsque ad vitium incumbant: eam verò quæ pietatem propius attingat, & quæ præcipua est, omnino deserant, vt quod Christus in Euangelio summa reprehensione & stomacho verbis atque etiam verberibus est insectatus, sacram ædem, quæ ad pietatis studium ad supplicationum frequentiam fuerat consecrata, in latronum speluncam, sacerdotum & populi auaritia fuisse mutatam. Huiusmodi exemplum hoc in loco à Deo damnatur, quod Iudæi tametsi sacrificia in templo diuini honoris nomen prætendentes facerent, tamen ea non ad pietatem, sed ad suam ipsorum vtilitatem atque voluptatem factitarent: Cum enim hostiarum maximè pacificarum magnis portionibus vesci sacrificantibus ipsis liceret, significat eos non religionis sed voluptatis & coenarum studio, nulla interim pietate, nullo diuino timore tactos, sacrificia frequentare. [*Hostias muneris mei offerent.*] Hoc est, si quas hostias sese nomini meo mactare iactent, eiusmodi munere me sibi propitium necessariò fore dicant, quod non deceat hostias mihi ingratas sine ipsorum vlla vtilitate cadere, imò, inquit Deus, ipsi sibi immolant non mihi ipsi mactatis carnibus vescuntur, & Dominus non suscipiet eas. neque enim aut sale conditæ aut ritè & sanctè immolatæ sunt, vt Deo gratæ, & in eorum à quibus præbentur pietatis memoriam acceptæ esse possent: Etenim in ijs sacrificijs, quæ purè sancteque fiebant, illa hostiarum pars quæ Deo separabatur, in odore suauitatis concremata ascendeabat, & in iucundam commemorationem pietatis eorum à quibus offerebantur, sicut scriptum est: De qua adolebit sacerdos memoriale muneris partem farris fracti, & olei, ac totum thus. Et alio in loco: Odor, inquit suauissimus monumentum Domino. Itaque victimarum piorum hominum pietatis monumenta erant, quibus Deus ad gratiam atque beneficentiam illorum religionis atque virtutis, à quibus offeruntur recordatus excitaretur; contra verò impurorum sacrificiorum odores memoriam impietatis eorum, à quibus oblata sunt Deo excitabat, sicut scriptum est: Victimæ impiorum abominabiles sunt apud Deum: Vt quid mihi, ait Deus, thus de Saba affertis, & calamum de terra longinqua? holocaustomata vestra non sunt accepta, & victimæ non placuerunt mihi. quid ergo suis illis sacrificijs sibi litauerint, docet Deus, nimirum quod scelerum huius populi recordatio, & digna sceleribus poena sibi fuerit repetenda.

*Nunc recordabitur iniquitatis eorum, & peccata eorum visitabit, ipsi in Ægyptum conuertentur.*

Cum deus iniquitatis recordatur, poenas repetere parat. idem etiam fit cum peccata visitat, vt illud: In memoriam redeat iniquitas patrum eius, & peccatum matris eius non deleatur, & illud: Visitans peccata patrum in filios &c. Quod verò periculo illo quod vtrique populo intendebatur, liberatus fuerit Iuda, non est quod ipse securè agat, cum tanta eius populi iniquitas, tanta impietas sit, vt poenas effugere non possit; sua eis dies est etiam constituta, cum iniquitatis eorum recordatio, & peccatorum etiam crit visitatio. vniuersus enim Israël impiè egit, vniuersus ergo poenas pen-

Luc. 19.

Leuit. 2.

Leuit. 6.

Prouerb. 15.  
Ierem. 7.

Psalm. 109.

Num. 14.

furus est. Itaque vtriusque populi vastationem prædicit, hoc est Samariæ & Ierosolymitani templi excidium: id autem suo tempore futurum esse docet: Nam visitandi verbum ad eas res accommodatur, quæ cum neglectæ esse viderentur, tamen euenit vt diligenter à Deo curari iudicentur, vt: Visitauit Dominus Sarâ, & visitauit Dominus filios Israël, & audierunt quòd visitauerit eos Dominus: Quoniam verò multi ex Israëlitis Samaria capta, & ex Iudæis vrbe diruta in Ægyptû migrauère, contrà quàm præceptum illis fuerat, tantum nefas silentio pretereire non oportere Deus iudicauit: Quòd in tempore visitationis peccatorum & iniquitatis, non ad pietatem, non ad officiû conuertedi, sed impio animo in Ægyptum fuerint commigraturi. quæ res maiorem illis calamitatem allatura fuit, sicut etiam à Ieremia prædictum est: Et assumam reliquias Iudæ, qui posuerunt facies suas, vt ingrederentur terrâ Ægypti, & habitarent ibi, & confumentur omnes, ibi in terra Ægypti, & cadent in gladio & fame, & confumentur, à minimo vsque ad maximum in gladio & fame morientur, & erunt in iusiurandum, & miraculum, & in maledictionem, & in opprobrium. Hanc etiam rem noster hoc in loco significat vates, quis tandem sit vtriusque populi impietatis futurus exitus: Neque verò in his solum rebus peccauerunt illi quod exterarum nationum auxilia atque amicitias exoptauerint, & carnem & sanguinem sibi præsidio fore arbitrarètur, sed quod neque cum iam vanum hoc consilium sibi esse intelligerent, cumque viderent eos quos socios arbitrabantur hostes esse, cum nullum iam præsidium in hominibus collocarent, tamen nec his rebus eruditi, nec periculis admoniti Dei factoris sui meminerunt, & perinde ac si nullus esset, ac si nunquam in eos beneficus fuisset, ita nunquam de ipso cogitauerunt; sed quoniam tutela atque præsidio hominum destituti erant, ad locorum munitiones sese conuertebant, vt locorum atque ædificiorum operibus munitionibusque septi, in tuto esse sibi viderentur: ijs autem rationibus, his consilijs effectum est, vt non solum homines, sed Deû etiam ipsum, quem omnino contempserant, sibi hostem redderent. Porro qui hominum omnium in se odium concitauerint, qui Deum sibi insensum reddiderint, quonam loci aut operosæ molis præsidio, salutis suæ consulere possint? homines ne implorent? at vel nullos, vel omnes inuidos experientur? an locorum urbiumque munitione sese ab hostiû incursione armorumque impetu tueantur? rursum illis insensus est Deus, qui funestos ignes eorum urbibus, arcibus, templisque inferre possit. nullo ergo pacto effugere poterunt, quibus cum homines feri & immanissimi tû Deus fortissimus in cælo & in terra hostes fuerunt: Tota adeò hæc res subiunctis versibus à Vate prædicitur.

*Et oblitus est Israël factoris sui, & edificauit delubra.*

35 HEBRAICE pro delubra Hecal legimus, quæ vox arcem regiam palatiumque significat, vt illud: Et erunt filij tui Eunuchi in hecal regis Babylonix. & illud: Simia manibus utitur, & moratur in Hecal regis. Cum autem nonnulla templa, & ad religionis cultum, & ad loci atque urbis præsidium magna mole ædificari soleant, euenit vt ea etiam Hecal nominentur: cuius generis ædificia, basilicas hoc tempore nonnulli dicunt. Huiusmodi verò delubra & basilicas multas ædificabat Israël, quæ ad & deorû cultum, & ad populi in rebus aduersis perfugium aptæ accommodatæque essent, vt Veri Dei sui obliti à quo facti, hoc est amplificati, ornatique fuerant, ad vanorum deorum tutelas, & caduca ædificia confugerent. Non alienum profectò fuerit hoc in loco architectorû præceptum commemorare, qui arte sua & consilio vanorum numium religiones augebât: Nam præcipere illi solent, vt is locus ad deorû templa seligatur, qui fontium aëris cælique natura opportunus ad salubritatem sit, vel ad perfugium tutus; idque artis industria adiuuari volunt, vt his commoditatibus maiores (inquit Vitruuius) de diuinitate concipiantur opiniones. Hanc rem etiam Vates noster innuit, ostendens templa munitissima ab Israëlitis ad populorum tutelam exædificari.

50 *Sed & Iuda etiam multiplicauit ciuitates munitas.*

CVM locorum situ oportuniore ad defensionem vrbes haberet (nam montes in Iudæa frequentiores sunt) adhæc operum etiam moles addidit, sed frustra: Namq. Deus ultor, qui è cælo posset igne inmittere militibus suis, hoc est Assyriis vrbes, oppida, munitiones, templa, palatia & regias incendendi copiam facturus erat, hoc est quod dicit:

*Et mittam ignem in ciuitates eius : Ad Iudam refertur : Et deuorabit  
aedes illius :*

HEBRAICE palatia illius: quod pronomen ad regnū Ephraim pertinet: Solet autem ignis in scripturis pro hostili vastatione vsurpari, vt : Ignis comedit speciosa deserti, & flamma succendit omnia ligna regionis. Hoc autem in loco vtrumque prædicit, hostilem manum, qua velut igni omnia erant consumenda, & ignem, quem templo & alijs munitissimis locis verè fuerant hostes subiecturi, sicut scriptum est : Et succendit domum domini, & domum regis, & domus Ierusalem, omnemque domum munitam extra Ierusalem combussit igni. *Factoris sui:* facere hoc in loco pro amplificare & ornare accipimus, vt illud apud Samuelem: Dominus qui fecit Moſen & Aaron.

## CAPVT IX.

**N**OLI letari Israël, noli exultare sicut populi, quia fornicatus es à Deo tuo, dilexisti mercedem super omnes areas tritici.

NON rarò accidere solet, vt qui suis studijs proprioq. negotio calamitatem sibi creasse videantur, præter cæterarum miseriæ sensum, inimicorum hominum insultationem excipiat, à quibus & elapsæ felicitatis memoria repetita, præsentiq. obiecto euētū susceptorum consiliorum ratio irrideatur. Hoc genus Sarcasmos à Græcis dicitur, de qua in oratorijs etiam institutionibus mentio à nobis fit: Huius generis exempla in multis auctoribus plurima sunt, quale est illud : Alios saluos fecit, seipsum saluum facere non potuit, Vah qui destruis templum Dei, & in triduo reedificas, & quæ his adiuncta sunt, & illud: Ecce homo qui non posuit Deum adiutorem suū, sed sperauit in vanitate sua, &c. atque etiam apud externos.

*En agros & quam bello Troiane petisti,*

*Hesperiam metire iacens.*

Israëliitarum ergo improba consilia, operosa negotia, & ardētissima impietatis studia diuinam etiam insultationem præter pœnas & supplicia subire commerita sunt, quæ res vt infontibus indigna est, ita contrà his, qui digna sceleribus atque insolentissimis ausis supplicia pendunt, est dignissima: æquum enim est stultum stultitiæ suæ non solum pœnas dare, sed opprobrium etiam audire: quemadmodum illum qui magno sumptu exiguo consilio ædificare cœperat, neque tamen perfecit, non modo damnum sed stultitiæ etiā opprobrium meritò pati debere Christus dixit. Igitur in imaginem Israëlis è summo honoris & felicitatis gradu deiecti, quam animo fuerat vates intuitus, hoc loco insultat, vt non solum ærumnis, sed obiurgationibus & opprobrijs tardus populi huius animus excitatus, aliquando tandem sentiat & resipiscat. Oratio verò ipsa à comparatione exordium ducit: Olim cum Israël rebus suis integris frueretur, non solum præ cæteris gentibus sapientia & veræ religionis cultu, sed etiam fortunarū plenissima copia beatissimus fuerat, sicut scriptum est: Et obseruabitis & implebitis opere; hæc enim est sapientia vestra & intellectus, vt audientes vniuersi præcepta hæc dicant: En populus sapiens & intelligens, gens magna, &c. Nunc verò postquam illum splendorem & dignitatē amisit, inter gētes dispersus nullis nationibus non inuidet, cum non solum religione & diuina tutela destitutus sit, sed earum etiam rerum commoditatibus, quibus regna, vrbes, hominumq. conuentus florere solent, (idque iure optimo) careat: vt qui rebus omnibus fuerit abusus, omnia deinceps desideret, omniaque hominibus cæteris inuideat. Ostendit itaque Deus Israëlitis toto orbe dispersis, nullam fore publicæ lætitiæ causam, quemadmodum multa accidere solent populis & ciuitatibus, quorum vsu hilaritas & lætitia publicè percipitur, vt annonæ copia, pacis commoda, triumphique atque id genus alia. [Noli letari Israël, noli exultare.] Vt lætitia animi gaudium est, ita exultatio lætitiæ est index, quæ alacritate quadam in hominibus deprehenditur, vtrumque Israëlitis negatur, qui nec exultare, nec lætitia qua exultent, frui poterunt. *Sicut populi.* Cum iam tu populus esse desieris, atq. in gentibus dispersus nullam populi aut rei publicæ formam tuearis, ex quo fit, vt nullius publicæ lætitiæ particeps esse possis, sed in medio exultantium populorū aliorum lætitiæ miser atque inuidens spectator fias: Huius autem rei causa affertur. [Quia fornicatus



*fornicatus es à Deo tuo:*] Cuius populus tu fueras, à quo in populi & regni formā florentissimi fueras cōparatus: Hunc ubi tu per summū idololatrię scelus adulteriūq. exclusiſeris, in Deuter. 32. cum locū deuenies, vt amplius populus non sis, sicut scriptum est: Ipſi me prouocauerūt in eo qui nō erat Deus, & irritauerunt in vanitatibus suis, & ego prouocabo eos in eo, qui non est populus, & in gente stulta irritabo illos. Neque verò ob hanc rem solū notantur, quòd Reipublica statum ipſi ſua culpa labefactauerint, quāmobrem reipublicę nomine & dignitate meritò caruere, sed quod iis rebus quę publicę lætitię populis causa eſſe ſolent, nefariè fuerint abuſi, sicut scriptum est: Incraſſatus eſt dilectus, & recalci- trauit, incraſſatus, impinguatus & dilatatus. [*Dilexiſti mercedem ſuper omnes areas tritici.*] 10 Iam illa maxima rerum peruerſio, maximum illud scelus fuit, quòd frumenti atque annonę copiam non eò quò maximè relata oportuit, retuleris: Namque vt eius rei promiſſionem olim, ſic copiam quocumque tempore mihi acceptam referre, nec non & decimis primitiũſque exoluendis gratias agere debuerunt. tu verò contrā non Dei dona, sed amatorū, hoc eſt, deorū vanorū à te cultorum tui mercedē interpretatus, ſummum 15 pretiū exiſtimaviſti, ac debitam Deo gratitudinem in feſtos ludosq. nefarios mutaviſti, & in ſingulis areis lætitię, atque exultationi in amatorum tuorū gratiā vacabas: tantæ tibi voluptati fuit, quòd te à dijs amatū credideras. Ex multis autem occaſionibus, & popularis lætitię temporibus vnum meſſis & triturę tempus eſt, sicut scriptum eſt: Et latabuntur coram te, sicut qui lætantur in meſſe multa: Quam meſſem non diuini muneris, sed 20 meretricię mercedis loco Iſraëlitę duxerunt: Vadam dicebant, poſt amatores meos qui dant panes mihi, &c. Meritò ergo carere debuerunt ijs commodis quibus ad ſuam libidinem abuſi ſunt. [*Area & torcular non paſcet eos.*] Primū in patrio ſolo fruges deficient, vt quę vicinis etiam ſuppeditarent, iam illis non ſufficiant; adeò vt proprio agro ali nequeant, & cum maximè vites vuarum vbertatem promiſerint, nullam tamen vini utilitatem præbeant: Nam ubi multa cura nimio labore vindemia facta fuerit, ex magna 25 vuarum copia, qualē illa regio proferre ſolebat, (quę vno botro duos milites onerauerat) exigua admodum muſti proueniet uis, idque etiam ſeruatum & conditū corruptetur, ita vt ſpem omnem cultori mentiatur ſuo, hoc eſt quòd ait: Num. 13.

*Et vinum mentietur eis.*

Ex qua re grauiori dāno afficiēdi ſunt, quā ſi omnino fuiſſet negatū. [*Mentietur:*] 30 Verbum aptiſſimè ad agricolarum ſpes tranſlatum, vt: Mentietur opus oliuę, & illud: *Spem mentita ſeges.* Illa etiam lætitię publicę non parua causa eſt, cū populo per quietem & tranquillitatē lautò & eleganti victu & cultu, ceteriſq. pacis commodis frui in patria licet. id licuerat aliquando Iſraëli, dum Deum pietatemque colebat, cui ab ipſo legiſ- 35 latore omnia etiam quę ad victum cultumque pertinerent præcepta tradita fuerant, quibus præceptis præter arcānam ſignificationem etiam humanę munditię, elegantię, ac ſanitati conſulebatur, cui hæc omnis felicitas ſanctiſſimis auſpiciis fuerat promiſſa, sicut scriptum eſt: Benedictus eris ingrediens, & benedictus eris egrediens: Emitteret dominus benedictionem ſuper omnia opera manuum tuarum, benedicetque tibi in terra quam 40 acceperis: Suſcitabit te dominus ſibi in populum ſanctum, sicut iurauit tibi ſi custodieris mandata Dei tui: Huiusmodi autem rerum inmunditia atque uſu carituros eſſe prædicat eos, qui ſuis ſcleribus commeruerunt vt domo, & patria exules, aut apud Aſſyrios captiui, aut apud Aegyptios profugi agerent, apud quos non eleganti ac mundo victu, vt in patria, sed ſordido & impuro, qualis in illis regionibus prophanis & hoſtilibus contin- 45 gere potuerat, vterentur. Hęc adeo ſubiuncti carminis ſententia eſt:

*Non habitabunt in terra Domini, reuerſus eſt Ephraim in Aegyptum & in Aſſyrijs pollutum comedit.*

TERRAM Domini, terram Iſraëlis vocat, quam ille ſanctam præ ceteris regionibus, 50 ſibi que ſingulari prouidentia fouendam ſuſceperat, quam ſcleribus diu contaminatam eſſe minimè patiebatur: Eius namque non ſe dominos, sed inquilinos putare oportuit Iſraëlitas, Dominum autem terrę Deum agnoſcere, cetera verò numina vana, & à terrę poſſeſſione aliena exiſtimare, sicut scriptum eſt: Populus iſte ibit poſt deos alienos à terra, quam ingredientur, vt habitent in ea. [*Reuerſus eſt Ephraim in Aegyptum.*] Cum Sama- 55 ritanę res affligerentur, & nec Iudaicę in tuto eſſent, multi ex Ephraitis contrā quā præceptum

Deut. 28.

Ezech. 4.

præceptum illis fuerat Ægyptum petière: Verùm enimuerò hoc etiam veram pietatem atque diuina instituta deferentes cōmeruere, vt malorum pondere oppressi, Ægyptūq. subsidij causa petentes, tamen hostilem potius, quàm salutarem regionem experirentur, sicut scriptum est: Et reducet te Dominus in Ægyptū per viam, de qua dixi tibi, vt eam amplius non videres, ibi vendēris inimicis tuis in seruos & ancillas, & non erit qui emat: [Et in assyrijs pollutū comedet.] Captis enim & abductis nō qualis expetitur, sed qualis contingit victus & vita colitur. Sic apud Ezechielem legimus. Hæc dixit Dominus: Sic comedent filij Israel panem pollutum inter gentes, ad quas eijciam eos. Porro autem festis diebus agitandis, & sacris ritè peragendis non leuis populorum exultatio esse solet. Atque hoc etiam fructu Iudæos in captiuitate priuatum iri prædicit, quibus antiqua illa festorum, victimarum & sacrorum epulorum consuetudo in sordes atque luctū conuertenda sit, nemoque apud eos erit, qui huius miseriæ particeps non fiat, nam neq. apud exterarum nationes, apud quas captiui detinētur, festis, epulis atque hostiis operam dare poterunt, neq. ijs qui in Iudæa reliqui fuerint, id integrum erit, quibus nullum in quo hæc fiant, templum extabit: quamobrem

*Non libabunt Domino vinum, & non placebunt ei.*

IN victimis enim vina libabant domino, atque eare Deum ad sua cōuiuia vocatum significantes, placandum sibi sperabant: Cæterum iam deinceps non placebunt ei. Quoniam autem omnis hæc latitia & nitor ille, elegantiaque sacrorum & publica sanctorum epularum professio cessatura, & memoriam sui cum luctu & sordibus fuerat relictura, subiungit.

*Sacrificia eorum quasi panis lugentiū, omnes qui comedent eum cōtaminabuntur.*

PER certos quosdam dies, dum mortuorū funus curabatur, dum lachrymis & mœrori apud necessarios vacabatur, tota familia polluta iudicari solebat, quorum cibos sordibus & luctu contaminatos, quicumque comederet, immundus erat. Igitur Iudæis per totam vitam apud hostes agentibus in squallore, sordibus & luctu, non alia epularia sacrificia, non alia sacra, quàm assiduam quandam feralem cœnam faciendam esse præcinit; vt quemadmodum nullus calamitatis expers erit, ita nemo sit qui pollutum & luctu lachrymisque contaminatum panem non comedat. Neque verò eos apud gentes sacrificijs vacaturos pollutis, sed horum loco lachrymis, luctuque conficiendos esse ait.

*Quia panis eorum anima ipsorum non intrabit in domum domini.*

Gen.

vnt

Math. 5.

PANIS cūm ex vocabulo Hebraico *Lehem* transfertur, omnem cibum significat, vt: Sederunt ad comedendum panem. Vt siros itaque eos cibis qualibuscunque vt vitam tantum alere in tantis miserijs possint, non vt gaudere, aut alijs voluptatibus, commoditatibusque frui queant; quippe cūm ea res in domo Domini (quæ non extabit) peragenda non fuerit: [Sed panis eorum anima ipsorum:] Animam pro vita hoc in loco accipimus, ex nomine hebraico *Nephes*, sicut & in Euangelio: Nonne anima plus est quàm vesca? Non ergo sacris cibis, nō mundis, sed communi atque adeo polluto victu vitæ sibi propagabunt, atque ea causa vescuntur, vt viuant, non etiam vt fruuntur: Neq. verò loci solum cōmoditate carituros, sed temporum etiam occasionibus atque spatijs fore excludendos dicit, vt neque assidue, neque certis diebus etiam repetere solemnia, lætitiāq. publicè obseruare possint. Quandiu enim sedes suas tenuere, certos dies lege sibi traditos, atque institutos obseruarunt, quibus saltem Ierosolymam conuenire & sacra facitare potuerunt & debuerunt: Nunc verò quādo ex Iudæis alij in Babylone detenti, alij apud Ægyptios profugi erant, si maximè illis adhuc templum staret, tamen ea erit locorum distantia, ea viarum incommoditas, ea libertatis carētia, vt nulla neque ad dies festos redeundi spes sit reliqua. huius rei causa dicit:

*Quid facietis in die solemni, in die festiuitatis domini:*

QV o videlicet tempore olim frequens oblationum spontanearum, additorum, pacificorum festi, & pacificorum lætitiæ, aliorumque sacrorum operum celebritas erat, quam ad rem vocari admitterique solebatis. quid ergo nunc facietis tantis interuallis disuncti, tot viarum

viarum, negotiorum difficultatibus, & eorum, apud quos agetis, tyrannorum imperijs præpediti quid facietis, nulla profectò spes vobis est reliqua, non solum singulis annis Ierosolymam petendi, sed neque amplius quoad vixeritis redeundi: namque vobis vastitatem terrarum vestrarum fugientibus, & ad frequentes populos commigraturis, iterum in patriam remigrare integrum non erit, sed quæ loca vobis ad vitæ præsidium optaueritis, eadem morituris ad sepulchrum designata existimate. Hoc est quod dicit:

*Ecce enim protecti sunt à vastitate, Ægyptus congregabit eos, Memphis sepeliet eos.*

- MEMPHIS celeberrima illis temporibus Ægypti vrbs fuit, quæ olim Noph, siue Moph, dicta, nomen in Memphim mutauit, namque Chaldaus interpres pro Noph & Moph, Mephis reddit, hanc Herodotus à Meui Rege, Eusebius verò ab Epaphroditus filio conditam fuisse scribit. In populo itaque alieno misere vitam acturi Israëlitarum prædicuntur, atque adeo frequentissimo populo, ut loci celebritate magis offendantur, ubi hospitibus & fugitiuis pauperibus & miserimis in tanta frequentia angustè habitare necesse sit, eoque grauius erit exilium, quod nulla spes reditus, neque post mortem reliqua erit, ut etiam sepulturæ honore, funere & iustis exequiis carendum illis sit; quibus neque suo more suauiter viuere, neque honestè etiam mori liceat, & tamen interea in tanta inopia, & in tantis sordibus vitam colentes, antiquæ patriæ & commoditatum ac vitæ deliciarum totiusque illius vitæ cultus recordatione cruciabuntur, suamque & patriæ vicem dolebunt, quam olim cultissimam tenuerunt; nunc verò incultam atque horrentem esse audient, & miserabiliter lamentabuntur.

*Desiderabile argentum eorum vrtica hereditabit.*

- LAUTITIAM omnem & delicias rei que familiaris nitorem sacræ literæ hoc verbo desiderare, & vocibus ab eo deductis significat, ut apud Isaiam: Et omnia desiderabilia nostra versa sunt in vastationem. & illud: Recordata est Ierusalem dierum afflictionis sue, & præuaricationis omnium desiderabilium suorum, quæ habuerat à diebus antiquis. Ex comparatione ergo miseriæ dolorem auget, cum futurum esse prædicat, ut domus illorum maximæ & sumptuosissimæ domus, in quibus magna olim nituerat res, horridæ, incultæque, & vrticis plenæ reddantur. [*Desiderabile argentum eorum.*] Hoc est delitiosas illas ædes, in quibus nullum fictile erat, sed omnia argento tum fuso, tum coelato plena, ubi multorum vasorum Deliacorum & Tyriorum vsus erat, nullus tandè argenti modus, sicut scriptum est: Repleta est terra argento & auro, & non est finis thesaurorum eius, hæc omnia ruina & vastatio perdidit, vrticasque in eorum locum reposuit: Est enim vrtica aspera herba, igneo pruritu vrens, quæ in incultis prouenit agris, maximè autem in ruinarum rudibus, sicut scriptum est: Et orientur in domibus eius spinæ & vrticæ, & illud: Per agrum pigri transiui, & vidi eum vrticis plenum. Herba hæc vulgo notissima est, & nudis corporibus auersanda. Vide ergo in quæ errorè delitiæ illæ deuenerint, ut qui nuper argenti in omne ministerium fuerat vsus, iam cophinis & fictilibus (neque id satis oportunè) vtantur, & domus ipsæ etiam quæ auro atque argento nituerant, quæ totæ maximis delitijs affluebant, nunc spinis atque vrticis horreant. Locus ex comparatione oratoria est, ex quo loco commodissima in miserimis rebus argumenta ad dolorem ducuntur, ut: Quomodo sedet sola ciuitas plena populo, &c. & illud:

- Pro molli viola, pro purpureo narcisso Carduus & spinis surgit paliurus acutis.  
Lappa in tabernaculis eorum.

- EXPOSITIO res augetur, & amplificatur, ut quum nihil magis desiderabile quam illæ domus, fuerit, rursus nihil magis horridum incultumque sit. Quod latine versum est Lappa, Hebraicè est Hhuahh, quod nostra sententia paliurum significat, nam eo nomine propriè hamus piscatoris dicitur, & in aculeatorum arborum generibus, illud quod vncis in hami modum spinis, qualis paliurus, est, de quo scriptum est: Carduus Libani quæ est in Libano misit ad cedrum dicens, &c. est in eo loco Hhuahh: Namque lappa quæ xanthion græcis est, neque spinis horret, neque in ruinis ita copiosè prouenit, quanquam secundum oppida plurimum nascatur, lato tamen & pingui solo, atque lacubus excicatis, ut à Dioscoride traditum; à nobisque est sæpè obseruatum.

*Venerunt dies visitationis, venerunt dies retributionis, scitote Israël stultum prophetam, insanum virum spirituales, propter multitudinem iniquitatis tue, & multitudinem amentie.*

HABET Sarcasmos sua incrementa & suos insultationis augendæ gradus, suasque commoditates ad victoriam quærit. Optima autem commoditas est, cum ad consiliorum & sententiarum comparationem ventum fuerit; & quæ potior sententia & plausibilior visa fuerat, inanis atq. leuissima euentu ipso arguitur, tunc enim melioris consilij auctores meritò in stultam opinionem insultant; huiusmodi illud est: Lætabitur iustus cum viderit vindictam, manus suas lauabit in sanguine peccatoris, & dicet: Vtique si est fructus iusto, vtique est Deus iudicans eos in terra. Hunc ergo etiam locum ad insultandum Deus occupat, & stultam impiorum sententiam euentu irridet, atque veritatis & sapientiæ prædicat victoriam. Vsq. adeò insanierant Israëlitar, vt non solum officium, sed officij condicium omne repudiarent, impietatemque suam sapientiam vocarēt, repertis in ea re ministris, qui ad gratiam non ad veritatem loquerentur. Huius generis multa atq. manifestissima exempla quotidie in hominum moribus eduntur. Mittebantur à Deo assidue vates, per quos populus impietatis admoneretur, & ad sanam mentem promissionibus, minis, poenitentis prædictis reuocaretur. At verò illis non solum impietas retinebatur, sed piensimorum hominum, imò potius Dei fidelissima repudiabantur consilia; præterea falsi quærebantur vates, qui pro mendacio aduersus veritatem, pro stultitia contra prudentiam, contra consiliū ab opinione stantes, sanctorum virorum negabant prædictiones. atque de hac quidē re Ieremias cum Hannania sapienter differebat: Veruntamen, inquit, audi verbum hoc quod ego loquor in auribus tuis, & in auribus vniuersi populi, propheta qui fuerunt ante me ab initio & ante te, & prophetauerunt super terras multas, & super regna magna de prælio & de afflictione, & de fame: Propheta qui vaticinatus est pacem cum venerit verbum eius, tunc scietur propheta quem miserit Dominus in veritate. Quoniam autem Israël hanc erga prophetarum rationes insisterat viam, non qui potiolem & grauiorem, sed qui leuiorem, & ad suam libidinem magis accommodatam sententiam sequeretur, cum venerit verbum, tunc scietur vter verè propheta fuerit. Hæc autē scientia stultorum hominum est, qui consilio & rationibus erudiri cum nolint, tandem suo malo magno & periculo docentur. Huius ergo futurarum rerum imaginis præsens spectator Hoseas, diuinis verbis in Israëlitarum stultitiam insultat, quo populum illum inepti ac stulti consilij sui, vel ipso euentu pudeat ac pigeat. [*Venerunt, inquit, dies visitationis, venerunt dies retributionis domini:*] qui redet tandem vnicuique iuxta opera sua inquit Paulus: *Visitatio- nis*, hoc est cum Deus se humanarum rerum cura tangi testatur, quam veritatem homines opinione, sententia, consilij, studiisque suis negantes, poena tandem & sensu docentur, sicut scriptum est: Qui per angelos factus est sermo firmus factus est, & omnis præuaricatio & inobedientia iustam accepit mercedis retributionem. De visitatione, quid sit, iam diximus. Retributionis verbum iustitiam atque æquitatem, non iram, non temeritatem, non casum aut fortunam confirmat, non denique signa alia, quibus impij impietatem suam tuentur. [*Venerunt dies, venerunt.*] Repetitio certitudinem habet hoc in loco, quæ insultantibus peropportuna est, vt: Cecidit cecidit Babilō illa magna; & apud peregrinos auctores: *Audiuere Lyce diu mea vota, diu Audiuere Lyce.* [*Dies:* Dierum nomine certū ad vltionem tempus, docemur autē impunitatē improborum non infinitudine temporis, sed certo breuissimoq. spatio definiri. siue enim tempus finitum, siue infinitum existimetur, dies tamen certam temporis partē sibi vendicant, eamq. quæ signari præscribiq. possit. O stultissimum hominum consilium, qui in rebus agendis in poenitentia, in omni deniq. vitæ studio, nullam dierum rationem habent, temporis autem nescio quam habet; cum Deus tamē illis dies nō tempus ad cogitandum proponat. frequēs enim apud vates omnes dierum mentio est, propterea quod quæcunque à Deo dicta sunt, ea certissima & certissimo consilio tractata, firmataque interpretari oporteat. Et quoniam ij dies verorum & mendacium prophetarum periculum faciunt, ita vt qui antea falso sententiam dicerent, mutare suo malo cogantur, ob eam rem dicit: [*Scitote Israël stultum prophetam:*] Hebraicè est: [*Cognoscent Israël stultum prophetam.*] Atque hæc lectio planiorem sententiam reddit. stultum autem prophetam vocat, non solum quod mendax sit, sed quod vaticinādo nullam sapientiæ

Psal. 57.

Ierem. 28.

Hebr. 2.

Apoca. 18.  
Horat. li. 4.  
Od. 13.



sapientia aut consilij speciem & formam adumbret; namque summa stultitia est, si quis homines ingenio suo ad vitia proclives securos esse, & nihil timere iubeat; atque hoc modo ad voluptatem instituere vitam doceat. namque ad eam rem, quam homines suo ingenio libenter agunt, & sequuntur, quid opus est diuinum oraculum addere? ergo ex ipso prophetiarum argumento prophetę vanitas argui posset, etiam si maximè vates ille se diuinitus missum & signorum auctoritate probatum prædicaret, sicut scriptum est: Si surrexerit in medio tui propheta, aut qui somniū se vidisse dicat, & prædixerit signum, atque portentum, & euenerit quod locutus est, & tamē dixerit tibi, *eamus & sequamur*, deos alienos, quos ignoras, & seruiamus eis: non audies verba prophetę illius, aut somniatoris, &c. Hac lance, his ponderibus examinari oportuit eos, quicunque se prophetas, & Dei nuntios profiterentur: atque adeo hæc causa à nobis in Tridentino Concilio publicè perorata est aduersus eos, qui pietatis speciem, non vita fortasse, sed vitę institutione offerentes, christianam morum disciplinam restitui non oportere publicè affirmarent. huiusmodi homines diuina sapientia [*Prophetas stultos & insanos viros spirituales appellat: Virum spiritualem*, Hebraicè est *virum spiritus*:] Estque elegantissimum atque ad eam rem accommodatum schema verbi, quod græcè *ἀντανκλάσις* dicitur, cum eiusdem verbi contraria significatio petitur, ut illud apud Ciceronem. Verrem à populo verrentem esse appellatum, quod omnia verteret. sic hoc loco cum spiritus & ventum significet, & naturam quandam corporis expertem, cuius naturæ illapsu aut ductu, & agitatione animi hominum excitari solent: atque hoc modo affecti, viri spirituales dicuntur. Vates ad contrariam significationem alludit, & viros venti, hoc est vento ac vanitate mendacioque plenos ait; cuiusmodi significatio vento in sacris imaginibus tribuitur, ut apud Ieremiam de huiusmodi spiritualibus viris, qui populo fucum faciunt, scriptum est: *Negauerunt dominū, & dixerunt, non est ipse, neque veniet super nos malum; gladium & tamen nō vidimus.* Prophetę fuerunt in ventum locuti, & responsum non fuit in eis, hæc ergo euenient illis, &c. Sic Cicero Imperium extraordinarium, populare, ac ventosum esse dixit. Igitur viri isti spirituales, qui populi gratiam veniunt, spirituales ita appellantur, ut ventosos interpretari conueniat. Ergo euentu ipso declarabitur populo, quales viri sui spirituales fuerint, quorum furores ille tantis plaufibus persecutus est. id verò quamobrem acciderit explicatur: *Ob multitudinem iniquitatis tuę, & multitudinem amentię:* Tanta enim fuit amentia tua, tantum virtutis odium, ut pro verò falsum, pro vaticinio vanitatem probaueris, ut hæc etiam pars ad tuę culpę cumulum accesserit. Hebraicè est *super multitudinem*.

*Speculator Ephraim cum Deo meo: propterea laqueus ruinae factus est super omnes vias eius.*

EXPOSITIONE atque interpretatione culpam amplificat, & insaniam populi manifestat, atque rem totam explicat: docet enim Ephraim, hoc est Israëlitas sibi infelicitatem comparasse, qui non solum à Deo vero descuerunt, (quod pessimum est, ut nullo alio egerent indice, quo se Deo inuisos esse agnoscerent) sed etiam Dei benignitate & misericordia abusi sunt: nam cum prophetas veros habuerint, à quibus impietatis admoniti ad officium reuocarentur, horum autem dicta & sermones, horum consilia, horum prædictiones reapse cum veritate, cum diuinis legibus & verbis maximè constarent; ita adeo contra se rationem ipsam & diuinam legem, & multorum grauissimorumque vatū testimonia habebat. his autem omnibus repudiatis ipsi sibi prophetas creabant, quos cōsulerent, à quibus, quænam Dei erga eos voluntas esset, docerentur, perinde quasi Deus sibi non constaret, atque per alios atque alios vates, alia atque alia dissimilia sibi que dissentanea dicturus esset; & tamen cum ab istiusmodi vatibus nihil verum, sed popularia omnia, atque ad gratiam efficta afferrentur, istorum potius noui exempli vatū, quam illorum probatę auctoritatis testimonio & verbis fidem habebant: ex qua re effectū est, ut ipsi sibi periculum molirentur, ipsi sibi causa essent cur perirent. [*Speculator Ephraim cum Deo meo:*] Titulus fallorum prophetarum hic erat: namque propheta speculator constitutus est, qui mentis impulsu, atque toto officij sui genere, tanquam ex specula aliqua futuram tempestatem, & pericula omnia obseruet, atque prospiciat, nec vnquam speculator, nisi periculi causa est. Sic Deus apud Ezechielem: *Filius hominis, inquit, specula-*

158  
 torem dedi te domui Israël, & audies verbum de ore meo, & annuntiabis eis. Igitur cū  
 à veris vatibus Israëlitarum ad bonam frugem vocarentur, cū venturę calamitatis (nisi in-  
 sanire destitissent) admonerentur, huiusmodi seuerioribus viris ipsi non credentes, alios  
 sibi instituebant, qui nunquid mali à Deo metuendum esset, specularentur. vt autem  
 impia res pietatis nomine honestaretur, insigni & pulchro titulo eiusmodi propheta ap-  
 pellabantur. [*Speculator Ephraim cum Deo meo.*] Ita vt Deum à se non repudiatum, sed  
 retentum potius atque consultum esse profiterentur. Vt itur autem ea exornatione in di-  
 cendo vates, quę Gręcis Mimosis, Latinis Imitatio dicitur, vt Quicumque soluerit vnū  
 de mandatis istis minimis, minimus vocabitur, &c. Atque hæc ad sarcasmon apte perti-  
 net, vt *Cantando in illum?* Quam vtile porro fuerit illis hoc inuentum pulcherrima anti-  
 thesi vates noster docet: [*Laqueus ruinę factus est super omnes vias eius:*] Qui speculari  
 causa institutus erat, vt rationibus Israëlitarum prospiceret & consuleret, ipse verborum  
 suorum laqueo auctores suos, hoc est populum irretiuit & cepit; namque huius specula-  
 toris consilijs, exhortationibus, huius vanis prædictionibus omnes quas inierunt errorum  
 vias secuti, perierunt. Hic qui pacem & familiaritatem diuinam promiserat, hic idem se-  
 curitate illa quam promittebat, diuinum odium suis in populum obsequijs struxit, hoc  
 est quod dicit:

*Infamia in domo Dei mei:*

HEBRAICE odium & furor in domo Dei mei. Perstat autem in Mimosi & anti-  
 thesi: Estque hæc sententia. Quem isti speculatorem Dei sui instituerant, is ruinę atque  
 odij auctor euasit. Præterea Deum suum, quem isti non sibi iratū huius verbis credebāt,  
 hunc sibi infensum Deum suum, hunc inimicum experientur, vt videant qua ratione  
 Deum suum appellent, longè profectò alia quàm ipsi existimauerant: sic verborū inanes  
 apud istos vsurpationes, & sine vlla re & veritate fuisse à Vate arguuntur, & meritò irri-  
 dentur. [*In domo Dei mei.*] Ducta oratio est ex similitudine eorum, qui in magna familia  
 apud Dominum plurimum posse videntur, qui se ceteros familiares in gratia domini re-  
 tinere professi, tamen committunt, vt tum sibi ipsis imprimis, tum sua causa ceteris in-  
 iudiciam parent: Ita qui denuntiandi atque declinandi periculi causa in speculis collocatus  
 erat; idem ipse laqueus ad capiendum populum factus est. Ex qua quidem re Israël stu-  
 diosè & pertinaciter peccasse arguitur, qui non solum præmonitus diuinis consilijs non  
 acquieuerit, sed post admissum scelus ad pœnitentiam & ad sanitatem per nuntios spe-  
 culatores, & prophetas suos reuocantem Deum non audierit, imò consilio aduersus  
 eum per mendaces vates inito, officium repetentem contemplerit. Manifestum ergo est  
 hos in sceleribus & flagitijs suscipiendis altissimas egisse radices, atque ad Gabaitarum  
 exemplum insaniisse. vt enim illi olim, neque rogati obsecratiq. à maleficio, neq. postea  
 admoniti, & postulati de sententia desistere voluerūt, quę res illis perniciēs & exitiū fuit,  
 sicut scriptum est: Et noluerunt fratrum suorum filiorum Israël audire mādātum, sed ex  
 cunctis vrbibus, quę sortis suę erant, conuenerunt in Gabaa, vt illis ferrent auxilium, &  
 contra vniuersum populum Israël dimicarent. Eodem modo Ephraitę nunc contra fas  
 communi studio impietatem suscepere, neq. se vllis rationibus de eo cursu reuocari passi  
 sunt, sed additis etiam impiorū vatum consilijs, in sententia permanserūt; Quamobrē ait:

*Profundè peccauerunt sicut in diebus Gabaa:*

QUÆ resexitio eis, sicut & illis futura est: nam Deus ultor

*Recordabitur iniquitatis eorum, & visitabit peccata eorum.*

QUID sit, recordari & visitare, in diuinis sermonibus, vtque vtrumque verbū ad pro-  
 uidentiam referatur, dictum iam à nobis est. Similè verò seueritatis exemplum, quod in  
 eis, vt in Gabaitis edendum fore superius prædictum fuerat. ex sceleris similitudine  
 etiam æquissimum fore nunc porro ostenditur; dixerat enim vates: Clangite tuba in  
 Gabaa, &c.

*Quasi vñas in deserto inueni Israël, & quasi prima poma ficulneę in cacumine  
 eius vidi patres eorum, ipsi autē intrauerunt ad Baal Peghor, & abalienati  
 sunt in confusionem, & facti sunt abominabiles sicut ea quę dilexerunt.*

IN nullum sceleratorum hominum genus iustior ultio, & insultatio est, quàm in eos  
 qui &

qui & scelerati & ingrati etiam sunt: Namque in nocentem & iniurium seuerius proferre iudicium equum est: in ijs verò qui accepti beneficii immemores, aduersus eum, à quo humanè amiceq. tractati fuerint, ingrati, iniuste, & contumeliose se gesserint, omnia cum summis exprobrationibus consumere supplicia fuerit æquissimum, sicut scriptum est: *Qui* Prouerb. 17.

reddit malum pro bono, non recedet malum de domo eius. Huius quidem argumenti hæc lectio est, qua Deus non solum Israël ad supplicium damnato insultat quòd sceleratus, sed etiam quòd ingratiissimus fuerit: Namque à Deo suo à quo maximis beneficiis præter cæteros omnes mortales affectus fuerat, per summum nefas sese abalienauit. Duplex autem scelus fuisse, quo sese Israël contaminauerat, iam superiori huius vatis lectione edocti sumus; vnum genus fuit illegitimum stupri atque adulterij studium, in quo populus ille vehementissime exarsit; alterum fuit superstitionis impia ac temeraria cupiditas, quam spirituales fornicationem vocant, qua incredibilem etiam in modum flagrauit. Hæc flagitiorum genera adeò antiqua esse apud Israelitas docet Deus, vt ob eam causam sæpissime ab ipsis fuerit reiectus. Commemorat autem suum in illos studium, quod ubi cum illorum impietate confert, quàm iuste damnatae fuerint comparatione intelligitur.

Quoniam verò in omni & officij & iniuriæ genere animus imprimis agentis spectatur, neque tantum quid actum, quàm quo studio & voluntate sit actum queritur, ob eam rem quo ipse animo in illos, & qua rursus voluntate illi in se fuerint ostendit: Profitetur autem illos ab initio gratissime à se fuisse susceptos, quam rem aptissimis similitudinibus explicat. Nam si quis dum per solitudinem iter agit esuriens vvas in vite fortè maturas præter opinionem inueniat, aut primas & præcoces in summis ficulneæ ramis videat ficus, vehementer delectatur ob insperatam temporis & loci commoditatem; cum propter oportunitatem, tum propter desiderium etiam, atque ob fructuum ipsorum præstantiam, cum in omni fructuum genere hæc duo plurimum excellant, quemadmodum alio in loco disserimus. Ad eundem modum Israël in solitudine inuentus, cum aliquem pietatis fructum afferre videretur, Deo gratus fuerat, vt in tanto veræ religionis desiderio, cum totus orbis in veri Dei ignorance, atque in errore versaretur, hic vnus populus qui præ cæteris diuinam erga se prouidentiam & curam fuerat expertus, verum Deum sanctè casteque coleret. [*Quasi vvas in deserto.*] Res omnes vehementer gratas esse cum maxime desiderantur, si tunc suppetant, ex hoc loco docemur, sicut & Poëta cecinit:

*Tale tuum carmen nobis diuine poëta,  
Quale sopor fessis in gramine, quale per æstum  
Dulcis aqua saliente sitim restringere vino.*

Virgil. Eclo. 5

Quamquam autem Israël primo in Ægypto inuentus, indeque fuerat eductus; tamen cum seductus à cæteris gentibus fuit, & in deserto populi ac Reipublicæ formam præceptis, legibus atque institutis diuinis cepit; tunc verò gratissimus, & Deo charissimus est habitus. atque vt desideratus & primus quidam fructus cum gaudio exceptus, quemadmodum apud Ieremiam Deus ipse ait: Recordatus sum tui miserans adolescentiam tuam, & charitatem desponsationis tuæ, quando secuta es me in deserto in terra quæ non seminatur: Sanctus Israël domino, primitiæ frugum eius, &c. Cum verò ad ea usque tempora suam prouidentiam & studium nulli totius orbis nationi præter cæteras adhibuisset (neque enim aliquem antea populum habuerat peculiarem) ob eam causam totum orbem arbori, Israëllem verò primis fructibus similem dicit; cum tandem futurum esset, vt ex eo populo veri Dei notitia, & humanæ salutis semen per vniuersum orbem spargeretur, sicut scriptum est: Posui te in lucem gentium, vt sit salus mea usque ad extremum terræ; interim autem dum hæc parabantur, Israël primus ficulneæ fructus & præcox erat; atque vt Ieremias dicit: Primitiæ frugum Domini. Ficus inter omnes arbores bifera præcipue est, quæ cum autumnis copiosissimum fructum ferat, æstate etiam non ita abundanter, ficus tamen suaues profert, quas præcoces vocat: sic Israël illa tēpestiua vocatio gentium vocationem tempore & maturitate præcucurrit. [*Quasi prima poma ficulneæ in cacumine eius, vidi patres eorum:*] Non de Abraham, Isaac & Iacob primis huius gentis parentibus, sed de ijs qui in deserto fuerant, sermo est, quos patres hoc est maiores horum, qui vatis huius tempore erant, vocat; illi autem primi defectio- nis & scelerum auctores, & domestica ad imitandum exēpla posteris suis fuerunt. quā rē

Ierem. 2.

Christus persæpe, & D. Stephanus celeberrima illa oratione sua aliquando persecutus est, de quibus patribus & in eodē loco Ieremias ait: Hæc dicit Dominus, quid inuenerūt patres vestri in me iniquitatis, quia elōgauerunt à me & ambulauerūt post vanitatē, & vani facti sunt? hoc ingratitude scelus, hoc loco illis exprobratur: Nam pro summo amore, pro maximis officijs sese maximè leues atque ingratos, & si id commodè dici potest inui-  
 5 rios præbuere. [*Ipsi autem intrauerunt ad Baal Phegor, & abalienati sunt in confusionem.*] In variis nominū penè infinitis nominibus explicandis, magnus quidem neq. nimis tamē, utilis labor est suscipiendus, si quis animū ad eam rem appulerit, & tamen non planè certā de omnibus rationē assequetur. de hoc Deo atque eius nomine, nobis aliorum sentētiarū  
 10 legentibus, nihil affirmatione dignum visum est; sed ex ipsa tamē verbi significatione se-  
 15 cundū diuinorū librorum rationē petita Baghal Phegor desiderij Deum interpretari li-  
 20 buit, cuius simulachrū aperto ore auentiū desiderantiumque habitu fuisse coniciamus:  
 25 quam quidem interpretationem suo in loco, si nos eò Deus deduxerit disputabimus.

Numer. 22.

Hic fuit Moabitarum Deus, cuius sacris filij Israël in gratiā Madianitarū initiati sunt. Quoniam autē libidines & adulteriorū studia eis hoc loco præcipuè exprobratur, quibus  
 15 studijs in idololatriam prolapsi sunt, ob eam rem neque vituli, neq. aliorū scelerū, quibus  
 20 sese in solitudine contaminauerant, sed huius tantum meminit, in quo summum nefas  
 25 flagransq. libido fuit; nam cū feminæ amatorū obsequio & comitate valde delectetur,  
 30 illi vt muliercularum voluntati morē gererent, pollutarū epularū participes vltro fuere,  
 35 sicut scriptum est: Morabatur autem eo tempore Israël in Setim, & fornicatus est populus  
 40 cum filiabus Moab, quæ vocauerunt eos ad sacrificia sua, at illi comederunt & adoraue-  
 45 runt deos earum. hoc est quod dicit eos eò insanix propter libidinē processisse, vt ad ne-  
 50 farij etiam cultus communicationem deuenirent, & à Dei sui cultu atque amore aliena-  
 55 rentur: [*In confusionem*] Hoc est in dedecus & turpitudinem, qua sanctitatem illā suam,  
 60 atque amoris erga se mei dignitatem foedarūt: Etenim cuius quis vehemēti amore te-  
 65 netur, ad id animum studiumq. suum conuertit, atque aliud horrens huic sese penitus  
 70 insinuat, ita vt de quouis homine ex iis rebus, quibus affectus, atque animo affinis est, ex-  
 75 stimare consentaneum sit. Igitur cū sese Israëlitz turpissimarum & prophanissimarum  
 80 mulierum amorī tradiderint, pari se odio dignos prebuere: [*Et facti sunt abominabiles sicut ea quæ dilexerunt.*] Iam huius loci sententia explicata est.

*Ephraim quasi auis auolabit gloria eorum à partu & ab utero & à conceptu.*

Proverb. 17.

INTER alias populi felicitates primas tenet sobolis multitudo: Namque ex ea fa-  
 35 miliarum ciuitatum & gentium origo, propagatio, ac non vulgaris parentum, atque  
 40 progenitorum splendor & amplitudo est, sicut scriptum est: Gloria senum filij filio-  
 45 rum. Atque hac quidem gloria in qua excelluisse Israëlē aliquando legimus, simul cum  
 50 alijs frustrandum prædicit, vt non minus in hac, quàm in alijs rebus illi sit cæteris populis  
 55 inuidendum: Etenim malè atque illegitimè suscepti filij exitiales exitus habere solent,  
 60 siquidem vel in lucem non veniunt, vel non crescunt, vel nati & adulti quàm citissime  
 65 abolentur, sicut scriptum est: Multigena autem impiorum multitudo non erit utilis, &  
 70 spurix plantationes non dabunt radices altas, neque stabile firmamentum collocabunt,  
 75 & in ramis in tempore germinabunt, infirmiter posita à vento cōmouebūtur, & à nimie-  
 80 tate ventorum eradicabuntur, &c. In eundem itaq. exitum Ephraitarum familiaris atq.  
 85 paterni exempli imitatricem libidinem spectare prædicit, eamque infelicitatem incre-  
 90 dibili festinatione properaturam: Maxima enim sobolis pars varijs casibus, antequā vitæ  
 95 commodis fruatur, peribit; reliqua verò quæ superfuerit, tamen immaturos fortietur in-  
 100 teritus: Atque hoc modo eorum gloria & generis splendor celerrimè quasi auis auolabit:  
 105 *A partu*] Simul ac in lucem editi fuerint, antequam in primum circuncisionis & nominis  
 110 honorem adducantur. Alij verò *ab utero*, ante legitimū nascendi tēpus abortibus ex-  
 115 tinguentur: Alij autem *à conceptu* qui quo minus generari possint vterorum sterilitate im-  
 120 pedientur; si qui verò illis nati cum ætate adoleuerint, ex his malis hæc euadent dete-  
 125 riora, quòd immaturè alij, alij verò intempestuè rapti, dolorem etiam parentibus cum  
 130 desiderio relinquunt. atque hæc res sic prædicitur:

*Quod & si enutrierint filios, absque liberis eos faciam in hominibus:*

HEBRAICE sterilificabo eos ab homine: Vt quāuis homines ipsi sint, tamē ex turpi  
 135 atque



atque illegitimo complexu geniti, gignēdis hominibus sibi similibus inhabiles, & inepti fiant: **V**t muli & vt cetera ex malē mixtis generibus natae animantes, quae tametsi viuere & superesse possint, gignere tamen & procreare haud quaquam valent. Neque verò gloria solū & splendore, atque illis ornamentis, sine quibus neque vita ipsa chara est, eos spoliandos atque sobolis successione carituros, sed multis etiam incommodis & difficultatibus afficiendos esse praedicat, ita vt vitae illos tædere iam possit, quam in tantis malis miserrimam acerbissimamque ducent. In causa autem erit, quod Deum à se alienatum sentiant, à quo ipsi se vltro abalienauerant: Nam qui vitae bonorumque omnium auctorem repudiarint, eos maximis malis onerari necesse est; sic enim legimus: Et abscondam faciem meam ab eo, & erit in deuotionem; Inuenient eū omnia mala & afflictiones; ita vt dicat, in illo die verè quia non est Deus mecum, inuenerunt me haec mala. atque ob hanc causam additur:

Vide Aristot. in historia animalium.

Deuter. 31.

„

*Vae eis cum recessero ab eis.*

**Q**uo in loco illud obseruatione dignum est Deum nobis, neque vltro, neq. temerè vnquam, sed nostris sceleribus reiectum repudiatumque abesse: Qui cum Israëlitas tātis reprehensionibus, tot minis fuerit persecutus, tamen nondum se abesse dicit, sed postremò tandem abfuturum, cum modis & rationibus omnibus tentatis, minimè tamen fuerit admissus; tunc vae illis cum recesserit ab eis, neq. vnquam veriùs vae, quàm quum recesserit: recedet autem ab ijs, qui priores sese alienauerint, sicut scriptum est: Et ego abscondam & celabo faciem meam in die illo, propter omnia mala quae fecit, quia secutus est deos alienos; non modo propter mala, sed propter omnia mala quae fecit; quia tādīu expectat Deus, vt misereatur nostri, quoad autem malorum cumulo, ipse omninò fuerit exclusus. O diuinam misericordiam, o maximam hominum in hac re culpam, atque maximum eorum errorem, qui diuinam voluntatē primā huius infelicitatis causam esse volunt, cui nihil eorum quae ab ipso facta sunt, odio esse sacra sapientia confirmat. Verum huius brevis hemistichij, grauissimam sententiam colliget, qui attentè considerauerit, quo in loco Israëlitarum res hoc tempore sint, ex quo illi ob repulsum Christum animorum caecitate mulctandi fuerunt. Quam quidem rem, quoniam nunc persequi oportu- num non est, indicasse satis fuerit. Maxima porro Israëlitis calamitas, & maxima in eo Dei indignatio, comparatione ostenditur: Quod reliquae huic vicinæ gentes in summa pacis & otij tranquillitate vitam placidè ducant: Israël verò cōtinuis bellis vexatus, ad exitium properare videatur. Atque hoc non ad casum, vel fortunam, non ad hostium imperandi libidinem, qui & ceteris etiam vicinis negotium facere possent; sed ad diuinam prouidentiam & illorum maximam culpam spectare interpretari oportuit. atque adeo ad hanc comparationem faciendam Tyrum produxit florentissimam illis temporibus urbem, & Israëlitis omnium maximè vicinam: fuit enim Palæstinæ regionis insula, Phœnicum populo refertissima, in mari secundum continentem sita, & loci natura & industria munita, nullisque rebus, quae opulentas beataeque Respub. facere possunt, destituta. cuius situm & fortitudinem si quis intelligere desideret. Q. Curtium post Ezechielem legat. Hanc ab Assyrijs Agenoris socijs fundatam inter Chananæorum vrbes maximam antiquissimamque fuisse apud Isaiam legimus: quae cum multis nominibus felicissima fuisse à variis atque alijs scriptoribus tradatur, nulla re magis, quàm partu (vt Plinius inquit) clara fuit: Namq. eā Tharsis genitricē, hoc est celeberrimorū Africæ populorū ex sacris literis accepimus: Urbibus genitis Lepti Vtica, & illa Imperij Romani emula terrarū orbis auida Carthagine etiam Gadibus extra orbem consitis. Hæc Plinius. Quae quidem apud Ieremiam & Ezechielem non obscurè sunt tradita. Ex hac autem re felicitatis & fortunarum contentionem vates noster facit: Cum finitimā Ephraitis urbem Tyrum à se prophetico sensu in summa pace & tranquillitate florentem videri dicat; adeo, vt sobole maximas etiam vrbes & frequentes populos compleat, atque multiplici partu gloriam & splendorem suum augeat. Cum tamen Israël contrā vel filios non procreet, vel quos procrearit assiduus bellis vexatus, quotidie hostibus ad necem producat; Tyro latandum & exultandum est, Israëliti autem vehementer fuerit eiulandum. hanc verò contentionem his verbis tractat:

Deuter. 31.

„

Q. Curtius.

Isai. 23.

Plin. li. 2.

Ieremi. 47.  
Ezech. 26. 27

*Ephraim (vidi) Tyrus erat fundata in pulchritudine, & Ephraim educet ad interfectorem filios suos.*

Horat. lib. 3.  
Od. 27.

Psal. 54.

Horat. lib. 3.  
Od. 5.

773

APPELLAT Ephraim ob commiserationem; nam vocandi casus absolute positus affectum dicentis indicat, ut: *Pater o relictum Filiae nomen.* [Vidi] Oratione amplificat, & rem vehementer asseuerat; habet namque magnam ad affectus eocitandos vim, cum sese quis rei, quam aut docet, aut laudat, aut lamentatur, spectatorem fuisse ait, ut: *Præcipita domine, & diuide linguas eorum, quoniam vidi iniquitatem, & contradictionem in ciuitate. quod & ille: -Signa ego Punicis Affixa delubris, & arma Militibus sine cade (dixit) Direpta vidi: vidi ego cinium, &c.* [Tyrus erat fundata in pulchritudine:] Hebraice est in *Naueh*; quod nomen ad habitationis felicitatem & quiete refertur; namque à verbo *Naueh* deducitur, quod habitare significat. Ex ea itaque re fortunarum contentio est, quod Tyrus in summa tranquillitate constituta, felici partus abundantia vtatur ad habitandum, & incolendum terras: Ephraim verò filios suos ab hostibus interficiendos quotidie producat. Et quoniam in miserrimis rebus id quod minus est miserum est eligendum, satius esse putat vates, ut nulli illis nascantur liberi, quam ut ad necem atque stragem, maximo cum parentum dolore, & summa hostium gloria nascantur: atque ob eam rem miseratione commotus Deum orat, ut liberorum procreatione illis impediat, quod poenam, qua ex diuino iudicio mulcandi erant, leuiorem tamen subirent, Namque æquiore ferrent animo, infantes ab ortu præripi, aut debilitata virtute perire, quam grandiores adultosque crudeliter ab hostibus trucidari, propterea dicit:

*Da eis domine quod daturus es:*

NAM quis non malit diuina potius, quam humana manu castigari. aut quis Davidis exemplo non dicat? Coarctor nimis, sed melius est ut incidam in manus domini (multæ enim misericordiae eius sunt) quam in manus hominum. Quid ergo eligit Vates:

2. Reg. 14.

*Da eis vuluam sine liberis:*

HEBRAICE est vuluam orbantem, hoc est vterum vel non concipientem, vel foetus minimè fouentem.

*Et vbera arentia:*

UT SI qui nati fuerint, tamen lactis defectu pereant, id enim & minus miserum, & parentibus minus molestum fuerit. atque ea res cum ad naturæ rationem attingat, ad tuam potius prouidentiam, quam ad humanam referri poterit voluntatem.

*Omnes nequitiae eorum in Galgal, quia ibi exosos habui eos propter malitiam adinventionum eorum, de domo mea eijciam eos, non addam ut diligam eos.*

DETESTABILE illud antiquorum Israëliitarum exemplum nuper accusauerat, qui communi consensu & populari impetu alienæ atque prophanæ consuetudinis causa Deum repudiauerant, quod scelus nisi Phinees expiandum curasset, parum abfuit quin funditus perirent, Deo eam sui repulsam vlscisci iam incipiente. Nunc verò ostendit filios parentum exemplum imitatos, diuinum in se odium iterum publicè concitasse, cum in terram promissam deducti, legibus, imperio, atque præsidio diuino iam diu vsi, & beatæ ac liberæ Reipub. commodis omnibus florentes, tamen nouarum rerum cupiditate flagrant ex finitimarum nationum æmulatione Regem hominem appetuerant, nimirum quod per superbiam & ambitionem illos simplicis illius tranquillæ, fastuque carentis Reipublicæ tederet: ita dum regum nomen & splendorem affectant, dum humana superbia turgent, dignitatem illam nulli rei comparandam atque omnibus gentibus inuidendam aspernantur ac respuunt; qua se resque suas diuino consilio & cura, gubernari, tueri, atque agi Deoque maximò & immortalis, ut proprio Rege uti ac trui gloriaripotant; quemadmodum admoniti aliquando fuerant ab ipso: Quæ est, inquit, alia gens, aut tam grandis natio, ut habeat Deos appropinquantibus sibi sicut & vos? Euenit autem ut qui Deo rege à sua Republica eiecto, hominem appetissent, ceteras omnes, quæ hanc consequi natæ sunt, res susciperent, ut adulationem, gratiam, obsequium, atque alia omnia quibus homines reges suos non tam officio sape, quam vitio

Deut. 4.

- vitio prosequuntur. Hæc autem regni cupiditas nunquā in illis extincta fuit, neque rebus præter sententiā cedentibus, ad antiquum Reipublicæ, & diuinæ gubernationis statum animo sese atque studio conuerterunt: imò humani regis tædio ob iniuriam affecti, non diuinum, sed humanum etiam regis præsidium quæsierunt, nouosque sibi constituerunt principes, quorum libidini parentes vsque ad idololatriam insanirent. Quamobrem iam diu esse Deus ait, quòd illos meritò oderit, suspectosque habuerit, ex quo tanta voluntatis inclinatione ad humanam pompam & regium nomen propensos, atque in sententia perstituros prospexerit, ita vt rebus ea causā afflictis, tamen de reuocando Deo, quo tam benigno, amico, atq. vt ita dicam, officioso vsi fuerant, nunquam amplius in mentem illis venerit cogitare. Quoniam verò hæc Dei regis repudiatio primum in Galgalis fuit, quò in loco per Samuelem Dei verbis & nomine, quid sua ipsorum referret, admoniti, tamen à proposito non sunt deterriti. ob eam rem dicit: *[Omnia malitia eorum in Galgal.]* Quòd studium eorum in eo loco perspectum fuit, atque ob eam rem *[exosos habui eos,]* ex illo tempore, quo ab illis sum repudiatus; quā rem signis editis, ac Samuele interprete testatus sum: Nunquid, inquit, non messis tritici est hodie? inuocabo Dominum, & dabit 1. Sam. 12. voces & pluuias, & scietis & videbitis, quia grande malum feceritis in conspectu Domini „ perentes vobis regem. Hoc studium atque adeò hoc exquisitū consilium contra fas, contraque ius firmatum sacræ literæ adinventionem vocant, vt: Da eis secundum opera eorum. Psal. 18. rum, & secundum nequitiam adinventionū ipsorum retribue illis. Meritò autem à domo „ regia exulant, meritò regis gratiam & voluntatem à se alienatam experiuntur, qui tātūm aduersus regem scelus admiserē, vt priores repudiarint, & eam sententiam pertinaciter imprudentissimeq. fuerint persecuti. ob hanc autē rem addit: *[E domo mea eijciam eos.]* Domum suam terram Israël appellat, quam ipse præ cæteris orbis regionibus magna tutela fouebat, in qua urbem sibi sanctā elegerat, & ædem illam toto orbe celeberrimam 25 optauerat, vbi regijsungeretur officijs, sicut scriptum est: Notus in Iudæa Deus, in Israël magnum nomē eius, & factus est in Salem locus eius, & habitatio eius in Sion, &c. „ Hoc in loco sese regem, illos autem regiam familiam instituerat: Et viderunt, inquit, ingressus tuos, ingressus Dei mei, & regis mei, qui est in sancto. Futurum autem propediem „ erat, vt partim suis vrbibus extorres, partim aut pulsi aut profugi, locum illum, & ædem 30 antiquam & celeberrimam, quæ nulla iam esset, atque quod maximè miserum est, antiquam illam regis sui gratiam desiderarent, frustra tamen: *[Quia non addam vltiā, vt diligam eos:]* Hoc est, non vltiā in eundem aut patriæ, aut gratiæ meæ locum reuertentur. Etenim ea Reipublicæ & religionis facie & forma qua illis temporibus utebantur, perpetuò, caruere: Cū verò reuocādi in gratiam in nouissimis (vt scriptū est) diebus fuerint, 35 non ad illam vmbra, sed ad nostram Christianorum lucem, admittendi sunt. Ratio autem quamobrem amplius diligendi non sint, ea affertur, quod hætenus patienter egerit, & quanquam offensus, tamē expectauerit, quoad animum & studium à se alienatum reducerent, & quoniam regiarum potius, quàm suarum partium esse omnes voluerant, obseruatum à se fuisse, an aliquis aliquando extaret princeps, à quo ad officium reuocarentur, cū illis liberum fuisset populi studia & animos in quāuis partem flectere, & tamen 40 nullus princeps fuit, qui diuinarum rerum cura tangeretur: Quinimò

*Omnes principes eorum recedentes:*

Id quod Israelitarum regum historias legentibus, planum fiet.

- 45 *Percussus est Ephraim, radix eius exciccata est, fructum nequaquam faciet, quòd et si genuerit, interficiam amantiſſima vteri eorum.*

- Quis non in sacris libris maximam eloquentiam cum summa sapientia cōiunctam obseruat, & miratur? Pudet profectò ingenij & iudicij eorum, qui cū sanctos libros sententiarum & sapientiæ fructibus refertos fateantur, elocutionis tamen ornamenti steriles esse arbitrentur, & quod inani quadam præter rerum naturam verborū luxuria diffuentes non videant, illud quod veræ eloquentiæ proprium est copiosissimè & elegantissimè cum maximo splendore, & grauitate dicere in illis non agnoscant: sed redarguendi hos aliquando locum spero nancisci, vt qui in auctoribus legendis præter vtilitatis rationem, suauitatem etiam & dictionis splendore venātur, vel hoc etiam nomine, studium omne,

omnemque operam in sacris arcanisque voluminibus occupent, quod in ijs præter summam utilitatem, summam etiam eloquentiæ iucunditatem esse certò sciant. Nunc verò ut, quod institutum est, agamus, orationis totius, quæ in hoc capite habita est, Epilogum breuiter explicabimus. Est enim hic elegans dictorum peroratio, quæ summa capita continet & repetit. Quoniam in demonstratiuo genere hæc insultantis Dei oratio instituta fuit, quæ comparatione alienæ felicitatis in miseriis insultaret Israëlitiçi populi, neq. iam verè populi, quippe qui nullis populi commodis aut splendoribus esset vñsus, sed per terrarum orbem dispersus cum magna inuidia, & animi dolore, ceterorù populorum tranquillitatem, ipse in maxima tempestate positus, spectaturus esset. Peroratione ergo commodissimè collocatam, miro artificio Vates construxit: namque res non ut orata est, sed ut gerenda fuerat, est disposita. atque oratio quidem à præuisione futuri temporis, dum inter populos Israël detineretur, ad causas ipsas rectè suis gradibus processit, quod inter gentes nec fructibus terræ, nec liberis & sobole feliciter essent vñsi, imò verò antequam dissiparentur, in patria adhuc manentes sobole destituendi & adultis etiam filiis orbandi erant; ad eò ut orauerit Vates, filios aut nondum natos, aut quàm primum natos, potius extingui. Sed quoniam diuinā sententiam stare intellexerat, rem conuerso ordine repetit, & ab eo quod primum futurum erat, ad postremum vsque recurrit, quo primis ipsis rebus, paulò post futuris vaticiniij veritas intelligeretur, & sequentium expectaretur euentus; atque illi quibus posteriores res acciderent diuinam prouidentiam & iustitiam ad se etiam pertinere cognoscerent, ut ad patres maioresque suos planè pertinuisse compertum est. Ne autem Epilogus dicendi figura atque exornatione destitutus esset, aptissima arboris similitudine est compositus, qua Vates rem magis explicuit, & vehementiore impulsu legentium animos mouit: Ait enim Ephraim à Deo percussi radices aruisse, ut arbor quæ ramis resectis, tamen viuit, aliosq. profert ramos, eadem si trunco securim grauius patiatur, tamen si non omnino cadat, tamen ex vulnere solis atque aëris iniuriam sentit, quæ cum ad radices vsque permanat, causa est ut areseat; radicum verò vitium toti arbori interitum affert. sic regni Israëlitiçi truncus Ephraim fuit, radices verò reges atque principes, rami & folia reliquæ tribus: Impetus in truncum factus est, principes vñsi, capti, occisi, & abducti sunt, rami ergo fructum nequaquam, facient. Contigit autem arefacta radice, flores aliquando & fructus quosdam prorumpere, qui tamen citissimè cum totius arboris interitu decidunt. Hæc res manifestior apud agricolas est, quàm ut nostra indigeat asseueratione, ob quàm similitudinem ait: [Et si genuerit, interficiam amantiſſima vñsi eorum.] Iam hoc superius est explicatum. Post hæc autem illa eos diuturna calamitas expectat:

*Abijciet eos Dominus Deus meus.*

DEVM suum appellat vates, non autem Deum illorum:

*Quia non audierunt eum, & erunt vagi in nationibus.*

HACTENVS peroratio. nunc quando prima illa omnia euenisse diuina ex sententia legimus, exilium hoc, in quo adhuc sunt, illis eodem consilio cõtigisse agnoscamus; nam & hæc perinde, atque illa prædicta certissimè fuerant. Timeamus ergo & nos, ne forte simile quid patiamur: Etenim & nobis annuntiatum est, quemadmodum & illis: Qui habet aures audiendi, audiat.

## CAPVT X.



**V**ITIS frondosa Israël, fructus adequatus est ei: secundum multitudinem fructus sui multiplicauit altaria, iuxta vbertatem terræ suæ, exuberavit simulachris:

**D**VPLICEM à Vate causam afferri diximus, quamobrem Israëlita liberorù iactura multarentur; altera fuit libidinosa & intemperans alieni thori appetentia, quæ iam à principio flagrauere; eam verò Vates fuerat hætenus persecutus: Altera verò fuit ardens superstitiosa simulachrorù culturæ studium, quod genus etiam spirituale adulterium sacræ literæ nominant; atque hæc quoque pars à Vate vrgetur, qui non leuius hoc libidinis



libidinis genere, quàm altero Israëllem flagrasse affirmat: Namque olim cum Amonitidarum amore arsisent horum patres, impio etiam idololatriæ scelere sese polluerunt. Quamobrem non mirandum est, si filios vtriusque flagitij habuerint imitatores. Res autem allegoria inducta peroratur, hæc verò à vite sumitur, cuius plantæ imagine potissimùm  
 5 Israëlita in sacris libris depinguntur: Namque vt hæc si generosa sit, omnes arbores alias non proceritate, non figura & specie, sed fructu antecellit: sic Israëllem præ cæteris populis felicem esse voluerat Deus, nō tam belli, virium, & rerum gestarum gloria, quàm Reipublicæ tranquillitate, quiete, & veritate rerum omnium quæ ad virtutem veram referri possunt. Secundum quam similitudinem dictum est: Vineam de Ægypto transtulisti, eie-  
 10 cisti gentes, & plantasti eam, dux itineris fuisti in conspectu eius &c. & illud: Vineam Domini exercituum Israël domus est, & delectatio plantationum eius viri Iuda. Hæc vinea optimo solo confita, summa cura atque arte culta, quòd fructus vel nullos, vel malos reddiderit, solo plantarū vitio accidere manifestū est, sicut scriptum est: Quid enim debui facere vineæ meæ, quod non feci? sed expectaui vt faceret uvas, & fecit labruscas. Igitur  
 15 ex fructu arboris natura arguitur: Etenim si cætera optimè sese habeant, & tamen infelices proueniant fructus ad arboris vitium res est referenda, sicut scriptum est: Non potest arbor bona malos, neque mala bonos fructus facere. Itaque ex arbore fructus, ex fructu etiam arboris natura, vt ex causis euenta, atque ex euentis causæ considerantur. Cum ergo Israël iam pridem degeneris naturæ vitem moribus expresse-  
 20 rit, nihil mirū si partus suo ingenio simillimos ediderit. Hæc est illius versus sententiā: [*Vitis frondosa Israël, fructus adæquatus est ei.*] Frondosam hoc in loco interpres vertit pro vacua, & oportunis fructibus carente, ac si frondibus tantum exuberaret: Hebraicè autē propriè est *Boqueq*, quod vacuum significat atq. inane: nam quo in loco Latinè legimus: Ecce Dominus dissipabit terram, & nudabit eam, Hebraicè est *Boqueq*, dissipans & nudans. [*Et fructus adæquatus est ei.*] Cum vitis vacua omni-  
 25 que bono & generoso succo carens fuerit, fructus quales natura sua fert, producit, & cum Israëlitarum patres labruscas olim pro uvis fecerint, & similes sibi partus, hoc est, similes propagines ediderint, atque harū omnium plantarum tam patrum, quàm filiorum idem studiorum, morum atque operum fructus, eiusdemque naturæ fuerit; patres autem ad idololatriam denegauerint; consequens fuit vt  
 30 filij qui non meliori studiorum atque operum fructu, sed maiori luxurie perfluebant, paternam impietatem propagarēt, atque iam non vno vitulo, neq. vno Baalphégor, vt olim patres, contenti plures vitulos & innumera simulachra atque altaria in Bethel, in Dan, & in omnibus quas incolebant ciuitatibus adderent. Propterea dicit: [*Secundum multitudinem fructus sui, multiplicauit altaria.*] Terræ & felicissimi soli fecunditate, in quo sita, plantataque fuerat, hæc vitis abusa est: Nam opes omnes, omnemque rerum copiam quibus  
 35 diuina benignitate fruebatur à diuino & vero cultu ad prophana mysteria, atq. ad superstitiones vanorum simulachrorum ceremonias transtulit; & quo maiore felicitate utebatur, eò vehementius in illud superstitionis studium incumberebat, in eaq. re magnas consume-  
 40 bat diuitias. itaq. succo & alimento felicissimæ terræ ad improbissimorū fructuum copiam augendam est abusa; ob eam rem addidit: [*Iuxta vbertatem terræ suæ, exuberauit simulachris.*] Ita quod ad diuinum cultum illis fuerat suppeditatum, id ad impios vsus relatum est. Hæc autem oratio Hebraicè & elegantiam & significationem certam habet: namque sic legimus: [*Secundum bonitatem terræ suæ, benefecerunt simulachra.*] Est enim in Dialectica locus à coniugatis, hoc est, tantum studium, tantum sumptum & curam si-  
 45 mulachris & statuis optimè, artificiosissimeque faciendis impenderunt, quantum terræ vbertate, & commodis iuuabantur: Namque olim qui pauperem fortunam sortiti erant, ligneos aut luteos, aut ad summū lapideos sibi deos faciebant; quibus verò abundantia & rerum suppeteret copia, ijs eburnei, argentei, atq. etiam aurei summa arte, & sculptorum ingenio dij ponebantur, quemadmodum ille canebat:

50 Nunc te marmoreum pro tempore fecimus, at tu

Si scutura gregem suppleuerit, aureus esto.

Atque hæc res subtiliter & copiose

à Sapiente, decimotertio libri capite differitur. Ergo Israël ingenio ad superstitionem & vanum cultum procliuus suarum rerum comoditates omnes, occasionem nactus, in suam libidinem conuertit. Quando autem huius libidinis explendæ, exercendique ingenij occasionem primum habuerit, sequentibus indicatur carminibus; ostenditurq. id fuisse, ex quo

Psalms: Isa. 5.

Matth. 7.

Isa. 24.

Virg. Eclo. 7.

Sapient. 13.

ex quo ciuilis discordia & seditio illa concitata est, atque ob regni diuisionem varijs vti legibus & Reipublicæ formis licuit: eiusmodi enim tempus opportunū cuiq. esse solet ad propria studia, cupiditatesq. sequendū, cū & principes & factionū duces populi, quorum animos sibi deuincire parant, nihil non permittant, imò & vtrò offerat, aut legibus ad popularem libidinem factis fāciant. Cū itaq. regnum inter Roboam & Ieroboam populari seditione & tumultu diuisum est, tunc & religionē violare, tunc aras & statuas multiplicare licuit, id quod ab ipsis serò tamen intelligetur, cū ærumna & malo cruditis priora vota omnia damnabuntur. hoc est quod inquit:

*Diuisum est cor eorum, nunc interibunt.*

HEBRAICE est, *Nunc se in culpa esse dicent*, hoc est, iam nunc cū malis oppressi fuerint, culpam sibi adscribent, atque tantorum malorum initium, ad illam diuisionem cordium referent, qua olim laborauerunt, cū reges sibi non iure sed libidine instituerent. Hæc autem diuisio atque animorū dissensio præter idololatriæ crimen, exitium illis grauiissimum atq. certissimū attulit, quod in religionis & regni concordia perseverantibus, non fuerat metuendum. Vide ergo quò reciderint res Israël, & quò discordia ciues deduxit miseros, vt tandem stultitiam suam agnoscentes, facta infecta optarint, atque hæc dissensio, quam isti idololatriæ cōmoditatem interpretati fuerāt, in qua re suas opes & terræ fructus copiasque insumpserāt, eadem dissensio efficiet tandem, vt aris & statuīs suis confractis & excisis intelligant & fateantur nihil horum illis aut legitimū aut vtile, aut omnino commodum certumq. fuisse: Non Deos, non Reges, non Principes, non quidquid denique insolenter & stultè agentibus, aut vtile, aut magnum, aut pulchrum fuerat iudicatum: namque hæc illorum verborum sententia est:

*Ipse confringet simulachra eorum, & depopulabitur aras eorum.*

IPSE nimirum tumultus, ipse animorum dissensus, quo à legitimo rege descuerant, ipse idem regis illis fastidium & nauseam pariet, & factio etiam, quæ erigēdi simulachra causa fuerat, eadem illa abijciendi & deferendi causa erit; adeò vt neque regum imperium, neq. nomen obseruent, aut metuant, imò se illegitimis regibus hætenus vsos fuisse fateantur, ex quo diuisionē & dissidium meditari, & à religionis & regni concordia atque à Domino Deo suo animos abalienare coeperunt.

*Quia nunc dicent, non est rex nobis: non enim timemus Dominum: & rex quid faciet nobis?*

QUAMVIS seram, tamen nonnullam sententiæ mutationē, hæc oratio indicat, quæ si nihil illis boni efficiat, illud tamen præstiterit, quod proprio dicto confessionibusq. conuicti diuini iudicij æquitatem vel inuiti prædicabunt. [*Quia nunc,*] rebus iam mutatis, [*dicent, Non est nobis rex:*] Regem vt diximus olim singulari stultitia, & cupiditate sibi postulauerant, cū ad Samuelem huiusmodi orationē habuerunt: Da nobis regem qui exeat ante facies nostras, & pugnet prælia nostra. Hac oratione regē ab irato Deo, tamen regem extorserant virum Iemini Saulem, cuius vel ipsa species imperio digna videbatur, bellandi gnarum & ad rem gerendam sanè strenuum; sed quem hominem tandem non Deum, & regni administratio, & exitus ipse arguerit, ita vt postulati regis poenitere illos oportuerit. deinde regibus bonis vsi sunt Dauide & Salomone, nihil tamen egregium horum temporibus experti sunt, quod vincere, imò nec æquare posset illam Reipublicæ formam, qua Deo gubernante sine vllis sumptibus fuerant vsi. successit Ieroboam, cuius imperium durius esse, quàm vt ferri posset, arbitrati, non tamen animum aut studium ad Deum conuerterunt, sed novos reges vtrò sibi magis adeò ex sua voluntate & populari tumultu, quàm ex diuino consilio, aut quæsito oraculo instituerunt: Tantum nimirum à Deo Deique timore abalienati & ad regni ambitionem procliuēs fuerāt, vt tota res iam libidine gereretur. Verum enimverò quàm malè illis hoc cesserit, singulorū regum tempora, simulque totius regni exitus docuere: Tum verò tot inutilium regum pertæsi suam dementiam accusabunt, qui & religione, & timore Dei relicto, cuius in tutela ac præsidio illi atque illorum omnes res latebant, reges sibi instituerint, qui verè reges non fuerunt, neque legitimè instituti. [*Non est rex nobis:*] neque verè rex, neque qui nos vllio regio iuuerit officio. Quid enim diuinum timorem deserētibz nobis rex caro & sanguis præstare posset? cū enim Deum regem haberemus, cuius imperium obseruantes salui & incolumes

1. Samu. 8.

Acto. 13.

incolumes esse potuimus, quid nobis præstare rex posset. [*Quia non timuimus Dominum, & rex quid faciet nobis?*] Argumentum ex comparatione est, idque duplex: hoc modo: Qui timet Dominum regem sibi, & tutorem præficit Dominum, hoc præsidio vñs nihil timendum aliud est; ergo qui Dominum non timet, huius tutela caret. hoc autem præsidio si quis depulsus est, nulla alia re tutius esse potest, sicut scriptum est: In timore Domini fiducia fortitudinis, & filijs eius erit spes. Igitur timentibus nobis Deum, superuacaneus erat rex, non timentibus omnino inutilis. nullus itaq. rex nobis, qui vel nihil omnino prodesse, vel multum etiam nocere possit, nullus, inquam, censendus est. [*Et rex quid faciet nobis?*] Quid faciet, pro eo quod est, quid præstiterit, vsurpatur, vt: Quid facietis in die tribulationis & calamitatis? Quod si nihil nobis rex profuit, nihil profectò nisi nostrarum rerum detrimētum & populorum calamitatē illa dissensio attulit; ideoq. oportuerat regem non legitimum iam diu exactum fuisse, neq. regio nomine, neque fœdere, aut iureiurando deuinctis: namque id iusiurandum quo in repudiando Davidis regni hærede, atque in adoptando nobis non legitimo rege vñs sumus impium nefariumq. fuisse & quod non conseruare præstitisset, res ipsa declarat. Etenim quas res suscipere non decet, eas iureiurando firmari nefarium sit: nam si impio negotio iurandi religionem addideris, id efficies vt cumulatiorem & grauiorem tibi pœnam pares: quemadmodū qui venenatas herbas seminaturus terræ solum prius diligenti cultu parat, ex quo vberior veneni messis sit expectanda: ex hoc autem loco docemur malis negotijs malitiam iureiurando non firmitudinem addi & scelus & pœnæ etiam cumulum, si iusiurandum seruetur, augeri. quale detestandum exemplum ab Herode rege in illo nefario conuiuio proditum quondam est. quamobrē huiusmodi iuramenta, vel negligi vel publica auctoritate infringi, quàm conseruari præstiterit. cui rei rectissimè olim ab Israëlitis tōcilio aduersus Saulis votū de Ionathæ nece consultū est; atq. adeò ob hanc rem ab Hossea subiungitur:

25 *Loquimini verba visionis inutilis, & ferietis fœdus, & germinabit quasi amaritudo iudicium super sulcos agri.*

TOTIVS versus sententiam explicuisse iam nobis videmur, sed verborum quædam in vulgata editione, & in Hebraico exemplari varietas est: namque Hebraicè sic legimus: [*Loquuntur verba maledictionis vana, ferire fœdus, & germinabit &c.*] Vt ostendat conceptis verbis, & imprecationibus certis firmatum illis fuisse pactum cum regibus suis, ne Ierosolymam aut regis, aut religionis causâ repeterent, neue ab instituto sibi rege desciscerent. hæc omnia cum impiè & nefariè acta, atque transacta summo consilio, & singulari cura fuerint, maius iudicium illis, hoc est plus pœnarum, grauiusque supplicium perperere, vt quibus nocentes herbæ sua natura fœcundæ in culto & arato agro feruntur, abundantior multò, & vberior veneni colligitur copia; hoc enim cultura efficit, sicut scriptum est: Qui colit terram, inaltabit aceruum. *Maledictio* quid sit, iam in superioribus diximus. *Amaritudinis* autem vocabulum ad impietatem, ad praua studia, ad quæcunque etiam malâ quæ hominibus accidunt, transfertur, vt illud: Ne sit in vobis radix germinas fel & amaritudinem.

40 *Ad vaccas Bethauen coluerunt habitatores Samariae.*

ISRAELITÆ non solum in crimine fuerunt, quod regem sibi per tumultum & disfidium cōstituissent, sed quod ea etiam commoditate vñs idolorum cultum, ad quem ingenio procliu fuerant, commodè susceperunt. Vtriusque autem rei, regni videlicet & superstitionis curam & patrocinium Samaritana ciuitas suscepit, quæ reges quorū regia ipsa erat tuebatur, & vitulum Bethel qui proximus fuit, magna celebritate frequētabat. Cum ergo vtriusque culpæ pœnas Israëlita cōmeriti & daturi essent, supplicium illud cōmune omnibus fore prædicat, totumque Israëliti regni corpus esse plectendum, ita tamen vt primum cetera membra, ipsum autem caput postremum petatur, quo supplicij perpeffio grauior & diuturnior sit, & pœnæ causâ culpaque intelligatur, cum ad ipsa vsque regni & idololatriæ capita pertineat: nam cum Bethel capta, vitulus deiectus & cōminutus in frustra fuerit, religionis eius auctoritatē & fidem labefactari, eamque Deo vltiori odio esse intelligi consentaneum fuit: idem autem ipsum de regno existimari oportuerit, quod penitus tolli atque radicitus extrahi compertum sit. Rem ergo hoc ordine gerendam esse docet, vt primum ceteræ Israëlitarum vrbes, deinde Bethel vitulorū religione celebris, postrema

postrema Samaria expugnetur, diripiatur & dirruatur. Cum autem à cæteris locis ad Bethel hostis perueniret, tum verò Samaria vicina sibi metuet vehementer: namque si nulla virtus in Deo suo boue illo fuit, ut resistere, hostibus, pro suaque vrbe atque æde propugnare posset, quonam modo Samaritanos qui in eius tutela fuerant, defenderet? eorum qui sequuntur versum hæc, quam exposuimus sententia est; verba tamen in vulgata editione, atque in Hebraico exemplari nonnihil variant; sic Hebraicè: [Ad vitulas Bethauen pauebunt vicina Samariae, quando duxerit super eum populus eius, &c.] Vitulas numero multitudinis vocat, cum vnus tantum vitulus à Ieroboamo in Bethel positus fuerit, siue quòd, ut ferè in templis fieri solebat, ad illius vituli instar plures alij ex priuatis votis fusi, sculptique fuissent; siue quòd ex linguæ & orationis elegantiâ eum numerum ad contemptum & ludibrium vsurpet, quemadmodum còtemptus causa vitulas femineo genere dixit, cum infirmum numen & imbelles, abiectionis conditionis significare voluisset. est autem hoc & alijs linguis in vsu, ut plurali numero res singulares maximè cum concitator & feruentior oratio est, efferatur, ut:

Ouid. Meta. *Pramia magna petis, quæ si tibi magna videntur,  
Ex illis scopulis vbi erant affixa, petisses.*

Sed & feminei generis per contemptum vsus in nostris linguis est, ut apud Persium:

Pers. Saty. 1. *Ne mihi Polydamas, & Troiades Labeonem  
Pratulerint.*

Placet autem omnia verba hæc per irrisionem dicta accipere, cum de vno tantum vitulo sermo fiat, quod & ex adiunctis pronominibus conijcimus. [Quando luxerit super eum.] Aut si duos vitulos malis intelligere, ad alterum qui in Dan fuerat, referenda oratio est: namque ambo Samariae fusi fuerant, & alter prior in Bethel dicatus, deinde alter in Dan fuerat delatus, sed non tam moueri Samaria potuit & pauere vitulo qui in Dan, quam eo qui erat in Bethel ablato. Etenim non perinde longinquiorum ut proximorum calamitatibus homines mouentur, cum ea quæ longè accidunt, nunquam ad se peruentura plerunque putent. quæ quidem negligentia multos populos decipere solet.

Ioue. Sat. 13. *Si curant igitur cunctos punire nocentes,*

Eccli. 16. *Quando ad me venient?* aiebat ille id quod etiam à sapiente inductum est: Ne dicas, inquit, in populo magno non agnoscar, quæ est enim anima mea in tam immensa

Horat. Sup. c. 2. *Cum verò paries ardet proximus, iam tua res agitur.* Nominat autem

Bethauen, eam quæ Bethel dicebatur, ut nominis inuidia in locum etiam ipsum deriuetur, & præcepto diuino satisfiat, quo non amplius Bethel, sed Bethauen eam appellari necesse fuerat. Cum ergo populus Bethauen vituli sui ruinam & calamitatē magno & publico planctu & luctu prosequuntur, cum sacrificuli vlulabunt, tunc Samariae vicina proximaque ciuitas maximo pauore perhorrescet:

*Et editui super eum exultauerunt.*

QUANDO, inquit, sacrificuli vitulum lugebunt, quem antea ludo, cantu, & lætitiæ plenis sacris celebrabant; lugebunt autem,

*Ob gloriam eius, quia migravit ab eo.*

כֹּמְרִים

EDITVOS Latinus interpretes vertit quos Hebræi *Comarim* vocant: Erant autem homines varijs collegijs ad aliam atque aliam numinum & sacrorum rationem cõparati, vestibus etiam à cæteris hominibus distincti, quales fuerant Isidis, Cibelis & Anubis famuli, & apud Siculos Venerij; cuius generis hominum maxima multitudo in Israël & Ierusalem etiam est inducta. atque hoc genus illud est quod à Iosia rege extinctum in Iudæa fuit, quos Aruspices in eo loco vertit interpretes: Et deleuit, inquit, aruspices, quos posuerat reges Iuda ad sacrificandum in excelsis per ciuitates Iuda in circuitu Ierusalem, & eos qui adolebant incensum Baal, & Soli, & Lunæ, & duodecim signis & omni militiæ cæli. Latini verò hos omnes, qui sancto & legitimo ritu sacerdotes non erant, aut sacrificulos communi verbo, aut famulos adiuncta nota vocant, ut famulos Isidis, Lunæ, Solis, &c. Hos autē certis saltationibus & choreis sacra sua peragere puto; quam rem nomen ipsum *Comar*, quod reuolutionem significat, indicare videtur. [Et editui super eum exultauerunt.] Deest relatiuum, qui, qui super eum exultauerant, ut illud: ludica me Domine secundum iustitiam meam, & secundum innocentiam meam super me, hoc est, quæ super me est.

Psalms.

*Siquidem*



*Siquidem & ipse in Assur delatus est, munus regi vltori.*

CAVSSAM publici luctus Bethauenitarum maximè autem sacerdotū reddiderat, nimirum quòd vituli gloria migrauisset, quòd diuinis honoribus priuatus vitulus fuisset; hanc causam expolitione aperit, quòd non solum Israël salua vituli religione, sed etiam  
 5 vitulus ipse, cum Danitico etiam simulachro, cumque omnibus alijs ciuitatum atque ædium ornamentis, & omni pretiosa suppellectili prædæ & spoliõrum nomine sublati, ad regem non vituli forma, imò confracti, & auri tantum æstimatione deferendus esset. [*Munus regi vltori* Hebraicè, *Munus regi Iareb.*] quod cognomen Assyriorum regum vel ex ciuitate, vel ex officio fuisse iam diximus: Hoc autem nouæ ac tanto studio  
 10 excogitata religionis pudendo exitu necesse erit, vt Ephraitas suorum consiliorum iam pudere incipiat: Namque illa re sublata & euulsa in qua totum regni sui firmamentum atque robur sese habere putauerant, cætera omnia quæcunque huic rei innitebantur, corruere consequens fuit. Cum verò Ephraitæ vt populi erga se studia conseruarent atq. retinerent, vitulorum cultum & religionem à se excogitatam tuerentur: cumque hæc  
 15 illis diuino consilio & hostium opera corruisset, iam à se populi animos abalienatos, imò in sui odium inuidiamque conuersos, ob deprehensam fallaciam, intelligere debuere, id propterea ait:

*Confusio Ephraim capiet, & confundetur Israël in voluntate sua:*

QUONIAM utroque Ephraim, hoc est regiam familiam, & Israël populum, consilium spesque sua frustra essent: [*In voluntate sua:* Hebraicè, *In consilio suo.*] quod ad rem atque ad regnum stabiendum fuerant secuti. Atque res quidem hoc ordine gesta est, vt primum omnes Israëliticæ vrbes, oppida omnia celerrimè victa & capta fuerint: Deinde verò Bethel vanæ illius religionis caput, postremo loco Samaria cum rege suo fuerit expugnata. Igitur Israëlitis calamitas & sibi ipsis, & Ephraim pudori fuit, multò autem magis Bethel cum vitulo suo exciso, quæ omnibus Israëlitis qui iam abducti fuerant pudorem maximum, Ephraitas autem & Samariam incolentibus cum maximo pudore, maximum etiam metum attulit. At verò quoniam Samaria non statim vt obsessa fuit, in hostium potestatem venit, sed bellum atque obsidionem per triennium tollerauit; ne hac tam diuturna patientia aliquid prosperi promittere sibi possent, præmonentur à  
 25 vate huiusmodi longam moram ad calamitatis, atque miseriæ incrementum potius, quam ad aliquam salutis spem pertinere: Namque tandem longæ obsidionis malis oppressi, & fracti, hostibus succumbent, tantò demum crudelioribus, quantò deditiõis desperatione & contentione vehementius irritati, eò quippe miseriæ & calamitatum redigendi à victoribus sunt, vt optandum potius fuerit viuos se montibus operiendos, obruendosque  
 30 obijcere, quam crudelissimis hostibus manus dare. Atque eleganti profectò similitudine tota hæc res explicatur. Ait enim Samariæ in obsidione constantiam spumæ in rapidissimo flumine actis, persimilem fore, quæ quamuis defluentibus velocissimè maximoque impetu aquis; aliquandiu extare, & crescere in altum videantur, tandem subito commotæ vehementi aquarum cursu, & vi dissipantur, vt breui omnes omnino euanescant; sic adeò Samaria cum rege suo, cæteris Israëlitarum populis hostium cedentibus potestati, obsistere tamen ipsa, atque manere videbatur, sed tandem spuma fuit: Siquidem & ipsa etiam corruit, & fusa dissipataque adeò est, vt nullus superesset cultor, quinimò loca omnia vastata atque deserta redderentur, & in frequentibus olim maximaque celebratè claris templis, arisque solitudo esset. Hæc adeò tota sententia duobus illis versibus  
 45 continetur:

*Transire fecit Samaria regem suum quasi spumam super faciem aquæ. Et disperdentur excelsa idoli, peccatum Israël: Lappa & tribulus ascendet super aras eorum: Et dicent montibus operite nos, & collibus cadite super nos.*

EXPLICATA iam sententia verborum nobis ratio habenda est: [*Transire fecit Samaria regem suum:* Hebraicè sic legimus: *Similis est Samaria rex suus:*] Hoc est, Samaria cum rege suo similis erit spumæ super faciem aquæ, cuius natura est non vt permaneat, sed vt eadem, qua sublata aliquandiu fuerit leuitate deferatur, atque euanescat. [*Et disperdentur excelsa idoli:* Hebraicè est, *excelsa Auen*, hoc est *Bethel*,] vt Chaldaus interpret exponit. Interim enim dum Samaria obsidebatur, Bethel locus reddebatur vastior, cum

loci solitudine ipsa, tum etiam hostium manu, qui in Samaritanorum odium & contumeliā, nouas Bethel ruinas quotidie edebant; idque non præter diuinum consilium, ut videlicet longo ac diuturno opprobrij sui spectaculo Israëlita magnum ea superstitione in se Dei odium concitasse intelligerēt, quod non nisi tam longa ultione satiari posset. ob eam autem rem illud appositum est: [*Peccatum Israël:*] Namque Samaria vitulus crimini nefario Israëlitis fuerat. [*Lappa & tribulus ascendet super aras eorum.*] Vastationem & solitudinem maximam hac descriptione depingit, cuius rationem, vñ cum nominibus ipsis plantarum iam antea sumus persequuti. [*Et dicent montibus operite nos.*] Non in salutem, sed in grauissimam, miserrimamque calamitatem, ex illa longē obsidionis tollerantia euasuros significat, cum quotidiano Bethelicae ruinae spectaculo hosti in se crudelitatem atque sauitiam conijcere liceat, qui si in immeritos parietes & lapides tantum insolescit, quantum in seipsos quorum odio hæc sunt, sauiendū esse existimari oportuerit. Præ metu ergo hostilis crudelitatis minus miserum, potiusque optandum videbitur, idque omnibus votis poscent, ut irruentibus in se montibus absorbeantur: Namque si nihil aliud contigerit leuius, tamen & citò perire, & sepulchro non carere licebit. [*Et collibus cadite super nos.*] Explicatio est, quæ & votum, & calamitatis metus amplificatur, & verbum, dicent, id ipsum significat, cum tanto eos eius rei desiderio teneri ostendat, ut quamuis furdas atque inanimes res, tamen voce & clamore appellent. Simili oratione horribilē illam per Romanum exercitum Iudaico in populo edendam stragem, Christus seruator noster Ierosolymitanis feminis, dum ad supplicium pro nobis produceretur, præcinebat. atque ut hoc in loco, ita etiam in illo argumentum à comparatione ductum est, hoc modo: Si in lapides & parietes Bethel tantum furiunt Assyrij, quantum in Samaritas, quos maximè inuifos habent, debacchabuntur? Et Christus: Si in viridi ligno hoc fit, in arido quid fiet?

*Ex diebus Gabaa peccauit Israël.*

NVLAM omnino virtutem, nullam honestam probabilemque rationem in hominibus esse, quæ eadem excellentissima in Deo, tanquam in fonte non sit, ipsa diuinæ naturæ ratio manifestè docet & ostendit: Quid enim in homine egregium commendari potest, quod non idem illius immensæ lucis vmbra, & veluti quædam imago sit: Nunquid sicut dies hominis dies tui, aut anni tui sicut humana sunt tempora? dicebat Iob, ut hominem nulla ex parte Deo comparandum esse significaret. vnde illud omnium Theologorum commune axioma est, quæcunque creaturis insunt bona, in Deo eadem eminentissima esse: namque ut probata in homine misericordia, iustitia, sapientia, virtus, & quæcunque alia honesti ratio in Deo excellentissimis modis non probetur, à diuinæ naturæ consideratione longè est alienum. hoc argumento misericordiæ in Deo excellentiam vltra omnem humanam comparationem Christus probabat: Si ergo vos cum sitis mali, nostis bona data dare filiis vestris, quanto magis pater vester qui in cælis est, dabit spiritum bonum petentibus se. Hanc eandem argumentationem Deus hoc in loco apud Israëlitas tractat, quos æquitatis cōtentione vrget: Ostendit se non minus æquum, atque incorruptum iudicem & vindicem causa grauissima id exigente futurum, quàm illi ipsi, apud quos verba facit, aliquando sese iudices & vindices præbuerint, peccati quidem magni, quod tamen si cum hoc quod in crimen nunc vocatum est, conferatur, leuius multò fuerit iudicandū. Itaque nō esse cogitandū Deum seuerissimè atq. iustissimè non esse iudicaturū, si sanctè & iustè iudicare laus etiam in hominibus est. Absit à te Domine (dicebat Abraham) ut hoc facias, an qui iudicas omnē terrā, non facies iudicium: namque iudicium non tam hominum, quàm Dei proprium est, atque ab ipso iuris & æquitatis normam præceptaque homines habent, sicut scriptum est: Ne timeatis à facie cuiusquā, quia iudiciū Domini est. Quoniam verò hæc quā diximus sententia sequētibz versibus inuoluta est, ipsum argumentū Dialectico modo prius nobis erit disponendum: Si Israël inquit Deus, in nefario crimine seuerū se atq. integrū iudicem præbuit, & ut ego ipsum in grauiore scelere acrem diligentemque iudicē agam, æquum consentaneumque est, sed in Gabaitarū causa Israëlite seuerō vsi sunt iudicio. cōsequitur ergo eorū causam à me iustè & seuerè iudicari oportere, atq. eò magis quò leuius Gabaitarū, quàm hoc ipsorū piaculū est. hæc argumentationis summa est, quæ quidem nō simplex est, sed duplex: Nam & duas

res probandas suscipit, illos incorruptos & integros iudices olim fuisse, & Gabaitarum crimen leuius fuisse. ex quo consequitur, diuinum in hos ipsos iudicium acre & seuerum esse oportere: iam singulas argumentationis partes tractemus. [*A diebus Gabaa peccauit Israël.*] Grauiori, inquit, crimine nunc Israël tenetur, quàm olim Biniaminitæ, cum in Gabaa ultionis causa concursus est, tenebantur. propositio ex ijs quæ perorata iam superius sunt, manifesta est: Illic enim libidine & stupro à paucis hominibus peccatum est, & iniuria vir vnus, vnaque mulier sunt affecti; hic verò præterquam quòd pluribus stupris omnis Israël sese contaminauit, & regni populi que societas atque concordia dissipata, & diuina religio inductis superstitionibus, & nefario cultu violata est. [*Ergo à diebus Gabaa peccauit Israël.*] Particula à, aut ex, non temporis nota, sed comparisonis est coniunctio, Vt: Et iustificata est sapientia à filiis suis; Et, Descendit hic in domum suam iustificatus ab illo. Atque alia passim huiusmodi exempla sunt: Igitur cum Israël maiori crimine obligatus sit, maiori poena dignus erit, sed ipse facto impetu crimen Gabaitarum seuerè est ultus. ergo iustè agetur, si sceleris ipse sui me iudice poenas luat. Quòd verò Israëlitas, hoc est Samaria & Ephraim iustum & incorruptum iudicem tunc egerint, & rei indignitatem ferre non potuerint, ipsiusmet & consilijs & factis probatur: Nam re cognita communi consilio bellum Gabaitis denuntiarunt, simulatque intulerunt.

Math. 11.  
Luc. 18.

*Ibi steterunt.*

Cum scelus illud grauissimè, & iniquo ad modum animò tulissent, utpote qui eo tempore alieniores à scelere erant, multoq. quàm Beniaminitæ, iustiores: Nam nisi illi tunc innocentia, & sceleris odio Biniaminitis non præstitissent, nunquàm profectò tam audacter tamque impudenter facerent, ut priorum delictorum conscientia stimulati, in fratres animaduertent, liceretque Benianimitis admissio scelere securè agere, neq. à fratribus suis timere, quos ipsi reprehensi redarguere ac reprehendere vicissim poterant. hoc est quod ait:

*Non comprehendet eos in Gabaa prælum super filios iniquitatis:*

HEBRAÏCE sic: non continget eos prælum super filios peruersitatis, Hoc est, nunquam illis susceptum fuisset bellum in Gabaa contra Biniaminitas, qui maximi & nefarii sceleris damnati erant. nemo enim tanta impudentia, tamque singulari audacia præditus est, ut criminofum alterius maleficio accusandum, nedum vindicandum suscipiat, cuius maleficii ipse expers non sit. Constat ergo Biniaminitas illa tempestate in noxa fuisse, Israëlitas verò multò fuisse innocentiores, & propterea hos in illorum vita iustitiæ, æquitatis & seueritatis laudem sibi quæsisse, ac tanto studio, tantaque coniuratione meritis debitasque poenas fuisse prosequutos. Qua ergo ratione fieri potest, inquit Deus, ut ego qui æquissimus rerum æstimator, sanctissimusque & iustissimus iudex sum, æquitatis & iustitiæ cupiditate atque studio non tenear? præsertim cum grauior magisque damnata causa hæc quàm illa sit? imò hoc mihi vehementer desiderandum est, neque antea cessandum, quàm desiderio meo satisfiat.

*Itaque iuxta desiderium meum corripiam eos, congregabuntur super eos populi.*

UT ILLI olim communi consensu ad bellum Biniaminitis inferendum conspirantes in Gabaam conuenerunt, ita etiam me auctore & impulsore multorum populorum in eos concursus fiet. hoc autem his continget

*Propter duas iniquitates eorum:*

GEMINVM scelus alterum effrenata libidinis, quæ vltra quàm dici possit exarserunt; alterum verò idque longè grauissimum idolorum cultura & superstitionis, qua geminatis etiam vitulorum simulachris sese contaminauerunt; cum illi ob vnum libidinis scelus, idque paucorum hominum audacia ac temeritate admissum, tanto studio & conspiratione in totam tribum animaduertent.

*Ephraim vitula docta diligere trituram, & ego transui super pulchritudinem colli eius, ascendam super Ephraim, arabit Iudas, confringet sibi sulcos Iacob.*

REM QUAM hætenus simplici oratione tractauerat, nunc deinceps perpetua translatione (quàm allegoriam dicunt) amplificat, atque imprimis quæ fuerint Israëlitarum

litarum studia, quæ opera & artes, deinde qui illis harum rerum exitus futuri sint, docet. Est autem hæc sententia: Humanum ingenium cessare non potest, quod si honestis studiis non teneatur, proclive est, ut vitiositatem sectetur: Quamobrem Deus homines ad honestatem atque ad officium instruit & docet, ut his animus occupatus, aditum vitio præcludat. Hæc diuina religio agit, in eoque versatur, ut honestam ac veram homini voluptatem, tanquam optimum finem proponat, viamque qua ad hæc perueniatur, muniat atque demostret; quam qui fuerit persequutus, propositis tandem fructibus præmijsque fruetur, sicut scriptum est: Declina à malo, & fac bonum, & inhabitabit terram, & pasceres in diuitijs eius. Itaque studia & exercitationes præscribit vera religio, quibus vera bona, atque ea quæ maximè ab hominibus expetitur felicitas, Dei dono percipitur. At verò & falsa & superstitiosa, humanos animos non ad virtutem, sed ad libidinem instruit: nam prætermisiss fidei ac officij præceptis, vitiosa sacrificia, ludos & saltationes, aliaque huiusmodi præcipit, in quibus homines non ad virtutem, non ad futuri præmij spem, sed ad præsentem tantum voluptates exercentur. Itaque neutri cessant, sed altera pars honestum laborem amplissimæ mercedis spe suscipit, altera verò futurum negligens, in ipso laboris articulo fructum suum percipere studet. Atque eius quam nunc disseruimus, rei imago arationis & triturae similitudine à Vate describitur: nam bos qui arat, non præsentem fructu vititur, sed futuræ utilitatis studio laborem fert; qui verò triturat, præsentem fructu vititur mercede, sicut scriptum est: Qui arat, debet in spe arare. Et: Non alligabis os boui trituranti. & apud Ieremiam: Impinguati estis sicut vitula triturans. Ergo ut ad Vatis lectionem nostra accommodetur oratio, Ephraim in hoc loco reprehenditur, quem vitulæ & iuuenicæ similem sæpe aliàs fecit, quæ cum in diuinæ legis veræque religionis agro arare potuisset & debuisset, tamen iugi impatiens, superstitionis potius optauit trituram, in eaque sese exercuit; ut ijs delicijs, quas tritura illa suppeditat, libidinem suam expleret. qua quidem re Iuda etiam adduci potuit, ut Ephraim fortunis inuidens, studiis quoque æmuleretur, atque ab aratro ad trituram transfileret; quemadmodum re vera factum est: Quippe Israëlitarum exemplo Iudæi ab officio ad superstitionis studia sunt traducti. ait igitur: [*Ephraim vitula docta diligere trituram.*] Quam ego ad arandum legibus conditis & propositis institueram, tamen ipsa trituram studiosè amauit, in eaque sese exercuit, ob hanc rem doctam fuisse dicit: Quoniã vero hac licentia atque petulantia diuinam in se iram prouocauerat, & duram sibi commerita fuerat seruitutem, in quam citò à Deo tradenda erat: ideo ait nihil aliud eam sibi illa licentia parasse, quam ut cervicem suam crassam, nouo iugo idoneam redderet; iamque tempus esse oportunitum, ut sub hostium iugum mittatur, quando cervix eius Dei manu contrectata, & ad iugum idque durissimum satis apta visa fuerit. [*Ego transui super pulchritudinem colli eius.*] Ego, inquit, manu collum eius tractavi, quod & tolerandi iugi dissuetudine, & deliciarum usu satis obesum, satisque forte, & ad seruitutis labores sustinendos satis idoneum inueni. unde intelligimus non solum iudicandi causam à Deo obseruari, verum etiam sumendæ pœnæ oportunitatem; sicut scriptum est: Deiecisti eos dum alienarentur. Quoniam verò oportunitum erat iam, ut hostibus domanda, frangendaque hæc vitula traderetur, subiungit: [*Ascendam super Ephraim: Hebraicè est, Gestare faciam Ephraim.*] quod ab Assyrijs populis, quos supra memorauit, circumdatus, capiendus, frangendus, & sub iugum mittendus ita esset, ut non modò iugum & aratrum, sed sessorem etiam ferre cogeretur: quod quidem seruitutis genus vitularum naturæ durissimum incommodissimumque est, cum tantum equos, asinos, mulos & camelos sustinendo oneri, boues autem trahendo aptos esse ex sacra philosophia constet. Ex hac autem re illud euenturum esse dicit, ut Iudæi, & ceteri Israelitæ qui à dissensionis tempore apud Iudæos permanserant, atque studiorum Ephraim æmuli iam erant, spectato alterius populi periculo sibi caueant, & in desertas iam à se arationes, de integro incumbant. hoc est quod dicit, [*Arabib Iudas, confringet sibi sulcos Iacob.*] Sic enim factitatum in libris regum legimus; nam Ezechiz & Iosif filij eius temporibus, tam Iudæi quam Israelitæ ceteri, & qui ab extrema illa calamitate Samariæ fuerant reliqui consiliorum vitæque rationem in melius mutauerunt. At verò aliarum tribuum reliquæ, non iam illo Israëlitis splendore clari, sed ad Iacob humilitatem redacti hi penè sequentes glebam confringent, hoc est arationem legis atque religionis obseruantia eo quo poterunt modo iuuabunt: Totus enim religionis cultus



arationis translatione describitur, sed boues arare solent, hominum autem cum non pares vires sint, cura est, vt glebas quæ arantibus bobus relicte sunt, ligonibus obfringant, aruum æquent & complanent. Sua ergo ex parte Israëlitarum reliquæ, quoad poterunt in religionis negotio agent. [*Confringeret sibi sulcos.*] Hebraicè est, *Complanabit sibi*, aptè autem dictum est, *Iacob confringeret sibi glebas.* Quod cum illi iam ob conditionis suæ humilitatem, ob afflictas & labefactatas res, integram religionis formam & rationem tractare non liceat, tamen id quod vel pauperrimo cuiquam integrum est, cordis sui duritiem emolire, atque hominis pœnitentis partes corrigendis moribus agere curabit.

10 *Seminate vobis ad iustitiam, & metite in ore misericordie, innouate vobis nouale: tempus autem requirendi Dominum, cum venerit qui docebit vos iustitiam.*

O P O R T V N O admodum loco commune Prophetarum omnium argumentum vrgget, atque quorum interest audire, auribus inculcat: Nam cum de virtutis & pietatis studijs sub arationis translatione mentionem fecisset, & vtrunq; populum Iudaicum & 15 Israëliticum vitularum nomine appellasset, nunc eidem translationi insistens, totius Israëlatici negotij erga Deum, atque Dei rursus erga ipsos consilij summam explicat, & quodnam sibi in hac re cum alijs vatibus commune desiderium fuerit, addit; deinde ab illis aut officio proprio, aut consilio diuino, & vatum desiderio satisfactum fuisse 20 negat. id quod facilius intelligatur, summa paulò altius nobis repetenda est. Humanum genus summum illum originalis iustitiæ gradum, de quo primorum parentum scelere deiectum fuerat, nullis suis nec conatibus, nec aut studijs aut actionibus obtinere iterum potuisset, nisi diuinæ misericordiæ & liberalitatis infinitæ consilio, restitutio atque 25 salus illi expediretur: Huius verò magni consilij interpretem ac ministrum proprium filium vnicum esse voluit Deus, qui sua illa inenarrabili ad mortem vsque obedientia efficere potuit, vt humano generi propter corruptam naturam superis inuiso, diuina iustitia & gratia restitueretur. quomodo autem hoc negotium gerendum esset, nec non vtrum in eodem dignitatis loco, in quo fuerat collocatus, an altiore ac meliore statuendus homo esset, nunc disputare non laboremus, quando neque res, neque com- 30 mentationis breuitas id capere videtur: illud tamen statuere operæ precium est, hominem sua opera & studio ex illis inimicitijs in oportunam iustitiam diuinamque gratiam nunquam redire potuisse, nisi pacis & amicitie auspex atque internuntius adesset, qui generis scelere expiato, amicitie & gratie rationes procuraret. huius verò rei promissio ex diuina liberalitate misericordiaque fuit, nullis in homine, vt Theologi aiunt, præcedentibus meritis, quamobrem id à Deo promitteretur. Verum enimverò tantum hoc 35 tamque admirabile donum non quibuscumque, sed dignis tantum paratum esse voluerat Deus; dignos autem esse eos definiuit, qui fide erga promissionem, & bonis operibus, ijsque virtutibus præditi essent, quæ virtutes maxime hominem decent, quarumque exercitatio in nostra potestate diuina adiuuante gratia est. Ob harum autem virtutum stabilem & certam possessionem homo iustus nominatur, non quidem iustitia illa diuina, 40 quæ saluos restitutosque facit, atque in antiquum statum, ac dignitatem maximam restituit; namque hoc vnius Dei donum, & Christi eius opus est, sicut scriptum est: Non ex operibus iustitiæ quæ fecimus nos, sed per suam misericordiam saluos fecit per l- Tit. 3. -  
crum regenerationis, & renouationis sancti spiritus, &c. Igitur duas iustitiæ rationes 45 statui oportet; alteram diuinam prorsus, hominibus Dei dono atq. misericordia contingentem, cuius qui participes sunt, Dei filij diuinæque consortes naturæ dicuntur esse; alteram verò quæ humana cura, studio & exercitatione vnà cum Dei auxilio & gratia constat, atq. adeò posteriorē hanc vnà cum fide ab eis requiri, qui priorē illam diuinam expetunt, si modo habiles & idonei ad eam præstandam sint, totis sacris libris est manifestum: Pœnitementi & credite Euangelio, diuinæ huius iustitiæ nuncius ac procurator 50 dicebat. Quicumque verò hanc rationem in Theologica disciplina non considerarunt, circa eam quam profitebantur fidem naufragauerunt; in quo errore multos nostro tempore versari video, qui vtinam aliquando ad veritatem dirigantur. Huius olim promissionis nuntios Vates, consciū verò populum Israëliticum esse Deus voluerat, vt ij apud quos orbis redemptor nasciturus erat, huius etiam prerogatiuæ sorte cæteris gen-  
P 3. ribus,

+ quæ dicitur de duplici iustitia  
et duplici fide dicitur can-  
te sit legendus, Augustinus  
tota super iiii.

Marc. 1.  
Luc. 10.  
Acto. 3.

Roma. 9.

tibus, nationibusque præstarent, sicut scriptum est: Qui sunt Israëlita quorum adoptio  
 „ est filiorum, & gloria, & testamentum, & legislatio, & obsequium, quorum patres, ex  
 „ quibus est Christus secundum carnem. Nullam igitur occasionem Vates prætermitt-  
 „ tere solent, quin opportunè, importunè hanc rem inculcantes, urgeant atque instent, ad-  
 „ moneantque maximi illius diuini doni ab eis sperandi, officijque faciendi, vt eam stabi-  
 „ liant spem; vt hoc in loco Hossæas, cum de religionis studijs virtutisque exercitationibus  
 „ sub arationis imagine verba fecisset, aptè suum erga illos animum aperit, & quanto illo-  
 „ rum vtilitatis desiderio teneatur, exponit: Vtinam, inquit, vestri officij recordaremini,  
 „ vtinam rationem, partesque vestras cogitaretis; exiguo enim atque breui labore maxi-  
 „ mum quæstum, emolumentumque faceretis: namque ea virtutis exercitatione quæ diuinis  
 „ præceptis præscripta est, iustitiam illam consequeremini; quam qui fidem Dei promissis  
 „ habent, ex illius benignitate sunt accepturi. Atque hæc illorum verbum sententia est:

Gene. 15.

[*Seminate vobis ad iustitiam.*] Date operam humanis sanctissimisque virtutibus; huiusmodi  
 „ namque seges diuina virtute & misericordia vobis suo tempore iustitiam feret illam, quam  
 „ eius auctor Deus Christo procurante est largiturus; ad quam iustitiæ messes pertinebunt,  
 „ quæcunque à vobis rectè, piè, sanctèque gesta, & acta fuerint, sicut scriptum est: Credi-  
 „ dit Abraham Deo, & reputatum est ei ad iustitiam, videlicet per Christum suo tempore  
 „ afferendam. [*Et metite in ore misericordiae.*] Imperatiuus pro futuro Hebraico more  
 „ ad futuræ rei certitudinem, quasi certam illis metendi copiam faciat: Metetis profecto,  
 „ inquit, metetis non quantum seminaueritis (id enim perexiguum est ad messis magnitu-  
 „ dinem atque excellentiam) sed in ore misericordiae, hoc est plusquam petere, aut etiam  
 „ intelligere potestis. ea enim misericordiae ratio est, vt vltro donet, & vltra quam cogi-  
 „ tari possit donum adaugeat, sicut scriptum est: Quoniam magna est, vsque ad cælos mi-  
 „ sericordia tua. [*In ore misericordiae.*] Os pro ratione & mensura non rarè in Hebraico  
 „ sermone vsurpatur, vt Ioseph dictus est dedisse panem patri fratribusque suis in ore paruuli,  
 „ hoc est, quantum pueris, qui sepe panem petunt, petere libuisset. Pulcherrima ergo com-  
 „ paratione, quanto incremento sparsum semen messis superatura sit, significauit: nam qui  
 „ seminat, iuxta suam & agri sui mensuram seminat; seminat enim ad os modij, aut ad  
 „ summum ad os facci, neque æstimandus est ager qui seminatur vltra mensuram seminis,  
 „ vt in Leuitico scriptum est: Igitur vos, inquit Deus, iuxta mensuram vestram, & in ore  
 „ faccorum vestrorum seminabitis: colligetis autem in ore misericordiae, quæ vt iam dixi-  
 „ mus ad vsque cælos magna est. O admirandam Dei nostri benignitatem, beati qui illius  
 „ misericordiae & fidei res actionesque suas credunt, quibus tantus ex tam exiguo semine  
 „ percipitur fructus: Quoniam autem his studijs eos intentos esse oportuit; quicunque  
 „ tanti diuini beneficii consortes esse vellent, neque semel tantum aut bis, sed assidue vir-  
 „ tuti operam dare, sicut scriptum est: Non qui incœperit, sed qui perseuerauerit vsque in  
 „ finem, hic saluus erit. ob eam rem addit: [*Novate vobis novale.*] Hoc est, singulis annis  
 „ arate, vosque in diuinæ legis præceptis exercete; neque enim id nunc incommodum est,  
 „ aut importunum, quinimò vobis integrum est, vt omni consilio, studio, atque conatibus  
 „ omnibus Deum quærat. [*Tempus autem requirendi Dominum.*] Hebraicè est, Opor-  
 „ tunitas est inquirendi Dominum. Futurum enim est, vt veniat iustitiam & felicitatem ma-  
 „ ximam ijs allaturus, quos, quantum in aratione profecerint, non poenitebit. [*Cum ve-  
 „ nerit & qui docebit vos iustitiam.*] Hebraicè est, Donec veniat & doceat vos, vel influat in  
 „ vos iustitiam. Iustitiam illam diuinam, quam qui esuriunt & sitiunt, saturabuntur, de qua  
 „ scriptum est: Veritas de terra orta est, & iustitia de cælo prospexit. Hanc autè ipse idem qui  
 „ allaturus erat, docturus etiam fuit, sicut scriptum est: Rorate cæli desuper, & nubes pluunt  
 „ iustum, aperiatur terra & germinet saluatorem, & iustitia exoriatur simul, Ego Dominus  
 „ creauit eum. Hæc erat officij ratio, ad quam sapissimè vates hic noster atq. alij omnes Is-  
 „ raëliticum populum reuocare conati sunt; neq. vlla temporis aut rerum oportunitas fuit,  
 „ in qua illorum hac in parte cura, ac diligentia desideraretur: cum tamen Israëlita negli-  
 „ gentium & dissolutorum hominum partes importunè, atque impiè semper agerent; nam  
 „ quo magis à vatribus amicè & studiose admonebantur, eo se illi ad virtutem segniores, ad  
 „ vitia autem & ad impietatem promptiores præbebant. atque ea quidem res sæpè illis à  
 „ vatribus exprobrata est, vt hoc in loco:

Psal. 56.

Leuit. 27.

Matth. 10.

Matth. 3.

Psal. 84.

Isa. 45.

*Araſtis impietatem, iniquitatem meſſuiſtis, comedifſis frugem mendacij: con-  
fiſus es in vijs tuis, & in multitudine fortium tuorum.*

EXPROBRATIO eſt ex antitheſi, docens, quantum illi à vocatione officioque ſuo  
ſeſe abalienauerint, ego, inquit, admonui, hortatuſque ſum vos ſæpiſſimè, vt ſeminaretis  
ad iuſtitiam metendam, vos autem araſtis impietatem, in eaque re plurimum ſtudij, la-  
boris, operaque multum conſumpſiſtis: iuxta hanc verò ſementem & culturà meſſuiſtis  
vobis iniquitatem; namque ex ſuperſtitioſo ſimulachrorum cultu non alios mores ſpe-  
rari licuit, quàm quos illa diſciplina inſtituit; tales enim eualeſcere cultores, quales de dijs,  
10 quos colebant, opiniones acceperant. ſicut ſcriptum eſt: ſimiles illis fiant qui faciunt ea,  
& omnes qui cōfidunt in eis. Tales autem à vobis percipi fructus oportuit, qualē meſſem  
habuiſtis. Meſſis fuit iniquitas, ergò cū ad vſum ventum eſt, mendacium comedifſis. „  
Mendacium comedere, eſt fruſtrari ſpe ſperati fructus, inaniaque omnia vota experiri,  
quemadmodum dictum eſt: Et muſtum mentietur in ea. Significat autem hac oratione,  
15 totum illud impietatis & ſuperſtitionis ſimulachrorumque colendorum ſtudium, omnes  
opiniones, omnes ſpes quas de dijs conceperant, omnia deniq. quæ ſibi vel proprio errore,  
vel futillum aruſpicum atque vatum reſponſis pollicebantur, vana & inania fore. Atque  
ex tanto apparatu, labore, ſtudio, impenſa, mendacium ſolummodò eſſe colligendum.  
Ipfam autem ſtultitiam eorum oſtēdere volēs ſubiungit: [Quia conſiſus es in via tua in mul-  
20 titudine fortium tuorum.] Quantò ſimplicior, tutior, magisque cōpendioſa ſit vera religio,  
quàm falſa colentibus, non rarò in ſacris libris docemur: Nam qui verū Deū purè &  
ſanctè colunt, ipſa religione & pietate ſeſe contra omnem aduerſum euentum muniunt,  
ipſaque lege docentur, neque in equis neque in equitibus, neq. in vllis humanis opibus,  
ſed in ſola Dei virtute ſibi collocare præſidium. Hi in curribus & hi in equis, nos autem in  
25 nomine domini ſperabimus: Ipſi obligati ſunt, & ceciderunt, nos autem ſurreximus, &  
erecti ſumus. Hæc veræ religionis ritęque obſeruatę ratio, hæc certa via eſt. Qui verò aliã  
viam pietatis & religionis, imò potius ſuperſtitionis & erroris inſiſtunt, magnam ſpē col-  
locant in hominum conſilio, ope ac præſidio, in quo nulla ſtabilis poteſt eſſe fiducia, Sicut  
ſcriptum eſt: Maledictus homo qui confidit in homine, & ponit carnem brachiū ſuum. Ierem. 17.  
30 Iſraēlitæ hac via & ſuis & ſociorum, quos vocabant opibus fidebant & nitebātur, vbi verò  
ad periculum eſt ventum, non auxilium, ſed maturius atque grauius exitium ſibi com-  
parari iuſtè ſentiunt. idcirco horum improbat conſilium, aitque: [Quia conſiſus es in via  
tua, & in multitudine fortium tuorum:] Coniunctio illa & in multitudine in exemplari non  
eſt; expoſitionis autem cauſa ab interprete, vel librario eſt addita. Nam ſenſus eſt: in iſta  
35 via, quam tibi per errorem muniuiſti, conſiſus es in multitudine fortium tuorum. Quòd  
verò multitudinis numerum ſubitò in ſingularem mutat, id ſolenni Hebraicæ lingvæ  
exemplo fit.

40 *Conſurget tumultus in populo tuo, & omnes munitiones tue vaſtabuntur,  
ſicut vaſtatus eſt Salmā à domo eius, qui iudicauit Baal in die prælij  
matre ſuper filios allia:*

Oſtendit quid illis hoc, quod excogitarant, præſidium præſtiterit, nimirū vt ma-  
iori impetu, ac tumultu & grauiori ruina perirēt; maior enim moles grauiori caſu corruit:  
Quo enim magis muris, turriumque extruſione detentus & retardatus eſt hoſtis; quo  
45 magis vi, & præſidijs impeditus, eo ad vltionem crudelior eſt effectus. Itaque nec ho-  
minibus, nec opibus atque ædificiis defendi poterunt; imò vt non ſimpliciter perire  
liceat, ipſe ruina & tumultus maximi ſonitus & pavor efficiet. conſurget ergo tumultus,  
cū dicit: *conſurget*, maximum fore ſignificat tumultum, qui miſto populi pereuntis cla-  
more & corruentium ædificiorum ſonitu vehementer excreſcens conſurgat, vt illud  
50 apud poëtā:

*Auditumque Mædis Hesperia ſonitum ruinae.*

[Et omnes munitiones tuæ vaſtabuntur.] Quoniam verò præcedentium temporum fu-  
turarum rerum euentus credibiles magis efficere, atque ante oculos proponere ſolent, hi-  
ſtoriam illis temporibus notā, noſtris verò non planè compertā citat, quo ſimilis exi-  
tus fidem, imaginem, terroremque inijciat. Hiſtoria verò huiusmodi fuit: Salmā quidam  
P 4 bello

bello armisq̃ue potens, Arbelam locum virorum murorumq̃ue præfidijs (vt huius vatis oratione & similitudinis ratione indicatur) munitissimum, obseffam tandem expugnauit: qua victoria, ita in victos sæuitum est, vt nulli vel ætati, vel sexui parceretur, sed vsque eò grassaretur hostis, vt etiam pueros atque infantes in conspectu matrum, deinde matres saxi & muris collisas crudelissimo mortis genere necaret. Ad huiusmodi itaque euentum atque spectaculum præparari se Samaritas suis artibus, munitionibus & propugnaculis prædicit, vt post filios matres etiam muris & lapidibus, quibus magnifica illa constiterant ædificia, illidantur, vt durissimo spectaculo matres primum crudeliter animo, deinde corpore etiam cruciatæ quò serius, hoc pereant miserius. [*Sicut vastatus est Salmana à domo eius qui iudicauit Baal in die prælij.* Vulgatæ latinæ versionis auctor sic trā-  
stulit chaldaicam magis & græcam, quàm hebraicam lectionem secutus; putoq̃ue illum dum hæc legeret & verteret, ad Gædeonis historiam animum conuertisse, reliquisq̃ue nobis lectionem, quæ ad eam rem, quam octauo iudicum capite legimus, referri vtcūq̃ posset. Sed hebraicū exemplar sic habet. [*Sicut vastauit Salman, domum Arbeel in die prælij.*]  
Qua in lectione Salman belli imperator & dux proponitur. Domus verò Arbeel locus & 15  
populus cui bellum illatum est. Quòd autem quidam ad Salmanasar referunt, quem primo Oseæ filij Ela regis Israël anno Arbelam trans Iordanē crudelissimè vastasse dicūt, Id si temporum ratio pateretur, facilè nominum similitudo admitteret; namq̃. Salman, & Salamanazer, vt Hebraicè vocatur, eiusdem hominis nomine esse nihil prohibet, cum vox Nezer principum Assyriorum agnomen esse videatur, quòd & Nabugodonosor no- 20  
men indicat, qui sua lingua Nabugodonezer dicebatur. Sed vates hoc loco præsentis, vel præteriti temporis historiam ad futuram rei similitudinem explicandam citat: cum verò vates hic vsque ad Ezechiam Iuda regem munus suum propheticū fuerit executus, fieri potuit vt hoc vaticinium in illo primo Oseæ anno, quo Arbela vastata est, ederetur. & vates præsentis, & adhuc in oculis sermoneq̃ue omnium recenti imagine timendam cla- 25  
dem proponeret. Quandoquidem Oseas filius Ela anno duodecimo Achas regis Iuda regnare cœpit, cuius primis annis vexata bello Samaria & tributo promisso soluta, tandē nono capta est. Atque nomen etiam ipsum Domus Arbeel, non ab re visum nobis est considerare, quod & ad sequentis versus explicationem conducere iudicabitur. Ex Ery-  
mologia autem nominis locum fuisse conijcimus, in quo numen aliquod religiosè cole- 30  
retur; nanq̃ue Hebraicè vocatur Beth arbeel, quod Latinè domum Dei Insidiatoris interpretari possumus: Etenim *Beth*, domum significat, quod nomen alij adiunctum vel familiam, vel populum, vel locum aliquem notat: vt, Bethel, Bethlehem, Beth Saon; interdum etiam locum numini cuiuspiam sacrum describit. vt Beth Dagon, quo in loco  
Deus aliquis marinus præcipuè colebatur. Est ergo huiusmodi versus sententia, hominum 35  
pereuntium gemitus, clamor, tumultus; & munitionū vastatio talis erit, qualis in Domo Arbeel fuit in die prælij, cum præter vastationem crudelissimè in populum ab hostibus sæuitum adeò est, vt infantes etiam ante oculos matrum, deinde & matres ipsæ colliderentur; neque quicquam illis aut populi frequentia, aut loci munitiones, aut numinis etiam sui superbum & terribile nomen profecere. quī, cum Deus insidiator diceretur, ho- 40  
stibus timori esse potuit, ne Dei illius insidijs perirent: sed tamen ciues cultoresq̃ue eius potius, quàm hostes insidias passos expertosq̃ue dicere potueris. ita & Israëlitis euenturum prædicitur, quos ex quibus confidebant res, virorum copiar, bellandi peritia, operū munitiones, maximè autem nomen illud magnum Bethel, quod Dei fortis domū significat, ingenti cum clade & tumultu vastare magis quàm periculo liberare poterunt. huius 45  
ergo rei causa subiunxit.

*Sic faciet vobis Bethel, à facie malitiæ iniquitatum vestrarum.*

HEBRAICE sic: Propter malitiam malitiæ vestræ. qua verbi repetitione sceleris genus non errore aut stultitia, sed consilio, studio, pertinacia atque malitia Israëlitis susceptum, 50  
significat. qualis apud illos vituli cultus fuerat: Namq̃. illud flagitium non nouo cōsilio, sed antiquo, ac iam damnato exemplo repetitū atq̃. admissum est: olim enim in deserto, cum vitulum coluissent, quid ea res illis profuisset, imo quantum obfuisse, intellexerat; nunc autem quo supplicij genere, qua poena digni erant, qui ad vomitum reuersi improbitatē non celare, sed impudenter atque constanter profiteri videbantur. quam ob rē ait:

propter



[*propter malitiam malitiæ vestre.*] Hoc est malitiosam malitiam vestram: nam præterquam quod adiectiuum (quo Hebraica lingua caret) possessiuus casus explet, sententiam & re quoq. hic dicendi modus auget: minus enim quid innuit, filius diuinitatis eius, quam filius diuinus eius, vt apud latinos scelus plus est quam scelestus. Quoniam verò cura vaticiniis est rem gerendam certis notis describere, vt maior vaticinio fides habeatur, siue ea descriptio proprijs, siue translatis verbis, aut similitudinibus explicetur. Propterea hoc in loco Israëliti regis exitus, ita vt fuit, adiuncta similitudine prædicitur: Namque Oseas filius Ela, qui euerfionis Samariæ tempestate Israëlitis præerat, etiam inter maximas angustias, & calamitates positus: tamen pertinax obsidionem sustinebat, & belli vim præferebat spe diei, id est, melioris euentus, cui tamen eundem obsidionis & regni finem constitutum esse vates prædicit. & id est quod ait:

*Sicut mane transit, pertransit rex Israël:*

HEBRAICE: [*Sicut aurora transit:*] Aurora enim cum media inter noctem & diem sit, breuissima est, neutrum tamen appellari potest, vt ex illo Iob: expectet lucem, & non videat eam, neque ortum surgentis auroræ. itaque qui post eas tenebras diem expectabat, auroram vidit, id est, obsidionis finem: diem verò, id est pacem & quietem non vidit, quia cum regno amisit.

Terent. in  
Heauto. act.  
2. scen. 3.

## CAPVT XI.

20



VI A puer Israël, & dilexi eum: & ex Ægypto vocavi filium meum.

INGRATO atque immemori animo nihil esse improbius, nihilque perpetuo dignius supplicio omnium, qui rectè de officio senserunt, communis sententia est, sicut scriptum est: qui reddit malum pro bono, non auferetur malum à domo eius. is tamen flagitiosissimus est, quicunque ingratitudinem irrisione & contumelia cumulat; atque ijs rebus quas beneficij & gratiæ loco acceperit, in eius, à quo humanè tractatus sit, iniuriam, atque incommodum abutitur, de quo ingratorum hominum genere scriptum est: Ne des panes tuos peccatori, ne ipse sit te potentior. Hoc flagitium Deus optimus maximus & natura sua beneficentissimus hoc in loco verbis exagitat, exprobratque. populo illi paterna officia, quibus illi per nefas in contemptum Dei impietatemque est abusus. vt res autè planior fiat, cogitandus nobis altera parte pater est amantissimus, qui filio omnibus in rebus, omnibus in locis prospiciat & caueat, ne aut ille lædatur, aut fatigetur; & ætatis imbecillitati semper consulat. rursus altera parte filius rusticis moribus & maligno ingenio statuendus est, qui paternæ humanitatis & officij immemor, ijs se dedat, quæ patri maximè displicent; sic vt iam illum pœniteat; qui sua lenitate: & educandi liberalitate, maiora filio ad libidinem & temeritatē fomenta auxisse videatur: nam pro amore & reuerentia negligentiam & contemptum filius reponit. An verò patrē illum, & tam degeneris filij & tanto erga eum officio iurè non tædeat? an non filio pœnam, castigationemque tantò paret duriorem, quantò illum cura diligentiaque sua, improbiorem deterioreque euassisse intellexerit? Huiusmodi ergo orationis eius, quæ hoc capite continetur, argumentum est: vt Deus se ab Israël, quem summo amore, omni officio, omni curâ filij loco tractauerit, ingratiſſimè atque impiissimè exceptum fuisse queratur. quod iniuriæ genus tantò grauius est, quantò maiorem secum contemptum affert, maiorem consilij diuini improbandi occasionem cæteris gentibus præbet: Quippè cum hic solus populus qui præ omnibus alijs dilectus & susceptus sit omnium euaserit ingratiſſimus. Primum enim sententiam diuinam & cōsiliū, deinde studiū & officium huic populo neglecta fuisse constabit: Namque Deus peculiari amore & prouidentia Israëlitas proſecutum sese fuisse dicit, quòd ea gens præ omnibus alijs misera atque afflicta, & consilij auxiliique egens videbatur, tanquam paruulus aliquis puer parentibus orbatus, & omni humana cura destitutus, quem si quispiā humanissimo animo in hac fortuna offenderit, misericordia motus ad se alliciat, foueat, & curet, proque filio habeat cum magna spectantium admiratione, qui illius benignitatem & pueri fortem laudare & prædicare non cessant. ita etiā Deus maxima illa sua misericordia Israëlē apud Ægyptios in summa miseria agentem à se su-

Prou. 17.

Eccle. 12.

- à se susceptum fuisse dicit: [*Quia puer Israël & dilexi eum:*] Erat enim tanquam puer viribus consilioque egens, omni humano auxilio curaque destitutus, omnium hominum ludibrio & iniurijs expositus. huiusmodi pueri cum nemo hominum miseretur, ego misertus sum, & dixi clamor filiorum Israël venit ad me, vidique afflictionem eorum, quæ ab Ægyptijs opprimuntur, & sciens dolorem eius descendere, ut liberem de manu Ægyptiorum, hoc est, & dilexi eum, quo miseriorem vidi, eo vehementiore erga eum amore sum affectus, adeo ut hæredem illum mihi instituendum curauerim, sicut scriptum est: Dilexi vos, ait Dominus, & si dixeritis, quæ in re dilexisti nos? Nonne frater fuit Esau Jacob, & Jacob dilexi, &c. Usque adeo autem à se dilectum fuisse ait Israël, tantoque studio susceptum, ut statim pro filio & habuerit & prædicauerit; quod excelsi, magnificentissimi & planè regij animi opus sit, humillimo atque miserrimo loco iacentem quempiam ad summum splendoris gradum extollere. itaque diuina misericordia & benignitas, populum omnium abiectissimum, ad eam lucem vocare voluit, ut filium sibi adoptare, atque appellare publicè non fuerit dedignatus. sic enim per legatos suos apud Pharaonem egit: Hæc dicit dominus, filius meus primogenitus Israël: Dixi tibi dimitte filiū meum, ut seruiat mihi, non modò filium suum, sed primogenitum appellauit, quod cum omnes gentes Deo curæ sint, ipsumque omnium patrem, autorem, gubernatoremque esse constet, tamen huic genti omnium tum temporis abiectissimæ primogeniti prærogatiuum ius dare voluit, ob hanc rem dicit: [*Ex Ægypto vocavi filium meum:*] vocare duo in sacris, ut etiam in latino sermone significat, videlicet appellare, & ex aliquo loco adducere atque inuitare, ut: de ventre matris meæ vocauit me nomine meo, & vocauit Jacob filios suos. Sic latinè septem fuisse dicuntur, vno tempore qui sapientes & haberentur & vocarentur. ad vtramque autem significationem locus hic pertinet, nam & filij appellati sunt, cum diceretur: Filius meus primogenitus Israël, & ut filij inuitati atque educi: Dimitte (inquit) filium meum ut seruiat mihi. Quanquam autem hic locus de Israël in eam quam diximus sententiam explicatur, tamen de Iesu Christi ab Ægypto euocatione rectissimè intelligi Euangelista citante docemur. sed quoniam hæc res maiorem diligentiam, longioremque moram desiderat, quàm quæ prophetiam hæc breuiter commentatibus conceditur, consultò ad suum tēpus integra referuabitur, ut vel cum ad eum Euangelij locum ventum Deo duce fuerit, vel commodius aliquod spatium nacti illud exponamus, videlicet quid ab Euangelistis significetur, cum dicitur: ut impleretur quod dictum est per prophetam, & ut scriptura impleretur. Est enim ea res, ut cognitu dignissima; ita non cuius planè aperta. nunc verò de Israël hoc dictum exponimus: Hunc enim Deus à se filium appellatū, & ex Ægypto euocatum, quem pro filio haberet, aleret, liberaliterque educaret & cōfirmaret, apud hunc & apud alios etiam vates professus est: Filios (inquit) enutriui & exultaui, & ipsi spreuerunt me.

*Vocauerunt eos: sic abierunt à facie eorum. Baalim immolabant & simulachris sacrificabant.*

- STVDIORVM comparatione Israël arguitur flagitium: Ostenderat namque Deus quo animo, quo studio erga eos fuerit, quos in maxima miseria atque inopia constitutos non solum auxilio iuuerat, sed nominis honore filios appellando decorauerat; pro quibus beneficijs illi contra non ipsum patrem vocauerunt, neque vocati paruerunt, sed deos potius quos ignorabant, à quibus minimè vocabantur, vltro ipsi vocauerunt, vltroque secuti sunt; & non solum voto atque animo, sed rerum suarum sumptu & dispēdio coluerunt, sicut scriptum est: Dereliquit Deum factorem suum & recessit à Deo salutaris suo: prout vocauerunt eum in alienis dijs, & in abominationibus ad iracundiam concitauerunt, immolauerunt dæmonijs & non Deo, dijs quos ignorabant: Deum qui te genuit, dereliquisti, & oblitus est domini creatoris tui, vidit Dominus, & ad iracundiam concitatus est. quia prout vocauerunt eum filij sui & filie. Hanc paternam iracundiam, hanc suam à filiis irritationem, his rebus procuratā Deus exponit dicens: [*ipsi vero vocauerunt eos,*] nempe deos alienos: namque tota oratio per Zeugma ad nomen Baghalim pertinet, quod deos gentium, ut diximus, numero multitudinis significat. ego, inquit, vocaui eos, ipsi autem vocauerunt, non me, sed illos. sic enim & in obtestatione illa dictum erat: Noui recentesque venerunt; venerunt quia vocati, hoc est, inducti ab illis sunt. Ego vocaueram eos

ut ser-

vt seruirent mihi, ipsi vocauerunt deos, quibus seruirent, deos inquam à quorum facie abierant, abduci que fuerant per me: Namque eos ego ab omnium aliorum deorum vanitate & superstitione, ab omnium populorum familiaritate, atque impia consuetudine deductos ad meum cultum reuocaueram; quibus dixeram ego dominus qui separavi te Deuter. 10.  
 5 de omnibus populis vt seruias mihi. hanc rem atque adeò hanc auocationem ita illi seruauerunt, vt ascitos & inuitatos sibi deos frequentibus sacrificiis prosequeretur: [Sic abierunt à facie eorum,] si scilicet hoc abire & recedere est, si hoc est recedere à dijs. sed quomodo abierunt? non solum vocauerunt deos, sed etiam Baalim immolabant, & simulachris thura adolebant, vt eos odoris suauitate sibi conciliarent, & propitios atque amicos redderent. Neque verò ea re solum me prouocauerunt, quòd vocantem me deferentes, alienos sibi deos vocauerint, sed quòd indulgentia, cura, diligentiaq. mea illa paterna erga eos, contra me honoremque meum abusi sunt: Namque eo tempore quo ego Israël ex Ægypto eduxi, ita tractaui vt puerum mihi charissimum tenerum exiguis viribus. Jerem. 31.  
 10 tur illum deducendum manu apprehendens, breuissimis itineribus agebam, esurientem ac sitientem cibo potuque abundè vt puerum, explebam, curabamque, ne qua illis aut victus aut cultus cura esset, & ne illis cibos sibi non solum parare, verum ne ferrè quidè opus esset, hoc etiam ipse agebam; Nam & perpetuum flumen illos sequentè deducens, cibi singulis diebus quantum satis esset, idque suauissimum & delicatissimum, suppedi-  
 15 tabam, tum etiam breuib. interuallis certa ad cessandum quiescendumq. loca, in quibus diutius commorarentur, prouidebam, Prospiciebamq. ne aut interdiu æstuarer, aut noctu algeret, ne calceus, neue vestis illi vnquā deterior inutiliorque esset. Denique nihil earum rerum desideratum illis fuit, quibus amantissimi patres diligentissimæque nutrices suis solent pueris prospicere, ita vt paterni maternique officij atq. studij munus erga  
 20 Israël diligenter à me obitum, abundeque fuerit expletum. ceterum ea omnia à me curata propter eam causam sunt, vt saluus & incolumis, integrisque viribus in promissas paratasque à me illi sedes perductus, me patrem ac dominum coleret, quemadmodum illi meo nomine prædictum obtestatumq. fuerat: Recordaberis cuncti itineris per quod adduxit te dominus Deus tuus quadraginta annis per desertum: Dedit tibi cibū manna Deut. 8.  
 30 quod ignorabas tu & patres tui, vestimentum tuum quo openiebaris nequaquā vetustate defecit, & pes tuus non est subtritus: cū quadragesimus annus est, vt recogites in corde tuo, quia sicut deducit filium suum homo, sic dominus Deus tuus deduxit te, vt custodias mandata Domini Dei tui, & ambules in vijs eius: Dominus enim Deus tuus intro- Deut. 31.  
 35 ducit te in terram bonam, &c. Hæc itaque ratio, hic modus, atq. hæc causa diuinæ erga Israël curæ fuit, vt quā molliter, quā clementer tractaret, nunc apprehensa manu sensim peditentimque deducens, nunc humeris baiulans, omnibusque modis fouens & recreans illius vires, vt cū satis ætatis ac roboris iam haberet, vires laboremq. suum ad cultum meum impenderet, non ad impietatem insumeret. At verò ille contra omnia fecit, nam me cultuque meo neglecto virium roborisq. sui firmitudine ad Deos alienos,  
 40 ligneos, lapideos, aureos, & ex omni materia factos ex alijs locis in regionem domumq. meam asportandos est vsus. hoc est quod dicit.

*Et ego quasi nutritus Ephraim: portabam eos in brachijs meis,*

HEBRAICE est: *Et ego peditentim deduxi Ephraim: accepit eos super brachia sua: & nescierunt quod curauerim eos.* atque hoc modo planior sententia & apertior antithetorum collatio est. Ego, inquit, Ephraim deduxi, ego illi indulsi, ego vires eius recreaui, vt ille Deos alienos in brachijs suis gestaret, meorum videlicet in se beneficiorum, tantæq. paternæ clementiæ atque indulgentiæ immemor. Mihi incolumitatem omnem vires roburque suum acceptum referri oportuit. [Et nescierunt quod curauerim eos,] cū nullum aliū sanitatis firmitudinisque suæ auctorem agnoscere debuerint, atq. ea re sibi timere ne male impensæ cōsumptæq. in alieno cultu vires aliquando essent desiderandæ, quibus per me refectis augeri expediret, vt videlicet contra meam voluntatem, atque adeo in meā inuidiam de integro vterentur. Nam recreationem & sanitatem, viresque hæc lege atq. hoc pacto illis ego promiseram, si mihi morem gerere, & in meo cultu sese exercere vel- Exod. 14.  
 50 lent, sicut scriptum est: Ibi constituit eis præcepta atq. iudicia dicens: Si audieris vocem Domini

» Domini Dei tui, & quod rectum est coram eo feceris & obedieris mandatis eius custo-  
 » dierisq. omnia præcepta illius, cunctum languorem quem posui in Ægypto, non indu-  
 » cam super te: Ego enim sum dominus Deus tuus curans te. illi autem cum recreati, sani  
 & incolumes in terram ducti essent, ut mihi commodius seruirent, & terre possessione in  
 meum obsequium fruerentur, perinde quasi omnia hæc suæ virtuti referenda essent, ita  
 » pferunt, cum prædictum illis antea fuisset: Ne dixeris in corde tuo, fortitudo mea, & ro-  
 » bur manus meæ, hæc mihi omnia præstiterunt: sed recordaberis Domini Dei tui, quod  
 » ipse vires tibi præbuerit, ut impleret pactum suum super quo iurauit patribus tuis, ut præ-  
 » sens indicat dies. Sin autem oblitus Domini Dei tui secutus fueris deos alienos, colue-  
 risque illos & adoraueris, ecce nunc prædico tibi quod omnino dispereas. Virgetur autem  
 hoc in loco Ephraim præcipue, quia ipse seditionis & instituendæ superstitionis princeps  
 auctorque fuerat.

*In funiculis Adam traham eos in vinculis charitatis, & fui eis quasi exaltans  
 iugum super maxillas eorum, & declinavi ad eos ut vrescerentur.*

ALIORVM etiam beneficiorum memoria rem amplificat & persequitur, simul osten-  
 dens, quam constanter ipse in paterna misericordia humanitateque perseuerauerit, cum  
 illi contra omnium immemores beneficiorum nunquam suis partibus satisfecerint. Hactenus  
 quidē quo in loco illorum res in Ægypto fuerant, antequam diuinam misericordiam experi-  
 rentur, exposuit, & deinde, in quo gradu fuerint ab ipso positi declarauit, utque deco-  
 » rati, quibus modis in itinere tractati, donec in felicissimam illam regionem deducti sunt;  
 nunc verò ubi optatas sedes nacti sunt, (eò enim ducti fuerant) deinceps illud ostendit,  
 » qualis illis conditio fuerit, ut domino Deo suo seruirent & morem gererent, sicut scri-  
 » ptum est: & dedit illis regiones gentium, & labores populorum possederunt, ut custodiāt  
 iustificationes eius, & legem eius exquirant. Quoniam autem seruitus Hebraicæ culturæ  
 nomine dicitur, ex eo nomine & vitulæ imagine, quæ nō semel apud hunc vatē expressa  
 est, comoda ac non obscura translatione vsus ostendit Deus, quàm iusta ac clemēs Israē-  
 litis apud se fuerit seruitus, qui non perpetuo labore vexati sint, ut antea apud Ægyptios,  
 ubi assidue sine fructu diu noctuque duriter seruibant: immò humanissimè tractati &  
 » suæ imbecillitati consulere & indulgere iuebantur, ita ut in facili labore exercerentur  
 potius, quàm frangerentur. [In funiculis Adam traham eos:] Futurum verbum à tempore  
 aliquando absolui, & consuetudinem adsignificare, iam sæpe aliàs diximus. Igitur quo-  
 modo à se tractari exerceri que consueuerint, exponit. Summa, inquit, humanitate erga  
 eos semper ego fui, quos non duris funibus iugo aut aratro alligatos intollerabilem labo-  
 rem cogebam subire, nec ut boues iumenta que, sed ut homines tractabam: nam quem-  
 admodum homo humanitate atque orationis lenitate facilius ac melius, quàm funibus,  
 & verbis, quàm neruis commodius trahitur, ita ego eos ad iugum cultumque meum  
 trahendos, immò potius alliciendos curabam in vinculis charitatis. seipsum expolitione  
 declarat: Neque enim imperio & virga, vel clamore & terrore ut iumenta in seruitu-  
 tem redactos, sed benignitate, amore & orationis lenitate ad obsequium inuitatos & al-  
 » lectos voluit, quam ad rem huiusmodi funiculis vsus est Deus: Et nūc Israēl quid Domi-  
 » nus Deus tuus petit à te: nisi ut timeas dominum Deum tuum & ambules in vijs eius, &  
 » diligas eum, ac seruias domino Deo tuo in toto corde tuo, & in tota anima tua, custo-  
 » diasque mandata Domini, & ceremonias quas ego hodie præcipio tibi, ut benè sit tibi.  
 » En domini Dei tui cælum est, & cælum cæli, terra, & omnia quæ in ea sunt; & tamē pa-  
 » tribus tuis conglutinator est Dominus & amauit eos, elegitque semen eorum post eos, id  
 est, vos, de cunctis gentibus, sicut hodie comprobatur. Hæc sunt vincula charitatis &  
 amoris, quibus nō ut boues, sed ut homines ad se suūq. cultū trahendos curauerat Deus.  
 Atq. adeo in ipso cultu exercitationeq. constitutis, quanta clementia, quantaq. cura con-  
 » suleret, adiuncta oratione docet. [Et fui eis quasi exaltans iugum super maxillas eorum & de-  
 » clinavi ad eos ut vrescerentur.] Ita, inquit, eorum imbecillitati consulebam, ut boni & cle-  
 mentes aratores facere solent, qui boues suos non vsque ad lassitudinē exercent, sed etiā  
 ante operarum terminum detracto iugo pabuloq. oblato recreant, & bis aut ter etiam  
 » per diem requiescere permittunt, sicut scriptum est: nouit iustus iumentorum suorum  
 animas



- animas. huiusmodi consilio & clementia se erga Israëlitas Deus fuisse testatur, quos non contento cursu semper exerceri laborareque voluit, sed quosdam illis dies, quædam solennia sacra, denique certas horas constituit, quibus diuino cultui, sacrificijs, hostijs, alijsque oblationibus vacarent; cuius generis fuere Sabbatha, anniuersariaque illa tria festa; Calendæ, & messis ac vindemiæ tempora, nec non & tertius atque septimus annus: Namque his temporibus suam operam certam suorumque fructuum portione in diuinæ legis obsequium in publica vota & supplicationes in sacerdotum, in pauperum, in suosque ipsorum usus impendere debuerunt; reliquo autem tempore sibiipsis prospicere & consulere permitti sunt. Cumque hos omnes ab Ægyptiaca seruitute emptas, Dei opera & beneficio liberatos, cum primogenitis familiarumque principibus viris liberatori emptori que suo perpetuo seruire oportuisset, tamen (quæ illius summa fuit clementia) leuitica tribu perpetuo sibi pro cæteris omnibus tribubus addicta contentus fuit, sicut diuinis verbis testatum, scriptumque est: Ego tuli <sup>Num. 3.</sup> Leuitas à filijs Israël, pro omni primogenito qui aperit vuluam in filijs Israël, eruntque Leuitæ mei; meum enim est omne primogenitum, ex quo percussi primogenitos in terra Ægypti, sanctificaui mihi quidquid primum nascitur in Israël ab homine usque ad pecus, mei sunt. Ego Dominus. Atque hæc illorum verborum sententia est: [*Sicut exaltans iugum super maxillas eorum.*] Hoc est. Ego sustuli interim iugum quod super maxillas eorum erat. Hoc autem in earum regionum morem refertur, ubi bo-  
 20 ues non in fronte, vt apud hispanos, sed in ceruicibus iuga sustinent, namque eo modo iugum maxillis imminet. est autem Hebraici sermonis obseruatio, vt relatiuus in antecedente interdum lateat; vt secundum innocentiam meam super me, quæ est super me, sic iugum super maxillas eorum quod erat super maxillas. [*Et inclinavi ad Psal. 7.* eos vt rescerentur:] Et nolui, vt mihi tantum laborarent & sudarent, sed meorum  
 25 agrorum fructus partem maximam illis in usum permisi, imò vltro concessi, vt ij faciunt, qui solutis à labore iuuenis scenum, aliasque commodas escas manu porrigunt; sic ego illis pastum largè & copiosè suppeditaui; quamobrem oportuit illos tantorum beneficiorum nunquam fuisse oblitos, sicut scriptum est: Dominus Deus <sup>Deut. 7.</sup> tuus introducet te in terram bonam, terram riuorum, aquarum & fontium, in cuius  
 30 campis & montibus erumpunt fluuiorum abyssi. Terram frumenti, hordei ac vinearum, in qua ficus & malogranata, & oliueta nascuntur, terram olei ac mellis, ubi absque vlla penuria comedes panem tuum & rerum omnium abundantia perfrueris, cuius lapides ferrum sunt, & de montibus eius metalla fodiuntur. Obserua & caue ne-  
 quando obliuiscaris Domini Dei tui, & negligas mandata eius, atque iudicia & cere-  
 35 monias, quas ego præcipio tibi hodie.

*Non reuertetur in terram Ægypti, & Assur rex eius: quoniam noluerunt conuerti:*

- 40 I AM crimen culpamque coarguit, quod earum quæ commemoratæ sunt rerum immemores, imò & dignitatem decoremque suum negligentes, id appetuerint, quod maximè erat detestandum: Nam cum tam diuturno tamque manifesto periculo & incommodo Ægyptiorum in se animum & voluntatem (cuiusmodi esset) perspexissent, nullum tantum periculum esse potuit, cui non se potius quam Ægyptijs ite-  
 45 rum committere debuissent; maximè verò cum vetitum hoc illis non semel in lege esset. Antiquorum enim malorum auctores Ægyptios, Deum autem beneficentissimum fuerant experti; quo auctore è seruis filij facti sunt, mutataque suprema seruitus in maximam libertatem, & inopia in copiam fuerat. ad quem igitur in aduersis erat confugiendum? an ne ad Deum qui semper salutaris ac præsens inuentus fuerat,  
 50 an ad Ægyptios, quorum nusquam fuit præsidium cognitum. [*Igitur non reuertetur in terram Ægypti:*] Non decuit eum reuerti in terram Ægypti; hæc enim est vis futuri temporis apud Hebræos, vt illa Abimelech ad Abraham obiurgatio declarat: quod <sup>Gen. 29.</sup> non fiet fecisti nobis. Non solum autem illis Ægyptus non fuerat petendus, sed neque Assur etiam; nam quamuis hunc inimicum antea non sensissent, non tamen vilem  
 noue-

nouerant, & cū periculum fidei atque auxiliij facerent, certè intellexerunt inutilem, is enim præter intolerabilis tributi exactionem, nihil apud illos profecit. Non igitur Ægyptus illis auxiliij causa petendus; quippe qui antiquus & capitalis hostis erat. non etiam Assyrius, qui tamen apertus inimicus non esset, tamen neque rex erat, qui eorum res & in bello & in pace tueretur, seque pro illorum & Reipublicæ salute dubijs casibus committeret; vt facere reges solent, quò eos qui in eorum fide sunt tueantur: vt fecit Dauid qui pugnas Domini atque Israël pugnavit. Quid ergo aut hostem illum, aut hunc nec regem, nec amicum adire oportuit? cū Deus adesset, cū præsens esset, cuius in se misericordiam, cuius fidem & in aduersis & in secundis semper perspexerant; quem vnum patrem, regem, tutorem, creatoremque agnoscere & decuit & oportuit. cur non potius ad hunc, quàm ad istos sese oculis animoque conuerterent. cum interrogatione admirationeque legendum est, nunquid inquit Assur rex horum fuit, *Quoniam noluerunt conuertere ad me videlicet commune illorum perfugium & singulare præsidium?* Quamobrem cū illi à certa salute ad certum malum, atque ad incertum auxilium transfugerent, sequitur vt certam calamitatem sibi struxerint.

*Et cepit gladius in ciuitatibus eorum, & consumet electos eius & comedet capita eorum.*

CEPIT non à cœpi, sed à capio præteritum est, quod cum coniunctione, & in futurum mutatur, vt à nobis & diuo Hieronymo pluribus in locis est adnotatum. Hebraicè autem est, cadet gladius in ciuitatibus eorum, &c. populi & principum calamitatem stragemque prædicit; sed vt melius intelligatur oratio, sic distinguenda est, vt hemistichium vsque ad verbum, *comedet*, pertineat, & in eo loco sit comma: deinde vero sequatur *capita eorum*. quod Hebraicè sic est: *Ob consiliarios eius*. Est autem hæc sententia: non solum populum ore gladij periturum, sed principes, electosque etiam & fortissimos quosque, qui aut ipsi consilio præfuerint, aut illorum consilio paruerint, qui statuerant satis præsidij populo in suis rebus, in dijs, in Ægyptiis atque Assyriis futurum. itaque, *capita*, in nostra versione auctores consiliariosque significat.

*Populus meus pendebit ad reditum meum, iugum autem imponetur eis simul, quod non auferetur.*

SIC NOSTRA versio habet: sed quoniam nonnihil inter versionem hanc, & Hebraicum exemplar variatur, Hebraicam subiicere placuit interpretationem, quam vbi commentati fuerimus, si quid varietatis in vulgata relictum sit, quod non attigerimus, id non erit nimis obscurum. [*Et populus meus pendet ad reditum meum, & ad excelsum vocauerunt eum, in vniuersum non est qui exaltet.*] Importunam quandam improbitatem & singularem Israëlitarum insolentiam accusat, qui non ratione, non æquitate, sed æmulatione atque contentione cum Deo agant, & ij qui Ægyptijs, qui Assyrijs inimicissimis & inutilibus hominibus fracto animo atque humili supplicent; vsque adeo aduersus Deum insolescant & superbiant, vt nemo illum imploret, nemo supplicet, sed illum potius sibi, quàm se illi cedere contendant. O maximam insaniam & singularem hominum improbitatem: O nostrorum morum detestandam imaginem. Vt autem hæc res planior, intellectuque facilius reddatur, prius nominum quorundam, quæ ad hanc sententiam pertinent, ratio nobis explicanda est: Duo nomina Hebraica sunt, alterum thessuba, quod latinus sæpe vertit pœnitentiam; alterum verò Messuba, quod reditum siue reditionem, sæpe autem auersionem latinus interpretatur. Pœnitentiæ verò, hoc est, Thessuba, nota omnibus significatio est; Messuba verò siue reditus, siue auersio dicatur, contumacia & propositi tenacitas, atque id quod pœnitentiæ & consilio mutando opponitur, est. vtraque autem res in sacris arcanisque libris non solum hominibus, sed Deo etiam tribuitur: namque vt homines

homines antea dæ vitæ , improborumque studiorum pœnitere , consiliumque mur-  
rare dicuntur, sic Deus decretæ in peccatores pœnæ ac minarum , pœnitere , atque  
ab eo consilio ad salutis & pacis cogitationes dicitur conuerti, sicut scriptum est: Repete  
loquar ad populum & ad gentem aliquam , vt perdam & destruam illam , si conuersa  
fuerit gens illa & egerit pœnitentiam a via sua mala, agam & ego pœnitentiam de malo, „  
quod cogitauifacere aduersus eam. Hominum verò messuba, hoc est auersio , non se- „  
mel in diuinis voluminibus notatur, qui in peccandi proposito manentes diuinam iram „  
in se magis ac magis prouocant, atque augent, extremamque sibi hac re moliuntur per-  
niciem, sicut scriptum est. Auersio paruulorum interficiet eos. cuiusmodi autem ea sit, „  
Deus ipse apud Ieremiam sic declarat: Nunquid vidisti quæ fecerit auersatrix Israël? „  
abiit sibi met super omnem montem excelsum, & sub omni ligno frondoso: & fornicata „  
est ibi. Et dixi cum fecisset hæc omnia, ad me reuertere, & non est reuersa. Hæc ho-  
minum auersionis notatio est, vt non solum peccato sese contaminauerit, sed etiam  
vt meliora monentis consilio parere, atq. de sententia desistere noluerit. Huic quidem  
diuina auersio similis est, causa verò vtriusque omnino est dissimilis: Homini enim  
mala mens & animus malus, impietas corruptaque studia auersionem pariunt & fo-  
uent; Deo autem æquitate, iudicio & iustitia ducto, pœnarum, suppliciorum atque  
ultionis sententia firma cõstat, eaque non antea mutatur, quàm sua hominibus legitimè  
oportuneque mutata sit, sicut scriptum est: Super hoc accingite vos saccis, & vlu-  
late, quia non est conuersa ira furoris Domini à vobis. & iterum: Non conuertet iram  
indignationis Dominus: donec faciat & compleat cogitationem cordis sui, in nouissimo  
dierum intelligetis ea. Huiusmodi diuina auersio est. Nunc ergo rerum ac nominum  
ratione expedita locus nobis est explicandus. Cum inter aliquos dissidia aperta que si-  
multates exercentur; solent boni viri vtriusque partis studiosi de reconciliatione dili-  
genter agere; ea res perfici non potest, nisi altera pars alteri aliqua in re concedat, aut  
prior satisfaciat; quòd si dissidium inter dispares sit, ius, æquitas, ac ratio ipsa postulat,  
vt maiori minor cedat; contrà summa est improbitas minorem contendere, vt sibi à  
maioribus cedatur. deinde & illud est æquissimum, vt qui prior lacefferit, idem  
prior satisfaciat; iniquissimum verò, ab eo qui iniuriam, aut offensionem exceperit,  
vt iram prior deponat contentiõemque remittat, postulare. ceterum cum hoc neq.  
lex, neque ratio vlla ferat, illud maximi excelsique animi & summæ clementiæ opus  
est, si à potentiori eodemque prius laceffito nuntij curatoresque ad eum qui in noxa  
est, mittantur, qui admoneant, hortentur & prædicent, atque omni consilio & stu-  
dio laborent, vt quàm maturè ad gratiam fiat reconciliatio; qui testentur maiorem  
facilem paratumque esse ad inimicitiam deponendam, & quàm optimè de minori  
promerendum; modò is prior, vt æquum est, sententiam mutare suamque facere velit  
officium; admoneantque interim dignitatis atque amplitudinis, in qua is sit constitu-  
tus, qui offensus ab eis fuerit, qui vltro inuitet & roget. Quonam verò supplicio di-  
gnum eum esse existimemus, qui deteriore causam partesque obtinens, tamen ro-  
gatus atque admonitus, neque cedat, neque cessurum sese esse dicat, nisi maior  
idemque potentior, & qui iustissimam causam tuetur, ab ira prius & odio, atque à pœna  
maloque inferendo desistat. Hoc modo suam Israëlitarumque rem sese habere Deus  
testatur: Quos cum offensus iratusque per vates suos sæpe vtriusque causæ admo-  
nuerit, ad gratiamque inuitauerit, perducendæ tamen sententiæ amulos se etiam ha-  
bere intelligat, nolle enim eos contentiõem auersionis prius remittere, quàm ipse  
remittat. Quanquam ipse rex ac Deus sit, & altissimum diuinumque folium teneat,  
illi verò populus eius, homines terram incolentes, terram non suam, sed Dei ipsius.  
Iam verò versuum sententia patere omnibus videtur. [ *Populus meus pendebit ad redi-  
tum meum,* ] quid sit reditus, vtque eadem auersio sit, diximus. Ergo cum mea auer-  
sio expectare debeat, quoad isti suam deponant, atque ad me conuertantur, sicut scri-  
ptum est: Conuertimini ad me, & ego conuertar ad vos, tamen isti cum sint populus  
meus, mecum auersione contendunt, perguntque auersi esse, quamdiu ego ab eis  
auersus fuero, cum ipsi me vltro sceleribus admissis prouocarint, cum ipsi primi ini-  
micitias prouocauerint, me non solum relicto, sed etiam dijs alienis, immò & po-  
pulis,

pulis, principibus & mihi infensis & sibi hostibus postposito? & ad excelsum vocauerunt eum. quamuis à meis ministris vocatus hic populus, quamuis dignitatis amplitudinisque meæ sæpe fuerit admonitus, quamuis excelsi appellatio, quæ mihi vni conuenit, grauissima apud illos esse debuerit, vt cederent, vt priores conuerterentur, vt gloriam Deo suo darent, tamen omnino nemo est qui honorem gloriamque, nemo qui primas mihi tribuat. hic illorum verborum sensus est, [In vniuersum non est qui exaltet.] me dominum ac principem, cui cedendum sit, agnoscat & officio faciundo fateatur.

*Quomodo dabo te Ephraim? protegam te Israel? quomodo dabo te sicut Adama? ponam te sicut Seboim? Conuersum est in me cor meum: pariter conturbata est pœnitudo mea.*

10

INNUMERA profectò sunt in sacris vatibus loca, quæ non solum breuem commentationem, sed iusta volumina ad sui contemplationem explicandam postulabant; inter quæ ea præcipue sunt, vbi de diuinis virtutibus, siue, vt Theologi vocant, à tributis mentio fit: cuius generis potestas, iustitia, sapientia, & misericordia sunt. sed nos tum ingenij, tum commentationis angustia coacti, maximarum huiusmodi rerum tractationem breuiter attingentes, cætera in aliud tempus felicioribus ingenijs cogitanda tractandaque seruamus; nam quæ tam beata eruditionis copia, quæ tanta eloquentia, vt huic loco pro dignitate tractando satis esse possit? in quo Deus tum misericordia, tum æquitate iustitiæque sua in eas angustias adductus esse videatur, vt num ingrato æmuloque populo cedat & parcat, an meritum exitium paret, illi sit deliberandum: nam cum illi propositam sibi reconciliationis gratiæ æquissimam conditionem respuissent, omnem indignationem subire, plenumque diuini furoris calicem exhaustire, commeriti fuerant, hoc iustitia, hoc ratio postulabat. Rursus cum tanta in Deo misericordia sit, vt super omnia opera eius esse prædicetur, tantaque extent populo huic, tamque graues apud maiores eorum promissiones, quid faciat nō mini illi suo magno Deus? remittat ne omnino Israël contentionem, cedat, parcat, adeat ne vltro eorum improbis moribus, & corruptæ assentetur voluntati? Absit, Quoniam non Deus volens iniquitatem tu es, neque habitabit iuxta te malignus, neque permanebunt iniusti ante oculos tuos. Igitur inter tanta hæc diuinæ iustitiæ & misericordiæ momenta, inuenienda atque ineunda ratio est, qua vtrique parti satisfiat, & iustitiæ videlicet & misericordiæ; atque adeo in ea re spectanda sapientia est. Huiusmodi argumentum toto hoc capite ad finem vsque continetur: Principio enim Dei vox atque oratio, clementia misericordiæque plenissima auditur, illud cogitantis & deliberantis, num populus ille meritis supplicijs afficiendus sibi misericordissimo Israëlque amantissimo sit. Deinde iusti principis suamque dignitatem tuentis sententia enuntiatur: Non decere Deum hominibus cedere, neque impunè improbis & sibi æmulis esse permittere. Postremò loco modus inuenitur, quomodo nec iudicio liberentur, nec misericordia excludantur. Duorum autem nominum quibus in hoc loco appellatur, Deus videlicet & sanctus, indicanda prius significatio est, deinde Elegia ipsa est explicanda: Est enim verè Elegia lugubri carmine Hebraicè conscripta. Multa apud Hebræos nomina esse constat, pro quibus omnibus latinè vel Deus, vel Dominus redditur; quorum nominum non eadem ratio, neque eadem significatio- nis nota est. harum verò differentiarum negligentia magnum profectò detrimentum non solum orationis nitore, sed etiam rerum atque sententiarum ponderi afferet: siquidem nunquam temere primo quoque oblato nomine quibuscumlibet in locis appellatur Deus, sed alio atque alio iuxta rerum & sententiarum argumenta maximo cum delectu dicitur. atque hæc res proprium sibi tempus maiusque ad differendum dari postulat. Hoc autem in loco vbi legimus: Quia Deus ego sum, & non homo, Hebraicè est, quia *El* ego sum? *El* autem fortem maximaque virtute præditum significat; atque eum quem Hispani, Itali & Galli vno nomine valentem appellant. Itaque hoc nomen ad id diuinum attributum pertinet, quod à Theologis potentia, fortitudo

Exod.

Palm.



- fortitudo, siue virtus dicitur. Ideoque nobis diuina explicantibus, cum hoc nomen occurrerit, fortis siue fortissimus reddetur. Sed & *sanctus* nomen certæ cuiusdam significationis est: Nam separationem à communibus vulgaribusque rebus indicat, & grauitatem auctoritatemque præ cæteris eximiam dicit. cuiusque nominis vim, si quis breuiter
- 5 intelligere cupiat, ex opposito nomine facile arguet: *sancto* enim in sacris, *commune*, opponitur. quidquid itaque à communi & vulgari distinguitur, sanctum dicitur; idque esse definitur, quod cæteras res cum quibus comparatur grauitate, pondere atque dignitate longissimo superat interuallo, ita sancta vasa sanctæque vestes dicuntur, quæ nec in prophanos vsus, nec vulgo omnibus exposita sunt. Ita Deus sanctus appellatur, quod illius vel no-
- 10 men ipsum apud homines non leue, non cuius temere adeundum, sed grauissimum augustinissimumque esse oporteat, neque fas cuiquam sit illum illiusque rationes & res, vel contemnere, vel temere & pro libidine arbitrioque tractare. maiestatis itaque nomē hoc est quam semper si quis minuere tēaret, seuerissimis poenarum exemplis, editis Deus conseruauit; id quod Nadab & Abiud in seipsis publico spectatoque supplicio probauere.
- 15 Quamobrem Moses dixit: Sanctificabor in ijs qui appropinquant mihi, & in conspectu populi glorificabor. Iam ad Threnum explicandum accedamus. Primum illa lugubris vox bis repetita auditur: qua vehemens ex aliena calamitate dolor acceptus indicari solet. Quomodo? sic Ieremias lamenta gemitusque suos incipiebat: Quomodo sedet sola ciuitas? quomodo obscuratum est aurum. Igitur cum Ephraitæ, & qui horum studia se-
- 20 quuti fuerat, Israëlita, non solum sceleribus impietateque, sed sua illa pertinacia & diuinæ auersionis æmulatione commeriti fuissent, ut ex humanæ naturæ finibus exterminarentur. atque ea res durissima diuinæ benignitati paternæque clementiæ videretur, in hos gemitus, in hæc doloris & luctus plena verba proruptum est: [Quomodo te dabo Ephraim? protegam te Israël? Hebraicè est: *tradam te Israël? Quomodo te dabo sicut Adama? ponam te*
- 25 *sicut Seboim?*] Adama & Seboim duæ vrbes ex quatuor illis quæ cælo tactæ funditusque euersæ olim ob incolentiū scelus impietateque fuerunt; in eo agro sitæ quæ Iordanis fluuius irrigabat. His ut scelere atque impietate, ita & poena supplicioque Ephraitas pares fore dixit Deus, nisi id misericordia intercessisset, ut cum illis mitius clementiusque ageretur. Ephraim autem præpositus est, ut princeps tribus & sceleris atque impietatis apud cæteras
- 30 auctor, Ephraim sicut Adama dandum, & Israël sicut Seboim ponendum præcinit, neque verò Sodomæ & Gomorræ meminit, quoniam illarum urbium imaginem, ut dignitate atque auctoritate, sic flagitio, sic etiam pæna Iudæorum senatus populusque exprimebat, sicut scriptum est: Audite principes Sodomæ, auribus percipite populus Gomorræ. Hoc ex
- 35 nobis semen, quasi Sodoma fuisset, & Gomorræ similes essemus. Quomodo te dabo, & tradam, iudicis decretas poenas iam iam repetituri hæc verba sunt: sed illa interrogationis repetitio dolorem maximum affectumque indicat iudicis Dei non vltro, sed eorum sceleribus adducti, ut capitis pronuntiet sententiam. Est autem huiusmodi nonnunquam repetiti verbi vis, ut miserationem doloremque augeat, ut illud, *occidit, occidit,*
- 40 *Spes omnis & fortuna nostri Nomini Hasdrubale interempto.* Quoniam autem non solum quid dicatur, sed quomodo, qua arte dicatur, interdum obseruare consilium est, (namque & dicendi ratio plurimum ad dicentis affectus exprimēdos momenti habet) Meminisse oportet eam Elegiarum legem, eam dicendi agendique artē esse, ut nullam legem certam, nullam artem sequi videantur; atque illam in his summā cōstantiam esse,
- 45 nulla perpetua ordinis rerum ratione, aut serie sibi constare: id autē ex lugentium dolentiumque more fieri, qui nunc hoc, nunc illud cogitant, aliud interdum, rursus aliud cōsiliū capiūt. si quis huius rei exemplum satis elegas habere in alienis libris cupiat, Ianni Panonij episcopi Threnum de morte matris legat, aut hispanam antiquā illam sententiæ & carminis sonō lugubrem naniā, cuius initium est: *O pino pino, ô pino florido.* In nostris autē legat, Davidis de Saulis & Ionathæ nece lamentationē, vel ea quæ modo citauimus Ieremias carmina, vbi modò alia, modò alia res agi petique videtur: Namque vates iam Dei iram, suarum populique calamitatum causam citat, iam se suosque ciues, iam patres suos in culpam vocat; & quæ eiusmodi apud optimos auctores maxima in hoc dicendi genere, & concors discrepantia est. Atque hæc oratio optimè in his Osee, siue Dei potius carminibus obseruatur: Quippe nunc Deus misericordem dolentemque agit, & de dissi-
- Q3 mulanda

Leuit. 10.  
Thren. 2.

Isai. 1.

Horat. lib. 4.  
Od. 4.  
2. Reg. 4.

mulanda poena cogitare videtur, qui iudicem nuper clementem, æquum tamen egerat. inquit autem: [*Conuersum est in me cor meum: pariter conturbata est poenitudo mea:*] tanta mea est misericordia, tamque inuitus poenas repeto, ut nunc mihi cor dolore conuelatur, visceraque commoueantur. & parum abest, quin me consilij, quod aduersum vos inierim, poeniteat. *Pariter conturbata est poenitudo mea;* commota est, ad misericordiam, indulgentiamque inclinare & propendere videtur. Hactenus clementis patris oratio lamentatioque pertinuit, nunc deinceps Dei fortis & sancti neque vnquam hominum moribus & temeritati cedentis sermo subiungitur:

*Non faciam furorem iræ meæ? non conuertar ut disperdam Ephraim? quia Deus ego & nō homo: in medio tui sanctus & non ingrediar ciuitatem.*

10

ORATIO concisa est nonnullis quidem vocibus deficiens, alijs vero abundans; quales eorum sunt, qui commoto sunt animo, quorum magis vox ipsa & spiritus, quam oratio mentem sententiamque exprimit. ut

AEnclid. r.

*Menē incepto posse desistere victam? Nec posse Italia Teucrorum auertere gentem?*

15

Non faciam, inquit, non faciam ut cedam hominibus istis, eorumque succumbam voluntati, atque illorum arbitratu temperem furorem iræ meæ. Non desistam de sententia, neque iustum æquumque consilium mutabo quod de Ephraim perdēdo cepi: [*Non conuertar ut disperdam Ephraim?*] Obseruanda imprimis distinctionum & punctuorum ratio est, quam nos ex Hebraico exemplari correximus, deinde singulis membris usque ad carminis medium, interrogatio est apponēda. Carminis autem medium in Ephraim est. Deliberat ergo Deus num ob misericordiā cessandum sibi sit, & in promissionibus propositoque antiquo manendum, ita ut ab eo proposito ad ultionem exitiumque Ephraim non conuertatur, liceatque Ephraim impune peccasse, quem Deus ob suam misericordiam, non solum ad amicitiam & reconciliationē sponte sua vocauerit, sed prior remissa contentione ultro obierit, & ingratum, aliās nolentem receperit, cum Ephraim cedere hactenus, Deumque suum & admonitus & inuitatus adire, priorque auersionem deponere pertinaciter recusauerit, tamen ea re sumptuosius insolentiusque sese iactare possit; quod Deum pertinacia, æmulatione, contentioneque vicerit, atque ob misericordiam cedere priorem coegerit? Hoc verò abuti diuina misericordia & patientia, non uti, est, & quodnam magis perniciosum hominibus edi potest exemplum, vel ad humanam impietatem fouendam atque augendam, vel ad diuinam maiestatem minuendam & contēnendam, quam ut minori maior cedat, ut bona causa à mala, ut misericordia ab impietate, ut ab indignissima atque leuissima humilitate maxima & grauissima maiestas non submissione, non supplicationibus, non ijs quibus decuit, artibus & modis, sed pertinacia, superbia, atque æmulatione superetur? Ergo quid diuina fortitudine, quid sanctitate illa tremenda adorandaque fiet? Rei profectò æquitas iusque postulant, ut diuinæ dignitati & maiestati potius consulatur, quam ut humanæ impietati & superbix succubatur. ob eam autem rem, atque ob eam cogitationem ait: [*Quia Deus ego sum, & non homo, in medio tui sanctus & non ingrediar ciuitatem.*] Quia. Hęc vox auersatiua nonnunquam cum vehementi asseueratione in sacris sermonibus est, ut: Iucundus homo qui misertur & commodat, disponit sermones suos in iudicio. hactenus alterum hemistichium, subiungitur alterum: Quia in æternum non commouebitur. sic hoc in loco asseuerationem propositique certitudinem simul cum causa indicat: *Quia ego fortis sum & nō homo, quispiam ignauissimus & imbellis, cui ob ignauiam & metum cedendum sit, & sanctus in medio tui,* qui ingenium naturamque meam à vulgari consuetudine abhorrentem, nec vilem, aut quorumlibet importunitati aut temeritati cedentem, neque in impietate atque sceleribus conuiuentem, iam saepe vobis testatus fuerim, non sine magno eorum qui contra moliti fuerint, malo, qui maiestatem meam semper illaſam intactaque esse voluerim & conseruauerim. Nunc verò tibi Ephraim tam grauius offensus, tam audacter, tam superbe irritatus, tam insolenter exceptus, non me submittam, ciuitatem tuam, cuius ego rex fueram, à qua per summam impietatem singularemque tuam audaciam exclusus, neque vnquam abs te reuocatus sum, non repetam, non ingrediar ultro: Exclusisti, non reuocas, non supplicas, redcam? *non ingrediar ciuitatem:* Hebraicè, & non veniam in ciuitate. habet egregiam significationem oratio, namque distinctio est

&amp; non

*Non veniam: in ciuitate:* non inquit adibo te, neque vltro excipiam te in ciuitate ipsa: satis tibi enim fuerat missos à me nuntios habuisse qui voluntatem meam declararent, satis etiam fuerat illud intellexisse, me si modo vltro adires & supplicares, obuiam tibi venturum, excepturumque libenter, noluisti tamen auersionem tuam deponere, quoad deponerem ipse meam. noluisti procedere ad supplicandum, illud expectasti, vt ego vltro venirem vsque ad urbem, atque in ipsa vrbe tibi pacem gratiamque offerrem, & confirmarem; non veniam profecto ad te in ciuitate.

*Post Dominum ambulabunt: quasi leo rugiet, quia ipse rugiet & formidabunt filij maris* Hebraicè, *filij à mari.*

10 CERTVM fixumque ex deliberatione consilium plenum prudentiæ & ad vtramque partem, id est, ad iustitiam & misericordiam aptissimum nobis hoc in disticho aperitur; & quam rationem diuina sapientia inierit, vt Israëlita nec meritum poenarum, nec maximæ illius atque inexhaustæ misericordiæ expertes essent, ostenditur: Nam cum illis  
15 vt omnino in tantis sceleribus atque impietate ignosceretur, nec ius, nec ratio, nec futurorum temporum patiebantur exempla, rursus vt non penitus noceretur, diuina intercedebat clementia. Consilium igitur est eos, quos inalis potius & misericors, quam indulgentia & obsequio erudiri oporteat, in abductionem atque captiuitatem tamdiu vexandos tradere, quoad maturum tempus adueniat, cum diuina voce, hoc est, Christi Euangelio reuocati, tandem illam expuant miseriam, atque in perpetuam gratiam reducantur. ex-  
20 clamare profecto atque diuinæ sapientiæ ineffabiles artes arcanaque consilia admirari hoc in loco libet: O altitudo diuitiarum sapientiæ & scientiæ Dei: Quam incomprehensibilia sunt iudicia illius, & inuestigabiles viæ eius. Quis enim cognouit sensum Domini, aut quis consiliarius eius fuit? quos constituit modos, quas vias munit, quibus summa quæ ab ipso parata est felicitas, hominibus tandem perferatur. visus est nobis Israël à Deo ita  
25 alienatus vt neque admonitus neque inuitatus resipiscere & redire voluerit. visus Deus propriæ maiestati atque sanctitudini consulens furoris sui iram in eos effundere decreuisse, & tamen in hac tam calamitosâ re maximam Israëliti ipsi commoditatem contineri intelligimus: Nimirum quod qui illius antiquæ per vates vocationis repulsam, tanto sibi damno maloque fuisse senserint, vbi ipsum Deum per filium perque Euangelium suum denuo vocantem audierint, aduolent vndique omnes, & summo studio vocantem sequantur, maiorem grauioremque sibi calamitatem timentes nisi nunc obsequantur, quam fuerit ea, quam ob violatas vatum legationes sunt hæcenus perpeffi. Si enim, in-  
30 quient, qui per nuntios dictus est sermo, factus est firmus, & omnis præuaricatio & inobedientia iustam accepit mercedis retributionem, quomodo nos effugiemus, si tantam neglexerimus salutem, quæ non per nuntios, sed per Dominum narrandi initium accepit? [*Igitur post Dominum ambulabunt.*] Conuersionem integram Israëlitarum Euangelij tempore futuram præcinit, & quo studio, qua mente redeundum illis sit, describit simul, & Euangelij dignitatem, auctoritatem, & duplicem illius actionem indicat. Qui  
40 ante, inquit, æmuli rebellesque erant, qui dura ceruice & incircunciso corde sese præbuerant, Dominumque ad se, non se ad Dominum venturos esse contendebant, tunc supplices & parentes Dominum sequentur. Euangelij autem auctoritatem ita declarat, vt Domini ipsius verbum ab eodem Domino publicè pronuntiatum esse dicat, & Christum Euangelij auctorem & ministrum verè Deum confirmet. Ita etiam Paulus in hanc sententiam differebat: Nouissimè, inquit, locutus est nobis in filio, quem constituit heredem  
45 vniuersorū, per què fecit & secula, qui cum sit splendor patris & figura substantiæ eius, &c. [*Quasi leo rugiet: quia ipse rugiet.*] Diuinam Euangelij vocationem leonis rugitui assimilaui. Nam quemadmodum ad leonis in filijs rugitum animalia cætera, maximæ autem feræ metu teritiæ contremiscunt, leonū autem filij ad escas procurrunt (Siquidem certa leoni rugienti præda est, sicut scriptū est: Nunquid rugiet leo in filua, nisi habuerit præ-  
50 dam? nunquid dabit catulus leonis vocem de cubili suo, nisi aliquid apprehenderit?) Sic etiam Euangelij vox à Christo missa magna omnium qui audierint commotio est: illa enim vox spem, lætitiā, & felicitatem filijs, feris autem alienisque & incredulis hominibus metum, horrorem, & exitium affert, sicut scriptum est: Deo autem gratias, qui odorē notitiæ suæ manifestat per nos. Nam Christi bonus odor sumus in ijs qui pereunt, & in

Hebr. 2.

Hebr. i.

Amos 4.

2. Corinth. 2.

» & in ijs qui salui sunt, alijs quidem odor mortis in mortem, alijs odor vitæ in vitam. De  
 » qua genuini Euangelij virtutē grandis nobis & interpretabilis ad dicendum sermo est,  
 quem suo tempore Deo adiuuante persequemur. Ob hanc autem rem dixit: [*Quasi leo*  
*rugiet.*] Et vt rem expolitione confirmaret, addidit: [*Quia ipse rugiet.*] Ipse Deus per  
 filium suum diuinæ suæ naturæ consortē vocem & terroris & consolationis plenā mittet, 5  
 eademque vox in Apostolis audietur, qui Christi spiritu verè præditi atque aucti erunt.  
 [*Et formidabunt filij à mari.* Hebraicè propriè est, *Et trepidabunt filij à mari.*] Verbum enim  
 trepidare quàm formidare cōmodius ad sententiā futurā præscribit; quæ tamen non eodem  
 tionem & salutē Euāgelij virtute & efficientia futurā diffusi sunt orbem, continget: Nam ex 10  
 tempore omnibus, qui in dispersione per totum diffusi sunt orbem, contingeret: Nam ex  
 duabus mundi partibus oriente & occasu illi cæteros præcurrēt, qui occidentalē plagam  
 incoluerint, deinde verò alij suo tempore exiguo autem interuallo reliqui omnes quos-  
 cunque orientalis pars tenebit, tanta celeritate ad salutem suam properabunt, vt colum-  
 binis alis volasse videantur. [*Et trepidabunt filij à mari.*] Israëlita cum ab Assyrijs ab-  
 ducerentur, partim ad occidentem relegati, partim per orientales regiones sunt dissipati. 15  
 horum omnium plenam vocationem integramque restitutionem futuram sacri vates,  
 alij apertis votibus, alij obscuris orationibus præcinerunt. Abdias autem omnium cla-  
 rissimè, & transmigratio exercitus huius filiorum Israël, quæ cum Cananæis est vsque ad  
 » Galliam, & captiuitas Ierusalem quæ fuerit in Hispania, hæreditabunt vrbes Australes.  
 » Magnam verò occidentalium Israëlitarum trepidationem futuram prædicit, quoniam 20  
 ea pars prima omnium vocanda extimulandaque ad salutem est. sed id tamen non  
 sine turba & tumultu fiet: Namque ex ijs alij Euangelij salute cognita, alij metu acti  
 & nouarū rerum tumultu trepidantes ad Euangelij lucem è tenebris venient, alij autem  
 fugient, & solum vertent, atque occidentalia loca omnino destituent. Quæ res cum no-  
 stris temporibus iam acta atque impleta sit, argumentum atque spem nobis facit, prope- 25  
 diem futurum vt cætera etiam quæ reliqua sunt perspiciantur. Plena fuit superioribus an-  
 nis populo Israëlítico Germania, Gallia, frequentissima etiam Hispania vsque ad nostra  
 ferè tempora fuit. Sed nunc rari admodum in Germania, nullus in Gallia, in Hispania  
 nullus est omnino, qui Israëliticum nomen illud carnale tueatur. omnes vel Euangelicæ  
 lucis sole illorum animi exorto vel principum consilio & diligentia Christianam reli- 30  
 gionem iamdiu professi sunt. & si qui adhuc in tenebris manere voluerunt, certè regio-  
 nibus his cessere. Namque Gallia iam ante annos 250. Hebræorum gente vacua est,  
 Hispaniæ autem finibus anno à Christo nato 1490. ex Castellæ regno, ex Lusitaniæ verò  
 prouincia vltimi omnium migrauerunt; cum multi interim ex eis Christianum nomen  
 essent professi. Cæterum qui nunc ex eo genere reliqui sunt, pauci certis in Italiæ oppi- 35  
 dis agunt, alij autem omnes aut Asiam & Turcarum terras, aut Africam & Ægyptum  
 incolunt. Igitur eorum qui à mari, hoc est, ab occidentali mundi plaga erant, res vt sese  
 essent habituræ illo verbo aptissimè expressum est: [*Et trepidabunt filij à mari.*] namque  
 vt apud Hebræos H A R A D, sic apud Latinos trepidare huius est significationis, vt agen-  
 dæ rei sollicitudinem cum turba & tumultu indicet, vt illud 40

Horat. lib. 2.  
Ode. 4. & 11.

*Cuius octauum trepidauit atas*

*Claudere lustrum.*

Et illud:

*Nec trepides in usum poscentis aui pauca.*

Filios verò nominat Israëlitas,

Roma. 9.

quorum est adoptio filiorū, qui olim etiam filij dicti publicè in Ægypto fuerant. perstat  
 autem in proposito, ostenditque qua ratione, quomodo cum filijs quos indulgentia arti- 45  
 puit, agi oporteat.

*Et auolabunt quasi auis ex Ægypto & quasi columba de terra Assyriorum, &  
 collocabo eum in domibus suis dicit Dominus:*


Psal. 10.

» EXTREMAM illam Israëlitarum restitutionem celerrimam fore non solum hoc vo- 50  
 landi verbo, sed auis & columbæ nominibus significat: Siquidem columbam maxima  
 atque constanti volandi pernitate valere, & Noe nuntio, & alijs etiam experimentis est  
 demonstratum. quamobrem Dauid optabat: *Quis dabit mihi pennas sicut columbæ, &  
 » volabo. Ecce elongauit fugiens. Iam verò Israëlitas omnes quicunque reliqui nunc sunt,  
 vel ad Ægyptios, vel ad Assyrios pertinere diximus: Etenim qui nunc apud Turcas rerum  
 potitur,*



potitur, idem Babylonis Assyriorumque Tyrannus, atque idem Ægypti princeps est. in huius autem ditioe & potestate ferè omnes Israëlitarum sunt; alij enim Asiam, Ægyptum & Africam alij incolunt. Totam autè Africam eamque præsertim, quæ nostro mari abluatur, ad Ægypti genus in sacris referri Mose auctore didicimus, ait enim: At verò Misraim [qui Ægypto nomē dedit] genuit Ludim & Ananim & Iaabim, & Nepthium, &c. Gene. 10.  
 At verò oratio ipsa volandi comparatione augefcit: Est autem huiusmodi auium, & maxime minorum, genus omnium maxime præpes. Hebræis Ziphor dicuntur, vt hirundines, alaudæ, cardueles, aliæque huiusmodi sunt. de quibus scriptum est: sicut aues volantes, sic descendet Dominus vt liberet populum suum. sed omnes & celeritate & contentione columba vincit. Isai. [Et collocabo eos in domibus suis dicit Dominus.] Stabilem & firmam eorum felicitatem fore confirmat, vtpote qui diuina manu collocandi in domibus suis & in æternis tabernaculis constituendi essent; neque enim solum incomparabili magnitudine, sed æternitate etiam atque stabilitate noui Testamenti felicitas antiquum illum veteris Testamenti statum & faciem erat superatura, sicut scriptum est: Ecce dies veniet Ierem. 31.  
 dicit Dominus, & feriam domui Israël & domui Iuda pactum meum, non secundum pactum quod pepigi cum patribus vestris in die qua apprehendi manum eorum; vt educerem eos de terra Ægypti, pactum quod irritum fecerunt, & ego dominatus sum eorum dicit Dominus. Sed hoc est pactum, quod feriam cum domo Israël post dies illos, dicit Dominus: Dabo legem meam in visceribus eorum & in corde eorum scribam eam, & ero eis in Deum, & ipsi erunt mihi in populum, &c. 22

## CAPVT XII.

25  IRCUM DEDIT me in negatione Ephraim, & in dolo domus Israël; Iudas autem testis descendit cum Deo, & cum sanctis fidelibus.

EX REBUS ijs quæ grauissimorum librorum lectionem obscuram difficilemq. red-  
 dere possunt, vna est, cum ea quæ ab auctore perpetua oratione fuerant conscripta,  
 30 in diuersa capita ab alijs diuisa distinctaque sunt: Accidit enim nonnunquam eo in loco intercipi orationem, vbi magnæ sententiæ disjunctio hiatusque fiat, vel aliàs alijs partibus ita assui, vt neque sermo neque sensus cohæreat. Huiusmodi vitia nos in antiquorum auctorum libris non rarè deprehendimus, ac præcipuè in Lactantij Firmiani scriptis, quæ perpetua oratione dictata fuisse multa loca importunè interrupta declarant; in quibus  
 35 capita non ad sententiæ rationem, sed ad legentis patientiam & ad spiritus cõtentionem intercisâ fuisse videntur. Ex sacris autem libris plerosque integros nullisque capitibus distinctos ab auctoribus suis emanasse exemplaria ipsa tum Hebraica & Chaldaica, tum Græca docent. Facta autem est capitum distinctio, ex quibus nonnulla vel cum antecedentibus vel cum sequentibus periodis cognationē habent, quod vt sententia atq. oratio liberè fluat, diligenter obseruare oportuerit. vt in hoc loco qui apud vulgatam editionem  
 40 vltimus vndecimi capitis versus est, ex sententiæ obseruatione atq. ex Hebraicæ lectionis nota duodecimi initium esse apparet. Hæc breuiter de hac re semel adnotasse atq. admonuisse operæpretium duximus. Iam verò nos ad nostrum munus pensumq. reuocemus.

ACCVS AVERAT antehac Deus Israëllem maximi illius & nefarij piaculi superstitionis atque simulachrorū cultus, idq. facinus multis exagitauerat nominibus, videlicet  
 45 adulterij, infantiæ, & flagitij; post hæc ingratitudinis & cæterorum quæ audita iam nobis fuere. Sæpè enim cõtingit vt in vna atq. eadē re plura contineantur crimina, quæ omnia si quis vnū tantum esse arbitretur, nunquam profectò dispositè accusare tractareq. possit: opus igitur est, non solum ingenio, verumetiam iudicio & artificio quodam singulari, vt  
 50 ea quæ plura in vno coniuncta sunt crimina distingui ac separari diligenter possint. In vno Mercurij Tyndaritani signo quod à Verre fuerat sublatum, multa Tullius crimina, pecuniarum captarū, peculatus, maiestatis, sceleris, crudelitatisq. notauit, ne cui mirum videri  
 debeat, quod eadē res, idem Israëlitarū flagitiū, tam sepe à Vate nostro repetatur, tantisq. agitetur vrgeaturq. modis. Imò ne quod nobis peccatū simplex & leue esse existimetur, vel ob consuetudinē, vel ob nominū definitionumq. ignorationē. cum Deo accusatori & iudici

Cice. in Ver:  
acti. 6.

- iudici omnium rerum genera, omnes formæ partesque singulæ notissimæ sint, qui quo quidque nomine sit appellandum proprio certissimoque pondere expendere solus sciat: Vtpote qui numerat multitudinem stellarum, & omnibus eis nomina vocat. Nunc igitur
- Psalm. 146. „ Israël tantis nominibus à Deo ob vnum facinus accusatus in doli proditiōisque crimen denuo vocatur. vt qui principi regiue suo insidias pararit, atque ad illius regiam vsque hostes oportunè induxerit. Quoniam verò oratio in definitiuo statu versatur, primū omnium dolus est nobis definiendus. Est autem dolus malum studij simulatione aduersus immerentem paratum; quod si aduersus benemerentem sit, omnis flagitij superat inuidiam. Hanc definitionē nobis diuina indicat sapientia. Qui relinquunt, ait, iter rectum,
- Prouerb. 2. „ & ambulant per vias tenebrosas. Et, ne machineris proximo tuo malum, & ille tibi fidit.
- Prouerb. 6. „ Igitur criminis propositio est: quod cum sese Israëlitis crediderit, regemque apud eos egerit, & optimum & clementissimū, vltroque in medium eorum ad habitandum commigrauerit, inter quos sanctus omnino atque ab aliarum gentium vulgaribus & prophanis dijs separatus esse & haberi voluerit, tamen ab Israëlitis ita fuerit acceptus, vt per eos ad ipsum alienis dijs aditus sit patefactus; & hoc modo sese erga Deum Israël gesserit, quod gentibus separatū atque inaccessū Dominū non fidelis populi studio custodiendum, sed perfidorū dolo prodendum circumsepierit: [*Circumdedi me in negatione Ephraim; & in dolo domus Israël.*] Cum ad me, inquit Deus, sanctissimū nulli vnquam Deorum vanorum accessus, neque diuinorum honorum communicatio mecum esse potuerit, cumque ego huius maiestatis apud homines conseruandæ causā meipsum Israëlitis crediderim, sicut scriptum est: Ego Dominus, hoc est nomen meum, gloriam meam alteri non dabo,
- Isa. 41. „ & laudem meam sculptrilibus. nihil tamen tantum sibi sculptrilia aut petere aut etiam cupere potuerunt, quantū ipsis ab Israël vltro est oblatum; non enim solum meorum honorum partem, sed summam ipsam integram, mihi detractam illis concedere ausi sunt. Prior autem Ephraim, hoc est Israëlitarum regia familia circumdedit me negatione, me prior negauit, prior dixit: Hi sunt Dij tui Israël qui eduxerunt te de terra Ægypti; domus verò Israël, hoc est reliquæ nouem tribus dolo & fraude me circumdedit, illi enim cum primum Ephraim me negauit, statim diuinos honores nouis sacratīs Dijs decreuit & tribuit, sicut scriptum est: Et fuit verbum hoc in peccatum, ibat enim populus ad adorandum vitulum in Dan. idque illis ex comoditate admissum est, postquam tabernaculum apud eos fixi atque domum mihi ædificandam locaui, in qua regio more adeundus, salutandus, colendusque ipsis fueram, circumdederunt me, non quem veneratione & cultu, sed quem dolo atque proditiōe prosequerentur. At verò Iuda etsi offensionibus quidem multis, non tamen negatione aut dolo meam minuit maiestatem, sed frequentando templo atque sacrificijs faciendis adhuc officium retinet. [*Iudas autem testis descendit cum Deo.* 35] Hebraicè sic: *Iudas autem adhuc descendit cum Deo.*] Iudæorum in hac re constantiam probat, qui quanquam numero & copijs imminuti debilitatique fuerint, tamen religionem fidemque retineant. descendisse autem dicuntur ab illo splendore & frequentia. qua illorum vrbs celebrabatur, quo tempore omnes tribus rege ex Iudæorum familia utebantur. nunc verò ex quo dissidium factum est, descendit quidem Iuda, de illo splendoris gradu, sed tamen cum Deo & cum sanctis fidelibus permansit: Neque enim à Deo desciuit, neque paternam religionem & pietatem deseruit, sed cum sanctis qui sunt in terra eius, & cum antiquis patribus voce & mente de retinenda religione fideque seruanda consensit: [*Et cum sanctis fidelibus.*] Sanctos appellat scriptura eos qui sanctissimum verum atque vnicum Deum purè sancteque colunt, sicut scriptū est: Sancti eritis mihi quoniam
- Leuit. 30. „ ego sanctus sum Dominus Deus vester. quanquā verò longè alia in nouo atque in veteri testamento sanctitudinis ratio multoque illustrior sit, tamen sanctos olim fuisse & à prophano gentium more remotos Deoque gratissimos homines nulli non constat. Sanctis,
- Psalm. 9. „ inquit, qui sunt in terra eius, mirificaui voluntates meas in eis. Neque verò totam Iudæorum gentem sanctam esse confirmat, cum illis temporibus multis etiam sceleribus contaminatam fuisse cōstet, sed quod sanctorū partes & religionem non deseruerint, neque Deum suum quemadmodū Israëlita, prodiderit, hoc asserit & probat Deus. hanc adeo
- Leuit. 13. „ rem Iudæorum rex Abias apud Ieroboamū est professus: Vos, inquit, habetis grandem „ „ populi multitudinem, & vitulos aureos quos fecit Ieroboam in Deos, & eiecistis sacerdotes Domini filios Aaron atque Leuitas, & fecistis vobis sacerdotes sicut omnes populi terrarum:

terrarum: Noster autem Dominus Deus est, quem nō relinquimus: sacerdotesq. mini-  
 strant Domino de filiis Aaron, Leuitæ sunt, in ordine suo. Holocausta quoque offerunt  
 domino per singulos dies mane & vesperi & thymiana iuxta legis præcepta cōfectum, &  
 proponuntur panes in mensa mundissima; estq. apud nos candelabrum aureum & lu-  
 5 cernæ eius, vt accendantur semper ad vesperam: nos quippe custodimus præcepta Do-  
 mini Dei nostri quæ vos dereliquistis. Hæc nobis longius recitata ideo sunt, vt illud quod  
 dictū est manifestum fiat: *Iudas autem descendit, adhuc cum Deo & cum sanctis fidelibus*, vt san-  
 ctorum appellatione, non solum pij iusti que viri, sed sacerdotes sacrificia, legitimæ cere-  
 moniæ & quæcunq. ad diuinam maiestatem purè & sanctè colendam pertinent, intelliga-  
 10 mus, quorum omnium ratio apud Iudæos adhuc integra perseverabat. itaque hac ex  
 parte longo interuallo Israëlitis antecedeabant Iudæi.

*Ephraim pascit ventum & sequitur astum, tota die mendacium & vastitatem  
 multiplicat & fœdus cum Assyrijs inijt, & oleum in Ægyptum ferebat.*

15 CONSTANTIAM & pertinaciam in scelere Israëlitarum esse docet, vt criminis gra-  
 uitas & turpitudine culpe magis etiam hoc argumento augeatur. ait autem Ephraim ad-  
 huc in proposito susceptoque consilio permanere, & nefarium illud scelus quo se obstrin-  
 xerat magis indies ac magis fouere, neque suorum studiorum vanitatem damnare, sed  
 vanioribus adhuc consilijs cumulare: Non solum enim Deum suum eiusque religionem  
 20 dijs alijs prodidit, quos regni rerumque suarum firmamentum fore sperauerat, sed nunc  
 etiam non semel ea opinione deceptus ad Deum officiumque suū non redit; quin potius  
 ad homines confugit, quorum nō magis certum, quàm eorum quos Deos esse opinaban-  
 tur, auxilium erit; periculum verò & detrimentum fuerit certissimum, nāque vel dii veri  
 vel falsi sunt; si veri & liberare periculo nō valēt, quorū nā hominū auxiliū diuino maius  
 25 expectari potest: si falsi & vani dei sunt, qui nec suuare possunt, nec nocere, quorsum atti-  
 net homines aut inuidia, aut odio flagrant implorare, quorum nullæ aduersus Deum à  
 quo ipsi sic defecerant, vires esse possunt ad iuuandū; ad nocendū autē non erunt ineptæ.  
 Ergo ad priorem insaniam hanc etiam addidit posteriōrē, vt non solum Dei sui studiū in  
 vanorū deorū, sed in imbecilliū, aut etiam inimicissimorum hominum mutauerit, eamq.  
 30 adeo rē vrgeat atq. instet. Hanc verò causam trāslationibus, aut prouerbiali sermone pro-  
 nūtiat: *Ephraim pascet ventos*. Ventū pascere, est inania atq. inutilia sequi studiā, nā si quis se  
 ventorū pastore profiteatur, eosq. regere & cōpescere certa ratione instituat, is profectò  
 magno labore maximā sibi pariet vanitatē; neque enim venti aut regi, aut certis in locis  
 cōtineri se patiuntur, sed vbi volunt spirant, & audis vocē eorū, & nescis vnde veniāt, aut Ioan.  
 35 quo vadant; namq. omniū linguarū cōmuni sermone ventus aliquādo vanitatis exprimit  
 imaginē. Quod autē additur: *& sequitur astum*, Hebraicè autē *& sequitur Subsolanū*. id signi-  
 ficationē etiā auget; nā Subsolanus præterq. quod vētus est, omniū ventorū in Asia regio-  
 nibus est nocētissimus: sunt enim quibusdā terræ partibus quidā venti præter cæteros in-  
 festi, vt Italis Auster, qui idē Mytilenēsisbus egritudines, Corus tussim affert: ita Subsola-  
 40 nus oriētalibus & meridianis regionibus nocet, sicut scriptū est: Sicut ventus Subsolanus  
 disperdā eos. Et iterū: Ecce plantata est, ergone prosperabitur? nonne cū tetigerit eā Sub-  
 solanus siccabitur? & in areis germinis sui arescet? Huiusmodi rebus & studijs intentus  
 Ephraim: [*tota die mendacium & vastitatem multiplicat,*] quoniam videlicet superstitionis  
 vanitatem hominum imbecillium, atque etiam inimicissimorum auxilium petēdo, non  
 45 sine suarum rerum sumptu & intertrimento auxisset; nam *Fœdus cum Assyrijs inijt, & oleū  
 in Ægyptum ferebat*. posterius hemistichiū priores allegorias & prouerbia explicuit: Nāq.  
 deorum vanorū cultus ventus quidā & vanitas est, Ægyptiorum verò Assyriorūq. ami-  
 citiæ & fœdera, præterquam quod. damnosæ illis essent, nocentes etiā erant & pestiferæ:  
 oleum pro muneribus omnibus quæ ex Israël in Ægyptū asportabātur, positum est: nāq.  
 50 vt aliarū rerum, olei etiam optimi Israëlitarum regio feracissima fuit, sicut scriptum est:  
 Iuda & terra Israël ipsi institutores tui in frumento primo: Balsamum, & mel, & oleum,  
 & resinam proposuerunt in nundinis tuis. Hactenus quidem criminis totius argumentū  
 & propositio est. Nunc porrò crimen ipsum accusatioque sequitur, quā beneficijs cōme-  
 moratis fidei olim receptæ, nūc verò lata postulatione perorat. Argumētatur autē ex cō-  
 paratione, hoc modò: Si Iudæorum gens quæ religionis fidem nunquā violauit, in crimen  
 à Deo

Horat. lib. 2.  
 od. 14.  
 Vitruuius lib.  
 2. c. 7.  
 Ierem. 17.  
 Ezech. 17.

Ezech. 27.

à Deo vocatur. eo nomine, quòd officio non satisfecerit, quomodo Israël crimen effugiet, qui simul & religionem deleruit & officium? Hæc huius versus sententia est.

*Et iudicium Domini cum Iuda, & visitatio super Iacob: iuxta vias eius & iuxta adinventiones eius reddet ei.*

IVDICIVM hoc in loco pro lite accipitur & contentione: nam Hebraicè est *RIB*, cuius verbi significatio cum alibi, tum in Habbakuq còmentarijs longius nobis explicata est: Lis, inquit, est Domino cum Iuda, ergo visitatio est super Iacob iuxta vias eius & iuxta studia, quæ sequutus est, postquam novas res moliri cœpit. hoc enim adinventionis Latine redditum nomen significare hoc in loco debet: namque *Maghalal* Hebraicè est, quod ad fraudem, dolum, atque ad novarum rerum cupiditatem pertinet, de quo & nos iam diximus superius. Neque verò quid visitatio diuina in hoc loco sic latere poterit, si quæ iam in hunc vatem sunt à nobis conscripta, teneantur: Namque idem fere visitare, quod causam alicuius cognoscere est, cognita autem Israël fraude, doloque malo, atque perfidia, æquum seuerumque de factis iudicium faciendum est. Sed quòd Iacob nominavit certà notatione non caret: Nam cum duo eidem nomina fuerint Iacob & Israël, prius illud priuatum eius statum, eamque conditionem significat, in qua fuerat antequàm diuinis promissionibus & beneficijs auctus cumulatusque esset, dum adhuc illo nomine tantum vt Isaac filius, atque Esau frater, non vt Deo gratus acceptusque appellaretur. In eo agitur statu reus Iacob constituitur, vt quo pluribus maioribusque beneficijs affectus fuisse doceatur, eo grauiorem culpam arguatur sustinere. Ad orationis autem rationem illud obseruandum non incòmodè est, Coniunctionem & in sacris argumentationibus, (maximè autem cum ex contentione argumentum ducitur,) illationem innuere consueuisse, vt in ipso eodem Iacob negotio cum nomen illud humile mutare iuberetur, hac argumentandi figura angelum vsum fuisse legimus. Nequaquam, inquit, appellaberis Iacob, sed Israël: quoniam si contra Deum fortis fuisti, & contra homines præualebis: sic Hebraicè, vbi Latinus interpres pro, &, reddidit, *quanto magis*, idque quam optimè. sic etiam hoc in loco comparationis vim habet: [*Et visitatio super Iacob.*] Id est, quanto magis Iacob iudicij cognitione dignus est?

*In vtero supplantauit fratrem suum, & in fortitudine sua directus est cum angelo.*

PROPOSITIONEM confirmatio sequitur, cuius ratio & modus est vt primo loco diuina beneficia, secundo, pacta & fœderis conditiones exponantur, postremo officium desideretur: & illud in scelus & definitionem mutatum deprehendatur. Beneficiorum verò expositio ordine ab exordio repetitur: Namque peculiari Dei prouidentia iam inde ab ortu suo Iacob nondum fuisse constat. Primum enim cum gemini vtero gererentur, alterque natura maior & maturior, cumque suo vterque loculo separati, inuoluti, inclusi que essent, neque membrorum vllus adhuc motus aut vllus esse secundum naturam posset vltus, vt alter alterum aut apprehenderet, aut teneret, tamen Iacob Esau fratris apprehenso atque contento calcari diuinam sui curam testabatur, seque Deo tantum non fratri natu maiori nec hominibus cessurum esse prædicebat. Iam verò simile istud prouidentia erga se argumentum erat, atque excellentius longè portetum, quod qua nocte illi cum angelo luctæ virtutisque certamen contigit, fortissimè sustinuit atque vicit, [*In fortitudine sua directus est cum Dijs.*] Sic Hebraicè, Hoc est nunquam cessit, sed fortissimè restitit non modò hominibus, sed Dijs. Erat etiam signum hoc futurum, si in officio Iacob manere & perseverare vellet. Nemini nec hominibus nec dijs cessurum esse, vnico duntaxat excepto Deo, cuius prouidentia & beneficio hæc ab eo vincebantur; namque omnibus gentium dijs natura & virtute angeli præstant. Quando gentium dii aut dæmonia aut muta & virtutis expertia simulachra sint. Indecorum autem erat angeli victorem dijs virtute minoribus succumbere. quòd autem vicerit angelum confirmat vates:

*Inualuit, inquit, ad Angelum, & confortatus est.*

ITA vno Deo minorem sese hætenus exhibuerat Iacob; id verò cum secundum naturam fieri in homine non possit, Deo acceptum referri oportuit, cuius beneficio superior euaserat ijs, quibus sese imparè cognouerat, vt apud Deum cuius fidè implorabat, fuerat professus. Minor tamen, inquit, sum omnibus miserationibus tuis & veritate tua quam expleuisti seruo tuo. Erue me de manu fratris mei Esau, quia valde eum timeo, &c. sic ille supplex

Gene. 32.

„

Gene. 32.

„

„



supplex adoransque petebat non hominem, nō Deum alium præter Deum, quem patris sui Abraham, patris sui Isaac Deum appellauit, Deum sibi perpetua tutela consulentem, quem sibi hoc modo præcipientem audierat: Reuertere in terram tuam, & in locum natiuitatis tuæ, & benefaciam tibi. Hæc est eius hemistichij sententia:

5 *Fleuit & rogauit eum.*

HEBRAÏCE: & supplicauit ei. tantis ergo beneficijs affectus Iacob ad sanctissimam religionis & fœderis cum Deo conditionē descendit seque & filios nepotesq. suos Deo perpetua fide & cultu obseruando addixit, quæ res vt facilius testatorq. fiat, pacti totius nobis recitanda summa est. Interea locutus est Deus ad Iacob: surge & descende Bethel, Gen. 35.  
 10 & habita ibi, facq. altaria Deo, qui apparuit tibi quando fugiebas Esau fratrem tuum (non vlli alij inquam Deo) Iacob verò cōuocata omni domo sua ait: Abijcite deos alienos qui in medio vestri sunt, & mundamini ac mutate vestimenta vestra. apparuit autem iterum Deus Iacob postquam reuersus est de Mesopotamia Syriæ, & venit in Bethel, benedixitq. ei dicens: Non vocaberis vltra Iacob, sed Israël erit nomen tuum, & appellauit eum Israël,   
 15 dixitque ei: Ego Deus omnipotens. Cresce & multiplicare: gentes & populi nationum ex te erunt, reges de lumbis tuis egredientur, terramque quam dedi Abraham & Isaac dabo tibi & semini tuo post te. Et recessit ab eo. Ille verò erexit titulum lapideum in loco quo locutus fuerat ei Deus, libans super eum libamina, & effundens oleum. vocansque nomen loci illius Bethel. Quoniam verò hæc omnia non cum Iacob solum, verum cum   
 20 tota eius posteritate acta & transacta sunt, atque ob eam rem altare positum sacrificia facta & lapis ad perpetuum monimentum est fixus; ideo addidit:

*In Bethel inuenit eum, & ibi locutus est nobiscum.*

ERGO Israël nomen ab angelo impositum à Deo confirmatum est, propterea quod ab illa prioris conditionis humilitate ad eum augusti diuiniq. nominis splendorem vocatus est, vt potens cum dijs appellaretur: illam verò vim illamq. fortitudinem, illud denique nomen ita interpretari oportuit, vt vni viuenti veroq. Deo cui nomen Adonai est, nulli præterea alij cederet & pareret, nulli sese permetteret & crederet. hic enim Deus solus fortissimus est, cuius virtute prouidentia, omnia pericula superauerat, Deus videlicet Abraham & Isaac patrum suorum, ac ne fortè filijs Iacob commune Dei nomē aliquem errorem pareret, illiq. Deo suam felicitatem adscriberent, à quo non acceperant. ob eam rem testatissima nominis appellatione admoniti doctique fuere, sicut scriptum est: Dixitq. Exod. 3.  
 25 Deus ad Moysen: Ego sum Adonai, Deus patrum vestrorum, Deus Abraham, Deus Isaac, Deus Iacob misit me ad vos: hoc nomen mihi est in æternū, & hoc memoriale meum in generatione & in generationē. Itaq. non potuerunt verum Deum ignorare vt insciantes,   
 30 cultum alio traducerent, cum satis illis apertum testatumque fuisset, cui Deo maiores sui felicitatem suam, cui etiam ipsi suam deberēt: & quibus ille modis, quo cultu atq. officio obseruandus, retinendusq. sibi perpetuū esset; si modò Israël's splendorem, dignitatem, & nomen tueri studerent. hoc est quod Vates noster ait:

*Et Dominus Deus exercituum Adonai memoriale eius.*

40 NOMEN Hebraicum quatuor literis constans IHVH, quod propriū Dei veri nomē est, cum suas, quibus pronuncietur, vocales in sacris libris non habeat. alterum ex duobus diuinis nominibus ADONAI. vel ELOHIM sui dat in lectione vicariū, pro quibus vel DOMINVS vel DEVS Latinus reddit interpres. Huius igitur versus illa breuiter sententia est, Ille nimirum Deus Iacob colendus semper atq. omni officio retinendus fuit, cuius   
 45 virtutem, curam, atque prouidentiam ipse patresq. sui vbique fuerant experti. nullū autē alium illis fuisse cōstabat præter ADONAI fortissimum Deum exercituum, cuius nutu omnia gubernantur, cuius maximos & fortissimos exercitus in cælo, in terra, atque adeo in ipso aëre esse rebus vbique pro voluntate sua gestis, ipsius etiam Iacobi causa probauit; quamobrem hoc illis nomen sanctissimū perpetuū esse debuit, [*Adonai memoriale eius.*]  
 50 Quo autem officio coli illum retineriq. oportuisset, nempe fide & virtutis obseruatione perpetua, sequenti versu declaratut:

*Et tu ad Dominum Deum tuum conuerteris: misericordiam & iudicium custodies, & spera in Deo tuo semper.*

MEMINISSE oportet futurum tempus verborū ad officium perpetuū faciendum  
 R accom-

accommodari. docet autē Israëlī officiū fuisse Dei sui partē perpetuo sequi, & quē semper sibi prouidentem optarent, semper ijs quæ maximē illi grata sunt artibus, fide, ac pietate colere, atque hoc modo semper illius sibi tutelā promittere. [*Ad Deum tuum, quē scires esse ADONAI, conuerteris:*] omni studio, inquit, ad illius colendam religionem intentus esse, fidemq. illi integrā inuiolatamq. seruare debuisti. [*Misericordiam & iudiciū.*] *Misericordia*, pro omni erga proximum pietatis genere posita est. *Iudiciū*, æquitatem & totius officij significat rationē. hoc vobis erat præstandū; namq. his rebus vera pietas cōstat, fide & misericordia, ita vt qui alteram ab altera separarit, & magnum religionis detrimētum & totius verē utilitatis iacturam faciat, sicut scriptū est: In hoc gloriatur qui gloriatur scire  
*Jerem. 9.* „ & nosse me quia ego sum Dominus qui facio misericordiā & iudiciū & iustitiā in terra: 10  
 „ hæc enim placent mihi, ait Dominus. Haftenus prima & secunda cōfirmationis pars, hoc est, beneficiorū cōmemoratio, fœderis atq. cōditionū recitatio; nūc deinceps iniquitatis ac perfidiæ exprobratio est: nam qui iudiciū obseruare iuebatur, pietatē pro tātis beneficijs reddere debuit, idq. sedulō & diligenter summoq. studio præstare, siquidē hæc iudicij & iustitiæ vis & ratio est, vt in omnibus pactis, & cōmercijs integritas semper & veri- 15  
 tas obseruetur, omnisq. fraus, imō omnis fraudis absit suspicio. Si ergo Iacob iustē cū Deo agere iudiciūq. obseruare voluisset, qua fide, qua religione teneretur? Si verò tunc de- mum beneficijs à Deo collatis sese non dignū præbuiisset, hoc est, rerū omniū copia, pace, & incolumitate: at verò ille vbi hæc omnia accepisset, tamen eum à quo acceperat debito palam fraudauit obsequio, & eo impudentiæ atq. audaciæ processit, vt nihilominus iustū 20  
 se rerū suarū possessore iactet, & prædicet, nihilq. sibi suisq. rebus ea parte metuat quòd malè sint partæ. Itaque in hoc commercio maxima iniquitas maxima fraus est admissa:

*Canaam in manu eius statera dolosa calumniam dilexit.*

EXEMPLO proposito ostēdit Deus Ephraitas, hoc est Israëlī filios non regis optimi 25  
 fidelem populū, non patroni & tutoris præstantissimi optimū clientem, vel pupillū egisse sed mercenariū & venalitiū mercatorē eumq. fraudulentū, qui magnas sibi copias ex maxima fraude sperarit, cui consuetudo religionē & metū ademit, atq. audaciam impudentiæ etiam coniunxit. [*Canaam*] mercatorē significat, vt Sindonem fecit & vendidit, & cingulum tradidit Cananæo. Quoniam Cananæorū natio præ cæteris maximē ex mer- 30  
 „ catura quæstum faciebāt; ideoq. vafra magis & callida, orti enim à Cham Noahi filio paternam impietatem quasi hæreditariam imitabātur. Ergo Israëlī filius Ephraim mutatus est in Canaam mercatorem filium Cham, in cuius manu bilanx dolosa est. [*Calumniam dilexit.*] ita fraudis studiosus est, vt dum sibi cōsulat, quemuis fraudare pro nihilo ducat:

*Et dixit Ephraim: Veruntamen diues effectus sum, inueni idolum mihi, omnes labores mei non inuenient mihi iniquitatem: quam peccaui.* 35

SUMMA Israëlitarum impudentia notatur, qui non solū antiquis beneficijs immemores, sed præsentibus ac perpetuis ingrati fuerunt, perinde enim & se & rem gerebant, iactabant & prædicabant, ac si nulla fraude aut iniuria, sed iusto labore partæ 40  
 fuissent, nec diuino beneficio essent acceptæ referendæ. [*Veruntamen.*] Affirmationem habet, vt: Veruntamen in diluuiō aquarum multarum ad eum non approximabunt: [*Dines effectus sum.*] Mea diligentia & industria non alicuius alterius auxilio, aut beneficio. Hæc sententia verbo Hebraico indicatur, quod non ditari, sed ditescere significat. Atque sic vertendum clarius esset: *contigit mihi ditescere*, quādo huiusmodi Latina 45  
*verba præteritis destituuntur temporibus.* [*Inueni mihi idolum.* Hebraicè, *Inueni vim mihi.*] *Vim*, pro facultatibus & copijs positum. vt apud Latinos ingens auri atque argenti vis dicitur. [*Omnes labores mei non inuenient iniquitatem quam peccaui.*] Hic duplex crimen est, alterum, quòd suo labore suaq. industria diuitias opesq. partas affirmat, quod sanè ad perfidiam spectat, cū ea sibi ex diuino beneficio contigissent: alterum, quòd non modò 50  
 ijs corradendis: verū conseruandis fraudem abesse, affirmabāt; cū iam in dictis etiam fraus & impietas deprehendatur. Etenim agros, & prædia, domos ac villas, cæterasq. opes & vires etiam, & industriam, quibus hæc ab illis culta & tractata sunt Deo à se deberi fieri oportuit, sicut scriptū est: Ne postquam comederis & satiatus fueris, domos pulchras ædificaueris, & habitaueris in eis, habuerisq. armenta bouum & ouium & greges argenti & auri

& auri, cunctarumque rerum copiam. Eleuetur cor tuum & non reminiscaris Domini Dei tui, qui eduxit te de terra Aegypti, de domo seruitutis, & ductor tuus fuit in solitudine magna atque terribili, &c. Ne dicas in corde tuo: Fortitudo mea, & robur manus meae, haec mihi omnia praestiterunt, sed recorderis Domini Dei tui, quod ipse vires tibi praebuerit, ut impleret pactum suum super quo iurauit patribus tuis, sicut praefens indicat dies. [Non inuenient iniquitatem.] nihil mihi in rebus studiisque meis aut fraudis, aut peccati obijci potest, quippe omnia iusto labore parta honesto etiam usu tractata sint, itaque nihil ex me iure quispiam requirat, cum nemini quicquam debeatur.

10 Et ego Dominus Deus tuus de terra Aegypti, adhuc sedere te faciam in tabernaculis, sicut in diebus festiuitatis.

ANTIQUORVM beneficiorum immemores fuisse commemoratione ipsa confirmauit; nunc etiam praesentibus beneficiis ingratos re ipsa & suarum rerum memoria renouata arguit: namque non solum Iacob tantis beneficiis affecti, quae Deus tot casibus superiorem fecerat, sed sui etiam ipsorum obliti, quos omnibus rebus egentes & summa miseria & ærumna liberauerat, atque ad eam quam sibi mendose adiudicabant regionem propria virtute magnis miraculis & prodigiis emptos traduxerat. hoc est quod dicit: *Ego Dominus Deus tuus de terra Aegypti.* ubi nulli tibi agri, nullae diuitiae, sed extrema fuerat inopia; nunc autem de his regionibus abductum te ad antiqua tabernacula tua conuertam, ut noris an tuis laboribus sine ulla iniuria aut iniquitate parta & conseruata fuerint ea, quae abs te possidebantur. [Adhuc sedere faciam te in tabernaculis sicut dies statos.] Sic Hebraice est: Significat autem his verbis eum statum, & eam quam nunc Israelitae ferunt conditionem: cum per totum orbem dispersi nullos agros, nulla praedia, nullas omnino stabiles sedes habent: sicubi verò maxime quiescere videtur, domos tantum easque vel conductas, vel si proprias, non magnifice tamen extructas possident, ut qui sibi migrandum esse persuasum habeant. hoc verò viuere in tetricis est. tabernaculis autem numero multitudinis dixit, cum sermo cum vno Ephraim esset, eo quod saepe illi mutanda forent, nulla stabilis sedes, nullum certum habendum domicilium. neque verò maiorem explicationem locum hunc desiderare arbitramur, quam euentum ipsum, & praesentem Israeliticarum rerum statum. tadium autem hanc illis poenam ferendam sustinendamque esse praedicat, quoad praefixae constitutaeque dies fuerint peractae, quarum certus numerus quibusdam vatibus praedictus fuit, quibusdam etiam erat praedicendus. [Sicut dies statos.] Hebraice *Moghed*, certum praefinitum tempus ad aliquid faciendum significat, quod Hispanicè propriè *Plazo* dicitur. Latinus interpres ob linguae inopiam nunquam simplici verbo reddit, sed interdum certum tempus, nonnunquam verò hoc tempus, vel festum tempus, vel festum, hoc est, obseruandum diem. ut, secundum hoc tempus veniam, & erit Saræ filius, id est, legitimo pariendi tempore cum rediero erit Saræ filius. Cœcepit & peperit filium in senectute sua tempore, quo praedixerat ei Deus. & illud: Constituit eis tempus dicēs, cras faciet Dominus verbum illud. In omnibus his locis est *Moghed*. Cum autem nihil eorum, quae ad homines pertinet temere vel casu fiat, aut maneat, sed diuina omnia gubernentur prouidentia, non solum haec Israeliticæ calamitatis tempora ab eo prouisa, sed praedicta constitutaque esse docet Deus. [Sicut dies statos.] Sicut, non similitudinis sed quantitatis coniunctio hoc in loco est; namque. Hebraice *ch* particula & ad qualitatis similitudines & ad quantitatis æqualitates & rationes accommodatur, ut illud: Et fuit sicut retrahere manum suam egressus est alter. hoc est, ubi ille manum retraxit. Tandem ergo tabernacula habitabis, tadium vagus domo patriaque exul eris, quoad praescriptorum dierum adsit finis. quos dies non solum a se praescriptos, sed vatibus etiam praedictos expositosque fuisse docet, sicut scriptum est: Quia non faciet Dominus Deus verbum, nisi reuelauerit secretum suum ad seruos suos prophetas. Certè ergo dies (siue solemnitates, siue tempus maturum & iustum, siue quouis nomine Latino appelles id quod *Moghed* Hebraice) nominati à Deo sunt, quibus Israelitae in ærumna atque miseria essent. id quod factum esse Ieremias testatur: Vocauit, inquit, aduersum me tempus ut contereret electos meos. non solum autem iis vatibus qui illa tempestate & ante fuerunt, communicatum hoc temporis certi consilium fuisse, sed alijs etiam communicandum fore pollicetur, quibus solis calamitatis finis & Israeliticæ restitutionis sacramentum notum esse voluit Deus, cuius in potestate tempora & momēta sunt. ex multis verò modis quibus propheta futurorumque consilij viri à Deo agi solent celeberrimi sunt allocutio, visio, similitudo. Atque allocutio

quidem in somnis fit, qualis ea qua Abraham, Iacob, Samuel Laban, Abimelech, & Ioseph etiam vir Mariæ moniti doctiq. fuerunt. de qua propriè scriptum est: Si quis fuerit inter vos propheta Domini in visione apparebo ei, vel per somnium loquar ad illū. itaque Deus ut apparet visione sic in somnio alloquitur. Similitudo autē est, cum certis prouerbis & ænigmatibus aut aliter ostētis res futura repræsentatur; quorum ratio nisi aliunde aperiatur, iisdem ipsis vatibus obscura & intellectu difficillima esse solet. cuius generis multa apud omnes vates, apud Daniele verò atque apud Ioannē Theologum plurima leguntur. Israëlitarū ergo calamitatum rationem ex visione quibusdā vatibus iam Deus ostenderat: imaginē verò & similitudines futurū erat ut vatibus ostenderet, Idcirco dicit:

*Et locutus sum super prophetas & ego visionem multiplicavi.*

UT QUAM testatissima omnibus res esset, nec ad casum, neque ad fortunam referri à quoquam posset. de futuro autem dicit:

*In manu prophetarum assimilabo:*

NAMQUE Hebraicè cætera in præterito, hoc in futuro dicitur. Significat itaq. tempus hoc nonnullis vatibus certa ratione fuisse declaratum, ut ex illo loco patet: Vocauit aduersum me tempus, alijs in visione ostēsum. quemadmodū ex visione doctus Isaias dixit: Nisi Dominus exercitū reliquisset nobis semē, quasi Sodoma fuisset & Gomorræ similes essemus: Danieli autē & Ioanni Theologo futuris post illa tēpora vatibus rem hanc per similitudines creditam fuisse legimus: Tu autē Daniel claudes sermones & signa librū vsque ad tempus statutum, plurimi pertransibunt, & multiplex erit sententia. & paulò inferius: Et dixi viro qui erat indutus lino, qui stabat super aquas fluminis; vsq. quo finis horum mirabilium? & audiui virum qui indutus erat lino, qui stabat super aquas fluminis, cum eleuasset dextram & sinistram suam in cælum, & iurasset per viuētē in æternum, quia in tempus & tempora & dimidium tēporis, & cum cōpleta fuerit dispersio manus populi sancti complebuntur vniuersa hæc. Subiungit autem Vates: Et ego audiui & non intellexi. Plenæ etiam sunt Apocalypsis chartæ huiuscemodi similitudinibus & imaginibus, ut illud: Et hic sapientia est, qui habet intellectum computet numerum bestiarum; numerus enim hominis est, & numerus eius sexcenti sexaginta sex, qua similitudine nihil obscurius dici posse arbitror.

*Si in Galaad idolum: ergo frustra erant in Galgad bobus immolantes. nam & altaria eorum quasi acerui super sulcos agri.*

DEFENDEBAT Ephraim nihil sibi vitio dari, nullamque in rebus suis iniquitatem inueniri posse, cum plena tamen eorum loca superstitionibus, plena fanis & altaribus nefarijs essent, quibus nominibus maxima ipsorum erga Deum perfidia augebatur. quoniam verò sua quisque non perinde ac alterius vitia perspicit, horum exemplo & præiudicio suæ impietatis Ephraitæ atq. Israëlitarū cæteri redarguuntur. Duo autē exēpla citantur, quorū ob similem culpam simile est iudicium, indeque argumentū à minori depromitur, cuius illa sententia est: Ij qui Galaad habitabant, ex Israëlitarum genere & familia fuerunt. hos autem iniquitatis reos fuisse & diuina sententia & supplicij euentus declarauit. Sententia superius hæc fuit: Galaad ciuitas operantium iniquitatem. Euētus autem quod illa gens cum ijs tribubus, quæ trans Iordanem fuerant, abducta in captiuitatem fuit, hoc est, cum Ruben & Gad, & dimidia tribu Manasses. Neque verò solum Galaaditis nocuit superstitio, sed vicinis etiam & finitimis eorum Gilgalitis qui & pari culpæ obnoxij pari poenæ affectu fuerunt, id quod altaria eorum deserta & vacua testabantur. Consequens ergo est Ephraitas qui eadem studia sequantur similem culpam sustinere, similemque poenam esse subituros. Erāt verò Galaaditis Galgalenses vicini, Iordanis solum alueo vtrorumque agros dirimente. facile autem Galaaditarum vicinitate superstitionis pestis Galgalim attingere potuit, atque ex ea causa certa & continuata fuit vtriusque ruina; namque vtrique simul abducti in captiuitatem fuerunt, & si qui reliqui fuerant, tamen cum Zabulone & Nephtalim, qui proximi illis etiam erant, funditus è suis sedibus euerfi sunt. [Si in Gilgad idolum. Hebraicè: Si in Gilgad iniquitas.] Nam respondet illi orationi Ephraitarum: Omnes labores mei non inuenient iniquitatē mihi, quam peccauerim. Quod si in Gilgad iniquitas est. & vltius: si Galgal culpa non vacat. qua ratione sese Ephraim extra omnem culpam causamque ponet? cum iisdem studijs teneatur atq. eadē quæ illis admissa fuerant



fuerant, admittat. Atque in argumētationis propositione duplex pars est, altera quidē est, Iniquitas est in Galaad, altera verò, & vanitas est in Galgal. priorem hypotheticā partem superius cōfirmarat, alteram oportūnē confirmat, nempe Galgal vanitatis reum esse. probat autem ex facto sic: [*Erant in Galgal bobus immolantes*] probat etiam à destinatis, cum aras commemoret fabricatas, in quibus sacrificia fierent. Probat ex euentis eorum vastatione demōstrata, cum altaria plurima extare dicat, quæ ab hostibus diruta non fuerint, & tanquam terminorum acerui in agris, sic impietatis & superstitionis testes atque iudices aræ illæ in Galgalis visantur. est autem versus hic aliquanto difficilior, propterea quod indeclinabiles dictiones & puncta Hebraicam proprietatem nō omnino reddunt: nam Hebraicē sic legimus: [*Si Gilgad iniquitas, certē vanae fuerunt, in Galgal boues immolauerunt: etiam altaria eorum vt acerui super sulcos.*] Si ergo in Gilgad iniquitas fuit, neque illic solū, sed etiam apud Galgalas vanē actū est, cum boues immolatæ fuerint; id quod altarium frequentia vt aceruorum in agris multitudo relicta docet. consequitur Ephraim integritatem innocentiamque suam, falsō iactare atque defendere. in hoc autem entymemate conclusio omīssa est, quoniam ea in antecedētibus orationibus fuerat explicata, vbi dictum est: Canaam in manu eius statera dolosa, dilexit calumniam. Namque in illo loco propositio collocata est, quæ in sequentibus argumentationibus conclusio fieret. Oportet autem sacrorū librorum interpretem in his argumentandi rationibus esse exercitatissimum; quādoquidem magna verborum breuitate maxima argumentationū momenta continentur [*Bobus immolantes.*] non datiui sed effectiui casus est: namque Hebraice est accusatiui. cum dicit autem boues immolasse magno sumptu maximum incommodum sibi ipsis quæsitum reprehendit.

*Fugit Iacob in regionem Syriae & seruiuit Israël in vxorē, & in vxorem seruauit.*

*In propheta aut eduxit Dominus Israël de Ægypto, & in propheta seruatus est.*


ALIO argumento iniquitatem & perfidiam Ephraitarū ac totius Israëlīs confirmat, ita vt Israëlēm suo ipsius præiudicio, suoque gladio iugulet: namque exemplum non ex aliena, sed ex propria causa petit, ita vt criminis vim subterfugere non valeat, neq. etiam iudicij periculum declinare, cuius iudicij auctor idem ipse fuerat, qui reus est constitutus. Igitur Iacob patris iudicio Ephraim damnatur: Quippe cum domesticū exemplum legis loco est habendum. Tota autem oratio hanc habet sententiam, Iacob, cum nondum honore aut dignitate aliqua functus esset, nondū aliud, quā priuatum nomē tueretur, imò dum in misera esset cōditione, vtpote patria profugus in aliena regione degens atq. ob inopiam seruire coactus, tamen non gratis hospiti Laban & non malè de se merenti seruire voluit, sed mercedis nomine id quod habuit summū pretium pactus est: nō enim aurum, aut argētum, non oues, nec armenta, sed incōparabilis formæ & virtutis puellam patri charissimā poposcit, ita vt seruitutē & gregum custodiā magno, non pretio, sed præmio redemerit, tanto se, & studiumque operamque suam fieri, æstimarique voluit Israël: & tamen Israëlīs filij summam Dei erga se curam, studium, custodiam nullo pretio, nullo obsequio aut gratitudine dignam putarūt; cum Deus non coactus, non inuitus, sed vltro ac spontē de illis curam suscepit, atque alijs sibi charissimis ministris mandauerit, dum pro maiori beneficio liberius impensō diutius atque accuratius dato maior esset referēda gratia, quod si nō gratia saltē merces aliqua, qua iustitiæ & rerū æquitati satisfaceret. vt verò facilior ad iudicandū res esset cōparatione argumentatio tractata est, persona cū persona, tempore cum tēpore, rebus cum rebus cōparatis, cuius forma huiusmodi est: Iacob fratrem suum fugiens, inops & miser, qui tantum in baculo suo traiecerat Iordanem, venit in agrum Aram, vbi hospitio à Laban exceptus est homine quanquam sanguinis necessitudine cōiuncto, tamen suorū non profuso rerum neq. admodum etiam liberali, & cum ibi vnde viueret nō haberet nisi operas locasset suas, ille pro mercede heri filij poposcit, atq. adeò vxorem obtinuit, si non eam, tamen neq. genere neq. dignitate minorē eiusdē Laban filiam maiorē natu atq. iure prælatā: tum verò seruitute innouata, & eodē tēporis spatio iterato, alteram vxorē quam amabat, simili pactione accepit, ita vt duas charissimas filias pater pastori operarioque suo tradere pacto cogeretur, tanti suā operā Iacob æstimauerat. Hactenus altera cōparationis pars breuiter tractata est, altera autē sic habet: At verò Dominus Deus qui nihil cuiquam debet, cum omnibus abūdet, qui non iure aliquo aut

pacto, sed propria solum misericordia & benignitate Israël durissimæ seruitutis ergastulis solutis in libertatem asseruit, missoq. Propheta, qui suas partes ageret, ut id negotium diuinum esse constaret, eductusq. est Israël ex Ægypti longa seruitute. quantā autem huius beneficii gratiam esse oportuit, cum breuem septem annorum seruitutem tanti aestimauerit Iacob? Præterea si ouium custodia septem alijs annis non minori, quam alterius uxoris præmio fuerit redempta, quānam aestimatione dignū fuit, quod Israël ipse non à quocunque, sed à Deo, nec id vulgari modo sed per prophetam tantis signis, portentis, tantæ beneficiorum magnitudine & assiduitate pastus seruatusque quadraginta annos in solitudine, tandemque in patriam deductus usus est perpetua prouidentia atque prophetarum procuratore, per quos diuina in illos cura & studium testatissimum erat: namque prophetica administratio non humana, non vulgaris, sed planè diuina est, cum nihil à vatibus aut agatur, aut dicatur, quod non ex oraculo petatum acceptumque sit, sicut scriptum apud Ieremiam est.

Vnde & Deus ipse apud Samuelem confirmat se exactum & repudiatum fuisse, quod Vatis sui administrationis illos tædere cœperat. iam verò huius cōparationis sententiam quantum licuit breuiter explicuisse videmur; porro orationē ipsam contexamus: [*Fugit Iacob in regionem Syriæ.*] in alienam regionem priuatus profugusq. commigravit, & tamen in ea fortuna & conditione dignitatē quandam habere & futurā amplissimam sibi promittere visus est, ita ut iam Israël illum quē postea egit, meditareretur, & cum seruitute locataq. opera victum quærere ob inopiam cogeretur, [*tamen seruauit Israël in uxore.*] qualem autem optauerit uxorem historia docet. iam cum ob seruitutem uxorem mercedis loco accepisset. rei atque verbi duritatem, magnitudine præmij & coniugij nominis iucunditate compensaret, etiam in leuiori nomine passionis non minori pro dignitate se gessit: quippe qui non iam Domini, sed soceri sui oues [*In uxorem seruauit & paut.*] hæc autem omnia si cum Dei erga Israël beneficijs conferantur, tanto iudicabuntur minora, quanto persona personam, res rem, tempus tempora, conditio superat conditionē: Etenim Dominus ipse Israël e seruitute in qua constitutus erat, & non ex Syria ubi minus male agere potuit, qui etsi profugus, tamen apud sui generis & cognationis homines versabatur, sed [*Ex Ægypto*] manu excelsa & prophetæ ministerio certo ac manifesto diuinæ curæ & tutelæ argumento [*eduxit.*] & post hæc Israël ipse non oues, non boues eius, non armenta, sed ipse Israël in quam seruatus custoditusque fuit, totque annos inenarrabilibus mirisque modis pastus & educatus. At verò Israël, qui maximam seruitutis curæque suæ rationem haberi voluit, diuinæ erga se curæ, benignitatis & beneficentiæ nullam ipse habuit. quantis ergo supplicijs, quantis execrationibus dignus pro ista iniquitate atque ingratitudine est? qui dum suas opellas tanti faciat, mea tantæ beneficia vel recordatione putet indigna. vehementer profecto acerba beneficentissimo cuique hæc cogitatio est, & quæ non solum beneficentiam tardare, sed pœnam atque vltionem parare accelerareque valeat. Quamobrem subiungit:

*Ad iracundiam me prouocauit Ephraim in amaritudinibus suis, & sanguis eius super eum veniet, & opprobrium eius restituet ei Dominus suus.*

DEI IRATI & ob contemptum offensi oratio hæc est: Namque maximi excelsiq. animi grauissimè contemptum tollerāt; neque enim leuiter ferri potest, eorū nullam, vel leuissimam haberi rationem, quæ summo studio, maxima cura, assidua opera, multa etiam cum rei ipsius grauitate collata collocataq. apud aliquem fuerint; qui tamen bene de se merentem summa & illiberali excipiat obliuione. Hanc autem acerbissimam, amaritudinem Deus vocat, & huius sceleris reos non minus, quam ob homicidium vel aliud indignissimū facinus admissum grauissima pœna dignos censet, ut qui iniurijs in beneficos fuerint, quod grauissimum genus iniuriæ est. ob eam autem rem ait: [*Et sanguis eius super eum veniet.*] Hebraico tropo usus, significat eius quo se astrinxerant, sceleris pœnas esse illis soluendas. [*Et opprobrium eius restituet eis Dominus suus.*] Quemadmodum ille Dominum suum intra se ductū contempsit, sic ipse in ignominiam, opprobrium & contemptum à Domino suo adduceretur. quæ res tanto erit æquior atque iustior, quanto in omni officij & dignitatis causa herus melior, quam seruus iure est. [*Dominus suus,*] à quo emptus & redemptus, atque hætenus summa clementia & cura tractatus est.



**LOQUENTE** Ephraim horror inuastit Israël: & deliquit in Baal, & mortuus est.

**D**IVINORVM iudiciorum æquitatem cogitatione admirari, quàm verbis & oratione consequi ijs, qui arcanos legunt libros, multo profecto fuerit facilius: Nam cum Deus qui omnium cælestium, terrestrium & infernorum rector & iudex est, dicto tantum & placito sententiam in quemvis proferre posset, tantam tamen in iudicio exercendo æquitatis rationem à se obseruari testatum omnibus esse vult, ut ab ijs quos in iudicium vocat sententiæ ferendæ normam rationemque nonnunquam petat, atque iudicijs vtatur, quibus vel in pari, vel in minori causa illi fuerint vsi, ut omnis impijs & temerarijs effugiendi, vel elabandi occasio præcludatur. Sic olim David regem in Vriæ & Bethsabee causa propria ipsius Davidis dānauit sententiā. sic diuinus eius filius versutorum Phariseorum & scribarum collegia, ut iustissimam in seipso sententiam pronuntiarent, sapienter effecit, ita hoc in loco Ephraimitas Israëlque omnem temeritatis & stultitiæ suæ poenas sibi ipsis suo iudicio statuisse demonstrat; atque horum omnium iudicia & sententias in leuiori causa prolata ad illorum grauissimam causam transfert: Nam David de oue per fraudem iniuriamque rapta sibi tulerat sententiam. Pharisei de vinea per seruorum & hæredis cædem occupata, sese eidem calculo obnoxios reddiderunt. Ephraim verò ob Salomonis ædificia maximas excitauerat tragædias. Sed in diuino iudicio David reus constituitur, & pro oue rapta Vriæ vxor atque ipsius vriæ nex profertur. in Phariseorum iudicio pro vinea religio, pro seruis prophetæ, pro hærede Dei filius occisus, ad crimē referuntur. atque in hac Ephraimitarum causa pro sumptuosis Salomonis regis operibus simulachrorum obicitur cultus. Deinde verò temeritatis atque improbitatis arguitur Israël, qui ea quæ sibi improbata damnataque fuerant, tamen ipse admisit, & nouarum semper rerum studio arserit. Principio itaque à Ieroboam historia sermo inchoatur, qui maximos in Israël tumultus concitauit; quorum hanc prætexuit causam, quod Rex in ædificia superuacanea nimium operæ atque impensæ collocarit, qua in re publicæ priuatæque populorum facultates vehementer vexarentur, sicut scriptum est: Ieroboam quoque filius Nabat Ephraim, de Sareda seruus Salomonis (cuius mater erat nomine Serua, mulier vidua) leuauit manum contra Regem. & hæc est causa rebellionis aduersus eum, quia Salomō ædificauit Mello, & impleuit voraginem ciuitatis patris sui David. Hæc causa cum popularis admodum esset, applausu excepta fuit, ita ut leuis populi facilior esset aucupatio, publicæ utilitatis & priuatorum commoditatis studium professio: Nam cum vectigal apud suos colligeret, ipse tributorum & sumptuum grauitatem in regis inuidiam accusabat: Contra ac alij, qui dum regum videntur ærario consulere inuenta noua exactione populum & ærarium depopulantur. Ieroboamus verò ambitionē simulato publico bono occultabat, atque ita populi animos sibi deuinxit, ut cum ad eundem illis & conueniendus de ea re Roboam esset, hic & consilij dux & sermonis interpretes eligeretur, atque defectionem à rege molientibus, ex Ægypto ubi profugus erat reuocatus, idē potissimē illis præficeretur, qui non proprijs, sed priuatorum commoditatibus & consulturus credebatur, sicut scriptum est: Miserunt ergo & vocauerunt eum, venit ergo Ieroboam & omnis multitudo Israël, & locuti sunt ad Roboam, dicentes: Pater tuus durissimum nobis iugum imposuit, &c. & paulò inferius. Factum est autem cum audisset omnis Israël quod reuersus esset Ieroboam, miserunt & vocauerunt eum congregato cœtu, & constituerunt eum regem super omnem Israël. Huius itaque sententiæ versus ille primus quamlibet verbis concisus & breuissimus est. *Loquente Ephraim Horror*, sic dispungenda membra sunt. Ephraim autem vocat domum Ioseph, in qua tributis exigendis præerat Ieroboam: is primum tribum suam omnem oratione & regis accusatione mouit, hæc deinde tribus alias excitauit, atque ita nouarum rerum cupiditas ex regis inuidia, & ex gratia aduersus Ieroboamum, excitata est. quem quidem popularem primum obscurum motum, deinde apertum tumultum, ac deum publicam inuidiam, vates noster nominat horrorem. *Loquente* (inquit) *Ephraim horror* & tremor animorumque turbatio & tumultus excitata sunt. His autē ille rationibus populi ad se animos, non tam conciliauit, quàm rapuit: ob eam

rem dicit : *Inuasi* Israël, Hebraicè clarius dicitur, *præfuit ipse in Israël*. At verò Ieroboam ita malè populo consuluit, vt idololatriam impietatemque summam institueret & confirmaret, quæ res multo grauior multoque sumptuosior Israëlitis fuit, quàm Salomonis fuerant ædificia; namque illa ad publicam vrbis vtilitatem & ornamentum pertinebant; quæ semel perfecta longo tempore integra sine sumptu durare poterant. Baalim autem & cultus præterquam quòd ipso conflandi & sculpendi opere, atque etià materia maximi pretij fuisse constant, sine magna etiam & assidua impensâ magnoque instrumento procurari non potuit. Quoniam autem id quod alijs vitio & culpæ dederat Ephraim ipse multo grauius admisit, atque eiusdem rei improbandæ simul & admittendæ auctor cæteris Israëlitis fuerat; nam qui Salomonis filium ob sumptus metum repudiauerat, Ieroboam cum maiori & turpiori damno receperunt, ideo ait: [*Et deliquit in Baal, & mortuus est*, ob eam rem regno pariter & vita priuatus, quam rem ipse iam in alio iudicauerat, satisque idoneam duxerat, ob quam regnum is cuius proprium erat amitteret. Vtus est autem verbo, deliquerat, quod, vt iam dictum nobis est, non solum peccare, sed alijs peccandi auctorem esse significat. Atque hæc res in sententia oraculoque diuino expressa] fuit: Propter peccata Ieroboam, qui peccauit & peccare fecit Israël. Hactenus Ieroboami iniquitas, & Israëlitis stultitia atque temeritas ostensa est. At verò populi culpa fuit, quòd non iudicio, sed temeritate dissidium Iudæ & Benjamin fecerit, atq. à Roboamo defecerit (Namque ea quam prætexuerat, dissensionis causa, nulla fuit; quippè cum multò grauiora tributa sub nouo rege libenter tolerauerit. Itaque populari magis impetu & nouitatis studio (quo vitio vulgus vehementer laborat) quàm vel ratione vel necessitate res acta fuit. Neque verò se Israëlita Ieroboami fucò deceptos primùm dicere possunt, atque in eam spem venisse, vt cuius orationem popularem audiebant, eius vtile experirentur imperium; postea tamen quàm regiū subière iugum, potentia & vi coactos id quod exigebatur contulisse: Namque eam excusationem inanem stultamque. esse res ipsa docet, cum mortuo Ieroboamo atque omni eius familia extincta, integrum illis fuerit, vel ad legitimum regem redire, vel nouum sibi honestis & vtilibus conditionibus instituire, vel certè illud nefarium ac maximo sumptu susceptum idololatriæ scelus de medio tollere pœnitentiaque expiare: Iam enim qui deliquerat in Baal, mortuus fuerat, sed in ea re id quod populus appeteret regem potius peruidisse, quàm imperasse quod refugeret, ipsa populi voluntas atque ardens post extinctum regem studium declarauit, cum multò turpiora in eo genere flagitia cum maiori suarum rerum detrimento admissa porro fuerint: Nam præter Ieroboami vitulos, alia etiam simulachra & signa communi ac priuata pecunia à populo posita & sacrificia constituta nefaria, atque ad eam rem, leges & instituta ceremoniarumque inuentæ & additæ. ob eam autem rem dicit,

*Et nunc addiderunt ad peccandum: feceruntque sibi conflatile de argento suo: quasi similitudinem Idolorum, factura artificum totum est: his ipsi dicunt, immolate homines vitulos adorantes.*

HEBRAICA proprietas nonnihil variat sic: [*Et nunc addiderunt ad peccandum fecerunt sibi statuam ex argento suo iuxta prudentiam suam, simulachra opus artificum totum id, his ipsi dicunt, sacrificantes hominem vitulos osculabuntur.*] Hanc lectionem si explicabimus, nihil in vulgata interpretatione obscuri relinquetur. Totius autem orationis sententia ex superiori argumento manifesta est; singula porro verba sunt nobis expendenda. *Nunc*, postquam Ieroboam mortuus est, ipsi scelus auxerunt; nō modò enim vitulos impiè conflatos non abiecerunt, sed etiam stabiliuerunt, atque omne id superstitionis genus nouis additis & consecratis statuis adauxerunt, posteriorumque cultuum inuentione priores sanctos ratosque esse voluerunt. [*Et fecerunt sibi statuam.*] Singularis pro plurali hebraico more, vt ouem, capram, pro ouibus & capris. & apud Latinos, *flore, terræ quæ ferunt solutæ*. plures enim statuas fecisse, & in superioribus, & in hoc versu dicuntur. [*ex argento suo.*] Vltro factas esse statuas docet, cum dicat, suo, vltroque ad eam rem collatam suam à singulis pecuniam. Argenti nomine apud Hebræos, Chaldæos & Arabes omnem pecuniam totumque diuitiarum genus significari, cuicumque harum linguarum peritia est, assiduo vsu fit manifestum, sed & Latine id obseruatur cum Horatius de recto diuitiarum vsu illud cātauerit. *Nullus argento color est avaris, &c.* Gallicè etiam pro omni nummorum & pecu-

Hor. lib. 1.  
Od. 4.

Horat. li. 2.  
Od. 1.



& pecunia genere solum hoc nomen *argent*, vsurpatur. Ergo voluntatem & peccādi studium declarat, quod non gratis, sed pecunia, eaque non aliena non coacta sed sua, neque ab alio quoquam potentiori vel adacti vel adducti, sed *iuxta prudentiam suam*, hoc est, proprio studio & cura propria cogitatione simulachra facienda populus ipse Israëliticus artificibus locauerit. prudentiam autem suam non solum ob voluntatem & consilium positum est, sed ob signorum & simulachrorum formas habitus & situs, quæ à colentibus & sacrificantibus effingi solebant. Alius enim Iouem feretrium, alius seruatorem ponebat, alijs Neptunus tridenti innitens, alijs Phocis & Hyppopotamis vectus placebat. Si quis autem orationis & verborum rationem diligenter obseruet, inscriptionum profectò characterem & dicendi genus deprehendet, quali huiusmodi statuar olim inscribi solebant, quibus simul eorum qui consecrauerant nomina, religio, & studium memoriæ proditum atque posteritati testatum esse voluerunt. Huiusmodi inscriptionum verba à Vate referuntur, vt ipsorum verborum sententia peccatum voluntatis Israëlitarum arguatur. tamen si verò verba ipsa nonnihil Græcis & Latinis figura discrepent, sententiæ tamen ponderibus æqualia omnino sunt. idem enim in his Hebraicis significatur: STATVAM EX ARGENTO SVO SECVNDVM PRVDENTIAM SVAM FECERVNT. atque in illis Latinis: STATVAM DE SVA PECVNIA FACIENDAM CVRAVERVNT, quod Latini dicunt, faciendum curauit, id Hebraicè, ex sua prouidētia facere. Neque commodius aliquod argumentum ad probandum populi in ea re studium & voluntatem produci potuit, quàm si ex ipsis inscriptionibus lapidea aut area basi incis, verba propria referrentur. Sunt autem loci ex quibus arguit Vates à destinatis, à sequentibus signis, à scripto, & sententia. O Deum immortalem, quanta eruditione, quāta sapientia, quibus argumentorum nervis, quibus eloquentiæ luminibus omnia tractantur, quæcunque ad nostram vtilitatem scripta sunt! Igitur argenti expensæ, inscriptionesque ipsæ rem consilio & voluntate factam testantur, & peccatū manifestè arguūt, quod tantò grauius esse constabit, quantò plura in hoc genere fuerunt deprehensa. propterea addit *Simulachra*: plura non vnum tantum simulachrum: Quamquam autem magna argenti atque auri vis in signorum materia consumebatur, non minor tamen impensā in opus ipsum atque sculptorum artem fiebat. Namque ad eam rem maximi deligebantur artifices, quos non nisi maximo pretio conducere contigit: crescebat enim simulachrorum maiestas & diuinitas ex artificum opinione & fama, vt Myronis hoc, illud Phidiæ, Parhasij illud opus esset, sicut scriptum est: Prouexit autem ad horum culturam & hos qui ignorabant, artificis eximia diligentia: Ille autem volens plus placere ei, qui se assumpsit, elaborauit arte sua vt similitudinem in melius figuraret, quantò demū pretio huiusmodi artificia constarent, vnum sat nobis erit ex ipsis gentibus testimonium recitare: audiamus Tullium. Veruntamen à vobis arbitror spectari oportere, quanti hæc eorum iudicio qui studiosi harum rerum sunt æstimentur, quanti venire solent: in auctione signum æneum non magnū HS CXX. millibus vānre nō vidimus? Simulachrorum igitur ingens multitudo maximum ipsorum flagitium arguit, qui à proprio rege ob sumptus ad regem non minus sumptuosum defecerint, atque eo mortuo plura sibi simulachra cū maximis etiam impensis & in materia & in opere consumendis addiderint, operibus non solum superuacuis, sed etiam turpissimis & impijs, quorum ratio non sine magno etiam rerum suarum intertrimento retineri poterat. Quod autem addit: [*Opus artificum totum illud,*] ad id pertinet quod illi Salomonis diebus res suas, publicam & priuatam pecuniam in operibus faciundis, & in artificibus alendis consumi querebantur, & opus illud quo vrbis superior pars inferiori cœquata est, melo appellabant, quod impletionem significat, atque alio modo acceptum vox est superuacuum aliquid accusantis ac indicātis; quod verti ad verbum potest, *Quid id?* est itaque argumentum ex simili dicto ad simile dictum. exornationes autem in verbis sunt, quæ esocolon & homioptoton dicuntur. id est, par membrū & similis verborum cadentia. MEL O, significat, quid id: huic aliam vocem noster Vates opponit COVL O totidem syllabis atque eadem desinentia dictum; quod verti potest: *totum id.* fuerat autem populi & Ieroboami dum Salomonis structuras improbarent, illa vox prouerbialiter vsurpata, præter artificum & fabrorum alimenta & pastus Melo: *quid id?* ad hoc Deus respondet, & in vestris simulachris num minora dāna; num minus graues sumptus sunt, num hæc impensæ alij cuique præter artifices vtilis sunt: atqui opus artificum.

Sap. 14.

Cic. in Ver.  
act. 6.



legitimū, iā regni & regis familiæ hæredē. Deinde quòd maiora rerū tuarū feceris dispē-  
dia, demū quòd si maximè angustæ & miseræ tibi res sub illis regibus fuissent, salus à me  
vno & remedia erant quærenda; quem salutis vnicū auctore iam inde, ex quo ab Ægypto  
educus es, fueras expertus: Tu tamen contrā me contempto & despecto, aliorum deorū  
5 auxilijs & tuis legibus atq. cōsilijs tibi prouidendū putasti, idq. vanissimè; namq. eo præ-  
ditus ingenio es, vt nunquam tibi rectè consulere possis; Iam diu est quòd neq. me in ad-  
uersis rebus petere, neq. in secundis agnoscere cōsueuisti: Cū in solitudine ageres, me  
quanquā illius maximæ libertatis vnicū auctorem tantis signis testatū & cognitū; si quid  
tamen tibi minus ex sentētia, vel paulū accidisset, me inquā meosq. ministros probis &  
10 detractionibus prosequeraris; vbi verò tibi benè & pro votis erat, tum verò tui mei q. ma-  
ximè nulla memoria, nulla habebatur ratio, sed perinde me curabas, quasi vel tibi nul-  
lus, vel tui fuisset negligentissimus.

*Ego noui te in deserto, in terra solitudinis.*

VBI animum mentemque tuam non vno tantum periculo perspexi, vbi vel leui  
15 siti & vnus diei fame, vel fastidio, contra Dominum & contra Mosē murmurabas.

*Iuxta pascua sua impleti sunt & saturati sunt, & eleuauerunt cor suum  
& obliui sunt mei.*

SICVT scriptum: Sedit populus manducare & bibere, & surrexerunt ludere. Igitur Exod. 33-  
20 neque tibi nouū aut insuetum, neque mihi mirandū aut dissimulandū est, quòd antiquū „  
tuum morem & exemplum, quo iam inde à principio vixeris, nunc retineas & reuoces:  
nāq. benè prophetauerat de vobis Mosēs dicēs: Impingnatus est dilectus & recalcitrauit, Deut. 32.  
incrassatus, impinguatus & dilatatus dereliquit Deū factore suū & recessit à Deo salutari „  
suo, &c. ipsi me prouocauerūt in eo qui nō erat Deus, & ego prouocabo illos in eo qui nō „  
25 est populus, quia ignis succensus est in furore meo, &c. Æquissimū ergo fuerit, si eos qui „  
me in aduersis rebus negligunt, in secundis despiciunt & produnt, vindici ipse prosequar  
animo. Et in hostium manus traditos modis omnibus infestem.

*Et ego ero eis quasi leena & sicut pardus in via Assyriorum:*

30 TRADENDOS illos in hostium potestatem & suo studio & inuentis perdendos ait,  
quemadmodū enim leena & pardus iter facientibus hominibus secundū vias insidiatur,  
sic ex eorum institutis, vijs, & rationibus pericula illis creanda diuina sapientia & iustitia  
decreuit: [In via assyriorum. Hebraicè est in via insidiabor.]

Occurrā eis quasi vrsa raptis catulis & dirumpā interiora iecoris eorum,  
35 & consumā eos quasi leo, bestia agri scindet eos.

VRSA fera est magis viribus valēs, quā sœuitia nocēs, fugit enim hominis conspectū &  
vocē in siluis formidat, nec nisi vel coacta & inclusa, vel lacecita nocet: nullo verò tēpore  
magis sœuit, quā cū venatorū aut pastorū industria catellis orbata est. Namq. dolor viri-  
bus & fortitudini stimulos addit, quā obrem non sine maximo illi tūc occurritur periculo.  
40 hoc autē feminæ præcipuè propriū est, quarum natura nō minus fera ad ægritudinē per-  
ferendam est impotens. Transfertur verò similitudo hæc ad fortissimū quēq., sed nō tam  
animi natura & ingenio, quā grauissimæ iniuriæ dolore ferocē; his enim tardius incēsa  
ira difficilius extinguitur, & non nisi multa vltione sedatur. quamobrem eadem à Chusai  
in illa Absalonis deliberatione vsurpata similitudo est. Tu nosti patrem tuum, inquit, &  
45 eos qui cum illo sunt, viros esse fortissimos & amaro animo, veluti si vrsa raptis catulis in  
saltu sœuiat. Causam autem quamobrem catulorum desiderū hoc animal præ cæteris  
impotentius ferat, vel apud alios auctores legere continget, & vel à nobis, si Deus id etiā  
annuerit aliās expectare licebit. Atque huiusmodi naturā sese imitaturū Deus prædicit,  
vt quò magis innitus atq. grauioribus offensionibus ad nocendū fuerit irritatus, eò magis  
50 horribilem & diuturniorem edat stragem. [Et dirumpā interiora iecoris eorum, He-  
braicè, & absindam clausuram cordis eorum:] vt seuiissimæ feræ raptæ animantis pectus  
vsque ad præcordia diffindere, & cor ipsum primum deuorare solent, sic istorū cordis  
penetrabilia aperienda curabo, quo turpissima & impiissima consilia excogitari & celari  
consueuerant. atque hac similitudine nihil Deum latere posse docemur, qui corda, renes,  
atque præcordia omnia rimatur, [ & comedam eos ibi quasi leo, bestia agri scindet eos:] Non  
solum

solum aliena manu, sed sua etiam Deus ad ultionem vitur: Etenim quibus grauissimè infensus est, ijs corporis atque animi poenas decernere, etiam in hac vita solet: sed à corpore poenas per ministros exercitusque suos sumit per famem, pestem, gladium, ac bellum; animorum autem cum nulla eis potestas esse possit, ultionem & supplicium ipse sibi vendicat, ipse sumit; namque grauissimis & molestissimis cogitationibus immixtis cor exedit, & perpetua criminatione, terrore ac dolore consumit. cuius rei testis vnus nobis Cain esse potuit, quem exagitata conscientia tumultus perpetuo incertum, vagum atque instabilem habuit, cogitationibus inter se inuicem accusantibus.

Ioue. Sary. 13

*Pœna tamen vehemens, ac multo seuior illis,*

*Quas & Caditius grauis inuenit, aut Rhadamantus,*

*Nocte dieque suum gestare in pectore testem.*

Hanc adeo ultionis partem sibi

10

diuina vendicat vis, corpori autem cruciatus & tormenta per alios quibus id aut mandatum aut permissum est, adhibet. atque vtramque hanc rem hoc hemistichio significauit:

[*& comedam eos ibi in corde cordisque clausura quasi leo:*] Qui cor potissimum petere sanguinemque qui circum præcordia diffunditur, exugere consuevit; ceteras vero corporis

17

partes lupis, canibus, vulpibus, atque alijs feris lacerandas relinquere. Igitur ego corda illorum absumam; reliquum vero bestia agri scindet eos, namque hostibus immaniissimis cædendi, trahendi, abducendi que tradentur; atque hæc omnia partim simplici, partim figurata atque translata oratione dicuntur, ut illa in execrationibus & minis dicta sunt.

Leuit. 26. 22

Et mittam in vos bestias agri, quæ consument vos & pecora vestra, & ad paucitatem cuncta redigam, & desertæ viæ vestræ fient. Ex his autem illud colligitur, Israëllem nunquam bene, semper malè sibi consuluisse, Deumque solum esse, qui semper illis quam optimè consultum esse voluerit & curauerit, atque præstare potuerit; eosque stultissimos quos propria temeritas à diuina tutela auxilioque expetendo ad alia consilia traduxerit: namque Deo non propitio nihil boni, irato atque infenso plurimum omnino mali sibi promittere, atque expectare necesse fuerat. Hanc adeo conclusionem huiusmodi epiphonemate colligit Deus:

*Perditio tua Israël: tantummodo in me auxilium tuum.*

HEBRAÏCE, *Corruptio tua Israël.* nam si à principio consilia omnia, conatus, actionesque tuas animo ac mente recolās, inuenies profecto maximarum calamitatum & miseriarum totiusque infelicitatis te fuisse tibi auctorem. rursus vero, si mearum erga te rerum gestarum monimenta repetere memoria voles, vnicum & certissimum tibi in afflictis rebus subsidium, in obrutis & perditis remedium, in recuperatis præsidium, vnicum denique salutis perfugium, me tibi semper fuisse comperies. Hoc est quod ait: *modò in me auxilium tuum.*

35

*Vbi est rex tuus? maximè nunc saluet te in omnibus urbibus tuis, & iudices tui de quibus dixisti: Da mihi regem & principes. Dabo tibi regem in furore meo, & auferam in indignatione mea.*

CONFIRMATIO superiorum est cum amplificatione: Est enim duplex in propositione membrum, alterum Israëllem semper sibi malè consuluisse, alterum vero solum Deum benè illis semper prospexisse. prior pars iam probata ex superioribus est; posterior porro superioris etiam confirmatione probatur: namque non solum sibi Israëlitas non rectè vnquam consuluisse, sed neque alios qui consulerent, perspexisse aut comode optasse confirmat, ita quocunque modo curam sui aut ipsi sustinuerint, aut alij præterquam Deo suscipiendam commendauerint, vehementer opinione speque falsi sunt. Nam cum ob violatam religionem, atque ob negligenter præstitam pietatem malè secum olim ageretur, non placati Dei auxilio, sed propria opera & consilio salutem rebusque suis succurrere voluerunt. Id cum minus successisset, aliam parum etiam vtilem cogitationem ambitiosè magis quam sapienter suscepere; neque enim reuersis Deum suum repetere & reuocare consilium fuit, sed abijcere omnino, humanumque regem, qui Deo succederet, postulare. Congregati ergo vniuersi maiores natu Israël venerunt ad Samuelem in Ramatha, dixeruntque ei: Ecce tu senuisti & filij tui non ambulant in vijs tuis, constitue nobis regem ut iudicet nos, sicut & vniuersæ habent nationes. Hoc etiam illis vitio & culpæ datur, quod regem & principes sibi postulauerint, quos maiorum etiam barbarum grauiorumque sumptuum auctores experti

1. Sam. 7.

tu senuisti & filij tui non ambulant in vijs tuis, constitue nobis regem ut iudicet nos, sicut & vniuersæ habent nationes. Hoc etiam illis vitio & culpæ datur, quod regem & principes sibi postulauerint, quos maiorum etiam barbarum grauiorumque sumptuum auctores experti



experti sunt: Nam postquam Saul regno inauguratus est, plurima tributa, impensa, se-  
 ditiones, odia, dissidia, ciuilia bella, innumera denique mala atque damna addita illis  
 sunt, & quoniam exterorum bellorum causa sibi regem optasse dixerunt, neque melio-  
 ris aut felicions conditionis in exteris bellis fuere, nonne exiguo tempore quo Saul regna-  
 uit, suas res domesticis malis vexatas & externis multo etiam magis quam antea protri-  
 tas fuisse sentierunt? nonne tandem regis ipsius exitus cum maxima suorum strage suf-  
 fragij & desiderij temeritatem & stultitiam illis declarauit? huius igitur rei causa ait:  
*Ubi est rex tuus*, ubi ista regis tui gesta, ubi non modo vlla per regem imperij propagatio,  
 sed vel rerum & fortunarum tuarum tutela, aut salus vlla fuit? nonne domesticæ & bel-  
 licæ administrationis causa regem vobis petieratis, nonne illa communis omnium vox  
 fuit: Rex erit super nos, & erimus nos quoque sicut omnes gentes, & iudicabit nos rex 1. Reg. 8:  
 noster, & egredietur ante nos & pugnabit bella nostra pro nobis, quæ ergo ista post ac-  
 ceptum regem aut publicarum aut priuatarum pacis, aut belli egregia commoditas est?  
 quam vobis salutem attulit tanta regis & iudicij copia, qui ex vestra vobis sententia con-  
 tingerant? [*Saluent te in omnibus urbibus tuis.*] proferte, inquit, vnum aliquod mihi, aut pu-  
 blicum in toto regno, aut priuatum in aliqua urbium vestrarum egregiæ salutis atq. vti-  
 litatis exemplum? quippe hoc sibi promittebat & persuasum habere videbatur, illa com-  
 munis omnium sententia & publica vox: [*Da mihi regem & principes.*] Hæc omnia insul-  
 tando dicta à Deo sunt; est enim vsus grauissima illa dicendi exornatione, quam sarcas-  
 monon nominant: Namque interrogatio idonea ad insultationem est, vt quid habet illius  
 illius, &c. Mimosis etiam figuræ commodus in exprobrationibus est vsus. [*Dabo tibi re-* Horat. li. 3:  
od.  
*gem in furore meo.*] quamquam res præterita iam facta sit, tamen futuro tempore ideo  
 enuntiatur, quod inductione figura vsus sit auctor, in qua res & negotia ad suum statum  
 cogitatione referuntur, qui enim volunt vel culpam, vel alienam stultitiam exprobrare,  
 rem ipsam & personarum habitum ante oculos ponunt, vt inde melius totum negotium  
 percipiatur. Itaque post Mimosim da mihi, da mihi, aptè collocatur inductio: *Dabo*  
*tibi*, ac si diceret: cum tu à me meoque propheta temerariè & tumultuose regem effla-  
 gitares, neque admonitus ineptam remitteres contentionem, inuitus atque iratus magis  
 quam lubens illud dixi: [*Dabo tibi regem in furore meo.*] Etenim sic Samueli dixerat Deus: 1. Sam. 9:  
 Audi vocem populi in omnibus, quæ loquuntur tibi, non enim te abiecerunt, sed me,  
 ne regnem super eos. quoniam verò non exorato, sed irato Deo rex illis ex sententia cõ-  
 tingerat, eius incommodissimæ commoditatis breuissimus vsus, fore prædicitur: Nam  
 quod quis inuitus dat, idem breui indignatus rursus auferre solet. velut si pater filio ob  
 improbitatem & importunitatem id quod minimè expedire intellexerat & prædixerat,  
 tamen concedat, ubi inutilem eius vsum aliquantisper permiserit, tollerare tamen diu-  
 tius non potest, quin iratus tandem castigatione etiam addita auferat: ita à Deo rex  
 Israëlitis in furore datus, in indignatione sublatus est. Vtraque autem res testimonio non  
 caruit furoris diuini; namque in concedendo rege testes fuerunt voces, tonitrua, & plu-  
 uiæ in media ætate serenissimo die ad prophetæ vocem repente immixtæ, ita vt populus  
 maximo terrore commotus Samuelem rogauerit: Ora pro seruis tuis ad Dominum Deum 1. Sam. 12:  
 tuum ne moriamur: addidimus enim peccatis nostris malum, hoc vt peteremus nobis  
 regem. Indignationis verò in auferendo argumentum fuit ipse regis exitus cum grauissima  
 etiam populi calamitate & pernicie, sicut scriptum est: Videntes autem filij Israël, qui 1. Sam. 13:  
 erant trans vallem & trans Iordanem, quod fugissent viri Israëlitarum, & quod mortui  
 esset Saul, & tres filij eius, reliquerunt ciuitates suas & fugierunt; tantum absfuit, vt à rege  
 & principibus defenderentur. Manifestum itaque ex his omnibus rebus est, stultè & te-  
 merariè semper Israëlitas egisse, qui neque sibi prospicerent; neque quomodo prospicien-  
 dum esset vnquam intelligerent.

30 *Colligata est iniquitas Ephraim, absconditum peccatum eius. Dolores parturientis*  
*venient ei, ipse filius non sapiens: nunc enim non stabit in contritione filiorum.*

PERTINAX Ephraitarum stultitia atque improbitas notatur, qui tantis testimonijs  
 & argumentis conuicti, tamen iniquitatem scelusque suum occultare, atque dissimula-  
 re contendunt: Nam cum toties iam inde ab antiquo in maximis sceleribus & flagitijs  
 deprehensus Israël, & redargutus fuerit, tamen in omni periculose sui simile semper præ-

Supra 12.

buit, semper eadem consilia & studia secutus, semper eandem proteruitatem, eandem audaciam, eandem stultitiam perfidiam retinuit & tractauit. neque vnquam nisi maximis malis tortus culpam suam professus gloriam Deo dedit. hoc exemplum secutus Ephraim tantorum flagitiorum culpam occultare haecenus & dissimulare imò & negare studuit. Dixerat enim: Cuncti labores mei non inuenient mihi iniquitatem quam peccavi, sed tamen futurum esse praedicat ut malis & ærumnis pressus iniquitatem suam vel inuitus confiteatur, atq. id scelus, quod tanto studio suppressum & impudentia negatum est, tandem in lucem prodatur, ut stultis puellis accidere aliquando solet, quæ cum in paternâ domo vitiatæ vtrum gerant, reprehensæ à patre, aut ab ijs quibus curæ sunt, id tamen pernegant & iuramento addito, & diris atque imprecationibus etiam in se, imò conuitijs in eos qui admonent, vtuntur. at verò dies facinus prodit, & alienis etiam detegit: ita dum famæ ineptè tacendo prospiciunt eidem maiori pudicitiae dispendio offi-  
ciunt: non secus Ephraim qui peccatum suum occultare studuerat tum cum fateri consultius esset, imò cum minus fuisset ignominiosum illi indicare, qui ignoscere & restaurare posset, aduentante calamitate inimicis profitebuntur, ob propria facinora illos in has coniectos esse ærumnas, quo facto apud eos suam ignominiam testabuntur: utpote qui doloris partusque impatientia gloriam Deo dederint. [Nunc enim non stabu in contritione.] non perferet neque dissimulabit dolorem.

*De manu mortis liberabo eos, de morte redimam eos: ero mors tua ô mors, & morsus tuus ô inferne, consolatio abscondita est ab oculis meis.* 20

AD HVC in proposito susceptoque argumento perseverat Deus, ostenditque Israëlitas nullam rationem aut viam vnquam ad suam felicitatem tentasse, quin laboriosam inutilemque offenderit, nullâ etiam esse experturos quæ succedat; atque in omnibus illorum consilij & coeptis maxima latere pericula, ac funditus eos perditum iri, nisi per tuo Deo curæ foret, quemadmodum illorum res aut casuræ retinerentur, aut iam labefactaræ restituerentur: namque toties ante à miserijs & spontaneo casu reuocati nunquam cauere didicerunt, quousque omni felicitate deiectione in summo mortis, doloris & inferni periculo constituti sunt, ubi solum doloris impotentia, clamor & eiulatione, nihil præterea aut consilij, aut facultatis, quò sibi opem salutemque ferre possent, habuere, sed ad antiquæ illius Ægypti seruitutis imaginem maiori ærumna pressi, seruatore aliquè denuo desiderant, qui propria misericordia & virtute solum restituendi curâ subeat. Verum enimvero seruator nemo alius esse præter Deum potest, (soli namque Dei munus id est) qui quamuis diu offensus & indignissimè laceratus, tamè prius impietates illorum, quibus obnoxij erant, quam propriæ naturæ & misericordiæ obliuiscetur, eosque à morte & inferno liberabit, sicut scriptum est: Ego sum, ego sum, qui deleo iniquitates tuas propter me. Hæc horum versuum sententia est. [De manu mortis liberabo eos.] Hebraicè, de manu inferni. cum enim illi propria culpa sese morti & inferno addixerint, neque aut spem aut rationem ullâ salutis suo consilio aut virtute inuenirēt, hoc munus & negotium mihi vni suscipiendum & transigendum est; atque ratio quædam & via est munienda, ut morte & inferno superatis, expugnatis & ex-  
poliatis, nationes aliæ & etiam Israëlitas ad salutem, atque ad vitam reuocentur. Hoc autem illis gratiæ munere continget, ubi enim abundabit delictum, abundabit & gratia; quoniam cum essemus filij iræ, Deus autem qui diues est in misericordia, propter nimiam charitatem suam qua dilexit nos, & cum essemus mortui peccatis, conuiuificauit nos in Christo, cuius gratia (ait Apostolus) saluati estis. Huius gratiæ & salutis largitione Israëlitas etiam aliquando viros, & in hoc & in alijs locis vates prædixerunt. [Ero mors tua ô mors & morsus tuus ô inferne.] Causam non nobis, sed sibi ipsi cum morte & cum inferno agendam esse Deus confirmat: Nemo enim hominum esse posset, qui aut se, aut alios mortis & inferni ore & faucibus eriperet, nisi Deus ipse filius veniret & saluaret nos, & mortem morte extingueret, ac de peccato dannaret peccatum, ut eriperet nos qui per totam vitam obnoxij eramus seruituti. Sed hunc locum significantius magisque ad verbum diuus Paulus sic vertit: Absorpta est mors in victoria; ubi est mors victoria tua? Vbi est mors stimulus tuus? atque hæc quidem versio causam omnem & iudicium morti & inferno eripit, ubi iustitiæ rationem, atque ius vni Deo tribuit, qui in illa expeditione quam completurus erat in Ierusalē peccato de medio sublato victoriā de hostibus erat reportaturus triumphans, nos palam in semetipso & expolians principatus & potestates, ita ut

March. 6.

ita vt victrici morti omnis victoria è manibus erepta sit, omniaque arma detracta: nam peccato expiato, & peccati corpore deleta atque extincto nullum telum, nullus est morti stimulus relictus. Stimulus autem mortis peccatum est. Deo autem gratias <sup>1. Cor. 15.</sup> qui dedit nobis victoriam per Iesum Christum Dominum nostrum. Interrogationes <sup>1. Isaie 36.</sup> autem, vbi vbi, ad sarcasmon pertinent, atque ad eam orationem, qua victi à victoribus compellari solent, aut ab alijs qui subitum & grauissimum eorum qui victi sunt casum admiratione excipiunt, vt, Vbi est Deus Emath & Arphat, vbi est Deus Sepharnaim? & quoniam hæc voluntas, hoc diuinæ misericordiæ consilium immutabile, omnino hac in re fuit, perpetuum etiam porro fore dicitur, neque metuendum esse, vt consilij huius Deum vnquam poeniteat. Qui constantia sua quod semel hoc in genere proposuerit perficiendum omnino recipit, ob eam rem ait: [Consolatio abscondita est ab oculis meis. Hebraicè est: & poenitudo abscondita est, &c.] Est enim idem verbum quod in illo loco Exodi: Et poenituit Dominum ne faceret malum, quod locutus erat ad populum suum. <sup>Exod. 32.</sup> Nunquam ergo maximum hoc consilium Israëlitiæ salutis sibi abijciendum esse, quoniam <sup>Rom. 11.</sup> vt Apostolus, ait, sine poenitentia sunt dona Dei & vocationes. Totius igitur lectio- nis huius hæc sententia fuit, Israëlitas semper sibi exitium & calamitatem fuisse molitos. De eis autem tuendis & seruandis solum Deum perpetua cura & sollicitudine tangi, interim tamen Ephraitas præsentis temeritatis poenas duros, vt proprijs tandè malis eruditi, quàm vtilis ipsi sibi fuerint, iam aliquando intelligant.

20 *Quia ipse inter fratres diuidet, adducet vrentem ventum Dominus de deserto ascendentem: & siccabit venas eius & desolabit fontem eius: & ipse diripiet thesaurum, omnis vasis desiderabilis.*

[Quia ipse inter fratres diuidet:] Ephraim nomen habuit à P A R A verbo, quod diuidere & multiplicare significat, estq. propriū vel arborū ramorū brachia producentiū, vel fontium etiā multiplici riuulo diductorum. Vtriusq. autē translationis similitudinibus huic tribui sortes olim fuerant datæ, Sicut scriptum est: Filius accrescēs, filius accrescens & eximius fons. & de Ephraim Ioseph filio sic prædictum fuerat: Frater eius minor maior erit illo, & semen illius crescet in gentes. Hæc familiæ Iosephi, hæc Ephraitarum accretio, hæc maxima propagatio & ramorum riuorumque diductio fuit, qua ipsi tamen abusi cū fuerint, vt aliquando priuarentur, meruere; namque dum ipsis cum fratribus suis Iuda Benjamin, & cæteris animorum & studiorum consensio concordiaque esset, tum magna etiam & ramorum & rerum fuit felicitas, vbi verò seditio & discordia ambitiosè concitata est, omnis felicitatis detrimentum suo merito est consecutum. Quia ergo <sup>Exod. 14.</sup> ipse superbia & ambitione elatus inter fratres suos diuortium fecerat, quos confirmata potius concordia seruare & propagare oportuerat: [ideo adducet Dominus vrentem ventum,] Regem Assur in spiritu furoris sui. Hac verò venti translatione propterea vsus est, quod fontis & arborum allegoriam antè vsurpauisset, vt autem felicitatem & propagationem illis nominibus & imaginibus expresserat, sic calamitatem & dissipationem Subsolani venti, quem propriè Hebraicè nominat, appellatione indicauit. Quoniam Subsolanus ventus, vt iam ex superioribus edocti fuimus, eiusmodi stragem in satis, arboribus & fontibus edere soleat, sicut scriptum est: Flante vento subsolano & vrente tota nocte qui vertit in siccum, &c. Naturæ verò ratio ac rerum œconomia obseruatur in eo quod dicitur, *de deserto*. Nam venti in solitudinibus vehementer assidueque versantur & sequiunt. <sup>Camhiin hūc locum.</sup> Tota autem hæc allegoria ad historiam pertinet: Etenim Assyrij per quos calamitatem Deus Israëlitis moliebatur & struebat, his regionibus oriuntur: inter Israëlitis autem & Assyriorum vrbes magna vastitas & solitudo esse dicitur. At huius venti auctor & excitator Deus fore prædicitur, ne videlicet casu, sed summo consilio res geri existimetur, & ita in ipsius rei euentu scriptum est: Et excitauit Dominus Deus Israël spiritum Phul regis Assyriorum & spiritum Theglath Phalnesser regis Assur, & de Regis Menahem temporibus scriptū est: Venit Phul contra Israël. sub Phacea verò venit Theglath Phalnesser rex Assur. Tandè sub Hossea Elæ filio. Ascēdit Salmasar rex Assur, & obsedit Samariam, &c. Hi autē omnes Israëlitiæ ruinæ auctores fuere, atq. hoc modo exsiccata, venæ, & fontis vbertas exhausta est, omnisq. ramorum & fructuum copia ac pulchritudo defecit; non enim solum tribus omnes abductæ, diductæ, ac dissipatæ fuerunt, sed

omnes etiam opes & thesauri direpti, & ipse ventus, inquit, diripiet [*thesaurum omnis vasis desiderabilis.*] Vasis nomine instrumentum omne omniſque ſupellex Hebraicè ſignificatur. Sic bellica, muſica, & ruſtica vaſa dicuntur. ita omnibus opibus & diuitijs quibus delectabatur, quibus ſe ſemper uſurum iactabat, erit Ephraim ſpoliandus. dixerat enim: Veruntamen diues effectus ſum, inueni facultates mihi, &c.

Sup. 12.

5

## CAPVT XIII.



**P**EREAT Samaria, quoniam ad amaritudinem concitauit Deum ſuum in gladio pereant, paruuli eorum elidantur, & foetae eius diſcindantur.

10

**H**IC verſus cum ſuperiori ſententia coherens, continuuſque eſt, quo in verſu vehementiſſima Dei erga ſcelerum auctores & duces indignatio oſtenditur, quos non pari cum cæteris ſupplicio, ſed multò etiam grauiori afficiendos pronūtiat. Atque in hoc quidem loco poſtquā ſuæ Iſraëlitis atque Ephraitis poenæ & calamitates fuerant decreta, grauiſſima & acerbiffima in Samariam ſententia pronuntiatur, quæ cum Iſraëliitarum regum regia eſſet, totius impietatis caput & fons fuerat, quòd illius auctoritate & conſilio idolorum cultus inſtitutus, conſeruatusque fuit. Atque hæc in qua huiusmodi pronuntiatur ſententia acerbioris & doloris pleniffima oratio, caput ipſum tantorum malorum petit, & diris atque imprecationibus excipit: Dolet enim vehementer Deus quòd Samaria & ſibi ipſi & omnibus decem tribubus ſummo ſtudio & conſtantia tantum malum ſeminarit & fouerit. quemadmodum autem in culparum & poenarum ſocietate fieri ſolet, ut primum de ſcleris miniſtris & ſocijs poenæ ſumantur, alijque alio tempore producantur; poſtremus autem omnium ipſe coniurationis princeps atque auctor ad ſupplicium poſtulat rapitur, quòd eò maiores dabit poenas, quòd maiori omnium odio inuidiaque flagrat; ſic apud Iſraëlitas res acta eſt: Siquidem primi omnium Ruben, Gad, & dimidia tribus Manaſſes à Phul Aſſyriorum Rege abducti ſunt in Lahela & in Habor, & in Ara, & in fluuium Gozan uſque ad diem hanc. deinde Aion & Abel domus, Maacha & Ianoë Cedès & Aſſor, & Galaad & Galilæam, & vniuerſam terram Neptalim. Theglath Phalneſſer in Aſſyrios tranſtulit, & ita alij alio tempore poenas dedere, donec tandem poſtrema omnium capta Samaria ac omni crudelitatis exemplo vaſtata eſt: nulli enim aut ætati aut ſexui hoſtes pepercerunt, quin conceptam ex deditiōis deſperatione iram ſæuitia in captos uſi explerent; & quoniam eius crudelitatis duo maniſeſtiſſima argumenta ſunt infantium illiſio & grauidarum exciſio, ſicut ſcriptum eſt: Tunc percuffit Menahem Thapſam & omnes qui erant in ea, & terminos eius de Therſa, noluerant enim aperire ei, & interfecit omnes prægnantes & ſcidiſcit eas. Sic etiam in Samariam ſæuitum eſt, quæ ut maximè omnium exacerbauit Dominum Deum ſuum, ita poſtrema omnium miſerrimum atque crudeliſſimum tulit ſupplicium.

1. Paralip. 5.

2. Reg. 15.

*Conuertere Iſraël ad Dominum Deum tuum, quoniam corruisti iniquitatem tuam.*

40

**H**ABENT duriffimæ & acerbiffimæ vatum orationes ſuam catastrophen, grauiſſimaque dicendi initia, & progreſſiones leuiſſimo ac placidiſſimo abſoluūt exitu: Nam cum præcipuū horum conſilium ſit, homines ab errore, à tenebris, à morte, ad veritatem, ad lucem atque ad vitam reuocare, & difficillimum opus ſit, malam vitam & morum conſuetudinem, quæ radicibus altiffimæ actis in naturam penè verſa fuerit, orationis & verborum vi euellere, neceſſe eſt, ut multo verborum & ſententiarum apparatu, multo dicendi etiam impetures agatur, excitandi homines à vitiorum veterno ſunt, qui ſuum morbum non ſentientes, nec periculū metuentes omni arte atque ſtudio iuuandi reuocandi ſunt: Difficillimum enim eſt eos, qui dolentes non ſentiant curare, quam obrè adhibenda in loco difficillima etiam remedia ſunt, quippe qui mète iuxta Hyppocratē laborant. Iam verò ubi ægrotus ſuum malum ſentire, & periculum metuere, & ſibi cauere ac parcere potuerit, meliora omnia ſperare & promittere, & leuioribus medicamentis interdum etiam & fomentis uti licebit; iam ſanitatiscōmoda præſentiū incommodorum cōparatione prædicare atque oſtendere, tum etiam qua ratione ſanitas quæri & inueniri poſſit præcipere.

Hippocrat. Aphor. ſect. 1.

Omnes



Omnes autem ferè prophetæ, quorum scripta & monumenta extant, cõmune hoc argumentum habent, vt prius homines suorum malorũ admoneant, eorum inquam quæ suo studio atque opera sibi ipsi pepererunt; deinde diuinam misericordiam restitutionem & salutem offerant & promittant; & quibus rebus hæc peti haberi que possint deinceps doceant. Est autem huius totius rationis summa illa, Hominum res Deo auctore integras, ipsorum verò culpa labefactatas & perditas vnus Dei beneficio corrigi, atque in melius etiã posse restitui, necesse autem ad eam rem esse, vt ipsi sese fide & pœnitentia vitæque in melius mutatione præparent: Nam quibus in animis altera ex his rebus desideretur, fides aut pœnitentia, ijs negatum omnino est diuina ciuitate, vita, pace, & summo bono  
 10 frui, sicut scriptum est: Nisi pœnitentiam egeritis, omnes simul peribitis. Hactenus ergo Luc. 13. priores prophetici muneris partes actæ atque transactæ ab Hossea sunt: Nunc deinceps posteriores atque iucundiores pro dignitate peraguntur; namque in summa miseria & in extremo calamitatum gradu constitutis, & iam sua mala sentientibus vaticinij officio pœnitentiæ lex indicitur, & maxima illa salus promittitur & offertur, cuius laus non ex  
 15 hominibus, sed ex Deo est; ille enim Christo auspice atque curatore, non solum eos qui ex gentibus, sed eos etiam qui ex Israël in tenebris & vmbra mortis sedebant è potestate tenebrarum in admirabilem lucem suam eductos & sanctorum consortes fidei que domesticos reddidit, superædificatos supra fundamentum Apostolorum & Prophetarum, ipso summo angulari lapide in Christo Iesu Domino nostro. Atque hæc quidem communis  
 20 omnium vatum ad agendum causa est. Hic omnis officij eorum finis, hoc initium à Deo alienatos homines fide & pœnitentiæ legibus & cõditionibus proponendis & persuadendis in summam gratiam per Christum reducere. Igitur Israëlitas eo quem descripsimus statu, atque in qua nunc sunt conditione tam diu vsos, ardenti studio cõpellat, atque ad salutem reuocat Hosseas, hortaturque vt pœnitentia atque ijs quæ necessaria sunt arti-  
 25 bus præparatis oblatum vltro à Deo promereantur beneficium. cuius tanta dignitas & magnitudo futura est, vt continuis laudibus & gratijs agendis vacent. Vtitur autem Vates iuris atque æquitatis rationibus in huius orationis initio: Etenim Israëlita in hac mala propterea inciderant, quod sceleribus suis irritatum atque vltro prouocatum Deum conuersione placare noluerunt, sed ipsi potius decreuerunt auersione cum illo contendere;  
 30 quamobrem iam suis malis & periculis doctos, & quid sua ipsorum intersit satis intelligentes, hortatur, vt priores ad dominum suum pœnitentia, animo, cogitatione atque studijs conuertantur; quandoquidem illis nunquam Deus iniuriam aut malum attulerit, sed ipsi primum Deo ingrati, iniuriæque & sibi ipsis nocentes & ruinæ causa fuerint. huius autem sententiæ hic versus est: [Conuertere Israël ad Dominum Deum tuum, quoniã cor-  
 35 ruiisti in iniquitate tua.] Æquissimum namque est, vt minor ad maiorem, Israël ad Dominum Deum suum, à quo ex humili Jacob sublimis Israël factus est, conuertatur; atque id eò maximè, quod tu tuis studijs offensionem illi, tibi autem ruinam fueris molitus; neque enim te ille deiecit, sed te ipsum tu cum ab eo deficeres deiecisti; ita ad eò cū tu semper tibi tuorum incommodorum auctor extiteris, ille solus restitutor & seruator fuit & esse  
 40 semper potest. Quando itaque non tibi aliunde salus est, quæ salute tute ipsum priuasti, si viuere, si seruari cupis, tu prior ad Dominum, hoc est ad salutem vitamque tuam conuertere.

*Tollite vobiscum verba: & conuertimini ad Dominum, & dicite ei, omnem aufer iniquitatem & accipe bonũ, & reddemus vitulos labiorũ nostrorũ.*

45 OMNIS oratio hæc in sua oratio genere versatur; cuius loci sunt, honestas, necessitas & facilitas. Primus versus ad necessitatem & honestatem pertinet; non solum enim honestum erat vt conuerterentur, sed illis etiam maximè necessarium. Hoc verò carmen facilitatis continet argumenta: Nullus enim hoc in genere modus magis ad persuadendum esse potest idoneus, quam vt quæ honesta atque vtilissima probaueris, eadem actu paratuque facillima esse ostendas. Igitur difficillima conuersionis ratio Israëlitis fieret; qui è proprijs locis eieci, exules, patria, templo, sacrificiorum copia, & ceremoniarum commoditate carentes conuersionis suæ sibi argumenta & signa ostendi non posse putarent; hoc metu à Vate liberantur, qui eam illorum professionem satis idoneam esse confirmet, quam supplicis orationis certa ac simplex confessio significet & probet, nec

ab illis in eo gradu constitutis, holocausta, nec victimas nec alias res nisi animi cogitationes & corrigendæ vitæ conatus, & apertam culparum confessionem suarum exigit: His enim sacrificiis, his donis & diuinæ placantur iræ, & maxima beneficia contingunt, sicut scriptum est: **Conuertimini ad me in toto corde vestro, in ieiunio, fletu & planctu,** scin-  
 Iod. 2. **dicite corda vestra & non vestimenta.** Huius autem rei causa ait: *Tollite vobiscum verba,* non s  
 enim sacrificia alia, non **victimæ**, non holocausta illa antiqua exiguntur, quæ nec præ-  
 stari à vobis tunc poterunt, nec si maximè possent, tamen aliquid ea iam conferrent,  
 Psalm. 51. **sicut scriptum est: Quoniam si voluisses sacrificium, dedissem vtiq̃ue, holocaustis nō de-**  
**lectaberis.** Sed sacrificium Deo spiritus contribulatus, cor contritū & humiliatū Deus nō  
 despicias. Huiusmodi sacrificij professionem eos docet Hosseas, atq. instituendæ oratio-  
 nis rationem formulamq̃ue præscribit, vt communi consilio & sententiâ conuersi ad Do-  
 minum, dicant: [*Omniem iniquitatē aufer: & accipe bonum:*] id quod nos præstare possumus,  
 fidē, conuersionē & orationē. Supplicis orationis hæc formula est, & animi verè poenitē-  
 tis professio, atque diuinam misericordiam implorantis vox: Principio enim iniquitatem  
 & peccata confitentur sua, quibus se manifestè teneri fatētur, neq. alia ratione sese expe-  
 15 **dire posse, nisi sola diuina misericordia, & remissione;** tamen se ita animatos esse, vt omni  
 studio & consilio, atq. omnibus conatibus cōuersioni incumbant, & vota pro liberatione  
 nuncupent, quæ liberati sanctè tandē exoluant. Vota autē hymnorum & laudum diui-  
 narum, quæ iam nunc Deo grata esse percupiant. [*Omniem iniquitatem (inquiunt) aufer.*]  
 Non vno aut simplici scelere, sed multis & varijs sese alligatos esse hac oratione confi-  
 20 tentur, qui nullā in omnibus laboribus suis inuenire posse iniquitatē olim defendebāt,  
 nunciam nulla negatio, nulla excusatio est, quin in omni se iniquitate esse fateantur,  
 agnoscantq̃. sibi nullā aliam defendendi aut liberandi rationem, vel iniri posse vel place-  
 re, nisi deprecationem & diuinæ appellationem misericordiæ. Hanc itaq. suam omnium  
 esse vocem communem, hanc perpetuo retinendam orationis sententiam: *Omniem ini-*  
 25 *quitatem aufer.* Ne respicias peccata nostra, sed secundum magnam misericordiam tuam  
**dele iniquitatem nostram,** vt ere illo magnæ misericordiæ exemplo, vt omnis iniquitatis  
 nostræ cuiuscunque generis ea fuerit, siue adulterij, siue perfidiæ, siue repullæ & infan-  
 niæ, siue proditiōis, **omnis denique sceleris obliuiscaris,** ac tantum animi supplicis &  
 sua antiqua facta damnantis ac te tuamq̃ue fidem appellantis, professionem & orationē,  
 30 atque vota intuearis & probes; hoc enim probari tibi placereq̃ue, hoc in bonorum ra-  
 tione numerari solet, sicut scriptum est: **Conuertimini ad me & quare moriemini Do-**  
 Ezech. 33. **mus Israël: & in quacunq. hora ingemuerit peccator omnium iniquitatum,** eius am-  
 Jerem. **plius non recordabor.** Aufer ergo omnem iniquitatem, vt fidei tuæ constantiam veritate  
 probes. dixisti omnium iniquitatum recordationem tibi deponendam, nostra est omnis  
 35 iniquitas; proposita tibi ergo est tuæ maximæ misericordiæ ostendendæ materia. Ne  
 ergo respicias peccata, sed animum supplicem tibi sese dedentem tuam fidem implo-  
 rantem, quidquid mali in nobis fuit detestamur & damnamus, quod præstare boni pos-  
 sumus, vltro præstamus & proitemur, cor contritum & humiliatum, veram sententiæ &  
 voluntatis mutationem: *accipe bonum,* Fidem & poenitentiam nostram: Neque enim  
 40 ista facilitate & misericordia honori nominiq̃ue tuo quicquam detrahi, imò verò plu-  
 rimum apud homines, apud superos, atque etiam apud inferos laudis addi accumula-  
 riq̃ue potest; cum non solum alios omnes misericordiæ admiratores, sed nos etiam per-  
 petuos benignitatis & clementiæ tuæ præcones sis habiturus, qui qualis nobis olim  
 erga te mens, quàm iniqua, quàm impia voluntas, qualis tua erga nos semper, atque  
 45 nunc maximè fuerit misericordia, toti orbi manifestemus; quid ergo ex maiori be-  
 neficio, nisi maiorem tui nominis laudem & prædicationem tibi paraueris? hoc autem  
 nos præstituros recipimus, vt perpetuis te laudibus prosequamur, hoc commune om-  
 nium, nec tibi ingratum votum est, nec hominibus inutile exemplum; nam doce-  
 50 **bimus iniquos vias tuas, & impij ad te conuertentur.** [*Reddemus vitulos labiorum nostro-*  
 rum,] qui placebunt tibi plusquam vituli nouelli cornua producentes & vngulas. Hæc  
 summa & argumentum supplicis orationis est. Sed quoniam perfecta poenitentia non  
 solum futuræ vitæ in melius correctione, sed prioris corruptæ detestatione definitur,  
 sicut scriptum est: **Declina à malo & fac bonum.** Ob eam rem inter deprecatoriæ  
 orationis membra præteritorum etiam consiliorum, actionumq̃. confessionē & damna-  
 tionem

tionem præcipit ijs, qui suis cogitationibus & conatibus perniciem potius sibi, quam salutem fuerant moliti; quippe cum vnica ad salutem via diuinæ veræque religionis purum studium sit, atque salus ipsa omnium & incolumitas in vno Dei præsidio sit collocata. Dolent ergo quod ad Assyrios atque ad Ægyptios auxilij causa descuerint, à quibus nulla auxilia, multa verò & maxima incommoda, mala, dolores, luctusque perceperint: Etenim in secundis rebus nulla ab hominibus auxilia expectari, in aduersis nulla sperari debent, cum felicibus & potentibus hominibus homines alij superuacui videantur; imbecillis autem & miserrimis omnino inutiles sint. Solitis itaque Dei salus est, qui & felices tueri & humillimos tollere potest & solet; qui se ob hanc rem pupillorum tutorem legitimum est professus, vt miserrimo cuique, quod se in patronum adoptaret aditum, aperiret.

*Assur non saluabit nos: super equum non ascendemus, nec dicemus vltra: Dñi nostri opera manuum nostrarum: quia eius qui in te est misereberis pupilli.*

15 DVPLEX peruersitatis genus, sed species triplex Israëlitis fuerat, ex quibus multa manuerant scelera; alterum genus quod simulachra pro dijs coluerant: alterum quod diuino auxilio neglecto, humanum implorant, & Assyrios ob militum virtutem, Ægyptios verò ob equorum ferociam in societatem vocauerant; verum à Dijs quos putabant, nihil vtilitatis, ab hominibus verò multum etiam mali & damni acceperunt: eaque societas impietatem illis auxit, salutis verò rationes minuit. Huiusmodi autem errorem & scelus detestati confitentur. [*Assur non saluabit nos.*] neque vlla amplius nobis Ægyptiorum equorum habebitur ratio. [*Super equum non ascendemus,*] ex contento continens intelligitur, nam equorum præcipua laus apud Ægyptios est, sicut scriptum est: Væ descendentibus in Ægyptum, in auxilium & in equis sperauerunt quia præualidi sunt. 20 [*Neque dicemus vltra. Dñi nostri opera manuum nostrarum.*] Stultissimum enim fuisse fatemur, eos Deos nostros appellasse, ab ijsque auxilium expetisse, quos nos deos fecerimus, quiq. se ipsos à nobis, si perdere vellemus liberare non possent. [*Quia eius qui in te est misereberis pupilli.* Hebraicè est: Quia in te misericordiam consequetur pupillus. [Significat in vno Deo omnium præsidium & salutem esse, argumento à minori ducto atque enthymemate conuerso, hoc modo: cum ij qui in extrema miseria & consilij atque auxilij inopia sunt, te vnum suarum rerum præsidium, & salutis perfugium paratum habeant (quales pupilli sunt) manifestum est te omnibus afflictis salutarem fore, sicut scriptum est: Tibi derelictus est pauper, orphano tu eris adiutor, & tuo ergo ipsius testimonio & frequenti multorum nostroque experimento cognitum est, te vnicum miseris omnibus esse salutis perfugium. Nos ergo te vnum cognoscimus, vnumque appellamus seruatorem. Atq. in hoc loco diuinæ illius salutis imaginem intueri mihi videor, quæ perfectissima per Christum verè fidelibus & pœnitentibus contingebat, qui omni iugo & circumstanti peccato depositi perpetuis laudibus vacabant, sicut scriptum est: Vt simus in laudem gloriæ gratiæ ipsius, qui eripuit nos de potestate tenebrarum, & traduxit in admirabilem lucem suam, 35 vt simus initium aliquod creaturæ eius in laudem ipsius. De qua salutē inferius nonnulla, in alio loco plura à nobis dicenda sunt. Hactenus Israëlitis conuersionem, pœnitentiæ studium & supplicationem, ac prophetam ad eam rem adhortantem audiuius: nunc deinceps Dei facilitatem benignitatemque admirari operæpretium fuerit.

45 *Sanabo contritiones eorum: diligam eos spontaneè: quia auersus est furor meus ab eis.*

OMAXIMAM Dei misericordiam & ad ignoscendum promptissimam naturam, qui quo tempore illius inimicos ad conuersionem vates vocabat & hortabatur; in d & rogabat, ipse nondum rogatus aut postulatus, gratiam tamen suam, pacem & conciliationem vltro pollicetur; neque hoc tantum se præstiturum, sed prius amaturum promittit, tantamque deinde felicitatem prædicat futuram, quantam neque oculus vidit, neque auris audiuit, neque humana assequi potuit cogitatio. Quo animo autem, quamente, & quanta alacritate hæc à Deo promissa, atque prædicta fuerint, ipsa Hebraicorum carminum ratio, atque orationis structura indicat, ipsa etiam lætissimorum verborum congeries manifestat: Namque oratio hæc animi lætitiæ gestientis est, atque eius qui

qui maximis & diuinis beneficijs Israëllem afficere, iam tum tenditque fouetque. Hadenus enim duriori carminis genere, verbisque est usus grauissimis, quæ non tam ex animi dicentis cupiditate, quàm ex necessitate rei prolata videri possent; nunc verò non pronuntiata, sed erumpens oratio est, mentem ad beneficentiam procliuem, ac maxime promptam arguens. Huiusmodi autem mensuris Hebraicum carmen constat:

Psal.

*Vocantibus medebor, Amaboq. hos libenter, Procul amira abesto, &c.* Ex quibus omnibus intelligimus diuinam naturam ad beneficentiam, misericordiam & gratiam effectum, multò quàm ad minas, ad odia, atq. ad poenas esse promptiorē, iræq. suæ magis tēperare, quàm benignitati parcere solitam esse, sicut scriptum est: Ipse autem misericors & propitius fiet peccatis eorum. Et abundauit vt auerteret iram suam, & non effudit omnem indignationem suam. Igitur cū primum hortantem Israëlitas Vatem, & ad meliorem mentem reuocantem Deus audiuit, antequam illi sese persuasos ostenderent, ipse sese placandum propitiumque pollicetur, atque omnes odij & iræ suæ causas illis penitus precipisurum, ait ita vt semel in gratiam reductis, nulla amplius amicitia infringenda, aut causa aut occasio offeratur: Namque perfectam atque integram, ait, omnino fore eis reconciliationis rationem, ad se conuersis: neque enim solum vulnera sananda, sed omnium vulnorum & malorum fontem ipsum & causam ipsam extirpandam esse. Quippe auersio ipsa omnino tollenda ab illis ita est, vt nunquam amplius à Deo auersi alienatique sint; eo verò clauso & obturato fonte perpetuum illis & certum, veræ religionis studium perpetua pax & perpetua erit felicitas. Hoc autem diuini spiritus & ignis baptismate efficietur, quo diuinæ leges in illorum cordibus dandæ, & mentibus conscribendæ sunt. atque hoc quidem beneficium Christi virtute & opera constabit. [*Sanabo contritiones eorum.* Hebraicè est: *Sanabo auersionem eorum.*] Ita omnem peccati & iniquitatum vim & efficientiam sibi ex illorum cordibus radicitus tollendam & euellendam Deus ipse in se recipit. Neque verò aliam huius eximij beneficiij causam indicat, nisi vnum tantum amorem suum, quo eos diligit. *Amabo eos spontaneè.* Etenim si quis eum à quo læsus atque iniuria affectus sit, quem perdere etiam potuerit, seruare malit & securum esse iubeat, laudatur quidem maxime ea viri humanitas, tamen idem vt amet, cogi, rogari, aut postulari non solet, quod si vltro amauerit, maximæ admirandæque benignitatis argumentum præbuerit. Deus autem non solum Israëllem sibi sanandum omnino, sed etiam vltro & sponte amandum suscipit: *spontaneè*, non coactè, non vlllo legis iure, sed vltro, quo maximæ meæ misericordiam inenarrabilis vis ex his appareat rebus. Quem quidem diuinum erga homines amorem supereminentem scientiæ charitatem Dei Apostolus nominat. de quo alio in loco: Commendat, inquit, charitatem suam Deus erga nos, quoniam cū adhuc peccatores essemus secundum tempus Christus pro nobis mortuus est, & cum inimici essemus, reconciliati sumus Deo per mortem filij eius. Oportunitatem autem huius amoris, vnā illam esse dicit, quod iram omnem deposuerit, & auersionem suam abstulerit. Atque in hoc loco diuinæ sapiētiae studiosis illud cogitandum obseruandumque proponitur, Dei perpetuum esse amorem; eius vero effectum aliquando iusta ira intermitteri; nec enim diuina natura amoris expers aliquando est, cū ipse Deus charitas sit; nec etiam neutra in Deo affectionis est vis, ita vt neque amet, neque oderit; nihil enim odit eorum quæ fecerit; amat autem semper, & solem suum oriri facit super bonos & malos; si quando verò iratum se præbet, ea patris vel iudicis magis, quàm hostis indignatio est. Ob eam rem ait: [*Amabo eos quoniam auersus est furor meus ab eis.*] amorem spontaneum, hoc est, proprium, appellat: furorem verò auersione mutabilem declarat. Hanc autem reconciliationem, quæ sit secutura felicitas, subiunctis versibus describit.

Ephes. 3.  
Rom. 5.

*Ero quasi ros Israël germinabit sicut lilium & erumpet radix eius  
vt Libani.*

QVIVNQUE nascentis Ecclesiæ Christianæ, & diuini spiritus largissimo influxu irrigata imaginem aliquam ex noui testamenti libris expressam animo fuerit contemplatus, ac mutationem illam admirandam hominum siue regenerationem cæteris hominibus stupendam aliqua ex parte cognouerit, is profectò earum similitudinum, quibus hæc felicitas significatur, vmbra aliquam sequi poterit: Namque propriam & expref-



- expressam ipsius rei effigiem intueri illis tantummodo contingit, quibus notas facere voluit Deus diuitias mysterij huius, ut in se diuini spiritus vim & virtutem experiri possent. In eundem ergo locum Israëlitarum res peruenturas ostendit, in quo primorum Christianorum res olim fuere. Hoc autem diuina virtutis opus & donum fore docet. [Ero  
 5 quasi ros Israël: germinabit sicut lilium.] Antithesis est eorum quæ dicta fuerant, venas scilicet Israël fore exiccandas: Nunc diuino vitalique spiritu augendos atque propagandos stabiliendosque esse prædicit. ut ros perpetuò descēdens non matutinus, sed qualis ille est, de quo scriptum est: Quomodo descendit imber & nix de cælo & illuc ultra non reuertitur, sed inebriat terram & germinare eam facit, & dat semen ferētibus & panem comedentibus, &c. Solet autem felicitas varijs ex agricultura similitudinibus significari apud  
 10 vates. In omni verò herbarum natura nullum genus est quod propagationis copia lilia vincat; maximè autem cum pingue solum nata sunt, & assiduis commodis roribus irrigatum: etenim ex singulis eius bulbi sectionibus singula etiam interdum bina aut terna capita nascuntur; eius autem floris odor fragrantissimus omnium est, & longè lateque diffunditur. Magnam imago hæc Israëlitarum futuram copiam eamque felicissimam deoq.  
 15 imprimis gratissimam significat; namq. illi fragrantissimi illius vestitus pars futuri sunt, cuius odorem præfagiētis Isaac pater dixerat: Ecce odor filij mei, sicut odor agri pleni, cui benedixit Dominus. Cuius quidem vestitus mysterium suo loco aperiendum nobis est. Igitur felicem Israëlitarum propagationem sanctissimas eorum rationes Deo quam gratif-  
 20 simas futuras liliorum nomine docuit; deinde verò huius tanti honoris stabilitatem & constantiam adiuncta etiam similitudine ostendit: namque liliorum quanquam copiosa folioles, non tamen constans & perpetua natura est, cum ex herbarum genere sit earum quæ & molles & breues radicum fibras habent. quamobrem, totius naturæ auctor atque maximus cultor Deus, magnum in hac re efficienda opus moliturum sese dicit, & pluribus  
 25 ex naturis compacturum, quò admiranda illa felicitas perfecta, firma, stabilisque sit: quemadmodum si quis maximus effingendi artifex pulcherrimam quandam feminea forma statuam facere cogitans plures virginum formas simul intueatur, atque ex singulis ea quæ incepto operi conueniant obseruet & imitetur, quale opus Græcum illum sculptorem expressisse dicunt. Multarum itaque plantarum genera ad tantæ felicitatis exprimendam  
 30 imaginem Deus componit. ut liliorum odorem & fecunditatem cum cedrinarum radicum firmitate, cum perpetuo oliuæ virore, cum tritici fructu, vitis propagine & succo coniungat: quibus omnibus ex rebus id quod dicimus perpetuæ felicitatis simulachrum conflatur. [Erumpet radix eius ut Libani.] ex continente contentum arguitur; nam ex multis arborum etiam fructiferarum generibus in Libano sponte prouenientibus nulla  
 35 natura magis quam cedrorum in eo monte celebratur, quòd ramorum pulchritudine & stipitis proceritate atque duranti firmitudine omnibus aliorum locorum cedris antecellat, sicut scriptum est: Et disputauit Salomon de lignis à Cedro quæ est in Libano vsque ad hyssopum quæ egreditur e pariete. Igitur ut Anticyræ nomine Helleborum intelligimus; quanquam aliæ etiam in ea insula herbæ nascentur, sic Libanus proprias Cedros  
 40 arborum omnium præstantissimas sui commemoratione commendat. Itaque felicitas illa stabilis fore significatur, quæ radicibus plurimis & altissimis ut cedrus Libani defigenda erat. Quanto autem altiores radices arbor egerit, tantò ramis pluribus & productionibus ornabitur; sic Israël per Christum in gratiam recepti pulchritudo omnibus gentibus conspicua longè lateq. erit, sicut scriptum est: Omnes qui viderint eos, cognoscent illos, quia isti sunt semen cui benedixit Dominus. hoc est quod ait:  
 45

*Ibunt rami eius. Hebraicè, Ibunt virgulta eius.*

- UT PAREM patribus filiorum dignitatem futuram significet; eam autem non terrenam aliquam, sed planè cælestem definire oportet, sicut scriptum est: Ecce dies venient dicit Dominus, & effundam de spiritu meo super omnem carnem, & propheta-  
 50 bunt filij vestri & filia vestrae, & iuuenes vestri & senes vestri somnia seminabunt. Huius autem eximij splendoris nitorem perpetuum fore ait nullis aut temporum aut rerum vel casibus vel vicissitudinibus expositum, sed magis oliuæ instar semper virentem.

*Et quasi*

*Et quasi oliua erit gloria eius, & odor eius ut Libani.*

Jerem. 11.  
Psalm. 52.  
Psalm. 1.

Cantic. 1.

Cantic. 4.

Deuter. 4.

OLIVÆ enim proprium Epitheton in sacris est Raghanā, quod virens & speciosum interpretes vertunt apud Ieremiam: Oliuam speciosam, vberem, pulchram, vocavit Dominus nomen tuum. & illud: Ego autē sicut oliua speciosa in domo Dei. Erit itaq. quasi oliua gloria eius, quæ perpetuo diuinæ gratiæ rore irrigata fructū suum dabit in tempore suo, & folium eius non decidet. Virtutem autem omnium luminibus & ornamentis sic illustrandos eos docet, vt suauissimos odores incendiant suimet, hoc est, dignitatis atque amplitudinis argumenta & testimonia omnibus probent hominibus: Etenim iucundus odor opinionis atque honestæ famæ symbolum est, vt: Oleum effusum est nomen tuum, adolescentulæ dilexerunt te nimis. [Et odor eius ut Libani.] Omnium qui à scriptoribus celebrantur montiū Libanus in Syria felicissimus atq. amœnissimus esse perhibetur, quē non solum siluestrium, sed earū etiam, quæ humano cultu aliās indigere solent, plantarū generibus multis copia vestit & ornat. Aiunt quippe (id quod & nos ab eius regionis hominibus accepimus) etiam medica mala limonū & citronū genera varia eo in loco spōte gigni & herbarū atq. florum eximiam copiam, ex quibus gratissimus odor misceatur, & loci cōmendetur amœnitas. vt etiam ex pluribus sacrorū librorū lectionibus docemur; ex quibus illa est: Odor vestimentorū tuorum sicut odor Libani. & illud: Nardus crocus fistula cinamomum cum vniuersis lignis Libani, quam ob causam mons bonus à Mose antonomasticōs dicitur: Transibo, inquit, & videbo montem istum egregium Libanum. In huiusmodi autem dignitate in hoc florēti & iucundo rerum statu eos semper acturos versaturosque præcinit vates, ita vt Libani vmbra nunquam sint relicturi.

*Conuertentur sedentes in vmbra eius.*

Psalm. 103.  
Math. 6.

SEMPER inquit in Libani vmbra versabūtur, semper eundem vitæ & dignitatis statum retinebunt. Hanc verò spiritualium rerum imaginem ad antiquum illud Israēliticæ pacis & quietis exemplum terrenum reuocare licet, cum propria illis regio quæ Libano monti adiacet, habitaretur: eorum verò felicitatē nūquam intermorituram, sed assiduus Dei beneficijs perpetuò renouandam cōfirmat Vates, vt quibus tritici vsus optimus assiduusque est, videlicet ijs qui pingue & fertile terræ solum sortiti annonæ caritatem non timent. Atque triticum inter frumētorum genera alia & sapore alendi virtute longè præstat, sicut scriptum est: Et panis cor hominis confirmat. ergo pane illo quotidiano cælesti alentur, quod vtinam nobis hodie diuino munere & beneficio contingat:

*Et viuent tritico.*

Georg. lib. 2.  
Psalm. 80.

Assaph.

EX HIS autem rebus suauissimum & generosissimum fructum expectandum esse consequitur: Non enim potest arbor bona malos fructus facere. Erit ergo tanta tamque insignis studiorum & actionum suarum commendatio, tanta vbertas, quanta generosissimæ vitis esse solet, quæ in optimo plātata solo & palmitum multitudine & suauissimi vini copia cultorem iuuat. Huiusmodi naturæ similitudinē gerent & moribus expriment, qui in vite vera Christo manentes palmites Dei cura & beneficio culti, suauissimū bonorum operum fructum reddent, ita vt dicere iure possint: sufficientia nostra ex Deo est.

*Et memoriale eius sicut vinum Libani.*

MONTIVM & iugorum situs vineis optimis maximè sunt idonei. Denique apertos Bacchus amat colles: sicut scriptū est: Operuit montes vmbra eius. Quamobrem Libanus mons vt alijs etiam plantis, ita & vitibus etiam generosissimis abūdat, & illius oræ vinum nunquam sine laude cōmemoratur. In libris Assaph medici Hebræi hæc imprimis cum odoris atq. saporis elegantia, tum etiam præstanti ad medicinam virtute cōmendantur. Imprimis Libaniticum, Hermoniticum Carmelitense, & Israēlitarum montium Ierolymitanum, id præterea quod in Samaritanis & Cappadocia montibus nascitur, atque vltimo loco Ægyptium, huiusmodi vini genera, cum optima & suauissima sint olfactuq. præstātissima, semper cum laude cōmemorantur. vt enim apud Latinos auctores Chyi, Setini, & Falerni nomina semper in vini laudibus vsurpantur, sic etiam apud Syrios Libaniticum. Hoc autem dicto significatur tantam fore in restitutis Israēlitis operum & studiorum actionumque omnium gratiam, vt nunquam de eis mentio nisi honoris ac laudis plena fiat.

*Ephraim*

*Ephraim quid mihi ultra idola? ego exaudiam, & dirigam eum ego ut abietem virentem: ex me fructus tuus inuentus est.* Hebraicè sic: *Ephraim quid mihi ultra ad idola: ego respondi & direxi eum, ego ut buxus virens. ex me fructus tuus inuentus est.*

- 5 INTER alia plurima argumenta, quibus diuina iustitia & misericordia commendatur, & humana damnatur peruersitas, vnum est, quod nemo hominum qui in iudicium vocandi & scelerum atque auersionis rei faciendi sunt, vel se officij sui admonitum atque peccato deterritum, vel ubi peccauerit reprehensum & reuocatum non fuisse causari iure possit: Etenim ijs qui sacros antiquosque libros vtilitatis causa relegendi & obseruant, vel ex vno arcano Geneseos volumine, in quo vniuersa humanorum morum ratio, & omnis ferè quæ de Deo haberi ab hominibus meditatione potest notitia, continetur; huius de quo nobis sermo est argumenti insignè illud petitur exemplum: cùm Deus Cainum à concepti patricidij admissione deterreat, & post commissum ad confessionem & pœnitentiam vocabat, ut iustificetur Deus in sermonibus suis, & vincat cùm iudicatur; qui neminem hominem perire vellet, sed omnes ad pœnitentiam reuerti; cui nemo dicere possit sibi virtutis & vitij viam atque vtriusque fines & exitum non fuisse monstratos ac prædictos: Nihil enim quod ad docendos, instituendos, admonendos, retinendos, tuendos, restituendosq. homines factum opus esset, à Deo vnquam est prætermissum, sicut scriptum est: *Quid debui facere vineæ meæ quod non feci?* Huius argumenti 10 versus hi sunt, quibus totius libri peroratio continetur, in qua se Deus officio suo satis superque fecisse dicit; cùm non solum iudicis, sed aduocati, sed monitoris etiam partes sic egerit ut nihil requiri, nihil omnino possit desiderari: namq. cùm Ephraim de idolorum vanitate, de sua ad ignoscendum promptitudine ad beneficentiam certa & immobili voluntate, & fide denique ad sumendas de pertinacibus pœnas immobili sententiâ satis iam diu sese disseruisse egisseque confirmat; reliquum autem esse, ut sapientissimus quisq. hæc cogitet, & quid sua intersit, præuideat, sibi que consulat, atque diuinæ causæ rationibus omnibus probatis omnem iniquitatem, malum, culpam, cunctam denique calamitatem & pœnas omnes humanis moribus & improbitati adscribat. Nominat autem præcipuè Ephraim, quod is eius culpæ potissimus auctor fuerit & idolorum cultum ille imprimis 20 coactus fuerit sustinere. in qua causâ cùm nihil prætermissum fuerit quod dici possit, cùm nulla defensio vel excusatio, vel alia etiam effugiendi aut deriuandi criminis relicta ratio sit, reliquum est, ut ipse Ephraim rebus suis oportunè prouideat: sin minus ubi grauissimis supplicijs fuerit affectus suam improbitatē, non Dei aut iram incuset aut negligentiam. [Ephraim,] appellandi casus est, quo reus rogatur, num aliquid in idolorum crimine vel negare vel reprehendere, vel desiderare possit. [Quid mihi ultra ad idola?] quid inquit pluribus iam agendum mihi de idolis est, quod non cumulatè dixerim, & egerim? ego respondi, quidquid in hac causâ responderi potuit aut oportuit. Respondere autem hoc in loco pro verba facere vsurpatur, ut: Respondens Iesus 30 dixit: Confiteor tibi pater. &c. Hanc causam omnino cùm vicerim, tamen tibi quo modo liberari & restitui posses prædixi & præcepi, ita eadem opera & maximam meam tibi & omnibus misericordiam & maximam etiam probaui iustitiam, meque qualis sim ostendi, nimirum in criminibus afferendis veracem & integerrimū, in condonandis verò vehementer propitium. [Et ego direxi eum.] Quemadmodum causam quam defendere & tueri non poterat, tamen deprecari valeret. Quod si tibi aut mali aut incommodi aliquid omnino præter animi sententiam euenerit, id tuis moribus, culpæ & inconstantia non meæ aut iræ aut inimicitia assignari oportuerit; namque nulla apud me aut naturæ aut ingenij voluntatisue inconstantia & mutatio est, & quem me semel esse declarauim, eum semper forè profiteor; perinde atque buxus quæ nullo tempore natiuam ligni soliditatem, aut colorem aut frondium ramorumque viriditatem amittit. Hoc est quod dicit: [Ego ut buxus virens.] ut diuinam naturam & voluntatem perpetuam, sibi q. constantem certamque esse significet; illos autem sibi prospicere & consulere oportere, namque sese erga illos præstiterit, eundē erga se experturos & percepturos perpetuo prædicat, Sicut scriptum est: Si volueritis & audieritis, bona terræ comedetis, quod si nolueritis & 45 me ad iracundiam prouocaueritis, gladius deuorabit vos, quia os Domini locutum est. , , atque

Gene. 4.

Psalm. 51.

Isaie 5.

Isaie 1.

Matth. 5.

atque hæc huius orationis sententia est. [*Ex me fructus tuus inuentus est.*] Fructum nominat fidei & poenitentiae & probatorum operum primum, quod Dei promissione, fide, atque beneficio contigit; ijs quidem, qui secundum propositum gratiae Dei, gloriam & immortalitatem quarunt, quibus bonorum omnium auctor Deus, malorum autem sibi homines fabri sunt, Deus vero iudex: Neque enim ille ut bonorum ita etiam malorum est auctor & principium, sed premio afficiendos sua ipsius manu proprioque munere ornat: Supplicio vero dignos cum iudicauerit tortoribus ad eam rem destinatis & satellitibus, nonnunquam etiam humani generis hostibus permittit, sicut scriptum est: Esto consentiens aduersario tuo dum es in via, ne deferat te ante iudicem, & iudex tradat te ministro, & minister tortori, & in carcerem mittaris, &c. Scito igitur Ephraim omnem rationem tibi expositam esse, teque sceleris tui convictum curare oportere ne pereas. Caue ergo tibi, ut qualem tibi expedit, te prestes: namque si tibi tu quidem dissimillimus fueris, ego tamen mei semper ero simillimus, à quo vno honestorum laborum tuorum fructum percipias, ab alijs autem vel dijs vel hominibus fructum nullum, sed damni malique plurimum tibi paratum esse prædico.

*Quis sapiens & intelliget ista? intelligens & sciet hæc? quia rectæ viæ Domini, & iusti ambulabunt in eis, & prauaricatores corruent in eis.*

Erod.

Quæcunque diuini spiritus consilio literarum monumentis ad posteritatem tradita sunt, ea perpetuam, certam, atque utilem omnibus doctrinam continent; neque enim quæ apud Israelitas atque alias etiam gentes gesta olim fuere, tanta cura nobis tradi obseruarique mandasset Deus, nisi eadem maxime ad nos attinere peruidisset. atque in ea re non solum illustra instituendæ vitæ exempla, sed maximas etiam totius sapientiae rationes propositas esse intellexisset. Quam quidem ob rem sapienter simul & commodè hunc libro suo finem Hoseas esse voluit, ut ad eorum quæ dicta & perorata sunt cõtemplationem sapientissimum quemque inuitaret, quod ea magnam diuinarum humanarumque rerum notitiam accurate considerantibus aperire valeant. Igitur quicumque sapientia præditus huius totius libri partes momentaque omnia intelliget, & omnium quæ in ea narrantur origines, progressiones & consequentia obseruabit, is profecto rationes omnes diuinas probabit, nihilque in illis offendet. Namque Deum hominum amantissimum & dissimulantem peccata propter poenitentiam, cognoscet, nihilque magis ex eis requirentem, quàm ut aut integris moribus perseuerent; aut si corruerint, tamen fidei & poenitentiae rationibus reuocati, ei sese restituendos credant & committant: Neque enim sibi impiorum casum placere, neque iudicij in eos exercendi auidum natura, imò misericordiae omnibus hominibus, impartendæ esse desideratissimum; atque ei rei illum semper studere, ut quam plurimis salutem afferat & vitam, cuius si qui expertes fuerint. id sua ipsorum culpa, non diuino studio aut voluntate accidere. Atque hæc quidem ratio bonis & sapientibus viris adeò manifesta, adeo certa est, ut ad eam normam vitam instituunt suam, cum diuinam voluntatem immutabilem, constantem & sui semper similem esse certo sciant. ex eo fit ut à vero atque honesto vel latum vnguem nunquam discedant, vel si labi contigerit, erratum poenitentia corrigant, fideque ac spe Dei implorent misericordiam, sibique meliora omnia ex diuini verbi promissionibus promittant. Contrà vero quibus nec veritas nec honestas cordi est, ijs obscuræ & difficiles diuinæ rationes videntur; demum hos non vnus error cæcos agit. alij enim nullam prouidentiam esse dicunt; alij verò iustitiae nomine iniquitatem Deo attribuunt, cuiusmodi sunt illi, qui quorundam hominum casus & interitum infernamque damnationem non tam ipsorum culpæ, quàm diuinæ ascribunt voluntati, nullamque esse aut intelligi in Deo iustitiam putant, nisi aliquos hominum tanquam materiam seueritatis suæ ad interitum & necem iam inde à principio destinauerit; quasi verò iustus iudex esse non possit cui exercendæ seueritatis & supplicij decernendi desit occasio. Sunt etiam quibus nullam operum & poenitentiae rationem Deo haberi asserant, solamque hominum fidem nihil præterea aliud expectari & credant & doceant. atque ob eam insaniam delitij, somno & voluptatibus indulgentes, nullum sceleris, nullum flagitij genus perhorrescunt. Alia præterea complura peruerforum hominum genera sunt, quos aut memoria complecti aut dicendo enumerare non est, utpote de veritatis & honesti simplici via varijs & innumerabilibus actos erroribus. horum omnium



omnium infelicissimus exitus propterea est, quod ipsi à vero & felicissimo bonorum fine, atque à recta & certa via vltro exorbitant: Certa enim via est, sapienter vitam institueret, vitia fugere, casum emendatione corrigere, Dei implorare misericordiam, hæc qui non peruidet, vt offendat, sibi que ruinam molitur necesse est, sicut scriptum apud Ezechielem extat: Nunquid voluntatis meæ est vt pereat impius, & non potius vt conuertatur à vijs suis & viuat: Et dixistis: non est aqua via via Domini. Audite nunc domus Israël: nunquid via mea non est aqua, & non magis viæ vestræ prauæ sunt? Vbi verò docere viæ suæ rationes vellet, subiunxit: Cum enim se auerterit iustus à iustitia sua, & fecerit iniquitatem, & in iniustitia quam operatus est, morietur. Et cum auerterit se impius ab impietate sua quam operatus est, & fecerit iudicium & iustitiam ipse, animam suam viuificabit, vita viuet & non morietur. Vbi ergo liberi arbitrii negatio? vbi illa nimis parca, nimis iniqua, imò nimium angusta de diuina misericordia disputatio? dignissimum profectò Ezechielis vaticinij caput illud est, quod humanis in mentibus perpetua recordatione figuratur. Igitur cum de magnis rebus magna veritatis mysteria & multa argumeta proferruntur, solet diuinus spiritus sapientibus viris hoc modo examinanda & probanda proponere. Quis sapiens, & obseruabit hæc, & intelliget misericordias Domini? Quo dicendi modo & figura diuinæ rationes optimæ æquissimæque esse docentur; solis tamen bonis & sapientibus viris cognitu faciles esse, sed eiusmodi tamen virorum non ita magnam inueniri frequentiam hoc interrogatio illa siue potius desideratio indicat. [Quis ergo sapiens, & intelliget ista?] Is qui cuiusque rei naturam cognoscere & distinguere potest, neque vlla in parte fallitur sapiens in sacris dicitur libris; qui verò ea quæ intellexerit & cognouerit, ad aliarum rationes & occasiones accommodare, atque ex alio exemplo aliud explicare nouit, proprio vocabulo intelligens seu potius prudens appellatur. Hebraicè enim nomen חכם sapiens, נבון verò prudentem significat, namque חכם sapiens sic in sacra philosophia definitur: Cor sapientis quæret doctrinam, & lingua sapientis componet scientiam. Prudentis autem hæc descriptio est: Qui sapiens est corde, vocabitur prudens. Quicumque igitur his artibus instructus hæc intellexerit, atque cum his aliarum rerum similitudines & exempla contulerit, vt ei diuinæ viæ & rationes omnes rectissimæ atque æquissimæ non indicentur, fieri non potest, id quod iustorum testimonio comprobabitur, quibus nunquam illæ viæ vt plane, rectissimæ & certissimæ deferuntur; si quibus autem nō virtus sed flagitium cordi est, ijsdem eæ viæ difficiles offensionumque plenæ videtur, quoniam improbis illorum studijs inceptis & conatibus perducendis apte non sunt? Nam quæ simplicibus atque innocentibus dum iter agunt, recte regiarumque viæ maximè placent, & libentissimè frequentantur, eadem latronibus, grassatoribus, atque aliorum generū sceleratis vehementer displicent, & vitantur; calles autem deuij, vt studijs suis oportuniore, quæ (vt in Debora cautio est) petuntur. Hactenus propitius nobis Dominus fuit, vt Vatem suum diuinum non pro dignitate, sed pro ingenij nostri tenuitate & breuitatis ratione explicaremus, cui nostra etiam ad reliquos vatum libros vota vt probentur supplicamus. AMEN.

NAVIS IN AGRO ABVLENSI APVD DIVI  
LAVRENTII SACELLVM MENSE  
AVGVSTO 1567.



POETICÆ dictionis iucunditatem ARIAS MONTANVS ad res diuinas & sacrorum mysteriorum argumēta canenda transfert ita temperatam, vt Ioue, Phœbo, Mercurio, Marte, Vulcano, Baccho, Iunone, Venere, atque illis alijs innumeris monstrosæ ac sacrilegæ vanitatis nominibus, (sine quibus doctum & gratum carmen constare non posse quidam falsò autumant) penitus relegatis, & cæteris prophanis ornamentis, qualia sunt Parnasus, Aganippe, Phocis, Elis, Peneus, Arethusa & Olympus, prætermisiss, ex diuinorum librorū vera & inexhausta sapientia, vtilissima sententiarum pondera, & gratissima verborum etiam poëticorum variarumque ornamenta rerum proferat, quæ delectationis multum, vtilitatis atque eruditionis plurimum auditoribus afferre possunt. Hoc itaque consilio singulas varij generis odas singulis vatum libris à se hoc in opere explicatis adiungit: in quibus præter debitam Deo pro absoluto commentario gratulationem oportuna quoque ex vaticinij vniuscuiusq. argumento doctrinæ præcepta exempla que exponit; atque eadem opera multorum ex sacris libris locorum vel sententiam aperit, vel notitiam indicat. Orandus verò nobis Deus est, vt quæ ille ad sacrosanctæ religionis cultum & Catholicæ Ecclesiæ vsum cogitat & meditatur efficere ac præstare possit. Nam præter alia plurima, poëtica artem Dei dono magis, quàm humanæ disciplinæ præceptis cōstantem in suum locum, hoc est in veræ pietatis templum & sacra restitutam diuinis mysterijs canendis consecrare & instaurare exoptat.

## IN HOSSEAM VATEM CARMEN EX VOTO.

*QVI SACRIS vatum veterum receptus  
Nuper arcanis cupido piorum  
Fidus interpretes populo reponens  
Vera canebam,*

*Quid modò gratus celebrem poëta?  
Quid prius laudum referam canoris  
Versibus, vel quæ resonent Nauarum  
Carmina rupes.*

*Te Deum nostri & generis parentem  
Vnde rerum sunt elementa, & ipse  
Orbis, & quicquid super est decori  
Mœnia mundi*

*Quem neque aeterni metuenda fati  
Impulit primas posuisse formas,  
Nec satas longum retinere in æuum  
Vlla iubet vis.*

*Libera ast solum sapientis ultro  
Consilij mens hæc voluit benignè  
Esse, distinctis numeris que dixit,  
Omnia sunt.*

*Idem*

*Idem & humanum genus esse magni  
Particeps regni dedit, id sed astu  
(Pro dolor) vafri colubri ruinam  
Sensit inertem.*

*Tu tamen tetri miseratus ictum  
Dentis, humanos reparare casus,  
Et mali occultam rabiem veneni ex-  
tinguere tendis.*

*Te redemptorem miserisq; rerum  
Cursum tandem profugus salutem  
Sperat Israël, cupit atque anhelat  
Postulat ore.*

*Qui tibi charus coluit beatas  
Iebusum sedes, ubi mella quercus  
Sudat, & lactis liquidi pererrant  
Oppida rivi.*

*Nunc in ignotis regionibus, nunc  
Inter inuisas vaga turba gentes  
Ingemit culpas memoratq; prisca  
Tempora sortis.*

*Sed dabis duro pater ô labori  
Exitum? qualem recolenda vatum  
Credere, & summis petere in periculis  
Certa iubet vox*

*Annuë, & finem properare damnis  
Præcipe, ac duris meliora rebus  
Ponito, ad nostros pecora hæc reducens  
Deiua pastus.*

*Tu quoque æterni soboles parentis  
Vnica, æquales tibi prisca honores  
Dat fides, cultu celebratq; eodem  
Cum patre natum*

*Namq; te seclis socium creandis,  
Teq; seruandis sapiente dextra,  
Te reponendis voluit ministrum  
Esse ruinis*

*Vatibus præsens neque te silebo  
Spiritus nati & genitoris ardens  
Charitas, quando neque tu minori  
Numine gaudes.*

*Qui*

Qui mare & terras reficisq<sup>ue</sup>, olympi  
 Et foues oras bonus & frequentas,  
 Qui probas quicquid pater atque natus  
 Consilij dant.

Virginum prestans iuuenumq<sup>ue</sup> doctor  
 Qui colis mentes placidus modestas  
 Dexter ô laudum cupidum tuarum  
 Proripe vatem.

Pectoris puri penetrator adsis  
 Igne marcentes renouare sensus  
 (Nam potes) nostra tenebrasq<sup>ue</sup> mentis  
 Discute certus.

Fallor? an motu trepidat superno  
 Mens, & excelsas videor per auras  
 Tollier? iam, iam, procul vsque terris  
 Euehor ardens.

Raptus in cali radiantis oras  
 Audiam voces, quibus ipse reddam  
 Magna priscorum monumenta vatum  
 Ore Latino.

Hinc procul cura tenues abeste  
 Quidquid in frenis petit aut voluptas,  
 Vana spes, mendax honor & cupido  
 Suadet habendi.

Tuq<sup>ue</sup> Laurenti decus ô canendum  
 Hesperis altum medios per ignes  
 Qui petis calum populo stupente &  
 Iudice suo.

Nunc in excelsa spatiaris aula,  
 Igne nunc felix recrearis almo,  
 Vnde sunt vita ac aliena tristi  
 Munera letho

Nos tuis prasens precibus iuuato,  
 Si tibi nostri placuere nuper  
 (Hossea vatis colo dum sacerdos  
 Dicta) labores.

F I N I S.



# BENEDICTI ARIÆ MONTANI IN IOELIS

## VATICINIORVM COMMENTARIA PRÆFATIO.

**I**NTER alia grauissima argumenta quibus vera ac solida religio à falsa atque vana discernitur & probatur, vnum apprimè aptum ac firmum certa & constans futurarum rerum cognitio est. Namq. hominum mortalium animis non solum quedam præteritorum temporum & præsentium etiam rerum cognoscendi cupiditas insita atq. innata est, sed multò etiam magis futurorum euentuum præsciendi anxiosa cura & sollicitudo inheret. Atq. hæc quidè tam ardens, tam cõstans secundum naturam appetitio celestem humani animi originem & perpetuam sine fine durationem esse arguit. Etenim inter hominem & belluam hoc maximè interest, quòd hæc tantum quantum sensu mouetur ad id solum quod adest, quodq. præsens est se accommodat: ac præteriti vix memor futura paulum admodum sentit. & cum nulla illis suarum etiam animarum ratio habeatur, utpote quæ vna cum corpore extinguuntur, ea tantum curatur & paratur quibus corporis vitæ præsentis tempore alere & tueri possint, atq. vbi instanti succurrerint necessitati futura tempora aut nulla, aut præsentibus similima fore, neq. sibi quidquid diem allaturam adepturamue putant. Quamobrem maxima eorum generum pars neq. serunt, neq. metunt, neq. congregant in horrea. si quæ verò sunt quæ sibi in posterum cauere visa sint, ut apes, ut formicæ ea breuissima tempestatis vnius hyemis tantum præensione mouentur. Homo autem quoniam rationis & diuini luminis est particeps, temporum omnium affinitates & consequentias cernit, & præteritorum ac præsentium cognitione non contentus (quoniam illa iam non sunt, hæc etià mox non erunt) futura curiosus & anxius inquit, ut qui futurarum rerum rationem & prudentiam ad se intelligat pertinere. Atq. ex hoc fonte illud ardens famæ & nominis propagandi studium, illa vehemens posteritatis cura est, hinc de rebus ad futura tempora pertinentibus deliberatio & consultatio, hinc præclara illa vni inter ceteras animantes homini adscripta viuendi ars atq. agendarum rerum ratio, quæ virtus ex prouidendo est appellata prudentia; hinc demum illa anxietas, cura & sollicitudo, quid tandem futurum sit, querendi atq. animo agendi, quæ etiam cessantes etiam otiosos occupat & exercet. Neq. verò ea solum quæ sibi vni & contingere & euenire possunt vnusquisq. cogitat & cauet, sed cõmunia suorum, sed ciuitatum, sed publicarum rerum atq. regnorum, imò etiam & quæ ad totum humanum genus pertinet euenta singulorum animos cura & cogitatione mouent. Etenim natura eadem rationis vi hominem non solitarium est finit, sed hominem alijs cõciliat, & ad vitæ societatem natum esse docet, suasq. res & rationes ita definire cogit, ut humani nihil à se alienum putet, & cuiusq. publici casus aut euentus rationem ad se etià iudicet pertinere. Atq. adeò non ad hominum solum res cogitandas cura ab hominibus suscipitur, sed ad ipsam totius mundi molem cognoscendam, ad mundi partes, cælum, maria & terras inuestigandas, & quid in his rebus factum olim, quid nunc fiat, quid tandem futurum sit, inquirendum incitat: vel quòd totius orbis partem & ciuem, vel quòd dominum sese quisq. esse putet, vnde tanta singularum etiam minimarum rerum cognoscendi curiositas est. Quæ enim sua quisq. putet ut ea cognitu sibi digna iudicet, omnino est cõsentaneum. Sed quanquam hæc ita sese habeant, tamè hominum generi obscura nimium & densissimis tenebris inuoluta futurarum rerum cognitio est, siue id membrorum materies & grauis totius corporis moles efficiat, siue in illo potius primorum parentum naufragio huius etià maximi cõmodi facta iactura est. Etenim illud quod inter alia præclara munera Dei dono homini cõtigerat, ut salutem quoq. suam in æternum cõsulere posset, vbi debitum obsequium officiumque deseruit. præter cetera etiam multa extremum deponere est coactus, atq. de amœnissimorum hortorum finibus ea causa pulsus, ne certam sibi munire viam posset, qua futuris incõmodis caueret & salutem in posterum suam cõsuleret. Ne forte inquit, mittat manum suam & sumat etiam de ligno vitæ, & comedat, & viuat in æternum.

CUM ergo homini futurorum prænoscenti appetitum quidem maximè relictum, copiam verò & facultatem omnem ademptam fuisse constet, consequens est ad vnius diuinæ naturæ fidem & sub-

222 ARGUMENTVM

fidia illi esse recurrendum: nāq. hoc etiā genere sese à Deo superari homo intelligit & iuuari posse credit & sperat, sicut scriptum est. Nunquid non populus à Deo suo requirit visionem? atq. hæc causa est, quamobrē tot tam varia & frequētia diuinationū genera excogitata olim sunt, tot augurū, aruspicum, pontificū, antistitū instituta collegia, tanta auium, viscerū, extorum, ignium, aquarū inspicīdi disciplina, & tripodes, puluinaria atq. delubra cōsulendi cupiditas: quæ quidē genera omnia diuinam naturā petere & sollicitare videntur. verū enimvero hæc omnia & quæcunq. huiusmodi sunt non tā se certa verāq. quā diuini cōsiliij & oraculorū vim opemq. necessariā esse hominibus probauēre. Siquidē hæc vana & incertissima fuisse, cum ipsæ rerū species quibus ea expediebātur, tum agendi ratio omnis quæ sorte, cōiectura & humanis præceptis ac humanis obseruationibus & præceptionibus cōstabat & ambiguus etiam verbis pronūtiabatur, iū præcipuē exitus ipsi probauerūt. Neq. tamē propterea quod hæc via atq. huiusmodi ratio minime succedat, sinē ipsum & cōsiliū vanū incertumq. existimari oportet, neq. ex eo quod hæc à dijs petita, nō tamē relata fuerint, Deum cōsuli superuacaneū esse cōcluditur, siquidē ipsa humana naturæ vis contineri non potest, quin huiusmodi futuras res cogitet & nosse cupiat, id autē cum sibi ipsa præstare nō valeat, à numine diuināq. naturæ petat necesse est. Si qua ergo falsitas, si qua deceptio subsit, ea nō in eius, quæ id appetit, naturæ motu & conatu, neq. in eo, vnde hæc petūtur, genere, sed in huius omnino generis ignoratione & inepto aut etiā peruerso petēdi modo cōsistit. Diuina enim natura cum simplicissima sit, iam illa prima errādī & fallēdi causa est vt multiplex esse putetur. deinde & si maximē vna esse intelligatur, & quēnā ea sit planē fuerit exploratū, quomodo tamen hanc rem procurari, quæ ratione impetrari conueniat, id diligenter est peruidendū. Cum autē futurorum certa cognitio & prædictio vni tantum diuinæ naturæ tribuatur, eos qui futura neq. ex se prænoscere neq. prædicere possunt, quāuis & dij habeātur & appellētur, à diuina tamē natura longē alienos esse cōsequitur: ac proinde illum qui solus hoc præstare possit verū Deum, solumq. diuinis honoribus iurē esse dignissimū. Atq. hoc quidē diuinitatis suæ egregium argumentū semper inuolatū & syncerū ille qui verē Deus est sibi habere tueriq. voluit, neq. cū vlla alia natura communicari passus est: vt futura non modō quæ proxima iam essent, quæq. instarent, sed etiam quæ lōge à presentibus remota forēt solus ille præsciret & prædicēda mādaret. Nam miracula, prodigia & portenta atq. alia diuinæ virtutis signa vel ad naturæ rationes aliqua ex parte referri possunt, vt subiti ignes, fulgura, tonitrua, pluuie, præsentissimæ morborū curationes, quæ si non ijs modis quibus diuinitus accidunt, certē alijs rationibus cōtingere naturaliter possunt, vel certē demonū naturæ & incantatorū artibus alijsq. hominū præstigijs saltē in specie permissa aliquando sunt edita, vt quod harū artium & naturarū opera spectra quædā & corporū animaliumq. aut hominū aut etiam diuorū imagines subitō extare videantur: cuiusmodi spectacula Ægyptos olim incantatores Mose etiā præsentē edidisse legimus. At verō earū rerū quæ futura sunt, & qui in humanis rebus olim erūt euētuum certa notio, nullis demonibus, nullis hominibus natura aut arte aut disciplina aliqua concessa aut permissa est. Quæcunque enim cōtingere possunt natura certis cursibus aut terminis definire atq. arte tradere & præscribere non est (quidquid vanorū astrologorū disciplina in diuinæ providentiæ rationibus sibi ptū est: Vbi nunc sunt sapientes tui: Annuntient tibi & indicent quid cogitauerit Dominus exercituum super Ægyptum, quæ sese harum disciplinarū genitricem & magistrā iactabat. Igitur quæcunq. diuina providētia nullis conscijs adhibitis in humanis rebus cognouit & statuit, eorū exitus atq. euenta omnibus hominibus, præterquā ijs, quibus vera Dei colitur religio aut qui ex eodem Deo aut eius vatibus acceperint in obscuro incertoq. latēt, sicut scriptum est: Ego sum Dominus facies omnia, extēdens cælos solus, stabiliens terrā, & nullus mecum: irrita faciens signa diuinorum & ariolos in furorem vertens, conuertēs sapientes retrorsum, & scientiam eorū stultā facies. Hoc enim sola diuina natura, quæ vna ac simplex est, præstare potest, in cuius manu sunt oēs fines terræ, in cuius potestate omniū rerum tēpora & momenta sunt

studeat usurpare) huiusmodi enim res solum diuina natura sibi ueat. Et assumentes  
ptū est: Vbi nunc sunt sapientes tui: Annuntient tibi & indicent quid cogitauerit Dominus.  
ex exercituum super Ægyptum, quæ sese harum disciplinarū genitricem & magistrā iactabat.  
Quia prouidentia nullis consiliis adhibitis in humanis rebus cognouit &

Igitur quaecunq. diuina prouidentia nullis consensu adhibitis in humanis rebus cognoscitur. statuit, eorū exitus atq. euenta omnibus hominibus, præterquā ijs, quibus vera Dei colitur religio aut qui ex eodem Deo aut eius uatibus acceperint in obscuro incertoq. latet, sicut scriptū est: Ego sum Dominus faciens omnia, extēdens cælos solus, stabiliens terrā, & nullus mecum: irrita faciens signa diuinorum & ariolos in furorem vertens, conuertēs sapientes retrorsum, & scientiam eorū stultā faciens. Hoc enim sola diuina natura, quæ vna ac simplex est, præstare potest, in cuius manu sunt oēs fines terræ, in cuius potestate omniū rerum tēpora & momenta sunt.

Pfal.  
A.G.I.

sunt posita, is unus quid futurum & quādo sit peruidet, cui nihil aut prae-teritū aut futurū, nihil nō viuens & prae-sens est. hoc sibi ille solus assumit & vēdicat, hoc iuris aut dignitatis, cum nulla alia natura aut arte, non cum demonibus, non cum hominibus, nō cum Aegyptiis aut Chaldaeis communicat disciplinis, cuius illa de hac re vox est: Recordamini prioris seculi, Isaia 46 quoniam ego sum Deus & non est vltra Deus, neq. est similis mei: annuntians ab exordio nouissimi & à principio quae nondū facta sunt sciens: Consiliū meū stabit, & omnis voluntas mea fiet. Atq. ita religionem suam cōmendat Deus, & ab alijs quae vera non sunt secermit, ita etiam eos solos quibus ea purē sanctēq. colitur hoc singulari beneficio decreuit ornare, & dignos facere, quibus cum primis consilia sua diuina & futurarū rerū rationes cōmunicaret, atq. ijs auctoribus & ministris alias etiam nationes arcana sua suamq. veram religionem doceret, sicut scriptum est: Quid est omnis caro vt audiat vocem Dei viuentis qui de medio ignis Deuter. 5. loquitur, sicut nos audiui-mus, quibus Dominus maiestatem & magnitudinem suam ostēdit?

DIVINIS porrō arcanisq. libris auctoritatē & fidem tum alia multa tum certa futurarum rerum expositio imprimis conciliat, ex quibus non solum illius religionis familiares & domestici, sed aliarū etiam nationū homines grauissima & constātissima de rebus suis oracula petere possunt, qui neq. ex alijs aut disciplinarū aut religionū libris quicquā veri ac comperti habere potuerunt: Nam quod de Sibyllinis folijs traditum & memoriae mandatum est nihil omnino cum ijs, quae dicta nobis sunt, pugnat, quādo planū manifestumq. sit scripta illa non ita vulgata, non ita omnibus fuisse exposita vt nullā nobis vanitatis darent suspiciōē: aut si quid in illis veri continebatur, quod ad publicas vel priuatas rationes pertineret, ab his nostris accepta ac compilata & pro suis vendita fuisse crediderim. quam nos rem vel alijs diligenter expendendam relinquimus, vel praesenti sermone copiosius disputandā reseruamus.

PLURA autem futurarum rerum praedicendi genera, plures modos apud suae religionis homines Deus esse voluit, quos oēs enumerare & pro dignitate tractare longius & maius est, quā vt praefationis angustiae capere & cōtinere valeant. ex quibus vnū illud genus est praecclarū quod vatū ministerio praestatur, quod ij viri delecti digniq. habiti fuerint, quibus diuina cōmunicarentur consilia, atq. alijs aperienda crederētur: qui prouidentiae testes & vere probatissimēq. religionis assertores oblata etiam mortis tolerantia, essent, qui nō priuatarū modō sed publicarū etiam rerum imagines animo contēplati certa & constāti oratione praedixerūt, quorum dicta atq. oracula adeo firma rataq. semper fuere, vt abrogatam omnino alijs fidem, his solum veritatis suae praecōnibus Deus habendam curauerit, eamq. ipso rerum euentu liberauerit, sicut scriptum est: Suscitans verbum serui sui, & cōsiliū nuntiorū suorum cōplens. Isaia 44 Qui dico Ierusalem habitaberis & ciuitatibus Iudae edificabimini, & deserta eius suscitabo. Qui dico profundo desolare & flumina tua arefaciā. Qui dico Cyro pastor meus es: & omnē voluntatē meam cōplebis. Qui dico Ierusalem edificaberis, & templo fundaberis etc. Vt autē certius ac firmitus veritatis haberetur testimoniū & diuinę prouidentię fides esset constātior, nō singula modō res singulis vatibus, sed interdū etiam eadem pluribus ad cognoscendum atq. ad praedicendū credita & cōmissa fuere, eae maximae quae ad magna & praecclara negotia siue diuinitus siue humanitus gerenda petinebāt. ex quo genere ille praecipuae sunt, quae cōmunem orbis restitutionē & salutē, quae sacrosanctū Iesu Christi Euāgelium, quaeq. extremū in oēs homines iudicij diē attingūt. quae omnia planē diuina sunt, & humanae felicitatis veras in se continent rationes. Sed ex ijs etiā quae diuino consilio constitui, hominū tamen opera geri explicariq. solent, quaedā publica negotia nō vni tantū ex vatibus praecūsa atq. praecātata fuere, sed interdū duobus nonnunquā & pluribus vt in ore duorū vel trium staret omne verbū. huiusmodi aut sunt Israēlitarum bella, bellorūq. successus, captiuitas, priuata & publica liberationes, totius orbis imperij mutationes atque vices, & quae similia his plurima in diuinis oraculis leguntur: quorū rationes ideo vatibus suis perspectas cōpertas atq. multō antē quā explicari cōtingeret praedictas voluit Deus, ne (quae hominū stultitia est) aut ex incerto casu, aut ex hominū popularūue fortuna, aut ex necessaria & fatali felicitate, sed potius ex diuino cōsilio & voluntate

omnia hæc accidisse crederentur. atque hoc modo iniectus hominū animis timor ac religio augetur, & omnis superbia, omnisque fugaretur insolentia: quod non sibi genioque suo felicitatem, sed diuina voluntati ac cōsilio quenquam ascribere, atq. ad diuinas rationes ad honestatem, ad ius æquitatemque omnia non ad priuata commoda, neque ad suum cuiusque arbitrium reuocare oporteret. Igitur ex his publicis mandatis, duo præcipuè diuino Vati Ioëli, quem nunc interpretari aggredimur, de duabus maximis rebus data sunt: alterum quod ad Israëlitarum rerum euentum atque obiter quatuor orbis terrarum imperij tempora & seriem spectat. alterum verò quo publica & communis hominum salus, ac vera animorum continetur felicitas. qua legatione nulla nec grauior potest obiri, nec dignior. Eius autem argumenti summa breuiter nobis repetenda est.

## ARGVMENTVM.

**D**I VINO spiritu auctus excitatusque Ioël, futuram quatuor orbis imperiorum Assyrii vi-<sup>15</sup> delicet, & Persici, Græci etiam & ultimi omnium Romani seriem præuidet & canit; miseram porro stragem atque extremum excidium, quæ horum regnorum temporibus Israël-<sup>20</sup> tico populo parata erant cōmunis & patrij casus dolore cōmotus deplorat: Namq. maximas Israëlita calamitates, primū ex Assyrijs, deinde ex Persis, tum etiam ex Græcis, tandemq. ex Romanis acceperunt. cuius rei in sacris Regum & regnorum libris, & apud Danielelem, Iosephum, Aegesippum, & Tacitum, atque alios satis longa narratio est. Demum post harum miseriarum prædictionem, futura hominum per Christū redemptio & salus, ac maxima illa de peccato ac morte victoria & triumphus, summaque eorum qui restituti erunt felicitas præcinitur: Quis autem vates, hic cuiusque familie, & quo tempore fuerit in cōmuni de duodecim Vatibus disputatione dictum à nobis est. Orationis verò ac dicendi genere tum obscuro, tum graui atque sublimi vitur: quoniam res ipsæ ex se magna, grauesque valde<sup>25</sup> sunt, & perpetuis translationibus atque allegorijs pronuntiantur: quod genus inter omnes elocutionis formas longè est difficillimum. Nam calamitates populis Israëlitis venturas horrendæ famis atque annonæ defectus imagine describit; ipsos autem à quibus ventura essent quatuor locustarum generibus, numero, multitudine, & nocendi ingenio atque studio dissimilibus comparat, atque ad eam<sup>30</sup> omnibus suis coloribus, & membris ita aptè, ita diligenter, ac minutè depingit & ornat, ut ad eam tantum rem omnem suam operam omneque studium contulisse nonnullis videatur: qui pictura admiratione ducti quam rem, aut personam ea reseat, nihil curandum putent, neque quicquam sub illis locustarū, famis & penuriæ depictis spectaculis, præter ea quæ sese oculis primum obiecerent, aut subesse credant, aut desiderent; adeò pulchrè, adeò artificiosè hæc posita tractataque sunt. Nos autem tabulam ipsam ita<sup>35</sup> ut recto obtutu conspici potest primum singulis notatis partibus spectandam proponemus; Deinde quomodo vertenda, dirigendaq. sit docebimus, ut maius pulchriusq. multò opus maximo artificio perfectū inspiciatur, cuius operis perficiendi causa omnis agendi ratio ab auctore est instituta. Atque prius quidē vaticinium hoc dicendi genere absoluitur. Posterius verò genus et si non ita crebris translationibus, sed planioribus & magis ad sermonem accedentibus verbis, tamen maximis, tamen grauissimis propterea<sup>40</sup> constat, quod res ipse de quibus sermo fit, grauissima, & maxima sua natura sunt. cuiusmodi humana salus & redemptio, diuina sanctificatio, & celestia dona atque prophetia spiritus, & euangelici ministerij virtus & efficientia est. ex quibus rebus si quæ simpliciter, aut breuiter, nulla tamen aut tenuiter dici potest, aut humiliter. Ut ergo tanta à nobis susceptæ causæ, & commentandi officio aliqua ex parte<sup>45</sup> satisfacere diuino contingat dono, ipsum in primis diuinum spiritum precari, venerari atque implorare vehementer expedit.

Qui maria & terras, qui calum numine comples  
 Spiritus, ô certum vatibus auxilium,  
 Sis felix, nostraq. potens illabere menti  
 Et defer vatem per tua sacra tuum.  
 Si tibi noster & est animus studiumq. probatum  
 Doctorem & populis annuis esse pijs.



## CAPVT I.



ERBVM Domini quod factum est ad Ioël filium Patbuel.

5 **T**OTIVS libri inscriptio hæc est, quæ in ipso dicendorum limine præfixa Hebraico more magnas & grauissimas res his, qui in sacraria vsq. penetrauerint, cognoscendas promittit. nam nihil aliud in toto opere, quam verbum Domini, oraculaque diuina contineri docet, quorum maiestas & grauitas, diligentissimos attentissimosque ad audiendū animos desideret; neque quicquam esse quod non solidum, non maximi ponderis sit; vt-  
 10 pote Domini verbum ad mortales homines factum, vnde eorum pedibus lucerna, & se- Psal. 118.  
 mitis lumen clarissimum accendatur. Diuini ergo verbi appellatione dicēdis auctoritas, nominis verò & familiæ eius à quo relatum est certitudo, & testimonium orationi tribui-  
 tur. Quo in loco illud considerandum est, Vatum nomina in librorum initijs appellata,  
 15 dicendis auctoritatem & fidem duplici periculo conciliare; altero quidem quod huius-  
 modi initia dicendis, aut scribēdis rebus, vanè aut mendosè facere, magna semper fuerit  
 religio: Nemo enim hominum est qui verbum Domini vsurparit, nemo qui se diuinum  
 vatem appellarit, quin se grauissimum capitis, animæque suæ periculum subire, si id aut  
 falsò aut simulatè dixerit, intelligat: quamuis ea quæ dicantur grauissima, quamuis san-  
 ctissima, quamuis miraculorum specie aliqua contestata sint; id tamen Vatis nomen falsò  
 20 aut temerè vsurpare nulli contigit impunè, sicut scriptum est: Ecce ego ad prophetas Ierem. 23.  
 ait Dominus, qui assumunt linguas suas & aiunt: Dicit Dominus. Ecce ego ad prophetas  
 somniantes mendacium, ait Dominus, qui narrauerunt ea, & seduxerunt populum in  
 mendacio suo & in miraculis suis, cum ego non misissem eos, neque mandassem eis.  
 Atque hæc res seuerissimis exemplis, & animaduersionis iudicio confirmata fuit: ex  
 25 quibus illud vnum est, quod præcone Ieremia fuit olim editum: Audi Hanania, nō misit,,  
 te Dominus, & confidere fecisti populū istum in mendacio: Idcirco hæc dicit Dominus,,  
 Ecce ego mittam te à facie terræ, hoc anno morieris, aduersus enim Dominum locutus,,  
 es. & mortuus est (subiungit Historia) Hananias in anno illo, mense septimo. Alterū verò  
 30 vaticinandi munus & officiū, nisi aut à Deo iussus, aut ambitione & gloriæ studio ductus  
 suscipit. sed qui populi auram grauissimo nomine captare cogitauit, magnā nomini suo  
 infamiam & æternum dedecus molitur, si id quod prædixerit non eueniat. neque verò  
 hæc incerta alea est, sed certissima omnino vt eorum qui Dei nomine futura prænuntia-  
 rint dicta omnia certus exitus confirmet. quorum verò dicta aut prædictiones sua ipso-  
 35 rum temeritas atque ambitiosa cogitatio propriūmue regat consilium, eorum vanitatem  
 tempus ipsum aut nullis aut contrarijs euentibus prodit: hac enim perpetua etiam vani-  
 tatis infamia & probro mulctari eos voluit Deus, qui verissimi ac sanctissimi officij nomē  
 & titulum suis ambitionibus suisque mendacijs prætenderēt. atque adeò hanc rem om-  
 nibus testatam esse idem voluit Deus, vt verum à falso propheta dignoscendi ratio om-  
 40 nibus esset exposita. ea autem ratio perpetuo constans ac planè diuina est, qua multorum  
 hominum mendacia, illusiones, & propria somnia, vt Lydio aliquo lapide semper solent  
 explorari. cuiusmodi sunt qui prophetiarū inscriptione vulgo circumferuntur libri, & quæ  
 Græci quidam Danielis & Ioannis Theologi interpretes de certis annorū millibus com-  
 menti sunt (quos ob eam rem Chiliastras vocant) quorum omnium somnia perinde vt  
 45 ægrotantium vana fuisse dies ipse demonstrauit. nam quod tempus ab eis ad suarū com-  
 mentationū fidem citatū fuerat id ubi affuit, eorū fictionis & vanitatis certissimo fuit te- Hierem. 23.  
 stimonio. sicut scriptū est: Veruntamē audi verbum hoc quod ego loquor in auribus tuis,,  
 & in auribus vniuersi populi. Prophetæ qui fuerunt ante me & ante te ab initio, & pro-  
 phetauerūt super terras multas, & super regna magna de prælio, de afflictione, & de fame,,  
 50 propheta qui vaticinatus est pacem; cum venerit verbū eius, tūc sciatur propheta quem,,  
 miserit Dominus in veritate. Ergo quicumque non solum dicendo, sed etiam scribendo  
 in diuinis vatibus nomen profiteretur suum; id aut stabili veritatis fiducia, aut summo suo  
 periculo & æterna infamia se facere intelligat necesse est. Quamobrem quibus vera atq.  
 legitima eius muneris functio fuit, ijs non modò suum, sed patris etiam & patriæ interdū  
 nomen testimonij & fidei causa appellare nunquam est dubitatū. Id quod Vates noster

Ioël non minus, quàm ceteri diligenter præstitit. qui & diuini verbi inscriptione & sui paternique nominis appellatione, attentionem sibi atq. fidem parauit. seque scripto ad posteritatem opere probatissimorum vatum ponderibus examinandum toti orbi præbuit, qui non solum Israëlitarum rerum, sed omnium etiam gentium rationes tractandas susciperet. sed de eius & patris nomine aliàs à nobis est dictum.

*Audite hoc senes, & auribus percipite omnes habitatores terra: si factum est istud in diebus vestris aut in diebus patrum vestrorum. super hoc filijs vestris narrate & filij vestri filijs suis & filij eorum generationi alteræ.*

VATICINII sui grauitatem in ipso dicendi exordio docturus non quosuis homines appellat, sed eos, qui sapientia & præteritorum temporum notitia vsuque præstabant: senes nimirum, quibus cum suam rationem probauerit cæteris omnibus probatum iri non dubitat, vel non opus esse intelligit: huiusmodi enim res à senibus magis, quàm à iunioribus curari obseruarique solent: namque hi ætatis robur & florem ob minorem rerum vsum communium calamitatum cogitatione & metu minus aguntur. contra verò senes ob multorum temporum & casuum exempla atque virium imbecillitatē & diligentius res considerare & commodius sibi atque alijs consulere norunt; sicut scriptum est: Pulchritudo iuuenum robur eorum, & decor senum canities. & in antiquis est sapientia, & in multo tempore prudentia. Cum ergo inauditam admirandamque rem & à nemine vatum hætenus hoc modo atq. ordine prædictā non solum prædicere, sed lamentari etiam pararet, senes sui temporis appellauit, quibus testibus ad vaticinij sui grauitatem probandam vteretur. eandem etiam attentionem cæteris hominibus parat, quos non tam testes, quàm orationis suæ auditores atque admiratores esse vult, siquidem magnum atque ad mirandū aliquid à se afferri indicat, cui par exemplum cunctis ante seculis fuerit inauditū; idem autem futuris, obseruandum vehementissimeque stupendum sit. olim historiarum & præteritarum monumenta rerum pluribus quàm nunc nota erant, propterea quòd non tam libris (quos rari legunt,) quàm liberis à patribus traditæ posteritatis memoriæ prodebantur, atque ea quæ in tenera ætate domestica parentum narratione filij imberant multò fidelius retineri & ad rem atque ad causam præsentem sapientius poterant accommodari, ex qua re illa frequentia in ore omnium verba fuerant memoriæ proditum est; & accepimus. nam quæ audimus multo facilius animo percipiuntur & memoria custodiuntur quàm quæ legimus. quamobrem illud frequentissime in diuina lege patribus inculcatur: & narrabis ea filijs tuis: & quando interrogauerit te cras filius tuus, dices ei &c. & illud etiam: Deus auribus nostris audiuius, & patres nostri narrantur nobis opus quod operatus es in diebus eorum, & in diebus antiquis &c. Quoniam ergo maximū & inauditū hætenus vaticinium afferebat quod omnium imperiorum res & rationes Israëlitarum calamitatum seriem cōtineret quàm breuissimè, ait: [si factum est hoc in diebus vestris, aut in diebus patrum vestrorum.] Vaticinium huic simile inauditum hætenus fuisse seniorum & omnium terræ sanctæ habitatorum testimonio confirmat, idemque vtpote maximum, cunctis obseruandum & posteris suis in sequentes seculorum ætates narrandum proponit, tantum dicendorum veritate & constantia nititur, tantumque id scire omnium interesse iudicat. [Super hoc filijs vestris narrate.] Iam diu est quod hæc tam utilis consuetudo desit, atque hic paternæ disciplinæ mos exoleuit. Nemopater est, qui quos liberos genuerit propria doctrina sapientiores reddat, namque aut parentes ipsi præter auaritiam & ambitionem omnium artium expertes ignarique sunt, aut si quibus aliqua bonarum disciplinarum notitia est, nihil minus curant quàm ut filios suos doceant si quos verò peritissimos esse volunt ad publica gymnasia, ad scholas relegant, vbi libera plerunque & vaga iuuentus plus in moribus detrimenti, atque in argento dispendij, quàm in disciplinis emolumentum compendijque facit. Nam quæso per Deum immortalem inter tot nostræ memoriæ scholasticorum millia quotusquisque est qui vir bonus & sapiens euaserit? nonne viri numeri omnes illi sunt, & parvulus puer eos numerare potest? Inter omnes verò disciplinas diuinarum atque humanarum

- narum rerum historia honestissimum locum sortita est, nihil enim post sacrorum librorum studia homini ad sapientiam, ad rerum usum, atq. ad humanarum rerum perspicendam & despiciendam vanitatem, plus quam certa praeceptorum temporum notitia potest conducere. quae res multis in scripturae locis nobis praecepta & commendata est, ut Deut. 32.
- 5 illud: Interroga patrem tuum, & dicet tibi, maiores tuos, & narrabunt tibi. Huiusmodi igitur historias ad publicam & priuatam vtilitatem, multo magis mentibus, quam libris inscriptas esse oportet, cum ex earum cognitione atq. obseruatione diuina, imprimis prouidentia, & mortalium vices, casus atque infelicissimi ambitionis exitus intelligantur, & multa ad res gerendas comparetur prudentia. [Et filij vestri filijs suis, & filij eorum generationi alterae.] Hac dicendi figura perpetua posteritas describitur. namque vnus seculi spatium, quod quibusdam octoginta, nonnullis centum annorum esse placet, generationis nomine in sacris dicitur; quod eo curriculo singulorum hominum vita peragitur, neque enim quemque ex tot militum millibus, quos ad Graeciae ruinam Xerxes conduxerat, post centesimum annum superstitem fore credidit. itaque vnus aetatis homines ad vnum se-
- 15 culum pertinent, ob eamque causam quatuordecim filiorum successione, quatuordecim generationes Matthaeus definiebat. Perpetua igitur traditione rem hanc omnibus suae Matt. 1. gentis hominibus ad aeternam memoriam notam esse cupit, quae diuinam simul prouidentiam agnoscere, & suis ipsorum rebus discant consulere. [Generationi alterae.] Non de duobus alter hoc in loco, sed de sequentibus potius dicitur. nam Hebraice est ahher, תאח
- 20 quod proprie sequelam posteritatemque significat. Atque hactenus exordium fuit, quo rem grandem & cognitu necessariam sibi dicendam Vates docuit, communemque esse omnium hominum causam, quam non sine iactura quisque posset ignorare. propterea enim praeteritorum seculorum memoriam reuocauit, & praesentes suae tempestatis homines, & posteritatem omnem ad audiendum appellauit. Est autem haec, ut diximus,
- 25 lamentatio quaedam & magnae atque extremae calamitatis deploratio, quam sic deinceps inchoat:

*Residuum eruae comedit locusta, & residuum locustae comedit bruchus, & residuum bruchi comedit rubigo.*

- 30 SOLENT qui pingendi artis peritissimi sunt, cum alia multa oculorum oblectamenta, atque artis spectacula edere, tum mirandas quasdam depingere tabellas, quae ex aduerso ac directe spectantibus aliam rem, aliam vero si ex obliquo inspiciantur, eamque multo pulchriorem, & quam obrem pictura ipsa ab artifice sit instituta ostendant. atq. hic modus magnam perspectivae artis exigit peritiam. ut spectator recto obtutu considerans, aut
- 35 nauem, aut lucum, aut fluuium aliquem sibi videre videatur. aliter autem attente perspicuens Caesaris equestre imaginem ad viuum effictam, aut Adami, Euae, atque serpentis historiam, aut aliquid aliud artificiose & proprie expressum videat, cuiusmodi nos miracula apud Petrum Villegam optimum virum praestantissimumque pictorem aliquando vidimus. Hanc similitudinem a pictura ad dicendi artem auctores transferentes, multa saepe dicere
- 40 solent, quae primum audita aliam rem, propius vero atq. attentius considerata, aliam multo elegantiorē atque magis ex dicentis sententia contineant. cuius generis illa sunt: Non alligabis os boui trituranti, & non arabis in boue & asino; & illud apud externos.

- Circa virentis est animus tuae Campos iuuenae, &c. Atq. haec frequens sacris auctoribus Deut. 25.  
Horat. li. 2.  
od. 5. aliisque non infrequens exornatio graeco vulgatoque vocabulo allegoria dicitur, quae hoc a metaphorā translationeque differt, quod haec in vno aut altero verbo residet, illa vero integram sibi orationem usurpat, atque merito ob eam rem perpetua metaphorā a Quintiliano dicta est. Hoc dicendi genus in toto hoc priori vaticinio secutus Ioël, rem, de qua sermonem instituit obscuriorem, attentionique consideratione excipiendam reddidit. nam cum quatuor orbis imperia diligenti spectatori depingere instituisset, quatuor bestiarum, ex ijs
- 50 quibus agri atque fruges infestari nimium solent, effigies ita graphice depinxit, ita ad viuum earum notamenta expressit, ut multi ex commentatoribus id sibi solum negotij dari crediderint, ut quā optimē has, quae primo oculis oblatae sunt, immaginae lectoribus indicarent, & rem ipsam ad simplicem famem & sitim, atque adeo ad illum ab Heliaso praedictum famis septenniū referrent, qua de re nos alias plenius disputabimus.





Balfazari, à quodam ex custodibus suis, qui in illa Danielis actione interfuerat, caput ab-  
 scisum ad hostéque delatū fuisse. huius rei auctor est Iosephus Gorionides, in eo libro qui Ioseph.  
 Hebraicè ab eo conscriptus extat; Saadias etiā non ignobilis apud Hebræos scriptor. hæc Saad.  
 autē gens quamuis multitudine maxima atque ingenti manu imperium tueri conata est, Dani.  
 non tamen tantum virtute aut industria valuit, vt diu dominationem propagaret:

*Credimus (inquit ille) altos Defecisse amnes epotaque flumina Medo*

Iuue. sat. 10.

*Prandente, & madidis cantat quæ sostratus alis.*

Horum tyrannidem bre-  
 uissimo tempore Alexander Macedo deleuit, qui & ipse gentium omnium regnū occu-  
 pauit: atque hic tanta celeritate rem confecit, vt duodecim annorū spatio ad extremos  
 10 vsque Indos penetrauerit. quem ob eam causam Ioël Vates ieque nominauit, quod id lo-  
 custarum genus longè lateque expansum, multa loca celerrimè vastet. Hanc etiam Græ-  
 corum gentem post restitutum templum excidio Iudæis fuisse, Machabæorum hystoria, Machab.  
 & Iosephus, & nonnulli etiam ex græcis scriptoribus testantur. Sed nullo nomine, nulla Ioseph.  
 imagine vltimi Romanorum Imperij dominandi libido, & inexplibilis alienarū rerum Euseb.  
 15 cupiditas, rapina & avaritia exprimi potuit significantius, quàm hazzil, hoc est deuo-  
 rātis appellatione. Fuit semper & ob hanc causam omnibus orbis nationibus inuisum Ro-  
 manum nomen, & hac inuidia atque infamia laborauit, quod nullis hominum fortunis,  
 nullis opibus, nullis denique rebus pepercerit. Neque enim aurū, argentū, vestem, & vasa  
 atque gemmas tantū; sed lapides etiā & ligna vndique direpta in suos luxus transtulit:  
 20 vt non tam dominatio ac tyrannis, quàm communis toti orbi pestis fuisse videatur.  
 Atque per hos primum Pompeio deinde Tito, Iuliano deniq. impio duce, omnis Iudæa,  
 (quæ reliqua tantum de toto Israël fuerat) vexata, direpta, capta, ac tandem templo illo  
 totius orbis celeberrimo diruto vastata, omnisque ea gens prorsus dissipata est. Eadem  
 omnino significatione, alijs tamen imaginibus leonis, vrsæ, pardi, & innominatæ bestię à  
 25 Daniele vate, quatuor imperia hæc depicta fuerūt, quarum animantiū rationes suo loco  
 si Deus annuerit indicabimus.

*Expergiscimini ebrii ac flete, & vlulata omnes qui bibitis vinum in dulce-  
 dine, quia perijt de ore vestro.*

30 SI IPSA tantum imago, vt primo aspectu obiecta est, notanda esset, facilis huius ver-  
 sus & plana foret explicatio; nam quod eos, qui vino delectantur, omnium primos ad lu-  
 ctum atque lamentā appellauerit, in causa fuit, quod eiusmodi hominū genus qui mane  
 consurgunt ad bibendum, & vinum non tantum ad naturæ vsum, quantum ad volupta-  
 tem sectantur, cum omnis agrorum sterilitas, & frugum omnium penuria accidit, multò  
 35 grauius vini, quàm panis, & cæterorum fructuum defectum ferūt; nam qua re quisque  
 maximè delectabatur, priuatus vbi fuerit, consequitur vt vehemèter doleat, & quas ho-  
 ras vino, lætitiæ & cantibus impēdebat, easdem vicissim in luctu, vlulatu & lamentis con-  
 sumat. Hos igitur qui vini non vsu, sed suauitate capiuntur, vocat [Bibentes vinum in dul-  
 cedine.] Quibus nulla arbor præ vite placet. vt in antiquis horū hominū cantiunculis est.

40 Nullam Vire sacra vite prius seueris arborem. Bibere autem vinum in dulcedine est,  
 generosissimum sibi inuenire, & mistis etiam alijs rebus, vt melle, aromatibus odoramē-  
 tisque condire. cuiusmodi multa ab antiquis inuenta, & in agricultorum & medicorum  
 libris plura tradita & nonnulla nostris etiam temporibus in vsu apud quosdam sunt. Ob  
 eam rem ait: [Quia defecit ghassiff de ore vestro.] Hæc vox ghassiff atq. eius significatum in  
 45 vulgatæ editionis libris desideratur. significat autem omnium rerum humidarum succū  
 ad potum idoneum, vt quæ ex malis aut pomis, aut caricis, aut alijs rebus pocula parātur;  
 quæ aut seorsum bibuntur, aut vino permista suauiores reddunt potiones. Omnia hæc  
 defecisse, ait, ex ore vestro, nam quamuis hæc alijs terris negata non fuerint, tamen  
 ex ijs, quas incolebant, regionibus penitus erant excindenda, vt eorum illis nulla esset fu-  
 50 tura copia. hæc ipsius allegoriæ, & verborū prior sententia est, quam imaginis simplex  
 offert prospectus. sed quod reconditori ratione ex auctoris mente percipimus, illud est:  
 Permultos in Iudæa atque Israëlita regione fuisse, quibus loca illa voluptatis potius, quā  
 religionis nomine placerent; siquidem cum illa illis regio olim à Deo ad habitandum, ad  
 veram religionem certo atque sanctissimo cultu conseruandam, & propagandam, atque  
 ad veræ virtutis & sapientiæ studiū exercendū concessa esset. eademq. cum soli cælique  
 natura,

Horat. lib. 1.  
od.

natura, tum maximè diuina prouidentia & benignitate, omnium quæ hominibus inco-  
luntur terrarum contigisset felicissima, tamen ex humana malitia euenit, vt loci cõmodi-  
tatem à virtute ad voluptatem, & vitia, à religione ad impietatem, à temperantia ad lasci-  
uiam & luxus incolæ transferrent, qui annonæ vini cæterarumque rerum copia ad  
summam licentiã abusi diuinum cultû, (cuius obseruadi aliqua mercedis pars hæc fue-  
rant,) aut omnino negligerent, aut proderet & polluerent. His igitur hominibus qui sum-  
mam sibi in voluptatis vñ felicitatem statuerant, summam miseriam Vates indicit, nempe  
cedendum esse loco omnibusque ijs delitijs, quibus indignè fruebantur, esse cendum,  
& suauissimi vini quo maximè illi delectabantur, atq. earum quæ studiũ hoc sequuntur re-  
rum & iucunditatum vñ nunquam illis amplius fore, dum sedibus suis eieci, abducti, 10  
dispersi, inter hostes, inter inimicos & inuidos vix ferino victu vitam sibi prorogare queant,  
nedũ suauissimo vino, voluptatibus alijs, & luxu ex animi sententia frui possint, ac cæteris  
quidem hominibus in quorum regionibus & ciuitatibus illi peregrinabuntur, annuis fru-  
ctibus & rerum copia abunde vti licebit, illis non licebit, quibus nullæ agrorum commo-  
ditates, nullæ festorum celebritates relinquuntur, quibusque vilissimo artiũ & minimum 15  
quaestuofo genere victus est quaeritandus. Neque enim si aliqui ex illis mercaturam exer-  
cuerint, in luxu propterea & voluptate agent, siquidem id vitæ studium auaros potius  
& miseros, quàm beatos splendidos efficit. itaque ob eam rem maximum illis luctus &  
eiulatus terrorem denuntiat, quibus tantum amatae voluptatis futurum est desiderium,  
vt dum alij inter quos versabuntur commoditatibus omnibus, & delitijs abundant, & 20  
fruantur, ipsi tamen careant, sordido victu & cultu vñ, non dulci ac suauis vt antè vino,  
quia de ore eorum perijt. Certissimum autem vaticinium esse præteritum tempus, quo  
hæc pronuntiata sunt docet: quod enim à se prædicitur, factum iam putare oportuerit,  
atque hoc ipsum frequens præteritorum temporum vsurpatio apud vates indicat. Quod  
verò orationem hanc translationis rationibus explicari conueniat, hic qui mox sequitur 25  
versus indicat.

*Gens enim ascendit super terram meam fortis & innumerabilis, dentes eius  
sicut dentes leonis; & molares eius vt catuli leonis.*

GENTIS nomen non locustarum multitudinem, sed magnos hostium exercitus si-  
gnificat, quos Deus ad recuperandum vineam suam ab ijs quibus colenda tradita, iniuste 30  
tamen occupata, & pessimè culta est, missurus erat. Non enim domino, sed sibi ipsis fru-  
ctum facere cultores voluerunt. quare alijs quàm acceperant legibus colentes effecerunt,  
vt plantæ à natiuo bonoque succo degenerarent, sicut scriptum est: Expectaui vt faceret  
Isaia 5. „ vuas & fecit labruscas. hoc cum vehementer domino vineæ displicuisset, qui missis iden-  
tidem qui officium iusque ab agricolis repeterent, nihil tamen profecisset, tandemq. filij 35  
legatione contempta, insolentissimos atque nimium iniurios fuerit expertus, missis exer-  
citibus suis perdidit homicidas illos, & vineam suam alijs locauit agricolis. Hos autem  
Luc. 20. exercitus suis certis temporibus missos, atque eos præsertim, qui primi omnium impetum  
in vineam fecerunt, animis viribusque præstantissimos, & copijs frequentissimos & armis 40  
apparatũq. bellico maximè instructos fore prædicit, *gens Chaldeæ* primum *ascendit super  
terram meam*. Palæstina regio nostri hemisphærij media est, atq. vt in ventris tumore um-  
bilicus, maximè eminens, quam qui perunt vndecunque veniant, ascendere dicuntur, vt  
Manh. Ecce ascendimus Ierosolymam, & in die quo ascendere vos feci de terra Egypti. volan-  
Isaia. 11. tium etiam & saltantium locustarum translatione est vsus. Significanter verò dixit *super* 45  
*terram meam*, quod iã suum ius repetere videatur ab ijs, qui creditam & commissam sibi ad  
religionis cultum regionem, proprijs tantum ipsorum cõmodis vtilitatiq. seruire coe-  
gerant. habet autem affectum vox *meam* & dolentem indicat dicentis animum, vt illud:  
Cant. Et ego vineam meam non custodiui. nollet quidem Dominus ad eum locum rem deue-  
nisse, vt alienis hominibus crudelissimis & insolentissimis vtendum illi ad recuperatio- 50  
nem esset, sed cum quis iure æquitatq. expertus, nihil tamen effecit, vel inuitus vim  
atque impetum adhibet. [*Fortis & innumerabilis.*] Non solum animo ac viribus & belli-  
cis studijs, sed numero etiam & copijs præstantissimum exercitum fore docet, armorum  
etiam & bellici instrumenti apparatu egregiè instructum, *dentes enim eius, vt dentes*  
*leonis & molares eius, vt Lebi*. Est autem lebi eiusdem generis fera, sed corporis mole & vi-  
ribus

ribus leone præstantior, vt inter canes molossi, quos Hispani *lebreles* vocant, & maximi sunt & acerrimi, Latinis autem, in quorum regionibus hæc ferarum genera non nascuntur vnum ad omnia nomen Leonis satis aptum fuit. Hebræi autem, Chaldei & Arabes, apud quos hæc natura frequens est, singula nomina singulis indidère generibus, vt *Arieh* minorem, *Lebi* maiorem & proceriorem vocarent. namque non esse eum catulum leonis cum suū catulorū nomē gur, tum ille apud Iob locus arguit: Et filij lebi dissipabuntur. Iob. 4. Duplex autem in vniuersum armorum genus est quibus bella expediri conficiq. solent; alterum quod ad feriendi & cēdēdi hostis rationē, alterum vero quod ad vastandi, expugnandi & diruendi pertinet vsum. Prioris generis sunt gladij, arcus, hastæ & missilia omnia; posterioris vero Arietes, testudines & cætera quæ olim excogitata aut hoc tempore adinuenta sunt tormēta. atque illud genus, dentium, hoc molarium imagine Vates indicauit: Dentes enim ad mordendū & lacerandum, molæ verò ad contundendum & molendum natura comparatæ sunt, vtroq; genere paratissimum atque instructissimum hostium exercitum fore ostendit, vt nō solum hominibus, sed vrbibus, muris & munitionibus omnibus superior sit.

*Posuit vineam meam in desertum, & ficum meam decorticauit: nudans expoliavit eam & proiecit: albi facti sunt rami eius.*

LOCUSTARVM generacūm plura sint, & multis noceant modis, non solū fructus decerpere & corrodere, sed frondibus etiam arbores, imò & corticibus despoliare solent, siue quod sagaci gustu varium humoris saporem, tum in fructibus, tum in folijs, atq. in corticibus sectentur, siue quod maleficū, & vastans id animal natura sit. quale ingeniū in muribus, in picis, atque in psytacis deprehendimus. non dissimili autem calamitate, omnia loca ubicunque locusta incubuerit afficiuntur, quā si igne res acta esset, neque solū fructu, sed frondium etiam decore, & corticū necessario vsum omnes plantæ expoliantur: detractō autem cortice ligni color candidus apparet, maximè in ficibus quarum lactea magis natura est. Vbi Latine est vinea mea, Hebraicè vitis mea legitur. aduertendū verò est omnia vastationis genera ad vtrunque plantæ genus referri vitem & ficum, quæ à locusta & fructu, & folijs, & cortice etiam expoliata sunt. *Nudans expoliavit eam, & proiecit.* detractum corticem proiecit nocendi cupiditate: neque enim tantum comedunt, quantum deuastant & perdunt. Vineam autem domini exercituum domus Israël est, & germen delectabile eius vir Iuda. sic iam nobis Isaias vineam definiuit, & ficulneam etiam Christus præceptor noster populum illum quondam suum Iudaicum esse ostendit, quo tempore ficui, quam fructu vacuā inuenit, maledixit: Nunquam amplius, inquit, fructus ex te nascatur. Atqui non cum arbore illa, sed cum Iudaico populo rem & causam sibi esse, eodem in loco declaratum est, non erat (ait Euangelista) tempus ficui: indignè ergo intempestiua pœna ficus affecta fuisset, nisi alterius rei repræsenteret imaginē. quod & ipsum alio in loco apertius etiam est expositum, cum de ficu omnibus modis culta, semper tamen sterili, longum atque grauissimum Iesus habuit sermonem. Quanto autē furore in vitem ficumque Domini, illa hostium examina bacchatura essent, his verbis aptè demonstrauit, conculcandum, vastandum, abducendum esse populum, & desertā loca solitariaque relinquenda, omnem eorum reipublicæ ornatum, splendorem, omnem felicitatem, imò omnem etiam vitæ commoditatem detrahendam, sicut scriptum est: Egressus est omnis decor à filia Syon. Præcipitavit Dominus, nec pepercit omnia speciosa Iacob: destruxit in furore suo munitiones virginis Iuda, & deiecit in terrā: polluit regnū, & principes eius: confregit in ira furoris omne cornu Israël: auertit retrorsum dexteram suam à facie inimici: succendit in Iacob quasi ignem flammæ deuorantis in gyro. Hæc fructuum consumptio, hæc deiectio frondium, atque hæc corticum detractio est, totius videlicet antiqui status, omniumque fortunarum & dignitatis iactura: meritò enim eò miseriarum delicitur, qui diuinis beneficijs pro suis delictijs fuerit abusus. Cuiusmodi illi fuerunt qui ad vitæ voluptatem omnia retulerunt, à quibus vitis & ficus commoditas detracta est. neque verò feliciores exitus habuere, qui non tam voluptatibus, quā rei augendæ cumulandisque per fas atque nefas diuitijs operam dabant, & terræ vbertatem suis tantum commodis, non religioni, non pietati, non misericordiæ exercendæ seruire volebant, de quibus scriptum est: Vt qui coniungitis domum ad domum & agrū agro

agro copulatis, an vos soli habitabitis terram? Crediderat enim illis Deus terram, incolendamque hac lege locarat, ut sacerdotes honesto victu contenti, auaritiam omnem & humanarum rerum cupiditatem exuerent, reliquus populus, cui agri, prædia & fundi erant, & sibi quod satis esset pararent, & diuinæ in se benignitatis memores, pauperiorum etiam turbæ consulerent, unde illis & primæ & secundæ primū, deinde & tertij cuiusq. anni decimæ; primitiæ etiam & primogenita imperata sunt; & septimo quoque anno liber omnibus agrorum usus & fructus est permissus. Hæc verò omnia temporum atq. hominum malitia perturbata fuere, & ab antiquo instituto & simplicitate sua ad humanos mores, cupiditatem, auaritiam, ambitionem & libidinem traducta. quæ res passim in diuinis libris notatur. Quamobrem digni fuerunt inquilini, qui de loco & possessione, in qua iurè retineri non poterant, vi atque tumultu deturbarentur, cogerenturque ea, quibus olim abundauerant, miserrimè desiderare.

*Plange sicut virgo accincta sacco super virum pubertatis suæ.*

NVL L I luctus aut grauior, aut acerbior lamentatio, quam nouæ nuptæ sponso necato cōtingit: etenim illa ætas natura florens, quæ primos amores sine vlla adhuc domestica solitudine, sine vllis rixis, aut discordijs dulcissimos experta fuerat, quæ ornatus & cōptus commoditatem (qua is sexus vehementer delectatur) oportunam sponso etiam cura atq. impensis fuerat nacta, & primi ac maximè iucundi sponso desiderium, & vestium ornamentumque in sacrum, & viduitatis habitum, atque incultæ vitæ repentinam mutationem, grauissimè & impatientissimè ferre solet. unde miserandus omnino luctus & lamentatio penè insana auditur, & fortunæ ac sortis grauissima accusatio, miseraque omnino instituitur elegia: neque enim ea natura modum aut pudorem in luctu sibi statuit, tū ob vehementē animi dolorem, tum ob sexus & ætatis imprudentiam. ad hanc ergo imaginē Israëlitica plebs, atque in hanc conditionem vocatur, cui omnis illa felicitas, omnis splendō, omnis dignitas, omnis denique vitæ commoditas erat propediē adimenda, futurus autem miserrimus status, velut iam præsens proponitur, ut rem ipsam iam ante oculos habentes grauius ferant, suamque calamitatem antè doleant, quam omnino acceperint; si quomodo ad sese redire, atque ad mentem bonam se recipere possint, & poenitentia, precibus, ac votis leniores saltem breuioreque ærumnæ dies impetrare. Vocat autem virginem siue puellam Synagogā, quæ hætenus libera & nulli genti fuerat subiecta, sed diuino sponso pacta, omnibus delitijs, iucundissimis amoribus & incomparabilibus ornamentis afficiebatur. Illa verò ubi sublato à se iam sponso, & proprijs culpis excluso vidua facta, & in hostium venerit potestatem, calamitosam & perpetuo luctu plenā vitam trahat necesse est: duplici miseria circūdata, altera quòd sponso dulcissimo careat, altera quòd hostibus seruire suis cogatur; qua miseria nulla potuit describi maior.

Sic ille poeta: *Quæ tibi virginum sponso necato barbara seruiet?* Detracta autem atque interturbata per hostem religione diuino sponso omnino caruit Israëlitica turba, & eidem hosti cedens, miserrimam ac fordidā seruitutem tolerauit. Neque verò meliori, quam populus, conditione sacerdotes fuerunt, qui totius eius calamitatis exemplo, ac negligentia sua populo auctores fuerant: namque officij sui dignitate, auctoritate, & cura posthabitis, se totos ad quæstus, & auaritiæ studium transfulerant, sicut scriptum est: Peccata populi mei comedunt, & ad iniquitatem eorum subleuabunt animas suas. Similem ergo huic ordini lamentationem indicit Vates, quem omni dignitate omniq. commoditate, citò etiam cariturum prædicit. Quoniam dominum dereliquerunt, in nō custodiendo. ob eam rem ait:

Horat. li. 1.  
od. 29.

Osee 4.

*Perijt sacrificium & libatio de domo Domini, luxerunt sacerdotes ministri Domini.*

VATICINIUM est de excisione & ruina templi, quæ assyriorum igne & ferro edita fuit. cuius causa & quòd deserta regio, agriq. vastati & aratoribus vacui essent, totis illis annis libatio cessauit. Sacrificium autem & libationem vocamus assiduum cultū, quem antemeridianis & pomeridianis horis Deo patri tribuebant, quod matutinum & vespertinum sacrificium vocant: id ex terræ fructibus tritico & vino parabatur, hoc pereunte sacerdotū luctū cōsequi necesse est, si non diuina, at sua ipsorum causa, quibus cū hæc sacrificia de-



facia deficerent, unde alerentur, nihil reliquum erat. Sacerdotes autem nō quoslibet nominat, non illegitimos illos ab Israëlitis post veræ religionis desertionem institutos, sed quos appellet, ipse definit, ministros domini, qui verè legitimeque fuerant instituti, sed tamen dereliquerunt dominum in non custodiendo. Huius autē rei occasione Vates ipse

Threnum componit, & singulas res lamentatione persequitur.

*Depopulata est regio, luxit humus, quoniam deuastatum est triticum, Confusum est vinū, elanguit oleum. Confusi sunt agricole, vlulauerunt vinitores super frumento, vino & hordeo, quia perijt messis agri. vinea confusa est, & ficus elanguit: malo granatum & palma, & malus, & omnia ligna agri aruerunt: quia confusum est gaudium à filiis hominum.*

TERRAM debellatam, gentem abductam, templum excisum proposuerat; singulas nunc res, suis partibus distribuit, atq. eas verbis deplorat, ad elegiam accommodatissimis. Terræ vastationem sic luget: [*Depopulata est regio, Hebraicè vastatus est ager, luxit humus.*]

15 Lugere dicuntur agri, qui cultorem desiderant, vt contrā prata rident, quæ gramine & floribus ornatissima sunt. atq. hac translatione Cicero aliquando vsus est. Neq. verò ter- Cic in ver.  
act. 5. p. 197.roris tantū augendi causā hac Vates dixit, sed quē ipse mēte animoq. sensum prophetica visione ceperat, hunc verè in elegia & planissimè exposuit; namq. sic illi affecta Israëlita regio visa est; vt hæ terræ solent, in quibus bellū acerbū diuturnumq. versatum fuit. quos

20 enim ille cāpos antea collectq. nitidissimos ac viridissimos viderat, segetibus, vineis, siluis hortisq. & pomarijs cultissimos, hos ita vastatos, iā ac desertos animo præuidet, vt ager ipse cultorem desiderare ac lugere dominum videretur: namque ex agricolis permulti occisi fuerant, alij capti atque abducti non solū arationes, sed etiam sedes suas patrias reliquerāt. tribus autē cōmoditatibus, quæ ad vitam humanam oportunè alendam impri-

25 mis probantur, terra ipsa priuata fuit tritico, vino & oleo, triticum vastatum, mustū confusum, hoc est arens fuit, *oleum elanguit*: Siquidem illa arborum & baccarum vis, quæ antea fuerat, penitus defecit. hanc autē penuriā cultores ipsi luctu maximo prosequantur necesse est. quamobrè ad lamentum inuitantur: [*Confundimini agricole vlulate vinitores.*] ita imperatiuè in hebraicis est, [*Super frumento, vino & hordeo,*]

30 tenebantur. agricolæ quidē super frumēto & hordeo. [*Quia perijt messis agri:*] ex quo enim hostis in regionem impetū fecit, & quæ fata erant depopulatus est, & agros colere, ac restituerere non amplius sinit luctus. vinitoribus verò qui vineas cæterasque arbores colunt, satis copiosa luctus materia datur: [*Quia vinea confusa est & ficus elanguit.*] & omnia in vniuersum arborū genera, quibus illa regio maximè ornabatur & celebrabatur, hostili igne  
35 & cultorū defectu periēre. Aptissimè verò rem disposuit; nam duplex agri colendi cura est, altera in frumentaria re, altera verò in arborea consumitur natura: in illa frumētum primas tenet, in hac vites, quas omnis aliarū arborū sequitur ratio; quamobrè triticum & hordeū ad agricolas, hoc est, aratores retulit, omnia verò arborū genera ad vinitores. sic antiqui etiam rem partiti sunt, vt Poeta:

40 *Nunc te Bacche canam, necnō siluestria tecum, Virgulta, & prolem tardè crescentis oliuæ.*

Georg. li. 2.

Etenim pastio tametsi in agris tractetur, non tamen propriè agricultura est, neque tantum agris cultis, quantū siluis & pratis, greges & armēta delectantur, neq. tantū hostilis manus pastionibus, quantū satis & vinetis nocere solet. propriè ergò elegit eā agri partē, quæ hominū cura & cultu maximè indiget, cui belli tēpora calamitatē præcipuè afferre solēt. In  
45 arborū autē natura eorū præcipuè generū mentionē fecit, quæ vel ad vitam, vel ad delicias maximè oportuna sunt, & fructus etiā faciunt diuturniores, quarumq. in illa regione maior copia & laus est: vt ficus, mala punica, poma & palma, horum generū frequēs mentio in lege & prophetis est, quæ non solū toti regioni cōmunia erant, sed quibusdā etiam locis ob elegantia & præcipuā laudem nomina fecerant. vt Ghenthamar, Ghenrimon,  
50 Ghentaphuah. hoc est fons palmarum, fons granati, fons malorum, cæteros autem fructus quos medici fugaces vocant, vno nomine oēs collegit. [*& omnia inquit ligna agri aruerunt.*] vt pruni, cerasi, & cætera baccarū genera. Glandiū verò & nucis natura, & fructu est deteriore ac bellici temporis incommoditates diutius perferre valet. Atque de his arborum & plantarum generibus, quibus ea regio abundabat, vt aliàs copiosius agamus, Deū

Isa. 9.

Amos 5.

mihi propitium esse vellem. Neque verò ad agricolas tantum, sed ad vniuersos homines quicumque terrā illam incolerent, hanc miseriam pertinere confirmat: Etenim vbi omni frugum & fructuum copia agricolæ destituti sunt, cæteros homines vel qui vitam in otio agunt, vel qui ciuiles exercent artes, vel qui res administrant publicas, (quorum turba omnis agricolarum labore & industria alitur,) maxima vexari inopia necesse est, vnde is luctus communis est omnium hominū, quibus in felicibus & fertilissimis annis, communis etiam & publica lætitia est, sicut scriptum est: Exultabunt & lætabuntur in te, sicut qui lætantur in messe multa. atque agricolarum luctum commune malum, omnibusque aliis plangendum significare, ex illo etiam loco docemur. Propterea sic dicit Dominus; in omnibus plateis planctus, & incundis quæ foris sunt, dicetur vix, & vocabuntur agricolam ad luctum & ad planctum omnes qui sciunt plangere. atque ob eam rem in vniuersum conclusit affirmans. [Quia confusum est gaudium à filiis hominum.] cessauit inquit & defecit gaudium. Nam sic Hebraicè est, exaruit gaudium. hæc ad verborum rationem accommodata huius loci sententia est, quæ facillimè ad allegoriam transfertur, cum vineam Domini exercituum, & ficum Israël gentem intelligamus, triticum verò & horneam omnem reipublicè vsum & commodum, arborum verò cæterarum nomina principes viros & magistratus interpretemur; quos non minus quàm agros, vineas & plantas, veras belli perdidit calamitas; qua etiam calamitate, nec sacerdotes domini sese liberare potuerunt, neque luctus & lamenti expertes manere. Quamobrem vbi cæteri ordines ad lamentum fuerint excitati, ad sacerdotum collegium sese elegia vertit.

*Accingite vos & plangite sacerdotes, vlulate ministri altaris: ingredimini, cubate in sacco ministri Dei mei: quoniam interijt de domo Dei vestri sacrificium & libatio.*

Thren. 2.

מִדְּבָר

Cicero in Rhetor.

Numer. 4.

Ob priuatam illorum, tum dignitatis, tum etiam culpæ & exempli rationem, propriū etiam luctum sacerdotibus indicit, quibus præter communē calamitatē, maximū quoddam doloris argumentum proponit templi illius celeberrimi excidium; cuius rei causa diuinis rebus faciendis illis est interdicens. quare hos etiam appellat Vates, & in grauiori calamitate ad maiorem luctum inuitat, quē omni studio, omni lugendi apparatu, hoc est, omni miseræ & tristitiæ argumento illis suscipiendū curat: Namque & actū, & habitu, & mora, lugentes esse vult: saccus enim miserorum & lugentium antiquus habitus fuit, sicut scriptum est: federunt in terra, conticuerunt senes, filia Sion consperserunt cinere capita sua, accincti sunt cilicijs. [Accingite vos & plangite sacerdotes.] Monet ut in sordibus, lamentis luctuque iacentes, lugubri elegia publicam priuatamque miseriam deplorent, plangite enim, Hebraicè זָרַפְדוּ, non ad vocis sonum, sed ad elegiæ rationē & sententiā pertinet. nam quod nos elegiam Hebræi Mizzpad dicunt, verū quod ad vocis sonum attinet verbum vlulate declarat, ut & mœsta omnino verba & mœstis accentibus prolata audiantur, [ingredimini, cubate in sacco.] ingredimini verbum motum hoc loco significat, hoc est venite, neque tam ad locum aliquem, quàm ad opus, ad luctus societatem ineundam vocantur, ut apud Latinos rationem studiorum ingredi aliquis dicitur in eo verò luctu, non interdium solum, sed noctu etiam perdurare iubet. [Cubate inquit in sacco ministri Dei mei.] Ministros altaris Dei ministros vocat. namque hic hominū ordo præter cæteros diuino ministerio additus erat, sicut scriptum est: Et ponent omnia vasa, quibus ministrant Domino, &c. his ut maxima honoris & dignitatis cōseruandæ oportunitas in ministerij exercitatione erat, sic maxima lugendi materies, imò & necessitas cessante ministerio erit. [Quoniam interijt de domo Dei vestri sacrificium & libatio.] Quid sacrificium iugē, quid libatio sit, iam diximus; hæc omnia non antè interiēre, quàm templum excisum incensumque fuit. Quod autē hæc templi ruina communē atque extremā omni populo calamitatē allatura erat, diuinæque in eos indignationis & iræ certissimū futura argumentū, ob eam rem cōmunem omnibus luctum, commune lamentū, & perpetuo monumēto quotannis, quoad in eo statu vixerint, recolendū indicit: fuit enim incensi dies omnibus illius gentis hominibus, imprimis funesta & luctuosa: quæ integrā labē atque ruinā Israhelitarū rebus attulit. quā ab eo tēpore quo accidit solenni luctu, hæc nunc Hebræi quotānis ieiunij etiā indicto prosequuntur: siquidē hanc diē sceleris & culparum testem, & pœnæ atque opprobrij perpetuum monumentū esse Deus voluit. eam autem

autem diem iam animo videbat Ioël, iam ipse communes suorum casus luctusque dolens meditabatur. propterea ait:

*Sanctificate ieiunium, vocate cœtum, congregate senes, omnes habitatores terre in domum domini Dei vestri: & clamate ad dominum aha diei, quia prope est dies Domini, & quasi vastitas à potente veniet.*

- IEIUNIUM præter alia multa quorû causa institutum est, ad diuinam iram poenitentia placandam valet. atque ad eam rem certa quædam dies olim lege constituta fuit. est & illa ieiunij indicendi occasio, alicuius publicæ calamitatis & mali denuntiatio, cuius  
 10 lugendi & expiandi causa ieiunium publicè indicebatur. cui ieiunio certam diem nulla lex, sed ipsa rerum occasio præscripsit, eaque cura & ad indicendum auctoritas ad sacerdotalem & senatorium ordinem deferrebat, vt pro mali præsentis ratione populo & operis & cibis interdicerent, atque de ea re concionem aduocarent, cuiusmodi exemplû in nefario illo & funesto Reginae decreto, de Naboth damnatione legimus: Prædicate, 1. R. g. 21.  
 15 inquit, ieiunium, & sedere facite Naboth inter primos populi, &c. Funestam ergo atque exitiale diem, quæ integrâ cladem & labem Israëlitis erat allatura, præuidēs iam & prædicens Ioël, populû suû ad ieiuniû, ad lachrymas, ad communē casum vel poenitentia & supplicatione deprecandû, vel acerbissimo luctu prosequendum hortatur. [*Sanctificate ieiunium:*] quoniam eam rem omnibus notam esse oportet, quæ publicæ calamitati futura  
 20 est. diem igitur ieiunio publico & solenni præscribite, vt in maximis & grauissimis casibus publicè facere moris est. Sanctificare, est separare, atque à communi vsu segregare, diē ergo certâ dici ad hanc rem vult. [*Vocate cœtum.* Hebraicè est, *clamate cessationē.*] quid nam hoc sit, iam diximus. Illud porro obiter hoc in loco est obseruandû, non esse præter diuinorû institutorû rationem, si quid publicè ab Ecclesia pro temporum atque rerû occasione instituitur, cuius tamen vsus à diuinorum librorum sententia non abhorreat, vt  
 25 ieiunij vsus in sacris & pijs cōmendatur exercitationibus, sicut scriptum est: & affligetis animas vestras. quo tempore autem ieiunandum sit præter vnum expiationis diem, nihil præterea certi est constitutû, sed omnia ecclesiasticæ sapientiæ autoritatique permissa, vt pro tēporû & rerû vsu, quibus cōmodissimum videatur diebus, ieiunium modò ritè sancteque fiat, indicatur. huiusmodi autem res suis in locis obseruare, à diuina philosophia non fuerit alienum, & ad ecclesiasticâ auctoritatē defendendâ fuerit inprimis cōmodû. [*Congregate senes, omnes habitatores terræ.*] Senum nōmine omnes magistratus senatoriûq. ordinem, penes quos Reip. gerendę auctoritas iusque erat, quorû in nostra ecclesia locû episcopi tenent, & qui publicâ aut populorum, aut tribuûm curam sustinent presbyteri.  
 35 hos ergo vno nomine senes appellat, quos ad suum munus diligenter curandû hortatur, namque publicâ tōtius populi sollicitudō, siue in latis & felicibus, siue in luctuosis & miserrimis rebus, quæcunque insint, eos inprimis vrgeri oportet. ab his autē in domum domini concionem conuocari, & populo luctum & planctû, & publicam deprecationem indici Vates iubet. [*In domo domini.*] solenne enim erat & semper iam more apud  
 40 omnes gentes fuit, in calamitosis & miserrimis rebus ad templa confugerē, ibique publicè malû deprecari, & diuinam iram placandam curare. hoc in illo præcipuē tēplo ab Israëlitis agi Vates curat, cuius templi sanctitas & maiestas tanta habebatur, vt quondam in terris regium penē Dei domicilium crederetur, atque ob eam rē domus Domini appellaretur. quo diuino atque sanctissimo nomīnē tam diu eam celebrari, appellarique voluit  
 45 Deus, quam diu qui purē sancteque frequentarent, in populo illo non defuere: vbi autem latronum spelunca; semel atque iterum facta est, semel atque iterum etiam hostibus est ad diripiendû euerrendûq. permissa, [*Clamate ad Dominum aha diei.*] Clamoris & luctus argumentum proponit diei illius miserandi, tum timorem, tum futuram lugubrē commemorationem. *Aha* Hebraica interiectio est, non tam dolentis, quàm præ mœstitia aut consilij inopia animum penē disponentis: sic Hebraicè scriptum, sic etiam Latine pronuntiari potest, aha. vt illud apud Ieremiâ, Aha domine nescio loqui, lugentium enim & dolentium illa vox est *hoi*, quæ latinis sonat heu. sed Aha hunc quem diximus mentis indicat motum: *Aha diei*. O diem mœstam & calamitosam, ô lugubrē & miseriarum plenam diem: sed Vates argumentû tantum, & affectum indicauit, non autem totum luctum & clamorem persecutus est: Nam die nominato grauissimam rem &

Horat. lib. 1.  
od. 15.

ærumnam maximam impendere significauit; cuius memoriam nulla vnquam obliuio delere possit, sed inter nefastos fatalesque dies, nigro calculo sit semper numeranda; magnam enim atque insignem calamitatem esse constat, cuius certus in qua accidit dies, certa & misera commemoratione quotannis notatur. *Aha* verò interiectione pronuntiata grauissimum, & impotentem illis dolorem, & lamenti genus acerbissimum denuntiat, & cui non heu, sed *Aha* initium faciat. [*Quia prope est dies Domini, & quasi vastitas à potente veniet.*] Diem Domini diem ultionis & supplicij nominat, quo die se iudicem & dignitatis maiestatisque suæ vindicem esse demonstrabit, & qui sese hactenus misericordem, immeritis præbuerit, ultorem tandem commerentibus præbeat. hæc dies Domini fortis & potentis est, & iustitiæ, virtutis atque seueritatis diuinæ testis. qua de re scriptum est: & propter hanc in altum regredere, Dominus iudicat populos. Cuiusmodi dies etiam apud Isaiam dicitur: *Quia dies Domini exercituum super omnes colles & montes, &c.* sic etiâ apud Latinos: *Iracunda diem proferet Ilio, Matronisque Phrygæ classis Achillei.* Et sicut *vastitas à potente veniet.* Hebraicè: sicut *vastare à potente veniet.*] Sicut, tempus potius quam similitudinē indicat. significat autē diem illā cum maxima & terribili vastatione & calamitate esse venturam à potente, à forti. itaque diuinæ potentiae potius quam misericordiae commemoratione hæc dies referenda est. in qua Deus tremendum egit ultorē. Hæc autem dies nona mensis Ab, fuit, quæ perpetuo & solenni Hebræis luctu repetitur, quo templum dirutum, & religionis ac reipublicæ decus & splendor omnis sublati est. Quam diem inter infaustas publico ieiunio & luctu miseri Israëlitarū singulis annis profequuntur, hanc autem sententiam copiosius explicuimus apud Hoseam in illo loco: & nunc comedet mensis partem eorum. Postquam autem ad publicum luctum Vates populum vocauit, inchoatam ipse elegiam persequitur: Hæc enim est elegiarum lex, ut multa ac varia à lugente moueantur, & ab initio ad finem vsque, nunc hoc, nunc illud petatur. quam rem etiam apud Hoseam docuimus.

*Nunquid non coram oculis nostris alimenta perierunt de domo Dei nostri, letitia & exultatio. Computruerunt iumenta in stercore suo: demolita sunt horrea, dissipata sunt apotheca: quoniam confusus est triticum.*

Deut. 28.

Matt. 6.

Æneid. 2.  
Isai. 1.

VASTITATEM illam bellicam quam in genere proposuit, per singulas partes deplorat: neque in agris, neque in vrbibus, neque in siluis quicquam relictum esse, quod ad vitam hominūque vsum esset idoneum: Nam quæ in agro fuerant, partim ab hoste sumpta, partim dissipata sunt, vnde nihil colligere, nihil domum asportare contigerit. Neque hanc rem inodō, sed armenta etiam & pastionem omnē defecisse. maxime autē hoc lugendum esse hominibus illis, quibus harum rerum abundantia diuinam gratiam, inopia verò & detractio diuinam iram & indignationem argueret, ut in Deuteronomij precationibus atque imprecationibus est obseruatum. Nam temporales illis repromissiones apertæ imprimis, deinde spirituales vmbra quadam & imagine factæ fuerant. nobis verò contrā primæ spirituales, eæque maximæ, postremæ verò temporales, ut appendices, eæque non ita cumulatae, sed quantum satis sit, propositæ sunt, sicut scriptum est: *Quærite primum regnum Dei & iustitiam eius, & hæc omnia adiicientur vobis.* vtitur autem interrogatione ad rem certitudine arguendam, & ad miseriæ augendum dolorem. [*Nonne ante oculos nostros.*] Ad miseriæ cumulum accedit, suæ calamitatis quemq. fuisse spectatorem, sicut & ille dixit: *Quæque ipse miserrima vidi.* & apud Isaiam: *Regionē vestram coram vobis alieni deuorant.* Deplorat ergo primum omnem illam frugū & annonæ copiam, quæ tum ad vitæ, tum ad lætitiæ vsum contingere illis solebat, in maximam inopiam fuisse mutatā: Nam solenne illis & legitimum fuit, dum suam regionem tenerent, ut singulis annis post nouarum frugum collectionem, ciuitatem sanctam & templum cum nouis fructibus lætitiæ gratulationisq. causa inuiserent, ibique festos agerent dies diuinam benignitatem celebrantes, cuius beneficio felix securusq. annus sibi contigisset. Ex quo autem hostis regionem occupauit, non solum lætitiæ, sed victus etiam vsum caruerunt: Neque enim quod ad templum, sed neque quod domum deferrent, habuerunt; quidquid enim in regione vtile fuerat, & ad vsum idoneum, hostis ipse comedit, si quid supererat, nulli vsui esse potuit: nam aut pedibus conculcatum, aut igni, aut nocendi alacritate vastatum funditus periit. *Alimenta perierunt, quæ ad victum necessaria fuerant, & quæ ad*



- que ad lætitiā & festorum celebritatem, etiam perierunt. [*De domo Dei nostri lætitiā exultatio. Computruerunt iumenta in stercore: Hebraicè sic: putruerunt grana in glebis suis.*] nam quod translātum est iumenta, Hebraicè legimus, Perudoth, quod propriè grana dispersa significat. Qua oratione non solum nullum fructum, sed nullam semētis spem reliquam fuisse confirmat. Nam si quid forsan comedentibus hostibus, imò deuorantibus super-  
5 fuit, dispersum pedibus, conculcatum & protritum in ipsis illis locis intempestiue & temerè iacebat, ita vt putresceret potius, quàm herbam, aut quid simile ex se produceret. Neque verò commodius aliquid domi, aut in ipsis vrbibus & oppidis inueniri possit, quo vitæ tuendæ spes alatur, vbi non modò triticum aut hordeum, sed neque aut horrea, aut  
10 granaria vlla sunt relicta; omnia enim in communi illa vastitate, & ruina perierunt; partim hostis vacua hæc à se inuenta dissipauit, partim negligentia & habitatorū defectu vitium rimasque fecerunt. qualis exitus citissimus est huiusmodi ædificiorū, quæ annua cura & vsu conseruari & refici solent, vt horreorum, apothecarum, granarij, cellarum & reliquorum, quibus tamdiu cura impenditur, quamdiu quid in eis seruari possit, superest.  
15 vbi verò triticum confusum est, horrea etiam demolita sunt, dissipatæ sunt apothecæ. Apotheca hoc in loco idem cum granario est. At verò frumētaria re & copia omni destitutis & agri colendi difficultate, affectis vna reliqua viuendi commoditas, & ars esse potuit, si quam optimè pascere & pecuariam rem exercere licuisset; namque hæc minori labore & pauciore instrumento eget, & incultis asperisque etiam in locis, non incommodè tractatur.  
20 Verum enimverò tanta loco calamitas, tanta contigit vastitas, vt nihil ex hac etiam parte sperare liceat: Siquidem vbi neque pastoribus parcitum est, sed æqua & vrbani & rusticis dominis, & villicis fors est ducta, nihil minus miserum vtrouis ex loco fuerit sperandū. pastorum autem pars metu perterrita aduentante hoste agris siluisque & pecori cessit; pars verò in hostilem prædam venit; multi etiam militū vi & iniuria, vt fieri solet, necati sunt,  
25 ita vt deserti armenti mugitus aut pecoris balatus loci testaretur solitudinem: ea namque animantium genera, quæ humana cura tractari aliquæ solent, vbi deserta relicta sunt, funditus pereunt, vel quòd minus quàm cætera sibi prospicere & cauere possint, vel quòd minus fortia, minusque astuta ad sese defendendum sint; vnde leonum, luporum, aliarumque ferarum sæuitiæ exposita sunt, aut fame & incuria, aut cæli iniuria, aut ferarum  
30 vi & rapina consumuntur, sicut scriptum est: Percutiam pastorem & dispergentur oues Zach. gregis, atque ita quæ omnibus modis fuerat regio felicissima, nunc contrà nullis modis non horrida, inculta, deserta, atque infelix est. hoc autem deplorans etiam Vates ait:

*Quid ingemuit animal? mugierunt greges armenti, quia non est pascua eis:  
 sed & greges pecorum disperierunt.*

- 35 RE M prius genere, deinde specie tractat: duo enim animantium, ex quibus vsu homines percipiunt, genera sunt; alterum Latine armentum; pecus alterum dicitur. his nullum commune superest genus præter animal, quod tamen feras etiam sub se continet; Hebraicè verò omnia hæc quæ mitiore natura sunt, hominibusque ad  
40 vsu parent & gregatim pasci solent, genus habent *Behema*, pro quo noster interpres vertit animal. hæc vbi humana cura & diligentia destituta sunt, nulli rei magis, quàm balatibus & mugitibus vacant, quo & suam solitudinem indicant, & vitam feris produnt. esse autem hoc proprium his animantibus, vt vocibus tantum dolorem suum & miseriam indicent, ex illo etiam apud Ionam loco arguitur: Homines, inquit, & iu-  
45 menta, & boues & pecora, non gustent quicquam, neque pascantur, & aquam nō bibāt, & iumenta clament ad dominum in fortitudine, &c. Solitudini ergo & desertioni testimonium dant animalium voces, armentorum videlicet mugitus & pecorum balatus, quandoquidem huiusmodi voces querelam magis, quàm alium animæ motū significāt, quamobrem ait: *Quid ingemuit animal? Quid inquit aliud lamentabiles hæc animantium*  
50 *voces, armentorum mugitus, pecorumque balatus, nisi miseram solitudinem significāt.* [*Mugierunt armenta boum, sic Hebraicè est. quia non pascua eis:*] Namque hoc genus vberiori pabulo & maiori gramine indiget, tum ob maiorem corporis molem, tum quòd humi serpentes & breuiore herbas ob laborū crassitudinē minus commodè depascitur. mutare ergo identidem pastiones amat, quæ res oportuna pastoris cura indiget. & etiam greges pecorū disperierunt. Hebraicè *nessa* verbum est, quod alterius aut culpa, aut negli-

gentia, aut defectu utcunque aliena causa perire significat. Iam ex hoc loco lamentatio crescit, & à miserarum rerum spectaculo ad diuinam opem clamore confugit, cum nihil in humanis non miserum, non perditum atq. desperatum esse videatur: nam quò te cunq. veritas, omnia vasta, omnia deserta sunt; neque hominibus, neq. iumentis vlla est commoditas relicta: vnum enim superesse potuit maioribus armentis refugium, & capris etiam si siluæ & nemora, quibus sese aliquo modo tueretur & alerent relicta forent, sed heu nihil omnino horum est; namq. hostis populabundus agros, neq. siluis etiam pepercit. sed omnia incendio flammisq. vastauit. quid ergo superest, nisi diuinum auxilium implorare, nisi Deum ipsum tam duri spectaculi commemoratione ad misericordiam prouocare.

*Ad te Domine clamabo, quia ignis comedit speciosa deserti & flamma succendit omnia ligna regionis.*

IN desperatis rebus vnum quò confugiamus diuinum superest auxilium. id à Vate populi sui vicem dolente cum primis imploratur. [*Speciosa deserti.* Hebraicè est *habacula deserti.*] ut pastorum tentoria, tuguria etiam ab oppidis remotissima. & arbores omnes quæ in agro sunt, cultas & incultas; omnia ligna, omnia denique loca hostilis ignis perualit. Lignum arborem etiam virentem Hebraicè & Latinè dicit; ut apud Poetam:

Horat. lib. 2.  
od. 13.

*Te triste lignum, te caducum, In domini caput immerentis.*

Haec tenus ergo Israëlitis gentis excidium, & tota illa per Nabugodonosorem & Assyrium imperium tam hominibus, quam agris allata calamitas, & proprijs & translatis verbis prædicta & deplorata est. & quoniam dum suo vaticinandi munere fungeretur Ioël, non solum quid domesticis suis, sed quid etiam exteris mali ab eodem hoste esset apportandum spectauit. Cæterarum etiam gentium ruinam sub translatione lamentatur: benignus enim est diuinus spiritus, omnesque eos, quoscunq. sua afflauit aura humanissimos atque alieni etiam casus dolentes efficit, sicut scriptum est: Debitores sumus omnibus, &c. Communem autem fuisse illam ab Assyrijs in gentes omnes pestem & diuinam ultionem, cum Græcorum & Phoenicium historia testatae sunt, tum maxime Ieremias vates distinctè prædixit: Quia sic dicit Dominus exercituum Deus Israël: Sume calicem vini furoris huius de manu mea, & propinabis de illo cunctis gentibus, ad quas ego mittam te, & bibent, & turbabuntur, & insanient à facie gladij, quem ego mittam inter eos, &c. quo in loco omnis ferè habitabilis terræ orbis à Vate describitur, cuius cultores omnes Assyrii imperij Tyrannidem sentire. Hos omnes Vates noster *Agri bestias* appellat, Hebraicè *Behemoth agri*, ut non feras, sed eas intelligamus animantes, quæ si non humana indigeant cura, tamen & victus & pastus ratione plurimum cum armentis pecoribusque cōueniunt; cuiusmodi sunt cerui, damæ, siluestres asini, & alia id genus, quæ non cadibus & rapinis, sed herbis fructibusque viuunt. ut autem familiares & fidei domestici gregum & pecorum appellatione definiuntur, sic gentes etiam harum animantium agri generibus componi assimilarique solent. Quibus omnibus grauissimam calamitatē & exitium allatum à se præiudici dicit, hoc modo:

*Sed & bestia agri quasi arca sitiens imbrem suspexerunt ad te: quoniam exiccati sunt fontes aquarum: & ignis deuorauit speciosa deserti.*

[*Sed & bestia agri.*] Ipsa dicendi figura de re alia sermonem haberi indicat: iam enim omnia confusa turbataque videt, nullique genti, nulli nationi suas fortunas, imò neque proprias sedes integras esse, hoste illo, atque totius orbis tyranno vincente, expugnante, diripiente, vastanteque omnia, cui etiam illud solenne fuit, ut alias gentes suis locis & sedibus radicibus conuulsas, aliò cogeret migrare. Hoc autem totum, *bestia agri*, hoc est animantium earum, quas diximus, similitudine producta perorat: quibus cum pascua, cum aquæ defecissent, cum omnis viuendi comoditas sublata impedita interceptaque fuisset: cum fontes obturati, fluminesque essent deriuati, & omnia alia belli incommoda tolerata, vnum illud extremum fuit Deum ultorem inuocare miserrimorum omnium commune perfrugium, sicut de hac eadem re & cōmuni omnium hominum querela scriptum est: Laborabunt enim populi in multo igne & gentes in vacuum deficient. Quia replebitur terra ut cognoscat gloriam Domini quasi aquæ operientes mare &c.

Haba. 2.

## CAPVT II.

**C**ANITE tuba in Sion, vlulate in monte sancto meo; & conturbentur omnes habitatores terræ.

5 **C**OMMUNE Israëliticę regionis excidium & ruinam hæcenus Vates prædicens deplorauerat, Iudaicarum rerum mentione interim facta tantum, vt sacrificiorum cessatione prædicta euentû rei non rem ipsam depingeret: Nunc verò deinceps priorem illam Iudææ Solymorum & templi vastationem quæ Assyriorum armis & ignibus edita  
10 fuit, atque miseram illam terræ solitudinem, septuaginta annos duraturâ prædicat, rem videlicet durissimam & vel auditu terribilem. hanc rem quia ad regnum Iuda pertinebat, atq. adeò ad totius religionis caput Ierusalem, Vates ita accuratè & plenè tractat, vt ob eam solam causam vaticinandi munus illi susceptum esse videatur. ex quo factum est vt inter eos vates numeraretur, qui propius ad Iuda regnum pertinerent: Namque  
15 cætera quæ Israëlitæ attingebât, omnia simul cum Iudaicis permixta in superioribus decantauit. nunc verò duplicè Iudaici populi ruinâ duplex etiam sacri illius fami incēdium distinctis sermonibus persequitur. vtrique autem vastationi dicendæ simile omnino fecit initium: [*Canite tuba in Sion, &c.*] Meminisse autem ad hanc rem oportuerit rei & instituti illius, quod quinquagesimo quoque anno publicè ex more atque ex veteri religionis disciplina obseruabatur; cū omnium prædiorum & hæreditatum restitutio, cū  
20 vnicuiq. ad propria reditus erat. Prima illa quinquagesimi anni dies Iobel siue Iubilæus vocabatur, quam arietini cornu sonus magna cum pompa & cerimonia nuntiabat. erat autem illo tempore magna rerū mutatio cum emptores emptis possessionibus cedèrent; venditores verò recuperatione legis in integrum restituerentur. ea res cum omnium vrbium & populorum rationes contractusque tractaret ad omnes in vniuersum spectabat;  
25 nunc verò simili apparatu & cerimonia diem dici Vates iubet, qua Iudæis patria natiuque solo cedendum sit, & terra ipsa proprio Domino, Deo inquam, liberè restituenda & relinquenda, quam malo dolo & summa fraude cultores iam tenebant, ex quo officium facere suum destiterunt: Nam præterquâ quod vitijs & sceleribus terram ipsam sanctam  
30 polluerūt; Iubileorū & septeniorū etiam ratio, quibus terra vsibus pauperū vacare debebat iam apud illos quadringētis & triginta ferè annis obsoleuerat. quæ summa per septem diuisa septuaginta annos in quotiente efficit; quibus annis solum vertere & terram quieti permittere coacti sunt. quam rem & apud vates legimus, & restituendo in patriâ populo in cōditionibus positam videmus. si quis verò harum rerum summam intelligere cupiat  
35 decimum Nehemiæ caput consulat. Ergo vt olim Iubilæi anno cornu sonabatur, quo vnusquisque alienis possessionibus sibi cedendum intelligeret, at dominis ipsi restitutio nuntiaretur (erat enim dies illa mensis decima maximè expectata ijs qui suorum fundorum desiderio tenebantur) sic nunc cornu sonari & vlulatu maximo diem quandam expectari Vates iubet, qua Iudæi omnes malè retentis possessionibus deturbandi essent; & in captiuitatem abducēdi: Dominus verò ipse in integrum restituendus. sonus ergo Iubilæi atque tubæ Domino ius suum, terræ verò incolis deiectionem parari denuntiabat.  
40 Quamobrem vlulare & suam calamitatem lugere iubentur. [*Canite tuba in Sion.*] Hebraicè cornu pro tuba est, vt ad id, quod de Iubileo diximus, res videatur esse relata. [*Vlulate in monte sancto meo.*] Mons Sion idem mons sanctus Dei dicitur. est autem repetitio siue heterosis numeri, quæ rem expolitione declarat: namq. Siona mōtem sanctum suum propterea Deus appellat, quod rem suam malo dolo ab alijs retentam repetere adornet. [*Montem sanctum meum,*] à vobis iamdiu prophanatū & multis pollutum sceleribus. vlulate ergo, vt qui malè retentis possessionibus citissimè estis deturbandi. Eam verò calamitatem non Ierosolymitanis solum, qui Sionis nomine continentur, sed Iudæis omnibus quicunque eam regionē, quæ Iudæ & Benjamin sorte obtigit, incolebant, communem fore declarat; atque ob eam rem addit: [*Conturbentur omnes habitatores terræ.*]  
50 Magnum illis metum & curam inijcit, quorū res propediem ita turbandæ, ita miscendæ essent, vt inferiora summis paria fierent, atque omnibus eodem crimine inuolutis par iudicium esset expectandum.

Camhi.  
Ezech. 4.

Nehem. 10.

*Quia venit dies Domini, quia prope est dies tenebrarum & caliginis, dies nubis & turbinis: quasi manè expansum super montes.*

DIEM Domini aduentare ait, quo res suas repetat. Aduentare autem hoc est, propè iam esse, ut magis ab auditoribus timeatur. & qualis sit is dies, quàm calamitosus, & quàm omnibus terræ incolis formidandus ijs rebus describitur, quæ maximo horrore & perturbationi hominibus esse solèt. ut sunt tenebræ & caligo. hæ res suo etiam tempore si veniant, hoc est, noctu, horrorem tamen & mœstitiā atq. timorē hominum animis incutiunt, nedum si die veniant, atque ipsam horis debitam lucem eripiant: ea summa hominum tristitia, is metus, ea maxima turbatio est: neq. enim per densissimas tenebras saltem effugiendi periculi vlla aut ratio, aut via ostenditur. quare non solum salutis, sed consilij impotes homines redduntur. eam autem diem perpetuò obscuram nullo lucis interuentu saltem breuissimo illustrandam fore, sed ad noctem vsque caliginem & tenebras producendas esse dicit, ut nocti caligo, caligini nox vicissim succedat. Nam quo tempore in captiuitate perdurarunt, nox illis fuit mœstissima & obscurissima; quamdiu autē hostilem impetum sustinuerunt, dies quidem (adhuc enim in suis sedibus morabantur) caliginosa tamen & acerbissima dies nihilo nocte leuior acta est. [*Quasi manè expansum super montes.* Hebraicè, *quasi sahhur expansum.*] habet manè hoc nomen ex obscuritate deductum: estq. illud tempus quod antelucanum Latini nominant, idq. sub auroræ ascensum est: nam manè iam aduentante montesque summos occupante (siquidem montes primi lucem accipiunt, postremi amittunt) tenebræ fugientes densari magis & cogi in vallibus humilioribusque locis videntur, & maiori etiam, quàm per totam noctem caligine hominum oculos interturbant. similem autem huic caliginem toto die illo Domini perseueraturam Vates dicit, quæ non tam oculos, quam animos perturbet & inuoluat. hoc tropo maximas calamitates infelicitatemque summam describere auctores solent; ut illud apud Iob: Pereat dies in qua natus sum, & nox in qua dictum est, conceptus est homo: Dies ille vertatur in tenebras, non requirat eum Deus desuper, & non illustretur lumine: obscurent eum tenebræ & vmbra mortis, occupet eum caligo & inuoluatur amaritudine. Atque omnibus etiam nationibus eandem rem hæc oratio significat.

Iob 3.

Horat. lib. 4.  
od. 4.

*Et pulcher fugatis* Ille dies Latio tenebris, inquit Poëta. Quales hominum animi forent cuiusmodi affecti perturbationibus, cum hostili terrore tum propriarum culparum conscientia & metu, tum etiam diuinæ iræ atque ultionis formidine cogitare potius quàm dicere est, neque alia melius ratione explicare, quàm ut omnia ad tenebras & caliginem reuocentur: venit enim dies Domini terribilis, cum singuli suis locis turbandi sunt. nam quod antea cum iure & moribus deducere tentaret Deus, tamen ob obstinam hominum improbitatem non effecit: nunc armata manu vi transigere & efficere parat. quamobrem qui per vates suos cum his populis ex æquo & bono egerat, summo iure experiri instituit & vim denuntiat.

*Populus multus & fortis: similis ei non fuit à principio, & post eum non erit vsque in annos generationis & generationis.*

40

Habbak. 1.

ASSYRIORVM exercitus describit, qui copia & fortitudine cum nullo alio vnquā comparandi fuerūt. de quibus scriptum apud Habbakuq est: Quia ego suscitabo Chaldaeos gentem amaram & velocem ambulantē super latitudinem terræ. Nunquam antea ab initio orbis par hominum armatorum manus illi, quam Nabugodonosor in vrbis & templi excidium produxit, visa est: neq. etiam post illam tempestatem vsque ad Vespasiani & Titi tēpora tantus in Iudæam est deductus exercitus. [*Et post eum non erit vsque in annos generationis & generationis.*] Aliud est dicere vsque in generationē & generationem, aliud vsque in annos generationis & generationis. prior ratio seculis, posterior annis transigitur. si quid in generationē & generationem futurū dicitur, id nullum habet certum terminū; si verò ad annos res referatur, eam annis certis finiri posse intelligimus. Et misericordia eius à progenie & in progeniem timentibus eum. æternū apud Deum esse misericordiæ vsum erga eos qui se coluerint, significat, certamq. esse hanc & nullo tempore reuocandam sententiam: Visitans peccata patrum in filios vsque ad tertiam & quartam generationem. certum pœnæ & ultionis temporalis spatium hæc oratio præscribit.

Luc. 2.

Exod.

Neque



Neque his dissimile est, quod Ioël certis seculorum, nempe vnus atq. alterius annis, tot militum copias in Iudæa non esse conspiciendas dicit; nec tamen nunquam maiores fore confirmat: Nam copioso magis exercitu in Palestinam Titus Ierusalem expugnaturus inuasit quingentis fere annis postquam à Babilonijs res fuerat confecta. ne ergo sibi  
 5 parem aliquando exercitus impetum nunquam metuendum esse putarent Iudæi certum annorum numerum non incerta secula hoc in loco audiunt: [Vsq. in annos generationis & generationis.] Generatio idem quod seculum hic est, quod octoginta, aut ad summum centum annorum spatio continetur. ducentis ergo post annis parem exercitum non esse cogendum, hoc certum illis statumque fuit; nunquam verò amplius esse timendum, hoc  
 10 non fuit certum: Nam si quis cum hoste triginta annorum inducias paciscitur, is non quadragesimum, non quinquagesimum, non denique quotquot postea sequantur excludit annos, sed integrum reliquum sibi tempus ad causam suam, cum sibi commodum visum erit, denuo tractandam reseruat.

15 *Ante faciem eius ignis vorax, & post eum exurens flamma.*

N V L L A earum quæ sub cælo sunt rerum natura ignis aut celerior aut efficientior est: cætera enim corpora vt aqua, vt aër & quæ ex his componi dicuntur, quæcunque sunt non ita citò penetrant, neque tam vehementem sui sensum in animantium corporibus efficiunt, neque earum in vniuersum vires ita plenè materiam omnem in qua versantur  
 20 conficiunt. Ignis verò efficientia tum fortissima, tum celerrima est, & quæ antè etiam quæ accedat, vim infert. quamobrem citissimis atque insuperabilibus potentijs similitudine accommodatur: Nam & Deus, cui nihil resistere, cui nihil obstare potest, ignis consumès dicitur: & magni etiam ac fortissimi exercitus à Deo in impiorum perniciem missi igni similes esse solent. cuiusmodi nobis hoc in loco Assyriorum exercitus vim Ioël ostendit;  
 25 cui qui obsistere cogitauerit frustra conabitur; antè enim quàm accesserit, iam omnia loca partim obsistētis metu, partim venientis impetu vasta & fere inania erunt. Etenim maximis agrorum & siluarum incendijs vbi nulla reprimendi flammæ impetus spes reliqua est, solent homines quæ salua esse maximè cupiunt, antè quàm ignis eo pertingat auferre & flammis eripere: cætera verò quæ pabulum incendio ferre possunt, vt ligna arida  
 30 vt tabulas materiemque omnem Vulcano venienti deuoranda obijcere, ne si temerè sparsa offenderit, quàm latissimè se extēdat. Itaq. ad vastationem minuendam præuastatio atque excidium remedio est. Similem autem impetum & pares vèturī in Iudæam exercitus vires fore dicit; cuius aduenientis metui non obsistendo, non defendendo, sed fugiendo pretiosissima quæque auferendo, demoliendo, præripiendoque prospici posse videatur. ex quo fiet vt antequam accedat, iam solitaria & penè vasta omnia loca sint, ma-  
 35 ximè autem agri & siluæ, quæ ab agricolis & pastoribus à montanis vicorumque & pagorum inhabitatoribus deferentur. itaque iam aduentans quamuis nondum accesserit, nocebit tamen & perdet; nedum cum iam loca tenuerit & occuparit: tunc enim nihil omnino saluum, nihil quod vastatione effugerit, reliquum erit, non villæ, non pagi, non plantæ, non fluuij, non fontes, non oppida, aut vrbes, non lapides & muri denique ipsi. omnia prædæ & rapinæ, omnia excisioni & demolitioni erunt; nam quo veniente nihil tutum esse potuit, eodem abeunte nihil omnino fuerit saluum. propterea ait: [Et post eum exurens flamma.] hoc est: nihil post eum nisi mera vastitas, nisi irreparabilis demolitio relinquitur. his ignis & flammæ similitudinibus frequentes in hanc sententiam auctores sunt, vt:  
 45 Et erit domus Iacob ignis, & domus Ioseph flamma, & domus Esau stipula, & succédentur in eis, & deuorabunt eos, & non erunt reliqui domus Esau, & apud alienos auctores,

Abdi

*Post certas hyemes vret Achaicus Ignis Iliacas domos.*

In omni autem agenda re Horat. lib. 2. od. 15.

cuius qui agit tum voluntas tum etiam facultas spectari solet ad rei ipsius quæ agitur, magnitudine arguendam. Atque hæc quæ modo explicata ratio est, ad facultatem pertinet, ex eo Dialecticorum loco, qui à similitudine dicitur, producta. nunc verò facultatē ipsam & damnum potius atque nocumentum effectū demonstrato arguit, vt enim causa effectum indicat, sic quod effectum est, quæ & quanta fuerit causa demonstrat. Atque effectus ipse comparatione ostenditur, comparantur enim varius loci ipsius status & facies, qualis ante hostis aduentum, & qualis post eius abitum fuerit.

*Quasi*

*Quasi hortus voluptatis terra coram eo, & post eum solitudo deserti.*

AMOEENISSIMAM & cultissimam Iudæam regionem quondam fuisse diuinæ nobis & humanæ historiæ imprimis tradunt, atque ipsa nunc urbium, oppidorum, pagorumque vestigia indicant: nam quæ plurimas possit alere ciuitates & populum multum, fertilissimam esse terram necesse est. Si autem Iosepho Iudæo scriptori credendum est, solam Iudææ tribum ad decem millia urbium illis temporibus continuasse accepimus, & Solymorum suburbana, ut idem auctor tradit, hortis & pomarijs confita paradisi voluptatis speciem (eius verbis utimur) habuere; tamen Ierosolymis non tanta ut in alijs locis, aquarum copia fuisset. Hanc ergo rem cõparatione depingit Vates, & quantum Assyrius exercitus regioni nociturus esset, docet. [*Post eum solitudo.*] Ad homines & armenta atque pecora hoc nomen solitudo: *Deserti* verò vox ad culturam & loci amœnitatem fertilitatemque pertinet. Id autem quod additum est,

*Neque est qui effugiat eum, & Hebraicè dicitur, Euasio non est ei,*

NVLAM salutis publicæ aut priuatæ vel minimam spem fore significat: nullus enim locus in tota terra erit, quo vel se vel suas res quisquam tueri & defendere possit; omnia enim loca ignis ille pertinget, omnia occupabit, omnia vastabit, quod si sedes relinquere, & in aliam regionem aufugere consilium sit, eò tandem huius dominationem & tyrannidem, huius impetum & vim esse peruenturam. cum verò iam ex facultate effectum, atque ex effectu facultatem ostenderit; deinde porro ipsam vim & copiam expositione & partitione declarat, simul & nocendi arguens voluntatem.

*Quasi aspectus equorum, aspectus eorum: & quasi equites sic current.*

CORPORIS & membrorum magnitudinem, animique ferociam & dexteritatem in bello, necnon & pugnandi cupiditatem, quanta hæc in Assyrio milite futura essent, describit. eam autem rem equorum imagine proposita ostendit, quibus persimilis hostis futurus est. namque id animal natura magnum & promptum atque intrepidum est, & ad bella ac pugnas committendum imprimis aptum atque audum; quamobrem belli symbolum apud antiquos fuit; nam ut oliua pacem, sic equus bellum hominum generi nocentissimum significabat, sicut scriptum est: Nunquid præbebis equo fortitudinem, aut circumdabis collo eius hinnitum. Nunquid suscitabis eum quasi locustas, gloriam narium eius terror. Terram ungula fodit, exultat audacter, in occursum pergit armatis. Contemnit pauorem, nec cedit gladio. Super ipsum sonabit pharetra, vibrabit hasta & clypeus. Feruens & fremens sorbet terram, nec reputat tubæ sonare clangorem. Vbi audierit bucinam, dicit vah: Procul odoratur bellum, exhortationem ducum & ululatum exercitus. Talem autem sese animo viribus & celeritate Babylonicum hostem aduersus Iudæos præstiturum esse Ioël docet:

*Sicut sonitus quadrigarum super capita montium exilient: sicut sonitus flammæ ignis deuorantis stipulam, velut populus fortis preparatus ad prælium.*

OMNIA hæc ad voluntatis argumentum & indicium pertinent: nam peditum velocitatem & cursus contentionem similem equitibus fore prædixerat, ita ut effugere sequentem nulli, neque equiti, neque pediti posset contingere, nunc terrorem & metum quem ipso impetu & celeritate, aut vocibus incutient, ostendit: nam contento cursu etiam montes superabunt, eoque fragore & strepitu, ut non pedites aut equites, sed totidem armati currus esse credantur: tanto autem fortius sonabunt, quanto fortior ex montibus quam ex vallibus sonus & voces audiri consueuere. Hæc in singulis eorum ratio vocis & motus & cursus erit, omnium autem simul terribilis & permixtus strepitus venientium, ei persimilis, quem flammæ, ubi aridas stipulas, paleas & spinas cõprehenderint, edere solent, ut vel ipso strepitu, fremitu & clamore maximus metus & vehemētissimus terror ijs quibus ea pestis imminet, incutiat. hoc est quod ait:

*A facie eius cruciabuntur populi, omnes vultus redigentur in ollam.*

METVS sanguine primum ad cor refugiente principio pallidos, deinde verò eodem conturbato atque refuso nigros efficit vultus. Est autem niger color omnium teterimus, & ad miseriam atque calamitatem plerumque refertur, ut apud Iob: Qui ponit humiles in sublimi, & obscuratos erigit sospitate sed & Pindarus nigredinem, tristitiam & miseriam appellauit. Rem autem ipsam noster vates naturæ ordine descripsit: nam causam prius, deinde

Ioseph. Hebraicè lib. 1.

Iob 19.

Iob 5. 17.  
Pindar. fragmen. 30.

deinde causæ ostendit effectum: ipso enim tanti mali spectaculo tantum timorem humanos animos peruasurum esse dicit, ut vultus ollis fumo denigratis persimiles reddantur.

*Sicut fortes current quasi viri bellatores ascendent murum viri in vijs suis gradientur, & non declinabunt à semitis suis.*

Q V A N T V M terrorem quantum expectantibus metum Assyriorum acies vel ipso sui spectaculo incussuræ essent, docuerat Vates: Sed vsu tamen aliquando venire solet, ut ex maximo & copiosissimo exercitu non tantum mali ac damni, quatum metueris, accipias, neque res gestæ minis & terroribus pares respondeant: vel quod vulgaris militum copia  
 10 & clamore, quam manu promptior sit, vel quod bellici vsus & disciplinæ ignara, neque ordinem aut modum in prælio tenere nouerit. quare & ipsa sibi multitudo impedimento potius, quam adiumento est: vel tandem quod non tam patientes laborum omnes in tanto numero sint, ut diuturni belli molestiam perferre possint; namque hæc omnia animi potius fortitudine, disciplina, vsu atque exercitatione, quam multitudine & copia constant.  
 15 Legimus autem in antiquis historijs, & nostra etiam memoria vidimus, summos quosdā & sapientes duces fuisse qui paucis & bene instructis militibus maximorum exercituum impetus virtute atque arte sustinuerint & perfregerint. Sed ne quid his simile sibi persuadere aut sperare Israëlita gens, & ceteræ etiam, quibus hoc malum imminebat, nationes possent, diligenti hostilium rationum descriptione huic cogitationi Vates occurrit,  
 20 ostenditque qualibus animis, cuiusmodi disciplina, qua dexteritate & vsu instructi Assyrij bellum capebant. Singulas verò res diligenter enumerat atq. appositis notis demonstrat. Primum autem in bellis gerendis cursu valere laus est, non ut victorem fugias, sed ut victum & cedentem persecutus comprehendas. currendi itaque facultatem virilem & gyganteam illis adscribit. [*Sicut fortes current.* Hebraicè est, *Sicut gygantes current.*] Alluditque ad illud, Exultauit ut gygas ad currendam viam. Cursus ergo illis victoriæ, non timor  
 25 miditatis, non fugæ turbatus, sed constans & exultans, qualis equorum, non qualis ceruorum est: idemque ad bellicam rem exercitissimus ut nullo obice valeat impediri: Est autem illud artis & bellicæ prudentiæ consilium, copiosum hostium exercitum in angustis expectare locis, vbi commodius à paucis & strenuis, quam à multitudine res expeditur:  
 30 tamen ad eam quoque rationem ita comparati Babylonici erant, ut nullis angustijs premi, nullis possint montium aut rupium difficultatibus impediri: quippe qui non solum montes & colles decliuiæque loca, sed muros etiam ad perpædiculum extructos strenuè ascendere & superare possint: Etenim manibus pedibusque uti pro rerum & temporum oportunitate atque quocunque loco hærentem victoriam petere, consequi & reportare didicere. hoc est quod dicit: [*Quasi viri bellatores ascendens murum.*] non nudi, non inermes,  
 35 sed armati etiam & clypeo & gladio astricto, ita ut ascendentes etiam pugnare possint. Quod verò ad multitudinem attinet, tunc inutilis copia esse solet, cum in ordinem redigi non potuit, ita ut alij alijs, quod minus rem strenuè agant, impedimento sint. Quamobrem qui bellandi peritissimi fuerunt, ordines certos excogitauere, quibus acies, cuneosque disponerent. eamque rationem religiosissimè & seuerissimè obseruari voluerunt, ne quis suum defereret, neue alterius locum occuparet. Si cui autem huius rei imaginè intueri libeat,  
 40 Vegetium, Tulliumque & alios ex antiquis & nouis auctoribus de re militari scribentes adeat. maximam enim partem in quacunque agenda re ordo & series sibi vendicat, sed id in bello præcipuè cognoscitur, vbi nisi ordo adsit, ipsi sibi mutuo comilitones non impedimento solum, sed exitio etiam sunt. Assyrij ergo duces sic instruere acies, sic instructos ordines deducere nouerant; ipsi autem milites suum quisque locum sic tueri, ut si animum  
 45 & virtutem spectes singuli milites integrum exercitum referre; si verò ordinem, singulæ acies singulis tantum militibus constare viderentur; ita cuique suus, cuique commodus atque oportunus constabat locus. ex quo fit, ut nec multitudine superari, nec virtute vinci, nec arte aut consilio frangi aut impediri possint. perinde enim liberi & expediti omnes, & commodissimis spatijs distincti incedunt, ut suam singulis viam seorsum munitam esse putes. Igitur [*vir in vijs suis gradientur: & non declinabunt à semitis suis.*] nec metu, nec alio quouis impetu aut casu deterriti, tanta illis in ordine seruando peritia, tanta religio, tanta in deferendo pœnæ seueritas est. Vbi Latine legimus *vir*, Hebraicè est *vir*, quod nomen in loco distributionem, quam dialectici singularem vocant, significat; idem quod

Psal. 18.

Veget.  
Tull. de re  
milit.

quod apud nos unusquisque, vel singuli. idem autem nomen in sequenti versu est:

*Vnusquisque fratrem suum non coarctabit.*

SED singulis rei gerendæ suæ integra erit commoditas. Neque vero singuli inter se milites stationem ordinem quæ tenebunt, sed cunei etiam ipsi, acies & alæ & vnaquæque exercitus pars suum nomen, suam figuram & munus suum ut fortita fuerit, rectè considerabit, hoc est quod dicit:

*Singuli in calle suo ambulabunt.*

QUOD si ad huiusmodi artes & disciplinas vnam apprimè necessariam rem secum miles afferat, nihil est quod in eo desiderari, nihil quod aduersus eum possit sperari. Id autem est animus ab omni metu atque ab omni cupiditate alienus; vtraque enim res metus & cupiditas tum menti consilium, & libertatem, tum robur corporibus detrahare imminuet, neque solet. ut ob certum periculum, aut ob præsentem prædæ aut lucri oportunitatem, statio deserta officium proditum; & res infecta demum reddatur. nec minus his animi perturbationibus Assyrius miles carebit, quam cæteris virtutibus & bellicis artibus atque institutis abundabit; nam quæ non solum pericula non expauescet, sed vltro ipsæ gloriæ & victoriæque studio adibit. ad prædæ autem & spoliolum contemptionem ita erit animatus ut nihil omnino cupiat, nihili lucrum aut quaestum faciat.

*Per fenestram cadent, & non demolientur.* sic Latinè. Hebraicè autem sic:

*Super gladium irruent: & non concupiscent.*

PRIOR pars obiecti periculi, posterior verò lucri contemptionem significat: ipse enim hostilem gladium ita contemnet, ut vltro etiam petat, & viuenti etiam hosti detrahat; tam intrepidus animus, tanta dexteritas, tanta in conficiendo celeritas & felicitas erit. Si verò vulgata spectetur editio, ad dexteritatem & felicitatem res est reuocanda; cum è fenestris saltu aut casu deiectos læsum non iri confirmet. Quoniam verò bellica laus non in victoria solum, sed magis etiam in victoriæ usu posita est: Nam quæ nonnulli duces fuerunt, qui vincere scirent, victoria uti nescirent. Quod & Hannibali Carthaginensi obiectum aliquando fuit. Ea res plerumque aut consilij inopia aut militum lassitudine, aut etiam prædæ & spoliolum cupiditate retardante, accidit. Tum verò maximè consilio & virtute opus est, quod minimum hæc si abundant, si autem deficient plurimum incommodi possint afferre, ubi hostis in prælio victus, & intra mœnia coactus est, nam quæ tunc desperatis extrema omnia tentari, tunc artes & doli intendi, tunc vires ad sui vltionem ex ipsa etiam mortis certitudine peti addique solent. pars è muris propugnare & portarum claustra munire, pars ianuæ occlusis sibi intra domos consulere, alij vias occupare atque defendere: sed ijs tamen omnibus superiorem se Assyrius miles præbebit, nam quæ non spoliolum & prædæ, sed victoriæ cupiditate, non sparsi aut temerario impetu, sed certis cuneis & copijs coactis plures simul partim effractis foribus urbem inuadent; partim muros ipsos cum maxima propugnantium perniciem occupabunt; alij clausarum domorum tecta conscendent, unde subiectis custodibus impunè nocere possint; quidam etiam per fenestras subeuntes reductos intra domum homines & ad portas defendendas constitutos neque opinantes subito opprimunt, hoc est quod ait, *tanquam fur*, quem nescias unde, aut qua hora venturum expectes. atque ita singuli omnesque simul suas partes agent, ut ad victoriam, ad gloriam, ad hominum aliorum perniciem, non ad suam cuiusque comoda comparati esse videantur. quibus ex rebus fiet, ut neque foris, neque domi, neque virtute, neque arte, neque consilio, neque dolo aut alio quouis modo superari aut effugi possint. Nam quæ

*Urbem ingredientur & in muro current: domos conscendent & per fenestras intrabunt quasi fur.*

Tantam autem calamitatem & humanarum rerum ruinam signa etiam quædam & prodigia tum in cælo, tum in terra præcedent, quælia ante maximas & nobilissimas rerum mutationes in antiquis historijs cõtigisse legimus, ut vel his signis testatum esse possit rem non fortuna, non casu accidere, sed Dei cælum, terram ac maria temperatis consilio euenire, neque enim casus aut temeritas hoc efficere potest, ut ex eodem hominum genere pars quædam subito vires atque animos fortissimos induat, cæterisque vim inferat omnibus & iugum imponat seruitutis grauissimum, atque hæc rursus victrix pars victæ subito succumbat, illis viribus, illis animis, quos ante habuerat, penitus destituta, hæc omnia præterquam



præterquam quòd ratio ipsa diuino consilio & nutu agi regi. arguit, signa etiam & prodigia oportunè edita declarant, sed multò etiam magis vaticinia diuinaque probant oracula. Prodigia autem tum in cælo, tum in terra, tum in vniuersa natura fieri solent. cuiusmodi terræ tremor, calor concussio, luminariumque obscuratio est, & marinæ etiam insuetæ procellæ, atque terribilis fluctuum cum exundatione sonitus, fluuiorum etiam recursus, petrarumq. concussiones & motus. huiusmodi prodigia Christi redemptoris mortem secuta diuinitatem illius gentibus etiam à religione alienis testata sunt. Matth. 24.

*A facie eius contremuit terra, moti sunt cæli Sol & Luna obtenebrati sunt,  
& stellæ retraxerunt splendorem suum.*

10 HÆC NOS NON hyperbolicè dicta interpretamur, nec ad homines tantum relata volumus, vt aduentante hoste Iudæi in eum terrorem, in eam sint trepidationem venturi quasi terra tremere, cæli concuterentur, & splendorem sol & luna negarent. qualia multa à poëtis componi solent, magnum hominum metum, magnam rerum trepidationem significantibus. nam quales hominibus futuri essent perturbationes, quanti  
15 pauores, quam impotens metus, iam Vates noster dixerat: A facie eius cruciabantur, populi, omnes vultus rediguntur in ollam. sed quæ hic dicuntur simpliciter expectanda accipimus, quemadmodum & illa à Christo diuino verbo prædicta: Erunt signa in sole & luna & in stellis, &c. quarum prædictionum ipsa res & veritas, non autem hyperbolica ratio expectanda est: Namque, vt diximus, hæc cælo terraque edita signa diuinam providentiam & consilium præsens etiam impijs hominibus, etiam providentiam negantibus testantur. legimus enim quosdā qui Deos esse negarēt, & omnia casu & temerario concursu constare dicerent, tamen tonitruis fulminibus subitisque cæli tempestatibus perterritos diuinæ ultionis metu tactos fuisse, sicut scriptum est: Vox Do- psalm. 28.  
25 mini super montes, Dominus super aquas multas, vox Domini confringentis cedros, vox Domini commouentis desertum cades, & confringet Dominus cedros Libani, vox Domini reuelantis condensa & in templo eius omnes dicent gloriam. & vnus quispiam ex his impijs in hanc etiam sententiam tandem confitetur.

*Parcus Deorum cultor, & infrequens,*

30 *Insanientis dum sapientiæ  
Consultus erro, nunc retrorsum  
Vela dare, atque iterare cursus  
Cogor relictos, namque Diespiter  
35 Igni corrusco nubila diuidens,  
Plerumque per purum tonanteis  
Egit equos, volucremque curram, &c.*

tandem subdit:

*Valet ima summis*

*Mutare, & insignem attenuat Deus*

*Obscura promens, &c.*

40 cum terrore & metu hæc prodigia & signa hominibus etiam impijs parant, sed tamen vaticiniorum oracula & prædictiones omnium testium longè grauissimæ & certissimæ sunt: cum res verbis & oratione prædictæ, cum rerum causæ & euenta, antecedentia & consequentia demonstrata nullum impietati, nullum stultitiæ, malitiæ denique humane nullum ad rem secus interpretandam locum relinquunt. Quamobrem non solum prodigijs & portentis, sed oraculis & propria diuinaq. voce sese consilium suum testaturum esse Deus ait, vt nulla ex his maximis & grauissimis rebus antè eueniat, quàm ab ipso per vates suos excitata atque vocata fuerit; neque cuiquam hominum moliri aliquid sine eius consilio aut permissu liceat; & quò maiori mole aliquid inceptum factumq. fuerit, eò magis probabile est Deo id auctore contigisse; nam quod reliquas omnes humanas  
50 superat vires, id non tam humanum, quàm diuinum esse ratio ipsa euincit. ob eam autem rem Vates ait:

*Et Dominus dedit vocem suam ante faciem exercitus sui: Quia multa sunt nimis castra eius: quia fortia: facientia verbum eius: magnus enim est dies Domini & terribilis valde, & quis sustinebit eum?*

QVEM AD MODVM maximi Imperatores penes quos rerum summa est, exercitus suos quocunque volunt, vocant & dirigunt, neque quicquam sine eorū imperio aut consilio à cæteris ducibus fit, alias enim neque certa atque integra ad agendum ratio esset, neque res ex administrantium sententia succederet. sic tantum, tam fortissimum, tamq̃ omnibus rebus & artibus instructum exercitum comparare colligere atque in perniciem orbis, maximè autem Israëlitiçi populi ducere, non nisi diuino contingere potest consilio. huius autem consilij index vox diuina est, multo antè tempore per vates pronuntiata, qua impijs & sceleratis hominibus bellum indicitur, & duces ipsi, per quos agèda res est, ad conducendos milites, atque ad expeditionem parandam animantur. hoc enim consilio & verbo diuino, hac diuinæ voluntatis vi & efficientia, numerus & vires exercitibus adduntur, ac bellicæ disciplinæ instituta facilius & melius capiunt & tenentur. ergo ipsa exercitus magnitudo, robur & constans virtus ac disciplina summum imperatorem præesse arguit & probat: nam maximè & optimi instructi exercitus optimum & maximum esse conuenit Imperatorem. Multa esse castra nimis, ad numerum pertinet, fortia verò ad virtutem & disciplinam, ad quam etiam illud: *[Et facientia verbum eius.]* ad hoc enim comparatus tantus exercitus, ad hoc instructus & tanto robore ac dexteritate auctus est, *[Ut faciat verbum Domini,]* atque prompta manu in omnes sceleratas & impias nationes, maximè autem Iudæos diuinæ vltionis ministrum se præbeat, sicut scriptum est: Domine in iudicium posuisti eum, & fortem vt corripere fundasti eum. Duas autem magni momenti res hic locus nos docet; altera est, humanam potentiam, copias, felicitatemque omnem non casui, non fortunæ, non proprijs, sed diuinis consilijs accepta referenda esse, atque ad eam normam gerendarū rationes rerum esse dirigendas. Altera verò res est; non licere hominibus diuina consilia cõtemnere, aut pietatē deserere, neq. ijs qui hæc admitterint securis agere & sine metu; nam vt lenta sit, tamè maxima & grauissima diuina ira & vltio est. id quod ex ipso apparatu arguitur: quò enim tardius res agitur & paratur, eò grauiori crescit & perficitur mole. quantus autem & quàm instructus Babyloniorū exercitus à Deo vocatus, & ad totius orbis impietatem & scelera vlciscenda ductus fuerit, ille eiusdem sententiæ apud Isaïam, locus declarat: Et eleuabit signum in nationibus procul & sibilabit ad eum de finibus terræ: & ecce festinus velociter veniet. Non est deficiens neque laborans in eo; non dormitabit neque dormiet, neque soluetur cingulum renū eius, nec rumpetur corrigia calciamenti eius. Sagittæ eius acutæ, & omnes arcus eius extenti. vngulæ equorum eius vt filex, & rotæ eius quasi impetus tempestatis. rugitus eius vt leonis, rugiet vt catuli leonum, & frēdet & tenebit prædam, & amplexabitur, & non erit qui eruat. & sonabit super eum in die illa sicut sonitus maris: aspiciemus in terram, & ecce tenebræ tribulationis & lux obtenebrata est in caligine eius. hic locus planè cum hac Ioëlis sententia conuenit, de quæ eadem re omnino est. atque hæc vox etiam est quam Dominus dedit à facie exercitus sui. *[Quia magna dies Domini.]* diem vltionis significat, cum Deus qui se misericordem, qui patientem & dissimulantem peccata hominum propter pœnitentiam eorūque præbuerat, se tandem iudicem præbebit. *[Et quis sustinebit eum?]* magnitudinem & difficultatem inenarrabilem hæc dicendi figura ostendit; nam cum Vates interrogat, *[Quis sustinebit eum?]* se id nescire confirmat. sed quæ res vatum diuinam mentem fugiat, eam rem nemini alij certam esse constat. sic apud Psaltem: Quis nouit potestatem iræ tuæ & præ timore tuo iram tuam dinumerare?

Nunc ergo dicit Dominus, conuertimini ad me in toto corde vestro, in ieiunio, & in fletu, & in planctu.

Psal. 139.

[NUNC ERGO, Hebraicè Etiam nunc.] Misericors & miserator, & iustus Dominus, qui non in perpetuum irascitur, neque in æternum comminabitur, non secundum peccata hominum faciet eis, sed secundum suam misericordiam saluos facit sperantes in se. Ipse inuitus punit, ipse vltro misericordem sese promittit & præstat: iam nunc in ipsa calamitatum prædictione, iam inter minas ipsas misericordiam cogitat, iam res restituendas vltro ipse parat, & quibus rebus hoc præstari possit, eas res iam adornari & instrui iubet. Atq. in hoc loco diuina illa Iudaicarū rerum restitutio prædicitur, quæ post certos annos, hoc est, septuaginta, contigit: quam Deus, vt illi maximo suo consilio de humani generis salute non deesset, effecit: Noluit enim eam gentem, ex qua maximus ille totius orbis redem-

redemptor oriturus erat, omnino perire, sed eousque conseruare & fouere, quoad res illa tam praclara, tam omnium maxime necessaria procuraretur. Quoniam autem diuina misericordie maxima beneficia sine fide & poenitentia plane vt hominibus contingant, non conuenit, ob eam rem ad poenitentiae studium etiam in hoc tempore & in hac conditione constitutos ludros diuino verbo Vates hortatur. eam autem veram esse poenitentiam non simulatam vult, quae internis animi virtutibus & veritate magis quam externa aliqua specie & umbra paretur. Eam vero rem, diuini ingenij descriptione & consilij etiam demonstratione suadet. Cum Deus misericordem se & sui similem semper professus fuerit & praestiterit. Conuersionem in corde primum desiderat, deinde huius conuersionis argumenta publice ostendi iubet: [in ieiunio, fletu & planctu] haec enim si pure sancteque fiant, non quidem conuersio ipsa, sed laudatissima conuersionis sunt argumenta. atque haec poenitentium hominum exercitationes & studia hominem ipsum propius, quam ceterae res & species attingunt. propterea ait:

15 *Scindite corda vestra, & non vestimenta vestra.*

Misnaioth  
de volumine  
paruo. c. 3.

VESTES in magnis doloribus, à collo ad pectus secundum humeros scindere moris fuit antiquis, sed ieiunium, fletus & planctus ex animi magis studio & voluntate orta videntur, & eius apud quem agitur animum vehementius mouent: veram ergo esse cordium, hoc est, voluntatum scissionem, veram consiliorum, studiorum & totius vitae emendationem vult, non quae externa umbra aliqua sine vlla veritate praestetur. Cuiusmodi illud est: Cum ieiunatis, nolite fieri sicut hypocritae tristes, exterminant enim facies suas, vt appareat hominibus ieiunantes: namque vera & commodissima poenitentia Deo potius, quam hominibus sese probare amat, sicut scriptum est: Cor contritum & humiliatum Deus non despicies. huiusmodi ergo conuersionem Deo probadam suadet Vates, quam si vera & probata fuerit, nunquam fore vanam, nunquam fructu carituram confirmat; agitur enim res cum Deo natura sua ad misericordiam propenso, ad benignitatem facillimo, ad iram tardissimo: neque enim per singulos dies irascitur, consequens ergo est si ab eis res recte procurata sit, per Deum non esse repugnandum, quominus aliqua illis salus restituatur. Igitur,

Marth. 7.

Psalm. 51.

30 *Conuertimini ad Dominum Deum vestrum.*

DVO nomina hic sunt, Dominus, quod Hebraice est quatuor literis constans nomen, alias ineffabile, cuius nominis ea quae frequentius obseruatur ratio, ad misericordiam spectat; Alterum nomen est ELOHIM, quod ad mundi gubernationem proprie pertinet. est autem huiusmodi sententia: Cogitate quemadmodum paranda atque agenda vobis poenitentia sit, & ad quem vobis tota haec ratio referenda est, [Ad Dominum,] scilicet misericordem & benignum gubernatorem & principem vestrum; cui vos olim in proprium peculium fuistis egregie praeter ceteros homines delecti. quam certa vero vobis haec merces futura sit, quam magnum quaestum factura ipsum Dei vestri ingenium cogitare & sperare iubet.

יהוה

אלהים

*Quia benignus & misericors est, patiens & multa misericordiae, & praestabilis super malitia.*

SINGULA verba vt ad amissim expenderentur, maiori tum spatio tum ingenio opus erat: Sunt enim haec ex his quae Dei mores (vt ab Hebraeis dicitur) explicant, quorum perpetuam cogitationem hominibus esse oportebat. sed breuiter singulorum indicabimus originem, vt pijs animis ad significationis & sententiarum cum magna delectatione atque vtilitate vestigandam magnitudinem aditus aperiatur. Prima vox est HANNVN, pro qua interpretes praeter Latinae linguae inopia non incommodè reddit benignus, sed vox ipsa gratiam proprie sonat, hoc est, naturam & voluntatem ad beneficentiam vltro propensam, & quae antequam petatur, quid opus alijs sit & intelligat & donare cogitet. huic rei non dissimilis benignitas significatio apud Latinos est. vt illud: Quippe benignus erat. Potest etiam nomen HANNVN Latine verti Gratuitus, cui mercenarius & conductus opponuntur: nam liberalitatem gratuitam, hoc est, sine praemio sine mercede benignam, & gratuita etiam suffragia Cicero dixit. Secunda vero vox est RAHHVM, quod grauiore

Hora. Serm.  
lib. i. Sar. 2.  
Cicer. in Phi-  
losof. lib. 2.  
pag. 195.  
Orat. lib. 2.  
pag. 270.

רחום

etiam habet significationem: Quippe ex eodem fonte hoc nomen deriuatur, ex quo  
 רַהֵם, quod viscera materna significat. quod si nobis vocabula Latine fingere lice-  
 0077 ret, quemadmodum Theologis illis Ortuino atque socijs licebat, libenter pro רַהֵם  
 redderemus visceratissimum, hoc enim vocabulo illi inter alia vsi sunt. Hispanus quidem  
 sermo congruens huic verbo, verbum habet, *entrañable & de sentrañarse*: quibus vocibus  
 amorem internum vehementissimum ex ipsis visceribus emanantem indicat, Latine tamen  
 lingue religio huiusmodi etiam fingendi cōpescit audaciam, sed circumloquijs & descen-  
 ptionibus hæc simplicium verborum egestas sustentanda est. Tertium verbum est,  
 0088 פָּתִיחַ *Patens*. Hebraice פֶּרַח פִּתְּחָאִים, quod ad verbum latis naribus hominem signifi-  
 cat: nam qui angustioribus naribus sunt, citissime irarum fumos concipere, & tardissime  
 ac difficillime efflare deponereque iram solent. Ira enim sedes & origo in iecore præcipue  
 est, argumentum vero in naribus, contra qui latiores narium fenestras habent, & tardius  
 irascuntur, & facilius ac citius placantur. huic rei similem naturam Deo ascribit Vates,  
 non cui nares, aut membra alia sint, sed cui eminenter ea virtute atque patientia longa sit  
 dissimulatio, quæ in ijs, quibus lentissima ira & latissimæ nares sunt, laudari solet: nam  
 quidquid in creaturis boni est, in Deo eminenter esse cōmunis omnium Theologorum  
 sententia & oratio est. Quartum autem verbū est, [*Multa misericordie*. Hebraice verò  
*Mulus misericordia*.] estque id quod diuus Paulus diues in misericordia interpretatur,  
 qui non parce, non coacte misericordiam impartiri solet, sed plus etiam quam petimus  
 aut intelligimus, namque in ea re se maxime diuitem ostēdit: si enim sapientiam eius con- 20  
 sideres, si virtutem, si harum rerum singula genera & argumenta expendas, omnino infi-  
 nitum atque immensum pelagus tentaueris: si verò misericordiam eius à generatione in  
 generatione erga timētes eum cogitare velis, profecto in illud prorupes: Suavis Dominus  
 0099 in vniuersis, & misericordia eius super omnia opera eius. Vltimum porro verbum est,  
 0100 [ *Præstabilis super malitia*. ] hic dicendi modus frequens in sacris libris est, quem non per- 25  
 petuò iisdem verbis Latinus reddit interpret. Hebraicæ voces propriè significat, consola-  
 bilis super malum. significat autem animū placatu facillimū, & qui facile odium, minas  
 & nocendi cogitationem deponat cui vel malum iam inferenti, tamen verbera & virgas  
 aliaque omnia arma tē manibus orando & supplicando eripere non sit prorsus difficilli-  
 0105 mum. Eodē dicēdi modo vsus est Moses, vbi Latinus vertit: Esto placabilis super malitia 30  
 „ populi tui. & paulò inferius. Placatus, inquit, est Dominus, ne faceret malum, quod locu-  
 „ tus fuerat aduersus populū suum. & apud Ieremiam: Agam, inquit Deus, ego pœnitē-  
 0110 0088 תִּנִּיחַ *ti-ni-ch* tiam de malo, quod cogitavi facere ei. idem verbum נֶאֱחָם est, pro quo nunc pla-  
 cabilis, nunc placatus, nunc verò pœnitēs, atque hoc in loco præstabilis Latinus interpres  
 reddit. *Malitia* autem in his omnibus locis pœnas & supplicia intelligimus à Deo iuste in 35  
 sceleratos illata, cui nomini si casus genitiuus adiungitur eum casum passiuè accipi con-  
 uenit. *Malitia* populi tui. hoc est: malo & pœnis à populo tuo sustinendis. Iam verò hæc  
 omnia simul iuncta, Domini Dei nostri ingenium nobis cogitandum proponunt: nem-  
 pe naturam sponte ad gratiam, ad gratuitum beneficium propensam, visceribus aman-  
 tissimis præditam, ad iram lentam, & ad placandum facillimam, quæ peccata homi- 40  
 num diu propter pœnitentiam dissimulet, cui nullus misericordiarum numerus est, sed  
 qui affluenter omnibus dat, atque in ea re suas maxime diuitias spectandas proponere  
 0115 0116 1. Corint. 12. 2. Rom. 10. gaudet, atque adeò ab ira, à nocendi & puniendi cupiditate sese præbeat alienum, vt vel  
 in ipso iustæ animaduersionis articulo & supplicium de hominibus sumere doleat, & se  
 exorari libenter sinat, si modò ea res rectè & legitimè procurata sit. Cum ergo talem se 45  
 semper Deus professus omnibus argumētis præbuerit, quis tam suæ salutis negligēs, quis  
 tam huius veritatis ignarus est, qui hanc tam certam artem non esse experiendam existi-  
 met. aut quis certum exploratumque habeat vel Dei iram hac in re non placatum iri,  
 vel humanam malitiam vt non sibi placatus Deus sit, fuisse commeritam.

*Quis scit si conuertatur, & ignoscat Deus, & relinquat post se benedictionem,  
 sacrificium & libamen Domino Deo nostro?*

Non ambigit Vates an Deus placari possit, quem placandum ipse statim confirmat,  
 sed eius rei in dubium vocandæ audaciam in hominibus refrenare vult, vt nemini vide-  
 licet liceat profiteri, se id scire quod Deus prædicendum per vates curarit, nunquam esse  
 reuo-



reuocandum, latamque sententiam certam, quæ infringi non possit: Nam quis id iactare  
 audeat: quis vias Domini, quis sapientiæ & misericordiæ rationes numeratas exploratasque  
 habet: Nouit enim Deus & suæ iustitiæ satisfacere, & misericordiā pariter præstandam,  
 (qua ipse re plurimum delectatur) vias inuenire aditusque. patefacere multò plures, quàm  
 5 ab vilo hominum aut angelorum cogitari possint: quantum enim distat ortus ab occi-  
 dente, tantum illius vias ab hominum vijs distare ipso eodem docente didicimus. quis  
 igitur scit: vt affirmare possit super vacuā esse pœnitentiam. imo verò vates ait, hoc vobis  
 promittere ego possum, nunquā eum misericordiæ hac in re obliuisci, etiam cum iratus  
 fuerit, sed pacis, interim dum punit, dum pœnas de Iudaico populo sumit, cætera Deo cogitanda  
 10 cogitationes esse cogitaturū, dummodo homo officiū faciat suum, cætera Deo cogitanda  
 atque agenda permittatur, cui humana salus charior quàm ipsis hominibus est, & parandæ  
 salutis viæ omnes illi soli cognitæ & exploratæ sunt. Animaduersione dignū est, Hebraicè  
 nullam hoc in loco conditionalem esse vocē, sed hoc modo ad verbum legi: [*Quis scit,*]  
 hic punctus coma est, & statim subiungitur: [*Conuertetur & pœnitebit, & relinquet post se*  
 15 *benedictionem, &c.*] Ita *Quis scit*, non affert, sed prohibet dubitationē. cætera verò verba  
 à Vate dicta bonam restituendæ rei, ijs apud quos agitur iniiciunt spem. Quanquam au-  
 tem communis hæc sententia & Catholicum axioma est, nulli veram pœnitentiam in-  
 utilem fore, neque Dei misericordiam exhaustam esse posse vnquam atque ad omnes  
 homines hæc ratio pertineat, tamen ad Iudæorum res & ad Ierosolymitanæ reipublicæ  
 20 restitutionē de qua vati nostro sermo est, cōmodè hic est referenda. Namque Iudaicarum  
 rerum restitutio illa, quæ Zorobabele duce contigit hoc in loco promittitur & prædici-  
 tur: Post septuaginta enim annos ex quo Babylone seruitutem seruierant, Diuino cōsilio  
 in patriam veteresque domos remigrare permissi sunt. Verum enimverò cum nō ad eum  
 nitorē, ad eam felicitatē, in qua antea eorum res fuerant, redierint; quippe bona eorum  
 25 pars bello occisa & extincta fuerat; ex ijs autem qui captiui abducti sunt, partim in ipsa  
 seruitute periēre, partim alio migrare coacti, alij ab exilio reduci noluerunt; ex quibus re-  
 bus omnibus factum est, vt reliquæ quædam tantum ex illa maxima copia, ex illa felici-  
 tate redirent. ob eam rem ait: [*Relinquet post se benedictionem.* Hebraicè, *Reliquam faciet post*  
*se benedictionem.*] Huic reinon dissimile illud est: Nisi Dominus Deus exercituum reli- Isaia 40  
 30 quisset nobis semen hoc velut exiguum, quasi Sodoma fuisset, & Gomorrhæ similes  
 essemus: Nam præterquā quòd tanta ciuium multitudo desiderata est, religionis & ce-  
 remoniarum sacrificiorumque maiestas illa multum est imminuta. ita benedictio hoc in  
 loco partem aliquam tum gentis, tum sacrorum significat, qualem ipse Vates indicat:  
 [*Sacrificium & libamen Domino Deo nostro?*] Quippe ad conseruandam eam Rempub.  
 35 Interim dum Christus nasceretur & suū negotium in ea vrbe perageret, aliquo sacrorū  
 vfu opus fuit, sine quo ciuitas hominumque societas contineri non possunt. Ac tantum  
 quidem illis sacrificiorum & libaminum cultus restitutus est; cætera verò omnia vt  
 prophetiæ & oraculorum frequentia, *V R I M* & *T H V M I M*, sacra arca, aliæque maiestatis  
 & præsentis diuinæ argumenta omnino sublata sunt. Haftenus ergo prioris templi &  
 40 Iudaicarum rerum comes ruina & restitutio prædicta est: Nunc porro posterioris illud  
 extremumque templi totiusque gentis excidium prædicentem Vatem audiamus:

*Canite tuba in Sion, sanctificate ieiunium, vocate cætum.*

TOTIVS temporis ex quo Romani Ierosolymam inuasere & cepere usque ad vlti-  
 45 mam Israëlitarum restitutionem, turbas, tumultus, calamitates, omnem denique tempe-  
 statem breuissimè Vates describit & nuntiat; namque vrbis & templi excidium primis  
 duobus versibus indicatur. deinde longa hæc & luctuosa tempora, quibus captiui & di-  
 spersi inter nationes detinentur, & maximum hoc libertatis desiderium quo semper  
 aguntur. vltimo autem loco vera illis felicitas animorum & vitæ lux qua diuino benefi-  
 50 cio donandi sint, præcinitur. vt autem in præcedenti vaticinio tubarum & cornuum so-  
 nitu ad nouam & calamitosam rem expectandam populos conuocari & indicto ieiunio  
 conuenire iusserat; sic nunc eodem signo dato maximam belli perniciem timeri & sum-  
 mo cum luctu atque eiulatu iubet expectari quæ communis omni ætati, sexui, omni  
 denique ordini futura est. Cornu autem signum datum præter ea quæ iam dicta à no-  
 bis sunt, bellum proximum, imò, instantem pugnam significabat, sicut scriptum est:

Amos 3.

Si canet tuba in ciuitate & populus non expauescet: magnum itaque periculum imminens hæc quæ indicit, significare solent, tubæ sonitus & cœtus congregatio, quam cessationem publicam esse iam diximus: Quando autem communis omnibus formido, imò communis impendebat tempestas, omnibus indicendam esse cessationem, ieiunium & luctum declarat. [*Sanctificate ieiunium, vocate cœtum.*]

*Congregate populum, sanctificate Ecclesiam.*

POPVLVS prius è suis quisque locis vocatur; hæc populi congregatio est, deinde in vnum coactis conciones pro rerum occasione fiunt. hoc est sanctificare Ecclesiam. sanctificare idem quod separare esse iam in hoc vate & in Hossea diximus; namque aduocata conciones ad quas de gratissimis rebus referendum est, Ecclesiæ sanctificatæ dicuntur, vnde & nomen Ecclesiastes Græcè factum est, quod Latinis concionatorem significat. Quoniam autem illa ærumna passim omnibus ferēda erat, ideo omnes ad luctum planctumque vocantur, namq. hoc modo & singulorum dolor communicato sensu augetur, & diuinæ misericordiæ viscera publicis nocentium simul & innocentium lachrymis & clamoribus citius commouentur.

*Coadunate senes: congregate paruulos & sugentes vbera: egrediatur sponsus de cubili suo, & sponsa de thalamo suo.*

MISERANDVM omnino spectaculum dum senes malorum sensu & ætatis imbecillitate, infantes fame, sponsi & sponsæ, quibus læti dies esse debuerūt, præsentis miseriæ dolore oppressi omnes pariter lachrymis, clamoribus & luctui concedunt: Sponsis enim quietem & immunitatē munerum omnium lex in nuptialis lætitiæ gratiam dabat, quam præsens tamē dolor negabit omnibus, quibus par ærumna & æqua simul imminet ruina. quibus & Christus ob eam rem dixit: Filix Ierusalē nolite flere super me, sed potius flete super vos & super filios vestros: Quoniam ecce dies venient, in quibus dicetis: Beati sterciles & ventres qui non genuerunt, & vbera quæ non lactauerunt. Neque solum populum, sed sacerdotes maximè ipsos hæc tanget miseria: Quippe extremus eorum officij dignitatus, atque demum vniuersæ illius gentis gloriæ & felicitatis dies futurus est, vbi tota illa Iudaicæ rei facies obscurāda, & synagoga ipsa à Deo tandem repudiabitur, sicut scriptum est: In sceleribus vestris dimisi matrem vestram, quia veni & non erat vir; vocaui, & non erat qui audiret.

*Inter vestibulum & altare plorabunt sacerdotes ministri Domini:*

NOS vbi hoc interpretandi munus suscepimus, ita Deum propitium nobis esse cupimus, vt quarundam rerum, quæ in sacrorum librorum rationibus frequentes sunt, tractationē explicare possemus, quò semel intellecta res omnibus in locis vbi opus fuerit iuuare lectorem posset. ex his vnum est prioris & posterioris templi exacta descriptio, quæ nisi planè fuerit intellecta, longū & inutile negotium, vbi mentio aliqua de eius partibus incidit, exponentibus faceffit. Interim dum id quod optamus contingit, locum hunc inter vestibulum & altare, quæ Christus inter templum & altare nominat, eam in templo partē quam sacerdotalis ordo frequentabat, fuisse dicimus. quo in loco lugere nefas fuit, neque enim in magni regis domo ministros mœstos aut plorantes esse decuit. cum autem luctibus & clamoribus eam etiam partē implendam esse prædicat, atque ab ijs maximè, quibus loci sanctitas custodienda seruandaque fuerat, signum est eam rem non ad ipsorum modò, sed ad loci etiam ruinam, ad maiestatem & sanctitatem violatam pertinere, ita vt sacerdotes sese suaque sacra & templi pollutam sanctitatem, atque omne iam deficiens decus deplorent. cuiusmodi autem ea deploratio futura sit exponit:

*Et dicent, Parce Domine, parce populo tuo: & ne des hereditatem tuam in opprobrium, vt dominantur eis nationes. quare dicent in populis, vbi est Deus tuus?*

ORATIONIS ac deprecationis argumentum præscribit, cuius sententiæ perpetua in orationibus deprecationibusque frequentandis Iudaico populo futura est, quam diu miseri, abiecti & repudiati inter gentes detinebuntur: Etenim quanta qualisque miseria, quanta illos maneret ignominia, iam ex eo peruidebant, quòd templi sui ruinam & abominationem in loco sancto conspicerēt, & eam omnino faciem, eum rerum suarū statum deficere.

deficere & labefactari intelligerent. nullum ergo in tanta miseria orationis genus deprecatione aptius commodiusue fuit. Constat autem deprecatio duobus potissimum generibus, misericordiae imploratione, in qua rei confessio simplicissima est; & eius apud quem agitur dignitatis & nominis ratione, cui rationi magis misericordia, quam ultione consuli  
 5 posse ostendatur. Populus ergo in hac oratione suam culpam confitetur, & supplex se in noxa esse manifestat, neque aliud pro se usurpandum verbum ducit quam illud, *Parce domine*. Domini autem nomen illud Hebraice ineffabile quod ad misericordiam maximè pertinet, appellatur. Qui autem ut sibi ignoscatur, petit, is nullas suas virtutes, nullas commemoratione dignas res allegat, sed diuinam tantum misericordiam & fidem im-  
 10 plorat. si quid autem est quam ob rem id quod petitur impetrari deceat, id ad eius qui oratur dignitatem & gloriam pertinet, ut quod dicitur, *populo tuo*. Namque diuinæ sapientiæ & bonitatis est, providere ne is populus pereat funditus, quem ipse sibi singulari gratia ad-  
 optauerit, quem tantis beneficijs affecerit, quem statuerit præter ceteros populos egregiè fouere, cum multorum inuidia & omnium admiratione. neque id tantum in populi  
 15 gratiam, quantum diuini consilij perficiendi, & misericordiae propagandæ causa, fieri cōuenire, ne de diuina voluntate erga populum dubitetur, nec sua in omnes misericordia in dubium vocetur. Igitur qui alijs etiam populis parcis, qui misericordiae largissimos fontes omnibus nationibus aperis, qui gentes ad lucem tuam admirabile vocas, parce etiā anti-  
 20 lum grata fuit, quam frequentare colereque iuuabat, in opprobrium atq. ignominiam dedatur, & imprimis illa digna est, quam restituas, quam ab opprobrio tuearis saltem, eò  
 quod tua fuerit, quod tuum nomen super eam inuocatum sit: etenim indignum est, ut quisquam tui nominis maiestatem tentare aut prophanè tractare audeat. tui ergo nomi-  
 nis rationem & memoriam sanctam esse omnibus oportet, hoc abs te provideri oramus,  
 25 ne quibus tu gloriose imperaueris, iisdem aliarum nationum hominibus ad contumeliam subijciantur: nam quid facies nomini illi tuo magno? ita ne alienus à nobis atque à laude tua eris, ut omnino desertos nos esse patiaris, sic ut alij nos tanquam gentem  
 eam æstiment, cuius tibi nulla sit cura, nulla providentiæ ratio? atque ideo omnia sibi li-  
 30 cere putent, & petulanter propterea in nos grassentur, quod te nostrum vindicè non timeant. Ne igitur nullum Deum nobis esse credant & affirment. [*Quare dicunt in populis ubi est Deus tuus?*] Omnis autem hæc oratio allegoricè dicta est: namque translationem quam de locustis incoeperat, adhuc persequitur, & in sequentibus etiā vrget. ad huius verò quā  
 modò legimus, orationis exemplum, omnia publica & priuata de hac re vota, omnesq. solenes Israëlitarum preces, etiam hoc tempore fieri consueuere. cuiusmodi frequē-  
 35 tia exempla in eorū libris, quos cidurim, hoc est ordinarios vocant, leguntur.

Jeremi.

Jerem. 31.

Ordinatio Hebraeorum libri.

*Zelatus est Dominus terram suam, & pepercit populo suo.*

Nunc quia assidue & constantis orationis nullus fructus fuit, si modò ea ab animo  
 40 fidei & contrito corde humiliatoque spiritu profecta fuerit; maximè cum oratio misericordiam illam nunquam exhaustam impleret, & diuino nomini & gloriæ nitatur, si propriam orantis miseriam, non virtutem, non res bene gestas, sed ærumnas exponat. Neque peccatorum poenas & supplicia cum sui nominis & gloriæ detrimento augeri Deus patitur. quā-  
 45 obrem ubi iam Israelitas vehementer ab alijs nationibus oppressas, ubi usque ad diuinitatem nominis violationem contumelia vexatos viderit, misericordiae suae antiquae & dignitatis memor vindicabit, profecto hereditatem suam, indignissimisq. iam modis vexatam respiciet, & parcat populo suo. *pepercit* verbum Hebraicum commotionem & humanitatem maximam indicat. præteritum autem tempus propheticae visionis habet certitudinem, Vati enim perinde, ac si gesta res iam esset, spectanda obiciebatur.

50 *Et respondit Dominus & dixit populo suo: Ecce ego mittam vobis frumentum, & vinum & oleum, & replebimini eis: & non dabo vos ultra in opprobrium in gentibus.*

Futura post tempora nostra Israelitarum restitutionem, cuius rationem apud Hoseam longius persequuti sumus, hoc in loco eandem adhuc imaginem exprimendo Vates depingit & promittit: namque ut antè locustis nocentibus, nullus neque tritici,

neque vini aut olei, neque ficuum etiam fructus fuerat relictus, sed horrida tantum in terra solitudo, & in agris vastitas viscebatur. atque his imaginibus extremam eius populi perniciem, & totius felicitatis desiderium contēplabamur, sic hoc in loco ductis rursus in tabulam coloribus, quibus agrorum amœnitas & frugum copia omnium effingitur, felicia illa tempora Israëlitis expectanda significantur, cum nō ad antiquam illam terrenā, sed ad spiritualē planē & cælestem vitæ prosperitatē, ex ea qua nunc detinentur miseria Dei beneficio recipiendi sunt. ea autem res atque significatio, (præterquā quod in Chaldaicis biblijs expressa est, hoc modo, Ecce ego benedicā vobis, &c.) his verbis indicatur: *[Et nō dabo vos ultra in opprobrium in Gentibus:]* Namque in gratiam recipiendos, in eaque stabiliendos promittit, ut nemini dubium de ea re esse possit, neminique illos aut diuina tutela destitutos arbitrari, aut quietos impunē turbare liceat: sed ubicunque terrarū fuerint, summa admiratione & plausu cunctis nationibus excipiantur, quibus antea ludibrio & despectui fuerant: Etenim ad veritatis lumen & christiani nominis professionem ad ecclesiæ etiam societatem diuinis illis Spiritus sancti muneribus reducendi sunt, quæ muna Iesu Christi virtutem & veritatem omnium maximē testantur. de quibus scriptum est: *Contestāte Deo signis, miraculis & portentis & varijs Spiritus sancti distributionibus.* In hac ergo maxima felicitate in hoc loco constituendi sunt, ut sine timore de manu inimicorum suorum liberati, seruiant Deo in sanctitate & iustitia coram ipso omnibus diebus vitæ suæ. Neque verò ab hostibus & inimicis externis, sed ab internis etiam tutos fore, & Ioël & Zacharias prædixere: nā qui populo Dei maximo impedimento ad purē sanctæque Deum colendum esse solent, non tantum externi hostes, quantū interni sunt, sicut scriptum est: non quod volo bonum hoc ago, sed quod odi malum illud facio: inuenio enim aliam legem in membris meis repugnantem legi mentis meæ & captiuum me ducentem in legem peccati & mortis: Hæc ubi conquestus ille esset, cum ingenti dolore & salutis desiderio aiebat: Infelix ego homo quis me liberabit à corpore mortis huius? cui respondit Apostolus: Gratia Dei per Iesum Christū. hæc potest liberare à corpore mortis & liberabit. ut sine timore liberatus seruias illi in sanctitate & iustitia omnibus diebus vitæ tuæ. Atque hanc plenam & integram ex utroque hostium genere libertatem hoc versu Vates significauit:

*Et eum qui ab Aquilone est, procul faciam à vobis: & expellam eum in terram inuiam & desertam: faciem eius contra mare oriētale, & extremum eius vsque ad mare nouissimum: & ascendet fætor eius, & ascendet putredo eius, quia superbē egit.*

Cum autē duos annos Aluarus Lugus meus, & ego Ioannem Bouiū Compluti intra priuatos parietes, procul omni ambitione delitescentem vnā adiremus, quē ego absentem multò antea fama & virtutis nomine notum & amatum, tunc primum præsentem salutabam. Est autem hic Bouius nostras Hispanus non ille Bononiensis nuper Astunensium Episcopus, nunc verò Brundusiensium Archiepiscopus, qui Clementis institutiones nobis e tenebris eruit & latinas fecit, quamuis neq. virtutis & religionis studijs, neq. sacrarū disciplinarū peritia alter alteri impar sit: vtrumque enim nouimus, atq. vtriusque consuetudine vti iam sumus familiariter. sed ad nostratem redeo; cum post Christianæ amicitie mutuam salutationem de varijs rebus amici tres sermones misceremus, atq. in ijs de Hebraicæ linguæ mysterijs mentio etiam oportuna incidisset, memini Ioannem dixisse, meritò illā linguā à Deo ad sacros arcanosque libros primū scribendos fuisse usurpatā. Quandoquidē (aiebat ille) diuinæ cogitationes grauissimæ & pręgnantes sunt, ea verba diligenda fuere, quæ grauissima omniū significantissimaq. inueniri possunt. qualis Hebraicorum verborum natura est, quæ vno etymo plures res ad eandem rationem accommodatas significare solent, neque id æquiuocē aut confusē, sed (si modò sapienter discutiantur) satis pro singularum rerum natura distinctē. addebat ille etiam optandum esse, ut quicunq. sanctissimū Theologiæ sacerdotiū appeterent, huius primum linguæ sacris initiaretur, ut maximos illos sapientiæ fontes, qui in diuinis scātēt libris, facilius adire & copiosius bibere valerent. Hæc docti & pij viri sententia, sæpē aliās & hoc etiā in loco nobis in mentē subitō venit, ubi in nomē illud Septentrio, siue septētrionale, incidimus. sic enim Hebraicē est: *[Et septentrionalē elongabo à vobis.]* Habet autē certæ notæ articulū nomen



nomen *septentrionalem*, cuius significatio Latinis ignota est, quoniam toto eo articulorū genere Romanus sermo caret, quo Græca & Hebraica, aliæq. etiā barbaræ linguæ abundāt, & ἀπὸ βορρᾶ Græcè est. Est autem & illud ad huius loci expositionē animaduertendum, quod quatuor mundi partibus, quas angulos diuina scripta dicunt, quatuor vērī nomina & notas Hebraicè faciunt, qui subsolanus fauonius, circius & Africus à nostris nominantur. At Christus à quatuor, inquit, ventis à summo cælorū, &c. ex his ventis vnus est Circius, qui Græcis Boreas, Hebræis autem Szaphon est. quæ vox absconditum & absconsonem Latinè sonat; quod eius venti certa origo & locus vbi primum spiret, ignotus sit: Namque aliorum ventorum certæ vnde oriuntur partes sunt, quas superare & retrò linquere, nauigando atque itinere agendo contingit, septentrionalem autem ventum, quāuis directo & contento in eam mundi partem cursu præteruadere non est. Flat autē adeo ab alto, vt non in terra, sed in sublimi concipi credatur, & in quamlibet orbis plagam temon à nautis dirigatur, eò incumbit & impellit nauem, ita vt quatuor simul naues oppositis cursibus hoc vento spirante ferantur; nubes etiam ita vi sua dissipat & fugat, vt penitus abscondere atque occultare videatur. ex his omnibus rebus nomen ei vento factum fuisse creditur. In Hebraicis verò mysterijs huius etiam venti nomine lethalis illa & venenosa vis nominatur, quæ in mortalibus hominum membris post primi parentis labem innata, delitescit & feruet, qua quies illa animorum turbari, & maximè vitiorum tempestates commoueri & concitari in hominibus consueuere. Quam latina theologia aut concupiscentiam, aut peccati fomitem, aut alijs nominibus vocat. Paulus autem corpus peccati & circumstans peccatum nominat: de quo domestico & perpetuo hoste nemini post homines natos alia ratione, quàm sola christi virtute & efficientia victoriam gloriosam consequi contigit. eius autem communicatione totum huius hostis exercitum, cum suis actibus & concupiscentijs vincere, fundere & fugare pijsimis hominibus datur, ijs quibus voluit Deus notas facere diuitias, sacramenti & mysterij huius, de quo nobis grandis est sermo, & ad dicendum interpretabilis. hic adeo latens in mortalibus membris hostis manifestas ac perpetuas nobiscum inimicitias gerit, & mille modis de victoria contendit, cuius perniciosissimi hostis perpetuum metum, cuius artes & vires Vates ille deprecabatur. Delicta, inquit, quis intelligit, ab occultis meis munda me Domine. atq. de inuisibili hoste illo, qui nos palam oppugnat, hæc me dixisse sit satis. quem Szaphon nomine significari indicauimus, quo nomine ventus qui à septentrione spirat dictus etiā est. Quod verò ad visibiles populi huius Israëliti hostes attinet, si quis cosmographiæ non ignarus, rem ipsam locorumq. situs exactè perspexerit, huic profectò planū fuerit, & manifestum, omnes qui in Israëlitarum & Iudæorum regiones bellum fecere, ex ijs locis venisse, qui Ierusalem & Samariæ primarijs harum regionū vrbibus à septentrione sunt: Namque Assyrij à quibus decem tribus vastatæ abductæque sunt, ipso situ & diuini oraculi testimonio ad eum cæli angulum propius accedunt, sicut scriptum est: Et extendet manum suam super Aquilonem, & perdet Assur. Babylon verò cuius rex templum prius euertit, latitudinis gradum 35. obtinet, id quod & Ieremias indicat: Leuate oculos vestros, & videte qui venitis ab Aquilone. Roma autē cuius copijs & manu Iudæa demū capta & vastata est sub 41. gr. & 40. m. est sita, cum Ierusalem Ptolomæo auctore non plus quam 31. gradibus, & 40. m. ab æquatore distet. adeo cum his omnibus locis illud Ieremiæ conuenit: Ab Aquilone pandetur omne malum. sunt ergo omnes huius gētis hostes aquilonares, alij quidem ad orientem, alij verò ad occasum habitantes, & ille etiam occultus hostis Szaphoni, hoc est, latens abditusque, vt septentrio vērū est, nec minores inuita tempestates mouet. à quibus omnibus summam pacem & quietem securitatemque promittit, non solum à visibilibus hostibus, sed ab inuisibili illo liberandos, qui domesticas cum hominibus & perpetuas gerit inimicitias, à quo cum liberati fuerint, illud canere & iactare summa cum latitia poterunt: Non est nobis colluctatio aduersus carnē & sanguinem. hæc omnia nobis illa oratio significauit. [Et eum, qui ab Aquilone est, procul à vobis faciam,] ne quid ab hoc toto hostium genere, qui à Szaphon sunt, mali vobis inferatur: nam quo tempore à Deo in gratiam Israëlita reconciliabuntur, præterquam quod spiritus sancti beneficio & virtutis Christi beneficentia grauissimum illud miseræ seruitutis iugum excutient, quo peccato seruiebant, sicut scriptum est: Veritas Christi est deponere de suis veterem hominē cum actibus & concupiscentijs suis. præter hanc, inquā,

+ qui hic de concupiscentia et  
de die peccatorum euellendoy  
de concupiscentia primariorum  
hujus caute legi xystm  
supra notata in iij

Psalm. 18.

Sophoni. 2.

Ierem. 13.

Ptolom. lib. 3.

Ptolom. lib. 5.

Ierem. 1.

Sic Straboli.

16. arab.

Eph. 4.

libera-

liberationem, nullus iam illis aut ab Assyrijs, aut à Babylonijs aut à Romanis hostibus erit metus, quorum omnium potentia ac vis, quorum denique nomen funditus euersum extinctumq. iam fuerit, iam nulli Assyrij, Chaldæi nulli, nulla Romanæ tyrannidis erūt vestigia; namque infelices exitus horum omnium habuit superbia. alteros enim hoc est septentrionales orientales, partim in suis locis ab hostibus trucidatos, partim eiectione orientē versus diuina ultio dissipauit. alteros verò qui ab occiduo septentrione erant, hoc est Romanos & Italos diuinæ iræ flumina & bellorum tempestates vel interemere, vel ad occidentalis Oceani fines usque profugos adegere, hoc est quod dicit. [*Et expellam in terram inuiam & desertam, faciem eius contra mare orientale, & extremum eius usque ad mare nouissimū: & ascendet fœtor eius & ascendet putredo eius, quia superbe egit.*] Locustarum natura est, ut perpetuo motu procedat; & ubicunque infederit, omnia vastet, neque antea quiescat, quàm aut in vastam solitudinem, aut in obiectum mare deuenit, ubi aut fame pereat, aut aquis demersa intereat. vidimus nostro tempore huius rei exempla, cum superioribus diebus harum bestiarum copia ingens Bethicam nostram summa cum agrorum perniciē inuasisset, annis à Christo nato 1547. 1548. quæ tandem Deo iam hominibus placato in occidentali periit Oceano, sed bona etiam pars agricolarum diligentia & ciuitarum industria capta flammisq. exusta fuit, quemadmodum & paulò antè in Africa & Fessæ regno accidisse, ex Clenardi qui tunc Fessæ agebat, literis & aliorum relatu accepimus. hanc imaginem Vates hoc in loco persequitur, qui Assyrios Chaldæos Romanosq. exercitus locustarum nominibus depinxerat. Igitur quibus orbis notus est situs, ijs terram oceano ambiari est compertum, qui ut partibus, sic etiam nominibus apud nos est distinctus; ab ortu Orientalis dicitur; Hebræis verò anterior; ab occasu verò occidentalis, in sacris autem voluminibus nouissimus; à meridie Indicus, à septentrione Scythicus. quibus alia etiam nomina Hebraicè sunt, ut suo in loco commodius dicetur: quanquam autem quatuor illa imperia quæ commemorata nobis sunt, Israëlitas læserint, duo tamen tantum ex ijs fuere, quæ patria proprijsq. sedibus expulere, Assyrium & Romanū, quæ ut diximus, septentrionales ei prouinciæ sunt. vtrumque ob superbiam & insolentiam ita iam perdidit Deus, ut penitus deleta & dissipata esse agnoscantur: [*Quia superbe egit.*] non enim victis vlla in re pepercere, sed insolenter & contumeliose victoria abusi sunt. maximè autè Romani & qui ab illis oriundi sunt illorumq. leges obseruant. qui adeo arroganter, ad eò superbe aduersus Israëlitarum genus se gesserunt, ut neque cum ijs, qui ex eo genere Christiani facti sunt, æquè & verecundè egerint, sed eos etiam ignominia perpetuæ infamia dignos existimauerint. qua de re lōga satis apud D. Paulum oratio est & satis etiam acerba nostro tempore durat querimonia. Totum autem hoc septentrionalium hostium genus partibus duplex, ut vnum locustarum genus specie duplex, composuit Vates, ut altera pars Assyriorum videlicet Orientem versus dissipata, altera verò Romanorum ad occasum disiecta periret. quoniam autem multi ex his gladio, fame pesteque perierunt, ait: [*& fœtor eius ascendet, & putredo eius.*] nam eorum qui bello perierunt cadauerum magna pars insepulta iacere solet, canibus & vulturibus esca, sicut scriptum est: Interfecti eorum proijcientur, & de cadaueribus eorum ascendet fœtor: tabescent montes à sanguine eorum. de Romæ autem ruinis ita prædictū fuerat: & orientur in domibus eius spinæ, paliurus & vrticæ. Propterea hoc in loco dixit, [*in terram inuiam & desertam.*] & quoniam Assyriorum & Chaldeorum, neque nomen iam vllum reliquū est, omnia enim bello & nouarū gentium aduentu turbata sunt, dixit de his [*& longè faciam.*] meminimus autem nunquam deseri à Vate locustarū & agrorum translationem. Sed & absconditum illum domesticum hostem, qui tam superbe cum illis egerat, ut causā etiam fuerit, quamobrem ab alijs hostibus perderentur. hunc hostem ita fugabit Deus Israëlitarum rebus restituendis, ut illud meritò iactare possint. Quantum distat ortus ab occidente, longè fecit à nobis iniquitates nostras: Delēs quod aduersus nos erat Chirographum decreti, hoc est peccatum, & ipsum tollens de medio & affigens cruci. Hæc summa futuræ Israëlitarum felicitatis, atque hoc argumentum est, cum è tenebris & umbra mortis liberati Christi virtute atq. efficiētia & lucis veræ radios, & meliora omnia experientur. [*Quia superbe egit.* Hebraicè ad verbum sic est: *Quia magnificauit ut faceret.*] Atque hac dicendi figura, uti Hebraicus sermo solet, cum quis nullum cogendis rebus modum, aut statuit aut tenet, sed omnia ultra præscriptum, ultra expectationem agit, & maius

Clenard. epi-  
sto. lib. 2.

Lib. de mūdo  
Arist. & Plin.  
lib. 5.

Rom. 12.

Isa. 34.

psal.

maius opinione ac vehementius adhibet studium. Assyriorum autem & Romanorū petulantia, & furor commodè ad hanc pertinent sententiam, qui delatum sibi à Deo corripiendarum gentium munus ad suam ipsorum ambitionem, ad suam superbiam transferentes proprijs tantum commodis seruire voluerūt, unde factum est vt insatiabile avaritiam crudelitatemque exercerent, sicut scriptum est: Væ qui prædaris, nonne & ipse prædaberis? & qui spernis, nonne & ipse sperneris, cum cōsummaueris deprædationem deprædaberis, & cum fatigatus desieris contemnere, contemneris. & illa etiā quæ de hac re apud Habakū dicta sunt commoda hui sententiæ esse arbitramur. Sed longè omnium petulantissime, longè superbissime sese in humanis rebus ille latēs hostis, cuius antea meminimus, gessit, cuius passiones & perturbationes in membris nostris cum summa strage & calamitate militare solent. Prò Deum immortalem quantam labem, quantam perniciem rebus hominum integris hæc pestis attulit, quæ ex vno primi omnium parentis scelere orta innumerabilium postea vitiorum & scelerum, quibus aduersus animam pugnaret, instruxit copias, sicut scriptū est: Multiplicati sunt super capillos capitis mei qui oderunt me gratis. & iterum. Si mei (inquit) non fuerint dominati, tunc immaculatus ero & mundabor à delicto maximo. multò igitur magis hic Szaphonius hostis magnificauit vt faceret, multò vehementius & acrius humanæ naturæ agros terramque vastauit atque incendit, ita nisi diuina succurreret cura & benignitas, actū profectò de humana omni fuerat felicitate. quia hostis Szaphonius magnificauit vt faceret. sed quomodo his malis occurrendum esset, Vatem præcinentem audiamus.

*Noli timere terra, exulta & letare: quoniam magnificauit Dominus vt faceret.*

Hic locus ille est, in quē cum vates diuino spiritu acti deuenēre seipsos, suasque rationes & consuetudinem omnem superare solent; maiori enim spiritus influxu aucti altius extolluntur, & plura vident, quàm intelligant, plura intelligunt, quàm dicant, plura etiā dicunt, quàm humana audientium mens capere & sustinere valeat, sicut scriptum est: Domine quis credidit auditui nostro, & brachium Domini cui reuelatum est? Agitur enim hoc in loco de diuina illa humani generis redēptione. cuius rei arcanum antiquis hominum seculis & angelicis atque humanis generationibus ita fuit absconditum, vt quamuis multis prædictum, atque vmbra quadam & primis lineamentis depictum, nemini tamen eo tempore fuit penitus patefactum. Hæc omnia Paulus affirmat. confirmat autem & Petrus etiam apostolus diuinusque sacrorum voluminū interpret his verbis: De qua salute exquisierunt, atque scrutati sunt prophetæ, qui de futura in vobis gratia prophetauerunt. Scrutantes quod vel quale tempus significaret in eis spiritus Christi, &c. Singula autē huius Apostoli verba considerare, & cum nostræ commentationis sententia conferre operæpretium profectò fuerit. Atq. ipsa quidem rei de qua dicitur magnitudo. efficit, vt vario & sublimi orationis genere dicendum opus sit, figurisque & imaginibus vtendum, quibus constantissima perpetuò vatum sententia, ac mens ita rapi agique solet, vt cum maximè constet, nobis tamen è terra prospectantibus sibi non constare videatur. perinde ac ijs, quibus saltantes homines longo interiecto spatio prospiciuntur, qui cum musici instrumenti sonum, cuius ad numeros motus sit, non sentiāt, furere & temere agi putant, quos maxime composito & numerato, ac certo membrorum motu concitari manifestū est. Nobis ergo cum in huiusmodi sermones inciderimus, ea cura semper, idque negotium erit, vt vnum aut alterum huius diuini concentus modum, numerumque pro ingenij tenuitate notantes, totius rationis intelligendæ desiderium hominibus commoueamus, id quod à diuino spiritu illi impetrare summo studio contendent, cuius consilio, arte atque opera, cuius occidentis numeris & modis totus hic vatum agitur chorus: Nam sicut poëtas intelligere, aut pro facultatis dignitate enarrare nemini, qui poëticae naturæ & ingenij expertus fuerit, contingit, sic nulla acies humani ingenij tanta est, quæ ad diuini spiritus sensum mentemque, nisi ab eodem spiritu acuat, penetrare possit. Igitur id mente recolere & cogitare oportuerit, quod à nobis in huius libelli initio obseruatum est, totam hanc loëlis Vatis rationem duplici imagine constare; altera quæ se priorem spectantium oculis obijcit, quamuis exacta omni arte depicta, in crassioris tamen naturæ figuram habitumque formata; altera verò quæ maximè animo artifex ipse cōcepit, tenuiorem



tenuiorem tamen & multò delatiorẽ exprimens rem . vt ergo in superioribus locustarum genera illa quatuor orbis imperia significabant, vt vitis & ficus homines referebant, sic hoc in loco terra humanam naturam, vt familiaribus scripturarũ verbis vtamur maledictam, Dei demum beneficio benedicendam indicat, cuius benedictionis rationes fertilitatis fructuum & frondium imaginibus adumbrantur. Duplex autem terræ nomẽ apud Hebræos est; alterũ **A R E S Z**. quod nomen ex eo factũ est, quod diuersam ab aquis naturam sortita firmitudinem & grauitatem habet, animantiumque habitationi est habilis, sicut scriptũ est: Et vocauit Deus aridam Aresz. Alterũ verò est illi nomẽ **A D A M A** quod ad eam naturam spectat, secundum quam varios in se sopores & humores (vt sapiẽter à Vitruuio disputatur, continet, & pro cæli solique ratione varios foetus fructulque progignit. vnde & cum ad agricolandi & rei rusticæ rationem oratio pertinet, huius potissimum nominis mentio atque vsurpatio est. vt: Emisit dominus Adam de paradiso voluptatis, vt operaretur Adamah de qua sumptus est. Iã ergo nomẽ homini ex hoc etymo factum Adam, non inutilem eum futurum, sed varijs virtutum fructibus augendũ significauerat, nisi serpentini morsus venenum omnem humanam naturam, succi bonitatem pertentans, corrupisset, & pro molli viola, pro purpureo narcisso, carduos & paliuros produxisset, sicut scriptũ est: Maledicta Adamah in opere tuo, spinas & tribulos germinabit tibi, Arcana quidem tota hæc res & mysterijs plenissima est, tatum qui legerit intelligat. Huius autem terræ maledictio in diuinam benedictionem mutanda erat illius sacri seminis communicata virtute. de quo sic in oraculis habueramus: In semine tuo benedicetur omnes familiæ Adamah. Hanc ergo lætitiã vates noster iam tunc terræ nuntiat, terræ inquam natura fertili, sed casu sterili, aut vitio corruptæ & improbas plantas alenti. quod cum de solo aruoque Israëlítico dici videatur, de vniuersa Adam natura verè dicitur: terra enim muta & bruta ista altera cum sit, sensuque omni careat, nec timere, nec exultare potest. altera verò terra hæc nostrasensu motuque prædita, & timere semper nouit, dum spiritui seruitutis in timore obnoxia fuerit, & timorem deponere, & magis exultare poterit: & faciet cum acceperit spiritum libertatis filiorum, vt sine timore de manu inimicorum liberati seruiant Deo in sanctitate & iustitia coram ipso. ad hanc ergo lætitiã in animo meditandam, iamq. spe concipiendam terra nostra à Vate excitatur, atque ad tanti diuini beneficij expectationem vocatur: Nam si Szaphonius hostis nimis nocendo magnificauerat vt faceret, multò equidem magis Domini Dei nostri benignitas corrigendo, restituendo & commodando etiam magnificabit. Non enim sicut delictum, ita & donum: Nam delictum quidem ex vno vnius hominis peccato in condemnationem totam humanam naturam protrusit; donum verò ex multis multorum hominum vitijs & sceleribus in iustificationem vindicauit, & euexit. atque hæc ratio ita ad totam terrã humanã pertinuit, vt Israelitarum familiã propius tangere videretur. sed vt omnis tollatur dubitatio, etiam ad gentes omnes alias rem hanc spectare subiecta expositione confirmat.

*Nolite timere animalia regionis: quia germinauerunt speciosa deserti, quia lignum attulit fructum suũ, ficus & vna dederunt virtutem suam.*

**P R I O R V M** temporum calamitatem ad omne hominum genus pertinuisse vidimus tam gentiliũ, quàm Israelitarũ. omnium enim communes culpæ cõmunem in se Dei iram concitarant & similibus scelerum ac vitiorum pœnis vexabantur; quidam enim æterna suplicia, quidam etiam & temporalia subierant, potentissimorumque tyrannorum libidini & avaritiæ cesserant, vt nulla orbis pars tam remota fuerit, ad quam ea pestis non peruaferit. quod vates noster in superioris capitis threno deplorauerat his verbis: Sed & bestię agri suspexerunt ad te, quoniam exiccati sunt fontes aquarum, & ignis deuorauit speciosa deserti. Sed tamen ita Deus omnia sub peccato conclusit, vt omnium misereretur, & in illo sacratissimo semine omnes familiæ terræ benedicerentur. neque verò ad Iudæorum gentem solũ, sed ad totius orbis regiones & homines diuina illa redemptionis restitutioque pertinuit, sicut scriptum est: Christus mortuus est pro peccatis nostris, & non pro nostris tantum, sed pro totius etiam mundi. Bestiarum autem agri nomine gentes alias ab Israelitarum religione alienas significari, iam in illo eodem loco docuimus, & desertũ appellari cæteras habitabilis terræ partes, cuius incolæ, vt bruta pecus vagum,



vagum, quò impetus, aut error, aut opinio impelleret, agebatur. quam rem sic explicat  
Apostolus & vos gentes, aliquando eratis in carne qui dicebamini in præputiũ ab ea quæ Ephes. 2.  
dicitur circumcisio manũ facta, qui eratis in illo tempore sine Christo alienati. Iisdẽ autẽ  
nominibus bestiarũ agri & deserti Vates hoc in loco vsus est, sed interpretes vertendo non-  
nihil verba variavit. His ergo etiam metum adimit Vates, quorum etiam miseriam præ-  
uidens deplorauerat, quãdo ad hos etiã diuina salus pax & securitas sit peruentura, quos Rom. 15.  
& vocauit non solum ex Iudæis, sed etiam ex gentibus. Dico enim Christum ministrũ  
fuisse circumcisionis ad confirmandas promissiones patrum. Gentes autem super miseri-  
cordia honorare Deum, sicut scriptum est: Propterea confitebor tibi in gẽtibus Domine  
& nomini tuo cantabo, & quæ de hac re multa à D. Paulo referuntur. his etiam bonum  
salutis nuntium affert Ioel: [*Quia germinauerunt speciosa deserti.*] Quæ antea diuinæ iræ &  
vltionis ignibus deuorata præuiderat, & luxerat, nunc summæ pacis & constantis felici-  
tatis argumẽtis adductis restituenda confirmat: Agrorum enim fertilitas & frugũ fru-  
ctuumque copia eximia cõmuni & antiquo sermonis vsu beatam & quietam vitã signifi-  
cat. Sic enim id nostris describitur: Et, dabit lignum agri fructum suum, & terra dabit  
germen suum, & erunt in terra sua absque timore ab exteris verò sic: Ezech. 34.  
*Tua Cæsar etas      Fruges & agri, rettulit vberes.* Sed cum maxima feli-  
citas atque omni opinione maior ea sit, quam vates à Christo hominum rebus affe-  
rendam decantant, ad eam præcipuè hæc imago in sacris oraculis refertur, sicut scriptũ Zach. 8.  
est: Sed semen pacis erit: vinea dabit fructum suum, & terra dabit germen suum, & cæli  
dabunt rorem suum, & possidere faciam reliquias populi huius vniuersa hæc. Et erit sicut  
eratis maledictio in gentibus domus Iuda & domus Israël, sic saluabo vos & eritis bene-  
dictio, nolite timere, & confortetur manus vestræ. Quia hæc dicit dominus Deus exer-  
cituum: Sicut cogitavi vt affligerẽ vos cum ad iracundiã prouocassent patres vestri me,  
dicit Dominus, & nõ sum misertus; sic conuersus cogitavi in diebus istis, vt benefacerem  
domui Iuda & Ierusalẽ: Nolite timere. Et veniẽt populi multi & gentes robustæ ad quæ-  
rendũ Dominum exercituũ in Ierusalẽ, & deprecandum faciem Domini. En nobis vtri-  
usque populi prædictam decantatamque salutem. verũ hoc, vt diximus, dignũ obser-  
uatu est, vt vitis & ficus nominibus Israëlitas homines religionis cultura iam domitos &  
curatos sic arboris aut ligni appellatione rudem gentiũ subolem teneri: quippe arborum  
natura ferax si neglecta culturam desideret, sterile scit, atque eadẽ rursus culta restituitur.  
quoniam ergo gentes diuini seminis in se conceptam virtutem experturæ erant, atq. euã-  
gelicæ pietatis præceptis & institutis abundaturæ, vnde generosissimi & planè diuini fru-  
ctus producerentur, quorum sufficientia ex Deo esset. ob eam rem à Vate dictum est:  
[*Quia lignum attulit fructum suum.*] Atqui diuina Christiani euangelij doctrina maximæ  
pacis commoda hominibus non solum curanda commendat, sed pacis etiã semina vltro  
ipsa suggerit, spiritu sancto cultoribus suis dato. ex eo fit, vt pia quædam & æterna pax  
inter eos sit, qui Christi virtute præditi sunt, illiusque disciplinam plenè profitentur, ex  
quacunque gente, ex quacunque orbis parte ad eam sanctitudinis communionem socie-  
tatemque conuenerint, sicut scriptum est: Multitudinis credentium erat cor vnum &  
anima vna. Atque huius pacis & diuinæ tranquillitatis felicitas, in primis illis recentis  
ecclesiæ Christianæ temporibus spectata fuit, dum Christiana illa nobis nunc deside-  
rata simplicitas manebat, cùm sine vllò generis, linguæ, ætatis ordinisve discrimine,  
sine vlla omnino ambitione omnes se inuicem mutua charitate & assiduis officijs pro-  
sequebantur: dum maiores minoribus verè, & ex animo ministrabant, minores maio-  
ribus tanquam Deo obediebant, alijque alios inuicem honore præueniebant; sed iam  
eheu in quam dura, in quam ferrea planè secula deuenimus; pudet equidem, pudet  
his moribus homines Christianos vocari à vera Christiana que disciplina longè alienos.  
Verũ enim uero integra illa & communis omnium gentium, omnium populorum  
pax à vatibus celebrata adhuc futura expectatur; neque enim statim Christi tempora se-  
cuturam oracula docuere, sed certo quodam illius argumento & signo expresso, corpus  
ipsum rei & plenam rationem in sua tempora reseruandam; cùm vnum commune ouile  
& pastor idẽ omnibus erit. quam rem contentis precibus, & summo studio à patre Iesus  
Christus pro sua reuerentia exauditus postulabat: Non pro eis, inquit, rogo tantũ, sed pro  
eis qui credituri sunt per verbum eorum in me, vt omnes vnum sint, sicut tu pater in  
me &

me & ego in te, vt & ipsi in nobis vnum sint. Cùm ergo reliquæ Israël reducentur, & sedentes in tenebris & vmbra mortis lucem illam magnam videbunt, tunc pia illa & æterna pax omnibus colenda est, tum eadem gentibus, eadē in Israëlitis fructuum spes, eadem copia continget, tunc lignum fructum suum afferet, quādo ficus & vitis dederint virtutē suā, sicut scriptum est: Hæc dicit Dominus exercituum. in diebus illis in quibus  
 Zach. 8. „ apprehendent decem homines ex omnibus linguis gentium, & apprehendent fimbriam  
 „ viri Iudæi dicentes, ibimus vobiscum; audiuiimus enim quoniam Deus vobiscum est.  
 Rom. 11. Nolo enim vos ignorare fratres, (quicunq̃ue inane generis vestri nomen insolentius into-  
 „ lerantiusq̃ue iactatis) quoniam cæcitas ex parte contigit in Israël, donec plenitudo gen-  
 „ tium intraret, & sic omnis Israël saluus fieret, sicut scriptum est: Veniet ex Sion qui eri-  
 „ piat & auertat impietatem à Iacob. At verò quando hæc res, hæc maxima rerum felicitas  
 „ primas in Ierusalem radices actura, atque in cæteris gentibus propaganda certam sui re-  
 „ stituendi sp̃c̃ facere Israëlitis valet, eo præcipue argumento ad eorum confirmandos ani-  
 „ mos Vates vtitur, non enim dubitandum esse ait, quæ salus inter eos primum nata atq̃  
 „ alijs inde allata fuerit, ijs ipsis vnde orta est, utilis tandem salutarisq̃ue sit. Quam ob rem  
 „ præsentī sermone Israëlita à Vate in maximam & verissimam spem adducuntur: 15

*Et filij Sion exultate, & letamini in Domino Deo vestro: quia dedit vobis  
 doctorem iustitiæ, & descendere faciet vobis imbrem matutinum & sero-  
 tinum sicut in principio.*

OMNEM illam veram felicitatem, omnem veram & solidam virtutem, ex quo certa  
 voluptas & integra capi potest lætitia, Deo vni acceptam ferendam esse, omnibus diui-  
 norum scriptorum ferè paginis docemur, vt qui gloriatur, tantum in Domino gloriatur.  
 Rom. 8. qui proprio filio suo non pepercit, sed pro nobis tradidit, vt exhiberet sibi & mundaret  
 „ populum acceptabilem, & sectatorem bonorum operum, vt simus sancti & immaculati  
 „ in conspectu eius. Huius autem diuini beneficii specimen filij Sion habuerunt, cū  
 „ Acto. 1. primum Spiritus sancti in se illapsu quidam ex eis virtute magna Christi testimonium  
 „ omnibus gentibus dedere. Quando autem accidit iam, vt huius magni iustitiæ docto-  
 „ ris & diuinæ pacis interpretis aduentus omnium salutem suam expectantium desiderio  
 „ satisfacere posset, quando certa huius rei prolata iam argumenta sunt, non est dubitan-  
 „ dum, quin quod iam in illis incœperit, tandem perficiat. [Et descendere faciat imbrem matu-  
 „ tinum & serotinum.] Hoc est vtriusque gratiæ tam præuenientis, quàm subsequētis opor-  
 „ tunitatem. Sicut in principio Christianæ religionis effecerat. Doctoris nomen hoc in loco  
 „ certæ cuiusdam ad eam, quam diximus rem, significationis est: namq̃ue Hebraicè  
 „ מורה MOREH nominatur, quod influentem vel instillantem etiam significat: estq̃ue eius  
 „ pluuiæ nomen, quæ primo autumno veniens terram inebriat, & germinare facit, & dat  
 „ semen serenti & panem comedenti, 35

*Tum pater omnipotens sæcundis imbribus æther  
 Coniungis in gremium læta descendit, & omnes  
 Magnus alit, magno commixtus corpore, fœtus.*

Operæpretium autē videre  
 est, quàm expresse Christi virtus hoc vno verbo effingatur, qui doctrinam legemq̃ue suā  
 non manu scriptam in tabulis lapideis vt olim, sed in tabulis cordis carnis incisurus erat,  
 sicut scriptum est: Ecce dies venient dicit Dominus, & confirmabo super domum Israël  
 & super domum Iuda testamentum nouum, non sicut testamentum, quod dedi patri-  
 „ bus eorum in die qua apprehendi manum eorum, vt educerem eos de terra Ægypti, quia  
 „ ipsi in testamento meo non permanserunt, neque præcepta mea custodierunt, sed hoc  
 „ erit testamentum, quod feriam illis, Dabo leges meas in mente eorum, & in corde eo-  
 „ rum scribam illas, & ero illis in Deum, & ipsi erunt mihi in populū. Huiusmodi in Chri-  
 „ sto virtutem & efficientiam agnoscens Apostolus, sic probauit: Epistola nostra vos estis  
 „ scripta, non atramento neque in tabulis lapideis. fiduciam autem talem habemus per  
 „ „ Christū, à quo non tam iustitiæ præcepta tradenda, quàm ipsam iustitiā instillandā, &  
 „ humanis pectoribus imbuendā esse hoc in loco Deus per Vatem promittit. Huus raram  
 „ nostris diebus virtutem frequētissimam & copiosissimam futuris tēporibus tam Iudæi,  
 „ quàm alij omnes quotquot Christum receperint, experientur. 40 45 50

*Et imple*

vagum, quò impetus, aut error, aut opinio impelleret, agebatur. quam rem sic explicat Apostolus & vos gentes, aliquando eratis in carne qui dicebamini in præputiũ ab ea quæ Ephes. 1. dicitur circumcisio manu facta, qui eratis in illo tempore sine Christo alienati. Iisdẽ autẽ nominibus bestiarũ agri & deserti Vates hoc in loco vsus est, sed interpretes vertendo non-  
 5 nihil verba variauit. His ergo etiam metum adimit Vates, quorum etiam miseriam præuidens deplorauerat, quãdo ad hos etiã diuina salus pax & securitas sit peruentura, quos Rom. 15. & vocauit non solum ex Iudæis, sed etiam ex gentibus. Dico enim Christum ministrũ, fuisse circumcisionis ad confirmandas promissiones patrum. Gentes autem super miseri-  
 cordia honorare Deum, sicut scriptum est: Propterea confitebor tibi in gẽtibus Domine  
 10 & nomini tuo cantabo, & quæ de hac re multa à D. Paulo referuntur. his etiam bonum salutis nuntium affert Ioël: [*Quia germinauerunt speciosa deserti.*] Quæ antea diuinæ iræ & ultionis ignibus deuorata præuiderat, & luxerat, nunc summæ pacis & constantis felicitatis argumẽtis adductis restituenda confirmat: Agrorum enim fertilitas & frugũ fructuumque copia eximia cõmuni & antiquo sermonis vsu beatam & quietam vitã signifi- Ezech. 32.  
 15 cat. Sic enim id nostris describitur: Et, dabit lignum agri fructum suum, & terra dabit germen suum, & erunt in terra sua absque timore. ab exteris verò sic: Horat. li. 4. od. 15.  
*Tua Cæsar atas Fruges & agri, remulit vberes.* Sed cum maxima felicitas atque omni opinione maior: ea sit, quam vates à Christo hominum rebus afferendam decantant, ad eam præcipuè hæc imago in sacris oraculis refertur, sicut scriptũ Zach. 8.  
 20 est: Sed semen pacis erit: vinea dabit fructum suum, & terra dabit germen suum, & cæli dabunt rorem suum, & possidere faciam reliquias populi huius vniuersa hæc. Et erit sicut eratis maledictio in gentibus domus Iuda & domus Israël, sic saluabo vos & eritis benedictio, nolite timere, & confortẽtur manus vestræ. Quia hæc dicit dominus Deus exercituum: Sicut cogitauĩ vt affligerẽ vos cum ad iracundiã prouocassent patres vestri me,  
 25 dicit Dominus, & nõ sum misertus; sic conuersus cogitauĩ in diebus istis, vt benefacerem domui Iuda & Ierusalẽ: Nolite timere. Et veniẽt populi multi & gentes robustæ ad quærendũ Dominum exercituum in Ierusalẽ, & deprecandum faciem Domini. En nobis vtriusque populi prædictam decantatamque salutem. verũ hoc, vt diximus, dignũ obseruatu est, vt vitis & ficus nominibus Israëlitas homines religionis cultura iam domitos &  
 30 curatos sic arboris aut ligni appellatione rudem gentiũ sobolem teneri: quippe arborum natura ferax si neglecta culturam desideret, sterilefcit, atque eadẽ rursus culta restituitur. quoniam ergo gentes diuini seminis in se conceptam virtutem experturæ erant, atq. euangelicæ pietatis præceptis & institutis abundaturæ, vnde generosissimi & planè diuini fructus producerentur, quorum sufficientia ex Deo esset. ob eam rem à Vate dictum est:  
 35 [*Quia lignum attulit fructum suum.*] Atqui diuina Christiani euangelij doctrina maximæ pacis commoda hominibus non solum curanda commendat, sed pacis etiã semina vltro ipsa suggerit, spiritu sancto cultoribus suis dato. ex eo fit, vt pia quædam & æterna pax inter eos sit, qui Christi virtute præditi sunt, illiusque disciplinam plenè profitentur, ex quacunque gente, ex quacunque orbis parte ad eam sanctitudinis communionem societatemque conuenerint, sicut scriptum est: Multitudinis credentium erat cor vnum & anima vna. Atque huius pacis & diuinæ tranquillitatis felicitas, in primis illis recentis  
 40 ecclesiæ Christianæ temporibus spectata fuit, dum Christiana illa nobis nunc desiderata simplicitas manebat, cum sine vllò generis, linguæ, ætatis ordinisve discrimine, sine vlla omnino ambitione omnes se inuicem mutua charitate & assiduis officijs prosequabantur: dum maiores minoribus verè, & ex animo ministrabant, minores maioribus tanquam Deo obediebant, alijque alios inuicem honore præueniebant; sed iam  
 45 heu in quam dura, in quam ferrea planè secula deuenimus; pudet equidem, pudet his moribus homines Christianos vocari à vera Christiana que disciplina longè alienos. Verũ enimvero integra illa & communis omnium gentium, omnium populorum  
 50 pax à vatibus celebrata adhuc futura expectatur; neque enim statim Christi tempora secuturam oracula docuere, sed certo quodam illius argumento & signo expresso, corpus ipsum rei & plenam rationem in sua tempora reseruandam; cum vnum commune ouile & pastor idẽ omnibus erit. quam rem contentis precibus, & summo studio à patre Iesus  
 Christus pro sua reuerentia exauditus postulabat: Non pro eis, inquit, rogo tantũ, sed pro  
 eis qui credituri sunt per verbum eorum in me, vt omnes vnum sint, sicut tu pater in  
 Y me &



me & ego in te, ut & ipsi in nobis unum sint. Cum ergo reliquiae Israël reducentur, & sedentes in tenebris & umbra mortis lucem illam magnam videbunt, tunc pia illa & aeterna pax omnibus colenda est, tum eadem gentibus, eadē in Israëlitis fructuum spes, eadem copia contingeret, tunc lignum fructum suum afferet, quādo ficus & vitis dederint virtutē suā, sicut scriptum est: Hæc dicit Dominus exercituum. in diebus illis in quibus  
 Zach. 8. „ apprehendent decem homines ex omnibus linguis gentium, & apprehendent fimbriam  
 Rom. 11. „ viri Iudæi dicentes, ibimus vobiscum; audiuius enim quoniam Deus vobiscum est.  
 „ Nolo enim vos ignorare fratres, (quicunq̃ue inane generis vestri nomen insolentius into-  
 „ lerantiusq̃ue iactatis) quoniam cæcitas ex parte contigit in Israël, donec plenitudo gen-  
 „ tium intraret, & sic omnis Israël saluus fieret, sicut scriptum est: Veniet ex Sion qui eri-  
 „ piat & auertat impietatem à Iacob. At verò quando hæc res, hæc maxima rerum felicitas  
 „ primas in Ierusalem radices actura, atque in cæteris gentibus propaganda certam sui re-  
 „ stituendi sp̃e facere Israëlitis valet, eo præcipue argumento ad eorum confirmandos ani-  
 „ mos Vates utitur, non enim dubitandum esse ait, quæ salus inter eos primum nata atq̃.  
 „ alijs inde allata fuerit, ijs ipsis vnde orta est, utilis tandem salutarisq̃ue sit. Quam ob rem  
 „ præsentī sermone Israëlita à Vate in maximam & verissimam spem adducuntur:

*Et filij Sion exultate, & letamini in Domino Deo vestro: quia dedit vobis  
 doctorem iustitiæ, & descendere faciet vobis imbrem matutinum & sero-  
 tinum sicut in principio.*

OMNEM illam veram felicitatem, omnem veram & solidam virtutem, ex quo certa  
 voluptas & integra capi potest lætitia, Deo vni acceptam ferendam esse, omnibus diui-  
 norum scriptorum ferē paginis docemur, ut qui gloriatur, tantum in Domino gloriatur.  
 Rom. 8. qui proprio filio suo non pepercit, sed pro nobis tradidit, ut exhiberet sibi & mundaret  
 „ populum acceptabilem, & sectatorem bonorum operum, ut simus sancti & immaculati  
 „ in conspectu eius. Huius autem diuini beneficii specimen filij Sion habuerunt, cum  
 „ primum Spiritus sancti in se illapsu quidam ex eis virtute magna Christi testimonium  
 „ omnibus gentibus dedere. Quando autem accidit iam, ut huius magni iustitiæ docto-  
 „ ris & diuinæ pacis interpretis aduentus omnium salutem suam expectantium desiderio  
 „ satisfacere posset, quando certa huius rei prolata iam argumenta sunt, non est dubitan-  
 „ dum, quin quod iam in illis incoeperit, tandem perficiat. [Et descendere faciat imbrem matu-  
 „ tinum & serotinum.] Hoc est utrisque gratiæ tam præuenientis, quàm subsequētis oportu-  
 „ nitate. Sicut in principio Christianæ religionis effecerat. Doctoris nomen hoc in loco  
 „ certæ cuiusdam ad eam, quam diximus rem, significationis est: namq̃ue Hebraicè  
 „ מוֹרֵה מוֹרֵה nominatur, quod influentem vel instillantem etiam significat: estq̃ue eius  
 „ pluuiæ nomen, quæ primo autumno veniens terram inebriat, & germinare facit, & dat  
 „ semen ferenti & panem comedenti,

*Tum pater omnipotens fecundis imbribus æther  
 Coniugis in gremium læta descendit, & omnes  
 Magnus alit, magno commistus corpore, fetus.*

Opera pretium autē videre  
 est, quam expresse Christi virtus hoc vno verbo effingatur, qui doctrinam legemq̃ue suā  
 non manu scriptam in tabulis lapideis ut olim, sed in tabulis cordis carnis incisurus erat,  
 sicut scriptum est: Ecce dies venient dicit Dominus, & confirmabo super domum Israël  
 & super domum Iuda testamentum nouum, non sicut testamentum, quod dedi patri-  
 bus eorum in die qua apprehendi manum eorum, ut educerem eos de terra Ægypti, quia  
 „ ipsi in testamento meo non permanserunt, neque præcepta mea custodierunt, sed hoc  
 „ erit testamentum, quod feriam illis, Dabo leges meas in mente eorum, & in corde eo-  
 „ rum scribam illas, & ero illis in Deum, & ipsi erunt mihi in populū. Huiusmodi in Chri-  
 „ sto virtutem & efficientiam agnoscens Apostolus, sic probauit: Epistola nostra vos estis  
 „ scripta, non atramento neque in tabulis lapideis. fiduciam autem talem habemus per  
 „ Christū, à quo non tam iustitiæ præcepta tradenda, quàm ipsam iustitiā instillandā, &  
 „ humanis pectoribus imbuendā esse hoc in loco Deus per Vatem promittit. Huius raram  
 „ nostris diebus virtutem frequentissimam & copiosissimam futuris tēporibus tam Iudæi,  
 „ quàm alij omnes quotquot Christum receperint, experientur.

*Est imple*



*Et implebuntur area frumento, & redundabunt torcularia vino & oleo.*

HÆC bonorum (quæ vulgò temporalia dicuntur) larga & abundans copia, antiquis illis hominibus suppeditata, maximarum rerum aliarum (quæ spirituales nominantur) abundantiam nobis expectandam sperandamque significabat, quarum magnitudinem, <sup>1. Cor. 1.</sup> numerum atque præstantiæ exactam rationem, neque oculus vidit, neque auris audiuit, neque in cor hominis ascendisse contigit. harum ergo rerum omnium abundantiam & saturitatem frumenti vini atque olei vbertas & copia hic nobis declarat. Neque enim istarum frugum copia tantæ curæ esse Christianis, verè inquam Christianis hominibus debebit, quibus quod satis ad degendam vitam sit, nihil vnquam deerit; quòd verò ad virtutis & diuinæ libertatis rationes impedimento, quod ad luxuriam fomento esse possit, nihil fuerit expetendum. Sed locustarum allegoriam perpetuam esse Vates voluit, vt crassiori imagine & sensibus magis accommodata animalis adhuc homo ad illam perfectam speciem desiderandam parari aptius posset.

15 *Et reddam vobis annos quos comedit locusta, & bruchus, & rubigo, & eruca.*

PENURIAM ignominiamque omnem, anteaotos labores & pericula præsentis felicitatis cumulo còpensanda esse pollicetur, ita vt qui omnium gentiù ludibrio & libidini expositi, maximisque & assiduis iniurijs affecti, miserrimam hætenus vitam duxerunt, nunc in summa felicitate, tranquillitate maximoque in honore constituti præteritorum temporum memoriam, cum summa erga Deum gratulatione teneant, illudq. frequenter canant: Lætati sumus pro diebus quibus nos humiliasti, annis quibus vidimus mala. <sup>Psal. 89.</sup> atque iisdem illis gentibus admirationi sint, quibus olim despectui & ludibrio fuerant, <sup>16i. 16.</sup> sicut scriptum est: Omnes qui viderint eos cognoscent eos, quia isti sunt semè cui benè dixit Dominus. Et cum de animorum felicitate, de fructibus illis cælestibus ac planè diuinis, quos humanæ naturæ terra Christi semine & virtute aucta profert, hoc in loco tractetur, illud præsentis sermone disputandum referuamus, an minor, an æqua, an maior felicitatis fors sit homini Christi opera, & virtute redempto, quàm fuerit antè primi parentis casum, si pristinum adhuc illum statum retinisset. Atqui vides vt non solum succedentium annorum plenam abundantiam se daturum, sed amplius etiam præteritorum temporum damna refarcienda, eosque in integrum restituendos Deus recipiat, vltroque polliceatur, sed de his nunc satis. Quantum autem Chaldaica paraphrasis cum nostra expositione conueniat, hic idem versùs docet, qui sic Chaldaicè habet: [ *Et reddam vobis annos bonos pro annis quibus vexarunt vos, populi, gentes & lingue, & principes & reges.* quos <sup>Luc. 2</sup> omnes scelerum vltionis ministros & satellites Deus esse voluerat. cum autè nihil damnationis fuerit ijs, qui erunt in Christo, qui non secundum carnem viuunt, sed spiritu in sanctitate & iustitia omnibus diebus suis, nihil etiam metus, nihil pœnæ, sed contrà, pacis quietis & tranquillitatis erit plurimum.

40 *Fortitudo mea magna quam misi in vos.*

Id quod dixerat confirmat, exercitus illos qui totum orbem turbauerunt, & res humanas olim miscuerunt, diuino consilio missos deductosque rem gessisse, neque rem aggre-  
45 di aut conficere tantam, nisi Deo vires & ingenium suppeditante potuisse. illam verò felicitatem plenam, perpetuam stabilemque illis fore diuinum verbum pollicetur, à quo perpetuo amore curaque fouendi ita sunt, cui fide, charitate & pietate ita illi sunt coniungendi, vt nullis aut hominum aut malorum dæmonum viribus disiungi queant; non morte, non vita, non gladio, non vllis deniq. aut instantibus, aut futuris periculis. Quod sequentibus versibus Vates indicat.

50 *Et comedetis vescentes, & saturabimini, & laudabitis nomen Domini Dei vestri, qui fecit mirabilia vobiscum, & non confundetur populus meus in sempiternum, & scietis quia in medio Israël ego sum, & ego Dominus Deus vester, & non est amplius: & non confundetur populus meus in aeternum.*

[*Et comedetis comedere* :] Sic Hebraicè. Iam tunc Vati nostro mensa illa extrui videbatur, iam magnificentissimum conuiuium illud institui, quod multi ab oriente & occidète vocati cum Abraham & Isaac & Iacob inituri erant, cuius qui participes fuerint, & panem comederint, beati meritò nuncupantur. id autem conuiuium maxima cum conuiuarum hilaritate, cantibus & musicis instructoris laudes semper personabit, tunc enim illa omnium communis vox audietur: *Hæc est dies quam fecit Dominus, exultemus & latemur in ea.* nunc rursus illa: *Benedixisti Domine terram tuam, auertisti captiuitatem* Iacob. nunc alia atque alia carmina canentur, quæ veteres illi huius conuiuij præcones iam olim in conuiuarum gratiam meditabantur. Et cum ad has epulas, ad perpetuam hanc diuinæ mensæ felicitatem vocati admissi, ab vno Deo sunt (neq. enim id quisquæ sua virtute & natura, suis actibus aut conatibus sine Dei consilio & vocatione auxilioque assequi potuit, sicut scriptum est: *Gratia saluati estis per fidem, & hoc videlicet quod saluati sitis, non ex vobis: donum enim Dei est*) cum ergo Dei beneficio hæc illis constiterit dignitas, eam rem imprimis agnoscere oportuit. ideo addit: [*Laudabitis nomen Dei vestri qui fecit mirabilia vobiscum*, Hebraicè, *quia fecit vobiscum ad mirificandum*, hoc est, rem mirandam omni humana opinione, imò & cogitatione maiorem. *Et scietis quia ego in medio Israël, & non est alius qui seruare possit præter me*, eaque salus & felicitas perpetua erit, & non pudefiet populus meus in sempiternum. peccatum enim nuditas & pudor turpis consequitur. iam verò ex eo magna illis copia illius auri futura est, de quo scriptum est: *Suada bo tibi emere à me aurum, vt locuples fias, & vestimentis albis induaris, vt non appareat ultra confusio nuditatis tuæ.*

*Et erit post hæc: effundam de spiritu meo super omnem carnem: & prophetabunt filij vestri & filie vestrae: senes vestri somnia soniabunt, & iuvenes vestri visiones videbunt.*

Iam sese nobis illa maxima seculorum mutatio, iam mundi renouatio, iam aurea illa ætas olim à Deo promissa, à vatibus decantata, à pijsimis hominibus tot desiderata seculis, à Christo tandem Dei filio gentium spe, orbis totius redemptore allata; iam sese hæc inquam felicissima ætas certis signis cognoscendam spectandâq. exhibet, atque adeò, ita clarè manifesteque exponit, vt omnes aliorum argumentorum rationes & momenta omnia, quæcunque de Christi aduentu præter hæc sunt, vna hæc res aut confirmata & comparata confirmare, aut desiderata vel repudiata valeat infirmare. Atq. eundem nobis omnium prophetarum rationes & orationes inter se cõparantibus (quidquid alij indicent) cui quem præferamus incertum est; illud tamen ex ea comparatione constat, vnum ioëlem esse qui aliorum omnium dicendo rerum copiam & maiestatem, verborum orationisq. elegantiam mysteriorum grauitatem, diuinitatis abstrusas rationes, oraculorum & vaticiniorum impetus raptusque omnes admirandos, vno in libello summa breuitate, carminibus vtpote septuaginta tribus complexus esse, atque expressisse videatur. Pcenitetque profectò nos tum ingenij in scribendo tarditatis, tum delicatissimi nostrorû hominû in legendo fastidij. quæ res impedimento sunt, quominus magna & admiranda volumina de huius libelli cõmentationibus edere conemur. Quis det vt christiani homines suam tandem dignitatem agnoscetes, ab ambitione, & cupiditate, ab istis humillimis curis ad maxima illa & incomparabilia pietatis, & sacrarum disciplinarum studia, atque ad eas artes, totos se transferant, quæ maximè christiano & diuini spiritus participi homine digne sunt: in eisque diu noctuque meditetur, vberrimos & certissimos laborum & culturæ fructus tempestiuè percepturi, cum iucundissimo etiam frondium & foliorum spectaculo, quibus vbi assueuerit humanus animus, omne tempus illi perituum, quod ijs non impenderit, iudicaret. verum vt eò oratio nostra redeat, vnde ob vaticiniorum admirationem, & christianæ charitatis studiû deflexit; quid hæc velut nouæ orationis initia sibi velint, breuiter expectemus. est enim hoc cõmune & vñtatum in re noua & magna apud vates exordiû: Et erit in nouissimis diebus. Et erit in illis diebus. Et erit post hæc, dicit dominus. Nouû profectò id de quo Vates agit, & quod vetusta omnia vt Apostolus inquit, veterat, quod omniû antiquarû ceremoniarû, rituû, figurarû spiritû & veritatè in se cõtinet, quod vnû omniû maiorû nostrorû desiderio satisfacere potuisset. est inquâ summa, ac veluti caput quoddam omnium beneficiorum, quæ virtute Christi Iesu

Iesu Nazaræni crucifixi, & resuscitati atque ad cælum sublatis, pijs hominibus sibiq. charissimis contingere solent. Est diuina illa paracleti spiritus promissio, quem qui cælestis patris dono Christo rogante sortiti sunt, cælesti regni hæredes & diuinæ consortes natura efficiuntur, regnumque ipsum Dei intra se habentes, eius quæ in mundo est concupiscentiæ corruptionem fugere consueuere. Inter cætera signa quibus de vêturo redemptore Deus testatur, quinque præcipue obseruanda traduntur, quæ omnium spiritualium signorum, veluti quædam sunt capita, ad quæ cætera referantur. Atque hæc omnia non tam externa aliqua specie, quàm interna animorum virtute in hominibus spectanda fuerant, ita vt suo ipsorum sensu & experimento, viuoque testimonio ac cælesti quadam certitudine & fide, quæ omnem sensum, omnem humanam scientiam superaret, ea diuini verbi veritas probaretur, sicut scriptum de illis testibus & testimonijs est: Vos testes mei Isa. 43. dicit Dominus & seruus meus quem elegi, vt sciatis & credatis mihi, & intelligatis, quia » ego ipse sum, qui loquebar, ecce adsum. Atque hæc signa si referenda nunc nobis forent, » longiorè suppeditarent materiã, q̃ vt capere hic locus posset. quorũ cõmoda & oportunis-  
15 sima sedes in D. Pauli epistolis collocata est. vnũ tamen ex his hoc in loco pro dignitate tractare tenuitas nostra recusat; pro necessitate verò perstringere ratio ipsa postulat, ea aut vna ex ijs rebus est, quas Diuinus ille Messias in his qui se verè colerent, pro virtutis suæ & promissionum ratione efficere debuit & potuit. id fuit, vt diuinum, hoc est, suum patrisque spiritum suis omnibus communicaret, atque eo modo nouam & ab humanis sensibus remotam Dei notitiam impartiret. Vnde id euenturum fuit, vt illi in nouã vitam in nouosque homines mutati, præstantissimo virtutis & integritatis exemplo, & grauissimo Christi efficientiæ & veritatis testimonio cæteris hominibus esse possent. Atque ita diuinitus decretum fuit, vt ad primum alia etiam planè diuina consequerentur signa, vt sunt vaticinia, multarum linguarum sine disciplina aut exercitatione peritia, sanandi  
25 & docendi diuinitus comparata facultas, & quæcunque sunt eius generis, quas gratiarũ diuisiones Apostolus nominat. atque hoc totum signorum præcedentium & consequentium genus à Ioel hoc in loco indicatur, qui quo tempore, quibusque modis diuinã veritatem inquirere, vestigare & probare oporteret, hoc oraculo prædicens docuit: [*Et erit post hæc.*] quando hæc futura essent, inirio indicauit; nempe post secula illa ferrea, quibus  
30 Deus humano generi insensus adhuc erat, postquã illa vmbra & nox lucis aduentu euanesceret, cum iam ille rerum status qui vatis temporibus vigeat, in hunc felicem quem nostra tenent secula, conuertendus esset: itaque verba illa, *post hæc*, non significant consequentiam omnium quæ dicta sunt, nam simul cum quibusdam alijs ex rebus illis diuinis, quas adnotauimus, hoc etiam erat euenturum; vt cum reconciliatione hominum in diuinam gratiam, sed, *post hæc*, præsentium rerum significat statum, quod significaret, si, post hos dies, dixisset. atque hæc disputatio Hebraicè scientibus esset omnino superuacua quippe Hebraica verba id quod adnotauimus planè exponunt. [*Et erit post sic.*] quem locum à nobis nostraque sententia diuus Petrus publicè est interpretatus. In nouissimis, inquit illis diebus [*Effundam de spiritu meo super omnem*  
40 *carnem.*] Hoc maximo & præstantissimo Dei dono Christi efficientia donandi erant, quicunque illi crederent & dicto obedientes essent, vt diuini spiritus abundantia imbuti & renouati, filij Dei homines in terris planè diuini redderentur. atque huiusmodi beneficium non solum Israhelico populo, sed omnibus, quicunque Domini nomen purè sancteque inuocaturi essent, commune erat futurum; carnis enim appellatione in sacra  
45 lingua non omnia animantium genera, sed tantum humanum continetur, id autem verissimum est, cum adiuncta verba rem ad viuentem carnem pertinere declarent, cuiusmodi verba sunt, adorare, ingemiscere, bene dicere, iactari, gloriari, & quæ ex hoc verborum genere deducta sunt nomina, vt gloria, pulchritudo, superbia, concupiscentia, &c. vt, Omnis caro scenum. & Benedicat omnis caro nomen sanctum eius. atque  
50 sexcenta alia id genus exempla. si verò ad mortuam carnem spectat oratio, aliorum etiam animalium genera, etiam piscium ea res comprehendit. vt, Carnem cum sanguine non comederis. Largam autem & copiosam eius spiritus abundantiam fore verbum illud, *Gen. 9.* *effundere*, declarat; nam effusionis ratio certum ipsa sibi modum nec præscribit, nec eius qui effundit animo & largitati ponit, quacunque in re effusio consideretur. vt, *Effunde iram tuam in gentes quæ te non nouerunt.* & Non effudit omnem iram suam. & Isai. 40.  
Psal. 144.  
Psal. 78.



Effudit super nos misericordiam suam. Est itaque effusio paritati omnino aduersa. Humilismodi figura exteri auctores in largitate, & profusione describenda vsi sunt.

Horat. l. 2.  
od. 14.

Ioan. 7.

Philip. 2.

Gal. 3.

Gal. 3.

Acto. 10.

Acto. 2.

1. Reg. 11.

*Absumet haeres Cecuba dignior* *Seruata centū clauibus: & mero* *Tinget pauimentū superbo.*  
Abundantem ergo spiritus sui copiam se facturum promittit Deus, atque id ante Christi mortem, resurrectionem, & in caelos cum triumpho ascensum, omnis quidem caro desiderauit, nulla tamen obtinuit, nondū enim spiritus sanctus erat datus; quia nondū Christus fuerat clarificatus. Est autem duplex diuini spiritus in ijs, qui eo fruuntur, efficientiae genus, alterum quidem vitae renouatio, ac nouae Cuiusdā respirationis planē diuinā vsus, quem nemo scit, nisi qui accipit; magnā nimirū in hominibus mutationem ab omni humana humilitate longē remotā. Quippe omnia alia vt stercora reputabat. propter eminentem in se Christi scientiam, ad cognoscendum eum & virtutem resurrectionis eius & societatem passionum i'lius. Itaque hoc genus ad eius ipsius, in quo est vtilitatem, sanctificationem & caelestem felicitatem propriē pertinet. Alterum autem genus est eorum, quos hic spiritus corripuerit ad res publicē gerendas effictio, & diuina quaedam conformatio; eaque contingit ijs, quos Deus non tam sui ipsorum, quā aliorum causā publicorum munerū & gerendarum rerum administratores creat; cuiusmodi sunt reges, vates, sacerdotes, pontifices, apostoli, doctores, belli duces, & peritissimi etiam artifices. atque harum rerum distinguendi causa, alterum genus nos sanctificationis spiritum, alterum verō officij, siue ministerij nominare consueuimus. quae verba perpetua nobis in commentando esse placet, vt non semper descriptionibus annotationibusque sit opus. vtrunque verō hoc in loco à Vate indicatur; prius illud omnibus seculis ad Christi vsque tempora exoptatissimum quidem, ignotum tamen, atque hoc posterius antiquis etiam temporibus celebratum ac frequens. Alterius verō virtus & vis similis esse debuit ille virtuti spiritus, quo Christus repletus à patre fuit, de quo scriptum est. Et impleuit eum Dominus spiritu sapientiae & prudentiae, spiritu scientiae & intellectus. hoc spiritu praecipue imbuendos esse homines, qui ad diuinam gratiam Christi opera & virtute reconciliarentur; hoc inquam spiritu implendos omnium nobis prophetarum arcana folia promittunt. deinde etiam alia praesentis reconciliationis signa Christianae veritatis fidem apud omnes homines factura praedicuntur. Triplex autem in vniuersum diuinā gratiae signorum genus illis temporibus desiderari, quibus Deus maximē orbi infensus fuerit, diuinus Psaltes querebatur: Signa nostra non vidimus, iam non est propheta, & Deum non est cognoscens vsquequo? omnia haec argumenta renouanda instaurandaque esse praedicat, cum aetas illa felicissima humanae redemptionis continget. atque ita diuinā cognitionis vaticiniorum & signorum abundantiam futuram. spiritum autem cognitionis Dei super omnem carnem effundendum & promissum fuerat, & in ipso veritatis argumento ostensum demonstratumque est, & tandem futuris temporibus abundantissime demonstrabitur: non enim solum Iudeos Israēliticamque gentem hoc beneficio affectos fuisse, sed etiam gentes Cornelij Centurionis familia & Samaritanorū Ecclesia declarauit. Quam rem sapientissimē diuus Petrus ex hoc ipso Ioēlis loco ad Christi virtutem, veritatem & gloriam pertinuisse disseruit: Hoc est, inquit, quod dictum est per prophetā Ioēl. Et erit in nouissimis diebus dicit Dominus, effundā de spiritu meo super omnē carnē. Abundē autē effusum esse D. Paulus testatur, quē, inquit, effudit super nos abundē, ac spiritum quidē hunc cognitionis multis tum prophetis, tum alijs effundendum communicandumque esse, sed ministerij spiritum certis hominibus esse impartendum, nullo tamē aut aetatis, aut sexus delectu. sed illud ad hanc rem considerandum est, somnia visionesque prophetiam dici, prophetiam verō cum his generibus non necessariō cōnecti: quanquam enim omne oraculum, omnis visio & somnium omne diuinitus immissum, prophetia aut vaticinium sit, non tamen omnis prophetia, visio, aut oraculum, aut somnium est. Nam qui diuino spiritu correpti de magnis ac diuinis rebus canunt, aut disserunt, aut etiam concionantur, aut ad diuinam aliquam poësim rapti choreas agunt, deique praedicant laudes, hi omnes & si futura non prauideant, tamen vaticinari siue prophetare dicuntur. atque in eorum Vatum grege Saul olim semel atque iterum enumeratus est, & illi etiam postea, qui varijs linguis locuti magnalia Dei cum summa spectantium admiratione praedicabant. erat autem illud tam viris, quā mulieribus frequens collegium. Nm praeter vndecim apostolos alij etiam optimi viri erant cum mulieribus, & Maria



Maria matre Iesu, & fratribus eius perseverantes vnanimiter in oratione. qui omnes Iu- A<sup>cto. 1.</sup>  
 dæorum & Israël quidem filij & filia vbi diuino spiritu imbuti fuere, prophetare cœpe-  
 runt, vt adimpleretur hoc quod dictum est: [Et prophetabunt filij vestri & filie vestre.]  
 Omnibus ergo gentibus spiritum diuinæ cognitionis abundanter esse cōmunicandum,  
 vt in veritate compertum sit apud Deum personarum acceptionem nō esse, sed in omni A<sup>cto. 10.</sup>  
 gente qui timet Dominum, eum illi esse acceptum. eum à tenebris ad diuini nominis  
 cognitionem, ad salutis suæ vsum, ad diuinarū rerum prædicationem esse admittendum,  
 sicut scriptum est: Tunc conuertam populo meo labium clarum, vt inuocent omnes in Sophon. 3.  
 nomine Domini, ineffabili. Illud etiam quod additum hoc in loco est.

10 *Et etiam super seruos & ancillas effundam spiritum meum.*

AD IDEM effusionis spectat genus, de quo dictum hætenus est, sed certas tamen  
 personas hoc loco appellari ratio ipsa arguit, quæ propriè serui & ancillæ dicuntur: nam de  
 seruis & ancillis Hebræorum qui ex alijs gentibus aut orti, aut oriundi essent, sermonem  
 15 haberi nihil opus fuerat, cum eiusmodi omnes nomine omnis carnis continerentur, sed  
 ita hæc ratio sese habet. Prior illa sententiæ & promissionis pars ad omnem auream noui  
 Testamenti ætatem pertinet, in qua diuini spiritus effusio per euangelij prædicationem  
 omnibus omnium nationum hominibus cōmunicanda erat, atque alij quidē alios tem-  
 pore antecessuros, donec tandem omnes in vnum ouile reducti manifesto labio diuinum  
 20 nomen summis laudibus prosequantur. sed tamen vt huius rei veritas constaret, atq. hæc  
 spes omnes homines vt ad illam felicitatem rectis studijs contenderent, incitare posset,  
 hanc ob causam primis illis diebus, quo hæc promissio suum euentum habere cœpisset,  
 multis ex omni gente testimonijs cōprobatam cōfirmatamq. huius sui dicti & conuenti  
 veritatem atque constantiam esse voluit Deus, multosq. de ea re in mundum testes pro-  
 25 duci, quibus certissima diuini Messia causa esse confirmaretur; sed inter hos præcipuè  
 eos esse voluit, qui vnà cum diuino illo suo Messia à principio prædicationis Euangelij Luc. 1.  
 fuissent versati & testes fuissent omnium quæ in nobis factæ sunt rerum, & ministri fue-  
 rint sermonis. horum certus numerus fuit, quos ad eam rem delectos, vt eidem etiam  
 Euangelium annuntiandi ministerio operam nauarent, atque in id studium quisque pro  
 30 sui muneris ratione incumberent, huius maximi doni expertes esse non est passus, sed eo-  
 rum imprimis laborem his diuini spiritus honoribus, præmijs atque splendore decoran-  
 dos instituit. Hi autē duodecim Apostoli & septuaginta duo discipuli fuerunt cum Ma-  
 ria matre Iesu & mulieribus, quæ Iesum à Galilæa fuerant secutæ, & ministrabant ei de  
 facultatibus suis & Euangelij ministros ipsos pro sua parte iuuanbāt hos seruos antea vo-  
 35 catos ad amicitiam demum diuinique regni consortium admittēdos Christus ipse fue-  
 rat pollicitus. iam non dicam vos seruos, sed amicos, seruus enim nescit quid faciat Do-  
 minus eius. Vos autem dixi amicos, quia omnia quæcunque audiui à patre meo nota feci  
 vobis, vbi enim spiritū sanctum acceperunt, tunc cognouerunt quod de ijs rebus locutus  
 40 illis Magister fuerat, antea omnia maxima illa mysteria quidem ex eo audita illis fuerāt,  
 tamen in obscuro incertoque latebant quoad spiritus ille veritatis venit, à quo omnem  
 veritatem sunt edocti. Igitur Apostoli atq. discipuli & mulieres illæ piæ hoc in loco tum  
 præcipui cuiusdam honoris, tum maioris certitudinis causa appellantur: æquum enim  
 fuit, & ad Christi veritatem firmandam cōmodissimum, vt ea primum dignitas ad eius  
 discipulos & asseclas deferretur qui illius impartendæ auctor antistesq. esse dicendus  
 45 esset. Itaque illud etiam priuatam quandam & præcipuam honoris habet notationem;  
 quamobrem non quoscunque seruos & ancillas, sed Dei tantum seruos & ancillas, qui  
 eidem Euangelij prædicandi ministerio operā darent, hoc in loco interpretari, præterquā  
 quod res ipsa atq. ratio postulat, diuinus etiā interpret Petrus nos docuit, dicēs: Et quidē A<sup>cto. 2.</sup>  
 super seruos meos & ancillas meas effundam de spiritu meo in diebus illis, & propheta-  
 50 bunt. quod verò addidit, prophetabunt, illud intelligere voluit, seruos & ancillas eius  
 quidem spiritus effusione decorādos augendosq. esse, cuius virtute Deum cognoscerēt,  
 & admirandis modis, vt à nobis explicatū est, prædicarent. neque minorē suam ipsorum  
 rationem hac in re futuram, quam fuerit omni carni promissa ratio. Atque hæc quanta  
 potuimus breuitate de primo illo signo dicta nobis sunt, de spiritu inquam sanctifica-  
 tionis & agnitionis Dei, quod signum à Psalte requirebatur dicēte: Et non est nobiscum  
 cognoscens

Acto.

cognoscens vsquequo? in illis enim diebus cum sese primum diuina hæc explicare coepit ratio, multi fuere qui cognoscerent; in primis autem serui & ancillæ, qui virtute magna reddebant testimonium resurrectionis & virtutis Christi Iesu. Secundum verò diuinæ visæ gratiæ signum, quod ab antiquis illis desiderabatur, illud fuit: iam non est propheta. huic signo sese cumulatè satisfacturum Deus promisit: [*Et senes vestri somnia somniabunt, & iuuenes vestri visiones videbunt.*] Quamquā omne prophetiæ genus diuinū planè sit, & longè ab humana facultate remotū, quod & illi intellexerunt, qui dicebant:

Horat.

*Prudens futuri temporis exitum**Caliginosa nocte premit Deus.*

Tamen in prophetiarum modo &amp; ordine

gradus quidam sunt: aliud enim est genus quod vigilantibus quidè & sentientibus; aliud quod dormientibus per quietem visere datur. atque id quod vigilantes monet prius quidem atque dignius esse nonnullæ rationes probant: vtrumque autem diuinum certissimumque esse constat. Plerunque autem vsuuenire solet vt hæc genera hominibus accommodentur pro naturali cuiusque modo idoneaque ratione. ita vt dicendæ res pastoribus & rusticioris vitæ hominibus earum quibus assueuere rerum similitudinibus ostendantur & pronütientur, qui verò ad vrbanas & ciuiles rationes vitam insituerint ij aliud & spectaculorum genus intueantur & ciuili magis vtantur sermone. Isaias & Amos huius rei argumento nobis esse possunt: sed hæc ratio longior est & proprium sibi sermonem ad differendum postulat. Breuiter verò dicimus senes homines secundum naturæ habitum ad somnia, iuuenes verò ad visionē magis esse idoneos: Nam senibus ob eam, quæ ætate colligitur humiditatem, & ob longum rerum experimentum atque vsum maior cogitationum & imaginum copia inest, & firmitus hæret, ex quibus visendarum rerum similitudines & spectra commisceri atque componi cōmodius possint. his autem imaginibus permotis & certo ordine collocatis somnia illis grata verissimaque à numine mittuntur. At verò iuueni tum ætatis ipsius imprudētia, tum feruor ipse calorq. inuentæ & minorem rerum vsum paucioresque cogitationes suppeditant & quas suppeditarunt, facilius dissipant: declarant autem & hoc quæ secundum naturam sunt in ipsis somnia, quæ rariora quidè multò, quàm in senibus sunt, eaque de leuissimis rebus, quales ipsi nimirum cogitare & commentari interdum solent, quorum euigilantes non recordantur. horum ergo & ætati & habilitati visionis ratio multò aptius conuenit; vt si his vaticinij munus deferendum sit, vigilantibus non solum rerum & imaginum misiones & compositiones, sed res etiam ipsæ atq. imagines, quarum illi penuria laborant, suppeditetur. facile ergo locus hic explicari potest, si res ad eam, quam diximus, rationem referatur. Neque verò omnes quorquot spiritum sanctum acceperint, his modis vaticinatos esse præcinit, sed spiritum in omnem carnem esse effundendum, prophetas autem non omnes, sed certos quosdam omnis ætatis, tum senes, tum etiam iuuenes esse futuros: Nam cum spiritus sanctificationis singulis ad propriam salutem necessarius sit, singulis etiam promittitur: spiritus autem ministeriorum & diuisiones gratiarum nō tam ipsorum quibus contingunt, quàm aliorum hominum causa datur; cum autem non necessarium sit omnes ministros esse, sed quosdam qui ministrēt, multò autem plures quibus ministrandum sit, res ipsa rei que ratio postulat, vt ex tanta multitudine certi quidam deligantur, quibus aliorum cura studium & ministerium credi committi que possit, sicut scriptum est: Vnicuique autem datur manifestatio spiritus ad vtilitatem aliorum: alij quidem, » per spiritum datur sermo sapientiæ, alij autem sermo scientiæ, secundum eundem spiritum, alteri fides in eodem spiritu, alteri gratia sanitarum in vno spiritu, alij operatio virtutum, alij prophetia &c. hæc autem omnia operatur vnus atque idem spiritus diuidens singulis prout vult. Quosdam ergo vates qui futura prædicerent, aut absentes perspicerent res illis diebus quibus spiritus dandus esset, futuros, diuinum verbum prædixit, & re ipsa præstitit: nam multi Apostolorū temporibus huius ordinis homines fuerunt, vt Antiochense collegiū illud in quo Barnabas & Simon qui vocabatur Niger, & Lucius Cyrenensis, & Menahen, & Saulus, atque alij; Agabus etiam ille qui famem futuram prædicat & Christianorum rebus consulendum curauit, Iudas præterea & Silas qui Christianos ad laborum & suppliciorum tolerantiam prædicantes hortabantur; nec non & tres illæ virgines Philippi Cæsariensis Euangelistæ sorores: atque hi alijque omnes tum iuuenes, tum senes huius promissionis veritatem & constantiam re ipsa comprobant.

Tertium

Gale. 1. & 2.  
de temper.  
Aristo. lib. 2.  
de anima.

1. Cor. 12.

Act. 13.

Act. 15.

Tertium porro argumentum quod Psaltes eorum nomine requirebat qui Israëlitarum res iacentes & à numine desertas querebantur SIGNA erāt. Signa inquit nostra non vidimus, huic rei suas etiam prædictiones ascribit Vates, certis tamen rationibus distinctas, vt intelligi facillè possit ab ijs, qui diligenter attenderint ad quam partē vnaquæq. pertinere possit ratio. Ac in signorum & prodigiorum ratione cōsideranda illud obseruandum est, omnia in vniuersum signa & prodigia, miraculorum duplicem portendere significationem vt duplici etiam naturæ suæ genere constare; atque vnum quidem genus signorum est, quod siue in cælo, siue in terra, siue in mari fluminibꝫue editum sit, terrorem & metum hominibus incutit, & diuinam indicat iram, vltionemq. portendit futuram. cuius generis sunt, serpentium & draconum visæ species, aquarum in sangtinem mutati colores, imminantium imbrium grandinumque procellæ, fulgura etiam & tonitrua, volantesque ignes & maris fremitus, aut fluuiorum recursus, & quæcunq. aut in sublimi, aut humi fieri præter naturæ ordinem rationemque accidet: Namque hæc diuinæ iræ indicia sunt, & paratū à superis aduersus mortales bellum veluti tubarū signa quædā præcinere solent. in his etiam prælia aduersus alias gētes facta sint, atque hæc omnia humanos animos sibi metuentes turbare & vehementi pauore afficere consueuere, sicut scriptum est: Etenim irruit in nos terror vester, & languerunt omnes habitatores terræ. Iosue 2. Audiuimus quod siccauerit Dominus aquas maris rubri ad vestrum introitum, quando egressi estis ex Ægypto, & quæ feceritis duobus Amorrhæorum regibus, qui erant trans Iordanem. & hæc audientes pertinuimus, & elanguit cor nostrū, nec remansit in nobis spiritus. & illud etiam Gabaonitarum ad hanc rem facit. Venerunt, inquiunt, serui tui in nomine Domini Dei tui. Audiuimus enim famam potentia eius cuncta quæ fecit in Ægypto &c. & illud: Postquam ergo audierunt omnes reges Amorrhæorum qui habitabant trans Iordanem ad occidentalem plagam, & cuncti reges Chananæorum qui propinqua possidebant magni maris loca quod siccaisset Dominus fluentia Iordanis coram filiis Israël donec transirent, dissolutum est cor eorum, & non remansit in eis spiritus timentium introitum filiorum Israël. Itaque huiusmodi miracula & signa quæ terrorem natura sua humanis animis iniiciunt, & quæ naturam rerū sic mutare solent, vt corrumpere videantur, irati & vltionem parantis numinis indicia portentaque sunt. Alterum verò genus signorum est, non minus quàm illud superius admirandum, mite tamen & placidum, & ad hominum vtilitatem proprius pertinens, quod non diuinæ iræ timorem, sed gratiæ potius spem fidemque faciat. qualia sunt ventorum procellarum ac tempestatum in melius permutatio, morborum & difficillimarū ægritudinum subita curatio, depeditorum membrorum aut sensuum restitutio & mortuorum etiam excitatio, & quæcunque ad commodum potius atque ad naturæ salutem referri possunt. huiusmodi enim quæ sunt, Deum propitium præsentemque, & eorum apud quos hæc edūtur signa, salutis consulentem probant, sicut scriptum est: Deus ipse veniet & saluabit nos, tunc aperientur oculi cæcorum, & aures surdorum patebunt, tunc saliet sicut ceruus, claudus, & aperta erit lingua mutorum. Ex quibus rebus illud consequitur, ipsa diuinorum signorum genera inditio hominibus esse, cuiusmodi erga se Dei mentem & consilium interpretari, expectareque conueniat: nam si ex illo priori genere prodigia sint, iratum & vltorem: si verò ex posteriori hoc, placatum, propitium & salutarem experiri est. Duplex autem Christi in orbem aduentus à sacris olim vatibus prædictus atque hominibus expectandus fuit: alter quidem omni hominum generi suauissimus optatissimusque cum totius orbis redemptor atque seruator venturus erat, diuinæque pacis, gratiæ & reconciliationis interpret & procurator, nemini malum aut damnum, sed omnibus quicunque se reciperent, salutem, libertatem & diuini regni deferens hæreditatem, Iosue 3. sicut scriptum est: Non misit Deus filium suum, vt iudicet mundum, sed vt saluetur mundus per ipsum. huius autem aduentus & felicissimi nuntij atque negotij posterioris illius generis signa & miracula argumento fore, & à vatibus (vt iam citauimus) prædictum fuerat, & ab ipso veniente præstitum firmatumque est, atque ab ijs, qui rem sapientissimè examinarunt, est approbatum. Euntes, inquit, renuntiate Ioanni quæ vidistis & audistis, cæci vident, surdi audiunt, claudi ambulant, læprosi mundantur, mortui resurgunt, pauperes euangelizantur, & beatus est qui in me non fuerit scandalizatus. Matth. 11.

Alter



Alter autem Christi aduentus vt pijs & sanctis hominibus, quorum rarior copia est, desiderandus potius, quàm timendus, sic cæteris mortalibus omnibus, imò & dæmonum etiam generi vehementer metuendus horribilisque est; cum eum quem homines seruatores agnoscere ac recipere noluerunt, neque mansuetum asina vectum regem salutare, iudicem tandem & ultorem experturi erunt, venientemque in nubibus cæli, & in flamma ignis, dantem vindictâ ijs qui non nouerunt Deum, & qui non obedierunt Evangelio gloriæ Christi, qui pœnas dabunt æternas, cum venerit iudicare impios & admirabilis fieri in sanctis suis. Atque hunc alterum aduentum horrenda illa prioris generis signa certis temporibus præcessura esse diuinis oraculis accepimus, ex quibus vnum hoc apud Ioëlem est:

*Et dabo prodigia in cælo, & in terra, sanguinem, & ignem, & vaporem fumi.  
Sol conuertetur in tenebras, & luna in sanguinem: antequam veniat dies  
Domini magnus & horribilis.*

ATQUE equidem non satis illam tantam Phariseorum aut insipientiam mirari, aut is malitiam accusare queo, qui vtrumque hoc signorum genus ita confundebant & perturbabant, vt vtrumnam ad vtra tempora pertineret non cernerent, aut si maximè perspexissent, tamen eam rationem omnem rudi & simplici populo inuidebant, vt Christi Iesu dignitatem & splendorem obscurarent, signum de cælo petentes. quamobrem meritò à Christo generatio praua & peruersa audierunt. Pertinet ergo hoc signorum & prodigiorum genus ad eam quæ primum Christi seruatoris aduentum secutura erat ultionè, quæ impijs & sceleratissimis hominibus æternum allatura esset exitium. Etenim cum ab initio mundi ad extrema vsque tempora ita dæmonis astu ac dolo, atque hominum malitia comparatum sit, vt impij & scelerati homines non solum virtutis viam deferentes vitio & voluptatibus incumberent, sed eos etiam qui diuersa studia & arduum virtutis iter sequerentur, magnis clamoribus, conuiuijs, probris atque iniurijs agitarèt & probrosa interdum etiam morte afficerent, eam rem aliquando à Deo vindicatam iri fuit æquissimum. Dicta igitur dies impijs hominibus, & æterna diuini consilij mente præfixa est omnibus mortalibus incerta, vni tantum Deo constans & certissima; cuius tamen reipsa futura & sine vlla dubitatione expectanda certissima quædam eius generis signa Deus esse voluit; quibus magnam suam ad puniendum vim & potentiam ostendere probareque solet. ea autem erunt partim in cælo, partim in terra: in terra quidem horrenda cruentaque bella, quibus humano sanguine terra ipsa inundet præter aquarum, fluuiorum sanguineum ruborem, cælitus verò corruscus ignis & fulgura si mina que terram incendunt, ex eoque incendio vapor fumi ascendet solis etiam eclipses, quæ secundum naturam suam metum & tristitiam hominibus afferre solent, nedum si præter naturæ ordinem huiusmodi accidant. vt si sol ipse lumine priuetur, nullo, cur id fiat, lunæ interiectu. Luna autem eum quem ostendere solet candorem, in sanguineum ruborem mutet, tum verò maximus homines pauor terrorque arripiet: namque irati Dei & ultoris signa sunt, iamque diuinorum bellorum horrenda dari signa incipiunt, quæ tantò vehementius hominum corda terrebunt, quanto certius ex præcedentibus vaticinijs non casu, sed consilio euenire constabit. Eam autem extremam diuini iudicij diem non æquam omnibus hominibus sortem edet, sed pijs quidem extremam æternamque felicitatem & quietem, omniumque tandem laborum finem virtutumque præmia; impijs verò miserum & lamentabilem voluptatum & vitiorum afferet exitum, & æternas scelerum atque iniuriarum pœnas denuntiabit. hæc ergo signa alijs spem, alijs verò metum afferant necesse est. propterea ait: [Antequam veniat dies ille Domini magnus & horribilis.] Pijs quidem magnus, impijs autem & sceleratis, horribilis. Si tamen, inquit, iustum est apud Deum retributionem ijs qui vos tribulant; & vobis qui tribulamini requiem nobiscum in reuelatione Domini nostri Iesu Christi de cælo, cum angelis virtutis eius. Quoniam autem totus hic locus grauissimo illo Christi de eadem re sermone explicatur, eum sermonem referre non pigebit. In illis diebus, sol contenebrabitur, & luna non dabit splendorem suum, & stellæ cæli erunt decedentes, & virtutes quæ in cælo sunt, commouebuntur. Et tunc videbunt filium hominis venientem cum virtute multa & gloria. Et tunc mittet angelos suos, & congregabit electos suos à quatuor ventis, à summo terræ vsque ad summum cæli. His autem fieri incipientibus, leuate capita



capita vestra. quoniam appropinquat redemptio vestra. A sicu autem discite parabolam  
&c. Poterant hunc in locum & quæ apud Isaiam, & quæ apud Ezechielem leguntur, af-  
ferri, nisi id & breuitatis spatium & lectorum vinceret patientiam. Isaia 13.  
Ezech. 23.

5 *Et erit, omnis qui inuocauerit nomen Domini saluus erit, quia in monte Sion & in  
Ierusalem erit saluatio & in residuis quos Dominus Vocauerit.*

IVDICII diem impijs terribilem formidabilemque maximè, pijs verò hominibus  
magnum, sanctum, omniq̃ue auiditate expectandum, vtpote quibus tamdiu desiderata  
redemptio aduenit. Erit enim dies ille in quo maxima hæc quæ videtur rerū rationumq̃.  
10 confusio, perturbatio, distinguenda cōponendaque sit. Nunc enim quamdiu hæc mundi  
humanarum rerum facies durat, quamdiu princeps huius mundi conari moliriq̃ue ali-  
quid potest, & agni & hœdi & zizania & probata semina permixta sunt, & potior malorū  
quàm bonorum hominum fors nonnullis esse videtur. illo autem die exacta iustorum &  
iniustorum distinctio seiunctioque futura est, atque agnis à dextra constitutis diuersa feli-  
15 cissimaque fors erit; contrà verò hœdis à sinistra locatis erit infelicissima: illi enim iucun-  
dissimam illam dicentis vocē audituri sunt: Venite benedicti patris mei. isti verò contrà  
durissimam illam: Ite maledicti patris mei in ignem æternum. Igitur non omnibus terri-  
bilis & calamitosa exitialisq̃. dies illa erit, sed impijs tantum & sceleratis qui non cogno-  
uerunt Deum nec obedierunt Euangelio gloriæ eius; pijs verò & iustis hominibus qui  
20 veræ religionis studio ardentē honestē laudatēq̃ue vixerunt, quique ad iustorum ciuita-  
tem societatemq̃. pertinuerunt, ijs iucundissima dies & serenissima erit. quod autem ge-  
nus id sit quos æterna hæc felicitas maneat, quibus rebus atque artibus instructos esse  
oporteat vt ad hoc idonei esse iudicentur, subiunctis carminibus Vates declarat: nimi-  
rum eos qui veræ religionis colentes fuerint quique in sanctam ciuitatem recepti à Deo  
25 fuerint, & inter ciues sanctorum & domesticos fidei annumerati. Neque enim in il-  
lam æternam cælestem Ierusalem migrantibus locus vllus erit, nisi ijs tantum qui eius  
quæ in terris est sanctæ ciuitatis ciues verè fuerint; hoc est, nisi ijs qui ad veram catholi-  
camq̃. piorum Ecclesiam pertinuerint. in illā enim cum triumpho nemo suscipietur qui  
idē in hac probatus miles nō fuerit. triplici ergo lege & pacto diuina in cælis ciuitate quis  
30 donatur si nomē Domini inuocauerit, si eius quæ in terris est ciuitatis Ierusalē, legitimus  
ciues fuerit (quocunque ortu secundū carnē is extiterit) modo ciuitate Ierosolymitanus,  
si in hanc ciuitatem diuino consilio & approbatione electus vocatusque sit. Neque enim  
satis est nomen Domini vtcunq̃. inuocare & se ad Dei familiam pertinuisse cōtendere,  
nisi & paterfamilias suum esse agnoscat, & cæterorū familiariū moribus & legibus vsum  
35 approbet: Non enim omnis qui dicit Domine Domine, intrabit in regnum celorum, sed  
tantum is qui facit voluntatē patris. Quamquam autem omnes ad cōuiuium vocati fue-  
rint, quanquā omnibus promissa ciuitas, non omnibus tamen aut certa aut constans per-  
manensque fuit. Alij namque quoniam non legitimè petierunt repulsam passi exclusiq̃.  
funt; alij verò quoniam abusi tātō honore sunt ciuitate amissa in exteriores tenebras sunt  
40 relegati, quibus effectum est, vt ex multis vocatis rari fuerint electi. Nouit autē Dominus  
qui sui sunt, & discedat ab iniquitate omnis qui inuocat nomē Domini: Namq̃. signatū  
esse oportet militem militariibusq̃. sacramētis obligatum, atq̃. ijs artibus instructum, quæ  
militiæ imperatori maximè fuerint probatæ. [*Quia in monte Sion & in Ierusalē erit saluatio.*]  
Ecclesiam nobis repræsentauit Ierusalē illa olim ab Iudaico populo frequentata & culta;  
45 cuius arx & regia in Sion mōte fuerat sita, Ecclesiam inquam Christianā & sanctorū ciui-  
tatē, cuius rex Deus, pontifex autē & procurator Christus Dei est, sicut scriptum est: Ac-  
cessistis ad Sion montē, & ciuitatē Dei viuentis Ierusalem cælestē, & multorum millium  
angelorum frequentiam, Ecclesiam primitiuorum qui conscripti sunt in cælis, & iudicē  
omnium Deum, & spiritum iustorum perfectorū, & Testamenti noui mediatorē Iesum.  
50 Neque verò de nihilo est quod duæ ciuitates Ierusalaim cōmuni omnium Theologorū  
sermone celebratur: duplex enim omnino Ierusalē est & duplex semper hæc ciuitas fuit,  
tam ea quæ terrena dicta est, quàm ea quæ cælestis nominatur. Atq̃. adeò viri Christiani  
aures nobis integras & apertas vos adinouere cupimus, nam ecce mysterium vobis dici-  
mus: Nomen Ierusalaim semper bina terminatione dictum Hebraicè est, quod semper  
gemina huius nominis vrbs fuerit. Namq̃. antiquum quondam ei vrbi, quæ in Iudæa sita  
fuit,

- fuit, nomen erat Salem, cuius rex olim Melchisedech in Mosaicis historijs celebratur. Altera verò erat Salem in terra Canaan prope Siloën, apud quam aliquando Iacob pater est versatus. Hebraicæ autem linguæ ratio vsusque habet, ut res quas geminas natura, aut casu, aut consilio esse contigerit dualis numeri nomine appellentur. ea terminatio in aim est. sic oznaim, duas aures; iadaim, manus duas, & reglaim duos pedes significat. sic etiã
- Gen. 14.** quoniam duo oppida Horon nomine erant, Horon superior & Horon inferior, Hornaim utrunque appellatum est. atque adeò huiusmodi nominis cadentiæ rem, cuius id nomen est, geminam esse arguit. Ut autem inter verumque Salaim certa ad distinguendum nota esset, placuit ei quæ in alto sita erat, atque ad Iudæorum & Biniaminitarum sortem pertinebat nomen facere Ierusalaim, quod propriè ad verbum, Salem conspicuam & excelsam liceat interpretari. Salem autem simplex nomen ipsum pacis & perfectionis rationem significationemque in se habet. atque ita Ierusalaim conspicuam & spectabilem pacem ac perfectionem significanter verterimus. Quanquam autem & ea quæ in plano humiliq. loco sita fuit, pacis nomine & perfectionis significatione insignis fuerat, non tamen conspicua pax appellata est, quòd locum teneret humilem, neque se ipsa longè prospicientibus posset ostendere. Hæc adeò omnia nobis cogitantibus præclara quædam & diuina arcana sese aperienda offerunt, quorum rationem ipsum nomen indicat Ierusalaim, quod ad noui Testamenti Ecclesiam significandam fuit usurpatum. Geminam ergo esse Ierusalaim hoc est geminam Ecclesiam alteram militantem, alteram triumphantem appellatam, nemo ferè eorum qui sacras literas attigerunt, ignorat, & qui in alteram hanc recepti verè fuerint, eos etiam ad illam super cælestem iurè admitti ipsius diuini pontificis decreto accepimus, qui cum Petro regni clauis se crediturum polliceretur, Quodcunque
- Iosue 18.** inquit, ligaueris super terram, erit ligatum in cælis, & quodcunque solueris super terram, erit solutum in cælis. Huius autem ciuitatis ius & ratio omnis planè cælestis est, nihilque terreni aut humani in se habet; neque enim vlla tanta vis aut virtus in terris esse potuit, ut cælestem & diuinam ciuitatem hic constitueret, nisi diuina virtus & efficientia cælitus missa eam rem pararet & efficeret, nisi pontifex & minister aliquis diuinus, esset, qui cælestem ciuitatem in terris instituèret atque adornaret, idque ius hominibus in eam suscipiendis communicaret, sine quo iure nemo homo diuina ciuitate, aut dignitate donari potuit. hoc autem ius spiritus sanctus est, quem dedit Deus omnibus obedientibus sibi, qui est pignus & arra, & certitudo hæreditatis eorum, qui acciperint. cuius quidem spiritus qui participes fuerint, filij Dei nominantur. & sunt; atque
- Eph. 2.** ij iam pace, iam perfectione diuina, iam diuinæ ciuitatis commodis hic etiam in terris fruuntur. sunt & alij qui ad hanc ciuitatem aspirant, eamque dignitatem, eam felicitatem omnibus votis expetunt atque ad eam pro sua facultate promerendam omnibus studijs contendunt. hi etiam nomen Domini inuocant. sed hi vel ad antiqua tempora, vel ad nostra pertinent, qui antiquis temporibus fuere antequam constituta in terris hæc ciuitas esset, antequam de cælo descendisset, viuentes illi quidè ciuitatis diuinæ sperandæ promissionem habuere, nunquam tamen admissi sunt dum viuerent; postquam verò vita hac functi sunt, ubi iam constituta ciuitas est, donati sunt ciuitate non hac Ierusalem in terris militante, quam mirum in modum expetierant, sed illa triumphante, quæ pro sui ordinis ratione contingere illis potuit. neque verò illa super cælestis vlli hominum patuit donec cælestis hæc in terra constituta fundataque fuit, sicut scriptum est: Nemo ascendit
- Ioan. 3.** in cælum, nisi qui descendit de cælo, filius hominis qui est ad dexteram patris. Atqui eius quem diximus ordinis antiqui illi viri fuerunt, ut Abraham, Isaac, & Iacob, & cæteri qui nullam sibi certam in terris sedem esse arbitrati sunt, sed expectabant fundamentum habentem ciuitatē. Nostræ verò aureæ ætatis, hoc est, noui testamenti homines pij hac præter alia multa hoc etiam honore, hac dignitate, hoc admirabili beneficio affecti sunt, ut multi ex eis paratæ iam & constitutæ ciuitatis non solum iure & nomine, sed libertate etiam atque immunitate viuentes sentientesque fruerentur. Præclara equidem atque antiquis etiam sanctis inuidenda felicitas, ut qui postremi ad laborem vineæque culturam vocati fuerint, primi omnium tantæ dignitatis usum fructumque capiant, de quibus scriptum est. Vos genus electum, regale sacerdotium, gens sancta, populus acquisitionis. quos non hospites & aduenas ut antiquos illos, sed ciues sanctorum & domesticos Dei iam Apostolus gratulando appellat, superædificatos supra fundamentum apostolorum & proph-

- prophetarum. Huius ciuitatis ius in fide tantū & spe huius nostre tempeſtatis hominibus iam fere ab hinc mille annis contingit; paucis verò reipſa & vſu; noſtra enim culpa fit, vt minus frequens modò ciuiū copia ſit eorū qui ſpiritu ſanctū in ſe habeant, quam Apoſtorū temporibus fuit. ſed futurū aliquādo diuino beneficio eſt, vt cæleſtis illa ciuitas iterū reſtituatur, magnaq. tum eorū qui in cælo, tum eorū etiam qui in terra degent frequētia gemina hæc Ieruſalē celebretur, vt impleatur quod dictū eſt per myſteriographū dicētē: Et ego Ioannes vidi ſanctā Ieruſalaim nouā deſcendentē de cælo à Deo paratā ſicut ſponſam ornata viro ſuo: Et audiui vocē magnā de Throno dicētē: Ecce tabernaculum Dei cum hominibus, & habitabit cū eis, & ipſi populus eius erūt, & ipſe Deus cū eis erit eorū Deus. & iterū inquit: Et ſuſtulit me in ſpiritu in montē magnū & altū, & oſtēdit mihi ciuitatē ſanctā Ieruſalē deſcendentē de cælo, habentē claritatē Dei, & lumē eius. & cætera quæ ſequuntur. Qui legit intelligat, aut vt intelligat illud, quod in eodē capite ſcriptū eſt, agat: Qui vicerit poſſidebit hæc, & ego ero illi Deus, & ille erit mihi filius. itaq. quicunq. huius cæleſtis Ieruſalē ciues iam & domeſtici ſunt, ciuitatis libertate & immunitate vtūtur. pacē illi quidē & perfectionē etiam in hoc humili terræ loco cōſtituti habēt, ſed non ita conſpicuā, non ita apertā, vt illi qui ſuperiorē incolunt Ieruſalē, quibus loci ipſe ſitus, & natura perpetuā, ſtabilē & omnibus manifeſtā felicitatē reddit: Etenim cælū ipſum ſua natura ſecuritātē incolentibus promittit, quo nihil earū quæ in inferiori loco cōtingunt, calamitatū, perturbationū tenebrarū, nihil deniq. mutationis pertingit. hanc autē rem ſic Apoſtolus exponit: Propter hoc mundus non nouit nos, quia non nouit Deū. Chariffimi, nunc filij Dei ſumus, & ſi nondū apparuit quod erimus, Scimus quoniam cū apparuerit, ſimiles ei erimus. Quicunq. igitur vel ex antiquis qui nomen Domini verē inuocantes ad diuinæ ciuitatis ius nomenq. pertinuerint, vel ex noſtris qui iā in ipſam ciuitatē cōſcripti receptiq. fuerint, quos reſiduos Vates hoc in loco nominat, oēs ij ſalui erunt: namque eos ſolos, quibus ciuitatis & ſocietatis huius ius & nomen ratioq. cōmunis fuerit, eius ſalutis conſortes eſſe voluit Deus. ac propterea ait: *[Quia in monte Sion & in Ieruſalem erit ſaluatio ſicut dixit Dominus, & in reſiduis quos Dominus vocauerit.]* In Hebraico exemplari verbum eſt KARA, quod vocare, appellare & legere etiam ſignificat. atq. eo quidē verbo elegantiſſimè hoc in loco Vates eſt vſus. nam quamuis vniuerſum hominū genus in libro vitæ deſcriptū fuerit, à multis tamen eſt commiſſum vt eorum nomina de eo libro deleantur, ſicut ſcriptum eſt: Qui peccauerit mihi, delebo eum de libro vitæ, & alio in loco: Si quis dimi- nuerit de verbis libri prophetiæ huius, auferet Deus partē eius de libro vitæ, & de ciuitate ſanctā. Et qui vicerit ſic, veſtietur veſtimētis albis, & non delebo nomē eius de libro vitæ. Faciam illum columnā in templo Dei mei, & foras nō egredietur amplius, & ſcribā ſuper eum nomen Dei mei, & nomen ciuitatis Dei mei nouæ Ieruſalē, quæ deſcendit de cælo, à Deo meo. Atq. adeo qui electionis rationem hoc modo non intelligit, is planē eam rem totam ignorat, & ſacrarū de ea re literarū argumenta non aſſequitur, in quibus quidam aberrantes naufragiū fecerūt. Igitur quo tempore hæc agnorū ab hædis ſeparatio futura eſt, Deus librū vitæ leget, & ſingulorū quæ in eo ſcripta permanſerint nominibus appellatis ciuium ſcilicet & peregrinorū ſuorum atque alienorū militum habebit delectum, ſicut ſcriptum eſt: Et erit omnis qui relictus fuerit in Ieruſalem, ſanctus vocabitur omnis ſcriptus ad vitam in Ieruſalem, & apud Daniele: Et in tempore illo ſaluabitur populus tuus omnis qui inuentus fuerit ſcriptus in libro vitæ.

## CAPVT III.

- 45 **V**IA ecce in diebus illis, & in tempore illo cū conuertero captiuitatē Iudæ & Ieruſalem: Congregabo omnes Gentes, & deducā eas in vallem Iofaphat: & diſceptabo cum eis ibi ſuper populo meo & hereditate mea Iſraël; quam diſperdiderunt in nationibus, & terram meam diuiſerunt.

50 **E**X HIS quæ à vatibus olim decantata & prædicta fuere, multa quidem ſuis temporibus exitus habuere ſuos, qui reſponſis & oraculis ipſis aptiſſimè reſpoderunt, atque hæc vna res & præſentibus, & futuris hominibus fidem ac ſpem facere potuit fore, vt cætera quæ nondum finem habuerant, certiſſima tandē euaderent. Hoc enim argumento Chriſtus dictorum à ſe vaticiniorum veritatem & conſtantiam diſcipulis probauit, cū

- Gen. 14. fuit, nomen erat Salem, cuius rex olim Melchisedech in Mosaicis historijs celebratur. Altera verò erat Salem in terra Canaan prope Siloën, apud quam aliquando Iacob pater est versatus. Hebraicæ autem linguæ ratio vsusque habet, ut res quas geminas natura, aut casu, aut consilio esse contigerit dualis numeri nomine appellentur. ea terminatio in aim est. sic oznaim, duas aures; iadaim, manus duas, & reglaim duos pedes significat. sic etiā
- Iosue 19. quoniam duo oppida Horon nomine erant, Horon superior & Horon inferior, Hornaim utrunque appellatum est. atque adeò huiusmodi nominis cadentiæ rem, cuius id nomen est, geminam esse arguit. Ut autem inter utrunque Salaim certa ad distinguendum nota esset, placuit ei quæ in alto sita erat, atque ad Iudæorum & Biniaminitarum sortem pertinebat nomen facere Ierusalaim, quod propriè ad verbum, Salem conspicuam & excelsam liceat interpretari. Salem autem simplex nomen ipsum pacis & perfectionis rationem significationemque in se habet. atque ita Ierusalaim conspicuam & spectabilem pacem ac perfectionem significanter verterimus. Quamquam autem & ea quæ in plano humiliq. loco sita fuit, pacis nomine & perfectionis significatione insignis fuerat, non tamen conspicua pax appellata est, quòd locum teneret humilem, neque se ipsa longè prospicientibus posset ostendere. Hæc adeò omnia nobis cogitantibus præclara quædam & diuina arcana sese aperienda offerunt, quorum rationem ipsum nomen indicat Ierusalaim, quod ad noui Testamenti Ecclesiam significandam fuit usurpatum. Geminam ergo esse Ierusalaim hoc est geminam Ecclesiam alteram militantem, alteram triumphantem appellatam, nemo ferè eorum qui sacras literas attingerunt, ignorat, & qui in alteram hanc recepti verè fuerint, eos etiam ad illam super cælestem iurè admitti ipsius diuini pontificis decreto accepimus, qui cum Petro regni clauis se crediturum polliceretur, Quodcunque, inquit, ligaueris super terram, erit ligatum in cælis, & quodcunque solueris super terram, erit solutum in cælis. Huius autem ciuitatis ius & ratio omnis planè cælestis est, nihilque terreni aut humani in se habet; neque enim vlla tanta vis aut virtus in terris esse potuit, ut cælestem & diuinam ciuitatem hic constitueret, nisi diuina virtus & efficientia cælitus missa eam rem pararet & efficeret, nisi pontifex & minister aliquis diuinus, esset, qui cælestem ciuitatem in terris institueret atque adornaret, idque ius hominibus in eam suscipiendis communicaret, sine quo iure nemo homo diuina ciuitate, aut dignitate donari potuit. hoc autem ius spiritus sanctus est, quem dedit Deus omnibus obedientibus sibi, qui est pignus & arra, & certitudo hæreditatis eorum, qui acceperint. cuius quidem spiritus qui participes fuerint, filij Dei nominantur. & sunt; atque ij iam pace, iam perfectione diuina, iam diuinæ ciuitatis commodis hic etiam in terris fruuntur. sunt & alij qui ad hanc ciuitatem aspirant, eamque dignitatem, eam felicitatem omnibus votis expetunt atque ad eam pro sua facultate promerendam omnibus studijs contendunt. hi etiam nomen Domini inuocant. sed hi vel ad antiqua tempora, vel ad nostra pertinent, qui antiquis temporibus fuere antequam constituta in terris hæc ciuitas esset, antequam de cælo descendisset, viuentes illi quidè ciuitatis diuinæ sperandæ promissionem habuere, nunquam tamen admissi sunt dum viuerent, postquam verò vita hac functi sunt, ubi iam constituta ciuitas est, donati sunt ciuitate non hac Ierusalem in terris militante, quam mirum in modum expetierant, sed illa triumphante, quæ pro sui ordinis ratione contingere illis potuit. neque verò illa super cælestis vlli hominum patuit donec cælestis hæc in terra constituta fundataque fuit, sicut scriptum est: Nemo ascendit in cælum, nisi qui descendit de cælo, filius hominis qui est ad dexteram patris. Atqui eius quem diximus ordinis antiqui illi viri fuerunt, ut Abraham, Isaac, & Iacob, & ceteri qui nullam sibi certam in terris sedem esse arbitrati sunt, sed expectabant fundamentum habentem ciuitatē. Nostræ verò auræ ætatis, hoc est, noui testamenti homines pij hac præter alia multa hoc etiam honore, hac dignitate, hoc admirabili beneficio affecti sunt, ut multi ex eis paratæ iam & constitutæ ciuitatis non solum iure & nomine, sed libertate etiam atque immunitate viuentes sentientesque fruerentur. Præclara equidem atque antiquis etiam sanctis inuidenda felicitas, ut qui postremi ad laborem vineæque culturam vocati fuerint, primi omnium tantæ dignitatis usum fructumque capiant, de quibus scriptum est: Vos genus electum, regale sacerdotium, gens sancta, populus acquisitionis, quos non hospites & aduenas ut antiquos illos, sed ciues sanctorum & domesticos Dei iam Apostolus gratulando appellat, superædificatos supra fundamentum apostolorum & proph-



capita vestra, quoniam appropinquat redemptio vestra. A ficu autem discite parabolam &c. Poterant hunc in locum & quæ apud Isaiam, & quæ apud Ezechielem leguntur, afferri, nisi id & breuitatis spacium & lectorum vinceret patientiam.

Isaia 19.  
Ezech. 23.

5 *Et erit, omnis qui inuocauerit nomen Domini saluus erit, quia in monte Sion & in Ierusalem erit saluatio & in residuis quos Dominus vocauerit.*

IVDICII diem impijs terribilem formidabilemque maximè, pijs verò hominibus magnum, sanctum, omniq̃ue auiditate expectandum, vtpote quibus tamdiu desiderata redemptio aduenit. Erit enim dies ille in quo maxima hæc quæ videtur rerū rationumq̃. confusio, perturbatio, distinguenda cōponendaque sit. Nunc enim quamdiu hæc mundi humanarum rerum facies durat, quamdiu princeps huius mundi conari moliriq̃ue aliquid potest, & agni & hœdi & zizania & probata semina permixta sunt, & potior malorū quàm bonorum hominum fors nonnullis esse videtur. illo autem die exacta iustorum & iniustorum distinctio sciunctioque futura est, atque agnis à dextra constitutis diuersa felicissimaque fors erit; contrà verò hœdis à sinistra locatis erit infeliciissima: illi enim iucundissimam illam dicentis vocē audituri sunt: Venite benedicti patris mei. isti verò contrà durissimam illam: Ite maledicti patris mei in ignem æternum. Igitur non omnibus terribilis & calamitosa exitialisq̃. dies illa erit, sed impijs tantum & sceleratis qui non cognouerunt Deum nec obedierunt Euangelio gloriæ eius; pijs verò & iustis hominibus qui veræ religionis studio ardentibus honestè laudateq̃ue vixerunt, quique ad iustorum ciuitatem societatemq̃. pertinuerunt, ijs iucundissima dies & serenissima erit. quod autem genius id sit quos æterna hæc felicitas maneat, quibus rebus atque artibus instructos esse oporteat vt ad hoc idonei esse iudicentur, subiunctis carminibus Vates declarat: nimirum eos qui veræ religionis colentes fuerint quique in sanctam ciuitatem recepti à Deo fuerint, & inter ciues sanctorum & domesticos fidei annumerati. Neque enim in illam æternam cælestem Ierusalem migrantibus locus vilis erit, nisi ijs tantum qui eius quæ in terris est sanctæ ciuitatis ciues verè fuerint; hoc est, nisi ijs qui ad veram catholicamq̃. piorum Ecclesiam pertinuerint. in illā enim cum triumpho nemo suscipietur qui idē in hac probatus miles nō fuerit. triplici ergo lege & pacto diuina in cælis ciuitate quis donatur si nomē Domini inuocauerit, si eius quæ in terris est ciuitatis Ierusalē, legitimus ciues fuerit (quocunque ortu secundū carnē is extiterit) modo ciuitate Ierosolymitanus, si in hanc ciuitatem diuino consilio & approbatione electus vocatusque sit. Neque enim satis est nomen Domini vtcunq̃. inuocare & se ad Dei familiam pertinuisse cōtendere, nisi & paterfamilias suum esse agnoscat, & cæterorū familiarium moribus & legibus vsum approbet: Non enim omnis qui dicit Domine Domine, intrabit in regnum celorum, sed tantum is qui facit voluntatē patris. Quamquam autem omnes ad cōuiuium vocati fuerint, quanquā omnibus promissa ciuitas, non omnibus tamen aut certa aut constans permanensque fuit. Alij namque quoniam non legitimè petierunt repulsam passi exclusiq̃. sunt; alij verò quoniam abusi tãto honore sunt ciuitate amissa in exteriores tenebras sunt relegati, quibus effectum est, vt ex multis vocatis rari fuerint electi. Nouit autē Dominus qui sui sunt, & discedat ab iniquitate omnis qui inuocat nomē Domini: Namq̃. signatū esse oportet militem militaribusq̃. sacramētis obligatum, atq̃. ijs artibus instructum, quæ militiæ imperatori maximè fuerint probatæ. [*Quia in monte Sion & in Ierusalē erit saluatio.*] Ecclesiam nobis repræsentauit Ierusalē illa olim ab Iudaico populo frequentata & culta; cuius arx & regia in Sion mōte fuerat sita, Ecclesiam inquam Christianā & sanctorū ciuitatē, cuius rex Deus, pontifex autē & procurator Christus Dei est, sicut scriptum est: Accessistis ad Sion montē, & ciuitatē Dei viuentis Ierusalem cælestē, & multorum millium angelorum frequentiam, Ecclesiam primitiuorum qui conscripti sunt in cælis, & iudicē omnium Deum, & spiritum iustorum perfectorū, & Testamenti noui mediatorē Iesum. Neque verò de nihilo est quod duæ ciuitates Ierusalaim cōmuni omnium Theologorū fermone celebratur: duplex enim omnino Ierusalē est & duplex semper hæc ciuitas fuit, tam ea quæ terrena dicta est, quàm ea quæ cælestis nominatur. Atq̃. adeò viri Christiani aures nobis integras & apertas vos adinouere cupimus, nam ecce mysterium vobis dicimus: Nomen Ierusalaim semper bina terminatione dictum Hebraicè est, quod semper gemina huius nominis vrbs fuerit. Namq̃. antiquum quondam ei vrbi, quæ in Iudæa sita fuit,

Matth. 10.

1. Corint. 1.

Hebr. 12.

de mundi fine & iudicii die rogatus quomodo ea futura essent, descripsit, atq. obiter Ierololymitanum excidium prædixit, quod ipso iam prisco sæculo futurum affirmavit, ut eius rei certus euentus cæterarum quæ ab eo antè dictæ erant, certum etiam exitum expectandum statueret. Atq. ita de Ierololymitanis rebus dixit: Amen dico vobis, non præteribit generatio hæc donec omnia hæc fiat. de alijs autem futuri iudicii rationibus à se relatis ait. Cælum & terra transibunt, verba autem mea non transibunt. Atque hæc prophetice veritatis asserenda probandaque vetus iam & usitata ratio est: nam qui spiritus vera & certa vatibus in longa posteraque tempora dictavit, idem non solum negotiorum rerumque ipsarum, sed fidei etiam atq. auctoritatis causa in priora atque proxima tempora quoque dictare voluit. idcirco illa oratione iure vates utitur: Et revelabuntur in tempore suo, hoc est, non omnia vno tempore, sed alia alijs fient temporibus; ita tamen, ut priora posterioribus fidem faciant. Ex his igitur quæ hæcenus à Ioële prædicta sunt, multa euentus ipse iam spectatus re comprobavit: cætera verò quorum edendi occasio nondum data est, expectanda certa que nobis reddere. cuiusmodi sunt Israëlitarum restitutio, iudicii communis omnibus dies, & quæ hoc in capite prædicuntur, divini nominis hostium strages & futura ecclesiæ sanctæ tranquillitas & pax. Atq. de communi iudicio actum iam in superiori capite est. nunc deinceps ultionem illam spectemus, quam populi sui hostibus, id est, suis Deus paravit, quæ ante iudicii diem futura est; quo tempore Israëlita à tenebris, à caligine in qua iacent, ad lucem veram reuocandi sunt, quando unus omnibus gregibus pastor, vnum commune omnibus ovile erit. quando omnes verè Iudæi erunt, hoc est, deposita illa carnis mole, & cordis præputio divinitus abscisso, omnium in ore vera communisque confessio & divinatorum beneficiorum prædicatio versabitur. Atq. ad hunc modum Iudaicas & Israëlitas rationes statuere oportet, ut verum Israëlitam, verumque Iudæum, verum Abraham semen, non carne, sed spiritu, definiamus, eosque Abraham filios dicamus qui Abraham fidem, studia atque opera fuerint imitati, ex quacunque gente sint, modò ad Abraham, Isaac & Israël spirituales familiam pertineant, sicut scriptum est: Non enim omnes qui ex circuncisione sunt Israël hi sunt Israëlita: neque qui semen sunt Abraham omnes filij. sed in Isaac vocabitur tibi semen: id est, non qui filij carnis, hi filij Dei: sed qui filij sunt promissionis. Igitur populum Dei piorum hominum ecclesiam societatemque esse statuimus, eosque verè Iudæos, hoc est, divinarum laudum prædicatores, & verè Israëlitas, in quibus dolus non est, esse dicique arbitramur, siue Israëlita secundum carnem sint, siue Idumæi, siue Ismaëlita siue ex Parthis & Elamitis, & qui habitant Mesopotamiam, Capadociam, Pontum & Asiam, Phrygiam, Pamphiliam, Ægyptum & Lybiam, & ex aduenis Romanis Cretensisibus & Arabum de gente remota: Namque ex his omnibus quicumque fide & pietate vera Deum coluerit, ille ad id decretum promissumque pertinet divinum: In semine tuo benedicentur omnes familie terræ. omnes enim vnum corpus sunt, vna omnibus fides, vna communis societas & ecclesia, vnum virtutis & pietatis studium, eadem in honestissimis rebus voluntas, atque æternæ illis salutis spes vna est. Neque verò locorum regionumque tantum, sed temporum etiam hæc societas, coniunctio & communicatio esse censetur: Nam & qui ante Christum fuere pii sanctique viri, & qui post Christum idem societatis & civitatis ius rationesque participant, atque inter se omnes communicant, tamen eius rei fructum non eodem tempore, & modo omnes æqualiter (ut antè diximus) perceperint. Iam verò omnium horum societatem & communem rem populumque vnum integrum animo cogitationeque altera ex parte statuamus: ex altera verò cæteros omnes quotquot in orbe aut sint, aut fuerint, aut futuri sint homines, his, quos modò descripsimus, omnino moribus & vita fideque dissimiles, atque inter se ipsos varium nimium ac dispares, quos nec certa lex regit, nec religio gubernat, nec opinio ducit, quorumque mores, studia, instituta, ac potius errores omnes persequi longa esset magis, quam benigna materia, quorum quamvis in cæteris rebus sententiæ varix discrepantesque sint, vnum hoc tamen omnibus commune & constans est, ut populum Dei à quo singuli longe distant, oderint, vexent & multis exagitent modis: Namque si quis à diluvij sæculo ad sua usque tempora hominum historias, annales & mundi fastos euoluat, apud seque cum rebus res componat, inueniet profecto vnum idemque iudicium, consilium & conatum filiorum hominum aduersus filios Dei per omnem ætatem fuisse, ut eos contempione, probris, inimicijs & iniurijs omnibus prosequerentur. & omnis Dei plebs tanquam cibum panis deuorarent. semper autem populus Dei calamitatem hanc timuit & expertus est.

Huius igitur tam antiquæ, tam longæ, tamque grauis iniuriæ pœnas Deū aliquando repetiturū, vicemque suorum ulturū, vates prædixere. Neque verò solum id futurū esse, vt ex ijs qui malè, impieque in vita se gesserint propriorum vnusquisque scelerū supplicia apud inferos exoluat, à qua lege & sententiā nemo hominū immunis ex istis ac liber erit (oēs enim nos manifestari oportet ante tribunal Christi, & reddere rationē prout quisque in corpore suo gessit, siue bonū siue malū) sed etiam ante illa vltima tēpora diem quendā dici, quo ij qui eo seculo deprehensi fuerint mali peruersique homines aliorū omnium qui ante se fuerint iudicium personamque sustinentes, pœnas luant, & cōmunis vitæ status ac cōditionis damnationem ipsi suo repræsentent supplicio. Hoc enim diuina æquitas interdū & iustitiæ ratio postulat, vt dū alij ob propria scelera puniuntur, aliorū etiā similia studia eodē crimine inuoluta dā-  
 10 nentur, & qui posteriores fuerint, vbi ad maiorū suorum mensurā malefaciēdo addiderint, ipsi tandē diruēdi cumuli occasio fiat, sicut scriptū est: Implete vos mēsurā patrū vestrorū Luc. 11. vt veniat super vos omnis sanguis qui effusus est à sanguine Abel iusti, vsq. ad sanguinem Zachariæ filij Barachiz, quē occidistis inter tēplum & altare. Occidistis, inquit, nō quod ipsi  
 15 iidē eius necis auctores extiterint, sed quod eius sententiæ, studij atque odij in pios homines imitatores atque asseclæ fuerint: Nā prouidentia quidē, quæ vna ex maximis Dei virtutibus est, vna res sæpe in dubitationē quæstionēque vocat, quod iniqua vtriusque generis hominū & bonorū & malorū fors esse videatur. ea lis & causā priuatē sæpe à Deo cōtra oppugnātes iudicata atque dānata est. siquidē frequētia Deus à pietate, à virtute aduersus sceleratos  
 20 & impios homines iudicij sententiæque suæ exēpla edidit; ea tamē quoniā multos impios & scelestos effugere accidit, diuinā prouidentiam nō ita publicē omni hominū generi probauēre, vt publicē probari solet, cum null⁹ qui in culpa est culpæ pœnā effugerit, cum innocentia & integritas à scelere & malitia supplicio aut præmio distinguitur: cuiusmodi acre & seuerū iudiciū cōmunis illa totius orbis inundatio ostēdit, in qua pauci, id est, octo ani- 1. Pet.  
 25 mæ salutæ factæ sunt, cum cæteros oēs in noxa & culpa esse diuina sententiā pronuntiaffet: Ingredere, inquit, in arcā tu & domus tua, te enim vidi iustū corā me in generatione hac. Gen. 7. Igitur cum Deus sese impijs omnibus scelerū & iniuriarū ultorē, pijs verò & integris salutis auctorē præbuit, tunc maximē suæ se prouidentiz exhibet assertorē, sicut scriptū est: De- Psal.  
 30 disti metuētibus te significationē, vt fugiant à facie arcus, vt liberētur dilecti tui. Atque huiusmodi cōmune & publicū iudiciū olim faciendū Deus denuntiat, tempusque fore cum oēs omnium gentiū, sectarū & partiū impij homines, quibus populū Dei vexare & affligere studiū fuit, publicē pœnas dent, cum summa piorū hominū & sacrorū ciuiū tranquillitate & salute. Hos autē oēs populo Dei infensos homines varijs nominibus & studijs opinionibusque distinctos nūc gētes, nūc Gog & Magog imperia & exercitus, nonnunquā alijs modis diuina scripta nominat. Magnā profectō atque horribilē calamitatē orbi superuēturam  
 35 timere oēs viuentes, & quemque sibi cauere oportet, diuināque iram sibi atque suis pœnitētia & supplicationibus assiduis deprecari: neque enim eos solum, qui à Christiano nomine & religione alieni sunt, sed ex ijs etiā, qui in Christianis nomē profitētur suū, multos hęc strages cōtinget: oēs nimirū quotquot nō Christianē vixerint, quorū pars cū hypocritis & sceleratis posita est: maximē autē eos qui charitatē fraternitatis nō fuerint sectati. Qui habet aures audiendi audiat. Hactenus huius vaticinij & prædictionis argumentū explicatū est; nūc verò deinceps dictionē ipsam explicemus, quæ iā ferme ex ijs quæ à nobis dicta sunt, aperta est. *[Quia ecce in diebus illis.]* Quoniā superioris vaticinij orationē illa sententiā vates clauserat, ijs solum æternā salutē sperandā expectādāque fore, qui diuinæ ac nouæ ci-  
 45 uitatis Ierusalē ciues essent cōscripti; cæteros autē terribilē quandā æterni ignis expectationē, vt Apostolus inquit, manere, quod eā gentē omnē in hostiū numero Deus vnā cum Lucifero & angelis eius habuerit, nūc ostēdit publico etiā testimonio eā re esse cōfirmandā, hoc est, oēs, quicūque alieni à ciuitate Ierosolymitana (de qua nobis sermo habitus est,) fuerint, eos oēs hostes haberi & esse: futurū enim esse, vt eius lōgi ac diuturni belli pertinacia, quod à diluuij tēpore, siue à mūdi potius initio inter Deum Deique humanos hostes gestū est, finē habeat, atque tota ea causā & hominū de ea re iudiciū vno tandē prælio definiatur. hæc autē res consulo ad ea vsque tempora deferetur *[Cum conuertero captiuitatem Iuda & Ierusalem,]* Eo quem superius iam cōmemorauimus modo. Vox autē illa *Ecce* rem grandem & nouam indicare in vatum sermonibus consuevit, rem, inquam, quæ auditoribus, nedum spectatoribus magnam mouere possit admirationem. Ierosolymitanæ







& exulabant multa quoque crudelia passi sunt, ita vt seipfos illi mundi ludibria & peripsemata ob eam rem appellarent. Huiusmodi pios homines vbicunque terrarum sint dilectos aduenas qui sunt in dispersione Apostolus etiam nominat. Horum iniurias se ulturum Deus minatur.

5 *Super populum meum miserunt sortem, & posuerunt puerum in prostibulo, & puellam vendiderunt pro vino, vt biberent.*

TRANSLATIONE à bello & hostibus sumpta vsus Deus, omnes omnium generū iniurias & contumelias ad certa quædam capita reuocat. nihil enim est quod victori  
10 in victum non liceat. Verum quædam iniuriæ probrosæ admodum sunt, quæ simul cum malo & damno ludibrium etiam adiunctum habet. hæc grauissimæ acerbissimæque esse solent; videlicet cum non persona tantum, sed dignitas, sed vitæ status & institutum ludibrio exponitur, adeo vt vel illatis sibi manibus fugiendū hoc Saul rex iudicauerit: Eua- 1. Samuel. 31.  
gina gladium tuū & percutite me, ne fortè veniant incircuncisi isti & interficiat me illudentes mihi. Huius generis iniuriæ sunt, quod puer meretrici stupri merces sit, & virgo  
15 puella vini poculo permutetur; quorū vel ætas misericordiam vel religio metū vel fletus & clamor terrorem mouere debuerūt. Magnum hæc contemptum intolerabileq. totius status & ordinis despicientiam habent, & quæ ab eo qui eius instituti princeps (qualis Deus populo suo) est, vindicari oporteat. illud verò obseruatione dignum est, cum bellū  
20 in gentē aut populum aliquē moueatur, vsu sepe venire, vt quidam apertè hostili animo & nomine bellum inferant; alij autem qui non apertè oderint, obscurè tamen noceant, quibus videlicet nulla manifesta odij causa sit, odium autem & inuidia maxima in corde lateat: hi cum palam nocere non possint, cum per occasionem aut tempestatum turbulentiam latere se posse sperant, neque damnis parcunt, neque iniuria inferenda abstinēt.  
25 cuiusmodi animo, studio & conatu filios Edom aduersus Iudæos fuisse elegia illa elegantissimè cōquestra est, qui Babylonis bellum Ierusalē offerentibus dicebat: Exinanite, vsque ad fundamentum in ea. Huiusmodi etiam occultas similitates Tyrus & Sidon duæ Palæstinorū celeberrimæ quondā ciuitates, quæ nulla iniuria, nec vi vlla à Iudæis laceffitæ, imò contrā adiutæ ab ijs frumento & alio commeatu, tamen illarū fortunis præ belli oc-  
30 casione insidiabantur; aurum & argentum & vestem cæteraque diripiebant, pueros etiam puellasque furto aut excursionē abductas vendebant, ita populus ille religiosus non minus à finitimo occulto hoste, quàm à longinquo atq. aperto infestatus est: nec leuiori incommodo aut maiori iniuria affectus. horum autem causam Deus in hoc iudicio dicit, eosq. in crimen etiam vocat, quibus meritas etiam poenas decernit.

35 *Verum quid mihi & vobis Tyrus & Sidon, & omnis terminus Palæstinorum? nunquid ultionē vos reddetis mihi? & si vlciscimini vos contra me, cito velociter reddam vicissitudinem vobis super caput vestrum.*

ULTIONIS nomen (quæ eadē retributio in sacris est) nō solum ad eum pertinet qui  
40 laceffitus iniuria aut beneficio prouocatus paria paribus referre conatur, sed ad eum etiā qui primus ultro laceffuerit, malumque intulerit, vel etiam prouocauerit beneficio, vt in psalmo: Filia Babylonis misera, beatus qui retribuet tibi retributionē tuā, quam retribuisti nobis. & illud: Tu enim retribuisti mihi bona, & ego retribuui tibi mala. Eadem vox Gamula in hoc & in illo loco est. Latinus sermo huius significationis nomine (vicē)  
45 vitur quod ad parē fortē ultro citroq. refertur. Accusantur ergo Tyrus & Sidon & omnis terminus Palæstinorū, quod nullis laceffiti malis, tamen ultro malum Dei populo, hoc est, Deo ipsi inferre parauerint atque intulerint: populi enim causam suam ducit Deus & actore ipse hoc in loco repræsentat, perinde ac si ipse iniuria fuerit affectus; vnde & initio  
50 de hostibus meis. Tyrios igitur & Sidonios & finitimos omnes Palæstinæ terminos vocat, qui non in hostium numero ducti, tamen hostiliter se erga Dei populum gesserint. hosque accusat, quod nunquam prouocati nocuerint, tamen & ita læuierint, ac si suas persequerentur iniurias. quod si non prouocatos se dicant, sed prouocare ultro voluisse, expectandam illis esse suam vicem Deo cum auctore, tum ultore, quos ille eadem, quam moliti sunt, ruina obruet. Interrogatione autem primum vsus est, quod ea loquēdi figurā  
Z 3 aptissima

Quintil. De-  
clam.

aptissima ijs sit, qui iustissimam causam tuentur, cuius probatione ex aduersarij respon-  
sione parant: Quidquid enim aduersarius responderit à se stare, suumque ius firmare, ar-  
bitrantur. ut, Tu si tribunus esses istud fecisses? Si miles, istud tulisses? vtrum responderit  
aduersarius inclusus teneatur necesse est. Hoc modo Deus inquit: vos etiam in crimen  
voco *Tyrus & Sidon, & omnis terminus Palestinorum.* quos ego iniuriarum accuso, sed  
quo nomine audacia vestra appellanda sit, vos cogitate & dicite: qualis nam hæc sit quæ  
inter nos causa intercesserit; quoniam enim in iudicanda re non tam factum ipsum,  
quàm consilium expectari oportet, vobis reddenda ratio est, quo consilio id feceritis. An-  
ne retributionis ultionisque causa sed quam ultionem vos mihi reddendam dicetis, qua  
ratione sic nominabitis nunquam à me antea ullis bellis aut iniurijs prouocati. digni ergo  
vos ob hanc rem estis, quos ego grauissimis prosequar pœnis. Si verò non retributio, sed  
prouocatio ista vestra fuit, atque ultro vos Deo insidias intendistis inimicitiasque parastis.  
[*Si vltiscimini vos contra me, cito velociter reddam vicissitudinem vobis super caput vestrum.*] Su-  
bito, inquit Deus, & celeriter se illis meritam calamitatem allaturum, ut planè neque ca-  
piendo cōsilio, neq. effugiendo malo ullus illis locus relinquatur: Nam præter alia multa  
hoc etiam diuinæ rationes ab humanis differunt, quòd homines nihil alij aduersus alios  
sine longo atque maturo consilio efficere possunt, atque ita interdum res agitur, ut aduer-  
sarij etiam interim sibi consulant. atque hoc modo aduersariorum etiam studia impe-  
diant. quòd si maximè alterius partis consilium altera fugiat aut lateat, tamen non tanta  
in re gerenda celeritas esse potest, ut nullum ab altera parte exhiberi possit negotium, quo  
minus res ex animi sententia conficiatur. At verò diuinæ rerum gerendarum rationes  
multò aliter sese habent: nam summa in consilijs Deo sapientia hominibus abscondita,  
& in re etiam conficienda celeritas summa est. [*Cito velociter.*] Cito, ad insperatum per-  
tinet casum, quòd nec opinantes opprimat, [*Velociter,*] verò ad agendi celeritatem  
quæ consilij capiendi locum omnem, atque omnem salutis spem, viam & cogitationem  
præoccupet & claudat. Atque eorum quos accusat consilium ita ostendit, ut animos in-  
iuriarum & iniquæ cogitationis studijque reos arguerit & probauerit nunc factum ipsum  
narratione exponit & partibus distribuit, ut ex facto consilij, ex consilio facti grauitas &  
indignitas confirmetur.

*Argentum enim meum & aurum tulistis: & desiderabilia mea & pulcher-  
rima intulistis in delubra vestra.* 30

Non solum auarè & iniquè, sed etiam insolenter & contumeliosè aduersum se  
egisse illos ostendit: namque summæ auaritiæ & damnatæ cupiditatis est eum, à quo nihil  
defraudatus fueris aut mali damniue acceperis fortunis suis spoliare, ad tuamq. comoda  
abuti, sed maximæ etiam contumeliæ est, si quis detracta ex alienæ religionis populis atq.  
urbibus ornamenta ad sua templa transferat, & in perpetuam spoliatorum notam & glo-  
riæ suæ monumentum statuenda curet. sic Tyrij & Sidonij & qui cum his erant populi  
aurum & argentum, & vasa etiam magnificè & pretiosè cælata, ceteraque ornamenta  
(quæ in sacris desiderabilia nominantur) ex Ierusalem atque ex alijs Iudæ urbibus per  
summam fraudem & iniuriam detracta in suis phanis statuebant. quæ diuinæ virtuti &  
gloriæ eius religionis vnde hæc ablata fuerant perpetuæ ignominie notam apponerent.  
Quamobrem non alienum hoc à se, sed suum esse asserit Deus, suamque causam hoc in  
iudicio agi, suam gloriam in his incurijs tentatam esse ostendit. [*Aurum inquit meum,  
& argentum meum:*] neque enim populus meus alio nomine vobis odio erat, non quòd  
vicinus, non quòd finitimus, non quòd multus, sed quòd meam religionem à vestra super-  
stitione alienam colerent: nam & finitimi etiam vobis Græci sunt, & multò etiam fre-  
quentioribus multis & maximis urbibus & oppidis abundantes, tamen nihil huiusmodi  
perpessi à vobis sunt; imò potius

*Filios Iuda, & filios Ierusalem vendidistis filiis Græcorum, ut longè fa-  
ceretis eos à finibus suis.* 50

A I V D Æ A Septentrionem versus tendentibus Cilicia, Lytia, Pamphilia, Asia, atque  
alia prouinciæ erant, quæ Græcis hominibus habitabantur: Namque ex Athenis in Asiã,  
atque Ephesum colonias olim deductas fuisse apud antiquos scriptores legimus; atque  
eorum

eorum qui regiones illas frequentabant Græcum sermonem Asiaticū dixere, qui redun-  
dans fuit & plus nimio etiam diffusus, qualem in Galeni & Chrysostomi libris videmus.  
Quamquam autē regiones illæ non propriè Græcia dicerentur. est enim Græcia quā primi  
olim Græci dicti occuparunt, trans Mediterraneum mare ad occasum Iudææ sita. tamen  
5 incolæ ipsi Asiæ atque aliarum finitimarum regionum Græci dicuntur, siue vt propriè eos  
Vates hoc in loco nominat, Græcorum filij, qui si non patriam antiquam illam teneant,  
mores tamen patrios, linguam religionēque retinent, & genus vnde oriundi sunt, om-  
nino referunt. his autem filiis abductos filios Israël Tyrij vendebant, quos in Græciam  
atque in Italiam & in alias regiones quæ à Græcis generis linguæ communione & nego-  
10 tiorum commercio frequentabantur asportarent, hoc est quod dicit: [*Vi longè faceretis eos*  
*de finibus suis,*] atque hoc modo & vestræ res crescerent, & Iudæorum res irreparabiliter  
detererentur. Qualem autem vicem eos expectare oporteat, quam æquam sortem me-  
tuere, sententia lata atque exposita ostendit.

15 *Ecce ego suscitabo eos de loco in quo vendidistis eos: & conuertam retributio-*  
*nem vestrā in caput vestrum, & vendam filios vestros & filias vestras in*  
*manu filiorum Iuda, & venundabunt eos Sabeis genti longinqua, quia*  
*Dominus locutus est.*

RESTITVTIONEM eorum qui abducti venditiq̃ue fuere, & vltionem futuram  
20 prædicat, vt meritas ob eam rem pœnas illi tandē luant, & par relatum pari experiantur,  
quos nec innocentia nec religio, nec diuinus timor ab impio consilio & crudeli ausu vel  
deteruerant, vel retardarant. Atque hic vnus modus eorum, quibus filij parentum sce-  
lera pœnis suis luunt cū parentes eodem modo mulctantur, quo ipsi alios affecerant, ita  
non tā filiorum quā parentum pœna illa est. Cū autem diuinæ vltionis & retributionis  
25 dies illa constituta aduenerit, non solum qui sese apertè populi Dei hostes fuerint pro-  
fessi, sed qui obscurius etiam aut dissimulanter fuerint infensi, suis quisque supplicijs  
punientur, eritque integra populo Dei restitutio; nam & captis, & afflictis, & venditis, &  
quocunq. modo malè affectis, suum cuique ius suæque pristina dignitas, imò & multò  
illustrior & stabilis Deo auctore constabit. & quoniam antithesi rerum & sententia-  
30 rum hoc in loco Deus vsus est, vt par pari cum cumulatiore etiam mensura referatur,  
ait eos, qui venditi ab illis sunt, vt quā longissimè asportarentur, in patriam redituros ex  
omnibus locis quo abducti fuerant, & Tyrionum Sidoniorūq. filios à se pari sorte, maiori  
vi, meliori iure captos venditū ire. [*Sabais genti longinqua.* Hebraicè sic est: *Sabais ad gentem*  
*longinquam:*] nam vt Tyrijs & Palæstinis Iudææ regioni finitimis proximi Græcorum filij  
35 erant, qui à Tyrijs & Palæstinis Iudæorum filios longè asportandos emebant. sic ex altero  
latere, hoc est, australi Sabæa natio proxima ac penè finitima Iudæis erat, ad quam ex re-  
motis etiam orbis partibus conueniebatur, earum rerum euehendi causa, quæ in ea re-  
gione celebratur, vt auri optimi, gemmarum, aromatū & thuris, quod in ijs locis omniū  
probatissimum est, vt ex regum & prophetarum libris accepimus. Et cum Iudæorū filij  
40 Sidoniorum filios Sabæis venderent, illi iterum mercatoribus qui eam regionem frequē-  
tabant, vendituri erant. à quibus in remotas orbis terræ partes traducerentur: non enim  
apponenda sunt nomina longinquæ gentis Sabæis, sed alterum in tertio casu, alterum in  
quarto cum præpositione est legendum. Verū enimvero hunc Vatis locum nobis sic  
explicantibus, & Tyrij ac Sidonis Palæstinorum finium rationes & causam perse-  
45 cutis, alia interim ratio cogitanda indicandaque est, quam & locus ipse desiderare,  
& Vatis mens apertè intellexisse videtur: Namque vt diximus, vtque res ipsa docet,  
hoc in loco nō eorum Iudæorū qui sanguine, sed qui spiritu & veritate verè Iudæi Deoq.  
probatī sunt, res agitur; ex quo etiam consequitur, vt neque Tyri & Sidonis & Palæ-  
stinorum (quatenus illa gens certa erat) nomina simpliciter vsurpentur, sed aliam tamen  
50 subesse his nominibus rationem, aliudque hominum genus vocari, quibus ea nomina ex  
re ipsa, moribus atque notis magis, quā ex loco & patria conueniant: Nam neq. cele-  
berrima illa Phœnicum vrbs Tyrus nunc iam extat, neque vllum Sidonis vestigiū appa-  
ret, neq. ad quodnā eorum hominū, qui nunc in orbe viuunt genus, natio illa referenda  
modò sit, vlli homini satis certum cōpertūue est, vt nō in Tyrios qui iam non sunt, neq.  
tunc erunt, sed in aliam gentem Tyrios moribus & crimine referentem dicta hæc esse ar-  
bitremur.

1. Reg. 10.  
Jerem. 6.  
Ezech. 27.

Allegoria.



Thien. 4.

bitremur. Quòd si res ipsa quæ exposita nobis est, mente & cogitatione recolatur, facile ad quos homines hæc pertineant, intelligi poterit; nimirum ad eos, qui secundū populi Dei fines habitantes cum eo amicitia & societate sese coniunctos esse palā profitebatur, dissimulato tamen & oculo confilio suis tantum cōmodis cum maximo pij populi incōmodo seruiebant, subductis ijs quæ pretiosissima ac vtilissima erant, & à populo superbè, atque insolenter ablati. cuiusmodi aurum, argentum & lapides pretiosi sunt, quibus ad suam gloriam, ad suam quilibet sectam ornandam amplificandamq. abusi fuere. aurum autem, argentum & gemmas nos hoc loco doctrinam & veram sapientiæ rationem interpretamur, de quibus scriptum est: Quomodo obscuratum est aurum, mutatus est color optimus, dispersi sunt lapides sanctuarij in capite omnium platearum. Filij Sion incliti & amicti auro primo, quomodo reputati sunt in vasa testea, opus manuum figuli. quicunq. ergo diuinę doctrinæ thesauros de populi commodis subtraxerunt, & in suam rem, in sua studia conuerterunt, hi à Deo hoc in loco notantur. his etiam sua dies dicta, atque constituta est; nam præterquam quòd populum pretiosissimis rebus expoliaret, filios etiam Iuda, hoc est, simplices, imperites & iuueniles animos ex populo Dei partim vi, partim dolo subductos à veræ pietatis vsu & consuetudine abalienauerunt, atq. ad remotissima studia transfulerunt, hoc est filijs græcorum vendidisse, vt longè fieret à populo Dei. Hos autem audaciæ illatæque iniuriæ pœnas aliquando duros Deus etiam prædicit, ita vt si non illi, qui primi harum iniuriarum auctores inuentoresque fuerunt, tamen filij eorum, hoc est, posterij qui illos imitati secuti que fuerint, malè cum suis inuentis pereant, & à populo Dei eiusque confinij quàm longissimè ablegentur cum summa auctorum suorū ignominia. Atque Christiano quidem & pietatis studio interpreti satis esse visum est, rem ipsam explicuisse, & mores notasse, ad quos hæc tota ratio pertinet; personas autem ipsas quos hæc ratio tangat, aut indicare, aut prodere non placuit; cū id studium potissimum nobis sit, vt neminè quoad fieri potest, offendamus & quam multis prodesse possimus. si qui ergo huiusquam indicauimus notæ fuerint, qui ex nobis cū essent à nobis exierunt, neque permanere nobiscum voluere, vt quàm maturè sibi consulant, monemus hortamurque sedulo, antequam veniat dies Domini. Qui habet aures audiendi audiat. Quod verò additum est: [Quia Dominus locutus est:] certam sententiā & firmum decretum significat euentu tandem suo comprobandum; nam quidquid Deus dixerit, maximi id consilij est, & quod nulla alia natura aut virtute impediri possit. Quòd si hominibus sua consilia aliquando exequi licet, cur non & diuina sibi semper constant, & euentu firmentur.

*Clamate hoc in Gentibus, sanctificate bellum, suscite robustos, ascendat, ascendant omnes viri bellatores. Concidite aratra vestra in gladios, & ligones vestros in lanceas. infirmus dicat, quia fortis ego sum.*

SOLENNIS sacris vatibus est, vbi rem aliquam maximam animo peruiderunt quam prædicerent in ea re diutius cōmorari, idēq. propositū amplificādo vrgere, vt cum quem ipsi animi motum ex eo spectaculo conceperint, in auditorum etiam animis incitet, siue lætitiā, siue dolorem, siue spem, siue horrorem & metum, siue etiam admirationem, remque ipsam adhuc remotā absentemque descriptione & oratione præsentē faciat, spectandamq. exhibeant. huius generis multa apud Isaiam aliosque vates exempla sunt. vt: Quis est iste qui venit de Edom tinctis vestibus de Bosra, iste formosus in stola sua gradiens in multitudine virtutis suæ? &c. Est autem prophetici raptus quidā sublimior gradus hic, quem modo vates noster obtinet, ex quo non solum futura intelligit, sed re omnem, vt futura est, cum suis partibus, & momentis animo contēplatur, metitur & peruidet, & quo quidque modo fiat discernit, ac quæ admodum Vates ipse, ita etiam prophetica oratio maiori impetu & cōtentione in sublime ferri videtur. Cui dicēdi exornationi Græci nomen enthusiasmon fecere; cuius generis exēpla apud antiquos poetas propheti sermonis æmulatores studiosissimos reperies, vt, *Visam Britannos hospitibus feros,*

Nah. Isa.

Horat. lib. 3. ad. 4.

*Et letū equino sanguine Concanū.* Igitur maximā illam futurā stragē à spiritu edoctus Vates, quæ in pij populi & cælestis ciuitatis hostibus edenda est, vbi sese ipsi mutuis sunt cædibus confecturi, quemadmodum ea molienda parandaque sit exponit; quòd videlicet oēs illi tanquam bellico aliquo signo vocati, bellum sponte capeissent, & quodā veluti furore acti in



- acti in eum concurrent locum, in quo fatale illis supplicium & carnificina parata est; siue quòd feroci aliqua cogitatione excitati, alij in alios insurgant, siue quòd Deus ad suā perniciem eum illis animum cogitationemq. immiserit, vt maiori quàm vnquam antea impetu, ardentiore studio ad bellum sibiipsis exitiale fataleque properent; Namque Dei voluntas & consilium fatum hominibus est. *quia os Domini locutum est.* Hanc rem vt certam, Seneca  
 5 vt diuino consilio firmatam, imperando prædicit Ioël, omnesque gentes tum fortissimas quasque, tum etiam imbelles ad bellum currentes, vt aiunt, incitat. [*Clamate hoc in gentibus, suscite robustos, ascendant, ascendant omnes viri bellatores:*] quàm aptè generatio filiorum hominum, vt à filijs Dei distingui solent, hoc in loco notetur cuius rem rectè  
 10 existimanti planum facileque intellectu est; nam filij huius seculi fortes gygâtes, viri bellatores, robustique venatores, & similibus nominibus propterea appellantur, quòd illorum voluntas & conatus ad omnium humanarum rerum summam per fraudem, per infidias, denique per vim intentata sunt. cùm contrà filij Dei pusillus grex à Christo nominentur, qui in humanis rebus prudentia, viribus & artibus, multitudine ab al-  
 15 tero genere vincâtur, in diuinis verò rationibus à nullo superêtur: nã elegit Deus infirma, vt fortia confundat. Iam verò illorum omnia molimina & studia, & ad ea quæ cupierunt paranda commoditatem apparatusque omnem hac imagine describit: [*Concidite aratra vestra in gladios, & ligones vestros in lanceas:*] nam cū illi omnē spem in vi, & in armis, posuerint, animos ab omni alia pacis aut æquitatis cogitatione ad vim, ad iniuriam, ad belli &  
 20 contentionis studium traducunt. cùm autem à Vate excitantur, tum eorum certum & commune consilium atque studium significatur, tum etiã grauius diuinæ virtutis argumentum paratur, qui hostes suos, tum maximè contēnere & ridere solet, cùm maximè illi ad rem gerendam parati & instructi esse videntur, sicut scriptū est: Dirumpamus vin- Psal. 2.  
 cula eorum & proiciamus à nobis iugum ipsorum. Sed qui habitat in cælis irridebit eos;  
 25 & dominus subsanabit eos. tunc loquetur ad eos in ira sua, & in furore suo conturbabit eos. Hic Babylonis magnæ & meretricis illius futurus est exitus, quæ totum orbem sibi potentia & vi subiecerat, & quæ cunctis regibus terræ calicem fornicationū suarum propinauerat, Quod verò vsus est verbo, *ascendant, ascendant*, id ex eo dixit, quòd ex omnibus orbis terræ partibus, in certum quendam locum velut medium aliquem situm con-  
 30 uenturi sunt: atq. si quis eū concursum in magno aliquo globo cogitet, ascensum quendam vndique deprehendet. erit itaque ille in vallem Iehosaphat, omnium vndique gentium ascensus, atque adedò cōtento studio, adedò obfirmato ad eam rē animo singuli erūt, vt cū sua quisque interesse arbitretur, nemo sit qui ei expeditioni deesse velit, sed fortissimus quisque suo robori innixus suis viribus fidens vltro ad id bellum procurret; neque  
 35 tamen imbelles, aut infirmi cedent, sed vel spe prædæ, vel contentione atq. æmulatione vel prodendæ ignauix pudore singuli dicent: [*Quia fortis ego sum.*] Atque hoc modo sese omnes vltro ad instantē cladem parabunt, & contento cursu in diuinæ vltionis locū confluent. quanta verò frequentia futura sit, ex eo arguitur, quòd nulla ferri copia satis ad armorum officinas explendas erit, nisi etiam arationis & cætera rustici operis instrumēta  
 40 in gladios & lanceas conflentur.

*Erumpite, & conuenite omnes gentes de circuitu: & congregamini: ibi occumbere faciet dominus robustos tuos.*

- N V M E R O singulari dixit, tuos, propterea quòd vnum commune omnium aduersus  
 45 Dominum & aduersus Christum eius studium, aduersus populum & ciuitatem sanctam, vt eam quisque sibi diriperet, vnam gentem, vnumque regnum antichristi & principis mundi huius constituit. & meminisse oportuerit semper illius distinctionis, qua filij hominum à filijs Dei separantur.

- 10 *Consurgant & ascendant gentes in vallem Iehosaphat: quia ibi sedabo, vt iudicem omnes gentes in circuitu.*

EXPOSITIO est eorum quæ dicta iam & explicata sunt, omnē autem certitudinem & consilij constantiam hæc repetitio continet. Quoniam autem ea res certo & diuino consilio decreta est, & certa ad eam gerendam dies certumque tempus præscriptū, atq. hætenus spatium locusque singulis ad pœnitentiam concessus, donec præscripti tem-  
 poris ter-

Deute. 32.

poris terminus cōtigerit, sicut scriptū est: Nonne hæc abscondita sunt apud me, & signata in thesauris meis? huius rei causa ubi finem illum contigisse ostendit, ubi completam esse hominum malitiam cognouit, ad rem iam gerendam hortatur Deus eos, per quos ea strages fuerat edenda, hoc est, eos ipsos qui sibi & pereundi causæ auctores & ministri futuri sunt.

*Mittite, inquit, falces quia maturauit messis, venite & descendite, quia plenum est torcular, exuberant torcularia: quia multiplicata est malitia eorum.*

Os ex 6.

Tbren. 1.

Gene.

D V A B V S ex rustica re translationibus futurum impiorum excidium elegantissimè significauit, altera messis, altera verò vindemiæ: vtramque enim idoneo tempore ubi fructus iam maturuerint, fieri oportet, quæ si negligantur, aut deferantur, abuti temporū cōmoditatibus & iure, non vti est. Messis autem & vindemia non priuatam aliquam personæ aut familiæ calamitatem, sed communem stragem publicum significat excidium, vt: Iuda pone messem tibi, & torcular calcauit dominus virgini filiæ Iuda. ergo iam maturum tempus extitisse ait, quo diuina illa impijs parata ultio edatur; quamobrè ad opus ministri incitantur. maturitatis autem argumentū erit, [*Quia multiplicata est malitia eorū.*] sicut & alio in loco de huiusmodi maturitate expectanda dictum est: Quia nondū completa est iniquitas Amorrhæorum. Quem verò exitum hæc res habitura sit, quid sibi expectare possit tanta hominum bellatorum multitudo, quas res sibi aut parare, aut promittere ex ea expeditione possit, adiuncto carmine declarat: nempe suæ impietatis & assiduarum in innocentes homines iniuriarum pœnas duros, ita vt vallis illa quæ diuini iudicii monumentum nunc obtinet, vallis concisionis ex euentu appellanda sit, quòd diuinæ ciuitatis hostes funditus in ea valle concisi perierint.

*Populi populi in valle concisionis: quia iuxta est dies Domini in Valle concisionis.*

Gene. 24.

N O N priuatè, aut sigillatim, sed tributim, sed populariter, sed omnes in vniuersum Dei hostes casuros significat, familiari Hebraicis dicendi figura vsus, quæ repetitio dicitur: nam cum alicuius frequentiam significare volunt, plurali numero pronuntiatam geminant. vt vallis illa putei putei bituminis, hoc est, puteis bituminis frequentissima erat, sic [*Populi populi*] frequentes populos perituros ait. verbum autem propterea desideratur, quòd ea figura frequens sit ijs, qui aut asseuerantes nimis, aut dolentes, aut irati & comminati aut alio quouis vehementi impetu acti loquuntur. est autè ecclipsis à Græcis dicta exornatio, sed verbum ex proxima oratione adiunctisque vocabulis est petendum, nempe ab illis: [*in valle concisionis.*] hoc modo populi populi in valle concisionis concidentur, quia hoc certissimum est, paratam scilicet esse populis à Domino diem in vallem concisionis. Ea autem dies adeò certa est, vt non etiam longè absit, propè enim est, parata atque perscripta, quæ subito conuenientes in eam vallē populos opprimit. Qualis autem ea dies futura sit, calamitatis & miseriæ plena, magna & amara valde ijs, quos tam dirus maneat exitus, exponit. nempe cælum & terram ipsaque elementa aduersus eos esse pugnatura, vt partim tantis tenebris, terroribus, & horroribus conturbati exanimentur, partim sese mutuis gladijs & vulneribus conficiant.

*Sol & luna obtenebrati sunt, & stella retraxerunt splendorem suum.*

R E S certissima præterito tempore à vatibus enuntiari solet, atque nos quidem rem hanc simpliciter explicandam arbitramur, vt non solū calamitatem, metum, terrorem & perturbationem tenebras illas significaturas, sed etiam allaturas esse interpretemur; nam vt minorem leniore ultione ignem & grandinem in populi sui hostes aliquando immisit, vt tenebris totam Ægyptum obduxit, ita in grauiori casu luminaribus suis lucem adimet, & ad eam rem pro tempore subtrahet; denique tora rerum natura in auctoris sui indignatione, in iudicio & ultione ministrā sese præbebit, vt facillè argui intelliq. possit, nihil casu aut temerè, aut certo & insuperabili naturæ cursu in humanis fieri rebus, sed omnia diuino & consilio & nutu agi & moueri, & quatenus à Deo aut iussum, aut permissum fuerit. hætenus meliorem hominum partem à maiori agitari atque exerceri, atque ad eam rem cælum & terram, elementaq. etiam obedire, non quòd eorum vis his necessariò felix, his verò infausta sit, sed quòd ea Dei sit benignitas, vt solem suum oriri faciat

faciat super bonos & malos & pluat super iustos & iniustos . vbi verò placuerit Deo , prouidentia suæ felicitatem omnem in filios adoptionis conuertere , tum verò maximè omnis rerum natura toto sese impetu in eam partem inclinabit, quo diuinum consilium contenderit. atque ea res certissimo testimonio diuinæ erga pios homines cultoresq. suos prouidentia erit . totum hoc argumentum subiectis versibus continetur : dictum namq. fuerat solem, & lunam, & stellas splendorem vimque suam illo die negaturas esse , ita vt dici non possit priuatè illas fauere & prodesse, quibusdam hominibus sua spontè solere; quibusdam verò aut obesse, aut nocere, cum omnium vires, omnium lux dicto & nutui diuino tunc obediunt, quando

10 *Dominus à Sion rugiet, & à Ierusalem dabit vocem suam:*

Hoc est, quando causam pro ciuitate sua iudicabit, sententiamque à suis contra impios dicet. namque præpositionem, de vel à, intelligimus, vt causam non locum indicet; eius enim dictionis vsus in hanc sententiam apud Hebræos, & apud Latinos etiam est, vt à Domino exiuit verbum &c. Vtitur autem translatione à leonibus sumpta, namque id animal nunquam temerè in siluis rugit, quin eius quam cupierit, prædæ compos euadat; terribilis autem vox est, & quæ pauorem audiendo omnibus alijs animantibus incutiat, sicut scriptum est: Leo rugit & quis non timebit. ad hunc etiam modum vbi Deus Amos. 4. à populo ciuibuscque suis aduersus hostes sententiam iratus pronuntiauerit,

20 *Moueuntur cali & terra.*

OMNIS in vniuersum natura trepidabit, & Dei aduersus impios voluntatè & sententiam exequetur. Populus tamen Dei & ciuitas omnis sancta, nihil his rebus pauebit: vt enim leonis vox ceteris animantibus terrori, proprijs verò catulis & leonū filijs securitati & iucunditati esse solet, quippe qui eam vocem victoriæ prædamque sibi promittere intelligant; sic filij Dei sibi nihil à natura aut timendum, aut sperandū esse cognoscentes, seque in diuina tutela & custodia latere intelligentes, tunc maxima spe & securitate erūt, cum maxima in calamitate & turbatione ceteros esse cognoscent: namq. signa illa bellica diuinæ victoriæ illis erunt, quæ alijs cædis & excidij signa fuerint. Ob eam ergo rem ait:

30 *Et Dominus spes populi sui & fortitudo filiorum Israël.*

Huius rei causa hæc decreta, prædicta & parata ac tandem expedita fuerunt, vt omnibus hostibus metu sublato, pace vbique parta in summa quiete & securitate cū principe rege suo degant, & regno potiantur cælorum, atque adhuc in terris agentes diuinis muneribus, atque inenarrabilibus fruantur beneficijs.

35 *Et scietis quia ego Dominus Deus vester habitans in Sion in monte sancto meo: & erit Ierusalem sancta, & alieni non transibunt per eam amplius.*

Hanc adeò felicitatem atq. has regni cælestis primitias etiam in terris expectandas, illis fore qui felicissimum illud tempus sortiti fuerint, quum purgabit Dominus & permundabit aream suam. Si quis autem decimū octauum vsque ad vigesimum primū Apocalypseos caput legerit, & quid in illis prædictū descriptūq. sit intellexerit, agnoscet quid hoc in loco dicatur, & ad quænam tempora tota hæc res pertineat, planè intelliget. namque in eo loco longus de his rebus Apostolo institutus sermo est, in quo Babylonis casum narrat, & populi Dei liberationem & securitatem regniq. diuini ac ciuitatis sanctæ felicitatem, in quam non intrabit aliquid coinquinatum, aut abominationem faciens, Apoca. 21. aut mendacium, nisi qui scripti sunt in libro vitæ agni. hæc Iohannes: atque hæc huius hemistichij sententia est: [Et erit Ierusalem sancta & alieni non transibunt per eam amplius.] Sanctum enim id quod separatum, atque à vulgari & profano vsu & consuetudine distinctum est, scriptura vocat.

50 *Et erit in die illa: stillabunt montes dulcedinem, & colles fluent lacte: & per omnes riuos Iudæ ibunt aquæ: & fons de domo Domini egredietur, & irrigabit torrentem spinarum.*

Si scires donum Dei, Christus Samaritanæ mulieri dicebat. Si nobis sanctissima illa Ioan. 4. Christi virtus quam per spiritum sanctum suum cum pijs suis cultoribus comunicat, nota esset,



esset, planè tantæ suauitatis & copiæ excellentiam sentire, alijsque expendam indicare possemus; sed quisnam in ea docenda satisfacere alijs cumulatè possit, quam neq. oculus vidit, neque auris audiuit, neque vlla humani cordis cogitatio affecuta vnquâ fuit? quam nemo scit, nisi qui acceperit. quam qui acceperunt, suis nunquam coloribus depinxerunt, neque vlllo verborum aut orationis artificio propriè descripsere, propterea quod res planè diuina est, & ab omni humano vsu alienissima, ad hominum communem sermonis vsu accommodari non potest. Igitur diuinis verbis & à sapientia impositis opus fuerit; diuina verò verba, quibus nihil cum humano sermone commune sit, vt ab homine humanaque ratione intelligantur, fieri non potest; Animalis enim homo non percipit quæ Dei sunt. Quamobrem quicumque etiam hac diuina virtute donati præditiq. fuere, de ea re apud vulgares animalesque homines nullum apertum habuere sermonem, sed, vt illi aiunt, sapietiam inter perfectos locuti sunt, qui eius sermones & rationes soli capere possunt; apud ceteros verò homines translationibus & parabolis res ipsa non vt intelligi, sed vt desiderari & queri posset, proposita tractataque est. & quoniam ab humano sensu ad hominum rem hanc transferre oportuit, eas res eaque verba vsurpata sunt, quibus maximè sensus nostri delectari solent; cuiusmodi sunt, larga rerum omnium ad victum, vitam & honestam voluptatem pertinentium abundantia & copia. huius generis sunt terræ & arborum fructus largissimi, frumenti, vini & olei prouentus, vestium pulcherrimarum, auri, argenti, & gemarum margaritarumque vsus, & quæ his similia sunt, quarum omnium rerum summam quandam addere videtur mellis & lactis redūdans copia & vbertas: Namque lac animalis naturæ alimentum primū & idoneum ac summe vtile esse omnium animantium nutritio satis euidenter probat mel verò dulcedinis & suauitatis omnis principium atque summam continet; nihil enim melle dulcius in omni succorum sensu inuenitur, aquarum verò copia præter quàm quòd ad sitim (quæ grauissima in animantibus est affectio) sedandam commodissima & idonea est. multa etiam alia in terris efficit, quorum causa maximam sibi in naturalibus rebus vendicat laudem, adeò vt antiqui omni eam rerum naturæ prætulerint,

Pindar. od. 1.  
Ansthor. 4.  
Metheo.

*Optima lymphæ quidem,* aiebat Poëta Nam omnis cuiuscunque rei ortus, siue generatio succum requirit & humiditatem, quod eius penuria & defectus apertè in corruptione ostendit Igitur cum à sapientissimis auctoribus de maxima aliqua temporū felicitate & de aurea ætate sermo instituitur, nulla verba cōmodius vsurpari solent, quàm rusticarum rerum prosperitas &, fructuum omnium redundans copia, quarum caput & quoddam quasi præstantissimum argumentum mellis & lactis spontanea affluentia est.

Ouid Metamorph. lib. 1.

Vt: *Flumina iam lactis, iam flumina nectaris ibant.* Hanc naturæ humanis sensibus accommodatam rationem Vates noster secutus, summam illam diuinæ providentiæ donorum & bonorum copiam, quam pientissimi illi homines qui spiritu Dei aguntur, perfrui solent, his imaginibus descripsit, [ *Et erit in die illa: stillabunt montes dulcedinem, & colles fluent lacte.* ] Vt maximam redundantiam significaret, non mella ex apiū aluearibus, aut lac ex pecorum vberibus quærenda, sed abundè per agros, per valles & collibus & montibus defluxu assiduo inuenienda esse dicit; atque ea res non parca, sed benignissima manu diuina dona sanctis hominibus, qui in illa ætate erunt, communicanda esse declarat. [ *Et per omnes riuos Iuda ibunt aquæ.* ] Si felicitas hæc humana ac terrena futura solum esset, tamen maior quàm vnquam antea fuerit eo tempore quo restituendi essent Iudæi, fore probaretur vel ex eo, quòd per omnes riuos Iuda aquæ fluent, atque in Ierusalem ex tēplo Domini fons viuus erupturus erit. Namque olim etiā cum Iudæa regio beatissime coleretur, tamen aquarum viuarum penuria laborabat; maximè autem vrbs ipsa in qua pluuia aquæ collectionibus & piscinis fontium & puteorum defectum supplere incolæ coacti sunt. Verum aliò profectò tota ratio hæc spectat; nempe ad diuinæ illius virtutis affluentiam, quam spiritus sanctus per Christum datus in suis charissimis efficit hominibus: hos enim nulla sitis infestat, sed perpetua aquarum scaturigo intra ipsorum viscera emergens saturos, & diuinis fructibus fecundos reddit, sicut scriptū est: Omnis qui bibit ex hac aqua sitiet iterum: qui autem biberit ex aqua quam ego dabo, non sitiet iterum, sed fiet in eo fons aquæ viuæ salientis in vitam æternam. Est autem hæc quidā perpetuus diuinæ gratiæ influxus, quo humani animi per Christū affecti diuinæ legis notitia valent, studijs incumbunt, & virtutibus exercendis operam nauant, efficiente id diuino spiritu,

Iohn. 4.



spiritu, qui in medio eorum templū domiciliumq. tenet. qua de re alij etiā vates maxima  
 mysteria decantarunt. Et erit in diebus illis, inquit Isaias, pręparatus erit mons domus Isai. 2.  
 Domini in capite montiū, & venient eō populi multi ad accipiendam legem, & dicet, quia  
 de Sion exibat lex, & verbum Domini de Ierusalem. His itaq. aquis viuētibus humana  
 natura irrigata, quę prius spinas & tribulos ob natiuam ariditatem atque acerbitatē pro-  
 duxerat, fructus proferet pulcherrimos, atque ideo dicit: [*Et fons de domo Domini egredie-*  
*tur, & irrigabit torrentem spinarum.*] Domum Domini ipsum piorum sanctorumq. homi-  
 num populum vocat, quem Diuus etiam Paulus templum Domini sanctum appellat.  
 Torrens autem spinarum Hebraice fluuius Sitim dicitur, qui in Topographiæ ratione  
 10 pars quædam Iordanis esse dicitur, siue torrens in Iordanem influens, cui Setim oppidum  
 adiacet. Auctor huius rei Saadias antiquus scriptor est. sed quoniam non tam nomina Saadias in  
hunc locum.  
 quā nominū rationem & significationem considerandam nobis Vates proponit, Sitim  
 spinas & errores significat. Fluuius autem errorum & spinarum mundus est, qui ex illo  
 maledicto spinas & tribulos spontē abundeq. profert; inter quę si qua vel exigua virtu-  
 15 tis fruges expectanda sit, magnis laboribus, maximis sudoribus ea cōstet necesse est: arida  
 enim soli natura spinas potius, quā alias molliores herbas aut plantas gignit, quod spina Gen. 3.  
 natiua ariditate & acerbitate succus polleat, quem faciliē eiusmodi terra suppeditat.  
 Naturam ergo humanam hoc diuini spiritus fluuiio abundē irrigatum iri prędicit, quo  
 non tam spinas, sed pro concepti humoris ratione dulces & laudatos fructus facili cultu,  
 20 nullo sudore pariat. atque in hunc modum de eadē re Zacharias scripsit: Et erit in die illa Zachar.  
 exhibunt aquę viuę de Ierusalem, dimidium earum ad mare orientale, & dimidium ea-  
 rum ad mare posterius in aestu, & in calore erit.

• *Egyptus in desolationem erit, & idumęa in desertum perditionis: pro eo  
 quod iniquē egerunt in filios Iuda, & effuderunt sanguinem innocen-*  
 25 *tem in terra sua.*

D v a s vicinas & ferē finitimas Iudęę regioni gentes, à quibus olim diu infestatus, &  
 odio atque maleuolentia iudaicus populus agitatus fuit, Ægyptios & idumęos tandem  
 vastandos perdendosq. esse prędicit, vt nulla ex parte Iudęę regio non quieta sit, vt  
 30 nullos hostes metuat, nullisq. terri possit incommodis. Hoc verò omnium eorum qui  
 populo sancto militantiq. ecclesię hostes inimiciq. sunt, atque hætenus fuerunt, inte-  
 ritum nobis significat futurum, vt quę principatus, potestates & rectores tenebrarum  
 harum timebat, nullos deinceps iam timeat, sed diu lata atque secura pacem colat diui-  
 nam. Hos autem duos populos Ægyptiorum & Idumęorum pro omnibus ecclesię hosti-  
 35 bus proposuit, ea figura vsus, quę synecdoche à Rhetoribus dicitur, in qua species non-  
 nunquam pro genere vsurpatur, velut Arabem pro pastore dixit Isaias. & poëta: *Quis*  
*Parthum paueat? quis gelidum Scythen?* pro quocunq. hoste hoc dixit. Hos ergo populi Dei Horat. lib. 4.  
od. 5.  
 hostes diuini iudicij sententia pœnas iniuriarum & sceleris duros, quod tandiu ac tam  
 grauius populo Dei ecclesięq. sanctę nocuerint. Atque in his duobus populis, si rem  
 40 propius spectare placeat, omnes Christianę & sanctę ecclesię hostes contineri perspiciem-  
 us; quotquot enim hodie cum Christiano & verē pio populo simultates inimicitiasq.  
 exercent, ad duo in vniuersum genera Ismaëlitarum & Idumęorū referri possunt. Ismaë-  
 litę sunt qui Mahomeri viam & sectam habent quam sequantur; qui ab Ismaële oriūdi  
 sunt: Namq. Ismaëlex Agar Ægyptia ancilla ortus vxorem etiam Ægyptiam duxit,  
 sicut scriptum est: Et accepit illi mater sua vxorem de terra Ægypti. Ceteri verò pręter Gen. 22.  
 45 hos quicunque aut idololatriam, aut superstitionem, aut impietatem sequuntur, omnes  
 ad Idumęos gentem idololatrā & gentilitatis principem pertinent.

*Et Iudęęa in æternum habitabitur, & Ierusalem in generationem & ge-*  
*nerationem.*

50 Q V E M A D M O D V M Iudęęum verē definiri oporteat, & quisnam Iudęęus rectē dici  
 possit, iam explicuimus: is videlicet, qui diuinorum beneficiorum perpetuò memor assi-  
 duis laudibus, confessionibus, & gratulationibus vacat. huiusmodi hominum societas  
 Iudęęa vera est, quam Deus probat perpetuęq. prouidentia tuctur & fouet, Ierusalem

etiam, cuius hoc in loco mentio facta est, iam quamnam esset, ostendimus. Hic autem Iudæorum idemque Ierosolymitanorum caelestium populos æternam hoc in loco fœlicitatis promissionem habet: namque ab eo tempore quo Deus reconciliata Iudæorum gente vnum ex pijs omnibus & sui cultoribus populum coniunget, magnâ illis tranquillitatem & pacem confirmabit: quippe quibus cum visibili hoste qui iam nō extabit nihil metuendum erit; ab inuisibili verò diuino etiam munere & gratia erunt semper defendendi. Iudæam autem & Ierusalem pro populo & ecclesia populi matre ac principe nominauit, & in æternum, atque in generationē & generationem idem diuerso dicendi modo significat per heterosin familiarem vatibus figuram. Quoniam autem hæc recens restituta vrbs solidissimo muro Iaspideo, & quadrata, vt Ioannes Apostolus ait, mensura figuraque constabit, deumque protectorem semper habebit, ex his rebus efficietur, vt perpetua stabilique mansione habitetur, sine vllō pauore aut terrore; namq. ob id portas eius semper apertas fore idem Apostolus prædicit.

*Et mundabo sanguinem eorum, quos non mundaueram: & Dominus commorabitur in Sion.*

ET ENIM in illam sanctam ciuitatem, in illud regnum caeleste, cuius primitias in terra visas aliquando & visendas etiam esse penè omnis diuina tam veterum quam nouorum temporum scriptura docet, nihil coinquinatum, nihil prophanum admittendum est; si quid autem tale antea fuerit, tamen prius mundandum expiandumque est, quam in ea castra vbi diuinum tabernaculum cum hominibus erit, admittatur. Iam verò mūdationem & fides, & eorum qui mundandi sunt, pœnitētia præcedet, sicut scriptum est: pœnitentiam agite, & baptizetur vnusquisque vestrum baptismo pœnitentiæ & accipietis virtutem spiritus sancti superuenientis in vos. Nam neq. fornicarij, neq. periuri, neq. auari, neque mendaces, neque rapaces &c. regnum Dei possidere possunt. & hæc quidem fuistis, sed abluti estis, sed iustificati estis, sed sanctificati estis, huiusmodi hominibus gratulabundus Apostolus dicebat. In hac ergo ciuitate sancta Dominus libenter habitabit, eam enim sibi templum & domicilium super omnia tabernacula Iacob delegit & dilexit. atque gloriosa profectò de te dicta sunt, ciuitas Dei. quæ omnia explicuisse & atramento atque calamo descripsisse nostrum non est. Ei autem, qui nobis hætenus propitius fuit, vt Ioëlem vatem suum Christiano populo suo enarraremus, immortalī, inuisibili soli Deo honor & gloria per infinita seculorum secula, Amen.

Acto. 1.

FINIS.

HYMNVS

Descende calo, & curribus igneis  
 Vatem remotis nubibus o tuum  
 Vulgo procul raptum prophano  
 Spiritus alme supra polum fer.  
 Qui regna puri felicia temperas  
 Cali, & beatas luce fouens domos  
 Fluctus maris compescis, alnum  
 Dasq; diem recreator orbi,  
 Orbem regentis tu sapientia  
 Consultus almis vatibus intima  
 Committis arcana, & futuris  
 Temporibus facis interesse.  
 Felix & ampla sorte beator,  
 Quem tu docendum suscipis, altaq; ad  
 Decreta diuinasp; leges  
 Assidue meditanda tollis.  
 Illi sacrarum mystica mentium &  
 Natura rerum tota subest, neque  
 Intacta latet huic vis profundi; hic  
 Cuncta oculis animoq; lustrat.  
 Jam qua sit orbis cursibus aut via  
 Calcanda, rerum aut quis pateat status;  
 Quid voluat axis, quod serenum,  
 Quaeue homines maneat procella  
 Discernit, omnes prouidet eminus  
 Causas, momenta & quid paret impijs  
 Diuina vis, qua misceantur  
 Pocula gentibus ebibenda.  
 Non regna fluxa continuant opes,  
 Non cura, duri militis aut labor  
 Immensus argentive aceruus,  
 Nec populi numero carentes:  
 Sed mens probati consilij potens,  
 Et vita puris praeclata moribus,  
 Jurisp; legum & vis sacrarum,  
 Auxilioq; Deus benigno.  
 Namq; ille summo praecipites gradu  
 Vindex tyrannos fulmine deijcit,  
 Sedesq; deturbat superbas,  
 Et Stygijs tenebris recondit.

*Præsens item imo sumere de loco  
 Cui credat altè sceptrâ nitentia,  
 Muti & ducem armenti gregisve  
 Tollere nobilibus triumphis.  
 Hic regna tandem, hîc perpetuum decus,  
 Hic hic beatis imperijs frui,  
 Hic pace gaudere & quietas  
 Diuitias datur, hîc tenere,  
 Si quis minister dicitur impiger  
 Servire ritè numinis in domo  
 Charus Deo, & dignus deserto  
 Iudicio superum probari.*

FINIS.



## BENEDICTI ARIÆ MONTANI IN AMOS

## PROPHETAM COMMENTARIA.

Præfatio de publicorum ministrorum creatione.



5 **Q**UAM acre ac diligens iudicium, quantamq. in publicis ministris &  
 magistratibus creandis curam adhiberi oporteat, vel vnum Amos  
 vatis à Deo electi exēplum satis idoneū est, quod nos doceat, quodq.  
 peruersum in ea re hominum morem & consilium ostendat & dam-  
 10 net. Etenim iam diu est, quod hoc errore homines tenentur, vt quod  
 ad munera publica rectē obeunda & administrāda maximē expedit,  
 non peruideant, atque in viris ad eam rem eligendis longē aliam, quā de-  
 ceat, rationē  
 ineant: Nam cum ex pietatis & religionis testimonio, atq. ex publica vtilitate omnia  
 definiri & potuissent & debuissent, si recta intelligētia & moderatione animi guberna-  
 rentur, contra ferē fit, vt ex priuatis paucorū hominum cōmodis, & ex sola quorundā  
 15 libidine omnia tractentur. Equidē arbitror si res suum, quē oportuerat, rectum cursum  
 teneret, longē melius cum Christianæ professionis populis actum iri, si ad magistratus, ad  
 publica omnia munera & ministeria gerenda, non obuius quilibet, aut de media can-  
 didatorum turba gratiosissimus quisq. aut potentissimus admitteretur, sed repulsis in-  
 dignis, qui sese vltro, importunē, improbeq. inferunt & intrudunt, qui aut famem, aut  
 20 cupiditatem, aut ambitionē suam publico damno ac detrimento alere instituit & con-  
 tendunt, illis summo studio atq. omni diligentia conquisitis & electis publica onera, vel  
 inuitis vel reluctantibus imponderentur, qui necessarijs ad eam artibus spectatissimaque  
 instructi virtute idonei iudicati essent, quocūq. ex genere, quacūq. ex familia, fortuna,  
 ordineq. fuissent, modo vtilis oportuniq. esse censerentur. Et si in deligendis ad Domini  
 vineā cultorib. hæc ratio atq. hic obseruaretur modus, nunquā in tāta operariorū copia  
 25 tanta esset probatorū inopia, neq. sani vtilisq. fructus Deo tempestiuē repetenti tam  
 anxie desiderarentur, vt scriptū est: Expectaui vt faceret vvas & fecit labruscas, ex-  
 pectaui vt faceret iudicium, & ecce iniquitas: & iustitiam, & ecce clamor. Nunc verò  
 longē secus fit, etenim in eum morem, in eamque consuetudinem ventum est, vt ple-  
 30 rumq. non viri boni, fideles, & idonei querantur, rogentur, aut cogantur, sed ijs con-  
 temptis & despectis, qui quò longius à cupiditate atque ambitione absunt, eò propius  
 ad virtutis vitæq. integritatem accedūt, atq. ad rem strenuē gerendā expeditiores sunt,  
 ij scilicet ad pleraq. munera obeunda cooptantur aut deliguntur, qui non artibus, nō vir-  
 tutibus, sed summa vel audacia, vel improbitate, vel ambitu, vel inani generis iactatio-  
 35 ne, vel gratia etiā plurimum valere, atque omnia sibi ipsis promittere possunt. Namque  
 harum, (quas dicimus rerū) maxima laus & cōmendatio est, quæ res quoniā vel ab ig-  
 nauissimo quoq. præstari possunt, tantū istorum hominū auxere numerū, tantaq. vt istis  
 vnde viuant sit, ministeria publica aliàs superuacua addi adinueniriq. coegerunt, vt  
 quod cōmodo rebus publicis fuisset multos esse in vinea operarios, id iam incōmodo atq.  
 detrimento potius sit: Conculcantur enim loca omnia & premuntur tanta operariorū  
 40 frequentia potius quā colātur & curentur. His etiam illa iniquitas accedit, quod ad  
 eum locum res iam deuenere, vt non tam ipsorū hominum, quā certorum ordinū &  
 nominum appellationum & generum ratio habeatur, atq. ad quasdam veluti familias  
 & negotiū sit redactum, in quas vbi cooptatus quis fuerit, primum & certissimū ad  
 45 omnes honores ad quamcūq. dignitatē gradum obtinuisse sibi facile persuadeat, neque  
 vllum virtutis aut studiorū, sed appellationis tantū & familie emulum sibi esse putet,  
 cum quibus audacia, ambitu, contemptione, muneribus & largitionibus assiduis obse-  
 quioque erga eos, quorum gratiā aucupari parat, contendendū esse existimet. Quanquā  
 verò in tanta publicorum ministrorū frequentia nonnullos probatissimos atque eo quem  
 obtinent

obtinere gradu, aut etiam altiore dignissimos esse videamus, tamē ex quo publicis administrationibus obeundis propria etiam eorū qui gererent cōmoda addita sunt, ex quo datus locus ambitioni & delectus illi antiqui haberi desiti sunt, omnis hac turbata & plerumq. ad indignissimos relata ratio est. Illud praterea accessit, ut cum quae unus bonus atq. integer vir praeferre facili potuisset, plures alij efficere nō valeant, omnibus publicorum munerū generibus ministrorū numerus adauctus sit, quotidieque adaugeatur, & plus publicis & privatis pecunijs & rebus detrimenti, plus molestiae afferatur, neque tamē rē aut cōmodius, aut melius p. plures, quā per pauciores gericoīngat. Atq. utinā hanc labem aut nullibi in Christiano populo, aut solū iam ciuilibus & secularibus quae vocantur negotijs illatā esse deletemus; grauissimū quidē illud & molestissimē ferendū esset, videlicet aliquod publici magistratus aut officij genus his miserijs & erumnisq. premi, cum omnibus cōmuniter persuasum esse deberet, se nō suorū curatores esse, nō regū aut principū, aut summorū consiliorū senatuūve à quibus creantur, sed Dei potius ministros esse, ad quae gestarū gerendarūq. rerū ratio deferenda necessariō sit, sicut scriptū est: Videte quid faciatis: nō enim hominis exercetis iudicium, sed Domini: & quodcunq. iudicaueritis, in vos redundabit. haec optimi principis ad magistratus oratio est. Dolendū equidem vehementer est tam praclarā omnium magistratuū religionē cōtaminatā & propē lā extinctā esse: tamen si nō extra illud forū pestis & perniciēs hac exiluisset, si prophanos tantū & laicos homines oppetisset, utcunq. esset ferendū, si nō etiā sacerdotū Levitarumq. collegia attigisset, & penē totū cum ordinē iam oppressisset, quando & illis qui secularē & prophanā vitā profitentur, adeo familiaris hic morbus iam factus est, ut cum maximē laborant, maximē sani esse videantur: siquidē persuasum habent, nō exigendā esse eam morū, studiorū vitaeq. integritatē & perfectionem, quae ab ecclesiasticis hominibus exigitur, licereque, imō potius expedire, ut honoribus gloriae & dignitatibus (quas vocāt) cōsulāt, ac proprijs & filiorū totiusq. posteritatis splēdori, fortunis & opibus cōparādīs atq. augēdis operā nauēt, siue id iure, siue iniuria praestari possit: id verò, nisi quēadmodū ab illis fit, fieri aliter nō posse putant. Atq. adeo hac opinione sua illi studia suasq. rationes probare & tueri cōtendunt, quae opinio quantū valeat, omnibus est manifestū, quā verò firma & certa futura in posterū sit, ignis (ut D. Paulus inquit) probabit. Sed iā pro pudor fœda hec scabies atq. lepra omnia Israelitica castra peruasit, & ad sanctissimū vsq. ipsum Dei tabernaculū penetravit, eosq. maximē & fœdissimē corripuit tēpli, altaris & sacrorum omnium ministros, quorū erat caterorū hominū cōtaminationes auersari, lepras dignoscere, iudicare, sanādasq. atq. expiandas procurare. Sanē si nullis in sacris rebus minister esset, qui idē nō ad id quod habet operis ac muneris summa cura summoq. iudicio quæstus delectusq. fuisset, si illi imprimis deligerētur, qui tū maximē essent idonei, minus ipsi superbē de se sentiret, min⁹ ambirēt. haec profectō seges certissima foret, & quae vberes nobis largiret fruges, ac si vno fortasse culmo spēs opinionēq. nostrā falleret, at vndecim tamē reliquis cōfirmaret: logē aut secus his tēporib⁹ euenit, nā si sanctus pbat⁹ atq. integer vnus cōtigit minister, reliqui vndecim inanes indigniq. eo, quē obtinēt, nomine locoq. se prēbēt.

Haec adeo diuina atq. Christianis hominibus imitāda ratio, hic mos est, nō ut obuium quēlibet nō aliena gratia cōmendatum ad humani generis & ecclesiae suae vtilitatem admittat & inferat, sed ut ipse Deus ex magna hominū multitudine diligēter querat & deligat, quos munerū atq. mādatorū suorū ministros potissimū creet, delectos aut probet, & probatos instruat spirituq. suo afflato ad eam rē ornet: quae res apud Isaiā manifesta est, quē nō temerē oblatū, sed quæsiū, sed visione tentatū atq. obsequentē quidē, rei tamē magnitudine perturbatū trepidantēq. ac penē recusantē & probauerit & virtute spiritūq. imbuerit suo. Quē mittā (inquit Deus) aut quis ibit nobis? Querit & rogat Deus sollicitusq. esse in eligendo videtur, & tamen adeo negligenter in eare sese homines habēt, ut in publicis sacrorū ministris deligendis penē nulla ratio & cura haberi videatur, ut liceat

liceat cuius se ipsum prædicare, idoneūq. ministrū venditare, atq. se se potius ipsum elige-  
 re, q. eligi ad ministeria curare, cū magis diuinā aut ecclesiasticā legitimā diuinā amulatricē  
 electionē vnūquemq. expectare oporteret, & suā intcrim scapham tenere, sua retia resi-  
 cere, nihil maius de se quā piscatoriam conditionem aut sentire, aut iactare, vt illud  
 5 quod amplissimum certissimumq. esset, dicere possent, se non sua, sed diuina probatione cō-  
 mendatos vocatosq. fuisse, atque in eos rectē iudicium illud quadraret, Non vos me  
 elegistis, sed ego elegi vos, vt eatis & fructum asseratis, & fructus vester maneat.  
 Ad hanc adeo regulā atq. normā totius ecclesiasticæ electionis ratio dirigēda fuerit, atq.  
 cā rationē solidā constantēq. esse oportuit, quā nullus ad certa nomina, genera, personas,  
 aut respectus nullus vulgariū opinionū error, nulla gratia posset cōmutare, sed rectissima  
 10 ad hāc rē via, eideq. insistendū esset, vt vltra animorū virtutē & pietatē eas experiemur  
 artes, quæ ecclesiastici magistratus administra comitesq. virtutis sunt, maximē aut sacra-  
 rum literarū peritiā, quæ, vt Paulus ait, vtilis sunt ad docendum, ad arguendum, ad  
 corripiendum, ad erudiendum in iustitia, denique vt perfectus sit homo Dei ad omne 2. Timot. 3.  
 15 opus bonum instructus. Nam ceterarum disciplinarum scientia, præterquam quod inflat,  
 non admodum ad hanc quam paramus, rem vtilis est, quod & ipsa diuina vocatio electi-  
 oque facili docet & probat: Videte, inquit, vocationem vestram fratres, quia non multi 2. Cor. 1.  
 sapientes secundum carnem, non multi potentes, non multi nobiles, sed quæ stulta sunt  
 mundi elegit Deus, vt confundat sapientes & infirma mundi elegit vt cōfundat fortia.  
 20 Neq. verò difficilis nimium hæc eligendi ratio, neq. magni admodū negotij plena esset,  
 quādo nō adeo nulla bonorū virorū nūc copia est: Nāq. in omni ciuitate, modō cura dili-  
 gētiāq. adhibeatur, certos inuenire sit probos homines & virtutis splendore præditos, ac  
 sicut luminaria in mūdo inter ceteros lucētes, quorū curæ, diligentie ac fidei sacra munera  
 tuto credi cōmittiq. possent, nec solū humanū iudiciū, sed diuinū etiā hac in re expectandū  
 erat: Etenim Deus, cuius res agitur, piē sanctēq. rogatus faciliē suos sibiq. ad ministeria  
 25 probatos indicaret, ac latentes proderet, nō enim minus nunc aut potest, aut cupit, quā  
 olim nouæ & recentis adhuc ecclesiæ tēporibus, quibus hæc via munita & peruulgata  
 fuerat, cū ea cura fuit, vt homines ad sacra ministeria idonei inuestigarentur, quorū  
 spectata virtus & integritas, ac per omnē vitā cōseruatus splendor primū, deinde officiū  
 suscepti nunquā deserta fides, sed pietatis summa custodia, sed præclara etiā morte cōser-  
 30 uatum religionis decus certā vocationē ostendit: Nunquā enim adeo populū suum neglexit  
 aut repudiavit Deus, vt nō illi ministros aliquot idonei pararit, & interdū creauerit, si  
 nō omnes in aula aut in frequēti ciuitate populoq. inuentos, at ex agro aratroq. abductos  
 ex ouīū, ex armentorum caulis petitos, si non doctissimos ac dignos sibi iudicatos, quibus  
 quāto humani splendoris, dignitatis & opū minus fuerat, tātō maior diuina auctoritatis  
 35 splendor accessit: Nā quod humana vi, opibus & facultatibus maximis præstari nō possit,  
 id in summa simplicitate & humilitate efficere planē diuinæ virtutis & poudētie est.  
 Huius aut rei illustria exēpla nobis per omnē etatem proposita sunt, ex quibus vnum  
 Amosi vatis est, qui vt humanis opibus atq. earū artiū facultate, quæ illustres reddere hoīes  
 solet, vt omni deniq. humano splendore nemini cōparādus, ita diuinæ sapiētie auctoritate,  
 40 officiū dignitate & in munere administrando integritate, fide atq. constantia nulli cedens  
 fuit, vt planē intelligi possit opus diuinum esse, quidquid ab eo homine actum gestūue  
 sit, qui ad eam quam tractauit rem, nihil ipse suum, suāue industria paratū præter proba-  
 tam Deo animi virtutē & pietatē, præter obsequiū fidemq. contulerit. Quo tēpore Israē-  
 45 litarum & Iudeorū mores corruptissimi iam erant, eo tempore Deus, qui nunquā homi-  
 num rebus & verē animorū cōmodis non consultū esse voluit, prophetas identidē suos  
 creabat, qbus pœnitētie & salutis ac pacis, vel belli rursus & necis legationē ad populū  
 daret: eos aut vnde cōmodissimē haberi posse cognosceret, sibi legebat. In his ergo Amos vn⁹  
 fuit armentarius Thecoites, quem ex bobus pascendis Deus de magnis, præteritis, præ-  
 sentibus



sentibus futurisq. rebus legatum, & consilij sui interpretem misit, cuiq. non solum quæ ad Israëlē Iudæamq. sed quæ ad alias etiam finitimas gentes pertinerent seuera mandata dedit. Fuerat autē is vir integris ac probatis moribus, vitæ autē consuetudine & genere simplici atq. horrido, minus culto ingenio, atq. omni sciētia aut ciuili facultate destituto, lingua etiam tardus & sermonis elegantia carens (quod ipsum Amos nomen indicat.) virtutis tamen præstantia & legationis veritate prophetiaq. auctoritate & diuino spiritu vel maxime auctus & officij fideiq. integritate, vsq. ad necis & suppliciorū tolerantiam probatus. Huius vaticiniij quoniā non vnum ac simplex, sed quadruplex caput est, & singulorum capitū sua etiam varia membra sunt, quadruplex quoq. argumentū suis locis distinctū à nobis proponi oportet, id quò commodius & sanctius explicari possit, ipse imprimis Deus ex more adeundus, & voto humiliq. prece implorandus est.

Nam quid ego sine te facere, aut quid dicere gratum

Summe Deus possim, quæ mea cœpta sequi?

Ergo age, nil opis hic nostræ superesse docendo,

Nec patere humanis artibus esse locum.

Vtique tuum, quidquid Vates dixere probamus,

Interpres si quid dixerit, esto tuum.

Iam tu custodique omium, tardisque bubulcis

Quæque forent cunctis, dicere, mira dabas.

Hæc nobis referenda bonus da, splendida dictū

Nolumus exigui scribere, certa tamen.

#### VATICINII PRIMI ARGVMENTVM.

**N**ON nouum, à vulgi tamē opinione alienum miraculū in ipso statim vaticiniij principione-  
ratur, nimirum Deum non ea obseruare, quæ ab hominibus maxima & præstantissima esse  
inducantur, dignissimaq. quibus omnis tribuatur honos, ut sunt genus, diuitie, opes, potentia,  
facundia, & quæcūq. aut facultates, aut artes his simillimæ sunt; neq. diuinā veruatem auctoritatēq.  
huiusmodi rebus niti, sed sola Dei voluntate & nutu, & spiritus sancti virtute, qua qui prædictus est, is  
planè sapiens, is fortis, is princeps, is ad maxima & præclara munera strenuè obeunda est idoneus, quæ  
res huius vatis Amos exēplo probatur. Qui cū nulla sua dignitate, nullis opibus, nullis etiā artibus aucto-  
ritatē apud populum valeret, utpote pastor alieni etiā armeni custos, tamen repente diuino spiritu  
auctus, ad eū magnā consecutus est auctoritatem, ut diuinorum aduersus Israëlē aliasq. gentes cōsilio-  
rum grauisimus & certissimus nuntius fuerit, cum summa regum & populorū admiratione, à quibus  
tamen nunquā repelli, aut impediri potuit, quò minus suam diligenter obiret legationē. Principio autem  
Isrælitarū populus, hoc est, decē tribubus dura pronuntiat, & futurum ipsis excidium, extremamque  
captiuitatē venturasq. anteā miseras calamitatesq. docet, propterea quòd diuina religio violata ab illis  
fuerit, & per idololatriæ scelus omnino polluta: Nam si aliarū gentiū scelera Deus impunita nō patitur,  
& si certa atque grauisima ultio alias etiam nationes manet, ob illatam aliquando Isrælitis iniuriam.  
quod nam iudiciū quàm graue ac seuerum experiri eos æquum est, qui quantum in ipsis fuit diuinam  
maiestatē per summum nefas minuerint, & sanctissimum illud numen, cui se totos sacratos esse oportuit,  
iniuria contumeliāq. affecerint? Argumentatur autē Vates ex contentione, octo enim finitimarum gen-  
tium sceleribus enarratis, & pœnis constitutis, Isrælitarū, qui iisdem aut etiā pluribus maioribusq. fla-  
gitijs nobilitati erant, causam persequitur & perorat: addit autē & Iudæorū etiam, hoc est duarū tri-  
buum causam, quos tamē iisdē cum alijs gentibus criminibus, iisdem suppliciorū sententijs inuoluit. Cum  
autē omnium istorū malè gesseret & grauisima causse cū Isrælitarum impietate & sacrilegis negotijs  
cōparatæ leues esse videatur, res ipsa postulat, ut nō vno eodem, ac pari iudicio omnium caussa inuoluatur,  
sed suus certus locus certūq. tempus ad pronuntiandā de Israëlē sententiā, eamq. rebus & verbis ple-  
niori, constituatur: cuiusmodi exēplum in capitaliū scelerum socijs spectari sepe solet; nam cū aliq. alio tē-  
pore ad supplicium producantur, dux & princeps ipse sceleris seorsum cum maiori apparatu & frequen-  
tiori hominū conuentu, ut maius etiā supplicio suo spectaculū præbeat, producit. Breuis ergo sententiā  
& cōmunis omnibus eadēq. formula de singulis alijs fertur: Et mittam ignē in domum Gazæ & de-  
uorabit aedes eius. De Israël verò longior multo & explicatior, & suis tum criminum notationibus, tum  
pœnarum generibus distincta pronuntiat. Atque in hac Isræliticarum rerum ratione, ubi iam cœpta  
fuerit, totus ferè liber consumitur.



## CAPVT I.

**V**ERBA Amos, qui fuit in pastoribus Thecua: quæ vidit super Israël in diebus Ozia Regis Iuda, & in diebus Ieroboam filij Ioas regis Israel, duobus annis ante terramotum.

**F**VERE olim & nunc sunt nonnulli sacrorum librorum expositores doctissimi, qui dicent vaticinij munus & officiū ijs tantū deferri, quos ad eam rē aptos idoneosq. natura genuerit, & conformauerit, decepti fortasse oratione illa qua Deus Ieremiam vatem est allocutus: Priusquam te formarem in vtero, noui te, & antequam exires de vultu, sanctificaui te. eam autem illi rem ad certā naturalium humorum & facultatum in humanis corporibus mixtionem & constitutionem retulere, ita vt nihil in ea signi, nihil miraculi esse putarent, sed vt natura alij ad liberales disciplinas, alij verò ad alias humiles artes habiles aptiq. sunt, sic vaticinium naturalē quandā facultatē crediderunt, quæ natura ingenioq. iniri, vsu autē & exercitatione perfici in ijs, qui ad eam apti fuerint, possit; atq. hanc quidē opinionē à Peripateticorum philosophia imprimis animo insitā eius viæ sectatores cōquisitis, diuinarū scripturarū sententijs alere confirmareq. conati sunt. Sed eam tamen à diuinæ legis & sapientiæ rationibus alienā esse, vates hic noster Amos manifestē ostēdit, qui muneris sui facultatē non natura, sed miraculo cōtigisse in ipso statim dicendi initio docet, atq. ex eo auctoritatē orationi sermonibusq. suis adiungit, quod nō spōtē sua, non naturæ & ingenij impetu, non certis disciplinis aut facultatibus præparatus, sed subito à Deo iussus, doctus, legatusq. ad Israël sit, ad quē diuina mandata perferret. Atq. ad eō hanc rē philosophicis etiā rationibus tractare & disputare possemus, si per cōmentariorum legē breuitatēq. liceret. sed nunc quantū ad Vate explicandū satis esse possit, percurrentes integrā rei ipsius disputationē præsentī sermoni reseruabimus, atq. prophetiæ munus ita munus esse, vt diuinū donum interpretari possit, statuemus: diuinum quidē donū cui defertur, miraculū verò atq. diuinitus ostensum signum illis ad quos Vates legatur ac mittitur, quamobrē dictū est Mosi apud Rubū: Et hoc habebis signū, quod miserim te, vt res diuina diuinitusq. procurata & nō naturali facultate parata signo dato ostēderetur, id quod populus ipse atq. omnis tā sapientū, quā imperitorū multitudo satis apertē testatur, qui de Mosi prophetia & officio tanquā de re maxima & miraculosa diu multumq. inter se cogitauerāt ac disputauerant, cū hoc diuinū & extra humanos sensus ac naturæ vires positū intelligerēt, & quo nā modo id saluis hominibus cōtingere posset quærerēt, donec lex diuino ore cunctis audiētibus pronuntiata fuit, & tandē fides periculū ipso facta est, posse homini cōtingere, vt diuinā vocē sermonēq. audiat saluus atq. incolumis, sicut scriptū est: Hodie vidimus quod loquatur Deus cū homine & viuat. Hodie inquit se tandē intellexisse, quod diu multumq. dubitauerant: quod si id natura fieri cōtingereue posse iudicassent, nō id hodie primū vidissent. Opus autē Dei esse id sciebant, vt Deus cū homine loqueretur, an verò tanta res incolumi homini accidere posset, dubitauerant, & tandē fieri posse intellexere, atq. ea res miraculū grande illis declarat, mirādumq. reddit hominē cui id contingat, quod hominū opinionē fidēq. ante excesserat. Ex his autē planē colligitur ad vaticinij munus nihil opus esse, aut naturali aliqua facultate, aut maximarū artium disciplinarūq. peritia, tantū autē vt qui eo donandus munere fuerit, vir bonus sit, à vitijs & voluptatibus, ab omni inhonesto studio alienus, & qui vbi delectus ad hoc sit, officiū suum summo obsequio, fide & seueritate tueatur. Quod apertē ab Amos vate docemur, qui vaticinio suo non naturali aliqua virtute, nō sapiētia & artibus maximis, non genere aut alia re, quā miraculo & diuina auctoritate fidē facit: Namq. artē suā & vitæ genus rusticū atq. horridū imprimis profitemur: [Verba, inquit, Amos, qui fuit in pastoribus Thecua.] Studiū suum hoc dicendi modo indicat, in pastoribus, nō enim aut propheta, aut sapientiæ & humanarū artium studiosus antē fuerat, neq. cū eius generis hominibus, qui eas res profiterētur, fuerat vnquā vsu aut cōsuetudine cōiunctus, sed inter Thecua oppidi pastores, in eoq. ministerio semper versatus, vt neq. aliud quā pastoralis vitæ studia & excercitationes, neq. id alibi quā in Thecua oppidi agris coluerit. Quod & ipse de se aliās apud Amaziam Pontificē Bethel profitemur: Non sum, inquit, propheta, neq. filius propheta, hoc est, neq. prophetarum discipulus aut assecla, sed armentarius ego sum vellicās sicomoros, Et tulit me Dominus cū sequerer gregē, & dixit ad me Dominus: Vade & propheta ad populum meū Israël. Pastor igitur fuit, neq. diues aliquis pastor, qui alijs conductis

Moses Alius  
prius eius  
sectatores.

Jerem. 3.

Arist. lib. de  
diuinatione.

Exod. 3.

Deut. 24.

conductis pastoribus ad armentū suum alendum vteretur, sed cōductus ipse fortasse qui alienos boues custodiret & pasceret, cui à sycomoris vellicandis otium nullū ad aliā exercēdam artem superesset, gregē enim semper sequebatur. Hanc autē sententiam omnem oratio illa continet: [*Verba Amos qui fuit in pastoribus Thecua.*] Hoc est, dicta factaq. Amosi prophetae, cuius vita studium & cōsuetudo fuit inter pastores semper versari, idq. nō alibi, 5 quā in Thecuæ montibus, vt neque vitæ genere neque hominum quibuscum viuebat familiaritate, neq. locorū in quibus degit ratione, neque peregrinatione aliqua nobilis extiterat, sed omne tēpus in gregibus pascendis, idque apud Thecuam cum alijs, quos testes adhibere potest, pastoribus cōsumpserat. Cuius verò sententiæ sit, quòd sermonem suum sic incœperit: [*Verba Amos,*] in cōmunibus de prophetico sermone quæstionibus à 10 nobis est dictū. [*Qui fuit in pastoribus.*] Duo, quæ ad pecuariā rē spectant, nomina ab hoc vate vsurpantur, alterū quidē est *Noqued*, quod gregum armentorūve possidentē hominē significat, siue idē ipse pascat, siue cōductis vtatur pastoribus, vt illud & *Missagh* rex 2. Reg. 77 Moab fuit *Noqued*; alterū verò est *Roghe*, quod pascendi officiū propriē indicat, siue propriū gregē, siue alienū custodiat, quē Latine pastore nominamus. Amos autē cū Amaziæ 15 sacerdoti rationē suam exponit, pastore se indicat fuisse, non *Noqued*, sed custodē boum & curatorē tantū. neq. verò hoc in loco ditiorē eum fuisse intelligere possis; nam quāuis vtatur nomine *N O Q V E D*, nō se talē fuisse, sed inter eos qui tales essent, versatum dicit; Ob eam rē nō ait, fuit *Noqued*, hoc est, pecoris Dominus, sed fuit in *Noquedim*, inter eos enim armenta pascere cōsuevit. Atq. ita vates noster nō genus, nō patriam, nō celi aē. 20 ris aut soli felicitatem, nō vitæ studium, nō fortunas diuitiaq. nobis, sed diuini tantū cōsiliij auctoritatem religionemq. sermoni, atque orationibus suis interponit. Neq. verò loci & patriæ nomen ad dignitatem splendorēve, sed ad artis potius & cōditionis argumentū appellatur: quando Thecuā oppidum montosum & inculti atq. ad fruges minus idonei agri pastoribus alendis tantū esset cōmodum, nihilq. illustre peperisset præter *Hirā* 25 filiū Aces sextæ regiē cohortis David ætate ducē. Fuit autē in sorte tribus Iudæ Beniaminis propinquum, vt ex Ieremiæ scriptis intelligimus: Confortamini filij Benjamin Ierusalem, & in Thecuah clangite buccina. neq. verò nimis antiquum oppidū, sed postquam terra ab Isrælitis occupata fuerat cōditum, populo iam crescenti, & cōmoda loca oportunaq. ad nouas sedes deligendas quærenti visa est ea regio apta, quæ armenta arbusculis fil- 30 uisq. aleret, nomen autē loco à Thecoa *Esrom* nepti factum videtur, quæ cum pagū prima cum filijs suis occupauerit, vt in Annalibus legimus: Habuit quoq. *Esrom* vxorē nomine *Abia* quæ peperit ei *Asihur* patrem Thecuæ. Sed *Roboam* Salomonis filius vrbe in eo loco cōdidit, quæ tamen antiquum nomen retineret, ædificijs ipse tantum & populo auxit ornavitque, sicut scriptum est: Habitauitq. *Roboam* in Ierusalem & ædificauit ci- 35 uitates muratas in Iuda. Extruxitq. *Bethleem* & *Etham* & Thecuā. Porro agrum desertum incultumq. esse & pastionis tantū cōmoditate vtilem locus ille in iisdem annalibus indicat: Cumq. manē surrexissent egressi sunt per desertum Thecuæ. Hoc oppidum Diui Hieronymi temporibus adhuc extitisse videtur. Igitur patriæ nomen ipsum & ap- 40 pellatio hominis nobis humilitatem & artis genus etiam prodit. [*Quæ vidit super Isræel.*] Quo vaticiniij genere vsus fuerit, & quam ob causam, imprimis docet: nempe nō somnio aut alia quapiam forma, sed diuina visione, idq. Isrælitarum causa, se fuisse impulsū. Est autē visio futurarum aut absentium rerum certum quoddā quasi præsentium spectrum, quo vel vatis oculi, vel animi feriuntur, vt quod *Samuel* *Saulis* asinas inuentas ipsūque *Saulis* patrem suspensū animo & sollicito esse de filio vidit. Quòd *Habbakuq* *Assyriorum* 45 exercitum contra Iudam tam multo antē comparari; quòd quatuor imperiorum orbis feriem rationesque omnes *Ioël* vates præsentit. Ex qua re, qui nunc propheta dicuntur, videntes olim (vt sacer historicus ait) dicebantur. Huiusmodi autem prophetiæ genus ad *Amos* attinuisse accepimus; nam absens, quæ res priuatē, quæ publicē apud Isrælitas gererentur, præuidebat, & quid tandem illis futurum esset, multo antē animo contem- 50 plabatur. Vaticiniij autem sui legationem ad Isrælitas tantū pertinere ait; nam corū causa potissimū creatus est Vates, sicut ipse de se testatur: Et dixit mihi, vade & propheta ad populum meum Isræel. quanquam de alijs etiam gentibus, & de Iuda quoque mentionem fecerit, earum tamen causas breuiter atque obiter tractauit, ex quibus argumentationes ad propositam sibi causam perorandam repeteret: Etenim contentione siue comparatione vltus argumentando est, quam rem nos paulò antē in huius vaticiniij argu- mento

mento fufius explicuimus. Quo tempore aſtem vates hic munere functus ſuo ſit, ſub-  
iunctis verbis docemur, vt ex temporum ratione negotiorum quoque de quibus agitur,  
argumenta lectis hiftorijs petere poſſimus. [*In diebus Ozie Regis Iuda, & in diebus Ieroboam*  
*filij Ioas Regis Iſraël.*] In quorundam vatum libris certum tempus propterea dicitur, quòd  
præterquam ad fidem faciendam plurimum poteſt, vehemente etiam ad vatis intelli-  
gendam ſententiam conferre exiſtimatur; etenim de rebus ijs plerumque vates verba  
faciunt, quæ ſua tempeſtate geſtæ ſunt: Quas cùm illi ferè ſemper aut indicent tantum,  
aut percurrant, lectorem ad ſuorum temporum hiftorias tempore tantum indicato viſi  
ſunt reuocare. Quæ verò ratio ſit, quamobrem regum potius quàm annorum ipſorum  
mentionem facere vates ſoleant, iam aliàs à nobis eſt explicatum. Igitur Amos tempo-  
ribus Ozie Regis Iuda & Ieroboam filij Ioas regis Iſraël vaticinatus eſt. Azarias autem  
qui idè Ozias anno vigefimo nono regno Patris ſui Amazie ſolus regnare & ſuo nomine  
cœpit, cùm vndecim iam annis antè regnum pro patre adminiſtraſſet. quo anno autem  
Amazias in Lachis eſt interfectus, eodem Ozias rex ſuo ipſius nomine eſt appellatus; is  
annus fuit ab orbe condito ter miſleſimus centeſimus trigeſimus quartus, à templo verò  
Ierolymitano ædificato ducenteſimus primus. At verò Ieroboam quindecim iam antè  
annis Iſraëlitarum regnū obtinebat, vt ex ſecundo Regū libro accepiſimus, quo in libro qui-  
dam in annorum rationibus nodus eſt, quem aliàs oportune Deo duce abſoluemus. Acci-  
dit autè illis tēporibus, vt Ozias rex ſacerdotale officium ambitioſè ſibi arrogans in aureo  
altari ſacrū facere attentaret, ſed diuinitus tactus lepraq. percuffus, atq. à ſacerdotibus re-  
pulfus eſt. Mox etiam terribili & multis ſeculis memorabili terræmotu Iudæa regio eſt  
conquaffata. Cuius rei tum alij, tū Zacharias vates mentionē fecit: Et fugietis, inquit,  
quemadmodū fugiſtis à facie terræmotus, qui fuit in diebus Ozie regis Iuda. Hunc eadē  
die factū fuiſſe, qua Iſaias diuino ſpiritu auctus vatesq. eſt creatus, antiquæ Hebræorum  
hiftoriæ tradunt, quòd ab ipſo Iſaia literis mandata ea res ſit. ſic enim legimus: Et com-  
mota ſunt ſeper luminaria cardinū à voce clamantis. Nam & Iſaias Ozie etiā regis tēpe-  
ſtate vaticiniū inchoauit. ex qua re colligimus Amos duobus annis ante Iſaiam vaticinari  
cœpiſſe; atq. ita id quod ab Iſaia dictum eſt, & adhuc ſexaginta quinque anni, & ceſſabit  
Ephraim eſſe populus, cuius numeri initium ab anno terræmotus, tanquā à re notiſſima  
duci auctores doctiſſimi voluerunt. De hac verò ratione omni apud Iſaiā ipſum diſputa-  
bimus. Sed quòd in hoc loco bienniū ante terræmotū notatur, id non tam ex cauſa dictū  
videri debet, quòd vates eam rem futurā vaticinari voluerit, (cùm ipſe Iſraëliticas res tra-  
ctandas potiſſimū ſuſceperit) quàm quòd certum tēpus indicauerit, quo tempore vatis  
officio fuerit functus, ita vt bienniū tantum ei muneri vacauerit, idq. diebus Ozie ante  
terræmotū, cùm Iſaia eiufdē etiam Ozie tēpeſtate, poſt terræmotū tamē pluribus annis  
vaticinari cōtigerit. Hanc autē ſententiā ſermo ipſe & dicendi ratio nobis indicat. Qui  
vidit ſuper Iſraël in diebus Ozie biennium, idq. ante terræmotum, cùm Iſaias viderit  
in iſdem diebus, ſed poſt terræmotum, atque adeò pluribus annis. Itaq. Amos ſic duo-  
bus annis vaticinatum eſſe intelligimus, vt biēnio peracto defunctum munere ſuo fuiſſe  
interpretemur, neque antea aut poſtea vnquam viſionibus fuiſſe impulſum.

40 *Et dixit Dominus de Sion rugiet, & de Ierusalem dabit vocem ſuam: &*  
*luxerunt ſpecioſa paſtorum, & exiccatus eſt vertex Carmeli.*

H A C T E N V S operis inſcriptio & temporum notatio, vatis inſuper vita indicata eſt,  
magis quàm opus ipſum ſit incœptum; atque ea quæ ſcripta ſunt, aut à Vate ipſo, aut ab  
alio ſacrorum librorum concinnatore conſcribi potuiſſe nihil obſtat, ita vt brevis quædā  
totius operis præfatio ſit, quàm quis fuerit vates, quo tempore & quamdiu vaticinatus &  
quas potiſſimū res tractauerit, oſtendatur: Etenim ſoluta oratione ſuperiora omnia con-  
ſtant, cùm ea quæ ſequuntur carminibus conſcripta ſint, & ipſius cæleſtis ſpiritus imperiū  
iam propius referant, id ipſum etiam illo verbo indicatur: *Et dixit*, quod à carmine ipſo  
ſeiunctum eſt, attentionēq. & ſilentium ad audiēdum parat. [*Et dixit Dominus de Sion ru-*  
*giet.*] Hoc primū carmen Amolum noſtrum poſt Ioël munus ſuum vaticinando obiſſe  
indicat, quòd eodem integro carmine fuerit Ioël vſus. quā ob rem rectè huius vatis liber  
poſt illius vaticinia ordine ſecundo eſt collocatus, cùm illius verſum hic vſurpauerit, quò  
ſermonibus ſuis faceret initium, atq. de eadem re ſe dicturū præcipue doceret, de qua ille  
alter ferè vltimo dixerat loco: [*Dominus de Sion rugiet.*] Totius futuri ſermonis propoſitio  
quædam,



quedā, & accusationis causāque argumentū hoc est: Nam in iudiciali genere omnis ferē huius vatis versatur oratio; siquidē hunc pastore simplicē atq. probū virū causarum suarū actorē esse Deus voluit, qui nō tā arte, q̄ veritate ipsā agēdo niteretur. Est ergo hac carminis huius sentētia: Deū causam Sionis & Hierosolymorū agere, parare, quod etiā ciuitatē suā, quā sanctā, quā purissimā religioſissimāq. omnibus esse oportuit, vario ac multiplici iniuriarū & probrorū genere tā à domesticis, quā ab alienis hostibus onerata esse cōstat; maximē aut ab ijs indignē illius res tractatas, qui liberalissimē atq. honorificēssimē tractare debuerunt, videlicet ab Israëlitis Iudaisq. ipsis qui cū sibi rebusq. suis sanctē & legitimē cōsulere possent, atq. suā publicā rē ex diuinæ legis præceptis, institutisq. gubernare, cūq. religionē purā illāsamq. tueri deberent, omnia tamē diuina humanaq. iura violātes, odijs, dissidijs, discordijs primū laborare cōperūt, ac deinde cēde, furto, rapina, stupris atq. alijs multis iniurijs sese mutuō affecerūt, ad eō vt maxima sanctissimæ reipublicæ labes & perniciēs ab iisdē ipsis ciuibz fuerit illata, quorū eā integrā incorruptāq. seruare interesset. Igitur tota hac iniuriarū actio est, quæ quoniā grauiter seuerēq. tractāda, atq. irati numinis oratione pronuntiāda est, idcirco leonis & rugitus atq. clamoris translatione Vates est vsus: [Dominus de Siō rugiet.] de nō locū, sed causam, vt apud Ioelē docuimus, indicat, apud quē totū hoc carmē est à nobis fusiꝯ explicatū. Est autē hac sentētia: Deū grauiter & seuerē religionis suę & gētis causam acturū vlturūq. vicē populi ac regni sui, cuius caput Ierusalē, arx verō & regia Sion erat, eāq. vltionē omnibus quicūq. Ierusalē & Siō, hoc est regno suo nocētes, inutiles, iniurię fuerint parari, siue illi domestici, siue exteri fuerint, ac primū leuiiores quidē iniurias, deinde & grauiiores multō etiā seuerius esse animaduertēdas: Nā quēadmodum leo nunquā frustra rugit, neq. eā vocem animātibus alijs securē audire licet: sic vbi Deus rugitū ediderit, hoc est, vbi causam suā grauiter seuerēq. egerit, acre in eos qui in culpa fuerint, iudiciū sequatur necesse est, sicut scriptū est ab eodē: Nunquid rugiet leo in silua & nō habebit prædā: exordio autē tū dicētis aitibus, tū rei ipsi maxime idoneo vsus est, qua orationē se à Deo cuius voces referret, missum legatūq. fuisse significauit; nā cū Deū rugientē & grauiter causam populi sui proclamantē audierit, non obsequi & mandata facessere nō potuit, sicut & alio in loco ipse ait. Leo rugit, & quis non timebit? Dominus locutus est, & quis nō prophetabit? Quod nā porrō & quale iudiciū in eos, qui dānati fuerint, sit exercendū, subiuncto hemistichio declarat. eandē autem quam sumpserat viget translationē: [Et luxerunt speciosa pastorū] Repetitio illa, rugiet, & dabit vocē suā, [præterquam quod familiaris vatibus est, semper suam habet significationē. vt etiā in hoc loco habet; nam cū duas gentes reos hic cōstituat vates, qui populū Dei iniuria & cōtumelia affecerāt; nepe finitimas nationes, & Israëlitas Iudæosq. ipsos domesticos hostes, vox rugiet, ad alteram, & dabit vocem, ad alterā partē refertur. Quēadmodum & genium etiam iudiciū vtriq. parti suāq. pœnas luendas proponit. Namq. speciosa atque amœna pastorū loca luctu cōplenda, & Carmeli verticē exiccandū esse prædicit. Lugere autē ager dicitur, cū aut ob pluuiarū defectū, aut ob bellicam depopulationē horridus, incultus atq. aridus est; vt cōtra ridere omnia dicimus, quæ culta, virētia amœnaq. sunt. Sic apud Hosieā: Propterea lugebit terra, & via Sion lugent, eō quod nō sit qui veniat ad solennitatē. Apud latinos etiā ager lugere, & cultorē desiderare dicitur. Atq. prioris huius sententiæ mēbri translatio à posteriori indicata est, [Exiccatus est vertex Carmeli. Speciosa pastorū, dicuntur ad pascendos greges oportunissima quæq. loca, in quibus ob pastionum fertilitatē & magnitudinem diutius cōmorari, & tentoria figere pastores possunt; namq. Hebræa vox נ א ו ת ה speciosa habitacula pastorum significat. Carmelus autem tamen mons quidam sit, qui eo nomine dicatur, tamen locum quemlibet significat, modō fertilissimum & vineis agrisque cultissimum, qui vicinis locis laudem præripiat. qua significatione ab Isaiā vsurpatur: Et vertetur Libanus in Carmelum, & Carmelus in siluam reputabitur; propriē enim hoc nomine spica viridis & plena significatur, vt & panis & tosta spica & carmel, hoc est, viridis spica & vnde ad fertilissima & amœnissima quæq. loca significanda translatus est verbum: sic etiam & Hebræicē carmel fundum significat optimum. quæ vox Bethicis hominibus in Granatæ regno notissima est. Vtus est autem Vates antitheto, cūm verticem siue caput Carmeli exiccandum dicat, qua in re illud intelligit optimam & amœnissimam loci partem esse etiam vastandam, nedum quæ minus amœnæ minúsue cultæ sunt, pereant: Caput enim præstantissimam in vnoquoq. genere partem notare solet, vt caput Ephraim Samaria, & caput Syriæ Damascus.



Pindarus etiam eadem significatione aureum possessionū verticem nominauit. Hactenus trāslatio tractata nobis est, vt leonis rugitum magna pascuorum solitudo, ingens præstantissimorum agrorum vastitas consecutura sit, sed quoniam locus ipse rem non simpliciter intelligendam indicat, & quemadmodum rugitum nō leonis, sed Dei vocem & prophetiā intelligimus, sic alia etiam verba explicanda esse docemur. operæpretiū autē erit propriam dictorum sententiam breuiter aperire. Deum religionis et regni sui causa iratum Vates ostendit, atque iniuriarum actionem aduersus eos qui iniqui molestiq. populo suo fuerint molientem, & rugitus & vocis nominibus vtrisque diem dixit, qui vel ex domesticis, vel ex alienis in culpa fuerint. nunc vtrisque supplicium minatur & cladem portendit, & gentibus & Iudæis atque Israëlitis. Vocat autem [*speciosa pastorum*] palatia sedesq. regum, et Ierosolymam atque Samariam Carmeli caput appellat; namque totius terræ Asiæ optima portio Israëlitis cesserat, quam Carmeli nomine significauit, cuius capita Ierusalem & Samaria fuerāt, sicut scriptum est: Diligit Dominus portas Syon super omnia tabernacula Iacob. & rursus, caput: inquit, Ephraim Samaria: omnibus enim suā excisionem prædicit, atque inter agendū singulis suam de ea re pronuntiabit sententiā illa formula: Et mittam ignem in domum Hazaëlis, & deuorabit palatia Ben-Adad. Pastorum verò nomine principes & reges significari omnibus omnium linguarum sermonibus commune est, vt de Chaldæis principibus eorumq. exercitu scriptum est: Ad eam venient pastores et greges eorum, fixerunt tentoria in circuitu, pascet vnusquisque eos, qui sub manu sua sunt. Et Homerus Attridas duos populorum pastores sæpe nominat. Ergo cum de Damasci, Edom, & aliarum etiam gentium regibus mentionem facturum Vates sit, eos omnes eorumq. regias vrbes pastores & speciosa habitacula nominauit. atque ita Chaldæus interpres vertit: [*Et euerterentur habitacula regum, & excissetur fortitudo arcium eorum.*] Atque hæc totius futuræ orationis propositio est.

Psal. 86.  
Isai. 7.

Isai. 6.

Iliad. lib. j.

25 *Sic dicit Dominus, super tribus sceleribus Damasci, & super quartum non conuertam eum, eo quod triturauerunt in tribulis ferreis Galaad.*

ANTE QVAM Israëlitis dies dicatur (hoc enim Vatis consilium præcipuum in hoc opere est) sex vicinæ finitimæq. gentes in crimen vocantur, Syri, quorum caput Damascus erat, & Palestini, quorū Metropolis Gaza fuit, Tyrii, Idumæi, Ammonitæ atque Moabitæ, quas omnes gentes iudicium suppliciumque grauissimum subituras prædicit, vt pote Israëlitis nimirum semper infestas. Cum autem aliæ etiam nationes bellum excidiumque Israël attulerint, vt Assyrij, vt Græci & Itali, cur harum potissimum sex hic meminerit Vates, duplicē causam fuisse arbitramur. Altera quidem quod hoc vaticinium Ioëlis prophetiæ coniunctum & quasi annexum esse ostendimus, quamobrem quæcunq; ab Ioële aut breuiter tractata, aut etiam prætermissa sunt, ea Amosus sibi proposuit & persecutus est. Atque Ioël quidem eorum excidium prædixerat, qui Israëlitas & Ierosolymitanas res funditus euerterunt, siue prioris templi, siue posterioris tempora recolamus. atque ea res ad Ecclesiæ etiam Christianæ calamitates pertinuit, vt cum eum locum explicarem dictum à nobis est, sicut scriptum est: Et congregabo omnes gentes ad vallem Iosaphat, & iudicabor ibi cum eis super populum meum & super hæreditatē meam Israël, quam disperferunt inter gētes, & terram meam partiti sunt. Præterea etiam & ille dixit, & Ægyptus in desolationem erit, Et Edom in desertum depopulationis. quo in loco nos ad Ægyptum, Israëlitas omnes & Babylonios Assyriosq. retulimus; etenim Ismaëlita nunc partim ex Ægyptijs, partim ex Assyrijs oriundi sunt; Idumæi autem qui tandem iudicandi sunt à Deo iuxta Ioëlis oraculum, non illi quidem sunt, qui primi id nomen fuerunt sortiti, quiq. Seir montes incolebant, sed ex horū ortu sati cum orientalem, tum etiam occidentalem plagam tenentes homines quicumque Dei populum & antiquum & nouum præcipuè odio, iniuria, atque inimicitijs sunt prosequuti. hos igitur, quorum causa satis plenè fuerat à Ioële tractata, Amos prætermisit, atq. eos, quos ille nō appellauerat sigillatim nominauit, sed Tyrum & Edom quorū Ioël mentionem fecerat, ob eam causam Amos ad partes suas etiam vocauit, quod Tyrus bis ob sua scelera diruta fuerit, sed primum Nabuchodonosoris manu, vt ab Isaiā fuerat prædictum, iterum autem Alexandri Macedonis opera sic penitus excisa, vt nunquam deinceps fuerit restituta. ad hanc autem posteriorem ruinam Ioël, Amos verò ad priorē illam sermones suos

Ioël. 3.

retulere; Edom autem cladem illam futuram, quam Ioël præcinit de iis, quos ab Idumæis oriundos esse diximus, interpretamur, sicut scriptum est: Et Edō erit in desertū desolationis. Sed Amos eos Idumæos insectatur, qui vicini Israëlitis finitimi que atque infestissimi fuerunt, quorum vrbs nobilissima Theman ab hostibus vastata, huius Vasis oraculum certissimum ostēdit. Atque hæc altera causa est, quam ob rem Amos harū gentium potissimum & non aliarum etiam meminerit. Altera verò est, quòd, ut iam in superioribus docuimus, Amos ut Israëlitas supplicio dignissimos ostendat, aliarum gentium exempla & quasi præiudicia protulit, quæ similia, sed imparium scelerum grauissimas tamen pœnas erant laturæ. nam si Deus gentes à lege sua, à religione alienas, & minoribus etiam paucioribusque beneficiis affectas, tamen impunè peccare non permittit, nedum & Israëlitas pœnis supplicioque mulctet durissimo, ne dum in eos animaduertat, qui populi regni que ciues cum essent, suisque legibus instituti, religione & disciplinis imbuti, maximis donis ornati, tamen officij & pietatis proditores fuerunt, sanctamque atque sacram hereditatem iisdem & grauioribus etiam sceleribus flagitiisque polluerunt. ad hanc ergo comparisonem nihil opus erat aliarum gentium exempla adducere, quæ remotiora his loca tenentes obscuriorem suarum rerum & incertiore notitiam ac famam ad Israëlitas transmittere potuerunt, sed finitimarum potius, quarum rationes vulgò omnibus iis, quos propheta accusat, notæ erant. Namque iisdem sceleribus, iisdem flagitiis nobilitatos Israëlitas, iisdem etiam criminibus inuolui, eadem culpa, lege, ac pœna teneri demonstrat. In accusatione autē Israelitarum docebimus, quemadmodum in omnia harum gentium & Iudæorum crimina Israelitæ etiam vocentur, neque etiam grauiori iudicio sit cum illis agendum; quam ob rem neq. aliorum scelerum mentionem fecit, quibus hæ ipsæ quas insectatur gentes affluebant, sed horum tantum, quibus Israelitæ fuerant vel maximè notati. [*Super tribus sceleribus.*] Varias in hoc loco videmus expositorum sententias, aliasque atque alias secundum vniuscuiusque interpretationem de diuina misericordia, de peccatorum numero, quatenus dimitti possint, opinioniones esse: quibus omnibus nos idem quod semper consilium sequuti, super sedebimus, Christiano que lectori autores ipsos, si libeat, audiēdos censendosque permittimus. Interim nostram tantum sententiam exponemus: nam ab omni contentione, ab inuidiosa obtreptione longè esse volumus alieni: neque quidquam cum aliis disceptare (nisi cum id sine certa veritatis aut pietatis iactura omitti non possit) iam inde à principio sumus professi. Principio autem ut horum trium scelerum, à quibus singulæ gentes notantur, rationem aperiāmus, verbi ipsius natura & certa significatio est obseruanda. Namque ad rem ipsam nisi verborum, maximè autem diuinorum, ratione perspecta, penetrare legendo difficile est. Igitur inter multa variaque verba Hebræa, pro quibus Latinus Interpretes peccare, aut iniquè agere, aut errare aliàs atque aliàs reddit, vnum est PASSACH verbum, ex quo etiam nomen PESSACH deriuatur, quæ propriè defecere & defectionem Latine significant. Defectionem autem appellamus voluntariam animi à certa debitaque fide, aut à lege, aut ab officio ab alienationem. quo quidem sceleris illi propriè inuruntur, qui à rege principeque suo, aut à Deo cui sese dediderant, consilio deficiunt, aut iustam viuendi legem reiciunt, aut fidem constantiamque vitio deserunt. tota autem ratio hæc productis sacrorum librorum testimoniis tenebitur. In libris Regum legimus: Moab rebellauit in me. Et apud Isaiam, Deus, filios, inquit, enutriui, & exaltaui, & spreuerunt me. Et illud: In diebus eius rebellauit Edom à potestate Iudæ. In depositi autem fide seruanda dicitur ad perpetrandam fraudem, &c. quibus omnibus in locis verbum illud PASSACH, aut nomen PESSACH est. Igitur PESSACH, pro quo nobis hoc in loco scelus interpretes reddit, grauissimum fidei, legis, officiique deserti flagitium interpretabimur. Atque vtinam hanc prouinciam doctissimus aliquis Theologus, & linguarum peritissimus obiret, ut omnium virtutum, vitiorum, iuris, legisque diuinæ, omnium etiam artium atque disciplinarum vocabula ex sacris libris obseruata, distinguenda, declaranda atque definienda susciperet: is profectò utilissimus labor esset, & ad sacra scripta intelligenda, & ad scholasticas disputationes certissime instituendas imprimis commodus. Neque verò id aut nouū, aut ab scholastica consuetudine alienum foret. namque ut ex Græcis etymis quædam rectè, quædam etiam minus aptè philosophari licet, sic etiam ex Hebraicis, aptissima atque certissima quæque petere,

petere, atque in disputationibus non inconcinne usurpare liceret: & qui libenter discendo latrariam, duliam, hyperduliam, hypostasim, despoticam, politicam, ethicam audiunt; iucundè etiam ghauon, zadon, pessagh, hhatah, thorah, mispat, & alia huiusmodi sonitus verba potuissent audire. Sed ad rem nostram explicandam redeamus, & quæ sint hæc terna Pessaghim, hoc est terna scelera, quæ de singulis gētibus indicantur, consideremus: quæ cum hic non explicentur, eadem omnium communia, & notissima etiam atque publica fuisse videntur; ob quæ digni omnes supplicio sint, quod legem, aut officium, aut fidem deseruerint. Neque enim sic ait: Super tribus sceleribus Damasci conuertam eum, & super quartum non conuertam eum, sed sic:

10 [ *Super tribus sceleribus Damasci, & super quartum non conuertam eum?* ] ita vt tertio etiam quartum addatur; ob quæ immunitas & venia Damasco danda non sit. totidem etiam flagitijs & aliæ nationes nobilitatæ sunt; quarti tamen cuiusque alia atque alia in vnoquoque seorsim ratio est. Tribus scelerum grauissimis generibus gentes omnes maculatæ imprimis fuere, quæ scelera contra naturæ, quam vocant; legem commissa sunt: Namque ex septem illustribus præceptis quæ Noë, illiusque posteris tradita sunt, ea constabat lex, ex quibus tria grauissima erant: vnum quod varium alienorum Deorum cultum vetaret; alterum quod incesta, stupra connubiaque foeda;

15 tertium quod homicidia prohiberet: ea his nominibus in sacris dicuntur idolorum cultura, turpitudinum reuelatio, sanguinis effusio; de quibus scriptum est: Hæc omnia faciebant gentes quas Dominus expulit ante faciem tuam. Namque antiqui illius serpentis opera & fraude tantis humanæ mentes imbutæ prauitatis erroribus fuerant, vt omnis ille naturæ legis splendor corruptissimis moribus obsoleuisset, sicut scriptum est: Dominus de cælo prospexit super filios Adam, vt videat an sit timens, aut requirens Deum. Omnes declinauerunt, vnà omnes inutiles facti sunt, non est qui faciat,

20 bonus non est neque vnus. Maximè autem his flagitijs omnes gentes coopertæ erant, vano cultu, incestu atque homicidio; quamobrem Deum sibi vehementer infensum iratumque habuere, atque hæc scelera excæcationis siue insipientiæ, ignominia & homicidij nominibus, Paulus ad Romanos scribens, notat. Tribus ergo his sceleribus

25 & à naturæ lege, atque à diuinæ mentis ratione defectionibus, eæ etiam gentes tenebantur, quas Amos in culpam crimenque vocat, ob quæ grauissimis dignæ fuerant supplicijs, quibus sceleribus cum quartum extremæ inhumanitatis, & plusquam ferinæ crudelitatis tanquam cumulus accessisset, patientissimi diu, æquissimi tamen & seuerissimi Dei iudicium expertæ sunt. Prima autem omnium in crimen Damascus venit opulentissima Syriæ vrbs, regni que sedes, cui si non principium, at certè nomen ab Eleazaro Abrahami procuratore ductum fuisse videtur; namque is Damascus etiam dictus fuit. Ea igitur natio vt antiquissima & nobilissima, ita prima omnium in capitis vocatur periculum, quod tribus illis communibus & publicis sceleribus, quibus fuerat contaminatissima, quartum etiam crudelitatis & extremæ erga Israël in iuriæ addiderit. [ *Super tribus & super quartum non conuertam eum?* ] Interrogatione oratio pronuntianda est: sic enim & vehementior dictio, & sententia fuerit explicatior. Conuertere, autem verbo vsus est, quod vel alterius, vel suam vicem vlscisci est;

30 vt: & ignominiam eorum in caput eorum conuertet, & conuertetur dolor eius in caput eius. Et illud: exaltare qui iudicas terram, conuerte retributionem superbis. Idem verbum in his omnibus locis hebraicè est. Interrogatione autem vitur, quod ea elocutionis figura in manifestissimis & irrefragabilibus argumentationibus locum habeat, hoc modo: Nunquid ego non conuertam Damasci ignominiam in caput eius, ob tria scelera, quibus sese aduersus ius & fas tam diu contaminauere, & ob quartum etiam, quo manifestius me, religionemque meam, iniuria & ignominia notare atque afficere statuerunt? & profectò dignissimi sunt, quibus ego tantundem rependam: Namque ea Deum propius attingere videntur, quæcunque aduersus Dei populum non hostiliter modò, sed crudelissimè etiam, & contumeliosè commissa sunt. Qualia de istis propheta noster Dei verbis atque accusatione commemorat. [ *Eò quod irritauerunt in tribulis ferreis Galaad.* ] Cum iam Israëlitarum rerum tædere Deum cœpisset, à vicinis & finitimis nationibus vexari eam gentem passus est, vt eo velut patermo stimulo punctam, ad bonam frugem officiumque reuocaret. Primi autem Sy-

35

40

45

50

ri Damasceni fuere, qui in Israël impetum facerent; sed tamen qui humanitatem omnem exuentes, non suas iniurias persequuti fuerint, sed insatiabilem crudelitatem in victis exercuerint: [ferreis enim tribulis] subiectos homines passim contriuerunt atque lacerauerunt, quod genus non nisi inimicissimis, & diu infestissimis hostibus, atque maximis vlciscendis iniurijs adhiberi solitum fuit; cuiusmodi stragem, à David Rege in Ammonitas editam legimus: Populumque eius adducens ferrauit, & circumegit super eos ferrata carpenta. Hanc autem à Damascenis Israël illatam cladem diuinæ historiæ narrat: quibus ea parte qua finitimi erant aggressis, tota ferme illa regio vastata est. sic enim legimus: In diebus illis cœpit Dominus tædere  
 2. Sam. 11. super Israël, percussitque eos Hazaël in vniuersis finibus Israël; à Iordane contra O-  
 4. Reg. 10. rientalem plagam omnem terram Galaad, & Gad, & Ruben, & Manasse, & Aroër quæ est super torrentem Arnon, & Galaad, & Bassan. Has quidem omnes regiones Damascenus rex Hazaël vexauit, ac perdidit; maximè autem in Gaaladitas sæuij, id quod & locus ipse ex historia indicat, cum Galaad bis in ea clade commemoretur. Hactenus crimen peroratum est, quod Damasceni tribus illis grauissimis defectionis sceleribus hoc etiam quartum addiderint; & qui victi olim à Dauide nihil tam immamè passi essent, nunc eius humanitatis obliti, tantum in Israëlitas sæuijssent, diuinum iudicium experiri commeruerunt, idq. grauissimum: ob eam rem damnationis etiam sententia extremæque calamitatis iudicium subiungitur:

*Et mittam ignem in domum Azaël, & deuorabit palatia Benhadar. Et conteram vestem Damasci: & disperdam habitatorem de campo Idoli, & tenentem sceptrum de domo voluptatis: & transferetur populus Syriæ Cyrenem, ait Dominus.*

MAXIMA clade atque exitiali calamitate Syros afficiendos esse prædicit, quæ tamen non ad fortunam, non ad victoris felicitatem, sed ad diuinum consilium referenda sit: quam vltionem à Deo mittendam verbum [mittam,] facile docet. [Ignis] autem nomen extremam stragem cædemque indicat: namque vt ignis omnia quacunque vadit absument vastissima reddit (quamobrem comedens & consumens in sacris libris ea natura cognominatur) sic futurum esse Amos dicit, vt hostis Syriam ita vastet, maximè autem regiam eius gentes familiam, vt igne absumptam credas. Ignis enim nomen non semper naturæ, sed efficientiæ aliquando rationem indicat; vnde & pro hoste vrbes agrosque populante id nomen vsurpatur. vt illud: Ignis egressus est de hesebon, & flamma de oppido Schon, & deuorabit Ar Moabitarum, & habitatores excelsum Arnon. Appellat autem Vates potissimum Azaël, vt defectionis eius quam quartam dixit, auctorem; atque totius huius familiæ ac generis interitum & occasum prænuntiat. [Domum Azaël.] Domus idem quod genus & familia, vt: Domus Iacob. fuit autem ignis hic Assyrius Rex, à quo Damascus capta, & Recin illius princeps interfectus fuit, eratque Recin ex posteris Azaëlis. Damascenum autem palatium, & Syrorum regia, nomen ex Benhadar acceperat, quod eius ædificandæ auctoris fuisset, quam diruendam nunc Vates præcinit. Namque is etiam Benhadar, alias Benhadab dictus, Israël se infensum hostem diu præbuerat; cum ab Asa Iudæorum Rege ingentem ob eam rem auri, argenti que vim accepisset, quos ille thesauros in Damasco magnificentissimè extruenda consumere potuit. Itaque exitium ad Regiam familiam, calamitas verò ad populum vsque ipsum peruentura fuit. Erat autem Damascus totius Syriæ caput, & vrbs non tam natura, quam opere munitissima: ob eamque rem palatia Benhadar, siue arces Vates noster nominat, quod regio opere magnificè fuerit constructa, portasque habuerit humana arte inexpugnabiles. atque id etiam diuinam arguet vltionem, cum nihil murorum & operum moles, nihil aheneæ portæ, nihil vectium & repagulorum magnitudo copiaque valebit: Omnia enim hæc sibi conterenda Deus suscipit, vt facillimus hosti pateat aditus. Quoniam, nisi Dominus custodierit ciuitatem, frustra vigilat qui custodit eam. Hoc est quod dicit, [conteram vestem Damasci.] Palatia & vestes ex Metonymia vsurpauit, vt urbem ædificijs & custodia munitissimam esse ostenderet: atque ita Chaldaica biblia habent,



habent; [*confringam firmitudinem Damasci.*] Damascus autem quamuis situ ipso fortissima non sit, est tamen vrbiū nostri orbis amœnissima, ad Libani montis radicem in valle constructa, quam & cæli, & soli temperies adeo fecundam, adeo pulchram efficit, vt nihil vltra in humanis possit rebus desiderari. eam autem præter natiuū nitorē hominū etiam cultura illustrat: Siquidem magnificentissimis & ornatissimis villis, hortis atque vinetis, alijsq. ad aspectus iucunditatem, & habitandi comoditatem operibus innumeris frequens est; vt cultores non solū vtilitate, sed voluptate etiam iuuet; atq. hanc comoditatem duo celebratissimi amnes, Amnam & Parpar sua etiam pro parte creant. ambo enim ex Libano monte prodeuntes, perlucidis & dulcissimis liquoribus abundant: alter autē Damascum influēs, totus potu & vrbaniis hortis irrigādis intra mœnia ipsa & suburbana consumitur; alter verō præterfluens eam quā diximus vallē, deductis canalibus totā irrigat: atque hæc vallis & cultorum & villicorū semper esse solet refertissima. Mediam autem vallem vrbs ipsa tenet, quę pulcherrimis extructa ædificijs, genialium quarundam ædium regia magnificentia in medijs hortis positarum speciem præbet; cuiusmodi imaginem intueri sibi videtur, qui Mediolanum in Cisalpinis, aut Hispalim in Bethica longius prospicit; hanc oliuetis, illam vinetis, & populis, quercubusque cinctam. Atque adeo tanta Damasci amœnitas, tam præclarus est prospectus, vt apud Ismaelitas cōstanti fama & voce vulgatum sit, eorum sectę principem Mahumetū, primum ex editiori colle regione illa prospecta, subito pedem retulisse; dicentem, nolle se diuturnum futuri paradisi fructum, cum eius quem videbat breuitate permutare: fieri enim non posse, vt duplici quis voluptatis paradiso fruatur; si cui autem præsentis vsus placuerit, futuri felicitate esse interdicendum; se verō iam cognouisse vbinam terrarum præsentis vitæ paradisos esset; nempe apud Damascum: quāobrem sibi hunc negligendum esse, vt illo altero tandem potiri liceret. Hæc nos & in ijs qui de Mahumeti historia conscripti sunt libris legimus, & à plerisq. eorum, qui ea loca peragrauerunt, cum Iudæis, & Turcis, tum etiam Christianis grauiissimis yiris audiuius, qui loci amœnitatem, fecunditatem, atque splendorem nunquam satīs admirari se posse putāt. In his Leo Medicus Florentinus est, plantarum, & totius stirpium naturæ diligentissimus indagator, qui eius studij causa bonam orbis nostri partem pedibus obiit, nuper apud nos erat Philippo Regi ob eam rem gratus, qui regio stipendio affectus, Hispaniæ agros, campos, montes, & nemora certis temporibus peragraret; is nobis nullā orbis terrarum regionem æquali portione cum Damascena comparari posse affirmabat; quam rem & à grauiissimo sanctoque viro Iacobo Vasquio Matamoro, nostrate sacerdote, & egregio pictore, sæpius audire meminimus, qui pietatis ergo in Syriam nauigauerat, omnemque eam lustrauerat regionem. Eam igitur vallem, atque eam urbem Damascum, hoc in loco Vates intelligit; quas vallem Auen, & domum voluptatis vocat: vallem quidem Auen, hoc est vanitatis, ex euentu per anticipationem nominat, quod à cultoribus hostium aduentu perterritis vacuam relinquēdam prævideret. Sic etiam petra auxilij locus quidā à Samuēle vocatur. Sic Poëta, miserimā dixit Dido, cum nondū de illius miserijs quicquam meminisset. Domū autem voluptatis, regiam Damascum esse, ex adiunctis verbis intelligimus: [*Tenentem sceptrum:*] est enim periphrasis regis: Namque regium gestamē, & proprii muneris insigne, sceptrū est; quo se populos regere, & gentibus iura dare significant: atq. ita in Hester historia legimus: Et extendit rex sceptrū quod manu tenebat. Et illud: Nō auferetur sceptrū de Iuda. Cum autē Damascus caput Syriæ esset, eademq. regū sceptrū tenentiū sedes, cōstat eandem esse, quę ob natiuam amœnitatē, voluptatis domus appellaretur. Etenim domus etiam nomen cum alio adiuncto multis vrbibus & oppidis cōmune erat; vt Beth Semes, hoc est, domus Solis: Bethel, domus Dei: quæ quidem nomina, aut ex illustri aliqua loci notatione, aut ex euentu aliquo, aut ex rei cuiuspiā insigni copia indebantur: erantq. nōnulla loca duplici etiam nomine; antiquo altero, atq. à cōditoribus fortasse dato; altero verō ex insigni aliqua nota accepto: vt Ephrata, eadem Bethlehem, hoc est, domus panis dicta: sic Damascus, Beth Ghedem, hoc est, voluptatis domus appellata est. Quoniam verō futurum erat vt Assyrius Rex, tum Damascenorum Regum familiam perderet, tum urbem ipsam, vallemq. omnem, agrumque popularetur; placuit numini rem omnem per Vatem esse prædictam, ne quis quicquam casu aut fortuna fieri posse putaret. Neque verō solū regiam familiam, aut Damascenos ciues supplicio afficiendos

Isaac Hispanus in Amos.

r. Samuël. Aenci. 4.

Hest.

Gen. 49.

esse prædicit: sed omnē eam Syrorum gētem, quā præterquā quod tribus illis sceleribus contaminata erat, regem etiam suum in clade Galaad secuta est, abducendam, perpetuoque esse exilio multandam canit. *Et transferetur populus Syria Cyrenem, dicit Dominus.* Solent qui hostem fundunt, plerumque eundem alio deducere; sic enim spe redeundi interuallo intercepta, imperium stabiliiri credunt. Hanc autem miseriam Syros omnes 5 subituros esse, Amos prænuntiat: omnesq. in Cyrenē ab Assyrijs fore abducendos. Duas autem hoc nomine, Quir, vrbes in sacris libris legimus; alteram in Moabitarum regione, in Assyriorum verò regno alteram: quas tamen Chaldaica Biblia sic distinguunt, vt Assyriam Quirne, Moabitidē verò Quirtha nominēt. Atq. vtriusq. quidem Iſaias meminit, sed vtram hoc in loco intelligere conueniat, res ipsa & Chaldaica interpretatio docet; 10 nempe Quirnem, siue Cyrenē Assyriam: eo enim potius Syros ab Assyrio victore superatos, quam ad Moabitidem Quirthan traductos fuisse, putandum est. Nam ad Cyrenem Africānam Ægypto conterminam, Callimachi Poëtæ, & Eratosthenis historici patriā, vt hanc rem referendam credamus, nulla nos ratio euincere videtur. Quod verò ab hoc Vate prædictum est, id porro euenisse ex sacris historijs docemur. Ascendit, inquit, Rex 15 Assyriorum in Damascū, & vastauit eam, & transtulit habitatores eius Cyrenem, Racin autē interfecit. At verò hic Damasceni regni ignis Theglath-pelassar Assyriorū Rex fuit. Quod autem addit Vates, [*dicit Dominus,*] dictorum, prædictionisq. veritatem & constantiam spectat. Etenim Dominus quæcunque dixerit, eadem euentu ipso, & re præstare, firmareque potest, & faciet; quoniam impossibile est mentiri Deum. Et non Deus vo- 20 lens iniquitatē est, neque habitabit iuxta eum malignus, neque permanebunt ante oculos illius iniusti. Sed ex multis Dei nominibus id hoc in loco vsurpatum à Vate est, quod Dei proprium magis esse cæteris constat, cuius præcipua quam interpretari possumus ratio, ad misericordiam spectat. de quo dictum iam alias à nobis est: vt doceret nos Vates à Syris in Israelitas impetum, Deo quidem ob correctionem permittente, factum fuisse, eo- 25 dem tamen minimē probante, extremē fuisse sæuitum; sed misericordiæ viscera tam immani crudelitate commota, atque ad vltionem fuisse excitata.

*Hæc dicit Dominus, Super tribus sceleribus Gaza, & super quatuor non conuertam eum: Eo quod transfulerit captiuitatem perfectam, vt concluderet eam in Idumæa. Et mittam ignem in murum Gaza, & consumet palatia eius.* 30

PALESTINI præter tria illa omnibus gentibus communia scelera, quartum etiam 31 contra ius admiserant, quo sibi supplicium accelerarent. Hi ergo communis honestatis atque officij, & Israëlitiæ iniuriæ causa, in crimen hoc in loco vocantur. Prima autē omnium ciuitas accersitur [*Gaza,*] ingens & munita admodum in Palæstina vrbs, cui Persicum diuitiarū nomē ex eo factū, antiqui auctores tradunt; quod Cambyſes cum Ægyptum armis peteret, huc belli opes & pecuniā intulerat. Persarū autē lingua diuitiæ [*Gaza*] 40 dicuntur, quod nomē & à Latinis etiam Poëtis est vsurpatum. eam autē urbem omnium in Palæstina aliarū principem, munitissimamq. fuisse, frequēti sui nominis in sacris libris mentione arguitur. Vt autem quartum hoc scelus intelligamus, nomen ipsum sceleris ad eam rationē reuocandum est, quam nos in superioribus criminibus reddidimus, nempe defectionem eam esse à debita fide, aut ab ea quæ secundum naturam est æquitate 45 Igitur in diuini iuris præceptis vnum illud sanctum, & summæ clementiæ plenum est; (atque hoc in loco diuinum ius dicimus id quod in sacris iudiciū nominatur > quod nomen rationem æquitatēque significat, atq. ob eam rem ad omnes homines qui iure atq. æquitate ducuntur, pertinet) ne quis seruū, qui ex hostili, vbi captus detineretur, regno ad se, siuūq. populum, atque fidem cōfugerit, receptum, per fraudem dominis iterum tra- 50 dat. Etenim cū seruitus, nō ex naturæ lege, sed ex gentiū more sit, natura ipsa ad libertatis amorem, studiū atq. curam, vnumquemq. ducit, vel rapit potius. Vbi autem quis ab hoste captus miseræ seruitutis iugum, durumque dominum ferre non potest, & sese profugiens magno cōmittit periculo, si interim dum per hostilē regionem vagatur, fuerit comprehensus; ius, æquitasque postulare videtur, vt cum in amicam & sociam gentem eua- serit,

Mela lib. 1.  
Cap. 12.

Aenid.

Gen. 20.  
Ios. 10. 11. &c

serit, benignè & clementer susceptus conseruetur potius quàm prodatur, & cedatur magis loco, quàm obsistatur eunti. Miserrimam enim eius vitæ conditionem fuisse arguere possis, quam tantis periculis commutare quispiam quàm ferre maluerit. Hanc rationem, atque hoc ius nonnullæ olim nationes tenuerunt, atque nunc quædam etiam tenent; vt

5 Gallia regnū inter Christianos, & inter diuersæ religionis homines regna omnia, vt profugientes ad se ex alia ditione seruos tueantur, liberaq. cōditionis esse sinant. Hoc inquit vnum ex diuinis præceptis, quæ iure, æquitatēque definiebantur, erat: Non trades seruū domino suo qui ad te confugerit: habitabit tecum in loco qui ei placuerit, & in vna vrbiū tuarum requiescet, & ne contristes eum: At verò dum Israëlita cum Idumæis bellum

10 gererent, quorum frequens mentio est, vt alij ab alijs in pugna caperentur (vt leuicetamine sæpe accidit) euenerat; atque ita nonnulli ex Israëlitis qui ab Idumæo hoste capti fuerant, & miseræ seruitutis tædio, & patriæ religionis atque consuetudinis desiderio affecti, ad Palæstinos, qui inter Idumæam Iudæamque erant, confugiebant, quibus cum vtrique populo communis eo tempore pax & amicitia erat: Palæstini tamen occulto odio, & barbara crudelitate incensi, à duris & inimicis dominis profugientes Israelitas ad se receptos tenebant, Idumæisque magis iam damno atque ira furiosis miserrima deinceps seruitute opprimendos tradebant: qua in re non solum naturæ, sed etiam gentium ius violabatur: Namque iure, moreque gentium factum est, vt in prælio atque

20 in bello captis seruis vti liceret. at verò vt alio modo, siue vi, siue dolo, quisquam capiat, hoc nullū fas nullaque iura omnino permittunt. Maximam autem iniuriam esse, & omni graui supplicio vindicandam, si quis hominem, qui sibi legitimè seruus non sit, seruire coëgerit. Iustam etiam illato bello pœnas repetendi causam esse, vbi nullum aut bellum, aut prælium intercefferit, homines interclusos & captos fuisse: id si in vno atque altero cōmissum fuerit, dolus & flagitium est; quod illis fraudi esse possit, qui commiserint. Si verò publicè ac passim fiat, publica atque manifesta iniuria est. Perinde ergo in culpa est, qui confugientem ad se seruum capiat, & teneat, ac si nullo illato bello captiuos abduceret. Nam quicum tibi nulla communis ad capiendum causa, ratioque fuerit, eum capere nullo iure possis; cepisse tamen maximum fuerit piaculum. atque hoc nomine graue Palæstinorum scelus erat, quòd eos in seruitutem redigerent, in quos

30 nullum ius illis erat: deinde verò grauissimum, quòd profugientes, suamque fidem implorantes homines, quos ceperant, hostibus non redderent, sed traderent. Atque ob eam rem dixit: [*Eò quòd ceperit captiuitatem perfectam*:] sic enim Hebraicè. Perfectam autem captiuitatem non iure, sed re intelligimus; hoc est, meram captiuitatem, apertam atque manifestam, quod apertè ceperint eos, quos capere non licuisset; captos autem & comprehensos Idumæis prodiderint. [*Vt concluderet eam in Idumæa*.] Idem verbum hoc in loco est atque in illo, Non trades seruum domino suo. Verbum autem est SAGAR, quod concludere, tradere, prodereque significat. Accusatione verò peracta pœnam scelere dignam in Palæstinos constituit, & Gazam primam vt munitissimam totius regionis urbem, & regni etiam robur; deinde & alias illustres etiam vrbes

40 proscribit, in quibus Ascalona Palæstinorum regiam. Erant autem vrbes hæc imprimis illustres, & celebratissimæ Palæstinis, quæ sequenti versu commemorantur.

45 *Et perdam habitatorem de Azoto, & tenentem sceptrum de Ascalone: & conuertam manum meam super Accaron, & peribunt reliquiæ Philistinorum, dicit Dominus Deus.*

PALÆSTINI ex genere Enachim erant, quos diuina historia sæpe cōmemorat: & Iosu. 11. quæ propriæ Palæstina dicebatur, quinq. maximis urbibus, earumque agris diuisa, quinque etiam Satrapis olim gubernanda cesserat; quo nomine magni illius gentis Principes dicebantur. Erant autem vrbes illæ, quas Deus ipse Iosue recensebat: A fluuio, inquit, Sihhor, qui est super facies Ægypti, vsque ad terminū Acharon, Boreā versus, Cananæ stirpi adscribes; quinque regulos Palæstinorū, Gazathū, Asdodzum, Ascalonitem, Ghethazū & Acaronitem: hanc eandē descriptionē breuibus Mela coëgit. Hinc, inquit, Palæstina est, qua tangit Arabas cū Phœnice. Enachim quoque ex antiquo giganteo Cananæorū genere erat, qui totam illā terram possederant, quæ ab Hebron vsque ad mare pertinebat.

tinebat. Hos Iosue dux olim perdidit, nullosq. reliquos fecerat, præter eos qui Gazam, Gath & Asdod vrbes habitabant; namque his bellum illa tempestate nõ est illatum, si-  
 cut scriptum est: In illo tempore venit Iosue, & interfecit Enachim de montanis He-  
 bron, & Dabir, & Anab, & de omni monte Iuda & Israël, vrbesque eorum deleuit.  
 Non relinquit ulli de stirpe Enachim in terra filorum Israël, præter ciuitates Gaza, Geth  
 & Azotha: in quibus solum relictæ sunt. Hi verò qui reliqui in his vrbibus fuerant, in Iu-  
 dæorum potestatem post mortem Iosue deuenere, ab Othoniele Calebigeno super-  
 daorum potestatem post mortem Iosue deuenere, ab Othoniele Calebigeno super-  
 ti. Sed Samsonis temporibus cum Israelitarum res ob scelera atque impietatem deteri-  
 atque à Palæstinis affligi cœpissent; Gaza, Ascalon, & Accaron recuperatæ iam erant.  
 Quo verò tempore Samuel rem gerebat, multas Palæstini vrbes ab Israël abstulerant, 10  
 ex quibus ex redditæ sunt, quæ ab Accarone vsque ad Gazam erant; quas postea aliis at-  
 que aliis bellis Israëlita amiserunt, præter vnam Gath, quæ in Iudæorum ditione per-  
 mansit, cuius etiam gentis bona pars religionem suscepisse dicitur. Ceteræ autem om-  
 nes vrbes semper aut aperto, aut occulto odio Israëlitas persecutæ sunt, etiam quo tem-  
 pere publicè pacem cum illis haberent; vt dum inter Idumæos atque Israëlitas bellum 15  
 esset. hanc autem gratiam illis pro seruato genere Palæstini referebant, vt aufugien-  
 tes ad se pacis & salutis nomine caperent, captosque traderent Idumæis. Quam verò  
 urbem Azotum interpretes nominat, non ea est, quam in Arabia secundum mare sitam,  
 portum Arabibus celeberrimum fuisse, ex Geographis accepimus; sed Palæstinae vrbs 20  
 est Asdod dicta, quam aliàs suo nomine et literis Latinè etiam legimus. Ascalonem  
 porro non minorem Gaza fuisse (quippe sedes regia erat) multis sacris & prophanis te-  
 stimoniis compertum est. Hanc verò quæ à Vate Palæstinis prædicta est ruina, quidam  
 ex Ægyptiis Pharaonibus secundum Ieremiæ vatis tempora parauit atque edidit, cuius  
 in sacris literis mentio quidem fit; plena tamen narratio, vt & multæ aliæ de gentium  
 rebus historiæ, desideratur. Desunt enim Ægyptij, desunt Persici, atque Assyrij & 25  
 Medi libri, desunt etiam & Phœnices plurimi, quibus huiusmodi rerum rationes opor-  
 tuit contineri. Nobis verò vt Vatis veritatem tueamur, certumque oraculum fuisse as-  
 seramus, satis superque erit, Vatem ipsum aliàs veracissimum fuisse expertos, & aliorum  
 etiam Vatum prædictionibus rem esse confirmatam. Namque de eadem hac calami-  
 tate, & causâ tota Sophonias dixit: Verbum Domini super vos Canaan terra Palæstino- 30  
 rum, &c. Satis inquam superque hæc essent; & illud etiam abundantissimè vaticiniij ve-  
 ritatem probaret, quod omne hoc Palæstinorum genus iam perierit, nullumq. eius no-  
 minis extet in ea regione vestigium. Verù si tantæ calamitatis auctorem addiderimus, cu-  
 mulatè etiam nobis, officioq. nostro satisfecisse videbimur. Igitur hæc Palæstinis clades à  
 Psamitico Ægyptiorum rege allata est, cui in sacris libris, & apud Iosephum nomen est 35  
 Pharaon Necao, qui sic fortasse dictus est, quod patrem habuit Necum, vt Herodotus scri-  
 bit: vel quod, vt multi alij, binomius fuerit, vel cognomè potius ex euètu sit fortitus Clau-  
 di; namque sic à Chaldæis interpretibus, hoc cognomentum redditur, quæ ratio magis  
 placet. Ab hoc quinquaginta & quatuor annis regni habenas tenente, multa præclare ge-  
 sta sunt: Nam præterquâ quod res publica incolis, & literis Græcis est aucta, bello etiâ re- 40  
 gnum strenuè est defensum, atq. Assyrij apud Magdalum, secundum Arabicum sinum  
 superati sunt. Ab eodè etiam & Gaza Palæstinorù princeps vrbs oppressa est, sicut scriptum  
 est: Et factum est verbû Domini contra Palæstinos, antequâ percuteret Pharaon Gazam.  
 Iniit autè hic Pharaon regnû anno mundi circiter ter millesimo ducentesimo octogesimo  
 quinto, quo tempore Atticorum reges defecere, inter vigesimâ quintam & sextam Olym- 45  
 piadas, septuagesimo verò & quinto à condita vrbe anno cû Locri oppidum in Italia edi-  
 ficaretur. At verò excidium hoc Gazæ ab Amos Vate centum atque vndecim annis antè  
 fuerat prædictum: Nam quod Zacharias de Gazæ, Ascalonis & Accaronis calamitate  
 canebat, ad Alexandri pertinet historiam. Quod verò Vates noster ait, [ & peribunt  
*reliquie Palæstinorum,* ] ad illud referendum est, quod superius à nobis est dictum, Palæsti- 50  
 nos omnes à Iosue primum, deinde verò à Caleb & Othoniel fuisse deletos, præter eos  
 qui in Gaza, Geth, & Azodo relictæ sunt, qui tamen ingratiissimi, imò potius mole-  
 stissimi adedò beneficiorumque immemores fuerunt, vt funditus perire sint commeri-  
 ti. Itaque hos antiquorum illorum Palæstinorum, & filiorum Enach reliquias nominat,  
 (vt & alij etiam Vates) in contemptum. Nam & Ieremias acerbum calicem terræ Phi-  
 listhiim,

Iosu. 11.

Iosu. 15.  
Iudic. 1.  
Iudic. 14.

1. Samu. 7.

Mela. lib. 1.  
cap. 11.

Sopho. 2.

Herod. lib. 2.

Iere. 47.

Euseb.



lifthiim, & Gazæ, & Accaron, & reliquiis Azoti propinabat. Huic porro sententiæ hu-  
iusemodi finem Vates facit, [ *dicat Dominus Deus,* ] propterea quod causa in iudiciū du-  
cta, & iure gentium atque æquitatis ponderibus æstimata est; in qua non solum miseri-  
cordem, sed seuerum etiam iudicem sese Deus præbuit, eamque iniuriam vlcisci voluit,  
5 quam non modò Israël, sed nulli etiam barbarissimæ genti impunè esse illatam pati opor-  
tuit. Quamobrem & nomina Adonai, & Elohim, quorum alterum misericordiam, alterum  
iustitiam indicat, appellauit. Namque grauissimorum facinorum & sceleris quamcum-  
que in gentem ea admittantur, vindicem se Deus præbere consuevit, sicut scriptum est: Psal. 12.  
Neque permaneant iniusti ante oculos tuos.

10 *Sic dicit Dominus, super tribus sceleribus Tyri, & super quartum non conuer-  
tam eum? eò quod concluderint captiuitatem perfectam in Idumæa, & non sint  
recordati fœderis fratrum. Et mittam ignem in murum Tyri, & deuorabit pa-  
latia eius.*

15 PHŒNICIAM olim illustrauere Phœnices, solers hominum genus, & ad belli, pa-  
cisque munia eximium: in ea Tyros antiqua vrbs aliquando insula fuit, postea terra con-  
tinens, quando ab impugnante quondam Alexandro iacta sunt opera; nunc præter por-  
tum & antiquum nomen Sur nihil reliquum in ea est. Ter enim vastatam legimus: à  
20 Nabuchodonosore primùm; secundò ab Alexandro; postremò autem dum Christiani  
tenerent, à Turcis capta; & seruatò portu diruta est. Eius vrbs situm, firmitatem, & splen-  
dorem omnem apud prophetas legere & cognoscere est. Inter Phœnices autè & Israël-  
itas summa concordia & pax Regibus Salomone & Hirano fuerat olim conciliata, quam  
vtrimque mutuo seruare semper, fouereque oportuit: Non enim solum pacis, sed societa-  
25 tis, & fraternæ etiam necessitudinis, fideique testes dextras sibi inuicem tetenderant. Isti  
tamen tribus illis communibus omnium gentiū sceleribus quartum id etiā addiderunt,  
quo Palæstini notati sunt; tanto tamen grauius, quantò sanctiora necessitudinis vincula  
violauerunt, quod Israëlitas dolo malo & fraude captos, Idumæis partim tradiderunt, & fi-  
liis etiam Græcorum in Italiam asportandos vendiderunt. Diuerfa enim in hoc loco &  
30 in superiori oratio, variā nobis etiam indicat sententiam. Nam Palæstini captiuabant ca-  
ptiuitatem perfectam quā traderent Idumæis. Phœnices verò non solum hoc modo, sed  
furto etiam & dolo nocebant, venientesque ad se Israëlitas, cōmerciij etiam causā secu-  
ros ac nihil tale opinantes opprimebant, celabant, & non captiuos, sed pro captiuis ven-  
debant; idque Græcis finitimis, à quibus in Italiam, ad Idumæos traducebantur. Con-  
35 stans enim omnibus Hebraicis historiis traditio est, magnā Italicæ gentis partem, maxi-  
mè autem eos qui Romæ habitabant, ex Idumæis fuisse oriundos. Huius autem loci sen-  
tentiam quam nos reconditori sensu explicabamus, Ioël simpliciter exposuit: Et nunc  
quid vobis & mihi Tyrus & Sidon omnis terminus Palæstinorum? Nunquid vltionem  
vos reddetis mihi? & si vlciscimini vos contra me cito velociter reddam vicissitudinē ve-  
40 stram super caput vestrum. Argentum enim meum & aurum abstulistis, & desiderabilia  
mea & pulcherrima intulistis in delubra vestra, & filios Iuda, & filios Hierusalem vendi-  
distis filiis Græcorum, vt longè faceretis eos à finibus suis. Hoc igitur grauissimum in se  
scelus Tyri admiserunt, non vt aperta manu captiuarent captiuitatem perfectam, sed vt  
45 dolo, & pacis atque securitatis simulatione comprehensos & occultatos, pro perfectè ca-  
ptiuis traderent & venderent Idumæis, cum iis qui prope finitimi erant, tum illis qui in-  
teriecto mari longius habitabant. Hebraicè enim sic legimus: [ *eò quod tradere fecerunt ca-  
ptiuitatem perfectam Edom: & non meminerunt fœderis fratrum.* ] Non modò enim naturæ  
& gentium iura, sed sancta etiam societatis, & fraternæ necessitudinis fœdera, iam olim  
inter se icta, nefariè violata ab eis sunt, sicut scriptum est: Et erat pax inter Hiram & Sa-  
50 lomonem, & percusserunt ambo fœdus. fraternum autem illud fuisse fœdus alia item  
scripta testantur: Et dixit Hiram ad Salomonem: Hæcine sunt ciuitates quas dedisti  
mihi frater mi? Ex tribus autem illis Tyri cladibus superius relatis, quam Vates prædi-  
cit ea est quæ à Nabuchodonosore fuit allata: Nam quam Alexander attulit, eam  
planè Isaias prædixit; Ieremias autem hanc de qua nunc sermo est: Namque legatis,  
quos etiam ad Tyri regem Vates cū fatalibus; portentosisq; vinculis miserat huiusmodi  
seuera

Isai. 23.  
Mela. lib. 1.  
cap. 12.

Isai. 23.  
Hier. 27. 47.  
Ezech. 26.

Ioël. 3.

1. Reg. 5.

Ierc. 27.

Ier. 27.

Ezech. 26.

seuera mandata tradidit. Et nunc itaque, dicit Dominus, ego dedi terras istas omnes in manu Nabuchodonosoris regis Babylonis serui mei. Et apud Ezechielem: Et dissipabunt muros Tyri, & destruent turres eius, & radam puluerem eius de ea, & dabo eam in limpidissimam petram. Quia hæc dicit Dominus: ecce ego adducam ad Tyrum Nabuchodonosor regem Babylonis, ab Aquilone regem regum, &c. Tyrij igitur & Palæstini hæctenus in communia crimina, & in quarti etiam criminis similem quidem, disparem tamen culpam vocati sunt.

*Hæc dicit Dominus, super tribus sceleribus Edom, & super quartum non conuertam eum? eò quòd gladio persecutus sit fratrem suum, & violauerit misericordiam eius, Et tenuerit ultra furorem suum, & indignationem suam seruauerit usque in finem.*

Gen. 23.

EDOM Iacobi frater fuit, à parentibus Esau dictus, à fratre autem ob primogenituræ iuris venditi monumentum cognominatus Edom. is contra parentum consilium atque sententiam Seghinitarum gentium connubiis atque affinitatibus deuinctus filios nepotesque suos religionis & veræ pietatis expertes effecit, odium autem quod aduersus Israël fratrem conceperat, posteris suis reliquit hæreditarium; à quibus (quacunque id occasione fieri potuit) expromptum semper fuit. Igitur præter communia illa tria scelera, quarto etiam Idumæi sese validissime alligauerunt, quòd semper Israëlitis fratribus suis, ex eodem prognatis genere, animis, armisque infesti fuerint, [*& gladio persecutus est fratrem suum.*] Cum Israëlita per desertum peregrinationi finis iam & modus Dei beneficio accederet, iamque propè optatas & promissas oraculo sedes deuētum esset, via autem per Idumæam esset commodissima, legati à Mose ad Idumæos de libero atque innocenti transitu mittuntur: quibus huiusmodi æquitatis, humanitatis, religionisque plena, atque ad fraternam misericordiam commouendam satis idonea mandatur oratio: quam, quia huic loco explicando planè conuenire arbitramur, referre non piguit: Hæc mandat frater tuus Israël: nosti omnem laborē qui apprehendit nos, quomodo descenderint patres nostri in Ægyptum, & habitauerimus ibi multo tempore, affixerintque nos Ægyptij, & patres nostros; & quomodo clamauerimus ad Dominum, & exaudierit nos, miserique angelum qui eduxerit nos de Ægypto. Ecce in vrbe Cades, quæ est in extremis finibus tuis, positi: obsecramus vt nobis transire liceat per terram tuam, non ibimus per agros, neque per vineas, non bibemus aquas de puteis tuis, sed gradiemur de via publica neque ad dexteram, neque ad sinistram declinantes, donec transeamus terminos tuos. Sed planè Edom nullum nec pietati, nec misericordiæ, nec religioni, neque precibus ullis locum reliquit: Nam & responso reddendo, & studio ipso, atque conatu omni ita rem fratris egit, vt non maiori quisquam hostis inimicitia agere potuerit. Non transibis per me, alioqui, inquit, armatus occurram tibi. Neque verò secundo etiam rogantes, omnemque innocentiam pollicitos, incommoda omnia & damna abiurantes, mitius aut humanius excepit, imò vltro armis belloque obuius factus conuertere iter coëgit. Non transibis, inquit, statimque egressus est obuius cum infinita multitudine et manu forti, nec voluit acquiescere deprecanti, vt daret transitum per fines suos: quam obrem diuertit ab eo Israël. Hoc grauissimum scelus sese Deus non dissimulaturum prædicit; flagitiosissimum enim est naturæ iura violasse, & omnis necessitudinis sanctitatem polluisse. Ob eam rem subdit, [*& violauerit misericordiam eius.*] Debitam fratri misericordiam, quam is non solum naturæ legibus promerebatur, sed supplici oratione atque repetita obsecratione captauerat; tamen crudelitatem odiumque diuturnum, quod in Israël Esau iam inueteratum habebat, saturare semper cupiuit, idque indies auctum commodissimo quoque tempore depromsit. Causa autem odij fuerat, quòd Israël emptam sibi à fratre primogenituræ dignitatem, à patre confirmandam curauisset, sicut scriptum est: Oderat ergo semper Esau Iacob pro benedictione qua benedixerat ei pater. Illud semper etiam à filiis posterisque eius protractum est, qui non minore odio, inuidia, & crudelitate Israëlitas persecuti sunt, quam olim Esau Iacobum, cum diceret: Venient dies latus patris mei, & occidam Iacob fratrem meum, hoc est quod dicit: [*& tenuerit ultra furorem suum, & indignationem suam seruauerit usque in finem.*] Nam si maxima doloris causa esset, quòd sibi eam dignitatem amissam intelligeret, nulla tamen erat tam diuturni

Gen. 27.

diuturni in fratrem odij, qui à se despectam emisset, emptamq. iure suo curasset tuendā. Cum ergo furor, qui breuissimus esse debuit, tamdiu altus atque auctus, nunquā cessasset; diuinam etiam in se iram conciuuit, & poenas grauissimas est molitus.

*Mittam ignem in Theman, & deuorabit aedes Bosra.*

THEMAN & Bosra maximæ in Idumæorū regione vrbes erant. Hæc Esau antiquior, & regum qui ante ipsum fuerant, nobilis patria: illa verò à Theman, Esau ex Eliphaz nepote, cuius dux ipse fuit, nomen accepit: his prædictum incendium ad omnem pertinet Idumæam. Ad regem etiam Edom vincula à Hieremia missa sunt, quæ venturam illis à Nabuchodonosore calamitatem, miseramque seruitutem portenderent. Huius ergo incendij auctorem Assyriorum regem fuisse intelligimus; qui diuini consilij ad perdendas puniendasq. gentes minister fuit, sicut scriptum est: Fortem vt corripere, fundasti eum. De Theman vero & Bosra frequens apud vates mentio est.

*Hæc dicit Dominus, Super tribus sceleribus filiorum Amon, & super quartum non conuertam eum: eo quod dissecuerit prægnantes Galaad, ad dilatandum terminum suum.*

AMMONITÆ ab Ammon Lothi ex gnata filio orti, vicinas, finitimasque Gaditis & Galaaditis sedes habuerunt. Nam ab Arabiæ vrbe Amon, vsque ad montes Galaad, loca omnia occupauerant. Hos præter alia scelera, proiecta quædā & insatiabilis habendi cupiditas ad alienas res appetendas, tentandasq; impulerat: adeo vt suis agrorū, regionisq; finibus non contenti, vicinorū Galaaditarū terminos dissiparet, & obiectos etiam montes abruptepetēs, agros contra ius, contraq; fas occuparent. Etenim ex his quæ Moses nefasta, vitiosa, dira; deuinxit, vnum hoc scelus est: Maledictus, inquit, qui transfert terminos proximi sui. In huiusmodi igitur dira & vitiosa cum Ammonitæ incidissent, supplicium tribus alijs sceleribus debitum sibi ipsi maturauerunt. [Eò quod dissecuerint prægnantes Galaad.] Hebraicè vox est HAROTH, quæ & montes & prægnantes significat: atque verbum quidem HARA propriè & concipere & grauidam esse interpretamur: ex hoc verbo nomen HARA pro femina vterum gerente deductū est; & nomen etiam HAR pro monte. Quoniam vt feminæ fœtus, sic etiam montes saxi, lapidibus, mineralibus, aquis, & alijs humoribus grauidi, prægnantesque sunt. Itaque nomen, [prægnantes,] montes interpretamur: quos operibus magnis Amonitæ ruperant, vt in alienos Galaaditarum agros, qui montibus illis seiungebantur, nullo iure inuaderent; ac si illis solis terra omnis habitanda cessisset; neque essent quibus ea pars quam occupabant, legitimè coli posset. hanc eandem causam Hieremias Vates sic egit: Ad filios Ammon hæc dicit Dominus: Nunquid non filij sunt Israel: aut hæres non est ei? Cur igitur hæreditate possedit Rex eorum Gad, & populus eius in vrbibus eius habitauit? At vero Gad & Galaad ad eundem pertinent situm: Namque Galaadites regio vltra Iordanem est, in qua Gaditæ, & Reubenitæ confederant. Quod si prægnantes simpliciter accipere pro feminis placeat, dicendum est, Ammonitas bello in Galaaditas irrupisse, & victos à se crudelissimè necasse, ruptis etiam feminarum vteris, ne quis superstes, & agrorum, pro quibus bellum gesserant, hæres relinqueretur; sed tamen reliquis Israelitarum tribubus superstites erant hæredes, quibus vacua cultoribus Gaditis possessio iure cederet, vt ait Hieremias: Locustamen ipse, & Hieremiæ oratio, ad montiū magis quam ad feminarum interpretationem spectare videtur. Declaratur enim ingens Ammonitarum cupiditas, & ardentissimum aliena occupandi studium, quod etiam impredientium montium obicēs magna mole, maximisque operibus diruerint, vt agros dilatarent suos. Neque quicquam obstat, quominus vtrumque possimus intelligere, & montes videlicet ruptos, & bello illato grauidas etiam feminas fuisse dissectas.

*Et succendam ignem in muro Rabbath, & deuorabit aedes eius in ululatu in die belli, & in turbine in die commotionis.*

RABBA Ammonitarum vrbs, quam nomen ipsum amplam frequentemq; fuisse indicat,

Iofa. 13.

dicat, finitima Gaditis fuit, qui Galaaditem regionem à Mose acceperat, sicut scriptum est: Deditque Moses tribui Gad & filijs eius per cognationes suas possessionem, cuius hæc est diuifio: Terminos Iazer, & omnes ciuitates Galaad, & dimidiam partem terræ filiorum Ammon usque ad Aroër quæ est contra Rabba. Ex hac ergo ciuitate impetus in Galaaditidem agrum, vt ex finitima, fieri solebat: quamobrem huic vt infestissima, in regno atque in bello Principi ruinam minatur Vates. Ruinam autem tumultuosam, calamitosam, & subiti æstus plenam, quod hostes magno impetu, & infano tumultu per summam crudelitatem rem essent acturi, nulli neque ordini, neque ætati aut sexui parcentes, quemadmodum & Hieremias ait: Ideo ecce dies venient in te, dicit Dominus, & auditum faciam super Rabba filiorum Ammon fremitum prælij, & erit in tumultu dissipata, filiaque eius in igne succendentur: & possidebit Israël possessores suos, ait Dominus: [ & in turbine in die commotionis. ] Expositio est qua bellicus ille tumultus, & calamitosa strages exaggeratur: namque magnæ ac turbulentæ in mari tempestati per similem fore dicit, in qua nullus artis, nullus consilij, nullus fugæ vsus, sed clamoris tantum, & miserabilis, parumque virilis eiulatus horror est, sicut scriptum est: Turbati sunt, & moti sunt sicut ebrius, & omnis sapientia eorum deuorata est. Et clamauerunt ad Dominum cum tribularentur, &c. Commotionem autem idem quod procellam interpretamur, nam hæc verbi vis genuina est.

Hier. 49.

Psal. 106.

*Et ibit Melchom in captiuitatem, ipse & Principes eius simul, dicit Dominus.*

Isai. 47.

Stephanus.

Acto. 14.

Horat. lib. j.

CONSVERE nonnunquam vates cum exitium, migrationem, atque extremam captiuitatem gentibus populisque minantur, Deos etiam, quorum tutela et patrocinio illi fiderent, eadem calamitate inuoluere, vt vna Deorum vanitas, & populorum arguatur stultitia. Sic Isaias: Contritus est Bel, contritus est Nabo: facta sunt simulachra eorum bestiis. Hunc autem eundem locum & Amos tractat, qui parem exitum Ammonitarum dijs, sacerdotibus, populoque, prædicit. Neque verò ex nihilo est quod Latinus interpretis nomen, vt hebraice erat, reliquit. Melchom, cuius nominis gemina significatio est: aut enim regem, aut angelum, siue nuntium significat. Ex quo factum est vt quidam regem eorum interpretarentur, neque tamen regem hominem intelligerent, sed Deum quempiam esse suspicarentur. Huius sententiæ D. Hieronymus fuisse nobis videtur: qui nisi huiusmodi quiddam sentiret, sacerdotes pro Principibus non posuisset, quod rectissime quidem fecit. Nos igitur rem ipsam aperientes Melchom angelum siue nuntium eorum dicimus, quod sanctissimum apud Ammonitas numen Mercurius, Stephano Geographo auctore, haberetur, quem Malech, vel Malcho appellabatur, quod animarum ductorem esse crederent, immortaliumque Deorum nuntium. Id verò numen his nominibus non solum Græcæ, sed barbaris etiam gentibus celebre erat. Quamobrem Diuus Paulus à Lycaonibus pro Mercurio Deorum interprete, verbi que & orationis duce est habitus. Dijs autem nomina non eadem apud omnes gentes erant, sed alia apud alias, pro linguarum, sermonumque, & pro numinis etiam rationibus habebantur: vt ei quem Latini Mercurium à mercibus, mercatoribusque, tuendis vocabant, Græcum nomē Hermes, hoc est interpretis fuit: quem aliàs etiam Angelum, siue nuntium Homerus, Pindarusque cognominant, eandem omnino cum Ammonitis rationem secuti. Huius Dei, siue Demō is, siue potius nihili, numina omnia Latinus Poeta hymno edita significabat.

*Te canam magni Iouis & Deorum  
Nuntium &c.*

Et paulo inferius:

*Tu pias latis animas reponis  
Sedibus, virgaque leuem coërces  
Aurea turbam, superis Deorum  
Gratus & imis.*

IBIT igitur in captiuitatem eorum Angelus, Deorumque interpretis Mercurius, [ & Principes eius; ] hoc est, vt Hieronymus dicit, sacerdotes: Nam verbum hebraicum ministros significat: & populus eius, quod nec Deus populo suo, nec populus Deo suo auxilio esse potuerint, sed ne pietissimi etiam erga propria numina sacerdotes periculum, aut



aut prædicendo canere, aut sacrificando, supplicandove, valuerint deprecari. Idẽ ipsum  
 & Hieremias prædicit: Accingite vos cilicijs, plangite & circuite per sepes: Quoniam Hier. 49.  
 Melchum in transmigratiõẽ ducetur, sacerdotes eius & principes, hoc est ministri eius, ”  
 simul. Satis autem scita irrisio in Melchum; quod qui deorum, hominumque nuntius ”  
 sit, tamen capiendus, abducendusq. fuerit, cum naturæ lege, gentiumq. more, nuntijs & ”  
 interpretibus liberum semper ius, immunisq. ratio, atque legatio sit: tamen quẽ pacis  
 interpretẽ, & nuntiũ, curatorẽq. ex officij & numinis ratione esse oportuit, is primus cap-  
 tius ducatur, vt nulla populis, qui in eius tutela fuerant salutis reliqua spes sit. Antiquũ  
 autem fuit cum eorum qui victi fuerant spolijs deorum, etiam quæ ab ipsis colerentur si- Cice. in verr. act. 6.  
 mulachra à victoribus in perpetuũ ignominiaẽ monumentũ deportari. Ita Poeni quibus-  
 10 dam Siciliæ oppidis captis atq. delectis, omnia quæ ornamento vrbibus esse possent Car-  
 thaginẽ deportauerunt, in quibus Dianæ ex ære simulachrum, summa apud Segostanos  
 atq. antiquissima præditũ religione; & Mercurij etiam signum, qui sacris aduersarijs à  
 Tindaritanis, ac summa religione coleretur; aliaq. plurimas deorũ statuas, quas P. Afri-  
 15 canus, capta demum Carthagine, suis vrbibus restituit. Ita numina illa calamitatibus, ru-  
 multibusq. bellicis obnoxia erant, vt & à victoribus deportarentur, & redemptorem ali-  
 quem, à quo restitui in antiquas sedes possent, desiderarent.

## CAPVT II.



*NEC dicit Dominus, super tribus sceleribus Moab, & super quartum  
 non conuertam eum? eò quòd incenderit ossa regis Idumææ vsque ad  
 cinerem.*

25 **M**OABITÆ ab eodem cum Ammonitis patre, altera verò matre, Lothi etiã natũ  
 maiore filia oriundi fuerunt. Fuit autẽ his Moab pater, à quo vrbs primũ, deinde  
 & regio tota nomen accepit, solo ipso vinearũ feracissimo terra fuit, Amorrhæorũ antea Iosu. 15.  
Camhi.  
Euseb.  
 possessio. Eusebij temporibus vrbs Moab Areopolis dicta fuerat: vicinas autem Ammo-  
 nitis Moabitæ sedes habuerunt. Hos ob tria illa communia gentium scelera, vanũ cultũ,  
 incestum, & homicidiũ grauissimo supplicio dignos ob quartum tandẽ afficiendos præ-  
 30 dicit Vates. Quarti verò expositionem, quòd paulò difficilior inuentu sit, certis quibusdã  
 rationibus inuestigabimus. Causa autem huiusmodi est: [eò quòd incenderit ossa regis Idu-  
 mææ vsq. ad cinerem, vel, vsque ad calcem:] nomen enim Hebraicum calcẽ magis, quam ci-  
 nerẽ significat. Dictum nobis in superioribus fuit, oēs has gentes in crimen fuisse à Deo  
 vocatas, quòd à singulis quartum aliquod scelus insigne, indignumq. facinus aduersus  
 35 Israëlẽ fuerit admissum, ita vt quicunq. ex finitimis populis vel nocuerunt, vel vt Israëlĩ  
 noceretur effecerunt, in iudiciũ fuerint vocati: atq. prima Damascus rea constituta est,  
 quòd infestissimũ atq. ignominiosum bellũ attulerit Galaaditis. Secunda Gaza; & tertia  
 simul Tyrum, quòd iacti cum Israël fœderis iura violauerint, atq. Idumæis captos Israëlĩ-  
 40 litas promissam regionẽ occupaturos impedire fuerint conati; nimirum quòd mala merte  
 maloq. aduersum fratrem suum animo iam olim fuissent, occultoq. semper, & sæpe etiam  
 aperto flagrarẽt odio. Itaq. Damasceños & Idumæos bellũ cum Israëlitis grauissimũ ges-  
 fisse intelligimus; cæteras verò gentes his bellis causæ, vel occasione, vel etiam auxilio fo-  
 45 mentoq. fuisse: Ammonitæ enim in Israëlitarũ agros inuadentes, exẽplo cõmoditatiq.ue  
 Damasceñis fuerũt, vt impetus in finitimos Galaaditas fieret, quorũ res ipsi primũ detri-  
 uerant montibus abruptis, & prægnantibus etiam feminis dissectis. Bellum autem ab  
 Idumæis allatum Gazitis & Tyrijs, facillimum ad captiuos Israëlitas abducendos atq.  
 tradendos patefecit aditum. namque turbatis ea tempestate rebus, minus cauere ea  
 50 iniuria, minus vnde illata esset, cognosci, & minus ab ijs quibus inferebatur, declinari aut  
 vindicari poterat. Nunc verò quæ occasio Idumæis fuerit, quæ causa, vt initum cum  
 Israëlitis fœdus violauerint, atque ad antiqua odia depromenda denuo redierint, hanc  
 occasionem Vates persequitur. Ea autem res sic habet: Idumæi & Israëlitæ atque  
 Iudæi fœdus inierant, dextraq.ue sibi mutui auxilij atque societatis tetenderant: idque  
 Elizæi vatis temporibus, cum Iosaphat Iudæis, Ioram verò Israëlitis imperarent. namq.

ea tempestate tres hi reges simul coactis in vnum copijs, bellum cum Moabitibus ob negata Israël tributis suscepunt, resque illis ex sententia gesta erat, nisi Moabitarum rex iam desperata salute in Idumæos irrumpens grauissimam cōmentus esset rem. Nam regis Idumæorum filium eo congressu arreptum, abductumque super murum paterno in conspectu combussit: quod hoc modo vel deos placari, vel patris impetum frangi, vel suam iram satiare posse putaret. Neque verò opinionē fefellit euentus: Etenim Idumæorum rex durissimo ac nefario perturbatus spectaculo (vehementissimum enim huiusmodi dolorem esse diuina Philosophia docet, sicut scriptum est: vt qui sacrificat filiū in conspectu patris, &c.) & Moabitarum penē iam captam obsidione urbem reliquit, & animum ab omni alia cogitatione ad antiquas erga Israël inimicitias, atq. odia, bello & armis persequenda traduxit: detestabile sibi id omen interpretatus, regnoque suo exitiale, quod quibuscum antiquas gessisset inimicitias, cum ijs modò societatem in auspiciatō fœdere confirmasset, sicut scriptum est: Quod cum vidisset rex Moab praua-  
 „ luisse, scilicet hostes, tulit secum septingentos viros educentes gladium, vt irrumperent  
 „ ad regem Edom, & non potuerunt. arripensque filium eius primogenitum, qui is  
 „ regnaturus erat pro eo, incendit eum holocaustum super murum; & facta est indi-  
 „ gnatio magna in Israël, statimq. recesserunt ab eo, & reuersi sunt in terram. Quo-  
 „ niam autem non solum pueri caro, sed ossa etiam contumeliosissimè combusta, in ci-  
 „ nerem calcemque redacta sunt, vt nomen holocausti indicat, ait Vates: [Vsq̃ ad cal-  
 „ cem.] Chaldaus verò interpret antiquæ auctoritatis scriptor, iniuriam etiam vltius  
 processisse ait: Nam quod calcem potius, quàm cinerem Vates dixerit, sic ille inter-  
 pretatus est: vt cinere ex ossibus pueri facto, qui ob materiæ duritiem tenacior esse,  
 calcisque subire vsum potuit, tectorium muris induci, Moabitarum curauerit rex. Sic  
 enim ille interpretatur: [eo quod incenderit Ossa regis Edom, & extendit ea in tectorium in  
 ædibus.] hæc igitur societatis dirimendæ, incendendæque inimicitia causa Idumæis  
 fuit: quam causam Moabitarum Rex crudelissimo commento excogitauerat. Itaque  
 Moabitæ Idumæis violandi erga Israël fœderis auctores fuerunt. Idumæi verò Phœ-  
 nicibus & Palæstinis abducendi, vendendique Israëlitas occasionem, commodita-  
 temque crearunt. Hanc igitur Moabitarum grauissimam culpam, grauissima etiam  
 poenasecutura fuit.

*Et mittam ignem in Moab, & deuorabit ades Carioth: & morietur in  
 sonitu Moab, in clāgore tubæ & disperdam iudicem de medio eius, &  
 omnes Principes eius interficiam cum eo, dicit Dominus.*

CARIOTH regia Moabitarum ciuitas, calamitatem belli que cladē cum iudice suo  
 hoc est rege, (cui ab officio iudicis fuerat cognomen) & cum toto magistratu acceptura  
 cum sit, ceteras minores, minusque munitas vrbes periculum non esse euasuras confir-  
 mabit: qua in re diuinum iudicium & consilium spectare oportet, quo humanæ cogi-  
 tationes, commenta atque studia excidi, impeditique persæpe solent. Nam qui exulto  
 Idumæorū regis filio, securitate perpetua frui sperauerat, & nec ab Israël, nec ab Edom  
 sibi timendū quicquā putauerat, cōmentocodem maiore sibi & grauiorem cladē moliti  
 sunt, imo etiā mortem acerbissimā: Nam bello ac militari strepitu & crudelitate Moa-  
 bitæ cū rege magistratibusq. suis peribunt. Sic etiā Ieremias: Iudicium venit in terram  
 „ campestre, & super Helon, &c. & super Carioth, & super Bosra, & super omnes ciuitates  
 „ Moab, quæ longè & propè sunt. Carioth autē multitudinis numero vrbes significat: Sic  
 enim quibusdā locis plurale nomen est, vt Athenæ, Thebæ & Burgi. Ex his autē Amosi  
 vatis sermonibus, vt ex alijs etiam diuinorum librorum locis didicimus, præter tria illa  
 communi gentium omniū nefaria scelera, vani cultus, incestus & homicidij, quæ sponte  
 & summo studio suscepta ab eis sunt, hæc etiam sex grauissima flagitiosissimaque esse, &  
 quæ diuinam vltionem in gentibus, atq. ex legibus, nationibus molantur: nempe inhu-  
 manam in eos qui victi illegitimo bello fuerint, sæuitiam, fœderis violationem, capti-  
 uorum sine bello abductionem atque prodicionem, iniquam fraternæ necessitudinis  
 & coniunctionis prodicionem, iniquam inimiciarum inter eos qui naturæ & volun-  
 tatis coniunctione inter se conueniunt, procurationem. quibus in rebus magnus se ad  
 dicendum

dicendum campus, eloquentissimo cuique Theologo, magnus inquam ad communem vitam instituendam aperit, quē percurrere nostri nunc instituti non est; sed tempus est, vt relictis gentibus Vatem ad suos se recipientem, verbaque facientem audiamus.

*Sic dicit Dominus, super tribus sceleribus Iuda, & super quartum non conuertam eum? eò quòd abiecerit legem Domini & mandata eius non custodierit.*

NE suam cum aliarum gentium causa Israël conferendam non esse defenderet; quòd aliarum nationes indignæ essent, quæ cum eo cõpararentur, vtpote incircumcisæ, obscuræ, dignitateque minores, quòd si paria maxime sibi & illis scelera fuissent, longè tamen disparẽ personarum esserationem. Quamobrem non idem criminis atque iudicij genus omnes fore subituros: Multum enim refert an priuatus aliquis, obscurusque homo, an illustris, nobilissimusque in idem vocetur crimen. Huic propter personæ dignitatem magis esse ignoscendum; illi verò ob vilitatem & obscuritatem non esse parcendum. Nihil igitur ad se pertinere, quæ de alijs gentibus ab Amos prædicerentur; se enim populum esse præ omnibus alijs orbis nationibus electum, maximisque honoribus illustratum; cuius res tanta mole, tanto olim consilio, iudicioque firmatæ, non ita facile, vt cæterarum gentium perire possent. Ne ergo Israël hac ratione iudicium sibi effugiendū putaret, Iudaicarum etiam rerum, culpæ, criminis & pœnæ futurum exemplum Vates apposuit, vt hoc argumento diuini iudicij probaretur æquitas: Nullam namque Deus in iudicio personam respicit, neque humanis illis rationibus, genere, nobilitate, opibus, potentijs, & antiquitate ducitur, sed si paria omnino scelera, disparesque personæ sint, eum grauius punit, quem minus vt puniretur commisisse decuerat, sicut scriptum est: Qui peccauerit mihi delebo enim de libro vitæ, & rursum: Potentes, inquit, potenter tormenta patientur. Producit autem Iuda in iudicium populus non obscuriori quidẽ quàm Israël genere; multis autem & maximis honoribus longè illustrior: namque ex eodem patre cum omnes duodecim tribus ortæ essent, tamen Iudæ primogenituræ ius, & princeps in fratribus fors, regiaque dignitas cesserat: adde vrbis maximæ dignitatem, templi, sacrorumque honorem, & legis custodiã: quibus in rebus omnibus Iudaica tribus cæteris præfecta, prælataque fuerat. Cum autem omnia hæc Iudæ, officium religionemque deserenti, nihil obstitissent, quò minus grauißimum violatæ pietatis supplicium esset subeundū; inde consequitur, nulla aut pari, aut maiori, aut minori ratione æquissimum iudicem Deum euadere Israël posse: Nam si tribus illis communibus omnium gentium sceleribus Iuda contaminatus, pares aut etiam maiores pœnas commeruerat, quas quartò etiam facinore adiuncto iam iam proximè daturus accelerauit; vt ijsdem, atque etiam grauioribus flagitijs coopertus Israël, similes quidem, sed grauiores multo pendat æquissimum est. Itaque hoc quod Iuda etiam in crimen, iudiciumque vocatus sit, vatis argumentationem contentionemque amplificat & confirmat. Tribus ergo sceleribus communibus Iudam etiam fuisse notatum, nempe idolorum seruitute, homicidio & incestu, historiarum & vaticiniorum omnes ferè paginæ testantur: Manus vestræ, ait Deus, sanguine plene sunt, & apud Hieremiã: Quia adulterijs repleta est terra. De vano autem & impio cultu scriptum est: Quia fornicans fornicata est terra à Domino Deo suo. His autem quartum omnino flagitiosissimum addidisse, quod cum primis erroris temporibus quando simulachrorum, vanorumque. numinum cultus susceptus illis fuisset; tamen ex diuinis legibus & institutis Respublica administrabatur: & quanquam alia etiam numina recepta essent, Deum tamen patrum suorum coli profitebantur, eiusque legem sacram, perpetuamque fore prædicabant; donec paulatim crescente impietate error penitus exuctus, omnisque veræ pietatis ratio reiecta est: Nam qui simulachrorum causam procurabant, atque ex eo ministerio & rebus, & honoribus suis consuli melius posse putabant, summo studio, cura & diligentia effecere, vt superstitione deceptus populus suis potius placitis & institutis, quàm diuinis legibus obtemperaret; atq. ita paruis initijs insinuata vanitas, à veritate tandem deficere penitus coëgit, vt pro lege diuina, humanis & impijs præceptis vsi, omnem antiquæ religionis, omnem Reipublicæ faciem, statum atque ordinem inuerterent; neque integri aut sani aliquid, aut quod eum quem olim tenuerat locum tueretur, reliquum fuit; adeò hoc malum

2 Reg. 22.

inualuerat, ut præter vnum legis librum, qui inter templi supellectilem ab Helchia sacerdote inuentus fortè est, nullus alius extaret; cuius tamen lectionis, ut ab illis moribus & præsentì disciplinà vehementer dissentientis, admiratione atque stupore Rex & regij ministri, veluti portento aliquo oppressi fuerint, eamque rem expiatione dignam esse censuerint: tanti est errorem semel admisisset, & ab antiquo instituto alienæ disciplinæ partem aliquam ad communem morem vsumque transferri. Hoc ergo quartum scelus est, non solum quòd superstitionem admisisset, sed quòd Dei cultus, diuinæque lex omnino iam repudiata, antiquata, atque obsoleta apud eos fuerit, ut nō Deus, vel cum alijs numinibus vnà coleretur, sed numina tantum vana, contempto repudiatoque Deo, in honore essent. Legem autem abiectam, & mandata non custodita dicit: utroque autem nomine ea præcepta atque ea instituta significantur, quæ ad priuatos mores componendos, atque ad publicas ciuilesque res gerendas spectant. Lex enim Hebraicè Thora, hoc est, doctrina timenda præcipiens dicitur: Mandatum verò hhoq, decisionem propriè Latinè sonat, Hispanè fuero nuncupatur; eaque complectitur, quæ ad ciuiles res rectè gubernandas referuntur. Huius autè sceleris causam, eam quam diximus esse indicat, quod specie quadam recti & pietatis decepti, falsis doctrinis, & mendacibus vatibus audiendis, vanisque cultibus animos quotidiana exercitatione assueuerint.

*Deceperunt enim eos mendacia sua, post quæ abierant patres eorum.*

QUAM difficile genitus semel in animis hominum error, maximè autem superstitio-  
nis, deponatur, ex hoc loco docemur; quantumque cauere oporteat ne quid prauit aut  
falsi admittatur, eadem opera à Vate monemur. Namque superstitionis vanitatem a pa-  
rentibus semel susceptam, & vanam etiam nulliusque momenti ab iisdem cognitam, ta-  
men filij non dimiserunt, sed planè fouere, & cum veræ etiam religionis ruina prouehere  
studuerunt.

*Et mittam ignem in Iudam, & deuorabit edes Hierusalem.*

Isai.

NABUCHODONOSORIS gladium Iudæam vastaturum, ignisque habiturum instar  
ignem appellat; quem funestum etiam, ac templo ab eo inferendum prædicit, qui regia Hie-  
rosolymorum palatia, hoc est, templum illud toto orbe celeberrimum, absumpturus erat:  
Namque comuni nomine illud templum HEBHAL, hoc est palatium dicebatur, quòd  
ea ciuitas regis magni Dei esset, in qua illi ara & focus fuerit, sicut scriptum est: Hæc dicit  
Dominus cuius ignis in Sion, & caminus in Hierusalem. Stragem ergo Iudaico populo à  
Chaldæis venturam, & horrendum templi incendium præcinit: Hæc enim fors est eorum,  
qui legem abiecerint diuinam, seseque à Deo Rege abalienauerint: neque enim si corrupti  
animi & impietate perditifuerint, vlla alia templi maiestas, aut ædificiorum structura Deum  
morari potest, quò minus eo populo cuius causa templum sacratum est repudiato, cætera  
etiam ruere & perire sinantur. Vides, inquiunt Apostoli, hos lapides atque templi magni-  
ficam structuram? Amen (respondit Iesus) dico vobis non relinquetur lapis super lapide  
qui non diruatur. Hactenus quæ essent terna illa scelera singulis in gentibus accusandis  
repetita diximus, & quartum etiam unicuique genti in Israëlitas admissum. quam-  
obrem diuinum in se iudicium maturaretur, intelleximus; atque ostendimus crudelitatem,  
perfidiam, communis iuris violationem, alienorum agrorum inuasionem, antiqui odij  
atque inimicitiarum obseruationem, fraterni fœderis, pacisque violandæ procuratio-  
nem, maxima esse & flagitiosissima scelera, quæque Deum postulent ultorem & vindi-  
ctam. ex quibus omnibus confurgit illa quæ Vates in Israëlitarum accusanda causa insti-  
tuit cõparatio. Nā si Damasceni, Gazethi, Tyrii, Idumæi, Ammonitæ & Moabitæ, quòd  
huiusmodi iniurias Israëlitis intulerint, pœnas dabunt, qui fieri potest ut seuerum eorum-  
dem flagitiorum Israël ipse non experiatur iudicium? quamuis antiquitate, quamuis nobi-  
litate, quāuis illustribus alijs & maximis honoribus nitatur, quòd neque Iuda his om-  
nibus rebus illustrior potuerit effugere? Nunc verò deinceps contentionis & totius ar-  
gumentationis complexionem Propheta parat; atque ipsos Israëlitas, ad quos legatus erat,  
in crimen vocat, imprimisque rem illorum omnem breuibus proponit, quam longa dein-  
ceps oratione persequitur.

Hæc dicit



*Hæc dicit Dominus super tribus sceleribus Israël, & super quartum non conuertam eum? pro eo quod vendiderit pro argento iustum, & pauperem pro calceamentis.*

5 QVANTUM scelera & peccata omnia, quæ ab hominibus priuatè aut publicè  
fufcipiuntur, iuftiffimè (nifi corrigatur, & grauiffimè punire soleant; eorū tamen quoddā  
est, quod Dei irā differri non patitur: id nimirū quod nō ſolū priuatos ſingulorum ho-  
minū mores corrūpit, ſed quod ius, æquitatemque, & publicā fidem prodit, quodq. ho-  
mines ad eam infaniam adigit, vt in ſeſe inuicem iniurij ſint. Hoc autē genus Latini non  
10 ſatis apto vocabulo iniquitatem vocant, fortasſe aptius iniuriā diceret; Hebræi verò aptiſ-  
ſimo hhamacz dicunt; de quo nomine apud Habbakuq plenius à nobis dicitur. Hiſpani  
hoc genus Aggrauio, Itali Torto dicunt. Namq. in alijs ſcleribus, quibus ſeſe homines  
cōtaminare poſſunt, diuina patientia maximè oſtenditur, quæ diutius diſſimulare atque  
expectare ſolet, ſi quando conuertantur & ſanct eos, vt in ſuperſtitione, in erroribus, im-  
15 pietate, in honeſtate violata, in nimio voluptatis ſtudio, quorum ſupplicio ſi multi in hac  
vita caruere, æternas tamē gehēnæ pœnas, quæ impios omnes, & ſcleratos, poſt mortem  
manēt, ſubierunt. Hos autem quoad viuerent expectabat Deus, vt pœnitentia aliquando  
ductos & reſiſcentes, miſericordia afficeret, ſicut ſcriptū eſt: Diſſimulans peccata ho-  
minum propter pœnitentiam, &, Propterea expectat vos Dominus vt miſereatur veſtri. Exod. 20.  
Iſai. 30.  
20 Hinc eſt quod nec à Deo abalienatæ gentes, nec errantes veritatis ignoratione nationes,  
nec errorē, hæreſimque ſouentes prouinciæ, aded celerēs peccatorum ſuorū pœnas pu-  
blicè dant, vt in vñum atque alterum, & interdum in plura ſecula, huiusmodi publica  
differatur animaduerſio. Quia nondum, inquit Deus, cōpletæ ſunt iniquitates Amorr-  
hæorum. Verū enim uerò cū alijs priuatis ſcleribus, illud etiam publicum iniquita-  
25 tis acceſſit (iniquitatē autem hoc loco iniuriā alteri quocunq. modo illatam defini-  
mus) tum verò certæ ſclerum omnium pœnæ parantur atque iſtant: Namque ea  
iniuriæ natura eſt, vt dilatam animaduerſionem, vltionemq. maturet atq. acceleret: atq.  
ita in diebus Noë, nullam aliam grauioſiorem diluuij in terras inducendi, nullam accele-  
randi certioſiorem cauſam, quā iniuriā fuiſſe legimus. Et vidit Deus terrā, & ecce cor-  
rupta erat, corruperat enim omnis caro viam ſuam ſuper terram: Et Dixit Deus ad Noë, Gen. 6.  
30 finis omnis carnis venit coram me, quia repleta eſt terra hhamacz à facie eorum, & ego  
delebo eos cum terra. Sodomorum finitimarumque vrbium euerſionem, addita flagi-  
tio iniuria intulit. Singularum porro nationum quas Amos hætenus notauit terna ſcē-  
lera, quartum quoque, idque iniuriæ Iſrælitis publicè illatæ, auxerat & cumulauerat,  
35 certamq. ac maturam parauerat vltionem. Iuda etiam in crimen iudiciumq. vocatus, ca-  
pitis ſententiam ſubiit, propterea quod præter tria illa communia, quartum quoq. iniu-  
riæ in Deum amiſiſſet: repudiauerat enim legem, Deiq. dignitatem violauerat, fidem  
prodiderat, diuinūq. omne creditum abiurauerat. Igitur omnium horum ſclerum reus  
factus Iſræel, ſeuerum etiam iudicium ſubeat oportet. Id autem Amos ſigillatim probat,  
nullū eſſe iniuriæ genus ex ijs, quibus aliæ gentes notatæ ſunt, quo Iſrælitæ non teneātur:  
40 Namq. ſuperſtitione, inceſto & homicidio illos etiam flagrare, manifeſtum per omnes  
hiforias eſt; quarto autem quoque iniuriarum etiā nobilitari, id ſigillatim docet. Namq.  
vt Gaza & Tyrus prodebant, & vendebant Idumæis eos, qui ſalutis cauſa ad ſe cōfugerāt,  
quosq. ſeruandos curari oportuerat; ſic filij Iſræel iuſtorum hominum cauſam in iudicio  
45 prodebant, atq. a duerſarijs argento accepto vendebant: ita vt ſi is, à quo iura, legesque  
ſtarēt, diues eſſet; ditioris tamē aduerſarij largis muneribus premeretur. Sin verò pauper,  
vili etiam pretio, nimirum duorum calceorum, proderetur; aded omnium iura, digni-  
tas, ſalus, & æſtimatio venalia illis, ſeu teſtibus, ſeu iudicibus erant; vt facilè victoriam ſibi  
iniquiſſimus quiſq. promittere de innocentiffimo quoq. poſſet, dummodo pro perſonarū  
50 ratione pretiū etiam impenderetur. [*Pro argento iuſtum, & pauperem pro calceamentis*:] He-  
baicè, calceis duobus eſt: Namque duali numero nomen pronuntiat; vt viliffimū præ-  
tiū ſignificaret: quo argumento Iſrælitæ vltra Tyrios & Gazitas ſcleris grauiffimi tenē-  
tur; quod illi Iſrælitæ virum, ſiue iuſtū, ſiue iniuſtū, Idumæis: hi verò proprios fratres, iure  
ſuperiores, fortuna miſerabiles, iniquiſſimis proderent, & traderēt aduerſarijs. Neq. verò  
minoris inhumanitatis & crudelitatis eos inſimulari, quā Damafcenos; ſiquidem  
illi in

illi in tribulis ferreis triturauerant Galaad : apud Israëlitas verò pauperes omnes magno contemptu , magnaque ignominia à potentioribus , ditioribusque afficiebantur , atque indignissimis modis , leui de causa , vexati pessundabantur ; id quod habitus ipse sordidus atque sordidatus arguebat : pauperum enim capita puluere conspersa conspiciebantur , quòd oppressi atque iactati à potentioribus terram vertice sæpe ferire cogerentur , atque raptatos pulueres in capillis combiberent , & sordes contraherent . Hoc enim maximæ oppressionis signum esse solet . Igitur & damascenos hoc etiam iniuriarum genere Israëlita superabant : id adeo sic Vates ait :

*Qui conterunt super puluerem terræ capita pauperum , & viam humilium declinant.*

Psal. 71.

Hom. Ilia 11.

MAXIMA enim iniuria , & expiandum nefas est , natura pares , æqualesq. homines , quòd fortuna impares sint , contemptui , derisioni , & contumeliæ expositos sibi esse existimare : calumniæ hoc inuisum genus , & diuinarum legum ac publicæ libertatis oppressio Deo ultori vindicanda suscipitur , sicut scriptum est : Iudicabit pauperes populi , & saluos faciet filios pauperum , & humiliabit calumniatorem . Viam autem humilium declinare , est commune ius libertatemque prodere ; ita vt in omni re inferior semper pauperiorum causa sit , eò solùm nomine quòd pauperes sint . Atque ita hunc locum explicat Chaldaeus , & iuri obscuriorum aduersatur . Puluerem autem sordidationis , oppressionisq. signum esse , & nostri , & exteri auctores docent . Quoniam humiliata est in puluere anima nostra . Sic Homerus Dolonis oppressionem & casum pulueris vertice collecti , imagine significauit . Quòd autem filij Israël naturæ necessitudinem , & iura omnia , officiumque sanguinis atque generis , magis etiam quàm Idumæi prodiderint , ex eo manifestum sit , quòd Idumæi naturalem tantùm fratrum concordiam necessitudinemque violauere , & misericordiæ , quæ sancta illis esse debuit , obliti , fratres gladio persequerentur . At verò Israëliti , nullum neque diuinum , neq. humanum ius , aut officiũ , sanctum , integrumque relictum est , sed omnis omnino & fraterna & paterna obseruatia , omnis totius honestatis colendæ ratio derelicta , reiectaque est ; non solùm vt frater fratrem non erubescat , & obseruet , sed neque pater filium , filius patrem moretur , quo commune omnibus sanctitudinis ius violetur & prophanetur : siquidem

*Filius & pater eius ierunt ad puellam , vt violarent nomen sanctum meum.*

Leuit. 19.  
Deut. 7.

GRAVISSIMUM enim & flagitiosissimum scelus esset , si frater puellâ fratris sponsam corruperet : Namq. hoc piaculum diuina lege vetitum est , vt quòd sanguinis generisq. sanctitudinem polluat , sed multò etiâ grauius est , eandem puellam , aut filio desponsatam à patre , aut patri etiâ à filio pollui . Cuiusmodi portentosus incestus diuinæ , sacræque religionis maiestatem , dignitatē atq. decus obscurat & extinguit : Namq. religionis necessitudine fratres omnes esse oportuit vnus communis omnium parentis & legislatoris filios : naturæ autem lege , & patres filijs obseruandi , & filij patribus honestatis exemplo instituendi fuerunt . Atq. hæc sanctitudo inuiolabilis illis esse debuit , qui præter omnes alias gentes segregati , delectique fuerant , vt naturæ pietatisque decus conseruarent , sicut scriptum est : Sancti eritis mihi , quoniam ego sanctus sum Dominus Deus vester . & rursum : Vocati estis in nomine meo , quia populus sanctus tu Domino Deo tuo . Puellam autem non meretricem intelligimus , sed viro sponsam , aut certè nubilem , & in paterna domo coniugio dedicatam . Naghara enim hoc in diuina lege significat , quo nomine & Dina , & Rebecca , & Rachel dicuntur . Zona autem meretricem siue quæstuariam Latine sonat : neque verò ad meretricem , sed ad puellam dixit propheta . Igitur aut pater propriâ filiam domi sedentem vnâ cum filio vitiabat , aut nurum pater , aut nouercam filius , aut vterque alienæ filiæ pudicitiam simul expugnabant , aut singula hæc scelera ab alijs atque alijs admissa , diuinæ religionis splendorem polluebant , & quòd ijs modis legis violaretur sanctitudo , & Dei sanctissimum nomen pollueretur : Namque populum his moribus Dei populum appellare , diuinum nomen polluere est : quasi verò tam nefarijs flagitijs nobilitatus populus , purissimo sanctissimoq. numini gratus esse possit . Omnia autem scelera illa quæ à nobis indicata sunt , hoc vno genere contineri res ipsa docet . [ *Filius & pater eius ierunt ad puellam :* ] ita vt flagitiosissimo incestus genere , & gentibus etiam ignoto ,

Israëli-

Israëlita flagrant. Omnino auditur inter vos fornicatio, & talis fornicatio, qualis neque 1. Cor. 5.

inter gentes; ita vt uxorem patris sui quis habeat. Ex qua Apostoli oratione manifeste apparet, huiusmodi supra nefaria omnino gentibus existimata, & pro portento, si quando extitissent, habita fuisse: *Quem patitur dormire nurus corruptor anare?* aiebat Satyricus.

Iuuen. Sary. r

Ammonitarum autem sceleri non dissimile, dispar tamen, & grauius multò, aliud Israë-  
 5 litarum flagitium fuit: Ammonitæ enim montibus multo opere ac labore ruptis, vicinorum terminos violare, agrosque alienos coarctare, suos dilatare conati sunt: Israëlitæ verò fratrum etiam suorum pauperum fortunam per fraudem, per dolum & iniuriam, per calumniam inuadebant, miserisque & argento, & vestibus expoliabant, atque ijs  
 10 rebus nullo sibi labore partis fruebantur, & ad nefariam voluptatem abutebantur, quæ fratribus suis non sine magno sudore comparata fuissent: Etenim aut vsura & scenore, aut calumnia à ditioribus, vt nunc fit, tenuioris fortunæ homines oppressi, & iniquo iudicio damnati, quicquid pecuniæ domi esset imprimis exoluere, deinde cum id pro multæ ratione non satis esset, indumenta & stragula vestes pignori tradere cogebantur. Hæc  
 15 autem res, vt nullo negotio parari, ita nefario otio illis profundi solebant: Namque in sacrilegis illorum epulis & conuiujs adornandis, quæ frequentissima in vanorum deorum honorem agitabantur, argentum consumere, vestes autem pro culcitris substernere consueuerant, ita vt alterius nudi & egentis fratris rebus & suppellectili, alter profusè; impiè, & luxuriòse abuteretur. Hoc est quod dicit:

*Et super vestimentis pignoratis accubuerunt iuxta omne altare; & vinum  
 damnatorum bibebant in domo Dei sui.*

VESTIMENTA non solum quibus induimur, sed quibus in lectis & cubilibus utimur, imò & aulae etiam dicuntur; accumbere autem olim comedentes, in conuiujs  
 25 præsertim, consueuere. Hoc verò ab istis iuxta omne altare factitatum ait, vt frequens luxuriæ & deliciarum studiū cum superstitione coniunctum significaret, rerum autem profusio exiguum in pariendo, aut nullum laborē consumptum fuisse arguit. At verò cónexa hæc esse, & alia alijs cognata videtur, vt superstitionē, voluptates & delicias luxuria pariat atque alat; luxuriam verò calumnia & iniuria sustentet: Neque enim quis & voluptati, & di-

30 uitijs comparandis, nisi alienis rebus insidiatus fuerit, operam dare possit. quam quidem rem antiquus ille vates Pindarus eleganter docuit, iniuriam enim, saturitatis matrem audaciloquam nuncupauit: *Vinum damnatorum* Hebraicè *oppressorum* dicitur, vt iniuste mulctatos eos fuisse ostendatur, [in domo Dei sui,] quod ipsi sibi adoptauerant numen; non veri quidem Dei, sed falso nomine Dei sui appellati; qui qualis esset, ipsa colendi

35 ratio arguebat. Atque hac etiam in re Israëlitarum scelus, Moabitici regis indignum facinus vincit: Namque ille vnum tantum hostis sui filium super murum sacrificauit: Israëlitæ verò epularia sacrificia, vino atque libaminibus ex multorum fratrum suorum oppressione comparatis, frequenter factitant; neque super murum, sed super miserorum vestibus in omni deorum suorum altari res agitur, vt præter acceptam iniuriam in-  
 40 dignissimo etiam spectaculo miserrimi homines assidue vexentur. Id autem facinus non minus flagitiosum est, quam si totidem homines quotidie mactentur atque sacrificentur: Etenim qui ex rebus iniuria & calumnia partis sacrificat, perinde nefariè & crudeliter agit, atque qui hominem ipsum, vnde hæc ablata fuerint, mactandum, sacrificandumque procuret, sicut scriptum est: Qui offert sacrificium ex substantia pauperum, quasi qui vi-

45 timat filiū in conspectu patris sui. Ex quibus omnibus rebus consequitur Israëlitas ultra tria illa omnibus gentibus communia, grauiora etiam quam cæteræ nationes facinora, multoque indigniora quarto quoque in genere admisisse. Quod si eorundem grauissimum, seuerissimumque iudicium gentibus à cultu meo alienis subeundum tandem est, quonam pacto ab Israëlitis effugi possit, penes quos maiorem diuini nominis, iudicij, sanctitudinisque notitiam esse oportuit. Deum enim huiusmodi scelerum & facinorum vindicem & ultorem, etiam apud exteras ac barbaras nationes esse, & diuina quæ acceperant lege, & exempli, manifestum illis esse, & debuit, & potuit. Neque enim causari poterunt diuinum de his rebus consilium & iudicium ignotum sibi fuisse, quando nullum hactenus exemplum aut in se, aut in alienis gentibus habuerint; quo exemplo eiusmodi facinora numini adeò inuisa esse agnoscerent, vt eorum causa gentes euerterentur

Eccle. 34.

”

”

& perirent: Nam quæ exempla nunc illis à Deo per Vatem proposita sunt, futurorum, non præteritorum sunt iudiciorum. Siquidem Damasceni, Tyrij, Palæstini, alijque quos perituros prædixerat, futuris non autem præteritis temporibus diuinorum iudiciorum exemplo esse potuerunt. quòd si admonendi Israëlita suorum scelerum, atque diuini iudicii fuissent, præteritis potius exemplis fuisset vtendum; quibus edocti, cauere sibi illi, melius quam futuris potuissent. Hanc adeò translationem, qua sese vtunque defendere Israëlita cogitarent, vanam inutilemque esse Deus demonstrat; ne qua illis latebra, quòd se conijciant, reliqua esse possit. Etenim quæ hætenus aliarum gentium crimina perorata sunt, iudicii in ipsos confirmationem, non præiudicii rationem habuere: neque ad ostendendum diuinum de ijs rebus aduersus gentes consilium, sed ad firmandam in Israëlitis sententiam, proposita sunt. Satis enim illis, & ad huiusmodi scelera fugienda, præceptorum in diuina lege, & ad cauendum sibi, exemplorum in alijs gentibus iam olim fuerat: Siquidem antequam eam regionem, quam diuino beneficio incolebāt, occuparent, de huiusmodi sceleribus fugiendis, sanctissimas planè & apertissimas acceperant leges, & præsentem etiam exemplo confirmatas perspexerant, sicut scriptum est: Nolite ambulare in legitimis nationum, quas ego expulsurus sum ante vos: Omnia enim hæc fecerunt, & abominatus sum eas. Vobis autem loquor, possidete terram eorum, quam dabo vobis in hæreditatem. Custodite leges meas atque iudicia, ne & vos euomat terra, quam intraturi estis, & habitaturi. Ne videlicet se Israël ex hoc iudicio vlla ratione euasurum speret: Namque diuina natura cum simplex sit, immutabilis etiam suis in consilijs est; ita vt quæ facinora semel improbauerit, nunquam amplius probet. Ego Deus, inquit, & nō mutor. Igitur secunda hæc seueritatis exempla à Deo in finitimas Israëlitis gentes edēda, nō modò ad diuini aduersum Israël iudicii ostensionem, sed etiam ad confirmationem, atque ad inferendorum quoque criminum probationem pertinent; cum ad iudicandum satis in lege, satis superque in antiquis fuisset exemplis: Namque

*Ego exterminavi Amorrhæum à facie eorum: cuius altitudo quasi Cedrorum altitudo eius & fortis ipse quasi quercus: & contriui fructus eius desuper, & radices eius desubter.*

AMORRHÆVM potissimum appellat, quòd ea gens cæteris omnibus, quæcunque eiectione sunt, & multitudine, & copijs atque potentia excelluerit, princepsque tum re gesta, tum admissio scelere fuerit. Quamobrem cum de earum gentium casu Deus Abraham certiores faceret, Amorrhæos tantum nominauerat: Quia nondum, inquit, completæ sunt iniquitates Amorrhæorum. Eius autem populi præter cæteros præstantia, Cedrorum altitudine, & quercus firmitudine significatur: Cedrus enim vbicunque fuerit, alijs arboribus longè lateque conspicua præminet, sicut scriptum est: Species eius vt Libani, electus vt Cedri. Quercus autem fortissima, firmissimaque ligni materia constant; unde & humanam gloriam, & potentiam vtriusque arboris nominibus Isaias significauit: Et dies, inquit, Domino exercituū est super omnes Cedros Libani, & super omnes quercus Bassam. Hanc igitur & gloria & fortitudine maximam gentem, cum socijs suis omnibus funditus deleuerat, ob eadem quæ nunc Israël in crimine posita scelera sunt. Ita autem penitus euerfa est, vt nullus, qui id nomen tueri posset, relictus omnino sit. Namque & filij, & patres excisi, & radicitus sublatis sunt. fructus ergo & radices, omnem eiusdem gentis familiam, posteritatemque omnem intelligimus. perstitit enim Vates in ea similitudine, quam ex arboribus transtulerat. Contriui, eueri & perdidit. Deus autem se eius rei auctorem facit, ne gentes illas temporum vicissitudine, & seculorum mutatione, sed diuino consilio, ob nefaria facinora pulsas, existimare aliquis posset: atque in eius rei argumentum, splendorem & fortitudinem produxit. Neque enim paulatim ea gens corruit & detrita est, quod tēporum vicissitudine adscribi solet, sed in ipso potentie robore, in ipsa splendoris gloria subitò euulsa, extinctaque fuit; vt non ad aliam, quàm ad diuinam virtutem referri res potuerit. Hætenus quidem Israëlitarum & gentium comparatio est: nunc verò vtriusque regni, & Israëliti & Iudaici, res etiam inter se conferuntur; ostenditque Vates Israëlitas iisdem beneficijs cum Iudæis olim affectos, non minoribus, nunc flagitijs quàm illos fuisse inuolutos.



*Etego sum, qui ascendere vos feci de terra Ægypti, & duxi vos in desertum quadraginta annis, vt possideretis terram Amorrhæi.*

MAXIMA sibi in Israëlitis beneficia collocata, maximam in his ipsis erudiendis curam diligentiamque adhibitam comemorat Deus, vt grauius multò deserti officij crimē ostendatur. Iudæi ab Ægypto, de domo seruitutis in libertatē asserti, quadraginta annis per Arabiæ solitudines ducti, beneficentissimum Deum experti sunt, nullius quidem rei, quæ ad vitæ vsum & suauitatem esse vtilis posset, inopia laborantes: præterea diuinas leges edocti, & sacris præceptis institutisque, quibus rerum suarum felicitatem perpetuâ facere, augereque possent, in promissas sedes, felicissimamque regionem adducti sunt, quas expulsis hostibus cum maximis diuitijs occuparunt. Hi autem superstitione paulatim admissa, diuinam legem immemores abiecerunt, seseque ob eam rem, earum quas superius commemorauimus poenarum reos, dignosque reddiderunt. Nullis quidem beneficijs inferiores Iudæis Israëlita fuerant: Namque & ij ex eadem seruitutis miseria liberati, nihilominus in deserto quadraginta annis, sicut Aquilæ filij, in humeris portati fuerant, eandem disciplinam edocti, iisdem omnino præceptis, institutisque abundabāt Amorrhæorum, ad quorum regionem peruenturi fuerāt, mores quales essent, quamq. illis execrandi, admoniti sapissime sunt: ad eandem legem, ad idem commune cum Iudæis ius vocati atque relati, nihil omnino, quod aut ad vitam suauiter agendam, aut ad pietatem conseruandam pertineret, desiderare potuerunt. Nam fertilissima Amorrhæorum regione potiti sunt, & multis sæpe pientissimis, & sapientissimis viris abundauerunt, à quibus & oratione, & vitæ exemplo in officio continerentur. Hoc enim vt nunquam illis deesset curauerat Deus, cuius curam, & prouidentiam, semper præsentē sibi experti fuerant. Quod si legis volumen illud sanctissimum Iudæis custodiendū creditum fuerat neque hac commoditate caruerant Israëlita, apud quos sanctissimorum virorum & vatum non rara frequentia fuerat: ita nihil sibi subductum, nihil omnino desideratum fuisse, affirmare verē possint, id quod ipsorum testimonio probādum permittit Deus. [*Vt possideretis terram Amorrhæi.*] hoc ad vitæ vsum & felicitatem; ad pietatis autem custodiam & propagationem illud spectat:

*Et suscitavi de filijs vestris in Prophetas, & de iuuenibus vestris Nazaræos.*

VIROS à quibus & doctrina & vitæ exemplo instrueremini: Namque vtrumque genus, non naturæ, sed diuini spiritus virtuti adscribitur: Vaticinium enim maius donū est, quam vt humanis artibus parari possit, atque ad aliorum hominum vtilitatem à Deo comparatum est: quemadmodum etiam & summa vitiorum fuga, eximiumque virtutis studium, ad imitationem cæteris hominibus propositum, diuinum planē opus est, atque à vulgari consuetudine longē semotum. Vtrosque autem Deus populo suppeditabat, vt aliorum oratione & doctrina, aliorum spectata maxima virtute, cæteri ad eandem pietatis laudem contenderent, & quantum in ipsis esset conati orationibus & precibus summoque studio, & omnibus votis, reliqua à benignissimo numine impetrarent. Prophetæ autem, qui, & quales, & quamobrem fuerint, sæpe aliàs dictum est. Nazaræos verò præclarum hominum genus esse intelligimus, humanarum rerum despicientia, & diuinorum amore atque studio insignes, qui voluptates & vitia, quàm indigna humana dignitate essent, suo exemplo docerent, atque ad altiora sublimioraque expetenda cæteros mortales allicerent. Eius generis Samuel, Hieremias, Ioannes Baptista, multiq. alij fuerunt, quorum admiranda vitæ probitas, animique magnitudo, vel frigidissimum quēque ad virtutis studium incendere potuerunt. horum velut legis cuiusdam viuentis, atque ad se animos hominum allicientis, non exiguam copiā Israëlitis esse Deus curauerat. Complures enim, ex iunioribus etiam, ad eum virtutis gradū euexit, quod & virtutis admiratio maior, & imitatio, atque contentio faciliior esse cæteris posset: Nam si illa ætas à labore ad libidinem procliuis, tamen eam amplitudinem, eamque maximam dignitatem consequi poterat, nihil impedit, quod minus cæteræ etiam, & maturiores ætates, idem quoque conari, atque ex diuini spiritus benignitate sperare potuissent. Ob id ergo ex filijs Prophetas, & ex iuuenibus Nazaræos perpetuos excitabat Israëlitis Deus, vt perpetua illis ad pietatis studium causa, materia, commoditasque esset.

*Nunquid*

*Nunquid non ita est filij Israël, dicit Dominus?*

DOMINVS affirmat : & quanquam ad veritatem firmandā satis superque sit Dominum dixisse ; tamen liberam vobis defensionem , negationemque permittit , si vlla vnquam aut esse , aut excogitari possit. Quæ cum nulla sit , manifestum est vos non minoribus , non paucioribus beneficijs quàm Iudæos deuinctos ; non minori etiam officij obligatione , legeq. teneri : vtrum verò pari , an etiam maiori culpa teneamini , facinore recensito ostenderetur.

*Et propinabatis Nazareis vinum, & Prophetis mandabatis, ne prophetetis.*

VESTRVM quidem fuerat legem meam religiosissimè obseruare , quos ego & in solitudine tam diu erudieram , & institueram , atque à gentium moribus deterrueram ; & in concessa etiam regione agentes , quotidiana vatum , & Nazaræorum frequentia ornaueram ; quorum alteri doctrina cælesti augere vos poterant , alteri virtutum & continentię exemplis : sed planè vos nullum neque legi , neque doctrinæ , neque exemplis locum reliquistis ; imò omnia quæ à me vobis ad pietatem , aut colendam , aut propagandam oblata sunt , malis moribus , summo studio , atque omni diligentia euertistis : Namq. Nazaræos quos ego egregiæ continentię exemplum proposueram , ad vestri imitationem traduxistis , effecistisq. vt in vestram inciderent vinolentiam : indignam rem , atque eorum instituto , vestræque vtilitati prorsus inimicam . Vates verò quos maior diuini spiritus vis agebat , cum ad eandem insaniam vobiscum adigere non possetis ( neque enim diuini afflatum spiritus impedire poteratis ) tamen minis , & terroribus , alijsq. modis , ne vaticinantur prohibebatis : quodque in hoc ipso vate Amoso , & in Helia , Helisæo , atque alijs Israëlitarum conati etiam sunt . Veracium namque vatum reprehensionibus offensi , & principes & populi aduersabantur , quantumque in ipsis erat illorum præsentiam vitare , monitaque atq. consilia abijcere studebant : Etenim Israëlitarum rex Achab à Iosaphat rogatus , an quispiam verus Domini propheta adesset , vnum tantum apud se reliquum esse Michæam respondit , sibi que molestissimum , quod infausta semper & suis votis aliena responsa redderet ; qui etiam accersitus à nuntio rogabatur , ne tam vera quàm regibus grata atque iucunda prædiceret . Plura etiam alia in sacris libris testimonia sunt , quibus hoc Israëlitarum de reprimendis vatibus consilium studiumque arguitur ; ex quibus omnibus manifestum sit , grauius etiam Israëlitas , quàm Iudæos quarto illo in scelere deliquisse . namque Iudæi & falsis vatibus decepti , diuinam legem paulatim negligentes abiecerunt : Israëlitarum verò impetu facto legem rumpere , & veros vates opprimere , atque sanctissimos quosq. probati exempli viros corrumpere moliti sunt . O facinus execrandum , o præsentem nostrorum temporum imaginem , & quis est , qui non planè videat egregios probosque viros , qui alijs virtutis & continentię exemplo esse debuerunt & potuerunt , perditissimorum hominum , inter quos versantur , consuetudine corrumpi ? Quis hodie verus Domini propheta aut apostolus extat , cui cum de Christianorū moribus oratione arguendis , atque corrigendis ministerium creditum sit , tamè quod sentiat verè & aperte dicere liceat ? Desunt ne fortasse hodie in Christiano populo aut Achabi , aut eius eunuchi , aut etiam Amasæ ? Miror equidem tantū hodie esse fiduciæ pijs atque probis viris , diuinæq. legis , & virtutum studiosissimis , vt aut nulla , aut incerta fructus spe , certissimo autem periculo , frequentibus & celeberrimis huius temporis hominum conuentibus & populis sese credere & cōmittere audeant : Nam si id exēpli causa fiat , nullum istis moribus , nisi sibi simile petitur exēplum : si suæ in medijs æstibus cōstantiæ probæ cōsilio , atqui tanta vitiorum , tamque turbulenta tempestas est , vt penè dicere possim , cælestes spiritus si in hoc pelago nobiscū illi nauigant , iactare possit , nedum hominibus carni & sanguini naufragium parent . Quamobrem quicumque sibi melius & tutius consultum esse voluerint , ijs huius temporis procellam deuigare suadebo ; atque per eam qua Christianos omnes prosequimur charitatem rogabimus , vt communibus nos etiā votis , precibusque adiuent , quo & ipsi colūbinis alis , has procellas , in quibus , dum hæc scribimus , versamur , effugere valeamus . Quis sibi aliud sperare inter Israëlitas possit , nisi aut si Nazaræus est vinolentiam exercere , aut si propheta , silentium agere cogatur ? Iam verò omnium scelerum conuictos Israëlitas , quænam pœnæ mancant , audiamus .

*Ecce ego stridebo subter vos sicut stridet plaustrum onustum fœno.*

SINGULARVM gentium quas hactenus produxerat, & Iudæorum supplicium communi quadâ & generali oratione decreuerat; Israëlitarum verò pœnas sigillatim, & partibus suis distinctas persequitur, quoniam aliarum causas ad Israëlitarum crimen protulit, perorandumque citauerat: Horum enim vatem Amos agebat; illorum autem tantum res in exemplum adducendas suscepit, illa ergo breuiter & in genere, hæc autem fusius & per partes singulas tractauit; quamobrem oratione illa, & sententiæ formula non est vsus, & mittam ignem in Israël, &c. sed calamitatem, excidium, captiuitatemque ipsis futuram apertè descripsit. Pœnarum autem genus grauissimum, & molestissimum, communeque omnibus ferendum esse prædicit, quarum pondere omnes pariter pressi, cômunes, miserrimosque gemitus edere cogantur: namque suarum vanitatum, scelerum, impietatis, & vitiorum fascem, & pœnarum his facinoribus dignarum tantum illis onus Dei iudicio est imponendum, vt nullo pacto abijci, perferri autem vix, & non sine multo atque diuturno gemitu queat; quemadmodum plaustri rotæ cum graue fœni, aut manipulorum onus vehunt, magis etiam quàm alio quouis pondere stridere solent: aliarum enim rerum solidior materia premit quidem, tamen confidet, eodemque semper modo immobilis incumbit. fœni autem & manipulorum rarior atque tenuior natura ventum, aëremque admittit, & continua agitatione plaustrum, plaustrique rotas assidue vexat, atque illa motus frequentia, eum quem audimus sonitum atque stridorem acuit, 20 auget, vehementioremque reddit. Currus igitur rotæ Israëlitarum erunt, plaustrum ipsa scelera; pœnæ verò quas ipse sibi sceleribus & flagitijs parauerunt, onus fœni que fascies, & manipuli fuerint: ita vt nihil sibi nisi paleas, fœnumque comparasse intelligant. Id verò grauissimum eis molestissimumque erit, sicut scriptum est: Ecce parturit <sup>Psalm. 7.</sup> dolorem, concepit mendacium, & peperit iniquitatem; conuertetur dolor eius in ca- 25 put eius, & in verticem ipsius iniquitas eius descendet. Voces autem, eiulatus atque gemitus omnibus communiter fundendi, communem omnibus calamitatem fore arguunt, ita vt totus populus, velut plaustrum quoddam compactum & concinnatum, miserrimus & arumnis pressus, nihil præter communem gemitum, & muliebrem eiulatum præstare possit, nihil sibi ipsi, vlla ex parte consulere: nam quæ in bellicis euentibus esse 30 solent aut præsidia, aut auxilia, aut ad salutem artes, & facultates, nullæ Israëlitis reliquæ erunt, non communis aut priuata virtus, non celeritas cursusque velocitas, non armorum tutela; nihil denique erit, quod eos à periculo tutos, ab onere ferendo immunes, à gemitu alienos efficere possit. Hanc autem rem Vates argumento ex contentione ducto sibi familiarissimo ostendit hoc modo: Si quibus minus proprium est in 35 bello gemere & eiulare, illi gement & eiulabunt, profectò nullum expertem gemitus futurum esse consequitur. atqui neque robustissimum quemque, neque fortissimum, neque velocissimum, artes, facultatesque suæ à gemitu liberabunt, multò igitur minus & cæteros. Assumptionem autem singularum partium declaratione probat, prædicitque quid vnique parti futurum est, vt accadat.

40 *Peribit fuga à veloce, & fortis non obtinebit virtutem suam, & robustus non saluabit animam suam.*

HÆC tria hominum genera, dum in bello aut propriæ, aut etiam communi saluti consulunt, suis artibus, aut viribus fidentia, neque clamare præ dolore aut metu, neque eiulare solent. Velox dum desperatis alijs rebus in fugam se conijcit, silentio potius quàm clamore vititur. Fortis verò, hoc est, qui suam virtutem & sibi, & alijs præsidio fore putat, armorum pondere sese ita impedit, vt levis ad fugam esse non possit; hic ad rem strenuè gerendam intentus, clamorem vt parum virilem aspernatur. Robustus autem est is qui non adeo fortis est, vt multorum hostium impetum sustinere, pluresque ex suis ciuibus 50 seruare possit, sed qui sese, vitamque suam tueri suis viribus, & dexteritate posse speret: neque hic etiam in pugna clamat, aut eiulat, ne hosti cedere videri possit. Verum enim verò quo tempore illis ex diuini iudicij consilio Assyriorum exercitus bellum illaturus erat, omni huiusmodi salutis præsidio destitutis, nulla nisi gemendi facultas reliqua futura erat: Peritura enim erat fuga à veloce, & fortis, strenuusque virtutem suam vanam experturus erat: & robustus, qui animæ suæ defendendæ præsto esse alias posset,

posset, deficiet omnino. Et quoniam miserrimis & desperatissimis rebus in velocitate, ad salutem fuga sibi consulendam, vna reliqua esse solet spes, hæc etiam pars omnino negata illis fore prædicitur. Agilitas autem ad cursum, aut natura, aut expeditione, aut arte comparatur. Sunt enim qui tanta pedum celeritate valeant, ut equites etiam præcuntes consequantur: hi stadiis insignes, coronari, honoriq̃ue haberi consuevere. Sunt & levis armaturæ milites qui arcu sagittas strenuè iaculentur, eaq̃ue re & ad pugnam, & ad fugam expeditiores sunt. Alij autem ex equis pugnare, atque eorum celeritate, & hostem sequi & fugere didicerunt: nihil autem horum tunc Israëlitas iuuabit. Namq̃.

*Et tenens arcum non stabit, & velox pedibus non saluabitur, & ascensor equi non saluabit animam suam.*

Psal. 43.

Psal. 32.

Ibidem.

QUEM AD MODUM quisq̃ue arte facultateq̃ue sua utatur, indicat Vates: Nam qui sagittas mittendi peritia & celeritate præditus est, is dum fugit interdum consistere, & insequentem hostem sagittis petere, atq̃. ita euadere periculum nouit: qui verò cursu, pedumq̃. valent velocitate, ijs quoad in tuto sint nulla quies aut cessatio est. At verò qui is equo fugam parauerit, tantum vitæ, salutisq̃ue suæ rationem habendam sibi esse ducit; ac dum sese periculo eripiat, quid equo fiat non laborat. Nulla autem Israëlitis in his rebus ad salutem esse poterit via. namq̃ue & tenens arcum non stabit, ut sagittis hostem moretur, sicut scriptum est: Non enim in arcu meo sperabo; & velox pedibus non effugiet tamen, & qui equo utitur, neque etiam cum equi perniciæ animam suam, hoc est, vitam tuebitur. Fallax enim equus ad salutem. Sed si maximè vna salus victis est, nullam sperare salutem. atque hoc consilio nonnulli pericula obfirmato animo superauere, tamè nihil horum istis contingeret: Si quis enim consistere, omniq̃. pertinacia dimicare paret, in abundantia tamen virtutis suæ non saluabitur; quia traditi à Deo suo omnino, hostiumq̃. manibus permitti erunt. Itaque quicumq̃. fugam turpem, victoriam verò aut mortem honestam sibi esse persuaferit, is turpissimam in fugam sese dare metu & terrore cogetur: namque non solum armis abiectis, sed vestibus omnibus depositis aufugiet: is autem in fuga occisus, aut captus, & vitam pariter, aut libertatem, & fortitudinis gloriâ amitteret.

*Et robustus corde inter fortes nudus fugiet in die illa dicit Dominus:*

Iosu. 1.

[Robustus corde, Hebraice dicitur: Et fortificatus in corde suo in heroibus.] hoc est, qui inter fortissimos duces gloriæ causa animum suum maximè obfirmauerit. Id enim præstantissimum & insuperabile robur est, si ad maximam virtutem & incredibiles vires, summa etiam animi constantia accedat; atque adeo ad hanc laudem fortissimi viri vocari in sacris exhortationibus consuevere, sicut scriptum est: Confortare & esto robustus. Atque hæc hactenus quidem calamitates Israëlitis venturas sub translatione, & in genere Vates prædixit; iudiciumq̃ue eadem ferè formula, qua aduersus alias gentes pronuntiatum fuerat, pronuntiavit: nunc verò deinceps hæc eadem fusiùs apertiusq̃. persequitur.

## CAPVT III.



*VDITE verbum quod locutus est Dominus super vos, filij Israël: super omnem cognationem quam eduxi de terra Egypti, dicens.*

UT VATICINII huius non sententiam modò, sed dispositionem quoque atque coherentiam teneamus, eius rationis atque instituti meminisse imprimis oportuerit, quod à Vate seruari, in superioribus diximus: nempe arguendi formam libenter ab eo tractatam, quæ contentio, aut comparatio à Dialecticis & Rhetoribus nuncupatur: ut cum gentium aliarum scelera, & scelerum pœnas ostenderit, Israëlitas, quorum causa Vates ipse est legatus, iisdem atq̃. grauioribus etiam criminibus accersitos, seueriori quoq̃. destinet supplicio. Igitur quæ singulis gentibus flagitia fuerint, quæ etiâ pœnæ decreta, iam exposuerat, atq̃. in genere etiâ Israelitarum proposuerat causam, nunc verò eandem plenius tractaturus, eos, quorum res agenda est, in crimen vocatos, attentos esse vult, eodemq̃ue ad orationis suæ veritatem probandam testes & iudices admittit. Vocat autem imprimis Israëlitas, quos reos præcipue ipse facit; sed probandæ veritatis, & testimonij causa Iudæos etiam appellat, quorum de diuina lege & religione communes omnino rationes



rationes fuere, ac propterea etiam communis officij, fideique seruandæ vtrisque fuerat obligatio. Ob eam rem ait, *filij Israël*. hos enim imprimis reos facit: deinde verò: *super omnem cognationem quam eduxi de terra Ægypti*. Cognationem pro tota Israël familia dixit; est enim *Milpahhat* nomen totam vnam nationem significans, vt apud Zachariam: Et si cognatio Ægypti non ascenderit, & illud: Cognatio eorum simul. Dominum autem acculatorem facit dicens, [*Verbum quod loquutus est Dominus super vos:*] hoc est orationem quam contra vos suscepit Dominus; quam orationem Vates ipse non tam agit, quam refert: sustinet enim Dei accusantis in agendo personam. Principiò autem rationem affert quamobrem eorum causa grauius, & vehementius, pleniusque multò quam aliarum gentium tractetur; cur etiam singula in eos scelera, atque omnium gentium flagitia obseruet, animaduertatque, cum aliarum gentium non nisi grauissimas tantum iniurias persequi consueuerit: Nam quamuis nullum vlli genti facinus aut scelus admittatur impune (erit enim quando singulorum ratio, poenæque dandæ singulis sint) tamen exactiori quodam iudicio Israëlitarum res agi, inquiri atque tractari etiam in hac vita videntur. Id autem haud iniuria fit: nam qui pluribus & maioribus beneficijs affecti apertioribus fœderis & fidei legibus astricti sunt, pluribus etiam officijs tenentur, & exactiori, acriorique subiacent iudicio, sicut scriptum est: *Seruus qui non nouit voluntatem domini sui, neque facit eam, vapulabit: qui verò nouit & non facit, vapulabit pluribus*. Quoniam autem Israël præ omnibus terræ nationibus in familiarem populum adoptatus, & à seruitute redemptus, libertate & ciuitate donatus, perque desertum antea, & deinde in regione ipsa quam incolēbat innumeris semper muneribus atque honoribus affectus fuerat, ex ea re argui manifestè poterat maiori prouidentia & cura illis, illorumque rebus à Deo prospectum esse, actionibus etiam omnibus tam bonis quam malis obseruandis & inspiciendis, maiore adhibitam esse diligentiam: Non quòd cæterarum gentium res à numine ignorentur, sed quòd vt in hoc populo præ cæteris ornado, beneficentissimum se Deus exhibuit: sic repetendo ab eis officio, æquissimum iudicem, acerrimumque sese præbeat exactorem. Veluti si quispiam aut princeps, aut rex, alias quidem ciuitates, quas plurimas possidet, necessarijs legibus, beneficijsque prosequatur; quam autem sibi proprius in regiam optet, cuius se imprimis ciuem, patronum, tutoremque profiteatur, eandemque magis præsentia sua illustrare, muneribus ornare, frequentibus etiam beneficijs cumulare studeat; illam profectò vel ob eam rem quòd assiduus in ea ciuitate sit, singulorumque ciuium rebus ipse augendis, prosperandisque prouideat, maiori singulorum hominum negotiorum, gestarumque rerum notitia & obseruatione abundare oportet. Hanc eandem omnino similitudinem ad se transferens Deus, causam exponit quamobrem acrius sibi cum eis quam cum cæteris agendum sit: namque ex antiqua, assiduaque erga eos beneficiorum consuetudine & cura, exploratissimas iam singulorum res, rationesque habet. Hæc autem non ad diuinam & ineffabilem rationem, sed ad humanam, & nostris sensibus accommodatam, vt aliàs diximus, referenda sunt, ac nobis profectò huiusmodi Dei cum hominibus sermones suauissimi gratissimique sunt.

*Tantummodo vos cognoui ex omnibus cognationibus terræ: idcirco visitabo super vos omnes iniquitates vestras.*

ALIARVM, inquit, gentium grauissima scelera, & quæ publicam in se continent iniuriam, visitare ego soleo; quorum res & si curæ mihi sunt, tamen vt longius sepositorum, non nisi grauissimæ & diffamatissimæ causæ publicè iudicantur, quæ multis nuntijs atque testimonijs iam ad me sunt perlatae, sicut scriptum est: *Clamor Sodomorum & Gomorrhæorum multiplicatus est, & peccatum eorum aggrauatum est nimis: descendam, & videbo vtrum clamorem, qui venerit ad me, opere compleuerint, an non*, est ita vt sciam. Vide quàm longè à cæteris nationibus sese abesse Deus ostendat, vt publica in eos iudicia non nisi de publicis & maximis sceleribus exerceat, qui tamen singulis hominibus priuè iudicandis est præsentissimus, sicut scriptum est: *Quia tu red- des unicuique iuxta opera sua*. Vestra verò negotia atque res omnes notissimæ mihi sunt, vixit quibus præsentia mea, maximoque munerum cumulo ornandis, assiduus semper fui; ideo cunctarum iniquitatum vestrarum rationes in iudicium reuocandæ

d

mihi,

mihi, atque animaduertendæ in vobis sunt, sicut lege iam, & iustissima sanctione constitutum fuerat; Scriptum namque est: Sanctificabor in ijs qui appropinquant mihi. Visitationem autem hoc in loco, idem quod Latinis, animaduersionem esse dicimus, atque ad easdem referri res. Videndum autem est quanta diligentia Deus vel tenuissima quæque populi sui peccata obseruet: quanta etiã seueritate puniat, quantumque sibi hac in re cauere eos oporteat, qui præcipuam quandam Dei erga se curam esse intelligunt & prædicant; quo in gradu Christianus hodie populus est collocatus. Quoniam verò Israëlitis in crimen vocatis Iudæos etiã adiunxerat, atque vtrisque simul easdem excidij & abductionis constituerat pœnas, velut eodem sceleris genere obligatis reis, cum diuersæ tamen vterque ab altero sententiæ, dissidentisque consilij populus esse videtur; ostendit Deus cum maxima regni dissensione, maximam impietatis inter illos esse consensionem, illudque ab vtrisque fuisse admissum, vt cum maximè de regno, de regibus dissideretur, in idem tamen impietatis studium vehementer vtrinq. incumbere. Itaque ex illa discordia hanc in superstitione concordiam ortam esse affirmare possis. Consentaneum igitur est eisdem pœnarum socios esse, qui & sceleris etiã fuerint. Magnam autem vtriusque populi conspirationem & concordiam ad superstitionis studium defendendum esse, similitudine proposita demonstrat:

*Nunquid ambulabunt duo pariter nisi conuenerit eis?*

FERI non posse, ait, vt duo pariter eandem insistant viam, alterque alterum impediat, nisi eodem studio vterque teneatur. Quamquam ergo ab alterius rege alter desciverit populus, vterque tamen à diuina lege pariter descivit, atque vterque superstitionis viam affectauit, alterque alteri muniuit. Et de regno quidem inter illos magnæ simultates & factiones; de superstitione verò & simulachrorum cultu, nulla prorsus dissensio, sed magnus in hac causâ animorum, studiorumque consensus fuit: ac perinde re ipsa inter eos conuenit, ac si communicato consilio eandem fouendam, confirmandamque susciperent. Vt igitur eiusdem sceleris idem consilium fuit; sic idem etiã erit eiusdem supplicium. Vtque hic & ille populus animum pariter ad superstitionem, diuinæque legis contemptum appulit, sic & vterque hostis idem prorsus de his perdendis inibit consilium: Namque Senacherib decem tribus ob nefarium superstitionis scelus; ob idem etiã & Nabuchodonosor Iudæos Deo impulsore vastauit. Quoniam verò grauissimum hoc vtrique populo impendebat malum, quale ipsi depellere omnino non valerent; etenim cum maximis, & potentissimis, & cælitus etiã instructis hostibus futura illis erat res, propterea addidit:

*Nunquid rugiet leo in saltu, & non habebit prædam? Nunquid dabit catulus leonis vocem de cubili suo, nisi aliquid apprehenderit?*

DVRISSIMAM calamitatem ab hostibus venturam his similitudinibus docet: Namque leone nullum animal aut fortius, aut ferocius est. Igitur cuiusque siue animanti, siue aliæ etiã feræ similes esse Israëlites, Iudæique voluerint, tamen cum leonibus sibi pugnam paratam intelligant oportet: Namq. vt aliarum animantium principatui leoni natura cōcessit; ita omnium gentium imperium Deus Assyrijs decreuerat. Vt ergo leo fame impulsus, nunquam impetum frustra in alias animantes facit, eademque omnino Chephiro, hoc est leoni iuniori felicitas est: sic neque Senacheribis, neque Nabuchodonosoris bellicum impetum aut frangere, aut sustinere integrum vobis erit, sed neque periculum effugere dabitur. Quicumque enim ab his hostibus in regionibus vestris inuentus fuerit, perinde victoris virtuti & voluntati cedit, perinde manus ligandas tradet, atqui auiculæ, quotquot in terram cadunt, aucupi laqueos tendenti cedere solent: & quemadmodum laquei pertica à terra quò inclinata est, nunquam nisi capta iam auicula resilit; sic nec hostis cum semel vobis bellum attulerit, re vnquam infecta in patriam redibit.

*Nunquid cadet avis in terra absque aucupe? Nunquid auferetur laqueus de terra antequam quid ceperit?*

SIMILITVDINES propterea geminat, quòd cum gemino populo à geminis etiā hostibus perdēdo sermonem instituit : Nam neq. Israēlitica regio Senacheribis insidias, obsidionem, vimque repellere aut effugere, neque Iudæa Nabuchodonosoris aut conatum retardare, aut spem frustrare potuit, quo minus victoria potitus captam secum gentem in triumpho abduceret. Atque hæc quæ dicta sunt, quæq. sequitur, eo omnia pertinent, vt diuinum de hac gente iudicium certissimum esse cognoscatur, eiusdemque gentis pertinax arguatur malitia. Nam vt vnā, communemque impietatis & superstitionis causam non casu, sed deliberato consilio vtrique populo susceptam defensam esse constabat, ita futuram vtrique à duobus regibus similem vltionem, non casu, sed consilio etiam diuino parari manifestum erat, atque eo maximè quod quæ casu fiunt, cum incertos exitus habeant, prædici rectè non possunt: hæc verò quæ prædicta sunt certissima esse, constans & consentiens prædictionibus ipse euentus probabit: Si enim hostiū alter voto suo potiretur, alter verò frustraretur, ea res ab imperitis, vt ferè fit, fortunæ adscribi poterat. Sed cum vterque rex eiusdem consilij eundem sit exitum habiturus, id non nisi certa ratione, iudicioque diuino parari, manifestum omnino est; maximè autem quod prædictum antea per vates; atque vt certum de scelere testimonium ab illis dictum fuerat, sic certam etiam supplicij sententiam ab ijsdem pronuntiatam interpretari, atque ob eam rem sibi populum cauisse, non autem neglexisse, securè egisse oportuit, cum toties eadem res, idem illis esset decantatum vaticinium, vt non nisi maximè insaniens esset, malum tanta constantia prædictum, affirmatumque non timere: neque enim de nihilo esse poterat, tot homines grauissimos atque sanctissimos tanta sollicitudine, tanto cum salutis & proprij honoris periculo futura illis mala prædicenda curasse, ideoq. non propria aliqua, stultaque cogitatione profectum, sed diuino consilio paratum esse putandum erat: Namque nulla maxima publicis rebus calamitas ex priuata cuiusque cogitatione, sed ex diuino consilio atque iudicio incidere solet. vtque ea res à nemine priuatim parari, sic neque priuata cogitatione aut prænosci, aut prædici potest, nisi ab eo cum quo Deus arcana consilia sua communicare voluerit, sicut scriptum est: Nunquid celare potero Abraham seruo meo quæ gesturus sum? perditurus autem erat quinque illas totius regionis nobilissimas vrbes. Id verò non cum vanis, aut stultis, impijsue hominibus, imò potius cum ijs quos fidelissimos, atque ad rem gerendam strenuissimos, diligentissimosque esse cognoscit, agere solet; illi verò creditam sibi legationem, & mandatum munus diligenter imprimis exequuntur: Quid enim contra faciant pij, & diuino timore, religione atque fide præditi viri? quid, nisi tradita sibi à Deo mandata diligenter curare, atque ad eos quorum causa data fuerint, perferre? Et tamen duræ cervicis, & incircuncisi cordis populus, tanta causarum, criminum, legationum, personarum consonantia, tanta mole, tantaque diuina auctoritate non mouetur, cum nulla tam felix, tamque securè agens ciuitas sit, quæ si militare signum tuba datum audierit, non moueatur & timeat, rebusque suis publicè & priuatè prospiciendum putet. Israēl tamen nihil horum cogitat, & nec prædictionibus, atque vatū responsis fidem habendam, nec rebus consulendum, neque hostibus certum euentum fore posse arbitratur; sed hæc omnia vana incertaque esse: quæ vt certissima, constantissimaque sint, ab ipsis est commissum, quotidieque magis ac magis, vel ista eorum negligentia committitur.

*Si clanget tuba in ciuitate, & populus non expauescet? Chaldaeus interpretres sic vertit: Si clanget buccina in ciuitate importuno tempore, & populus, &c.*

NAM si festis & statis tēponibus tuba canitur, nihil populū turbat sonus, ex cōsuetudine & certa iā causa cognitus. Sin verò præter consuetudinē id accidat, tūc suspitione, metuq. plenus vnusquisq. sibi suisq. cauet rebus. At verò vatū voces assiduae atq. importunæ futura mala, euentusq. prædicentes, audiuntur, & tamen nihil populus hic timendum sibi esse ducit; quasi verò malum publicè impendere soleat ex humano consilio quod infringi, aut minui possit, & non ex diuina potius sententia, quæ legitima tantum deprecatione in melius commutare potest. Atqui illud perniciem rebus publicis adferre

interpretari oportuit, non eo quòd ab homine dictum, sed quòd à Deo paratum fuerit. Quod verò ab hominibus prædicatur, neque id etiam humanum esse, sed planè diuinum, quando arcanum, diuinumque consilium tantum sacris vaticibus cognoscere contingit, quibus Deus consilia sua, & iustitiæ, æquitatisque probandæ, & populi, orbisque monèdi causa communicat, & aperienda ac publicanda committit.

*Si erit malum in ciuitate quod Dominus non fecerit?*

Psal. 148.

Eccle. 39.

MALVM in ciuitate publicæ calamitates dicuntur; cuius generis sunt bella, fames, pestes: horum nihil casu, aut fortuna, sed diuino omnia constant consilio, quocunq. modo, quibuscunq. ex rebus eueniant, siue cælitus immissa hæc mala, siue à malis spiritibus, siue ab hominibus allata fuerint, sicut scriptum est: Ignis, grando, nix, glacies, spiritus procellarum, quæ faciunt verbum eius, & alio in loco: Sunt spiritus qui ad vindictam creati sunt, & in furore suo confirmauerunt tormenta sua, &c. Ignis, grando, fames, & mors, omnia hæc ad vindictam creata sunt. Bestiarum dentes, & scorpionum, & serpentes, & gladius vindicans in exterminium impios; In mandatis eius gaudebunt, & super terram in necessitate præparabuntur, & in temporibus suis non præteribunt verbum. Theologi hoc loco rectè quidem diuidunt, namque aliud malum culpæ, aliud pænæ esse dicunt: hoc à Deo parari; illud hominum sola malitia effici docent. Sed miror aliam illis opportunam in hac re partitionem fuisse prætermissem, qua malum pænæ, siue damni, vulgo dictum, in publicum & priuatum diducitur: publicum malum ciuitatis dici, hoc semper Deo auctore, & priuatum diducitur: publicum malum ciuitatis dici, hoc semper Deo auctore, sceleris expiandi causa, venire: priuatum verò, neque ob scelus semper, neque ex diuina auctoritate effici, quamuis non præter illius accidat permissionem. Sed de his aliàs: nunc enim vaticiniorum interpretationem, non theologicarum rerum disputationem tractamus. Si ergo signo buccina dato turbari ciuitas solet, diuinumque signum vatum vocibus frequenter datur, metuere sibi Israëlitas vehementer oportuit: Namque signum diuinitus datum, malum etiam diuinitus impendere arguit. Vt autem publica calamitas nunquam nisi Deo auctore accidit; ita etiam non nisi Deo monitore prædicatur; qui id per vates suos agendum curat, ut iudiciorum suorum populus admoneatur.

*Quia non faciet Dominus Deus verbum, nisi reuelauerit secretum suum ad seruos suos prophetas.*

DVVM breuiter & absolutè totius sermonis sententiam complecti studemus, singulorum verborum rationem habere non possumus, quorum tamen, utpote diuinorum, summa & eximia ratio est: sed id opus, & nostri ingenij vires, & huius temporis legentium patientiam tentaret potius, quam probaret. Hoc tamen compertum affirmare, alijsque excogitandum relinquere possumus, nullum in vniuersis diuinorum sermonum paginis esse verbum, quod non summo consilio, elegantique significatione sit positum, aliamque atque aliam rationem esse, quam obrem interdum à vaticibus Deus, interdum Dominus, interdum etiam Dominus Deus, & Dominus Deus exercituum, alijsque ac alijs nominibus appelletur. Nihil enim aut temere positum, aut sine magno momento repetitum, geminatumque in sacris eloquijs esse potest, neque quicquam ad orationis ornatum addi, quin idem ad sententiæ cumulum, accessionemque faciat: ut illas ex his quinque rebus petitas similitudines, quas nonnulli vnam eandemque rem significare putauerunt, magno singulas pondere, suæque ratione non carere, ostensum à nobis est. aliud enim significabant, duo iter agentes; aliud Leo rugiens, &c. At verò futurarum rerum cognitio, secretum diuinum à vate appellatur, cuius nullus Astrologus, nullus Magus, aut Chaldaus, sed tantum sacri, atque Dei ministri, vates participes primum sint; ac deinde eorum obnuntiatione alij etiam esse possunt, non ex scientia quidem, aut disciplina aliqua, sed ex fide diuinis illorum oraculis habenda. His autem ubi apertum arcanum fuerit, facile & proum est obnuntiare, maxime cum populo suo malum, calamitatemque impendere iudicatum sit: quam ut significant, non modò diuina iussione, sed humanitate etiam ipsa impelluntur.

*Leo rugit*



## CAPVT. III.



*Eo rugit, quis non timebit? Dominus Deus loquutus est, quis non prophetabit?*

**N** I H I L omnino esse quod ab Israëlitis in tota hac causa præter seipfos, suamque insaniam reprehendi possit, ostendit; nihil enim fuisse quod ad eos docendos, monendosque defuerit, nisi ipsi sibi omnino deesse voluissent. Primū enim grauissima scelera, magno studio, summaque consensione ab ijs admissa sunt: deinde scelerum poenæ à Deo decretæ, magno & constanti apparatu, eademque omnino formula exactè diuinum iudicium ostendere planè possent; maximè autem quòd vtraque ratio, & scelerum, & poenarum, cum communicata à Deo cum vatibus sit, ab eisque diligenter procurata, & magnis etiā clamoribus fuerit denuntiata: Neque enim quicquam aut prætermisum, aut occultatū à vatibus fuit, quod dictum, expositumque fuisse oportuerit. Non magis illi tacere à Deo mandata potuerunt, quàm is qui leonem in saltu rugientem audierit, non timere, trepidareque potest; id quod suo ipsius exemplo Amos probat, qui traditam sibi ad eos legationem instituta denuo accusatione plenè est obiturus. Itaque Deum officio suo satisfecisse ostendit; & vates omnes suo, hostes etiam suo satisfacturos, solos autem Israëlitas planè insanisse, qui sceleribus admissis, tamen nec se dignos poena existimauerint, nec à Deo timendum, nec vatibus credendum, neque accusationes, aut ab alijs, aut à se factitatas, curandas duxerint; quas ij, quibus ea demandata prouincia est, non negligenter tractabunt, sed summa cura & diligentia peragent. Nam si illi buccinæ signum maximè contemnant, ab ipsis tamen leonis rugitus vehementer timetur. Hactenus totius orationis propositio, partitioque suis locis & membris distincta, atque etiam exordio aptis ornamentis illustrata: nunc verò deinceps confirmatio est, eaque maximis orationis luminibus distincta, & rerum, sententiarumque pondere locupletata. Singulas namque partes Dei nomine vates persequitur, & nunc actoris, nunc verò iudicis personā instinet.

*Auditum facite in ædibus Azothi, & in ædibus terræ Ægypti, & dicite:*

*Congregamini super montes Samariae, & videte insanias multas in medio eius, & calumniam patientes in penetralibus eius.*

**I** V D I C I V M prolaturus Deus aduersus Israëlitas, ad spectaculum vicinas gentes vocat, à quibus accusationem, ferendamque sententiam probandam esse, certum exploratumque est. Eas autem potissimum nationes appellat, quæ præteritorum Dei erga eum populum beneficiorum testes, non sine suo magno malo, fuere. Namque Ægyptij, qui Israëllem seruitute oppressum retinere conarentur, ingenti accepta clade, & magna rerū suarum calamitate ac iactura, contentionem remittere coacti sunt dei que aduersus oppressores iudicium experiri: Palæstini verò multis sceleribus nobilitata gens, dum eosdè à suis locis & finibus arcent, fere omnes periire; tantumque generis sui tenues reliquias in Azotho, Gaza, & Ascalone conseruarunt. Quoniam autem vtrisque magna, ex Israëlitarū rerum felicitate, suscepta inuidia erat, manifestum est, ex earundem detrimento & calamitate, maximā nuntio etiam accepto, nedum spectaculo ipso, percipiendā esse voluptatem, sicut scriptum est: Fecit Dominus quæ cogitauit, compleuit sermonē suum quem præceperat à diebus antiquis; destruxit & non pepercit, & latificauit super te inimicum, & exaltauit cornu hostium tuorum. In miseris autem rebus illud miserrimum omnino est, cum quis accepta calamitate, suorum inuidorum auxerit voluptatem, quam obrè ne publica Israëlitarum clades ad hostes perferretur, Dauid vehementer metuebat: Ne annuntietis in Gerh, neque annuntietis in compitis Ascalonis, ne forte lætetur filia Philistinorum, ne exultent filia incircuncisorum. His vero inuidis atque æmulis, iudicando, damnando & producendo Israëlitarum populo, spectaculum præbere Deus vult; atque eosdem suæ iustitiæ, seueritatisque erga Israëllem parat, quos olim misericordiae testes & spectatores effecerat. Magna enim ex eo voluptatem percepturæ erant hæ gentes, quòd se ab Israëlitis sceleribus vinci, & ferendo supplicio etiam anteiri intelligerent. rem verò ipsam ad earum gentium reges perferri iubet, quòd ab ijs reliquis populus ad spectandum facile possit educi. Iubet autē id per vates Dei que nuntios curari,

Thren. 2.

2. Sam. 1.

10 10

322  
vt in regijs illorum populorum ædibus negotij huius præconium fiat : namque & certior, & crebrior fama à regia domo in vulgus manare solet. Præconij autem formulam præscribens ait : [*Congregamini super montes Samariæ.*] Samaria in cliuo sita erat, sicut scriptum est. Emitque Amri montem Samariæ à Somer duobus talentis argenti, & ædificauit eum, & vocauit nomen ciuitatis, quam extruxerat, nomine Somer domini montis Samariæ. Erant autem montes continui ad eam pertinentes urbem. In hos verò, quasi in theatrum aliquod Palæstini & Ægyptij Israëlitarum tragœdiam spectaturi conuocantur : Namque ex editoribus montibus, quæ inferius aguntur commodius spectari clarescere audiri melius solent, sicut scriptum est : Vox in Rama audita est, ploratus & ululatus multus. Rama autem celsum, editumque locum significat. Quæ autem & qualia spectanda, audiendaque sint, statim exponit : nimirum ingentes ciuium, tum alios vi opprimentium, tum etiam ab hostibus oppressorum tumultus. Hoc autem ad ipsum usque tragœdiæ pertinet exitum : magnus enim furor, & ingens tumultus spectandus illis erat, cum aliorum ciuium alios opprimentium, tum eorum qui ab hoste oppressi essent Israëlitarum. Vtitur autem Vates Euthusiasmo figura, qua absentem futuramve rem ante oculos statuere, præsentemque facere, auctores solent : quod enim certum, proximumque est, id vt præsens affirmari facile potest. Huius figuræ frequentissimus apud prophetas vsus est, vt : Ecce elongaui fugiens, & mansi in solitudine. Et apud exteros etiam vates non est infrequens : vt, *Iam iam residunt cruribus aspera. Pelles : & album mutor in alio.* Calumniam patientes, Hebraicè & Chaldaicè, oppressos. Namque, vt diximus, ad illorum exitum hoc respicit, indicatque quemadmodum Israëlita ab Assyrijs paulò post erunt tractandi, nimirum magna vi, ingenti que oppressione in captos seuituris. Culpam verò, causamque ipsam quamobrem huiusmodi oppressionem perlaturi Israëlita essent, ante oculos statim ponit.

*Et nescierunt facere rectum, dicit Dominus, thesaurizantes iniquitatem  
& rapinam in aedibus suis.*

CAVSAM quamobrem in ædibus, atque intra domorum penetralia, tumultu & trepidatione loca omnia complēda essent, exponit: Nimirum quod ea omnia, etiam secretissima loca, rapina, vi, iniuriaq. habitantiū referta, diuini iudicij seueritate essent expianda: cuius se testem profert Deus, vt quem nulla, neque aperta, neque occulta hominū facta, aut consilia fallant, sicut scriptum est: Qui plantauit aurem non audiet? qui finxit oculum non considerat? Dominus scit cogitationes hominum: nedum quæ in cubiculis & penetralibus ædium aguntur, cognoscat. Diuinum autem testimonium verissimum, certissimūq. est: iuxta quod impossibile est, Deum mentiri, vt ait Apostolus. Igitur culpa est, quod rectū facere non nouerunt. huius culpæ probatio, ex studijs, atque ex euentu ipso petitur. Omne, inquit, populi huius studium in diuitijs parandis consumitur: eas autem per fraudem, calumniam, iniuriamque parari. harum verò artium, malarumque rationum nullam apud eos esse intermissione, maxima atq. affluens diuitiarum copia declarat, quam illis huiusmodi artes suppeditant: non enim vtcunq. diuites esse, aut laute vivere ex rapina satis illis fuit, nisi eorum domus thesauris etiam obrutis defossisq. abundarent. Atqui cum malè parita, malè cum domino dilabantur, sicut scriptum est: Omne munus & iniquitas delebitur; consentaneum est, vt easdem sibi factas infidias experiantur, quas ipsi aliorum saluti, fortunisque fecerint.

*Propterea hæc dicit Dominus: tribulabitur, & circuietur terra, & extra-  
betur ex te fortitudo tua, & diripientur aedes tue.*

UT PAR pari referatur, tanto hostium impetu & trepidatione, Israëlitas res opprimendas, diripiendasque esse dicit, quanta ab illis cupiditate, quanta insolentia, & iniuria quesitas & partas constat. Nam ne quid earum rerum, imò nequis eorum qui possederint, oculos, manusque hostium fallere, aut effugere possit, cum urbs obsidebitur, in aedes irruetur, & palatij abdita penetrabuntur. Idem autem Dominus, qui certissimus iniuriarum accusator est, integerrimum se iudicem præbet. Propterea vox hæc in sacris peroratam causam indicat, quam iudicium statim sequitur seuerum. Sic dicit Dominus. Dicere apud Prophetas, consilium certum, certamque significat sententiam: Namque hoc verbum rationis, cogitationisque magis quam

quam verborum vim exprimit, vt: Et loquutus est Dominus ad Moſen dicens. [*Tribulatur, & circueſetur terra.* Hebraicè ſic: *Arclator qui circuat terram.*] ſic etiam Chaldaicè eſt. Arctatorem vocat hoſtè terram capitali odio, animoq. incenſo inuaſurum. Eſt autè eclyptica oratio, quæ certo verbi defectu, grauè in animo dicentis indignationè ex rei, de qua ſit ſermo, indignitate ortam indicat, vt, Ibi fornicationes Ephraim, contaminatus Iſraël. Atq. eò vehementior dicentis vis, impetuſq. arguitur, quò breuioribus ac paucioribus verbis ſententia effertur: vt in hoc loco ſic Hebraicè eſt; *Szar*; vnius ſyllabæ, vnoq. graui accentu pronuntiata vox. Vt ſi quis iratus Hiſpanè pronunciet, *fuègo, ràyo, làndre*; & ſtatim hæc addat, *que loqueme, quelo parta, que le venga.* Simili impetu hæc pronuntianda ſunt: *Tribulator, qui circuat terram.* Ita animatus tribulator veniet, & terram obſidebit, vt nò modò effugium, ſed nec morà quidem mortis aut abductionis aſſequi aliquis poſſit, nedù res ſuas, quas tanto ſtudio & iniuriæ feſtinationè partas coaceruauerat, eripere. [*Et extrahetur ex te fortitudo tua.*] ſermo ad Samariam refertur, cuius neq. ſitu, neq. munitione, hoſtium impetù retardabitur, quo minus ad ipſa yſq. regia & munitiſſima penetret, quo aditum illi iam rapina iniuriæque patefecerat: eaque omnia diripientur, quæ malè parta & in theſauros fuerant coacta: nihil ex his reliquū erit. Verùm ex hominibus, ſiqui fuerint reliqui, ij nimirum erunt; qui præ valetudine atq. imbecillitate, neque alijs damno aut malo fuerunt, neque hoſtibus aut timori, ſi prætermittantur, aut vſui, ſi abducantur, eſſe poſſint. Hoc eſt quod dicit.

20 *Sic dicit Dominus, quomodo ſeruat paſtor de ore leonis duo crura, aut extremum auriculæ; ſic eruentur filij Iſraël, qui habitant in Samaria, in plaga lectuli, & in damasſci grabato.*

Aſſyriū hoſtem leonis nomine dici, in ſuperioribus ſimilitudinibus eſt obſeruatū. Pulcherrima autè ſimilitudine oſtendit, quatenus totius Iſraëliticę gentis ab hoſte reliquiæ ſinendæ fuerint: nonnullis enim hominibus conſultum eſſe voluit Deus, qui diuini iudicij ſeueritatem teſtari poſſent; rariſſimos tamen, eoſdèq. imbecillimoſque ſque fore, ait, quibus Deus ob innocentiam; hoſtis verò ob contèptum, parcèdum eſſe ducat. Perſtitit autem Vates in accepta ſemel leonis translatione: Sicut enim id animal famem ſuam primū corde & viſceribus, deinde aliorum etiam membrorum carne explet; ſiquid verò ſaturo relinquitur, id aut tibiæ, aut extremæ auriculæ cartilago eſt, quæ neq. carnis vſu, neque ſanguinis guſtu iuuare comedentem poſſunt. Atque huiuſmodi reliquiæ à paſtore inuentæ, ad gregis dominum deferri conſueuerunt, ex quibus legitimū raptus iudicium fiat, ſicut ſcriptum eſt: Si comeſta beſtia, deferat ad eum rapturam, & non reſtituet, ita etiam Deus in toto Samariæ corpore, quæ omnium Iſraëliticarum vrbium poſtrema hoſtilem famem explebit, vnum atq. alterum à cæde eruédos curabit, eoſque aut diuturnis morbis affectos, aut longa valetudine debilitatos, qui in lectis iam diu ſint, & præ macie atque ſolitudine ſeſe ab angulo lecti mouere & reuoluere non poſſint, nec ab altera ſponda in alteram conuertere. *Damaſci grabato.* Aliud latinum vulgata verſionis exemplar habet *Damaſco grabati*. Non vrbem hoc loco nomen *Damaſci* ſignificat, ſed grabati partē; in qua moueri & reuoluiſſe qui cubat poteſt. Vox enim deriuata eſt à verbo Maſſag, quod moueri & agitari ſignificat: ex qua ſignificatione nos cunę genus fuiſſe putamus, longo & diuturno morbo laborantibus ægrotis olim factitatū; in qua ſibi ipſis exercitationē & ſomnum, motioni principio leniter dato, procurare poſſint. Itaque lectum penſilem, aut cunę genus interpretamur: quo tropo non niſi debiliſſimoſque, & bello ineptiſſimoſque, nullique vſui hoſtibus, ſi caperentur, futuros ſignificauit. hos velut extremam & ignobiliffimam eius populi partem, ab hoſte relinquendos ait. Hi autem quibus in Samaria parcèdum erat, pars fuere eorum ſeptem milliū, quos Deus ſibi relinquendos prædixerat Heliæ, quòd genua ante Baal non curuauiffent. Non eſſe autem idem nomen *Damaſci* vrbiſ, atque hoc quod in hoc loco legimus, ijs quidem qui Hebraicè ſciunt, exploratū eſt. Namque *Damaſcus* vrbs habet *ſiboleth* punctum in littera Sin: hoc verò *Damaſcus* habet *ſibolet*; diuiſaque omnino alterius ab altero pronuntiatione eſt; vt ex ſacrorum etiam librorum narrationibus conſtat.

*Audite & contestamini in domo Iacob dicit Dominus Deus exercituum; quia in die cum visitare cœpero prauaricationes Israël super eum, visitabo & super altaria Bethel. Et amputabuntur cornua altaris, & cadent in terram.*

OMNIVM scelerum culpas merito supplicio expiandas esse prædicit vates; quo di-  
 vini iudicii æquitas integralque probetur. Namque ut nullum Deo ab hominibus ad-  
 missum peccatum probari; sic neque impunitum euadere potest, nisi legitima pœniten-  
 tia, deprecationeque cautum oportunè fuerit. Contigit autem aliquâdo multa homi-  
 num delicta à Deo diutius sustineri atque dissimulari; non quidè quod eiusmodi res aut  
 probetur, aut quasi levis negligatur; quoniâ nō Deus volens iniquitatē ille est: sed quod  
 lenta ira diuinus spiritus sit, atque ad expectandam ignoscendi causâ pœnitentiâ, quàm  
 ad repetendas festinanter pœnas, multo procliuior, sicut scriptum est: Dissimulans pec-  
 cata hominum propter pœnitentiam. & illud: Quia benignus & misericors est, patiens,  
 & multæ misericordiæ, & præstabilis super malitia. Verum enimuerò cum præfixum di-  
 uino consilio expectationis præterijt tempus, tunc se maturo iam & grauissimo suppli-  
 cio illato non negligentem fuisse, Deus ostendit, atque antiquorum, nouorumque simul  
 scelerum repetitis pœnis seuerum atque integerrimum iudicem probat, sicut scriptum  
 est: Hæc fecisti & tacui, existimasti iniquè quod ero similis tui; arguam te, & ordinabo  
 contra faciem tuam: Adde etiam quædam scelera esse, quæ quamuis turpissima grauif-  
 simaque natura sint, dissimulari tamen diutius, atque diuinam patientiam longius ten-  
 tare solent; cuius generis est idolorum cultus, atque ea fere omnia quæ sacram Dei maie-  
 statem lædunt; ut impietas auguriorum, incantationumque studium, hæreses, blasphemix  
 in Deum, ceremoniarum, legitimorumque sacrorum prophanationes, & quæcunque  
 huiusmodi censentur. admiranda enim Dei in his omnibus, quæ ad se proprius pertinet,  
 criminibus, iniuriisq. ferendis patientia; admiranda pœnitentiæ spectatio est. Quæ verò  
 in hominum societate, fide, atq. iustitia violanda versantur scelera, ea iudicium, sup-  
 pliciumque maturare, ac nescio quo modo efficacissimis clamoribus diuinum animū ad  
 ultionem sollicitare solent, sicut scriptum est: Vox sanguinis fratris tui clamat ad me de  
 terra. Nunc igitur maledictus eris, &c. Verum enimvero si prioris illius generis sua na-  
 tura grauissimis criminibus horum etiam alterius generis quidam quasi cumulus acce-  
 dat, ea res impositum Deo onus adeo auget, ut abiiciendū celerrimè esse iudicetur. atq.  
 hoc totum argumentum duobus illis aut tribus apud Isaiâ versibus explicatur: Ne offe-  
 ratis frustra sacrificium: incensum abominatio est mihi. Neomenia, & sabbathum, & festi-  
 uitates alias non feram: iniqui sunt cœtus vestri, Calendas vestras, & solennitates vestras  
 odiuit anima mea, facta sunt mihi molesta, laboravi sustinens. Hactenus prophanatæ re-  
 ligionis causa dicta à Deo apud Isaiam est: sequenti autem carmine, fidei, iustitiæque  
 violatæ crimen infertur, atque ob eam rem frustra ipsis supplicium deprecari ostenditur:  
 Et cum extenderitis, inquit, manus vestras, auertam oculos meos à vobis, & cum multi-  
 plicaueritis orationem, non exaudiam; manus enim vestræ sanguine plenæ sunt. Igitur  
 hoc idem argumentum à vate nostro hoc in loco tractatur. Namque Israëlitas iniuriarū  
 accersitos, & damnatos, tandemque ad supplicium producendos, aliorum etiam impie-  
 tatis & superstitionis scelerum pœnas daturos esse, ait: Quamuis enim vano, alienoque  
 cultui diu operam dantes, impunitate hactenus vsi fuerint; tamen ea res diuinam po-  
 tius patientiam, quàm facti probationem arguebat. Nunc verò cum quarti etiam flagitij  
 pœnas dederint, simul etiam & primi, secundi, ac tertij, atque propterea grauissimas da-  
 bunt. Ne vero huic rei aliquo modo inficias iri possit, certis signis & coniecturis diuinum  
 de ea re consilium atq. iudiciū edendū esse ait: Nam quo tempore Deus in Israëlitas ani-  
 maduertendū curauerit, eodem etiā tempore Bethelici templi aras funestadas, altariaq.  
 ipsa euertenda hostibus committet, ut præsentibus hominibus testimonium, futuris verò  
 seculis monumentum sit, eas aras, totumque illum cultum execrationi esse deuinctum.  
 Quæ res ut certo, constanti, & diuinæ prudentiæ pleno consilio, ac non casu gesta esse  
 videatur, futurū esse ut omnes singulorum altarium anguli excindantur. Quoniâ sacro-  
 rum altarium præcipuæ, augustissimæq. partes anguli sunt, quibus tota arę figura termi-  
 natur, atque binaquæq. latera altaris non sine mysterio vtrinq. cōmittuntur: ob eamq. re  
 præcipue

Exod.

Psal. 5.

Ioc. 2.

Psal. 49.

Gen. 4.

Isai. 1.



præcipue illa pars caesarum victimarum cruore, & cum initiarentur ipsa, & cum immo-  
 landis hostijs frequentarentur, imbui consueuerat. Igitur per vates, pioſq. homines pu-  
 blicè proclamari iubet Deus, & præteritorum & recentium criminum à Deo iudi-  
 cium edi, eorumque eodem tempore poenis inflictis, supplicijſque ſumptis ſenten-  
 5 tiam probari: cuius rei argumentum erit nefariorum altarium, & locorum, in quibus  
 illa perpetrata ſunt, exciſio & ruina. eam autem certo modo, & execrationi idoneo  
 Deus curabit edendam, vt non tota altaria cum templo, velut hoſtili quadam temeri-  
 tate, euertantur, ſed ipſa omnium altarium cornua, in quibus præcipua ſanctitudinis  
 ratio eſſe putaretur, conſultò petita excindantur. Vt proditorum domus & loca, vnà  
 10 etiam cum ipſis proditoribus, in æterni opprobrij monimētum, publicari, & ſolo æquari  
 ſolent: ita etiam Dominus Deus exercituum, quo die in Iacob proditæ fidei facinora  
 animaduertet, eodem etiam die & in Bethel altaria, in quibus commenta ſcelera ad-  
 mittebantur, nouaque etiam cōcipiebantur, excinderet. In eo enim loco celeberrimo  
 cōuentu impiè atq. nefariè agebatur, ibidē fides ac religio diuina polluebatur. Vt igitur  
 15 olim vani cultus, atq. à Deo execrati ſignum, altaris ſciſſio, & cineris diſſipatio, fuerat à  
 vate datum; ſic nunc certum ab Amolo ſignum publico teſtimonio confirmatum præ-  
 ſcribitur, quòd ſingulorum altariū (nam plures iam aras hominū ſuperſtitio cōſtruxerat)  
 omnes anguli excindendi, inq. terrā deiſciendi ſint. Verba ipſa breuiter expendamus.  
 Cum Iacob nomen vates appellant, priuati adhuc Iacob, & fœdus cum Deo ineuntis  
 20 meminiffe oportet. cum verò Iſraēlis appellationē vſurpant, eundem hominem fœdere  
 iam inito, diuinis beneficijs ornatum honoribus auctum intelligunt, officijsque faciendi  
 admonent, aut proditi accuſant, atque adeò hanc Theologiſ viris vtriuſq. nominis ratio-  
 nem obſeruari eſſe operæpretiū eſt, ſicut ſcriptū eſt: Docere Iacob fœdus, & in lege ſua Eccl. 45.  
 lucē dare Iſraēl. Ita alterum nomen, & alterum, diuerſum, non eundem eiſdem gentis  
 25 ordinem ſignificat. Atque hoc in loco Iſraēl de officijs proditi cauſa appellatur, atque ob  
 eam rem dicitur *Præuaricationes*, quod nomen, iuris ab inferiore per ſummum nefas vio-  
 lati, rationem habet: Namq. Hebraicè *Peſſa G H*, legitur, de quo iam eſt à nobis aliàs  
 dictum. Illa porrò appellatio Dei exercituum, cum de paranda à Deo vltione ſermo eſt,  
 30 vſurpari à vatibus atq. ab alijs ſacris ſcriptoribus ſolet, vt: Propter hoc ait Dominus exer-  
 cituū Deus Iſraēl: Heu cōſolabor ſuper hoſtibus meis, & vindicabor de inimicis meis. Sed  
 vt hæc omnia perſequi longū eſt, ſic & omnino prætermittere fuerit incōmodum. Quo-  
 niā autem non ſolū præſentium iniuriarum culpæ, ſed veteris etiam violatæ fidei præ-  
 uaricationes, & ſcelera animaduertenda in Iſraēle à Deo eadem opera erāt: & in his ſce-  
 leribus puniendis, non ſolū familiæ ipſæ proditorum ac ſcleratorum hominum, qui-  
 35 cunq. conſilij & facinoris participes fuerint, perdi, atque extingui, ſed domus etiā ipſæ,  
 publica quoq. ac priuata loca, in quibus hæc excogitata, acta, atq. exercita fuerunt, dirui  
 atque euerti ſolent. Hanc eandem in ſupplicio ſumēdo rationē ſequuturū ſe Deus ait.  
 Primum publicus atq. cōmunis omnium locus Bethel; deinde quæ his dignitate & fre-  
 quentia ſecundæ ſunt regum atq. principum ædes: tum porrò & priuatorum hominum  
 40 plurimæ domus; vt quiſq. maiori culpa notatus fuerit, diruantur: eaque res perpetuam  
 & ſcleris & ſupplicij memoriam conſeruet.

*Et percutiam domum hyemalem cum domo æſtiua: Et peribunt domus  
 eburnæ, & diſſipabuntur ædes multæ, dicit Dominus.*

45 Et regiarum opum, & principum magnificentiæ, atque exquiſitæ architecturæ eſt,  
 commodiſſimas ad habitandum pro anni temporum rationibus ædes fabricare: atq. hoc  
 genus in delicijs Aſiaticos olim reges imprimis habuiſſe, multis vtriuſque partis ſcripto-  
 rum lectionibus compertum eſt, ſicut ſcriptum: Et rex ſedebat in domo hyemali in  
 50 menſe nono. Et de Ægla rege Moab etiam legimus: & is ſedebat in æſtuo cœna-  
 culo ſolus. Totum hoc genus Perſicos apparatus Græci & Latini auctores nominant.  
 Vſque adeo autem in his rebus aucta luxuria eſt, vt commoditate non contenti,  
 pulchritudini etiam ſtudentes, exquiſitis, & pretioſiſſimis materijs longè conpor-  
 tatis ædes conſtruerent, quibus dominorum diuitiæ atque opes oſtenderentur.

Igitur

Hier. 36.  
Iudic. 3.

Horat. li. 1.  
od. vii.



ubi cum Dei cultu vanorum etiam Deorum cultus coniungendus esse creditur. Quamobrem eosdem vltra Damascum, Babylonem vsque abducendos esse ait; quosdam etiam ex illis inter Palestinos, & Ammonitas esse dispergendos, quod contra omnem eorum expectationem & sententiam erat, qui presentium rerum voluptate & visu decepti, futuris malis neque prospexerint, neque per vates prænuntiatas, animum auerterint: quamobrem pestem sibi, bellumque paratum experiantur necesse est. Tandem autem utriusque populi coniungenda causa, orationem suam vates absolunt.

## CAPVT IIII.

**A**VDITE verbum hoc vacce pingues; quæ estis in monte Samariæ, quæ calumniam facitis egenis, & confringitis pauperes: quæ dicitis dominis vestris afferte, & bibemus, &c.

**P**ERORATA in genere iam Isrælitarum crimina, nunc deinceps in actione hac patitur & distribuit Vates, atque vnamquamque partem suis personis diligentiori iudiciorum forma refert: aliæ enim in eodem crimine alijs rationibus accersiri & possunt & debent: Nam quidam sceleris auctores; quidam mali consilij ministri; quidam etiam tutores, propugnatoresque se præbent. Huiusmodi igitur rationes Amos, qui Dei causam agit, hoc in loco persequitur; atque grauissimam illam culpam attribuit feminis Isræliticis, tanquam primis auctoribus, quarum impulsu commissa ea fuerit. Deinde & in viros ipsos inuehitur, qui harum dicto & studio morem gesserint, & hoc antiquis idolatriæ sceleribus etiam tanquam cumulum addiderint: ita neminem qui culpa communicauerit, aut criminis, aut poenæ expertem fore, diuino decretum iudicio est. Aptissima verò similitudine mulieres illas Isrælitarum Principum & magistratuum vxores, vaccas appellat, easque pingues, siue Bassanitides cognominat, tum naturam, tum rationem dicendi antiquam, & elegantem sequutus: Namque in bouum genere vacce natura inferiores, imbecillioresque sunt, & ad procreandam sobolem magis quam ad aratri, currusue laborem comparatæ; & qui magna armenta possident, hanc rationem plerumque sequuntur, vt maribus ad rusticas operas productis, feminis ad prolem sufficiendam indulgeant. Illæ verò ubi pinguiores factæ sunt, & petulantius agere, & cornu etiam petere, & mares afficere, sibi que præter omnes alias animantes allicere consueverunt. Atque adeo hanc rem, & à scriptoribus traditam, nos ipsi, quòd rei rusticæ studiosi semper fuerimus, sæpe obseruauimus: hæ taurorum pugnas arbitre spectant, victoremque libentius sequuntur, & nescio quomodo ad muliebri ingenium propius quam cæteræ in animantibus femellæ accedunt. Quæ verò ex hoc genere pauperiores dominos sortitæ sunt, & fœtibus pariundis alendisque, & arationibus addictæ, contra diore animo, & corpore tenuiore atque imbecilliore sunt, tantumque aut herbis, aut fœno, dum otium suppetit, saturæ esse desiderant: ergo & mansuetiores multo sunt, & minus etiam quam aliæ lasciuunt. Et quis hoc in muliebri sexu ingenium non facile agnoscat? Namque id genus tenuioris fortunæ, & durioris, parciorisque vitæ viris addictum, modestiam, pudicitiam melius colit, præcipuamque in alenda familia, liberisque educandis curam ponit. Contra verò si melioris conditionis & fortunæ viros nanciscatur, animum ab omni alia re ad luxus, & cultus, atque deliciarum studium traducunt, (mulierem fortem semper excipimus, nec Sarras, aut Rebeccas, sed Hæuæ imitatrices, Iezabeles & Attalias in has partes vocamus) imperant primum istæ viris suis; deinde & alijs omnibus inferioribus hominibus virorum suorum opera, & obsequio, atque indulgentia sunt infestissimæ: Namque cum omnis earum cogitatio ad voluptatis studium intenta sit, cui nullum modum, & ob naturalem stultitiam, & ob ipsarum inter se de fastu & luxu contentionem atque æmulationem, statuere ipsæ nouerunt, fit vt nihil satis domi esse possit, alienaque appetenda, & per summam etiam iniuriam inuadenda sint; id quòd cum per se ipsæ præstare nequeunt, maritorum opera efficiunt, quos sibi obsequentissimos, aut blandis & mollibus artibus, aut summa etiam importunitate reddiderunt. Itaque varijs miserorum, reorum, clientum, consultorum, aut alijs rationibus oppressorum hominum spolijs, harum refertæ domus sunt,

sunt, & suppellectili aurea, argentea, muliebri etiam ornatu ad fastidium usque proflu-  
 entes. Namq. & vestium his, stolarum, ac pallarum nullus modus, nullus certus est nu-  
 merus: nouis enim & quotidie recentibus materiæ & artis excogitationibus veteres præ-  
 sentibus cedunt, antiquiores improbantur, & futuræ etiâ expectantur. Atque ita nil satis  
 rapinæ esse potest, quod huiusmodi harpyarum articulos expleat. Non inconcinne ergo  
 feminei ingenij, totiusque naturæ vaccæ imagines & quasi quædam simulachra sunt:  
 neque tantum ab Amoso pastore effictæ, sed ab alijs etiam antiquissimis scriptoribus  
 expressæ sunt. Namque Iason apud Pindarum sese ex eadem vacca progenitum, ex qua  
 Creteus, & Salmoneus nati fuerant, affirmat. Igitur mulieres luxuriæ & petulantia ma-  
 tres, ditissimas quasque, & potentissimas feminas Samariæ ciuitatis totius regni princi-  
 pis, cui alia omnia oppida tributaria essent, vaccas Bassan Vates nominat. ut enim Bassan  
 pastionum magnitudine & fertilitate, præter omnia alia totius regionis loca, nobilis, ar-  
 menta alebat pinguisima, sicut scriptum est: Reducam Israël ad habitaculum suum &  
 pascetur Carmelus & Basan. Est autem hoc Metonymiæ genus, cum vocabulum non pro-  
 priè, sed propter præcipuam quandam rationem usurpatur. Sic Araba pro pastore Isaias dixit: 15  
 sic, *aper vmbes*, Latinus dixit poeta. Vetus autem interpres nomen Bassan non ex loci nota,  
 sed ex significationis rationibus reddidit, *Vaccæ pingues quæ habitatis in monte Samariæ*. Mon-  
 tana loca, si modò fertile solum sortita sunt, ob aquarum & arborum etiam rusticarum  
 copiam, alendis bobus commodiora habentur: id enim animal & fœno, ac herbis, arborum  
 frondibus libenter pascitur: montes autem & æstate herbas, & hyeme frondes suppedi- 20  
 tant. atque hæc res Bassan montem imprimis commendat; in quo præter pastionum fer-  
 tilitatem, ingens generosissimarum quercuum, ut apud Isaiam legimus, copia est. Sunt  
 etiam quæ in montibus crescunt animalia, natura feriora, ac robustiora: ut etiam mon-  
 tani homines. Ob eam rem non solum solum dicit, quæ habitatis in Samaria, sed in monte Sa-  
 mariæ: ut mulierum ingenium delicijs diffuens, in regia ciuitate educatum, petulanti- 25  
 us ostenderet, & impotentioris sæuitiæ nota inureret. Atque his moribus idonea verba  
 adiunxit: [*Quæ calumniam facitis egenis, & confringitis pauperes.*] Hebraica verba sonant, op-  
 primere tenues, & contere egenos. Neque enim vaccæ ferociore factæ quos petierint,  
 ventilare ut tauri, sed prosternere, & conculcare consueuerunt. Calumniam autem &  
 oppressionem fraude aut vi factam tenuioris fortunæ hominibus, qui obistere nequeant, 30  
 hac translatione significat; eamque præsentibus verbis declarat. [*Quæ dicitis dominis vestris  
 afferre & bibemus.*] Namque illæ impulsu, hortatuque suo, & assidua efflagitatione auctores  
 viris suis sunt, ut pauperiores opprimant homines, Nec per conuentus, & cuncta per  
 oppida curuis *Vnguibz ire parat nummos raptura Celano.* Dicitis: Feminæ  
 orationem hoc verbo significat, excogitatione, & libidinoso illarum consilio profectam: 35  
 nam dicere apud Hebræos iubere est, ut: Ipse dixit & facta sunt: ita illæ, ubi iam sibi viros  
 suos blandis, aut etiam importunis deuinxerint moribus, cupiditatibus obtemperare co-  
 gunt: quod imperatiui verbi inductione Vates eleganter exprimit. *Afferre & bibemus:*  
 Hebræicè in singulari *Affer*; ea vox vehementius imperiū indicat. *Dominis vestris.* Armen-  
 torum possessores domini vocantur: hi sobolis procreandæ, rei que augendæ causa, vaccis 40  
 nimium etiam indulgent; ita viri feminis ex quibus liberos suscipiunt, nimium etiam ob-  
 temperare solent. Namque illæ ob eam rem quod utero gestant, quod lacte infantes alant,  
 nihil non sibi licere putant. Dicitis ergo tauris vestris *Affer & bibemus.* Ambo simul verba  
 parandarum rerum rationem malam, & turpem usum significant; Non enim dicunt  
 quare; sed affer. Illud enim rationem, moramque aliquam cogitandi, & inueniendi 45  
 commoditatem, indulgere posset; hoc non possit, semper auferre iubent, unde auferri  
 possit, non laborant; tantum ut afferat imperant. Neque volunt domum aut quæstus, aut præda,  
 aut spolijs vacuos redisse vnquam, sed ut rem facias, si possis rectè; si non, quocumque  
 modo rem. Coguntur ergo viri domini stupidissimi auaris & libidinosi vxoribus parere,  
 nisi iratis sibi, semperque infensis uti maluerint. Illis autem ut nihil vnquam ad libidinē, 50  
 fastum, cupiditatemque explendam satis est, sic nunquam illud verbum intermittitur  
*Affer.* Ea verò quæ afferri sibi iubent, non ad necessarios vitæ usus, quibus quidvis satis  
 esse possit, sed ad delicias, ad voluptatem, eamque non simplicem vnius hominis, cui  
 multa etiam non sufficiant, sed totius familiæ, ac aliorum etiam quibuscum luxuriæ so-  
 cietas & comunicatio est. *Et bibemus.* Sicut vno vini vocabulo omnem luxuriā contineri,  
 sic bi-

Pind. pyth.  
od. 4.

Isai. 73.  
Horat. Saty.  
2. li. 2.

Isai. 13.

Isaen. sary. 3.



fic bibendi verbo omnem voluptatis vsum, & sacri, & prophani auctores significarūt. vt: <sup>Ephe. 5.</sup> <sup>Isa. 5.</sup> <sup>Horat. lib. 1.</sup> vñ qui confurgitis mane ad ebrietatem festandam, & potandum vsque ad vesp̄eram. [Et illud: *Nunc est bibendum, nunc pede libero pulsanda tellus, &c.*] Omnium igitur voluptatum & deliciarum flagrans & assiduū studium, vox *bibemus* in futuro dicta significat: Namque eo verborum tempore assiduitatem in Hebraico sermone indicari, saepe aliàs diximus. Itaque illa maxima cura istis nostris principibus, & ditissimis mulieribus est, illud tantum negotium viris suis dandi cogitatio, scilicet, vt pauperiores & tenuiores hominum familias suis redditibus & diuitijs alant, tueantur, auctoritateque defendant, vel potius vi opprimant, superbia & inhumanitate pessudent, calumnia, & malitiosa iuris interpretatione defraudent, exhaustisque per summam iniuriam, rebus omnibus spoliēt: & duobus quidem tantum verbis auaritia & luxuria iniuriam omnem, earumque causas amplexus est vates: Ex feminarum namque consuetudine, luxuries plerumque in vrbe creatur; ex luxuria, auaritia, ex auaritia, erumpit audacia. Atque hunc locum sic Chaldaicè legimus: *Regna, & expoliabimus.* Pulcherrimè profectò interpres ille rem nihil à vatis sententia alienam expressit: quo videlicet consilio femina viros suos ad ambiendos magistratus impellant, vt scilicet per regnandi potentiam aliena appetere atque auferre impunè possint. Huiusmodi verò flagitia, & luxuriosa auaritiæ crimina natura sua grauissima, cum vehementer diuinam maiestatem offendant, grauissimos habere solent poenarum exitus, atque ijs simillimos, quos statim minatur Deus:

*Iurauit Dominus Deus in sancto suo, quia ecce dies venient super vos: & leuabunt vos in contis, & reliquias vestras in ollis feruentibus.*

CERTISSIMAM sententiam diuinum iuramentum arguit, & rem vt consilio deliberatam, sicut iam iusiurandi sanctitate confirmatam: [ *In sancto suo:* ] Idem est ac si diceret: *in sanctitate sua:* Namque Hebraicè sic est. Sanctitas autem eximiam quandam rationem ab omni vulgari re alienam significat; qua Deus omnibus alijs rebus infinita præstat virtute; vt iustitia, sapientia, misericordia, & alijs maximarum virtutum generibus; ad quæ genera etiam dictorum, conuentorumque constantia & veritas pertinet. Ex quo fit vt cum præstantissimum aliquod harum virtutum exemplum Deus ediderit, sanctificari in sacro sermone dicatur; hoc est, suam maximam præstantiam, amplitudinemque testari. Atque huius sententiæ multa à nobis loca in sacris literis notari possent, vt: in exitu Israël de Ægypto domus Iacob de populo barba- <sup>Psal.</sup> ro, facta est Iudæa sanctificatio eius, Israël potestas eius. hoc exemplum virtutis & misericordiæ suæ Deus edidit: iustitiæ autem & seueritatis illud Nadab, & Abiud igne calcitris tactis, sicut scriptum est: hoc est quod loquutus est Dominus, sanctificabor in ijs qui approximant mihi. Huiusmodi igitur exemplum quo se sanctificet, seuerumque & integerrimum iudicem, nec non maximi atque constantissimi consilij esse testetur, editurum se iurat Deus. Itaque iusiurandum hoc ad officij diuini maiestatem auctoritatemque pertinet, ac si dicat: & fuerim ego ipse meæ amplissimæ dignitatis immemor, & prophanator, nisi hæc quæ modò comminatus proponam, propediem re ipsa præstitero. Sic Reges coronæ suæ iusiurandum in grauissimis rebus interponere consueuerunt. Alia verò ratio est cum Deus per semetipsum iurat; cui quidem explicandæ minimè hoc in loco vacamus. [ *Quia ecce dies venient super vos.* ] Nihil est quod homines de mentis statu grauius deturbet, quàm humanarum rerum ex sententia successus: Sæpe enim vsu venire videmus, vt qui præsentium rerum prosperitate, vitæque commoditate vtuntur, ebrietate & dementia deprauati, neque præteritorum recordentur, neque futuris vnquam rebus cauendum sibi esse arbitrentur; atque ita secundis rebus, & præsentī tranquillitati fidant, ac si in ipso iam portu constituti nullam tempestatis mutationem pertimescerent. qua quidem in re similes omnino beluis sese exhibent, quibus præsentium temporum tantum vsus, nulla futurorum cogitatio, nulla prouidentia est, sicut scriptum est: Homo cum in honore esset, non intellexit, comparatus est iumentis insipientibus, & similis factus est illis. huiusmodi autem hominibus quo mi-

nus credita, atque expectata periculi tempestas fuit, eo grauius cum fuerit oblata, sentitur, & capiendi consilij tempus, locumque omnem occupat. Huius generis exitum feminarum Israëlitarum delicijs, & stultitiæ prædicit vates: venturos videlicet esse dies iis quos agunt latissimos omnino dissimiles, super eas autem, ait, ut impa-  
 ratas, nihilque tale cogitantes, subito oppressuram procellam significet: non enim po-  
 ne paulatim secutura illas, sed repente inuasura calamitas fuerat. Assyriorum namque  
 Rex bellum securissimis Israëlitis attulit: quis autem eos exitus maneret? nimirum  
 presentibus omnino delicijs, mollitudinique vitæ contrarius. atque eo grauior, quo  
 magis à consuetudine esset alienus. [*Lenabunt, inquit, vos in contis, & reliquias*  
*vestras in ollis feruentibus.*] Nisi nobis Hebraica veritas, unde primum verborum ratio 10  
 petatur, præsto esset; huiusmodi hoc loco sententiæ ratio reddi posset: vaccarum  
 carnes in vectibus esse asportandas; minoribus verò carniū portionibus paratas fo-  
 re ollas, per milites iter agentes in coquendis: quando huiusmodi interpretatio ma-  
 gis cum vaccarum similitudine conuenire videretur, quàm aliæ, quæ plures huius loci  
 sunt; quanquam neque illa quidem cum re ipsa aptè cohærere potuisset. Omnes 15  
 enim huiusmodi rationes vaccas illas à militibus occidendas & dilaniandas, atque  
 earum carnes asportandas fuisse arguerent. nihil verò tale accidisse legimus, sed vi-  
 uentes feminas, cum iis qui ex bello reliqui fuerant viris, captiuas abductas esse.  
 Ergo vaticiniorum rationem & sententiam à rei ipsius veritate ad aliam cogitatio-  
 nem atque sensum commentando transferre, religio est: Quam quidem ob rem 20  
 locum ipsum, ut Hebraicè est, diligenter expendentes, sic reddimus: [*Et auferet*  
*vos in frigoribus: & nouissima vestra in ollis piscium.* Atque hæc aptissima quidem, fa-  
 cileque cohærens cum re ipsa sententia est; nihilque à vaccarum pinguium simili-  
 tudine dissentit: Namque in superioribus, dum feminarum delicias & luxuriem  
 describeret Vates, vaccas Bassan pingues in Samariæ montibus habitantes appellauit: 25  
 deinde à similitudine ad rem ipsam rediit, & earum studium omne indicauit, & ora-  
 tionem retulit. Afferte & bibamus. Atque hoc modo mulieres illas esse delicatissi-  
 mas, quibus votorum omnium summa in voluptate posita esset, declarauit. Iam ve-  
 rò quàm graues illis ob eam rem subeundæ miseriæ sunt, ex comparatione docet: ca-  
 ptiuas enim illas, atque longè à patria abducendas fore prædicit. ex qua re duo graui- 30  
 sima sibi delicatissimis incommoda consequantur necesse est, alterum viarum, itinerum-  
 que labores erunt; alterum, victus ratio ab illis delicijs & voluptatibus longè aliena:  
 Nam quæ in amœnissimis Samariæ montibus delicatè & molliter viuentes, temperato  
 & salubri cœlo fruebantur, nunc deinceps in varias regiones abductæ, grauissimos via-  
 rum labores, & temporum iniurias, maximè frigorū hyemisq. vim pinguibus & mol- 35  
 libus vehementer inimicam, perferre cogentur; atque horum laborum & perferenda-  
 rum finis miseriæ nihil fuerit aut gratior aut felicior, quippe quas ut vitæ atque for-  
 tunæ infima condicio, sic etiam victus manet sordidissimus: ubi enim à dominis satis  
 in diurno opere faciendo exercitæ fuerint, tandem non ornatis apparatisque conuiujs,  
 sed piscium ollis vilissimo & grauissimo omnium cibo famem pellent: neque verò 40  
 piscibus aut generosis, aut suauialiquo condimenti modo paratis, sed vilissimis, & in  
 olla temerè atque incultè etiam elixis, qualibus seruorum ergastula pasci consueue-  
 runt, eas vsuras esse affirmat. Atque ob eam rem & pisces, non ut Latine sonat,  
 in plurali numero, & masculino genere; sed feminino, & singulari dixit. hanc adeo  
 rem Hispanus sermo exprimere apte valet, hoc modo: *Y vuestro paradero en ollas de* 45  
*pescado.* Nouissima, inquit, vestra; hoc est, omnium laborum recreatio, & voto-  
 rum summa piscis olla tandem erit, quali victu serui vtuntur, & quali etiam Israëlitz,  
 dum in ergastulo apud Ægyptios essent, utebantur, sicut scriptum est: Recordamur pis-  
 cium quos comedebamus in Ægypto gratis. Gratis inquit, eo quod vilissimis, & ab-  
 iectissimis, atque nullius pretij uti consueuissent. Huiusmodi ergo tandem vitam & 50  
 victum ab Israëlitis feminis colendā esse vates prædicit: qua oratione miseram illis &  
 laboriosam captiuitatem denuntiat, qualem antea neque timuerint, neque oblatam  
 ob diuersum antea vitæ usum tolerare, nisi grauissimè, & iniquo animo, queant.  
 Atque hi loci qui à Vate nostro in prædicenda Samaritidis feminis seruitutis miseria

ex comparatione tractantur, oportune etiam ab alijs vatibus in eadem sententia occupari solent. Nam & Hieremias sic: Descende de gloria, & sede in siti, habitatio filiae Dibon. Hier. 48. Et Ezechiel: hæc dicit Dominus, & comedent filij Israël panem pollutum inter gentes Ezech. 4. ad quas eieciam eos. Et Oseas: Et in Assyrijs, inquit, pollutum comedent. De viarum 5 verò difficultatibus, & durissimo à patria exilio, de quæ præteritæ mollitudinis recordatione sic Isaias aduersus Tyrum prædixit: Ducent eas pedes sui longè ad peregrinandum. Is. 22. Quis cogitauit hoc super Tyrum quondam coronatam? Idem etiam Babyloniorum futuram captiuitatem præcìnens, hanc eandem rem plenissime tractauit: Denuda, inquit, Is. 47. filia Babylonis, denuda turpitudinem, discoperi humerum, reuela crura, transi flumina. 10 Et paulò inferius: Nunc audi hæc delicata habitans confidenter, &c. Igitur vtræque res ad illius summæ luxuriæ contrarium durissimum exitum pertinet: ad ignominiosam verò abductionem illud:

*Et per aperturas exhibitis altera contra alteram.*

15 SUMMA illis in ipsa calamitate solitudinē fore significat, quas olim frequentia & celebritas vehementer delectabat, quæ ut vaccarum armenta gregatim agentes, delicijs & voluptatibus distuebant, dominis quæ utebantur obsequentijs, atque ex vrbe ad cœnas, conuiuia, in hortis, in siluis, lucis quæ passim & tributim celebranda magno cum apparatu prodibant, tum hominum cateruis, tum ancillarum & pedissequarum gregibus comitantibus: cuiusmodi splendida pompa diuites feminae maximè delectantur. 20 At verò cum calamitas illis accesserit, omnia hæc contra experientur; non enim solum abducendas, sed singulas etiam seorsum, separatim quæ sine ullo honore producendas esse prædicit: Namque domorū & vrbis mœnibus ruptis, atque vrbe expugnata, ut quæque prima militi atque hosti domos penetranti occurreret, ita sola capta abducetur, non per portam aut ædium, aut vrbis, sed per rupturas ipsas murorum; ut alia parte mater, alia filia, alia etiam soror exire coacta, alia frater productus, alia maritus abductus, desiderio, solitudine, metu atque cura distineantur: Vnaquæque enim non modò suam miseriam, sed eorum quos charissimos habuit, desiderium grauiter & iniquè feret: tum 25 suspensio incerto quæ animo semper erit quid illis acciderit, nesciens; atque in ijs cogitationibus miserrima atque infelicissima omnia suspicari & timere cogetur. Hæc aded ex illa superbia, ex illa pompa, ex illa rerum felicitate mutatio Samaritides vaccas manebat. Altera contra alteram, hoc est, singulæ per singulas aperturas: Namque Hebraicè sic est: Vnaquæque è regione sui. Sic in libro Iosue in eadem sententia est: Et muri Hiericho corruent, & ingredietur populus vnusquisque per locum contra quem steterit; ut neque 30 simul per portas abductæ, aliæ alias qua parte abducantur, videre possint, neque quò tandem peruenturæ sint; & an sibi iterum occurrere contingat certi aliquid sibi promittere: quàm autem acerbus hic dolor, quàm anxia sollicitudo, quàm perpetua sit, vel ex ipsarum exemplo vaccarum intelligi facillè potest; quas cum à vitulis suis, atque ab aliorum bouum quibuscum pascebantur, consuetudine abductæ fuerint, 40 magno dolore, solitudine quæ affici solere, perpetuus mugitus declarat, sicut scriptum est: Et tulerunt duas vaccas quæ lactabant vitulos, & iunxerunt ad plaustrum; vitulos autem concluderunt domi. Ibant autem in directum vaccæ per viam quæ ducit Bethsames, & itinere vno gradiebantur per gentes, & mugientes, &c. Summum 45 ergo dolorem, maximam suorum solitudinem, cum suarum etiam miseriarum sensu, & cum summa ignominia & dedecore subeunda illis esse ostendit Vates. Quasdam ergo ait, ex Samaritide gente feminas abducendas sine honore esse, quæ non per domorum, aut vrbis portas, sed per oblatam primum murorum rupturam essent extrahendæ: alias verò metu perterritas, & suæ tantùm saluti consulentes, consilij, animique inopes, per domorum & murorum aperturas effugientes, neglectæque 50 domo & familia, omnibusque alijs rebus salutis posthabitis, qua parte commodissime possent, sese in regiam arcem summa cum trepidatione coniecturas, eam rem effugio sibi esse posse putantes. Quod in desperatis iam belli tumultibus, & hostium irruptionibus vltimo venire videmus, ut imbellis ætatis & sexus turba aut ad templa, si minutoria sint, aut ad regias, numinis fidem, vel regiam protectionem, vel loci firmitudinem presidio vitæ sibi fore sperans, confugiat. Consueuere autem olim reges, maxime

maximè verò qui Asiam incolebant, arces, regiasque suas extra urbem secundum muros, in commodissima tamen & tutissima loci ipsius parte ædificare; quòd eam rem ad regie maiestatis decus pertinere arbitrarentur, ne ipsi communi cum cæteris ciuibus portarum & murorum custodia, & clauibus iisdem tenerentur conclusi, sed se potius, aliorum protectores & propugnatores professi, seorsum tuto in loco collocarent, ut gregum armentorumque pastores non intra ouium caulas, sed secundum ipsas figere tentoria solent. Hunc morè in tota Syria & Arabia Regibus & principibus seruatum, in Aphrica, & in nostra etiam regione ab Ismaëlitis, qui hæc loca occupauere, retentum fuisse, ipsa illorum opera, & operum quæ extant, vestigia declarant: atque etiam nonnullis in locis cuniculi, & specus visuntur ab vrbe ipsa ad arcem usque pertinentes, per quos vtrunque in alterum locum aditus in rerum turbatione & periculo esse posset. Ad huiusmodi aperturas & cuniculos ciuibus tantum notos, hostibus verò ignotos, hæc etiam vatis oratio pertinet, quas à mulieribus subeundas esse prædicit, ut ad arcem confugerent: Namque per portas aut publicè effugiendi copia nulla illis temporibus esse posset, cum arces clausæ, & portæ urbium ab hostibus essent obsessæ. hoc est quod dicit: 15

*Et proijciemini in Armon dicit Dominus.*

AR MON vox hebræa est, & palatium, arcemue significat. Verbum autem *proijciemini*, Hebræicè est, *conijciatis vos*: Coniunctio verò & aperturarum nomen ad hanc rem significandam, pertinere etiam facit: Namque aperturarum nomine cuniculos illos, & specus arte apertos intelligimus. Quoniam verò harum, quæ Samaritanis feminis aduenturæ erant, calamitatum causa, non solum iniuriarum, sed superstitionis etiam studium erat: ad quam etiam rem feminarum ingenium & animus vehementer propensus est; atque eum errorem tueri studiosissimè solet, ut ex multis sacrorum librorum locis obseruauimus. Huius rei causa & hoc illis crimen refert, & apertissimis argumentis perorat: Namque 25 conceptum animo scelus nulla alia re melius arguitur, quàm si operum, studiorum, actionumque erga eam rem assiduitas demonstraretur. Illarum ergo feminarum, atque etiam virorum Samaritanorum in hac re flagitium, ex ipso communi omnium & perpetuo studio ostenditur; ut futuri iudicii æquitas ipsis illorum actionibus manifesta probabilisque omnibus fiat; quippe cum in ipso scelere à quo iam sæpe deterriti fuerant, tamen occupatos atque alligatos poena ipsa oppressura sit: Quamobrem eos ut propositi tenacissimos homines, atque studij sui vrgentissimos, ironica permissione alloquitur, tam viros quàm feminas, iubetque ut studiū suum, quando sic stat sententia, diligenter exequantur: namque ea res certius & maturius illis exitium, vaticinij autem sui certiorē parabituentum. 35

*Venite ad Bethel, & impiè agite; & ad Galgalam: & multiplicare, & offerre mane victimas vestras, tribus diebus decimas vestras: Et sacrificare de fermento laudem, & vocare voluntarias oblationes; & annuntiate: sic enim voluistis filij Israël, dicit Dominus Deus.* 40

Acto. 19.

MAXIMA hominum infania, & constans exucti semel erroris studium, affectatiue sceleris exemplum hoc in loco à vate notatur & proditur: Eiusmodi enim hominum ingenium est, ut cum à suscepta impietate & superstitione, meliori consilio ad sanio rem mentem reuocari sese sentiant, tum maiori conatu atque impetu in eandem curam & cogitationem incumbant; neque sese ab eo errore deduci patiatur, sed tanquam aspides surdæ aures suas, ne sapiente incantatione feritatem & amentiam deponere possint, obturent, atque veritati, sapientis consilij rationibus impetu & tumultu facto, obstant; in eoque vehementius neruos omnes contendant, unde maiorem sibi errorem, & grauius periculum creari audierint. Prædicabat Paulus apud Ephesum, atque homines ad veræ diuinitatis rationes cognoscendas vocabat; qui cum intelligerēt Dianæ numē illa oratione in dubiū incertumque reuocari, paucorum hominū (quibus ea res in commo esse poterat) consilio & opera effectum est, ut populari motu ac tumultu veritati obstreperetur, & Dianæ numen, & sanctitas, Ephesiorumque celebritas, infano vulgi clamore assereretur. Huiusmodi autem infaniæ Israëlita à Vate notantur, quos quo maiori vates 50



vates cura atque sapientiori consilio à superstitione ad sanam mentem reuocandos curarent, eo ardentioribus animis & studijs, frequentioribusque commentis, atq. assidua magis opera insaniam suam fouere; defendereque solitos ait. Quam ob rem insanabiles sese effecisse, omnemque salutis viam sibi præclusisse dicit; tantumque ex auditis vatum orationibus euenire, vt grauiori supplicio tandè sese dignos reddiderint, & decantatas aduersum se prædictiones certissimas sua temeritate, & erroris pertinacia effecerint. Vtitur ergo vates permissione, non illa quidem quæ consilium, sed quæ Ironiam dicentis significet; cum id permittitur quod minus ex dicentis sententia, magis autem ex eius ad quem sermo fit, libidine & voluntate est; sed tamen aliàs certam eius, qui dicit, rationem reddat. Cuiusmodi illud est: Latere iuuenis in adolescentia tua. Et illud:

Eccle. 11.

*I nunc, & ventis animam committe.*

Concedit ergo illis interim vt studijs & consilijs

Iuue. 5. 12

suis eo studiosius vtatur, quo diligentius à vatibus deterrentur; non quidem qui suadeat aut hortetur, sed qui deserti officij grauius illos infimulet: Nam cum se magis ac magis à superstitionis studio ad veræ pietatis cultum reuocari intelligebant, tunc magis illi quasi remis & velis in eam partem, quæ fugienda fuerat, contendebant: frequentibus enim sacrificijs, ritibus, & ceremonijs superstitionem colere & tueri nitebantur. Hoc est quod ait: *Venite ad Bethel, & impiè agite.* Bethel, Luza olim dicta, nomen hoc à Iacob accepit; qui eo in loco diuino oraculo de arcanis ad se, atque ad totum hominum genus pertinentibus rebus per quietem fuerat edoctus. Is quidem locus sacer tam diu fuit, quam diu ad eius beneficij memoriam est frequentatus, domusque Dei appellabatur. Postquã autè ab Israëlitis regibus vt impiæ superstitioni seruiret, oportunus visus est, ex eo prophanus, execrabilisque redditus nomen Bethel in Bethauem ex diuino consilio & vatum procuratione mutauit: quòd in illa æde impietas & superstitio coleretur. Hoc vates antithesi vsus Israëlitis obicit: *Ite, inquit, in domum Dei, & impiè agite:* quasi verò olim dominus Dei dicta ex eo fuerit, quòd illis in impietatis vsum cessura esset. Hæc humani ingenij perversitas est. *Et ad Galgalam.* Galgal locus fuit, in quo à filijs Israël Cananæorum regionem primum occupantibus, sacrum Dei tabernaculum fixum, atque religionis causa frequentatum est, Vbi verò regum, regnorumque dissidia facta sunt, hic locus à falsis vatibus, qui Israëlitis partes susceperant, Hierosolymitano templo ad religionis cultum præferebatur, sicut apud Hosseam legimus: *Omnis malitia eorū in Galgala.* Ad eum igitur locum frequentandū Israëlitas ironice Amos hortatur, vt ad Bethel: quibus in locis ab illis impiè & superstitiose agebatur, atque eo ardētius & studiosius, quo magis à sanctissimis & veracissimis vatibus deterrebantur. [*Et multiplicare prauaricationem, & offerre mane victimas vestras.*] Hoc est, si non satis vobis est Bethel ad impiè agendum, ad dite etiam, vt facitis, & Galgalam; in qua prauaricationis & defectionis studijs liberius etiam commodiusque vacetis. Id autem sacrorum faciendorum frequentia, atque assidua celebritate fiet; singulis diebus mane victimas offerendo; & tertio quoque anno decimas, ad leuitarum & pauperum vsum in lege paratas, ad sacrarum epularum vsum in ea loca comportando: Namque hæc omnia in sancto atque electo loco agi, curarique lex præceperat, quæ ab illis ad alia loca per summam impietatem translata sunt. *Tribus diebus decimas vestras;* tribus annis nam dies pro anno in loco vsurpari obseruatum est, *Vt: Qui vendiderit domum intra vrbis muros, habebit licentiam redimendi, donec vnus impleatur annus.* Hebraicè est, *Dies erunt redemptio eius.* De decima verò anni tertij sic scriptum in lege est; *Anno tertio separabis, aliam decimam ex omnibus quæ nascuntur tibi co tempore, & repones intra ianuas tuas, venietque Leuitæ, qui aliam non habet partem, nec possessionem tecum, & peregrinus, ac pupillus, & vidua, qui intra portas tuas sunt; & comedent, & saturabuntur, &c.* [*Et sacrificate de fermento laudem.*] Sacrorum omnia genera hæc ad Deum certo in loco purè sancteque colendum instituta olim fuerant, quæ ab istis impiè contaminata, atque ad superstitionis vsum translata fuere: Panes quoque fermentatos cum hostia gratiarum, quæ immolatur pro pacificis, ait lex: [*Et vocate voluntarias oblationes.*] Vota quæ religionis causa nuncupari, & in sacro templo solui consueuerant, ab istis prophānata etiam, & ad Deorum cultū traducta sunt. Vocare voluntarias oblationes, idem quod Latinis nuncupare vota est. Sed quid inter votum & voluntariam oblationem interfit, aliàs à nobis Deo duce dicetur. [*Et annuntiate.*] vota nuncupata facite; & pronuntiate, vt astrictiori eorum religione teneamini. [*quoniam sic voluistis filij*

Hos. 9.

Leuit. 25.

Deut. 24.

filij Israël. Exhortatione hæc non tam consilium, quàm apud quos dicitur studium proferentis declarari hæc cumprimis oratio indicat. Hebraice est: [*Sic amauistis*:] ac si diceret, agite, agite, nunc maxime in id studium, in quo estis, incumbite, cum maxime reuocamini ab ijs qui vobis optimè consultum esse voluere, quando ea infania laborare coepistis, vt libenter infelices esse optetis. *Aut dominus Deus*: Ipse Deus iudex integerrimus, qui occultarum etiam cogitationum testis, arbiterque est, sic vobis placuisse confirmat. Quæ verò, ac quantæ vos miseriæ maneant, quæ istis studijs occupatos oppressuræ sint, auditote:

*Vnde & ego dedi vobis stuporem dentium in cunctis vrbibus vestris; & indigentiam panum in omnibus locis vestris; & non estis reuerfi ad me, dicit Dominus.*

PLURA interdum poenarum genera à Deo in hominibus consumi, non perdendi, sed corripiendi, atque ad bonam frugem, sanitatemque reuocandi causa, diuina scripta passim, & hoc in loco testantur: quæ tamen illi, aut casuum & temporum vicissitudines, aut priuatum saltem de quibusdam, non commune Dei de omnibus iudicium interpretentur: in quo Israëlitas quinquies etià verberibus stimulatos, ac casos, tamen nunquàm resipuisse videmus; neque impiè agere antè destitisse, quàm cumulatæ, expletaque mensura, extremum sibi consciuerint excidium. Magnum hoc & manifestum humani stuporis, atque affectatæ infaniæ argumentum est. Primum verò stimulum quo illos Deus ex pluribus ad resipiscentiã incitaret, carniū, annonæque penuriam fuisse, vates declarat; quam non ex pluuiarum cessatione, sed ex hostilibus excursionibus contigisse interpretamur, quibus per singulos annos è vicinis regionibus infestabantur, ita vt agrorum populatione, & armentorum crebra abactione affecti, omni annona destituerentur. Hoc autem iusto Dei iudicio illis accidit, qui per nefas frumento & carniibus diuino munere concessis, ad superstitiosum vanumque cultum abusi fuerant, eaque à veræ religionis rationibus ad impietatem traduxerant. Merito igitur earum rerum vsu priuati sunt, quas illi nefario consumebant abusu. *Vnde & ego*, Illationis vim habet & contentionis oratio hæc: contendit enim cum superiori sententia, & rem nõ casu, sed certo, consilio gestam probat. [*Stuporem dentium*. Hebraicè, *munditiem dentium*. Carniū autem desiderium hæc significat figura; ex consequenti enim ducta est: Nullius enim alius escarum generis reliquiæ dentibus inherere magis solent, quàm carniū: fibris quidem & tenuibus filis iuncturas ipsas molarium, & caninorum cavitates subeuntibus, quæ nisi instrumento aliquo à prandio extrusæ expurgentur, molestiam imprimis grauemque ori halitum afferunt. Acutos ergo ex apta materia paxillos ad eam rem ministrare ijs qui elegantius viuere voluere, cura est. Itaque dentibus magis adhærescens cibus, carnes sunt, sicut scriptum est: Adhuc carnes erant in dentibus eorum, &c. [*Et indigentiam panum in omnibus locis vestris*.] Hæc hostium excursionibus, populationibus, & latrocinij accidisse diximus: Nullum enim malum in ciuitate est, quod non faciat Dominus, & per vates suos à se factum esse testetur, vt in superioribus iam cognouimus. Hoc autem idem est atque illud quod ab Isaia dictum fuit: Aram ab Oriente & Palestini à tergo, & comederunt Israël in toto ore, & in omnibus his non est conuersus ad percutientem se. Quamobrem & apud hunc Vatem subiungit Deus: [*Et non estis reuerfi ad me dicit Dominus*]: qui non vt perderet, sed vt corrigeret, cædebat. Igitur & secundo stimulos admo- uere oportuit.

*Eo ego quoque prohibui à vobis umbrem cum adhuc tres menses superessent ad messem.*

MAGNÆ Deiprouidentia est efficere, ne quid aut secundum, aut aduersum casu accidisse videatur: Nam qui ea quæ eueniant, non tam consilio, quàm naturæ, aut temporum ratione definiunt, scelerum conscientia, & diuinorum suppliciorum metu minus terri solent, vt ergo huiusmodi occurratur infaniæ, certis quibusdam notis vttramque rem & premia videlicet & poenas insignire Deus solet: quæ, nisi planè cæci & stupidi esse velimus, consilio & prouidentia adscribi debeant: Nam cum miraculorum multa genera sint, ex his autem vnum in naturæ materia edi solet, vt in pluuijs, ignibus,

ignibus, fulgetris, niuibus, grandine, & alijs quæ in sublimi fiunt, huiusmodi aliquid ubi ad miraculum vsurpatur, præfenti nota signari ita solet, vt diuinum potius, atque ad certam rem significandam paratum, quàm naturale opus esse intelligatur: vt quod certis horis, locis, temporibus, occasionibus ea fiant, quibus aliàs fieri non soleant: quæ omnia obseruantibus hominibus diuinæ prouidentia, & certi consilij argumento esse possint. Hæc autem nos aliàs longius, si Deus annuet, persequemur. Nunc verò oblatum de hac re locum explicabimus. Cum hostium excursiones, & latrocinia, humano potius & hostili odio, quàm diuino consilio populus adscriberet, alius lapis mouendus fuit, alio flagello plebs cædenda: cuius vim nemo humanam, sed vel diuinam, vel naturalem digere posset. Ea verò fames etiam fuit ex annonæ penuria allata, quæ vt grauior, certiorq; esset, hoc modo parata à numine est, vt primò anni tempore ante sementem oportuna pluuia inuitati aratores, messis spe concepta, in ferendis agris & opere plurimum, & frumenti ponerent: quod aliàs, si priores illæ autumnii tempore pluuiæ defecissent, non seminum, ad famis partem subleuandam vsui esse potuisset. Sed ubi iam terræ fuleisque creditum, ac natum in herbam creuisset, eorum imbiuum, quibus oportuno succo impleri, & fecunda reddi fata solent, penuria & defectu corrupta sunt, vt neque fructu, neque culmo cultores suos iuuarent. Huius autem sententiæ hic versus est: [Ergo quoque prohibui à vobis imbrem, cum adhuc superessent tres menses vsque ad messem.] Hæc pluuia serotina in sacris, illi regioni familiaris, diuinisq; promissionibus certa fuit. Hæc diuini consilij ratio, hæc parata poena, & ad correctionem munita via est; quam ne naturæ, aut temporum vicissitudinibus adscriberent, sic est prouisum:

*Et plui super vnam ciuitatem, & super alteram ciuitatem non plui:*

NAM si communis pluuiarum defectus esset, iam ab ijs qui diuinum auersarentur consilium ad certam annihilationem, ad syderum concursum (qualia somniare interdum Astrologi solent) reuocari facile posset. Nunc verò ita rem parabat Deus, vt aliter interpretari atque illud erat, hoc est, miraculum non definire, extremæ prorsus esset dementia, cum non in agris, sed in vrbibus, idque non in omnibus, sed in quibusdam tantum pluuia esset demittenda. *Et plui.* & coniunctio, rerum inter se comparisonem postulat: nam magis multa simul, quàm singula seorsum mouere possunt. *Et plui,* Hebraicè est, *Pluere feci:* vt suo imperio omnem rerum naturam, causam, atque efficientiam subesse declarat Deus: Namque paratæ aliàs natura communibus imbribus omnia complere, Dei tamen dicto paret, & cohibetur, aut in hunc, aut in illum locum, quo primi auctoris voluntas tulerit, incumbit. Ita ergo effectum est, vt pluuia descenderet, non quæ agros fecundos redderet, sed quæ anni aliàs abundantiam, nisi Deus cohibuisset, probaret: in vrbibus autem plueret, quod ad docendum de ea re homines qui in vrbibus habitarent pararetur: neque verò in omnibus, sed in quibusdam tantum interiectis imbribus plueret, vt ijs, qui collectas ex pluuijs aquas bibere solerent (nam cisternis multæ Israëlitarum vrbes utebantur) cum non satis abudans potus omnibus suppeteret, necesse fuisset aliarum vrbium incolis, alias sibi vicinas aquarum hauriendæ causa petere: quod non sine miraculi cogitatione, non sine frequenti tantæ nouitatis in hominibus ipsis mentione, atque admiratione agi potuit. Vt autem miraculum omni accessione auctissimum fieret, & certis magis ac priuatis signis notabilissimum, in eadem ciuitate futurum erat, vt pars imbribus irrigata, pars omnino arida, atque caloribus, & siccitate exueta, infestataque esset, adeo vt neque ex alia parte humectans aër aliam posset refrigerare.

*Pars vna compluta est, & pars super quam non plui, aruit.*

ITA vt eodem tempore diuersas temporum, aëris, cæli, soli, corporum, morborum, & valetudinum constitutiones in eadem vrbe experiri coacti homines, nihil earum rerum casui, nihil naturæ, sed omnia Deo illis irato tribuere possint, atque alij alijs ad miraculi obseruationem, ad frequentia de ea re colloquia, ad celebrationem incitamento esse. Namque:

Sic Hippocrates perquirere docet, an in morbis qui d diuinū sic. li. de aere, & li. prognost. r.

*Et vene-*



*Et venerunt due & tres civitates ad vnam civitatem vt biberent aquam,  
& non sunt satiatae.*

Vide Plato.  
nem in civil.  
seu deregno.

Isai. 9.

CUM non solum annonæ caritate, sed aquarum etiam ad bibendum penuria communiter laboraretur, publicum id malum, & communem miseriam sentire, experiri que omnibus necesse fuit. Cum autem sitis extinguendæ causâ frequenti hominum concursu ex alijs alia loca peterentur, quibus in conuëtibz celeberrimi & crebri de publica miseria sermones misceri solent, vbi alij alios propter hauriendarum aquarum aviditatem molestia, oppressioneque atque iniuria etiam afficiunt: in tanto tumultu quis non moueretur? quis tanto miseriæ spectaculo diuinam non imploraret misericordiam? quis malum non deprecaretur? quis priuata atque publica scelera non accusaret, non damnaret, non expianda prædicaret, quorum offensione Deum ad ea miracula, ad ea prodigia in publicam poenam edenda commotum esse constaret? & tamen [*Vos non redyistis ad me dicit Dominus.*] Hanc adeo famis & sitis extremæ calamitatem, quæ populum ad iniuriam sibi mutuo faciendam impellere potuit (cuius causâ pluuiarum defectus & nimius solis æstus erat futurus.) sic etiam Isaias prædixit: In ira Domini exercituum conturbata est terra, & fuit populus quasi esca ignis: vir fratri suo non parceret, & declinabit ad dextrâ, & esuriet, & comedet ad sinistram, & non saturabitur, &c. in omnibus his non est auersus furor eius, sed adhuc manus eius extenta. Quamobrem tertius etiam ad increpandum stimulus admotus est, vt impleretur id quod scriptum est: Multa flagella peccatoris. Patris autem, & pientissimi patris rationem hæcenus Deus persequitur, qui filios quos diligit, corripit.

*Percussi vos in vento vrente, & in aurigine: multitudinem hortorum vestrorum, & vinearum vestrarum, oliueta vestra, & ficeta vestra commedit Eruca.*

Gen. 41.

ירקן

Hier. 30.

Deut. 28.

Iod. 1.

VT grauior stimulus certiori etiâ diuinæ iræ nota insignis esset, atq. omnis casus & fortunæ vitaretur suspicio, semper à numine est prouisum. Minus hæc quidē agrorū, fundorumque calamitates secundum naturam, atque ideo rarius incidere solent; quæ nullam vnquam commoditatem, sed vitium semper, incommoditatemque afferant. Pluuiarum enim interdum defectus, interdum copia, vsui aliquando esse potuerunt, vt altera res alterius vitium corrigeret: id quod ijs, qui temporum rationes obseruauere, facile fuerit probabile. Vredo autem, & aurigo, locusta, & bruchus, vt rariora, sic præter naturam magis, & semper infesta, semper calamitosa sunt. Atque yredo quidem spicis iam tumescens accidit, quas omni penitus succo priuat, effatæque reddit: quales spicas septem Ægyptius rex per quietem viserat. Aurigo verò, culmum ipsum frumenti tētat, & armentorum etiam pabulo ineptum reddit: Hebraicè *leracon* dicta calamitas hæc, quod calamus in ipso incocto viriditatis humore corrumpat, talemque satis faciem relinquit, qualis hominum esse solet, qui formidine, metuque grauissimo subiti & inopinati mali corripiuntur, sicut scriptum est: Et conuersæ sunt vniuersæ facies in auruginem. Atque adeo contingere, illa imprimis imprecatio, & diræ illæ impijs & sceleratis iam olim obnuntiatae declarant. Percutiat te Dominus aëre corrupto, & rubigine: Hebraicè duo nomina sunt. *SEDAPHON* & *IERACHON*: quæ à vate etiâ hoc in loco vsurpantur. Ita res ipsæ natura sua diuinæ in eos indignationis argumento esse potuere. Neque verò ad fata solū, sed ad omnia etiam plantationum genera malum pertingit, idque malum quod diuinâ iram apertè etiam declararet. Rusticæ rei summa duabus partibus constat: altera ad utilitatem, ad voluptatem verò altera spectat. Vtilitati, præter frumentorum genera, vineta, oliueta, ficetaque in sacris libris adscribuntur; his etiam & malogranatorum genus additur: cætera omnia plantarum & fructuum nomina ad voluptatem relata, hortorum nomine definiuntur: Horti namque deliciarum magis & iucunditatis, quàm diuitiarum causâ comparantur; quorum fructus diutius seruari non possunt. Communis autem omnium plantarum pernicies Eruca est, maximè verò ea quæ hebraicè ab excidendi vi Gazam dicta est, de qua iam apud Ioëlem sumus commentati. Quantis verò diuinis, quantisque propterea delicijs Israëlitarum diffuissent, hortorum ingens copia declarabat: Huius.



huiusmodi enim non nisi à diuitibus coluntur. Obiter igitur eorum luxuriam Vates, vel Deus per Vatem potius notat: [*multitudinem hortorum vestrorum.*] grauiorem autem fore stimuli ictum innuit, ita delicatis & deliciosis hominibus factum, quibus non minus grauius breuissimæ etiam voluptatis carentia, quàm alij maximarum vtilitatum desiderium ferri solet. [*Tibi habet frumentum. Aledius inquit O Libye, disiunge boues, dum tubera mittas.* Iuven. Saty. 5.] Igitur hos non solum hortis multis magna impensa ad vtilitatem comparatis, sed omnem etiam rusticam vtilitatem & commoditatem multandos ad correctionem prædicit: qua in re non naturalem aliquam & casu accedentem calamitatem, sed diras illas diuinitus obnuntiatas experiri, definireque oportuit, sicut scriptum est: Vineam plantabis, & fodies, & vinum non bibes, nec colliges ex ea quippiam; quoniam vastabitur vermibus. Oliuas habebis in omnibus terminis tuis, & non vngeris oleo, quia defluent & peribunt. Huiusmodi autem hortos & prædia, pauperiorum oppressione aucta atque extracta, infausta & perniciose Brucho excidenda significare visus est Isaias eodem illo in loco: Vae qui condunt leges iniquas, & scribentes, iniustitiam scripserunt. Subiungit autem: Quid facietis in die visitationis, ad cuius confugietis auxilium? Et deinde: in omnibus his, inquit, non est auersus furor eius, & adhuc manus eius extenta. id quod & vates hic dicit:

*Et non rediistis ad me dicit Dominus.*

Hic etiam additus quartus stimulus, ut aliquando puncti resipiscerent: nam cum tribus illis affecti tamen non resipuissent, neque Dei in se indignationem agnoscerent, quem deprecationibus & supplicibus votis exorasse oportuerat; sed humanis rationibus confidendum esse putassent, Ægyptum frumentatum ire coeptum est, iuuentute ad hoc delecta, quæ peregrinationis fastidia facile toleraret, & omnia pericula superaret, atque argentum aut frumentum, cuius magnam summam fuisse consentaneum est, à latronibus defenderet. Hos autem Deus partim peste immissa, partim latronum excursionibus perdendos decreuit; atque non solum pecuniam, sed equos etiam illorum hisce permisit. Israëlitarum verò fame pressi & coacti, secundo in Ægyptum mittebant, non solum iuvenes, sed & maiores natu; ut sic consilio & viribus iunctis firmiter & certius esset collecto agmine præsidium: Qui autem posteriores descendebant, priorum cadauera insepulta passim, temereque iacentia conspicientes, & fetore etiam multo antequam ad locum deuenirent tentati, tamen neque eo spectaculo, neque fetore illo grauissimo, quod vel longius distantes impellebat, ita commoti sunt, ut de diuina ira placanda, atque de salute tandem sua cogitarent. hoc est quod dicit:

*Nisi in vos mortem in via Ægypti: percussi gladio iuvenes vestros usque ad captiuitatem equorum vestrorum: & ascendere feci putredinem castrorum vestrorum in naves vestras; & non rediistis ad me, dicit Dominus.*

MISI in vos mortem: Hebraicè est, pestem. Putredinem castrorum vestrorum: Hebraicè & Chaldaicè, fetorem turmarum vestrarum. Ea autem re vehementius motos impulsosque esse oportuit, quando nullus in humano corpore sensus est, qui importunius graui aliquo sensili lædatur, quàm olfactus, quem vel inuitum foetor afficit; quandoquidè eius sensus instrumentum patens semper & apertum est, neque sine respirationis detrimento claudi, obturariue potest: adde quod sensile ipsum ad cerebrum usque penetrat non specie aliqua tenuissima, & per communicationem multiplicata, ut in visu, & in auditu fit; verum suo ipso genere, suaque integra natura, capitis meatu omnes cum magno totius corporis detrimento subit: quamobrem abominationis atque auersandæ rei naturam referre grauis atque teter odor solet. In ea namque significatione à sacris auctoribus frequenter usurpatur, Ut Iacob: foetere me fecistis, inquit, Cananæis & Phærezæis habitatoribus terræ huius. Et tamen illos nunquam permotos fuisse ait; ut Deus suorum scelerum foetore grauissimè tentatum fuisse intelligerent. Hoc etiam Isaias significauit. Nisi incuruentur sub vinculo, & cum interfectis cadant: & in omnibus his non est auersus furor eius, & adhuc manus eius extenta. Reliquus igitur est quintus stimulus, quæ tardissimo populo Deus admoueret, quo se prius usurum dicit, quàm extrema omnia mouenda essent. Is autem stimulus fuit, ut hostium exercitui bona totius regionis pars perdenda, capienda, expolianda, & incolarum frequentia priuanda traderetur, ut vel tanta calamitate commoti qui

moti qui reliqui fuissent, sibi rebusque suis tandem consulerent, pietatemque, & diuinum cultum, iam malis expergefacti, repeterent. Igitur Israëlitz Teglat Pelsar Assyrio bellum inferente, vehementer afflicti, & penè omnes contriti sunt: Namque Reubenitz, & Gaditz, & dimidia tribus Manasses primum victi, abductique sunt: deinde vrbes Ghium, & Maghaca, Ianoah, Cades, Hailor, & Gilead, & Galilæa regio, omnisque terra Nephtholim in hostium ditionem venere, habitatoresque ipsi in Assyriam migrare coacti sunt; ac vix Samaria ipsa illius tantæ stragis experts, & quasi torris de medio incendio crepta fuit: cætera autem omnia funditus euersa deletaque sunt. Hoc est quod dicit:

*Subuertere vos, sicut subuertit Deus Sodomam & Gomorrhæ, & facti estis sicut torris raptus ab incendio, & non rediistis ad me, dicit Dominus.*

CÆTERIS omnibus locis destructis, populis abductis, sola Samaria cum agro suo libera relicta est, & Assyrij regis manus atque impetum, Deo id providente, declinauit. Potuit ergo vel ea re populus ille reliquus moueri, & pœnitudinis officio, precibus & obsequijs hostis aduersum se reditum deprecari, & tamen nec tantis malis excitati, veterum illud exuere. Euerfionem autem hanc similem Sodomæ & Gomorrhæ dixit, quod regiones atque vrbes illæ perinde cultoribus suis vacuæ & excisæ relinquerentur, atque olim Sodoma & Gomorrha: non quod perdendi modus, sed quod similis euerfio in his atque in illis olim, esset futura. Neque verò ad se illam calamitatem peruenturam esse Samaria ciuitas arbitrata aut verita est; sed vt apud Esaiâ est: Et sciet omnis populus Ephraim, & habitantes Samariam in superbia & magnitudine cordis dicentes, lateres ceciderunt, sed quadris lapidibus ædificabimus, Sycomoros succiderunt, sed cedros immutabimus. Namque hæc humanæ dementiæ persuasio, hæc fiducia est; vt cum alij aliorum parietes etiam proximos ardere videant, suam tamen rem agi non putent, sed integram securitatem sibi promittant: Quod si maximè sibi aliquid prouidendum esse arbitrentur, id non ad diuinas, sed ad humanas potius prudentiæ & consiliorum rationes reuocent; pecuniâ enim sibi comparant, & bello aptas machinas ædificant; animos corrigere, & Deum sibi conciliare non parant; cum humanorum hostium viribus suas comparant, nihil sibi cum diuinis exercitibus pugnandum esse putantes, neque summum, æternumque Imperatorem dominum Deum Sabaoth sibi infensum infestumque intelligentes, cum se aut multitudine, aut copia, aut potentia, aut opibus & diuitijs, aut disciplina, pugnandi que dexteritate hostibus pares, vel etiam superiores fore sperent, securitatem sibi, aut victoriam promittunt; sociorum, vicinorumque casus, & exitus, imprudentiæ atque imperitiæ, timiditati, & huiusmodi rebus potius, quam diuinæ iræ abscribunt. Sed quomodo persequeretur vnus mille, & duo fugarent decem millia? nonne ideo quia Deus suus vendidit eos, & dominus conclusit illos? Atque hoc semper cogitandum, hoc putandum fuit, his potius quam humanis rationibus omnia definire sapientes homines oportuit: Neque aliam quam diuinam sibi aut promittere aut sperare securitatem: Nisi enim Dominus custodierit ciuitatem, frustra vigilat, qui custodit eam. O Christiani reges & principes, vtinam aliquando iam maturè vestris rationibus melius & sapientius consulatis; vtinam ijs qui fausta vobis omnia & felicia augurantur, credere iam desinatis; vtinam periculum inde timere incipiat, vnde verè est timendum: hæc enim prima ad securitatem via est & certissima, vobisque imprimis munienda, vt calamitatem omnem publicam diuinitus aduenire interpretati, ad religionis res componendas omni primum studio omne consilium & diligentiam adhibentes, populum his armis artibusque instructum securum fore putetis, atque minori quidem pecuniæ sumptu, & minori apparatu facillè fore hostibus superiorem, sicut scriptum est: Non enim in arcu meo sperabo, & gladius meus non saluabit me; sed dextera tua & brachium tuum, & illuminatio vultus tui, quoniâ complacuisti in eis. Namque humanis consilijs & artibus fidendum non esse, præter aliorum antiqua, saltem nostrorum noua exempla satis idonea sunt, quæ nos facillè docere possint: Ferè enim nostra omnium qui nunc viuimus memoria maximam totius christianæ ditionis partem in hostium barbarorum potestatem cum maxima propugnatorum perniciæ redactam esse videmus; mare ipsum, nostrum olim dictum, nemini præterquam illis solis, peruium aut tutum. Quid præterea ab illis tentatum frustra fuit, quod oprato successu caruerit?

Iam quæ hoc anno cùm hæc scribimus, loca occupata, expugnataque sunt, nōne aperte diuinam in nos indignationem testantur? vt vno impetu facto minima suorū, maxima autem nostrorum hominum iactura Imperij fines ad centesimum vsq. milliare propagauerint tanta celeritate, vt maior adeundo, quàm conficiendo mora facta fuisse videatur? Nihil igitur obstat, quo minus hos cōmunes religionis nostræ hostes diuinitus ad nostrā, eorum qui reliqui sumus, eruditionē & correptionē excitatos esse interpretemur: quod si intelligere noluerimus, tandem (auertat Deus omen) sentiemus. Neq. verò illud putandum est, fieri non posse vt Deus Ecclesiam suam omnino desertam esse patiatur: hoc certè dubitari non conuenit non accidere posse, vt publica scelera & iniuriæ in eos qui admiserint, non animaduertantur: Ecclesiæ autem suæ rationem à Deo ita haberi posse, vt in captis & fugatis, exulibus atque afflictis hominibus religionis & pietatis studium conferretur; Et Ecclesiæ, si non illustis aliqua, nitida atque læta, tamen afflictā & calamitosa atque mœsta facies perseueret. Cuiusmodi exempla multa ex antiquis libris, vnum autem illustre ex Machabeorum historia petere licebit, sicut scriptum est: Et effugerunt populum Israël in abditis, & in absconditis fugitiuorum locis, &c. Sed ad nostrum commentandi munus redeamus; illud interim ad ea quæ digressi diximus, addentes, omnia hæc & quæcunque alia diuinitus scripta sunt, ad nostram Christianorum magis, quàm ad Hebræorum doctrinam esse scripta: Omnium enim sæculorum fines in nos peruenerunt, quamobrem omnia ad nostrū vtilitatem interpretari, & facile, & pronū est. Igitur quinque has plagas quas à Deo Israëlitis imponendas esse Vates dixit, prophético spiritu prædictas subiuncta declarat oratio: quæ ideo prædictæ sunt, vt quibus potissimum fieri posset rationibus, vitari curarentur. maximam alioqui atque grarissimam in se diuinam indignationem, & integram suarum rerum perniciem & cladem experturis. Quod autem præterito tempore futuræ res enuntiatae fuerint, id ad vaticiniorum certitudinem atque constantiam vt sæpe aliàs diximus, facit.

*Quapropter hæc faciam tibi Israël: postquam autem hæc fecero tibi, preparare in occursum Dei tui Israël.*

Ex more eorum Imperatorū loquitur, qui cum maxima fortitudine & virtute maximam etiam sapientiā, æquitatem, atque innocentiam coniunctā esse voluerunt: Namq. illi non antè extrema & grauissima quæque experiri statuunt, quàm mitia & leuia omnia tentauerint, summamque clémentiam maximæ potentia, quoad id fieri posset, præponere optauere. Quod si hæc non successerit, alia aggrediuntur via, & qui se clementissimos probauerant, fortissimos etiam & in re gerenda, & suo repetendo iure præstant. Hæc iusti belli æquitas & ratio est: Si quando (inquit Deus) accesseris ad expugnandam ciuitatem, offeres ei primum pacem; si receperit & aperuerit tibi portas, cunctus populus qui in ea est, saluabitur, & seruiet tibi sub tributo: Sin autem foedus inire noluerit, & ceperit contra te bellum, oppugnabis eam, &c. His legibus atque moribus decidere potius cum populo tentat Deus, quàm extrema iudicia experiri: experturus tandem, nisi transigatur secum prius. Igitur cùm suum ius hætenus per vates repetierit Deus frustra quæque mitissima quæque tentauerit, iudicio tandem agendum statuit, quinque illis plagis impositis, quæ graues quidem, tamen pro meritorum ratione leuissimæ sint: quod si illis non resipuerint, neque ad pacis conditionem hoc modo etiam descendere velint, bellum sibi extremum paratum sciant à Deo Imperatore, cuius fortitudinem, & in re gerenda sapientiam, atque dexteritatem & virtutem subiunctis describit carminibus: hoc est quod dicit: *Quapropter hæc faciam tibi Israël: Postquam autem hæc fecero tibi,* neque tamen rebus tuis melius & sapientius consultum esse volueris; [*Preparare in occursum Dei tui Israël:* metire, inquit, vires tuas, copiasque omnes expende, & an par illi ad sustinendam pugnam esse possis; tecum reputa: quibus artibus tu instructus, quibus rebus, qua virtute præditus sis, non laboro, inquit vates, & cum quanto hoste tibi res futura sit, id ego te docebo. Nominis autem Israël appellatio elegantiam in loco habet: Namque Israël potens cum Deo significat, quod Iacobo illi antiquo, generis & nominis auctori, magna olim & illustis cum Deo fuerit luctatio: sed is tunc fide contendentem secum vicerat, qua ratione se vinci faciliè Deus patitur.

Nunc





præuentum fuerit; atque eidem ipsi qui cogitauit, indicatum; vt intelligat sua consilia antè cognita, fracta quæ esse, quàm aut obita fuerint, aut instituta: Namque Dominus dissipat consilia gentium, reprobatur autem cogitationes populorum, & reprobatur consilia principum: consilium autem Domini in æternum permanet, &c. hanc sententiam illud habet: [Et annuntians homini eloquium suum. Hebraicè est: Et annuntians homini quæ cogitatio eius.] Reliquum est de felicitate, quam præstare de se ipso nemo potest; cuius ratio omnis in Dei potestate est: Nam felicitatis suæ non solum possessor ipse sibi, sed alienæ etiam auctor, aut mutator Deus esse probatur; vtpote qui diem temperare, & lucem proferre, vel adimere, obscurare quæ potest, & tenebras in lucem, lucem in tenebras mutare, atque omnem horum inferiorum, quæ in terra sunt, locorum rationem, vim, affectionem quæ ipse superat, nullo loco, nullo termino, nulla naturæ, aut vicissitudinis lege, nulla denique causa cohibetur. Ipse enim cum nullam vnde sit causam habeat, aliorum quæcunque aut sunt, aut fiunt, aut esse possunt, causas & principia omnia moderatur ac regit. Quæcunque igitur in terrarum orbe fiunt, aut accidunt, siue fausta, siue infasta sunt, longè quidem inferiora sunt, quàm vt ipsum attingere, comprehendere quæ possint, editissima quæque & maximè celsa terrarum curru suo præteruolantem, & despicientem. Igitur qui tenebras, & temporum caliginem experiri ipse non potest, cum longè ab his rebus semotus lucem inhabitet inaccessibilem, clarissimis tamen hominum rebus, si id negotium postulet, densissimas repente tenebras obducere potest. Quam quidem ob rem meritò illi soli fortissimi & maximi in bello ducis cognomen non aliunde tractum, sed per se partum est; qui præter tantam sapientiam, virtutem tantam, strenuitatem, & propriam æternam quæ suam felicitatem innumeras inferiorum & superiorum exercituum copias omni ad victoriam arte instructissimas, dicto audientes habet. Hoc sensu vltimum illum capitis versum interpretamur.

25 *Faciens matutinam nebulam, et gradens super excelsa terræ, Dominus Deus exercituum nomen eius. Hebraicè sic est: Faciens auroram caliginem, iter faciens super celsitudines terræ.*

30 AD ILLUD alludere videtur, quòd Deus nubium curru à celerrimis ventis tracto vt à sacris vatibus canitur: Qui ponis nubem ascensum tuum, qui ambulas super pennas ventorum. [Dominus Deus exercituum nomen eius.] Misericors quidem ille est, atque humani generis, maximè autem Israël beneficentissimus patronus; sed cum causa postulat iudex tamen integerrimus, qui exercitus multos, & ad scelum ultionem promptissimos habeat. Hunc locum sic Chaldaeus Paraphrastes explicuit: [Constituens lucem iustis sicut aurora lucem, quæ procedit et augetur afferens tenebras impijs, confringens impios terræ, Dominus Deus exercituum nomen eius.]



V DITE verbum istud quod ego leuo super vos, planctum domus Israël.

45 MAGNA misericordia motus Vates, præuisum à se Samariæ excidium, omniumque decem tribuum diuturnam dispersionem, quæ temporibus Hosæ filij Ela per Assyrios effecta est, hoc in capite deplorat; grauitatem quæ illius calamitatis maximam sensu ipso fore ostendit, quam ipse animo solum agitans, luctu & lachrymis, atque mœstissima elegia non excipere non possit. Eos ergo ipsos quibus tanta parata miseria erat, ad lamentationem suam audiendam vocat, vt quid illis sua in scelere pertinacia pependerit, vel ex oratione cognoscentes, iustissimè tandem Dei agnoscant iudiciū, qui omnibus modis & rebus, hortatu, orationibus, minis, terroribus, representationibus, & mœstissimam venientium malorum à vatibus susceptis lamentis, tamè moueri, atque à suscepto scelere deterri noluerint; nec antè desinere, quàm malis ipsis oppressi & impediti, procedere iam vltèrius, atque in sua studia incubere amplius non possent. Igitur cum quinq. plagis

impositis, quas superiori capite ad correptionē infligendas prædixerat, tamē illos neglēter acturos præuidisset, non iam corripientē, sed ultorē illis Deum magno cū exercitu, maximis ad pugnandum rebus paratum instructumque denuntiavit: quæ omnia ubi ab illis contempta intellexit, tum animi in eos indignatione, tum humanitate & commiseratione impulsus, quas illis lachrymas excire, in propriorum malorum representatione atque obnuntiatione non potuit ipse eorundem sensus expers, cogitatione tantum particeps, copiosas cum lamento profudit. Causam autem, quamobrem tantum ipse alieno malo moueatur, ut luctui & lamentis, lachrymisque se dederit, pietatem esse dicit, & communis rei studium: nempe nomen ipsum Israël quod sanctissimum sibi erat, ut cæteris etiam omnibus esse debuit & potuit, nisi illi sibi ipsis, suisque rebus deesse, quam consulere maluissent. Cum autem totius Israëliticæ domus ruinam, horribilemque casum imminere intelligeret, non sine affectu atque mœrore domum Israël appellauit, honoris antea, nunc verò posthac commiserationis causa commemorandum nomen: ac si diceret, domus Israël tanto nunc impetu & strepitu diruenda, quanto olim molimine, quantoque diuinorum beneficiorum apparatu fueras olim ædificata. Audi quo planctu, quo luctu, tuam illam extremam prosequar miseriam:

*Cecidit, & non adiciet ut resurgat virgo Israël; proiecta est in terram suam, non est qui suscitet eam.*

**CALAMITOSAM** decem tribuum abductionem, atque adeo diuturnam captiuitatem paulò post futuram, præterito tempore ut certissimam prædicit, atque ut miseriam deplorat: carmen autem lugubre, & lamentis idoneū de ea re noster vates pastor ille rusticus condit, quo nullum aliud elegantius, aut ad commiserationem mouendam oportunius me audire memini: Nam præterquam quòd grauissimis verbis Hebraicè constat, numeris & mensuris ei quam ipse induerat affectioni aptissimis compositum est, Plures enim longas syllabas raris breuib; & semibreuib; miscet, ut non voces, sed singultus audire videaris, musicæ genus Latinis versibus imitatu difficillimum. *Cecidit*, Omnis miseræ & calamitatis cumulum verbum hoc, quacunque lingua pronuntietur, significat: Namque & summam pristinam felicitatem, & extremam præsentem miseriam ante oculos veluti spectandam exponit: ut enim quæ erecta, stantiaque sunt, vim, decus, splendoremque suum proferre atque indicare videntur; sic quæcunque iacent, ipso situ atque habitu suam ipsa miseriam calamitatemque indicant: sed cadere grauius verbum, quàm iacere est: Fieri enim potest, ut quædam semper iaceant quæ nunquam steterint; quæ verò cadunt, stetisse antea manifestum est: ut *Cecidit*, cecidit Babylon illa magna. Et illud:

*Barbara postquam cecidere turme Thessalo victore.* Igitur splendorem illum, dignitatem, decus, omnem Israëlitarum gentis & regni, atque totius Reipublicæ maiestatem, totam denique gloriam penitus delendam esse, vno hoc verbo Vates declarauit. Neque verò omnis modo amplitudinis, sed salutis etiam extinctionem illorum rebus afferri docuit: eoque grauiorem fore ruinam, & tanto magis horribile casum, quanto imparatis magis, delicatis, atque inexpertis contigerit. Eam rē hoc nomine Vates significat *Virgo Israël*. Omnem Israëlitarum Rempublicam virginis nomine appellat: quippe virgo nulli antea viro; sic Israël nullis alienis dominis hætenus additus, nouum ac propterea grauissimum seruitutis iugum experiatur necesse est: grauius enim insuetos atque inopinantes noua mala, quàm antiquo incommodorum vsu exercitatos premunt. Virginitas autem nomine huiusmodi liberam & teneram, nullisque seruitutis ferendo iugo assuetam gentem significare ex illo aliisque locis arguitur: Non adicies ultra ut glorieris oppressionem sustinens virgo filia Sidonis. Grauiissimam ergo Israëlitarum ruinam, abductionem & dispersionem, diuturnamque à patria, à gloria, atque à diuina gratia exilium, hac cadendi similitudine ostendit Vates. *Et non adiciet ut resurgat.* Cum omnium ferè vatū oraculis, & vaticinationibus, atque adeo Apostolorum prædictionibus declaratum sit, fore aliquando ut Israël omnis (quo nomine imprimis ultra Iudam & Beniamin decem tribus dicuntur) in antiquum, immò potius in ampliorem, magisque illustrem statum restituatur, hoc Amosi vatis dictum maius negotiū interpretibus fecit, quàm ut à nobis (qui vatum propriam sententiam indicare, non alienas enumerare institimus) explicari

Virg. 2. 2nci.

Apoc. 18.

Horat.

Isai. 43.

explicari possit: longum enim nimium est videre, quemadmodum ex Hebræis & Chal-  
 dæis scriptoribus, atque ex Græcis & Latinis doctissimi quique hunc alijs oraculis inie-  
 ctum nodum explicare conentur. quæ in re doctorum virorum diligentiam & sedulita-  
 tem vehementer commendandam esse censemus, atque eorum vtilem dubitationem  
 5 probamus, quæ ad veritatis inuentionem munita via est. Sed nos eruditum lectorem ad  
 illorum disputationes acutas sanè atque elegantes, si per otium licuerit, legendas hor-  
 tati, loci ipsius simplicem sententiam breuissimè docebimus. Significat autè Vates adeo  
 grauem, adeoque horribilem Israëlitarum casum fore, vt quibus olim nondum lapsis,  
 adhuc labentibus continere, conseruareque sese facillè esset, si reuocanti Deo interdum,  
 10 atque interdum minitanti, nec omnino deserenti, neque manū subtrahenti auscultare  
 potius quàm auersari placuisset, iisdem ab eo, cuius oblatum auxilium spreuere, desti-  
 tutis & corruentibus, neque conatibus, neq. viribus suis resurgere per se, atque in pristi-  
 num statum restitui integrum ita fore; nisi Deus ipse sua sponte, suaque misericordia  
 excitatus, manum porrigat, iacentibusque auxilium & opem ferat. Neq. enim Israëlitis,  
 15 post casum illum æqua saltem aut similis aliarum gentiū statui, sed multò inferior relicta  
 conditio est: aliæ namque gentis generalis, quam vocant, gratiæ vsus, multò quàm Israël-  
 itis commodior ad veritatem Dei, Euangelijque lucem admittendam est; siquidem  
 gentes non vt increduli & contumaces Israëlita excacatæ sunt, horum enim mentes  
 Deus excacauit, vt non fulgeat illis illuminatio euangelij gloriæ Christi, vt iudicen- 2. Cor. 4.  
 20 tur omnes qui non crediderunt veritati, sed consenserunt iniquitati. Multis autem scri-  
 pturarum testimoniis docemur Israëlitarum, iam tandem euersas, inferiori loco, quàm  
 gentium esse res: vnde minus illorum deprecationes, minus preces audiuntur: quam  
 rem & ille etiam vates graui est lamento prosequutus: Operuisti in furore, percussisti, Thren. 3.  
 occidisti, nec pepercisti. Opposuisti nubem tibi, ne transfret oratio, eradicationem &  
 25 abiectionem posuisti me in medio populorum. Huius etiam fortis hominum illa oratio  
 est: Quare in perpetuum obliuisceris nostri, derelinques nos in longitudinem dierum?  
 Conuerte nos Domine, & conuertemur; innoua dies nostros, sicut à principio. Qua  
 de re, videlicet de iustissima incrassationis atque excacationis contumacium hominum  
 poena maius ad dicendū otium nobis dari optamus: Namque id argumentū & ad dispu-  
 30 tandū grauissimū, & ad hominū peccandi pertinaciam frangendam commodissimum  
 arbitramur. Igitur virginē Israël à Deo sustentatore sic deferendam, ruinæque permit-  
 tendam fore Vates prædicebat, vt resurgere ipsa per se non posset: non qui restituendam  
 omnino esse negaret, sed qui grauissimum, horribilem atque diuturnum casum fore de-  
 scriberet: cuius damna & incommoda à nemine alio quàm Deo possent refarciri. Hunc  
 35 tamen illi redemptorem diutius esse desiderandum, qui antea rogans & inuitans vl-  
 tro esset neglectus. Nihil igitur illis aut studium, aut conatus profuturos, nihil volūtatem,  
 aut desiderium, nihil cursum iacenti virgini opitulaturum, quamdiu illa miserentis Dei  
 auxilio atque ope destituta esset. Propterea addit: [ *Proiecta est in terram suam, non est qui  
 susceperit eam.* Hebraicè est: *Derelicta est super terram suam, non est suscitans eius.* ] Qua oratione  
 40 imbecillæ, & deiecto animo virginis imaginem nobis Vates pingit; quæ cum in terram  
 impetu corruerit, à sponso, quem solum subleuatorem desideret, offensione irato ne-  
 gligatur, atque interim in terra, puluere, sordibus & luctu iaceat, dum maximam sponsi  
 misericordiam de integro detur experiri: atque hoc modo & verissima, & nullo modo  
 vel cum alijs, vel secum pugnantis Vatis sententia est. Namque futuram Israëlitarum &  
 45 Iudæorum integram restitutionem, quemadmodum alij vates, sic etiam & Amos ipse Infra. 9.  
 præcinit; ita tamen vt non humana, sed cælesti Dei miserentis virtute restitutum eos iri  
 docuerit. In diebus illis suscitabo tabernaculum Dauid quod cecidit, &c. Subiungit au-  
 tem: Et conuertam captiuitatem populi mei Israël. Quo in loco eadem duo verba ca-  
 dere & sustentare, vsurpata sunt. Ita tamen Hebraicè distincta res est, vt de vtriusque  
 50 populi restitutione dictum esse constet. Namque tabernaculū Dauid Iudæ regnum fuit  
 cum Israëlita familia coniunctum: deinde vbi res discordia dilabi cœperunt, & Iudæ  
 regnum desijt, & Israëlitarum omnis respublica corruit. Futurum autem esse vates  
 omnes prædixerunt, vt integra Israëlitis familia tam Iudæi, quàm Israëlita in gratiam cum  
 Deo restituta vnius Regis Christi imperio consentiat, cui dedit Dominus sedem Da-  
 uid patris sui in domo Iacob vsque in æternum regnatura, Hæc verò omnia ita Vates  
 f 2 noster

noster in libri fine aperuit, vt nihil aut apertius dici posset aut proprius. Suscitabo tabernaculum Dauid, Iudæorum gentem significat. Feminino autem genere addidit, eam quæ cecidit; vt ad hanc iacentem virginem oratio referenda esse videatur. Vtramque porro partem statim multitudinis numero indicauit dicens: Et ædificabo aperturas earum, tam Iudæorum, quam Israëlitarum res significat. Deinde & rem omnem Dauidicæ familiæ restituendam esse dicit: Et demolitiones eius instaurabo. hic rursus masculino genere vtitur, vt ad Dauidem oratio referatur. Postremo rem ipsam aperit ac manifestat: Et reædificabo eum sicut in diebus antiquis: tandem ne quis ab hac salute Israëlitas exclusos esse interpretaretur, subiunxit: Conuertam captiuitatem populi mei Israël: cuius quidem nullum alium præter se auctorem futurum esse Deus declarat. Ita idem & in hoc, & in illo loco iacentis Israëlitis suscitator appellatur; qui nunc nondum ad-  
 1. Sam. 10. est suscitans siue erigens, tum suscitabit. Hæc huius loci sententia, & consonans explicatio est. Verborum autem rationem aliquam habere oportuerit. Derelicta est. Prætermissionem & despicientiam hoc verbum Hebraicè significat, quo Samuel cum Saule colloquutus utebatur; Pater, inquit, tuus dimissa asinarum cura sollicitus est pro vobis, 15 & illud: Dereliquit Deum factorem suum. *In terra sua*: Humilitatem & miseriam humanam tropus hic significare solet. Nihil enim homini proprium natura est præter lumen, terramque, quod elementorum omnium ignobilissimum ignauissimumque est: Nam ignis, aer & aqua spiritum sortita esse videntur, moueri que & agi ipsa, atque ab ipsis alia agitari conspiciuntur; vnde mechanica illa quæ videntur miracula, ab ijs 20 qui eam artem callent, eduntur. Extat Hieronis liber Græcè, quem de elementorum spiritibus inscripsit. Terra verò omnis motus & efficientiæ expers, deorsum non tam mouetur quàm cadit, atque in infimo loco segnis desidet, neque inde nisi aliena vi & opera attollitur. Hæc terræ consideratio iuxta motuum & spirituum rationem est, atque vt ille canebat,

Quid. i. mea  
mor.

*Densior his tellus, elementaque grandia traxit, Et pressa est gravitate sui.*

Psal. 143.

Iuxta quam rationem Hebraicè *A D A M A* dicitur: namque de eius ad rerum generationem vi & habilitate, vt aliud nomen, sic alia disputatio est. Igitur virgo Israël super terra sua iacens, in summa miseria & ignobilitate fore significatur: sic enim qualis hominum, qui tantum homines sunt exitus esse soleat; eadem etiam oratione describitur: Exibit 30 spiritus eius, & reuertetur in terram suam. *Non est suscitans eius*. Hoc est, Is qui solus eam suscitare potest, non adest illi; quod eam iam non pari, vt antea gratia iacentem profertur, quoad tempus illud maximæ erga eam misericordiæ redierit, sicut scriptum est: Veniet ex Sion qui deleat iniquitatem Israël; & hoc signum eis cum auertero captiuitatem, &c. Threni autem siue Elegiæ sententia, & totius argumenti summa primo hoc 35 carmine continetur; sequentibus autem versibus fusius explicatur, atque elegantem elegiarum artem hoc exemplo cognoscere est: Solent enim lugentes homines compressi doloris, & mœstæ cogitationis totius rationes primo lugendi impetu proferre; & varijs deinde verborum & cogitationum additis membris amplificare & producere. vt:

Augusti car-  
men.  
Propert. l. 3.

*Ergo ne supremis potuit vox improba verbis,*

*Tam durum mandare nefas?*

*Ergo sollicita tu causa pecunia vita es? &c.*

Duas autem res Vates initio propo-

suit: altera fuit, Israëlitem virginem in terra sua iacere: altera verò excitatorem eius desiderari. Vtramque verò subiunctis explicat dictis; priorem quidem sic:

*Quia hæc dicit Dominus Deus, urbs de qua egrediebantur mille, relin-  
 quentur in ea centum, & de qua egrediebantur centum, relinquentur  
 in ea decem in domo Israël.*

*M A G N A M* sub ipsum etiam ultionis & poenarum tempus Dei erga Israëlitem fuisse 50 misericordiam Vates docet, qui populum subito perdere & deserere noluerit, neque manu sua sustentatum ruinæ antè permittere, quàm extrema omnia ad reuocandum tentata essent, si fortè sibi consulere ille voluisset, quominus funditus euerteretur: Nāq. ab hoste nondum abductis, quamuis paucis & rarissimis, quamuis nimium debilitatis; nonnulla tamen restitutionis & salutis spes reliqua erat, dum fundamentum aliquod, dum ra-



dum radices adhuc in ipsa patria terra habuissent. Duras igitur atque inutiles plantas, quæ luxurie ramorum diffuentes, aut in rusticam naturam degenerantes, nullum cultori suo fructum redderent, amputare, abscindere, & interfecare Deus instituit; paucis admodum ad reponendæ restituendæque vineæ spem relictis: hasque superesse voluit; quas nisi idoneum redderent fructum, radicitus euellere atque tollere decreuit. Igitur fame & pestilentia in Samaria, & toto eius agro res ita fractæ, protritæ, & debilitatæ sunt, vt ijs qui ex hac calamitate super essent, si bellum præterea impenderet, nulla omnino salutis spes, nisi in vno diuino præsidio reliqua esse posset: Adeo enim rati ex peste atque ex fame euasere, vt vix decimus quisque superesset, qui bello esset idoneus. *Vrbs*, inquit, *de qua egrediebantur mille, relinquentur in ea centum, &c.* Hebraicè, *Vrbs egrediens mille*. Verbum hoc in loco *militare est*: significat enim armatorum hominum copiam, quam vni cuiusque vrbium portæ effundere soleant: Hæc peste & fame adeo diminuenda esse dicitur, vt nullius belli impetum valeat sustinere: Nihilominus tamé vigore Israël nondum esse deserta, nondû diuina manu derelicta affirmatur, si retineri se illa magis, quàm prorsus desertam esse curauisset. Quoniam autem optimum hoc consilium erat, sustentatore potius suo, quàm aliis rebus vanissimis niti velle; ob eam rem auxilij, curæque suæ promissione Deus vltro eam allicit, atque ab inutilibus studiis ad veras salutis rationes ineundas auocat.

20 *Quia hæc dicit Dominus domui Israël, querite me & viuetis, & nolite querere Bethel, & in Galgalam nolite intrare, & in Bersabee non transibitis.*

FIERI persæpe videmus vt in angustissimis & miserrimis rebus religionis studium incendatur, & quæ humanitus salus desperata sit à diuina natura, vnde verû hominibus præsidium auxiliumque est, petatur. Neque vlla natio tam barbara aut impia est, quæ in maximis calamitatibus diuinum numen adeundum, placandumque sibi esse non arbitretur. Verû enim uero totius huius consilij summa & maximum momentû illud est, quænam verè diuina natura sit, qua ratione placanda, compertum atque exploratum habere: Namq. ijs rebus fidere, quæ à Dei natura longissimè distant, vanissima omnino fiducia, & maximorum incommodorum efficiens fallacia est. Neque enim natura propriæ salutis expers, salutem alijs esse vlllo modo potest: quamobrem quicumque huiusmodi mentito & falso, plenoq. erroris religionû studio, quibus gentes incumbere solent, operâ dederunt cum maximo labore & sumptu, cum maximo molimine maximam sibi vanitatem peperere, sicut scriptum est: Similes illis fiant qui faciunt ea, & omnes qui confidunt in eis. Contrà verò quicumque verum Deum, cuius exploratam certamque rationem tenerent, ritè petere, placareque instituissent, certissimum semper auxiliatorem, experti sunt, sicut scriptum est: Qui timent Dominum sperauerunt in Domino, adiutor eorum & protector eorum est. Igitur Israëlita tantis miserijs & calamitatibus afflicti numen sibi placandum esse iudicauerunt; sed summa in eo fallacia, maximaque dementia fuit, quòd à vero Deo abalienati, ad Bethel vitulos, & ad Galgalorum simula- chra omni studio & cura confugiendum sibi esse putauerunt: dumque publicum malum hac ratione auertere, declinareque student, tamen augent verius & accelerant, quàm declinent: Eam enim rem, quæ malorum illis causâ caputque fuerat, magis ac magis colendo & tractando, malum sibi fouebant atque augebant. Hunc autem illis errorem eripere curat Deus, vt ad sanè mentis, veræque religionis rationem reuocatis salutem ipse vltro offerat & promittat. [*Quia hæc dicit Dominus domui Israël.*] Dominus nomen illud ineffabile, Hebraicè est: cuius rationem & virtutem, atque ad salutis afferendæ certam vim Israël potissimum iam olim notam exploratamque esse oportuit, ex quo Mosi in Sina dictum est: Qui apparui Abraham, & Isaac & Iacob, in Deo omnipotente, & nomen meum Adonai non reuelavi eis: Ego audiui gemitum filiorum Israël quo Ægyptij oppresserunt eos, &c. Ex illo autem tempore Domus Israël sperauit in Domino, adiutor eorum & protector eorum est. Itaque ad hanc rationem ineundam tenendamque, & persequendam domus Israël vocatur. *& viuetis*: in eo enim vno, veròq. Deo certa illis & firma salutis spes esse debet, in quacûq. aliâ re præter ipsum nulla esse omnino potest. Abiicienda ergo illis deponendaq. omnis alia cura, & totû superstitionis studium relinquendum est, atque verus Deus, qui in altis habitat, & Hiero-

Hinc deorû cognitionem hominibus instâ principiu traxisse Plato ait.

Psal. 123.

ibid.

Exod. 6.

folymis sibi ædem ad orationem & supplicationem optauit, sana mente, pio studio, & legitimo cultu est adeundus. [Et nolite querere Bethel.] In Bethel, quæ prius Luza vocabatur, sanum fuisse ab Hieroboamo populi ab Hierusalẽ auertendi causâ extructũ, iam sæpius vidimus. In Galgalis etiam aras, lucosque vanorum Deorum simulachris dicata accepimus. Vtrumque autem locum magna frequentia celebradum & reges curauerunt, & populus ipse susceperat. Ea verò loca vltra superstitionis flagitium, multis etiam alijs Israëlitarum sceleribus contaminata, & Deo vehementer inuisa, atque cultoribus ipsis fatalia reddita fuerant. Ab his igitur locis non inutilibus modò, sed etiam perniciosissimis Israëlitz diuino consilio deterrentur, ne magno labore & dispendio magnum sibi malum parent. Vtitur autem dictorum antithesi elegantissima: *Querite, inquit, me, quem semper auxiliatorem experti estis, verumque accertum Deum, & nolite querere Bethel,* cui præter Dei inane iam nomen, nihil præterea adest: Nam Bethel domum Dei, siue domum fortis significat: quòd si vobis verus Deus *Adonai*, vbi vbi ille sit, querendus ad salutem est, quid iuuat inane tantum nomen sequutos, domum Dei, Deo tamen vacuum, imò potius inuisam, auxiliij causa querere? [Nolite querere Bethel;] in qua nihil iam fortè, nihil solidum, nihil diuinum, sed vanitatem meram, & inanem quandam nuditatem, ac nudum errorem esse, exitus ipse demonstrabit. [Et in Galgala nolite intrare.] Eleganti significationis allusione de Galgalæ existimatione detrahit: Nam quem locum sacrum & diuinum illi putarent, eum locum importunum, funestum, atque vitandum esse vel nomen ipsum arguebat; quando Galgal rotam, volubilemque rem significat; vt mali ominis notationem potius, quàm religionem significatio doceret: Nam quæ felicitas, quæ constans auxiliij ratio in volubilitate esse potest? quam sibi is bonorum constantiam, stabilitatemque aut speret, aut promittat, qui sese rotæ volubilitatiq; commiserit? Quamobrem vel ab aditu ipso infausti, atque horribilis loci deterret; quem locum suo nomine infamatum, notatumque esse indicat. Quòd si ab his locis frequentandis, imò & adeundis, animum & studium ad verum Deum seruato-rem petendum traduxerint, nihil illis esse metuendum, vt extra propriæ regionis fines abductis alio migrandum sit; sed res potius suas diuino beneficio restitutum, confirmatumque iri sperandum est. [Et in Bersabee non transibitis.] Quibusdam huius vaticinij expositioribus placuit, Bersabee locum esse in quo vituli etiam ab Hieroboamo adorandi causa consecrati fuissent: idque ex illo Vatis dicto arguunt: *Viuat Deus tuus Dan, & viuat via Bersabee.* Vetari igitur eos atque reuocarine Bersabee locum petant. Sed tamen orationis ipsius diuersa ratio aliam nobis exponit sententiam: Neque enim ait, Nolite querere Bersabaa; neque hoc modo, In Beersebaa non intretis, sed Bersabee non transibitis. Præterea vtrique loco Bethel & Galgalæ, atque eorum cultoribus instantem calamitatem prædixit, [Bethel erit inutilis, & Galgala captiua ducetur:] Bersabee verò nihil huiusmodi adiecit. Itaque alia loci huius sententia est; quam nos iam superius indicabamus. significat enim, Israëlitas si relictis prophanis locis petendi studio ad verum Deum querendum se totos conuerterent, quamuis afflictos, quamuis varijs modis hætenus labefactatos, non tamen radicitus eriuendos, aut à patria regione abducendos fore. Promissum ergo potius quàm iussum hoc est, [Et Bersabee non transibitis.] Namque tota Israëlitarum regio duobus insignibus terminis continebatur: Dan à Septentrione, & Bersabee à meridie, sicut scriptum est: Et congregetur ad te vniuersus populus Israël à Dan vsque ad Bersabee. Certas itaque & stabiles fore sedes affirmat, si modò consilij acquiescere diuinis velint. Quòd si stultum & impium propositum vrgentes religionis causa Bethel & Galgalam petere perseverarint, iisdem illos sententiæ periculis illaqueatos, eandem supplicij expectatione implicatos, eundem cum locis ipsis exitum fore habituros.

*Quia Galgala captiua ducetur, & Bethel erit inutilis.*

Elegantibus paronomasijs sententia hæc pronuntiatur, cuius vis Latina versione explicari non potuit: sed nos eam Latinis literis indicabimus. Galgal rotam proprie significat, & à verbo Gala, hoc est migrare, deducitur. Nomen verò eiusdem verbi geminatione constat, Gal, gal, migrare, migrare. Repetitio autem eiusdè verbi Hebraico sermone, rem negotiũq. ipsum asseuerat & confirmat: vt plorans plorauit in nocte, &c. Visitare visitabit vos Dominus. Hebraicè sic legimus. Galgal, gala ijgale, hoc est, Galgal migrare migrabit:

migrabit. non tam locum ipsum, quàm qui in eo fuerint homines migraturos dicit; Metonymiaque vsus figura est. & Bethel; quod nomen domus fortis significat, *erit inuutilis*. Hebraice propriè est, *erit in vanitatem*: Alludit enim ex antitheto oratio, vanumque ac nudum cultoribus & habitatoribus suis inanem locum fore portendit, cuius loci colendi studium, inanitatem tandem omnium rerum pariturum sit. Cum itaque nihil ex his locis præter malum reportare possint, ad salutem vnde solum accipere est, petendum de nouo vocantur.

*Querite Dominum & uiuite, ne forte comburat vt ignis domus Ioseph, & deuorabit, & non erit qui extinguat Bethel.*

- 10 TOTVS hic locus misericordiæ & iustitiæ est, in quo omnis pœnarum & calamitatum, omnis damnationis causa in hominum culpâ & negligentiam transfertur, qui oblatam sibi à Deo, & sæpius, promissam salutem negligunt, & tenebras magis quam lucem propterea diligunt, quod eorû opera & studia mala sint. facessat ergo incerta omnis de prædestinatione disputatio, & vanæ ac fallæ philosophiæ cõmentia fileant, quando nullum
- 15 in vniuersa diuinorum librorum doctrina, aut prædestinationis, aut præscientiæ impedimentum hominibus ad salutem infertur: sed quare salui illi non sint, omnis culpa in eorû voluntate atque negligentia & malitia residet. siquidem neminem hominem Deus perire vult, sed omnes ad pœnitentiã reuerti, quos ipse vltro semper adit, rogat, & quoad id res ratioq. pati potest hortari & monere, & iã vehementius accusare non desistit, vt magnum ipsi sibi malum parare fugiant, sed planè ij nec adeuntem admittunt, nec rogantem audiunt; neque vllum hortationibus aut admonitionibus diuinæ misericordiæ locum relinquere volunt; quam qui neglexerint, diuinæ iustitiæ cedant necesse est. Namq. misericordia & veritas venientis Dei faciem præcedunt; iustitia verò ponè sequitur, quæ
- 25 alteram illam diuinam virtutem respuentes, meritis scelerum suppliciis prosequatur. Semel loquutus est Deus, duo hæc audiui: quia potestas Dei est, & tibi Domine misericordia, quia tu reddes vnicuiq. iuxta opera sua. Potest quidem vtrumq. Deus, sed tamè illi antiquior misericordia est. Ad hanc verò normam omnis hæc de salute hominum ratio reuocanda, exigendaq. est, nisi multa nobis ipsis, atq. adeo diuinorû librorû veritati dissentanea dicere libeat. Sperate in eo omnis cõgregatio populi, effundite coram illo corda vestra, Deus,
- 30 adiutor noster in æternũ, sic idè Psalter canebat. Nemini ergo homini benignitas diuina deest, nisi iis tantum qui sibi ipsi deesse voluere. Ob eam rem sæpius iã rogatos rursus adit, eosdèq. iterum ad salutem vltro inuitat & hortatur; nomèq. illud suum misericordiæ mysteriis plenissimè prætedit. [*Querite Adonai, & uiuite.*] Viuite, vox Dei est in quo vita erat, & vita erat lux hominum, & lux in tenebris lucet. Quod verò de supplicio & pœnis inferendis subiungit, eò pertinet, vt vel promissionibus ad vitam vocatos alliciat, vel à morte proximi instantisq. mali metu deterreat. [*Ne forte comburat vt ignis domus Ioseph.*] Ne fortè, inquit, hostilis manus Ephraim, Samariæque relictum populum ita vastet, vt igni actum credi possit. Vocat autem Samariæ populum domum Ioseph, quod Ephraim, cuius caput Samariam esse Isaias dixit, ex Ioseph filiis erat, adnumeratus tamè filiis Israël, sicut scriptum
- 40 est: Duo ergo filij qui nati sunt tibi in terra Ægypti antequam venirem ad te, mei erunt, Ephraim & Manasses, sicut Ruben, & Simeon reputabuntur mihi: Reliquos autem quos genueris post eos, tui erunt. Ad hanc verò rationem Ephraim res hoc in loco reuocatur: cui, si dignitatem suam, antiquumque locum Israël nomen tueri placeat, præstò est Dominus Deus Israël, qui se protectorem, tutoremque eius domus semper fore iam olim est professus. Non vocaberis, inquit, vltra Iacob, sed Israël erit nomen tuum, & appellauit eum Israël. Dixitque ei: Ego Dominus omnipotens, cresce & multiplicare, &c. Quamdiu autem in iisdem conditionibus manere vellent, tamdiu Dei omnipotentis gratiam, tutelam & beneficentiam poterant experiri: vbi verò
- 45 nominis vim atque fœderis conditiones respuerent, nomen ipsum Israël proditum deponere, & Iosephi tantum nomen captare videri possent. Atqui de Iosepho aut Iosephi filiis nulla promissio diuina nulla priuatè suscepta cura est, nisi quatenus in patriam Israël familiam venientes, obscurius nomen amitterent, sicut scriptum
- 50 est: Deus qui pauit me ab adolescentia mea, & angelus qui eruit me, benedicat pueris, istis, & inuocetur nomen meum super eos, & crescant in multitudinem super terram.

Quod si Israël's nomen virtute & re ipsa tueri nolueritis, sed domus potius Ioseph esse optaueritis, ardebit ut igni domus Ioseph; & Bethel, quam colenda vobis religioni priuatè consecratis, vnà cū suis cultoribus igne absumetur, qui cum à Deo nō extingatur, à nemine alio extingui poterit, neq. prohiberi quo minus omnia vasta atq. deserta reddat: *& deuorabit, & non erit qui extinguat Bethel*: tantum abest ut eius loci religio, vel potius superstitio prodesse vobis possit, ut maximè etiā noceat. Hic locus sic Chaldaicè legitur: *[Et incendet, & non erit extinguens in culpatis, qui colentes fuerint abominationem in Bethel.]* Ut aut Metonymiam suam explicaret, & quidnam nomine Bethel significauisset, exponeret, statim subiecit:

*Qui conuertitis in Absynthium iudicium, & iustitiam in terra relinquitis.* 10

REGES potissimum & principes atque magistratus hac oratione significari, ipsum eorum officium declarat: Namque eius ordinis homines exercendi iudicij, iurisq. dicundi muneri ac officio præsunt: horum studia reliquus populus imitatur ac sequitur: hi ad gubernacula reipublicæ sedentes, aut rectam nauim tenere, aut euertere pro arbitrio possunt. His nihil antiquius, nihil sanctius, nihil iucundius iustitia atque æquitate esse debuit; quarum maximarum ad rempublicam gubernandam artium, si tanta illis cura fuisset, quantam esse oportuit, nihil publicè laboraretur: nam & suum religioni obsequium, suum vnicuique hominum ordini ius tribueretur, omniaque ex æquo & bono, ex ratione, non ex libidine gererentur: iusti autem & æqui ratio, non ex priuata cuiusq. sententia, sed ex diuina lege petenda fuerat. Porro diuina lex nullam aliam, quam antiquam illam & exploratam religionis & pietatis viam muniri permetteret; nullum alium quàm verum Deum pateretur coli; ita adeo & religionis ratio cum publicarum rerum rationibus, & publicarum rationes rerum cum religione conuenirent. Omnia autem hæc contrà quàm par erat, atque decuerat, curata ab his sunt: qui cū intelligerēt nulla re magis ambitioni, cupiditatibusq. suis, quàm diuina lege obfisti posse, ipsam imprimis legem abiecerunt: deinde religionis rationes turbarūt, & Deum ipsum deniq. repudiarunt; aliamque pietatis viam inierunt; cuius viæ affectandæ duces populo facti, voti sui compotes euasere: Nam cū nulla veræ religionis facies, nullum diuinum caput, ad quod cætera referrentur, esset reliquum; facile ipsis, proumque fuit diuina atque humana iura omnia peruertere, & omnes iustitiæ atque æquitatisiugulare rationes; nec quod publicis rebus commodissimum, sed quod suis ipsorum priuatis tantum commodis compendiosissimum foret statuere. Namque vbi diuinum timorem exuere, maximè autem ij quos ad gubernacula sedentes cupiditas atque ambitio transuersos agit, nihil propriis commoditatibus iucundius, ac suauius, nihil iudicio & æquitate insuauius, acerbiusque esse putant. Quamobrem non solum cogitatione & animi sententia, sed re ipsa & studio: *[Conuertunt in Absynthium iudicium, & iustitiam in terra relinquant:]* Sic Hebraicè in præsentī tempore pronuntiatur: cū nihil iudicio & æquitate suauius experiri possint ij, qui sana mente, sensibusque integris sunt, sicut scriptum est: A iudicijs tuis non declinaui, quia tu legē posuisti mihi. Quam dulcia faucibus meis eloquia tua, super melori meo. Et quia eloquia tua iucunda, ecce concupiui mandata tua, in æquitate tua viuifica me. Absynthium autem herbarum omnium amarissima est, cui ab amaritudinis grauitate nomen Bathypricon à quibusdam factū esse Dioscorides ait. Huius autem plantæ nomen in quocunque aut naturæ, aut fortis tristi acerboque sensu, à sacris vsurpatur auctoribus. Edificauit in gyro meo, & circundedit me Absynthio & labore. Huius enim amaritudinis vim Romanus Poëta indicauit cū cecinit:

Nam veluti pueris Absynthia terra medentes Cū dare conantur, &c.

*[Et iustitiam in terra relinquant.]* Iudicium in sacris idem quod apud Latinos ius: iustitia verò hic id quod æquitas significat. In æquitate autem misericordia animique moderatio est: vnde & pro misericordia iustitia vsurpatur, ut: Attendite ne iustitiam vestram faciatis coram hominibus, &c. Ab ijs ergo ius violatū æquitatemq. desertā esse, à quibus vtraque ars religiosè culta, sanctissimaque esse & potuit & debuit. *[In terra relinquant:]* Iacere in terra sinunt iustitiam quàm in benè constituta republica stare & vigere oportuit. Igitur populum Israëliticum ab horum principium studio ad se hac elegia reuocandum curat Deus, ostenditque eos, qui sibi ad pietatem & salutem duces, & publicæ vtilitatis procuratores esse debuerant, quod sublati de medio æquitate & iudicio, religionis rationibus

Isal. 118.

Dioscor. li. 3.  
cap. 24.

Thren. 3.

Lucretius.

Manh. 7.

45



nibus extinctis, ad impietatem potius duces, atque ad malum impulsores fuerint. Vbi  
verò iam significauit quos à quibus sequendis ducibus potissimum deterruerit, ad quem,  
quantumq. salutis auctorem reuocet nunc iam deinceps subiungit:

Facientem Arcturum & Orionem, & conuertentem in mane tenebras, &  
diem in noctem mutantem.

NVLAM maiorem à regibus, principibus & magistratibus vtilitatem capi aut  
experiri posse, quàm vt iudicium æquitatemq. in publicis & priuatis rebus exerceatur.  
Iniquos verò non principes, verùm tyrannos, hostesq. vocandos vates superius do-  
cuit: atque ab huiusmodi principum obsequio ad veri Dei cultum Israëlitas vocauit.  
Quis autem & qualis, quantusq. Deus hic, vt toto terrarum orbi, maximè verò iis  
qui illum colunt, beneficentissimus; vt contrà ad impietatem, sacrilegia, sceleraq.  
omnia vlciscenda potentissimus sit, tribus grauissimis de prouidentia argumentis do-  
cet. Maximi enim momenti & ponderis ad virtutem, pietatemq. hominibus persua-  
dendam, certa prouidentia cognitio est. Hanc autem Dei virtutem, & de rebus hu-  
manis curam, omnibus populis certam exploratamq. esse in illo elegantissimo hymno  
Psaltes petebat: Exurge Domine in præcepto quod mandasti, & synagoga populorum  
circundabit te: & propter hanc in altum regredere: Dominus indicat populos, &c.  
Triâ autem potissimum ad prouidentiam probandam argumenta, experpetuis & pu-  
blicis naturæ rationibus sacri auctores afferre solent; quæ cum omnibus hominibus  
quicunque sensum aliquem rerum habent captu facilia sunt, tum doctissimis etiam,  
& ab intelligentia sensuq. imperitorum longissimè disiunctis mentibus, animum ad  
cam rem credendam permouent. Primum quidem argumentum ex stellarum natura,  
situ, cursibus, progressionibusq. sumitur; quorum omnium ratio atque constan-  
tia certam rectoris prouidentiam arguit. atque ita Isaias: Leuate in excelsum oculos  
vestros, & videte quis creauit hæc: qui educit in numero militiam eorum, & omnes ex  
nomine vocat, &c. Atq. alterum verò argumentum, noctium, dierumq. vicissitudines, vnde com-  
mutationes temporum quadripartitæ suppeditant, sicut scriptum est: Dies dici crudat  
verbum, & nox nocti indicat scientiam. Tertium porro argumentum, ex pluuiarum &  
imbrium generatione oportunitate atque vtilitate petitur: quod vapores qui à Sole ex  
agris tepefactis, & ex aquis excitantur, in densiorem naturam concrescentes, certis pro-  
diuini imperij ratione temporibus terræ faciem irrigent, & foecundam reddant. Qui dat  
pluuiam super faciem terræ & irrigat aquis vniuersa. Quoniam autem imbres, non  
tam certis naturæ rationibus, quam diuinæ voluntati & arbitrio parantur, propterea Za-  
charias dicebat: Petite à Domino pluuias in tempore serotino: & Dominus faciet ni-  
ues, & pluuiam imbris dabit eis, singulis herbam in agro. Omnia porro hæc diuinam  
erga terrarum orbem prouidentiam & commoditatis atque vtilitatis humanæ curam  
arguunt: namq. stellarum cursus, & constitutiones, & lucis noctisq. vicissitudines, pluuiarum  
oportunitates, magno ad hominum, cæterarumq. animantium vitam afferen-  
dam, atque alendam vsui sunt: ita vt inferiora hæc à superioribus regantur & gubernen-  
tur, vt etiam Philosophi tenent. Igitur quæ apud alios auctores sparsa separataq. argumen-  
torum capita sunt, ea Amosus noster in vnam coacta orationem explicuit; docuitq.  
Isrælitas ad eum colendum Deum & principem sibi vocari, qui totius mundi guber-  
naculum teneat, & pro humanarum rerum vsu atque vtilitate sapientissimè mode-  
retur & tractet; non qui iudicium in Absynthium, vt alij, conuertat; sed qui res vti-  
lissimas & necessarias terris paret; atque alioqui molestissimas, nisi temperentur, ita gu-  
bernet, vt maximas simul orbi commoditates, maximam auctori ipsi gloriam laudèq. ex  
illis afferat. Est autem eiusmodi Dei virtus & sapientia, vt [faciat Arcturum & Orionem.] Atq.  
hæc potissimum astra ex omnibus aliis vsurpauit; quorum dissimilis omnino natura & effi-  
cientia est, cum alterum calore, alterum frigiditate abundet, & tamen vtriusq. vi fructus &  
crescunt, & maturescunt: de quibus suo in loco, si Deus id nobis benignè concesserit, di-  
cemus; præsens siquid ac propria de his astris disputatio apud Iob est, ex quo loco à vati-  
bus citari solent. Vtrumque autem horum vehementer agris atque animantibus noceret,  
infestumq. esset, nisi certis diuinæ sapientiæ rationibus & modis temperaretur. Idem  
etiam Deus noctium dierumq. vicissitudinibus, & temporum rationibus sapientissimè con-  
fuit:

Gen. 1.

Psal. 103.

fulit: conuertit enim mane in tenebras, hoc est, diem in noctem, sicut scriptum est: Et factum est vespere & mane dies vnus. [*Et diem in noctem mutantem:*] dierum ac noctium quantitates variae ad hanc etiam rationem referuntur: Hæc enim & vsum etiam sui humanis rebus præbent, & diuinæ sapientiæ atque virtutis admirationem mouent, atque omnia hæc auctorem suum Deum commendant, sicut scriptum est: Sol cognouit occasum suum. Posuisti tenebras & facta est nox. &c. Ortus est Sol, & congregabuntur, & in cubilibus suis collocabuntur, exhibit homo ad opus suum & ad operationem suam vsque ad vespërâ. Pluuiarum verò imbriumq. naturam, descensum & vsum sic describit:

*Qui vocat aquas maris, & effundit eas super faciem terræ, Dominus nomen est eius.*

10

Gen. 1.

MAXIMAM totius imbrium & pluuiarum materiæ partem mare suppeditat: namq. humoris proprius ac maximus, abundantissimusque locus ille est, diuina prouidentia ad terrarum orbis commoditatem potissimum definitus, sicut scriptum est: Congregentur aquæ in locum vnum, & appareat arida: & appellauit Deus aridam terram, & congregationes aquarum appellauit maria. Ex illo falsissimo loco solis vi vapores excitantur, qui Deo rem temperante in dulcissimam, terræque oportunam aquam conuertuntur: qua in re egregium imprimis artificium admirari est, quod grauissimum natura sua elementum ad leuitatem redactum, atque in sublime latum, in nubes densari, & à ventis impelli; deinde in guttas coactum terræ superficiem irrigare deprehendatur. Tota autem huius artificij ratio hoc Amosi versu continetur: [*Qui vocat aquas maris, &c.*] Quam rationem quoniam diffusius explicare non vacat, satis fuerit indicasse. Hactenus Dei prouidentiam, & benignitatem, atque publicæ vtilitatis curam ostendit, quam rem nomine etiam ipso appellato declarat: *Adonai nomen eius*, quod nomen ineffabile cum sit, tamen in misericordiæ & beneficentiæ rationibus plerumque vsurpatur. Neque verò alium quenquam esse Deorum, vel eorum potius qui pro diis habentur, cui hæc rerum natura sublit, dictoq. obediens sit, præter hunc beneficentissimū & benignissimū, cui nomen est *Adonai*, qui sese Israëlitarum tutorem, protectoremq. tantis iam olim exemplis professus præstitit, atque hæc quidem omnia Deum natura ad misericordiam facilem, ad inferendam poenam, ad vltionem etiam paradam potentissimum arguunt: Nam qui stellarum cursus & constitutiones temperare, dierum noctiumque vicissitudines componere, aquarum vim in sublime ferre, & terris oportunè immittere & nouit, & potest, idem etiam harum rerum naturis vt ad vltionem potest, & perpetuam cui voluerit noctem parare, grauemque hominibus, hominumque rebus aut. astrorum vi et efficientia, aut aquarum diluuiio. afferre calamitatem, sicut scriptum est: Hunc humiliat, & hunc exaltat, quia calix in manu Domini. &c. Cum autem ille, vt natura misericordissimus est, ita etiam sit iustissimus, eos qui priorem illam eius virtutem repudiarent, & neglexerint, hanc alteram vt ostendat consentaneum est. ea verò huiusmodi est:

Psal. 74.

*Qui subridet vastitatem super robustum, & depopulationem super potentem affert.*

40

MULTIPLES esse Dei exercitus sacræ literæ passim ostendunt; sunt enim superiores, quorum natura quanquam ad orbis vtilitatem plerumque Deus vtatur, tamen ad impiorum vltionem parandam vt etiam potest & solet, id quod diluuij tempora & Egyptiorum calamitates testantur. Sunt etiam inferiores, cum ex cæteris animantibus, tum ex hominum genere coactæ copiæ, per quas rem ille cum vult, pro arbitrio atq. sententia agit: His enim spiritus atque animos addit ad omnē aliorum hominum contemnendam frangendamq. vim, quibus neq. hostium expectata virtus, neque militaris scientia, neq. armorum aut propugnaculorum moles, neq. locorum munitio, impedimento esse potest, quo minus omnia demoliantur & vastent. quam rem omnium ferè hactenus regnorum & magnarum vrbium exitus, arguit, & Senacherib ille Israëlitarum rerum vastator satis aperte docet. Hic ergo Deus *Adonai* dictus, vastationem potentissimis hominibus & robustissimis affert, atque munitissimis etiam vrbibus excidium per homines parat; quos & viribus animisq. auget, & calliditate atque scientia ad eam rem instruit. Hebraicè locus hic sic habet: [*Qui fortificat vastationē super robustum, & depopulans super munitionē adueniet.*]

niet. Chaldaicè autem sic: *Qui fortificat debiles aduersum fortissimos, & prædatorem super vrbes eorum munitissimas immittit.* ] Cum autem tanta vltio, tanta ac tam certa, iustissimaq. adeo calamitas Israëlitas, atque omnes quicunque eos impietate & iniuria fuerint imitiati maneant; oporteatq. eos admonitos & correptos, sibi metuentes ad Deum conuerti atque ad bonam frugem sese recipere, gratosque esse iis qui honestiora atque vtiliora suadent, tamen vt hic etiam cæteris eorum flagitijs cumulus accedat:

*Odio habuerunt corripientem in porta, & loquentem perfectè abominati sunt.*

HÆC maxima hominū malitia, hæc insolentia est, vt, cum publicè ab illis committantur scelera, quæ cum palam summo studio aperta iniuria fiant, neq. corrigere se ipsi velint, neque priuatè reuocari, neque publicè reprehendi patiantur, seorsum & secretè moneri arguiq. contemnāt, publicè peccare non vereantur: peccatorum publicè argui, grauius & iniquo ferant animo. Singulorum scelera & flagita occultè & in facie reprehensa esse oportuit. Atque hoc quidem diuini verbi ministrorum officium erat, sicut scriptum est: Si me dicente ad impium, impie morte morieris: non fueris loquutus vt se custodiat impius à via sua, ipse impius in iniquitate sua morietur, sanguinem autem eius de manu tua requiram. Sed quia tyrannide atque insolentia hominum effectum est, vt vnusquisq. aditum ad se reprehendendum, arguendumq. superbè præcluserit, atque quod charitate & studio fit, odio & malevolentia factum esse interpretetur, aliam etiā viam munire Deo placuit, vt nominibus celatis vitia publica publicè notentur, atque officiorum rationes palam exigantur & tractentur: eoque modo cum quisque sibi aut cauere, aut consulere possit, nemo priuatam in se maledicentiam aut interpretari posset, aut queri. Quamobrem idem in eodem loco Deus, quæ singulis priuatè obijcienda erant, publicè agi per Vatem curat: Tu ergo fili hominis dic ad Domum Israël &c. & tamen tantum hominum, peccandi studium, tanta pertinacia, tam immoderata libertas, viuendique licentia est, vt in ea re tantum non laudari molestè ferant, moneri iniquissimè patiantur, reprehendi odio, inuidiaque dignum putent. Olim apud Israëlitas hominum conuentus in vrbium portis celebrari solebant: namque is locus faciendis iudiciis idoneus visus est, & tum ciuibus, tum maximè hospiti ius suum persequenti commodus, sicut scriptum est: veritas & iudicium pacis iudicate in portis vestris. In eo loco vates, qui neminem hominem priuatè læsum volebant, publica peccata diuinis verbis publicè arguebant; ibidem de religionis rebus componendis perorabant; & quod iudicibus, magistratibus & scribis is locus frequens erat, de horum etiam officiis verba à vatibus fieri consueuere. Hi verò Dei ministros vera & manifesta locutos, indignissimis modis exceptos, summa inuidia atque odio persequiebantur: [*& loquentem perfectè abominati sunt.*] Vbi Latine, *perfectè* legimus. Hebraicè vox est, quæ perfectionem & simplicitatem significat, quo verbo vatum & piorum hominū ingenium maximè indicatur, qui non odio, non mauolentia, non gratia ducti, sed summo religionis, & publicæ vtilitatis studio incensi, imò à numine incitati, rem candidissimè & simplicissimè agerent; & tamen illud præmij atq. mercedis loco accipiebant, quod se abominatione affectos experiebantur. Verbum etiam *Abominandi* religiosum apud Hæbræos est, atque ad eas res pertinet, quæ impiæ, prophanæ, execrabilesque censentur. Vt illud: Abominatio est Ægyptiis omnis pastor ouium. Multæ autem de huiusmodi nefariis rebus definitiones, multa earum rerum genera, exempla que in sacris legum libris sunt, in quibus nullum reperire possis quo simplex atque innocens dicendi arguendiq. libertas notetur: & tamen ea est hominum malitia, vt sacris religiosis verbis ad suam libidinem, suamque corrupta studia defendenda abutatur: Nam vbi quis vel ex superiori, vel ex æquo loco de publicis moribus, imò de publicis sceleribus paulo simplicius, liberiusq. dixerit, maximè autè si principes homines & magistratus illa perstringat oratio, eum non solum summam omnium ordinū & populi inuidiam, sed detestabile etiam nomen sibi parasse videmus, atq. illud is leuissimum sibi putare, lucroq. apponere possit, si stultus aut insanus tantum, si non sacrilegus & prophanus, si non etiam aut schismaticus, aut hæreticus audiat: huiusmodi namq. verbis ad alias omnino rerum rationes inuentis, ad liberam bonorum & sapientum virorum simplicitatem expugnandam & frangendam quorundam hominū malitia atq. pueritas abuti solet. *Loquentem perfectè*, id est simpliciter, *abominati sunt*. Locus hic Chaldaicè sic habet, *Odio habent eum, qui obijcit*

Ezech. 33.

Zach. 8.

Gen. 43.  
Leuit.  
Deuter.

objicit illis in domo iudicij verba legis, & loquentē candida circūueniunt. Sed quę amentia, quę perueritas illa magna est, nolle pati vt eorum publica scelera publicē celatis etiā nominibus, cādide ac simpliciter arguantur, dignosq. odio atq. inuidia iudicare eos, qui & pietatis & publicę vtilitatis studio incensi, vnumquemque ordinem officij admoneant sui, & tamen eas insignes iniurias, quarum arguuntur, atque eadem scelera palam admittere, eorumq. scelerum atq. iniuriarum memoriam amplissimis monumētis consecrare, posterisq. testatam iri curare? Nam etsi maximē boni simplices viri tacerēt, tamen ipsa quę ab eis quotidie iniuriarum exēpla eduntur, ipsa assidua pauperiorum hominum expoliatio, & oppressio, pietatis causam aduersum eos summis ac maximis clamoribus agit. Ipsa tanta ædificiorum moles, tanta villarum, prædiorum, & vinearum copia & magnitudo ex pauperum spolijs parata, manifesto iniuriarum præsentibus testimonio venientibus sunt etiam seculis, atque alijs gentibus perpetuo futura: Namq. vsus fructusq. tum magnarū ædium, tum fundorum & prædiorum tot ac tam pulchrorum, quę illis ex iniuria atq. calumniis parabantur & colebantur, nullus sibi, sed aut nullis, aut alienis colonis erit, tantūm ignominia, & iniuria monumentum sibi erit perpetuum. Itaq. dum isti iniuriarum argui nolunt, æternum sibi ipsis iniurię simulachrum in ædibus, in portis, in agris suis collocant. hæc illorum, qui subijciuntur, versuum sententia & consequentia est.

*Idcirco pro eo quodd diripiebatis pauperem; & prædam electam tollebatis ab eo, domos quadro lapide edificabitis, & non habitabitis in eis: vineas plantabitis amantissimas, & non bibetis vinum earum.*

OSTENDIT frustra illos bonis viris silentium imponere velle, cūm vnde quaque in sese testimonia comparent, & iudicium etiam damnationem certam sibi moliantur; quippe qui præter alias quas subituri sunt pœnas, rebus etiam per iniuriam partis erant mulctandi: Nam vitia hominum atque fraudes, dāno, ignominia, exilio, morte, mulctantur, sicut scriptum est: Thesaurizat, & ignorat cui cōgregabit ea. &: Quomodo facti sunt in desolationem? subito defecerunt, perierunt propter iniquitatem suam &c. Idcirco quamuis maledicentiam (quā vocatis) auertere conemini, nihil tamen efficietis: namque vestra vobis vita, vestri mores, & studia vestra, non maledictionem solum, sed perpetuam vnā cum damno contumeliam pariēt. [Pro eo quod diripiebatis pauperem.] Hebraicè verbum *diripiebatis*, direptionem cum cōculcatione coniunctam significat. [ & prædam electam tollebatis ab eo, Hebraicè, & onus tritici tollebatis ab eo. ] Quantum frumenti ille miser atque inops summō labore metere, & humeris suis domum asportare vix poterat, quo suam vxoris, atque liberorum vitam aleret, nil habuit pauper; quis enim negat, & tamen illud perdidit infelix, totum nil idq. calumnia & iniuria eorum, quorum officium fuerat pauperum egenorumq. rebus & fortunis consulere potius, quā insidiari, sicut scriptum est: Quomodo facta est in meretricem ciuitas fidelis, plena iudicij; Iustitia habitauit in ea, nunc homicidæ: Cūm autem id quod à singulis aufertur exiguū admodum, magna verò & insatiabilis eorum qui auferunt & expoliant cupiditas atque auaritia sit, ad multos eam iniuriam & calamitatem pertinere necesse est: Nam si tantum frumenti pauperi quantum humeris portare possit, ad suam suorumque vitam tuendā contingit, atque id tam exiguū pro electa præda ipsi habetur, cui neq. suppetit vnde iumentum emat aut pascat, quo se onere leuet, rursus etiā si diuiti ac potenti nihil satis ad ambitionē atque libidinem explēdam sit, non enim quocunq. ille domicilio contentus est, nisi ædes & materia, & opere magnificentissimas extruat: neq. quocunq. fundo, nisi vineas ædificijs & pulchritudine omni ornatissimas instituat: quānam aut quot pauperum fortuna satis esse ad eam rem possint? [domos quadro lapide edificabitis:] Hebraicè est in præterito ædificauistis, & plantastis, quod iam inceptum opus & penē absolutum sit. *quadro lapide:* & materiæ, & artificij excellentiam hæc oratio indicat: Consequitur enim portas, fenestras, prostyla, & vestibula, partesq. omnes ædium certa mensura, proportionē, & pulchritudine nō caruisse, quarū vel ipsi muri quadro & operoso lapide constarēt. [Vineas amantissimas, Hebraicè est, vineas desiderij:] quas nō solū vtilitatis, sed animi etiā causa instituitis & plantastis: hæc autē quibus ornamentis caruere? Dolendū maximē est quantis multorum laboribus & sudoribus paucorum hominū cōmoditates, deliciæq. cōstent. Væ vobis diuitibus, qui habetis consolationē vestrā: ecce clamor eorū, qui à vobis oppressi sunt, introiuit in aures

Psal. 38.  
Psal. 72.

Isai. 1.

Luc.  
Iacob.



aures Domini Dei Sabaoth. [*non habitabitis in eis; non bibetis vinum earum.*] Citissimam maturamque admodum illis fore poenam & calamitatem significat, atque antea venturam, quam aut constructam aedes, recentis operis atq. humoris incommoditate & cruditate exhalata, habitationi oportunæ sint, aut plantatæ, cultæque vineæ fructum vino idoneum ferant. Vtramque autem rem non multo ad vsum temporis spacio egere, & architecturæ, & agriculturæ ratio, & ipsa experientia docet: atque adeo huiusmodi malè partorum, cum dominis suis, exitus esse solent, quales Ephaitarum fuere, quos Assyrius hostis paulò post quàm prædicta hæc sunt, alios vita, alios fortune omnibus, & patria priuauit. Illud ex Hebraicis mysteriis non visum est prætermittendū. Quod vbi Latinè legimus [*vineas amantissimas,*] in exemplari est, [*vineas concupiscentie,*] atque id verbum; non solum animi causa plantatas, sed auaritia & cupiditate cõparatas fuisse significat; iuxta illud: Et concupierunt agros, & tulerunt eos, & rapuerunt domos, & calumniabantur virum & domum eius, virum & hæreditatem eius. Neque enim suis sudoribus & laboribus hæc sibi parauerant, sed aliorum operis & labore parta, propria illi calumnia, fraude, dolo malo, ac vi, aut saltem nimis callida iuris interpretatione vsurpabant: id quod si maximè à vatibus atque à bonis & sapientibus viris fileretur, res ipsa palam accusabat; eaque accusatio diuinis aures, oculosque tentabat, & ad ultionem atque vindicationem incitabat; hoc est quod subiungit: Mich. 2.

*Quia cognoui multa scelera vestra, & fortia peccata vestra.*

NEQUE enim adeo aut rara sunt aut leuia, quæ à vobis iniustissimè perpetrata fuerunt, vt vel hominū, nedū Dei occulta cognoscētis oculos & scientiā fugiāt. Sed nequis eorum crimen depellere posset, iniuriamque aut vim à se factam vlli fuisse inficiari, quando nihil aut armata manu, aut aperta vi, aut impetu factum esse constaret. Eam defensionem Deus per vatem infirmat, diuisione, definitioneque vsus; qua quid sit oppressio, quid vis, docetur, & arguitur. Est autem argumentatio in statu definitiuo constituta: dixerat namque se multas rebelliones eorum, & grauissima peccata cognoscere, quod aduersum ius atque fas non minus fratres, conciuēsque suos vexassent, ac diripissent; quam si capitales hostes essent: neque leuiorem direptionem esse, quæ fraude & calumnia, acerrimaque ministra prætorum, ac iudicum auaritia fiat, quàm quæ bello & hostili manu paretur; immò eo esse grauiorem, quod innocentioribus, quod amicis hominibus, quod fratribus, quod tenuioribus denique fiat; idque nullo inuadentium periculo, sed maiori iniuria, maxima iuris fraude, iudiciorumque corruptione, & pacis communisque societatis incommodo; adde etiam quod iuris nomē aduersus eos vsurpatur & torquetur, qui præter ius ipsum nihil aliud quo se tueantur habent. His cum hoc vnum salutis & fortunarum præsidium, vi, fraude, & calliditate fuerit expugnatum, nihil præterquam vt direptionem tacitè patiantur, est reliquum: Nam contrà vel mutire ausis simile salutis & capitis periculum est subeundum, atque iam subitum fuerat fortunatum. Verè ergo vis maior, ac manifesta magisque calamitosa est, quæ iuris nomine, calumnia & fraude, quàm quæ bello hostilique manu affertur: Nam præter ea quæ dicta sunt, & mitius hostes quàm insidiatores isti cum miserrimis hominibus agere solent: hostis enim ea tantum diripit, quæ ablatu, asportatuque facillima sunt: vt aurum, argentum, vasa, pecunias, & pretiosissimam, si fortè contigit, vestem. Isti verò qui iudicio circumuentos miseros opprimunt homines, nullis omnino rebus vel leuissimis aut exiguis parcere nouerunt, non domibus, non prædiis, non vestibis, non supellectili, non denique tritici oneribus. Igitur quid vis, quid direptio propriè sit, definitum à Deo est, dicente: Ego noui, &c. Nunc verò partitione, definitio ipsa declaratur atque ostenditur.

*Hostes iusti accipientes munus, & pauperes deprimentes in porta.*

HOSTES iusti] Illi homini hostes se per calumniam præbētes, quem iustum, & iniuria ac damno indignum esse, palam intellexerunt. Iustum autem hoc in loco definimus, à quo in ciuili iudicio causa, iusque stat; hūc muneribus corruptus iudex, iure fraudatum suo, aduersariis expugnandum, ac de possessione deturbandum prodit: atque hoc modo iudices ipsi, causarumque actores, & reliqui magistratus, forique satellites, munere

munerē accepto, & iustitiam imprimis, iusque ipsum, fidemque produnt, & miseros innocentē etiam causa cadere cogunt. Quid hostilius quā iura vendere aliena? Nam qui bello hostes dicuntur, non iustis hominibus, sed iniustis (si modò legitimum sit) bellum afferunt, hoc est, ijs à quibus sese iniuria affectos arguere possint. Quòd si innocentibus hominibus, & quibus huiusmodi obicere nihil possint, manus violenter inferre parent, tyrannicum & nefarium id bellum est; cuiusmodi etiam hoc iudicū, & magistratuū est, qui miseros homines calumnia opprimunt; atque id ipsum duobus modis agunt: aut enim superiorem iure, causaque hominem aduersario ob munera atque largitionem produnt: aut si nullus aduersarius sit, ipsi ultro excogitata ac malitiosa aliqua fraude in iudiciū vocatum, circumuentumque diripiunt; atque eo vehementius in miseros homines sæuiunt, quo ob paupertatem & imperitiā imbecilliores, omnique humano auxilio destitutos esse cognouere. Hoc est quod dicit: [Et pauperes de-

Isaia. 1. *primētes in porta;*] iuxta id quod alio in loco scriptum est: Principes tui infideles, socij  
 “ furum, omnes diligunt munera, sequuntur retributiones, pupillo non iudicant, & cau-  
 “ sa viduæ non ingreditur ad illos. In huiusmodi autem infelici & turbulento Rei-  
 publicæ statu, atque in miserrimis & perditissimis rebus, id quod miserum minus est,  
 eligendum esse sapientiores duxerunt. Minus autem miserum est, vel nihil omnino  
 iure experiri, vel si semel expertus expoliatus fueris, & pati, & tacere; ne si aduersus  
 eam tempestatem, & iniuriarum procellam, vel verbo contendatur, grauius salutis  
 etiam quā fortunarum periculum subeundū, maior etiam non solum rerum (si quid  
 reliquum fortē fuerit) sed honoris, dignitatis, ac famæ sit facienda iactura.

*Ideo prudens in tempore illo tacebit, quia tempus malum est.*

*Prudens.* Hebraica vox eam virtutem significat, quæ in rerum & negotiorum co-  
 gnitione, obseruatione, & comparatione inter se, versatur. Huiusmodi cordati viri, ubi  
 eam formidolosissimi temporis tempestatem oblatam esse cognouerunt, vt neque ve-  
 rum dicere, neque ius suum petere alicui integrum sit; de ea autem re verba facere,  
 aut sermonem priuatē habere, nulli vtile, sibi ipsi incommodum futurum credant, con-  
 sultiſſimum ducunt in silentio & spe latere; quoad melior affulgeat & oportunior se-  
 culi & temporis conditio. Est autem huiusmodi silentium quale Æschylus poëta in ca-  
 lamitoso Reipublicæ statu imperat; vt ea quæ corrigere non possumus, patientia & me-  
 liorum rerum expectatione toleremus: cuiusmodi illud apud Hieremiam est: Quare  
 “ sedemus? Conuenite, & ingrediamur ciuitatem munitam, & ſileamus ibi: quia Domi-  
 “ nus Deus noster ſilere nos fecit, & potum dedit nobis aquam fellis. & apud eundem: 35  
 “ Non est vltra exultatio in Moab: contra Hesebon cogitauerunt malū. Venite & disper-  
 “ damus eam. Ergo ſilens conticeſces, ſequeturque te gladius. Non diſſimile his illud  
 Horatius. Poëta est:

*Durum, ſed lenius ſit patientia, quidquid*

*Corrigere eſt neſas.*

Illud ergo prudentiorum hominum ſilentium orationem quandam imitatur eorum, 40  
 qui cū publica mala corrigere nequeant, Deo penitus corrigenda permittunt, & fieri  
 non poſſe credunt, quin corrigantur: Quoniam nō Deus volens iniquitatem eſt, neque  
 “ permanebūt iniuſti ante oculos eius. Quoniam ergo huiusmodi taciturnitas diuini iu-  
 “ dicij expectatio quædam certa eſt, quæ in calamitoſiſſimis & perditissi-  
 piis hominibus ſubſidium eſt, vt vel ea res Deum ad vltionem, iudiciūq. faciendum  
 “ mouere, incitareque poſſit, ſicut ſcriptum eſt: Deſiderium pauperū audiuit Dominus,  
 “ præparationē cordis eius audiuit auris tua. Propterea quaſi iam dies Domini inſtet, pœ-  
 nitentia, vitæ emendatione, precibus, atq. omni oportuno ſtudio & negotio, vt malum  
 auertatur & declinetur, procurandum illis eſſe Vates, cenſet & ſuadet.

*Querite bonum & non malum, vt viuatis: & erit Dominus Deus exer-  
 cituum vobiscum, ſicut dixiſtis.*

DEMENTES homines, & iam pridem ad pœnam exitiumq. præcipites, ad ſalutis  
 viam & ſpem reuocare Vates conatur; docetq. veræ religionis cognitionem, ſtadium &  
 cultum, certiffimam atque vnicam viam eſſe ad ſalutem: quam quibus modis muniri  
 oporteat

oporteat, statim præcipit. Bonum autem hoc loco diuinum cultum & pietatem: malum verò idolorum & impietatis studium esse dicit: hoc abiiciendum, illud quærendū esse ait: [*Querite*, Hebraicè est, *dirsu*:] idque verbum alicuius rei studium significat, & ad felicitatis rationes & fines pertinet, vt illud: *Querite Dominum & confirmamini*; *querite faciem eius semper*: & illud: *Terra quam Dominus Deus tuus semper inuist*, *& oculi illius in ea sunt à principio anni vsque ad finem eius*. Quo in loco vbi nos inuist, Hebræi *dores* legunt. Ergo perpetuam curam, constans, assiduūq. studium id verbum significat. Quoniam autem vnica ad vitam, atque æternam felicitatem via Dei cultus, & veræ pietatis studium est (apud illum enim vitæ fontem esse diuinus Psaltes dixerat) ideo ab omni alio inani, vano, atque inutili cultu, ad huius tantum veræ pietatis assiduam curam, studium omne transferri oportere ait, si modò sibi consulere, si viuere ament: id quod & illis olim prædictum, & susceptum etiam fuerat. Cum quæsieris ibi Dominum Deum tuum, inuenies eum; si tamen toto corde quæsieris, &c. & in eodem loco: *Caue ne imiteris gentes istas postquam te fuerint introeunte subuersæ*; & ne requiras Deos eorum, dicens: *Sicut coluerunt gentes istæ Deos suos*; ita & ego colam, &c. In his locis omnibus idem verbum, & adhortando & deterrendo est *Dard*. *וירש*

15 Hanc adeo rationem Amos persequitur: *Querite*, inquit, id quod bonum, quod certū, Deoque probatum esse intellexeratis, atque in id studium diligenter incumbite; id verò quod malum nefasq. esse & olim didiceratis, & iam sapius estis admoniti, prorsus relinquit, & viuetis. [*Et erit Dominus, &c.* Hebraicè sic est: *Et erit sic Dominus deus exercituum vobiscum sicut dixistis*.] Verbum erit non tam futuri, quàm imperatiui rationem habet: [*Et sit*, inquit, *Dominus Deus exercituum à vobis*.] nō alius vllus Deus, nisi solus Adonai, Deus misericors, & iustus etiam atque potētissimus, cui exercitus omnes dicto obedientes sunt. 20 sit ille vobiscum, sit à vobis, non solum vt edocti & admoniti, iussiq. estis, sed sicut à vobis ipsis cognitus, dataq. fide susceptus est, cum olim religionis sanciretur fœdus, & posfidendæ diuino beneficio regionis leges præscriberentur, sicut scriptum est: *Omnia quæ locutus est Dominus, faciemus; & erimus obedientes*. & rursus dum regionem tenentibus optio, Iosue referente, daretur, populusq. his rogaretur verbis: *Nunc ergo time* *Exod. 14.* *Iosue 24.* *Dominum, & seruite ei in perfecto corde atq. verissimo, & auferte Deos quibus seruierunt patres vestri in Mesopotamia, & in Ægypto; ac seruite Domino*. Sin autem malum vobis videtur, vt Domino seruiatis, optio vobis datur: eligite hodie quod placet, cui seruire potissimum debeatis, vtrū ne diis quibus seruierunt patres vestri in Mesopotamia, an diis Amorrhæorum, in quorū terra habitatis, &c. Huiusmodi autē de ea re promulgata rogatio est. Respondit populus & ait: *Absit à nobis vt relinquamus Dominum, & seruiamus diis alienis*. Dominus Deus noster ipse eduxit nos, &c. Subiungitur tandem: 30 *Seruiemus igitur Adonai, quia ipse est Deus noster*. Dixitq. Iosue ad populum: *Nō poteritis seruire Adonai: Deus enim sanctus & fortis, & æmulator est: nec ignoscet sceleribus vestris atq. peccatis*. Si dimiseritis Dominum, & seruieritis diis alienis, conuertet se & affliget vos atq. subuertet postquam vobis præstiterit bona. Dixitq. populus ad Iosue: *Nequaquam ita vt loqueris erit, sed Domino seruiemus*. Et Iosue: *Testes*, inquit, *vos estis, quod ipsi elegeritis vobis Dominū vt seruiatis ei*. Responderuntque, *Testes*. Hunc ad longum sermonem propterea referre placuit, quod ad explicandum locum necessarium arbitraremur: namque obscurior aliquanto locus ijs qui ante nos cum laude diuinis scriptis commentandis incubuere, iudicatus est. Ex hac autem Iosue rogatione planū 35 fit, cultum diuinum veri vniūque Dei Adonai bonum à populo fuisse iudicatum: contrā verò deos colere malū. diuinum verò Adonai ingeniū illis deinde à Iosue fuisse prædictum; eius tamen religionem vltro ac libenter: ab iisdem non solum data fide, sed adhibito etiam testimonio fuisse susceptam, sicut scriptum est: *Tulit Iosue lapidē grandem, posuitq. eum subter quercum quæ erat in sanctuario Domini*. Et dixit ad omnem 40 populum: *En lapis iste erit vobis in testimonium, &c.* Quod autem dixerat Iosue: *Sin autem malum vobis videtur vt Domino seruiatis, &c.* quodq. ab illis non malum, sed bonum Domino seruire fuerat iudicatum, cum diceretur, *absit à nobis vt relinquamus Dominum Deum, & seruiamus diis alienis*: Hoc nunc Vates in illis requirit, dicēs: [*Querite bonum & non malum*.] Quod verò Iosue addiderat Adonai, Deus sanctus & fortis est, id Vates hoc modo refert: [*Dominus Deus exercituum*.] Igitur vt vobis dictum, pactum

Leuit. 11 pactum & conuentum est, ita præstitum esse oportebit. Hęc huius hemistichij sententia est. [Et erit sic Dominus Deus exercituum vobiscum, sicut dixisti.] Erit, idem valet quod esto, vt: Sancti eritis mihi quoniā ego sanctus sum Dominus Deus vester. Cū autem recta atque integra pietatis ratio duabus potissimum partibus constet, vera ac certa diuinæ naturæ cognitione, eiusdemque legitimo cultu & hominum inter se fide, communitate atque societate legitime, sanctæque seruanda: quarum altera pars timor, altera iustitia dicta est, vt: Vir fuit in terra Hus, simplex & rectus, & timens Deum, & recedens à malo cunctis diebus vitæ suæ, &c. Vtrumque genus Vates in Israëlitis requirit, vt à diuinæ indignationis, ad misericordiæ statum traducatur: atque superiori quidem versu ea, quæ ad priorem legis tabulam pertinebant, indicauit, cultumque verum & legitimum exegit. [Querite bonum & non malum, &c.] In hoc verò carmine secundæ tabulæ officia desiderat:

*Odite malum & diligite bonum: & constituite in porta iudicium, si forte misereatur Dominus Deus exercituum reliquiis domus Ioseph.*

Vt in altera tabula alium quàm verum ac vnum Adonai Deum exercituum colere malū definitur, sic etiā malū ex altera tabula iudicatur, iustitiam, æquitatem & fidem violare; quæ totius humanæ societatis fundamentum sunt: quæ si negligantur, vitæ perturbatio sequitur & confusio; tolliturque omnis societas generis humani. atque 20 ita meritò politiam religionis vmbra dixit Plotinus: Vtrumque enim genus ita sibi cohæret, vt alterum sine altero stare non possit: Neque enim si quis alterius tabulæ præceptis incumbens, alterius vel partem aliquam negligat, aut obtinere gratiam apud Deum, aut in veterem reduci potest, sicut scriptum est: Nam qui peccat in vno, factus est omnium reus. Idem enim qui dixit, &c. Igitur cū hominis erga Deum officium prius suaserit, nunc hominum aliorum erga alios officia suadet: [Odite malum, & diligite bonum.] Hoc autem ipsum explicat, dicens: [Constituete in porta iudicium.] Iudicij nomine, quod rationem verius appellare Latine possumus (vt in Commentariis Habbakuq definitum à nobis est) omne humanum officium, omnisque fides continetur. Huius rationes sacris legum voluminibus explicantur: has verò magistratuum cura, 30 studio atque auctoritate stabiliri oportet. Locus autem iudiciorum in vrbium portis erat: suadet Amos vt deturbatū iam atque ex subselliis exclusum ius restituant, suumque cuique ex diuinarum legum rationibus tribuant: namque hoc modo diuinam misericordiam prouocari spes esse potest. [Si forte misereatur.] Anceps illud verbum, Si forte, non diuinæ misericordiæ immensitatem, sed humanæ pœnitentiæ rectitudinem & sufficientiam (vt ita dicam) in dubium reuocat: neque enim quatenus misereri Deus possit, sed quatenus hominem pœnitere possit, incertum est. nam Deus ille secundum altitudinem cæli & terræ corroborauit misericordiam suam super timentes: & quantum distat ortus ab occidente longè fecit à nobis iniquitates nostras. Summa ergo difficultas non in diuinæ benignitatis, sed in humani officij defectu est. Itaque suas tantū vires, 40 non diuinam misericordiam experiri atque tentare iubet; imò ad eam consequendam omni studio, & conatu omni contendere suadet: fortasse elaborabunt & efficient, vt irati nunc aduersum se Dei misericordiam beneuolentiamque concilient; quemadmodum & Niniuitis Iona prædicante contigit: Vidire enim Deus opera eorum quod conuerſi sunt à via sua mala, & misertus est. [Si forte misereatur Dominus Deus exercituum reliquiis Ioseph.] Ille inquit Dominus Adonai natura sua beneficentissimus & misericors, qui tamen vestris sceleribus offensus exercitus suos aduersum vos instruit, forte vobis placatus, miserrimis, & iam penè consumptis, rebus vestris parcendum ducet; ne funditus domus ista Ioseph corruat, quam sanctissimam, felicissimamque esse, iam inde à principio voluerit; effecissetque nisi id vestris foret sceleribus impeditum. [Reliquiis Ioseph.] 50 Samariam significat, quæ cum agro suo & vicis sola ex tanta clade fuerat reliqua: Nam Samaria caput Ephraim; Ephraim verò Iosephi filius fuit. Habet verò oratio ipsa elegantem cum Antitheto affectum. Ioseph, augendi & crescendi, reliquiæ verò diminutionis & interitus significationem habent. Si forte misereatur is, qui ex tanta tamque

Vide Cicero-  
nem primo  
de natura  
Deorum.

Iaco. 2.

Habbak. 1.

Psal. 101.

Iona 3.

1. Reg.



ramque aucta generis, rerumque suarum felicitate maiori etiam futura, nisi per vos impediretur, quominus cresceret, in tantam diminutionem, & tenuitatem, miseriamque redacti sunt, vt non auctus, sed vix relictus dici possit. Namque cætera præter Samariam omnia, iam aut gladio, aut fame, aut peste fuerant absumpta. Has verò reliquias ad salutis spem faciendam residuas fecerat, si tamen illi sibi consulere voluissent, sicut scriptum est: Vidit enim Dominus afflictionem Israël amaram nimis, quod consumpti essent vsque ad clausos carceris, & extremos, & non esset qui auxiliaretur Israël. Nec loquutus est Dominus vt deleret nomen Israël de sub cælo. Salutis autem spem poenitentibus non omnino incertam esse, etiam post tot suscepta scelera docuerat, certamque illis fieri posse commoda & legitima poenitentia Deum aduentibus: contrà vero poenam, supplicium, & calamitosissimam cladem certissimam, negligentibus esse: consultissimum itaque illis fore certum malum, atque periculum declinantibus non incertum bonum & salutem asciscere. Quod si, vt hactenus fecere, neglexerint; paratum instantque iam illis imminere supplicium,

Propterea hæc dicit Dominus exercituum dominator, in omnibus plateis plantus: & in cunctis que foris sunt dicetur ve, ve: & vocabunt agricolam ad luctum, & ad planctum eos qui sciunt plangere. & in omnibus vineis erit planctus: quia pertransibo in medio tui, dicit Dominus.

EXTREMAM in vrbe, oppidis, agrisque omnibus vastitatem, Deo scelerum ultore & auctore, futuram prædicit; quæ ad omnes omnis ordinis homines spectet, cuius impetus & vis à nemine sustineri, nec nisi luctu & planctu excipi possit; quæ omnia simul loca peruasuram esse, vt maxima conficiendi celeritate clades augeatur, & communi omnium dolore vndique accrescat. Propterea quod instantia mala legitime & iuste deprecari neglexeritis. [Hæc dicit Dominus:] Poenarum & suppliciorum causam & culpam omnem nulli alij rei quam hominum sceleribus primum; deinde pertinaciæ, atque poenitiæ defectui diuina attribuit sapientia, sicut scriptum est: In sceleribus vestris dimisi matrem vestram, quia veni, & non erat vir; vocaui, & non erat qui audiret, Merito autem durissima in eos, qui oblatam salutem fide & poenitentia admittere neglexerunt. [Hæc dicit Dominus Deus exercituum dominator.] Tribus nominibus Deum appellat, ex quibus primum proprium illud ineffabile est: duo verò reliqua diuinarum virtutum notationes continent. Nam Deum exercituum, iustissimum, integerrimumque iudicem, & potentissimum dici, iam sæpius apud hunc atque alios vates obseruauimus: Adonai verò quod ultimo loco appellatur, quod Latine Dominum proprie vertimus, plenissimum ad res gerendas ius, potestatem, summamque auctoritatem indicat, qualis dominis in seruos, qualis creatori in ea quæ creata à se fuerint, qualis denique principi in rebelles sceleratosque populos est: namque ad hæc nomen ADONAI in sacris arcanisque libris sæpissime refertur. Est etiam iisdem literis apud Hebræos nomē, quod basin columnarumque sustentaculum significat: atque ea significatio nihil à diuinis rationibus aliena est. Igitur Domini iudicis, exercituumque omnium Imperatoris potentissimi, nec non & totius orbis sustentatoris, hominumque omnium summo iure summaque auctoritate Domini hæc sententia est. [In omnibus plateis planctus, & in cunctis que foris sunt, Hebraicè, in cunctis vicis siue vijs oppidi. En plagas y calles dicimus Hispanè. [Ve, ve]] Ex consequenti antecedens arguitur. Namque communis omnibus luctus & gemitus, communem omnium calamitatē arguit, vox Hebræa, Hu, hu: gemitum interceptum magis, quam plenam lugentis vocem significat, eaq. acerbissimi & impotentis animi doloris est index. Neque verò in vrbe, oppidisque tantum, sed in agris etiam omnibus illam vastationem futuram esse ostendit; quando nec segetibus, nec vineis, nec hortis parcendum sit: omnia enim à Deo ductis copijs perdenda sunt. Communis ergo tum ciuibus, tum agricolis calamitas, vrba & rustica loca omnia gemitu atque luctu complebit. [Et vocabunt agricolam ad luctum, & ad planctum eos, qui sciunt plangere:] vt nullus qui sensus particeps fuerit, doloris expers esse possit: [Et in omnibus vineis erit planctus.] Agriculturæ ratio duabus potissimum rebus constat, satione & plantatione. Sationem aratio, plantationem verò vinea significat: Omnium si-

quidem quæ ad fructus percipiendos plantantur arborum, vitis vtilissima & frequentissima est; primaque & antiquissima omnium quas humana industria, atque agricultura arte cultas esse legimus. Namque Noë vir agricola coepit exercere terram, & plantavit vineam. Commune autem & publicum malum Deum ultorem auctoremque sui testatur, sicut scriptum est: Si est malum in ciuitate quod non fecerit Dominus. quamobrem nihil mirum esse potest, si qui misericordem recipere noluerint Dominum Deum exercituum dominatorem, sustinere coacti, tanta clade & vastitate affecti sint; ob eam enim rem dixerat: Præparare in occursum Dei tui Israël. Namque ut Deum ducem, Imperatoremque sequi tutissimum felicissimumque est, sic irruentem atque occurrentem sustinere velle durissimum & exitialissimum est. Huius autem rei iam olim docti, atque admoniti fuerant, sicut scriptum est: Quoniam Dominus Deus tuus qui præcedit te, ignis consumens est. Ignis autem quacumque peruat, omnia consumit & vastat. Hoc est quod subiungitur: [Quia pertransibo per medium tui, dicit Dominus.] Quam verò aliam rerum faciem, quem euentum expectare oporteat ubi Deus pertransierit, atque olim spectatum apud Ægyptios eodem transeunte fuisse accepimus, sicut scriptum est: Et transibo per terram Ægypti nocte illa, percutiamque omne primogenitum in terra Ægypti ab homine usque ad pecus, & in cunctis diis Ægypti faciam iudicia ego Dominus. Hactenus Israëlitis Samaritarum rerum deploratio est: nunc deinceps ad Iudæorum & Hierosolymitanorum cladem elegia conuertitur.

*Væ desiderantibus diem Domini, ad quid eam vobis? dies Domini ista tenebra, et non lux.*

IMPIVM nefariumque eorum desiderium esse, qui quoscumque odio & dissidio prosequuntur, diuinitus perditos cupiunt, quos potius emendatos & seruatos exoptare oportuisset. Maximè autem ad eos sententia hæc pertinet, qui non minori culpa, quam illi, quibus malè cupiunt alligati tenentur: quibus cum dira atque infausta accidere percipiunt, paria sibi obnuntiant. Consultissimum autem, & diuinis præceptis pietatisque rationibus conuenientissimum est, in varietate ac dissensione constitutos, atque à veræ religionis societate abalienatos homines, ad communem concordiam, ad pristinam virtutem consuetudinemque reuocatos potius, quam funditus perditos, atque ad internecionem delatos esse optare. Nescitis, inquit Christus, cuius spiritus estis. Quamobrem bene & sapienter illud in more institutisque maiorum est positum, atque assiduo Christianæ Ecclesiæ vsu obseruatum, ut eorum animos, qui aut prauæ opinionis errore, aut aduersæ factionis studio à catholica veritate, simplicitate, & concordia diffideant, ad communem virtutum religionisque consensum reuocandos assiduis precibus atque sacrificiis procuremus. Quod certè cum ex aliis multis, tum ex hoc etià Amosi vatis sermone docemur. Is namque hanc lamentationis partem in Iudæis reprehendendis, ac suarum calamitatum admonendis consumit. Illi enim cum regni causa apertas cum decem tribubus simultates gererent, prædictiones malorum, obnuntiationesque à vatibus in aduersarios decantatas, euentu ipso certas ratasque esse cupiebant, quasi fratrum perniciēs ipsis ac rebus ipsorum felicitatem aut salutem esset allatura. Sed tua res agitur paries cum proximo ardet. Ostendit autem Vates hos in hac re vehementer peccare, neque hoc pacto certiores, melioremque ipsis salutis spem fore, imo plurium atque grauiorum etiam calamitatum ac miseriarum impetum esse sustinendum. [Væ desiderantibus diem Domini]. Væ, inquit, vobis Iudæis, qui non tam religionis studio, quam odio & dissidio acti (quæ perturbationes facillimè humanos animos occupant) Israëlitis obnuntiata mala maturè euenire, certissimaque esse cupitis, quæ tamen nulli vobis vsui esse possunt. [Ad quid eam vobis?] Namque si nihil aliud vobis Israëlitarum vicinitas præstaret, tamen illud magni referret, fieri posse ut non ita facile ad vos ex Babylone perueniret calamitas, quæ interiectos primum populos esset oppressura; quibus de medio sublatis, nihil impediendi in terris erit, quo minus integrum hostium impetum sustinere cogamini. Diem Domini, ultionis tempus opportunum significare in sacris, ille Isaia locus aperte indicat. Quia dies Domini exercituum super omnem superbum & excelsum, & super omnem arrogantem, & humiliabitur, &c. Ergo ad quid eam vobis, quæ nullo vestro modo, maximum aliis incommodum latura sit? [Nam dies Domini ista tenebra et non lux.]

Duo eodem tropo Vates significauit: & Israeliticarum rerum diuturnā fore calamitatem, & nullū ex ea vsum Iudæis fore. Tenebræ, inquit, perpetuæ illis dies Domini erit, & non lux, vel illis vel vobis. Lucis ac tenebrarum nominibus felicitatem & miseriam sacræ, arcanæq. literæ significant: vt enim in tenebris nullus rerum aut color aut ordo percipitur, sed omnia cæca, confusa metu ac perturbatione plena sunt; sic rursus in luce suis omnia coloribus, locis, ordinibusque constare videntur. Nec defuere inter Philosophos qui omnē colorem rebus his sensibilibus detraherent; solaq. luce adueniente illis accommodari, illaque absente auferri existimarent. Quamobrem miseriarum altera res, altera felicitatis explicat imaginem, qua de re sic Isaias dixit: Aspiciemus in terram, & ecce tenebræ tribulationis: & lux obtenebrata est in caligine eius. Qualis autē futura Israëlitis dies illa Domini esset, indicauit; vt verò nihil Iudæorū rebus lucis esset allatura, nunc explicat.

Lucretius  
Aben-pacē.

Isai. 5.

*Quomodo si effugiat vir à facie leonis, & occurrat ei vrsus, & ingreditur domum, & innitatur manu sua super parietem, & mordeat eum coluber.*

ISRAELITAS semel à patria regione abductos, eodē miseriarum genere perpetuo donec tandē restituantur vsuros, allata tenebrarū sine luce similitudo significauit. Verū enim uero Iudæorum multiplices ærumnas, multiplex etiā periculorū imago declarat. Namq. vt destinatum periculis hominē vnus fuga vel declinatio à cæteris securum nō esse finit, imò lassum & defatigatum ad cætera perferenda debiliore atq. infirmū magis reddit, adeo vt primo omnino succubuisse satius fuerit iudicatum; sic Iudæos variis & multiplicibus ærumnis ob sua scelera atq. impietatem premendos, Israëliti captiuitatis inuidia magis afficiendos, quā spectaculo ipso iuuandos esse confirmat. Nam illos vnā tantū ab Assyriis Aquilonaribus eademq. perpetua expectabat nox: Iudæos verò secunda, & tertia, & quarta etiam manebat procella. Neq. enim satis illis malorum in Babylonica captiuitate ferendum erat, sed à Persis etiam, & Medis, & tandē à Græcis fuerat metuendum. Vix enim Babylonicus leonis ungues & dentes vehementer lacerati effugerant, cum Persarum & Medorum insidiis appetiti atq. attenuati sunt. Hoc nondum euaso periculo duram Alexandri, aliorumq. Græcorum tyrānidem sunt perpeffi. Ex imaginibus autem, quæ per quietem Danieli vati visere contigit, leonem Assyriorū; Vrsū verò Medorum & Persarū imperium interpretari licet. Colubrum porrò Græcorum regnum, quod ab Alexandro Macedone initiū cepit: Hic enim Iouis Ammonis filius aliquando saluatus, Olympiā matrem ab illo Deo in serpentē mutato compressam, grauidamq. factam fuisse prædicabat: cuius fabulæ memoria, nō literarum solum, sed numismatum etiā monumentis consecrata est. Serpentis enim puerum euomentis imago ab eodem Imperatore in clypeo olim gestata, in Græcis argēteis monetis apud nos est. Iam verò Iudæorum & Hierosolymitanorum res, quantum sub Babyloniorum tyrannide oppressæ, quantum etiam à Persis rerum potitis exagitata, ac demum vbi iam templo, sacrisq. restitutis, pacem & securitatem habituræ credebantur, quantum à Græcis post Alexandrum regibus & tyrannis labefactatæ fuerint; atq. hæc omnia ante Christi Seruatoris aduentum, eorum qui sacras regum, annalium, & Machabæorū historias legerunt, nemo est qui nesciat: apertiora autem hæc & longiora sunt, quā à nobis referri aut debeant, aut possint. Leonem ergo Babylonium, primum post hominum memoriam, & maximum totius orbis imperium, primumq. post diluuij tempora bel-  
lorum & cædis inuentore Nembroto auctorem, vbi Iudæi vix effugerant; in Medos & Persas, qui non virtute, sed insidiis, vrsorum more, imperium ceperant, inciderent: sed cum ab his, vt sacrum templum restitueretur, impetrarent, idq. præteritis calamitatibus solatium, futuris verò præsidium vnicū sibi fore sperarent, vehementer ab Alexandro colubro, atq. ab ijs qui in illius regnis succedere Græcis regibus & principibus, ab Antiochis, Demetriis, Tryphonibus, Apollonijs, alijsq. cōpluribus vexati sunt. Hæc autem diuturna atq. assidua calamitas hac orationis figura à Vate nostro præcantata est. [Et ingreditur domum, et innitatur manu sua super parietē, et mordeat eum coluber.] Igitur quid iuuat diē Domini aduersus alios vt maturē existat cupere, quē publicē potius deprecari oportuit? cum alteris magni mali, alteris verò nullius boni, sed suarum etiam non simplicium neque leuium ærumnarum initium dies illa futura sit? hoc est quod dicit:

Efdr.

Neem.

Dan. 2.

Arrianus  
lib. 10.

*Nunquid non tenebræ dies Domini, & non lux, & caligo, & non splendor in ea?*

QVAM OBREM infani atque impij animi est illi, qui in eodẽ tecum pelago navigat, æstum, tempestatemq. cupere, cuius fluctibus te etiam iactari necesse est. Atque ea quidem quæ de leone, vřfo, & colubro dicta nobis, explicataq. sunt, praterquàm quod ad Iudæos propriè referenda esse res ipsa docet, illud quod sequitur nostram etiam interpretationem confirmat:

*Odi & proieci festiuitates vestras, & non capiam odorem cœtuum vestrorum. Quod si obtuleritis mihi holocaustomata, & munera vestra non suscipiam, & vota pinguium vestrorum non respiciam.* 10

NON ad Israëlitas, quibus nulla iam festorum aut sacrificiorum ratio antiquo ac legitimo ritu constabat, sed ad Iudæos, quibus prater nudam atque ieiunam ceremoniarum & rituum curationem, nihil praterea veræ atque antiquæ pietatis erat reliquum, orationem hanc referendam esse res ipsa docet. Huiusmodi autem res inutiles omnino ac inanes esse sine aliis potioribus, hoc est, sine recta animorum institutione, morum integritate, atque officiorum obseruatione piorum (quæ maiora atque magis perpetua mandata sunt) non vno diuino testimonio docemur. Audi popule meus, & loquar  
 "Israël, & testificabor tibi, quia Deus tuusego sum. Non in sacrificiis tuis arguam te, neq. verò in holocaustis tuis, quæ in cõspectu meo sunt semper, &c. Immola Deo sacrificium laudis, & redde altissimo vota tua, &c. & Quare tu enarras iustitiã meã, & assumis testamentũ meum per os tuũ? Tu verò odisti disciplinã, &c. Longũ esset ea omnia quæ de hac re scripta sunt loca recensere, aut omnes cuiusq. loci partes velle explicare. Tantũ hoc dixisse satis fuerit, ceremonias, ritus, externumq. omnẽ cultum, si cum his interior animi religio ac pietas, & morum integritas consentiat, vehementer Deo grata; atque ijs qui agunt, agendæue curant, cum ad alia multa, tum præcipuè ad felicitatem maxime esse vtilia, sicut scriptum est: Sacrificium laudis honorificabit me, & qui ordinat iter, ostendam illi salutare meum. Contrà verò hæc omnia, si inani tantum consuetudine atque vsu, aut ambitione etiam & contentione, nullis aliis animi virtutibus, nullis veræ religionis radicibus nitantur, quamuis natura sua pulcherrima præstantissimaque sint, Deo spiritui, atque in spiritu & veritate imprimis adorando, non ipsarum rerum ratione, sed hominum ipsorum culpa ingrata, atque ijs à quibus ea curantur, ad salutem esse inutilia, sicut scriptum est de vtroque genere: Et respexit Dominus ad Abel, & ad munera eius; ad Caim autẽ, & ad munera eius non respexit, quia opera illius mala erant, fratris autem sui iusta, sacer Apostolus, diuinusque interpres addidit. Hanc autem sententiam sæpe aliàs repetitam Deus in Iudæos pronũtiat, quibus omni officio, omni pietate abalienatis, sua causa integra adhuc esse videbatur, ob eam solũ rem, quod sacrificiorum & ceremoniarum ratio, vsus & procuratio magnificẽtissima & sumptuosissima, si vnquam aliàs, constabat: Namque & huiusmodi ceremoniarum & rituum sacrorum rationes & obseruationes, crescentibus in populo diuitiis, opibusque auctis, ex gloriosa quadam & populari ostentatione magis, quàm ex vera agentium animorũ pietate, vehementer crescere atque augeri nonnunquam solent. Huiusmodi verò spiritus vacua & populari sacrorũ ostẽtatione, assiduitatem & frequẽtiam ab impiis & sceleratis hominibus, retento adhuc scelerum & impietatis studio, procuratam, molestam magis sibi quàm gratam, & nullius ad suam iram placandam, aut ad pœnarum declinandum periculum, efficientiæ vsusque esse, Deus Iudæis (ne sibi nõ prædictum dicerent) ostendit. [Odi, inquit, & proieci festiuitates vestras.] Solennes illos dies festos ter singulis annis celebrari solitos, quod non iam sanctè & puriter, sed aut nudè & ieiunè, aut ambitiosè consuetudinis retinendæ, magisque pietatis colendæ causa agitarẽtur, inuifos sibi reputatosque Deus ait, illamq. maximam & exquisitam, cum magna pompa sacrificiorum frequentiam vitiosæ offensionis, fastidijque plenam, nihil omnino sibi placere. [Et non capiam odorem cœtuum vestrorum.] vt enim boni ac pij viri sacrificiũ purè & castè factum, suauẽ numini gratumque esse, vel vnus Noè exemplo docemur: Odoratus enim



enim est Dominus odorem suauitatis. Ita etiam cōtra multiplex hostia igne tandē consumpta, non animi immolātis sale condita, ingrata, fastiditaque, atq. eo grauior quo frequentior est: de qua re multa in vaticiniōrū suorū principio Isaias perorauit. Hæc autē Iai. i. omnia cū non legitimē sancteq. fiunt, à se repudiata atque reiecta, non sua, sed hominum ipsorū esse Deus ait: Vestra, vestra, vestra à vobis superbia, insolentia, atq. moribus vestris corrupta, quæ nihil diuinū aut sapiant, aut oleant, sed humana impuritate foetida atq. putida omnia sunt. [Quodd si obtuleritis mihi holocaustomata, & munera vestra non suscipiā.] Irenæus aduersus hæreses Valentini lib. 4. Holocausta enim pro peccato fiunt, quæ nisi ex pœnitentis, atq. scelus omnino auersantis animi studio proficiantur, grata, acceptaq. habenda non sunt. Quoniā si voluisses sacrificium dedissem, vtique holocaustis (nudis) non delectaberis. Sacrificium Deo spiritus contribulatus, cor cōtritum & humiliatum Deus non despicias. In solennibus autem festisq. diebus magna populi frequentia & holocausta pro totius populi peccatis primum, deinde pro reconciliatione, diuināq. gratia celebranda sacrificabantur pacifica, quarum rerum rationes suo in loco Deo duce persequemur (namque hæc ad legis interpretationem magis pertinent) Huiusmodi nihil sibi gratum, acceptumq. fore, propterea quod malis offerentium procurantiumq. moribus corrupta omnia fuerint. [Et vota pinguium vestrorum non respiciam, Hebraicè est: Et pacifica pinguium vestrorum.] Quantumuis, inquit, pingui pecore, & saginatis pecudibus pacifica & reconciliationem gratiamq. significantia sacrificia procuretis, quodd huiusmodi cum re & veritate ipsa nō cōsentiant, nihil vobis vsus, fructusq. sunt allatura. Holocaustis autem, verbum accipiam, conuenit, pacificis verò, respiciam: Holocaustum enim ad satisfactionis & debiti rationem, pacificum verò ad munus & amicitiam refertur. Ea autem quæ redduntur, accipi; quæ verò honoris & amicitiae causa donantur, respici, admittiq. solent. Holocaustum vt debitum totum igni absumebatur, vnde & nomē habuit: pacificorum verò partem ignis, partem sacerdotes, partem ipsi qui offerebant comedere soliti erant, vt ea cerimonia conuiuij referret imaginem, ad cuius epulum Deus euocari, grateque descēdere videretur. Quoniam verò tota hæc sacrificiorum sine vera pietate cum suis ceremoniis, atque omni apparatu, vana & sterilis ratio erat, omnia hæc sibi odiosa, fastidiosaque esse Deus declarat: maxima autem musicorum instrumentorum & canentium vocatione clamore strepitumq. notat, quorum temperatus, honestus, & cum veritate ipsa, atque eorum quæ canuntur intelligentia & sensu consonans vsus, tum Deo gratissimus, tum ijs ipsis qui agunt, atque adstantibus etiam iucundissimus, & ad pietatis incendendum studium commodissimus est; sic enim legimus: Immola Deo sacrificium laudis, & alio in loco: Laudabo nomen Dei cum cantico, & magnificabo eum in laude, & placebit ei super vitulum nouellum cornua producentem & vngulas. Quamobrem hic mos tum ab antiquissimis patribus, tum ab Apostolis, & recētis Christianæ Ecclesiæ piis viris, tum etiam nostris temporibus diligenter in templis est obseruatus. Verū enimvero quæ antiqui hostis nostri calliditas & versutia est, vt optima & nobis vtilissima quæque aut iniecto veneno corrumpantur, aut virtutis succo omni detracto cassa & inania reddantur, vt in aliis omnibus penē rebus, sic etiam & in hoc genere nonnunquam efficitur, vt homines carminum, hymnorum cōcentu auribus tantum percipiēdo contenti, præcipuo eius exercitationis vsu & fructu negligentēs fraudentur; nec plus ex frequenti vocum, cantionum & musici instrumenti auditione vtilitatis percipiant, quā si tot aut cygnorum, aut aliarum auicularum querelas & cantus audirentur; quæ auribus quidē & corporis sensibus voluptatem aliquam, animi verò virtutibus augendis, aut nullam vel exiguam asferre commoditatem possent, aut quodd earum quæ canuntur sententiā & virtus non percipiatur; vel quodd non ideo agatur, sed magis vt audientium sensus vocibus & concentibus deliniti, nihil vltius aut admirentur, aut petant. quare multatū alibi, tum in sacris Dauidicis libris, atque etiam in D. Pauli Epistolis plurima videre agnoscereque est. Vbi Apostolus ille rem tantam, tamque præclaram fructu vtilitateque sua non defraudari exoptat: Orabo, inquit, spiritu, orabo & mente, psallam in spiritu, psallam & mente, & cetera. Huius autem sententiæ hic qui sequitur, Amosi versus est.

Irenæus aduersus hæreses Valentini lib. 4.

Psalm. 51.

Psalm. 49.  
Psalm. 68.

1. Cor. 14.

Aufer

*Aufer à me tumultum carminum tuorum, & canticum Lyrae tuae non audiam.*

NAM QVÆ VT vana sacrificiorum sine sale suo, hoc est, sine vero pietatis studio, meditatione non placor aut afficior: sic etiam neque inani vocum strepitu sine villo canentium aut audientium animorum sensu, sine vlla cum ijs quæ canuntur virtutis consonantia delector, sicut scriptum est: Populus hic labiis me honorat, cor autem eorum  
 11ai.6. "longè est à me: sed & frustra colunt me, &c. [*tumultum carminum;*] propterea dicit, quodd magna canentium in templo Leuitarum interim dum sacra fierent, frequentia erat, à quibus sacrificium laudibus, carminibusque exornabatur. Hanc verò, tumultum & turbam potius dicendam, quæ præter inanem vocum & sonorum strepitum nihil  
 præterea egregium, aut ad pietatē accommodatum præstaret. [*Et canticum Lyrae.*] Musica ratio aut vocibus aut instrumentorum sonis constat, ex instrumentis quæ spiritu accepto sonant, quodd ad humanarum vocum similitudinem accedant, ad easdem referuntur: quæ verò neruorum pulsatione exercentur, cuiusmodi Cytharæ & Lyrae sunt;  
 22 omnia hæc ad vnum genus *Nebel* Vates retulit. Est & aliud instrumentorum genus, quod non tantum ad harmoniam atque concentum, quantum ad numerorum ratio. 15 nem comparatum est: cuius generis Systra & Tympana sunt: de quibus omnibus generibus nos quod ad sacrarū scripturarum rationē facere possit, aliàs Deo annuente disseremus. Inutilē igitur huiusmodi sacrorum faciendorum frequentationem, si vera his absit pietas, iam dixerat: si verò adsit, vtilem omnino gratamque fore dicit, ac propter eam rem subiungit:

*Et reuelabatur quasi aqua iudicium, & iustitia quasi torrens fortis.*

NON tenuem aut exiguam aliquam, sed plenam atque abundantem virtutis veræ & pietatis exercitationem à nobis Deum exigere, tum aliorum omnium, tum huius etiam vatis oraculo docemur: adeo vt si qua in re modus nullus habendus est, hæc præcipuè ea res sit. namque perperam fit, cum neglecto aut relicto maioris momenti negotio in leuiorem causam totis neruis, omni que contentione incumbitur. Hæc, inquit  
 Christus, oportuit facere, & illa non omittere: maiora autem minoribus anteposuit. In superioribus verò iustitiam & iudicium in populo desiderauit, vel eas potius maximas virtutes ab eorum ciuitatibus, & locis extorres & profligatas esse conquestus est: nunc verò eas abundantissimè & cumulatissimè restitui & præstari oportere confirmat, si modò Deum sibi verè placatum, reconciliatumque; si modò cætera quæ ad pietatis professionem instituta sunt exercitia, vtilia sibi esse cupiant. Iudicij nomine politicas  
 omnes; iustitiæ verò ethicas virtutes contineri iam sæpe docuimus. Has autem virtutes plenè, abundanter, assidueque præstari Deus vult, quas ideo ad maris & fluuiorum abundantia similitudinem exigit; atque in his multum studij operæque consumi vult. [*Quasi aquæ:*] in plurali marinas intelligit, vt Reipublicæ rectè administrandæ, atq. omnis iudiciorum ratio abundans omnino, atque inexhausta sit. Namque vt mare fluuios omnes, sic Respublica communes omnium rationes in se recepit: singulorum verò mores optimos, cumuloque omni auctos, & assiduitate perpetuos etiam desiderat, atque  
 ob eam rem ait: [*Iustitia quasi torrens fortis:*] ita singulorum probata atque abundas virtus ad commune Reipublicæ commodum velut fluuij ad mare, permanabit. Igitur sacrificia & totum huiusmodi generis cultum sine pietate, & vera animi virtute sibi nunquam aut exigi, aut ad curantium vtilitatem probari (vtilitatem inquam animorum) pietatem verò & officium omne (quæ iudicij & iustitiæ nominibus continentur) perpetuò in hominibus requiri docet: eamque rem illustri & manifesto omnibus exemplo confirmat, ostendens illos per totos quadraginta annos, quibus in solitudine commo-  
 40 rati sunt, omnium huius generis rerum vacationem habuisse, neque tamen eam rationem vnquam per Deum fuisse in illis desideratam, morum verò & studiorum, atque officiorum sanctitatem requisitam fuisse semper.

*Nunquid*

*Nunquid hostias & sacrificia obtulistis mihi in deserto quadraginta annis domus Israel?*

PRIMA primi mensis die anno ab exitu ex Ægypto secundo, tabernaculū ad Sinæ montis radices fixum est; atque ab eo die ad vigesimum vsque secundi mensis eiusdem anni (quo tempore in eodē loco commorati sunt) iugi sacrificio per totos eos ferè quinquaginta dies vacatum est: Namque habitatae regionis vicinitas, & carnum, & vini illis abundantiam ad sacrorum vsum suppeditare potuit. Verum ex quo illum relinquentes locum per solitudinis vastitatem errare cœperunt ad promissam sibi, & traditam diuino beneficio regionem, oportunarum rerum copia destitutis, sacrificandi vsus est intermissus. in ea autem vagatione quadraginta anni consumpti sunt: namque à secundo anno profectionis ex Ægypto, quoad in Palæstinam regionem ingressi sunt, triginta nouem integri fluxere; neque tamen primo, quo ingressi sunt die, statim sacra facienda curarunt; vnus autem dies anni ad annum ipsum refertur. Quadraginta igitur annis sacrificia intermissa illis, neque tamen à Deo exacta sunt: at virtus, & pietas, & officiorum plena ratio requisita ex illis assidue est, sicut & apud Hieremiam idē Deus testatur: Quia non sum loquutus cum patribus vestris, & non præcepi eis in die qua eduxi eos de terra Ægypti, de verbo holocaustorum & victimarum, sed hoc verbo præcepi eis, dicens: Audite vocem meam, & ero vobis Deus, & vos eritis mihi populus, & ambulate in via, in qua mandauī vobis, &c. Neque verò vllum de priuatis sacrificiis præceptum in lege est; sed sacrificandi libertate singulis permessa, quemadmodum purè sancteque sacrificandum sit, præcipitur hæc formula: Vir si fecerit, si obtulerit, &c. Virtus autem, & vera pietas, atque officium, & quemadmodum exercenda sunt docentur, & omnino exerceri lubentur. Diliges Dominum Deum tuum, &c. Non mœchaberis: Non furtum facies, &c. Consequitur ergo virtutum præcepta semper necessaria ac perpetua esse; sacrificiorum autem rationem neque necessariam omnino esse, neque perpetuam. Nam si quis non peccarit, sacrificio idem non indigebit: vt autem non peccet, perpetua vtatur virtute necesse est. Ac de sacrificio quidem Christi nobis in hoc loco nec sermo nec disputatio est; sed de ijs tantum quæ priuatē olim à Iudæis fiebant; quorum vis & efficientia illi sanctissimo Christi sacrificio innitebatur: illis tamen, qui pietate vera destitutis purè ac sanctè non agerent, nulla erat.

*Et portastis tabernaculum Moloch vestro, & imaginem idolorum vestrorū: syderus Dei vestri Remphā: figuras quas fecistis vobis adorare eas: quæ fecistis vobis.*

IVDÆOS non solum priuatorum & publicorum scelerum, ac desertæ pietatis, sed etiam prophanatæ religionis poenas duros prædicat: vtpote qui si non iisdem, non tamen minoribus in eo genere quàm decem tribus culpis alligati tenerentur. Namque vt Samaritæ præter ius, æquitatemque violatam regis obsequio dediti, religionem etiā violauerant, atque omnino polluerant: sic Iudæi etiam omni animi virtute, omni pietate profligata, regum insana commenta sequuti, syderum ac simulachrorum cultum libenter admiserunt, [Et portastis tabernaculum Moloch vestro,] Hebraicè est, *Sicuth, Malchechem*. Auscultationem regis vestri. Quod si tabernaculum & auscultationem idē esse velimus, Græcam vocē, ex qua hic locus versus est, obseruare oportuerit, vt Scinin. Scœnam vmbra, vmbra verò protectionem, & familiaritatem, domesticamque consuetudinem interpretemur; cuius consuetudinis causa, illi simulachrorum & syderum cultum, ea re morem regibus gerere studentes admiserunt. [Et portastis] familiaritatem siue obsequium regis vestri; ferētis, inquit, supplicium eius maximi sceleris quod regum vestrorum studio admisistis; & luetis etiam. [Imaginem idolorum vestrorum, syderus Dei, vestri quod fecistis vobis:] Consecrastis enim vobis Deos, quos regi vestro sacros, cultosque esse intellexeratis; ita non minoribus quàm Israëlitarū culpis alligati, non leuiori etiam poena afficiemini: Decretum enim diuino consilio ac iudicio est, vt à patria procul abducti, commoditatibus priuati omnibus miseram in seruitute vitam agere cogamini; idque per Dei exercitus efficiendum curetur. Hoc est quod sequenti versu discernitur.

*Et migrare vos faciam trans Damascum, dicit Dominus, Deus exercituum nomen eius.*

HACTENVS enim cum Damascenis, & Syris, siue Aramais bellum Iudæi gesserant, à quibus si quando oppressi aut vexati fuissent, minus graue tamen id esse ducebant, quod vicina illis & finitima regio esset, neque multum à patrio cælo, soloque aliena, & facilis etiam si quando abducerentur restitutio in patriam futura credebatur: nunc verò maius illis, grauiusque exilium paratum erat, quod ultra Damascum captiui ducendi essent, regionemque longè à sua totis videlicet interiectis Syriis remotam incolere cogendi. Ea autem res captiuorum miseriam vehementer augere solet. Sic ab Isaia, 10  
longè remota migratio Tyriis prædicitur: Et apud alios etiam auctores:

Virg. in Eclog. 1.

*At nos nunc alij sitiens ibimus Afros,*

*Pars Scythiam. &c.*

Inter Iudæam autem & Babylonem, Aram Damasci, & Aram Soba, & Aram Nabaraim sunt. [Dicit Dominus,] &c. Certam decretamque sententiam significat, quæ non aut hominum cõsilio reuocari, aut virtute frangi queat: namque ea Domini Dei exercituum sententia est. De verborum autem Latinorum ratione pauca dicamus. [Et portastis tabernaculum:] præteritum pro futuro à vatibus, adiuncta coniunctione & contra futurum pro præterito eodem modo usurpari, iam sæpe aliàs diximus. [Et imaginem idolorum vestrorum:] appositione additum illud est, [Sydus Dei vestri,] quem fecistis vobis, qui Deus cum non sit, à vobis tamen est consecratus. Hoc autem sydus, ea quæ à nobis Saturni stella dicitur, esse videtur. namque ubi in nostra versione legimus imaginem, Hebraicè est *Chium*: quibus literis nomen eius stellæ Arabicè constat. Porro nomen *Rempham* in Hebraico non est, sed in Græca versione, vnde hæc Latina translata est, legitur. Illa autem verborum repetitio, [Figuras quas fecistis vobis adorare eas: quas fecistis vobis,] vnde in nostram versionem inducta fuerit, satis diuinare non possumus: Namque ea, nec in Hebraicis & Chaldaicis exemplaribus, nec in Græcis translationibus, nec in correctis Latinis, aut in ea quæ ordinaria glossa vulgo dicitur, est: sed neque ad sententiæ constitutionem est necessaria. 25

## CAPVT VI.



*Væ vobis qui opulenti estis in Sion, & confiditis in monte Samarie: Optimates capita populorum, ingredientiæ pompaticè domum Israel.*

IN S A N V M Iudæorum errorem hoc Capite vates arguit, quos nullæ vatum prædictiones, nulla consilia, nullæ reprehensiones, à vitiosa & flagitiosa vita auocarant: imò quo magis reprehensi ad bonam frugem reuocabantur, eo illi impensius operam delitiis & voluptatibus dabant, vatum minis & prædictionibus contemptis, quæ omnia aut nunquam euentura, aut eius quam incolebant vrbs munitione & felicitate facile superanda esse sperabant. Neque Samaritani casus & excidij exemplo eam stultam securitatem, atque spem deponebant, cuius vrbs & fortissima, & laudatissima ruina illud doceri potuerant, & debuerat; nihil in humanis, & terrenis opibus, aut artibus, aut munitionibus firmitudinis esse posse, ubi Dei auxilio & cura destituti simus, cum fortissima quæque & robustissima hominum regna ab infirmioribus superari, expugnari, & funditus deleri, experimento ipso compertum ac manifestum sit. Quò magis autem homines huius rei immemores securis animis in ea studia incumbunt, vnde illis malorum occasio atque origo est, eò grauiorem suis rebus casum ruinamque parant. Et quoniam huiusmodi periculum sibi ipsis stulta securitate Hierosolymitani Iudæi creabant, à Vate hac oratione arguuntur. [Væ qui opulenti estis in Sion, et qui confiditis in monte Samarie. Hebraicè sic legimus: Væ Opulentos in Sion, et confidentes in monte Samarie.] Et hoc in loco sicut & in aliis, similitudinis potius, quàm copulationis coniunctio est: vt illud. Aqua frigida animæ sitiens, & nuntius bonus de terra longinqua. Et illud: Spina in manu temulenti, & parabola more stultorum. Plura huius generis exempla sunt, in quibus similitudinem indicat. Sic Pindarus, Optima quidem aqua, & aurum inter possessiones. Ait igitur non minorem calamitatem & casum expectare opulentos in Sion, quàm confidentes in monte Samarie; quibus suse vrbs & situs munitione & fortuna perpetuam quantamdam 45

Proverb. 25.

Pind. Olym. Od. 1.



dam felicitatem atque æternam sibi (vt iam in superioribus cognouimus) promittebant. Quamquam autem & situ, & opere a Deo munita Samaria fuerit, vt eius incolæ omnium mortalium tutissimi esse cæteris nationibus viderentur, tamen ab ipsis, quæ impares esse videbantur, nationibus superati & expugnati sunt. Hoc est quod subiungit: [Optimates  
 5 capita populorum ingredientibus pompaticè domum Israël. Hebraicè planius & explicatius: Notatissimi primitiæ gentium, & venerunt sibi domum Israël.] Israëlitas qui Samariam habitabant, non modò sua ipsorum opinione, sed omnium etiam aliarum gentium æstimatione fortissimos & felicissimos iudicatos, tamen gentes ipsæ bello à se superatos adiungere, atque de illis ipsis munitissimis locis deturbatos secum captiuos abduxere. Hoc exemplo Iudæi  
 10 nihilo sapientiores effecti, virgere tamen propositum & nihil omnino de vitiosa ac sceleratæ vitæ studiis remittere voluerunt; id quod Vates præuidens similem Samariticæ securitatis præcinit euentum, asserens nihil illis in Sionis arcis & Hierosolymorum vrbs firmitudine præsidij futurum quo minus tandem Babylonem captiuum abducantur, vbi miseram & seruillem vitam tanto duriores experturi sunt, quanto à long  
 15 go ac diuturno præsentium voluptatum deliciarumque vñu magis diuersam. Hoc est quod ait:

*Transite in Chalanne, & videte, & ite inde in Emath magnam: & descende in Geth Palæstinorum, num meliora quoque regna horum si latior terminus eorum termino vestro est.*

IUDÆORVM, qui à Nabuchodonosore abducti sunt, maximam partem Babylonem commigrasse, alios verò aliò fuisse translatos testis nobis imprimis Iosephus historicus est, aliorumque scriptorum libri, in quibus de ea gente variis in locis dispersa agitur. Hanc autem rem hoc loco Vates significauit, ostenditque fore vt qui  
 25 Sionis arcis præsidio & firmitudine nitebantur, atque adeo à patrio natalique solo nunquam se commigraturos confidebant, aliena loca inuiti adire, peragrarè & experiri cogantur. Ad eam adeo explicandam rem tria maximarum vrbiũ, quæ in diuersis regionibus sitæ essent, nomina vsurpauit, earumque potissimum mentionem fecit quòd amplitudine illustrissimæ & nominibus etiam ad Iudæorum casum accommodatissimis appellatæ essent. Prima est Chalanne antiquissima vrbs, & inter primi etiam orbis imperij principes numerata: Namque à Nimroti Babylonicæ Saturni  
 30 temporibus celebratissima fuit, sicut scriptum est: Fuit autem principium regni eius Babylon, & Arach, & Achad, & Chalanne in terra Sennaar. Nomen verò à consumptione sortita est: quamobrem nominis ipsius appellatione consumptionis suarum rerum  
 35 imaginem ante oculos Iudæis proposuit. Hanc Hieronymus in Hebraicis quæstionibus Cthesiphontem postea dictam fuisse testatus est. Secunda verò quam appellat vrbs est Emath magna, in Ammonitarum regione sita, iræ siue furoris nomen obtinens: ex ipsa verò ædificiorum & incolarum frequentia magna est nominata, vt ab alia Emath diuideretur, quæ Iosue terram distribuyente Nephthalitij tribui sorte obtigit,  
 40 quæ eadem Emath dor nomine in Leuitarum habitationem atque asylorum iura cessit. Ad illam itaque Emath cognomento magnam, Ammonitarum urbem, quæ postea alijs Epiphania, alijs Antiochia dicta est, magno diuino furore quosdam ex Iudæis transferendos prædixit; quosdam etiam in Geth Palæstinorum celeberrimam urbem cui torcularis nomen est, relegat, quòd apud eam gentem miserimis essent  
 45 modis premendi. Eam urbem Gettam Plinius, alijs Anthedonem; Agrippiam alijs dixerunt. Ad has autem atque ad alias regiones translatis Iudæos quantum id quod incoluerant à Deo sibi concessum regnum felicitate atque amplitudine omnibus alijs antecelluisset, periculo atque vñu ipso facillè cognituros ait: & an tantum Dei in se beneficium dignum fuerit, quod omnibus officijs ac pietate retineretur atque  
 50 que conseruaretur potius quàm sceleribus impietate & negligentia amitteretur. hoc est quod ait: [Videte si meliora regna horum cæli temperie, soli que felicitate & natura; & an latior terminus eorum, quod ad magnitudinem attinet, termino vestro est.]

Quandoquidem adeo fertilis agri adeo commodi ad habitandum soli Iudæorum, & Beniaminitarum regio fuit, vt vna Iudæa decem mille vrbes aliquando continuisset à Iosepho Gorionis filio in Hebraicis historiis dicatur, atque eis, qui Hierosolymam am-

Gen. 10.

Hieron. Hebraic. quæst.

Euseb. R. Solom. archi.

Plini. Volat. li. 11.

Ioseph.

h

biebat

Psal. 41.

biebat ager deliciarum hortis amœnitate & pulchritudine æqualis fuisse, ab eodem commemoretur. Ex locorum ergo inter se comparatione prædicit fore, ut earum rerum quibus nunc vitiosè abutuntur, maiore desiderio affecti, duriorum etiam mutaræ vitæ usum ac sensum habeant: Namque ut lucis usus & utilitas tenebrarum collatione rectè æstimatur, sic præsentium malorum comparatione absentia bona quanta fuerint, facile cognoscuntur. Eiusmodi autem sensus humanos animos vehementer mouere solet, sicut scriptum est: Hæc recordatus sum, & effudi in me animam meam &c. At verò quoniam res certa iam decretaque erat, Imperatio modo usus est, *Transite in Chalanne.* &c. Maximè quòd eam calamitatem, id malum atq. periculum præteritis impietatis & scelerum studiis sibi ipsis illi creauerant, quæ quantumuis voto morari impedireque optarent ne ederentur, tamen mala eorundem studiorum pertinacia fouentes maturabant, atque ad exitum accelerabant: cupiunt quidem homines malum à se auertere, properantis verò atque aduentantis mali causas præcidere nolunt: atque hoc modo maius sibi & grauius exitium moluntur, thesaurizantque sibi iram in diem iræ, & tardam ac cunctantem diuinam in se ultionem malis moribus urgent & sollicitant. Huius sententiæ versushic est:

Rom. 2.

*Qui separati estis in diem malum, & appropinquatis folio iniquitatis.*

מִן הַיּוֹם

HEBRAÏCE vbi nos legimus *separati estis*, verbum est *MENADIM*, quod & vouere, & instabilem esse significat: idemque in actiua voce legitur. Ex quibus huiusmodi hæc oratio sententiam habet, ut ludæos diem malum à se deprecari & separare votis & deprecationibus studerent, & tamen iniquitatis, & iniuriarum studiis auctis ipsi ultro ad diem malum festinarent, propiusque in dies accederent. Nam cum diem malum iniquitas & ea quam appellamus iniuria, pariat & afferat, quicunque iniquitatis studia remittere nolunt, iidem sponte ad malum diem properant. [Et appropinquatis folio iniquitatis.]

וּמִן הַיּוֹם

Dan. 4.

Solium pro sede positum Latine est; iniquitatem aut id quod Hebraicè *HAMAZZ*, Hispanè *agravio*, Italicè *Torto* dicitur: Id verò maximum & perniciosissimum in ciuitatibus vitium, non modò non vitari ab illis, sed in sede collocatum atq. confirmatum coli & foueri dicit, id quod studiorum & circumstantiarum omnium explicatione confirmat: ostendens id cui nimium dediti sint, nimirum delicias & voluptates iniuriarum & totius iniquitatis comites & ministras esse easdemque ultionis diem maturare potius quam auertere: Namque poenæ, decretaque in homines ob scelera supplicia, non iniquitate, sed pietatis studio & poenitentiae exercitationibus effugi ac leuari debent. alterius generis sunt pecuniarum erogationes in egenorum subsidia, atque in alios sacros & pios usus. de quo genere scriptum illud oraculum est: Eleemosynis peccata tua redime. Alterius vero generis sunt deliciarum, voluptatumque contemptio, & durioris ac continentis vitæ exercitia, qualia sunt ieiunia, asperiorum vestium, & horridioris victus atque indumenti usus, assiduæ preces, lacrymarum cum veris & intimis gemitibus satis larga copia: quæ omnia, & corruptæ prioris vitæ morumque depositionem, & emendationis præsentis ac futuræ studium profiteri, atque numinis iram placare legitimè possunt, sicut scriptum est: Conuertimini ad me in toto corde vestro, in ieiunio, fletu & planctu. At verò ab istis adeo huiusmodi nihil curatum esse Vates ait, ut contraria omnino studia sint retenta & exercita.

Ioel. 3.

*Qui dormitis in cubilibus eburneis, & Lasciuitis in stratis vestris; qui comeditis agnum de grege, & vitulos de medio armenti.*

NIMIA vitæ luxuries cum semper aliàs Deo inuisa, & hominibus ipsis inutilis ac perniciofa, tum maximè iis qui pietatem profitentur indecentissima & pestifera est. Notantur autem hoc in loco Hierosolymitani, ut qui religionis & pietatis ac temperantiæ exemplo cæteris hominibus esse debuissent, eo præsertim tempore quo sociorum fratrumque suorum res perditæ atque profligatæ suæ ipsorum in summo periculo essent, cum eadem vitiorum atque scelerum tempestate iactarentur; tamen omnis voluptatis & perditæ vitæ usu, nullis effeminatissimis & deliciosissimis nationibus cederent: tantum aberat ut aut aliena incommoda, fratrumque vicem dolerent, aut suis ipsorum iam aduentantibus malis sapienter occurrerent. deliciarum autem duo genera sunt; aliæ enim sensibus ipsis corporis quos permouent, percipiuntur: cuius generis

generis sunt conuiuia, cantus, & cætera eiusmodi: alia verò ad opinionem magis & ambitionem, quàm ad sensum pertinent; vt vasorum & supellectilium pretiosus quidam nitor, & superflua magis quàm necessaria, redundantia. Huiusmodi plurimas res sibi ipsi suisque cupiditatibus hominum luxuria ad pompam tantum adinuenit & accumulauit, non contenta illis voluptatum terminis, quos aut natura præscribit, aut ipsa sensuum vitiosa etiam appetitio capere ac ferre potest: ab hoc genere vt maxime improbato accusationem Vates instituit suam, & deinde aliud etiam tractat certis vtriusque speciebus productis. [ *Qui dormitis in lectis eburneis.* ] Ex hoc fonte illa infatigabilis habendi cupiditas nascitur, quòd ad voluptatem corporis, quæ ipsa per se infatigabilis est, opinione & pompa ab hominibus addita fuerit, cui explendæ nihil vnquam satis esse possit. Hæc enim immanis harpya non solum varijs excogitatis artibus simplicitatem illam victus & cultus expulit, sed conquisita vndique materia, & commixtis rerum generibus impensas atque sumptus ad infinitum effudit.

*Hæc sibi corrupto casiam dissoluit oliuo:*

*Hæc Calabrum coxit vitiatum murice vellus.*

*Hæc Græcis longèque petitis marmoribus alta parauit culmina villarum, terrarum quoque molibus auxit.* Atque ad hoc genus pertinet lectorum tum materia, tum opere sumptuosa & ambitiosa comparatio. Ab illa enim simplicitate satis ad naturæ vsum oportuna.

*Siluestrem montana torum cum sterneret vxor.*

*Frondeb. & culmo vicinarumque ferarum Pellibus.* Ad hanc luxuriam de-

uentum est, vt ad lectorum structuram & ornamentum peregrina materie vestibusque pretiosissimis sit opus: quasi suauiter dormiri non possit, nisi in aureis eburneisue lectis stratis pulcherrimo textili stragulo. Maximæ vero luxuriæ fuit tam incommodam atque exiguam rem qualis elephantinus est dens, ex quo gladiatorum manubria ad magnificentiam olim parata esse Poëtæ celebrabant ad lectorum, mensarum, sedium, soliorum, & tectorum structuram concinnauisse:

*Hos lignum stabat in vsus.*

*Annosam si forte nucem deiecerat Eurys;* & tamen Asiaticæ deliciæ hucusque progressæ sunt: Nāq. Achab eburneā sibi domum fecit, & Salomō solium eburneum auroq. textum extruxit. Verum hæc regum tantum deliciæ fuisse olim videntur, nunc eadem iam in communi vsu omnibus opulenti in Sion posita Vates reprehendit, atque eo præcipue tempore cum ob fraternæ vicinorum calamitatis commiserationem, & propriæ deprecationem humi potius esset cubandum: Ebur Hebraicè, *SE N* hoc est dens dicitur; ex quo nomine res ipsa melius notatur: Maximam enim luxuriam esse oportet, quæ lectos, opus magnum, ex curuo dente, exigua & inepta materia, tamen aptet. Neque vero in ipsis lectis solum, sed in stragulorum etiam magnitudine & pretio luxuriam spectari atque notari ait: non enim iam communibus & facile parabilibus vestibus lectos sternebant, sed sericis, sed purpureis, iisdemque maximis atque omni arte ornatissimis utebantur. [ *Et lasciuitis in cubilibus vestris:* Hebraicè est: *Superfluitis su-*

*per cubilia vestra.* ] Verbum est vitibus & arboribus luxuriantibus ramosque suos nimium dilatantibus aptum, & in tabernaculi velis dilatandis huius verbi vsus est.

Vestium igitur stragularum luxuriam tum in magnitudine, tum in materia & artis pretio notat Vates; atque hac vna parte omnes huius generis species coniunxit. Alterum verò genus ita notauit: [ *Qui comeditis agnum de grege, & vitulum de armento:* Hebraicè est,

*& vitulum de medio saginarij.* ] Vituli olim opportunis in locis sagina tenebantur atque ad conuiuia paranda suauiores fiebant, cuiusmodi epulas incantatrix illa femina Sauli parauit, sicut scriptum est: Mulier autem illa habebat vitulum pascualem in domo. in hoc Amos, & in illo apud Samuelem loco, idem nomen *M A R B E Q* est, quod saginarium locum significat. His agnis & vitulis rustici homines & pastores in nuptialibus fortè conuiujs, aut alijs rarissimè vescuntur. Sed quæcunque huius generis cum magna cura & studio aliosolent, ea diuitibus & opulentis in Sion parantur. Nam quæ vix sunt reliquo vulgo solennes epulæ, his quotidianus victus est; neque verò magno his pretio constant hæc; munera enim plerumque esse diuitibus solent, maximè autem ijs qui in regijs habitant vrbibus, aut in alijs etiam celebrioribus locis, modò istius quæ dominatur in ciuitate potentiae participes aliquo nomine sint. Etenim hi so-

Perfius.  
Sat. 2.  
Iuuen.

Vide de hac  
re Plinium.  
Iuuen. Sat. 6.

Alcæus.  
Iuuen. Sat. 11  
1. Reg. 22.  
2. Para. cap. 9

Ezec. 16.

Exod. 26.

Luc.

Sam. 28.

מִרְבֵּק

lio iniquitatis quàm proximè accedentes totam huius mundi consolationem sibi solis natam putant : & quoniam conuiuiorum cœnarumque apparatus & nitor quotidianus victus his est, ob eam rem præsentī verbo Vates est vsus, *Comedentes agnum, &c.* Quid si vidisset, imò præuidit nostram, quæ hodie est, luxuriam ac pompam, & cœnarum atque totius voluptatis perditissimum studium, non vitulo, aut hœdo, sed piscibus vsque petitis, vt omnis auium, altilium, marinorum, terrenorumque animantium natura penè defectura esse videatur ; vt vna istorum cœnatot generum res absumat, quot multis viris bonis, aut egenis, aut malè valentibus, & pascendis, & recreandis satis esse possent : Quid nimius & plusquam regalis ille vestitus, cui ab omnibus fere hodie indulgetur ? quid ille in fuso atque cælato auro, argento, in murorum, æquorum & mulorum veste, supellectilique omni immoderatus sumptus ? Quid ea omnia, quæ ad vtrumque hoc genus referuntur, commemorem, quanta reprehensione in Christiano populo nostris temporibus digna esse iudicaret Vates, qui eadem minora fortasse in opulentis Sion tam accuset acriter. Atque in hoc etiam genere aliam deliciarum speciem indicat, quæ aurium sensu percepta, nisi purè & legitimè tractetur, magnam vim ad lasciuiam & petulantiam in hominibus alendam habet. Ea autem est cantionum, saltationum, & totius rei musicæ vsus : quæ arte quidem optima atq. probatissima cum sint, vtentium tamen malignitate sapissime corrumpuntur. Namq. cæres ad diuinas laudes, ad sapientiæ disciplinas suauius & facilius tractâdas & meditâdas inuentæ, ad luxuriæ & sensuum tantum voluptatem fouendam atque augendam tractæ sunt. [ *Qui canitis ad vocem Psalterij. &c.* ] Cui nam voluptatis generi dediti esse soleant, qui mollibus cubilibus, & pretiosissimis stragulis parandis student, res ipsa arguit, atq. ob eam causam ex continenti per honestissimam notationem id quod contentum est significauit Vates. quod vt explicaret ea etiam genera, quibus illud inhonestissimum voluptatis vitium fouetur (vt sunt nimius & delicatissimus cibi & vini, cantionum atq. saltationum minus honestarum vsus) adiunxit, vt totius vitæ incontinentiam ostenderet. Musicæ autem diuinam rationem atque inuentionem esse ex Genesios libro accepimus, inter eas artes numeratamque repente vno aliquo inuentore & extiterunt, & ab eodem repertæ perfectæque sunt ; id quod non nisi Deo auctore contigisse, suo in loco, si idem nobis Deus concesserit, demonstrabimus. Huius artis studio sapientissimi sanctissimi que viri delectati sunt, quo in genere David imprimis celebratur. Sed hoc genus ad diuinas laudes canendas, ad sapientiæ atque antiquæ philosophiæ docendas, & memoriæ commodius tradendas rationes, ad malorum demonum impetus & tumultus sedandos, ad alias huiusmodi honestissimas, & humanæ vitæ vtilissimas commoditates inuentum, ad luxum & vitium, atque ad libidinum fomenta paranda ab hominibus tractum est, & honestissimæ res inhonestè corrupta atque deprauata, honestis tamen nominibus tunc, cum indecentissimè tractatur, defendi mendosè solet : Nam musicæ exercitatio à proborum & sapientum hominum genere, quibus olim familiaris fuit, ad scurras plerumque, & parasitos, atque aliàs viciosissima capita deuenit ; a quibus nihil ferè canitur, quod aut sapientiam, aut virtutem sapiat

*Sed conuiuia, & prælia virginum Sectis iniuuenes vnguibus acrium Cantamus vacui ; siue quid vrimur, Non præter solitum leues,* aiebat ille. Atque huiusmodi vsus non minus hominum animos corrumpunt, & vitio cumulant, quàm ille alter virtute & sapientiâ auget : imò (quæ hominum prauitas, & ad libidinem procliuitas est) plus hoc detrimenti, quàm illud ad virtutem adiumentum affert. Namque vitio quàm virtute facilius homines deducuntur : sensum enim & cogitationem hominis in malum pro-na ab adolescentia sua esse testatus est Deus. Igitur optima re, & ad diuinum cultum hominumque vtilitatem idonea, ad lusum & luxum, atque turpes delicias abusi homines sunt, videlicet sonandi & canendi facultate, in qua non solum probatum vsus, sed honestissimam etiam formam corrumpere, quod & Vates noster oratione notat sua ; & tamen propria malitia, atque in malis studiis defendendis calliditate, id quod malè agunt magnis auctoribus defendere, & honestissimis nominibus commendare student. Videas enim tum musicos ipsos, tum eos qui horum impura consuetudine delectantur, diuinam musicam, angelicam exercitationem, & Dauidicum studium frequenter iactitare ; cum nihil ab illis aut diuinum, aut angelicum, aut Dauidicis

Vide Platonē  
in conuiuio.

Horat. lib. 1.  
Od. 6.

Gen. 6.  
Gen. 8.  
Idē in Adel-  
phis Comi-  
cus Terētiū



Dauidicis meditationibus simile cogitetur. Ea enim quæ canuntur turpia imprimis sunt, & ipsum harmoniæ genus, quibus hæc aptantur, petulans lasciuumque est. huiusmodi musicæ & cantionum atq. saltationum studiis deditos Hierosolymitanos ciues opulentos illos Vates notat; quod genus non ad diuinas laudes, sed ad suas mensas, ad conuiuia atque ebrietates maximè esset oportunum. *Diuitum mensis & amica templis. Lyra*, à quodam Poëta dicta est. alteram partem sibi vsurpabant, quam alterius honesto nomine defenderent: aiebant enim se in hac re Dauidem regem ac vatem imitari, cui semper cythara familiaris gratissimaque fuisset; cum multum inter se, illorum ac Dauidis in ea re studia distarent, longèque essent diuersa atque seiuncta. Ille enim ad sacras res diuinumque cultum omnem suam artem retulit; isti verò ad vina, & conuiuia, cæteraque libidinum & vitiorum fomenta referebant, atque ob eam rem dicit:

Horat. lib. 2.  
Od. 11.

*Qui cantatis ad vocem psalterij sicut Dauid, putauerunt se habere vasa cantici.*

15 **Q**U I cantatis] hebraicè est, *Qui diminuitis*, siue *particularizatis*. Plurimum ad mores hominum cõponendos vel corrupendos referre antiqui sapientes censuere, quo musicæ genere ciuitas vtatur, atque ex cantuum tonorumque rationibus hominum mores argui posse Plato arbitrat. Nam quo tempore, quibusue in locis, sedati atque compositi cantationum modi sunt, similes esse ciuium cogitationes, similes exercitationes comperiuntur: contrà verò lasciuia & petulantes modi eiusdem notæ mores arguunt. Musicorum autem rationem vniuersam antiqui artifices in tria genera partiti sunt: Enharmonicum, Chromaticum, diatonicum. Prima duo, ad hominum mouendos affectus aptiora sunt, quòd canendi grauior modus, & humanæ in sermone vocis similior, numerisq. constet ad verba proferenda aptissimis. huius autem generis rara admodum atque obscura ex antiquis vestigia apparent; tametsi Itali Chromatici vsum non nihil restituere conantur: qua de re nos cum Daniele Barbaro Aquileiensi Patriarcha electo harum artium omnium nostro tempore antistite clarissimo longum & eruditum sermonem contulimus. Tertium autem genus illud Diatonicum dictum ad voluptatem magis atque ad permulcendas aures natum esse videtur; quòd minutis temporum sectionibus, & modulis crebrioribus præter vocum consonantiam, cætera auium garritus imitetur. in quo genere non tam canendarum rerum sententiæ, quàm ipsius cantus habetur ratio, maximè autem in hoc genere versiculi & rithmi placent, qui aut res iocosas, aut amatorias contineant. Horum generum exempla adiungere, nec nostri instituti nunc est, nec rationem longius persequi huius est loci: Satis enim fuerit rem ipsam indicare, quoniam ad Vatis nostri explicandam sententiam oportuna visa est. Namque hoc Diatonicum genus vltimum subnotare mihi Amos illo verbo videtur, *qui diminuitis*: quod eo genere musicæ potissimum vterentur, quod fouere hominum sensus, delinire animos, & voluptates adhibere potest. Illud autem ex hoc loco consequitur, honestum musices vsum nusquam, abusum verò ubiq. in sacris libris ubiq. reprehendi: atque hæc ratio satis afferre lucis poterit, vt ea, quæ in eius artis vel laudem vel vituperationem tractantur, intelligi possint. Neque enim qua parte templis, sed qua diuitum mensis amica Lyra est, vituperatur. Porro ex multis vasis hoc est instrumentis musicis Nablum solum nominauit, quam noster interpres cytharam vertit, quòd in eorum genere quæ neruis & testudine concinnata sunt, hoc fuerit antiquissimum & celeberrimum: Eius enim inuentorem Iubalem fuisse Moses scribit, qui fuit Pater cantantium cythara & organo. Ac de hac tota arte, quæ plurima in sacris libris aguntur, nos aliàs (annuat votis Deus) plura & fusiùs dicemus. Quod verò hoc musicæ studium non ad sapientiam, aut ad virtutem, sed ad voluptatem Iudæis fuerat paratum, subiuncta oratione confirmat: Namque Dauid gratissimis & ad pietatem idoneis rebus musicæ exornationem adhibebat; isti verò inter pocula & vina Venerem potius & Bacchum, quàm Deum, colentes cantabant. Hoc est quod dicit:

Plato.

Plinius.  
Boëtius.

Gen. 4.

*Bibentes vinum in Phialis & optimo vnguento delibuti, &c.*

Hæc opera atque exercitamenta poenitentiumne & diem Domini deprecantium, an magis perditissimorum hominum, & luxu diffluentium dici possunt? Namq. illius

generis cinis capiti inspersus, & supplicum velamenta, faccus & cilicia, lachrymæ & gemitus, ieiuniorumque frequentia est. His enim artibus & modis sociorum & fratrum casus & ærumnas excipere, & sibi ipsis timere ac prospicere sapientes viri consueverunt, sicut scriptum est: Ego autem cum in angustiis essent, induebar cilicio, humiliabam in ieiunio animam meam, & oratio mea in sinu meo conuertetur, &c. Musicis autem & poeticis ijs solum indulgent qui omnia postposuere, dummodo cutem curauerint, risusque & iocos vndiq. sibi quæsierint, sicut scriptum est: Vinum & musica lætificant cor. namque altera res curarum obliuione allata, alteri locum ad voluptatem parat. Vnde & *habesh-dez* vinum Græcus Poëta, obliuiosum Latinus cognominauit. huius generis hominum illa oratio est. *I, pete vnguentum puer, & coronas, Et cadum Marfi memorem duelli, &c.* 10  
*Dic & arguit prope Neeræ, &c.* [In phialis.] Vasoꝝ nomine certo nimium vini vsum arguit. nam ex multis vasoꝝ nominibus quæ apud Hebræos sunt *MAZRAQ*, vnũ est quod magnitudinis, capacitatisque ratione habet; quod Latine craterẽ vel phiala recte vertas. [Et optimo vnguento, Hebraicè est, Et primitijs olei inungentur.] Verbũ futurũ à tẽpore absolutũ assiduitatẽ, vsum, consuetudinẽque significat. Fuerũt olim in delicijs vnguenta, quorũ vsus ab ijs qui Asiã incolebant ad Romanos vsq. defluxit. Eorum autẽ multiplex natura & compositio fuit, sed omnem aliam naturam balsamum suauitate & virtute vincebat, quod vni tantum Iudææ solo certis in vicis, nempe apud Hierichunta generosissimum contigit: Namque Ægyptium minori omnino laude celebratum est. In eo genere, quod triplex erat, Opobalsamum excellebat, idque est quod primitias olei Vates noster nominat. Vt enim Latinis vnguenti, sic Hebraicis olei nomine omnia hæc genera dicuntur; quod præter fordes atque inficiendi facultatem cætera olei referat naturam. Non solum autem vino & cibis suauissimis, sed cuti etiam & capillis curandis indulgisse Iudæos arguit Vates. quæ res molles animos, & parum virile vitæ genus, atque ijs qui virtutem profiteri debent turpissimum declarat, si tamen assidua, studioseque procurata sit: quod & Laronia illa hypocritis quibusdam philosophastris obijciebat. Tertius, inquit, è calo cecidit Cato. sed tamen vnde *Hacemis? hirsuto spirant Opobalsama collo Qua tibi, &c.* 15  
Quicumque autem his delicijs operam dederint, nullis neque suarum, neque alienarum rerum curis angi, sed animum sollicitudine omni liberare student. *Huc vina & vnguenta & nimium brevis flores amœne ferre iube rose, &c.* aiebat ille. Delicatissimi igitur & voluptatibus liquefacti Iudæi fratrum suorum Israëlitarum, quorum res vehementer detritæ erant, minimè dolebant vicem, neque animum ad illorum calamitatem adiungere volebant, ne vel minimus susceptus dolor voluptates aliqua ex parte minueret. 25

*Et nihil patiebantur super contritione Ioseph:*

NAMQUE eo tempore maximum Israëliticæ res ab Assyrijs hostibus detrimentum acceperant, antequam Ieroboam filius Ioas regnaret. Israëlitas autem Ioseph nomine appellat, quod Ephraitæ, ex quibus primus Israël rex fuit, ex Ephraim tribu fuisset; & quod Iosephi amplitudo illa etiam dignitate à patre ex testamento aucta est, vt Israël nominis illius familia; & Iosephi nomine omnis etiam Israël appellaretur. Sic enim senex moribundus dixerat: Et inuocetur super eos nomen meum, & nomen patrum meorum. quamobrem in Psalmo Vates canebat: Qui regis Israël intende; qui deducis velut ouem Ioseph. Ioseph autem augmentum siue additionem significat, atque eius nominis rationem faustam, felicem, & perpetuam esse, optandum maximè fuerat; imminutam verò & fractam videre, fuit vehementer dolendum. Vocatus enim erat à matre Ioseph, atque illud nomini additum votum: Addat mihi Dominus filium alterum, &c. Cum autem Iosephi felicitas ad omnem Israëlẽ ex paterno etiam voto & testamento pertineret, omnes Israël filios in contritione Ioseph dolere oportuit; quando illa ærumna magnum generis totius portederet periculum. Istis autem delicijs, & negligentia, animorumque securitate grauius illis & maturius atque certius malum afferendum esse prædicit: 30

*Quapropter nunc migrabunt in capite transmigrationis, & auferetur factio lasciuiuentium.*

OMNES vniuersi Israëlitis ærumnas hoc versu complexus est Vates, tum quas Samaritæ, tum eas etiam quas Hierosolymitani pertulere: namque in Israëlitis iam superius decretam ob scelera & impietatem sententiam denuo repetit, & consequuturū etiam, Iudæos non minoribus sceleribus alligatos, iudicium pronuntiat: ita vt neutram partem merito supplicio carituram confirmet. namque Israëlitis priui omnium migrabunt, idque maturè; ac propterea dixit: [Nunc in capite transmigrationis,] & deinde paulò post: auferetur factio illa Iudæorum lasciuientium in Sion, qui lufibus & voluptatibus dediti, nec suis malis cauebant, neque alienis mouebantur. Id autem tanto illis certius, quanto minus credentibus, nec opinantibus adueniet: quoniam quas illi vanas esse vatum de eā re prædictiones putant, interposito etiam iuramento certas, constantēque fore Deus asseuerauit.

*Iurauit Dominus Deus in anima sua dicit Dominus Deus exercituum:  
detestor ego superbiam Iacob, & domos eius odi, & tradam ciuitatem  
cum habitatoribus suis.*

QUANTUM Deum, qui mentiri nunquam potest, quicquid dixerit, satis fuerit dixisse; tamen in grauissimis rebus iureiurando sua dicta firmasse videmus, atque id iuramentum non certitudinē & veritatem atque dictorum constantiā solū, sed affectum & voluntatem indicat. Eam enim rē magna cura esse susceptā interpretamur, cui iuramenti etiam sanctitatem Deus adiunxerit. Vt: per memetipsum iuraui, nolo mortē morientis, &c. Illud etiam grauitatē & pondus iuramento addit, quod non priuato sed publico iudicis nomine iuratur. Nam primum nomen *Adonai* est, quod proprium cum sit, misericordiæ & constantiæ rationem explicat. Alterum verò est *Elohim*, quod in iudiciali causa vsurpari plerunque solet. Iurisiurandi autem formula grauissima est, in anima sua; hoc est in vita sua, idem quod per seipsum. Deo enim nihil se maius (vt D. Paulus ait,) quo iuret, est: quam ob rem per semetipsum iurare solet. In anima autem iurare, idem quod Græcis in caput iurare est, vt: Qui non accepit in vano animam suam. Quod si hominibus propriam animam in vano accipere religio est, quantā diuino iureiurando sanctitatem futuram credere par est? Grauiissimam itaque & certissimam sententiam esse cōsequitur, quam Deus iudex & mundi rector capitis sui, hoc est, propriæ diuinitatis & maiestatis iuramento pronuntiando confirmet; subiuncta etiam ad id præstandū quod dixerit potentiæ ac facultatis appellatione: [*Dominus Deus exercituum.*] quibus omnibus verbis certam agendi voluntatē, cum maxima quoque facultate coniunctam ostendit. Iurisiurandi autē sententia illa est: [*Detestor ego superbiam Iacob.*] Illud ad huius loci explicandam sententiam meminisse oportuerit, quod iam aliàs est à nobis indicatum, nomen Iacob filium illum Isaac & Rebeccæ, non cum vlla publica dignitate, aut opibus, aut imperio aliquo, sed priuatum & communis vitæ conditionis hominem significare; qualem ordinem & gradum ille tenebat, cum fratris metu paternam domum fugiens, & quænam eum fors exulem maneret incertus, diuinæ sese misericordiæ & fidei huiusmodi voto & supplici oratione credebatur. Si fuerit Dominus mecum, & custodierit me in via per quam ego ambulo, & dederit mihi panem ad vescendum, & vestimentū ad induendum; reuersusque fuero in pace ad domum patris mei, erit mihi Dominus in Deum, &c. Hunc autē hominem tam humilem, tamque demisso animo supplicantem, & pacem sibi tantū, tenuemque victum & vestitum petentem, quod ad magnas diuitias, atque adeo ad opulentiam euexerit is cui supplicabat, non decuit suæ humilitatis, & propriæ obscuritatis oblitū sese insolenter efferre, si secundarū rerum cursum eodē Deo auctore & conseruatore perpetuū sibi esse voluisset. Sed eā felicitatē & dignitatē iisdē illis artibus quibus cōsecutus fuerat, submissione, modestia, obsequio, orationeq. supplici, atq. eius voti cuius religione sese obstrinxerat, perpetua solutione retinendam curari, & re ipsa præstari oportuit. Deus patris mei Abraham, Deus patris mei Isaac: Domine qui dixisti mihi, reuertere in terrā tuā & in locū natiuitatis tuæ, & benefaciā tibi. Minor sum cūctis miserationibus tuis, & veritate tua quā expleuisti seruo tuo. In baculo meo transui Iordanē istū, & nunc cū duabus turmis regredior, &c. Itaq. Iacob nomen & appellatio propriā illius hominis paupertatem, ignobilitatem, humilitatemque repræsentat: Israëlitis verò cognominatio, eam quam auctore Deo dignitatem consequutus est, iisdem rationibus, scilicet fide

& obsequio, retinendam significat. Neque enim id ipse sibi nomen aut fecerat, aut à parentibus acceperat suis, sed à diuino nuntio nomen suum rogatus, & se Iacob appellari professus, audierat; Nequaquam Iacob appellabitur nomen tuum, sed Israël. Cum autem Israël postérité, quæ nisi concessæ dignitatis gloriæ & amplitudini deesse uolisset, perpetuis pietatis officijs, uti debuit, ab illa paterna virtute per nefaria scelera degenerasset, ad Iacobi humilitatem & paupertatem, quæ propria illi fuit, redacta est. Nihil aut molestius & iniquius ferendum, quàm pauperum & obscurissimorum hominum superbia atque insolentia, est. Tres species, ait Sapiens, odiuit anima mea, & ag-  
 Eccle. 25. 10  
 11 grauior valde animæ illorum: Pauperem superbum, & diuitem mendacem, &c. Eam  
 12 autem ipsam rem Deus hoc loco persequitur, & ut grauissimam atque molestissimam  
 abiurat, sese Iacobi fastum & insolentiam nec ferre, nec dissimulare posse, nedum  
 permittere aut fouere uelle. [*Detestor ego superbiam Iacob.*] Ego pronomen significan-  
 Prou. 16. 15  
 16 tissimum in loco est, atque ex utraque persona amplificatio crescit. Ego, cui nihil  
 17 tædiosum magis quàm superbia est, sicut scriptum est: Abominatio Domino omnis  
 18 altitudo cordis, manus ad manum non absoluetur. [*Superbiam Iacob.*] Humillimi illius  
 19 olim & pauperrimi, atque exulis hominis, cui fugienti vix baculus ad viam suppeditabat. *Detestor.* Verbum Hebraicè in graui coniugatione est; quod eam rem Deo vehementer odiosam esse indicat. [*Et domos eius odi Hebraicè est, Et palatia eius:*] Nam vnde Iacobo palatia ad habitandum, qui cum fratrem fugeret suum, neque vile quidem stragulum in quo cubaret habuit: sed cum venisset ad quendam locum, & vellet in eo re-  
 Gen. 28. 20  
 21 quiescere post Solis occubitum, tulit de lapidibus qui iacebant, & supponens capiti suo  
 22 dormiuit in eodem loco. Vnde ergo palatia Iacobo? Cui si ex diuinis muneribus & diuitijs, atque ex terræ in qua habitabat opulentia contigit, ut non domos solum, sed ædes & palatia ædificare posset, iam illa primum iniuria est, quod ea non Iacobo, sed Israël fuerant donata. Ita, quæ malè possessa, atque iniuste retenta sunt, meritò ab illis  
 25 sunt repetenda. [*Et tradam ciuitatem cum habitatoribus suis.* Hebraicè est, *ciuitatem, & plenitudinem eius:*] atque ita etiam Chaldaicè: ut non tantum habitatores intelligamus, sed & urbem ipsam cum diuitijs atque omni suppellectili, quibus referta erat, quibusque Iacob ille obscurus & ignobilis homo iniuste possessis luxuriosissime abutebatur. ea autem Deus cum non Iacobi essent, sed sua, repetere ab eo, atque alijs gentibus in vsum tradere iureiurando decreuit: indignum enim est & odiosissimum, imò & molestissimum, ut pauper, obscurus atque ignobilis homo, maximè nullis bonis artibus, nullis virtutibus præditus, sed innumeris potius flagitijs & sceleribus contaminatissimus magnificentissimis ædibus opulentissima vrbe tot commodis & voluptatibus maxima cum insolentia fruatur. Quod ad sermonis vsum facit coniunctio, & illationis vim obtinet,  
 35 & tradam, hoc est, Tradam itaque. Namque argumentationis totius conclusio hæc est: id quod maxime displicet, molestumque est, non est ferendum. Iacobi autem superbia vehementer displicet: Ea igitur non est ferenda; sed omnis fastus & superbiæ materia auferenda illi est. Quàm autem seuerè & quàm grauius decretum hoc suum exequi cogitarit Deus, ut urbem & plenitudinem eius excindendam, expoliendam, atque  
 40 hominibus & rebus omnibus exhauriendam tradat, subiuncta oratione exponitur:

*Quod si reliqui fuerint decem viri in domo vna, & ipsi moriantur, & tollet eum propinquus suus, & comburet eum, ut efferat ossa de domo.*

45

Nullo modo diuinum ultionis iudicium effugiendum illis esse, quin certissimo supplicio subeat, confirmat Propheta: neque vllum studium aut conatum, aut consilium profuturum, quo minus ad solitudinem illam & ignobilitatem atq. paupertatem suam redeundum sit. Ita ut si vel decem, aut alioqui maior aliqua hominum copia mutuè sibi auxilium promittentium in munitissimam & firmissimam domum sese recipiant, 50  
 in qua hostis impetum declinare cogitent; tamen fame & peste pereant: perituri autem sunt in tanta ignobilitate & obscuritate, ut nec funeris pompa, nec vllis sepulchri ceremonijs efferantur; sed ab illo qui fortè reliquus fuerit, singuli concremati, humili & obscura sepultura afficiantur; quod in agrum efferri hostili obsidione prohibebuntur, quibus pestis ipsa atque hominum ex bello raritas funeris ritum omnino neget,



neget, quo cum funere prodirent aliàs amici. Hoc autem genus in miserrimis etiam  
 ærumnis antiqui ponebant, si quis sepultura, & iustis exequijs careret, sicut scriptum est:  
 Posuerunt cadauera mortuorum in circuitu Hierusalem, & non erat qui sepeliret. De-  
 narium autem numerum ideo notauit, quòd is sit cunctis perfectior, quò ceteros nume-  
 5 ros sigillatim includimus, (supra decem enim non tam numeratio, quam eorundem  
 numerorum replicatio est,) naturæque constet rationibus potissimum, atque illud hoc  
 nomine significare voluit, vt res non casu, sed certo consilio euétura intelligeretur: Nam  
 si decem, qui sese in vnam domum recepissent, omnes perirent; eorum interitus certa  
 ratione constare probabatur. Si enim id casu, aut aliquo alio morbo eueniret, cur magis  
 10 decem, quàm nouem, aut cur nam decem extinctis, vnus à quo cremarentur superesset?  
 Sed certissimam rem, & consilio decretam certus numerus probatura erat. Quo tem-  
 pore autem ciuitatum res neque confusæ, neque turbatæ sunt, si quando mori aliquem  
 contingat, propinquis in lachrymis, & luctu occupatis ceteri amici, aut etiam vicini fu-  
 nus curant. Vbi verò magna ac turbulenta tempestate publica iactatur res, vt in bello,  
 15 peste, atque fame, priuata salutis suæ vnusquisque sollicitudine vrgetur, aliena omnino  
 curare negligit. Ex quo fit, vt ea cura propinquum aliquem & necessarium attingat, quæ  
 tranquillis in rebus ab alio suscipienda fuit. Hic ergo ita propinquorū corpora cremada,  
 & ossa efferenda curat, vt omni luctu solutus, omni fletu immunis, nullis lachrymis per-  
 fusus, pietatem omnem exuat, & non tam necessariorum suorum, quàm hostium cada-  
 20 uera cremare videatur. Propinqui autem nomen hoc in loco ex Hebraicis patrum  
 significat.

*Et dicet ei qui in penetralibus domus est, nunquid aliquis est penes te? Et  
 respondebit finis est.*

25 VSQVE ADEO se præbebit patruus alienum, vt neq. ipse domum penetrare velit;  
 tantum eum qui domi reliquus fuerit rogabit, nunquid cadaver vllum cremandum re-  
 lictum fuerit; num quis illi viuus adhuc, qui nondum perierit, superfit. Ille verò aut vi-  
 uum, aut mortuum aliquid omnino superesse negabit, suamque calamitatem & solitu-  
 tudinem deplorare incipiens, ab altero omnino lugere vetabitur, quòd adeo turbata &  
 30 calamitosa tempora sint, vt neque diuini nominis meminisse, aliàs non nimium assuetis  
 vacet, nedum mortuos luctu & lamentis prosequi vacabit. [ *Nunquid aliquis penes te est?*  
 Hebraicè: *Nunquis prater ea tecum?* ] vt non solum de mortuis, sed de viuis etiam roget: &  
 respondebit finis est. Hebraicè verbum A P H E S, necessariæ & oportunissimæ rei defectū,  
 desideriumque significat; idque in calamitosissimis & miserrimis temporibus vsurpa-  
 35 tur, vt: Vidit Dominus afflictionem Israël amaram nimis, quòd consumptus est clausus  
 carcere, & consumptus est etiam derelictus & extremus, & non essent qui auxiliatur  
 Israël, & apud Iob: Dies mei consumpti sunt cum defectu spei. Sic etiam apud Isaiam:  
 Nobiles eius non erunt ibi. regem potius inuocabunt, & omnes principes eius erunt in  
 nihilum. In his atque alijs non dissimilibus locis verbum A P H A S est; ex quibus illud  
 40 ad luctus & lamentationes aptum esse intelligimus; vt apud Latinos illa vox, ergo: Nam  
 similes his syllabarum quidem numero breues, pronuntiatione verò graues voces hu-  
 manus animus in acerbo aliquo luctu inchoando commodè vsurpat; atque primo qui-  
 dem verbo, siue interiectio illa, siue aliqua alia sermonis pars sit, concepti doloris cau-  
 sam, quàm fieri potest aptissimè, exprimit. Namque vt apud Latinos ergo, plura signifi-  
 45 cat, quàm vt nos hic referre possimus; sic apud Hebræos illa prima dolentium vox  
 A P H E S, hoc est desijt aut defecit; omnis felicitatis, salutis, dignitatis, fortunarumq.  
 omnium defectum indicare videtur. Eum verò luctum patruus ita excepturus erat, vt  
 non leuaret, sed reprimeret omnino, diceretque ei, *Tace*. Hic tantæ superbix, tantarum  
 deliciarum, & totius luxuriosæ vitæ exitus fuerat, vt omnibus tandem commoditati-  
 50 bus priuati, bello, aut peste, sine sepulturæ honore, nullis neque propinquis etiam fle-  
 biles perirent.

*Et non recorderis nominis Domini. Hebraicè sic est: Et non ad recordan-  
 dum in nomine Domini.*

ET SIC hunc locū Nicolaus, & Ordinaria quā vocant, glossa reddidit: tanta malorū  
 turba,

Psal. 78.

” Fuit etiam à  
 Pythagora  
 decas obser-  
 uata; vt reci-  
 tat Porphy-  
 rius lib. de  
 Sacrificijs.

Simile à Thu-  
 cydide est an-  
 notatum in  
 magna illa  
 Peloponnesia.  
 cos peste.

2 Reg. 14.

”  
 Iob. 7.  
 Isai. 34.

”  
 DON

turba, tanta trepidatione ac tumultu laborandum esse, tanto metu & sollicitudine eorum mentem impediendam opprimendamque fore ostendit, ut quod vnum in miseris rebus esse solet refugium diuini nominis inuocatio, id illis vitam tranquillā & deliciosam aliās agere assueris (quo in statu, ut nulla pietas, sic rara diuini nominis mentio est) id in quā refugium petere in mentem non veniat: I nunc, & vitam in sceleribus & vitijs securus, traduc, & poenitentiam atque pietatis studium ad finem usque ad ipsum mortis articulum differto: cum neque tuorum quos charissimos habueras, neque Dei quem abs te omnino abalienaueras, recordari fortasse valeas. Quoniam verò in superioribus suam in vtraque regna, Israëlitarum & Iudæorum decretam sententiam longa oratione sigillatim pronuntiabat; easdem nunc breuiter confirmatas repetit, atque hostibus exequendas mandat.

*Quia ecce Dominus mandauit, & percutiet domum maiorem ruinis, & domum minorem scissionibus.*

DIVINÆ potestatis ministros & satellites, per quos res gerenda, suppliciumque de vtraque Israëlitarum domo sumendum foret, paratos iam esse illa indicat oratio; [Dominus mandauit.] Quemadmodum autem impositum illis negotium expediendum sit, translatione proposita declaratur. Namque Israëlitarum regnum, totamque illam decem tribuum gentem penitus ruituram; Iudæorum verò & Beniaminitarum publicam rem vehementer esse proterendam Propheta significat. Domus Israël, quæ vnica olim fuerat, populari dissensione in duas partes studio diffidentes à Roboami regni initio diuisa est: atque ex eo tempore, alteri Domus Israël, & alteri domus Iuda factum est nomen: hisque nominibus vtraque pars est frequenter appellata, tametsi tota ipsa natio Israël diuisa esset; domus tamen nomine adiuncto, altera pars ab altera diuidebatur. Ut: Ecce dies venient, & seminabo super domum Israël, & domum Iuda semine bono, &c. Igitur domum maiorem Israël domum cognominat; quæ copia & hominum multitudine domum Iuda longè superabat. hæc enim duas tantum; illa verò decem tribus continuit: Ex Iacobi autem prædictionibus, atque ex ipsa re, & euentu Israëlitarum turbam maiorem quam Iudæorum semper fuisse intelleximus. Nam paulò antè diffidij tempora, cum David vtramque gentem enumerare iussisset, summis in codicem relatis, inuenti sunt de Israël octingenta millia virorum fortium, qui educerent gladium; & de Iuda quingenta millia pugnatorum. Domum autem magnam quæ omnino diruenda, neque vnquā præterea in eum locum restituenda erat, ruinis percutiendam prædicit. Minorem verò Iudæ domum labefactandam quidem, non tamen restitutionis spe destituendam (ut pote post septuaginta annos in proprium solum remigraturam,) scissuris affectum iri præcinit. Hunc locum Chaldaica biblia sic interpretantur: [Quoniam ecce Deus mandauit, & delebit regnum magnum deletionem forti, & regnum paruum deletionem debili.] Quoniam autem fieri omnino non posse vtraque gens credebat, ut ab hostibus superati perderentur, quod & propria virtute, & locorum in quibus habitabant situ, & munitione fiderent; alteri enim populo Samaria; alteri Hierusalem regia erat; vtraque autem vrbs & natura loci, & operibus munitissima fuit; nulla earum rerum stabilem illis fiduciam esse posse Vates ostendit. Quandoquidem urbium, & ciuitatum, regnorumque felicitas, non armis, non viribus, non muris, aut alijs propugnaculis; sed iustitia, innocentia, æquitate, atque pietate retineri, augeri que soleat: quibus artibus & virtutibus sublati res omnes publicas, quamuis maximas & felicissimas, corruiere necesse est. Ipsa enim iniuria, ipsa fraus, ipsa etiam tyrannica potentia, ciuitates, in quibus versantur perdere, hostibusque euertendas proderet; ipsa inter ciues discordia florentibus rebus calamitatē maximam, maximorum operum & consiliorum mirificam molē conuelleret & labefactare solent, sicut scriptum est: Præcipita Domine, & diuide linguas eorum, quoniam vidi iniquitatem & contradictionem in ciuitate, die ac nocte circundabit eam super muros eius iniquitas, & dolor, & labor in medio eius, & iniustitia. Itaque nullum aliud præsidium, nulla propugnacula firma ijs locis esse possint, in quibus ius, æquitas, atque pietas, satis ad defendendam & stabiliendam libertatem idonea præsidia desiderantur. Igitur vanam vtriusque populi orationem & iactationem Vates redarguit, quibus vrbes suæ expugnata non minus difficiles credebantur, quam si quis in rupe equis currere, aut bobus arare

arare pararet: quodd vtrique rei expediendæ loci ipsius tum inaccessibilitas, tum durities & firmitudo obfisteret. Est autem hæc ab artificibus conformatio, siue mimosis dicta figura, cum quis aduersarij orationem ad redarguendum vsurpat. Erat verò Iudæorum & Israëlitarum oratio huiusmodi:

5 *Nunquid currere queunt in petrisequi, aut arari potest in bubalis?*

Q V A vati conformatio est, aduersarijs similitudo ab impossibili erat, qua illi sibi, rebusq. suis securitatem promittebant. Atque hoc argumenti genus in grauissima atq. impossibili re à sacris & prophanis auctoribus vsurpatur. vt: Si mutare potest Æthyops <sup>Ierc. 13.</sup> pellem suam, & Pardus varietates suas, & vos poteritis benefacere cum malefacere <sup>Horat. lib. 2.</sup> didiceritis. Et illud: *Si pugnat extricata densis cernua plagis, erit ille fortis, &c.* Vtraque autem similitudine & belli, & victoriæ copiam hostibus negabant, & confidentiam sibi atque securitatem maximam vterque populus promittebant. Nam qui equis ineptum locum aliquem esse demonstrat; idem ad pugnam incommodum esse arguit: Siquidẽ equus ad <sup>Prou. 21.</sup> pugnam bellique diem, vtsapiens ait, paratur. in quo autem loco equestris pugna, qua plurimum Assyrij valere, committi non possit, eum locum expugnari posse timendum non est. Vt autem equus pugna; sic aratio expugnationis & victoriæ argumentum est. Olim enim victores expugnatas à se & captas vrbes in subactionis signum muro aliqua ex parte diruto arare consueuerunt. quam rem ex illo Poetæ loco docemur:

62 *Imprimeretq. muris hostile aratrum Exercitus insolens.* Huiusmodi difficillimam imò desperandam <sup>Hor. lib. 1.</sup> potius de se victoriam illi quondam Alexandro Macedonico proponebant; qui cum rupem <sup>od. 17.</sup> quandam editissimam tenerent, legatos rogabant, num Alexandri milites alis essent præditi? Nullum autem locum inaccessum esse, aut venienti hosti difficillimum, quem Deus non tueatur & propugnet, frequentibus sacrorum librorum testimonijs, atq. visu ipso, & temporum rerumq. exemplis intelleximus: Nisi enim Dominus custodierit ciuitatem, frustra vigilat <sup>Psal. 126.</sup> qui custodit eam. Vbi enim ille urbem ob incolentium nefaria scelera tradendam decreuerit, & vires, & celeritatem, & ingenium hostibus addere, & opes alias victoriæ causa concedere consuevit; quibus rebus aduersum Iudaicum & Israeliticum populum Deo auctore instructos, eosdem ipsos Assyrios, de quibus nunc agimus, Ioël docebat. Quasi aspectus <sup>Ioël. 2.</sup> equorum aspectus eorum, & quasi equites sic current, sicut sonitus quadrigarum super capita montium exiliunt. Ita vt nihil omnino difficillimum illis sit, quos Deus ad poenas de sceleratissimis hominibus repetendas parauerit & instruxerit. Namque ille est formans montes, & creans spiritum, & annuntians homini eloquium suum. in bubalis, Hebraicè in bobus, est. atq. vtraque pars ad rupem referenda est; vt sic ratio ex Zeugmate

53 connectatur: [*Nunquid currere poterunt in petris equi; aut arari bobus in rupe poterit?*] In petris, vertimus in rupe; namque eiusmodi nomen Hebraicè est. Probat autem vates non esse iam difficile factum, vt in rupe equis curratur, aut aretur bobus: hoc est, nihil mirandum esse si tanti hostibus animi addantur, tantis viribus, tanta felicitate augeantur, vt Israëlitarum & Iudæorum munitiones contemnere & ridere possint, quando maiora miracula, imò

64 maiora potius monstra à Iudæis & Israelitis edita sint; qui & ipsi suis sceleribus viam hostibus aperuerint, & munierint. Nec enim cuiusquam rei effectus mirabilis videri debet ei qui causam dederit quamobrem efficiatur, quæ causa maiora in se monstra atque prodigia contineat. Cum verò iustitia & iudicium, duæ maximæ virtutes ad publicas res conseruandas idoneæ, ab ijs conturbatæ & pessundatæ sunt; nihil mirandum fuerit

54 si illud tantum, tamque horrendum monstrum alia minora, atque editu faciliora sequantur; præsertim cum illa vitia ab humana solum malitia edantur, atque hæc rerum gerendarum facultas hostibus auctore Deo contingat.

50 *Quoniam conuertistis in amaritudinem iudicium, & fructum iustitiæ in Absynthium.*

R E R V M publicarum ratio omnis, felicitas, atq. hominum societas, inter se nulla alia re <sup>Ciccr. 2. Off.</sup> magis quam æquitate & iustitia conseruatur & alitur: neq. vllum aliud aut certius, aut præsentius venenum ciuitatibus comparari potest, quam si virtutes hæc corrumpantur. Iudicij nomine in sacra Philosophia idem quod æquitas; iustitia verò ius Latinis significare, aliàs est à nobis disputatum. Ex quibus rectè sancteque excultis, & dulcissimi & op-

Psal. 71.

Ezech. 22.

Aristo. 2. de  
anima. Et Ga-  
len. li. de nat.  
facult. Hipp.  
lib. de humo-  
ribus.

Esaï. 32.

Horat.

Ver. eccl. 10.

Arist. de hist.  
animal. cap.  
proprio.  
Mich. 4.

Psal. 43.

& oportuni fructus ad res publicas alendas percipiuntur, sicut scriptum est: Deus iudicium tuum regi da, & iustitiam tuam filio regis. Iudicare populum tuum in iustitia, & pauperes tuos in iudicio. Suscipiant montes pacem populo, &c. His etiam corruptis aut perditis, ipsam publicam rem marcescere & perire necesse est. Sic enim legimus: Hæc dicit Dominus Deus: Civitas effundens sanguinem in medio sui ut veniat tempus eius. In sanguine tuo, qui à te effusus est, deliquisti; & in idolis quæ fecisti polluta es, & appropinquare fecisti dies tuos, & adduxisti tempus annorum tuorum. Propterea dedi te opprobrium gentibus, & irrisiōem vniuersis terris. Quæ iuxta sunt, & quæ procul à te, triumphabunt de te, sordida, nobilis, grandis interitu. [In amaritudinem, Hebraicè est, in fel, & fructum iustitiæ in absynthium.] Duo extrema amaritudinis capita protulit, fel & Absynthium; quibus nulla res amarior. atque in hac similitudine naturæ ordinem sequutus est: etenim iudicium in iuris & æquitatis cogitatione; iustitia in ipso opere officioque præstando est. ita altera pars animum & consilium; altera verò studium & officium ipsum significat. Quo autem animo, qua mentis perturbatione res geratur, fellis nomen declarat: quod ea corporis pars in iecore (vbi affectuum & perturbationum fons est) constituta; si nimium abundet, morosum hominem, iracundumque efficiat. Ex qua animi perturbatione, nullum sincerum ac sanctum officium, sed Absynthium expectari potest. atque ex sincero ac puro animo integra ac sancta iuris meditatio, ex meditatione iustitiæ oritur, ex iustitia autem pax, publicaque salus & tranquillitas, ut ex arbore fructus, nascitur, sicut scriptum est: Et erit opus iustitiæ pax; sic rursus ex felle amaritudinis, animorum perturbatio. Ex hac officij, iustitiæque omnis prophanatio, corruptioque proficiscitur. Quod ad argumentandi rationem attinet, ex contentione Vatem argumentatum esse dicimus, ut maiori absurdo proposito facile minus absurdum inferatur. Estque hoc grauissimum arguendi genus, atque in præposteris negotijs amplificandis frequenter ab auctoribus tractatum, Vt:

*Miraris cum tu argento post omnia ponas:*

*Si nemo præstet, quem non merearis amorem?*

*Mopso Nisa datur. quid non speremus amantes?*

*Iungentur iam gryphes, &c.*

Et illud:

Igitur cum duas maximas virtutes iudicium & iustitiā, quibus rem vestram retinere conseruareque possitis, corruptas esse con-

stet, nulla vobis alia certa, & stabilis fiducia, aut in vrbium situ, aut in munitione, aut in vestra etiam fortitudine esse potest.

*Qui letamini in nihilo: qui dicitis, nunquid non in fortitudine nostra assum-*  
*psimus nobis cornua?*

CORNVA animantes armorum loco habent, quibus propugnare & se defendere valeant: maximè autem rhinoceros hoc propugnaculo vitur, & valet; cuius belluæ diuinis in literis illustris & frequens mentio est: Surge, inquit, & tritura filia Siō, quia cornutum ponam ferreum, &c. Huiusmodi fortitudinem sibi ipsis parasse Israëlitzæ iactabant, quod duobus munitissimis locis Samaria & Hierosolymis tanquam cornibus fiderent, quod eiusmodique animos induerant, ut resistendo atque obistendo cuilibet hosti non modò pares, sed superiores etiam se fore sperarent; cum nullæ omnino vires illis suppeditari possent diuino auxilio ob sua scelera destitutis, sicut scriptum est: In te inimicos nostros ventilabimus cornu, & in nomine tuo spernemus insurgentes in nos. Huic præsidio qui non innititur, in nihilo omnino latabitur; quod sequentibus versibus Vates confirmat, qui vniuerso Israëlitarū generi tam Hierosolymitis, quàm Samaritis nihil profutura esse cornua denuntiat, quo minus ab hoste exagitatis & superatis tota ea regione, quam ipsi sibi felicissimam, tutissimamque promittebant, cedendum sit: Sic enim tauri & rhinocerotēs à venatoribus acti, aut vita, aut siluis suis excedunt.

*Ecce enim ego suscitabo super vos domus Israël, dicit Dominus Deus exercituum gentem, & conteret vos ab introitu Emath, usque ad torrentē deserti.*

TRANSLATIONEM à feris sumptam persecutus est: Solent enim venatores coactis hominū & canum agminibus feras in siluis latitantes, sequē locorum natura, & proprijs viribus atque armis tuentes primum sollicitare, deinde agitare, ac tandem superatas partim



partim occidere, partim retibus viuas capere, atq. ad ludos & spectacula in caueas inferre, sicut scriptum est: Et conuenerunt aduersus eum gentes vndiq. de prouinciis, & expanderunt super eum rete suum; in vulneribus earum captus est, & miserunt eum in caueam, in cathenis adduxerunt eum, &c. Huiusmodi se venatione aduersus Israëlitas vsus sum Deus denuntiat, quos ipse coacto ex Assyriis exercitu, in omni loco, quâ latè eorum regio patebat, exagitabit & capiet. Venationis autè translatione ad bella pertinere, ille in libro Geneseos locus nos docet de Nimrot, qui fuit robustus venator coram Domino. Genes. 10. Tota autem Israëlitarum regio duobus illustribus finibus, introitu Hemath à Septentrione, & torrente deserti à meridie, claudebatur. Introitus Hemath, porta in Libano mōte 10 est, quâ ab Israëlítico in Damascenum agrum transitur. Torrens autè deserti, is fluuius est, qui Israëlitas ab Arabibus dirimit. At verò Hemath vnà ex munitissimis vrbibus fuit quæ Nephthalinica tribui sorte cōtigerat, vt ex Iosue descriptione accepimus. Hæc Eusebio, Epiphania, aliis verò Antiochia dicta est. vtrumq. nomen illustriss. fuisse arguit. 2. Reg. 25. Ab ea autem finitimâ regionē nomē accepisse, ex illo loco intelligimus: Et percussit eos 11 rex Babylonis, & interfecit eos in Rablatha in terra Emath. Porro Torrens deserti, idem 12 est quem apud Isaiâ fluuiū salicū legimus: Namq. hic fluuius Gharab, & in illo loco fluuius Gharabim dicitur. Quem hic Arabia, illic verò Arabum fluuium clarius vertere possis, quod inter Arabum, & Ammonitarum, atque Israëlitarum agros fluens, in mare nostrum defluat.

## TERTII VATICINII ARGVMENTVM.

**Q**UANTA primum, quamq. admiranda Dei misericordia sit, hoc vaticinio declaratur: qui sceleratos homines non antè grauib. supplicijs afficit, quâ leuioribus poenis expertus, ad meliorem frugem studeat reuocare. Deinde etiam quâ ac seuerum in eos iudicium exerceatur, qui diuina patientia, atque admonitione, & reuocatione abusi fuerint. Ac demum quanta æquitas, quâ constans Deo erga humanam felicitatem consilium sit, cui nunquam illum, sed eosdem ipsos, quorum res agitur, deesse constet. Omnia hæc tertio Amosi sermone docemur: Namq. huiusmodi rerum, quæ in eo cōtinentur, subducta summa est; Prophetis spectris Vatis animum Deus feriens, duas primum calamitates, samem & pestem, quibus populum ad correptionē afficere instituerat, docuit: à quo exoratus, tamē ne funditus perdat, annuit. Qua in re & diuina ad parcēdum facilitas declaratur, & Vatum de populi cura & sollicitudo ostenditur. deinde contumacium & contemptorum quorundam hominum, maximè autem principum (qui alijs scelerum & impietatis auctores fuerant) captiuitas spectanda certis imaginibus Vati offertur. qua occasione Amasias sacerdos Bethel Vatem, ne prophetaret, prohibere conatus est; cuius impetum maxima fortitudine Vates excipit, & domesticæ calamitatis prænuntiatione infringit, atque ita constanter & intrepidè impostam sibi à Deo personam pro dignitate agit, vt grauissimum etiam omnium visum sibi ostensum exponat; quo integram ac plenam totius Israël abduccionem præcantat: atque in eodem sermone suæ ætatis hominum mores impuros & sceleratos acriter reprehendit, quibus ob eam rem, & quod meliora suadentibus vatibus audire non placuerit, adeo dura tempora instare dicit, vt nō solum ceteris commodis omnibus, sed, quod grauissimum omnium est, omni diuini sermonis commoditate, & vsu carendum sit. Vbi autem in his quæ ad Israëllem pertinebant, suo officio abundè satis fecerit, ad Iudaicam excisionem & captiuitatem prædicendam atque affirmandam digreditur. In ipsa autè totius sermonis peroratione, diuinam naturam immutabilem omnino, & simplicissimam, suiq. semper simillimam esse confirmat: quæ susceptum de ornanda gente aliqua consilium, non propterea abycere soleat, quod varij, inconstantisq. ingenij atque studiij sit, sed quod gens ipsa suis sceleribus, & impietate, tanto se honore reddat indignissimam. Itaque si qua calamitas, si qua miseria, si qua omnino infelicitas florentibus & felicibus olim rebus publicis inciderit, in ijs ipsis earum malorum culpam omnem residere necesse est, qui Iudicem Deum, quâ misericordem experiri maluerunt. Iudicium autem (vt ex lege docemur) Dei est.

## CAPVT VII.



**E**C ostendit mihi Deus, & ecce fector locuste in principio germinantium serotini imbris, & ecce serotinus post tonsionem regis.

**T**RIA publica calamitatum temporalium genera esse, quibus populos scelere & impietate obnoxios Deus afficere soleat, in superioribus docuimus, cum illum

Supra cap. 4. interpretaremur locum: Audite hoc vacca pingues, &c. Eas autem esse famem, pestem, & gladium; qui Dei exercitus à vatibus dicuntur, quòd præter alia quæ immittere in orbem potest, his plerumque ad publicas vlciscendas iniurias vti consueuerit. Atqui horum generum David regi optio data est; vt quod minus graue existimaret, id eligeret: 2. Sam. 24. Aut septem annis veniet fames in terra tua; aut tribus mēlibus fugies aduersarios tuos, & illi te persequentur; aut certè tribus diebus erit pestilentia in terra tua. Nunc ergo delibera, & vide quem respondeam ei, qui misit me, sermonem. Igitur præuidet Vates tria hæc calamitatum genera Israëlitis desuper imminere, ante vltimam per Assyrios euersionem, nisi ab eis oratione & prece tantum malum auertatur: ne populus scilicet omnibus his ærumnis fractus, ad deploratam internecionis miseriam perueniret. Quoniam verò, fames non vno, sed pluribus accidit modis; aut enim hostili populatione, aut pluuiarum defectu, aut vredine, rubigine, locusta, aliisque agrorum pestibus: quibus omnibus modis eos afficiendos superius prædixerat, totum genus hoc, quibuscunque modis id esset, primo loco significauit: [*Hæc ostendit mihi Dominus: & ecce fictor locustæ in principio germinantium serotini imbris.*] Quod verbum hoc in loco locustæ nomine ab interpretibus redditum est, id verbum Hebraicè est גֹּבַי: quod si ex Hebrææ linguæ ratione vertendum est, vel eleuatores, vel exactores significabit. Namque גֹּבַי verbum, extollere, exaltare, atque etiam debitum exigere significat. Neque verò inficias ibimus similem huic vocem Gobai, locustam significare; verum id nomen in ea significatione non Hebraicum, sed Aramæum est: cuius vsus Vati Hebræo pastori cætera omnia Hebraicè apud Hebræos locuto superuacuis fuisset, cum illi nomen אֲרַבַּי, quod Locustam sua lingua significat, familiarissimum esset, quod etiam idem ipse in superioribus sermonibus vsurpauerat. Igitur vocem ipsam, non vt Chaldæa, sed vt Hebræa est, ex sua propria ratione, atque ex re, de qua sermo est, interpretati; sic vertimus clarius: [*Sic ostendit mihi Dominus, & ecce fingens exactores.*] Quibus vocabulum Locustæ magis probabitur, metaphoricæ definiendum fuerit, vt:

Horat. in  
artc.

Non missura cutem nisi plena cruoris hirudo. Hanc rem visione sibi acceptâ Vates confirmat: namq. hoc vaticinandi modo vsus fuisse in ipso totius operis initio docuimus. Fictorem verò exactorū sibi visum esse, quòd Deus famē terris inducere parās, non vnū, sed plures exactores, quibus ea res expediretur, crearet. Famē autē ex hostili incursione, ex aquarū penuria, ex insectorū vastatione (vt bruchi, vt locustarum) atq. ex vredine & rubigine euenire iā docuimus. Huiusmodi autē exactores parabat Deus, idq. eo anni tempore, quo tota agrorū spes aut cōfirmari, aut perueri solet. [*In principio germinantium serotini imbris, Hebraicè est, In principio ascendere serotini.*] Duo Israëlita terræ oportunissima pluuiarū tēpora fuisse iā aliàs docuimus; Alterū temporaneum siue inebriās; alterū serotinū dictū: quibus tēporibus diuino beneficio illi regioni certissimis, anni, annonæq. paratur fertilitas, sicut scriptū est: Et nō dixerūt metuamus Dominū, qui dat nobis pluuiā temporaneā & serotinā in tēpore suo, plenitudinē annuę messis custodientē nobis, &c. Ex his autē altera inebriat terrā, & germinare eā facit, vt ait Isaias; altera verò segetē herbā in culmū cōfirmat, & percipiendi fructus rationē cōponit. Turgescūt enim eius pluuiæ virtute sata, & semina ferenda cōcupiunt; quæ ante hac si depasta, aut aliquo alio casu præcisa sint, aliquam tamen, si verò posthac, nullā sui spem relinquunt. Hoc igitur tempore cum iam serotino imbre ascenderant, & creuerant, cum iam assurgerent culmo, exactores creati sunt, qui publicam à populo pensionem ob scelera exigent; atque eo grauiorem, quòd importuniori tēpore, & exhaustis intolerabili regum tributo populis sol- uenda sit: Namque illa tempestate grauiss. atque intolerabilia tributa vel publica defensionis nomine, vel vrbium muniendarū causa, vel insatiabili quadā avaritia, vt fit, reges à populo exigebāt; idq. paulò ante serotini imbris tēpus, quod vernū tempus & ad ædificandum, & ad bellū gerendū plurimas & maximas commoditates continere credatur. Quamobrē præter annua veltigalia & tributa, quæcunq. aut bellorum, aut operum publicorum nomine exactiones fiunt, instāte vere iniri solent. Atq. huiusmodi acerbæ exactiones eo tēpore factas, tōtionē regiam Vates noster nominat. Nam quemadmodum greges quicquid lanæ & velleris toto anno aluerint, ineunte vere deponere coguntur (id autē aduentantis caloris spe, & nouarū herbarū vsu permissio, vtcunq. ferendum est) Sic etiam cadē lege quicquid ex totius anni labore & industria populo parcenti superfuerit, id totum

Catanzus Senensis de Architect. Veget. de re milit.

Ezech. 43.

id totū nouis exactionibus aufertur, sicut scriptū est: Laccomedebatis, & lanis operiebamini, &c. Quod si post tot, tamq̃. acerbas exactiones aliqua futuri anni fertilitatis superesset spes, qua vitæ sibi securitatē promittere populus posset, tamen si grauissimū id & molestissimum foret, eadē certē spe ferendum, quod agrorum vbertas, & annonæ certa facultas vitam, si non nimis suauiter, at certē frugaliter propagari posse promitteret. Sed tamen omnem huiusmodi facultatem, atque spem omnem populo præcisum iri, diuino spiritu auctus Vates viderat; quemadmodum postquam regis tributis & exactionibus quicquid pecuniæ domi foret ablatū fuisset, noui exactores accederent, à quibus quicquid in agris supererat futuræ spei eriperetur: ita vt nihil neque domi, neque foris esset reliquum quo vita conseruari propagariq̃. posset. [Et ecce serotinus post tonsionem regis.] vt pastorum & gregis nomine, reges, principes, atque populos intelligimus; sic quæ ad hæc nomina verba referri possunt, ad eandem similitudinem transferimus; vt pascere, regere, & gubernare: tondere, mulgere, tributis & exactionibus afficere interpretemur, vt illud apud Nahum: Si perfecti fuerint: & ita plures, sic quoque attondentur. Oportet  
 15 tunitatem igitur extremæ exactionis quam Deus parabat, tempore serotini germinis, hoc est, tempore quo iam herba in culmum assurgebat, futuram Vates vidit: serotinum verò post tonsionem regiam, post cōpletas regias exactiones esse declarauit. Quam verò afflictæ, quamq̃. penè ad internecionem vsque perditæ Israëliticæ res, illis tantis calamitatibus futuræ essent, præuidens Vates, summo studio & supplici oratione diuinam iram placandam curat; ne tanto, tamq̃. acerbo malo populus ille funditus pereat.

*Et factum est cum consummasset comedere herbam terræ, dixi: Domine Deus propitius esto obsecro: Quis suscitabit Iacob, quia paruulus est?*

Quam bene meriti de populis vates, & sancti homines sint, tum ex multis aliis, tum  
 25 ex hoc loco docemur: qui cum scelerum & impietatis expertes sint, in periculoso & calamitoso reipublicæ tempore, cæteris omnibus negligētibus, ipsi vehementer sunt solliciti: & quanto studio fieri ab ipsis præstariq̃. possit, placando numini maloq̃. auertendo, aut etiam minuendo dant operam. Quod si certa & fixa omnino sententia est, tamen vt restituantur res, Deum multis & pientissimis precibus exorāt. Accidit, inquit,  
 30 vt cum visione herbam omnem, omnemq̃. agrorum spem consumptam esse cognoscerem, maxima cura & metu angerer, ne Iacobi res sic funditus vna illa calamitate euerterentur, vt nulla reliqua de cætero spes esset, posse amplius illum populum consistere, aut venturi tandem hostis impetum, quo minus funditus perderentur, sustinere. [Et dixi: Domine Deus propitius esto obsecro.] Hæc duo nomina in hominum supplicibus erga  
 35 Deum precationibus solenni vsu vsurpari à sacris auctoribus videmus, *Domine Deus*: alterum ad virtutem & potestatem; alterum verò ad misericordiam pertinet: atque hoc posterius, nomen illud ineffabile est; cuius rationem indicare sapius, explicare verò nunquam satis possumus. Sic enim Abraham Deum appellabat: *Domine Deus* quid dabis mihi, & cæt. [Propitius esto obsecro.] Eadem breui quidem, sed fidei & pietatis significationibus insigni oratione vsus est, qua olim Moses Deum in Israëlitæ iratum exorauerat, atq̃. equidem illud breue verbum propitiare, à pio & fideli Dei ministro dictū, magnum quoddam momentum ad Deum exorandum habere arbitror, si studiosè atq̃. summa cum dicentis fide vsurpatum sit: Etenim nescio quo modo diuinam misericordiam, ad quam verbum illud proprius pertinet, vt sui ipsius meminerit excitare, atq̃.  
 40 ad sese publicè ostendendam incitare videtur: cuius rei illustrissima exempla sacras historias, arcanaq̃. scripta legentibus passim occurrunt. Propitiare obsecro, inquit Moses, Num. 14.  
 peccato populi huius, secundum magnitudinem misericordiæ tuæ, sicut propitius fuisti egredientibus de Ægypto vsq̃. ad locū istum. Dixitq̃. Dominus: Propitiatus sum sicut dixisti. Atque adeo hanc præstantissimam admirandamq̃. Dei virtutem Psaltes in  
 50 suas partes vocabat, quod eam & diuinæ naturæ propriam & imprimis commodam esse fide intelligeret: Quia apud te, inquit, propitiatio est. & alio in loco: Quoniam tu Domine bonus & propitiator, & cæt. Maxima igitur cura, & publicæ rei solitudine vrgebatur Amos, cum hanc breuissimam apud Deum haberet orationem, atque ad diuinæ misericordiæ permouenda viscera Israëliitarum statum, ex amplissimo in infimum redactum ostenderet: cui rei ægrota ac penè desperata nullum præter  
 i 2 diuinum

Nahum 1.

Genes. 15.

Num. 14.

Psal. 130.  
Psal. 86.

Proverb. 30.  
Exod. 40.

Genes. 31.

107

diuinum tantum remedium atque alleuamētum inueniri poterat: Neque enim ab eorum regibus qui incommodo potius ipsis fuerant, neque à ludæis fratribus, quos præterquam quòd sua etiā maneret miseria, inuidos & infensos illis esse perspexerat: neq. ab ipso met Israëlẽ ullam spem esse intelligebat, quando is non iam Israël̃s dignitatem amplius retineret, sed ad Iacobi humilitatem atque imbecillitatem fuisset redactus: ex quo loco ad aliquam spem vocari non nisi diuino beneficio poterat. [*Quis suscitabit Iacob, quia paruulus est.*] Suscitare iacentem, erigere atque statuere est, vbicunque hoc verbum transitiuè usurpatur, vt illud: Quis suscitauit omnes terminos terræ? Et suscitauit Moses tabernaculum: & suscitauit columnas eius. Quis ergo suscitabit, non rex, non fratres, non vicini, non Iacob ipse se suscitare potest. Quoniam ex quo Israël̃tica dignitate deposita ad Iacobi humilitatem redactus est, nisi tu fueris misertus, nihil est quod ipse sibi de se promittere aut sperare possit: quemadmodum paruulus infans matris aut nutricis cura destitutus, omnia timere atque obire pericula potest; sibi ipsi cauere & consulere non potest. Id quod idem ipse Iacob olim antequam Israël̃s nomen atque dignitatem te auctore obtineret, de sua humilitate, deq. tua benignitate professus est: Minor sum cunctis miserationibus tuis, & veritate tua quā expleuisti seruo tuo. Quo in loco eadem vox nomen *Katan*, quæ hic ab Amoso usurpata est. Qui quòd nullis humanis artibus, officiis, aut virtutibus præstari posse intellexerat, ad diuinam misericordiā ferendū putauit. Neq. id frustra expertus est: namq. supplicem deprecationem atq. pientissima vota euentu ipso vtilia esse probabit.

*Misertus est Dominus super hoc: non erit dicit Dominus Deus.*

Jerem. 18.  
Ioel. 2.

NON vanas aut inutiles piorū hominum de aliorū etiam hominum rebus & salute apud Deum preces esse, nemo qui hunc & alia innumera omniū diuinorū librorū loca considerauerit, nisi planè cæcus est, nō peruidet: Tantū enim Vatis huius studiosam orationē valuisse intelligimus, vt Deum extremam famis miseriā Israël̃tis moliturum, quā in id discrimē adduci illi poterant, vel vt funditus perirēt, vel vt omnino debilitarentur, tamē ad clementiā, & mitiorē cogitationē & curationē, penè dicā, coegerit. [*Misertus est Dominus super hoc.* Hebraicè est: *Et poenituit Dominū super hoc,*] sicut scriptum est: Agam & ego poenitentiā super malū quod cogito facere populo huic. quā de re plura apud Ioelē dicta nobis sunt, dum illum locum exponeremus: Præstabilis super malitia. Super hoc autē Deum poenituisse Vates ait: nempe ne Iacobi res ita vexarentur, vt omni etiā salutis spe essent destitutæ. [*Non erit dicit Dominus,*] apud quem propitiatio est, atque adeo primam hanc calamitatē non ad internecionē, sed ad correctionē potius referendā sibi fore recipit Deus: quā si resipiscere, sibiq. prospicere neglexissent, alia rursus secunda, atq. eadē grauiori, afficiendi erant. nam cū in agris, segetibusq. vastandis clementem se Deus hactenus præbuerit, vt non tantū exactores illi absumerent, quantum visione prius Vates intellexerat, vt ipse dixit: [*Et factum est cū consummasset comedere herbam terræ; & dixi, &c.*] Nunc illo modo, atq. illa prima plaga accepta, tamen non sentientibus, grauiorē alteram esse infligendam videt: quā tamen & ipse ardenti studio, & oratione non exitialem fore impetrauit.

*Hac ostendit mihi Dominus Deus: & ecce vocabat iudicium ad ignem Dominus Deus: & deuorauit abyssum multam, & comedit simul partem.*

1. Regum

IN eos quos primi exercitus vim atq. impetum diuinæ misericordiæ ope euasisse cognouerat, neq. tamen ob id ad frugē restitutos intellexerat, nunc secundo Dei exercitu inuadēdum esse præuidet, hoc est vastitate, pestilentiaq. grauissima; cuius tanta vis esse solet, vt quoscunq. attigerit, breuissimè atq. acerbissimè conficiat. Quamobrē id malū cū celerrimo atq. efficacissimo igni confertur. [*Hac ostendit,* Hebraica lingua hoc modo enūtiat: *Sic videre me fecit,*] Primum vt prophetiæ genus significaret, quo ipse actus hæc prouideret; nempe rei ante oculos repræsentatione, quali genere ille Elizei Vatis minister quondam actus est, cū tot, propugnatorum myriades præceptoris sui tuendi causa missas, apertis oculis, & plusquā mortale intuentibus, vibebat: & deinde vt oblatū sibi visum & spectrum referret, addit: [*Et ecce vocans ad iurgium.*] Nam vocabulū *ri b*, pro quo nonnunquam iudicium vulgatæ editionis interpres vertit, iurgium propriè atque rixā significare in Habbakuq commētariis docuimus: aliud enim nomē est *M I S P A T*, quod



quod etiam iudicium verti solet; nos ius, æquitatem, & à ratione profectum iudiciū exponimus: cū iurgium iræ impulsu sæpè existat: cuius perturbationis vitium quanquā Deo verissimè negemus, nomen tamen, atque eam, quæ sine vitio esse potest vim planè concedimus. [Ecce.] Verbum hoc rem grauem, atque attentione excipiendā plerumq. indicat. [Et ecce vocans ad iudiciū.] Angelum ministrum aliquem cui datum est nocere terræ & mari, Amoso ostensum intelligere licebit, vt non ipse Deus, sed Dei auctoritate spiritus aliquis esset, per quem id expediretur. namque ipsa orationis simplicitas Deum ostensorem & iudicem, cæterum alium quempiam rei ministrum fuisse significare videtur: quo etiam dicendi modo Vates in superiore visione est vsus. Nam quod statim subiungit, *Dominus Deus*, non tantum eò pertinere videtur vt Deum ipsum ministrū, quā vt auctorem rei esse affirmeret, cuius cōsilio & voluntate hæc fiant; Namq. hæc omnia antiquis patribus, ac vatis per angelos expedita fuisse, Diui Pauli auctoritate accepimus. Multifariam multisq. modis, inquit, olim Deus loquens patribus in prophetis, &c. & paulò inferiùs: Si enim qui per angelos dictus est sermo firmus factus est, &c. Hoc verò iurgiū quā graue, quibusq. potissimū pararetur, vno verbo explicuit Vates, [Adignem, Hebraicè, in igne.] Nō puram ignis naturam, qualem Sodomis immisam fuisse legimus; sed, quā secundum Dei satellitū exercitum esse iam definiuimus, pestilentiam: cui vt ignis celerrima atque efficacissima vis inest: sic etiam nomen ipsum aptissime conuenit; atque in eadem significatione, similiq. omnino ratione (vbi pestis grassaretur) à Mose vsurparur. Quod cū audisset Dominus, iratus est, & accesus in eos ignis Domini deuorauit castrorum partem. Qui locus iisdem penè verbis eiusdem omnino sententiæ cum hoc Amosi est, atque in illo eodem numerorum capite ad finem, quo pacto ignis ratio intelligenda sit, explicatur. Et ecce, inquit, furor Domini concitatus in populum, percussit eum plaga magna nimis; nam castrorum non exigua pars eo pestilentia igne fuerat consumpta: atque eum locum quo hac plaga affecti sunt, funesto nomine notatum esse legimus, appellatumq. Sepulchra concupiscentiæ. Atque adeo tota castra ignis illius vis incendebat, nisi Mosis precibus repressa extinctaque fuisset. Propterea igne Domini in illo loco legimus, quod maximū & vehemētissimū maxime efficaciz esse intelligamus; cui nullū humanū præsidium adhiberi possit: etenim quæ à Deo certo iudicio immittuntur calamitates, illæ naturæ vi mederi non possunt omnino; sicut scriptum est: Ego occidam, ego viuere faciam; percutiam, et ego sanabo, & non est qui de manu mea possit eripere. Eodem etiam aut simili certè modo malum Israelitis præuidebat Amos, quod ipse supplici prece auertendū, vel saltè minuendū curat. Nāque maximā ignis vim incensam conspexerat, adeo vt primo mare ipsum magnū, quod vocant, consumeret: deinde in terras inuadens Israëlitarum reliquias exusserit, nulla nisi tantū diuini remedij relictā spe. [Et deuorauit abyssum magnam, et comedit simul partem.] Pestis naturam quandam igneam esse, et medicorum antiquissimi tradiderunt, & nobilissimi etiā Poëtarum suis depinxere carminibus. Namque eiusmodi publicos morbos ab Apolline irato immisos, canere consueuerunt: hoc est ab ignea Solis natura, quæ immodico nonnunquam calore aërem corrumpat, atq. animalium corpora ad interitum vsque perturber. Atque illud huic rei argumento est, quod hi morbi vere & æstate plerumque sauire, hyeme vero sedari sopiriq. soleant. Quamuis autem pestis, quæ proprie à medicis definitur, humida et calida causa corpora hominū corrumpenti, fieri plerumque soleat; atque hæc plurimos interimat; tamen quæ diuinitus immittuntur ad iurgium mala, dissimili causa, simili omnino efficientia, & celeriori, multo esse solent. Grauiissima enim aliquando febris & feruentissima immittitur, quæ breui spatio corpora velut igne incensa pereūt. cuiusmodi illud in deserto malum fuit, & hoc quod à Vate nunc describitur. Igitur quæ secundum naturam remedia atque alieuaementa inueniri huic morbo possunt; ea humido & frigido temperamento prædita esse oportet. Febris enim ardens intus atque extra refrigeranda, & sorbitiones frigidissimas atque frequentes petit, ait Hippocrates: quæ si nulla tanta tamque efficacia fuerint quæ morbi vim sustinere, nedum vincere possent; ea omnia vana, et perinde atque si nulla essent, iudicanda sunt. Cū verò huiusmodi insuperabiles vires morbis inesse medici intellexere, iurisiurandi etiam sacramento à curatione abstinere: quod si commune id malum & publicum sit ad diuinam potius voluntatem, quā ad naturæ rationem

Apoa.

Hebr. 1.

Num. 11.

Ita Hippocr. in Epidimicis primo, vbi pestilentis & ardētis febris mentio est, sic ait: πυρ, & αβυσ. i. ignis apprehendens.

Deut. 31. Cant. Mose.

Homer. Iliad lib. 1.

Hippoc. lib. 2. de morbis. Et lib. de affectionibus: & 4. acut. feb.

Hippocratis iurisiuradum.

Seneca lib.  
de natural.  
questionib.  
Genes. 7.

Numer. 11.

Numer. 12.

Psal. 144.  
Roman. 1.

tionem referre solent. Ut autem huiusmodi insuperabilē pestilentia significaret Amos, omnem primum remediorū spem præcisam, ademptamque esse ostendit. Namque totius humoris et frigoris fontem ipsum atque caput absumptum principio fuisse ait, nedum cætera omnia humida & frigida facillime vinci, consumique posse putandum est. [ *Et deuorauit abyssum multam*, Hebraicè est, *abyssum magnam*. ] Estque maris periphrasis, vnde omnium fontium, & fluuiorum, totiusque naturalis aquarum copiae origo est. Namque sic in sacra philosophia edocti sumus: Anno sexcentesimo vitæ Noë, mense secundo, septimo decimo die mensis rupti sunt omnes fontes abyssi magnæ. vbi verò in ipsa remedia primum imperum pestilentia fecisset, in partem deinde hominū inuadere & sequi cœpit, omnem illam gētem confectura, nisi Vates clemētem à Deo castigationem impetrasset. [ *Et comedit simul partem*. ] Non agri partem igni crematam, sed gentis partem peste consumptam interpretamur: namque de simili re eadem omnino oratio cum illa est, quam ex Numerorum libro retulimus: & deuorauit castrorum partem. Ita partem Iosephi reliquias vates nominat pestilentia incendio deuorandas: sicut etiam Hosseas dixerat, & nunc comedit ignis partes eorum. Huius extremi mali metu sollicitus Vates ad illustres illas prophetici officij partes animū studiūque suū conuertit, quæ humanarū rerum procuratio est: hanc verò supplicibus precibus exequitur.

*Et dixi: Domine Deus quiesce obsecro; quis suscitabit Iacob, quia paruulus est: Misertus est Dominus super hoc, sed & istud non erit dicit Dominus Deus.*

Et studium suum erga publicam rem, & diuinæ misericordiae magnitudinem hac orationis & precum repetitione Vates probat, de qua breuiter quæ dici nobis potuere, dicta sunt. Sed illud verbum nouum est, *quiesce obsecro*; quod propriam sibi vendicat considerationē: Nam de diuina misericordia & prompta ad clementiam voluntate, certior iam sepeiori exēplo, atq. oratione factus, cōfirmato animo familiarius etiā agit, atq. incoeptā iā castigationi ne illa ad exitiū vsq. producat intercedit. *Quiesce obsecro*: desiste, inquit, obsecro: namq. huius significationis verbum Hebraicè est. Mirum dictū quāta fiducia, quantaq. familiaritate sanctiss. viri fide & charitate firmati, cum Deo de aliena salute agant. Sic Moses breuissima oratione, & fidentissima etiam voce forori lepra diuinitus tactę restitutionem impetrauit, Et clamauit Moses ad Dominū dicēs: Deus sana eam. [ *Et iam hoc non erit dixit Dominus Deus*. ] Tantū ardēs, & charitate incensa, fideq. armata, priorū hominū oratio apud Deū valet: Misericordē, & misericordē, patientē, & multū misericordē. Qui sua illa inenarrabili clemētia sceleratos & peccatores homines ad penitentia prouocat, miserturus omnino, atq. benigniss. excepturus, nisi illi tanta diuina patientia abusi, thesaurizauerint sibi iram in diē iræ, & reuelationis iusti iudicij Dei; qui reddet vnicuiq. iuxta opera sua. Ita adeo Vates noster Deū quāuis iratū, quāuis rem iam igne, & humanis artibus inextinguibili incendio agentē, tamen vt modū ei castigationi statuatur, exorat. Sed tertio etiam visu edoctus, Israëliti populi superbiam, ac non ferendam contumaciam intelligit primū; & tertiā ex ea re paratam illis calamitatē, à tertio illo consueto Dei exercitu; hoc est, à gladio & bello præuidet: atq. hæc omnia malorum initia esse, sed nondum statim finem. Nam nec fame, nec peste, neque gladio consumptos, sed castigatos, correctosq. Deus voluit; si quo modo ad sese illi, ad mentem, atque ad bonam frugem restituerentur, antequam extrema illa tandem contumacibus & obdurato animo perseverantibus futura captiuitate penitus essent euertendi.

*Hæc ostendit mihi Dominus Deus, & ecce Dominus stans super murum litum, & in manu eius trulla cementarij. Et dixit Dominus ad me, quid tu vides Amos? & dixi, trullam cementarij. Et dixit Dominus, ecce ego ponā trullam in medio populi mei Israël, non adiiciam vltra superinducere eum.*

INSIGNES illas strages quas diuino consilio Phul Assyriorū rex, & Theglath Persolasser in Israëlitarū tribubus aliquot, & partibus edidēre, tertia hac visione Vates præuidit: quorū alter quæcunq. vltra Iordanē erant: alter verò quæ ad Zabulonem & Nephthalim pertinebāt, omnia vastauit. atq. adeo hanc rem non aperta adeo & manifestaratione, ita vt gerenda erat, sed arcana magis imagine intuitus est: Namque exactorum ingens copia, quam creari viderat, & maxima etiam ignis vis, quam conspexerat, ipsæ statim

statim quamobrem pararentur indicauerant. Altera enim natura herbam omnem, atque omnem adeo agrorum & segetum commoditatē & spem ablatura erat: altera vero remedia primum ipsa, deinde & homines oppressisse visā est, atque vtrique quidem res iratum Deū & corripientē vel obiurgantē potius ostēdebat. Nunc verò res ipsa obscuriori, & arcana magis imagine portenditur: & diuini iudicij æquitas apertius declaratur. [*Stans super murum litum*; Hebraicè est, *Super murum perpendiculi*;] murū ad amussim extructum significat, cuius examinador & probador Deus ipse esset. atq. hac quidē imagine populū Israēliticum, ciuitatemq. suā omnibus iustitiæ, æquitatis & virtutis rationibus à se institutā fuisse Deus declarabat, sed tamē ea Respublica quæ religionis veræ ac sanctæ auspiciis cōstituta fuerat, iisdē sublatis peruersa est: quod quidem huiusmodi oratione Isaías notauerat: Quomodo facta est meretrix ciuitas fidelis, plena iudicij; iustitia habitauit in ea, nunc autē homicide. Hoc Vates ille pluribus etiam & grauioribus persequitur; quæ si legantur, huic explicando loco apprimē fuerint oportuna. Igitur simili trutinæ examine in iudicādo populo Deū vsurum Vates videbat, atq. in eodem populo instituēdo fuerat quondā vsus. Hoc est quod ait: *Et in manu eius trulla cementarij*. Perpendiculū significare voluit hæc trāslatio: namq. in superiori parte vbi nos explicuimus murū perpendiculi, atq. in hoc etiā loco, eadem Hebraica vox *Anach* est, quæ Hebraicè & Arabicè stannuin significat, ex qua materia, aut etiam plumbea ædificatoribus perpendicula, (quibus murorum rectitudo probari solet,) parantur. atque adeo hoc signorem omnem diuinum ad iudicium reuocandam iam esse Vates edoctus est: Nam perpendiculum vt trutina, regula & amussis, atque huius generis quæcunque sunt, iudiciū, æquitatem, atque iustitię seueritatem referunt. Neque id apud nostros solum, sed apud externos etiam auctores passim obseruare est. Quæ de re quæ diuersis partibus ad vnum genus omnis reducit, nos aliās Deo duce proprio opere pluribus agemus. Hunc adeo locū Chaldaicè sic versum legimus: [*Ecce Dominus stans super murum iudicij, et coram ipso iudicium erat.*] Quoniā vtrumq. eorū spectrorū quæ antehac Vati fuerant ostensa, non tam signo aliquo, quàm simplici rei prout gerenda erāt imagine, propositū ante oculos fuit: propterea nulla ostentis addita interrogatio est. Nunc verò quoniā nō manifestum aliquod spectaculū, sed agendæ ratio rei, & modus significatus est, nēpe perpendiculū, murus, & examinador ostensus, opus fuit vt Vates interrogaretur, num quod sibi ostēderetur, intelligeret? [*Et dixit Dominus ad me: quid tu vides Amos? et dixi trullā cementarij.*] Etenim hoc modo cum sacris vatibus Deū agere consueuisse, pluribus exemplis apud Danielē, atque alios, & in Apocalypsis libro obseruauimus: vt quæ manifesta, intellectuq. facilia sunt, ostendantur tantū: quæ verò obscuriora quadā figura proponuntur, ea interrogationibus, cōsultationibusq. atq. etiā interpretationibus spectatori Vati exponātur. Præterea etiā cū superiores duæ visiones diuinā irā atque obiurgationē præferrent, quibus extrema ferē populo calamitas ad internecionē vsque parāda esset, nulla interrogatione opus esse videbatur: neque enim qui irati nimium sunt, de eo quod iis quibus infensi sunt afferre cogitant malo, inquirendum, consultandumq. esse putant. Nam si de illis rebus ingenti videlicet fame & pestilentia interrogatus esset Amos, protinus durissimū & grauissimum, atque omnibus modis, omni studio & cura deprecandum malum videri sibi respondisset; id quod nec rogatus, aut consultus, tamē respōdit: & quis, inquit, suscitabit Iacob, quia paruulus est? Verū enim uero cum non integram & extremam populi totius perniciem; sed certarū partium & tribuū abductionem; eamq. non irati, atque vltoris Dei, sed integerrimi atque æquissimi iudicis sententia paratam, tertio hoc spectro videret, cōmodè rogatus æquitatē sibi agnoscere respōdit, nec tam iuste atq. æquē sententiæ intercedendū fore existimauit. [*Quid tu vides Amos?*] Appellādo Vatis nomine illius etiā sententiā rogare visus est. Quidnā hoc, inquit, tibi videtur Amos? Nihil equius, nihil clemētius eo iudice inueniri, aut predicari potest, qui de eo quod exercere paret iudicio, pientissimi ac simplicissimi viri, atq. ardētissimo in populi salutē studio flagrantis, censurā perat. eidemq. suā omnino sententiam probet; quem de rei periculo minuendo sollicitum esse intellexit. [*Et dixi trullam cementarij.*] Summā, ait, æquitatem ego cognosco cuius rationibus vt nō assentiar, nulla omnino re adduci possum. Quo in loco illud obseruatione dignū est, iratū Deū, atque obiurgare grauius etiam parantē; quo minus extremam in populos effundat iram; supplicibus tamen precibus adiri fas esse, & sanctē

atque legitimè placari posse: eundem verò cum ad iudicium atque æquitatem populorum causas reuocare instituit, iudicemq. agere cogitat, quo minus officio satisfaciat suo aut impediri, aut precibus detineri non posse, tantumq. illud præstari, vt exercendi à se iudicii rationem hominibus ipsis, qui intercedere studuerint, probandâ, examinadamq. permittat. Ita adeo fieri interdum, vt quibus grauius malum instât deprecari, atq. auertere licuerit, leuius etiam aliquod auertendum procurare, integrum non sit: quam rem Deus ipse apud Vatem hac oratione declarat. [*Ecce ego ponam trullam in medio populi mei Israël: & non adiiciam ultra superinducere eum.*] Non extremam aliquam cladem sibi irato in omnes parari, sed pœnas tamē & supplicia, eaq. recto atque integro iudicio in quosdam decerni, ait, qui primi omnium producēdi erunt, seueri etiam iudicii exemplo ceteris futuri. Atque adeo hanc sententiam certam definitamq. sibi esse, ideoq. minimè rescindendam: satis enim fuerit semel atq. iterum extrema omnia comminatum, tamen Vatis precibus atque intercessione cessisse: nunc verò populo neque tantis malis perterritio, neque tanta clementia ab impietatis consuetudine reuocato, cum fortunarū penē omnium, tum multorum capitū ab hostibus abducendorū multā esse irrogandā. 15

supra.

[*Ponam trullam in medio.*] Verbum *in medio*, nō omnibus, sed certis quibuscūq. gladiū captiuitatemq. parari significat, quo etiā modo in superioribus dixerat: & subuertā in vobis. [*Et non adiiciam ultra superinducere eum*, Hebraicè, *transire illi.*] Id quod Latinus dicit omittere, aut missum facere. Atque aliās in sacris libris, dissimulare propter pœnitentiā dicitur. Ita nondum intercedentem aut deprecantem alioqui Vatem excipit, vt ab aditu 20 etiam intercessionis excludere videatur. Hæc enim diuinorum consiliorum ratio est, vt qui iam semel ac sæpe etiam facili se se, exorandumq. præbuerit Deus, idē causa ad certū iudiciū, legitimamq. sententiā, normā reuocatā, inexorabilē se difficilēq. ostendat, sicut scriptū est: Vel si gladiū induxero super terrā illā, & dixerō gladio transi per terrā,

Ezech. 14.

“ & interfecero de ea hominē & iumentū, & tres viri, Noë, Daniel, & Iob, fuerint in me- 25  
“ dio eius viuo ego dicit Dominus, nō liberabūt filios neq. filias, sed ipsi soli liberabuntur, &c. Et quoniā antiqua Israëlitis religio adeo iā polluta, & prophanata fuerat, vt nō solum in Bethel, Dan, & Galgalis, sed in singulis etiam eius gentis oppidis, aræ ac templa vānorum deorum cultibus dicata, passim viferentur: quemadmodum & apud Iudæos vīsebantur, sicut scriptum est: Quia secundum numerum vrbium tuarū fuerunt dii tui. 30  
Atque adeo huius tantæ superstitionis studium aditum illis ad omnia scelera patefecerat. Propterea non in populos solum, & priuatorum domos, sed in huiusmodi etiam sacras, vel execrandas potius ædes, atque deinde in regiam quoque ipsam ex diuini iudicii sententiā calamitatem peruenturam confirmat, vt videlicet certam ob scelus pœnam, non populi solum, sed principum strages, qui populo auctores fuerant: atque etiam lo- 35  
corum ipsorum, in quibus nefaria illa scelera admittebantur, demolitio testetur. Namque certa hæc atque constans personarum, rerum, locorumq. notatio, malū non casu, sed consilio, sed certo atque puro, seueroq. iudicio paratum arguit. Atque hoc est quoddā ait:

*Et demolientur excelsa idoli, & sanctificationes Israël desolabuntur: & con- 40  
surgam super domum Ieroboam in gladio.*

LATINVS vulgatæ editionis interpret melius & commodius vertit [*excelsa idoli,*] quàm alij qui *excelsa Isaac* verterunt. Namque nouus quidam appellandi Israëlitis modus fuisset, si Isaaci nomine appellarentur, cum nunquam aliās nisi tantum Israelis aut 45 Iacobi, aut Iosephi, aut Ephraim nominibus appellentur. Atque hæc res negotium quibusdam ex Latinis & Hebræis commentatoribus exhibebat, quod Hebraicè legerent *Excelsa Ishaq*. Et quemadmodum noua hæc appellatio Israëlitis conuenire posset, id explicare vehementer laborabant: Quando Israëliticum populum Vates nunquam ad filios Abraham, aut ad Isaac referre soleant, sed ad Iacob, aut Israëlē, vt diximus; quod 50 huius filij omnes ad promissionem pertinuisse sciāmus; Abrahami verò & Isaaci nō omnes; sicut scriptum est: In Isaac vocabitur tibi nomen, & maior seruiet minori. Sed tamen hic nodus nomen ipsum Hebraicè accuratè legentibus nullus est. Namque *Ishaq* per litteram *Sin* scriptum hoc in loco est, cum Isaaci viri nomen per *Tzadi* scribatur: ita *pnq* nomen ipsum non de Isaaco sermonem haberi docuit. Nam quod verbum *Ishaq* hoc in loco



loco usurpauit Vates, derisionem significat, vt illud: *Qui habitat in cælis, deridebit eos.* „  
 Quamobrem fana illa prophanissima atque polluta, impia vanorum Deorum templa,  
 excelsa derisionis ex veritate ipsa atque ex eo, qui mox futurus erat, euentu Deus ap-  
 pellauit, vt quas illi ædes ad risum, ad festos agendos dies, ad oppidorum ornamen-  
 tum construxerant, propediem in ludibrium & contemptum vertendas fundi-  
 tusque euertendas esse significaret. Igitur interpretes noster aptiori atque ad rem ipsam  
 opportuniori verbo vsus est idoli quàm Isaac. Namque idoli nomen ipsum detestabile  
 in sacris est, & variis nominibus ad ludibrium & vanitatem pertinentibus dici solet. [*Et*  
*sanctificationes Israël*, Hebraicè, *sanctuaria Israël*:] non quòd verè sanctuaria, sed ab Israël-  
 iotis consecrata dedicataque essent, cum verum sanctuarium à Deo sacratum atque orna-  
 tum Dei, non Israël's appellatione, celebre esset, sicut scriptum est: Sanctuarium tuum Exod. 15.  
 Domine quod firmauerunt manus tuæ. Igitur sanctuaria hæc quæ non à Deo, sed ab  
 Israël'e parata, dicata, firmataque sunt, simul cum auctore ipso peritura esse ostendit;  
 non sanctuarium Dei, sed Israël's vocabat: namque Bethel regis sanctuarium ab Ama-  
 sia pontifice inferius appellatur. Præterea etiam & Ieroboami familiæ clades his quæ  
 prædicta sunt calamitatibus additur, quòd prima huius tantæ impietatis culpa in ea fa-  
 milia vt duce atque auctore resedisset. quam rem nos in hoc, & in ijs qui prefferunt va-  
 ribus explicandis, latius (Christo gratia) explicuimus. [*Et consurgam super domum Ieroboam.*]  
 Ieroboami filij Ioas Zachariam filium Salum Iabes filius interfecit, cuius occasu tota 1. Reg. 15.  
 Iehu familia fuit extincta. Ob eam igitur rem in Ieroboami domum tanquam in sce-  
 leris & impietatis arcem inuasurum se Deus minatur, quam magno impetu euerten-  
 dam esse ostendit, cum dicat: [*Et consurgam.*] Omnem porro hanc stragem quam po-  
 stremitate loco perpêdiculi imagine edendam Vati Deus ostenderat, ad tertium illud suo-  
 rum iudiciorum siue exercituum genus pertinere ipse apertè exposuit, [*in gladio.*] Nam  
 in Dei exercitibus gladium tertium esse docuimus.

*Et misit Amasias sacerdos Bethel ad Ieroboam regem Israël, dicens:*

Quam ardenti, quamque acri humani generis hostis expugnandæ veritatis studio  
 teneatur, quibusq. maximis & potentissimis rationibus in eam rem incumbere soleat,  
 cum multis aliis, tum hoc etiam exemplo docemur: namque ille diuinæ gloriæ, atque  
 hominum salutis & felicitatis antiquus æmulator, noctes atque dies hoc insomnis agit,  
 huic vni rei intentissimus semper est, vt provideat & curet quemadmodum humana ani-  
 morum salus extinguatur, & diuina ex hominum salute gloria infringatur, aut saltem  
 impediatur. Quam quidem ad rem sibi præstandam efficiendamque, iisdem ipsis quos  
 vehementer odit, quos perditos maxime cupit, hominibus per summam fraudem de-  
 ceptis vtitur: Etenim terrenorum commodorum leuissima ac vilissima proposita spe,  
 quorundam animos tanta dementia deprauat, vt maxima illis, augustissima & opor-  
 tunissima diuina, inquam, bona, aut nulla, aut minora, ac posthabenda, aut minori  
 etiam studio atque cura petenda persuadeat. Hanc adeo ille rem duabus potissimum  
 artibus, duobusque suorum consiliorum certissimis & opportunissimis ministris vi-  
 tiis parat, ambitione & avaritia: quorum tantam esse vim suo ipse periculo intellexit, vt  
 qui iis tentati superatique fuerint, nullam neque pietatis, neque fidei, neque virtutis,  
 nullâ totius denique officij rationem præ suis commoditatibus habendam esse arbi-  
 trentur: ex quo fonte tanta scelerum, facinorum, iniuriarum in orbem inundatio, tan-  
 ta publicarum rerum orta perturbatio est. Et profectò difficilis nimium, & desperanda  
 virtutis sequendæ via optimo & pientissimo cuique esse videri posset, si tantum hoc ex-  
 amine, atque his momentis existimanda res esset. Nam qui ad pietatis normam vitam  
 instituere parat, hoc primum secum cogitet necesse est, magnum bellum inter virtutes  
 & vitia iam inde ab instituti mundi initio esse, atque alterius quidem partis Deum sim-  
 plicissimum & veracissimum; alterius verò antiquum illum omnium animantium ter-  
 ræ callidissimum serpentem Luciferum olim, hunc Sathanam dictum, imperatorem  
 esse. Verum enimvero rem ipsam per dissimiles atque omnino dispares milites, belli que  
 duces agi; hinc enim pusillum virorum gregem esse natura imbecilliorē, arte & opi-  
 bus longè minorem, industria simplicissimum, à nocendi studio atque vsu abhorrentem:  
 illinc verò numerosum filiorum hominum exercitum ferox atque crudele giganteum  
 genus

- genus in generatione sua prudentissimū, opibus, potentiaq. maximū, studiis feruētissimū, & ad gerendam rem promptissimū, atque adeo ad suum locum, dignitatē, commoditatemq. retinendā, atque vltius etiā augēdam & propagandā vehementer animatum, quodq. minoribus, & imbecillioribus, suoq. iudicio cōtemptibilibus, abiectionissimis, & stultissimis, omnique inopia affectis aduersariis cedere turpissimū ducat. Igitur cum huiusmodi sibi aduersariis rem esse cogitare oportet eū, quicumq. à vitiis alienissimū, & virtuti coniunctissimū vitę genus sequi in animo statuerit suo, sicut scriptū est:
- Ephes. 6.* Induite vos armaturā Dei, vt possitis stare aduersus insidias diaboli. Hi vtriusque partes
- „ Imperatores sunt, milites verò ex altera aciei, quos fratres Apostolus nominat, simplicissima gēs, atq. modestissima, nihil inter se maius, quàm fraternitatis familiaritatē, coequalitatemq. necessitudinis affectans. ex altera verò, qui contra pugnent, quales quantiq. hostes sint, ipse exponit: Quoniā non est nobis, inquit, colluctatio aduersus carnē & sanguinē, sed aduersus principes & potestates, aduersus mūdi rectores tenebrarū harū, spiritualia nequitie in cælestibus. Cum huiusmodi porro aduersariis hac ratione gerendam rem esse statuere oportet, vt intelligatur inopia contra copiam; humilitate contra mundi splendorem; imbecillitate contra vim & potentiam; raritate contra multitudinem & frequentiam; summa inuidia contra maximam gratiam; denique simplicitate & veritate contra calliditatem, astum atque dolum esse pugnandum. Atque huius rei periculum in se factum posteritatis memoriæ ad eternum piorum exemplum mandatū esse voluit Amos, quo hostiles impetus & conatus omnes, nihil aduersus verā piētissimi hominis fortitudinē, & vitę, officiiq. integritatē valere ostenderet, neq. verā animorum libertatē quorundam hominum studiis, & maximis conatibus præcidi posse, quo minus susceptum sibi diuinō imperio prædicandę veritatis munus expleat, sicut scriptum
- Matt. 10.* est: Nolite timere eos qui occidunt corpus, animam autem occidere non possunt: sed potius timete eum, qui cum corpus occiderit, animam etiam in gehennam mittere potest. Ex quo consequitur nullam rem esse, quæ fortitudinem, magnitudinemq. animi, grauitatem, patientiam, & humanarum rerum despicientiam magis confirmet & stabiliat, quàm Dei timor, antiquis tēporibus nunquā satis prædicata, nostris autem diebus
- Isai. 51.* vehementer desiderata virtus, de qua scriptum est: Ego ipse consolabor vos: quis tu, vt timeres ab homine mortali, & filio hominis, qui quasi fœnum ita arescet? & oblitus es Domini factoris tui: qui tetendit cælos & fundauit terram. Hunc adeo longius, quàm pro Commentarij ratione, sermonem repeterere visum est; quod ipsa Vatis oratio repete ex vaticinio in historiam mutata id postulare videretur: in qua operæpretiū cognoscere est, quemadmodum malitiosum & fraudulētum hominum genus, quibus veritas odio & quibus potior priuata commoditas, quàm publica salus atque vtilitas est, simplicissimis & sanctissimis viris, quorum actiones suis studiis impedimento esse crediderit, insidiari soleat; eorumque res omnes, dicta atque facta obseruare, tempusque callidè aucupari, quò minori sui nota, minori populi tumultu, honestiori legum, religionis aut iuris, aut maiestatis conseruandę prætextu, iniuste lædere, aperteque possit impugnare. Atque id quidem cum causę ipsius simplicitate & veritate obtenturos se sperare non possint, calumnia tamen & malitiosa quadam rerum ac verborum interpretatione agrediuntur, cuiusmodi illud est: Hic dixit, possum destruere templum hoc manufactū, & in triduo reedificare illud. Ille autem (sacer historicus ait) de templo corporis sui dixerat. Igitur cum Amasix pontificis Bethel atque aliorum hominum animi, quibus tota illa superstitionis & cultus ratio commoda ad ambitionem fouendam existimabatur, simplici illa Amosi Vatis libertate atque actionibus offenderentur, sanctissimi & integerrimi viri aut vi, aut iudicio euertendi occasione captabant: cui vt primum data est, vel leuissimæ occurrentes, quanta sedulitate id fieri potuit, maleuolentissimam obtrectationem, odiumque suum, si non euētū ipso, at tamen conatu atque diligenti opera patefecerunt: Namque regio Ieroboami nomine in Vatis oratione audito, repente illa tam diu desiderata commoditas exorta est; qua regiæ maiestatis causam suis odiis & commodis prætenderent. Quamobrem quæ priuatis sui ipsorum nominibus agere hætenus dubitauerant, nunc publico regis nomine apertè atque diligentissimè agere incipiunt, quo melius & commodius rebus suis consulerent, & studium, diligentiamque suam regi ac populo probarent. Cumque maximè propria commoda, & dignita-

dignitatem conseruassent, optimè de rege, de principibus, atque de tota republica meriti esse putarentur. Itaque rem ficto officio & maxima cum diligentia Amasias pontifex agit, vt nuntiis & literis missis, Vatis nomen apud regem de nouarum rerum studio, de lēx maiestatis perfidia deque insidiis deferat: atq. idem ipse interim Vatem quàm  
 5 tum multuofissimè adortus, regis metu perterrere, & loco cedere, atque officio repellere, ac fugare conetur. quam profecto rem si is effecisset, totam causam obtinuisse videretur: namque Vatis fuga vaticinio fidem, auctoritatem quæ adimeret, suisq; studiis & delationibus, simulatæque sedulitati vel maximam afferret. [Et misit Amasias sacerdos Bethel ad Ieroboam regem.] Ipsa res & narrationis ratio Amos Vatem apud Bethel vaticinatum  
 10 fuisse indicare videtur: quòd eum locum potissimum ad munus suum explendum delegerit, qui maximo ad impietatem conseruandam Israëlitis momento esset; quiq. maxima eius gentis hominum frequentia quotidie celebraretur: atque ita vaticinij & diuinarum reprehensionū atq. minarum notitia plurimis hominum, imò vniuersæ regioni, communis atque aperta esse potuit. Sed illud mirandum est, cur tam diu Amasias, atq.  
 15 illud sacrificulorū collegium Vatem aduersus superstitionem vna atque altera, & tertia etiam actione orantem passus fuerit, cum verissimilè sit eos statim primo etiam illius verbo offensos, quòd ea res ad suam ipsorum dignitatem, commodaq. munienda pertinisset: Non enim puto si quis temporibus his Vates, aut sanctissimus aliàs vir, vel de corruptis moribus apud nostros, vel de violata religionis societate & fide apud eos qui à  
 20 nobis dissident tanto studio, tam acri, vehementi atque incitata oratione cum multorū qui in culpa essent, quorumq. res ageretur, offensione diceret, tam diuturna quorundā hominum patientia vteretur; quibus non tantum quid effici tandem, quantum quid contra eam libertatem moliri tentarique posse experiundum esse existimaretur. Sed nos præter diuinam prouidentiam quæ sanctissimorum hominum rationibus, actioni-  
 25 busque omnibus semper adest, quorum vel capilli omnes munerati sunt, neque vnus in terram nisi oportunè & commodè defluere finitur. illud etiam arbitramur consilium quidem & voluntatem Amasias sacerdoti & sociis euertendi Vatem nunquam defuisse; oportunitatem verò & occasionem, qua id suo maximè commodo fieri posset, humana quadam prudentia fuisse expectatam; eamque vbi ex sentētia nacti essent, vt re-  
 30 gio nomine, & auctoritate suam ipsi rem, suamque causam tueri & defendere possent, diligenter esse captam. Neq. verò interim vulgi animos ad superstitionē cōfirmare desistebāt, cum ea causa imperitæ multitudini plausibilis popularisq. magis, quàm vera religio esset, & multo plures sui propugnatores, quàm expugnatores haberet. Aberat autē ab eo loco Ieroboā rex; quæ res maiori cōmoditati Amasias sacerdoti fuit, vt suspicionē,  
 35 indignationemq. regiā aduersus Vate cōmoueret: Namq. & sacerdotalis auctoritas, & absentia, quæ grauiores multo res fingere sibi solet, & primi, tametsi falsi rumores, & nuntij ipsius (quem cōmodè ad eam rem instructum fuisse res ipsa docet) oratio persuadere regi facilè poterant. Magno itaq. studio, & excogitato consilio nuntium à pontifice, cui plurimum tribuebat rex, missum esse intelligimus; literarum autem, atq. allati ad regem  
 40 nuntij argumentum hoc fuit:

*Rebellauit contra te Amos in medio domus Israël. non poterit terra sustinere vniuersos sermones eius.*

HÆC iam iniquissimo cuiq. homini ad calumniā peruulgata & satis munita via est; innocētis & boni viri negotia, sermones, & omnē consiliorū rationē peruersè inuertere,  
 45 atque aliter quā res ipsa habet, interpretari. Omnium quidē quos Amos haecenus habuerat sermonū, illa breuiter summa, atque illud argumentum fuerat: Deum ob violatam religionem officiumq. desertum Israëlitis esse iratum; quibus nisi ad bonā frugem sese recipere studētibus, graues ad correctionē, deinde grauissimæ ad animaduersionē poenæ essent paratæ. propterea illos à se admoneri, & iam liberius etiam accusari, vt magnum  
 50 malum vitæ emendatione fugerent; alioqui Deum tandem seuerum iudicem expecturi, quem clementem interim, vltroque rogantem, misericordem patrem excipere nollent. eā autē calamitatē omnibus & summis & infimis hominibus, & populo et principibus atque regiæ etiā familiæ, quicunq. in culpa fuissent, cōmunem fore. Hanc adeò totā rationē ita Amasias mutauit; ita rectā Vatis dispositionē peruersè benè dicta malè interpretatus est, vt bonū et simplicem virū, nihil minus cogitantē, seditionis argueret:  
 Nam

Nam neque de religionis instauratione, neque de moribus, officioque restituendo, quæ plurima & optima dicta, perorataque illi fuerant, vllum verbum, sed de regis maiestate, nomineque violato, de populari tumultu & seditione quedam falsa narrauit & affirmauit, eaq. tragicis amplificauit verbis. [*Rebellauit*, Hebraicè est, *Colligauit contra te.*] Coniurationem verbum hoc significat, vt doceret sceleratissimam conspirationem ab Amoso pastore pauperrimo, sed rei familiaris inopia, & nouarum rerum cupiditate, ac spe audacissimo fuisse conflatam: quæ nisi quàm celerrimè extingatur, magnū publicis rebus, sed primū & maximum regi ipsi periculum paritura sit. namque res neque occultè, neque priuatè agitur, sed in medio domus Israël, in Bethel, publico maximè & frequentissimo totius regionis loco, ita vt malum ipsum, cuius stirpes adeo altæ cōspiciuæque essent, 10 fundamentum & radices altiores habere videretur: at ne vniuersa ea regio seditionibus & tumultibus turbaretur, vehementer esse metuendum. [*Non poterit terra sustinere vniuersos sermones eius.*] Adeo, inquit, graues, frequentes, duros, & maleuolos de te sermones tota Israëlita regio dissipat, vt fieri non possit, quin multorum aduersum te animi irritentur, & quod malum ille populo tua culpa ferendum prædicit, aliàs eiusdem sententia, aliàs ineuitabili tui nece expiandum auertendumque curent: namq. tibi imprimis eadem, deinde populo captiuitatem minatur; id commune periculum, si qui sunt, qui aut tibi malè velint, qui nonnulli fortassis erunt, aut qui sibi populoque consultum cupiant, quos plurimos esse necesse est, vbi primum turbari res cœperint, tuo vnius capite obiecto vitare cogitabunt. 20

*Hæc enim dicit Amos: in gladio morietur Ieroboam; & Israël captiuus migrabit de terra sua.*

VEHEMENTEM regimetum incutere hac ratione Amasias conatur, vt grauius in Vatem odium struat, & perturbati regis iussu celerem, temerariaque sententia decretam necem innocenti afferat: Nulla enim re magis perturbari potuit rex, quàm intentatæ & procuratæ sibi mortis nuntio audito; graue enim fuerat populum concitare; grauius maleuolis sermonibus, & ad nouandas res idoneis terram dissipare; grauius autem regi ipsi mortem & ferrum apertè minitari: atque ad eam accelerandam publicæ calamitatis metum populo iniicere. Ita omnis ea quæ ab Amasia impiissimo relata ratio est, eò pertinuit, vt regis animum ab omni alia religionis, aut publicæ rei cogitatione ad suæ salutis curam, atque ad Amosi odium conuerteret. Tota autem hæc res mendacio, calumnia & dolo nitebatur: neque enim Vates Ieroboamum filium Ioas gladio periturum aut visione acceperat, aut prædixerat vnquam, sed tantum id sibi ostensum affirmauerat, idololatriæ cultores quosdam cum templis ipsis fore euertendos, atque in Ieroboami domum, non in Ieroboamum ipsum ferro esse inuadendum. O execranda hominum malitiā, quos aduersus nudam atque apertam veritatem falsitate contendere non pudeat; quam tamen in omnibus locis parum firmamenti, & parum virium habere intelligunt. [*Et Israël captiuus ducetur de terra sua*, Hebraicè est, *Et Israël migrare migrabit de humo sua.*] ita vt funditus euellendos abducendosq. Israëlitas omnes referret: 40 Namque illa vox A D A M A, pro qua nos humum vertimus, natium cuiuspiam solum significat. quod tamen non hæcenus Amos prædixerat, aut affirmauerat, sed Israëlitarum partem gladio ab hoste feriendam ad cæterorum correctionem sibi visam esse docuerat; idque non vna tantum expeditione, sed altera atque altera hostes facturos indicauerat: atque ea res perpendiculi imagine ostensa est. Cum verò rex sententiam de hac re suam pronuntiare, & Amasias transmittere diutius cunctaretur, quod fortasse causa ipsa sapiente iudice, atque equo quæsitore indigere visa est (neque enim quicquā ad eum quem acceperant nuntiū, à Ieroboamo responsum fuisse legimus) interea pontifex nouam prohibendi à vaticinio Prophetæ viam munit, non minus illa altera dolosi consilij plenam: nam qui mittendo ad regem nuntio, ardens regis dignitatis & communis populi salutis atque pacis studium, fictumque officium simulauerat; idem amicè & beneuolè Vatem adortus, loco cedere, officiumq. suū deserere suadet, vt dissimulato odio non tā suā causam agere, quā Vari prospicere atq. cōsulere putaretur; & cui vna regis salus curæ esse in altero negotio visa est; in hoc nulla neq. regis dignitatis, neq. salutis, neq. publicæ rei cōmodi, sed Vatis tantum incolumitatis & officij ratio haberi simulatur. Et di-



*Et dixit Amasias ad Amos: Qui vides, gradere, fuge in terram Iuda: & comede ibi panem, & prophetabis ibi.*

IN MISSIS ad regem literis nomen tantum Amos contemptus causa auditur, quod ignominie genus & ignobilitatis indicium antiquis fuit nomine tantum suo quemquam dicere. Vt: non est hic filius Ioseph, &c. & mater eius vocatur Maria, & fratres eius. &c. namque infimus ignobilitatis gradus est, cum quis nomen solum tuetur suum, neque praterquam quod homo sit, & rufus dicatur, aliud quippiam splendoris aut a maioribus accepit suis, aut ipse sibi sua industria peperit. Itaque ad regiam indignationem augendam pertinuit, quod in illa delatione Amos diceretur. Nunc vero quod non suo, sed muneris & personae quam agebat nomine appelletur, ad fictum honorem, atque dolosam pertinet adulationem. Omnia haec mysteriis plena, & notatione animaduersioneque dignissima sunt, si tantum ingenij & otij nobis esset, ut explicare singula pro dignitate daretur, sed doctissimis atque pietissimis Christianis viris legenda nostra scripta fore speramus, quibus nos plurimarum rerum non explicatores, sed iudices praebere satis duximus. [*Qui vides.*] Grauiissimum, magnaeque apud se auctoritatis prophetae munus officiumque esse proficitur; quodque ille pro sua parte omni studio, opera, atque consilio iuare & fouere cogitet. Quamobrem cum per principum potentiam, atque loci importunitatem suum munus & diuinum plane & certissimum constanter & liberum exequi non possit, consultissimum sibi videri ut mutato tantum loco, & salute sua, & officij auctoritate tueatur: fieri enim non posse, ut in tanta rerum & temporum turbatione, in tanta principum vi atque potentia perseuerare ipse, atque susceptum negotium transigere valeat: quippe quem vel in instantem iam Israelitis a se praedictam famem, vel in regis iram cadere necesse sit. Vtrumvis autem quo minus ille negotio officioque suo satisfaciat, magno esse impedito. Non ergo se illi ne vaticinetur, ne mores hominum reprehendat, suadere, sed ut eo se conferat, ubi id quam commodissime, & maiori cum vtilitatis spe fieri praestarique posset. Commodissimum vero ad eam rem locum Iudaeorum terram esse, ubi antiquum adhuc templum magna hominum frequentia celebraretur; ubi maior prophetarum copia, maior & studiosior discipulorum, qui hos libenter audirent, assidueque sequerentur, esset muneris; a quibus communis atque antiquae religionis officium repetere integrum foret, quod illa religionis ratio nondum plene esset extincta, quando verum Dei nomen iisdem quibus antea ritibus & ceremoniis coleretur; & si nonnulla noue inuenta fuissent, quae dignitatem, officium, moderationem in priuatis, ciuilibus & sacris rebus, splendorem in publicis nonnihil maculassent, spem tamen esse eam vitiosam consuetudinem prophetica diligentia & sedulitate corrigi & emendari posse. Apud Israelitas vero, inutilem superuacaneumque fore, quicumque a vate vno susciperetur, laborem; quando in eum iam locum deducta esset res, ut corrigi omnino restituique nequiret, quae non vulgi solum opinionibus corruptis, sed regia magis potentia atque auctoritate niteretur. namque eam, quae in Bethel religionis causa frequentabatur aedes, in quam Vates ipse acerbius inuehebatur, regis voto & certo consilio sacratam, auctam, & magnis operibus, atque regia etiam arce ornatam esse constabat; quod ea maxima & certissima fundandi & stabiliendi imperij sit vis ratio, quam commutare velle, nisi dominandi omnino voluntate primum deposita, longe sit difficillimum; neque vero regibus persuaderi facile posse, ut priuatae vitae studio coronam deponant, quam ipsi summum sibi bonum omnibus artibus, rationibus, compendiis & dispendiis, omni etiam nefariae humani atque diuini iuris violatione appetendum existimant. Indignum igitur esse tantum operae, studij, sedulitatis & negotij aduersus stultum atque obsequentem regi suo populum, aduersusque potentissimum, & propositi tenacissimum regem, frustra a Vate consumi, quae minori labore, certiori exitu ac successu, maiori sui commodo, Iudaeis impendi potuissent. Hoc argumento, atque his rationibus excogitatum & fucatum sermonem Amasias pontifex apud Amos Vatem habebat: [*Qui vides*, Hebraice, *Videns*,] Beneuolentiam primum a suo de Vatis officij ac muneris dignitate atque integritate, iudicio simulata captat; ut ficto sese studio insinuans, commodius virum decipiat. sic enim dolosi fraudulentique homines eos quorum consiliis, saluti, & dignitati maxime insidiantur, aggredi saepe solent. cuiusmodi illud est: Magister scimus „  
Manh. 22.  
k quia

quia verax es, & viam Dei in veritate doces, & non est tibi cura de aliquo, &c. Simulat autem Amasias dolere vehementer se, quod tantus, tam grauis, tantaq. auctoritate prae-  
 ditus Vates, qui non quocunque modo, sed interna visione à Deo doctus, de magnis  
 rebus verba faciat, indignam dignitate officioque suo ciuitatem, & duram nimium  
 prouinciam susceperit: quæ regis potius voluntati & arbitrio, quàm propheticis illius  
 consiliis & præceptis paritura obedituraque sit. hortari propterea illum vt facilem of-  
 ficiosamque magis sibi prouinciam deposcat & habeat, vbi munere, laboribusque suis  
 commodius atque vtilius perfungatur. [*Gradere, fuge in terram Iuda: gradere, Hebraicè, Veni.*] Hortationem, excitationemque verbum hoc sæpiissime significat, vt: Venite exul-  
 temus Domino, &c. Studium autem suum vehementer illi probare atque persuadere  
 intendit, hortatus vt sese in fugam daret; quod eadem opera, vnoque consilio & magnū  
 vitæ periculum declinare, & id quod profitebatur studium ac munus exequi cōmodius  
 posset. namq. si in suscepta causa, propositaque Israëlitis reprehendendi consilio perma-  
 nere vellet, incertissimo aut nullo potius publicæ vtilitatis, & restituendæ religionis, ac  
 morum euentu certissimū sibi periculum esset creaturus. Quod si sese ad terram Iuda  
 transferret, minorē illic hominū pertinaciam, minorē principum iracundiam, maiorē  
 dictis suis fidem, certiore etiā suo cōmodo experiri posset. [*Et comede ibi panem, et prophe-  
 tabis ibi.*] Quoniam proximā esse Israëlitis famē annonæq. caritatē prædixerat Amos,  
 eam rem vt certā à se exceptā Amasias arripit, qua vati fugā etiā persuadeat: quod nihil  
 aliud præstādum illi foret, si in Bethel permanere decreuisset, quàm vt magno totis die-  
 bus reprehendendi atque vaticinandi labore consumpto, si non regis gladio, fame tamē  
 & inedia esset periturus. Neque enim à gente tantæ inopiæ tempore cibum ei esse sup-  
 peditandum, quem omni populo tum ob regis odium, tum ob prædictum & denuntia-  
 tum malum inuisum fore necesse esset. Solet enim vulgus hominum eos qui certissi-  
 ma mala publicè denuntiarint, perinde quasi ipsi vltro attulerint, graui odio, summaq.  
 inuidia prosequi. ex qua re factum est, vt Achab rex Heliam Vatem inimicissimè infe-  
 ctaretur, sicut scriptum est: Viuit Dominus Deus tuus, quod non est gens, aut regnum,  
 quod non miserit Dominus meus te requirens; & respondentibus omnibus non est hic,  
 adurauit regna singula & gentes, &c. Quamobrem si hac in qua tibi nihil proficiendū  
 est relicta ciui tate & gente, imò toto regno, in Iudam te contuleris; & viuere commo-  
 dius, & munus tuum liberius, maioriq. cum fructu & certiori euentu exequi poteris.

*Et in Bethel non adicies vltra vt propheta, quoniam sanctificatio regis  
 est, et domus regni est.*

NAM cum tanto, tamque assiduo ad vaticinādum labore insumpto nihil haecenus  
 profeceris; quantum porro si institeris & contenderis sis effecturus, ex hoc cōiecturam  
 facere licebit; te nimirum duriores hominum ad officium faciendum grauiiores & in-  
 festos magis in te animos, maiorē principum atq. regis inuidiā esse experturū. Quoniā  
 rex eam sibi rem acerrimè defendendā iudicabit, quam ipse tanto ad imperiū suū fun-  
 dandū atque firmandū studio, tantoq. molimine instituerit. namque primū Bethelice  
 ædis religionem sua ipse auctoritate auxit, & regio nomine & voto sanctissimam atque  
 augustissimā populo esse voluit: at verò alteram illam ædem, quæ apud Dan consecra-  
 ta est, populi magis, quàm suū monumentū, aut regia appellatione notandum fore cura-  
 uit: hanc autē cum ipse sibi adoptauerit, magnaq. frequentia assidue sibi supplicationis  
 causa instituerit, nō solum aris, donis & simulachris ornauit; sed regia arce constructa il-  
 lustrauit; quod hunc locum & religionis sibi, & regij solij principem esse voluerit. Iam  
 verò cum te non apud Dan, sed apud Bethel à principio rem gessisse viderit, non iā po-  
 puli causam, sed suam agi interpretabitur rex, neq. tam in publicos mores, quàm in sua  
 vota, instituta, imperia, rationesque omnes inuectum esse, sibi que hac arte insidiari pu-  
 tabit: Qui enim Betheli ceremonias, religionemq. reprehēdit, is regia consilia, regemq.  
 ipsum impugnare videtur. [*Quoniam sanctificatio regis est, et domus regni est.*] Priuatis votis  
 & consiliis regi magis, quàm populo destinata: quanquam autem regia Israëlitarum  
 vrbs Samaria fuit munitissima arce illustris, tamen apud Bethel regiam etiam domum  
 constructam à Ieroboamo fuisse ex hoc loco docemur, quod rex hac ratione maiorem  
 religionem atque admirationem loco apud populum parauerit, & frequentiorē ædem  
 curauerit,

curauerit, facile enim populus, quæ regibus & principibus gratissima esse intelligit, admiratur, sicut scriptum est: In luce facierum regis vita, & voluntas eius sicut nubes serotina. Porro Bethelis ædem priuato studio, & regia auctoritate consecratâ à Ieroboamo fuisse in historiis regum legimus. Altare similiter fecit in Bethel, ut immolaret vitulis quos fabricatus fuerat, constituitque in Bethel sacerdotes excelsorum quæ fecerat. Et ascendit super altare quod extruxerat in Bethel, &c. Itaque Bethel totius religionis, seu potius superstitionis principem locum, & regio nomine dedicatum, regiaque præsentia & frequentia celebrem esse voluit. Hactenus Amasias oratio est, quæ vafsum hominem & astutum, callidique consilij artificem egregium planè arguit; cuius hæc breuiter summa est: Probari sibi, admirationique esse Amosi vaticinandi studium & officium; molestum tamen vehementer esse, quod homo publicæ utilitatis cupidissimus & acerrimus vitiorum insectator eam nactus fuerit prouinciâ, quam liberè atque ex sententia administrare non queat. hortari se propterea illum, ut officiosorem aliam sibi deposcat, in qua officio voluntatique suæ melius satisfacere, & salutis suæ possit consulere. Ita adeo Amosi officium non tam ad diuinum imperium, quàm ad Vatis institutum consilium & voluntatem refert, quod ille quanquam diuinitus cõparatus ad eam rem fuerit, ut vaticinetur, ut tamen in hoc aut in illo loco munus administret suum, id porro arbitrij proprij fuerit. Hanc adeo doli & astus plenam orationem sic Amos excepit, atque refellit, ut Amasias consilium sibi esse perspectum ostendat, doceatque neque sibi aliter quàm hactenus egerit, agere integrum esse; neq. ab Amasia ipso, aut ab alio quopiam homine vlla vi, aut dolo, aut consilio obstari posse, quo minus intrepidè & constanter impositum sibi onus, quod Deus iusserit, perferatur.

Responditque Amos, & dixit ad Amasiam: Non sum propheta, & non sum filius propheta: sed armentarius ego sum, vellicans sycomoros.

QUANQVAM Amosi officium apertè probare Amasias videbatur, tamen nimiam prophetandi cupiditatem occultè subnotabat, eamque ad ambitionem potius, quàm ad populi corrigendi studium referre visus est; quod à Vate id negotiũ quod transigi prorsum non posse videret, vrgeri tamen & importunè instari reprehenderet; idque adeo in Bethel regia maximè ciuitate & regio loco ab illo fieri, propterea quod nomini sibi parando, & aucupandæ gloriæ operã nauari intellexisset. nam qui huiusmodi, frequentissima & celeberrima loca petere plerumque ad eam venandam consueuere: cuiusmodi consilio cognati atque propinqui Christo nominis sibi & gloriæ popularis parandæ auctores esse studebant: Ostende, inquiunt, te ipsum mundo. Ita eadem opera, eadẽ oratione Amasias officium suum simulare, & gloriæ cupiditatem oblicere, atque exprobrare Amos intendebat: usque adeo omnis versutorum & fallacium hominum fucata & malitiosa oratio veneno plena est. Verum enimvero omnem eam calumniam probè perspectam sapientissimè diluit Amos; cum neque ambitione, neque cupiditate sua, neque vlla plane cupiditate partes illas vltro susceptas, sed à Deo cuius imperium detrectare nefas sit, impositas fuisse confirmet: namque verisimile non esse aliquem hominẽ id negotium aggredi velle, ad quod nulla arte, nullis opibus instructus fuerit: quod si repente aggressus strennuè gerere videatur, non ad hominis ipsius facultatem, aut studium, sed ad diuinum potius consilium referendum esse; ita adeo se publicè vaticinari, & vitia hominum reprehendere nunquam in animum inducere potuisse, hominem nimirum ab huiusmodi rationibus, natura, arte, vitæque instituto longè alienissimum. Neque enim ipse propheticum munus professus ab ineunte ætate est, ut Samuel, atque alij; neque à maioribus suis accepit, aut à præceptore aliquo Vate didicit, quemadmodum ceteri qui prophetatum filij & discipuli dicebantur, quos magistri diuinam legis interpretationem docentes, ad virtutis studium, atque ad vitia accusanda & dissuadenda, pietatemque suadendam instituebant, eosdemque plerumque diuinus spiritus ad futura, absentiaque videnda excitabat, ut Heliseus, atque Helisei puer ille in regum historiis celebratus. Itaque prophetici muneris auctoritatem & facultatem non sibi studi, aut institutione, aut alio antiquo nomine fuisse cõparatam: qui vitæ studio armentarius hactenus fuerit, eaque innocentissima arte tenuem victum, qui tamen satis ad viuendum

*Vxor tua in ciuitate fornicabitur, & filij tui & filia tue in gladio cadent;  
& humus tua funiculo metietur: & in terra polluta morieris: & Israël  
captiuus migrabit de terra sua.*

Quæ hæcenus prædictæ sunt calamitates, non omni in vniuersum populo aduentu-  
ræ, sed partibus tantum quibusdam ad cæteros ad bonam frugem reuocandos afferen-  
dæ fuerant. nunc quoniam populi pertinacia, atque eorum fraude & malitia, quorum  
fuerat publicæ potius quàm priuatæ rei prospicere, effectum est, vt diuino de correçtio-  
ne consilio, non modò non pareretur, sed vehementer etiam obstitetur: vltima tandè  
extremæ atque communis omni populo calamitatis sententia per Vatem pronuntiatur: 10  
scilicet tamen vt priuatum, grauissimumque iudicium is primus subeat, qui perficendi sce-  
leris impietatisque auctor atque dux cæteris fuerit, cuius certissimæ pœnæ certissimum  
etiam Dei iudicium & Vatis sermonem esse probabunt. Quatuor autem omnium quæ  
à Vate nostro pertractatæ sunt rerum, & generum, & totius consilij còmunes summae fuê-  
re; imprimis vt populus ab illo nefario idolorum colendorum scelere (quod adulterium 15  
in sacris dicitur libris) ad mentis puritatem, ad veram pietatem, religionisq. diuinę fidẽ  
reuocaretur: deinde vt hostilis gladius, bellumque Israëlitis impendens prestringere-  
tur; & regio etiam ipsa ne in hostilem veniret potestatem defenderetur, ac demum ne  
Israël omnis hosti victori cederet, captiuusque abduceretur: namque hæc omniũ cala-  
mitatum vltima, populum illum malitia & scelere obduratum expectabat. Hęc autem 20  
omnia quæ Amos actionibus orationibusque suis populo auertendâ procurauerat, Ama-  
sias contrâ, studiis, fraudibus intercessionibusque suis maturanda curauit, singula autem  
ipse in sua salute, fortunis & dignitate, priuato & manifesto Dei iudicio expertus, Amosi  
prædictionem, & diuinum de iis rebus consilium certissimum esse intellexit. ob de-  
fensam namque populi publicam superstitionem vxorem ipse suam in vrbe ipsa, ante- 25  
quam abduceretur, publicè adulterorum libidini obsequentem aspexit: id quod grauif-  
simum & turpissimũ viro fuit: nam si ab hoste abducta corruperetur, ignominia cum  
còmunis ferè omnibus captiuis mulieribus sit, minus grauis singulis illarum maritis vi-  
deri posset. Huius verò sacerdotis vxor in vrbe ipsa, libera adhuc & suæ spontis, hac virũ  
suum contumelia affecit, vt adultero morem vltro gerens succumberet, siue is ex ho- 30  
stibus aliquis, siue potius ciuis fuisset. Non enim ait, vxor tua in vrbe affligetur, sicut &  
Thren. 5.  
alias Vates ille deplorabat: Mulieres in Sion humiliauerunt, & virgines in ciuitatibus  
Iuda: sed vxor, inquit, tua in ciuitate fornicabitur, vt non coactum, sed admissum stupiũ  
significaret. Quoniam verò instantia Israëlitis mala hostilis gladius, regionis occupatio,  
& plena atque integra totius gentis abductio leuiora visa Amasias sunt, quàm vt ea suo- 35  
rum etiam commodorum iactura auertere & deprecari statuisset; ob eam rem simi-  
lia in se, familia rebus, quæ suis diuina iudicia priuatè experturus ipse est: namque  
filios suos & filias hostili gladio confossos viuens ipse, & durissimo perturbatus specta-  
culo videbit, nec non terram, agros & fundos quibus filiorum patrimonium con-  
firmatum iri sperauerat, alienis occupatos gentibus, in potestatem vsumque cessisse 40  
intelliget. Quandoquidem omnis Israëlitarum ager gentibus iis, quas Assyrius rex  
vt Samariam incolerent deduxit, distribuendus fuerat: Ipse autem Amasias ignomi-  
nia primum; deinde orbitate, ac præterea egestate summa affectus, æterna captiuitate  
mulctandus erat, vt in molestissima suarum rerum, fortunarum, & familiarium om-  
nium recordatione & desiderio perpetua suorum maleficiorum consciëntia oppressus, 45  
fœdissimam ac miserrimam vitam ageret; quam nec honesta morte commutare, nec  
honesto loco finire licebit; sed in terra polluta morituro patria & funeris pompa ca-  
rendum est. Itaque omnibus in vniuersum miseriis, in quas vt citius & certius populus  
incideret, auctor ipse ferè & impulsor fuerit, coopertum, seseque obrutum sentiet: atq.  
id demum accipit quod ipse ad inuidiam Vati faciendâ confinxerat (non ob id quod 50  
Vates voluerit, sed quod ipse vt eueniret commiserit) certissimum fore: nimirum Israël  
de terra sua migraturũ, id quod nunquã ab Amoso prolatum ad regem ille falsò detule-  
rat, atque hoc commentò ne Israël ad pœnitentiam reuocaretur, laborauerat. Vnde ef-  
ficiendum erat vt certa & communis captiuitatis calamitas, omnem Israëlitarum rem-  
publicam iustissimo Dei iudicio oppressura esset: ita adeo quod nondum ab Amoso  
visum



visum aut prædictum fuerat; à pontifice ipso populo sinistrè inauguratum, & nō solum consiliis, sed studiis procuratum populo malum, à Vate tandem inaugurantis culpa certum fore confirmatur. [Et Israël captiuus migrabit de terra sua] Tu dixisti falsò, procurasti ferio; eueniet igitur. Quæ res vt non minori quàm cæteræ auctoritate firmaretur, visione sibi præcepta à Vate ostenditur: quam subiecto sermone & capite explicat:

## CAPVT. VIII.

**H**EC ostendit mihi Dominus; & ecce vñcinus pomorum; & dixit: Quid tu vides Amos? & dixi, vñcinum pomorum.

**Q**UARTA demum visione, atq. illius diuina interpretatione totius populi repudiatione sibi monstratū docet Amos; quæ vt quàm certissima & celerrima esset, peruersis populi studiis & præposteris pontificis Amasie consiliis, atq. omnium deniq. culpa effectum fuerat. Ea verò admiranda quadā imagine, & quæ Deo interprete indigeret, ostensa est: namq. id, præterquā quod translationibus & imaginibus transigitur, vt illud quod superius de perpendiculari & muro monstratū fuit, diuina etiam interrogatio non ad imaginem ipsam, sed ad aliam significationē referendum esse declarat. Etenim prioribus duobus spectris fames & pestis ipsa forma, atque ipsa tantum imagine à Vate cognitæ, suis etiam nominibus dictæ, prænotatiæq. sunt. posterioribus verò duobus alia cōspecta, alia autem sunt significata: namq. in altero quorundā tantum populorū captiuitates hostili gladio parandæ, atq. eadem iusto Dei iudicio decretæ, vari fuerant demonstratæ: quæ omnia eò pertinebant, vt qui reliquus esset populus, tot tādē periculis resipisceret, atq. sibi cauere inciperet. Nunc verò altero hoc spectro contumaci, & superbæ genti cōmunis belli atq. captiuitatis dies, isque certa sententia destinatus denuntiatur: quæ ita breuem fore visio ipsa docet, vt nullo quærēdæ euasione, aut capiendi consilij relicto spacio, serò etiā sapientes opprimat. Hanc adeo rem omnē Vates Amasie exposuit, vt prædictam Israëlitis è terra sua migrationē confirmaret. [Et ecce vñcinus pomorum.] Vñcinum vasis genus fructibus continendis idoneum interpretemur oportet; & poma non omnia, sed æstiuā tantum Amosō visa esse definiamus: namq. id ipsa tum verborum ratio, tum diuina interpretatio declarat. Hic locus Hebraicè sic legitur ad verbū, [Et ecce canistrum æstiuorum; Chaldaicè sic: Et ecce vas plenum fructibus æstiuis.] vt autem plenius ac melius visionis nobis tractari significatio possit, earum quæ ostensæ sunt rerum, breuiter primum ex verbis ipsis reddenda ratio est. Igitur vas illud quod à Chaldæo interprete Maan; à Græco ἀγγος; à veteri Latino vñcinus; à recentioribus canistrum dictū est, Hebraicè dicitur Chelub. Est autem Chelub (vt ex plurium locorum notatione obseruabimus) vasis genus, angustiori superius, latiori inferius spacio constans, quacūq. ex materia id, siue viminea, vt plurimum, siue lignea, siue lineā sit: namq. ex omnibus his rebus fieri olim solere obseruauimus, & nostra etiam ætate factum vidimus. Ea autē vasis forma commodè excipiendis, & fideliter retinendis rebus apta, aucupis & piscatoris fuscellæ, pastorum etiam mulctræ, nec non & rusticorum canistra ad excerptos fructus excipiendos constabant: nam & Ieremias Chelub auibis plenum dixit: & Amos Ierem. 5. Chelub æstiuis plenum bis dixit. Quoniam verò pastorum mulctræ, huius etiam forma erat: propterea à Græco interprete vtramque vasis partem, & figuram, & materiam significare volente translatus est ἀγγος ἱερὺν, aucupis mulctræ. Huiusmodi vasa ex lineis funiculis reticulato opère contexta, rustici in Italia zonis appensa gestant; quibus quas ceperunt auiculas viuas, aut ex arboribus decerptos fructus, excipiunt. Atque hæc nunc quidem de canistro nobis dixisse satisfuerit, fusius alias de toto hoc vasorum genere, si Deus annuerit, diserturis. De pomis verò ipsis nonnihil explicemus. Fructuum qui ex arboribus percipiuntur, duo genera ex temporum ratione sunt; alterum quod æstate; alterum verò quod Autumno maturescit. Ex autumnalibus nonnulli citò pereunt; quidam autem diutius asseruantur: vt vux pensiles, poma & pyra quædam, & nucum varia genera; maximè autem quæ iuglandes dicuntur. præter quos fructus qui seruari recondique in hyemem possunt, ceteri omnes à medicis fugaces vocantur, quibus humidior, minusque probe coctus est succus

Inter fugaces verò ij, qui æstate proueniūt, celerrimi, fugacissimi que sunt, cuius generis ficus præcox, & cerasum, & ex prunis plurima esse videmus. Atque ij fructus cum primū maturefcere incipiunt, rari admodum decerpi, cariusque vendi solent; sed exiguo temporis spacio (quoniam festini sunt nimium & plenè simul vnumquodque genus maturefcit) & copiosissimè decerpuntur, & vilissimo veniunt pretio: adeo vt tanti maturi-  
morum canistrum, quanti antea ex ijs, quæ tum primum maturefcebant, libra vna æstimetur: quæ si diutius in arbore sua hæere sinantur, celerrimè computrescunt & per-  
eunt. Id adeo nimio æstatis calore & immodico fructuum ipsorum humore efficitur: quod vtraque hæc natura, si modum excefferit, facile corruptionem rebus afferat. Ita qui primum rari fructus, carè vendebantur, mox vili passim venduntur; atq. breui dein-  
de tempore planè desideratur. nulli enim in arboribus relinquūtur, quin aut decerpti,  
aut auibz deuorati, aut citissimè sint corrupti. quæ de re & Michæas dixit: Hei mihi,  
quia factus sum vt fructus æstiu. Atq. adeo hoc genus festinorum fructuum omne, æstiuū  
Hebraicè dicitur. Est autem Hebraicè nomen *Kais*, quod æstatē significat, à verbo de-  
ductum quod finire, metere & interciperi significat. Vnde pro Æstate *Kais*: pro fine  
verò alicuius rei *Kes* dicimus; ex eodem vt videtur themate vtraque vox deducta est.  
meminisse autem vtriusque verbi *Kais* & *Kes* propterea refert, quod præter naturam  
ipsam rerum, diuina etiam interpretatio vocum annominatione explicatur: neque ad  
orationis modò suauitatem, sed ad sententiam explicandam Hebraicè linguæ cognitio  
hoc in loco, quemadmodum & in plurimis alijs, necessaria est. Igitur plena atq. integra  
totius populi abductio Vati hoc spectro ostēsa est: quam cito admodū futuram ipsa ver-  
bi appellatione Deus docuit: Nam quos in superiori proximo ostento, non omnes, sed  
quosdam hostili gladio feriendos, perpendiculi imagine viderat, eosdē vt æstiuos fructus  
maturos iam nimium, festinanterq. ne putrescerent decerptos, pleno angusti oris canistro,  
vt neq. vnus exilire possit, conclusos, vendendos esse, tradendosq. videt. Id autē quā  
citò futurū esset, quod visione percipere non poterat, sed nomine appellato doceri, edo-  
ctus à Deo est. Visionis ergo imaginem rursus ante oculos constituamus.

*Ecce canistrum æstiu. & dixit: Quid tu vides Amos? & dixi: Canistrum Kais:  
Et dixit mihi: Venit Kes super populum meum Israël: non adijciam ultra vt  
pertranscam eum.*

Quintilian.  
lib. 9. cap. 3.

Vt *Ecce* apud Latinos sic & quæ huic apud Hebræos respōdet vox rem admiratione  
excipiendā indicat. [*Canistrū Kais: & dixit mihi, venit Kes super populū meum Israël.*] Quæ  
ex nominibus & verbis similitudine aliqua deducuntur figuræ, & aures in se vertere, &  
animos excitare solent; & ad rerum memoriā conseruandā plurimū valent: atq. ex hoc  
alijsq. locis docemur, maximā, grauissimāq. diuinorū verborū rationē esse oportere;  
nullumq. temerè dictū existimari fas esse: sed cū aliter dici fortasse posset, cur nō aliter  
dictū sit, magnā aliquam causam subesse, ne quis diuina verba pro arbitrio aut libidine  
mutanda, inuertenda, aut incōstanter explicanda esse putet; alioquin magnū iudicium  
subiturus: id quod Moses & Aaron non intellexere modò, sed sensere etiā quibus quod  
apud aquas contradictionis diuina verba inuerrere, minus religiosa res visa fuit, promissam  
in patriā, felicissimāq. illam in regionē ingressio negata est. Magnā ergo in diuinis  
suscipiendis, explicandisq. verbis oportet esse religionē: multum enim ad rerū mysteria  
cognoscēda verborū etiam cognitio cōfert; atq. interdū quæ in rebus nō satis plenè ostē-  
ditur res, certo addito verbo explicatur. Viderat quidē Amos populū plenè abducendū,  
& in canistra iam cōiectum. quā citò autē id futurū esset, vocis interpretatione doctus  
à Deo est: Nam fructus *kais* cognouerat quidem, sed *kais* ad *kes*, hoc est finē, pertine-  
re minus fortasse nisi Deus explicuisset animaduertebat. Ex hoc ergo finē populo adesse  
iāq. instare intellexit, certāq. Dei de populo repudiādo esse sententiā. cuiusmodi verò  
finis futurus ille esset, & cui potissimum rei exitum esset allaturus, ipse exponit Deus:  
[*Finis super populum meum Israël.*] Non quod Israël defecturus sic omnino sit, vt gens esse  
desinat, sed ne Dei populus amplius sit: Namq. Israëlitz ex quo Samaria capta, abducti  
fuerunt, præter paucos qui apostolorum prædicatione Euangelio obedierunt, & nōnul-  
los etiam qui ad hæc vsq. tempora rari, ad Christianā pietatem colendam accedunt; cæ-  
teri omnes, quorum incredibilis numerus est, à Deo reprobatī, repudiatiq. ob propria  
ipsorum

ipforum scelera, atq. incredulitatem fuere, non antea diuina misericordia in gratiâ plenè restituenti, quàm plenitudo gentium fuerit admissa. Atque Israëlitarum populus multo ante quàm Iudeorum repudiatuſ est, quòd maioribus multò, & diuturnioribus sceleribus eſſet alligatus. Iudeorù verò gēs quòd grauissimis culpis, longè verò minoribus terneretur, castigata quidē Babylonica illa septuaginta annorù captiuitate fuit, exclusa autē & repudiata ne populus Dei eſſet nō prius fuit, quàm dixerit: nolumus hunc regnare super nos, &: non habemus regem nisi Caſarem. Tunc enim adimpletum eſt quod scriptum fuerat per Prophetam, dicētem: Reliqui domum meam: dimiſi hæreditatē meā: dedi dilectam animæ meæ in manū inimicorū eius: facta eſt mihi hæreditas mea quāſi leo in ſilua; dedit contra me vocem ſuam, dicens: tolle, tolle, crucifige eum: Ideo odiui eam. Hæc de Iudeorum reprobatione prædicta, & tandem præſtita ſunt. ſed quæ à Vate noſtro hoc in loco diuinis verbis referuntur, ad decem tribuum captiuitatē in reprobationem pertinent: [*Non adijciā ultra vt pertranſeam eum*, Hebraicè eſt, *vt tranſeam illi*,] hoc eſt, vt antè diximus, vt tot illi ſcelera, tātāmq. pertinaciā impunè ſuſceptā fuiſſe diſſimulem; atq. vrgeri hæc ab illis vltiſuſq. promoueri permittam: ſed quem tantæ impietati & ſuperſtitionibus prouehendis finē, illi dum in regione ſua eſſent facere noluerunt, eū ego, inquit Deus, cum maximo ſuo malo faciā: ita vt omnia quæ iucunda iſtis in hac re fuerint; in contrarium omnino vſum commutentur. nam pro maxīma voluptate, pro ludis, & feſtiuis cantibus, pro ſumma lætitia, ſummum illi dolorē, luctū, & gemitu, atque eiulatum, & ſummam experientur mœſtitiā.

*Et ſtridebunt cardines templi in die illa dicit Dominus Deus.*

QV ID cardines templi hoc in loco Latinè ſignificare velint, Hebraicum exemplar atq. Chaldaica interpretatio apertè docet, hoc modo: [*Et vlulabūt cantica templi*. Chaldaicè ſic: *et vlulabunt pro cantico in adibus ſuis*. Græca verò verſio nō longè ab hac ratione abeſt: *et einlabunt laquearia templi*.] Hæc adeo oratio ſeram pænitudinē, & priorū ſtudiorū damnationem, atq. importunam nimis rerum mutationem ſignificat: Namq. gemitibus & muliebri eiulatu omnia loca implēda eſſe, & canticis quibus nefaria illa fana ſtrepere ſolebant luctū & lamentationē ſucceſſurā prædicit. neq. verò priuatè quibuſdā tantum; ſed omnibus in vniuerſum per omnia loca calamitatē futurā: nullum enim angulū tam reconditū fore, quòd non captiuitas & cædes penetratura ſit; in illa die quæ populo abducendo & repudiando conſtituta eſt; ita vt certus euentuſ certæ diuinæ conueniat ſententiæ, [*dicit Dominus Deus*]. Qui quod Deus ſit dictis conuenientiſque conſtare: quòd verò Dominuſ, quæ dixerit efficere plenè ſolet, neque vlla aliena ratione, aut vlla vi detineri poteſt, quòd minus amplitudinē atq. dignitatem ſuam, & promiſſorum euentu, & iudiciorū exercitatione atq. editione tueatur. Quàm verò communis omnibus illa clades futura eſſet, quæ integram populi à Deo abdicationem & reprobationem teſtaretur, certò atque horrendo ad eam diem dato ſigno prædixit:

*Multi morientur, in omni loco proijcientur. Silentium. Hebraicè clariùs: Multum cadaueris in omni loco proijciet. Tace.*

Nullum locum à cede immunem, aut cadaueribus vacuum futurum eſſe, ſed omnia paſſim proiectis & temerè iacentibus eſſe cōplenda, quæ Deus ille ac Dominuſ qui hæc prædixerit, efficiet. Illiuſ namque conſiliuſ & iudiciuſ inhumata frequentia corpora vbique teſtabuntur. Idem etenim in æſtiuis fructibus euenit, vt dum caniſtra implētur, multi etiam decerpentium tumultu, & ramorum concuſſione & motione decidāt, qui maturiſſimi omnium erant, atque ij neglecti paſſim ſub arbore iaceant, & compūtreſcāt, neque in vſum aut eſum à quopiam legantur: ſic etiam multa paſſim bello occiſorum corpora ab hoſte proſtrata iacebunt, idque adeo in omni loco, neq. à ſuis, neq. ab hoſtibus ſepelienda. Id verò non caſu aliquo, ſed certo prædicentis Dei conſilio cū euenerit: certum Prophetæ vaticiniuſ confirmabit, atque eo euentu rationes ſuas omnes, officiūque ſui auctoritatem conſtituendā fore confirmat Amos, neque vllum aliuſ diſputandi locum Amaſiæ pontifici maleuolentiſſimo, & aſtutiſſimo rerum ſuarum obtredatōri relinquit, ſed ſilentium eatenuſ indicit, quoad euentuſ ipſe malorum ſuas partes rationeſque conſolidet. *Silentium*. Taceto, inquit, tu, & prædictionum mearum finem expe-

expectato, quando hoc solum apud te, atq. apud populum mea oratio valuit, ut euentu ipso probanda esset, cum quæ à me dicta antehac fuerant, non eò pertinebant ut re ipsa atque euentu malum populo predictum firmaretur, sed ut expiaretur potius, atq. poenitentia, precibus, votis, & veræ pietatis instaurato studio auerteretur. *Tace*, vox est eorum qui quæ comminati sunt, certissima fore confirmant, atque ad expectandos rerum exitus commodè usurpatur, ut: Sileat omnis caro à facie Domini, quia surrexit de habitaculo sancto suo. Atque hoc quidem verbo grauissimum illud auctoritatis genus Vates indicauit, quo dictis suis fidem aliquando facere Deus solet: Diuinorum namque vatum apud populum probandorum auctoritas antiquioris testamenti ætate ad tres potissimum rationes reuocata est; ex quibus duæ vaticinium præcedebant; tertia autem interdum rationes subsequebatur. Vnum quidem genus miracula & signa fuerunt, quæ à Vate dicendis grauissimo testimonio esse potuere: alterum verò genus rerum quæ dicerentur ratio fuit; quæ, si cum diuina lege planè conueniret, grauissima populo & diuina prorsus esse, haberiq. debuit. de quibus generibus scriptum est: Si surrexerit in medio tui Prophetes, aut qui somnium vidisse se dicat & prædixerit signum atque portentum; & euenerit quod loquutus est, & dixerit tibi: Eamus & sequamur Deos alienos (quos ignoras) & seruiamus eis: non audies verba Prophetæ illius, &c. Quo præcepto boni atque veracis prophetæ auctoritatem & signis, & orationis ad pietatem pertinentis rationibus definire docemur. Verum enimvero si quis fortasse fuerit, apud quæ utraq. hæc probandorum vatum ratio minus momenti habuisse visa sit (quæ quorundam hominum malitia & pertinacia est) alia durior multo ad firmandam vatum auctoritatem via est munita. poenis enim & suppliciis res agi solet, ut qui monentem & ad officium reuocantem Dei legatum legitimè suscipere noluerint, suo magno malo non vanum fuisse sentiant, sicut scriptum est: Si enim qui per angelos dictus est sermo firmus factus est, & omnis præuaricatio & inobedientia accepit iustam mercedis retributionem, &c. Igitur quarta hæc visio tribus illis quæ præcesserunt propterea coniuncta non est, quod illæ ad certam quandam correctionem; hæc verò ad communem extremam stragem pertineat; quam propterea edere & explicare Vates voluit, quod Amasia calumniis, & inuidiosis atque dolosis orationibus respondere illi necessariò ad suam legationem confirmandam debuit. Atque adeo hoc quartæ visionis oraculum, quo fidem, auctoritatemque suam contumacibus & impiissimis hominibus probatum iri Vates prædixerat, non apud Israëlitas modò, sed apud Iudæos etiam notum peruulgatumque fuit; ut Isaia vari ad eandem prædicendam iecerit fundamentum. namque ab eo anno quo Amos vaticinatus est, numerum illum confici coeptum esse in Hebræis annalibus legimus. De quo numero sic scriptum est: Adhuc enim quinque & sexaginta anni, & desinet Ephraim esse populus. Eam annorum rationem à vaticiniis Amos, qui vidit duobus annis ante terræ motum, ducendam esse, eius libri qui Seder-Gholam inscribitur auctores tradidere, cum dictum huic vati sit: Et Israël captiuus ducetur de terra sua.

Zachar. 1.

Deuter. 13.

Hebr. 1.

Lib. de serie  
mundi.  
Mai. 7.Cic. lib. 2.  
offic.

*Audite hoc qui conteritis pauperem; & deficere facitis egenos, dicentes:*

R V R S V S eam ad populum orationem quam Amasia interrupperat; Amos continuat, & grauissimis sententiis exaggerat; causamq. ostendit quamobrem extrema in omnem populum, etiam in plebem sententia decreta sit: quod scilicet omnes ad iniuriam faciendam omni studio atque opera sint intenti; neque solum principes, & magistratus, sed priuati etiam homines sese iniuriarum allegauerint. Namque omnes eadē avaritia & cupiditate eoque flagrant, ut pietatem, æquitatem, fidemque omnem tum priuatè, tum publicè prodant & violent. neque minus ardenti & incenso studio fraudem atque fallaciam in communi vitæ consuetudine, & à popularibus, quàm à potentioribus iniuriam suscipi solere: sed vnumquemq. rem suam per fas & nefas augendi cupidum, in eos, qui aut opibus, aut dignitate sunt inferiores, inique grassari. Etenim ad hominum inter se coniunctionem societatemq. seruandam duplex iustitiæ pars accommodatur; altera, qua ab omnibus passim, & ab vnoquoq. iniuriam propulsamus, salutemq. defendimus; altera, qua fortunæ, & vniuscuiusq. res conseruantur. Vtraq. autem pars tum naturali iure, tum quibusdam legibus constitutis, quemadmodum fieri rectè possit, explicatur. Ac de priori quidē parte tractanda, curanda & vindicanda, auctoritas & potestas summa regibus,



bus, principibus & magistratibus tradita est. posterioris verò exercendę plebi etiam ipsi, & priuatis hominibus propria cura officiumq. demandatum est. Suam igitur vtrique & magistratui & populo partem, sanctę, pię atq. sincerę coli consentaneum est, quā quocunque modo violasse maximum flagitium fuerit. Summum autem publicę æquitatis ius, auaritię & priuatorum cuiusque commodorum causa, tum à magistratu, tum à populo violari sæpe solet, quæ res diuinis præceptis diligentissimè cauetur. Hæc enim dicit Ezech. 45. Dominus Deus: Sufficiat vobis principes Israel, iniquitatem & rapinas intermittite, & iudicium & iustitiam facite, separate confinia vestra à populo meo, ait Dominus Deus. Statera iusta, & ephi iustum, & batus iustus erit vobis. Siclus autem viginti obolos habet, &c. Quo in loco suum vtrique parti, & magistratibus & populo commendatur officium. Igitur noster Amos communem populo Israëlítico calamitatem fore prædicit; propterea quòd non minori studio, neq. leuiori flagitio sua populo fides, & causa, quam magistratibus sua prodita fuerit. Omnes enim à minimo vsque ad maximum cum summa pauperiorum iniuria & oppressione auaritię student: atque magistratus quidem & Reip. ministros iam in primis actionibus iniuriarum damnauerat Amos: nunc verò populum ipsum in idem crimen vocat; quem suę causę audiendę interesse attendereq. vult, quando nō priuato odio, aut occulta calumnia; sed æquissimo iure causam sibi aduersus illos agendā diuino iussu suscepit. [Audite hæc qui conteritis pauperē.] Attentionē populo parat, atq. eadē opera actionis suę aduersus illos æquitatem probat. [qui conteritis pauperem.] Non secus atque imbecilli à victoribus hostes, à ditioribus pauperiores homines in malè gubernata Repub. tractantur: namq. & fortunis omnibus per calumniām vel fraudem expoliati, aut libertatem interdum amittere, aut deserta patria migrare coguntur. Nam qui cupiendi nullum finem faciunt; ijdem fallendi & lædendi modum nullū habent.

Quid quod vsque proximos

Salis auarus? pellitur paternos

Reuellis agri terminos? & vltra

In sinu ferens Deos

Limites clientum

Et vxor, & vir, sordidosq. natos.

Horat. lib. 2.  
Od. 18.

Sic ille hominum in pauperiorum fortunas accusabat insidias, quòd scilicet quidam nullum aliis locum superesse, sed totam omnino terram sibi non ad vsum, sed ad delicias, ad immoderatę cupiditatis abusum cedere velint. Væ, inquit, qui coniungitis domum ad domum, & agrum agro copulatis: an vos soli habitabitis terram? hoc est quod hoc in loco dicit: [Comeritis et deficere facitis:] Namq. assidua deceptione tennes alioqui pauperiorum res ita atteruntur, vt tandem absumptę dominum tantis miseriis cedere, migrareque cogant. [Egenosterrę.] Affectum habet oratio, miseriarumque rationem atque indignitatem amplificat, Hebraicę est, afflictos terrę: eosque significat, qui neminē suarum fortunarum propugnatorem habent; quos multis modis, multisque impugnatoribus infestari indignissimum sit. Terrę verò possessionem illis adscribit: namque ea communis incolarum omnium mater est, si qui dignitate & opibus careant, miserum ducunt: sed terrę etiam vsum carere, ea extrema miseria est. Quibus autem modis à ditioribus pauperiores opprimerentur, subiecta narratione exponit; in qua voluntatem & facultatem ad id non magis illis in suo prodendo officio, quam magistratibus in suo defuisse arguit.

Dicentes: quando transibit mensis, & venundabimus merces, & Sabbatum, & aperiemus frumentum.

STVDIVM & voluntatem illorum erga pauperes auaritię causa opprimendos hac inductione Vates ostendit, quòd nihil illis magis in votis esset, quam vt nulla alia vitę vitęque commoditas pauperibus esset, nisi quantum ab illis suppeditari potuisset; idque carissimo pretio: quoniam hoc modo exigua frumenti mensura pauperū pecunias omnes, artificia, & operas facillè sibi ditiores cōparabant. Cū enim pauperibus nihil frumenti ad viuendum esset, ab ijs quibus esset, emere necesse erat; idq. eo pretio quod illi statuissent. Ex ea re cōsequebatur vt quicquid supellectilis in pauperū domibus esset, aut pignoris, aut pretij nomine ad ditiores transferretur. Deinde si quid artis & operę suopereffet, id totū pro frumēto diuitibus locaretur: atq. eo modo locupletū diuitiæ assidue accessione quotidie augebantur; pauperū verò res magis indies detrita, tandem assumebantur. Est autē diuitibus adeò iucunda quotidiani lucri accessio, etiā cum pauperū detrimento

trimento, vt si qua intermissio fiat, id damno seu iacturæ potius sibi esse ducant, atque omni etiam fraude resarciendum putent; ad eamq. expediendam commoditatē tempus sibi dari cupiant, atq. interea quemadmodum id vel leue cōpendium maxima etiā fraude committetur, diligēter studio & cura excogitent. Huius verò tam peruersi hominū ob auaritiā studij exemplum, in Israëlitis exprimit Amos, qui vehementer cauebant, ne qua frumētī copia pauperiori populo aliunde, quàm ex se esset, vt eū facilius & cōmodius expilare expoliareque possent. quoniā verò messis tempore nonnihil frumenti pauperibus suppetebat; quod temerè iacentes spicas, aut quæ messoris manū fūgissent, aut finire opus cupientis, & festinantis oculos fefellissent, in alieno agro diuina lege & moribus sibi legere cuilibet liceret, qua vel eius mensis inopiæ succurreretur; id tēpus à ditioribus, fœeneratoribus, vsurariis, & ijs qui frumentū vēdere solebāt inuisum, importunumq. & suæ cupiditati impedimentū nimis etiā longum, quāuis breuissimū esset, videbatur, adeo vt cū mensis esset, annus illis præ cupiditate & tædio iudicaretur. cuius affectionis illa oratio erat: [*quando transibit mensis, & venundabimus merces*; Hebraicè sentētia clarissima est sic: & *frangemus fractionem*.] Quotrope summā annonæ caritatē sacri libri significat; eoq. vtuntur vbi magna frumenti, aut cuiusuis necessariæ ad victum rei laboratur inopia: quem sic aliàs Latinus verteret interpres. Omnesq. prouinciæ veniebant in Ægyptum vt emerent escas, & malum inopiæ temperarent. cuius nos tropi rationem elegantē alio in loco, si Deus annuerit, explicabimus. Ac præter eum quidem messis mensem, qui tam pauperibus expectatus & brevis, quàm longus atque inuisus diuitibus erat, aliud etiam tempus Deus esse voluit, quo ex agrorum fructibus pauperes sibi, domibusque suis possent prouidere: isque septimus quisque annus fuerat; in quo quidquid inarati incultiq. agri sponte sua protulissent, commune omnibus legentibus fiebat. Isq. annus vulgari & Syriaco vocabulo cessatio; in arcanis verò libris ex re ipsa Sabbathum, hoc est quies terræ nominatur; quod & fatigatis assiduo cultu agris laxamento, & pauperioribus etiam hominibus tanti rerum desiderij vel paruo leuamento foret. Eum annum non minus ingrātum diuitibus fluxisse, quàm gratum pauperibus percurrisse ex ipso ditiorum studio, atq. oratione arguit Amos: [*Sabbathū & aperiemus frumentū*; Chaldaicè sic: & *cessatio, & aperiemus horrea*.] namq. triticū venditium domus messis tēpore, & septimo anno minus frequentabantur; atq. horrea clausa erant, quæ cumprimū, vbi illa tempora præterissent, aperiebantur; magnum lucrum & quæstū domino factura:

Iuuenalis.

Nam diues qui fieri vult;

Et cito vult fieri. sed quæ reuerentia legum?

Quis metus aut pudor est semper propterantis auari?

In quæstu autem compendioq. versatis hominibus, si quid præter animi sententiā damni acciderit, id vt resarciatur proxima & breuissima via in fraude facienda est. ea verò tū rebus quæ venduntur adulterandis; tum ponderibus & trutinis deprauandis; tum etiā pretio vehementer augendo munitur. hoc est quod dicit:

*Vt minuamus mensuram & augeamus siclum, & supponamus stateras dolosas.*

Aristot. 1. Ethicoeum, &amp; Aspasius in illum locū.

Budæus lib. de asse.

Genes. 23.

SYMMVM auaritiæ studium, & multiplicem faciendæ fraudis excogitationē oratione inducta Vates explicat. his enim potissimum generibus cōmerciorum fides corrumpitur & proditur, quæ dederis, minuenda; quæ acceperis, augenda mensura. Itanirum non vno & simplici inopum damno ditiorum res vehementer crescunt, magna eius iustitiæ partis, quæ commutatiua à philosophis dicitur, proditiōe. Vox, vt, non 41 causam, sed modum explicat, quonammodo illicum multis aliorum incommodis sua amplificent commoda. [*Augeamus siclum*.] Olim appensi potius quàm numerati argenti vsus erat: vnde & antiquissimo Hebræorum, Chaldeorum, & Cananæorum nummo nomen sicli factum est; quod Latine redditum pondus significat. Aderat autem ijs qui vendebant aurificum statera, qua recipiendum probaretur argentum: quæ res cū multis alijs ex locis, tum ex illo clarissimè obseruatur: Terra quam postulas, quadringentos siclos argenti valet, &c. Quod cū audisset Abraham, appendit pecuniam quam Ephron postulauerat audientibus filiis Heth. Quia in re duplex esse potuit fraus, vt stateræ & lances inæquales essent, & pondus ipsum, quo probandum argentum fuit, auctius iusto foret. Neque verò semper argento signato utebantur, cū satis esset rude & in-

& incussum, si modò suo pondere redderetur: namque siclus ille signatus, quæ Atticæ  
 simuncie æqualem, & Iosepho teste, & ipso etiam nummo Israëlitico (qui nobis diuino  
 certe beneficio contigit) probauimus; cum publicè atque legitimè cudi solet, neque  
 à priuatis hominibus augeri, neque auctior exigi poterat. Sed cum minorum etiam ar-  
 gentearum monetarum vsus, illæque varius esset (nam aliæ quadræ, rotundæ, aliæ non-  
 nullæ excusæ, rudes quædam fuerunt) id genus omne emendis rebus expendebatur.  
 Hodie etiam Barbari, maximè autem Afri argentum expensum à nostris mercatoribus  
 pro captiuis redimendis exigunt: sed & in Italia & Gallia hic mos inualuit, vt tabernarij  
 etiam argenteos & aureos nummos non nisi expensos recipiant; vbi nobis non leue ne-  
 gotium publicani aliquando faciebant, aureos coronatos quamplurimos suis stateris im-  
 probantes, adeò vt, quia aliud monetæ genus quod redderemus nõ suppetebat, certum  
 quoddam singulis nummis damnũ pati cogeremur. Ad hunc igitur modum pauperes,  
 dum minutiores monetas emendo frumento infumerent, aucto pondere, & deprauata  
 statera defraudabantur. Atque de omni hoc sicli & mensurarum, quæ ad diuina scripta  
 intelligenda faciunt, genere, multa à nobis quæ diligenter obseruata sunt, Deo nostro  
 approbante aliquando differunt: nam pro commentariorum lege hæc nunc satis  
 esse visa sunt. [Supponamus stateras dolosas. Hebraicè est: *Vt deprauemus balances doli.*]  
 Balances doli vocat arte industriaque excogitatam trutinæ formam, quæ pro ap-  
 pendentis calliditate & vsu fraudem nunc facere, nunc celare possit: id qua ratione  
 fieret, ex Chaldaicarum & Hebraicarum antiqua & recondita lectione accepimus, dum  
 eam ponderum & mensurarum rationem diligenter exquireremus: veruntamen hoc in  
 loco referre consilium non fuit. Antiquum autem fuisse lancis & libræ vsus, & non à  
 Græcis, sed ab Assyrijs inuentum, huiusmodi obseruationibus sæpe docemur. Quantum  
 verò scelus hæc ponderum & mensurarum corruptio sit, illa sententia apertè declarat:  
 Pondus & pondus; mensura & mensura; vtrumque abominabile est apud Deum. His  
 autè modis, non modò fortunis pauperum, sed libertati etiam parantur insidiæ: namq.  
 illorũ primum supellex; deinde agri & domus, si quid eiusmodi superest; ac demum fi-  
 liorum & totius familiæ, atque ipsæ etiam parentum operæ, in ditiorum vsus, idque vi-  
 lissimo pretio, cedunt. hoc est quod dicit:

*Vt possideamus in argento egenos, & pauperes pro calceamentis.*

MULTOS non tam rerũ defectu, aut propria negligentia, aut diuina sententia; quam  
 aliorum hominũ fraude atque auaritia ad summam egestatem inopiamq. redactos sem-  
 per fuisse, vtinam non perinde nostris moribus compertum, atque antiquis historijs no-  
 tum esset. Sed dicere vix possis quàm multi talia plorent, & quàm minimo pretio carif-  
 simæ alijs res, prædiola, domunculæ, & dulcissima etiam pignora, virgunculæ filiar, &  
 suæ etiam ipsorum operæ ac sudores alijs hominibus consent. Etenim cum ex aliorum  
 inopia & indigentia omnem sibi voluptatem & commoditatem alij nasci posse arbi-  
 trentur; huic vni operam dant, vt miserrimos quosq. omnibus exhaustis rebus fame &  
 egestate coactos, in suos vsus, imò in seruitia redigant idque pro argento, nempe exiguo  
 admodum; & quo ille nihil sibi consulere possit, nisi vt vitam ferino victu ad horam  
 tantum propaget, atque ea re perpetuam seruitutem seruire cogatur. Alterum autem  
 membrum alterius rationem explicat: namque non multò argento pauperes sibi ad di-  
 cendos putant, sed penè gratis, aut binorum ad summum calceorum pretio singulos  
 cõstituros. [Et pauperem pro calceamentis.] Hebraicè *egenus* in singulari, *calceamentis* in duali  
 numero est. Huius autem comparandæ rei causa nullum illi lapidem non mouent: neq.  
 enim ad suam augendam aliorum exhauriendas res properantibus vendendi necessarij  
 frumenti mensuram minuere, pretium adaugere, libram deprauare satis esse visum est;  
 nisi etiam merces ipsæ fuco fallaciaque affectæ corrumpantur.

*Et quisquiliæ frumenti vendamus. Hebraicè est, & deciduum frumenti  
 frangemus.*

DECIDVVM frumenti id est, quod messis tempore dum triticũ expurgatur cribro  
 1 decidit:

decidit: nempè puluere, lolio, nigella, & quicquid alijs confusæ sordes: quod cùm nullius alioqui hominibus vsus sit; isti tamen pauperibus egestate coactis tritico commixtum vendunt. ac propterea ait: *frangemus*: quod verbum nos superius explicuimus. Iam verò quot in vno vitij genere scelera admittantur, quotuplicibusque iniurijs alij ob aliorum auaritiam afficiantur videre est: Namque illa prima culpa est, quo tibi commodè eueniat aliorum desiderare incommodum: deinde scelus est alterius rebus afflictis humanè ac piè succurrere nolle, sed in ea re maximum sibi quæstum statuere. Demum flagitium est, & mercede, & pretio, & libra alium defraudare studere: tum verò illud omnium iniquissimum & immanissimum suas res viles natura ipsa, & leues, maximo pretio in alienos; alterius verò maxima commoda & pretiosissimas res, prædia, domos, 10 supellectilem omnem, denique libertatem ipsam in proprios vsus vilissima æstimatione conuertere: tot adeo, tantaque ex vno cupiditatis fonte incommoda & flagitia fluunt, vt meritò id vitium malorum omnium radix esse dicatur. Hanc adeo multiplicem potentiorum & ditiorum aduersus minores & pauperiores iniuriam Deus semper vindicandam suscepit, grauissimeque solet vlcisci, sicut scriptum est: Tibi derelictus est 15 pauper, &c. Horum enim miserrimorum hominum, quibus nihil præter desiderium, & suspiria, mœstasque voces, ab alijs relinquitur; quamuis occultæ, tamen vehementes querelæ sunt, & earum querelarum clamor ad aures vsque Domini Dei Sabaoth pertingit, quos in suam fidem atque clientelam grauissimis olim verbis receperat. Si clamauerit, inquit, ad me, exaudiam eum, quia misericors sum. Atque adeo huic fidei & 20 promisso abundè se satisfacturum hoc in loco prædicit.

Psal. 9.

Iacob.

Exod. 23.

*Iurauit Dominus in superbiam Iacob, si oblitus fuero omnia opera eorum.*

HEBRAÏCE est [per amplitudinem Iacob:] atque locus ipse iuramenti rationem explicat: Etenim Iacob humilem & inopem, atque à patria domo profugum, fraternisque 25 infidijs appetitum, quod sese suæ fidei commisisset, ad eam dignitatem atque amplitudinem euehendum Deus suscepit, vt Israël dictus, fratrem opibus, diuitijs, & generis posteritate, atque omni splendore superaret; quod in gente ipsa à se præstitum, cùm fouere, atque vltèrius prouehere vrgereque instituisset; tamen ab horum peruerforum hominum iniquitate & iniuria, quo minus in singulis etiam pauperibus perfici còmodè 30 posset, impedièbatur: namq. isti multo quàm Esau inhumaniores, fratres suos quos misericordia, officio, ac potius pietate adiuuare debuissent & potuissent; tamen non solum negligentia, sed iniuria etiam & fraude, circumuentioneque oppressos, ad inopiam, ad fugam, ad extremum miseræ gradum redire cogunt. Eam verò rem non inultam fore Deus iurauit, sed seuerè in eos animaduertendam, qui per summum nefas suo illi de 35 ornando atque amplificando Iacob consilio, tantis iniurijs & fraudibus obsistere conati sunt: eius autem perfidiæ, atq. impietatis memoriam nulla vnquam obliuione delendam, sed quoad in eo reprobationis statu fuerint, assidujs poenis renouandam, vt nullo in loco securi, eandem semper calamitatem quam fratribus suis attulerint, experiantur. [Si oblitus fuero vsque in finem, omnia opera eorum.] Nam cùm ea publicæ iniuriæ vis sit, 40 vt hominum res euertere, atque vrbes ipsas, immò totum orbem funditus perdere possit, quod & diluuij & Sodomorum tempora planè testantur, quem tatarum in fratres etiam ipsos, in miserrimos, in eos quos Deus ornatos, amplificatosque esse voluit, iniuriarum exitum expectari par est?

*Nunquid super isto non commouebitur terra & lugebit omnis habitator eius: & ascendet quasi fluius vniersus, & eiicietur, & defluet quasi fluius Egypti.*

EXCLAMATIONE facinus amplificatur, & meriti supplicij expositione magis etiā ostenditur.

Quis, inquit, calum terræ non misceat, ac mare calco? Quis homines tantis sceleribus alligatos, vrbibus, agrisque suis exterminari debere non iudicet? quis terram tantis flagitijs pollutam, inundatione aliqua maxima expiari non procuret? Atque hæc diuina exclamatio & amplificatio asseuerationem & sententiam in se certam continet. Ad So-



Ad Sodomorum autem & Gomorrhæorum, atque adeo ad antiqui diluuij exemplum omnis relata res est: Eiusmodi namque communi & publico supplicio publicæ iniuriæ diuinitus vindicari solent. Sed si maxima communis illa totius orbis inundatio ob diuinum ad Noë factum promissum repeti iterum non potest: Nequaquā, inquit, ultra ma-  
 ledicam terræ propter homines; nec percutiam ultra omnem animam viuentem, sicut feci: non ideo tamen nonnullas terræ partes, nonnullas gentes ob sua scelera poenarum fluuio delere integrum Deo non est. nam qui se nec omnem terram amplius inundaturum, nec omnem animam viuentem perditurum recepit, nullam terrarum partem, nullamque gentem exceptam noluit: sed nunc hanc, nunc illam hominum nationem, cum res, ratioque atq. diuini iudicij æquitas, id postulare videatur, vel funditus perdi, vel deleri, vel eueri, atque proprio loco pelli posse duobus maximis ac perpetuis exemplis testatus est: altero quidem Sodomorum, quorum loca, vrbes, agrique, cælitus igne tacta, & sulphureis imbribus euerfa sunt, sicut scriptum est: Igitur Dominus pluit super Sodomam & Gomorrhā sulphur & ignem à Domino de cælo; & subuertit ciuitates has, & omnem circā regionem; vniuersos habitatores urbium, & cuncta virentia terræ. Id autem diuinæ iustitiæ & seueritatis exemplum Asphaltites lacus tetrīs ac perpetuis exhalationibus conseruat, quas summo mane quotidie remittit, sicut scriptum est: Surgens mane Abraham vbi steterat prius cum Domino, intuitus est Sodomā, & Gomorrhā, & vniuersam terram regionis illius; viditque ascendentem fauillam de terra, quasi fumum fornacis. Eandem etiam priuatē in certas regiones exercendi iudicij facultatem, communis diluuij abiuratione sibi exceptam non esse, altero etiam illustri atque perpetuo testatur exemplo Nili amnium in nostrum mare permeantium maximi; qui Ægypti terram non pererrat tantum, sed certo anni tempore, hoc est æstiuo sydere exuberans, vehementer inundat; atque non exiguum in modum tumēs, vniuersam diluit; sarmenta, paleas, stipulam, & maiora etiam ligna, quicquid denique leuioris naturæ offenderit conuellens, ac verrens, in proximum deuoluit mare: arque ita superficiem terræ omnem à se expiatam immutat. Sic etiam fieri posse docet, ut si id ratio atque res postulauerit, certæ quædam regiones incolarum sceleribus pollutæ, diuini iudicij inundatione expientur. Neque enim id quo minus facere integrū Deo sit, illo antiquo facto promisso fuerat exceptum; ut neque totius orbis à communi diluuiō securitas, terræ partem celeberrimam Ægyptum annua inundatione defendit. Atque hic locus, hæc Amosi oratio eos qui audierint, in magnam potest traducere admirationem, quod Nili exundationem, de qua multa à philosophis & poetis olim disputata sunt, ad certæ cuiusdam prouidentię rationes, atque adeo ad diuinæ seueritatis perpetuum argumentum relata esse doceamur. quam rem nemo vnquam ex maximis philosophis excogitare potuit. atque vtinam ut alijs philosophorum & humani ingenij de natura rerū cōmentationibus; sic etiam diuinorū librorū mysterijs explicandis animum intenderemus; in plura certè atque maiora rerum omnium arcana penetrare, & horū veras causas cognoscere potuissemus. Equidem Deum vsque eò propitium mihi esse opto, ut sacros Mosis libros Christianis hominibus interpretari fas sit: in quibus, quemadmodum verissimè & suauissimè philosophari posset; quemadmodum non humilem Theologum agere contingeret; si non plenè doceri, certè iudicari à nobis posse, iam animus prælagit. Sed nunc propositum nobis vrgeamus institutum. Igitur Israëlitas ob communis iniuriæ, & totius iuris publicè priuatęque violati scelus, communi vltioni destinatos à Deo esse ostendit Amos: eamque vltionem per maximum Assyriorum Imperatorē maximo cum exercitu in eos irrupturum esse parandam: à quo, velut Ægypti regio Nili exundatione, eluitur atq. expiatur, terra ipsa Israëlítica sceleratissimis habitatoribus expurgetur. Hoc est quod dicit: *[Et deiçietur, & defluet quasi fluuius Ægypti.]* Illud etiam ad huius orationis aperiendam sententiam commodissimè obseruabimus, aliam in sacris libris diluuij, aliam defluuij esse rationem. Diluuium Hebraicè *M A B V L* ex euentu dictum est. Vox autem confusionem permixtionemque significat: propterea quod terræ orbis illis aquis non tam ablutus, quàm conuolutus fuerit; atque ipsa soli superficies, hominibus, animalibusque extinctis, commixta & confusa penè immutatum orbē reddiderit: Neq. enim mortua animalium corpora in mare deuoluta, sed cū omnem orbē aquæ inundassent, sine vilo penè defluxu iisdem locis quibus animalia peribant, aut cæno lutoque detenta, aut

Gen. 9.

Gen. 19.

Mela. li. i. c. 9

Vide Herod. Vitruuiū, Aristotelem.

Gen. 6.

Gen. 7.

Iege Pompo  
nium.

domorū, vrbiūq. suarū ruina oprepssa, aut speluncarū, antrorūq. obturationibus cōclusa, putrescere & absumi potuerūt. atq. hoc modo rerū omniū confusio illo diluuio effecta fuit, sicut scriptū est: Finis vniuersæ carnis venit corā me: repleta est terra iniquitate à facie eorū, & ego disperdā eos cum terra: Et ecce ego adducā aquas diluij super terrā, vt interficiā omnem carnē, in qua spiritus vitæ est subter cælū, & vniuersa, quæ in terra sunt, consumentur. Et de re ipsa cum iam præstita esset, sic legimus: Et Noë filius erat sexcentorum annorum quando diluuium fuit aquæ super terram, & paulò inferius: Quindécim cubitis altior fuit aqua super montes, quos operuerant, consumptaq. est omnis caro. Igitur cum Noë sacrificio placatus Deus, se omnem carnem non amplius eodem modo consumpturum esse recepit; & de communi orbis inundatione, & simili hominum & animalium omnium excidio, terræ atq. habitatorum confusione illo verbo canit; sed de defluuio omni & alluue nō canit. Alluuiē verò defluuiūq. vocamus, priuatā terræ cuiuspiā expiationē, cuius incolæ vel fame, vel peste, vel bello maximè, solū vertere & migrare, patriāq. regionē expiationis causā inanē, vacuāq. cogantur relinquere: quemadmodum neq. in illa firma communis diluij cautione Nili amnis ad Ægyptū alluendā exundatio & defluxio comprehensa est: Neque enim Nili inundationes diluij, sed irrigationis atque allutionis potius nominibus, verbisq. dicuntur; quòd eius vis ea sit, vt terræ veterem superficiem eluāt, rursusq. nouam ac penè alteram fructibus ferendis commodissimam reddat, annuatimq. renouet. Vnde & fluuiio ipsi, qui pluribus nominibus à sua gente appellatur, Hebraicum nomen est *Io r*, quod lucem, pluuiam, descensumq. significat: quas omnes rationes ei fluuiio aptissimè conuenire docere possemus, si id optata, atque toties nobis promissa breuitas pateretur: sed dabit Deus his quoque tempus. Denique hac vndarum, & exundationis similitudine Assyrium regem, & exercitum significari, præterquam quod res ipsa euentusq. docuit, Chaldaica etiam Biblia confirmant, hoc modo: [*Et irruet in eam rex cum exercitu suo maximo sicut aque fluuij, & eluet eam omnem, expelletq. habitatores eius vt fluuius Ægypti.*] Quàm verò miserrima illa ultionis tempora Israëlitis futura, quanto pauore expectanda essent, adiuncta descriptione declarat:

*Et erit in die illa dicit Dominus Deus, occidet Sol in meridie, & tenebrescere faciam terram in die luminis.*

Michæ. 3.

Hor. lib. 4.  
od. 4.

GRAVISSIMORVM malorum sensu, magnorum laborum experimento, & futurorum periculorum cogitatione & metu, in maximas perturbationes & exanimationes incidere homines solent; adeo vt in media luce obstupescerent & cæci, non magis quam si obscura caligine inuoluerentur, pauidi, incerti, tremantes & consilij impotes reddantur. Vidimus persæpe quosdam; qui cum ad supplicium producerentur, non magis obuios quosq. agnoscerent, aut attenderent, quam si totidem rudes atque confusos lapides conspicerent: vsque adeo nullus animis metu, dolore, & malorum expectatione confusis, ac perturbatis, aut sensus, aut consilij, aut iudicij est vsus. Huiusmodi autem affectionem tenebrarum & caliginis imaginibus depingere sacri & prophani etiam auctores solent; non quòd lumen ipsum, sed quòd lucis atque luminis vsus perturbatos, atque examinatos homines dicatur deficere. Et obscurabitur super eos lux, ait Michæas; & tenebras publicam miseriam atque communem calamitatem Lyricus Poëta dixit. [*Occidet sol in meridie;*] cum in meridie occidere vere non possit, quòd in ipso cursus ac luminis sui supremo gradu tunc sit, tamen ad videntium sensum referenda ratio est, quod & alterius mēbri subiectione exponitur: [*Et tenebrescere faciam terram in die luminis.*] Quod cum dies ipse non obscurus, non nubilus, sed purus & serenus sit, atq. adeo in ipso luminis vigore, nempe in meridie, terra hominibus calamitate perturbatis, non magis oportuna ad ambulandū, aut ad fugiendū; quam si media noctis caligine premeretur, videnda esset: ita adeo tanta perturbatione detentis, nulla ad salutem euasionis spes, hostibus verò ipsis magna ad victoriam, atque ad rem gerendam facultas, commoditas & auctoritas erat futura. Tantam autem animorum perturbationem, tam subitam locorum occupationem, rerum omnium, atque libertatis oppressionem, cum nullo consilio, nullis humanis viribus effugere liceat, luctu, lamētis & muliebri eiulatu excipi consequens, consentaneumq. est.

Et con-

*Et conuertam festiuitates vestras in luctum, & omnia cantica in planctum.*

Hic humanæ voluptatis, hic publicæ lætitiæ, quæcunque honestis & pijs causis non percipitur est exitus, sicut scriptum est: Est via quæ videtur homini iusta, nouissima autem eius deducunt ad mortem. Risus dolore miscebitur, & extrema gaudij luctus occupat. Sic adeo impiam illam lætitiā & festos dies, ludos & cantica, quæ ab Israëlitis in vanorum deorum cultum celebrari maxima cum voluptate consueuerant, hoc quem prædicat miserrimo die in publicum mœrorem & luctum repente esse mutanda, eamque miseriam atque tristitiā omnibus fore communem; quam non solum luctu, lachrymis & lamentis, sed sordido etiam atque horrido cultu vnusquisque subire cogatur. Hoc est quod subiungit:

*Et inducam super omnē dorsum vestrum saccū, & super omne caput caluitium, & ponam eam quasi luctum vnigeniti, & nouissima eius quasi diē amarum.*

15 CAPTIVITAS simul & luctus maximus, terræque vastitas huiusmodi descriptionibus & tropis prædicuntur: namque saccus, & capitis caluitium, & maximo animi dolore affectorum, & captiuorū habitus est. Solent enim victores captos à se in bello hostes, proprijs detractis vestibus vili sacco induere: tum impositis oneribus actos ex comatis caluos reddere. qua de re sic apud Ieremiam scriptum est: Vasa transmigrationis fac tibi Ier. 46.  
20 habitatrix filia Ægypti. Vasa autem transmigrationis vestes viles, calceamenta & baculi dicuntur. De caluitio autem apud Ezechielem sic: Nabuchodonosor seruire fecit exercitum suum seruitutem magnam aduersus Tyrum: omne caput decaluat, & omnis humerus depilatus est, &c. Præterea & qui lugēt, si vehemens aliqua grauissimaq. luctus causa sit, capillum sibi ipsis euellūt; vel quoddam capitis detracto honore miseriam suam magis profiteantur, vel quoddam sibi facto dolore, mœrorem leuari putent. sic apud Esdrā capillorum & barbæ laceratio vehementem animi dolorem indicat. Vtrumque & publicum, communemq. cunctis luctum, & captiuitatē omnibus simul hoc dicendi modo indicit; siquidē vel nolentes & inuiti saccum induere, & capillorū euulsionem pati ab hostibus cogentur. vnde eam miseriam se auctore illis subeundā esse confirmat: *Inducam*, inquit, 30 *saccum*, &c. Iam verò lætitia publica, & communis omnium vitæ iucunditas his præcipuerebus ostenditur; vestium luxurie & splendore, capitis comptu, & cantuum, ludorum, festorumque dierum agitatione: quibus diebus vt quisque maximē potest sic vnguētis nitet, vesteque & purpura fulget elegantissimē; ita adeo omnis Israëlitarum regio his rebus intentissima, in repentinam & inopinatam, atque adeo grauissimā acerbissimamque luctus & mœroris frequentationem erat mutanda: vt cunctus populus lachrymis, lamentis & luctui vacans parentum vnigeniti raptu dolentium imaginem referat; quo luctu & planctu nihil potest acerbius esse. [ *Et ponam eam regionem Israëlitarum quasi luctum vnigeniti.* ] Grauiissimus primogenitorum raptus parentibus esse solet; sed multo etiam grauior dolor, si quis vnicum sibi natum amiserit; multoque acerbiori 40 luctu excipiendus. Totam autem regionem communi miseria, luctuque plenam, ac si vna familia esset, cui vnicus natus acerba morte ereptus desideraretur, lachrymis & lamentis vacaturam prædicat; multo etiam grauius quam Ægyptus olim, cum raptos sibi omnium familiarum primogenitos doleret: qui dolor omnes superiores calamitates acceptaque damna, superauit; adeo vt pertinacissimē susceptam sibi contentionem Ægyptius remittere cogeretur, sicut scriptum est: Surrexitque Pharao nocte, & omnes serui eius, cunctaque Ægyptus; & ortus est clamor magnus in Ægypto; neque enim erat 50 domus in qua non iaceret mortuus, &c. Hic adeo extremus Israëlitis dies; post illum verò diem grauissima & miserrima perpetuò tempora expectabantur, neque enim eum diem miseriarum aliquis finis statim sequuturus, sed perpetuus quidam seruitutis, exilij & acerbissimæ vitæ vsus ( in quo nunc etiam sunt ) erat excepturus. hoc est quod ait: [ *Et nouissima eius quasi diē amarum.* ] cui nulla vel nocturna quies, vel mitior futuræ lucis aurora; sed perpetuus malorum & miseriarum vsus atque sensus succedat; quem sensum ne deponere ita citò possint, longa quædam diuini verbi ignoratio ipsis meritò subeunda confirmabit. nam qui vaticinijs & diuinis consilijs tanto studio non solum deesse, sed obsistere conati fuerint, digni profectò sunt quibus

Sup. 7.

quibus huiusmodi ad salutem & ad suas restituendas res, atque ad libertatem via præocupetur; & quantum bonum neglectum, repudiaturq. nefarie fuerit, longo & grauissimo desiderio probetur: & qui tantis artibus, consilijs, calliditate, cum diuino verbo, eiusq. interpretibus prophetis contendere conati sunt, & publicè obfistere non erubuerunt, sed non minus impudenter, quàm dolose huiusmodi orationibus aduersabantur. Non prophetae contra Israël, & non stillabis super domum idoli; & illud audire, & periculo suo discere commeriti sunt.

*Ecce dies veniunt dicit Dominus, & mittam famem in terra; non famē panis, neque sitim aquae: sed audiendi verbum Domini & commouebuntur à mari usque ad mare; & ab Aquilone usque ad Orientem circuibunt querentes verbum Domini, & non inuenient.* 10

Psal. 118.

1. Sam. 3.

Isai. 28.

2. Thessal. 2.

2. Cor. 4.

2. Paralip. 36

HUMANÆ animorum miseræ illa vna potissimum, si non causa, tamē occasio est, si magna diuini verbi penuria, magnum desiderium in terra sit. Quam diu enim eius excellentis boni affluens copia, atque oportuna commoditas hominibus suppetit, tam diu humanae res stant, & prosperæ aquabilesque sunt, sicut scriptum est: Pax multa diligentibus legem tuam, & non est illis scandalum. Etenim hæc vnica hominibus sapientia est, quæ eorum publicis ac priuatis rebus, maximè autem ijs quæ ad animorum pertinent felicitatem, & consilij, & certarum rationum lumen porrigere atq. tendere potest, quâ pedibus suis lucernam, & semitis lucem, diuinus Psaltes vocare solebat. Hoc autem lumine de medio sublato, aut diuino iudicio negato, vel hominum peruerfitate repudiato, humanae res in medijs tenebris positæ vt labefactentur, vel præcipitentur etiam necesse est, quamuis summo consilio stabilitæ, & opibus, vel industria vallatæ esse videantur: Omnia enim errore plena, & à vera sapientia alienissima sunt, quæcūq. sine diuini verbi lumine, maxima & ad felicitatem spectantia negotia suscipiuntur, sicut scriptum est: Maledicti qui declinant à mandatis tuis. Vnde illud est, quod quibus temporibus respublicæ maculatæ, ac penè exterminatæ fuisse narrantur, iisdem magna diuini verbi penuria laboratum publicè fuisse tradatur. Puer, inquit, Samuel ministrabat Domino coram Heli, & sermo Domini erat pretiosus; in diebus illis non erat visio manifesta. Cum autem homines tantum peruerfitate, malitia, & veritatis odio deliquerunt, vt grauissimè mulctari sunt commeriti; tum hæc bonorum fundamenta diuini verbi & luminis copia, & vera sacrorum librorum explicatio, cognitioque subducuntur, vt mētis cæcitate affectis, amentissimis, atque omni honesto cōsilio deuijs, præceps progressus, & calamitosus exitus sit expectandus, sicut scriptum est: Et erit eis verbū Domini, manda remanda, mada remanda, expecta reexpecta, expecta reexpecta; modicum ibi, modicum ibi, vt vadant, & cadant retrorsum, & conterantur, & illaqueentur, & capiantur. Hunc adeo locū Israelitarum res tenere cœperunt, postquam illi sceleribus obligati, à diuini verbi, atq. à propheticarū exhortationum obseruantia abhorrentes, reprobati à Deo repudiatiq. sunt. Sed hoc illorum malum tum demum auctum, confirmatumque est, cum diuinum Iesu Christi euangelium, optatissimumque patribus de publica salute nuntium, sibi ab ipso salutis auctore, atque ab illius fidelissimis Apostolis allatum repulerunt. Ex eo enim in hunc usque diem excæcati publicè, obduratiq. omni diuini verbi commoditate caruerunt, atque in assiduam diuinorum librorum lectionem & interpretationem incumbentes, certa & oportuna maximorum atque vtilissimorum mysteriorum cognitione priuati sunt, sicut scriptum est: Eo quod charitatem veritatis non receperunt vt salui fierent, misit illis Deus operationem erroris vt credant mendacio, vt iudicentur omnes qui non crediderunt veritati, sed consenserunt iniquitati. Atque adeo hæc res huius perpetuæ, in qua detinentur, miseræ Israëlitis causa est, quod nimirum magna mentis cæcitate laborent, ne fulgeat illis illuminatio euangelij gloriæ Christi, vt ait Apostolus. Hæc adeo miserrima & grauissima tempora, in quæ iam diu Israelitarum res haudenus etiam perdurantes inciderunt, à Vate nostro hoc in loco prædicta sunt, non statim vt ipse denuntiavit, sed post certos annos inceptura; hoc est, postquam in captiuitate Israelitæ essent: Nam ante captiuitatem neque diuini verbi copia, neque monitoribus vatibus destituti sunt, sicut scriptum est: Mittebat autem Dominus patrum suorum ad illos per manum nuntiorum suorum, de nocte consurgens, & quotidie



tidie commonens; eo quod parceret populo, & habitaculo suo. At illi subsannabant  
 nuntios Dei, & paruipendebant sermones eius, illudebantque prophetis; donec as-  
 cenderet furor Domini in populum eius, & esset nulla curatio. Igitur ea miseria-  
 rum miserrima, durissimaque dies à Vate prædicta, non statim, sed Israëlitarum re-  
 bus perditis & labefactatis, quò restitui non valerent, peruentura esse hoc dicen-  
 di tropo ostenditur: *Ecce dies veniunt*. Dies nunc plurali numero, sicut sæpe aliàs, annos  
 significat, vt: *Ecce dies venient* dicit Dominus & confirmabo super domum Israël, &  
 domū Iuda testamentum nouum, &c. Lætati sumus pro diebus quibus nos humiliasti; Psal.  
 annis quibus vidimus mala. [*Et mittam super terram famem.*] Intolerabile animantibus  
 malum fames est; cuius depellendæ causâ nihil non agi & perferri soleat: quibusdâ enim  
 non animus solum, & natia feritas deponitur; sed libertatis propriæ, atque vitæ etiam  
 pericula adeuntur. In hominibus verò tanto grauior is sensus existit, quanto defectus  
 & inopiæ cogitatio, quæ fame augetur, maior in his quàm in bruto est. Vnde & graui-  
 ora facinora ad depellendam famem ab hominibus, quàm animantibus aliis admittun-  
 tur: neque enim in alienum modò genus, sed in suum, in sua etiam viscera, in proprios  
 natos sæuitiū aliquando fuisse, sacræ atq. prophanæ nobis historiæ tradiderūt. Tanto verò  
 grauiorem famē perpeffuros homines, tanto maiori damno ac molestia afficiendos esse  
 consentaneū est, quāto ea quæ ab his desiderabitur res, excellētioris naturæ ac præstantis  
 magis fuerit virtutis. at verò diuinū verbum verus animorum pastus, corporis cibos & ali-  
 menta tantum superat; quantum salutaria, diuina, æterna corruptibilibus fluxis & ca-  
 ducis præexcellunt, sicut & ipsius verissimi bonorum omnium auctoris, atque sapien-  
 tissimi æstimatoris iudicio edocti sumus. Operamini, inquit, non cibum qui perit, sed  
 qui permanet in vitam æternam. Igitur ex diuini iudicij seuera & iustissima sententia,  
 huius maximæ & vtilissimæ rei fame atque siti premendos homines, qui vitiosa offen-  
 sione atque fastidio alienati aliquando fuissent, Vates noster obnuntiat: [*Non famem*  
*panis neque sitim aquæ, sed audiendi verbum Domini.*] Grauiissimam esse famis affectionem  
 docuimus, sed sitim multo impotentiorē, & toleratu difficiliorem esse, tum ipsius,  
 vnde sit, causæ consideratio, tum experimentum arguit: Ipsa enim cū frigido & hu-  
 mido reprimatur, ignea est; atque ob id efficacior, celeriorque censenda videtur.  
 Vnde & animalia quæ huiusmodi affecta fuerint, vehementius etiam, importuniusque  
 virgentur, atque ad restringendum præcurrunt. Sicut cerua desiderat ad fontes aqua- Psal. 42.  
 rum, sitiuit anima mea ad te Deus, canebat Psaltes. Quæ verò fame premuntur non  
 tam procurrere, quàm discurrere conspiciunt: quoniam sitis nō nisi certis quibusdā  
 in locis, nepe in fontibus & fluuiis; famis verò leuandæ copiam pluribus in locis dari pos-  
 se putant, sicut scriptum est: Conuertentur ad vespem, & famem patientur vt canes; Psal. 58.  
 dispergentur ad manducandum, & circuibunt ciuitatem. Quòd si vtraque affectio si-  
 mul premat, tum verò omnia tētari, tum loca omnia procurri, tū discurre videas. Quam-  
 obrem quæ vehementissimè atque auxiè nimis desideratur & expetuntur, sitis & famis  
 verbis dici aptissimè solent; vt: Beati qui esuriunt & sitiūt iustitiam. Hanc autē sollicitudi-  
 nem ex tantæ rei desiderio natam, cū maximo negotio, frustra tamen habendam esse  
 ostendit Propheta: obduratis namq. & excæcatis, quādiu diuinæ gratiæ inopia iustissi-  
 mē pressi, extremum miseriæ gradum tenebūt, in multa & assidua veri inquisitione nul-  
 la inueniendi copia futura est. hoc est quod ait: [*Et commouebuntur à mari vsque ad mare,*  
*ab Aquilone ad Orientem circuibunt: quærentes verbū Domini, & non inuenient.*] Diuinā & veram  
 doctrinā fastidientes, aut negligentes auersantesque hac iustissima pœna afficiuntur, vt  
 magno postea atque assiduo labore quæsitam (quæ facilis antea, vltroque fuerat obla-  
 ta) nullam tamen inuenire possent, sicut scriptum est: Habenti dabitur, & ei qui non  
 habet, etiam id quod habere videtur, auferetur ab eo. Illa verò commotio, à mari vsque  
 ad mare, &c. ingentem curam, & ardens studium, operosissimumque negotium signi-  
 ficat; idque, variis modis, tum frequenti disputatione & controuersia ineunda, tum  
 scribendis libris, tum publicis concionibus, tum etiam traditionibus & peregrinatio-  
 nibus susceptum; ex quo tamen maximo labore nulli veri percipiuntur fructus: vt dici  
 meritò de huiusmodi studiosis possit, semper addiscentes, & nunquā ad scientiā veritatis  
 peruenientes. *A mari vsque ad mare*. In toto terrarum gentiumq. omnium orbe, hanc diui-  
 ni verbi penuriam, atque hoc maximum desiderium futurum prædicit, quod tamen  
 nullibi

2. Reg.  
Ioseph. de  
bel. Iuda.

Gal. de natur.  
facul. lib. 3.

nullibi satis expleri possit, obscuratis mentibus, ita ut pro vera & simplici doctrina turbulentissimæ interpretationum & humanarum cogitationū aquæ bibantur. Atqui ex hoc fonte hæreses omnes, ac pugnantia inter se consilia, atque studia, & publica non solum de religione, sed de cæteris etiam rebus dissidia fluunt; cum non omnibus eadem de diuinis mysterijs & verbis consensus sit. Ut contra, summa pax & concordia ex eodem  
 Rom. 19. de sacris rebus vero ac certo sensu iudicioque gignitur, sicut scriptum est: Deus autem  
 „ patientiæ & solatij det vobis id ipsum sapere in alterutrum secundum Iesum Christum,  
 „ ut vnanimes vno ore honorificetis Deum, & patrem Domini nostri Iesu Christi. At verò  
 „ totius terrarum orbis quatuor constitutis terminis ipsam habitabilem terram maritimis  
 „ & mediterraneis partibus definiuit: namq. Oriente, & Septentrione, & duobus Oce- 10  
 „ ani partibus, Meridiana & Occidua, omnis terra continetur. Cum autem toto terrarum  
 „ orbe tanta diuini verbi penuria laborandum esset, præcipue verò Israëliitarum & Iudæo-  
 „ rum gens, in eo se inquirendi veri labore fractura erat: quæ quamobrem id pateretur,  
 „ suis impietatibus & superstitionibus maximè fuerat commerita: cuius gentis non solum  
 „ seniores & maturioris ætatis homines, sed iuuenes etiam ipsi & puellæ, quibus maior 15  
 „ voluptatis & formæ, quam scientiæ & sapientiæ cura esse consuevit, ex longo ac diu-  
 „ turno diuini verbi desiderio, ex assiduo & irritò studio animi atque virium defectione  
 „ afficientur. hoc est quod dicit:

*In die illa deficient virgines pulchræ, & adolescentes in siti.*

DIEM illam, hoc est totum id tempus indicat; cū in magna doctrinarum & opinio- 20  
 num atque sententiarum varietate nihil aut parum admodum certi, definitiue sit, in  
 quo sine vlla dubitatione atque hæsitacione conquiescere animus discantis, & ijs quæ ex  
 veri cognitione capiuntur voluptatibus maximis perfundi possit. de quibus scriptū est:  
 Psal. 118. Quam dulcia faucibus meis eloquia tua, super mel ori meo. Id autem interea bibatur,  
 „ quod aut erroris amaritudine mixtum, aut sordidis, vanis, & futilibus commentitijsque 25  
 „ sententijs, & inutilibus quæstionibus turbatum, confusumque sit, & quod lassos atque  
 „ defatigatos quæredo homines affligat & perdat magis, quam erigat & recreet. Hic adeò  
 „ exitus eorum est, qui diuinam & simplicem veritatē auersati, vanitate, aut adulatione,  
 „ aut superstitione, aut alia falsa ratione commutauere; sicut scriptum est: Cui dixit, hæc  
 „ est requies mea, reficite lassum, & hoc est meum refrigerium, & noluerunt audire. Et 30  
 „ erit eis verbum Domini, manda remanda, &c. Et quoniam hæc denuntiationis pars ad  
 „ Israëlitæ & Iudæos pertinebat, quorum animi magis prauitatis erroribus capti erant,  
 „ propterea quod contaminata superstitione essent imbuti, explicandi atq. notandi causa  
 „ illud est subiunctum:

*Qui iurant in delicto Samariæ, & dicunt: viuit Deus tuus Dan, & viuit 35*  
*via Bersabee.*

SUPERSTITIONIS & vanorum Deorum studium iurandi rationibus & verbis si-  
 gnificat Vates: namque religionis obseruantiam atque sanctitatem seria iusiurandi ratio  
 propria quadam & certa cognatione attingit. Neque enim quis id quod vile ac negli- 40  
 gendum, sed quæ sancta, carissima, & rebus omnibus sibi præponenda iudicantur, iu-  
 reiurando appellat; cum purè legitimeque iurare cogitauit. Homines, inquit Paulus,  
 „ per maiorem sui iurant; & omnis controuersiæ eorum finis ad confirmationem est iura-  
 „ mentum, &c. Igitur quæ apud Bethel & Dan templa ab Israëlitis dedicata fuerant, cum  
 „ suis aureis simulachris adeo sancta, adeo diuina Iudæis etiam credebantur, ut iurisiu- 45  
 „ randi quoque religione ac metu colerentur: neque ipsa modò templa, sed omnis quæ eò  
 „ duceret via, sancta atque augusta existimaretur. Maximam autem eius loci maiestatem  
 „ putari necesse est, ad quem ductæ directæque viæ vel initium ipsum non sine magna re-  
 „ uerentia, & votorum iurandique obseruantia appellatur. Cum verò aliæ alijs gentibus  
 „ pro varia linguæ & religionū ratione iurandi formulæ, certaq. singulis verba sint, illa He- 50  
 „ bræis maximè solennis & stata erat, quæ viuēdi verbo pronūtiabatur, ut: Viuit Dominus,  
 „ & viuit anima tua ô rex. Viuit Dominus Deus Israël. Ut aut locus hic explicari nobis aper-  
 „ tius & planius possit, quidnā Samariæ delictū dicatur, prius est breuiter aperiendū. atque  
 „ de verbis ipsis delinquere & delictū, iā sæpe aliàs diximus: Hebræicè א ש א מ, scelus si-  
 „ gnificare, quod aliorū exemplo, opera, aut consilio, aut dolo ab alijs imitatio suscipiatur.  
 „ Igitur

Heb. 6.

Hos. 14.

1. Sam. 14.

1. Sam. 17.

Hos. 14.

Igitur quo tempore ab Israëlitis regibus, qui Samariam incoluere, auerti à Ierosolymis populi causa, templa atque ara apud Bethel consecratae sunt, diuino nomine usurpando, pronuntiando atque appellando confirmata est res. namque & vituli simulachrum in illa aede collocatum his verbis consecratum est: Hi sunt dii tui Israël qui eduxerunt te de terra Egypti: cuius etiam exempli alterum in Dan est consecratum. sed quoniam augustissima ineffabilis illius diuini nominis, & sanctissima apud Israëlitas mentio erat, quod is Deus esset, a quo è seruitute illa fuissent redempti, & eius vituli rationem, nomen, & numen nec re, nec loci maiestate, & sanctitate ab illo ADONAI aliena esse doceri curatum est; & quod idem ille locus Israël generis auctori, ob accepta ibidem diuinitus beneficia & responsa facer fuisset, maiori religione atque augustiore sanctitate, quam Ierosolymae, dignus esse praedicabatur. Quae verò iurisiurandi religione firmata erant; iisdem quibus antea verbis comprehensa sunt. *Viuit Dominus.* *Ecce.* Ita sane effectum est, ut nominibus & verbis retentis & conseruatis, res ipsa omnino immutata, versuta, & fallaci nocendi ratione religionem totam pollueret, atque animos non Israëlitarum modò, sed & Iudaeorum etiam à vero cultu ad impietatem superstitionemque traduceret. hoc tam callide ab Israëlitarum regibus excogitatum consilium Hebraicè *A s s a m*; Latine in sacris libris delinquere & delictum dicitur: quam nos, quod aliud proprius non succurrerit verbum, sceleris contagione pro loci ratione dicemus. Eam verò re longius apud Hosseam sumus persequuti, cum illius loci sententiam expone remus: Si fornicaris tu Israël, non delinquat saltem Iuda; & nolite ingredi in Galgala, & ne ascenderitis in Bethauen; & ne iuraueritis, viuit Dominus. Huic autem iurandi formulæ paulatim alia atque alia (ut ferè in quocunque hominum errore fit) adiuncta est, quò diuina veri Dei maiestate, sacrosanctoque numine, cum aliis etiam rebus contra ius atque fas communicata, religionis rationes omnes peruerterentur. Ita non solùm viuit Dominus iurabatur; quam antiquam iurisiurandi formam ab Israëlitis retentam *samarie delictum* Vates noster nominat: sed etiam dicebatur, [*Viuit Deus tuus Dan:*] ut loci etiam sanctitas huiusmodi Apostrophe indicaretur, & vitulo numen esse ostenderetur: quem non Deum Israël illum antiquum, sed nouum, atque recenter apud Dan consecratum praedicarent, quem locum, Deus ille terris magis omnibus vnum, ut Iupiter Olympum; Iuno Samium; Venus Cyprum; Dagon Accaronem; Belus Babylonem, gratum sibi esse ostenderet, in tutelamque delegisset. Neque verò minus sacrum, sanctumque illis iam iurandum erat, qui viam publicam & stratam, quæ Dan ab omni Israëlitis regione petentibus certissima & peruulgata fuerat, iurando appellarent. Erant autem, Dan in altero Israëliticæ regionis fine ad Septentrionem: Bersabeæ verò in altero ad Austrum sita. atque vterque locus, quod totam terram clauderet, illustri & frequenti mentione usurpabatur. Et conueniunt, inquit, omnis Israël à Dan usque ad Bersabeæ. Sed quæ hoc nomine celebris olim fuerat via, ab altero ad alterum locum pertingens, postquam statis solennibusque superstitionis ceremonijs Dan consecrata, vel potius polluta est, via illa magna uentium, supplicantium, locumque visentium assiduitate celebris euaserat, nomenque reppererat illustrissimum; ut apud nos via Gallicana dicta est, quæ ex Gallijs Compostellam apud Callaicos ducit; quæ apostoli Iacobi sepulchrum, & monumenta visendi causa non à Gallis modò, & Germanis, & Italis, sed à nostris etiam, magna hominum celebritate frequentatur: quamuis his miserrimis temporibus, in quibus veræ pietatis & religionis cultura nimium refriguit, via Gallicana luget; eò quod non sit qui veniat ad solennitatem: sicut & huius etiam Vatis tempestate viæ Sion lugebant quod distractis in Dan & Bethel cultoribus minori multò quam olim frequentia Hierosolymitana anniuersaria sacra colerentur. Hanc itaque vanissimæ superstitionis studiosissimam gentem diuini verbi penuria diu afficiendam, multandamque iustissimo Dei iudicio esse propheta ait: in qua ignoratione quandiu essent, neque miseriam expuere grauissimam neque ullum perditis rebus modum aut remedium inuenire suo consilio, & sua industria poterant. Atque ob eam rem subiungit:

*Et cadent, & non resurgent ultra.*

CADENT inquit, ut etià Isaias dixit: ut vadant & cadant retrorsum, & conterantur, & illa-

Isai. 12.

Ponct. 29. illaqueentur & capiantur, sicut scriptum est: Cum prophetia defecerit, dissipabitur  
 „ populus, & custodiens legē beatus est. Neq. verò integrum illis fore ait, ita iam prostritas  
 „ res suas restituere, quas tunc retinere & etiam corrigere ante extremam ruinam non  
 nimis difficile esset, diuino dicto audientibus videlicet & pœnitentibus. nunc verò has  
 arunas perperissuros esse, quamdiu in summa rerū diuinarū ignorance versabūtur: tam-  
 diu autem versaturos ait, quoad certa quadam gratia & misericordia Deus instaura-  
 tor. & redemptor salutaris reuocatos sanandos recipiat atque ob eam rem non ait: non  
 restituentur, sed, [non resurgent vltra,] sua virtute, studio & industria. Etenim Israhēlis per-  
 ditio à seipso profecta est; salus autem à diuina misericordia est expectanda, sicut scriptū  
 Est. 59. est: Veniet ex Sion qui eripiat & auertat impietatem à Iacob; & hoc illis à me testamen-  
 „ tum, cum abstulero peccata eorum. 10

## CAPVT IX.



IDI Dominum stantem super altare.

ISRAELITARVM, quicumque in decem tribuum censum venerant, causa perorata  
 „ atque iudicio iam pronuntiato; nunc in Iudæorum & Hierosolymitanorum gentem,  
 quā interim dū alios accusaret, impietatis etiam insimulando appellauerat, sententiā sub  
 iicit quorum euerfionem, ita vt inferenda erat, à se præuisam denuntiat: Namq. magna  
 illius iacturæ quàm superius explicuimus, hoc est diuini verbi penuriæ communione eos  
 eos etiam Israhēlitis coniungendos; vtpote eiusdem sceleribus, & impietate obnoxios. Id  
 verò prophetico spectro sibi visum esse dicit, quòd Deum super altare aureum in tem-  
 plo stantem viderit, atque iudicis & maximi principis munere & auctoritate vsum, iube-  
 re exterminatorem angelum, & ministrum quempiam (qui ei rei præsio sunt) signo  
 dato atq. opere inchoato, regionis, vrbs; & gentis inuadendæ atq. euergendæ potestatem  
 hostibus permittere. Huiusmodi verò aliquid parari & adornari tū nomine appellando,  
 tum ipso etiam habitu, situ, atq. loco notādo significat. namq. Domini appellatione au-  
 „ ctoritatem, ius summamq. agendi atque imperandi potestatem declarat; quòd is om-  
 nium rerum potestatem & ius habeat, sicut scriptum est: Quia dominus Deus vester, ipse  
 „ est Deus deorum, & Dominus dominantium, Deus magnus, potens & terribilis; qui  
 „ personam non accipit, nec munera. Idem etiam alio in loco totius terræ Dominus  
 „ appellatur. Hanc autem auctoritatem situ atque habitu ipso conseruatam se vidisse, si-  
 mul & consilij atque incepti rationem intellēxisse Vates ait: [stantem super altare.] Primū  
 habitus ipse corporis instantem operi attentēque studentem arguit. Attentius & grauius  
 multo ea & iuberi, & agi, & ab alijs excipi solent, quæ à grauissimis personis stātibz agen-  
 „ da aut imperanda curantur. sic Deus Hieremiam vatem negotium munusque susce-  
 „ ptum exequi iubebat: Tu ergo accinge lumbos tuos, & erectus loquere ad eos omnia quę  
 „ ego præcipio tibi. Sic etiam Satyricus: Vox Domini fremit instantis, virgamque tenentis;  
 Iuuen. Sat. 11 Super altare verò stantem vidit: quòd superiore loco, atque eodem sacrosancto angustissi-  
 moque constitutum operi faciendo non tam adesse, quàm præesse intelleret. Namq.  
 „ is gradus & locus principibus summis, & regibus præcipue aptus est, ad quem Psaltes  
 filium suum Salomonem, vel potius Christum regem maximum futurum hortabatur:  
 „ Ascende, prosperè procede, & regna. vnde & Isaias eam sibi diuinæ maiestatis sedē visam  
 esse dicit: Vidi Dominum sedētem super solium excelsum & eleuatum. sed breuitatem  
 „ per omnia professi, aliis huius mysterij partibus non solum pro rei maiestate, sed pro no-  
 stro etiam captu satisfacere modò non possumus; aliàs fortasse de his & plenius & me-  
 „ lius, Deo nobis propitio, diserturi. Hæc igitur auctoritas & maiestas hoc rei agendæ stu-  
 dium sibi visum esse: quid autem negotij & rei institueretur, quoniam imagine ipsa per-  
 spici non poterat, diuina est oratione declaratum.

Et dixit: percutite cardinem, & commouebantur superliminaria.

QVÆ certissimè conficienda negotia & constanti voluntate suscepta sunt, certa qua-  
 „ dam actione, gestu & motu, quæ confectam penè rem declarare, & promittere possint, ab  
 auctore ipso repræsentari solent. Atque huiusmodi actio magnam gerendis rebus non  
 „ modò auctoritatem, sed fidem & certitudinem conciliare potest. cuiusmodi multa ex-  
 „ empla & sacros & prophanos antiquorum libros legentibus occurrunt. Vt, quòd Iosue,  
 „ 10



vt expugnaretur Hiericho, sublatam manu hastam urbem versus tendere iussus sit: Iosu. 8.  
 Idemque deuictorum & captorum à se regum ceruicibus pedem imponere milites Iosu. 10.  
 suos iusserit: qua re veluti diuino quodam præfagio cæteros omnes hostium reges pari vi-  
 ctoriæ felicitate superandos fore confirmabat. De quo genere multa à nobis in Hoseæ Hosea 1.  
 5 Vatis expositionibus dicta; plura etiam proprio & iusto volumine (annuat tantum  
 celestis spiritus) dicenda sunt. Hanc modò rationem sequutus Deus, totius publi-  
 cæ Israëlitiæ & Iudaicæ rei præcipitandæ vastationem Vati nostro significauit. nam-  
 que stans, atque operi instans, visus est ministrum quempiam suum vastatorem an-  
 gelum iubere, vt ianua templi superliminare vehementi concuteret ictu, quo per-  
 10 motæ antes etiam ipsæ quateherent. Verum vt res ipsa planius intelligi possit, ver-  
 borum rationem tum ex Hæbraica lingua, tum ex architecturæ arte petere oportue-  
 rit; quòd hæc latina versio difficiliorem paulo sententiam reddat: Locus hic sic Hæ-  
 braice est: [ *Percute florarium, & commoueantur antæ.* ] Ex architecturæ artis disciplina  
 tria præcipua portarum lapidea membra esse didicimus: duo à pauimento dextra, le-  
 15 uaque, ad perpendicularum erecta, singulis tantum lapidibus constantia; & quod iis super-  
 incumbit: tertium, quibus tribus ianua cavitās & apertura definitur. Hæc & alia ædi-  
 ficiorum membra, aliis atque aliis nominibus in aliis linguis dicta, obscuriorem artis  
 tractationem iis, qui peritissimi non fuerint, efficiunt, & interpretationem etiam dif-  
 ficilem reddunt: vt nos (cùm de his artibus fufius, Deo volente, agemus) explicaturi ali-  
 20 quando sumus: nunc quibus nominibus hæc ab artificibus dicantur, breuiter exponen-  
 tes interpretationi explicandæ satisfaceremus. Duos illos lapides ad perpendicularum  
 constitutos, qui tertium transuersum sustinent, Græci *Paraftadas*; Latini verò *Antas*  
 vocantur: Itali nunc *Gambas*; Hispani *Iambas*; Germani verò *Thyleistain* dicunt: He-  
 bræi autem *Zzaphim* nominant. Tertium porrò illum superincumbentem (si ianua  
 25 quadrangulæ figuræ sit) nostri & Itali, *Lintel*; Germani *Thyrschweller*: Græci *Hyperthy-*  
*ron*; Latini *limen* (quod Neoterici superliminare) Hebræi verò *Mascuph* superius in-  
 terdum, nonnunquam etiam, vt in hoc loco *Capthor*, hoc est, pomarium dicunt. Quòd  
 vt superema & prominentissima eius lapidis pars, quam artifices cornicem dicere solent,  
 vt in Dorico ædificio, ouis quibusdam insculpta erat; atque ob eam rem ouolum dice-  
 30 batur: sic apud Hæbreos florum & pomorum sculpturis erat distincta; vnde ex acci-  
 denti ornamento nomen accepit. Igitur si limen ipsum superius graui aliquo & impe-  
 tuoso ictu tangatur, antas vehementer commoueri & concuti necesse est: quòd limi-  
 nis vtroque capite, velut brachijs quibusdam antæ immotæ contineantur; atque ex  
 ipsa architecturæ & ædificiorum naturæ cognitione obseruabimus fieri non posse, vt  
 35 limen diruatur, quin antæ priores corruant. Atque ex hac huius rei imagine Iu-  
 daorum & Israëlitarum ruinam Vati præmonstratam esse cognoscimus. Namque vter-  
 que populus concordia & veræ religionis communionem, olim vt ianua lapides si-  
 bi mutuo officio connexi continebantur: sed postquam discordia primum, deinde  
 impietate, ac postremò scelerum & flagitiorum omnium illuie, vitium facere cœ-  
 40 perunt; tum demum grauissimo & iustissimo ex diuina seueritate motu labefactati con-  
 ciderunt: ita tamen vt Israëlita, qui & numero & dignitate Iudæis inferiores, & mo-  
 tu ciuili discordiæque studio priores fuerant, priores etiam corruerent: deinde verò  
 Iudæi sequerentur, quòd in illa prima clade, quæ per Assyrios reges allata vtrisque  
 fuit, & in hac quam communiter alter atque alter populus perfert, sic vt scriptum est,  
 45 euenisse, historijs legendis accepimus. Quemadmodum autem totius templi & di-  
 uinæ domus, Israëliticus & Iudaicus populus ianua esset, nunc explicare non vacat:  
 sed diruendam esse portam templi satis fuerit intelligere. Eam autem rem sublimibus,  
 & visioni idoneis, atque solennibus verbis Deus ipse declarat: namque hoc dicen- Num. 24.  
 di genus huius vaticiniorum partis est proprium; cuius generis illud inter alia illustre  
 50 exemplum est: Dixit auditor sermonum Dei, qui visionem omnipotentis intuitus est, „  
 qui cadit, & sic aperiuntur oculi eius. Quàm pulchra tabernacula tua Iacob, & ten-  
 toria tua Israël: vt vallis nemorosa, &c. Huius orationis instar, & illud quod in hoc  
 loco subiungitur, obtinet.

*Auaritia enim in capite omnium; & nouissimum eorum in capite omnium; & nouissimum eorum in gladio interficiam.*

HEBRAÏCE sic est. [*concisio eorum in capite omnium eorum.* Concisionis nomine Hebraicus sermo multa significat, quæ ad eandem omnia rationem referuntur. Imprimis autem id quod Græcis schisma, latinis dissidium dicitur. Et id etiam quod auaritia atque nimia quædam propriorum cōmodorum cupiditas est. Latinus interpres noster rem ipsam de qua sermo esset, expositoribus cogitandam explicandamque relinquens, alteram tantum ex Latinis vocibus arripuit: cum utramque simul significationem vnico verbo reddere Latine non posset. Nos ergo explicationis causa concisionem vertimus, eaque voce Israëlitas significari interpretamur, qui communis illius dissidij, cuius causa omnis religionis & publicæ rei societas labefactata est, auctores primi fuerunt. Appellantur autem primitiuo nomine concisio, siue schisma, quod hæc figura familiaris sacris auctoribus sæpe, & nonnunquam etiam prophanis sit, ut à Paulo Iudæorum natio circuncisio, Gentium verò genus omne præputium, à Terentio scelus, & carcer quidam dicitur. à nostris Hispanis illa hominum factio quæ superioribus annis Carolo Quinto regnum ineunte, nouas res molita est, vulgato nomine communitas appellatur. Igitur concisione eorum in capite omnium Israëlitas primos omnium demolientos, euertendosque esse significat; ita ut qui duces malorum fuerint, priores etiam supplicium subeant. *in capite omnium eorum.* Duplicem sententiam hic tropus, præsentit etiam rei accommodatam indicat; & primos omnium Israëlitas esse abducendos, ut caput pro principio sumatur, ut: In capite libri scriptum est de me. Et omnes etiam tam Israëlitas quam Iudæos illius dissidij & communis discordiæ, atque priuatarum, publicarumque inimicitiarum pœnas daturas sceleri ipso non dissimiles, ut ab hoste capti & abducti, imò diducti & disiecti, alij aliò migrare, & à propriis familijs & necessarijs suis disijungi & separari cogantur. Id etiam significat schisma eorum in capite eorum. ut de homicida in lege scriptum est: Sanguis eius in capite illius: hoc est, quale fecerit, tale expectet. [*& nouissimum eorum in gladio interficiam.* Hebraicè, *& postremum eorum.* Iudæos significat & Israëlitas: nam qui capti ex his non fuerunt ferè omnes hostili gladio periëre, ita ut nulli diuinam ultionem effugere potuerint: quicunque enim libertatis studio fuga sibi consulere instituerant, impediti comprehensique vitam & libertatem morte mutarunt; ut nemo communium pœnarum expers esset, qui impietatis & scelerum socius fuisset. hoc est quod subiungit:

*Non erit fuga eis: fugient & non saluabitur qui fugerit ex eis.*

NEMINEM fore ait, qui aut viribus, aut cursu, aut latebris periculum euadere possit, aut vitare quo minus aut hosti captus cedat, aut victus succumbat, aut occisus, vulneratusque vitam atque salutem tradat; quippe cū hæc omnia non humano, sed diuino iudicio agenda essent; quod effugere, aut latere nullus homo omnino possit, sicut scriptum est: Quod ibo à spiritu tuo, & quod à facie tua fugiam? Si ascendero in cælum, tu illic es: si descendero in infernum, ades. Si sumpsero pennas meas diluculo, & habitauero in extremis maris; etenim illuc manus tua deducet me, & tenebit me mirabiliter dextra tua. Omnia autem euasionum, aut latibulorum & perfugiorum genera, quæ à victis timidisque peti solent, complexus, precludenda sibi atque obstruenda, vana denique fore prædicit: nam vel antra & speluncæ, quanta inueniri possint altitudine subeuntur, vel montes editissimi & auij prærupti & densissimi ascenduntur, de quibus scriptum est: Montes excelsi refugium ceruicis. Erant autem huiusmodi montes in Israël, & in circuitu Hierusalem, ut Psalter cecinit: aut in munita opere & natura loca cōfugitur; qualis Carmelus mons turres habuit, aut traiecto mari insulæ, atque transmarinæ regiones petuntur quod hostis difficultate, & maris, & viarum odio affectus persequi negligat. Hæc omnia autem periculorum perfugia atque latibula multo labore, multo metu & sumptu etiam, atque suarum rerum iactura empta, nihil illis tandem profutura esse prædicit: nam si infinita penè altitudine speluncas subierint:

*Et si*

*Et si descenderint vsque ad infernum; inde manus mea educet eos. Et si ad-  
tissimos & densissimè vestitos montes occupauerint, & ascenderint vsque  
in celum, inde detraham eos.*

Neque verò ullis quantumuis difficillimis locis, operibus, molibus, ac munitionibus  
5 cuncti diuisi ac muniti, contra diuinum consilium & virtutem esse poterunt.

*Quanquam enim absconditi fuerint in vertice Carmeli, inde scrutans auferam eos.*

Quibus neq. etiam in insulas, quæ vndiq. exitus marinos habent, petentibus & obti-  
10 nentibus in tuto esse licebit; eorum ipsorum ad quos perfugerint, incolarum insidiis &  
manu perituris; atque in iisdem ipsis locis creata sibi pericula experturis.

*Si celauerint se ab oculis meis in profundo maris, mandabo serpenti; & morde-  
bit eos.*

15 NULLA enim mundi tam remota, reclusa atq. abdita in tenebris est pars, quò di-  
uini consilij atque imperij vis non penetret. nulla, quæ diuini iudicij & voluntatis pu-  
blicis ac priuatis ex omni naturæ genere ministris vacet. Id adeo verissimum certissi-  
mumque esse Ionas ingentis illius ceti ventre còclusus probauit & docuit. Idcirco ne-  
mo putet se Dei oculos alicubi agendo, aut manus latendo, aut diligentia effugiendo  
20 fallere posse; quandoquidem terra marique conquisitus, tardiores fortasse, grauiores ta-  
men sceleris, impietatis & temeritatis pœnas tandem ferens, illustriori prouidentia ex-  
emplo futurus est. Igitur nullam victis & timidis in fuga, aut latebra salutis spem fore  
prædicat; sed neque in humana prudentia, aut consilio aliquam libertatis aut restituendæ  
25 rei meliorem rationem experiundam esse ait: Etenim nullam rem ex consilij aut  
animi sententia successuram confirmat. namque illud maximè apud homines receptum  
esse solet & peruulgatum, rebus afflictis, quod minus est miserum, eligendum esse. vnde  
consultissimum esse quidam existimarunt in grauissimis tempestatibus tēpori cedere,  
& vitam conseruare libertate amissa & perdita; etenim viuentibus aliqua de restitutio-  
30 ne spes est, mortuis verò nulla. Fuere quidem aliquando quibus hæc tentata ratio suc-  
cesserit: nam aut temporum rerumq. vicissitudine, quæ omnia variare ac mutare puta-  
tur; aut gratia apud dominos inita; aut pretio, & redemptione; aut fuga, dolo, arte, alioue  
modo pristina libertas & dignitas fuerit restituta. qua de re illustres sententiæ ac prouer-  
bia in omni lingua decantata & obseruata sunt, vt illud in Hispano sermone celeberrim-  
um: *años y vida componen villa*. Sed nullum huiusmodi consilium illis profuturum esse  
35 Deus prædicat, quos ipse certis scelerum suorum pœnis destinauerit: namq. his adem-  
ptam semel libertatem nunquam fore restituendam; sed vitæ in durissima seruitute pro-  
ductæ calamitosum etiam & ignobilissimum exitum futurum, quoad tandem ei genti  
Deus ultro misertus, veram animorum libertatem & dignitatem afferat; interim tamè  
40 miserè inter hostes, atque inuisas sibi infestasque nationes perituris. Hoc est quod ait:

*Et si abierint in captiuitatem coram hostibus suis, ibi mandabo gladio, & occi-  
det eos.*

MODVS ipse dicendi deliberatum consilium & electionem cum meliorum rerum  
45 spe indicat. Gladium aut afflictionē, vitæq. durissimæ & calamitosissimæ genus omne inter-  
pretamur, quo consumpti in eadē seruitute, præter spem atq. animi sententiam diem  
claudant; ita vt affiduo miseriarum sensu & vsu exerciti, diuinæ prouidentia, quæ in sce-  
leribus vindicandis spectari etiam solet, perpetuo argumento exemploq. sint.

*Et ponam oculos meos super eos in malum, & non in bonum.*

50 OCULI Dei rerum omnium cognitionem, prospicientiamq. significant; quam pro-  
uidentiam Latini vocant. Hæc in humanis rebus duplici potissimum modo spectatur,  
piorum hominum felicitate, ac prosperitate, & secundis rebus, & præcipuè improborum  
vilescendis sceleribus, sicut scriptum est: Oculi Domini super iustos, & aures eius in pre-  
ces eorum. Igitur perpetuo miseriarum, ærumnarum & calamitatum timore illorum  
res fluentes, diuinam prouidentiam, vt in maleficiis puniendis spectatur, probatum iri  
m confir-

confirmat. [*In malum & non in bonum ait.*] In hunc adeo locum, quemadmodum à Vate nostro prædictum fuit, Israëlitarum & Iudæorum res peruenisse; quem etiam nunc teneant, nemini qui eas quæ de illis sunt, historias legerit, vel præsentis rationes cognouerit, obscurum esse potest. Ita certè iudicij sui seueritatem horum exemplo omnibus hominibus testatam esse Deus voluit, vt nos alieno malo saperemus: propter quos omnia hæc scripta sunt, in quos seculorum fines, vt Apostolus ait, deueniunt. Atque illud quidem ad hunc locū pertinet, quòd multi ex Iudæis Babylonicæ captiuitatis odio, & belli metu in Aegyptum transfugere, ibi potius seruitutem seruire eligentes, quàm apud Assyrios: quibus tamen cum certa, & diuina, destinataq. sententia addicti, & quasi consecrati essent, tandem non eripi potuerunt: nam quorum seruitutē metuentes effugisse, aliaq. seruitute mutasse putauerant, eorundē gladium & sæuitiam subiere; & huius Vatis atq. Ieremiæ etiam, quem eam rem dissuadentem, consiliūque improbantem audire neglexerant, orationem & prædictionem verissimā esse, exitu ipso, hoc est, suo magno malo, probauere. Ita qui Deum sibi prospecturum aliquādo fore contra diuini consilij sententiam sperabant, prospicientem quidem, at nō in bonum, sed in malum experti sunt. neque enim descendantium in Aegyptum aut exilij, aut præsidij, & perfugij causa, eam rationem quam olim dum in Aegypto agerēt, habiturus est Deus; tunc vidit Dominus afflictionem populi sui, & recordatus est eorum, vt in sacris libris est: sed aliam longè viā est initurus, vt illis consiliū suum diuinum, quod falli, aut frangi, aut mutari posse putabatur, firmum fixumque semper fore in eos omnes qui conari contra studuerint, ostendat, sicut prædictum illis à Ieremia est: Hæc dicit Dominus exercituum Deus Israël. Si posueritis faciem vestram vt ingrediamini Aegyptum, & intraueritis vt ibi habitetis, gladius quem vos formidatis, ibi comprehendet vos in terra Aegypti. Ita adeo Deus ponet oculos suos in eos in malum, & non in bonum, vt perpetuò malorum sensu Deum infensum agnoscant. neque verò hanc rem alienam à diuinis rationibus putari debere ait, quando diuinam prouidentiam in vtroq. genere versari res ipsa & quotidianū exemplum doceat, vt orbis partibus, sic etiam orbis partium habitatoribus interdum prosperitas & incrementa; interdum verò, cum res, ratioque exigit, detrimenta & vastatio afferantur. Id autem quo minus efficiat (cum vt fiat certi ac magni consilij fuerit) nulla vi impediri Deus potest: quippe qui rerum omnium, & mundi ipsius vno omnia ambitu continentis auctor, & summus moderator sit. Atq. ita sæpe vsu venire videmus, vt eandem terram, quam aliàs in hominum gratiam tanta benignitate prosequitur, tanto tamque pulchro plantarum & florum vestitu ornat, tanta frugum & fructuum vberitate, & omnium rerum affluentibus copiis dicit, (sicut scriptū est: Germinet terra herbam virentem, & lignum pomiferum, &c. & producat terra animam viuentem in genere suo, &c.) eandem, inquam, motu concutiat, fulminis ictu incendat, & aliis atque aliis modis in hominum perniciem & pœnam, inhabitabilem atque incultam reddat, sicut scriptum est: Posuit flumina in desertum, & exitus aquarum in sitim; terram fructiferā in salsuginem, à malitia habitantium in ea. Id a deo illi infinita, tum sapientia, tum virtute pollenti liberum integrumque omnino est. huius sententiæ est id quod subiungitur:

*Dominus Deus exercituum, qui tangit terram & tabescit, & lugebunt omnes habitantes in ea.*

EXERCITVVM nomen appellatum, diuinam virtutem & potestatem ad quācunq. rem gerendam indicare, iam sæpe aliàs diximus: Dominationes verò, aut Domini vocē, ad vim auctoritatemque pertinere. Igitur qua ratione diuina prouidentia & virtus in ipsis mundi & terræ partibus, nunc benignitate, nunc etiam calamitate afficiendis spectatur; sic in terræ habitantium hominum rebus tum prosperè augendis, tum etiam vbi opus sit, funditus euertendis, eandem spectari posse consequitur: namque & tantam terram contabuisse, sterilemque esse relictam, & habitantes in ea è summa vitæ iucunditate in maximam & luctuosissimam extremamque vastationem deuenisse accepimus. Hoc autem & altero etiam exemplo amplificatur. Nili amnis quem interdum intumescere, & magna atque altissima exuberatione inundare, & rursus residere, atque intra suum sese alueum continere facit, vt & hominum res magno nonnun-



nonnunquam impetu conuelli & labefactari; nonnunquam placido & secundo cursu fluere posse (prout diuini iudicij consilio & sententia decretum fuerit) ostendatur. Hoc est quod addit:

5 *Et ascendit sicut riuus omnis, & defluet sicut fluminis Aegypti.*

VNUM idemque nomen in utroque loco est. *Riuus & fluminis Aegypti*, IOR Hebraicè, quem Nilum propriè esse in superioribus docuimus: sed ubi nos *defluet* legimus, in exemplari est *absorbetur*: quod verbum fluij est proprium. Qui postquam iam altius exuberauerit, natiuo rursus recipit se leuior alueo: igitur diuina virtus, & illa maxima tot tantorumque exercituum vis, in ijs qui diuinæ misericordiæ consilio, aut ob impietatem, aut ob scelera deesse volūt, otiosa non est. [*Et ascendet sicut riuus omnis*, Hebraicè, *Omnis ea*:] Terram Israël significat; & metonymice eos qui eam regionem incolerēt. Verum enimvero cum hominum insipientia & stultitia hanc Israëlitarum rerum euerisionem perperam interpretari, & ad Dei potius inconstantiam, quàm ad humanam culpam nõ vereatur forsitan referre, ostendit Vates nullam vnquam magnorum consiliorum mutationem Deo adscribi posse, sed culpam in hominibus residere. Quamobrem bonis & felicibus initiis eorum res orfæ, contrarios interdum exitus habeant: quòd nimirum eas rationes atque artes quibus felicitatis suæ certum, perpetuum, constantemque cursum tenere potuissent, repudiare potius quàm persequi voluerint atque ita fit, vt Deus nunquam sibi non constet, nunquam hominibus desit: homines verò per summam inconstantiam diuino de se consilio, atque sibi ipsis sæpissime desint. Neque verò quòd Deus ad beneficentiam vltro propensus semper sit, impediri potest, quo minus etiam pœnam & supplicium de sceleratis sumat: etenim id rerum omnium moderatori liberum est, vt & iudicandi seuerè, & benefaciendi potestatem voluntatiq̃ue retineat. Quamobrem idem Deus supplicium & pœnas ab impijs & sceleratis Israëlitis repetens, eandem erga Israëlẽ ornandum, atque omnium rerum cumulo augendum, voluntatem retinere potest. Propterea enim Dominus, omniumque moderator est, vt & suæ voluntati atq̃ue consilio non deesse, & officio etiam abundè satisfacere posse intelligatur. Igitur cum maiestatem illam suam, decus & splendorem maximum serena cæli facie & temperatura præcipuè spectanda præbere opus est (cuius rei causa cælum ipsum conditum est, vt: Cælum cæli Domino Vates canebat) tunc puro lumine omnis hæc superiorum corporum machina interdum, & vnumquodq̃ stellarum corpus noctu fulgens, magnifica & admirabili ostentatione diuinarum laudum præconia, & præclara testimonia confirmant, sicut scriptum est: Domine Deus meus magnificatus es vehemèter, confessio-

35 nem & decorem induisti, amictus lumine sicut vestimento. Cum verò iustitiæ seueritatisque in eos qui contra ius fasque commiserint, exempla grauissima edi, res ratioque postulat, tum verò & nubibus cælū obducere, & terræ ventis quatere, atq̃ue aquis obruere, hisque rebus se Dominum summa libertate, auctoritate, atque virtute pollentem testari solet, vt scriptum est: Vox Domini concutientis desertum: & commouebit Dominus desertum Cades. Vox Domini præparantis ceruos, & reuelabit condensa, & in templo eius omnes dicent gloriam. Dominus diluuium inhabitare facit: & sedebit Dominus rex in æternum. Hi versus eiusquem diximus sensus rationem sequuntur; eandemque etiam sententiam subiecta oratio explicat.

Psal. 103.

Psal. 28.

45 *Quæ edificat in cælo ascensionem suam, & fasciculum suum super terram fundauit.*

PRONOMEN (*suam*) & ad Deum ipsum, & ad Israëlẽ nulla sententiæ pugnantia referri potest: namque vt suam ipsius amplitudinem in cælis (quæ eadem ubiq̃ue est) præcipuè Deus collocauit; sic etiam Israëlitis dignitatem summum splendoris gradum præcunctis filiis Adam compleri voluit; idq̃ue indito nomine, virtutem diuinam illi adscribens, declarauit. Atque vt hominum omnium generi, concordia, pace, iustitia, & fide mutua inter se vtenti, terram tot bonis, tot diuitiis, tanta rerum varietate atque vbertate refertam, tanta pulchritudine distinctam & ornata in vsum cedere decreuit: sic & celeberrimam illam omnium terræ orbis partium Palæstinam, Israëlitis posteritati, eadem religionis, virtutis & fidei concordia, quasi fasciculo quodam inter se

Deuter. 32.

coniunctæ fuissent, propriam fore statuit, sicut scriptum est: Quando diuidebat Dominus gentes, quando separabat filios Adam; constituit terminos populorum, iuxta numerum filiorum Israël: pars autem Domini populus eius, &c. Existunt autem persæpe tempora, quibus Deum, qui sese dignitate & gloria præstantissimum, maiestate sua admirandum, qui benignum atque misericordem erga homines præbuerit; rursum seu eorum se iudicem, liberrimum atque potētissimum rerum omnium Dominum præbere, suasque leges & iura, quibus illa alia & sibi, & hominibus conseruare decreuerat, vindicare oporteat. Neque verò id tum agitur, vt contra suum illud antiquum & præclarum consilium decernatur aliquid noui, (quoniam immutabilis, constantisque omnino sententiæ diuina sua natura est) sed nequid noui, & præter antiquum consiliū decerni videri aut putari possit; & vt consultis ac legibus suis defendendis eadem sibi semper conditio maneat, qua transactum olim cum hominibus fuerit; ita verò tráfactum erat, vt nulla antiqua diuinorum beneficiorum possessione, nullo diuturno vsu, nullis verbis, nullis promissionibus, quicquam diuinæ dominationi, dignitati, atque auctoritati derogari posset: sed tam diu ipse in beneficio hominibus collocando perseveraret, quàm diu ipsi in fide atque pietate sanctè & purè colenda manerent: alioqui verum rerum omnium dominum, & liberrimum rectorem atque seuerum iudicem, suarumque rerum assertorem experturi; cuius diuino beneficio fuissent abusi. Id quod communi diluuiio terris inducto semel, & priuatis terrarū inundationibus, aliisque euerfionibus, & rerum publicarum calamitatibus allatis sæpe etiam testatus est. hoc est quod ait:

*Qui vocat aquas maris, & effundit eas super faciem terræ, Dominus nomen eius.*

DILUVIUM & nubium densitate in pluuiam coacta, & marinarum aquarum eruptionibus fieri, sacra nos docet philosophia. Rupti sunt omnes fontes abyssi magnæ, & cataractæ cæli apertæ sunt, inquit Moses. Hæc verò Dei consilio, auctoritateque accidere Vates noster ait: namque nomen pro officio vsurpari in sacris literis persæpe videmus, vt: Qui enumerat multitudinem stellarum, & omnibus eis nomina vocat. Appellatur autem hoc in loco nomen illud ineffabile, Græcis Tetragrammaton dictum: quod præter alias innumeras rationes misericordiam, & naturæ constantiam significare aliàs diximus. Hoc nomen etiam inducto in terras diluuiio, & turbatis mundi rebus, non mutari, aut minui, sed conseruari & defendi, Vates confirmat. namque idem qui humanarum rerum statum, publica orbi allata salute, restitutum aliquando atque etiam augmentum iri promiserat; idem ipse Dominus, primos hominum parentes à deliciarum hortis, in quibus vitæ arbor erat, relegauit, & longè abesse iussit: atque in vtraque narranda re diuinum illud nomen appellatur, quod ad verborum proprietatem, sententiæque rationē attinet. Vox illa [ascensionem, Hebraicè est gradus] numero multitudinis: vt diuinæ maiestatis miro ordine distinctam regiam in cælis esse ostenderet. Hoc in loco multa & acutè sanè ab aliis interpretibus ex Philosophiæ & Astronomiæ disciplina tractari, maximè autem ab Hebræis, non ignoramus: sed nos eam potissimum rationem sequuti, quæ cum re ipsa, de qua sermo est, conuenire videatur. reliqua cōsultò prætermittimus, commodè in locis suis, & propriis tractationibus accuratius differenda. Superest vt hunc locum quemadmodum Chaldaicè legatur exponamus. [Et Dominus Deus exercituum qui increpat terram, & turbat eam, & vastantur omnes habitantes in ea; et abducit super eam regem cum exercitu suo qui plurimus est, vt aqua fluuij, & obtegit eam omnem, & absorbetur vt fluuius Aegypti. Qui ponit in fortitudine altitudinis maiestatem gloriæ suæ, & cōgregationem suam super terram colligat. Qui dicit cœtui exercituum plurimorum vt aqua fluuij, & dispergit eos super facies terræ. Dominus nomen eius.] Atque hætenus tertij vaticiniij commentationem sumus persecuti; nunc deinceps quartum atque vltimum explicandum aggrediamur, eodem diuino spiritu auctore, cui vni quicquid à nobis rectè dictum sit, acceptum referimus.

VATI-

## VATICINII QVARTI ARGVMENTVM.

**Q**VARTVM vaticinium difficiliorem sententiarum consequentiam habere videtur; quòd nò simplici sed multiplici argumento constet. ex qua re effectũ est vt tam ex nostris, quàm ex Hebraeis, Chaldaeis, et Græcis expositoribus alijs in alijs cogitationes distracti sint, quas enumerare & referre, neq. cõsentaneum consilio, institutoq. nostro, neq. ipsi etiã cognoscendæ rei necessariũ esse duximus: satis officio nostro facturi, si ei vni insisteremus vie, quæ maximè cum orationis connexionẽ, & rerum inter se consequutione conuenire visa est. Igitur totius quæ in hoc vaticinio tractatur causa caput, & rerum omnium summa huiusmodi est: Principio filios Israël omnes, vniuersamq. Iacobi familiam, sibi in seruitutem adiudicat Deus, vt ære suo emptos quosque magna manu & virtute solutus ergastulis ex Aegypto eduxerat: partim verò vernas eadem cum parentibus conditione generatos. Eosdem verò ob eam rem maximo iure sibi præter alias omnes orbis nationes deditissimos esse oportere; quòd propria quadam atq. priuata cura suscepti, domestici atq. familiares effecti, cum magni & opulenti peculij vsu clemētissime seruitutis conditione à parentibus accepta, qua posteri nati essent, viuere deberent; id quod nullis alijs totius orbis gentibus contigerat, vt à durissima seruitute redemptis, in diuinam familiam receptis, egregius quidam præ cæteris diuinæ in se tutelæ curæ, ac prouidentie, maximorumq. beneficiorum, ultra quàm dici posset, maximus & perpetuus esset vsus. Eam igitur sibi præ cunctis alijs in suam familiam, & in proprios seruos, tot tantisque impensis rebus adoptatam, quamuis maximis sceleribus offenso, quamuis summa impietatis flagitio, atque fidei proditiõe vehementer irritato, funditus tamen perdere & delere aut à se in æternum abdicare, consilium non fuit; cum alienationes, ob paria aut etiam minora scelera, euulsa radicitus, suisq. locis excussæ, nulla restitutionis spe, fuerint. Verum enimvero vt vitia & peccata neque Deo vnquam placere, aut probari, aut penitus dissimulari, aut alicui impune admitti quisquam existimare possit, illam in Israëlitarum causa sententiã latam esse, vt captis, exulibus, totoque orbe dispersis, patria, honoribus, lege, religionis splendore, atque omni vitæ ornamento & cultu, diuinæ deniq. familie, & domestico illo magnæ prouidentie vsu carendum sit atq. in eo miseriarũ & molestiæ sensu tam diu manendum, quoad sceleratissimi & perditissimi quiq. ex illis, qui eiusdem scelerate culpæ, consilij, sententiæ & opinionis participes fuerint, extinguantur; reliquis verò qui residui ex tanta clade fuerint, ignoscendi proposita venia, aditus ad diuinam gratiam aperiatur, & postliminio redeuntibus, atque in familiam denuo tanquam adoptatis, non iam seruorum, vt antea, sed filiorum obtineatur ius, celesti etiam ciuitate diuino beneficio donatis, optimi maximiq. illius regis David, Iesu Christi, inquam, Nazareni summum, felicissimum atq. æternum imperium omni offensionis, aut antiquæ renouandæ miseriæ deposito metu, sanctissimè obseruetur. Hoc autem argumētum totius orationis explicandæ eodem duce persequemur

**N**VNQV ID non vt filij Aethyopum vos estis mihi filij Israël? ait Dominus.

POSTQVAM Amoso interprete Dei aduersus Israëlitas actio facta & perorata, iudicis etiam vltima pronuntiata sententia & tota demum causa iudicata atque damnata est: postquã quantum homines suis consiliis, & studiis, atq. actionibus sibi met ipsis malorum parare atq. moliri soleant, satis est explicatum, rursus quantum beneficiorũ habere ab eodem Deo possent, nisi sese planè indignos præstare voluerint, ostenditur. quæ in re antiqua illa & propria Dei erga homines summis beneficiis ornandos voluntas maximè declaratur; qui neminem vellet perire, neq. humanis pœnis vnquã delectatur, sed magis hominũ salute, & vera tum corporũ, tum animorũ felicitate, cuius auctor ipse est, afficitur. Haftenus ergo quibus modis diuino consilio Israëlita deessent, ostensum est: nunc verò qua sapientia Deus vtatur, vt consilio nunquã desistat suo, explicabitur. Quæ in re solenne illud suũ seruat, vt ne quem vatẽ, quãuis durissima & seuerissima aliàs mandata perferentẽ, tamen sine consolatoriis promissionibus & lætissimis de hominũ salute, ac reconciliatione, & de harum rerum procuratore Christo nuntiis dimittat. Ostendit ergo nullã inferni, hominũ & Dei hostis, antiqui illius serpētis astutiam, nullam calliditatem, nullam tantã versutiam esse posse, quæ diuinũ de Israëlitarum salute & dignitate consilium vel frangere, vel minuere valeat. Ipsos autem Israëlitas ad eius rei spem & studium exhortatur, affirmans fieri non posse, vt quorum parentes in Dei familiam & seruitutem tot tantisque sumptibus empti, & tanta vi abducti olim fuerint; & ipsi illorum parentum posteri nascendi conditione & nexu, eiusdem Domini serui facti, vlla

vi, aut iniuria, aut fraude in alienam potestatem ita redigatur, ut nunquam sibi, hoc est, vero ac iusto Domino restituendi sint. Principio autem ait Israëlitas omnes seruos sui iuris, & ditionis, ac perpetuæ seruitutis legibus ultra omnes alias orbis nationes deuinctos: quippe quos ex miserrima & durissima Ægyptiaca seruitute, in qua tam diu detenti fuerant, maximo aduersus hostes suscepto bello & exhausto ereptos sui que iuris, factos esse constet, sicut scriptum est: Dominus pugnabit pro vobis, & vos tacebitis. Deut. 3. „ Et iterum: Ego, inquit, Dominus Deus tuus, qui eduxi te de terra Ægypti de domo Exod. 20. „ seruorum. Quæ verò iusto & legitimo bello ex hostibus detrahuntur, aut auferuntur res, in victoris ius, potestatem atque vsum cedunt. Ita adeo Israëlita ex Ægyptiis à Deo erepti, non seruitutis conditionem, sed modum rationemque mutauere: ab impiis enim & crudelissimis dominis, ab iniquissimis seruiendi legibus, ad clementissimum Dominum, atque ad æquissimas & honestissimas leges, ad iucundioris vitæ vsum, ad maioris & elegantioris multo peculij spem & possessionem traducti sunt. Cætera autem non meliori quàm Æthiopum filij (qui cum parentibus suis serui ipsi perpetui, & seruituti nati sunt) conditione erant. Filios autem Æthiopum iam inde à principio in seruos abduci, emi, atque vendi solitos esse, eorumque seruitutem perpetuam pro dominorum arbitrio semper fuisse, omnibus historiis & poëtarum libris, ac perpetua vsque ad nostram ætatem & consuetudine compertum exploratumque est. namque ea conditione, atque eo fato Chami posteritatem nascituram, antiquus ille Noë ob proditum aduersum se pietatis officium filio dira imprecatus, prædixerat: Genes. 9. „ Maledictus, inquit, puer Chanaan, seruus seruorum erit fratribus suis. Hoc autem fatum & pœna Chami improbitati debita, non ad Chanaan solum, qui Syrorum pater fuit, sed ad cæteros fratres, quorum ipse minimus natus erat, pertinuit: Vnde & Syrorum, & Assyriorum, & Armeniorum nomina sæpe in seruorum rationibus atque appellationibus vsurpantur. Æthiopum porro genus nunquam hanc conditionis rationem, sicut neque atrum colorem hætenus mutauit: ex eo enim genere serui plurimi sunt, eorumque soboles eadem cum parentibus conditione nascitur; quin & seruitutis nota præter omnes mortales iniusta sunt; nimirum colore ipso, qui vel fugitiuos prodit & indicat, vel manumissos tamen extra propriam ciuitatem securos agere non sinit: seruitutis enim & fugæ suspicionem, nisi vbi planè noti fuerint, declinare nequeunt. Quamobrem pro manifestis seruis id genus præter cæteras nationes habetur. Eiusmodi ergo seruitutis manifestæ & perpetuæ iure Israëlitas Deus sibi asserit, quod gestarum à se rerum narratione confirmat, & duabus illustribus comparationibus amplificat; altera præteritorum, altera verò futurorum: ostenditque nullam fuisse antea nationem, nullam porro futuram, quæ simili diuino beneficio affecta sit, ut ex longa & dura captiuitate atque seruitute redempti, ad certam & liberam regionem, meliori quàm antea vitæ vsu, & seruitutis legibus & pactis clementissimis incolendâ traducti fuerint; quemadmodum Israelitis diuino munere & misericordia contigit. Aitenim:

*Nunquid non Israël ascendere feci de terra Ægypti.*

40

TRIBVS inter se collatis exemplis præcipua quadam seruitutis lege Israëlitas teneri confirmat: quod cæteris qui vicini eorum regioni aut incolæ fuerant, ab hoste abductis, & in perpetua captiuitate detentis, nullus vnquam ad restitutionem & libertatem patefactus, aut patefaciendus fuerit aditus. Illis verò ex longa & grauissima seruitute, quam ex quo gens esse cœperant, miserè tolerauerant, redemptis aliena regio rebus omnibus quæ ad vitam bene beateque degendam oportunæ sunt, referta, occupanda sit tradita; in qua illis Deo vindici & redemptori seruiendum perpetuò foret. Hanc verò rationem interrogatione vsus eloquitur, quæ manifestam habet responsionem, cuius magna ad probandum vis & efficientia est, hoc modo: Nunquid pari neglectu, & simili omnino ratione Israelitarum & Palæstinorum, atque Syrorum res tractatæ sunt, & tractabuntur? ut nulla ex his tribus gentibus meam erga se diligentiam, curam, & magis ardens studium, quàm reliquæ, experta fuerit? Sed pari omnes captiuitate, pari etiam captiuitatis euentu vsas se esse affirmare possunt. id profectò non ita est: nam si maximè Palæstinij Capthoræis, Syri Assyriis; Israëlita



5 *raëlitæ ab Ægyptiis in seruitutem dati sint; tamen Israëlita sunt à me non captiuitate  
 solum liberati, sed ergastulis etiam solutis educti, & magna atque potèti manu ad hanc  
 quam tenent regionem, pulsas antiquis cultoribus, deducti: Sic adeo illa oratio com-  
 parationis rationibus examinanda est; atque argumentatio hoc modo tractanda: Qui-  
 10 cunque è durissima seruitute bello & præliis commissis liberati, & ad victoris familiam  
 traducti sunt, seruitutis legibus victori tenentur. Ex tribus autem gentibus apud alias  
 nationes captiuis, soli Israëlita durissimè omnium crudelibus dominis seruientes, vali-  
 da Dei manu liberati & educti sunt. Igitur Israëlitas ex tribus eiusdem conditionis gen-  
 tibus hoc beneficio affectos, præ reliquis hac lege singulariter teneri cōsequitur. Argu-  
 15 mentatio perfecta & plena est: Propositio gentium iure est manifesta. Assumptio autè  
 aut ex historia petenda, aut ipsorum aduersum quos agitur confessione patefacienda est.  
 Neque enim Israëlita dicere possunt se ex Ægypto, & Palæstinos ex Capthor, & Syros  
 ex Quir non fuisse eductos; sit verum licet Palæstinos & Syros perpetua captiuitate  
 detineri, tamen verum non est, Israëlitas perpetua captiuitate esse detētos. Sic adeo hæc  
 20 propositio tribus membris ex parte subiecti cōstans, quamuis vno atque altero vera sit,  
 tertio tamen falsa est, ac proinde tota falsa, atque ad arguentis sententiam confirman-  
 dam satis idonea est: namque hypotheticam propositionem copulatiuam vt verà totam  
 statuamus, omnibus veris partibus constare necesse est. Igitur hæc non est vera, Israëlita,  
 Palæstini, & Syri liberati non sunt: namque Israëlitas, liberatos fuisse constat, & di-  
 25 uinis prodigiis, & maximis signis; quibus res ipsa gesta in Ægypto, & per totam viam  
 omnibus itineribus, quoad in Cananæorum regionem peruentum est omnino, confe-  
 cta fuit. Illud igitur in complexionem infertur, quod initio vt probaretur fuerat pro-  
 positum. Israëlitas Deo perpetuæ seruitutis legibus non secus atque Aethiopum filios  
 propriis dominis teneri. Argumentatio autem Euthymemate potius, quàm integro  
 30 syllogismo tractata est, in quo propositio tantum, assumptioque posite sunt, atque ex as-  
 sumptione propositio ipsa in complexionem est illata. Maior autem propositio, quòd  
 tum arguendo, tum probando manifesta sit, consultò est prætermissa. Atque hoc argu-  
 mentandi genus in veris orandis causis frequenter vsurpatur. Libuit autem in hac di-  
 stribuenda argumentatione aliquantisper commorari, quam ad sententiam aperien-  
 35 dam probandamque rem ipsam apprimè conducere arbitrabamur. atque hætenus  
 argumentatio ipsa distributa, & assumptionis illa pars quæ ad probandam causam per-  
 tinebat, vel vno Ægypti appellatò nomine est confirmata: Quod notum omnibus ex-  
 ploratumque esset Israëlitas ab Ægypto eductos atque deductos fuisse. Nunc verò  
 quemadmodum tantum à Deo beneficium nec Palæstinis, nec Syris contigerit, expli-  
 40 cemur: qua in re Israëlita præ cæteris gentibus, quas huiusmodi beneficio affectas non  
 esse constat, seruitutis pactionibus, & religione sempiterna obligati esse conuincuntur.  
 Est autem hæc propositio: non vt Palæstinos ex Capthor, & Syros ex Quir; sic Israëlita  
 ex Ægypto non fuisse eductos. Alterum verò exemplum ex præteritarum; alterum  
 autem ex futurarum rerum historia petitur, illud nimirum probat Israëlitas maio-  
 45 ri in hac re beneficio affectos fuisse, quàm aut alia olim natio affecta fuerit, aut de-  
 inceps sit afficienda. Quamobrem mirandum non esse quòd cum eis seruitutis iure  
 agatur, cum aliis non item, sicut scriptum est: Ego Dominus Deus vester qui eduxi vos *Leuit. 26.*  
 de terra Ægyptiorum, de seruitute eorum: & qui confregi catheras ceruicum vestra-  
 rum vt incederetis recti. Quòd si non audieritis me, & non feceritis omnia præcepta  
 50 mea, &c. Palæstini & Capthoræ qui in Chaldaicis bibliis semper Caputhicæ, & in no-  
 stris Latinis Cappadoces dicuntur; quanquam sedibus olim disuncti, ex Mizraim po-  
 steritate, hoc est, ex Ægyptiorum genere fuisse Moses in summa illa orbis terrarum descri-  
 ptione testatur. At verò, inquit, Mizraim genuit Ludim, & Ananim, & Iaabim, & Neph- *Genes. 10.*  
 thum, & Phetrusim, & Chasluim, de quib. egressi sunt Philistim & Capthorim. Porrò Phi-  
 listhæ siue Palæstini loca illa tenuerunt maritima, quæ inter Sidoniorum & Cananæorum fi-  
 nes media sunt: quorum metropolim Gazam fuisse sæpè legimus, sicut scriptum est: Factiq.  
 sunt termini Canaan venientibus à Sidone Geraram vsque Gazam, donec ingredia-  
 ris Sodomam & Gomorrhâ Adamam & Seboim vsque Luza. Ex Palæstinorum etiam ge-  
 nere Heuxi fuere, qui plurima eius regionis castella ad Gazam vsque pertinentes oc-  
 cupauerat. horum autem loca à Cappadocibus, generis quidè cōmunione cōiunctis, sed*

studiorum fortasse contentione aut inuidia, aliâque similitudine dissentientibus inuasa, debellata atque occupata fuerunt, ipsique locorum habitatores Heuæi, partim extincti, partim à victoribus præsidia & colonias suæ gentis ibidem collocantibus abducti ita sunt, ut nunquam postea in suas sedes, vel propria virtute, vel Dei omnia gubernantis consilio fuerint restituti. Hæc autem res sic à Mose narratur: Heuæos quoque, <sup>Deut. 2.</sup> qui habitabant in castellis usque ad Gazam, Caphthorim expulerunt: qui egressi de Caphthor, deleuerunt eos, & habitauerunt pro illis. Hoc autem multo ante quam Israëlita ex Ægypto educerentur, accidisse, ex eadem historia constat: namque eodem fere tempore gesta narrantur, quo ab Ammonitis Zonzomæi, & ab Idumæis horrei victi pulsi, atque deleti fuerunt. Ita exemplum hoc ex præteritis rebus; illud vero alterum ex futuris <sup>10</sup> petiturum est: At cum nihil in toto terrarum orbe sit quod diuinæ prouidentia leges & rationes fugiat, futurum esse ait Amos ut Syris, quos ab Assyriis superandos, atque captiuos ducendos antè prædixerat, nunquam amplius ex ea seruitute, quam apud <sup>Quirna</sup> Assyriorum regionem toleraturi erant, liberatis; ad suas antiquas sedes esset remigrandum. Hanc autem Syrorum captiuitatem & migrationem, à Vate nostro primo huius <sup>15</sup> libri capite denuntiata, euentuque ipso confirmatam fuisse, iam abunde suo docuimus loco. Verum enimvero ne aliqua non modò probabilis, aut verisimilis; sed neque ficta, & humano ingenio ad subterfugiendum iudicium, atque ad argumentationem infirmam excogitata Israëlitis superesset ratio, diuinæ & catholicæ sententiæ auctoritate occurrit Amos, ostenditque nihil in rebus humanis accidere posse, quod diuinæ <sup>20</sup> prouidentia consilia, & fixa decreta fugere, frangere, vel irritare valeat. Persæpe enim quorundam hominum peruersum ingenium, & à diuinæ religionis, & veræ sapientiæ rationibus, studio, vel negligentia, vel errore deuium, multarum rerum euentus & exitus, à veris & certis causis, ad obscuras, incertas, & commentitias fabulas, & ad stultas, & interdum impias sententias traducit. Atque hoc modo maximarum rerum publicarum, & imperiorum mutationes, gentium calamitates grauissimæ aliarum felicitates, beatus & florens status temporum potius varietatibus fortunaque vicissitudinibus, quam consilio decretisque diuinis attribuuntur: atque earundem rerum restitutio ab eadem etiam causa, hoc est, à tempore, non à numine expectanda proponitur, & docetur. Ita adeo huius generis sententiæ vulgo celebres sunt: Omnium rerum vicissitudo est, &c. <sup>30</sup> Quæ quamuis ea parte veræ sunt, quod nihil in humanis rebus stabile & firmum necessarium esse doceant; si tamen ut plerumque usurpari solent, usurpantur, ut temporum potius vicissitudini, quam diuino consilio, atque hominum ipsorum causis aut culpis, maximæ illarum rerum mutationes adscribantur; stultæ omnino, impiæque sunt: quibus homines non ad vitæ melioris correctionem, sed ad restituendarum rursus sibi rerum <sup>35</sup> spem atque studium, iisdem retentis erroribus, eademque impietate conseruata (quam obrem de supremo gradu deiectionis fuerant) excitantur. Aduersus autem huiusmodi stultas errorisque plenas sententias scriptum est: Si dixerit Idumæa, destructi sumus; sed reuertentes ædificabimus quæ destructa sunt. hæc dicit Dominus exercituum: Isti edificabunt, & ego destruam. Igitur ut neque Israëlita, neque alius quispiam horribilem <sup>40</sup> Palæstinorum & Syrorum casum, antiquam filiorum Iacob libertatem, præsentem in qua detinentur dispersionem, aut futuram horum omnium restitutionem, ad temporum, & vicissitudinum rationes impie reuocaret; hanc disputationem breuiter illustrat Deus, verbisque definit certissimis: confirmans multorum regnorum & gentium à se ob impietatem, & nefaria scelera, editas ruinas perpetuas, æternasque esse, nullamque <sup>45</sup> iis restitutionis vicissitudinem fore expectandam: utpote, quorum causa seuera diuini consilij sententia extremæ poenæ supplicio damnata sit. Rursus verò quosdam esse, quibus etiam ob scelera & impietates poena grauis subeunda sit; nunquam tamen pereundum; sed diuinæ tandem misericordiæ & veniam, & clementem castigationem expectandam: ut pote quos priuata quadam cura, & magnis promissionibus sibi olim susceptos, <sup>50</sup> non perditos; sed tamdiu iure castigatos esse Deus voluerit, quoad sceleratissimis & impiissimis, qui inter ipsos fuerint, cōsumptis; ceteri qui minus in culpa fuerint, idonei efficiantur: quibus data venia, diuinæ gratiæ beneficiū accipiatur. Ut enim olim Israëlita ob minorem tributam diuinis verbis & promissis fidem, tam diu oblata, ac penè tradita requie carere, atque in solitudinibus vagari, habitareque iussi sunt; quoad maiores natu omnes

omnes qui vigesimū exceſſerant annū, vita de functi eſſent; atq. reliqui deinde in promiſſam regionem inducti, ſanctæ & diuinæ familiæ iure, dignitate, aliſq. beneficiis aſſecti ſunt: nimirum quòd Deo ſerui eſſent tantis rebus geſtis, tantaq. cura certo quodam iure eidem vendicari. Sic etiam futurū eſſe dicit, vt cæteris gentibus & regnis funditus ad internecionem deletis, Iſraëlis tamen poſteritas, nomen, & memoria non deleatur: quòd illi in ſeruos empti, ad diuinam familiam proprio quodam iure pertineat. Nemo autem hominum eſt, qui quos ære ſuo emerit ſeruos, aut horum filios domi ſibi natos atque educatos, etiam ſcleribus & perfidia irritatus, perditos omnino velit; ſed in ergaſtula, aut aliò extra domum ciectos, tam diu affligi atque vexari patiatur, quoad ſcleris ducibus & auctoribus cōſumptis, reliqui quamuis in culpa fuerint, partim aliorum exēplo cauti, partim propriæ pœnæ ſenſu & caſtigatōe reſiſcentes atque ad ſanitatē redeuntēs, herilem benignitatē experiri, atque in domum recipi poſſint. Igitur non à caſu, aut à fortuna, aut à tempore aliis ruinam metuendam; aliis reſtitutionē & ſalutē ſperandam. Sed hæc omnia ad ſuas, hoc eſt, prouidentię & conſilij rationes referenda eſſe definit Deus.

*Ecce oculi Domini ſuper regnum peccans; & conteram illud à facie terræ.*

Ecce, rem obſeruatione, animaduerſioneq. dignam, & ex diuini cōſilij ſententia certam indicat, vt: Ecce virgo concipiet. *Oculi*, diuinam curam, cōſilium atque accuratā 20 conſiderationem ſignificant, vt: Qui plantauit aurem non audit, aut qui fecit oculū non conſiderat: Hos autē oculos humana non ſolum facta, ſed neq. cogitata latere poſſunt, neque eius qui horū nutu oculorū, hoc eſt, conſilio, omnia gubernat, decreta & ſententiam effugere, aut fallere, aut frāgere vis vlla valet. Horum verò oculorū virtus, tum impiis, & ſuperbis, & contumacibus pœna & ſupplicio afficiēdis; tum pientioribus, aut miſerioribus, & diuinam agnoſcentibus virtutē, implorantibus miſericordiam, ex miſeriarum tenebris in miſericordiæ lucem proferendis ſpectatur; ſicut ſcriptum eſt. Hunc humiliat, & hunc exaltat; quia calix in manū Domini vini meri plenus mixto, & inclinauit ex hoc in hoc: veruntamen fex eius non eſt exinanita; bibent omnes peccatores terræ. [*Super regnum peccans.*] Hæc oratio publicā regnorū ruinam non ad caſum, non ad 30 tēpus; ſed ad publicā cōmuniterq. ſuſcepta ſclera, vt verā cauſam referri debere docet. Non ait peccantes in regno; namq. priuata quorundā peccata internecionē vniuerſi regni ſocietati non moliuntur, niſi regnū totū ipſum, aut magnorū ſclerū cōmunionē, aut licentia, impunitateq. data in crimine etiam fuerit: imò & propter paucos viros totī interdum ciuitati ignoſcendi veniā, & ad reſiſcendum tēpus concedi, diuina illa Dei 35 cū Abrahamo deliberatione docemur. Priuatorū igitur hominū priuata ſclera priuatē puniūtur, ſicut ſcriptū eſt: Anima quæ peccauerit, ipſa morietur. Publica verò omnium peccata, publicè ad gentis totius internecionē animaduertuntur. [*Vt euertam*, Hebraicè eſt, *vt deleam.*] Quod nullū eius regni & gentis nō modò monumentū, ſed neq. veſtigium appareat. neq. enim quiſpiā ex Sodomorū, ſed neq. ex Hæueorum, aut Syrorum gente 40 hodie extat, qui antiquū nomē retinere, aut originū monimentū cōſeruare poſſit; adeo certa diuina conſilia, adeo vera à diuinis vatibus effata ſunt oracula. Subita autē perſonę in oratione à tertiā in primā mutatio, præſentem cōſiliis ſuis, vatumq. prædictionibus Deū arguit: eandemq. eſſe prophetarū & Dei orationē indicat. Oīa enim quæ à vatibus enuntiata ſunt, non hominū, ſed Dei verba definire oportet: Qui locutus eſt per os ſan 45 ctorū qui à ſeculo ſunt prophetarū eius. Hoc autē veriſſimū & maniſeſtiſſimū eſſe, cōtra omnē humanā & ſtultā ſententiā, ex diuinæ legis, & ſacrarū hitoriarū lectione cognoscimus. Multa olim regna, magnas & florētiffimas Reſpub. fuiſſe; quarū vel nomen vix hodie, idq. ad æternū potius dedecus & opprobriū, quàm ad laudem conſeruātū ſit. quam labem & ruinā, hominū ipſorū malitia & culpa paratam, diuini iudicij ſententia 50 fuiſſe legimus allatā. Quoidam autem eſſe, nempe Iſraëlitas, quos in multis periculis, magnis laboribus, & difficultatibus innumeris, tamen diuinæ prouidentię cura, nomine etiam & genere retento, conſeruatos voluerit miſericordiæ, & benignitatis, atque æternæ tandem ſalutis conſortes nobiſcum futuros; non omnes, ſed qui reliqui ex diuina caſtigatōe fuerint, ſicut ſcriptum eſt: Si fuerit numerus filiorum Iſraël quaſi arena maris, reliquię ſaluabuntur, & apud Michæam: Ne læteris, inquit, inimica mea quia cecidi;

Pſalm. 93.  
vide ſuprà.

Gen. 18.

Luc. 1.

Iſai. 1.

Mich. 7.

Rom. 11. cecidi; confurgam cum sedero in tenebris; Dominus lux mea est. Qui tamen ex illis  
 " interim perierint, dum illuminatio euangelij gloriæ Christi obfistentibus & repellenti-  
 bus non refulget; grauissimum præter cæteras quæ olim extinctæ fuere nationes, sup-  
 plicium, in ultimo illo & cõmuni omnibus iudicij die subibunt, quod diuturniori Dei  
 benignitate & patientia abusi, atque maiori diligentia, maioriq̃ue opera ad pœnitentiã  
 reuocati, tamen neglexerint, sicut scriptũ est: Væ tibi Corozaim, væ tibi Bethseda: quia  
 Luc. 10. " si in Tyro & Sidone factæ fuissent virtutes quæ in te factæ sunt, vsque in hodiernũ diem  
 " extarent, &c. Veruntamen dico vobis, &c. Qua in re arcana diuinæ sapientiæ cõsilia ad-  
 mirari, & cum tremore & timore venerari oportuerit. Nam cum sciret Deus illas gen-  
 tes tandem sese ad bonam frugem recepturas fuisse, si tot & tãtis signis, tot sermonibus  
 atque rebus, quantis Iudæi rogati, moniti, accusati atque prouocati sunt, illæ etiam pro-  
 uocarentur: tamen vbi id quod satis ad eas reuocandas fuerat, actũ est, vltiora & ma-  
 iora moliri non cõstituit: atq. adeo hæc res maturiorem multo illis præsentis vitæ pœ-  
 nam, leuiorem verò futuri seculi, quàm aut Iudæis, aut nobis Christianis, tantam salu-  
 tem negligentibus, parauit. Igitur quanquam regna peccantia & scelerata penitus  
 deleantur

*Veruntamen cõterens non conterã domũ Iacob, Hebraicè est, delens non delebo.*

Non, inquit, omnino delendum mihi est genus Iacob illius antiqui, cui, quòd sese  
 fidei mei totum crediderat, perpetuò à me consultum fore dixi, atque vltro pollicitus  
 Gen. 48. sum, sicut scriptum est: Deus omnipotens apparuit mihi in Luza, quæ est in terra Cha-  
 naan, benedixitq̃ue mihi, & ait. Ego te augebo & multiplicabo, &c. Tamen quæ  
 " Dei sapientia est, vt cum maximæ misericordiæ consilio diuinæ etiam iustitiæ satis fiat:  
 quænam ratio ad eam perficiendam rem, quis modus sibi ineatur, subiuncta oratio-  
 ne declarat:

*Ecce enim mandabo ego, & concutiam in omnibus gentibus domum Israël,  
 sicut concutitur in cribro, & non cadet lapillus super terram.*

V T I N A M tanto erga diuina scripta amore, tanto studio Christiani & studiosi viri  
 incenduntur, vt non sententiæ modò, sed singulorum etiam verborũ, & apicum quoque  
 expendendorũ cupiditate, ac veræ & reconditissimæ sapiëntiæ, & eloquentissimæ eloquẽ-  
 tiæ intelligendas rationes adducantur. Equidẽ fateor me in probatissimorũ Philosopho-  
 rum, Oratorũ, & Poëtarũ lectione à pueritia ad vigesimũ vsque & quintũ ætatis annum  
 cum summa voluptate, & maximorũ ingeniorũ (qualia antiquis tũ Græcis, tum Latinis  
 viris fuerunt) admiratione versatum; & cum nonnulla meorum in ea re laborum apud  
 meæ notitiæ eruditissimos quosque viros laude; tamen vbi animum ad sacrarum litera-  
 rum studia appuli, & eius disciplinæ partẽ aliquã, diuino & beneficio & munere perce-  
 pi, non solũ rerum ipsarum maiestate stupefactum, sed verborum, & dicendi ge-  
 neris diuina elegantia in admirationem raptum, cætera omnia vt stercora reputasse præ  
 eminenti, & absoluta omnibus numeris horum librorum perfectione, atque plane di-  
 uino Vati assentientẽ illud sæpe vsurpasse: Quàm dulcia faucibus meis eloquia tua, su-  
 per mel ori meo. Quòd si hæc maxima tum rerum tum verborũ diuinorum pulchri-  
 tudo & dignitas omnibus hominibus vt sese habet, spectandã præberet; mirabiles pro-  
 fectò sui amores excitaret. Nunc quoniam tot tantæque diuitiæ non nisi auidissimis &  
 diligentissimis conceduntur, ad earũ diligens & contentũ studium maximorũ fructũ  
 promissione, & nonnullarũ partium degustatione oblata humani animi nobis incitãdi  
 sunt: namque hoc in verborũ & elocutionis nonnunquã iudicanda ratione consilium  
 semper sequemur: sed iam ad nostrũ munus reuertamur. Israëlitarũ igitur rerũ ratio-  
 nem sibi ita habendã esse Deus affirmat, vt cum iustitiæ seueritate, misericordiæ etiam  
 erga eos benignitate spectatoribus omnibus probet: idemq̃. qui se ceterarũ gẽtiũ eden-  
 da ruina orbis rectorẽ ostenderit, suã etiam admirandam erga Israëlitas testetur pro-  
 uidentia. Ob eam autem rem, ait: [Ecce ego] quod suo consilio & auctoritate efficiendum  
 esset, vt Israëlitz toto orbe disperderentur, quoad vilissimis & nequissimis quibusq̃. cõ-  
 sumptis, cæteri ad æternã salutem reuocarentur. Id autem quoniam diuino consilio, sed  
 Assynorũ atque aliarum gẽtiũ opera conficiendum erat, addit: Mandabo & concutiam.  
 Ita



Ita adeo humano ministerio & opera Deus, vt instrumento artifex vtitur: vbi maxima in agendo vis & auctoritas artifice mouenti tribuitur. [Et concutiam in omnibus gentibus domum Israël.] Israelitarum per totum orbem dispersionem & errores pulcherrima similitudine significauit, qua nulla vnquam aut aptior, aut elegantior visa mihi apud alios auctores fuerit: sed latini sermonis tenuitate, & verborum inopia effectum est, vt pro rei ipsius dignitate sententiæ & elegantie plenè à nobis satisfieri non possit. Vt verò id quod licet persequamur, primum imago ipsa ex Architecturæ & ædificiorum rationibus illustranda: deinde ad rem de qua sermo instituitur, referenda est. Totius ædificij præcipua pars lapides sunt, ex quibus muri fiunt: qui quoniam integri solido opere poni non possunt, vt vno tantum eoque maximo totum ædificium constet: plures simul arte, atque ordine certo commissi & collocati, vnum constituunt ædificium. His verò, vt commodius & tenacius hæreant, intritum interiectum, ex apta ad eam rem opportunaque materia additur: ita adeo totus murus lapidibus vt potiori parte, intrito vt minus nobili, sed tamen necessaria compingitur & coagmentatur. Quòd si lapidum & intriti copia non addit, lateres, & alia quæ oportune pro locorum rationibus comparari possunt, illarum rerum vice sufficiuntur, sicut scriptum est: Habuerunt lateres pro faxis, & bitumen pro cæmento. Atque domorum & ædificiorum omnium ruina, & quæ sponte vitia fiunt, non tam lapidibus, qui solidiori & durabili magis natura sunt, quam intriti ipsius infirmitati, & solubilibus tenuioribusque elementis adscribitur: tanto enim diutius temporum iniurias, atque etiam bellicorum tormentorum impetus sustinere murus potest, quanto firmiori tenacique magis intriti genere lapidum structuræ coaluerint. Quamobrem huic solertes Architecti incommoditati diligenti cura & inuentione, quam fieri potest optimè, prouidere solent: aut enim naturas ei rei commodissimas inueniunt; vt Asphaltum, & bituminum genera alia, de quibus apud auctores mentio fit; aut res natura minus idoneas commiscentes & coagmentantes arte corrigunt: vt qui arenam calce commixtam probè subigunt; lapideam ferè duritiem quibusdam in locis parant. Omnium autem huiusmodi generum lutum planè deterrimum est: vt pote quod natiua infirmitate, & segni admodum præ cæteris elemento, nempe terra, constans, nouis ædificationibus producendis minus vtile est: antiquis verò operibus continendis longè ineptissimum. quamobrem huius potissimum materiæ culpa vitium facere ædificia solent: vnde lutea opera, pro caducis, & certissimæ ruinæ subiectis negotiis, prouerbialiter est vsurpatum, vt: vā qui congregat non sua: vsquequò agglomerat contra se densum lutum: Igitur si ædes ex se corruerint, vitiumue fecerint, vt ex iisdè rursus lapidibus reædificentur, terrā omnino secernere oportuerit, & ne quid pulueris hæreat peruidere: namque puluis ariditate sua, quo minus nouo intrito lapides committi possint, impedimento est. Ea verò res lotis aqua lapidibus lateribusque paratur, sed multo aptius & melius iisdè excussis & absterfis fit, nisi quòd prolixiori opera, & longiori tempore, si hoc modo faciendum sit, opus fuerit. Atqui singularum huius generis rerum cum causas persequi longum nimis foret, efficientias tantum ad institutum nostrum accommodatas indicare satis fuerit. Iam igitur similitudinem ipsam à natura, atque ab arte, ad eam rem de qua nobis institutus sermo fuit, transferamus. Quam Latini familiā dicunt, Hebræi eleganti, neque Latinis etiam inaudita translatione, domum vocant. Vt verò domorum ædificia lapidibus; sic familiæ filiis nepotibus, atque omni deinceps posteritate coagmentantur: ita adeo sumptam semel similitudinē Hebraicus sermo persequutus vtramque rem propinquis verbis enuntiat. nam lapides illa lingua אבנים; filij verò vnius tantum literæ detractioe dicuntur בנים. Iacobi autem siue Israelis domus optimis & selectis lapidibus constructa fuerat; sed quorundam vitio & culpa, qui tanquā lutum interiecti ædificio erāt, tota familia de pristino illo suo nitoris, & optimè fabricato religionis & Reipublicæ statu conuulsa, tum corruit, cum ab Assyriis atque à Romanis tandem labefactata est: ad quam tamen reædificandam optimum à Deo initum consilium Vates noster aperit. Tam diu enim Israëlitas vagatione & instabilitate omnibus exilij & errorum incommoditatibus toto orbe velut cribro quodam excutiendos esse, quoad omne illud quicquid inesset pulueris decuteretur: lapides verò ipsi, hoc est, optimi quique ex ea familia multis laboribus afflicti & exercitati, ad reponendum ædificium familiamque, multo quam antea illustrius & fir-

& firmiter reponendam apti habilesque essent reddituri. Atque hac pulcherrima similitudine explicata, facilis iam nobis & consequens huius loci sententia est. [*Et concutiam in omnibus gentibus.*] Hebraicè verbum est quod instabilitatem & vagationem significat. Latinè coagitare: Hispanè propriè *mecer* dicimus: quod verbum Deus Caino fata dicens, usurpauerat; ubi scriptum est: Vagus & profugus eris super terram. Quo dicendi tropo Cainum loca omnia peruagatum, nusquam tamen non sollicitum fore significauit. Simili ergo legis pœna, simili periculo districtam atque obligatam Israëlitis familiam adhuc teneri videmus: quanquam enim nonnulli ex illis in Christianam, hoc est veram Israeliticam familiam ædificium admissi fuerint; maxima tamen pars adhuc vagationis & instabilitatis cribro agitur, quoad iis omnino abiectis quibus lutea & puluerulenta ratio est: ceteri qui veri lapides ædificio idonei fuerint, nulla omnino vel humillima iactura facta, in diuina gratia admissi, in fabricam cooptentur. [*Et non cadet lapillus super terram.*] Puluis quidem ipse, & lutum aridum coagitatione decussum omne decidat: lapilli verò omnes agitentur quidem, non tamen decidant. Sicut & apud Ezechielē prædictum est: Et eligam de vobis transgressores & impios, & de terra incolatus eorum eiciam eos, & in terram Israel non ingredientur, & scietis quia ego Dominus. Hæc maioris Israelitarum partis fors est. Eorum verò qui non solum impietate sua supplicium sibi commeruerant, sed etiam fide diuinis verbis detrahenda scelus cumulauerant, cuiusmodi futurus esset exitus, subiecto obnuntiat carmine:

*In gladio morientur omnes peccatores populi mei, qui dicunt non appropinquabit, & non veniet super nos malum.*

DE ILLIS hæc sententia lata est, qui sceleribus obligati, tamen neque iis quæ in diuinæ legis libro opponuntur formidinibus, minis, & terroribus, neque præsentibus & certissimis Vatum obnuntiationibus commouebantur; quin omnia hæc contemnentes, peccandi nihilominus vrgebant propositum. Huiusmodi autem impios & sceleratos homines certioribus & grauioribus pœnis affectum iri, diuina est sententia definitum. Quod si nolueritis, inquit, recipere disciplinam, sed ambulaueritis ex aduerso mihi, ego quoque contra vos aduersus incedam, & percutiam vos septies propter peccata vestra, inducamque super vos gladium ultorem fœderis mei, &c. Quemadmodum verò hæc omnia quæ ab eo loco, Nonne vt filij Æthiopum, &c. huc vsque acta atq. tractata sunt, ad Christianorum gentem maxima Dei virtute, admirandoque negotio, & stupenda opera redemptam, referri aptissimè possint, & debeant; id cum cuilibet apertum sit, vt à nobis latius tractetur, tantum rem ipsam indicare contentis, opus esse non videbatur.

*In die illa suscitabo tabernaculum David, quod ceciderat.*

LEGIS, psalmodum & vaticiniorum omnium finem, & ad quam omnia tandem diuinorum librorum mysteria referuntur, felicissimam causam Christum esse, plurimis oraculis, multis signis, apertissimis testimoniis, & rerum etiā ipsarum euētibz est comprobatum. Lex, inquit, & prophetæ vsque ad Ioannem: à diebus autem Ioannis Baptistæ regnum cælorum vim patitur. Ab Abrahamo autem vsque ad Ioannis tempora nullus publicè apud Hebræos Vates extitit, cui non aliqua de diuino illo & arcano publicæ salutis per Christum afferendæ consilio, antiquis magno cum desiderio expectanda, nobis verò maxima cum lætitia recipienda mandata traderentur. De qua salute Petrus inquit: scrutati sunt prophetæ, qui de futura in vobis gratia prophetauerunt; scrutantes in quod vel quale tempus significaret in eis spiritus Christi, prænuntians eas quæ in Christo sunt passiones, & posteriores glorias. Quibus reuelatum est, quia non sibi met ipsis, vobis autem ministrabant ea quæ nunc nuntiata sunt vobis, &c. Huius autem diuini consilij, huius tantæ promittendæ salutis nuntius etiam fuit Amos; atque eam rem ad extremam totius tractandæ sibi causæ per partem distulit, vt (quæ diuini spiritus benignitas est) duriorum ac seueriorum actionum comprehensiones mitissimo & blandissimo, atque ad subministrandam spem idoneo fine clauderet. Hanc verò rem magnifico & illustri principio exorditur: In die illa. Notū enim & certū, planeque exploratum omnibus antiquis vatibus & patribz fuerat, tempus quoddam diuino consilio præfixum

præfixum affuturū, quo mundus ipse, atq. hominum collapsæ res renouandæ, instaurandæ vehementerq. essent illustrandæ. hoc autem tempus faustæ felicissimæq. diei nomine ab illis decantabatur. In die illa radix Iesse, qui stat in signum populorum, &c. Et erit in die illa adiciet Dominus secundò manum suam, vt possideat reliquias populi sui. &c. Isai 27.

5 Hæc verò tam celebrata, tantoq. desiderio antiquis optata dies, felicissimum tempus nostrum est, in quo diuini consilij arcana & promissa communicata, & promissorum omnium munus confectum est: quod tempus cum ingenti gratulatione nuntiatum nobis, 1. Pet. 2. indicatumq. est per eos qui euangelizauerunt nobis Spiritu sancto misso de cælo, in quē desiderant angeli prospicere; atque illorum Euangelizantium huiusmodi lætissimi nuntij sunt. Ecce nunc tempus acceptabile, ecce nunc dies salutis. Hanc verò salutem ab omniū hominum potestate & virtute longè remotam, quam nemo sibi de se aut promittere, aut inuenire, aut etiam cogitare potuisset, diuinum planè donum fore, Deoque ipsi auctori acceptū referendum esse, omnia omnino sacrorum librorum testimonia ostendunt. Neque enim quisquam hominum ascendere in cælum potuit, indeq. Dei filiū Deus huius salutis ministrum, interpretē, & procuratorem, auctorem denique deuocare: neq. humano vnquam aut ingenio, aut negotio, quemadmodū hoc fieret, inueniri potuisset, nisi sese ille, patris obsecutus consiliis, ad eam perficiendam rem vltro dmitteret, & promissæ salutis rationes admirando & arcano modo explicaret, seseq. ipse humano cordi atq. ori habendum, prædicandumq. insinuaret, sicut scriptum est: Ne dixeris in corde tuo, Rom. 10.

20 quis ascendet in cælum? Id est Christum deducere: aut quis descendet in abyssum? hoc est Christum à mortuis reuocare. Sed quid dicit scriptura? Prope est verbum in ore tuo, & in corde tuo; vt facias illud, &c. Igitur quòd illa maxima & felicissima humanarū rerum mutatio, illa sacrosancta & fausta renouatio sibi vni auctori tribuenda esset, affirmat Deus. [In die illa suscitabo tabernaculum Dauid quod cecidit.] Hebraicè ante nomen tabernaculi est particula ע ת ה; quæ accusatiuo plerumq. sed elegantissimè etiam ablatiuo iuncta, idem quod apud nos C V M præpositio significat. Ita sensus erit: [In die illa suscitabo cum tabernaculo Dauid, [id etiam] quod cecidit.] Primum omnium tabernaculum Dauid sibi reponendum, figendum, atque constabiliendum esse recipit. Hæc enim omnia Hebraicum verbum א כ י מ significat; deinde cum tabernaculo ipso eam etiam partem quæ ceciderat, & nunquam amplius sua virtute restituenda erat, nisi à Deo restituere Opus tur, hoc est, Israëliticam decem tribuum familiam. Quoniam verò salus primum ex Iudaïs facta est, apud quos Deus filium suum Iesum Christum suscitauit; cui & solium Dauid patris sui donaret, in Iacobi domo in æternum regnatura. Primum etiam eius rei mentionem eodem ordine fieri à prædicente Vate oportuit. Iam verò ab eo tempore solutis inferni & mortis vinculis, à mortuis resurgens, viuus, incorruptus, atq. immortalis omnino Christus extitit, mysterij huius negotium felicissimè & magno incremento Luc. 1. genitur, sicut scriptum est: Ego autem constitutus sum rex ab eo super Sion montem sanctum eius, prædicans præceptum eius. Dominus dixit ad me, filius meus es tu, & ego hodie genui te. Postula à me, &c. Iam ergo tabernaculo Dauid erecto ac fixo reliquæ quæ Psalm. 2. cunq. ad eius ditionem pertinent Israëlitarum ruinæ paulatim refarciuntur; quæ tandem collato consilio & adhibita opera omnino restituenda sunt: ita vt vnus communis omnium regis & ducis vnus omnino populus, atque vnum vnus pastorem ouile sit. namque hæc diuina instauratio multis Vatum prædictionibus & certissimis oraculis annuntiata & arcanis etiam imaginibus quondam est repræsentata. Iurauit enim Dominus Ioan. Psal. 131.

45 Dauid veritatem, & non frustrabitur eum; de fructu ventris tui ponam super sedē tuam: si custodierint filij tui testamentum meum, (nouum, inquā, testamentum,) & testimonia mea; (non tantum ea quæ olim docti fuerant,) sed etiam ea quæ docebo eos. Dauidis autem regnum dissensionibus primum & diuortijs dissipatum: deinde aliarum familiarum irruptionibus omnino deiectum, atque à pristino illo & illustri statu dimotum veteribus colonijs renouatis & nouis deductis ad maiestatem, amplitudinem, splendoremq. maximum, sub rege Christo reuocandum esse vates noster præcinebat: idq. translationis perpetua obseruatione eloquutus est.

*Et reedificabo aperturas murorum eius, & ea quæ corruerant instaurabo.*

DAVIDICVM temporale regnū vitium facere & corruere cœpit à temporibus Ieroboam

roboam vsque ad Hosseam Elæ filium, dum primum adhuc templum staret: namque toto decem tribuum latere labefactum corruit; secundi verò templi seculis, hoc est, post Babylonicam transmigrationem Hasmonæorum (qui Machabæi cognominati sunt) occupatione, & Herodum tyrannide irrumpente à Davidis regia & illustri familia abalienatum est. Hæc omnia regnante Christo instauranda, atque in integrum restituenda cū maxima dignitatis & splendoris accessione prædicit Vates; eamq. felicitatē certam, stabilem, perpetuam, & plarē diuinam fore confirmat: Mirabiliter enim populi Israël vniuersus, & omniū tribuum ordinūq. cōsensus, ad cōseruandam cōmunem inter se fidē, & mutuam charitatem conspiraturus esse prædicitur: cuius rei exemplum argumentūq. certissimum in ijs, quæ de hac re conscriptæ sunt, historijs obseruauimus. Multitudinis, 10  
 Ato. 3. inquit, credentium erat cor vnum, & anima vna. nam quemadmodū in bene fundato atque fabricato ædificio omnium lapidum mirabilis quidam ordo, & certa vniuscuiusq. collocatio communi & mutuo officio opus totum conseruat: sic in sacrosancta Iesu Christi ecclesia multorum generum & ordinum, officiorum munerumq. consensus communi fide, & mutua dilectione compactus, sacri Deo templi ædificium construit: 15  
 sicut scriptum est: Templum sanctum Domini quod estis vos. Quoniam verò Davidis regnum non solū vtriusque lateris, hoc est, Israeliticarum & Iudaicæ tribuum ruinis oppressum fuerat, sed alienorum etiam irruptionibus occupatum, alteri atque alteri rei alterum atque alterum orationis huius membrum adaptandum est: [Et reædificabo aperturas murorum eius. Hebraicè est rupturas eorum:] Vt vtraque & Iudaica & Israëlita com- 20  
 prehendatur pars: atque vt hoc vnum quondam regnum, vnum etiam in posterum fore significet; subiungit: [Et ea quæ corruerant instaurabo: Hebraicè, & destructiones eius erigam.] Sed tamen nouam hanc Davidici tabernaculi instauracionem magnificentissimis celestium beneficiorū accessionibus locupletandā, augendam, diuinoq. cōsilio exædificandā esse; vt non antiquū ædificium restitutū, sed ad illius instar aliud tāto elegantius, tantoq. 25  
 illustrius, & firmitus reponendū; vt planē nouū noua & admiranda arte fabrefactum, ac planē diuinum opus esse intelligatur; idēq. æternū probetur futurū. namq. illa ædificatio nō ad præsentīū imaginē, sed ad seculi dies à vate refertur: vt si quādo humanarū rerum status florentissimus fuit, ad eum statum cū multa tamen accessione Davidicū tabernaculum sit denuo ædificandum: quod opus illustrissimum fore vel ipsa Dei auctoris 30  
 mentione & prædicatione declaratur. In eo enim faciendo opere Deus ipse vltro nomen proficitur suum; necesse est ergo magnificentissimum atque ornatissimum esse ædificium, cuius se Deus auctorem & opificem prædicet:

*Et reædificabo eum sicut in diebus antiquis: Hebraicè, & ædificabo eum sicut in diebus seculi.* 35

NVL LV M in his carminibus verbum est quod non sit diuinis mysterijs refertissimū, & noui testamēti sacramētis plenissimū: quibus omnibus aperiēdis neq. ingeniū suppetit, neq. oriū: nōnulla tamē ex his perquā breuiter perstringere atque attingere curabimus. namq. hæc propria noui testamenti tractatio est, cuius multa adoranda, atq. omni plausu 40  
 excipiēda arcana nostris tēporibus in obscuro latent; quorū ignoratio magnos in multorū animis creauit errores, maximaq. in Christiano populo dissidia, atq. maximas turbas cōcitauit. Quamobrē instanter orandus, assiduūq. precibus exorādus nobis fuerit Deus, vt tantis pulsīs nebulis lumen vultus sui super omnē terrarū orbem omnibus mortalibus porrigat atq. tēdat, quò ea quæ ad verā salutē pertinet, veritas cundis affulgeat, Amen. 45  
 Sed nos interim ad nostrū pensum, munusq. reuocemus: *Seculum*, Hebraicè *G H O L A M* dicitur: quod verbum absconsionē propriē significat. Transfertur autē nomen ad longū tempus significandum, quòd ea longi temporis natura sit, vt præteritas quæ in eo gestæ fuerint, res partim consumendo, partim mutando abscondat, atque ab hominū notitia longē disiungat, aut omnino obliuione sepeliat, futuras verò incerta obscuritate inuoluat. 50  
 Ad nascentis autē mundi initium, & ad futurum finem indicandum vox hæc etiā vsurpatur: atq. hic modus frequentissimus in sacris est, à seculo vsq. in seculum. Vtriusq. autē partis rationes difficillimæ omnino cognitu mortalibus hominibus sunt: neq. enim quisquam est, cui qualis humanarum rerū facies, qualis status nascentis orbis initio fuerit, aut qualis tandem erit, vel ingenio, vel cura, vel alia humana cogitatione planē fuerit explora-



exploratum. Fatemur quidem nos fide & diuinis oraculis intelligere florentissimum & beatum planè primorum hominum atque vniuersi generis (si tamen res illo in loco permansissent,) statum fuisse: sed earum quibus illa beatitudo constabat rerum, quotusquisque est qui rationem subductam habeat? Speramus etiam felicissimum & diuinum, æternumque piorum hominum, quicumque sese illo diuino beneficio non indignos reddiderint, futurum exitum: sed nondum apparuit quod erunt, ait Ioannes. Quamobrem vtriusque seculi, & primè illius præteriti, & extremi illius perpetuò duraturi res, fide quidem & spe nobis conceptas, aperta verò cognitione (nisi cui priuatè id reuelatum fuerit) nulli cōditionis nostræ hominis ingenio manifestas esse putamus. Quanquā nō inficias  
 10 ibimus multa atque admiranda, tum diuinarū rerum mysteria & consilia, tum humanæ felicitatis momenta & ornamenta cognitione atque sensu, experimentoq. etiam ipso cū  
 ijs esse cōmunicata, qui diuino spiritu per Christum audi, hæredes, confortesque regni  
 cælestis, etiam viuentes atque sentiētes, effecti sunt: cuiusmodi sacratissima virgo mater,  
 Apostoliq. atque plurimi alij ex Christianis etiā fuere, quibus voluit Deus notas facere  
 15 diuitias sacramenti huius, quod absconditum fuerat à seculis & generationibus tam angelicis quàm humanis: neque enim oculus vidit, neque auris audiuit, neque in cor hominis ascendit, quanta illis eorumq. simillimis à Deo præparata sunt, & communicata: sed tamen multa illis in futurum seculum & amplissima munera atque ornāmēta esse asseruata, idem ipsi fatentur: expectantes beatam spem & aduentum magni Dei, qui refor-  
 20 mabit corpus humilitatis nostræ, configuratum corpori claritatis suæ, vnus ex his, idemq. diuinorum mysteriorum peritissimus Paulus aiebat. Igitur hoc ædificium tātis accessio-  
 nibus amplificandum, tantis ornamentis augendum, tanta dignitate illustrandum, vt cū antiquæ beatitudinis, & humani maximi quondam splendoris, atque futuræ felicitatis, denique cum dictorum absconditorum rationibus omnibus, vt ædificium cum exēplari  
 25 suo conueniat, per Christum Iesum eius operis redemptorem perficiendum sibi Deus suscipiens, ait: [Et ædificabo eum sicut in diebus gholam.] Tanto verò amplius, tantoq. capacius sibi reponendum esse docet, quanto maiori hominum & numerosiori populorum celebritate frequentandum erat. Neque enim solū Iudæis, Israëlitis, & Idumæarum gētium parti cuidā, vt olim Dauidis terrena aula, sic hæc cælestis Dauidis regia adeunda  
 30 celebrandaque fuerat; sed omnium totius orbis nationum & familiarium (quæ omnes in Christi ditionem redigendæ erant) hominibus, commune tēplum, & capacissimum tutissimumque præsidium; quod ultro atq. libenter petatur, futurum est: [Sicut in diebus gholam;] cū vnus omnibus hominibus Paradisus ad honestam voluptatem constaret: atque etiam in diebus gholam, cū vnum commune omnibus regni filijs cælum possi-  
 35 debitur: sic etiam præsentis vitæ ecclesiam in omnium gentium commune domicilium construendam sibi fore Deus per Vatem docuit.

*Vt possideant reliquias Idumææ, & omnes nationes: eo quòd inuocatum sit nomen meum super eos: dicit Dominus faciens hæc.*

40 P V B L I C A M per Christum hominibus allatam salutem, & regni cælorum eidem ob maximas virtutes & res iuxta diuinum consilium gestas iure delati, non Iudæis modò, sed omnibus etiam totius orbis gentibus communem fore, ex diuino decreto publicis  
 Vatum præconijs proclamatum sæpe est: nullumq. in terris locum adeo esse remotum, qui non tandem imperio, ditionique Christi subiugetur. Et dominabitur, inquit, à mari  
 45 vsq. ad mare, à flumine vsq. ad terminos orbis terrarum, &c. Hanc autem rem non tam hominibus ipsis, quàm hominū vitijs & sceleribus, horumq. Principi Diabolo, eiusq. ministris, per Euangelij verbum allato bello gerendam esse ijdem Vates cecinerunt. Dis-  
 fusa est gratia in labijs tuis, propterea benedixit te Deus in æternum. Specie tua & pul-  
 chritudine tua, ascende, prosperè procede & regna. Propter veritatem & mansuetudi-  
 50 nem, & iustitiam: & deducet te mirabiliter dextera tua. hæc adeo omnia quæ ad prosperū & faustū Christi in oēs gentes imperiū, terribili illo apud Hierosolymas completo  
 excessu, atq. expeditione perfecta, fundandum, & euangelica prædicatione in gentibus  
 propagandum, pertinebant: & prædicta antea fuisse, & quemadmodum prædicta fuerant, expedienda esse, vtriusq. testamenti grauissimis probatur testimonijs. Atque adeo  
 hanc eandē rem noster agit Vates, affirmatq. vtrūq. & Israëlitarū, & gentium populum  
 diuini

Gen. 2. 9.

Ephes. 1.

Iſa.

Sup. 1.

Iſai. 55.

Acto. 15.

diuini regni consortium inter se esse communicaturos. Dubbus autem illustribus nominibus Israël & Edom, omnium totius orbis hominum vniuersitas, in religionis & diuinorum beneficiorum rationibus significatur: namq. aut Israëliticum vnius Dei cultum, aut ad Idumæum apud quos alij colebantur dii, omnes orbis referuntur nationes. Hæc autem sententia ad hunc etiam locum accommodata, ex illo oraculo obseruata est. Dux gentes sunt in vtero tuo; & duo populi ex ventre tuo diuidentur, populusq. populum superabit, & maior seruiet minori. Ad alterutrum autem populum cæteræ omnes orbis nationes viuendi consuetudine, & morum atq. religionum opinionumq. similitudine referuntur. Sed tamen vt res clarior explicatioque esset; neque de Idumæorum reliquijs tantum agi videri posset, subiunxit Vates *Et omnes nationes: quæ Euangelio Christi credentes, spiritu promissionis sancto signati sunt, qui est pignus hereditatis eorum in redemptionem acquisitionis, in laudem gloriæ ipsius.* Libet autem verba ipsa ex Hebraici sermonis libra expendere, quorum ita explicatiorem atque apertiolem sententiam fore intelligimus. [ *Vt possideant cum reliquijs Edom, & omnibus gentibus super quas inuocatum est nomen meum.* Non Israëlitis modò, sed Idumæorum reliquias, & cum illis cæteras etiam orbis nationes diuino nomine & virtute Christi imperium obseruaturas, atque in eiusdem regni possessionem societatemq. cooptandas esse prædicit. Ita verò eam communem omnium felicitatem certam manifestamq. fore, vt vna eademque omnibus diuini nominis professio, appellatio, atque tantæ, dignitatis gratulatio sit, sicut scriptum est: Et vocabunt eos populus sanctus redemptos à Domino; & omnes qui viderint eos, quia isti sunt semini cui benedixit Dominus. Atque adeo hoc totum opus Deo acceptum referendū esse, nominis inuocatio significat: quòd partim ex offensionibus, partim verò ex antiquo odio in gratiam Dei recepti ultro fuerint. *Reliquias Edom.* Propterea dixit quòd Idumæis per hunc eundem Vatem ob quatuor illa insignia scelera magna quædam clades fuerat denuntiata: & mittam ignem in Theman, & deuorabit ædes Bosræ. Verum enim uero cum mirum videri alicui posset, qui causam ignoraret quâ ob rem gentibus inimicis sensu, vt Paulus ait, atque iam inde à principio repudiatis & spretis, tamen ad tantam gratiam ineundam aditus sit patefactus. quæ res multos ex Iudæis, quibus audita est, in magnâ admirationem traduxit, eam omnem rem ad voluntatem, virtutem, sapientiam, misericordiamq. suam reuocat Deus; atq. eadem oratione certam fore confirmat, quòd deliberato consilio, & constanti proposito, certa q. sententia, quanquâ hominibus ignota ratione decreta fuerit, neque enim diuina misericordia nostris rationibus & cogitationibus, sed suis tantum consilijs vt sese conspiciendâ præbeat: innititur. Hominum namq. vt cæteræ virtutes, sic etiam misericordia angustis quibusdam spatijs, & certis suorum consiliorum iisdemq. breuib. terminis definitur: diuinæ verò tum cæteræ rationes, tum maximè misericordia sua natura infinitæ, humana omnia consilia, cogitationes, atque omnem denique captum infinito superant interuallo. Deus, inquit, noster multus ad ignoscendum. Non enim cogitationes meæ, cogitationes vestræ, nec viæ vestræ, viæ meæ dicit Dominus. Quia sicut exaltantur celi a terra; sic exaltatæ sunt viæ meæ à vijs vestris; & cogitationes meæ à cogitationibus vestris. Eam igitur rem, hoc est, Israëlitarum qui reiecti abdicatiq. fuerant, restitutionem; gētium verò quæ spretæ, repudiatæ, & pro inimicis habebantur, admissionem & conculcationem non ad humanas aliquas cogitationes, sed ad suū consiliū, auctoritatēq. referendā esse docet Deus: cuius vt sapientissima, sic certissima & cōstantissima sentētia est. Ne verò cuiquâ huius vaticinijs euētus ex causarū & rationum ignorance incertus esse videretur, omnem ad dubitandum aditum auctoritatis & nominis sui appellatione & promissionis diuinæ interposita fide præcludit. *Dicit Dominus faciens hoc.* Auctoritatis, & certitudinis atque facultatis fidem prædictis & promissis rebus hæc oratio conciliat. Hanc verò certam & legitimam huius loci interpretationem, & singulorum verborum æstimationem esse, D. Iacobus in sacris historijs nos docuit; qui de recipiendis in gratiam gentibus, atque cum Israëlitarum populo in vnam Christianæ religionis societate & communionē coniungendis, eo tēpore quo iam geri incipiebat res, verba faciens; hanc vatis huius de eadē re ex antiquis vaticinijs recitauit sententiā. Simon, inquit, narrauit, quēadmodū primum Deus visitauit sumere ex gentibus populū nomini suo. Et huic cōcordant verba prophetarum, sicut scriptum est: Post hæc reuertar, & ædificabo tabernaculum Dauid quod decedit, & diruta eius reedificabo, & erigam illū, vt requirāt cæteri hominū Dominū, & omnes gētes, super quas inuocatum est nomen

nomen meum; dicit Dominus faciens hæc. Quam rem diuino consilio & virtuti adscribens, idem Iacobus subiungit: Notum à seculo est Domino opus suum. Atque adeo ob eandem rem maxima admiratione stupefactus Paulus, in ingētes diuinæ sapientiæ laudes prorupit. O altitudo diuitiarum sapientiæ & scientiæ Dei: quam incōprehensibilia sunt iudicia eius, & inuestigabiles viæ eius? Quis enim cognouit sensum Domini, aut quis consiliarius eius fuit; aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia: ipsi honor & gloria in secula seculorum, Amen. Summam autem tranquillitatem, summam felicitatem, piam atque æternam pacem, omnium verorum & spiritualium commodorum perpetuum quendam usum, humano generi in illam admirabilem gratiam recepto, hoc est populo Dei futura porro esse, eleganti carmine atq. maximè vbertatis descriptione Vates præcinit. quod aurea illa Christi ætas, Spiritu sancto in suos effuso, suauissimos atq. vberimos & tempestiuos omnium virtutum fructus semper esset redditura. hoc autem de hac re arcanum & faustum est oraculum:

Iacob.

Rom. 11.

15 *Ecce dies veniunt dicit Dominus, & cōprehendet arator messorē, & calcator vineam mittentem semen: & stillabunt montes dulcedinem, & omnes colles culti erunt.* Dies post illam diem.

COMMVNIS & publica lætitia atque felicitas nulla alia exterarum, & in medio positarum rerum imagine, commodius quam felicitis multiplicisquæ annonæ descriptione exprimitur. Hoc enim hominum animos famis metu, & magna solitudine liberans, ad otium, ad festos agendos dies, ad conuiuia, ad hilaritatem, atque ad alia iucundæ & mortalibus expetitæ vitæ oblectamenta maximas commoditates creat: vnde non nostris modò, sed exteris etiam auctoribus hæc summæ & publicæ felicitatis describendæ forma sæpius expressa est; vt illud: *Tutus bos etenim rura perambulat,* Horat. lib. 4. Od. 5. *Nurit rura Ceres, almaquæ Fauſſitas. &c.* Et apud Vates: Lætābuntur & exultābunt coram te, sicut qui latantur in messe multa. Huiusmodi plena atque abundans felicitas, antiquæ legis & pietatis assiduus & certis cultoribus promissa est: Si in præceptis meis ambulaueritis, & mandata mea custodieritis, & feceritis ea, dabo vobis pluuias temporibus suis, & terra gignet germen suum, & pomis arbores replebuntur. Apprehendet messum tritura vindemiam; & vindemia occupabit sementē, & comedetis panem vestrum in saturitate, & absq. pauore habitabitis in terra vestra, dabo pacem in finibus vestris. Hæc antiquis prioris testamenti hominibus & promissa, & tam diu præstita fuere, quādiu lex illa, quæ in tabulis lapideis incisa fuerat (quatenus ab illius ætatis hominibus præstari poterat) purè, sanctèque culta est. nobiscum verò longè aliter actum est; quicunq. aureæ huius ætatis usum sortiti fuerimus (modò nostra culpa tātò beneficio, tātæq. dignitatis honore indigni non reddamur.) Non enim ad terrenā aliquam felicitatē, vt ad certum & maximum optandumq. virtutis præmium, sed ad diuinā planè beatitudinē, ad cælestis regni consortium, ad æternos spiritualis vitæ percipiendos fructus inuitati, vocatiq. sumus: cuius maximi & diuini beneficii non modica parte, etiam viuētibz & sentientibus ante extremū vitæ huius mortalis diē pluribus pientissimis hominibus frui ex diuino beneficio contigit, sicut scriptū est: Quomodo omnia nobis diuinæ virtutis suæ, quæ ad vitam & pietatem pertinent, donata sunt per cognitionem eius qui vocauit nos propria gloria, & virtute: per quem maxima & pretiosa nobis promissa donauit, vt per hoc efficiamur diuinæ consortes naturæ, &c. id quod nunquam prioris testamenti etiam pientissimis cultoribus contigit, quibus terrenarum, non autem cælestium rerum in hac vita fuerat vsus promissus, idemq. præstitus fuit. Sancti enim per fidem vicerunt regna; adepti sunt repromissiones, terrenas videlicet: cælestes verò promissiones illis diu expectatæ nostræ verò ætatis cultoribus vndecima diei hora ad vineæ cultum vocatis, præstitæ sunt: adeo vt matura alterorum felicitas alteris magnitudine sua admirationē atque inuidiam mouere potuerit. Sed huius rei absoluta & plena tractatio alterius sanè loci, hoc est noui testamenti librorum, propria est, ad quem locum nos Christianum lectorē inuitamus vt communibus conceptis votis Deum propitiū habentes sacrosancta huius tractationis mysteria si non pro rei dignitate, tamē pro nostra tenuitate venerari primū, deinde aperire indicareq. possimus. Interim verò cū hæc in promissionibus obscuris & allegoricis imaginibus descripta sunt, imaginis tantū ipsius partes, lineas & colores, atq. vmbra notare, & breuiter sequi cōtenti, significationē ipsam, quæ semper maior quā oratio

- est, perstringentes obseruabimus. Igitur humanæ naturæ terra ob primorum parentum culpam à sua illa prima & opima fertilitate, quam ex diuino beneficio sortita fuerat, ad horridā quandam, sordidā & miserrimam sterilitatē degenerauit, sicut scriptū est:
- Gen. 3. Maledicta terra in opere tuo, in laboribus comedes ex ea cunctis diebus vitæ tuæ. Spinæ & tribulos germinabit tibi, & comedes herbas terræ: in sudore vultus tui vesceris pane tuo, donec &c. Hoc adeo horroris & sterilitatis vitio humana natura vsq. laborauit, dum
- Philipp. 2. Christi opera & efficiētia sanata, restituta, & ad diuinæ felicitatis atq. ad maximorum & suauissimorum fructuū ferendorū facultatem immutata est, sicut scriptū est: Deus est qui operatur in vobis, & velle, & perficere pro bona voluntate: & nō quod sufficiētes simus cogitare aliquid ex nobis, tanquam ex nobis; sed sufficientia nostra ex Deo est. Hæc diuini Pauli testimonia ad hanc, de qua nobis sermo est, rem propriē & commodissimē pertinent, vt suis in locis Deo duce ostēdemus. Atq. ideo huiusmodi diuinam omnibus votis expetendam humanæ terræ permutationem facer Vates incredibili lætitia gestiens elegantissimē canebat: Benedixisti Domine terram tuam, auertisti captiuitatem Iacob. Mitigasti omnem iram tuam: auertisti ab ira indignationis tuæ. Totus Psalmus huius argumenti est; in quo tandem subiungitur: Etenim Dominus dabit benignitatem, & terra nostra dabit fructum suū. Iustitia ante eum ambulabit, & ponet in via gressus suos: Quam verò perpetua, quā plena atque abundans, quā varia & eximia hæc spiritualium fructuum ferendorum copia & felicitas futura sit, quā omnium generum & conditionum hominibus communis, eius elegātī susceptæ imaginis & translationis amplificatio- ne declaratur. [ *Et comprehendet arator messorem.* ] Exiguo labore & cultu, nullo sudore, maximorum spiritualium fructuum & perpetuorum copia effundendam esse docet. ita vt nō vno tantum mense metendum sit, sed ad ipsum arationis tempus frugum collectio perceptioque pertineat; vini verò tāta copia sit, vt vindemia sementem ipsam attingat, ita totum tempus in percipiendis & conseruandis fructibus ponetur. nimirum quibus perpetua atque assidua diuinæ legis in corde scriptæ meditatio, cogitatio atque exercitatio est: nam si in lapidibus incisæ legis assiduum studium, tamen fœcunditatem & facultatem ad copiosissimos & suauissimos ferendos fructus parat: quid ex eius legis felicitate spectare oportuit, quæ non in tabulis lapideis, sed in tabulis cordis carneis diuini spiritus efficientia inscripta est? nonne fructum suum dabit in tempore suo; & folium eius non defluet, & omnia quæcunque faciet prosperabuntur? Nullum porro hominum genus, nullam conditionem fore, cui non hæc ferendorum fructuum & spiritualium commodorum facultas diuino beneficio contingat, hoc hemistichium confirmat: [ *Et humilabunt montes dulcedinem, & omnes colles culti erunt.* ] Ita vt neque in summorum hominum. neque in infimorum ordinibus hæc maximarum & diuinarum virtutum facultas, hæc operum faciendorum & officiorum ratio desideretur; sed in omnibus his multa propter diuini spiritus fœcunditatem gigni opera possint: quæ non (vt à quibusdam falsò dicitur) ingrata & inuidiosa: sed gratissima & probatissima Deo ipsi sint. Terra enim sepe uenientem super se bibens imbrem, & germinans herbam oportunā illis, à quibus colitur, accipit benedictionem à Deo. Non enim iniustus est Deus, vt obliuiscatur operis vestri & dilectionis, quam ostendistis in nomine ipsius: qui ministrastis sanctis, & ministratis. Montes & colles, principes & potentes homines arcana translatione significare, in libro de arcano sermone docebimus: cuius rei multa exempla sunt; atque ex ijs vnum illud: Triturabis montes & comminues, & colles quasi puluerem pones. Quod id hominum genus fortunæ flatu tumens; superbumque præ cæteris esse soleat; cui ad diuinæ felicitatis vsum & oportunitatem conformando Ioannes Baptista, modestiæ & poenitentia culturam indicebat. Omnis vallis implebitur, & omnis mons & collis humiliabitur. &c. Ex huiusmodi verò antea superbis & insolentioribus animis omnis virtutis, humanitatis & modestiæ, suauitatisq. vsum expectandum esse Vates præcinit. nihilque in moribus difficile ac durum, sed omnia facillima ac mitissima esse experiunda. Hoc etiam tropo maximam felicitis cuiusdam seculi modestiam & æquabilitatem sibi antiqui auctores grauissimi promittebant:

Virg. Eclog. 4

*Molli paulatim flauescet campus arista,  
Incultisque rubens pendebit sentibus vna,  
Et dura quercus sudabunt roscida mella.*

Totius



Totius verò orbis, & omnium gentium & ordinum, voluntatum, studiorum & sententiarum summam de Christianæ religionis causa consensionem prædicturus Vates; & quo ordine hæc res paranda, adornanda, gerenda, denique perficienda fuerit indicaturus; Dauidicum primum tabernaculum repositum: deinde salutem & felicitatem toti orbi omnibus locis, tum vallibus, tum montibus & collibus communicatum iri, atque tandem Israëlitis omnibus aditum ad gratiam esse aperiendum: eamque certam & perpetuam felicitatem illis fore significat.

10 *Et conuertam captiuitatem populi mei Israël: & edificabunt vrbes desertas, & inhabitabunt, & plantabunt vineas, & bibent vinum earum: & facient hortos, & comedent fructus eorum.*

ISRAELITIS nunc toto orbe dispersis & vagantibus nulla certa, & fixa, aut propria sedes, nullum quietum & tranquillum vitæ genus est. quamobrem nulli proprii agri, aut vineæ, aut horti; & quibusdam vix parux & humiles domus sunt. Illi namque 15 propter aliorum hominum, apud quos degunt, odia, & inuidiam, in metu semper atque suspitione, & noui exilij atque migrationis expectatione sunt. Si quid autem ijs aut negotij, aut artis, aut rei est, totum in nummis & vendibili supellectile ponitur, vt ad oblatam migrationem quam expeditissimi esse possint. His verò vbi ad publicæ salutis & diuinæ gratiæ communionem admissi fuerint, stabilem, perpetuum, & certum atque 20 tutum vitæ genus & vsum fore Deus pollicetur; eaque res aptissimis ostenditur argumentis. Summæ namque pacis, securitatis, tranquillitatisque, in vrbibus & regionibus nullum maius atque efficacius argumentum, quam agriculturæ exercitatio vsumque est, sicut scriptum est. Hæc dicit Rex Assyriorum; facite mecum benedictionem, & egredi- 25 mini ad me, & comedite vnusquisque vineam suam, vnusquisque ficum suam, & bibite vnusquisque aquam cisternæ suæ. Apud externos etiam auctores agriculturæ vsum securitatem significat. sic M. Attilius apud Horatium:

*Portasque non clausas, & arua  
Marte coli populata nostro.*

Horat. lib. 3.  
Od. 5.

Quamobrem in antiquis numis-

30 tibus Securitas altera manu aratrum, altera cornucopiæ tenens pingebatur. Magnæ ergo securitatis est, vineas, hortosque plantare, maioris, fructuum percipiendorum spem facere: maximæ verò, perpetuam atque certissimam pacem fore promittere, fixasque sedes, & omni metu atque solitudine vacuum vitam in summo & honestissimo otio polliceri.

35 *Et plantabo eos super humum suam, & non euellam eos ultra de terra sua quam dedi eis.*

NAMQUE noui testamenti promissa hæreditas, æterna atque perpetua ijs, quibus diuino beneficio contigerit, est. neque enim facile de eo statu conuelli possunt, quem 40 spiritus sancti in eos immissi opera & efficientia tenuerint. Quis enim nos separabit à charitate Christi, quæ diffusa est in cordibus nostris per Spiritum sanctum qui datus est nobis; vnus ex felicitatis huiusmodi consortibus aiebat. namque illos in hæreditatem incorruptibilem, incontaminatam & immarcessibilem huiusmodi vocatos esse Petrus 45 affirmat. [Et Plantabo eos super humum suam.] Requiem quandam diuinam hominibus à Deo promissam esse accepimus, qua, qui ex diuino beneficio fruuntur, maximis laboribus, maximis animi & corporis sollicitudinibus liberantur; & perpetuò illo timore, quem peccatorum conscientia facere solet, atque duræ illius animorum seruitutis vinculis leuantur. Ad hanc adeò libertatem, ad hanc requiem, ex magnis peccati occupationibus quærendam; tum à Deo ipso in Psalmis, tum à fidelissimo & sapientissimo antiquo- 50 rum mysteriorum interprete Paulo inuitamur. hæc namque requies antiquis patribus exoptata, nostra felicissima ætate, hoc est seculorum fine, per Christum parata & quærentibus proposita est. neque enim hæc de qua loquimur, requies antiquis hominibus vnquā cōtigit, quā tātopere nobis Apostolus cōmendat, atque omni conatu, & studio omni quærere suadet. Nam si eis Iesus requiē præstitisset, nunquā de alia loqueretur post hac die. 11 Heb. 4.

Itaque relinquitur Sabbathismus populo Dei : Qui enim ingressus est in requiem eius, etiam ipse requieuit ab operibus suis, sicut & à suis Deus. Festinemus ergo ingredi in illi requiem: & cætera, quæ de hac re plurima ab Apostolo in illo tractantur loco. Quam rem vates noster hic oratione significauit: atque adeo Apostrophe & diuini nominis appellatione vsus, suum opus absoluit; vt cùm maxima auctoritate huius tantæ felicitatis spem, illis non solum faceret, sed abundè etiam confirmaret.

*Dicit Dominus Deus tuus.*

Exod. 6.

Alterum nomen *Dominus* tetragrammaton illud est, quod in magnæ misericordiæ; alterum verò *Deus*, quod in prouidentia rationibus appellatur. Cùm enim Deus Israëlitas ex Ægyptiaca seruitute educere, atque in promissam patribus eorum requiem deducere parauit; insigne hoc nomen protulit; cuius virtutem & efficiētiam antiquis illis patribus non satis perspectam, nunc demum perspicere incœptum iri confirmauit. Ego, inquit, Dominus qui apparui Abraham, Isaac & Iacob in Deo omnipotente, & nomen meum *ADONAI* non indicaui eis. Pepigiq. fœdus cum eis, vt darem eis terram Canaan, terrā peregrinationis eorum; in qua fuerunt aduenæ, &c. Idem autem hoc nomen quod de vera requie præstanda sermo esset, nunc à Vate vsurpatur. Namque Deo misericordi & benigno mira promissorum fides & constantia est. Eos autem apud quos res agitur, conuerso sermone compellat, quod ad fidem, spemque faciendam, ad recreandos, expectatione & consolatione sustentandos animos idoneus hic eloquendi modus est. [*Dicit dominus Deus tuus,*] cuius certa cum cætera promissa omnia, tunc præcipuè quæ de misericordiæ magnæ rationibus sunt, certissima semper expertus es. Quemadmodum autem hic vates dicendi initium ab vltimis ferè Ioëlis verbis fecit. Dominus de Sion rugiet, & de Hierusalem dabit vocem suam. Sic etiam totius orationis suæ comprehensione, iisdem promissionibus, iisdem sententijs, iisdem penè verbis & numeris clausit. Ille enim dixerat: Et erit in die illa, & stillabunt montes dulcedinem, & colles fluent lacte. hic verò Ecce, inquit, dies veniunt, &c. & stillabunt montes dulcedinem, & omnes colles culti erunt. Ille huiusmodi ad finem clausula vsus est: Et Iudæa in æternum habitabitur, & Hierusalem in generatione & generationem. Hic in simillima sententia, non dissimili est vsus periodo: & non euellam eos vltra de terrâ suâ quam dedi eis. Quamobrem meritò secundum post Ioel locum, & tempore & librorum ordine, tenet Amos.

Isa. 3.

CARMEN

## CARMEN EX VOTO.

CONSVETIS iuuat & modis,  
 Et mixto fidibus carmine reddere  
 Votiuum superis sacrum:  
 Quale & Iessiada barbytos aurea  
 Bethlehemi sonuit iugis,  
 Permiscens numeris pectora dulcibus,  
 Placans & patrium Deum,  
 Atque in vota magis vocibus aduocans,  
 Quàm si quotquot eunt dies,  
 Cultros aut vituli sanguine bimuli,  
 Aut centum imbueret capris,  
 Aris multa ferens thura calentibus.  
 Nam me per nemus auium  
 (Quà non ire leuis cura, metus, neque  
 Spes vana aut humiles queant)  
 Arreptum fatcor, menteq; in athera,  
 Humana immemorem vicis,  
 Deductum, sacra tum consilia & Dei  
 Arcanum generi pio  
 Mirandum memori pectore discere:  
 Quò gentem doceam meam  
 Quæ magnis fuerant prodita vatibus,  
 Vt nullum aut hominum genus  
 Diuinos oculos, nec, latet impium,  
 Quicquid concipitur, nefas,  
 Fras ut valeat fallere vindices,  
 Aut latè validam manum  
 Quæ mōtes premit, & quæ mare cōcutit:  
 Namq; id fortius incitat,  
 Et lentum grauius sollicitat gradum  
 Pœnæ præcipitis scelus,  
 Quod quis vel dubio composuit dolo,  
 Vel damno nocuus graui,  
 Vel si fraude mala fratribus inuidet.  
 O quisquis volet arduis  
 Occurrisse malis, tollere & ur bibus  
 Instantes & agris minas,  
 Seuera ut manibus ludicis auferat  
 Et fatalia fulmina,

Luxum

*Stultior effigies timeret.*

*Vocatus almae lucis ad aureos  
Cognovit usus ac sapientia  
Sacrariis primis receptus  
Emicuit pius atq; doctus.*

*Regum deinde obscura negotia, &  
Aularepellens vincula principis:  
Qua nectit ardens aut cupido, aut  
Ambitio male sana iungit.*

*Iam mente celsum transuolat & polum, &  
Ignota rerum peruidet abditis  
Admissus arcanis, tenetq;  
Secula temporibus remota.*

*Sermone doctus dicere grandia  
Angusto, apertis vocibus explicat  
Causas, & euentus malorum, ac  
Fata suis populis tremenda.*

*Et quantus instet manibus ac viris  
Horror, negato & subsidio labor,  
Ut semper infestos tyrannos  
Prociptes mancant ruina.*

*Non tantus altis montibus it fragor  
Findente nubes fulmine turbidas  
Ardens nec ignis tot fauillas,  
Dum segetem populatur, edit.*

*Quantum impiarum crimina mentium  
Momenta rerum plurima conterunt  
Molesq; calo minitantes  
Concutit inuidiae procella.*

*Liur beatis insidias parat  
Rebus, quietos nec patitur dies,  
Fratrem petitum dolis una &  
Artificem ruit ille suum.*

*Testis Cainus perfidus impio  
Ausu & nefandi progenies Nodi  
Cum poena tellus intabescit  
Temporibus, viduata iustis.*

*Sed quid furenti barbite concitus  
Culpas nocentum perueheris pede?  
Quocumq; prae ducit serenus  
Spiritus, hinc potius sequamur.*



*Luxum & femineam fortiter & citò  
Refrenet petulantiam,*

*Exstincta & studeat reliquias brevis  
Conseruare modestia,*

*Exuratq; mali semina publici.*

*Nequicquam querimur grauem*

*Magnas inter opes pauperiem pati.*

*Frustra tempora seculi*

*Culpantur, pretijs omnia maximis*

*Angusta nimium rei*

*Obstare: hac proprijs insita moribus*

*Aucta usu nimis improbo*

*Euellenda prius, si volumus novos*

*Et vite faciles dies*

*Duxisse, ac placidis viuere commodis.*

*Nam summus pater omnium*

*Maiora indomitis & cupidis parat*

*Pœna pondera gentibus,*

*Postquam veridicis vocibus excita*

*Rectas ire negant vias,*

*Et turpis studiij insistere callibus,*

*Spreti numine, gestiunt:*

*Dum per fasq; nefas femineos parant*

*(Nec moris pudet absoni)*

*Luxus, molliem, atque imperium pati.*

*Heu heu quantus adest viro*

*Vxoriq; dolor, vincula, carceres*

*Ferre, & seruitium graue,*

*Insuetumq; humeris pondus inertibus!*

*Hinc pestis misera, & fames,*

*Hostilisq; manus, ensis & igneus*

*Instans mœnibus impetus,*

*Et quidquid patimur vindice numine:*

*Sed tu desine mollibus*

*Humanum scelus & facta nocentium,*

*O mens carminibus sequi.*

*Quin sacri potius munera spiritus*

*Æternumq; Dei decus,*

*Atque optanda viris prœmia fortibus*

*Pergis dulcisono dicere carmine?*

*O mundi*

*O mundi decus & maxima calitum*  
*Sanctorumq; beata spes,*  
*Æterniq; etiam consilij potens,*  
*Et qui cuncta foves amor,*  
*Terras qui recreas, qui mare temperas,*  
*Qui motum fluvijis iugem,*  
*Qui vitam liquidis fontibus efficis:*  
*Afflictis hominum potes*  
*Tu rebus requiem reddere, & efferos*  
*Mores vertere mitibus.*  
*Tegens cara tibi iam meritis patrum*  
*Iacobi genus optimi:*  
*(Sed nunc ob scelus & dura rebellium*  
*Olim crimina mentium,*  
*Diris acta modis sordida, & omnibus*  
*Iam dudum excita casibus)*  
*Expertura bonum denique & infimis*  
*Promentem è tenebris ducem*  
*Numen perpetuis carminibus tuum*  
*Cantabit pede libero,*  
*Euasq; iugi & servitij memor.*  
*Ergo & me bonus ac potens*  
*Nunc iam casta precor per tua sacra fer,*  
*Plenum numinis ac tui*  
*Nil mortale sinas aut sapere aut loqui,*  
*Sed vel qualia Thecois*  
*Quondã saltibus, aut montibus Ephrata*  
*Pastorumq; animos rudes,*  
*Indoctumq; virum pectus agrestium,*  
*Et spectanda bonus dabas,*  
*Et dicenda novis credita sensibus,*  
*Per brutas quoque belluas,*  
*Certum consilium (cùm placet) exprimis.*

FINIS.



BENEDICTI ARIÆ MONTANI HIS-  
PALENSIS IN ABDIAM  
PROPHETAM PRÆFATIO,

DE INVIDIA.

**I**NTER omnes, quibus humanæ mentes ad maxima & grauissima  
suscipienda scelera impelluntur, perturbationes, acerrimum & no-  
centissimum, atque maximè pestiferum motum inuidiam esse, non  
modo antiquis atque nouis grauissimorum & sanctissimorum au-  
ctorum testimonijs, sed innumeris & continuis fere exemplis com-  
pertum exploratumque est: atque adeo hoc vnum ex nocentissimis  
Sathanae inuentis fuisse, idque non postremum, non incertum, sed post primum illud ad  
humanæ naturæ edendam ruinam callidè excogitatū consilium, ad homines etiam ipsos  
vniuersumque eorum genus turbandum & perdendum, ceterorum omnium longè  
certissimum, atque primò etiam post corruptam hominum naturam, & flagitiosissimo  
periculo factò cognitum. cuius periculi horribilem narrationem primæ illi communis  
omnium malis causæ subiectam atque annexam, diuinæ nobis exponunt historie. nam  
cum antiquus ille coluber ingenti & diuinæ gloriæ, & humanæ dignitatis inuidia ex-  
astuaret, & vtriusque impediendæ rei gloriationem sibi arrogare studeret, principio  
diuinas res & rationes in inuidiam apud homines adducere tentauit: scit enim, inquit,  
Deus quod in quocunque die comederitis, aperientur oculi vestri, & eritis similes  
Dijs. Atque hoc modo prima illa & communis totius humanæ rei pernicijs & labes  
facta est: Deinde verò vbi iam homines Deo inuisos reddidisset, atque à fonte vitæ  
& luminis abalienasset, vt non solum diuino, sed humano ac mutuo inter se odio fun-  
ditus perderet, conceptum in ipsis inuidiæ semen ad immanissimum quàm maturrimè  
ferendum fructum maximo studio maximaque adhibita opera fouit, excoluit & pro-  
mouit, eiusque perniciosissimi inter homines mali nefarium exemplum fraterno illo  
Caini parricidio editum est: ita cum suo ille periculo, suoque malo, quantum hoc inui-  
diæ vitium scelerum & flagitiorum concipere admittereque posset, intellexisset, ho-  
mines quorum felicitati semper insidiatur, in eandem malitiam & fraudem impulit,  
nullo enim modo is, quos vehementer oderat, nocentius atque certius ad interitum  
vulnus, quàm id quo ipse perisset, infligi posse putauit. Neque verò conceptam opinio-  
nem euentus fefellit, nam primum post homines natos fratrum par hoc periculo impli-  
cans, atque alterum ex illis in alterius necem impellens, toti orbi exitium, & generi  
hominum cladem parabat certissimam: cum quòd omnem sanctæ sobolis spem vno Abel  
extincto peruertisset, tum quòd Caini posteritatem omnem, ex paterna imitatione &  
exemplo, inuidientia, obtreptione, contentioneq. mutua perniciem sibi ipsi molituram  
fore facilis esset diuination. Id quod exitus ipse manifestè demonstrauit, cum non modo  
impij Cain genus vniuersum, sed omnis etiam Seth sancta olim progenies, præter vnā  
Noë familiam, mutuis dissidijs, obtreptionibus, & omnibus iniuriarum generibus,  
quas parere inuidia solet, flagrantem extremum sibi diuinæ ultionis exitium moliti sunt, Genes. 6.  
sicut scriptum est: Corrupta est autem terra coram Deo & impleta est hamas. Cumque  
vidisset Deus terram esse corruptam, omnis quippe caro corruperat viam suam super  
terram, dixit Dominus ad Noë: Finis vniuersæ carnis venit coram me, repleta est terra  
hamas à facie eorum, & ego disperdam eos cum terra. Illud autem primum fraternæ  
charitatis violatæ nefarium exemplum certissimo argumento fuerat, nullum aut fore  
societatis fœdus aut necessitatis vinculum, nullam naturæ, studiorum, voluntatum  
atque



atq. benivolentiae coniunctionem, nullum deniq. adeo sanctum fœdus aut officium primi hominis generi & posteritati esse, quod terrarum orbem ab huius furiae insidijs tutum aut publicè, aut privatè præstare posset. Id verò malum eo ad nocendum promptius, & ad cauendum esse difficilius, quòd non grauib. momentis, non offensis ullis neque iniurijs, sed leuissimis in eo, cui inuidia suscipitur, causis & occasionibus, imò & maximis interdum virtutibus, ac denique innocentia, ad summam inuidiam nonnullorum animi incenditur. Quidam enim sunt quibus ob nullam ipsorum culpam, ob nullum vitium, sed ob singularem & eximiam quandam virtutem inuidetur, vt Abel iusto in sacris libris appellato, & vitæ & morum simplicitas, & probata Deo sanctitas inuidiam apud impium & sceleratissimum fratrem fecit. Sunt etiam quorum non tam virtus, quàm virtutem consequens gloria & debita laus, inuidia & obtreptione impediatur, vt Dauid, quem non officijs modò omnibus sed maximis etiam beneficijs affectus socer, tamen summo odio atque inuidia ob gloriæ emulationem prosequutus est: Alij præterea sunt quibus neque ob propriam culpam, virtutem aut gloriam, neque ob quæsitam aut partam, sed tantum diuinitus oblatam felicitatem, malevolentia & liore suffusus aduersarius quispiam æmuletur. cuiusmodi Israëlitarum & Idumæorum causa fuit: namque Idumæi Esau genus, quos propria sorte, & oblati abundè à Deo vitæ commodis, atque dignitate contentos essa oportuit, neque alienis, quæ sine sui iniuria aut damno contigissent, fortunis inuidere æquum fuit, tamen contra Israëlitas, quibus cum generis necessitudine coniunctissimi erant, propter dignitatem & felicitatem, atque diuino beneficio, non humano negotio comparatas res, diuturno odio, contento studio, grauissimas inimicitias nunc occultè, nunc verò apertè exercuerunt, sicut scriptum est: Super tribus sceleribus Edom, & super quartum non conuertam eum, eo quòd persequutus est in gladio fratrem suum, & violauerit misericordias eius, & tenuerit ultra furorem suum, & indignationem suam vsque in finem seruauerit: Id verò inuidiæ venenum ab illis primis principijs in hominum animos infusum ad omnes orbis partes vsque adeo permanuit, vt non singuli modo priuatim homines, sed integræ sæpe familia, frequentes interdum ciuitates, totæ etiam per sæpe nationes, & plenissima regna, huius pestilentiae eluione atque vi vastata sunt editas perierint.

Amos I.

Neque verò hoc scelus eorum ipsorum tantum, à quibus primum suscipitur, proprium est, neque cum primis illis contentiois & inuidiæ possessoribus extinguitur, sed aut domestico exemplo & deprauata disciplina, aut male & longæ consuetudinis causa, aut corruptarum communicatione opinionum, ad omnem posteritatem, tanquam hereditarius quidam morbus, atque ad societatem omnem tanquam contagiosus & labes, quæ neque diuturnitate euanescere, neque ullis artibus elui possit plerumque pertinet: ex quo malorum fonte antiquissima & latè permanentes diuersarum nationum, religionum, sectarum & studiorum, atque opinionum contentiones, simultates, emulationes, dissidia fluunt: dum ab alijs hominibus aliorum dignitati & fortunis, vel potentiæ & opibus, vel generis splendori, vel virtuti etiam & sapientiæ, vel honestis artibus aut industriæ, vel alijs rebus, quæ natura sua aut laude dignissimæ, aut saltem inuidia indignissimæ sunt, per summum nefas inuidetur. Ita (si recto iudicio res expendatur) comperiemus nos nulla alia causa, nisi quòd eum errorem aut à vulgi opinione, aut à parentibus, aut ab alijs quibus cum vixerimus temere accepimus, aut simul cum lacte matris suximus, in perpetuo animorum tumultu & perturbatione, atque adeo in manifesto scelere, & flagitio-

flagitiosissimo studio imprudenter fortasse viuere : imprudenter , inquam , quoniam huiusmodi animorum contentiones , atque opinionum dissensiones , non ad inuidiam , quæ unica & certissima causa est , sed ad alias commentitias futilesque sententias , atque ad fictas plerumque rationes reuocari solent . ex quo fit , vt quo magis hoc malum visceribus inhaeret , quo antiquius & inueteratum magis est , eo minus sentiatur & timeatur , aut etiam bona habitudinis & sanitatis nominibus dissimuletur , vel potius foveatur . proptereaque non facile modo , sed libentissimè etiam quibusdam ferendum esse videatur .

Quod si diuersarum atque adeo alienarum sectarum homines tantum detestabilis hæc pestis teneret , eosque solum occuparet , qui longissimo interuallo à veritate atque à nobis discedunt , minus id timendum esset & dolendum . Sed heu pudor & dolor , vix cogitari , nedum dici sine multis lachrymis potest , quàm multi ex Israëlitis olim apud quos religionis veritas erat , quàm plurimi ex Christianis nunc , in quos omnium seculorum fines deuenerunt , inter quos æternum sibi domicilium diuina veritas collocauit , crudeli hoc atque pestifero concepto vitio omnes cum officij atque humanitatis , tum etiam pietatis rationes , cum maxima sui ipsorum atque aliorum pernicie turbauerint , & quo minus veri illi & expectatissimi virtutis & pietatis fructus percipi commodè possint , impediuerint . Neque enim vlla quantumuis præclara vel humanitatis vel pietatis officia sine charitate ( quæ latenti inuidiæ veneno aut vehementer cor-  
rumpitur aut omnino extinguitur ) vtilia ijs qui fecerint ex Diui Pauli sententia esse possunt . Inuidiæ autem unico malo multorum maximorumque bonorum vsum atque decus demi Ioannes Apostolus cum primis confirmat : Qui odit , inquit , fratrem suum in tenebris est & in tenebris ambulat , & nescit quo eat , quia tenebræ obcacauerunt oculos eius .

Verum enimvero hæc cõmunis societatis labe atque eluies Christianæ ecclesiæ rebus iam olim integerrimis , si vnquam aliàs , nunc maximè nostra tempestate illata , tot tantaque dissidia , tot à vera atque antiqua pietate alienissimas , multorum publicè atque priuatè malorum effectrices opiniones inseruit , vt ab occidentalibus Christianis ijs , qui Græciam Asiàmque incolunt , vehementer , quasi natura & genere , atque religione disiuncti sint , ita animo ac voluntate dissideant . Atq. occidentales ipsi in magna varietate ac dissensione sint constituti . nam qui septentrioni subiectiora loca tenent , à Romana ecclesiæ totius orbis principis instituto & obsequio , idque non propter veritatis defendendæ studium , sed propter splendoris & dignitatis obtrectationem , atq. viuendi libertatem ac licentiam desciscunt . Ac ne vlla pars hac culpa vacaret , sedulo cõmunis ille hostis curauit & effecit , vt inter eos etiam , quibus eadem societatis & institutorum communio est , nullus locus sit , qui non vel ex opinionum varietate , aut superba & inani generum & familiarum iactatione , aut alijs ex leuissimis causis odio & dissidijs , atque inuidiæ incendijs conflaret : ita vt vera & sanctissima , simplicissimaque pax , quæ communis ac propria Christianorum omnium esse debuit , & publicè desideretur , & priuatim rara admodum inueniatur . Quotus enim quisque eo animi candore est , qui cum sibi ipsi nihil altum sapiat , nihil in hoc mundo appetat sublime , caterorum omnium secundis rebus letetur , aduersis doleat , atque omnia denique vitæ huius comoda non sui , sed aliorum causa cupiat ? namque solum candidi & nihil sibi appetentes animi ab hoc retro inuidiæ & lioris vitio alieni sunt , sicut scriptum est : Vnde  
bella & lites in vobis ? nonne ex concupiscentijs vestris , quæ militant in membris vestris . Huius autem perniciosissimi mali , quod meritò malorum omnium fontem sanctissimus atque sapientissimus vir Cyprianus appellauit , huius pestis & publici incendiij  
Cyp. pag. 341

causa ex professo agenda, atque Dei iudicis nomine iudicata & damnata, pronuntianda divini consilii auctoritate, & spiritus facultate ad Abdiam prophetam delata est: quam nos, eodem spiritu suppeditante ingenium, pro contentæ rei & historiarum narratione, explicabimus, & ad communem & perpetuam nostrorum hominum (quorum causa scriptum vaticinium ad hæc usque tempora perduravit) utilitatem exemplumque exponemus. Sed antequam opus ipsum aggredimur, idem spiritus de more adendum adorandusque nobis est.

*Patris amor natiq; Deus, pacemq; per orbem  
Qui fundis placidam Spiritus alme veni.  
Spiritus alme veni, nostraq; illabere menti,  
Atque imis bonus o sensibus insideas.  
Ut vacuum invidiaque omni cæcoque tumultu  
Fre sinas Vatem per tua sacra tuum.*

### ARGUMENTVM VATICINII.

**V**NIVERSVM gentilitatis nomen, omniaque nominis illius momenta, ita, ut neque vestigium quidem ullum appareat, per orbis servatorem Christum funditus esse diruenda præcinit Abdias. Imprimis autem ostendit, quemadmodum exiguis initijs ortus populus ille ad innumeram creverit multitudinem, atque omnem ferè orbem tum gente genereque, tum moribus atque institutis suis occupaverit, & summa rerum fuerit potitus. Qui quanquam multis antehac modis fuerit afflictus, nunquam tamen perditus adeo est, ut non multa magnaque & nominis & studiorum suorum monumenta & retinere & propagare contenderit, idque fuerit usque assequutus, quoad sacrosancto Evangelio omni tandem orbi publice annuntiato & Israëlitarum sua & dissipata reliquia rursus collecta ad salutem restituantur, & vnus Christo populus, vnum Deo & patri suo regnum ex omnibus nationibus comparetur, vna omnium generum atque ordinum coniunctio & conspiratio in Christiana suscipienda religione, ea denique incundissima vitæ atque officiorum omnium coëat societas, quò tempore quicunque piensissimo Dei populo inimici insensique fuerint, impietatis & scelerum pœnas daturi sunt; & omnes tandem quotque ex Idumæorum gente fuerint reliqui, veræ Christi Iesu religioni, cui antea repugnauerant, submissis fascibus cessuri concessuri que sunt. Pia autem quedam atque æterna pax, & tanta animorum quies eius felicitis temporis homines secutura est.



ISIO Abdie. Hæc dicit Dominus ad Edom. Auditum audiui à Domino, & legatum ad gentes misit.

**V**ISIO Abdie. Totius operis inscriptio & propositio hæc est, quæ auctoritatem primum dicendis rebus, deinde fidem conciliat: cū neq. obscuro nomine neq. incerto auctore vaticinium sit editum. neq. enim quispiā est qui inter vates nomen profiteatur suum, idq. æternis memoriæ monumentis consecratū rectè velit, nisi quod iecerit prius fundamentū certa fide, & suscepti muneris auctoritate niti posse intellexerit, seuerū alioqui sibi ipsi Dei iudicium conflaturus, insignemq. mortuo etiā notā ad ignominia semperiternā inustus. Atq. de appellandi nominis causa hæc nunc breuiter dicta nobis satis sint. De Vate autem ipso quisnam & quo tempore fuerit, in procemialibus totius operis disputationibus commodè tractatum est. Visionis autem verbum, quo vaticinij modus significatur, tantisper excutiendum nobis est, quoad de toto hoc genere differendi locus comoditasq. creetur, vbi de visione multa, quæ ex sacris libris obseruabimus, exponetur.

Cū plura Hebraica verba sint, quæ latini interpretes ob linguæ inopiam omnia vnico videndi vocabulo confundunt, magna tamen in rebus ipsis distinctio est. Ex illis igitur verbis vnum est, **H H A Z A**, quod nos videre siue prospicere, à quo nomen **H H A Z O N**, deriuatur, pro quo latine visionem legimus. Id autem non ad corporis sensum aliquem, sed ad insignem quendam atque illustrem mentis visum refertur, quò vel ex humano certo atque maturo iudicio, vel ex diuino lumine, certissima & apertissima præsentis temporis rerum, vel futurarum maximè suscipiuntur cogitationes, atque illas res huiusmodi cogitationibus comprehensas ad quamcunque pertineant rationē, siue diuina siue humana causa sit, maximi momēti ac pōderis esse, necesse est. Id autē cū modò oratione illustrare nō vacet, vno atq. altero exēplo cōmodè indicabitur. Cū maximū illud diuinum cō-

filiū de vniuerso hominū genere à Diaboli seruitute vindicando, deq. rebus à Christo Iesu gerendis, atq. de publica orbis felicitate & salute, Abrahamo antiquo patriarchæ, quatenus id aperiri fas fuit, aperiretur, sanctissimi viri mentem huiusmodi illustratam lumine fuisse legimus. Et factū est verbū Domini ad Abrahā in visione dicens, &c. de qua etiam visione & futurarū rerū prospicientia scriptū est: Abraham pater vester exultauit vt videt ret diē meū, vidit & gauisus est. Septuaginta etiā illi selecti patres, qui diuinæ maiestatis spectatores admissi, reliquæ Israëlitarū multitudini testes viui præsentēsq. deinde fuere, hac præter mortale sortē clarissima luce vñ sunt. Et viderunt Deū Israël, sub pedibus eius quasi opus lapidis saphirini, & quasi calū cū serenū est; nec super eos qui procul recesserant de filiis Israël misit manum suā, & viderunt, inquit, Deum & comederunt & biberunt. hoc posterius verbū, viderunt, Hebraicè **I A H H A Z V**, tantæ significationis est, vt miraculi loco ducatur, eos quibus tanta, tam diuina contigisset lux, tamē mortales fuisse, atq. cū cæteris etiā mortalibus cōiuctu & cōsuetudine fuisse versatos. Hanc adeo rē antiquissimus etiā ille diuinator Balaam proprio experimēto viuus præsensq. testatus est. Et irruente in se spiritu Domini ait: Dixit auditor sermonū Dei, qui visionē omnipotētis intuitus est, qui cadit: & sic aperientur oculi eius. Quibus omnibus ex locis illud intelligimus visionē, quæ **H H A Z O N** Hebraicè dicitur, ad grauissimas & maximi momēti res, lōgeq. à cōmuni sensu & vñ sepositas pertinere: neq. solū ad ea quæ aut præsentī tēpore absentia, aut futuro proxima sunt, sed multo etiā magis ad longā aliquā rerū gerendarum, & lōgo post tēpore futuram seriē, & consequentiā cernendā referri. Quamobrē si nobis verbum à significatione, si nō prope distans, tamen nō longissimè remotum, inueniendum latine optandūque sit, nullum cōmodius quā prospicere prospicientiaq. succurrit. Est enim prospicientia vtillum, aut inutiliū rerum futurarū longè in posterum præsensio atq. præuisio, quā videndi & in posterum prospiciendi rationem Balaam idē apertè significauit. Dixit auditor sermonum Dei, qui nouit doctrinā altissimi, & visiones omnipotentis videt, qui cadens apertos habet oculos. Videbo illum sed nō modò, intuebor illum, sed non prope, Quā rem subiunctis cōtinuō oraculis exposuit. Vnde & nos audito visionis nomine, in eā statim partē animo & cogitatione cōuertimur, vt non ad præsentia modò tēpora, sed ad ea magis, quæ longè in posterū futura sunt, rem de qua sermo fit, referendam esse arbitremur, aut etiā cum præsentium rerum animaduersione futurarum quoq. rationē præcipuē esse habendā. Ex quo fit, vt quæ huius generis oracula in vatum libris leguntur, nisi hæc ratio diligenter consideretur, explicatus difficillimos habeant. Cuius generis Isaia

Num.  
24.

Genes. 15.

„ Ioan.

Deuter. 25.

„ Num. 24.



visiones sunt, de quibus suo loco, si Deus annuerit, exponemus. huiusmodi igitur visionis nomen Abdiæ vaticinio præfixum, rem ipsam, de qua oratio instituitur, ad longè in posterû futura tēpora pertinere docet. Voluit enim Deus Opt. max. Abdiæ genere Idumæo, religione tamē Israëlita, & pietatis officijs probatissimo viro, totā gentis suæ, ex qua ortus fuerat, causam explicare: & quid futurū tandē illis esset, ostēdere; vt res nō odio aut inuidia, sed veritate ipsa niti videri posset, quōd huic viro, cui gentē suā maximē curā esse oportuit, & diuinū aperiretur cōsiliū, & ob insitū à natura erga proprium genus studiū, cum nulla inuidiæ suspicione maxima fides haberetur: simul etiā vt diuinarū rationum æquitas quanta sit intelligatur, quōd Deus personarū acceptor nō sit, sed in omni gēte, qui timet Deā & operatur iustitiā, acceptus est illi. Huic ergo vati suæ gentis causam per- 10 orandā, atq. exitiū vltimū prædicendū credidit Deus; vt ex suo etiā genere gentes ipsæ testē & prophetam grauissimū haberent, qui, quæ futura illis forent, nō fortuna, casu, aut tēporū vicissitudine, sed diuino cōsilio certa q. ratione multo antē definita, tandem euentura doceret. Neq. verò hunc solū Idumæis ex gentiū familijs suarū rerū prædicentē

Num. 24. Deus esse voluit, sed lōgē etiā ante eum sexcentis ferē annis eadē, quæ hic Vates copiosē 15 tractauit, Balamo pronuntianda mandauerat: Et erit, inquit, Idumæa possessio eius: hære. ditas Seir cedet inimicis suis, Israël verò fortiteraget. De Iacob erit qui dominetur, & perdat reliquias ciuitatis. Visionis igitur verbo admoniti arbitramur hāc Idumæi nominis abolitionē nō tam ad eam cladē, quæ per Assyrios Idumæis allata est, aut ad eam quam Hircanū attulisse in sacris Machabæorum libris, & in Iosephi historia legimus, quā ad 20 Christi de omnibus gentibus victoriā, & reportandū de omni barbaro, & euangelicæ doctrinæ repugnāte instituto, aut errore triūphum esse referendā. Quāquā enim Christus & morte & resurrectione sua immanissimū hostem vicit & ligauit, & eo quōd in totius orbis imperio exercebat iure, siue tyrannide potius priuauit, atq. his tebus gestis in cælum triūphator sublatus est: nondum tamen hactenus hostē omnibus errorū & fallaciarum 25 technis, omnibus machinamētis, omnibus deniq. vasis, in quibus fidebat, expoliavit; neq. oēs quotquot illius tyrannidi subiectæ erant orbis partes, sub Euāgelij iugū misit. plurimi enim adhuc, vel in gentiū errore versantur, vel in sectarū & falsarū opinionū mēdacio detinentur, vel in Iudaicarū traditionū vmbra, & in tenebris multis sedent. quos omnes in sanctissimā Christiani nominis & veræ pietatis ditionē venturos esse, & rerū à Christo 30 gestarū magnitudo iusq. postulāt, & paternis Dei oraculis certissimis est promissum. Dixit. Dominus Domino meo, sede à dextris meis, donec ponam inimicos tuos scabellum pedum tuorum. Virgā virtutis tuæ mittet Dominus ex Sion, dominare in medio inimicorū tuorum. Oportet enim ante mundi finē regnū integrum & plenū Deo patri à Christo 35 tradi, id autē fiet cum euacuauerit omnē principatū & potestatem & virtutem. Omnem itaq. gentilitatis rem, memoriā omnē, omnia deniq. eius factionis studia, ac cætera quæcumq. ex eo genere fuerint, penitus abolenda, & sub Christi ius imperiumq. redigenda esse, & cæteri vates cecinēre, & hic imprimis est persequutus. Cū autē oēs, quæ per totū orbem sunt nationes, in duas potissimū partes, & quasi factiones à sacrorū librorū auctoribus distribuuntur: alterā quidē piorum hominum apud quos vnus veri Dei notitia, & 40 pura pietas ac religio est: alterā verò impiorū, aut falsis opinionibus seductorū, quibus aut nulla religio, aut falsa aliqua & stulta est superstitio. Vtramq. partē duobus nominibus (vt iam aliās diximus) diuina scripta significat, aut enim circumcisi & præputium dicūtur, vt apud Paulū sapius, aut Israël & Edom nuncupātur, vt in antiquis libris sapiissime. nāq. ex illo Rebecca matri prægnanti, ac geminos in aluo continenti populorū principes futu- 45 ros, oraculo fuso euenit, vt piorum omne genus ad Israëlitas, quibus sanctæ religionis rationes, & leges certæ scriptæ primū & creditæ traditæq. fuerunt, referretur: cæteræ autē oēs nationes in Idumæorum partes atq. numerum ascriberentur, tum quōd hi ab illis & opinionum dissensione, & animorum cōtentione vehementer dissentirent, tum etiam quōd tēporibus & seculis magnas rerum & gentiū mutationes ex diuino cōsilio afferen- 50 tibus, Esau posteritatem & gente ipsa, & studiorū imitatione in maximā ferē orbis partē disseminatam fuisse, constans hebræorum omnium traditio est. Enxam enim ex quo Romanus populus, gens quæ totū orbem imperio & gente atque legibus institutisq. suis occupauit, sese oriundū prædicat, vnū ex Esau posteris fuisse, longa satis & eleganti apud Iosephū in Hebraicis eius auctoris libris narratur historia. Idq. etiā ab antiquis sacrorum 55 librorū cōmentatoribus, & doctrinæ veteris auctoribus traditur: quōd is ex Idumæa in Ægyptum

Egyptum, ex Egypto in Lybiâ & Carthaginē, inde in Italiâ venerit: quē tamē Romani  
 poetæ & historici Troianū fuisse aiunt. Vt cunq. autē hæc se habeat res, Idumæorum ta-  
 men nomē & rationē non vnīs Seir montibus, & ijs regionibus, quæ Cananæ finitimæ  
 sunt, circumscribi multis ex sacrarum scripturarum locis arguitur: quorum partem, quā-  
 5 tum huic probandæ rei satis esse posset, in Amosī & Ioēlis cōmentarijs indicauimus. reli-  
 quis verò argumentis ob breuitatis studium cōsultò superfedemus. Atq. de operis inscri-  
 ptione, de auctoris appellādo nomine, & de ea, ad quā oratio pertinet, gēte indicanda  
 satis hætenus diximus: nūc deinceps orationē ipsā explicabimus. [*Hæc dicit Dominus ad*  
*Edom.*] Cōsiliū auctoritatēq. diuinā legationi suę Vates ascribit, & ad quē populum, ad  
 10 quā gentē legatus sit exponit. Quòd pleriq. omnes Vates ad Israëlitas præcipuē, deinde  
 ad Idumæos, aut ad gentes alias mādāta obiter attulerint; ipse autē ad solam Idumæorū  
 gentē fuerit ex professo legatus, quē Deus in suā familiā receptum, ad eā, vnde ipse ortus  
 esset, nationē, de maximis & grauissimis rebus remiserit. Cuius legationis exordiū illud  
 est: [*Auditū audiuius à Domino.*] Ex omni vaticinantiū collegio nouē præcipuē viri fuēre,  
 15 qui de Idumæorū rebus vaticinati sunt, quorū nomina vt temporibus distincta. ita in or-  
 dinem digesta hæc sunt. Primus omniū & antiquissimus Balaā, secundus David Psātes,  
 tertius Abdias, Esaias quartus, quintus vero Ioel quem Amos sequutus est, septimus Je-  
 remias. Ezechiel etiā octauus, atq. vltimus omniū qui in antiquis tēporibus de hac re di-  
 xēre, Malachias est; illud tamē animaduertēdum est, nonnunquā vīu venire, vt qui tēpo-  
 20 re posteriores vates fuerint, eorum qui ante se vaticinati de eadem re fuerint non solū  
 verba, sed integras etiā sententias vsūpēt. nulli enim ex antiquis prophetis, præter vnū  
 Moſen, cōtigit, vt quæ sibi credita essent mādāta, totidē verbis & literis à Deo acciperet  
 atq. iis, ad quos legatus fuisset, deinde redderet. Solus nāq. Moſes ex omnibus hūc pro-  
 pheticæ dignitatis gradū obtinere, diuinorū librorum testimonio prædicatus est. Cumq.  
 25 ingrederetur, inquit, Moſes tabernaculū fœderis, vt cōsuleret oraculū, audiebat vocē lo-  
 quentis ad se propitiatorio, quod super arcā testimonij inter duos Cherubin, vnde & lo-  
 quebatur ei. Ita omnes ministerij huius gradus cōpleuit Moſes, cū cæteris non nisi aut  
 in visione, aut in parabolis, aut alijs modis rerū consiliorūq. suorū rationes, suggesturū se  
 se Deus receperit, quas tamē illi suis verbis, iuxta cōcessum singulis mēsuræ modū, & re-  
 30 ferret, & pronuntiarēt. Ex qua re factū est, vt cū plures de ea redicerēt, pauca quædā ex iis  
 qui anteceſſerāt verba, aut etiā integras sentētiās, qui posteriores fuerāt, vsurparēt, quibus  
 de eadē re se dicere testarentur; cætera verò suo quisq. modo eloqueretur. Sic Amosum,  
 quē proximē sumus interpretati, ex vltimis ferē Ioēlis verbis vaticinio suo exordiū fecisse  
 vidimus. sic etiā David plena sentētia Moſis rationē retulisse, deinde verò orationē & ver-  
 35 ba variasse legimus. Iudicabit (inquit Moſes) populū suū, & in seruis suis miserebitur, vi-  
 debit quòd infirmata sit manus. &c. & David: Iudicabit Dñs populū suū, & in seruis suis  
 miserebitur. Simulachra gentiū argentū & aurū. Sic etiā accidit vt cū eandē rē per plures  
 vates prædictā esse Deus voluerit, quo testatius suū apud oēs consiliū esset, sicut scriptū est  
 nō in occulto loco terre tenebroſo loquutus sum tamē aliud atq. aliud eloquendi genus,  
 40 prout ipse etiā suggestisset, singulis permiserit, ita, vt quod alijs breui & pressius, alijs lon-  
 gius & abundantiū dicere videatur, ita cū res eadē omnibus, nō autē eadem omnino sup-  
 peditetur verba, posterioribus anteriorū nonnulla referuntur & vsurpātur, ac deinde liber  
 cuiq. & sibi familiaris, aut diuinitus nō tā acceptus, quā suggestus sermo producit, vt Je-  
 remis, qui nonnulla Abdiæ, quē aliquātò pōst tēpore sequutus, est suis de Idumæorū re ser-  
 45 monibus, qualia suo loco iudicabimus, immiscuit. Eius autē rei causā quòd hoc diuinū de  
 Idumæorū rebus consiliū, cū pluribus vatibus cōmunicaretur (ante se enim cū Balaā, de-  
 inde verē secū, ac post se fortasse cū alijs communicandū fore cognouerat) visionis suæ ra-  
 tionē hoc modo inchoauit: [*Auditū audiuius à Domino.*] Quoniā verò hic locus, vt latine  
 redditus est, paulo difficiliorem explicatum habet, ad verbum ex Hebraico exēplari no-  
 50 bis reddi oportere iudicauimus. *Visio Abdiæ. Sic dicit Dominus Deus Edomo (auditionē audiui-*  
*mus de cum Domino, & legatum in gētibus missum: Surgite & cōsurgamus aduersus eam in prelium.*

*Ecce paruulum dedi te, &c.*

I A M verò magis emolietur difficultas omnis, si oratio ipsa suis quibus constat, mem-  
 55bris dispungatur. igitur *visio Abdiæ*, membro suo definitur, & interiecta etiam oratio, [*Sic*  
*dicit Dominus Deus,*] suo etiam pūcto clauditur, deinde eā, quæ subiecta oratio est, [*Auditū*  
*audi-*

*audiuimus usq. ad in praelium*, parenthesi concludimus. namq. hæc oratio tota cum operis in-  
 scriptione sententiæ cōsequenti copulatur, [ *Et sic dicit Dominus, ad illud refertur, Ecce paru-  
 lum in gentibus dedi te.* ] Quòd si relicta carminis connexionē & numerorū obseruatio-  
 ne soluto sermone legēdum sit, hoc modo rem ipsam ordinabimus: *Visio Abdias. Audium*  
*audiuimus à Domino; & legatum in gentibus missum: surgite & consurgamus aduersus eam in præ-*  
*lium: Sic dicit Dominus Edomo, Ecce paruulum dedi te, &c.* ] Vtrumque enim propheticum  
 munus Abdias executus est, vt futura Idumæis tempora prospiceret, & legatione apud  
 eosdem fungeretur: Alteri igitur parti hoc initium fecit: [ *Visio Abdias,* ] alteri verò il-  
 lud. [ *Sic dicit Dominus Edomo.* ] Lectionis autem ordine nobis explicato, aperienda  
 etiam sententia est. Diuino spiritu afflatus Abdias, & prophetico illo visionis genere  
 affectus, quid in posterum Idumæis futurum prospexerit, in principio narrat, deinde ac-  
 cepta diuinitus ad eosdem mandata exponit. Præuiderat autem imprimis totum fe-  
 rè terrarum orbem turbari & gentes omnes, quibus Idumæi fuerant olim infesti, ad  
 suas aliorūq. iniurias vlciſcendas excitari atq. inflammari: idq. legatorū ministerio agi, vt  
 aliæ alijs gentibus conspirantes, mutuis sibi auxilijs & operis promissis, communi ad eam  
 rem studio societatem inirent, vt hæc tanta diuersarum nationum conspiratio, tam ve-  
 hemens omnium inflāmatio, & diuinū argueret consiliū, & certum malū iis, aduersum  
 quos hæc pararentur portenderet. Fieri enim nequit vt diuersarū opinionum, factionum  
 & studiorū partes de re aliqua inter se communi sensu & voluntate coeant, nisi id diuino  
 consilio & prouidentia decretū prius statutūq. fuerit. Vt enim concors omnium generum  
 & ordinum cōsensus propositam rem atq. opus certū præstare, sic rursus opinionū & stu-  
 diorum cogitationumq. discors varietas præclarorum inceptions operū non modò nō  
 perficere, sed demoliri etiam diruereq. solet, sicut scriptum est: Ecce vnus est populus, &  
 vnum est labiū omnibus, & hoc est initium faciēdi eis, nec desistent à cogitationibus suis  
 donec eas opere compleāt. venite igitur descēdamus, & cōfundamus ibi linguā eorum,  
 vt non audiat vnusquisq. vocē proximi sui. Quòd si omniū hominum cōspiratio, & con-  
 iuncta inter se societas inceptum etiā præter Dei cōsiliū & voluntatē opus quantum-  
 uis difficile (nisi alioquin diuinitus impediatur) certū absolutumq. promittere atq. effi-  
 cere potest, nec desistent (inquit) à cogitationibus suis donec eas opere compleant: quā  
 tam certitudinem, quā plenum absolutumq. exitum promittere, atq. expectare oportet  
 eius operis, quod diuini consilij sententia decretū & institutum, & cōmuni omnium  
 gentium & nationū studio concordiq. volūtate adornatum atq. apparatus fuerit, quā ob  
 rem significanter à Vate nostro dictum est, [ *Auditionem audiuimus de cum Domino.* ] nāq.  
 magnum illud bellum, quod cōmuni gentium omnium voluntate instrui apparariq. præ-  
 uiderat, diuino consilio decerni excitariq. intellexerat, quod quanto studio, quantaq. cu-  
 piditate esset ab hominibus suscipiendum, & rerum idonearum indicatione & verborū  
 communisq. omnium sententiæ expositione declarat. [ *Legatum in gentibus missum.* ] mu-  
 tuò ab alijs nationibus ad alias legatos mitti præuiderat, qui non nisi de re magna, atque  
 maximi momenti causis mitti solent omnium verò vnā communemq. vt sententiam  
 & voluntatem, sic orationem orationisq. explicationem fore præuidit, eius argumenti,  
 quo se mutuò ad bellum Idumæis inferendum hortarentur. omnium verò, quæ per lega-  
 tos agenda erant, mandatorū huiusmodi tandē peroratio est: [ *Surgite et consurgamus aduer-*  
*sus eum in præliū* ] Variarum nationum variā fore contra idumæos orationē verisimile est:  
 vnusquisq. enim illatas sibi iniurias, aut causas alias atq. alias, quā ob rem inimicitias sus-  
 ceperit, dicēdo persequetur. Ea omnia cū referre nimis longum fuisset, id ex omniū ora-  
 tione potissimū propheta arripuit & retulit, quod communē omnium sententiā studium  
 animorūq. voluntatē breuissimè, & cōmodissimè declararet: & cuius persuadendi causā  
 omnes omniū orationes essent iustitutæ. Persuasionis autē proprius locus in epologo atq.  
 peroratione præcipuè est, vbi cōmemoratis & repetitis breuiter argumentis vehemēti &  
 cōcitato sermone eorum animi, apud quos agitur, ad dicentis sententiam probandā vo-  
 luntatēq. opera & diligentia consequendā excitantur. huiusmodi autē affectibus, excita-  
 tionibus, atq. inflāmatibus verbis cōstantem epilogū retulit Vates. *Surgite*, Vox est quæ quie-  
 tos & negligentes aliās animos incendit, & vehementer ad aliquid agendū excitat, neq.  
 otiosos agere permittit, sed aut metu, aut spe maxima proposita, aut segnitie, inertia tardi-  
 tateq. omni reprehēsa stimulos ad opus viriliter suscipiēdum adhibet, vt: Surge Domine  
 & dissipetur inimici tui. Surgite & transite torrentē Arnō, ecce tradidi in manu tua Sebo  
 regem

Gen. II.

Num. 10.  
Deut. 2.

regem Hesebon & apud externos:

*Surge, ne longus tibi somnus*

*Vnde non times detur,*

*Socrum & scelestas Falle sorores.*

*Surge, quæ dixit iuueni marito,*

Horat.

- Vbi verò animi excitati paratique iam sunt, quid agendum sit, statim breui oratione docetur. verbum igitur, *surgite*, ad excitationem, cætera verò ad agendæ rei rationem docendam pertinent. vt in iis, quæ modò citauimus, facile obseruare est. Habet enim magnam in persuadendo vim agendi negotij ostensa facultas & commoditas, vt si à pluribus aduersus paucos, à paratis in imparatos, communis societate & studio, atque mutuis auxiliis bellum iniri posse ostendatur. quam rem omnè eleganter hæc à Vate relata peroratio cõtinet. Verbum enim *cõsurgamus*, cõmunem societatem, multas & maximas omniũ copias opesq. cõiunctum iri significat, *aduersus* eam, femineo genere, urbem quandã quæ Idumææ gentis caput princepsq. fuerit indicat, siue ea Bosra, siue Theman, siue alia quædã, quam alij interpretes indicant, sit. Facillimam autè hoc modo victoriã sibi promittere legati possunt, quòd multi ad bellũ vni vrbi inferendũ consurgat, in qua maxima illius gentis, quã hostili animo aggrediũtur, præsidia, maximaq. dignitas fuerit collocata. cùm verò dicat, *cõsurgamus*, siue *insurgamus*, imparatam, sedẽtem, neq. opinatẽ, neq. sibi in rerum & temporũ angustijs prouidere valentẽ, opprimendã esse ostendit. Hæc itaq. visionis, & omnium orbis nationũ aduersus Idumæos cõmotarum, præfensionis propheticæ breuis atq. summa explicatio est: nũc ipsum Vate, mandati legationes apud suos agentẽ, audiamus. [*Hæc dicit Dominus ad Edõ,*]
- Non suã sed diuinã causã sibi agendam esse principio profitetur, atq. hoc modo auctoritatem & fidẽ orationi cõciliat, & inuidiã omnẽ à se depellit, cui tradita mandata ad Idumæos nõ perferre minimè fas fuerit. [*Ecce paruulũ dedi te in gentibus, contẽptibilis tu valde.*] Exiguus sæpè & obscuris initiis in magnã & innumerofam, atque illustrẽ multitudinem quasdam gentes creuisse, antiquas euoluẽtibus historias cõpertum est, quasdam tamè postea suę originis, atq. humilitatis oblitus, & secundo rerũ successu superbientes, insolentia sese extulisse, vt qui superbissimorũ humana arte operum certissimus exitus est, mole tãdem sua corruerint. Namq. Dominus scit cogitationes hominũ, quia vanæ sunt, Qui exasperat, non exaltentur in semetipsis, Dominus dissipat cõsilia gentium, & reprobatur cogitationem populorũ, &c. Huiusmodi initia atque huiusmodi progressus Deus exprobrat Idumæis, atq. huiusmodi tandem exitum denuntiat. Quòd is populus angustis olim inclusus spatiis & terminis, exigui admodum inter gẽtes nominis fuerit; sed postquam disseminata sobole Italiæ & Græciæ regiones tenere, alijsq. præesse, & leges institutaq. sua longè lateque propagare cœpit, superbia elatus, summam omniũ rerum sibi arroganter promittens, dignũ tanta insolentia exitum molitus est. [*Ecce paruulum dedi te in gentibus.*] Esau Isaaci filio diuino beneficio mōtes Seir habitandi cõcessi sunt, sicut scriptum est: Transibitis per terminos fratrum vestrorum filiorũ Esau: qui habitant in Seir, & timebunt vos: Videte ergo diligẽter, ne moueamini cõtra eos: neq. enim dabo vobis de terra eorũ quantũ potest vnus pedis calcare vestigium. Quia in possessionẽ Esau dedi mōtes Seir. His terminis Edomũ sese cõtinere, atq. sine vlla aliorũ mortalium iniuria agere voluit Deus, dura atq. infausta superbientibus, insolenterq. agentibus minatus, sicut scriptũ est: Et posui Seir montes eius in solitudinem, & hæreditatẽ eius in dracones deserti. Quòd si dixerit Idumæa destructi sumus, sed reuertẽtes ædificabimus quæ destructa sunt. Hæc dicit Dominus: Isti ædificabunt, & ego destruã, & vocabuntur terminini impietatis, & populus cui iratus est Dominus vsq. in sempiternũ. Ex his ergo tã angustis terminis, suarum rerũ initia Idumæi primũ duxere: ita vt nullis metuendi, nullis non contemptibiles essent. namque non solũ ab Assyriis superati disiectique sunt, sed à Iudææ regibus primũ, deinde à Machabæis, atq. demum ab Herodum familia sunt vehementer vexati. huius rei causã dicit: [*Cõtẽptibilis tu valde.*] Sed postquã ab hostibus afflicti, atq. propriis sedibus plurimi ex illis eiecti in alia loca, maxime autem Italiam & Græciam deuenire, atq. paulatim aliis gentibus cõmixti nomen genusque suum longè lateque propagare cœperũt, secundo rerum successu elati atq. inflati, superbissimè atq. insolentissimè aduersus alias nationes, maximè autem aduersum Israëlitas sese gesserunt: alios enim nimio imperio, alios nimio odio prosequuti sunt: cõ insolentiæ & arrogantia homines secundis rebus deuenire solent.

Psal. 65.

Deut. 2.

Malach. 1.

Superbia cordis tui extulit te.

Hic verus & certissimus humanæ superbiæ, & info-

1. Iacob. 4.



1. Cor. 4.

Isai. 10.

Gen. 3.

insolentiae omnis fons, hoc caput est nimirum cor ipsum humanum, namque hoc malum illa prima generis sui culpa contraxit, quo malo omnis animi aegritudo acrior multo fit. Neque enim vlla vnquam res propria hominibus esse potest, quae superbiae illis atque fastidij, insolentiaeque certa & legitima causa sit. Nam actiones resque omnes à nobis gestae, & omnis industria atque ars & studia, aut bona, aut non bona sunt. Quae posterioris generis sunt arrogantiae & gloriationis expertia esse oportet; prioris vero generis quaecumque sunt, cum non tam hominibus tribuenda, quam Deo accepta referenda sint, iactari importunum & temerarium est. siue enim facta ipsa & actiones, siue animi corporisque vires: quibus haec efficiuntur, siue etiam utraque simul, Dei dona sunt, sicut scriptum est: Quid habes quod non accepisti? Si accepisti, quid gloriaris quasi non acceperis? ita adeo fit, ut nulla alia ad superbiendum causa sit, praeter proprium ipsius vitiū & cordis inflationem. Quam ob rem superbiae humanae nulla alia certior causa, quam cordis ipsius vitiū in sacris libris inuenitur. Visitationem, inquit, superfructum magnifici cordis regis Assur, & super gloriam altitudinis oculorum eius. Dixit enim in fortitudine manus meae feci, & in sapientia mea intellexi. &c. Haec autem res cum non naturae ipsi, sed vanae tantum humani cordis cogitationi opinionique innitatur, neque altius aut solidum magis fundamentum, quam inflatam quandam persuasionem habeat, ex praestigiis, fallaciis, mendaciisque constans, suo ipsius auctori & possessori fraudi maxime esse solet. Hoc est quod Vates Idumaeus hoc in loco, aptissimo verbo usus exprobat. [*Superbia cordis tui extulit te.* Hebraice est: *seduxit.*] Idem quod à prima illa & communi omnium viuentium matre est usurpatum, verbum. Serpens (inquit) seduxit me. Sed quod huiusmodi fallaciae certis quibusdam speciebus, atque simulationibus rerum, quae inanes atque inutiliter reuera sunt, sese tueri & defendere solent, ut illud: Eritis sicut Dij scientes bonum & malum, & aperientur oculi vestri, & non morte morimini. eam rem omnem commodissime Vates noster Idumaeus exprobrans, describit; quod locorum, quibus olim habitauerant, natura, situ & munitione fiderent, atque huiusmodi rebus, quae vanae profecto sunt, nisi pietas diuina, prouidentia & tutela adsit, aeternitatis & perpetuae felicitatis sibi spem facerent. hoc est quod dicit.

*Habitantem in scissuris petrarum exaltantem solium tuum.*

IDUMAEI, qui Israelitis finitima loca habuerunt, in montibus Seir natura tutissimis habitauere, sicut scriptum est: Habitauitque Esau in monte Seir ipse est Edom, & apud Ieremiam: Qui habitas in cauernis petrae, & apprehendere niteris altitudinem collis. Huiusmodi enim aditissima & firmissima loca olim occupabatur ab iis, qui diurnas, tutas, stabilesque sibi sedes parabant, quae etiam arte & opere aucta maiorem securitatem habitatoribus promittebant. sic Romani septem colles occupauere, quos quantum auxerint, ipsa ruina docet. sic Athenae; sic aliae innumerabiles vrbes, & situ & opere munitissimae Idumaeis, hoc est, simulachrorum cultricibus gentibus constitutae fuerunt, quae postea diuino iudicio excisae & euersae, gentium suarum nullum monumentum, aedificiorum vero vix exigua vestigia retinuerunt. Hanc autem his gentibus excisionem impietas imprimis & scelus publicaeque iniuria parauit: cuiusmodi superbiae humanae solet esse exitus. Igitur aduersus Edom instituta oratio, ad eas omnes gentium familias, quae aut generis origine, aut morum imitatione, aut cultus & superstitionis studio Idumaeis ascribuntur, referenda est, quibus omnibus ut idem scelus, ita etiam par supplicium, & exitium diuini consilij sententia parabatur, atque à Vate nostro praedicebatur, quibusque eo grauius & certius procreabatur periculum, quo maior credebatur futura esse securitas.

*Qui dicis in corde tuo, quis detrahet me in terram?*

Psal.

FALLACIAM & eam, quam frustrationem dicimus, non rebus ipsis, sed humana cogitatione oriri, ratio ipsa & diuina sapientia docet: etenim naturas rerum recte considerantibus & expendentibus, nihil in humanis adeo solidum & firmum reperietur, ut ex sede statuque suo nunquam dimoueri posse credendum sit. nam nisi à Deo qui natura firmissimus aeternusque est, res aliae firmetur, & contineatur breuissime & facillime intereunt. Nisi Dominus aedificauerit domum in vanum laborauerunt qui aedificant eam, & nisi Dominus custodierit ciuitatem &c. Igitur qui aeternitatem, constantiam durationemque non rebus ipsis, sed sua tantum cogitatione definit, (ut plerique omnes homines faciunt) huius animus inaniter & effuse exultans, repentina rerum ruina exitioque summam stultitiae conuincitur. Ob eam autem rem quod haec fallacia cogitatione ipsa & opinione concipitur, ait Vates:

[Dicis

*dicis in corde tuo, quis detrahet me in terram?*] Hanc autem interrogationem superbiæ arrogantiaque plenissimam idem ipse, qui secreta cordium rimatur Deus verissima & dignissima responsione occupat, nihil humanam omnem superbiam aduersus sua consilia, nihil humanos conatus aduersus diuinam vim ostendit.

*Si exaltatus fueris vt aquila, & si inter sydera posueris nidum tuum, inde detraham te, dicit Dominus.*

- ELEGANTI hyperbole ostēditur nullum adeo difficilem & arduum locum esse, ad quē nō humana stultitia & ambitio, atq. insolentia cōtendat, vbi semel suis hoc est rationis religionisq. finibus excedere cōeperit. atq. his omnibus studiis & conatibus altiore
- 10 sibi grauioremq. ruinā moliri. homini enim terra infima totius mundi pars habitanda & colenda cōcessa est: cælum verò & alia cælo simillima loca adire, suisq. artibus, studiis & conatibus insolenter vsurpare velle, est negatum; ex quo tempore iis rebus maximis potius, quæ diuino beneficio contigerant, non modestè & legitimè vti, sed temerè & superbe abuti voluntas consiliumq. fuit. iam enim ne quis, nisi à Deo ipso admissus re-
- 15 ceptusq. fuerit, in diuina illa & augustissima loca irruere, aut penetrare possit, cautū prouisumq. est. Emisit enim hominē Deus de paradiso voluptatis, vt operaretur terram de qua assumptus est, eiecitq. Adam & collocauit ante paradisum voluptatis Cherubin, & flammeū gladium atq. versatilē, ad custodiendā viam ligni vitæ. Quoniā autem hæc via, qua ad summā æternamq. cælorum felicitatē itur, præclusa hominibus fuit, nefas omnino
- 20 est eam, nisi ijs modis & artibus, quæ à Deo ipso institutę præscriptęq. sunt, repetere velle. Eas autem artes ad cultū terræ, de qua homo ipse assumptus est, spectare, ipsum diuinum oraculū indicat; cuius longiorē aliquā explicationē & desideramus, & Deo votis annuente promittimus. quibus artibus qui sese exercuerit, viam, veritatē & vitā sese vltro offerentem inueniet: qui verò secus aut tētare aut experiri studuerint, vt ad maximas & præstantissimas res nō pietate, modestia, & virtute, sed insolētia & stultitia, sicut Idumæi, cōtenderint, ij certissimum sibi præcipitium Deo vltore atq. auctore moliūtur. Cuius rei exemplo satis manifesto, vel quatuor illa orbis illustrissima imperia, Assyrium, Persicum Græcum, & Romanum (cuius pars quædā ad Idumęos refertur) nobis esse possunt, quorū consilia rationesq. omnes, omnes deniq. insolētes conatus, diuinitus fracta dissipataq. sunt.
- 30 *Nil mortalibus arduum est Cælum ipsum petimus stultitia, neque Pernostrum patimur scelus*  
*Iracunda Deum ponere fulmina.* Summæ autem superbiæ & arrogantia rationes, duabus rebus, aquilæ auis imagine & cæli excelsissimi locorum omnium situ Vates explicuit, vt Idumæorū & superbarum quarumq. gentium cōsilia conatusq. infringendos esse demonstraret. Aquila namq. cæterarum auium regina & princeps esse, tum alias ob causas, tum ob celerissimum, altissimū, contentissimumq. volatum creditur. Illa enim neq. aëris densitate retardata, neq. solis vi aut calore, aut luce detenta, nubes volatu transcendit, quam ob rem velocitatis atq. inaccessibilitatis, fortitudinis & strenuitatis in agēdo imaginē repræsentat, sicut scriptū est: *Velociores fuerunt persecutores nostri aquilis cæli, super montes persequuti sunt nos, &c.* Cælum verò omniū totius mūdi locorū natura & situ editissimū est. Cælum, inquit, in altitudinē, & terra in profunditatem. &c. Summæ autē ambitionis, & superbissimi ad potentiam & securitatē sibi parandam consilij conatusq. imaginem aquilæ volatu & cæli situ expressit Deus, quæ si maximè ex animi sententia Idumæis contingerent, tamen certa propriaq. esse non possent, vtpote quæ per iniuriam atque impietatem parata essent, diuinæ vltioni & præcipiti ruinæ obnoxia. Igitur si tantum consilio, studio & industria, operaque omni contenderis, vt pennas tibi aptasse, nidumq., hoc est, regiam aliquam arcē, non in terra, non in montibus, sed inter sydera ipsa collocasse dicaris, attamen me auctore, qui astris omnibus superiora loca, cæli, videlicet, teneo, certam tibi & grauissimam fore ruinam denuntio. Hunc enim totius superbiæ & humanæ insolentia exitum esse, iam illa antiqua apud Senagkareum campum incepta
- 40 turris, quæ cælum cacumine attingere affectabat, abundè docuit. Atque in verbis etiam ipsis grauis quædam significatio est, quod Edom eandem vocabuli originem cum Adam habet, atque ad terram, vnde assumptus Adam est, refertur: homini autem post primum illum casum sublimiora appetere aut humano negotio, consilio, studio, præter Dei
- 45 voluntatem, & impositas leges tentare velle, vetitum fuit. sed id tantum concessum est, vt coleret terram de qua assumptus est. Summæ ergo dementiæ & præcipitis consilij est, aliter

Gen. 3.

Horat. lib. 1. Od. 3.

Taren. 4.

Luc. 1.

aliter quàm à Deo præscriptū ostensumq̃. fuerit, alas sibi quenquā aptare, & cælestia tentare. namq̃. si id maximè quod appetitū fuerit, Deo permittente aut coniuuente contigerit, tamen grauissimus casus expectandus metuendusq̃. est. Inde detrahā te dicit Dominus, qui potentes de sede deponere atq̃. ad inferos deducere potest & solet. Maximarum autē rerum mutationes & conuersiones Deo auctore contingere hic locus nos docet; ac ne quis humanis rebus, in quibus nihil certū, tutum ac firmum esse potest, stultè fidat, commodè suadet: quandoquidem nihil est quod diuinæ virtutis sustinere impetum possit. Domini enim sunt cardines terræ, & posuit super eos orbē. Pedes sanctorum suorum seruabit, & impij in tenebris conticescēt. quia non in fortitudine sua roborabitur vir: Dominum formidabunt auersarij eius, & super ipsos in cælis tonabit. Iisdem ferè verbis, eadē omnino sententia, vaticiniū hoc vt certissimo constantiq̃. consilio pronuntiatum, sic etiā repetitum est. Arrogantia tua decepit te, & superbia cordis tui, qui habitas in cauernis petrae, & cōprehendere niteris altitudinē collis. cū exaltaueris quasi aquila nidum tuum, inde detrahā te dicit Dominus. Hoc autem à se prædictum Idumææ gentis excidium integrū ac plenum tandem fore significat, ita vt nullum illius rerum aut nominis etiam monumentum relinquendū sit. nam quāuis Idumæi, tam ij qui Seir mōtes tenebant (vnde huius gētis & nominis origo fuit) quā ij qui toto ferè orbe maximè occidentē versus occupato, instituta, nomina resq̃. suas plurimū dilatauerāt, sæpe ab hostibus petiti atq̃. vexati fuerint, vt à David & ab alijs Iudææ regibus, prioris templi seculis atque à Machabæorū familia & Herodum gente etiam, cū posteriùs tēplum extaret, Seghirenenses Idumæi appetiti ferro vexatiq̃. sunt. & qui ex his aut gēte, aut institutorum imitatione oriundi esse dicuntur, à barbaris nationibus identidem sunt afflicti: nulla tamen tanta clades, tantaq̃. calamitas allata est, quantā afferendam tandem esse Vates hic denuntiat, vt nullum eius nominis vestigium, nullum omnino reliquum esse possit monumentum. Quo quidē in loco Idumæorū res nostro iam tempore sunt, nō enim apud Seir modò mōtes, sed neq̃. in alia iam orbis parte vllæ ferè eius gētis reliquæ extant, si quæ autē supersunt, tenuissimæ atque admodum obscuræ sunt, & omnino tandē lacerandæ ac perdendæ. Hunc igitur extremū Idumæarum rerū casum Vates prænuntiat, aliarum omnium, quascunq̃. perpeffi fuerint, calamitatū longè grauissimum. nāq̃. in alijs omnibus, quas antea sustinuerint, incursionibus, lacerati quidē, vexati, damno maloq̃. affecti, sed nunquā tamē penitus excisi sunt. Vnusquisq̃. enim ex ijs, qui hostili manu atq̃. animo aggressi antea eos sunt, priuatas iniurias vlcisci parans, quātum sibi satis esset, furū more abstulit. Sed vbi cōmuni omniū consilio & vi, aliæ atq̃. aliæ nationes impetum in eam gentem fecere, nihil quisq̃. sibi satis fecisse visus est, nisi cum Idumææ rebus omnibus & nomen ipsum etiam penitus aboleretur. hanc adeo rem sic Vates noster ostendit:

*Si fures introissent ad te, si latrones per noctem quomodo conticuisse, nonne furati essent sufficientia sibi? Si vindemiares introissent ad te, nunquid saltem racemum reliquissent tibi?*

Loc v s hic modi tantū mutatione conuersus, clarior explicatuq̃. faciliior redditur. namque sic Hebraicè propriè legimus: [Si fures venerunt ad te, &c. nonne furabuntur sufficientiam suā, si vindemiares venerunt tibi, nunquid nō relinquent racemos.] Omnes quæ ante illā extremam, de qua sermo nobis est, stragem, ab hostibus incursiones factæ fuerant dāno quidem ac malo, non tamen excidio Idumæis fuisse ostendit. dum enim vnusquisq̃. ex gentibus priuatas iniurias aut odia, aut inuidiā persequitur, quantum sibi ad explendum animum satis esse potuit, tantum nocuit. Id autē duabus similitudinibus eleganter Deus per vatē explicat. Eorum hominum, qui alienis fortunis & rebus insidiatur, varia generadiuersis nominibus Hebraicè significantur. vnū genus eorum est, quos illa lingua Gana-bim, Latina verò fures dicimus, qui inopia tantū coacti, cū nullam aliam artem, qua egestatē leuent, commodiorem arbitrentur, leue atq̃. turpe compendium maximo deprehensionis periculo cōmutant, neq̃. enim omnia auferunt, sed quæ ad vsum sibi commodissima, asportandumq̃. facillima cognouere, surripiunt. Quam rem Salomon sapienter, vt omnia, definit, non grandis est culpa, cū quis furatus fuerit, furatur enim vt esurientem impleat animam: deprehensus quoque reddet septuplum & omnem substantiam domus suæ tradet, & liberabit se. hæc de furibus ad hunc locū oportuna annotasse visum est. Vindemiatorum autem legitima & bene instituta ratio est, vt quas maturimas

1) uuarum, & vino faciendo idoneas cognouerint, eas colligant: acerbiores uero & sibi mi-  
 nus utiles racemos pauperioribus in aliquem usum permittant. hoc omnis recta rusti-  
 ce rei disciplina docet, & diuina etiam lex benignè ac sapienter præcipit. Si uinde-  
 miaueris vineam tuam, non colliges remanentes racemos, sed cedent in usum aduenæ,  
 2) pupilli ac uiduæ. Harum ergo rerum instar habituros, quicumque aut clam & dolo, aut  
 aperto Marte & impetu ante illam exitialem, quam ipse modò denuntiat, cladem, Idu-  
 mæorum res inuasuri erant, ut sibi quisque suisque rationibus prospiciens, quantum ad  
 animi sui libidinem explendam satis esset, vel hostium perderet & abduceret, vel spo-  
 3) liorū auferret, reliquiis uero parcendum sibi esse putaret. Sed tamen in illa comuni  
 4) & extrema calamitate, omnium gentium conspiratione & communi odio, atque studio  
 allata, nihil satis cuiquam ex nationibus esse malorū & damni inferendi uideri poterat,  
 nisi alij aliorum fitas reliquias omnino dissiparet. Vbi nos legimus, [*Quomodo conticuif-  
 ses*, Hebraice passiuo uerbo legitur, *quomodo assimilaberis*,] hoc est, quonam modo affectus  
 5) relinquendus esses, nonne reliquiarū aliquarū tibi superessent, ubi singuli rationibus satisfac-  
 6) cissent suis? atqui non fures, non vindemiatores, sed populabundi prædones expectandi  
 tibi sunt. Neque uero Edom clementiores in ea re eos, quos amicos & socios sibi habere  
 putauerat: quàm eos, qui certi manifestique hostes haberentur, experturus erat, quæ res  
 cum præter communem hominum opinionem & consuetudinem, cum præter mores  
 7) sit, diuinum planè consilium, atque iudicium arguit: unde & cum admiratione à Vate  
 8) excepta pronuntiatur. Cuius exornationis ea in sacris orationibus vis est, ut audito-  
 rum animos in grauissimis rebus ad remotiores causas, diuinumque consilium, & prou-  
 dentiam cognoscendam excitet, ut: *Quomodo persequabatur vnus mille & duo fuga-*  
 9) *rent decem millia. nonne quia Deus suus vendidit eos, &c.* Sic etiam hoc in loco non  
 minus periculi Idumææ à sociis, quàm ab hostibus procreati præuifa cogitatio, ad diui-  
 10) num iudicium, ut ad veram certissimamque causam reuocatur.

*Quomodo scrutati sunt Esau, inuestigauerunt abscondita eius? vsque ad terminum emiserunt te omnes viri fœderis tui: illuserunt tibi.*

30 Non solum hostium & inimicorum, suorum sæuitia, sed multo etiam magis socio-  
rum amicorumque perfidia & dolo perditum iri Idumæos coniectura facta Vates do-  
cet. Neque enim apertorum tantum hostium impetu, studio, atque opera, usque adeo  
penetrari, diripi, vastari loca omnia etiam reconditissima possent, nisi etiam amicorum  
& sociorum, à quibus minus sibi cauendum Idumæi putauerant, iudiciis omnia pate-  
35 facta ostensaque essent, ita ut facile inuasuris, & bellum malumque allaturis, atque di-  
repturis, quicquid illi celatum esse rebantur, aperiretur; ex quo cōsequitur illam calami-  
tatem diuino imprimis, deinde communi omnium, tum qui se amicos profiterentur, tum  
eorum, qui aperte hostes essent, consilio fore afferendam; idque ut minus Idumæi ipsi  
cauere, intelligere atque effugere possent, quod sanis alioquin cognitu fuerat facillimū,  
40 inconsideratissima & dementissima stultitia affecti sunt, & qui sibi maxime sapientes,  
atque gerendæ, augendæ, conseruandæque rei optime consulentes & providentes vi-  
debantur, exitu ipso stultissimi arguerentur. quam verò rem illi sibi firmo præsidio  
fore putauerant, nempe ut quàm multos socios confederatosque ex finitimis haberet,  
quorum opera & in bello & in pace vteretur; eandem ipsam maturiori & grauiori exi-  
45 tio futuram tandem esse ostendit. Quippe nihil aliud sibi amicis sociisque profuere, nisi  
ut simulata amicitia, qua parte inuadi, perdi & diripi commodius possent inuestigates,  
hostibus indicarent, ipsique pulsos & migrantes dissimulato odio, & ficto officio dedu-  
cerent. namque alioqui quomodo scrutati sunt hostes penetralia & recondita quæque,  
quomodo etiam abditissima omnia populabundi & perdituri inuestigauerunt? Sed illa  
50 certa & vera huiusce rei causa deprehenditur, nimirum te à viris omnibus fræderis tui,  
per simulationem amicitia non solum relictum, sed proditum etiam fuisse; quos nihilo  
magis officiosos expertus fueris. atque hi sunt, qui hospites apud se commorantes, non  
amicitia, sed odio occultaque maleuolentia persecuti, decedentes autem late & gratan-  
ter bene dissimulato animo, ad urbis aut domus usque sue terminos deducunt, valeque  
55 dicentes omnem redeundi oportunitatem & spem tacitis deprecantur votis; aut qui  
damnatum à se exilio hominem, simulata misericordia usque ad agorum, vnde exu-



lare iubetur, terminos proficiscentem comitantur: ita ut hoc prouerbij quibusdam nationibus & linguis locum dederit, *Lahorra del aqotado*. Huius prouerbij usurpatione ostendit consilia etiam pacis & fœderis cum quibusdam aliis nationibus ineundi, quæ maximè constabilire rem publicam existimantur, nisi Dominus ciuitatem custodierit, exitio grauiori esse.

*Qui comedunt tecum ponunt insidias subter te.*

MAGNÆ consuetudinis, & bene fidæ familiaritatis pignus communis mensa & conuictus apud omnes gentes olim fuit, & apud Orientales quoque nationes idē etiam nunc manet mos, ut communi consilio & ope eorum saluti prospiciendum putauerint, quibuscum familiariter vixissent, mensæque & conuictus usu communicassent. cuius fidei & officij violatio nefaria & prodigiola censebatur. huius sententiæ illud est: Tu vero homo vnanimis dux meus & notus meus, qui simul mecum dulces capiebas cibos. & alio in loco: Qui edebat, inquit, panes meos magnificauit super me supplantationem. Huiusmodi verò sociorum & amicorum fidem in sua salute experturos Idumæos Vates prædicit, ut pro cōsilio & auxilio occultam fraudem & insidias paratas sibi fuisse iam demum periculo functi intelligant. Oratio illa, *subter te*, occultas insidias, & dolo atque fraude tentos laqueos significat, quales auium & ferarum genera, ubi minus metuere, ubi escas sibi paratas sperauere, experiri solent. Quibus ex rebus omnibus illud consequitur, ibi maximè desipere & errare homines, ubi maximè sibi sapere, & consulere videantur. nonne stultam fecit Deus huius mundi sapientiam? Hoc autem est, quod statim confirmatur & concluditur.

*Non est prudentia in eo.*

Prudentia, quæ Hebraicè, *Bina* dicitur, virtus animi est, qua consilio & cogitatione, rerumque inter se comparatione, quid futurum tandem esse possit, quid maximè fieri expediat, intelligitur. ea virtute qui præditus est, Hebraicè *Nabon*, latinè prudens appellatur, sicut scriptum est: Qui sapiens est corde, appellabitur prudens: Due autē maxime virtutes esse existimantur, & ad maxima imperia propaganda, atque ad res gerendas, conseruandas, & tutandas imprimis Idonææ. Altera, quæ priorem in consiliis capiendis locum occupat, sapientia & prudentia dicitur. altera huic comes, quæ sapienter deliberatas & decretas res aggreditur & exequitur, fortitudo est: quibus virtutibus quæcunque humanæ actiones, quæcunque res innituntur, firmissimum fundamentum posuisse, & maximum etiam ad absolutam in vnoquoque genere felicitatem momentū habere existimantur. namque ad bellum bellique oportunitates & euentus, prudentiæ & sapientiæ consilia plurimum valere, huiusmodi sacris sententiis docemur: Cogitationes consilij roborantur, & gubernaculis tractanda sunt bella. Et ipsa de se prudentia verè prædicat: Ego prudentia, mihi fortitudo est. Ad rem publicam etiam in pace legibus administrandam maximum prudentiæ vsum esse idem auctor confirmat: Custodiens legem filius prudens est. Fortitudinem verò ad rem in bello strenuè gerendam, ubi coniuncta cum prudentia fuerit, vehementer probari, vel barbarissimorum hominum sententiis omnibus ostenditur, nedum diuinæ sapientiæ, quæ quamuis hoc in suis hominibus non requirat, quibus Deus ipse propugnator est, tamen re ipsa, & natura sua plurimum posse ostendit. quam obrem fortes viros vasa belli appellat: Quomodo ceciderunt robusti, & perierunt vasa bellica. & Rapsaces ille vtramque rem complexus, Quo consilio, inquit, vel fortitudine rebellare disponis. Vtraque autem hac commoditate, atque vtroque virtutum genere, quibus se maximè abundare, & pollere putabant, deficientes esse Idumæos, ut minimo negotio ab hostibus diuino cōsilio perdi delectique possint, Vates noster obnuntiat.

*Nunquid non in die illa dicit Dominus, perdam sapientes de Idumæa, & prudentiam de monte Esau?*

SIVE Idumæos eos tantum definiamus, qui Israëlitis finitimi fuerint, siue eos etiam qui ex his oriundi alia loca, quemadmodum dictum est, occupauere, omnes sapientes & consilij ad rem gerendam multi fuisse, & antiquis Machabæorum historiis, & aliorum auctorum testimoniis accepimus. Hanc autem sapientiam,

tiam, & maximam in generatione sua prudentiam, stultitia & dementia mutandum esse, & Vates hic, & Ieremias etiam prædicit, siue id immissa insania, siue apertis & proditis consiliis, siue callidioribus etiam hostium stratagematis accidat. Id autem Deo ultore, qui mundi sapientiam stultam facit, euenturum fuisse intelligimus: ne quis sibi aut cogitatus aut conatus vllus, aut vim & potentiam contra certam Dei voluntatem & decretam sententiam valitura fore iactare possit. De hac autem re sic apud Ieremiam legimus: Ad Ieremiam hæc dicit Dominus exercituum; Ierem. 49. nunquid non vltra est sapientia in Theman, periit consilium à filiis, inutilis facta est sapientia eorum. Quo in loco non solum Themanites ipsi, hoc est Esau posteri qui Seir, 10 montes incolebant, sed etiam filij, hoc est, ab eis oriundi appellantur. quibus neque prudentissima consilia, neque bellica virtus, & disciplina, assiduaque in præliis exercitatio, & tantis antea victoriis parta fortitudinis opinio, quo minus funditus pereant, profutura est. hoc est quod subiungit:

15 *Et timebunt fortes tui à meridie, vt intereat vir de monte Esau propter interfectionem.*

VB I nos legimus, meridie, Hebraicè est Theman. Quo nomine quendam ex Esau nepotibus dictum fuisse, & ab eo etiam regionem metonymicè appellatam, sacris 20 docemur historiis: nam Eliphas primogenitus Esau fuit, qui & primum omnium Theman filium habuit. Quoniam verò illius regionis situs meridionalis Israëlitis erat, Genes. 36. accidit, vt ei mundi parti & vento nomen idem fuerit impositum, quod ferè apud alias etiam nationes fit, sicut Africam & Africum ventum pro meridie, Hesperiam pro occidente latini dixerunt. Sed planè locus hic non de mundi plaga, sed de Idumæis ipsis 25 nomen accipiendum esse arguit. neque verò minus inutilem fore illis fortitudinem, quàm sapientiam ostendit; quoniam qui fortissimi & robustissimi in ea gente fuerint, nihil sibi præter timorem & trepidationem aut promittere aut præstare poterunt, ita vt nullo neque consilio obsisti, neque robore resisti possit, quo minus ea clades & calamitas Idumæis afferatur, vt neque vir vnus ex omni genere & familia Theman reli- 30 quus sit, qui aut nomen, aut institutum, aut rationem eius gentis aliquam conseruare tuerique possit. Propter interfectionem, quæ maxima & extrema omnibus illis, quicunque oppugnare voluerint futura est, ita vt nulla tanta cupiam virtus sit, quæ aut aliis subsidio, aut sibi ipsi saluti esse valeat. Propter interfectionem. Acclamationis vim hæc dicendi fugura obtinet, vt: Propter mansuetudinem & iustitiam, & deducet 35 te mirabiliter dextera tua. Sic ex diuino consilio Idumæorum, & omnis impij & superstitiosi hominum generis futurus fuerat exitus. Atque hæc de ea re lata & pronuntiata sententia est. Nihil autem in diuinis iudiciis tam graue tamque seuerum esse potest, quod non iustissimum sanctissimumque idem sit, & quod, si suis diligenter ponderibus examinatum fuerit, diuinæ iustitiæ admirandam æquitatem non vehementer 40 probet, id quod vno aut altero etiam exemplo ostensum, certissimam & perpetuam cæterorum omnium diuinorum iudiciorum ratione confirmare valet. Quoniam non Psalm. Deus aut mutabilis, aut volens iniquitatem ille est. Atque ex ea re effectum est, vt persæpe in iudiciis, atque in sententiis ferendis, causæ ipsæ & crimina, culpæque notatæ perorentur, ne cui impio atque nefario homini, vel in propria vel in aliena cau- 45 sa, vllus diuini iudicij atque consilij reprehendendi locus relinquatur. Eandem ergo hanc rem Vates noster hoc tamen si breuissimo, tamen elegantissimo sermone profertur, non qui Idumæorum iudicium & damnationem, publiceque futurum excidium; ad diuinum odium, aut ad nullis conceptam offensionibus iram, sed qui ad maximam & grauissimam illatarum publice iniuriarum culpam & crimen referat, 50 vt Deus omni ex parte iustissimus sanctissimusque probetur; humana verò malitia, & perversa contumacia, vt vera certaque malorum & pœnarum causa arguatur. Priuatis autem iudiciis, & singulis hominibus, aut temporali, aut æterno supplicio damnandis alias atque alias pro varia susceptorum scelerum ratione culpas subesse, publice verò allati iudicij & communis vniuersæ alicui genti supplicij decernendi causam, publicarum iniu- 55 riarum rationibus plerumq. definiri, abundè satis in cõmentariis Amos ostensum à nobis est, quod ea vna res tanquã cumulus quidã sceleribus aliis accedēs, lento aliàs gradu

venientem poenam, certam & maturiorem reddat. Huiusmodi autem iniuriæ publicè immeritis & miseris illatæ Esau posteritati, hoc est Idumæorum gēti in crimine ponuntur, cui ob eam rem grauissima poena & multa irrogata est.

*Propter iniquitatem in fratrem tuum Iacob operiet te confusio: peribis in æternum.*

D V A S Idumæorum generi calamitates, & duo supplicia decreta diuinitus fuisse, quæ ad certam rerum accipiendam sententiam distingui potius, quàm confundi oporteat in Ieremiæ vaticiniis obseruauimus. namque & semel ab Assyriis superandi in feruitutemque dandi Idumæi, cum aliis etiam totius ferè orbis gentibus prædicuntur in eo loco, qui calix vini iræ inscribitur. Sic autem locus habet: Ecce ego mittam & assummam vniuersas cognationes Aquilonis ait Dominus, & Nabuchodonosorem regem Babylonis ait Dominus, & adducam eos super terram istam, & super habitatores eius, & super omnes nationes quæ in circuitu illius sunt, & interficiam eos & ponam eos in stuporem, & in sibilum, & in solitudines seculi. In hac autem seruitutis miseria, usque ad septuagesimum annum eas gentes, quibus obnuntiatur, futuras esse idem Vates describit. Et erit, inquit, vniuersa terra hæc in solitudinem, & in stuporem, & seruient omnes gentes istæ regi Babylonis septuaginta annis, quo tempore Nabuchodonosoris filij nepotisque vita & regnum definitum fuit, vt & alio in loco idem Vates exposuit. Et seruient ei omnes gentes, & filio eius, & filio filij eius, donec veniat tempus terræ eius, &c. Veruntamen non eandem calamitatem esse, quam in hoc loco Abdias Vates prædicat, multa nobis imprimis confirmant, quæ consultò altero de eadem gente Ieremiæ oraculo, & huic collato constabunt. Idem enim Vates propelibri finem, vbi diem funestam & calamitosam Ægyptiis, Moabitis, & Ammonitis, aliisque gentibus dixerat, quam Nabuchodonosoris manus, his tandem tamen restituendis populis, alitura erat, quibus omnibus huiusmodi verbis spem facit, & conuertam captiuitatē Moab, &c. Tandem ad Idumæos conuerso sermone, inquit: Ad Idumæam hæc dicit Dominus exercituum: Nunquid non ultra est sapientia in Theman, periit consilium à filiis: inutilis facta est sapientia eorum, &c. Quia perditionem Esau adduxi super eum tempus visitationis eius. Si vindemiatores venissent, super te nõ reliquissent racemum. Si fures in nocte rapuissent, quod sufficeret tibi. Ego verò discooperui Esau, reuelauī abscondita eius, & celari non poterit, &c. Quia per memetipsum iurauī (dicit Dominus) quod in solitudinem & in opprobrium & in maledictionem erit Bosra, & omnes ciuitates eius erunt in solitudines sempiternas. Auditum audiui a Domino, & legatum ad gentes missum. Congregamini & venite contra eam, & consurgamus in prælium. Ecce enim paruulum dedi te in gentibus contemptibilem. Arrogantia tua decepit te, & superbia cordis tui, qui habitas in cauernis petrae, & apprehendere niteris altitudinem collis. Quum exaltaueris quasi aquila nidum tuum, inde detraham te, dicit Dominus: Erit Idumæa deserta, & omnis qui transibit per eam stupebit, & sibilabit super omnes plagas eius. Sicut subuersa est Sodoma & Gomorrha & vicinæ eius, ait Dominus, non habitabit ibi vir, & non incolet eam filius hominis, &c. Propterea audite consilium Domini quod iniit de Edom, & cogitationes eius, quas cogitauit de habitatoribus Theman. Si non eiecerint eos paruuli gregis, nisi dissipauerint cum eis habitaculum eorum, &c. Quem locum non modò indicari, sed prolixius etiam à nobis recitari & transcribi ratio ipsa, & sententiæ aperiendæ lex postulare visa est. Quibus ex locis duplicem Idumæis à Ieremia Vate cladem prædictam fuisse intelleximus, atque alterius afferendæ ministrum Nabuchodonosorem fuisse; alterius verò, quæ & obnuntiatione, & re ipsa posterior fuerat, non Babyloniis, sed aliis nationibus legationem mittendam fore. atque hoc inter priorem quidem & posteriorem cladem præterea interesse, quòd certum illi & definitum tempus, quoad seruitus, & miseria duratura fuerat, sit constitutum, septuaginta videlicet annorum, aut tota illius regis filij ac nepotis ætas. Huic verò posteriori, quæ absoluta plenaque fuit, nullum certum tempus, sed æternitas quædam est assignata. Præterea in priori illo excidio aliquæ Idumæis gentis fortunarumque suarum reliquæ fore non negantur, quibus præter belli exitum nihil seruitute durius denuntiaturum est. Seruitus autem seruos, qui seruiant arguit; nulla enim alioqui futura

futura esset, nisi qui fuerint, quibus imperantium & victorum dominatio fuerit ferenda. in posteriori verò hoc omnis omnino, non solum relinquendæ stirpis, sed restituendæ etiam spes prædicitur, Sodomæ & Gomorrhæ instar funditus evertendis. Non habitabit, inquit, in ea vir, & non incolet eam filius hominis. In priori etiam clade nulla Bosræ vrbs eius gentis principis mentio est. in posteriori verò sic legimus: In solitudinem & in opprobrium, & in maledictionem erit Bosra, & omnes ciuitates eius in solitudines sempiternas. Bosra autem munitionem, & inexpugnabilem quandam urbem significat, qua Idumæorum gloria, dignitas & magnitudo niteretur. Neque enim vlla hoc nomine dicta vrbs Idumæis fuit, qui Israëliti finitimam terram incolebant, sed ad significationem potius, quàm ad nomen referenda res est. Idem nomen Bosra quod valentia seu constantia significat. Omnem verò eius gentis vim, splendorem, dignitatem & potentiam, demoliendam esse prædicit. nam quæ proprio vocabulo dicta est Bosra, Moabitæ regionis vrbs, non Idumææ fuit. atque de eadem hac Idumæorum Valentia illud apud Isaiam accipitur vaticinium. Congregamini gentes ad audiendum, &c. quo- Isai. 34.  
 15 niam sacrificium Domino in Bosra, & mactatio ingens in terra Edom, &c. Et conuer-  
 tentur torrentes eius in picem & humus eius in sulphur: & erit terra eius in picem ar-  
 dentem, nocte & die non exstinguetur, in sempiternum ascendet fumus eius in gene-  
 ratione & generationem, desolabitur in secula seculorum, non erit transiens per eam.  
 Deinde illud annotatione dignum est, hanc extremam cladem Idumæis prædictam, non  
 20 per Babylonios, sed per alias nationes afferendam esse significari. hoc enim consilium  
 Domini de Edom initum audiendum nobis Vates proposuit: Si non eiecerint, inquit,  
 eos paruuli gregis. Paruulos autem gregis alias gentes potius, quàm aut Israëlitas, aut  
 Babylonios dici, argumento est ille alter locus in quo Babylonis malum & calamitas Jerem. 50.  
 à Persis afferenda iisdem omnino verbis prænuntiatur. Propterea audite consilium  
 25 Domini, quod mente concepit aduersus Babylonem, & cogitationes eius quas cogita-  
 uit super terram Chaldæorum. nisi detraxerint eos paruuli gregis, nisi dissipatum fue-  
 rit cum ipsis habitaculum eorum, &c. Quæ verò postea gentes ad paruulos gregis, &  
 ad Persas, quos hic Ieremiæ locus indicat, relatæ sint, in commentariis de gentium ori-  
 gine, si Deus annuerit, docebimus. Denique & illud argumento est non vnam tantum  
 30 simplicem calamitatem Idumæis prædictam, sed alteram grauem quidem illam, bre-  
 uem tamen ab Assyriis afferendam, alteram verò penitus exitialem. Cuius rationes  
 Ieremias Vates fuerit persequutus, quod futuram pacem & Israëlitarum rerum salutem  
 atque restitutionem post id tempus futuram Abdias præcinit, quæ nunquam hactenus  
 contigerit: nondum enim Israëliti omnes è tenebris in lucem vocati, atque ad ec-  
 35 clesiæ Christianæ communionem admissi sunt. Id quod statim à destructi & periti  
 Edomi tempore sperandum vates omnes, & apertissimè omnium Abdias, docuere.  
 Igitur septem his grauissimis testimoniis productis illud manifestè confirmatur, prio-  
 rem à Ieremia Vate denuntiatam Idumæis cladem, & tempore & ministris & ratio-  
 nibus ceteris, longè aliam à posteriori illa esse quæ sub ipsum libri finem diffusè satis  
 40 descripta prædictaque est. Atque hanc eandem cum Abdias vaticinio, & re ipsa, &  
 rationibus partibusque omnibus conuenire, cui non solum auctor atque attestator,  
 sed etiam explicator Ieremias (qui tempore posterior fuit) accesserit. nam qui  
 vtriusque prophetæ de hac re vaticinium nouerit, ambo procul dubio nouerit, ita eo-  
 dem argumento nec dissimili oratione aut stylo sunt. Atque huius pœnæ & grauissimi  
 45 casus, ruinæque Idumæorum primum proposita causa est. [Propter iniquitatem in fratrem  
 tuum Iacob, Hebraicè, propter Hharmacs.] de quo genere iam abundè alias disseruimus. De  
 inde pœnæ grauitas explicata. [Operiet te confusio, & peribis in æternum.] Hoc diuinæ legis  
 ius æquitasque postulat, vt in suo vitio quisque plectatur, vis capite, auaritia mulcta, honoris  
 cupiditas ignominia sanciat. non modò autè capite, rebus, fortunisque suis, sed animo  
 50 imprimis vitij sui pœnas daturum Edom Vates noster prædicit, vt qui ob inuidentiæ &  
 obreccationis, fratris sui Iacob rebus, dignitati & saluti sæpe insidiatus sit, & honoribus  
 atque famæ persæpe detraxerit, ignominia, probri omnibus, maledictisque in miseria  
 positum vexauerit, tam malè volentis primū animi, atque periti consilij, deinde verò ne-  
 fariorū inceptuum, conatuū, & pessimorū interdū criminū, supplicium luat. Id autem in  
 55 sacra philosophia confusione dicimus, quod latinis auctoribus propriè erubescētia, atque  
 etiā conscientia est, quæ aut vitium ipsa esse, aut ex vitio oriri plerunq. solet. Ea accidit



quoties initū magno studio consiliū, aut opus aliquod, aut sententiā, aut spem re ipsa & exitu magis, quā ratione improbare, aut dānare, atq. deponere cogimur, vel quod irrita vanaq. omnia, ac frustra nobis tētata, vel quod stultē cogitata iudicataq. inuitē etiā 2. Esd. 9. deprehēderimus. Huius definitionis multa passim apud sacros auctores exēpla sunt, vt: Deus meus confundor, & erubescō leuare faciē meam ad te, quoniā iniquitates nostrae multiplicatae sunt super caput nostrum, &c. & illud: Confundantur, & reuerentur qui 5 quærunt animā meā. &: Qui cōgregat in messe, filius sapiēs est: qui autē stertit aestate, filius confusionis. Sapientes abscondunt scientiā, os autē stulti cōfusioni proximum est. Psalm. 3. Prou. 10. Quoniā verō Edom magno cōsilio & ardenti studio Israëlitis fratris sui dignitati, auctoritati, atq. cōmodis omnibus detrahēre conatus fuerat, idq. sibi maximā gloriā & laudi 10 fore statuerat, si quā maximē aut fratrē suū affligeret, aut in illius ab aliis afflictī calamitatē quā insolētissimē insultaret, sicut scriptū est: Qui dicunt, exinanite, exinanite vsq. ad fundamētū in ea. futurū propterea dicit, vt ob propriē calamitatis, & ignominiae sensum, rubore & turpi cōfusione suffusus, totoq. iam impetu in praeceptis delatus, sententiā mutare cogatur, atq. ita stultitiā redargutus turpius pereat. [Operiet te confusio.] Vt 15 consiliū tuū improbens diuinū iustissimū agnoscas, causamq. fratrum tuorū vel inuitus probes, atq. huiusmodi erubescētia primū pro ista tanta ambitione affectus, cum ignominia tandē & dedecore moriāre. [Et peribis in aeternū.] Iā vero illud semper meminisse oportet, vaticiniū hoc nō ad Seirenses modō Idumaeos pertinere, sed ad eos etiā omnes, quotquot cōsilio instituto & vitā genere Idumaeorū partes habuēre, a quibus impugna- 20 ri solent Israëlitarū res, hoc est, eorū qui religionē verā atq. diuinā purē sancteq. colendā susceperint, siue illi olim Israëlita secundū carnē, siue postea Christiani, qui verē Israëlita spiritu sunt, fuerint; apud quos certa quādam & noua Israëlita rei diuinitus suscitata ratio est. Hi enim eos quos consiliorū socios & adiutores, & fratres habere oportuit, adulatores, & nihilo mitiores inimicos experti sunt, quā Iacob olim Edomū fratrē. 25 ita vt in breue ratio omnis cogatur, causam Deo iudice agi dicimus: atque hinc simplicis piorum hominum populi, Iacobum humilem & afflictum in hac vita, Deo tamen gratum virum. illinc verō gentilitatis & huius seculi filiorum, atque eius sapientiae & gloriā, quā in mundo est, sectatorum hominum, Esau feris moribus, & insolentiori natura hominem partes sustinere, reumque factum capitis & honoris iudicium pro om- 30 ni factionis suae gente accipere. nam qualem sese Edom eiusq. posteritas erga finitimū sibi Israëlē fratrem prēbuit, tales pari insolentia; non minori odio, maiori etiam vi & contentiori studio, filij isti Edomi, hoc est terreni & carnales homines sese Iacobi filiis, hoc est, piā & fideli ecclesiae humilitatem & nihil altum sapienti, inimicos pertinaciterque infensos prēbuere. atque huius à se accusati & redarguti animi, consilij & cona- 35 tus, ab idumaeis olim perniciosē proditum, à ceteris verō imitatione expressum exemplum narratione vsus Vates adhibet, quo ad maleuolētiā, inimicitiam, æmulationemque ostendendam nullum certius aut apertius argumentum depromi potest.

*In die cum stares aduersus eum, quando capiebant alieni exercitum eius, & extranei ingrediebantur portas eius, & super Ierusalem mittebant sortem. tu quoque eras quasi vnus ex eis.* 40

CV M sceleris vitij & flagitij omnis caput & fons in animi sententia, consilio & voluntate praecipue sit; de corde enim exeunt iniquitates male, homicidia, &c. Voluntas 45  
 „ ipsa & consilia imprimis, deinde conatus, postremò etiam actiones, diuino iudicio seuerissimē censentur, sicut scriptum est: Qui loquuntur pacem cum proximo suo, 5  
 „ mala autem in cordibus eorum, da illis secundum opera eorum, & secundum nequitiam ad inuentionum ipsorum, secundum opera manuum eorum tribue illis, redde re- 10  
 „ tributionem eorum ipsis. nulla autem re magis animorū similtas, & maleuolentia perspicitur, quā si quis alteri non à se, sed ab aliis allata calamitate & malo delectetur: 15  
 „ extremā enim crudelitatis est aliena opera animi cupiditatem explorare conceptumque odium satiare. Si enim is qui illatam alteri iniuriam cum propulsare possit, non propulsat, tam in culpa est, quā is qui infert, quantum eius crimen esse oportet, 20  
 „ quoniam non solum non propulsat, sed studio plausu atque incitamento etiam inferenti adest. Idumaeos autem & iniuriam Iacobo vltro illaturos, & illatam ab aliis omni plausu 25

plausu excepturos, & contento studio perpetuas inimicitias gesturos Vates hic multo antè videns prædixit, atq; omnia tempora vno velut futurarum rerum spectaculo intuitus: vno etiam sermone complexus est. Primum verò omnium Babylonicam illam stragem indicat, qua Ierolyma Assyriorum impetu, & Idumæorum applausu atque adhortatione vastata est. De qua illa grauis piorum extat querela: Memor esto Domine filiorum Edom in die Ierusalem, qui dicunt, exinanite, exinanite, &c. Hoc verò grauissimum iniuriæ genus, aduersus afflictum ac miserum quemlibet; maximè autem aduersus fratrem, quem omnibus potius officiis, omni misericordia prosequi oportuerat: atque hanc primam iniquitatem, primumq; iniuriarum siue hhamazz scelus, suis personarum, temporis, loci & situs, atque habitus circumstantiis, vt grauissimum iudicari possit, amplificat. quæ ratio in maximis criminibus plerumq; obseruatur. [In die cum stares aduersus eum, &c.] Atque eius calamitatis non minorum culpam Idumæos, qui adessent, etiam si nihil nocuerint, quæ hostes ipsos, qui malum damnumque intulissent, sustinere, ait: [Tu quoque eras quasi vnus ex eis.] Neque enim damni maliq; illati leuius quàm illi teneris, quando eorum qui consilio aut opera nocentes iuuerint, par ratio eademque multa est: Non enim solum qui talia agunt, sed qui facientibus consentiunt, supplicio digni sunt; maxime autem cum illi alieni & hostes aperti essent, tu verò frater necessitudine coniunctissimus, officiorumque legibus obligatissimus esses. Indignum enim erat afflictis & miseris non succurrere. indignius multo apud hostem, ne nimium in victos captosque sæuiretur, non intercedere. longè autem indignissimum, non solum otiosum, sed etiam vitro infensum, atque plaudentem spectatorem in fraterna calamitate sese præbere. Id enim extremæ inhumanitatis & sæuitiæ est, quos charissimos habere oportuerit; non solum non tristi vultu, sed etià importuno pereuntes videre, sicut scriptum est: Et abiit seditque è regione procul, quantum potest arcus iacere. Dixit enim, nō videbo morientem puerum, sedensque contra leuauit vocem suam, & fleuit. Hoc vultu atque animo, hac humanitate necessariorum miseras, quas leuare non possis, prosequi oportuerit.

*Et non despicies in die fratris tui, in die peregrinationis eius, & non letaberis super filios Iuda, in die perditionis eorum, & non magnificabis os tuum in die angustiae.*

IN IURIÆ & contumeliæ indignitatem multis simul elocutionis figuris coniunctis amplificat: namque & veratione siue prohibitione primum vitur, quæ rebus actionibusque inhonestissimis explicandis adhiberi solet, vt: Noli æmulari vt maligneris: Noli esse amicus homini irato, &c: Ne facias quod olim Gargilius quidam, &c. Huius figuræ vsus est rerum indignitatē & turpitudinem dedecusq; ostendere, quò magis illæ dampnabiles iudicari possint. Meminerimus etiam id quod saepe aliàs obseruauimus, elegantem esse futuri temporis vsum ad huiusmodi orationes, quæ aut rerum decus, aut perpetuitatem certa quadam significatione explicant, vt: Os habent & non loquentur, &c. & illud: Quæ non debuisti facere, fecisti nobis; quem locum Hebraicè legimus, Quæ non fecisti nobis: quorum alterum exemplum rem fieri nunquam posse; alterum verò non decere significat. sic apud externos: Frustra cruento Marte cærebimus. & illud: Non hoc iocose conueniet lyrae. sic etiam hoc in loco: [Et non despicies, & non letaberis, &c.] Præterea & verborum sententiarumq; incremento rei indignitatē amplificat: nam si aliena calamitatem videre inhumanum est, fraternam verò inhumanissimum, quibusnā verbis notari is possit, qui super filios Iudæ in die perditionis eorum latatus fuerit, sed neq; hoc contentus, contumelia, os etiam suum in die angustiae insultando magnificauerit: Hoc enim huiusmodi oris habitus & gestus significat, in miseras & afflictas aliorum res insultare, & ex euentu atque fortuna consilia omnia definiti, notari & iudicari. id quòd vulgus hominum, qui fortunam semper sequutus damnatos odit, facere solet, vt illud: Alios saluos fecit, seipsum saluum facere non potest: si filius Dei est, descendat nunc de cruce & credimus ei. hoc est, magnificare os, stultè & temerè aliorum consilia, resq; gestas, non ex ratione, sed ex odio iudicare: atque res etiam honestissimas crebris & longis sermonibus turpiter exagitare, vt illud: Aperuerunt super te os suum, omnes inimici tui, fibilauerunt & frenduerunt dentibus suis, & dixerunt: deuorabimus. En ista est dies quæ expectauimus, inuenimus, vidimus. Exornatur etiam oratio, rei indignitas amplificatur appositis verbis & sententiis, cuiusmodi illa sunt, frater, alienus, dies fratris tui, dies

Nume. 20.  
Deuteron. 2.

Machab. 1.  
Ioseph.

Pſalm.

Pſalm.

Ezechiel. 25.

Ioël. 3.

De bello  
Iudaico.

peregrinationis eius, lætari in perditione, aperire os in die angustie. Sed quid nos singula verba & exornationes persequimur, quod tamen iucundissimum vtilissimumq. opus; tamen propè esset infinitum. Quod verò dicit dies peregrinationis eius, Hebraice est dies alienationis eius, hoc est, cum dignitate, salute, fortunisq. suis abdicatus ab alienatusque est, & ab illo qui fuerat, vehementer mutatus. Hispanè id significatè dicitur: *en el dia de su estraneza*. Haftenus iniurià illà persequutus est, quā Israhelitarū à finitimis Idumæis, qui fratres nominantur. fuere perpeſsi. quòd ea necessitudo naturæ, originis, atque generis monumentis, locorum vicinitate & frequenti nominis appellatione illustris ac manifesta fuerat. cuius rei multa adhuc in sacris libris testimonia extant, vt: Hæc mandat frater tuus Israhel, & illud: Transibitis per terminos fratrum vestrorum filiorum Esau, qui habitant in Seir. nunc deinceps alià iniurià crimini dat, quam nō tam illa natio, quàm ex ea oriundi, aut eorum partes, secta, moresq. imitati, Gætiles, alij Græci, atq. Itali, calamitosè Israhelitis attulerūt, & cum Iudaicæ res à Græcis, & cū à Romanis, vt à Pompeio afflictæ vehementer vexatæq. sunt: quos propterea non iam vt antea fratres appellat, cū studio potius, & cōmuni in Israhelitas odio, quā toto genere, & omniū familiarū origine Idumæis ascriberetur. atq. his eadē cūfusio, idē exitij periculū denūtiatur, qui grauius etiā quā illi, quorū in ea re mores imitati sunt, nocuisse arguuntur. quandoquidē Idumæi illi non tam illato à se Israhelitis malo, quàm cupito probatoq. inhumanitatis notam subiēre: hi verò mali damniq. atque calamitatis auctores & ministri fuerunt, variis bellis, insidiis, dolis, incursionibus factis, quibus vehementer nimium sæuierunt, & non hostiliter modo, sed ferissimè sese gesserunt. Quæ res Machabæorum libros, & Iosephi, Aegēſippi, aliorūq. auctōrū historias legētibz facilis agnitu est. Quāquā verò id nō sine diuino numine, nec citra magni cōsiliij sententiā acciderit; tamē parcius, mitius, & humanius cū miseris & afflictis hominibus agi oportuit, neq. sceleratorū (quorum causa id diuinitus erat decretū) pœnas ad iustorū etiā & piorū virorū afflictionē ludibrium, & ad religionis etiā ignominia producere. quòd ea res crudelissima omnino, & inuisa, improbatæq. Deo sit, sicut scriptū de eo inhumanitatis genere est: Quoniā quē tu percussisti, persecuti sunt, & super dolorē vulnerū meorū addiderunt. atq. hanc calamitatē à gentibus istis insolenter nimium afferendā, diuinus Psaltes grauiſſima querimonia est persecutus: Deus venerunt gētes in hæreditatē tuā, polluerūt tēplum sanctū tuū, posuerūt Ierusalē in pomorū custodiam. Posuerunt morticina seruorum tuorum escas volatilibz celi, carnes sanctorum tuorum bestiis terræ. hoc autem crimen sic Vates agit:

*Neque ingredieris portam populi mei in die ruinae eorum.*

Itaque hanc iniuriā non solum studio, voto, volūate, plausuq. inferentibus dato, sed re ipsa atq. propria opera illatā, Idumæorū factioni Vates obiecit, qua de re illud etiā apud Ezechielē legimus: Pro eo quòd fecit Idumæa vltionē, vt se vindicaret de filiis Iuda, peccauitq. delinquens, & vindictam expetiuit de eis, idcirco, &c. Neq. ab hac sententiā alienum est, quòd apud Ioēlem sumus interpretati: Idumæa erit in desertū perditionis pro eo quòd iniquè egerint in filios Iuda, & effuderint sanguinem innocentē in terra sua.

*Neque despicies tu in malis eius, in die vastitatis illius.*

SCRIBIT Iosephus Idumæos, qui finitima Israhelitis loca tenuere, Tito atque eius exercitibus, quo tempore impetum in Ierosolymam fecerunt, sese socios in illius ciuitatis perniciem adiunxisse, atque spoliōrū & prædæ spe non solum in prælio pugnantibus, sed fugientibus etiam & periculum euadentibus, ne quis superesset, vehementer fuisse infestos. deinde verò, qui reliqui ex illa clade, quā miserè vexati, afflictī atque exagitati, & in summas omnium rerum angustias adducti haftenus fuerint, nemo est qui ignoret, cū gentes omnes nationesq. aliæ, quotquot ex illo genere sint, siue sua adhuc instituta, & vmbatilem religionem tueantur, siue ad nostram lucem diuino beneficio euaserint, grauiſſimo odio, & discordia plusquā ciuili prosequatur, atque quanto plurimorum & maximorum nominum studio & plausu id inter Christianos fiat, planè video: quāta verò pietatē, alij fortasse clariū, nos verò nō sanè possumus perspicere. itaq. ad hanc imaginē omne hoc ab Abdia Idumæis factum crimē alludere videtur. Sed nos imaginē ipsā ad duos populos (quorum causa instituta oratio est) reuocantes; alterū piorum (qui non vt causa, ita semper rerū vsu potiores in hoc seculo sunt) alterū verò impiorum, & eorum qui homines tantū esse probantur, à quibus illi plerumq. patiūtur, crimen referimus; quòd illorum isti semper felicitati inuideant, honoribus detrahant, consiliis

consiliis aduersentur, rebus omnibus, salutis, incolumitati, dignitatiq̃ue insidiari soleāt, & quo minori numero fuerint, hoc magis sint infesti. Ea autem res quemadmodū olim inter carnales Israëlitas & Idumæos intercessit; sic inter eos qui vere Israëlita sunt, Iudæiq̃ue spirituales, hoc est, inter veros pieratis cultores, & inter eos qui morem ac vitæ genere Idumæos ambitione, superbia, & insolentia imitantur, intercedit; quorum alteris per laborum tolerantiam, & patientiam, æternæ salutis spes; alteris verò per insolentiam atque in agendo pertinaciam, certa quædam turpis erubescentiæ, atque exitialis pœnæ expectatio est reliqua.

10 *Neque despicies & tu in malis eius, in die vastitatis illius, & non emitteris aduersus exercitum eius in die vastitatis illius, neque stabis in exitibus, vt interficias eos qui aufugerint, & non concludes reliquos eius in die tribulationis.*

NEQVE æquum fuerat, inquit, te testem, socium, & spectatorem præbere vastatibus, cum vastatus hic populus est, neque vim & manus illis in die prælij, vt citius perirent, inferre; neque fuga sibi consulentibus oppositum obuiamq̃ue factum omnē salutis spem, omnes misericordiæ aditus, omnes exitus præcludere; neque eos qui reliqui ex ea clade fuerint, miseris modis afflictos vexare. Hæc enim & huiusmodi omnia nefaria atque inhumana facinora, diuina vltio grauissima atque certissima expectat, sicut scriptū est: Væ qui prædaris, nonne & ipse prædaberis. Neque enim alius inuidiæ, odij, & maleuolentiæ exitus esse potest. Constat autem te non diuinum cōsiliū, sed tuum odium sequutum, tanta insolentia & furore in eos, quibus pepercisse magis oportuerat, fuisse debacchatum. Quantum autem tibi ipsi his rebus malum, quàm acre atque seuerum iudicium paraueris, non longè abest vt intelligas.

25 *Quoniam iuxta est dies Domini super omnes gentes, sicut fecisti, sic fiet tibi; retributionem tuam conuertam in caput tuum, &c*

EVANGELII virtute, atque Christi nomine bellū gentibus omnibus cum summa aduersantium & oppugnantium pernicie inferendum esse prædicit; quo in bello diuinitus instructo cum cæteris, quæ pio populo infestæ hætenus fuerint gentibus, cum Assyriorum, Aegyptiorum, Ismaelitarum exercitibus, Idumæorum etiam genus funditus esse periturum, denuntiat. Eam autem spiritualement Euangelij, & eorum qui non crediderint Deo, neque obediuerint Euangelio, virtutis eius pugnam non solum animis, sed corporibus etiam rebusq̃. multorum exitialem fore; contrā verò ijs, qui crediderint & obediuerint, magnam & æternam salutem fore allaturam: id quod à quodam ex his diuinis militibus verissimè, & summa cum gloria prædicari audiuius. Deo autem gratia 2. Corinth. 10. qui semper triumphat nos in Christo Iesu, & odorem notitiæ suæ manifestat per nos in omni loco. Quia Christi bonus odor sumus Deo in ijs qui salui sunt, & in ijs qui pereunt; aliis quidem odor mortis in mortem, aliis odor vitæ in vitā: & ad hæc quis tam idoneus? Atque hoc bellum Christi auspiciis inceptū & gestum tam diu duraturum est (qui se- 2. Cor. 15. det ad dexterā patris) donec tradat ille regnum Deo & Patri, cum euacuauerit omnem principatum, & potestatem & virtutem; oportet enim eum regnare, donec ponat inimicos omnes sub pedibus eius. Igitur hunc diem Domini & verè Domini diem, cum nō humanis artibus aut copiis, sed diuino consilio & virtute gerenda sūt res: namq̃. ad hæc quis tam idoneus? hunc salutarem aliis, aliis verò exitialem diem iam dictum decretumq̃ue esse cum cæteris gentibus, tum Idumæorum factioni, qui plurimum & impietate & iniuria fratribus inferenda commeruere, denuntiat. Oratio autem sic contextitur. Non æquum fuit te hæc omnia aduersus immerētes, & tibi minimè infestos fratres: sceleris & perfidiæ facinora commisisse. [Quoniam iuxta est dies Domini super omnes gentes, & super te etiam; Hebraicè, Propè est dies Domini.] Propè autem illum esse confirmat, vel quòd temporis cursus natura sua velocissimus apud Deū, cui omnia præsentia sunt, multo sit velocior, atq̃. adeo etiā acceleratu facilis, vt securos, & imparatos homines, neq̃. opinantes repente soleat opprimere. Quod autem diuino consilio certum decretumq̃ue est, id longum nimis fore putare non conuenit. falsa enim omnino, & perniciosè deceptionis plena vox illa est: Vbi est promissio aut aduentus eius? ex quo enim patres dormierunt, omnia sic perseverant ab initio creaturæ. Vnū verò non lateat vos charissimi, quia vnus dies apud Dominum sicut mille anni, & anni mille sicut dies vnus. Itaque vox iuxta, vel instare



Deuter. 30.

Act.

instare non longe q̄. abesse rem significat, vt iuxta est dies perditionis, & adesse festiuant tempora, vel illud significat rem certā, integram faciem q̄. actu esse, quæ quo minus efficiatur, impediri non possit; vtpote Dei consilio decreta, virtute & imperio in lucē, cum placuerit, proferenda. huiusmodi illud est: Iuxta est sermo valde in ore tuo, & in corde tuo, vt facias illū. tum ergo expeditionis facilitate, tū expectationis breuitate [Iuxta est dies Domini super omnes gentes, inter quas etiam sicut fecisti, sic fiet tibi.] Neque enim est acceptio personarum apud Deum, sed quemadmodū in omni gente qui timet Deū & operatur iustitiā, acceptus est illi, sic quicumq. ex contentione impietate iniuriāq. inferēda viuūt, grauissimū diuinæ ultionis iudiciū subituri sunt: atq. æquē gētes omnes, quæcunq. hoc nomine censebuntur, perituræ. Vnicuiq. enim secundū opera sua rependendum est. 10

*Quomodo enim bibistis super montem sanctum meum, bibent omnes gentes iugiter, & bibent, & absorbebunt, & erunt quasi non sint.*

OMNES quicumq. vno crimine inuoluti sunt, vna iudicij & sententiæ formula comprehenduntur, ne quis vllō nomine, aut genere, aut priuilegio diuinum iudicium sibi effugiendum fore arbitretur. perinde enim vobis omnibus exitialis calamitas afferenda est. vt à vobis populo meo inhumanē, atq. in religionis opprobrium & cōtēptū fuerit allata. Conuertitur autē sermo ad eos, qui dura nimis perpeffi à gentibus fuerāt, hoc est, ad piorum populū, quos ultionis certa spe atq. expectatione cōsolatur. Quemadmodū, inquit, qui in monte sancto meo nomē meum religionēq. colitis sanctissimam, vexati ab his afflictiq. estis vehementer, sic isti me ultore, sacrosancti Euangelij vi, virtute & efficētia, atq. sequenti rebelles & contumaces ultione funditus euertētur. Calicis verò, & bibendi propinandiq. verbis suppliciorū aut pœnarū, aut etiā ultionis acerbitatē significari sæpe aliās docuimus, vt: Hunc humiliat, & hūc exaltat, quia calix in manu Domini, vini meri plenus mixto, & inclinauit ex hoc in hoc; verūtamē fex eius nō est exinanita, bibēt omnes peccatores terrē. Atq. eadē ferē significatione in grauissimis & molestissimis rebus deuorare verbū à Latinis vsurpari solet. adeo autē copiosum atq. abundantē amaritudinis calicem gentibus omnibus esse propinandum ait, vt ebriis factis, funditus sit tandem pereundum. Iam verò ex quo Christus ad dexteram Dei regnaturus ascendit, mysterium hoc in filios iniquitatis operatur. quod si nondum omnibus poculum hoc exhibitum fuerit, non adhuc tamen est exhaustum. [Bibent, bibent omnes peccatores terrē, & erunt quasi non sint, Hebraicē est, quasi non fuerint.] Atque hæc quidem impiis & sceleratis hominibus in vniuersum, cum studiis, factionibus, potentia, copiisq. suis diuino iudicio edita est sors. Piis verò & religiosis, atq. per patientiam boni operis Domini diem expectantibus, illa diuinis promissionibus parata est felicitas. 35

*In monte Sion erit saluatio & erit sanctus, & possidebit domus Iacob eos, qui se possederant.*

Luce 10.  
1. Petr. 1.

MAXIMUM illud publicæ salutis sacramentū, cuius causa antiqua omnia dicta factaq. sunt, cuius rationes nulli vatū ad promittendū nō sunt diuinitus cōmissæ, hoc iam in loco Abdias de more significat. id verò prædicandū magis illis & optandū, quam penitus cognoscendū & creditū. nobis autem huius felicissimæ atq. aureæ ætatis hominibus, nisi tanta hæc dignitas aliūde ob nostrā culpā impediatur, cognoscendū tractandūq. re ipsa, & experimento proprio, viuāque efficientiā sentiendum donatū diuinitus est. Amen quippe dico vobis, multi reges & prophetae cupierūt videre, & audire, quæ vos videtis & auditis, & non potuerunt. namque de hac salute exquisierūt, atque scrutati sunt prophetae, qui de futura in vobis (nouī Testamēti cultoribus) gratia prophetauerunt. scrutātes in quod vel quale tēpus significaret eis spiritus Christi, prænuntiās eas, quæ in Christo sunt, passionēs & posteriores glorias. Quib. reuelatū est, quia nō sibi met- ipsis vobis autē ministrabāt ea, quæ nūc nūtiata sunt vobis pereos qui euāgelizauerūt vobis, Spiritu S. misso de cælo, in quē desiderāt angeli prospicere, &c. Equidē vereor ne ratio hæc vniuersa, quā nobis oībus perspicuā, apertāq. esse oportuit, maxime Christianorū hominū parti suo vitio diuinoq. iudicio obscura difficilisq. fuerit reddita. nā, pfecto si perspecta oībus certāq. esset, melius multo nobiscū ageretur, q̄ agitur; neq. solū publicæ priuatēq. res, sed singulorū mores consilia etiā cōmuniter separatimq. suscepta, eum, quē decuit, cursum tenerent. Sed quoniā nobis, dum Vatum scripta enarramus, indicādi potius, quā explicādi mysterij huius cōmoditas est, satis officio nostro fecisse videbimur, si Chri-

si Christianos interim homines adhortati, vt omnibus votis atq. assiduis precibus huius  
 sacrosanctæ rationis abundantē sibi ipsis explicationem à Deo impetrent, interim breui  
 argumēto contēti rem ipsam, vt à Vate nostro indicatur, breuissimē exponamus. In tan-  
 ta rerum humanarū perturbatione, in tanto hominū periculo, in tantis miseriis à com-  
 muni omniū hoste diabolo per primi parētis scelus, & per propria singulorū vitia & pec-  
 cata allatis, vnā tantū ad salutē viam sibi munitā Deus declarauit, si quem ipse missurus  
 erat totius orbis seruatorē, publicæ salutis assertorē, & vindicē, homines libēter & gratē  
 reciperent. namq. ille eam, qua præditus erat, virtutē, eumq. quo ipse abundabat, diui-  
 num spiritū cum suis omnibus fuerat cōmunicaturus. cuius maximi doni, qui partici-  
 10 pes essent, vt cælestes planeq. diuini, maximū ad salutē & victoriā ex cōmuni hoste,  
 eiusq. exercitibus reportandā, momentū haberent, sicut scriptum est: Quotquot au- Ioan. 7.  
 tem receperunt eum, dedit eis potestātē filios Dei fieri, his qui credunt in nomine eius;  
 qui non ex sanguinibus, &c. sed ex Deo nati sunt. Hunc verò Seruatorem fide & ob-  
 sequio suscipi ab ijs oportuit, quicunque illius salutis diuinæq. dignitatis participes esse  
 15 expetiuiissent. namque vtramque hanc rem ille ipse publicē exigebat: Pœnitementini &  
 credite Euangelio, & appropinquabit in vos regnum Dei. At verò hunc tantum salutis  
 & diuinæ dignitatis auctorem, & procuratorem à se mittendum, & gratis hominū ge-  
 neri donandum, variis iisdemq. maximis nominibus, pro aliis atque aliis huius maximi  
 mysterij rationibus appellari placuit, quæ omnia neq. nostri ingenij tenuitate, neq. his  
 20 tēporis & loci angustiis explicari sese patiuntur, ex quibus vnū est Sion, qui cū editissi-  
 mus Ierosolymorū mons fuerit, & Dauidi regi præcipuē ad regiā ædificandā optatus,  
 huius, de quo nobis sermo est, Iesu Christi instar obtinuit, quem totius cælestis ciuitatis  
 suæ, hoc est, Catholicæ Ecclesiæ, in qua regnaturus ipse fuit, principē & firmissimū cer-  
 25 tissimūq. caput esse decreuit, sicut & de imagine ipsa, & de ea, quā imago referebat, sig-  
 nificatione scriptū est: fundatur exultatione vniuersæ terræ. Mons Sion, latera Aquilo-  
 nis, ciuitas regis magni. Deus in domibus eius cognoscetur, cū suscipiet eam. igitur  
 hoc cōmune & certissimū omnibus ad salutem perfugiū, hoc asylum, hoc maximum &  
 firmissimū piis omnibus præsidium à Deo per Vate proponitur & indicatur; à quo cre-  
 30 dentibus & obtemperātibus certa salus; oppugnantibus verò & impiis, aut ad hostis ca-  
 stra deficientibus, certa pernicies exitiūq. est. neq. enim vllū aliud nomē hominibus  
 datum est sub cælo, in quo oporteat nos saluos fieri, & nō est in aliquo alio salus, aiebat  
 Petrus. [*In monte Sion erit saluatio.*] Ecclesiā Catholicā, cuius caput Christus est, vnicū  
 certissimū & cōmune salutis perfugiū & domiciliū fore significat. nam quōd hic salua-  
 35 tionem legimus, ex Hebraico clariū euasione interpretari possumus. [*Et erit sanctus, He-*  
*braicè est, sanctitudo siue sanctum.*] Sanctificationē illam significat, cuius apud noui Testa-  
 menti auctores frequētissima mentio est. eo autē diuino puritatis & sanctitudinis dono, Leuit. 19.  
 cum aliis maximis muneribus à Christo datis perficiēdos esse homines, antiqua & sacro-  
 sancta Vatrū carmina prædixere, vt: Sancti eritis mihi, quoniā ego sanctus sum Dominus Ezech. 37.  
 Deus vester, & dabo sanctificationē meā in medio eorū in perpetuū. Et erit omnis, qui  
 40 relictus fuerit in Sion, & residuus in Ierusalē sanctus vocabitur, omnis qui scriptus est in  
 vita in Ierusalē, & vocabunt eum populum sanctum redēptos à Domino. Sanctitudinē  
 verò Hebraicè separationē, & sepositionem à vulgari & cōmuni consuetudine atq. vsu,  
 præterea inuiolabilē quandā, intactāq. maiestātē significari, longē lateq. ab hominū  
 vulgo remotā, iam aliās docuimus. huiusmodi autem ciuitatē quandā sibi per Christū  
 45 instituendā Deus multò antē receperat. Et erit ibi semita & via, & via sancta vocabitur:  
 non transibit per eā pollutus, & hæc erit vobis directā via, ita vt stulti non errent per eā.  
 Ita locus hic de sanctificatione per Christū suis donata est accipiendus; quod Chaldaica  
 Biblia manifestē indicant, [*Et erunt, inquit, sancti.*] Quā profectò rem abundē satis fuisse  
 se à Christo nostro suis cultoribus præstitam multa confirmant testimonia. Sed ablutī  
 50 estis, sed sanctificati estis, sed iustificati estis, in nomine Domini nostri Iesu Christi, & in  
 spiritu Dei nostri. [*Et possidebit domus Iacob eos, qui se possederant.*]  
 Et erit domus Iacob ignis, & domus Ioseph flamma, & domus Esau stipula, &  
 succendentur in eis, & deuorabunt eos, & non erunt reliquie domus Esau,  
 quia Dominus locutus est.  
 55 QVANTVM magnum, acerbum, & diuturnū bellū Idumæorū factioni aduersus  
 exiguum & simplicem populum susceptum sit, in quo maior pars minorem vehemēter  
 affligere

affligere semper visa sit, tamē ab hac illā omnino tandē superandā esse, & huius virtute illius nomē esse deniq. extinguendū, prāter verissima diuināū promissionū oracula, ipsa iā huius rei pericula certā nobis fecere spē. quoniā nō multitudine, aut copiis, aut humana potētia & facultate, sed diuina virtute & efficiētia melior pars aduersus maiorem nititur. cuius virtutis prāter hominum opinionē certissimā semper victori fuisse, non solum Ægyptij à Mose Dei ministro superati, sed & Græci, & Latini, & Barbari, penes quos aut humanæ virtutis, aut sapientiæ, aut vtriusq. rei summa fuerat, testari possunt, qui omnes paucorum & infirmorum (vt videbantur) virorum tandem virtuti & sapientiæ cedentes, Euangelij veritati succubuerunt. neq. enim veritati & spiritui, qui loquebatur, vt suum errorem tuerentur, resistere valebant. sed quoniā hæc Christiani nominis & religionis nostræ victoria. hic triumphus, nondum de vniuersis gentibus plenē reportatus est; multi etiam ex Idumæorum factione supersunt, qui piis & religiosi hominibus molesti esse pergant. omnes tamen peruictum, perditum, atque in seruitutem redactum, nomenq. ipsum & studium Idumæorum penitus extinctum iri Deus & apud Vatem hunc, & apud cæteros etiam sæpe est pollicitus, summamq. pacem toto orbe Christiani nominis cultoribus sperandam spectandamq. proposuit. etenim hoc ipsum ex antiquo illo de vtrisque partibus responso dato relatum est: Maior seruiet minori. namq. tametsi Iacob hætenus insidias ab Esau passus, afflictus agitatusq. fuerit, tamen cū duabus turmis ex Mesopotamia rediens, & magna equitum peditumq. turma appetitus, deductus potius, quā vexatus est; tandem autem Imperator & dominus suscipiendus, ita vt domus Iacob possideat eos, qui se hætenus possederant. Quanta autem sapientia, quanta obseruatione res hæc prædicatur, vtque prædictiones cum euentu ipso conueniant. non ita apertē & planē explicare possumus, vt nobis ipsi satisfaciamus: sed ne omnino nihil dicamus, perangustē saltem in breuissima oratione maxima hæc infarcienda ratio est. Iacob natus minor, & promissionis spēs prior Esau fuit; tamen post emptum sibi primogenituræ ius vehementer afflictus, insidiisq. petitus atque exagitatus, patria cedere coactus est. Deinde ab exilio & fuga diuinitus reuocatus, diuitiis liberisq. auctus dum rediret, fratrem, cuius vim, potentiam, opesq. formidabat, tamen ob fidem & animi constantiā, humanitate & comitate superauit, & ne noceret, retinuit. Non multo post tempore Iacob in Ægyptum descendit, vbi à Iosepho filio duobus nepotibus auctus est, quos tametsi ex alieni populi matre susceptos, tamen nominis, generis, dignitatis, iurisq. sui hæredes adoptatos, propriis liberis testamento ascripsit. atque hæc ex diuinis historiis manifesta sunt. Ex Hebraicis autem traditionibus, historiis & interpretationibus illud accepimus, Iacobi filios, quo tempore parentis corpus ex Ægypto sepeliendi causa extulissent, dum funeri operam darent, bello ab Esau posteris Sapho quodam duce fuisse tentatos, quos tamē Iosephus deuicto atque capto abductoque in Ægyptum duce, represserit. Ad quam historiam illud spectare videtur, quod funeris negotio, officioq. narrando Moses adiecit. Quod cū vidissent habitatores terræ Chanaan, dixerunt: Planctus magnus est iste Ægyptiis, idcirco, &c. Hanc verò omnem imaginem ad hunc explicandum locum, intueri conueniet, ita vt fidelium & piorum Ecclesia, exiguus primū ac pusillus grex humilem nobis Iacobum exprimat; quem alter impiorum & superstitionum hominum populus hætenus diuexauerit atque affligerit: quoad aucto iam discipulorum numero, securius atque suauius agere coepisset. Et Ecclesiæ quidem confirmabantur fide, & augebantur numero quotidie. deinde verò non solum ex Iudæis, hoc est, ex propria gente, sed ex Ægyptiis, hoc est, vanæ gentium superstitionis cultoribus, liberorum soboles addita Iacobi familia est: atque ex vtroque populo vna Ecclesia, vnum baptisma, vnum corpus est constitutum. Vtriusq. huius corporis partis opera efficiendum esse diuina oracula prodidē, vt Esau factionis memoria tollatur funditusq. deleatur; quod ex vtraque parte delictis ministris Euangelij danda legatio sit, cuius Euangelij diuina virtute gerenda faciendāque est res. namque ita diuini consilij sententia ad publicam piorum utilitatē, ad impietatis excidium, ad humani hostis Sathanæ perniciem, & ignominiam decretum est. [Et erit domus Iacob ignis, & domus Ioseph flamma, & domus Esau stipula, & succendantur in eis, & deuorabunt eos, & non erunt reliquæ domus Esau.] Non solum eos qui secundū carnem ab his maioribus Iacob & Esau orti sunt, sed vtrarumq. partium studiosos omnes, & quicumque familiæ nomine censentur significari, nomē ipsum domus bis terque

repetitum declarat. *Ioseph* autem nomen non sine mysterio appellatum est, quod cum augmentum significet, eam quam modò annotauimus rem, planè indicat; cuiusmodi arcanum & ipso nomine imponendo, & deinde à Iacobo vaticinante explicando significatum esse videtur. Et vocabit nomen eius, dicens: Addat mihi Dominus filium alterum. Iacob verò ingressus ad se *Ioseph* ait: Deus omnipotens apparuit mihi in Luza, quæ est in terra Chanaan: benedixitq. mihi, & ait. Ego te augebo, & multiplicabo, & faciã te in turbas populorum, daboq. tibi terram hanc & semini tuo in possessionem sempiternam. Duo ego filij tui qui nati sunt tibi in terra Ægypti, antequam huc venire ad te, mei erunt. Ephraim & Manasses sicut Ruben & Simeon reputabuntur mihi, tametsi, neque in terra Chanaan, neque Hebræa matre procreati, neq. Hebraicis ritibus & moribus fuerant educati, tamen in familiam populumq. ascripti sunt. Vtramque autem familiam diuini Euangelij, à se asserendi virtute ignis instar habituram esse prædicit, atque vniuersam Esau, hoc est impiorum, superstitionumq. factionem facile ac breui absumpturam. Quibus nulla maior ad resistendum & repugnandum contra Euangelicam veritatem futura est vis, quàm aridæ stipulæ, vt igni resiltat. Id verò non humana aliqua facultate, virtute, arte, aut potentia, sed diuinæ sententiæ & consilij auctoritate atque efficientia peragendum est.

*Quia Dominus locutus est.*

CVIVS verbū tanta vi & efficientia est, vt nulla re impediri possit, quo minus quicquid dixerit, efficiatur. Ipse enim dixit: & facta sunt, ipse mandauit, & creata sunt. Statuit ea in æternum, præceptum posuit, & non præteribit. Hanc sententiam Chaldaicè sic legimus: [*Quia Dominus sic decreuit.*] Ignem porrò Euangelij virtutem diuinam dici, quæ omnia veteris hominis membra absumens, nouorum hominum genus purgatum atque purum relinquat, in arcanis verbis à nobis docetur. quem ignem vehemèter incendi lateq. ardere Christus gestiebat. Ignem, inquit, veni mittere in terram, & quid volo nisi vt ardeat? Magnam porrò futuram Ecclesiæ felicitatem, magnam copiarum & gentis accessionem, magnam Israëlitarum & Ierosolymitarum restitutionem; ita vt nō Israëliticæ terræ, vt olim angustiis religio teneatur, sed vt gentibus & nationibus, sic etiã locis auctissima sit, ex illis Chananeæ regionis finibus ad orbis terrarum terminos dilatata. Et dominabitur Christus à mari vsque ad mare, & à flumine vsque ad terminos, orbis terrarum.

*Et hereditabunt hi qui ad austrum sunt, montem Esau, & qui in campestribus Philistijm: & possidebunt regionem Ephraim, & regionem Samariæ, & Benjamin possidebit Galaad.*

ISRAELITICA regio à meridie Idumæos, ab occasu Palæstinos, ab ortu verò Galaad, & Moabitarum atque Ammonitarum agros finitimos habuit. igitur dilatationē illam maximam, quæ Christiani nominis imperio ab Israëlítica regione proficiscenti futura erat, descripturus Vates, obseruato geographiæ ordine disponit. vndique enim loca dilatanda sunt, & nomen ipsum Ecclesiæ Christianæ propagandum. & quemadmodum olim hostibus circumsepti Israëlitæ habitabant, ita sum motis vndique hostibus, laxè & magnificè ij, qui verè Israëlitæ fuerint, habitabunt. Erant autem illis ab ortu hostes infesti Ammonitæ & Moabitæ, ab occasu Palæstini, à meridie verò Idumæi. hi omnium Ecclesiæ hostium imaginem exprimūt, quos vbi Christiani à se summouerint, totum orbem facile occupabunt: neque verò hos tam perdendos, quàm in suum ius studiaq. sua traducendos Euangelij virtute intelligere oportuerit, quemadmodū sapius iam est à nobis declaratum. Sed quoniam latinè aliquantulum confusè hæc describuntur, cum Hebraicè distincta omnia & clara sint, singulas partes dispungere, & distinguere operæpretium fuerit. [*Et hereditabunt hi qui ad austrum sunt, montem Esau.*] Tota oratio hoc carmine contenta tribus partibus absoluitur, singulæ autem partes recto casu & accusatiuo constant hoc modo: [*Et hereditabit Auster montem Esau, & planities Philistæos, & hi etiam qui in planitie sunt, possidebunt agrum Ephraim, & agrum Samariæ, latiore videlicet mulio, quam habuerint regionem & Benjamin, quibus olim cis Iordanem sedes fuerat, transmissio flumine, possidebit Galaad.*] atque ita alij alijs dilatatis locis genus, nomen, gloriamq. religionis suæ longè lateq. propagabunt. Constat autem oratio hæc metonymiis non



inelegantibus figuris, & zeugmis etiam distincta est. atque hæc omnia, quæ de imperio per finitimas & infestas gentes dilatando dicta à Vate sunt, eò pertinent, vt Ecclesiam ex omnibus gentibus, quibus veritas olim ignota erat, componendâ primum & coagmen-  
 Rom. 11. tandam esse intelligamus. deinde verò Israëlitarum & Iudæorum dissipatas, multisque locis dispersas reliquias, & iusto atque seверо Dei iudicio vexatas, & obcæcatas restitutû iri, spẽ nobis facit Vates hic, quẽadmodû & alij vates fecere, & noui etiã testamenti ora-  
 culis est confirmatum. Nolo enim vos ignorare fratres mysterium (vt nõ sitis vobismet-  
 ipsis sapientes) quodd cæcitas ex parte contigit Israël, donec plenitudo gentium intraret,  
 & sic omnis Israel saluus fieret. hoc autẽ mysterium subiecto carmine Abdias enuntiat.

*Et transmigratio exercitus huius filiorum Israël, omnia loca Chananæorum, vsq. ad Sareptam, & transmigratio Ierusalem, quæ in Bessphoro est, possidebit ciuitates Austri.*

QUONIAM in locorû nominibus vertendis sæpe inter eos, qui libros ex Hebraico vertunt, variari solet, hunc locum, vt Hebraicè est, nominibus ipsis retentis, simpliciter reddere placuit: [Et trãsmigratio exercitus huius filiorum Israël, qui, vt Chananæi, vsq. ad Tsarpath, & transmigratio Ierusalẽ, quæ in Sepharad, possidebunt vrbes Austri.] Chananæos de suis fedibus & locis Israëlitarum quondam aduentu eiectiones varieq. dispersos fuisse, antiquarum historiarû lectione docemur. alios enim Africam & Hispaniam, Illirin alios, & quosdam etiã septentrionalia, & alia Germaniæ loca petiisse accepimus. huic dispersioni per simi-  
 2. Reg. 17. lis illa fuit, quæ Israelitis Assyriorum rege victore cõtigit, quos per omnia ferẽ loca, quæ imperio illi parebant, dissipatos legimus; ex quo effectum est, vt dispersionis nomine de-  
 Ioan. 7. inde dicerentur, vt: Congrega dispersionem nostrã, libera eos qui seruiunt gentibus, &c.  
 2. Mach. 1. & Iacobus Catholicam Epistolam tribubus duodecim, quæ sunt in dispersione conscrip-  
 sit. Hos autẽ ad Tsarpath vsq. dissipatos fuisse ex hoc intelligimus loco. At verò cuius regionis nomen Tsarpath cõueniat, non faciliẽ ex diuinis libris constat. namq. duobus in locis tantû antiquorû scriptorû id nomẽ appellatur, apud hunc videlicet Vatem & in regum etiã historiis, vbi Tsarpath Sidoniorum, quod Helias famem declinaturus secedere iussus est. quem locum nostra biblia, vbicunq. meminerunt, Sareptam Sidoniorum nominant. Fuisse autẽ alium quempiam locum, cui idem Tsarpath nomen esset adiun-  
 1. Reg. 17. ctum, illud Sidoniorû, arguit, vt Aram Naharaim regionis nomini adiectû, ab Aram Soba regione etiam alia distinguit. Itaq. alij cuiuspiã nomen Tsarpath, quàm Sareptæ Sidoniorum conuenire intelligimus. Sed quo terrarum orbis sita Tsarpath hæc fuerit, non faciliẽ ex sacris libris diuinare est. ex Hebræorû autem traditionibus, & retento hactenus apud eam gentẽ nomine Galliã prouinciã esse, hanc accepimus; vt illa Galatis aliquãdo  
 Berofus. & Gallogræcis, ab Ephesinis, sic etiã à Sareptanis occupata atq. habitata fuerit, siue quacunque alia de causã nomen hoc obtinuerit. Constat enim seculorum vi & impulsu humanarum rerum, regnorum, & prouinciarum nõ solum facies & status, sed nomina etiã mutari, turbari, atq. sæpe etiã penitus extinguì. Esse autẽ huiusmodi remotã longeq. à Syria distantẽ regionẽ aliquã, quousq. Israëlitarû dispersio pertineret, nota illa vsque  
 Cicero pro M. Fonteio. significatur, cuius vsus in rei, loci, aut tẽporis termino definiendo plerunq. est. neque verò hæc expositionis ratio, cum ipsa re pugnare videtur: constat enim Galliæ complura loca maximẽ ea parte, quæ Narbonensis dicitur, & Britannia, quæ Gallijs olim ascripta fuit, magna Israëlitarum copia vsq. ad nostrã ferẽ ætatẽ fuisse frequẽtata, à quibus etiã gymnasia tum alibi, tũ Narbonæ, & Massiliæ publicè sunt instituta. floruit autẽ in ea prouin-  
 45 cia imprimis Salomõ quidã Iarchius celebris apud illos Hebraicorum librorû interpres, quo tempore Galli Gotfredo duce Ierosolymã à Saracenis cepere. Circa annum verò à  
 1. Isaac Hispa. in Ioel. ca. 3. condito orbe 4555. Iudæi omnes publico edicto ex Gallia relegati, in Germaniã cõmi-  
 50 gratũ. nihil tamẽ hoc obstat, quo minus illa migratio à Gallia, quod primũ olim ex propria regione deuenierant, agnomẽ sortita retinuerit, vt semper Gallica migratio dicatur. quẽadmodum & qui apud Hispaniã Iudæi cõmorati sunt, quanquã nunc pulsũ alijs atq. alijs regionibus vagantur. Hispani omnes dicuntur, neq. solum cognomen, sed Hispanã etiã linguã, vt maternã retinẽt. Vt autẽ extrema olim terrarũ continentis orbis loca occasum versus Gallia & Hispania, quas Oceanus occidentalis abluir, existimata sunt; sic  
 55 etiã cum locorû ipsorû finibus dispersionis ratio optimẽ definita est: nã antiqui aut nullã prater Asiam, Africã, & Europã in nostro hemispherio terram habitabilẽ esse putauere, aut

aut si quid vltcrius esset, Asiae asseribendum censuerunt. Igitur Israelitarum dispersio, quibuscumque in locis ad ortum Austrum & meridiem dissipata fuerit, tamen occasum versus Galliae & Hispaniae terminis est definita. Vbi autem de Gallica transmigratione (quae prima Assyriorum regum iussu contigerat) meminit, Hispaniensem etiam Iudaeorum transmigrationem commemorat; quae & tempore & loco posterior illi Gallicanae Israelitarum fuit. Vtramque autem multo ante prauidens, obiter praedicat: nam qui restituendos, atque in Ecclesiam diuinamque tutelam recipiendos Israelitas, qui in Gallia & qui in Hispania fuerint, praecinit; exules eos in illis locis fore subindicat. cur autem de Hispania ea quae subiunguntur, accipiamus, ipsa locorum vicinitas & terminorum orbis communis utriusque ratio; ijs, quae de Gallia dicta nobis, & ab auctoribus tradita sunt, coniiciendis accedere videtur. [Et transmigration Ierusalem quae in Bosphoro est, possidebit ciuitates austri.] Diximus quo in loco Latine Bosphorus legitur, Hebraice legi Sepharad. Cui autem terrarum orbis regioni nomen id fuerit olim impositum, & Chaldaica Biblia aperte docent; & nos etiam excogitata quadam nominum ex aliis ad alias linguas reducendorum ratione indicabimus. Chaldaeus interpres sic hunc locum vertit: [Et transmigration Ierusalem quae in Spamia.] Spamia à Chaldaeis eadem quae à Latinis Hispania dicta fuit, quae terrarum orbis continentis vltima Athlantico siue Occidentali Oceano alluitur & terminatur; atque Europae nomen & fines Herculeis columnis ad Calpae terminat, qua Gaditanus Bosphorus permeat, omnium quae in mari nostro sunt celeberrimum fretum. ex quo factum est, vt Latinus interpres extremitatem & terminum ipsum orbis, & sententiae rationem affinemque vocem secutus, Sepharad Bosphorū verterit: quae Herculeum Bosphorum siue fretū intelligi accipiamus. voluit. Eandem autem esse Hispaniam, quae Sepharad olim dicta fuerit, illud argumento nobis est, quod antiqui Graecorum auctores provinciam hanc antiquo atque illustri vocabulo Sperida nominarunt. Illud autem ex variis linguis, quarum cognitio atque usus nobis diuino beneficio contigit, obseruauimus, propriorum nominum variam pronuntiationem, non tam consonantium literarum, quam vocalium corruptione aut mutatione in alia atque in alia, & persaepe in eadem lingua accidere: quam rem exacte considerantibus varia quae videntur nomina componere inter se, atque ad antiquissimam & certam rationem reuocare, non magni negotij esset. Exemplis autem hanc rem indicabimus, quoniam iusta disputatione explicare nunc non possumus. In huiusmodi igitur nominibus reductio semotis omnibus vocalibus atque consonantibus etiam ijs, quae certum in vnaquaque lingua pronuntiandi modum statuere solent, & ceteris consonantibus relictis sit. vt à nomine MITRIDATES, primum finitionem, ES, quae Graecae terminationis nota est, abscindimus; deinde verò vocalibus omnibus expunctis, reliquae sunt nobis MTHRDTH, quae eadem sunt in Hebraico & Chaldaico, atque etiam Pontico siue Scythico eiusdem viri nomine, MATHREDATH, cui, ablatis vocalibus, eadem omnino litterae, quae MITHRIDATH, relinquuntur. Sic nomen ARTAHAXTA, idem ARTAXAS. sic CATHASVEROS, idem ASSVERVS est. Eandem itaque rationem secuti SPRIDA ad SPARAD, nobis hoc loco oblatum nomen facile reducemus, cum iisdem utrimque consonantibus constet literis. atque de omni hac nominum ratione nos alias fortasse pluribus agemus & exactius, tantum votis studiisque erga Christianam rem publicam nostris Deus annuat. Nunc iam historiam ipsam breuiter tractemus. Hispaniam Iudaeorum innumera multitudo fuisse habitam, nostrae etiam aetatis testimonio cognouimus. namque non multis ab hinc annis Catholicorum regum edicto primum ex Bethica atque ex Tarraconensi, postremo Emanuëlis Portugalliae regis iussu ex Lusitania decedere coacti sunt; quorum omnium non exigua religioni nostrae interim accessio facta est, sanctissimum Iesu Christi filij Dei Euangelium agnoscentium, atque vltro suscipientium. qui verò suam religionis ymbra sectari optauerunt, solo tantum mutato, provinciae, vnde exulauerunt, cognomen, linguam, & viuendi etiam morem retinent, facileque à ceteris vel vno familiaris & domesticae rei nitore & apparatu dignoscuntur. ex his multi nunc in Thracia, plurimi etiam in Africa exulant, in Italia nonnulli degunt. Omnem verò hanc multitudinem ex Iudaeorum, qui Ierosolymam Iudaeque tribum coluerant, familijs, non ex aliis tribubus fuisse, constans omnium eius gentis scriptorum opinio est. Narrat enim quo tempore sacrum Ierosolymorum fanum ad Assyriis primum dirutum est, multos ex ea gente in Hispaniam, à Piro quodam duce, qui Assyriorum imperium obseruabat, fuisse traductos, qui duobus primis

2. Regū cap.  
vltimo.

locis confedisse dicuntur: alteri quidem nomen Lucina, frequentissimo illis seculis in Bethica prouincia oppido, quod nos vel Lucenam nunc dictam; vel, quæ non longè ab hac in Illiberitana regione est, Lucentiam olim, nunc Sesam esse arbitramur: alteri verò Toletō regiæ Carpentanorum vrbi nomen fuit, quam quidam ex illis Hebraico distinctio maximè fuerit obseruata. Id ipsum autem Tholedoth nomen significat generationes siue familias. Atque ab ijs qui ea loca incoluere Iudæis nomina quibusdam vicinis oppidis, ex relictorum in Syria locorum desiderio, aut etiam similitudine indidisse, vt Ascalonię, & Maquedæ & aliis. Hæc ex illorum antiquis receptionibus, & ex commentariis in posteriorem regum librum habuimus. In libro etiam qui de ieiuniorum causis & rationibus apud illos inscribitur, legimus Titum Vespasiani filiū, quo tempore triumphum ex Iudæa capta reportauit, persuasum à præfecto quodam, qui in Lusitania prouincia erat, vt si quos ex his, quos Ierosolymis abduxerat, aliò traducendos decerneret, ad se in Hispaniam transmitteret. esse enim opportunum illis & commodum in Lusitania locum Emeritam Augustam, Romanorum coloniam, tum primum restitutam operibusque maximis auctam, atque ab hac gente, quæ posteriore fano diruto abducta fuit, omnes illas, quæ Emeritæ primum; deinde in Lusitania omni, & finitima Bethicæ parte fuere, familias fuisse profeminatas. Vtramque ergo gentem, & quæ prioris, & quæ posterioris fani tempore abducta fuit, Ierosolymitanam migrationem Vates nominat. Cui in diuinam gratiam restitutæ, eas, quæ meridiem versus sitæ sunt, hoc est Hispaniæ, quæ & Ierosolymis & Gallia meridionalior est; & Africæ, Libiæ, Ægyptique vrbes habitandas ascribit; ita vt in vnum iam cum ijs terræ incolis, qui Christianam religionem susceperint, populum eiusdem religionis interuentu: imò in vnum corpus, cuius caput vnicum Christus sit, coniuncti, compacti, atque coaugmentati, quietam, tranquillam & beatam vitam sine vllo fugæ aut migrationis meru, sine insidiarum suspitione, communi diuina tutela vti peragant. Tantam verò tamque illustrem rerum mutationem & totius Idumææ factionis interitum, publico & celeberrimo sanctissimorum & fortissimorum virorum, qui diuinas Christianæ religionis partes habeant, conuentu de communi omnium sententia & iudicio probatum firmatumque iri prædicit. Ita fiet vt Idumæorum causa seuerissime iudicata atque damnata, Deus omnibus suffragiis, vna vniuersorum voce, communis, legitimus, atque æternus orbis totius rex declaretur; & ius regnumque suum, omnibus maiestatis & dignitatis, nominisq. sui hostibus deuictis & perditis, tam in terra, quàm in cælo obtineat: idque regnum & imperium plena, constanti, atque perpetua totius terræ orbis fide obseruetur, perinde atque in cælis obseruatur. Neque enim frustra id assiduis præcibus exoradum huius regni particeps & hæres Christus præceperat, imò certam eo præcepto spem fecit, fore vt id quod communibus votis publicè & priuatim instanter petendum præciperet, aliquando impetraretur. Sanctificetur nomen tuum, adueniat regnum tuum, fiat voluntas tua sicut in cælo & in terra.

Math. 15

*Et ascendent saluatores in montem Sion, iudicare montem Esau.*

Vt olim Apostolis & Christi discipulis sacrorum ministeriorum & munerum, sic etiam nominum & appellationum communio & honor diuino beneficio, & præconio tributus est: Vos estis lux mundi; vos estis sal terræ. Vos qui secuti estis me in regeneratione, cum sederit filius hominis in maiestate sua, sedebitis & vos super duodecim sedes iudicantes tribus Israël. Huiusmodi dignitatis & potestatis communio, diuini spiritus illis donati virtute ac iure contigit, atque in legitimos etiam Ecclesiæ ministros traducta permanuit. Sicut misit, inquit, me pater, ita & ego mitto vos, hoc cens in sufflauit in eos dicens: Accipite spiritum sanctum, quorum remiseritis peccata, remissa erunt, & quorum retinueritis, retenta erunt, Ego autem vobiscum sum vsque ad consummationem seculi, & cæt. Quibus ex omnibus, atque aliis quamplurimis locis accepimus, antiquis Apostolis, atque eorum vice, vsque ad mundi finem, sanctis Ecclesiæ legitimis ministris, cum Euangelij munere diuinarum Christi dignitatum ministeria, potestatem, dignitatum etiam & honorum communicationem diuinitus contigisse. neque mirum videri alicui debet, si qui iudicium, amicorum, lucis,

lucis, salis, aliisque illustribus & dignissimis nominibus appellantur, ijdem ob Euangelici muneris dignitatem, potestatem, atque efficientiam, saluatores etiam salutentur, vt qui viam salutis nobis annuntiant, per quos bonus Christi notitiæ odor in mortem & in vitam manifestatur, quorū fidei oratio ægrotos ab interitu seruat, quorū etiā sermone atq. ex-  
 5 plo reuocati ab errore peccatoris anima à morte per Christum liberatur. Si enim Assur, Nabuchodonosor & Cyrus, nō ob sancti cōmunionē spiritus, sed ob diuinitus delatorū munerum functionē, alius furoris virga, alius seruus, alius Christus Dei appellatur; quid obstat, quo minus, qui diuino spiritu ad eam rem vncti, & sacrosancta Euangelicæ veritatis, atque virtutis propagandæ potestate præditi sunt, Saluatores etiam possint appellari: Huiusmodi autem saluatorum collegio, & conuocato cōcilio, Idumæorum studia,  
 10 conatus, causam denique omnem grauissimè & seuerissimè iudicādam, atque sacrosanctum Dei Christi que eius imperium publicè obseruandum esse confirmat. Neque verò mysterio illud vacat, quod tantā rem his potius, quā aliis verbis enuntiauerit. [*Saluatores in montem Sion, iudicare montē Esau.*] Nō enim idem est dicere Sion & Esau, & montē  
 15 Sion, & montē Esau, quod montis nomine vtriusq. partis cōetus, cōsilia, voluntates, & studia significar. nam ex pluribus Hebraicis nominibus, quibus montis natura significatur, vnū est H A R, quod à verbo cōcipiendi & pariendi deducitur, atq. eo nomine montes aliquando dicuntur, quod eiusmodi natura, variis humorū, metallorum, aliorumq. mineraliū, & seminum etiā generibus grauida refertaq. sit. Rectè itaq. ex montis verbo  
 20 conceptum & partum Sionis, conceptum, atque partum Esau possumus interpretari. Cumque Christiana Ecclesia ex Sione illo antiquo profecta sit; impiorum autem & superstitionum cōetus atque cōcilia ad Esau, tanquam ad communem partium illarum principem & ducem referantur, diuinos illos saluatores alterius arcem obtentum es, ex eaque Esau partes, hoc est cōetus & cōsilia, acta, gesta, rationesque omnes & iustissimè & sapiētissimè, secundum Christi veritatem iudicatum ire denuntiat. neque tantū de extremo illo omni orbi, postquam homines à mortuis extiterint, dicendo iudicio, hæc accipienda sunt in quo sedebunt super sedes duodecim, iudicantes duodecim tribus Israël, & cæt. sed etiam de causa impiorum, & totius superstitionis rebus diuino iudicio, & illorum seruatorum communi atque Euangelica sententia, exterminandis præcipitandisque sermo hic nobis est exponendus. Futurum enim esse Vates  
 30 omnes, & ipse vatum omnium princeps atq. pontifex Iesus prædixere, vt ante diem extremum vnus omnium orbis hominum & ordinum consensus, vna conspiratio de sacro Dei & Christi eius imperio sit. Et erit, inquit, vnus ouile, & vnus pastor. Et Ioannes etiā  
 35 vidit sedes, & sederunt super eas, & iudicium datum est illis; & animas decollatorum propter testimonium Iesu, & propter uerbum Dei, & qui non adorauerunt bestiam, neque imaginem eius, neque acceperunt characterem eius in frontibus eorum, & vixerūt & regnauerunt cum Christo mille annis. Hęc omnia & plurima alia futurorum temporum mysteria Abdias Vates magna breuitate, sed maxima atque sanctissima cum veritate inuoluit, suo tempore, cum Deus id effici voluerit, tandem aperienda atque explicanda. Porro autem post illud tempus quid sit expectandum docet.

*Et erit Domino regnum.*

Ab vniuerso orbe, communi omnium voluntate, studio, atque consensu delatum, sicut & apud Zachariam scriptum est: Et erit Dominus rex super omnem terram, in die illa erit Dominus vnus, & erit nomen eius vnum. Cui sit laus, gloria, decus & imperium per infinita seculorum secula. Amen.

*Madridi 13. Kalend. Iulias. 1567.*

F I N I S.



CARMEN EX VOTO.

**Q**VI nuper amplis nobilis & placens  
 Donis, seueri laudeq; iudicis,  
 Lauro & noua primaq; felix  
 Hesperia in populis nitebam:

Unus quod inter nomina plurium  
 Vatum, Fenarius quos recreat pater,  
 De more festos & dies, &  
 Sacra canens melius placerem.

Hinc iam virenti fronde superbiens  
 Ac mentem honesto nomine principem  
 Indutus, aut reges par abam  
 Ponere belligeros, ducesq;:

Aut nuper adiectum imperiis nouum  
 Orbem, vias & perdomito mari,  
 Leges, iugum latum & catenas  
 Caesaris auspicio potentis.

Sed gestientem grandia maximis  
 Struxisse rerum versibus & modis  
 Tentata nullis ac poëtis  
 Lintre noua vada permeare.

Christus sopitum luminis & noui  
 Visis pauentem corripuit vocans,  
 Iussitq; terrenis relictis  
 Querere premia sanctiora.

Et dexter altas sollicito dedit  
 Curas, decorum munus, & arduas  
 Virtutis atque angustiores  
 Mente vias cupida tenere.

Non Vatis artem, non mihi spiritum  
 Doctiq; frustra carminis additum  
 Nomen, calenti dum iuuenta  
 Susciperem superos canendos.

Sed ut Latino maxima discerem  
 Sermone nostris edere gentibus  
 Arcana qua secretiore  
 Inuoluit Deus ipse libro.

Hic mihi pulchrum munus & optimos  
 Rerum labores gentibus hic meis  
 Dulcemq; fructum esse, hic legenti  
 Commoda magna ait, & canenti.  
 Ergo morantem praeleri fuga

*Atque incitato sustulit impetu,  
Et nocte subductum silenti  
Urbibus & mediis remouit.*

*Longeq; turbis seposuit breui  
Raptu, meorum, nec memorem mei  
In rupis alta nec profano  
Culmine, nec populis patente;*

*Matris dicatum virginis ad nemus  
Præruptum, ut alto sidera vertice  
Ferire, sedes & propinquas  
Crededer obtinuisse calo.*

*Tum rore puro fontis & integri  
Lymphis lauat queis Helicrenia  
Antro resurgens ex opaco  
Supposita & rigat arua & hortos.*

*Huc me reductum lucis amabilis  
Et noctis horis ardua numinis  
Responsa, & humana salutis  
Consilium docet usque magnum:*

*Mortalium quæ cognita mentibus  
Amoris ignes iniiciant sacri, &  
Spreuisse cogant res caducas  
Ac tenues posuisse curas.*

*Hic linguam & aures (credite posteri)  
Referre voces ut valeam sacras  
Syrè Deus solus magister  
Assyriè & mihi temperauit.*

*Te Christe dux, o te sequor arduis  
In rebus, & me muneribus tuis  
Contestor auctum, uni tibi me,  
Quidquid ero, referam benigno.*

*Ac iam perennes quid sine te mei  
Possent labores? quid inuuet integros  
Dies, quid annos inquietos  
Ponere consiliis profundis?*

*Nam sic & amplis flaminis Abdias  
Eductus olim muneribus tui  
Fertur & è cecis tenebris  
Insano & patriæ stupore.*

*Hic cum Seiri saltibus ac iugis  
Mentita leui marmore numina,  
Vel ære fallaces Deorum*

*Stultior effigies timeret.*

*Vocatus almae lucis ad aureos  
Cognovit usus, ac sapientia  
Sacrariis primis receptus  
Emicuit pius atq; doctus.*

*Regum deinde obscura negotia, &  
Aulæ repellens vincula principis:  
Quæ nequit ardens aut cupido, aut  
Ambitio male sana iungit.*

*Iam mente celsum transuolat & polum, &  
Ignota rerum peruidet abditis  
Admissus arcanis, tenetq;  
Secula temporibus remota.*

*Sermone doctus dicere grandia  
Angusto, apertis vocibus explicat  
Causas, & euentus malorum, ac  
Fata suis populis tremenda.*

*Et quantus instet manibus ac viris  
Horror, negato & subsidio labor,  
Ut semper infestos tyrannos  
Præcipites maneant ruina.*

*Non tantus altis montibus it fragor  
Findente nubes fulmine turbidas  
Ardens nec ignis tot fauillas,  
Dum segetem populatur, edit.*

*Quantum impiarum crimina mentium  
Momenta rerum plurima conterunt  
Molesq; calo minitantes  
Concutit inuidiæ procella.*

*Liuior beatis insidias parat  
Rebus, quietos nec patitur dies,  
Fratrem petitem dolis unâ &  
Artificem ruit ille suum.*

*Testis Cainus perfidus impio  
Ausu & nefandi progenies Nodi  
Cum pœna tellus intabescit  
Temporibus, viduata iustis.*

*Sed quid furenti barbite concitus  
Culpas nocentum perueheris pede?  
Quôcunq; præducit serenus  
Spiritus, hinc potius sequamur.*

# BENEDICTI ARIÆ MONTANI

## IN IONÆ VATICINIVM PRAEFATIO, DE MISERICORDIA.

Q
VICVNQVE
 de diuina natura differendi negotium ex sacris  
 & veris oraculis piè & sapienter obière, adorata imprimis tantæ  
 maiestatis sanctitudine, & humanis in hoc mortali corpore mētibus  
 inaccessibili luce procul salutata, quantum exacta, explorata & li-  
 mata usdem oraculis & validissimis naturæ rationibus veritas sese  
 illis permisit tractanda, præter alia, quæ ad eandem diuinæ naturæ  
 contemplationem pertinent, omnes in eam sententiam disputauere, vt diuinam naturam  
 vnā, simplicissimā, immensam, omniq. ex considerationis parte infinitam esse affir-  
 marent, cui nihil aliunde accedere aut inherere, nihil detrahi aut abesse possit, nihil inesse,  
 quod aut nouum, aut à seipsa alienum, aut denique non ipsa eadem diuina natura sit.  
 Cum autem omnis naturæ rerum ratio in duo prima genera à philosophis sit distributa,  
 quorū alterū substantia, alterū accidēs dicitur, prioris illius rationes optimas, posterioris  
 verò nullam Deo ascribere. Itaque Deum substantiam simplicissimā, cui nullum possit  
 accidens inesse, dixere, sicut scriptum est: Audi Israël, Dominus Deus tuus vnus est.  
 Cum verò Deus substantiæ & non accidentis nomen sit, vnā esse eam naturam ita  
 vnā, vt Deus est, hoc est, tanta perfectione vnā esse, quanta Deus sit, cui quod per-  
 sonis distincta tribus est, nihil obstat, quo minus vna, purissima simplicissimaque natura  
 & substantia sit. Neque verò vllum earum, quæ ei naturæ attribuuntur, virtutum ac-  
 cidens ipsi inesse, neque incrementa admitti, aut detrimenta accedere posse, neque aliam  
 magis, quàm aliā adscribi virtutē. quando hæc res cum diuina atq. infinita natura, &  
 cum excellentioris substantiæ, quæ propriæ substantia est, rationibus pugnet. fieri autem  
 posse, vt omnes aliarum rerum simplicium, & purissimarum etiam substantiarum na-  
 turæ, quales cæli & astra sunt, confusæ & dissipatæ immutentur & pereant, vt verò  
 Deus aliqua ratione immutetur, fieri non posse, quoniam cæteris naturis omnibus ali-  
 quid accedere accidereque potuerit, & si nihil aliud, tamē quod ortæ creatæque fuerint,  
 quod annos temporaque quandiu sint certa habuerint, quod vt sint, vtque maneāt non  
 à seipsis, sed ab auctore opificeque suo habeant. Deo verò nihil horum conuenire, qui so-  
 lus à se ipso cum sit, principio fineque careat, & ætatem suam non ad tempora, sed ad  
 immensam referat æternitatem. Initio tu Domine terram fundasti, & opera manuum  
 tuarum sunt cæli, ipsi peribunt, tu autem permanes, & omnes sicut vestimentum ve-  
 terascent, & sicut opertorium mutabis eos & mutabuntur. Tu autem idem ipse es, &  
 anni tui non deficient. Verum enimvero, quanquam spectati in aliis rebus Deo au-  
 ctore effectus varias in eo virtutes vt causas nobis indicauerint, quæ aliis atque aliis  
 nominibus humano cogitandi & loquendi modo dictæ; varias de eo rationes sensu &  
 cogitatione nobis comprehendendas incitare videntur; tamen eorum effectorum, quos  
 varius nobis vsus, & multiformis perceptio indicat, vna simplicissima causa & exi-  
 stendi ratio ipsum numen diuinæque natura est, quatenus infinita, quatenus simplicissi-  
 ma, deniq. quatenus diuina est. Vt autem plurima alia, quæ ad diuinæ contemplationē  
 naturæ spectant, non tam propriis, hoc est diuinis, quàm nostro ingenio accommodatis  
 rationibus & nominibus cogitare & appellare contingit, sic etiam ea, quæ non nisi ac-  
 cidentium imaginibus & verbis percipi à nobis enuntiarique commodè potuere, ad eas-  
 dem imagines & formas dicendi que figuras referri nefas non fuit. Ex qua re factum  
 est, vt rationes de Deo omnes, quæ re ipsa vna natura, nēpe Deus ipse sunt, cogitatione  
verò



verò si ad observandos effectus referatur munus, infinitæ atq. incomprehensæ, tamen discipline & comprehensionis causa ad tria velut generum capita sint reuocata, sapientiam & potentiam (siue eam virtutē siue efficaciam appellare magis placeat) & bonitatem. quorū singula, quemadmodum certis ex rationibus ad singulas trinitatis personas (in quibus diuinā simplicissimamque naturā salutantes adoramus) referantur, non huiusmodi, aut loci, aut cōsiliij differere est. Sed cū æquales omnino & pares huiusmodi virtutes in Deo ipso sint, vt ipse sibi æqualis, par, simillimus, idemq. semper est, ex eadem ratione & parte, qua nobis vsui sunt, alias aliis maiores iudicari, argui prædicariq. voluit, eas nimirū, quarū cōmoda magis & oportuna nobis cognitio, frequētiore & crebrior vsus, atq. ad percipiendū nostrō in hac mortali vita ingenio maior facultas, & ad optimē de nobis merendū propior & certior exercitatio est. Ex qua re illud vsu euenit, vt diuinæ potētiae (quam dicimus) iudicia atq. argumēta illustria nobis magis & nota, quā sapientiae sint. Nulla enim vel maxima, vel minima est earū, quæ factæ sunt, rerū, quæ non auctore suū ipsa testetur et prædicet, illiusq. ad efficiendū virtutē planē arguat: quemadmodū verò facta, aptata, editaq. vnaqueq. sit, in paucis admodū est exploratū, ipsa quidē rerū spectacula omniū artificem suū manifestē probant, neq. enim præter primā causam vlla res est, quæ causa caruisse affirmari possit, sed quo modo, quo consilio et ratione singula seorsum, atque omnia simul instituta à Deo profecta, cœpta perfectaque fuerint, cur his potius, quā aliis partibus, modulis & ponderibus cōstituerint, cū tamen, vt valde bona omnia essent, his constituisse oportuerit, quotusquisq. est, quid planē 20  
 „ perspectū exploratūq. habeat? nunquid scis, inquit, quādo præcipit Deus pluuiis, vt  
 „ ostenderēt lucē nubiū eius? nunquid semitas nubiū magnas & perfectas sciētias? nonne  
 „ vestimēta tua calida sunt, cū perflata fuerit terra aūstro? Tu forsitan cū eo fabricatus  
 „ es calos, qui solidissimi quasi ære fusi sunt? Ostende nobis, quid dicamus illi, nos quippe  
 „ inuoluimur in tenebris. ita adeo potētiae, quā sapientiae suæ apertiores multo nobis ratio- 25  
 nes esse Deus voluit. rarissimi quippe in terrarum orbe homines sunt, quibus Deus sese  
 totius mundi opificem, vel rebus ipsis auditis nō arguat, ad eius verò sapientiae sacraria,  
 nisi ab eodē admissus, qui penetrauerit, nullus omnino est. nāq. ad potentiā cognoscendā  
 affectus ipsi spectati satis esse possunt, ad sapientiā verò perspicieudā non satis id fuerit,  
 nisi causæ etiā & elemēta, momēta, initia & fines, rationesq. omnes explorentur, quæ 30  
 omnia non sensu vt effectus, sed maxima ingenij animiq. intelligentia contineri possunt.  
 Hoc autē ex eo euenire arbitramur, quod sapientiae, quā potentia ratio ipsam diuinam  
 naturā, qua ipsa sibi ipsi maxima est, spectare proprius videtur, cetera verò orationes  
 ad ea, quæ extra sunt, effectū ipso magis referuntur, vt potentia, vt misericordia, neque  
 enim vllus misericordiae vsus erga seipsum esse ostenditur, & potētiae etiā non ita perspi- 35  
 cuus, si ad eum referatur, indicatur vsus. Misericordiae enim exercitatio ad pietatis cul-  
 tores pertinet, potētiae autē in omniū aliarū rerū naturis edendis conseruandisq. specta-  
 tur. Et misericordia eius ab aeterno vsq. in aeternū super timētes eum. Potentia etiā ac-  
 „ cinctū Deū sacra carmina describūt. Preparans mōtes in virtute tua, accinctus potētia  
 „ qui cōturbas profundū maris, motū etiā fluctuū eius tu mitigas. At verò præter ca- 40  
 tera genera omnia, præter sapientiā & virtutē siue potentiā, misericordiae suæ rationes  
 maximas & illustrissimas, longē pluribus, maioribus et apertioribus argumētis testatas  
 Deus nobis esse voluit, quod ea diuina virtus mortalibus omnibus, imò rebus, quæ crea-  
 te sunt cunctis maximo & assiduo vsui sit, quāq. non solum maximo & præstātissimo  
 ingenio virtuteq. pollens, sed humillimus, infirmus atq. miserrimus quisq. plurimū indi- 45  
 geat, oportuneq. vti atque frui possit. Etenim aliæ partes diuinā naturā in se ipsa admi-  
 randā: hæc verò nobis adorandā, colendā, assiduis continuisque laudibus suscipiendam  
 probat,

probat, illa praestantiâ excellentiamq. suâ predicât, hac inopia nostra subleuanda studium voluntatémq. confirmat: demq. hac ea pars est, quam maximè nobis notâ perspectamq. esse expediat, cuius maximè multas expeditissimas esse rationes cōducatur: atque ut ad certâ cogitationē vniuersa reuocetur res, cū Deus ex omni naturæ suæ contemplatione bonus esse intelligatur, præcipuo quodâ tamen iure bonitatis ratio & appellatio huic parti attributa est, ita adeo cū sepe maximus et optimus appelletur, duobus illis generibus sapiētia et virtute siue potentia maximus, hoc verò tertio, quâ bonitatem nominamus, optimus dicitur: duobus illis in altis habitare perhibetur, hoc tertio humillima quæq. in celo & in terra respicere predicatur. Quis sicut Dominus, 10 Deus noster, qui in altis habitat, & humilia respicit in celo & in terra? Huius verò partis exēpla et momēta maxima hominū generi frequētibus, oportunis atq. illustrissimis consiliis, rebus, actionibus, sermonibus, et testimoniis probata confirmataq. esse Deus voluit, cui generi à se vehementer, præter ceteras, quæ conditæ sunt, rerum naturas, amato partem hanc maximè necessariam esse intellexit, atq. in ceteris quidem 15 rebus suis omnem aliam naturam infinito interuallo superare; in hac sua verò de misericordia declaranda, atque præstanda voluntate seipsum vincere existimari & decantari gaudet, sicut scriptum est: Suavis Dominus in vniuersis, & misericordia eius super omnia opera eius. Quicquid autem de ceteris duabus partibus hominibus cognoscere contingat, siue id magnū, seu paruum sit, non adeo refert, dummodo vtilissima 20 & expedientissima hac pars, in qua bonitas & misericordia elucet, in qua naturæ omnis, maximè autem humana, vtilitas & salus posita parataq. est, notissima omnibus, & præter alia egregiè explorata sit. Ceteris enim partibus vel adoratione vel admiratione excipiendis satisfieri à mortalibus posse, huic verò vni, nisi magnitudinis iudicio & præconio, non videtur posse satisfieri. Ex qua re euenit, ut cum 25 à sacris auctoribus hac genera tractentur, prima illa duo honorifica & admirationis plena mentione, hoc verò tertium illustri aliqua commemoratione, & explicatori magnitudinis aut multitudinis, aut diuitiarum præconio celebretur. Domine in celo misericordia tua, & veritas tua vsque ad nubes. Iustitia tua sicut montes Dei, iudicia tua abyssus multa: homines & iumenta saluabis Domine, quemadmodum multiplicasti misericordiam tuam. Diuus etiam Paulus hoc genus benignitatem, longa- 30 nimitatem, diuitiasq. diuinas appellat. Denique de illis duobus aut pauca à mortalibus sciri, aut plurima ignorari, neque mirum, neque incommodum valde, imò fortasse etiam expediens aliquando est, de hoc verò non plurimas atque maximas rationes tenere longè fuerit incommodissimum. Atque huius generis non solum frequentissima atque illustria exempla assidue ipsa & vsu edi, sed sanctorum etiam virorum, maximè autem vatum, quibus humana salutis prædicandæ & annuntiandæ legatio data fuit, plurima & grauissima testimonia constare diuino consilio decretum est. namque diuinorum huiusmodi ministrorum præcipua partes fuerunt, abundantem diuinæ misericordiæ rationem mortalibus explicare & pe- 40 tendam proponere. cetera autem omnia, quæ ab illis tractata sunt, vel ad hanc commendandam & probandam partem, vel ad eandem defendendam & propugnandam, atque à peruicacissimorum hominum dubitatione, aut accusatione vindicandam pertinent: siquidem horum ferè omnium illud vnum commune argumentum & studium est, homines ab errore & tenebris ad fidei & pietatis obsequium & studium, misericordiæ obtinendæ causa, reuocare, in eaq. diuinæ misericor-

misericordia virtute & benignitate prædicanda plurimum opera & diligentia præ-  
 stare; tardiores verò & negligentiores grauibz minis, non tam ob ante obiectum er-  
 rorem, quàm ob diuinæ misericordiæ neglectum beneficium terrere: superbos autem  
 & contumaces iis suppliciis dignissimos declarare, quæcunque eos, qui oblatam ul-  
 tro misericordiam repulerint, maneant; ita vt non Dei odio, malevolentia, aut negli-  
 gentia, sed sua ipsorum culpa damnati arguantur. nam qui maximum & certissimum  
 salutis, quod ipse sibi molitus fuerit, periculum certissima proposita spe admonitus &  
 reuocatus inire magis, quàm declinare et perrumpere optat, eum sibi ipsi exitium at-  
 tulisse constat. atque huc illud pertinet, quod ab ipso humane salutis pontifice maxi-  
 mo prædictum est. Ego lux in mundum veni, vt omnis, qui credit in me in tenebris  
 non maneat: & si quis audierit verba mea & nō custodierit, ego non iudico eum, non  
 enim veni vt iudicem mundum, sed vt saluificem mundum. Qui spernit me & non  
 accipit verba mea, habet qui iudicet eum, sermo quem locutus sum, ille iudicabit eum  
 in nouissimo die, certissimus & grauissimus illius negligentia & contumacia testis fu-  
 turus. Illud igitur ex diuinis oraculis compertum nobis exploratumq. est, diuinā mise-  
 ricordiam ad cogitandum, optandum, atque admittendū vltra omnem aliam rem mor-  
 talibus esse propositam. illudque etiam ex iisdem diuinis oraculis est obseruatum, iusti-  
 tiæ & iudiciorum exercitationem secundum in diuinis consiliis & decretis post mise-  
 ricordiam locum obtinere, ita vt quo loco illius rationes aut non admissæ, aut fuerint  
 reiectæ, eo huius grauissima auctoritas & potentia succedat. neq. eius voluntatis &  
 consilij Deum esse, qui quenquā quāuis impiissimū hominē perditum iri velit, sed cō-  
 munem omnibus salutis viam, fidem obsequiumque muniat & cōmonstret: quam sa-  
 lutē nulli se negaturū, (modò iis, quas ipse statuerit, legibus petitiā), fuerit professus.  
 atque ob eā rem iudicia sibi quàm sapissimè differri, maturius quidē edenda, nisi hæc  
 prior & antiquior apud se beneficij publicè conferendi, & misericordiæ tribuendæ co-  
 gitatio intercederet, sicut scriptū est: Deus iudex iustus, fortis & patiens, nūquid ira-  
 scitur per singulos dies? & alio in loco. Propterea, inquit, exspectat Dominus, vt mi-  
 fereatur vestri: neque verò hæc res sacris tantū responsis cōperta atque declarata est,  
 sed sacrosancto etiā appellandæ diuinitatis iureiurando cōfirmata. Viuo ego dicit Do-  
 minus Deus, nolo mortē impij, sed vt cōuertatur impius à via sua mala, et viuat. Con-  
 uertimini à viis vestris pessimis, & quare moriemini domus Israhel? Ita Deus ex sua  
 voluntate misericordiā se omnibus tribuere velle declarauit, quòd vero seuera nonnun-  
 quam in quosdā iudicia exerceat, id posteriori loco consequi eos, videlicet, qui ex diui-  
 na liberalitate promissam et ostentatā misericordiā contempserint. Atq. hinc est, quòd  
 sese prius misericordē, quā iudicem publicè præbuerit, quòd salutis prius pontificem,  
 præconē & ministrū Jesum Christū filiū suū omni orbi præfecerit, eundē verò viuorū  
 & mortuorū iudicē à se constitutū, non nisi extremo tandē tēpore publicè daturus sit,  
 sicut scriptū est: & præcepit nobis prædicare populo et testificari, quia ipse est, qui con-  
 stitutus est à Deo iudex viuorū & mortuorū, huic omnes propheta testimoniū perhi-  
 bent, remissionem peccatorū accipere per nomen eius, omnes qui credunt in eū. Huius  
 autē à nobis disputatæ rationis argumenta & illustria admodū exēpla vel vnus Jona  
 vatis libellus suppeditare potest, qui non in aliorū modò, sed in suo etiā periculo maxi-  
 ma & inexhausta diuinæ misericordiæ beneficia omnibus aliis diuinariū rerum cogi-  
 tationibus præponenda esse docuit: quod huiusmodi diuinā benignitatem, & in tri-  
 buenda misericordia opes atq. fidem Ninuitarū reipub. omni, cui pronuntiata exci-  
 nis sen-

nis sententia certusq; ad interitū prescriptus fuerat dies, ob pœnitentiæ & mutata vitæ  
studium experiri licuit. atq; etiam ipsimet Vati ad supplicium ob violatam officij fidē pro-  
ducto, imò in mortis angustias, in horrendum etiam sepulchrum illato, tamen è medio  
periculo resipiscenti & supplicanti salus restituta est. Quibus profectò cognitis, & sa-  
pienter tota aminorū librorum veritate perpensis rebus, omnis de præscientia & præde-  
stinatione temere disputā dilicentia & immoderata audacia cōprimitur. Quoniā in diui-  
na philosophia non solum nullo prædestinationis aut præscientiæ obiecto impedimēto, mi-  
sericordia & salus omnibus eam in veritate implorantibus promissa & ostēdata est, sed  
præter pronūtiatam à Deo per grauissimum magnæque auctoritatis vatē sententiā, præ-  
ter certam constitutā dei expectationem, tamen populo ad bonam frugem sese recipiēti,  
& in diuinam fidem & misericordiam confugienti Dominus Deus noster misertus est,  
idemq; misericordiae suæ iam olim omnibus sese inuocantibus promissæ potius, quàm Va-  
tis fidei & auctoritatis rationē haberi se velle euentu ipso declarauit. nam quemadmo-  
dum & quatenus Vatis auctoritati & fidei consulendū esset, id ad ea genera spectabat,  
quorum abstruse & arcane rationes adorandæ hominibus & suspiciendæ, nō autem te-  
mere ad eū tractandæq; sunt. Misericordiae verò sibi etiā post dictā pronūtiatamq;  
sententiā tribuēda ratio & modus, & quatenus id fieri præstariq; posset, & quæcunq;  
huc pertinerent omnia ad id potissimum genus referebantur, cuius plurimas & maxi-  
mas rationes publicè spectatas, cōpertas exploratasq; hominibus esse decreuerat, ita vt  
cum de diuinis rebus nobis cogitandū esset, ex misericordiae primū iucundissima & vti-  
lissima tractatione, & immenso atq; amœnissimo cāpo in exiguū deinde cæterarum di-  
sputationū gyrum religione cōpelleremur. etenim dum hæc pars, quæ vtilissima & facil-  
lima est, bene & diligētē (vt pars est) nobis exulta splendeat, cæteras, quæ recōdite  
nimis abstruseq; sunt, maximè autem sapientiā & iustitiā Deo ipsi, à quo nihil non sa-  
pienter, non prudētē fit, permittere conueniet. Atq; illud semper in diuinis rebus inue-  
stigandis tractandis, dicendis & canendis velut primum totius negotij fundamentū po-  
nere, quod à sacro Vate eleganti carmine quondam est traditum. Iustitia & iudicium  
preparatio sedis tuæ: Misericordia & veritas præcedent faciem tuam. Beatus igitur  
populus, qui scit iubilationem.

Rupert. in  
Ioan. lib. 9.  
in principio.

Psal. 77.

## I V B I L A T I O E T V O T V M.

Immensa bonitate pater, te fulgida celo  
Testantur placidum sydera, te facilem.  
Si tua dona pios pariter, si fraude nocentes  
Sol, imberq; alto ex athere sæpe iuuant.  
Communem populisq; tuam certamq; salutem,  
Esse cupis, magna & sedulitate fones.  
Mortales reuocare graui ex errore benignus  
Diceris, & cæcis eruere è tenebris.  
Da veniam, pacisq; pia tua munera vati,  
Dicentiq; tuas annue diuitias.

## P R I O R I S A R G V M E N T V M V A T I C I N I I.

D V O Vaticinia hoc libello contenta suis argumentis distinguere placuit, quorū alterum eò vsq; per-  
tinet, Et factum est verbum Domini ad Ionam secundo. Ex eo verò loco ad finem vsq; libri alte-  
rum vaticinium est. Prioris igitur argumentū illud est, diuinū consilium certum fixumq; esse, neq; cuius-  
quam vel vi, vel tergiversatione, quo minus efficiatur, frangi aut minui posse, atq; id propterea à sacris  
vaticiniis vehementissimè & fidentissimè predicandum suscipi, qui de futuris longum post tempus rebus,



Num. 23.

non minus, quàm si praesentes essent, certissima & constantissima dicunt, illud verissimè intelligētes, quòd non est vir Deus, qui mentiri possit, neq. filius hominis, vt mutetur. Hac enim recepta vauibus omnibus  
 33 & planè explorata sentētia, vt officij susceptū munus maxima cū fide, atq. animi constantia exequan-  
 33 tur, efficit. Huius verò rei exēplum tum alijs ex locis, tum ex Iona Amithaita historia, euētu ipso fuisse editum. qui ad alienā à populo suo gentem legationem sibi à Deo datam accipere & obire vehementer recusauerat, quòd fore suspicaretur, vt diuino sermone resipiscētibz Ninuiis facillè venia & impunitas à Deo clementissimò daretur, quòd ille non saluos, sed perditos vehementer cuperet, ex eo animi motu, qui iustos & integros viros seueriores tamē, qualis Helias fuit interdū tenet, quo dicere solent, deficiant peccatores à terra, & iniqui, ita vt nō sint, & ex priuato etiā odio, quo Assyriorū gentem, cuius princeps ciuitas Ninue erat, Ionas prosequeretur, quā Israëlitis exitium aliquando allaturā, vel eorum  
 10 vatum, qui suo tēpore fuēre, prädictionibus, vel suo etiā sanctus officio cognouerat: quā ob rem & humano quodam affectu, & gentis suae studio cōmotus, hostium principē & regiā urbē suo in scelere perire, antequam malum suis inferretur, optauerat. Huius igitur atq. alijs de causis, diuinū imperiū subterfugiens, procul à patria lōga nauigatione transmittere, atq. in exilio vitā agere cogitabat. Deus autē cuius cōsilio frustra humani inceptus & conatus obnituntur, excitata in mari tēpestate Vate altero atq. altero  
 15 defunctū periculo ad consilium mutandū officium q. faciendum impulit, quòd nihil Deo propositū difficile effectū sit, cuius ad nutum & arbitriū vt figuli lutum fingi accommodariq. omnia cognoscuntur.

Ezech.

## CAPVT I.



FACTUM EST VERBUM DOMINI AD IONAM FILIUM AMITHAI DICENS.

19

NON de leui aliquo aut humano negotio in hoc libro agi, sed de grauissima re & planè diuino consilio, quod nulla vi aut impetu, nulla fraude, nulla deniq. hominū tergiversatione, aut minui, aut frangi, aut impediri possit, quo minus efficiatur, ipso statim initio docemur: cū diuini verbi mentione Vates libellum suū exordiat: namq. ver-  
 25 bum Domini rē iudicio diuino probatā & decretā ministrisq. & legatis suis mandatā significat. quā res vt secundū certā Dei sentētiā nō succedat, fieri nō potest, sicut scriptū est:  
 25 Verbum autē Domini manet in aeternū. Itaq. grauē aliquā rem initio nobis Vates proponi, t. diuinū nimirū consiliū, cuius progressus & exitus spectari vehemēter expediat. Vatis autē nomen ad rei fidē faciendā & ad diuini cōsiliij certitudinē firmitudinēq. ostendendā  
 30 appellatū est. quippe non minorē fidem Deus rebus negotijsq. suis ex eorū, qui auerfati, quā ex eorum etiā, qui obsecuti fuerint, testimonijs & cōfessionibus adiungit. Neq. enim Pauli Christiani olim nominis acerrimi insectatoris minus graue, quā Iacobi fratris appellati, de Christi virtute & veritate testimoniū est; imò illustri admodū elogio ob eam rē illius fides probata cōmendataq. fuit. Vas electionis est mihi, vt portet nomē meū corā regibus  
 35 & gētibus, & principibus Israël. Illud igitur huiusmodi initium significat, diuini verbi facti ad Ionam vatem recusantē & imperium detrectantem, atq. exitus pro sua parte impedire molitum historiam hoc in loco cōtexi, qua ostendatur eiusdem verbi tanto illustriorem constare victoriā, quāto maioribus & callidioribus humani consilij cōmentis impediri posse putetur. quod verò à coniunctione oratio fuerit incepta illud in causa esse arbi-  
 40 tramur, quòd aliud etiā huius Vatis fuerit vaticiniū nō apud gētes, sed apud Israëlitas peroratum, cui exitus ipse fidē fecerit certissimā. Id autē vaticinij munus felix faustumq. gēti suae futurū libenter ipse susceperat & obierat. hoc autē, quod exteris gētibus salutis suis tandē graui exēplo fore intellexerat, omnino recusabat. Sed inter alia quā in sacris libris ci-  
 45 tantur, antiquorū temporū monumēta, hoc etiā Ionae prius vaticiniū desideratur. Cuius  
 45 vaticinij illustris in regū libris mentio fit: Ipse restituit terminos Israël ab introitu Euphrat, vsq. ad mare solitudinis, iuxta sermonē Domini Dei Israël, quē locutus est per seruū suū  
 45 Ionā filiū Amithai prophetā, qui erat de Geth, quā est in Opher. Cur autē quorundā vatum certi patres in vaticinijs, quorundā verò nulli appellētur, in procemialibus disputationibus causam exposuimus. Sed ex qua tribu & quo tēpore Vates hic fuerit facillè ex sacris  
 50 libris docere est. Cū enim apud Ieroboamū filiū Ioas vaticinij munere functus fuerit, circa annū prioris tēpli centesimū octogesimū septimum floruisse constat, paulo post Helisai Vatis obitum, quo tēpore Amasias duodecimus rex Ierosolymis praeerat. Eodē tempore, quantum nobis exterorū historiarū fidem faciunt, Tonos Concoleros trigessimus octauus rex imperiū apud Assyrios gerebat, quē Græci Sardanapalum nominant. Hinc enim millesi-  
 55 mo trecentesimo trigesimo septimo Assyrij imperij anno rerum potiri cœpit. forsitan verò.

verò eius principis vitio, libidine, socordia & negligentia Niniuitarū ciuitas fuerat corrupta, cuius ad sanam mentē & ad bonam frugem recipiendæ causā Ionas à Deo legabatur. Ex Zabulonis verò tribu Ionam fuisse appellatum patrij loci nomē declarat. nam Geth quod latine torcular sonat, pluribus vrbibus commune nomen fuit, adiunctis autem regionis aut conditorum aut aliarum rerum nominibus, singulis propriū fit, vt Geth Philistijm, Geth Opher. Atq. ea vrbs, quā Ionæ patriā sacre historię describūt, cuiusdā ex iis regibus, quos Iosue à se victos interfecit, regia fuerat, quæ in hæreditatū partitione Zabulonitarū familiæ Orientalis terminus fuit, sicut scriptum est: Et inde pertransit vsq. ad orientalem plagam ad Geth Opher, & Geth Cesin. Fuere tamen nonnulli ex nostris interpretibus, qui quorundā Hebræorum sententiā secuti Ionam viduæ Sareptanæ, cuius hospitio Helias famis tempore vsus est, filium esse traderent ex tribu Aser, ad quam Sarepta opidum pertinebat, eiusq. patrē Amithai ex Geth Zabulonitem, matrē verò ex Sarepta Afferitidem fuisse aiunt, qui ob locorū vicinitatē matrimonio coniungi potuerunt. Ad id verò asserendū, quædam nominis Amithai interpretatio ingeniosa magis quā certa asseritur. Nos verò quibus sacras arcanasque literas priuatē hoc est, præter ipsarum apertam aliàs simplicemq. sententiam interpretari religio est, cum nullum certum vnde produci hæc possint, locum habeamus, ingeniosi esse aut videri nolumus: sed patrem Ionæ Amithai bis appellatum, & patriam vbi natus educatusq. fuerit Geth Hhopher ascribimus. Nam si natus & educatus in Sarepta fuisset, Sareptanum potius, quam ex Geth sacra scripta dixissent. Igitur qua matre fuerit, non laboramus, tantū patris & patriæ certis nominibus contenti. quam verò rem diuinum hoc verbum adornarit, grauem videlicet Niniuitis accusationem subiuncta oratione exponit:

*Surge & vade in Niniuem ciuitatem grandem, & prædica in ea quia ascendit malitia eius coram me.*

NINIUE quā Eusebius Nisibin, Herodotus verò & Græci, latiniq. auctores alij Niniūm dicūt, antiquissima vrbs Assyriæ est, à Nino, qui idē Assur dictus est, cōdita Tygri fluuiō ad solis occasum imposita. Eam autē maximā Assyriarū & totius fortasse orbis terræ vrbium fuisse, & sacri & prophani auctores tradunt. nāq. Moses huic magnæ cognomen ascribit. De terra, inquit, illa exiuit Assur, & edificauit Niniuem & Rahoboth ciuitatem & Chale, Resen quoq. inter Niniue & Chale, hæc est ciuitas magna. In ea ciuitate numē quoddā Nisroc nomine cultū fuisse ex sacris regū libris accepimus. Assur autē eundem, qui & Ninus dictus est, fuisse & nomen ipsum apud Mosē indicare videtur, & Plinius ex Zenophoræ testimonio tradit. Atq. eam etiā à Sardanapalo cultam, magnisq. opibus locupletatam Herodotus indicat. Surgere autē iubetur Vates, vt eo tropo impositum sibi munus strenuē obeundum & maturē incipiendū esse intelligeret, neque quo minus imperia exequeretur diuina, aut negotiū quodpiā, aut moram aliquā aliam, & cunctationē sibi esse interponendā putaret, cuiusmodi illud est: Surge & ascēde Bethel & habita ibi &c. Prædicare autē iubetur *in ea*, siue vt Hebraicē legimus, *in eam*. quæ verò fuerit impositæ legationis sententia, facili nobis cognoscere est, nimirū pœnitentiā & morū atq. vitæ correctionē persuadere, graui alioqui excidio & certissimo quā maturimè perituris, propterea quod suscepta publicè scelera magnū in modū aucta auctores suos ad pœnā suppliciumq. postulabant. Hanc autē fuisse prædicationis imperatæ sententiā re ipsa & diuini consilij rationibus intelligimus. nam misericordiæ prius & pacis cogitationes cogitare, quā pœnarum inferendarum decretum figere solet Deus. Cui rei Noë & Loth testimonium præclarissimū & grauissimum tribuere possint, quorū alter vniuerso orbi, alter regioni, in qua hospēs fuit, grauissimus de diuina primum misericordia, deinde etiam contumacibus de seueritate fuerat concionator. Atque ex ipso etiam diuino iussu, quo Ionas, vbi periculum euasisset, iterum eandem omnino prouinciam suscipere iussus est, res ipsa & legationis datæ sententia aperitur. Surge, inquit, & vade in Niniuem urbem magnam, & prædica ei prædicationem eam, quam ego loquor ad te. quo in locoidem atque eodem modo quo antea facere obireq. iubetur. sed & Christus diuinorū consiliorū angelus & inrerpres certissimus, Ionam eodē ad Niniuitas, quo ipse ad Israëlitas, legationis genere & tenore, tametsi nō pari dignitate auctoritateq. & negotio missus fuisse aiebat, se enim pœnitentiæ ad salutem, quā ipse adferebat, præconē apud suos esse grauissimo excidio, ni paruissent, perituros. Huius autē formæ legationē Ionæ fuisse

Euseb. lib. 29  
Diod. lib. 1.  
Iust. lib. 1.  
Oros. lib. 2.  
cap. 2.

Iosue. 12.

Iosue. 15.

Herodot. lib.  
1. & 2. Euseb.  
Plinius lib. 6.  
cap. 13.  
Genes. 10.

2. Reg. 19.

Gen 35.

- Matth. datam legimus. Viri, inquit, Niniuitæ surgent in iudicio cum generatione ista & condemnabunt eam, quia poenitentia egerunt in prædicatione Ionæ. Ex quo fit ut eum poenitentiam exigere, contumacibus verò excidium denuntiare iussum dicamus. nam verbum clamare seu prædicare, quod idè Hebraicè est, huiusmodi sententia hoc in loco indicat, ut:
- Isai. 57. Clama in gutture, ne cesses &c. Locus ille docet planè quo consilio clamare vates iubeatur. quæ verò addita huic legationi oratio est, nò tam prædicationis argumentum, quam legationis causam & oratione indicat. [Quia ascendit malitia eius coram me.] Quid causæ fuerit quamobrevati legatio à Deo orbis & gentium omnium gubernatore summo ad Niniuem urbem Assyriorum principem atque maximam data sit, hac oratione explicatur. omnium autè generum sceleribus & flagitiis Niniuitas coopertos fuisse, vno malitiæ nomine significatum est. Est enim malitia Hebraicè R A G H A, quo verbo quicquid humanæ mētes primorum parentum vitio corruptæ mali sceleris & doli concipere atq. admittere solent, definitur. quæ res plurimis testimoniis doceri cum possit vno & altero à nobis brevitatis causa indicabitur. Sensus enim & cogitatio humani cordis in R A G H prona sunt ab adolescentia sua. atque oppositum omnino hoc nomen esse bono omni, illa diuina ad Laban oratio declarat: Caue, inquit, ne loquaris contra Iacob à bono ad malum. denique quicquid præter fas, præter diuinum timorem, præter sapientiæ præscripta ab impiis admittitur, ad hoc genus atque nomen refertur, sicut scriptum est: Timor Domini odit R A G H. & Sapiēs timet & declinat à R A G H. Abominatio domini cogitatione s R A G H. & mens iusti meditabitur obedientiam, os autem impiorum redundat malitijs. Quod verò ascendisse malitiam ait, eam sententiam habet, adeo scelera aucta ab illis esse, ut modum omnem & diuinæ etiam expectationis rationes superauerint, ita ut non ultra expectandum patientissimo & iustissimo iudici fuerit, quo minus aut poenitentia & vitæ correctionem indiceret, aut seuerissimum in pertinaciter impios exerceret iudicium, sicut scriptum est: Deus iustus iudex fortis & patiens, nunquid irascitur per singulos dies. Nisi conuersi fueritis gladium suum vibrabit, arcum suum tetendit & parauit illum, & in eo parauit vasa mortis &c. namq. ascendere verbum huius significationis in loco est, ut: Interfecti eorum proijcientur, & de cadaueribus eorum ascendet foetor, & illud: Insanisti in me & superbia tua ascendit in aures meas. itaque ascendere idem quod apud latinos maximo exuperantiæ incremento auctum esse significat: qua significationis translatione, & à Latinis scriptoribus, ut à Cicerone in Rhetoricis, vsurpatur, & orationem & sententiam, & inimicitias crescere legimus. sic adeo omnium generum sceleribus ultra omnem modum affluentes Niniuitæ notati sunt, ita ut malitia eorum ascenderet coram Deo. Quid autem hæc dicendi forma *coram me*, siue, ut Hebraicè legimus, *ad facies meas*, significet, breuibus exponemus; quamquam sententiæ ipsius magnitudo longius multo spatium desiderabat. Imprimis in magna eos offensa apud Deum esse, qui tantis sceleribus & flagitijs ius, fas, honestatemque & pietatis rationes omnes peruertissent. namq. siue in bonum, siue in malum, siue in gratiam, siue in inuidiam hæc oratio *ad facies Domini*, seu, *coram Domino* vsurpetur, rem ipsam vehementer auctam significat: quicquid enim vsq. adeo creuerit, ut ad cælum ascenderit, atq. ad diuinum conspectum vsq. peruenerit, quò ulterius ascendat, non videtur habere. atque hac significatione Nimrot venator robustus coram Domino & Noë iustus etiam coram Domino dicitur. deinde etiam Dei erga orbem vniuersum curam & prouidentia hæc oratio manifestè arguit, cuius oculos nihil aut fugere, aut fallere, aut latere possit, sicut scriptum est: Iudicentur gentes in conspectu tuo, & vultus Domini super facientes mala, & huiusmodi sexcēta. Illud autem maximam præter cætera significationem habet, quod ex rerum vsu & sacrorum librorum lectione obseruauimus. quemadmodum à Deo hominum res actionesque omnes suis libris & ponderibus examinentur & perpendantur, atque iusta æquitas sententia iudicentur, neque aut vsu, consuetudine, aut auctoritate, aut dignitate, aut metu, odio, gratia, aut inuidia, stultæ aliqua opinione diuinum de rebus iudicium corrumpatur. velut humanum persæpe corrumpitur. Etenim non raro accidere videmus, ut quæ in priuatis & publicis hominum moribus dubio procul mala, inhonestas, atq. iniuriosa sunt, vel quòd assiduo iam vsu peruulgata & cōmunia omnibus sunt, vel quòd à principibus & potētissimis hominibus admissa, tamē honestis aut leuibus nominibus dissimulētur, aut etiā legibus latis & poenis propositis defendātur, ita ut cōsuetudinis nomine vitium decoris & vis atq. iniuria iuris appellatione dicatur. contra etiam sim

plicitas & virtus vera atque probitas humillimis, aut etiam turpibus nominibus notetur, neque cuiquam qui de rebus sapienter iudicauerit, quicquam contra receptas vulgo opinionones, aut contra ea quæ edicto & legibus & consuetudinis cautione firmata fuerint, mutire liceat. nihil autem omnino huiusmodi peruersitatis diuino iudicio purissimo, naturaque sua rectissimo atque simplicissimo accidere potest, sicut scriptum est: Sedisti super thronum, qui iudicas iustitiam & iudicia domini veritas iustificata in semetipsa. Hoc modo cum vniuersus orbis quondam hominum sceleribus & flagitijs opertus esset, atque ea res potentia, tyrannide, atque consuetudine minus moleste publice ferretur, aut etiam iucundis, aut honestis, aut præclaris magnitudinis & dignitatis & gloriæ speciebus commendaretur: Erant enim homines comedetes & bibentes, & nubentes, & nuptui tradentes. quæ verò propter huiusmodi causas admitti soleant scelera quis ignorat? aut admissa his nominibus quotusquisque est qui improbet, & seuerè coercenda vindicandaque esse iudicet? sed tamen hæc & quæ ab huiusmodi initijs profecta sunt omnia à censore & iusto iudice Deo grauissimo illo ignominia nomine hhamaz notata sunt, sicut scriptum est: Corrupta est autem terra coram Domino & repleta est iniquitate, ita autem suis nominibus & censuris singula vt notentur, non ad humanam opinionem aut gratiam, sed ad diuinum potius iudicium reuocanda esse sacris sapientiæ institutis & exemplis docemur. Quamobrem sapientissimus ille David leuitatis & futilitatis summæ ab vxore notatus causæ suæ cognitionem à mulierculis, quas illa iudices constituerat, ad Dei æquissimi rerum æstimatoris conspectum & faciem transtulit. Quam gloriosus (inquit illa) hodie fuit rex Israël discooperiens se ante ancillas seruorum, &c. quam accusatione huiusmodi grauissimo principio Rex debilitare exorsus est. Ad facies Domini, qui elegit me potius, quàm patrem tuum & quàm domum eius omnem &c. Itaq. illa oratio, coram Deo, siue ad facies Dei, rei magnitudinem & diuinam prouidentiam, æquamque atque exactam rerum æstimationem significat. quam ob rem Niniuitarum scelera & si minus fortasse ipsis, à quibus admissa essent, grauia viderentur; diuino tamē iudicio grauissima erant, & quæ vel maturā poenitentiam, vel celerē poenā postularēt. namq. à Zamci Ninia Semiramidis filio triginta quatuor Assyriorum reges ad Ionæ ætatē vsq. numerantur, quos Ninia exemplo molles, & præter regiā dignitatē multarū deliciarum fuisse, historici scribunt, sed vltimū Sardanapalum virum muliere corruptiorē dicunt, cuius regiam Niniue fuisse Herodotus est auctor. facile autē populus, maximè verò is in quo rex habitat regis & principum luxuria, aut segnitie & socordia, aut studiōrū imitatione ad maxima flagitia corruptus dilabitur. Terram enim commoueri & tremere regnante seruo in sacris & antiquis prouerbijs est. neq. vllā esse certiorē aut magis propriā regij officij peruertendi causam, quàm si rex vino, & libidinibus luxurijsque diffuat. Igitur Ionas cum Deum poenitentibus placatu facile cognosceret, atq. se non perdendi sed reuocandi atq. corrigendi causa mitti intelligeret, Israëlitarū rerum studio impositū munus subterfugere. atq. diuinum consilium morari cupiens, animo & cogitatione, atq. omni conatu & opera locū ad exulandū sibi comodissimum & remotū delegit, eamque rē protinus adornabat, neq. quid retro fieret, laborabat, & dumodo se huic Niniitarū salutis negotio subtraheret, an alter præficiendus esset, minimè curabat. Qua in re illud considerare operæpretiū est, facile à vatibus intelligi gētes ad resipiscendū, atq. ad fidē diuinis legationibus habendā, multò esse quàm Israëlitas animo pròptiores, facillimeq. illis de diuino iudicio persuadendū esse, sicut & re ipsa euenit; vna enim vix plenè obita legatione Niniuitæ scelerum poenitentia ducti ad bonā frugē sese recepēre. quā rē & Christus ludæis exprobat: Viri Niniuitæ surgēt in iudicio cū generatione ista, & cōdemnabūt eā: quia poenitentia egerūt in prædicatione Ionæ, &c. Hanc autē rem animo à Vate cogitatā fuisse, ipse tandē suo loco manifestè declarabit.

Et surrexit Ionas vt fugeret in Tharsis à facie Domini, & descendit in Ioppem, & inuenit nauem euntem in Tharsis, & dedit nauilumeius, & descendit in eam, vt iret cum eis in Tharsis à facie Domini.

CELEBERRIMA quondā atq. omniū aliarum nationū frequētissima & felicissima Phœnicibus nauigatio fuit, quos & primos & antiquissimos eius artis inuētores fuisse, ab vniuersis ferē auctoribus traditur. hi enim maritima loca incolētes & comoditate & affluētia duo vsu atq. studio trās marina negotia cōficere & mercaturā quæstuosissimā hoc modo facere potuere, atq. hac oportunitate & suarū gētiū colonias in Græciā, in Italiā, & Africā deduxēre,



deduxere, sicut scriptum est: Filij Iaua Elissa & Tharsis & Chetim & Dodanim, de quibus coloniis alio in loco dicemus. Tharsis autem eam Africae partem ubi Carthago olim fuit, portu & maximo emporio celeberrimam, atq. inde ad Oceanum usque porrectam mediterranei maris oram dici, productis ex sacra & peregrina lectione argumentis aliis docebimus Deo votis nostris annuente. Igitur in Africam commigrare dum cogitaret, Ionas, Ioppem Hebraice *ΙΑΡΗΟ*, nostro tempore Iassa dictam urbem Syriae antiquissimam & tutissimo portu celebrem adiuit, de quo saepe in sacris & in prophanis scriptoribus mentio fit, ad quem portum quae restituendo templo commodalingna à Tyris caesa aduehebantur, appellebant. Omnis autem haec omnium sigillatim rerum narratio quod Vates surrexerit, quod fugere in Tharsis constituerit, quod in Ioppen descendens oblata sibi oportunè nauè conscenderit, quod mercedè pro vectura atq. pro omni cōmeatu, ante etiā, quā absoluta esset nauigatio, persoluerit, eò pertinet, vt certo deliberatoq. cōsilio & magno etiā studio ea Vati fuga parata fuisse intelligatur, quē neq. in via, dū in Ioppem descenderet, neq. dum maris difficultatē cognosceret, quae nemini non formidolosa est, aut temerè adiri solet, neq. dum sumptū sibi ad eā rem faceret, neq. dum naui cōscens nauigare inciperet, propositi pœnituit, sed neq. dū periculum etiā illi esset necessariò adendum, vt statim res ipsa declarabit. Operæ pretiū autē erit locum hunc diligentius excutere, & Vatis in hac re cōsiliū atq. instituti rationē exquirere. nā neq. vir hic tam rudis tamq. ignarus rerū, tam expers cōsiliij aut ingenij erat, qui vllas in toto orbe latebras esse putaret, in quibus sese diuino cōspectu euolans occultare posset. siquidē prophético spiritu auctus ignorare minimè id potuit, quod ex sacris carminibus vel saepe in tēplo decantatis vel imperitissimo cuiq. de media plebe peruulgatū fuerat. Benedictum nomen maiestatis eius, & replebitur maiestate eius omnis terra; & dicat omnis populus, Amen. & quod à Psalte est elegatissimè dictum, cuius Israēlitarum esse potuit ignotum.

Psalm. 138. Quod ibo à spiritu tuo, & quod à facie tua fugiā? si ascēdero in cælum tu illic es, & si descendero in infernū ades, si sumpsero pēnas diluculo, & habitauero in extremis maris, etenim illuc manus tua deducet me, & tenebit me mirabiliter dextera tua. nedum celeberrima & hominibus frequentissima loca, qualis Tharsis fuerat, Vate, neq. homines ipsos latentē occultare credatur. Igitur nō diuinū cōspectum, hoc est prouidentia Ionas fugere cogitasse dicendus est. Quonia verò interpretes quosdā in hoc loco explicādo nimis ingeniosos esse video, quosdā verò difficultatis laqueos declinātes, nihil omnino de hac re dicere, neque horū silentiū neq. illorū cōpositam in specie orationē, sed nostrū planè propositū viregere placuit: vt ex ipsis sacris literis explicandarū rerū rationes petamus; id autē quo simplicius & breuius, eo cōmodius factum iri arbitramur. Igitur ex multis significationibus, quas nō sine certa quadā similitudine haec oratio ante cōspectū aut faciē Domini habet, vna est, quae ad prophetas atq. huius generis diuini cōsiliij ministros refertur, qui quādiu officio funguntur suo, stare ante cōspectum domini dicuntur, quod diuino numini & spiritu sese illis insinuanti fidem promptam expositamq. praebeant, faciliq. ac libenti obsequantur animo, ita in suscipiendis & transigendis negotijs diuini cōsiliij & voluntatis egregiè fideles sese ministros praebeāt. atque hanc sententiam non solum re ipsa, sed oratione etiam nobis Helisaeus exposuit: Viuit Dominus ante cuius faciem sto, quod nō accipiam &c. Ad hanc etiam sententiā illud pertinet quod de Cain scriptum est: Et egressus est Cain à facie Domini, quā suo loco Deo deducente explicabimus. atq. haec res hūc Ionae locum facile apertum exploratumque reddit. quem locum Chaldaicè sic legimus. [vt fugeret ad mare potius, quā prophetaret in nomine Domini.] Namq. in hoc negotio atq. in Niniuitarū causa Vatem Dei voluntati & officio suo deesse voluisse ostendit, atq. hoc consilio non modò solum vertere, sed ad aliud etiā studiū vehementer à vaticinijs rationibus alienum sese transferre cogitauit. Mercatum enim facere, atq. eam negotiorum & rerum consuetudinem exercitationemq. capere, non cum prophético solum munere, sed cum omni sapiētiae studio, cū omni liberali arte vehementer pugnat, cū cupiditas, cui nihil satis est eorum qui huiusmodi vitæ genus sequuntur, animos occupet totos, vt neq. bello etiā ad res suas defendēdas habiles esse sinat, vt apud Ezechielē de Tyrijs est. Quod verò hoc ageret Ionas, argumēto est nomē Tharsis statim principio cōsiliij indicati appellatum, ad quē locum cōmigrare in animo statuerat suo: nāq. Tharsis, vt diximus, mercatorum & negotiatorū celeberrimus cōuentus, & maximū totius Africae emporium erat. quam ob rem naues Tarsis in ea significatione antonomasticè appellantur, quod pretiosissim-

5 *summarum rerum commercium eo in loco esset, sicut scriptum est: Argentum inuolu-* Ezech. 27.  
*tum de Tharsis affertur, & apud Ezechielé: Carthaginéses negotiatores tui à multitudi-*  
*cundarum diuitiarum argento, ferro, stanno repleuerunt nundinas tuas. & sicut nostra*  
*etate quicumque Ophiren siue Perientanai aduehi dicitur, is aurum petere solo nau-*  
*gationis & loci nomine audito arguitur, ita olim Tharsensis nauigatio quam ob rem* 1. Reg. 10.  
*fusciperetur facile cognoscebatur. Eius autem nauigationis & causæ frequens in sacris* 2. Paral. 9.  
*libris mérito est. namq. classem Salomonis regis vna cū Hyrá Tyrij classe tertio quoq. an-*  
*no cum mercibus & oneribus eò commeantem aurum, argentum, ebur & simias & pa-*  
*uos asportare solitam legimus. Neq. verò incredibile videri debet huiusmodi consilium*  
*Ionæ in mentem venisse, vt à facie Domini fugere apud se statuens, hoc est iniūcto sibi*  
*muni & officio deesse, hæc omnia fuerit molitus. namq. diuinus vaticinij spiritus non*  
*ita humanos animos afficit, vt cogat etiam inuitos & repugnantes velut iumenta qua ve-*  
*lit impellat & agat, sed vel si maximè illis mentem aliquam iniiciat, vel oratione aut mo-*  
*nito imperet, liberat tamen homini cogitationes & conatus relinquit, ita vt si non perfici-*  
*cere, tamen velle & cogitare, & conari aliquid contra diuinum consilium possint: atque*  
*in ea re Vatis obsequium spectari & meritum constare potest, quamuis durum, quamuis*  
*viribus suis impar impositum onus, tamen neque inuitus, neque coactus, sed obse-*  
*quutus tandem summa religione & fide subeat, & cum diuino auxilio perferat. Ita-*  
*que quam in seruitutem vates veniunt, non obedientia fracti animi & abiecti, & ar-*  
*bitrio carentis suo est, sed qualis à pio, fideli, & constanti animo prestari possit, cui ta-*  
*men si collibitum fuerit, deesse possint. Libera igitur voluntate diuina imperia vel*  
*reuereri & exequi, vel auersari possunt. Cū enim Baalam sese ab ea sententia non*  
*esse dimouendum, cuius rationes numen suggereret, professus esset, tamen auaritia*  
*corruptus aliam tandem rem egit. Possunt igitur vates, quorum liberæ ( vt dixi-*  
*mus) cogitationes sunt, Dei voluntati obedire & parère, aut rursus etiam deesse, si ve-*  
*lint. neque enim ita afficiuntur, vt brutorum more impellantur, sed vt libertatis reten-*  
*to iure iubeantur. qua in re & obsequium & religionem & fidem animique constan-*  
*tiam & fortitudinem, aut etiam inobedientiam, infidelitatem, timiditatem & perti-*  
*naciam experiri est: ita fit vt vaticinandi spiritus sine libero & certo ipsius Vatis motu*  
*agere non consuescat, sicut scriptum est: Dominus Deus aperuit mihi aurem, & ego* Isai. 50.  
*non contradico, retrorsum non abij. cuius planè sententiæ illud est: Et spiritus propheta-* 1. Corinth.  
*rum prophetis subiecti sunt. Potest quidem Deus infidelem ministrum, negligentē atq.*  
*onus detractantem aut ab ordine recedentem officiumq. deferentē suum vel oratione &*  
*monitis, vel minis, aut terroribus, vel pœnis etiā ad sanitarem, atq. officij fidē reuocare, &*  
*ad sententiā conditionesq. suas aliis modis perducere. cuius rei exēpla in Mose, Helia,*  
*Jeremia & Paulo exposita sunt. Potest obstinato animo aut stulta mente ab officij fide &*  
*dignitate deficientes punire atque etiam perdere: cuiusmodi Balaamus, & ille alter*  
*quem à legatione ex Bethel redeūtem leo dilaniauit, exitus habuerunt: vt verò nolente*  
*& repugnante animo à Vate res agatur, nullum huiusmodi aut diuini consilij aut facti no-* Acto. 9.  
*bis hætenus exemplum cōtigit. etenim vox illa diuina, Durum est tibi contra stimulum*  
*calcitrare, illam in electi & correpti etiam ministri orationem obedientiæ religionis offi-*  
*cijq. testem desiderat, Domine quid me vis facere. Atq. de Ionæ consilio & sententia,*  
*de vatum libera cogitatione, de diuina in eo onere imponendo voluntate, & agendi aut*  
*impellendi ratione & modo, & de toto hoc genere satis pro interpretandi angustis dixis-*  
*se videmur. Nunc verò deinceps quemadmodum Deus consilia sua ad destinatos exitus*  
*prouehere soleat, illustre admodum exēplum intueamur, vtq. nulla rerum natura præter*  
*hominum genus sit, quæ Dei dicto & nutu parentē promptissimamq. sese non præbeat,*  
*cū tamen homines hoc genere cæteris omnibus rebus præstare anteireq. oportuisset.*  
*Dominus autem misit ventum magnum in mare, & facta est tempestas magna*  
*in mari, & navis periclitabatur conteri.*

30 **MAGNA** & copiosa est de diuinis miraculis, de signis, portentis & prodigiis, de omni  
 huius generis natura & ratione disputatio, & quæ pars hunc locum attingit, integram  
 profecto tractationē, iustumq. opus desiderat, quam nos in aliud cōmodius tēpus consultò  
 differimus, illud ad hanc rem tantū dixisse contēti, solere sæpenumero Deum iisdē illis re-  
 55 bus in mirabilium ostentorū, & prodigiorum edenda ratione vti, quæ res secundū naturā  
 aliās sine miraculo esse consueuere, vt pluuijs, fulgetris, tonitruis, solis, luminariūq. obscu-  
 rationibus

rationibus & affectionibus, alijsq. plurimis huiusmodi tépestatibus, quarum tametsi genus secundum naturam est, existendi tamen ratio, oportunitas, comoditas & modus præter certam naturæ obseruationem mirabile aliquod ostentum prodigiūq. arguit. cuiusmodi nobis exemplū hoc in loco proponitur, quo diuina præsentia nō solū Ionæ fugiēti, qui diuinas res probè edoctus erat, sed nautis etiā atq. alijs vectoribus declarata est, & Vates ipse corrept<sup>o</sup> a sentētia & proposito deterritus, atq. ad religionis obedientiā est reuocatus. Multas esse secundū naturā causas, quamobrem procellæ tempestatesq. in mari concitētur, & qui de his rebus scribūt, docuēre, & nauigādi peritissimi, quales olim Phœnices dicti sunt, cognouēre: aut enim conceptus intra maris penetralia aēr, dum exitum querit, liquidam & mobilem naturam, quoad eruperit, conturbat, atque etiam donec totus efflauerit, exagitat; aut à terra incumbens ventus, aut temporis importunitate immoderate excitatus vi atque impetu mare agitāt & turbat: huiusmodi aliæ causæ sæpe à peritis spectatæ sunt: quarum certæ etiam præfagitiones & præfensiones nautis sunt, quibusdam multo, quibusdam paulo antequam tempestas veniat. namque imbres, nimbos, procellas, cæterasq. tempestates, vel temporū varietates, cælique mutationes, vel quærundam animantium voces, aut obseruati motus, vel huiusmodi aliæ indicant res. quæ omnia in nauticarum rerum scientia continētur, & præcaueri nonnunquam posse, & effugi, ratio ipsa, & assiduum experimentum docet. nemo enim ferè est, qui tutam hyeme nauigationem non esse nesciat, certis etiam téporum & cæli mutationibus futuram tempestatem quidam præsentunt, sicut scriptum est: Multo autem tempore peracto, & cum iam nō esset tuta nauigatio, eo quod ieiunium iam præterisset &c. Quæ verò præter omnes eas causas, quas communes & exploratas dicimus, atque etiam præter omnem signorum & iudiciorum obseruationem, præter temporum etiam & cæli rationes, repentina aliqua vis & tempestas immoderata mare perculerit, eam diuinitus atque secretiori alia & mirabili causa venire facilis cōiectura est. Huiusmodi autem ineuitabilem omnino præfensione procellam, quæ Deum certum auctorem indicaret, in eam maris partē, quæ Ionas nauigabat, incubuisse, hæc oratio indicat. [ *Dominus autem misit ventum magnum in mari.* ] Vel ipsa inexpectata & repentina venti vis, quanquam modica fuisset, tamē diuinam causam arguere potuit, nedum quæ immoderato atque nimio impetu subito inopinates oppresserit. quod autē ab irato numine illa procella esset, præterquam quod nulla certa secundum naturam vel causa, vel præfagitione esset excepta, illud etiam confirmabat, quod neque cæli mutatione, neque nubium aut imbrium, neque temporum vicissitudine aliqua, sed vnus tantum venti repentina & immoderata vi premerentur, qui non solum mare agitaret & vehementissimè turbaret, sed multo etiam fortius & certius nauē ipsam iactatā vexaret, vt eorum qui veherentur, noxam & culpā vlciſci velle ostenderet. [ *Et facta est tempestas magna in mari, & navis periclitabatur conteri.* Hebraicè est. *Et nauis putabat sese rumpendam.* ] Eleganti metonymia maximum & certissimum naui periculum & metum iniectum fuisse ostēditur. Etenim optimè instructa & ornata navis, qualē esse oportuit, quæ à Phœnicibus ad Pœnos, magnis & pretiosis mercibus onusta, nauigaret, cum nullis adhuc scopulis aut littori vicinā esset, vnde periculum timeret, nondū longa & diuturna tempestate fatigata, non solum maris æstu absorberi & mergi, sed vel vnā tantū instantis venti visfrangi metuebat: quæ res præcipuam quādam & in numine iram, & in vectoribus culpam, quamobrem hæc paterentur, indicabat. Eam enim esse aliquādo sceleratorum & impiorū diuinitus petitam pœnam, non solum diuinæ, sed humanæ etiam sapientiæ documentis didicimus, vt horribili naufragio vnā cum ijs, qui simul nauigant, pereant, atque à terra producti, seuerissimis Dei satellitibus, mari, procellæ, turbini, ventis, tempestatique traditi, horrendo prius timore acti, rebus omnibus suis, atque terribili mortis genere, nisi oportuna ratione numen placauerint, mulctētur, sicut scriptum apud nostros est: Qui descendunt mare in nauibus, facientes operationem in aquis multis, Ipsi viderūt opera Domini, & mirabilia eius in profundo. Dixit & surrexit spiritus procellæ, & exaltati sunt fluctus eius, ascēdunt vsque ad cēlos, & descēdunt vsque ad abyſſos, anima eorū in malis tabescebat. Turbati sunt et moti sunt sicut ebrius, & omnis sapientia eorum deuorata est, &c. & apud exteros: *Verbo qui Cereris sacrum Vulgarit arcane sub ijsdem Sittrabibus, fragilemque mecum Soluat phasellum, Sæpe Diespiter Neglectus incesto addidit integrū, Raro antecedentem scelestum Deserit pede pœna claudō.* Igitur tépestatis repentinus atque immodicus impetus, nullis ante notis atque indicijs factus, diuina causa facile

Acto. 27.

Psal. 106.

Hor. lib. 3.  
od. 2.

nautis

nautis arguere potuit, quæ graui supplicio ipsos ob commune omnium, vel cuiuspiam priuatū scelus afficere pararet. quod autē hanc cogitationē continuò consequitur, singuli vel maleficientium conscientia vel proprio periculo stimulatī numinis, cuius certa & præsens agnoscatur vis, timore atque religione perterriti contremere cœperunt, atque ad eam vim & naturā precibus & votis placandam, quæ vnica & maxima ad salutem via creditā est, omnē curā, sollicitudinē, & studiū contulere. Hæc autē res illa breui oratione significatur:

*Et timuerunt nautæ.*

NVLLA res impiorum & eorum qui diuinam naturam negant, & sceleratorum hominum animos vehementius mouet & terret, quàm repentinus ventorum, tempestatū & turbinum fragor, qui vel in terra, nedum in mari versatos, non solum metu & pauore exanimat, sed impias de Deo sententias mutare atq. consilia omnia vitæq. instituta, & peruersas rationes improbare cogit, quod qui toto hoc pulcherrimo mundi spectaculo optimi Dei præsentiam & numen aut non cognoscunt, aut parum piè interpretantur, his quæ in sublimi fiunt, rebus perterriti seueritatem & vim vel inuiti fateantur. Quamobrem super pennas ventorum Deus ambulare à Vate dictus est. atque huiusmodi multa exempla & in sacris & prophanis auctoribus obseruantur, multæ etiā & grauissimæ de hac re sententiæ extant, quæ grauissimum de diuina natura & virtute testimonium tempestatibus ascribunt, vt, Vox Domini in virtute, Vox Domini in magnificentia: Vox Domini super aquas, Deus maiestatis innotuit, Dominus super aquas multas. Vox Domini confringentis cedros: & confringet Dominus cedros libani. Vox Domini concutientis desertum, commouebit Dominus desertum Cades, & reuelabit cōdensa, & in tēplo eius omnes dicent gloriam. hæc à vate pijssimo de hac re decantata sunt; ab impiæ autem quondā sectæ professore, sed consiliū sententiæq. oportunè mutate illud est celebratum.

25	<i>Parcus Deorum cultor &amp; infrequens, Infantis dum sapientiæ Consultus erro, nunc retrorsum Vela dare, atque iterare cursus Cogor relictos. namque Diespiiter Igni corusco nubila diuidens, Plerumque per purum tonantes.</i>	<i>Egit equos, volucrumque currum; Quo bruta tellus, &amp; vaga flumina Quo styx, &amp; inuisi horrida Tænari Sedes, Athlanteusq. sinus Concutitur, valet ima summis Mutare, &amp;c.</i>	Hor. lib. 1. od. 34.
----	---	--	-------------------------

Huius autem generis timorem, hoc est, religionem quandam erga diuinam naturam supplici mente susceptam illud verbum significat, & *timuerunt*. Namque verbum Hebraicū, cui latinum hoc respondet, id quod diximus frequētissimè indicat, vt: Timuerunt obstrictes Deum &c. &c. Qui timuit verbū Domini de seruis Pharaonis fecit cōfugere seruos suos, &c. Nautas verò timuisse ait, quò magnam & certam timendi causam ostenderet, namque vt vectores alij, aut qui tum primū mare tentauissent, aut qui minus tēpestatibus essent assueti timerēt, nō perinde magnū aut nouū procellæ genus argueretur, ac sit timor & religio eorū animos occuparet, qui nauigandi scientia & assiduo vsu, qualis ac quanta illa tēpestatas esset, & ad quam causam pertineret probè intelligere potuerūt, cum nullum aliunde aut ab arte, aut à propria virtute & industria certū iam subsidiū sperari posset, ad supplices preces atque ad vota ad placandum Deum cōfugere, certissimū consilium fuit, vt in huiusmodi maximis rerū, tēporumq. angustijs semper fieri à mortalibus solet, sicut scriptum est: Turbati sunt & moti sunt sicut ebrius, & omnis sapientia eorū deuorata est. Et clamauerunt ad Dominum cum tribularentur, &c. & apud exteros. Non est meum si mugiat Africis, Malus procellis, ad miseræ preces Recurrere, & votis pacisci, &c. Sed quanquā sapientissimum consilium in desperatissimis rebus sit ad preces atq. religionis rationes recurrere, & vltra humanam industriā, quantacūq. illa esse possit, diuino potissimum præsidio & ope niti, tamen certa veri numinis, cuius auxilium impleretur, notitia carere, maxima in eo genere frustratio est, & maxima fallacia pro vero Deo falsa & mendosa Deorum nomina inuocanda & colenda suscipere, quæ quamuis cōtinuis horis & diebus appellentur, tamen non magis exauditura sint, quàm Baalim illi à toto sacerdotum collegio à mane vsq. ad meridiem inuocati, de quibus scriptum est: Et non erat vox, nec qui responderet. De huiusmodi inani suscepta religione illustis illa à diuino Vate celebratur sententia: Dominum nō inuocauerunt, illic trepidauerunt timore vbi non erat timor: hoc est quod subiuncto ijs, quæ dicta sunt, versū narratur.

*Et cla-*



*Et clamauerunt viri ad Deum suum. Hebraicè est. Et clamauerunt viri ad Deum suum.*

Proverb. 12. Nomen vir Hebraicè aliquando pro latino distributio, singuli, aut vnusquisq. vsurpatur, vt in illo exéplo etiam docemur: Nunquid Sion dicet, vir & vir natus est in ea: & in doctrina sua cognoscitur vir. Ex varijs autem gentium nationumque exterarum familijs fuisse eos, qui in naui erant, quibus sese Ionas solus ex Israëlitarum religione socium addidisset, hæc oratio arguit. Varia enim Deorum nomina publicè & priuatè ab alijs atque alijs nationibus culta olim fuisse, nemo est qui ignoret. Vnusquisque igitur aut patrij aut familiaris sibi, aut certi ad rem quampiam numine & tutela valere crediti Dei fidem & opem implorabat, vt Tyrij Herculem suum, Palæstini Dagonem marinum Deum, Pœni si qui in naui essent, Solem, Lunam, aut etiam Neptunum inuocarēt, aut quempiam aliū quē priuata religione vnusquisque coluisset. Hæc autem in tanta angustia miserorum & afflictorum nautarum prima cura fuit, deinde etiam illa altera, vt instanti procellæ, cum contendere non valerent, quanto possent minori incommodo cederent, hoc est, vt mercium & rerum suarum iactura facta animas saltem eriperent, & conseruarent. namque in miserrimis rebus id quod miserum minus fuerit, est eligendum.

*Et miserunt vasa, quæ erant in naui, in mari, vt alleuiaretur ab eis.*

1. Paralip. 10. Syll. Italicus, Herod. li. 4. VASORVM nomine omnis supellex, atq. omnia arma & instrumēta, ad quemcunq. pertineant vsum, Hebraicè dicuntur, vt vasa belli, vasa nauis, vasa domus, &c. Antiquum autem & vetus nauigantibus est, in maximis & turbulentissimis tempestatibus rerum, quæ vehuntur, iacturam facere. Cuius consilij duplicē fuisse causam intelligimus, alterā quæ ad naturæ rerū, alteram verò quæ ad religionis rationē spectet. Namq. alleuata onere nauis ventorū vim diutius & cōmodius ferre, & vt maris fluctibus quominus absorbeatur, superare posse putatur. pondus enim si nimium fuerit, & mole sua premit, & allidentes fluctus ventique impetum aut ad frangendum, aut ad mergendum adiuuat. quamobrem commodè alleuata nauis, & impellenti vento cedens procellam facilius decurrit, & efferuescentibus æstu vndis leuius innatat, ac velut suspensa rapitur, sicut scriptum est: Cumque arrepta esset nauis & non posset conari in ventum, data naui flatibus ferebatur. Valida autem tempestate iactati, sequenti die iactum fecerunt, & tertia die suis manibus arma nautica nauis proiecerunt, &c. Illud etiam huic causæ accedit, quod cum huiusmodi calamitates sibi diuinitus allatas mortales intelligant, quæ admodum minori incōmodo id periculum effugi possit, consulere solent, & qui plures esse deos putauere, atque similes illis cum nostris animorum perturbationes, iram, cupiditatem, & huius generis alia ascribere: in huiusmodi temporū procellis & magnis periculis Deos muneribus placandos aut donis demulcendos, aut votis conciliandos, aut ad rerum communicationē inuitandos esse arbitrati sunt, quod ab illis huiusmodi quippiam tantis periculis exigi & postulari interpretarentur. alij verò qui de diuina naturā sapientius sentirent, maximum hominibus à Deo malum non sine ipsorum culpa infligi credidēre: eam verò culpā, qua possit commodiori ratione, expiādam esse statuere. nulla autē faciliior & commodior, nulla minus misera ratio visa est, quā si vltra preces & vota, res etiā & merces iactarentur, vt quamuis grauissimo damno grauissimum malum, hoc est acerrimū mortis genus commutare contingeret. deinde si quid in rebus ipsis malè partum aut furto, aut sacrilegio, aut dolo ac fraude, aut alia denique mala ratione constaret, quod non solum res alias, sed dominos & vectores ipsos, ipsumque locum nefaria contagione contaminare posset, id totum de medio sublatum, & diuinæ iræ & cōmuni malo modū statueret. Sunt autem plurima huius vniuersi generis apud antiquos & externos auctores exempla, multaq. sententiæ, ex quibus hanc rationē explicare liceat, vt illud: Non est meum si mugiat Africis malus procellis, Ad miseras preces decurrere & votis pacisci, Ne Tyriæ Cypriæque merces Addant auaro diuitias mari, Tum me biremis presidio scaphæ, Tutum per AEGeos tumultus Aura ferat geminusque pollux. & illud etiam:

*Cum plenus fluctu medius foret alueus, & iam*

*Alternum puppis latus euerterentibus vndis*

*Arboris incerta, nullam prudentia cani*

*Recloris conferret opem, decidere iactu*

*Cœpit cum ventis.*

Hæc eadem cogitatio, hoc consilium quicquid in se sapientiæ

sapientia habeat, ad nostrā vsque ætatē permanuit, vt in turbulēta tēpestate non solū oneribus & grauissimis quibuscūq. mercibus iactis nauis alleuetur, sed iniecto etiam auro, aut annulis, aut gēmis, aut alijs exigui ponderis, magni tamē pretij rebus procella sedāda procuraretur, vtramq. verò hanc cogitationem cū eam quē ad naturā, tum eam, quā ad religionis rationem refertur, in nautarum animis versatam fuisse, hæc oratio indicat.

5 *[Vt alleuiaretur ab eis. Hebraicè sic: ad alleuiandum desuper illis.]* non modò enim nauim onere, sed se etiam culpa & noxa, aut huiusmodi mala ratione pressos in periculum venisse credebant, quòd nisi rerū ipsarum deuotione & deprecatione vitaret, subire necessum foret. At verò Ionas, cui periculis omnibus & morte etiam potius, quàm delato

10 sibi legationis ad Assyrios munere fungi certum deliberatumq. erat, aliam omnino rem agebat: neq. enim aut suarum rerum, aut suarū sociorumq. salutem vel industria, vel consilio, vel precibus & votis consulebat, sed quorsum ea tempestas euaderet securus

*Descendit ad interiora nauis & dormiebat sopore graui.*

ITER, quod non tam diuitiarum & mercaturæ cupiditate, quàm fugiendi studio cōstitit, insistere & cōficere aut perire cupiens, ingenti animi mœrore oppressus ab omni aliorum hominū consortio & cōspectu sese subtraxerat, atque in penetralia nauis descendens eorū more, quibus graui aliqua cogitatione affectis languidi artus sopore obruuntur, dormiebat. neq. enim leui somno, sed grauissimo sopore vsum eum intelligimus, quali & Abrahamum somno oppressum legimus, cuius sopito corpore animus vigilabat. Huius-

20 modi à nobis descriptus & indicatus sopor, Hebraicè dicitur *Thardema*, quo in loco operæ pretiū cogitare est, quantū certus, deliberatus, aut potius obstinatus hominis animus progredi possit, vt neq. vlla suarū aut sociorū salutis cura ab instituto reuocetur, & qui sibi ipsi non cōsultat, quam cæterorum habere soleat rationem: atq. etiam boni gubernatoris imaginem intueri licet, qui de se, atque de suis, quos vehendos suscepit, sollicitus omnia

25 tentat, omnia curat & peruidet, omnia experitur, ne qua aut negligentia, aut culpa in cōmuni periculo laboretur. Huius enim, qua Ionas utebatur, nauis & nautarū magister, siue dum eius viri etiam operam inter alios requisitam desideraret, siue dum omnibus nauis partibus sollicitus consuleret, cū vnum ex omni vectorum numero stertētem offendisset, homini languorem & soporem exprobrans in commune consulere suadet.

30 *Et accessit ad eum gubernator, & dixit ei, quid tu sopore deprimeris?*

ADMIRANTIS hominis & importunam securitatem accusantis oratio est. Quid, Psal. 77. inquit, vel tantæ præ aliis securitatis vel segnitæ es, qui solus in tanta temporum rerumq. perturbatione, in communi omnium periculo, alijs & de se & de te etiam sollicitis, tamē

35 grauius dormias; siue enim securus istud agas, negligentia est, quæ virum bonū minimè deceat; siue mœrore & timore oppressus dormias, nihil tamen ex isto somno commodi experiri poteris. etenim grauissimis & turbulentissimis temporibus vigiles obniti, non segnes & fracto animo cedere oportet, quin potius omnia experiri, nam industriam & diligentiam felicitas comes sequitur, maximè cū nobis res non cum ventis & mari, sed

40 cum numinibus ipsis est, quorum ira magis, quàm temporum tempestate vexamur. Oportet autem te omnem etiam operam in placando numine ponere: neq. enim aliam ad salutem viam nobis muniri posse existimamus. ergo

*Surge & inuoca Deum tuum, si fortè recogitet Deus de nobis, & non pereamus.*

CREDIDERAT gubernator aut Dei, quem Ionas colebat, virtute & numine præ cæteris præstanti, aut ipsius hominis etiam gratia & magno merito fieri posse, vt cōmune omnium periculum deprecarentur, si verò illius precibus impetrari contingeret, tamen Vatis negotium & diuinum cōsiliū non ita apertum expositumq. cæteris esset: neq. enim hæc in re Vatis, sed suam causam à Vate desertā Deus tueri voluerat. qanquam aut plures esse dij gentibus putabantur, non tamen pari oēs vbiq. virtute & facultate pollere

50 credebantur: etenim ei plurimū deferri solebat, cuius præsentissimam & maximā iuuadis mortalibus vim experiri contigisset. Hanc autē gloriam sibi semper Deus cæli, & terræ in omni de diuinitatis rationibus certamine & periculo hanc laudem vendicauit, vt cæteris omnibus & si diuinum nomen falsò ascriberetur, nullum tamen certæ virtutis aut facultatis numen attribui iure posset. cuius sententiæ illud est: Quia ego cognoui quòd,,

55 magnus est Dominus & Deus noster præ omnibus dijs, omnia quæcūq. voluit Dominus,, fecit

fecit in cælo, & in terra, in mari & in omnibus abyssis. Præterea illa etiam omnium gentium quæcunq. sapienter & cōsideratē de rerū natura existimauēre, firma & constans assensio fuit, quosdā esse homines qui præ cæteris ob pietatē & virtutem apud Deum merito & gratia valerent, vt Noë omnium gentium pater, qui gratiam apud Deum inuenisse dicitur; cuius merito omni familiæ in communi diluuiōe fuerit. Et Lot Moabitarum & Ammonitarum parens patri Abrahæ gratia à Sodomorum incendio vnā cum filiabus est liberatus. Eandē autē salutis conditionē virginum sponsis, nisi resipuissent, manere potuisse ex sacris oraculis accepimus. Paulo etiam nauiganti omnium vectorum & sociorum animæ condonatae sunt. Hanc etiā sententiā sibi ex antiquo receptā exteri etiā auctores retulere.

*Hinc bellum lachrymosum, & miseram famem,*

*Vestemque à populo & principe Cesare in*

*Persas atq. Britannos*

*Vestra motus aget prece.*

Huiusmodi quiddā experiri gubernator cupiebat, videlicet egregiā quandā in Iona pietatē & innocentiam, quæ propitiū sibi Deū reddere posset, vel eximia atq. summā in Deo, quem ille coleret, virtutē, vt quæ alij vel præstare nollent vel nequirent, solus ipse præstaret, vel vtriusq. etiam res simul & hominis innocentia, & Dei illius præstantia periculum in tanta calamitate facere, vbi cæterorum neque hominum preces valebant, neq. deorum voluntatis aut virtutis, aut misericordiae argumentum vllum apparebat. Deus tamen in hac re numen imprimis suum, prouidentiam, virtutē, & iustitiam nautis probare, & Ionæ etiam contumaciam publicè arguere & consilium frangere suumque efficere parabat. Igitur vbi nauis nullum neque in precibus & nuncupatis votis, neque in arte & industria atque opera sua tempestati, quam diuinitus venisse intellexerant, remedium inuenissent, maius aliquid & grauius esse, quam obrem vexarentur, suspicati sunt; cum neque precibus neque rerum suarum deuotione numen illis placaretur, sacrilegum quempiam aut scelestum in ea naui esse putauerunt, cuius non res, sed anima in statera postulata tanto omnium periculo efflagitaretur. quod quemadmodum declinarent, prouidendum esse certissimè alioqui perituri, nisi vnus deuotione & supplicio nauis à sceleris vestigijs expiaretur. namque nocentis & scelesti hominis causam contubernalibus cæteris infestam & periculosam esse, & secretioris sapientia documentis, & doctrina institutisque atque opinionibus gentium est peruulgatum, sicut scriptum est: Et corruent fulcientes Ægyptum, & apud exteros:

Ezech.

*Vetabo qui cereris sacrum vulgari arcana sub iisdem Sit trabibus, fragilemque mecum soluat Phasellum,*

*Sape Diespiter neglectus incesto addidit integrum,*

*Et illud:*

*Pallas ne exurere classem*

*Argiunt, atque ipsos potuit submergere ponto*

*Vnus ob noxam & furias Aiæcis Oilæi?*

Eius verò rei indicium & iudicium

forte iacta diuino consilio permittendum esse arbitrati sunt, quod illorum nemini magis certum aliud neq. de seipso, neq. de alio quopiam in ea causa testimoniū habere aut sequi cōtingeret. fieri etiam posse putabant, vt exitij dies & modus cuiuspiam ex illis non tam culpa, quam fato quodam præfixus esset, siue quòd diuino consilio, siue cælorum, siderumque ratione accideret. cuiusmodi multa ex gentium disciplina vulgò credebantur: eius autē quicumque ille esset, causa aut culpa malum cæteris immineret, quod eiusdem quem fata postulerent, solo periculo deuotandum esse statuerunt.

*Et dixit vir ad collegam suum, Venite & mittamus sortes, & sciamus quare hoc malum sit nobis. Hebraicè est, In cuiusnam hoc malum nobis.*

IN cuiusnam subaudiendum fato aut culpa. namque turbinem miraculo potius, quā natura aut casu extitisse ex ijs quæ à nobis indicata sunt, argumentis intellexerant. siue enim naues alix simul nauigarent, eas summæ tranquillitatis cursum tenere videbāt, siue nullæ etiam alix essent, tamen tēpestatis & ventorum vim in eam maris partē, atque in nauim ipsam, qua veherentur, potissimum incumbere sentiebant. Ex quo effectum est, vt cum neque precibus, neque industria, neque prudentia & arte quicquam sibi proficiscissent, cuiuspiam ex contubernalibus causa sese vexatos interpretarentur. At verò siue id culpa, siue fato accideret, neutrum sanè affirmare ausi, illud dixerunt, & videamus in cuiusnam hoc malum nobis. Quod verò ait, [Et dixit vir ad collegam suum,] communi omnium consilio & sententia rem constitutam esse significat. Vir idem quod vnusquisq. in loco significare, iam diximus. illud verò pronomen nobis certum illis, præter alios nauigantes, atque

atque naui eorum periculum arguit, id quod & Ionas ipse eadem oratione vsus do-  
cuit, cum enim rogaretur, Quid faciemus tibi & cessabit mare à nobis? respòdit, Tollite „  
me & mittite in mari, & cessabit mare à vobis: scio enim ego quòd propter me hec tem- „  
pestas grandis venit super vos. Ex quibus locis omnibus eam nauim vehemētissimo & „  
certissimo quodā impetu iactatam & petita fuisse intelligimus. neque verò ad eam rem  
semel tantū sortiri contenti sunt, verū vt non casu, sed certo iudicio & consilio diuino  
illis hoc negotium expediretur, sortes sapius reperere decreuerunt, quòd si omnes vni  
cuipiam ex ipsis ductæ essent, ad diuinum consiliū, non ad casum reuocanda sententia  
erat. fieri enim casu non potest vt repetita sapius fors eidem semper vni edatur. hoc igi-  
tur certum sibi nauæ iudicium præscribere, *Mittamus sortes*. Singulis autem sortitioni-  
bus Ionam assignatum appellatumque fuisse scriptura ait, atque ea re permotos nautas  
rem diuino consilio, non casu constare intellexisse.

*Et miserunt sortes, & cecidit fors super Ionam.*

PLURES sortes eductas, singulas autem Ionæ editas fuisse significat. sed neq. iudi-  
cio huiusmodi sibi satisfecisse videbantur nautæ, nisi diligēti aliqua inquisitione & veri  
inuestigatione causa constans certa que redderetur. quanquam enim sortibus eductis  
certa illis persona esset, cuius causa tēpestas & malum atque calamitas afferretur; tamē  
an illius culpa, an merito aliquo, an illata, an accepta ab eo iniuria, an aliqua alia re id cō-  
tingeret, ignorabant; neq. hominem deuouere statim voluere, nisi rem ipsam & causam  
probè docti, quid potissimū fieri oporteret, statuerint. neq. enim certum exploratumq.  
erat, an huius viri iniuriam acceptam, an illatam numinis sentētia & prouidentia perse-  
queretur, an fatum aliquod, an genus aliud esset, quod quomodo expiato opus esset, nisi  
perfecta causa, diuinare aut cōiicere rectè nequierunt. Id verò non alio modo commo-  
dius, quàm hominis ipsius indicatione doceri posse intellexere.

*Et dixerunt ad eum: Indica nobis cuius causa malum istud sit nobis. Hebraicè  
sic, Indica nobis in quo, cuinam malum istud nobis.*

DVPLICEM quæstionem latam hæc oratio significat, alteram de facto, alteram de  
persona. namq. facinoris cuiuspiam causa sibi malum afferri putabant, id facinus prius  
inquirere & cognoscere, deinde hominem, quisnam eius facinoris reus esset doceri stu-  
debant, vt re & causa, aut culpa, aut merito cognitis, quid fieri potissimū oportuisset, de-  
liberaretur. Itaque latina nostra versio vtramque partem complexa est, *cuius causa*, facti,  
aut hominis: vt autem aut facti, aut personæ notæ & argumēta certiora reperiri possent,  
quæstio ipsa partitione explicatur.

*Quod est opus tuum? quæ terra tua? quò vadis, vel ex quo populo es tu?*

EX ANTEACTÆ vitæ consuetudine, ex arte & exercitiis, ex patria & eorum, qui-  
buscum vixerimus, familiaritate argumēta faciliè ad coniecturā petuntur, ex quibus iu-  
diciū fit, qualisnam vnusquisq. esse potuerit. [*Quod est opus tuum?*] Quædā enim artes  
sunt, quæ vix sine magno flagitio tractari possint, vt sceneratorum, quorum quæstus ple-  
rumq. improbat; quædā natura ipsa nefaria, vt magorum, sagarum, prædonum, & quæ  
aut ad superstitionē, aut ad hominū perniciem referuntur. huiusmodi aliquid de Iona  
inquirebatur, quidnā illi artis esset, quæ numina sibi infesta reddidisset. [*Quæ terra tua?*]  
Hebraicè omnis hæc quæstio hoc ordine constituta est: [*Quod est opus tuum, et vnde venis?*  
*quæ terra tua, & ex quo populo tu es?*] Ad priorem quæstionem de facto priora duo membra  
referuntur, [*Quod est opus tuum, & vnde venis?*] vt ex opere & societate aut eorum, quibus  
cum vixeris, consuetudine turpem culpam sustineas. duo autem posteriora membra ad  
personā referuntur, de qua etiam quæstio & inquisitio instituta est: [*Quæ terra tua?*] vt ex  
scelerata aliqua regione, cui dii marini, ventique, aut cælum ipsum, aut sydera pertina-  
citer infesta sint, atque ita tu diuino erga regionē odio labores, aut forsā patriā diis cha-  
ram & gratam improbè deserueris, aut alioqui violaueris, aut si neque officij, neque con-  
suetudinis aut generis tui, neque patriæ crimine teneris, num gētis & populi tui culpa,  
aut nefario scelere astringeris? aut honestū alioqui populū, quem summo amore & pie-  
tate, sanctitate religioneque omni prosequi oportuit, impiè & nefariè prodideris, cuius  
sceleris à te pœnas superi exigunt? vel populi tui fato vexaris, cui cælum aduersam nau-  
gationem & difficillimas tempestates semper paret? [*Ex quo populo tu es?*] vt eius populi  
aut odio aut crimine, aut fortuna tu primum & nos tui causa premamur: Itaque omnis  
inquisitio



inquisitio eò spectat, ut maximo aliquò scelere aut priuato aut publico hominem obligatum esse suspicarentur, aut sibi aut à se illata iniuria notari, siue illa patriæ siue genti populoque suo accepta fuerit, quam ea tempestas vlciscatur. Ille verò rem ipsam, confessus est, & quonam iudicio, qua culpa teneretur apertè exposuit: non enim se vilius vel hominis, vel loci, vel gentis scelere angi, non alicui illatarum iniuriarum, alligari, sed pietatis officiique deserti crimine accersiri, idq. non à calo, non à mari, neq. à terra, sed à Deo maximo & summo omnium rerum opifice & gubernatore, quem sibi iratum maximè formidet, quòd omnium aliarum rerum præstantissimum & potentissimum vltra omnem comparisonem agnoscat.

*Et dixit ad eos: Hebræus ego sum: & Dominum Deum cali ego timeo, qui fecit mare & aridam.*

QVOD nomen latinè est *Hebræus*, Hebraica origine prætereuntem prætergressorem sonat, hoc enim nomen Hebræis impositum est à Semo Noë filio, cuius familia Euphrate fluuio traiecto nouas sedes sibi quæsiuerat, ipse enim est pater omnium filiorum Heber. Ex qua etià ratione Abraham, quòd à Chaldæa natione ad Chananeam transmissum flumine commigrasset, dictus est Hebræus. Igitur Ionas nò tam genus suum, quam culpam hoc nomine indicare voluit, & diuinum mandatum à se studiosè præteritum esse ostendit. nam præterire verbum non semel ad diuinarum legum, iussionum & præceptionum còtemptores & desertores in sacro sermone trāsferitur, ut: Nonne Achā filius Zarā præterit mandatum Domini, & super omnem populum Israël ira eius incubuit? & ille erat vnus homo, atque vtinā solus periisset in scelere suo, & apud Ieremiā Deus: Incrassati, inquit, sunt & impinguati: præterierunt sermones meos pessimè. Huiusmodi mandatorum Hebræum, hoc est, prætereuntem sese confessus est Ionas, non qui hominem quenquam læsisset, aut læsus à quoquam fuisset, nò qui patriæ malum aut tulisset, aut intulisset, sed qui mandatū, (ut ita latinè dicamus) præterierit. atque hac responsione alteri de facto quæstioni satisfecit, interrogatus enim fuerat, [Indica nobis in quo? Alteri verò de persona à se læsa, aut sibi infesta, de loci, de terræ gentisue cuiuspiam integritate aut sanctitate violata, cuius imprecationibus ageretur, aut fato premeretur, opportunissimè occurrit.

*Dominum Deum cali ego timeo, qui fecit mare & aridam.*

NVLLA alia vi aut fato, nullius alterius personæ vel gētis merito, imprecatione aut deuotione se agi, neq. alterius criminis conscientia stimulari aut metu terreri, præterquā vnus Adonai veri Dei, cuius suo facto offensionem incurrerit, cuius virtute & efficientia cū omnis orbis constet, nutu etiam atque arbitrio gubernatur: itaq. eum solum esse, quem ipse timeat, atque eius in se excitatæ tempestatis auctorem agnoscat. itaque sibi nihil à calis, à mari, aut à terra mali metuendum esse, sed ab eo, cuius voluntati cælum, mare, & terra obediat & pareat. si quid autem à calo importunum aut violentū, si quid à mari turbulentum, si quid à terra impetuosum patiantur, totum id sua culpa & diuino imperio accidere. Qua oratione veri Dei à se culti nomen, virtutem, auctoritatem, iudicium, consilium, seueritatem, prouidentia denique rationes præstantissimas, simul & factum culpamque docuit suam. Deum igitur cali & terræ ego timeo, cuius à me imperio neglecto vobis hæc calamitas calo, mari & arida allata est. Deum autē cali appellat, ut calorum virtutē, qua omnis aliarum rerū natura gubernari putabatur, diuino subesse & parere arbitrio doceret. Si quid verò præterea virium in aquarū & terræ naturis, si quid momēti inesset, id omne Deo auctori ascriberetur. [Deum cali, cuius præcipua sedes cælum est, qui fecit mare & aridam.] Naturæ ordinem obseruauit, namque conditi orbis initio terra non prius extitisse dicitur, quàm in vnum locū aque congregarentur, atq. ita mari & terræ præscriptis sedibus ac legibus, sese continere, ut nihil, nequantillum quidē fuerit contra tentatū, sicut scriptū est: Terminum posuisti, quem non transgredientur, neque cōuertentur operire terram. Huiusmodi autem cōfessione cū Vatis culpa patefieret, culpæque summa esset, quòd diuinum mandatum præterisset, continuò omnes qui aderant, magno timore perculsi sunt, quòd sibi quisque non semel deliquisse, & diuinum imperium voluntatemque violasse conscius esset.

*Et timuerunt viri timore magno.*

NECESSE enim fuit quemque delicto suo vehementer commoueri, cum Ionam ob unam violatam diuinam voluntatem tantum timore affectum esse intellexissent.

*Et dixerunt ad eum: Quid hoc fecisti? Cognouerunt enim viri, quod a facie*

*Domini fugeret, quia indicauerat eis Ionas.*

EXEIVS confessione didicerant eum fugere a facie Domini, quod se praterente confusus esset, praterente autem & violante voluntate Dei, quem celi, terrae, marisque auctorem ipse crederet. quae res una cum timore admiratione viris mouit non parua, quod is, qui tanta de Dei virtute, prouidentia, maiestate & seueritate cognosceret, tamen cum suo atque aliorum maximo & certissimo periculo eam fugam adornasset, atque in eum sese timorem ultro inieceret. neque satis mirari poterant quae tanta res esset, quae eum in eam mentem impulsisset. neque enim illis consilium suum Ionas aperuerat, tantum quam culpam sustineret, & cuiusnam iudicis iudicium experiretur & perhorresceret, indicauerat. [*Quid hoc fecisti?*] Admirantis oratio magis, quam interrogatio est. qui conuenit, inquit, ut tu ista notitia, ista de diuinis rebus cognitione praeditus, tamen mari fugere eum Deum, quem maris auctorem agnoscas & praedices, cogitaueris? Interea vero cum causa ipsa apertior esset, & diuinum iudicium manifestum, ut omnis ea res cumulatim indicibus & notis, atque periculorum signis illustris magis & confirmata redderetur, mare ipsum, quod diuino arbitrio parere Ionas docuerat, vehementius turbari atque intumescere horribili fluctuum sonitu pergebat, perinde ac si causa examinata conuictum & damnatum iam hominem ad poenam postularat atque efflagitaret, maximo omnibus aliis si recusarent, oblato periculo. Quamquam vero illis terribile & instans admodum commune malum immineret, tamen in ea re nihil temere statuere placuit, sed ab ipso Deo, qui rem indicauerat, aut ab eius interprete & totius causae oratore Iona sententiam requirere, & quemadmodum commune illud periculum auerti posset, doceri. etenim Dei celi & terrae & maris, cuius consilium agnosceret, numquam placari oportere satis manifeste intelligebant. at vero quemadmodum id pure sanctaeque fieri posset, non sane perspectum illis erat. hominem igitur ipsum, qui culpae suae & religionis etiam rationes optime nosset, & quibus potissimum rebus & modis expianda ea esset, melius, quam ipsi, cognosceret, de ea re consulunt.

*Et dixerunt ad eum: Quid faciemus tibi & cessabit mare a nobis? quia mare ibat & intumescerebat super eos.*

PRUDENTIS & pietatis ac religionis pleni consilij imaginem intueri licet: non enim nauae & caeteri, qui cum Iona erant, hominem, cuius causa periculum sibi creatum intelligebant, inuidia persecuti populari tumultu, ut sit, praecipitem dare cogitabant, sed religione potius interposita sapientiori consilio opus sibi esse duxere, ne aut maius sibi crimine, si non expiassent aut maximum, nisi pure, sancte ac recte expiandum curauissent, conflaretur. Consultitur igitur Ionas, quam ratione commodius & certius ac melius ea res expediri possit, num reduci eum atque ad terram reuehi opus esset, num votis pro illius salute communiter nuncupatis & solutis, num precibus & sacrificiis numen placandum sibi esse intelligeret. [*Et cessabit mare a nobis.*] quod in horas magis saeuire & vehementius fremere, atque sibi, nisi mature consuluerint, minari instareque sentirent. Quod autem dicit: [*A nobis, & super eos,*] ad id, quod antea significabamus, refertur, certiori impetu in eos tempestatem saeuire, ut res non casu, sed consilio agi intelligeretur. [*Quia mare ibat & intumescerebat super eos.*] ibat, continuum incrementum hic dicendi modus indicat, ut aquae ibant & decresebant. neque tamen Ionas ab instituto propositoque suo deterritus est, sed perire potius, quam legatione sua ad Ninuias fungi cogitauit, ne inimicae nationi via ad salutem communiretur, quam gentis suae studio perditam cupiebat: cotubernales ut se in mare conicerent, portari & suadere coepit. hac una re & curis suis finem & hostium rebus exitum, & temperati fociorumque calamitati modum offerri posse arbitratus. etenim sui unius causa illam tempestatem caeteris, quibus cum erat, venisse iam inde ab initio intellexerat, cum sese moestum curaque confectum sopori dederat. Ita cum praefuorum studio nullam rem aut sibi optandam aut formidandam duxisset, deliberato ad mortem animo

*Dixit ad eos: Tollite me & mittite in mare, & cessabit mare a vobis: scio enim*

*ego, quoniam propter me tempestas hac grandis venit super vos.*

FACILE persuaderi potuerunt nauae verum esse id quod a Iona diceretur, sui unius causa

causa eam tempestatem illis venisse, quam ad diuinum consilium & miraculum referendam esse & magnitudo ipsa, & certus in eam nauem impetus arguebat, namque id iudicium, sortes non semel vni eidem homini editæ, & procella post sortes & post confessionem incrementum & vehementior semper vis confirmauerant. accedit etiã ad hoc deliberata ab homine mortis optio, quam vt terribilium omnium vltimum, nunquã ille nisi re planè perspecta & cognita depacisceretur. quamobrem ait: [Scio ego quod propter me, Hebraicè, quod in eo quod mihi.] hoc est, mea vnius culpa & causa. nullius quippe vestrum tempestate hac aut officium requiritur, aut obstinatio accusatur aut vita appetitur. hac autem vna re & mihi & vobis consuli & Deo meo satisfieri à vobis posse intelligo, si quamprimum sublatus in mare coniciat, nihil amplius molestia ex hac, quæ nunc maxima procella est, habiturus. Neque verò aut mirum aut incredibile videri alicui debet, tantam esse potuisse Vati sententiæ obstinationem, vt nec religione, nec etiam periculis deterrito, à proposito declinare potius quam mortem pacifici optaretur. quandoquidem multi olim & maximi viri fuerint, qui populi gentisq. suæ studio non modò se & caput suum, sed ad æternam felicitatem pertinentes sibi res deuouere non recusauerint, vt Moyses, Aut dimitte, inquit, eis hanc noxam, aut si non facis, dele me de libro tuo, quem scripsisti. & alio in loco: Sin aliter, inquit, tibi videtur obsecro, vt interficias me. & David dixit ad Dominum: Ego sum qui peccaui & ego iniquè egi: isti, qui oues sunt, quid fecerunt? vertatur obsecro manus tua contra me & contra domum patris mei. huiusmodi consilio & studio incensus Ionas mortem depacisci potius, quam eius, quam suæ genti exitio futuram cognouerat, nationis causa diuinum mandatum agere cupiebat. Studiofissimè autem & diligentissimè à Ionæ contubernaliis prouisum est, ne quid aut in procuranda religione prætermisum, aut in expianda præteritis fasque commissum esse videretur. quamobrem vt omnia prius experirentur, quàm aut ipsi perirent, aut hominem temerario aliquo iudicio perderent, cum nullam præter hominis ipsius certissimam adhuc de ea re sententiam habuissent, qua quid facto opus esset manifestè intelligerent, diuinam sibi voluntatem aliis tentatis rebus declarari cupiebant, ne fortasse vir ille aut animi obstinatione, aut vitæ tædio nefariè sibi mortem ipsorum ministerio & opera confisceret potius, quàm diuinis mandatis parere vellet. Præter ea igitur, quæ curata ab illis & retata hæcenus fuerant, aliud etiã ad numen placandum, & ad salutem sibi parandã elaboratum est, quod vbi frustra tentatum fuit, ad preces & sceleris deprecationem est deuentum.

Exod. 32.  
Num. 11.  
2. Sam. 24.

*Et remigabant viri vt reuenterentur ad aridam, & non potuerunt, quia mare ibat & intumescebat super eos.*

DE VM cæli marisque auctorem quemadmodum placare sibi possent, omni studio curabant, quem ob Ionæ fugam iratum insensumq. esse cognouerant: experiuntur igitur conuerso cursu nauim ad terram appellere, vt exponentes hominem & diuinam mandata & salutem suam procurarent. contractis igitur velis remorū impulsu terram contentissimè repetere conati sunt, [Vt reuenterentur ad aridam.] Fieri enim forsitan posse putabant, vt quorū fuga mari numè insensum experta esset, reditus rursus in arida eorundem Deo probate succederet. Sed cum omni vi & impetu omniq. studio nauē remis propulsare contendissent, non valebant, quòd maioribus semper fluctibus iactati, minus etiã obniti poterant, & grauiori maris impetu repellebantur, vt ea res contrariam Dei illorum consiliis voluntatem facillè significare posset, quando nec antea velis altum, neque nunc remis terram petere valerent. Olim naues omnes, ad quencunque nauigandi vsum pararentur, & velis & remis instructæ fuere; pro temporum autem & oportunitatem rationibus nunc alterum, nunc vtrumque genus tractabatur. Super eaq. certo quodam maximoque impetu & fremitu, qui diuinam voluntatē illis planè indicabat. Vbi autem rebus consiliis, atque omni contentione, omni diligetia & industria consumptis, nihil tamen sibi profecisse intellexissent, vnius capitis periculo & diuinæ voluntati parendum & communi saluti cauendum putauere. Id autem vt tutius & sapientius fieret, à supplicatione & sceleris deprecatione auspicandum duxerunt.

*Et clamauerunt ad Dominum & dixerunt.*

VEHEMENTEM animorum impetum & motum, grauemq. cogitationē clamor prodebat,

prodebat, nec leuem ipsis rem, nec facilem parari agique indicabat, sed quam non oratione modo, verum vocibus & clamoribus etiam declararent. Quod verò additur, *Et dixerunt*, non leuis, sed grauissimæ sententiæ orationem illis institutam habitamque fuisse significat; cuius hoc exemplum fuit:

5 *Quæsumus Domine ne pereamus in anima viri istius, & ne des super nos sanguinem innocentem: quia tu Domine sicut voluisti, fecisti.*

MAXIMÆ religionis & non vulgaris sapientiæ argumenta, de diuina virtute & 10 prouidentia reconditas exquisitasque sententias hæc oratio continet; cuius omnes partes expendere & pro dignitate tractare, & ad suas in oratoria arte præceptiones reuocare, alterius loci & temporis nobis erit, nunc sententiæ tantum significatione contentis. Eius igitur non simplex argumentū ac genus est, namq. translatione primū, deinde deprecatione constat, & æquitatis ac misericordiæ definitionibus & rationibus nititur; 15 cuius artificiosa argumentatio ex dilemmate nascitur, hoc modo: Aut homo hic supplicio morteque dignus est, aut non; si vnus ex omni contubernio capitali culpa teneatur, id vni ipsi exitio fraudique esto, cæterorum verò, qui sceleris expertes sunt, innocentia parcatur: si verò & innocens atque integer hic est, vt nostra opera pereat, nefas habendum est, igitur quid potissimum fieri oporteat, quid maxime expediat diuino consilio iudicio & virtuti potius permittere & credere, quàm temere aut nefarie statuere 20 & suscipere certum adhuc est, nisi alioqui diuinitus certa aliqua magis significatione doceamur. Igitur orationis explicatio huiusmodi est: O Adonai, cuius nutu & arbitrio cælum, mare & arida gubernatur, cui nihil aut ignotum, aut incertum, aut factu difficile est, si tibi inuisus vir hic præter cæteros fuit, facile ipse solus perdi à te vel peste, vel 25 morbo, vel alio mortis & supplicij genere potest; namque etiam si tempestate non pereat, multæ reliquæ ad mortem viæ sunt. Vnius verò hominis morte digni causa tempestatem & commune etiam innocentibus mortis periculum allatum, & nostrum deprecari, & æquitatis ac clementiæ tuæ propulsare est. Igitur si nulla nostra culpa in tempestate perire commeriti sumus, præterquam quòd huius viri, quem tu perdere decreueris, anima nobiscum in eadem naui est, ne (quæso) pereamus & nos omnes cum 30 illo. quòd si integer is vitæ & sceleris purus est, ne nos tanto scelere astringi sinas, vt perdendi in mari hominis auctores & ministri temerarij & nefarij dicamur. [*Et ne des super nos sanguinem innocentem.*] Cuius vel innocentia sedata tempestate aut alio quouis signo tibi indicatu, vel culpa & impietas quouis alio mortis genere præter commune omnium nostrum & naui periculum punitu facillima est; nihil enim vel consilium prouidentiamque tuam latere, vel virtutem potentiamque atque efficientiam fugere potest. atque vt hactenus quicquid volueris cælo, mari, ac terra effectum est, ita etiam quidquid quocunque modo expediri volueris, sine vlla morâ explicabitur. [*Quia tu Domine sicut voluisti, fecisti.*] siue hoc natura sua facillimum, siue difficillimum factu sit, tuo 40 tamen consilio ac nutum abiecta omni cunctatione fiet, sicut scriptum est: Omnia quæcunq. voluit Dominus fecit in cælo & in terra, in mari & in omnibus abyssis. Sed eum rebus omnibus tentatis, & feruentissima oratione ac precibus maximò clamore fuis, non minore tamen tempestatis impetu & violentia sese opprimi sentirent, postremi apud se consilij remedium experiri decreuerunt.

45

*Et tulerunt Ionam, & miserunt in mare, & stetit mare à seruire suo.*

VERBUM, *tulerunt* id hoc in loco significat, quod sustulerunt. Est autem disunctio in oratione, *sustulerunt Ionam*, quæ sententiâ integra clauditur, & certa quædã actio significatur: quâ ab antiquissimis Hebræorū annotata videmus, quibus linguæ suæ rationes maxime exploratæ fuerunt. namq. nō modò singulas orationes, sed verba etiâ ipsa & clausulas, & interpuncta verborū in diuinis libris obseruanda & expendenda esse, vt neque iota, neque apex vnus prætermittatur, & à Christo præceptore, & ab omnibus alijs, qui hæc studia sapienter tractauere, docemur. Igitur, *Tulerunt Ionam*, illud significat, Ionam rei 55 tentandæ causâ sublimem fuisse sublatum; mare autem perinde ac si hominē expeteret aliquantu-



aliquantulum conquieuisse, quod antehac semper vehementius intumuerat. Hac autē diuini cōsiliij significatione, & sedandæ tēpestatis ostensā spē tandē in mare fuisse cōiectū. In Eleazari autē antiquissimi diuinorū librorū interpretis tractatu, qui circa Christi ætatem scripsisse dicitur, quintū hoc periculū à viris illis factum traditur, quo diuinū de ea re consiliū diligētius exquireretur. nam post priuatas Deorum inuocationes, post iacturam factam, post eductas sortes, post orationem & deprecationē communiter susceptam, illud postremum sapius tentauerunt, vt sublatum hominem in mare vsq. ad collū demitterēt, rursusq. ad sese in nauim reciperent; euenisse verò ait, vt quoties demissus esset, mare conquiescere, cū autem receptus, rursus fremere & intumescere sentiretur, quo signo diuinæ voluntatis certiores sapius facti Ionā tandē in mare coniectum penitus demisere. [*Et stetit mare à feruore suo.*] Nouus etiam repente sedatæ tempestatis modus diuinū consiliū & prouidentia manifestē probat, sicut & excitatæ primū improuisus impetus, & in ipsos potissimū furētis aucta vis probauerat. nam ceteræ quæ ventorum vi secūdum naturā excitantur tēpestates, & paulatim crescere, & sensim pedetentimque mutationem facere solent. Quanquam enim venti posuerint, *Sed tamen à vento, qui fuit, vnda furit*, ait poeta: Hanc autem tempestatem non modò subito extitisse, sed repente etiam penitus sedatam fuisse satis argumenti fuit, rem omnem diuino consilio fuisse confectam. [*Stetit mare;*] non remisisse, sed stetisse suumq. æstum repente continuisse ait: Hebraicè verbum est *G H A M A D*, quod latinè resistere Terentius dicit. Est autem sistere siue resistere, id quod in motu est firmum facere. Vnde Ghamud columnam & firmitudinē significat: mirabile autem fuit mare in ipso æstu in ipso fluctuum medio feruore fuisse firmatum. Sed & illud ad miraculum & prodigiū arguendum confirmandumq. plurimū contulit, quod verborū ratione ipsa significatur, id autē est, ventorū vim à Deo immisā, quæ mare primū excitauerat, statim euanuisse, neque tamen fluctus semel cōmotos antè sedatos fuisse, quàm Ionas in mare coniectus esset. Itaque mare ipsum nouo impetu semper obnitentibus nautis instituisse. Etenim vento semel commotio fluctuum ascribitur; cetera autem omnia mari attributa sunt. Quid faciemus, inquiunt, tibi & cessabit mare à nobis? quia mare ibat & intumescibat, & non valebant viri contra remigare, quia mare ibat & intumescibat super eos. Hactenus diuini consilij & pertinacis aduersum hoc humani propositi comparatio facta est, & non modò vlla re impediri, sed quo magis repugnatum sit, multo etiam magis diuina negotia prouehi & illustrari planè compertū est. cui rei certissimum & illustrissimum exemplum hoc in loco est adiunctum, quòd diuina gloria ex Ionæ fuga non solum non imminuta, sed aucta etiam apud homines fuerit.

*Et timuerunt viri timore magno Dominum, & immolauerunt hostias Domino & vouerunt vota.*

*MACNAM* viris illis omnibus religionem hoc miraculo & diuinæ prouidentiae manifesto testimonio fuisse susceptam, maximumque sibi Ionæ Deum habitū, illiq. diligentem cultum esse tributum hac oratione docemur: namque timor cū ad diuinas res refertur, religionis & pietatis rationibus explicatur. Igitur vehementissimo & pietissimo erga eum Deum, cuius tantam, tam præsentem virtutem, tam certam in officij desertores seueritatem experti fuissent, timore affecti sunt, quem omni consilio atque studio sibi placatum propitiumque esse optauere, id verò studium, eamq. voluntatem non verbis & oratione tantum, sed rebus etiam & actionibus professi sunt. namque legitima sacrificia sese Ierosolymis facturos recepere, & alia præterea vota nūcupauere, quæ commodè persoluta sunt: cuiusmodi multa fieri ab iis solēt, qui descendunt mare in nauibus facientes operationem in aquis multis. omnibus igitur Deus ille Ionæ maximus & optimus est habitus, & votis nuncupatis & solutis, sacrificiis factis, & donis ac muneribus delatis est prædicatus. Hac autem res quanquam oratione non nasretur, ratione tamen ipsa arguitur, neque enim in naui sacrificia fieri Adonai, neque solui vota potuere, qui neque alibi quam Ierosolymis sacrificia eo tempore sibi fieri, aut vota solui voluit. Quamobrem rectè locus hic à Chaldo interprete est explicatus. [*Et dixerunt: se sacrificia facturos Domino.*] Vota autem pro reditu & salute pro diuina in se gratia & misericordia nuncupauerunt. Oportuit autem hos omnes vbicunq. postea fuerint, sedulos atque diligentes huius diuini facti testes & prædicatores fuisse.

**E**t preparauit Dominus piscem grandem vt deglutiret Ionam. & erat Ionas in ventre piscis tribus diebus & tribus noctibus.

**N** VLLVM esse aded certum & extremum periculum, quod vel præsentissimo Dei auxilio, si res ipsa ferat, perrumpi subito non possit, nullam præterea tantam esse posse aut rerum aut locorum difficultatem, in quam certa ad diuinum efficiendum consilium via nõ faciliè muniatur, hæc imprimis narratio docet. Quod nulla ratione, nullo modo Ionas, neque mortis etiam pactione, quæ vltima rerum linea visa etiã sapientibus huius mundi est, impositũ sibi onus abijcere aut deponere potuerit, quo minus tandem perferret. eodẽ enim auctore Deo, cui pertinax ad mortẽ vsq. Ionæ consiliũ perspectum fuerat, & tẽpestas excitata, & piscis quidã, cui coniectus in mare homo antequã ab aquis occuparetur, excipi posset, præparatus est; vtẽ naui in bestiẽ viscera translatus, non conditionem, sed vehiculum mutasse dici potuerit. Præterea diuinæ patientiæ & clementiæ imaginem in huius viri negotio expressam intueri licet, quemadmodum contumaces homines, quos consilio suo studiosè deesse Deus intelligat; tamen omnibus commodis & incommodis ab infania reuocatos, ad sanitatem conuertere studeat. perinde atque facere sapientes medici solent, qui de mentis statu & loco dimotos homines primum consiliis & suasionibus; deinde vinculis iniectis, & nouis semper difficultatibus excogitatis ad se tandem redire cogunt. Igitur diuinum consilium & certam erga se curam interpretari oportet; si quis ab officio & recta viuendi via vltra aberrans ex alia in aliam difficultatem delabatur. Quem autem piscem hic liber nominat, Christus ex cetorum genere fuisse dicit. Ea enim bestiarum natura nullam in mari aut corpore aut figura vastiorem esse, ex sacra philosophia didicimus, sicut scriptum est: Creauit Deus cete grandia. Iam verò rem ipsam intueamur, & quantis miraculis illustrata, quantis prouidentia rationibus ornata fuerit, animaduertamus. Primum illud mirabile est, quemadmodum omnis quæcunque in mundo natura est, diuinum consilium & voluntatem omni diligentia & opera consequatur. Ventis repente extantibus mare agitur & turbatur; neque tamen remittentibus sedatur, sed vehementius etiam vrget, nauigum quẽ multis premit modis, atque obnitentes nautas obsidet & occupat, quos iacto & tradito Iona subito obsidione & periculo liberat. Adest piscis diuinę potestatis satelles diligentissimus, qui eiectum hominem, quod Deus iusserit perferendum excipiat. deinde verò miracula ipsa & numero & magnitudine crescunt. nam cùm fieri secundum naturã non queat, vt conclusus in calidissimo piscis ventre homo quispiam, vel ad horam viuus duret, quod animæ partem, quæ ducendo spiritu cordis ventriculo concipitur, frigidam esse oporteat, Ionam totum triduum in illis olidissimis & calidissimis ceti visceribus vixisse, præcipuo cuidam numinis eius muneri est ascribendum, qui cõclusum in materna aluo fœtum tot mensibus sine cibo aut potu, sine gestationis, sine frigida respirationis vsu continet. Quam rem, quam uis frequentissimam, tamen admirabili Dei prouidentia acceptam esse referendam David assebat: In te confirmatus sum ex utero, & de ventre matris meæ susceptor meus es tu. Qui tres illos clarissimos & fortissimos viros Ananiam, Misaelẽ & Azariam viuos & integros atque omnino incolumes in ardentissima fornace conseruauit. Sed id magis etiam admirabile est, non solũ animæ Ionam in angusto illo & incommodissimo carcere, sed mentis etiam suæ compotem aded fuisse, vt grauissimam & cultissimam orationem carmine etiam conficere & habere agereque potuerit. Quæ verò de significantissima illa arcanaque imagine Christi Iesu in corde tribus diebus & noctibus conclusi, quam Ionas in signũ Niniuitis datus expresserat, dici potuissent, maiora & grauiora sunt, quàm aut hic locus capere, aut hoc ingenium sustinere valeat. Quamobrem vel in aliud tempus differenda, vt si non pro dignitate tractari, pro tenuitate saltem indicari nobis possint, vel sapientiori post nos interpreti relinquenda, vel ex sanctissimorum hominũ, qui ante nos scripsere, libris petenda duximus.

*Et orauit Ionas ad Dominum Deum suum de ventre piscis, & dixit:*

**V**ERBVM, orauit, in vltima Hebræorum coniugatione constitutam illius linguæ vsu & consuetudine reciprocationem habet, atq. ad eam personam de qua sermo est, certo quodã modo refertur, ita vt **I I T H P A L E L**, quod Latine vno verbo dici non potest, pluribus

ribus vix explicari potest, hominem iam consilium & propositum mutâtem, & ab omni alia cogitatione ad supplices preces sese conuertentē arguat, vt qui nullo alio modo, nullo periculo ante hac fuerit de sententia deterritus, nunc iam tandē in tantas angustias adductus resipiscat, & mutato consilio pœnitens nihil aliud potius sequatur, quàm vt Domino Deo suo sese prosternens fracto atque humiliato animo supplicet. atque huius sententiæ est, quod Dominum Deum suum appellet. Prius nomen *Dominum* illud tetragrammaton est, quod misericordiæ rationes præcipuas continet. Posterius verò nomē *Deum suum* prouidentem & gubernatorem significat. Itaque orasse Ionam ad Dominum Deum suum, Vatem sese supplicem misericordi & prouidenti atque totius orbis gubernatori, sui autem præcipuè curanti Deo, qui tot tantisque rebus, actionibus & periculis eum ad sanam mentem officiumque reuocare studuerit, præbuisse. [De ventre piscis.] Præpositio nō locum, sed afflictionem & miseriam indicat, namque in hac significatione frequēter apud sacros auctores vsurpatur, vt: de tribulatione inuocaui Dominum, &: De profundis clamaui ad te Domine. Itaque Ionam in hoc extremo periculo constitutū, ad sese atq. ad Dominum Deū suum reuersum tandem fuisse significat. orationem; autem grauissimæ sententiæ fuisse illud verbum arguit, & dixit: namque in certa ratione & sapienti cogitatione verbi I A M A R, apud Hebræos, vt: dicere, apud Latinos, vsurpatio est, vt: Et respondit Iob & dixit, &: Respōdit Eliphaz Thenamites, & dixit. Quod autem quidam hanc orationem postea usum periculum à Iona habitū esse putauerunt: præterquam quod implorandi numinis oportunitate redarguitur, quæ in ipso semper difficultatis articulo esse debet (intēpestiuē enim postquā periculo functus fueris instituitur oratio; namque eo tēpore supplicationes potius, siue gratiarū actiones dicere maluerimus, cōmodē decerni solent) id etiam ipsa narratione refellitur. Neque enim Ionas postquā eiectus ad terrā fuerit, sed de ventre piscis, hoc est, eas maximas angustias, in quibus erat, deprecatus orauisse dicitur. Id verò quod in hac opinionē adducere huiusmodi interpretes potuit; nēpe omnia ferē orationis huius verba præterito tempore fuisse pronuntiata, nihil omnino apud eos ponderis habet: quibus prophetici sermonis ratio perspecta est, in quo sermone præsentia & futura præterito tempore, vt certissima dicentibus enuntiarī solent. atque hoc modo satisfecisse huic dubitationi non incommodē sapientes quidam interpretes sibi visi sunt, sed & nos obseruatis etiā temporum rationibus commodius fortasse satisfaciemus, illud præfati hæc non solum prophetica oratione dicta, sed poëtica etiam sublimitate fuisse decantata: vtrāq. autem de causa, vt à communi sermone longè remota sunt, pauld esse ad interpretandum difficiliora; accedit carminum & pedum lex, quæ orationem non vagari permittit, sed compedibus astrictam, certis numeris moueri iubet. Est autem Lyricum carmen tricolon tetrastrōphōn, non multum ab eo genere distans, quod à Græcis & Latinis poëtis huius exempli receptum est:

Horat. lib. 1.  
Od. 36.

*Et thure & fidibus iuuat  
Placare, & vituli sanguine debito  
Custodes Numidæ deos.*

Nisi quod quartus versus breuior est, in hunc modum:

*Angustis nimium mihi rebus Te Dominum carmine supplicā  
Imis de baratris voco, & Audieris vocem.*

Iam verò orationis sententiam explicemus.

*Clamaui de tribulatione mea ad Dominum & exaudiuit me, de ventre inferi clamaui, & exaudisti vocem meam.*

Huiusmodi autem orationis argumentum est. Ionas cū sese nec in mare coniectum periisse, nec à pisce deuoratum aut vitam aut sensum amisisse viderit, intellexit diuino hæc sibi beneficio contingere. quā obrem in maximam futuræ tandem salutis spem ingressus mutato iam consilio Deum supplex adorat, & quibus cooperiatur mitis feris, quibusque ad salutem nitatur misericordiis, exponit; rem autē, ipsam omnē suo, vt gesta est, ordine narrat. Atque imprimis magna se pressum necessitate, dum turbulenta tempestate in naui esset abreptus, Deum suum inuocasse ait, à quo etiā ne in naui aut in mari periret, se esse seruatum, tamen intra vastissimæ bellæ viscera conclusum, nouif-

- nouisque difficultatibus & angustiis affectum eandem elementiam implorasse, fuisseque etiam expertum incolumitate totum triduum habitam. namque hanc orationem tertia iam die conditam Vari, & peroratam fuisse, res ipsa ratioque docere videtur [*Clamavi de tribulatione mea,*] cum tempestatibus affligerer in mari, [*Exauduit me.*] Est autem in verbis certa quædam & cum rebus ipsis conveniens significatio; alterum enim verbum, clamare, vociferatione usum fuisse Ionam arguit, quali, qui magna & turbulenta tempestate in alto iactantur, uti solent, sicut scriptum est: Et clamaverunt ad Dominum cum tribularentur. Huius rei significandæ causa verbum *Kara* usurpavit. At verò quomodo aquis periret Vates, clamandi verbo adiunctum est, *exaudisti*, quod Hebraice respondere siue rationem habere alicuius petitionis significat; Hebraice verbum est ענה *Enah* cuius illud exemplum est: Cum inuocarem exaudisti me Deus iustitiæ meæ. & dixisti: quid respondit Dominus. alterum verò verbum, quod clamaui etiam latine redditur; apud Hebræos est *Sanagh*, quod ad eos, qui afflicti atque in angustiis positi sunt, aptè refertur. Cum autem Ionas in ventre inferi esset, clamare commodè non potuit, gemitum & fremitum edere potuit obscuriorem etiam, quam illi, qui in iuuenco æneo conclusi igne supposito vituli mugitum gementes & eiulantes imitabantur. Huiusmodi grauissimum quendam atque miserrimum gemitum sibi de ventre inferi hoc est, ceteri visceribus editum quamvis obscurum, tamen diuinis auribus, quæ ubiq. adsunt, fuisse perceptum ait Propheta. Inferus autem hoc in loco idem quod sepulchrum apud Latinos est, ut illud: Deducetis canos meos cum mœrore ad inferos. neque verò incommodè piscis ventrem sepulchrum à Vate dictum est, quod sepulchralis fornicis non specie solum, sed vltimè sibi locus ille præbuerat. Neque enim aliare ab ijs, qui in sepulchro conditi sunt, differebat; nisi quod cum ceteri mortui eo inferantur, ipse viuens & sentiens illatus conditusque esset. atque hæc profecto imago cum Christi in corde terræ conclusi mysterio reconditissimo aptè cohereret; cuius grauissima & interpretabilis ad dicendum ratio est:

- 30 *Et proiecasti me in profundum in corde maris, & flumen circumdedit me: omnes gurgites tui & fluctus tui super me transferunt.*

- B I S sibi Dominum inuocatum in hac oratione retulit, semel dum tempestate iactaretur, iterum autem cum in piscis ventre subito viuum se adhuc esse sentiret. Vtroque autem in loco clamorem vocemque suam exauditam diuinitus affirmat. Sed quæ post vtramque inuocationem pericula obire experiri que iussus fuerit, distinctè & ordinatè narrat. nam cum Deum pro tempestate sedanda auertendoque naufragio orasset, maximis tamen sese fluctibus & sæuis turbinibus iactatum, marisque æstibus abreptum fuisse ait: [*In profundum in corde maris.*] Cor cuiuscunque loci abstrusa penetralia in sacris libris significat, ut: Conuertentur montes in cor maris; & Christus se triduo in corde terræ, hoc est, in generis humani totius intimis penetralibus futurum prædixit. [*Exauduit me.*] Turbati maris rapidissimum æstum poëtice *flumen* vocauit, Hebraico verbo vsus נהר *Nahar*, quod æstare & inundare significat. namque ut Latine à fluo fluuius, & flumen fluctus deducitur; sic Hebraice à נהר, quod decurrere & confluere est. נהר protorrenti & flumine & pro vndarum æstu deriuatur. Igitur hæc huius orationis significatio est. vel mare ipsum, quo fluuij omnes confluunt, metonymicè fluuius dicitur, vel quod in eo loco ubi tempestas excitata est, fluuij in mare ingredientis ostium erat; quo loco vehementius aquæ feruent. [*Omnes gurgites tui & fluctus tui super me transferunt.*] Hemistichium hoc de Dauidicis Psalmis translatum omnem sæuiantis maris æstum describit: namque tempestas maris turbinibus, voraginibus & gurgitibus, atque exaltato fluctuum cumulo, harumque turbarum vicissitudinibus fit, sicut scriptum est: Ascendunt usque ad caelos, & descendunt usque ad abyssos, & cætera. Vbi verò post clamores, post inuocatum diuinum auxilium, tantam sibi procellam allatam sensisset, sese omnino neglectum à Deo, imò abiectum esse secum reputasse ait, atque in hac opinione ad hoc usque tempus, cum sese triduo ferè iam peracto viuum videret, fuisse. Nunc verò tandem in eam



in eam spem esse adductum, ut qui tam diu incolumis seruatus fuerit, in gratiam restitutus sacrum fanum pietatis & voti soluendi causa sit aditurus.

*Ego dixi, Abiectus sum à conspectu oculorum tuorum, veruntamen rursus videbo templum sanctum tuum.*

TEMPORVM distinguenda ratione orationis sententia rectè explicatur: nam quòd se dixisse, hoc est, secum tacitum reputasse ait, ab infenso & irato numine se esse neglectum, atque diuina prouidentia & cura destitutum, id ad tempestatis & periculi bellua deuorante subiti tempora, quòd verò rursus templum sanctum sibi visendum esse dicit, ad id tempus cum hæc oratio composita illi fuit, est referendum. quibus autem ad id credendum signis, quibus argumentis nitatur, statim exponit, scilicet non frustra esse, quòd tot tantasque euaserit difficultates, tanta perurperit pericula, quæ exitium minata certum afferre cuius poterant, nisi de cælo, seruandus certèque saluti destinatus foret.

*Circunderunt me aquæ vsque ad animam, abyssus vallauit me pelagus operuit caput meum.*

HACTENVS quidem difficultates, quibus in tempestate affectus fuerit, commemorauerat; nunc verò quibus etiam periculis, & quanta mortis expectatione in ventre piscis fuerit implicatus, subiūgit. extremum enim periculum est cum in vndis tantum quis altè demergitur, quoad os aquæ pertingāt, respirandi que facultatem penè adimāt, sicut scriptum est: Salua me Domine, quoniam venerunt aquæ vsque ad animam meā. Sed illud omniū difficillimum & penè desperatissimum est, vbi non solum os, sed caput totum aquæ superauerūt. cuiusmodi periculo sese functum Ionas ait: etenim in marina belluæ ventre incluso, cum nulla alia ad respirandum via pateret, quàm quæ piscis respiraret, pisces autem aqua exorbenda & respuenda animalis respirationis vice funguntur, eundem aut nullum sibi vitalis actionis vsum esse sensit; namque aëris respirandi & animæ ducendæ facultatē aquarū immensa altitudo adimebat. Hac itaque tanta difficultate sese affectum dicit, ut non solum vndis vsq. ad animam peteretur, sed ultra etiā caput inuolueretur. [Circunderunt, Hebraicè est, inuoluerūt, vsque ad animam.] NEPHES, eam animæ vim significat, quæ communis omnibus animantibus est, in qua respirationis & totius animalis motus facultas est, sicut scriptum est: Et factus est homo in animā viuentem. [Abyssus vallauit me.] Incremento calamitas exaggeratur: namque piscis vbi Ionam deuorauisset, non summis aquis innatauit, sed profunda quæque loca vsque ad maris etiam pauimentum petiit, ita ut hærentem humi algam capite ipso euelleret, hoc est quod ait: [Pelagus operuit caput meum, Hebraicè, Alga vel calamus est.] Crescit enim duplex hæc natura plerunque in marino solo; altera quæ calamus dicitur, solidior est, & in littoribus plerunque crescit, cuius immensa copia Arabico mari nomen Hebraicum fecit; altera verò quæ debilior multo & vilior est, alga vocatur, atque in intimo maris solo nata natantium piscium rostris facillè discerpitur, capitibusque inuoluitur, quæ ob leuitatem nimiam supernatans vndis ad litus abiicitur, nulli ferè vsui apta, nisi aut rudibus parandis, aut tomentis ad vitrea & fictilia vasa asportanda. adeo igitur altè demersum se fuisse Ionas dicit, ut non solum animam aquis occupatam, sed caput etiam alga impeditum more piscium senserit; quidquid enim pisci, in cuius ventre ille erat, accideret, id sibi etiam ascribere potuit, qui profundius etiam, quàm piscis, agebatur. difficultatū porro magnitudine amplificata maiora suæ spei & fidei argumēta se reperisse ait, & diuini beneficii atque miraculorum incrementa allata docet.

*Ad extrema montium descendi, terræ vèctes concluderunt me in æternum.*

MULTIS se difficultatibus affectum esse dicit, quas secundum naturam nullo modo perumpi posse existimaret, nisi quòd vbi se tantis malis superesse adhuc conspexerit, diuinæ planè erga se prouidentia beneficiū agnoscens, magna futura tandem sibi à Deo salutis spe ductus fuerit. namq. à terra, quam mare ingressus fugerat, ita se pulsū viderat, ut recipiendum nunquam existimaret, sed repagulis & vectibus abiectis penitus exclusum in vndis periturum. Hæc verò omnia poetica sermonis sublimitate dicta sunt, & rerum etiam veritate nituntur. Mare nostrum plerunque montibus à terra arcerur

arceatur, quales in maritima Italiae ora & in Illyrico, atq. etiam in Palaestina & in Africa sunt, promontoriis multis in pelagus excurrentibus, rursusque curuatis sinubus, qui nonnunquam portus efficiunt. Huiusmodi montes in imo maris fundo radices habent, easque plerumque praeruptas nudis & praecipitibus saxis exesa iam ob continuam alluvionem terra, ut appullos forte excludat potius, quam admittat. hoc est, quod ad montium extrema se delatū, atque à terra vectibus & machinis oppositis prorsus dicit exclusum, ita ut amplius redeundi in aridam facultas negari videretur. Eas autem montium praeruptas difficultates & praecipitia saxa, quibus mare in illis locis arceatur, quibusque se in aeternum exclusum putabat, vectes terrae nominat; nam ut vectibus & ferramentis urbium portarum, ne hostibus aditus sit, firmantur (de quibus frequens in sacro libro mentio est) sic montibus obiectis mare, ne certis locis terram inundet, impeditur. Tamen his omnibus incommodis cum superesset Vates, Dei tandem beneficio, cuius in ea re providentiam experiebatur, nixus, salutem sibi promisit futuram.

15 *Subleuabis de corruptione vitam meam Domine Deus meus.*

VITAE suae in tantis malis retentae Deum tandem, consulturum sperat & credit. Afflictam quidem nimis sibi esse posse vitam, tamen non deferendam à Deo; neque sibi iam illo in discrimine dimittendam. Multis, inquit, modis pressus, tamen, ne omnino peream, tibi tandem ero subleuandus. hoc est, subleuare de corruptione, subleuare ne corrumpatur. [Domine Deus meus.] iam quid hoc significet, docuimus. Igitur exconseruata sibi hactenus vita salutem sperat, id autem non naturae, non propriae virtuti, sed Deo acceptum refert, quem sibi in angustissimis rebus inuocatum praesentem agnouerit: neque enim in tantis aliam ad salutem viam sibi ipse muniendam statuit, nisi ut Deum, cuius omnipotens virtus à caelo ad omnes mundi partes pertinet, inuocaret.

*Cum angustiaretur in me anima mea, Domini recordatus sum.*

IN miserrimis & extremis temporum articulis, atque durissimis omnino rebus ubi iam vita penè labefacta est, mente & animo constare, & ad diuini auxilij opem & misericordiam confugere, optimum omnium remedium est; sed id tamen, nisi ijs, qui totam vitam pie instituerint, atque assidua diuinarum rerum meditatione exercuerint, est difficillimum, ferè enim in huiusmodi articulis hominum mens praesenti & subito periculo perturbata; aliò, quam operæpretium erat, cogitatione intendit, & extremo impetu occupata aut sese, aut suos, aut res suas cogitat potius, quam diuinas, vel subita demetia affecta; neque locum, neque spatium ad quicquam commodè cogitandum habet. Huius rei exempla assidua ab ijs, qui subito animi deliquio afficiuntur, aut qui repente in aquis demerguntur, petere licet. quicunque enim ex ijs parum pie vixerint, & pietatis studiis paulò negligentius incubuerint, subito malo oppressi & perturbati, nullius neque consilij, neque rectae rationis compotes sunt. hoc autem idem ipsi aliquando restituti fatentur. Alii enim sese aut nihil, aut minimum Dei, vix tandem sui ipsorum in illo discrimine fuisse recordatos, sed subita vi impulsos & penitus fuisse absorptos. Contra verò qui pie & sapienter vitam instituere, atque omnes & secundas & aduersas sibi res cum priuata, tum publice ad diuini consilij & auctoritatis, ac virtutis rationem referre consueuerint, si quā fortè subitam difficultatem incurrierint, eo quò assiduo usu & meditatione docti promptique fuerant, id est, ad diuinum auxilium cogitandum & petendum oportunè confugiunt. Id enim adhibitum assidue pierati studium à negligentia differt, quòd alterum certam in omni euentu ad bonum reperiendum exitum viam munit & tradit; alterum verò consilij oportunè capiendi, aut commodè quippiam firmum ac certum apprehendendi facultatem adimit, sicut scriptum est: Et erit tanquam lignum, quod plantatum est secus decursus aquarum, quod fructum suum dabit in tempore suo: & folium eius non defluet, & omnia quaecunque faciet, prosperabuntur. non sic impij, sed tanquam puluis, quem proijcit ventus à facie terrae. Quam obrem pietatis rationes, quas in omni re, in omni loco, in secundis & aduersis rebus tenere doctus atque assuefactus fuerat Ionas, in hoc maximo & turbulentissimo discrimine non deseruit, sed quamuis grauissima & periculosissima calamitatum vi oppressus, omnem ferè salutem, imò animum omnem extingui sibi sensisset, Dei

Psalm. 1.

Dei tamen inuocandi memoriam nunquam extinctam sensit. [*Sed Domini, inquit, recessus sum.*] Domini, maximum illud Dei nomen hoc in loco appellatur, cuius, quæ in sacris libris referuntur, rationes ad misericordiam plerunque spectant. [*Cum angustia retur in me anima mea,* Hebraicè est, *cum cooperiretur in me anima mea.*] Hoc tropo animi defectio, quæ deliquium medici vocat, & mentis inopia Hebraicè significatur. cuiusmodi affectione ij pati solent, qui diuturno labore tolerato grauissima fame & siti enecatur, sicut scriptum est: Errauerunt in solitudine, viâ ciuitatis habitaculi nō inuenerūt, Esurientes & sitiētes: anima eorū in ipsis cooperta est. Latinus sermo vertit in illo loco, defecit. Hispanè simili tropo dicitur, *Cubrir se le el coraçon*. Igitur oportune à Vate inuocatus Deus sese præsentē præbuit, sicut scriptum est: Propè est Dominus omnibus inuocātibus eum in veritate. Voluntatem timentium se faciet, & deprecationē eorum exaudiet, vt saluos faciat eos. Sedem autem, ex qua sese benignum exhibuit, hoc est cælum, indicat, qui locus, vt omnium dignissimus, diuinæ naturæ omnia complenti præcipuè tribuitur. sed cum de magnitudine, virtute, & beneficētia, de auxilio ferendo sermo instituitur, is locus præcipuè notatur, vnde omnem virtutem & efficientiam in hæc inferiora elementa experimur.

*Vt veniat ad te oratio mea, ad templum sanctum tuum.*

Vi, non causam, sed affirmationem hoc in loco habet, Hebraicè enim sic, *Et veniet ad te, &c.* Templum autem sanctum Dei, cælum dicitur, sicut scriptum est: Dominos in templo sancto suo: Dominus in cælo sedes eius: Dominus in cælo parauit sedem suam. & Peruenit oratio in habitaculum sanctum cæli.

*Qui custodiunt vanitates frustra, misericordiam suam delinquent.*

POENITENTIS & consilium mutantis oratio & votum hoc est, id enim maximis illis periculis effectum fuit, vt à Iona mutata mente deserto iam officio & diuinæ dignitatis & laudi cumulatus etiam consuleretur. hunc misericordiæ sibi à Deo tribuendæ euentum fore affirmat, seque eo erga officium suum animo, eo erga diuinam gloriâ studio incedendum pollicetur, vt plus ex fuga & temerario consilio, quod sibi antea initū fuerat diuinis rebus additum, quàm detractum esse existimetur. namque legationi magna sedulitate, summa fide & diligentia sibi obeundæ, tantū ex ijs, in quas delapsus est, difficultatibus auctoritatis afferendum esse ait, vt faciliè ijs, ad quos legatus fuerit, diuinam causam probet. etenim cum his rem suam atque omne negotium exposuerit, & quantis ob recusatam legationem incommodis & difficultatibus fuerit affectus, narrauerit, vel miraculo ipso & prodigio stupentibus, faciliè poenitentiam & vitæ atq; vitiosæ consuetudinis emendationem persuadebit, & à vana superstitione reuocatis, ad veram pietatem commonstrabit viam. Niniuitas autem vanæ & cōtaminatæ superstitionis obseruatores, quos ipse officio suo ad sanam mentē reuocaturus esset, vanitatis custodientes appellat. [*Qui custodiunt funes vanitatis,*] sic Hebraicè. *Vanitatis funes*, idem quod vana religio significat: nam religio omnis certis præceptis & institutis hominum animos alligat (vnde etiam apud Latinos dicta religio est) quæ si impia sunt, si falsas de Deo deque pietate omni opiniones inserant, superstitio à Latinis, à Vate nostro eleganti translatione vanitatis funes dicuntur. Illud igitur votum Vates hoc in loco nuncupat futurum, vt officio diligentia, & sedulitate sua Niniuitæ, qui certa præcepta & instituta hætenus superstitionis obseruantes, & vitiosè scelerateque viuentes, tanquam diis chari gratique essent, securè agebant, repente mutato consilio sese ex impietate ad sanam mentem & bonam frugem recipiant. [*Misericordiam suam derelinquent.*] Hebraicè futurum verbū est, quod sententiam ipsam commodius explicat. Sed misericordiæ nomen Hebraicū hoc in loco scriptum, & misericordiam & sacrilegium siue flagitium significat. Ad vtramque autem significationem sententiæ rationibus accommodandam re ipsa ducimur, sacrilegam quandam pietatem, qua simulachrorum cultores fungerentur, prædicatione sua tanto studio suis deferendam esse, quanto maiori apparatu & auctoritate legatio hæc ageretur. Etenim Niniuitarum mentes ijs, quibus agitatus Ionas fuerat, casibus cognitis, ut prodigio quodam & certissimo diuinæ voluntatis signo, permoueri potuerūt magis, quàm si simplex legatio nullo huiusmodi admirando signo cōprobata apud eos ageretur, ita vt nihil hætenus legationis rationibus detractum, sed multum etiam auctoritatis & momenti ad persuadendū additum fuisse videatur. Et profectò res ipsa sic habuit, vt Ionas.

vt Ionas, qui si primum mandatum sine vlla tergiuersatione accepisset, legatum tantum apud Niniuitas ageret, his, quas perpeffus est, rebus ad legationē additis, expressum auctoritatis & voluntatis diuinæ signum etiam fuerit, sicut scriptum est: Nam sicut Ionas, fuit signum Niniuitis, &c. Vtiliorem itaque suam operam deinceps & maioris ad diuinā, apud homines gloriam ponderis ac momenti: seseq. ipsum diuinæ prouidentiae, iustitiæ, & misericordiae studiosissimum atq. fidelissimum prædicatorem ac testem futurū pollicetur: non solū enim officio suo diligenter & fideliter apud eos, ad quos legatur, functurum; sed vbi in patriam ex legatione redierit, sacrificiis faciēdis, & votorum, quæ in tantis periculis sibi facta sunt, solutione perpetuò gratum memoremq. animum in beneficentissimum Deum præstiturum.

*Ego autem in voce laudis immolabo tibi: & quaecunque voui reddam pro salute mea Domino.*

Ex plurimis & illustrissimis rationibus, quæ de diuinæ Rhetoricæ arte nobis obseruata sunt, vna est, quā deprecationem Latini vocant; cuius frequentissimus apud Latinos auctores vsus est. Ea constat peccati confessione primum, & propria miseriæ atq. calamitatis expositione; deinde diuinæ misericordiae commendatione, & ardentissima imploratione, fideiq. ac spei eius, qui orat, professione: demum maioris ex venia, quā ex pœna utilitatis & maioris ad diuinam gloriam accessionis promissione. Ex huiusmodi locis argumenta ab ijs petita sunt, quicumque in hoc genere optimè dixerunt. Plurimū quippe momenti ad impetrandū oratio habet, si nos, qui antea inutiles aut infesti fuerimus officiosos atq. vtilis in posterū futuros profiteamur, si ostendamus, plus ex venia & misericordia dignitatis, honoris & gloriæ Deo ipsi, apud quem sermo habetur, accessurū, plus etiam ad illius de publica hominum salute consilium emolumenti futurum, quā in ipso deprecantis errore aut scelere detrimenti fuerit. Huius generis egregium exemplum ex Psalmo 51. ponemus: Redde mihi lætitiā salutaris tui, & spiritu principali confirma me. » Psal. 51. Docebo iniquos vias tuas, & impij ad te conuertentur. Libera me de sanguinibus Deus » Deus salutis meæ, & exultauit lingua mea iustitiam tuam. Domine labia mea aperies, & os meum annuntiabit laudem tuam. Hanc adeo omnem rationem Ionas elegantissimè in oratione sua est persecutus. sese enim fidelem posthac diuini consilij ministrum in Assyria legatione futurum pollicetur & vouet, atque votum cū summa Deilaudē & beneficentiæ perpetua prædicatione persoluturum, ita vt ex ijs omnibus rebus Deus salutis auctor publicè probetur & prædicetur. neq. sese vlterius suæ gētis studio, quo minus imperata exequatur, retinendum esse; quandoquidem sua ex tot tantisq. periculis liberatione didicerit Deum salutarem omnibus esse, qui & sibi salutem & Niniuitis dederit, quiq. genti suæ ab Assytiis perdendæ dare tandē etiam possit. cuius propterea consilio parēre, & sese omniaq. alia credere, quā deesse in posterum malit. qualē verò, quā felicem huius viri pœnitentia & oratio fidei, spei, & pietatis, & professionis officij plena exitum habuerit, subiuncta narratione docemur. namq. vt ad saniorē mentem receptum & spe constantem, misericordiamque implorantem atq. officium diligentiam, fidemq. suam pollicentem, Deus conspexit, statim triduo iam peractō, condonatis præteritis criminibus, incolumitate, salutēq. donata ad instaurandam legationem imperio auctoritate atq. omni commoda facultate instruxit.

*Et dixit Dominus pisci, & euomuit Ionam in aridam.*

PRÆSENS diuinum auxilium omnibus in rebus atque locis hæc oratio arguit, & promptam atque expositam omnium naturarum obediētiam & fidem, quæ ad Dei nuntium & arbitrium totas se fingant & accommodent. [Dixit Dominus pisci.] Illius belluæ sensus Dei consilio ad euomendum Ionam excitatus est, quem oportuno terræ loco petito incolumem exposuit, sicut scriptum est: Laudate Dominum de terra dracones & omnes abyssi: Ignis, grando, nix, glacies, spiritus procellarum, quæ faciunt verbum eius. » [In aridam.] Ad commodum locum euasisse Ionam enatantē vltro bellua ex euomente hoc nomine aridæ significatur. Omnia miraculis ornata & mysteriis grauissimis referta sunt. Hactenus prioris vaticinij argumentum persecuti sumus, nunc verò posterius alterum nobis proponendum nobis est, quod Deo duce deinceps explicabimus.



**D**IVINI consilij de hominum salute constantiam vaticinium hoc continet, & quemadmodum sancti viri ubi semel correpti fuerint, consilium in melius mutant, & quamvis duram provinciam suscipere non amplius recusent, quantumque diuini verbi nuntius apud eos efficere possit, qui vita suarum rationem ad veritatis & virtutis normam, naturaque prescriptionem dirigere velint. Præterea quantum ponderis ac momenti vera hominum poenitentia ad diuinam iram placandam habeat, & quacura ac sapientia Deus misericordia sua rationes, & immensa beneficia non solum certa stabiliatque, sed ut sibi gratissima, ita omnibus hominibus exploratissima probatissimaque esse studeat.

## CAPVT TERTIVM.

10



*It factum est verbum Domini ad Jonam secundo, dicens,*

**C**ONIVNCTIO & res ipsas, quo ordine gestæ fuerint, docet. Cum primum Ionas in<sup>15</sup> terræ expositus est, datâ sibi & recusatâ antea legatione denuo sumere iussus, summa fide, diligentia & sedulitate obit & agit. qua in re diuini consilij cōstantiâ & Vatis obedientiâ agnoscere licet, quod imminens Niniuitis ob scelera exitium quam maturrimè poenitentia & vitæ emendatione declinari Deus curaret, neque sese huic rei agendæ Ionas negligentē, aut cunctatorem præberet, sed ab eo loco, in quem expositus est, Niniue<sup>20</sup> rectâ contenderit, officiumque suum sedulo fecerit; quanquam ea re eorum, apud quos agebat, incolumitati consuli sciebat, quos tamen ille suæ gentis studio perditos potius, quam saluos cupiisset. Quod autem, *secundo*, legimus, id significat legationem, quam ipsdem verbis, ipsdem omnino, ut prius rationibus Vati datâ, tamen sine vlla cunctatione fuisse obitam. Quid autē legatio contineret, suo tempore explicatur, nimirum<sup>25</sup> certū & decretum illius vrbis intra quadraginta dies exitium; cuius non tam dandi, quam auertendi causa legaretur: & tamen quo maiores ad poenitentiam stimuli durissimo nuntio perterritis incolis adderentur, sententiam diuinam pronuntiare potius & affirmare, quam minari, legatus iubetur.

30

*Surge, & vade in Niniuen ciuitatem magnam, & prædica in ea predicationem, quam ego loquor ad te.*

**F**IDEI & sedulitatis periculum hæc oratio continet. quod surgere, hoc est studiose<sup>35</sup> sine vlla mora rem agere, quod vnus idemque priuatus homo atque hospes ex inimica etiam gente ad urbem regiam & maximam grauissimum & horrendum nimis nuntiū perferre iubetur, eumque non priuatis aut publicis quibusdam personis, ut regi, aut senatui, aut sapientioribus quibusque nuntiare, sed publicè & tributim in medium populum proclamare, varia in se vulgi iudicia, varios etiam animos experturus, iube-<sup>40</sup> tur. [*Prædicationem quam ego loquor ad te.*] Præsens tempus constantem consilij confirmationem habet. idem enim illud, quod antea audierat, audire nunc & referre iubetur. namque præsens in diuinis sermonibus præteritæ rei cōtinet affirmationē, ut: Quod<sup>45</sup> præcipio tibi, hoc tantum facito Domino Deo tuo, &: Ecce præcipio tibi, confortare & esto robustus: id ipsum autem antea præceperat. nō solum autem diuinam sententiam<sup>50</sup> referre, sed totidem verbis referre, neque quemadmodum æstimationi suæ, & auditorū auribus consulere, atque iucunda & blanda seueris miscere, & artificiosè rem ipsam insinuare possit, prospicere iussus est; sed summa libertate & seueritate apertè rem ipsam, sibi mandatâ, referre: namque hæc ratio etsi minus fortasse populis & principibus gratum sermonem, persæpe tamen magis vilem & semper Deo magis probatum red-<sup>55</sup> dit, neque enim quicquam diuini verbi oratoribus veritate & simplicitate, atque ipsa sacrorum eloquiorum inuiolata sanctitate antiquius & sanctius esse debet, si modo sese fideles ministros præstitisse velint. Sed, heu pudor, iam omnis hæc ratio nostris temporibus, nostris moribus & opinionibus penitus commutata, & à rei ipsius simplicitate & grauitate ad inanem ostentationem, ad vulgi libidinem, ad popularis<sup>60</sup> auræ arbitrium reuocata est.

Et

*Et surrexit Jonas, & abiit in Ninivem iuxta verbum Domini.*

NEQUE maturam celeritatem, neque fidem sedulitatemque Varii in re gerenda defuisse significat. neque verò illi aut ipsius rei, quam aggredere, magnitudine cogitata & existimata; neque etiam visa & cognita, vllum, quo minus strenue ageret, terrorem fuisse iniectum.

*Et Ninive erat ciuitas magna* Hebraicè est, *Ciuitas magna Deo.*

EXIMIAM quandam rei cuiuspiam in genere suo excellentiâ nomen Dei adiunctum arguit ex Hebraici sermonis vsu. nam si qua res Deo opt. & max. ad vsum, vel ad cultum, vel ad laudem tribuenda est, eam optimam & maximam in suo genere esse oportet, quemadmodum cælum illi ut præcipua sedes tribuitur, quo loco nullus alius in rerum natura dignior esse cognoscitur: cum tamen omnis & superior & inferior locus immensa illius magnitudine non impleatur modò, sed infinito etiam intervallo superetur, sicut scriptum est: Cælum est sedes mea, & terra scabellum pedum meorum. Neesse ita 65. ergo est totum in cælo sedentis corpus vltra cælum ipsum eminere: quantum verò id corpus esse oportet, quod in cælo sedens terrâ pedibus occupet! Igitur cum nulla earum quæ finem habent rerum, Deo sine carèti aut æquari, aut conuenire aptè possit, tamen in vno quoque genere quæ maximæ & præstantissimæ sunt, illi tribuuntur. cuius magnitudo cum æquari hac ratione non possit, significari tamen arguique potest. Atque hoc modo dictum est, Iustitia tua sicut montes Dei, & cedri Dei, & flamma Dei. Eodem etiam tropo, si quid latino sermone verbis extollere vehementer velimus, diuinum appellamus: *Et diuina opici rodebant carmina mures.*

Sed Hispanum idioma hunc Hebraicum morem proprius refert possessiuo etiam casu: *Es una cosa de Dios, una tierra de Dios.* Quod verò Ninive iam sæpius ciuitate magna appellata illud denuo commemoretur, [*Et Ninive erat ciuitas magna Deo, &c.*] Id nimirum significat maiorem etiam fama & opinione sua Iona urbem fuisse inuentam; neque tamen eam provinciam aliàs homini nouo, solo, & hospiti, atque omni humana ope & auctoritate destituto longè durissimam & difficillimam fuisse depositam, sed ex diuino imperio atque auctoritate administratam. Hanc adeo in hoc loco sententiæ rationem ipsa orationis consequentia & verborum connexio indicat. [*Et surrexit Ionas & abiit in Ninivem iuxta verbum Domini, & Ninive erat ciuitas magna itinere trium dierum.*] Omnium, quæ in toto terrarum orbe conditæ fuere, urbium Ninivem longè maximam fuisse, & Architectorum obseruationibus & antiquorum scriptorum testimoniis didicimus, ex quibus vnum Diodori Siculi petere & referre placuit. Is ubi Nini Assyriorum regis res Diodor. li. 3. gestas narrat, Ipse, inquit, coactis vndique viribus, & ijs, quæ ad totum opus spectarent, paratis, supra Euphratē urbem condidit non æqua laterum dimensione: nam duæ muri partes longiores erant reliquis. horum latus quodlibet longitudine est stadiorum centum quinquaginta, breuiiores verò stadiis nonaginta, qua muri dimensio ambitus stadia complectitur quadringenta octoginta. Et sanè spe sua nequaquam frustratus est: nulla enim postmodum vrbs tanto ambitu, tantæque mœnium magnificentia constructa est. altitudo murorum pedum est centum; latitudo, qua tres currus simul perambulant. turres mille & quingentæ: quarum altitudo pedum est ducentorum. habitare eam coëgit maiori ex parte Assyrios, & quidem potentiores ex reliquis nationibus voluntarios assumpsit, à nomine suo urbem Ninam appellans. agros propinquos habitatoribus diuisit. hæc Diodorus. Redactis igitur in miliaria stadiis sexaginta geometricorum miliariorum summam conficimus. hæ viginti leucas gallicas reddunt, quod iter, si pedibus ingrediaris, tridui communiter est. Neq. verò breuius confici ab eo potest, qui præconium ut Ionas facturus urbem vicatim ambire statuat. neesse enim est locum obviarum & compitorum anfractus & difficultates tardiori lustratione peragrari. Ad hanc autem rationem huius loci sententiæ reuocanda est. [*Ciuitas magna itinere trium dierum.*] Intellexit enim Ionas non vnius tantum diei, sed tridui iter sibi & laborem atque operam sumendam esse, ut officio suo deique imperio satisfaceret, à quo illud in mandatis habuerat: [*Vade in Ninivem ciuitatem magnam, & prædica in ea ciuitate magna, prædicationem quam ego loquor ad te; siue, ut Hebraicè est, proclama, præconis more, proclamationem, quam ego loquor ad te.*] intellexerat quippe Vates diuinum consilium omni populo à se patefieri oportere. Neque verò aut laboris, aut urbis magnitudine, aut populi frequentia, quo

quo minus opus munusque suum sedulo exequeretur, retardatus est, sed forti & deliberato animo

*Cœpit Jonas introire ciuitatem itinere diei vnius.*

Ex hoc loco urbem vicatim à diuino præcone ambitam fuisse docemur, quam ille, si recta via obiisset, ea etiā parte qua longior erat, vno die peruadere posset, non amplius, quam stadiis sex supra decimum & octauum miliare, extensam. Prædicationis verò siue præconij formula huiusmodi fuit:

*Hæc dicit Deus: Adhuc quadraginta dies & Ninive subuertetur.*

DIVINUM nomen Vati imprimis appellatum fuisse, quodd præconio auctoritas 10 & fides adiungeretur, ex antecedentibus & consequentibus arguitur. dixerat namq. illi Deus, [*Prædicationem quam ego loquor ad te.*] simul enim cum præconio ipso principis & auctoris nomen appellatum esse oportuit. & posthæc etiam subiungitur. Et crediderunt viri Niniuitæ Deo, & cat. Iam verò præconium ipsum explicemus. [*Adhuc quadraginta dies & Ninive subuertetur*, Hebraicè sic est, *Adhuc quadraginta dies & Ninive versa.*] 15 Sapientem præconij formulam spectare & considerare operæpretium est. Nam breuissima periodo diuinū erga populi salutem consiliū, si respiscere populus velit, aperitur, atque etiam decreta in eundem sententia, nisi sibi prospexerit, denuntiatur, diuinæque misericordiæ & seueritatis etiam rationes certissimæ eadem opera explicantur. Solenne enim Deo iam inde à conditi orbis initio est, cum ijs hominibus, quos scelera & flagitia 20 reos fecere, pœnitentiæ proposita cōditione prius experiri, quam seueritatis summo iure agatur. Sic enim & Caini & totius orbis in crimen vocati, & Sodomorum causa tractata est, vt certum ad pœnitentiam tempus sibi consulere volentibus, aut ad suppliciiū obstinatis fuerit constitutum, atque diuina de ea re voluntas certis legationibus & publicis actionibus ijs, quorum causa agebatur, fuerit declarata. namque illa ad Cainum vox, 25 Vbi est Abel frater tuus? hominem reuocantis ad sanam mentem Dei oratio magis, quam seueri iudicis sententia est: & illa per centum viginti annos fabricandæ arcæ Noë sanctissimo & integerrimo viro suscepta cura, quid aliud, nisi perpetuum diuini erga orbis salutem consilij aut seueri iudicij præconiū fuisse, diuus Petrus interpretatur? Quod etiam Lotus ab Abrahamo discedens in Sodomorum vrbes commigrauerit, quid nisi 30 diuinam tot dierum legationem apud eam gentem actam definire possumus? Eandem omnino sententiæ rationem hoc Ionæ præconium ostendit. neque enim Niniuen sicut Sodomam quadragesimo post die euertendam definitè denuntiauit, sed fore vt post quadraginta dies Ninive versa sit, Hebraico verbo vsus **חַמְּשָׁן**, quod rerum in 35 alteram faciem mutationem significat. quo verbo vti à Deo iussus est, vt necessariā omnino eius ciuitatis rerum mutationē eo tēpore fore significaret, vel vt ille corruptissimus morū & consuetudinis Sodomorū non dissimilis status in meliorē faciem pœnitentiæ & consiliorū studiorumq. mutatione, vel diuini iudicij sententia in æternā ruinam mutandus esset. Id autē vel ad vitam in melius mutandam, vel ad certam communis excisionis pœnā subeundam deliberandi illis spatiū dari; ita vt quadragesimo transacto die eā ciuitatem mutatā esse necesse foret, vt vel alia omnino moribus & studiis & toto ciuitatis statu vel nulla dici posset. Id autē dierū quadraginta spatiū satis ad vtrāuis rem idoneum diuinæ misericordiæ & iustitiæ decretis fuit iudicatū, ne aut ij, qui saluti propriæ prospicere vellent, vel nimia tēporis lōgitudine in securitate & segnitie, vel nimia etiā breuitate in perturbationes exanimationesq. inciderent. Grauiissimis autē & breuissimis verbis 45 pronuntiata oratio est: [*Adhuc quadraginta dies & Ninive versa.*] Significat enim ciuitatē illā, cuius magnitudinis, antiquitatis, & nominis ratio habita diuinitus sit, vt ad eū potentiz atq. opum gradū, qui totius orbis supremus erat, peruenerit, tamē sceleribus & flagitiis publicè priuateq. susceptis nimiū diu contaminatā, atq. diuina patiētia hætenus fuisse abusam, vt ferri iam amplius & tolerari tanta illa insolentia, superbia, & cōtumacia 50 non possit. Quamobrē cū satis superq. expectatū fuerit, an regū & principū cōsilij, an ceterorū hominū vel publica vel priuata cura illa res ad rationē, ad naturę leges, & ad iustitię & honestatis calculos reuocata corrigeretur, neq. tamē aliquid hætenus melioris spei aut cōsilij in illa tota ciuitate extitisset, causam omnē diuino iudicio actā damnatāq. iam fuisse, intercedente verò misericordia quadraginta dierū spatium, vel ad morum vel ad rerum totiusq. status mutationem & Sodomæ similem versionem fuisse datum. 55

Interim

Interim autem auctoritatis legationi suæ conciliandæ causâ, rem omnem quemadmodum illi contigisset, & totius itineris sui rationem à Iona fuisse expositam, argumento nobis illud Iesu Christi veri diuinorum librorum interpretis testimonium est. sicut Ionas fuit signum Niniuitis, ita erit filius hominis generationi huic. Signum autem Ionæ ipse idem, quod nam fuerit, patefecit. Sicut Ionas fuit in ventre ceti tribus diebus & tribus noctibus, ita erit filius hominis in corde terræ, & cetera. Libet autem de re ipsa, hoc est de Niniuitarum denuntiata à Vate euersione, an fato, an astrorum vi, an diuino consilio parata fuerit, breuibus hoc in loco differere, id quod ad præsentem rationem cognoscendam, & ad plura huius generis exempla examinanda fortasse non fuerit incommodum. Non singulis nationibus & urbibus modò, sed singulis etiam hominibus sua astra, suaque in celorum dispositione momenta certa esse, quæ præsent, atque horum astrorum & constitutionum rationibus omnia, quæcunque aut secunda aut aduersa eueniant, gubernari ex Chaldaeorum disciplina omnis ferè orbis accepit. Hæc autem ratio, verane omnino atque certissima sit, modò non examinabitur à nobis; illud verò statuetur, in bene ac sapienter gubernata republica, & veræ pietatis præceptis instituta huiusmodi quippiam non esse obseruandum: nam si maximè omnibus aliis gentibus & populis singula astra & fatalia momenta præfecta fuerint, tamè pio atque sanctè instituto populo Dei optimi maximi rerum opificis infinita, certa, ac præsens virtus, pro cultæ vel neglectæ pietatis ratione vel fouendo vel consulendo, vel rursus affligendo adest, sicut scriptum est: Quando diuidebat Altissimus gentes, quando separabat filios Adam, constituit terminos populorum iuxta numerum filiorum Israël. Pars autem Domini populus eius Israël funiculus hæredidatis eius. Quamobrem huiusmodi Chaldaicam disciplinam à pii ac sapientis populi ratione & vitæ totius institutis longè alienam esse oportere sacra imprimis oracula monuerunt. Audite verbum, quod locutus est Dominus super vos domus Israël. Hæc dicit Dominus: Iuxta vias gentium nolite discere, & à signis celi nolite metuere, quæ timent gentes: Quia leges populorum vanæ sunt, & cetera. Neque verò in pia & veræ religionis præceptis instituta gente solùm, sed in aliis etiam nationibus diuinæ providentiæ argumenta maxima obseruata sunt, tametsi non ita frequentibus, neque leuioribus etiam, sed grauissimis & raris causis diuinæ virtutis momenta ad calamitatem afferendam lentiora quidem, sed grauissima tamen experiri licuerit, ut communis diluuii & Sodomorum euersionis temporibus, quæ ob publicum iniuriæ siue H H A M A C Z scelus diuinitus allata sunt, sicut scriptum est: Qui in sanguine comeditis, & oculos vestros leuatis ad immunditias vestras, & sanguinem funditis, nunquid terram hæreditate possidebitis? Cum tamen iisdem assidua eiusdem providentiæ beneficia, minus tamen agnita & intellecta, quæ auctorem suum satis commodè & apertè testari possent, nisi omnino astrorum efficientiæ & virtuti falsò attribuerentur, nunquam defuerint, sicut scriptum est: Annuntiantes vobis conuerti ab his vanis ad Deum viuum, qui fecit cælum & terram, mare & omnia quæ in eis sunt. Qui in præteritis generationibus dimisit omnes gentes ingredi vias suas, & quidem non sine testimonio semetipsum reliquit, benefaciens de cælo, dans pluuias & tempora fructifera, implens cibo & lætitia corda eorum. neque verò si ratione & disciplinæ ipsius institutis res expendatur, astrorum motibus, concursionibus, & efficientiæ poterit ascribi, quanquam enim omnia astra omnesque cælorum constitutiones de urbis excidio & euersione consentirent, multos tamen priuatorum hominum, siue ciuium, siue hospitum felices horoscopos esse necesse erat, quorum vis vel salutem ipsis, vel communi exitio impedimentum promittere & præstare potuissent. nam quæ aliis infelix ac fatalis hora est, eadè & aliis integra atque fortunata ducitur, ut quæ parietis feminæ interitum, infanti verò ipsi maturo ac vegeto nascendi facultatem attulerit; ita adeo indocti & à discipline suæ rationibus longè aberrantis astronomi sententia illa fuisset, quæ euersionem non Niniuitis solùm, sed Niniue urbi in vniuersum denuntiaret, quæ vox non ciuitatem modò, sed omnes etià ciues & hospites, omnes denique cum priuatas, tum publicas comprehenderet res, quibus communis ac certa tempestas intra quadragesimum diem exitum allatura impenderet. Quamobrem Niniuite ciues factum apud se à Iona hospite præconium de communi excidio, diuinum magis vaticinium, quàm astrologam prædictionem interpretati legitimis supplicationibus atque expiationibus purè ac sanctè susceptis deprecandum esse decreuerunt. Vanum autem & superuacaneum id consilium videretur

Luc. 11.

Deut. 32.

Jerem. 10.

Ezech. 32.

Act. 14.



calamitatem illam astrorum vi afferri credentibus. quod enim naturæ cursu & cælorum syderumque efficientia euenturum est, an aliis modis cauere possit, modò non disputamus; precibus tamen & supplicationibus auerti arceriq. posse, nullus Chaldeus docuisse commemoratur. Igitur Niniuitæ acerbissimi sibi interitus & vrbi suæ exitij suis sceleribus allati non aliunde nisi à Deo, quem & sententiæ & prædictionis auctorem agnoscerent & crederent, medicinam & remedium querendū esse intellexere. Ex quare effectū est, vt neque salute omnino desperata aut vrbe deseruerint, aut animos deiecerint. neq. ad suam quisq. genesim consulendam confugerint, sed quibus rebus commune id malum expiari auertiq. potissimum poterat, hoc est vitæ, morum, totiusq. veteris ac male consuetudinis & corruptissimorum consiliorū mutatione eas res sibi procurandas communi consilio & publico decreto statuerint.

*Et crediderunt viri Niniuitæ in Domino.*

IN grauissimis & communibus ac repentinis periculis declinandis, & in cōsiliis de publica salute capiēdis omnē cunctationē nimis incommodam esse res ipsa & Niniuitarū exemplum docet, multa q. interdum tempora existere, quibus celeritate magis, quàm regia auctoritate & magno molimine cōsuli conueniat. In hoc autem genere ea maxime ponenda esse arbitramur, quæ diuini consilij auctoritate nituntur, quibus oportune ac maturè suscipiendis atq. studiosè exequendis nullam humanæ potētiae obseruationē, aut regie dignitatis atque auctoritatis expectationē obstare, sed diuinā potius perspectā voluntatē præesse atq. instare oporteat. Niniuitæ quā primū præcone Iona certum atq. maturrimum sibi rebusq. suis exitium palā prædicari audierunt, illam prædictionē diuinam interpretati, procurari & expiari potius, quàm ad regiā maiestatem referri oportere intellexere. neq. enim facti ipsis vicatim præconiij rationem & curam minus ad se, quàm ad regem spectare putauerant, & cū causa communis omnium esset, ijs primū suscipi debere, ad quos primū præconis voce fuisset delata. neque verò in communi omnium periculo & causa vnus tantū voluntatē expectandā esse, quæ aut intercessione certissimum. aut mora & cunctatione repentinum & inuitabile periculum reddere posset. Satis igitur ad procurandam, gerendamq. rem auctoritatis & momenti in ipsa diuina sententia esse, quæ ea causa populo primum denuntiata esse intelligebant, quod eius maxime expiare referret. Igitur per eorū virorū tribunos & minores magistratus, apud quos prima die proclamatum præconiū fuerat, res ipsa procurari cœpta est. satis enim in communi causa, quæ cuique vel priuato curæ esse debuerat, horū virorum auctoritas & imperium esse debuit. Hebraicus autē sermo primarios viros & populorū magistratus, quos certa munerū cuiusq. notatione non appellat, virorū nomine significat, vt: Et interrogauerunt illum viri loci illius de vxore sua. Sic etiam apud Romanos virorū nomine multi ex magistratibus dicebantur, vt duumui, triumui, centumui. Igitur viri Niniuitæ, penes quos tribuum cura erat, [*crediderunt in Domino*, Hebraicè est, *in Elohim*,] quod nomen diuinum propria ad hunc locū significatione vsurpatum est. namq. ad eam rationē spectat, qua Deus totius orbis iudex, rector, & gubernator est: quo nomine non Israëlitis solum, sed aliis etiā gentibus obseruatus cultusq. & mundi rebus omnibus hominumq. actionibus prouidere, omnisq. fraudis & sceleris vindex esse creditus fuit. quamobrem à Labano Iacobi focero in feriendo fœdere hoc nomē est appellatū: Si afflixis, inquit, filias meas, & si introduxeris alias vxores super eas, nullus sermonis nostri testis est abq. Elohim, qui præsens respicit. Quod si ego tumultum trāsiero pergens ad te, aut tu præterieris malū mihi cogitans, Deus Abraham & Deus Nachor iudicet inter nos. Iob etiā hominis Armenij virtus & pietas hoc nomine cōmendatur, quod Elohim timuerit, & à malo reuocasset omnibus diebus vitæ suæ. Ab Ægyptiis etiā qui magna & monstrosa numerum superstitione imbuti erant, tamen Deū mundi opificē & humanarū rerū iudicē ac vindicem hoc nomine fuisse cultum, illa Iosephi Ægyptiū sese apud fratres simulatis oratio arguit. Facite, inquit, quæ dico & viuetis, quia Elohim ego timeo. Sexcentis aliis testimoniis eadem res, nisi satis aperta esse videretur, doceri nobis potuisset, hoc est Dei nomen Elohim gentibus omnibus fuisse olim communiter obseruatum & cultum, qua ratione mundi opifex, rector, iudex, atque fraudum scelerumque vindex crederetur. Atque hoc nomine, si quid non apud Israëlitas modò, sed apud alias etiam nationes indictum aut edictum esset, sine vlla de religione controuersia, aut de verbi auctori-

auctoritate dubitatione, aut exceptione audiebatur. Id nomen verò tetragramma-  
 ton Israëlitis tantummodo familiarissimum, non nihil repulsæ ab aliis gentibus; an-  
 tequam signis & prodigiis illustratum esset, ferebat. Sic enim Ægyptio regi eius nomi-  
 nis nouitas dubitationem iniecit, fidemque legationi minuit: Quis est Dominus vt au-  
 diam vocem eius, & Israël dimittam? nescio Dominum & Israël non dimittam. quip-  
 pe non nationibus aliis eius nominis auctoritas fuit, quæ Abrahami posteritati antiqua  
 & grauissima augustissimaq. fuerat: Notus enim in Iudæa Dominus, & in Israël magnū  
 nomen eius, &c. Igitur nomen Elohim gētibz omnibus sanctissimum fuisse à Iona hac  
 in legatione appellatum, ipsa rei & orationis consequentia arguitur. [ *Et crediderunt viri*  
*10. Minuit enim Elohim.* ] Idē porrò nomen omnibus deinceps in locis appellatur. quo autem  
 signo, quo ostento fides Ionæ legationi & præconio adiuncta fuerit, quæsitū ab antiquis  
 est, & commenta potius, quàm certa historia respōsum: sed nobis præter simplicē rerū;  
 quæ sibi contigissent, narrationē, nihil à Vate signi aut ostenti adhibitum fuisse legimus.  
 Itineris verò sui rationē omnem, & legationis à Deo datæ sibiq. recusatæ, ac tandē pe-  
 riculis defuncto sumptæ atque obitæ redditam esse, iam illa veracissimi doctoris nostri  
 Christi auctoritate abundē satis docti sumus: Sicut Ionas fuit signum Niniuitis, &c. Sed  
 neque huiusmodi significans ipsam eguisse (quod tamen editum magnum momen-  
 tum, nō tā ad fidē faciendā, quàm ad metum religionemq. audientiū animis iniiciendā  
 attulit) cōmodē ac breuiter docere operæpretiū videtur: igitur nō omnia vaticiniorum  
 20 genera miraculis & prodigiis indigēt, vt fidē sibi vatibusq. cōcilient, sed ea tantū, quorū  
 ratio circa præcepti alicuius diuini aut veteris consuetudinis, aut ritus, aut ceremoniarū  
 aut alterius cuiuspiā antiquæ, certæ, ac probatæ sanctæq. iudicatæ rei & rationis cōmu-  
 rationē versatur; vt si quis sabbathi celebritatē aut omittendā, aut in aliā diē transferen-  
 dā esse doceret, seq. ad eā referendā rem diuinitus legatū esse prædicaret, eā legationem  
 25 signo edito contestatā esse oporteret. ita Moses q. leges viuendiq. instituta populo laturus  
 præscripturusq. quod libertatem ex antiqua seruitute prædicaturus esset, certam  
 muneris suo fidē miraculorū auctoritate adiunxit: vt credant, inquit, Deus, quod appa-  
 ruerit tibi Deus patrū suorū, Deus Abrahā, & Deus Isaac, & Deus Iacob. Sic Christus Ie-  
 sus magni cōsiliij nuntius veteris disciplinæ vmbras, quæ ad ritus ceremoniasq. pertine-  
 30 rēt, nouæ legis luce & corpore succedente abolendas esse docuit, cōtestante Deo signis,  
 portentis & miraculis, & spiritus sancti distributionibus. Vna tamē in omni hoc genere  
 causa & ratio excepta est, ne cuiquā homini, qui impię superstitionis & vanorū Deorum  
 colendi rationē nouā fuscitaret, quāuis maximis & prodigiosissimis miraculis, quamuis  
 multis & certis signis datis vlla fides haberetur. nam quę in ea re miracula eduntur, non  
 35 tam adiungendæ rebus fidei, quàm periculi hominū fidei & constantiæ faciendi causa à  
 Deo permitti. Atq. de hac quidē re huiusmodi præscripta est lex: Propheta qui arrogātia Deut. 17.  
 deprauatus voluerit loqui in nomine meo, quæ ego nō præcepi illi, vt diceret, aut ex no-  
 mine alienorū Deorū, interficietur. Quod si tacita cogitatione responderis. quomodo  
 possum intelligere verbum, quod Dominus non est locutus, hoc habebis signū. quod in  
 40 nomine Domini propheta ille prædixerit, & nō euenerit, hoc Dominus nō est locutus,  
 sed per tumore animi sui propheta cōfinxit, idcirco nō timebis eū. Exceptio autē illa est:  
 Si surrexit in medio tui propheta, aut qui somniū vidisse se dicat, & prædixerit signum  
 45 atque portentum, & euenerit, quod locutus est, & dixerit tibi, Eamus & sequamur deos  
 alienos, quos ignoras & seruiamus eis. nō audies verba prophetæ illius aut somniatoris,  
 quia tētat vos Dñs Deus vester, vt palam fiat, vtrū diligatis eū an non, in toto corde & in  
 tota anima vestra. Itaque in grauissimis causis & antiquis aut receptis honesto nomine  
 rebus commutandis signū ab auctore exigitur, modò nihil vel impium, vel superstitio-  
 sum aut sonet aut oleat: in honestis verò & æquissimis rebus perorandis nullum exigitur  
 signum. Satis enim æquitas per se ipsa lucis auctoritatisq. habet, cuius prædicandæ at-  
 50 que asserendæ non solum propheta, sed quicumque sapiens atque probus vir satis ido-  
 neus minister atque auctor esse potest. sicut in eodē, quē modò citauimus, loco scrip-  
 tum est: Dominum deum vestrum sequimini & ipsum time, & mandata illis custo-  
 dite, & audite vocem eius. Ionæ niniuitarum scelera accusantis & vltionem præ-  
 dicantis honestissima ratio & probabilis re ipsa sine vllō alio signo causa fuerat. certis  
 55 enim veritatis rationibus nitebatur, quod diuinum numen maximis & manifestissimis  
 illorum sceleribus offensum pœnas debitas propediem exacturum esse denūtiaret, hoc

enim totum argumentum simul cum præconio à Vate esse tractatum, & res ipsa & oratio etiam indicat. [ *Et crediderunt viri Niniuitæ in Eloim,* ] hoc est in Deo iudice & vindice: namque hoc nomine denunciata illis fuerat sententia. quoniam verò quicumque optimas de diuina natura sententias secuti sunt, non solum iudicij atque æquitatis, sed misericordiæ & bonitatis rationes optimas & maximas illi ascribunt, atque ut maximā ad vltionē auctoritatē, ita ad deprecationē maximā etiam facilitatē tribuūt, locumq. precibus & supplicationibus persæpe relinqui intelligunt. huiusmodi sententiis probe instructi Niniuitæ viri, vrbi ciuibuscq. suis sapienter cōsuluerunt: nā quibus rebus, rationibus, modis atque actionibus diuinam erga homines misericordiam cōmoueri maximè posse intellexere, hoc est, prauorum studiorum mutatione & ieiuniis, supplicibusque precibus & clamoribus, ea omnia ad scelus expiandum, Deumque sibi placandum ac leniendum studiosissimè diligentissimeque curauere.

*Et prædicauerunt ieiunium, & vestiti sunt saccis à maiori vsque ad minorem.*

MAGNUM apud diuinā misericordiā momentū, ieiunia, asperiorq. habitus & omnia supplicū mentiū argumēta habere, non modò antiqui, sed noui etiā testamenti testimoniis exemplisq. innumerabilibus ostēdere probareq. possemus, nisi perspicua esset res, & inter omnes, qui sacros libros attentè legunt, constaret. nam cū Deus natura misericors & benignus vehementer humanis precibus & votis, si purè & sanctè fiant, vel ad parcendum supplicibus, vel ad succurrendum miseris, vel ad consulendum piis moueri adducique soleat (sicut scriptum est: Prope est Dominus omnibus inuocantibus eum in veritate, voluntatem timentium se faciet, & deprecationem eorum exaudiet, ut saluos faciat eos) iis omnibus rebus eundem duci etiam consequitur, quæ vouentis & supplicantis mentis studium vel incendunt magis & adiuuant, vel non solum significant, sed apertè etiam declarant. cuius generis ieiunia purè sanctèque suscepta sunt: quorum legitimus vsus tum ad virtutes promouendas non paruo adiumento est, tum ad cupiditatum licentiam & libidinem refrenandam magnum pondus habet, tum etiā ad decretam certamque iam iudici castigationem clementiorem reddendam plurimū valet. de quibus omnibus rebus ac de præstati ieiuniorum vsu plenius ac commodius in libro de sacris significationibus differimus. Igitur Niniuitæ viri preces & publica vota curaturi ieiunium de more indixere. namque publicè indicta ieiunia vel grauem culpam & commune scelus, vel loci aut temporis alicuius religionem, vel violatū numen, vel sacrum publicè expiari oportere significabant. quorū exempla in Iudicū & Regum libris & in Apostolorum historiis & apud Vates illustria satis sunt. Eius verò ratio non solum Israëlitis propria, sed aliis etiam gentibus communis fuit. magni enim momenti sobrietas ad orandum placandumque numen esse putabatur. Sic Ioui certo statoque die ieiunia apud Romanos sacrabantur. *Illo Manè die quo tu indicis ieiunia, &c.* sic publicè suscipienda vota sobriis commodius & sanctius nuncupari credebantur.

Horat. lib. 2.  
serm. Sat. 3.  
Horat. lib. 4.  
od. 5.

*Longas o vtinam dux bone ferias  
Præstes Hesperie, dicimus integro  
Sicci manè die, &c.*

Sed tamen legitimè instituta ieiunia ut purè sanctèque peragantur, malorum studiorum auersatione & melioris vitæ cura coniuncta esse oportet, sicut scriptum est: Nonne hoc est magis ieiuniū, quod elegi: dissolue colligationes impietatis, solue fasciculos deprimentes. ea autem res ut rectè intellecta, sic diligenter curata à Niniuitis est. namque paulo post hoc dicitur, & vidit Dominus opera eorum, quod conuersi sunt à via sua mala. Itaque sanctum & Deo gratum, & iis à quibus initur, commodissimū ieiunium est, quod certā mentiū ad meliorē frugem conuersionē cōsequitur & contestatur. *Prædicauerunt.* Publicè indicare hoc in loco prædicare est. [ *Et vestiti sunt saccis à maiori vsque ad minorem,* ] Hebraicè pluraliter est, *A magnis vsque ad paruos.* Inter ea, quæ non solum Dei, qui natura misericors, clemens & multæ patientiæ est, sed hominū etiam inimicorū, & immanium atque capitalium hostiū misericordiā cōmouere solent, habitus miserorū supplices non exiguū pondus & momentū habent. namq. ut vestiū elegantia & nitidus ac pretiosus cultus lætitiæ, superbix, & fastus significationē habet, & admirationem aliis atque aliis inuidiam mouet, sic neglectus, horridus, & sordidatus habitus humilitatis & mœstitiæ spectaculum præbet, spectantiumque oculos & animos vehementer ad misericordiā

ricordiz cogitationem impellit. quamobrem in miserrimis & calamitosissimis bellorum temporibus, ea pars, quæ vel in deditioem hostium, vel in salutis desperationem redacta est, ducem, quem sibi pugnando infensum reddiderit, innumerabili multitudine supplex ac sordida adit. Cuiusmodi multa exempla apud nostros et externos etiam scriptores passim legentibus occurrunt: in qua re significanda frequēs habitus supplicum mentio est. Quo autē maior & frequentior sordidatorum multitudo est, eo vehementius spectatorum animi mouentur & impelluntur; grauius enim & plenius alienæ miseriæ spectaculum humanarum rerum vicissitudinis admonet, magnitudineque ac mole sua impensius vrget, atque eo maximè, quod in tanta multitudine feminæ, pueri puellæ, senesque sint, quorum vel innocentia, vel imbecillitas eiusmodi cōditioni impar & calamitati terendæ inferior esse iudicetur. Ea autem communis omnium & spontanea, tam eorum qui in culpa sunt, quàm qui culpa & noxa carēt, deditio ducis misericordiam vehementer tentat, mentemque ab omni alia cogitatione ad clemētiā & leuitatem reuocat. Saccus autem ex omni vestium materia huic adornandæ rei idoneus maxime est, quippe non sordes modò, sed horrorem etiam & durum ac miserum vitæ vsum sua asperitate ostentat. Eadem verò homines erga Deū vindicem & scelerum ultorem potentissimum placandum, quæ miseros diuturno & grauissimo bello oppressos ciues erga victoris misericordiam commouendam cogitatio tagit. vtrique enim humili & supplici deditioe & deprecatione veniam sibi petendā esse putāt. Sed quibus cum Deo res est, vt maxima & bonitate & clementia eius, apud quem agitur, spe inductis, ita de integritate, seueritate & sapientia infinita, quæ vel internos animorum affectus calleat, sollicitis, ne quid fictè aut simulatè, ne quid impurè aut indecorè, ne quid non studiosissimè agatur, cura maxima est. Sapienter igitur à Niniuitis cōsultum est, ne cui vel ætati, vel sexui, vel cōditioni parceretur, quo minus supplex habitus, sordidatio, ieiuniū, & deprecatio indiceretur, vt si quid aliorum vel culpa, vel negligētia, vel indignitas felleret, aliorum innocentia, diligentia, pietate, studio, & labori impari imbecillitate suppleretur. [*A maioribus vsq. ad minores.*] sexū, ætatē, conditionemq. omnē hæc oratio significat. Hæc igitur à viris & populo, antequā ad regē referretur res, studiosissimè & maturrimè curata sunt, quæ publicæ calamitatis expiandæ causa, curari ab ijs etiam incōsulto rege & potuerunt & debuerunt. Virorum autem illorum in consilio capiendō celeritatem & diligentiam maximā admirari operæpretium est, qui cū eadem in ciuitate essent, tamen prouideri magis communi & instanti calamitati, quàm regiam de ea re voluntatem magno molimine expectari oportere intellexerunt. sed nō minori cura aut studio, neq. minus cōmodo negotio à rege ipso cōsultum, prouisum, attentumq. eidem rei, sed nouis etiā & maximis decretis, virorum & populi consiliis accessionem factā fuisse diuina historia narrat.

*Et peruenit verbum ad regem Niniue.*

TOTIVS rei ratio ad regem delata est, quemadmodū vir ille diuino nomine futurū propēdiē vrbis exitium denūtiare cœpisset, eoq. præconio populum cōmotum, ieiunia, supplicesq. preces ex tribunorum plebis decreto iniisse. quo quidem nuntio vehemēter commotus rex, atque de publica salute, tum spe, tum etiam metu sollicitus, coactō principum concilio diligentius etiam & grauius de ea re statuit & decreuit, suoque imprimis exēplo, quid agi maximè expediret, docuit. [*Peruenit verbū.*] Grauiissimi negotij & magni momēti rei narratio & fama, quæ admirationem audientibus adferat, vno verbi vocabulo in sacris sermonibus significatur, vt: Trāseamus in Bethleē, & videamus hoc verbum, quod factum est, &c. Quanta verò sedulitate & celeritate publicæ salutis curā omni cunctatione, omni regis maiestatis cogitatione remota suscipere regem oporteat, hoc exemplo declaratur. Regem enim Niniue notāter appellauit. qui quamuis omnium totius orbis regum maximis haberetur & esset, nulla tamen de splendore, magnitudine dignitateque sua cogitatione retardatus est, quo minus ipse supplex ad diuinam misericordiam confugeret, aliosque suo exemplo ad idem studium incitaret.

*Et surrexit de solio suo, & abiecit vestimentum suum à se, & indutus est sacco, & sedit in cinere.*

SVRGERE, studium, diligentiam & festinationē significat, vt: Surge, vade in Niniue. Magnum barbaris regibus ad maiestatem dignitatēq. conseruandā in vestium splendore & cultu



cultu & studium ac sumptum poni consueuisse, omnibus cum prophanis, tum etiã sacris libris obseruare licet, nobisq̃ue etiam de vestium ratione scribentibus annotare Deo ducebatur, vt neque mortuis & vel tumulo condendis, aut pira extructa cremãdis negligenda esse putaretur. Sed Niniuitarum rex sibi populoq̃ue suo sapienter prospiciens, non tam splendoris sui, quàm publicæ salutis rationem habendam sibi esse intellexit. neque verò de ea re disputari oportere, decerẽne tantum populum, tantum populi principem & regem, vnus hominis hospitis & ex hostili gente voce & præconio ad eò commoueri & turbari, vt à iucundo & splendido vitæ vsu non probè perspecta & examinata re, ad mœrorem, sordes, luctum squaloremq̃ue traduci, sed causæ ipsi, quæ probabilis ex se esset, & diuino nomine peroraretur, sine vlla cunctatione cedendum, & oportuno consilio rebusq̃ue commodissimis procuratis, quàm maturrimè esse succurrendum. [*Et indutus est sacco, & sedit in cinere.*] Purpuram, aurum, & gemmas simplici & horrido sordidoq̃ue sacco, folium autem cinere abiectionissimo & humillima re commutauit, inferioremq̃ue humilitatis gradum rex ipse quàm populus, cõplessẽ narratur. quod verò de regali vestimenti ornatu exposuimus, vno Hebraico nomine significatur, **A D E R E T H**, à potentia, decore, fortitudineq̃. ducto. Eiusmodi autem vestium genus hoc erat, quod materiæ atque artificij rationibus regiam maiestatem, potentiam & splendorem prætenderet. Saccus autem & cinis humillimus pœnitentium habitus & situs esse in sacris significationibus ostendimus. Quia si in Tyro & Sidone factæ fuissent virtutes, quæ factæ sunt in te, olim in cilicio & cinere pœnitentiam egissent. In regio autem munere auctoritatem magis, quàm splendorem exigi oportet. Porro auctoritas vtilibus & honestis decernendis & curandis exequendisq̃ue rebus magis, quàm pompa, aut cultu conseruando spectatur.

*Et clamauit, & dixit in Ninive ex ore regis & principum eius, dicens.*

**C O A C T O** consilio quid maximè facto opus esset, deliberatum & consultatum à rege & principibus, & tandem decretum atque curatum esse intelligimus: id verò quod decretum fuerit non tam præconio, nedum potentia imperatum, sed consultò & sponte suam susceptum libentius, vt maiori cum vtilitatis spe ageretur, quem suasionis clamorem in vulgus omne delatum esse, verbum Hebraicum **Z A C H A K** declarauit, quod popularem clamorem, qualis in incendiis & publicis periculis excitari solet significat. id verò vt non incerto, aut insipienti, aut obscuro auctore fieret, [*Ex ore regis, aut vt Hebraicè est, ex sensu, vel sententia regis:*] ex sensu autem regis & principum, propterea quòd illud concilium communiter expedire intelligentes, & sibi ipsis faciendum, & populo, vt fieret, suadendum esse censuerunt. Magnam autem principum & nobilium Assyriorum copiã in illa ciuitate fuisse, & hic locus indicat, & illud ex Diodoro nobis superius allatum testimonium apertè docuit. Igitur publica per pœnitentiã scelerum expiatio, & calamitatis deprecatio ab omni illius ciuitatis ordine procurata est, & magno omnium ordinũ, ætatum conditionumq̃. consensu ac studio cõmuniter suscepta. qualis verò regia & principum de hac re sententia clamoribus declarata fuerit, statim exponitur.

*Homines, & iumenta, & boues & pecora non gustent quicquam, neque pascantur, & aquam non bibant; & operientur saccis homines, & iumenta, & clament ad Dominum in fortitudine.*

**C O M M V N I** nocentum & innocentium miseræ & doloris sensu & clamore, atque supplici miserabiliq̃ue spectaculo diuinam misericordiam commodius implorari, & vehementius commoueri posse, indicatum est, idq̃ue vt purè sancteq̃. fieret, omnio studio est curatum. Simul etiam eodem consilio eademq̃ue opera Dei clementiam ad parcendum miseris & supplicibus excitatum, & hominum animos aucto & communicato doloris sensu, & confuso atque miserabili animantium omnium clamore ad supplicem deprecationẽ auctũ iri publicè sperabatur, neq̃. verò ea opinio regẽ principesq̃ue fefellit, sed euentus ipse ex sententia procedẽs stabiliiuit. neque quòd hominibus supplicanti-  
bus animantium, ex quibus vsus homini percipitur, ieiunium accedere curatum sit, suis sapientiæ rationibus caret: nam præterquam quòd Dei clementia & misericordia tanto

tanto ac tam miserabili spectaculo, & confusis hominum clamoribus, iumentorum vocibus, pecudum atq. armentorum balatibus & mugitibus commoueri ad ignoscendum posse credidē; eiusdem etiam Dei curā, qua rebus omnibus à se conditis cōsultum esse vult, erga insontes & sceleris expertes animas abijciendā non esse, intellexē. Quod si hominum clamoribus & precibus ob ipsorum scelera nō satis oportunus locus esset, tamen animantium & brutorum, quæ hominum causa genita sunt, & quibus diuina prouidentia oportunē consulit, desiderio eum, cuius beneficentiam omnia expectant, petunt, atque experiuntur, satisfacturum esse sperare licuit. Non enim futurum esse putauerunt, ut qui terræ plenitudinem semper incolumen auctamque esse velit, aliarum rerum culpa alias perire pateretur; sed potius hominibus nocentibus cum innocentibus parceret, quā vno omnes tam insontes, quā fontes animas supplicio inuoluēret; maximē autem si alterius partis supplici, alterius verō æqua deprecatione inuocaretur, sicut scriptum est: Homines & iumenta saluabis Domine, quemadmodum multiplicasti misericordiam tuam. Igitur ut hominum animi vehementius ad pœnitentiam doloremque moueantur, ac Dei erga nocentes atque innocentes animas prouidentia & misericordia impensius concitetur, homines ieiunio, cæteras verō mansuetas animantes inedia affici, rex principesque suadent, & omnia quæ splendide vestiri sternique solent, ut homines, ut equi, muli, & cætera. quorum ad vecturā aut ad pompā vsus est, sacco sordidaque veste indui, idque non decenter aut artificiose, sed temere: [Operantur, inquit, saccis homines & iumenta, & clament ad Dominum in fortitudine.] Maximis igitur & contentissimis clamoribus diuinam misericordiā tum ab hominibus rationis compositis, tum etiam à brutis implorari cupiunt; quorum quanquam animæ sensus & motus plerique, ac vocum significatio & vsus obscurus hominibus sit, desiderium tamē clamor & expectatio diuinam sapientiam atque prouidentiam minimē fugit, sicut scriptum est: Omnia à te expectant, ut des illis escam in tempore, dante te illis colligēt, &c. Verū enim uero quanquam brutis & ratione sermoneque carentibus animantibus desiderium ipsum & clamor ad diuinam misericordiam mouendam, satis sit, in hominibus tamen, qui à brutorum natura longē abesse possent & debent, neque clamor, neque sermo, neque oratio, neque vestium sordidus vsus, neque ieiunium, nisi hæc omnia animorum consensione, honesto studio & morum atque vitæ, correctione & emendatione nitantur, satis robōris & virium ad diuinam misericordiam commouendam habere possunt. Constat namque homo & animi & corporis naturis; sed ut princeps in eo pars animus est, sic omnium agendarum rerum rationes, ad animi cogitationis appetitiones & conatus referri oportet: maximē verō in ijs consiliis, studiis, ac rebus omnibus, quæcunque aduersus Deum suscipiuntur; qui cum spiritus sit, eas primum & potissimum rationes expendit, quæ ex animorum vi & facultate proficiuntur, sicut scriptum est: Scrutans corda & renes Deus. Quamobrē in sacrificiis & victimis mactandis atq. incendendis viscera & exta magis, quā cætera membra expetuntur: Quod si ieiunio, preces, clamores, cæteraque huius generis omnia, quæcunque piē, sancteque instituta sunt, purē ac sanctē non suscipiantur & curentur, ad placandum Deum atque ad veram accipiendam salutem inania prorsus inutiliaque redduntur; quippe cum ijs virtutibus vacua & nuda sint, quæ Dei à nobis culpa atq. offensione nostra alienatam voluntatem reconciliare & inclinare solent, ex autem sunt, viuens atque firma fides, & virtutum fugiens virtutumque appetens pœnitentia; quibus maxima pietatis ratio continetur. quæcunque verō pietatis formæ obijciuntur, si his neruis & artubus destituta sint, speciem quidem offerre possunt, re ipsa tamen aut nullæ, aut vanæ & inanes inutilesque omnino ad salutem sunt, atque ad hypocritarum & histrionum rationem à diuina sapientia referuntur, sicut scriptum est: Me etenim in diem quærunt, & scire vias meas volunt; quasi gens, quæ iustitiā fecerit, & iudiciū Dei sui non dereliquerit. rogant me iudicia iustitiæ, & appropinquare Deo volūt. Quare ieiunauimus & non aspexisti? Ecce in die ieiunij vestri inuenietur voluntas vestra, &c. Huic ergo rationi ut quæ plurimum ad eam, quæ expetebatur, rem momenti ac ponderis habere iudicaretur, omni sedulitate studio & diligentia cautum consultumque esse Niniuitarum rex voluit & curauit, nempe ut ieiunia, preces, cætereque supplicis ciuitatis formæ suis venis, neruis & ossibus, hoc est, veræ pœnitentiæ & pietatis rationibus certissimis & solidissimis continerentur.

Psalm. 35.

Psalm. 103

Psalm. 7.

Isa. 57.

rentur. Vera autem & legitima poenitentia vitiorum declinatione ac fuga, & ardenti virtutum amore studioque constat, sicut scriptum est: Declina a malo & fac bonum, &c. Atque prior quidem pars omni tempore, occasione, & articulo curari præstarique potest & debet; posterior verò suas, quibus commodè curetur, oportunitates habet: alterius tamen altera principium est. namque vitium fugere primum ad virtutis & officij exertationem, gradum & quasi aditum facit, primamque ad sapientiam patefecerit ianuam, quisquis stultitia caruerit. Hinc autem est, quod negatiuis diuinæ legis præceptis perpetua cura & obseruatio; affirmatiuis verò cura quidem perpetua, sed certa atque oportuna obseruatio à Theologis ascribitur, sicut scriptum est: Quod fructum suum dabit in tempore suo. Iam verò hanc rem quemadmodum procurari & geri Niniuitarum rex præceperit, audiamus:

*Et conuertatur vir à via sua mala & ab iniquitate, quæ est in manibus eorum.*

OMNIS in vniuersum omnium, quæ ab hominibus suscipiuntur, vitiorum & flagitiorum natura duobus maximè generibus cernitur: vnū est, quo dedecoris ratio ad vnū quempiam refertur, quatenus de honesta virtutis deflectit via, & priuatis sese solū vitiis corrumpit & contaminat, vt desidia, luxuria & libidine, quæ aliæ huius generis multæ sunt formæ. alterum verò est, quo non solum priuatæ vitæ macula inuritur, sed alienis rebus & salutis aut inuidia suscipitur, aut insidiæ tenduntur, aut iniuria denique infertur, quæ si priuatè admittantur, quamuis seras aliquando, certissimas tamen & grauissimas auctori suo, nisi alias vera & legitima poenitentia expiatur, poenas cõparant; si verò publice suscipiatur, maturrimū atque seuerissimū communeque omnibus qui in culpa sunt, & eorum etiam rebus atque fortunis supplicium atque exitium moliantur, sicut scriptum est: Et ego disperdam eos cum terra. Prius illud genus via mala, hoc verò posterius H H A M A Z Z Hebraicè dicitur, à latino interprete iniquitas sæpe vertitur, quod quoniam non animi tantum cogitatione admittitur, sed studio etiam & opera ad nocendū suscipitur, in manibus esse dicitur. namque concepta animo in alterum inuidia, aut alia quæcunque lædendi mediata ac suscepta cogitatio, tametsi sceleris & culpe effugiat notam, tamen quoad perpetrato opere explicata nondum fuerit H H A M A Z Z vel iniquitas, siue iniuria non dicitur. manus autem explicandæ & efficiendæ rei significatione, in arcanis sermonibus vsurpatur. namque id membrum vni hominum generi præcipue à natura tributum humani cordis proprium & commodissimum instrumentum est, vt à medicis sapienter est obseruatum, sicut scriptum est: Omne cor contabescet & omnis manus dissoluetur. Igitur ab vtroque scelerum & vitiorum genere hoc est à priuatis flagitiis & ab iniuria inferenda populum ciuesque suos acriter reuocare, huiusmodi consilio & oratione Niniuitarum rex studuit. Omnibus autem eam curam iniici voluit, vt suam quisque vitam, suos mores & studia, omnia æstimaret, & si quid correctione dignum in se offenderet, omni diligentia & sedulitate corrigeretur. Hanc verò communem omnibus indictam legem, nomen vir, apud Hebræos in distributionibus vsurpatum significat, idem namque est, [Et conuertatur vir,] quod latino sermone, & conuertatur vnusquisque, vt illud: Dic ergo omni plebi vt postulet vir ab amico suo vasa argentea & aurea. Quoniam autem ad publicam calamitatem deprecandam, perfectam absolutaque per poenitentiam expiationem esse oportebat, eam rem illa potissimum ratione procurari rex voluit, quæ in hoc genere omnium certissima & exactissima esse potest, vt vnicuique homini mores, studia, atque opera sua examinandi & iudicandi negotium daretur: quod nulla nec diligentior, nec certior, neque grauior, quàm propriæ cuiusque conscientiæ censura sit, cuius & testimoniorum fides & iudiciorum integritas est. aliorum enim humanorum iudiciorum omnium, de alterius factis, moribus & studiis ratio & diligentia falli & refelli potest, sui verò vniuscuiusque exploratio & cognitio nō potest. Quis enim hominum scit quæ sunt hominis, nisi spiritus hominis qui in ipso est? Ex qua re illud persæpe obseruatum in sacris libris est, vt cum superbiam aliquorum hominum insolentiam & fastidium diuina sapietia retundere velit, ad propriam vniuscuiusque conscientiam prouocet, vt: Irascimini & nolite peccare, dicite in cordibus vestris, & in cubilibus vestris cõpungimini, & illud: Hypocrita primum eice trabem de oculo tuo, &c. Igitur cum ad cõmune periculū declinandum

nandum integram omnium diligentemque pœnitentiam desideraret rex, neque facile esset in tanta hominum multitudine, & tam difficillima humanorum cordium cognitione aut exactam cuiusq. mores notandi rationem inuenire, aut certum singulis correctionis & emendationis modum statuere æqua omnibus salutis conditione proposita, hoc est, pœnitentia vera suâ cuiq. causam suscipiendâ suisq. ponderibus examinandâ & quid cuiq. debeat, cognoscendum atque expediendum decreuit. quanquam enim ieiunia, sordidi ac duri habitus, & supplicis deprecationis cura & studium omnibus tam integris, quàm nocētibus indiceretur, tamē pœnitentiæ & correctionis consiliū eorū tantum fuerat, qui sibi aut priuati vitij & flagitij, aut illatæ iniuriæ, aut aliàs culpæ alicuius conscij essent. Igitur hæc illorum verborum, quæ proximè subiiciuntur, sententia est.

*Quis scit si conuertatur & ignoscat Dominus: & reuertatur à furore iræ suæ, & non peribimus.*

IN NVMERÆ, grauiissimæ, & satis aliàs exploratæ de humanæ pœnitentiæ vsu & fructu, de inexhausto diuinæ misericordiæ beneficio rationes ex Latina huius loci versione, quā nos interpretâdo sequimur, in discēptationē quæstionēq. vocatur, quas omnes indicata exēplaris veritate magno cū sententiæ cōpendio explicare & cōsolidare, quā persequi, & cū temporis ac patiētiæ dispendio ad ipsam rei naturā quò tandē deueniēdum erat, accommodare, vti facilius, ita cōsultius multo esse arbitrati sumus. igitur locus hic, qui Latine ex Græcō versus sic, vt legimus, habet, Hebraicè sic est. *Qui scit, conuertatur: & cōmate puncto interposito, alia sentētia inchoatur: & placabitur Elohim, & reuertetur à furore iræ suæ & non peribimus.* Pœnitentiæ conditionē non omnibus, sed iis tantū, quos certa suorum facinorum, delictorū & maleficiorū conscientia stimularer, impositā esse oratio declarauit. *Qui scit, conuertatur*, hoc est, qui sibi conscius culpæ est, ad bonam frugem sese recipiat; atque hoc pacto orbis rectorē & gubernatorē Deum natura benignum & misericordem placatum iri sibi sperandū credendumq. est, à quo quadraginta dierum spatium non frustra datum fuisse interpretari oportet; id enim tempus & ad sibi consulendum, & ad diuinam irā placandā satis fuit idoneū. nemo enim est cui excitatus iræ ardor nisi aliàs nouarum offensionū accessione, aut veterū contumacia & cōtentione auctus fuerit, intra quadragessimū diem non sedetur, nedū Deo pœnitentiæ & offensionū detestatione atq. supplici nocentium & innocentum deprecatione placato, iræ furorem nō modò cōpressum, sed omnino depositum iri sperari possit, qui non vt homo est, vt irascatur, aut vt filius hominis, vt in æternum oderit, sed natura benignus, longanimis & misericors, dissimulans peccata hominū propter pœnitentiā, & præstabilis super malitia. Nunquid in æternum projiciet Deus? aut non apponet vt complacitior sit adhuc, aut in finem misericordiam suam abscondet à generatione, in generationē? aut obliuiscetur misereri Deus, aut continebit in ira sua misericordias suas? Itaq. omnis illa *Ignoscat Deus, & reuertetur à furore iræ suæ, & non peribimus*, non dubitatis, sed spem facientis regis oratio est, qui diuinæ iræ indicationem & conuertendæ siue euertendæ ciuitatis denuntiationē, & quadraginta dierum inducias factas, ceteraq. omnia, quorsum pertinere atque euadere possent si rectè aut minus rectè prouiderētur & curarentur, optimè intellexerat. Sanè hoc loco Chaldaica interpretatio huius explicationis nostræ sententiam dilucidè confirmat; cuius integra verborum versio huiusmodi est: *Qui scit quòd in manibus suis culpæ sint, conuertatur ab eis: & miserum erit super eū à facie Domini.* Quā verò sapiēter Ionæ præconiū rex & Niniuite viri intellexerint, opere pretiū cognoscere est. non enim verbū euertēdi aut vertendi quadraginta dierū spatio dato ad exitium vr̄bis tātum retulere, sed illud interpretati sunt tantū modò futurum esse, vt vel tota ciuitatis facies quadagesimo pōst die ad meliora studia cōuersa, vel si id aut negligeretur, aut non diligenter curaretur, diuino iudicio funditus esset euerſa. Illud etiam silentio non præterire visum est, à Niniuitis hoc tempore vanorum Deorum cultum & inueteratum iam apud se superstitionis errorem non fuisse depositum. siquidem ea res maioribus & antiquioribus stultitiæ stirpibus, & paternarum traditionum & sophisticarum disciplinarum radicibus altissimis defixa, sapientiæ rationibus & miraculorum ac portentorum virtute, & aliis spiritus sancti demonstrationibus euellenda potius ex hominum mentibus erat, quàm publica pœna & cultorum exitio exscindenda. Quanquam enim Idololatriæ nefarius error & omnibus stultitiæ ac turpitudinis notis insigne peccatum sit, non tamen ex eo maleficiorum genere est, quæ comuni





aliam partē fuisse traductos. Conuerti, aut reuerti à mala via, veram legitimamque pœnitentiam in sacris libris significat; cuius ratio non mentis mutationē modò, sed operū atq. studiorū & directū ad laudem morum actionūq. iter cōtinet: Latine etiā morum via dicitur, in qua plurimos errare ille nō malus moralis disciplinæ præceptor animaduertit. [*Et misertus est Deus*, Hebraicè est, נִיחָם, quod verbum latine non satis aptè reddere possumus, quanquā non lōgè aliena significatione vertamus, cōsolatus est. Id autem propriè verbum adaptari ijs solet, qui grauē aliquā animi affectionē, vt irā, desiderium, odium, amorē, nouatq. idonea re accedēte in contrariū motū cōmutant. Sic Isaac Sarē matris desiderium Rebecca cōsuetudine leniuit. Sic Deum hominū genus, quos libenter creauerat, ob publicè corruptam & sceleratam totius orbis viuendi consuetudinem, fecisse pœnituit. sic Israëlitarum tribus ceteras excisē ac penè deletæ à se Beniaminitarum tribus vehemēter misertum est: quibus omnibus atque alijs locis verbum נִיחָם est. Simili his significatione verbum hic accipiendum esse ratio ipsa ostendit, vt accedente Niniuitarū mutatione, Vatis præconio à se in illos enuntiata sententiā commutaret. Neque verò dicit, quòd cogitauerat, vt faceret, sed quòd loquutus erat, vt faceret. Vt calamitatē & periculum illis, non tam ex diuino studio, quā ex iustitiæ rationibus denuntiātū imminere, & faciliē (si illi sibi prospexissent) diuina clemētia propulsari potuisse intelligatur, quòd verò diuinis verbis esset declaratum, prædictum magis vt sibi cauerent, quā dictum, vt desperarent interpretari oportere. quamobrem loqui verbum potius, quā dicere vsurpatū est.

*Super malitia*. nomen malitia hoc in loco latinæ significationis nō est, vt fallax nocedi ratio, ac certi cuiusdā vitij nota sit, sed scelerum ultionis siue punitionis rationibus cōmodè explicabitur, quod aliās in sacris libris latinus interpres malū vertit, vt: An est malū in ciuitate, quod nō faciat Dominus, &: Agam & ego pœnitentiam super malo, quod cogitavi, vt facerē eis. huiusmodi malū pœnæ disertissimè Theologi dicunt, cū aliud culpæ, aliud pœnæ malum esse docēt. & non fecit. Quadagesimus dies diuinam clementiā illis testatus est, quo nihil mali aut damni (quæ nisi sibi cauissent, certissima erant) senserunt. Quā rem Dei supplicationibus ab illa ciuitate celebratā fuisse facilis coniectura est. Id verò ex hac sententia vtilissimè obseruatur, nō omnes malorum & pœnarū à Deo prædictiones & obnuntiationes necessarias omnino & quasi fatales hominibus esse, sed plurimarū ex his euentū ex eorum, aduersum quos factæ sint, arbitrio atq. studio accidere, neque tam quid prædictum à se, quā quid ab hominibus actum, gestū, curatūq. fuerit, Deum in hac re spectare solere, qui cum benignissimus clementissimūq. natura sit, neminem vellet perire, sed oēs ad pœnitentiā & salutis viā reuerti. Repente, inquit, loquar aduersus gentē & aduersus regnum, vt eradicem & destrua & disperda illud. Si pœnitentiā egerit gēs illa à malo suo, quod locutus sum aduersus eam, agam & ego pœnitentiā à malo, quod cogitavi, vt facerē ei & apud Ezechielē idem Deus: Si impius, inquit, egerit pœnitentiā ab omnibus peccatis suis, quæ operatus est, & custodierit præcepta mea, vita viuet & nō morietur, & omnium iniquitatum eius, quas operatus est, non recordabor, in iustitia sua, quam operatus est, viuet. Neq. verò subtilē illam de hac re inter signi & beneplaciti, siue antecedentiæ & consequentiæ voluntates distinctionē persequi, aut cōmodum, aut instituto nostro conueniens esse duximus, quòd simplicius sine huiusmodi acutissimis rationibus res ipsa commodè, ac non minus fortasse vtiliter teneri posse videatur.

Per.

Ierem. 18.

Ezech. 2.

## CAPVT IIII.

**A**fflictus est Ionas afflictione magna, & iratus est.

**O**FFICIO ac munere suo iam functus Ionas, rei euentum expectabat, qui vbi cognita populi illius pœnitentia, diuinæ misericordiæ consilium prophético spiritu intellexit, grauius accepit, adeo vt præ mœrore doloreq. animi vitā morte cōmutare optauerit: quibus autē causis eam tristitiā subierit, faciliē ex lectione, atq. ex ipsarum ratione rerum conicere est. Non enim tantum ille fidei dignitatiq. suæ, quantum salutis suæ metuebatur. nemo enim ex vatibus est, qui nisi aliās rem suam ageret, legationis suæ exitum ijs, apud quos egerit, felicem potius, quā exitiālē esse nō optet. maximè cū eā diuini consilij sententiā esse intelligat, vt non tam salutis desperandæ, quā pœnitentiæ ad misericordiā implorandā suscipiendæ in propheticis denūtiationibus ratio habeatur. namq. ea res legitimè procurata, atque euentu felici probata vaticiniorū fidem potius confirmat, quā

Luc. 11.

quàm derogat. satis enim fidei prædicenti vati habere ij existimantur, qui obnuntiatio-  
 nis rationem sapienter interpretati expiare & deprecari procurant. Neq. verò auctori-  
 tem fidemque vaticinio suo ab ijs abrogari Ionas dolere potuit, qui primis legationis suæ  
 actionibus, sine vlllo aut petito aut addito miraculo, tantū publicè & priuatè tribuissent,  
 vt omni voluptatis & deliciarum vsu, omnibus omnium cōmoditatibus atq. vtilitatibus,  
 & priuatis rerum suarum studijs depositis, omni cogitatione, consilio, cura & diligentia  
 ad supplices deprecationes, ad durum vitæ vsum, denique ad nouos & minus fortasse iu-  
 cundos publicè ac priuatè introducendos mores conuersi sunt. quam rem & lectio ipsa  
 testatur, & Iesu Christi cōfirmat auctoritas: Et crediderunt, inquit, viri Niniuitæ Deo, &  
 prædicauerunt ieiunium, &c. & Viri Niniuitæ surgent in iudicio cum generatione ista, &  
 condemnabunt eam, quia pœnitentiā egerūt in prædicatione Ionæ. Quo in loco magnā  
 fidem magnamque auctoritatem vnus hospitis & nullis maximis miraculis ornati Ionæ  
 prædicationi tributam fuisse, Christus idem confirmat, cū ex personarum, officiorum  
 & euentuum comparatione Iudæos pertinaciæ reos agit: Et ecce, inquit, plusquā Ionas  
 hic. Igitur non tantum fidei auctoritatisque suæ, quantum Israëliticæ gentis, cuius ille  
 studiosissimus erat, causam animo & cogitatione tractans dolēter & grauiter suscipiebat  
 Ionas, quòd multa illi in mentem venirent, quamobrē molestia & angore cruciaretur,  
 tum quòd populo superstitionis & vani cultus fæditate turpificato dignam sceleribus &  
 corruptissimis moribus pœnā suscepturo ob pœnitentiæ & morum correctionē, retento  
 etiam superstitionis errore, impunitatis venia data esset, cum iisdē Assyrijs ministris gēti  
 suæ, hoc est Israëlitis ob idē superstitionis flagitium grauissimū periculū creari cognouis-  
 set, tū etiā quòd ea res Israëlitarū culpā vehementius coarguebat, & causam omnē mani-  
 festius dānabat. quòd Niniuitæ vna à se nondū plenè absoluta legatione & obnūtiatione  
 suscepta, tamen cū suorū cōmodorū iactura, morū mutatione & vitæ emendatione, omni  
 deniq. earū rerū, quarū rei agebātur, renūtiatione atq. detestatione, supplices cum Deo  
 iudice & accusatore decidentes veniā & impunitatē fuerint assecuti, & sibi ipsis, vrbi, re-  
 busq. suis salutē acceperint, cū Israëlita tot quotidie legationibus, tot diuinis nūtijs, tot tā-  
 tisq. miraculis, prodigijs & ostentis, prædictionibusq. assiduis, tot deniq. rebus inuitati, ob-  
 iurgati, postulati, atq. tot dānationis & pœnarū minis & terroribz petiti, imò & interdum  
 ipso pœnarū & malorū sensu & vsu nō leuiter tentati, tamē neq. sceleribus abesse volue-  
 rint, neq. ab insano vani & superstitiosi cultus errore auerti, neq. à proposito impietatis stu-  
 dio, vel rātillū dimoueri, nedū deterri sēse passi sunt. vnde nō solū maturo & grauissimo  
 sui rerūq. suarum exitio multari, sed horū etiam hominum ministerio & opera perdi &  
 dissipari cōmeriti sunt, quorū exemplū illorū pertinaciæ cōparatum iure cōmendari po-  
 tuerat. Hæc igitur rerum & rationū acerrima & attentissima cogitatio magnum & acer-  
 bum Ionæ dolorē cōmouit, & præ gentis suæ studio vitæ etiam tædiū iniecit. Sperauerat  
 namq. fortasse fore, vt vel Niniuitæ legationē suam minori fide, vel minus etiam integra  
 pœnitentia exciperent, vel retento idolorū cultu minus digni essent, quibus parceretur,  
 sed cognitum rei totius euentum ad inexhaustas diuinæ misericordiæ rationes, quæ plus  
 etiam quàm optamus aut intelligimus, dare solet, retulit, hanc enim misericordiā gen-  
 tibus in antiquo etiam errore versatis, morū tantū & ciuilem vitæ in melius mutatione  
 spectata tribui solere; Israëlitis verò, quibus maior & illustrior diuinarū rerū notitia erat,  
 maius suppliciū atq. plura omni ex causā verbera esse subeunda intellexit namq. seruus,  
 qui scit voluntatem Domini sui & non facit, vapulabit pluribus. *Afflictus est Ionas afflictio-  
 ne magna.* Ingentem animi dolorem & angorem Hebraica oratio exprimit hac sentētia.  
 [*& male habuit Ionas malo magno,*] ita vt non tristitia quædam leuis, sed animi morbus &  
 languor ex mæstitudine indicari posset, sicut scriptū est: Spiritus tristis exsiccat ossa. *Ira-  
 tus est,* Hebraicè *Iratus est sibi.* hoc est dolore & impatientia affectus vitæ suæ odium & tæ-  
 dium concepit, quòd tantū gentibus suis ex ea re culpæ conflare, & grauioris supplicij  
 comparari intellexisset. vsque adeo autem grauiter & molestè eam rem tulit, vt vitæ suæ  
 finem breuissimum precibus à Deo petierit.

*Et orauit ad Dominum & dixit.*

Hoc in loco nomen illud ineffabile est, quod magnum in Israël erat, & familiaribus  
 misericordiæ beneficijs notissimum, & dixit, Irati & dolentis hominis, omniaque af-  
 fectus suo deficiente orationem obseruare operapretium est.

*Obsecro*

*Obsecro Domine, nunquid non hoc verbum meum, cum adhuc essem in terra mea? propter hoc praecipui ut fugerem in Tharsis.*

GENTIS & patriæ suæ studio incensus ex ira potius & impetu, quàm ex ratione oratione instituit, nō qui diuinæ misericordiæ erga Assyrios Israëlī hostes immanes futuros beneficium laudibus, sed magis inuidia prosequatur, & sui illius cōsiliij, quod de fuga ceperat, probabilē sibi rationē reddere videatur. Vbi nos legimus *cum essem in terra mea*, hebraicè est, *super terram meam*, Quæ oratio illum de patria, in qua erat, cogitasse indicat, vt: *super hoc lætabitur & exultabit, & immolabit fagenæ suæ, Propter hoc praecipui, ut fugerem in Tharsis*; quod huius rei exitum, cuiusmodi tandem acciderit, pertimuerim, futurum enim agnoscebam, vt in gentis meæ ignominiam & excidium Assvrijs parceres, tamen illi, nisi omne omnino scelus omnemq. errorem deponerent, indignos ego esse putabā, quibus ignosceres. sed tamen tuam naturam & benignitatem cogitanti mihi magna suspicio erat, salutis magis horum, quàm exitij causa legationem dari, quod natura ad ignoscendum, quàm ad vlciscendum te semper promptiorem præstiteris.

Habba 1.

Scio enim quod tu Deus clemens & misericors es, patiens & multa miserationis, & ignoscens super malitia.

IDEOQUE haud iniuria legationem salutis potius, quàm vltionis parandæ causa dari interpretabar. hic autem locus eius cōsiliij, quod de Ionæ fuga in superioribus indicauimus, satis manifesta, si diligenter cōsideretur, argumēta habet; sed quod illic explicata nō fuerint, in causa est hebraicæ orationis breuitas, & summo iudicio collocandis rebus & narrationis partibus præuisa oportunitas, quā qui rectè obseruauerit, magnū etiam ad explicandā sacrorū librorū sententiā cōpendiū fecerit. Scio enim Hebraicè est in præterito sciri siue noui. Caterorū verò omniū, quæ ad diuinæ misericordiæ rationes referūtur, verborū significationes nobis iam indicatas ex Ioëlis cōmentarijs petere operæpretium erit.

*Et nunc Domine tolle animam meam à me, quia melior mihi est mors, quàm vita.*

IRATI & perturbati hominis sermo affectibus magis, quàm verbis abundat. nam si orationis & sententiarū coherētia spectetur, nulla ferè est; si verò dicentis animi motus cōsideretur, maxima & vehemētissima dicēdi vis omnino deprehēditur. non tam officij deserendi cōsilio, quā populi sui studio spontaneū exilium sibi olim susceptū fuisse Ionas ostenderat. nunc verò diuinum cōsiliū executo suæ gentis sollicitudinem & curam eo grauiorem accessisse, quod certius & maturius exitum, atque adeo maius crimen suo ministerio conflatum illis esse intelligit. cuius rei cogitationem & sensum multo, quàm antea grauiorem non exilio solum, sed morte vitare optauerit. & nunc: Iam, inquit, ego tibi officio facto & legatione fideliter obita satisfeci, sed tamē animo meo tanti mali expectatione perturbato nulla alia re, quàm breui vitæ fine satisfacere possum: igitur & tu tolle animā meam à me, atq. extremū vitæ diē accelera; quod ego præmij loco ducam. Homini miserrimo ac tædio vitæ affecto matura mors potior, quàm vita iudicatur, utpote quæ omnium præsentium miseriarum sensum omnemq. dolorem adimere creditur. Is autem affectus communis eorum omnium esse solet, qui suis aut aliorum ærumnis & calamitatibus grauius premuntur, vt mortem potius, quàm vitam optem. Sufficit mihi (inquit Helias) tolle animam meam, neque enim melior sum, quàm patres mei.

1. Reg. 19.

*Et dixit Dominus.*

NIHIL à Deo fieri, cuius recta ac valde probanda ratio reddi non possit, hæc propterea responsio significat: nam cum irato & oranti homini statim responderit, nihil per se potestatem & vim fieri, sed quæcunq. ab eo geruntur, omnia ex summa sapientia, ratione & virtute semper proficisci declarauit. Id autē intellexisse nostra maximè referre, sicut scriptum est: *Æquitas testimonia tua in æternum, intellectum da mihi & viuam.* quid autem responderit audiamus:

Psal. 17.

*Putasne bene irasceris tu? Hebraicè, num bene irasceris tu?*

SIGNIFICAT ex suorum studio magis, ratione profectā irā nimia perturbationis nota nō carere, vt ipse forsan putabat, quod piorū hominū aliquādo iusta & probabilis ira esse possit: ea autē est, quā certa ratio cōmendat, qualis Mosē fœderis tabulas olim cōminuentem



Pfal. 32.  
Hera. lib. 1.  
epist. 3.  
Malach. 1.

incessit. Quòd ergo ingenti, quod minus probabili ira percitus Ionas fuerit, quòd vehementi perturbatione affectus minus rectè sibi, officio, æstimationiq. ac dignitati suæ confluerit, notatur. Illud aduerbium *benè* & qualitatem & quantitatem significat, vt vehementer nimium ac iustè iratus sibi esse videatur necne, rogetur. Nam hæc est huius aduerbij significatio, vt. Bene psallite ei in vociferatione, & apud latinos bene numatus, bene doctus dicitur. Interrogatio aut commoda ad redarguendū figura est, vt: Si offers pollutū, nonne malum? propria ad verbum huius interrogationis versio hispano sermone redditur *hate pesado bien?* Quoniam autem qui vehementer perturbati sunt, rebus magis, quā oratione ad aliam sententiā perducī possunt, huius redargutionis cōfirmationem illustris cuiusdā rei exemplo Deus adornauit. nam quamuis Ionas sola etiam interrogatione redargutus adeo fuerit, vt nihil responderit, tamen vt re ipsa & manifestis etiam rationibus virgertur & teneretur, Deus effecit.

*Et egressus est Ionas de ciuitate, & sedit contra orientem ciuitatis, & fecit sibi umbraculum ibi: & sedebat subter illud in umbra, donec videret quid accideret ciuitati.*

15

Exod. 32

Ibidem.

Isai. 1.

**I O N A S** vbi præconio suo commotæ & turbatæ, atque adeo scelus publica & priuata pœnitentia expianti ciuitati veniam dari diuina inspiratione intellexisset, ob eas, quas commemorauimus, causas doluit vehementer, sed tamen nō omnino impunitis ac liberis opinionione sua futuris quid tandē fieret, expectare atq. obseruare in animo statuit suo, atque ab impiorum & sibi inimicorū hominum cōsuetudine recedens, futuri periculi spectator, quā socius esse malebat: intellexerat quippe Deum misertum fuisse super malitia, quā locutus fuerat, vt faceret eis, hoc est super plena & absoluta ciuitatis euerfione, nō tamen ex eo cōsequi, omni prorsus pœna & periculo liberos esse voluisse. namq. & in illius nefarij & famosissimi Israëlitarū, qui vituli simulachrum coluerant, flagitij historia, Moſis deprecatione Deus placatus fuisse, iisdē omnino verbis, simili huic, quæ Vati aperta fuit sententia narratur. Placatusq. est Dominus ne faceret malum, quod locutus fuerat aduersus populū suum. Et tamen post quadraginta dies, quibus Moſes in montē secedens magno studio & continuis deprecationibus populo castigato à se impetrata venia impunitatem etiam petebat; non tamen plena & absoluta data est, sed percussit Dominus populū pro reatu vituli, quē fecerat Aaron, inquit scriptura. Huius rei simile aliquod exemplum renouandū fore arbitratus Ionas expectare constituit, atq. eo cōsilio ex vrbe in locū euentui spectando idoneū secedēs, umbraculū sibi solis arcendi & frangēdi caloris causa, herbis, vel calamis, vel aliqua alia oportunissima re cōstruxit *Umbraculū*, Hebraicè *Tugurium*, cuiusmodi à vinitoribus & cucumerū custodibus ex oportuna materia fieri solent. quòd verò ab ea parte, quæ ortū spectabat, considere voluerit, illā causam subesse arbitramur, nimirum putauisse Vate fore, vt si calamitas diuinitus afferēda vrbi esset, ab occasu & meridie veniret, quòd ab ea mundi plaga Israëlita regio esset, cuius optimus atque maximus ille communis totius orbis Elohim esset.

*Et preparauit Dominus hederam, & ascendit super caput Ione, vt esset umbra super caput eius (laborauerat enim) & latatus est Ionas super hedera letitia magna.*

40

**I L L V S T R I** atque mirabili beneficio à se affectum Ionā ad tempus foueri & consilij sui opportunè doceri Deus voluit. Namq. vbi calor vi umbraculi stramina exaruerāt æstui nimio laborantē hominē productū atq. ad umbræ cōmoditatē repente aucto frutice uauit, quo ille vehementer delectatus est, tum quòd præcipuam quandam in se Dei curā expertus esset, tum quòd refarciendi sæpius tugurij molestia liberaretur, ac præterea etiā quòd natiua ac viua arbusculæ viriditate, atque admittendæ auræ commoditate cōmodius iuuaretur. itaq. umbram & salubriorem & cōmodiorem & iucundiorem viriditatis specie, atq. liberiorem temperati aëris vsum percipere potuit. Id verò eo gratū sibi magis accidit, quòd diuino beneficio & prompto miraculo contigisset. [*Laborauerat enim. Hebraicè est, Et ad protegendū illū à malo suo.*] Significat illū nimio calore laborantē ferme iam morbo fuisse affectum. Quoniam verò certa mali causa erat remedio etiā certo vsus, refrigeratione atque aura, & viriditatis aspectu, atque etiam ipso plantæ halitu & spiritu delectabatur. namq. arbores, herbæ ac cætera plantarum genera suos quæque spiritus, quibus aërem inficiant, aut salutares aut noxios, pro singulorū natura, remittunt, id quod odor

Vitru. lib. 2.

55

odor ipse sensibus etiam perceptus arguit. atque ob eam rem Chaldaicè locus hic sic explicatur, [ad hortificandum ei à malo suo:] Sed quodnam hoc futicis genus fuerit, quod alij hederam, alij cucurbitā, alij aliter vertūt, veri inueniēdi studio actos, neq. nos breuitatem aliā professos inquirere, neq. pium lectorē attēdere pigebit. Nulla gentibus nominū certā eadem lex fuit, sed quæ pariter à cunctis intelliguntur, alijs atq. alijs vocibus deinceps indicata sunt: neq. est vbi magis variemus, aut vbi tempora, regiones & vitæ nostræ non vna semper & vbique ratio plura, quàm in naturæ rerum, maximè verò plantarum nominibus mutauerit, quæ res ijs, qui cōscriptos de hac ratione in omnibus linguis libros euoluunt, manifesta est. Quædā tamen in his sunt, quæ præter communē figuræ & vsus descriptionem antiqui Hebraici nominis vestigia etiā in alijs linguis reliquere, vt hæc quæ ad vatis delicias, vtilitatem, atq. demū perfectam eruditionē ex prompto & mirabili Dei beneficio repente nata atq. aucta est. Cuius Hebraicū & Chaldaicū nomen est *kikaion*, eiusdē ex antiquis naturæ rerū Hebraicis & Assyrijs scriptoribus huiusmodi descriptio est. *kikaion* Camhi in Ionam. Misnaioth. frutex est latis foliis & vmbra parandæ cōmodissimus. & alio in loco vbi de oleorū natura & eorū sacris aut prophanis vsibus agitur, nō licet, inquit, in ea re, vti oleo *kiki* & in explicationū libro quid, inquit, est *kik*, doctissimus Laris ait eandē esse Ionæ *kikaion*, & in descriptionibus filij Hhanæ legimus, *kikaion* maximus inter frutices est, quē pro tabernarum foribus feri solere videmus vmbra causa, semē proferens oleo faciendo oportuno. eandē verò plantam Arabicè, *kerugha* dici auctores sunt, Samuel Hhophnites, & Gaones celeberrimi quondā in Hispania scriptores. Eius verò magnā in Bethica copiā esse, ex cuius semine oleum ad lucernas, & ad quosdā in medicina vsus oportunū exprimatur, iisdē Gaonibus est peruulgatum. hætenus ex Hebræis, Chaldaeis & Syris quā breuissimè hæc à nobis prolata sunt: nunc verò deinceps Græca & Latina cum his collata rem ipsam, quænam apud nos sit, commonstrabunt. Neq. enim alium esse huiusmodi fruticē opinamur ab eo qui latinis Ricinus dicitur. Cui nomen à notissimi canibusq. infestissimi insecti figura feminibus expressa inditū fuisse omnes, qui de ea re scripsere, auctores tradunt. nāq. eam plantam antiquo iisdemque consonantibus elemētis cum Hebraico & Chaldaico constanti nomine Græci *ρικιν* dixere, ex qua oleū efficitur, quod Romanis pariterq. Græcis cicinum & ricinum etiam dictum esse Dioscorides, Apuleiusq. docet. Atq. Platanus quidem arbor cum sterilis sit, vmbra tamen & foliorum pulchritudinis causa amabilis & expetita omnibus olim, atque in hortis magno etiam sumptu & cultu nutrita fuit. nullam verò aliam plantam foliorum figura & magnitudine platano similiorem esse quàm ricinum, & antiqui auctores affirmauere, & nos qui vtrāq. cognouimus, testari possumus. At verò vt ex ricino, quæ platani speciem habeat, vmbra etiam cōmoditas percipi possit, magnitudo efficit; nā oleæ altitudine in Ægypto & Hispania prouenire Plinius ait. Qui- Plin. 15. c. 7. bus ex rebus intelligimus eam plantam, cuius platano proxima species gratissimā vmbra haberet; natura verò celerrimum incrementum, atq. vermiculi dentibus magis peruiā infirmitudinē in Ionæ vsū & consilij sui exēplum fuisse à Deo productā. Arbitramur autem illā diuina virtute vna nocte exortam ad iustā altitudinē creuisse, & euigilanti summo mane Vati repente visam, specie & cōmoditate sua eum vehemēter exhilarasse. atq. hæc res verbis ipsis, quibus narratur, in dicata est. *Et preparauit Dominus kikaion*. huiusmodi nāq. verbum in ijs rebus vsurpatur, quæ prōpta & parata celeritate in ipso temporis articulo, cum maximè oportuna sunt, suppeditantur, vt illud: *Et preparauit Dominus piscem grandem*. &c. hæc ex Hebraica verbi ratione ad creandi & producendi fruticis celeritatem, & illud etiam: *Et letatus est Ionas letitia magna super kikaion*. Quam quidem lætitiā repentinus & gratus plantæ conspectus atque vsus attulit. neque verò simplici miraculo ascribendū est, quod is frutex vna nocte ad iustū modū sic excreuerit, vt esset vmbra super caput illius. Namq. ad crescendi celeritatem foliorum varia inter crescendo mutatio & transformatio accessit, quæ ricino præter alia plantarū genera contingit, in quo nihil æquē Theophrastus admiratus est: quā rem auctor ille *ἀνομοιότητα καὶ μετα- Theophrast.* *χρᾶσις* nominat. Cuius de hac re verba latinè versā subscribere placuit: Eius, inquit, qui ricinus nominatur, nascentia folia à principio rotunda & circinata sunt; tēpore deinde angulosa fiunt, quasi dearticulantur. est autem mirè distincta ricino articulatio vltra vitis & ficus similitudinem, & magis etiam quā platano. quæ verò planta Hebræis *kik*, siue *kikaion*, Arabicis *keruagh*, Græcis *kiki*, Latinis ricinus dicitur; ea est, quam officinæ catapotiam maiorē, Hetrusci phasiolum Romanū, Hispani *higuera del infierno*, Galli ob foliorum articula-

culacionem, *palme de Christ*; Germani verò tum ob ea, quæ à Theophrasto adnotata sunt, tum ob admirabilè plantæ altitudinē, quæ in suo genere maxima est, *wonder boome*, hoc est mirabilem arborem vocant: hæc de *kikaion* prolixius fortasse tractata, tamen non ingrata futura speramus. De ipsius verò nominis Græci ad Hebraicum reducendi ratione, pluribus aliàs cum de hoc genere agendū sit, differemus. Igitur quo beneficio & miraculo diuinitus affectus fatusquē fuerit Ionas, iam explicatum est. quo verò exemplo diuinum consilium fuerit edoctus, deinceps explicabitur.

*Et parauit Deus vermē in ascensu diluculi in crastinū, & percussit hederā, et exaruit.*

V N O tantūm integro die fruticis commoditatē percepisse Ionam ex eo intelligimus, quòd postero, postquā produceretur, die vermis dente corrosus, repente exaruerit. Eum verò vermem ex eo genere fuisse, quòd cum molle ad tactū sit, dentibus tamen pro naturæ suæ ratione durissimis & acutissimis valet, ita vt arborū etiam truncos perforare possit, Hebraicum nomen *T H O L A G H A T H*, docet. Huiusmodi genus rustici nostri Terebellam vocant. paulo verò ante solis exortum paratū à Deo vermis fuit, vt in ipso futuri statim caloris articulo plantæ commoditas grauius etiam Vati desideraretur, [ *Percussit hederam & exaruit.* ] Imbecillioris naturæ plantas si perceptus à terra humor deficiat, repente arescunt, id quod minori etiam labore à vermibus in eiusmodi genere efficitur, quòd caudice & ramis, arundinis modo, cōcauis est, qualem ricino naturam esse Dioscorides ait. nam & solis & intemperati aëris vis interius atq. exterius subeundo humorem omnem facilius exugit. satis igitur ad eam rem fruticē percussū esse fuit. Neq. verò solū vmbra commoditatē desiderare coactus est Ionas, sed vehementiori etiam æstu ad vitæ vsque tedium afflictus est. Nam

*Et cum ortus fuisset sol, præcepit Dominus vento calido & vrenti: & percussit sol super caput Ionæ, & æstuabat.*

V E H E M E N T I solis & venti vi & ricinus facilè perijt, & Ionas grauissimè afflictus est, Deo id ad hominis eruditionem prouidente & curante. quæ res & grauissima molestia, & maiori plantæ desiderio eū laborare coëgit. *Æstuabat* enim vehementissimè, & ad portas mortis præ nimio cordis incendio & membrorum debilitate penè delatus

*Petiuit animæ suæ vt moretur.*

O P T I O N E M & cupiditatē hæc oratio significat. Allocutus enim est animā suam Vates more eorū, quos ob grauissimum miseriarū sensum, vitæ suæ pertædet, & quā ob rem tam diu viuāt, secum dolētes queruntur, cū earū miseriarū finē in morte esse credāt: ideo

*Dixit, melius est mihi mori, quàm viuere.*

V T homini grauissimis animi curis & vitæ molestiis affecto, cui breui morte perire, quàm lento malo diu excruciaci & suæ gētis cura angi, potius multo ducitur. *Vento calido*, Hebraicè subsolanus ventus propriè notatur, qui in orientaliorebus regionibus animatis omnibus rebus vehementer nocet, calidissimus enim & vrentissimus omnium est, quod vel ex Pharaonis somnio obseruatur.

Gen.

*Et dixit Dominus ad Ionam. Putāsne bene Irasceris tu super hederam?*

M O R T E M vita meliorem sibi ac potiore esse Ionas dixerat. Eam sententiā Deus argumentis ex rerum natura atque indicato ipsius affectu redarguit. namq. Ionas fruticem cuius iucundo cōspectu & commoditate delectabatur, amauerat; amissum autē vehementer & sui causā dolebat, & miseratione quadā prosequabatur, quòd tam pulchra, tam breui tempore nata & aucta arbuscula, tam cito periisset, digna sibi longiori tempore iudicata, quando rebus omnibus florentibus ac pulchris vita & duratio potius, quam interitus & mors optanda esse videatur. Homini igitur oratio primum à Deo redarguitur, ac deinde omnis illa vnde eiusmodi affectiones ortæ fuerant, cogitatio vincitur. Nunquid æquū est, inquit Deus, hominem, cui mors potior, quā vita ducatur, tam grauiter & iniquo animo ricini vnius plantulæ interitum & desiderium ferre? nam si præ vita optanda mors omnino est, pereuntem arbusculam miseratione prosequi, ob eamq. rem irasci minimè oportet: si verò tibi vni interitus expetitur, quorsum attinet plantæ commoditatem amissam tam iniquo ferre, cum homini vitæ suæ pertæso ad vitam & salutem conseruandam commoda res grata esse non possit. Igitur vel te viuere non (vt dicis) tædet.

*Et dixit: Bene irascor ego vsque ad mortem.*

S I G N I F I C A T se non vitæ cupiditate aut mortis odio, sed miseriæ lōgitudine vehementer

menter esse commotum, neq. iniuria plantæ desiderium tam iniquo animo ferre, qua nõ mortem, quam nihilominus expetebat, sed ipsa morte grauiorem molestiæ diuturnitatẽ se vitare posse sperauerat. Iram itaq. sibi non ex mortis cogitatione esse, sed ex ea afflictione, quã esset vsq. ad mortẽ perpeffurus: cuius molestiæ odio, & maximæ de gente sua curæ & doloris deponendi causã mortẽ præoptauerit. Itaq. & plantæ ipsius miseratione & diutius capiendæ miseriæ odio, in eadem expetendæ mortis sententia permanentẽ sese satis benè iratum fuisse affirmat, qui statim suis ipsius orationibus sapiētissime redargutis à Deo conuincitur, argumento ex contentione deprompto.

Et dixit Dominus, qui nihil vnquam non summo iudicio & maxima æquitatẽ se factum ostendit. Tu homo, cuius imperfectior & negligentior ac minus clemens natura est, doles super hederam siue ricinum.

VULGAREM natura sua plantã ex earũ genere, quarum iactura leuissima aliàs, ijs etiã hominibus, quorũ industria & cultura natã & auctã fuerint, leuis esse solet, & tamẽ tu doles, Hebraicẽ est, HHAZZTHA, clemens fuisti, plantã, cui colendã nullũ laborẽ impenderas.

Non laborasti, neque fecisti vt cresceret.

SPONTE enim sua me auctore & nata & auctã fuerat.

Quæ sub vna nocte nata est, & sub vna nocte perijt:

VT neque diuturno vsu & consuetudine tibi gratior & carior esse potuerit, neque propterea magnæ miserationi esse, quod citissime perierit, quando repente etiam extiterit, nõ magis quàm ramus aliquis ex arbore excisus, & ante domus limina per noctẽ affixus sequenti die vsũ viriditatis præbet, at proxima nocte nullo sui desiderio relicto arefcit. Hactenus altera contentionis pars, hoc est minor, nunc verò altera, maior videlicet subiungitur. est aurem contentio à personis & rebus facta.

Et ego non parcam Ninive ciuitati magnæ, in qua sunt plusquam centũ viginti millia hominum, qui nesciunt, quid sit inter dextrã & sinistram suã, & iumenta multa?

IAM primum illa maxima personarũ contentio est, Et ego. Non enim Deus vt homo est, neq. vt filius hominis ad iniquitatẽ & iracundiã magis, quàm ad clementiã & misericordiam procliuus, sed miserator & misericors, patiens & multæ misericordiæ, & præstabilis super malitia. Quod si Ionas ricinũ sui causã amauerat, vt filij parentes amare solẽt, Deus cõditas à se res parentũ erga liberos amore, qui multo ardentior & certior est, prosequitur. Deinde verò si res rebus cõferantur, iniqua cogitatio est hominis suã in herbæ vilis excisione dementiã probantis, eiusdẽq. ob eam rẽ dolētis, quod ciuitati illustrissimæ & antiquissimæ omniumq. maximæ Deus pepercerit: cuius vrbs frequentia suã maiestati & glorię decori sit, sicut scriptũ est: Pleni sunt cæli & terra maiestatis gloriæ eius, vt- Isai. 6. pote quæ Deũ sui auctorem cultoremq. testentur, quibus cõsultare potius, quã obesse vt editis à se operibus velit. Quod si Niniuitæ ob peruersam religionis rationẽ & inueteratũ superstitionis errorẽ minus digni essent, quibus parceretur, supererat tamẽ ingens quadã puerorũ & infantũ multitudo, qui ob ætatis innocentiam & imbecillitatẽ nullius criminis socij, neq. superstitionis sibi esse cõscij poterant: hos verò cũ seruatos omnino oportuerit, parentũ opera & cura, vt seruaretur egere, cõsequens fuit, quippe quos ætatis imbecillitas, neq. cõsiliij, neq. auxiliij sibi cõpotes esse, aut quisnã dextræ aut sinistrę vsus esset, nondum planè cognoscere sinebat. Adde etiã innumerã pecorũ, iumentorũ, armentorũq. copiam, quibus vt nulla boni & mali cognitio, sic nullũ vitæ crimen, nulla superstitionis ratio, quo minus cõsulendũ sit, obesse possit. id autẽ genus sine hominũ cura & cultu nõ magis, quã infantes seruari potest. Vt igitur nõ solũ innocentũ puerorũ, sed vtiliũ animantiũ genus, omnem nõ naturæ dignitate modò, sed vsu etiã plantis omnibus præstat, sic ricino parci cupientẽ hominẽ velle vt Ninive parceretur, etiam si qui in culpa essent pœnitentiam non egissent, multo magis decuit & oportuit. Quanq̃ verò vanorũ deorũ cultoribus suæ pœnẽ vel in præsentī vel in futura vita luendæ sint, tamen excisionis publicæ pœna iniquitatis suæ HHA MAZZ crimini cõstitutã his, qui pœnitentia & correctione atq. deprecatione legitimẽ sibi prouiderint, ferenda non est, quæ tamen pœnitentiã negligentibus vnã cũ paruulis & iumentis & gregibus ferenda esset. quandoquidẽ ea est ratio HHA MAZZ, vt & auctores suos, & auctorum res omnes secum in calamitatẽ & pœnam trahat, sicut scriptum est: Repleta est terra iniquitate à facie eorum, & ego disperdam eos cum terra. Gen. 6. hoc adeo diuinæ misericordiæ hominum, ob pœnitentiam, peccatã dissimulantis omnibus gentibus illustre exemplum propositum est.



## IN IONAM PROPHETAM

HYMNVS EX VOTO.

DVLCIVS si quid lyra sacra, si quid  
Et potes magnum, & cecinisse gratum,  
Excipe argutis socianda vati  
Carmina nervis.

Qua velim cunctis celebrata fastis,  
Qua solet flexi per agrator orbis  
Sol reuertentes variare puro  
Lumine faces.

Non ut aeternum decus aut canenti.  
Gratia accedat, populiq; blandis  
Plausibus vatem celebrent, vel auctam  
Versibus artem.

Ast ut ardenti studio perennes  
Orbis immensus colat usque magni  
Nominis laudes, referatq; auenti  
Pectore grates.

Nam licet vultu propior benigno  
Ispice gentis populum suisq;  
Legibus doctum fouet, atque donis  
Auet apertis.

Nullus est amplo tamen orbe quantum  
Circuit calum locus inquietis  
Cursibus, quem non pater ille certo  
Numine curet.

Testis est grato paritura nubes  
Imbre fecundis alimenta glebis;  
Testis & nunquam reprobis, pÿsue,  
Deficiens lux.

Ille seu magni spatiosa cali  
Templa, seu terras iubeat iacentes;  
Sive piscosi pelagi supinas  
Voluier undas.

Fit, & ad nutum superis tremendum  
Cuncta recurrunt, proprium benignè  
Singula & cursum, studiumq; ponunt,  
Votaq; prima.

Ille

*Ille mortales sobolemque prisci,  
Quem luto molli sapiens, Adami,  
Finxerat, paulo superis minorem*

*Curat, amatque.*

*Hos in horrendas erebi tenebras  
Fraude maiorum propriisque noxis  
Semper addictos reuocare lucis*

*Tendit ad usum.*

*Si quid his prauo studio malisque  
Artibus diri videat pericli  
Sponte conceptum, dolet et salutem*

*Prouidus offert.*

*Et vocat magnis operis modisque,  
Et manum lapsa bonus ac petenti  
Porrigit, nunquam auxilio pie vo-  
cantibus absens.*

*Ille et errorum dubijs vagantem,  
Casibus querens miseratus, agnam  
Excipit latus humeris, refertque ad*

*Pascua vitæ.*

*Quantus inuenta pecude o beatis  
Cuius plausus, celebrisque toto  
Is dies calo, ac superum parenti*

*Gaudia quanta?*

*Commodè nam si fuerit rogatus  
Lenit ultrices patienter iras  
Duraque ardentum facilis minarum*

*Verba remittit.*

*Diceris fortis sapiensque princeps  
Nec tibi his quidque simile aut secundum:  
Sed magis patris titulo ac benigni*

*Nomine gaudes.*

*Huius immensi monumenta honoris  
Regna cum totis populis, et urbes,  
Multaque infantum, pecorumque multa*

*Secula tulere.*

*Ergo iactatum medijs laborum  
Fluctibus dudum, teneræ et iuuenta  
Jam tuo ereptum auxilio procellis*

*Respice vatem.*

*Vnda*

*Unda quem nuper rapidè resorbens  
 Faucibus vulgi dedit auferendum:  
 Unde nil præter tenebras metumq;  
 Sentit inertem.*

*Da pater tuti tenuisse portus  
 Otia, & mentis placidum quietæ  
 Tempus, ac votis facilem benignus  
 Annue sedem.*

*Siue me excelsum ad scopulum referre:  
 Qui locus nobis sacer, ac beatæ  
 Consciuis vitæ cupidis latendi  
 Contigerat iam:*

*Seu velis longè spatijs remotis  
 Abdere, ut semper tua sacra præsens  
 Usq; in extrema celebrem sacerdos  
 Stamina tela.*

BENEDICTI ARIÆ MONTANI IN  
MICHAELAM PROPHETAM PRÆFATIO DE  
ECCLESIAE RERUM TREPIDATIONE.

5 **E**CCLESIAM Dei iam inde à primis constituti mundi temporibus  
nimis sæpe & vehementer diuexatam & afflictam, ac non apertis  
modo bellis, sed grauissimis per sæpe insidijs tentatam concussamque  
fuisse, omnis serè sacrorum librorum docet historia. Etenim illa astu-  
tissimi serpentis hominum generi primum suscepta inuidia, miserabili  
10 illa prima ac cõmuni Adami ruina oppresso, nõ modo nõ extincta, sed  
etiam vehemētius accensa est, quanto dignitatis suæ amplitudo hostilibus insidijs & do-  
lis præter opinionē auctior & illustrior tandē futura esse credebatur. nã qui scelerato illo  
perdendi hominis consilio appetitū sibi mundi huius regnū occupandum & constabilien-  
dum, ac tyrannidē sine vllō vindice aut interturbatore in victos atq. deditos exercen-  
15 dam fore sperauerat, re tandem confecta comperit aternas sibi cum hominum genere in-  
imicitias, perpetuū negotium, & incertum vel omnino aduersum consiliorum exitū, atq.  
regni cum summa ignominia amittendi periculum fuisse procreatum. eius autem aucto-  
ritatem & curam Deo optimo, fortissimo, ac sapientissimo receptam cõfirmatamq. fuisse.  
Supra pectus, inquit, tuū gradieris omnibus diebus vitæ tuæ, & inimicitias ponam in-  
20 ter te & mulierē, & semen tuum & semen illius, & ipsum conteret caput tuū, & tu  
insidiaberis calcaneo eius. Hæc verò fatalis sibi diuini oraculi sentētia eo maiori sollicitu-  
dini ac timori fuit, quòd expediendæ atq. efficiendæ rei ratio cognosci apprehendiq. mi-  
nimè poterat. namq. Dei potentiā tametsi planè infinitam, minus tamen sibi metuendā  
hostis ille putabat, quòd eam à iustitiæ & æquitatis rationibus nulla in re discessuram  
25 intelligeret. Quòd si non vi, sed iure fundato in homines imperio sese remouendum &  
expoliandum esse suspicaretur, quoniam pacto ea res à diuina sapientia & iustitia confi-  
ci posset, hoc verò dubitabat, hoc laborabat vehementissimè. Neq. verò fieri non omni-  
no posse arbitratur, vt omnis sapienter à Deo hominis in terris restituendi & ornan-  
dimstituta ratio, sapientia sua, vel potius astu turbaretur, aut saltem impediretur, atque  
30 eam illi opinionem primus ille humanæ dignitatis & prosperitatis frangendæ successus  
aluerat. Quoniam verò ad eam rem, cuius ipse planè rationē ignorabat, efficiendam hu-  
mana sobolis opera & ministerio vsurum esse Deum, tum ex oraculo illo, tum ex ipso  
personarum atque rerum apparatu cognouerat, cogitationem, studium, conatumque om-  
nem suum in hominibus ijs, qui diuinas partes sequerentur turbandis, auertendis at-  
35 que perdendis consumendum sibi esse duxit: atque id quidem cū ex altera parte ho-  
minum videlicet, quorum ingenium, vires & facultates primo illo periculo expertus  
perspexerat, non magni sibi negotij fore existimaret, ex altera etiam parte, hoc est Dei,  
quanquam difficillimum indicaret, tamen vt omnibus neruis tentaret & conaretur,  
propria audacia & superbia, insolentissimaque diuinorum honorum contentione im-  
40 pellebatur, ac primo illo de homine euertendo consilij euentu alliciebatur. Hinc igitur  
acerbum illud atque diuturnum contra Dei Ecclesiam bellum susceptum fuit, quod  
ab innocentis Abelis cade vehementer incensum, nunquam postea aut extinctum,  
aut saltem intermissum est. Hinc furibunda illa optimos quosque viros perdendi ra-  
bies magis, quàm libido extitit, hinc illa insomnis cura & contumax studium, hinc  
45 assidua illa variarum artium & operarum ad sanctam ciuitatem expugnandam & pe-  
nitentiam delendam nouis quotidie consilijs excitata ratio. Quis enim vel animo & cogita-  
tione comprehendere, nedum oratione commemorare valeat, quot & quàm varia ab in-  
festissimo hoste nocendi genera inuenta ad eam rem fuerint? qui visibilibus non modò



militum, hoc est, pessimorum hominum, sed inuisibilem etiam cateruarum, hoc est, sue  
 factionis spirituum innumerabilibus comparatis & productis copiis, diuinos homi-  
 nes multis vexatos modis vel ad deditiōem & turpissimam seruitutem redigere,  
 vel conditionem respuentes omnibus ignominijs appetitos, omni etiam carnificina &  
 crudelitate lacerandos curauit, sicut scriptum est: Alij autem distenti sunt nō suscipien- 5  
 tes redemptionem, vt meliorem inuenirent resurrectionem. alij verò ludibria experti in-  
 super & carceres, lapidati sunt, secti sunt, tentati sunt, in occisione gladij mortui  
 sunt, circuierunt in melotis & in pellibus caprinis egentes, angustii & afflicti, qui-  
 bus dignus non erat mundus, in solitudinibus errantes, in montibus, in speluncis & in  
 cauernis terræ. Verum enimvero cū his omnibus modis Dei gloriam, & Ecclesiæ uti- 10  
 litatem atque decus magis conseruari & augeri, quā rem suam, persepe comperisset  
 (namque apertis malis & externo bello sanctissimorum hominum vehementius incen-  
 di & illustrari, diuinamq. ad protegendum curā ardentius excitari, Ecclesiamq. ipsam  
 virtutis constantia & perseuerantia grauius etiam confirmari cognouerat) maximam 15  
 sibi ac durissimam huius generis prouinciam exiguo fructu susceptam intelligens, cal-  
 lidius aliquanto & certius minori negotio ac maiori successu iniuit consilium. Cogno-  
 uerat namq. sese frustra aduersus eam gentem nervos intendere omnes, quæ, quo magis  
 affligeretur, eo magis fide, spe ac fortitudine, omnibus deniq. virtutum generibus instru-  
 cta, firmiori indies Dei præsidio vsura esset, cuius tutela & præsidij virtute quamdiu 20  
 ipse arceretur, non modò totius ciuitatis, sed vnius tantum ciuis compotem se fieri 20  
 posse desperabat. nunquid, aiebat ille, Iob frustra timet Deum? nōne tu vallasli eum,  
 ac domum eius? vniuersamq. substantiam eius per circuitum? Quam quidem ob rem al-  
 tero illo pacis & tranquillitatis exterius turbande non repudiato interim consilio illud 25  
 alterum astu, opera atque studio exorsus agitauit, vt eorum ipsorum, qui intra ciuita-  
 tem continerentur, corruptis animis & rationibus commutatis ac turbatis, ad certio- 25  
 rem & faciliorem illius ruinam vteretur. nulla enim re certius aut commodius, quā  
 intestinis bellis, dissidijs, dolis ac pestibus Ecclesiæ res labefactari posse iudicauit. cetera  
 namq. omnia quæcunq. à se afferrentur externa mala, populo sancto molestiam quidem  
 exhibere poterant, firmissimum tamen præsidij diuini fundamentum subducere non po-  
 terant. Hac verò vna res cū ab ipsius perturbata reipub. facie decus omne omnēq. splen- 30  
 dorē adimere, tum Deū ipsum ab alienare valebat, quod à turpi vitiorū & scelerum cō-  
 suetudine & cōsortio diuina longissimè ratio voluntasq. abhorreat, sicut scriptum est:  
 „ Quoniam non Deus volās iniquitatē tu es, neq. habitabit iuxta te malignus, neq. perma- 35  
 „ nebūt iniusti ante oculos tuos: odiisti omnes, qui operantur iniquitatē, perdes omnes, qui  
 „ loquuntur mendacium. Virum sanguinum & dolosum abominabitur Dominus, &c. 35  
 Illud itaq. omni studio atq. opera enixè hostis ille persepe tentauit vt sacrosanctam im-  
 primis reipub. capitibus, & populi ducibus, regibus nimirum, sacerdotibus, magistris  
 atq. cæteris principibus corruptis, reliqui eodem exēplo, vel metu, vel inscitia vel negli-  
 gentia quoq. cedentes corrumpere. Quæ res nō raro ex animi sentētia successit: se- 40  
 „ pius namq. euenit, vt si non omnibus, tamen maxima ac potentissima parte, vel stultitia 40  
 „ obcecata, vel superstitione contaminata, vel alijs lethalibus contagionibus affecta pu-  
 „ blicam rem intestina grauius multo, quā externa bellorum vi pessundaret.  
 Et profectò nisi maxima illa diuina bonitas sui ipsius magis, quā hominū ratione habi-  
 ta, tantis inferni hostis machinationibus & maximis conatibus oportunè occurrisset,  
 actū planè de tota generis humani re nō raris neq. leuib. occasionibus fuisset. Verū pro- 54  
 positi imprimis ac maximorū à se promissorū nunquā immemor Deus humane salutis  
 tandē afferende & cōmunis hostis sapiētissimè euertendi causa, ecclesiā suā tametsi nō  
 nunquam maximo illo munerū beneficiorūq. suorū atq. omnis prosperitatis cumulo nō  
 fuerit

fuerit prosequutus; nunquā tamen aut omnino dereliquit aut certa cura & providentia sic defuit, ut non aliquā virorum copiā exiguam aliquando fortasse, sed sua tamen tutela non indignam sibi conseruaret; quorum gratia ceteris vel parceret, vel clementius consuleret, atque eorundem etiam opera & exemplo in ceteris ab insania & scelere reuocandis ac soluendis vteretur: atq. hoc modo in perditissimis Israëlitarum rerum Achabo rege tēporibus, vltra septē probatissimorū virorum millia, qui suas partes haberent Helie vati vel vnū desideratū relictū & conseruata esse indicauerat. Hoc etiam consilio omnibus pessimorū vel principum vel sacerdotū turbulentissimis tempestatibus certū quidā sanctissimi ac fortissimi diuina auctoritate viri creati sunt; quibus ceteros admonendi, reprehendēdi, ac liberius etiam accusandi, omnibusq. modis ad verā pietatis rationes reuocandi curatio suscepta est. Mittebat enim Dominus Deus patrum suorum ad illos per manum nuntiorum suorum de nocte consurgens, & quotidie commonens, eo quod parceret populo suo & habitaculo suo, & c. ait scriptura. namq. huiusmodi ministrorum opera, studio ac diligentia susceptum sibi humane salutis expedienda, & victoria ex hoste reportanda negotium, quoad tandem omnino per Christum conficeretur, moliri, Urgere, ac sapienter explicare statuerat: horum autem præcipue partes fuerunt, populum defectionis imprimis, & admissorum in se scelerū arguere, & diuina ira decretaq. in ipsos pœnæ, nisi resipiscentes legitimis pœnitētiæ rationibus sibi oportune consulerent, admonere; demum contumacibus & sani consilij negligentibus supplicium ex diuina sententia publicè vel priuatè subeūdum obnuntiare, sicut scriptum est: Noli subtrahere verbum si forte audiant, & conuertatur vnusquisque à via sua mala, & pœniteat me mali, quod cogito facere eis propter malitiam studiorum eorum, et dices ad eos. Hæc dicit Dominus, Si non audieritis me vt ambuletis in lege mea, quam dedi vobis, vt audiat sermone seruorum meorum prophetarum, quos ego misi ad vos de nocte consurgens & dirigens, & nō audistis. Dabo vobis, & c. Atq. Ecclesiæ quidē res ab Abellis iusti tēporibus ad Christiani vsq. euāgelij prædicationem, his quibus diximus modis, habebat, vt nunc externis, nunc verò intestinis, interdum etiam vtriusq. malis laborās, varijs etiam rationibus pro rerum oportunitate curaretur. Huiusmodi igitur causa turbulentis ac perditis Ioathan, Achaz & duris Ezechie temporibus Michæ tradita est, vt contaminatum omni impietatis, vitiorum & superstitionum genere Israëliticum & Iudaicum populum admonendo, accusando & exhortando ad sanitatem quam diligentissimè reuocaret, qui impositas sibi partes, quas fidelissimè transegerat, breui libello complexus diuino consilio ac maxima cum vtilitatis publicæ spe posteritatis memoriæ mandauit. Eum nobis, quantum ingenij tenuitate promittere ac præstare possimus, breuiter explicaturis Deus humili prece est imprimis optandus.

Gregor. lib. 3  
Dialog. c. 27.  
Origen. in  
Ezech. homil.  
4.

1. Reg. 19.

Paral. 36.

Ierem. 26.

Omnipotens sapiensq. Deus, qui numine dextro

Ipse tuum æterno tempore ducis opus:

Quem non vlla mali vis perturbare, nec astus,

Nec valet vlla hominum sistere nequitia.

Sed bonus atque potens iustos, populumq. piorum

Ad tua non frustra maxima dona vocas:

Presidio afflictis rebus, pereuntibus astas

Auxilio, atque graues detegis insidias.

Da pater o nostros collustrans lumine sensus,

Æthereo arcanis dicere digna tuis.

## VATICINII PRIMI ARGUMENTVM.

**O**MNI S libelli huius ratio tribus vaticinijs distinguitur, quorum primi huiusmodi argumentū est. *Omni diligentia, studio atq. fide* Israëlitarū & Iudeorum rebus prospiciens Vates omnia in viro- que populo quæ possunt in perdita nefariaq. gente esse vitia, reprehēdit & vituperat, docerq. diuini au- xilij & maxime illius prouidentia, tutela, quæ tam diu fuerint vsi, nisi legitima poenitentia sibi cauerint, fore propediem deferendos. Eam verò desertionem communem regibus & populis summis & infimis futuram, ita tamē vt primo omnium & grauissimo ictu Samaritanū regnum ad casum detur: deinde ve- rō & Ierosolymitanum, cuius excidium miserabili ipse elegia, quibusdam eiusdem tribus ac patria sue vicinis vrbibus grauioris luctus causa appellatis, deplorat. Oratione verò deinde distincta sua vtri- 10 que regno crimina seorsum inferuntur, atque Israëlitis prius impietatis & scelerum consilia ac pertina- cissima obijciuntur studia. nec non & dignissima flagitijs prædicuntur supplicia, similem hostium vim experturis, ei, quam ipsi miserrimis & ope carentibus ciuibz suis opprimendis & expoliandis ne- fariē intulerint. ita, vt qui superiores semper hostibus fuissent, impares omnino deinceps turpissime succumbentes & domibus patria & fortunis omnibus cedere cogantur. Eam verò miseriam licet diu- 15 turnam, & perpetuam non tamen (quæ diuina est benignitas) fore omnino æternam, sed collectis affli- ctissima gentis reliquijs esse tandem aliquando expuendam. Reges autem & principes non solum ne- gligentia, sed culpæ etiam grauioris nomine eodem cum populo crimine inuoluuntur. Postremo autem sermo ad Iudaicum populum transfertur, cuius temeritate & culpa nefandum illud, quod tantorum viriusque partis flagitiorum prima radix fuerit, dissidium factum fuisse arguitur, atque 20 eiusdem etiam gentis innumera & grauissima deinde scelera, quibus subeundas tandem Sioni exci- sionis & totius publici decoris amissionis poenas fuerint commeriti, reprehenduntur.



## CAPVT I.

VERBUM Domini quod factum est ad Michæam Morasthitem.

25

**N**ON leuem neque exiguæ auctoritatis causam hoc in libro agi personarum & rerum commemoratione indicatur: namq. ineffabile illud Dei nomen initio ipso appellatū rem grauem & ad pietatis rationes pertinētem apud eos tractandam esse osten- dit, quibus vera religio sanctissima & cultissima esse potuit & debuit; nimirum apud Is- 30 raelitas, quos sacrosancta nominis illius interpretatione instructos maximam quandam Dei notitiā habere oportuerit, sicut scriptum est: Notus in Iudæa Deus in Israël magnū nomē eius. Verbum autem, præter ea, quæ aliās vel tractata vel indicata à nobis sunt, cau- sam etiam significat, qualis in iudicio aut in senatu agi solet. cuius exemplū illud est: Ve- 35 nit ad me populus quærens sententiam Dei, cumq. acciderit eis verbum aliquod, veniūt ad me vt iudicem inter eos, & illud: Munera excæcant oculos sapientum, & subuertunt verba iustorum. Itaq. verbum Domini factum ad Michæam, causam Dei nomine, cuius rationes & argumēta omnia diuinitus suppeditata sint, huic Vati esse agendā significat. 40 Vatis autem nomen & patria, præterquam quòd ad fidem faciendam, vt aliās diximus, spectat, ad orantis ipsius fidē studiumq. probandum plurimum facit. namq. non solum summa erga diuinum mandatum religione, sed omni etiam officio ac potius pietate er- ga patriam defunctum, si minus ad persuadendam diuinam causam satisfacere potuisse, tamen ad strenuē & fideliter agendā certē satis esse facturum, credi par fuerat. Erat enim 45 & probus vir & ex illustri Iudæorum tribu, quod patriæ ipsius nomen faciliē arguit. Mo- rasthites enim patronymicum Hebraica ratione nomē à Maressa Iudaicæ sortis vrbe de- ductum est. Id enim, præterquā quod & ipsa eadē consonantium literarū obseruatio do- cet, Chaldaica etiam biblia apertē demonstrant, hoc modo: [ Verbum prophete à Domino, quod fuit cum Micha ex Maressa. ] Hanc autē vnā ex nouē vrbibus, quæ agrorū vsu in Iudai- 50 ca tribu cōmunicarent, fuisse, ex Iosue descriptionibus didicimus, Labna, Ether & Asan, Iephta, & Esua, & Nesib, Ceila, & Achzib, & Maressa, ciuitates nouem & villę earū. Ex ci- uitatis verò nomine tribuum & familiarum vniuscuiusq. hominis certa coniectura est.

Iosue 15.

In diebus Ioathan, Achaz, Ezechie regum Iuda.

IPSA temporū notatio totius agēdæ causæ argumentū explicari potest. namq. vel suæ 55 tēpestatis turbulentū statū & præsentis hominū mores, vel paulo superioribus tēporibus incli-

inclinatas atq. suis iam labētes & prope iacētes res oratione prosequi singuli vates solēt; quarum rationē non aliūde cōmodius, quā ex ipsa regū hīstoria peti oportuerit. neque enim à vatibus summa criminum & causarum capita indicantibus omnis omnium rerū diffusa narratio exigenda, sed ex indicatorū temporum hīstoriis exponēda est. Igitur Michæas noster susceptū sibi propheticū munus toro ferē trium illorum Iudææ regum Ioathan, Achaz & Ezechīæ tēpore, hoc est annis ferē quinquaginta strenuē exsecutus expleuit. nam Ioathan quatuordecim, Achaz sedecim, Ezechias verò viginti nouē annis rerū summa apud Iudeos est potitus intra ducentēsimū quadragesimū tertiū & trecentēsimū quartum ædificati prioris tēpli annum, vñdecim ante primā Olympiada annis, ad secūndū vñq. decimæ quartæ annum: quo tēpore Azarias, Vrias, Nerias continua successione pontificum sacerdotio præsuerē. Primus autē Ioathan regni annus trigesimus sextus ferē ante urbem conditā Romanis est, quo Amulius Numitore fratre vi expulso Latinis imperabat. Illud etiā & hæc regum appellatio indicat, magnā vatibus in dicēdo libertatem fuisse, quos neq. tēporum turbulētissimæ tēpestates, neq. veritate offensa principum maiestas, neq. vlla summorum hominum frequētia de integritatis statu deteruerit. Id quod de Michæa etiā nostro publico concilij testimonio est indicatum. Surrexerūt enim viri de senioribus terræ, & dixerūt ad omnem cœtum populi loquētes: Michæas de Morasthi fuit propheta in diebus Ezechīæ regis Iuda, & ait ad omnem populum Iudæ dicēs: Hæc dicit Dominus exercituū, Sion quasi ager arabitur, &c. nunquid morte condemnauerunt eum Ezechias rex Iuda & omnis Iuda, &c. Quā verò ob rem Iudææ tātum regum nomina, nō Israëlitis etiā, vt à vatibus alijs appellata sint, præter ea quæ in cōmunibus quæstionibus dicta sunt, illud etiā in causā esse arbitramur, quod nemo ex vatibus ijs, qui ad Iudææ tribum pertinerēt, vel regnū vel regni potestatem & nomē alijs, quā Iudæ & Davidis posteritati iure deferenda esse duxerit, quando & antiquis & recentioribus oraculis Iudaicæ familiæ ea dignitas propria esset, cuius maximā partem qui tyrannicē occupant, nunquā reges aut salutati, aut appellati, aut vñlo signo probati ab alterius partis vatibus fuēre. Quanquā autem cæteri vates, quorum genus ad aliquā ex decē tribubus refertur, regum suorum atque Iudæorum simul meminerint, vt Hosseas & Amos, alter ex Rubenitide tribu, alter verò ex Asseritide, qui eos populorum suorū reges si minus probarent, tamen vñcūq. sortiti ferēdos & ad populi, apud quē præcipuē muneri suo prophetico præerant annales & tēpora obseruanda, appellandos indicarunt, non prætermissa tamē Iudææ regum mētionē, ad quos vt proprium regni ius, sic etiā omnium tēporum ratio referenda fuit. Atq. ita Hosseas in diebus Vzīæ Ioathā & Ahaz regum Iuda & in diebus Ieroboam filij Ioas regis Israël. Amos verò in diebus Osīæ regis Iuda, & in diebus Ieroboā filij Ioas vaticinatus dicitur. Verū neq. Michæas, quē Iudæū fuisse patriæ nomē arguit, neq. Isaias Ierosolymitanus ciuis ex regia etiam familia, quanquā ad vñtrumq. populum amborum rationes pertineant, tamen præter Iudææ regum nomina, nulla alia Israëlitarum ad partes suas vocanda putauēre, sicut scriptum est: Non congregabo cōuenticula eorum, nec memor ero nominum eorum per labia mea. Atq. ita Isaias in diebus Ioathan & Ezechīæ regum Iuda munere suo functus scribitur.

Plutarchus in  
vita Romuli.  
Liuius lib. 1.  
ab vrbe cōdi-  
ta. Halicarnas-  
sē de antiquit.  
Rom. lib. 1.  
Ierem. 26.

Hosseas. 1.  
Amos. 1.

Psal. 135.

### *Quod vidit super Samariam & Ierusalem.*

LOCORVM cōmemoratione rerum, & causæ grauitas docetur. nāq. hæ duæ vrbes cæterarum omniū vñtriusq. partis principes ac regiæ erāt, sicut scriptum est: Caput Ephraim Samaria, & mons Sion latera aquilonis, ciuitas regis magni. Causam igitur sibi diuinitus susceptam ad regna regesque ipsos & vñtriusq. partis principes spectare, quo omnis cæterarum vñtriusq. summa cōtineretur, actiones futuræ significātur. Auctoritas verò legationi prophetiæ genere iudicato adiungitur. *Quod vidit.* Etenim visio vnus ex iis vaticinandi modis est, qui iam olim à Deo definiti & auctoritatis suæ rationibus probati fuerant, si-  
cut scriptum est. Si quis fuerit propheta inter vos, in visione apparebo ei, vel per somniū loquar ad illum, &c. Hactenus ergo totius operis inscriptio & rerum ac personarum modorumq. expositio & causæ cōmendatio, nunc deinceps ipsa dicentis oratio est.

Isai. 7.  
Psal. 47.

Num. 12.

### *Audite populi omnes, & attendat terra & plenitudo eius.*

OMNES tam Iudaicæ, quā Israëlitiæ factionis tribus in causam & crimen imprimis



vocatur, rei q. à Vate diuino nomine constituuntur, & ne indicta causa iudiciū suum factum esse excusare possint, audire atq. atterere iubetur: tāta diuina equitas est, vt ipsos etiā reos causę suę auditores & cognitores nō admittere modò, verū vltro vocare soleat. Atqui singulę per se tribus populi in sacris libris dicuntur, quòd eiusmodi nomē & dignitatē faustis auspicijs & oraculis fuerint olim cōsequuti, sicut scriptū est: Latere Zabulon in exitu tuo 5  
 „ & Issachar in tabernaculis tuis. Populos vocabunt ad montē & c. ita omnes populi tribus omnes nūcupantur. sic etiā & alter ille Michæas suę orationis & causę testes faciens decē 10  
 „ tribus olim appellauerat, Audite populi omnes. Itaq. singulę tribus populorū nomine dicuntur, quibus cū cōmunis causa hęc sit: cōmunis etiam denūtiatio subiūcta est. [*Et attendat terra & plenitudo eius.*] Terra omnis Israël, tā ea quę duabus, quā quę decē tribubus 15  
 „ incoleretur. *Et plenitudo eius*, nō singulę tribus modò, sed singuli vniuscuiusq. tribus homines, adeò res ad omnes omniū ætatū & ordinū personas pertinet, vt ab hac causa audien-  
 „ da nemo iure excipiat. Plenitudinem hominum intelligere oportet, nō cæterarum ani-  
 „ mātium, quę sceleris & impietatis crimini accersiri nō possunt. sic illud: Domini est ter-  
 „ ra & plenitudo eius, orbis terrarū & vniuersi qui habitant in eo. Illud ad dialecticā ratio- 15  
 „ nem est obseruandū, distributiuum nomen esse *omnes populi*, sed tamen incōpletē distri-  
 „ buens, illud verò cōpletē, *terra & plenitudo eius*. atque huiusmodi dialecticis & rhetoricis  
 „ obseruandis rationibus assuescere operæpretium nonnunquam fuerit. Maximum autem  
 „ orationi suę, atq. omni à se agēdę causę fidem diuino testimonio interposito facit. nam  
 „ qui de grauissimis rebus verba apud populum Dei nomine facturus erat, certioris fidei  
 „ causa futuro aliquo signo Dei voluntatē testabatur. Propheta, inquit lex, cūm venerit & 20  
 „ dixerit signum aliquod futurum, & signum illud non venerit, verbum illud Dominus nō  
 „ est loquutus. Igitur Samuel prophanę à Deo defectionis populum accusaturus orationi  
 „ suę signo lingua nuncupato, voluntatis diuinę auctoritatem interposuit. Nunquid non  
 „ messis tritici est hodie? inuocabo Dominum & dabit voces & pluuias, & scietis & vide- 25  
 „ bitis, quòd grande malum feceritis in conspectu Domini petentes super vos regem. Ad  
 „ eandem etiam rationem sua hęc à Michæa oratio dirigitur, qui se non suo, sed diuino  
 „ consilio & voluntate causam aduersus populos agere professus, eius rei testimonium &  
 „ auctoritatem grauissimi signi proposita obseruatione vendicat. fore enim ait, vt Deus  
 „ iram & offensionem suam, quam suę fidei denuntiandam mandauerat, re ipsa testare- 30  
 „ tur, hoc est, quod dicit:

*Et sit Dominus Deus vobis in testem.*

PRIVS nomen Dominus auctoritatis rationibus definitur. namq. Hebraicè est proprie Adonai, quòd dominiū imperiumq. significat. Posterius verò nomen illud ineffabile illi olim nationi, & nunc maximè Christiano populo sanctissimum est. Ille, inquit, omni 35  
 „ rationi orationique meę fidem, quam vos habere nolueritis, maxima nominis sui aucto-  
 „ ritate faciet; non qui dominationem priuatamq. erga vos prouidentiam beneficijs au-  
 „ gendis, sed subducendis magis ostendat, imò qui se ipsum offensus de medio vestri sub-  
 „ ducens vos omnes ærumnis & calamitatibus multis relinquat peruios.

*Quia ecce Dominus egredietur de loco suo, & descendet, & calcabit super ex-  
 celsa terræ.* 40

VTRIUSQVE partis tribuum omnium cladem à se obnuntiatam Deum ex tem-  
 „ plo suo, quē locum ad priuatam in illos prouidentiam delegerat, testaturum esse ait.  
 „ namque templū in diuinę illius maiestatis non capacem quidem, gratam tamen quan- 45  
 „ „ dam sedem dicatum fuerat, sicut scriptum est: Vt sint oculi tui aperti super domū hanc  
 „ „ nocte ac die, super domū de qua dixisti, & erit nomen meū ibi, vt exaudias deprecationē  
 „ „ ferui tui & populi tui Israël, quodcunq. orauerint in loco isto. Ex quo etiam illud à Dau-  
 „ „ de votum nuncupatum est. Donec inueniam locum Domino, tabernaculū Deo Iacob. 50  
 „ „ Cū autem diuina prophetarum lege satis esset cautum ea præstari, quę essent lingua  
 „ „ nuncupata, testimonij à Deo suę orationi dandi rationem hoc modo Vates definiuit.  
 „ „ *Egredietur de loco suo*. offensus, inquit, sceleribus vestris locum suum, in quo placidè vobis  
 „ „ aderat, deferet, atq. obiter, (quòd à tanta maiestate & virtute offensa timeri & expectari  
 „ „ par est [*Descendet & calcabit super excelsa terræ.*] Susceptę translationis rationem apta ora-  
 „ „ tione persequitur. namque Ierusalem, vbi templum erat, omnium totius terrę locorum 55  
 „ „ editissimum esse, pluribus sacrorum librorum testimonijs constat, sicut scriptum est:  
 „ „ Illuc

Illuc enim ascenderunt tribus tribus &c. Ob eā autē rem de loco suo excessurus, descen-  
surus, atq. omnē terrę regum ac principum superbiam, fastū, insolētiā fuerat obiter pes-  
fundaturus. *Excelsa terra.* Reges & principes & humanę superbiz atque ambitionis mini-  
stros ac satellites omnes hęc verba allegoricę sępe significant. ex quo genere illa sunt:  
5 Desertos faciā montes & colles, & omne gramen eorum exsiccabo. & apud Poetas: Horat. lib. 2.  
Od. 10.  
*Feriantque summos Fulgura montes.* Itaq. principes imprimis ipsos & superba omniū scele-  
rum atq. impietatiū capita, vehemens illa Deo descendente calamitas oppressura fuerat:  
deinde verò & populos tam Israheliticū quā Iudaicū vehementer fuerat afflictura.

*Et consummentur montes subtus eum, & valles scindentur sicut cera à facie ignis,*  
10 *sicut aquę, quę decurrunt in præceps,*

REGVM & regnorum fines & defectiones montiū cōsumptio significat, quibus neq.  
Dei irati vim sustinere, neq. vbi semel perierint, rursus sese instaurare integrū futurū est.  
*subtus eum.* hoc est, à facie irę indignationis eius. Populorū verò affligendorū ratio valliū Psal.  
15 imagine describitur, qui recedētis Dei impetū & vim nō magis quā cera ignis vim sustine-  
re poterūt: valles abūdabunt frumēto, eadē populi & humilioris cōditionis hominū tran-  
sitione dictū est. Ignis verò hostē diuina ira immissum atq. omnia loca vastantē significat Ierem. 47.  
vt illud: Quia ignis egressus est de Hesebon & flāma de medio Siō, & deuorabit partem  
Moab. Quo verò impetu, quāta celeritate, quibus modis populorū res affligendę ac pro-  
20 fligandę essent, elegātī similitudine exponit. Populos mobilitate, instabilitate & perpetua  
rum opinionum & iudiciorum, tum rerū etiam agitatione & fluxu aquarū instar habent-  
es non semel eō nomine, vel angelo interprete, in sacris dici, nulli fere in sacris literis ver-  
sato dubium esse arbitramur, Aquę quas vidisti populi sunt &c. Aquę verò si quę plano  
æquabiliq. alueo aut molliter decliui fluāt, cōiunctis partibus atq. vno veluti corpore de-  
25 currūt, quę verò ex editiore loco demissę in præceps ferūtur, præterquā quod celerrimē  
descendūt, multis etiā partibus deduci ac dissipari solent, & partim in alia atq. alia loca de-  
riuari, partī verò guttis exsiliētibus perire atq. cōsumi. Nulla igitur similitudine Israheliti-  
corū populorū celerrima clades & calamitas cōmodius exprimi potuit, quā partī fame, pe-  
ste, ac bello perditū, partī à victore hoste abductū iri significarētur. Huiusmodi autē Dei  
30 irati ac prætereuntis impetū experiri homines scelestos solere, nō modò hoc Micheę, sed Psal. 17.  
illo etiā Psalmographi testimonio declaratur: Inclinauit celos & descendit, & caligo sub pe-  
dibus eius &c. Cōmota est & cōtrēmuit terra, & fundamenta montiū dissipata sunt, &  
commota sunt quia Dominus iratus est eis. Hoc igitur diuinę indignationis & irę à se  
denuntiata testimoniiū futurū Vates notauit: eius verò indignationis causā facile repe-  
35 rit, nimirum grauissimū scelerū & flagitiorū culpam, quā Israhelitzę & Iudæi præstitissent.  
non quòd Deus ipse populum & locū suum ultro oderit ac fastidiosē reliquerit, sed quòd  
populus ipse per summam impietatem & scelus à se ipso atq. à diuino defecerit imperio.

*In scelere Iacob omne istud, & in peccatis domus Israhel.*

IACOB nomen cōmune est, & Iudæos simul Israhelitasq. cōplectitur. decē verò tribus  
40 non rarò Israhelis nomine cēsentur. Igitur omnes in vniuersum tribus diuinę defectionis  
crimine primū accersit, ac deinde grauioris culpę Israhelitas vt præcipuos omnis impię su-  
perstitionis auctores insinuat. *In scelere Iacob,* Hebraicē, *in Pessag,* rebellioe siue defectione;  
de quo genere iā aliās diximus. Id verò omnibus Iacobi familijs cōmune crimē erat: mul-  
tiplex verò scelus & peccatorū varia genera Israhelitas imprimis premebāt. At verò res ita  
habuit, vt illa superstitionis ac scelerū labes & pestis apud Israhelitarū regiam Samariā pri-  
45 mū orta radices ageret, deinde cōtage sua totā prouinciā vsq. ad Solymos corrūperet, à So-  
lymis verò Iudæę omnis rebus integris inferretur. nāq. Samaritani reges primi omniū va-  
ni & supersticiosi cultus morē legibus etiā atq. institutis factis induxēre, quorum exēplum  
impij quidā ex Iudæorū regibus imitati Ierosolymę vrbs sanctitatē adiecto vanorū Deo-  
rum cultu polluerūt. regię autē ac principis omniū ciuitatis æmulatione vel imitatione,  
50 aut gratia, vt ferē in moribus hominū fit, cæteris Iudæę omnis vrbibus & opidis eiusdem  
rei flagitiū admissum est. Quāobrem omnis imprimis horū criminū culpa in regias ipsas  
ciuitates conijcitur, tanquam in primos & certissimos fontes, vnde deriuata & cū cæteris  
etiā comunicata est. Et irritauerunt filij Israhel verbis non rectis Dominum &c. Iratusq. 2. Reg. 17.  
est Dominus vehementer in Israhel, &c. sed neq. ipse Iudas custodiuit mandata Domini  
55 Dei sui, sed ambulauit in erroribus Israhel, quos operatus fuerat &c.

*Et quod scelus Iacob, nonne Samaria? & quæ excelsa Iudæ, nonne Ierusalem?*

INTERROGATIO responsione subiecta magnam assuetudinis atq. explicationis habet vim, de qua in Rhetoricis plenius differimus. sed illud ad certam quandam significationem facit, quod Hebraice masculino genere hæc dicta sunt *& quis scelus, & quis excelsa.* &c. 5 Itaq. verbum ob dicentis excedentiam & indignationem deficit, facile ex sententiarum ratione diuinandum. *& quis primus inuenit scelus Iacob, nonne Samaria?* hoc est reges ipsi, quorum voluntatem & morem vel gratia vel metu actus vulgus omni opera & diligentia facile consequitur: & quisnam tot fana in Iudæa nisi Ierusalem exemplo suo construxit: nescio enim quomodo, aut quo cursu consuetudinis malæ corruptela à regibus ciuitatibus per omnes prouincias partes tanquam calamitosa tempestas pestisque, citissime peruat. Id utinam in nostrorum temporum moribus non ita certum exploratumque esset. Quæ verò dicta à nobis de hac re sunt, omnia ex sacris regum & regnorum historiis patet, quæ referre longum magis esset, quam in tanta claritate necessarium, regiarum autem ciuitatum nomina reges ipsos metonymice significant. quæ res non semel tantum apud vates obseruata est. Itaq. primo omnium à Samaritanis regibus hæc tanta labes integris Iacob rebus allata est, atque hoc tantum crimen conflatum. ex qua re commeriti sunt, ut prima omnium Samaria diuini seueritatem iudicii experiretur.

*Et ponam Samariam quasi aceruum lapidum in agro cum plantatur vinia.*

SIGNIFICANTIVS hebraice, in aceruos lapidum in agro ad plantationes vinearum. Ex consequenti antecedens facile arguitur, atq. ex ultimo rerum euentu mediæ actiones ostenduntur. Igitur quam graues impietatis poenas Israëlitarum atq. Samaritanorum imprimis, qui culam primi sustinuerunt, daturi essent, quantis calamitatibus, quantis bellorum stragibus affligendi ac profligandi prædicto breuitatis causa extremo euentu denuntiat. nam quæ tunc Samaria erat, tanto principum splendore, tanta cæterorum frequentia hominum celebrata, tantis ædificiorum molibus munita, tantis signis & statuis aliisque operibus ornata, ita mutanda ab hostibus erat, ut nulli prorsus alij rei, quam conferendarum vinearum vsui seruiret. Id verò ut commodius fieret pro rusticæ disciplinæ ratione ipsis etiam ædificiorum lapidibus in aceruos passim congregandis denudanda erat. Neque verò ad arationes aut segetum vsus illud solum idoneum esse potuit, tum ob loci altitudinem & difficultatem, tum ob superficie ex calcis & arenæ mistione sterilitatem, quæ neque aratris rumpi, neque cultura corrigi posset, sed utraq. res ad vineas potius plantandas maiores multo commoditates habebat, quod vineæ commodius in collibus proueniât, sicut scriptum est: Operuit montes umbra eius, &c. Denique apertos Bacchus amat colles, inquit ille, & quod solutiori solo gaudeant mixta arenæ crassioris terræ vi, id quod facile præstari potuit apertis altius ad plantationem foueas, ut à sapientibus agricolis obseruatur. propterea subiungitur:

*Et detraham in vallem lapides eius, & fundamenta eius reuelabo.*

DUPLEX agricultoribus pro soli ac situs ratione vineas plantandi ratio & modus est. namque in plano & æquabili arbutis, ac saxi vacuo solo foueas tantum & scrobibus in singulas vites apertis, in lapidoso verò & montoso atq. arbutis vestito loco noualibus omnino ruptis plantatur. Priorē modum rustici nostri a hoyā, posteriorē verò a taio abierto dicunt. Igitur Samariæ solum & natura asperum & ædificiorum atq. ruinarum accessione impeditum detrahitur primis lapidibus, apertisque. deinde altiusque defossis noualibus excoli pararique oportuit, ut commodè vineæ plantarentur. Lapidem verò, qui aut maceriarum construendarum, aut acervis ad umbram relinquendis superfuissent, ut inutiles in subiectam vallem deuoluere proum ac facile plantatoribus fuit. Quæ res restituendarum urbis spem multo etiam magis præcidebat. Quod verò sibi omnia hæc Deus curanda ac facienda ascribat, prouidentiam & consilium suum probare & asserere velle intelligitur. Nam quæ per immisos à se duces & exercitus gesta sunt, per se gesta esse interpretari cōueniet sicut scriptum de eadem re exstat: Et suscitauit Dominus spiritum Phul regis Assyriorum, & spiritum Theglath Phalnesser. &c. Quod autem omnis Samariæ restituendarum spes Israëlitis adempta hoc in vaticinio sit, eò pertinet ut neque ab Israëlitis ipsis, neque ab ijs etiam, qui deductis regum edicto coloniis eam regionem tenere, Samariam urbem rursus ædificatam fuisse intelligamus, tantum sibi illa ciuitas impietate & superstitione atque à cæteris admissi

Deut. 32.  
Geor. 1.

1. Par. 1.

see-

sceleris auctoritate commeruerat. quam ob rem scriptum est: Adduxit autem rex Assy-  
riorum viros de Babylone, & de Cutha, & de Ahaiath, & de Emath, & de Sepharuaim, &  
collocavit eos in ciuitatibus Samariæ pro filiis Israël: qui possederunt Samariam, & habi-  
tauerunt in urbibus eius. Non ait, in Samaria, neq. rursus, in ea, sed in urbibus, &c. Quo-  
niam verò Israëlita, ac Samaritana ciuitas imprimis vanorum deorum, quorum cultum à  
vicinis gentibus acceperant, innumera ferè copia & numine vehementer fidebant, id què  
nò solum præsidio, sed maximo etiam ciuitati suæ ornamento esse arbitrabantur ob in-  
gentem auri & argenti vim, atq. donorum multitudinem, quæ tum simulachris facien-  
dis, tum ornandis superstitiosè ædibus ac delubris impendebantur. Id quod, præterquam  
quòd Idololatriæ rationibus & còsuetudinibus constat, ab omnibus ferè vatibus & histo-  
ricis proditum memoriæ est. propterea igitur quem ea res exitum habitura esset Vates  
noster exposuit.

*Et omnia sculptilia eius concidentur, & omnes mercedes eius comburentur  
igne, & omnia idola eius ponam in perditionem.*

LONGÆ, hoc est, trium annorum obsidionis tædio & hostiū pertinacia vehemèter  
iratos Assyrios captā tandè urbē nimio furore perdituros esse Vates docet, atq. ita euerfu-  
ros, vt habitationi in postèrū omnino inhabilis relinqueretur: id verò cū ligonibus & tor-  
mentis irato & còcitato hosti nimis longū efficere esset, igne etiam agendū erat, neq. cuiq.  
aut tēplo, aut arē, aut delubro, aut ciuitatis & templorū ornamento parcendū, quo minus  
omnia ferro, atq. igne vastata perirent, præter ea deorum simulachra, quæ auro argētōue  
constarent; illa namq. numinibus etiam ab hoste contēptis in magnum colentiū oppro-  
briū ad metalli vsum omnia concidentur: cætera verò minus asportatu facilia ornāmēta,  
vt vestes, aulæa, vasa, anathemata, tabulæ pictæ, ac votiuæ monumenta, omnia deniq.  
dona, quæ latinus interpres mercedes vertit, comburentur igne. omnia etiam simulachra, qui-  
bus tota vndiq. vrbs plena erat, vt vituli in Samaria ad illorum, qui in Bethel & Dan fue-  
rant, instar facti, de quibus meminit Amos, & de quibus scriptum est: Et adolebant in-  
censum super aras in morem gentium, quas trāstulerat Dominus à facie eorum, & secuti  
sunt gentes, quæ erant per circuitum eorum: & adorauerunt vniuersam militiā cæli, ser-  
uieruntq. Baal &c. Igitur omnia hæc ponam in perditionem, vt quorum nullum numen, nulla  
diuina vtilitas esse possit, nullum etiam vestigium sed maxima cultoribus erubescencia  
relinquatur. At verò neque ablati ex simulachris auri & argenti vllum sacrū aut honestū  
vsum fore subiūgit, quèadmodū neq. sacra aliqua æstimatio fuerat. namq. ea à militibus  
non religionis, sed cupiditatis causa auferenda atque asportanda fore, vsum ipse, in quo  
consumenda erant, indicabit, quòd nimirum in meretricum, quas milites amare solent,  
ornamenta ac luxus essent impendenda.

*Quia de mercedibus meretricis congregata sunt, & usque ad mercedem mere-  
tricis conuertentur.*

QVÆCVNQUE sacra verè existimantur, etiā si ab hostibus inuenta ablataq. fuerint  
magna etiam obseruantia tractata & culta ad sanctiores vsus referri solent. Sic diuorum  
reliquiæ, ossa, cineres, monumentaq. cætera ab alijs in alia loca victorum cura translata nò  
minori obseruantia coluntur. Sic domini Dei Israël arca à Palæstinis capta, quantū præ-  
stari ab idololatriis potuit, religiosè ac reuerenter, quia sacrosancta existimabatur, in tēplo  
consecrata est. neq. tantū cupiditas, quantū diuini nominis apud victores ratio valuit.  
At verò quoniam auri & argenti, quibus Samaritana simulachra còstituerant, nulla sacra  
æstimatio aut re ipsa, aut militum opinione fuit, ideo nulla etiā sanctioris vsus habita ratio  
est; sed quo nomine partū id fuerat, eodem etiam erat còsumendum. Atqui vanorum  
deorū cultum siue Idololatriā cum meretricia re omnino còponere vates oēs còsueuere,  
quòd flagitiosissima quædam & prophana cum illis vanis nominibus magis, quàm numi-  
nibus scortatio hæc sit. Atq. ipsam ciuitatem scortum, simulachra verò deorum ac vanos  
deos ipsos amatores dicere solent, vt hoc in loco Samaria meretricis personā sustinet, quæ  
amatores suos magnis donis ac muneribus auro etiā & argento in còsuetudinis mercedē  
& præmiū fuerit prosequuta. Id quod nò semel Israëlita synagogæ in vatū sermonibus  
exprobratur, quæ ob eā rē tributaria meretrix aliquādo dicta est. Factū est, inquit Ezechiel,  
in te

Samuel. 4.

4. Reg. 21.

Ezech. 16.  
in te



in te contra consuetudinem mulierum in fornicationibus tuis, in eo enim quod dedisti mercedes, & mercedes non accepisti, factum est in te contrarium. Nullum igitur meretriciæ mercedis sanctiorem usum, quam meretricium expectari oportuit, namq. lex etiā meretricium donum à sacris vñibus arcebat. [Et vsque ad mercedem meretricis conuerteretur.] Assidua cum meretricibus militum maximè autem gentilium consuetudo est, quam ob rem veneri Martè poetæ addixere. At verò meretrices auarissimæ sunt, assiduisque efflagitationibus quæstum faciunt, sicut scriptum est: Omnibus meretricibus datur mercedes. Huiusmodi ergo usus, quā honesta fuerit eorum olim donorum ratio, indicabit. Talis turpissimarum diuitiarum esse exitus solet, qui sapiēti viro semper ad suam vtilitatem est obseruandus. Præuisum autem Samariæ & omnium tribuum horribilem ac grauē casum lugubri lamentatione deplorans prosequitur, vt qui communis generis certissimam calamitatem maximo animi dolore anxius confirmet.

*Super hoc plangam & ululabo, vadam spoliatus & nudus, faciam planctum  
velut draconum & luctum quasi struthionum.*

FUTURÆ Israëlitis calamitatis & miserix grauissimæ imaginem in se ipso præsentis Vates expressit, qui relicta domo & rebus suis, vestibus depositis omnium rerum inopiā & desiderium significauit, quod nulla alia re, nisi grauissima lamentatione leuari posse ostēdit: atq. hic habitus & luctus ipsum vehementer accendebat, & grauius signū ac testimoniū asseueratæ obnuntiationis spectatoribus dabat. Sic & Isaias nudus per urbē in signum iudæis incescit. Est autē nuditas animi vehementer commoti index certissimus, si honestus aliās & probus vir nudus in publicū processerit, vt illud: Et robustus corde nudus fugiet in die illa, & quod apud Viſtruuū & alios auctores de Archimede legimus. Spoliatus rebus & fortunis omnibus, & nudus, corpore vestibus exuto. Luctus verò ac lamēti sui grauitatē duorum animalium imaginibus existimandā proposuit, quæ præter omne aliud genus siti & aquæ desiderio æstare & grauissimè gemere solent. Ea sunt ex serpentum natura

Amos. 3.  
Viſtruu.  
Deut. 14.  
Iob 3.  
Eſa. 13. & 19.  
Ierem. 14.  
Thren. 4.

תַּנִּים THANIM, ex auium verò יַאֲחָנָא, alterum draconem, alterum verò struthionē latina versio reddit, græca verò posterius hoc Syrenas interpretatur, sed aptius latina. de quibus generibus nos in sacrorum verborum libris commodius ac fusius (modo Deus inceptis adfit) differemus. Sed hic obseruationis de hac re nostræ loca in margine interim indicare placuit. Doloris igitur sui & lamenti grauitate indicata, elegiam Vates inchoat:

*Quia desperata est plaga eius, quia venit vsque ad Iudam. Tetigit portam  
populi mei vsque ad Ierusalem.*

DUPLEX imprimis causam affert, quam ob rem in maximos & acerbissimos luctus inciderit, alteram quidē, quod præuisa Israëlitarum tempora adeo dura sese ostenderant, vt nō Vatem modò sanctissimum ac pientissimū virum, sed quēlibet humanitatis tantū non expertē hominē commouere possent: alterā verò, quod illa clades ad Iudæam vsque peruentura se patriæ ac gentis suæ studiosissimū angeret ac cruciaret. Sunt quædā in singulis linguis voces lamentis repente incipiendis idoneæ, quæ grauiorē de rebus susceptā cogitationē produnt magis, quā explicant. vt apud Latinos ERGO Chaldæis A R E, Italis DVNQVE, Hebræis etiā CHI, quam Latine quia, vel quod vertimus. [Quia desperata est plaga eius, Hebraicè, quia impotens plaga eius.] Multas plagas tribubus decem imponendas significat, singulas verò impotentes, hoc est perniciosas & mortiferas ac penē insanabiles fore docet, quales erunt fames, pestis, gladius & captiuitas, quæ nisi diuinitus provideantur, humano studio & consilio sanari nō poterunt. namq. omnia hæc in Israëlitis vehementer inuasisse, maximè autē omnium captiuitatē, ex qua nunquam hætenus sunt restituti, multis & maximis diuinorum librorum testimonijs, de quibus iam sæpe aliās diximus, confirmatur. [Quia venit vsque ad Iudam, &c.] Plagam illam desperatā siue impotentem Samariæ inflictam, illam, inquā, extremæ captiuitatis plagam Israëlitarum terminis non contentam ad Iudæam vsq. pertinuisse præuidens luet acerbissimè, quod eodē citius quam Vates hic lamentatur, plaga non illa calamitas fuit, quam Sennacherib decimo quarto Ezechix regis anno Iudæis attulit, qui ascendens ad omnes ciuitates Iuda munitas, cepit eas. nam præterquam quod hæc plaga neque impotens, neque Samaritanæ vlla ex parte similis fuerat, quando argento & auro appenso curari malum potuit, illud etiam nostram

nostram confirmat sententiã, quòd in elegiã fine ad planctum & capillorũ euulsionem Iudæa incitatur, ob maximum dolorem ex filiorũ abductione acceptum. Quam ob rem ad illam captiuitatem, quam Iudæi Nabuchodonosore victore perferre coacti sunt, oratio referenda est. [*Que venit vsque ad Iudam, tetigit portam populi mei vsque ad Ierusalem.*] Translatio à pestilentia peruagante populos morbo desumpta est, quòd plaga etiam pestẽ Hebraicẽ significet. Eam autem cladem tanquam tempestatem quandam à primis Iudææ finibus per omnes prouinciã partes permanãtem Mareßam Vatis patriam contigisse, ac tandem ad Ierusalẽ principẽ urbẽ pertinuisse dicit, in quo obiter suã tribũ indicat: Tetigit portã populi mei Mareßam, quæ in Iudæ tribu censẽbatur, nõ ruptis & dirutis muris, sed per portam ipsam nemine prohibẽte ingressa est, indeq. ad Ierosolymam vsq. perlata.

*In Geth nolite annuntiare, lachrymis ne ploretis.*

IMPOTENTEM Iudaicæ plagæ grauitatem pluribus elegiarum ornamentis amplificat, quòd illa neq. proprio, neq. aliunde petito cõsilio aut præsidio repelli possit. nam quæ à Deo per hostes allata erat calamitas, ferenda potius, quam tentatis frustra remedijs augenda fuit: etenim in tam subito & graui malo auxilium à vicinis negandum fracto animo & humili prece petere turpius omnino atq. ipsa captiuitate grauius esset, quãdo ex ea re ignominiosam magis insultationem, quàm salutem vllam expectari consequẽbatur. Igitur qui grauissimis bellorum aut calamitatis alterius malis vrgentur, miseras suas vicinis magno cum gemitu & multis lachrymis auxiliij petendi causã narrare consueuere: atq. ea res inimicissimorum hominum animos ad insultandum magis & irridendum, quàm ad succurrendum incitare solet. Id verò Iudæis, si à Palæstinis opem implorarent, euenturum Vates præuidens, minimẽ esse faciendum aut tentandum consulit. *Nolite*, inquit, necessitate & vi coacti atque inuiti calamitatis vestræ nuntium fordido habitu, & mœsto vultu, ac lugubri sermone in *Geth* finitimã Palæstinorum urbẽ mittere, cuius hostiles animos magis, quàm vicinorum officia experturi estis; sed potius vestras lachrymas & luctus intra priuatos parietes soli vobiscũ fundite ac ferte potius, quã hostibus & inimicissimis hominibus sordium atque luctus, & tanti vestri squaloris notitiam præbeat. hoc est quod dicit:

*In domo pulueris puluere vos conspergite.*

Mos lugentium & lamentis vacantium est lamentationes suas certis quibusdã ad miseriam amplificandam idoneis figuris distinguere: Cuius generis sunt annominationes præcipuẽ & oppositiones nominum, quæ vel mutatae vel aduersæ fortunæ rationibus indicatis commiserationẽ maximẽ moueãt, vt: Quomodo sedet sola ciuitas plena populo, facta est quasi vidua maxima in gentibus, quæ Hebraicẽ magnam habent elegantiam. Sic hoc in loco Michæas dum Iudææ omnis calamitatem deplorat, quædam vrbium nomina vsurpauit, quorum annominatione vel oppositione rei miseriam cõmodius explicaret, & quæ de ijs vrbibus dixerit, de cæteris etiam eiusdẽ calamitatis confortibus dicta deplorataq. esse voluit. Ex his autem nominibus Latinus interpres nõnulla, quæ cõmodẽ ad eam rationem facere etiam possent, Latinẽ est interpretatus; quædam etiã hebraicẽ protulit, ea nos breuiter indicabimus. [*In domo pulueris.*] Dixerat non oportere plagas suas cum lachrymis inimico populo ad irrisiõnem magis, quàm ad subsidium turpiter ostendere, sed consultius multo esse subiungit intra priuatos parietes dolorem, miseriam, luctumque perferre. *In domo.* quod latinus sermo dicit intra & extra, Hebraicus dicere solet, in domo & foris, vt: Bituminabis eã in domo & foris, & illud: Dabo eis in domo mea & intra muros meos locum, &c. Igitur ne mœsti & lachrymabundi in hostium conspectũ miseras frustra narrandi & auxiliij petendi causa prodeatis, sed intra priuatos parietes in regione vestra vestram calamitatẽ prosequimini. [*Pulueris puluere vos cõspergite.* GHOPRA vnam ex Iudææ vrbibus fuisse legimus, quod nomen plumbosam siue puluerulentam sonat. Commodẽ autem Latinus interpres eãdem ferẽ hebraicam paranomasiam nobis reddidit, vrbis illius ciues atque alios etiam ad luctum & sordidationem vocans. namq. puluis capiti inspersus ad sordidatorum habitum refertur, de quo aliàs. Est vobis, inquit, in regione vestra Gaphra vrbs, vbi in luctu & sordibus iacere consultius sit, quam apud hostes turpiter & muliebriter lugere.

Thren. 1.

Genes. 6.

Isai. 50.

עפרה

Et tran-

*Et transite vobis habitatio pulchra, confusa ignominia.*

IV DÆAM habitationem pulchram & ornatissimā vocat, quam captiuarum more & habitu transiturem prædicit, atque etiā ignominia confusam nudatis turpiter membris & partibus, quas honestæ & ornatae feminae celare solent. sic apud Isaiam: Denuda turpitudinē tuam, discooperi humerum, reuela crura, transi flumina, &c.

*Non est egressa, quæ habitat in exitu: planctum domus vicinæ accipiet ex vobis, quæ stetit sibi met.*

LINGVARVM vsus obtinuit, vt ad locorum vel personarum nomina allusiones aliquando non incōmodè fierent, ex quibus orationi vis quædam & dignitas accederet, neq. in singulis tantum vocabulis, sed in pluribus etiam coniunctis nonnunquam obseruare contigit: cuius vulgare exemplum huic loco non ineptum nobis ex tempore succurrit. In Bethicæ provinciae Hispalensi agro ad extrema ferè Marianorum montium ramenta, quinq. oppida sibi inuicem vicina his nominibus sunt, Aracena, Cortegana, Almonester, Suffre, Cala, quibus situs ordine appellatis, atque pronuntiatione nonnihil immutata hæc ab accolis prouerbij loco non sine sale vsurpatur oratio. [*Almenester sufre y Calla y Aracena, y Corta de gana.*] Hæc si Latinè, aut alia lingua pronuntiètur, significatio quidè manet, gratia verò omnis perit, hoc modo: In inopia ferto & taceto, arato & cenabis, secabisque libenter. non dissimilis hoc in loco à Vate ex locorum nominibus in Iudæ lamentatione contexta oratio est. nam tria vrbiū sibi inuicem vicinarum nomina cum cæteris notata sunt, quæ ad hanc rem non incōcinnè vsurparentur. SEENAN, BETH-HAASZAEEL, GHEMDATHO. Primum nomen exitum siue egressionem, secundum domum propinquitatis siue vicinitatis, tertium stationem seu stabilitatē suam significat. Horū igitur vsurpatione & coniunctione nominum Iudaicæ olim tranquillitatis & suavis vitæ vsus mutatum fore indicat. nam quæ ita iucundè vitā degebat natio, ita perpetua & continente voluptate fruebatur, vt neq. ad proximā sibi domū, in qua mœror & luctus esset, trāsiret, sed minimè interruptas iucunditatis horas trāsire studeret, illā perpetuæ tranquillitatis constantiam hoste abducente pemitus amisit. Contextenda imprimis nobis ex ipsis nominibus oratio, ac deinde latinè vtcunque reddenda est: *Non egressa est sedens SEENAN ad luctum BETH-HASZAEEL, accepit à vobis GHEMDATHO.* Non exijt quæ habitat in exitu ad planctū domus propinquæ: accipiet ex vobis (hostis) stabilitatē eius. In huiusmodi explicandis locis breuiore nos esse rei difficultas non patitur, ita adeo rerū comparationibus calamitatis grauitas manifestior fit, vt quod Iudæ summam quietem & tranquillitatem, cui tam diu assueuerat, instabilitate & mutatione victoris opera mutatura sit. Et quoniam elegiarum certa sententiæ ratio est, vt variato sensu dicentis dolorem maximum arguat, ex alia in aliam cogitationem Vates dolore impellente repente transfertur.

*Quia infirmata est in bonum, quæ habitat in amaritudinibus, quia descendit malum à Domino in portam Ierusalem.*

Ex Iudæa vrribus cuidam Maroth nomen fuisse accepimus. Id autem amaritudines significat, cui nomini conuenientem casum Vates deplorat; prouinciam scilicet omnem duriori iam rerū vsu ad secundarum rerum atq. omnis iucunditatis sensum ineptam futuram. Sumitur autem translatio ab ijs, quibus diuturno aliquo aut vehementi naturalium temperamentorum vitio gustandi sensus corruptus, atque in amaritudinē mutatus est, quibus nulla vel suauissimos cibos capiendi voluptas, aut etiam appetentia est. superuacua tamē in ea re diligentiam omnem esse experiaris. At verò cum ea sensus corruptio maius ac grauius totius corporis, vnde oriatur, vitium arguat, cuiusmodi nam eius affectionis Iudæa regioni causa fuerit, facile Vates reperit & profert. [*Quia descendit malum à Domino in portam Ierusalem.*] namq. ex ea vrbe, quæ totius prouinciæ caput & princeps fuerat, diuinæ prouidentiae ac præcipuæ cuiusdam curæ virtus in cæteras regionis partes cōmodè diffusa pertinebat, sicut scriptum est: Diligit Dominus portas Sion super omnia tabernacula Iacob. Hac virtute & gratia subducta, hoc est, Deo è loco suo, vt superius dixerat, egresso, omnia prouinciæ membra malorum sensu laborare necesse est. Descendit malum à domino. Bonorum à Deo subductionē malorum sensus natura consequitur. hæc itaq. oratio morbum nō casu, sed Dei sese de Ierusalē subducentis cōsilio euenisse arguit.

Tumul-

*Tumultus quadrigæ stuporis habitandi Lachis, Principium peccati est filie Sion, quia in te inuenta sunt scelera Ifrael.*

LACHIS Iudææ vrbs florentissima equorum atque curruum copia & exercitatione nobilis fuit, in quam ob vicinitatem & commercium atque exercitationis studiū vani cultus imitatio primum ab Israëlitis delata totam deinceps Iudæam corruerat. Huic vrbi vanum & inutile equorum studium à Vate lugente exprobat. cui nihil ea res profuerit, quo minus sceleris, cuius auctor ipsa prima cæteris Iudææ urbibus fuerat, poenas daret grauissimas. Oratio autem irrisuionis figuris constat. namque affirmando  
10 & concedendo vehemèter negat & detrahit. illa, inquit, maxima & celeberrima equorum & quadrigarum frequentia, illa admiranda & stupenda exercitatio & in arte dexteritas, qua Lachisina ciuitas pollebat, illa eadē porro etiā erit illi utilis, imò nulla prorsus [*que principium peccati fuerit filie Sion,*] In eam urbem spectandi causa sæpius venienti. Prima huius carminis pars Hebraicè sic habet: [*Iunge currus ad equos*] ac si diceret, se-  
15 quere idem equorū & quadrigarum studiū si potes, ex quo eam gloriā adeptus es, vt prima Israëlitarum impietatem imitata & edocta cæteris magistra fuisse dicaris. Huius-  
modi figuræ exempla multa apud nostros & externos auctores sunt, vt clamoris plena  
vrbs frequens, ciuitas exultans, &c. & illud:

*Inferre nunc Melibee pyros, pone ordine vites.*

20 Quod verò à tertia persona in secundam repēte mutetur, indignantis oratio magis expressa est, qua perinde ac præsens sit, ciuitas ipsa flagitij accusatur: vt: Tu verò homo vnanimis, dux meus & notus meus, &c. &c.

*Tūne etiam, quem sextus & octogesimus annus*

*Pulsat, &c.*

*Propterea dabit emissarios super hæreditatem Geth.*

25 IVDÆICARVM rerum inclinationem ob scelera temporū comparatione ostēdit. quod ab inimicorū populis, quibus olim imperatū fuerit, muneribus porro missis, frustra tamen imploranda fides auxiliumq. sit. namque Geth, siue Gath vnā ex nobilibus Palæstinæ urbibus à Dauide captā & hæreditati adiunctā suā, Iudæi olim possederant, quam suo postea vitio vnā cum aliis amisere: hanc verò tēporibus calamitosissimis  
30 cum munere & legationibus auxilij causa frustra petendam esse dicit. Vtitur autem in dicendo antitheto siue verborū contentione vehementi: sic Propterea in eum locum Iudæica res deducta est, vt nūtij cum muneribus auxilij causa mittēdi sint in Geth, quā non modò tributariam, sed hæreditariā olim sibi Iudæa fecerat. *super hereditatem.* ad hæreditatem. sicut & illud: & venit Elcana in Ramatha super domum suam. neque verò  
35 vllam vel in externis inimicorū subsidiis, vel in propriis atque domesticis præfidiis aut salutem aut fidem experiri licebit, quādo & ACZIB etiam operibus munitissima vrbe nomine magis suo, quā specie & promissis digna nuntianda sit spes.

*Domos mendacij in deceptionem regibus Ifrael.*

40 HEBRAICE, domos ACZIB: Fuit autem ACZIB ex Iudææ urbibus vna munitissimis domorum ædificiis constructa, quas cum Israëlitarum, hoc est Iudæorum reges præsidij causa peterent, vanas profectò & nomine suo dignas reperturi erant. namque ACZIB mentiri faciam significat, atque ita *domos mendacij in deceptionem regibus Ifrael* in-  
uentum iri credere conueniet. Quoniam nisi Dominus custodierit ciuitatem, frustra  
vigilat, &c. Appellat autem hoc in loco reges Israël, quibus omni ex parte auxilium ne-  
50 gaturn iri affirmat, non solum Iudæ reges, sed & aliarum tribuum. nam de omnibus instituta lamentatio est.

*Adhuc heredem adducam tibi, quæ habitas in Maressa, vsque ad Odollam*  
*veniet gloria Ifrael.*

45 MARESSA Vatis patria ex Iudæ sorte vrbs expulsionem & hæreditatē significans nomen sortita est. namque in alienam hæreditatem nisi priori Domino expulso venire nemo potest, sicut ille aiebat,

*Nos expulit ille:*

*Illum aut nequities, aut vafri inscitia iuris, Postremum expellet certè viuacior hæres.*

Horat. lib. 2.  
Satyr. 2.

Atque ita scriptum est: Vineam de Ægypto transtulisti, eiecisti gentes, & plantasti eam. Ita nomini Maressa vtramque significanti rem nomen etiam Hebraicum Iores apposuit, quod expulso rem & heredem quoque significat. Videtur autem ad antiquam historiā  
alluisse,

Psalm.



alluisse; qua Iudæa tribus primain præliū progressa & hostibus etiam pulsīs primā hæreditatis ordinē adepta narratur, cui metonymicē eadē etiā expulsiois & successiois fors futura denuntiatur. namq. antiqua & prima possessione atq. sorte hæreditatem sibi stabilisse putabat. *Iores* expulsores & hæredē aliam nimirum Assyriū hostē latura erat. [usque ad Odollam veniet gloria Israël.] Eandē rem quā initio deplorauerat, mutatis tantū nominibus, vt grauissimam repetit. huiusmodi enim commorationum in lamentationibus vsus esse solet. Sic David in elegia de Saulis & Ionathæ nece bis illud repetiuit: *Quomodo ceciderunt fortes & perierunt, &c.* Initio autē Vates hic in calamitate Israël. litica, cui Iudaica etiam coniungenda erat, causam & materiā grauissimā lamentationi repererat: Quia desperata est plaga eius, quia venit vsq. ad Iudæam, &c. Eandē quoque rem sub ipsum elegiæ finem refert. quod grauissima Israëlitarum miseria totam Iudæā peruens ad Odollam vsq. peruenierit, quæ & ipsa Iudææ vrbs primo illo Iudææ patris coniugio illustis fuerat. Hæc huius hemistichij sententia est. quæ tamen, vt melius explicetur, verbi cuiusdam excussioem à nobis requirit. Id apud Hebræos C A B B O D est, quod propriè grauitatē siue grauitudinē, deinde etiam analogicē gloriā significat. Id nomen cum vno latino verbo simpliciter reddi non posset, alterutro reddendum fuit; redditum autem in nostra versione, illo, quod frequentissimū in sacris libris est. vis verò ipsa verbi ad sententiæ rationē existimanda & referenda relinquitur. nāque hoc cōsilio commentaria admissa institutaq. sunt, vt sententiæ vim vndeūque siue ex ipsarū, de quibus agitur, rerum natura, siue ex verborū examinatione compleamus. Quamquā autē prior ratio, hoc est, theologiarum rerum exacta cognitio plurimum ad interpretationē momenti habeat, tamen originalium linguarum peritia magnum profecto ad eam rē adiumentum asserre, & plus in recessu habere, quā in fronte promittat, à sapientissimis & pientissimis viris iudicata est. Igitur C A B B O D si grauitatē interpretemur perpetuum sententiæ cursum tenebimus, quod ea calamitas, quam grauissimā Israël tulerit, Iudææ quoque vrbibus, & inter eas Odollam etiam ferenda sit. Si verò gloriā, vt latine est, retinere malimus, antiphrasi nobis vtendum necessariū est, & gloria pro dedecore & ignominia accipienda, vt apud Latinos bellum pro non bella re, hoc est, pro duello sæpissimè vsurpatum est, ita & Israëlitica ignominia gloriæ illi antiquæ contraria ad Odollam vsq. pertinēs, grauissimū vatis fletum vehemēter auxerit, adeo vt vtrūque regnū ad miseriam suam secū grauissimè deplorandā, & mœstissimè plangendā excitare statuerit.

*Decaluare & tondere super filios deliciarum tuarum: dilata caluitium tuum sicut aquila: quoniam captini ducti sunt ex te.*

Vt vtrūque regnum initio lamentatio complexa fuerat, sic sine etiam ipso concludit. priorēque ad planctum Israëlē vocat, cui prior calamitas accipienda fuit. eam verò reipublicæ omniū matris imaginem exprimit, quæ cum amissorū filiorū desiderio nullum modum possit statuere, capillis præ dolore animi auulsis grauissimum luctum suscipiat. [Decaluare & tondere.] Mulieribus prolixior capillus decori, breuior autē dedecori olim ducebatur. Igitur in summo dolore & mœrore, quod se miseras & decori omni indignas ostenderent, tum euulsis capillis caluitium, tum detonsis deformitatem sibi parabant. atq. vtrāq. res ab Isaia vate breuiter indicatur: Et erit filiabus Sion pro crispanti crine caluitium. [Super filios deliciarum tuarum,] quos in maximis deliciis alueras & voluptatis summæ vsu educaueras. quibus quo insolentior miseriarū vsus accidet, eo acerbior est futurus. hæc ad Israëlē. ad Iudam etiam illud additum est: [Dilata caluitiū tuū sicut aquila.] Aquila certis ætatis suæ annis altissimè volare, & vehemēti superbi caloris vitæ etiam plumas amittere & nouas deinde reficere scribitur. huic similem quendam miseriarum sensu luctum Iudææ regioni Vates indicēs, similit̃ etiā restitutionis proponit sp̃. namq. Iudæos captiuos Babylonē abducendos rursus etiā restituendos fore subindicat. [Quia captini ducti sunt ex te.] Israëlīs filiis nullū certum calamitatis genus præscribitur, vltra lūm nō experturis. Iudæis verò illud certissimū Babylonicæ captiuitatis assignatur, vltra quod nihil temporibus illis durius, perpeffi fuere. Vsus est autē zeugnare figura vatibus familiarissima, vt filiorum nomen semel appellatū ad vtrumq. populū referrer. femineo autem genere vtramq. rem publicā dixit, quod cōmunio & societas ipsa hominum matris imaginem exprimere videatur. hoc enim omnium ferè linguarum vsus obtinuit, vt à Græcis *πατρίς*, à Latinis patria, ab aliis vniuersitas femineis nominibus diceretur.



*Et qui cogitat is inutile, & operamini malum.*

**I**LLUD in iis, quæ hætenus, conscripsimus præcedentium Vatum commentariis docuimus, meritas impietatis, superstitionis & multorum etiam flagitiorum pœnas non antè publicè dari solere, quàm iniquitatis siue HAMASZ scelus fuerit publicè grassatû. namque cætera flagitia omnia etiam si aduersum diuinam maiestatem admissa fuerint, auctores quidem suos vitio captos, supplicio tandem carere non sinuit; siue id in hac vita, siue in futura dandum sit. Vna verò fraudum & iniuriarum publicè ac communiter contracta culpa, communiter etiam ac publicè constitutam pœnam quam maturrimè subeundam in sacris libris habet. Hætenus ergo superstitionis & impietatis erga Deum pollutæque religionis crimen Israëlitis pariter & Iudæis intulit, qui sibi adeo infensum & iratum Deum reddiderant, vt loco propediem cedentem non sine magno suo malo experturi essent. namque superstitio & vani cultus admissio peculiarem illam Dei prouidentiam & beneuolentiam abalienat ab iis, quibus vera pietas non est, quos tamen non antè publico supplicio & vastitati addicit, quàm HAMASZ sceleribus quasi cumulo quodam affluere sit deprehensum. sed quoniã præter Dei irati abalienationem, publica etiam famis, pestis, ac gladij calamitas vtrique genti fuerat obnuntiata, neque præter impietatis & superstitionis scelus ullû aliud HAMASZ fuerat hætenus crimini datum, satisque sibi, ob eã tantû culpã, pœnarum ex Dei abalienatione sustinere videri posset; alterã hanc partem, quam obrè grauissimis malis publicè ferendis addicerentur, vates persequitur, & non leuioribus iniuriarum & HAMASZ, quã violatæ religionis sceleribus alligatos; atque vbi à legitimo Dei obsequio & certa religionis fide desciuere, id quod in proclui statim fuit, ad iniurias publicè inferendas vehemèti animi impulsu & omni studio deductos illos fuisse demonstrat. namque iis duabus partibus flagitiû vnumquodque constat, consilio videlicet & conatu, atque in consilio quidẽ peccatû est, in conatu verò ipso flagitiû; in opere denique capitale iam scelus spectatur, sicut scriptû est: Vnusquisque vero têtatur concupiscentia sua abstractus & illectus, deinde concupiscentia cum conceperit, parit peccatû, peccatû verò cum consummatû fuerit, generat mortem. Igitur omnem iniuriarum sceleris gradum ab Israëlitis & Iudæis completû fuisse, animi consilij & conatus atque exercitationis argumentis confirmat. orationem autem à grauissimo & fatali verbo incipit. [*Vt qui cogitatis inutile, & operamini malum.*] Non solum mentis impulsu vehemètem, sed opus etiam ipsum exprobat. Vt, inquit, vobis qui conceptum animo scelus, omni consilio & conatu, tum opera omni conflatû tandem admittitis. *Inutile*, actiue significationis verbû hoc in loco est. Inutilia, inquit, & incòmoda, imò & perniciofa aliis còsilia vobiscum agitis, quæ demum exequamini. Vt autem admittendi cum summa fraude sceleris deliberationem & studium argueret, illud subiunxit:

*In cubilibus vestris.*

**40** COGITATIONIBVS liberè suscipiendis commodissimus locus cubile est, cum omni externo impedimèto amoto & quietiori corporis habitu, silenti nocte, sine arbitris, sine contentione libera cuique cogitatio est, vt: dicite in cordibus vestris, & in cubilibus vestris compungimini Selah; sceleris verò admittendi vehementer deliberata voluntas hac oratione ostenditur, conatus autem & studium illis etiam verbis arguitur.

**45** *In luce matutina faciunt illud.*

**I**TAQUE admittendi sceleris consilium commodissimè & deliberatissimè capitur, vbi autem certum iam est, quam maturrimè efficitur. namque summo manè consurgentibus scelus initur, vt quantum ad nocendum illis & consilij & commoditatis superfuerit, tantum iis, quibus iniuria fit, ad propulsandû aut cauèdum desit. Alterum ergo orationis membrum alteri respondet hoc modo, [*Cogitatis inutile in cubilibus vestris, & operamini illud in luce matutina, faciunt illud.*] id quod dummodo exequi possint, an legibus liceat, an deceat, nihil omnino laborant.

**55** *Quoniam est contra Deum manus eorum.*

POTENTIAM nimiam & facultatem ad nocendû hæc oratio significat, Hebraicè tropus hic

Genes. 31.

pus hic sic pronūtiatur: [*Quoniam est Deo manus eorum.*] Quo tropo Laban Iacobo genero succensens Hebraicè vsus est, quē Latinus interpres sic vertit: Valet manus mea reddere tibi malum. Igitur alienas hæreditates vel fortunas vbi semel appetuerint, & cōsilio, calliditate atque iniuria adire posse sperauerint, neque legibus agere, neque moribus decidere, sed vi inuadere & obtinere; facinus verò ipsum, vbi admissum fuerit calumnia tueri statuunt.

*Et concupierunt agros, & violenter tulerunt, & rapuerunt domos.*

Ex malorum omnium fonte, ex cupiditate, inquam, iniuriarum & fraudum innumera genera promanant. hæc furia leges & iura omnia diuina humanaque violat. hæc vbi semel in pectoribus hominum insedit, & sociam sibi vim addere potuit, alienis maximè fortunis & saluti insidiari solet; neque verò in alienam modò supellectilem fertur, (namque id minoris facultatis & ignauioris cuiusdam animi est) sed in ipsos pauperiorum & imbecilliorum agros atq. domos omni impetu inuadit, ita vt non expoliare, sed fortunis omnibus & possessione miseros homines deturbare triumphi loco ducatur. Agrorum igitur suorum terminos alieni fundi occupatione dilatant, & ædificandarum ædium areas vicinarum domorum deiectione protendunt; vendere enim etiam inuitos dominos vel vilissimo pretio cogunt: si quem verò pertinaciter suas res tueri velle intellexerint, tamen damno, iniuria assidua, vt tandè cupiditatibus suis cedatur, efficiunt.

Iuuen. 14

*Quorum si pretio Dominus non vincitur vlllo,*

*Nocte boues macri, lassoque famelica collo,*

*Armenta ad virides huius mittuntur aristas.*

Isai. Væ qui coniungitis domum ad domum, & agrum agro copulatis, an vos soli habitabitis terram, ita adeo cupiisse iniquum est; quacunque vero ratione ab inuitis abstulisse, lōgè iniquissimum: avaritiæ autem & fraudi contumeliam addere, omnino detestabile est. Sunt enim, qui cū cupiditatibus & fraudibus suis pauperiorum conatu obfisti intellexerint, lædi se putent, idque adeo indignè ferant, vt vel calumnia occulta, vel manifesta vi oppressis hæreditatem pariter & vitam appetant.

*Et calumniabantur virum & domum eius, virum & hæreditatem eius.*

pxy

H V I V S immaniissimi sceleris vtinam nullum aliud exemplum occurreret, quàm illud Nabothi Israëlita ob Achabi cupiditatē Iezabelis reginæ consilio & auctoritate non modò appetita vinea defraudati, sed ignominiosissima morte & omnium proscriptione bonorum pariter affecti, sed, vt ille ait, *Dicere vix posses, quàm multi talia plorent, Et quot venales iniuria fecerit agros.* [*Et calumniabantur,*] Hebraicè verbum est G H A S S A C, quod vi vel calumnia opprimere significat. Ex hoc loco illud principibus viris obseruandum cauendumque est, ne quid vnquam agatur, quod potentia magis, quàm iuris & æquitatis rationibus definiri possit; neque illud verbum vnquam vsurpetur, possum, licet, est ad Deum manus mea, atque huius generis alia, quæ raro iniuriæ suspitione carere possunt. Cuiusmodi autem huius generis consilia & conatus ac scelera iudicium diuinum maneat, statuto in Israëlitis exemplo subiungitur.

*Ecce ego cogito super familiam istam malum, vnde non auferetis colla vestra.*

V T isti magna deliberatione & diligenti consilio cogitatas à se iniurias & grauissima mala tenuioribus maturè & strenuè afferebant, sic cogitatum in se & deliberatū à Deo supplicium grauissimè subibunt; neque sibi rem cum incautis & imbecillis hominibus, sed cum sapientissimo & fortissimo Deo tandem fuisse comperient. grauitatem autem & seueritatem poenarum ex diuina cogitatione siue meditatione arguit. Inferendi verò strenuitatem insuperabilem illis verbis indicat: [*Vnde non auferetis colla vestra.*] Sumpta autem translatio ab æneo & ferreo iugo captiuitatē Israëlitarum durissimam & longissimam futuram esse docet, atque mutatio personarum à tertia in secundam ob dicendi vehementiam & sententiæ grauitatem in vatum orationibus frequentissima est.

*Et non ambulabitis superbi, quia tempus malum est.*

I N S O L E N T I A M omnem potentiorum, quæ rerū ex animi sententia successu nimium processerat, malorū & miseriarū vsu reprimendā esse demonstrat, quando humana superbia

superbia nulla magis re, quàm incommodorū temporū interuentu dimittatur, sicut scri- <sup>Psal. 9.</sup>  
ptū est: vt cognoscāt, quod homines sunt. Ambulare superbē, est gestu, habitu & incessu,  
animi insolentiam proferre: Hebraicē est, [*Et nō ambulabitis elati.*] namque huiusmodi  
superbientium habitus est, erecto collo, elatis oculis & despicientibus incedere, sicut  
scriptum est: Generatio cuius excelsi sunt oculi, & palpebræ eius in altum erectæ. <sup>Prou. 30.</sup>  
[*Quia tempus malum est.*] Hebraicē tempus pro certa rerum oportunitate, quam Græci  
<sup>καίρος</sup>, Hispani <sup>Saxon</sup>, dicunt, accipitur, vt: tempus messis, tēpus sationis, &c. hoc est, quia  
matura illis & certa incommodorum & pœnarū hora accesserit, qua bellum primum;  
deinde captiuitatis incommoda ferenda sunt.

10 *In illa die sumetur super vos parabola, & cantabitur canticum cum suauitate dicentium.*

IPSA sermonis simplex ratio & sententia, quisnam huiusmodi elegiarum auctor fu-  
turus sit, docet: neque enim eiusmodi parabolæ & lamentationis ratio vel falsis prophe-  
tis, vel cuilibet pro arbitrio, sed illis tantum, qui à diuitioribus & potentioribus agris &  
15 domibus deturbati fuerant ascribenda est, quibus ex citissimo exitu diuinę iustitię edo-  
ctis lugubri quodam instituto & cantato carmine calamitatis suę solamen quæretur.  
Elegia autē ipsa parabolæ, hoc est, similitudinis & exemplorum nomine definitur, quod  
variis rerum contentionibus & similitudinibus exemplo aliis de eadem re futura sit. o-  
mnia hæc parabolæ nomen indicat. *Super vos* spoliatores & calumniatores, quibus per  
20 potentiam omnia licere videbantur, neque quisquam vel verbo vno sese opponere tutò  
audebat. [*Et cantabitur canticum cum suauitate*, Hebraicē est, *lamentabitur lamentationem cum so-*  
*lamine.*] non quod miseras suas huiusmodi carmine sedari omnino, sed aliquātulum le-  
niri posse speret, Hebraicē est, *NEHI*, Hispanè *Alinio*. Cuiusmodi verò sententię elegia  
25 futura sit, statim exponitur.

*Depopulatione vastati sumus: pars populi mei commutata est*, Hebraicē, *de-*  
*populari depopulati sumus nos.*

CVIVS MODI verborum repetitio grauitatem & vehementiam, asseuerationemq̃.  
coniunctam habet. Calamitatē igitur suā primum commemorat, deinde à quibus alla-  
30 ta fuerit, ostendit, quod à potentioribus & ditioribus hæreditate & fortunis omnibus de-  
turbati fuerint, idq̃. non ab hostibus, sed à conciuibus suis, ita vt ipsimet sibi iniurię fuisse  
videantur. nam qui patrię proprię cōciuibus manus affert, suis ipsius membris & vi-  
sceribus attulisse meritò dici possit. Igitur nosmet nobis damnum malumq̃. attulimus,  
Hispanè *Hauemonos destruido*. Et nunc *pars populi mei commutata est.*] Quid pauperiorum  
35 parti accidisset, iam dixit, quid verò ditiorum tandem parti euenerit, subiungit, quod il-  
li à potentioribus eiekti & vastati fuerint, hi verò ab hostibus etiā eiekti, malę partis pos-  
sessionibus deturbati commutari & transmigrare cogantur. Sunt autem huiusmodi  
lamentationes, si linguę & sermonis ratio tantum consideretur, explicatu difficiliore,  
quod perturbati animi orationibus & crebris figuris consent. Quamobrem dicentis  
40 cogitatio & affectus potius, quàm orationis consequentia obseruanda est.

*Quomodo recedet à me? cū reuertatur, qui regiones nostras diuidat?*

Hebraicē, *Quomodo abstulit à me.*

CVM admiratione insultat illi, qui se expoliauerat, quod ad paucorum dierum vsum  
tantum scelus admisisset, cū propediem venturus esset hostis, qui quam ille sibi ablatā  
45 suę adiunxisset hæreditatē militibus suis diuideret. Quid profuit, inquit, illi me à fundo  
expulisse meo? cū breui hostis accessurus esset, qui quæ ab illo cōiuncta prædia fuissent  
diuideret. nonne satius suis limitibus contentū permanere, quàm omnibus carere, fue-  
rat? deinde oportunè commemorat diram imprecationem eorum, qui spoliati & op-  
50 pressi fuerāt, in expoliatores ipsos: quam quidem imprecationem nulla victima expiatā  
consequens euentus certissimè firmauerit.

*Propter hoc non erit tibi mittens funiculum sortis in cætum Domini Israhel.*

APTISSIMA in huiusmodi iniuriis homines & familiarissima miserorum impre-  
catio est vnica vltionis relicta ratio, quam exitu suo non carere innumera passim ac quo-  
55 tidiana fere exempla arguunt, vt rebus iis, quæ in posteritatis gratiā vi, calumnia, & aliis  
rationibus malis partæ fuerint, optatus hæres non potiatur, sed is potius, quem minime  
y 3 omnium



Psal. 103.

omnium ille voluisset, fruatur. Huius dire imprecationis vulgatissima quotidie exempla sunt, vt: Nutantes transferantur filij eius, & mendicent: & eiiciantur de habitationibus suis. Scrutetur fœnerator omnem substantiam eius: & deripiant alieni labores eius, &c. Propter hoc igitur cum tu legitima hæreditatis & totius rei possessione me deturbaueris, illud tibi imprecatus tandem euenisse gaudeo, vt nullus tibi legitimus hæres supersit, ad quem ex diuina lege & sacris Israëlitarum moribus hæreditas redeat, sed illud cum summa ignominia tibi vsurpandum relinquatur. Hæreditas nostra versa est ad alienos, domus nostra ad extraneos.

Thren. 5.

*Ne loquamini loquentes, non stillabit super istos, non comprehendet confusio.*

PROSOPOPEIA adhuc eadē ostendit nulla alia ratione potuisse violentorū illorū<sup>10</sup> alienarum rerum appetentiū consiliū frangi, quā ipso extremo supplicio atque exitio. namq. cætera omnia, nimirū vatum reprehensiones, reuocationes, accusationes, dehortamenta superuacanea illis erat, qui neq. metu, neq. ratione, neq. pudore vllō moueri, aut à sententia deterreri sese sinerent. Est autē ipsorum oppressorum & iniuria affectorū hominū ad vates oratio monentium, ne duris & obstinatis atq. disciplinam omnē con-<sup>15</sup> temnentibus hominibus ab iniuria inferenda reuocandis frustra operā impendāt, quando neq. vllō Dei, neque hominum timore ad ius, æquitatem atque innocentiam adduci possint. Ne, inquit, assiduis sermonibus apud eos habendis laborē nimīū cōsumitore. [*Quia non stillabit super istos.*] hoc est, nullus planē locus illis relictus, quō diuinum verbū in eorū mentes penetrare possit, neq. vlla etiā erubescencia afficiuntur, adeo obstinata<sup>20</sup> ac dura mens vitio & potentia reddita est, vt consultius esse putetur diuinum verbū illis subducere, quā contemptui atque irrisioni exponere sine vlla vtilitatis sp̄. Hæc adeo causa esse interdum solet, vt in perditissimis tēporibus magna diuini verbi penuria sit: ex qua quidem re suspicio quædam imperito vulgo exoriri potest, Deum vel huiusmo-<sup>25</sup> di res latere, aut iam tandem delassatum, ne persequatur, impedire, vel adeo delectare, vt impunē abire sinat.

*Dicit domus Jacob, nunquid abbreviatus est spiritus Domini, aut tales sunt cogitationes eius?*

PRIVATI & infimi ac vulgares homines Domus Iacob dicuntur, quōd Iacob, ante-<sup>30</sup> quam nomen Israël obtineret, eius cōdicionis sese fuisse profiteretur. Cum ergo huiusmodi rerum imperiti homines tantam potentiam & insolentiam non solum impunē grassari, sed sine reprehensione, sine prophetica obiurgatione abire viderent, vtrānam eius rei causa esset, dubitabant, an quōd spiritus Domini, quo vates excitātur, abbrevia-<sup>35</sup> tus esset; neque tantæ hominum potentix & insolentix sustinendæ par esset, an quōd Dei cogitationes & studia his similia essent, neque eas res reprehendendas duceret, quibus ipse afficeretur. Ad vtramq. autem dubitationis partem remouendam sapientissimē per Vatem satisfecit Deus.

*Nōne verba mea bona sunt cum eo qui rectē graditur?*

Psal. 118.

NEQVE abbreviatus est spiritus meus, neque tales sunt cogitationes meæ, sed propterea subductum illis verbum est, quōd tantum apud eos vtile & commodum sit, qui rectē & honestē viuere statuerint: itaque feliciter illis succedit, vt quibus ad rectum vitæ<sup>45</sup> cursum tenendum gratissimā diuinæ veritatis lux sit. cōtra verò ijs, qui impiè agere de-<sup>45</sup> creuerint, vehementer odiosum longeq. est incommodissimum, vtpote quibus irrisi-<sup>50</sup> fioni & contemptui magis, quā correctioni sit, sicut scriptum est: Spreuisti omnes discedentes à iudiciis tuis, quia iniusta cogitatio eorum. præuaricantes reputaui<sup>55</sup> omnes peccatores terræ: ideo dilexi testimonia tua, & longē à peccatoribus salus, quia iustificationes tuas non exquisierunt. Hæc erga vtramq. partē diuini verbi ratio<sup>50</sup> est, vt non sit abbreviatus spiritus Domini, sed diuinorum verborum ijs abundē effundatur, quibus vtilia & commoda fore creduntur, ijs verò maximē interdum defint, qui veritati, qui recto consilio, qui sibi denique ipsis defuturi esse putentur.

*Et e contrario populus meus in aduersarium consurrexit, Hebraicè est: & heri<sup>55</sup> populus meus in hostem consurrexit.*

diuinū verbum cōmodē suppetat, rursus quā pessimē cum ijs, quorum culpa diuinum  
verbum subtrahitur. & quemadmodū publicē & priuatē res, ob publicū ac priuatum in-  
iuriā inferendā studium funditus pereant, quas innocentia & iustitia maximē tueri &  
augere soleāt. Hoc autē ipso Israhēitarum exemplo docetur, qui non adeo pridē cum  
populus Dei essent, hoc est, cum pietatē veram colētes legibus institutisque diuinis vre-  
rentur, non solū quietē & tranquillē agebant, sed omnibus & finitimis & remotis hosti-  
bus superiores erāt, sicut scriptū est: In te inimicos nostros ventilabimus cornu, & in no-  
mine tuo spernemus insurgentes in nobis. Nunc verō iidem postquā a Deo, a pietatē, a  
iustitiā & innocentia obseruationē & cultura ad auaritiā, ad iniuriā inferendam desciscere,  
diuini verbi auxilio & cōmoditatē destituti ignauissimi & tumidissimi redditi sunt, adeo  
vt non solū vero, sed vano etiam hostium metu exanimati terreantur, ac turpissimē  
etiam fugiant.

Desuper tunicam pallium sustulisti: & eos qui transibant simpliciter conuertisti  
in bellum, Hebraicē sic: Et regione vestis exuisti pallium: & prateruē-  
tes securē redeuntes bello.

E o ignauia & timiditatis eos rediisse ait, vt prospectam ē regione vestem, quam via-  
tor quispiam baculo (vt sit) suspensam ferat, militare signum ac vexillum putantes, de-  
posito etiam celerioris fugā causa pallio, turpiter fugiant. namque pallij in pugna aut in  
pugnā opinione denudatio impotentis fugā studium significat, vt illud: Et robustus  
corde nudus fugiet in die illa. non solū vero, sed vano etiam hostium metu perterriti  
vitam nuditate paciscuntur, vestemque, quamuis elegantem, viatori auferendam relin-  
quunt, quem illi iter securē & simpliciter conficientem inuenientis in via spoliis, non secus  
ac si ē praelio victor rediret, onustum & auctum reddunt. Et prateruētes simpliciter pufaltis  
& reddidisti redeuntes bello. Huius verō tantā trepidationis & tantā etiam rerum mu-  
tationis causam iniuriā studium fuisse ait, quod miserrabiles pauperiorum hominū vx-  
ores domorum suarum commoditate, atque earum etiam liberos perpetua hereditatum  
successione priuauerint.

Mulieres populi mei eiecisti de domo deliciarum suarum, & a paruulis earum  
tulisti laudem meam in perpetuum.

FEMINAE quietiori & imbecilli magis natura cum sint, domi diutius quā viri ma-  
nere consueuere, eius autem consuetudinis causa aedes ipsas prater ceteras omnes res a-  
mant, quas etiam ad inopiam redactae non nisi omnium hereditatum postremas distrahi  
patiuntur, distractas verō omnium rerum maximē & frequentissimē suspirat; praesertim  
cum conductas deinde domos subinde mutare cogantur, tum se miserrimas, tum cala-  
mitosissimas vocant, tum eos, quorum causa proprias aedes amiserint, diris omnibus pro-  
sequuntur. Atque pauperiorum hominum turbam populum suum Deus appellat, id  
quod non semel in sacris sermonibus suis ore nuncupauit, vt: Tibi derelictus est pauper,  
orphano tu eris adiutor. Has a potentioribus istis de domo deliciarum suarum, hoc est,  
de domibus, in quibus maximē delectabantur, eiectas fuisse criminatur. Earum verō fi-  
lios fundorum & vinearum agrorumque possessionibus perpetuò deturbatos, quae a nullis  
familiaribus abalienari, sed in perpetuam laudis suae materiam certis legibus & institutis ac  
moribus apud suos quaeque dominos perpetua successione conseruari Deus voluerat,  
namque ille Chanamitidis regionis perpetuum Dominum sibi cum iure suo vedicasset,  
vsum tantum familiaribus ipsis Israhēitarum tanquam inquilinis perpetua posteritatis suc-  
cessionē percipiendum concessit. Eam verō laudis suae aeternam materiam parabat, quod  
vnumquemque portionem suam Deo acceptam referre, atque omni pietate & obserua-  
tione retinere oportuerat, sicut scriptum est: Et dedit illis regiones gentium, & labores  
populorum possiderunt, vt custodiant iustificationes eius, & legem eius exquirant. Igitur  
cōtra ius & fas est, laudem meā in perpetuū deturbatis possessione heredibus impedire,  
sicut scriptū est: Terra quoque nō vëdatur in perpetuū, quia mea est, & vos aduenae & colo-  
ni mei estis. Itaque cum populi sui iniuriis suū etiā ius sibi nefaria fraude imminutū Deus  
persequitur, dignū autē tātis sceleribus iudiciū est, vt qui quietos, & tranquillē atque inno-  
center agētes sollicitauerint & domibus fundisque priuauerint, eius terrae, quā immodicē

appetuerint, & per summā iniuriā occupatā polluerint, vsu in perpetuum porro abdicē-  
tur, cuius iudicij & seueræ sententiæ formula sequenti versu pronuntiatur:

*Surgite & ite, quia non habebitis hic requiem: propter immunditiam eius  
corrumperetur putredine pessima.*

*Surgite*, Imperatiuo vsus est, propterea quod certa iam & destinata res esset, aded vt se iam exorari non sineret; est enim is modus instando & exequendo idoneus, atque ab omni cunctatione longè alienus: adeo verò certam & maturam fore migrationem ostendit, vt confidere vltius non permittat, vt qui inimicum, à quo vehementer læsus sit, domi offensum iniquo animo ferens, grauissimeq. compellans, exire foras festinè iubeat. Quid tibi, inquit, apud domum meam est? nonne pudet? abi cito, festina, &c. ite, in captiuitatem videlicet; non enim hæc vobis apta sedes est, quam tantis flagitijs contaminastis: neque enim fieri potest, vt vitiis & turpitudinibus vestris polluta terra hæc non graui nausea, quoad vos euomat, vehementer laboret, sicut scriptum est. Cum verò huiusmodi grauibz alioqui tamen vtilibus vaticiniis offensi principes & populi, ac vatibus ipsis infensi obisterent, atque omni cura & diligentia cauerent, ne quid graue aut durū audirent, dum tamen interea populares concionatores & ad assentationem magis aptè dicentes probarent; & illud temeritatis vel impudentiæ, vel improbitatis ac licetiæ, hoc verò prudentiæ, sapientiæ, atque elegantie in dicendo nominibus definiretur (vt iudicia hominum de simplici veritate & de populari assentatione etiam hodie sunt) eam rem oportunè Micheas expressit, & quales hominum in se animos, cuiusmodi de officio suo iudicia & sententias expertus fuerit, alterius partis comparatione significauit.

*Vtinam non essem vir habens spiritum, & mendacium potius loquerer: stillabo  
tibi in vinum & in ebrietatem, & erit super quem stillatur populus iste.*

QV I D hæc latina versio sibi velit, Hebraica simplicitate apposita declarabitur. [Si forsā vir ambulans post ventum & falsitatem mendacij.] hoc est, si quis popularem auram sequutus mendacia sibi ad gratiam confingeret, atque ea quæ delicatis principum & vulgi auribus blanda ac iucunda sunt, diceret, cuiusmodi de certo voluptatis fructu, de vino & ebrietate, de deliciarum non vetādo principibus & diuitibus vsu, de frugum & annonæ non frustra à Deo hominibus facta copia; si quis, inquā, huiusmodi argumēta dicenda tractaret, is omniū calculo probatus legitimus populi magister cōmunibus suffragiis saluaretur. Is facile causam rationesque suas docili populo persuaderet, hoc est, stillaret in vinum & in ebrietatem. namque lasciuia licentia à falsis ministris religionis prætextu & adulteratis sententiis facile hominibus à labore ad libidinem procliuius insinuat. & quicumque hæc ad gratiam astutè & apparatè tractare nouit, [erit super quem stillatur populus iste,] hoc est maximo plausu à populo isto excipietur, & populi stillator, hoc est, efficax concionator appellabitur, isque populo isti, & populus iste illi aptissimus erit, similesque habebunt labra lactucas.

*Congregatione congregabo Jacob totum te: in vnum reducam reliquias Israel.*

I L L V D semper Deus Israëlitis obtestatus est, illorum culpa euenire, vt perirent; suo autem ipsius misericordiæ constanti proposito effici, vt non funditus perderentur, sed vt aliquando in gratiam reconciliati restituerentur, sicut scriptum est: Perditio tua ex te Israel, salus autem ex me. qua quidem in re diuina erga homines bonitas maximè lucet, & humana culpa apertè cognoscitur; hinc enim est quicquid mali, illinc verò quicquid boni eueniat. nos nobis atque Deo desumus, Deus nunquam sibi deest; nos officiū omne peruertimus, ille semper officio suo satisfacit; nos necessariam nostrimet curam abijcimus, ex nobis verò illum duplex afficit sollicitudo, & quemadmodum non pereamus, & quemadmodum perditū recipi ac recuperari possimus. Atque hæc omnia incredibilem nostram peruersitatem & immensam illius arguunt misericordiam. Neque verò hic locus exiguam huius rei admirationem habet, quod in ipso pronuntiandæ sententiæ feruore tantis criminibus offensus Deus, tamen orationis stylum misericordiæ commemoratione interrumpat, sicut scriptum est: Cum iratus fueris, misericordiæ recordaberis. Habet verò affectum oratio ipsa, [Congregatione congregabo totum te:] Vide, inquit, quantum meorum in te beneficiorum magnitudo, quanta tua in his cogitandis negligentia est. namque iam nunc cum te tua culpa & tantis sceleribus obligatum, ijs captiuitatis & dispersionis pœnis, quibus dignus fueris, addico; tamē cogitationes pacis cogitas quemadmodum

admodum restituendus tãdem mihi sis & mecum cogito, & tibi, ne desperes, enuntiari curo. atq. repetitio quidem verbi asseueratione & certitudine habet. Iacob verò nomen humilitatis & exilij atq. captiuitatis ratione indicat; neq. enim melioris condicionis populus ille dispersus futurus erat, quàm fuerit olim Iacob, cum à patria domo fratris metu profugus ingratis Labano seruitutem nouis subinde mutatis cõditionibus iniquisq. que impositis legibus seruiret, tamen vt ille diuina misericordia ex illo inquieto rerum statu, & quodam quasi seruitutis genere redemptus, congregata vxorum, liberorũ & seruatorum familia ad patriam domum reductus Israël nomen obtinuit, maximè dicente sibi Domino, Reuertere in terrã patrum tuorum, & ad generationem tuam, eroq. tecũ.

<sup>10</sup> Sic etiam populum hunc filiorum Iacobi, cui dispersionis calamitas obnuntiata est, cui dura inter gentes & ignominiosa vitæ lex statuenda & ferenda prædicitur, tandè diuina misericordia sibi redimendum restituendumq. atq. in vnius Ecclesiæ Christianæ communionem admittendum recipit; idq. non in totius iam Israël secundum carnem celebri illa frequetia; sed in reliquiis tantum, quæ ex tam longa & diuturna calamitate superferuerint, fore præstandum, sicut scriptum est: Si fuerit numerus filiorum Israël, quasi arena maris, reliquæ saluabuntur. In vnum reducam reliquias Israël toto iam terrarum orbe dissipatas.

*Pariter ponam illum quasi gregem in ouili, Hebraicè, quasi oues Bosra.*

<sup>20</sup> Vtro modo vertatur, nihil sententiæ repugnat, sed posterioris versionis illustrior & certior nobis explicatio est: namq. ad vnum ouile vnamq. ecclesiæ communionem recipiendi Israëlitarũ prædicuntur, idq. ad eò diuino beneficio. Quodnã autè id ouile futurũ esset, nomine Bosra significauit; nimirum ad idem ouile, in quo ex gentilitatis tenebris ad Euangelij lucem conuersæ gentes & diuinæ familiæ ascriptæ conuersarentur. Iam

<sup>25</sup> verò aliàs diximus nomen Bosra nulli in montibus Seir antiqua Idumæorum sede, vbi esse, sed cuidã; quæ omnis gentilitatis caput olim fuerit, id quod significatio ipsa aperte doceret. Bosra etiam constantiam siue valentiam significare dicebamus. Valentiã verò Romam urbem totius orbis quondam principem dictã prius fuisse antiqui auctores memoriz prodiderunt. Idem namq. *πόσις* græcè, quod valentia latinè est. Atq. in hac quidem parte antiquorum Hebræorum traditionem hætenus recipimus, qui Bosram eandem Romam esse dixere. Habet autem Romana res maximam atque huic rationi accommodatissimam narrationem. namque paruis initiis, hoc est, ab ouium pascuis & caulis, à pastorum casulis ad totius orbis imperium in gentilitate excreuit: deinde verò primis & firmissimis apud gentes fundamentis in ea vrbe iactis, Christiana pietas totum ferè orbem in Euangelij ditionem redegit, atq. exiguis initiis ad innumeram multitudinem propagata est. In ea autè primus gregis huius pastor Petrus Christi Domini vice functus est, succedentibusq. longa temporũ serie pastoribus Christianæ disciplinæ ratio ita aucta & illustrata est, vt prima omniũ mater Ecclesia merito appelletur, ad quam totius orbis & gentium omnium catholica cõmunio referenda sit; in cuius tandem collegiũ Israëlitas cooptandos esse Vates hîc prædicit: vnam enim omnium Ecclesiæ communionem & integram sanctitatem esse oportere, & vates omnes & ipse summus omnium atq. vnus diuinus pastor (vnde cæteris pastoribus legitimum ius est) testati sunt. Igitur Israëlitis populum in gratiam tandem à se receptum, ad eundem modum, pari ratione ac iure cum ijs, qui ex gentibus in ouile vnum admissi sunt, coniungendũ esse Deus pollicetur.

<sup>40</sup> [Ponam, inquit, eum sicut oues (quæ illo tempore futuræ sunt) in ouili, siue, Bosra.] Idè enim esse dicere ouile & Bosra, res ipsa declarat, cum ouile non nisi vnum legitimè esse possit, sicut vnus pastor, vna fides, vnum baptisma est; ita episcopatum vnum omnium episcoporum esse D. Cyprianus confirmat. Hoc autem ouile, quo primum ex gentilitate congregatus est grex, ad quem Israëliticus populus tandè est agendus, Bosra hoc est, valentia siue Roma est, vbi superstitionis & idololatriæ totius maxima quondã sedes fuerat. Deinde verò Christianæ omnium gentium pietatis arx constructa est.

*Quasi pecus in medio caularum tumultuabuntur à multitudine hominum.*

<sup>55</sup> MAXIMA venientium ad Christianã pietatẽ Israëlitarũ frequetia Ecclesiã ornandam celebrandãq. fore præcinit, quos frequetissima celebritate & clarissima luce letari oportuerit. Id adeo ouium in ouiliũ suorum caulis cõfectorũ similitudinẽ persecutus significauit, quas exultare, cõprimi, tumultuariq. præ multitudine videmus, quòd verò ad idè ouile vterque



uterque populus reducendus sit, atque tam diuersum pecorum genus, quales Israëlites & gentes fuerint in eandem studiorum & vitæ societate sit coniungendum, id Christi opera  
 Ephes. 2. & virtute effectum iri docet; à quo, vt Paulus ait, ij qui gentes aliquando erant in carne,  
 „ qui dicebantur præputium ab ea, quæ dicitur circumcisio in carne manu facta, qui erant  
 „ in illo tempore sine Christo, ab alienati à conuersatione Israël, & hospites testamentorū  
 „ promissionis spem non habentes, & sine Deo in hoc mundo, nunc autem in Christo  
 „ Iesu, qui aliquando erant longè, facti sunt propè in sanguine Christi. huius autem ope-  
 „ ra & efficientia in vnam sanctorum ciuitatem & Dei familiam ascribendus populus  
 vterque est.

*Ascendet enim pandens iter ante eos: diuidet, & transibunt portam, & egredientur per eam.*

10

Hic Iesus Christus publicè vtriusque populi pacis & concordie auctor, & diuinæ ciuitatis regendæ dux est, quem qui sequitur, non ambulat in tenebris, [qui pandens iter ante eos, qui se sequuntur diuidet, siue vt in Hebraico est, perruptor ante eos perrumpet,] & latè pa-  
 tefacta porta in vnius ciuitatis communione & societate tam eos, qui vocati iam olim ex gentibus fuerint, quàm eos, qui in diuinam gratiam restituendi sunt, Israëlitas coniun-  
 Ephes. 2. get. Ipse enim est pax nostra, qui fecit vtraque vnum, & medium parietem macerie sol-  
 „ uens inimicitias in carne sua legem mandatorum decretis euacuans, vt duos condat in  
 „ semetipso in vno nouo homine facies pacem, vt reconciliet ambos in vno corpore Deo  
 „ per crucem, interficiens inimicitias in semetipso, & veniens euangelizauit pacem ijs, qui  
 „ longè fuerant, & pacem ijs, qui propè, quoniam per ipsum habemus accessum ambo in  
 „ vno spiritu ad Patrem. hæc D. Paulus. Idem autem qui viæ & vitæ dux datus à Deo est,  
 Ioan. 12. rex etià vnctusq. Domini meritò salutat est. Benedictus qui venit in nomine Domini  
 „ rex Israël.

25

*Et transibit rex eorum coram eis, & Dominus in capite eorum.*

Vt enim Ecclesiæ omnis, sic & recipiendorum in gratiam Israëlitarum, rex & Pon-  
 tifex maximus apud ipsum Deum Iesus est, ad vtriusque dignitatis rationes & resge-  
 rendas vnctus, à quo regnum ex vtroque populo factum & Deo Patri conciliatum est.  
 Apoc. 5. namque is publico cantu & communis cælestis senatus acclamatione audit: Dignus es  
 „ Domine accipere librum & aperire signacula eius, quoniam occisus es, & redemisti nos  
 „ Deo in sanguine tuo ex omni tribu, lingua, populo & natione, & fecisti nos Deo nostro  
 „ regnum, &c. Quòd verò regem hunc coram eis transiturum pollicetur, eò pertinet, vt  
 1. Corint. 12 diuino Christi spiritu in visceribus eorum habitante, quocunque intenderint, agendos  
 „ esse significet. Huius namque virtute spiritus corpus Christi, & membra de membro  
 „ facti, magna diuinarum virtutum facultate afficiuntur. Dominum verò in capite eorum  
 Ep. hcf  
 1. Corint. 12 proditurum esse ait, quòd caput Ecclesiæ Christus, Christi verò caput Deus sit, à quo  
 „ omnia & per quem omnia. Huic autè vaticinio illud omnino consonat, quod ab Hosea  
 „ decantatum est: Et post hæc reuertentur filij Israël, & quærēt Dominum Deum suum,  
 Ose. 3. „ & David regem suum, &c.

### CAPVT TERTIVM.



*R* T dixi, audite principes Jacob, & duces domus Israel:

45

OMNIVM iniuriarum & publicè grassantis vis crimen & culpa prima ac maxima  
 in principes & iudices transfertur, vtpote qui ferendarum populo iniuriarum pe-  
 riculum non modò non propulsauerint, sed vtrò etiam studiosè creauerint & fouerint.  
 Atque hæc profecto Dei aduersus principes & magistratus causa seuerissima, sed certiss.  
 „ tamen & perpetua est, quòd ipsorum negligentia atque etiam culpa vis & ini-  
 „ iuria sæuissima populorum pestis ac pernicies publicè grassetur. Etenim sunt aliquando  
 „ principes ac magistratus, qui admissorum in populo scelerum ignorance excusent,  
 „ vel quòd iniuria callidè nimis & astutè fiat, adeo ut scriptarum legum verbis neque cõ-  
 „ prehendi, neque notari posse videatur, cuiusmodi multa persæpe existunt iniuriarum ex-  
 „ cogitata aduersus legum formulas genera, quas magistratus propterea non vlciscuntur,  
 quòd

quodd contra nullam legem commissâ esse à reo defendantur, cum tamen manifestam iuris & æquitatis violationem contineant, vel quodd paucorum de iniuria ac vi nomina ad ipsos ab ijs, qui passi fuissent, delata sint, qui propterea impunita libertate vsi fuerint, non alioqui vsuri si ipsi rescuissent. Hos duplici ratione redargutos sibi esse, & eodem cum cæteris imò grauiori crimine inuolutos Michæas ait: tum quodd principum & magistratuum negligentia ignorationis excusationem non habeat, cum eorum maxime inter sit, ne qua in populo iniuria fiat, prouidere, an facta alicubi sit, diligentissima animaduersione conquirere, sicut scriptum est: Gloria Dei abscondere verbum, gloria autem regis inquirere verbum; tum etiam quodd non solum negligentia in animaduertendis, sed maximæ etiam diligentia in inferendis iniuriis damnatos ipsos statim arguat & confirmet. [Et dixi] ad principes & magistratus, qui se nominatim à crimine exceptos ignorationis causa aut alia tergiuersatione volebât. [Principes Iacob.] Populi humilioris & totius reipub. magistratus, quorum alterum nomen humanitatem, alterum verò officium in vobis requirendum arguit.

15 *Nunquid non vestrum est nosse iudicium.*

NAMQUE ob eam rem principes capita Iacob Hebraicè dicti sunt, quod hos ipsos quomodo cum cæteris membris & toto reipub. corpore agatur, peruidere imprimis & prospicere oporteat. omnium namq. sensu vis in capite vt in præcipua mentis arce est. Vestrum igitur erat, prospicere, audire, olfacere, gustare, omnibus deniq. modis intelligere, vbi nam ius, vbi iniuria vigeat, & res omnes à calumnia & dolo ab hominum & temporum perfidia & iniquitate ad iustitiæ atque æquitatis rationes reuocare, id quod neglexisse prius vobis atq. adeo grauissimum crimen est. namque vbi principes & magistratus muneri officioque suo diligenter præsent, iudicium & iustitia in terra, vt Isaias inquit, pernoctant. *Iudicium*, Hebraicè *Mispat*, idem quod ius æquitatemq. significare in cõmentariis Habbakuq abundè docemus. Igitur in exquirenda animaduertendaq. iniuria negligentem fuisse in nefario crimine & fraude capitali magistratibus ponendum primum est; deinde & illud grauioris etiam culpæ nomine sustinendum, quodd nō alienarum iniuriarum negligentes, sed grauissimos auctores etiam sese præbuerint.

*Qui odio habet is bonum, & diligit is malum.*

30 NVLLVM aut turpius aut perniciosum magis exemplum est, quàm si principes & magistratus, quos summa integritate, continentia & innocentia præditos esse oportet, morum imprimis turpitudine & auaritia laborèt. nam qualis in rempublicam & in miferos à calumnia & iniuria defendēdos, quantus peccatorum, scelerum, publicæ libertatis, & æris alieni vindex is esse potest, qui virtutis odio atq. vitiorū studio ipse flagrat, qui luxuria, cupiditate & auaritia feruet ferturque? atqui illæ boni principis & magistratus partes fuerant, sicut scriptum est: Prouide autem de omni plebe viros sapientes ac timētes Deum, in quibus sit veritas, & qui oderint auaritiam, &c. & tamen quemadmodum hæc ab istis obseruata ratio sit, audiamus.

40 *Qui violenter tollitis pelles eorum de super eis, & carnē eorum de super ossibus eorum: qui comederūt carnē populi mei, & pellem eorū de super excoriauerunt, & ossa eorum confregerunt, & conciderunt sicut in lebetes, & quasi carnem in medio olla.*

DVÆ rationes pecuniæ ex aliorum laboribus conficiendæ sunt, aut vsura, aut tributum; illa semper damnata; hæc cum modū exceßerit, perniciosissima est. Aliis igitur diuitibus & potentioribus in superiori capite vis & vsuræ crimen obiectum est: nunc verò omnis oratio hæc ad intolerabilia tributa & vectigalia, ad acerbissimas, capitum, ostiorum, & aliis nominibus pecuniarum exactiones significandas translata est; quibus populi & ciuitates à magistratibus & principibus nonnunquam expilantur & diripiuntur. cuiusmodi grauissimo scelere & culpa Israëlitas principes teneri Vates confirmat: id quod opportunissimis ouium & pecorum atque laniorum, neque aliis etiam linguis ignotis translationibus pronuntiat, quodd oues non pastorum officium, sed laniorum crudelitatem expertæ sunt. miferos autem & iniuria affectos populum suum commiserationis & indignitatis causa Deus appellat. Ipsam autem verborum translationem, cum longius explicare non vacet, nulla ratione aut breuius, aut cōmodius, quàm Chaldaicæ paraphraseos versione doceri posse arbitrati sumus. Sic autem Chaldaica habent.

[Diri-

[Diripientes substantias populi ab eis, & diuitias pretiosas eorum auferentes. Qui expoliant facultates populi mei, & pecuniam pretiosam eorum ab eis auferunt, & reliquias eorum consumentes & reddentes & comminuentes sicut comminuitur membra intra ollam, & particule (carnium) intra leberem.] haec Chaldaica. Harum autem rerum & acerbissimarum populo iniuriarum, ut investigatorem diligentissimum, sic ultorem sese proficitur Deus, & seuerissimo iudicio, examinata re par pari relaturum fore ultro confirmat.

*Tunc clamabunt ad Dominum & non exaudiet eos, & abscondet faciem suam ab eis in tempore illo, sicut nequiter egerunt in adiunctionibus suis.*

CLAMOR oppressorum atque vi affectorum plerumque est, maximè qui verbo Hebraico *szaghak*, respondet, Quae de re iam aliàs diximus. In qua igitur mensura <sup>10</sup> principes & magistratus mensi fuerint, in eadem ipsis remensum iri dicitur. Ipsi autem sese propullandae iniuriae & resarciendi damni causa adeuntes, ac fidem officiumque ipsorum implorantes ciues non solum neglectione, sed illata atque aucta iniuria damnoque maiori affectos contentione maxima malisque modis excipiebant, sicut scriptum <sup>15</sup> est: Principes tui infideles, socij furum, omnes diligunt munera, sequuntur retributiones, pupillo non iudicant, causa viduae non ingreditur ad illos. Propter hoc, ait Dominus Deus exercituum Deus Israël: Heu, ego consolabor de hostibus meis, & vindictam sumam de inimicis meis. Similia igitur his Israëlitis principibus & magistratui futura tempora minatus, omnem in magna calamitate salutis spem auxilio negata aufert, [*si-* <sup>20</sup> *cut ipsi nequiter egerunt in adiunctionibus suis.*] Cum ipsi miseros & supplices ad se confugientes, aut non audirent, aut indignis modis exciperent, aut omnino auersati negligerent, sic etiam ipsi ab hostibus oppressi, & magna inter gētes vi & contumelia affecti nequicquam negligentem meritò Deum implorabūt. Verum enimvero cum reprehensae à bonis & sapientibus viris, atque à veris Dei ministris iniquitati principum & magistratuum, <sup>25</sup> mendaces contra prophetarum, qui assententur, non desint, & cupiditati etiam indulgētes securitatem promittant: eaque res dubios aliàs principum animos maximè firmet, atque etiam ad augendam iniuriam excitet, non minus perniciosum causae huius, quam ceterorum etiam exemplum apud Israëlitas à se spectatum Vates noster oratione & diuini etiam indicij sententia persequitur.

*Hæc dicit Dominus super prophetas, qui seducunt populum meum: qui mordent dentibus suis, & prædicant pacem: & si quis non dederit in ore eorum quippiam, sanctificant super eum prælium.*

NVLLA magis idonea verum à falso ministro dignoscendi ratio est, quam utilitatis & commoditatis eorum obseruatio. nam qui nulla commoditatum suarum ratione habita, nullo personarum delectu, sed veritate tantum & æquitate ad agendum constanter ducitur, is planè integro & proprio fungitur officio. eum verò qui commodis, utilitatique suae tantum seruiat, aut prophetarum nomen falso sibi vendicare, aut officium prodere constabit, sicut & hi, quos Vates noster arguit, faciebant, qui promerentibus tantum omnia <sup>40</sup> bona atque fausta, ijs verò, à quibus nihil accepissent, infausta & calamitosa omnia obnuntiabant: cuiusmodi doctrina & ministerio nihil aut nocentius, aut perniciosum magis esse potest. Præterquam enim, quod veritatis & simplicis pietatis, ac religionis proditio grauissimam reipub. fraudem perferre solet, illud etiam accedit, quod eiusmodi ratio quaestus & commodi causa, & pietatis honesta specie ambitiosè inita, frequētes sui <sup>45</sup> spectatores parere soleat. Hæc igitur huius orationis sententia est, in falsos fictosque prophetas, ac diuini verbi simulatos ministros, quorum falsam simulationem propriorum commodorum perpetuò obseruata ratio prodit, quando non ipsi ceterorum hominum & populi Dei utilitati, sed contra populum omnem suis commodis inservire & studiis obsequi velint. Iis enim, à quibus vel ad cœnam vocati, vel datis ultro cibariis, quæ den- <sup>50</sup> te mordeant, aucti fuerint, pacem prædicant; rursus, si quis non dederit in os eorum, quod satis ad ingluuiei & voluptatis usum sit, ei impietatis nota inusto, atque in summâ apud reliquum populum inuidiam raptò, non pericula modò & poenas, sed tanquam Dei atque hominum hosti legitimo iam iam sustinendum cœlo, mari & prælium indicunt. Huic per- <sup>55</sup> simile illud est, quod de Mevio quodam Satyricus memoriæ prodidit:

*Scurra vagus non qui certum persape teneret, Impransus non qui ciuem dignosceret hoste.* Sed

sed grauius multò, quod ille vrbauitatis, hi verò pietatis specie victum maledicentia aut adulatione quæritabant. Explicata iam sententia, verborum quorundam ratio breuiter explicanda est. *Seducit populum meum*, non sui, non vllius principis, nò ignobilem aliquem, sed meum (Deus inquit) populum: *Qui mordent dentibus & prædicant pacem* apud quos hilare & bene accepti conuiuæ fuerint, securitatē & felicitatem plenam prædicant: nunc mordere dentibus, non translaticie, sed propriè ac simpliciter accipimus. In ore eorum, duo significat, & cibaria dare, & pro ipsorum arbitrio ac libidine assidue ac multum dare: namque os pro appetitu & arbitrio vsurpatur, vt illud: Dilata os tuum, & implebo illud. Itaque horum vaticinia donorum tantum rationibus, & modis, non veritate ipsa æstimare est: id quod paulò etiam inferius explicatur. [Et propheta eius in periculis diuinabant. Sanctificant prælium.] Sanctificare Hebraicè, certam rem publicè ac legitimè exponere & significare est: vt sanctificare ieiunium, sanctificare prælium, iustum ac legitimum prælium idem quæ certissimum denuntiare. Qualem porro exitum istorum diuinatio habitura esset, nimirum ipsa qua vterentur diuinandi arte, dignissimum Vates obnuntiat.

*Propterea nox vobis pro visione erit, & tenebræ vobis pro diuinatione, & occumbet Sol super prophetas, & obtenebrabitur super eos dies.*

GEMIN M vlegitimorum vatum officium fuit; alterum futura aut absentia prædicere, vel indicare; alterum quæ ad mores publicè & priuatè pertinerent, perorare. vtrumque autem à fictis falsisq. prophetis vsurpabatur, qui propterea, quòd ea, quæ faciebant, quæque dicebant ad sua commoda referentes, multitudini iucunda esse volebant, populares habebantur. atque ea quidem, quæ ad publicos mores referrentur, ipsi quidem sibi pro temporum ratione, plausibili oratione, ac fucata religionis specie confingebant: quæ verò ad prædictiones & obnuntiationes spectarent, cum diuinæ prorsus rationis expertes essent, augurijs, & cæli atq. syderum obseruationibus, quibusdam etiam coniecturis componebant: quæ diuinandi forma, quòd in temporum tempestatumq. rationibus, & in nonnullis etià secundum naturam rebus, vt in morbis & salubritate indicandis, non nunquam congruere videatur, facile imperitæ, & falsorum magis credulæ multitudini eximiam quandam & omnino constantem vaticinandi vim probat. De hac autem re aliàs commodius & plenius dicere nobis Deus aliquando concedet. nunc verò loci huius sententia aperienda est; qua non modò grauissimarum ac diuinatum rerum cognitionem, & prædicendi vim, quæ nulla istiusmodi præstigiatoribus fuerat, sed omnem etiam ex augurijs & coniecturis, leuiore res, & temporum rationes cognoscendi, & diuinandi commoditatem & facultatem turbato luminum ac syderum prospectu adimendam esse Vates obnuntiat. namq. vel isti ex astrorum ordinibus, & motu præensiones comparatas, pro nocturnis visionibus venditabant; vel ex Solis, & lucis atq. nubium calore & qualitate coniecturam facientes, vaticinium profitebantur, sicut scriptum est: Facto vespere dicitis, Serenum erit, rubicundum enim est cælum: & mane, hodie tempestas, rutilat enim triste cælum. &c. Has igitur omnes rationes in suam ipsorum atque populi perniciem, maximeq. etiam in proditæ simulationis æternum dedecus turbandas esse ait. namq. nox illis non vllò astrorum prospectu & ordine distincta, sed caliginoso & nubiloso cælo erit, & densissimis nubibus omnis diuinandi facultas adimetur, quæq. interdum capi solerent coniecturæ, nebulis & tenebris soli obductis nullæ prorsus erunt. Iam verò verborum ipsorum vim breuiter examinemus: *Propterea*, sententiis iudicum pronuntiandis idoneum verbum est: [*Nox vobis pro visione erit*]: Hebraicè, [*Nox vobis visio erit*]. Id quod nocturni visi nomine populo venditabatis, quod tamè ex astris & cæli facie obseruare consueueritis, id ipsum vobis nox molestissima & erroribus atque timoribus opportunitissima erit. [*Visio*] hic МА Н Н А Z O N est, quæ propriè ad nocturna visa, & sônia refertur: sic apud Iob, visiones noctis dicuntur: [*& tenebræ pro diuinatione*, Hebraicè, [*& tenebræ diuinatio*]. Nomē *Miqxxom* diuinationem, non qualis verorum vatum, sed qualis Chaldæorum augurum, ariolorumq. est, significat, huiusmodi illorum artem fuisse indicat. Ita adeò omnibus his rebus & rationibus perturbatis, neque sibi neque alijs in calamitosa tempestate consulere valebunt.



*Et confundentur qui vident visiones, & confundentur diuini: & operient omnes vultus suos, quia non est responsum Dei.*

DEPREHENSAM consiliorum & studiorum vanitatē erubescētia, quam consuetudinem sacra lingua vocat, consequitur, vt de ea re & voce iam aliās docuimus. Vehementi igitur huiusmodi erubescētia diuinatores istos, & fictos religiosæ disciplinæ professores, vbi iam detecta fraus fuerit, affectum iri significat; adeo verò grauiter id passuros, vt præ erubescētia vultus suos manu & pallio oppositis obuelare studeant. namque is magno & subito animi dolore atque ingenti malo oppressorum, & lugētium habitus est. nec amictu ora velabis, neq. cibos lugentiū comedes, &c. Patefacta igitur re, cū vanitatem exprobrantibus respondere nihil possint, manu & veste ori admota, defixisque in terram oculis, scelus suū vel hoc gestu & habitu confiteri cogentur: nepe quicquid hactenus actū, dictum, prædictumq. ab ipsis fuerit, fraude, fallaciis, mendaciisque constare, nō autē diuinum oraculum fuisse. [*Quia non est responsum Dei:*] ita eueniet, vt quod manifeste veritatis cognoscendæ iudicio, hoc est, commodi atq. incommodi rationibus, ad quas omnia ab istis referebātur, populus minus perspexerit, ipsa calamitatis die, imò ipsa potius caliginosa durissimorum temporū nocte edoctus, nō sine suo magno malo tandē intelligat, & quisnam verus, quis fictus & simulatus minister fuerit, certissimo examine deprehendat & arguat. ex qua re legitimæ muneris sui auctoritati apud eos, quos veritas ipsa & integra simplicitas non mouerat, fidem faciendam esse Vates noster confirmat.

*Veruntamen ego repletus sum fortitudine spiritus Domini, iudicio & virtute,  
vt annuntiem Jacob scelus suum, & Israel peccatum suum.*

Si quispiam est, qui susceptū diuina auctoritate munus strenuē & fortiter ac summa cum fide gerat, in his Propheta nomen proficitur suum; non qui commodorū suorum rationem habens, aut spem, vel metum, aut odium, vel gratiam, sed qui in omni consilio & actione, æquitatem solū atq. integritatem sequatur, id nimirum efficiente diuino spiritu, cuius virtute se plenum esse prædicat: nihil alioqui præter cæteros mortales, quos vel humana potentia terrere, vel sapientia turbare, vel gratia allicere solet, egregium præstiturus. namq. hoc præter alia etiam inter eos ministros, qui verē diuino ducuntur spiritu, eosq. & quos sua tantū ambitio & avaritia agit, distat, quod hi quidem suarum in primis rerum; illi verò alienarum potius & veritatis officiiq. sui in agendo rationem habeant: & dummodo susceptum sibi munus summa fide & integritate exequantur, dum populo & principibus nuda & simplici veritate prodesse cupiunt, placere an displicere possint, id nō laborant, sed vni ei student rei, *ut annuntient Iacob scelus suum, & Israel peccatum suum*: Quod ad verba attinet, *Veruntamen*, contentionem dignitatis, auctoritatis, & in officio faciendo integritatis comparisonem molitur hæc vox, *Fortitudine spiritus*, Hebraicè, *vis spiritus*, cui nulla humana vis resistere valeat. Iudicio, æquitate, integritate ac veritate: quibus maximè rebus veri vates in agenda causa inniti solent, hæc enim omnia Hebraicum nomen, *Mispas*, pro quo Latine iudicium legimus, significat: de quo in cōmentariis Habbakuq. latius. *Iacob & Israel*, summos & infimos illius gentis homines significat, atq. omnes in vniuersum ordines vtrumq. nomen comprehendit: nam Iacob humilitatis antiquæ & datæ Deo de perpetuo cultu & obsequio fidei meminisse operæpretium est, cuius fidei violatio defectionis & sceleris nomen habet. quamobrem *scelus Iacob* dixit, Hebraicè, *defectionem Iacob & peccatum Israel*, cui cum splendidum nomen ex fortitudine inditum foret quod cum Deo potens fuisset, idque nomen magnam virtutis constantiam promitteret; tamen non præstiterit, sed peccauit. Est autem Hebraicè nomen *Hhata*, quod fortitudini contrarium est, cui non ineptè Latinum nomen, nequitia respondet, Monstri enim simile est, ut qui potens cum Deo fuerit: tamen impotenti vitio declinatus nequiter egerit. Eadem autem omnino sententia, apud Iosue dictū est: Peccauit Israël. *& virtute ut annuntiet, &c.* cōstantia, grauitate, & perseuerantia, Hebraicè, *Geburah*. Eū verò vatē qui his virtutibus præditus, his artibus instructus fuerit, nō ad promeretiū gratiā, sed ad diuini spiritus imperiū oratiōes actionesq. suas

suas relaturum esse, consentaneum est: id cum Vates noster haecenus re ipsa praestiterit, nunc deinceps summo cum studio vrget atque instat.

*Audite hoc principes domus Jacob, & iudices domus Israel, qui abominamini iudicium, & omnia recta peruertitis.*

ORATIONEM omnem ab Ephraimitis traducit, & ad increpandum Iudaeorum principum, sacerdotum & magistratuū prodita officia cōuertit, quos nō honoris, sed probri magis causa *principes domus Jacob & iudices domus Israel* nominat: neque enim ad generis originē Iacobū, ex quo duodecim tribus ortae & propagatae fuerūt, sentētia haec referenda est, sed ad superiorē potius sermonē reuocanda, in quo Samariae principes & iudices, quos principes domus Jacob, & iudices domus Israel appellauerat; impietatis & iniuriarū, atque grauissimae fraudis accusatos, diuina sentētia dānauit. Cum verō Iudei & Ierosolymitani omne nefas, ac vitium turpissimum ex Israelis imitatione expressissent, vt iisdem etiam nominibus, probri & criminis causa, appellarentur, commeruerunt: sicut iisdem Iudaeorū populi ac principes, & magistratus, ob turpissimi exempli imitationem, principes Sodomae, & populus Gomorrhæ ab Isaia audiēre. ita adeo in his liberē increpandis, & accusandis sese fortem virum & integerrimum ministrum, verumq. vatem praestat, vt non minori, quā Israelitae, vitio vsis, idem nomen meritō imponat. Criminis verō istis inferendi huiusmodi initio summam faciat: *Qui abominamini iudicium, & omnia recta peruertitis*, non minus quā Israelitae illi principes ac iudices, a quibus animorū similitudine & dissensione dissidetis, turpissimarum verō rerum, ambitionis & avaritiae studio nihil omnino estis alieni: namq. illi odio habent bonum, & diligūt malum: vos autem non bonum ipsum modō odio habetis, sed iudicium, aequitatē, integritatem, & omnem iuris rationem abominamini: neque vllum iuris atque iudicij nomen apud vos appellari passi, rerum omnium ad iudicandū praestantissimā rationem in primis exosi, manifestam etiam diuinarum legum sententiā, & legislatoris consiliū, importuna quadam & callida iuris interpretatione peruertitis. Itaq. cum duae in vniuersum res sint, quibus omnis causa commodissimē iudicatur, siue aequitas, & lex; alteram vos abominati, nec audire quidē vultis, alteram ad arbitrium, imō ad libidinem vestram impiē flectentes, verbo ac littera ius omne torquetis; cumq. vobis neq. lex, neque ratio ad avaritiam auxiliari possit, calumnia & fraus (maxima corruptissimorum hominū ad summas diuitias compendia) admittuntur: atq. ita breui ex alienis laboribus magna pecunia publicē & priuatē per summam iniuriā confecta, urbem vestram publicis & priuatis aedificiis atq. aliis ornamentis augetis.

*Qui aedificatis Sion in sanguinibus, & Ierusalem in iniquitate.*

ILLUD inter cetera principibus & iudicibus in administranda republica caueri oportet, ne quid vitij aut iniuriarū contra publicam aut priuatam rem, publicae etiam rei, aut religionis siue pietatis nomine admittatur: namque bonorum spe mali quicquam fieri D. Paulus verat. Persape enim aduersarius iste noster Sathā, vel summos & prudentissimos viros falsa visione & specie virtutis atque splendoris fallit, & ad multa ac grauissima scelera, aut priuati aut publici commodi studio impellit. hinc euenit, vt excogitatis multarum generibus, & publicae fisci & priuatae iudiciū, magistratum, & delatorum pecuniae per summam nonnunquam fraudem augeantur. neq. enim ea solū, quae verē commissa sunt, luuntur: sed delatorum malitia & iudicum avaritia fit, vt multorum innocentium res insidiis & fraude direptae pereant, quando causae non aequitatis rationibus, sed malitiosis legum interpretationibus & extensionibus definiuntur: ex qua pecunia pars quaedam delatori, quaedam iudici, quaedā etiā fisco, aut publicis operibus adiudicatur. Huiusmodi multas ac poenas cū iure interdū certis nominibus statui posse nō negetur: non rarō tamen iniuriosē irrogari atq. exigi deprehensum est. His autem modis confecta pecunia magnoperē in publicis & priuatis aedificiis Ierusalē per summū nefas auctā atq. adornatam a principibus & magistratibus fuisse Vates arguit. [In sanguinibus.] Pauperibus & innocentibus illatas iniurias, & acerbissimas capitum, ostiorum, aliorumq. nominū exactiones, quibus victus ac vitae comodis cibus miserarū tributatorum plebi subducitur, sanguines nominat: nam victu & vitae subsidio quempiam fraudasse, proximū homicidio scelus est, quod diuina sententia confirmatur: Ipsi quoq. contra sanguinem eorum insidiantur, & moliuntur fraudes contra animas suas, sic sunt semitae

omnis auarè rapientis, animas possidentium rapiunt. Iniquitate, Hebraicè *Ghauah*, in peruerſitate & deprauatione, quòd auaritiæ & pecuniæ conficiendæ cauſa, iura, legum interpretationes, conſuetudinesq. deprauarentur. *Sion* celeberrimus in ipſa vrbe mōs fuit regia arce & operibus magnificis munitus: *Ieruſalem* verò tota vrbs publicis & priuatis ædificiis conſtructa erat. Igitur vt regiæ & principum ædes, & publica etiam loca, nec-  
torum, tum mulctarum nomine augebantur, ſi quid enim non ſolùm commiſſum, ſed falſò etiam delatum foret, vel publicis operibus, vel priuatis magiſtratuum ædibus, ſed commodis mulcta erat: eiufmodi verò pecuniæ comuni ſtudio ſinguli ordines pro ſua quiſque parte inſtabant.

*Principes eius in muneribus iudicabant, & ſacerdotes eius in mercede docebant, & propheta eius in pecunia diuinabant.*

O A V R I ſacra fames, ô ſacrarum & prophanarum rerum interturbatrix auaritia, quam tu vitæ & officiij partem non tentas, & tentatam non violas, violatamq. nō prodis: & quæ in ipſam ſanctiſſimorum in repub. munerum arcem inuadens, prima ordinum omnium capita, principes, ſacerdotesq. expugnas, quid in inferioribus rebus & ordinibus intactum neſaſta linquis? Tria præſtatiſſima & ſumma in repub. munera ſunt, Iuris dicendi poteſtas, ſacerdotium & vaticinium, quæ ad ſocietatem hominum inter ſe conſeruandam, ad mores componendos, ad collocandas in tuto futura ac perpetuæ ſe-  
licitatis rationes pertinent: hæc eos, qui purè ac ſumma fide & integritate adminiſtrare apud ſe cōſtituerint, aliorū omnibus cōmodis & publica vtilitate, nō ſua priuātè duci oportuerit, ſicut ſcriptum eſt: Eliges tibi viros, &c. in quibus ſit veritas, & qui oderint auaritiā: Sed tamen principes eius non iure, non veritate, ſed muneribus iudicabant.  
Hebraicè, *Szbohbad*, Hiſpanè, *cohecho*: apud Romanos repetūdarum iudicium de hac re datur. Sacerdotes verò, quos diuinæ legis præceptis & ſacris myſteriis docendis, idq. gratis, præſſe voluerat Deus, ſicut ſcriptum eſt: Hi cuſtodierunt eloquiū tuū & pactum tuū ſeruauerunt, docebunt iudicia tua Iacob, & legē tuā Iſraël, idq. non mercede, ſed gratis, vt acceperint: namque ſtatutis à Deo cibariis cōtenti, mercedes diſciplinæ ſectari non debuerunt, ſed & hi mercede docentes doctrinæ rationes non ad veritatē & integritatem, ſed ad priuatam vtilitatem referebant: deniq. cū propheticum munus diuinum planè ſit, neq. eius ſanctitatem vllò pretio corrumpi aut pollui ſit fas. Si dederit, inquit Balac, domum ſuā plenam argenti & auri, non potero immutare verbum Domini Dei mei, vt vel plus vel minus loquar, nihilominus iſti verum vaticinium profeſſi, ſed mera ſomnia & fallacias conſingentes in pecunia diuinabant. non ait vaticinabātur, ſed diuinabant: de quo genere iam diximus. Hæ principum, ſacerdotū & prophetarum ſpectatæ virtutes, hæc ſtudia & artes, Vates inquit, ſunt, qui tamen, ſi ſuperis placet, vana & ſimulata conſeruata religionis iactatione tantum ſibi aſſentantur & indulgēt, vt nihil mali metuendū eſſe conſirment, vt pote Dei principis maximi & potentiſſimi conſecratam in vrbe ſua ædem colentis præſidio tutis: quam tanti ab eo fieri exiſtimant, vt deferendam nunquam fore metuant. cum verò templo aſſiſtentem ſuo, eorū vitam, res & fortunas omnes firmiſſimis certæ prouidentię propugnaculis eſſe deſenſurū: ita ad eò, quem iſti Deum opt. max. & fortiſſimum vltorem agnoſcentes prædicant, nouis indies ſcelerebus ex ea cogitatione ſuſceptis inſenſum ſibi magiſq. iratum faciunt.

*Et ſuper Dominum requieſcebant dicentes: nunquid non Dominus in medio noſtri eſt? non venient ſuper nos mala,* Hebraicè, *ſuper Dominū nitebantur.*

N O N modò factū, ſed dictū etiam neſas eſt ad grauiffima ſuſcipiendā ſcelera eius ope gratia atq. auctoritate niti, qui vitia & ſcelera omnia acerbiffimè odit & auerſatur. Nunquid, non Dominus in medio noſtri? Cōciuem & principem Dominum prædicant, quem inter tot tantaq. neſaria flagitia, tamen loci & templi (quo ipſum maximè delectari putabant) fouendi & colendi gratia quiduis potius paſſurum, quàm abiturum ſtultiſſimè iactant, quaſi Dei cultum & religionem nuſquam gentium, præterquam Ieroſolymis conſeruari dicerent, quod à gentibus aliis atq. à vicinis Iſraëlitis ob idololatriam & ſuperſtitionem ſemotus inter anguſtos Iudææ fines ſeſe contineret, vnde diſcedenti nullus, quò ſe reciperet, locus in omni terrarum orbe ſuper eſſet. In medio populi alicuius eſſe, idem

idem quod tranquille & placide quieteque habitare est, Hispanè, *Estar de asiento*. Sic matrona illa Sunamitis Heliseo studij, gratiæ, auctoritatisque suæ opem omnem & diligentiam, si quo in negotio experiri vellet, expectare iubente respondit: In medio populi mei ego habito. Itaque isti principem & conciuem Deum, cuius auctoritatis & virtutis præsidia periculo opposito exponunt, tamen assiduus sceleribus à se abalienant. Huiusmodi autem stultam & perniciosam confidentiam illis sæpe dissuadendam Deus ipse per vates curauit. Nolite confidere in verbis mendacij dicentes: Templum Domini, templum Domini est: Quoniam si bene direxeritis vias vestras & studia vestra, si feceritis iudicium inter virum & proximum eius, aduenæ, pupillo, & viduæ non feceritis calumniam, & sanguinem innocentem non effuderitis in loco hoc, & post deos alienos non abieritis, in malum vobismetipsis: Habitabo vobiscum in loco isto, &c. Sed cum loci illius sanctitudo & maiestas innumeris omnium generum sceleribus contaminata, ad latronum præsidium & asylum, (vt apud eundem vatem Deus dicebat) redacta sit, parum Silo ruinam magis quam certam aliquam & perpetuam à Deo propugnationem, sicut & idem vates obtestatus prædixit, expectari necesse est. Ite ad locum meum Silo, vbi habitauit nomen meum à principio, & videte quæ fecerim ei propter malitiam populi mei Israël. Quanta verò fraudi huiusmodi stulta fiducia Israëlitis futura esset, subiuncto versu Michæas prædicit:

Propter hoc, causa vestri Sion quasi ager arabitur, & Ierusalem quasi acervus lapidum erit, & mons templi in excelsa siluarum.

MAGNA in iudicandis rebus peruersitas est, minora maioribus, deteriora que dignioribus anteferre; diuinum præterea iudicium eadem peruersitate definire, insipientissimæ ac nefariæ prorsus cogitationis est: nam res ita distinctæ sunt, vt alia aliâ naturæ rationibus longè excellat. Quamobrem suis eas ponderibus examinari æstimarique, æquum, consensaneumque est. Ab hoc autem recto æstimandi sensu & modo Deum omnium rerum auctorem disiunctum esse velle, insipientissimum & stultissimum, atque à diuinitate alienissimum asserere est. Constat autem homines non materialis templi causa, sed templum hominum causa esse constructum: idque tam diu Deo gratum atque cultum auctumque fore, dum hominibus sacrum sanctumque ritè conferuetur: vbi verò omni flagitio & scelere pollutum ab ipsodem fuerit, huius rei causa ingratißimum fore necesse est. Neque enim diuina & sapientissima virtus vlla re in terris, præterquam hominum consuetudine delectatur, qua, si sua ipsorum culpa indigni reddantur; nihil præterea in terris est, quod magnoperè foueat & diligat, sicut scriptum est: Et deliciæ meæ esse cum filiis hominum. Igitur quæ causa hominum amantur & curantur, eadem eorundem rursus culpa negliguntur. Cuius rei exemplum in Ierosolymitanorum & Iudæorum euertendis rebus duplici periculo Deus statuit. namque illi dum templi atque externi cultus maiestate fidentes, pietatis rationes peruertunt, & iura omnia diuina humanaque violant, funestos ignes vrbi temploque suo ex diuini consilij sententia à Babylonico hoste inferendos incitant. Id autem quod rebus primùm integris experti fuerant, postea demum non plenè restitutis, æterno exitio post Christi tempora pertulere. [Causa vestri Sion quasi ager arabitur.] namque is mons causa vestri à Deo quodam propugnatus & vehementer illustratus, nunc deinceps, postquam in sanguinibus ædificatus est, excidio addictus destinatusque fuit: vt quæ debellatæ & dirutæ vrbes ab hostibus perferre solent, ipse etiam perferat. Consueuere autem duces dirutis à se urbibus, aratro impresso & tracto, perpetuam solitudinem ascribere, atque restitutione interdicere. Sic Poeta de æterno Troiæ aliarumque excidio mentionem faciens, dixit: *Imprimeretque muris Hostile aratrum exercitus insolens*. Et Ierusalem in iniquitate constructa, quasi acervus lapidum erit; magnificis domibus, muris, atque ædibus euerfis & dirutis. & mons templi in excelsa siluarum. Templum in monte Moria maximis lapidibus primùm à Salomone ædificatū, deinde etiā a Zorobabelis sociis restitutum, ac demum ab Herode est instauratum. Eius autem diruti ruinas tantis lapidibus temerè deiectis eminentium in siluis rupium instar habituras esse Vates præcinit, id quod rei ipsi consentaneum est. Vtrumque verò Ierosolymæ vrbes & templi excidiū, & quod à Nabuchodonosore, & quod à Deo editū, similè ob culpam & confidentiā fuit, Michæas vno vaticinio significauit. namque Caldæorū primū exercitu vastatā, atque incensā urbē, templumque ipsum dirutū per integrū ferè seculum mansisse,



Isa. 77.

manuſſe in ſacris annalibus legimus. Qua de re illa decantata elegia eſt: Deus venerunt gentes in hereditate tua, polluerunt templum ſanctum tuum, poſuerunt Ieruſalem in pomoriam cuſtodiam, hoc eſt, in aceruum lapidum. namq. idẽ utroq. in loco nomẽ Hebraice eſt: deinde verò à Romanis ita deſtructam, vt nihil omnino antiquorum ædificiorum retetum, neq. in tanta tẽpli illius mole lapis lapidi cõmodẽ impoſitus, vt Chriſtus prædixerat, cõſeruatus fuerit. Nã quæ nunc Ierofolyma dicitur, ab Aelio Adriano Aeliæ nomine cõſtructa, neq. antiqua faciẽ, neq. ſitum etiam retinet. Quod & obſcura quadã illius quæ extant veſtigia, & deſcriptio ipſa manifeſtẽ arguunt: quippe maxima nunc opipidi & frequentiffima pars ad Caluarij montis, & Ieſu Chriſti ſeruatoris ſepulchrũ pertinet; qui locus olim à muris nonnullo diſtabat interuallo. Atq. hanc vaticinij partẽ ad Iudæos tantũ principes, & populũ ſpectaſſe apud Ieremiã accepimus: Michæas de Morathi fuit propheta in diebus Ezechia regis Iudæ, & ait ad omnem populũ Iudæ dicens: Hæc dicit Dominus exercituum: Sion quaſi ager arabitur, & Ieruſalem in aceruum lapidum erit, & mons domus Domini in excelsa ſiluarum, &c.

Ioseph. de bello Iudaic.

Isaac Hiſp. in Mich.

Ierem. 26.

## VATICINII SECVNDI ARGVMENTVM.

**I**SRAELITARVM & Iudæorũ ſtragem, exilia, necnõ Samarie & Ieruſalẽ exciſiones atq. incẽdia, nihil omnino impeditura eſſe affirmatur, quo minus Deus maximis rebus, quas iã olim promiſerat, præſtandis ſibi ipſi cõſtet. Nouũ enim montẽ multis & illuſtriſſimis ornamentis parandum augendumq. eſſe, in quo noua & pulcherrima gratiſſimaq. cõſtructa æde Deus optimus Max. ſtabilem ſibi ſedem & certum domicilium collocet: cuius maiestatem & ſanctitatem admirata gentes, nationeſq. omnes vndique petentes & confluentes, magna celebrent frequentia. Neque verò odio vt olim montem illum Sion terreſtrem vaſtabundi, ſed ſummo diuina legis perdiſcende ſtudio impulſi, obſeruabundi conſcendent. Illo autem aureo ſeculo bella omnia & prælia, turbas, inimicitias & ſimilitates toto orbe terrarum moderato & concordia communis religionis ſtatu compositum iri, prædicit Vates. Ea verò felicitate non gentes & nationes modò, ſed Iſraelitas & Iudæos, qui hæcenus toto orbe diſperſi diſiectique fuerint, vſuros, qui ab illa longæ captiuitatis miſeria, ab illũ animorum ſimulatibus & inimiciis de liberatoris miſericordia in gratiam & concordiam ſecum, atque cum alijs gentibus, ita reducendi ſunt, vt vni Chriſto legitimo ex Davidis poſteritate regi protinus pareant. magnum tamen in primis à gentibus omnibus conſlictum, & magnam ſanctiſſimæ eccleſie oppugnationem ſuſcipiendam, quæ tamen præpugnatore Deo extinguetur, Iſraelitis atq. alijs gentibus (à quibus Euangelium coletur) in vnum coniunctis; quibus omnibus Rex ille Chriſtus præſcendus ſit: cuius regnum & imperium ad fines orbis terra propagatum iri dicit. Salutem autem illam piorum & impietatis totius expugnationem, non ferro, non armis, non equis aut curribus, ſed diuini ſpiritus efficientia & virtute fore expediendam, quam ſumma ſpiritualis pacis & honeſtiſſimi otij nullo metu aut ſuſpicionẽ inturbata tranquillitas, & nullis armis, aut equis, aut muris indigens ſecuritas conſecutura ſit. Atque hæc proſectò omnis ratio, & à Vate noſtro expreſſa rerum & ſeculorum imago ampliffimum & feliciſſimum Chriſtianæ eccleſie ſtatum, in quo adeo per ſpiritum ſanctum Chriſti virtute, & diuino atq. immortalĩ merito collocanda fuerat, ſignificat. Hæcenus argumentum.

## CAPVT QVARTVM.

**E**t in nouiſſimo dierum erit mons domus Domini præparatus in vertice montium, & ſublimis ſuper colles.

**A**D ROMANOS ſcribens D. Paulus diuinorum promiſſorum constantiam & fidem perfubtili de ea re oratione habita manifeſtẽ probat, quòd tamenſi homines ſibi ipſis ſaluti quæ ſuæ ſapenumero deſint, Deus tamen nunquam ſibi promiſſiſq. ſuis præſtandis defuerit; id quæ ſapientiſſimẽ curauerit, atque egerit, vt propoſita hominum generi de publica ſalutẽ ſpes, quo magis cõmunis aduerſarij dolo & fraude debilitata eſſe aliquando videretur, eo firmioribus & amplioribus conſiliorum fundamentis ad euentum vſq. ipſum fuerit adminiſtrata. Effecerat quidem publicus ille humani generis hoſtis, vt mons ille terreſtris Sion & Ieruſalẽ cũ tẽplo illo ſuo materiali incolentiũ vitio & culpa repudiaretur, vt autẽ conſiliũ illud de cœleſti regno ſtabiliẽdo repudiaretur, efficere nõ potuit: nãq. tẽpli mons in excelsa ſiluarum redactus nunquam impediit, quominus ille eccleſiæ mons, in quo ciuitatem ſuam inſtituere Deus cogitauerat & magnis Dei promiſſis & digniſſimis tandem accertiſſimis fundamentis ſtabilitum, & maximis orna-

Greg. in Eze ch. hom. 13. Hieron. in Iſai. c. 2. Leo Papa de nat. ſerm. 10.

Rupert. in Mich. lib. 2.

ornamentis auctum sit. hanc igitur rem vates grauissimo prædicit oraculo. Quâquam mons ille terrenæ & lapideæ ac ligneæ domus Domini ob cultorū flagitia ruinis & excisionibus horridus incultæque ac saxosæ siluæ similis tandem euaserit, tamen statuto à Deo tēpore futurū erat, vt mons sanctæ ac legitimæ domus Domini, in qua ille sibi æternam sedem collocaturus esset (ea autē Christianæ ecclesiæ religio est) omnes alios montes, omnem alium siue veræ siue falsæ religionis cultum tanto excelleret intervallo, quanto vanitatem veritas, luxque vmbra excellit. Neq; vero obscura nimis significatione religionibus omnibus montium nomen à Vate est inditum, quod non modò supersticiosa gentium templa, sed sacella etiam, quibus Dij illi vanissimi colerentur, in mōtibus editioribusq; locis sita esse, ad diuinitatis & maiestatis rationē pertinere putabatur, quæ ex eare fana dicta fuisse nemo eruditus est qui nesciat. Igitur veritate & sanctitate Christianæ ecclesiæ religio cū Iudaicā vmbra, tum aliarum superstitionum tenebras adeo superatura esse dicitur, vt illa sprete aliisq; dānatis, hæc vna, velut vnicū salutis publicæ præsidium, communi omnium gentium consilio & studio petenda esset. Domum autem Domini homines ipsos ecclesiæq; membra appellat, sicut scriptum est: Templum Domini, sanctū est, quod estis vos. Hoc autem vaticinium eodem planè visu & non dissimili oratione ab Isaia & Michæa vatibus exceptum decantatumque est, non quod hinc ab illo mutuata verba in suam orationem translata sint, sed quod præuisam eandē rem, vt propriè diceret, iisdē ferè verbis dicere fuerit consentaneū. *In nouissimo die-* Isai. 2.

*rum*, acceptabili tempore & diebus salutis nostræ Christianorum aurea & felicissima ætate, in quos fines seculorū deuenerunt. *Preparatus*, hebraicæ NACHON. non solum præparationem, sed erectionem & firmitudinem etiam significat, ita adeo firmum ac stabile in perpetuūq; sibi domiciliū in Christiana catholica ecclesia collocaturū Deū Vates promissere. Excellentia autē illam non mole & magnitudine lapidū, & cacuminis altitudine inaccessibili præter montes cæteros, sed virtute atque spiritus diuini efficientia vt spiritualis mons spirituali dignitate & amplitudine excellat; quam omnes vndique gentes agnoscentes maximo studio petant.

*Et fluent ad eum populi & properabunt gentes multe & dicent, venite ascendamus ad montem Domini & ad montem Dei Iacob, & docebit nos de viis suis & ibimus in semitis eius.*

MAGNA & assidua cultorum frequentia Christianam religionem celebrandam esse canit, quos sacrosancti euangelij notitia ad communis religionis & vitæ societatem ineundam vocatura esset. Frequentia verò & assiduitas atque studium duobus communissimis verbis significata sunt, *fluent & properabunt*. communitas verò studiorum, & animorum de ea re consensio illa adhortatione ostenditur, *Venite & ascendamus*. Ad terrestrem Ierusalem verbum, *Ascendamus*, referendum est, quod ab illius imagine omnis hæc vera cælestis ciuitatis ratio in sacris libris translata sit. consonant enim altissimi mōtis nomen, & ascendere verbum. Quod autē ad domum Dei Iacob additur, eò pertinet, vt antiqui in Iacob collocati beneficij memoria ad eandem & maiore dignitatis spem sese mutuò aduocent. Nam ab eo, qui ex humili Iacob illustrem Israël reddiderat, se etiam ab illa infima seruitutis condicione ad diuinam libertatem, ab errorum cæcis tenebris ad veram lucem reuocatos traductum iri credere & sperare par erat. Itaq; huius mōtis expetitio aliarū omnium religionum & superstitionū, à quibus gētes imbutæ fuerāt, repudiationē arguit. Ob quod verò emolumentū id consilij cōmuniter à gētibus capiendū esset, statim declaratur: *& docebit nos de viis suis, & ibimus in semitis eius*. Vanæ & stultæ sapientiæ professionē omnibus gentibus fuisse Christianæ doctrinæ virtutis & efficiētiæ cōparatione Vates docet. Gentes ambulāt in vanitate sensus sui tenebris Ephes. 4. obscuratum habentes intellectum, alienati à vita Dei per ignorationē, quæ est in illis &c. Hunc autem errorem agnoscentes populos, Christū Dei virtutē & sapientiā petitu- Ierem. 16. ros vates oraculis prædixerūt. Ad te gētes veniēt ab extremis terræ, & dicent: Verè mendacium possederunt patres nostri, & vanitatē, quæ eis nō profuit &c. Quas verò doceri cupient vias, diuinæ sapientiæ rationes & honestissima viuendi instituta erunt; non philosophicæ cogitationes aliquæ, quales multos olim variarum sectarum homines adumbrata magis specie virtutis mouerunt, quàm vera & præstantissima alia qua virtute iuuerint. Verū enim uero vniuersæ viæ Domini misericordia & Psalm. 102. veritas

veritas his qui seruant testamentum eius. huius verò maximæ rationis summa Christus est, Dei sapientia & Dei virtus, de quo nobis grandis & interpretabilis ad dicendū sermo est. Neque verò sterilem & ieiunam aliquam aut tepidam disciplinam fore vates prædicat, sed viuā atque efficacem, quæ cultores suos vehementi honestatis amore affectos ad assiduam veræ & diuinæ virtutis exercitationem vltro impellat, non vt antiquæ legis temporibus cū accepta Deo in Sina monte ~~lex~~ cultores suos terreat magis quam ad veram ac solidam pietatē alliceret, sicut scriptum est: Ecce dies venient dicit Dominus, & feriam domui Israel & domui Iuda foedus nouum, non secundū pactum quod pepigi cum patribus eorum in die, qua apprehendi manum eorum, vt educerem eos de terra Egypti, pactum quod irritum fecerunt, & ego dominatus sum eorum dicit Dominus. Sed hoc erit pactum, quod feriam cum eis, &c. dabo legem meam in visceribus eorum, & in corde eorum scribam eā, &c. Huius nouæ & in corde scribendæ legis participes populi etiam illi futuri erant qui ad montem Dei Iacob euangelica legatione vocati concurrerent. *Et docebit nos de viis suis, & ibimus in semitis eius.* Omnem virtutis rationem & minima etiam præcepta obseruatueros sese profitentur, non vt antiqui illi Israëlita, quibus, ob viarum Domini ignorance, diuina requies iureiurando etiā negatā est. Illam igitur legē, quæ in Arabiæ mōtibz lata est, vt quippe quæ nihil ad perfectum adduxerit, antiquatam & nouam quandam efficacissimā non hebræis modò, sed populis omnibus promulgandā diuinitus latum iri vates prædixerunt. cuius prædicandæ initium Ierosolymis factum ministrorum officio & consequentibus signis per omnem terrarum orbem propagaretur: namq. publicæ salutis præconiū & lætissimū euangelium a Sion in ceteras orbis nationes perferendū esse diuinis oraculis est proditum. Dedi te in lucem gentium, vt sit salus mea vsque ad extremum terræ. Hanc diuinæ noui testamenti in cordibus scribendæ legis perfectionē longē antiqua illa præstantiorem agnoscetes vates cum vera gloria prædicauerunt. cuiusmodi prædicatio à vate nostro asseueranter initur.

*Quia de Sion egredietur lex & verbum Domini de Ierusalem: & indicabit inter populos multos, & corripiet gentes fortes vsque in longinquum.*

Quia Vox hæc præter alia multa, asseuerationis vim in sacris obtinet, vt: Quia non repellet Dominus plebem suam. Huiusmodi autem hoc in loco significationem habet, vt antiquata repudiata iam prioris legis, vt parum efficacis, ratione, posterioris vim & efficientiam anteponat. *Verbum Domini*, verbum abbreviatum, Verbum consummans in æquitate, quod Dominus facturum se pollicitus fuerat. Verbum fidei, quod ab Apostolis prædicatum est. cuius ea vis erit, vt *iudicet inter populos multos, & corripiet gentes fortes vsque in longinquum*, spiritu sancto in discipulos immisso, à quo mundus de peccato, de iustitia & iudicio arguendus fuerat, stultis de avaritia, de ambitione, de gloria, de rerum summa, de vitæ huius felicitate opinionibus euolutis & sublati: nouisq. de modestia, de paupertate, de concordia, de mutua charitate & pace, iisdēque verissimis in eorum mentibus confixis sententiis.

*Et concident gladios suos in vomeres, & hastas suas in ligones: non sumet gens aduersus gentem gladium, & non discant ultra belligerare.*

ELEGANTISSIMA & poëtica periphrasi diuinam animorū pacem & tranquillitatem Christianis omniū gentium hominibus futuram describit, non pacem qualem mundus falsò promittit & habet, sed piam quādam & æternam pacem maximo animorum consensu & vera charitate (quæ non quarit quæ sua sunt, neque æmulatur). conciliandam felicitatem præterea & rerum omnium copiam, communemque omnibus utilitatem consecuturam subiungit. Id verò argumento à destinatis producto cōfirmat. namque belli metusque depositionem comparati ferri atque aris à bellicis ad rusticos vsus translatio, & militaris disciplinæ dīsiuetudo, agriculturæque studium manifestè arguent. namque arma in vomeres conflare quid aliud quā belli cessationē & agriculturæ ac pacis cōmodissima studia, & militarē disciplinam negligere, ac securitatē perpetuam significat: sic apud Isaiā: Et conflabunt gladios suos in vomeres, & lanceas suas in falces; non leuabit gens contra gentem, neque exercebuntur ultra ad prælium. Atq. hoc modo Christi imperium Ierosolymis in monte domus Domini initio fundatum non

non ferro & cæde, sed diuini spiritus vi, summaq. in pace toto orbe dilatandum erat, ac tanta etiã iustitia, æquitate & innocentia gerendum, vt nullius rapinæ, nullius iniuriæ, nullius deniq. violentiæ metu cõmunis & publica pax interturbari posset.

*Et sedebit vir subtus vineam suam & subtus ficum suam, & non erit qui deterreat, quia os Domini exercituum locutum est.*

SECURITATEM tranquillitatemq. publicam rustici rei cura studiumque significat. Sedere autẽ in arborum vmbraçulis, honesto otio & quiete abundantis, vitamq. sine graui vilo labore, sine suspitione vel contentione traducens est. Hinc illud spectat quod Rablaces Ierosolymitanos allocutus dicebat: Egredimini ad me & comedite vnusquisque vineam suam, & vnusquisq. ficum suam, &c. & apud exteros eadem res iisdem imaginibus significantur, vt: *Portasq. non clausas & arua Marte coli populata nostro.* & illud: *Recubas sub tegmine fagi.* At verò diuino præsidio & tutela efficiendũ esse ait, vt nulli qui ad illud Christi regnum pertineant, vlla pœna aut metu, vlla periculi denuntiatione vel terreantur, vel tranquillo animo esse & consistere vetentur: *Quia os Domini exercituum locutum est.* Diuinorum promissorum cõstantia & certitudo illustri potentiaẽ mentione confirmatur. Verba enim Domini veritatem, exercituum verò ad id quod promissum fuerit, præstandum facultatem arguit: quam rem & aliàs annotauimus: Igitur securitatem, animorumq. tranquillitatem certissimam illis ex eo arguit, quòd à potētissimo & fortissimo & constantissimæ fidei Deo in proprium gregem recipiendos esse sponsum confirmatumque sit. Oues autem Christi nemo tollere, nemo à charitate Dei separare poterit. *Os Domini locutum est.* vehementem asseuerationem oratio habet; non enim conficto ab homine aliquo, sed certo Dei ipsius sermone & viuæ vocis oraculo de ea re receptum esse. At verò ecclesiam tam ex omnium gentium populis, quàm ex Israëlitis constatam vna pietatis & diuini cultus conspiratione, vna iucundissima vitæ & officiorum omnium societate coniungendam esse, ita vt (quemadmodum Paulus ait) idem omnes sapiant, idem sentiant. hoc etiam Vates noster gratulabundus canit:

*Quia omnes populi ambulabunt vnusquisq. in nomine Dei sui, nos autem ambulabimus in nomine Domini nostri in æternum & vltra.*

Loçvs hic vt Latinè redditur, difficilior aliquanto est, qui tamen sententia ipsa commodè explicabitur, quorundam tantum verborum rationibus annotatis. *Quia*, affirmationis magis, quàm causæ significationem hoc loco habet. Verbum futurũ, *ambulabunt*, non ad rationem futuri, sed ad consuetudinem referendum est. Absolvitur namque à temporis notatione verbum hoc in loco, sicut & sæpe obseruandum docuimus. Itaq. *ambulabunt*, *ambulant* vel *ambulare* solent: explicandum est, præterea incisum punctum post coniunctionem, *autem*, figendũ est, atq. oratio ipsa hoc modo est legenda: *Quia omnes populi ambulantes vnusquisq. in nomine Dei sui, & nos ambulabimus in nomine Dei nostri in æternum & vltra.* Ita adeò ex omniũ nationũ ad veritatẽ & lucẽ reuocatis hominibus, & ex Israëlitis etiam in gratiam restitutis vnã communem & catholicam ecclesiam, vnum baptisma, vnum Dei vnus nomen colendum, vnum euangelij & fidei obsequium futurum esse confirmat: neq. varias antè opinionum, superstitionum, religionumque contentiones impedituras fore, quominus in eundem tantum pietatis veræ ac sanctissimæ religionis consensum conueniatur. Eam autẽ rem iã diuinitus præstitam, & cumulatissimè tandem præstandam apqstoli omnes multis in locis prædicant: Tunc quidem ignorantẽs Deum, iis, qui natura non sunt dij, seruebatis, nunc autem cū cognoueritis Deũ, imò cogniti sitis à Deo, &c. & ad Ephesios: Memores estote, quod aliquando vos, qui eratis gentes in carne, qui dicebamini præputium ab ea quæ dicitur circuncisio in carne, manu facta, qui eratis illo tempore sine Christo, alienati à conuersatione Israël, & hospites testamentorum, promissionis spem non habentes, & sine Deo in hoc mundo: nunc autem in Christo Iesu vos qui aliquando eratis longè, facti estis propè in sanguine Christi: Ipse enim est pax nostra, vt reconciliet ambos in vno corpore Deo per crucẽ, in- terficiens inimicitias in semetipso, & veniẽs euangelizauit pacẽ vobis, qui longè fuistis, & pacẽ iis, qui propè, quoniã per ipsũ habemus accessũ ambo in vno spiritu ad patrẽ, &c.

Oportuno

Isai. 36.

Horat. lib. 3.  
od. 5.

Virg. eclog. 1.

Ioan. 10.  
Rom. 8.

Galat. 4.

Ephes. 2.



Ephes. 2.

Oportuno autem Zeugmate Vates hic usus fuit, ut communem gentium & Israëlitarum ad perpetuum Dei vnus cultum, conpirationem & concordiam significaret: *Omnes populi &c. & nos ambulauimus in nomine*; quanquam multitudinis numero vna tantum persona eaq. prima (quæ consensum magis ostendit) pronuntiata est. sic Paulus: Habemus, inquit, accessum ambo in vno spiritu ad patrem. Quod ad verba attinet, vox, autem, non aduersanter sed coniunctiue siue adiunctiue ponitur, ut: Abraham autem genuit Isaac, Isaac autem &c. namq. si ex hebraico ad verbum vertas, vertendum profecto est, & nos. Quoniam verò diuino consilio res ita decreta constitutaque fuerat, ut cum pauci primū ex Israëlitis, per quos initio gerenda esset, ad ecclesiæ sacræ ciuitatem receptis, ceterisq. ob incredulitatē repulsis plenitudo gentium admissa esset, Israëlitis tandem reliquiis gratia salusq. afferretur, causæ ipsius ratio postulare videbatur, ut eodē, quo expediendum esset ordine negotium à vatribus præntiaretur; simul ut admiranda Dei sapientia & veritatis ratio cōstaret, & ex iis quæ transactæ primum fuissent, rebus, earum etiam, quas sperari oportuerat, certa daretur expectatio,

*In die illa dicit Dominus: congregabo claudicantem, & eam quam eieceram colligam, & quam afflixeram, consolabor: & ponam claudicantem, in reliquias: & eam quæ laborauerat, in gentem robustam: & regnabit Dominus super eos in monte Sion, ex hoc nunc & vsque in æternum.*

Isa. 30.

MISERATIONIS & misericordiæ diuinæ rationibus oportuna ouium & pecudum translatio est: quæ libenter ac sæpe à sacris auctoribus usurpatur. Huic imagini, si qua miseræ accessio adpingatur, misericordiæ rationes impenitus excitat & commouet, ut si claudam vel infirmam, vel aberrantem, vel perditam ouem dicas, cuiusmodi frequens in sacris libris mentio est. Igitur de restituendis in gratiam Israëlitarum fittis dissipatisq. reliquiis receptum sponsumq. à Deo esse Vates commemorat. appellat namque claudicantem Israëlitarum familiam tribus duabus minorem allusione ad Iacobum olim claudicantem facta. Iudæorum verò gentem eiectam vocat, quod ea postremum ex patriis finibus, atq. ex diuina maximè gratia procul eiecta fuerit. nam postrema & iustissima Iudæorum ob pulsum è propria vinea hæredem, id est, ob repudiatum Christum reprobatio fuit, sicut scriptum fuerat: Quia repulistis verbum hoc idcirco erit vobis iniquitas hæc sicut interruptio cadens. eiusdem autem gentis causa ait, & quam afflixeram, consolabor, Hebraicè & aspere tractaueram. Vehementer enim ab eo tempore quo discedentibus apostolis derelicti desertique fuerant, vexati, obcecati afflictique sunt, ut pœnas dederint sanguinis etiam ònis, qui effusus fuerat ab Abel iusto vsque ad Zachariam filium Barachia &c. atque Israëlitarum quidem qui semel tantum capti & abducti sunt, quod variè fuerint dispersi, res omnes afflictæ magis debilitatæq. sunt. Iudæorum verò quanquam Babylonica prius & Romana posterius captiuitate fuerint profligatæ, tamen quod commodiores migrationi suæ regiones nacti fuerint, minus imminutæ minusq. attenuatæ fuere. Quamobrem Israëlitarum futuram salutem reliquiarum nomine significat. & ponam claudicantem in reliquias. Nam diuina misericordia effectum est, ut Israëlita tot malis tot miseriis, tot rerum & temporū casibus, incōmodis & difficultatibus affecti nō funditus perierint, sicut scriptum est: Misericordia Domini, quod nō sumus cōsumpti, quia non defecerūt miserationes eius. Hebraica autē lingua reliquiarū nomine duo significat, id quod ex miseris & afflictis rebus relictum est, & quod ad futuræ restitutionis spem quoq. fuerit residuū. Atq. vtramque ad rē promissionis huius referenda sententia est, ut tantarū miseriarū sitæ reliquæ diuino demum beneficio collectæ in futuræ deinde sanctæ sobolis spem repositæ foueatur, sicut quondā à Vate scriptum, & ab Apostolo cōmodè relātū fuit: Si fuerit numerus filiorum Israël quasi arena maris, reliquæ saluæ erunt. Iudæorum verò res, quæ minus imminutæ permanerint, celerius & validius restitutum iri promittit. & eam quæ laborauerat in gentem robustam. Equalem autem vtrisque & Iudæis & Israëlitis & communem gratiam, eandemq. cælestis regni communionē, & nulla, ut olim, dissensione, nullo dissidio interturbatā societate, eundem vnus Dei cultum, eandē pietatis veræ muniendam viam fore ait. Et regnabit Dominus super eos in monte Sion ex hoc nunc & vsque in seculum. Christi Iesu legitimi ex Dauidis familia regis opera & virtute regnum hoc æterno Deo & patri stabiliendum & conseruandum esse docet, spiritu sancto in suos immisso per quem

Tren. 3.

per quem in gratia illa stent & gloriētur in gloria filiorū Dei. Id quod & diuinus ille legatus ad virginem verba faciēs explicuit: Et dabit illi Dominus Deus sedem Dauid patris sui, & regnabit in domo Iacob in æternum, & regni eius non erit finis. Sion ecclesiam catholicam intelligimus montem, quem præ aliis omnibus dilexit Dominus, fundatū exultatione vniuersæ terræ in ciuitatem regis magni. Hæc vbi sigillatim de vtraque gente vaticinatus est, sermonem ad ecclesiam gratulabundus conuertit, quam ad magnæ felicitatis & celeberrimæ frequentiæ spem vocat.

*Et tu turris gregis, nebulosa filia Sion usque ad te veniet; veniet potestas prima regnum filia Ierusalem.*

ILLUSTRIA persæpe & notissima nomina ad diuinas res similitudine quadā transferruntur, vt paradisus, qui locus in terra amœnissimus & beatissimus fuit, cælum quādoque & piis paratam sedem significat. Sic & *Turris gregis* celeberrimus & antiquissimus iuxta Ierosolymam locus, & Iacobi olim ibidem cum familia habitantis monumento illustris, ad catholicam ecclesiam significandam cōmodissimè transfertur, quod ab exigua eo loci primum orta & constituta familia amplissima soboles profeminata est. Vniuersum verò piorum populum ad principis & pastoris sui rationem relatum gregis nomine dici, clarius est, quàm vt expositione egeat, vt: Percutiam pastorem, & dispergētur oues gregis, & : Nolite timere pusillus grex. Ecclesiam igitur cōmunem piorum omnium matrē appellat, quā numerosissimæ sobolis & æterni ac diuini regni spe cōsolatur. Huius initia parua quidē, illustria tamē apud terrestre illā Ierosolymam facta in amplissimum tandē & maximis populi & dignitatis incrementis illustrissimū statum perferenda esse canit. *Nebulosa filia Sion*, excelsa admodū turris, vt nebulis cacumen abscondas Hebraicè GHOPHEL, excelsum & munitissimū præsidium arcēq. significat, quā ob æternā & inextinguibile futuræ felicitatis stabilitatē, hoc nomine appellauit, cui dignitas illa inchoati olim apud synagogā regni perfecta tandem & absoluta deferēda erat. Affirmationē autē & gratulationē repetitio illa habet, *ad te veniet, veniet potestas*. ita adeo ecclesiā cōmunē quandā omnibus Israëliitarū & gentiū familiis ciuitatem & regni sedē, in quo suum singulis eodē iure, hoc est, diuinæ misericordiæ beneficio domiciliū sit. Quā rē & Ezechiel Vates à se præuisam eleganti imagine descripsit. Cōmunem enim gētibus omnibus ciuitatem fore dicit, in qua suæ vnicuiq. tribui portæ, quas maxima frequentia celebrēt, future sint. Hūc verò locū nō nihil variatis personis eadē omnino sententia sic Paraphrastes Chaldaeus vertit: *Et tu Messias, Israëlis: qui absconditus es à facie congregationis Sion, tibi futurum regnum est, vt adueniat, et veniet potestas pristina regno cōgregationis Ierusalē, sic Chaldaice.*

*Nunc quare mœrore contraheris? nunquid rex non est tibi, aut consiliarius tuus periit, quia comprehendit te dolor sicut parturientem.*

ISRAELITAS velut instanti iam calamitate perturbatos atque metu doloreque dilatos ad aduersarum rerum tolerantiam afferendāq. per Deum salutis spem atq. expectationem adhortatur primum, ne diuturni mali sensu debilitati & dolore fracti, se restituēdos esse desperarent. Igitur salutis spem diuinæ cōmemoratione prouidentiae redintegrauit, ac nō oportere, inquit, animū perpetuis lamentis addictū despōdere eos, qui regem consulemq. suum nō deficere, sed semper viuere manereq. intelligāt, quam ob rem ferendas quidē interim esse iustē cōstitutis sibi pœnas, sed postremū rerū suarū euentum, Deo opt. max. regi, cōsiliario auctoriq. suo permittendum, ex cuius misericordia certā salutem, vt ex sua ipsorū noxia certā calamitatē, expectare cōsentaneū est, maximē cum vtraq. res prædicta & prænuntiata sit ab eo, qui salutem quidem vltro, calamitatem verò non nisi inuitus, id est, impietate & scelere irritatus adferre solet. Igitur denuntiati mali sensu & vsu promissi sibi boni certam spem ostendi oportuerit. *Nunc*, illationem non tempus hoc in loco significat. Igitur cum hæc à me dicta & prænuntiata sint. *Quare mœrore contraheris?* Alloquitur enim Israëliitarum societatem velut præsentē calamitate in futurarum semper miseriarum metu positam. *Nunquid rex non est tibi, aut consiliarius tuus periit?* neque enim tibi desperandum est, quandiu rex tuus, qui tibi semper optimē consultum esse voluit, vixerit, viuet autem in æternum. Quamobrem in ipsa miseriarum vsu diuinū cōsiliū etiā agnoscendū est, idemq. futuro rerū exitu expectandum. Neque enim præsentī dolore succumbere debes, cui modū tandē & finē accedere posse intellexeris. Exigui nāq. consilij & abiectissimi animi femina

femina illa esset, quæ incidente partus tempore dolorum difficultatibus affecta, ita animo concideret, ut sibi & foetui lucis & vitæ usum adimeret. Quia comprehendit te dolor sicut parturiens, atque ob eam rem contraheris, cum contra potius forti & constanti animo, ad diuinam fidem & misericordiam, ad diuinam opem, auxiliumque petendum omni cogitatione, conatu ac studio conuerti debueris. Ita adeo longæ ac dentis & misericordis commemoratione, & futuræ tandem amplissimæ restitutionis spe consolatur. Contra verò Iudæorum insolentiam breuioris quidem grauissimæ, tamē calamitatis obnuntiatione, & furentem peccandi impetum cohibere conatur, quos ad reddendæ etiam priuatè ipsis & publicè omnibus salutis expectationē tandem excitat. 10

*Dole, & satage filia Sion quasi parturiens, quia nunc egredieris de ciuitate, & habitabis in regione: & venies vsque ad Babylonem, ibi liberaberis: ibi redimet te Dominus de manu inimicorum tuorum*

SAPIENTISSIMIS & commodissimis alteri atque alteri populo rationibus & orationibus vates egit. Illius enim miserrimis rebus, proposita spe, succurrerat, hic insolentia elatis & perturbatis, magno adiuncto metu, occurrit, cum subeundas propediē Iudæis poenas grauitatis potius existimatione metuere, quàm breuitatis cogitatione contemnere oporteat. Pariendi enim tempus illis appropinquare, non ludendi: quod quamquā breue sit, non leue, non doloribus maximis & miserijs vacuum esse possit, quibus ea mala & scelera admissa fuerint, à quibus non nisi datis & solutis poenis liberari posse putandū sit. Quia nunc egredieris de ciuitate, Ierusalem capta & abducta migrabis, & forma ista ciuitatis extincta habitabis in regione. Hebraicè, habitabis in agro: tediosissima & durissima iis, qui vrbana vitæ assueuerint, habitatione: qualis olim captis & abductis victoris lege contingebat, non intra vrbes ipsas, sed in suburbanis, & pagis, angusto & incommodo domicilio, super flumina Babylonis, ubi sedentes patriæ ciuitatis memoriā, luctu & gemitu assiduo, grauissimisq. suspirijs prosequerentur. Sic etiam Romæ habitabant, qui ad eam urbem à victoribus fuerant deducti: Nunc, sacri fontis nemus & delubra locantur Iudæis, quorum cophinus, scenumque supellex. Igitur non in vrbe, sed in regione, atque agris aliarum vrbiū, non paucorū dierum, neque comoda sedestibi collocanda est; neque id prope patriam urbē tibi cōtinget, ut vel facilē visendi spe, vel assiduis nuntiis recreari possis, sed 20 venies vsque ad Babylonem. Quod si redemptionē & liberationem tandē tibi à Deo impetrandā esse speres: interim tamē dolēdum tibi, & grauē miseriam ferendā esse memento: ibi liberaberis non prius, quàm tibi constituto tēpore insolentiæ, flagitij, atque impietatis poenas dederis: ibi redimet te Dominus de manu inimicorum tuorū Inter infestam tibi & inimicam gentem interim agentem: ita adeo supplicij grauitatem à re ipsa, à locorum & cōmodorum cōparatione, ab interuallo, & personis Vates arguit. Quamquā autem Iudæa gens à Babyloniis afflictā, & misere diu fuerit vexata: tamen ut diuina, pura, ac sancta religio extingueretur, ex ea re non euenit. Diuini enim consilij fuerat, ut, contaminata à gente sua religio poenis illis expiaretur, non autem perderetur: neque enim ea vnius gentis consilijs, & conatibus extingui poterat, quam Deus illustrissimā, & omnibus totius orbis gentibus ad expugnandum congregatis, superiorē fore statuerat: Imò ex illius apud Babylonios afflictæ synagogæ reliquijs pulcherrimam, & frequentissimam, atque illustrissimam ecclesiam sibi profeminandam susceperat: aduersus quam neque principes & potestates, neque altitudo, neque profundum, neque omnes denique inferi præualebunt. 45

*Et nunc congregatae sunt super te gentes multæ, quæ dicunt, lapidemur, & aspiciat in Sion oculus noster.*

Et nunc: Parandam porrò ab omnibus gentibus Christianæ ecclesiæ, hoc est, Sionis filia impugnationem, & diuinam propugnationem, celeberrimamque de hostibus victoriam breuib. prædicat: quo sermone omnis antiquæ synagogæ, & præsentis ecclesiæ status præscribitur: mirum enim dictu est, quantæ ex gentibus, & populis omnibus copiarum sanctum Iesu Christi euangelium ad impugnationem sibi sumpserint, quantumque in cælestem hanc disciplinam, tanquam in contaminatissimā aliquam superstitionem, tanquam in communem orbis pestem odium struxerint: hinc illa barbara & effera in sanctissimos & fortissimos martyres sæuitia. De qua illud verè à D. Paulo decantatum est: Quo-

Psal. 136.

Iuuen. Sat. 4.

Amobius.  
Lactantius.  
Phoebus Iu-  
nior.

Quoniam propter te mortificamur tota die, existimati sumus tanquam oues occisionis, namque princeps ille mundi huius cum diuinum & arcanum salutis publicæ negotiū se frustra contendente expeditum transactumque cognouisset, illud omnibus consiliis, studiis & conatibus curabat, scilicet ne præclarus atque exoptandus de tanta felicitate nuntius publicè in omnes gentes perlatus audiretur. Sed id consiliis & impugnationibus suis effecit, ut ipsa morientium & cæcorum propter Christianam pietatem cæde, diuina causa verior, clarior & illustrior euaderet, sicut scriptum est: Sed in his omnibus superamus propter eum, qui dilexit nos. Itaque non dubitandum synagogæ esse ait, ut nō ex paucorum hostium, hoc est, Babyloniorum manibus tandem liberetur; siquidem futurum est, ut eius filia Ecclesia furentes & violentissimos gentium omnium exceptos in se impetus tandem cohibeat, atque illustri victoria superet. Quæ dicunt lapidetur, tanquam superstitiosa & nouorum dæmoniorum assertrix (sicut illi dicebant.) Hebraicè verbum est *רְהֵחַנָּה*, Latine superstitietur, expietur ut impia. [Et aspiciat in Sio oculus noster.] Vltionis studium & cupiditatem maximam hæc significat oratio, ut illud: Et super inimicos meos aspexit oculus meus. & Euge, euge viderunt oculi nostri, nempe id, quod cupieramus. illud autem ex istorum Ecclesiæ hostium cōsilio, conspiratione & studio euenturū esse, ait ut quod frequentior impugnantium numerus fuerit, eò illustrior victoria, eò certior & manifestior Dei erga ecclesiā prouidentia consiliūque agnoscatur.

אנן

*Ipsi autem non cognouerunt cogitationes Domini, & non cognouerunt consilium eius, quia congregauit eis, quasi fœnum area.*

ADVERSARIORVM cōsiliis & conatibus ad suam ipsorū perniciem sapientissimè Deum uti solere frequentibus diuinorum librorum testimoniis atq. exemplis docemur, sicut scriptū est: Et cum peruerso peruerteris, quia tu populū humilem saluum facies, & oculos superbiorum humiliabis, &c. Igitur illum aduersariorum omniū vltro aduersus euangelium & ecclesiam concursum, illum maximū consiliorum, moliminum, armorū & rerum omnium apparatus illustrioris Iesu Christi & ecclesiæ victoriæ materiam fore prædicit, ut maxima manipulorum in arcem coaceruatio maiorem trituram & cumulationes asseruandi frumenti acervos promittit. Iam verò præuisa à se & certa victoria gestiens, ecclesiam ad magnam spem & rem strennuè gerendam, ac veluti negotio ipsi iam præsentem alloquitur:

*Surge & tritura filia Sion, quia cornu tuum ponam ferreum, & ungulas tuas ponam areas.*

QUANTO virtutis & dignitatis diuinæ atq. gratiæ intervallo noui testamenti ecclesia veterem synagogam ex diuino beneficio excellat, insignis contentionis imaginè significatur. namq. illa oīi claudicāti & eiectæ, quæ ferarum incursionibus facile exposita esset: hanc verò robustissimo & ad trituram expediendam valentissimo tauro, qui vltra proprium robur ferreis cornibus & æreis ungulis præditus sit, persimilè esse dixit; id adeo cum à natura esse non possit, diuino beneficio contingere Vates declarat. [Ponam cornu tuum ferreum.] Taurus in pugna validissimus est, quod non dente modò, sed cornu magis & pedibus rem agat. Eā rationem sacri auctores à natura ad animū trāsferentes, diuinæ virtuti opportunissimè accōmodant, ut: Cornu eius exaltabitur in gloria: In te inimicos nostros ventilabimus cornu. Sed ad maximas aduersariorū pugnās, siue ille visibiles, siue inuisibiles fuerint, strenuè exercendas, hæc similitudo præcipuè transfertur. Hæc autē omnia diuini spiritus, quo Christiana religio gubernanda erat, virtutem significant; virtutem autem illustrissimam quondam, nunc autem quanquam non omnino desideratam; temporum tamen atq. hominum vitio minus fortasse, quàm expediret, manifestā: de cuius rationibus ut aliquando commodius & fufius differamus, propitium mihi Deū esse velim. Huius ergo diuini spiritus virtute & magnitudine omnes ecclesiæ hostes superandos, omniaq. illorū pretiosissima spolia, sapientiā, scientiā, nobilitatem, potentiam, opes, diuitias, quicquid deniq. pulchrum præclarumque huius mundi cultoribus existimatur, victoriæ iure detracta, Deo victori dedicanda esse præcinit.

Psal. lxx.  
Psal. 43.

*Et comminues populos multos & interficies Domino rapinas eorum.*  
QUENAM eorum, qui verbo Euāgelij victi fuerunt, res apostolorum voluntati permittæ non sunt; quæ diuitiæ non in cōmunes, tum ecclesiarū, tum pauperum vsus vltro



oblatae, qui libri curiosi non exusti? quae arma tandem non deposita? quae humanarum scientiarum contra diuinam sapientiam rationes non damnatae fuerunt? demum nihil adeo magnum, adeo dignum, adeo probatum antea hominibus fuerat, quod in obsequium fidei non traderetur.

*Et fortitudinem eorum Domino vniuersa terra.*

SOLENNIS olim magnis ducibus & imperatoribus fuit, parata ex hostibus victoria, ex eorum, qui victi essent, armis & spoliis, Deo quemq. suo clara exornataq. trophaea cum huiusmodi inscriptione statuere: *Ioui seruatori. Marti vltori. Neptuno libero patri.* Igitur in hac diuina de euangelij hostibus victoria illud sacris pugnae ministris & magistratibus solenne, sanctius tamen seruandum esse significat, ut detracta victis spolia non ficto alicui & vano numini, sed vero vniuersae terrae Deo humanae salutis auctori maximo, statuto trophaeo, dedicentur. [*Domino vniuersae terrae.*] Epigrammatis formula ex antiquarum inscriptionum imitatione descripta est.

# CAPVT V.

**N**UNC *vastaberis filia latronis: obsidionem posuerunt super nos in virga percutient in maxilla iudicem Israel.*

**H**ACTENVS caput quartum in Hebraeo. Immanē, ferum & capitale ecclesiae & euangelij hostem gentilitatem fuisse omnibus antiquis historiis compertum exploratumque est, quod illa plurimarum religionum, imò superstitionum immensa varietas de sacrosancto Christi euangelio impediendo cōiurata, magno impetu, communi studio, omnibus opibus & copiis in eius verbi praecones & ministros irruerit. ea adeo certioris sibi ruinae & exitij causam futurā esse Vates prauidēs obnūtiavit, sermone a victoribus ad victos ipsos conuerso, quibus eiusmodi dicendi figura nō minore vastationis, quā alteris victoriae fidem facit. [*Nunc vastaberis filia latronis.*] Elegans in Hebraico exemplari eiusdem verbi variae significationis est vsus, qui latine planē reddi non possit. *Nunc Thigodedi, filia Gelud*; vbi nomen *Gelud* congregationem siue exercitum vel coetum. *Gadad* verbum congregare & incidere, atque capillos vsq. ad caluitium euellere significat. Gentilitas autē quod nō vni certae familiae ascribi possit, filia coetus dicitur. contra verò ecclesia filia Sion & filia Israel appellatur. Vtriusque autem significationis sententiam continet, ut variae superstitionis cultorum coetum magnis copiis congregatum & sensim minuendum. tandem caluitij modo vastandum esse doceat. Eiusq. à Deo excisionis duplex causa & culpa profertur; altera quod communi studio, conatu & impetu ad expugnandam urbem sanctam, hoc est ecclesiam, eiusq. ministros, quorum numero sese Vates ascribit, coniungere cogitauerint: altera quod cōprehensos à se iudices & magistratus Israelis nimis asperē & contumeliosē tractauerint, & ipsum praecipuē maximum Israelis ducem Christum calamo in maxilla ad ignominiam percussum, probris omnibus affecerint. cuius infandi facinoris ministri milites imprimis ex gentilitate fuere; qui expuentes in eum accipiebant arundinem & illudentes percutiebant caput eius, & dabant ei alapas. Vnam autem Christi & Ecclesiae ministrorumque eius causam esse totis sacrorum librorum foliis docemur, ut: *Saule, Saule, quid me persequeris? Ego, inquit, Iesus Nazareus, quem tu persequeris: cum tamen ille sacros euangelij ministros & pios Christiani nominis professores esset insecutus.* Igitur magnum rerum omnium mutationē illustrem, & perpetuā pietatis de impietate & superstitione victoriam sua auctoritate & Christi virtute vbi futurā Deus promiserat, commodē ad tanti ducis celebrandā patriā & locum sermonem conuertit: quo in loco non minora prouidentiae & auctoritatis suae argumenta, quā in ipsa gerendae rei expeditione inuenienda esse dicit, cum ex tam humili & exiguo oppidulo tantum ducem sibi, imò tantam omni orbi lucem & salutem producturus sit.

*Et tu Bethlehem Ephrata, paruulus es in millibus Juda, ex te mihi egredietur qui sit dominator in Israel, & egressus eius ab initio à diebus aeternitatis.*

MAGNUM Christi Iesu in publicā hominum salutē mittendi, & diuini generis & humani ortus humilitatis sacramentū hoc vaticinio cōtineri publici aduersariorū nostrorū concilij interpretatione docti sumus: quā sacri euangelistae veram & certam agnoscētes, narratione

Matth. 27.  
Ioan. 19.

Act. 9.

narratione tantum retulerunt. Sed quoniam ex illorum gente excæcati quidā & tantis mysteriis indigni interpretes, maiorum suorum sententiā cauillosa quadam argutia frangere conati sunt: quanquam nobis interpretem professis disputationē agere cōsiliū non fuerit; tamen quod ad veritatē propugnandā cōmodē fieri possit, explicata primum orationis sententiā, cauillatorū istorū conatus leui oppugnatione infringere operæpretium visum est. Igitur tātā totius orbis salutis, & sacræ ecclesiæ constituendæ à se præcantatæ occasione futuræ seruatoris illius patriæ Bethlehē gratulatur, simul & magna ac certissima de illo obseruāda oracula pronūciat, cum quod illum ex Dauidis familia oriundū eodē cum Dauide loco ortū, tum quod duabus cum naturis diuina pariter & humana cōstare subindicat. [Et tu Bethlehem Ephrata.] Ad vaticinij certitudinē loci etiam notatio pertinet, cum Messiā suū Bethlehemitē fore ex Iudæ tribu, atq. adeo ex Dauidis domo, quæ olim Bethlehē fuit, cuius præcipuus ciuis Iesse siue Isai Dauidis pater cōmemoratur ex antiqua Iudeorū familia Booza patre ortus vir. Cū verò duo opida Bethlehē nomine in terra Israël fuerint, alterū in Zabulonitide sorte, vnum ex duodecim in illius tribus valle conscriptis opidis secundum Semeronā & Iedabā, sicut scriptum est: Et Catherth, Ios. 19. & Naom, & Semeron, & Iedaba, & Bethlehē: alterum vero frequēti memoria celebratū in Iudæ hæreditate, cui Ephrata prius nomē fuerat, Rachelis vicino sepulchro insigne: ficenim ex Moysis historia accepimus: Mortua est ergo Rachel & sepulta est in via, quæ ducit Ephrata, hæc est Bethlehē. certæ igitur notationis causā Bethlehē Ephrata hoc vaticinio est appellata. Cuius quidē opidi ratio si ad militum copiam & conscribendū numerum referatur, perexigua profecto erit, quod tam paruū opidum cū cæteris Iudæ urbibus, ex quibus multæ myriades hominū cōscribi possunt, cōparandū non sit. si verò ad ipsam cōficiendæ rei summā relata ratio sit, nequaquā minimū opidum, sed omniū maximum & dignissimū censebitur, vtpote quod expectatissimi illius diuini ducis, qui totius populi gubernationi, salutis atq. cælestis regni procurationi diuino cōsilio præficiendus erit, natalibus destinātū sit. Ex hac adeo explicatione, quæ à nobis descripta est, locū hūc nihil cum illo, quē apud D. Matthæū legimus, pugnare cōstiterit, quādo eadē argumenti vis, eadē excepta vtrobiq. sententiā est. nam Vates hic argumentationis propositionem pronuntiauit, sapientes verò illi deductam rationis ipsius conclusionē protulerūt; quæ ad præsentis causæ quæstionē cōmodissimē faciebat; hæc ad loci & patriæ prædicationē: ad personæ verò ipsius dignitatē & amplitudinē illud magno quodā diuini spiritus impetu raptus arcanū planē & diuinū Vates edidit nō sine sublimi voce & vehemēti oris manu: quæ gestu & habitu, tanquā admirabile quiddā pronuntiandū. [Et egressus eius ab initio à diebus æternitatis.] Egressus, Hebraicè *Mozzah* rei vel negotij cuiuspiā initium, vnde primum instituitur atq. oritur, significat; vt Solis primū Arietis gradū tenentis primus ab oriente motus hoc nomine hebraicè; latinē verò egressus siue egressio dicitur, vt: A summo cælo egressio eius, &c. Qua quidē ex obseruatione Messia originē in hoc loco significari docemur. Nō esse autē vnā tantū in hoc Messia naturā nomē ipsum multitudinis numero hebraicè pronuntiatū arguit, cum in solis egressione singulari numero dictū sit: hūc autē multitudinis numero egressus dicatur. Igitur duas naturas in Christo fore præcinit Vates, quarū rationes & descriptiones ex varia tēporum notatione arguēdas docuit. nam quæ prior nobis & cognoscētibus natura sese offert, hoc est humana, ab initio rerū cōditarum, hoc est, à prima hominū origine initium ducere dicta est. siquidē initium, quod Hebraicè *KEDEM* dicitur, temporis & mundi principium est; atq. ita locus ille, In principio creauit Deus cælum & terram, Chaldaicè, ad temporis initium relatus, sic versus est, *BEKADMIN*, voce à *KEDEM* deducta. Igitur alterū egressum alteramque Christi naturam & originē ac negotij eius institutam rationē, ab illo, qui primus hominū omnium exiit, Adamo fuisse ait, atq. ad illius res & rationes cōponendas promissum olim fuisse Christum, ex illoq. temporis initio iam mysterium hoc cōpisse, subindicatur. atque hæc quidē explicatio cum diuinā illa sententiā conuenit: Inimicitias ponam inter te & mulierem, semen illius & semē tuum, & ipsum conteret caput tuū, & tu dominaberis illius. Alterum verò Messia & ducis magni in Bethlehē nascitū egressum à diebus æternitatis esse ait. Atq. hac oratione nulla alia, diuinam in Christo naturam, vt non planē diceret, sed prophetico dicendi genere significaret, aut certius aut melius probare & cōfirmare potuit. namque æternitatis dies vnus Dei, non aliarum item rerum sunt. Cæteræ namque omnes, præter vnum Deum, naturæ mundi initio aut posteriores, aut certē cōrumpunt.

- Pſalm. 89.* sunt, & seculorum originem nullæ excedūt. Deus autē noster ante secula & priusquam  
 „ montes fierent, aut formaretur terra & orbis, à seculo est. Quibus ex rebus omnibus &  
 rationibus illud consequitur; diuinum hunc ducē Messiam, qua homo est, ab initio atq;  
 à primo hominum parente Adamo, qua verò Deus est, à diebus æternitatis egressum  
 habere. Illud verò silentio prætereundum non est, quod humana in Christo natura  
 terreno & humano patre carere subindicatur. quandoquidem eius egressus ad mundi  
 initium relatus, illum secundum hominem non humano semine, sed diuinæ plane vir-  
 tutis opera productum declarat, quemadmodum primus homo nullo ab homine satus  
 solum sui auctorem & satorem Deum agnoscit. Vt igitur Adam primus diuina virtute  
 ex terra factus purus quidem & innocens primum extitit, atque ad imaginem & simi-  
 litudinem Dei proditiſſe dictus est (cū cæteri ab hoc iam corrupto homine orti nō ad  
 Dei, sed ad parentis ipsorum imaginem geniti dicantur) sic posterior hic Adam ex san-  
 ctissimæ virginis purissimo sanguine altissimi virtute & spiritus sancti obumbratione cō-  
 ceptus sanctusque natus; huius etiam humanæ naturæ ratione Dei filius appellatus est.  
 Constat igitur illum utroque egressu ad diuinam virtutem esse referendum, qui quod  
 Deus sit, à diebus æternitatis habet, quod verò homo est, quanquam in fine temporum  
 ex humana matre sit natus, tamen paternum initium non ab homine, aut humano gign-  
 endi homines modo, sed à Deo atque diuina producendi hominem & ineffabili atque  
 adoranda magis, quàm inuestiganda virtute habet. Hæc adeo ratio Christum utraq. ex  
 parte ad patrem relatum cælestem planè, & qua homo est, ad Dei imaginē magis etiam,  
 quàm antiquum illū factū esse probat, sicut scriptum est: Primus Adā de terra terrenus,  
 „ secundus homo de cælo cælestis, verus quidē homo ex humana carne & anima rationali  
 constans, sed quo verior homo est, hoc propius ad diuinam imaginem & similitudinem  
 accedēs, ut propius quidē Adā primus accedebat, antequā natura sua vitio & culpa de-  
 formata filios ad imaginē suā genuisse dici posset. Atq. adeo ad hoc mysteriū & ad hanc  
 utriusq. Iesu Christi egressus rationē considerandā D. Lucas longam illam suam seriem  
 reuocabat, cū sic scriberet: Vt putabatur filius Ioseph, ut putabatur, inquit, sed nō erat.  
 nam ex diuina natura patrem habebat Deum, ex humana verò neq. patris Ioseph filius  
 erat, sed matris virginis, cuius legalis pater Ioseph, virginis verò naturalis & legitimus pa-  
 rens Heli erat, qui fuit Mathath, qui fuit Leui, &c. qui fuit Enos, qui fuit Seth, qui fuit  
 Adam qui fuit Dei. Haftenus de principis ac ducis nostri Christi Iesu egressibus, nunc  
 verò deinceps aduersariorū in veritatē coniecta tela quā celerrimè retundamus. Iesum,  
 inquiunt, Nazarenum, quāquam in Bethlehē natum admittamus, tamē Christum fuisse  
 ex eo negamus, quod scriptum sit: Qui potestatem habeat in populo meo Israël, quem  
 tamen Israëlitarum potestati paruissē magis, quàm præfuisse constat. Præterea Messia  
 quicumque ille sit, Deus non fore ex eo arguitur, quod ab initio progressum eius esse  
 Vates affirmet, sed Deum ab initio esse dicere nefas est, qui ante omne temporis initiū  
 æternus fuerit, sicut scriptum est: Antequam montes fierent, &c.

## RESPONSIO.

- REGNUM Christi nō esse de hoc mundo, ut ipse idē professus est, sic libet fatemur,  
 atque ita etiam cæleste & diuinum planè regnum, omni diuina virtute & potestate au-  
 ctoritateq. præditum, ab omni vana pompa atq. ambitione omni auaritia & crudelitate  
 atque inhumanitate alienum illi tribuimus. hæc enim omnia hominum mundana &  
 vana, momētanea, fluxa, caduca, & perturbationibus plena sunt, cū cælestis regni au-  
 ctoritas non his rebus, sed diuini verbi virtute & sacrarū viarū cognitione nitatur, sicut  
 scriptum est: Et docebit nos vias suas, & ambulabimus in semitis eius. quia de Sion  
 exhibit lex, & verbum Domini de Ierusalem. Quod verò Deus principio careat, summa  
 fide excipientes, Christi quidem egressum alterum quatenus homo est, ab initio esse af-  
 firmamus: alterū verò quatenus Deus est, à diebus æternitatis, (quæ pars cōsulto à vobis  
 prætermiſſa est) deduci asserimus. Quod si Hebraicum nomen *Gholam*, nō æternitatē,  
 sed seculū vertere oportere Iudæi cōtendant, nihil de ea re laborandū nobis est, quando  
 diuinā æternitatē nō minus eodē seculi nomine atq. eodē dicēdi tropo, quàm æternita-  
 tis expresso vocabulo dici constet, sicut scriptum est: A seculo & usque, in seculum tu es  
 Deus, & iterū: Priusquā formaretur terra & orbis, à seculo tu es. Iam verò Chaldaicam  
 antiquæ auctoritatis in hunc locum interpretationem latinè ad verbum reddamus:

[*Et tu Bethleem Ephrata, sicut paruula es ad numerandum in millibus domus Iuda, ex te à facie mea exhibit Christus, vt sit faciens regnum super Israël, cuius nomen præparatum à principio à diebus seculi.*] Versio hæc & antiquam synagogæ à Matthæo relata, & nostram etiam interpretationem confirmat. Atque vt inceptum de Messia sermonem Vates absolueret, gerendæ ab ipso rei rationem notato temporum ordine sapientissimè & certissimè explicuit: quemadmodum ex durioribus & angustioribus primum temporibus ad maximam & præclarissimam felicitatem apostoli ac discipuli Christi euasuri essent.

10 *Propter hoc dabit eos vsque ad tempus, in quo parturiens pariet: & reliquia fratrum eius conuertentur ad filios Israël, Hebraicè, Super filios Israël.*

*Propter hoc*] non efficientem, sed finalem causam aut rationem Hebraica vox habet. Huius autem loci hæc sententia est, Christum Dei filium & humanæ salutis interpretè, nuntium & auctorem, vt opus negotiumq. suum non humano apparatu, sed diuino consilio & virtute confectum probet, plurima primum & durissima ab hominibus perpassurum; adeo vt ea res discipulos apostolosq. suos in solitudine ac metu, propter salutem etiam suam, ponat, donec periculis & difficultatibus illis, quasi partu quodam laborumque functione euasis, & regnum suum sibi & perpetuam illis & stabilem felicitatem ac securitatem spiritu sancto immisso confirmaret. [*Propter hoc dabit eos vsque ad tempus, in quo parturiens pariet.*] Graues quidem, sed breues tamen turbas, metus, dolores, atque curas discipulorum fore, latissimum autem tadem exitum habitura hæc parturientis & partus imagine significauit. nam qui læti prius sub custode & præceptore duceq. suo securi nulliusque rei egentes agebant, eiusdem in gentium & inimicorum manus traditi absentia & desiderio, sibi ipsis auxiè timere & sollicitè cauere cœperunt, quibus ob eam rem dictum fuit: Omnes vos scandalum patiemini in me in nocte ista, scriptum est enim: percutiam pastorem & dispergetur oues gregis. Sed postquam spiritu sancto in discipulos immisso dextera Dei exaltatus ac filius publicè declaratus est, ex virtute sanctificationis Christus Iesus appositis in dies & additis discipulis, [*reliquia fratrum eius conuerse sunt super filios Israël.*] Multi enim ex fratribus Iudæis, qui secundum carnem ex genere Christianerant, apostolis veris Israël filijs, in quibus dolus non erat (qui in tentationibus permanentes cum Deo potentes audire merito potuerunt) additi sunt, sicut scriptum est: Vos qui permansistis mecum in tentationibus meis, ego dispono vobis, sicut disposuit mihi pater meus regnum, &c. Totum illum locum mente recolere operæpretium erit, nec non & primum, secundum, tertiumque ex historiis apostolicis caput: Qui receperunt, inquit, sermonem eius baptizati sunt, & appositæ sunt in illa die animæ circiter tria millia, &c. Quanta autè quàm firma & constans felicitas, quanta hominum & discipulorum frequentia ac celeritas hæc turbata primum tempora secutura sit, statim subiungit:

40 *Et stabit & pascet in fortitudine Domini in sublimitate nominis Dei sui & conuertentur, quia nunc magnificabitur vsque ad terminos terra.*

*Et stabit.*] Firmam sibi sedem & domicilium in cælorum regno collocabit, cuius nomen luc. 1. Ius finis futurus erit. [*Et pascet in fortitudine Domini.*] Susceptum semel sibi gregè & parère atque obsequi studentem omni cura studio tutelaque prosequutus securum tutum incolumemque seruabit. Oves, inquit, meæ, vocem meam audiunt, & ego cognosco eas, Ioan. 10. & sequuntur me, & ego vitam æternam do eis, & non peribunt in æternum, & nō rapiet eas quisquam de manu mea: Pater meus quod dedit mihi, maius omnibus est, & nemo potest rapere de manu patris mei, & ego & pater vnum sumus. namq. suo & patris nomine ac virtute commissum & creditum sibi populum maximis diuini spiritus muneribus rectorum esse iam olim diuinis oraculis apud sanctissimos vates verbum ipsum Dei receperat. huius rei causa ait: [*In fortitudine Domini, in sublimitate nominis Dei sui.*] Ex qua re illud eueniet, vt qui antè summa contentione nomen illius oppugnauerant, illustre & grauissimum cæteris statuentes exemplum, conuertantur, & tandem illius regnum & nomen ad orbis vsque terrarum fines propagetur. Huius adeo loci integram sententiā,



ut res ipsa cum oraculo aptissime cōueniret, sub ipsis iam diuinæ suæ expeditionis initiis  
 Ioan. 16. Christus apostolos allocutus referebat : Amen dico vobis, quia plorabitis vos & flebitis,  
 „ mundus autem gaudebit: vos autē cōtristabimini, sed tristitia vestra vertetur in gaudiū.  
 „ Mulier cūm parit, tristitiā habet, quia venit hora eius, cūm autē pepererit puerū, iam nō  
 „ meminit pressuræ, quia natus est homo in mundū, & vos igitur nunc quidē tristitiā ha-  
 „ betis: iterū autē videbo vos & gaudebit cor vestrū, & gaudiū vestrum nemo tollet à vo-  
 „ bis, &c. nam totus ille locus ad hunc cōmodissime refertur. [Quia nūc magnificabitur.] Va-  
 „ ticio rem præsente facit. significat autē *nunc* idē, quod de cætero. [Magnificabitur usque  
 Psalm. ad terminos terræ.] sicut scriptum est: Et dominabitur à mari vsque ad mare, à flumine vsq.  
 „ ad terminos orbis terræ. coram illo procident Æthiopes, & inimici eius terram lingent. 10  
 „ Reges Tharsis & insulæ munera offerent, reges Arabum & Sabba dona adducent, &c.  
 „ nullum enim euangelicæ rei hostē adeo ferum, adeo barbarum futurum esse, qui non  
 „ tandem victus se Christo dedat, id quod in certis generibus vates olim promittētes ele-  
 „ ganti synecdoche communiter intelligi voluēre, maximē autem cūm alij alios nomi-  
 „ nantes vniuersos ferē comprehenderent. 15

*Et erit pax.*

Ita. 7. HABITABIT enim lupus cūm agnō, & communi in vnū Christi regnū cōspirationē  
 Act. 1. 3. multitudinis credentium erit cor vnum & anima vna, & erūt quotidie vnanimiter per-  
 „ seuerantes in oratione in tēplis, quibus nihil omnes vel domestici vel externi vel visibiles  
 „ vel inuisibiles hostes sub tanti custodis tutela & præsidio latentibus nocebit. Hebraicē, 20  
 „ *Et erit hæc pax.* Pax Christi vera & vehementer experenda, nō quam mundus infidā inu-  
 „ tilem q. pacem dat, sed certa & diuina pax omnē formidinē & turbas omnes à suorum  
 „ cordibus expulsura, quod in perpetua principis sui Iesu custodia & tutela se latere intel-  
 „ ligant. non turbetur cor vestrum neque formidet, &c. Cuiusmodi autem pax iustitiæ &  
 „ iudiciij rationibus munita futura sit, statim declarat. 25

*Assyrius cūm venerit in terram nostrā, & quando calcauerit in domibus nostris:  
 „ & suscitabimus super eum septem pastores, & octo primates homines, & pas-  
 „ cent terram Assur in gladio, & terram Nimrod in lanceis.*

Et erit, inquit, hoc modo certa & iudicio atq. equitate confirmata pax, vt Assyrii, qui 30  
 „ maximi olim antiquæ Ecclesiæ & infestissimi hostes, pertinaciq. odio à vera religione  
 „ alieni fuerāt, tum demū societate & religionis ac pietatis cōmunionē nobiscū iundū diui-  
 „ nis legibus pareāt, & apostolis atq. ecclesiasticis magistratibus dicto obtēperent, à quibus  
 „ validissimo Euāgelij verbo & diuina virtute gubernētur. Assyriū autē certissimū & ma-  
 „ ximum quondā hostē præcipuē appellatū, cæterorū omniū personas gerere Deus voluit. 35  
 „ Hic, inquit, cūm cōposita iam pace terrā nostrā petierit, & domos etiā nostras familiaris  
 „ cōsuetudinis causa frequētauerit, præfectos sibi ex ritu moreq. nostro principes, iudices,  
 „ episcopos & presbyteros etiā multos suscipiet, qui quondā solus imperare neminiq. pa-  
 „ rere volebat. Ij autē pastores & primates homines regent *Assur in gladio*, qualē magistra-  
 „ tus & vindices in irā ei, qui malē agit, gestare solēt. Hic autem spiritus gladius (quod est 40  
 „ Rom. 13. verbū Dei) futurus fuit; neq. solū Assyrii terrā in oēs alias regiones tyrannidē exercentē,  
 „ Ephes. 6. sed Babylonē ipsā antiquū & primū eius tyrannidis caput, & bellorum ac cædis omni  
 „ orbi magistrā in lanceis & fascibus, aliisq. magistratuum & potestatis insignibus regent.  
 „ Eadem autem sententia est, siue, vt latina versio habet, *lanceis*, siue, vt Hebraica habet,  
 „ *apertionibus*, legamus. namque magnam pacem & securitatē, magnamq. iustitiæ & æqui- 45  
 „ tatis significationem portarum apertio habet, vt illud:

Itat. lib. 3. *Portasque non clausas & arua Marte coli populata nostro.*  
 Od. 5. Huius loci interpretatio, qua pacis imago & argumentū proponitur, tum ob eā rem belli  
 „ rationes nō admittit, tum etiā quod nō duces, nō præfecti militū, sed pastores & prima-  
 „ tes hominū, siue, vt latinē est, *primates homines*, nominentur. Nullū autē maius & certius 50  
 „ pacis argumentū est, quā vt milites exarmati, iudices verō armati, & portæ vrbū pa-  
 „ tentes visantur. Atq. ob eam rem septē & octo tantūm futuros dixit gubernatores, qui  
 „ gladiū gestarēt, quibusq. cæteri omnes obtēperarent, eumq. gladiū non ad bellū, sed ad  
 „ innocentiaē tutelā & priuatarū iniuriarū propulsationē fore, ita vt patentibus portis, nul-  
 „ lius aut publici & externi hostis metu, aut priuati inimici suspicione securis agereliceat. 55  
 „ [Septē & octo] certum numerum neq. eum magnum, satis tamē pro negotij rationibus  
 „ idoneum

idoneum significat; à qua significatione illud alienū non est: Da partes septē nec non & octo, &c. In nostris vulgaribus linguis septem & octo numerum in eadem significatione usurpamus. Nimrod primus post diluuium orbis tyrannus & belligerendi auctor fuit, robustissimus venator ob eā rem appellatus. Fuit autem principium regni eius Babylon & Arach & Chalanne in terra Sennaar. Magnā porro ab inimicis & hostibus atque omni suspicione carentē securitatē per Christū fore cōfirmat, quod ea diuini verbi vis, ea euangelij virtus sit, vt pacem veram & firmam nulla insidiarum opinione interturbatam, denique non qualem mundus dare solet, sed ex vero animorum consensu, & communi in vnam Christi fidem conspiratione profectam tribuat. namque spiritus ille diuinus pacis omnem sensum exsuperātis auctor, securos agere iubebit. itaque quorum olim perfidia & insidiis nihil credebatur, eorum porro deinceps cōsuetudini nihil diffident, Christo id efficiente, qui

*Et liberabit ab Assur cū venerit in terram nostram, & cū calcauerit in finibus nostris.*

15 CALCARE verbum frēquentationem & celebritatē, familiaremq. consuetudinem significat, vt illud: Dūm veneritis ante conspectum meum, quis quāsiuit hāc de manibus vestris, vt calcetis in atrijs meis? Omni autem belli & insidiarum suspicione atque metu amisso, tranquillitatis, quietis, felicitatisque maximā fidelibus futurā imago amplificatis rationibus appingitur.

20 *Et erunt reliquiae Jacob in medio populorū multorū, quasi ros à Domino, & quasi stilla super herbā, quae non expectāt virū, & non praestolātur filios hominum.*

Non eadem quidem gētium omniū erga se iudicia, non paria studia ecclēsiā Christianam primis suarū rerum initiis habituram; nihilominus tamē eodem prospero semper diuini spiritus flatu vsurā esse, sacris oraculis est decantatum. quanquā enim diuini euangelij à simplicioribus omniū gentiū hominibus magno plausu suscepta causa est, tamen ab huius mundi auctoribus magno conatu, ingenti studio & graui contentione fuit oppugnata. Verū enim uero & suscipientium & oppugnantorum partes eiusdem diuinā virtutis, dissimilem tamē in se effectū experturas esse Deus & promissione olim declarauit, & re atque euentu ipso demum praestitit: nam quibus euangelium susceptū fuit, diuina salus; quibus verō repulsum, horréda cecitas, & iustissima perniciēs allata est, vtrumq. rege temperante cælum. Quam rem non minori auctoritate quā veritatē D. Paulus ceteriq. Apostoli praedicauerūt. nō erubescō, inquit, Euangeliū: Virtus enim Dei est in salutē omni credenti, &c. Reuelatur enim ira Dei de cælo super omnē impietatē, & iniustitiā hominū eorū, qui veritatē Dei iniustitia detinēt. Atque de hoc duplici euangelij in credentibus & in repellētibus effectu grandis nobis & interpretabilis ad dicendū sermo est; quē cū hoc in loco breuitatis causa explicare non possemus, sentētiā tamē cognoscēdā gratia annotare certē debemus. Igitur quod maximā ac diuinā virtutis gratia paucorū hominū ministerio, hoc est, euangelio ab apostolis & discipulis annuntiato, in magnā gentiū copiam effundenda esset, priori hoc versu Vates significauit, nimirū paucorum & humana opinione humillimorū atq. imbecilliorū hominū, (qualis Iacob habebatur ante quā Israël dict⁹ esset) cōsuetudinē & ministeriū magnō vsui multis gētibus, quibus cū versaretur, futurū, idq. adeo diuinā tantū virtuti & auctoritati, non autē humanis negotiis aut opibus aut facultatibus ascribi oportere, quēadmodum matutinus ros & pluuia stilla solo Dei beneficio, nō hominis vllō studio aut opera è nubibus & cælo diffusa herbarum generi gratissima vtilissimaq. sunt, sicut & à vatibus est decantatum: Et descendet sicut pluuia in vellus, & sicut stillicidia stillantia super terram.

*Et ros in tenera pecori gratissimus herba est, inquit ille.*

In medio populorum multorum. Tranquillū, quietum, ac felix vitæ genus hoc tropo significari iam superius diximus. Populorum autem absolute dictum est, vt populos iam suos ac familiares significaret, quibus cū optimē ac felicissimē actum iri promissit, contra verō, cum iis, qui repulsam euangelio attulerunt, durē admodum ac seuerē esse agendum: illos enim summa gratia, maximis ac diuinis beneficiis, hos verō graui vltione & debitis poenis affici diuinum consilium fuerat; ita vt euangelij cursus beneficentia, gratia & salute, alteros verō summa animaduersionis seueritate perseuerans conficiatur. hoc est quod subiungitur:

*Et erunt reliquiae Jacob in gentibus, in medio populorum multorum, quasi leo in iumentis silvarum, & quasi catulus leonis in gregibus pecorum, qui eam transierit & conculcauerit, & ceperit, non est, qui eruat; & exaltabitur manus tua super hostes tuos, & omnes inimici tui interibunt.*

- In gentibus, in medio populorum, &c.]* Aliæ atque aliæ partes, alio atq. alio dicendi modo significantur. Gentes namque in Hebraici sermonis de religione rationibus, iidem Rom. 7. » qui apud nos infideles dicuntur. Gentes, inquit Paulus, quæ legem non habent, &c. Ita adeo, qui à vera religione alieni, superstitionis errorem tuentur, gentes nuncupantur. Horum igitur Euangelio obnitentium conatum, & violentum in ministros & professores 10 impetum summa constantia & virtute contemnendum comprimendumque esse confirmat. Quis enim eos separabit à charitate Christi, quæ in cordibus eorum diffusa est? » tribulatio, an angustia? Leonis autem fortissimi animantium omnium principis imagine sacrorum ministrorum constantiam, atque in re gerenda strenuitatem insuperabilemque virtutem describit, atque eadem imagine omne negotium Deo ipsi acceptum refert. diuina enim virtus leonis nomine & ratione non rarò in sacris enuntiatur, vt: Ne 1. Corint. 2. » quando rapiat, & non sit, qui eripiat, &c. Deo autem gratias, qui semper triumphat nos » in semetipso, & odorem notitiæ suæ manifestat per nos in omni loco. maiores verò & » minores oppugnationum conatus, ita infringere potuerant, [*quasi leo in iumentis silvarum, & quasi catulus leonis in gregibus pecorum.*] Huius verò maximæ victoriæ spem Ecclesiæ ipsi facit, [*& exaltabitur, &c. & omnes inimici tui interibunt.*] Neque verò ad eam victoriam de 20 hostibus reportandam, vel ad eandem porro feliciter conseruandam armis, aut bellico apparatu aliquo (quibus homines fidere solent) opus fuerit; quinimo diuinam tantum virtutem diuinamque tutelam professis & expertis cætera arma omnia damnata despiciuntur. cuius rei illustre exemplum Dauid olim in seipso edidit, qui non in armis, sed in 25 » nomine Domini Dei Israël aduersariorum superbiam, & violentiæ impetum repressit.

*Et erit in die illa, dicit Dominus: auferam equos tuos de medio tui, & disperdam quadrigas tuas: & perdam ciuitates terræ tuæ, & destruiam omnes munitiones tuas.*

ARMORVM vsus crudelitas, munitionum verò rationem metus ac suspicio inueni- nère. hæc, que non sine magnis parantur sumptibus, non sine labore etiam & valetu- dinis detrimento, & salutis etiam periculo tractantur, namque armorum gestatio, equo- rum & curruum quotidiana exercitatio, præterquam quòd belli meditationem habet, 35 corporibus nocere & animis nimium obesse compertum est; quippe quæ ad cæteras paci & humanæ vitæ utiles disciplinas capeffendas inutiles homines ignauosque plerumque reddat. Igitur in illa die ubi Dominus pro nobis tacentibus pugnauerit ac vicerit, futu- ramque de cætero quietem ac pacem perpetuò constituerit, superuacaneus iam equorū quadrigarumque demendus est vsus, Domino id efficiente; cuius tantum consilio, stu- 40 dio gratiaque nitentur. Ciuitates verò, quæ metus & suspicionis causa, muris, operibusque olim munitæ fuerant, metu iam deinceps amoto omnino ait esse perdendas; non quòd delendæ etiam domus ædesque, & solum vertendū sit, sed quòd illis tantum ope- ribus, quæ obsidionis ac belli vitandi vel sustentandi causa constructa fuerat, partim neg- lectu, partim etiam dedita opera in salubriores vsus dirutis, loci ipsi non vrbium, sed 45 opidorum nomine habitandi essent, ac maiori etiam incolarum numero ob pacem fre- quentandi, ædificiorum etiam situ pro vitæ, rerum & personarum commoditatibus di- latato. namque salubriorem multo opidis, quàm vrbibus habitationem liberum aëris meatum efficere ex architectorum & medicorum præceptis docemur. Vrbes namque metus causa constructas, munitas & custoditas, vel ille primus vrbium ædificator Cain 50 neminem non timens testabitur, & ille:

Abraham. in  
Zachar. Vi-  
aruui. lib. 1.

Genes. 4.  
Iuuenalis  
Saty. 13.

*Communi dare signa tuba, tutarier ipsæ  
Mœnibus, atque vna portarum clauæ teneri.*

Securitati verò & paci vrbes humiles magis conuenire, atq. eam rem felicitis & tranquil- læ vitæ testimonio esse Isaïas ostendit: Et securitas vsque in sempiternum, & sedebit po- 55 pulus meus in pulchritudine pacis, & in tabernaculis fiduciæ, & in requie opulenta, in humilitate

humilitate humiliabitur ciuitas, &c. Atque pacis, commoditatis & sanitatis causa muri ac munitissima quæque opera peribunt, & vt Zacharias ait: Absque muro habitabitur Ierusalem præ multitudinem hominum & iumentorum in medio eius, &c. neque verò tantum armorum, turrium, muniticinium ac bellici totius apparatus nullus usus erit, sed omnis etiam superstitio, auguria omnia, omnis vanorum Deorum cultus, quæ aut ad belli, aut alias ad vitæ commoditates valere olim existimabantur, sublato iam diuini spiritus beneficio errore, composita perpetua pace, quiete & remissione ab vno solo vero Deo parra, extinguenda penitus delendaque sunt, vt neque iis, qui ex gentilitate euangelio credentes in societatem sanctorum venerint, neque iis etiã, qui ex imperfecta Iudæorum in perfectissimam vitæ & spiritus Christiana legem deuenerint, villa iam priorum superstitionum & vanorum cultuum ratio habeatur.

*Et auferam maleficia de manu tua, & diuinationes non erunt in te.*

QVAE omnia ad belli ac pacis euentus valere Iudæi aliquando, & gentes sapissime arbitrati sunt. namque & Saul pythonissam feminam, quem exitum futuri prælij expectare posset, consuluit, & idem etiam aliquando complures alij impiè & stultè nimium factitarunt, qui & belli causas aliis atque aliis rebus, euentus verò fortunæ atque aliis vanis numinibus ascribentes, vota vanissima pro victoria, pro salute, pro felicitate, frustra tamen, nuncupabant. Nisi enim Dominus custodierit ciuitatem, frustra vigilat, qui custodit eam.

*Et perire faciam sculptilia tua, & statuas tuas de medio tui: & non adorabis ultra opera manuum tuarum, & euellam lucos tuos de medio tui: & conteram ciuitates tuas.*

NEQVE enim adorabis Deos alienos præter me, cui vni perpetuo semper cultu, vt vero salutis tuæ auctori obedies, ac tandem stultitiã agnoscens tuam, & antiquo veterini morbo solutus eas res colere defines, quæ præter humani artificis ingenium, nihil præterea numinis, nihil vtilitatis aut efficientiæ in se habent; qua enim dii appellantur, nulla certa ratio est, cum nullus olim Iupiter, nullus Bacchus deus fuerit, sed aut hi mortales, aut nulli extiterint. Igitur horum simulachra ficta planè & mentita sunt ita adeo inutiles statuæ illæ omnes luci, fana, delubra, & cetera superstitionis impedimenta magis, quã religionis monumenta vnius veri Dei cultu suscepto, peribunt. Si qui verò fuerint, quibus veritas hæc euangelica impugnanda repellendaque esse videatur, quibusque diuinæ virtuti repugnare consilium sit, iis ego grauissimæ ultionis diem adesse denuntio.

*Et faciam in furore & indignatione ultionem, in omnibus gentibus, quæ non audierint?*

GRAVITER in eos animaduertendum esse ait, qui antiquum gentilitatis errorem tuentes, sacrosancto Christi verbo, hoc est, salutis eorum euangelio audire noluerint, si tamen iustum est apud Deum retribuere retributionem iis, qui vos tribulant, & vobis, qui tribulamini, requiem nobiscum in reuelatione Domini Iesu de calo cum angelis virtutis eius in flamma ignis datis vindictam iis, qui non nouerunt Deum, & qui non obediunt euangelicæ gloriæ Christi, &c. Audire pro obedire hoc in loco est, vt illud: Qui vos audit, me audit, & qui vos spernit, me spernit, &c. Illud autem obscurius aliquanto est, quod latine legimus: *Et conteram ciuitates tuas.* nam cū superius dictum semel sit, non videtur eadem sententia repetitum. Quamobrem ad inimicas & infensas hominum societates, quæ contra piorum populum de superstitione defendenda coniurauerint, referenda sententia est. hanc autem expositionem, præterquam quod nomen ipsum Hebraicum & vrbes, & destructiones, & inimicos significans docet, subiectæ statim sententiæ ratio confirmat. *Et faciam in furore, &c.* His etiam Chaldaica versio manifestè accedit: [*Et euellam plantationes populorum de medio tui, & perdam auctores inimicitie tue.*] Inimicitie tue, passiuæ significatione accipiendum est. Addit autem & paraphrastes: [*Et faciam in furore & in indignatione ultiones iudicij de populis, qui non susceperint doctrinam legis diuinæ.*]



## VATICINII TERTII ARGUMENTVM.

**C**VM IAM primi & antiquissimi illius de humana salute promissi constantiam & fidem nona receptione Deus firmasset, docuissetque Israëlitarum & Iudeorum corrupta ac deprauata studia impedimento non fore, quo minus ex eorum gente totius orbis seruator ac diuinus praeceptor ille nascetur, cum tamen interim multorum scelerum praeue ab eis essent repetenda: grauisima nunc porro deinceps oratione stultus utriusq. generis de diuinis & humanis rebus cogitationes redarguit, quod videlicet varium sibi nunc iucundissimorum, nunc vero durissimorum temporum usum ad diuinam solum voluntatem & rerum omnium mutationem atque inconstantiam magis, quam ad suam culpam aliquam, aut commeritam noxiam reuocarent. Principio igitur grauissimis & simplicissimis testibus verissimisq. etatum 10 omnia narratis historiis institutum sibi ab initio de beneficentia & cura erga eos consilium constans fixumq. semper fuisse Deus ostendit, nihilq. aliud, quam pacem, salutem, & felicitatem sibi ultro cogitatum unquam esse ait. Id quod maximis collocati assidue in eos beneficii argumentis confirmat: quod ex Aegyptiaca seruitute redemptos legatorum suorum magne auctoritatis virorum, pacisque atque felicitatis interpretum opera & diligentia deduxerit; quod ex illa tanta primogenitorum & Aegyptiorum communi clade inco- 15 lumes seruauerit; quod non iniquis aut duris condicionibus, sed aequissimis legibus in suam tutelam familiamq. receperit, quod pietatem veram officiumq. prodentes assiduis vatum legationibus obtestatus reuocandos curauerit, atq. ad declinanda commeritarum poenarum pericula sapientissime fuerit adhortatus: sua tamen ipsos illa singulari insolentia, superbia & contumacia in ea mala, quae à se euertendi causa indicata, praedicta dilataque diu essent, precipites fuisse delatos, cum nullum nequitiae, iniuriae, impietatis ac sceleris 20 genus sit, quo se illi non vehementissimè & pertinacissimè alligauerint. Quamobrem ne publice tandem ac communiter punirentur, priuatis & velut censorius animaduersionibus hactenus affecti fuerant, sed cum nihilominus deprauatam illam suam consuetudinem, quam persequi decreuerant, vi mordicus tenerent, publicum illud, quod iam laturo erant, supplicium sibi ultro ipsos exquisuisse. Itaq. non Dei odium, aut consilij mutationem, sed suam ipsorum superbiā, contumaciam & impietatem his omnibus rebus 25 & rationibus argui posse confirmat Vates; maxime autem, quod inter animaduersionis & repetendarum poenarum iudicia ipsa de futura restitutione & reconciliatione in gratiam Deus etiam cogitet, atque huius beneficii spem illis oraculorum responsis faciat, quae omnia vehementem magis amorem & certam atque constantem in eos ornandos voluntatem & studium, quam odium aliquod diuinum, aut humanarum rerum vicissitudinem probant. Atque adeo omnis humani mali causam & culpam non Deo, qui benignus 30 cum sit, consilio suo nunquam defuit, sed hominibus ipsis, qui sibi deesse voluerunt, ascribendam esse ex hac diuina disputatione docemur.

## CAPVT SEXTVM.



*Vdite quae Dominus loquitur.*

**S**UPERIORIBVS duobus vaticiniis Samariae vastatio & Solymorum expugnatio, & utriusque tandem populi restitutio praedicta est. Hae autem res illam Israelitis opinionem forsitan attulerat, nimirum diuinum erga ipsos consilium & voluntatem interdum mu- 40 tari, & nunc ad gratiam, nunc vero ad inuidiam odiumq. ultro inclinatio aliquando prospera aequabiliaq. secundo vitae sine ulla offensione cursu, aliquando rursus aduersissima illis omnia prouideri, siue quod humanarum natura rerum, vel Deo inuito, id necessario ferat, siue (quod impiu magis cogitatu est) diuina ex sese mutabilis natura sit, atq. ut principes homines diis simillimi vulgo habiti, ab iisdem, quas ante amauerant, rebus & personis vel deli- 45 cato vel vitioso fastidio & satietate aliquando soleant abalienari, atque ex ea re eueniat, ut ex eorundem vatum praedictionibus, quaedam bonae ac faustae, quaedam vero male horribilesq. existant, quod eadem mutatum Dei sepius renouatumq. interdum, rursusq. repudiatum consilium interpretatione consequatur. Hae adeo falsa ratio in Israelitarum & Iudeorum cogitatione 50 venire incidereq. potuit, ut iudicia hominum sunt temere plerumq. ac perperam de diuinis humanisq. rebus existimantium, sicut scriptum est: Veruntameniani filij hominum sunt, mendaces filij hominum in stateris suis, ut decipiant ipsi in vanitate in idipsum. Huiusmodi igitur falsa ratione deducendos sibi Israelitas, atq. in veram certamq. de diuini ac salutaris consilij constantia sententiam adducendos Dei partes acturus Propheta suscipit, ostenditq. plurimum semper boni, nihil unquam mali ultro ipsis à Deo fuisse allatum: si quid vero in- 55 terea odij, iniuriae vel periculi aliunde immineret, magna cura & grauissimis propugna- tionis

tionis ac providentiæ argumentis diuinitus fuisse propulsum. nihil præterea durū, difficile, aut iniquū, nihil damnosum aut sumptuosum fuisse illis imperatum, vt laqueum sibi ad offensionem, atque ad salutis fortunarumque appetentiam paratum sibi suspicari aut dicere possent; nihil denique ex occulto, nihil cum populo hoc ex insidiis actum, potest inquam, iustum, propitium, prospicientem æquabilemque semper sibi ac beneficū Deum experto. Quibus omnibus ex rebus, excidij, captiuitatis, cæterorumque periculorum atque calamitatum causam, culpamque omnem ab ipso populo sustineri consequitur, vtpote qui à pertinaci inferendæ iniuriæ studio nullis neque admonitionibus, neque accusationibus, neque minis, sed neque animaduersionibus quidē fuerit vnquā deterritus. *[Audite quæso quæ Dominus loquitur.]* Vatis populum alloquentis, attentionemque ac docilitatem magno ipsorum vtilitatis studio captantis oratio est. Verbum autem, *quæso*, siue nunc, Hebraice, נ א, vehementem Vatis erga eos affectum significat, magnamque ab eis attentionem & studium postulat ad eam causam cognoscendam quam vehementissimè perorandam Deus sibi crediderit. Vt autem ipse, de qua acturus erat, rei grauitatē argueret, quamam voce, quo gestu, quo habitu, qua denique pronuntiatione & spiritu orare iubeatur, exponit. Audite, inquit, quo imperio, quanto studio me nunc repente Dominus, qui suam causam suscipere iubet, alloquitur.

*Surge, contende iudicio aduersum montes, & audiant colles vocem tuam.*

DILIGENTIAM, studium & fidelitatem, atque in agendis rebus vehementē operam verbum, *surge*, vt iam aliàs docuimus, requirit. Tantum autem in hac causa grauitatis, ponderis ac momenti est, vt non oscitantem, aut ignauum, aut sedentem aliquem, sed sedulum & fidelem operique instantem actorem postulet. Cur autem ex omni natura montes potissimum aduocati ad partes fuerint, cum aliàs pro rerum rationibus, nunc calum & terra, nunc mare & aliæ mundi partes appellari soleant, illud in causa est, quod de consiliorum & studiorum suorum constantia sermonē habere Deus parauerit. Quāobrem contentionis & comparationis causa eas potissimum naturas appellari voluit, quæ cæterarum omnium firmissimæ constantissimæque sunt, vt montes & colles, qui non modò calum natura mobilem, sed terram ipsam in medio orbis loco contentam & permanentem stabilitate firmitudineque vincunt, vtpote qui robore, vallo & situ suo terrā, ne vel ventorum impetu, vel caloris vi, vel aquarū inundatione dissipentur contineant. Itaque magnæ in rerum natura virtutis & constantiæ nomen obtinent, sicut scriptum est: Præparans montes in virtute tua, accinctus potentia, &c. Igitur vt suam maximam virtutem & consiliorū actionumque in beneficio faciēdo constantiā Deus probaret, non cum montibus modò, qui ab ipso, nimirum eorum præparatore, virtutem & constantiam habere cognoscuntur, sed cum ipsis etiam terræ fundamentis, quibus montes cæteraque innituntur, constantiā firmitudinemque suā in contentione poni iubet. *[Contende iudicio aduersum montes.]* Non quod præcipua causæ disceptatio, non quod reprehensio ipsa ad mōtes pertineat, qui cum rationis sermonisque, imò & sensus expertes sint, extra omnem culpam causamque ponantur necesse est, sed quod firmitudinis & constantiæ comparationē cum habeant, ad eam contentionem appellari oportune possint. Itaque *aduersum* idem hoc in loco, quod ad, vel cum, significat, vt apud Ciceronē, contendere aduersus aliquē, hoc est, in contentionem venire, legimus. *[Contende iudicio aduersum montes, Hebraicè, cum montibus.]* Contendere autem iudicio, Dei & montium constantiam diligenti iudicio examinare est, ita Hebraicè hæc vnico verbo ר י ב disceptandi & contendendi significantur. Eā verò causam vt grauissimam non segniter aut frigidè, non vulgari, non sedata aliqua, sed vehementi actione, & maxima contentissimaque voce orari iubet, ita vt montibus etiam ipsis ad partes vocatis tanto clamore permotis, diuina causa probetur, atque his ipsis testibus & arbitris Israëlitarum & Iudæi temerarij iudicij, corruptarumque omnino opinionum & impietatis etiam conuincantur, hoc est quod ait: *[Audiant colles vocem tuam,]* quod ad vocis & actionis vehementiam refertur; ad causæ autem argumentum illud:

*Audiant montes vocem Domini, & fortia fundamenta terræ?*

QUIBUS CVM de proposito constantia & perseuerantia contendendū est. Id quod tandem ad populi huius audaciam & temeritatē confutandā, quo omnis hæc causa pertinet, plurimum valebit. namque lis ipsa & iudicium non cum montibus præcipue est,

*Sed*

*Sed iudicium Domino cum populo suo, & cum Israel diiudicabitur.*

Hoc sermone totius causæ finis manifestè proponitur, & quisnam in ea reus futurus sit, quo etiam genere agendum sit, nempe iudiciali, & quo potissimum actionis modo, hoc est, culpæ reprehensione & inculpatione utrumque fuerit, explicatur. Quòd autem iudiciū Domino cum populo suo esse dicit, de utriusque, videlicet, Domini erga populum, & populi erga Dominum officio, atque de officij constantia certamē Domino cum populo suo esse docet, atque adeo potētia, maiestate, auctoritateque omni prætermissa, rem æquitate agi atque diiudicari Deum velle illa oratione profiteretur, [*et cum Israel diiudicabitur.*] Israeli potenti cum Deo appellato secum disputare & disceptare, atque illius rem verbum diiudicare usurpauit, quo ex Hebraico *ITHVACHAH* æquo iure & legibus cum aliquo de aliqua re disceptando decertare significat, ut ex illo præcipue loco doceri aperte possumus: Pone hic coram fratribus meis & fratribus tuis, & iudicent inter me & te, ubi idem verbum est. Igitur falsò ascriptæ sibi à populo inconstantia causam in iudicium Deus afferri vult, atque ipse prior causam dicit, quod grauissimū etiam in eo genere est, ut is de cuius nomine & præclarissima fama nefarie detractum fuerit, tamen causam prior dicat, cum eum potius, qui notam indicare velit, priorem dicere & legibus sit & moribus constitutum. sed hæc nouata agendi ratio diuinæ causæ integritatem arguit, quæ quocunque modo agatur, semper tamen obtinenda est. Atque status quidem causæ coniecturalis primum, in definitiuum tandem definit. Principio enim illud in controuersiam disceptationemque vocatur, an diuinum de beneficentia consiliū & studium semper apud Israelitas constiterit, necne. Affirmat autem Deus constitisse & propositionem ipsam temporū omniū, quibus perpetuo illis æquissimi regis, propugnatoris ac patris officiū beneuolentiamque præstiterit, narratis historiis cōfirmat, hoc modo:

*Popule meus, quid feci tibi, aut quid molestus fui tibi? responde mihi.*

INTERROGATIONIS vsus ad veritatem ex aduersarij responsione confirmandam accomodissimus est, atque adeo familiarissimus iis, qui causæ suæ integritate nituntur. Atque hæc totius actionis propositio duabus partibus constat, alteram quidem is, qui agit, sibi suscipit, alteram aduersario disputandam permittit. Est autem huiusmodi propositionis sententia: Ego te maximis & innumeris beneficiis à me acceptis nullo vnquā damno aut incommodo affectū fuisse aio. atque beneficia quidem, quòd à me data tibi affirmem, referens percutram; incommoda autem & damna, quòd data negem, ut ostēdas tuæ libere partes fuisse. *Popule meus.* Iure summo se cum illis experiri populo suo appellando profiteretur. namque suum peculiarem populum multis & maximis rebus gestis redemptum, atque seruitutis etiam nomine comparatum sibi fuisse, iam sæpe alias probatum & nemini vnquam dubium est. Apud hunc tamen populum non modò iustæ & clementis semper seruitutis rationes, sed omnia summa æquissimi regis, beneuolentissimi que patris officia constituisse ait. *Quid feci tibi?* Hebraicè, *Quid?* admirationem simul cum interrogatione habet. *Quid, quantumque boni atque beneficiorum feci tibi,* ut illud: Attendite & videte quid vobis Dominus factururus hodie est, & illud: Quàm magna multitudo dulcedinis tuæ. quibus eadem Hebraicè lectionis & pronuntiationis forma est. Hæc ego referam, inquit, tu verò, quid molestus fuerim tibi, responde mihi. Hebraicum verbum molestiam, defatigationem lassitudinemque significat, ut non modò grauiori aliqua molestia, sed fatigatione aut lassitudine illos à se affectos neget, quin potius æquissimis legibus salutaribusque præceptis instructos summa lenitate & clementia deuinctos fuisse confirmet, qui tamen ingrato ac beneficiorum immemori ingenio semper fuerint. Iam verò prior propositionis pars narratione probatur, argumentis non à suspitione aut coniectura, aut probabili alia ratione, sed à manifesto facto ductis.

*Quia eduxi te de terra Aegypti, & de domo seruientium liberaui te.*

MAXIMORVM Dei beneficiorum capita quædam exponuntur, quæ tamen breuitatis causa non explicantur, quòd illustriora sint, quàm ut explicatione indigeant; sed quæ rerum tamen ipsarum notatione intelligantur: nam de terra Aegypti cum dicit, illud significat, neminem seruum illinc liberum euasisse, neque vllam tantam seruorum

copiam

יְהוָה  
Genes. 31.

Exod. 14.  
Psalm. 31.

copiam & vim apud Ægyptios extitisse, quæ sese in libertatem vindicare posset; id quod suo ipsorum periculo arguitur: quibus quo maior numerus accedebat, eo grauior & deperator seruitutis molestia indies augebatur perpetuo opprimendis, nisi diuina virtute & misericordia consultum subuentumque esset. *et de domo seruientium*, Latine ergastulū, Hispanè & Arabicè *Maxmorra* hæc dicitur, quæ ipsa durissimæ seruitutis & incommodissimæ vitæ angustissimæque habitationis significationem habet: Atque huius capitis mentione facta, cætera, quæ in ea re contenta longum esset commemorare, cogitanda reliquit: cuiusmodi sunt signa illa in Ægyptiorum rebus & filiis edita: dum verò addit, [*de domo seruientium liberaui te.*] exitialem illam Ægyptiis in mari acceptam cladem, qua tandem redempti liberatique omnino fuerant, subindicauit. Neque enim ante illam diuinam victoriam vrgentium se, atque in seruitutis deditionem redigere gestientium dominorum metu liberati Israëlita sunt; sicut scriptum est: Immutatumque est cor Pharaonis & seruorum eius super populum, & dixerunt: Quid volumus facere, ut dimitteremus Israël ne seruiret nobis? &c. liberauitque Dominus Israël in die illa (marinæ cladis) de manu Ægyptiorum; & viderunt Ægyptios mortuos super littus maris, & manum magnam, quam exercuerat Dominus contra eos, timuitque populus Dominum & crediderunt Domino & Mosi seruo eius, &c. Magnum mysterium nobis hoc est. Appellat autem Ægyptiorum regionem domum seruientium, vel seruorum, quod in ea subiniquissimis & vilissimis dominis duram Israëlita seruitutem seruierint. Constat enim Ægyptios infimæ præ cæteris hominibus, hoc est seruilis conditionis hæreditario Chami progenitoris fato fuisse; in quem illud decretum fuerat fixum: Seruus seruorum erit fratribus suis. Itaque non solum à seruitutis domo, sed à seruorum vilissimorum ac proinde crudelissimorum hominum superba dominatione sibi liberatos Israëlitas fuisse asserit. ex domo autem seruientium, vbi seruorum serui fuerant. Totum autem hunc locum Chaldaeus interpres hoc modo verterat: *Popule meus, quid boni dixi faciendum tibi et non feci, aut qua in re durius me tecum gessi, cōtestare aduersum me.* Iam verò redemptos & à durissimis dominis vindicatos, quanto honore ac dignitate augendos, quàm liberalibus modis instruendos, quanta custodiendos diligentia, quàm denique admirabili commoditate per solitudinem deducendos curauerit, eius negotij ministris & illis tribus procuratoribus appellatis ostendit.

*Et misi ante faciem tuam Moſen, & Aaron, & Mariam.*

A QVIBVS ministris quicquid vel ad animorum institutionem, atque ad diuinam gratiam conciliandam, ad prosperam æquabilemque publicæ atque priuatæ etiam rei felicitatem commodissimum esset, prouisum procuratumque fuit. Etenim Mose legato & diuinæ benignitatis internuntio suauissimus ille cibus illis suppeditatus fuit; eodem etiam interprete, lex lata, & maxima atque illustrissima veræ sapientiæ & purissimæ pietatis ac sanctissimæ fidei fundamenta iacta sunt. Aarone verò antistite erratorum & religionis expiatio procurabatur, & diuinæ legis disciplina eodem assiduo atque peritissimo doctore percipiebatur. ne quid verò ex plena atque integra totius rei publicæ felicitate desiderari posset, & nulla non ex parte optimè cum populo ageretur, eorundem virorum dignissima soror Maria diuino vaticinandi spiritu aucta, seminarum ad pietatem ductus & exemplar proposita est. Ita adeo horum ministrorum nominibus appellatis plenas & maximas commoditates populo illi in solitudine perceptas contineri videmus, quas, utpote certas atque notas explicare necessarium non fuit. Chaldaicè hæc sic habent: [*Et misi coram te tres prophetas Moſen, & Aaron, & Mariam: Moſen ad docendum traditionem iudicij: Aaron ad propitiandum super populum: Mariam ad illuminationem seminarum.*] Satis autem fuerat earum rerum & beneficiorum memoriam populo refricasse, quarum commemoratione historiam omnem contentam recoli necesse erat. Quamobrem narratione prætermiſſa, recordationis tantum rationibus & verbis est vsus hoc modo:

*Popule meus memento quaſo quid cogitauerit contra te Balac rex Moab, & quid reſponderit ei Balaam filius Beor.*

NEQUE verò bonorum atque felicitatis modò auctorem, sed malorum ac periculorum omnium propulſatorem & interruptorem sese illis præbuisse Deus affirmat, quando



quando nihil adeo finistri & aduersi, nihil periculi vel hostium consilio & conatu oblatum, vel sua ipsorum culpa illis in itinere procicatum initumque est, quod diuina cura & misericordia: vel omnino pro pulsatum, vel auersum petruptumque non fuerit. [Popule meus memento, et cat.] Manifestum erga eos studium, & singularem curam non solum aperte in eos videntes & sentientes, sed in absentes etiam collocatis beneficiis attestimonio confirmat, ut non ostentationis presentibus, sed amoris & studij causa absentibus ac ignorantibus & prouidisse & consuluisse probetur. nam cum Balac rex Moab Balaami magi incantationibus & diris paratam populo huic felicitatem perturbare & contaminare studuisset, ad eamque expediendam rem nulli aut sumptui aut operæ parcere in animum induxisset; non modò tamen conatus suos Dei omnipotentis consilio & virtute comprimi & refutari, sed presentium futurorumque seculorum vtriusque generis commoditates prosperitatesque vitæ prædictas confirmatum iri, renouatis atque explicatis ab eodè Balaamo responsis, intellexit. Quid autè cogitauerit Balac, & quid responderit illi Balaam, breuiter, recitare commodissimum duximus. Primum Balac mandatum ad Balaamum allatum huiusmodi est: Ecce egressus est populus ex Ægypto, qui operuit faciem terræ sedens contra me. Veni igitur & maledic populo huic, quia fortior me est, si quo modo possum percutere & eiicere eum de terra mea: noui enim quod benedictus sit, cui benedixeris, & maledictus, in quem maledicta congefferis. Responsum verò à Balaamo relatum illud est: Ite in terram vestrà, quia prohibuit me Dominus venire vobiscum. illud etiam alterum denuo missis & magna omnia promittentibus nouis legatis dictum est: Si dederit mihi Balaac plenam domum suam argenti & auri, non potero imitare verba Domini Dei mei, ut vel plus, vel minus loquar, &c. Cum verò urgente atque instante rege, & magno apparatu ac sumptu negotium ipsum cõficiẽte, Israëlitarum res nefastæ & vitiosæ ab augure definiendæ expectarentur, illud est datum responsum: Quomodo maledicam, cui non maledixit Deus: qua ratione detester, quem Dominus non detestatur: & illud: Moriatur anima mea in morte iustorum, &c. & illud: Num aliud possum loqui, nisi quod iusserit Dominus, &c. Multa præterea responsa breuitatis causa prætermittimus, quibus Israëliticæ gentis defendendæ tutelam, amplificandæ & ornandæ studium curamque Deo susceptâ fuisse diuinatorem ille testatus est. & tamè hæc omnia ignaris nec opinantibus insciisque Israëlitis gesta commemorari operæ pretium fuit, ut Deus non solum felicitatis auctor studiosissimus, sed alexicacos etiam, hoc est, malorum expulsores vigilantissimos probaretur. Verum enim uero ex maximis & plurimis periculis, quæ propulsatore monitoreque Deo declinata populo huic fuerant, unum tantum commemoratur, cætera verò totius itineris facta summa indicantur.

### De setim.

CALLIDUM & periculosum illud Balaami consiliū & inceptū, de prostituentis populo Moabitibus mulieribus, huius mentione nominis indicauit, quod, nisi iam latius serpens maturrimè rescisum esset, actum profecto de omni Israëlitarum re atque gente fuisset. Memento igitur quid responderit toties Balaam regi, & quid demum eidem impensius & pertinacius etiam sollicitanti de exitiali illo apud Setim consilio respondit. Hæc inquit, te meminisse, & cætera, quæcunque ab Ægypto, vnde liber eductus fueras, quoad Galgalam vsque perueneris, tibi vel optata vel non optata contigerint, in memoriam reuocare oportuerit, ut in hac controuersia à mendacio contra verum stare desineres, &

### Ut cognosceres iustitias Domini,

ET IUSTAM Dei omni ex parte victoriam hac in causa agnosceres. Iustitiam ob eam rem pronuntiavit, quod & in beneficio faciendo & in malo ac periculo propulsando diuinas rationes omnes inter se consentire confirmaret: Quod ad orationem attinet, verbum Responderit, Zeugmate figura ad omnia responsa primum, atque ad illud De setim relatum à nobis est, quod quanquam cõiunctione careat, tamen coniungendum superioribus duximus. neque verò hoc in sacris sermonibus raro euenit, ut sol, luna, pro sol & luna. Ruben, Gad. Atque hæc loci huius lectio & explicatio præ cæteris, quas Latine, Hebraicè & Græcè legimus, magis placuit, quod cum gestarum rerum ratione coalentire visa est.

Camhi.  
1. Reg. 5.  
Iudic. 10.  
1. Sam. 7.

Usque

*Vsq̃ue ad Galgalam.*

TOTIVS longi itineris illius finis Galgala fuit, ex quo loco promissa regio capi & debellari cœpta est. Curautem Canaanitidis terræ, hoste diuina virtute pulso, ab illis occupatæ nō etiam meminerit, illud in causâ esse arbitramur, quod ab illa possessione pro-  
 5 pediem derurbandis, atque ob eam rem diuinum studium & constantiam in dubium vocantibus ea potissimum beneficia commemorari commodum fuerat, quæ nulla mu-  
 10 tatione interrupta, sed certa rataque in eos constitissent. ex quibus illud inferitur: Iusti-  
 15 tias Domini manifestas esse; atque ex eo fieri, vt futurum exilium non ad diuinæ volun-  
 20 tatis mutationem, sed ad eorū ipsorum culpam & perfidiam referri deberet, qui diui-  
 25 nis & commodissimis conditionibus, quibus cum Deo de retinenda possessione trans-  
 30 egissent, minus steterant: quos enim tot tantisque beneficiis obstrictos, tantis honoribus  
 35 auctos, tot modis ornatos, tanta denique cura & studio defensos, quascunque etiam gra-  
 40 uiores & sumptuosiores condiciones & leges impositas perferre oportuisset, tamē equis-  
 45 simas, mitissimas, vtilissimasque negligere & perumpere non puduit. Quarum legum  
 50 & conditionum liberam, æquabilem honestamque rationem & sententiam, inducta ad-  
 55 uersarij ipsius ad recitandum & differendum persona, arguit, vt causæ æquitas aduersarij  
 60 eiusdem confessione conuincatur.

*Quid dignum offeram Domino? Curuabo genu Deo excelso? nunquid offeram  
 ei holocaustomata & vitulos anniculos?*

20 N O N difficilem, neq. fastidiosam, neque etiam sumptuosam Dei dominationem,  
 25 sed æquam, diuinam iustissimamque potestatem & gubernationem Israëlitas expertos  
 30 fuisse, argumentis à remotione & subiuncta expositione ductis probat. Inducit autem  
 35 ipsum tot nominibus deuinctum Deo populum de iusto atque æquo cultu obsequioq̃.  
 40 præstando deliberatē, cui cum diuinis meritis & rerum ratione ac iure nulla seruitus,  
 45 nulla tributa, nulla munera satis magna esse, videri posset, tamen clementissima  
 50 & iustissima, imò sibi ipsis potius vtilissima conditio proposita est. [*Quid dignum of-  
 55 feram Domino? Hebraicè, in quo occurrā Domino? ineffabilis nominis principi. Cū enim ad-  
 60 uenientes principes, præter vectigalium pensionem muneribus etiam allatis à populis  
 65 genu minoribus excipi soleant, quidnam potissimum tanto tamque excelso Deo guber-  
 70 natori que meo pergratum aut iucundum adferri possit? Est autem prima deliberatio,  
 75 an exquisito nimis munerū genere & elegantia, an multitudine magis delectetur. [Nun-  
 80 quid offeram ei holocaustomata?] Cū nullum munus diuinę naturæ à mortalibus commo-  
 85 dius, quàm sacrificium cōcinnari posse videatur, quòd hoc obsequij genus nulli, præter-  
 90 quam Deo, conueniat, illa interim consultatio atque deliberatio accidit, num integris  
 95 magis atque omnino incendendis adolendisque victimis, quæ holocaustomata dicuntur,  
 100 iisdemque selecta hostia, hoc est anniculis iuuentis cornua producētibus & ungulas, qui  
 105 maximè omnium idonei putantur; an maxima potius frequentia & feriendarum victi-  
 110 marum assiduitate delectetur. an etiam pretiosiores hominibus res, nempe charissima  
 115 filiorum capita deuoueri sibi expetat; nulli enim rei, quæ grata modò illi fore exstime-  
 120 tur, parcendum esse, maximorum debitorum ratio docet. Neque enim Abraham filio  
 125 suo vnigenito sacrificare iussus, pepercerat, hoc est, quod dicit:*

*Nunquid placari potest Dominus in millibus arietum, aut in multis millibus  
 hircorum pinguium? nunquid dabo primogenitum meum pro scelere meo?  
 fructum ventris mei pro peccato animæ meæ?*

45 M A G N A consultatio inducta est, quibus maximè rebus expiato scelere, Dei mor-  
 50 talibus placati gratia iniri possit: quæ si difficillimæ & charissimæ essent, tantæ tamē ma-  
 55 iestatis, tantæ potestatis, tantæ denique gratiæ conciliandæ causa essent nihilominus fe-  
 60 rendæ. Verum enimvero grauissimam huiusmodi deliberationem æquissima atque sa-  
 65 pientissima interpositi à Deo decreti sententia Deus absoluit.

*Indicabo tibi (ô homo) quid sit bonum, & quid Dominus requirat à te.*

70 B E N I G N I T E M, lenitatem, suamq̃. erga mortales ineffabile misericordiā, rerū,  
 75 quæ arduæ scopulosaq̃. iudicantur, & difficillimos ipsis explicatus habere cognoscuntur,  
 80 duritie mollita, & difficultate omni à se cōposita vehemēter cōmēdat. Vt autē eiusmodi

ratio omnis commodius ac melius accipiat, personarum, & deliberantis & statuentis inductione oratio ipsa distingui solet. Cuiusmodi illustre illud non satis hactenus pro dignitate explicatum exemplum apud D. Paulum extat: Quid ergo dicemus: lex peccatum est? absit, & tandem subiungitur: Infelix ego homo, quis me liberabit de corpore mortis huius? atque eam dubitationem sapientissimo responso Apostolus ipse tollit: Gratia, inquit, Dei per Iesum Christum, quid sit bonum, quid optimum probatissimumque Deo sit, diuinum & certissimum de re tanta responsum, & clementissimæ seruitutis, atque suauis iugi argumentum audiamus:

*Utique facere iudicium & diligere misericordiam, & sollicitum ambulare cum Deo tuo.*

10

Deuter. 4.  
1. Sam. 15.

Si ex rerum quidem ratione, si ex diuinorum beneficiorum magnitudine, atque ex principis Dei dignitate existimandum esset negotium, nihil unquam harum, quæ commemoratae sunt, rerum, neque omnium simul cumolata & iuncta ratio satis ad diuinum cultum facere posse videatur. sed tanta tamen diuina benignitas, tanta æquitas & clementia est, ut eam potissimum sui pie sanctæque ab hominibus colendi rationem optauerit, & iam inde ab initio instituerit, quæ ex hominum ipsorum re atque utilitate maximè esset, quæque homini ipsi, qua homo est, longè omnium facillima commodissimaque iudicaretur. ob eam verò rem dixit: [Indicabo tibi o homo, siue, ut Hebraicè est, *indicauit tibi*.] quòd iam pridem certa de hac re voluntas in sacrarum legum libris à Deo ipso indicata expositaque fuerit, sicut scriptum est: Et nunc Israël audi iudicia, quæ ego doceo te, ut facias ea & viuas. & Melior est obedientia, quam victima. Omnis verò hæc à Vate commemorata ratio pietatis terminis definitur. Est autem pietas vniuscuiusque erga Deum & homines officium ad tribus maximè partibus distribuitur, æquitate, beneficentia, & sanctitudine. prima & secunda in hominum inter se fide, societate, vitæque cõmunitate legitimè honesteque cõseruanda; tertia in Dei veneratione, inuocatione, ac supplicatione spectatur. ex autem nominibus his iudicio, misericordia & sollicitudine, siue submissione erga Deum appellantur. atque æquitatis quidè & misericordiæ certæ iam nobis atque aliàs explicatæ descriptiones sunt: Quæ vero sollicitudinis ratio sit, paucis aperire opere præteritum fuerit. Hebraicè verbum est *חֲסֵד* HASZNEACH, quod sollicitum & submissum esse significat. Is verò animi habitus fidelium seruorum proprius est, qui tametsi liberaliter seruiant, nihil sibi tamè magnū ob eam rem arrogantes, dominorum gratiā reuerentia & modestia, perpetuaque obseruatia promereri student: nam si maximè ad impositæ seruitutis onera ferenda satisfecisse videantur, tamen ad referendā pro debito & officio, pro Domini dignitate, & beneficiorum atque clementiæ erga se magnitudine, gratiā, nunquā se satisfacturos esse arbitrentur. Huiusmodi se colentis modestū animū & nihil altū sapientē, atque salutem suā cum timore & tremore, ut Paulus præcipit, operantē Deus requirit, sicut scriptum est: Cum hæc omnia feceritis, dicite, serui inutiles sumus: quòd debuimus facere fecimus, &c. & illud: Captiuates intellectum in obsequiū Christi. Iam verò quā aptè verba ipsa cum rebus conveniunt, namque iudicio, quòd ea pietatis pars ad debitionē magis, quā ad liberalitatē referatur, verbum, facere, hoc est præstare & soluere: misericordiæ autem, quòd hæc studio magis, quā debito constet, verbum, diligere, hoc est, ultro animū ad eam capeSSendā inducere, coniunctū est. Igitur populi tot tantisque beneficiis à tanto principe rege, & patre affecti, hoc, quòd pietatis terminis definitum est, officium honestissimum, æquissimum ac præstitū commodissimum fuerat. quanta verò negligentia, imò quanta impietate & quantis flagitiis proditum id fuerit, subiuncta expositione arguitur:

*Vox Domini ad ciuitatem clamat: & salus timentibus nomen eius.*

Quicquid non audacia aut confidentia, non suspicionibus, non alienis, sed propriis rationibus, vel facti potius demonstrationibus causam suā confirmauerint, sequi officio abundasse ostenderint, ubi ad docendas ingratiatque etiā scelerati aduersarij fraudes oratione fuerit peruentū, causæ victoria & fiducia, atque aduersarij factorum & rerum demonstrandarū indignitate concitati, & ad suū explendū, & ad audientium animos excitandos & permouendos contentissima voce clamare atque huiusmodi clamoribus & insultatione manifestè sceleratorum hominum nomina, facta, &c. prosequi solent, sicut scriptum est: Fuit ergo tibi in derisum & clamorē Israël, quasi inter fures reperisses eū. & illud: Clama, ne cess-

Jerem. 37.

ne cesses, & annuntia populo meo peccata eorum, & domui Iacob scelera eorum: & apud exteros etiam illud: Jerem. 47.  
Isai. 1.

*Quis celum terrenon misceat, & mare calo?  
Si fur displiceat Verri, &c.*

Iuuenal. Sa-  
tyr. 1.

Huiusmodi autem indignationis & victoris causæ, atque deprehensi aduersariorum sceleris ac fraudis iudicem Dei ad ciuitatē clamantis vocē Vates indicat, non consuetam aliā aut officiosā admonitionē & hortationē, qualis in quotidianis sermonibus assidue à vatribus ageretur. Sed vox indignantis Domini maxima & contentissima ad ciuitatē clamabit, ut omnē iudicij misericordiæ & solitudinis rationē, omne ius officiumq. proditum & pollutū esse demonstrēt, id quod paucorū piorū sanctorumq. virorū pace dictum actumq. fuerit, quos intentata publicē in omnem ciuitatem crimina neque honore suo neque præmio fraudandos semper excipiūt, [Et salustimentibus nomen eius, siue, nomen tuū.] וְיִשְׁמַח  
*Nomen* Hebraicum *THO S S I A G H*, quod latine *salus redditū* est, intelligentiā significat, hoc est, exceptionem; sed vtro modo veritas, constans sibi sententia est. Atque exceptio ne quidem piis & nominis diuini cultoribus data ciuitates omnes tributim impietatis, iniuriæ & sceleris manifesta factorum & signorum expositione notantur.

*Audite tribus & quis approbabit illud.*

*Nomen* Hebraicum *M A T E H* & virgā propriē & tribū metaphoricē significat, quod ex duodecim tribubus, tanquā virgis fasciculus ille domus Iacob cōpactus & colligatus fuerit, unde singulæ olim tribus cū sacerdotij pontificatusq. dignitatē ambiētes sese in sortē cōieciissent, singulas virgas contulisse traduntur: actandem fors illa leuiticæ tribui Aarōniq. edita est. Igitur cū iā sortē suā in causā eduxerit Deus, tribuū ipsarū virgam hoc est sortē coniecere educereq. parat, quam adeo durā, adeo grauē fore ostendit, ut nō vulgari aliquo & cōmuni præcone, sed vocalissimo integerrimoq. ad proclamandū denuntiatore egere confirmet. Hebraico verbo Latini nostri significatio percipitur. *Quis*, inquit, *I A G I D A H*, denuntiabit illud: Interrogatio ipsa difficultatem magnitudinemq. rei ostendit, non triuiali alicui denuntiatori, sed fortissimo & integerrimo, atque in agendis diuinis partibus & causis strenuo Vati ad annuntiandum & approbandū credendā, quis igitur grauissimā & nefandā istorū impietate & totius officij proditiōne effari possit: quū non solū antiquis & præteritis, sed nouis etiā & præsentibus cupiditatibus & manifestis auaritiæ, iniuriæ & rapinæ flagitiis vniuersæ istorū domus tanquā incēdio aliquo flagrēt.

*Adhuc ignis in domo impij thesauri iniquitatis, & mensura minor iræ plena.*

*PRIMA* illam officij partem, hoc est, iudiciū flagitio oculis magis, quā opinione, manibus, quā suspicione deprehensio, proditam arguit, quod impiorum hominum domus ipsæ iniuriarum, & fraudum igne adhuc flagrent, & diuitiis mala ratione partis refertæ conspiciantur, & mēsuræ dolosæ in commerciorū fraudē comparatæ passim offendantur. quæ res diuino iudicio cum primis abominandā damnatissimaque est, & apud Amosū etiā notatissima, ut: Minuamus, inquit, mēsuram, & augeamus siclum: hoc est, quod mēsurā minorem iræ plenam dicit, quod ad maximas diuitias breuissimē augendas nulla commodior visā via sit, quā ut compendium fraude cōmutetur. Id verò quo commodius fiat, adhibita etiā vi & contumelia promouetur, cū in eos, qui mēsuræ dolum notauerint, irasci & debacchari venditores soleant, & vel ad emendum vel ad agendum coactos, direptiones demum & vexationes exercere. huiusmodi verò iræ plenæ mēsuræ diuinam etiam iram in venditores ipsos cumulatiū concire valent.

Amos 8.

*Nunquid iustificabo stateram impiam, & saccelli pondera dolosa?*

*NEFARIUM* capitalis fraudis crimen contentione & incremento amplificatur: quæ runda enim rerū ea natura est, ut non exerceri modò, sed neq. possideri sine crimine possint. Atque ex nimirū sunt, quæ nullius probati, sed aut noxij, aut damnosi vsus esse possint, ut venena, quæ tantū ad inferendā mortem parantur. huius generis dolosi nūmi, mēsuræ & stateræ sunt, quæ quicunque parauerit sceleris suspicione, vel potius crimine sese liberare iure non possit, hoc est, quod latine legimus: [Nunquid iustificabo stateram dolosam & saccelli pondera dolosa?] cū scriptum legeq. cautum sit, Non habebis in sacculo diuersa pondera maius & minus; neque erit in domo tua modius maior & minor. Hebraicè hæc passiue eadem omnino sententia leguntur: Num immunis ero cum balance iniqua,

Deut. 25.



iniqua, cum faccello, &c. *Sacelli*, sacculi, nam diminutum à sacco nomen est. ita adeo certissima quædam iniuriæ & flagitij argumenta sunt, quæ nunquam interpretari ipsa possis, nedum si ad signa ipsa & instrumenta factum etiâ & facinus vsusq. accedat. Omnis autem commercij & cõsuetudinis hominum inter se ratio rebus & verbis, dictis conuentisque constat. Vtriusque autem partis inconstantia & falsitas in manifesto fraudis crimine ponitur. Quantum autem populus iste & ciuitatum illarû ciues vtrâq. æquitatis & iudicij parte prodita fraudis suscepissent, docet.

*In quibus diuites eius repleti sunt iniquitate, & habitantes in ea loquebantur mendacium, & lingua eorum fraudulenta in ore eorum.*

C V I V S iudicij violatione misericordiæ etiam proditiõem imò & odiû quoq. arguit, quod nõ solum latrones & fures, prædones & id genus maligni homines, qui iniuria, contumelia, vel fraude & mendacio viuere instituunt, sed diuites illius ciuitates, quos cum nulla premeret inopia, tamen iniquitate repleti, & simulationis, mendacij, fictionis, atque omni denique faciendæ fraudis arte & vitio contaminatissimi essent, neq. præter mendacium & fallaciam quicquam loqui ex diuturna iam nocendi & fallendi cõsuetudine possent. Cùm autem ex abundantia cordis os loquatur, eiusmodi perpetuo mēdax oratio misericordiæ non amorē, sed odium manifestē arguit. [*Repleti sunt iniquitate,*] iniuriæ contumeliæ, fraudis, doliq. scelere, namque Hebraicè *חמאזז* est; de quo genere iam aliàs disseruimus. [*Fraudulenta in ore eorum.*] Dolosæ & fraudulentæ orationis cõsuetudinē, & natiuum iam ferē vitiû hīc tropus significat, quod nulla, nisi fraudulenta & dolosa verba aut pronuntiare, aut in ore etiâ concipere didicissent, ita vt verum & simplicē sermonē proferre conatis, præ desuetudine verba nõ succurrerēt. Tertiū illud pietatis officiū requirēdū restabat, quod optimas de Deo, de Dei beneficiis & virtutibus, deq. omni humana ad diuinā relata ratione sententias continet. sed quonā modo præstari hoc ab iis potuit, qui nihil verē cogitare aut loqui consueuerunt? quin potius diuinas res perperam interpretati aiebant humana sese vicissitudine atq. mutatione, & diuino odio vel saltem tēdio agitari & vrgeri, & homines (vt Comicus inquit) à Diis pro ludibrio vt pilas haberi, & quo velint verti solere. & huiusmodi stultas de Deo sentētiās, quæ à veritatis ignaro ac negligenti passim vsurpantur, de quibus scriptum est: *Væ eis, quoniam recesserunt à me, vastabuntur, quia præuicati sunt in me, & ego redemi eos, & ipsi locuti sunt contra me mendacia.* Ita adeo neque vlla ex parte officium præstiterunt, neque pietatis & cultus veri rationibus atque admonitionibus vllum planē locum reliquere, neque vllis sermonibus, neque minis, neque castigationibus animum, vt sibi ipsis melius consulerent, aduertere voluerunt. hoc est, quod subiungit:

*Et ego ergo cæpi percutere te perditione pro peccatis tuis.*

T O T I V S perorata causæ propositio, siue vt rhetores vocant, intētio, oportuna expositione confirmatur, quod videlicet allata illis hætenus calamitates non mali ex odio illati, sed pœnarû, ob culpā, ad correptionē repetēdarû rationibus definiri debeāt. Id verò multis argumētis confirmat, cùm quod nõ plena & absoluta animaduersione, sed certo animaduersionis modo, & quasi principio quodā aduersum illos vsus fuerit. [*Et ego cæpi te percutere perditione,*] Tum etiâ q. certū multarû genus ad peccatorû & scelerû rationem relatū iudicij æquitatē simul indicare, & peccandi modū iā dissuadere, nisi planē vitiosus, cæcis & obstinatis, facile posset. [*Super peccatis tuis.*] ita vt fraudis & auaritiæ atq. insatiabilis cupiditatis, malē partarû rerû defectio, subductio, incōmoditas, desiderijq. multa esset.

*Tu comedes, & non saturaberis: & humiliaberis in medio tui: apprehendes, & non saluabis: & quos saluaueris, in gladium dabo. tu seminabis & non metes: tu calcabis oliuam, & non vngeris oleo: & mustû, & non bibes vinum.*

S E N T E N T I A E & contextus ratio facilis iudicatu est. Quod Israëlitas iis potissimū multis & pœnis multatos ostēdat, quæ auaritiæ criminû iudices pariter & vindices sint, vt non casu, nõ odio, sed certo iudicio ad suā vtilitatē tandē respiscētibus, cōtumacibus verò in magnū malū extremamq. perniciē euasuræ irrogatæ esse iudicari possunt. [*Tu comedes, et non saturaberis.*] Extremam rerum & diuitiarû malis rationibus comparatam copiam extrema inopia & incommoditas comes sequitur. atque hoc qui nostris moribus & temporibus non videt, is planē cæcus est. nulla enim ætate tantum auri argentiq. & tantum

caute lege que iudicant  
de nō ordinari antiquis  
philosophis non valit.

tantum incommoditatis indigentiaq. extitisse, vnquā legimus, vt verissimū illud Christi Luc. 14. Iesu dictum in nos præcipuē conscriptum esse videatur: Videte, quod non in abundantia, cuiusquā est sufficientia illius ex iis, quæ possidet. Huius autem incommoditatis causam non ad rerum defectum, quando innumerabiles & immensæ sint, sed ad infelicem earum vsum, quæ cum Deo inuisæ fuerint, aut nullo, aut exiguo imminutoq. emolumentum consumuntur. hoc est quod dicit: [*Humiliaberis in medio tui.*] Magnas, vt ille inquit, inter opes inos eris. namque humiliari hoc in loco, idē quod apud Latinos extrema miseria premi significat, vt: Quia humiliata est in puluere anima nostra, conglutinator est in terra venter noster. In medio tui, inter opes diuitiasq. tuas, quibus tute tibi beatus videris, tamen miserrimus eris. Huiusmodi significationē habet tropus hīc, in medio, vt aliās docuimus. Et quoniā ob filiorū & hæredū curā pecuniis quærēdis inhiare, iisdēque expendendis nimīū parcere homines plerūq. solēt, sicut scriptū est: Saturati sunt filii, & dimiserunt reliquias suas paruulis suis. hac etiā infelicitatis parte mulctādo esse dicit, vt aut desiderata filiorū sobole nō augeantur, aut procreata miserē orbentur. [*Apprehēdes et nō saluabis.*] Apprehēdere idē quod concipere est, eadēq. apud Hebræos & Græcos significatione verba vsurpātur. Immaturos igitur partus, qui superesse nō valeant, vel abortus potius horū vxoribus edendos esse, si quos tamē edi cōtigerit, ex his angustiis in ista euaserint deteriora, vt ad hostilē gladiū & crudelitātē explendā, magno labore & cura, magnoq. sumptu eductos nutriāt. Itaq. falsā sobolis propagandæ atq. diuitiis & fortunis locupletādē spe frustrādos esse denūtiat. malē partarū autē rerū curā & laborē suū, vsum verò fructus aliorū, atq. adeo inimicorum hostiūq. suorū diuina sentētia fore confirmat: [*Tu seminabis & non metes: tu calcabis oliuam, & non ungeris oleo: mustum, & non bibes vinum.*]

NON modò res, quæ malis rationibus auctæ fuerint, sed earum etiam labore cura, atque industria consumpta infelices exitus habere diuina sapientia docet. idque adeo tribus ex agricultura exemplis ostendit: cuius ratio laboris plurimū, fraudis minimum, vtilitatis verò non parū habere, plerūq. iudicatur. hæc autem si minus prosperè cesserint, cætera in quibus apertior iniuriæ & fraudis suspicio est, infelicissimè cessura esse putandū est. In his autē tribus generibus tantisper vanā fructus percipiendi spe ductum iri homines significat, dum cura omni cōsumpta, oportunis ad eā rem exantlatis laboribus, vsum voluptatēque capiēdi proxima iam cōmoditate priuati, vehementiori desiderio, grauiori q. dolore cōtabescant. [*Tu seminabis & non metes.*] In ipsa messis abundantia & copia voluptatē quandam esse, antiqui obseruarunt, sicut scriptū est: Lætabitur & exultabūt in te, sicut qui lætātur in messe multa. [*Calcabis oliuā.*] Hactenus improbus tantū labor, & sordida quædā curatio est arādi, putandi, legendi, decerpēdiq. intēta cura, tum fumosa, olida, infectaq. præli & vasorū tractatio. Et nō ungeris oleo. Hīc ex antiquorum sententia optimus est olei vsus, vt cutē, ossa, nervosque exterius inunctū curet, caputq. atq. faciē in vnguēta compositū exhilaret, sicut scriptū est: Vt exhilaret faciē in oleo. Mustum. verbum calcabis, per zeugma subauditur. Poeticè autem & metonymicè, mustū pro vua ei, sicut Isaias, molētes farinā dixit. [*Et non bibes vinū.*] qui vnus & iucundissimus eius naturæ est. nā vinū lætificat cor hominis. Quā verò hæc pœnarū genera & formæ cū notatis antea vitiis cōueniant, vt par pari referri videatur, diuinūq. consiliū eo ipso agnoscat, breuiter doceamus. Pietatis partes violatæ fuerant, iudiciū, misericordia & sollicitudo ambulādi cum Deo, atq. hac postrema fides & religio, diuināq. naturæ obseruatiā cōtinetur, quā isti mendaciis & falsis opinionibus atq. assertionibus polluerant, dicentes terrā desertā esse à Deo, &c. Huic illa pœna respōdet, Cœpi percutere vos perditione, vt terrā deseratis. Quod verò non fecerint iudiciū, sed cōmercia imminutis mēsuris, & omni fraudis genere violauerint, illud subiēre: [*tu comedes, & nō saturaberis,*] quod imminuto victu & inopi copia vsuri essent. quod autē misericordiā nō amauerint, illorum filios aut abortu, aut cæde, illos verò miserrima cōparatorū iā fructuū subductione afficiendos esse. Illud autē postremo Deus in hac causā ostendit, tanta hunc populū demētia deprauatū fuisse, vt his tam manifestis diuini de beneficētia, de iustitia & æquitate, de correptione consilij, atq. ipsorū vitij & culpæ argumentis, his admonitionibus, his deniq. iētibus pulsī non resipuerint, aut euigilauerint, sed cū sceleris & vitij consuetudine in superstitionis studium impijssimorum principum exemplo excitati, impenitusque incumbentes, extremi exitij periculum fuerint sibi ipsis moliti.

*Et custodisti praecepta Amri, & omne opus domus Achab, & ambulasti in voluntatibus eorum, ut darem te in perditionem, & habitatores eius in sibilum, & opprobrium populi mei portabis.*

Amri Israëlitarū v. rex quadregesimo sexto diffensionis anno regnum obiit, impius su-  
 „ perditionis instaurator atque studiosissimus assertor & vindex. nam fecit Amri malū in  
 „ 3. Reg. 16. „ cōspectu Domini, & operatus est nequiter super omnes, qui fuerunt ante eū: Ambula-  
 „ uitq. in omni via Ieroboam filij Nabat, & in peccatis eius, quibus peccare fecerat Israël,  
 „ ut irritaret Dominum Deum Israël in vanitatibus suis. huic filius Achab maximus pa-  
 „ ternae impietatis imitator successit. Horum autē praecepta & instituta ceteri non solum  
 „ Israëlitarū, sed Iudaei etiam reges & populi studiosissime seruauerunt, sicut in vtrorumque  
 „ regum historiis traditum est: quae res exitio vtriusq. regibus & populis tandē fuit. Vtrū-  
 „ que autē populū hac oratione cōplexus est Deus; alterū quidē exēpli; alterū imitationis  
 „ nomine detestatus. At verò sermo ipse cum Iudaea gente & Ierosolymorū vrbe atq. re-  
 „ gibus habetur, qui eos, à quibus animo & voluntate dissidebāt, superstitionis studio imi-  
 „ tati sunt. Quamobrē extremū sibiipsis vrbiq. suae exitiū, ciuib. verò turpē captiuitatis  
 „ seruitutē attulerūt, quibus pro gloria ac fama aeternā ignominia, ut tanti mali auctoribus  
 „ reportandā denuntiat. Verba iam expendamus. [*custodisti.*] Hebraicē verbū hoc prae-  
 „ ter propriā significationē diligentia studiūq. indicat. [*In voluntatibus eorū.* Sic habet emēda-  
 „ ta latina lectio, non voluptatibus.] namq. Hebraicū nomen cōsilia studiosē inita significat.  
 „ [*ut darem te in perditionē.*] Ad regiam domum, senatū, magistratūq. pronomē masculinū  
 „ Hebraicē refertur, quòd domus, masculino genere in illa lingua dicuntur. [*Et habi-*  
 „ „ tatores eius in sibilum.]. *Habitatores* Ierusalē. namq. Hebraicē, *Eius*, femininum ad vibē per-  
 „ tinet. *In sibilum*. Imperatoribus in victoria & triumpho datum plausum victorum & ca-  
 „ ptiuorum irrisio cōsequitur. Sibilus verò popularē irrisiōē atq. insultationē in miseros  
 „ indicare solet, ut illud: Omnis qui transit per eam sibilabit & mouebit manum suam. 25  
 „ [*Et opprobrium populi mei portabis.*] quod tantis calamitatibus, tantis miseriis coopertus  
 „ populus, regū & principū suorū, qui & sceleris & mali auctores fuerint, nomina assidua  
 „ recordatione, & consequenti imprecatione, probro, atque ignominia vsurpaturus sit.

## CAPVT VII.

30



*M*ibi quia factus sum sicut qui colligit in autumnno racemos vindemiae:  
 non est botrus ad comedendum, prae coquas ficus desiderauit anima mea.

**C**V M Vates Dei nomine Israëliticum & Iudaicum populos & reges in crimen vo-  
 caret, optimū quemq. & pientissimum excipiendum curauerat, atq. in suas partes  
 eandemq. causam susceptū & cooptatū voluerat; arbitratus fieri nō posse, ut in tanto po-  
 „ pulo nō multi superessent, qui sinceræ religionis & pietatis fidem tuerentur. ob eā autē  
 „ rem dixerat: Et salus timētibus nomē eius, & rursus: Quis, inquit, approbabit illud? atq.  
 „ adeo hac ratione & opinione officium munusq. suum libentius administrabat, aduoca-  
 „ tos sibi ad eā rem optimos viros nō deesse ratus. nūc verò diuino ac prophetico spiritu  
 „ rarissimos aut nullos ferē harum partiū extare edoctus, desiderium hoc suū mœsto car-  
 „ mine & lugubri admodū elegia profecutus, vicem suā imprimis dolet, cui antiquis po-  
 „ tius ætatibus natum fuisse cupienti, turbulenta ac grauis formidolosissimi tēporis tem-  
 „ pestas oblata sit, ut in tanta sceleratorum hominum consuetudine probos & pios viros, 45  
 „ quorum societate animum suum alere reficereq. possit, desiderare cogatur. Eam autem  
 „ lamentationē aptissima cūprimis similitudine exorsus, expositione deinde persequitur.  
 „ *Vae mihi*, Hebraicē mœstissima inieriectio est, quam latinē satis exprimere non possumus.  
 „ [*Quia factus sum sicut qui colligit.*] hoc in loco punctus figendus est, & æstatis nomen latinē  
 „ subaudiendū. Illud autē *qui colligit*, datiuo casu est explicandū. Accidit, inquit, mihi sicut 50  
 „ colligenti in æstate relictas à messoribus spicas; quarū, quòd nimio æstu hiantium grana  
 „ omnia deciderint, nullus omnino vsus est. nō minus autē laboris bonis viris in hac ætate  
 „ conquirendis frustra mihi animo ac mente susceptū est, cū aliquos ex antea cōstituti-  
 „ bus pietatis cultores superesse arbitratus, nullos tandē inuenerim. *Æstatis* autē nomen,  
 „ quod latinē subaudiendum dicimus, & Hebraicē expressum est, & ex verbo colligere, 55  
 „ propriē ad spicas refertur. [*In autūno racemos vindemiae.* Hebraicē, *sicut racemos in vindemia,*  
 „ verbum

verbum querens, ex sententia ratione addendum est. Significat autē rarissimos ex antiqua disciplina viros inueniri posse, quibus pietatis ille incorruptus succus adhuc maneat: seq. nimum serō natum esse cōqueritur, quādo & ex maturā ætatis viris, & ex senibus vel studiū, vel partium suarū hominē vix quēquam integrum & incorruptum inuenire possit; hos enim vt racemos seruis iam quēritos & raros, & vino aut cibo ineptos reperiri. [*Nō est botrus ad comedendum.*] Autumno iam cedente si qua forsā racemuli viti inhærent, aut ob tardum ortum acerbissimi, aut ob nimia maturitatē & imbriū superuentū eluti corruptique offenduntur. Ita etiā hos tēporum suorū homines, etiā eos, qui pietatē aliquo modo proficitur, aut tēpestatis grauissimæ impetu languidos & tumidos, aut nimia superstitione imbutos, nihil præterea maturā aut cōmodā virtutis expertum sese fuisse dicit. Quibus rebus adductū se Vates ait, vt simplicē illā & antiquā primorū suæ gentis parentum pietatem, & integrā maturamq. virtutē desideraret. hoc est quod inquit: *Præcoces ficus desiderant anima mea.* Antiquos enim illius gentis patres eximia in Deū pietate, & in homines fide & virtute præditos fuisse legimus, quales post Abrahamum, Isāacum & Iacobū, primi etiā illi regionis possessores, qui sub Iosue vixere, extitisse dicuntur, sicut scriptū est: Serui Iosue. 24. virque Israël Domino cunctis diebus Iosue & seniorum, qui longo vixerunt tēpore post Iosue, & qui nouerant omnia opera Domini, quæ fecerat in Israël. Hos præcoces ficus translationē suā persecutus appellat, quod vt prima ætate maturescētes ficus, gratissimi & suauissimi fuerint. Inter quos natum se fuisse optare ait. nam cū succedētia sibi tempora hominū vitio semper deteriora sint, quicūque mētis cōpotes ab intelligētia sensūque vulgi longissimē disiuncti sunt, auream antiquorū hominū ætatē desiderare solent, sic ille aiebat: *Hos vtinam inter Heroas natum tellus me prima tulisset.* Horat. lib. 2. serm. Sat. 2. Sic Isaias ætatis suæ proborū hominū penuriā lamentatur: Iustus perit & non est, qui recogitet, &c. Sic etiā Poëta: *Damnosa quid non minuit dies. Aetas parentum peior auis tulit Nos nequiores, mox daturos Progeniem vitiosiore.* Iam verō translationem suam explicaturus Vates, cū antiquam illā in vita simplicitatē & solidā virtutē nō sine graui suspīrio requisierit, in quales hominū mores, in quam vel occultā hypocrisim, vel apertā impietatem, in quæ demum turbulentissima tēpora inciderit, expositione vsus docet; ostenditq. nullū temporibus suis ius. nullum officium, nullū deniq. naturæ, necessitudinis aut pietatis nomē tam sanctum esse, quod non aut occulta fraude, aut aperto flagitio maxima cum impudentia violetur.

*Perit sanctus de terra, & rectus in hominibus non est: omnes in sanguine insidiantur, vir fratrem suum ad mortem venatur.*

ÆTATIS aureæ desiderio affectus ferream suā (cuius metalli nostra hæc, in qua viuimus, aut etiā deterioris est) partitione describit. [*Perit sanctus de terra*, Hebraicē, *sanctus misericors.*] Nullam hominibus humanitatem esse conqueritur. nam qui humanitate aliqua præditi fuerant, iam pridem de vita migrantes in terris esse desiere. neque verō humanitatem solū, sed æquitatē etiam desiderari ait, quod humanitas benignitate & equitas iure & debito definiatur. denique [*rectus in hominibus non est.*] Sunt enim qui misericordia ducantur: atq. hi optimi omniū censentur. sunt qui seueriorem viam secuti, sese iustitiæ tantum, fidei & æquitatis vindices & sectatores profiteantur. sed ytriūque virtutis rationes omnes abolitas iam esse ait.

In quarum subiere locum fraudesque dolique, Insidieque, et vis, et amor sceleratus habendi. Ouid. Meta. lib. 1. [*Omnes in sanguine insidiantur.*] Vltionis & iniuriæ inferendæ, atq. violentiæ studium, & excogitatas ad eam rem truculentas & impias leges, conflatas perditissimorum hominum societates, exitiosasq. coniurationes, atq. id genus alia oratio hæc significat. Omnis autē hæc misericordiæ, illa verō æquitati opposita ratio est. [*Vir fratrem suum ad mortem venatur.*] Hyperbolicus quidem, sed verissimus sermo, quo nullus humanæ societatis locus tam firmum aut naturæ aut alterius necessitudinis præsidium habere dicitur, vt cōtra auaritiæ insidias tutus sit. Viuitur ex rapto, non hospes ab hospite tutus, Ouid. Meta. lib. 1.

Non socer à genero: fratrum quoque gratia rara est. Quid enim tutum esse possit, quādo fratris germani res frater sibi in prædā ponēs, tanquā venator ferarū carnes omni arte, dolo, circumuētionē, machinis, telis, & si aliter haberi non possint, tamē vel vi vel calūnia oppressio morteq. affecto fratre, auferēdas proponit. Rem, quocūq. modo, rem, inquit ille. [*venatur ad mortem.*] Eadē, sed grauiori etiā significatione & translatione, qua



qua circūuenire & opprimere à Latinis dicitur, Hebraicè hoc in loco *Rete* est. [*Venatur ad mortem.*] *rete*, omnesque insidias & dolos significat. Atque hoc commune totius populi & summorum & infimorum studium, hæc cura est, alienas fortunas & virā etiam per summum nefas appetere. Illud autem principum & potentiorum proprium flagitium est, extrema scelera & vim iniuriāque inferēdam legum auctoritate & iuris ac maiestatis nomine tueri atque honestare velle.

*Malum manuum suarum dicunt bonū: princeps postulat, & iudex in reddendo est: & magnus locutus est desiderium animæ suæ, & conturbauerunt eam.*

PRINCIPUM, iudicium, iurisperitorū, ut priuatis cōmodis vtilitatique, omni etiā iniuria seruiāt, & iuris nominibus aut malitiosa potius iuris interpretatione prospiciant, 10 consilia, rationes, atque mores plurimum conuenire ait. namq. vbi semel alienæ res appetitæ fuerint, quo iure, quāue iniuria inuadi possint, causa protinus inuenitur, atq. adeo negotiū ipsum tanto artificio, tantaq. auctoritate conditur & trāsgitur, tanta maiestate cōfirmatur, ut à nemine vel sanctissimo homine, iniuriæ, iniquitatis, vel aliquo alio fraudis nomine notari, nedū impediri tutò possit. Res autē hoc modo adornatur & expeditur. 15 Imprimis princeps ipse magnas res, & bello & pace gerēdi causas prætens postulat. de quibus ad magistratū & cōsiliū refertur, q. verò deliberāt, id maxime sequitur, quod principē maxime cupere intellexerint. [*Iudex in reddendo est.*] In ea totus sententia est, ut principis cupiditatibus morem gerat, sed ut honestiori etiā nomine adornata, nullus ijs, qui opprimuntur, vel qui indignitate rei offenduntur, locus relinquatur, religio nis etiā & 20 pietatis professor sacerdos quispiam summæ & venerandæ auctoritatis ad causam adhibitus responsa non ex diuinæ ratione legis, vel publicæ rei, sed ex cupiditatis & ambitionis suæ commodis & rationibus dat. quibus nullo pacto melius, quā regis ingenio & libidini obsequendo, consuli posse arbitratur. hoc est, quod dicit: [*Et magnus locutus est desiderium animæ suæ,* Hebraicè & Chaldaicè, *desiderium corruptum animæ suæ ipse.*] Animā au- 25 tem hoc loco appetitum significare, nomen NEPHES Hebraicum docet. Magni autē appellatione sacerdotē aliquem summū, vel eius vice fungentē quempiā, qui religionis rebus interpretandis, administrandis docendisq. præsist, antonomasticè indicari, & ratio ipsa rei & vox etiam confirmat. namq. magnus summi sacerdotis cognomē est, & in magistrorum atq. pharisæorū salutationibus eiusdē auctoritatis nomē vsurpatur, sicut scriptum est: Et amant primas cathedras, &c. & saluari ab hominibus, & appellari Rabbi. 30 quæ vox magnū siue magnū meum significat. atque in Iudæa quidē summi sacerdotes erant à Deo olim instituti: apud Israelitas verò alij etiā à regibus infimæ sortis homines creati sunt, qui in religionis consiliis & rebus gerēdis magnorū sacerdotū officio fungentur, quorum sententia ad principū gratiā venalis erat, sicut scriptū est: Constituitq. 35 sacerdotes de extremis populi, qui non erant de filiis Levi, &c. Igitur horū trium ordinum, videlicet principum, iudicum & sacerdotum potētia, sentētia, approbatione trāacta res, insolubili nodo colligatur. hoc est, quod Vates cōcludendo subiungit: [*Conturbauerunt eam.*] Fraudulentas istorum & implicatas ad diripiendū rationes, atq. iniqua, calumniosa, & iuris nominibus intertexta decreta breui aptissimæ similitudinis descriptione expressit. namque verbū Hebraicum, pro quo Latinus (quā cōmodissime potuit) conturbare reddidit, GHABATH est, quod in impeditissimis ramorum, funiculorum, vel aliarum huiusmodi rerum tricis vsurpatur. Hispanè propriè, *em marañar*, Italicè, *in viluppare* dicitur. Igitur nodos quosdā, tricas, & legum, rationum, decretorum, scriptorūq. gryppos ab istis auaritiæ satellitibus & iniuriæ consultis communi consilio parari solere 45 ait, ut si minus diuino & humano iuri satisfieri possit, tamen sibi ipsis suisq. commodis, cum maxima obtrectantium perniciē, seruiatur. Feminē autē pronomē *eam*, proneu- trolatino aut græco, hispano & italico articulis ex hebraico idiomatē accipiendum est, vel si nomen addere placeat, *rem* addendum arbitramur: *Conturbauerunt eam (rem.)* namque omnia duo ad cohærendū tertiū aliquid requirunt, & quasi nodum vinculumque 50 desiderant. Vbi igitur ad principum cupiditatē & iudicis decreta magni cuiuspiam approbatio accedit, æqui atq. iniqui rationes omnes tantæ auctoritatis fiducia sine vlla dissoluendi spe conturbantur. Hispanè hoc sic pronuntiat, *y emmerañam la*. Italicè, *et seli inuilluppanodumque*. Ita adeo triplex hic funiculus ruptu difficillimus cōtorquetur. Quantum autē huiusmodi principes, magistratus & religionis ministri dignitate, officio, atq. 55 opera sua abusi publicis & priuatis rebus detrimētū afferant, ostēdit Vates: quos, quonia viles

vilēs interdum & reipub. commodi esse dicuntur, comparatione facta examināt: & cū aliquid boni & commodi gerere curauerint, plus in ea re detrimēti, quā emolumentī esse affirmat. nam cū nullam praeipue diuinę legis & verę pietatis atq. communis sollicitudinis rationē habeant, ne omnia nihil in communē rem conferre iudicati, totius populi in se odium & diffensionem concitant, iure dicundo & gubernando & docendo, nonnulla publica & priuata negotia tractant ita tamē, vt eos, quorū inter sit, nō potius inter se transegiſſe, quā hominū opēta expectaſſe; vehementer poeniteat. adeo omnia erabinationibus, dilationibus, radiis, transactionibus, intolerabili sumptu actionū & iudiciorum implicamentis, innumerisq. aliis incōmodis corrūpuntur. Præterea quāta istorum in gubernando superbia & insolētia, in iudicando morositas, in docendo peruersitas & vana stuerit, antiquos legentibus libros perspicuū est. hoc est quod Vates noster dicit: *Qui optimus in eis est, quasi palmarum: & qui rectus, quasi spina de sepe*, Hebraicē, *optimum eorum, &c. & rectum præsepio*.

¶ Vt & o modo legamus, eadē sententię vis, sed explicatio tamen hebraicē est. nimirū illud significat oratio. Istorum principum, iudicum, & magnorum (vbi semel diuinis timor sit depositus) probatissimam etiā opēra plus aloēs, quā mellis habere: eiūq. qui experiri voluerit, quemadmodū si quis spinas tractauerit, obesse magis, quā prodesse cōfirmat. Si quid verō recti atq. æqui nomine ab istis expediendū susciperetur, pluribus & maioribus difficultatibus, quā spinis in texta septa ijs, quorū agebatur res, constituisse ait. neque verō quēquam horū esse, qui officij partem aliquā pollicitus gratis præstiterit, sed eo duntaxat tempore curauerit, cū præsentī allato munere fuerit sollicitatus. statim verō cū nihil pretij abs te acceperit, causā tuā neglecturus.

*In die speculationis tuę visitatio tuā venit: nunc erit vastitas eorū.*

¶ C O M M V N I fere linguarū omnium more ad propositę rei exemplū explicandū secundam aliquā personā tanquā præsentem alloquitur, vt: Nō accedet ad te malum, &c. & Horatius: *dixeris experiar, &c.* Quo die iniqui principes, iudices, & magni isti te munere onusti contemplati fuerint, eo die tantum negotij tui meminērunt, quū verō munere vacuum conspexerint, nihil minus agunt, omnem alienarū rerū memoriā abijciunt, conturbantq. res omnes, quos vtinā debita sors viresq. superbę cōturbant. Commodē autē Vates conturbationem illis imprecatur, qui aliorū res conturbare & confundere parui pēdant. [*Nunc erit vastitas eorū.*] Imprecatio vaticinio coniuncta est futuro tempore ex more pronuntiata, vt: Fiat habitatio eorū deserta. cæteręque illius psalmi imprecationes, quę futuro tempore hebraicē dicuntur, & latinē etiā Thyeſtę preces eodē tempore mittuntur, vt:

Psalm. 90.  
Horat. ſerna.  
lib. 2. Sat. 5.

¶ Et inquietis aſſidens præcordis, Pauore ſomnos auferam, &c. Coniunctionis autē defectus, & nunc, particula futuri propediem mali imprecationē arguunt. nam si absolute vaticiniū eſſet, cōiunctio &, vel autē, adderetur, vt: Et erit tanquā lignum, &c. [*Vastitas eorū*, Hebraicē conturbatio et perplexitas eorū.] ab illo hebraico verbo deductum nomen est, pro quo latinus interpres reddidit, *coacti sunt in terra*. Conclufit autem in summas angustias illorū res adducēdas, quę ad modū alienę sunt ab ipsis adductę. Quod ad verba attinet, visitationē pro alieni negotij memoria & recordatione accipimus, vt: Visitauit Dominus Saram, &: Visitās visitabit vos Dominus, &c. Cū verō maximum ab istis nocumentum allatum cū exiguo emolumento comparauerit, deducta argumentatione docet, nihil in vniuerſum præcipui aut egregij officij à malis & pietate carentibus principibus, iudicibus, & magnis esse expectandum: neq. verō propterea de illis aut palam, aut obſcurius detrahendum, quod ea res infidiis omnium etiā necessariorum & coniunctissimorum hominum exposita, certissimum pēculum, si quis imprudenter egerit, creare soleat.

Hora. Epod.  
Od. 5.

Psalm. 7.

Exod. 14.

Gene. 12.

Exod. 3.

¶ *Nolite credere amico: & nolite confidere in duce.*

¶ D V O illa posteriora officia iudicis, & magni, nomine amici, siue, vt Hebraicē est, socij conclufit, quod ad humanā societatem conseruandā, & ad communes & priuatas res summa cū æquitate & facilitate componendas instituta sint. Vnde in sacris sermonibus huiusmodi ministri cæterorum fratres appellantur. his igitur amicis, qui diuino timore deposito, commoditatibus suis seruire deprehēsi fuerint, vel omnia bona promittentibus sanctęque iurantibus non est credendum: nam si quid

quid præstetur, quale illud euadat, iam superius est explicatum. Principem autem qui potentia & maiestate præ cæteris valet, ducem appellauit. Atq. horum quidem omnium, si mali sint, amicitiam & consuetudinē commodi paululum, offensionem verò incommodi & mali plurimū honestis & simplicibus viris afferre posse ait. Ita adeo fit, vt neq. huiusmodi amicis neq. inimicis vt expediat. namq. horū cum facta & mores probare turpissimū sit, contra etiam improbare, vehementer periculosum est, ijs maxime temporibus, cum rara hominū fides, nulla misericordia, nulla aut necessitudinis aut officij sanctitas, nulla arcani relligio est, sed ab ijs maxime simplicitas proditur, quibus tunc se se credere præcipue oportuerit. Igitur de huiusmodi potentiorum hominum peruentis rebus & rationibus tacere magis, quàm detrahere commodum tutumq. est. Quod ita vel natura, vel moribus, vel fato quodam comparatum sit, vt nihil aduersum hos agas, nihil assequaris, nihil moliaris, nihil denique dicas, quod latere eos valeat in tēpore, sicut scriptum est: In cogitatione tua regi ne detrahas, & in secreto cubiculi tui ne maledixeris diuiti, quia & aues cæli portabunt vocem tuam, & qui habent pennas, annuntiabunt sententiam.

*Ab ea quæ dormit in sinu tuo custodi claustra oris tui.*  
 Vt nullorum amicitia quàm coniugum coniunctior est, ita nullā cōmunis salutis & commodi curam attentiorē esse oportuerat. Primū enim & antiquissimū atq. ob id sanctissimū amicitia & mutua fidei vinculū, thorus immaculatus est. Erunt enim duo in carne vna; & tamen rara etiā vxoris fides in huiusmodi, quæ ad potētiōres pertinet, causa est, vel Vate nostro docēte, vel Christo etiam veritatis doctore maximo referēte, qui hunc Michææ locum ad eandem explicandam sententiam in suum transtulit euangelium. Illud autem maximam significationem habet, quod vxor hoc modo indicata sit. [*Quæ dormit in sinu tuo.*] vt neq. dulcis amoris, neq. honestarum deliciarum consueta familiaritas proditiōis & perfidia suspiciōem fugere & vetare valeat. neque verò de his rebus aut miseris temporibus sermonem apud quenquam etiam familiarissimū & necessarium habere, sed neque hīscere quidē tutum est, quādo oris atq. vultus, gestibus & nutibus malignus interpres & arbiter nō desit. Quamobrē ait, [*Custodi claustra oris tui.*]

*Quia filius contumeliā facit patri, & filia consurgit aduersum matrem suam, & nurus aduersum socrum suam: & inimici hominis domestici eius.*

NVLIVM æqualiū amorem, nullā minorū erga maiores, aut bene merētes tum obseruantia, tum fidem, nullū deniq. familiaritatis aut necessitudinis officiū sanctū constare, sed omnia proditiōibus, insidiis, suspiciōibus & dolis referta corruptaque esse, omni honestæ cōiunctionis genere exposito & notato arguit. [*Quia filius contumeliā facit patri.*] Nō modō vxor viro æquali infida est, sed & filius patri, cuius obseruatissimus esse debuit, ignominia gratiarū loco refert. Contumeliā facit patri, Hebraicē, cōtumeliā & ignominia idē vocabulū significat, illi nimirū præcepto opposita vocem, Honora patrē tuū, &c. [*Filia consurgit.*] quā nō modō matri suæ obseruantē, sed obsequiis omnibus adiectā penitusq. subiectā metuentēq. esse oportuit, sicut scriptū est: Et hilarē faciē tuā ad illos. [*Et nurus aduersum socrum suam.*] Nurū nouā nuptam vox Hebraica significat, quo tēpore nurus à socru & benignissime excipi, & gratissime in filiarū gregē recipi plerumq. solet. namq. antiquioris cōsuetudinis nurū mores socrubus nō conuenire mirū admodū nō fuisset. Quid autem à cæteris vel amicis, vel necessariis, vel familiaribus expectare oporteat, ex horū sanctorū nominū cōparatione cōsequitur, nimirū nō fidē aut beneuolentiam, sed apertas etiā inimicitias & odia. Quādoquidē sanctus de terra periit, & rectus in hominibus nō est. Quibus omnibus ex rebus illud cōsequitur & cōfirmatur, Israeliticā synagogā non ex diuinæ in se beneficētiæ cōsiliij mutatione, sed ex intestino suorum cuiusq. ordinis & cōdicionis hominū morbo & vitio laborare. ē quibus nullā vnam salutis proponere sibi possit spem, vtpote grauioris impietatis, flagitij & vitij morbo implicatis, tum infimis, tum summis in ea hominibus, vt a planta pedis vsq. ad caput sanitas in ea non sit, sed à principe vsq. ad sacerdotē oēs auaritiæ studeant. Ita adeo si istorum ratio & virtus spectāda esset, à quibus semper malum synagoga acceperit, desperāda profectō salus foret: sed tamen sapientiori iam cogitatione suscepta, maximā salutis & vitæ spem ex sanctissimis Dei promissis, quem semper beneficentissimum ac malorum prædictorem & propulsatorem fuerit experta, spem sibi proponendam intelligit. Cuius

cuius personam fuscipiens Vates orationem etiam de hac re maxima ex diuinis promissis, redintegrata spe, renouat.

*Ego autem ad dominum aspiciam : expectabo Deum saluatorem meum, audiet me Deus meus.*

NEQUE ad principes, neq. ad iudices, neq. ad magnos etiā, à quibus miserrimis semper modis afflicta, vexata & profligata sit, sicut scriptū est: nō est qui consoletur eā ex omnibus charis eius, omnes inimici eius spreuerunt eam, & facti sunt ei inimici, sed ad vnicum salutis auctorem Deum, & ad ipsam salutem Iesum Christum Dei filium sese animo & cogitatione omnique spe & multa prece conuersam tandem exaudiendam esse ait. *Ad Dominum aspiciam.* Hebraicum verbum attentissimam expectationem significat, *Psalm.* cuiusmodi illud est: Attenuati sunt oculi mei suspicientes in cælum, & mane astabo tibi & videbo, siue aspiciam. & illud: Leuabo oculos meos in montes vnde venit auxilium mihi. Omnia hæc ad eundem sperantium & expectantium habitum referuntur. *Expectabo Deum saluatorem meum.* nomē Hebraicum saluatoris eandē, quā Iesus seruatoris nostri nomen, originem habet. *Audiet me Deus meus.* Nomen Dei Hebraicū gubernatorem significat; cuius in se prouidentiam & prospicientiam semper fuerit experta, eiusdem tandem in gratiam redire sperat. Hanc verò tantæ gratiæ sibi propositam spem gētilitati in suas miseras insultanti denuntiare studet, cui & arcanam diuinorum iudiciorū, & apertam misericordiarū rationem probans religione iniecta superbiā & insolentiā dissuadeat.

*Ne leteris inimica mea, quia cecidi, consurgam cum sedero in tenebris : Dominus lux mea est.*

FVTVRIS grauibz sibi miserijs per Enthusiasmon iam præsens synagoga modum tandem ex diuina misericordia statuendum esse sperat; atque iustitiæ interim rationibus probatis fortem sibi ad tolerationem animum comparare studet, *Ne leteris inimica mea.* *Psalm. 71.* Synagogam gentibus omnibus inuisam semper fuisse clarius est, quā vt expositione indigeat, sicut scriptum est: Leua manus tuas in superbias eorum in finē, quanta malignatus est inimicus in sancto, &c. Huius inimici populi superbiā in suas miseras insultationem diuini iudicij & misericordiæ futuræque sibi gratiæ commemoratione, atque ipsius rei indignitate proposita cohibere studet. *Quia cecidi.* Indigna fortibus & honestis animis vltionis ratio est, inimici casu sine vlla sua victoria exultare, maximè cum nō ad æternū exitium & ruinā, sed ad felicioris conditionis restitutionem sperādā, præsentiuq. temporū animaduersionem & correctionem tolerandā id accidisse intelligatur. *Consurgam cum sedero in tenebris.* non inquit, *Iacuero, sed sedero:* neque enim mortua sine vitæ spe, sed sedens moestarum viduarum more situ tamen viuētis & resurrectionem expectantis mansurum. *In tenebris,* obscuro loco, sedentibus, quanquam ij viuāt; nullæ tamen commodæ actiones, nulla officia sunt, quoad lucis gratissimo beneficio auctis oportunistum membrorum, tum aliarum rerum vsus concedatur, sicut scriptum est: Nemo vidit fratrem suum; nec mouit se de loco, in quo erat. At verò non vulgarem aliquam aut corruptibilem lucem, non solem aut lunam mundi hæc luminaria, quæ vt aliquando non fuerunt, ita vt aliquando non sint, acidere possit, sed æternam lucem indeficientem sibi sapissimè promissam, tum promissionis, tum sempiternæ & indeficientis in exhaustæ naturæ rationibus sperandā sibi expectandāque fore ait. *Dominus lux mea est.* *Isai. 60.* sicut Isaias dixit: Super te autem orietur Dominus. Hanc autem ruinā atque inertem in tenebris vitam, otiosaque & ingrata tempora ab Israëlitarum & Iudæorum gente traducenda, præsentem illorum conditionem omnibus miserijs & perturbationibus animorum præsertim maximis populo illi ob ipsorum culpam oblatam interpretari conuenit, quæ nunc induratio, nunc excæcatio, interdum etiam casus ab apostolis appellatur, quæ miserrimis hominibus eousque perferenda est, quoad tantis exantlatis laboribus & suam culpam plenè fateri, & Dei in se misericordiam cumulatè contingat experiri.

*Iram Domini portabo, quoniam peccavi ei: donec causam meam iudicet & faciat iudicium meum: educet me in lucem, & videbo iustitiam eius.*

NON diuino odio, sed ira & paterna, seu iore tamen, indignatione sese agi affirmat. quamobrem eam miseriam non ad æternū gentis suæ exitium fore interpretatur, sicut scriptum est: Nūquid in perpetuum comminabitur. Quam ob rem hunc laboris iugum sibi



fibi constanti animo ferre certum est, quod & futuræ gratiæ spe leuius quidem, quā pro culpæ suæ magnitudine, & errorum atq. scelerum suorum ratione iustissimū intellexerit. Quoniam peccauit ei. Atq. hæc ferendæ poenæ vnica & certissima causa est, sicut scriptū est: In sceleribus vestris dimisi matrē vestram, &c. Hanc autem miseriam eouſq. sibi ferendā fore ait, quoad placatum sibi Deum & tantorum malorum atque iniuriæ vehementius etiam vrgentis indignitate cōmotum, libertatis tandem suæ vindicem experiri cōtingat, sicut scriptum est: Cum iratus fueris, misericordiæ recordaberis. [Donec causam meam indicet, & faciat iudicium meum.] Verbum iudicare, Hebraicum non solum iudiciū, sed vindicationem etiam significat. Est autem vindicatio, per quam vim & contumeliā defendendo aut vlciscendo propulsamus à nobis, & à nostris, qui nobis chari sunt, & per quam peccata puniuntur. Huius verbi significatio & ratio abūdē illo psalmo explicatur: Iudica Domine nocentes me, expugna impugnantes me, &c. Vtramque autē rem, sua ipsorum peccata, & hostiū sēuitiam, Deo iudicandam esse ait. grauius autem laturum & seuerius etiam vindicaturum esse Deum nimium malorum & molestiarum, ac contumelię onus, quo Israëliticus populus à diabolo, qui his cæcitatibus & indurationis atque tenebrarū temporibus istos in sua potestate tenuerit, atque ab eius ministris vexatus fuerit, hoc diuinæ libertatis vaticinio explicatur. At verò quod huiusmodi non volentis neq. currentis, sed Dei miserentis opus & beneficium futurū est, à quo è tantis culparum cæcitatibus & indurationis tenebris in veniæ lucem atque in diuinæ iustitiæ cōmunionem sese vocādos credere & sperare iubeantur, additum illud est: [Educat me in lucem, & videbo iustitiam eius.] Lucem euangelij significat, de qua scriptum est: Quia tenebræ transierunt, & verū lumen iam lucet. & iterum alia scriptura dicit: Vt virtutes eius annuntietis, qui eduxit vos de tenebris in admirabile lumen suum. Iustitiam verò Dei eam indicat, quæ eiusdem Euangelij virtute hominibus cōtingit. Namq. euangeliū virtus Dei est ad salutē omni credēti. Iudæo primum & Græco. Iustitia enim Dei in eo reuelatur ex fide in fidem, hoc est, per illud communicatur ijs, qui credunt & obediunt verbo filij Dei. Quoniam autem ob religionis causam, & ob diuinæ prouidentię priuatē in Israëlitas constantis beneficiū, inuidia illa & cōtentio gentilitatis aduersus Israëlitas orta est, quæ dum Israëliticæ res afflictæ & vexatæ essent, vicisse sibi videbatur, & inanē olim diuinæ erga se prouidentię prædicationem arguere & confirmare studebat. Ex hac tandem salute & tanta nouæ felicitatis longē etiam antiquæ illi præstantis spectatione gentilitatem redargutum & pudefactum iri docet. ipsos autem Israëlitas ob extinctas illo tempore gentilitatis rationes omnes incredibili voluptate & iucunditate perfundendos esse vaticinatur.

*Et aspiciet inimica mea & operietur confusione, quæ dicit ad me, ubi est Dominus Deus tuus.*

VULGARI enim hominū errore & deprauato iudicio accidit, vt ex præsentī aduersitate præteritorum studiorum & felicitatis cursus vanus, & pietatis professio & prouidentię prædicatione falsa fuisse arguantur. Huiusmodi stultis sententijs corruptissimum vulgus hominum est, quibus vnaquæq. res nō existimatione & ratione, sed corruptis opinionibus definitur. Hoc asserendæ prouidentię studio incensi sapientes ac sancti viri instantem à sese calamitatem sunt soliti deprecari, vt: Non nobis Domine non nobis; sed nomini tuo da gloriam: super misericordia tua & veritate tua, ne quando dicant gentes, ubi est Deus eorum. Quicunque autē hac rerum existimatione & certa ratione ducitur, vt secundas res diuino beneficio, aduersas verò iudicio & animaduersioni ascribat, is dubio procul causam suam tandem obtinebit, & aduersarij impietatem seuerissimo diuinæ ultionis exemplo spectato conuincet. hoc est quod Synagoga diuinam tandem per Christum gratiam impetratura gentilitati penitus extinguendæ denuntiat.

*Oculi mei vid. bunt in eam: nunc erit in conculcationem vt lutum platearum.*

NVLIVS plenius & commodius exoptatæ rei desiderium, quā oculorum sensus cōsolatur. Ex quo fit, vt in eiusmodi desideratis rationibus hic præcipuē sensus testis citari soleat, vt: Oculi mei cōspecturi sunt. Sed quod ad phrasim facit Videre in aliquē est, supplicij illius & calamitatis, cōtra quā ille crediderit, spectatōrē sese præbere, vt: Quoniam ex omni tribulatione eripuisti me, & super inimicos meos despexit oculus meus, Hebraicè eadem

eadem vtroque oratio est. Omnem verò hanc pro Israëlitis aduersus gentes & eos, qui ex gentibus euangelio crediderunt, causam sapientissimè diuus Paulus ad Romanos scribens perorat, & superbiam omnem insolentemque insultationem dissuadens, modestiâ, pietatem & religionem persuadere studet. Si quis autem Chaldaicè legere & intelligere didicerit, hunc in Chaldaicis biblijs locum vehementer ad Apostoli cognoscendâ sententiâ pertinentē legat, quē, quod diffusior aliquâto est, latinè hic interpretari nō libuit.

*Dies vt edificentur maceria tua: in die illa longè fiet lex.*

CONVERSO ad Synagogam sermone certam & perpetuam Deo auctore salutem, & rectum, prosperum ac perpetuū vitæ cursum vaticinatur, securumque rerum statū ædificatis maceris & rupturis ac ruinis omnibus refarciendis, domiciliūq. diuino numini cōsecratum, factum tectum ab omni periculo conseruandum prædicit. Eam verò diem vt certâ, decretâ, ac diuinitus promissam ter in versuum initijs & medio repetitâ celebrat. Sed hæc omnia spiritali populi illius ædificatione, & in sanctâ Ecclesiæ ciuitatem receptione definire imprimis oportuerit, sicut scriptum est: In die illa suscitabo tabernaculū David, quod cecidit, & reædificabo aperturas murorum eius, &c. Omnis autē humana animorum miseria & seruitus peccati debitione, quasi iure quodam nitebatur. Illa enim ex causa antiquo hosti homo omnis debitor addictus plurimis & grauissimis nominibus tenebatur, quæ nisi Dei filius Deus & homo sanguine suo exoluens expunxisset, nemo profecto, nō mortalium modò hominū, sed neq. immortalū angelorum propriæ virtutis rationibus fuisset soluendo. Hoc igitur præstantissimum beneficiū hominū genus à Deo per Christum obtinet. cuius beneficii quicunq. cōpotes fiunt (fiunt autem fide & obedientia) perfectâ libertate gaudentibus, tum culpæ, tum miseriæ omnium spiritalium datur immunitas. Quam rem elegantissimo carmine Isaias vates celebrauerat: Quia iugum oneris eius, & virgam humeri eius, & sceptrum exactoris eius confregisti, sicut in die Madian. Eandem etiam Vates hic noster Israëlitis in eandē diuinorū beneficiorum cōmunionē & societatem cōuocandis gratulabundus concinit: [In die illa longè fiet lex, Hebraicè ה' ו' כ', debitorum legē significat, quam interpret noster alius vertit, vt apud Samuelem de regijs exactionibus cum populo agentem, alias circumlocutione vsus explicat, vt in Ægyptiorum sacerdotum constitutis cibarijs. de hac autē lege Paulus sic: Lex spiritus vitæ liberauit me à lege peccati & mortis. Magnam autem quietem & securitatem synagogæ ecclesiæ ius & societatem accepturâ promittit. quod Ecclesiæ in vnum spiritum ex vtroq. populo cōiungendæ pia quadâ & perpetua trāquillitate & pace parta, ex omnibus visibilibus & inuisibilibus hostibus vndiq. victoria vtendum sit.

In die illa: & vsque ad te veniet Assur: & vsque ad ciuitates munitas: & à ciuitatibus munitis vsque ad flumen, & ad mare de mari, & ad montem de monte.

In die illa. Acclamationi & gratulationi oportuna repetitio est, non enim cum subiecta sententiâ cōiungitur, sed præcedentibus appenditur, Hebraicè dies illa absolutè dicitur quod certam, lætam & diuinò consilio cōstitutam diem significat. Cæterum pace iam cōposita & ecclesia in amplissimo statu collocata, cōmunem omnium tū Israëlitarum ex omni loco, vbi dispersi sunt, tum aliarum etiam vndiq. gentium conuentum summa lætitia celebrandum esse præcinit. [Et vsque ad te veniet Assur, Hebraicè, vsque ad te, veniet ab vsque assur, &c.] Primum enim vicina Israëlitis regionum loca, certis limitibus notantur: deinde orbis omnis reliquus iudicatus in genere terminis describitur. [Ab assur vsque ad ciuitates munitas.] Armeniam hoc nomine indicari Chaldaus paraphrastes exponit, quia in Lahlah, Habur & fluuium Gozenum diuiditur, quo migrasse quondam Israëlitas accepimus. (sunt autem, qui Ægyptum hoc loco interpretentur, sed migrationis ratio à Chaldaeo interprete stat.) Inde verò quicunq. vsque ad flumen totis illis regionibus cōsedere. flumen autem in sacris antonomasticis Euphrates nominatur, vt. Et dominabitur à mari vsque ad mare, à flumine vsq. ad terminos. & Salomon omnē regionē quæ citra flumen erat, obtinuisse dictus est. Deinde verò omnia terrarum tum maritimâ, tum etiâ mediterranea loca duobus repetitis nominibus cōplexus est Vates, [Et à mari ad mare:] ab occiduo oceano ad orientalem, à septentrionali etiam ad australem, si terræ terminos per ambitum spectes: si verò interiora terrarum metiri velis, [ad montem de monte]. namque

Amos. 9.

Isa. 9.

pin

1. Samuel.  
Genes. 47.  
Rom. 7.Psalm. 71.  
1. Reg. 4.

Geographiæ periti ex editissimis montibus adiacentes terras contemplati, metiri cōsue-  
uere. Omnium igitur fidelium in vnam ecclesiæ societatem concursus; vanarum verò  
sectarum & superstitionis professorum magna vastitas futura, prædicitur.

*Et terra erit in desolationem propter habitatores suos, propter fructum cogitationum eorum.*

HEBRAÏCE à fructu cogitationum, &c. Illud significat vanorum studiorum, in quæ  
hactenus ecclesiæ infensæ & inimicæ gentes incubuerint, nullum tandem fructum esse  
percipiendum. quamobrem studia ipsa suis cultoribus desertum iri obnuntiat. Diuini  
autem honoris & publicæ vtilitatis studio incensus præuisam à se Ecclesiæ felicitatem fu-  
turam pro sua parte etiam certam, ratam, constantemque esse exoptat, & tanquam voto  
nuncupato orat. Grauiissima verò & spei atque desiderij argumentis refertissima oratio-  
ne Deum suum allocutus inquit :

*Pasce populum tuum in virga tua, gregem hereditatis tue.*

SIC Isaias, sic alij vates præuisam sibi futuri Iesu Christi regni felicitatem votis om-  
nibus & precibus prosecuti sunt: Vtinam dirumperes cælos & venires. Salua domine po-  
pulum tuum, & benedic hereditati tuæ. Cuiusmodi autem regni æquitatem, clemen-  
tiam & lenitatem, cuiusmodi regis curam, virtutem & prouidentiam experturus populus  
Christi esset, pascendi similitudine proposita satis commodè significatum est. quod non  
vanis & superstitionis doctrinarum erroribus, non fallacibus figmentis, non comparatis ad  
priuata institutorum & doctorum auctorumque commoda, aut ad humanæ gloriæ mo-  
numenta rationibus, tanquam bruta pecora, prout ducebantur, euntes, vt Paulus dixit,  
perdendi essent; sed Deo ipso optimo, maximo & benignissimo, necnon & sapientissimo  
ac prouidentissimo pastore vsuris, nullus metus, nulla suspicio, nullius commodæ rei de-  
siderium esset futurum, sicut scriptum est: Dominus regit me, & nihil mihi deerit,  
in loco pascuæ me collocauit, &c. [In virga tua.] Diuinum spiritum consolatorem  
appellatum significat, quo filij Dei ducti, non plecti, non terreri aut consternari, sed com-  
modissime, suauissime tutissimeque agi solent. Virga, inquit, tua & baculus tuus ipsa me  
consolata sunt. Eius autem vitæ & conuersationis honestissimum, tutissimum & in-  
tegrum, atque sanctissimum vsum & prosperum felicitatis ac perpetuū cursum antiquis  
temporalium commoditatum imaginibus & nominibus propositis describit.

*Habitantes solos in saltu: In medio Carmeli pascentur Basan & Galaad  
iuxta dies antiquos.*

HABITANTES solos in saltu. Vt rei ipsius nomina, hoc est, pastionem, pastorem &  
gregem, sic partium etiam & circumstantiarum vocabula non simpliciter, sed ex transla-  
tionis rationibus interpretari, sententiæ consequentia nos mouet: Igitur solos in saltu, vel  
silua cōmoraturos eos, qui à Deo pascentur, docet; vt pote nullis in hac vita alieni peco-  
ris contagijs lædendos, nullis corruptelis contaminandos, nullo ferarum impetu à gregis  
& societatis cōmunionē abalienandos. Basan autem & Galaad quæ regiones pastionis  
magnitudine fertilissimæ sunt, Israelitis olim vltra promissæ terræ rationes & pacta con-  
cessæ, & prius occupatæ, quam in desideratam tot seculis patriam venirent. Huiusmodi  
autem loca vitæ huius instar habuere, in qua eos, qui Christi essent, maximis & diuinis  
donis, commoditatibus & iucunditatibus à spiritu sancto Christi, ante etiā, quàm ad cæ-  
lestem patriam peruenirent, afficiendos esse, & sacri vates præcinuere, & sancti etiam  
Apostoli re ipsa præstitum esse, diuina gratulatione sæpe confirmarunt. Benedictus Deus  
qui benedixit nos in omni benedictione spiritali in cælestibus. Quoniam verò omnis  
ratio hæc non carnalis, sed spiritalis est, atque ex illis antiquis figuris imaginum tantum  
& signorum rationibus reuocanda, non autem pari rerum pondere examinanda fuit,  
antiquis etiam testimonijs & expositionibus id indicari notarique Deus voluit. Quam-  
obrem sæpe similitudinis particula aliqua à sacris scriptoribus addita misterium ipsum  
indicatur, vt à Vate nostro, [Iuxta dies antiquos.] vt ad illam antiquam figurā atq. vmbra  
res ipsa referatur, non vt res cum re comparetur. non enim dicit paria vel æqualia, vel  
eandem quæ diebus antiquis, sed iuxta, vel vt Hebraicè C H E. nō comparationis, sed assi-  
milationis vulgarissima nota est: eademque in subiecti versus initio legitur.

*Secundum*

*Secundum diem egressionis tuæ de terra Ægypti ostendam ei mirabilia.*

STVDIOSAS vatis & diuino consilio consonas preces gratissimas & efficaces fuisse, ipsius Dei respondentis, & summa atque felicissima omnia promittentis oratio arguit. Tantum piorum virorum humiles & honestæ obsecrationes, atque vota valent, sicut scriptum est: Clamabit ad me, & ego exaudiam eum. Igitur petenti vati, vt pius, ille Christianorum futurus grex perpetua Dei prouidentia & spiritus sancti gratia aëductu gubernetur, & optata ipsa, & maxima alia dona promittuntur ab eo, qui potest dare vltra etiam, quàm petimus aut intelligimus, vt Paulus inquit. Sed res mysterio & imagine, prout illius temporis ferebat ratio, non aperta descriptione recipitur. Omnia verò quæcunque admiranda in illa expeditione diuina, cùm populus Israëliticus ab Ægyptiaca seruitute non sua, sed Dei redemptoris virtute liberatus est, multo etiam illustriora, multo præstantiora ostendenda illis esse, idem Deus auctor pollicetur. Sed quæ salutem illam magnam maxima & stupenda beneficia adornarunt, præter ea, quæ præcesserant, prodigia illa sunt: Primogenitorum Ægypti cædes, Israëlitarum libera & læta migratio, Erythræi siue rubri maris lucidæ & obscuræ nubis interiectu vtrorumque ingressus, & tandem Israëlitarum maxima cum incolumitate & triumpho traiectio, hostium verò grauissima clades atque absoluta extinctio, & quæ hanc victoriam consequuta sunt: illud quadraginta annorum per solitudinem tantis diuinæ prouidentia argumentis directum, beneficijs munitum, consilijs gubernatum, ac miraculis denique illustratum iter, quoad in optatam patriam deuentum est, illaque tum vicinarum, tum longinquarum gentium admiratione, stupore & metu plena expectatio, quæ tandem rei ipsius magnitudine & felicissimo euentu victa est. Omnia igitur hæc & quæcunque ad hæc referuntur, ad beatum illud Israëliticæ reipublicæ tempus siue diem in sacris sermonibus dictum pertinent. vt illud: In die, qua apprehendi manum eorum, vt educerem eos de terra Ægypti. Igitur non eadem hæc iterum repetenda, sed ad horum tamen instar alia longè magis stupenda & admiratione digna, quibus hominum salus adornaretur pariter & illustraretur, edenda esse diuinis vatum oraculis est proditum. Quemadmodum verò omnia hæc diuini verbi promissa & pacta, à Christo Iesu tantæ expeditionis iam tunc designato, ac tandem postea constituto & præfecto duce verè & constanter præstita fuerint, dabitur nobis tempore suo longius etiam & copiosius explicandi locus, cùm ad tot tantorumque mysteriorum sacrosandam lucem, hoc est, noui testamenti volumina euoluenda Deo propitio & ductore peruenire contigerit, quæ siue nostra, siue alterius dignioris ministri opera in publicam catholicæ ecclesiæ vtilitatem & lætitiā, vt aliquando indicentur, aut ipsius diuini spiritus dono & inenarrabili beneficio publicè hominibus patefiant, commune mecum pijs omnibus votum fieri percipio. Sed iam ad institutum opus redeamus. Catholicam Christi Ecclesiam duobus ex populis, Israëlitis videlicet, atque gentibus coniungendam fore decretum erat: in quæ ea omnia, quæ ab Israëlitis accepta fuerant, beneficia augustioribus & diuiniore modis collocanda esse, hac oratione Deus vati significauit, quem vt populi sui partes agentem allocutus promissionis non ipsi solum populo, sed ecclesiæ communi factæ spe confirmat. [*Secundum diem egressionis tuæ ô vates de terra Ægypti.*] cùm non ille ipse egressus esset, sed illius, quorum ipse personam sustinebat, populus, & maiores. *Ostendam ei mirabilia*, non inquit, tibi vni aut populo tuo, sed ei populo à me in vnam Ecclesiæ societatem coniungendo. Huius verò tantæ salutis non obscurum, sed illustre & gentibus omnibus notissimum, atque omni ex parte admirandum stupendumque exemplum fore ait, & cui non vlla humana vel vis, vel potentia, vel sapientia, non vllæ portæ inferi resistere possint.

*Videbunt gentes & confundentur super omni fortitudine sua, ponent manum super os, aures eorum surdæ erunt: lingent puluerem sicut serpentes, velut reptilia terræ proturbabuntur de adibus suis.*

VIDEBUNT gentes,] quod incredibile humana & animali sapientiā iudicatum est, tamen re ipsa factum & præstitum, grauissimisque exemplis illustratum sensu ipso oculorum & admirabili stupendoque spectaculo cognoscetur, sicut scriptum est: omnes qui



- viderint illos, cognoscent eos, quia isti sunt semen, cui benedixit Dominus, &c. Diuinas enim eorum, quibus spiritus sanctus Christi datus fuerit; virtutes, gentibus illis, inter quas lucerent sicut luminaria in mundo, palam spectandas esse, & vates prodidēre, & grauiissimi testes editas spectatasque satis probauēre. Deo autem gratias, qui semper triumphat nos in Christo Iesu, & odorem notitiæ suæ manifestat per nos in omni loco.
2. Cor. 2. Quæ verò de multiplici oris atque corporis habitu & gestu congeruntur, eò omnia continent, vt inimicarum ecclesiæ gentium & infidelium perturbatio & metus, expectatio, stupor & deditio significetur. Quicumque enim ecclesiæ spiritualem felicitatem oculis contemplati fuerint, omni vel honesta, verisimili, vel etiam ficta & callida obiectione & oratione destituti, neque obistere, neque hiscere contrà valentes, [ *Confundentur super fortitudine sua, ponent manum suam super os.* Hic enim ob certi responsi penuriam silentis habitus est, vt illud: Si est tibi intellectus, responde proximo: sin autem pone manum tuam super os tuum, ne capiaris in verbo indisciplinato. Qui verò longius sepositi fuerint, tantam ecclesiæ felicitatem & dignitatem, tantam eorum, qui contrà contendunt, calamitatē vbi certis nūtijs & grauibz auctoribus acceperint, magnitudine rei attoniti, atque grauiissimo sermone perterrefacti, tanquam futuri fulminis prænuntia tonitrua obturatis auribus vitare conabūtur. [ *Aures eorū surdæ erunt:* ] Sicut aspides surdæ obturantes aures suas, vt non exaudiant vocem incantatoris, &c. Quod autem addit: [ *Lingent puluerem sicut serpentes, velut reptilia terra,* ] Veritati & virtuti diuinæ cedentium deditionem abiectionis omnium habitu & situ describere voluit: nullius namque animantis, quàm serpentium & reptilium generis, abiectionis aut depressior corporis constitutio atq. motio est, quòd ea corporis trahendi fors serpentibus iam inde à primis humanæ miseriæ initijs diuina sententia edita est: Super pectus tuum ambulabis, & terram comedas omnibus diebus vitæ tuæ. Quanta verò consternationis fuerit, hominem bipedem erecta statura, atque spectante cælum ore conditum, non modò quadrupedum more pronum, sed ad serpentium instar procumbentem, terram pavidum & trementem menteque perturbatum lingere, quiuis faciliè existimare poterit. huiusmodi illud est: Coram illo procident
- Psal. 57. 2. 25. 30. 35. 40. 45. 50. 55. 60. 65. 70. 75. 80. 85. 90. 95. 100. 105. 110. 115. 120. 125. 130. 135. 140. 145. 150. 155. 160. 165. 170. 175. 180. 185. 190. 195. 200. 205. 210. 215. 220. 225. 230. 235. 240. 245. 250. 255. 260. 265. 270. 275. 280. 285. 290. 295. 300. 305. 310. 315. 320. 325. 330. 335. 340. 345. 350. 355. 360. 365. 370. 375. 380. 385. 390. 395. 400. 405. 410. 415. 420. 425. 430. 435. 440. 445. 450. 455. 460. 465. 470. 475. 480. 485. 490. 495. 500. 505. 510. 515. 520. 525. 530. 535. 540. 545. 550. 555. 560. 565. 570. 575. 580. 585. 590. 595. 600. 605. 610. 615. 620. 625. 630. 635. 640. 645. 650. 655. 660. 665. 670. 675. 680. 685. 690. 695. 700. 705. 710. 715. 720. 725. 730. 735. 740. 745. 750. 755. 760. 765. 770. 775. 780. 785. 790. 795. 800. 805. 810. 815. 820. 825. 830. 835. 840. 845. 850. 855. 860. 865. 870. 875. 880. 885. 890. 895. 900. 905. 910. 915. 920. 925. 930. 935. 940. 945. 950. 955. 960. 965. 970. 975. 980. 985. 990. 995. 1000.
- Gen. 2. 2. 25. 30. 35. 40. 45. 50. 55. 60. 65. 70. 75. 80. 85. 90. 95. 100. 105. 110. 115. 120. 125. 130. 135. 140. 145. 150. 155. 160. 165. 170. 175. 180. 185. 190. 195. 200. 205. 210. 215. 220. 225. 230. 235. 240. 245. 250. 255. 260. 265. 270. 275. 280. 285. 290. 295. 300. 305. 310. 315. 320. 325. 330. 335. 340. 345. 350. 355. 360. 365. 370. 375. 380. 385. 390. 395. 400. 405. 410. 415. 420. 425. 430. 435. 440. 445. 450. 455. 460. 465. 470. 475. 480. 485. 490. 495. 500. 505. 510. 515. 520. 525. 530. 535. 540. 545. 550. 555. 560. 565. 570. 575. 580. 585. 590. 595. 600. 605. 610. 615. 620. 625. 630. 635. 640. 645. 650. 655. 660. 665. 670. 675. 680. 685. 690. 695. 700. 705. 710. 715. 720. 725. 730. 735. 740. 745. 750. 755. 760. 765. 770. 775. 780. 785. 790. 795. 800. 805. 810. 815. 820. 825. 830. 835. 840. 845. 850. 855. 860. 865. 870. 875. 880. 885. 890. 895. 900. 905. 910. 915. 920. 925. 930. 935. 940. 945. 950. 955. 960. 965. 970. 975. 980. 985. 990. 995. 1000.
- Psal. 71. 2. 25. 30. 35. 40. 45. 50. 55. 60. 65. 70. 75. 80. 85. 90. 95. 100. 105. 110. 115. 120. 125. 130. 135. 140. 145. 150. 155. 160. 165. 170. 175. 180. 185. 190. 195. 200. 205. 210. 215. 220. 225. 230. 235. 240. 245. 250. 255. 260. 265. 270. 275. 280. 285. 290. 295. 300. 305. 310. 315. 320. 325. 330. 335. 340. 345. 350. 355. 360. 365. 370. 375. 380. 385. 390. 395. 400. 405. 410. 415. 420. 425. 430. 435. 440. 445. 450. 455. 460. 465. 470. 475. 480. 485. 490. 495. 500. 505. 510. 515. 520. 525. 530. 535. 540. 545. 550. 555. 560. 565. 570. 575. 580. 585. 590. 595. 600. 605. 610. 615. 620. 625. 630. 635. 640. 645. 650. 655. 660. 665. 670. 675. 680. 685. 690. 695. 700. 705. 710. 715. 720. 725. 730. 735. 740. 745. 750. 755. 760. 765. 770. 775. 780. 785. 790. 795. 800. 805. 810. 815. 820. 825. 830. 835. 840. 845. 850. 855. 860. 865. 870. 875. 880. 885. 890. 895. 900. 905. 910. 915. 920. 925. 930. 935. 940. 945. 950. 955. 960. 965. 970. 975. 980. 985. 990. 995. 1000.
2. 25. 30. 35. 40. 45. 50. 55. 60. 65. 70. 75. 80. 85. 90. 95. 100. 105. 110. 115. 120. 125. 130. 135. 140. 145. 150. 155. 160. 165. 170. 175. 180. 185. 190. 195. 200. 205. 210. 215. 220. 225. 230. 235. 240. 245. 250. 255. 260. 265. 270. 275. 280. 285. 290. 295. 300. 305. 310. 315. 320. 325. 330. 335. 340. 345. 350. 355. 360. 365. 370. 375. 380. 385. 390. 395. 400. 405. 410. 415. 420. 425. 430. 435. 440. 445. 450. 455. 460. 465. 470. 475. 480. 485. 490. 495. 500. 505. 510. 515. 520. 525. 530. 535. 540. 545. 550. 555. 560. 565. 570. 575. 580. 585. 590. 595. 600. 605. 610. 615. 620. 625. 630. 635. 640. 645. 650. 655. 660. 665. 670. 675. 680. 685. 690. 695. 700. 705. 710. 715. 720. 725. 730. 735. 740. 745. 750. 755. 760. 765. 770. 775. 780. 785. 790. 795. 800. 805. 810. 815. 820. 825. 830. 835. 840. 845. 850. 855. 860. 865. 870. 875. 880. 885. 890. 895. 900. 905. 910. 915. 920. 925. 930. 935. 940. 945. 950. 955. 960. 965. 970. 975. 980. 985. 990. 995. 1000.

*Proturbabuntur de adibus suis: Dominum Deum nostrum desiderabunt  
& timebunt te.*

- PROTURBATIONIS causam subiicit, ultionis videlicet diuinæ expectationem & timorem. Pauor enim non solum dubios & sollicitos homines reddit, sed omnem sapientiam ex animo expectorat, sicut scriptum est: Arescentibus hominibus præ timore, &c. [ *Dominum Deum nostrum desiderabunt.* ] Expectabunt ultorem & pauebūt, vt Hebraice est, & timebunt te. Ad Dei populum sermo conuertitur, quem admirabilem formidabileq. hostibus fore dicit. atque ad illam imaginem ratio hæc reuocanda est, quòd Israëlitarum exploratoribus à Rahab fuerat indicatum: Noui quòd Dominus tradiderit vobis terram: etenim irruit in nos timor vester, & clanguerunt omnes habitatores terræ. Verum enimvero hæc tanta salus & Israëlitarum rerum restitutio, vel maxima potius ex paruis reliquijs amplificatio non ipsorum, qui seruarentur, virtuti aut dignitati, sed diuinæ misericordiæ omnino accepta referenda erat, qui ab alienatos à se ipsorum culpa & malo merito rursus in gratiam recipiendos decreuerat. qua in re maximum & admirandum prouidentia, voluntatis, curæ, studijque in eum populum sui exemplum statuere parabatur; quamobre pientissimam simul & sapientissimam supplicationem suo nomine Vates decernit & peragit, quam ipse Deo immortalis & benigno gratam fore intelligens ad totius operis calcem addidit.

Jerem. 7.

20

25

30

3

4

Psalm 45.

Hor. li. i. cas.

Misnaioth  
de Phasc. c. 6.

La. 28.

pefflagh & peccato complexus est. At verò tantorum bonorum & spiritualium donationum promissiones & receptiones, quibus fideles omnes niti ad salutem possint, constantes & certas fore confirmat.

*Dabis veritatem Iacob : misericordiam Abraham : quæ iurasti patribus nostris à diebus antiquis.*

¶ **Q**UOD causæ fuerit, quòd sententiam hanc diuersa à Mosis orationis formula pronuntiauerit, breuibus inuestigare placuit. Moses enim tribus ordine suo nominatis patribus dixerat: Memento seruorū tuorū Abrahā, Isaac & Iacob, quibus iurasti per te ipsum &c. hic verò dixit: *Dabis veritatem Iacob, misericordiam Abraham, & cæt.* Præpositum Iacob, cui & veritatis rationem ascripsit, & Isaac prætermisso Abrahamum misericordiæ mentione facta subiecit. Huius autem rationis, quanquā breuiter, tamen paulò altius repetendum caput est. Igitur omnium Israëlitarum rerum & temporum nationem seriem & euentus omnes Iacobo dormienti apud illam sacram & arcanam scalam ostensa esse aliàs latius exponendum, & hic breuiter referendum est. Israëlitarum natio ex Ægypto primum deducta Cananitidem regionē diuino etiam beneficio occupauit, indeque ob nefaria scelera & superstitionem pulsa, toto orbe dispersa est, cuius pars quædam, quæ Christum venientem suscepit, felicissimo nascentis Ecclesiæ tempore fuit maximis & diuinis muneribus ornata; reliqua verò omnis multitudo ad certam & destinatam misericordiæ diem in gratiam recipienda, atque maximis & spiritualibus donis augenda: interim, ne omnino periret, diuinitus est conseruata. Atque hæc omnia oraculo illo diuino pronuntiata sunt: Terram, in qua dormis, tibi dabo & semini tuo. Ad possessionem hoc spectat; ad migrationem verò & dispersionem miseramque atque humilem seruitutis condicionem illud: Eritque semen tuum quasi puluis terræ: dilataberis ad orientem & occidentem, septentrionem & meridiem. sed afferendam interim per Christum hominum generi salutem tertia hæc pars significauit: Benedicentur in te & in semine tuo cunctæ tribus terræ. Demum perpetuam in captiuitatis miseria custodiam, conseruationem atque futuram restitutionem, & totius historiæ certitudinem illa vltima pars continet: Et ero custos tuus, quocunque perrexeris, & reducam te in terram hanc: nec dimittam te, nisi compleuerō vniuersa, quæ dixi. Ita adeò non modò felicitatis promissionibus, sed pœnarum, animaduersionum & calamitatum obnuntiationibus hoc responsum veritatis, hoc est, constantiæ atque euentus certitudinis nomine à vate exceptum est. Dare autem veritatem idem est, quod latine dicitur, id quod lingua nuncupatum est, præstare & reddere, & quod de Israëlitarum primum salute & restitutione omni que temporum ratione sermo præcipue institutus vati esset. Ab oraculo & promissis Iacobo factis orationem hanc inchoauit, ac si diceret, omnia, quæ Iacobo fugienti & diuinæ fidei ac prouidentiae sese credenti de posteris suis prædicta proditaque oraculo fuerant, tandem certissima euentibus ipsis euasura esse. At verò quòd præter ea, quæ Iacobi genus contingere, quædam etiam Abrahamo promissa sunt de diuina pluribus gentibus (quarum pater ipse futurus erat) misericordia tribuenda, hoc est, de exlesti ciuitate illis communicanda, quanquam nullis meritis chari, nulla scriptæ legis antea disciplina imbuti, nullis promissis ducti, sine Christo, alienati à cōuersatione Israël, hospites testamentorum, promissionis spem non habentes, & sine Deo in hoc mundo essent, vt illud: In semine tuo benedicentur omnes familiæ terræ, & patrem multarum gentium dedi te ante Deum, cui credidisti. Quoniam Deus ea, quæ non sunt, tanquā ea, quæ sunt, vocat. Ob eā rem, hoc est, ob gentium vocationem solis diuinæ misericordiæ rationibus suo tempore futuram ait, vt veritatem Iacobo, sic etiam Abrahamo eonominare, quòd pater multarum gentium appellatus esset, misericordiam esse à Deo tribuendam. In hanc autem huius loci sententiam Apostolus ad Romanos planè scripsit: Dico enim Christum Iesum ministrum fuisse circumcisionis propter veritatem Dei ad confirmandas promissiones patrū: Gentes autē super misericordia honorare Deum, &c. In his autē nominibus Isaac propterea prætermisus est, quòd Isaac Iacobi, cuius rationes cōsideratz

deratæ iam nobis sunt, & Esau pater fuit. Esau autem earum gentium personam sustinet, quibus Euangelij promissio adeo vilis ducta est, vt suam impietatem, superstitionem, Hebr. 12. suaque humanarum & caducarum rerum studia ob eam rem deponere noluerint, fornicatores & prophani vt Esau, qui propter vnâ escam panis & lentis primogenita sua vilipendens vendidit. His igitur qui pertinaci studio errorem suum tueri & vitium fovere voluere, nulla imprimis promissio, imò nullus misericordiæ locus in diuinis rationibus & scriptis est definitus; sed extremum omnibus exitium est denuntiatur. Et non erunt reliquæ domus Esau, quia Dominus locutus est. Cæteræ autem gentes, quibus diuinæ misericordiæ beneficia sustinenda fuerint, ad Abrahamum gentium multarum patrem referuntur, à quo, præter Isaacum promissionis filium, multæ ex Cethura Assyriorum, & plurimæ ex Agar Ægyptiorum & Ismaëliitarum familiæ varijs orbis terræ regionibus profeminatæ sunt. Hos igitur Abraham filios secundum carnem, & alios etiam secundum fidem in eandem familiam receptos, diuinam misericordiam consecuturos fore Michæas prodidit. Ad id autem, quodcunq. boni ac fausti Deo auctore Israëlitis futurum erat, promissiones patribus factas, nondum eo tempore satis ob suam magnitudinem intellectas, sed nimis tamen magno desiderio expectatas, pertinere concludit.

*Quæ iurasti patribus nostris à diebus antiquis.*

20 QVÆ quanquam nondum satis explorata, tamen certissima & maxima iam olim nobis, inquit, habentur.

IN MI-



## IN MICHÆAM PROPHETAM

## CARMEN EX VOTO.

**O** QUI doctiloquis versibus ardua  
 Vates gesta ducum ponere fortium  
 Assueti, imperiumq; orbis in ultimos  
 Fines intrepido milite proditum,  
 Et qui consilijs prætita providis  
 Magnorum canitis pectora principum,  
 Per quæ vel populis pacis & aurea, &  
 Furis certus honor, vel decus & rei  
 Vsus cuique sua contigit innocens,  
 Huc omnes numeros vertite carminum,  
 Quidquid mens valeat dicere velpium,  
 Vel vox eximium, vel cithara sequi,  
 Contentis fidibus cantus & aurea  
 Alternis iugiter templa sonent choris.  
 Et quæ nos humilis munere barbiti  
 Conamur tenues magna novis modis,  
 Vos dignis melius tollite laudibus.  
 Vos mecum æterni principis, & Dei  
 Numen carminibus dicite, qui genus  
 Nostrum, & res hominum qui imperio tenens  
 Præstanti sapientis frena regit manu,  
 Qui fert non dubijs lancibus omnia  
 Summorum ac populi iura, nec arduos  
 Suspectans apices infima despicit:  
 Sed quæ sidereum providus æthera,  
 Quæ terras placidus temperat & mare,  
 Cura res hominum prospicit ac fovet  
 Rector muneribus omnia commodis  
 Producens fluidi tempora seculi.  
 Hic regum indocili colla domat iugo,  
 Obscuroq; premit carcere principes:  
 Quandoq; & medio de grege pauperum  
 Tollit, cui imperij sceptræ micantia,  
 Et tractanda potens iura hominum ferat,  
 Sic visum grauib; consilijs Dei.  
 Nam sæpe & stygijs eruta fluctibus  
 Reges Ambitio perdidit insolens,  
 Et nunquam saturis pallida faucibus

*Auri sacra fames pestiferum genus*  
*Eius, qui proprium nomen ab aurea*  
*Luce olim positum vertit in inuidum,*  
*Serpentis docilis terrea lingere.*  
*Hæ pestes animum, & corda regentium*  
*Quantis inficiant seminibus mali,*  
*Sensere & populi, sensit & urbium*  
*Magnarum numerus innumerabilis:*  
*Quæ quondam validis ardua turribus*  
*Certauere poli vincere culmina;*  
*Nunc tantum tumulis saxa perennibus,*  
*Et spelunca malis sentibus horrida,*  
*Quæ secura cubet cum catulis fera,*  
*Ultricem scelerum iustitiam indicat:*  
*Dum per fasq; nefasq; irruit arbiter,*  
*Et regum indomitam sæpe licentiam*  
*In maiora fouet pellere crimina.*  
*Jam quæ claustra decus Iuraq; muniunt,*  
*Perrumpit genetrix callida fraus doli,*  
*Et vis simplicius fraude nocens ruit,*  
*Exemplo ut populus doctus, & indigam*  
*Oppressus fugiens pauperiem pati*  
*Nec leges timeat, nec metuat graueis*  
*Pœnas tartarei sulfura fluminis:*  
*Sed quauis subeat crimina, maximas*  
*Sudore exiguo ut diuitias paret.*  
*Ast nos cuncta leui pondere ducimus,*  
*Quæ vel gemmifero Phiseon alueo,*  
*Vel rubris Erythre marginibus lauat,*  
*Si nec Sithinea texta domus trabe,*  
*Nec curas adimit lectus eburneus,*  
*Nec fucis Tyrijs ebria vellera:*  
*Quod si me cupidum spiritus in suam*  
*Tutelam placidus excipiat, neque*  
*Cognouisse vetet munera duplici*  
*Consecrata libro, nec neget indere*  
*Numen visceribus, dum meditor, suum,*  
*Vel Cyrum superem sorte beatior.*

BENEDICTI ARIÆ MONTANI HI-  
SPALENSIS, IN NAHHVM PROPHETÆ VA-  
TICINIVM PRÆFATIO.

DE POTENTIA.



**R**ERVm omnium, quæ maxima ab hominibus habentur, vnam hu-  
manam potentiam & opulentam mortalis vitæ huius prosperitatem  
esse, quæ pulchritudinis quidem & felicitatis magnæ speciem offe-  
rat, reapse verò occultis malis plena, dolis obnoxia frequentibus,  
& apertis etiam periculis perua sit, & omnia ferè temporum secula  
notabili atque exitiali principum, imperiorumq. exitu sæpius indica-  
runt: sed diuini imprimis arcanique libri grauissimis sententijs & testimonijs persæpe  
docuerunt. Nam præterquam quòd externæ hominum inuidia, suspicionibus assidujs,  
& cum hostium, tum verò ciuium insidijs frequentibus potentia omnis humana pa-  
teat, & districtum gladium capiti semper impendentem timeat: illud longè grauissimum  
& periculosissimum est, quod cum ipsis opum, fortunarum, splendoris & gloriæ ali-  
mentis corruptissimi quidam opinionum, audaciæ, superbiæ, & temeritatis atque arro-  
gantia succi trahuntur, qui in lethalia venena sensim conuersi, grauissimos & exitiales  
morbos, acerbissimosque ac repentinos maximarum huiusmodi rerum afferunt in-  
teritus.

Principiò namque prosperitate ipsa, secundo ac iucundo presentium rerum vsu, sensu  
atque splendore ita humanæ mentis acies vincitur & hebescit, vt præteritorum tem-  
porum oblita, in futurorum rationem peruidendam cura & cogitatione intendere non  
valeat, & in eam opinionem adductos homines, vt summam rerum & dignitatis vel  
suis maximis meritis & virtutibus, vel natalibus generisque splendori, vel alijs hu-  
iusmodi rebus necessario immutabiliq. fato debitam contigisse, foreque propriam ac  
perpetuâ credât. quibus crassissimis errorum offusis tenebris, nò ad ceterorum modò homi-  
num contemptionem & despicietiam, sed ad maximam tandem erga Deum impietatem  
deducit, sicut scriptum est: Cui exprobasti, & quem blasphemasti? contra quem exal-  
tasti vocem tuam, & eleuasti in excelsum oculos tuos? Contra sanctum Israël, &  
dixisti: In multitudine curruum meorum ascendi excelsa montium, &c. Insanisti in me,  
& superbia tua ascendit in aures meas, &c. Ex quo erroris fonte superbia quedam,  
& importunissima insolentia nascitur, quæ mendaci persuasionem innixa, vel Deum  
prosperitatis illius auctorem non agnoscit, vel iudicem futurum non reueretur, vel  
negligentem quesitorem, neque æquo examine summos pariter atque infimos iudicatu-  
rum credit, sed personarum atque honorum maximè terræ principum rationem esse ha-  
biturum putat, contra quàm diuinitus consultum decretumque est. Iudicans & que-  
rens iudicium, & velociter reddens quod iustum est. Audiuius superbiam Moab,  
superbus est valde, superbia eius, & arrogantia eius, & indignatio eius, plus quàm  
fortitudo eius, &c. Illud etiam ex eodem morum fonte natum, quotidianum & per-  
niciosum deprauati iudicii spectatur exemplum, quod communis humanæ conditionis  
potentiores persæpe obliti, ceteros homines perindè, ac si ex alia viliori atque dete-  
riori materia extiterint, vel alterius auctoris, custodis & patroni Dei in tutelam tra-  
diti, vel in imperij legem ascripti fuerint, adeo se minores & inferiores arbitrantur,  
vt verbis, muneribus, omniq. obseruantia sese ab illis coli, exigui & imminuti officij  
loco ducant, ac parum abest, quin diuinos honores, maculatis etiam hostijs verbo exi-  
gant, re tamen ipsa appetere atque velle videantur, id quod aliquando etiam humani  
super-

superbiam & insolentiam apertè sibi arrogare & petere ausam esse, ille à Nabuchodo- Dan. 3.  
 nofore positus colossus arguit, nec non & aliorum historiae testantur, qui dicentes in  
 corde suo: Deus ego sum, diuinos populis erga sese cultus imperauere. Cum tamen reges Deut. 17.  
 ipsos & summos in populis magistratus, atque imperij clauum tenentes, & reipub. gu-  
 bernacula tractantes, ceterorum fratres diuina lex appellet, & aliam agendi inter se,  
 qua proficuum iure & more rationem sacra oracula notant & dissuadeant. Nun- Malach. 2.  
 quid non pater vnus omnium nostrum? nunquid non Deus vnus creauit nos? quare  
 ergo despicit vnusquisque vestrum fratrem suum & c. Neque verò clementis, & ad  
 gerendam publicam rem oportuni tributi nomine exactis, vel spontè à populo datis  
 rebus contenti sunt, sed prædæ vsque inhiantes priuatas imbecilliorum ciuium fortunas  
 diripere appetunt, quamque ad eam rem viam commodissimam, maximique compendij  
 fore arbitrati fuerint, eam potissimum, quocunque modo iniri possit, muniunt, siue  
 fraude atque dolo, siue calumnia, siue tandem aperta vi agendum sit, quo iure, quauē  
 iniuria, id minimè laborant, sed apertis semel augendæ pecuniæ sulcis tamdiu insistent,  
 quoad nihil omnino miseris & oppressis, quo vitam, familiamque commodè alere  
 possint, reliquum sit, sicut scriptum est: Exaltatio oculorum, & dilatatio cordis sulcus Prouer. 21.  
 impiorum in peccatum: cogitationes robusti semper in abundantia, & c. His autem  
 illud accedit grauissimum, quod datum istis forsitan iusto Dei iudicio imperium non pro-  
 uidentia diuinæ, sed suæ ipsorum felicitati & genio acceptum referentes, propriæque  
 arrogantes virtuti, propagare etiam ac dilatare ambitiosissimè student: neque verò  
 præter opes, potentiam & vim vlllo alio, vel diuino, vel humano, sed statuto tantū  
 in armis iure sibi agendum esse arbitrantur. quamobrem externis etiam atque lon-  
 ginq̃ nationibus, à quibus nulla vnquam iniuria, sed neque leuissima quidem offen-  
 sione affecti fuerant, affectatè tantū Monarchiæ causa, grauissimum bellum denun-  
 tiant, atque adeo ad muniendam in alios maxima feritate viam, terribileque cru-  
 delitatis exemplum cæteris edendum in eos, qui non vltro sese dediderint, vel hoc ipsum  
 legitimam causam esse statuantes, extrema atque inexorabili sauitia vtuntur, atq. alios  
 horrendi exempli metu impulsos, in imperij deditionem redigunt: eamque rem omni, in-  
 iuriæ, & conscientia suspitione abiecta, omni etiam sublata religione, felicitati, virtuti,  
 fatisque suis ascribunt, sicut scriptum est: Propterea immolabit sagena suæ, & sa-  
 crificabit reti suo, quia in ipsis incrassata est pars eius, & cibus eius electus. propter Habbak. 1.  
 hoc ergo expandit sagenam suam, & semper interficere gentes non cessat.

Igitur que ex ambitione, & Luciferi imitatione humana potentia orta est, ubi di-  
 uina legis præcepta & instituta (quibus ad publicam potius vtilitatem, & ad so-  
 cietatis humanæ seruandæ commodiorem vsum, quàm ad priuatas commoditates à  
 Deo directæ atque instructæ fuerat) ubi denique iuris & æquitatis fines prætergressa  
 fuerit, in consequentia vitia, superbiam, ambitionem & cupiditatem protinus delapsa,  
 humanam omnem tranquillitatem & pacem excludat, summa inis misceat, omnem  
 denique cum priuatam, tum publicam rem perturbet & peruertat, & grauissimam  
 proinde mortalium in se inuidiam immortalisque Dei offensionem & iram concitet Habb. 2.  
 necesse est: Væ qui congregat auaritiam malam domui suæ, vt sit in excelsa nidus eius,  
 & liberari se putat de manu mali. Cogitasti confusionem, concidisti populos multos, &  
 peccauit anima tua: Quia lapis de pariete clamabit, & lignum quod inter iuncturas  
 est, respondebit, & c. & sicut scriptum est Abominatio Domino omnis superbus: manu Prouer. 16.  
 ad manum non absoluetur. Illud verò nonnunquam existere videmus, vt cum potentiorū  
 prosperitas, diuitiæ & opes, atque ipsa demum imperia, per summum scelus, & gra-  
 uissimas iniurias crescere augerique magis videantur, non sine magno & sapienti per-  
 mittentis Dei consilio accidat, vt de summo rerum & prosperitatis gradu, quem omni  
 iam orbi



BENEDICTI ARIÆ MONTANI HI-  
SPALENSIS, IN NAHHVM PROPHETÆ VA-  
TICINIVM PRÆFATIO.

DE POTENTIA.



ERVM omnium, quæ maxime ab hominibus habentur, vnam hu-  
manam potentiam & opulentam mortalis vite huius prosperitatem  
esse, quæ pulchritudinis quidem & felicitatis magnæ speciem offe-  
rat, reapse verò occultis malis plena, dolis obnoxia frequentibus,  
& apertis etiam periculis peruia sit, & omnia ferè temporum secula  
notabili atque exitiali principum, imperiorumq. exitu sæpius indica-  
runt: sed diuini imprimis arcanique libri grauissimis sententijs & testimonijs persæpe  
docuerunt. Nam præterquam quòd externæ hominum inuidiæ, suspicionibus assidujs,  
& cum hostium, tum verò ciuium insidijs frequentibus potentia omnis humana pa-  
teat, & districtum gladium capiti semper impendentem timeat: illud longè grauissimum  
& periculosissimum est, quod cum ipsis opum, fortunarum, splendoris & gloriæ ali-  
mentis corruptissimi quidam opinionum, audaciæ, superbiæ, & temeritatis atque arro-  
gantia succitrahuntur, qui in lethalia venena sensim conuersi, grauissimos & exitiales  
morbos, acerbissimosque ac repentinos maximarum huiusmodi rerum afferunt in-  
teritus.

Principiò namque prosperitate ipsa, secundo ac incundo præsentium rerum vsu, sensu  
atque splendore ita humane mentis acies vincitur & hebescit, vt præteritorum tem-  
porum oblita, in futurorum rationem peruidendam cura & cogitatione intendere non  
valeat, & in eam opinionem adductos homines, vt summam rerum & dignitatis vel  
suis maximis meritis & virtutibus, vel natalibus generisque splendori, vel alijs hu-  
iusmodi rebus necessario immutabiliq. fato debitam contigisse, foreque propriam ac  
perpetuam credat. quibus crassissimis errorum offusis tenebris, nõ ad cæterorum modo homi-  
num contemptionem & despicietiam, sed ad maximam tandem erga Deum impietatem  
deducit, sicut scriptum est: Cui exprobraſti, & quem blasphemaſti? contra quem exal-  
taſti vocem tuam, & eleuaſti in excelſum oculos tuos? Contra sanctum Israël, &  
dixiſti: In multitudine curruum meorum aſcendi excelsa montium, &c. Inſaniſti in me,  
& superbia tua aſcendit in aures meas, &c. Ex quo erroris fonte superbia quedam,  
& importuniſſima insolentia nascitur, quæ mendaci perſuaſione innixa, vel Deum  
proſperitatis illius auctorem non agnoſcit, vel iudicem futurum non reueretur, vel  
negligentem quaſitorem, neque æquo examine ſummos pariter atque iſimos iudicatu-  
rum credit, ſed perſonarum atque honorum maximè terræ principum rationem eſſe ha-  
biturum putat, contra quàm diuinitus conſultum decretumque eſt. Iudicans & qua-  
rens iudiciũ, & velociter reddens quod iuſtum eſt. Audiuiſus ſuperbiam Moab,  
ſuperbus eſt valde, ſuperbia eius, & arrogantia eius, & indignatio eius, plus quàm  
fortitudo eius, &c. Illud etiam ex eodem morum fonte natum, quotidianum & per-  
niciouſum deprauati iudicii ſpectatur exemplum, quod communis humane conditionis  
potentiores perſæpe obliti, cæteros homines perinde, ac ſi ex alia viliore atque dete-  
riori materia extiterint, vel alterius auctoris, cuſtodis & patroni Dei in tutelam tra-  
diti, vel in imperij legem aſcripti fuerint, adeo ſe minores & inferiores arbitrantur,  
vt verbis, muneribus, omniq. obſeruantia ſeſe ab illis coli, exigui & imminuti officiij  
loco ducant, ac parum abeſt, quin diuinos honores, maculatis etiam hoſtius verbo exi-  
gant, re tamen ipſa appetere atque velle videantur, id quod aliquando etiam humane  
ſuper-

superbiam & insolentiam apertè sibi arrogare & petere ausam esse, ille à Nabuchodo- Dan. 3.  
 nofore positus colossus arguit, nec non & aliorum historia testantur, qui dicentes in „  
 corde suo: Deus ego sum, diuinos populis erga sese cultus imperauere. Cum tamen reges „ Deute. 17.  
 ipsos & summos in populis magistratus, atque imperij clauum tenentes, & reipub. gu-  
 bernacula tractantes, ceterorum fratres diuina lex appellet, & aliam agendi inter se,  
 qua pro fratrurn iure & more rationem sacra oracula notant & dissuadeant. Nun- Malach. 2.  
 quid non pater vnus omnium nostrum? nunquid non Deus vnus creauit nos? quare „  
 ergo despicit vnusquisque vestrum fratrem suum & c. Neque verò clementis, & ad „  
 gerendam publicam rem oportuni tributi nomine exactis, vel spontè à populo datis  
 rebus contenti sunt, sed prædæ vsque inhiantes priuatas imbecilliorum ciuium fortunas  
 diripere appetunt, quamque ad eam rem viam commodissimam, maximique compendij  
 fore arbitrati fuerint, eam potissimum, quocunque modo iniri possit, muniant, siue  
 fraude atque dolo, siue calumnia, siue tandem aperta vi agendum sit, quo iure, quauè  
 iniuria, id minimè laborant, sed apertis semel augendæ pecuniæ sulcis tamdiu insistent,  
 quoad nihil omnino miseris & oppressis, quo vitam familiamque commodè alere  
 possint, reliquum sit, sicut scriptum est: Exaltatio oculorum, & dilatatio cordis sulcus Prouer. 21.  
 impiorum in peccatum: cogitationes robusti semper in abundantia, & c. His autem „  
 illud accedit grauissimum, quod datum istis forsàn iusto Dei iudicio imperium non pro-  
 uidentia diuina, sed suæ ipsorum felicitati & genio acceptum referentes, propriaque  
 arrogantes virtuti, propagare etiam ac dilatare ambitiosissimè student: neque verò  
 præter opes, potentiam & vim vlllo alio, vel diuino, vel humano, sed statuto tantum  
 in armis iure sibi agendum esse arbitrantur. quamobrem externis etiam atque lon-  
 ginqus nationibus, à quibus nulla vnquam iniuria, sed neque leuissima quidem offen-  
 sione affecti fuerant, affectata tantum Monarchiæ causa, grauissimum bellum denun-  
 tiant, atque adeo ad muniendam in alios maxima feritate viam, terribileque cru-  
 delitatis exemplum ceteris edendum in eos, qui non vltro sese dediderint, vel hoc ipsum  
 legitimam causam esse statuentes, extrema atque inexorabili seuitia vtuntur, atq. alios  
 horrendi exempli metu impulsos, in imperij deditiorem redigunt: eamque rem omni, in-  
 iurie, & conscientia suspitione abiecta, omni etiam sublata religione, felicitati, virtuti,  
 fatisque suis ascribunt, sicut scriptum est: Propterea immolabit sagena suæ, & sa- Habbak. 1.  
 crificabit reti suo, quia in ipsis incrassata est pars eius, & cibus eius electus. propter „  
 hoc ergo expandit sagenam suam, & semper interficere gentes non cessat. „  
 Igitur quæ ex ambitione, & Luciferi imitatione humana potentia orta est, vbi di-  
 uina legis præcepta & instituta (quibus ad publicam potius vtilitatem, & ad so-  
 cietatis humanæ seruanda commodiorem vsum, quàm ad priuatas commoditates à  
 Deo directæ atque instructæ fuerat) vbi denique iuris & equitatis fines prætergressa  
 fuerit, in consequentia vitia, superbiam, ambitionem & cupiditatem protinus delapsa,  
 humanam omnem tranquillitatem & pacem excludat, summa imis misceat, omnem  
 denique cum priuatam, tum publicam rem perturbet & peruertat, & grauissimam  
 proinde mortalium in se inuidiam immortalisque Dei offensionem & iram concitet Habb. 2.  
 necesse est: Væ qui congregat auaritiam malam domui suæ, vt sit in excelsis nidus eius, „  
 & liberari se putat de manu mali. Cogitasti confusionem, concidisti populos multos, & „  
 peccauit anima tua: Quia lapis de pariete clamabit, & lignum quod inter iuncturas „  
 est, respondebit, & c. & sicut scriptum est Abominatio Domino omnis superbus: manu Prouer. 16.  
 ad manum non absoluetur. Illud verò nonnunquam existere videmus, vt cum potentioris  
 prosperitas, diuitiæ & opes, atque ipsa demum imperia, per summum scelus, & gra-  
 uissimas iniurias crescere augerique magis videantur, non sine magno & sapienti per-  
 mittentis Dei consilio accadat, vt de summo rerum & prosperitatis gradu, quem omni  
 Da iam orbi

iam orbi spectabiles tenuerant, precipites deturbati, notando tanta ruina omnibus gentibus exemplo, atque grauissimo exitu stultam hominum opinionem vehementius redarguant, qui humanam prosperitatem, dignitatem atque potentiam mole magnitudineque sua, & maximo rerum omnium apparatu, magis quam innocentia, pietate & iustitia consistere conseruarique posse putant, sicut scriptum est: *Auferentur iudicia tua a facie eius: omnium inimicorum suorum dominabitur. Dixit enim in corde suo: non mouebo a generatione in generationem sine malo. & : Quoniam laudatur peccator in desideriis anime sue, & iniquus benedicitur, & c.* Verum enim uero fieri omnino non posse, ut quae per summum nefas parta, & non sine scelere aucta potentia gloriaque sit, quanquam altis humanis opibus, & facultatibus radices egerit, ad longissimum tempus perduret, ac non potius ad spectabilioris exitus oportunitatem expectata, repentino & stupendo casu ruat, diuina nos responsa persape docuerunt: *Vidi impium exaltatum & eleuatum super cedros Libani. Et transiui, & ecce non erat: quasiui eum, & non est inuentus locus eius.*

Psal. 10.

Psal. 36.

Isa. 10.  
Soph. 2.

Ibidem.

Gravissimum autem rei argumentique huius documentum & exemplum Assyrii olim imperij principio progressionem atque exitum omni mortalium posteritati editum est: illud enim a superbissima & immanissima Nimrodi tyrannide initium ducens, progressus ut longissimos, ita etiam insolentissimos habuit: quippe ditionis, dominationisque suae rationes Dei consilijs minime ascribens, quod omnium post diluuium primae & antiquissimae essent, fatales quoque neque. Quoniam adeo interituras fore iudicauerat. Ipse autem, inquit Isaias, non sic arbitrabitur, & cor eius non ita existimabit, sed ad conterendum erit cor eius, & ad internecionem gentium non paucarum. & Sophonias de Ninive Assyriorum regia vrbe: *Haec est, inquit, ciuitas gloriosa habitans in confidentia, quae dicebat in corde suo: ego sum & extra me non est alia amplius, & c.* Sed ea tamen monarchia maximis impietatis & iniuriae sese sceleribus alligans, exitio tandem suo futuris porro imperijs omnem perpetuitatis eiusmodi artibus & rationibus parandae atque statuendae opinionem, si modo animum aduertere intelligereque velint, omnino sustulit, sicut scriptum est: *Quomodo facta est in desertum cubile bestiae? omnis qui transit per ea m sibilabit, & mouebit manum suam.*

Huius igitur tanti imperij exitium, & grauissimum haecenus etiam iacentis casum Nabhum Vates diuino spiritu edoctus & praeditus ante praefatum, maxime adhuc prosperitatis & diuturnitatis opinione florentibus rebus obnuntiauit. cuius Vaticinii argumentum diuino imprimis ad vota implorato numine aperiendum nobis explicandumque est.

VOTVM

## V O T V M.

*Me neque consilijs, propria aut virtute valentem  
 Da Pater ô, totum numinis esse tui.  
 Qui fastumque, aususq; hominum, mentesque superbas  
 In chaos & stygias ire iubes tenebras.  
 Ex humilique pios deuotos puluere in astra  
 Tollis, dans mensis accubuisse tuis.  
 Te sine nil summum, æternum nil esse fatemur,  
 Te sine prodesse aut posse placere nihil.  
 Ut placeam, prosimque pjs, tua munera sunt:  
 Laudibus ergo tuis prouidus annuito.*

## ARGVMENTVM VATICINII.

**N**INIVEN antiquissimã urbem, atq. Assyrii imperij firmissimum caput, ob regum, principum, populique eius scelera, atque ob illatam omni serè orbi iniuriam, insolentiusq; gestum imperium; maximè autem ob iniquum & nefarium animum aduersus Israëlitas, & Ierosolymitanos, atque adeo aduersus Dei optimi maximi honorem, nominisque dignitatem & splendorem, fixo diuina sententia decreta penitus excindendam funestandamq; esse Nahhum Vates obnuntiat, omnem etiam regij generis sobolem radicitus euellendam. Huiusmodi autem consilium suum breui exsequendum, nisi pœnitentia & obsecrationibus sibi cauissent, per Ionam Vatem Niniuitis aperiri Deus curauerat. Nunc verò illos, quod ad antiqua & scelerata studia conuersi, omni orbi, atque maximè dedicato Deo Israëlitarum populo, nulla religionis ratione habita, infestissimi fuerint, Nabuchodonosoris vim & seuitiam, atque diuini imprimis iudicij seueritatem experturos tandem esse prædicit. Cùm autem Vates Nabuchodonosoris potentia ad hanc rem meminerit, commodà digressionè vsus, Ierosolymam ab eodem, bello & incendio vastandam, ignemq; sacro templo inferendum indicat, eo quod Deus populi & principum impietate vehementer offensus, ciuitatis illius curam studiumq; esset remissurus. deinde ad propositum reuersus Nahhum, Niniuis excidium oratione, atque decantata elegia persequitur, tantique supplicij causam, & culpam palam cognoscendam profert, atque omnem propugnandæ & defendendæ vrbs spem Niniuitis contentione inducta adimit, quod Nabuchodonosoris potentia & virtus, & in bello gerendo felicitas No. Amonis maxima apud AEgyptios vrbs proxima & recenti excidio perspecta explorataq; fuerit. pari autem exemplo futurum, ut Niniue capta excindatur, cuius muri tantæ potentia impetu vel sustinendo, vel tardando impares omnino sint; ciues autem ac viri mulieribus imbelliores: mercatores verò ac principes vitio, otio atque luxu nimio affluentes, quibus turpis fuga, quàm dimicatio, aut honesta in prælio mors potior iudicanda atque studiosè magis, quàm propugnatio, paranda sit.





## CAPVT I.

## NVS Niniue liber visionis Nabhum Elcesei.

**N**iniuen à Græcis & Latinis auctoribus Ninam dictam Assyriorum imperij celeberrimam & principem urbem fuisse; ex prophanis & sacris rerum ac temporum monumentis accepimus. Hæc autem ab Assuro Nino Senaareo ex posteris Semi ad Euphratis fluuij ripas condita olim fuerat, sicut scriptum est: De terra illa egressus est Assur, & ædificauit Niniuen, &c. & inferius: Filij Sem, Elam & Assur, &c. Post illa autem secula Abraham ex Chetura vxore præter alios liberos Lecsam suscepit, ex quo Dedan genitus; à Dedano verò populi illi progeniti sunt. qui cum Niniuitis & Assyrijs regni & ciuitatum communione coniuncti Assurim in sacra historia dicti sunt, non quòd alterum Assur generis sui parentem habuerint, sed quòd ex Dedano procreati, cognatis ex eadem Semi familia oriundis Assyrijs sese immiscuerint. atque hæc communius Assyriorum omnium origo fuit: cuius ratio ad historiarum specie aliàs dissentientium concordiam plurimum valet. Ad inscriptionis autem huius sententiam aperiendam quiddam ex Iona iam diffusius à nobis obseruatum repetere operæpretium visum est. Ionam aduersum Niniuen sic vaticinatum, Adhuc quadraginta dies, & Niniue subuertetur, non simpliciter exponendum esse docebamus, ita vt quadraginta dierum simplicium elapso tempore Niniue Sodome instar euertēda esset: sed sapientissimo Dei consilio concinnatam orationem illud significasse, fore proculdubio primum vt intra quadagesimum à Vatis præconio diem, vel Niniue ex sceleratis & nefarijs studijs conuersa, vel omnino euerfa esset. deinde etiam fore vt quadagesimo post anno, ob iniuriam gentibus omnibus & Israëlitis maximè illatam, penitus esset excindenda. ita adeo diuinum consilium sibi omni ex parte constans certumque probatur. namque quadagesimo ferè anno, à facto per Ionam præconio, Israëlita ab Assyrijs hostili animo, & crudelitate infestati, vexati ac debilitati sunt. Anno enim vltimo Ieroboam duodecimi Israëlitarum regis, quo rege Israëlita res ex Ionæ oraculo feliciter gerebantur, vsque ad sextum Hosæ filij Ela, qui ab Assyrijs tributarius factus est, anni fluxere quadraginta: atque ab eo anno diuina in Assyrios de iniuria & impietate sententia lata & pronuntiata, oneris nomen sortita est. hoc autem modo ratio subducitur: Zacharias & Salum anno vno regnarunt, Manahē annis decem tyrannidem occupauit, Phacea annis duobus, Phacea alter annis viginti regnauit, post hunc Hosæ filius Ela; cuius regni sexto anno Samaria obsessa, & in tributū seruitutem redacta est. quo facinore Assyrij præter alias grauissimas orbis ferè totius offensiones, illatarum etiam per crudelitatem Israëlitis iniuriarum, & contemptæ religionis etiam sese alligarunt, regni que sui excisionem commuerunt: atq. cladem per Nabuchodonosorem Babyloniorum regem anno regni illius primo fuisse allatam, antiqui Hebræorum chronographi tradunt. atque hoc fuit onus Niniue iam tum ex Ionæ vaticinio significatum, nunc verò à Nahum ex professio etiam explicatum. Dierū autem plurali nomine Hebraico in sermone annos etiam significare, multa scripturarum loca declarant, vt ille: Habebit licentiam redimendi, donec vnus impleatur annus. quo loco Hebraicè dies est, quem latinus interpret optime annum vertit. Neque verò eandem temporum rationem ex Hebraicis literis, numeris & mysterijs in eodem Ionæ vaticinio subtilius etiam considerare pigebit, modo id breuiter expedire possimus. namque non aliena nobis à re ipsa interpretatio visa est, vt certum tempus in illa Ionæ oratione notaretur, quoad Niniuitarum res duratura essent, centum videlicet, ac viginti annis. siquidem Ionas quadraginta annis ante subactam Samariam præconiū Niniuitis fecit. Samariæ autem expugnatio Ierosolymorum cladem centum triginta septem annis præcessit: quam decimo nono Nabuchodonosoris anno allatam esse constantior traditio est. anno autem primo eiusdem regis Niniuen excisam Hebræi auctores ferè omnes prodidere. igitur à quadagesimo anno vaticinij Ionæ, hoc est, à primo subactæ Samariæ ad primum Nabuchodonosoris, centum viginti anni intercedunt. Id autem illius vaticinij numeralibus literis, & significantibus

Gen. 10.

Gen. 25.

2. Re. 17.  
Iosephus lib.  
9. c. 15.

Iosephus lib.  
9. c. 10.  
4. Reg. 15.  
Iosephus lib.  
9. c. 11.  
4. Reg. 17.

Lib. de Serie  
mundi.

Leuit. 25.

Series mundi.

ficantibus nominibus sic indicatur : Adhuc quadraginta dies. Quadraginta dies, qua-  
 draginta anni sunt. porro vox, Adhuc, quæ additionem significat, Hebraicè est *Ghod*,  
 quæ suis hebraicis literis cōscripta Ghaim, Vau, Daleth, numerum octogenarium omni-  
 bus hebraicè scientibus conficit; octoginta verò quadraginta additis, centum & viginti  
 5 numerus efficitur: quo tempore Niniue à Babylonis rege excisa est. Igitur quæ signifi-  
 canter dicta à Iona fuerant, Nahhum explicanda confirmandaque suscepit. illud etiam  
 compertum exploratumque nobis est, Senacheribum Assyriorum imperatorem, Sama-  
 ria sub iugum iam missa, Ierosolymam vsque sacrilego animo atque expugnandi causa  
 progressum ingentem vna nocte cladem diuinitus accepisse, & cum extincti penè  
 10 exercitus reliquijs domum redire coactum, ibique paulò post in cuiusdam ex dijs suis  
 templo sacrificantem, à proprijs filijs, qui post eum regnauère, fuisse occisum. Eodem  
 autem tempore Babylonij reges sub Niniuitico imperio erant, quos ob eam rem exteri  
 scriptores Babylonis præfectos vocant. id autem in sacris historijs manifestè explicatur,  
 vt: In tempore illo misit Merodach Baladam rex Babyloniorum literas & munera Eze-  
 15 chix, &c. cui Nabuchodonosor in regno successisse dicitur, à quo ascitis in auxilium  
 Medis, primo regni sui anno Niniue capta & excisa est, atque Assyrium imperij solium  
 Babylonem translatum, & ad Persarum vsque occupationem stabilitum. Huius verò rei  
 rationes apud græcos & latinos auctores, & temporum, & gestarum rerum, & nominū  
 notationibus variæ, inconstantessque sibiipsis videntur, certissimæ verò & constantissimæ,  
 20 ex sacris libris, & hebraicis narrationibus petuntur. Quoniam verò postrema Niniuita-  
 rum regum culpa, quæ diuinam vltionem maturauerit, Israëlitis tribubus vltra om-  
 nem humanitatis modum allata calamitas fuit, eodem tempore vaticinium hoc à  
 Nahhum editū fuisse, ex hebraicis chronicis accepimus, eum aliàs nullam certam, neq.  
 temporis, neque patriæ, neque tribus rationem quæ ad hunc Vatem pertineat, ex sacris  
 25 libris notari hæcenus contigerit. Sed in eo libro, qui Mundi series hebraicè inscribitur:  
 Iohel, Nahhum & Habbakuq ad Manassei tēpora referuntur; quæ, quod impius & ini-  
 quissimus fuerit, indignū, quæ suis libris appellarent existimauerint: sed nos aliā causam  
 fuisse putamus, nimirum, quod horū vaticinia, nō tam rerū à populo Israëlitis gestarū  
 rationes, vel vitiorū & scelerū criminationes (quibus cognoscendis & explicandis regū &  
 30 principū tempora cōmodè adnotantur,) quàm suppliciorum & poenarū obnuntiationes,  
 & ratas definitasq. sententias continent, siue ea Israëlitis, siue alijs nationibus subeūda  
 ferendaq. sint. Quæ res ad quæ tempora pertinerent, euentus ipsi magis, quàm regum,  
 sub quibus vates scriberent, nomina indicare & declarare potuerūt. Illud autem quod  
 Chaldæus paraphrastes in vocabulo E L C E S E I exponit, patronymicum nomē esse ab  
 35 Elcus Galilææ (vt D. Hieronymus interpretatur) vico, illi tantū auctoritate nititur, cū  
 nullū hoc nomine locū in omni veteris & noui testamenti geographia, neq. apud aliū  
 quempia diligentē regionis illius descriptorē nobis obseruasse cōtigerit. nam quæ Sa-  
 lomō Gallus tradit, nō alia, quàm Chaldæi paraphrastis fide probātur. Neq. verò alienū  
 esset nomen Elcese ad significationem relatum, officij magis, quàm patriæ rationibus  
 40 definire. siquidē *Lacas* hebraicum verbū, ex quo nomē hoc deducitur, tardare siue sero-  
 tinare, vel posteriore esse significat: vnde illud celebre Serotina pluuiæ, qua segetes per-  
 ficeretur nomen Malkus factū fuit; atque adeo huiusmodi cognōmine illud significari  
 potuit, quæ superiori tempore obscure & implicite velut temporanea pluuiā à Iona ob-  
 45 nuntiata, instillataque fuerit, cū nondum herbescentem viriditatem oportunitas eli-  
 ceret, nunc iam & idoneo tempore à Nahhumo explicari, & ad maturitatem fere pro-  
 duci. quam rem & Chaldæus interpres non obscure indicauit ita exponens.  
*Onus calices preparati ad exhibendum Niniue, à principio ex quo vaticinatus est aduersus eam Io-  
 nas filius Amithai de Migath - Hhaphar: conuersa est à debito suo, & cū addidit ad peccandum,  
 rursus vaticinatus est super eam Nahhū de domo Cussi, &c.* Quid verò onus propriè significet,  
 50 in cōmentarijs Habbakuq abundè docebimus & in cōmuni præfatione: cætera verò in-  
 scriptionis verba hīc exponimus, vt eū, ad quæ sermo habeatur, & cuiusnā modi sermo  
 sit, primū, deinde cū qui habuerit, & quo vaticinandi genere vsus fuerit, & quam ra-  
 tione munus suū fuerit executus, explicemus. grauem igitur & certā Dei sententiā in  
 Niniuitas pronunciatam illa verba indicant: *Onus Niniue*. huius verò sententiæ inter-  
 pretem certum, & diuino spiritu auctum, atque grauissimo futurorum præsciendi  
 55 modo affectū posteriora illa docent, *Visionis Nahhum Elcese*, qui quod certi constantisq.

Herod. li. i.  
4. Reg. 20.  
Isai. 39.

Orosius.

Diod. Sicul.

Sedergholā.

שכל

מלקו

Isai. 39.  
4. Reg. 20.

vaticinij fide & auctoritate niteretur, nomen suum profiteri veritus non sit: sed quòd liberator appellat, eò pertinet vt non ipse Niniuen Assyriosque legationis & vaticinij sui liber multas communis atque cognatæ inter se rationis significat res, ex quibus vna epistola est. vt apud Isaiam: In tempore illo misit Merodac Baladam filius Baladam rex Babylonis libros & munera ad Ezechiam, &c. quod ipsum idem interpretes in regum annalibus literas verterat. Atque de libri inscriptione hæcenus: nunc verò deinceps vaticinium ipsum exponamus.

*Deus amulator & vlciscens Dominus, vlciscens Dominus, & habens furorem: vlciscens Dominus in hostes suos, & irascens ipse inimicis suis.*

SVBLIMI orationis exordio vaticiniū aduersus Niniuitas suum Vates inchoauit, qui Dei virtutē, consilium & prouidentia simul, & illorum facinora & nefaria scelera illustri & grauissimo præconio indicaret, atque hominum proinde animis metum, religionemque iniiceret. namq. grauissimis imprimis verbis diuinæ res, rationesq. proponuntur: deinde etiam hominum ipsorum crimina ea esse inferuntur, in quibus grauissima diuinarum rationum exempla iure edi debeant. igitur futuram Niniuitarum cladem, ne quis nullis eorum flagitijs, sed cæli astrorumq. cursibus vel casui, vel priuatæ forsitan Dei cuiuspiam, exijs, qui temporibus illis vanè colebatur, volūtati ascriberet, Dei Opt. Max. illius Adonai virtuti, consilio & iudicio, vt prædictam ante, sic eandem editam, ascribendam esse confirmat. Atq. causa ipsa primum facultatis & voluntatis, deinde etiam iuris rationibus & pōderibus examinanda proponitur. Quoniā verò varias facultatū rationes alijs atque alijs numinibus delusa olim antiquitas tribuebat, hosq. illis potentia & ira, rursus illos his lenitate & benignitate, aliosq. alijs consilio, agendarumq. rerum dexteritate anteponebat; ex qua re fieri posset, vt Israëlitarum Deum Adonai, ex illo quatuor literis constanti nomine, ad misericordiam promptum, non item ad iudicium sententiam vltionemque idoneum esse putarent, aut aliorum Deorum viribus & numinibus impediri posse crederent. hanc omnem rationem ipso tandem euentu confirmandam Vates exponit, eamque esse Dei sui naturam docet, in qua summa & maxima virtus, facultas, summum consilium, summa ars, agendarum rerum scientia, summa denique felicitas, & quicquid demum numinibus omnibus attribui magnum debeat & possit, in huius adonai natura summum & maximum ac proprium sit. ab ea verò parte potissimum exorditur, quæ quòd rarius ostensa, minus hominibus cogitata, minusque formidata est, quam instituta sibi orationi apprimè oportunam esse intellexit, id est, à summa vlciscendi facultate, & iustissima voluntate, quam edita tandem Niniuitarum strages, horribilisque cædes, cum prædictionibus & obnuntiationibus comparata, confirmatura sit. *Deus amulator.* Ex multis diuinis nominibus id hoc in loco appellatur, quod ad infinitam virtutis & fortitudinis rationem pertinet. Atque ita agendarum rerum facultas prima proponitur, deinde etiam & voluntas subiungitur, quæ exemplorum indicijs confirmatur: *amulator* siue zelotes, qui de rebus, dignitate, iureque suo quicquam detrahi non patitur, detractum autem grauissimè vlcisci solet, sicut scriptum est: Zelatus est Dominus terram suam, &c. Illud autem hoc nomine significatur, Niniuitarum excidium non casu, non iniusto odio, non temerario aliquo fastidio, sed iustissimo offensi Dei iudicio futurum esse. quanquam verò nomen illud suum tetragrammaton; misericordiæ rationes plurimas in se contineat, tamen de vlciscendi facultate ac iure nihil omnino detrahit: cuius rei argumēto varia exempla, in Ægyptios & in alios nominis numinisque sui violatores & contemptores edita sunt. *& vlciscens Dominus.* Illud hoc in loco obseruandum est, nomen Dominus quod ad misericordiam refertur, futuri rationem obtinere, quod illud tempus perpetuitatē assiduitatēq. apud Hebræos, vt apud Latinos & Græcos præsens indicat. qua de re nos multa & vtilissima in cōmentarijs Habbakuq. & alijs docemus: sed *vlciscens* participiū præsentis tēpore dici, quod apud Hebræos non ad assiduitatē, sed ad certā oportunitatem pertinet: ita adeo huiusmodi oratione Deus perpetuò quidē misericors, oportuno tamen tēpore vltor esse prædicatur. Est autem grauissimum, & terribile audientium animis epithetō vlciscens, siue vltor. namq. vltio ipsa cuicumque ascribatur, horrendam vim impetumq. non faciliè retardabilem indicat, nedum si Deo fortissimo & potentissimo atq. patientissimo

5 *imo alias, noxę tamen & scelerũ magnitudine irritato ascribenda sit, vnde grauissima &*  
*terribilis illa ob acceptas iniurias Romanis olim Martis vltoris effigies & inscriptio, quam*  
*in nummis etiam nũ videmus, excogitata est. Quid autem vlturus in Assyriorum. & Ni-*  
*niues excidio Deus esset, facile coniectu est; nimirum animorum sæuitiam & nimiam*  
 10 *per summum nefas dominandi libidinem, exercitamq̃. vltra omnem humanitatis mo-*  
*dem in victos omnes, cũ ex gentibus cæteris, tum maximè ex Israëlitis crude-*  
*litatem: neque enim illi diuinum in ea re consilium secuti oportuna & clementi, vel*  
*belligerendi, vel dominandi ratione vsi sunt, sed sua magis ambitione & cupiditatibus*  
*elati immani tyrannide omnia occupare studuerunt. Qui quanquam irati Dei virga*  
 15 *in sacris appellantur, non eò interpretanda appellatio est, vt quicquid impiè inhumaneq̃.*  
*gesserint, diuino iussu & consilio gestum esse asseratur: sed ita istorum animis, consiliis &*  
*facinoribus Deum ad populos castigandos vsũ esse, vt inuadentes libertati & facultati-*  
*bis permittens suis, inuasos ipsos neque consilio, neq̃. auxilio ad propugnandum, seseq̃ue*  
*defendendum iuuerit: quicquid autem victores peccarent & delirarent, sibiipsis frau-*  
 20 *di foret. itaque vt nonnũquam demonis mali non quidem probata voluntate & nõcendi*  
*cupiditate, ad impios tamen & sceleratos homines puniendos Deus vtitur: sic Assyrio-*  
*rum ambitione & sæuitia permessa ad repetendas de gentibus quibusdã, & de Israëlitis*  
*etiã pœnas est vsus. ex qua re id Assyrij cõmiserunt, vt non diuinam sibi gratiam, sed offen-*  
*sionem maximã, ac proinde vltionem cõmeruerint, tum quòd non ex diuino consilio,*  
*sed ex sua libidine rem gesserint, tum verò quòd omnem humanitatis, imò omnem sæui-*  
 25 *tiaz & crudelitatis modum excedentes, aliorum res vehementius etiam, quàm pro diui-*  
*ni cõsiliij rationibus affligerint & vexauerint, sicut scriptũ est: Vx Assur virga furoris mei*  
*& baculus ipse est, in manu eius indignatio mea. Ad gentem fallacem mittam eum, &*  
*contrapopulũ furoris mei mandabo illi, vt auferat spolia, & diripiat prædã, & ponat illum*  
 30 *in conculcationẽ quasi lutum platearum. Ipse autẽ non sic arbitrabitur, & cor eius non*  
*ita existimabit, sed ad conterendum erit cor eius, & ad internecionẽ gentium non pau-*  
*carum: & illud: Ira magna ego irascor super gentes opulentas, quia ego iratus sum parũ.*  
*ipsi verò adiuuerunt in malum. Quòd autem vltionis nomen repetitum ter fuerit, eò*  
 35 *pertinet, vt lenta plerumque numinis ira, grauissima tamen esse ostendatur; vtpote quæ*  
*non punishmentis modò, sed vltionis rationibus definiatur: habet enim apud Hebræos*  
 40 *ternarius numerus magnam asseuerationem, & superlatiuum gradum in diuinis maxi-*  
*mè nominibus atque appellationibus indicat. nam vt trinitatis ratio diuinæ naturæ, si*  
*personas consideremus, maximè conuenit, sic omnibus in rebus & virtutum ac faculta-*  
 45 *tum appellationibus numero Deus impare gaudet, vt: Sanctus, Sanctus, Sanctus, Do-*  
*minus Deus, &c. Quanquã autem diuina lege cautum sit, ne quis inimicum accepta iniu-*  
 50 *ria vlciscatur, tamen hostes & rerum suarum publicos afflictores publicè etiam vlcisci fas*  
*iusq̃ue est. legis enim verba sociorum & populi proprii nominibus rem ipsam definiunt:*  
*Non quæres vltionem, nec memor eris iniuriæ ciuium tuorum: ciues tantũ lex antiqua*  
*vel filios populi tui, quemadmodũ in Hebræo est, vltione liberat, hostes non item: maxi-*  
 55 *mè autem affligentes, quos legitime indicto bello petere & vlciscilicuit, vt in iisdem sa-*  
*cris legibus præscribitur. quamobrem non reprehendendam animi perturbationem, sed*  
*iustissimã iram & indignationẽ, atq̃. vlciscẽdi rationẽ sibi Deus Opt. Max. ascribit, cũ*  
*hostium suorum vltorem se prædicat; satis enim iusta, imò iustissima vltionis causã est,*  
 60 *hostẽ Deo quempiã esse declaratũ, maximè autẽ Deo Adonai, hoc est, & re & nomine*  
*misereticordissimo, quem tam lenem tamq̃ue clementem ad iras irritasse maxima ac gra-*  
 65 *uissima vltione expiandum nefas fuerit. Vlciscens Dominus, & habens furorem, vlciscens Do-*  
*minus in hostes suos, & irascens ipse inimicis suis. Vt nunquã iniusta ira, & illegitima vltio Do-*  
*mino Adonai ascribi possit, qui sese non nisi hostium & afflictorũ suorum, vt in Hebræo*  
 70 *est, vltorem profiteatur. satis autem iustam & necessariam diuinitus vlciscendi esse, si-*  
*quis sese Deo hostẽ præbeat, non solum diuinis oraculis planum est, vt: Heu vindicabor*  
 75 *de hostibus meis, &c. Sed gentium etiam sapientia de dijs suis est proditum. vt:*

*Gens inimica mihi Tyrrenum nauigat aquor.*

At verò offensa iam Dei ad vltionem iusta & legitima voluntate, eadem repetitis verbis  
 asseueranter confirmata omnis obliuionis diuinæ stulta opinio, ex hominum animis  
 longe patientiæ prædicatione à Vate tollitur. Fieri enim persæpe solet, vt hominum cul-  
 pam, non statim pœna comes premat; ex quo periculosa quædam securitas quorun-  
 dam



dam animis præstatur, Deum vel omnia, vel plurima scelera omnino dissimulare, atque negligere falsò opinantibus, cum tamen id non diuinæ negligentia, sed patientia & lenitati ascribi, atque proinde aut expiari scelus, aut grauius supplicium timeri oportuisset. Ne quem igitur huiusmodi stulta opinio fallat, Vates hac antipophora præcaueri voluit, qua nullum, vel læsæ, vel imminutæ maiestatis suæ crimen, nisi aliàs, ob legitimam poenitentiam & expiationem condonatum fuerit, impunitum tãdem effugi posse affirmet.

*Dominus patiens, & magnus fortitudine, & mundans non faciet innocentem.*

In superiori versu, quo loco Latine posterius illud legimus, *irascens ipse inimicis suis*: Hebraicè verbum est, quod cum iræ rationibus obseruare etiam, & tempus aucupare significat. Hispanè propriè dicimus, *tenerla guardada*. quæ oratio ad commodum & opportunum poenas cum dignitate repetendi tempus significandum vsurpatur. hoc autem tropus Vates noster diuinæ ad ultionem tarditatis causam exposuit. Obseruat, inquit, quidem Dominus inimicos suos, veterumq. offensionum nunquam oblitus, vel legitime sibi satisfieri per poenitentiam expiationemq. expectat, vel ipse tandè grauib. de aduersarijs poenis sumptis opportunè satisfactum curat, sicut scriptum est: Non tardat Deus promissionem suam; sed patienter agit, nolens aliquos perire, sed omnes ad poenitentiam reuertere. Et finem itaque, & efficientem tardæ ultionis causam Vates profert: quòd scelera & offensiones hominum in se vel poenitentia legitimam, vel ultionis opportunissimum tempus Deus aucupatus obseruet, eo quòd natura lenis patientissimusq. sit, aliàs nullà multarum rerum ac facinorum impunitam alicui libertatem donaturus. hoc est quod dicit: *Et mundans non faciet innocentem*, hoc est, neminem scelere alligatum temere soluet. verba ipsa, quòd significationem habeant arcanam, nobis explicanda sunt. *Dominus patiens*, Hebraicè, *latis naribus*. quo tropo lenis & patiens cuiuspiam natura significatur, ut apud Isaiam docuimus: nam qui angustis naribus sunt, inflammati ex offensione cordis fumos ob meatuum angustias, & citius concipiunt, & tardius effiant. *Magnus fortitudine*. Vera fortitudo, fortitudinisq. comites, magnitudo animi, grauitas, patientia, & oportuna rerum despicientia his verbis apud Hebræos definiuntur, ad eumq. referuntur, cuius animus, neque offensionibus, neq. repulsis frangitur, sed constans semper sibi ipsi perseuerat. Latini virtutem hanc animi constantiam dicunt, cui contraria affectio impotentia est: hoc orationis genere, iisdemq. verbis Moses in illa celeberrima deprecatione usus est: Magnificetur ergo fortitudo Domini, sicut iurasti, dicens: Dominus patiens, & multa misericordiae, ferens iniquitatem, & scelera, nullumq. innoxium relinquens. Itaq. longa expectatio, diuturna q. dissimulatio diuinam magnitudinem, fortitudinem, constantiam, sapientiamq. atq. ad opportunitatis usum prudentiam, non autem negligentiam, aut ignauiam, imbecillitatemve ullam, non scelerum impunitatem, arguit. nam quod ad hanc rem pertinet, *mundans non faciet innocentem*, id hæc oratio significat, quod à Mose relatum est, nullum innoxium relinquens. namque eadem utroq. in locoverborum formula, eadem orationis compositio est. Innoxium relinquere, est impunitatem scelerum alicui per negligentiam dare, id quod à diuini iudicii grauitate & seueritate prorsus est alienum, sicut scriptum est: Qui peccauerit mihi, delebo eum de libro vitæ. at verò orationem Hebraicam Latinus interpres, quæ circum locutione explicare noluit, simplicibus verbis, quæ commodiora visa fuere, reddidit, non qui sententiam omnem exponeret, sed qui rationem ipsam rerum indicās, ex fontibus suis petendam exponendamq. studiosis relinqueret. quod Latinus hoc loco ad verbum redderet: Et liberare nō liberabit, vel dimittere non dimittet, nō satis plenè sententiā explicare potest. נאכי, Hebraicè eū significat, qui impunitatē affectus est. huiusmodi verò quippiam à Deo non nisi legitimis rationibus præstari iam diximus. Nemo igitur sibi liberam scelerum impunitatem, & dimissionem ex Dei dissimulatione promittat. namque ille proculdubio dimittens non dimittet. Chaldeus paraphrastes hunc locum sic reddidit: *Et dimittet poenitentibus; non poenitentibus vero non dimittet*. Hic rem ipsam magis, quā orationem explicuit: quod sapius etiam facere cōsuevit. Probato autem consilio & voluntate Dei, seueræq. aduersus hostes suos ultionis studio, tēporis aucupadi sciētia, facultas proximè ostendēda probandaq. fuit; quæ & ipsa ad maximas res gerēdas expetitur. Hanc adeo ceteris nihilo virtutibus minore Deo esse cōfirmat, ut nō solum in consulēdo sapientiam & prudentiam, sed in agēdo etiam dexteritatē & celeritatem

1. Pet. 2.

Nume. 14.

Ibidem.

נאכי

ratem; omni aduersariorum consilio, prudentia atque virtute incomparabilem in modum, superiorem, cuius aduentu nulla hostium diligentia præcauere, cuiusque impetum nulla humanarum rerum firmitudo sustinere possit: ita adeo supplicium, ubi consuluerit, maturare solet, ut longè expectacionis moram, & negligentia opinionem conficiendæ rei celeritate vincat. Hæc autem res duabus rationibus, & agentis virtute, & ministrorum, quibus ad agendas res interdum vitur, maximis viribus, & prompta ac parata in conficiendo celeritate confirmatur.

*Dominus in tempestate & turbine via eius, & nebula puluis pedum eius.*

10 EXPEDITIO<sup>nis</sup> faciendæ ratione, atque repentinum ineuitabilemque hostibus impetum turbinis, & tempestatis nominibus indicauit. namque eiusmodi naturæ celerissima hominibus; animantibus, arboribus, atque montibus etiam interdum insuperabilis vis est. Vox Domini concutientis desertum: Vox Domini confringentis cedros: & Psal. 28. comminuet Dominus cedros Libani, &c. Vox Domini diluuium inhabitare facit, &c. Igitur viæ Domini agendique ratione, momenta, maxima, vehementissima & celerissima sunt, cui, qua se expediat in tempestate & turbine, via est, quæ loco, situ, & celeritate mortales omnes, mortalia facta, machinas, munitionem ac præsidium omne longè superet; eademque hostes ipsos turbet, neque cauere sibi ipsis, neque oppugnare posse sinat. Nebula, puluis pedum eius. Ita ipse ex superiori loco, tanta vi & celeritate præditus, tantis ministris circumseptus, in hostibus suis densa nebularum & tenebrarum caligine præoccupatis, neque sibi cauere, aut salutem fuga querere, nedum obsistere, ac repugnare valentibus, quas strages edere possit, facile intelligitur: atque hoc ipsum signa illa, & calamitates Ægyptijs quondam allatæ declarant. Neque verò vno tantum ad agendam rem ministrorum genere, sed pluribus, iisdemque validissimis uti potest, & solet. namque & montibus, & ventis, & mari, & fluminibus fortissimis, & 25 horrendis naturæ rerum partibus imperat; quibus, quamuis difficillima imperatu, promptissime conficiuntur.

*Increpans mare & exsiccans illud, & omnia flumina ad desertum deducens.*

30 DVOBV<sup>s</sup> illis ministris tempestate & turbine, non solû terras, sed aquas etiam turbari atque commisceri posse, antiquis diuinarum rerum monumentis proditum, & frequentibus ætatum omnium exemplis confirmatum est: namque omnia Deo viuunt, omnia dicto parent, & tanquam serui obediunt. præponitur verò in oratione mare fluminibus, quod in eo naturæ genere maximè excellat, à quo cum sola increpatione exsicari, exhausti, atque aduersum naturam ingeniumque suum contrahi & coarctari soleat, quid expectare oporteat, si dilatari, & terras inundare iubeatur? Abyssus ut vestimentum amictus eius, super montes stabant aquæ. Ab increpatione tua fugient, à facie tonitruï formidabunt. Increpatio autem dominorum in seruos est, quiduis expectari satis pro imperio iubentium. cuiusmodi increpatio illa apud Comicum est: 40 *Vos isthæc intro auferte, abite.* Hoc modo per turbinem, aut tempestatem, vel venti vim aliam, per vocem tonitruï, aut alias increpans Deus, & mare & fluminibus auditur. Et increpuit mare rubrum, & exsiccatum est & posuit flumina in desertum, exitus aquarum in sitim, &c. atque hoc modo alijs alijsque voluntatis suæ ministris ad gerendas pro consilij sui decreto res aliò atque aliò missis Dominus Deus exercituum uti consuevit. Namque ad perdendos Ægyptios, suosque liberandos Israëlitas cum extendisset Moyses manum super mare, abstulit illud Dominus flante vento vehemente, & vrente tota nocte, & vertit in siccum, diuisaque est aqua. Atque illud etiam aduersus Tyrios decantatum est: In aquis multis adduxerunt te remiges tui: ventus contriuit te in corde maris. Nonnunquam etiam & per turbinem res agitur, ac per nubem, & imbrem, caligine, nimbis & grandine mixtam, ita ut aduersariis omnis agendarum rerum, imò sibi prospiciendi facultas adimatur, sicut scriptum est: Et respiciens Dominus super castra Ægyptiorum per columnam nubis & ignis, interfecit exercitus eorum. Utroque autem modo, vel ventorum vi, vel nubis obiectu mare à Deo increpatum excitari posse & solere, Ionæ historia nos docet, cum immisit Dominus spiritum tempestatis in mare, & facta est tempestas magna in mari. Idem etiam & in fluminibus fieri posse, 55

Psal. 102.

Terent. in

And. act. 3.

Scen. 1.

Psal. 107.

Psal. 106.

Erod. 14.

Ezech. 27.

Psal.

res ipsa arguit. nam quod in mari rubro antea factum erat, in Iordane etiam effectum est, unde illud admirantis Vatis carmen extat: Quid est tibi mare quod fugisti, aut tu Iordanus, quia conuersus es retrorsum? à facie Domini mota est terra: &c. Neque verò segnius in montibus etiam hæc diuina virtus ventorum, & turbinis, ac nubium vi ostendi probarique potest, sicut scriptum est: Montes exultastis sicut arietes, & colles sicut agni ouium. Ita omnia ima summis verti & misceri tanti principis imperio & voluntate facile possunt. hoc est quod Vates noster addit.

*Infirmatus est Basan & Carmelus, & flos Libani elanguit. Montes commoti sunt ab eo, & colles desolati sunt.*

Psal.

Hæc omnia, montes, colles, lapidum, plantarum, mineraliumque naturas, quæ in montibus plerunque gignuntur à Deo, tum propria virtute, & sola voluntate, tum etiam ventorum vi turbari, affligi & perdi, quoridiano ferè spectaculo agnouimus. namque venti, præterquam quod arbores frangant & comminuant, exsiccare etiam, & vrere virentia & humentia quæque solent, vbi vehementius æquo, flando incubuerint, sicut scriptum est: Et reuelabit condensa, &c. Idem etiam & nubium, ac tempestatum impetu fieri potest & solet, cum aquæ vel nimis, & intra terræ viscera conceptæ, terræ concussiones, tremores atque eruptiones persæpe efficiant, atque si nimis multæ sunt, ipsis etiam plantis vehementer noceant. Triâ autem nobilissimorum magnitudine, & pulchritudine montium nomina exempli causa vsurpata sunt; ex quibus argumentum ad omnem eiusdè generis naturam aptè deducitur: nam quæ montibus omnibus, vel firmitudinis, vel pulchritudinis, vel vsus vtilitatisque rationes, vel cõmunes, aut propriæ quorundam sunt, eas ad Basanum, Carmelum, & Libanum à sacris auctoribus præstantia, quadam accommodari aliàs docebimus. ob eam rem igitur ex specie genus ipsum in argumentationis conclusione comprehensum est. [Montes commoti sunt ab eo, & colles desolati sunt.] Ex quo fit, vt neque cæteræ terrarum orbis partes securæ esse possint, quandoquidem neque montes ipsi Dei venientis, & turbinem, tempestatem nubemque ingentem agentis impetum sustinere possint, cum montes firmissima terræ pars sint.

*Et contremuit terra à facie eius, & omnes habitantes in ea.*

Horat. artc.  
Poët.

GRAVISSIMO augmentandi genere, hoc est, contentione diuinam ad res agendas virtutem, & humanam ad propugnandum imbecillitatem Vates confirmauit, maiora quæque minoribus rebus præponens, atque ex alijs alia inducens, ita vt de virtute, & ministrorum eius efficientia, maria, flumina, Basan, Carmelus, Libanus, montes, colles exsiccare, arefcere, findi, rumpi, dissipari probaret, quæ omnia naturæ opera maxima & fortissima iudicantur, necdum terras hominumque habitationes & molimina, vt vrbes, turres, propugnacula, muntiones, & cætera quæ ad declinanda pericula, à mortalibus parantur, quæ cum auctoribus ipsa suis mortalia sunt, multo alijs minora perire posse putandum est. & contremuit, Hebraicè est, Et sublata est, ac si ventorum, vel inundationum vi terram omnem vastari posse dicat, vt in diluuij, & in Sodomorum temporibus accidit. Hæc autem omnia eò pertinere videntur, vt euertendæ Niniuis ratio significaretur: quæ si antiquis Græcorum, & Latinorum historiis fides habenda est, non multum ab huius vaticinij obnütiatione discrepat; quanquã temporum & personarum notationibus, nõ omnino secum, neq. cum veritate ipsa consentiat, sed maximarum & illustrium notationum nomina, & tempora, quam res & facta ipsorum memoriam non nihil immutare procliuus & facilius est. ex quo fit, vt facta ipsa plerunque apud auctores consentiant, personæ, & tempora certa non consentiant: factum enim ipsis relictis monumentis & signis indicari potest, personæ verò & tempora ob fluxam seculorum & gentium naturam, ob minus attentam diligentiam, ob variam linguarum & sermonum atque dominationis mutationem inuerti ac turbari facile possunt: ex diuinis autem scripturis temporum vera ratio petenda est. Hæc obiter ad historiarum cognitionem non incommode annotare libuit, quæ nobis in ea facultate magno semper vsui fuere. ad institutum igitur redeamus. Niniuen siue Ninam ab alijs gentibus appellatam urbem, quæ murorum ambitu, firmitudine, & turrium propugnaculorumque numero, & robore bellicis nondum inuen-

uentis tormentis, inexpugnabilis esse crederetur, post multa & aduersa praelia non sine calamitate primum inita & sustentata, tandem Babylonij Persis in societatem conuocatis, obsederunt. Quam obsidionem traducendi spe ferre paratus Assyriorum rex rebus omnibus, quæ ad eam tolerandam sibi & ciuibus necessariæ erant, ante paratis, intra urbem summo otio biennium totum sese continuit, tertio autem anno continuis imbris excrescens fluuius cum partē urbis inundasset, muros deiecit ad stadia viginti. Erat autem responsum progenitoribus datum, nunquam Ninam capi posse, nisi cum fluuius urbi hostis fieret. igitur rex existimans oraculi tēpus aduenisse, desperata salute pyram in regia ingentē exstruxit, in quam vxoribus & Eunuchis conclusis auro, argento, vesteq. omni regia impositis sese vnā cremandum in ignem iniicit. Hostes audita regis morte, urbem per eam, quæ ab oraculo prædicta erat, muri partē ingressi, imperio potiti sunt: atq. ita Assyriorum imperium, quod ad trigessimam prolem a Nino peruenerat, annis mille & quadringentis à Nina Babylonem translātū est, pauloq. post ad Persas tandem deductum. Hæc expugnata & euerfa Niniues historiæ summa est, quam diuino consilio, & ventorum imbrumq. vi ac impetu magis, quàm humana potētia, aut bellica virtute expugnandā cum Vates hic noster, tum alij etiā obnuntiant, quotum oraculis nixus Babyloniorum ille rex, quem auctores Belesum nomināt, diuturnū bellum, praelia & pugnas, quamuis damnosis atq. aduersis euentibus, summa tamen contentione, deinde & obsidionem pertinaciter solus vrgens cæteris longæ vsque ad victoriā perseverantiæ auctor fuit. quanquam Græci, Latiniq. historici vaticiniōrum sacrorum ignari, aut ab ipsis gentium auctoribus (qui omnia sibi suisq. dijs & disciplinis ambitiosè tribuebant) decepti, oracula ipsa ad Chaldaas prædictiones retulerunt. Illud autem certum exploratumq. est, huiusmodi vaticinia ab Israelitis ad eos fuisse delata, quod initio ipso libri vel epistolæ nomine operi inscripto Nahhum declarat. ex quo libro, atque ex alijs vatum responsis fata sua illi cognouere, atque posteris etiam cognoscenda tradidere: quæ tamen (vt hominum in suam perniciem affectata stultitia est) decantata illis magis quàm certa essent, quoad euentū ipso firmata sēra nimis fide exciperentur. id quod illi ipsi Latini, & Græci auctores indicant. nam de oraculorum fide agens Diodorus, inquit: Quod nunquam futurū ratus Ninæ rex, spē ceperat obsidionis traducendæ simul, & futura auxilia expectabat. Ad eiusmodi ergo euentum omnishæc à Vate de diuinis ministris vento, turbine, tēpestatē, nubibus, &c. deq. horum efficientiā cōmemorata ratio non incommodè relata est: nam qui horum ministrorum vi maria & flumina exhaurire, exsiccare & sistere contra ipsorū ingeniū & naturalem appetitū ac motum potest, & augere nimiū, atq. inundationibus producere eadem poterit: atq. hoc pacto montes & colles, & quod multo facilius & prōptius est, hominū habitationes cū habitatoribus ipsis tollere, atq. excidere: ita adeo præter ipsam turbīnē & tempestatē, &c. ex naturæ ipsius atq. translationis rationibus interpretari non alienū erit. nam fluminū, nimborum & vētorum vim quibus Euphrates exundās urbis muros deiecit, magna populorū & exercituum multitudo, magna Babylonij ducis constantia, & pertinax animi ad victoriā cōtentio eadē oratione significatur: populos enim aquarum nomine dici & Ioannes in Apocalypsi nos docuit, & nos aliās explicuimus. Namq. ad Niniuis expugnationem ex quatuor primū gētibus, Babylonijs, Persis, Medis & Arabibus hominū quadringenta millia numero, armis instructi, muniti castris, ac de rebus cōmunibus consultātes conuenēre; quibus postea præter alios quàm plurimos trāsfigas Bactrianorū exercitus à rege deficiēs accessit, auctor Diodorus. Vltimus autē Niniuitarum Imperator *Tonos concoleros* fuit, qui Romanis pariter ac Græcis Sardanapalus ille luxuria & corruptione infamis dictus est. Ex ijs autē, quæ cōmemorata sunt, illud conficitur, nullā esse priuatā vim, nullam tātā cuiusquā potentiam, nullam roboris magnitudinē, quæ irati Dei impetū sustinere possit; quando nulla earū, quæ fortissimæ existimantur, rerū natura, tēpestatis, turbinis, vel nubis ab eo immissa vim constantē perferre valeat: idq. adeo nō pleni furoris opus esse, nedum hominū mortalium vlla vis tanta sit, quæ vehementissime ignis instar habentem Dei iram expectet incolumisq. perferat.

Diodo. Syrac.  
lib. 3.  
Iust. lib. 1.  
Oros. lib. 2. &  
lib. 7. c. 19.  
Euseb.  
Herodot. li. 2.

Apoc. 17.

*Ante faciem indignationis eius quis stabit? & quis resistet in ira furoris eius? indignatio eius effusa est vt ignis, & petra dissoluta sunt ab eo.*

**FIRMISSIMA** argumentationis totius conclusio hæc est, contentionis rationibus



bus, & vtriusque partis amplificationibus confirmata. namque superius venientis Dei impetum tempestatis & nubium imaginibus declarauit, cui oppositas rerum formas, & præstantes naturas: vt maria, flumina, montes, vrbes, &c. impares omnino ostendit, nunc verò maiorem multo, atq. efficiētiorem vim cum infirmissima natura comparat, altera ex parte ignem vehementissimum, qui lapides etiam durissimos dissoluere possit, altera verò homines componens: quos, si fortitudinem, & robur spectes, vanitati, atque vmbrae simillimos inuenias. *Quis stabit.* Relatiuum *quis*, vbi Deus excipitur, hominē querit, vt: Ante faciem frigoris eius quis sustinebit? Operæpretium autem est huiusmodi argumentationum formas sæpe obseruare, quæ quoniam ex diuinæ sapientiæ rationibus petuntur, grauiores multo sunt, quàm quæ vllis vel Græcis, vel latinis dialecticorū præceptis hæcenus fuerint traditæ: cum plurium simul argumentationum vim & efficiētiā habeant. atque hoc modo significationis propriæ & translationis obseruatæ rationibus hæc nobis argumentatio explicata est. Ignis autem natura postremo loco producta à Vate & appellata est, vt omnem aduersarij defensionis cogitationem excinderet: à quibus nonnullæ obijci res possent, quas vel ob loci & situs altitudinem, vt quæ proxima cælestibus orbibus sunt, vel ob natiuam firmitudinem, vt saxa neq. aquarum neq. tempestatis vis vel tentare vel erumpere possit. igitur quandam aliam diuinæ iræ vim adhuc esse omnium, quæ componi cū ea possint, longè præstantissimam; nempe ignem, qui non solum, suprema loca conscendere sed in durissimorum lapidum, viscera insuperabili impetu penetrare valeat: quamobrem *ωαυρατεις* à vatibus antiquis est cognominatus. Ex lapidum verò generibus *Szvrhm*. omnium fortissimum & firmissimum notatum est, quod neque metallorum venis interiectis, neque terræ aut aquæ mixtionibus infirmatur qualia facilius igni dissoluuntur, sed cautes potius, aut si quid durius à latino nomine significari potest, quod densiori atque aridiori materia constet, cuius nulla liquoris concreti pars sit, quod tamen sustinendo igni, quin diffundatur, par esse non potest. atque ob eam rem verbum aptissimum additum est, *dissoluti sunt*, siue vt Hebraicè cōmodius reddamus *disrupti*: Hispanè adhuc commodius, *stallando saltan*. Verum enimverò admirandam Dei, & præsentissimam pro rerum & personarum rationibus prouidentiam illustri exceptione Vates asserit, ne quispiam videlicet ex allatis tempestatum, turbinum & ignis naturæ similitudinibus rerum aliquam aut temporum communem omnibus atq. indifferetam confusionem interpretaretur. ignis namq. & tempestates atque inundationes si naturæ suæ relinquantur, cum sensu menteq. careant, obuia quæque pari modo afficiant necesse est, contrā vero Deus, cuius natura mens magis, quàm aliud est: atque adeo (si attributas illi virtutes spectemus) mens sapiens, benigna, clemens, misericors, iusta atque potens nihil temere, nihil indiscretè aut confuse agere potest, sed prudentissimè, sapientissimè atque æquissimè omnia moderatur. ex quo fit, vt siue ipsi sua efficiētia tantam rem gerat, siue alterius naturæ vi atque commoditate vtatur, nihil omnino efficiat quod à sapientiæ, prouidentia, benignitatis, atque æquitatis rationibus alienum sit. siue ergo igni, siue tempestate, siue inundatione res agenda sit, ita potenter clauum tenet, ita gubernacula sapienter tractat, vt in maximo iræ & indignationis in aduersarios impetu, piorum saluti & liberationi miris modis prospiciat & cōsulat. cuius rei varia exempla cum afferri possent, Noe tamen & filiorum eius, in antiquo diluuiio, Loti in Sodomorum euersione & incendio, Israëlitarum in Aegyptiacis calamitatibus liberationes argumentato grauissimo fuerint. qua de re multæ & celeberrimæ sacrorum auctorum acclamationes atque sententiæ existant, vt: Dedisti metuentibus te significationem, vt fugiant à facia arcus, vt liberentur dilecti tui, &c. Igitur hanc pios homines à periculis excipiendi curam Vates subiecto carmine significauit, ne quis omnium piorum & impiorum res durissimis temporibus, eodem casu promiscuè conuolutas vti putaret. hoc est quod dicit:

*Bonus Dominus, & confortans in die tribulationis, & sciens sperantes in se.*

POTENTIAM & virtutem hæcenus prædicauerat, cui nunc prouidentiam, sapientiā & bonitatē diuinæ naturæ proprias, & re ipsa à se inuicem nunquā separabiles in Deo virtutes adiungit. *Bonus, cōfortans, & sciens.* *Bonus* æquitatē, iustitiā, curamq. Dei erga pios præstandā hoc nomē significat, & ad promissorū euentum animos attendentiū excitat; qualis significatio & in illo carmine est: Bonitatem fecisti cum seruo tuo Domine secundū verbum tuum. *& confortans in die tribulationis.* Hebraicè est, *ad confortandum siue auxiliandum.* cum superiori verbo bonus coniungitur, vt mens voluntas, studiumq. diuinū erga pios in angustia

Pindar. Nemco. Od. 4.

Psal. 59.

Psal. 118.

angustis temporibus præstantissimum significetur id autem: nulli vnquam deesse, qui pietate erga Deum, simplicitate & innocentia vitæ sese dignum diuina cura præstiterit, quanquam omnia turbentur, quanquam mundus ipse ruinam minetur. <sup>2. Pet. 1.</sup> Nouit tamen Deus suos à tentatione eripere ait Apostolus; & Isaias: Dicite, inquit, iusto quia bonum, quia fructum manuum suarum comedet, eius autem rei indicium certissimum Dei ipsius est, qui cum corda & renes scrutetur, quinam digni hoc beneficio sint, solus optimè nouit, <sup>Isa. 3.</sup> <sup>Psal. 7.</sup> <sup>Psal. 11.</sup> <sup>3</sup> *sciens sperantes in se*, Hebraicè: *cognoscens*, vt illud: Quoniam nouit Dominus viam iustorum, & iter impiorum peribit. ita aded in publica tum gentis cuiuspiam, tum Assyriorum calamitate, si quispiam diuino iudicio probatus, qui in diuina providentia spè collocauerit, inueniatur, is profectò magnum pietatis, virtutis, atq. spei suæ fructum Dei beneficio percipiet. Exceptione autem piorum facta ad institutam orationem redit, Niniuitisque extremum & plenum excidiū, atq. integrum vna tantum expeditione dandum exitium denuntiat, ne vt alix gentes paulatim labefactandos & tollendos se esse existimarent, atque hoc modo aliquam sibi diuturnitatis spem promitteret. Nonnullis enim regnis imperiis, & publicis rebus hoc aliquādo contigit, vt paulatim detritæ, & labefactatæ, tanquā morbo quodam longo laborantes, tandem extinguerentur: nonnullo interim vitæ & rerum, si non ita secundo, tamen optabili, relicto vsu, vt Israëlitis olim, vt Romanis etiam. Id verò Niniuitis omninò negatum esse Vates ait: quibus vna tantum hostium pertinaci expeditione & fluminis tandem irruptione perreundum fuit. Neq. enim Belesus ille Babyloniorum Rex multis etiam aduersis præliis superatus, & castris exutus, atque ad montana sese recipere coactus, contentionem prius remisit, quā rē confectā vidit: eamq. pertinaciā, & perseverantiā à sociis de discessu cogitationibus cōmemorata sapius ac renouata oraculorū fide persuasit. Quā rē diuino cōsilio euenisse huius Vatis prædictionibus docemur, à quo & cōficiendæ rei ratio, nimirū fluminis inundatio, & absoluta tandē vno bello excisio apertissimè obnuntiata sunt.

*Et in diluuiio prætereunte consummationem faciet loci eius, & inimicos eius persequentur tenebræ.*

*Et in diluuiio,* Hebraicum verbum, *Seteph*, inundationem fluminis propriè significat: <sup>סֶטֶף</sup> nam diluuium, quē Græci cataclismum dicunt, *Mabul* Hebraicè nominatur. Inundatio autem (quanquam id nomen à Latinis pro illuuiōe etiam vsurpatur) fluminum tamen proprium esse, ille apud Isaiam locus docet: Spiritus eius velut torrens inundans vsque ad medium colli, ad perdendas gentes, &c. Quid autem clarius à vate nostro de extrema & exitiali Euphratis in Niniuen irruptione, atque hanc consequenti clade dici potuit, quam loci, in quo ciuitas ipsa fidebat, firmitudinē inundationis impetu demolendam, ipsosque, qui resistere possent, milites trucidandos, vt nulla neque in loco, neque in armis salutis reliqua spes esset. namq. Assyriorum Imperator, cum exercitui ducem præfecisset Salamenum vxoris fratrem, custodiendæ vrbs curam ipse sumpsit: igitur hostes in locis patentibus, iuxta urbem duobus præliis copias regias fundunt, interfectoq. Salameno, reliquos persequentes, partim in fuga cædunt, partim in flumen Euphratem præcipientes agunt; paucis qui cædi superfuerant in urbem compulsi: aded ingens occisorum numerus fuit, vt fluuius redundante hominū sanguine colorem mutaret; reliqua quibus nunc super sedemus ex ipsis scriptoribus petere operæpretium fuerit. hoc autē est quod Nahhum prædixerat: *& inimicos eius persequentur tenebræ.* Assyrios ob illatam omni orbi, & Israëlitis præcipuè in religionis contemptum iniuriam, Dei inimicos siue hostes Vates appellat; quoniam, vt statim exponemus, Dei hostes vltro se ipsi professi fuerant: quantæ verò tenebræ istos & militiæ, & domi persecutæ fuerint, modò ostendimus, quum maxima pars occisa, reliqua verò in urbem coacta, tandem omnes extremam cladē acceperint, Deo honoris, dignitatis, populi, rerumq. suarum vltorē, cuius sese illi hostes iam pridem declarauerant, atque superiores fore stultissimis cogitationibus decepti cogitauerant, sicut scriptum est: Non vobis tribuat Ezechias fiduciam super Dominum, dicens: Eruens liberabit nos Dominus, non dabitur ciuitas ista in manu regis Assyriorum. Quis est ex omnibus diis terrarum, qui eruet terram suam, de manu mea? vt eruat Dominus Hierusalem de manu mea? ita superbe Dominum irritantibus, non solum gentium suarum opportunum defensore & propugnatore, sed extremæ illius vno tantum bello aquis & milite illa-

ro cladis auctorem praeſtiturum proſitetur.

*Quid cogitatis contra Dominum? conſummationem ipſe faciet: non conſurget duplex tribulatio.*

VANVM fore illis conſilium omne, & irritos conatus, quibus eam calamitatem eua-  
dere, vel ſaltem interrumpere cogitabūt, qua ſemel tantum illata vaſtandi tandem, per-  
dendi ſunt, *Non conſurget duplex tribulatio, ſed vna tantum obſidione oppreſſos hoſtis tā-*  
*dem occupabit.* Iam verò quemadmodum opprimendi obruendique, ac tandē capien-  
di Niniuitae fuerint, Vates exponit: vt omnis adeò illa res diuino cōſilio conſtare argua-  
tur. Non futurum eſſe inquit, vt omnis illa multitudo, multis & variis praeſiis ſuſa & ſu-  
perata, paulatim excindatur, atque grauiffima pugna victa, vel abducatur, vel fortiter &  
honeste pereat: ſed fortiffimis quibuſque primum cum Salameno duce trucidatis, vt  
in ſuperioribus carminibus ſignificatum eſt, reliqua multitudo cum rege ſuo in vnum,  
locum congregata, & quaſi in faſcem coacta, ſimul vna aduerſariorum opera, & allata  
clade pereat, vt in ſpinis per agros diſperſis accidere ſolet, quas agricola, vt agris atq. ani-  
mantibus nocentes, palis, furcis & raſtris vndique in vnum conuolutas acervum ſub-  
iecto igni conſumunt; magno aliàs tædio ſi ſingulae incenderentur, futuras. Igi-  
tur Niniuitas celeberrimis conuiuiis, & frequentibus epulis indulgentes, Dei con-  
ſilio inexpectantes atque imparatos opprimens hoſtis non antè obſidione liberaturus  
erat, quàm conſiceret. id verò quemadmodum expeditum fuerit, lecto primum verſu, 20  
exponemus.

*Quia ſicut ſpina ſe inuicem complectuntur: ſic conuiuium eorum pariter  
potantium, conſumentur quaſi ſtipula ariditate plena.*

Diod. lib. 3.

QV ANQVAM ter aut amplius etiam à Niniuitarum Imperatore Babylonius Rex  
victus, fugatus, ac tandem caſtris exiit, inſeſtiſſimis pugnis ad Babylo-  
nios uſque montes fugatus: tamen oraculorum fide nixus, nunquam à propoſito in-  
coeptoque deterrius fuit, ac tandiu ſpei negotiiſque ſuſcepti conſtantia perſeuerauit;  
quo ad miſſum ad Imperatorem Baſtrianorum exercitum libertatis nomine ſuis co-  
piis addidit. hæc verò Aſſyriorum Imperator ignorans, & ſuperiorum victoriarum me-  
mor, ad hilaritatem proſuſus, epulum militibus ex ſacris vinumque abundè præbuit, a-  
liaque epulo accommodata: his intentos Aſſyrios, ubi per transfugas hoſtis cognouiſſet  
vino atque cibo grauatos, ſomno quietique indulgentes, atque omnino imparatos ador-  
tus, noctu caſtra expugnauit, & multis interfectis, reliquos in urbem compulſit, ſpinarum  
inſtar congregatos & obſeſſos tandem perditurus. Hanc autem rem ſic euentu ipſo ex-  
peditam & conſectam adeò planè Vates noſter prædixit, vt nihil planius deſcribi potuiſ-  
ſe videatur. extremam verò conſummationem illa ſimilitudine ſignificauit, *Quaſi ſtipu-*  
*la ariditate plena,* quæ aridiſſima & leuiſſima cum ſit, facillimè incenſa, breuiſſimè conſu-  
mitur, atque fauillis etiam raris ac diſiectis omnino perit: ita quaſcunque Niniuitarum  
ſitas reliquias diſſipatum ita prædicit. Atque adeò huiusmodi repentinus, grauiffimus,  
exitialisque, & perpetuo diuinæ ultionis monumento notabilis, tantæ potentiae, tyranni-  
dis, ſuperbiae & impietatis exitus fuit, hic eius antiquiſſimæ & maximæ atque incompa-  
rabilis urbis, quæ cum Deo gigantum more contendere auſa eſt.

*Ex te enim exhibit cogitans contra Deum malitiam, mente pertractans  
præuaricationem.*

PRINCIPVM impietatem populo, & populi principibus exitium afferre ſæpiſſimè  
ex ſacris libris obſeruauimus: deinde & homines felicitate atque ſecundis rebus inſolen-  
tes adeò fieri, vt nefario auſu, non ſolum Dei maiestatem & contemnere & lædere, atq.  
imminuere conentur. cuiusmodi nefarium exemplum Senacherib ille Aſſyrius Ninæ  
rex, & ſuperbiſſima atque crudeli in Iſraëlitæ expeditione & ſacrilego aduerſum Ie-  
roſolymam conſilio, diuinæ maiestatis & religionis contemptione edidit: quæ  
res cum publica iniuria coniuncta, & ignominioſam eidem ipſi fugam, atque probro-  
ſam à propriis filiis necem, & urbi, imperioque, omniſque illius poſteritati meritum exitium  
matura-

matura uir, id uerò Ninæ urbi à Vate nostro exprobratur, quæ reges, principesq. super-  
 bos tanquam sacrilegos produxerit, ut non hominibus modò cæteris, sed Deo ipsi opti-  
 mo, maximo, ac benignissimo impiè obistere cogitauerit, diuinoque illius ho-  
 nori detraxerit; minorem fore affirmans, quàm ut suos conatus frangere impedi-  
 reue posset, seq. illi comparans magnum regem appellare non dubitauit, & illud dein- Iſai. 36.  
 de addiderit: Non conturbet vos Ezechias dicens: Dominus liberabit nos. & quòd hoc  
 tantum nefas, non temerè sed consultò susceptum à rege illo fuit. ob eam rem Vates  
 inquit: *Cogitans & mente pertractans*, siue ut Hebraicè est, *consulens*. quod uerò Latinus in-  
 terpres præuarcationem vertit, Hebraico uerbo facillè explicatur, *Beliaghal*: cuius uerbi  
 significatio ad sacrilegos nefariosq. ausus, conatus & inceptus propriè aptatur: ita ubi-  
 cunque *Beliaghal* est, Latine, nefarium, nefandum, sacrilegum aptè interpretabimur.  
 At uerò re ipsam auditu indignam suis uerbis definire & notare Vates noluit, sed grauif-  
 sima oratione, & execrandis nominibus indicauit. nam quæ nefaria & sacrilega sunt, ea  
 suis uerbis commemorare & pronuntiare sancti & pii, atq. prudentes uiri ut uehemen-  
 ter detestentur, plerumque recusant. Sic Ezechias in supplici illa ad Deum deprecatio- Iſai. 27.  
 ne: Inclina, inquit, Domine aurem tuâ, & audi: aperi oculos tuos, & uide, & audi omnia  
 uerba Senacherib, quæ misit ad blasphemandum Deum uiuentem. quæ atroci blasphe-  
 miæ uocabulo notata, tamen non recitantur. 33

20 *Hæc dicit Dominus, si perfecti fuerint, & ita plures, sic quoque attondentur &  
 pertransibit afflxi te, & non affligam te ultra.*

MEMINISSE oportet huius Vatis rationes cum Ionæ uaticinio pluribus in rebus  
 consentire, quod & initio annotandum esse docuimus: atque hoc pacto quorundâ loco-  
 rum explicatio, ad illius vatis librum reuocanda est, ex quibus vnus hic esse indicatur, Ion. 2.  
 alioqui sententiæ cū rebus ipsis non aptè conueniet. Igitur Ionas prædixerat Niniuitis:  
 Adhuc quadraginta dies, & Ninie subuertetur. quibus tamen uenia illa tēpestare ob  
 pœnitentiā, & studiorū actionūq. correctionē data est: Vidit enim Dominus opera eo-  
 rum, quia conuersi sunt à uia sua mala, & misertus est Dominus super malo, quod locu-  
 tus fuerat ut faceret eis: hoc autē misericordiæ diuinę beneficio, tum ob uitæ & mōrum  
 perfectā emendationem, tum etiā ob maximā populi ipsius multitudinē, cui natura sua  
 clementissimus Deus pepercit, affecti sunt, sicut scriptū est: Et ego non parcam ciuitati  
 magnæ, in qua sunt plus quàm centum viginti millia hominū, qui nesciunt quid sit in-  
 ter dexterā & sinistrā suam, & iumēta multa. Itaq. oportuna pœnitētia, uitæq. emenda- Ion. 3.  
 tione, & perdendorū magna & miserabili copia benignissimus Deus tunc exorari se si-  
 uerat: nūc uerò rebus rursus scelere, iniuria, nefariāq. impietate corruptissimis, eò cul-  
 pæ & indignationis in se diuinæ prolapsos esse Niniuitas ait, ut dum repetuntur publica  
 calamitate pœnæ nulla neq. emendationis uitæ, neq. populi multitudinis ratio habē-  
 da sit. Namq. ob eam rem uaticiniū hoc onus appellatum est, quod iudicij sententiam  
 40 firmam, pœnamq. sine prouocatione, animaduersionem sine auxilio contineat. cuius-  
 modi horrendum & formidandum iudicium in eos aliquādo exerceri solet, qui, si diu-  
 tius expectarentur, uel pœnæ metu deterriti, uel miraculorum magnitudine permoti, Heb. 12.  
 in sacco & cinere pœnitentiā, ut præceptor noster affirmat, egissent: sed huiusmodi tar- Num. 13.  
 dam & seram nimis pœnitentiā inutilem persæpe fore, ex diuina disciplina, & com- S. Clement.  
 muni theologorum placito accepimus, sicut scriptum est: Date Deo nostro gloriam, an- lib. 10.  
 tequā cōtenebrescere faciat: & offendant pedes uestri ad mōtes caliginosos, &c. Et Esau Chrysost. 11.  
 non inuenit pœnitentiæ locum, quanquam cum lachrymis quæsisset eam. Israëlitis quo- hom. 2. &  
 que cū illi in exploratorum causa infidelitatis & timiditatis suæ uitium magno etiam hom. 12.  
 studio ac conatu corrigere, diuinamque iram deriuare niterentur, impetus ardorq. re- Aug. hom.  
 50 pressus, & diuinæ in illos sententiæ cōstantia identidem ostēsa, atque euentu ipso con- 4. & 41. ad  
 firmata est. Huius igitur argumenti sententia in Niniuitas, diuini nominis auctoritate à Heren. & ser.  
 Vate nostro fertur, ut neque iam posthac tanto scelere & crimine, tanta iniuriarum 48. & 66. &  
 illatarū magnitudine, ac turpissimarū rerum studio nobilitatis, non modò ob resipiscē- 71.  
 tiam, sed neque ob uitæ integritatem, si tamen seipsos integros perfectosque fore di- Hilar. in Psal.  
 cant, neq. etiā ob multitudinē, si plurimi sint, parcendū fuerit, sed extremū ab omnibus 118.  
 55 exitiū dandū esse cōfirmat. Sic quoq. attondentur. Ipsa tōtio excisionē cōmunē, nulla neque Hug. de S.  
 maiorū neq. minorū ratione habita, significat, neq. uerò semel sententiā diuinā ad pœnā Viſt. lib. 2. de  
 60 Sacram. c. 5.  
Cyp. pag. 109  
Bern. fol. 84.  
& ser. 38.  
Gerſon. 2.  
pag. tract. 47.  
serm. 1. in  
septuag.



Isai. 53.

alligantis vllā reclamationē, aut virtutem ad resistendum magis, quā agnis aduersum  
 tendentes futuram. quam excisionis calamitatē vnā eandemq. plenē extremam ab-  
 solutamq. adeo fore ait, vt repetere amplius non sit; id quod conuerso ad urbē ipsam  
 sermone asseueranter obnūtiatur. *Affixi te, & non affligam te vltra. Affixi* Hebraicū ver-  
 tatē referatur, femininum est. prateritum verò tempus certitudinem asseueratio-  
 nemque ex familiari vatum sermone habet. Id verò quod dicitur, *& pertransibit*, extre-  
 mum Niniuiticarū rerum dignitatēq. nunquam amplius restituēdarum finem docet.  
 Ninæ verò vrbis p̄dicto iam exitu, totius etiam regiæ familiæ gloriam, dignitatē, splen-  
 dorē, & nomē quoq. vnā extinctum iri denūtiat: vt nullus omnino ex ea familia super-  
 sit, qui ciuitati illi, atq. aliis Assyriis imperare possit. ea verò res Ninæ ipsi obnuntiatur.

*Et nunc conteram virgam eius de dorso tuo, & vincula tua dirumpam.*

Isai.  
Psal. 2.

Diod. lib. 3.

Iocl.

Luc. 1.

VIRGÆ vinculorum, iugorumque nominibus imperiū, ditionem, potestatemque  
 significari multis exēplis obseruauimus, vt: Virgam humeri eius, & iugum oneris eius,  
 & sceptrum exactoris eius superasti, &c. Et: dirumpamus vincula eorum. &: reges eos in  
 virga ferrea. Potestatem igitur eius familiæ, quæ à Nino ad trigessimam prolem vsq. per-  
 uenerat, Niniue capta p̄scissurum sese fore Deus affirmat: *& nunc conclusiue vim ob-*  
 tinet, vt: Et nunc conuertimini ad me, &c. idem est quod igitur. *virgam eius de dorso tuo.*  
 pronomen, *eius*, masculinum, Hebraicē ad regem; *tuo*, femininū ad urbem referendum  
 est. [*Vincula tua*,] iura quibus populi regi imperatoriūque suo tenentur, quæ priuato cui-  
 quam violari nefas est: ea tamen diuino consilio & manifesto indicio nonnunquā per-  
 rumpuntur, atque ab aliis ad alios imperio translato impietatis, & male gestarum  
 rerum poenæ luuntur, sicut scriptum est: Deposuit potentes de sede, & exaltauit humi-  
 les, &c. [*Virgam eius*.] Regis Assyriorum qui tibi imperat. *& vincula tua dirumpam.* Nini-  
 uis principis & antiquissimæ vrbis dominatum & potestatem in qua cæteræ omnes  
 orbis ciuitates tenebantur, euersum iri cōfirmat: namq. pronomina & nomina scepro,  
 iugo & vinculis adiuncta, actiuam, non passiuam significationem habent, vt: Dirum-  
 pamus vincula eorum, & proiciamus à nobis iugum ipsorum, vincula, inquit, quibus nos  
 alligant, & iugum quo premunt. Nunc verò regiæ ac generis stirpes omnes ex publico  
 & priuato potestatis obtinendæ loco eiiciendos esse, idque ex diuini decreti sententia  
 euenturum ait. atq. vt Niniuen ipsam hætenus allocutus est, sic regē, qui ea tempestate  
 imperaret, quem etiam ignominioso sepulchri titulo afficiendum esse p̄dicit.

*Et præcipiet super te Dominus, non seminabitur ex nomine tuo amplius: de  
 domo Dei tui, interficiam sculptile, & conflatile ponam sepulchrum tuum,  
 quia inhonoratus es.*

Metast. 10.  
4. Reg. 10.  
Isai. 39.  
Ioseph. lib. 3.  
c. 3.

Diod. lib. 3.

HÆC ad eum regem qui vltimis Ninæ temporibus Assyriis imperabat, magis, quā  
 ad Senacheribū pertinet. namq. Senacheribo à duobus filiis Adramelech & Sarasar, dū  
 sacra faceret, occiso, Assarhaddo filius successit: quē quatuor annis tantū imperasse Me-  
 tasthenes Persa scripsit, vltimumque fuisse ex ea familia. Porro haud diu rerum poti-  
 tum res ipsa arguit, quando Merodach Babylonius Rex, qui huius regnum occupauit,  
 nūtiis ad Ezechia miserit. Hunc autē Merodacū Baladad cognomento dictū fuisse Io-  
 sephus tradit, quā cæteri Latini & Græci auctores ex literarū vicino stridore Belesum  
 vocāt, de qua literarū mutatione nos aliās plura & exactius Deo annuente docebimus.  
 Ad hunc verò vltimū Ninæ regē omnia quæ de illis tēporibus à sacris & prophanis au-  
 ctoribus scribuntur, pertinere arbitror. *Non seminabitur ex semine tuo amplius*, neminem vltē-  
 rius ex illius regis familia hominē regni hæredē aut compotē fore ait. namq. obsessa Ni-  
 na, atq. Assyriorū exercitu superato & trucidato, rex magno in discrimine regnum ver-  
 sari vidēs, filios tres, duasq. filias cū magna auri, argentiq. copia in Paphlagoniā ad Cot-  
 tā p̄sidiē misit, ducū omniū sibi acceptissimū. Horum autē nullū porro monumētū ex-  
 tare credimus. *Et de domo Dei tui interficiam sculptile & conflatile.* In ipsa vrbis excisione, quid-  
 quid vtile & ad p̄dā cōmodū fuit, vt aurum, argentū, & vestes pretiosæ, asportatū est:  
 cætera verò diruta, excisa & incensa perire; sic enim Diodorus scripsit: Arbaces suis  
 bonis ciuibz cōcessis, urbē à solo euertit, aurū argētūq. omne (nā ad multa talēta ex in-  
 cēdio cōfluxerāt) detulit in Ecbatanā Mediæ urbē. Illud verò quod postremo loco dicitur,  
*Ponā sepulchrū tuū quia inhonoratus es*, probrosā atq. ignominiosā regis ipsius vitā, ad eternā  
 nominis in-

infamiam sepulchro inscribendam esse ostendit, cum in aliis regum & principum sepulchris res præclaræ, & bello, & pace gestæ certis magnorū verborum formulis inciderent: in illius autem regis sepulchro insigne ignominie testimonium Futurum esse illa breui formula significatur, *Quia inhonoratus es*, Hebraicè ad verbum, quod ignominiosè contemptibilis fuisti, namque probrosæ vitæ vñ cognito Babylonios, & Persas ad contempcionem primum, deinde ad defectionem, ac demum ad inferendum bellū incitatos fuisse Trogus. Pōpeius & Diodorus docuere. Cupiens autem Arbaces Medus regis vitam inspicere, data vñ ex eunuchis aurea phiala ad Sardanapalum introductus est: confecta regis mollicie, & muliebri apparatu, illum vt nullius rei hominem despicere, magisque in spem incubuit à Chaldæo datam. Porro quod regis illius nomine Epitaphium proditum celebratumque olim fuit, cum hac probrosæ inscriptionis formula, re & sententia plurimum conuenit, de quo Diodorus hæc memoriæ prodidit. Adeo verò delicia, turpis voluptas, incontinentiaque in eo viguere, vt successoribus post obitum suum in sepulchro inscribi barbarica lingua mandauerit, quod postmodum Græcus interpretatus est: *Hæc habeo quæ comedi, & quæ cum amore & voluptate percepi, ea plurimā præcipua relicta sunt.* Quò siue ab ipso mandatum, siue ab alio quopiam non sine diuino consilio excogitatum fuerit, nihil infame, aut probrosum magis inscribi potuit: hæc igitur horū verborū sententia est, *Quia inhonoratus es.* Adeo verò certam, adeo maturè hanc Assyrii imperij excisionem futuram esse confirmat, vt Iudææ regioni Vates tantam pacem & securitatem gratulabundus, futuros propediem huius rei nūcios polliceatur, qui pro deposito metu, & pace, tum omni orbi, tum sibiipsis & pro securitate ab iis immanissimis hostibus & nefariis tyrānis diuinitus præstita, lætum diem agere, & cæsis hostiis vota Deo persolvere suadeant. Magno igitur & lætissimo Enthusiasmo excitatus Vates, ac rem velut præsentē contēplatus, Ierosolymitanos ad spem certā hac oratione vñsus rapit.

Iustin. lib. 1.  
Diod. lib. 3.

Ecce super montes pedes euangelizantis, & annuntiantis pacem: celebra Iuda festiuitates tuas, & redde votatua: quia non adiciet ultra vt pertranseat in te Belial, vñuersus interit.

MAGNA & assidua Iudæis Assyriorum principum metu trepidatio fuit, quamdiu illud imperiū stetit, postquā ipsi violatæ pietatis sese alligauerant: nam præter vicinum & proximum Itæliticæ calamitatis exemplum, suis etiam periculis assiduè perterrefacti, nullum quietum aut tranquillum tempus traducebant. Maximè enim omnium Assyriorum potentia metuebatur, quæ vel sola, vel finitimis hostibus sese sociam coniungēs, malum illis persæpe afferret, sicut scriptum est: Tabernacula Idumæorum & Ismaelitæ, Moab, & Agareni, Gebal & Amon, Amalec, alienigenæ cum habitantibus Tyrum. Ere-  
nim Assur venit cum illis, facti sunt in adiutorium filiis Loth, &c. At verò Ninege rege & regia sobole omni extincta, exoptatum nuntium Iudæis afferendum esse prædicit: *Ecce super montes pedes euangelizantis & annuntiantis pacem.* re certam & breui futuram vox. *Ecce*, indicat, quod verò super montes scribitur, id ex antiquo more est. Consueuere enim olim veteres, quæcunque populis omnibus nota publicè esse vellent, quæq. omnium scire referret, præconis voce ex montibus proclamanda curare, ea verò res per magistratus curabatur, atq. hoc modo fasti dies, nouilunia, ieiunia, & quæcunq. in bello, aut pace publicè cognosci & obseruari oporteret, publicè indicebantur: ea verò res præmissis præconibus expediebatur, qui ex certis in regione montibus proclamantes annuntiarent: ita vt signo dato adiacentes populi parati, attentè rem audirent, quā alij ab aliis acceptam, & in proximos mōtes procurrētes vltērioribus etiā populis tradebāt, atq. hoc pacto, quæ publicè cognosci oportuisset, breuissimo tempore ad omnes regionis populos exponebatur, quòd regio ipsa ita montibus & campis distincta esset, vt præconum voces commodè ex editionibus locis per omnia pertinerent. Hūc morem ex antiquo Misnaioth libro, præter alia plurima, & ad sacrarum scripturarum interpretationem commodissima obseruauimus, quem frequenter vatum orationibus indicatum, semel annotasse oportet, vñ visum est. Sic enim Isaias: Super mōtē excelsū ascēde tu, qui euāgelizas Sion, exalta in fortitudine vocē tuā. &c. *Celebra Iuda festiuitates tuas*, quas hætenus hostiū metu perterritis, per pagos, & per oppida liberè celebrare non licuerat, nunc publicos lætitiæ dies cum summa hilaritate celebrare, & cæteris deinde festis de more peragendis operā dare integrum erit. Quoniā verò hæc ex hostibus Assyriis & Niniuitarū regibus,

Misnaioth  
tract. de fest.  
& de ieiun.

Isa. 40.

securitas Dei terrarū orbi & Iudææ genti prospicietis cōsilio & beneficio contigit. *Re- de vota tua, quæcūq. pro optata ex horū hostiū metu liberatione tibi fuerant nuncupa- ta. Illud autem indicendorum festorum, & totius latitæ annūtiatæ elogium eodem præconio exponendum erat. Quia non adiiciet ultra, ut pertranseat in te Belial, vniuersa micri- Senacheribi impium & sacrilegum genus profus exstinguendum, nunquam amplius sa- cræ Dei religioni insultaturum esse affirmat; id autē genus ex nefariis consiliis & faci- nuper vsurpauerat, vbi interpretes vertit: Mentē pertractatis præuicationē: est enim Be- liaghal ne fastū quoddā vitiosum apud Hebræos nomē, de quo nō alius: Igitur quæ ipsi regibus de familiæ suæ excidio obnuntiata sunt, hoc ad Iudæā nuntio, quasi corollatio quodam repetita confirmantur: Verū enim uerō illud cognitione dignum ducimus, Nalium Vatem eadem ferē cum Isaiā oratione vsum, quædam latissima verba con- sultō prætermisisse, cuius prætermisionis rationem statim exponemus. Apud Isaiam sic legimus: Quam pulchri super montes pedes annuntiantis & prædicantis pa- cem, annuntiantis bonum, prædicantis salutē, &c. Hanc orationem Nahhum cum re- ferret, tamen neq. boni, neq. salutis meminit; propterea quod Isaiā vaticinium de pub- lica, vera, certa, & absoluta hominū salute, per Christū omni populo Iudæo primum & Græco afferēda declarādū fuit. hoc verō Nahhum vatis de Ninæ urbis excidio, & prin- cipū eius interitu, ex quibus parta pax, nō tamē perpetua, non integra illis salus cōstitit: nam post Ninā excisā, breui pace & quiete vfos, Nabuchodonosor infestis armis ex- pugnavit, atq. Babylonē captos abduxit. Igitur hæc pax fuit, non tamen bonum, sine vi- la malorū fece absolutum, neq. integra salus futura fuit: quemadmodum illa altera per Christum afferenda fuerat, quā re ipsa & felicissimo hominibus euentu allatam. Diuus Paulus intelligens, eandē Isaiā orationem gratulabundus vsurpauit.*

Isai. 52.

Rem. 10.



## CAPVT SECVNDVM.

*Ascendit qui dispergat coram te, qui custodiat obsidionem.*

**P**OST QUAM Vates Babylonij regis de Niniue reportandā victoriā, vaticinatus pa- cē Iudæis promississet, eadē etiā Babylonicarū rerū præuidētia cognita sibi Nabucho- donosoris de Ierosolymis trophæa, & triumphū iisdē Iudæis denūtiat, quibus pacē à Se- nacheribi genere, & securitatē à Niniuitarū regno nūtiauerat. nā futurū esse viderat, ut Iudæiter à Nabuchodonosore victi, tandē vrbe & libertate amissa captiui abducerētur. Igitur ne prædicto, aut etiā cognito iā Ninæ casu, securi in deteriora etiā vitia prolapsi, grauius aliquid sibi cōmereantur, futuræ propediē ipsos ab eodē Assyriorū victore cala- mitatis admonēs, quē nō ob Ninæ excidiū salutis auctore suæ, sed insidiatorē tandē in- terpretari oportet. Quāquā enim ab illo antiquo Assyriorū sese metu respirasse sentiāt, huius tamē potētiae nouo timore propediē oblidendos intelligāt. eundē itaq. Niniuis va- statorē sibi etiā ipsis infestum fore prædicat. *Ascendit qui dispergat corā te, Hebraicē, Ascendit dispergens in faciem tuam.* Nabuchodonosoris epitheton in sacris, & fortasse etiā in cōmu- nibus illorū temporū sermonibus vsurpatū, *dispergens.* namq. hoc moris olim fuit, ut ma- ximi principes, certis siue ingenij, siue gestarū rerū appellationibus, vel ad gloriā, vel ad ignominia celebrarētur, ut Hercules ille à Græcis Alexicacos dictus est. Hoc igitur Epi- theto *Maphitæ*, Nabuchodonosorem celebratum fuisse, hoc atque aliis vatum testimo- niis didicimus. quod verbū disperforem: siue vastatorē significat, quod is ad multorum regnorum, & populorum retundendam superbiam, impietatemq. puniendam, atque animaduertenda facinora, dux & vindex à Deo creatus esset: quemadmodum id aper- tē à Ieremia vate explicatur: *Maphitæ*, tu mihi, vasa belli; ego collidam in te gentes, & disperdam in teregna. Collidere, dispergere, & quod huic significationi finitimum est vastare, ex eodem Hebraico verbo rectē vertuntur. Hunc itaque vastatorem in Iudæam, Hierosolymam vsque populabundum ascensurum Vates à se præuisum, præterito tem- pore, ob certitudinem denūtiat. *Ascēdu* Israëliticam & Iudæā regionē Assyria terra adio- tiorem esse, ex geographiæ rationibus constat. ex quo fit, ut venientibus ab eo tractu verbum ascendere, frequentissimē vsurpetur, ut: Ascendit Senacherib rex Assyrio- rum ad vniuersas ciuitates Iuda, &c. Hunc igitur magno impetu ascensurum, remq. ap- erto bello strenuē aduersus Iudæam gessurum esse ait. *In faciem tuam, faciem Iu- dææ*

Ierem. 5.

de Hierosolymam, vt præstatiſſimam & principem totius regionis urbem appellat: est autem dicendi figura ſignificantiffima, qua intrepidus, & nihil cunctans aduerſarij animus indicatur. Hiſpanè dicimus: *Venirſe a los ojos, o a las barbas.* Qui cuſtodiat obſidionem. qui re, quaquã munitiſſimis loco, & arte urbibus ſeptũ, tãdiu obſideat, quorũ obſidione belloq; victũ in deditionẽ redigat, redactũq; abducatur. Expeditur igitur tibi vias & itinera, atq; omne miſere ſeruitutis laborem iam nũ meditari, ad eamq; conditionẽ ferendam exerceri.

*Contemplare viam, conforta lumbos, robora virtutem valde.*

CONSVERE ſacri vates huiusmodi exhortationibus ferendas populis, quibus Itai. 30. obnuntiant, miſerias, tanquam præſentes deſcribere, vt: Virgo filia Sidonis in Cithin ſurgens tranſierat: Ibi non erit requies tibi. *Contemplare viam,* iam nũ proſpice quã via tibi eundum ſit, atque ad parendum ſeruitutis neceſſitati, quã tua tandem culpa (quã vitare potueris) premeris, animum & vires affirmato. *Conforta lumbos, robora virtutem valde.* Magnam roboris, in animantium corpore partem in lumbis eſſe, & diuinæ, & humanæ 2. Pet. 2. philoſophiæ rationibus docemur. Minimus digitus meus groſſior eſt lũbis patris mei, & imbecilli atque debiles à latinis clumbes dicuntur. *Valde,* ad longũ, magnũq; laborem perferendum. Huius autẽ rei rationẽ eam reddit quod Iudeorum reſpub. perinde atque Iſraëlita, ob vitia & ſcelera affligenda, euertendaq; breui eſſet, atque illius tantæ ciuitatis maietas, amplitudo & dignitas ex diuini iudicij decreti deformanda.

*Quia reddidit Dominus ſuperbiam Jacob, ſicut ſuperbiam Iſraël.*

ISRAELIS & Iacobi nomina, alterum Iſraëliticæ res florentes ac proſperas; alterũ verò diminutas attenuatasq; ſignificat, quẽadmodum ſæpius alias docuimus. Igitur cum omnes illius gentis res ſtatũ ſuum integrum tenerent, magna quadam & ſublimi excellentia Iſraël præditus erat, quam excellentiam hebraicè G A O N dictam, Latinus interpres nunc ſuperbiam, nunc ſpecie nominat. ſed cum iã decem tribubus victis, abductis & diſſipatis, Iudæa ſola ſuper eſſet, Iſraëlis ſublimitas ad Iacobi humilitatem redacta eſt cui tamen Ieruſalem pulcherrima & maxima vrbis atq; antiqua regia, tẽpli religione, & ciuium frequentia celebriffima relicta erat. quæ dum dignitatem, & ſtatum ſuum retineret, ſi non Iſraëliticam, tamen Iacobẽã excellentiam conſeruare potuit. hanc verò à Nabuchodonoforẽ nõ leuiori ruinã, quã Iſraëlis illa felicitas ab Aſſyriis Senacheribĩ opera afficiẽdam eſſe Vates præuidens obnũtiãuit, quia reddidit Dominus ſuperbiam Iacob, vel excellentiam Iacob, ſicut excellentiam Iſraël. ſimilem enim fore Ieruſolymitanorum excellentiæ exitum, Deo id ex iudicij ſententiã permittente, præuiderat Vates, vt & vrbẽ exciſa ciues capti abducerentur, Ieruſalem verò ſuperbiam, ſiue G A O N. Iacob appellari ex illo etiam pſalmi carmine didicimus: Elegit nobis hereditatem ſuam, ſpeciem Iacob, quem dilexit: G A O N Iacob. Quemadmodum verò ſimilem caſum Iacobæa ſuperbia, & Iſraëlitica habuerint, ſubiuncto carmine vates declarat.

Pſal. 82.

*Quia vaſtatores diſſipauerunt eos, & propagines eorum corruerunt.*

Vt huius initio capitis Nabuchodonoforẽ diſpergentem cognominauerat: ſic eundem & Senacheribum, duos Iſraëlitarum, & Iudæorum expugnatores futuros, vaſtatores appellat vates: vaſtauerunt eos Iſraëlitas & Iudææ regnũ. Eſt autẽ tranſlatio ab exciſis vitibus, vt illud apud Hoſiam: Vitis euacuata Iſraël. namq; idem verbum ab illo vate uſurpatur, quã tranſlationem perſecutus ſubiungit: *& propagines eorum corruerunt,* abſciſſas inquit, propagines abſtulerunt: quod tam vrbes regias, quã cætera oppida expugnata, direpta vaſtataq; fuerint: ita adeo omnis hæc vaticinij pars, triſtis, & calamitoſa Iudæis, non læta eſt, quæ & culpam indicet, & dandas ob culpam pœnas declarer. Quantam verò ſtragem in Niniue, & in Ieruſalem, atque aliis in locis Nabuchodonofor editurus eſſet, ſignis ipsis, & indicijis expoſitis oſtendit.

Hof. 10.

*Clypeus fortium eius ignitus, viri exercitus in coccineis, ignea habenæ currus in die preparationis eius.*

ARMIS, & veſtibus cædis maximæ indicia oſtendẽdã eſſe dicit, & ipſam inſtructionẽ aſpectumq; ſignorum, & militum tantam vim habitura eſſe, vt perterrefacere & pellere aduerſariorum copias poſſit. namque duces ipſos non quouis nomine, ſed fortium ap-  
pellatione celebrat, quorum clypei aliàs terriſſimi & ſplendentes adiecto occiſorũ cruore, ignis inſtar habituros eſſe confirmat. namque Hebraicè adiectiuum eſt, M E O D A M, quod



Isa. 36.

quod sanguineum ruborem, & rubini lapidis splendorem significat. militum verò vestes ob hostilis sanguinis effusi copiam cocco tinctæ existimari facile poterant. *Viri exercitus in coccineis.* Armorum & vestium rubor & fulgor, ingentem cædem, & occisionem fatam arguit, ut apud Isaiam: Quare ergo rubrum est indumentum tuum, & occisionem fatua sicut calcantium in torculari? Torcular calcavi solus, &c. & occidi eos, &c. vestimenta minorem verò terrorem instructarum acierum, & curruū impetu atque vi, quàm ignis siue ob falces curruum cursu & sole, ac sanguine vibrantes, ignisque speciem inuentiū oculis obicientes, siue ob ytramq. rem hæc dicta sunt, illud certum exploratumque est, magnam vim, atque in re gerenda celeritatem hac oratione significari. *In die præparationis eius,* quo tempore ad bellum sese parauerint & instruxerint, quod verò addidit, 10

*Et agitatores consopiti sunt,*

Ad pauorem tremoremque spectat, quo magni etiam duces, & principes horum etiam venientium conspectu afficiendi erant. *Agitatores,* populorū duces, & principes interpretamur, non ex iis qui bellum inferant, sed ex iis, quibus inferendum erat. porro hæc res Hebraicè per similitudinem dicta est, & *buxi contremuerunt.* 15

*In itineribus conturbati sunt quadrigæ, collisi sunt in plateis aspectus eorum quasi lampades, quasi fulgura discurrentia.* 20

H v r v s' versus sententia cum superioris fine coniungenda est. In die præparationis eorum. Tantam enim tum promptitudinem, tum animi alacritatem militibus illa expeditionis die futuram, ut præ studio belli & pugnae cupiditate, præ magna properandi & procedendi festinatione sese inuicem in viis impellant & turbent, tantam etiam, illorum copiam, & apparatus bellicum, ut neq. latis etiam plateis quadrigæ capi possint, quin collidantur: ex qua turba, ingentem, & horribilem clamorem audiri necesse fuerit. auditu igitur terribilis exercitus ille erit, visu verò terribilior. namq. armorum fulgore, & animorum furore, vultusque alacritate vehementis ignis vim quandam, speciemque præbent. *Aspectus eorum quasi lampades.* Expectatu autem longè terribilissimi futuri sunt, quippe qui tanta celeritate, tantoque impetu rem agunt, ut antequam prævideri, aut vitari possint, conficiant. *Quasi fulgura discurrentia.* Fulguris vis ea est, ut ante feriat exturbetque oculos, quàm plenè cerni, & coeuntibus palpebris vitari possit, *in itineribus.* Itinera pro viis legimus, namque Hebraicum nomen vias propriè significat. At verò tantæ hostium procellæ deuitandæ Iudæos, quanquam fortissimos alios, impares futuros esse prædicit, quod ob sua scelera à Deo deserti, nihil humanis viribus conari aut moliri valeant, quod benè, & ex animi sententia succedat, utpote qui præ animi timore & trepitatione, neque muros etiam defendere, neque portas, quo minus rumpantur, propugnare, neque templi illius, cuius cum munitione, tum maiestate nitentur & magnopere confidebant, molem tueri & defendere valeant. 40

*Recordabitur fortium suorum, ruent in itineribus suis: velociter ascendent muros eius, & preparabitur umbraculum.*

I v d a m rerum olim à maioribus suis gestarum memorem, pro aris, & focis pugna constituta, tamen degenerem nimis virtutem suam minores omnino vires minus propitium sibi Deum experturū esse dicit: ita, & antiquæ fortitudinis memoria & desiderium probro magis, quàm honori ac laudi sibi sit. *Ruent in itineribus suis.* Urbem suam defendere conati, & properantes, tamè ex timore & trepitatione cōpulsi impingēt. At verò cum sese ad cōmittendā pugnam minus armis & viribus valere cognoscāt, muros defendere conabūtur, quibus sese, suasque res intra urbem obsessi tueantur, atq. ad eā rem ex scutis, & clypeis umbracula sibi parabunt, quibus & solis calorem arcere & missilium ictus excipere possint: sed cum præter diuinam opem, cui maxime nitendum est, vera propugnatio & defensio, non tam murorum, & operum munitione, quàm commissa cum excepto in capis hoste pugna constet, alioqui enim imbellibus & segnibus ciuibz, vel 55

Porta

*Porta fluuiorum aperta sunt, & templum ad solum dirutum.*

HIEROSOLYMA duobus torrētibus Cedron & Gihhon alluebatur, ad quos celebres quædam portæ spectabant, quas armorū vi ruptas & patefactas Chaldaeorū exercitus irruens, celeberrimū illud totius orbis templū diruit, incendit & vastauit, quod ob-  
 5 ciuium, & cultorum scelera, & nefaria flagitia, diuini numinis maiestate desertum est. inde ad eūuenit, ut omnis illius ciuitatis & regnum omne de pristino statu cōuulsum ad miserrimam seruitutis condicionem descenderit.

10 *Miles captiuus ductus est: & ancilla eius minabantur, gementes ut columba, murmurabant in cordibus suis.*

CONVULSUM & conuersum rerum statum, & vltimum euentum describit. nā quæ olim diuina ope tuta & defensa ciuitas, felices & lætos dies agebat, ac puellarum  
 15 choris, & cantibus, omniq. lætitiæ & celebritati vacabat, nunc contrā, deserta à Deo, ciui-  
 bus suis expoliata, in seruitutem redacta, in squalore, luctu & lamētis viuāt necesse est, atq. ciuium, & feminarum suarum desiderio inestissima iaceat. quas ut olim assiduīs  
 20 cantibus, & festis, ita nunc deinceps acerbissimis gemitibus & suspiriis continuam ope-  
 ram daturas videt. *Miles captiuus ductus est*, Hebraicè est, *munus eius abducta, sublata est*, quod ad Dei maiestatem sese ab illis subducentem referri potest, nisi magis placeat  
 locū de humana ope, & virtute interpretari, *Et ancilla eius minabantur, gementes ut columbae*.  
 Huius loci simpliciter ex verbis explicati, sententia exposita est, quem tamen, si ex tran-  
 25 slatione explicare libeat, sacerdotum, & leuitarū cōmemoratione aperiemus, qui can-  
 tus, & choros, quibus in templo indulgebant, in luctum, & mœrorem apud Babylonem  
 conuerterūt, sicut scriptum est: Illic sedimus, & fleuimus, dum recordaremur tui Sion. „  
 30 *Murmurantes in cordibus suis*, plangentes pectora sua, atque hoc modo gemitu & lamentis  
 ille tympanorum & cantionum vsus commutatur. Atque hætenus Nahhum noster, *Isa. 3.*  
 dum Ninæ, & Assyrii imperij casum ex professo vaticinaretur, ad prædicendam Iudai-  
 ci regni calamitatem & vastationem commodè digressus est: nunc verò ad propositum  
 reuersus orationem in Assyriorum rebus tractandis consumit, cuius cum digressionē  
 ipsa sententiam commodè cōnectens, inquit: Ninam urbem, non ut Hierosolymam  
 35 portis à milite fractis, sed Euphratis fluminis irruptione expugnandam & capiendam  
 esse: cuius fluminis redundantis vi & impetu muri deiecti, locum militibus ad irrum-  
 pendum patefacerēt. illarum verò aquarum inundatione omnis hominum, & rerum  
 copia, quæ ab antiquis temporibus eo loci tanquam in piscinam confluxerat, sublata  
 40 penitus & eiecta fuit.

*Et Ninive quasi piscina aquarum aquæ eius.*

Sic ex Græca versione noster interpret vertit; ex Hebraico verò ad verbum, & ex  
 40 Chaldaica interpretatione sic: *Et Ninive ut piscina aquarum à diebus est*. Vtriusque lectio-  
 nis eandem sententiam exponemus. namq. huius loci argumētum illud est: Niniuen  
 fluminis irruptione facta, captu expugnatuq. multò, quàm Hierosolymā, fore faciliore,  
 quod eos ciues sortita sit, qui ob loci, soli q. mollitudinem imbelles, ignauiq. redditī, di-  
 micare nō valeant. Ex qua re illud profectò efficietur, ut minimo periculo, parta tan-  
 45 dem victoria, ingens victoribus præda paretur. Ex duobus oppidis natura & situ diffi-  
 milibus, ac diuinæ tutelæ beneficio desertis, suoq. ingentio relictis, id magis conari, atque  
 diutius hostium impetū sustinere tamen poterit, quod fortiores, robustiores, duriorique  
 vitæ vsu exercitatos incolæ habuerit, ut Hierosolyma, & Iudææ vrbes, quæ quod aspe-  
 50 rioribus, & siccioribus locis sitæ essent, robustiores viros nactæ sunt, quàm Ninive, quæ  
 campestribus, palustribus, & irriguo solo condita fuerat. namque hæc ad Euphraten  
 fluium, in Assyriæ campo ædificata, solum humens, crassumq. sortita est, ubi non altè  
 defossa terra, aquæ quacunque erumpunt. adde quod flumen ipsum canalibus  
 deriuatum, regionem irrigat, & in ipsos vsque vrbanos hortos admittitur. ex quo  
 55 euenit, ut ternis, & quaternis contignationibus ædes construerentur, quod in ipso terre  
 in simo solo inutilis habitatio esset. hæc illius loci naturā & sitū ex antiqua lectione, atq.  
 ex hominū, qui nostra ætate ibidem commorati sunt, relatu accepimus: Igitur cū Ni-  
 60 uine diuini iudicii sententia hostibus tradenda esset perinde ac Hierosolyma, tamen  
 minus

Hippocrates  
de locis aere  
& aqua adfi-  
nem.  
Herod.

Diod. Sycu.  
lib. 3.

Isaac Hispa-  
nus in Nabhu

minus negotij victoribus exhibitura fuit, quod imbecilles omnino & ignavos viros, tum ob vitæ ipsorum delicias & luxum, tum ob soli, ac cæli naturâ aleret. Nāq. Hierosolymitani fortium suorum memores non nihil conati, quanquam in ipsis viis ob timorem impinant. At verò Ninive vrbs vt piscina aquarum aquæ eius, mollibus palustribusque ciuibus habitata, & culta, qui non maiori robore, in ipso calamitatis articulo constabunt, quàm si aquei toti essent, & molli luto ficti, omni que siccitatis consistentia carentes; quos si oratione, voce atque clamore, vel eorum duces, vel quispiam alius à fuga reuocare, & ad dimicationem laudemque hortari studeat, nihilo plus efficiet quàm si piscinæ aquas aperto semel, qua defluant, exitu, hortatione & clamore compescere, & retinere paret, hoc est quod subiungitur.

*Ipsi verò fugerunt: state, state: & non est qui reuertatur.*

IGNAVAM & turpem fugam inductione expressit, non enim rarò evenit, vt dum oratione & clamoribus, ad pudorē & honestatem, ad honestam etiam pro aris, & focis mortem, qui iam terga vertere cœperant, reuocentur. hi verò, quantumvis magno clamore studioque reuocati, nec faciem quidem conuertent, tanto fugæ impetu, impotentique timore perculsi agentur, adeo vt hostibus sine vllò negotio in vacuum piscinam descendentibus, immensas prædas ex istorum rebus parare & capere liceat, ad quam rem iam sibi præuisam Vates ipse noster vel sua, vel alterius inducta oratione Babylonios milites adhortatur.

*Diripite argentum, diripite aurum: & non est finis diuitiarum ex omnibus vasis desiderabilibus.*

ARGENTVM, quod maiori copia contingat, vt obuium magis inquirentibus, in oratione præpositum est; aurum, vt dignius & rarius, postpositum: cuius tamen magnā vim direptam ex Nina vrbe à Chaldeis fuisse antiqui scriptores tradiderunt. Aurum argentūque omne (nam ad multa talenta ex incendio effluxerat) derulit Arbaces Ecbatanam Mediæ urbem. hæc Diodorus. Cæterarum autem, quæ in pretio habeantur rerū, vt vestis, statuarum, vasorum, & mensarum, & quæcunque ad delicias voluptatemque comparari solent, infinitam in illa terrarum omnium principe & expoliatrice vrbe copiam inuētum iri asserit, ita vt à victoribus omnino diripi & asportari non possit: quamobrem maximis quibusque ablatis, cætera victis ad vsum permissa relictaque sunt. sic Diodorus, Suis inquit, bonis ciuibus concessis. eo quod cæterarū, præter aurum, argentum & gemmas, ratio haberi nō posset, subiunxit: *Non est finis diuitiarum ex omnibus vasis desiderabilibus.* Supellectilis, & utensilium omnium rerum genus, Hebraico sermone vasa dicuntur, vt vasa bellica, vasa domus, &c. Ita Israëlitarū omniū vasorum genera ex Ægyptiis diripienda commodato petere à Deo iussi sunt: Desiderabile autē illa lingua idem quod nostra, pretiosum est. *Non est finis diuitiarum,* Hebraicè, *non est finis constructioni & cumulo magnitudinis.* qua oratione infinita rerum omnium strues vndique Ninam comportata fuisse indicatur. libet autem locum hūc expositionis causa ex Chaldeo vertere *Et Ninive vt domus congregationis aquarum à diebus antiquis est. & ipsi fugient: state, state, & non est qui respiciat ad standum.* Huiusmodi autem Niniuitarum rerū exitū fore ostēdit, vt direptioni expositæ, nulla dominorū suorum virtute defendi possint, quos paor, metus, atq. salutis potius propriæ, quā vlla rerū vel fortunarū, aut dignitatis cura afficiet.

*Dissipata est & scissa, dilacerata, & cor tabescens, & dissolutio geniculorum, & defectio in cunctis renibus: & facies omnium eorum sicut nigredo olla.*

COR tabescens timoris nimij descriptio est, qui tentato primum corde omnis in animalis fortitudinis principe membro, cæteras deinde corporis partes, quibus animi virtus exercetur aut indicatur, perturbat, dissolutio geniculorum. Genua firmitudinis efficientiam præcipue experiuntur, eiusque defectum maximè indicant, sicut scriptum est: Omnes manus dissoluentur, omnia genua fluent aquis. Defectio in cunctis renibus, vires, atq. laboris ferendi, firmi que & recti corporis habitus in lumbis renibusque sunt. Propterea, inquit, repleti sunt lumbi mei dolore, angustia apprehendit me vt parturientis.

rum autem extremam regionem, & quasi initia ipsa renes, qua parte corpus flectitur, occupant. vehementem autem timorem, & examinationem facies ipsa cinereo ac fusco colore indicat. *Et facies omnium eorum sicut nigredo olle.* sic Joel: A facie eius cruciabuntur Iod. 2. populi, omnes vultus redigentur in ollam. Igitur vrbe excisa, rebus omnibus partim dirptis, partim disiectis, hominibus verò vehementi metu examinatis, magnum & memorabile humanæ insolentiae, superbiae, & gloriae diuinitus infringendae exemplum edendum esse ait: adeo vt non sine admiratione pristini status recordatio & memoria cum praesentium rerum comparatione repetatur. Quando illam totius orbis principem urbem summi Imperatoris regiam sedem, ceterarum prouinciarum principibus frequentissimam, tum soli fertilitate, tum comportatis vndique rebus opulentissimam, fastu, deliciisq. affluentem repentino ictu in tantum casum datam esse conspexit.

*Vbi est habitaculum leonum, & pascua catulorum leonum, ad quam iuit leo, vt ingrederetur illuc: catulus leonis, & non est qui exterreat? Leo cepit sufficienter catulis suis, & necauit leonis suis: & impleuit praeda speluncas suas, & cubile suum rapina.*

ELEGIA CO carmine hæc à Vate decantata sunt, quod ad celebrandam huius ruinae memoriam maximè idoneum est: oratio verò magnis verbis, & similitudinibus translati costat, quæ rei ipsius magnitudinem satis explicant, initium autem ab interrogatione admirationi coniuncta fit, atque ab insperato, & incredibili argumentum ducitur. Reges olim & Principes, maximè autem qui cæteras gentes bello infestarent & diriperet, leonum nomine dicti ferè in linguis omnibus fuere, quod id animantium genus, præter cætera, vi, cæde, prædaq. gaudeat, & viuat: sic etiam catuli leonum, minores principes qui iisdem studiis teneretur, appellati sunt. Ascendit leo de cubili suo, & prædæ gentium se leuauit, &c. de principibus autem: Super illum rugierunt leunculi, &c. Vt autem leones principes dicuntur, sic regia ipsa vrbs leonum spelunca non ineptè appellatur, cuiusmodi Niniuen fuisse sacræ & prophanae historiae tradunt, eo consilio à Nino conditam, coq. murorum, turrium, ædium, atque commoditatum omnium opere constructam, & comparatam, vt conseruando orbis imperio idonea, & comportandis ex omni natione diuitiis, rebusq. omnibus coaceruandis capax, deinde, & coactis ex omni Assyriae vrbe principibus commoda sedes foret, de qua sic apud exteros legimus: Ipse coactis vndique viribus, & his quæ ad tantum opus spectarent paratis, supra Euphratem urbem condidit, &c. & paulò post subiungitur: Et sanè spe sua nequaquam frustratus est. nulla enim postmodum vrbs tanto ambitu, tantæ moenium magnificentia constructa est. Altitudo murorum pedum est centum, latitudo, qua tres currus simul perambularent, turres mille, & quingentæ, quarum altitudo pedum est ducentorum. Habitare eam coegit maiori ex parte Assyrios, & quidem potentiores ex reliquis nationibus assumpsit: hæc Diodorus. Hanc igitur urbem, hanc imperatoris Assyrij arcem, & omnium Assyrij principum commune domicilium, hunc omnium summorum ducum conuentum, & direptæ ex toto orbe prædæ receptaculum, Vates noster habitaculum leonum, & pascua catulorum nominauit, Illud autem assiduum diripiendi orbis, & comportandæ in hanc urbem prædæ studium illis verbis descripsit. Ad quam iuit leo, vt ingrederetur illuc. Ducum verò, & principum cæteras prouincias expoliantium tutum receptaculum esse significauit, dicens: *Catulus leonis, & non est qui exterreat.* Non modò autem ad necessarios & oportunos vitæ vsus, sed ad fastum, luxum, & delicias quoque, quibus nihil satis esse posse videtur, ex detractis per vim, iniuriam & rapinam vndique spoliis comportatam fuisse ait: *Leo cepit sufficienter catulis suis, & necauit leonis suis.* Leonas imperatorum vxores, pellices, concubinas, quibus cum feminæ essent, vt abudè ad luxum, & fastum ad mollitiem ornatumq. suppeditaretur, maximum sumptum, imò maxima præda, & rapina opus fuit: illud verò longè maximum & infinitum penè est, post tot sumptus in se, suisque feminis effusissimè impenso, tamen ex præda & rapina magnam diuitiarum, quæ in thesauros reponerentur, superuisse vim. *Et impleuit præda speluncas suas, & cubile suum rapina.* Magnam verò, & perpetuam securitatem sibi, posterisque suis Niniuitæ reges tantæ vrbs magnitudine, firmitudine, ac minutione promississe illa oratio indicat. *Catulus leonis, & non est qui exterreat.* Ita adeo



Ninæ totius orbis principis & maximæ urbis, cuius reges omnium gentium tyrannide occupauerant, extemum excidium præuidens Vates cecinit; atq; omnis deniq; illius potentiaæ repentinam æternamq; ruinam prædicit. Eius verò potentiaæ fundamentum quadruplex, quò illa natio ad propagandum imperium nitebatur, diuinitus euerrendum esse ipsius omnipotentis Dei sermone inducto denuntiat:

*Ecce ego ad te dicit Dominus exercituum, & succendam vsque ad fumum quadrigas tuas, & leunculos tuos comedet gladius, & exterminabo de terra prædam tuam, & non audietur ultra vox nuntiorum tuorum.*

HUMANAM potentiam, quamuis maximam, quamuis magno præsidio munitam, splendore ornatam, opibus tutam, sapientia gubernatam, quamuis insuperabilem omnino creditam, tamen diuina vis repentino interitu perdere & dissipare potest, sicut scriptum est: Quia Deus scientiarum Dominus est, & ipsi præparantur cogitationes. Arcus fortium superatus est, &c. Quamobrem Ninæ urbi, quæ maxima ad æternitatem momenta habere sibi videbatur, excidium diuino consilio, & virtute futurum denuntiatur, & quæ nullum hominum genus non contemnebat, Deum ultorem expectare iubetur, qui quanta ad rem gerendam facultate valeat, ipsa appellatione declaratur, *Dominus exercituum*. namque huiusmodi exercituum mentionem in magnis ultionibus & grauissimis calamitatibus populo aut regno afferendis fieri plerumque solere, iam sæpe alias docuimus. Illa igitur huius loci sententia est: Quanquam tu o leonum spelunca omnem humanum aduersum te conatum contemnas, neque vllam tantam potentiam esse existimes, quæ turbadis rebus tuis par esse possit, tamen ecce ego, cui superi iueriq; exercitus omnes parent; ego inquam, vultum indignabundus ad te conuertam, omnem dignitatem, splendorem, amplitudinem, omnem potentiam, denique res omnes tuas funditus euertam & perdam. Omnis verò maximi imperij, & potiundæ rerum summæ spes quatuor præcipue fundamentis (ex humanæ sapientiaæ præceptis & institutis) nititur; ea sunt rei militaris copia & disciplina, ducum & principum auctoritas, & opum, ac potentiaæ opinio, amplissima pecunia suppetitatio, magna prudentia, consiliorum, atque oportunæ orationis facultas: multa enim, quæ vi & armis confici difficile possunt, legationum, actionumq; prudentia, & commoda eloquentia expediuntur. his omnibus rebus atq; artibus instructam fuisse Assyriorum potentissimam & regiam ciuitatem, præterquam quod sacri libri testatur, exteris etiam historiis declaratur. Ea verò omnia fundamenta cum tota imperij & potentiaæ mole euersurum se Deus denuntiat. *Et succendam vsque ad fumum quadrigas tuas*, Hebraicè, *in fumo*. Maximam & præstantissimam bellici apparatus partem pro omni apparatu nominauit. *Quadrigas*, quas igni absumendas, & in fumum ad cælum vsque sublatum redigendas esse dicit. principum deinde & ducum eadem significat. *& leunculos tuos comedet gladius*. Pecunia verò faciendæ vias potentioribus notissimas, prædæ, tributorum vestigialiumque exactiones, & quæ ad hæc generare ferri possunt, illa oratione indicauit: *Et exterminabo de terra prædā tuā*. Cæterum omnem consiliorum, actionum & sermonum idoneam facultatem nuntiorum nomine expressit: quod eos qui de magnis rebus legantur, ad agendam strenuè rem, eiusmodi artibus instructos esse oporteat, qualem Rabfacen illum ducem & regium nuntium fuisse illa ad Hierosolymitanos pro deditioe suadenda habita oratio arguit: quæ non minorem auditorum animis metum ac terrorem, quam grauissima quædam pugna expectatio, iniicere potuit. namque & facundia & eloquentia Assyrij, vt aliis etiam artibus, valuerunt. Ad hanc autem rationem illud pertinet: *Et non audietur vox nuntiorum tuorum.*

### CAPVT TERTIVM.



*Ac ciuitas sanguinum, vniuersa mendacij dilaceratione plena, non recedet à te rapina.*

PRONVTIATÆ in Niniuen & Niniuitas sententiaæ, ac decretarum poenarum causam & crimen Vates de more agit, vt nulla neque graui, neque leui re diuina iustitia & æquitas non proberetur. Est autem hæc in sacris libris plurimum obseruata formula, vt diuina primum ad vlciscendum virtute ac potentia ostensa, seueraque deinde in ho-

homines pronuntiata sententia, vltimo demum loco crimen peroretur, vt culpa semper, quàm poena grauior esse existimari possit, quæ si primo loco diceretur, minus attentè fortasse reis ipsis & cæteris, qui eodem scelere sese alligauerint, (quæ hominum insolentia est) quàm poenarum decreto compulsis audiretur. Illud præterea obseruandum est, vt si quando poenas ab aliquo diuinitus repetitas esse cognoscamus, cuius crimen publicè non constiterit, causam tamen subesse intelligamus, quæ quanquam dicta apud nos non sit, tamen id præter rationem minimè fuerit, cum Deus causam primò sibi cognitam, non semper ante, sed post pronuntiatam sententiam publicè tractare & informare consueuerit. Igitur publicæ animaduersionis, & repetundarum de aliqua gente, natione, ciuitate, vel populo poenarum crimen, publicam iniuriam, siue *Hhamasx* esse, iam sapius docuimus. Huiusmodi autem crimen Niniuitis illatum hoc capite peroratur: eam verò orationem commodo ad accusationes verbo Vates inchoauit. *Væ*, quod certam culpam, & expectandam poenam indicat. Omnis autem iniuriæ ratio duobus potissimum generibus, vi, & fraude spectatur, quibus Ninia sese alligasse, ipsa statim propositione declaratur. *Ciuitas sanguinum*. Omne violentiæ susceptum scelus & culpa sanguinum plurali nomine significatur. namq. de singulis seorsum sic definiri solent: Sanguis eius super caput eius. Niniue autem affectatum totius orbis imperium non sine maximis & persæpe iniustis cædibus constituit. namque ad plenam dominationem summum ius in armis esse ambitiosissimi homines arbitrantur: multas autem nationes & vrbes bello crudelissimo subactas, plures etiam dolo, fraudeque circumuentas societate, immunitateque promissa, non tamen præstita, fuisse significat: cum neque societatis conflandæ, neque tutelæ suscipiendæ, sed auferendæ prædæ, diripiendæque pecuniæ cõsiliū appetitusque esset. hoc est quod dicit: *Vniuersa mendacij dilaceratione plena*, quod præter vim, fraude etiam & direptione omnis constaret, neque vnquam (quocunque modo assequi id posset) à præda, rapina, spoliis atque vestigalibus, tributis, aliisque pecuniæ faciendæ viis iniuste muniendis desisteret. quæ omnia genera graui & criminoso rapinæ nomine cõplexus est. *non recedet a te rapina*. futuram, perpetuam & assiduam consuetudinem indicat. Propositum autem crimen circumstantiarum & facultatum expositione confirmatur: ostendit enim Vates quibus rebus, quibus artibus, qua potètia Assyrij occupatam vi & fraude tyrannidem tueri studuerint; nimirum non innocentia, æquitate, & humanitate, sed terrore & formidine, atque potentiæ ostentatione.

*Vox flagelli, & vox impetus rota, & equi frementis, & quadrigæ feruentis, & equitis ascendentis: & micantis gladij, & fulgurantis hastæ, & multitudinis interfectæ, & grauis ruina: neque est finis cadauerum & corrueunt in corporibus suis.*

DIXIMVS hanc orationem ad crimen magis, quàm ad poenam pertinere: quamobrem ad criminis rationes explicatio reuocanda est. Igitur fundandi & propagandi imperij rationem, & facultatem partitione atq. expolitione indicauit, quod per terre faciendos homines armorum strepitu, quadrigarum graui sonitu, equorum & equitum tumultu, gladiorum & hastarum horrendo splendore edita, sine vlla misericordia in alios ad aliorum horribile exemplum spectanda cæde. atq. huiusmodi multis crudelitatis argumentis, quæ hominum sensus, animumq. tentare & permouere valeant, Assyrij vti fuerint. *Neque est finis cadauerum, & corrueunt in corporibus suis*. Infinitam hominū cædem ab ipsis factam significat, aded vt liberum sibi ipsis iter cadauerū multitudine impedierint. *& corrueunt*, ita vt corruant, *in corporibus suis*. Suis non reciprocum est, sed ad tertiam personam pertinet, *in corporibus illorum cadauerum passim stratis & iacentibus*. ob huiusmodi autem vim omnibus gentibus illatam, futuram esse Niniues Assyrij imperij principis ciuitatis, & regum ac principum stragem atq. euerfionem (quam iā prædixerit) Vates docet. Illa etiā quæ fraude & dolo commissa scelera sunt, ad hanc violentiæ culpā accedunt, vt quod blandis persuasionibus atq. astuta oratione & astronomica disciplinæ ostentatione, cæteris gentibus deditionem persuadere studuerit, persuasique grauem seruitutis conditionē statuerit, perinde atq. meretrices facere consueuerūt, quæ miseros adolefcētes blanditiis & veneficiis in suam cõsuetudinem immissos miserè decipiunt, sicut scriptum est: Fauus enim distillans labia meretricis, & nitidius oleo guttur eius. nouissima autem illius amara quasi absynthium. Igitur Ninæ ciuitatis fallacia

cias fraudesque cum meretriciis artibus aptissime comparatae sunt.

*Propter multitudinē fornicationum meretricis speciosa & grata, et habetis maleficia, quae vendidit gentes in fornicationibus suis, & familias in maleficiis suis.*

ASSYRII præter vim & arma, quibus magnam orbis partem debellarunt, ut antiquissimos in regione sua hominum humanis disciplinis instructos, oratione, legationibus & sapientia, maximè autem Chaldaeorum, quas vocant disciplinarū opinione multis nationibus imposuere, atque splendore etiam & imperij magnitudine illustrare, tantè amplitudinis claritate perstricis, & societatem amicitiamque ambientibus: quorum tamen non amicitiam sed dominationem & tyrannidem contigit experiri. has autè vere meretricias & ad perdendum idoneas artes, atque hanc fucum faciendi calliditatem Vates noster notat, & fraudis nominibus damnat, multitudinemque fornicationum appellat. Meretricis speciosa imperij magnitudinem splendoremque significat, quo aliarum nationum principum oculos perstrinxere, quos tandem amore captos perdidere: quem admodum Israëlitis accidit, qui auxilij & societatis causa, cum Assyriis coniuncti victoribus parere, & in miseram seruitutem venire coacti sunt. & grata ad eloquentiam & facundiam, ac decipiendi facultatem, qua Assyrij legati imperitioribus gentibus & regibus deditioem persuadebant. qua de re superius legimus: & non audietur ultra vox nuntiorum tuorum. & habentis maleficia. maximè astrorum peritiæ opinionem, & fucatis hac de re orationibus totius orbis imperium fato quodam & caelorum benignitate sibi deberi Assyrij prædicabant, sicut scriptum est: Hæc est fortitudo eius Dei sui. Huiusmodi itaq. artibus, dolis & beneficiis allectas cæteras nationes libertate spoliavit. Quae vendidit gentes in fornicationibus suis, &c. Vendere apud Hebræos, idem quod libertatem præcideret, ut: Gratis venundati estis. itaque tum vi & armis, tum fraudibus dolis, & technis multæ & maximæ nationes ab Assyriis victæ, subactæ, delusæ & captæ fuerunt: quarum artium vanitatem & præstigias, dolos & fraudes omni orbi tandem patefactum, & ludibrio atque insultatione expositum iri Deus iudex & ultor denuntiat: sermo verò ad meretricis translationem semel institutam adaptatur.

Isaia. 32.

*Ecce ego ad te dicit Dominus exercituum, & reuelabo pudenda tua in facie tua, & ostendam in gentibus nuditatem tuam, & regnis ignominiam tuam.*

FUTURVM Niniuitis dedecus & probrum duobus impudicæ feminæ ignominia notandæ modis expressum est, quorum alter est muliebrium vestium oras, soli pulvere & luto sordidas in feminæ ipsius faciem ita reicere, ut pudenda turpissime detegantur. quo spectaculo nullum magis ignominiosum mulieribus esse potest. Reuelabo pudenda tua in facie tua. Pudenda, sordidas vestium fimbrias, quæ terrâ lambentes, lutum, cœnum, sordesque omnes cōtrahunt, ex Hebraico nomine, Solim interpretamur. subductis autem vestibus, & in faciem reiectis, turpe & deridendum editur spectaculū. Et ostendam in gentibus nuditatem tuam, & regnis ignominiam tuam. Alter verò ignominia in mulieribus modus est formæ, qua feminæ maximè valere, virosque allicere & capere studet, turpitudine & fœditas, quæ magnum amantium feruorē in derisum mutare valet, sicut à Poeta insultante decantatum est: Possent ut iuvenes visere feruidi, Multo non sine risu dilapsam in cineres faciem. Huiusmodi deformitate hanc, de qua vates noster loquitur, meretricem eadem opera afficiendam ludibrioque omnium exponendam esse ostendit. namque obiectæ ex fœdo vestium limbo sordes faciem, quæ fuco olim illinebatur: nunc demum fœdantes ridiculam speciem præbebunt. hoc est quod dicit:

Hor. lib. 4.  
od. 13.

*Et proiciā super te abominationes, & cōtumeliis te afficiam, & ponā te in exemplū.*

UT olim omnibus admirationi fueras, nunc iam deinceps contemptioni, despectioni & ridiculo spectaculo futura es, in exemplum ad verbum ex Hebraico in spectaculum, spectaculum autè immiserabile, imò præter contemptum & irrisum, cūctis, quos olim tuis artibus perdidisti, gratissimum & optatissimū. namque hic maxime & inuidiosæ potentia exitus est, ut oppressa tandem omnium, quibus antea vel admirabilis vel formidabilis fuerat, contemptione, ludibrio, insultationeque excipiat.

*Et erit omnis qui viderit te, resiliet à te, & dicet: vastata est Ninive.*

COEPTAM scorti rationem & translationem adhuc Vates persequitur. namque gratam diu faciem & fucatam speciem ubi quis fœdissimam fordidusque

conspexerit, abominatus continuò declinabit. Atque hactenus translationem explicuimus: nunc verò deinceps rem ipsam breuibus exponemus. ex omnibus qui Assyrio Niniuitarum imperio patebant principibus, despectissimum & contempnissimū Babylonis regem, siue vt alij appellant, præfectum, quem postremum in regis gratia gradum compleret, eius humilitatis radio & offensione alienatum contra Ninam urbem illiusq. regni, quæ speciosissima totius imperij facies erat, nouas res moliturum esse Vates noster significat: cuius opera Deus ad multarum iniuriarum ultionē vsurus esset. ex qua re illud effectum est, vt Assyrij imperij turpitudine & foeditas, hoc est, fraudes, fallaciæ, imposturæ, mendacia, doli, ceteraq. ad decipiendū idoneæ & consuetæ artes, quæ ob principum omnium concordem obedientiam celatæ olim dissimulatæque fuerant, nunc demum patefactæ, & in ridiculum atq. ignominiosum spectaculum expositæ, omnium nationum, quibus admirabile aut formidabile illud imperium fuerit, ab alienatos animos ad subitam defectionem commouerent. *Et omnis qui viderit te, resiliet à te.* Et (quod omnium ferè hominū ingeniū est, vt sese facile & libenter ab admiratione & suspitione neterum ad contemptionem odiumq. traducant) eueniet etiam, vt quæ multorū amatorum animos fide beneuolentiaque sibi deuinxisse videbatur, nullius demum non modò studium, sed misericordiam expertura sit: *sequitur enim vulgus fortunam, vt semper, et* Iuuen. *odit Damnatos, vt Poeta aiebat.* illa igitur omnium communis oratio, *Vastata est Ninive,* animorum alienationem indicabit. *Satyr. 10.*

20 *Quis commouebit super te caput? unde queram consolatorem tibi?*

AFFIRMATIVA interrogatio hoc loco negationis obtinet vim, neminemq. hominem fore ait, qui tantæ ruinæ misericordia commoueatur, aut adesse consolando velit, nedum auxilio ferendo, aut instaurandis Ninæ rebus studeat. *Quis commouebit super te caput?* Verbum Hebraicum *Nod*, sollicitum cōsolantis motum ex alienæ miseriæ dolore concitatum significat: atque idem verbum Latinus interpres in libro Iob visitatē ad consolandum, in aliis verò quàm plurimis locis apud Isaiam & Ieremiam cōsolarivertit: bis verò capitis nomine adiuncto, in hoc libro semel, & iterum etiam in Iobi historia rem ipsam indicauit. Et mouerunt super eum caput, & consolati sunt eum super omni malo quod intulerat Dominus super eum. itaq. moueri siue mouere caput alienā vicē dolentis & consolantis habitus est. igitur longè alios erga se aliarum gentium animos, quàm putauerat Ninive, expertura esse docetur. *Unde queram consolatorem tibi:* cū nullibi inueniendū esse certò sciā. Iā verò Nabuchodonosoris potētia, & in re gerenda felicitatē, atq. ad Ninā diruendā incredibilem virtutem cōparatione Vates arguit: fieriq. posse affirmat, atque euentu ipso comprobat, vt ab eò quem minorem & inferiorem credideris, maximæ conficiantur res. atq. hæc parum fortasse perspecta & explorata & nonnunquā contempta ratio multis & magnis regnis exitium sæpe attulit.

40 *Nunquid melior es ab Alexandria populorum, quæ habitat in fluminibus? aquæ, in circuitu eius: cuius diuitiæ, mare: aquæ muri eius.*

NVLAM hominū quāuis situ & opere firmissimam, diuitiis opulentissimā, auxiliis & opibus florentissimam, habitationē inexpugnabilem esse, multa nos olim exempla docuerunt. nihil enim à filiis hominum adeò firmum aut inaccessibile statui potest, quod ab aliis hominū filiis (modò Deus non tueatur) adiri labefactariq. non valeat. Igitur præcedentium rerum exempla nullis huiusmodi rebus niti & fidere moniet. quemadmodum Ninive alterius vrbs nihilo se inferioris cōparatione maximam aliquā firmitudinem & stabilitatem sibi promittere veratur. Sed quænam illa vrbs, quā interpres *Alexandriam* vertit, fuerit, ratione altius deducta docebimus. Nahhumi ætate Alexandria vrbs nondum erat, quippe quæ ab Alexandro Macedone Dinocratis architecti opera vso condita fuerit, anno regni illius quarto, post libertatem Babylonensem ducentesimo decimo quarto: ab orbe autem condito ferè ter millesimo sexcentesimo trigesimo primo: ter centum & duobus annis à Ninæ euerfione. namque hæc, quantum ex Hebraicis annalibus coniciamus, à Nabuchodonosore expugnata fuit, quem anno ab orbis initio ter millesimo tricentesimo vigesimo nono rerum potitum accepimus. Igitur non de ipsa Alexandria vrbe sermo Vati nostro ad cōparationem cū Nina instituitur, sed de altera eodem loco olim sita maxima vrbe, cui Aegyptum nomen fuerat, *No amon.* Amō-  
nis



Ezech. 30.  
Ierc. 46.

D. Hieron. in  
epitaph. Pau-  
la.

Met. lib. 1.

Gen. 10.

Ezech. 30.

nis Dei apud Aegyptios & Cyrenaios celebratissimi templo fortasse & nomine clarissi-  
ma: quam in Aegyptij maris littore ad Mareotim lacum, & Nili amnis ostia ita fuisse,  
ex huius Vatis & aliorum auctorum descriptione cognouimus. Eam autem urbem situ  
ædificisque maximam & munitissimam, auxiliariisq. copiis florentissimam a Nabu-  
chodonosore excisam fuisse, testes præter hunc Vatem sunt Ieremias & Ezechiel. Ecce,  
inquit, ego Dominus visitabo super Amon de No, & super Pharaonem, & super om-  
nes qui confidunt in eo: & dabo eos in manus quærentium animas eorum, & in manus  
Nabuchodonosor regis Babyloniz, & manus feruorum eius, &c. eadem etiam apud E-  
zechiel diuina sententia in No urbem pronuntiata est. In huius vero Urbis situ & rui-  
nis Alexandriam postea conditam fuisse D. Hieronymus memoria prodidit, quod ex  
antiquis historiis atq. ex Chaldaica bibliorū interpretatione constat: naq. Chaldaus para-  
phraistes in locorum situ notando, non prisca, sed ea quæ ætate sua celebrabantur, nomi-  
na usurpat, vt Hispaniam, Italiam, &c. Quam rationem perpetuo secutus, No urbem  
quoties apud Vates offendit, Alexandriam nominat, quam Latina versio semper imi-  
tata est; quanquam Græca editio varia & discrepans in huius nominis notatione est.  
Huius autem urbis incomparabilem potentiam, loco, & situ, & cōmeatum oportu-  
nitatibus, & multarum & magnarum gentium studiis arguit. *quæ habitat in fluminibus,*  
inter Nili amnium in nostrum mare permeantium maxima ostia maximis excipiendis  
nauibz idonea, quibus ab ortu & occasu vallatur: ab Austro verò Mareoti lacu celeberrimo  
& commodissimo, à Septentrione Lybico, siue Aegyptico, pelago: ita vt com-  
meatum & necessariarum rerum oportunitatibus multis abundet, & situ atque aqua-  
rum ambitu munitissima sit. *Aqua in circuitu eius: cuius diuitie, mare.* Portuosum & firmis-  
simum præsidium, nec non & conuehendis ex omni orbis parte rebus & mercibus ma-  
ximè idoneum. *Muri eius aquæ.* Si verò de sociorum studiis & auxiliariis copiis quæra-  
mus, innumerabiles & fortissimos nationum populos recentebimus, quæ antiqua gene-  
ris necessitudine coniunctæ, salutis & periculorum societatem religiosè pactæ fuerant,  
quotquot ex Chamo siue Chameleno Noachi filio oriundæ essent..

*Aethiopia fortitudo eius & Aegyptus, & non est finis.*

FRÆQVENTISSIMAM urbibus & oppidis cultissimamque Aegyptum fuisse,  
omnes tum prophanz, tum sacræ testantur historiæ.

*Africa & Libyes fuerunt in auxilio tuo.*

MUTATIONE personæ subitaq. apostrophe ad No, ex vatū more vsus hic noster  
est. Hos autem omnes nō metu vel potentia coactos, sed generis communione & vici-  
nitatis necessitudine impulsos, auxiliū No urbi intulisse res ipsa declarat. nā teste Mose,  
Chus Mizraim & Phut filij Chā fuere, quos Latini & Græci Aethiopes, Aegyptios, Af-  
rosq. vocant. Africæ autem partem Libyam dici Ezechiel auctor est: & tamen tanta fi-  
tus & oportunitatum felicitas, tanta auxiliorum magnitudo & copia No urbem ab Af-  
syriorum exercitu defendere non valuit.

*Sed & ipsa in transmigrationem ducta est in captiuitatem: paruuli eius elisi  
sunt in capite omnium viarum, & super inclytos eius miserunt sortem, &  
omnes optimates eius confixi sunt in compedibus.*

HÆC omnia ad No urbem referuntur, quā ante Ninæ casum extrema belli pericula &  
exitiales calamitates ab Assyriorū exercitu accepturæ esse obiter Nahhū vaticinatus est,  
præterito tēpore ob eā rē vsus quod certissima prædictio sit. Igitur accepta No ciuitati,  
clades, & principū atq. grauissimorū virorū eius vincula, ac reliquæ turbæ captiuitas, ar-  
gumēto ex cōtētionē sunt, Ninā urbem ex diuino consilio hostibus traditā, excidi facilius  
posse: quippe quæ quanquā maxima & firmissima videatur, cū No Amon naturali præ-  
sidio & auxiliorū virtute atque studio comparanda non sit.

*Et tu ergo inebriaberis: & eris despecta, & tu quæres auxilium ab inimico.*

NO non minorem aut leuiorem amaritudinis calicē ad fundū vsq. exhausturā Niniuen  
dicit, ita vt omnē illā antiquā superbiam & insolentiā, imò omne etiā consilij, facultatis, vt  
ebria indigens faciliē ab hostibus euerfa & dissipata pereat. *& eris despecta,* Hebraicè  
*eris abscondita,* perinde ab oculis hominū sublata ac si nunquam fuisses, ita inebriatio rerū  
perturbationē & trepidationē, quam mox absconditio & dissipatio secutura sit, significat,  
vt illud:

vt illud apud Abdiā: Bibent & absorbentur, & erunt quasi nō fuerint. neq. verò vel fideliora, vel vtiliora quæsitā & rogata aduersus hostes Niniuen experturam esse confirmat, quā voluntaria regum & sociorū, fortissimorumq. ac necessariorum Alexandria experta sit: plurimū enim volūtariæ operæ rogatis & coactis præstant, & tamen cū meliora nihil profuerint *No Amon*, nihil omnino Ninæ deteriora profutura esse consequitur. Et *tu quæres auxilium ab inimico*, quando tuis viribus & facultatibus minor futura es, quàm vt obfistere & hostis impetum sustinere valeas. Verum enim verò *No Amon* & si non meliori successu, meliori tamen fide auxiliarios habebit socios, qui quòd amici & necessarij fuerint, si nihil aliud præstiterint, tamē dimicaturi sunt. At verò Niniue eorum quibus maximè fidebat, voluntates & studia erga se extincta, atque ad hostes ipsos in suam perniciem translata deprehendet. quæ res pulchra similitudine describitur:

*Omnes munitiones tuæ sicut ficus cum grossis suis: si concussæ fuerint, cadent in os comedentis.*

N I H I L aliud quàm belli exitum, cū ab hostibus, tum ab auxiliariis etiā spectādum, atq. expectati euentus ratione omnem rem gerendā esse dicit. namq. Ninæ rebus labantibus & ruentibus, ad prædæ potius & direptionis spem, quàm ad officium, vel misericordiam socij & auxiliares impelluntur: itaq. asciti atq. aduocati ad auxiliū sese hostibus facilè coniungunt, cū certē & maturæ ruinæ opinione ad libertatē primum, deinde ad spolia animum appulerint: vt in arboribus, maximè autem in ficubus accidere solet, quæ cū maturas, præcoces fructus & paruo momento decedentes habeant, omnes quotquot adsunt, ad impellendū deciduasq. ficus excipiendum inuitant, quando nemo sit, qui in tanta nouorum fructuum comedendi oportunitate sese ab impulsu & ficubus excipiendis temperare velit. *Sicut ficus cum grossis suis.* grossos præcoces Ficus maturas interpretamur ex Hebraico nomine *Bechorim*; id quod sequenti oratione declaratur: *Cadent in os comedentis.* Hac autē similitudine certam victoriæ & prædæ spem hostibus Vates promittit: quando neq. obfistentium & propugnatiū Niniuitarum virtute, neque murorum ac propugnaculorū firmitudine arcendi sunt. namq. ciues ipsi imbelles atq. ignauissimi erant: muri verò nullo expugnantium negotio, aquarum impetu vltro diruti, portæq. adaperatæ fuere, & admissio hoste si quid munitionis, aut præsidij reliquum fuerat, illato igni expugnatum est.

*Ecce populus tuus mulieres in medio tui: inimicis tuis ad apertionem pendentur portæ terræ tuæ, deuorabit ignis vinctes tuos.*

H A C iam ex superioribus clara explicataque sunt. Niniuen autē aduersa sociorum studia & defectiones expertam fuisse, externi etiam auctores memoriæ prodiderunt. Nuntiātū est Bactrianorū exercitum ad regem mitti, propinquumq. esse magnis itineribus proficiscentem. Visum est igitur Arbaci reliquisq. cum expeditis militibus obuiam proficisci, vt aut defectionem persuaderent Bactrianis, aut ad id armis cogerēt. primum duces, tum reliqui libertatem asserentes, copiis cæterorum sese addiderūt. Hæc Diodorus, qui bienniali primū obsidione pressos Niniuitas, ac deinde in vrbe ipsa simul omnes oppressos, variisq. modis perditos fuisse affirmat, id quod Vates noster futurū prædixerat ad ea, quæ ad tolerandā obsidionem necessaria sunt, parare; atque muros & præsidia reficere hortatus.

Diod. lib. 3.

*Aquam propter obsidionem hauri tibi, extrue munitiones tuas: intra in lutum & calca, subigens tene laterem.*

Q V A C V N Q V E Deus custodita & seruata non vult, grauē laborem difficilemq. curam quidem, nullam tamē certā salutē præstare obnitētibus possunt. Vanū est vobis, inquit Vates, ante lucem surgere: surgite postquam sederitis qui manducatis panem doloris. Igitur curam, studium, diligentiam, metum, trepidationem, prouidentiamque, frustra tamen omnia hæc Niniuitis fore significat. duarum verò præcipuè rerum, quæ maximè ad tolerandā obsidionem necessariae sunt, commemoratione cæteræ comprehenduntur: aqua enim ad victus vitæq. vsus opportunissima est, & murorum propugnaculorumq. curatio. lateritios autem Ninæ muros fuisse, quòd illa regio campestris lapidum copia careat, omnes antiqui & sacri & prophani scriptores tradiderunt. *Intra lutū & calca,*

*calca, subigens tene laterem.* Verba hæc omnia eius artis propria sunt. de lateribus autem Vi-  
truvium consulere operæpretium est. quidam incocti, alij cocti antiquis fuerunt, vtriq.  
firmi, sed cocti magis. hæc autem cura, hæc tanta prospicietia, hoc labore nihil aliud sibi  
illi præstiterunt, nisi vt maiorem funditus perdendi commoditatem hostibus pararent:  
coactos enim & in vnū quasi acervum congregatos, igni, ferro, captiuitateque adoriri,  
afficere & perdere facillimum fuit, non secus quàm bruchi & locustarum genera, quæ  
cum sparsa volant, neque comprehendi, neque perdi possunt, in vnum verò locum pro-  
pter frigus congregata & constipata, & capi oportune atque occidi, & admoto sepibus  
quibus hæserint, igni cremari possunt, hoc est quod dicit:

*Ibi comedet te ignis: peribis gladio, deuorabit te vt bruchus: congregare ergo vt  
bruchus, multiplicare vt locusta.* 10

Quæ res magno molimine, studio, celeritate, maxima frequentia adornata compa-  
rantur, eadem vbi repente afflictæ fuerint, maximo tumultu corruunt, maximaq. tur-  
ba & victorum insultatione labefactantur, & maximum demum & memorabile huma-  
norum consiliorum vanitatis exemplum ad posteriora etiam secula statuunt: quod vel  
Ninæ vrbs ratio aperte docet, cui tanta hominum frequentia, tot tantaq. mercatorum  
atque publicanorum negotia, tanta vndique conflata pecunia, tot opes, tanta principum  
celebritas, tantusque dignitatis splendor, illud solum paruere, vt grauiori casu & ma-  
iori cum molimine funditus periret. quæ res vt inutilis omnino, imò vt ad necessitatem  
etiam virgens, à Vate obiicitur.

*Plures fecisti negotiationes tuas, quàm stellæ sunt cali: bruchus expansus est,  
& auolauit.* 20

MERCATORUM, & conficiendæ pecuniæ vias & genera, artesq. exquisitas, quibus  
maxima & frequentissima totiusque orbis princeps Nina vrbs celebrata fuit, ad stella-  
rum instar innumera fuisse docet: ipsorum verò mercatorum copiam, industriam & so-  
licitudinem cum bruchis locustarum velocissimo, & strenuissimo genere comparauit, prin-  
cipū autē & primatū virorū, neq. multitudine, neq. frequentia locustis minore fuisse ait.

*Custodes tui quasi locustæ, & paruuli tui quasi locustæ locustarum, quæ confidunt  
in sepibus in die frigoris: sol ortus est & auolauerunt, & non est cognitus lo-  
cus earum vbi fuerint.* 30

Ex tanta tamque superba principum, & summorum virorum multitudine & fre-  
quentia, nullum ne vestigiū quidē relinquēdū esse ait, vt conuenientiū, & sepes occupare  
solentium locustarum neque locus quidem, vnde sole exorto auolauerint, neque pars  
ea quam occupauerint, facile dignoscitur: quod huiusmodi naturæ illæ sint, vt omnes  
simul auolent. tanta in vrbe solitudo, & in agris vastitas. tam deserta, inculta & relicta  
omnia futura esse Vates denuntiauit. *Custodes tui.* summos duces & principes significat,  
id quod Hebraicū nomen declarat *Menexar*, quod comatū & coronatū principem apte  
verteris. *& paruuli tui* summis principibus minores, nobiles tamen & genere & splendo-  
re insignes. namq. hoc in loco Vates Assyrium nomen *Taphzzar* vsurpauit, quod regu-  
lum, optimate atque præfectum in illa lingua significare, testis est Ieremias: Perficite,  
inquit, & numerate contra eam Taphzzar. Iam verò postremo loco Assyriorū, & Nine  
regi ipsi tantorum antea malorum, tantæ tyrannidis maximo auctori, consiliorum, va-  
nitatum, & omnis potentiae, splendoris, amplitudinisq. finem extremū denūtiat: quem  
(vt malo & damno ignominia etiam accedat) omnium nationū quas iniuria contume-  
liaque affecerat, lætitia & plausu excipiendum esse confirmat.

*Dormitauerunt pastores tui Rex Assur, sepelientur principes tui: latitauit popu-  
lus in montibus, & non est qui congreget.* 50

GRAVISSIMAS & vigilantissimas consulum & sapientum, qui de regni atq. im-  
perij rebus & summa consultare cogitareq. solerent, cōfidentes laxatum iri demonstrat,  
adē vt pastores & patres qui consiliis antea capiendis, & prouidendis rebus intenti es-  
sent, quiescere demū & dormire videantur: ita nullus consilio, nullus prouidentiae illo-  
rum locus futurus est. Ii verò qui consulta & decreta strenuē exequēbatur, cum iudices  
& magistratus, tum etiam duces, quorum dexteritate & diligentia res expedirentur,  
perinde ac si sepulti essent, immobiles, ignaui atque inutiles redderentur. Quibus ex re-  
bus

bus eueniet, ut innumera illa Assyrij populi multitudo, rectorum consilio & principum diligentia & cura destituta, tanquam dispersus sine pastore grex, per montes & deuia, atque solitudines errabundus victorum direptioni, abductioni atque voluntati omni exponatur: ita fiet ut ad Babylonicæ regis partes atque studia facillimè traducatur. Pastores tui, consiliorum & principes, quibus regni status curæ est, nomen significat ex verbo Hebraico *Ragha*, quod pascere, cogitare, & consulere est; appellat autem pastores regis, & non populi, quod consilia, actiones & studia omnia regis magis, quàm populi causa suscipi soleant. neque enim illud præcipue quemadmodum rex populo plurimum prodesse, sed quemadmodum populus Regi maximo vsui esse possit, deliberatur. Igitur futurum esse ait, ut omni primum consilio, deinde præsidio omni destitutus, & vitam pariter, & dignitatem cum summa & æterna ignominia (quæ magnis principibus grauissima calamitas est) amittat.

*Non est obscura contritio tua, pessima est plaga tua.*

15 NAM QU E optatissimus eius casus nuntius ad omnes terræ orbis partes, quæcunq; illius tyrannide vel oppressæ, vel læsæ fuissent, perlatus, maximo plausu & publica lætitia acceptus est. *Pessima est plaga tua*, quam dissimulare tacendo, vel ferendo non possis; adeo enim gravis est, ut eius sonitus longè lateq; audiarur. sic enim in maximarum rerum casu accidit, ut illud: *Audiuimq; Medis Hesperie sonitum ruine.*

20 *Omnes qui audierunt auditionem tuam, compresserunt manum super te.*

Horat.

SENTENTIA explicata, verborum ratio habenda est. *audire auditionem*, grauissimæ rei, & magni cuiusdam casus nuntium significat, ut: Vox auditionis ecce venit, & cō- Ierem. 10. motio magna de terra Aquilonis, &c. *Compresserunt manum*. plausum qui manibus datur, oratio hæc significat, gratulationis, aut comprobationis manifestum signum, 25 ut: Omnes gentes plaudite manibus. & illud: Et plaudentes manu dixerunt: Viuat Rex. Hanc autem optatissimam diem & publica lætitia celebrandam, incredibili clamore, & maximo plausu comprobandam omnibus iis, qui ab Assyriorum rege damno, vel malo affecti fuissent. Communem igitur toti orbi fore ait, quod nulla orbis natio sit quæ illius tantæ, ac tam diuturnæ tyrannidis incommodis immunis omnino & libera perseuerauerit. hoc est quod Vates in totius orationis epilogo subiiecit.

Psal. 46.

4. Reg. 11.

*Quia super quem non transijt malitia tua semper?*

INTERROGATIONE M negatiuâ asseueratione affirmatio excipere solet. Assiduæ autē iniuriis, exactionibus, aliisque malorum generibus cunctas orbis nationes, imò cunctos etiam homines vexatos fuisse confirmat: ita adeo publicam iniuriam, publica calamitate, ex diuinæ sententiæ decreto vlcisci solere huius imperij & vrbs excisione docemur.

Ff 4.

HYMNVS.



## HYMNVS EX VOTO IN NAH.

HVM. ODEDICOLOS TE-

TRASTROPHOS.

O Me quid latebras quarere & animum  
 Vulgo nunc medius rupibus abditum  
 Obscure miseros & sine gloria  
 Percurrisse iuvat dies?

Atque animum studys heu nimium breue  
 Instantem grauib. ducere, quid pati  
 Duram pauperiem? spernere dulcium  
 Vita commoda partium?

Et cur non potius magna potentium  
 Presens facta sequar, iamq; animosior  
 Contendam gradibus scandere prospera  
 Clari muner a nominis.

Ilic diuitia, & premia maxima  
 Andendi, & celsa gloria vertice  
 Attollens solio collocat intimis  
 Productum è tenebris virum.

Fasces ut pauidum, & sceptr a minantia  
 Magnorumq; frequens turba clientium  
 Perstringat populum, cogat & annuo  
 Regem munere prosequi.

At qui nec rigida durior a sculo  
 Sensus, deliciis ut valeam frui  
 Contingit, stupidum & consilij impotens  
 Aut est ingenium mihi.

Ut spes aggrediar, coner ut optimas  
 Artes intrepidas atque vias, quibus  
 Harentem celebri culmine lauream,  
 Summumq; eripiam decus.

At nec precipuis artibus, aut opus  
 Extremo ingenio est: sapius imperant  
 Vulgares anima, & ridiculum caput  
 Sublimes apices tenet.

Sed quò te rapit hic precipitem furor  
 Omens, quas tenebras concipis impij  
 Erroris? dubio puppis in aequore  
 Amisisse viam pudet.

Heu quid perpetuis cursibus attinet

Indul-

Indulſiſſe bonis artibus, & modos  
 Et cauſas penitus noſſe, quis exitus,  
 Quæ rerum maneant vices?  
 Si fruſtra ſapimus, nullaq; pròtinus  
 Viuendi eueniunt commoda rectius,  
 Seu quis deſidia tempora conterat,  
 Doctrinaue colat vias.  
 Quòd ſi noſtra minus pectora roborant  
 Sermones hominum percipe certius  
 Diuinum eloquium, ſacraq; carminum  
 Non fallentia dogmata.  
 Vt magni quondam conſilijs Dei  
 Splendorem, & ſolij nomina regij  
 Sublatum ex humili puluere, nec ſibi  
 Credens tanta, ferat caput.  
 Hac nullis hominum parta laboribus,  
 Sed (quod ſic placuit) numinis edita  
 Nutu, non opibus, non gladiis, neque  
 Seruantur ſtrepitu graui.  
 Aſt præſens pietas, iuraq; & innocens,  
 Et recti impavidus propoſiti tenax,  
 Et vindex animus fraudis & integra  
 Virtutis ſtudio calens:  
 Et ſolers publici certaque commodi,  
 Priuataq; rei tempora negligens,  
 Cura & aſſiduus pro populo labor  
 Supremum ſtatuunt decus.  
 In qua ſæpe viri munera maximi  
 Delecti, potius paſcere in aſperis  
 Dumetis pecudum bruta bidentium  
 Orant agmina, vel boum.  
 Aſt duris alius maxima cladibus  
 Et fuſo temerè ſanguine ciuium  
 Deſtructis aliis culmina, & arduas,  
 Conſtruxiſſe parat domos.  
 Quem tetra ambitio iuncta cupidine  
 Sternentem populos, fluminis in modum  
 Quod rupto penitus proruit alueo,  
 Per fas atque nefas rapit.  
 Sic viſum Domino, qui mare temperat

Qui calum imperio, quique homines regit,  
 Voluens consilio secula prouido  
 Et iudex, bonus & pater.  
 Namq. ille & sceleris crimina publici  
 Et fraudes populi principe & improbo  
 Permissa. & nimia saepe licentia.  
 Ulcisci grauitur solet.  
 Sed vi, ac innumera cade potentiam  
 Constructam, et liquido sanguine, non sine  
 Rapina atque dolo, & spoliis putat  
 Confirmare ferum genus.  
 Ergo vel laqueis omnia callidis,  
 Aut legum innumeris flexibus ac dolo  
 Constant, innocuumq. capit sagax  
 Fraus, & despoliat pecus.  
 Aut dura aggreditur frangere cuspide.  
 Conatum positas rumpere vel plagas,  
 Vel casum gemitu ferre miserrimum,  
 Vel fugisse malum graue.  
 Non longum sceleris tempus & impia  
 Fraudis, posse tamen perpetuum sinit  
 Esse auium, subito sed ruit impios  
 Frementi Deus impetu.  
 Et iam perpetuis subdit a molibus  
 Fundamenta tremunt, cunctaq. gloria  
 Vertuntur pariter pondera cum suis  
 In magnum dominis malum.  
 Et quam ut flammivomis perderet ignibus  
 Insensos populos egerat excitans  
 Fustem persimilem conijcit in rogam,  
 Atque ardere i bet Deus.  
 Diuinis igitur muneribus nimis  
 Impar, quae iam ultro poscere sit nefas,  
 Horrescens pelagi solliciti minas  
 Hic nauem ad scopulum ligo.  
 Hic me perpetuis carminibus dabo,  
 Sermoneq. Dei letior audiam,  
 Et stratus mediter gramine florido  
 Fontis margine velsacri.

## BENEDICTI ARIÆ MONTANI

HISPALEN. ENARRATIONES IN HABBAKUVQ  
PROPHETAM, PRÆFATIO DE  
PROVIDENTIA.



NTIQUA olim ac vetus de providentia questio est, quæ multorum maximorumque virorum ingenia exercuit ac diu multumque vexavit. Neque ullum aliud argumentum homines non modo literarum & philosophiæ rudes, sed etiam doctos vehementius unquam sollicitavit, quam hoc de diuina erga homines providentia. Quoniam Deum esse diuinamque naturam

immortalem, felicissimam, omnibusque modis beatam, quæ humani ingenij captum infinito superaret excessu, et si quesitum aliquando fuerit, à nemine tam mortaliū est negatum, qui vel hominis solum nomen tueretur. Fuere quidem adeo quos tanquam prodigiosa monstra rarissimos per longissimam mundi ætatem terra edidit, quorumque linguas potius, quam mentes monstra dixerimus: quippe qui voce tantum mentiri ausi sint, idque negare quod mente fateri cogebantur. Ambitioni autem & nonitati studere voluerunt, ut nec quid cum ceteris hominibus commune sentire viderentur, sibi ipsis suisque mentibus dissentanea protulerint, Deū diuinamque naturam esse negantes. Quæ quidem illorum assertio tanquam monstrosa iam pridem suis ipsorum auctorū actionibus, orationibus, testimoniis, & viuendiratione ac fine explorata est, nedum à ceteris hominibus ab ipsaque naturareiecta. At verò præter istos alij oēs, quicumque communis sensus participes extiterunt ab ipsa prima infantia ad extremū usque vitæ tempus non modo Deū esse sentire visi sunt, sed & nutibus, vocibus, et oratione, tum rationis atque veritatis vi cogente, tum natura dictate, sunt confessi. Illa tamē questio multorum animos in varias sententias distraxit: nūc hæc quæ ab omnibus esse concederetur, diuina immortalisque natura mortales homines mortaliaque cuncta gubernaret, & rebus consuleret humanis, humanaque actiones & dicta, atque facta curaret? Atque omnes hi quidem dum cælum omni ex parte patēs atque apertum intuerentur, dum totam mundi fabricam, singulasque eius partes contemplantur, dum solis, lune, atque stellarum lucem, pulchritudinem, errores, cursus, progressionēque conspiciunt, dum terræ situm, dum montium, dum fluuiorum fontiumque naturas, dum temporū mutationes ac momenta varia, atque diuersarum quæ gignuntur & intereunt rerum vires ratione observant: non potuerunt cogitare admirabilem vniuersi molem, totque eius partes, tam totoque perpetuo ordine, tantum effectuum tum temporum cōcordia, tam diu sine ullo re-  
tore constare durareque posse, atque quamobrem consilio iudicioque diuino mundū regere credidere. Hæc igitur vniuersi constitutio atque cōstantia efficax ratio fuit ad confirmandū non solum Deū esse, sed et mundū omnesque eius partes ab ipso gubernari. Atque hoc quidem argumentum omnibus commune fuit, & iis videlicet qui naturam rationemque sunt secuti ducem, & iis etiam quibus natura informatis, diuini spiritus accessit institutio atque doctrina. Hi namque de hac res frequentissimè in hanc sententiam scripserunt, quam diuinis Vates eleganter his deducit carminibus. Calienarrant gloriam Dei, & opera manuum eius annuntiat firmamentum. Dies diei eructat verbum, & nox nocti indicat scientiam. Non sunt loquela, neque sermones, quorum non audiantur voces eorum. In omnem terram exiuit sonus eorum, & in fines orbis terræ

Plato fateretur: negat multis argumentis apud Plurarchum Eupides, Balbus apud Ciceronē Cotta Epicuro respondit, quæ Diogenes ita refellit, ut merito ab Augustino lib. de Ciuitate Dei Cicero reprehendatur, qui ut actionē liberam seruaret, ignaros Deos fecerit. Cicero de Natura Deorum ex Aristotelis sententia

Socras apud Xenophontem cōment. tert.

Eadem fere Socras apud Xenophontem

Vnde Pythagoras necessitate circumdata mundū dicebat. Et Parmenides & Democritus omnia necessitatis præfati pro fici.

Psal. 17.

verba



„ Verba eorum. In sole posuit tabernaculum suum, & ipse tanquam sponsus procedens  
 „ de thalamo suo. Exultauit ut gigas ad currendam viam: à summo calo egressio eius.  
 „ Et occurfus eius usque ad summum eius, nec est qui se abscondat à calore eius. sic Da-  
 uid, sic alij complures diuinatum rerum scriptores. nec dissimili verborum figura, sed  
 eadem omnino sententia idem argumentum illi tractauere, qui secundum naturam insti-  
 tutionem de rebus philosophati sunt.

Claudianus  
 in Rufinum.

Sape mihi dubiam traxit sententia mentem,  
 Curarent superi terras, an nullus inesset  
 Rector, & incerto fluerent mortalia casu.  
 Nam cum dispositi quassissem foedera mundi,  
 Prescriptosque maris fines, annique meatus,  
 Et lucis noctisque vices, tunc omnia rebar  
 Consilio firmata Dei, qui lege moueri  
 Sidera, qui fruges diuerso tempore nasci,  
 Qui variam Pheben alieno iusserit igne  
 Compleri, solemque suo, porrexerit vndis  
 Littora, tellurem medio librauerit axe.

Diagoras, Mi-  
 lesius. Theo-  
 dorus Grin-  
 sis.

Argumentū  
 est Diogenis  
 apud Cicero-  
 nem, cui respon-  
 det Augusti-  
 nus. lib. de Ci-  
 uitate Dei, &  
 Gregorius  
 multo lucu-  
 tentius.

Summa igitur totius argumentationis est, mundum mente prouidentiaque gubernari,  
 qui in tanta motuum, temporum atque naturarum diuersitate tanta concordia con-  
 stantiaque permaneat. Fuere tamen permulti, quibus contraria omnino recepta  
 sententia est; qui tamen si Deum esse non negarent, tamen si mundi ordinem & concor-  
 diam, & agnoscerent, & faterentur: tamen hominum res à numine vel non prouide-  
 ri, vel omnino negligi putabant. Cur autem ita iudicauerint, in causa illud est, quod in  
 humanis rebus confusa omnia perturbataque, & quadam quasi fortuna volubilitate  
 iactata spectarentur. Nam cum hominem omnium, quae à natura facta sunt, rerum pra-  
 stantissimum esse viderent, animal videlicet imprimis prouidum, sagax, acutum, mul-  
 tiplex, memor rationis & consilij plenum. cumque in eodem ipso hominū genere eos  
 maximè excellere natura, & dignitate conspicerent, qui mentis animique virtutibus  
 ceteros superare studeret, saepe autem fieri, ut qui inter homines optimi essent, infimū  
 inter ipsos locum tenerent, & omni miseriarum & calamitatum pondere premeren-  
 tur, ita videlicet, ut ab iniustis paterentur iusti, & indoctis docti contemptui essent,  
 & omnino quicunque sanctitate, iustitia, innocētia, integritate, atque omni doctrina,  
 & virtute ornatissimi essent, eosdē infima & conditione, & fortuna esse: cōtra verò  
 qui stultitia amentiaque laborarent, iniustitia, rapina, caede, atque omni scelerum &  
 flagitiorum genere flagrarent, hos in summa florentique esse fortuna, & ad summum  
 honoris gradum perducī. hos itaque beatos esse, illos miseros. Quae quidem rerum ac-  
 rationum perturbatio quosdam adducere potuit, ut diuinam naturam sine prouiden-  
 tia, ac cura esse putarent. Nam cum Deus iustissimus natura sit, si rebus humanis  
 prouideret, consequens esset cum iis pulcherrimè actum iri, qui optimè atque sapien-  
 tissimè vitam instituisent: quod longè secus plerumque fieri videbant. Vnde idem il-  
 le Poeta, quem priora argumenta, atque rationes Deum esse docebant, his posteriori-  
 bus impulsus se de hac re in dubium venisse fatetur.

Sed cum res hominum tanta caligine volui  
 Aspicerem, letosque diu florere nocentes  
 Vexarique pios: rursus labefacta cadebat,

Religio, causæque viam non sponte sequebar  
 Alterius, vacuo quæ currere semina motu  
 Affirmat, magnumque nouas per inane figuras,  
 Fortuna non arte regi, quæ numina censet  
 Ambigua, vel nulla putat, vel nescia veri.

Hac igitur una ratio humanarum rerum, quas quidem peruerso ordine geri plerumque videbant, hanc de diuina natura, diuinæque providentia questionem attulit, quæ mundi fabricam tantum intuentibus nulla credebatur futura. Atque hæc quidem res causam Epicuro dedit, quo insanas illas suas de mundo, de Deo, de rerum generatione & corruptione opiniones, atque de humani animi sereret interitu. Si quidem mundum eiusque partes casu constare, & temeraria minutissimorum corporum per inane coniunctione & separatione omnia concreescere dissoluique affirmavit.

Vnde hominum genus, & pecudes, piæque volucres. Dei verò naturam beatissimam ac perfectissimam perpetua quiete & tranquillitate uti, neque nostrarum rerum indigere, neque humanis negotiis actionibusque sua omnino miscere, & piorum atque impiorum rationibus planè neglectis, extra omnem mundi locum sepositam, securum, ut inquit Satyricus, agere eum. Quod autem idem interdum Deum esse affirmant, humanarum verò rerum negligentem statuunt; idemque ipsi contra nonnunquam Deum esse negent, nihil diuersum sibi que dissentiens dicunt. siquidem ad humane contemplationis rationem idem est Deum nullum esse affirmare, aut nostris rebus consulentem non esse. Vtraque enim assertio eandem inter mortales impietatem seminat, easdem de religione opiniones, ac pari falsitate ac malitia imbutas inserit. Igitur summa huius argumentationis hæc est: Si Deus est, iustus est, si rebus humanis providet Deus, iuste provideat necesse est, id est, si iuste providet, cum optimis optimè, cum impijs autem pessimè, ut agatur æquum bonumque est: sed deterrimè cum optimis in vita agitur, contra optimè cum improbis; non ergo iuste cum hominibus agitur. Consequens est igitur hominum res à Deo non curari, quæ si curarentur, iuste curari diuine iustitiæ atque æquitatis esset. Igitur vel Deus non est, vel (quod proximum est) humanarum rerum est negligens. Atque uniuersam hanc sententiam uno disticho complexus mihi videtur Epigrammaton poeta, cum dixit:

Marmoreo tumulo Licinus iacet, at Cato paruo, &

Pompeius: nullos credimus esse Deos.

Ergo ut ad nostri Propheta enarrationem proprius accedamus, non parum lucis ad sermonum eius sensum intelligentiamque proposita quæstio attulerit, siquidem eandem illam hic propheta per occasionem ponit quæstionem, ab eaque dicendi capit exordium. nam cum ille diuino afflatus spiritu venturam Judææ gentis calamitatem præuideret, quam Nabuchodonosor secundus attulit, dum bellum Judæis infert, & cruenta victoria usus uniuersam fere turbam captiuam in triumpho duxit; tantam barbari principis carnificiniam & crudelitatem animo cernens, ingentem adeo dolorem accipit, ut sue gentis misericordia motus, à communi de providentia quæstione exordiat. Quo quidem in argumento plurimus est. nam multis illud grauissimisque rationibus dilatat, & ad finem usque perducit, neque prius desistit, quam reddito à Deo responso animo satisfactum esse suo cognoscit. Eandem igitur illam quæstionem nos ita referemus, ut propheta sermonem secuti, responsum ad suum differamus locum. Oportunum autem aliquando erit, ut non sententiarum modo, sed & ver-

Horat. lib. 1.  
 (erm. saty. 9.

Martialis.

borum artificijque rationem reddamus. quae quidem res in optimis quibusque scripto-  
ribus spectata; in sacrorum verò librorum enarrationibus spectatissima esse debet.  
non solum enim diuinorum verborum querenda inuestigandaque ratio est, sed quo  
quidque ordine, qua figura, quo tropo, quoue schemate dicatur, arte iudicioque est ex-  
pendendum, ut diuina scripta nulla perfectionis parte vacare manifestò comperiantur.  
Igitur locorū communium apud rhetores non vulgaris est cōmendatio. Plurimum enim  
& claritatis & lucis ad propositas causas afferre probatur, & ad iudicandū de rebus  
accommodati sunt. si suo tempore adhibeantur, & ad docendos, iuandos inclinandos-  
que animos magnam, ut ait Quintilianus, vim afferunt: cuiusmodi sunt illi, quibus  
rem quamque vel factum laudamus, aut contra iustum vel iniustum docemus, aut ta-  
le quippiam aliud rebus vel factis subesse putamus. Solenne autem grauissime & or-  
natissime dicentibus esse videmus, ut, cum res postulat, singulare argumentum, hoc  
est, hypotbesin, ad communem questionem, hoc est, thesin referant: atque haec ad dia-  
lecticam rationem spectant. ad elocutionem verò illud, quod propheta ab exclamatio-  
ne initium facit: quod plerumque vsu venit ijs, qui rem aliquam grauem diutius ani-  
mo cogitantes, neque illius indignitatem ulterius ferre valentes, dolore, vel indigna-  
tione, vel misericordia, vel alia quadam affectione commoti in huiusmodi vehementes  
erumpunt voces. quod plerūque euenit, ubi de rebus ac moribus hominum agitur.  
Simili dicendi artificio, & non absimili figura Iuuenalis vsus est, qui hypocritarum  
offensus moribus eorum reprehensionem ab indignatione sic exorditur:

Saty. 2.

Ultra Sauromatas fugere hinc libet, & glaciale  
Oceanum, quoties aliquid de moribus audent  
Qui curios simulant, & bacchanalia viuunt, &c.

Horat. lib. 1.  
Saty. 1.

Sic etiam Horatius ab admiratione votorum varietatem & inconstantiam accusatu-  
rus inchoat:

Qui sit Mecenas, ut nemo, quam sibi sortem  
Seu ratio dederit, seu fors obiecerit, illa  
Contentus viuat, laudet diuersa sequentes.

Sic noster Propheta exordium ab exclamatione ducit. quae dicendi figura & attentio-  
nis plurimum parare solet in auditoribus, & ad considerandam rem, de quibus agi-  
tur, grauitatem plurimum confert.

## CAPVT PRIMVM.



**Q**UOD VIDIT HABBAKUQ PROPHETA

**T**OTVS prophetiae argumentum est, qualis sit prophetiae ratio, & quis vaticinandi  
modus, & quis sit Vates, explicans, [Onus] pro graui & luctus pleno vaticinio à diuo  
Hieronymo exponi nemo, qui illius scriptis operam dederit, ignorat. Sed nos illud ad  
explicandam huius vocis vim addemus, quodcunque calamitatem aliquam ex fama  
Dei sententia certoque consilio venturam sacri vates praeiungunt, hac voce, *onus*, uti  
solitos esse, siquidem quibus in locis Latini legunt, *onus*. Hebraei in sua lingua le-  
gunt *MASSA*, vocem scilicet à verbo *Nassa* deductam, quae apud illos praeter alia  
multa ad quae transfertur, ferre & baiulare significat. Vnde *Massa*, hoc est *onus* fe-  
rendum. Cum enim homines viuis irriteri, sceleribus operam dant, quae diuina  
lege, & recta mentis ratione prohibentur, solet Deus illos per Vates suos detertere,  
& ad

& ad sanam mentem melioremque vitam reuocare : minaturque illis mala plurima, & iustam animaduersionem, nisi à flagitiis desistant, & nisi offensionum illos poeniteat. Quæ quidem supplicia & poenas, tamdiu à se parari, & quasi in fascem colligari ostendit, quamdiu mutandæ vitæ spatium concedit. Atque huiusmodi suum consilium sæpissimè hominibus Deus aperit: plenæque sunt sacrorum librorum pagine huiusmodi admonitionibus : Nisi conuersi fueritis, gladium suum vibrauit, arcum suum tetendit, & parauit illum : & in eo parauit vasa mortis, sagittas suas ardentibus effecit. Quid aliud hæc gladij, arcus, vasorum mortis, & sagittarum coacervatio significat? nisi fascem quendam poenarum ac suppliciorum à Deo in improbos homines colligari atque parari, nisi peccare desistant, & ad meliorem redeant vitam. Quod si illi diuinis præceptis obedire ac parere voluerint, non est dubium quin ipse aptatos poenarum fascēs dissoluat; vtpote qui ad clementiam, quàm ad vindicationem multo sit promptior, quemadmodum ipse de sese pollicetur : Ecce ego, inquit, finis go contra vos malum, & cogito contra vos cogitationem : reuertatur vnusquisque à via sua mala, & dirigite vias vestras, & studia vestra : nam repente loquar aduersus regnum, & aduersus gentem, vt eradicem & destruam, & disperdam illud : Si poenitentiam egerit gens illa à malo suo, quod locutus sum aduersus eam, agam & ego poenitentiam super malo quod cogitavi, vt facerem ei. hæc Deus. At cum hominum insolentia & improbitas ad contumaciam vsque progressa fuerit, neque à vitiis & sceleribus, quibus semel adhæserunt, diuelli se vlla admonitione, vllis minis, vllæ alia suasionē patiuntur, tum verò propositas minas intentaque pericula non vana esse demonstrat Deus, deque improbis & contumacibus supplicium sumit; lata tamen prius æquo iudicij ordine sententia. Cuius quidem sententiæ præconem prophetam aliquem constituit, per quem iudiciorum suorum rationem exhibet, vt & illi, in quos sententia pronuntiatur, cum supplicium acciderit, non fortuna aut casu accidisse interpretentur, verum diuini iudicij certam infallibilemque sententiam approbent & agnoscant; alij verò, ad quos de hac re peruenerit fama, eius diuinæ seueritatis exemplo, & Deum colere & honestè discant viuere. Huiusmodi ergo sententias vaticinibus ad pronuntiandum mandatas, diuinus sermo onera appellare solet, vel, vt diuus Hieronymus vertit, assumptiones: nos verò explicationis causâ onera ferenda dicimus. Nam quæ Deus ante parauerat, atque colligauerat, iam in iustam oneris grauitatem aptata illi sustineant oportet; qui parantem Deum & prædicentem, & ad meliora inuitantem reuereri & colere noluerunt. Ferendum igitur, & inuitis sustinendum onus est, nec vlla tergiversatione abijciendum. Itaque cum onus legerimus, poenam sine pro- uocatione, & animaduersionem sine auxilio dari intelligamus. Vt enim diuina misericordia nullum habet finem erga eos, qui illam, dum ad ipsam inuitantur, exposcunt: ita diuina expectatio certos fines, certosque modos à iustitia constitutos habet: ad quos cum peruentum sit, iustè in eos animaduerti oportet, qui Dei lenitate & clementia sunt abusi. Sic enim hominum generi ante diluuium centum atque viginti annorum spatium Deus ad resipiscendum dedit. Quo peracto, ingredi (inquit ad Noë) in arcam tu & omnis domus tua; adhuc enim, & post dies septem ego pluam super terram quadraginta diebus & quadraginta noctibus: & delebo omnem substantiam, quam feci desuper facie terræ. Atque hæc de onere, [ *Quod vidit Habbakug.* ] inter vaticinationum genera, de quibus alio in loco à nobis tractatum est, planissimum atque manifestissimum, visio est: cum diuinus scilicet spiritus vatum oculos aperit, & ea quæ ventura sunt, velut in theatro quodam spectanda proponit, quemadmodum factum legimus in libro regum : Cum Heliseus propheta Deum oraret, vt discipuli oculos aperiret, manifestatione prophetica visuri exercitum magnum à Deo in auxilium ipsorum, & eius vrbs, in qua tunc Vates agebat, missum. Historiæ autem verba hæc sunt : Heu, inquit discipulus Vati, heu Domine mi, quid faciemus? at ille respondit: Noli timere, plures enim nobiscum sunt, quàm cum illis. Cumque orasset Heliseus, ait: Domine aperi oculos pueri huius vt videat. & aperuit Dominus oculos pueri, & vidit; quia ecce mons plenus æquorum & currum igneorum in circuitu Helisei. Apparet ergo videnti aut visionis voce, manifestam rerum futurarum representationem velut spectaculo quodam explicatam significari. Sed de toto hoc vaticinationum genere plura à nobis

Psal. 7.

Ierem. 17.

Genes. 7.

De onere videtur  
operapretium fue-  
rit quæ in qua-  
stionibus proxi-  
malibus dissemi-  
mus.



& exactius alias repetuntur. [Quod vidit Habbakuq propheta.] Ex nominis & officij auctoritate fidem orationi facit. Patria ac genus prophetæ illis temporibus nota fuere: nobis autem nihil horum præter nomen ex sacrorum librorum auctoritate ac testimonio compertum hæcenus est. neque diuus Hieronymus certi quicquam de hac iectura coarguit: neque certus est an liber hic ante calamitatem Iudææ gentis, quæ ex ipsa prophetiæ ratione, & ex interpretatione illarum vocum, visio atque onus, ante cladem acceptam vaticinationem hanc editam fuisse arbitramur. namque visionis & videndi vocabula in diuinis libris, cum de prophetis agitur, ad alias res, præterquam ad futurarum rerum prædictiones, accommodari nusquam cõperimus. Igitur Habbakuq de futura captiuitate vaticinatum fuisse dicimus: hoc enim præter videndi verbum propriè etiam significat illud nomen onus, quod de certæ atque latæ in scelestos sententiæ vaticinatione dici modò docuimus. Atque adeo sic exponit Chaldæus interpretes, scribit enim, *matâl nebuatha*, id est, onus prophetiæ: non de re quæ iam præcesserit, sed quæ ventura sit, sermonem haberi significans. Idem enim ex ipsius prophetæ verbis manifestum fit, cum ex Dei persona dicat: Opus ego operor in diebus vestris, quod non credetis si quis vobis narret. Quod si de præterita calamitate diceret, quæ fieri posset, vt quæ iam ipsius testes suo magno malo facti essent, non crederent? De futuris igitur sermo est, siue illa paulò post, siue post annorum aliquot spatium ventura sint. Quo autem tempore fuerit hic propheta, coniectandum nobis est. Chaldæus interpretes summæ apud Hebræos auctoritatis scriptor, in ipso enarrationis initio Habbakuq Sunamitidis feminae filium fuisse dicit, illum quem in vitam restituerat Heliseus propheta. Probatissima autem apud Hebræos temporum ratio (quem librum illi mundi seriem vocant) Habbakuq prophetiam in Manassei regis ætatem refert, ipsumque cum Iohele atque Nahhum vatibus coniungit. His consentiunt Græci atque Latini historici ferè omnes qui de Hebræorum rebus scripsere. Porro Heliseum prophetam centum ac viginti octo annis ante Manassei regnum inter viuos numerari desisse, testes sunt diuinæ imprimis literæ, & Iosephus, & Iudæorum annales. Is enim anno à mundi ortu centesimo nono supra terminum mortuus est. Ab eo anno ad Manasseum regem centum & viginti octo anni introierunt. Huius enim regni initium anno post mundi ortum terminalesimo ducentesimo trigesimo septimo fuit. Ab initio regni huius ad Solymorum expugnationem, duos supra centum inuenimus annos; expugnata enim fuit ea vrbs vndecimo Eliachimi regis anno, qui fuit mundi terminalesimus, tricentesimus, trigessimus sextus. Igitur ab Helisei vatis obitu ad eam usque cladem duodeciginta ac ducentorum spatium metimur annorum. Vnde fit, vt si Danielis tempore adhuc inter viuos numeraretur Habbakuq, trecentorum ferè annorum superaret ætatem. quam vitæ longitudinem illis temporibus rarissimam, neque ab historiis prætermittendam esse certum est. Quare omiſsa Ionathæ auctoritate ipsa re & ratione veritatem exquirere oportet. nos igitur Danielis historiam omnino recipientes (quanquam ea ab Hebræis non recipiatur; neque Hieronymi temporibus recepta prorsus erat) illum in vltima Manassei tempora reijcimus: ita vt in eo seculo fuerit, tametsi non in ipsius Manassei regis annis. nihilque inde incommodi aut absurdi fuerit. quandoquidem communescriptoribus omnibus est, vt eos, qui se annorum vicinitate coniunxerint, ad eandem referant ætatem. Itaque cum Nahhum, Iohelem, Habbakuq in diebus Manassei vaticinatos fuisse, Hebræorum annales & Eusebius, atque alij referunt, illos in eadem tempestate fuisse, hoc est, de iisdem negotiis egisse, & in eodem vixisse seculo intelligamus. in quibus certum quoddam tempus in diuinis libris non assignatur: solenne enim id plerumque est in diuinis literis, vt in ipso prophetarum initio, sub quibus regibus vixerint, aut vaticinati fuerint, dicatur. Sed de his omnibus alias à nobis proprio argumento est actum in opere, quod de temporum & regnorum ratione composuimus, atque in communibus de prophetarum ratione disputationibus. Fuit igitur Habbakuq circa mundi annū 1111. M. CC. XC. I. qui fuit CCC. LVII. ab edificato priori templo, quod tempus ad Græcorum tempora relatū secundū Olympiada vigintiā septimā,

septimam, & vt Romanorum annalium rationem etiam habeamus, circa annū ab vrbe condita octogelimum secundum vaticinatum fuisse dicimus. Sed ne temerē hunc vate in hac tempora referre videamur, locus ex libris regum, ex quo non leuem facimus de hac re coniecturam, excutiendus nobis est. Scriptum igitur est in vltimo regum libro, 4. Reg. 2. eo in capite in quo de Manassei regis criminibus agitur: Locutusque est Dominus in manu seruatorum suorum prophetarum, dicens: Quia fecit Manasses rex Iuda abominaciones istas pessimas super omnia quæ fecerant Amorrhæi ante eum; & peccare fecit etiam Iudam in immunditijs suis: propterea hæc dicit Dominus Deus Israël: Ecce ego inducam mala super Ierusalem & Iudam, vt quicumque audierit, tinniant ambæ aures eius. Quo in loco omnia ferè verba quæ prophetarum nomine recitantur, Ieremiæ Vatis esse deprehendimus, præter pauca illa, quæ de auditione, & audientium stupore inferuntur: quorum nullum apud Ieremiam est, sed eadem omnino sententia exigua figuræ varietate apud hunc Vate legitur. nam primo statim capite scribit: Aspicite ingentibus, & admiramini & obstupefcite, quia opus factum est in diebus vestris, quod nemo credet, cum narrabitur. Cum ergo per Dei vates hanc calamitatem prædictam afferat scriptura, propter Manassei temeritatem atque scelera à Iudæorum gente mutata; cumque in eadem recitatione horum duorum vatum permixta verba in eandem sententiam coniungantur, consequens est eos eadem tempestate fuisse, & ad idem vnumque seculum pertinere, eandemque agitalle causam. atque hætenus de prophetia, de vaticinandi modo, de onere, & tandem de totius operis argumento atque inscriptione.

*Vsquequo Domine clamabo, & non exaudies? vociferabor ad te vim patiens, & non saluabis? Quare ostendisti mihi iniquitatem & laborem, videre prædam & iniustitiam contra me? Quare respicis contemptores, & taces, conculcante impio iustiores se?*

CONVERTITUR in ipso exordio Vates exclamatione ad Deum facta, atque questionis causam assignat, quod ipse miserrimo spectaculo noctes diesque torqueatur acriter, eo quod iniustitiâ, vim atque furorē in humanis rebus impunè grassari videat, & quod tam diu de hac re cogitatione atque oratione cum Deo egerit, neque tamē tantis malis modū reperiat, neque quem exitum habitura hæc sint, ab ipso numine sit edoctus. [Vsquequo ergo, inquit, Domine clamabo, & non exaudies?] Exaudire Deus dicitur, cū responso oraculoue, aut quouis alio signo respondere solet rogātibus, & se non surdum esse testari. Semper enim Deus audit homines, vel antequam quicquam loquantur. namque nō effata modò, sed neque cogitata latere ipsum possunt. sed quemadmodū inter homines is non audire dicitur, qui sæpe compellatus non respondet. idque fit vel audiendi sensu turbato, vel somno aut profundis curis oppresso, vel ob spatij magnitudinem voces non percipiente, vel vehementi aliquo strepitu, vel quouis alio modo impedito. Sic scriptura eosdem dicendi & sentiendi tropos ad diuinas res accommodans, solet eiusmodi oratione vti: Vsquequo Domine obliuisceris me in finem? vsquequo auertis faciem tuā à me? & Exurge, quare obdormis Domine? exurge, ne repellas in finem. Neque tamen dedignatur Deus huiusmodi orationes animorum affectibus plenas: imò maxime moueri solet (quæ sua benignitas est) & duci ad exaudiendum, cum piorum hominum voces suauēs, & dulcem querimoniam aut exclamationem, aut indignationem, aut simile aliquem exprimentes animi affectum, audit: gaudetque se ad nos verborum sermonisque figura accommodari, vt benignitatis & bonitatis suæ immensas diuitiās explicet: nimium qui, vt hæc ostēderet, filium suum æternum nobis comparauit, nostræ naturæ omnino participem fieri volens, vt suæ nos diuinitatis participes efficeret. Antiquum est ergo apud Deum, vt cum hominibus sermones conferat, seque ad eorum loquendi, disceptandi, disceptandique rationes vltro demittat: & quæ ingrata importunaque tantæ maiestati videri alioqui possent, gratissimè ille excipiat, & libenter patiaturs quauis se ratione, quouis sermone à pijs hominibus compellari. Cui rei vel illud argumento esse possit, quod Genesis 18. cap. legimus. quo in loco Deus tam diu cum Abrahamo disceptare, arguere, rationē ponere, & de sua iustitia & misericordia disceptare patitur, dum Abraham quid iam proferat, non inuenit: & quæ ipsi Abrahamo longa, atque audax disputatio

Psalm. 71.

2. Pet. 1.

Genes. 18.

- ratio videbatur (quamobrem veniam identidem petebat, dicens: Loquar ad Dominum meum, cum ipse pulvis & cinis sim) hanc sibi gratam atque modestam esse, vel ipsa audiendi patientia, & respondendi facilitate declaravit: Nam quis sicut Dominus Deus noster qui in altis habitat, & humilia respicit in caelo & in terra? Non igitur novum est Habbaquq Vatem cum Deo de hac re expostulantem audire, quod cum tam diu vehementer clamantem non exaudiat. [*Vociferabor: ad te vim patiens, & non senuabis?*] Expolitio rhetorica est, quæ apud poetas heterosis, vel heterosis dicitur, ut illud:
- Sic omnia fatis In peius ruere, & retro sublapsa referri.*
- [*Vim patiens.*] Induit Vates piorum omnium personam & eorum qui de humanis rebus humaniter sentiunt. namque eadem hæc omnium causa est, eadem querimonia: neque quisquam pius homo est, qui iniuriam alteri illatam à se alienam putet, & idem diuinam fidem atque auxilium non imploret. Vim ergo patitur Vates, vel aliis iniuste illatam sentit, & offensionem ipse alienis excipit incommodis, & vim patitur dum hac de providentia disputatione secum ipse torquetur: neque aliis de hac re rogantibus satisfacere ipse potest, neque qua ratione sibi aliisque satisfaciatur, à Deo edocetur, quem pius hoc ipsum oravit. Hanc vim maxime se pati conqueritur, quod cum Dei cultor sit, & piis de diuina natura sententiis imbutus, multos diuinam providentiam accusantes, qua ratione pervincat, non habet: optatque sibi ab ipso numine suggeri, quod ad hanc dissoluendam quæstionem conveniat. Multis igitur nominibus se vim pati proclamat, quorum omnium origo atque principium, ex hac impiorum in bonos viros inulta licentia ducitur. [*Clamabo & vociferabor.*] multis ac supplicibus verbis, & acutissimis vocibus omniq; affectu feruentibus te orabo. sic Chaldaus: *Vsquequo Domine ego orans ero?* [*Vim patiens*, Hebraicè *חמא זז*] omne iniuriæ & contumeliæ, mali atque damni genus significat hæc vox; & breuiter quicquid in hominum & rerum publicarum perniciem committitur, & quod Deum ad orbis exitium lacessere, atque irritare natum est. nam cum Moses flagitia omnia quibus hominum genus scatebat, quo tempore aquarum inundatione consumptus orbis est, exprimere vellet, hac usus est voce, dicens: Impleta enim erat terra Hhamazz iniquitate. quod manifestam cum primis iniuriam, atque publicam in omni flagitiorum genere peccandi licentiam cum contumacia coniunctam significat. transfertur enim per metaphoram à verbo manifestationem & nuditatem signante. [*Quare ostendisti iniquitatem & laborem, videre prædam, & iniustitiam.*] Amplificatio est per expolitionem ad exaggerandam rem enumeratione criminum iniquitatis & laboris, prædæ & iniustitiæ. Quare, inquit, pateris me tam diu hoc indigno atque miserrimo rerum humanarum spectaculo cruciari atque consumi? cum nullus dies sit, in quo noua iniuriarum atque violentiæ exempla non videam: quæ tu mihi velut spectanda proponere videris, quando tu mihi vitæ producis, & tamen his rebus quæ me acriter torquent, modum statuere non videris. Quibus in verbis propheta Deum omnia cognoscere asserit, & cuncta hæc ab eo permitti: sed qua ratione quove consilio Deus hæc permittat, hoc verò ipsum agere optareque, ut sibi aperiatur: cum ipse rationem non inueniat, quamobrem tot tantæque permittantur iniuriæ. Hoc igitur est quod dicit: [*Ostendis, & videre.*] subaudiendum, ut ex Hebræo intelligimus, *Thabit*, id est videre facis me. neq. enim horum quicquid te latet. [*Iniquitatem.*] Vitium quo quisque à recta ratione diuersus agitur, iniquitas vocatur. Aven prauitas Hebraicè quicquid scilicet à recto deuiat, siue illud sit in priuatis tantum moribus, & nihil incommodi aliis afferat præter offensionem, siue iniuriosum in alios sit. estque velut genus quoddam ad ea quæ sequuntur relatum. [*Laborem.*] molestiam significat, & earum miseriarum genera omnia, quibus mortalis hæc humanæ naturæ condicio afficitur, quorumque maxima pars iustos homines & simplices ac minimè fallaces inuadit, iuxta illud: In labore hominum non sunt, & cum hominibus non flagellabuntur. [*Prædam.*] Omne rapinæ genus, omnemq; rerum alienarum iniustum usum complectitur hæc vox, siue vi, siue fraude atque dolo malo res agatur. [*Iniustitiam.*] violentiam, ut superius, exposuimus vocabulum (vim) eadem enim est dictio Hebræa. Porro omnia scelerum & iniuriarum genera, in quibus filij hominum qui nihil nisi terrenum sapiunt, versantur, quatuor his nominibus notat Vates. [*Contra me.*] Coram me palam ante meos oculos, ut nō de antiquis temporibus solum conqueri videatur, sed de suo etiā tempore, cuius ipse testis esset, & tantarū calamitatū spectator tristissimus. hoc est, quod

quod Hebraicè significatur hoc in loco, sic etià Græca interpretatur cōdicio *ἐξ ἐναντίας μου*. sic passim in diuinis libris: Et peccatum meū contra me est semper, Direxerunt oculos suos contra Sodomam, neque inauditus latinis hic loquendi modus, ut: *Stat contra, stariq.* Psalm. 57. Genes. 17. Iuuenal. satyr. 4.

*[Quare respicis contemptores & taces.]* Quod de rebus dixerat, nunc ad personas accommodat: nam scelera illa per se non existunt separata, sed ab hominibus suscipiuntur, & in ipsis qui suscipiunt, existunt. Est igitur in dialecticis locus ex abstracto ad cōcretum, ut vulgo dicitur. Quare, inquit, tu Deus respicis contemptores iuris, legum, & totius æquitatis, qui religione nulla tanguntur, sed diuina humanaq. omnia contemnunt, atq. dum sibi suisque ambitionibus, voluptatibus & libidinibus indulgent, omni incommodorum genere quemuis afficere pro nihilo ducunt. Quare ergo Domine contemptores respicis & pateris eos rerum secundarum insolentia vique adeo efferni, ut pios atque probos homines præ se contemnant, & indignissimis tractent modis? & tamen in his omnibus tu cæli & mundi rector ac iudex, cur connives, cur rases conculcante impio iustiorē se? nonne te hoc spectaculum offendit: atqui ipsa res clamat ad te: cur ergo taces? cur nō respondes clamanti? nonne cū Abel à fratre est interemptus, extincti iuuenis sanguis ad te de terra clamabat, tuamque iustitiam acutis ac vehementibus appellabat vocibus? Inde autem manifestum planumque factum est nobis, ipsa scelera te quotidie irritare, & iustorum sanguinem effusum ad te semper clamitare. quare ergo tu nō exaudis? & si non animaduersione aliqua aut pæna, vel vocibus è cælo missis improbos nocentesque ab initia inferenda deterres? *[Iustiorē se.]* Scitè additum est *iustiorē se*: quādoquidem si acta hominum exactissima diuinarum legum regula iudicentur à Deo, rarissimi quidē erunt, quibus ille integritatis ac iustitiæ testimonium dabit; si qui tamen fuerint, omnia ipsi Deo accepta referant oportet. Nam præter vnum Christum omnes in Adam peccauerunt, inquit, Apostolus, & omnes egent gratia Dei, id est, & si maximè quispiam per totā vitam integris semper virtutibus vsus sit (quod etiam sine diuina ope fieri nequit) sed tamen si maximè sit vsus, ab illo tamen Adæ peccato, ab illa labe & macula nemo præter vnum Christum natura integer exitit. quicunque verò præter eum extiterit, is non naturæ suæ, sed Dei gratiæ ac dono integritatem suam acceptam referat. Talem tamen hominem neminem hactenus fuisse legimus, sanctissimam Dei genitricem semper excipimus, cuius integritati summæ, cuius puritati, cuiusque admirandæ sanctitati tantum tribuimus, ut ipsam extra omnem humanæ condicionis aleam constituamus: & cum de sanctitate, de integritate, deque omnibus virtutum ornamentis agitur, nihil quod ad hanc virginem pertineat, in dubium aut quæstionem venire patiamur. Igitur cū scriptura dicat, omnes in Adam peccauerunt, manifestum fit, neminem communi atque naturali ordine productum hominem ab illius primi parentis labe & macula tam vacuum, atque purum exitisse vnquam, ut sese Dei gratia non egere iactare possit. Quam quidem ob rem si hominum puritas, sanctitas & iustitia acri & seuerō Dei iudicio examinentur, quidnam sperandum putemus? nunquid, inquit Iob, iustificari potest homo coram Deo, aut apparere mundus natus de muliere? Ecce luna etiam non splendet, & stellæ non sunt mundæ in conspectu eius: Quanto magis homo putredo & filius hominis vermis? Verum enimvero cū de iustitia agimus, & de iustis hominibus fit mentio, non semper vsque adeo angustis vtimur regulis, sed plerumque iustitiæ vocabulum in ea significatione vsurpamus, ut virtutum omnium vsum quendam esse dicamus, quantum humana condicio Deo opem ferente consequi contingereque possit: quæ iustitia moralis appellatur. sic veteres philosophi iustitiam definierunt, sic Christiani theologo: sic etiam eam ipsam iustitiam definiri concedent, quicunque in sacris literis fuerint versati. Neque nobis, hic sermo est de altera iustitiæ, siue iustificationis ratione, qua impij à Deo iustificantur, namque suo illa loco sese nobis tractandam explicandamque offeret, sed de iustitia loquimur humana: hoc est de quadam morum secundum virtutem compositione & societate, per quam iusti quidam dicuntur: quam eandem vel bonitatem vel probitatem appellare libet. Gradus autem huius iustitiæ sunt, & quidam quasi ascensus, vnde & qui ea præditi sunt, comparisonem inter se admittunt. neque enim quicunque iustus est, continuo æquè atque alius quispiam iustus est. Iusti quidem dicuntur qui virtutum studio tenentur, etiam si nulla veræ religionis notitia ad eos peruenierit; sed hi tamen iustitia quadam philosophica (ut ita dixerim)

Ad hanc iustitiæ rationē accessit Plato in Protagora. Roman. 3. Exponitur locus Diui Pauli.

Ita Isidorus.



iusti sunt : quorum iustitia & si ad æternam felicitatem ob fidei defectum utilis non sit, est tamen utilis ut viros bonos efficiat eos qui possidēt, bonitate, quæ à recta ratione & ab honestis moribus sic appellatur. utilis etiam est, ut qui ea præditi omnino fucdandi sunt ex philosophis & gentibus, quicunque iustam operam assiduamque studium virtutibus nauarunt. atque inter hos ipsos alij alios hac iustitiæ laude præcurtiam cum veræ sanctæque religionis notitia coniungunt: id est, quorum animi certa in-formati fide erga verum Deum omnibus virtutum ornamentis instruuntur. ad quem dicuntur. Igitur de iustitia & de iustis hæc à nobis hætenus dicta sint : quæ si ad summam redigamus, iustum natura neminem hominem præter vnum Iesum ortum esse dicimus (atque de ea iustitia loquimur, quæ omnem diuini iudicii reprehensionem fugere possit) & quicunque verè inculpateque iusti sunt, hos non natura, sed diuinæ benignitatis ope sic iustos esse : iustos præterea esse quosdam philosophica quidem iustitia, quosdam verò religiosa iustitia iustos dici. atque hæc genera inter se comparationem admittere, & in ipsis generibus gradus quosdam esse. Cum ergo de iustorum oppressione Vates queritur, non hoc agit, ut iustitiam exactissimis diuini iudicii regulis metiatur, sed ad huius iustitiæ, quæ in humanis moribus spectari potest, normam & moderationem rem totam præstabit: secundum quam Iudæorum gens Assyriorum rege ac populo multo iustior erat, utpote quem etsi non alio nomine, vel hoc ipso quod verum Deum cole-ret, cuius se familiarem populum profitebatur, longo superabat intervallo. Et quamuis Deum sibi vitis, superstitionibus & sceleribus multis infensum reddiderat Iudæorum gens, ob eamque causam iustitiæ nomen plerique exuissent; multi tamen ex illis in iustorum numero erant, quos communi cum cæteris seruitutis condicione Assyriorum rex affecturus erat. Quod vel in Hieremia Vate fit manifestum, qui, tamen & bonus & iustus esset, tamen in eodem illo bello captiuus ductus est. Hoc igitur est quod Habbakuq clamat, hoc est quod dolet, quod iusti ab iniustioribus patientur. non ille nunc simpliciter & sua vi iustitiam considerat, sed ex collatione argumentum ducit, eosque iustos appellat, qui à communi hominum iniustitia sunt alieni, aut saltem minus quàm ij à quibus patiuntur, iniusti sunt. Eandem hanc sententiam Hesiodus in operibus simili ferè verborum congerie protulit, quam nos ex tempore sic vertimus:

Hesiodus in  
oprib.

*Iustitie nulla est ratio, quicunque Deorum  
Religione calet, qui sanctè numina iurat,  
Hunc homines soliti veluti contemnere inertem:  
Sed qui sacra Deum neglexit, fasque nefasque  
Permiscet, falsa & nouit periuria lingue,  
Hic multum ante alios solet admirabilis esse,  
Fortior hic vexat meliorem sepe nocendo  
Artibus iniustis, iniusta & fraude doloque.*

35

40

*Et facies homines quasi pisces maris, & quasi reptilia non habentia ducem.*

Aelianus de  
histo. animal.

PVLCHERRIMA similitudine res hæc amplificatur. Nam & Aeliani auctoritate & vulgari experimento, inter omnia animantium genera pisces iniustissimos esse constat: solent enim alij alios deuorare. neque solum in diuersam speciem, sed in suam omnino naturam vnumquodque eorum genus sœuere solet. quod vel in publicis & priuatis piscinis deprehendimus, in quibus annua paruulorum soboles à grandioribus deuoratur. Proxima in hac ratione reptilia sunt, quæ se mutuo incessunt, lacerat & interimunt; atque à potentioribus imbecilliora perduntur. Et reptilis nomine non omnia eius generis, hoc in loco significari intelligimus, sed quædam notissima sœuitiæ, quale est Hippopotamus, animal & in aqua, & in terra degens: quod vsque adeo sœuum est, & in suum etiam genus crudele, ut apud antiquos iniustitiæ atque violentiæ symbolum extiterit. quam quidem rem in regum sceptris signabant, supernè Ciconiam, infernè verò Hippopotamum figurantes, hoc significato ut vis iustitiæ pareret. Appellatione autem reptilium hoc animal & multa alia continentur, quæ neque pisces verè sunt, neque ad terrestrium animantium

55

5 nium rationem referuntur, sed mediam quandam naturam tuentur: nunc in aquis, nunc  
 in terra degunt; unde amphibia sunt appellata. talia sunt crocodyli, angues, & marini  
 lacerti, compluraque alia ad hanc formam à natura efficta, sed & lacerti terrestres saui-  
 simi sunt, & atrocissimam inter sese crudelitatem exercent. Vniuersa porro hæc viuen-  
 10 tium genera, de quibus diximus, vindice carent & rectore. neque enim in sua natura du-  
 cem sequuntur, neque in aliena agnoscunt: nam pecudes & armenta homini parent,  
 ipsumque sequuntur, & metuunt. In ferarum genere, ut in leonibus atque aliis, sua quæ-  
 dam conseruatur societas, neque se mutuo lacerant, & si quâdo ob pastum, aut venerem  
 irritantur, non tamen usque ad necem sauiunt, & ut in quibusdam eorum experimento  
 15 obseruatum est, & pugnas dirimere, & pericula à se inuicem depellere nouerunt. In auium  
 natura quædam quasi iustitia atque societas per singulas species conseruata conspicitur.  
 nam & quibusdam parere, quosdam duces sequi reperiuntur; gregatim vagantur, voci-  
 bus inter se agunt, seque ad pastus inuitant, atque à periculis deterrent. At verò pisces du-  
 cem nullum neque publicè, neque priuatè recipiunt: nam etsi cete grãdia in mari à Deo  
 20 creata & legimus & conspiciamus, non tamen ad ceteros pisces, aut moderandos, aut re- Psalm. 102.  
 gendos efficta esse intelligimus: sed ut suæ naturæ numerum compleant, & per mare  
 liberè vagentur, quemadmodum in diuinis legimus carminibus: Hoc mare magnum &  
 spatiofum manibus, illic reptilia quorum non est numerus. Animalia pusilla cum ma-  
 25 gnis, illic naues pertransibunt. Draco iste, quem formasti ad illudendum ei (scilicet mari)  
 non ad gubernandum agendumue ceteros pisces. Est igitur argumētum ab inexpectata  
 similitudine. nam cum homo ad vitæ communitatem societatemque seruandam à na-  
 tura effictus esse videatur, consequens est, ut iustitiam colat, in qua vna cōiunctio atque  
 societas omnis continetur; alioquin similis omnino erit hominum multitudo multitu-  
 dini piscium & reptilium, quibus nullus iudex datus est, nullus vindex: apud quos nulla  
 30 est æquitatis forma aut clementiæ, sed violentia atque potentia res omnis agitur: &  
 minores maioribus in usum & escam cedunt. Est igitur hæc maxima indignitatis ampli-  
 ficatio, quando à quibus iustitia coli debuerat, ab his æquè colitur, atque ab illis, quæ  
 ad hanc ipsam colendam minimè nata sunt. Neque verò interim ignoramus, quid  
 hoc in loco nobis ab Hebraicè scientibus obiici posset. Sed nos latinis hominibus ope-  
 35 ram damus, & latina biblia potius, quàm Hebraica suscipimus enarranda, eamque maxi-  
 mè versionem sequimur, quæ ab vniuersa ferè latinorum ecclesia recepta est, quam vul-  
 gatam appellat. Romanis igitur, & Romanam societatem colentibus Christianis satisfacere  
 cupimus, & quæ illis in communi lectionum usu sunt, interpretari; ut & sacrorum  
 librorum sensum percipiant, atque ad suam accommodent vtilitatem: interdum etiam  
 40 cum Latinis Hebraica, Chaldaica, aut Græca coniungimus, quando scilicet ad interpre-  
 tationis perspicuitatem opus esse iudicauerimus. Iis verò iusto separatim opere satisfac-  
 iemus, qui altiora eruditionis fundamenta iecerint, quales ij sunt qui ad Theologiæ di-  
 sciplinam, linguarum cognitionem, & variæ eruditionis adhibent ornamenta: namque  
 & his (si Deus concesserit) magnum nos adiuuētum allaturos speramus, si, quas iam diu  
 obseruationes colligimus, aliquando edi contingat.

*Et factum est iudicium, & contradictio potentior.*

45 AMPLIFICATIO est per enumerationem specierum: nam cum semel proposue-  
 rit diuinus Vates iustos ab iniustis conculcari atque opprimi, id quod in genere dixerat,  
 per specierum enumerationem confirmat. qui locus à bonis auctoribus frequentissimè  
 occupatur, ut à Flacco:

Nemo, quam sibi fortem  
 Seu ratio dederit, seu fors obiecerit, illa  
 Contentus viuat: laudet diuersa sequentes?  
 O fortunati mercatores, grauis annis  
 Miles ait, multo iam fractus membra labore.  
 Contra mercator, nauim iactantibus austris,  
 Militia est potior, &c.

Horat. ser.  
lib. 1. sat. 1.

50 Hanc confirmandi formam multum & momenti & ornamenti probandis rebus  
 addentem noster vsurpat Vates. Porro iniuriarum multa & varia genera esse, utinam nō  
 tam experimento, quàm legum & historiarum lectione cognosceremus. multas namque,  
 vel

vel potius innumeras iniuriarum formas in hominum vita reperias, & humanarum legum (quarum immensitas penè est infinita) numerum superantes. Sed quanquam iniuriæ nullis nominibus præ multitudine possent efferri, ad quadam tamen quasi capita redigi facile possunt, iuxta rationem affectuum & perturbationum humani animi, ex quibus fontibus illæ emanant. Aut igitur per superbiam res agitur, ac feritatem quamdam animos efferantem, ut dicitur, quæ superbis & insolentibus frequens est, unde & tyrannis exoritur; aut agitur arte & calliditate: ut cum quis vi alterum opprimere vel non potest, vel ob potentiæ inopiam non audet; occasiones anfasque litigandi captat, atque alienas res acutis rationibus inuadit, & in hæreditate aut fortunis diu commoratum deturbat, aut fraudem aliquam cogitat, quo iure, quæue iniuria alterum lædat. Quod si nihil horum sit, furto occultaque nocetur rapina. Ad hæc capita omnes iniurias referri posse planum est: quæ quidem capita hic à Vate exposita, à nobis autem partim iam explicata sunt. namque de iniquitate, labore, præda & iniustitia, id est, violentia, superius diximus: de iudicio & contradictione nunc paucis dicemus. Iudicium apud sacros auctores diuersam variis in locis significationem habet, secundum varias Hebraicæ linguæ voces, pro quibus in latinis ponitur libris. nam cum Hebraicæ dictionis Rib, vim atque notationem reddit, non simpliciter iudicium significat, sed occasionem iniustæ litis ab aliquo aduersus quempiam alium captatam, ut hac ratione illi nocere possit, vel eius res, vel honorem, vel dignitatem inuadere, id quod latini propriè rixam nominant. cuiusmodi contentionem & rixam eiusque exitum pulchrè Iuuenalis describit ad finem tertiæ satyræ:

Iuuenalis.  
sat. 7.

*Misera cognosce proemia rixæ,  
Si rixa est, ubi tu pulsus ego vapulo tantum.*

Vbi cum pulcherrima conformatione totam rixandi seriem depinxit, tandem inquit:

*Dicere si tentes aliquid, tacitus sive recedas,  
Tantumdem est: feriunt pariter: vadimonium deinde  
Irati faciunt: libertas pauperis hac est.  
Pulsatus rogat, & pugnus concisus adorat,  
Ut liceat paucis cum dentibus indere uerti.*

Hoc ipsum hoc loco iudicij nomine significatur, rixa videlicet, & iniustæ ad litigandum occasionis captatio: ut tandem aliquid inueniatur, quo iure quæue iniuria noceri alteri possit. Atque ut commodius rem intelligas scito hoc nomine significari accuratam illam, & inimicitias incensam contentionem, quæ Abraham pastoribus, cum illis, qui Loti greges ducebant, de pastionibus fuerat. Eo namque loco dictionem illam Rib, tum rixam, tum iurgium latinus interpres vertit. Vnde inquit facta est rixa inter pastores gregum

Vide nostros  
in Hoseam  
commentarios.  
Genes. 13.

” Abraham & Lot, & subdit: non sit quæso, inquit Abraham, iurgium inter me & te,  
” & inter pastores meos, & pastores tuos. Alteri autem alteros de communibus pascuis depellere certabant. hæc eadem significationis vis & notatio illarum dictionum est: Iudica Domine nocentes me, id est, Domine suscipe pro me rixam, quam maleuoli aduersum me parat. & illud: Surge Domine & iudica causam tuam, id est, occasiones quas aduersus te captant ij, qui gloriæ & dignitati tuæ detrahere conantur: & complura alia quæ in hac significatione passim inveniuntur. hæc de iudicio. Contradictio autem iniuriæ genus est, cum quis temere & superbe alterum tractat, & tyrannidem in eos, qui sibi subiecti sunt, exercet; quosque vexare potest, quocunque modo vexare paratus est. Sunt enim multi ingenio contentioso, & nunquam quieto, quibus illud molestissimum videtur, si cæteris molestiam exhibere desinant, aliorum bonis inuident, sermonibus obstrepunt, dignitati detrahunt, quieti & tranquillitati insidiantur; neque aliorum rem, neque causam, neque sententiâ potiorē esse patiuntur: & (ut summam dicamus) contradictio illa in libris sacris dicitur, qua quis, ne quid alteri bene cedat, contendit. Huiusmodi ingenio præditum hominem nobis sacri libri proponunt principem quandam Araphæ filium civitatis Geth tyrannum, illum scilicet, quem senos in manibus & pedibus digitos habuisse commemorant: virumque excelsum fuisse dicunt, hoc est superbum & contradictioni studentem, qui Israël cōiitiis est cōsecratus. Vbi latinus interpres vertit vir excelsus, Hebraicum exemplar habet vir Madon: quæ vox eadem hoc in loco est, ubi contradictionem interpretatur. Idem planius atque expeditius huius propositione carminis explicabitur: Posuisti nos in contradictionem vicinis nostris, & inimici nostri subnauerunt

Psal. 79.

nauerunt nos. & in Proverbiis: Homo peruersus suscitatur lites. vbique hæc dictio *Malus*, Prou. 16. *dom* inuenitur, & ex eorum locorum collatione planè intelligitur res. Queritur ergo propheta apud Deum hac scelerum impunitate factum esse, vt omnia iniuriarum genera indies augeantur & crescant. Nisi enim mali coërceantur, non solum illi nocere solent licentius, sed ad illorum exemplum multi ad iniuriam inferendâ animos erigunt: atque inde fit vt iudicium & contradictio potentior indies fiat, & ad summum nocendi gradum, nisi coërceatur, ascendat.

*Propter hoc lacerata est lex, & non peruenit usque ad finem iudicium.*

10. NON raro in sacris libris diuinæ legis obseruantiam commendari videmus. nam cum humanarum actionum clarissimam lucem illam esse constet, cuicumque ad beatitudinem æternam animus aspirat, eidem à diuina lege, tanquam à luce totam vitam illustrante vel tantillum discedere non licet. vnde fit vt ad hoc homines assiduis suasionibus aduocentur, ne diuinam legem vlla ratione deferant, neque ab ea ad dexteram aut ad sinistram declinent, aut ab illius assidua meditatione animum auocent vnquam, iuxta illud: Et in lege eius meditabitur die ac nocte. Itaque intentos esse oportet iustos homines diuinæ legi, eiusque assiduo teneri studio, eique adhærere. Quamobrem cum de diuinæ legis obseruantia in sacris præcipitur libris, huiusmodi verba sapissime vsurpantur, tenere, contendere, alligare, non recedere, adhærere, &c. vt diuinus inquit Vates: Adhæsi testimoniis tuis Domine, noli me confundere. His verbis contrariam omnino significationem illud habet, quod in nostro Vate Habakuk legimus, siue vt Latine lacerare legatur, siue vt Hebraicè remittere. [*Propter hoc lacerata est, siue, propter hoc remissa est lex.*] Nam qui diuinæ legi intentissimè ad-  
25 hæret, ipsamque nunquam dimittere, sed manibus alligatam, & fronti appensam tenere iubentur, ij cum malorum hominum atque bonorum tam diuersas tamque iniquas sortes considerant, ita vt malorum viam felicem ac florentem, contra verò bonorum miseram & infortunatam plerumque conspiciant, & animos demittere, & virtutis viam deferere quodammodo cogi videntur, & inutilem legis obseruantiam  
30 existimare, vt ille horum ipsorum hominum personam sustinens inquit: Et dixi, Ergo sine causa iustificauit cor meum, & laui inter innocentes manus meas, & fui flagellatus tota die, & castigatio mea in matutinis. hoc igitur est quod Propheta noster indignatur, argumento ducto à consequentibus. Cum, inquit, tantum iniuriis, tantumque sceleribus licere intelligatur, fit vt homines ij, qui diuinæ legi adhæ-  
35 re, eidemque diligentissimè studere iubentur, eandem ipsam tanquam inutilem dimittant, lacerent atque disrumpant, & quod in promptu est, ad alteram licentiam & scelerate viuendi viam traducantur. nam cum semel huiusmodi opinionibus humani animi imbuuntur, vt hominum actiones à Deo non curari credant, nullum scelus non suscipiunt, nullam legem non pertruncant & negligunt, & ab inferendis om-  
40 nium generum iniuriis, humanorum suppliciorum, ac poenarum metu tantum prohibentur: quod si humanos iudices latere se sperauerint, sacra prophanis miscebunt. Quam quidem ob rem rectè præcipiunt ij, qui à ciuitatibus, quas legibus atque institutis tuentur, pharum opinionum auctores sophistas arceri iubent. non mediocrem enim, sed maximam (vt Hippodamus Pythagoras inquit) infelicitatem hominibus animis sophistarum dissertationes ingenerant, si quid ausi fuerint innouare, præter commune iudicium in diuinis humanisque rebus. quo admissio neque veritas maior, neque vita tutior honestiorue futura fit, sed maiori potius caligine atque perturbatione inuoluenda: ita vt animus religione ac metu omni vacuus ingenio petulanter exultet, & variis malignis sit modis. Tales autem opiniones huius  
45 fere generis omnes sunt, aut nullum esse numen, aut quamuis sit, non hoc tamen præditum esse affectu in genus humanum, vt ipsum inspiciat & curet, sed relinqui id & negligi ab ipso. præterea nihil post mortem hominis superesse, illæ etiam opiniones huius notæ sunt, neque minus aut erroris mentibus, aut infelicitatis vitæ hominum, aut calamitatis rebus publicis afferentes, quæ aduersus diuinam Christianamque veritatem à quibusdam quasi tempestates quadam excitatæ sunt, quibus omnes eorum  
discipuli

Psal. 1.

Iosue 22.  
Psal. 117.

Psal. 71.

August. lib.  
de prædeli-  
natione.Diogenes  
Laërtius.In lib. de re-  
publica.Euripides  
apud Plutar-  
chum de Pla-  
cis.



discipuli (qui utinam non tam multi essent) ab officio & vitæ sanctitate, ad licentiam libertatemque viuendi sunt auocati. Qui quidem huiusmodi ineptas atque impias sententias afferunt: Sola fide homines iustificari: Nullam neque operum, neque humani officij ad æternam salutem vtilitatem esse: Non esse in nobis situm non peccare, sed omnium præterquam ad male agendum faciendumque. Et quæcunque illi, pro Deo immortalis, contra commune hominum iudicium, aduersus leges, aduersus philosophiæ, Christianæ religionis dedecus proferre ausi sunt. nam quid per Deum immortalem refert, dicat ne quis Deum humana opera non curare, ut Epicuræ olim dixerent, an opera humana nihil ad æternam felicitatem omnino conferre? quemadmodum isti dicunt, nonne hoc est Epicuri sectam excitare? nonne deteriores reddere Christianos, quam Epicuri ullus vnquam discipulus extiterit? nam qui Christianam pietatem sic definit, ut nihil humani neque officij, neque arbitrij ad illam admittat, ac potius omnem, quamuis officiosam, humanam actionem damnabilem detestabilemque Deo esse contendat, is mihi videtur, non Epicuri modò esse discipulus, sed cuius se præceptorem vocari omnino Epicurum pudeat. nunquam enim ille eò insaniz processit, ut honestas actiones damnet, easque menstruiatis pannis similes assereret. Sed ut ad explicandi officium redeamus, de his nunc satis. [Propter hoc, inquit Vates, lacerata est lex.] Dolent vehementer sancti viri, quòd diuina lex ab hominibus contemnatur, ut scriptum est: Vidi præuariantes, & tabescebam, quia non custodierunt legem tuam. Sed eo grauius dolent quòd legis contemnendæ causam à Deo sibi dari impij homines prædicent, asserentes non illorum culpam esse, si minus diuinæ legi intenti sint, sed numinis, cum nullum inter bonos & malos fieri iudicium videant. Arguit igitur hoc in loco Vates à consequentibus incommodis: nimirum diuinæ legis studio flagrantis & incensi animi hæc verba sunt. [Et non peruenit usque ad finem iudicium.] Ex eorum persona loquitur, qui diuinam legem hac occasione perumpunt. Est enim illorum ratio qua se ad id faciendum adductos asserunt, quia non peruenit usque ad finem iudicium, id est, quoniam satis superque à nobis iam expectatum est, num aliquando Deus officio iudicis in humanis rebus satisfactus sit, & suum cuique ius redditurus: sed cum hæc tam diuturni desiderij expectatio non expleatur, se, inquit, aliquando hoc iudicium fore, iam desperare. [Quia non peruenit usque ad finem iudicium.] Porro hoc loco iudicij nomine eam virtutem significari dicimus, quam in omnium hominum animis, maxime autem iudicium, perpetuò sitam esse oportet: boni, scilicet, & mali cognitionem, cum constanti voluntate ius suum vnicuique tribuendū est enim apud Hebræos nomen Mispas, deductum à verbo quod iudicare significat, itaque iudicium iusti & æqui efficax studium esse definimus, quod Hispanice dicimus *Larazon*. quod ut exemplo adducto melius intelligatur, Abrahamum hanc in diuino colloquio vocem audiamus usurpantem: Abisr à te Domine ut rem hanc facias, & occidas iustum cum impio. non est hoc tuum, qui iudicas omnem terram, nequaquam facies iudicium? Hebraice interrogatione legitur, id est, qui fieri potest ut communis totius orbis iudex, & qui omnibus terrarum iudicibus exemplar ad imitandum sit, tamen hac in re iudicium non faciat? hoc est, iusti atque æqui rationem non habeant? Hispanè *el que ha de iuzgar à todos no ha la raxon?* Itaque iudicium Latine cum pro nomine Mispas Hebraico redditur, hac significatione declaratur, quæ frequentissima in sacris libris est, ut: Cognoui quia faciet Dominus iudicium in opibus, & vindictam pauperum. usque ad finem, id est, nunquam, vel in æternum, ut illud: Usquequò obliuisceris mei Domine in finem? Exurge Domine, & ne repellas in finem. & Patientia pauperum non peribit in finem. Igitur indignum est quòd hoc in multorum ore versetur, inquit Habbakuk, iudicium dignum peruen- turum esse nunquam.

*Quia impius præualet aduersus iustum, propterea egredietur iudicium peruersum.*

Hoc est totius argumentationis pondus, hæc probatio, hæc confirmatio. Sunt autem

autem verba non ex prophetæ opinione prolata, sed eorum, qui diuinum negant iudicium, diuinamque de rebus humanis cognitionem. atque iuxta sacrorum sermonum rationem ac modum enthymena est, duas tantum argumentationis partes continens, assumptionem videlicet & conclusionem. Hoc modo autem tota argumentatio concluditur: Si impij iustos impunè circumueniunt, iudicium peruersum est: sed iustos circumueniunt impij, ergo iudicium non est aduersus eos, vel si est, peruersum ac prauum est. Huius autem argumentationis tantum duas partes protulit, minorem videlicet antecedentis partem, & intentionem optarique ego eos qui sacrarum literarum studio tenentur, huiusmodi argumentationibus tractandis assuescere. plurimum enim ea exercitatio, & ad intelligendum & ad docendum confert. qua de re nos alias præcipimus. Propterea concludendi officio fungitur, vt, ergo, igitur, cuius frequens in hac significatione est vsus, præcedente particula, quia, vel quouis alio antecedentis occupante locum. vt: Propterea confitebor tibi in æternum & in seculum sæculi. Estque argumentatio hæc à posteriori: non enim iniustorum impunitas in causa est, vt iudicium diuinum non sit, sed signum & argumentum est ad probandum iudicium non esse, vt sumum non esse, signum est quod ignis non subsit: non autem causa est, vt non subsit ignis. Quare argumentum est ab euentis ad antecedentia productum, vt diximus, à Vate eorum personam sustinente, qui prouidentiam negant. Porro iudicium peruersum aut prauum fortuna, & non ratione res gubernari significat: nam quæ ratione reguntur, rectè semper reguntur: neque enim vllam prauitatis partem ad se admittere ratio potest. sed iudicium hoc in loco idem cum ratione esse dicimus. si ergo iudicium peruersum est, iudicij vim & naturam non habet, atque ex consequenti non rectè iudicium, sed iudicij prauitas quædam est, quale iudicium fortunæ vulgus hominum tribuit, non autem quale Dei esse oporteat iudicium, si Deus hominum facta iudicaret. Hactenus exordiū libri est. in quo disputatio de prouidentia, partim ex priorum hominum querela, partim ex eorum argumento, qui eandem ipsam negant in alteram contradictionis partem producta est. Præterea & quibus argumentis à Vate exornetur oratio, diximus, qui rei indignitatem à sua ipsius indignatione, à consequenti diuini cultus iactura, & legis contemptu amplificat. Iam verò locum communem ad priuatam refert causam, & hypothesim ad thesim reducit; & quam agendi hoc habuerit occasionem, iam explicat, proprioque vatis fungitur officio: nam onus prænuntiat, quod diuina visione præcognouerat: bellum videlicet calamitosum à Chaldæis cum Iudæa gente suscipiendum.

35. *Aspicite in gentibus & videte, & admiramini, & obstupescite: quia opus factum est in diebus vestris, quod nemo credet cum narrabitur.*

ATTENTIONEM captat Vates futuræ calamitatis magnitudine & mole proposita, vt metum & religionem hoc pacto auditoribus suadeat, ipsosque, quorum res agitur, à corrupta & vitiosa consuetudine, ad vitæ emendationem & correctionem hortetur. Nam quanquam pœna hæc & temporale supplicium illis ob antea factam vitam sint subeunda, minus tamen iratum sibi numen sentietur, leuioreque multo pœnæ dabuntur, si ad vitæ correctionem supplicationes assiduæ, & calamitatum deprecationes adiunctæ sint: namque scriptum est: Et vidit cum tribularentur, & audiuit orationem eorum. Et memor fuit testamenti sui, & pœnituit eum secundum multitudinem misericordiæ suæ, & dedit eos in misericordias in conspectu omnium, qui ceperant eos. Igitur calamitatis imaginem, quam ipse diuina visione perceperat, ante oculos auditorum proponit: illiusque magnitudinem multis modis amplificat, hostium genus, animos, mores, copias, artes promptitudinem, dexteritatem, velocitatem, eorumque ipsorum apparatus, & arma, & cætera explicat, quibus maior in bello crudelitas, & calamitas maior exspectatur. [*Aspicite in gentibus & considerate.*] Prius verbum ad sensum; posterius verò ad animum cogitationemque pertinet. Aspicite rem, quam Deus per me vobis in imagine spectandam exhibet, & videte, considerate, atque animo & cogitatione tantarum tamque atrocissimarum rerum, quis effectus, quisque futurus sit euentus, percipite. In gentibus. Quandoquidem malum quod Iudæis impendebat, ex gentibus profecturum erat, quas Deus ad puniendum bello populum suum excitabat, hortatur Vates gentem suam, vt ad eam calamitatem

rem, quam ipse à gentibus venturam videbat, oculos atque animum intendant. Atque etiam mortalibus omnibus hanc rem manifestam fieri cupit, vt totus terrarum orbis intelligat, quantum noceat Deum contemnere, & honestati turpitudinem anteferre. nam quas opes, quas diuitias, quasque potentias, homines ad luxum, ad voluptates, ad omnem vitiorum & iniuriarum commoditatem comparant, eisdem Deus ad eisdem rare libuit, quòd vbi cum Hebræis Latini legunt, *In gentibus*, Græci in Bibliis suis legunt, *Contemptores*. atque adeo in actibus Apostolicis eadem vox legitur, vbi Paulus in oratione illa grauissima, quam apud Hebræos de Christiana religione habuit, hunc Habakuq locum totidem ferè verbis vsurpat, vbi etiam pro vocibus illis, in gentibus, il-  
lam substituit contemptores: Sed huius varietatis rationem, vel in illius libri interpre-  
tatione, vel commodiore in loco reddemus: nunc illud annotasse satis fuerit, eandem esse nobis cum Hebræis in hoc locolectionem, & Græcum interpretem, non Hebraicum exemplat, sed illam D. Pauli varietatem fuisse secutum, quæ suo quidem loco opportuna est, & pulchrè hæret. sed quid significet illud in gentibus, explicatum à nobis est. [*Et ob-  
stipescite, & admiramini.*] Raritatem & magnitudinem rerum sensu perceptarum sequi-  
tur admiratio: admiratione in ipsis sensibus stupor cõsequitur. Cum enim quis subitam  
aliquam rem, præsertim noxium aliquid videt, quod communem modum consuetu-  
dinemque excedat, statim primo congressu in admirationem rapitur incogniti & in-  
opinati euentus. porro si admiratio vires incrementumque sumat, stupor efficitur. Est  
autem stupor, aut totius corporis, aut quorundam in ipso membrorum imperfecta quæ-  
dam resolutio, vt Galenus & Hippocrates docent. Cuius cum multæ causæ commemo-  
rentur, vna est, cum ex tristialiqua & acerba cogitatione sensus opprimitur: calor enim  
ad interiorē animi sedem penetrans, exteriora membra deserit: vnde fit, vt vel totum  
corpus, vel aliqua eius pars, suo munere officioque priuetur. Quamobrem qui huiusmo-  
di patiuntur, aut surdi fiunt, aut repente obmutescunt, aut immobiles redduntur, donec  
ea affectio commutetur, quam affectionem ex repentino admirandoque occurso profi-  
ciscentem pulcherrimè poëta describit:

*Exemplò Aenæ soluuntur frigore membra,*

*Obrigit, steteruntque comæ, & vox faucibus hæsit.*

Vt igitur Vates noster impendentis calamitatis magnitudinem significaret, vel ex ipsa cogitatione, admiratione, atque stupore quemuis attendentem opprimendum esse minatur. porro quod admirari, & stupescere iubet, atque imperatio vtitur, tropus est, & dicendi quædam figura. neq. enim eiusmodi affectiones imperari alicui possunt, quæ non volentes, sed inuitos opprimere solent: quippe cum ad sensum corporis, & ad sentiendi membra pertinent: sed tamen quicumque earum affectionum antecedente actione imperat, ipsas easdē naturæ lege cõsequētes imperare videtur. Neq. enim fieri potest, vt qui tam immane & ferox spectaculum videat, nō admiretur & stupefiat. Quamobrem eodem modo omnia verba coniunxit: [*Videte, stipescite, admiramini.*] Figura autem hæc in rhetoricis incrementum appellatur, satis ad amplificandum accommodata. vt:

*Tunc mihi constantis deiecit lumina fastus,*

*Et caput impositis præsit amor pedibus.*

[*Quia opus operor in diebus vestris.*] Propositio est, & totius narrationis caput: in qua rei magnitudo & grauitas explicatur. namq. cum in sacris libris operari legimus, grauius quid intelligere solemus, quā si simpliciter, facere, legamus: illud enim verbū facere, cõmunè  
significationē habet. operari autē certæ significationis est, quo aliquid nō solum fieri, sed etiā magna diligētia & molimine parari intelligimus. idq. in multis obseruatum est exē-  
plis, vt in illo: In operibus manuum suarū cõprehensus est peccator. & in illo: Da illis se-  
cundū opera eorū, & secundū adinventionē ipsorū retribue illis. Cum ergo hoc in loco opus & operari audiamus, magnā quandā rem, & suo in genere grauē adornari intelli-  
gimus. Est autem hoc verè artis oratoriæ proprium, vt suis verbis singula proferantur, magna magnis, exigua exiguis. Quare cum rei magnitudine, quæ hoc in loco proponi-  
tur, rectè verborum magnitudo & grauitas coniungitur: quod etiam in Hebraica lingua aptius notatur. namque in duabus vocibus, opus, operor, duobus iambris vtitur Vates:  
qui pes ad graues & acerbis res maximè est accommodatus. [*Opus operor.*] Verbis Dei lo-  
quitur Vates, cuius personam induit, vt grauiorem orationē reddat: grauius enim quid  
auditur,

Aphorismo-  
rum lib. 5.  
De causis  
symptomat.

Propert. elegiarum lib. 1.

auditur, cum ipsum Deum verba facientem inducunt, ipsumque quasi ante oculos statuant, quam cum ab eo tanquam absente accepta verba nobis reddunt. unde in graui-  
 bus & magni momenti negotiis huius figuræ frequens est vsus; quam conformationem  
 rhetores vocant. Sic Malachias: Ecce ego mitto angelum meum. Isaias: In sceleribus ve-  
 stris dimisi matrem vestram, quia veni, & non erat vir; vocavi, & non erat qui audiret.  
 graue quiddam atque vehemens huiusmodi figuræ semper sonant. Quod autem dicit,  
 [Opus ego operor,] id significat, videlicet eam calamitatem non casu aut fortuna, sed di-  
 uino consilio venturam: quandoquidem ea hominum peruersitas est, vt plerumque, ne  
 sua agnoscant malefacta, animaduersiones atque pœnas non diuinæ iustitiæ, sed fortu-  
 næ, & temporum varietati ascribant; cum tamen horum nihil, neque in casus, neque  
 in fortunæ potestate, sed in Dei voluntate & consilio sit positum: qui vrbes, regiones, &  
 regna ob incoleantium malitiam euertere solet, quemadmodum scriptum est: An est ma-  
 lum in ciuitate, quod non faciat Dominus? Ego (inquit Deus) ego sum, qui suppliciū vo-  
 bis tam graue & seuerum mole multa paro: vtpote qui non semper religionis meæ cō-  
 temptum inultū patior. [Quod nemo credet cum narrabitur.] Epiphonema est, id est magni-  
 tudinis rei cum acclamatione æstimatio, frequens & magni ponderis dicendi figura. vt  
 illud: *Horresco referens*. Atque totus hic verborum sententiarumque ornatus ad maxi-  
 mum negotium maxima cum expositione amplificandū pertinet, vt & scelerū & cul-  
 pæ, quæ huius pœnæ causa extiterint, grauitas diligentius æstimetur, & iustitiæ diuinæ  
 clementia agnoscatur. Quamobrem & eandem hanc sententiā aliis enuntiatam verbis  
 in libris regum legimus, vt intelligamus hæc ad auditorum admirationem & stuporē,  
 & ad rei magnitudinem explicandam prædici. sicut enim in loco illo, & apud Ieremiam  
 legimus: Ecce ego inducam mala super Ierusalem & Iudam, vt quicumque audierit tin-  
 niant aures eius. Porro illud verissimè à Deo enuntiatur, non credituros eos, qui  
 audierint, tum propter eorū ipsorū contumaciam, tum etiam propter ingentem rei grā-  
 uitatē: quæ cum non sit ex earū genere, quæ à confidentibus hominibus timeri solent,  
 eorū fidem excessura huiusmodi rerū prædictio videbatur. nam ex Ieremiæ Vatis hi-  
 storia intelligimus, quanta fuerit hominum de hac re incredulitas: cum suis iidem ipsi  
 sceleribus blandientes, quæ diuinus Vates verbis exagitabat miris, tamen pœnarū ter-  
 rores & minas illi omnes contemnebant, ipsumque Vatem, tanquam moleste nimis, &  
 satyricè mordentem, multis affectum contumeliis explodebant. calamitatem autē ean-  
 dem cum hoc Vates ille prædicebat.

Malac. 3.  
Isai. 50.

Amos 3.

4. Reg. 21.

Ierem. 19.

*Quia ecce ego suscitabo Chaldaeos gentem amaram & velocem, ambulantem  
 super latitudinem terræ, vt possideat tabernacula non sua.*

CHALDÆA regio est in Babylonis ditione, inter ipsam Babylonem & Arabiā de-  
 sertam, & inter Tygrim & Euphratē sita; aut secundum Ptolomēum inter Euphratem &  
 regiū fluuii. iacet autem ad orientē Iudææ terræ. In ea celebriores vrbes à Ptolomæo  
 commemorantur, Idicara, Cesa, Sorthida, Biranda, & Mardocææ regioni contermina Iel-  
 ma. De qua regione copiose Plinius, Strabo, & in libris Geographicis Volateranus scri-  
 psere: sed & multa apud Ieremiam leguntur. Frequens autē mentio Chaldaeorum est  
 apud Græcos & Latinos scriptores: atque adeo apud poëtas maximè. Sed hæc vox aliud  
 in illis plerumque significat, nempe homines magicæ artis, sacerdotes, atque astrologiæ  
 & mathesos peritos, & qui ex astris futura diuinant, siue illi ex hac regione, vbi pri-  
 mum hæc disciplina tradita memoratur, siue aliunde sint, harum tamen artium peritiā  
 teneant, de quibus Iuuenalis:

*Chaldæis sed maior erit fiducia, quicquid  
 Dixerit Astrologus, credent à fonte petitur  
 Hammonis.*

Satyr. 6.

Sed nos hoc in loco Chaldaeos intelligimus eius, quam descripsimus, regionis incolas.  
 Qui cum in Babylonis regno atque ditione essent, à Nabuchodonosore in multarum  
 gentium, atq. regnorum excisionē conducendi erant. *Suscito*, in perniciem vestram &  
 vastationem: verbum enim translatiuum est suscitare, ab his, qui vacantem aliquem  
 atque otio somnoque indulgentem ad munus aliquod obeundum excitat, & sollicitant.  
 Atque in hac significatione frequenter à sacris scriptoribus vsurpatur. vt: Suscitauit Do-  
 minus



2. Par. 27.  
Psal. 3.  
Psal. 7.

minus contra Ioram spiritum Philistinorum, & Arabum, qui confines sunt Ethiopibus. Atque illud ex hac significatione est: Multi insurgunt aduersum me. & illud: Exurge Domine in ira tua: eadem namque dictio est in Hebraico exemplari. Omnia autem hac excitationem & sollicitationem ad aliquid vehementius agendum significant, siue in malum, siue in bonum sit. Quod autem Chaldaeos nominat certa & propria nota illius describens, id ad auctoritatem & certitudinem vaticinii facit. Hoc enim interest in vanarum & fallacium praestigiarum professoribus & diuinatoribus, ceterisque his incerta atque ambigua communibus verbis atque obscuris, & ad vtrumque euentum paratis oracula edebantur, quale illud fuit:

*Aio te Aeacida Romanos vincere posse.*

At verò quae à diuino spiritu, & vero Dei consilio responsa reddebantur, ea certissimis signata notis, & propriis verbis enuntiata fuerunt, additisque gentium, regionum, atque personarum etiam, per quas res gerendae erant, nominibus, diuinam naturam vnam, veram & sapientissimam, atque humanis rebus prospicientem arguebant, & variis auctoritate fidemque conciliabant: nam si diceret, ego suscitabo gentem quandam, &c. id fortunae & temporis potestati ascribi poterat, quae (vt nonnulli putant) nihil aeternum manere permittit, omnia permutat, omnia transfert. Sed cum Chaldaeos gentem velocem, copiosam, &c. describat, id non ad fortunam, sed ad certum statutumque consilium referri debet. [Gentem amaram.] Demonstrationis & propositionis narratio est & expolitio quaedam. Auget autem vehementer calamitatis descriptionem genere hostium, animis, promptitudine, & in vniuersum facultatibus illorum expositis. solet namque in negotiis siue belli, siue pacis gerendis & voluntas & facultas spectari. haec omnia partitione proposita Vates explicat, imprimisque voluntatem exponit, dicens: [Amaram gentem.] Amaram vox est actiua interdum, interdum autem passiuæ, & à gustandi sensu ad animum commode transfertur. nam quicquid acerbitate quadam molesta vel palatum, vel animum alicuius afficit, amarum illi esse dicimus: ac rursus cuius aut sensus, aut animus huiusmodi affectione laborat, eum amarum esse dicimus, atque ita amarum os, palatum, lingua, atque animum appellamus. Priori autem significatione hoc in loco amaritudinis ratio usurpatur, vt Chaldaeos indignabundos iracundosque esse significet Deus, & ad nocendum attentos, & quibus nihil iucundius contingere possit, quam si tristitia & amaritudine quam plurimos afficiant. Atque adeo haec significatio frequens in sacris libris est, vt: Intenderunt arcum rem amaram. & apud D. Paulum: Viri diligite vxores vestras, & nolite amari esse ad illas. Eadem etiam translatione latini vtuntur scriptores, vt:

Psal. 63.  
Coloss. 3.

Iuuenal.  
Satyr. 2.

*Qui tunc leges reuocarat amaras*

*Omnibus, atque ipsis Veneri Martique timendas.*

Isai. 59.  
Prouer. 1.  
Isai. 32.

Horrendum igitur hominum genus & inuisum Chaldaei: quorum animi ad amaritudinem inferendam attenti sunt. [Et velocem.] Veloces nonnunquam scriptura appellat, quos Latini temerarios & petulantes, homines videlicet animi saeuissimi, ac praecipitis consilij, quibus ante confectum negotium est, quam consultum aut perpensum: aptissimi genus ad commiscendas & perturbandas res omnes, qui dummodo libidinem expleant suam, nihil sibi non licere putant. hos scriptura veloces vocat, idque vitium quo laborant, velocitatem appellat; Quae quidem res à corpore ad animum ita transfertur, vt suo se in loco translatio ipsa exponat. Est autem vox Hebraica *Nimhar*, quae in Latinis Bibliis nunc festinatio, nunc celeritas, interdum velocitas, nonnunquam verò stultitia redditur, vt apud Isaiam: Festinant, vt effundant sanguinem innocentem. & in Prouerbiis: Pedes eorum ad malum currunt, & festinant, vt effundant sanguinem: vbi autem nos apud Isaiam legimus, Et cor stultorum intelliget scientiam, Hebraei legunt, Et veloces corde intelligent scientiam. itaque temeritas & inconsulta actionum properatio in his omnibus significatur, Quod quidem hominum genus Hispani *Traueissos* appellant: quae vox petulantiam atque temeritatem sonat. Huiusmodi igitur ingenia à se contra Iudaeos excitata testatur Deus, gentem amaram & velocem. atque haec ad voluntatem pertinent in rhetoricis praecipis: nunc autem facultatem explicabimus. [Ambulantem in latitudinem terrae vt possideat tabernacula non sua.] Ostendit facultatem eorum à copia & multitudine: visque adeo enim magnum exercitum

exercitum ex Chaldæa regione collecturus erat Babyloniorum rex, vt non posset angustis capi locis, sed planitiem omnem occuparet. Estque argumentum à relatiuis: nam si locum amplissimum esse oportebat, qui illos caperet, copiosissimum eorum exercitum esse necesse erat. [*Ambulantem super latitudinem terræ,*] aut; vt in Hebræo est *super latitudines*. Numerum innumerabilem eorum fore significat: atque eo magis horribilem & formidolosum, quod veluti feræ suis filuis eiectæ, in alienas migrarent obuia quæque vastabundæ: nam cum Chaldæa regio angustior esset, quàm vt indigenarum multitudinem capere & alere posset, nouas illi sedes querere, & ferro atque igni parare cogitarunt. Quod in causâ erat, vt promptiores animos, ac vires firmiores eorum dux in eis experiretur, quos non solum belli cupiditas, sed necessitas ad nocendum adigeret. atque id est quod dicit: [*vt possideat tabernacula non sua.*] non solum, inquit, alienas regiones, agros ac siluas, sed vrbes atque domos, incolis aut pulsis, aut occisis occupabit, alienisq. fruetur laboribus & fortunis. nam tabernaculi nomen totâ domû cum suis ornamentis, & vniuersa supellectile significat. namque olim primos hominum in tabernaculis habitasse, ex sacris & prophanis historiis accepimus, & à Viâruuio in primo de architectura libro edocti sumus. Sed postea quam in vrbes conuenerunt, tabernaculorum vsus minus frequens esse cœpit; præterquam in campestribus Scythiis, & in Arabum gente. hi enim cum pecuariam rem exercent, pascua sequuntur, neque fixas sedes vsquam habent. sed & qui militarem degunt vitam, tabernaculis castrensibus vtuntur, ceteri verò hominum plerumque domicilia colunt. Cum ergo prima habitatio in tabernaculis fuerit, effectum est, vt pro vrbibus, pro oppidis, pro domibus, & pro quacunque habitatione tabernaculi nomen vsurparetur. quemadmodum & rates à portis pro quocunque nauigio vsurpatur, cum id genus materiæ rude atque impolitum primis nauigationis inuentoribus in vsu fuerit. Hoc est ergo quod Chaldæus exercitus curat, rusticas & vrbanas aliorum possessiones, propriis Dominis bello ac cæde deturbatis, vsurpare. *Non sua*, aliena. habet autem vim & amplificationem illa negatio, *non sua*, vehementiorem, quàm si diceret aliena, quasi dicat indigna, quæ à tam iniustis possessoribus teneantur.

Iustinus historiog.

30. *Horribilis & terribilis est, ex se ipsa iudicium & onus eius egredietur.*

AMPLIFICAT calamitatis terrorem, animum & vires describens eorum, per quos ventura erat, primumque scauitæ indicia & notas reperit: deinde vires, & in agendo celeritatem describit. *Horribilis*, inquit, est, id est, ipso etiam aspectu & veniendi impetu horrorem atque terrorem iniiciet, vt apud Hosseam dies Domini magna & horribilis dicitur: est enim vtrobique actiua significatio. Sed illud altius scauitiam illorû exaggerat, quod sequitur, [*Ex se ipsa iudicium & onus eius egredietur.*] Significat enim Chaldæam gentem superbam nimium & insolentem fore; quippe quæ nullis, neque naturæ, neque gentium legibus vtatur, nullis hominum consiliis acquiescat, neque ius aut æquitatem sequatur, sed suo tantum consilio, vel potius sua libidine & temeritate pro legibus, proque rationibus sit vsura: non alieno, inquit, iudicio, sed suo tantum stabit, neque ex naturæ ratione, neque ex æquo & bono iudicabit res, sed ex se, id est ex suo impetu suaque temeritate: quemadmodum autem iudicauerit, sic statuet atque decernet, ex se ipsa iudicabit, ex se etiam ipsa decernet, sententiamque pronuntiabit. Hoc enim *onus* significat, quod Chaldæus interpres explicat scribens *Geziratheh*, id est, sententia eius. Indicat ergo his verbis propheta Chaldæos in omni consilio, in omnibus actionibus voluntatem tantum pro ratione secuturos esse. qua re nihil neque audacius, neque ferocius esse potest, in mētibus præcipuè temerariis, & ingeniis velocibus, vt paulo superius dixerat. namque impotentissime, & ad vindictam incensæ feminæ hæc vox est:

*Sic volo, sic iubeo, sit pro ratione voluntas.*

50. Consideranda autem hoc in loco est barbarorum militum feritas & immanitas, atque effrenatus ad res gerendas furor: quibus quidem morbis vtinam Christiani milites non laborarent.

Iuuenal. Satyr. 6.

*Leniores pardis equi eius, & velociores lupis vespertinis.*

55. ARGUMENTUM est à destinatis sumptum: namque multum destinata atque instrumenta ad res gerendas conferre solent. Describit autem inter præcipua instrumenta bellica

**Prou. 21.** bellica equos superbum animal, & ad bella præcipuè aptum, quodque non modicam victoriæ partem sibi vendicare solet, iuxta illud: Equus paratur ad diem belli. Porro optimi in hoc genere sunt & nobilissimi, qui cursu præstant: nam pulchritudine excellere, ad luxum potius, quam ad vtilitatem spectat.

**Iuuenal. saty. 8.**

*Optimus hic quocunque venit de gramine, cuius  
Clara fuga ante alios, & primus in æquore pulvis.*

**Psalm. 19.**

Et, vt Fabius inquit, equi ad cursum gignuntur. quod si ad hunc vsum geniti sunt, consequens est eos optimos esse, qui maxime hoc præstiterint. Quamobrem in sacris literis equi ob velocitatem; currus verò ob fortitudinem frequentissimè nominantur. vt: Hi in curribus, & hi in equis; nos autem in nomine Domini nostri sperauimus. Prædicat igitur Vates hostilium equorum velocitatem; inter quos probatissimi sunt Aegyptij; secundi verò ob parem regionis fertilitatem, Babylonici & Parthici, quorum frequens apud veteres auctores mentio est, in sacris autem literis non rara. [*Deuiore pardu equi eius, & velociore lupis vespertinis.*] Amplificat equorum velocitatē ex comparatione. atque hæc quidem omnia ad calamitatis augmentum exponuntur, & ad hostium militarem virtutem. Porro in ferarum genere pardi velocissimi sunt, quibus maculosa pellis, & notis distincta est; & inter leonem & tygridem media quædā natura esse videtur, eadem sæuitia, eademque rapacitate pollens: sed cur potius in equorum pernecitate pardorū, quam leporum, quamq. aliorum animantium, quæ cursu præstant meminerit, in causā illud est, quod pardis, leonibus tygridi, atque aliis feris, non tam ad fugiendū, quā ad persequendū velocitas à natura cōcessa videtur. Quam rem & Vates noster notat, & Chaldæorū equis tribuit, qui sic ad cursum apti ac veloces sunt, vt ad nocendum etiā sint parati: plurimum enim in præliis & equi nocere solent, atque ij præsertim, qui ad bellicam disciplinam instructi, & frequenti pugnandi vsu exercitati sunt. Tales namque natura feroces vincendi consuetudine ferociore euadunt, & sanguine gaudent effuso, & lituis atque tubis auditis exultant libenter. Acerrimæ igitur pugnx equorum commoditate committuntur, ipsaq. animantium ferocitas nō exiguum terrorem hostium animis iniicit. cuius rei celeberrimum exemplum nostro tempore editum est, cum primum Oceani insulæ ab Hispanis viris & inuentæ, & subactæ fuerunt; vt exigua equitum turma ingētes barbarorū copias prosterneret: qui ignotæ bellæ immanitate perterriti, velocitate atque impetu stupefacti, vel in acie repente visā cedebāt: cumq. fuga salutē sibi querere nequiuissent, miserè atq. acerbissimè vel ab ipsis equis protriti & conculcati, vel ab equitibus prostrati peribant. Vt ergo Chaldæorum hostium ferocitatē ostendat Vates, rem ipsā ab equorū velocitate exaggerat, qui non veloces modò, sed ad nocendū pardis multo sint propiores: namq. & sæuitiā & cursum in eadē animalis natura cōiunxit, cū illud sequissime ferarū & pernecissimæ cōparauit. Sic & Hieremias eadē similitudine vsus truculentā hostiū rabiem describit, dicēs: Pardu vigilās super ciuitates eorum. [*Et velociore lupis vespertinis.*] Chaldæorū, inquit, equi lupis acutiores sunt: est enim lupus truculentissimū animal, & ad sæuitiā imprimis genitū, quo nullū aliud magis à pastoribus timetur: propterea quod non solū vétris & famis gratia prædas parat, sed ad sæuitiā & crudelitātē explendā totos sæpe greges, nisi prohibetur, necat, & trucidat, vt & auctores scripserunt, & armentorū ac pecudum custodes suo magno dāno didicerūt. Propterea igitur veloces eos appellat, nō tam ad currēdi celeritatē, quā ad nocēdi respiciēs dexteritatē: hoc enim velocitatis nomen in loco significat, quod Hebraicè sciētibus perspicuum est. quemadmodū & illud: Veloces pedes eorū ad effundēdū sanguinē. Porro lupus acutissimus, audacissimūq. est; utpote qui multa miliaria vna nocte conficere soleat, vt rapinas faciat: cumq. ad prædam peruentum fuerit, omnia loca circumire, omnes aditus tentare, vndiq. procurrere, omnia circumspicere, vt & sibi ab insidiis caueat, & rapiendi commoditatem percipiat. hæc igitur lutorum dexteritatem Chaldæorū equis cum excellentia atque præstantia tribuit Vates. nocturnos autem appellat lupos, quoniam hæc ferarum genera quæ cade atque rapina viuunt, noctu suas prædas facere plerumque solent; minus enim eo tempore hominum occursum & impedimēta timēt, & commodiorē ad rapinā occasionē in cætorū animantium quiete fore cognoscunt. quam rem quodq. ingeniū à natura illis tributa esse constat, vnde & vidēdi & perspicēdi vsu nocturnis, & obscurissimis etiā horis pollent, in eoq. genere lupi maxime excellūt, vnde & à Græcis *νυκτιβίοι* & *νυκτιόρες* appellantur. Quā quidē ré elegatissimè diuinus Vates in psalmo describit: Posuisti, inquit tenebras & facta est nox,

**Psalm. 102.**

est nox: in ipsa pertransibunt omnes bestiae silvarum. Bestias silvarum feras suo more appellat, & subdit: Catuli leonum rugites ut rapiant, & querant à Deo escam sibi. Ortus est sol, & congregabuntur, & in cubilibus vestris collocabuntur. nocturnos igitur lupos ob id vocat, quod eo potissimum tempore escas sibi paraturi vagentur & errent. sic etiam Ieremias: Lupus ad vespertinam vastauit eos. Omnibus autem his praeponit hostium equos, ut potius requinatura, disciplina, belligerandi usu longe velociores atque ferociiores his omnibus euaserint. Quantum verò ad dicendi rationem pertinet, amplificatio ex repetita comparatione est, ut:

*Ast ego Sardois videar tibi amarior herbis,*

*Horridior rusco, proiecta vilior alga.*

*Et diffundentur equites eius: equites namque eius de longe venient, volabunt quasi aquila festinans ad comedendum.*

MAXIMAM multitudinem equitum significat in Iudaeorum desolationem venturam. Quam rem innuit, dicens: [diffundentur,] eo quod nullus locus eos capere nulla regio alere possit, quamobrem necesse est eos diffundi, ut praedas sibi capiant. sic vertit Chaldaeus interpres: [Equites eius multiplicabuntur.] Deinde autem rei faciendae celeritatem dexteritatemque explicat, dicens: [Equites namque eius de longe venient, volabunt quasi aquila, festinans ad comedendum.] Aquilarum genus rapacissimum est, & vehementer famelicum, atque adeo perniciosum, ut saepenumero una regio non sufficiat ad duos nutriendos aquilarum pullos. Quare alterum abijcere solent radio nutriendi. Et alioqui unum par aquilarum magno ad populandum tractu ut facietur, indiget. Porro in tota auium (quas nouimus) natura nulli maior honos, neque vis maior, quam aquila est. Volatus autem & visus tanta praestantia, ut in ipsam solis lucem intendat oculos, & nubes volando transcendat. Quare David Saulem & Jonathan velociores aquilis fuisse dicit, cum illos velocissimos praedicare vellet. Vnde fit ut praedam procul prospiciat, & ad eam quam celerrime aduolet. Hanc autem totam rem per similitudinem ad Chaldaeos hostes transfert Vates, significans gentem illam, quae suis non contenta finibus aliena inuaderet loca, famis ac veteris necessitate coacta, omnia quaecunque peteret loca esse vastaturam: neque verò fore ut voto aut conatu falleretur, quippe quae non nisi in certas & exploratas regiones esset ventura, quas postquam occupauerit exinaniri & diripi necesse est, diffuso per singula milite, & crebris decursionibus omnia vastante. propterea, inquit, [diffundentur,] quia quemadmodum aquilae spacia determinant, ut praedentur, ita isti praemultitudine diffusi, regiones, vrbes, atque oppida ad praedam determinabunt, nullique suis quas sortiti fuerint, partibus parcent, quippe qui non tam mercede conducti, quam viuendi necessitate bellum suscipiant.

Plin. lib. 10.  
cap. 3.

*Omnes ad praedam venient, & facies eorum ventus urens.*

HACTENUS similitudinem: nunc verò assimilationem subiungit. Quemadmodum inquit, aquilae praedam procul prospectant, & ad eam celerrime volant, sic omnes hi ingenti praedandi studio agentur. Praeterea communem & perniciosam illorum vastationem subsolano vento comparat, qui in illis maxime regionibus usque adeo vehemens est, ut segetes, agros, vineta, siluasque exurat: quod ex multis scripturarum locis, & experimento ipso, intelligimus. hic enim ventus est quem Pharaospicas exurentem somniauit, & quo Deus ad exsiccandum rubri maris coenum est usus. Quemadmodum igitur quacunque perflat subsolanus omnia exurit: sic etiam hi obuia quaeque populabuntur. [Facies eorum.] non quod visu & facie exurant, sed quaecunque in conspectu venientium posita fuerint, ab ipsis vastabuntur. [Ventus urens.] Periphrasis subsolani venti, quem Hebraica veritas nomine suo signat & ADIM: sed Latinus interpres vim & effectum קרים potius, quam vocem transtulit, ut planior esset sensus.

*Et congregabit quasi arenam captiuitatem: & ipse de regibus triumphabit, & tyranni ridiculi eius erunt. Ipse super omnem munitionem ridebit, & comportabit aggerem, & capiet eam.*

CVM Propheta haecenus Chaldaeorum copias, illorumque animos dexteritatem,

Hli 4 & bel-



& bellicum apparatus descripsit, nunc id, quod cōsequens ad hęc erit, describit, quæ scilicet horum gesta, quæ victoriæ, quæ prædæ atque vastationes futuræ sint. quando- quidem neque magni reges, neque potentissimi principes pares futuri illis sunt, neque ad resistendum illis ullum consilium, aut vis vlla sufficiet. nullusque adeo tutus erit lo- cus natura, aut arte munitus, in quo ab istorum impetu & fortitudine cuiquam tuto esse liceat. Amplificat autem Vates rem partitione & enumeratione eorum, quæ reg- na, prouincias, & vrbes, fortissima & expugnatu difficilia efficere solent. Ea autem sunt, reges ipsi imprimis & duces, quorum consilio ac virtute res publicæ reguntur & defen- duntur. Deinde ipsa locorum munitio & commoditas, quæ interdum natura, inter- dum arte constat. [*Congregabit, inquit, sicut arenam captiuitatem.*] Nam cum populus in- numerus sit, & singuli prædas faciant, in immensum excrescet cumulum captiuorum multitudo, quàm sibi bello, gladioque parabit: petinde ac si arenam maris accumu- lare studeat, quæ facillè effodientibus cedere solet, & maior in congerendo, quàm in eruendo labor suscipitur. Quod si quis congreganti resistere aut repugnare molietur, siue sit rex, siue princeps quispiam potentissimus, frustra conabitur; quandoquidem gens illa reges omnes, omnesque principes contemnit & deridet; tantum suis viribus & multitudini fidit. [*De regibus triumphabit.*] illos despiciet & irridebit triumphantium more, qui principes hostium in triumpho ducere solebant, vt suam potentiam ostende- rent, eosque risui & ludibrio exponebant. [*& tyranni ridiculi eius erunt.*] Principes omnes tyranni olim dicebantur, donec ob dominadi insolentiam, tyrannidis nomen in odium venit. sic Virgilius: *Dextram tetigisse tyranni.* Hac significatione hoc in loco ab interprete nomen positum est. sic etiam id Chaldaus interpres explicat, scribens: *שלטוניה סילטוניה*, Soldanos, potentes. est autem figura expolitio, reges, tyranni. Porro ridendi ver- bum ad contemptum referri in scripturis solet, cum quis viribus omnino impar aduer- sus potètiorem aliquid conatur. nihil enim amplius efficere solet, quàm suas vires suos- que conatus in ludibrium & contemtionem adducere, quemadmodum contigit illis, qui aduersus Dominum & aduersus Christum eius, gigantæos quosdam furores conce- perant; quos, qui habitat in cælis, irridebat, & Dominus subfannabat eos. sic gens illa Chaldaea reges, & potentissimos prouinciarum principes irridebit & contemnet. Quod si quis, vt illorum effugiat manus, ad munitissimas confugiat vrbes; neque ibi tutus esse poterit: quandoquidem omnem munitam urbem contemnet etiam, atque iride- bit. nam si maximè in præcipiti editoque loco sita sit vrbs, vt illa gens innumera, & ad omnem occursum in sua virtute & fortuna confidens est, ingentem ex puluere cumu- lum admovebit, qui præaltum quemuis montem excellat. atque hoc modo facile sibi ad expugnandum locum parabit viam; ex puluere, inquam, minutissimo cumulabit aggerem, nedum saxis, lignis, aliisque materia: tantus est illorum numerus. In hebraicis pulueris mentio fit, vt facilitas cuiuscunque vbis oppugnandæ significetur. Porro mu- nitionis nomen vrbes & oppida significat, non tam ædificiorum & murorum fortitudi- ne, quàm situ, & natura loci munita. qualem Tyrum fuisse apud Iosue legimus, quæ hoc munitiones vocabulo insignit, dicens: Et ad ciuitatem munitissimam Tyrum. cuius si- tum & fortitudinem si quis cognoscere cupit, Quintū Curtium consulat. Antiqui enim vrbes, quas munitissimas esse volebant, in editissimis & præruptis montibus ædificabāt, vt loci naturæ fidentes tutius viuerent, & hostes minus timerent. qualem situm primæ Græciæ urbem Athenas habuisse legimus, & qualem in Ierosolymæ descriptione cele- brari videmus. Quod si Chaldaeorum exercitum nulla munitio, nulla vrbs, quamuis opere & natura firmissima, à direptione prohibere poterit, quid fiet in ijs locis, quæ minus munita sunt, & murorum tantum atque portarum propugnaculis vallata? Hoc argu- mento Vates rem in desperationem adducit, cum ostendat nulla humana ratione Chal- daeorum incursionem & impetum infringi posse.

*Tunc mutabitur spiritus, & pertransibit & corruet: Hac est fortitudo eius Dei sui.*

COMMUNE id quamplurimorum hominum vitium est, vt secundarum rerum prosperitate inflati atq. elati, sese homines esse obliuiscantur, sicut scriptum est: Homo cum in honore esset, non intellexit, comparatus est iumentis insipientibus, & similis factus

De Cræso.  
histor.

factus est illis. Atque hæc quidem hominum superbia & insolentia in causa est, ut de summo prosperitatis gradu à diuina iustitia deturbentur. Quæ quidem res si nobis omnium seculorum exemplis demonstranda esset, non video quem commentaria nostra finem essent habitura: cum nulla olim ætas, nulla hodie dies huius argumenti innumeris vacet exemplis. magna enim est humana mentis perfidia, malitia atque mobilitas: ex quo fit, ut varios habitus pro vario rerum euentu induat. Hoc vitio Vates Nabuchodonosorem laboraturum prædicit. nam cum in tantam rerum gestarum gloriam elatus esset, tantum terrarum & regnorum sibi subijci conspiceret, ut iam pro ioco duceret regum & tyrannorum fortitudinem, exercitusque, quamuis numerosos, atque vrbes omnes non solum arte, sed natura munitas contemneret: in eam insolentiam & insaniam incidit, ut se non existimaret diuinæ voluntatis ministrum, quem verus & totius mundi gubernator Deus ad vindicanda in quibusdam populis scelera statuisset. Quia in re si quid victoriæ, potentiæ, magnitudinis & gloriæ fuisset adeptus, id omne summo Dei viuientis consilio & voluntati acceptum referre oportebat. quæ tamen illi omnia Deo suo, hoc est, genio suo (qui illum ad tanta tamque præclara facinora, summamque gloriæ gradum extulerat) tribuit. hanc superbiam illius ruinæ causam Vates futuram esse prænuntiat. Tunc, inquit, mutabitur spiritus Nabuchodonosoris in arrogantiam & insolentiam, ut qui de se humane sentire debuisset, & suam felicitatem Deo viuenti tribuere, tamen rationis modum finesque pertranseat, & fortitudinem suam Deum suum esse prædicet, neque verum Deum agnoscat, cuius nutu atque consilio omnia reguntur & gubernantur. [*Hæc est fortitudo eius Dei sui.*] id est, suo genio fortitudinem & magnitudinem suam acceptam refert. In illa namque falsa gentium religione suos deos, suum genium, suamque Iunonem unusquisque habere putabatur, qui sibi priuata tutela & re consulerent. Ut Plinius his verbis docet: Cum singuli quoque ex semetipsis totidem Deos faciant, Iunones geniosque adoptandi sibi. Quam quidem ad rem diuus Augustinus respiciens, ex veterum sententia, genium vniuscuiusque animam rationalem esse dixit; ideoque singulorum singulos esse, & à gerendo quidam appellatos affirmant; quod multa gerere possent: atque primum genulos, deinde genios vocitarunt. Ideo etiam de eadem re Horatius:

Scit Genius, natale comes qui temperat astrum  
 Nature Deus humane, mortalis in vnum.  
 Quodque caput, vultu mutabilis, albus, & ater.

Horatius.  
 2. Epist.

Hic etiam ille Socratis dæmon fuisse à multis perhibetur. [*Spiritus*] autem hoc in loco pro animi motu & impulsu, quo homo ad aliquid intelligendum agendumue excitatur, accipitur: qualia multa frequentissime in sacris libris leguntur, ut: Spiritus amaritudinis, spiritus doloris atque iræ. iuxta quam rationem scriptum est: Excitauit Dominus spiritum Phul. &: Excitauit Dominus contra Ioram spiritum Palæstinorum, & Arabum. Sic etiam Nabuchodonosoris spiritum Dominus in Iudæos, aliasque gentes excitauerat: sed ille mutabit spiritum suum, ita ut non à Deo viuente, sed à se ipso suo genio, suæque fortitudine excitatum esse prædicaret. [*Pertransibit.*] rationis & sapientiæ modum atque mensuram excedet. [*Et corruet.*] in arrogantia & elationis crimen. nam verbum est Hebræis א ש א מ, quod peccare, ruere & euertere significat. Chaldaicè autem sic exponitur ח א ב, id est, peccabit, Dei viuientis gloriam, & laudem falso sibi genioque suo attribuens.

Nunquid tu à principio Domine Deus meus, sancte meus: & non moriemur?

Domine in iudicium posuisti eum, & fortem, ut corriperes, fundasti eum.

Accusat Propheta impietatis Chaldaeorum regem, & hac occasione ad Deum prouocat omnis iniquitatis vindicem & iudicem seuerum. Interim autem ipsius misericordiam captat supplexque implorat. Quare, inquit, barbarus hic hostis tantum Deo suo, virtuti & potentiæ suæ tribuit, cum tibi omnia accepta referre deberet Deo vero & omnium rerum conditori, qui à principio semper fuisti Deus, totius mundi fabricator, qui vniuersa gubernas, cui nullum est principium, nullusque finis, qui rebus omnibus princi-

principia ponis, ipsiq. Nabuchodonosori, vt in rerum natura esset, principium posuisti; deinde vt rex esset, & pereum populos rebelles punires, per te constitutum est. Sed & tu es etiam ille Deus verus, qui nos in populum tuum ab antiquis diebus sanctificasti, cuius nomen apud nos sanctissimum est. Populus tuus omnes nos sumus, tu Deus noster, sanctus noster, cui nos peculiari quodam religionis iure dedicati sumus. quæ res multis nationibus, & vniuerso iam orbi nota est, ob antiquam & veterem beneficiorum & miraculorum gloriam, quibus te nobis eximio quodam fauore consulere testatus es. neque ego, inquit Vates, tantum laboro istius metu tyranni; quandoquidem scio te, qui patres nostros electos olim ex hostibus fortissimis liberaueris, effecturum etiam, vt si maxime castigemur, tamen non pereamus. Cur enim nos moriemur, antiqua gens tua, qui te verum Deum à principio, & ante principium fatemur, cui omnium rerum impemum religiosè & verè tribuimus; & si sceleribus contaminati & polluti multis, tamen ab hac confessione nūquam alieni sumus, quod tu Deus noster es rerum omnium fabricator, atque moderator: atque nos hac saltem in re iustiores sumus, quàm impius iste princeps, qui te non agnoscit, gloriamque suam & magnitudinem sibi ipsi suæque virtuti ascribit, atque hoc solum pro Deo colit. Huius tantæ insolentiæ offensione & indignitate vehementer moueor. hæc est huius versus sententia. [*Deus meus sancte meus.*] Personam totius populi sustinet hoc in loco Vates, id est, quem nos sanctissimum colimus & adoramus, qui nos in peculiarem tutelam suscepisti, atque id variis & admirandis rationibus testatus est, atque ita in nobis sanctificatus, quemadmodum scriptum est: Dominus redemptor vester sanctus Israël, & rursus: Ego Dominus vester creans Israël, rex vester. Si ergo nos populi sumus & gens tua, hic autem princeps tantum à te in punitionis ministrum institutus; si nos in eadem confessione permanemus, ille verò desipit; neque tuum se ministrum prædicat, sed potentiam virtutemque suam iactat, iustiores quidem illo sumus; quare ergo moriemur? vt ille cogitat omnes nos non solum in exilium pellere, & Babyloniam captiuos ducere, sed acerbissimè necare & trucidare, ita vt nomen nostrum prorsus extinguat, qui tibi dicati sumus, suum autem nomen, qui te felicitatis suæ auctorem non agnoscit, quàm celeberrimum reddat. quod quidem non fiet, cum tu iudex sis integerrimus. Quod autem ad dicendi rationem pertinet, locus est ex comparatione, quam rhetores contentionem vocant, hoc modo: Si tu nobis sanctus es, & hæc sanctitas ad tui gloriam nominis pertinet: contra verò si iste ad hoc negotium abs te constitutus erat; neque tamen te sanctum iste fatetur, non decet tuam iustitiā, tuāque misericordiam, vt nos moriamur; iste verò fortuna omni prosperè fungatur. [*In iudicium posuisti eum, & fortem, vt corripere, fundastieum.*] id est, vt iudicij tui minister esset, quod in populos quosdam exercere parabas, atque ad hoc fortitudinem impartitus illi fueras; non autem in populorum perniciem, & orbis exitium, vt ipse apud se cogitat, quasi nulla ratio commissi officij esset reddenda. Verum enim verò

*Mundi sunt oculi tui, ne videas malum.*

Et maleficos impunè peccare permittas:

*Et respicere ad iniquitatem non poteris,*

Psalm. 5. „ IN OFFENSIS oculis, & semper conuiuentibus: Quoniam nō Deus volens iniquitatem tu es; neque habitabit iuxta te malignus, neque permanebunt iniusti ante oculos tuos. [*Iniquitatem.*] Idem hæc dictio significat, quod iniuria & tyrannis.

*Quare non respicis super iniquè agentes, & taces deuorante impio iustiores se?*  
*Et facies homines quasi pisces maris, & quasi reptile non habens principem.*

INDIGNATIONE & misericordiæ prouocatione querelam suam apud Deum deplorat; querelam, iniquam, quotidianā iustorum hominum, & eorum, quibus iniquitas & iniustitia displicet; quales si multi in rebus pub. essent, non tam frequens esset inferendæ iniuriæ consuetudo atque vsus: sed hic locus iam superius à nobis est explicatus. Quod autem ad artem pertinet, figura est, quæ apud rhetores commoratio dicitur, à nobis in rhetoricis nostris firmamentum est appellata. Ea est, vt describit Cicero, cum in loco firmissimo, quo tota causa continetur, manetur diutius, & eodem sæpius reditur. Tota autem causa, quam Vates in hoc libro agit, præcipuè circa diuinam prouidentiam versatur, quam disputationem ab initio suscepit, occasionem ex Iudaica, quam vaticinatur,

natur, calamitate nactus. Illud autem hoc loco animaduersione dignum arbitramur, ex duobus argumentis, quibus aduersus diuinam prouidentiam homines disputant, alterum grauius multo esse, quàm alterum: nempe prosperitatem improborum, quàm proborum calamitatē. namq. & improbitas adeo certa & aperta est, vt negari aut dissimulari non possit; imò ipsa suis partibus omnibus prodatur & indicetur. Probitas verò non adeo certa in hominibus est, vt omnem vitij suspicionē excludat: facilius enim est, quisi nam turpiter atque improbè, quàm quis purè & innocenter uiuat, iudicare & testari. Latent enim occulta in hominibus aliquando vitia, quæ Deo tamē manifesta & aperta sunt; ex quo fit, vt improbos prosperitate aliquando vsos affirmare facilius multo sit, quàm eos, qui in miseria sunt, probos apertè testari, cum in promptu sit illa sententia: Delicta, quis intelligit, occulta, &c. Fortasse enim hi qui iusti iudicantur ab hominibus, occultæ alicuius, vel præsentis, vel præteritæ culpæ poenas luunt. Atque hæc est causa, quam ob rem Vates gentis suæ, hoc est, Iudæorum probitatem, vel non allegaret, vel ex comparatione tantum leuiter indicaret, quòd hac in parte locum, quo niteretur, non haberet, illo autem altero argumento insisteret, quòd apertissimum & grauissimum esset, hoc est improborum prosperitate obijcienda. Psal. 18.

*Totum in hamo suo subleuauit, traxit illud in sagenam suam, & congregauit in rete suam. Super hoc lætabitur & exultabit, propterea immolabit sagenæ suæ, & sacrificabit reti suo: quia in ipsis incrassata est pars eius, & cibus eius electus. Propter hoc ergo expandit sagenam suam, & semper interficere gentes non cessat.*

Ex similitudine orationē in allegoriam commutauit. Est enim, vt Quintilianus ait, grata in eloquēdo nouitas & commutatio. Porro allegoria metaphora perpetua est, quæ, aliud verbis, aliud sensu ostendit, cuius frequentissimus in sacris libris vsus est, de qua nos aliàs plura & exactius; quandoquidē necessariam admodum huius figuræ cognitionem theologis esse constat. Igitur cum bonorum & malorum hominum negotium piscibus & reptilibus assimilauerit, quæ sine vindice à fortioribus deuorantur, eandem hanc similitudinem persequitur, cuius hæc sententia est: Nihil humanius Nabuchodonosor de hominum genere iudicat, quàm piscator de piscibus iudicare solet, quos omnibus artibus expiscari & captare nulla ratione sibi vitium putat, omnesque in cibum aut lucrū expositos esse credit. Quapropter omnibus piscatoriis instrumentis mare peragit, idq. tam diu sibi licere arbitratur, quàm diu pisces non deficiant; omnes enim in suum vsum creatos esse dicit, & cum proxima exhauferit loca, longinqua petit. Vide Arist. ad Theodect. Titelmānus in Præfatione in Isaiam

*Dum gula seuit  
Retibus assiduus penitus scrutante macello  
Proxima, nec patitur Tyrrenum crescere piscem.*

vt inquit Satyricus. Hoc apud se piscator statuit: quippe qui nullum vindicem metuit, qui se à captura arceat, nec vlla diuina aut humana lege, ab huiusmodi officio interdictum sibi esse nouit, sed naturæ lege vniuersa hæc animantia in ferarum genere numerata, & ex consequenti communia esse censet. quod autem de piscium & reptilium genere piscator statuit, idem apud se de hominibus Nabuchodonosorem statuissē Propheta ostendit; videlicet, nullo se numine, nullo iure, nulla lege prohiberi, quo minus hominum vita, salute, fortunisque omnibus pro sua libidine fruatur, omniaque humana in suum vsum & vtilitatem esse exposita, & tantum sibi in ea re licere, quantum ipse bello & armis sibi parauerit. neque se Dei ministrum, sed virtutis suæ satellitem iudicat. Vnde fit, vt nullum bellandi finem faciat, nullumque in bello modum habeat, sed propriæ tantum gloriæ & vtilitatis studio ardens, insolenti & superba victoria in omnes vtatur: nec tamen vno regno neque altero, neque vna aut altera natione in suam potestatem redacta, contentus sit; sed summum totius orbis expetens imperium, nullam prouinciā, nullamque gentem à suis armis tutam esse patiatur. [*sed totum in hamo subleuauit.*] Hamum per translationem arma vocat, quibus homines in bello tanquam pisces hamo capiuntur. [*Et in sagenam suam traxit illud.*] id est, maximo & fortissimo exercitu expugnauit. [*Et congregauit in rete suam.*] Expolitio rhetorica est, idem significans, sed rem magis exaggerans. Sagena enim & rete figura tantum & positura differunt, cum vtrumque lino in casses fenestrato consistit.

Vtrumque

Iuuenalis  
Satyr. 3.

Institut. li. r.  
de iustitia &  
virtute.

Sagena.



Vtrumque autem pro exercitu & copiis ponitur, quibus omnia capiebat, & vastabat barbarus imperator ille. [*Super hoc letabitur & exultabit, propterea immolabit sagem suam, & sacrificabit reti suo.*] Cum Nabuchodonosor victorias omnes & felicitatem suam à diuino consilio ad suam fortitudinem & fortunam transferret, nullum belli finem faciens, fortunam suam, sequi cogitabat, & quo pluribus prosperabatur successibus, eo sibi placebat magis, suamque virtutem & exercitum impensius laudabat, atque id solum pro numine Deoque colebat, quia victorias triumphosque omnes per suam virtutem & exercitus fortitudinem indies crescere & augeri sibi persuaserat. Sacrificabat ergo sagem & monimenta sibi apud posteros essent. [*Quia in ipsis in crassata est pars eius, & vobis eius elatus.*] Perstat in allegoria. Dignum putat, inquit, suam virtutem & fortitudinem splendidissimis gloriæ monumentis illustrare, utpote qui tantum terrarum & regnorum imperio suo adiecerit. [*Propter hoc expandit sagem suam, & semper interficere gentes non cessat.*] Hic reddit, & affectum explicat vehementiorem. Est autem totius orationis conclusio & intentio, qua Nabuchodonosor tanta felicitate indignus esse arguitur, ac si pluribus diceret. Tantine Domine Deus impietas & inhumanitas abs te fit, ut ab impiissimo tyranno & sceleratissimo ambitionis ministro totum orbem turbari permittas, neque à perendis populis prohibeas? Itane sua ille fruatur infania? qui te prosperitatis suæ auctorem non agnoscit? atque eo magis consultum sibi esse putabit, quo magis erga te impius, & erga mortale genus crudelis fuerit? Est autem argumentum ex absurdis & repugnantibus: interrogatio verò latentem habet negationem, sicut & illa: Si fuerint quinquaginta iusti in ciuitate, peribunt simul? [*Et semper interficere gentes non cessat.*] Hoc vaticinium ad historiam pertinet. nam victoriarum magnitudine elatus Nabuchodonosor, & dilatandi imperij cupidus, non vicinis solum & finitimis, sed longinquiorebus etiam bellum intulit, & totum orbem inuadere cogitauit. Constat autem illius victorias plures & maximas fuisse. nam Nechem Ægypti Pharaonem iuxta Circanum urbem vicit, & totam Syriam Pelusium usque. (Iudæa dempta) vna belli expeditione confecit, Ichoiachim regem Hierusalē tributarium fecit, eundem post hæc urbem capta occidit: postremo templum incendit, & Iudæos captiuos Babyloniam duxit. quæ omnia & in sacris libris, & Iosephi, & aliorum Hebræorum historiis leguntur. [*Expandit sagem suam.*] Hebraicum verbum significat euaginavit vel excussit. Idem enim est cum eo, quo utitur scriptura, cum filios Iacob ex Ægypto redeuntes, saccos suos excussisse, & argentum in eis inuenisse narrat. Significat autem lectio hæc Nabuchodonosorem frequenter domum prædæ onera depositum rediisse, quemadmodum piscator facit, qui vasa piscibus captis plena frequenter domi exonerat. Chaldaica autem lectio non euaginare sagem, sed mittere interpretatur. sed utraque sententia eandem rem ostendit: siue enim saepe rete exoneretur, siue explicetur saepe, piscandi frequentationem vtrumque indicat, tamen si præda certior retis exoneratione significatur.

## CAPVT SECVNDVM.

**S**UPER custodiam meam stabo, & figam gradum super munitionem: & contemplanor, ut videam quid dicatur mihi, & quid respondeam ad arguentem me.

*Spes semper sperandum.*

**D**OCE T nos hoc in loco diuinus spiritus, nulla in re desperandum esse ijs, qui vera pietate & religione Deum colunt. nam & si quis nullum calamitatum modum, nullam consolationem in miseris rebus inueniat, tamen spem abijcere atque animum destituere, exigui & pusilli ingenij indicium est. Imò etiam in maximè dubiis rebus maximè sperandum est. Commouet enim hæc spes diuinæ naturæ bonitatem & misericordiam, ita, ut non patiatur Deus eos, qui sic affecti sunt, diu vexari; sed illos ex omni solitudine & labore tempestiuè liberet. Tali quidem erga Deum pietate erat Habakuk, qui tamen de diuina prouidentia anxio & sollicito animo esset: suisque & aliorum de hac re argumentis premeretur, neque vllum quæstionis finem inuenire aut excogitare posset, cumque Deum de hac re consulisset. idque omni argumentorum & querelarum genere dilataffet, non tamè dilata satisfactione desperauit, sed tam diu persistit,

stitit, donec certum de maxima & difficillima quæstione à numine responsum referret. Tantum pia fides, tantum perpetua in proposito susceptoq. consilio cōstantia valet. Atque id est quod huius capituli initio indicatur: *Super custodiam meam stabo*. Ipsius prophete oratio est, suum consilium suumque officium se non deserturum professi. Vtitur autem translatione sumpta ab hominibus, qui in speculis collocantur, ex quibus hostium res obseruant, & fociis suis signo aliquo sublato indicant. Ad hunc autem modū Deus prophetam suum statuerat, vt venturam à Chaldæis calamitatem ptophetico spiritu præuideret, & Iudæorum genti prædiceret. Prophetarum autem munus ad hominū potius vtilitatem, quàm ad incommodum institutum est. sed quæ ipse hæcenus viderat ad malum & perniciem suæ gentis & aliarum, atq. adeo ad piorum hominum anxietatem & solitudinem pertinebant: quandoquidem non solū de bello Iudæis à Chaldæo principe inferēdo in illo vaticinio agebatur, sed diuina prouidentia in dubium & quæstionem veniebat. Hinc est quod vates dicit, se neque sibi neq. officio suo satisfacere posse, nisi ab eodē prophetico spiritu aliquid respōsi referat, quo solitudinē anxietatemque istam suo piorumque hominum animis excutiat. *Super custodiam meam*: Chaldaicum exemplar habet, *vigiliam meam*, vocabulo eandem rem quam nos exposuimus, apertius significante, quasi significet vates non se relicturum propheticam stationem, & officij cōtentionem, donec habeat quid de hac re piis hominibus respondeat. *Stabo*, non sededo, sed expectantis & vigilis munus susceptum exequar. *Et figam gradum super munitionem*. Idem aliis verbis dicit, quæ repetitio rem aliquam vel negotium vrgentibus propria est. vt apud Satyricum: *Nocte boues macri lassoque famelica collo Armenta*: alterum enim alterius expolitio est. Stare & figere gradum idem vtrumque significat & à proposito non declinandi firmitudinem indicat; sed prior à posteriori corroboratur. *Super munitionem*, Ad eandem translationem pertinet: nam vigiles & custodes in munita aliqua specula collocantur, vnde & hostium res prospectas suis indicent. Munitionem autem pro muro aut turri vel arce in diuinis scripturis multis ostenditur locis, vt apud Zachariam: *Ædificauit Tyrus munitionem suam*. Pulcherrimè autem vatum officiū hac translatione depingitur, nam & mali & boni & commodi & incommodi interpretes, futura mala prænuntiant, & quibus caueri possunt, monent; atq. futurorum etiam bonorum indices nuntiique sunt. *Et contemplanor, vt videam quid dicatur mihi, Et quid respondeam ad arguentem me*. Accommodato ad speculatores verbo vsus est; *Aszappe*, Hebraicè est aliquid intentis oculis acerrimè contemplari: qui considerandi modus proprius philosophatium est, qui rerum naturas & causas quàm maximè contemplantur, perspectasque aliis exponunt. Sic Tullius cælestia contemplari in philosophicis libris sæpe vsurpat. Intentis itaq. oculis se perspecturum dicit Vates, donec à Deo doceatur, quem sit euentum habitura proposita quæstio, indeque responsum colligat, quo arguenti respondeat. nā prophete & doctores in religione huiusmodi quæstionibus sæpe à multis consuluntur, & quandoq. grauissimis tanguntur argumentis. Quamobrè eos in sacris litteris apprimè versatos, & in omni quæ ad veram pietatē pertinet quæstione, quā maximè ad respondendum pròptos esse: hoc enim & ad diuinū cultum & religionē & ad hominum vtilitatem plurimum præstat, quare & scriptum est: *Labia sacerdotis custodient scientiam, & legem ex ore eius requirent*. Qua etiam de re egregiū illud D. Pauli præceptum extat. Et quia ab infantia sacras litteras nosti, quæ te possunt instruere ad salutem perferendam, quæ est in Christo Iesu: Omnis enim scriptura diuinitus inspirata, vtilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei ad omne opus bonū instructus. In hoc consilio noster Vates perstabat, cū hæc diceret: in quo perstare decet eos omnes, qui pium populum erudiendum munere & officio susceperunt. quibus ad omnem propositam quæstionem quid respōdeant, in sacris scripturis paratum est. Quod si difficilis aded aliqua quæstio occurrat, cuius ratio & responso eorum mentem, & in legendo diligentiam fugiat, protinus ad Dei sapientiam & liberalitatē est recurrendum, qui omnibus dat abundanter, plusquam petimus aut optamus. neque vnquam aliquis ad eum pia & supplice oratione recurrit, quin multo quàm antea de diuinis mysteriis doctior redeat. Quam quidem ad rem huius vatis exemplo monemur. *Quid respondeat mihi*, Hebraicè legitur *in me*, quæ lectio prophetiū responsum indicat. Illustrat namque diuinus spiritus vatum mentes, & intra ipsorum animos diuinæ sapientiæ documenta infert. quæ docendi forma potērior multo est, quàm

Custodia.

Prophetas hominum vitiis causa creatos

nāz

2. Timoth. 3.

ca quæ per aurium aut oculorum officium inducitur.

*Et respondebit mihi Dominus & dixit.*

IN nonnullis codicibus legimus *respondebit*, in aliis verò *respondit*, idem tamen in omnibus sensus est: nam sententia præteritum tempus dicit, etiam si vox futurum sonet, ferè enim illud in Hebraicis perpetuum est, ut futurum tempus cum cōiunctione *vau* (quæ idem cum nostra, & significat) ad præteritum referatur, & rursus præteritum cum eadem coniunctione iunctum, futuri habeat significationem. ex quo fit, ut coniunctio illa *vau*, ab illius linguæ grammaticis conuersiva siue permutatrix appelletur. Hoc autem præceptum cum alij multi, tum D. Hieronymus frequenter obseruauit. Latinus verò interpret, non semper eundem retinet modum: plerumque enim latinam secutus grammaticâ tempus non tempori, sed significationi reddit: & ubi in sensu præteritum esse debet, præteritum reponit: pari rursus ratione futurum. Interdum verò eodem, quo apud Hebræos est, tempore interpretatur, nullo tamen sententiæ dispendio, modo hoc, quod ostendimus, de hac coniunctione præceptum diligenter teneatur. sed de grammatica ratione satis. Quod autem ad theologicum spectat sensum, considerandum diligenter est, quàm præsto Deus sit consilio & auxilio iis, qui eius misericordiam implorant. Iacta, inquit, diuinus Vates super Dominum curam tuam, & ipse te enutriet: non dabit diu fluctuationem iusto. & iterum, Accedite, inquit, ad eum & illuminamini, & facies vestrae non confundentur. Non passus est hoc in loco Deus Vatem suum Habbakuq diuturna animi cogitatione vexari, neq. illius vultum apud eos, qui ipsum de hac re interrogaret, hesitatione rubere. Sed apertissimo atq. certissimo responso, & vatem suum sollicitudine liberauit, & ceteros quos hæc vexat quæstio, manifestam docuit veritatem.

*Scribe visum & explana eum super tabulas: ut percurrat qui legerit eum. quia adhuc visus procul, & apparebit in finem & non mentietur. Si moram fecerit exspecta illum, quia veniens veniet, & non tardabit.*

IVBET Deus prophetam suum sollicitudinē hanc deponere, atq. docere homines quid in hac quæstione de impiorum prosperitate sit expectandum, iubetq. ut responsum de hac re scriptura persequatur, & in publicas tabulas inferat; quo diuinum de hac re consilium & iudicium notissimum omnibus, & quàm testatissimum sit, nec cuiquam amplius de diuina eiga homines providentia, scrupulum aut dubitationē hæc scelestissimorum hominum prosperitas iniiciat. *Scribe visum.* maximā certitudinem significat, cum non solum auditu, sed prophetico visu id Vates cognouerit, quod mox cæteris hominibus indicaturus sit. Scribere autem iubetur, ut maximè testatū sit consiliū, atq. à pluribus percipiatur, & monumentis in omniū seculorum posteritatē conseruetur. namq. ea est scripturæ commoditas & usus, ut apud absentes & futuros homines rerum gestarum narrationem, eadē qua acceperit fide, iisdem omnino verbis exponat. quod autē tabulis & non libro aut volumine scriptum esse vult, id facit, ut suum de hac re consiliū in medio positum, & manifestum omnibus sit. nam libri & volumina volui & signari solent, & non omnibus edi, & intra scripta contineri; quippe cum ad hanc rem facile accommodentur: tabulae in publico proposito loco, & qui legentium oculos non fugiat, ad hoc maximè proponuntur, ut cognoscendi potestas populo sit, atq. semper exposita repetendaq. lectione omnium (quorum id cognoscere intererit, quod in ipsis scriptum est) negligentiam & ignorance accuset. Tabulas verò multitudinis numero propterea nominat, quod pluribus hoc consilium iudiciumq. suum Deus notum atq. manifestū fieri velit, cum plures tabulae idē argumentum omnino continentes non ad hoc scribantur, ut in vno loco omnes, sed singulae singulis suspendantur locis. *Et explana eum.* Quamuis soli Vati visum hoc datū à Deo sit, neq. omnes ad prophetica visionem sint apti, nullum tamē expositionis illius non participem fieri vult Deus: ideoq. iubet explanari visum, eo potissimum modo, quo maxime legentibus possit esse notum & manifestum. nullis igitur anigmatibus, nullis allegoriis, nullis dicendi figuris; sed noto, quotidiano vulgariq. sermone (quem admodum & Vates facit) id tractari iubet; neq. solā dictionis rationē perspicuā manifestaq. esse vult Deus, sed ipsas characterū atq. literarū figuras pregrandes lectuq. facillimas depingi, atq. id est, quod dicit: *ut percurrat qui legerit eum*, id est, ut sine vlla cūctatione à quouis & intelligatur, ut diuinum de hac re consiliū apud hominum animos, quàm maximè testatum sit, & ab omnibus iustum Dei iudicium futurū expectetur. nā fieri non potest ut tēpore idoneo & oportuno loco non veniat, quicquid Deus veterum prædixerit. non enim Deus mentitur fallere

fallere vnquā potest; nec est quicquam quod illius impediāt cōsiliū & voluntatē: Quare & quod ille v̄turum dixerit, siue in hominū vtilitatē, siue in eorundē incōmoditatem & supplicium prædicatur, id suo tempore veniat necesse est: dum tamen eadem vel beneficij vel supplicij inferendi ratio maneat. Solet quidem ille sæpe malum aliquod minari, quod tamen aliqua differtur mora, dum resipiscēdi tempus iis conceditur, quibus minæ illæ & pericula intenduntur, sicut scriptum est: Non tardat Deus promissionem suam (sicut quidam existimant) sed patienter agit nolens aliquos perire, sed omnes ad pœnitentiam reuerti. Solet idem beneficiorum suorum promissiones differre, vt diuturna piorum exspectatione magis desideratæ, tandem non sine scœnore & temporis v-  
 10 sura cumulationes accedant. Verū enim uerò tamen si diuina supplicia non in ipsa peccandi occasione de impiis sceleratisque hominibus sumantur, tamen si inducias nonnūquam faciant; tamē diuina beneficia commodā iuuandi occasionem nunquā amittunt, scriptū enim est: Et factus est Dominus refugium pauperi, adiutor in oportunitatibus, in tribulatione. Quod autem in ipsa semper benefaciendi oportunitate præsto sit, malorū  
 15 verò pœnis repetendis sæpe sit cunctatus, illud in causa est, quoniā Deus noster multus est ad ignoscendū, longanimus & misericors, & præstabilis super malitia. At verò cū vel breuissima temporis mora ab hominibus longissima, ob animæ naturæ imbecillitatem iudicetur, sit vt de futuris rebus interdum stultē desperetur, non attēdentibus videlicet neq. intelligētibus, vt inquit Petrus, quod vnus dies apud Deum sicut mille anni, & mil  
 20 le anni sicut dies vnus. Quam quidem ob rem de hoc nos negotio ipsius Dei verbis per vatem admonemur, inquit enim: *Quia adhuc visus procul, & apparebit in finem & non mēti- tur.* id est, tamen si aliquantū visionis differatur euētus, idoneo tamē tēpore apparebit & demonstrabitur, siue vt chaldaica habet, *constabit in finem.* id est, tandē. Nam vt inferius ostendemus, post septuaginta annos ab excidio Ierosolymitano hoc vaticinium impletū  
 25 est, & non erit vanum quodcunq. per vatem suum Deus prædixit. *Si morā fecerit exspecta illum, quia veniens veniet & non tardabit.* Hæc ex his, quæ superius diximus, explicata sunt. Est autem expolitio elegantissimē repetita, quæ piorū hominū tolerantia exigit & impatientiæ imbecillitatem redarguit. *Veniens veniet & non tardabit.* Repetitio est in sacris libris ad asseuerationem frequentissima: idem namq. significat, ac si dicatur, certissimē veniet.  
 30 Castigās castigauit me Dominus & morti nō tradidit me. id est, castigauit me quidē. neque inaudita figura est apud alios auctores, vt apud Lucianum: videns equidem vidi, sed tamen res ipsa monstro similis est. *& non tardabit.* Neque enim paucorum annorum longa esse potest mora. namq. quod futurum est, citō venire solet: quandoquidem velocissimē tempus currit, & res omnes, quæ futuræ sunt, secum affert. & mille anni ante oculos Dei tanquam dies hesternæ quæ præterit, & custodia in nocte, quæ pro nihilo habentur. Igitur quodcunq. ille promiserit, quodcunq. prædixerit, factum puta.

*Ecce qui incredulus est, non erit recta anima eius in semetipso: Iustus autem in fide sua viuet.*

40 OSTENDIT quam vtilitatem afferat hoc oraculum, si clarissima scriptura exponatur. Duo, inquit, sunt hominum genera; vnum piorum; alterum verò impiorum: Qui impij sunt non faciliē diuinis verbis credunt, sed ad id quod præsens est tantū respicientes, de futuris rebus omnino desperant; neq. vllam rerum mutationem timēt: tantū ad ea, quæ instant, sibi providere student, non credentes futurum vt Deus ali-  
 45 quando sui iudicij, suæque de rebus humanis curæ præbeat argumentum. Quod si per vatum respōsa futurum Dei iudicium, & rerum mutationem v̄turam esse admoneantur, neque responsis credere, neque vllis admonitionibus obedire volunt, sed ob præsentem fortunam animum demittunt, atque negant futurum esse, vt Deus futuro in tempore iudicet, quod in præsentī iudicare nolit. Hi igitur animo ad hunc modum fracto  
 50 atque demisso, cū de futuris desperent rebus, ad id, quod instat, quodque præsens est, sese accommodāt, & si quam adhuc pietatis portionem conseruabant, abiiciunt omnino, & dū modo præsentī felicitate fruuntur, vel minus saltē miserē vitā vtantur, omnem pietatis iacturā contēnunt. namq. hæc cōmunis & vulgata sententia est tyrannis omnibus, atq. iis, qui rapina, cæde, iniuria, atq. omni flagitiorū genere flagrant: qui dū à male-  
 55 faciēdo diuini iudicij proposita mentione deterrētur, respōdere solent, se talibus creditoribus multū delectari, qui quod illis ereptum est, tā longo tempore retineri patiantur,



& ad diem vsq. iudicij repetendū differāt. At verò qui verè pij sunt, toti à diuinis libris, cōsiliis & respōsis pendent, cumq. Deū de humanis rebus iudicaturū se, & diē tandem impiis dicturū audierint, fidem diuinis verbis adhibent, animū reuocāt, atq. erigunt, & futurorū bonorū spē præsētia mala solantur & perferunt, tantū illis firmitatis, tantum roboris pietas, & diuinis verbis tributa fides addit, vt qui deficere & desperare possent si ad præsētes tantū atq. instantes res animū attenderent, ad diuina respicientes oracula, eximiā futurorum bonorum spē concipiant, & summa virtute contra omnem miseriam atq. omnem aduersum euentum firmentur. Hæc igitur proximorū verluum sententia est: *Eccē qui incredulus est, non erit recta anima eius in semetipso.* id est, cū fides fundamentū sit omniū virtutū, quicunq. fide non nititur, procliuē est, vt labatur, & quouis fortunę momēto huc illuc impellatur. Quā ob rē infelicissimus eiusmodi hominū finis est, quorū vita nullo fidei fundamēto nititur. Nō igitur erit recta anima ipsius, hoc est, rectā vitę viā nunquā sequetur, sed incertā atq. estuolam. Animā pro vita hic accipimus Hebraicā proprietatē fecuti: est enim in eā lingua *Nephēs*, quod verbū eā animę vim significat, quā viuimus, sentimus & mouemur; quā etiā significatione illud dicitur. Et factus est Adā in animā viuētē. & illud: Qui amat animā suā, perdet illā; & qui perdit animā suā, inueniet eā. Hæc igitur incredulorū conditio est. Contrā verò iustorū diuersa omnino est conditio, non humilis, non abiecta, sed diua atq. excelsa; quippe qui cum diuinis verbis fidem habeant, huicq. fidei firmissimē nitantur, honestissimū vitæ cursum constantissimē tenent, illud sciētes, quod diuinū verbū in aternū permanet: quare futurum esse, vt quod Deus prædixerit, sine vlla mutatione eueniat. Igitur ad diuini verbi rationē vitam instituit, moresq. cōponunt, & quicquid miseriarū, quicquid ærumnarū ipsorū vitā inuasērit, fide perferunt, & promissæ in melius mutationis spē superant. Atq. hoc est quod dicit: *Iustus autē in sua fide viuet.* Quomāmodū, inquit, ob fidei defectum incredulorū vita misera & incōstans est, ita rursus iustorū vita ob firmissimum fidei fundamentum constans & inēx pugnabilis efficitur; quam nulla violentia, nullus fortunæ impetus deprimat. *In fide sua viuet*, constans erit. Porro totus hic locus ad hunc modū in Chaldaicis biblis legitur. *Eccē impij dicunt in corde suo, non erunt hæc omnia (quæ Deus prædixi iuberet.) Sed iusti in veritate eius, videlicet Dei firmabantur.* Atque hic est huius lectionis genuinus, & ad verba accommodatus sensus. Quam ob rem Christianum ego ac verè pium lectorem admonéo, atq. etiam obsecro, vt attendat quā miserē quidam in hoc loco labantur, qui hac prophetæ auctoritate errorem aliquem defendere cogitant, illum, inquam, errorē, quo hominē sola fide iustificari affirmant. nam si iustus, inquit, ex fide viuit, fides vitæ iusti est: sed vitæ iusti est iustitia, fides ergo iustitia est, atque ex consequenti fides iustificat. Sed ineptā hanc & sophisticam argumentandi rationē ostendemus: quæ non solum eos in forma & ratiocinationis figura, sed in singulis partibus fallit. Quid huic prophetice sententiæ cum iustificatione hominū? Vates loquitur de virtute ac tolerātia, quam fides diuinis verbis habita priorū hominū animis addit ad ærūnas omnes, omnesq. calamitates perferendas, ad omnē miseriarū impetū infringendum sicut scriptū est: *Sati per fidē vicerunt regna, operati sunt iustitiā, obtinuerunt ora leonum, extinxerunt impetum ignis, &c.* De hac re hoc in loco Vates agit, non de iustificatione impij. Facillimum videre est, quā parū sequax sit sensus, si superiora, quæ ad verbū explicata sunt, cum ista quorundam interpretatione cohærere cogantur. Nōne ipsa clamat fides vt nulla fides isti interpretationi habeatur? Igitur locus hic de iustificatione nunc non est. Vates dicit iustum fide niti, vt vitæ honestæ constantiam non deserat: illi dicunt, fide sola viuitur, neq. alia vitæ honestare opus est, num hæc cohærent? num non omnino diffident? Deinde verò quā mendosē illud colligatur aduertendum est, iustus in fide sua viuet, ergo vitæ iusti est fides. arguitur namq. à destinatis ad causā formalem, quæ nunquam se mutuo sequuntur: neque refert vtrum interpretemur ex fide, an in fide, quādo idē vtrinq. sensus eruitur. In Hebraico exemplari instrumētalis orationis pars inuenitur *Be cemunatho*, id est, in fide sua, atq. idem est ex fide sua, vt apud Nasōnē: *viuitur ex rapto*. Igitur nulla est reciproca consequentia à destinatis ad ipsam formam: neq. enim rectē sic colligitur, viuitur ex rapto, ergo, rapina est vitæ hominum. Illud rectē sequitur. Viuitur ex rapto, ergo (iuxta corruptam hominum opinionem) rapina ad viuendum necessaria existimatur: ita & pariter sequitur, Iustus ex fide, siue in fide, viuit ergo fides est necessaria ad vitam iusti. Hoc verò nos concedimus & recipimus. *nam sine*

Gen. 1.  
Matth. 10.  
vbi

Heb. 12.

Arist. 2. Top.

Arist. 2. Post.

sine fide impossibile est placere Deo, & aded huic consequentiæ assentimur, vt necessariam esse dicamus fidem ad iustè viuendum: fundamentum enim veræ religionis est fides. Quoniam accedentem ad Deum primum credere oportet quodd est, & quodd requirentibus se remunerator est. nam cum quispiã Deũ esse remuneratorem credit, libenter pietatis & iustitiæ operibus vacat, atq. in illis constantissimè versatur, credens fidelem esse eum qui promissit. Itaq. fidem necessariam esse ad iustè sancteq. viuendum cõcedimus: ipsam verò fidem esse vitã iusti, hoc negamus. Iustitia enim diuina spiritus sancti gratia est, quam Deus iis, qui credunt, quiq. legi eius obtemperant, & mandata eius nimis custodiunt, largitur: Duas itaque partes necessarias ad iustè sancteq. viuendum, fidem & pietatis culturam (quæ in Christianis præstandis officiis versatur) statuimus. ipsam autem iusti vitam negamus cum alterutra harum partium in cõsequentiã cõueriti. quodd si qui diuinæ scripturæ & bonarũ artium ignorance decepti eiusmodi cõsequentiã admittunt, in promptu est, vt illas etiam admittant, quas ex Horatianis versibus coniungere libet.

Si forte in medio positorum abstemius herbis  
 Vinis & vrtica: sic viues, protinus vt te  
 Confestim diues fortuna riuus inauret.

Hor. epist.  
 lib. 1.

Sic arguentor: Si Iccius Horatianus herbis & vrtica vivebat, ergo vrtica & herbæ erant Iccij vita: quodd quã doctè concedatur, iidem ipsi viderint. Itaque primum in argumentatione istorũ illud asserimus, hanc auctoritatẽ ab illis incommodè adduci & in alium sensum atq. eam vates protulit, & D. Paulus citauit. deinde consequentiã rationem infirmam esse affirmamus, negamusq. enthymematis consequentiã. Iustus ex fide viuit, ergo fides est vita iusti: non enim ablatius casus cum recto conuertitur, & fallacia in constructione constat. vnde istis totum illud Epicherema corrui, quo asserunt fidẽ esse iustitiã, & ex consequenti fidem esse, quæ sola formaliter (vt disputationũ verbis vtat) iustificet. Præterea aliam in ratiocinatione istorũ fallaciã latere deprehendimus. nam cũ hoc loco vitã nõ simpliciter, & ex ipsius verbi vi accipiatur, sed pro cõstantia & firmitudine ex quadã proportionẽ siue analogia vsurpetur, isti in argumentatione simpliciter accipiunt: quæ quidẽ in redargutionũ ratione prima deceptio est. hæc nunc breuiter aduersus istos, vt discant, quã ratione, quò studio, quã diligentia in sacris verbis interpretandis vtendum sit. Dabit autẽ Deus vt diffusius & exactius de his omnibus cum illis agamus. Si quo modo ad æmulandũ prouocẽ fratres meos, qui à cælestis patris luce & doctrina in miserimas tenebras a nõ bonis ducibus decepti prolapsi sunt. Dolenda enim est tanta Christianorum hominum iactura. Iam verò Vatem nostrum audiamus.

Et quomodo Vinum potantem decipit, sic erit superbus, & non decorabitur.

Vt planior & expeditior huius loci ratio nobis fiat, ad historias recurrendum est, ad quas locus hic refertur. Legimus igitur in Danielis historia Nabuchodonosorem Babyloniorũ tyrannum qui cum Deo opt. Max. de virtute, fortitudine & sapientia contendat, qui omnium rerum à se gestarum vni sibi suoq. genio decus & laudem tribuebat, hunc, inquam, multis modis à Deo redargutum fuisse legimus: atque stultitiæ suæ conuictum coactumq. vero atque immortalī Deo laudem concedere. namque primum accidit, vt cũ somniũ somniasset, quo vehementer exterritus fuerat, cuius tamen postquam euigilauit omnino oblitus est, Chaldaeos omnes, & vniuersos imperij sui sapientes ad se conuocatos, & somnium & somnij interpretationẽ interrogaret, neque tamen illi quicquam de ea re à quoquam responderetur, ita vt tyrannica ira percitus de perdendis cunctis per Assyriam sapientibus cogitaret: denique inuentus est vnus Daniel ex Hebræorum gente, qui diuino edoctus spiritu regi ea in re cumulatè satisfecit, omnemq. mutandarum rerum & regnorum seriem exposuit. qua re cognita atq. perspecta Hebræorum Deum solum sapientissimum & Deorum maximum est confessus. Iterum, verò eadem confessione est vsus, postquam tres pueros, hoc est, tres præstantissimos viros & sui administratores regni, quos comburi iusserat, viuentes illasq. in mediis flammis conspexit. Idem autem, tertio confiteri est coactus, cũ secundi somnij interpretationem, & ex Daniele audiuit, & suo ipsius periculo quã verissimam esse cognouit, nam & regno exutus humanum ingenium in ferinũ mutauit, & cũ belluis per duodecim menses eodem cum illis victu vsus, errauit. Postquam autem sibi regnoq. suo redditus est, seipsum impietatis & stultitiæ accusauit, & maximo Hebræorũ Deo virtutem

tem omnē, sapientiā, potestatem, omnē denique laudem concessit. hæc omnia in seipso Nabubuchodonosor expertus est: atq. ita stultitię suę poenas dedit. hæc omnia in seipso cessione in regno priuatus est, vt cœptum in se tyrānidis supplicium in posteritate sua persolueret. nam quanquam neq. ipse, neq. filius eius regno expoliati fuerint, in Balthasare factus. namq. is Balthasar ob imitatā aui tyrannidem & ob sacrorum vasorum prophanationem, quæ ex Hierosolymitano templo à Nabuchodonosore ipsius aui ablata fuerant, & vita & regno priuatus eadem illa nocte fuit, qua mysticæ scripturæ in muro chodonosoris familia, & Assyrii imperij gloria defecere. Occisus enim est à quodā ex regis custodibus, eiusq. caput Dario (qui regnū occupauit) est ablatū, vt Saadias Hebræus scriptor affirmat. quo tēpore Iudei liberē in patriā redire publico edicto permissi sunt. fuit verò Balthasar nepos Nabuchodonosoris ex Amilino Euilmerodacho eius filio. Ecce igitur quem finē habuerit huius tyranni superbia, arrogātia & crudelitas. Ecce diuini iudicii manifestationē. ecce impiorū hominū exitum, & rerū à Deo factā mutationem. nam quas Deus aduersus impios atq. iniustos homines iras concipit, non statim ostendit (non enim irascitur per singulos dies) sed exspectatione & patientia homines ad meliora aduocat: quā diuinā patientiā impiissimus quisq. negligentia interpretatur. Quare & cumulatiores scelerū atq. iniustitiæ thesauros reponit in diem iræ & reuelationis iusti iudicii Dei, qui tandē unicuiq. pro factorum suorū ratione, vel præmia, vel supplicia tribuit. Illi autē rerū prosperitate & successu obcecati, imminētē Dei ultionē non vident, nec, si maximē per vates & diuini verbi ministros moneantur, credere volunt, sed vt noster Vates docet, *Et quomodo vinum potantem decipit, sic erit vir superbus, & non decorabitur.*

Psal. 3.  
Rom. 1.

*Qui dilatatit quasi infernas animā suam, & ipse quasi mors, & nō adimpletur.*

PVLCHERRIMA similitudine humanæ felicitatis initia, progressus & euentum describit. nā quemadmodū in ciborū & potuum generibus nihil est quod æquē hominē fallat & lædat ac vinum; sic etiā in humanis rebus & negotiis nihil est, quod homines ipsos maiori dementia afficiat, quā secundarum rerū successus. Etenim vinum ea laborat infamia, quod quanto suauius fuerit, tanto magis inutile ac nocens sit. Quam ob rem maximē à Lacedæmoniiis illud Gorgonis Cleomenis regis filię dictū celebratur, quā cū pater aliquando iussisset, vt cuidam mercedis nomine frumentum daret, & elogiū addidisset dicens: Docuit enim me vinū suauius reddere. Ergo, inquit, o pater & vini plus bibetur, & qui biberint molliores deterioresq. reddentur. Porro quantū vini vis iis præcipuē noceat, qui intemperantius ipso vtuntur, testis est nobis qui primus eius reise cit periculū Noe, & omnis antiqua scriptorū memoria & quotidiani spectaculi experimentum idē testantur. nam quemadmodum si modeste & temperatē bibatur, neq. indecens, neq. insalubre est: iuuat enim in primis cor, & frigidioribus ventriculis confert: ita nihil neq. indecorum magis, neq. sanitati magis contrarium, quā illius intemperantior haustus esse potest. Quare in diuinis scripturis regibus & sacerdotibus in plano agētibz, atq. iis hominibus qui vitā suā sanctius instituere parāt, vini vsus prohibetur; vt potē q. & animū perturbet & corpus imbecillū reddat. Ideo nō iniuriā à vetustissimo poeta & philosopho pro vino virus sæpe appellatur. Inquit enim.

Plut. in a-  
poph.

Psal. 103.  
1. Timot. 5.

Lucretius.

*Acris, & in venas discessit diditus ardor, Consequitur grauitas membrorum, præpediuntur  
Crura, vacillanti tarde scit lingua, madet mens, Nant oculi, clamor, singultus, iurgia gliscunt.  
Et iam cætera de genere hoc quæcunque sequuntur, Cur ea sunt, nisi quod vehemens violentia viri  
Conturbare animum consuevit corpore in ipso.* Ea porro vini fallacia est is dolus, vt saporis

Plin. lib. 14.

suauitate paulatim bibentes capiat, ita vt futuri nocumētī securos præsentī voluptate intemperantius abuti faciat, donec ipsius vis cordis regnum occupet: deinde totum hominem primo prosternat, ac denique peruincat. Quare illud citissimē atque salustissimē simul apud Plautum legitur: Malus luctator est vinum, primum pedes occupat. Ipsa porro bibēdi vt Plinius inquit, cōsuetudo auuiditatē auget, atq. ex consequētī perniciē molitur. Est igitur ad hūc modū humanæ prosperitatis efficta ratio. namq. secundarū rerū prospero successu decepti homines, vsq. adeo fortunæ dolis capiuntur, vt nihil aliud nisi ipsam fortunā sequi cogitēt. Itaq. sui obliti pennas sibi aptare studēt, quibus & cælū petere



petere, & inde numen deturbare, sese deniq. in regio Dei solio collocare Luciferi more moliantur: quæ cogitatio, fraus & dementia illos in editissima superbiæ prærupta effert, vnde tandē præcipientes grauissimè deturbantur. *Et non decorabitur*. destituetur tandem, omnique successu priuabitur, ita vt qui per ambitionem omnia pessundabat, totius gentis fabula fiat, illiusq. nomen non nisi in opprobrium proferatur. *Qui dilatauit quasi infernus animam suam, & ipse quasi mors, & non adimpletur.*

*Et congregauit ad se omnes gentes, & coaceruauit ad se omnes populos.*

AMBITIONIS naturam describit, & inexplabilem affectatæ tyrannidis cupiditatem: nam cum semel hac hydropisii laborare cœperit homo, pro Deum immortalem, quot rumultus, quantas rerum turbas & cōfusiones excitat; nullius vitæ, nullius sanguini parcit: dummodo rerum potiatur, omnium mortalium fortunas vitalq. perdere pro nihilo ducit, imò eo magis sibi ipsi placet, quo maiorem stragem ediderit: quandoquidem eam vnâ viâ ad maximam gloriam, & maximum imperium sibi proposuit. Extant plurima tyrannorum exempla, quæ hanc rem clariissimè testantur. Hoc autem ambitiosorum & tyrannorum ingenium pulcherrimè Vates describit, ipsius Nabuchodonosoris mores & ingenium exprimēs, *Qui dilatauit quasi infernus animam suam*. Inferni & mortis imagine inexplabilem & insaturabilem hominem atque cædis audissimum diuina scripta significant: Mortis enim natura inexplabilis est, nunquam finem occidendi faciens. Neq. vlla orbi dies illucescit, quæ funus ducere cesset: neq. vlla etiam tantâ vnquam cadauerum copia fuit, quàm terræ sinus commune omnium sepulchrum non caperet. vnde fit vt ab antiquis terra omnium mater sit appellata, non tam quod omnes gigneret & produceret, quàm quod omnes in se reciperet & conderet, quemadmodum scriptum est: Dilatauit infernus animam suam. & à Salomone etiam eleganter est expressum; inquit enim: Tria sunt insaturabilia, & quartum nunquam dicit sufficit. Infernus &c. Infernus autem hoc loco non pro horrenda illa pœnarum & vindicationis diuinæ sede, vbi impii ac fontes homines post hanc vitam cruciantur, sed pro cadauerum sepulchro vsurpatur: quod ipsa Hebraica vox maximè indicat. nam illud propriè *Seol* significat, quod pluribus scripturarum locis indicatur. Id enim Iacob significauit, cum consolantibus liberis suis in Iosephi filij desiderio respōdit: Descendā ad filiū meū lugens in infernum. id est, nullā de rapto filio cōsolationē admittā, sed dabo operā, vt foribus luctuq. viuendi finem faciā, ad sepulchrūq. efferar, neq. amplius apud superos sim, cum filius meus apud superos esse desierit. et iterū idem Iacob: Deducētis (inquit) canos meos cum mœrore ad inferos. id est, me senē mœrore confectum, sepulturæ dabitis. Nō solum autē in hebraica lingua inferni & inferorū vocabulum pro sepultura vsurpatur, sed latini pletumq. eandem rem his vocabulis indicant. ex qua significatione illud in cōmuni sermone apud antiquos versabatur, cum cuiuspiā obitum significare volebant: desit esse apud superos. nam superos vocabant eos, qui supra terram essent, inferos verò qui subter terram conduntur. Quā rem nos aliās fusi⁹ tractabimus, cum de gentium theologia differemus. Igitur nunquam sepulchrū cadaueribus satiatur. sed quò plura in se recipit, eo magis animā suā dilatat. Animā autē pro appetētia hic accipimus, ita vt non ipsam animæ naturā significet, sed eā illius partē, quæ appetitionis origo est: quā vitæ & significationē nō raro in sacris libris obseruamus, vt: Animā nostrā arida est, nihil aliud respiciūt oculi nostri nisi man. Item: Nō grandis est culpa cum quis furatus fuerit, vt cū furientē impleat animā. *Et ipse quasi mors & non adimpletur*. Idem aliis verbis ad amplificandā rem dicitur. namq. mors sepulturā antecedit. Quod si sepulchrum nunquā saturatur, neq. mors ex consequenti saturatur vnquā: est enim sepultura mortis ministra. *Et nō adimpletur*. Cōiunctio, &, pro relatiuo posita est, id est, quæ nō adimpletur. Igitur vt neq. mors hominū strage, neque sepulchrum cadauerum pastu expletur, ita & tyrannus homo, qualis Nabuchodonosor fuit, nullum expugnandis capiendisq. gentibus finem & modū facere cogitat. *Sed cōgregauit ad se omnes gētes & coaceruauit ad se omnes populos*. Cōgeries verborū cōgregauit & coaceruauit, effrenatam dominandi appetētiā significat. At verò nō diuturna fuit hæc huius tyranni felicitas. namque ille multis (vt iam exposuimus) deturbatus modis, & se hominem esse agnouit, & hominum omniū infimū se gessit; quippe qui ex humano ingenio in ferinum commutatus est, & tandem ea spe, quam de regni & imperij æternitate sibi fecerat, frustratus. Hunc autem

Vide Cicero.  
nem 2. de of.  
ficiis

Isai. 53.  
Prouerb. 30.

Genes. 34.

Genes. 44.

Num. 10.  
Prouerb. 6.



tanta superbia exitum vaticinatur propheta. Vtitur verò dicendi figura quæ à Græcis Sarcasmos dicitur, à nostris subfannatio vel insultatio dici potest. Ea autè est cum alicui exitu non conueniunt, exprobramus, vt ille apud Maronè: *En agros & quam bello Troia- ne petisti. Hesperiam metire iacens.* Ita etiam futurum Vates prædicit, vt gentes illa, quas Na- buchodonosor bellis & tyrannico imperio turbauerat, vbi ultionem diuinam, infeli- cemq. illius exitum conspexerint, omnes multis illum maledictis figant, multis illi suâ arrogantiam modis exprobrent.

*Nunquid non omnes isti super eum parabolam sument, & loquelam enigma- tum eius? & dicetur, Vae ei qui multiplicat non sua? Vsq; quo aggrauat contra se densum lutum? Nunquid non repente consurgent, qui mordeat te: & suscitabuntur lacerantes te, & eris in rapinam eis? Quia tu spoliasti gentes multas, spoliabunt te omnes qui reliqui fuerint de populis: propter sanguinem hominis, & iniquitatem terre ciuitatis, & omnium habitantium in ea.*

**SUPER** eam parabolam sument. hæc inter ceteras virtutes hominū mentibus natura tri- buit, vt in alienis negotiis & causis periculū faciāt, indeq. exēpla petant ad sua gerenda negotia. ex quo fit, vt multi alienarū rerū obseruatione res & rationes suas sapienter cu- rent. vnde natū illud prouerbiū est: Sapientissimum esse aliena insania frui. Huiusmodi autem sententias & exempla, quæ ex aliorum euentibus petuntur, sacræ literæ parabolas vocant, quæ in dialectica propriè exempla vocantur. Igitur exitialis Nabuchodonosoris exitus, cum multis gentibus ob ipsius claritatē notabilis esset, effecit, vt qui aliquā- tō ante ex illius felicitate argumenta petebant, ad asserendum humanas res à numine non curari, atque ex consequenti iniuste viuere, quam iuste, optabilius esse, idem paulo post sententias colligant, & vitæ præcepta & instituta sibi capiant, aliisque capienda proponant, quibus iustitia iniustitiæ præferatur, quibus innocentia laudetur, quibus denique diuina, erga homines providentia esse conprobetur. Sumere itaque parabolam est, ex alicuius rei, personæ vel negotij serie & exitu sententiam aliquam vitæ vtilem colligere, & quod cuiuspiam re contigit, id sequendum fugiendūque proponere. Huius autem verbi, frequens in hac significatione vsus est apud euangelistas. Sunt & aliæ huius nominis parabola, significationes, sed hæc ad hunc locum pertinet. Quod verò additur, *Et loquelam enigmatum eius*, ad illud alludit, quodd huiusmodi homines, qui tyrannidem & orbis imperium expetunt, quasdam sententias & anigmata sibi propo- nunt, quibus abusi suis libidinibus colorem, honestatem, auctoritatemq. conciliare stu- dent, atque hæc frequenter vsurpant, & pro emblematis habent. Sic Iulium Cæsarem cum patriæ vim pararet, dictitare solitum ferunt: Si ius violandum est, propter impe- rium est violandum. Sic Marcum Crassum, cuius avaritia nullum nisi feruenti auro epoto finem inuenit, illud frequenter iactasse accepimus: Nullas opes satis esse, quæ suis redditibus exercitum alere non possent. Denique Romanorum ambitio cum totum orbem debellaret, illud de se prædicabat:

*Pārcere subiectis, & debellare superbos.*

Nostro autem tempore Valentinus Rom. ecclesiæ Cardinalis cum ob speratam re- rum summam & tyrannidem sacrum galarum deposuisset, seque ecclesiastica dignita- te abdicasset, illam diuini Vatis sententiam ad suam libidinem torquebat: Cælum cæli domino, terram autem dedit filiis hominum. Talia igitur anigmata, talesq. sententias sibi vsurpabat Nabuchodonosor, cum de toto orbe debellando cogitaret: quibus & su- dum suum fouebat, suisq. negotiis auctoritatem adiungere conabatur. Quale illud fuit quod ipse Nabuchodonosor Danieli respondit, cum is miserum superbiae sue exitum illi prædiceret. Nonne, inquit, hæc est Babylō ciuitas magna quam ego ædificauī in do- mum regni in robore fortitudinis meæ, & in gloria decoris mei: Hæc autem anigmata illa deridentes sæpissimè referebant, quos ille sub acerbissimum iugum miserat, & di- cebant vt Vates antea prædixerat. En quo deueniant illi, qui suis non contenti, alie- na appetunt & inuadunt, & per iniuriam opes sibi cumulant. En quanta ruina illi opprimuntur, qui ingentia ædificia sibi ex luto construunt, hoc est, qui nullo iustitiæ iusto

in isto fundamento nimiam potentiam violenter consequuntur? quæ cum per violentiam stare non possit, prouum est ut corruat. Porro harum parabolarum stylus obscurior est, tum quod ipsa parabolarum dictio talis esse solet, quando pleraque in illis per allegorias & translationes dicuntur, quarum figurarum ratio obscurior cæteris est: tum etiam quod hæc omnia à Vate carminibus pronuntiata sunt. Carmina autem vel ob ipsam pedum & numerorum structuram altiore difficilioremque dicendi formam seruant. Carminis verò genus, quo hæc apud Hebræos leguntur, dactilicorum rationem sequitur, quale est illud:

Horat. lib. 1.  
ed. 9.

*Vides, ut alta stet nive candidum.*

*Socrate, nec iam sustineant onus.*

10 [Aggrauat contra se densum lutum.] Hac allegoria sepius vana & inutilia negotia in sacris libris significatur & in quibus multum laboris sine ullo fructu infumatur, ut apud Ezechielem: Ipse ædificabat parietem, illi autem linebant luto absque paleis. Latini etiam eadem translatione vtuntur. nam Cicero lutea negotia, id est, laboriosa & infru-

Ezechiel. 13.

15 gifera appellat. Chaldaica biblia huc locum sic vertunt: Qui munit sibi arcem peccatorum, cuius per quam certissima ruina est. Nunquid non repente consurgent, qui mordeant te, & suscitabuntur lacerantes te, & eris in rapina meis. Alia parabola, qua etiam tyrannorum & iniustorum hominum exitus significatur. Transfertur autem dicendi modus à feris, quæ sua natura hominis conspectum fugiunt, neque nisi lacescit nocere solent: Nam dum illæ salutem

20 fuga sibi querere possunt, neminem aggrediuntur, cum maximè hominem formidet, sicut scriptum est: Et tremor vester ac terror sit super cuncta animalia terræ. Ille tamen interdum à venatoribus agitata sibi consulunt, & se, quibus armis à natura instru-

Genes. 8.

25 mitatem insultarent. namque dicturi sunt: Nunquāne timebas rerum mutationem futuram esse? Sed tamen ecce illi, quos tu fauissimis bellis agitabas, quique te maximè timebant & formidabant, nunc rursus te mordent atque lacerant, & de tua superbia & arrogantia triumphant, quasque diuitias iniustissimis modis paraue-

30 illatas iniurias vlciſci, ut apud Paulum: Quod si inuicem mordetis & comeditis, videte ne ab inuicem consumamini. Eadem res eodem verbo apud Latinos notatur, ut:

Galat. 5.

*Nonne igitur iure ac merito vitia vltima fictos*

*Contemnunt scauros, & castigata remordent?*

Iuuenal.  
Sary. 2.

Porro hæc similitudo in sequentibus explicatur, dum dicitur: Quia spoliasti gentes multas, spoliabunt te omnes qui reliqui fuerint de populis, propter sanguinem hominis, & iniquitatem terræ ciuitatis, & omnium habitantium in ea. Hoc enim diuina lex & ratio postulat, ut maleficus & sceleratus quod fecerit, exspectet. Vnde fit, ut omnis tyrannidis infelicissimus sit exitus, quam quidem rem omnes omnium gentium & seculorum historiæ testantur. Quapropter quoniam idem illud Nabuchodonosori eiusque posteritati euenit,

40 quod tyrannis omnibus euenire solet: hæc etiam referunt, qui in illius superbiam insultant. dicunt autem: Tua illa libido, tuus ille inexplebilis rapinæ & prædæ appetitus in causa fuit, ut tu aliquando prædæ fores iis, quos Deus in plurimarum gentium vltionem parauerat, qui fuerunt Medi ac Persæ. nam hos solos ex vicinis gentibus Babylonius rex non debellauerat. hi igitur, qui reliqui fuerant, cæteras nationes victas & spoliatas vlciſcentur. Hæc autem omnia illi euenient, ob immensam humani sanguinis effusionem, qua ille cruentus tyrannus contaminatissimus erat, & ob maximam terrarum atque urbium vastationem & direptionem, iniquitatem

45 terræ ciuitatis, id est, violentiam & rapinam in vrbes earumque agros, & habitatores exercitam. Nam ciuitatem pro pluribus ciuitatibus hoc in loco legimus. hæc enim numerorum collectio frequens in sacra lingua est, ut quercum Mambre pro querceto & loco quercubus frequenti positum est, & à latinis scriptoribus conducere militem dicitur. Chaldaus paraphrastes hæc vltima verba ad Israëlitarum regionem refert. inquit enim: Propter sanguinem hominum & rapinam terræ Israël

Curtius lib. 3

50 ciuitatem & omnium habitantium in ea. Ciuitatis nomen simpliciter positum solam Hierosolymam Chaldaeo significat. quæ res sua ratione non caret: nam ut apud latinos urbis nomen nullo adiuncto prolatum Romam significat, sic apud orientales gentes ciuitatis vo-

tis vo-

Plinius lib. 5. c. 34. Tacit. lib. 20. tis vocabulum Hierosolymam illis temporibus indicabat: quam omnium orientis vr-  
bium longè clarissimam fuisse Plinius & Tacitus testantur.

*Vae qui congregat auaritiam malam domui suæ, vt sit in excelsa nidus eius: & li-  
berari se putat de manu mali. Cogitasti confusionem domui tuæ, concidisti po-  
pulos multos, & peccauit anima tua. Quia lapis de pariete clamabit: & lignū  
quod inter iuncturas edificiorum est, respondebit.*

E A N D E M sententiam alia parabola exornat Vates, dum insultantium Nabucho-  
donosori personam sustinet. Describit autem pulcherrimè eiusmodi tyrannorum aua-  
ritiam, & iniustam opum & diuitiarū cupiditatem. namq. perinde ac si totus mundus  
sibi solis conditus esset, ita in suas tantū delicias, & in suam vtilitatem omnes omniū  
hominum opes, omnes diuitias transferunt, nulla de alienis, neq. incōmodis, neq. dam-  
nis cura tacti. atq. hæc quidem augendarum opum via, hæc inexplebilis domorū, præ-  
diorum & hæreditatum cupiditas, hoc propriæ vtilitatis studium, quàm in frequenti  
usu sit, innumeræ hominum populorum, ac gentium querelæ, & multæ tam in diuinis  
litteris, quàm in humanis huiusmodi reprehensiones testatur. Væ, inquit Deus per Isaiā,  
qui coniungitis domum ad domū, & agrum agro copulatis, vsque ad terminum loci.  
Nunquid habitabitis vos soli in medio terræ? Hoc igitur est auaritiam malam congre-  
gare domui suæ, velle omnes omniū gentium diuitias, opes, cōmoditates, omnia insuper  
omniū ciuitatū ornāmēta in priuatum dominiū vsumq. trāsferre, atque ad expellendā  
libidinem hanc omnia diuina & humana iura violare. Hac insania laborant multi reges  
atque tyranni. hac Roma laborauit, his iniuriis totius orbis opes ad se transtulit.

Isaia. 5.

*Plena domus tunc omnis, & ingens stabit aceruus*

*Nummorum, spartana chlamys, conchyliæ coa.*

*Et cum Parrhasii tabulis, signisque Myronis*

*Phidiacum vinebat ebur, nec non Polycleti*

*Multus vbique labor, rara sine Mentore mensa.*

H A C etiam cupiditate insolentissimus ille Nabuchodonosor flagrauit. nam quem-  
admodum volucres dum nidificant, vndique quesitam materiam, in eum locum, quem  
ponendis nidis optauerint, congerunt, eosque quàm possunt aptissimè fingunt, & sub-  
sternunt, ita vt locus inaccessus ac tutus sit, & ipsæ commodè cubent: sic & Babyloni-  
cus ille tyrannus in Babylonem suam, quam præcipuè sibi sedem delegerat, omnes om-  
nium gentium & ciuitatum diuitias & opes, ac materiam omnem comportauerat, vt  
tutissimum nidum sibi construeret, hoc est, munitissimam arcem & omni apparatu de-  
liciarum refertissimam: in qua nomen genusque suum æternum facere cogitabat,  
putabatque sibi hoc pacto omnium hostium & temporum iniuriam à regno genteque  
sua propulsatum iri. Hoc enim significat vates cum dicit: *Et liberari se putat de manu mali.*  
Quod autem ille sibi hoc stultè persuasisset vltra id quod hoc in loco diuinus spiritus  
de illo asserit, ipse etiam idem apud Daniele m sese sumptuosè insolenterq. iacet: Nō-  
ne, inquit, hæc est Babylon ciuitas magna, quam ego ædificaui in domum regni, in ro-  
bore fortitudinis meæ, & in gloria decoris mei? Ecce vt vaticinium cum ipso euentu  
conuenit: nam quod vates translatione à nido sumpta prædixerat, ille manifestè exponit  
dicens: quam ego ædificaui in domum regni, in robore fortitudinis, & in gloria de-  
coris, hoc est, instruxi ego mihi & posteris meis nidum tutissimum, & quàm  
mollissimum. *Cogitasti confusionem domui tuæ, concidisti populos multos, & peccauit ani-  
ma tua.* Insultat adhuc Nabuchodonosori atque illius exemplo tyrannis omnibus,  
qui dum optimè sibi suisque rebus consulere putant, pessime id agunt. Nihil enim  
violentum durare perpetuò potest, aut permanere; illi autem furore & effrenata vio-  
lencia diuina omnia humanaq. pertiunt. Consequēs ergo est ea, quæ ipsi maximè stabi-  
lia esse voluerunt, stabilia posse esse minimè. Porro in quibus negotiis gerendis magnū  
consilium homines ineunt, si is exitus contingat, qui non optabatur, maximè solent e-  
rubescere, vt scriptum est: Et confundantur in consiliis, in quibus cogitant. Cum ergo  
tanta tamque callida Nabuchodonosoris de regno, domo, nomine & fortune suis sta-  
biliendis consultatio fuerit, idque tum maximè se effecturum is putauerit, si omnium  
nationum, populorum & hominum opes euerisset, in suamque retulisset urbem,  
cumque

Daniel. 4.

hoc durare ac permanere non posset, sed eo certiore illi ruinam promitteret atque ederet, quo violentius ille omnia prædatus esset & spoliasset, necesse erat illum in exitu tam votis suis & consiliis contrario dolere atque erubescere (ad quem quidẽ exitum & erubescantiam omnes tandem peruenient, quicunq. iniuste & violenter suam rem conficere parant) quantoque callidius & potentius suis rebus consuluerint, tanto maturius & certius exitum eos expectare oportuerit, quod si minus expectauerint, tamen imparatos opprimit, & erubescere coget. Quod autem dicit Propheta: *Cogitasti confusionem domui tue, concidisti populos multos, & peccauit anima tua*; tropus loquendi est, in quo consequens pro antecedente ponitur. namque Nabuchodonosor non inierat consilium de perdenda domo, sed stabilienda potius & amplificanda. Verum quoniam ex ea ratione, qua hæc ab ipso gerenda erant, ex populorum videlicet concisione, illius domui ruina maxima & certissima impendebat, diuina iustitia id semper exigente, ideo ipsum confusionem domui suæ cogitasse dicit. nam qui homicidium cogitat, & fugam, & bonorum proscriptionem, & proprium tandem exitum cogitat, quamuis ille odio & vindictæ cupiditate perturbatus, hæc posteriora non animaduertat. Itaque cogitauit negotium ex quo domus suæ confusio sequuta est. [*Peccauit anima tua.*] Appetitus tuus & nimia dominandi libido te decepit, transuersumque egit. Itaque consilij rationem voto ineptissimam tuo iniisti. Talis exitus omnes habet ambitiosos, talis: te habeat exitus oportet. Animam pro appetitu hoc in loco dixit: Hebraicè enim est ΝΕΡΗΣ, vt Dilatauit infernus animam suam. Confusionis autem vocabulo non idem in diuinis libris. quod in latinis significatur: nam confundo verbum & confusio rerum permixtionem & perturbationem significat, id scilicet, quod distinctioni opponitur: vt Ciceroni vis diuina, & toti mundo confusa dicitur, hoc est, permixta. In latina autem & recepta bibliorum interpretatione idem ferè est confundi & confusio, quod erubescere & erubescantia. quæ res (vt Philosophus ait & D. Thomas disputat) vitium sonat namque in turpibus actionibus, aut in iis, quæ à ratione deuiant, erubescimus vt: cum in vitæ instituto, aut in disciplinis sceddè labimur, vel erramus. Itaq. confusio in diuinis libris hanc naturæ animaduersionem significat, qua conscientia ipsa quemcunque in scelere, aut ignoratione eorum, quæ ignorari non decebat, deprehensum afficit, vt in psalmo Confundantur omnes qui adorant sculptilia, & qui gloriantur in simulachris suis. & Confudisti hodiè vultus seruorum tuorum, qui saluam fecerunt animam tuam, & animas seruorum tuorum &c. *Quia lapis de pariete clamabit, & lignum, quod inter iuncturas adificiorum est, respondebit.* Solenne scribentibus omnibus est, & in communi sermone receptum, vt cum magnam & manifestam aliquam rem indicare velint, rebus sensu ac voce carentibus sensum & vocem tribuant, ad rei magnitudinem amplificandam. Igitur cum maximam alicuius beneficii mentionem facimus, cum scelus aliquod indignum verbis exagitemus, cum iniuriam illatam exponimus, cum denique triste aliquid, aut latum maximè explicare contendimus, cælum, terram, elementa omnia, omnesque res, etiam ratione & sensu carentes, sollicitamus. Huiusmodi illud in sacris carminibus est. Omnia ossa mea dicunt, Domine quis similis tui? &c. & illud apud Isaiam: Audite cæli, & auribus percipe terrâ. Et innumera huius generis exempla, quæ passim legentibus occurrunt. Itaque vt collatas vndique ex diuersis populis per iniuriam opes hoc in loco Vates significaret, atque harum rapinarum ultionem à gentibus venturam prædiceret, non solum gentes ipsas, quæ spoliatae fortunis à Nabuchodonosore fuerant, suam calamitatem dolituras deploraturasque pronuntiat; sed ipsa etiam spolia, quæ variis è locis contrasa, & in Bâbylonem deportata fuerant, ipsa inquam eadem clamore & vocibus immanissimi tyranni vim & potentiam accusatura esse vaticinatur, & ad veteres Dominos clamatura, quasi se violenter hac in domo detineri doleant, & ad proprium locum, vnde delata sunt, referri postulent. Quicquid enim violentia afficitur, contra naturæ suæ rationem id patitur, atque vel manifesto, vel saltem naturali appetitu cupit in suum locum sedemque reduci. Quod si maximè hæc naturalis mutarum rerum vox ab hominibus non audiat, auditur tamen à Deo, cui omnia viuunt, cui omnia loquuntur, qui omnium rerum naturas nouit qui quid rectè, quid male collocatum sit, peruidet. Itaque ad eum Abelis iusti sanguis clamat, &

Arbes 2. Phyllicorum.

recen.



recentis adhuc mundi sceleribus terra oppressa, & Sodomorum regio flagitiis foedata ad eum vociferatur, & ab hominibus se male pati queritur & vindicari se postulat: sic etiam populorum omnium diuitiæ, opes, supellex & ornamenta omnia, quæ in Nabuchodonosoris regia iniuste detinentur, clamabunt: & non solum quæ soluta atque colligata, & quasi perpetuo mansura essent, collocata sunt, ut lapides & structurae ipsæ domum suam ædificauerat, omnia conquerentur, & clamabunt se violenter detineri, & iniuste rapta, & propriis e locis mota fuisse. Cum autem lapides & ligna tantum nominet, cætera omnia spolia complectitur. nam totum hoc negotium perdendarum urbium & proprii regni stabiliendi, sub construendi nidi & ædificandæ domus translatione prius enuntiauerat. Nunc ergo cum lignum & lapides clamatum ire demonstrat, totam domum innuit, quæ iis duabus materiis constare solet: nam intritum & cæmentum non proprie ad ædificiorum materiã, sed ad materiæ ministerium referuntur, sunt enim materiæ colligatio quædam. Domus autem ipsa ex duabus constat rebus, muris & tecto: lapides muros conficiunt: ligna autem tectum confartunt. denique tota domus conclamabit, tota iniuriam & rapinam accusabit, tota diruetur, & ex consequenti tota tyranni familia, regnum vniuersum, consilia, vota omnia iusto Dei iudicio, peribunt. Clamabit lapis: Ego à veteri sede mea raptus, & male hic collocatus sum, Respondebit trabs: Pari ego iniuria afficio. & quoniam in structuræ opere paries tectum præcedit, consentaneum est, ut prior lapis clamet, & tignum respondeat. Eodem hoc tropo S. Iacobus iniuste retentæ operariorum mercedis diuites accusat: Ecce inquit, merces operariorum vestrorum, qui messuerunt regiones vestras, quæ fraudata est à vobis, clamat: & clamor eorum in aures Domini Sabaoth introiuit. Eodem etiam tropo Tullius Verrem cõpilatæ prouinciæ arguit, dum illum repetundarum accusat, ut secundam eius legentibus orationem patebit. Multum enim, ut Fabius docet, vehementia, multum acerbitalis huiusmodi tropi atque figuræ in accusationibus habent. Porro tota illa circuitio, lignum quod inter iuncturas ædificiorum est, illa trabium capita significat, quæ à latinis proprie proceres appellantur, ab Hebræis verò **כַּפִּימ**, id est manus, ita ab illis dicitur, quod quasi manus quædam transuersos asserses sustentent.

*Va qui ædificat ciuitatem in sanguinibus, & præparat urbem in iniquitate.*

**EPIPHONEMA** est, & superiorum argumentationum cum acclamatione conclusio: habent enim eiusmodi sententiæ maximam in docendo gratiam, & in persuadendo efficaciam. Ostendit autem sententia hæc infelicem & dignum tyrannorum & avarorum hominum exitum; qui talis omnibus futurus tandem est, qualis Nabuchodonosori futurus hic prædicitur, miserrimus videlicet & infelicissimus, cum summo opprobrio & nominis infamia: ita ut qui secundis admirabiles reddere cogitabant, cunctis tandem fabula & detestatio fiant. Ædificare autem ciuitatem in sanguinibus, & præparare urbem in iniquitate, siue, ut Chaldaica habent, in dolis, est per vim, iniuriam, fraudes, atque dolos facultates rerum, copias, & opes, ac potentiam consequi, & regni regnandi quæ rationem propriis cõmoditatibus definire.

*Hæc proceres, hæc magnos formula reges,*

*Atque duces, populosque tenet, populi que magistros.*

Quos utinam aliquando hanc iniuste dominandi libidinem cohibere videamus, & ad temperatam viuendi rationem pro suo cuiusque officio reduci.

*Nunquid non hæc sunt à Domino exercituum? Laborabunt enim populi in multo igne & gentes in vacuum & deficient: quia replebitur terra, & cognoscant gloriam domini, quasi aqua operientes mare.*

**HÆC** totius quæstionis, quam hactenus sequuti sumus, responsio atque cõclusio est, in qua Vates nihil diuinam prouidentiam latere aut fugere posse demonstrat. nam in superioribus, ex Nabuchodonosoris regis tyrannide, & ex nimia illa & non toleranda potentia, qua ipsum in gentibus dominaturum præuidebat, occasione data in hanc de prouidentia disputationem incidit, quam omnibus argumentis dilatauit, omni verborum copia ardentissimisque animi affectibus est persequutus: ita ut vniuersa omnium, qui

qui de hac re disputauerunt, argumenta, ad hac, quæ à nostro Vate deprompta sunt, re-  
 ferantur: quibus si aptè respondeatur, cæteris omnibus responsum ita manifestum est.  
 Igitur cum totius disputationis summa hæc sit, felicitatē impiorū hominū & piorum in  
 hoc mundo miserā argumento esse, quod hominū res à Deo negligentur: quandoqui-  
 dem si humana Deus curaret, ipsum humanorum scelerum vindicem esse decebat: &  
 cum singularem dubitationem, hoc est, thesin iam sustulerit, dum videlicet venturum  
 in Nabuchodonosorē eiūq. posteritatem malum instinctu inflatūq. diuino præuidet &  
 prædicat, cōmunem etiam dubitationē, quæ ex illa singulari allatā erat, sublatā esse con-  
 stat atque hoc est quod his verbis continetur. Prædicat enim Vates fore, vt conatus cun-  
 10 ctū, opera, laboresq. omnes quæ in vr̄ibus, domibusq. ædificandis & ornandis, in diuitiis  
 & operibus cōparandis, in toto deniq. regno stabiliendo Chaldæorū gens cum suo rege  
 consumplerint, omnia aut hostili igni incensa pereāt, aut in prædatorum vsum potesta-  
 temq. veniant, ita vt qui laborauerat igni, se laborasse in augēdis opibus, quæ ignis & di-  
 15 reptionis materia forent, tandem cōgnoscant. nam in linguarum v̄su est, vt perituræ res  
 igni consumendæ esse dicantur: est enim elementum vastans omnia, & ad extremam  
 consumptionem velocissimè perducens. Vnde illud Amosi: Et mittam ignem in domū Amos 1.  
 Azazel. Et mittam ignem in murum Tyri, id est, extremam vastationem. & illud Catulli: ,,  
 At vos interea venite, in ignem Pleni thuris & infacietiarum Catullus.

At vos interea venite, in ignem Pleni thuris & infacietiarum

Annales Volusi, &c.

Et vulgari sermone summè exinanitam & vastatā domū aliquam significare volentes,  
 20 dicere soleamus: *Entro fuego por la casa.* In multo autē igne laborat, qui ingentes & excel-  
 sas domos & turres cōstruunt, in incendiij materiam venturas. quemadmodū de visce-  
 rosis & proceri corporis hominibus dicimus, eos magnā terræ molem & copiosum ver-  
 mibus pastum gestare. [ *Et laborabunt gentes in vacuum & deficient.* ] Eiusdem sententiæ re-  
 25 petitio est, & Hebræis familiarissima expolitio: nam gentes & populi idem significat  
 vtrumque: quandoquidē populus gentium coniunctio & societas quædam est. In vanū  
 autē v̄sq. ad lassitudinē laboraturōs esse dicit Chaldæos, quoniā omnia, quæ ipsi mag-  
 nis laboribus & assiduis sudoribus sibi parauerant, Medorū direptioni & incendiis erat  
 relinquenda. quod perinde erat, ac si ipsi in vacuum insudauissent, & sine vllō opere pre-  
 30 tiodies & noctes v̄sq. ad defectionē & virium lassitudinē sese exercuissent. [ *Et deficiēt.* ]  
 Exemplaria coniunctione carent, & sensus aptius coheret. Igitur ex hac argumentatione  
 aptè infertur, Deum mortalia curare omnia. nam cum ille per Vatem suum hunc rerū  
 euentum prædixerit, & quemadmodum prædicta hæc sunt, ita suo tempore euenierint,  
 manifestum fit non casu, sed consilio diuino hæc curari. Hæc est ergo totius argumenta-  
 35 tionis cōclusio: [ *Nunquid non hæc sunt à Domino exercituum?* ] Interrogatione infertur, hæc, de  
 quibus antea differuimus, certo Dei consilio non casu euenire. nam cum omnem hanc  
 Nabuchodonosoris tyrannidem, cunctaq. illius cōsilia, actionesq. omnes per vates suos  
 prædixerit Deus, consequens est, ipsum esse sapientissimū, & qui res omnes præuideat,  
 & quem non solū facta, sed neque cogitata quidem humana latere possint. Deinde verò  
 40 cum idem ipse Deus vniuersos harum rerū, actionū, item & consiliorū euentus per eosdē  
 ipsos vates suos prænuntiet, & suppliciū se de tyrannis principibus, deq. violentis ip̄orū  
 populis sumpturum minetur, cumq. exitus ipsi rerū vaticiniis respondeant, consequens  
 est, ipsum humanis rebus providere, & iudicium nō in æternum differri, sed suo tēpore  
 à iustissimo & sanctissimo iudice exerceri. non enim fieri potest, vt cum rerum euentus  
 45 prædictionibus respondeant, res casu & incerto motu volui dicantur: sed à Domino ex-  
 ercituum hæc omnia euenire. Quoniā autem hanc de Babylonica calamitate sententiā  
 testatissimā esse volebat Deus, quippe quæ diuinæ erga homines providentiæ argumen-  
 tum futura erat, eisdē ferè verbis & ampliori oratione eandē rem per Ieremiā Deus præ-  
 dixit, eo capite, quod apud latinos primum à quinquagesimo numeratur, vbi hic versus  
 50 etiam totus Hebraicè continetur, qui latinè immutatis nonnihil verbis ita redditus est: Ieremiæ 51.  
 Hæc dicit Dominus exercituum: Murus Babylonis ille altissimus suffossione suffodietur, ,,  
 & portæ eius excelsæ igne cōburentur, & labores populorū ad nihilū, & gentium in igne ,,  
 erunt, & disperibunt. Porro illud notatione & animaduersione dignum est, quod ferè in ,,  
 vatum sermonibus exercituum possessio cōiuncta Dei nomini potentiā illius significat  
 & facultates, per quas quamcūque rem gerere voluerit, facillimè geret, vt auditoribus

notum omnibus sit, diuinam potentiam fugere minime quēquam posse, cum ipse exercitus habeat multos atque fortissimos, qui ad nutum parati semper sunt, atque adeo huic sceleribus vindicandis agitur: & quod ad certam rationem proprius accedit, hac exercituum adiunctione sese Deus appellat, ubi cum principibus, cum tyrānis, cum diuitibus, & potentia elatis hominibus, cum superbis denique & scelere obduratis hominibus, illi sermo est, ut apud Isaiam: Hæc dicit Dominus Deus exercituum fortis Israel: Heu ego consolabor super hostibus meis, & vindicabor de inimicis meis. Itaque huius coniunctionis, *Deus exercituum*, figura, diuina fortitudo, & summa ad res gerendas facultas significatur: neque id in vatum libris solum, sed in euangelicis & apostolicis etiam scripturis. Erat igitur hæc notatio obseruatioque non penitenda, ut in multis modis, quibus diuinum nomen in scripturis pronuntiatur, quid in singulis significetur, distinguere & intelligere huiusmodi obseruationibus assuescamus. [Quia replebitur terra, ut cognoscat gloriam Domini, quasi aqua operiens mare.] Absoluerat Vates priorem explendi in Babylonis regem iudicii quæstionem, ex qua illa communis de malorum & bonorum discrimine, disputatio oriebatur: cuius causa diuina prouidentia à multis in dubiū vocabatur, & religio etiam ac pietas in multorum animis (ut in superioribus Vates conquestus est) frangebatur, videbaturque hac parte diuinus honor minui, si nulla hominum cura superius mentes tangeret. Absoluit igitur hanc etiam communem de prouidentia quæstionem, asserens post sumptum de Babylonis rege eiusque regno & gentibus supplicium futurum, ut vniuersi orbis terræ habitatores huius rei fama & veritate conuicti, diuinam curam, diuinamque erga homines prouidentiam agnoscant, & Dominum Deum mundi principem & rectorem sanctè religioseque colant, laudibusque & diuinis honoribus prosequantur. namque hæc ratio atque consideratio humanos animos religione tangit, omnesque ad diuinos honores incitantur facto de impiis hominibus iudicio, sicut scriptum est: Lætabitur iustus cum viderit vindictam, manus suas lauabit in sanguine peccatoris, & dicet homo: Vtique si est fructus iusto, utique est Deus iudicans eos in terra, & alibi: Et cognoscetur Dominus iudicia faciens, quando in operibus manuum suarum comprehensus est peccator. Igitur cum ij, qui de diuina prouidentia in dubium venerant, iudicii in impios exerciti spectatores tandem fiunt, tum denique diuturnam illam ipsorum felicitatem gradus quosdam fuisse cognoscunt, quibus ad excelsum ascendebat locum; unde illis grauior pararetur casus, & insigne ruinæ vestigium fieret. Itaque totius hic dicendi processus, tota impiorum felicitatis amplificatio, hæc ipsorum infelicitis exitus demonstratio eo pertinet, ut quo magis prosperè beateque viuere impij homines videantur, eo minus illorum laudi, gloriæ, & commodis inuideamus, sicut scriptum est: Noli æmulari in malignantibus, neque zelaueris facientes iniquitatem: Quoniam tanquam fœnum velociter arescent, & quemadmodum olera herbarum citò decident. Hic ergo impiorum hominum exitus omnem de prouidentia dubitationem tollit; sicut ille idem poëta, quem in huius libri initio de hac re hæsitantem recitauimus, fatetur, inquit enim:

Claudianus.

*Abstulit hunc tandem Ruffini pœna tumultum.*

Quare, quoniam Nabuchodonosoris eiusque regni negotium, ratioque omnis, vniuersis hominibus nota eo tempore erant, multi que de diuina prouidentia dubitabant, eò quod tyrannum illum communem hominum pestem, impunè omnia perdentem videbant; neque ipsi etiam Israëlito populo parcentem; neque sanctissimo illi fano, ubi vnus verusque Deus colebatur, consequens est, hanc de diuina vindicatione famam totius orbis fines peragraturam, ut ita diuinus honor apud omnes percrebescat, & illustri laude celebretur, nullusque sit locus, in quo Domini gloria non splendeat, perinde atque aquæ operientes mare, quæ sua liquida continuaque natura, quemlibet quantumvis exiguum & reductum locum subeunt & complent, & in quoscunque recessus se insinuant. Est autem hæc aptissima similitudo, & diuini spiritus elocutione digna. namque aquæ maris non solum multitudine, sed occupatione omnem mensuram excedunt. [Gloria Domini,] Magnitudine, laude & splendore: ut qui latere hac ex parte videbatur, dum de ipsius erga homines cura ambigitur, idem hac etiam ratione nomen decusque suam infinitè dilata-

et & illustret. Hoc autem ita euenisse, vt Vates prædixerit, omnes scilicet, qui hoc audierunt, Deum laudasse, & honoribus diuinis celebrasse, præclaro atque graui testimonio diuina scriptura comprobatur, ipsius videlicet Cyri Medi regis confessione, qui, postquam Babylonem ceperat, se Dei ministrum in regno Chaldaeorum expugnando fuisse declarauit. Omnia, inquit, regna terræ tradidit mihi Dominus Deus cæli. Porro Esd. 1. particula illa (*quia*) quæ initium in hoc versu facit, non rationalis est, sed illatiua aut demonstratiua, vt nempe, scilicet, & huiusmodi. Colligit namque ex priore conclusione posteriorem, ac si diceret dialectico modo: Si Nabuchodonosor merita caret poena, Deus illius scelera negligit, & ex consequenti humanis rebus non prospicit. At Nabuchodonosor poenas dabit certas, & à Deo prænuntiatas: ergo Deus illius scelera peruidet, itaque humanis rebus prospicit. quare in diuinis scripturis non solum nominum & verborum significationem, sed particularum etiam officia notare oportet. namque eadem particula varia officia aliis atque aliis in locis exercet. In Chaldaicis bibliis loco, *Quia*, scribitur, *Ecce*.

*Vae qui potum dat amico suo, mittens fel suum, & inebrians: ut aspiciat nuditatem eius. Repletus es ignominia pro gloria: bibe tu quoque & consopire. Circundabit te calix dextræ Domini, & vomitus ignominie super gloriam tuam. Quia iniquitas Libani operiet te, & vastitas animalium deterrebit eos de sanguinibus hominis, & iniquitate terra, & ciuitatis, & omnium habitantium in ea.*

*Vae qui potum dat amico suo*] Solent victores insolentia & rerum euentis elati in eos, qui Iudic. 1. victi ab ipsis sunt, variè illudere & insultare, ac maximos & præstantissimos quosque reges, duces, atque viros ad ludibrium ponere, atque ijs variè ad suam voluntatem vti: quos prior fors veneratione, posterior verò miseratione dignos effecerat. Hoc autem grauissimum contumeliæ genus est, & ipso mortis discrimine durius, quod nonnulli magni elatiq; animi viri spontanea nece commutauerunt. Hinc Cato ne insultantis Cæsaris triumphum sequeretur, æternum seueritatis suæ monumentum Vticæ reliquit. Nam quod durius magisque detestandum inhumanitatis exemplum edere quis possit, quàm illud quod Adonibezec apud victores Iudæos de se confessus est? septuaginta videlicet reges à se captos, præcis manu & pedum suminitatibus, sub eius mensæ, veluti canes, reliquias lambere & colligere fuisse coactos. Hæc summæ immanitatis exēpla sunt, & quæ ferinam omnem crudelitatem longè superent. namque feris vltima crudelitatis Iudic. 1. linea occiso est, homini verò crudeli leuissima res iniusta etiam nex videtur, nisi inuiuentes & sentientes durioribus ipsa morte ferocitatis exemplis insultatum sit. Vt igitur Nabuchodonosor omnium sui temporis tyrannorum potentissimus fuit, ita omnium longè insolentissimus, qui vsque adeo omnem humanæ societatis sanctitatem & religionem contempsit, vt nullius hominis dignitatem curaret: sed, vt in superioribus de ipso ipsiusque exercitu Vates dixit, reges & potentissimos quosque duces in ludum sibi proponeret. Huius autem tyranni mos (vt ex Vatis verbis notatur) fuit in cœnis & cōuiuiis, quæ ipse splendide celebrabat, reges illos, quibus victis pro feruis utebatur, ad immodicas potationes cogere, seque eorum ludorum quos conficere ebrietas solet, otiosum spectatorem præbere. Itaque hominum ignominia & turpitudine magis, quàm honestate & decore delectabatur: cum illud regiam maiestatem maximè deceret, vt quo illi striorem clientum & seruorum familiam haberet, eo honestius atque liberalius eos tractaret. At vero huius generis iniurias & contumelias nunquam inultas diuina iustitia præmittit, sed eisdem Deus ipse suppliciis vti solet in eos, qui huiusmodi afficiuntur voluptatibus. nam & Adonibezec hoc idē in se agnoscit, dicēs: Sicut feci, ita reddidit mihi Deus. Hoc igitur est quod Nabuchodonosori Vates obijcit. quare & iniuriarum eum accusat, quod videlicet amicis suis, siue (vt Hebraica habent) sociis, qui fortuna & dignitate illi pares fuerant, utpote, qui reges, duces, & populorum rectores extiterant, quod si belli iure vel victoriæ necessitate in suam deditionem venerant, homines tamen erant, & naturæ communione socij, & pristinae dignitatis recordatione venerabiles, quibusque



non ad ludos & irrisiōem, sed ad honestissima regni ministeria vti decebat: tamen tyrannus hic intemperantius propinans, turpe ex eorum ignominia & dedecore spectaculum sibi parabat. Itaque tota hæc oratio illuc spectat, vt ludibria & contumelias, quibus à potentioribus ijs, qui inferiores sunt, afficiuntur, accuset & damnet. Deumque ipsum fructum retribuet, vt ipsi etiam Nabuchodonosori retribuit: quem belluinam vitam ab hominum societate remotum viuere coëgit: vt quemadmodum illa alios per ebrietatem humanæ mentis vsu priuabat, ita ille de communi sensu, sanitate ac mente deturbatus, meritis pœnas lueret. Quare dictum est illi: [*Bibe tu quoque & consopire.*] nam est haurire cogaris insipientiæ & stuporis, ita vt humanam in te imaginem non agnoscas, sed belluinam existimes. [*Circundabit te,* Hebraicè passiuè legitur eadem sententia, sed significantius, *circundabitur in te*, vel, *super te.*] quod ad imum vsque fundum exhaustum illi esse calicem indicat, ita vt calix dum exhaustur, semicirculum describat. Hispanè dicimus, *Empinar el vaso.* Hoc autem vel inuitus feres. nam dextera Dei, quæ nihil potentius esse potest, tibi propinabit, quam tu tyrannè prohibere non poteris. [*Et vomitus ignominie super gloriam tuam.*] Ebrietatem maximam significat, cuius manifestum signum in sanis alias corporibus est vomitus. Hoc enim argumento turpissimam ebrietatem arguit Isaias, dicens: Omnes enim mensæ repletæ sunt vomitu sordium. Hoc etiam argumento Tullius Verris ebrietatem probat: Tu, inquit, istis lateribus, isto robore, ista totius corporis firmitate, in medio senatu vomuisti. Appellatur autem à Vate vomitus ignominia, id est, turpissimus. nam est vomitus, qui non ex ebrietate, sed ex agitudine euenit; qualis ille est, quem in accessionum initijs aliquando contingere Hippocrates ait: & hunc leuando morbo vtilissimum esse docet. Hic autem vomitus ex eo turpis non est, quod non personæ vitio, sed naturæ morbum superantis; aut præ imbecillitate cedentis opera eueniat: at verò qui ex crapula & ebrietate accidit vomitus, hunc turpitudinis & ignominia nota liberare possit nemo. Quare vomitum ignominia super gloriam Nabuchodonosoris venturum Vates prædicit, qui totam illam ipsius gloriam, totum regium splendorem turpissima ignominia foedè inuoluat, vt qui se gloriæ splendore & dignitate cæteris hominibus præstare putabat, tantumque sibi indulgebat, vt suum genium felicitatis suæ auctorem solum agnosceret: idem nunc cæteris hominibus inferior reddatur, vt communem cum belluis vitam humanæ mentis impos, complures dies, imò menses degat. Acerbissimus igitur hic potus est, quem Deus propinat, & formidandus maximè: vtpote qui tantum obstupescere homines possit, vt è summa gloria in ignominiam deturbentur, sicut scriptum est: Hunc humiliat, & hunc exaltat: quia calix in manu Domini vini meri plenus mixto: Et inclinauit ex hoc in hoc: veruntamen fex eius non est exinanita: bibent omnes peccatores terræ. Quod ad dicendi rationem attinet, in iudiciali genere hæc oratio versatur. namque & primò inhumanitatis & iniuriarum tyrannus accusatur, & narratio affectibus & stomacho plena multis expolitionibus amplificatur. hypothelin præterea pulcherrimam continet, qua criminis indignitas exaggeratur, cum dicitur: [*Va qui potum dat amico mittens fel suum, & inebrians.*] namque hæc descriptio criminis suscipiendi voluntatem arguit; ita vt non factum modò, sed voluntatem accuset: qui locus in accusationibus maximus est. deinde iudicij sententiam pronuntiat ipsi reo subeundam. [*Bibe quoque tu, &c.* Nunc verò circa verborum rationem illa notare libet, vbi Latini habent, *mittens fel suum*, non intelligendum de felle simpliciter, sed vt Chaldaica & Hebraica biblia habent, *inclinans cadum acerbum suum.*] Quibus verbis conuiuias ab illo cados vsque ad fecem siccare fuisse coactos significatur. nam quod quidam hoc in loco de potu laxatiuo Zedechiæ à Nabuchodonosore porrecto tradunt, id nobis fide & testimonio caret, etiam si Hebræos auctores citent. Præterea possessiuus casus ignominia, adiectiuum nominis locum occupat. nam & rarus adiectiuorum vsus Hebræis est, & frequens pro adiectiuo genitiui vsurpatio, vt locus sanctitatis, id est, sanctus, filius iniquitatis & senectutis, hoc est iniquus & senex. ita vomitus ignominia, id est, turpis vomitus, & indecorus. [*Quia iniquitas Libani operiet te, & vastitas animalium deterrebit eos de sanguinibus hominis, & iniquitate terræ,*

Isai. 17.

1. Aphor.

Galenus lib.  
3. de causis  
Symptom.

Psalm. 74.

ciuitatis, & omnium habitantium in ea.] Hæc est diuinæ sententiæ causa, & damnationis ratio, quam eleganter Vates explicat: prædixerat enim Nabuchodonosoris punitionem, ipsumque imprimis viuentem & regno & mente euertendum; deinde ipsius posteritatem familiamque omnem, omnemque gloriam extirpandam funditusque tollendam: nunc causam elogiumque huius rei subiicit, effrenatam videlicet violentiam, qua in omnes homines, maxime autem in Iudæorum ciuitates & gentem est usus. Vtitur autem allegorica elocutione, quam paulò post idem Vates explicat. nam cum proximè illi venturam mentis insaniam denuntiasset, ipsumque belluis similem aliquando futurum prædixisset, eundem nunc tanquam belluam quandam alloquitur, & totam orationem verbis ad illam vitæ formam accommodatis conficit, perinde ac si dicat: O bellua quæ nunc in agris & siluis agis, occurfusque hominum formidas, hic pauor, hic metus, hæc te calamitas propterea nunc opprimit, quod tu olim sanctissimum illum montem Siona maximo numini sacrum, veluti siluam quandam prophanum vastumque reddidisti, omnesque Ierosolymitanos ciues sæuissimè trucidasti. En crimen tuum, en scelus, en iustum criminis & sceleris supplicium. Memineris te Deum immortalem, cui ille lucus sacer erat, irritasse, neque illius te iram effugere potuisse. Hactenus allegoria usus est; cuius explicationem continuo addit, dicens: Ob sanguines interfectorum hominum, ob totius terræ vastationem, atque ob ciuitatis Ierusalem direptionem, & ob ciuium eius internecionem, quam crudelissime exercuisti. ob hæc omnia hoc tibi à Deo viuente periculum, imò hoc supplicium instat. Porro illud quod dicit, [*Quia vastitas animalium deterrebit eos,*] Catholica sententia est ad hunc locum in argumentatione aptissime accommodata. Cuius hic primum est sensus: Omnis fera, quæ insidijs & rapto viuit, tandem insidijs & venatu perit. namque solent homines assidujs ferarum damnis offensi congregari, saltusque & siluas circumdare, ipsasque feras excitatas & agitatas capere, atque perdere. Itaque quo magis rapax atque nocens bellua est, eo grauiorem ab hominibus internecionem metuit, eoque vehementius humanos occurfus, damnorum, quæ ipsa dederit, conscia, formidat, sicut scriptum est: Posuisti tenebras & facta est nox: in ipsa pertransibunt omnes bestię siluæ, Catuli leonum rugientes vt rapiant, & quærant à Deo escam » sibi. Ortus est sol, & congregabuntur, & in cubilibus suis collocabuntur. Igitur hoc » est sententiæ argumentum, feras eodem modo perire quo viuunt; præda viuunt; præda tandem venatoribus fiunt. Ex hac sententia argumentationem suam ita disponit Vates, vt propositionis locum ipsa obtineat; siue, vt dialectici vocant, maioris præmissæ assumptionem, siue minorem ipsam thesim constituat, hoc est, causam & negotium quod ad regem attinet; pro complexione autem siue conclusionem diuinam sententiam collocet hoc modo: Feras sæuitia ad suam perniciem excitare atque agitare solet. Tu Libanum sæuissimè vastasti; ergo à Libani Domino excitaberis atque agitaberis. Hæc est syllogismi forma. Verum vates non dialectica dispositione, sed oratoria vtitur, nam conclusionem primo ponit; cum dicit: [*Bibe quoque tu, &c.*] Deinde assumptionem in allegoria, & in eius explicatione sic collocat: [*Quia iniquitas Libani, & de sanguinibus hominis, & de iniquitate terre.*] medio autem loco propositionem siue maiorem statuit, [*Vastitas animalium deterrebit eos.*] Quam catholicam sententiam esse diximus ad hanc causam aptissime relatum. Vocamus autem catholicam sententiam experimento & rerum obseruatione atque usu collectam rationem, & ad vitæ atque morum institutionem vtilem. quarum itaque sententiarum maxima vis in docendo ac suadendo, & in orationibus exorandis esse solet. nunc de ratione huius allegoriæ pauca. Libani nomine Siona montem & incolas atque habitatores eius intelligimus: nam præterquam quod paulo post ipse idem sese Vates explicat, sic appellari solitum esse montem Siona, argumentum nobis facit Moses, qui Deum orabat vt se permetteret terram illam patribus promissam lustrare, & montem, & Libanum. Vbi Siona montem appellat, & eundem Libanum, vel quod Libani pars esset, vel Libano adeo vicinus, vt pro eodem censeretur. Nam de Libano Phænicie monte videndo nulla illi cura erat, vtpote qui terræ promissæ finis & terminus esset, non autem pars. Itaque per metonymiam montem Libani pro Sione monte, in quo

Psalm. 103:

Ierusalem sita erat, accipit: aut ex parte totum, aut ex vicino vicinum. quo loquendi tropo saepe auctores vtuntur, vt Virgilius: *Postquam res Asia Priamiq. euertere gentem* Aeneid. 3. *Immeritam placuit superis.* Quo in loco pro Troia rebus totius Asiae res ponit. Chaldaeus paraphrastes vice Libani domum sanctuarij scribit, quem interlinearis glosa, & Ieronymus, atque Nicolaus Lyranus secuti sunt. [Et vastitas animalium deterrebat eos.] Pronomen hoc neutrum esse oportuit, quia ad animalium nomen refertur in allegoria; in explicatione autem ad raptores omnes: sed hic nondum allegoriam deseruerat scriptura. nam & in exemplari idem genus vtrobique conseruatur in nomine animalis, & in pronomine. Et quia hae diuersorum generum coniunctio dura videbatur auctori glosa, quam interlinearem appellant; ideo [eos] substituit, ad significatum potius, quam ad verba alludens. Ego nullum vitium in interprete arguo, si quid est, quod suspicer, ad scriptorum audaciam refero, qui in multis aliis locis male ingeniosi esse voluerunt.

*Quid prodest sculptile, quia sculpsit illud fictor suus: conflatile & imaginem falsam? quia sperauit in figmento fictor eius, vt faceret simulachra muta.*

HACTENUS causae intentionem Vates protraxit; nunc verò alteram orationis partem, in qua depulsio est, suscipit. nam quicumque artis non expers animum ad totam hanc orationem aduerterit, ipsam in iudiciali genere versari intelliget. Cuius quidem artificij rationem & modos omnes in capitis huius fine indicabimus: nunc sententiam ipsam interpretemur. Igitur in superiori orationis parte, dum Vates Babylonium regem accusat, rationem ipsius regis exposuit, qua ipse videlicet suam causam defendere tuerique studebat. cuius quidem rationis haec erat sententia, se suis numinibus charum esse, à suo foueri genio, in cuius fide & tutela erat; neque vnquam fortunam suam deserturum, sed fortiter res omnes se gesturum: nulla se formidine deterreri, nullis viribus à summa consequenda potentia retrahi posse: quandoquidem haec est fortitudo eius Deus suus. Itaque nullius hominis aut Dei minas, aut vim timebat, dum suum ille Deum astantem sibi praesentemque haberet. Huius Dei sui bonis auspiciis se ad magnam & praecelaram laudem aspirare; neque vllum bellis gerendis, nisi cum summo imperio, modum sibi esse statuendum. Itaque tota suorum negotiorum spes, tota ratio & fiducia in Deo suo tantum erat. Hanc tyranni rationem acutissime ac disertissime noster Vates euerit, probatque falsam atque vanam omnino esse: quandoquidem Chaldaeorum & gentium dij, quibus fidebant, quorumque tutelae sese crediderant, nihil diuinum praeter inane nomen haberent, cuiusmodi in ipsis res, nulla ratio respondeat. Est autem totius argumentationis haec summa. Quod non est, prodesse potest nihil; dij gentium nulli sunt, prodesse ergo nequeunt. Huius syllogismi maiorem propositionem praetermittet, quippe quae in ipsa assumptione comprehendatur: assumptionem verò siue minorem propositionem pluribus argumentis probat. vtitur namque enthymemate, cuius in liberiore oratione frequens usus est. Primum ergo arguit ab efficiente, dicens: [Quid prodest sculptile, quia sculpsit illud fictor suus.] Huius argumentationis haec est sententia. Dei natura talis est, vt quae humana non eget opera, sed sibi ipsa sufficit vt sit, & vt beatè viuatur; sed dij, quos gentes colunt, opera artificum egent, vt sint; ergo prodesse non possunt hominibus: quia id quod sunt, totum arti, nihil naturae suae debent. Ergo quae maior esse potest dementia, quam ab eo opem auxiliumque efflagitare, cui non solum posse, sed neque esse subest vllum; & totum quod est secundum hoc nomen quo appellatur, id ab homine est, & ab homine non naturali, sed artificiali causa productum: sed quae ex arte producuntur, secundum quod ex arte sunt, omni prorsus motu carent, & ex consequenti omni actione, vtilitate atque auxilio. nam ars formam quidem, hoc est, figuram, quae secundum artem est, praestare potest. motum verò praestare nullo modo potest. Vnde est quod florem quis imitari arte queat, floris odorem addere nequit. Igitur cum dij, quibus gentes fidunt, id quod est, Deum esse ex se non habeant, sed fabris acceptum referant, consequens est eos diuina virtute carere, quam fabrilis ars addere figmento non potest: nam

nam si posset, cōsequens esset, naturam homine præstantiorē ab homine produci posse: quod manifestē falsum deprehenditur. nam homo naturali generatione similem sibi ipsi producit hominem; artificiali verò opera inferiorem se rem homo profert. atque ita nihil est idolum, nisi quod artifex esse voluit, siue Belum, siue Nabonem, siue Dagonē, siue quoquo id nomine appellare libuit. Quam rem & ipsi etiam, qui inter gentes sapientes habitati sunt, & intelligunt, & fatentur:

*Olim, inquit, truncus eram ficulnus inutile lignum:*

*Cū faber incertus scamnum faceretne Priapum:*

*Maluit esse Deū: Deus inde ego surum, animumque*

*Maxima formido.*

Horat. 1. sat.  
Satyr. 8.

Hoc est, Inde ex fabri arbitrio Priapus ego sum; nam ex me nihil sum, nisi truncus ficulnus, inutile lignum. Igitur cū a sculptore lignum sit id quod est, neque numē aliud illi nomini subsit, præter accommodatam ad id nomen ab artifice formam, sculptile inutile esse: consequens est, & stultos esse qui sculptilibus fidunt. Deinde argumentum est a contentione siue comparatione hac forma: Omne efficiens quod tale est, suo effectu præstantius est: sed dii gentium hominum effecta sunt; effecta autem non secundum naturam, sed secundum artem. porro ea quæ per artem fiunt, ijs, quæ naturæ ordine efficiuntur, minora sunt. multo deteriore igitur cōdicionē sculptile suo artifice est: sed artifex nihil amplius, quàm homo prodesse potest. Stultum est ergo spem summam ab homine in ea re collocari, quæ ipso sperante multo est inferior. Hoc igitur est, quod dicit: [Et imaginem falsam.] cui nulla subest secundum nomē, quod habet, veritas. nam etsi Dei nomen habeat, falsò tamen impositum illi nomen est: [Quia sperauit in figmento fictor eius.] Cū figmentum nihil sit omnino, si fingendi artificium cessaret, at fictor sibi ipsi auxiliari non potest; multo ergo minus figmentum, quod vt sit, fictoris opera indiget. Quod autem addit: [vt faceret simulachra muta,] aliud argumentum innuit; ducitur autem argumentum ex loco qui ab effectis dicitur. Inter effecta verò rerum omnem, quæ secundum naturam est, actionem connumeramus. Et profecto Deus ille princeps, parens rerum, fabricatorque mundi, nullo magis hominem separauit à cæteris (quæ etiam mortalia sunt) animalibus, quàm dicendi facultate. nam rationem nobis præcipuam dedit, eiusque nos cum immortalibus spiritibus participes esse voluit. Sed ipsa ratio neque tam nos iuuaret, neque tam esset in nobis manifesta, nisi quæ concepissemus mente, edere etiam loquendo possemus. Cætera autem animalia & si intellectus cuiusdam scintillam & cogitationem aliquam sortita sint, quia tamen certissimo rationis interprete sermone carent, muta atque irrationalia vocantur. denique homines quibus negata vox est, quantulum, vt Fabius inquit, adiuuat animus ille cælestis? Quare si nihil in homine orationis facultate melius est, per quam & cogitare atque intelligere, & cogitata inuicem proferre possunt, quid deterius esse sculptilibus diis posset, qui cū humanam speciem & formam referant, humano tamen officio fungi nequeunt; ita vt non diuinæ modò, sed humanæ omnino virtutis expertes sint; non enim loqui, non inuocantibus respondere, sed neque vllam omnino vocem etiam brutorum more edere valent. nam qui eos finxit atque cælauit, speciem quidem fingere potuit, at vocem præstare non potuit: sed fecit simulachra muta, & quæ ne auxilio quidem vel falsò polliceri, nedum implorantibus ferre possint. Atque hæc oratio cum irrisione profertenda est, vt ijs, in quos dicitur, ruborem excitet; quippe qui tales colant deos, quos cū maximè in humanis casibus implorauerint, appellauerint, inuocauerint, inutiles omnino, & quod desperatissimum est, mutos esse sentiant. Ad hunc modum & illud in psalmo profertur: Et mutauerunt gloriam suam in similitudinem vituli comedentis fœnum. quo in loco verba illa, Comedentis fœnum, cum vultu & indignatione legenda sunt. quæ prolatio in his rebus necessaria est, quæ secundum opinionem maximæ existimantur; secundum rationem verò minimi momenti sunt, vt illud apud Satyricum:

*Laudis tituliq̃ue cupido*

*Hæsi saxi cinerum custodibus, ad quæ*

*Discutienda valem sterilis mala robora fœcus.*

Iuuenalis  
Satyr. 10



*Vae qui dicit ligno, expergiscere: surge, lapidi iacenti. Nunquid ipse docere poterit? Ecce iste coopertus est auro & argento. & omnis spiritus non est in confessoribus eius.*

[*Vae qui dicit.*] Præcedenti argumento, quod ex loco ab effectis ducebatur, aliud Vates subijcit à relatiuis depromptum, quo idolorum cultum inutilem & vanissimum esse demonstrat, atque ex consequenti vanorum deorum cultores damnat. Est autem huiusmodi argumentationis figura & modus. Simulachra cum muta sint, appellantis respondere non possunt, consequens ergo est, stultum esse ea appellare: atque eo amplius homines insanire, quo crebrius ea appellent. Igitur constat simulachrorum cultores insanos esse. Hæc argumentationis summa est, quæ quidem in ea figura constituitur, quæ ad absurdum atque atopon ducit. Sed hanc dialecticam argumentandi rationem oratoriæ Vates prosequitur, & duobus argumentis simul componit, & expolitione amplificat. *Vae*, conclusionis vim obtinet in argumentatione. significat autem hoc in loco vanum irritumque laborem in Deorum inuocatione exhaustum, & eos colenti maxime erubescendum esse colligit: utpote qui in dolore vel miseriis suis ad rem mutam & mutilem opem sibi imploraturus confugerit. nam simulachra quatenus ex arte sunt, muta sunt, ut præcedenti argumento probatum est. at verò quatenus ad aliquam rerum, quæ secundum naturam sunt, partem pertinent, eatenus omnino muta sunt, & omnis sensus atque vitæ expertia. Sunt enim aut marmor, aut ebur, aut lignum aliquod, aut si quid his simile artifex ad fingenda simulachra elegerit. At vero hæc corpora muta sunt omni diuina virtute, imò omni spiritu & vita carentia, nedum auxilium aliquod appellantis latura. namque inter illa corpora, quæ à natura composita sunt, infimum ista gradum obtinent, nempe lapis & lignum ab radice & trunco excisum, metalla, & cætera, quæcunque generis sunt. Stultissimum est ergo huiusmodi mutas & vitæ expertes res supplicationibus & clamoribus pulsare, & variis atque vehementibus verborum repetitionibus vexare, *surge, expergiscere, fer opem*, & quemadmodum ille Martem suum appellabat:

*O pater vrbs*

Iuuenal.  
satyr. 2.

*Nec galeam quassas? nec terram cuspide pulsas?*

*Nec quereris patri? Vade ergo & cede seueri*

*Ingeribus campi, quem negligis.*

Et tamen hæc omnia frustra, cum lapidem ille, aut æs, aut lignum aliquod his clamoribus compellaret. [*Nunquid ipse docere poterit.*] Confirmat argumentum experimento ipso, atque usu omnem demonstrationem superat. Hactenus enim philosophica protulerat argumenta ex rei ipsius natura obseruationeq. deprompta: nunc verò manifesto & vulgari experimento, quod etiam artis & philosophiæ rudes peruincat, probat inutilem esse vanumque, omnium gentilium simulachrorum cultum, frustra quæ spem collocari in re, quæ se ullam opem latura ipsa neget. namque perpetua ipsorum simulachrorum taciturnitas & silentium, quo se appellantes excipiunt, confessionem quandam imitatur, quæ se inutilia esse, nulliusque momenti fatentur. Quamobrem stultissimos esse eorum cultores manifestum est; & omni lapide & ligno stupidiore, qui simulachra frustra inuocari, vel eorum ipsorum perpetuo silentio nunquam tandem doceri possunt. hoc autem est quod dicit. [*Nunquid ipse lapis aut truncus docere poterit?*] quod cum exclamatione potius, quam simplici interrogatione pronuntiandum est, id est, minus profecto stupidus lapis aut truncus est, qui se inutile esse silentio docet, quam cultor eius, qui hoc nunquam tandem intelligit. [*Ecce iste coopertus est auro & argento.*] Duo hæc metalla ad simplicem & faciliorem commerciorum usum ab antiquissimis recepta supra suam ipsorum naturæ conditionem hominum stultitiam & dementia extulit. namque non contenti in nummos ea ferire, ad corporum ornamenta transfundere, torquibus, monilibus, annulis, & innumeris luxuriæ commentis ex ea materia ductis: inde & metallis pretium, & ipsorum potiundi ardentior cupido accreuit; secuta est maxima possidendum retinendo auaritia. Inde autem maxima de ijs, qui quæ plurimum possideret, felicitatis opinio irrepsit. denique hæc duo metalla supremum in his rebus, quæ in vita vulgo expetuntur, gradum occupauere, & quieti, & vitæ, & honestati prælata tandem sunt; & tantum non diuinos honores rudia adhuc & inculta in hominum opinione meruere, quibus tamen cælata & in imagines efficta perfuncta sunt. Ita vulgus quæ angustiora

factiora que numina esse volebat, ea aurea vel argentea faciebat: ubi illos susceperat.

*Nunc te marmoreum pro tempore fecimus, inquit ille, et tu*

*Si fecura gregem suppleueris, aureus esto.*

Virgilius  
Eclog. 7.

Igitur magna superstitionis & stultitiæ antiquæ occasio fuit, quod quæ simulachra  
tandissima esse volebant, ea aurea vel saltem inaurata illius superstitionis antistites  
fingenda esse curauerunt, nam vulgus & falsa religionis traditione deceptum, & præ  
tioræ materiæ fulgore, quasi præstigiis quibusdam elusum, inania simulachra pro nu  
minibus colebat, illis supplicationes decernebat, illis vota nuncupabat. Cuius dece  
ptionis auctores pontifices ipsos & factorum antistites fuisse, Stoicus satyrum scrip  
tor hos ipsos seuernissime arguens testatur.

*Dicite Pontifices in sacro quid facit aurum?*

*Nempe id quod Veneri donatæ à Virgine puppe.*

Persius sat. 2

Igitur stultitiæ hanc noster Vates arguit & inidet, & vulgarem estimationem ele  
uat: primum quod ex sua cupiditate & corrupta opinione res omnino abiectas, & vi  
timum in naturæ ordine locum fortitas, argentum & aurum Deos esse putent, nam  
si maximè totum aureum esset opus, à quocunque vel mutorum etiam animalium,  
imò à quacunque vel abiectissima planta, naturæ & virtutis præstantia longè supera  
retur, at neque tota aurea esse, sed inaurata, hoc est, auro vel argento obducta, quæ  
nullum in visceribus spiritum, nullam vitæ partem contineant.

Viuunt quidem suò  
viuendi modo herbar, viuunt flores, viuunt frutices, crescunt & mitent arbores,  
cunctæ præterea fera, pecudes, belluæque omnes, & quicquid in aquis, aut in sic  
ca mouetur, vitam, mortem, sensumque omnia participant, aliquem omnia vtilitatis  
fructum præbent: nemo autem hominum hæc Deos esse putat, nisi forsan Egyptij,  
qui hæc sibi colenda portenta ambitiosè suscepere: quos tamen reliquæ nationes om  
nibus cachinnis irrident.

*Quis nescit voluæ Bithynice, qualia demens*

*Aegyptus portenta colat: crocodilon adorat*

*Pars hæc illa pauet saturam serpentibus Ibin.*

*Effigies sacri nitet aurea cercopitheci,*

*Dimidio magicæ resonant ubi Memnone chordæ.*

*Porrum ac cepe nefas violare, & frangere morsu.*

*O sanctas gentes, quibus hæc nascuntur in hortis*

*Numina lanatis animalibus abstinet omnis*

*Mensa, nefas illic foetum iugulare capelle.*

Iuuenalis  
saty. 15.

Ergo cum meritò qui huiusmodi naturas rerum pro diis colunt, à simulachrorum cul  
tonibus irrideantur, quanto maiore cachinno se dignos esse putent, qui marmores,  
aut lignum aliquod auro vel argento obductum suscipiunt & timent, quandoquidem  
ex res nullam formam aut figuram fortiantur, nullumque vsum aut fructum præ  
beant, nisi quæ fictorum & sculptorum ars, aut corrupta hominum opinio illis tribuerit.

[Et omnis spiritus non est in visceribus eius.] Huius nominis, spiritus, significatio, multiplex in  
diuinis libris est. Vna autè eius significationis forma, secundum quam hoc in loco vsur  
patur, prima illa vitæ ratio est, qua omne animal perpetuò exercetur: quæ maximè pro  
pria vitæ est: atque ijs quidem animantibus, quæ pulmonem & arterias habent, spiri  
tus animæ vis illa dicitur, qua aspirant atque respirant. nam in pulmonibus inest rari  
tas quædam, & assimilis spongiæ mollitudo; ad hauriendum aërem aptissima, qui  
tum se contrahunt aspirantes, tum spiritu dilatant, vt frequenter ducatur cibus ani  
malis, quo maximè aluntur animantes. Aspera autem arteria ad pulmones vsque per  
tinens excipit animam eam, quæ ducta est spiritu, eademque à pulmone respirat: ita  
spiritus hoc in loco viam respirandi vim & facultatem significat, vt etiam apud Ci  
ceronem, apud quem in philosophicis libris sic legitur: Aër, inquit, ille, quem spiritum  
dicimus. At verò in ijs animantibus quæ pulmone carent, alia quædam perpetuæ actio  
nis vis est, quæ hic, quam explicuimus, proportionem confertur, vt in alijs qui sub aquis  
viuunt, vt in ijs etiam, quæ insecta à philosophantibus appellantur. Omnem igitur hu  
iusmodi spiritum gentilium deorum simulachris Vates ineffe negat, atque ex conse  
quenti, ea omni vita & virtute carere asseuerat. nam vel illa solida intus sunt vel  
concaua

concaua, solidis lapidibus, aut metallis, cum nullæ arteriæ nullus pulmo; neque his simile in sit quicquam, constat nullum spiritum subesse posse, sed neque concauis, quandoquidem artifex nulla huiusmodi animæ ac spiritus instrumenta præstiterit: quod si maxime præstitisset, vim tamen & vitam talibus instrumentis aptam minime præstare posset. Illud hoc in loco in disceptatione quæstionēque à theologis vocari solet: Num deorum simulachra gentiliū aliquem spiritum habere possint, ita vt viuere, moueri, aut loqui videantur? Quam quidem nonnulli distinctione vti absoluunt: duplex, inquit, est spiritus, alter bonus, malus alter: bonus quidem & sanctus spiritus, neque simulachra intus agit, neque ea occupat aut obsidet, sicut scriptum est: Et spiritus non est in visceribus eius. At verò malus spiritus anima quidem imbuere non potest, occupare verò potest atque obsidere. nos autem cum nihil à malo spiritu, sine aut diuino consilio, aut saltem permissione fieri posse credamus, ipsam dæmonum naturam & vim prætermittimus (secundum quam multa & agere & facere possent; quæ tamen repressi & cohibiti vel tentare non audent) de ijs verò, quæ ab ipsis exercita adaque sunt, inquirimus, num simulachra & effigies, quæ pro dijs à gentibus colebantur spiritum aliquem siue bonum, siue malum, non continere intra se, sed præferre, vel imitari etiam visa sint? Atqui nos in ea sententia sumus, vt hoc fieri non posse putemus: nam tametsi multa à Deo in gentium poenam & supplicium, vel turpissima etiā permixta sint, nusquam tamen legitimus permissum, vt gentes in colendis simulachris, aliqua veritatis imaginē deciperentur: Atque totius quidem subsecuti erroris origo & caput hoc vnum fuit, quod à vero & omnium parente Deo desciscentes, ad id, quod Deus non erat, transfugerunt. Cuius quidem ratio nunquam illos fallere potuit, sed illi omnem in se aditum rationi præcluserunt, & libenter à mendacio contra verum steterē, quos tamen non raro Deus per sacros Vates: imò etiam per suos ipsorum sapientes vocatos aliquando huius stultitiæ atque dementiæ admonuit, nedum eos falsis imaginibus & spectaculis hac in re eludi permetteret. Atque quod ipse quidem in antiquorum libris legerim, nullum fide dignum extare exemplum memini, cuius auctoritate ab hac sententia dimouear: si quod autem alicubi inuenitur, tantum abest vt fidem faciat, vt ab iisdem etiam à quibus edita sunt, tanquam sacerdotum & antistitum præstigiæ irrideantur. Quale est illud:

Iuuen. Sat. 6.

*Et mouisse caput visa est argentea serpens  
Illius lachrymis.*

Psalm. 113.

Nam ea, quæ de oraculis traduntur, cum illa per viuos homines fusa esse ferantur, alterius tractationis sunt. Simulachra autem vllam vitæ partem imitari, & prophanæ literæ non probant, & diuinæ præcisē negant: Os habent, & non loquentur: oculos habent, & non videbunt: aures habent, & non audient: nares habent, & non odorabunt: manus habent, & non palpabunt: pedes habent, & non ambulabunt: non clamabunt in gutture suo. Quoniam omnis spiritus non est in visceribus eorū, nullus omnino spiritus. Nam quod ad sermonis rationē pertinet, hoc notatione dignum videtur, non eodem modo vniuersalē propositionem negatiuam in diuinis libris semper enūtiari, quo in latina & græca lingua enūtiari solet. In his enim duabus linguis duæ cōtrariæ propositiones sic enūtiantur: omnis homo est doctus, nullus homo est doctus. At sacrorum librorum germanus sermo, & latinus etiam, qui in vulgata editione illi respondet, non perpetuò ad hanc regulam nominamque dirigitur, quippe qui in pluribus locis verba, omnis nō, idem, quod nullus, significare inueniantur. namque vbi in sacrorum institutione Iudæis ad opis esu interdicitur, sic legimus: Omnem adipem non comedetis. & in legibus de dierum obseruatione, plusquam vigesies repetitur: Omne opus non facietis. quibus & simile illud est: Et posuit Deus signum Cain, vt non interficeret eum omnis qui inuenisset eum. Atque hoc in loco diuini spiritus consilium & sapientia legentium admirationem postulat, quòd cum Vates cum gentibus de illorum religione disceptaret, non aliunde, quam ex philosophia & rerum natura argumenta duxerit, vt scilicet diuinus spiritus ad illam sapientiam imaginem, quam gentes intuentur, sese accommodaret, iisdemque artibus eos superaret, quibus illi plurimum præstant. Tota namque probatio & cōfirmatio topica est, & ab his locis deprompta, quæ in re, aut circa rem versari dicuntur: à materia videlicet simulachrorum, ab ipsorum, quæ secundum artem est, forma, ab effectis, à re-

Leuit. 3.  
Leuit. 23.  
Genes. 3.

ex re illud didicisse retulerit, optimam selectissimamque viam conuincendi eos, qui à veritate desierunt, eam esse; videlicet ut eorum ipsorum argumentis, fundamentis; & illis, quibus maxime fidunt, artibus superetur. Quapropter nos libenter cum ijs, qui novas errorum vias secuti sunt, non alio, quam diuinæ scripturæ testimonio, cuius ipse se sacerdotes falso prædicant, contendimus. Iudæorum etiam duritatem & perfidiam veteri testamenti telis & fulminibus inuadentius: Arabum verò tenebras sui ipsorum Alcorani scintillis quibusdam discutere licebit: nam in illo cinere quædam lucis scintilla latent, quæ si foueantur, nostræ, hoc est, Christianæ atque Catholicæ veritatis, & suæ ipsorum deceptionis & falsitatis iudices profecto sunt. Sed gentes, & quæ nulla, & quæ vana simulachra colunt, quales nostro tempore sunt orientales Indi, & Ethiopes, aliqui, & qui novum Oceani orbem habitant, ex ipsa natura ductis argumentis, aduocare primum, & expellere; deinde sacrorum librorum mysteriis imbuiere conueniet: quanquam autem gentium simulachra, & quos illi Deos appellabant, nullius frugis, nulliusque momenti esse diuino oraculo, & ipsa rei veritate & notatione demonstratum sit: non alienum tamen aut ingratum hoc loco erit, si Luciani de hac re iudiciū & testimonium subiiciamus, ut illorum ipsorum, qui philosophiam professi, & rerum naturam ducem tantum secuti sunt, inuerta ratio hæc manifestior fiat. Ille enim in dialogo, qui inscribitur Gallus, cum de perpetua solitudine, qua tyranni reguntur, disputaret, rem totam hac similitudine explicat. Ego vero, inquit Gallus, cum me tot miseris premi sentirem, & eos, qui me fecerant, prædicabant, decipi cognoscerem, me ipsum miserabar, qui maximis illis coloris quam simillimus essem, quos aut Phydias, aut Myron, aut Praxiteles fecerit, quorum alius quidem secundum exteriorem figuram Neptunus est; alius verò Iuppiter ex auro vel ebore pulcherrimè elaboratus, ac fulmen, vel fulgur, vel tridentem dextra tenet. At verò si paululum inclinatus ea, quæ intus sunt, conspexeris, vides me Hercule quosdam, & cuneos, & clauos vndique connexos vides adde stipites: & fudes, picem etiam bitumine mixtam, & huiusmodi plurimam quandam deformitatem interius occultam. Omitto dicere musculorum ingentem copiam, & araneorum, qui suas ibi sedes posuerunt, atque interdum rixas turbasque agitant. atque tale quiddam regnum est.

Lucianus in  
Somaio.

*Dominus autem in templo sancto suo: sileat à facie eius omnis terra.*

COMPARATIONE sententiam suam Vates confirmat. nam Deum immortalem de Nabuchodonosore poenas sumpturum esse prædixerat, quas ab illo effugi non posse asseuerauerat: quandoquidem id quod tyrannus auxilio sibi fore putabat, vanum tandem experturus erat: cum nulli eorum essent, quibus fidebat, dii, nullamque omnino virtutem sortiti, neque in vlla mundi parte locati. nam propria deorum sedes cælum est (utpote supremus locus supremæ naturæ conueniens.) At verò cælum Deus illè vnicus immortalis, quem Hebræi colebant, ut maiestatis eius propriam sedem, & quandam regni arcem solus obtinet, ille cæli opifex, ille gubernator, ille proprio iure possessor est; neque regni parem socium, neque amulum patitur. Gentium autem dii, cum in cælo non sint, nullibi esse possunt. In terra autem esse quis dicat deos, & nullum in cælo ius habere? Sed eos etiam non esse in terra, ipsa experientia ostendit: nam in simulachris, vbi maxime illorum aliqua vis residere putatur, nullam omnino esse ostensum est. At verò, neque in domibus aut urbibus habitant: namque ea hominum habitatio propria est, sicut scriptum est: Cælum cæli Domino, terram autem dedit filiis hominum. Nullibi igitur sunt gentium dii. Deus ergo solus totius mundi ædificator & gubernator est. nam terra cælo subiacet, illiusque vim in se perpetuò experitur, & secundum cæli ordinem variè pro temporum ratione gubernatur: & ex consequenti, omnia quæ in terra sunt, cælo substant. Cælum autem Domini Dei immortalis templum ac sedes est. Nihil igitur est, quod sub illius imperium & ditionem non cadat, cum possit cælum concutere, & totam terram euertere. Ergo quicquid ille decreuerit, citra omnem repugnantiam fiet. Taceat ergo omnis terra à facie eius, neque quisquam sit, qui se illi opponere audeat, aut contra vel mutire, cum illius imperium detractare nemo possit, nedum

Aristot. r. de  
celo & mundo.

Psal. 113.



tu possis, o Babylonice rex ea, quæ tibi illius nomine enuntiantur, effugere. [Omnia terra.] metonymia est, qua omnes orbis habitatores significantur. Verbi suppositum ei rei accommodare oportet, cui ipsa verbi actio competere potest. Tacere autem cum ex his verbis sit, quæ priuationem, ut dialectici loquuntur, significant, nulli rei convenire potest, nisi eide & vocis & sermonis usus vicissim conveniat. Quare cum terra omnis taceret à facie Dei iubeatur, omnibus mortalibus silentium indicitur, ut illud: Omnis terra adoret te, & psallat tibi: psalmum dicat nomini tuo. Idem etiam tropus aliis auctoribus in usu est, ut apud Poëtam: *Et cuncta terrarum subacta*. Præter atrocem animum Catonis. Huius ergo orationis hæc sententia est. Deum ex editissima cæli arce, quam suæ maiestati regiam esse voluit, cælum, maria ac terras, & quæ in his locis sunt, uniuersa maiestare, & quicquid ille esse voluerit, id fore ut sit: neque quemquam Deorum esse gubernare, (qui tamen nulli sunt) qui illius consiliis occurrere, obistereque valeat. Quamobrem cum primum Deus de Babylonis iudicium fecerit, ipse imprimis Deos, quos illi vanè colebant, de suis pulvinaribus & delubris deiiciendos & confringendos esse, per Isaiam prædicat: Confractus est Bel, contritus est Nabos, facta sunt simulachra eorum bestis & inmentis: onera vestra graui pondere usque ad lassitudinem cõtabuērunt, & contrita sunt simul: non potuerunt saluare portantem. Ut autem id exequamur, quod sacrorum librorum interpretationem suscipientes professi sumus, pauca de dicendi artificio hic indicare visum est: & quædam quasi capita notare, quæ aditum lectori ad omnes locos inuestigandos, omnemque orationis ornatum spectandum patefaciant. Quam profecto curam quisquis suscipere voluerit, plurimum & ad iudicandum, & ad eloquendum utilitatis fructusque percipiet. Igitur tota causa in iudiciali genere versatur, in qua Deus iudex constituitur, accusator Vates est, is Nabuchodonosorem reum facit. Status autem causæ legitimus est, continet enim quæstionem de iusto & iniusto. An videlicet Babylonius rex iure cõtra omnes nationes, ac maximè contra Dei populum bellum faciat? An iure in eos qui à se victi fuerint truculentissime sæuiat? Hoc autem genus officii constat duobus, intentionis, ac depulsionis. Cuius quinque partes sunt: Proœmium, narratio, probatio, refutatio, peroratio. Proœmium in hoc Vate ad eum usque versum pertinet, [Aspicite in gentibus.] Narrationem & probationem primi capitis finis claudit: atque probatio illa quæ narrata sunt, iniuste fieri arguit. Confutatio autem ab illo versu incipit: [Quid prodest sculptile,] & cum ipso capite terminatur. Inter hæc autem iudicis sententia inseritur, cuius ratio atque æquitas multis argumentis indicatur. Est autem sententiæ initium: [Et respondit mihi.]

Psalm. 56.  
Horat. carm.  
lib. 2. od. 1.

Isaie 46.

### CAPVT TERTIVM.



#### RATIO Habbakuq Propheta pro ignorantibus.

QUANQVAM omnia quidem, quæ in Vatum libris scripta sunt, humani intellectus captum longè superare videantur, propter summam & argumenti magnitudinem, & orationis sublimitatem, tamen in ijs ipsis scriptis illa longè difficillima sunt, quæ cantici & orationis titulo sunt insignita: in his enim & dicentis imperus feruentior, & magnum argumenti pondus angustis orationis spatiis continetur, & ipse diffusionis atque orationis habitus & color, ut est quidem elegantissimus, ita explicatu difficillimus: quippe qui tum numerorum & pedum natura, quibus carmina constant, exigente, tum etiam ipso poetico eloquio, quod à communi sermone maximè distat, non vulgarem rationis & sententiæ suæ iudicem admittat. Constat autem, ut nihil eorum, quæ in diuinis libris continentur, neque rectè, neque commodè enarrari potest, nisi illius eiusdem spiritus, à quo hæc dictata sunt, nomine & auxilio inuocato, ita in locis his quæ grauiora sunt, vota repetere, & quasi noua precatione uti oportere. cuius ego religionis legem sanctissimam secutus, ipsum mihi in auxilium diuinum spiritum inuoco, qui vatum mentes, ut hæc sublimiora canerent, excellentius auxit, ut præsens mihi & propitius adsit, animumque meum ad communem ecclesiæ suæ utili-

utilitatem suo numine illustret, quantumq. opus ad hæc enarranda esse nouit, tantum mihi ingenij aspires, & me qualē esse voluit, faciat, amē. [*Oratio Habbaquq propheta pro ignorantijs.*] Titulus ipse & inscriptio argumenti partem & dicendi genus indicat. nam in diuinis libris, orationis nomine, verba apud Deum facta de re aliqua graui significantur, cum de leuibus & exigui momenti negotijs, iisdemq. ad veram hominum utilitatem non pertinentibus verba fundere nefas sit: in ijs autem negotijs oratione vti plerumque oporteat, quæ magna omnino sunt, & diuinum auxilium, vt benè recteq. perficiantur, exposcunt: qualia sunt, vel malorum deprecationes, vel bonorum, quæ verè talia sunt, petitiones. Ipsa igitur inscriptio argumento nobis est, rem grauem magniq. momenti subesse, quam & attendere, & intelligere operæpretium sit. Quod autem additur, *pro ignorantijs*, id Chaldaus paraphrastes, longo verborum tractu vsus, ad populi Iudaici peccata refert, quæ ab eo ignorantia vocantur, ob quæ Iudæorum gens in Babylonem captiua ducta fuerit. Ipse autem in disputatione & dialogo totum hoc negotium commentatur: atque paraphrastes ille hebrææ dictionis etymologiam secutus est, quæ illud propria notatione significat, quod à Latinis hoc nomine, *ignorantia*, significatur. Quare & latinus interpret eandem Etymologiæ vim obseruans ita transtulit, *pro ignorantijs*. At verò nobis varia de hac re legentibus, & nominis vsu rationemq. notantibus, simplicior quidem alia, sed aptior fortasse inscriptionis ratio reddenda est: idq. quam fieri possit breuissimè. Principio igitur orationem hanc à Vate appellatam meminisse oportuerit, quo nomine grandius quiddam & sublimius auditoribus promittitur. Deinde carmine hanc orationem conscriptam esse, non modò ipsa hebrææ vocum structura, sed ipsa etiam latina versio indicat, quamuis soluto sermone reddita sit. nam & verborum sublimitas, & clausularum certa quædam concisio ac breuitas, quiddam prosa oratione numerosius produnt, vt illud de his rectè dicatur:

*Inuenies etiam disiecti membra poetæ.*  
 Carminis autem cum multa genera sint, nec tamen omnia omnibus argumentis conueniant, commune in poetis omnibus est, & quasi quoddam solenne seruatum, vt poematum principijs carminis genus annotetur, vt ex ipsa inscriptione qualis res, quoq. dicendi habitu tractetur, & ad quales numeros illa canenda sint, cognoscatur. Non vna autè est nominum carminibus imponendorum ratio, cum quædam ab ipso argumento, quod cõmuniter in ea referri solet, nomen habeant, vt apud Græcos & Latinos Heroicū, Elegiacum: quædam à musicis, quibus cantantur instrumentis, vt Lyricum, quædam verò ab inuentoribus, vt Sapphicum, atq. à numerorum & pedum mensura & modo alia appellentur, vt Hexametrum Pentametrum, & ab alijs quamplurimis notis multa alia appellationem fortiantur, quæ omnia persequi pro huius loci ratione longissimum, & non adeo fortasse necessarium sit. Quod si nobis psalmorum librum dextro numine interpretari contigerit, longiorem de hac re disputationem (vt illius loci propriam) pollicemur. Interim satis fuerit indicare hebræam dictionem *Sighinoth*, pro qua latine *ignorantias*, legimus, nomen esse, & genus carminis, quo hæc oratio decantari solita est, significare: quod vel legere hebraicè scientibus facilè persuadebitur, qui non in vno Dauidis psalmo eandem dictionem titulo præfixam reperient, vt in psalmo septimo, *Sighaion le David*, hoc est, psalmus David, ex eo carminum genere, quod *Sighaion* vocant, cuius pluralis numerus est *Sighinoth*, vt hoc in loco legimus: vt cum nos dicimus Phaleucium Catulli, Sapphicum Horatii. Particula autem, *pro*, accommodationem carminis ad suum genus, non causam aut finem significat, vt psalmus David *pro* torcularibus, quod instrumenti musici nomen erat. Nec me verò ignorantia etymologia mouet, cum variâ & multiplicem esse rationem, cur nomina alia atque alia carminibus imponantur, indicatum à nobis modò sit. Quandoquidem hæc artium & scientiarum vocabula (quæ logici secundæ intentionis terminos nuncupant) pleraque translata sint, & à remotis similitudinibus petantur, quorum lex & ratio non semper religiose seruatur: sed quod initio ad vnum finem repertum est, cuius rei gratia id nomen est sortitum, ad alios fines atque vsus postea trāsferitur. Vt Græcis & Latinis vsu venit, cum Elegiacum carmen à lugubri & tristi argumento ad hominum heroūq. laudes, & ad epigrammatum iocos nō raro transfugiat. Igitur ignorantiarum nomen in hoc loco carminis nomen esse censemus, quamcunque sibi eius nominis etymologia significationē vindicet. Adde quod ipse possessiuus casus cum psalmorum inscriptionibus omnino cōuenit. Psalmus David pro torcularibus.

Psalmus David super vincentem. Canticum canticorum Salomonis: sic oratio Habba-  
 kuq pro ignorantibus. Minor autem omnino labor esset, hæc hebraicè scientes docere, in  
 iam multa dicta à nobis sunt. Iam verò de ipso orationis argumento, quæ restat dicamus.  
 qua in re illud notatione dignum est ijs, qui vatum lectionibus operam & studium na-  
 uare parant, nullum sacrum vatem fuisse, qui de noui testamenti ætate aliquid non  
 prædixerit: nam cum Hebræorum populus ad hoc à Deo electus fuisse legatur, vt ex  
 eorum gente ille totius orbis redemptor aliquando nasceretur, atque vt idem populus  
 veræ religionis disciplinam interim conseruaret, hoc omnium vatum munus, hoc officii  
 admonerent: vt suæ illi electionis memores officijs satisfacerent, quantum illius electio-  
 nis dignitas & amplitudo postulabat. Itaque omnes de venturo Messia aliquid, nonnulli  
 plurima prædixerunt. Omnes prophetae, inquit Petrus, à Samuele & deinceps annuntia-  
 uerunt dies istos, huius aetate noui testamenti ætatis. At verò locus, in quo diuini vates  
 hæc mysteria tractent, non potest certus aliquis & communis omnibus adnotari, cum pro  
 alijs atque alijs occasionibus hæc ab illis mysteria aliter atque aliter tractentur. sed tamē  
 illorum plerisque hoc quasi solenne & sanctum est, vt circa suarum vaticinationum fines  
 aliquam de hac re mentionem faciant. Quam rem & Hebræi vatum interpretes his fere  
 verbis indicauerunt. Omnes, inquit, vates, qui ad hoc missi sunt, vt aberrantem po-  
 pulum reprehenderent, illique ventura ob impietatem supplicia prædicerent, in ipsis  
 scriptorum principijs reprehensiones & accusationes, in fine verò consolationes adhi-  
 bere consueuerunt. consolationes autem illi venturi redemptoris promissiones appellat.  
 Quam quidē rationē Vates noster secutus videtur, atq. in tota illa, quæ hactenus præ-  
 cessit, oratione multa de Iudæorum calamitate prædixit: nunc verò de Christi aduentu  
 iam operi suo finem facturum differit. Tota autem decertatio cum Deo est, quem Vates  
 sollicitè admodum consulit, quis exspectandus Israëlitis populo sit exitus. Neque enim  
 frustra tot tamque diuinis beneficijs eam gentem olim affecerat, tantisque miraculis il-  
 lustrauerat, quibus ille vniuerso orbi testatum esse voluit, hanc gentem in magnum ali-  
 quod negotium vnā ex cunctis à se fuisse selectam. In eloquēdo autem interrogatione  
 ex more suo utitur: cuius figuræ rationem & elegantiam in huius libri principio pluribus  
 verbis indicauimus.

Act. 3.

Hebr. adno-  
tatio.

*Domine audiui auditionem tuam, & timui: Domine opus tuum in medio  
 annorum, viuifica illud: In medio annorum notum facies: cum iratus  
 fueris, misericordie recordaberis.*

ADMIRATIONIS & solitudinis materiam diuinum oraculum Vati dederat, cū  
 in eo tam diuturnæ migrationis Iudaicæ gentis admonitus fuerit. namque durissimum  
 videbatur populum illum tanto tempore infensum Deo fore, quem populum ipse Deus  
 peculiaribus & diuinis beneficijs antea fouisset, atque ad tantam dignitatem extulisset;  
 hunc rursus ita à Deo sperni & repudiari, vt feris hostibus cedere ac parere, & in eorum  
 potestate procul à patria miserissimam vitam degere cogatur, vt magnopere timendum  
 fuerit, ne in tantis miserijs & calamitatibus populus ille deficeret, & de summo illo  
 gradu, in quo à Deo collocatus fuerat, deiceretur. Quam ob rem Deum ipsum allo-  
 quitur, cui præteritorum beneficiorum summam explicat, oratque vt inceptum in ipsis  
 opus perficiat, illumque totius orbis redemptorem, quem ex ea gente vniuerso mundo  
 dare decreuerat, quamuis illius gentis criminibus & impietate offensus fuerit, tandem  
 dare non abnuat aut differat: sed opportuno tempore immensum misericordie suæ the-  
 saurum aperiat; quodque non semel pollicitus fuerit omnibus gentibus beneficium,  
 cuius manifestam promissionem tanto miraculorum apparatu ornauerit, eadem beni-  
 gnitate adductus concedat. Eodem hoc orandi exemplo vsus est Moyses, cum constitu-  
 tum ob impietatem in Israëlitas supplicium deprecatur, inquit enim: Vt audiant Aegyptij,  
 de quorum medio eduxisti populum istum, & habitatores terræ huius, qui audierunt,  
 quod tu Domine in populo isto sis, & facie videaris ad faciem, & nubes tua protegat illos,  
 & in columna nubis præcedas eos per diem, & in columna ignis per noctem: quod  
 occideris tantam multitudinem quasi vnum hominem, & dicant: non poterat in-  
 troducere populum in terram, pro qua iurauerat: ideo occidit eos in solitudine.

Numer. 14.

Magni-

Magnificetur ergo fortitudo Domini, sicut iurasti dicēs: Dominus patiens & multæ misericordiae, auferens iniquitatem & scelera, nullumque innoxium derelinquens: qui visitas peccata patrum in filios in tertiam & quartam generationem. Dimitte obsecro peccatum populi huius, secundum misericordiae tuæ magnitudinem, sicut propitius fuisti egredientibus de Aegypto usque ad locum istum. Atque hæc quidē Moyses orationi multum lucis nobis ad eorum, quæ sequuntur, intelligentiam adferet: quando eadem utrobique differendi forma, eisdem penè argumentis, illic breuior & contractior, hic longior & diffusior est. *Domine audiui auditionem tuam, & timui.* Quod latine hoc in loco nomine domine, significatur, in hebraico exemplari nomen illud ineffabile est, quatuor litteris constans, quod diuinam naturā maximè præ cæteris nominibus significat: cuius significationis absolutam rationem nemo mortalium (nisi familiari quodam priuilegio à Deo edoctus quispiam fuerit, est affecutus. quo nomine diuina scriptura ferè vititur, ubi negotium agitur, quod ad Iudæorum gentem, vel ad venturi Messiae partes pertineat. Est autem nomen in orationibus huiusmodi ad impetrandum accommodatissimū.

O Deus (inquit) eo te nomine appello, quo tu te apud famulum tuum Moysen appellaueras, cum de redimendo ab Aegyptiaco populo cum illo conuenisti, ut vel hoc nomine audito tuæ benignitatis memineris, & populum tuum tanta calamitate, & me hac, quæ vehementer angor, cura liberēs. [*Audiui auditionem tuam, & timui.*] Auditio idem quod nuntius vel fama significat. In vatibus autem sermonibus nuntium à Deo in futuræ rei predictione immissum accipimus, siue id nuntium per ministros dei spiritus, siue certo per quietem viso, siue quouis alio modo à vatibus acciperetur. Sic apud Ieremiam: Et in anno veniet auditio, & post hunc annum auditio, & iniquitas terræ, & dominator super dominatorem. & apud Isaiam: Quis credidit auditui nostro? siue auditioni nostræ? nam idem verbum in his omnibus locis legitur. cuius quidem verbi quoniam frequens usus est, hanc certam significationem statuimus, ut auditionem vel auditum nuntium esse dicamus, quem vates, ut ad populum perferretur, accipiebant. hanc rem Latini veteres in religionis suæ mysteriis nuntiationem appellabant. nam quæ augures vel aruspices obseruauerant, ea nuntiabant. Cicero in libro de diuinatione: Nos, inquit, nuntiationem solam habemus, Consules etiam inspectionem. Quam quidem dictionē ab illorum vanitate & superstitione ad nostram veritatem, rei certius explicandæ gratia, transferre licebit. Itaq. Domine, inquit Vates, cū audierim quæ mihi nuntianda credideris, rerū expectatione & metu vehementer sollicitus factus sum. nam & diuina etiam nuntiatione acceperam te sanctum esse, fortem & zelotem. quandoquidem Iosue dux tuus ita scriptum te dictante nobis reliquit: Deus enim sanctus & fortis & æmulator est, nec ignoscet peccatis & sceleribus vestris, si dimiseritis Dominum, & seruiueritis dijs alienis, conuertet se, & affliget vos atque subuertet, postquam præliterit vobis bona.

*Domine opus tuum in medio annorum, viuifica illud in medio annorum notum facies: cū iratus fueris, misericordiae recordaberis.* Hoc est totius orationis thema & argumentum. quærit enim Vates, num Deus Iudæorum impietati infensus, consilium suum de Christo ex illorum genere mittendo abiecturus sit. Opus autem Dei vocat Israël, in qua gente præ cæteris ornanda atque illustranda multum operæ, ut ita dicamus, Deus posuerat: neque enim communibus tantum omnium nationum beneficijs eam profecutus fuerat, sed singulari illos studio semper fouerat & auxerat: significat autem opus, hoc in loco, negotium proprium summo studio, summaque diligentia curatum. At hac appellatione Deus ipse in eadem significatione apud Isaiam vititur: Hæc dicit Dominus sanctus Israël plastes eius, Ventura interrogate me super filios meos, & super opus manuum mearum. Igitur Domine, inquit, ex quo ego ex te nuntiationem hanc acceperim, qua venturam in Iudæos calamitatem per me prædici voluisti, ex eo sollicito & anxio animo sum, an opus tuum istud, quod tanta cura, tantoque consilio hætenus produxisti, perficere tandem statueris? an perpetuò spernere & repudiare destinaueris? nam si impietatem respicias, nihil est, quod illos in tuam gratiam suamque antiquam dignitatem redituros sperem, qui te toties vitijs & sceleribus suis offenderunt: sed cū ad tuam gratiam auditum huius gentis merita inuenire nequeant, hunc, precor, tua immensa illa misericordia patefaciat. [*In medio annorum, viuifica illud.*] Anne opus istud tuum in æternum abiectum iacere patieris? nonne aliquando illud restitues. sed exorari te sine,



& pro tua illa misericordia viuifica, & restitue populum istum, & cum tempus illud ad-  
 uenerit, quod Christum tuum ex hac gente missurus es, id, quæso, perface, quod diuino  
 consilio isto decreueras: quod spero facies. nam tempus erit in quo totius orbis fines  
 tanti tui beneficii fama peragrabit, neque in æternum id celabis, sed in medio annorum  
 notum facies. Medium autem annorum id Vates vocat, quod nos certum & constitu-  
 tum tempus dicimus. namque totius temporis summa præsens Deo est: qui quamuis  
 nullis temporum legibus astrictus sit, utpote æternus, & ab omni motu & tempore se-  
 iunctus, tamen multa alijs atque alijs temporibus agit, scilicet illius consilio & prouidentia  
 id exigente. Duo igitur tempora diuerso annorum numero obseruanda proponuntur: al-  
 terum ab humani generis ruina usque ad eius reparationem: alterum verò ab ipso repa-  
 rationis principio usque ad totius mundi finem. At illud tempus, quod prioris finis fuit,  
 & posterioris initium, medium annorum à Vate vocatur: neque enim hoc in loco me-  
 dium geometrica aut arithmetica partitione statuitur, sed vtriusque temporis intercessio  
 quædam significatur: lingua enim sancta id quod nos medium interpretamur, varijs di-  
 uinibus appellat: nam quæ in illa *thoch*, vel *Metziagh*, vel *quereb* proferuntur, varijs di-  
 uinis vocabulo medij reddimus. Singulorum tamē diuersa in se notatio est. nam *Metziagh*,  
 geometricum vel arithmeticum medium significat. At vero *thoch* & *quereb* sic medium  
 Hebræis significant, ut Latinis inter & intra: Hoc autē loco *quereb* legimus, ita ut in me-  
 dio annorum intra annos, certo in tempore interpretemur, atque ab eo quod æternum  
 est separemus. Precatur igitur ne huius gentis gloriam & dignitatē perpetuò iacere per-  
 mittat, sed suo in tempore viuificet atque restituat, misso videlicet ex ea gente orbis totius  
 assertore Christo. Atque adeo multa sunt in sacris libris loca, in quibus mediū hac signifi-  
 catione usurpatur, ut: Quia sanctus in medio tui Deus Israël. &: Mittam pestilentiam in  
 medio vestri. & illud: Afferamus ad nos arcam Domini, & veniat in medio nostri. quæ  
 omnia intra te, & intra nos, & inter nos certissimè explicaueris. [Cum iratus fueris, miseri-  
 cordia recordaberis.] Innumeris diuinorum librorum testimonijs probatum est, antiquio-  
 rem esse apud Deum misericordiam, quam iram. nam misericordia sua illi natura con-  
 stat, iram autem nostra peccata incitauere. Misericordia bonitatis diuinæ comes & socia  
 est; ira verò iustitiæ ministra: at iustitia meritum respicit, bonitas autem & misericordia  
 ante omne meritum. Denique nisi peccatum extitisset, nullam Dei iram legeremus: at  
 verò misericordiam & bonitatem, etiam si peccatum nullum fuisset, legeremus. Nam  
 quod mundum hunc condiderit bonitatis & benignitatis fuit: quod hominem illū pri-  
 mum, atque in illo totum hominum genus tot maximis beneficijs ornauerit, benigni-  
 tatis hoc diuinæ fuit: quod autem hominis malè imperio parentis ingratitude in sen-  
 sus fuerit, id posterius fuit, atque à nobis ortum habuit, non ab ipso Deo. Porro quod  
 hominum generi ignoscere decreuerit, id ab ipso Deo, non à nobis natum est. Sed &  
 Abraham euocatio Isaac & Iacob electio nō humanam virtutem, sed Deum auctorem  
 habuit. Denique Israëlito populo toties imperium detrectanti iratum Deum agno-  
 uimus: cuius tamen iræ incitatores ipsi suis sceleribus fuerunt. quoties autem illis Deus  
 ignouerit, id ex sua misericordia fecit. At verò diuinus animus nullius perturbationis,  
 qualis est ira, capax est: sed tamen illum iratum nobis sacræ literæ sæpissimè describunt,  
 ut graue supplicium ab illius iustitia de sceleratis sumendum indicent: quandoquidem  
 irati non leuiter iniurias vlciscuntur. idem autē Deus sine vlla animi perturbatione effi-  
 cere solet. Describitur autē iratus Deus ut homines magis peccare formidēt, quādo Deū  
 eorum scelera grauissimè vindicaturum esse sciant. Itaque huiusmodi verba, ira, furor,  
 tristitia, pœnitudo, & quæcunque talia sunt, ita Deo tribuuntur, ut omne id, quod na-  
 turæ impotentiam, aut vitium aliquod in his verbis significat, in Deo negetur: quatenus  
 verò actionem, vim, virtutemque significant, id omne in Deo affirmetur. Et ut scholarū  
 verbis interdum utamur, hæc verba de Deo non secundum affectus, sed secundum esse  
 dicta dicuntur. De misericordia autē alijs pluribus à nobis disputabitur: sed illud ad huius  
 interpretationem satis sit dixisse, antiquiorem apud Deum esse misericordiam, quā irā,  
 sicut scriptum est: Reminiscere miserationum tuarum Domine, & misericordiarū tua-  
 rum quæ à seculo sunt. Et quoties Deus iratus nobis ostenditur, id contra ingenium  
 suum quodammodo esse; neque enim ultro, sed, ut ita dicam, inuitus irascitur, id hu-  
 manis sceleribus postulantis, iuxta illud: Peccata vestra prohibuerunt à vobis bonum.

Psal. 24.

Jerem. 5.

Quoties

quoties autem sese nobis misericordem præbet, id sponte & ex suo ingenio facit. Vtrâq. autem hanc rem idem ipse docet dicens : Perditio tua ex te Israël : salus autem ex me. Quam quidem rem qui subtilius disputatâ cognoscere volet, is D. Thomam Aquinatē in quartum sententiarum, qui vocatur, librum legat. Igitur Vates Deum orat, vt naturalis misericordiæ rationem habeat, iramque deponat, quam ipse non libenter habet. *[Recordaberis, inquit, misericordiæ.]* tanquam præcipui apud te affectus, & quo tu iam inde à principio vsus fueris, ipsa profectò natura tua te misericordiæ tuæ admonebit.

D Thomas  
4. senten.  
dist. 46.

*Deus ab austro veniet, & sanctus de monte Pharan.*

- 10 ENVMERAT Vates beneficia, miracula & signa; item apparatus omnem diuinum, quibus Dominus in Israëlitarum gente tuenda, ornanda atque amplificanda vsus est. Nam cum illos ab Ægyptiaca seruitute liberaret educeretque, ipse Deus illorū ducē sese præbuit, & mirabili nube illos obtexit, & ad Arabicum vsq. suum deduxit; deinde siccis pedibus per mare traduxit : deinde verò in Arabiæ montibus signis, portentis & miraculis suam præsentiam testatus, sanctissimas illis leges promulgauit; post hæc per quadraginta annos varijs peragrationibus circumductos caelestibus illis & decatissimis pavit cibis. demum promissionum & misericordiarum suarum memor expulsis gentibus illis desideratam terram possidendam tradidit. Igitur *Deus ab austro veniet*. Lex Hebræis in sina Arabiæ monte data est. Sina autem mons Themam & Pharam montibus vicinus
- 20 est : nam Themam alio nomine Seir vocatur. Igitur in Sinai sese illis multis signis ostenderat, ita vt eum præsentem omnes cognoscerent, maxima religione tacti, quod tunc humana voce alloquutum audierant (siue ille idem ipse Deus fuerit; siue illius vicem gerens angelus quispiam) in exemplari autem huius orationis pro latino nomine *Austro* legimus *Theman*. nam interpres ad mundi plagam tantum respexit, quæ nonnunquam nomine *Theman* in scripturis significatur, quoniam *Themanus* mons Iudææ Australis est. nos, vt rescertior apertiorque sit, montem hoc in loco signari dicimus, quem ad austrum situm etiam dicimus. Igitur Dominus à Themano australi monte veniet, & sanctus de monte Pharam, qui etiam Sinæ monti vicinus est. Est autem metonymia figura in poëtico eloquio satis frequens, cum vicinus pro vicino vsurpatur loco.
- 30 Qua etiam figura Moses in benedictione illa eadem omnino cum hoc carmine sententia vsus est. Inquit enim, Dominus de Sinai venit, & de Seir ortus est nobis, apparuit de monte Pharan. atque hæc carmina se vicissim interpretantur. Quod autem dicit Deus de Themam vel Austro, *[& sanctus de monte Pharan,]* eiusdem sententiæ repetitio est diuersa oratione expolita, tropus in diuinis scripturis frequentissimus, & in alijs auctoribus non rarus. *Deus*, autem rectorem gubernatoremque in hoc loco significat, quod vnum ex multis Dei nominibus est. At verò *sanctus* eundem Deum significat, quatenus se Hebræorum genti certis quibusdam beneficijs, ijsque maximis, tutorem & vindicem præbuit; idque multis signis testatus est. de quibus nominibus nos alias plura & exactius. Porro vt ijs etiam, qui hebraicè sciunt, consulamus, aduertendum est hoc in carmine in
- 40 exemplari scriptum esse *Celah*, quod verbum interiectionis vim habet, & in illa lingua letantium, vel triumphantium, interdum etiam & spiritu ouantium vox, Dauidicos psalmos cantantibus passim obuia, & à D. Hieronymo satis notata, quam doctissimus ille sanctus linguæ suæ vsu profert *Sela*.

סלה

- 45 *Operuit celos gloria eius, & laudis eius plena est terra.*

CVM Deus in Sina monte populum alloquutus est, ita maiestatem suam & præsentiam est testatus, vt nullus fuerit, qui ipsum adesse negare posset, quando totum cælum coruscationibus, & igneis lampadibus emicuit, fulgurum crebra vis, & tonitrua ingentia addita sunt, & vox articulata humana maior humanis auribus audita est. Itaque Deum venisse, nemo fuit, qui inficias iret, imò omnes timore perterriti Moſen rogauere, vt diuina mandata ab ipso eodem ad eos perferenda curentur: se enim tantæ maiestati sustinendæ impares omnino esse. Hoc igitur Vates innuit, *gloriam Dei*, hoc est, aduentus eius manifestissima signa celos operuisse, ita vt cæli species à mortalibus præ fulgore & fumo conspici non posset, & tota terra laude illius impleretur. vndique enim magnus admirantis populi clamor personabat. Gloria Dei in scripturis diuinæ naturæ, aut sapientiæ, aut virtutis præconium & testimonium sæpe significat. Laudis autem

Psalm. 17.  
Psalm. 7.

nomine testimonium ipsum ab hominibus receptum & approbatum significatur, ut in psalmo legimus: Caeli enarrant gloriam Dei, & opera manuum eius annuntiat firmiter. & in alio psalmo: Ex ore infantium, inquit, & lactentium perfecisti laudem.

*Et splendor eius ut lux erit, cornua in manibus eius: & ibi abscondita est fortitudo eius.*

DEVM nemo vidit unquam sicuti est: namque mortalibus oculis diuina natura videri non potest. solet autem Deus species quasdam, vel immensæ lucis, vel densissimæ noctis humanis oculis obijcere, quorum utrumque humanum sensum superando diuinam maiestatem adesse testatur. sic olim in Madian Mosi apparuerat, sic aliquando Dauidi, sic Isaia, sic etiam in Thabor monte tribus testibus sese ostendit: maximo autem splendoris apparatu sese apud Sinam montem in numerosissimo hominum conuentu ac turba spectandum præbuit, eo modo, quo maxime ab hominibus mortalibusque oculis spectari fas erat. qui tantam lucem admirati illius præsentiam omnes fatebantur. Erat enim splendor ille ut excellentissima quædam lux, & totius luminis quasi quidam fons, quod dictio hebræa notat, Or, illi luci, quam Deus primam creauit, voce & notatione respondens. In manibus autem Dei duo cornua erant, hoc est tabulæ legis duæ splendentes quasi solis radij, quos cornua hoc in loco Vates vocat, ob flammarum & radorum pyramidalem & tortuosam figuram: unde & Vulcanum poetæ claudū finxere. Cornua igitur legem igneam intelleximus, sicut de eodem argumento scriptum est: Et in dextera eius ignea lex. namque illa interpretatio, quæ à nonnullis affertur de splendore vultus Moïsis, durior quidem est, quàm ut huic loco aptari possit. In hoc autem lucis & splendoris apparatu, quasi in quodam tentorio diuina natura, vis & fortitudo latebat, ita ut eam homines adorare possent, videre non possent.

*Ante faciem eius ibit mors, egredietur diabolus ante pedes eius.*

CÆDEM & stragem horribilem describit, quam Deus illo tempore edidit, cum populum suum in terram Chananæorum deduxit, nam communis & popularis strages illa fuit, & velut pestis quædam omnia vastans, nullum hominum delectum habens, sed regibus cum plebe permixtis summos & infimos pariter confundens, terram sceleratis habitatoribus purgabat, ut populo suo sanctiores sedes pararet: hoc autem per mortem suæ iustitiæ ministram Deus effecit, cui hoc munus idem Deus iniunxerat, quemadmodum sese facturum ante promiserat, dicens: Terrorem meum mittam in præcursum tuum, & occidam omnem populum ad quem ingredieris. Quod autem addit, [Egredietur diabolus ante pedes eius,] eiusdem sententiæ repetitio est & expolitio verbis immutatis. Sed diaboli nomen non hic malum spirituum hominum animis insidias parantem significat, sed vim quandam humanæ cædis effectricem, quæ eadem cum morte est, siue hominum, siue angelorum, siue dæmonum ministerio afferatur. Mortis autem multa in singulis linguarum sermonibus nomina sunt, ex varijs eius causarum & effectuum notationibus imposita: inter hæc quædam communia & vulgi sermone trita, quædam verò poetica. Atque in priore oratione simpliciter mors profertur in hebraica lingua, in posteriore vero splendidiore vocabulo, & tragicam significationem habente Vates vsus est. quod hebræis est, *Resseph*, non mortem simpliciter innuit, sed pestilentem & vndique grassantem stragem, atque obuia quæque ignea vi inflammantem & funestantem. hunc quidē versum ita Hispanè aptissime interpretari possumus, *De la me del señor la muerie andana. Por sui lacayo el Huervo caminaua.*

*Stetit, & mensus est terram: aspexit & dissoluit gentes, & contriti sunt montes seculi: incuruati sunt colles mundi, ab itineribus eternitatis eius.*

TOTIVS itineris Dei rationem ordine describit. hætenus enim quid in Sina monte & deserta illa solitudine gestum sit, & quid sub ipsum in optatam terram introitum acciderit: nunc autem, quæ circa ipsius terræ occupationē Deo auctore euenerint, narrat, & atque primas vrbes, Hiericunta & Hai, aliasque plurimas nullo negotio captas legimus, donec regium Dei tentorium in Galgalis fixum, & diuini fœderis arca ibidem collocata est. nam antea per omnes quas expugnari opus erat, vrbes arca Dei circumferebatur. Ut autem Galgala ventum est, oraculo reddito tabernaculum erexere: neque amplius arcam loco illo mouerunt, donec cunctæ vicinæ nationes debellatæ sunt. totum autem

autem hoc negotiū quatuordecim annis expeditum fuit : deinde verò totiusterrę partes distributę sunt, agri certis terminis diuisi, & quo quemq. loco habitare fas esset, statutum fuit. His igitur omnibus rebus & negotiis Deus ipse Galgalis præerat, indeque quid faciendum esset, quid non faciendum, imperabat; & quasi in editiori loco aliquo stās cunctis gerendis consulebat rebus. ideo vates dicit: *stetit, & mensus est terrā.* Terrę distributionem illius expugnatio præcesserat; sed in narrandis negotiis priores res ex posterioribus, vt Fabius inquit, commodè arguuntur. *Aspexit & dissoluit gentes.* Cū Deus in Galgalis commoraretur, nullo Israhēliticę gentis negotio nationes cunctę peribant, & venienti hosti cedebant, ita vt magna populorum multitudo à paucissimis ex Hebræorum gente superaretur. Quę res non humano consilio, non viribus, neque armis, non bellico apparatu, sed diuino nutu & voluntate gestę sunt. nam Deus è Galgalis locum prospiciebat, quo acies dirigere opus esset, illiusq. iussu exercitus in expeditionem deducebatur, ad cuius aduentum hostium pars sese in fugam coniiciebat; pars victoribus cedebant; multi autem gladio, plurimi verò terrore & ipsa belli turba peribant: neque solum populus & innumera vulgi multitudo hunc vitę & fortunarum exitum habuere, sed & reges ipsi, principes, ducesque quorum consilio & viribus ceteri nitebantur, quique gloria ex antiquo gigantum genere & opibus celeberrimi erant, ceterosque mortales excellebant: hi omnes solo diuino nutu victi & subacti pariter regno & vita expulsi sunt. Aspexit igitur de Galgalis; non enim in arcu suo possederunt Israhēlitę terram, & gladius eorum non saluauit eos: sed dextera tua Domine, inquit Vates, illuminatio vultus tui, quoniam solo vultu & aspectu omnes gentes à facie eorum deiecit, *dissoluit gentes,* extirpauit & funditus sustulit. Est enim apud Hebręos translatum verbum ex agricultura, quod euellere significat. quę quidem curarusticis esse solet, vt inutiles plantas inde extirpent, vbi fertiliores conferendę sint. Idem autem Dei opus fuit, sicut scriptum est: Vineam de Ægypto transtulisti, eiecisti gentes, & plātaisti eam, & *contriti sunt montes seculi.* Montium & collium nominibus principes & duces allegoricę significantur. nam cū totam hominum turbam atque adeo ipsum genus humanum diuina scriptura terrę nomine appellare soleat, fit, vt montium & collium nomina principibus & summis viris imponat, quia montes in terra altiores editioresque conspiciuntur, Atque illud ex hac significatione dictum est: Constituit Dominus humiliare omnem montem excelsū. *Montes seculi, & colles mundi.* repetitio eiusdem sententię est: gradus tamen quosdam honoris & imperij innuit. nam colles montibus humiliores sunt. *Seculi* autem, & *mundi* addit, vt significet antiquas eorum fuisse dignitates, & quadam quasi hæreditaria stabilitate firmatas. E quibus tamen deus illos deiecit, sedesque illorum euertit & comminuit. *Ab itineribus æternitatis eius.* Æternitatis siue seculi itinera diuina scriptura totius mundi ordinem, quo cuncta geruntur, appellat. Dicimus autem seculi, quoniam in Hebræo verbum *Gholam* est, quod mundum hunc, cælumque, & temporis rationem, in quo cuncta mouentur, oriuntur & intereunt, significat. Porro huic mundi naturę & cælestibus orbibus, & motibus tantum antiqui tribuerunt, vt cuncta hæc inferiora, atque adeo humanos animos & mentes illis subijcerent. quę illorum dementia eò vsque processit vt cuncta fato consistere etiam ab Stoicis (qui omnium philosophantiū prudentissimi habiti sunt) dicerentur. Hinc verò regum principum & summorum virorum fastidiosa insolentia ortum habuit, cū se cæterorum dominos natura & fato esse crederent: & tanquam montes quidam & colles, cæteris mortalibus dominos se & imperatores, certo quodā cælesti iure constitutos (quo dementia morbo vtinam Christiani principes non teneantur) cū tamen id falsū, & ex diuinarum rerum ignoratione iudicatum sit. namque cæli & mundi nulla vis est, nulla natura, nullus motus, nulla denique actio, quę diuina lege, diuinoque consilio non regatur: neque vllum imperium aut dominatio ex sideribus, stellis, aut ex eorum progressionibus & institutionibus pendet; sed ex solo Dei consilio & voluntate, qui pro suo arbitrio hunc humiliat & hunc exaltat, & regnum ab indignis ad digniores transfert, hisque abdicatis alios rursū in horum locum vel iustos substituit vel saltem impietatis & scelerum eorum, quibus succedunt, vindices. Quoniam totius terrę Deus iudex est, cuius sunt cardines orbis terrarū, & posuit super eos orbem, ipse pedit sanctorum suorum seruabit, & impij in tenebris conticescent, neque quisquā, est qui fortitudine sua roboretur. Igitur cū mundi itinera, & voluendorū temporū ratio illi soli consent, factū est vt montes illi seculi & colles mundi loco mouerentur, ipso ita consulente & iubente.



iubente. hunc locum Chaldaica biblia sic reddunt: [*Potestas seculi illius est*, hoc est, imperium, vis & auctoritas omnium seculorum illius sunt solius. Seculum igitur, tēporis aternitatem hoc loco interpretamur: temporum autē & seculorū vicissitudines & ordines, quibus cuncta geruntur, aternitatis itinera vocamus. nam & Cicero in rhetoricis aternitatis partem tempus appellat, aternitatis vocabulo pro mundi natura vsurpato. Igitur quod Chananxi reges superati & regno spoliati sint, Deus effecit, cui soli aternitatis itinera substant. Eandem omnino sentētiā eodem argumento Anna illa prophetes confirmat: Dominus, inquit, pauperem facit, & ditat; humiliat & subleuat. causā autē rationem statim subiūgit: Quia Domini sunt cardines orbis terrā, & posuit super eos orbem.

1. Samucl. 2.

*Pro iniquitate vidi tentoria Æthiopia: turbabuntur pelles terræ Madian.*

Quo in loco nostra versio habet Æthiopiam, hebraica lectio habet Chusan. At verò Chus, nomen est viri cuiusdam ex posteris Noë, cui in prima illa terrarum apertione post diluuium ea regio, quæ nunc Æthiopia dicitur, habitanda cessit, vnde & nomē accepit. Chusan verò alius quidam fuit, qui eam Syriæ partem, quæ Mesopotamia dicitur, regno obtinuit. Contigit autē vocabulorum similitudine hunc locum ita obscurū effici, vt, nisi hebraica exemplaria succurrerent, nō explicāda, sed diuinanda nobis interpretatio foret. Chusan igitur Mesopotamiæ rex Israëlitas à Deo ob impietatem relictos sub iugū misit, & per octo annos acerbissimè oppressit; quibus poenitētibus & numinis clementiam implorantibus Othoniel dux & iudex datus est: cuius consilio & opera acerbissimum illud seruitutis iugum est reiectum. fuit autem is annus, quo à Chusano Israëlita vidi sunt, octogesimus tertius post exitum ab Ægypto. Hunc autem regem Iosephus historicus Chusartum appellat. Porro cum idolorum superstitione Israëlita idēdem contaminarentur, in Medorum ditionem à Deo traditi sunt, durissimamque seruitutem perpeffi anno ab exitu ducentesimo & secundo supra quadragesimum. Sed cum filij Israël Deum suum in calamitate appellassent, liberatorem ab eo habuere Gedeonem Hierobaghalum filium Ioas ex familia Ezri, qui hostes suos fortissimè oppressit, Oreb & Zeb & Salmana principibus interfectis. qua in expeditione cētum viginti millia ex Madiāitarum & Arabum gente perierunt. Igitur vtramque historiā noster Vates hoc carmine refert, multiplex videlicet diuinæ in Israëlitas misericordiæ argumētum cōmémorans. Vtitur autem antipophora in dicendo. nam si quispiam obiiceret: Etsi Deus beneficijs maximis gentem istam affecerit, id tamen tunc fuit, cum innocētiore illi essent, neque idolorum cultu polluti omnes, vt fuit tempore Iosue ducis, quorum temporum historiæ abs te citatæ & expositæ sunt. At verò cum omni scelerum & impietatis genere Deum offensum & alienatum natio ista reddiderit, apparet non futurum esse, vt iisdem diuinis beneficijs afficiatur. quam quidem obiectionē disertissime Vates depellit dicēs: In ijs etiam temporibus, quibus Deus Hebræis maximè offensus erat, misericordiæ suæ fuisse recordatum: cuius rei dux illæ insignes liberationes Othoniele & Gedeone ministris editæ argumento, inquit Vates, mihi sunt. *Pro iniquitate*. Cum omni facinorū & impietatis genere populus flagraret, vidi ego, dum antiqua Dei beneficia veteresq. historias tacitus mecum recolo, vidi, inquam, tentoria Chusan Rasata in euerfa, omnemque eius exercitum à paucissimis nostræ gentis, Deo opem ferente, fufum, fugatum & cæsum, & cortinas ac vela, quibus Medorum plaustra & tabernacula obtegūtur, turbata omnia, & confusa nimio terrore conspexi & obuoluta. Atq. hæc omnia poetica elocutione à Vate prolata sunt: est enim concisum & figuratum torum ferè dicendi genus, quo in hac oratione vtitur. Vidi tentoria Chusan, turbata. nam zeugma est, cuius verbum est in posteriori clausula, *turbabuntur. Pelles*, vela, siue cortinæ tabernaculorum, synecdoche pro totis tentorijs. nam extrema tabernaculorum vela, quæ solum pluuias & ventos accipiebant, ex pellibus ad hanc rem arte paratis olim fuerant, vnde pro totis tabernaculi; vsurpātur, vt in psalmo: Extēdens cælum sicut pellem, & in canticis, Sicut pelles Salomonis, legimus. Porro quod inquit, *turbabuntur*, ad somnium illud alludit, quod quidam Gedeone audiente cōmilitoni noctu exterritus narrabat. Vidi, inquit, somnium, & videbatur mihi quasi subcineritius panis ex hordeo volui, & in castra Madian descendere: cumq. peruenisset ad tabernaculum, percussit illud, atq. subuertit, & terræ penitus corequauit. Est oratio in genere deliberatio, nititur in honesto & facili: argumenta ducuntur à diuisione temporum, initio, & incremento, de quibus Fabius lib. 5. fol. 92.

Nunquid

*Nunquid in fluminibus iratus es domine? aut in fluminibus furor tuus? vel in mari indignatio tua? qui ascendis super equos tuos, & quadrigæ tuæ saluatio? Suscitans suscitabis arcum tuum, iuramenta tribubus, quæ locutus es.*

COMMODISSIMUM argumentum hoc est & disertissimum, quo Vates diuinum consilium de Israëlítico populo ornando & amplificando probat. unde futurum esse arguit, ut idē Deus suum opus aliquando perficiat. Vtitur autem coniecturali argumentatione ex observatione miraculorum, quæ à Deo edita sunt, quæ non frustra edita esse contendit: quandoquidē neq. exigua quæq. opera à Deo frustra aut temerè edi possunt, nedum maxima quæq. & admiratione excipiēda temerè aut frustra ab eo fieri putentur: imò eo maiores operum fines & causas esse oportet, quo ipsa quæ efficiuntur opera maiora fuerint. At verò illa signa & portenta non exiguam admirabilitatē faciunt, quibus Deus Israëlitarum Ægypto egressos & Palæstinā statim ingressuros persecutus est. namq. & Arabici sinus undæ & fluctus & Iordanis fluuij cursus illis cessare: alteris aquis diductis & muri speciem hinc inde constituentibus; alteris verò superiori quidem parte refluentibus, inferiore autē parte impetu defluentibus citato. atque geminum hoc in eodē genere miraculum non Hebræis modo gentibus, sed aliis etiam nationibus notissimū & celebratissimum fuisse sacræ testantur historiæ. nam de altero, Audiuimus, inquit Rahab, quod siccauerit Dominus aquas maris rubri ad vestrum introitum, quando egressi estis ex Ægypto. & de altero scriptum est: Postquam audierunt omnes reges Amorrhæorum, qui habitabant trans Iordanē ad occidentalē plagam, & cuncti reges Chanaā, qui propinqua possidebant maris loca, quod siccaasset Dominus fluentia Iordanis coram filiis Israël donec transirent, dissolutum est cor eorū, & non remansit in eis spiritus, timentium introitum filiorum Israël. Hoc igitur argumento Vates vtitur, ut à Deo Israëlitarum gentem fouendam, exornandam, & maximis beneficiis amplificandā, iam inde à principio susceptam fuisse probet. quare futurū esse, ut inceptū in illis opus maximius diuini ac promissi beneficii cumulatione perficiat, misso videlicet seruatore illo, qui tyrannidē grauissimā antiqui hostis penitus deleat. nāq. aliās tot miracula, tot diuina vi edita portenta propria significatione vacarēt, si omnino felicissimū aliquē exitum habitura nō essent; quod qui diuinam benignitatē cognouit, nunquā metuere potuit. Quare, inquit Vates, rubrum mare olim siccaueras optime Deus? Quare Iordanē flumē toto impetu, & pleno tūc alu eo torrentē sistere atq. recurrere coëgisti? nōne ob filios Israël miraculis istis illustrādos? nōne ob eisdē summo honore euehēdos? quibus calū, terram, saxa, ignē, aērē, aquam, omnē deniq. elementorū naturā parēre, & in vsum cedere voluisti? Anne alia quæpiam horum portentorū ratio fuerat? Anne ideo id effecisti, quod te mare & flumina aliquādo lacerint, quibus tu offensus supplicium istud parabas? Atqui Deo nulla rerum natura præter eam, quæ rationis & mentis capax est, aut repugnare, aut offensionem esse potest: quare neque diuinam iram experiri. Igitur nullum tibi negotium cum aquis fuerat, sed cum tua hac gente, pro quibus tu in mari ipso aduersus Ægyptium Pharaonem & vniuersum eius exercitum validissimè dimicasti. Qui ascendis super equos tuos. Eandem rem alio argumento confirmat è loco, qui dicitur à relatiuis; siue ad aliquid, cuius hæc forma est: Ægyptij rubrum mare hostili in Hebræos animo tētauerunt; tu Ægyptios omnes in mari perdidisti: consequens ergo est, te non maris odio, sed Hebræorum studio teneri: ideoq. equos tuos ascendisse te, & quadrigis tuis vectū, illorum equos & currus superasse & perdidisse. Quadrigas autē currus allegoricè nominauit, simul & ré poëtica iucunditate exornās, & diuinæ virtutis magnitudinē cōparatione demonstrans. nā in bellico hominū apparatu, equi & currus inter fortissima pugnæ instrumēta primū locū apud antiquos omnes tenent, quæ tamen inania & leuissima ad salutē sunt, cum alios equos, alios Deus currus habeat, quibus hæc omnia hominum fortissima munimenta superentur & comminuantur, sicut scriptum est: Equus paratur ad diem pugnæ, sed Domini est saluatio. & alibi: fallax equus ad salutem. Quare? quia non est salus in carne constantibus equis, sed in quadrigis diuinis salus & liberatio est, quibus ille solet equum & ascensorem delicere in mare, & currus Pharaonis & exercitum eius; ipse autem suis equis & quadrigis & mare transilire, & suum populum incolumem ac saluum præteruehere; quoniam solæ quadrigæ saluare possunt. Nunquid in fluminibus & in mari? Ordine mutato

mutato protulit, quia ad artem respexit. amplificationis autem ars à minoribus maiora petit. *Quia ascendis.* causalis est siue rationalis ex parte antecedentis, idem significans quod ideo, hoc sensu: Tu hunc populum maximè fouebas, ideo super equos tuos ascendisti. *Suscitans suscitabis arcum tuum, iuramenta tribubus, quæ locutus es.*

*Fluvios scindes terræ.*

COMPLEXIONIS vim versus hic obtinet, qua Vates ex antecedentibus colligit Dei verbum & promissa suo successu non esse caritura rem verò ipsam perpetua translatione persequitur, & à communi sermonis vsu ad sublimè dicendi genus vaticinantium more transcendit. namq. simul ac diuinus ille spiritus vatum afflauit mentes, cogitationibus simul atque orationibus eorum diuinas quasdam addit pènas, ita vt non humi repere, sed per medium cælum volare, atq. ea peruagari loca videatur, quò humana mens difficilimos ad interpretandum habere possit accessus. ergo cum hætenus, sumpta ex militia & bello translatione, amplissimos illos apparatus exposuisset, quibus in Israelitico populo ornando atque fouendo Deus est vsus, eandem deinceps orationis figuram persequitur, futurum esse prædicit, vt promissus ille tot seculis orbis redemptor, & malorum expulso Christus ab ipso Deo tandem mittatur. nam vt nemo fortis ac belli vsu peritus homo arma, equos, quadrigas, atq. alia ad belligerandum necessaria instrumenta & impedimenta aut comparat, aut in hostiles agros temerè profert, vtq. idem nunquã armatus equos conscendit & quadrigis citato vehitur cursu, vanæ cuiusdã meditationis causa, sed arcu armisq. suis vsus, quantum præstare ille potest, se exercet, & veras pugnas committit, hostesq. suos aut ferro vulnerat, aut quadrigarum rotis proterit, aut equorum impetu conculcat, donec eam, quam destinauit, victoriam pariat. sic etiam consentaneum, inquit Vates, nõ est, vt tanto apparatu bellum mundo propter populum tuum indixeris: & inchoaueris, & tamen arcum tuum neque proferas, neq. teneas, quo tibi maximam ex hostibus tuis victoriam reportes, & veram populo parias, partamq. serues libertatem, maximè cum eam rem non semel, neq. coram paucis aut obscuris hominibus, neq. ioco fueris pollicitus; imò verò frequentibus promissionibus, & diuinis iuramentis, duodecim tribus Israël nobilissimam totius orbis gentem, atq. familiam omnium frequentissimã in hac olim spe collocaueris, atq. hætenus tenueris. Quas autè res huic populo sperandas proposueras, easdem cæteris totius orbis nationibus per hos & propositas, & nuntiatas esse voluisti, vt scriptum est: Posuite in lucem gentium, vt sit salus mea vsq. ad extremũ terræ. Christum autem arcum Dei vocat Vates, eo quòd verbum sit diuinum, quo sua aduersus infernos hostes bella gesturus sit Deus, atque victurus, qui spiritu oris sui fortissima quæque mundi regna conficiet, & populum suum à seruitute in diuinam reconciliabit libertatem. Hunc Paulus Christum Dei sapientiam, & Dei virtutem appellat. Igitur ex apparatu & iureiurando complexionem suam colligit Vates, hoc modo: Si quis & fortis & sapiens vir magnũ quid apparare visus fuerit, aliquid ab eo destinatum esse oportet, quam ob rem apparatũ illum moliatur: quòd si ipse animi cogitata ac destinata amicis indicauerit, maximo est argumento eam ab eo rem adornari atq. comparari, quam se optare prædixerat. Igitur cum Deus summè sapiens atque omnipotens tantis olim iuramentis apud probatos testes suum consilium aperuerit, ac deinceps tantum ad eam rem instruxerit apparatus, consequens est eum consilio suo sibiq. ipsi non defuturũ; cum præsertim ea res sit, quam se ipse præstiturum est pollicitus, quæ magnũ misericordiæ & virtutis diuinæ argumentum esse possit: cum vero ipse misericordiæ suæ consilium mutare minimè soleat, ex his omnibus rebus colligitur spes nostras à Deo non esse fallendas. certum quippe atq. constans de misericordia consilium suũ esse vult Deus. Miserebor, inquit, cui miserebor, & misericordiã præstabo cui misericors ero. *Quæ locutus es*, in exemplari sic legimus, dictum *Selah*. hoc est dictum certissimum & asseueratione confirmatum. nam vocabuli *Celah*, siue *Selah*, significatione non vnum tantum animi motum indicari posse iam antea docuimus: eãq. interiectionis huius vim esse, vt vehementiã ei, cui accõmodatur, orationi adiungat. Orationum autè non simplex est genus: vnum enim animi cogitationes aut iudicando significat, aut asseuerando manifestat, aut iureiurando confirmat: alterum verò affectus animorum quæque motus alio modo aperit & exponit.

Horat in arte  
Poetica.

*Format enim natura prius nos intus ad omnem  
Fortunarum habitum, iuuat, aut impellit ad iram,  
Aut ad humæ marore graui deducit & angis*

Post

Post effert animi motus interprete lingua. Igitur quamlibet orationis formam hæc adornet interiectio *Selah*, grauiorem atque augustiorem efficientia reddit sua. Dei autem dicta quedam atq. verba eiusmodi sunt, quæ euentu carere suo ipse Deus cupiat; cuiusmodi sunt etæ, quæ minarum plenæ sunt, reprehensiones & prædictiones. quæ enim huius generis sunt, dicta esse cupit Deus & prædicata, euentu autem suo comprobata esse non cupit, imò vitæ hominum correctione percipit esse impedita. Repente, inquit, loquar aduersus gentem, & aduersus regnum, vt eradice & destruam illud, si pœnitentiâ egerit gens illa à peccato suo, agam & ego pœnitentiam super malo, quod cogitavi vt facerem ei. quæ huius generis sunt orationes & verba, non vocantur in diuinis scripturis verba siue dicta, *Celah*. At vero diuinæ misericordiæ pacta & conuenta, & quod ad hæc pertinet iusiurandum, id profecto dictum *Celah*, hoc est certum & constans, atque ingenti asseueratione confirmatum, quod exitu atque successu non frustrabitur suo. *Fluvios scindes terræ*. In complexione confirmanda iisdem vitur argumentis, quibus in eadem conficienda fuerat vsus. nam cum coniecturalem statum imitetur hæc oratio, & coniectura ab iis capiatur circumstantiis, quæ maximè aut voluntatem arguunt aut facultatem, vtraq. parte absolutissimè Vates vsus est. nam & diuina voluntas & facultas vtriusque iis rebus cognoscitur, quæ ad argumentationem à Vate sunt productæ. Citauerat autè admiranda illa & innumera spectacula, quæ Deus, vt populum ornaret suum ediderat: quibus quasi preludiis attentos hominum animos reddidit ad spectandum eum, quæ missurus esset, Christum, nunc deinceps alia citat nō minori profecto admiratione excipienda, quibus eandem probet rem: ea autem sunt, petræ disruptio, quam Deus per Moysen in solitudine percussit, ex qua vberimis venis eruperunt aquæ, quibus frequentissimus ille populus sitim exstingeret. At vero cum alia longè grauiori siti laborarent homines, futurum esse Vates ait, vt Deus è terra fontem & fluuium viuentis atque perennis aquæ proferat, qua sitis illa expleri æternum possit. quod idem ipse viuus fons apud Ioannem non semel est testatus. Si scires, inquit, donum Dei, & quis est, qui dicit tibi, da mihi bibere, tu forsitan petisses ab eo; Omnis, qui bibit ex hac aqua, sitiet iterum; qui autè biberit aquam quæ ego dabo ei non sitiet in æternum. *fluvios terræ*. Ad significatum potius quàm ad significationem alludit. nam antiqui illi fluuij ex petra eruperant percussa. noui autè fluuij, quos Christus iis aperturus erat quos spiritu sancto replendos curaret, ex ipsa terra nostra erant erupturi. Qui credit in me, sicut dicit scriptura, flumina de ventre eius fluent aquæ viuæ. hoc autem dicebat de spiritu sancto, quem erant accepturi credentes in eum. At verò terræ nomine humanam significari naturam, ex multis cognouimus sacrarum literarum locis, & ex illo apertissimè: Benedixisti Domine terram tuam, auertisti captiuitatem Iacob. Etenim subiungit Vates: Dominus dabit benignitatem, & terra nostra dabit fructum suum.

*Viderunt te, & doluerunt montes.*

PERGIT adhuc Vates confirmare complexionem, quam: confecerat & argumenta producit fortissima, quibus asserit futurum esse, vt Deus negotium suum, quod suscepit, perfectum tandem explicet. Est autem primum hoc argumentum à diuino honore & dignitate sumptum: qui locus frequentissimè ab iis, qui Deum orant, consideratur. Decet namq. Deum suum illud maximum prouidentiam atq. misericordiam nomē non negligere, cum diuinæ prouidentiam eiusmodi sint res, quæ religione humanos animos, quos vtriusque rei fides imbuerit, & obstringere, & in eadem continere possunt. Quam ob rem Moyses sententia illa apud Deum interpellando atque orando sæpe vitur, & quid facies, inquit, nomini illi tuo magno? Sic etiam hoc in loco Habbakuk. diuinam misericordiam atq. prouidentiam decere comprobat, vt tanta res semel inchoata, & tantis argumentis & ostentis indicata in lucem tandem perfectissimè edatur; alioqui quid faciat Deus nomini illi suo, quod magnum, imò maximū & tremendum adeo gentibus voluit esse notum? nonne dicent omnes qui audierint, quia non potuit Deus præstare illis id, quod se præstiturum antiquis olim tribubus iurauerat; ideo gentem illam Babylonica perdidit seruitute: nimirum hoc dicere poterunt reges terræ & principes illi, qui viderant te cum ex Ægypto in Chananaeorum regionem populum tuum, tuasque illas colonias deduceres, qui certiores de aduictu tuo facti grauissimo metu & dolore sunt affecti. Postquā enim audierat omnes reges Amorrhæorum, qui habitabant trans Iordanem ad occidentalem plagam, & cuncti reges Chananaeorum, qui propinqua possidebant magni maris loca, quod sicasset Dominus fluuenta Iordanis coram filiis Israël, donec transiret, dissolutum est cor eorum, & non remansit



remanfit in eis spiritus timentium introitum filiorum Israël. Cum ergo apud omnes re-  
 ges nomen tuū tantis ostentis miraculis & signis fueris professus, & cūctis te huius populi  
 ducē aduenire fuerit manifestū, fieri ne potest, vt tu hæc loca, quæ ad maximē tuæ illius  
 misericordiæ theatrū tibi comparasti, deserta atq. neglecta relinqui permittas, & nō po-  
 turum salutē? Montes. Montium nomine reges & populorum principes atq. duces intelli-  
 gimus, vt apud Isaiam: Dies Domini exercituū super omnes mōtes excelsos, & super om-  
 nes colles eleuatos. *Viderunt te.* Inter omnes sensus visus maximē excellit, atque is est, quo  
 nullus ad intellectionem iuuandam est accommodatior. quare & ad eum cateri refe-  
 rantur. neque quicquam ad cuiusque reicognitionem ab eo desiderari putatur, qui se  
 eam rem vidisse fuerit testatus. Commune igitur omnibus linguis est, cum rei cuius-  
 quam certitudo probanda sit, hoc verbum potius, quā cætera, quæ ad alios pertinent sen-  
 sus, vsurpare, vt illud: Et vidit Iacob, quod esset frumentum in Ægypto. Illi ergo Chana-  
 næi reges, etiam si Deum illorum regionem cum populo suo inuadentem non vidissent,  
 certissimis tamen argumentis eum adesse cognouerunt.

*Gurges aquarum transiit, dedit abyssus vocem suam.*

N V L L A natura ad diuinorum signorum admirationem & testimonium magis quā  
 aqua apposita est. nam cæterarum quidem rerū, vel quæ in sublimi fiunt, vel quæ in terris  
 videntur, si permutetur naturæ, aut earum cursus & fluxiones, aut cætera impediuntur,  
 vel innouentur vires, admiratione quidē excipi id solet. Sed quoniam idem aliquando  
 secundum naturam accidere potest, oculos tamē animosq. spectantium non adeo per-  
 stringit, vt vehementes æstus, vt densissimi imbres, terræ tremores, fulgura, fulmina & to-  
 nitrua, ignitæ præterea species, & similia his quæcunq. sunt, quorum ea vis esse solet, vt  
 metu magis terreant, quā admiratione obstupesciāt. Quæ verò in aquarum natura aut  
 alienæ aut repentinæ sentiuntur mutationes, eæ maximas admirationes excitare, & di-  
 uinam virtutem & prouidentiam arguere sunt apta. namque hæc cælestium corporum  
 rationem & simplicitatem quodāmodo imitatur, ita vt nunquam cursus suos & motus  
 atque virtutes mutari, aut sisti, aut impediri, nisi maximis & diuinis de causis pati soleat.  
 Quā ob rem quāquā multa & maxima Iesu Christi admiranda opera curationes, impu-  
 rissimorum spirituum expulsionem apostoli vidissent, diuinam tamen eius virtutem  
 compositis ab eodem maris fluctibus & tempestate sedata maximē sunt admirati: Quis  
 est, inquit iste, quia etiam venti & mare obediunt ei? Argumenta igitur, quæ à Vate  
 nostro in complexionis confirmationem afferuntur, ex eo genere sunt, quod ad proban-  
 dam diuinitatem maximē est accommodatum. nam Iordanis aquæ populo Israëlítico  
 transmittenti, in duas partes diductæ cessere, atque inferior quidem pars in Asphaltiten  
 lacum, quo is amnis excipi solet, citissimē defluxit. Superior verò aquarum portio præter  
 motus atq. impetus sui rationem substitit, & perinde ac si obiecto muro impedita esset,  
 redundantem cursum versus caput reflexit. Atque ea loca inundatione occupauit, quo  
 nunquam antea aut post illud tēpus pertingere est visus. Hanc etiam aquarum nouam &  
 inauditā concussionem, & proprii cursus mutationē regius Vates diuini aduentus testē  
 non sine admiratione citat: Quid est tibi mare quod fugisti, & tu Iordanis quia cōuer-  
 sus es retrorsum? Gurgitē ergo aquarum transiisse dicit Habbakuq, eamq. fluminis par-  
 tem significat, quæ adeo citato, imò adeo præcipiti cursu in Sodomiticum lacū defluxit,  
 vt ingenti vndarū fragore fuerit excepta. cuius rei causa dixit: *dedit abyssus vocem suam.*

*Altitudo manus suas leuauit.*

E A aquarum in Iordane pars, quæ in superiori cōstitit loco, finibus non contenta suis,  
 quos, dum inundatione augetur, cōplere solet, vltiora peruasit loca, & riparū terminos  
 dilatauit. namq. eo tēpore Iordanis fluuius liquatis Libani mōtis niuib. auclissimus tu-  
 midissimūque ruebat. atque hoc aquarum incrementum altitudinem vocat Vates, quæ  
 quoniam fines suos, intra quos aliàs etiam auctæ cōtineri tamen solent, eo tempore sunt  
 prætergressæ, propterea manus suas leuauisse à Vate dicuntur. namq. tota oratio poeti-  
 cis exornationibus, & propriis linguæ Hebraicæ translationibus constat, in qua lingua  
 aquarum termini, siue littora, seu ripæ, siue margines sint, manus vocantur, vt: Hoc ma-  
 re magnum, & spatiosum manibus. neq. dissimili translatione vsus est Naso, cum maris  
 describeret ambitum: *Nec brachia longo Margine terrarum porrexerat Amp hitræ.*

*Sol & luna steterunt in habitaculo tuo, in luce sagittarum tuarum ibunt, in splendore fulgurantis haste tue.*

MIRACVLVM aliud recenset Vates, quod non minore contemplantibus admirationem, quam cætera mouere debeat: quod diuina virtute occupatibus iam Chananæorum regionem Israëlitis editum fuisse legimus. Amorrhæum victum & in fugam versum dum Israëlitis persequeretur, Iosue dux Deum precatus est, ne prius solis & lunæ in cælo præsentia carerent, quæ hostes dissiparentur. oratione autem euentus est consequutus, ita ut orantis fidei cæli obtemperarent. Solem propterea & lunam in tabernaculo suo ad Dei imperium stetisse Vates dicit, & cursus suos ad sacri exercitus commoditatem temperasse, ac si mundi luminaria non lumen hominibus adferret, quo actionibus vacare possent: sed ipsa potius ad suum perficiendum iter lucem & splendorem armorum & iaculorum Dei spectarent. Argutissime profecto à Vate miraculum hoc est consideratum. Cum solem & lunam hoc in negotio suum munus mutasse dicat, utpote quæ lumine & virtute sua alia omnia ducere & gubernare soleat, iuxta id quod scriptum est: Solem in potestate diei, lunam in potestate noctis. Et cum agendarum rerum tempora ab his expectare & metiri soleamus, tamen eo die factum est, ut cursus & temporis sui rationem ab humano negotio ipsa luminaria caperent. atque eam rem admiranda obseruatione diuina significat historia his verbis: Nec fuit talis dies ante illum, nec post illum, ut exaudiret Dominus vocem hominis. Quoniam Dominus pugnavit pro Israël. eam autem historiam non tam humanis, quam diuinis copiis à Domino Israëlitis partam fuisse diuina narrat historia: cuius rei causa Vates haste & telorum Dei meminit, quorum acies adeo splendida est, ut maximis luminaribus soli & lunæ lumen afferre possint.

*In fremitu conculcabis terram, & in furore tuo obstupescies gentes.*

DIVINÆ iustitiæ ultionisque vim atque impetum describit, & manifesta præsentis Dei argumenta congerit, quibus olim probatum fuit, Deum adesse qui Israëlitarum populum duceret: quo tempore primum Palestina inuasit. nam septem quibus regio illa incolebatur, gentes tanta celeritate victæ & penitus sublatae sunt, ut rem non nisi diuina virtute actam putare quis possit. Voluit namque Deus & illarum gentium scelera celerrime vlcisci, & populo suo perquam mature sedes parare, agros cultissimos, domos atque urbes optime constructas omnibusque affluentes rebus, & multa ornatas suppellectili tradere. Porro conficiendæ rei rationes admirabiles victoriam ipsam non hominum aut viribus, aut consiliis, sed diuinæ ascribunt virtuti. nam prima omnium urbs Ierichus non telis, non tormentis, non bellicis machinis, sed populi clamore, hoc est, Dei id ipsum imperantis voce corruit: & huic proxima Hai non sine miraculis & ipsa fuit expugnata. denique ut tota regio tam celeriter in Israëlitarum ditionem veniret, nihil aliud, quam Dei virtus effecit, qui terram ipsam fremitu conculcabat atque premebat, & venienti populo cedere cogebat: neque quisquam ex eius regionis incolis adeo fortis fuit, ut diuinum furorē & indignationem impavidus expectare posset: tantus est ultoris Dei terror, tantaque formido. Hanc eandem rem diuinis carminibus decantatam ita legimus: Manus tua gentes disperdit: afflixisti populos & expulisti eos. neque enim in gladio suo possederunt terram, & armis eorum non saluauit eos. Sed dextera tua & brachium tuum, & illuminatio vultus tui, quoniam complacui in eis. Quod verò ad ditionis & exornationis rationem attinet, heterosini figuram hoc in loco agnoscimus, familiarissimam vatibus exornationem: cuius usus est eandem rem expolire, & illustriorem amplioremque sententiæ repetitione verborum varietate reddere: in fremitu conculcare terram & in furore obstupescere gentes. fremitus autem & furor, quorum hic mentio fit, sonitus magis, quam voces sunt, eiusdem animi motus index uterque, sed instrumento alter ab altero diuersus. nam fremitus gutture spiritus pleno & per os compressis ferme labris erumpentis buccis non nihil tumentibus fit. Furor verò proprie est naribus expressus sonitus, ignito atque ardenti spiritu concitatus. Atque hoc modo de his rebus philosophari ipsa Hebraicorum verborum germana significatione cogimur.

*Egressus es in salutem populi tui, in salutem cum Christo tuo.*

HACTENVS Vates iis argumentis est usus, quæ diuinum de maximo negotio consilium

M m probare

probare valeant. nam & Dei iuramentum citauit, & antecedentes apparatus exposuit, quibus diuina prouidentia populum Israëliticum ornauit, & peculiarem sibi populum comparauit, atq; à cæterarum gentium societate consortioque segregauit, & multis maximisque miraculis editis totius orbis animos atq. oculos in eam gentem eamq. regionem conuertendos curauit, nimirum spectaturos quid maximarum rerum in illa regione efficere moliretur Deus. Maximum autem Dei negotium, quam ob rem hæc omnia, quæ commemorata à Vate sunt, parabantur, diuini Christi exhibitio fuit, quia ad eam rem efficiendam & promissus fuerat, & vngendus, vt amissam gentibus salutem restitueret, atq. maximum orbis hostem diabolum vinceret, perderet, & à tyránico remoueret imperio. Igitur propositis hætenus argumētis, complexionē iterum manifestiorem Vates conficit, qua Deum tandem maximam illam contra infernorum tyrannidem expeditionem effecturum esse vaticinatur. eamq. rem Christo suo duce confecturum prædicit: quam rem adeo certam fore credit, vt perinde ac si gesta iam esset ex antecedentibus eius rei imaginibus & figuris colligat, præteritiq. tēporis verbo vsus pronuntiet. Cum enim Deus certo & præfinito tempore ad populi sui, hoc est, ad omnium hominum piorum salutem ex hostium tyrannide expediendam egressurus sit, rem ipsam futuram Vates à se quasi iam gesta sit, mentis agitatione præuisam, vt fere omnibus solenne est vatibus, velut ad eam prædicit, *egressus es, pro egressurus es.*

*Percussisti caput de domo impij, denudasti fundamentum eius vsque ad collum.*

IMPIETATIS omnis regnum apud inferos est, vbi demoniorum princeps Baalzebub primas tenet, illa prima impiorum familia, ille malorum omnium caput, & cunctorum origo scelerum ex illa familia scaturit. Totius autem eius tyrannidis arx, & id cui fidit, firmamentum, peccatum est: namque illud à diuino spiritu decreti charographum nominatur, quo iure, quæue iniuria hominum genus eam tyrannidem ferre coacti sunt. Hunc autem hostem Christus victor regno pepulit, & omni iure (quidquid illi iuris in homines fuerat) delero, suos in libertatem reconciliauit. nam qui facit peccatum seruus est peccati. Quod si filius vos liberauerit, verè liberi eritis, idem filius aiebat. Atqui curatum ab eo & molitum maximè atque etiam effectum est, vt omnes liberarentur, nisi quos propria ipsorum culpa in seruitutem adiudicatos detineat. Ipse namque triumphans nos palam in semetipso eduxit, expolians omnem principatum & potestatem delens quod aduersum nos erat charographum decreti, hoc est, peccatum quod erat contrarium nobis, affingit illud cruci. Hæc autem Christi victoriam & populi sui libertatem exornata atque figurarum splendoribus illustri oratione cantat Vates, duplici vsus translatione perpetua (siue allegoriam Græcè vocare maluerimus). nam ipsam totam inferorum imperij rationem domum nominat, rursus domus fundamentis quasi illa animal quoddam sit, collum affingit. Laudat igitur Deum, quod caput impietatis omnis, & totius familiæ principem & patrem contuderit Christo suo duce atq. auctore, iuxta id quod diuini verbi comminantis prædictione idē tartareus princeps audierat: Inimicitiam ponam inter te & mulierem, & semen tuum & semen illius: & ipsa conteret caput tuum. fundamentorum autē denudatione vsque ad collum omnem hostis potentiam, omnem potestatem præcisam addeptamq. significat. nam vt arborum radices, quibus terræ hærent, ad capitis in animantibus vicē accedunt, & quæ his radicibus continua est, trunci pars collum refert. vtraque autem hæc si prædantur, & circumducta terra nudentur, arborē perire necesse est. Ita si quis maximarum ædium fundamenta à primis firmitudinibus iniis ad collum vsque, hoc est, ad eam partem, quæ ad pauimentum vsq. pertinet, diruat, totius ædificij ruinam sequi pronum atque promptum est. Igitur Christus fundamentum percussit, & ad collum vsque denudauit, expolians principatus & potestates, quæ capiti, velut collum, proxima esse solent. Nudationis autē translatione diuina carmina vtuntur, cum de diruedis muris cæterisq. ædificijs verba fiunt. quod idē verbū latinus interpres alibi exinanire vertit, vt in psalmo: Qui dicunt exinanite vsq. ad fundamentum in ea. Poterat eodē verbo hoc in loco vti, quo res eadē aptè etiam significaretur, exinanisti fundamentum eius vsq. ad collum. Poterat & hoc nudandi verbo commodissimè in Psalmo illo vti. Denudate vsq. ad fundamentum in ea. Illud autem non inauditum apud aliarum linguarum auctores est, cum rem aliquam certissimam quamquam futuram significare volunt, tamen præterito verbo velut iam gestam enuntiat, vt apud Liuium, Annibal: Si tales animos inquit, in prælio habebitis milites, quales

quales hic ostenditis, vicimus. Illud autem non pratermittendum esse arbitrati sumus in carminis huius sine additum esse verbum *Cela* siue *Selach*, de cuius vi & multiplici ad significationum rationem augendam vehementia alio in loco nobis est dictum. Ea enim vox est, quæ nullo in loco non magnum aliquid molitur, & quæ eam sententiam, quam sequitur, assueuratione atque acclamatione & certiore reddat & augustiorem.

חלח

*Maledixisti sceptris eius, capiti bellatorum eius, venientibus vt turbo ad dispergendum me: exultatio eorum, sicut eius, qui deuorat pauperem in abscondito.*

10 **LOCVS** est aliquantulum obscurus, propterea, quod nomen *sceptris* non in acquisitionis casu positum est, sed instrumenti casum obtinet. Perstat igitur in allegoria Vates, & Christi de hoste antiquo victoriam persequitur: eiusque hostis & totius exercitus inferorum ferociam; atque impetum apta similitudine describit. nam vt olim Israëlẽ rubrum mare transmittentem Ægyptius Pharaon vt perderet maximo cum impetu persequutus, in ipso mari & se & vniuersum exercitum perdidit: sic etiam antiquus ille humani generis hostis vniuersam hominum ecclesiam, quam Christus inundantes sanguine mortis suæ fluctus subiturus susceperat, truculenter est infectatus: sed in illis fluctibus hostis ipse cum exercitu periit. Christus autem susceptam ecclesiam saluam atque incolumem in libertatem reconciliauit. Vna ergo oratione & antiquam imaginem, & reconditum in imagine arcanum consequitur Vates. namque hoc illius antiquæ historię fuerat mysterium. At verò caput ipsum hostium, hoc est, diabolus Christus cōfecit, & inane atq. maledictum reddidit suo ipsius scepro, quo omnia ille conterere atq. perfundare fuerat solitus, hoc est morte ipsa, qua ille tyrannidem in orbe exercebat. Hanc mortem dum morte sua Christus extinguit, hostem scepro suo cōscit, sicut & Isaias futurum esse præterito verbo vsus fuerat vaticinatus: lugum, inquit, oneris eius, & virgam humeri eius, & sceptrum exactoris eius superasti, sicut in die Madian. [Venientibus vt turbo ad dispergendum me.] Magno quippe impetu peccatorum multitudo in orbem confluxerat, ingens malorum spirituum turba humanum vexabat genus, sed vbi abundauit peccatum, abundauit & gratia. [Exultatio eorum sicut eius, qui deuorat pauperem in abscondito.] Quicunque nulla religione, nullo diuino metu à maleficio terrentur, tantum humanos conspectus fallere student: id si contingat, nihil obstiterit, quo minus sacra prophanis misceant. Simili ergo animo atq. impetu pari infernorũ hostium turbam, hominum genus funditus perdendi cupiditate exultasse Vates asserit. suum autẽ ipsius nomẽ profert, dum omnium hominũ personam sustinet: [Ad dispergendum me,] id est, nos omnes, quicunque humanæ naturæ participes sumus. nam ea est spiritus mali mens, id ingenium, vt quidquid mali vni semel obtulit, id cunctis oblatum esse velit. Quam ob rem à theologis, qui de eiusdem spiritus natura philosophantur, illud frequenter vsurpatur: angelos quicquid apprehendant, immobiliter ac pertinaciter apprehendere. Pauperem autem in abscondito qui maleficiũ studio deuorant, exultare dicuntur. nam qui tali ingenio sunt, non nisi mentis impulsu & vehementi studio ad huiusmodi maleficia accedunt, de quibus scriptum est: Insidiatur vt rapiat pauperem, rapere pauperem dum attrahit eum, & alio in loco idem studium apertius significatur: Veloces pedes eorum ad effundendum sanguinem. Quantum autem, qui huiusmodi sunt, admittendo exultent scelere, ex dolore, quo, cum id minus contigerit, afficiuntur, argui facile poterit.

Isai. 9.

"

"

"

"

Iuuen. Saty. 3

10 *Ebrius ac petulans, qui nullum forte cecidit,  
Dat pœnas, noctem patitur lugentis amicum  
Pelidæ, cubat in faciem, mox deinde supinus  
Ergo non aliter poteris dormire: quibusdam  
Somnum rixa facit.*

*Viam fecisti in mari equis tuis, in luto aquarum multarum.*

**QUE M A D M O D V M** Israëlita Mose duce Arabicum sinum illasi atque incolumes transierunt, neque quisquam ex illis incommodi quicquam accepit, propterea quod maximi imperatoris Dei, cuius imperium obseruabant, equis vnda cesserant, seseque

Mm 2.

in mari



in muris speciem vndique diduxerant, donec populus ille Dei pertransfret. Atque non solum ab aquis læsi nihil fuerunt, sed neque luto, neque ceno impediti, quo minus liberi & puri alterius littoris oram tenerent. Contra verò Egyptij hostes, dum Dei populus in mare ipsum sequuntur, extincti omnes atque aquis obruti sunt, ita etiam Dei populus, qui cum Christo acerbissimæ mortis fluctus penetrauit, saluus atque incolumis eodem Christo resurgente euasit, extincto interim veteri homine, & omni exercitu hostium deletio. quam rem diuina virtute effectam fuisse, sacræ veterum & nouorū librorum literæ probant. namque id non humana vi aut consilio, sed diuina solū effici potuit virtute, ut inundantibus aquis mortis & inferorum deleterentur iura, sicut scriptum est:

11. 10. „ Aquæ inundabunt, & delebitur fœdus vestrum cum morte, & pactum vestrum cum inferno non stabit. Omnia autem hæc humanæ redemptionis mysteria arcanis verborum & rerum imaginibus vates olim perorarunt. Ea namque hoc dicendi genere diuino dictante spiritu excipiebant, & literarum monumentis ad piorum hominum spem commendabant, neque eius negotij arcanum apertum illis temporibus fuerat, donec is accessit, cui Deus clauem Dauid tradidit. is ergo negotio rite peracto, & re perfecta, diuini consilij arcanum, spiritu sancto in multos hominum misso, aperuit, quod absconditum fuit à seculis & generationibus: nunc autem reuelauit Deus sanctis suis, quibus

Colof. 1. „ voluit notas facere diuitias gloriæ sacramenti huius in gentibus, quibus apertus est sensus, ut diuinorum librorum scripta intelligerent. ijs ergo omnis illa antiquarum imaginum & ceremoniarum & sacrarum rerum ratio aperta fuit, atque patefacta omnia, quæ

20 „ priscis hominibus non nisi obscuris & implicitis symbolis tradita constiterant.

*Audiui & conturbatus est venter meus, à voce contremuerunt labia mea.*

DICENDI finem facere iam parat Vates noster, quamobrem argumenta omnia breuiter colligit, & totam libri huius rationem paucis reuocat, & sacratissimæ expeditionis, quam Christus facturus erat in Hierusalem narratione perstringit. nam dum Vates hætenus de Israëliti populi calamitatibus verba fecisset, & eius rei occasione Dei appellasset, quæsissetq. num in misericordiæ pactionibus mansurus esset Deus, & grauissima argumentatione confirmauisset futurū, ut quæ tanto molimini incepta essent, feliciter perficerentur, dum his rebus Vates intentus esset, diuinū responsum accepit, quo certam fore & firmam sanctamq. Dei promissionē, certior est factus, vnde illud protulit: Egredus in salutē populi tui, in salutem cum Christo tuo. & quæ deinceps sequuntur. Verum enimverò victoriam illam non nisi grauissimo prælio, & multo sanguine reportandā esse diuinus Vates præuidit. namq. ad eam sibi pariendam aggressum Christum Deus omnium nostrum debita, omnium culpas sustinere iussit, ut pro omnibus gustaret mortem, & vniuersum pretium ipse solus expederet: atque adeo dum omnium peccatorum personas sustineret, solus tamen durissimi certaminis torcular calcaret. nam de eo multa in

11. 33. „ hanc sententiā prædicta legimus: Despectum & nouissimum virorum, virum dolorū & scientē infirmitatem, & quasi absconditus vultus eius & despectus: vnde nec reputauimus eum. Verè languores nostros ipse tulit, & dolores nostros ipse portauit, & nos putauimus eum quasi leprosum & percussum à Deo & humiliatum. Ipse autē vulneratus est propter iniquitates nostras, attritus est propter scelera nostra: disciplina pacis nostræ super eum, & liuore eius sanati sumus. Omnes nos quasi oues errauimus, vniuscuique in viam suā declinauit, & posuit Dominus in eo iniquitatem omnium nostrum. Oblatus est quia ipse voluit, & non aperuit os suum. Sicut ouis ad occisionem ducetur, & quasi agnus coram

45 „ rondente se obmutescet, & non aperiet os suum. De angustia & de iudicio sublatus est: generationem eius quis enarrabit? quia abscissus est de terra viuentium: propter scelus populi mei percussus eum. Et dabit impios pro sepultura, & diuitē pro morte sua: eo quod iniquitatem non fecerit, neque dolus fuerit in ore eius. Et Dominus voluit conterere eum in infirmitate, si posuerit pro peccato animam suam, videbit semen longauū, & volūtas Domini in manu eius dirigetur. Pro eo quod laborauit anima eius, videbit & saturabitur. In scientia sua iustificabit ipse iustus seruos meos multos, & iniquitates eorum ipse portabit. Ideo disperdiam ei plurimos, & fortium diuider spolia, pro eo quod tradidit in mortem animam suam, & cum sceleratis reputatus est, & ipse peccata multorum tulit, & pro transgressoribus rogauit. Hunc totum ex Isaia locum proferre placuit, qui, si recte consideretur, ad hanc Vatis nostri sententiā aperiendam iudicari possit aptissimus. namq.

55 „ dum

dum huius maximi reparationis nostræ negotij rationem mente Vates agitatet, & datū sibi de hac re oraculum contēplaretur, animo cōturbatus est, nimirū cognoscens quātis malis premeretur humanum genus, cuius libertatem tanti constare oportebat. Atq. hæc res fuit, quamobrē dixerit: *Audiui*, ex diuino responso, quanto in discrimine hominum genus sit, cui cum Christo mortem oppetere necesse sit, vt suarum miseriarum finis fiat.   
 5 Eam autem Christi mortem crudelitissimam atq. durissimā fore intellexi, vt in eius tribulatione nos, quicunq. illius passionibus cōmunicare velimus, salui atq. liberi quiescamus. hæc igitur cū ego audiissem animoq. versassem, non potui nō mēte atq. omnibus artubus cōtremiscere. Ventrem autem Hebraico tropo pro corde dixit: timoris enim & tremoris principiū à corde est. Totā verò eā, quæ in corpore cavitās est, membrorū vitaliū locum esse cōstat, in quibus principatū cor obtinet: corde autē tremoribus affecto, omnia viscera contremiscere consentaneum est. Sed ventris nomine in sacris libris tam ventriculum, quam inferiorē aluum; & quidquid ijs locis cōtinetur, significari intelligimus. vt: Conturbatus est in ira oculus meus, anima mea & venter meus. Ergo ingens atque irrē- Psal. 36.   
 15 queta animi affectio, siue metus, siue doloris, interiorū partium concussione indicatur, vt apud Iob: Interiora mea efferbuerunt absq. vlla requie. ea res sit natiuo calore ad interiora regresso, quo membrorū principi cordi succurratur, externis interim artubus à natura neglectis: quam rem oris pallor & labiorum tremor cōsequitur. huiusmodi affectionibus se tentatū ostēdit Vates, cū arduam illam humanæ salutis rationē diuino respōso accepit. Iob. 34.   
 20 *[Tremuerunt labia mea,]* à voce mihi mente animoq. audita. huius orationis hæc certa sententia est.

*Ingrediat̃ putredo in ossibus meis, & subter me scateat.*

VERBA hæc futuri tēporis sunt, nō imperatiui; & pro præteritis hebraico more vsurpantur, cōiunctionis vi id efficiente, vt superius: Audiui & conturbatus est venter meus, Hebraicè *conturbabitur* legimus. Totā autem hæc oratio in amplificanda Vatis affectione cōsumitur, qua se ex maximi arcani consideratione ita cōmotum esse ostendit, vt consistere pedibus non valeat, neque sibi à tremore tēperare, & perinde se viribus destitutū affirmat, ac si eius ossa quæ firmissima totius corporis pars esse solēt, putredine fuerint cōsumpta, & ipse pedibus consistere nō valens totus tremore corripiatur. hoc est subter me   
 30 scateat, vel subter me tremam: nam primæ personæ verbum in exemplari est.

*Vt requiescam in die tribulationis, vt ascendam ad populum accinctum nostrum.*

VIDEO aliter verti potuisse hunc locum, quò apertior esset atq. planior sententia: sed quoad fieri possit, dabimus operam, vt in instituto maneamus, id est, vt sententia eius, qua vtimur, interpretationis aut ex eius ipsius verbis, aut ex ipsis, in quibus primum scripta sunt, linguis, aut ex re & argumento ipso aperiāmus; neque quicquam nisi maxima difficultate coacti de vulgata versione variemus. Ergo quisquis nostras has commentationes   
 40 ad hanc versionem nobis accommodatas, quantum ad Hebraicā veritatem proximè accedant, cognoscere voluerit, aliorum interpretum versiones, quæ multæ sunt, consulere poterit: & quātum ab alijs hæc dissentiat, quantum consentiat, & collatione, & commentationum lectione perspicere. Iam verò ad propositum reuertamur. Maximam vati mouit admirationem, ita vt tremorem etiam attulerit, quòd in tantę pressuræ & tam ardui discriminis die, ipse, qui vnus erat ex ijs, qui humanam, hoc est, suam sperabant salutem, cū Christus pro omnibus mortem oppeteret, atque omnium personam in durissimo illo mortis conspectu sustineret, morte quidem simul cum suscepta à Christo gente afficeretur, nullo tamen tentaretur dolore. Omnis enim dolor Iesum Christum inuasit: cuius quidem mortis fructum atque vtilitatem, non autem acerbicatem cæteri homines   
 50 perceperunt. Fuere illi quidem in tribulatione, in supplicio cum Christo, Christus tamē pro omnibus dolebat, cæteri quiescebant, nimirum quia hæc spiritu nobis gerebantur, & arcano explicabantur negotio. id vates noster significat, *vt requiescam*. Coniunctio, *vt*, explicantis atque exponentis, siue rationem reddentis officio fungitur: namque pro Hebraica voce *asser* reddita est; cuius hoc munus est. Vehementer admiratus sum, inquit, Vates, quod in die tribulationis Christi, cū ille acerbissimum supplicium pro omnibus daturus sit, tamen ego sum requieturus, ita vt quæ ego commiserim scelera,   
 55 M m 3 ille luat,

ille luat; ego verò cum eodem moriar, & tamen eius mortis dolore non afficiar: quæ res, & mihi, & populo nostro, hoc est, vniuersæ ecclesiæ ab ipso ad hanc rem susceptæ (cui ego annumerabor) continget. Populum autem accinctum, populum coniunctum & colligatum, atque in vnum corpus diuina virtute concinnatum significat, cuius Christus futurus erat caput: cuius liuore vt D. Petrus ait, sanati sumus.

*Ficus enim non florebit, & non erit germen in vineis.*

ELEGANTISSIMA & diuino responso dignissima conclusione argumentum suum Vates absoluit, cuius exemplo quicumque religionem atque pietatem colunt, ad maxima quæque incommoda perferenda animari possunt, vbi semel diuinæ voluntatis carminum sententia. Vates præuisam populi sui calamitatem cum Deo fuerat questus: cuius rei occasione de maximis Dei misericordijs atque promissis inciderat in disputationem, num hæc inter se conuenire possent, vt Deus suis promissis & pactionibus staret, & populum tantis afficeret calamitatibus, quem earundem promissionum absoluendum & testem & prædicatorem delegerat dum hæc Vates mente agit, atque oratione apud Deum tractat, diuinorum verborum atq. conuentorum constantiam intelligit, neque impediri posse Deum, quo minus ea, quæ in illo populo edenda promiserat, tandem edat, quamuis maximas populus ille calamitates accipiat. namque diuina prouidentia & populo scelerato per calamitatem corrigendo, & suis pollicitationibus exoluendis fuerat consultura. Huius igitur veritatis admonitus Habbakuq, ad eam spem, quam ipse maximam est ingressus, ceteros vocat, iubetq. pios omnes nullis aduersis rebus terri, nullis doloribus frangi, nullo futurorum malorum metu exanimari; sed diuinæ misericordiæ pactionum memores esse, qua recordatione id efficiatur vt propositi tenacissimi sint, neque salutis à Deo accipiendæ spem abijciant: ita fiet vt earum rerum, quæ tam diu ab eis speratæ atque expectatæ sunt, compotes tandem efficiantur. sibi autem huc animum iam esse, vt si maximè omnia perire atque ruinam minari videantur, tamen salutem à Deo promissam desperetur nunquam, & si fractus, vt inquit ille, labatur orbis impavidum nihil nocitura attingant ruina. Hæc eorum quæ ascribuntur carminum sententia est. Hanc ille partitionibus exornat, & elegantissima earum calamitatū enumeratione, quibus maxime frangi homines solent & sibi suæque vitæ metuere: cuiusmodi sunt agrorum sterilitates, pecorum atque armentorum strages & pestes, quarum rerum copia vt ad hanc mortalem vitam est necessaria, sic earundem penuria ad eandem vitam incommodissima est. *ficus enim non florebit.* Ficus arborum omnium feracissima est ob natui succus abundantiam, & quæ minima inter ceteras plantas cultura indigeat. nam sponte prouenire solet, & inculto solo, imò verò & in saxis & muris fructus annuos interdum binos ferre, neque intermissa requie vt plurima ex arborum generibus sibi consulere, atq. ea prima est, quæ pro flore fructum ipsum proferat: ex quo fit vt certissimum præter ceteras, in quibus flos fructū antecedit suæ vtilitatis argumentum promat. quòd si ficus aliquando suos flores neget, reliquarū arborum fructus frustra speres. His autè proxima est vitis natura, quæ si non fructus, tamen ramorum & pampinorum est fecundissima: raro autem euenit vt hoc genus vuas omnino neget. Quòd si vuarum & germinum careat prouentu, actum est de anni illius spe: maximam enim anni sterilitatem esse oportet, quæ germinis proferendi facultatem adimat. Iam verò olearum ea natura est, vt si non singulis annis, certis tamen vberi baccarum prouentu pretium operæ colentium absoluat. atq. futurā sui vtilitatē in præcedentis anni mensibus promittat, latior namq. viret, & multis quasi gemmulis tumescit. atq. huiusmodi indicationes obseruantē raro fallunt. quam ob rem oliuetorum, qui in Bethica sunt domini huiusmodi notationibus admoniti, à præcedenti autumnō in eum qui sequitur muliercularum idoneum ad oliuas colligendas numerum mercede interdum præmissa conducere solent. Hoc autè à Vate oliuæ opus vocatur. namq. ex sacrorum librorū idiomate est, vt arbores fructū facere dicatur, vt: Et fecerunt fructum natiuitatis. fructus verò ipse opus arboris nominatur. igitur grauem esse causam oportet, quàm ob rē oliuæ quem fructum ante fecerant & ostenderant, tamē cultoribus negent. mentiri autē siue negare plantæ fructus dicuntur, quando sunt cultori-  
bus ingratae, vt apud Satyricum: *Spem mentita seges.*

Pal. 106.

Horat. epist.  
lib. 1.

*Et arua non afferent cibum.*

Quan-

QUANQVAM aliorum fructuum penuriã utcumq. pati homines possint, frumenti tamen defectum ferre non possunt. Caput namq. ad humanam vitam alendam panis est, scriptũ enim: Et panis cor hominis cõfirmet. & alio in loco: Qui producit frumentũ & herbã vsui hominum. Quod si frumenta omnino desiderentur, atq. aliorũ fructuum defectibus hoc accedat, maximum esse annonæ conflictũ necesse est. fieri autem interdũ solet, vt cum dies complures frumento homines caruerint, pecore ex longinquiore locis adacto extremam famem sustentent. quod si pecorum etiam copia deficiat, nihil nisi aut diuinã prouidentiam, & admirabilem aliquem cibum; aut mortem expectare dabitur. Porro Isrãelitica regio his rebus, quas hactenus commemorauimus, adeo abundabat, vt vicinas etiam aleret regiones. Nam & Tyr rex Hiram tritici hordai, vini, & olei permutatione ad maximi illius templi fabricationem ligna ex libano monte cãsa suppeditauit, & Hebronis agros plurima & generosissima pecora aluisse Samuelis historia docemur. huius autem rei penuria laborare, extremæ (vt diximus) sterilitatis est malum. Eam igitur rem ceteris addit Vates & subdit.

Psal. 103.  
Psal. 146.

2. Paral. 2.

2. Samucl. 15.

15 *Abscindetur de ouili pecus, & non erit armentum in præsepibus.*

VTRVMQVE genus propterea nominauit, vt omni ex parte sterilitatis exequeretur rationem. namque armentorum & pecorum diuersa est natura, & fieri plerumq. solet, vt quibus annis & tempestatibus alterum genus male habeat, alterum gaudeat. Oues glacie constrictos campos amant, boues verò frequentes desiderant imbres. Ex qua re vtriusq. generis optata hispano prouerbio eleganter sunt indicata: *Siquiera lloniesse hasta, que mi cuerno se remolleciesse: Si quiera elasse hasta que mi lanã seme enhetrasse.* Quod si vtraque & pecora & armenta deficiant, non tam anni vitio, quàm diuina ira id euenire putandũ est. Hæc autem omnia simul accidere posse Vates concedit, se tamen de ea spe, quam diuinæ sibi subministrant promissiones, deiici posse negat. Sed cum maximè omnia ruinã & mortem minitari videantur, tum maximè se promissæ sibi à Deo salutis, & expectati Christi seruatoris cogitatione exultaturum.

*Ego autem in Domino gaudebo, & exultabo in Deo Iesu meo.*

HOC EST, in Deo seruatore meo. Planum namque atque apertum iam omnibus fere est nomine *Iesuagh* salutis & saluationis rationem significari. Cuius quidem rei interpretes nobis diuinus nuntius fuit, qui cum imponendum diuino puero nomen Iosepho ederet, hoc sermone nominis rationem reddidit. Ipse enim saluum faciet populũ suum à peccatis eorum.

Matth. 2.

35 *Deus Dominus fortitudo mea, & ponet pedes meos quasi ceruorum: & super excelsa mea deducet me victor in psalmis canentem.*

INTER omnes oratorias exornationes cominatio, quam vocant, sacris scriptoribus familiarissima est: quum in ea re, in qua causæ nostræ firmitatem collocauimus, diutius commoramur. Hoc genus nos in Christianis rhetoricis, quas carmine cõscripsimus, firmamentũ vocauimus. nulla autem res sacri scriptores magis, quàm diuinæ misericordiae fide atque spe nituntur. Ex qua illa in omnium ore frequentissima sententia est, propter misericordiam tuam & veritatem tuam, & misericordia tua vsque ad carlos, & veritas tua vsque ad nubes. Antiqua igitur disciplina, & acceptis à se responsis edoctus Vates, totam spem suam in diuinis pollicitationibus, atq. in misericordia ponit. Audierat enim ille id quod nobis referret: Iustus autem ex fide viuunt. Hac igitur fide sibi se constare dicit, eamque spem nunquam esse fallendam, sed voti tandem compotẽ Deo auctore euasurum, vt nulla sit calamitas, quam non huius spei atque fidei ope perferat, & tandẽ illius maximiatque diuini beneficii acceptione peruincat. Dominum igitur Deum fortitudinem suã vocat, quoniam ea victoria nõ humana virtute, sed diuinæ misericordiae auxilio atque opera illi constabit. nam cum Christus suam diuinam atque humanam naturam cum suis communicaturus fuerit, ob eam causam, quicumque eius communicationis & beneficii participes verè fuerint, ex eo, quem ante descripsimus, conflictũ victores, & præstantissimæ libertatis compotes euadent. Si enim filius vos liberauerit, verè liberi eritis, aiebat idem Deus atq. homo Christus, ita vt illud ab illis quàm verissimè cantari possit: In te inimicos nostros ventilabimus cornu: & in nomine tuo spernemus insurgẽtes in nobis. [Et ponet pedes meos quasi ceruorum. Summam conficiendæ rei celeritatem hac similitudine significat. nam quamuis ex quadrupedibus nonnullæ citatissimo valeant cursu,

Psal. 35.

Psal. 55.

Ioan. 8.

Psal. 43.



nulla tamen magis victoriam currendo repræsentat, quàm cerua, quæ saltu arbuscula su-  
 perat, & saxa, & flumina aliquando transmittit; adde quòd decor membroum & totius  
 corporis habitudo, venatorum contemptum magis imitatur, quàm fugam: eadem semper  
 altiora loca cursu petit, vnde despiciere magis, quàm metuere insequentes se possit. hoc  
 autem magis in femina cerua, quàm in maribus, ex eo quòd illæ cornibus se possit. hoc  
 spicitur: quamobrem & Hebraicè quasi ceruarum legimus. Ob eandem etiam confide-  
 rationem in canticis sponsus ceruorum hinnulo similis esse prædicatur. neq. dissimile ob  
 causam hoc carmen à Davide præcantatum Vates noster hoc in loco vsurpauit, Qui  
 æquauit, inquit, pedes meos ceruis, & super excelsa statuens me. Excelsa etiam loca, aut  
 victoriâ, aut certe hostium contemptum sua natura atq. situ parant. Eam rem hoc loco  
 sibi Vates ex fide, quam diuinis verbis habet, promittit, nimirum victoriæ viam sibi à  
 Deo esse aperiendam. ex qua re illud confici oporteat, vt ipse carminibus condendis, &  
 Deo gratiarum actionibus, ob tanta beneficia, celebrando vacet. Atque ex ea re mate-  
 riam elegantissimorum versuum atque heroicorum sibi fore suppeditandam. Talia enim  
 carmina non nisi à lætissimis, atq. omni anxietate carentibus ingenijs cõtari solent. quorum  
 inscriptio est, *lemnasceah Bineghinoth*. Huius autem verbi *lemnasceah*, pro quo latinus in-  
 terpres frequenter victori vertit, sententiam, hoc in loco exponere non incommodum  
 fore visum est. namq. ea ad Vatis nostri orationem illustrandam, atq. ad multorum psal-  
 morum inscriptiones intelligendas conducet. Igitur verbum *nassahh* vincere, studiose  
 aliquid & sollicitè, ac non negligenter agere significat. Eius autè verbi vsus familiaris atq.  
 frequens est publicis sacrarum rerum ministris, quorum interest munus suum diligenter  
 atque strenuè exequi. maximè autè ijs accommodari solet, qui alijs tanquam duces in  
 administranda repræficiuntur; nimirum vt ceteros hortentur, instruant, atque in nego-  
 tio præcurrant. huius rei atque verbi exempla multa sacros legentibus libros occurrent,  
 ex quibus vnũ & alterum apud Esdram vno in capite indicabimus, quæ latinè sic in vul-  
 gata editione legimus: Anno autem secundo aduentus eorum ad templum Dei in Ieru-  
 salem, mense secundo, cœperunt Zorobabel filius Salathiel, & Iosue filius Iosedec, & re-  
 liqui de fratribus eorum sacerdotes, & Leuitæ, & omnes qui venerant de captiuitate in  
 Ierusalem & constituerunt leuitas à viginti annis & supra, vt vrgerent opus Domini. Ste-  
 titque Iosue & filij eius & fratres eius, Cedmiel & filij eius, filij Iuda quasi vir vnus, vt in-  
 starent super eos, qui faciebant opus Domini. Hæc igitur Latina verba vrgerè, & instare,  
 quid Hebraicum verbum significet, & ad quas personas accommodetur, nos docent. hæc  
 negotia curandi verbo Romani significabant: nam & regia munera & ludos dijs sacros,  
 & funus curare dicebant, & curare vt sacrorum templorum facta essent tecta. Ergo inter ce-  
 tera sacrarum rerum genera carminum & hymnorum, atq. totius sacre musice curatores  
 erant, ad quos quid quo modulationum genere, & à quibus, & quando canendum esset,  
 consulere pertinebat. Vnum aut carminum genus erat, quod *Neghinoth* vocabant, quòd lætæ  
 atque gratissimæ res & affectuum plenæ dicebantur, quæq. hostium atque periculorum  
 propulsationem vel narrarent, vel sibi promitterent. Cuius generis est psalmus, Cum in-  
 uocarem, & illud: Exaudi Deus orationem meam. huic ergo carminum generi se vaca-  
 turum vouet Habbakuq, quo præterita rerum discrimina, & præsentem redemptionis  
 lætitiâ celebret.

## ORATIO INTERPRETIS.

O qui orbem regis pater, & mortalia curas,  
 Ausaq. funesti nulla probas sceleris,  
 Nec pateris fluitare tuo seruentia cultu  
 Pectora, nec miseros deseris esse pios:  
 Illud opus renouare tuum ne desine nostris  
 Mentibus, illud opus, quo facis esse Deos.  
 Et nos perpetuas laudes, nos grata canemus  
 Carmina pro tantis commoda muneribus.

697

IN HABBAKVQ PROPHE TÆ  
COMMENTARIA CARMEN  
EX VOTO.

**N**ON cæpta latis vota parentibus,  
Cum pulcher infans ludit amabilem,  
Cui sceptræ mater, cui coronas  
Poscit auens prece blandiente.

Non quæ per artes innumeras genus  
Mortale duris vsque laboribus  
Exercet auri vel cupido,  
Spes ve levis male sana honoris:

Non quidquid errans denique suspicit  
Vulgus, beatos efficit, aut iuvat  
Curas, vel auertit sequaces,  
Otia vel meditata præstat.

Nam quæ caducis condita partibus  
Auctore constant munera debili,  
Nil illa magnum, nil perenne  
Efficere, aut tolerare possunt.

Quidquid corusci continet ætheris  
Transmissus axis, scilicet æra,  
Telluris oras, & liquentem  
Vis penetrat superatq; pontum.

Disiuncta quod si corpora sedibus,  
Unde & decoris artibus efficax  
Natura fingit res, teneri  
Perpetuos nequeunt in annos:

Quid comparatis fraudibus, ac dolo  
Mortalis audens ingenij manus  
Componet atris eximendum  
Temporibus vicibusq; lethi?

Cum gente gentem iungito sedulam,  
Commune cæptis & studium para:  
Vox una cunctis, arsq; constet,  
Nulla manus properare cesset.

Sed videt ultor principium Deus  
Non auspicata molis, & ardua  
Spectator attendit propinquus  
Stultitiæ assiduos labores.

Mox

Mox & micanti fulmine, & horrido  
 Turbata celi murmure dissonat  
 Sermone turba, & inquietas  
 Cura subit variata mentes.  
 Tunc quam potentis nominis ambitus  
 Turrim propinquam sideribus poli  
 Vergebat, humani furoris  
 Esse iubet monumenta iudex.  
 Jamq; appetit & munera gloria,  
 Conscederat as & studijs opes  
 Deforme conuoluens ruina  
 Nomen habet Babylon pudendum.  
 Sed tu quid altas imperij domos  
 Nunc & decorum perpetuum tibi  
 Proponis amens per scelestos  
 Vig; doloq; vagatus ausus?  
 Tentata prauis bella tumultibus,  
 Atq. inuidetum pralia gentium,  
 Et fraude prognatas rapinas,  
 Anne bonum paritura credas?  
 Constructus an plis principijs domus  
 Murus, labore & consilio graui  
 Per damna, per cades iniquas  
 Artificem stimulante cura,  
 Tantis per haret molibus ac breui  
 Suffultus arctæ munere machina  
 Auctoris orbi dum malignum  
 Testis opusque, animumq; prodat.  
 Sed iam peracto iudicio Dei,  
 Qui cuncta vindex crimina discutit,  
 Gaudere querente, & laborum  
 Jam domino meditante fructus,  
 Inclinat aucto pondere funditus  
 Congesta lapsis undiq; partibus  
 Moles, & incautum patronum  
 Cum famulis premit, atque natis.  
 Optata seris regna nepotibus,  
 Et cogitati premia nominis,  
 Obluiones vel silentes  
 Incelebri subeunt sepulchro,

Vel fumiganti turbine pulueris,  
 Quem lapsa moles excitet altius,  
 Differtur exemplis in aeuum  
 Historia impropere diris.  
 Tunc, qua imperitis ancipiti gradu  
 Constare visa est cura vigil Dei,  
 Dum flos nocentum praniteret,  
 Certa manet, superatq; vindex.  
 Tum clara signis perpetuis patent  
 Exempla summi iudicis, & grauis  
 Sanctamq; funestamq; gentem  
 Indicio memorata monstrant.  
 Vt nulla casus Sortis & inuida  
 Vis voluat orbis munia consona  
 Nec terra, mortalesve turma  
 Iudicijs careant supernis.  
 Et saepe summi numinis abditam  
 Mentem tyrannos precipites pati,  
 Pœnas vt indictas prophanis  
 Dent populi malè pertinaces.  
 Post vindicato verberibus malo,  
 Corrupta turpi flagra superbia,  
 Nerusque marcentésq; virgas  
 In tenebras reijci perennes.

FINIS.



BENEDICTI ARIÆ MONTANI  
HISPALENSIS IN SOPHONIAM PRO-  
PHETAM PRÆFATIO,  
DE DIVINO IUDICIO.



IVINORVM iudiciorum rationes perperam ab hominibus per-  
cipi ac definiri, præterquam quod in sacris libris persæpe notatum  
est, ipsa etiam mortalium corrupta studia actionesque declarant.  
Etenim nihil aut segnius aut rarius, quàm diuinam iustitiam & se-  
ueritatem cogitari ab illis arbitror: quam in omni vite parte oculis  
proponendam sacer Vates docebat. In corde meo abscondi eloquia tua,

Psalm. 117.

„ vt non peccem tibi: Non enim qui operantur iniquitatem in vijs eius ambulauerunt.  
„ Namque diuinorum iudiciorum perpetuò considerata atque obseruata ratio temeritatē,  
stultitiam, licentiamque omnem in consilijs actionibusque hominum reprehendit, auda-  
ciam comprimit, ambitionem cupiditatemque frenat: vt ex ijsdem ipsis diuinis oraculis  
accepimus. In quo corrigit adolescentior viam suam? in custodiendo sermones tuos. A  
„ mandatis tuis intellexi, propterea odiui omnem viam iniquitatis. Equidem nemo tam  
malo, tamque audaci animo est, qui dum præsentem iudicē videat, eumque magna sapi-  
entia in cognoscendis, magna iniudicandis criminibus seueritate & constantia præditum,  
manus à scelere & maleficio admittendo non absteineat: cumque nulla in re, nullo in  
loco se illius oculos & mentem fallere posse speret, aliam vitæ viam sibi, quàm per sce-  
lus, muniendam suscipiat, atque ea paulatim studia remittens deponat, quæ iudicem  
vehementer improbatum, nunquam verò ignoraturum esse intellexerit. Quod si hæc  
in homine concepta seueritatis & sapientiæ opinione studiose & rectè curarentur,  
quanto diligentius curata esse oportuerat ab ijs, qui Deum omni semper loco præsentem,  
& humana non solum facta, sed cogitata omnia obseruantem, sanctissimum, æquissi-  
mum, seuerissimumque, atque vitij omnis & sceleris ultorem grauissimum iudicē ante  
Psalm. 5. „ oculos sibi proponerent, de quo scriptum est: Quoniam non Deus volēs iniquitatem tu-  
„ es: neque habitabit iuxta te malignus, neque permanebunt iniusti ante oculos tuos.  
„ Odisti omnes qui operantur iniquitatem, perdes omnes qui loquuntur mēdacium. Virum  
„ sanguinum & dolosum abominabitur Dominus. Qui plantauit aurem, non audiet,  
Psalm. 93. „ qui finxit oculum, non considerat, qui docet hominem scientiam? Dominus idem scit  
„ cogitationes hominum: igitur qui exasperant, non exaltentur in semetipsis. Et profectò  
vel nullam, vel admodum exiguam de diuinis iudicijs cogitationem hominibus esse non  
concepta modo, sed & assidue suscepta scelera, quibus totus terrarum orbis publicè ac  
priuatè contaminatissimus affluit, manifestè indicant: vbi gens contra gentem & re-  
gnum aduersus regnum, vel leuissimis, vel nullis causis insurgit, vbi tanta ambitio, tanta  
cupiditas, tot iniuriarum genera grassantur, vt totus mundus in maligno positus esse  
meritò dicatur.

Sed id dolendum maximè est, quod nulla nationes minus de diuinis iudicijs cogitare  
videntur quàm eæ quæ Christianæ discipline legibus tenentur, præceptis & institutis  
abundant. Vbi incredibile est, quàm secus, atque huius cogitationis lex & ratio po-  
stulet, publicè ac priuatè agatur. Atque vtinam hæc nobis in eam partem disputata esse  
videri possent, vt comparatio non cum alijs gentibus, non cum falsis, mendacibus ac  
barbaris eorum qui Christum non receperint, sectis atque doctis, sed cum ipsa Chri-  
stianæ discipline perfectione fieri existimaretur: ita vt in nostris moribus ad externarū  
nationum rationem reuocatis, aliqua laudis pars inueniri posset: ad ipsam verò euange-  
licæ discipline normam & regulam iudicatis, exacta quedam perfectio desideraretur.

Sed

Sed pro dolor & pudor, iam non nobis hæc ratio illis Christianorum præceptorum & evangelica statera, sed communi omnibus diuinæ iustitiæ ac seueritatis cognitione, velut rudi quadam & populari trutina examinanda est. neque enim modò de inimicorum dilectione, de beneficio vltro in immeritis collocando, de tolerandis patienter eorum, qui læserint, amore & salutis studio, iniuriis, de eroganda omnino in egenos atque in alios pios vsus pecunia, & de honestissima benignitatis, liberalitatis, comitatis, humanitatisque omnis contentione, de maxima alienorū, de minima verò propriorum commodorum cura, non denique de illustri Christi exemplo omni vitæ nostræ parte exprimentendo agitur, & de suauissimo illo iugo, quod ab eius perfectis discipulis fieri oportuit. Quibus de rebus omnibus illud scriptum est: Discite à me quia mitis sum, & humilis corde: & inuenietis requiem animabus vestris, &c. Quòd iam istius perfectæ Christianorum vitæ splendor fere omnis his moribus obsoleuerit, & prodigij loco ducatur, si quæ harum præstantissimarum virtutum scintilla appareat, adeo extinctū egregium id vitæ studiū, & studioforum genus est. de quibus illud fuerat decantatum: Et scietur in gentibus semen eorum, & germen eorum in medio populorum. Omnes qui viderint illos, cognoscent illos, & dicent: quia isti sunt semen cui benedixit Dominus. Nunc verò alia nobis rerum ratio reposcitur, quæ ab iis reddi possit, qui cum Dei notitia diuini iudicij, atque in sceleratos constituendi supplicij metum habeant, siue is ex philosophica quadam sapientia atque obseruatione, vt apud gentes, siue ex sacra institutione & disciplina allatus sit: in quo genere Iffraélite olim fuerunt, & nunc maximè Christiani sunt. A quibus maius atque abundantius officium expectandum propterea fuerit, quòd diuinarum rerum cognitio, certissimis ipsius Dei oraculis accepta sit, Qui non fecit taliter omni nationi, & iudicia sua non manifestauit eis. Sed quæ per Deum immortalē tam barbara, non modo lingua et natione, sed natura, & moribus gens notari hodie posset, in qua vel rariora cogniti, explorati & certi diuini iudicij; vel frequentiora rursus diuini timoris repulsi argumēta reperiantur? Vbinam terrarū publica ac priuata honestas, ac decus minus conseruatur? Vbi copiosum magis, et multiplex iniuriarum genus inuenitur? Vbi ambitio, ac insatiabilis habendi dominandique cupiditas proiecta atque effrenata magis est? Vbi fornicatio immunditia, impudicitia, luxus, veneficia, inimicitia, contentiones, emulationes, iræ, rixæ, dissensiones, hereses, inuidia, homicidia, ebrietates, comessationes, & his similia innumera vitiorum genera frequentius & grauius obueniunt? Tandem vt plura & maxima breui sermone concludamus, quodnam hominum infidum genus iusto militiæ sacramento prodito, nefariè magis, atque impudenter egit? nonne illud celeberrimum honestissimūq. votum, Christianæ militiæ Tironibus, clarissimo iureiurando, coram sanctissima trini atque vnius Dei maiestate, legitimo ecclesiæ sacerdoti, grauib. aduocatorum testimoniis, repetita asseueratione, nuncupatur? Satana & omnibus operibus eius, et omnibus pompis eius, abrenuntio, abrenuntio, abrenuntio. Cuiusmodi nam ista abrenuntiatio est? Ecquæ sanctissimi ac iustissimi iurisiurandi huius, ad sacrosanctum baptismi fontem, illustribus verbis comprehensi, religio fidesque seruat? Pudet profecto, pudet nostrorum morū, ac corruptæ & contaminatæ vitæ, quæ ad iustissimi sacramenti obligationem collatæ, perfidiæ ac sacrilegij manifestò teneatur. Neque verò consiliū est sanctissimos & integerrimos Christianæ disciplinæ milites hoc nomine notare, neq. vllam eorum hoc patetō offensionem excipere, quos hæc perditissima tēpora pariter nobiscum luctu profecto qui intelleximus. nam communis hæc piorum & bonorum omnium querela est. sed ad

propositum redeamus. Igitur vel nullam, vel leuissimam diuinorum iudiciorum in om-  
 nium ferè hominum animis versari cogitationem, ipsa eorum studia, cogitationesq. ar-  
 guunt. Hanc verò maximam negligentiam ex eonata esse arbitramur, quòd non  
 misericordiae, sic diuinæ etiam iustitiæ assidua publicè ac priuatè exempla edispectariq.  
 soleant. namque ille communis omnium hostis antiquus serpens astutissimus, diuinarij  
 rerum rationes, abductis à recta sacrarum scripturarum cognitione, atque à sapienti-  
 rerum temporumque obseruatione hominibus, perperam semper interpretatus, iudicio-  
 rum tarditatem & dilationem negligentia nomine definire, si quid verè interim repe-  
 titæ pœnæ alicubi obseruatū fuerit, casibus id, vel incertis calorū & siderum cursi-  
 tatis erroribus imbutæ mentes incredibili ad omne facinus audacia armatur, & accu-  
 mulatis sceleribus maiorem in dies culpam sustinentes, in grauiorem semper Dei offen-  
 sionem incurrunt, plusque sibi indies pœnarum comparant, sicut scriptum est: An diui-  
 tias benignitatis Dei & longanimitatis cōtemnis? Ignoras quòd benignitas Dei ad pœ-  
 nitentiam te adducit? Tu autem secundum duritiam tuam & impœnitens cor tuum  
 thesaurizas tibi iram in diem iræ & reuelationis iustij iudicij Dei: qui reddet unicui-  
 que secundum opera sua. Itaque iudicij vel priuatè, vel publicè exercendi cūstatio, &  
 tarditas humanarum rerum Dei negligentia, vel scelerum contemtionem, vel ignora-  
 tioni à stultissimis hominibus ascribitur: cum tamen ex ipsa rerum ratione, & præ-  
 ritorum temporum prudenti obseruatione, clementia potius, misericordiaque, & be-  
 nignæ Dei erga hominum salutem voluntati, ascribi oportere. Sanctissimi Apostoli cō-  
 firmauerint. Longanimitatem Dei salutem arbitramini, sicut charissimus noster Pau-  
 lus secundum datam sibi à Deo sapientiā in suis scribit epistolis, inquit Petrus. Verum  
 enimvero ut hunc ex hominum mentibus errorem penitus tolleret Deus, non modò re-  
 ipsa, & grauissimis iudiciis edendis, ac repetitis seuerè pœnis, publica & priuata sce-  
 lera saepe ultus est: sed illud etiam curauit, ut hac ratio à sanctissimis & grauissimis  
 vatis, ac diuinarum rerum sapiētissimis magistris, & futura prædiceretur, & in-  
 dicaretur præterita, neque quis videlicet sumpta de alijs supplicia ad se nihil pertinere  
 arbitratus, in pœnitentiæ studium sese tradere, ac salutem sibi legitimis rationibus pe-  
 tere negligeret. Inter alios verò sanctissimos vates vnus etiam Sophonias est, cui diui-  
 næ iustitiæ & seueritatis prædicanda munus est delatum. Cuius grauissima oratione  
 illud apertè docemur, nullum contumacium hominum flagitium, nullum scelus aut vi-  
 tium esse, quod (nisi legitima pœnitentiæ rationibus oportunè curatum expiatumque  
 fuerit) seuerissimi tandem iudicij pœnas effugiat. Id quòd multorum hominum, popu-  
 lorum & regnorum, quibus publici ac priuati sceleris pœna futuris temporibus danda  
 erant, certissimis exemplis confirmatur: ex quibus ceteras etiam nationes, atque poste-  
 ritatem omnem erudiri, & sui de ea re consilij, quod constantissimum semper est, doceri  
 Deus voluit. Illius enim responsi ostensum est, nullius eorum, qui diuinum ius fasque  
 violauerint, nomen de tabulis eximèdum esse, quo minus vnusquisque eam, qua sese  
 alligauerit, culpam (nisi veniam præscriptis rationibus & modis impetret) vel in se  
 vnum priuatè, vel in suos etiam publicè, in hac vita, vel cōmuniter in omnes tandem  
 homines statuto puri iudicij die seuerissimo supplicio luat. Cuius grauissima orationis  
 explicanda argumentum, inuocato prius in nostra vota Deo, componemus.

*Ætherei quem sede poli sanctissima cunctis  
 Dicere iura viris credimus & populis:  
 Et quem facta latent mortalia nulla, nec ausus,  
 Humanum quicquid concipit ingenium.  
 Da facilis tua iudicij mysteria magni  
 Quâ fas est, populis explicuisse piis.  
 Si quacunque sacri dicunt oracula vates,  
 Ad nostros quoque vis pertinuisse dies.*

## ARGVMENTVM VATICINII.

**P**RÆVISAM sibi Hierosolymæ urbis priorem illam excisionē, & ad omnes etiam tam probos, quàm improbos Iudaos, vel cede, vel captiuitate pertinentem calamitatem Sophonias cumprimis prædicit. quamobrem etatis suæ pios omnes ad placandum Deum exhortatur. deinde post Iudaicam cladem, Palæstinorum, Moabitaram atque Ammonitarum res ex diuino consilio, Nabuchodonosoris ictu graui, ad casum sceleribus illorum dignum dandas esse docet. Horum autem perpetuam fore ruina ostēdit, adeo ut restitutis ex Babylonica captiuitate Iudeis, latior ad habitandū relinquatur locus. ceteras etiam nationes, quæ vel iniusto bello, vel graui tyrannide alios, ac præsertim Israëlitas plus æquo vexauerint, ut Assyrios & Aethiopes, pœnas quoq. daturas affirmat. deinde verò restitutorum ex Babylone Iudeorum alteram cladem, & urbis etiam excisionem sibi diuinitus ostensam significat, ob legis diuinæ violationem, & repulsum à republica ciuitateque sua Christum Dei Iesum Nazarenum. Quos posterioris calamitatis huius ærumnis & miseriis tam diu premendos esse ait, quoad constitutum diuino consilio tempus aduentauerit, cum impietatis omnibus toto orbe dissipatis & penitus destructis reliquiis, diuinæ notitiæ lumen nationibus cunctis, Christiani euangelij predicatione porrigatur. Quo felicissimo tempore Israëlita etiam & Iudei suum tandem maximum errorem agnoscentes & confessi, in veniam, misericordiam gratiamque recipientur: qui quamuis tenuis & afflictus, variisque vexatus modis populus fuerit, tamen diuino dono in magnum vitæ & virtutis splendorem reddendi sunt: atque omni tyrannidis, maxime autem spiritualis, immunitate & libertate accepta & confirmata, in vnâ nobiscum ecclesiam ex omni exilij sui loco collecti, æternam quamdam & piâ, communemque cum Christianis omnibus tranquillitatem & pacem sanctissimi spiritus beneficio trahent.

Nn 2

CAPVT





*Verbum Domini quod factum est ad Sophoniam filium Cussi, filij Godoliz, filij Amaria, filij Ezechie, in diebus Josie filij Amon regis Jude.*

**T**OTIVS operis inscriptio est, qua fides dicendis rebus, diuini cōsiliij auctoritate, & Vatis ipsius orantis dignitate atque integritate affertur: iisdem verò cognoscendis & interpretandis, ex temporum notatione, regisq̃ue appellatione, lux oportuna porrigitur. Quatuor autem patrum suorum ad attauum vique Ezechiam clara illa ætate nomina, legationis suæ confirmandæ causâ interponere, expresseq̃ue appellare Vates non dubitauit, quæ profecto (nisi fidem suam diuina auctoritate liberaturum sese intelligeret) denigranda & contaminanda proferre veritus fuisset. Quanquâ autem quatuor suis ætatibus illustres viros nominauerit, ex manifesto tamen sacrorum librorum testimonio, neque huius Vatis patria, neque certa generis & familiæ tribus, quænam fuerit, inter homines peritos constare video, id quod illo seculo constituisse, ipsa nomen illustrium professio arguit. Præterea & apud Iudæos Vatem hunc cum maioribus suis claruisse ex eo conicimus, quòd de Iuda & Ierusalem vaticinatus fuerit, apud quos patrum suorum memoriam consultò renouauit. Eius autem patres, Cussi, Godoliz, Amarias & Ezechias an in Vatum numero ponendi sint (quemadmodum antiqui Hebræici scriptores de appellatis Vatum omnium parentibus in vniuersum tradunt) nobis sanè exploratum satis non est; illud certè est compertum, maxima illa suis ætatibus nomina, & posterioribus etiam apud eam gentem, cui fidei causâ interponebantur, fuisse. Illud verò obscuriori coniectura iudicatum, opinione magis, quàm certa sententia, quidam augurantur, Ezechiam Vatis huius attauum eundem & regem illum Iudæ illustrem fuisse; neque enim eam rem inscriptio ipsa prætermisisset, cum Amonem, qui duobus tantum annis, iusq̃ue infelicitè rerum potitus fuerit, regem appelleret. Quòd si regis nomen ad Iosiam tantum pium atque optimum principem quis referendum putet, nihil est quòd Ezechie regis dignitatem commemorari prohibuisset, qui inter optimos principes, patriæq̃ue patres pientissimos non mediocrem locum obtinet. Porro Hebræi auctores, qui de Vatum omnium ætatibus scripsere Sophoniam, Ieremiâ & Oldam, eodem tempore floruisse tradunt; Ieremiam in publicis concionibus & foris, frequentiq̃ue hominum conuentu vaticinia sua perorasse; Sophoniam in Synagogis & literarum gymnasiis; Oldam autem apud ætatis ciuitatisq̃ue suæ feminas fuisse vaticinatam commemorant: à quibus tamen nihil de regio Vatis huius genere memoriæ proditum est, cum ea res in Isaia historia non sit prætermissa, quem Amasia ex fratre nepotem fuisse, ab iisdem accepimus. Illa autem celeberrima publicæ rei, & totius religionis expiandæ à Iosia rege suscepta procuratio plurimum cum Vatis huius consilio atque exhortatione concordans, argumento non leui nobis est, vaticinium hoc primis eius regni annis fuisse editum. nam quo tempore Iudæi impietate, scelere & flagitiis contaminatissimi fuerint, futuræ sibi calamitatis, & grauissimæ animaduersionis sententiam, diuino oraculo pronuntiatam audisse, verisimile & probabile est; ei autem calamitoso malo, ne maturius etiam afferretur, boni principis cura & procurationibus fuisse intercessum: cuius pientissimi regis de ea re cura & diligentia in regum historiis copiosè narratur. Hactenus operis inscriptio & proœmium est: nunc deinceps orationis propositio amplificationibus, atque expolitionibus à Vate tractata nobis etiam explicanda est.

Hebræor.  
traditio in  
pesicta Rab  
bathi Iero-  
nym. in So-  
phoniam Cam-  
bii. Ioseph.  
Hispa. Abra-  
ham Eisdre.

Tractatu de  
pesicta Rab  
bathi, & in li.  
de annalibus  
mundi.

*Congregans congregabo omnia à facie terræ, dicit Dominus: congregans hominem & pecus, congregans volatilia cæli, & pisces maris: & ruine impiorum erunt: & disperdam homines à facie terræ, dicit Dominus.*

**CLADEM** omni Iudææ regioni diuinitus afferendam communi oratione proposita confirmat: quam subiuncta statim partitione exponit. namq̃. vniuersalis propositionis explicandæ rationem ad ea tantum genera, quæ subiecta explicatione definita fuerint, non ad naturam vniuersam reuocari oportuerit. Quamobrem propositio: [Congregans]

[*Congregans congregabo omnia.*] Præter hominum, pecudum, auium, piscium, hominumq. terrestrium definita genera, nullum aliud hoc loco complectitur, non stirpes, non mineralia, non denique quicquid in partitionem ipsam productum non fuerit. Itaq. vniuersale hoc verbum, *Omnia*, certis mediis, non summo rerum omnium genere est cernendum, sicut neque terræ nomen, quod non de omni terrarum orbe, sed de Iudæa tantum regione interpretari, nos ratio ipsa, & consequens oratio cogit: neque enim à facie vniuersæ terræ, ut in diluuij rationibus, sed [*A facie terræ,*] dixit, ut certam regionem, hoc est, quam ipse Vates incoleret, notari facilis coniectura esset. Excisionem autem siue cladem illam, omnibus terræ incolis communiter afferendam, congregandi verbo explicuit, quod ad extremam & absolutam calamitatem significandam aptissimè apud Hebræos transfertur. ex quo genere illa sunt: Ego congregor ad populum meum, &: Congregabis animam tuam, & animas domus tuæ. Latinus sermo propinqua huic significationi verba habet, conficere & corradere, sed Hispana lingua proximum *Arrebanar*: est enim res, quas tollere quis paret, penitus conuellere, & vndique in vnum locum rastris ligonibusque corrasas prorsus adimere. [*Congregans hominem & pecus. &c.*] Quanquam hæc simpliciter exponi & posse & solere non ignoremus, ut deficientibus è terra hominibus cæteræ etiam animantes, quæ commodius viuendi causa hominum culturam sequuntur, deficient, tamen piscium, quibus hoc non accidit, natura appellata, & ipsa rerum ratio, & consequens in oratione explicatio, omnia ad homines per translationem referenda esse docet. Illa igitur huius loci sententia est, omnium ordinum, generum & condicionum homines, vel cæde, vel captiuitate, ab illa regione tollendos esse. Eam verò sententiam sublimi verborum & orationis genere Vates Dei partes dicendo agens expressit. Namq. variarum animantium nominibus, plura hominum vitæ genera notari, in libro de sacro arcanoque sermone docemus. Sunt autem quidam homines ob rusticiorem vitæ usum & exercitationem, & ingenio, & cultu duriores, quos aptissima similitudine hominem & pecus Vates dicit, Hebraicè, *Adam & Behema*. Atque *Behema*, non omne animal dicitur, sed quod ad hominum terræque cultum idoneum est. Quare omnem terræ populum Hebraicè appellatum, Latine verò rusticum hominum genus cum primis excindendum esse ait. Deinde alterum genus principum & summorum virorum nominat, quos ob vitæ & gloriæ dignitatem, ob sublimium rerum studium *Volatilia celi* nominat. Tertium autem hominum genus exlex, atque scelestum, iniuriæ, sceleri, voluptatibusq. deditum cum piscibus stupido, rapaci & impolitico prorsus animantium genere aptissimè componitur, ut apud Habbakuq: Et facies homines velut pisces maris. Sed & huiusmodi vitæ hominum genera piscium nomine notari, subiuncta oratione Vates ipse ostendit: [*Et ruinae impiorum erunt, siue, ut ex Hebraico clarius legimus, & offendicula cum impiis,*] hoc est: Perdam impios cum studiis, conatibus, & nocendi artibus ad dolis, quibus ad aliorum perniciem uti solent. Quartum porro genus, in hominum societate, vitæque communitate, eorum est, qui variis, cum humilibus tum ingenius artibus sese exercentes vitam degunt, hos etiam, quibuscunque nominibus fuerint, corradendos abducendosque è terra esse ait. [*Et disperdam homines à facie terræ.*] Homines, inquit, reptilibus persimiles, qui vario manuum suarum labore, industria & conatu, vitam per terram trahunt magis, quam agant, omnes in vniuersum congregabo. Quæ verò translationibus hætenus hominum genera notata sunt, eadem subiunctis expolitionibus aperte explicantur. imprimis autem quam terram significauerit, exponit: deinde etiam, quinam homines pecus, qui volatilia, & quæ ruinae siue offendicula piscium, hoc est, impiorum dicantur, exponit.

Genes. 59.  
Iudic. 17.

Habbak. 1.

Et extendam manum meam super Iudam, & super omnes habitantes Ierusalem: & disperdam de loco hoc reliquias Baal, & nomina adituorum cum sacerdotibus: & eos qui adorant super tecta militiam celi, & adorant, & iurant in Domino, & iurant in Melchom.

TERRAM quam omni incolentium genere expoliandam sibi esse dixerat, Iudam esse ait: Extendere manum, ultionem magna diligentia & seueritate studioq. paratam significat, ut illud: Ideo iratus est furor Domini, super populum suum: & extendit manum suam super eum, & percussit eum. Habitatores verò Ierusalem, & filij Iudæ, cum ciuitas illa omnium vitæ generum hominibus constaret, homines, pecus, volatilia & pisces

Hose. 2.

Helie Methurghe-  
man.

2. Reg. 13.

Hebr. 6.

pisces, quos commemorauerat, sunt. At verò ruinæ impiorum, & offendicula cum im-  
 piis, illa fuerunt. [*Et disperdam de loco hoc reliquias Baal.*] Reliquias Baal, omnem, qui post  
 decem tribuum abductionem apud Iudæos conseruatus est, superstitiosum cultum in-  
 terpretamur. namque superstitio & idololatria, vanorumque numinū consecratio, apud  
 decem tribus cœpta, procurata & aucta, ad Iudæos, ut sæpe aliàs docuimus, deueda est:  
 apud quos, ad Babylonicam vsque transmigrationem, ignominiosa hæc labes, neque diu-  
 turnitate euanescebat, neque bonorum principum diligentia prorsus elui potuit, quoad  
 abductis omnino hominibus deleta est. De nomine *Baal* satis apud Hoseam differuimus.  
 Vtcrius autem ruinæ impiorum exponuntur. [*Et nomina adituorum cum sacerdotibus.*] Fal-  
 piam illa tempora, ventris & otij atque inertie causa, genuerunt, ædituos nostra versio  
 nominat, Græca verò *ἱερείας*: quos nō tam sacerdotes, quàm augures Plutarchus interpre-  
 tatur. Hebraicus verò sermo, & Chaldaica etiam expositio *Chemarim* vocat: quo nomine  
 Chaldeus interpres vanorum Deorum sacrificulos perpetuò vertit. Significat autē verbū  
 atros & conuolutos, siue quod atris vestibus vterentur, siue (quod magis placet) in certa  
 collegia familiasque distincti essent, suasque singulæ sectæ domos haberent: in quibus  
 conclusi habitarent: quales Idææ Matris famulos, atq. Isidis & Anubis sacerdotes, qua-  
 liaque augurum collegia in gentium libris legimus. Horum autem nomina appellatio-  
 nesque varias, atq. sectarū collegiorumque distinctiones penitus extinctum iri Deus ait:  
 non solum autē hos, sed omnes in vniuersum pios & impios, omnes etiā superstitiosos,  
 & quicumq. vanos Deos publicè priuatèue coluerint, ex illa vrbe regioneque tollendos  
 esse ait, quoniā eam cladem & calamitatem communem omnibus Deus esse voluerat,  
 quicumq. impietatis ac sceleris, publicæque iniuriæ cōsuetudine contaminatæ regionis in-  
 colæ essent, quoniā illa labes ac macula, vel societate & cōmunionem, vel dissimulationis,  
 vel tolerantie & negligentie nomine ad omnes pertineret. oportebat enim eos, qui di-  
 uinarum rerum studio arderet, a contaminata, & tot vaticiniis frustra ad officiū reuocata  
 ciuitate migrasse. Quoscunque igitur illa clades omniū ordinū & generū homines offen-  
 deret, ex diuini decreti sententia oppressura fuerat, sicut scriptū est: Veruntamen non est  
 auersus Dominus ab ira furoris sui magni, quo iratus est furor eius supra Iudā, propter  
 irrationes, quibus prouocauerat eum Manasses. Quamobrem ut eam calamitatē com-  
 munem omnibus sine vlla exceptione fore ostenderet, ipsa, quæ cultum & religionē spe-  
 ctant, genera omnia complexus est; nam religio & superstitio in sacerdotibus primū, de-  
 inde in populis cernitur. Sacerdotes autem vel vanis diis sacrificant: & hi dicuntur æditui,  
 siue *CHOMARIM*; vel veræ religionis atq. vnius Dei sacras ceremonias, puramque reli-  
 gionē susceptū tuetur: atq. hi Hebraicè *COHANIM*, Latine ministri & sacerdotes no-  
 minantur. Vtrorumque officiū & partes sunt sacra ceremoniasque curare, & populū religio-  
 nis, siue illa vera sit, siue falsa quam profiteatur, rationes, & pietatis cultū docere. Populi  
 verò officium cultu diuino & adoratione, quæ latría à theologis dicitur, exhibenda, at-  
 que vita etiam ad eam, quam edocti fuerint, pietatis rationem & normam dirigenda spe-  
 ctatur. hæc autem ratio vel ex cultu, vel ex iurisiurandi formulis manifestè deprehendi-  
 tur. nam quod vnusquisque religiosè colit & veneratur, id in rationum suarum firmāda  
 fide iurat, sicut scriptum est: Homines per maiore se iurant. Triplex autē in populo illo  
 ratio spectatur. nam pars quædam superstitioni dedita, sidera & solem atque lunam,  
 quibus mortalis vitæ potestatem maximam delusa antiquitas tribuebat, publicè cole-  
 bat: pars autē Deum verum venerabatur. rursus alij qui nulla religione obstricti essent,  
 neque Deum verum, neque cælum sanctitate & pietate placandū sibi esse crederet, of-  
 ficiū ac diligentem cultum omnem regi suo, a quo vno dignitatis fortunarumque suarū  
 commoda accipi & augeri posse speraret, tribuebant. Omnia verò studiorū genera hæc,  
 vel cultu, vel iurisiurandi formulis facillè deprehendere & agnoscere est: quæ omnia Vates  
 noster certis notis ostendit. nam postquam vtriusque partis, hoc est, superstitionis sacrifi-  
 culos, & veræ religionis ministros, hos proprio vocabulo sacerdotes, illos ædituos appella-  
 uit, populū partim in superstitiosos, partim in veros Dei cultores, partim vero in impios  
 atque atheos, nihil præter terrena aut sapientes, aut sperantes, diuisit: ac primos quidem,  
 [*Qui adorant super te cæli militiam celi,*] hoc est, qui superstitionem, qua imbuti sunt, non ob-  
 scurè profitentur, sed palam, apertocælo, noctu, atque interdium, astrorum, quibus numen  
 esse credunt, cultui adorationique supplices vacant. Supra te cæli aliquid fieri, Hebraica  
 dicendi

dicendi formula, publicam & manifestam rem arguit, vt: Super tecta eius, & in plateis  
eius omnis vlulās. & illud. Quod audistis in cubiculo, prædicate super tecta. est enim is  
locus editissimus, & omniū, nō solum qui propius, sed qui longius etiam sunt, conspectui  
expositus. Id verò commodè fieri potuisse, vt in tectis & supplicari, & prædicari pos-  
set, ex antiqua ædificiorum illius regionis ratione perspicuum est. de qua nos alias pro-  
prio instituto sermone, modò Deus votis annuat, differemus. secundum verò homi-  
num religionis verè sanctitatem colentium genus, sic Vates descripsit: [Et qui adorant, &  
iurant in Domino.] tertium porro sic: [Et iurantes in Meichom.] Nomen Hebraicum cum  
pronimine coniuncto est MALCHAM, regem suum, siue regem eorum significans.  
ita, qui nullum neque vanum, neque verum Deum colendum sibi proposuerant, & in-  
cundæ regionis gratiæ & assentationis causa per regis caput, Græco more, iurabant, & vi-  
uit rex, viuit anima tua orex. cuiusmodi frequens iusiurandum in sacris passim obser-  
uare est. Itaque omnia hæc tum sacerdotum, tum populi ipsius hominum genera distin-  
cta interpretari oportere arbitramur, non, vt quibusdam fortasse videatur, cōfuse & per-  
mixtim. [Qui adorant, & qui iurāt, &c.] Ex Hebraico Chaldaico, Græcoq. sermone [Ado-  
rantes, iurantes, &c.] expenimus: namq. in participio maior orationis, & rerum distin-  
ctio est. Omnibus verò his tribus hominum generibus, & qui plures, & qui vnum, & qui  
nullum Deum colerēt, communem calamitatem fore confirmat: quibus & demū quar-  
tum adiecit, eorum, qui pietatem, quam sanctè coluerant, falsa tandem opinione abdu-  
cti deseruissent, quòd humanas res à Deo negligi, & temporum casibus, vel siderum cur-  
sibus permitti putarent. Quibus ex erroribus duæ hominum sectæ proficisci solent: al-  
tera eorum qui à religione deducuntur: altera verò atheorum, apud quos nullā vn-  
quam Dei religio suscipitur. Vtramque autem sectam duobus carminis vnus hemi-  
stichis complexus est:

Et qui auerterunt de post tergum Domini, & qui non quæsiuerunt Dominum,  
nec inuestigauerunt eum.

Illi quæsitum & inuentum prodidēre: hi verò omnino nunquam quæsiere, neque in-  
animum induxere, vt, an sit Deus, an humana curet, studiosè ac diligenter inuestigarent.  
Vtramque tamen sectam eodem genere comprehensam, non verbis, non oratione, sed re  
ipsa & suo magno malo tantæ impietatis redarguendam conuincendamque prope-  
diem esse Vates affirmat: ita vt comparato cum vaticiniis & prædictionibus euentu, hu-  
manas res curæ Deo esse, suo grauissimo periculo intelligant, quum se impietatis & sce-  
leris pœnas, ab hostibus, quibus victoria promissa fuerit, repetitas, dare senserint. Igitur  
tantā, tam impiam ac nefariam opinionē nulla oratione, vel disputatione, sed re ipsa &  
periculo tolli oportere Vates ait:

Silete à facie Domini Dei: quia iuxta est dies Domini, quia præparauit Domi-  
nus hostiam, sanctificauit vocatos suos.

Silete à facie Domini. Aptissima figura future vltionis expectationē ad diuinā prouidentia  
probandā suadet: nec verbis opus esse ait, sed rebus & factis. itaq. à verbis ad facta pro-  
bationem omnem Vates prouocat. Latinus sermo hanc orationis & sententiæ figuram  
sic reddit: Sed quid verbis opus est? Hispanus verò: Callad dexad hazer à dios. Appellat autem  
Dominum Deum, quia commodus locus appellationi dominationis & potestatis est,  
vbi de prouidentia agitur. Ea autem causa, quemadmodum grauissimo exemplo pro-  
banda Deo sit, statim exponit: [Quia iuxta est dies Domini.] Quanquam aliàs miseri-  
cordiæ, quàm iustitiæ rationibus probandis prouidentiam suam frequētius testari Deus  
consecuerit: tamen vbi causa ipsa postulat, animaduersionis publicæ ac priuatæ tem-  
pus idoneum constituit, quo se hominum scelera minimè probare ostendat. Id autem  
tandem adueniens imparatos nec opinantes impios sæpè opprimit, & maturus,  
quàm creditum fuerat, appropinquat, sicut scriptum est: Non tardat Deus promif-  
sionem suam, sed patienter agit; nolens aliquos perire, sed omnes ad pœnitentiam  
reuertere. hoc est quod Vates noscitur ait: prope, imò proximè adest, cum sua prouidentia, nō  
sine magno impiorum & apostatarum malo, probanda Deo maxima cum dignitate  
est. namque is ad certam diem, eamque proximam, mactandas victimas parauit:



quam diem celebrem, atque frequenti conuocatorum ad eam rem turba illustrem, perpetuoque memorabilem esse vult: qui tanquam eius victimæ ministri & poenas de impiis & sceleratis sumptas testari possint. Igitur ille hostium conuentus cōuiuij cuiusdam speciem præbuit, quo constituta ad providentiam suam asserendum die, Nabuchodonosor eiusque exercitus excepti à Deo sunt. Huiusmodi autem celebritatem commo-  
*dominus hostiam.*] Qui noluit hætenus temporales poenas de quibusdam ex impiis istis priuatè sumere; sed ad certam diem omnes seruatos, solenne quoddam spectaculū edicturus, innumeræ hostium multitudini, qui & ministri, & spectatores, & testes essent, trucidandos, spoliandos, abducendosque obicere. Quam rem tam diu distulit, quoad  
 10 ij, quibus expedienda erat, suas copias cæteraque ad eam rem necessaria, atque oportuna instruerent & pararent. Hoc est quod subiungit: [*Sanctificauit vocatos suos.*] Vocare & sanctificare verba in conuiuiis, ludis, conuentibusque publicis, atque in copiis cogēdis,  
 11 Ioc. 3. „ exercitibusque, conducendis, frequenter vsurpata sunt, vt: Sanctificate ieiunium, cōuo-  
 12 Iai. 13. „ cate cœtum. &: Ego mandauit sanctificatis meis, & vocauit fortes meos in ira mea. Ad 15  
 hunc itaq. modum Nabuchodonosorem eiusque exercitum, vocatos suos dicit Deus, quos à se ad Iudaicam cladem certa die asserendam destinatos esse ait. Est autem sancti-  
 13 Ierem. 1. „ ficare hoc loco, destinare, præparare, adornare ad munus aliquod obeundū, vt: Priusquā  
 „ exires ab vtero, sanctificaui te. Verum enim uero calamitatem illā ita exponit, vt iis im-  
 primis asserendam denuntiet, qui publicæ fraudis & iniuriarum maxime sese alligave-  
 20 rint: cuiusmodi sunt reges, principes, horumque familiares & ministri, quos facile in bello ipso hostibus cognoscere fuerit; vtpote peregrino & diuerso à cætera turba vestitu cultuque notabiles. Hos igitur maxime ferro trucidandos, cæteros verò capiendos magis, abducendosque fore ostendit.

*Et erit in die hostie Domini, visitabo super principes, & super filios regis, & super omnes qui induti sunt veste peregrina.* 25

OB INIURIÆ publicæ, siue H H A M A Z Z culpam publicè populos puniri, atque ultionem maturari solere, iam sæpius alij vates nobis demonstrauere: quod ipsum & hic Vates noster confirmat. grauiorem autem ultionis animaduersionem in eos futurā, qui 30 iniuriæ faciendæ auctores magni, ministrique fuerunt: cuius notæ principes imprimis, & deinde regum ac principum familiares erant, qui cū pauperiorum laboribus, sudoribus, & fortunis, per fraudem, iniuriam & scelus fruerentur, certius & grauius sibi in cōmuni calamitate malum commenta noxia pepererunt. Diem verò illam, qua tot publica scelera vlcisci decreuerat Deus, diem hostiæ, siue victimæ Domini Vates appellat. 35  
 Omnem autem regiam familiam in tria genera partitus est, in principes, filios regis, & cæteros aulæ & curiæ familiares, ac variis muneribus præfectos ministros, quos, vt breuiter comprehenderet, vestium, quibus à reliquo populo discernantur, notatione significauit. namque aulicos maiori vestium apparatu & splendore vti, manifestum est. deinde in regis familiis, quæ spectabili ordinum, officiorum ac munerum varietate distinctæ 40 & constitutæ sunt, solenne illud seruari solet, vt singula officia suis vestium generibus, vario modo forma materiaque confectis, insignita sint, idque tum in pace, tum in bello etiam obseruaretur. Quemadmodum in Iudæorum regum domibus à Salomone institutum, ac magna cum admiratione ab hospitibus visum spectatumque fuisse legimus:  
 3. Reg. 10. „ Videns autem regina Saba omnem sapientiam Salomonis, & domum quam ædificauerat, & cibos mensæ eius, & habitacula seruorum & ordines ministrantium, vestesque eorum, &c. non habebat vltra spiritum. Hos autem veste peregrina indutos consultò Vates dixit, quod alieno à cætera turba genere vestium, atque ex aliis nationibus etiam imitato plerumque vti conspiciamus, atque libentius aliena & peregrina officiorum quam proprii sermonis nomina vsurpare. Vt Turia, galdres, feruuelo, li gagamba, sumiller, con- 50 tralor, &c. De quibus alio in loco quæ ad sacrorum librorum explicationem faciant, plura nos Deo propitio, dicturi obseruauimus. Igitur principum familiares, & publicæ iniuriæ ministros ac reos huiusmodi omnes, vel vestium ipsarum notatione facile hostibus ad cædem prodendos esse significauit. [*Visitabo super*] animaduertere in aliquem Latine hoc dicitur. [*Super principes & filios regis.*] Quam verè hoc præstitum fuerit, Iere- 55  
 „ mias docuit: Et iugulauit rex Babylonis filios Sedechiæ in oculis eius, sed & omnes principes

cipes Iuda occidit in Rablatha. Omnes autem ministros & familiares regios illa die puniendos esse ostendit, in quibus suam etiam poenam iis constituit, qui ob comparandæ & faciendæ omnibus modis regiæ pecuniæ munus & curam plurimum gratia & familiaritate apud dominos suos valerent, ad quos facilem semper ac liberum accessum habebant, utpote qui dominorum rebus, commodis & dignitati atq. amplitudini tum consilio, tum opera inferuire dicerentur.

*Et visitabo super omnem qui arroganter ingreditur super limen in die illa, qui complent domum Domini sui iniquitate & dolo.*

[Et visitabo in die illa super, &c.] Hoc modo carminis huius sententiæ cōiunguntur, id autem quod dicitur, arroganter ingredi super limen, domesticam consuetudinem & magnam familiaritatem significat eorum, qui gratiæ aut vtilitatis nominibus facillimos ad principes aditus, neque vllis, aut custodibus, aut ianuis, aut ianitoribus, aut cubiculariis interclusos, ut cætera turba, habent; neque ipso etiam limine, quo minus in ædes, in conclave sese citò proripiant, retardantur; sed celerrimè transmissio in locum penetrant: nimirum qui domum ipsam domini sui iniuria, rapina, & fraude partis rebus complent. hæc huius carminis explicatio est: quam commentis aliàs multis satis difficilem interpretes reddidère. [Arroganter ingrediuntur limen, Hebraicè est, *transiliunt limen.*] Magnam fiduciam nullo impetu retardatam oratio significat, ut illa: Et in nomine tuo transgrediar murum. idem namque verbum utrobique est. Ad familiaritatis rationem ædes, vestibulum, limen, tectumque diuidebantur. Clientes autè ad vestibulum admissi Dominum quoad prodeat, expectant, familiarissimi transiliunt limen, tectumque nemine prohibente subeunt. itaque magnam familiaritatem & frequentationem oratio hæc significauit. hæc igitur principum & summorum virorum, quos volatilium nomine significatos diximus, calamitas & clades, cui & illa subiungitur, cæteris hominibus, quos pisces appellauerat Vates, afferenda.

*Et erit in die illa, dicit Dominus, vox clamoris à porta piscium, & ululatus à secunda, & contritio magna à collibus.*

COMMUNE totius populi calamitatem & miseriam ex communi dolore & luctu, confusoque per urbem clamore futuram arguit. portam in vrbe Ierusalem piscium cognomèto fuisse ex Nehemiæ historia accepimus, Et ad portam piscium, & turrim Hananæ. apud hanc portam forum piscium fuisse scriptores opinantur. *Secundam* verò hoc loco appellatam Hebraicè *MISNE*, etiam ex regum libris urbis celebrem locum fuisse cognouimus, in qua Olda prophetis à regis ministris est consultata: Et ipsa, inquit, habitabat in Ierusalem in secunda. quem locum Chaldaeus interpres scholam, siue doctrinæ domum exponit. Porro urbem illam in collibus vario nomine distinctis positam, psalmus ille describit: Fundamenta eius in montibus sanctis, &c. ex quibus vnus collis Gareb à Ieremia est notatus. Omneni autem in vniuersum urbem Ierolimam, cui miserrima hæc tempora indicerentur, his nominibus à Vate comprehensam, fidem nobis facit Iosephi Hispani urbis descriptio, quam auctor ille in regum commentariis fecit. ait enim triplici muro, & urbem, & ordinum omnium regiones fuisse distinctas. Intra primum murum plebem omnem, & variarum artium officinas tabernasque fuisse dicit. intra secundum verò nobilitatem, magistratus, & liberalium disciplinarum studiosos, & doctores ac professores, apud quos & Olda prophetis habitabat. intra tertium verò mons domus Domini erat. Has autem omnes urbis partes Vates noster hoc loco significasse videtur. namque à porta piscium, piscatorum, venatorum, & cæterorum qui victum similibus artibus quærunt, regio erat. In secunda nobilitas. in tertio autem hoc est, in monte domus Domini, [Contritio magna in collibus.] Quandoquidem in illa urbis parte templo diruto atque incenso, contritio ac ruina magna præcipuè edita est. atque hæc urbis fors diuino iudicio coniecta fuit. Populo verò ipsi plena atque absoluta excisio, partim cæde, partim abductione parabatur.

*Ululatus*

*Ululate habitatores Pila: conticuit omnis populus Chanaan, disperierunt omnes inuoluti argento.*

LOCUM in vrbe Ierusalem fuisse Pilam, siue Mortarium dictum communis interpretum omnium sententia est. Sed Chaldaeus paraphrastes *Vallem Kedron* reddidit, cui mortarij nomen, vel ob situs profunditatem, vel ob frequentem mortariorum & pilarum sonitum & strepitum inditum videtur, quod condimentorum forum ibidem fortasse fuerit. Huius autem loci habitatoribus excidium populi totius deplorandum denuntiat, utpote magno eorum, quibus cum vivebant, viduumque sibi ipsis parabant, desiderio propediem afficiendis. namque pistorum, cetariorum, laniorum, coquum, sartorum, piscatorum, & hoc genus omne in frequentissimo populo commodissime viuunt, egestate aliis maxima afficiendi, si desint, quibus ipsi cibos parent & conficiant, cum nulla alia arte valeant. Ciuitates autem maximae & opulentae, quatenus ad huiusmodi hominum quaestum spectat, in duos genera diuiduntur, in pauperiorum turbam & diuitum: cum utrisque autem hoc hominum genus illiberales suos & sordidos quaestus facit, cui pauperiorum turba non minus, quam ditiorum facultas utilis esse solet. apud alios enim ciborum vilitas, frequentia, apud alios raritas, pretij magnitudine compensatur. Hoc igitur hominum genus cum sollicitum moestumque esse, ac luctui indulgere iubeat, magnam utriusque ciuitatis partis vastitatem futuram esse docet. Duas autem illas partes, quas plebeios siue pauperiorum turbam, & diuites diximus, duplici circuitione populi Chanaan, & inuolutorum argento Vates significauit, atque vulgus ipsum duabus de causis populum Chanaan dictum arbitramur: quod Chanaan nomen, praeter eius gentis, quae a Iosue pulsa ex illa regione olim fuerat, notationem, negotiatores etiam & emptores, venditoresque significat, ut illud: Chanaan in manu eius statera dolosa, &c. Ex utraque autem significatione Iudaeae regionis plebem & turbam, ex variis negotiis & artibus lucrum facientem, populum Chanaan appellauit: quem non secus, atque Chanaan olim ex eadem regione pulsi, vacuum & vastum locum relictum esse affirmat. neque vero ditissimorum hominum sorte minus afflictam fore ait: [*Disperierunt omnes inuoluti argento.*] Qui pecuniis adeo abundabant, ut argento onusti esse dicerentur. Hebraice, *Onusti argento* legimus. Verbum autem conticere, idem quod deficere significat. surda enim & muta habitatio redditur, unde habitatores pulsi ac penitus sublati sunt, ut: Conticuit Ascalon & reliquae vallis earum. Quanta autem calamitate, quanto dolore ac labore populus ipse & diuites conficiendi essent, ex aliorum, quibus illi ad quaestum utiles fuerant, dolore ac moestitia arguit. Ululatus enim praeter dolorem & gemitum, sollicitudinem etiam curamque sui maximam, & utilis rei desiderium arguit, ut: Ululate naues maris. Ululate pastores & clamate, quia defecit, &c. Huic rationi persimilis illa apud Satyricum est:

Horat. ser-  
mon. lib. 1.  
Satyr. 2.

*Ambubaiarum collegia, pharmacopola,  
Mendici, mimi, balatrones, hoc genus omne  
Moestum ac sollicitum est cantoris morte Tigelli:  
Quippe benignus erat. &c.*

Hunc locum Chaldaeus interpres ita vertit: [*Pervit omnis populus cuius opera Chanaanorum populi operibus similia fuerunt, sublata sunt opulenti pecuniae.*] Quos, ut idem hic Vates ait, argentum eorum liberare non poterit.

*Et erit in tempore illo: & scrutabor Ierusalem in lucernis, & visitabo super viros defixos in secibus suis, qui dicunt in cordibus suis, non faciet bene Dominus, & non faciet male.*

PROVIDENTIAM suam, & negatam ab impiis humanarum rerum curam non modo publicis, sed priuatis etiam exemplis in ipsos impietatis tacitos etiam reos edendis probaturum se esse Deus profitetur. neque enim eos solum, qui manifeste prouidentiam impugnant, sed etiam eos qui oratione pietatem profitentur, cogitatione autem occulta apud seipsos, deinde etiam vitae instituto & studiis negant, calamitatem accepturos esse ait ita ut iidem ipsi qui prudentia quadam mundana, astutiaque religionis cuiusdam simulatione ceteros homines fallebant, ubi sese impietatis & sceleris poena afficifenserint, diuinam prouidentiam, & iustissimum iudicium suo magno malo agnoscere & confiteri cogantur. Huiusmodi vero exactum publice & priuate exercendum, atque diligentem

gentem etiam occultæ impietatis inquisitionē certissimè futuram, aptissimo argumen-  
 to a destinatis dicto, Deus docuit. [Et erit in tempore illo.] Tempus hoc loco certam & ma-  
 turam agendæ rei oportunitatem significat. namque Hebraicum nomen G H E T, eandē  
 ferè cum Græco *καιρος*, quod tempestiuam oportunitatem significat, definitionē habet,  
 5 illud: Quod fructum suum dabit in tēpore suo. Ex his autem aliisque quamplurimis <sup>Psal. 1.</sup>  
 sacrorum librorum locis certas quasdam ad diuina iudicia edenda oportunitates, certos  
 cognitionis studiosissimè ostēdēdę & probandę dies esse docemur. neq. enim Deus, qui  
 misericordiæ suæ rationes ab æterno, & in æternū timētibz se probat, iram indignatio-  
 nemq. suam in impios & sceleratos ita frequenter ostendit. est quidem ille iustus iudex,  
 10 fortis & patiens; sed non irascitur per singulos dies. nisi verò conuersi fuerint impij, gla- <sup>Psal. 1.</sup>  
 dium suum vibrauit, &c. Itaque oportunam quandam iudiciorum Ierosolymitanis, &  
 omnibus Iudææ regionis, cum manifestæ, tum occultæ impietatis reis cōstitutam diem  
 sibi Deus confirmat. diligentissimam autem & exactissimam reorum omnium impieta-  
 tis, occultorum etiam criminum inquisitionē, lucernæ sibi ad eam rem adhibendę ima-  
 15 gine, expressit. nam qui domos inquirendæ cuiuspiam rei causa scrutari parant, accen-  
 sam lucernam adhibere solent, quam ad omnia loca, ad omnes angulos, quò solis lumen  
 penetrare non possit, perferunt: sic accensa lucerna amissam drachmam quærere mu-  
 lierēs in euangelio dicuntur. Sic illius etiam elegantissimi prouerbij sentētia commodè  
 aperitur: Lucerna Domini spiraculum hominis, qui inuestigat omnia secreta ventris. <sup>Prou. 20.</sup>  
 20 Sic igitur nullum in Ierosolyma impietatis reum fore ait, qui Dei inquirentis iudicium  
 & diligentiam effugere valeat. In eos verò præcipuè animaduertendum esse ait, qui ob  
 perpetuum antea secundarum rerum vsum, providentiam animo & cogitatione negan-  
 tes, religione omni amota, tranquillam, & voluptatibus ac deliciis affluentem vitam  
 agerent, nullo hæcenus aduerso impetu agitati atque turbati, sed vt vinum in dolio su-  
 25 perfeces suas residens, purum, perspicuum atque integrum manet, quoad immisso in  
 fundum ligno, aut impetu aliàs factò mixtum turbatumq. redditur. [Super viros defi-  
 xos in secibus suis.] Diuitiarum, deliciarum & voluptatum perpetuum vsum, & tranquil-  
 lam istorum hominum vitam hac similitudine significauit. ex qua illud docemur, ea  
 quæ maximè vulgo appetuntur, feces à Deo appellari. Quàm verò periculosus ac præceps  
 30 huiusmodi perpetuus secundarum rerum vsum, operæpretium est animaduertere:  
 quippe qui humanos animos ad impietatem vel manifestam, vel, si cui maior astutia cal-  
 liditasque sit, occultam, & ad peruersum de bonorum & malorum finibus iudiciū im-  
 pellat. [Qui dicunt in cordibus suis, non faciet benè Dominus, & non faciet malè.] Non faciet Do-  
 minus benè pijs, & non faciet malè impijs: ita adeo nulla rectè factis præmia, nulla pec-  
 35 cati supplicia deberi putant. Quibz tamen, vbi grauissima illa, feces omnes, cum omni  
 splendore & dignitate, & vitam ipsam turbatura calamitas aduenerit, diuinum de rebus  
 & factis hominum iudicium, vel inuitis probandum erit. Hoc est quod dicit:

40 *Et erit fortitudo eorum in direptionem, & domus eorum in desertum: & adi-  
 ficabunt domos, & non habitabunt: & plantabunt vineas, & non bi-  
 bent vinum earum.*

TRANSLATAM similitudinem eleganter explicat. namque feces, quarum vis &  
 natura, si commodè resideat, vinum cōseruat, si verò misceatur & turbetur, aut tollatur,  
 45 corrumpit turbatum & direptum; dolium verò ipsum pertusum ac confractum iri con-  
 firmat, frustra que remedia ad eam rem quærenda, nihil tandem, quo minus perturbetur  
 ac perdatur vinum, profutura. [Fortitudo eorum.] Diuitias intelligit, quarum magnitudi-  
 ne, copia atque vfu istorum hominum beata vita nititur: hæc feces ab hostibus diripien-  
 dæ fuerunt. dolia verò domus eorum in desolationem futuræ, quos nihil vel nouas ac  
 50 plures domos ædificare, vel agros colere vineasque plantare, ad stabiliendam rem iuuab-  
 it; omnibus domibus, agrorum vinearumque possessionibus funditus deturban-  
 dos. Eam verò diuini iudicij publicè priuateque probandi diem non longè nimium  
 abesse Vates ait, ne videlicet, diuturni temporis opinione securis, iucundo interim vitæ  
 55 retumq. vfu frui liceret; sed vel prædictioni credentibus perpetuus timor obfisteret, vel  
 fidem non habentibus subita calamitatis, & oppressionis insperata vis grauior multo  
 imparatis afferretur.



*Juxta est dies Domini magnus, iuxta & velox nimis.*

NON solum propeadesse diem, sed nimis maturè venturam esse ait. quanquam enim certa ac præfixa quædam dies illa sit, tempusque ipsum certis suis momētis semper agatur: tamen ubi calamitas accedit, præter opinionem festinasse semper videtur. Adde quod continuus cursus & motus tempora nihil cunctando accelerat, & Hoc, *quod loquimur, inde est,* ait Satyricus. Qua de re illud scriptum est: Non tardat Deus promissionem suam, &c. Magnus verò dies appellatur, & quod tantæ rei expeditione insignis, notabilisque semper futurus sit, & ipsis, qui pœnas luent, longior solito videndus. eius autem adeo matura die quàm gravis & misera calamitas expectanda sit, à consequentibus arguitur. Quod nullius vel fortissimi, vel strenuissimi viri vox, nisi lugubris & misera, timorisque ac doloris index audiri posset.

*Vox diei Domini amara, tribulabitur ibi fortis.*

ILLUD significat, maximum ac lugubrem, & muliebrem gemitū atque eiulatum tota vrbe audiendum illa die esse, non qui à feminis, aut imbellibus, sed qui à fortissimo quoque edatur. Oratio autem ex carmine Hebraico, ad verbum ab interprete latino reddita, soluta oratione sic excipitur: [*Fortis tribulabitur ibi voce diei Domini amara.*] Verbum verò *tribulabitur*, idem quod vociferari, eiulareque significat. In exemplari est TZAREAH, quod non tribulationem angustiamque modò, sed immanem clamorem, grauissimamque vociferationem indicat: namque ab exaltatione & altitudine ductum est, ut apud Isaiam: Dominus sicut fortis egredietur, sicut vir præliator suscitabit zelum: vociferabitur & clamabit, super inimicos suos confortabitur. Longè tamen diuersus ab hoc ille fortium clamor in die illa futurus à Sophonia prædicitur, maximus ille quidè, sed qui amaritudinem miseriamque sonet magis, quàm exhortationem sociis, aut terrorem hostibus significet. Itaque fletum, gemitum, eiulationem etiam fortissimis hominibus & strenuissimis illa Domini dies allatura est, eo quod maximarum miserationum usu sensum omnem animumque occupatura sit.

*Dies illa, dies iræ, calamitatis & miserie, dies tenebrarum & turbinis, dies nebulæ, & caliginis.*

SVBITO maximo & improviso malo oppressis non agendi aut effugiendi modò, sed cogitandi etiam facultas adimitur, sensibus, animoque imprimis perturbatis. Huiusmodi diem Vates Iudæis denuntiat, diuinæ in eos indignationis, & maximæ ac miserimæ calamitatis, ut neque consilij locus, [*Tenebrarum verò, turbinis & caliginis,* ut neque defensionis copia detur, neque verò id porro prodesse quicquam poterit, quod in extremis angustiis postremum petitur, ut qui ineundo prælio pugnamque sustinendæ pares non fuerint, murorum, munitionumque præditi tegantur. nam præter immisum diuinis terrorem, præter consiliorum auxilijque inopiam, grauissimum hostium impetum, omni munitione superiorem experiri cogentur.

*Dies tubæ & clangoris super ciuitates munitas, & super angulos excelsos.*

CHALDÆORVM vis & impetus maior fore, quàm ut vlla locorum munitione & præsidio reprimi retardarique possit, ex eo ostenditur, quod illorum tubæ & litui, ceterique bellici cantus in ipsis vrbibus natura & opere munitissimis, in turribus etiam, quæ firmissima munitionis pars esse solent, cum subito & maximo ciuium terrore & pauore audiendi sint, ita ut ad conceptum metum, animorumque perturbationem hoc etiam accedat, [*Super angulos excelsos.*] In murorum angulis turres reliquo ædificio sublimiores collocari solent, vnde ciues promœnium defensione propugnent: nostro tempore post inuenta ignea tormenta humiliores turres ad propugnationem parantur, quos Balloartos vocant. Adeo verò magnum, adeo instructum, atque extremè promptum Chaldæorum exercitum fore Vates noster ait, ut nullo negotio editissimas turres conscendere, indeque populum tubarum & lituorum clangoribus, & sonitu perterrefacere possit; nimirum qui, ut Habbakuq dixerat, Super omnem munitionem ridebit, & comportabit aggerem, & capiet eam. hanc verò tam celerem ac facilem hostium in vrbes irruptionem, quantà ciuium strages, quantà clades consequutura sit, statim docet.

Et tri-

*Et tribulabo homines, & ambulabunt vt caci, quia Domino peccauerunt. & effundam sanguinem eorum vt humus, & corpora eorum sicut stercora.*

Chaldaeorum obsidione atq. irruptione Iudeos homines in eas temporum; animi, atq. spiritus angustias adductum iri ait, vt turbati consilijq. inopes magno in errore vagetur, atq. alij in alios impingentes faciem hostiũ sœuitiæ materiã præbeant: quorum sanguini non magis parcat, quã inerti pulueri, cuius nullum apud homines pretiũ est. Neq. verò occisorũ cadaueribus sepeliendis, atq. cũ humanitate aliqua tractandis vlla maior adhibebitur cura, quã ruderibus corradendis, verrendis, & in cõmune aliquod sterquilinium comportadis adhiberi solet. Puluis enim & rudera vilitatis significationem habent, vt in libro de sacro & arcano sermone docebimus. Hæc autẽ calamitas quãto suo merito, quã iusto Dei iudicio illis adueniat, interim Vates docuit, quando cæcitatem illam & consilij inopiã ex eo euenire inquit, quia Domino misericordii, ipsorumq. protectori & defensori maximo, cuius solo consilio iuari, auxilio niti solerent, peccauerunt. huiusmodi namque ex peccato fructus percipiuntur. id quod ex manifestis corũ ipsorum, de quibus agimus, confessionibus patet. A diebus Patrum nostrorum, sed & nos ipsi peccauimus grauius usq. ad diẽ hanc: & in iniquitatibus nostris traditi sumus ipsi, & reges nostri, & sacerdotes nostri, in manũ regum terrarum, & in gladiũ & in captiuitatẽ, & in rapinam, & in confusionem vultus, sicut & die hac. Omnia autem ad Deum, cuius consilio & decreto gerenda fuerant, referuntur. *Tribulabo, & effundam &c. corpora eorum.* Carnem siue (vt Chaldaicẽ exponitur) cadauera significat. Neque verò vllam, vel diuitiarum, vel dignitatis, vel ordinis rationem hac in re habendam hostibus esse Deus ait, quo minus eodem omnes modo, nullo discrimine, & pereant, & sepulturæ honore careant. namque hac parte, vel victores ipsi misericordia, prece, vel pretio adducti, vel occisorum familiares & necessarij fide ac pietate defuncti personas in bello distinguere consueuerũt. Omnibus itaq. ignobilis quidã & promiscuus exitus denuntiatur, eo quod idem diuinũ iudicium in eos qui eodem crimine inuoluti fuerint, seuerẽ edendum exercendumq. sit. hoc est quod subiungitur:

*Sed & argentum eorum, & aurum eorum non poterit liberare eos in die iræ Domini: in igne zeli eius deuorabitur omnis terra: quia consummationem cum festinatione faciet cunctis habitantibus super terram.*

Inactis opulentior      Theauris Arabum, & diuitis India;  
Cementis licet occupes      Tyrrenum omne tuis, & mare Ponticum:  
Sisigit adamantinos      Summis verticibus dira necessitas      Clauos: non animum metu,  
Non mortis laqueis expedit caput.      Hæc poëtæ carmina hanc Vatis nostri sententiam, ad nostros vsus relata, exponit. Quid ergo tam anxie percipit, tanta cura, studio, sollicitudine, & persæpe scelere cõparatæ diuitiæ opesq. pulchrum præstant? Verum enimvero illud diligenter obseruandũ est, diuini iudicij integritatẽ, vim & seueritatem ignis imagine à Vate depingi. Ignis autẽ ea natura est, vt nulli neq. maximæ rei parcat, sed vbi illatus agris fuerit, maiori vi & strepitu proceras arbores, quã gramina stipulasq. cõsumat. idq. adeo maxima & expeditissima ciuitate cõficiat. Hanc autẽ similitudinẽ ad Iudaicarũ rerum casum Vates noster illo hemistichio trãtulit: *In igne Zeli eius deuorabitur omnis terra.* Eam verò consequẽtibz carminis verbis ipse idẽ exposuit, vt se metonymiã & translationẽ ne vsum indicaret. *Consummationẽ cũ festinatione.* ignis vim expieffit. *Cunctis habitantibus super terram,* Metonymiã aperuit, & terram à se pro Iudææ regionis incolis vsurpatã esse docuit.

Horat. lib. 3.  
car. Od. 24.

## CAPVT II.

**C**ONVENITE & congregamini gens non amabilis. Priusquam pariat iussio quasi puluerem transeuntẽ diẽ, antequam veniat super vos ira furoris domini, antequam veniat super vos dies iræ indignationis Domini.

**H**ACTENVS decretum & certum Dei in Iudæos iudicium Vates exposuerat, & afferendam omni illi regiõni docuerat calamitatem, & cõmunẽ periculum, quod non omnino declinari perrũpiq. possit, tamen si diligenter & studiosẽ procuretur, minui

O o      certè

certè posse nunc deinceps confirmat, & ad id negotium capeffendum grauiffima & sapientiffima oratione suos hortatur: certum prætera modum, & diuinitus constitutâ, qua procurari res ea possit, formulam, hoc est, pœnitentiâ docet. namq. hæc vna ratio si sanctè, purè & legitimè, atq. oportunè explicetur, ad culpârû pœnas, diuinamq. animaduersionem effugiendâ, vel supplicium certè minuendum plurimum valet. Sed tamen què admodum ea ratio rectè iniri possit, imprimis Vates præcipit, [*Conuenite & congregamini.*]

Quid hæc præceptio significet, Hebraica verba nobis exponit, *Colligimini & colligite*. Est enim Hebraicum verbum eorum propriè, qui res aliquas collecturi, minutim & diligentissimè disquirunt & scrutantur, vt decussas ex arbore oliuas, nuces, & eiusmodialia, quæ nullam omnino legentium patiuntur negligentiam. Atq. hoc verbum in illa Israëlitarum Exod. 5. & 15. apud Ægyptios paleas & quisquilias colligendi cura frequenter ac propriè vsurpatur: à quibus rebus ad alia argumenta, similitudine sententiæ, cōmodè ab Isaia & Sophonia transfertur. Igitur iis, qui iratum Deum placare, sibiq. propitium, vel clementem reddere expectunt, diligentissimâ, & religiosissimam pœnitentiâ tum priuatè, tum publicè suscipi debere, vel huius verbi vsurpatione Vates confirmat. Neq. verò solum futuræ vitæ emendatione, sed & præteritarum culparum agnitione & detestatione, veræ pœnitentiæ ratio consolidatur. namq. vitæ morumq. emendatio fructus pœnitentiæ propriè dicuntur: ipsa verò, vnde fructus illi proueniunt, pœnitentia, impiè & sceleratè factorum, & totius corruptæ consuetudinis damnatio atque detestatio est: quam meliora studia, & studiorum deinde indices optimiconatus, & rectè facta consequuntur, sicut scriptum est: Derelinquat impius viam suam, & vir iniquas cogitationes suas: & reuertatur ad Dominum, &c. Hanc autem omnem rationē Vates noster huius capitis initio præscripsit. [*Colligimini,*] verbū reciprocum Hebraicè est, qua voce Latini carèt: ad singulos autem sententia refertur, vt vnūquemq. in sese descendere, seq. ipsum excutere, scrutari, expèdere, & quæcunq. vitio culpaq. non careant, notare ac damnare, atque vehementi animi dolore prosequi iubeat. Sed quoniam non modò sibi vnumquēque, sed alios alijs etiâ studio, exemplo & opera prodesse oportet, ad priuatâ & communē de huiusmodi pœnitentia curam ciues suos Vates hortatur. [*Et congregamini.*] Hebraicè idem verbum quod priori loco reciproce pronuntiatum est, actiue rursus repetitur. *Colligimini & colligite*, Vos, inquit, in vos descendentes, vestra primum, deinde cōmunia studia notâtes corrigite, hæc illius verbi sententia est: *Congregamini*. officio, inquit, mutuo vos hac in re iuuate. [*Gens non amabilis.*] Argumento à iudicatis ducto miserrimū suarum rerum statum illis, quò sibi diligētius & studiosius prospiciât, demonstrat. Appellat autē gentem non amabilem, siue vt Hebraicè est, non concupitam, tum quòd aliarum nationum omnes, tum Dei protectoris voluntates à se abalienauerit. Quantū enim inuisa nationibus cæteris Iudæa gens olim fuerit, & sacræ, & prophanæ historiæ frequenter ostendunt: quas tamē diuinæ gratiæ & prouidentię innixa, contemnere facillè potuit. Illo autem vnico, & maximo, & firmissimo propugnatore ob suam culpam destituta, nihil præter extremam miseriam expectare potuit, quemadmodum toto illo Psalmo obseruare est: Saluasti enim nos de affligētibus nos: & omnes odientes nos confudisti. In Deo laudabimur tota die, & in nomine tuo confitebimur in secula. nunc autem repulisti & cōfudisti nos, & nō egredieris Deus in virtutibus nostris &c. Igitur gentium omnium inuidia flagrantibus, & Deo etiam ob scelera inuisis, vnicum perfugium & præfidiū salutis, sancta & legitima pœnitentia est. [*Præquam pariat iussio quasi puluerem transcurrentem diem.*] Iussionem Vates hoc loco diuini iudicij decretum appellat, quo certa pœnis exigendis dies dicta est, nullisq. hominum nota, præterquam iis quibus indicata à Deo sit, qui tempora & momēta in sua potestate posuit, quæ, quoniam ex diuini consilij arcano subito eduntur, aptissima translatione pari dicuntur: ante verò quàm eiusmodi calamitosæ tempestates edantur, oportuna deprecatione effici potest, vt vel auertatur omnino, vel cōmutentur, vel etiam clementiores multo extent. Quæ si non sapienter prouideantur, imparatis, atque imprudentibus aduenientes, omnia in turbinis modum vastata atque deserta, quasi puluerem transcurrentem, relinquunt. Vt enim astitui turbines, sublatis dissipatiq. pulueris neq. vestigium quidem relinquunt: sic rerum, inquit, vestrarum, vbi dies illa transierit, neque nomē quidem relinquetur. fieri autem posse, vt vel irati & insensi Dei ultoris acerba seueritas pœnitentiam mitigetur, vel omnino calamitosæ illius diei periculum vitetur, geminata oratione Vates confirmauit. [*Antequam veniat super vos ira furoris Domini.*] Quid sit iussio pariens quasi puluerem.

puluerem transeuntem diem, exposuit. namque ira furoris seuerior & vehementior multo, quàm indignatio est. Ob eam rem in posteriori membro ait: [ *Antequam veniat super vos dies indignationis Domini.* Hebraicè est, *Antequam non veniat dies.* ] fieri enim possibile intelligit, vt quamdiu decretum illius Dei pronuntiatum atque fixum non fuerit, intercedatur, vt nò figatur, aut vt protrahatur: id quod vbi iam dies ipse aduenerit, frustra tentabitur. Ex hoc autem huius Vatis, aliisque plurimis sacrarum librorum locis, poenitentiam hominum legitimè & opportunè susceptam, nunquàm superuacaneam esse, docemur: neque ad æterna tantum supplicia condonanda, sed ad temporales etiã poenas, vel effugiendas, vel minuendas esse commodissimam. Cùm autem seriò & legitimè poenitenti, post prauorum studiorũ & malè factorũ, ceterarumq. animi tempestatũ, cum summo dolore & pudore detestatione & declinatione optimus portus vitæ & consilij in melius mutatio sit, sicut scriptum est: Declina à malo & fac bonum, &c. proximũ vati nostro fuit, vt posteriorem poenitentia partem priori adiungeret.

15 *Querite Dominum omnes mansueti terra, qui iudicium eius estis operati: querite iustum, querite mansuetum: si quomodo abscondamini in die furoris Domini.*

POENITENTIAM ad poenarum & periculorum deprecationem populo suaserat; cuius alteram partem in superiori versu indicauit, quæ delictorum inquisitione, detestatione & confessione definitur alteram verò quæ vitæ & consiliorum mutatione: spectatur, nunc deinceps subiuncturus, eos oportune excipit, qui modestia & virtute præditi pietatis officia præstabant. quos interim non otiosos esse vult, sed orationibus & deprecationibus propriæ & communi salutis præcurandæ deditos esse iubet. [ *Querite Dominum omnes mansueti terra, qui iudicium eius estis operati.* ] Ex hoc hominũ genere, qui pietatem veram, & fidem & officio faciendo profiterentur, quanquam raros, nonnullos tamen fuisse ex sacris libris accepimus. Septem enim millia virorum in Israël, qui genu ante Baal non curuauerant, sibi relicta esse Deus affirmavit. Atque etiam in Ierusalem & Iudæa quosdam, qui communi calamitate inuoluti hostiũ sauitiam experti essent, Psaltes deplorauit. Posuerunt, inquit, morticina seruorum tuorum escas volatilibus cæli, & carnes sanctorum tuorum bestiis terræ. Huiusmodi autem sanctos & pios homines ad quærendum placandumque Deum Vates hortatur. cæteros verò, qui vitiorum & scelerum sibi conscij essent, post priores poenitentia partes ritè & legitimè transactas, ad posteriores purè ac sanctè suscipiendas aduocat, vt vel futuras poenas omnino effugiant, vel minores multo subeant. [ *Querite iustum, querite mansuetum.* ] Substantiuam potius quàm adiectiuam significationem *iustum* & *mansuetum* habent. Iustitiæ nomine, omnem eius, quæ in communi vitæ societate spectatur, virtutis partem: mansuetudinis verò siue modestiæ verbo, priuatorum morum compositionem complexus est. [ *Querite.* ] Magnum studium diligentemque operam postulare Hebræi solent, cùm verbum illud *Bacas* vsurpant; maximæ autem cuiusdam & arcanæ significationis id est, quod huiusmodi exhortationibus Vates adiunxit. Vtramque enim tum proborum, tum improborum partem, ad suum cuiusque officium faciendum studiosè hortatus subiunxit. [ *Si quomodo abscondamini in die furoris Domini.* Hebraicè est, *fortassis abscondamini.* Chaldaicè verò, *forſan proteget super vos in die indignationis Domini: Græcè autem, vt protegamini in die iræ Domini.* ] Quæ quidem oratione Babylonicam captiuitatem significatam fuisse, eamque ad diuinæ potius misericordiæ, quàm ad punitionis rationes à Vate reuocatam arbitramur. Maximæ enim clementiæ opus fuit, magnam eorum partem, ob supplices preces & poenitentiam, in die iræ Domini, & ignis cuncta vastantis, exceptam seruataque in Chaldæam, ad restitutionis futuræ spem transfundi, ibidemque ne omnino perirent, protegi ac foueri; nec multis etiam aliorum Israëlitarum instar detineri (id quod Ieremias agnoscens gratè & piè prædicabat: Misericordia Domini quia non sumus consumpti, quia non defecerunt miserationes eius) aliàs funditus perituris, nisi diuina misericordia prouisum consultumque esset, vt interim dum dies iræ pertransirent, in diuina tutela, quanquam angustius & laboriosius genibus afferendæ propediem salutis certa proponeretur spes, cùm tamen aliis genibus diuinæ indignationis, & exercendi iudicij dies, excisionem calamitatem-



que extremam allatura esset, ut Palæstinis, Tyrijs, & cæteris, quos vel sine restitutionis, vel vestigij saltem relinquendi spe funditus evertendos esse, & Vates hic, & alij etiam obnuntiarunt. Itaque Iudæis pœnitentia ad certæ aliàs animaduersionis & venturæ obperinaces diuturnas culpas calamitatis vel auersionem, vel clementiam saltem impetrandam indicitur. quod singularis cuiusdam in se diuinæ providentiæ beneficium, aliis etiam vicinis nationibus merito negatum, interpretari oporteat. Ob eamque rem pœnitentiæ suscipiendæ, ad salutem & restitutionem sperandam, suasioni dissimile in aliis gentibus edendum exemplum Vates proposuit. Quia Gaza, &c. Illud interim ad linguæ & sententiæ rationem notare operæpretium est, verbi illius, si quomodo, siue, ut ex Hebraico, & Chaldaico vertimus, *forſan*, latentem dubitationem non ex consequenti, sed ex antecedenti negotio definiendam esse. namque antecedentis exacta certitudo, consequentis asseuerationem infert. neque enim diuina misericordia Vatis oraculo commemorata & promissa, sed humana ad misericordiam impetrandam legitima diligentia in dubium vocatur. Plura autem de hac ratione & dicta aliàs, docente atque aspirante Deo, à nobis dicenda sunt.

Aristoteles 2.  
Topicor.

*Quia Gaza destructa erit, & Ascalon in desertum, Azotum in Meridie ejicient, & Accaron eradicabitur.*

VICINÆ Palæstinorum gentis integram & perpetuam cladem, diuino iudicio futuram, obiter prædicit. ex qua misericordiæ in Iudæos beneficium confirmat. namque ut eodem ferè terræ situ, eadem cæli parte & astris subiacentes gentes dispares omnino rerum suarum exitus habeant, præter certum Dei consilium & voluntatem accidere non potest, ita ut alijs post cladem brevis restitutio, alijs nulla omnino, vel exigua, atque longissimum post tempus contingat. Hæc vero sententia eleganti & vehementi oratione à Vate Hebraicè pronuntiata est, verbis videlicet ex ipsa nominum vicinitate deflexis. quam figuram Hebræi *זאב* *zabuth*, Græci paronomasia, nostri adnominationem vocant, ut: *Huic dari verbera, tibi verba.* Quam quidem rationis orationisque venustatem, vel sententiæ vim, nullus profecto interpres, ex alijs in alias linguas, maximè autem ex Hebraica, transferre commodè potest; quemadmodum nos aliàs iusto de hac re sermone habendo, si Deus annuerit, disputabimus. ad quem locum huius carminis verba exponenda consultò reservamus. Igitur postquam certam Iudæis apud Babylonios, diuinam protectionem & futuram ex illa captiuitate liberationem, atque dissimilem omnino nationibus alijs exitum Vates noster significauit & prædixit, ad eam explicandam latiusque exponendam rem commodè digreditur.

Terentius  
Heautont.  
act. 2. Scen. 3.

*Væ qui habitatis funiculum maris, gens perditorum: verbum Domini super vos Chanaan terra Philistinorum, & disperdam te, ita ut non sit inhabitator.*

PALÆSTINITIS, Ammonitis, Moabitis, ob maxima publicè & priuatè suscepta scelera, atque ob illatas alijs gentibus, maximè autem Israëlitis, ex religionis contètionem, iniurias, diuinæ ultionis pericula subituros, Isaias, Ieremias, Amos, alijque Vates prædixere. Id autem ipsum Sophonias prædicens, similemque cum Iudæorum calamitate asferendam à Chaldæis cladem confirmans, dissimiles tamen illis futuros exitus docet. quod Palæstini partim occisi, partim è sua regione pulsi, nunquam amplius restituendi sint. Iudæi verò Babylonem abducti, in patriam non post multos annos diuino beneficio remigraturi; atque non suam modò regionem rursus, sed & Palæstinorum terram ad proprios vsus occupaturi sint. Omnem autem Palæstinorum regionem vicini maris nomine Vates significauit, cum Gazan, Ascalonem &c. prius appellasset, atque ex altera orationis parte alteram intelligi voluisset. Cui regioni extremam vastitatem obnuntiaturus, funestam vocem, *væ*, pronuntiavit. [ *Qui habitatis funiculum maris.* ] Terræ & hæreditatis fors & pars, quæ cuique obtingit, funis siue funiculus in sacro sermone dicitur, ut: Funes ceciderunt mihi in præclaris: etenim hæreditas mea præclara est mihi. nam ut apud latinos ductu pedis, sic apud Hebræos & Chananæos funibus metatos agros & oppidorum situs fuisse legimus. Palæstinos autem ad maris litus longè exporrectos, hæc descriptio, ut aliæ plurimæ ostendunt. Ex quorum nomine mare illud omne, quod

Psal. 15.  
Cicero orationū rom. 5.  
fol. 233.

quod occidentalem Chananæ regionem alluit, Palæstinorum dictum est. Ponam, inquit Deus, terminos tuos à mari rubro, vsq. ad mare Palæstinorum. Ex Hebraico nomine proprio ad nominis significationem Latinus interpres Chaldaum imitatus allusit. namq. Hebraice est: *Gens Cheretæorum*. Sunt autem Cheretæi ex Palæstinorū familiis celeberrimi. vnde ad Australē plagā Cheretæi irrupisse in Palæstinos ille seruus Ægyptius Dauidi referebat. Consulto autem Vates ex nomine ipso futuram genti excisionem denuntiavit (quippe Cheretæus, excisum, siue excindendū significat) vt cū nomine exitum conuenire confirmaret: gens, inquit, excisorum, siue quod idem est, perditorum. Quamobrem Chaldaus paraphrastes hūc locum sic vertit: [*Populus qui damnatus est excisione*]. Hos verò Palæstinorum populos, ex omnibus antiquis Chananæorum, diuino iudicio, olim pulsos familijs, simili cū cæteris suæ gentis clade affectum iri Vates obnuntiat: atque ob eam rem Chanaā nominis meminit. [*Verbum Domini super vos Chanaan terra Palæstinorum*]. Quanquam enim Palæstini dicti fuerint, tamen ex eorum gente, quibus Deus ob sua nefaria scelera infensus fuerit; hoc est, ex Chananæis esse confirmat, sicut scriptum aliàs est: Chananæis ascribes quinque regulos Philistijm, Gazeos, Asotios, Ascalonitas, Chetæos, & Accaronitas. quos demum, vt alios olim, funditus euertendos perdendosque esse ait. [*Et disperdam te ita, vt non sit inhabitator*]. Eius verò excisionis magnitudinem, consequentis vastitatis descriptione, arguit.

20 *Et erit funiculus maris requies pastorum, & caula pecorum.*

MARITIMAM illam regionem, Palæstinorum vrbibus dirutis, incolisque eiectis, vastatam in pastorum pecorumque vsus futuram esse docet. quæ extremæ excisionis descriptio est, vt illa: Derelictæ ciuitates Aroër gregibus erunt, & requiescent ibi, & non erit qui exterreat. sic apud externos:

25 *Dum Priami, Paradisq. busto  
Insultet armentum, & catulos fera*

Horat. lib. 3.  
Od. 3.

*Celent inultæ.* Eum autem tractum omnem Iudæ tribui, non ad habitationis, sed ad pastionis commoditatem ascribendum esse dicit: siue illi ex antiqua terræ distributione obuenerit, siue cæteris Israëlitis deficientibus Iudaica tribus in hæreditatem vocetur. 30 Eadem igitur opera & perpetuam Palæstinis excisionem, & futuram Iudæis ex Babylone restitutionem prædicit.

*Et erit funiculus eius qui remanserit de domo Iuda, ibi pascentur: in domibus  
Ascalonis ad vesperam requiescent.*

35 MAXIMÆ vastitatis & solitudinis asseuerationē habet antitheton illud *ibi, in domibus Ascalonis ad vesperam requiescent*. In Ascaloniticis ruinis commodus magalibus construendis locus erit, quò se greges pasti vesperi recipiant. Quemadmodum autem id fieri tandem possit, restitutione Iudæorum promissa, exponit.

40 *Quia visitabit eos Dominus Deus eorum, & auertet captiuitatem eorum.*

Id quod Palæstinis minimè continget. A Palæstinis autem ad Moabitas, & Ammonitarum gentem sermonem transferens Vates, horum regionem perpetua vastatione afficiendam diuini oraculi auctoritate confirmat: ac tantæ diuinæ vltionis causam, publicam iniuriā, & iuris gentium violationē esse definit. Ad eam autem tractandam causam 45 Dei iudicis personam Vates induit, qui ex cognitione culpæ legitimam poenā decernat.

*Audiui opprobrium Moab, & blasphemias filiorum Ammon: quæ exprobrauerunt populo meo, & magnificati sunt super terminos eorum.*

Audiui verbum ad iudices, reges, & magistratum causam serio cognoscentiū rationē 50 cōmodo in loco vsurpatur, vt: Audiui enim murmur vestrū. Quomodo audiet me Pharaō? Itaque iudicum verbum est, & latinam iudicalem cognitionem propriè exprimit. Duplex autem Moabitis & Ammonitis iniuriarū crimen infertur, & contumeliæ videlicet, & possessionis iniuste vsurpatæ. nam Iudæis dum Babylonem migrarent, & per 55 suam regionem transeuntibus, iniuriis contumelijsque impositis insolenter insultasse;

Amos 1. & in Israëlitarum possessionem violatis terminis irruisse conuicti sunt. Quae de reſe parcam, eo quòd diſſecuerint prægnaſtes ad dilatandum terminum ſuum. Haecenus crimen: nunc ſupplicij ſumendi ſententia deinceps pronuntiatur, & grauiffima Dei vltoris, & ſacrilegiorum vindicis appellatione atque iureiurando confirmatur.

*Propterea viuo dicit Deus exercituum, Deus Iſraël.*

PROPTEREA cauſam ſignificat, iuſtiſſimūque Dei iudiciū ob perorata crimina arguit [viuo ego.] Sententiæ certę confirmatio eſt, nullo reuocationis relicto loco. [Dominus exercituum,] Deus iniuriarū vltor, vt ſæpe aliàs expoſuimus. [Deus Iſraël.] religionis veræ vindicę atq. pietatis cauſis & rationibus prouidentē ſeſe Deus hoc loco proſitetur. namq. nomen Elohim, quod ad orbis, gubernationem ſpectat, vſurpatum eſt, & Iſraëlis appellatio, ad religionis verę rationem refertur. Ob religionis autem ſimultatem, non ob aliam priuatam iniuriam, Iſraëlitas à vicinis gentibus vexatos fuiſſe ſæpe legimus. Etenim cum Iſraëlis nomen in probris & contumeliis vſurpatur, diuinæ magis dignitati, quàm ipſorum hominum cauſæ derogatur. Atque ex hac noſtra annotatione plurima ſacrorum librorum loca explicari commodè poſſunt, vt illud apud Samuelem: Ego exprobraui hodie agminibus Iſraël. Quem locum ſic David ipſe à Deo vnctus expoſuit. Quis enim eſt hic incircunciſus, qui exprobrauit agminibus Dei viuētis? Tanta igitur dignitate atque auctoritate, tanta humanarum rerum cura, tanto religionis veræ pradi- tus ſtudio iudex ſic pronuntiat:

*Quia Moab, vt Sodoma erit, & filij Ammon quaſi Gomorrha, ſiccitas ſpinarum, & aceruus ſalis, deſertumque vſque in æternum: reliquiæ populi mei diripient eos, & reſidui gentis mee poſſidebunt illos. hoc enim eueniet eis pro ſuperbia ſua, qua blaſphemauerunt, & magnificati ſunt ſuper populum Domini exercituum.*

OMNIVM carminum horum ſentētia, ex iis quæ dicta iam ſunt nobis, explicata eſt. Nonnulla verba breuiter examinare libet. [ſiccitas ſpinarum,] Hebraicè, rugitus vrticarum. Vrticas in ruinarū ruderibus & in domibus deſertis naſci videmus. Has apud Moabitaram & Ammonitarum exciſas vrbes, ob religionis infrequentiam & ſolitudinem, adeo altè creſcentes fore Vates ait, vt vento flante collifæ, rugitum qualem meſſes magnæ ſolent, edant. [Et aceruus ſalis, ſiue, vt Hebraicè eſt, ſoſſio ſalis,] Sterilitatem terræ futuram, habitationi atque humanis vſibus importunam, ſalis natura etiam inſperſa efficit, nedum ſinatiua ingeniſcitur. Quamobrem Sodomorum agrum æterna ſterilitate damnatū, in mare ſalis fuiſſe redactum legimus. non minor. neq. minus perpetua vaſtatio Ammonitis obnūntiatur: quorum ager, quacunque effoſſus fuerit, ſalina ſit. [Et reſidui gentis poſſidebunt illos,] Hebraicè, diripient illos. Si quid, inquit, genti reliquum fuerit quod vſibus hominum idoneum ſit, id ab iis qui reſtituti fuerint ex gente mea, diripietur, cum terra omnino vaſtata vicinorum tantum voluntati & direptioni exponenda ſit. Hæc verò tantæ perpetuæ vaſtationis non obſcuram, non leuem, ſed grauiffimam & manifeſtam culpam coarguit. [Pro ſuperbia ſua qua blaſphemauerunt, & magnificati ſunt ſuper populum Domini exercituum.] Iniuriæ quidem, probra & contumeliæ, exciſionem illis attulerunt, ſed vt inſtar Gomorrhæ æterna vaſtitas accideret, in cauſa fuit ſingularis illa arrogantia, ſuperbia & impietas, qua in populi Domini exercituum calamitates & miſerias, inhumane inſultauerat. [magnificati ſunt.] Idem hæc oratio ſignificat, quod latinis dicitur ſuperbe atq. inſolenter ſeſe erga aliquem gerere. Fuerat autē (vt ex verborum ratione cōiicitur) eiufmodi inſultantium ſacrilega & nefaria oratio, quæ ſacroſanctæ Domini Dei exercituum dignitati, virtuti & gloriæ detraheret, cæteraque falſò dicta numina, qualia ab ipſis & ab aliis nationibus colebantur, tutelæ ac prouidentię vi. atque poteſtate anteponeret. Huius etenim ſignificationis, blaſphemię nomen eſt. de quonos plura aliàs ad communem vtilitatem, Deo docente, referemus. Eam igitur rem ita ſeuere acturum ſe Deus oſtendit, vt anapliſſimæ dignitatis & ſplendoris ſui cauſam, non modò aduerſus harum gentium numina, ſed contra omnium nationum falſò appellatos Deos, ver

veræ ac solidæ gloriæ rationibus tandem obtineat. qua in re magnum illud de tollenda funditus per euangelium superstitione sacramentum & diuinum arcanum obiter indicatur.

*Horribilis Dominus super eos, & attenuabit omnes deos terræ: & adorabunt eum viri de loco suo, omnes insulæ gentium.*

VIM potestatemque suam diuinam maximis & seuerissimis exemplis apud eos, qui aliter existimauerint, Deum probaturum esse confirmat: neque solum hos horumque numina, sed omnes tandem deos appellatos, vbicunque terrarum culti fuerint, vanos ac fuitiles cultoribus suis redditurum, atque in contemptum adducturum esse, vt sibi soli omnis veræ pietatis cultus, communi omnium tam cultiorum, quam barbararum nationum consensu & conspiratione tribuatur. nam cum sua quisque numina tutelaresque Deos patrios, indigenas, aduenas & hospites quorum infinita fere nomina erant, huius vnici ac veri Dei prædicatione attenuatas inaniaque expertus fuerit. [Adorabunt eum viri de loco suo.] vbicunq. terrarum fuerint, siue continentem terram, siue insulas incolant, omnes veri & potentissimi Dei nomen religionemque suscipient: hoc enim, verbum Adorabunt, significat, quod ex argumenti ratione ad latriam à theologis dictam est referendum. [Viri de loco suo.] Latinus sermo hoc sic pronuntiat: Vbicunque locorum, siue, vbicunque terrarum. namque nomen vir apud Hebræos distributionem; apud Latinos vnusquisq. vel singuli, habet, vt illud: Et non docebit vir fratrem suum, & vir amicum suum. eadem apud Italos nominis, *huomo*, usurpatio est, vt *sei scudi per huomo*. [Omnes insulæ gentium.] Europæ partes ac præcipue Græciam omnem, Italiam, Galliam, Hispaniamque significat, quas propriè gentiû insulas Moyses cognominauit, vt nos exactius in sacra, quam molimur, geographia (modò Deus adsit) docebimus. Commodè autem cum de diuinæ virtutis contentione ageretur, dignitatis suæ non apud eos modò, quibus cum priuata fibires esset, sed apud omnes etiam quibus communis illa causa erat, probandæ tandem, tuendæ ac retinendæ mentionem fecit. Quæ tamen ratio ad optatum speratumque Christi, & euangelij tempus, vt ad hypothesin thesıs reuocanda est, quando, vt Vates Zach. 14. alius prædixit, erit, Dominus rex super omnem terram. quod de nostra aurea noui testamenti ætate accipiendum est. Atq. hæc de idololatriæ superstitione victoriam sibi reportandam, ad omnes habitabiles terræ partes pertinere confirmat. nam cum deos terræ commemorasset, aliam in qua Ammonitis & Moabitis vaticinabatur, significare visus est; insularum verò nomine Europam: reliqua erat tertia illa pars quæ ad Austrum sita est; quam Africam dicimus: cuius remotissimam prouinciam Vates in partes vocans, propinquiore etiam sibi sub iugum mittendas iudicauit.

*Sed & vos Æthiopes interfecti gladio meo eritis.*

AFRICÆ extremos habitatores Æthiopes *Mizraimi* filios fuisse ex sacra terræ descriptione accepimus. Hos autem diuini verbi gladio superatos euangelicis legibus obtemperatum ire confirmat. Habet verò arcanam significationem verbum illud *gladio meo*, quod nos diuinum verbum, viuum & efficax, & penetrantius omni gladio ancipiti, & pertingens vsque ad diuisionem animæ cum D. Paulo definimus. Et gladius, inquit, spiritus quod est verbum Dei. Gladium spiritus idem quod gladium suum Deus dicit, de quo gladio scriptum est: Accingere gladium tuum super femur tuum potentissime. Atque illud etiam de hac eadem victoria à diuino vate decantatum est: In die illa visitabit Dominus in gladio suo duro, & grandi, & forti super *Leuiathan* serpentem toruosum, &c. Ab hypothesi autem ad thesin suam reuersus, non modò Ammonitis & Moabitis, qui victo & abducto Israël cum religionis opprobrio insultauerint, sed ipse etiam victoribus Assyriis dignitatem potentiamque suam, atque maximam contra omnes eorum deos virtutem propediem probandam esse Deus confirmat: quibus imperij defectionem, & splendoris illius, quo sese insolentissime iactauerant, extinctionem denuntiat. qua in oratione Ninuiticum casum aperte prædicit.



*Et extendet manum suam super Aquilonem, & perdet Assur: & ponet speciosam solitudinem, & in inuium, & quasi desertum.*

ASSYRIORVM regio, maximè autem Babylon ad Orientem Iudæis exposita, ad Boream propius spectat; unde linguæ vsus obtinuit, vt plagæ nomine regio ipsa significetur: quemadmodum nauigatores nostri Italiam petentes ortum petere dicuntur. vulgo *caminar a leuante*. sic frequētissimè Aquilo pro Assyriorum regione vsurpatur, vt: Quia malum ego adduco ab Aquilone, contritionem magnam, &c. Sed posterior versus pars priorem hoc in loco exposuit [*& perdet Assur.*] Hæc verò ad Niniue, & Babylonis vrbis excisionem, eiusque impenij, quod propediem ad Persas transferendum erat, inclinationem pertinent. qua de re nos plura & exactius apud Nahhum, ex diuino beneficio, commentati sumus. Urbis verò illius vastationem & ruinam ex consequenti vastatione arguit. [*& ponam speciosam.*] Niniuen significat, cuius nomen interpreti vastationem reddidit, vt sententiæ antitheton indicaret, videlicet, [*speciosam in solitudinem,*] sed vt proprium nomen esse deprehenderetur, capitali litera in emendatis codicibus scriptum est: sed Hebraicè, Chaldaicè, & Græcè, Niniue, leguntur. Ita Aquilonis nomine Babylonem; speciosam verò Niniuen interpretamur. Illius enim reges in Iudæam regionem & Ierosolymam urbem, atque adeo in sacrum Dei templum superbè, insolenter atque impiè sacrilego animo; huius verò in decem Israëlitis tribus, atque in omnem ferè orbem maximè insignes extitere iniuriæ. Cuius magnam ac perpetuam vastitatem ex ferarum & auium commodis habitationibus describit. Quod habitatoribus vacua, his animantium generibus in latibulorum & nidorum vsu cessura sit.

*Et accubabunt in medio eius greges, & omnes bestie gentium.*

PECVDVM pecorumque gregibus, atque bouum equorumque armentis, asinarum, camelorum, & omnibus denique brutis, quæ ad hominum vsus ali conseruariq. solent, commoda & spatiosa magalia in Niniue ruinis fore ostendit. Omnia autem animantium, quæ homini in vsu cedunt, genera hac periphrasi complexus est. [*Omnes Bestie gentium.*] siue vt Hebraicè ad verbum, [*greges omniū brutorum gentis.*] Cæteris etiam tum animantibus siluestribus, tum auiculis tutas & tranquillasse fore sedes ait: tantam loci solitudinem & vastitatem futuram esse confirmat.

*Et onocrotalus & ericius in liminibus eius morabuntur.*

DVO animantium genera in vastitatis & solitudinis descriptione frequentia in sacra lingua Kaath, & Kipod sunt, quæ à Latinis interpretibus variè redduntur. nam Kaath interdum pellicanus, vt in psalmo: Similis factus sum pellicano solitudinis. nonnunquam verò onocrotalus in nostra versione dicitur, vt in hoc loco, & apud Isaiam. Kipod verò apud Isaiam & hunc Vatem ericius, vertit interpretes. At verò ex Hebræis nonnulli sunt qui auis genus esse dicant. Quidam verò testudinem tardum animal interpretantur, quod Arabicè Kempod vocetur. nomen autem à verbo Kaphad, quod præcidere significat, deductum est. Quænam verò animantium genera sint, hæcenus nobis exploratum non est. Illud certe statuere possumus ex auium natura vtrumque esse, quod in superliminaribus portarum habitare possit, quod testudo ascendere minimè valet. atque Kaath, quidem in carniuorum & impuro cibo vescientium auium genere censei, quam Kaath, dictam arbitramur, quod deuoratum cibum rursus euomat, à verbo Kaah Hebraico, quod Latine vomere dicimus. Sed de his omnibus aliàs commodius disserere nobis diuina benignitate continget. [*In liminibus eius morabuntur.*] Nomen Hebraicum superius limen hyperthyron Græcis dictum significat, quod duabus antis siue parastatis impositum, portam domus constituit. Id quoniam florum & pomorum sculpturis Assyrij architecti ornare consueuerunt, eaphthor, id est, florum vocant. Huius suprema pars umbellæ instar extra murum ductum prominens, quam artifices cornicem dicunt, commodam auibus sedem præbere potest. Deinde etiam alias aues, quæ celebres, minores, ac vagæ instabilesq. magis natura sunt, vt mionedulas, ficedulas, galerites, philo-

Psalm. 107.  
Isai. 34.  
Isai. 14.

philomelas, & id genus alias ob loci solitudinem securè atque impunè garrituras esse ait.

*Vox cantantis in fenestra, Chaldaicè, Vox avis garrientis in fenestra.*

IN Hebraico, *cantantis* futurum est, vt perpetuitatem illam, de qua sæpe aliàs diximus, explicet: nullam domorum frequentiam fore ait, vt in fenestris auicula garriant, ne dum in tectis, nec tamen sit qui exterreat.

*Coruus in superliminari, quoniam attenuabo robur eius.*

MAGNAM in ostiis solitudinem ex liminis & valuarum desertione arguit. [*Coruus in superliminari, Hebraicè, solitudo in limine.*] per Metonymiam ostij solitudo significata est. Græcus interpres, quem latinus sequitur, nomen Hebraicum *Hhoreb, Ghoreb*, legit, & coruos reddidit, vocis vicinitate tractus. Chaldaus verò sententiam simplicem, explicata, vt solet, figura exposuit. *Solitudo in porta.* Magnæ verò solitudinis signum, valuarum vetustas & cōsumptio est: quæ aliàs ad domorum custodiam diligenter aptari, & ornatiùs etiam muniri, ad eamque rem ex optima & durabili materia parari solent, vt cali aëris ac frequentie iniurias tolerare possint. præstantissima autem in hoc genere cedrina materia est, quam tamen vetustate & neglectione attenuandam cōsumendamque esse ait. [*Quoniam attenuabo robur eius.*] Roboris nomen cedri genus firmissimum & diuturnum intelligimus quod Hebraicè *Erex* dicitur. Hæc verò tam exquisita vastitatis descriptio eò pertinet, vt humanæ superbie, maximæ ac perpetuæ creditæ felicitatis, quæ iniuriæ & insolentiae rationibus nixa fuerit, qualis exitus futurus fuerit, intelligatur. quæ res priorum & posteriorum temporum comparatione ostenditur.

*Hæc est ciuitas gloriosa habitans in confidentia: quæ dicebat in corde suo, ego sum, & extra me non est alia amplius.*

NINIVE primi & antiquissimi imperij caput, incredibili secundarum rerum prosperitate vsa, æternam inoffensamque felicitatem, & summa omnia sibi ipsi promiserat, quæ ipsidem, quibus coeperat, rationibus, vi, iniuria, tyrannide, opibus & diuitiis per superbam dominationem amplificandis, præstari atque stabiliri posse crediderat, propriaque ac legitima fore sibi persuaserat. [*Extra me non est alia amplius.*] Solam se dominari & rerum potiri perpetuis temporum & seculorum cursibus sibi persuaserat. *Dicere in corde*, est serio & constanter cogitare & affirmare, atque ad eam rationem consilia, studia actionesque dirigere, vt: Dixit enim in corde suo, non mouebor à generatione in generationem sine malo. Huiusmodi stultissimas erroris opiniones, ob humanæ prosperitatis cursum, <sup>Psal. 10.</sup> dementia deprauati homines imbibere & tenere solent: quas non nisi aduersis penitus & incommodissimis euentibus amittunt. namque & Babylon quæ Ninive destructa <sup>Isai. 47.</sup> in imperium successit, eadem de sese insolentius etiam prædicabat, sicut scriptum est: Et dixisti in corde tuo ego sum, & præter me non est altera. cum tamen satis superque posteriorum temporum exempla sint, quibus posteriora hominum secula admoneri doceri que possint.

*Quomodo facta est in desertum cubile bestie? omnis qui transit per eam, sibilabit, & mouebit manum suam.*

OBSERVATI euentus admiratio diligentem humanæ superbie exitus contemperationem suadet. Est autem locus ex comparatione temporum & statuum. namque frequentissima & potentissima vrbs in eam vastitatem redacta, vt ferarum cubilibus commodissimè deseruiat, non sine magna prætereuntium admiratione, & tristi oratione, visitur. [*Sibilabit, & mouebit manum suam.*] Variarum rerum & gloriæ casum considerantis, & secum animo atque oratione tractantis gestus habitusque describitur. namque mouere manum, aliud quàm plaudere est. nam hæc manus alterius motus commiserationem admirationemque magis, quàm insultationem significat.

Aliam

Aliam autem aliorum de Niuiux rebus agitationem atque orationem esse necesse fuerat, quemadmodum varia hominum, varièque affecta erga eandem rem ingenia sunt.



## CAPVT III.

*Æ prouocatrix & redempta ciuitas, columba. &c.*

Mat. 13.

**H**A CT E N V S eam calamitatem, quæ Hierosolymis & omni Iudææ regno à Chaldaïs ex diuino consilio allata est, Vates prædixerat, & vicinarum etiam gentium cladem, perpetuumque casum indicauerat, cum tamen futuræ Dei misericordis beneficio liberationis ex Babylonica seruitute, spem Ierosolymitanis faceret certissimam, nunc verò deinceps noui & grauissimi, maximeque diurni periculi posterioribus tēporibus adeundi terrores Iudæis iniicit & denuntiat, si quomodo illorū mens, vt caueant & prospiciant, incitari reflectiq; possit, iustissimas aliàs & grauissimas, post tantam antea oraculorum, consiliorū, admonitionum & prædictionum frustra sumptam & consumptā operam & curā, pœnas demum daturis. Igitur huius capitis sententia nō ad priorem Solymorū calamitatem repetendā & confirmandā, sed ad posteriorem totius Iudææ gentis cladem, quæ ob publica populi & principum scelera atque ob ne fariam illam Christi legitimi & sanctissimi regis repulsam, à Romanis diuino iudicio allata est. Quam, quodd grauissimam fore Vates prouiderat (qualis non fuit vlla alia ab initio creaturæ, quam condidit Deus vsque nunc, nec similis futura est) horribili & infausto verbo exorsus denuntiauit. [*Æ prouocatrix & redempta ciuitas, columba.*] Publicum Iudæorum crimen duplici ex causa conflatum est: altera, quodd tot beneficiis antea affecti, tamen per summa & nefaria scelera sese semper ingratos indignosque præstiterint: altera quodd ad diuinam demum æternamque salutem, atque ad regni cælestis felicitatem præsentē & oblato vltro rege, & magni consilij angelo, tantique negotij duce & auspice diuina auctoritatē vocati, tamen suæ visitationis tempus, & ea quæ ad pacem sibi essent, neglexerint & repudiarint. [*Prouocatricem*] vocat Ierosolymam urbem, quæ post, acceptam ex Babylone libertatem, multis tamen ac grauissimis modis, diuinam in se iram, & vicinarum, atque longinquarum etiam gentium inuidiam commouerit, adeo vt variis Græcorum & Romanorum bellis concussa, Herodum tandem tyrannide sub Romano imperio oppressa fuerit. Quam demum spiritali libertate donandam, & regni cælestis communionē atque dignitate illustrandam Christus redemptor suscepit, vereque morte ac resurrectione sua redemptam, in admirabilem filiorum Dei gloriam & lucem transtulisset, nisi ipsi sibi, quo minus id præstaretur, impedimento essent, non recipientes cælestis regni hæredem: cuius prodita fide regnum etiam abiurarunt. Non habemus, inquiunt, regem, nisi Cæsarem &c. Nolumus hunc regnare super nos [*Redemptam*] [autem non ab re appellat. nam quodd ad diuini officij & beneficij rationem pertinet, verè redempta fuerat, nisi ipsa sibi deesse in ea re quàm adesse maluisset. Quam tot diuinis beneficiis, tot maxmis munneribus ornatam, tanta Dei cura conseruatam, neque solum à Babylonica seruitute, sed ab infernali etiam captiuitate liberam, in regnum diuinæ gloriæ, quantum omni beneficio, studio atque opera diuinitus agi commodissime potuit, translatam, & sponsæ modo ornatam ac dilectam, singularem columbæ amorem & fidem sponso præstare oportuit, vocantiq; omni officio ac potius pietate adesse, & incomparabilis in se amoris diuini magnitudinem mutuo & feruentissimo amore comprehensam diligenti obsequio contueri: cuius tamen illa fidei & officij rationes omnes nefariè peruerterit. [*Columba.*] Vnicè, dilectam fuisse Iudæam & propriam Deo, in qua maxima & singulæ amoris officia constiterint, nomen hoc indicat. namque columba ob naturæ inuiolabilem cum compare suo societatem, mutui amoris atque singularis fidei significationem

ectionem habet, vt in arcano cantico: Columba mea, perfecta mea. Solent tamen interdum feminae columbae comparem marem voce & amoris significationibus magnis sibi indulgentem, non mutuo officio, sed fastidio atque insolentia excipere, rostroque petentes arcere, ambientemque atque vltro rogantem repellere. Quam rem nos per sepe obseruauimus, quod femina natura impudentior, atque impotentis magis animi sit. Quamobrem columba seducta & stulta nonnunquam dicitur, vt illud: Et facta est Ephraim quasi columba seducta, & non habens cor. Huius verò erroris & mali dissuadendi causa sponsus columbam suam perfectam appellabat, quod perfectum ab ea fidei & mutui amoris officium exigeret. Quam verò sese stultam, & fastidiosam, & ingratham columbam, tot maximis & diuinis beneficiis acceptis, tantis amoris in se argumentis perspectis, Hierosolyma Iudaeae regionis princeps ciuitas praebuerit, subiuncto carmine notatum copiose exponitur.

*Non audiuit Dominum, & non suscepit disciplinam: in Domino non est confisa, ad Deum suum non appropinquauit.*

15 HIERUSALEM per Christum eius ad poenitentiae studium vocata, atque ad caelestis regni dignitatem, neque diuinæ vocationi fidem, neque poenitentiae studium adhibere voluit. namque duabus ijs potissimum rationibus fide & poenitentia, quibus omnium virtutum summa continetur, eos qui caelestis regni hereditatem adire capeffereque vellēt, ornatos & instructos esse debere, diuini consilij sententia decretum, & multis grauissimisque praconis pronuntiatum est. Quia appropinquabit regnum caelorum, poenitentiam agite, & illud: Poenitemini & credite euangelio. Eam tamē sponsi vocantis vocem Ierosolyma non audiuit. *non audiuit Dominum.* Qui quanquam quondam in patribus per prophetas multifariam multisque modis locutus fuerat, tamen nouissimē in filio ipsos allocutus est: quem constituit heredem vniuersorum, per quem fecit & secula. Huius etiā sententiae illud diuinum apud Isaiam oraculum est: In sceleribus vestris dimisi matrem vestram: quia veni, & non erat vir; vocaui, & non erat qui audiret. Itaque non audire, non credere interpretamur: sunt enim praeccepta auditionis, hoc est fidei, & praeccepta actionis, hoc est operum & poenitentiae studij, de quibus alias plura & exactius. quarum rerum cum neutra praetermittenda sit, Iudaei utraq. nefarie contempserunt. [Et non suscepit disciplinam.] Ad 20 operum & poenitentiae rationes oratio haec pertinet. neque enim peruersa & scelerata ambitionis, avaritiae & libidinis, omniumque flagitiorum studia, quamuis frequentibus admonitionibus, hortationibus, & liberioribus etiam accusationibus prouocati deponere, aut remittere, neque munitam & commonstratam sibi iustitiae viam sequi voluerunt. Venit enim ad vos Ioannes in via iustitiae, & non credidistis ei. publicani autem & meretrix 25 ces crediderunt ei. vos autem videntes nec poenitentiam habuistis postea, & crederetis ei: haec Dominus Iesus Christus iisdem obijciens improbabat. Deinde etiam illud his flagitijs accessit, vt Mosaisca legis, quam ipsi perperam interpretati fuerāt, ceremoniali tantum & umbratili vsu & consuetudine, atque externo solum cultu nixi, nullam aliam salutis & vitae rationem quaerendam & tenendam, nullum firmitus in Deo ipso & Christo eius felicitatis verae fundamentum ponendum sibi esse duxerint. [In Domino non est confisa.] 30 praeter quem nulla vera aut solida iustitia est: sed sine vlla in Deum & in mediatorem, & aeternae propitiationis atque salutis pontificem fide, ceremonialis tantum cultus obseruatione, non ex fide & poenitentia, sed ex operibus legis, quae tamē imperfectissimē & frigidissimē ab ipsis praestarentur, omnem iustitiae suae summam praefiniuit. Israel verò sectando legem iustitiae non peruenit. quare? quia non ex fide, sed quasi ex operibus legis: Offenderunt enim in lapidem offensionis, &c. Qua de re, hoc est, de operibus legis, quae sine fide ab Apostolo contemnuntur, deque operibus fidei, quae ab eodem, ad caelestis regni hereditatem capiendam vehementer probantur, quaeque plusquam necessaria ad eam rem sunt, nos alias longius, & maxima cum cognoscentium utilitate, & magna etiam totius causae huius perspicuitate, tantum Deus studiis, conatibus & interceptis benignè adsit, 35 differemus. [Et ad Deum suum non appropinquauit.] quae tamen certis notis & signis agnoscendum antiquissimorum oraculorum iudicio & exhortationibus acceperat. Exulta filia Sion, iubila filia Ierusalem: quia ecce rex tuus venit tibi iustus & saluator ipse pauper & ascensus super asinam, & super pullum filium asinae. Hunc verò regem iustum & saluatorem in propria venientem sui non receperunt, sed eiecunt e vinea, ignominiosque affectum regem abiurarunt: Nolumus, inquit, hunc regnare super nos, tatum abest vt venien-

Matth. 23.  
Marc. 12.

Heb. 1.

Isai. 50.

Matth. 23.

Rom.

Zec. 9.

Ioan. 1.



venientem gratè & libenter in suam ciuitatem receperint. Illud ad sententiæ rationem explicandam obseruare operapretium, nomen Dei hoc in loco usurpatum Hebraicè

אלהים

ELOHIM esse: quod quanquam diuinam naturam non significet, officium tamen dirationibus definiuimus, vt illud: Ego dixi dii estis, & filij excelsi omnes. Huius autem nominis appellatio insolubilem temeritatis & affectatæ ignorationis notā Iudæis inurit. Quibus quanquam Christus Adonai, hoc est, diuinæ naturæ nomine agnitus initio non fuerit (nam si eam sapientiā affecuti fuissent, nunquam Dominum gloriæ, vt Paulus affirmat, crucifixissent) tamen Elohim, hoc est, legislatoris, gubernatoris, regis, prophete, diuini denique legati ac ducis nomine cognosci oportuit eū in quo nihil, quod ad tantā tute iudicium ademissent. Si non venissem, inquit, & locutus eis non fuisset, & signa non fecissem quæ nemo alius fecit, peccatum non haberent, nunc autem excusationē Christum acceperunt, sui per omnia simillimum vatem, longè tamen auctoritate omnium post homines natos præstantissimum. Prophetā, inquit, suscitabit tibi Dominus de medio tui, de gente tua, & de fratribus tuis sicut me ipsum. Qui autem verba eius, quæ loquētur in nomine meo, audire noluerit, ego ultor existam. Igitur Iudæi ignorantes iustitiā Dei, & suam quærentes statuere, iustitiæ Dei non sunt subiecti. Finis enim legis Christus ad iustitiā omni credenti. Hos autē modò verū legis finē Christū summa culpa sua ignorasse, sed & veras diuinæ legis rationes omnino peruertisse, vates omnes, & Christus ipse Apostoli quæ notauere, illud vitio dantes, quod exteriori & superstitioso nimium ceremoniarū & rituum cultu contenti, præcipua pietatis officia, innocentiam, iustitiam, charitatē, & honestatem omnē nō solum neglexissent, sed maximis flagitijs publicè ac priuatè mutauissent. Ex quibus omnibus rebus diuinum odium, & vrbis suæ excidiū, & eas, quibus adhuc operiūtur, misérias, ipsi sibi peperere: id quod Vates noster deinceps persequitur.

*Principes eius in medio eius, quasi leones rugientes, iudices eius lupi vespere, non relinquebant in mane. Prophetæ eius vesani, viri infideles: sacerdotes eius polluerunt sanctum, iniuste egerunt contra regem.*

QUATVOR publicorum ministrorum ordinibus omnis publicæ rei summa administratur, Principum quorum auctoritate res pub. ne quid vel à suis incommodi, vel extrinsecus detrimenti accipiat, defenditur: Iudicum iudicio & opera singulorum causæ ad cōmunem vtilitatem cōficiuntur: Prophetarum qui in magnis & nouis negotijs de diuina voluntate consuluntur: & Sacerdotum qui diuinæ legis & pietatis rationes, & populum vltro doceant, & consultipurè & integrè explicent. Atque in horum sanctissime præstitis officijs summam reipublicæ salutem, proditis autem summam perniciem esse, Deus tum aliàs frequenter, tum in illo psalmo declarauit: Deus stetit in synagoga deorum, &c. Verum enimvero rationes officiorum suorum omnes à Iudaicæ gentis ministris perturbatas, corruptas, & ad priuata sui ipsorum commoda reuocatas fuisse Vates criminatur. [*Principes eius in medio eius, quasi leones rugientes.*] Quantam in populo stragē Herodum regum familia, & qui his succedere, nouarum rerum seditiosi auctores ediderint, cū hic cōmemorare nimis longum sit, à Iosepho, Egesippo, cæterisq̃ Hebræis scriptoribus petere operapretiū fuerit, vbi manifeste deprehendi potest, principes ex pastorum officio in leoninā rabiem fuisse traductos. [*in medio eius,*] vt vbi cōmodius custodiri oportuit, cōmodius contrā lacerare & diripere valeant. Horum sceleratum exemplū, sed maiori auaritia iudices imitati sunt. namq. iuris & iudiciorum callida interpretatione in omnium fortunas & bona impetum faciebant, neq. vllum diripiendi modum statuētes, quasi lupi vespertini, omnia miserorum ciuium bona funditus deuorabant. Occulta autem & fraudulenta istorum perditissima auaritia lūporum vespertinorum nomine significata est: de quo genere nos in cōmentarijs Habbakuq̃ differuimus. Illud verò, [*non relinquebant in mane,* Hebraicè est, *non osabant.*] ne ossa quidē in crastinum sibi rursus petēda corrodendaquæ relinquebant: tanta celeritatē & ingluuie miserorum res tota ab istis cōficiebatur, vt neque vilissima quæq. ex ciuium bonis & suppellectili, non modò in vsum Dominis, sed in alteram direptionem sibi ipsis reseruarent. Neque dissimiles his illa secula vates sortita sunt, sed *vesanos & infideles*, leuissimum & vanissimum hominum genus,

Psal. 81.

Ioseph. de Bello Iudai. Græcè & Hebraicè. AEgesipp. lib. ieiuniorū. lib. receptionis.

genus, quod nullo diuino spiritu, sed sua tantum temeritate excitatum & ductum im-  
petrae multitudini faceret fucum. Quales plures pseudoprophetas illis temporibus exti-  
tisse legimus. de quo genere Christus verus Dei nuntius & filius illud Iudeis predicēs ex-  
probrabat: Ego veni in nomine patris mei, & non accepistis me: Si alius venerit in no-  
mine suo, illum accipietis. *Infideles*, Hebraicè est, *virī prauaricationum*, qui debitam Deo  
& populo fidem pariter violauerint. Iam verò quales sacerdotes tempora illa sortita  
fuerint, videamus. [*Sacerdotes polluerunt sanctum, iniuste egerunt contra legem.*] Duplex sacer-  
dotale munus & officium, sacrificia & doctrinā, ab istis violata, atque suis ipsorum com-  
modis & vtilitati seruire coacta indicat. Quæ magna labe & pernicies Iudæorum repu-  
blicæ illis maximè Christi seculis allata est: cum venalibus sacerdotijs Annas & Caiphas,  
atque his persimilia capita præessent. [*Iniuste egerunt contra legem*, Hebraicè *iniuriam fece-  
runt legi.*] Hispanicè, *Aggrauaron la ley*. Ad nouas, falsas & violentas legis interpretatio-  
nes, ad illam traditionum superstitiosam obseruantiam, atque ad Phariseorum, Saddu-  
cæorum, Baïæorum & Epicureorum inductas factiones & sectas oratio hæc pertinet.  
Horum verò flagitiorum integerrimum iudicē & tantæ impietatis vindicem Deum sese  
præbiturum esse confirmat.

*Dominus iustus in medio eius non faciet iniquitatē: mane mane iudiciū suum  
dabit in lucem, & non abscondetur. nesciuit autē iniquus confusionem.*

CVM Dominus vniuersæ terræ Deus sit, & sanctissimus iudex, fieri nullo pacto potest,  
ut eius gentis & ciuitatis, cuius se regem & iudicem manifestis testimonijs professus fue-  
rit, sacrilega & scelerata crimina dissimulet. [*In medio eius non faciet iniquitatem.*] quinimo  
ille grauissima seueritatis suæ exempla singulis diebus non obscurè editurus est. [*Mane mane iudiciū suum dabit in lucem, & non abscondetur.*] namque ante illam extremam Ie-  
rosolymorum per Titum allatam cladem multæ publicæ ac priuæ calamitates diuinam  
indignationem & iudicij seueritatem probauere. Consurrexit enim gens in gentem, &  
regnum aduersus regnum, & fuerunt pestilentia & famies, & terræ motus per loca. hæc  
autem initia dolorum fuerunt. Quibus rebus, & sanctissimorum apostolorum prædica-  
tionibus assiduè cæteri commouerentur, proteruitatis tamen & pertinaciæ contentione  
remittere noluerunt: sed illud magis facinus obstinatè & sacrilegè in se admiserunt, quod  
ab ipso salutis æternæ pontifice Christo fuerat prædictum. Tradent enim vos in tribula-  
tionem, & occident vos, & eritis odio omnibus gentibus propter nomen meum. Et tunc  
scandalizabuntur multi, & inuicem tradent, & odio habebunt inuicem. Et multi pseu-  
doprophetae surgent, & seducunt multos, & quoniā abundauit iniquitas, refrigescet cha-  
ritas multorum. hanc omnem sententiam illa Vatis nostri oratio indicat. [*Nesciuit autem  
iniquus confusionem.*] hoc est: Quanquam hæc omnia singulis diebus indicia edantur, ta-  
men ij, quibus mala mens, malusq. animus erit, neque his indicijs perterrefacti, neque  
apostolicis indicationibus pudefacti, à proposito declinaturi sunt, ut veniat ira Domini  
supereos, & sit tribulatio, qualis nulla antea fuerit ab initio creaturæ, quam condidit  
Deus, nec in posterum vlla vnquam futura sit. Illa verò oratio, [*Mane mane iudiciū suum  
dabit in lucem,*] eiusdem cum illa significationis est: In matutinis interficiebā omnes pec-  
catores terræ, ut disperderem de ciuitate Domini omnes operantes iniquitatē. Quæ verò  
de initijs dolorum in genere dicta fuerant, in specie nunc explicantur.

*Disperdidi gentes, & dissipati sunt anguli earum: desertas feci vias eorum,  
dum non est, qui transeat: desolatae sunt ciuitates eorum, non remanen-  
te viro, neque vlllo habitatore.*

Hæc ex illo loco aperta sunt, Surget gens contra gentem, &c. Quanto autem stu-  
dio solitudine & opera, per Apostolos suos & Euangelij verbum, Iudæos ab errore atq.  
impietatis proposito reuocare curaturus erat Christus, si quomodo carnem suā ad imi-  
tandum prouocaret; si quomodo futura pericula declinantes, ad maximorum & diui-  
norum beneficiorum, & cælestis regni largitionem & communicationem alliceret, sub-  
iuncto carmine Vates demonstrat.

*Et dixi, attamen timebis me, suscipies disciplinam: & non peribit habitaculum  
eius propter omnia, in quibus visitauicam.*

DEI ad penitentiam & misericordiæ rationes ineundas Iudaicum populum exspe-  
ctantis

Eccle. 1.

Luc. 19.

stantis oratio est, non raro à Christi Apostolis usurpata. *Timebis me.* Religionem veram & mor Domini sanctus arguit, sicut scriptum est: Timor Domini est scientiæ religiositas, &c. [ *Suscipies disciplinam.* ] Pœnitentiam vitæ, ac morum ad diuinam normam exactionem, nomen disciplinæ significat: nam vox castigationem propriè sonat. [ *Et non peribit habitaculum eius.* ] mutatio personæ, quæ tamen Hebraicè nulla hoc in loco est: namque minus perspicuam orationem reddit. Significat autem fide & pœnitentiâ caueri ab eis posse, quo minus Ierusalem sancta vrbs funditus euerteretur. cuius vicem vsq. adeo Christus dolebat, vt sine luctu & lachrymis commemorare non potuerit. Patienter igitur agebat Deus nolens aliquos ex eis perire, sed omnes ad pœnitentiam, atque ad salutis viam reueriti. Neque verò conseruandæ tantum vrbs & gentis cura, sed magno etiam felicitatis æternæ illis communicandæ desiderio tenet se Deus confirmat. [ *Propter omnia in quibus visitauit eam.* ] Namque huius rei causa conseruatam gentem volebat, vt Christi iustitiæ omnia visitationis nomine definiuntur, atque etiam omnes illæ felicitatis diuinitus oblata rationes, in quibus visitauit nos oriens ex alto. In tanta verò Dei erga istorum salutem diligentia, quanta rursus eorum ipsorum negligentia, vel sententiæ potius, & prauæ consuetudinis obstinatio fuerit, statim Vates opponit.

*Veruntamen diluculo surgentes corruerunt omnes cogitationes suas.*

MAGNA sedulitate & diligentia, communique opera in peruersa studia, & corruptæ vitæ cōsuetudinem Iudæorum mores incubuisse hæc oratio significat, quemadmodum de his ipsis temporibus indicatum à Christo est. Quoniam, inquit, abundauit iniquitas, refrigescet charitas multorum. Si quis autem illius tempestatis res cognoscere cupiat, præter ea, quæ in Apostolorum actis & epistolis sparsa sunt: Iosephi Iudæi historiæ Græcè atque Hebraicè etiam legat, nos verò orationis verba breuiter interpretemur. [ *Veruntamen.* ] Hebraicū verbum contrarium omnino præcedenti sententiæ euertum arguit. [ *Diluculo surgentes.* ] Vno simplici verbo SACHAM, res duæ significatur, mane consergere, & humerum humero cōiungere: quibus maxima & communis diligentia, & opera alicui negotio adhibenda explicatur, vt in libro de arcano sermone docebimus. In quam verò rem inclinatæ omnes incubuerint, videamus. [ *Corruerunt omnes cogitationes suas.* ] Nulla oratione neque grauius, neque breuius Iudæorum obdurata obstinatio exprimi potuit. nam consultò dataque opera & communicato studio non solum adionibus, sed cogitationibus, & consilijs omnibus corrumpebatur totum se penitus illum populum tradidisse ait: Vbi vero animi nerui omnes, ingeniumque communi multorum studio intendantur, valeant necesse est. Pœnitet profecto nos in tanta huiusmodi orationum magnitudine & significatione, breuitati consulentes, adeo pauca explicando dicere. Quæ igitur & quanta Iudæorum calamitas Christi temporibus futura esset, quæ istorum culpa, quanta Dei misericordiæ, expectationis & studij apud eosdem contemptio, ac proinde quàm iusta damnatio ac punitio futura esset, grauissimè & luculentissimè est à Vate hætenus explicatum. Quem verò tandem hæc res exitum habitura sit, nimirum non qualem eius gentis studia ac facta promereantur, sed qualem diuinæ misericordiæ & veritatis immensitatem deceat, nunc deinceps exponitur.

*Quapropter expecta me, dicit Dominus, in die resurrectionis meæ in futurum.*

IUDÆORVM & Israëlitarum dissipatas, & toto orbe dispersas reliquias, non suo ipsorum merito, sed diuinæ misericordiæ & veritatis certo proposito tandem liberatum ini, & à multis sanctis viris diuino oraculo proditum est, & à nostro Vate hoc in loco præclare explicatur. Quapropter, &c. Satis, inquit, Deus benignè hætenus vobiscum actum est, satis magnum & spectatum bonitatis & clementiæ meæ priuatæque erga vos prouidentæ exemplum fuerit, sceleris & superstitionis damnatos, Babylonemque abductos breui post tempore in patriam fuisse restitutos, ibidemque varijs & maximis beneficijs interim affectos, quoad publicus orbis redemptor vesterque propheta & dux adueniens recipere: quem etiam rogantem ultro & inuitantem pacem & felicitatem equissimis legibus offeren-

offerentem repulisse parum vobis visum est, nisi euangelio ab ipsius discipulis per spiritum sanctum, tot signis & prodigijs atq. eiusdem spiritus distributionibus, denuntiato obnixè esset repugnatum. Satis nimium satis patientia mea, satis demum priuata prouidentia abusi estis: quòd verò non funditus de cætero pereatis, misericordiam summam interpretari oportuerit. Caterum antiqua illa & priuata beneficiorum meorum assiduitas, illa rerum vestrarum propria quædam, atque ab aliarum gentium rationibus longè distincta cura, vobis expectanda non est, quos iam deinceps ad communem, cum alijs etiã infidelibus nationibus, prouidentia vsum reiectos interim esse volo, quo ad tempus illud aduentauerit, cum ad nominis religionisq. meæ & euangelij cultum suscipiendum, gentes nationesque omnes pariter adducendæ sunt. Interim verò vobis, qui certa quadam custodia & tutela antea sœuebamini, omnium mortalium miserrimè ætas degenda est. Quia enim reprobastis verbum hoc, idcirco erit vobis iniquitas hæc quasi interruptio cadens, vt Isaias inquit. Omnem hanc à nobis explicatam sententiam verbo illo, *quapropter*, significari atque inferri arbitrati sumus: nam vox hebræa *LACHEN* sententiæ posterioris rationem longè repetitæ priorum rerum cogitationi annectit. cuius officij apud græcos est *ἐξου*, & apud latinos *igitur*. Illa verò felicissimã ætatē diuino cōsilio ad gentes omnes quæ in tenebris & in vmbra mortis sedent, illuminandas præfinitã, resq. in illa ætate gerendas illustri oratione significauit. [*Expecta me dicit dominus.*] Huiusmodi vaticinium & apud Hossea explicuimus. *Dicit dominus* certam stabilemq. sententiã, quam neque ob temporis diuturnitatem desperari aut negligi oporteat, significat. [*In die resurrectionis meæ.* Hebraicè ad verbum, *ad diem cum surrexero.*] Magni negotij vel bello vel pace gerendi incceptionem verbum surgere, Hebraicè significat, quod aliquando etiam stare, noster interpretes vertit, vt: Surrexit Moyses, & defensis puellis &c. Surge Domine ac dissipentur inimici tui. Latinus sermo proxima huic significatione verbum extare vsurpat. *In futurum*, Hebraicè ad verbum, *ad vsque*. Plenam, integram, perpetuamq. euangelij, & diuinæ legis de omni impietate & errore victoriam futuram indicat. Hunc locum sic Chaldaicè legimus: [*Quapropter sustinete verbum meum, dicit Dominus, vsque ad diem reuelationis meæ ad iudicandum.*] Iudicij absoluti nomine & ratione futuram rerum in melius mutationem definit: quam definitionem luculenter persequutus explicat.

Exo. 2.  
Nume. 1.

*Quia iudicium meum vt congregem gentes, & colligam regna: & effundam super eos indignationem meam, & omnem iram furoris mei: in igne enim zeli mei deuorabitur omnis terra.*

35 IVDICIUM meum, certi & sapientissimi cōsiliij decretum. Omnē impietatis & superstitionis, errorum sectarumque, varium, vastum, lateque patentem statum, gentium & regnorum nominibus expressit: quibus vt variæ familiæ, variæque linguæ, sic varia etiam religionum vel superstitionum potius & impietatis genera sub tyrannico Satanæ imperio sunt, quæ ad certum tempus diuina patientia tolerare decreuit, tandē omnino euer-  
40 tenda, & in ditionem suam euangelij virtute redigenda, atque sub vno pastore Christo, vna custodiæ & religionis ratione, communiq. lege atque diuini spiritus ductu gubernanda. Euangelij autem efficietia altera ira, indignationis & zeli nominibus; altera verò labij puri restituendi rationibus explicatur. Perfecta namque & probata diuina victoria, qua victorum animi pariter & corpora sub diuini obsequij iugum mittantur, spiritualis  
45 est, atque spiritualibus armis constat, potenti virtutis Dei euangelio, & verbo illo abbreviato & consummanti in æquitate: quod à Domino faciendum esse vates prædixerant. de quo verbo plura aliàs, & exactius. Huiusmodi verò bellum, & victoriam diuini verbi virtute ad impietatis extinctionem expectari oportere, ipse belli & victoriæ consequens exitus declarat.

Rom. 9.

*Quia tunc reddam populis labium electum, vt inuocent omnes nomen Domini, & seruiant ei humero vno.*

50 IDEORVM expectationem ad illam vsq. ætatem differre Deus decreuit, cū gentes omnes veræ & sanctissimæ religionis communione iungendæ sint. quam societatem labij electi siue puri imagine descripsit, relata nimirum ratione ad illa tempora, quibus  
ob lin-



ob linguarum diuisionem ingens animorum dissidium & dissensio facta est. Nulla enim maior hominum disunctio esse potest, quam que ex varia religionis ratione atque oratione accidit, cum totis animis & verbis diffidetur, aliusque aliam vitæ instituendæ viam, ex veræ religionis, vel ex erroris rationibus mutandam sibi ducit. *Labium verò electum*, siue vt Hebraicè est, *purum*, ex illa linguarum diuisione per similitudinem translatus est, cum Hebraici sermonis puritas (quæ prima omnium lingua fuit) ad paucas familias redacta est, cæteris omnibus magna verborum & orationum varietate disunctis. Neque id verò futurum esse affirmat, vt omnibus eadem Hebraica lingua restituatur, sed vt idem Deus, cuius ineffabile nomen illa tantum lingua rectè pronuntiatur, communione omnium consensu, atque eodem omnino cultus, doctrinæ & sapientiæ genere, & eadem velut formula publicè colatur, spiritu sancto id efficiente, qui veritatis rationes omnibus nationibus aperiens docebit. neque enim alia virtute, quam diuina, id effici præstariue potest. Huius igitur tantæ rei auctoritatem sibi vni Deus ipse tribuit dicens, *Reddam*, idemque promissionis sententiam explicat, [ *vt inuocet* 20 *cent omnes nomen Domini.* ] Idipsum omnes sapiant, eandem charitatem habentes, vnanimes idipsum sentientes. hic locus Chaldaicè sic habet: [ *Quia tunc mutabo super omnibus populis sermonem vnum clarum, vt orent illi omnes in nomine Domini, & colant eum humero vno.* ] *humerum vnum*, idem plurimorum studium significare alias docuimus. Transfertur autem similitudo à bobus iugo coniunctis, quibus idem onus trahitur, de iugo & onere Christianæ legis intelligendum. De hac verò eadem re sic Zacharias vaticinatus est: In die illa erit Deus vnus, & nomen eius vnum. hanc verò Christianæ ac veræ religionis communionem ad longinquas etiam gentium regiones, quæ ab vnus veri Dei cognitione alienissimæ fuerant, pertinere ait.

Philip. 2.

Zach. 14.

*Vltra flumina Æthiopia, inde supplices mei filij disperforum meorum deferent munus mihi.*

Non modò Æthiopas, qui Africam incoluere, sed omnes orientalis Indię ultra Indum & Gangem nationes hac oratione complexus est. [*Vltra flumina chus.*] pro quo noster interpres [*flumina Æthiopia*] vertit. nam Æthiopes Abyssinos sub iugum diuinæ legis mittendos esse, iam alias fuerat prædictum. Omnem verò orientalem oram, & longissimum tractum, vsque ad eas terras, quæ à nostris nauigatoribus inuentæ, noui orbis nomen obtinuerunt, significatas à Vate nostro esse, duo imprimis argumenta fidem nobis faciunt. alterum verbum, *ultra*, alterum nomen fluuiorum, & Chus est: namque *ultra* Hebraicè est *GHEBER*, quod à transmittendi verbo deductum, trans propriè vertimus. Atqui à Palæstina Abyssinos Æthiopes petentibus, nulli insignes fluuij transmittuntur: qui enim in toto illo tractu maximi sunt, partim septentrionem versus in Lybicum mare procurunt, vt Nilus, Bragada & Ciniphus; partim in meridionalem oceanum descendunt, sed hi vt exigui, sic etiam obscuri ignobilesque sunt. At verò orientem versus tendentibus, præter Tygrin, qui Persidem regionem interluit, maxima flumina Indus & Ganges, & si quæ ultra in Syatarum regione sunt, transmitti necesse est. Indiam & quicquid ultra est (quod totum Asiam esse grauissimi scriptores tradiderunt) illa oratione, ultra flumina Chus, definimus. omnem namque vastum lateque patentem Asiæ tractum, qui ad solis auroræque ortum protenditur, à filiis Chus occupatum fuisse Moyses tradidit. qua de re nos alias præsentis tractatione Deo donante dicemus. Rectè itaque Chaldaus interpres hunc locum tenens reddidit: *Abusque trans flumina Hodu*. quod nos Indiam, Hebræi, Chaldaei, Arabes, Syri, vel Hodu, vel Hondu, vel Hundu dicunt. [*Inde supplices mei filij disperforum meorum deferent munus mihi.*] Non Israëlitas tantum, sed gentes etiam diuino olim consilio, toto orbe diductas & dispersas, eorum inquam, filios, à quibus diffemi-

Pomp. Mela.  
lib. 1. cap. 1.

Genes. 10.

Ibid.

disseminata est tota terra munus acceptum & gratum veræ & sanctissimæ religionis cõ-  
muni studio & professione, vni Deo optimo & maximo esse allaturas dicit. Non ignora-  
mus nomina illa, [*Supplices mei filij disperſum meorum.*] Hebraicè gentilia nomina magis,  
quàm appellatiua videri. sed nos vulgatam versionem, quàm fieri possit religiosissime, se-  
qui instituiſimus. hæc verò Chaldaicam paraphrasin hoc in loco expressit. Iudæarum ve-  
rò & Israëlitarum rerum status, quem ad illud vsque tempus deterimum fore prædi-  
xerat, quemadmodum in summam felicitatem conuertendus sit, deinceps exponit.

*In illa die non confunderis super cunctis adinventionibus tuis, quibus præuari-  
cata es in me: quia tunc auferam de medio tui magniloquos superbiæ tuæ,  
& non adijcies exaltari amplius in monte sancto meo.*

Hæc, quæ à Vate nostro dicta descriptaque sunt omnia, non ad posterioris templi,  
sed ad futuræ per Christum Iudæorum restitutionis ætatem pertinere res ipsa indicat,  
namque posterioris templi temporibus, post recuperatam ex Babylonica seruitute li-  
bertatem, adusque excisam per Titum & Iulianum Ierosymam, non modò gentes va-  
riorum deorum nomina coluisse, sed Iudæos ipsos in plures Phariseorum, Sadduceo-  
rum, Baſetorum & Epicuræorum sectas, quas adhuc etiam prosequuntur, diuisos fuisse  
accepimus. tantum abest, vt eadem omnium lingua, idem ad diuinum suscipiendum  
cultum humerus fuerit. Quamobrem ad comunem omnibus auream euangelij æta-  
tem referenda hæc sunt: cuius mysterium iam Christo ad dexteram æterni patris seden-  
te operatur. olim quidem omnibus orbis nationibus auditum primo nascentis ecclesiæ  
tempore, sed clarè tamen de cætero enuntiandum, & diuini spiritus virtute explicari-  
dum. Cui rei ianuam nostro æuo aperiri ac propemodum pateſeri videmus, cum ad  
ignotissimas antè regiones nostrorum hominum nauigatio pertineat. in quibus tamen  
non tanta diuini spiritus efficientia, quantam futuram demum speramus, non sine ma-  
gno tamen fructu Christinomen auditur & suscipitur. Cum verò plenitudo gentium  
vnius veri Dei & Christi eius plenam notitiam habuerit, tunc veniet ex Sion qui eripiat  
& atterat impietatem à Iacob: & hoc à me illis testamentum, cum abstulero peccata  
eorum. Eam porrò peccatorum ablationem nouæ & laudatissimæ vitæ vsus, & diuina  
quædam consuetudo, diuini spiritus virtute atque efficientia, consequutura est. [*In illa  
die non confunderis.*] Confusio, quam pudæfactionem aliàs exposuimus, peccatorum pœ-  
næ comes indiuidua est, aut vitium ipsa, aut non sine vitio est. Huius verò rei nullum  
apud Iudæorum gentem turpe exemplum de cætero edendum esse ait, atque ex conse-  
quenti argumento puram & sanctam probatamque vitam sine vlla reprehensionis ma-  
teria publicè colendam illis esse docet, longè ab ea, quam hætenus vixerint, alienam, adeo  
vt confundi iam amplius necesse non sit. quippe magna rerum, studiorum actionumq̃.  
mutatio & felicissima quædam doctrinæ, & totius vitæ instituendæ, atque mundi pene  
renouatio futura sit. [*In cunctis adinventionibus tuis, quibus præuauicata es in me.*] Adinuen-  
tiones quæ dicantur, in sacris libris longius differere, & exactè definire ad finem prope-  
ranti non vacat: satis illud indicasse fuerit, nomen GHALILA, à verbo GHALAL, ללל  
deductum, quod pueriliter agere significat, ad eas res vsurpari, quæ cum viles atque  
obscuræ nulliusque momenti natura sua sint, serio tamen & magno cum molimine &  
studio, contra ius atque fas tractantur & stabiliuntur. id quod non sine magno religionis  
& publicæ rei detrimento admittitur. Hispanè, *rapaxerias*, non inconcinno vocabulo  
dicimus. [*Præuauicari,*] verò quid sit, iam aliàs exposuimus. Huiusmodi verò adinuen-  
tiones religionis nomine, eorum potissimum, qui sese aliorum duces magistrosque  
proſiterentur, temeritate & insolentia arroganter inductas fuisse ostendit. [*Quia tunc  
auferam de medio tui magniloquos superbiæ tuæ*] Superbum & arrogans Phariseorum &  
Scribarum supercilium describit, quorum puerilibus adinventionibus, ad suam ipso-  
rum ambitionem cupiditatemque excogitatis & compositis, veræ ac diuinæ pieta-  
tis virtus obscurata & penè obruta iacebat. Quam rem Magister ipse vitæ diuinæ  
illis vitio dedit. Væ vobis Scribæ & Pharisei, quia tulistis clauem regni cælorum, &  
neque vos intratis, nec finitis alios intrare. [*Et non adijcies exaltari amplius in monte san-  
cto meo.*] nam antea religionis prætextu, & longæ orationis obtentu, atque magisterij  
ambitio-

ambitioso supercilio, & domos viduarum deuorare, & plebis loculos exhaurire, & animos superstitione implere confueuerant, primas cathedras & salutationes in foro, & publicum plausum magistrorumque appellationem amantes, atque tandem tyrannidem quandam in populum exercentes. quo vitio omnes ferè gentium sacerdotes, & religionum illarum professores etiam notare est. Montem sanctum suum, siue, montem sanctitatis suæ religionem diuinam Deus persæpe appellat, vt: Ego autem constitutus sum rex ab eo super Sion montem sanctum eius. quales autem religionis ministros, & pietatis veræ professores atas illa aurea sortitura sit, horum nimirum moribus, studio & habitu longè dissimiles, deinceps explicatur.

*Et derelinquam in medio tui populum pauperem & egenum: & sperabunt in nomine Domini.*

O FELICISSIMAM hominum atatem, in qua me natum esse horum temporum vehementia pertæsum sapius optare profiteor: magnum hominum delectum euangelij virtute & efficacia futurum esse docet, magnamque rerum mutationem indicat, quando cælorum regnum & Ierusalem sancta ciuitas non superbis atque ambitiosis, sed modestissimis & spiritu pauperibus ciuibus frequentanda est: Ipsorum enim est regnum cælorum, in cuius communionem neminem admittendum esse, qui non sese paruuli instar humiliauerit, Christus declarauit. Illa enim maxima & pretiosissima cælestis regni sacramenta, à sapientibus & prudentibus huius mundi abscondita, paruulis verò reuelata esse, sapientissimus ille & summus omnium pater voluit. [Et relinquam.] diuinum opus hoc fore ostendit, à Christo Iesu maxima euangelij virtute efficiendum, qui permundaturus erat aream suam, & triticum congregaturus in horreum suum, paleas verò inextinguibili igne combusturus. permundari autem ab ipso oportuit populum acceptabilem, sectatorem bonorum operum, sicut scriptum est: Et vram eos sicut vritur argentum: & probabo eos sicut probatur aurum. [Et sperabunt in nomine Domini.] Nulla sua ipsorum sapientia, prudentia, virtute, nullis opibus aut diuitiis humanis, nullo deniq. rerum humanarum genere, sed tantum diuinæ gratiæ & charitatis spe nixi, omnem humilitatis paupertatisque suæ magnitudinem non patienter modò, sed libenter etiam sustinebunt, Expectantes beatam spem & aduentum gloriæ magni Dei, &c. cuius viuæ & diuinæ spei maxima & illustrissima in nouo testamento præconia sunt. Omnis autem oratio hæc sententiæ superioris antithetis constat: nam magniloquis superbiæ, populus pauper & egenus, exaltationi verò in monte sancto, spes in nomine Domini, opponitur. Nomen Domini, virtutem & efficientiam interpretamur, alias etiam definitum. quod nos latine legimus, *egenum*, Chaldaicus interpretis vertit, tolerantem violentiam & contumeliam. cuiusmodi ciues regno suo Deus ascripsit, nimirum spiritu sancto & igni baptizatos, pauperes quidem spiritu, sed cælestibus tamen muneribus ditissimos; vtpote reges, Quoniam ipsorum est regnum cælorum. Diuinæ etiam sapientiæ rationibus abundaturos eos illa oratione interpretamur. [Et sperabunt in nomine Domini:] nominis enim notitiam spes ipsa arguit. nam H A Z Z A verbum in alicuius præsidio tutelaque latere sperareque significat, vt: Filij autem hominum sub tegmine alarum tuarum sperabunt, &c. At verò præter diuinarum rerum cognitionem, præter viuam illam fidem & spem, omni vitio alienos, magnis & illustribus virtutibus præditos fore, Vates docet.

*Reliquia Israel non facient iniquitatem; nec loquentur mendacium, & non inuenietur in ore eorum lingua dolosa.*

N VLLA neq. operum actionumue prauitate, neq. dictorum vanitate, neq. fraude aut dolo, sed neq. arte constantis orationis parte notandos illos esse dicit, qui puram, sanctamque omni ex parte probatam vitam, vt spirituales viros, & simplici ac diuino spiritu actos decet, transacturi sunt. quorum non solum probata studia & opera, sed sermo atq. consuetudo omnis innocentissima & sanctissima, nullis iuramentis indigens fides, quæ solummodò, est & non, confirmatura sit. neque enim alio consuetudinis genere, alia omnino astutia & calliditate opus erit ijs, qui velut oues diuini spiritus virtute, & Christi Iesu tutela pascantur.

*Quoniam*

*Quoniam ipsi pascentur & accubabunt, & non erit qui exterreat.*

DIVINI spiritus gratia & charitate gubernandos illos esse ait, cum in Christi Iesu grege numerentur. cuius tutela & præsidio muniti, nulla vi, nullo metu, nullo externo impetu perturbari possint; tum quod pastorem nacti fuerint optimum & vigilantissimum, cuius oves nemo rapere valeat; tum quod ipsi in eo divinæ notitiæ & deletionis gradu collocati sint, de quo nulla vel infernæ vel humanæ potentia vi deiici possint. Quis enim accusabit adversus electos Dei: aut quis separabit illos à charitate Dei, quæ est in Christo Iesu Domino nostro. [*Lingua dolosa.* Hebraicè, *lingua tharmith* מִתְרִמִּית.] Significat autem *tharmith*, quicquid à sincera & simplici veritatis ratione & oratione alienum est. quod Christus in præceptis institutisque suis fugiendum omnino docens, descripsit. Quod autem his abundantius est, à malo est. cætera omnia verba describere festinantibus non licet, satis fuerit indicasse.

*Lauda filia Sion, iubila filia Israel: latare & exulta in omni corde filia Jerusalem.*

RESTITVTI in gratiam Israël felicitatem summa cum gratulatione & lætitiâ prævidens Vates, attentè expectandam, & gratissimè tandem excipiendam & publicâ atque perpetua lætitiâ colendam proponit. namque futuram quasi præsentem intuitus, adeo magnam & perfectam fore contemplatur, vt iam nunc expectatam, nedum præsentem, celebrandam iudicet. eam verò, quibus potest, maximis verbis describit; quam tamen propriis & æqualibus describere pro rei magnitudine & dignitate contingere hominibus non possit. Neque enim oculus vidit, neque auris audiuit, neque in cor hominis ascendit, quanta præparauit Deus diligentibus se. Omnes autem Israëlitarum tribus in vnam Christianæ pietatis societatem, & vitæ communitatem cum cæteris nationibus conuocandas, ad laudem & lætitiâ, atque ad perpetuam gratiarum actionem hortatur. eius laudationis illustrissima exempla noui testamenti tempore celebrantur; quale illud est: Benedictus Deus & pater Domini nostri Iesu Christi, qui secundum misericordiam suam magnam regenerauit nos in spem viuam, per resurrectionem Iesu Christi ex mortuis, in hæreditatem incorruptibilem, incontaminatam & immarcescibilem, conseruatam in cælis in vobis, qui in virtutē Dei custodimini per fidē in salutem, reuelari in tempore nouissimo; in quo exultabitis, modicum nunc, si oportet contristari in varijs tentationibus, vt probatio vestræ fidei multo pretiosior auro, quod per ignē probatur, inueniatur, in laudē & gloriam, & honore in reuelationē Iesu Christi, quem cum videritis, diligitis: in quem nunc quoque non videntes, creditis: credentes autem, exultatis lætitiâ inenarrabili & glorificata, reportantes finem fidei vestræ salutem animarum. [*Lauda, Iubila, latare.*] Lætitia publicæ amplificatio est, quæ per incrementum rhetoricis dicitur, sed verbum *lauda*, Hebraicè tantum celebrationē quæ significat, vt ad gratulationem faciendam hortetur. [*Filia Sion.*] Iudæos nunc ob scelera & impietatem à Deo abalienatos, sed in maiorem tamen quam vnquam antea restituendos, entusiasmo vsus alloquitur: quæ figura sacris vatibus familiarissima est, atque aliarum etiam nationum poëtis, in magni momenti rebus annuntiandis non ignota, vt illud:

*Iam iam residunt cruribus asperæ  
Pelles: & album mutor in alitem*

*Supernè:*

[*Filia Israël.*] Decem tribus nunc toto ferè orbe dispersas significat, quas in vnam ciuitatem Ierusalem, hoc est, in vnam veræ religionis communionem, simul cum Iudæis recipiendas fore Ezechiel prædixit. eam verò duodecim tribuum ciuitatem, *filiam Ierusalem* appellat; hisque publicam lætitiâ gratulationemque tribus potissimum nominibus decernit. [*Exulta, inquit, in omni corde.*] Plenam summamque lætitiâ esse vult, cui nihil doloris, metus, aut suspitionis permixtum sit. quod summa pia, & æterna pace, non quomodo mundus dat, sed diuina quadam & perpetua animorum tranquillitate, quæ exuperat omnem sensum, frui contigerit.

Horat. lib. 2.  
ode. 20.



*Abstulit Dominus iudicium tuum, auertit inimicos tuos: rex Israel Dominus in medio tui, non timebis malum ultra.*

TRIPlici de causa gratulationem indictam docuimus. prima est, Iudicium eorum à Domino esse ablatum: id inquam, diuinum iudicium, quod grauib; excacationis & exilij, ab alienationisq; pœnis luendis hæcenus experti essent, fuisse tandem de cætero sublatum, ita vt non amplius iudicij, sed misericordiæ rationibus agendum cum illis fuerit. altera verò causa est, [*auertit inimicos tuos.*] Peccatorum & scelerum abolitio- nem significat, qui ferissimi & immanissimi hominum hostes communes sunt, à quibus primum proditi, in diuinam offensionem, deinde in plurima mala incidimus: id quod 10  
 Isa. 50. his ipsis Israëlitis Deus aliàs declarauit: Quis, inquit, est hic liber repudij matris vestræ, quo dimisi eam? aut quis est hic creditor meus, cui vendidi vos? ecce enim in iniquita- 10  
 tib; vestris venditi estis, & in sceleribus vestris dimisi matrem vestram, & cæt. Huius- 10  
 Rom. 6. modi hostibus extinctis, nihil damnationis reliquum est ijs, qui sunt in Christo Iesu, qui non secundum carnem ambulant, quosq; lex spiritus vitæ à lege peccati & 15  
 mortis liberauit. Hanc diuinam liberationem gratulatus videre iam Zacharias ge- 15  
 Luca 1. stiebat, vehementerq; prædicabat: Vt sine timore de manu omnium inimicorum no- 15  
 strorum liberati, seruiamus illi, in sanctitate & iustitia coram ipso omnibus diebus 15  
 nostris. Hæc nobis maxima & diuina mysteria, dum vatum promissa antiqua ex- 15  
 ponimus, breuiter indicasse sat fuerit, latius & altius præsentis loco, hoc est, nouo testamē- 20  
 to enarrando, si Deus id concesserit, explicaturis, donec diuini spiritus dono, quod fore 20  
 aliquando speramus, eadē in ipsis hominum animis reperiantur. Vbi versio latina ha- 20  
 bet [*inimicos tuos,*] Hebraicè nomen est quod singulari & plurali numero non sine magna 20  
 significatione interpretari debeamus. namque scelera omnia, infestaq; hominum ge- 20  
 neri vitia, interdum peccata, interdum verò peccatum, vel peccati corpus multis illis 20  
 membris constans dicitur. peccata autem quædam sacrificiorum mysticorum interuen- 25  
 tu & diuina virtute, antiquis hominibus purè & sanctè deprecantibus dimittebantur. 25  
 peccatum verò ipsum, hoc est, corpus peccati, non antè ablatum est, quàm perfectissimo 25  
 Christi Iesu sacrificio penitus aboleretur: cuius maximi sacrificij virtute, antiquè hosti- 25  
 quicquid illud erat, præstabant. Huius igitur agni immolati, & in consummationem 25  
 omnium seculorum semel occisi sanguine omnia mundi peccata penitus sublata sunt, 30  
 sed quod non ad omnes homines illud beneficium pertinuerit, ipsorum culpa, non sa- 30  
 crificij defectu aut imbecillitate euenit. qua de re maxima & grauissima in nouo testa- 30  
 mento disputatio est. Igitur, [*inimicos,*] inimicum, eodem verbo conclusa, non peccata 30  
 modò, sed ipsum corpus peccati, & chirographum decreti significat, quod erat con- 35  
 trarium nobis, quodq; à Christo de medio sublatum cruciq; affixum est. cuius 35  
 maximi beneficii communione aliquando tandem afficiendis Israëlitis iam nunc Va- 35  
 tes noster gratulatur. Tertia demum lætitiæ causa illa est, [*Rex Israël Dominus in medio 35*  
*tui, non timebis malum ultra.*] Omnia ferè noui testamenti & diuinæ Iesu Christi vir- 40  
 tutis mysteria his vltimis vaticinijs carminibus traduntur, quæ nobis percurrere magis, 40  
 quàm explicare licet: neque alijs commodior ad explicandum locus dari potest, 40  
 quàm vt de diuina illa & arcana corporis & sanguinis Christi communicatione aliquan- 40  
 do differeere contingat. Perpetuam itaque & æternam piamq; pacem hanc illis fore 40  
 ex eo arguit, quòd regem Israëlitis Dominum Deum misericordem intra se perpetuò sibi 40  
 prouidentem, atque omni spiritali benedictione & gratia in cælestibus consulentem 45  
 Tit 3. habituri sint: id quod nullis eorum operibus iustitiæ necessariò, sed vltro diuinæ miseri- 45  
 cordiæ beneficio præstandum fuerit, Per lauacrum regenerationis & renouationis spi- 45  
 ritus sancti, quem effudit super eos abundè per Iesum Christum saluatorem nostrum. vt iusti- 45  
 ficati gratia ipsius, hæredes sint secundum spem vitæ æternæ. [*In medio tui.*] Præter gra- 45  
 tam, tutam tranquillamq; habitationem, quam tropicè significari iam aliàs docuimus, 50  
 id etiam arcanè significatur, quod Christus ipse aliquando explicuit: Regnum, inquit, 50  
 Dei intra vos est. & quod Ioannes euangelij sui initio tradidit, Et verbum caro factum 50  
 est, & habitauit in nobis, & vidimus gloriam eius, gloriam quasi vnigeniti à patre, ple- 50  
 num gratiæ & veritatis. de qua habitatione gratiæ, & veritatis plenitudine, obscure ad- 50  
 modum & leuiter, pro rei dignitate, hæcenus ab interpretibus tractatum est. Magnam 55  
 autem

autem rerum Israëlitarum mutationem, magnam totius ecclesiæ, & perpetuam felicitatem præsentis Dei beneficio de cætero fore Vates prædicit, cum sine timore de manu omnium inimicorum suorum liberati Christiani seruiant illi, in sanctitate & iustitia coram ipso omnibus diebus suis.

*In die illa dicetur Ierusalem, Noli timere Sion: non dissoluantur manus tue. Dominus Deus tuus in medio tui fortis, ipse saluabit: gaudebit super te in letitia: silebit in dilectione tua, & exultabit super te in laude.*

VERBUM dicere, passiuæ siue impersonali voce pronuntiatum, certam, exploratam atque constantem rem significat, quæ tanquam communi proverbio prædicanda sit, ut apud Isaiam: Ministri Dei nostri, dicetur vobis, Ierusalem cælestem ciuitatem, quæ in terris cœpta & instituta ad cælum vsque pertinet, intelligere oportet; liberam quidem illam, & à terrenæ Ierosolymæ condicione longè alienam: cuius situm & rationes grauissimè diuus Paulus descripsit. huic autem perpetua ex diuino beneficio atque præsidio securitas promittitur, per spiritum sanctum Christi; cuius amplissimis muneribus ornanda fouendaque perpetuo est. Ecce ego, inquit ille, vobiscum sum vsque ad cõsummationem seculi, [Noli timere.] Diuina exhortatio vatum oraculis confirmata est. Sion vrbs Ierusalem arx fuit, quæ in libera illa Ierusalem sanctissimam & firmissimam spiritualium hominũ partem significat. [non dissoluantur manus.] timore exanimatorum hominum habitus manuum remissio est, ut illud: Confortate manus dissolutas. Perpetua verò Dei præsentia, prouidentia & tutela, atque spiritualis gratia illa oratione significatur. [Dominus Deus tuus in medio tui.] nam quid ille tropus in medio esse, significet, iam aliàs exposuimus. Libet autem verborum ipsorum significationes Latine indicare, plenam verò rationem sapientibus existimandam relinquere. Dominus, nomen admirabile est quatuor literis constans, cuius ineffabiles rationes ad misericordiã plurimum pertinere iam docuimus. Deus tuus Elohim, prouidentia & gubernationis definitionibus explicatur. fortis, Hebraicè GIBOR. propugnatorem tutoremque maximum significat, qualem hispana lingua BARRAGAN vocat. Diuinæ itaq. misericordiæ, prouidentia, tutelæ atque gratia, & præsidij præsens perpetuaque, ac penè familiaris consuetudo annuntiatur, ijs nimirum, quibus voluit Deus notas facere diuitias sacramenti huius in Christo Iesu Domino nostro, cuius efficacissimum ac sanctissimum nomen IESV, Hebraicè refert, atque illius munus aperte indicat. quemadmodum verò in illam salutem diuinamque gratiam plenam & integram reconciliandi sint, exponit. [Gaudebit super te in letitia:] tantum abest ut ira & indignatione tecum, ut antea offensus nimium egerat, iam deinceps agat. quinimo præteritorum temporum offensione omni deposita, atque in summam gratiam amicitiamque conuersa, [silebit in dilectione tua,] nullũ de cætero de præteritis offensionibus verbum faciet: propter remissionem præcedentium delictorum, ut Paulus inquit, ad sustentationem Dei: qua quicunque in huiusmodi gratiam reconciliati fuerint, sustentandi sunt. [Exultabit super te in laude,] Hebraicè in cantico. quod summæ lætitiæ & exultationis argumentum est. Quantò enim gaudio, quanta lætitia in horum reconciliatione affici eum patrem oportet, qui super vno peccatore ad pœnitentiam conuerso, festum diem lætissimaque conuiuia celebrat? Nam si delictum eorum diuitiæ sunt mundi, & diminutio eorum diuitiæ gentium, quanto magis plenitudo eorum? hic locus Chaldaicè sic habet: [Dominus Deus tuus dixit, ut poneret habitationem tuam intra te: fortis propinquus, gaudebit super te in gaudio, abscondet delicta tua, in misericordia sua, gaudebit super te gaudio.] Verum enimvero totius ecclesiæ Christianæ, tam ex gentibus, quàm ex Iudæis coniungendæ, societatem & amplissimum statum, iam dicendi finem facturus Vates describit.

*Nugas qui à lege recesserant, congregabo, quia ex te erunt: vt non ultra habeas super eis opprobrium. Ecce ego interficiam omnes qui afflixerunt te in tempore illo: & saluabo claudicantem, & eam qua eiecta fuerat, congregabo.*

Rom. II.

Ephes. 2.

Psal.

Duplici gentis genere constat ecclesia, Israëlitis & gētibus: gentes ex magna veras religionis ignorance, ex dēsis errorum tenebris ad lucem; Israëlitaē verò ex inimicitia ad gratiam reuocantur. Veruntamen hunc gerendā, atque expediendā rei modum, & hāc rationem Deo inire placuit, vt interim dum Israëlitarum tribus suorū scelera; Iudæorum verò gens impietatis & repulsæ Christo allatæ pœnas certo tempore constitutas penderent, gentiū nationes euangelij verbo vocatæ adoptarentur, & sic plenitudo gentium, vt Paulus inquit, intraret, ac tandem omnis Israël saluus fieret. Hanc autē rationē omnem, consequentemque deinde pacem, tranquillitatem & felicitatem Vates noster significat. cuius oratio, quod obscurius Latine versa sit, explicanda est. [*Nugas qui à lege recesserant, congregabo.*] *Nugas* non est Latinae significationis hoc in loco, sed Latinus interpret pres Hebraicum verbum נוגע, plura etiam, quàm vno latino simplici nomine reddi possent, comprehendens, mutato tantum fine, vt Hebraicè pronuntiatur; reliquit; id quod idem relatiuo masculino adiuncto indicauit. *Qui à lege,* &c. facile enim arguitur ad personam, non ad rem nomen *nuge* referri. significat autem *nuge*, afflicto, miseros & remotos, remotos, inquam, à lege siue, vt Hebraicè est, à *condictō*, præscripto, constitutoque tempore. quod si vno verbo à lege non longè alieno vertere velimus, sanctione dicendum arbitror. ex quibus rationibus illud efficitur, vt de gentium vocatione hic locus exponendus fuerit. *Qui cū fuerint olim sine Christo, alienati à conuersatione Israël, & hospites testamentorum, promissionis spem non habentes, & sine Deo in hoc mundo: postea in Christo Iesu, qui aliquando longè erant, facti sunt prope in sanguine Christi. hos ad eandem cum Israëlitis ecclesiæ communionem primum congregādos sibi Deus recipit.* [*Quia ex te erunt,* Hebraicè *à te erunt.*] quod præ & prius aliquādo significat. vt Iusti ficata est sapientia à filiis suis, id est, præ filiis suis. Gentes itaque oēs primū vocandas admittendasque esse dicit. [*vt non ultra habeas super eis opprobrium.*] Magno opprobrio gentibus Israëlitaē olim insultabant. nihil enim detestandum magis aut infame, quàm gentium & incircuncisorum nomen habebant. Effunde, inquit, iram tuam in gētes, quæ te non nouerunt, & in regna quæ nomen tuum non inuocauerunt. & huiusmodi passim exprobrationum contempionumque exempla apud Israëlitas multa iuuenire est. Nullum verò huiusmodi probum gentibus, ad euangelij lumen, verique dei notitiam, & gratiæ communionem vocatis per Israëlitas, sed neque per ecclesiam obieciendum esse ait. cui nulla ab his suspicio, nulla fraus, nullum malum metuendum sit, in pacem, concordiam, atque adeo in eandem societatis communionem coniunctis. Id autem peccatis & sceleribus, atque spiritualibus hostibus, qui ecclesiam infestarunt, extinctis, amotis & profligatis præstandum esse Deus declarat. [*Ecce ego interficiam omnes qui afflixerunt te in tempore illo.*] Spirituales hostes, per quos bellum ecclesiæ allatum est, omnes interficiendos, vel, vt ex Hebraico clarius vertimus, conficiendos esse dicit, ita vt peccatorum mole deposita, & diaboli iure omni, vel tyrannide potius extincta, gentes in ecclesiæ & fidei obsequium captæ ultro addantur. id verò cū expeditum fuerit, [*saluabo claudicantem, & eam qua eiecta fuerat, congregabo.*] Israëlitarum gentem duabus tribubus minorem, variis orbis partibus dispersam, claudicantis nomine significat. Iudæorum verò, & Beniaminitarum tribum, quæ vna Iudææ appellatione continetur, eiectam dixit, quod hæc maximè gens ob nefariam Christi & euangelij repulsam, repudiata abdicataque, & in reprobum sensum à Deo iustissimè tradita fuerit, sicut scriptum est: *Quia repulistis verbum hoc, idcirco erit vobis iniquitas hæc quasi interruptio cadēs.* Alterum igitur populum vbicumque terrarum fuerit, diuinæ misericordiæ & Christiani euangelij virtutes seruandum; alterum verò, qui eiectus & ab alienatus fuerat, in suam gratiam restituendum, maximisque beneficiis benignissimisq. modis accipiendum sibi Deus promittit. ex qua re illud eueniet, vt perlata antea apud omnes nationes cum maximo dolore & dedecore ignominia, magna laude & gratulatione muretur.

Et ponam

*Et ponam eos in laudem & in nomen, in omni terra confusionis eorum.*

ISRAELITÆ, & in his maximè Iudæi vbicunque locorum versantur, omnium hominum miserissimi, obscurissimi, contemptissimi que sunt, adeo, vt præ nationibus alijs neglecti maximè, desertique, imò & exagitati à Deo esse existimentur: id quod illi in deprecationibus suis assidue queruntur. Horum tamen ex diuina misericordia, conuerso statu, maxima infamia in maximam gloriam conuertenda est. Vt enim ex illo quondam infido, atque diuinis vocationibus pertinaciter renuente populo, quidam Apostoli & discipuli extirere, qui ardentissimo Christianæ pietatis studio & exemplo magnam gloriam adepti sunt; sic futurum est, vt restitutus in diuinam gratiam populus omnis, cum summa Christiani nominis gloria apud omnes gentes commendetur, sicut scriptum est:

10 Quod si delibatio sancta est & massa, & radix sancta & rami. *Nomen*, famam & gloriâ, tû Hebraicè tum Latine significat, vt: Vocauerunt nomina sua in terris suis. & illud:

Rom. 1.

Psal 47.  
Horat. lib. 3.  
Od. 3.

*Horrenda latè nomen in vltimas Extendat oras, &c.*

Celebrem igitur atque illustrem Israëlitarum in diuinam gratiam conciliationem fore Vates docet, eaque spe præsentem miseriam consolatus, atque ad extremum perferre hortatus, certam ratamque diuinam promissionem fore confirmat.

*In tempore illo, quo adducam vos, & in tempore quo congregabo vos: dabo enim vos in laudem & in nomen omnibus populis terræ, cum conuertero captiuitatem vestram coram oculis vestris, dicit Dominus.*

20 VTROSQUE, & Israëlitas, & Iudæos, distinctis verbis indicauit. [quo adducam vos.] Israëlitarum dispersionem in vnam fidei, ecclesiæ, & baptismatis communionem adducendam. [Congregabo vos.] Iudæos in gratiam conciliandos interpretamur, quos à miserrima peccatorum seruitute in spiritualem libertatem vindicatos, pro illa, in qua iacebant, humilitate illustri nomine ornandos esse dicit. [Cum conuertero captiuitatem vestrâ.] Hebraicè eodem nomine captiuitatem, & captiuitates vestras, dicitur, vt varium & multiplex seruitutis genus ostendatur. namq. præter externâ miseriam, quam alij ex vtroque populo aliter ferunt, duriores esse Iudæis partes, ob indurationem & abalienationem, docuimus. Quod verò additum est, [Coram oculis vestris,] magnum illius libertatis, & rerum mutationis mysterium indicat, quod ijs duntaxat apertum exploratumq. esse potest, qui sensu proprio & periculo in seipsis facto, quid sit veterem hominem cum actibus & concupiscentijs suis deponere, nouerunt. Cæteris verò omnibus cognitu difficillimum fore arbitramur. maximi enim operis fuerit ostendere, quemadmodum durissimæ seruitutis onere deposito, viucentes & sentientes homines, mortui tamè peccato, viui verò iustitiæ & Deo, diuinam illam libertatem agnoscant. quod vt sine diuina virtute experiri, sic etiam sine

35 diuino auxilio, & magna quadam diuini spiritus indicatione nemini vel intelligere omnino, vel apertè explicare contingit. Hæc ex illis summæ sapientiæ rationibus vna est, quam inter perfectos loqui & tractare sese apostoli pro fitebantur, quæ abscondita est: quam prædestinauit Deus ante secula in gloriam nostram. Eam autè rem quod maximi momenti, & singularis cuiusdam excellentiæ esset, maiorisque cognitionis, quam vt hu-

40 mani animi sensu, & cogitatione percipi posset, suo tempore tamen explicandam, atque re ipsa docendam confirmandamq. Deus ipse promittit, & in sese recipit. [Dicit Dominus:] Nomen Dominus, tetragrammaton est, quod ad misericordiæ rationes, atque ad dictorum conuentorumque constantiam & veritatem confirmandam frequentissimè appellari docuimus, atque in maximis promissionibus præstandis commodissimè adhiberi. Huc

45 autem pertinet, quod apud Mosem Deus ipse de sese professus declarauit: Ego, inquit, Dominus qui apparui Abraham, Isaac, & Iacob, in Deo omnipotenti: & nomen meum Exod. 6. ADONAI, non indicaui eis. cui sit honor, & gloria, & laus per infinita seculorum, secula, Amen.

1. Cor. 2.

*Madriti in Hispania mense Ianuario, Anni Christi, 1568.*

IN SO-



## IN SOPHONIAM VATEM

CARMEN EX VOTO.

Ode tricolos tetraastrophos.

**ET** feruens pietas, & populi mei  
 Antiquum studium, sanctaq; veritas  
 Vatem dicere cantus  
 Rerum mira iubet nouo:  
 Quæ vel nota valent addere maximos  
 Virtutis cumulos, & sapientia,  
 Vel neglecta beate  
 Vitæ perdere premium.  
 O qui sidereum prouidus athera,  
 Qui terras, pelagus, qui vaga flumina  
 Aquis legibus ornas,  
 Et certa reficis vice.  
 Qui mundo sapiens principium nouo  
 Inducens tenebras lumine fulgido  
 Mutas, ordinibusq; ue  
 Res exstare iubes bonis.  
 Atque anni vario tempora pondere  
 Libras, & proprijs lumina cursibus,  
 Cuncta & secula miris  
 Consentire facis modis.  
 Quod nox pura refert astra nitentia,  
 Et forma, & spatijs dissena commodis,  
 Certo nomine dicis,  
 Munusq; & numerum tenes.  
 Sic discors vario constitit ordine  
 Rerum compositus terminus & decor,  
 Et ius omnia sanctum  
 Auctoris retinent sui.  
 Quod si transpositis legibus undique  
 Dispensata parent munera vertere,  
 Terris protinus altis  
 Substratus iaceat polus.  
 Idem condiderat simplicius genus  
 Cælestes animas arbitrio sui  
 Firmanda ingenia amplo  
 Cali munere milites.

Et quos

Et quos de tenui puluere finxerat  
 Mirandis opifex artibus omnium  
 Terrarum dominos &  
 Monstrosi maris arbitros.

Hos (namque etherea participes dedit  
 Mentis esse) magis perpetuo pios  
 Conseruasse decebat  
 Commissas fidei vices.

Sed ventosa mala cura potentia  
 Sublimes animos vincere fortior  
 Duro perdidit altum  
 Casu Luciferi gregem:

Ausi precipiti consilio polum  
 Attentare super lucida sidera,  
 Æqualémque Tonanti  
 Affectasse locum patri.

At voltrix sceleris pœna gigantici  
 Deiectum è superum sedibus aureis  
 Nigras precipitem dat  
 Inferni in tenebras lacus.

Iam nec prisca minus noxa parentibus  
 Primis perniciem protinus attulit,  
 Et fatale nepotum  
 Pomum visceribus nocens.

Post primam generi pestiferam luem  
 Fœcunda, heu, scelerum secula turpium  
 Iustas numinis iras  
 Pœna vindice sentiunt.

Effusisq; diu nubibus & mari  
 Viuentum penitus desierat genus,  
 Unus ni Pater insons  
 Cauisset monitus malum.

Post hæc assiduo mundus & arduo  
 Exemplo didicit iusta nocentium  
 Pœna pondera certo  
 Celi consilio dari.

Si quemquam excipiat supplicium graue  
 Concepti sceleris dum furit, & breuem  
 Ætatem volat: hunc sed  
 Carcer perpetuus manet.

Obscuris ubi mors ignibus horrida  
 Commiscens picibus sulphura pinguibus  
 Exercet face nunquam  
 Exstincta meritum gregem.

Ille idem proprio numine prosperis  
 Aptus consiliis perpetuo bonas  
 Pacis cogitat arteis,  
 Et grato studio fouet.

Et clemens placidum nomen ab ultimis  
 Ducens principis orbis in ultima  
 Nullo secula fine  
 Parcit supplicibus suis.

Idem & magnifici propositi tenax,  
 Dictorumque memor prouidet & cauet,  
 Cui se cunque benignum  
 Dixit, cui facilem fore.

Sed quo me equoribus cymba patentibus,  
 Et nullis penitus littoribus mari  
 Concluso rapere audax  
 Remis inualidum paras?

Quin magnis potius muneribus Dei  
 Augeri, atque animo perpetuis frui  
 Poscam supplice voto,  
 Quàm tantum temerem sacrum.

BENE-

## BENEDICTI ARIÆ MONTANI

HISPALENSIS IN HAGGÆVM PROPHETAM

DE RECTA EXPETENDARVM RERVM

RATIONE PRÆFATIO.

**N**ihil profecto magis ad humana negotia strenuè gerenda feliciterq.  
 explicanda conducere posse arbitror, quàm illud sapienter providere,  
 quid agentibus primum ante oculos proponendum, & vnde po-  
 tissimum agendarum rerum initia ducenda; quis in iis ipsis ordo ac  
 10 modus sit commodissimè statuendus. namque bona prudentiæ vir-  
 tutis pars, in statuendis bonorum finibus & terminis, atque in ea-  
 rum, quæ ad hos fines deducere possunt, rerum actionumque delectu habendo spectatur:  
 neque enim omnia, quæ hominibus bona iudicantur, equalia inter sese sunt, sed in vario  
 bonorū genere, alia aliis, & natura sua, & ad hominum vtilitatē relata, longè & mul-  
 15 tum ad vsum dignitatemq. præstant & antecellunt: id quod vel de vna sapientia hu-  
 manorum in hac vita bonorum faciliè principe merito prædicatum est. Et letatus sum in Sap. 7.  
 omnibus, quoniam antecedebat me sapientia: & ignorabam quòd omnium bonorum ma-  
 ter est. Ergo cùm non eadem bonorum dignitas, neque vis eadem sit, consultissimum pro-  
 20 fecto fuerit, quodnam genus maximè vnicuique nature commodum sit, diligenter im-  
 primis perspicere, & quis etiam optimus finis ad quem agendarum rerum rationibus  
 accommodatis ex animi sententia negotium succedat. In omni autem bonorum genere  
 nullum est, quod vel natura sua, vel ad hominum vtilitatem relatum cum diuina na-  
 25 tura comparari vlla ex parte possit. nam cùm illa summum bonum, atque omnium  
 aliorum fons & origo sit, tum rationis participi nature, qualis homo corpore & ani-  
 mo constans est, maximè proprium bonum esse iudicatur. siquidem id vnicuique nature  
 præstantissimum, & maximè proprium bonum est, à quo natura ipsa maximè au-  
 30 geri & perfici potest. Humanam verò naturam vnius Dei virtute & efficientia per-  
 fectissimum dignitatis, felicitatis, & ornamenti sui gradum obtinere posse ex eo  
 ostenditur, quòd ad illius imaginem similitudinemque ab initio condita cùm fuerit, aut  
 35 cum exemplari ipso maximè conformari, aut quàm proximè ipsi accedere herereque  
 desiderat. Atque hæc vnica & maxima res est, ad quam omnes, qui veræ sapientiæ ra-  
 tiones tenuerunt, contento studio cursuque venire cupiebant. Quid enim mihi est in  
 40 celo, & à te quid volui super terram? defecit caro mea & cor meum, Deus cordis mei  
 & pars mea Deus in æternum. Neque verò contingere non posse putandum est, vt  
 humana natura quæ (si cum Deo comparetur) abiecta omnino & infimæ sortis iudica-  
 45 tur, eò dignitatis peruenire possit, vt vel persimilis Deo sit, vel intimè adhære-  
 at. Quanquam enim id longe abesse ab hominum humilitate videatur, tamen diuina vir-  
 tute & gratia effici posse cognouimus, vt infima nostra hæc ab illa præstantissima Dei  
 natura, mirabili quodam modo suscepta atque immutata in suæ virtutis conformationem  
 50 perficiatur. Ut enim ignis efficientia & vis aliarum rerum omnium, quas proximè  
 contingit, naturam arreptam & superatam incendens in sese transformatur, à nulla  
 eadem tamen transformatur, sic Deus hominum mentes ad se rapere, atque inenarra-  
 bilis excellentiæ communicatione secum coniungere, neque vlla virtutis infirmitate  
 prohibetur, neque humanæ nature ineptitudine impediatur. siquidem ad exemplaris  
 55 similitudinem quàm proximè accedere exempli nature non repugnat, cùm præcipuè  
 infinita exemplaris virtus, magnæque erga exemplum suum dilectio & cura inter-  
 cesserit. Neque verò hoc Deum ipsum nolle putandum est, qui suam de hac re erga ho-  
 mines voluntatem benignissimè declarauit. Et deliciae meæ esse cum filiis hominum: nunc Prouerb. 8.

Plato in Parmenide.

Plotinus  
Arist. lib. 2.  
de ortu &  
interitu.

Psal. 72.

Prouerb. 8.



ergo filij audite me, &c. Atque adeo hoc suum consilium, hoc propositum semper fuisse, idem ipse apud Patrem profitetur. Ego dixi diebus, & filij excelsi omnes. Cuius quidem rei manifestum exemplum, idem Deus orbi spectandum, hominibusque ipsis in sese spectandum edidit, cum Verbum suum unigenitum carnem factum nobis exhibuerit, habitareque in nobis curauit. Qua ex re humana natura eam dignitatem consequuta est, ut idem Deus atque homo verissime dici predicarique possit. Eius verò dignitatis communionem & societatem ceteris hominibus modo sanctè & legitime quesitam, propositam esse, accipiendamque fore, sanctissimorum Virorum testimonio confirmatum est, ut si non natura certè gratia & veritate dii & filij excelsi habeantur & sint, atque ad diuinam quandam humano sermone inenarrabile spiritus sui communicatione et largitione cooptentur. Videte, inquit Ioannes, qualè charitatè dederit nobis pater, ut filij Dei nominemur & simus. Quotquot enim filium eius unigenitum ritè & legitime receperunt, dedit eis potestatem filios Dei fieri, de cuius plenitudine omnes accepimus, & gratiam pro gratia. Cum itaq. Deus maximū & prestantissimū hominibus bonū sit, id imprimis optandum quærendumq. est, quod ubi nactus adeptusq. fueris, nihil omnino desiderare ulterius possis, ut scriptū est: Mihi autè adhaerere Deo bonū est, ponere in Domino Deo spem meam. Et illud: A fructu frumeti, vini & olei sui multiplicati sunt: in pace in id ipsum dormiā & requiescā: quoniam tu Domine solummodo in spe constituisti me. Neque verò finem ipsum et bonū summū agnoscere, optariq. satis hominibus fuerit, nisi illud etiā studiosè provideatur, quibus potissimū rebus & modis quærendū sit. Vehementer enim in ea re falli atq. errare posse homines, ut pro certis incerta consilia ineuntes à proposito consitutoq. fine longè nimium abducantur, eodè ipso admonente, atq. indicante Deo docentur. Vtinam attēdisses mandata mea, facta fuisses quasi flumē: pax tua & iustitia tua sicut gurgites maris. Nulla autè alia re vel melius, vel commodius certa hominib. ad felicitatē via, quam sancta & casta religionis procuratio, & pietatis exercitatione munitur. Religionem autè & pietatē, rectis erga Deum & homines prestandis officiis definimus, ut scriptū est: Religio munda & immaculata apud Deum & patrem hæc est: Visitare pupillos & viduas in tribulatione eorū, & immaculatū se custodire ab hoc seculo. Diliges Dominum Deū tuū ex toto corde tuo, & ex tota anima tua, & ex tota mētē tua, & proximum tuū sicut teipsum, &c. Atq. incertas & obscuras priuatorū hominū opiniones (quas perditionis sectas Apostolus nominauit) à religionis nomine & ratione prorsus excludimus: purā verò & simplicē pietatis culturā, à sacra & catholica ecclesia ex diuinis libris acceptā atq. explicatā agnoscimus: ne quis videlicet nouis commentis aut priuatis cogitationibus insolēter exultet, sibiq. religionis nomine plaudet, cū à vera pietate & catholica fidei cōmunionē longè sit alienus. Verū enim uero magna hominū pars, etiā eorū qui Dei atq. diuinarū rerū, sacrarūq. librorū notitiā habent, hoc stultitiæ vitio laborat, ut neq. rectā de bonorū finibus existimationē recipiat, neq. si maximè intellexerit, quā quibus præstet, rectā tamē veri inueniēdi boni viā muniat & insistat. namq. ut summum bonū maximè expeti, sic quaecunq. eodē conducūt, imprimis cognosci, parari atq. expediri oportuerit, sicut scriptū est: Primū querite regnū Dei, & iustitiā eius. Contra euenit, ut humana, caducæ & infimæ res primæ omnium maximo & contentissimo studio, diuina verò postremo loco minima cura atq. opera à plerisq. hominibus querantur. Etenim cū optima vita omnis & temporis pars, maxima etiā consilia, cogitatio, actiones, operaq. omnis fere in iis exquirendis rebus consumatur, quæ ad mortalis vitæ huius comoditates falsò plerunq. expetuntur, ex eo manifestè consequi videtur, homines vel prima & maxima bona in eiusmodi comoditatibus, diuitiis, opibus, potentiaq. collocare, vel si æterna istis præstare putent, sibi tamen ipsis re ipsa atq. omni vitæ vsu dissentire, qui iis bonis, quæ verè prima sunt, minimum, istis verò quæ vel nulla, vel postrema habeantur,

habeantur plurimum consilij, studij atque opera impendant. de quibus illud merito decantetur: Nec fideles habiti sunt in testamēto eius. Ceterum quicunq. de diuinis & humanis rebus rectē & sapienter iudicātere, illud sibi proposuerunt, vt quae ad religionem pietatemq. pertinere intelligerent, imprimis curarent. Humana verò, & maximē quae ad priuata sui ipsorū cōmoda spectarent, vel omnino negligerent, vel postremo loco agēda tractandaque reseruarent. Atque hoc modo & ordine gerendis rebus constituto omnia rectē fieri posse, feliciterq. ex animi sententia succedere putauere. itaque ultra rectam ac legitimam officiorum ac munerum suorū administrationē, ultra pietatis & publicae utilitatis curam templis & aris construendis, alijsq. ad diuinū cultum spectantibus vacabant, intelligentes nimirum fore, vt Deum, cuius rem atque honorem sibi primū proposuissent, propitium ad cetera omnia cū priuata, tum publica feliciter obeunda haberēt: id quod aliter vel cogitari, vel agi, summā peruersitatis esse iudicauerūt. Atque huius consilij & studij frequentia ac illustria in omnibus diuinā sapientiae libris exempla sunt, vt illud: Sicut iurauit Domino, votum vouit Deo Iacob: si introiero in tabernaculū domus meae, si ascendero super lectū strati mei, si dederō somnū oculis meis, et palpebris meis dormitationem: donec inueniam locum Domino, tabernaculum Deo Iacob, &c. Verū vt ad nostra tempora sermo reuocetur, si de hac etiam causā dicendū hic sit, profectō rectē perspecta & examinata re, omnis ratio hac deprauata esse facile deprehenditur. Quotus enim quisq. est, à quo priuatis publica, sacra prophanis anteponantur? à quo diuina non modo non diligentius, sed pari diligentia suscipiantur & curentur. Videre est passim templa uiuentis Dei inopia & Christianorū hominū, qui sarta tectaue & tueri possent, & deberent, negligentia ruere, & excidi penitus, cum tantis incōmodis, cum tot hostis Christianā religionē oppugnātis artibus, technis & dolis, vel nō occurratur omnino, vel ea ratione occurratur, non vt animorum saluti praecipuē, sed vt priuatis mūdi commo-

ditatibus imprimis consuli intelligatur, vt vera ac propria nostrorū temporū illa querela sit: Quomodo obscuratum est aurum, mutatus est color optimus: dispersi sunt lapides, sanctuarij in capite omniū platearum! Videre est tantum inopum & pauperiorum hominum numerum, qui praeter magnā verbi Dei, et rectae animorū institutionis penuriā, ingenti etiā victus parāndi sibi necessitate laborant, vt de utroq. genere illud verissimē

Jeremias questus fuerit: Paruuli petierūt panem, & non erat qui frangeret eis. Neque minus graue illud exemplum est, externum religionis cultum negligi, & maiori ex parte labefactari, adeo vt templa, arae, sacerdotia, & quae ad haec referuntur multa non modo noua rariius multo statuuntur, sed, quod maximē dolendum est, plurima ex his, magno cum maiorū nostrorū pietatis exemplo instituta atq. erecta olim, nunc vel omnino neglecta pereant, diripiantur diruanturque, & ad propria commoda alenda, augendamque potentiam traducantur. huius autem rei rarissima & paucis cura est: illarum autē plurimis & frequentissima, edendi, bibendi, edificandarum domorum, nubendi, & nuptui tradendi studiis semper vacare. Et querimur interim temporum tempestates & procelas, miramur populorum dissensiones, & ciuium discordias, hostiū in nos impetus time-

mus, illatas nobis priuatim iniurias lamentamur, cum propulsatorem omnis mali, bonorumq. omniū auctorem & principem Deum corruptissimis cogitationibus & studiis, atque multiplici impietatis genere à nobis abalienauerimus, sicut scriptum est: Peccata vestra prohibuerunt à vobis bonum. Huiusmodi autem de bonorum finibus constituēdis, & de recta studiorum ratione à nobis institutum sermonem Haggaeus propheta in suorum temporum homines peroratum, ad nostram utilitatem scriptum reliquit. Cuius grauiissimas verborum & sententiarum rationes exposituri, argumentum exponemus, inuocato imprimis eodem, à quo dictata haec fuere, diuino spiritu, vt eius benignitate auxilioque freti, sacrosancta mysteria haec vtiliter explicemus.


Psal. 131.

Thren. 4.

*Summe Deus, rerumque caput, postremaque finis,  
 Et certis hominum dux bone consiliis:  
 A te principium sumat, tibi desinat omne,  
 Quicquid nunc Vatis mensque manusque parat:  
 Ingratum infelixque olim studiumque laborque est,  
 Alma ubi non adsit numinis aura tui.*

## ARGVMENTVM VATICINII.

**I** VDAICVM populum ex Babylonica captiuitate liberatum negligentia nomine Vates accusat & reprehendit, quod ab edificando ad religionis cultum templo supersederent; quippe qui à Persarum regibus adificationem intermittere iussi, tempus edificandi diuinitus constitutum nondum aduentasse falso arbitrentur, cum eadem illis omnino copia & publicarum, & suarum domorum edificandarum facta esset, & tamen priuata ac prophana adificationi intentis, sacra ades negligerentur. Id verò non, nisi irato & offenso numine committi, ex consequenti periculo arguit. quod eorum opera, ut insausse coepta, sic infelices exitus haberent. Huiusmodi autem oratione persuasos Zorobabelis, & Iehosua sacerdotis animos ad templi adificationem una cum reliquo populo fuisse impulsos. Cum verò quibusdam hominibus ex prioris templi recordatione & comparatione posterius hoc magnitudine & operis elegantia eleuandum, despicendum, tantaque maiestate omnino indignum indicaretur, horum cogitationibus & sententiis, ne videlicet opus intermitteretur Vates occurrit, docetque obsequio magis adificantium, quam operis magnitudine & mole, diuinam naturam delectari atque affici: ostenditque non minorem, quam prioris illius, huius secundi templi gloriam futuram; quippe quod Iesu Christi patribus olim desiderati praesentis ornandum esset. Neque tamen tantum lapideis edificiis tribuendum esse, ut non magis religionis ipsius ratio praecipue curetur. Namque & hoc materiale templum, etiam dirutum aliquando, excisumque iri praedicat; nouum verò quoddam instituendum, in quo certa, perpetua sanctaque omnino sedes ac domicilium Deo collocetur: id autem spirituale templum fore significat. Cuius tempore diuina & tranquilla pax omni orbis afferenda sit, id quod huius secundi temporibus non contigerat. Admonet deinde quo studio, quanta cura, quanta etiam sinceritate in huius templi adificatione communiter incumbendum sit. neque enim templum edificare liceret, simplici tantum altari consecrato officio & debito suo, atque iussioni diuinae satis fieri posse ait, nisi inceptum opus perficiatur: quod gratum Deo fore consequens statim publicis & priuatarum rerum felicitas demonstratura sit. Conuerso demum ad Zorobabelem sermone maximam familiae suae dignitatem fore vaticinatur. quae quanquam illis temporibus regis honoris & muneris diadema non obtineret, tamen sub ipsum templi illius finem ac post tertij initia, perpetuo Christi regis aeternoque splendore illustranda esset: cuius maxima virtute & efficientia, diuina misericordia & gratia ad omnes nationes pertineat.

 N anno secundo Darij regis, in mense sexto, in die una mensis, factum est verbum Domini in manu Haggæ propheta, ad Zorobabelem filium Salathielis ducem Juda, & ad Jesum filium Josedec sacerdotem magnum dicens.

**A**D HAGGÆI explicanda vaticinia quædam de Babylonica transmigratione, & de Ierosolymorum restitutione paulo altius repetere placuit. quæ sui ipsorum contemplatione, & explicandarum rerum illustratione pretium operæ attendentium absoluant. Igitur Iudei, ut ex sacris historiarum & vaticiniorum libris accepimus, à Chaldeis victi, & in Babyloniam ex diuini iudicii sententia migrare coacti sunt; ut qui religionem pietatisque officia omnia peruertissent, atque superstitionis, incestus homicidiorum, & aliorum, quæ ad hæc referuntur generum sceleribus sese contaminassent. Præterea etiam quod prophanandis festorum rationibus, contaminandis iudiciis, iniuriis rapinisque assidue per nefas nobilitati legitimas terræ aruorumque vacationes auarè simul & impiè corrupissent, omnem denique veteris disciplinæ formam, & rempublicam omnem peruertissent. Captiuitatis autem tempus, pro Iudæorum, & vacationis interturbatæ ratione, ad septuagesimum usque annum prorogandum esse Vates prædixerat. Etenim antiquum illud de hominum salute per Christum afferenda consilium nunquam Deus mutauit, sed illud semper maximè prouidit, quemadmodum cum iusta & æqua in sceleros homines animaduersione propositum suum illud diuinumque consilium commo- dissimè tandem exequeretur. Igitur post septuaginta annos Iudæi in patriam diuino beneficio reducti sunt, ubi antea actis laboribus & periculis resipiscences, atque ad bonam frugem recepti, in perpetuæ deinceps gratulationis, supplicationis officio persisterent, & futuram vniuerso orbi salutem, saluatoremque illum patribus olim promissum, votis ac precibus assidue peterent: atque hoc modo, & sibi propitium Deum, & communi saluti promptius consulentem reddere oportuit. Neque enim illa ex Babylone libertas certam, perfectam atque exactam salutem illis attulit, quibus tot fratres, tot filii toto orbe dispersi dissipatique superessent: sed tamen ad communem salutem optandam, sanctiusque petendam maximas commoditates illa Iudæorum in patriam restitutio continebat. namque & virtutibus officiisque exercendis, precibus & votis faciendis, religionis legitimæ studiis liberius vacare licebat populo à prophano aliarum gentium commercio & societate subducto, cui & templi ad sacrificia & supplicationes commoditas esset & copia. Atque hoc firum de Iudæis ex Babylone liberandis & reducendis consiliū Deus apud Ieremiam Vatem aperte exposuit. Hæc dicit Dominus, Cum cœperint impleri in Ierem. 29. Babylone septuaginta anni, visitabo vos & suscitabo super vos verbum meum bonum, ut reducā vos ad locum istum. Ego enim scio cogitationes, quas cogito super vos ait Dominus; cogitationes pacis & non afflictionis, ut dem vobis finem & patientiam: & inuocabitis me, & cætera, quæ his subiunguntur omnia. quibus quamobrem Iudæi in patriam restituendi essent, ante oculos exponitur, ut videlicet pietatis & poenitentiae studiis, votis ac precibus, humilique supplicationi, & communis perfectæque salutis petitionibus commodius vacare possent. Atque huiusmodi consilium suum cogitationes pacis, & non afflictionis appellat Deus, quas eò præcipue pertinere dicit, ut det illis finem & patientiam, siue ut ex Hebraico exponimus, posteritatem & expectationem. Posteritatem verò & expectationem redemptionem atque salutem perfectam interpretamur, quam illi, cuius nos omnes filii eramus, finis atque modus imponendus fuerat. Quamobrem subiunxit: Et inuocabitis me, & venietis, & orabitis me, & ego exaudiam vos. Huius namque rei gratia in patriam restituendi, & libertatis, doctrinæ, templi, ac sacrificiorum commoditatibus augendi erant. Neque enim illa verba, inuocabitis me, & venietis, & orabitis, admonitionis & exhortationis, sed magis imperij, atque præcepti sunt, quæ si sanctè illis procurarentur, quid Deus ipse præstiturus esset deinceps exponit. Cum quæsieritis me in toto corde vestro, inueniar à vobis, dicit Dominus, & reducā captiuitatem vestram, & congregabo vos de cunctis locis, ad quæ expuli vos, &c. Namque de libertate ex Babylone hæc interpretari non debere res ipsa docet, quod eius libertatis compositibus supplicationes precesque, ad sui cæterorumque fratrum certam diuinamque salutem impetrandam denuntientur. Atque hæc de illa ex Babylone libertate diuini consilij ratio nobis ex sacrorum librorum lectione reddita est.



Ut autem in eam, quam diximus, orandi, supplicandi petendique curam & studiū commodius publicè & communiter incumberetur, templum illis rursus ædificari ac reficere Deus voluit: in quo frequēs hominum conuentus communi studio ad pietatis cultum, atque supplicationum feruorem melius atque commodius incendi posset. namque hæc publicè sacrandarum ædium ratio est, sicut scriptum est: Domus mea domus orationis vocabitur omnibus gentibus. Quid verò in causa fuerit, quamobrem Iudæi in templo ædificando sese negligentius gesserint, paucis exponemus. Durissimam atque integram apud Babylonios captiuitatem, quinquaginta tribus ferè annis & non amplius durasse, Hebræi auctores hac ratione colligunt. Ierusalem capta fuit anno decimonono Nabuchodonosoris, qui quadraginta quatuor annis rerum potitus fuisse à Iosepho traditur: ab aliis verò, quadraginta & quinque. Huic successit Amilinus Euilmerodacus, quiscundum Hebræos annis tribus & viginti regnavit: quem Cyrus primus, ut antiqui Hebræi volunt, secutus, neque ultra tertium annum regnum obtinuit. Huius verò spiritum à Deo excitatum, ut Iudæis in patriam remigrandi copiam faceret, in sacris historis legimus, hætenus quinquaginta duo anni fere sunt: quibus si decem & nouem ab initio regni Nabuchodonosoris adiugas, fient septuaginta integri & vno amplius, quo redeundi copia per Cyrum facta est. atque hic numerus Ieremiæ vaticinio conuenit. Cum inpleri cœperint septuaginta anni Babylonii: namque in datiuo casu Hebraicè est. Numerabat autem Vates ab initio regni Nabuchodonosoris. at verò post Cyrum Assuerus regnavit, cuius regni initio sacrum opus, ob finitimarum gentium calumniā, interturbatum intermissumque est, vsque ad secundum Darij filij eius annū: quem Esther filium fuisse Hebræi tradunt. Cum autem Iudæi intermissum diu sacri templi ædificandi opus, ob regium edictum, & vicinorum interturbaciones, iam ferme desperantes deseruissent, Haggæum sancto spiritu ductum de eare Vatem à Deo legatū adhortatoremq. acceperunt: quē, cuiusnam tribus & familiæ fuerit, non planè nobis sacra scripta indicat. Fuisse autē ex Iudæis, vel qui ex Babylone redierant, vel qui Ierosolymis manserant, ex eo ipso quod inter Iudæos versatus vaticinatusq. fuerit, coniecturam facimus; cum præsertim cæteris tribubus toto orbe dispersis rarissimi in illis regionibus extarent, qui Israël religionē & nomen integrum tuerentur. atq. ad hanc rem, hoc est templi ædificationē persuadendā, mitti hunc Vatem oportuit. huius verò quinq. vaticinia, quorum argumentū ad eandemq. rem, hoc est ad tēpli ædificandi procurationē pertinet, vno tantum anno tractataq. fuere, à quarto videlicet ad nonum mēsem: ultra quod tēpus nunquā amplius prophetico munere functus publicè fuisse dicitur. huius autē legationis ratio ad duos populi principes Zorobabelem & Iesum filiū Iosedec præcipue spectat, penes quos omnis, & ciuilis, & sacra populi gubernandi, reipublicæque gerendæ potestas illa tempestate fuit: cum alter ducis & principis, alter verò summi & maximi pontificis munere fungeretur: ad quos tamen referenda res hæc Haggæo Vati data est, ut diuinæ voluntatis consilium, quod apud eos exequendum erat, legationis auctoritate constaret. Illud verò animaduersione dignum videtur, in referendo virorum genere non semper consequētiā rationem consolidari, sed quosdam filios iis nonnunquam ascribi, qui illustriores in sua familia fuerint, vel iis à quibus domi educti atque educati sunt, tametsi aui, vel patruj, vel auunculi fuerint, vel adoptionis iure patres dicantur. Sic Zacharias filius Ghido dicitur, cum verè nepos Ghido ex Barachia filio fuerit. Et Michol filiæ Saulis, cum per totam vitam sterilis permanferit, quinq. tamen filij, adoptionis nimirum atq. apud se educati ascribuntur. Itaque Zorobabel Salathieli, vel ob nominis splendorem, vel, quod certius arbitramur, domesticæ ac familiaris educationis causā, filius assignatur, quod is potissimū sibi & nominis & muneris hæres fuerit delectus. Appellatur autē Zorobabel dux, nā quamquam ex regia Davidis familia esset, tamen neque regiū diadema, neq. munus obtinuit, sed à Persarum rege cui Iudæa regio parebat, ob generis nobilitatem & suam ipsius virtutem, reducendo populo dux præfectusque creatus est. Quamquam verò latine dux dicitur, nomenque ipsum bellici magistratus proprium sit, tamen tam pacis, quam bellis rebus gerendis idoneo munere atque officio functum fuisse virum hunc constat: rempublicā enim pro Persarū rege administravit. Quamobrem Hebraicis literis P A H H A T H scribitur, quod non Hebraicum, sed Persicum, vel Chaldæum nomen esse, atque certam quandam præfecturam significare, aliās, Deo inspirante, docebimus. Iesum autem sacerdotem summum patri suo Iosedec in sacerdotio successisse res ipsa arguit. namque

diruti à Chaldeis & incensi tēpli temporibus Iosedec pontificali munere auctoritateq. fangebatur, qui & Babylonem cum cæteris suæ gentis hominibus abductus est, vt in 1. Paral. 6. annalibus regum legimus. Igitur Iosedec dignitas & munus Iesû filio hæreditario iure delatum est, à quo etiam in Ghido nepotem permanauit, quem sacerdotio sua tempestate præfuisse Eſdras tradit. Atque hoc primum vaticinium, priusquam à Dario ædificandi templi copia Iudæis facta esset, editum fuisse, res ipsa planè arguit, cum populi de ea re desperantis oratio redarguenda à Vate referatur.

*Hæc ait Dominus exercituum dicens, populus iste dicit, nondum venit tempus domus Domini ædificandæ.*

10 VLTORIS & vindicis cognomen nomini diuino additum est, vt vel negligenti populo timor iniiceretur, vel hostium opus impredientium metus omnis tanto appellato vindice demeretur. [Dicens.] Improbationē referendæ orationis hoc verbum habet, cuius illa sententia est. Huius populi orationem illam Dominus exercituum non probat, sed re ipsa redarguendam tantum refert. [Nondum venit tempus domus Domini ædificandæ.]

15 Tēpus hoc in loco Hebraicè est ג' ה' ת' ה': quo nomine oportunū & maturū rei cuiusq. tempus dici iam alias docuimus, vt illud: Quod fructū suū dabit in tēpore suo. Igitur ex Babylone restitutus Ierosolymitanus populus, cum primis restitutionis annis à tēpli ædificatione impeditus esset, certam perficiendi operis oportunitatē exspectans, sese negligentius gerebat, cumq. de ea re aliquando ageretur, huiusmodi oratione cunctationem suam defendebat. [Nondum venit tempus, &c.] Atque hoc modo templi procuratio vltra

20 constitutum tempus etiam proferebatur, namque eadem populi oratio anno etiam secundo Darij regis fuit: id quod per Vatem nostrum Deus reprehendit, cunctationique atque inertie populi, magis quam temporis rationi attribuit. Quanquam enim primo remigrationis tempore, cum per Cyrum redire permissi sunt, quinquaginta duo anni

25 completi sunt, quibus integra apud Babylonios captiuitas futura fuit, quam vsque ad septuagesimum regni Babylonicum annum duraturam Ieremias declarauerat. tamen reficiendis Ierosolymorum muris, & reædificandis ruinis tempus ad septuagesimum ab excisione annum fuerat prorogatum. id verò spatium secundo Darij anno terminatū est. namque vrbs anno decimonono Nabuchodonosoris destructa est. Penes illum autē

30 illiusque posteros non vltra septuagesimum annum Babylonicum regnū futurū esse vates dixerāt. Igitur dimissio prima sub Cyro anno quinquagesimo secūdo à Nabuchodonosoris regno contigit. à quo tēpore ad ruinarū refectionē decem & octo anni exspectandi fuere, quos hoc modo Hebrai numerāt. Cyrus regnavit tres annos, Assuerus quatuordecim: his adde duos Darij, fiunt decem & nouem. Atque hac ratione vnus iam annus à vaticiniorum tēmino supererat, qui tunc agebatur cum Vates noster de ea re ad præfectum & sacerdotē referens, populū cessationis & negligentie nomine merito accusaret, quod nulla iam tēporis spectatio, sed prima ipsorū desidia in causa esset, quāobrem templū non ædificaretur. Huc ergo omnis illa annorū, mensium & dierū ratio pertinet.

40 [Anno secundo Darij regis, in mense sexto, die vnamēsis.] cum iam secūsus annus Darij, atque vltra præscriptū destructionis Ierosolymitanæ tempus sextus etiam mensis ageretur. Ipsa ergo annorum subducta ratio populi orationē redarguebat. Hactenus primū vaticiniū, quo populus apud vtrumq. magistratum negligentie & cessationis arguitur: atque causa ipsa vel annis tantum numeratis obtinetur. nunc verò deinceps secundū vaticinium est.

45 *Et factum est verbū Domini in manu Haggai propheta, dicens, Numquid tempus vobis est, vt habitetis in domibus laqueatis, & domus ista deserta?*

SECUNDO vaticinio populus ipse compellatus, mendacij, & negligentie erga res sacras & religionis cultum redarguitur, quod temporū rationem perperam fuerit interpretatus. namq. iam diu erat, quod nullo à vicinis impedimento retardati, priuatas ædes sumptuose & magnificè sibi ædificabant, quas trāquillè & placidè inhabitabāt. atq. adeo huius rei comparatione diuinam causam Vates probat, & confirmat argumēto à cōtentione ducto: dicendi autem figura admiratione vsus, quæ ad vehementiorem probationem maximè idonea est. Qui conuenit, inquit, vt plurimas & maximas, magnoque artificio constructas ædes vobis parare & habitare per tempus liceat, & tamen vnā hanc

55 Dei exercituum ad eam desertam excisamque restituere non liceat. num cæteris priuatis ruinis refarciendis oportunitas constituta hanc vnā publicam Dei domum excepit? Num

Num vitæ necessitas vobis ipsis prius consulendum suasisit. cum tamen diuina primùm, deinde humana curare oportuerit. num facilius est plures vel singulas ædificandas domos singulis, easque materia & opere sumptuosas, quam vnā omnibus ædificandam curari: atqui neque vitæ necessitatem, neque paupertatem & inopiam excusare integrum est iis, qui ad luxum laqueatas cedro ædes sibi ædificant, quas & inhabitare integrum est iis, qui candi necessitate vrgentur, sed habitadi iam commoditate summo cum otio fruuntur. Oportuit autem priuatarum rerum cura liberatos in publicam atque diuinam rem studiosè incumbere, sibi que principem suum Deum propitium & placidum, religionis & cogitatum rationem sequutos orationis & consilij vestri poenituerit; tamē periculis ipsis & damnis diuini de ista negligentia iudicij admonitos esse oportuit.

*Ponite corda vestra super vias vestras. Seminaſtis multum, & intulistis parum: comedistis, & non estis satiati: bibistis, & non estis inebriati: operuistis vos, & non estis calefacti, & qui mercedes congregauit, misit eas in ſacculum pertuſum.*

HACTENVS ab antecedentibus & coniunctis, atque similibus; nunc verò deinceps à conſequenti euentu, cui cum antecedentibus maximè conueniat, arguit: ex quibus certissimam de diuino iudicio & voluntate coniecturam illis factam fuisse oportere confirmat. namque violatæ & neglectæ diuinæ voluntatis culpam, communi quadā familiaris rei infelicitate & damnis, laborumque frustrationibus mulctandam esse, præter aliarum pœnarum genera, diuina lex denuntiauerat. Quod si non audieris vocem Domini, ut custodias omnia mandata eius, & ceremonias, quas ego præcipio tibi, venient super te omnes maledictiones istæ. maledictus eris in ciuitate, maledictus in agro, &c. Ad huiusmodi igitur cogitationem istorum animos reuocat Vates, ut ex euentorū cum antecedentibus comparatione consilij studijque sui peruersitatem facile existiment. [*Ponite corda.*] idem, quod apud latinos, attende animum, significat. [*vias vestras,*] rerum agendarum rationes, antecedentia consequentiaque omnia, atque euentus. [*Seminaſtis multum, & intulistis parum.*] cum tamē rerum natura ita comparatum sit, ut agri plus multo quam acceperint, cultoribus reddant. Quid ergo causæ est quominus agrorum ingratitudinem ex culpæ vestræ & diuinæ offensionis rationibus interpretemini? [*Intulistis.*] linguæ vsus obtinuit, ut ex vno verbo integra accipiatur sententia. maximè autem hoc in artium sermonibus obseruatur, ut in agricultura, architectura, medicina & pictura: eaque omnibus ferè linguis communis ratio est, ut facere, cum de arboribus sermo sit, fructum proferre significat; cum de religione, sacrificare, &c. sic inferre, fructus domum afferre, vel in horrea congregare. neque verò solum in fructuum perceptione, sed in vsu etiam infelicitatem illis deprehendi & sentiri Vates ait. [*Comedistis, & non estis satiati.*] quod omnia quæ ad vsū sibi parata essent, sua vi & naturali facultate, ex diuini consilij sententia, destituerentur: id quod ex vini etiam ratione arguitur, cuius magis, quam ciborum præsens vis & efficientia est. namque vinum largius haustum ebrietatē continuò efficit: quæ res ipsum parcius ebibitum valere etiam arguit. quod verò inutile omnino atque inefficax sit, signum est, etiam plena amphora ingurgitatos, nunquam tamen inebriari atque obrui. Omnis autem alendæ vitæ facultas cibo & potu, atque vestitu constat, illis vires reficiuntur, hoc mēbra fouentur, calorque natiuus temperatē conseruatur: sed tamen hac etiam vestimentorum vtilitate priuari illos ait. [*Operuistis vos, & non estis calefacti.*] Quanquam non cultiori solum, sed multiplici vestium genere fueritis induti, tamen perinde iuuamini, ac si nudi ageritis. atque hæc nimij & onerosi vestitus cura verbo infinito Hebraicè indicatur, [*vestire, inquit, & non ad calefaciendum,*] cum laneæ vestis natura ad fouendum calorem idonea maximè sit, nec feliciore hoc ingenere condicione pauperiores vtuntur: quibus victus ratio solo labore constat. ij enim acceptæ ex labore mercedis infelicitate æquè premuntur, atque ij, quibus fundi & agri annonam suppeditant, ut non casum, sed offensi & irati numinis consiliū interpretari oporteat. [*Et qui mercedes congregauit, misit eas in ſacculum pertuſum.*] Magno labore inutilis questus à pauperiorib. fieri, prouerbiali oratione significat: perinde enim pficere mercedes ait, ac si in ſacculū pertuſum missæ fuerint, ex quo, mox ut concluduntur, imprudentibus decidunt,

decidunt, & non sine magno Domini ipsius dolore pereunt: cui tātus labor frustra fuerit consumptus. Ita adeo communem omni populo, atque in omni rerum genere infelicitatem, non casum, sed offensi atque irati numinis iudicium & animaduersionē interpretari oporteat, quod ob communis omnibus rei violationem vel negligentiam acciderit. nulla autem res æquē pauperibus & diuitibus communis, atque religio est. Igitur vel hoc vno argumento templi ad pietatis cultum ædificandi, & pietatis neglectæ culpa sese premi intelligere potuerant & debuerant. Atque oportuit corda atque animū ad hanc rem cognoscendam attendere. Verū enim uero studiorum & laborum infelices euentus, in magnam felicitatem conuerti posse hoc vno pacto docet, vt religionis res & templi ædificatio diligenter & sanctē curentur. namque diuinarum rerum certa & legitima obseruatio humanas omnes res commodissime producit & perficit: id quod cōtra euenit si secus agatur. has enim sequi, illas præire semper oportet. Igitur ad suam ipsorum rem rectē & ritē putandam illorum animos Vates reuocat & exhortatur.

*Hæc dicit Dominus exercituum, ponite corda vestra super vias vestras.*

Hoc est, consulite sapientius, & prouidete rebus vestris, quas hactenus ob religionis negligentiam ultore Deo detritissimas experti estis. his autem commodissime consulitis, diuini prius honoris & dignitatis, quā humani commodi rationes procurando: id quod euentu ipso probabitur.

*Ascendite in montem, portate ligna, & ædificate domum: & acceptabilis mihi erit, & glorificabor dicit Dominus.*

Non tam rerum magnitudine & sumptu, quā colentiū obsequio & studio delectari se Deus declarat, qui facili materia & cōmodo magis atq. breui, quā diuturno opere domū sibi parari ædificariq. iubet, quā sibi illisq. faustā fore in sese recipit. Neq. verò de lapidibus excindendis artificiosēq. expoliendis vlla mentio fit, sed quod factu ac parari facillimū est, ligna in montē ipsum Moriam cōportari, quibus muri & tectū præcipuē contignētur: eamq. domū vbi facta tecta q. fuerit, sibi gratissimā fore, maximoq. felicitatis publicē edito exēplo, magis quā opere ipso amplificandam pollicetur. namque in eam venturū Messiam suum subindicat, cuius aduētus salutem publicam omni orbi allaturus, ad diuini nōminis gloriam & sanctificationem pertineret. [*Acceptabilis mihi erit. quanquam materia & opere longē quā prior illa, minor sit. Et glorificabor, dicit Dominus.*] Promissionē gloriæ tēplo ipsi ex sua ipsius gloria redundātis futuræ hæc oratio habet. Est autem magnū in Hebraicis literis hoc loco mysteriū: nam verbū & glorificabor ea ratione scriptū est, vt Latine, *Et glorificabor, & glorificabo eam*: sic tamen scriptum est, vt glorificabor integrum sit, glorificabo eā, non item integrū. atq. illud huiusmodi mysterio significatur, diuinā gloriā ex Iesu Christi aduentu, rebus gerendis, obeunda morte, resurrectione, ex mortuis, paracleti spiritus missione, ex omni denique promissi beneficii genere plenē atq. integrē constantē fore. Huius autem tēpli in quo hæc omnia edenda fuerint, magnā quidē esse, non tamen integrā, planeq. absolutā. quandoquidē tantā Dei beneficia ab iis, qui templū illud frequentarēt, minus diligēter, quā oportuerat, perpensa, & minus gratē accepta, imò, quod nefariū omnino fuit, à plerisq. illorum repudiata sunt, sicut scriptū est: In propria venit & sui eū non receperunt. Quæ quidem res in causā fuit, vt & Ioan. 1. tēpli & gētis ipsius dignitas atq. amplitudo omnis euerteretur. Id quod quāuis Deus cognouerit, præiudicet, atque oratione ipsa significauerit, nihil tamē obstitit, quo minus rectē iteq. agendā curandamq. pietatis rem, templumq. ædificandū cōmendarit, vt si non ipsi quod ipsorū fuerat, hoc est, fidem & pietatem integrē & legitimē, at ipse tamen quod suum erat, hoc est promissa sua diuina plenissimē præstaret: quæ ad eos saltē pertinerent, à quibus libenter & gratē fusciperentur, sicut scriptū est: Quotquot autē receperunt eū, dedit eis potestatem filios Dei fieri, &c. Igitur magnā non solum animorū (quæ præstantissima est) sed familiaris rei felicitatem Ierosolymitanis religionis cultū & tēpli ædificationem sedulō procurantibus Deus pollicetur: magnam rursus infelicitatem negligētibus, atque priuata & prophana cōmoda publicis & sacris rebus antepōnēti populo minatur.

*Respexistis ad amplius, & ecce factum est minus: intulistis in domum, & exufflaui illud: quam ob causam dicit Dominus exercituum? quia domus mea deserta est, & vos festinat is vnusquisque in domum suam.*



EARVM quæ ante hac fuerant illis rerum imaginem ante oculos proposuit: nunc verò earum quæ sequentur, nisi diuinæ religioni pure & legitime consulatur, multo deteriorē futurā esse denuntiat. namq. omnē peruincendā miseræ spem, qua in miseris rebus homines ali solent, irritā fore confirmat. [*Respexistis ad amplius, & ecce minus.* Hebraicè & Chaldaicè infinitè profertur verbū, sic: *Respicere ad amplius, & ecce minus.* Ipsa sermonis ratio illorū res magis indies detērendas fore significat. namque articulus ille, siue prepositio, *Ad*, vltiorē motū indicat, Hispanè, *Mirar à de lante y caminar paratras*. [*Et intulistis in domum, & exufflaui illud.*] Præteritum coniunctione *Vau*, appositā, diuus le-  
ronymus, ceterique omnes qui Hebraicè dedicere, pro futuro accipiūt, [*Inferetis in domū, & exufflabo illud.*] Ipsum verò verbū aspicere, siue vt in Hebraico propriè est, faciem intendere, futurarū rerū prospicientiam atque vltius tendēdi consiliū conatumq. significat. namq. iter agentibus familiare est, vt: *Intenderunt faciē inde, & abierunt Sodoma.*  
Gen. 17. „ &: Vos autē intēdite, & abite in solitudinē, &c. [*Et exufflabo.*] Cum Deus iratus ignē cō-  
Deut. 1. „ fumentem se esse dixerit, quicquid in agro studio & labore vix conquisitum comportatumq. domū fuerit, halitu suo exurendū & debilitandū ita esse ait, vt inane prorsus atq. inutile reddatur. est autē verbū hoc in loco ex illa ratione: Ecce ego creauī fabrū sufflantem in igne prunas. Porro Chaldaus paraphrastes orationem hanc a translatione ad simplicitatem more suo apertē reduxit. Et ego, inquit, mittam in illud maledictionē. Atque tantæ calamitatis causam, ædificandi templi cessationem, & priuatarum rerum curam esse Deus ipse definit. quandoquidē naturę cursum certo modo & loco constanter impeditum non nisi ex diuino consilio & iudiciō interpretari sapiens & prudens vir possit, maximè si cum prædicta & explicata causa euentus ipsi, vt denūtiati fuerint, cōueniant. [*Quam ob causam? nisi quia domus mea deserta est, & vos festinatis vnusquisque in domum suam.*] [*Festinatis.*] Magnam priuatarum rerum curam, solitudinem atque assiduitatem hoc verbo significauit, cum diuina & publica imprimis, postremò autē priuata curari oportuerit. Hanc verò studiorum peruersitatem quanta rerum calamitas consequutura sit, statim Vates denuntiat.

*Propter hoc super vos prohibiti sunt celi, ne darent rorem, & terra prohibita est ne daret germen suū: & vocaui siccitatem super terrā, et super montes, & super triticum, & super vinū, & super oleū, et quaecunque profert bimus, & super homines, et super iumenta, et super omnem laborem manuum.*

OMNE hoc, cui mundicelique nomen inditum est, in hominum comoditates atque vsus conditum esse diuina philosophia docet. Cælum celi Domino, terram autem dedere filiis hominum. namque fingendo ad imaginē & similitudinē suā ex terræ limo hominibus commodissimā domū, atq. omnibus rebus quæ ad vitā victumq. necessarię sunt, affluentem parare & cōstituere Deus voluit. de qua nobis eodē propitiō aliàs differendum erit. Merito autem cōmunis hominū cura & prouidentia à Deo remittitur: vbi exigua quædam diuino cultui sacrandā ædes, propter priuatæ rei curam negligitur. Hoc autē malū non omnibus nationibus aut locis, sed iis tantum qui neglectæ religionis culpa teneantur, euenturum esse ait. Quod priuatē allatum certam diuini iudicij sententiam arguere testariq. possit. [*Prohibiti sunt celi, ex diuinæ sententiæ decreto, ne darent rorem;* ne rorem quidem; qui neque in grauissimis & sterilissimis annis, ipsa etiam ætate, deficere solet, cælum regionibus dabit, nedum oportunas pluuias & imbres fuerit suppeditaturum; & terræ etiam natiua vis ad plurimas generandas, ex seseque producendas res, maxime verò plantarum herbarumque genera omnia, sicut scriptū est: *Germinet terra, &c.* Genes. 1. „ Vobis ne quicquam commodum aut vtile proferat, prohibebitur: id autē quomodo effici possit statim declaratur. [*Et vocaui siccitatem.*] Præteritū pro futuro coniunctione addita. [*Super terram,*] Super Israëliticam religionem, quæ quanquam celi solique naturæ & diuino præcipue beneficio beatissima olim fuerit; nunc tamen ob cultorum culpam effocta & sui dissimilis euadet. Idem enim Deus qui priuatis beneficiis regioni illi cōsue- luerat, sterilitatem sese deinceps vocaturum dicit. quæ cum præter naturam & consuetudinem accidat, diuinam vltionem & vatum prædictionibus consentaneā testatura sit. [*Siccitatem,*] Hebraicum verbū *H H O R E* b ariditatē, consumptionē, sterilitatemq. significat. atque adeo natiuæ rerum virtutis defectionē & abscisionē dicere possumus, si rem  
Psalm. 106. „ ipsam describamus, cuius illud apud diuinum Vatem exemplū est: *Posuit flumina in desertum*

sertum, exitus aquarum in sitim. terram fructiferam in saluginem à malitia inhabitatum in ea. Illud verò annotare libuit, magnam in ipsis Hebraicis verbis vim esse, quam latine reddere minimè plene possimus, namque culpæ annotatione pœnæ ratio pronuntiata est. Vbi nos legimus, quia domus mea deserta est, Hebraicè dicitur, quia domus mea Hihareb. nō ergo in merito, Hihoreb sibi vocanda esse dixit. Eam verò communē omnibus & iunimis & infimis locis forè confirmat, vt neque sponte sua, neque ex humana industria & labore vtile quicquid proferant. [terram.] campos iacentes, qui ob situm humilitatem influentium de cælo imbrium & niuium rorisque vim commodius percipereatque retinere solent. [Super montes.] quorum natura frigidior & humidior cum sit, ariditatem & sterilitatem minus metuit. Ipsa quoque plantarum generatiua illa germinandi proferendique fructus vi, quæ pollent, destituenda fore ait. Neque verò magis eam agriculturæ partem, quæ humana industria, iumentorumque labore constat, valitura nō ostendit. [Et super homines, & super iumenta.] Boues, camelos, asellosque exponimus, quibus rusticæ rei ratio administratur. sed & non minus inutilem fore laborem dicit, quicumque in mercatura & quæstuariis artibus consumatur. [Et super omnem laborem manuum.] Ita fiet vt omni ex parte cumulata infelicitas diuinæ religionis neglectionem yleiscatur. Hac autem Vatis oratione Iudæorum animis, de ædificando templo cogitatio iniecta fuisse narratur. magna enim diuini verbi, maximè si pios nacta fuerit magistratuum animos, in permouendo populo vis atque efficientia spectatur.

Et audiuit Zorobabel filius Salathiel, & Iesus filius Josedec sacerdos magnus, & omnes reliquie populi Vocem Domini Dei sui, & verba Haggæi Propheta, sicut misit eum Dominus Deus eorum ad eos: & timuit populus à facie Domini.

IPSARVM primum contemplatione rerum admonitos diuinæ legis & præceptorum rationem agnouisse narrat, quod ea, quam hætenus experti essent, infelicitas cum propositis ob religionis neglectionem pœnis vehementer conueniret, atque ipsos violatæ pietatis reos teneret. hæc illius orationis sententia est: [Vocem Domini Dei sui.] Porro autem præteritis periculis, atque orationis grauitate, & dicentis etiam auctoritate adductos esse ait, vt fidem diuinæ legationi haberent, atque propositis futuræ infelicitatis minis ac periculis territi, & diuinæ voluntati obedire, & sibi ipsis cōsulere cogitarent. Hoc est quod dicitur: [Et verba Haggæi propheta, sicut misit eum Dominus Deus, &c.] Hæc oratio certam illis legati legationisque fidem fuisse significat. [Et timuit omnis populus à facie Domini.] Religionem imprimis, deinde verò agendæ rei cogitationem futuris infelicitatis metu iniectam illis fuisse narrat. cæterum quia tum regia auctoritate, tum vicinorum metu ab opere reuocari poterant, oportuna oratione & exhortatione, atque securitatis promissione à Vate incitantur.

Et dixit Haggæus nuntius Domini, de nuntijs Domini, populo dicens: Ego vobiscum sum, dicit Dominus.

Quos tempus ipsum & diuina iussio ad ædificandum templum hortaretur, nulla regis facultatis expectatione retardari, nullo hostium aduersariorumq. metu deterri oportere docet, quippe quos Dei, cuius voluntas obseruatur, resq. agitur, inuiolabili tutela & præsidio protectum iri certissimè esset credendum: id quod Vates ipse de Deo maxima fide promittit. Hæc autem oratio ad populum præcipuè pertinet, quippe qui metu & negligentia maximè teneretur, vt superius initio dixerat Vates, populus iste dicit, & cæt. [Nuntius Domini de nuntijs Domini.] Non priuatam, hoc est, suam, sed diuinam fidem legationis auctoritate promissioni adiunctam esse ait, quando Haggæus non suo nomine, sed vt nuntius Domini, hanc etiam inter cæteras sibi mandatas res nuntiauerit: [Ego vobiscum sum.] nihil vobis iussa diuina curantibus à Perfidis rege, neque ab vllō alio homine, aut mali, aut damni metuere aut præcauere, sed securo animo esse Dominus iubet, qui suam vobis sanctè ac purè iussa & imperata agentibus, certam præsentemque tuitionem & gratiam pollicetur. [De nuntijs Domini.] quos diuino nomine & summa auctoritate certissimos afferebat.

Nuntios enim hoc loco mandata interpretamur. Ex hoc autem loco diuina iussa atque præcepta impauide teneri, curari atque agi oportere docemur; quippe quorum diligens atque flagrans studium certum Dei protectoris auxilium; quippe quorum mittat, sicut scriptum est: Tunc non confundar, cum prospexero in omnibus mandatis tuis. His autem rebus omnibus reuolatos ducis & sacerdotis ac populi animos, atque ad sacrę legationis susceptionem iam permotos, diuina gratia & numine magis incitatos, atque ad agendam rem firmatos fuisse Vates narrat.

*Et fuscitauit Dominus spiritum Zorobabel filij Salathiel ducis Juda, & spiritum Jeshu filij Josedec sacerdotis magni, & spiritum reliquorum de omni populo: & ingressi sunt, & faciebant opus in domo Domini exercituum Dei sui.*

DIVINAM gratiam quam consequentem theologi appellant, ijs præsto esse, quibus ea quæ antecedens dicitur, non frustra fuerit oblata, locus hic planè admonet: atque illud præterea docet summos rerum publicarum gubernatores, qui rectè munus suum gesserint, ad ea, quæ publicam rem attingunt, cognoscenda & curanda primos omnium diuina virtute auctos incitari informarique solere, maximamque ad permouendum populum efficientiæ partem in horum exemplo esse positam. Deinde illud porrò admonemur in religionis & pietatis rebus curandis, communem vtriusque magistratus & partis, & sacrorum videlicet & laicorum sententiam & conspirationem, commune consilium & studium, communem denique operam esse oportere. ex eo enim fit, vt res melius procedat, & populus imperata libentius atque studiosius exequatur, si in ijs, quæ pietatis & publicæ rei sunt, nulla honesta re sibi dissentire vtroque magistratus intellexerit [*Et ingressi sunt.*] Ingredi hoc loco venire significat, quo verbo commune studium & cura atque sedulitas indicatur. [*In domo Domini exercituum Dei sui.*] Id enim opus iustè ac legitime susceptum, nomen Dei, cui magna cultura & pietas debetur, declarat: tutò autem & magna cum fiducia iniri Dei exercituum tutoris & propugnatoris appellatum nomen confirmat. Quo autem tempore primum opus ipsum publicè coeptum initumque fuerit, primo consequentis capituli versu indicatur. namque Hebraicè hoc vaticinium, vt alia multa perpetua oratione scriptum est: Latine autem ob legendi commoditatem interfectis capitibus distinguitur. quam rem ad sententiarum consequentiam tenendam obseruare plurimum persæpe retulerit. Maturatum autem opus fuisse constat, quod vicesima tertia die à prima Vatis actione inceptum est. Certum enim Dei consilium & voluntatem omni diligentia consequi semper oportuerit, sicut scriptum est: Maledictus, qui facit opus Domini negligenter.

## CAPVT II.



*N die vicesima & quarta mensis, in sexto mense, in anno secundo Darij regis.*

NONDVM peracto à prima Vatis legatione mense, materiem operi faciendo idoneam comportari coeptam fuisse narrat. namque ædificatio ipsa non ante vicesimam quartam noni mensis, vt inferius explicatur, incepta est: quo tempore ædificandi templi copia, ex Persarum regis consilio & decreto facta illis fuit, Deo incensis pietatis studiis consulente. Paucis autem diebus post, hoc est, post mensem fere, Haggæ vaticinium aliud creditum est, quod ad ædificandi templi commendationem spectabat. Quamobrem temporum rationes coniunctæ simul eodem capite fuere. Tertium autem vaticinium, cuius initium est, In septimo vicesima prima die mensis, his etiam adiunctum est. Deinde etiam quartum eodem capite est positum. Atque ita ad vnam lectionem omnis dierum simul relata ratio est.

*In septi-*

In septimo mense vicesima & prima die mensis factum est verbum Domini in manu Haggai Prophetæ, dicens: Loquere ad Zorobabel filium Salathiel ducem Juda, & ad Jesum filium Josedec sacerdotem magnum, & ad reliquos populi, dicens:

TERTIVM vaticinium hoc ad illum vsque versum pertinet. [In vicesima & quarta noni mensis.] Cuius argumentum ad ædificandi templi dignitatē, non ex materiæ & operis magnitudine, sed ex diuini beneficii ratione commendandā spectat. namque cum hoc posterius templū tum ædificij modo à Persarū regibus præscripto, tum structuræ & materiæ ratione, quod ab ijs, qui ex captiuitate remigrassent, cōstrueretur, antiquo illi à Salomone posito comparari non posset, magnæ ea res tristitiam quorundam ex populo, maxime verò seniorum animis afferebat, atque cæterorum etiam studia non nihil restinguebat. Igitur diuino consilio & vaticinio his hominum cogitationibus, & consequenti ex illis moræ atque impedimento prouisum est. namque & principes & populum & principes allocutus Vates tēpli decus & dignitatē nō tam rerū & operū quibus constet, quam diuinæ auctoritatis nomine atque auspicio definiendam esse, docet. huiusmodi de ea re Vatis oratio fuit.

Quis in vobis est derelictus qui vidit domum istam in gloria sua prima? & quid vos videtis hanc nunc? nunquid non ita est, quasi non sit in oculis vestris?

QUANQVAM altera ædes hæc ab illa fuerit, tamen quod eodem sita loco esset, vnius eiusdemq. domus nomine appellatur. sermo autem ad eos præcipue fit, qui prioris templi recordarentur, quod ij præteriti splendoris recordatione ac dolore, tristitiæ & moræ auctores cæteris essent. Arguit autem Vates ex duplici comparatione, altera diuinarum rerum, humanarum altera, quibus templorum sacrarumque ædium ratio omnis constat, namque in huiusmodi recte curatis atque institutis generibus humanum studium & opera primo & infimo, secundo verò & supremo loco Dei iudicium spectatur. Dignitatem operi non tam ex humana, quam ex diuina auctoritate accedere neesse est. Seniorum ergo orationem alterarum, hoc est, inferiorum rerum comparatione permissa, alterarum verò, diuini, inquam, iudicij & auctoritatis excellentia proposita redarguit, quod ex inferioris generis ratione & modo tantæ rei dignitas falsò æstimanda esse putaretur. [In gloria sua.] in summo illo antiquo splendore. sic Salomonis gloriam Dominus noster dixit: [Et quid videtis hanc nunc?] neque spatio, neque altitudine, neque materiæ ei, quæ antea fuerat, comparandam? cum illa in florentissimis Israelitarum rebus à Salomone opulentissimo & sapientissimo rege, maxima mole, incredibili artificio exædificata, auro obductis muris, vario & multiplici gemmarum genere distincta, cuius memoriæ hæc si comparetur, nulla profecto esse videatur. [Nunquid non ita est quasi non sit in oculis vestris?] idem quod Latinus dicit, nihil esse videri. Hæc autem priore comparatione illis concessa, alteram, quæ diuini iudicij rationibus constat, defendit Vates, magis acceptam gratamque Deo fore hanc confirmans; quippe quam ille totius orbis seruator præsentia sua illustraturus, atque doctrinæ muneribus ornaturus fuerit. Quamobrem maximo studio & diligētia, maxima etiam spe huius ædificationem suscipiendam suadet.

Et nunc confortare Zorobabel dicit Dominus, & confortare Jesu filij Josedec sacerdos magne, & confortare omnis populus terræ, dicit Dominus exercituum.

Et nunc.] Exhortationis verbis omnis hæc oratio constat, in qua principes viri impri-  
mis appellantur, maxime autem Iesus pontifex Josedec filius, qui non tantum honoris,  
sed cognoscendi mysterij causa, & generis & muneris mentione facta, nominatur: quod  
quæ de diuino Messia traderetur mysteria, ad sacerdotes primū cognoscenda, & populo  
aperiēda spectarēt. [Et nunc.] Huius verbi vsus in exhortationibus frequens est, vt: Nunc  
ergo time Deum vestrum. Ita etiam verbum confortare ad difficiliore res  
maxima cum spe felicitis euentus gerendas, vt: Confortare ergo & esto robustus, tu enim  
diuides

Iosue. 24.

Iosue 1.



diuides populo huic terram. Non solum autem euentus proposita spe, sed præsentis Dei auxilio & præsidio promisso, ad opus agendum animantur atque firmantur. namque hæc res ad Darium relata, neque ab illo ædificandi templi copia fuerat facta, vt ex tertio Esdræ libro obseruauimus.

*Et facite quoniam ego vobiscum sum dicit Dominus exercituum: verbum quod pepigi vobiscum, cum egrederemini de terra Aegypti, & spiritus meus erit in medio vestri, nolite timere.*

[Et facite.] Pium opus magno studio suscipere iubet, nulla vel difficultatis, vel importunitatis tergiversatione vel mora interposita, cum præsentis & protegentis Dei nuncii & virtutem experiri facile possint. [Quoniam ego vobiscum sum dicit Dominus exercituum.] cuius præsentia & faciendo operi felicitatem, & perfecto ornametum maxime afferat. Eius verò orationis: [Verbum quod pepigi vobiscum.] Huiusmodi sententia est. Maximum ædis illius operæpretium, non operis magnitudine & sumptu atque magnifica specie, sed diuini numinis gratia & præsentia, providentia atque cura esse definiendum. Vbi enim hæc commoda maxime adfuerint, is locus maximus augustissimusque existimandus erat. Atque hanc vnam rem sibi imprimis promissam, desiderandam, omni studio procurandam; eodem ipso Deo admonente edocti iam olim fuerant. [Verbum quod pepigi vobiscum, & spiritus meus erit in medio vestri.] Iungitur verbum cum verbo illo, Facite, facite, inquit, & præstate vos id quod vobiscum olim constitueram. [Et spiritus meus erit in medio vestri.] Atque hoc pacto domum hanc posteriorem priori illa multo illustriorem reddendam Deus ipse separatim promittit, in seque recipit, eosque ad officium pro sua parte faciendum exhortatur. [Nolite timere.] Vobis, inquit, in condicione atque pacto sancte manentibus timendum non est, vt ob minorem ædis huius magnificentiam & molem spiritus mei cura & providentia, minusque illustri præsentia vt contingat, quibus maximum & præstantissimum beneficium, hoc est, Christum filium meum tantis desideratum seculis donaturum me polliceor, in quo omnis plenitudo diuinitatis corporaliter inhabitat. Ex eo autem fiet, vt huius templi gloria & splendor, multo quam prioris illius maior præstantiorque sit.

*Quia hæc dicit Dominus exercituum, Adhuc vnum modicum est, & ego commouebo calum & terram, & mare & aridam, & mouebo omnes gentes.*

CHRISTI totius orbis redemptoris tempus & rationes hoc loco potentissimus exercituum Deus indicauit. Quo tempore magnam rerum mutationem futuram esse, apud omnes ferè vates testatus est, atque apud hunc manifestè exposuit. Etenim antiquæ legis umbras, in quibus Israëlitarum natio delitescerat, magna & communi gentibus omnibus luce mutandas esse confirmat, & nouam quandam diem omni orbi asuram: Illuminare ijs qui in tenebris & in umbra mortis sedent. Hanc autem in humanis rebus mutationem mundi omnis hominum causa conditi comotione significauit. [Adhuc vnum modicum est.] Ostendit exiguam & angustis terminis contentam fuisse veteris religionis gloriam, quamdiu prioris templi rationes constarent. Eam verò longè dignitate præstantissimam, & propagatione maximam fore, postquam Messias in hoc posteriori templo sibi in publicam salutem dandi, initio apud Ierosolymam facto, toto orbe propagari cœperit. [Adhuc vnum modicum est, Hebraicè, adhuc vnum idque parum.] hoc est, superest adhuc aliquis harum præsentium rerum status, isque & re ipsa, & duratione etiam non nimis magnus, sed paruus. namque à secundi templi ædificatione ad Christiani nominis illustrati initia, quadringenti & viginti anni ferè fluxere, quod tempus cum Christianæ pietatis ætate comparatum modicum profecto est. [Commouebo calum & terram, mare & aridam. Hebraicè est, mare & desertum.] ita vt omnem habitabilem & inhabitabilem, continentem & marinam regionem, ad Christi nomen audiendum & suscipiendum, commoturum se esse dicat, & priorem illam rerum faciem in aliam multo illustriorem commutaturum. Hanc huius loci expositionem spiritus sancti interpretatione apud Paulum docemur. Cuius illa oratio est: Quod adhuc semel dicit, declarat mobilium translationem tanquam factorum, vt mancant ea quæ sunt immobilia, & cetera. [Et mouebo omnes gentes.] Ad carum, quæ subiiciuntur, rerum notitiam & expectationem. Atque

Lucæ 1.

Hebr. 12.

Atque hoc modo huius carminis sententia componitur. huius templi noua ratio, non modo cum primis & florentissimis temporibus comparata, exigua esse deprehenditur; sed adhuc sic cum futura ætate cõferatur, parua admodum iudicabitur. namque adhuc vna magnitudinis & dignitatis comparatio superest, ad ea felicissima tempora quæ tunc consequentur, quando mouebo cælum & terram, &c. Qualis autem ille futurus rerum status, quantusque expectari posset, deinceps exponit.

*Et mouebo omnes gentes, & veniet desideratus cunctis gentibus: & implebo domum istam gloria, dicit Dominus exercituum.*

10 H V N C locum de sancto ac diuino spiritu omnibus gentibus ad felicitatem necessariò interpretamur, quem spiritum sanctificationis apostoli nominant, donatum à Deo per Christum redemptorem, & procuratorem omnibus obedientibus sibi. Huius verò spiritus sancti desiderio maximo gentes omnes etiam quæ Christum non expectassent, iam inde à principio teneri, dum modo infirmitatem sentiât suam, nos alio in loco, eiusdem spiritus auxilio, docebimus. Atque huius spiritus efficientia & virtute presenti, ac perpetua in habitatione domum aliam terciâ sibi ædificatum iri significat Deus; quæ maximis gratiæ & diuinarum virtutum muneribus ornata, tantum primæ & secundæ splendore & dignitate excellat, quantum humana diuinis, ruitura & mutabilia perpetuis & constantissimis exuperantur. Hanc autem domum viuus lapidibus cõstantem, 20 incomparabili argenti & auri vi obductam, multo & vario gemmarum, & pretiosissimo lapidum genere distinctam & ornata, variis in locis apostoli describunt, & templû sanctum Domini appellant; atque exemplar illud esse dicunt, quod Moyse in monte diuinitus monstratum fuerat: cuius instar & tabernaculum in solitudine, & templum deinde Ierosolymis habuit. Illud autem quod ostensum fuerat, longè fuisse præstantissimum, Hebr. 8. 25 vel ex vno exemplaris nomine ab apostolis arguitur. Igitur triplicem domus ædificationem agnoscimus; primam illam Salomonis studio & cura confectam; secundam quam Vates hic procurari persuadet; tertiam quam Ierosolymam inchoandam, sed toto orbe producendâ esse Haggæus vaticinatur: cuius comparatione nõ modò secunda hæc, sed & prima illa à Salomone perfecta, exigua admodum erit. Itaque post veterum & mobilium mutationem, ad huius postremi templi ædificationem omnes gentes monendas fore sibi Deus pollicetur, atque misso diuino spiritu domum tertiam æternam, piorum omnium societate constantem, ecclesiam parandam. [Et implebo domum istam gloria.] Istam quam postremo loco significauerit exponimus. Est autem apud Hebraicos artifices vna ex sententiarum figuris, quam ipsi Agab gerara, hoc est, post definitionem dicunt: ea à 35 nostris rhetoribus Significatio appellatur, cum ex alio dicto aliud intelligitur, vt cum ex rubi maris historia Christi mortem & resurrectionem, magis etiam ex literæ sententia, quàm ex allegoria docemur. Huius autem figuræ multa genera atque exempla sunt, ex quibus vnum hoc quod interpretamur, est. siquidem à primo & secundo ad tertium templum Vates orationem deduxit. cuius sanctam arcanamque fabricationem ornamentumque omnem sibi acceptum tribuendum Deus ipse confirmat.

Ad Herennium lib. Isaac Hispanus in Haggæum cap. 2

*Meum est argentum, meum est aurum, dicit Dominus exercituum. Magna erit gloria domus istius nouissimæ plusquam primæ, dicit Dominus exercituum: & in loco isto dabo pacem, dicit Dominus exercituum.*

45 ILLUD iam sæpius admonuimus, nomen Dei exercituum, facultatis ad rem gerendam probandæ causa, in sacris orationibus appellari. Horum autem versuum huiusmodi sententia est. Vera & illustria sacrarum rerû ornamenta nõ tam ex auro & argento quod terra gignat, spectanda esse, quàm ex alio auro atque argento, quod diuinis thesauris conseruiatur, quod ex fluminibus de paradiso voluptatis promanantibus, colligitur. De quo illud per significationem scriptum est: Vbi nascitur aurum optimum, & Bdellius lapis. Neque verò si auro atque argento terreno agendum esse, id posset in hoc secundo templo desiderari, quando nihil Salomoni comparatum fuerit, quod Deo ipsi comparatu facillimum non sit, sed auro suo & argento suo opus esse; cuius maximam vim ad ornamentum tertij huius templi, de quo sermo fit, expendendam sibi fore pollicetur: ita porro fiet, vt sit gloria domus istius nouissimæ magna plusquam primæ. Verba ipsa, nouissimum & primum, quæ de pluribus, quàm duabus, dicuntur rebus, terciæ domus à no-

Genes. 2.

bis definitæ significationem manifestè indicant. namque nec Hebraicus sermo vocem *Ahharon*, neque Latinus *novissimum* ad duo vnquam refert. Piam demum quandā ac perpetuam pacē huiusmodi temporibus consequuturā fore cōfirmat; nō quomodo amittitur, sed qualē ipsa hominū natura desiderare à deoq. efflagitare debeat. [*Et in loco isto dantur: Gloria in excelsis Deo, & in terra pax, &c. [loco isto.]*] Templum hoc sanctum quod describebat, domū, inquā, tertiam Deus indicauit, quod si ad ipsam Ierosolymam quod sitrem urbem referre velis, perinde est. namque salutis publicæ procuratio illo in loco facta fuit, & prima etiam huius tertij templi fundamenta per spiritum sanctum Christi eodem loco iacta sunt.

*In vicesima & quartā noni mensis in anno secundo Darij regis, factum est verbum Domini ad Haggæum prophetam dicens. Hæc dicit dominus Deus exercituum: Interroga sacerdotes legem dicens, Si tulerit homo carnē sanctificatam in ora vestimenti sui, & tetigerit de summitate eius panem, aut pulmentum, aut vinum, aut oleum, aut omnem cibum: nunquid sanctificabitur? &c.*

VARIA & multiplex apud Hebræos, Græcos, & Latinos interpretes, loci huius expositio est; neque nobis breuitati consulentibus, vel religiose, vel cōtentiose referēda, vna tantū explicatione cōtentis, eaq. quā cōmodè cōtingere potest, ad lectionis ipsius simplicitatem relata. Igitur totius sententiæ argumentū illud est. Iudæi cū primū ex Babylone in patriam remigrarūt, aram Deo ex sacerdotū cōsilio dedicādam consecrandāq. curauerāt. quā quod assiduis, & quotidianis hostiis ex more, atque etiā priuatis multorum sacrificiis frequētarent, satis superq. sibi esse putabāt ad religionis & ceremoniarum procuratiōē, atque ad supplicationes & p̄ces, ceteraq. diuini cultus officia. quā obrem neglecta & deposita tēpli ædificandi cura, priuatis domibus cōstruendis, rebusq. agēdis studiū operamq. omnē nauabāt. Quæ ex animi sentētia processura populus credidit, quasi sola aræ cōsecratione, & sacrificiorū assiduitate, religionis ac pietatis officijs abūdē esset satisfactū. Hanc populi opinionē apud sacerdotes ex diuino mandato Vates redarguit; atque eadē opera sacerdotum, negligentia improbat. qui, quod assiduè aræ & sacrificiorum vsu vnde sibi victū quærerēt, habebant; nihil de templi ædificatione cum populo hactenus egerāt. Quā obrem paratis iam, quæ ad ædificandum opus essent, cum nondum opus inchoaretur, nono mense vicesima & quarta die mensis quartum à Deo mandatum Vates sacerdotibus exponendū accepit. quos per similitudinē allocutus manifestum populi errorē arguēs docet. nāque populus putabat omnē familiārē rem tum rusticā, tum vrbā ex eo auctūiri, quod in constructa ara hostiæ quotidie immolarētur. Hanc adeo opinionē apud sacerdotes populi magistros Deus argumēto à similib⁹ ducto, sic tollit. [*Interroga sacerdotes legē dicens:*] Legis interpretādæ studiū munus, & auctoritatē penes sacerdotes esse Deus voluit, sicut scriptū est: Labia sacerdotis custodiēt scientiam, & legē requirēt ex ore eius, quia angelus Domini exercitūū est. Igitur illorū sententiā nō ex priuata singulorum opinione, sed ex cōmuni recepta, ac simplici legis interpretatione rogari iubet. Duplicē autē quæstionē illis proponendā mandat; alteram, quæ ad puritatis & sanctitatis; alterā verò quæ ad impuritatis & contaminationis rationem spectat. Ad faciliorem autem vtriusque explicationem, quædam breuiter ex lege ipsa repetere operæpretium fuerit. Igitur quædam propriè, quædam verò ex contactu & cohærentia; quædam ex interiectu adhibitoque medio sancta dicuntur. Altare per se sanctum est, & hostia super altare immolata, sancta est per se. si quod verò vas immolatæ hostiæ admoueat, id sanctum efficitur ex contactu. In illo sancto vase si quid seruetur, quæstio est an illud sanctum etiam sit? an in prophanis vsibus id permittere sit fas? Hæc dubitatio distinctione tollitur. namque & vasorum & rerum quæ vasis adhærent, habēda ratio est. Vasa enim quæ capere & cōtinere rem possunt, vt lebetes, phialæ, crateres, eas quas exceperint res, magis sanctificant quā alia vasa, vel instrumēta, vt baculus, virga, funis, clauus, &c. quæ omnia hebraico sermone vasa dicuntur. Rursus ex rebus contactis quædā vt sanctificantur magis idonea alijs sunt, vt liquida aridis, tenuia & minuta crassis & densis. Sed quæ hoc modo ex medio sanctificantur leuiora sancta dicuntur, aut leuissima. Ex huiusmodi autem diserta obseruatione multa ad hanc rem indicandam colliguntur, quæ recensere nimis longum esset. Vnum verò illud est, vas ad sanctificationem minus idoneum

netim, quanquam sanctorum contactu sacrari possit, tamen alias res, quas leuiter, atque extrema, vt aiunt, linea cōtigerit, non sacrare. cuius sententiæ ad ipsum exemplum à Vate positum, nobis satis fuerit. [Si tulerit homo carnem sanctificatam in ora vestimenti sui, & tetigerit de summitate eius panem, &c.] Caro, quod densioris & crassioris naturæ sit, minus sanctificat, quàm libamina, & aliæ, vel liquidæ, vel altiores res. Vestis etiam quod aridior & siccior, leuiorque sit, minus sanctificatur, quàm alia vasa. Adde quod non tota sancta caro contacta fuerit. Igitur hæc vestis tertiam aliam rem, vt panem, pulmentum, vinum, aut oleum, aut omnem cibum non sanctificabit, maxime si leuissimus intercedat contactus: qualis esse potest, si non omni ora vestimenti, sed de summitate eius cibus tangatur.

Quamobrem recte & legitime à sacerdotibus responsum fuit:

*Et responderunt sacerdotes, & dixerunt, Non.*

DOCTA & perspicua sacerdotum responsio fuisse ex Vatis consensione probatur, quia hac quæstione tanquam explicata, ad alteram subito progressus est: in qua de impuritate & labe disputatur.

*Et dixit Haggæus, Si tetigerit pollutus in anima ex omnibus his, nunquid contaminabitur? Et responderunt sacerdotes, & dixerunt, Contaminabitur.*

PRIOR quæstio fuit, an sanctarum carniū sanctificatio & vis ad rem aliam non sanctam intercedente medio pertineat: negatum autem est pertinere. Posterior quæstio est, an homo maxima contaminatione pollutus, rebus à se contactis, maculam labemq. afferre possit. Maximam autem ex ceremoniali lege impuritatem eam esse definimus, quæ ex mortui contactu adhæserit. & qui hoc modo affectus fuerit, pollutus in anima dicitur. isque propriè pollutus habetur magis, quàm aut vestis, aut aliud quicquam. quippe homo ipse contaminationi & pollutioni præcipuè obnoxius est. Vocatur autem apud Hebræos filius: à quibus hoc modo ratio hæc differitur, vt cadauer ipsum contaminationis pater appelletur, homo cadauer contingens filius; res verò ab homine contrectata nepos: pertinere autem patris impuritatem ad nepotem, ex ceremonialibus obseruationibus affirmatur. ex quibus hæc nobis ad hunc locum tantummodo indicata; aliàs arcanæ significationis rationibus Deo docente explicanda sunt. sanctificationis verò & contaminationis verba simplicibus omnino significationibus interpretamur, vt, sanctificari, consecrari, & sanctum, atque à prophano alienum effici sit. quod Hispanicè, & Gallicè, & Italicè benedictionis verbo pronuntiatur. Contaminari autem impurum execrabile & legitimis vsibus ineptum reddi sit. Quæstio igitur est, num homo impuritate ex cadaueris contactu contracta pollutus, rem quampiam ex his omnibus, quas antea commemorauerit, panem, pulmentum, vinum & oleum, omnem denique cibum, contrectata contamine? [Et dixerunt, Contaminabitur.] cum quod humanis rebus labe & macula facilius, quàm puritas afferatur, tum verò quod homo pollutus vehementius & certius contaminare alias res possit, vt, filius nepotem patrigignat. Iam verò ex sacerdotum responsione consilij sui rationem aperiens Vates populi errorem culpamque redarguit, argumentatione ipsa à similitudine ad manifestam orationem translata.

*Et respondit Haggæus, & dixit: Sic populus iste, & sic gens ista ante faciem meam, dicit Dominus; & sic omne opus manuum eorum, & omnia que obtulerunt ibi, contaminata erunt.*

Ex duplici quæstione & sacerdotum responsione duplex à Vate conclusio colligitur; altera est, [Sic populus iste ante faciem meam; altera verò, Sic gens ista ante faciem meam.] Significat autè & populi opinionè stultā, & studium actionēque omnē corruptā diuino iudicio censerī. nāque illi existimabant rem omnem sanctam, faustamq. ex eo fore, quod aram quotidianis atq. priuatis victimis frequentē haberent; atque ob eam rem panem, vinum, oleum, omnemque cibum sanctificatum iri: quod perinde est, ac si vinum, oleum, &c. extrema ora vestis, quæ carnes sanctas contigerit, sanctificari quis asserat. Id enim cum minimè contingat, neque illud profecto continget, istorum res vnus aræ ratione sanctificari, quando ara ad totum templum collata extremæ in vestimento similitudinē rationem vix habeat. Oportuit enim eos qui propitium atque beneficentissimum Deum, domibus agrisque priuatè consulentes, sibi parare voluerunt, commoda



atque angusta æde suscipiendum curare. quæ quanquam principis ipsius maiestatem aliqua ex parte æquare non posset; ciuium tamen ipsorum animos, studia & pietatē testari posset. Igitur hæc illius conclusionis sententia est: [*sic populus iste ante faciem meam.*] Sic, inquit, populi istius opinio manifesti erroris arguitur, qui res omnes suas vnius aræ victimis maclandis instructæ ratione sacratum auctumque iri putant, cum magis deterius minuique indies necesse sit, tanquam infaustas & pollutas, atque dominorum ipsorum impuritate infectas & contaminatas: neque enim melioris condicionis [*Gens ista ante faciem meam est,* quam iudicio meo pollutam in anima duxi, & sic omne opus manuum eorum.] Hæc ad secundam quæstionem responsionemque referuntur. neque enim eo solum malo laborat, quod minus prosperis cædendarum hostiarum successibus vtatur, sed etiā quod pollutis & impuris victimis maclandis operam studiumque adhibeat: quas abominandas fore necesse est. nam cum ipsi culpæ, & neglectæ religionis rei teneantur, supplicio dignissimi habentur, atque diuino iudicio pro mortuis censentur. Quidquid igitur contigerint, vel tractauerint, impurum infaustumque, neque victimis præbendis idoneum est. [*Et omnia qua obtulerint ibi, contaminata erunt.* Hebraicè, *Quicquid obtulerit ibi, contaminatum ipsum.*] ita vt ara etiam istorum contactu polluta, polluta & impuras hostias excipiat, quæ obesse magis, quam prodesse præbentibus valeant, sicut scriptum est: Victimę impiorum abominabiles Domino. Quicumque enim flagitij atque alterius generis vitio graui conflatur, diuini iudicij sententia mortuus esse iudicatur, sicut scriptum est: In quacunque die comederis, morte morieris. Quibus ex rebus vtrisque illud manifestè consequitur, omnia quæ ab huiusmodi ingrato populo appeterentur, minus successura fuisse, secus autem deinceps fore, cum ædificato templo religionis ratio ex diuino præscripto procuraretur. ex eo enim efficiendum esse ait, vt omnium rerum etiam externarum commoditate fruantur, id quod de cætero obseruandum & intelligendum, & cum antea temporibus comparandum Vates proponit.

Prophet. 15.

Genes. 2.

*Et nunc ponite corda vestra, à die hac & supra, antequam poneretur lapis super lapidem in templo Domini: cum accederetis ad aceruum vigintimodiorum, & fierent decem, & intraretis ad torcular vt exprimeretis quinquaginta lagenas, & fiebant viginti.*

Hæc priorum temporum publica & communis, certa assiduaque calamitas, ab ea die primùm accepta, cum ædificandi templi oportunitas neglecta fuit, ad hanc vsque, quæ opus produci cœptum est, quam vicissimam quartā noni mensis fuisse Vates ipse docuit, perdurauit. [*Antequam poneretur lapis super lapidem in templo Domini.*] Antequam ædifici Darij regis tempore inceptum, & intermissum, studio oportunè integrato prosegueremini, quàm miseris rebus vsi fueritis, animo & cogitatione recolite. [*Cum accederetis ad aceruum viginti modiorum, & fierent decem.*] Non solum spem mentita seges fuit, sed aceruus ipse iam cõpositus præsentem opinionem fallebat, ita vt oculis & sensibus deceptis, grauius multo calamitatis damnum acciperetur. [*Et intraretis ad torcular, vuis plenum,* ex quibus communi æstimatione, quinquaginta musti lagenas exprimi posse putaretis, tamen ob immissam diuinitus fructibus etiam ipsis infelicitatem, *fiebant viginti.*] atque horum duorum generum ratione cætera existimare licet, quæcunque ad hominum vitæ vitamque pertinent. eodem enim modo corrupta omnia, attenuataque sunt: idque adeo non vna aut simplici calamitate allata. Quandoquidem

*Percussi vos vento vrente, & aurugine & grandine omnia opera manuum vestrarum: & non fuit in vobis qui reuerteretur ad me, dicit Dominus.*

ALLATA M. externis commoditatibus calamitatem, misærentis potius, & ad resipiscientiam atque officium reuocantis Dei consilium, quam vel casum, vel extremum exitum interpretari oportere locus hic admonet. Quæ res si minus sapienter hominibus intellecta, negligatur, grauius multo damnum afferat, sicut de simili exemplo scriptum est: In omnibus his peccauerunt adhuc, & non crediderunt in mirabilibus eius. Et defecerunt in vanitate dies eorum, & anni eorum cum festinatione, & cæter. Porro ventus vrens, aurugo & grando, grauissimarum frugibus calamitatum genera sunt. nam ventus

ventus vrens fegetum culmis & spicis nocet, vt: Aliæ quoq. septem spicæ tenues, & per-  
cussæ vredine oriebantur. Aurigo verò siue rubigo semina ipsa inania effecta q. reddit. *Genes. 41.*  
Grando verò satis herbis, oleribus, arboribus, pecoribus, omni denique rustica rei ve-  
hementer infestus est, vt: Et occidit in grandine vineas eorum, & tradidit grandini *Psal. 77.*  
iumenta eorum, &c. [Et tamen non fui in vobis qui reuenteretur ad me.] Cum tot tamque  
assiduus certis ærumnis pressos resipiscere, sibi que religionis procurandis rebus confu-  
lere omnes oportuisset; atque adeo ante templi ædificationem res illorum hoc modo  
se habentes diuinam indignationem indicare atque arguere potuerunt. Nunc verò  
quæ deinceps ab ipsa prima ædificationis die consequentur, diuinam rursus voluntatem  
10 gratiamque testari facile posse ait, si diligenter obseruentur.

*Ponite corda vestra ex die ista, & in futurum à die vicesima & quarta noni  
mensis, à die qua fundamenta iacta sunt templi Domini, ponite super cor ve-  
strum. Nunquid iam semen in germine est, & adhuc vinea, & ficus & ma-  
logranatum & lignum oliuæ non floruit? Ex die ista benedicam.*

15 INCHOATÆ ædificationis templi diem vicesimam quartam noni mēsis notari iu-  
bet. Ex qua, ob religionis procurandæ studium, res omnes feliciter restitutum, atque  
auctum iri pollicetur; ita vt quanquam præsentis anni frugum omnium copia destitutis,  
tamē nulla deinceps penuria laborandum sit. [Nunquid iam semen in germine est.] Triticum  
20 & hordeum nullum ferè illis superesse ait, quoniam cum parum admodum superiori  
anno congregatum esset, in sequentis anni spem seminatum fuerat; quamobrem nihil  
ferè illis reliquum fuerat, quo toto ad messem vsque tempore vitam alere possent. Hanc  
expositionem & nomen seminis, postulat; quod de tritico & hordeo, non nisi sementis  
faciendæ, vel factæ considerata ratione dicitur: & illud etiam nomen, in germine, confir-  
25 mat, quod sementem iam germinasse & pullulasse significare videtur. Erat enim men-  
sis hic nonus, quem Nouembris nostri nouilunium inchoat. Hebraicè autem locus hic  
facilior est. [Nunquid iam semen in horreo est?] vt nullum illis ferè semen iam reliquum esse  
affirmaret, quod Nouembri ferme peracto seminatum non esset. Sed neque ex cæteris  
plantis, ex quibus fructus in posterum seruandi percipi solent, vllam illis ad sumptus aut  
30 ad victum facultatem relictam fuisse ait. [Et adhuc, & præterea, vinea & ficus & malogra-  
natum, & lignum oliuæ non floruit. Hebraicè, non tulit.] Est autem verbum agricolæ pro-  
prium, quod absolutè dictū fructus ferre siue reddere significat. sic Hispanè. *Nollenaria, la  
viña.* Meminit autem horum præcipuè generum, quorum præter cæteras arbores ma-  
ximè ad victum idonei fructus, & cum recentes tum siccati vel conditi vtilis in vsum  
35 sint. Quibus generibus Chananæa illa regio maximè cōmendata olim fuit, sicut scri-  
ptum est: Terram frumenti & vinearum, in qua ficus & malogranata & oliueta nas-  
cuntur. & tamen in maxima hac annonæ inopia nulla victus difficultate, nullo deside-  
rio efficiendos esse confirmat; sed præsentis anni tempore leuissimè traducto, futurorum  
felicitem & vbertatem maximam experturos. hoc est quod dicit: [Ex die ista benedi-  
40 cam.] Benedictionis nomine vbertatem & abundantiam magnam hoc in loco signifi-  
cariam docuimus, vt: Viduam eius benedicens benedicam, & pauperes eius saturabo *Psal. 131.*  
panibus. Tanti adeo est pietatis culturæ purè & castè operam dare, vt nulla egestas, nul-  
la omnino rerum difficultas, aut inopia metuenda sit ijs, qui diuinis præceptis studiose pa-  
reant. Non enim in solo pane viuit homo, sed in omni verbo quod egreditur de ore Dei. *Deut. 7.*  
45 Huius verò vaticinij & diuinæ promissionis certum & præsentem manifestumq. euen-  
tum fuisse, sacra Esdræ scribæ testatur historia, sicut scriptum est: Seniores autem Iudeo-  
rum ædificabant, & prosperabantur iuxta prophetiam Haggæi prophætæ. Atque hæc  
50 nus quartum vaticinium est. nunc deinceps quintum aggrediamur.

*Et factum est verbum Domini secundo ad Haggeum in vicesima & quarta  
mensis, dicens: Loquere ad Zorobabel ducem Iuda, dicens:*

55 FVTRORVM tēporum euentus mutationesq. maximas, atq. gentium omniū con-  
flictus & calamitates Zorobabeli hoc quinto vaticinio significatas voluit Deus, cui etiā  
ob procuratam purè religionem, atque ob templi ædificationem institutam perpetuam  
nominis & gloriæ suæ memoriā nulla rerū aut temporum vicissitudine delendā promit-  
tit, vt pote cuius genus & nomen in sacra atque æterna Iesu Christi euangelij historia,  
diuini spiritus auctoritate consecrandum erat. Eodem autem die duplex vaticinium  
ab Haggæo

ab Haggæo diuinitus fuisse acceptum, hic locus manifestè docet; alterum, ad populum apud sacerdotes arguendum; alterum verò ad Zorobabelis gratiam & dignitatem confirmandam. [*Ad Zorobabel ducem Iuda.*] Quoniam omnis hæc oratio ad Christum, ex Iudæorum tribu, Davidisq; familia nasciturum pertinet, Zorobabelis dignitas, & inspectare indicat: cum nullum verbum in diuinis sermonibus extra causam pronuntiarî usurparique constet. Summa verò habiti apud Zorobabelem sermonis huiusmodi fuit.

*Ego mouebo calum pariter & terram: & subuertam solium regnorum, & con-  
teram fortitudinem regni gentium: & subuertam quadrigam, & ascensorem  
eius: & descendent equi, & ascensores eorum, vir in gladio fratris sui.*

PRIOR orationis pars regum, regnorum, imperiorumque omnium casus & conuer-  
siones continet, quas ab eo tempore, quo templum ædificatum est, ad Romani usque im-  
perij defectionem orbis terrarum vidit. Eas autem non temporibus, non cali cursibus,  
non terrarum ingenio, non denique casibus & fortunæ, sed diuino consilio ascribi opor-  
tere ait: quando nihil omnino vel esse in orbe, vel accidere possit, quod diuinæ prouidē-  
tiæ rationes aut fallat aut fugiat. Huius sententiæ illud est: [*Ego mouebo calum, pariter & ter-  
ram.* Futurum verbum absolute accipimus. namque Hebraicè sic legimus: *Ego mouere  
faciens calum & terram.*] Ex quo illud consequitur: nihil omnino neque in calo, neque in  
terra præter consilium meum, vel factum fuisse, vel fore vnquam faciendum. Igitur quic-  
quid posthac mutationis in humanis rebus futurum est, id omne mihi ascribi oportue-  
rit, cuius consilio & decreto, vel permissu omnia constant. [*Et subuertam solium regnorum.*]

Machab.  
Plutarchus in  
vita Alexandri  
& Arriani  
histor.

Alexandri & Græcorum imperiū significat, quod cum repente extitisset, citissimè euer-  
sum est. Duodecim namque annis rerum potitus Alexāder scribitur: quo mortuo solū  
regnorum, hoc est monarchiæ status conuersus, in quatuorq; regna diuisus est. Dein-  
de verò Romanum imperium est consecutum, quod Vates noster fortitudinem regni  
gentium nominat; non solo Romæ nomine exposito, sed personis etiam ipsis indicatis,  
quippe Roma robur siue fortitudinem significat, atque inter omnes orbis terræ natio-  
nes, Græci & Itali gentes in sacra geographia præcipue dicuntur, sicut scriptum est: Filij  
autem Iauam, Elifā & Tharsis, Chetin & Dodanim: ab his diuisæ sunt insulæ gentium in  
regionibus suis, &c. Huius autem imperij robur quemadmodum ciuilibus discordiis  
& bellis infringendum imminuendumque esset, grauissima oratione Vates prænuntia-  
uit. [*Et subuertam quadrigam & ascensorem eius: & descendent equi, & ascensores eorum.*] Bellicus  
casus his verbis describitur: [*Vir in gladio fratris sui.*] Mutua ciuium odia, diffidia & bella,

Genes. 10.

Aduersusque obuia signis, signa pares aquilas, & pila minantia pilis. quibus Romana do-  
minatio & gloria mole sua fatiscens corruit & periit, describit. hoc autem Christi Iesu  
publici hominum seruatoris ætate accidit. quo tempore primum euangelica lux omni  
orbi afferri cœpit perpetuis omnium seculorum ætatibus duratura, nullisq; rerum vi-  
cissitudinibus euertenda, sicut scriptum est: Semē eius in æternum manebit, & thronus  
eius sicut sol in conspectu meo, & sicut luna perfecta in æternum, & testis in celo fidelis.

Lucan. lib. 1.

Psal. 77.

Ex hoc autem tempore Zorobabelis nomen tum euangelicæ historiæ conscriptū, tum  
ob nepotis Iesu Christi dignitatem & magnitudinem illustratum, perpetuæ posteritatis  
memoriæ consecrandum esse, ait:

*In die illa, dicit Dominus exercituum, assumam te Zorobabel filij Salathiel serue  
meus, dicit Dominus: & ponam te quasi signaculum quia te elegi, dicit  
Dominus exercituum.*

ANNVLORVM sigilla, vt apud gentes, vel hominum imagines, vel animantium,  
aliarūque rerum effigies quasdam arcanas; sic apud Hebræos (quibus huiusmodi inci-  
dere figuras religio fuit) certa personarum nomina, aut explicanda etiam verba conti-  
nebant. Nomen igitur Zorobabelis nobili Iesu Christi generis catalogo insertum, ab  
obliuione hominum, atque silentio vindicandum sibi esse Deus pollicetur; idque adeo  
certo & illustri loco esse collocandum, vt sigillum quoddam non nisi certa annuli parte  
constitui solet. [*Assumam te.*] Priuatā sibi Zorobabelis rationem in sua sacrosancta histo-  
ria habendam esse ait: qua oratione venturi Iesu Christi promissio significanter confir-  
matur.

matur. [*Et ponam te quasi signaculum.*] Hæc non de illo Zorobabelis munere exponenda esse, quo tantisper functus est, quoad templum perficeretur, & lectio ipsa, & rei ratio veritasque declarat. namque huius promissionis euentum ad futura tempora referre oratio illa docet. [*In die illa.*] Deinde etiam illud constat, neque Zorobabelem, neque alium quempiam ex illius posteris, ab eo tempore quo ipse ædificato iam templo Babylonem rediit, ubi etiam extremum diem Iosepho auctore obiit, aut regnum, aut principatum apud Iudæos obtinuisse. Quamobrem ratio ipsa ad Zorobabelis nepotem Iesum Christum, in cuius gloriæ communionem Zorobabelis filij Salathielis nomen collocatū est, idque adeo illustri loco positum & repetitum, est referenda. quod in sacra Iesu Christi genealogia apud Lucam diligenter; apud Matthæum autem diligētissimè obseruatur, ubi & Zorobabelis patremum additum nomē non semel repetitum, certo atque insigni loco pronuntiatur. ex quo quatuordecim vltimis hominū ætatibus initium factum est. Post transmigrationem Babylonis Iechonias genuit Salathiel; Salathiel autem genuit Zorobabel, &c. Et paulo post subiungitur: Et à transmigratione Babylonis vsq. ad Christum generationes quatuordecim. Illius verò genus & familiam sibi ad proferendum dandumque orbi Christum suum fuisse præter cæteras adoptatā Deus confirmat. [*Quia te elegi, dicit Dominus exercituum.*] Sic apud Dauidem: Iurauit Dominus Dauid veritatem, & non frustrabitur eum: de fructu ventris tui ponam super sedem tuam. Electum autē sibi esse Zorobabelem metonymicòs dixit, cum Christum ipsum significaret, vt illud: Et suscitabo super eas pastorem meum Dauid. eorum enim nomen non immerito suum Christus efficit, quorum genus certa stirpe retulerit, officiumque ac munus optimè ac diuinè gesserit. Huius verò vaticinij admonitione edoctum Zorobabelem post perfectā templi ædificationem Babylonem rediisse, ibidemque, quod reliquum erat ætatis, peregisse conijcere licet; quippe qui nullam sibi posterisque suis, quoad templum illud cōstaret, apud Iudæos principatus tenendi rationem constare, sed quandam aliam nomini suo promissam gloriam integram referuari intellexisset.

Ioseph:  
Hebr.  
lib. 2.

Matth. 1:

Psalm. 131:

Ezech. 34:

## F I N I S.

*Madriti in Hispania mense Octobri, 1567.*



NON quantum aut Ophyre parit  
 Auri perpetuis montibus, aut Physon  
 Fuluo concoquit alueo,  
 Non gemmas Erythra, quas Arabum rubris  
 Fluctus marginibus terunt,  
 Non quidquid sinubus promitur Indicis,  
 Diuinas hominum decet  
 Mentis atque animos tangere sordida  
 Cura, nec studio graui:  
 Nec caca ambitio, vanaq; mobilis  
 Vulgi gratia, maximas  
 Quæ turbat miseris temporibus vices.  
 Aeterni potius Dei  
 Nouisse expediat consilia, & nimis  
 Nostris commoda mentibus  
 Arcana, ac leuium pondere turbido  
 Rerum deposito, bonis  
 Curis assiduos protrahere & dies,  
 Terris dum face lucida  
 Fundit perspicuum Sol iubar aureus,  
 Et dum sidera lucido  
 Celo signa sue militie mouent.  
 Nam frustra nimius labor  
 Rebus in minimis tunditur, & frequens  
 Curarum cumulus citam  
 Aut mortem, aut miseram canitiem trahit:  
 Ne quicquam tamen, ut neque  
 Speratam requiem, aut gaudia credita  
 Expertus, doleas bonos  
 Defluxisse dies munere inutili.  
 Contra, quos pietas agit,  
 Felices animi, qui nimium breuis  
 Vita tempora grandibus  
 Exercent studijs, certaq; premia  
 Celso constituunt loco,  
 Quò nec mors penetrat, nec mala prosperis  
 Rerum

Rerum, aut tristia dulcibus  
 Miscentur: liquido sed fluit agmine  
 Expletura genus pium  
 Expers invidia diua beatitas.  
 Non hos pauperies metu,  
 Non desiderijs sollicitat malis.  
 Securos pietas facit,  
 Et spes ire viam commonet arduam.  
 Scimus quis Iebusum genus,  
 Quis Gergasenuos exitus impios  
 Diriprogeniem Chami  
 Excepit, facilis queis patrio sinu  
 Tellus fertilibus iugis  
 Et mellis, fluidi lactis & uberem  
 Riuum sufficeret: sed hos  
 Abraposteritas precipiti fuga  
 Magnis urbibus expulit,  
 Quamuis multiplici mœnia circulo  
 Tutos vectibus areis  
 Clausissent, alios arma minantia  
 Tentantes ageret furor  
 In bellum: hos celeri Iosua dextera  
 Et vita expulit, & domo,  
 Remq; omnẽ dominos detulit ad nouos.  
 Non qui vel Tyrias opes,  
 Vel qui sceptratenet sorte beator  
 Rectè dicitur: omnibus  
 Felix ille sed est nominibus, sacram  
 Sortis qui sequitur viam,  
 Preponensq; ue Dei magna negotia  
 Urget perpetuis modis.  
 Ergo & nos auidis mentibus optima  
 Rerum quin petimus p̃y?  
 Cur non diuitias spernimus, omnium  
 Et fomenta cupidinum  
 Calcamus? deceat me pater optime  
 Contentum exiguo foco,  
 Et rupis placidis muneribus mea  
 S s Diuinis

*Diuinis operam libris,*

*Et totos superum consilij dies*

*Impendisse sub arbuto,*

*Sive antro viridi, seu positum sacra*

*Matris virginis in domo,*

*Et monstrasse meis diuite spiritus*

*Laudis materiam tua,*

*Fingentem facili carmina numine.*

**F I N I S.**

763

BENEDICTI ARIÆ MONTANI HISPAN-  
SENSIS IN ZACHARIÆ VATICINIVM COMMENTARIA

PRÆFATIO DE DIVINI CONSILII CONSTANTIA.

**D**IVINVM de publica hominum salute consilium, constans, fixū per-  
petuumq. semper fuisse, & sacra omnium librorum lectione, & ipso  
rerum euentu atq. exitu docemur. nam cū Deus hominem initio Gen. 1.  
mundi ad suam imaginem atq. similitudinē factum, & multis maxi-  
misq. tum virtutis, tum honoris muneribus auctum ornatumque,  
callidissimi tamen serpentis fraude & insidijs de summo dignitatis  
gradu deiectum, sapientia benignitateq. sua illa diuina in altiore atque digniore locum  
restituere decreuisset, omnibus ad id efficiendum idoneis oportunisq. rebus sapientissimē  
atq. attentissimē providere apud sese constituit. Igitur cū duplex huic agenda atque  
cōficiende rei caput esse constaret, alterumq. summa promittentis Dei misericordia, ve-  
ritate atque efficientia, alterū verò ipsius beneficiū accepturi hominis diligenti & ido-  
nea ad eam rem præparatione definiretur, diligentissimē atq. attētissimē virumq. à Deo  
procuratum est. nam quatenus quidem ad se voluntatem diligentiamq. suā spectaret,  
nunquā Deus aut beneficentia rationes publicē priuatēve hominibus probare & cōfir-  
mare destitit, aut initam semel humanæ salutis asserendæ viam munire, concinnare &  
insistere cessauit, sicut scriptum est: Quoniam dixisti, misericordia in æternum edifica- Psalm. 88.  
bitur in calis, preparabitur veritas tua in eis. Quatenus verò ad hominem ipsum  
salutis accipiendæ ratio pertinere iudicata est, quoniam liberum & consilij sui compo-  
tem, atque ad integram vel vitæ, vel mortis optionem conformatum antea effinxe-  
rat, vt ad optandum bonum declinandumque malum hortaretur & persuaderet,  
nihil Deus vnquam, quod opportunum esset, prætermisit, sicut scriptum est: Considera Psalm. 138.  
quòd proposuerim hodie in conspectu tuo vitam & bonum, & è contrario mortem Deut. 30.  
& malum. Testes inuoco hodie cælum & terrā, quòd proposuerim vobis hodie vitā &  
bonum, benedictionē & maledictionē. Elige ergo vitā, vt & tu viuas, &c. Etenim,  
inuitum hominem ad oblatā salutem accipiendā cogere, præterquam quod cum humanæ  
nature rationibus pugnabat, cū diuini etiam iudicij & iustitiæ institutis nō conueni-  
ret. Verū enimvero vna vi atq. necessitate excepta, nihil omnino, quod ad demonstrā-  
dam & persuadendā salutis accipiendæ rationē facere & cōducere posset, à Deo est præ-  
termissum. Atq. adeo in ea apparāda instruendaq. re quā multiplex ac perpetua cura,  
quā certum maximæq. prudentiæ plenum cōsiliū, quā assidua & instans semper  
opera extiterit, omnibus modis & partibus exponere longè fuerit difficillimum, ipsa au-  
tem duntaxat summa genera indicare ad diuinam misericordiam benignitatēque com-  
mendandam commodissimum profectō erit.

Principio non solū grauius & rectis cogitationibus intimē iniectis & honesti atq.  
turpis cognitione omnibus cōmuniter data & cōfirmata primis hominū ætatibus pro-  
misum est, sed etiam multis & illustribus beneficijs in eos, qui virtutem & pietatem  
præstarent, collatis diuinum de humana salute consilium & voluntas declarata sunt:  
Ad hæc etiam & illud accessit, quòd in eos, qui honestatis viam deserentes turpiter &  
iniuste præter fas ac præter humanitatis rationem vixissent, seuerissimē identidem fuit  
animaduersum. Atq. huiusmodi grauiissima exempla primis & antiquissimis illis ad  
diluuium vsque seculis edita fuere, neq. tamen succedentibus post hæc patriarcharum  
ætatibus eiusmodi multa defuerunt, quod & Sodomorum tectis atq. agris dirimitus Gen. 19.  
illata euersio, & Loti incolumitas, atq. Abrahamo, Isaac & Iacob tunc cū summo  
dignitatis ornamēto collata beneficia declararunt. Deinde verò medijs iam mundi



temporibus diuina illa tantum rerum molitione adornata, tanta sapientia condita &  
 lata, tanta prodigiorum & miraculorum & portentorum auctoritate illustrata & c.  
 firmata lex, quid aliud, quam diuini de humana salute consilij & voluntatis expre-  
 sionē clarissimā, atq. earum rerū, quae impedimento huic negotio esse possent, notationem  
 animaduersionemq. certissimam continet? rationum prāterea ad eiusmodi impedimen-  
 tollēda descriptionem cōmodissimam ac certissimā ostēdit: atque etiam gratia auxiliij, quae  
 diuini ad omnes homini difficultates vincēdas prae-sentē oportunitatemq. promissionem ad-  
 iunctā habet. Verū enim uero quoniam illa in lapidibus atq. tabulis conscripta lex, quan-  
 quam diuina, sancta spiritualisq. esset, tamē lectione solum sui carnales homines & ve-  
 nundatos sub peccato minus efficienter mouere, atq. ad virtutem officiumq. praestandi  
 Rom. 9. impellere poterat. Ob eam rem Deus Vates legatosq. suos sanctissimos, graui-  
 summa auctoritate viros opportunē semper mittendos curauit, quorum viua vocis ora-  
 culo (quod magnam in hominum vitā & cōsuetudine vim efficientiamq. habet) tū il-  
 lustris proprio ipsorum vitā & morum exempla Dei voluntatis assertores cōsiliij inter-  
 pretes, legis doctores virtutis verā cōmendatores ceteris hominibus essent. Atq. beatorum  
 sanctissimorum virorum studio & opera multa & praeclara hominū generi cōmoda ad-  
 lata sunt. nam praeterquam quod hi omni vitā parte & omni etiā officij & muneris  
 fide, atq. grauiusculorum interdū periculorum tolerantia certissimos & integerrimos di-  
 uinae voluntatis testes assertoresq. sese praebuerint, illud etiā praestiterunt, ut omnia humane  
 sapientiae argumēta, orationesq. omnes, quaecunq. aduersus diuinas res & rationes af-  
 ferri admoneriq. possent, grauiusculē redarguerent & refellerent, dubitationes remoue-  
 rent, suspensiones diluerent, duriores difficultates mollirent, ac demum diuinam causam  
 contra omnē vel hominum stultitiam & errorem, vel demonum astutiam & calidi-  
 tatem grauiusculis & sapientissimis sermonibus obtinerent. Quam quidē ad rem cognos-  
 cendam magno semper momento & adiumento prophetica lectio ijs fuit, qui ex diuinorum  
 librorum auctoritate & doctrina cōsideratas verā sapientiae rationes tam diu persequu-  
 bantur, quoad expectati Christi virtute & efficientia diuinum lumē in seipsis experti,  
 „ perfecta quadam & exacta maximorum Dei mysteriorum cognitione & doctrina ab-  
 „ undarent, sicut scriptum est. Et habemus propheticum firmiorem sermonē, cui benefa-  
 „ citis attendentes quasi lucernae ardentes in caliginoso loco: donec dies elucescat & lu-  
 „ cifer oriatur in cordibus vestris, hoc primum intelligentes, quod omnis prophetia propria  
 „ interpretatione non sit. Non enim voluntate humana allata est aliquādo prophetia: sed  
 „ spiritu sancto inspirati locuti sunt sancti Dei homines, &c. In ijs autē, qui sacro spiritu  
 „ edocti atq. acti multa & maxima de reconditis diuinarum rerum mysterijs grauiuscula  
 „ oratione differentes persequuti sunt, vnus etate quidem inter postremos, sed virtute &  
 „ auctoritate inter primos Zacharias numeratur, qui de omni vaticinijs ad explicandum  
 „ commissō genere grauiusculē & sapientissimē egit: atq. ita impositas sibi partes pro digni-  
 „ tate transēgit, ita fortiter & strenue diuinam causam ad Dei gloriam atque hominum  
 „ vtilitatem aduersus malitiā, temeritatem, insolentiā etiam cum crudelissima necis tol-  
 „ rantia cōfirmavit, ut dignus Christo indicatus fuerit, cuius & virtutem ipse laudaret, &  
 „ iniustam necem cum aliorum vatum, & cum ea etiam, quae sibi per summum nefas  
 „ afferenda erat, morte & iniuria diuina vindictio vlcisceretur. Huius autē Vatis quo-  
 „ niam plura vaticinia sunt, plura etiam suis locis argumenta oportunē componere opere-  
 „ pretium fuerit. Id autem quod commodius atque auspiciatius aggrediamur, Deum ipsum  
 „ supplici prece nobis ad vota vocare expediet.

## V O T V M.

*Consilij pater aeterni, qui cuncta benignus  
 Perficis arcano constituisq; modo;  
 Incceptus cursusq; tuos non ulla retardat  
 Extera vis, nulla aut corripit inuidia.  
 Virtutem imperiumq; Dei non irrita mundi  
 Cursibus ostendunt sidera perpetuis.  
 Ergo pijs populis vatem tua sacra ferentem  
 Duc pater atque tuis annue principijs.*

## VATICINII PRIMI ARGVMENTVM.

ISRAELITARVM ac precipuè Iudæorum dignitati benignè & diligenter à se consultum esse  
 docet Deus, idque adeo ex eo confirmat, quod cum illorum patres ob multorum scelerum & flagitio-  
 rum noxam bello & captiuitate multauerit, tamē ipsos liberaliter à seruitute Babylonica abstractos in  
 antiquis locū possessionemque ea causa restituerit, ut per libertatis, loci, rerumque omnium commodita-  
 tem, diligentius atque attentius in poenitentiae atque pietatis colendae studia incumbentes, in pristina gra-  
 tiam multoque etiam ampliorem de cetero receptos, suam ipsius inter ipsos familiaris agentis diuinam  
 tutelam & virtutem priuatè experiri faceret. Atque hoc consilio illos à se ex Babylone reductos esse  
 declarat, quemadmodū à nobis in Haggai Vatis initio est explicatum. Quam ob rem illos peruersa atque  
 corrupta parentum suorum exempla detestabundos ad virtutis atque honestatis decus excitat & ad-  
 hortatur, dissuadetq; ne peruersum maiorum suorum iudicium morēs ve imitentur, qui nefaria quadam  
 malitia & dementia deprauati missos ad se grauissimis cum legationibus vates indignissimis exceptos  
 modis contempsere. Quam ob rem, ut parentum periculo sibi cauere discant, monet, illud sapienter per-  
 petuo cogitantes, in parentes suos ob nefaria & sacrilega scelera exilio & captiuitate fuisse animad-  
 uersum, id quod ipsi met compertissimum exploratissimumque est, qui tot malis & aerumnis propterea  
 sese affici intelligant & fateantur, quod praesenti Dei secum olim habitare soliti gratia essent destituti.  
 Illud etiam consilij causa praedicit Vates, non semper illis vatum commoditate utendum esse: fore enim  
 propediem confirmat, ut vaticinium desideretur. Illud igitur, dum contingit, diligenter suscipi, obser-  
 uari atque coli, consultissimum fore ait.

## CAPVT I.



IN MENSE octauo in anno secundo Darij factum est. verbum Domini  
 ad Zachariam filium Barachiae, filij Addo prophetam.

ANTEQVAM ipsam vaticinij commentationem aggrediamur, trium vatum Hag-  
 gai, Zachariae & Malachiae, qui eadem tempestate vaticinati sunt, rationes cognos-  
 cere, atque breuibus explicare, operæpretium fuerit; atque an eadē communis illorum  
 legatio, an alijs atque alijs de rebus singuli legati fuerint, differere. Igitur Iudæos ex Ba-  
 bylonica captiuitate liberatos eo consilio in patriam à Deo restitutos fuisse apud Hag-  
 gaum docuimus, ut promissum ex gente sua totius orbis seruatorem Christum in patria  
 & certius expectarent, & commodius excipere possent. Cuius ut virtutem diuinamq;  
 in se efficientiam experiri contingeret, religionis & pietatis veræ studia sanctè ac purè  
 profiteri adhiberi que expediebat; atque ad eam rem & commodius adornandam &  
 diligentius agendam, templi commoditate opus fuerat: cuius ædificationem multis an-  
 nis ob externa impedimenta intermissam, atque oportuno etiam tempore ob ciuium

negligentiam penè desperatam, ut tandem suscipi & curari persuaderet Haggæus vates imprimis grauissimam obijt legationem: cuius vniuersum ferè argumentum in hac peroranda oratione consumitur. At verò Zachariam ijs de rebus legatū à Deo fuisse cognouimus, quibus vêturæ, quamdiu templum illud duraret, à regnis & imperijs calamitates, aliaque publica pericula & incommoda, nonnulla etiam cōmoda continerentur, præter exhortationem ad opus templi perficiendum, quæ & huic cum Haggæo communis fuit. his etiam quædam vaticinia adiuncta sunt aduersus eos, qui libertatem illam ex Babylone negligentes Ierusalem redire noluerant. Porro autem Malachias vates diuinam causam imprimis contra eos, qui ex Babylone remigrauerant, suscepit, in qua de nefaria exterorum connubiorum consuetudine agitur, ac præterea futuri temporis rationes notantur, & publici hominum redemptoris Christi mysteria quædam grauissima prædicuntur. Itaque tres hi vates, Haggæus, Malachias & Zacharias eadem tempestate legati fuere, qui reductum ex captiuitate populum Dei voluntatem coniūmque docerent, atque ad templi ædificationem cohortati, ad virtutis ac pietatis perpetuum studium excitarent. Etenim nisi horum vatum auctoritas, consilium atque opera accederet, Iudæos templi ædificationem desidiose neglecturos fuisse arbitramur, eamque adeo maximè superuacaneam existimaturos, quod antiqua illa, diuina & maxima ornamenta Prophetia, arca sacra, vim & thumim, cæteraque sancta atque veneratione digna monimenta in eo templo desideranda esse intelligerentur. Quam obrem horum trium vatum officia tam diu exitire, quoad templi opus perfectum absolutumque fuit: postea verò vaticinium defecisse omnes Hebræi auctores memoriz prodiderunt. Atque adeo hanc fuisse causam, quam ob rem vates hi legati fuerint, præterquam quod ipsa eorum scripta docet, Esdras etiam scriba confirmat. Prophetauerunt autem Haggæus propheta & Zacharias filius Addo prophetantes ad Iudæos, qui erant in Iuda & Ierusalem. Tunc surrexerunt Zorobabel filius Salathiel, & Iosue filius Ioseph, & cœperunt ædificare templum in Ierusalem, & cum eis propheta Domini adiuvantes eos. & alio in loco: Seniores, inquit, Iudæorum ædificabant, & prosperabantur iuxta prophetiā Haggæi propheta & Zachariæ filij Addo, &c. In quarto etiam Esdræ libro Malachias, Haggæo & Zachariæ annumeratus est. Atque ab alijs etiam Hebræis auctoribus traditum accepimus, prophetiam quadraginta annis à libertate Babylonica, apud Iudæos durasse, quoad restituendi templi opus absolutum fuerit. Id quod maxime cum illo Iudæorum testimonio conuenit. Quadraginta & sex annis ædificatum est templum hoc, &c. Quidquid autem Haggæus, Zacharias & Malachias vaticinati sunt, id omne ea causa actum est, ut absoluti templi commoditate vsu Iudæi religionem purè sanctèque colerent, & diuinam gratiam & tutelam assiduo pietatis studio sibi promeriti cæteris Israëlitis restitutionem impetrarent: quæ tamen illis ratio omnino immutata est. nam per summa & nefaria scelera occiso primum Zacharia inter templum & altare; deinde multis & insignibus flagitijs vsque ad Christi mortem nobilitati, non solum vaticiniorum commoditate, diuini spiritus virtute, atque alijs cælestibus beneficiis carere, sed magnis perlatis bellorum ac famis & pestis miserijs, patria etiam regione tandem pelli commeruerunt. Atque hæc horum trium vatum negotij & muneris ratio explicata est. nunc verò deinceps Zachariæ explicationem inchoabimus. [In mense octauo, &c. Non ab re profectò fuerit hoc in loco rationem inquirere, quam ob rem in quibusdam vatum libris frequentibus vaticiniis conscriptis rara admodum, eaque obscura plerumque temporum notatio obseruetur, ut in Isaïæ, Hoseæ, Iosias, Amos, Abdia, Ionæ, Michæ, Nahhum, Sophoniæ & Malachiæ etiam vaticinijs, quibus nulla certa anni, mensis ac diei, quo mandata singula accepta fuerint, adnotantur tempora: rursus verò in quorundam aliorum scriptis, non solum totius in vniuersum muneris obiti ratio, sed singulorum vaticiniorum initia certa quadam ac diligenti admodum temporis, anni, mensis ac diei obseruatione notantur, ut in Haggæi & Zachariæ libris, & in pluribus apud Ieremiam & Ezechielem locis videre est. namque ea ratio, quam plerique ex vaticibus tenere consueuerunt, ut in librorum principijs, regum, quorum tempestate vaticinati fuerint, nomina exponant; longè diuersa à præsentis disputatione est: quandoquidem illis in locis ætas ipsa, ad quam Vates pertineat, communi quadam notatione significatur. in alijs vero horum, quos indicauimus, vatum vatici-

i. Esd. 5.  
2. Esd. 6.

4. Esd. 1.  
Auctor lib.  
Hacozer, Salomo Iarrihi  
super Misac  
Ioma.  
Ioan. 2.

vaticinijs magis exacta quædam temporum, anni, mensis, diei habetur definitio. quæ  
verò huius tantæ varietatis causa reddi possit, ea nobis quærenda est. Igitur ut  
in proœmialibus horum commentariorum disputationibus longius latiusque disse-  
ruimus, non omnium vaticiniorum necessaria & propria ratio certam & exactam  
5 temporum ex anni, mensis & diei notatione descriptionem exigit. namque vaticinio-  
rum legationes aut tribus de causis aut aliqua ex illis aguntur. prima est, ut diuinæ sapi-  
entia & scientiæ veritas ac certitudo hominibus probetur; cui vni futurarum rerum  
cognitio ex prædictionis certa & constanti fide verè ascribitur. secunda verò causa est,  
ut diuinum consilium & voluntatem edocti homines, sibi, actionibus moribusque suis,  
10 atque omni cum priuata, tum communis vitæ consuetudini sapienter consulant. tertia  
autem est, ut duæ maximæ atque commodissimæ virtutes hominum animis diuinitus  
infusa oportuna ac necessaria constantia & stabilitate firmentur. Hæ sunt, fides, in qua  
maximorum mysteriorum & sacrarum promissionum ratio continetur, & huic coniun-  
ctissima promissarum diuinitus rerum & præmiorum spes: quæ fortitudinis atque tole-  
15 rantia genitrix alitrixque est. At verò multa in huiusmodi causis argumeta extare posse,  
quorum ratio nullam neque ad cognoscendum, neque ad agendum temporis exactam  
notationem exigat, res ipsa planè ac manifestè docet. Ex qua re effectum est, ut primi  
illi vates, Isaias, Hoseas, Ioël, Amos, Abdias, Ionas, Michæas, Nahhum, Habbakuq,  
Sophonias, atque vltimus omnium Malachias nullam certam atque exactam nimis  
20 temporum mentionem in vaticinijs suis fecerint, quibus futurarum rerum prædictiones,  
& visorum sibi mysteriorum expositiones continerentur. Ieremias etiam & Ezechiel,  
præter pauca quædam loca, reliqua omnia responsa absque certa temporum observa-  
tione edidère. In quibus verò temporis ratio adnotata est, necessariam commodissi-  
mamque esse, ex ipsius argumenti sententia indicatur: quemadmodum in singulis locis  
25 eo usque propitio numine deducti oportunè docebimus. Interim verò quæ de huius-  
modi temporum notationibus apud hos duos Haggæum & Zachariã ratio nobis reddi  
potest, eam breuibus reddamus. Dicimus autem Haggæum primam muneris sui lega-  
tionem anno secundo Darij sibi diuinitus ad Iudæos datam exposuisse, ut ostenderet eo  
tempore, cum ædificandi templi oportunitas accessisset, & Darium regem mente & vo-  
30 luntate in templi ædificationem coniectum, & sibi eandem rem ad populum referendã  
fuisse susceptam. Vtrumque autem à Deo esse, à quo & regis animus, ut vellet & cupe-  
ret, incitatus, & sua ipsius mens, ut voluntatem etiam diuinam consiliumque populo  
aperiret, diuino spiritu, ut idem vaticinaretur, inflammata est. namque vtrumque eo-  
35 dem anno accidisse ex Esdræ libris cognouimus. Dies verò sexti mensis prima, quæ pri-  
ma Elul dicitur, propterea à Vate obseruata est, quòd eadem nouandis in hominum vti-  
litate religionis rebus sancta atque insignis iam inde à principio haberetur. namque  
eadem die Moyses post priores diuinæ legis tabulas ruptas instaurata rursus lege & im-  
petrata populo diuina gratia ex monte ad castra re composita redijt. cuiusmodi imagi-  
40 nem quandam sibi diuinitus referri Vates docebat, cum de diruto iam templo instau-  
rando, atque de populo ad gratiam felicitatemque reuocando legaretur. De die verò  
Pentecostes, quæ nobis Christianis celeberrima sanctissimaque habetur, qua spiritu  
sancto per Christum in discipulos misso, & noua spiritus vitæ lex mentibus hominum  
inscripta est, & nouum Deo templum in illorum animis est dedicatum, multa &  
45 maxima mysteria nobis aliàs eodem spiritu annuente aperienda sunt. Cum verò se-  
cundi vaticinij apud Haggæum argumentum ad primi rationem omnino referatur, ut  
mensis & diei ratio explicaretur, nihil opus fuit. in tertij autem vaticinij explicatione,  
anni mentione prætermisssa, mensis & diei observatio oportunè ad argumenti ratio-  
nem addita propterea fuit, quòd ea dies solenni & maxima lætitia publicè olim co-  
50 lebatur: quæ vltima festi tabernaculorum erat, expiationisque maximæ dicta fuit.  
Ea verò vicesima dies mensis Tisri erat, quæ ab Israëlitis ex legis ritu Hosliagaa  
magnum dicebatur. cum autem eadem die antiquo & solenni instituto magna homi-  
num frequentia templum celebrari consueuisset, atque ea occasione multi ex senibus  
in eum locum cõuenissent, quos prioris templi splendoris, nitoris & similis olim celebri-  
55 tatis ac lætitiæ recordatio dolore ac mœstitudine afficeret, atque in noui operis concin-  
nandi humilitate & tenuitate seigniores redderet, cõmodè eadem die vaticinij munus  
Vari de ea re ad populum, maximè verò ad senes delatum fuit, quibus inchoatum nu-



perimè ædificium perinde, quasi nullum omnino futurum esset, indicabatur. Atq. quantum Haggæi vaticinium temporis etiam certam notationem postulabat, quod præteritorum ad eam usque, diem annorum & mensium sterilitatem commemoraret, & futuram deinde ubertatem ac rerum omnium copiam ab eadem die, quæ prima virgendo operi fuit, gignenda sibi polliceretur. Erat autem ea dies vicesima quarta mensis noni anno secundo Darij regis, tempore videlicet, quo sementis fieri solet. Is mensis Chaldaicus est Chisleu, quæ novembris nostri luna efficit. atq. eo tempore non modò ex diuina auctoritate & populi studio, sed regia etià facultate templi ædificationi incumbebatur. Vltimum porro vaticinium eadè die omnino cum quarto editum fuisse ea causa adnotatur, vt Zorobabelis rationes ab eius promissi, quod populo factum fuerat, definitione exceptæ separatim explicarentur. Namq. populo ob institutà templi ædificationem earum rerum, quæ ad victum vitamq. pertinent, copia & facultas in eadè regione ex eo tempore futura promissa est. Verum Zorobabeli ob procuratas religionis res, amplissimum aliud præmium fuit expositum, quod non præfenti, sed futuro tempore tribuendum esset, nominis videlicet celebritas & gloria in Christi Iesu historia æternitati cõsecranda, cum sibi interim Iudæa regione cedendum, atque in Babylone quod reliquum vitæ fuit, peragendum foret. Oportuit autem eodè die & populo cõmunem sortem, & Zorobabeli à cæterorum ratione excepto suam propriam priuatè denuntiari. Quàobrem eadè die duplex sibi & ad populum & ad Zorobabelè à Deo mandatū acceptum fuisse Vates exposuit: atq. hoc pacto certam temporis diligenter adnotandi causam Haggæo fuisse demonstrauimus. Idè autè & apud Zachariam cõmonstrare operæpretium fuerit. Huius igitur primo vaticinio anni secundi Darij regis & octauis mensis, prætermittitur tamen die mentio facta est, vt diuini consilij ratio ex anni etiam & mensis obseruatione Iudæis constaret. namq. eo anno & mense Darij regis spiritus ad decernendam templi ædificationem, Iudæosq. ad eam rem opportunis rebus auctoritateq. iuuandos fuit excitatus: id verò vno casu, sed suo ipsius consilio, voluntate & impulsu factum Deus ostenderet, tempus à Vate annotari, omnemq. rei rationem diligenter exponi voluit. Quod quanquā hactenus multis & nefarijs sceleribus publicè priuatèq. offensus & irritatus in illorum patres bello, calamitate atque captiuitate animaduernerit, tamè nunc sua ipsius misericordia placatus mitius & benignius illis consulere statuisset, atq. ex seruitute liberatis in patriamq. restitutus ad bene, pie, beatèq. viuendum cõmoditates omnes creare cõpisse. Cuius quidè à se obtinendi boni cum pura & sancta religionis obseruatio primū illis caput sit, effecisse imprimis ipsum, vt neq. per regem, neq. per aliam temporum aut rerum importunitatem staret, quo minus cõmodus ad religionis res procurandas & agendas locus restitueretur. Quam ob rem Darij spiritum vt ad ædificandum templum facultatè & sumptus etiam illis suppeditaret, sibi esse excitatum, vt si rectè, innocenter ac sanctè viuere de integro studuerint, suam ipsius præsentem gratiam, prouidentiam & virtutem diuinam experiri liceat. namq. hoc suum de illorum restitutione, deq. regis dirigenda & cõfirmanda voluntate consilium fuisse cõfirmat. At verò quod mense octauo secundo regni sui anno Darius ædificandi templi copiam ex decreto fecisset, eum annum atq. mensem Zacharias annotauit, diem verò mensis prætermisit, cum nihil vel ad ædificationem, vel ad Iudæorum res nouum aut commemorandum ex diei notatione obseruari contineretur. Per idè autè tempus quo materie parata templum ædificari inciperet, rem fuisse ad Darium relatam, & facultatè operis perficiendi ab eodè liberè datam, atq. ad eandem populum persuadendam rem Haggæum & Zachariam diuinitus fuisse legatos, facile ex historijs Esdræ cognosci potest. Illud igitur huius vaticinii argumentum est, Diuinæ prouidentie cõsilio Iudæis cõtigisse, vt opportuno loco & tempore pie atq. sanctè viuendi, sibiq. diuinam tutelam & gratiam cõciliandi cõmoditates maximæ crearentur. Atq. cum Zachariæ Vatis nomine Barachias pater & Addo auus, tum honore, tum auctoritatis causa nominati sunt, siue quod vterq. illustris apud gentem suam fuerit, siue quod Addo etiam prophetico munere fuerit aliquando functus, vnde Zachariæ ipsi fides etiam cõciliaretur, quod domestico exemplo officium integrè susceptum sanctè ac purè præstandum esset. namq. prophetæ agnomen ita Hebraicè scriptum est, vt vtrius, vel vtrique etiam, & auo, & nepoti attribui commodè possit. Præterea & Barachiam patrem distinctionis etiam gratia nominatum putamus, quod multi eiusdem nominis in sacris historijs inueniuntur: qui tamen certis aut generis, aut familiarum vel locorum notis inter se distinguantur. Atque ob eam rem hic idem vnà cum patris nomine à Christo est allegatus. quia de re nosin prophetarum libris disputationibus plura diximus. Hactenus ergo operis inscriptio est, quæ prophetæ nomen

nomen atque genus; vaticinij auctoritas & modus exponuntur, dicendisq; rebus ultra fidem docilitas etiam conciliatur, quod diuinum verbū sit prophetica inspiratione factū, quod certo tempore cum res ipsa cum dicentis oratione omnino consentirent, id mandatum ad populum referendū, non tantum scribendum fuisset datum. namq. in ipso inscriptionis sine illud additum est: *dicens* siue vt Hebraice est, *ad dicendum*. hoc est, factum est illi verbo Domini, quod populo exponeret. Id autem verbum huiusmodi fuit:

*Iratus est Dominus super patres vestros iracundia.*

E A R V M, quibus affecti haecenus Israelitae fuerint, arumnarum causam publicae priuataq; ipsorum culpa & pertinacia; restitutionis vero & paratū ipsis meliorum rerū vltimū & comoditatem sibi Deus per Vate ascribendam curat; quippe qui grauiore iniurias & contumelias eorum patribus ab Assyrijs & Persis insolenter perlatas vltis fuerit, tantū abest, vt ipsis vltro nocere voluerit, idq; adeo ex eo confirmat, quod, nisi ipsi sibi impedimento in ea re fuerint, meliora omnia illis de cetero cōsulat & pareat. Ipsa sermonis & Hebraice dictionis ratio Deū nō tam aduersus Iudaeorum patres, quam pro illis aduersus alias gentes iratum fuisse, indicare videtur. namq. verba illa, [*Super patres vestros*], interdum causam irae magis, quam eos, in quos concepta fuerit, significat, vt: Irritauerunt enim super aquas Psal. 105. contradictionis. quo in loco eadem orationis figura & tropus idem est. Docet igitur, Deum non solum illis vltro infensum esse nolle, sed magnam etiam ob eorum patres, a quibus tamen grauissimē offensus fuerit, aduersus Assyrios & Persas iram effudisse: quod & Babylonis excidium, & Nabuchodonosoris familiae allata clades, & Persarum etiam, qui templi aedificationē impedierint, calamitates ostendere facile possent, Deum iratum iracundia ob eorum patres, cum quibus insolentius & diutius, quam aequitas ratioque postulabat, actum fuerit: id quod & secundo vaticinio declaratur. Zelo zelatus sum super Sion & Ierusalem: & ira magna ego irascor super gentes opulentas. Huius, igitur versus haec non inconcinna sententia esse videtur: quanquam illa etiam aliena nō est, quam Chaldaeus paraphraestes ad patrum culpam referens indicauit hoc modo: *Fuit indignatio à facie Domini super patres vestros, quoniam ad indignationem prouocauerunt coram illo.* Id vero quod his subiungitur,

*Et dices ad eos, haec dicit Dominus exercituum,*

A D praecedentis orationis asseuerationem est referendum. namq. Iudaeis fidē Vatis legationi habentibus id, quod propositum fuerat, verbi sui auctoritate confirmatum voluit Deus. Itaque oratio ipsa hoc modo concinnatur, vt iubeat Deus Vatem, [*Et dices ad eos, haec dicit Dominus exercituum,*] videlicet, se iratum iracundia super patres vestros fuisse. praeteritarum autem rerum expositioni, quemadmodum in posterum prospici oporteat, consilium diuina auctoritate confirmatum instituitur.

*Conuertimini ad me, dicit Dominus exercituum, & conuertar ad vos dicit Dominus exercituum.*

V O L V N T A T E M consiliumq; diuinum, humanam voluntatem & conatus anteire, cum multis alijs, tum ex hoc loco planē docemur, atque haec ad praecedentem gratiam, vt theologi vocant, comodē referuntur: exigitamen ab hominibus ea, quae in ipsis esse possunt, voluntatem, conatus & studium, manifestē etiam hac lectione discimus. [*Conuertimini ad me.*] hoc enim gratiam illam, quam subsequenter dicunt, praecedat, necesse est, quae diuinæ benignitatis & tutelae conciliationem confirmationemque habet; quam illa oratione significauit Deus, [*Et conuertar ad vos.*] Promittit autem se auxilio, gratia, tutela, benignitate atque illustri quadam prouidentia eos ad pietatis officium animo & cogitatione studioque conuersos prosecuturum esse, vt quem haecenus auersum absentemque sibi minuique benignē prospicientē intellexerint, nunc deinceps praesentissimū & placidum propitiumque vehementer experiantur. Id verò, quod semel atque iterū & saepius in eadē oratione nomē appellatū est, eò pertinet, vt suā diuinā atq; praestantissimā virtutē ad gerendas agēdasq; ex animi sentētia res cōstare sibi semper Deus ostendat & cōfirmet; quanquā enim exercitibus suis ad illorum patres puniēdos & bello captiuitateq; mulcandos vsus fuerit, eadem tamen exercituum vim & copiam sibi ad eosdem vindicandos, reducendos, tentandos, atq; omni praesidio regēdos superesse: adhuc enim nomē illud *domini exercituum*, ad omnē agēdā rē integrū sibi permanere ait. Sunt autē illi caelestes & terrestres exercitus plurimi, quorum virtute, copijs & opera pro oblata rei ratione & comoditate

moditate, nunc hoc, nunc illo modo vtatur. Itaq. vt ille aliarum gentiū exercitiis missis Israëlitos exercitus, qui iam pridem à se defecerant, fudit & dissipauit, ita etiam nunc demum eisdē Israëlitos exercitus, si modò defectionis benè pœniteat, meliorq. suū ipsoꝝ cura tangat, in gratiā receptos facillè restituet: qui eadem semper ad agendū sapiētia, prouidentia & virtute præditus, iisdem exercitiū copijs instructus est. Atq. adeo per ipsum Deum non stet, quo minus omni ad felicitatem cōmoditate & facultate fruantur, qui illius erga se voluntatē ex hoc ipso, quòd in patriā restituti fuerint, intelligere possint, & consiliū etiam vltro oblatum, nisi peruerso maiorum suorū exēplo repudiare velint, commodissimè capere atque exequi valeant: ita cū neque agendi commoditate, neque consilij copia destituantur, maxima profecto sua ipsorum culpa, si posthac peccent, peribunt, maximè cū domestico ac recenti maiorum suorum exemplo commouentur: quibus oblata commoditatis & cōsiliorum diuinorum neglectio eas, quas perpepsi hactenus fuere, incommoditates miseriaq. attulit.

*Ne sitis sicut patres vestri, ad quos clamabant prophetae priores, dicentes, Hæc dicit Dominus exercituum, Conuertimini de vijs vestris malis, & de cogitationibus vestris pessimis: Et nō audierūt, neq. attēderūt ad me, dicit Dominus.*

IUDÆOS in patriam restitutos à pernicioso maiorum suorum exemplo deterret, qui cū loco & diuinis beneficijs abusi reuocātium ad officium vatum cōsilia repudiasent, in maximas calamitates culpa meritoq. suo inciderunt, atq. vel bello occisi, vel captiui abducti ijs rebus, quibus ad inhonestā voluptatem & turpis ac sceleratæ vitæ consuetudinem abusi fuerant, hoc est, patria, fortunis & possessionibus deturbati sunt. id quod ipsorum coacta confessione conuincit atque virget.

*Patres vestri ubi sunt? Et propheta, nunquid in sempiternum viuunt? veruntamen verba mea & legitima mea, quæ mandauī seruis meis prophetis, nunquid non comprehenderunt patres vestros?*

EXITIALI & grauissimopatrum exitu relatæ vatibus repulsæ culpam scelusq. indicat. namq. & Iudæorū & cæterarū tribuum captiuitatē & dispersionē obijcit, & vtilissimæ vaticinij oportunitatē, semel oblatam, non negligendā esse docet. [Patres vestri ubi sunt?] non tam eos, qui fame, peste, belloq. perierunt, quam qui partim ab hostibus captiui abducti redire in patriā prohibiti sunt, partim verò bellorū metu & angustijs pressi relicti patria toto orbe dispersi sunt, significat; eos enim in sua antiqua regione desiderari dicit, *ubi sunt?* Anne, vbinam sint, nostis? profecto illi apud Iudæam regionem non sunt. quòd si, vbi sint, indicare velitis, vestra confessione diuinam causam confirmabitis. Igitur diuino beneficio restitutis vobis patriæ huius, in qua patrum vestrorum, neq. vestigia quidē extant, fructu, atq. diuini consilij & vatum cōmoditate, quoad contingat, sapienter vsuadeo. Neq. enim perpetua patribus vestris vatum copia fuit, neq. vobis etiam sempiterna suppeditata est. namq. eos, qui olim fuerunt prophetae, & qui nūc sunt, perpetuæ vitæ longitudine in vestra gratiam donatos non esse, res ipsa planè indicat; an verò alij in posterum suffiendi sint, incertum id vobis obscurumq. est, præteritis exemplis & præsentī oportunitate vti, cōsultissimum omnino vobis fuerit. [Nunquid propheta in æternum viuunt?] futurum propediē vaticiniorum desiderium hac oratione Zacharias populo significat: diuina autē iudicia & decreta firma, perpetua cōstantiaq. semper fore confirmat; docetq. pœnas semel constitutas in eos, qui diuinæ legis præcepta institutaq. violauerint, certissimas omnino esse, siue prophetae, à quibus prædictæ illæ fuerint, viuant, siue non viuant. Itaq. vatum mors & desiderium consilij oportunitatem & vtilitatem adimit; prædictarum verò pœnarum & suppliciorum, atq. calamitatum euentum non adimit. Magna ergo vatum iactura est, qua maximæ cōmoditates auferuntur; incōmoditates verò vel ab illis prædictæ, vel ob illorum repulsam cōparatæ, nihilominus euentu ipso firmantur. quam rem ipsoꝝ, qui in captiuitate fuerint, maiorum sensu, periculo, & confessionē confirmat. Nunquid verba mea quæ ego præcepi vobis non viuunt & constant semper: eaq. cōprehenderunt re ipsa patres vestros, qui ob violata legitima mea, quæ ego seruis meis prophetis procuranda & cōmendanda credideram, maxims ærumnis, & dignis supplicijs affecti suo periculo ea, quæ à me vates in impios ac sceleratos decreta esse prædixerant, quanquā primū contēpserint, tamen sentientes tandē postremū etiā post prophetarū obitū confessi sunt.

*Et con-*

*Et conuersi sunt, & dixerunt, Sicut cogitauit Dominus exercituum facere nobis secundum vias nostras, & secundum adinventiones nostras fecit nobis.*

HORM patres ab ea infania & errore reuocatos esse ait, qua olim acti vatibus durissimas pœnas denuntiantibus fidem non habebant. atq. hæc res illo verbo significatur, *Et conuersi sunt*, & ad sese tandem, inquit, sera nimium pœnitentia redeuntēs diuinarum comminationum & vaticiniorum fidem atque constantiam experti ac testati fuere, [*Et dixerunt sicut cogitauit Dominus exercituum.*] Apud Hebræos verbum *zama*, sententiam de aliqua agenda re, consiliumque priuatē cuiuspiam agitatū significat: quod vni soli sine aliorū arbitrio aut intercessione initū fuerit. Id verbū Latinus interpretēs nō ineptē cogitare vertit, quodd cogitatio agitationē mētis, corde animoq. versatā iē significet, Hispana lingua interpretamur *comedir*. Igitur patres illi Iudæa regione pulsī, re ipsa tandē edocti illud testati sunt, Deum ipsorum sceleribus offensum & vehementer irritatum plenē animi sententia in eos animaduertisse, idq. meritissimē [*secundum vias nostras.*] Iustæ punitiōis testimoniū hoc est: *adinventiones* autem Latine excogitata studia reddere vtrūq. possumus. Plures autem in diuinis libris orationes in hanc sententiā sunt, vt: *Cogitauit Dominus & fecit*, quæcūq. locutus est cōtra habitatores Babylonix. & illud: *Fecit Dominus* quæ cogitauit, cōpleuit sermonē suum, quē fecerat à diebus antiquis. Huiusmodi namq. seueritate vatū suorū legationes cōfirmāuit apud eos, qui re ipsa & ratione atque orationis fide ac ministerij dignitate cōmoueri & duci noluerūt, sicut scriptū est: Si enim qui per angelos dictus est, sermo factus est firmus, & omnis præuaticatio atq. inobedientia iustā accepit mercedis retributionem, &c. Hactenus primū vaticiniū est, quo Iudæi maiorū suorū exēplo cōmoueri, sibiq. cauere iubentur, ne exercendē pietatis cōmoditate neglecta, atq. oportuno vatū cōsilio repudiato, simili cum patribus excisionis atque exilij pœna tandē plectātur, quo in sermōne & diuinū de Babylōnica libertate cōsiliū, & vaticiniorū propediē futura cessatio, & extrema illa clades Ierosolymis ob repudiatū Christum allata exponuntur. Secundū autē vaticiniū, & oratione magnum, & explicandæ sententiæ rationē grauissimū est. constat enim ferē ex visionum spectris: quæ vaticinandi ratio difficillimos explicatus habet. Sunt autem huiusmodi spectra numero decē ita sibi cohærentia, vt ad vnius vaticinij rationē omnia referantur, in quibus plurimas & perdifficiles ad rerum cognitionē inuestigandā quæstiones tractari necesse est. Hæc autem vt commodius præstari à nobis possint, implorato ad vota diuino spiritu, argumento imprimis proposito, summatim cognoscenda exponemus.

## SECVNDI VATICINII ARGVMENTVM.

EARVM rerum atque euentuum, quæ in Ierosolymitanos ciues & Iudæos omnes in posterū manerent, imagines & species certis rationibus spectandas Vati Deus obicit, & quemadmodū cū populo illo futurorū orbis imperiorū Græci ac Romani tēpestatibus agendū sit, ostendit. Ea autē ratio sic explicatur, videlicet, diuina misericordia & benignitate efficiendū esse, vt sacrū illud tēplum & vrbs etiā muri restituantur. Veruntamen Iudæis & Israëlitis omnibus restitutionē integrā atq. reconciliationē illā omnibus numeris absolutā, quā Vates cæteri prædixerint, secundi illius templi tempore nō contingere, imò aliam & vrbs excisionem, & calamitosam totius gentis captiuitatem & dispersionē expectandā fore, eamq. miseriā tam diu ferendā, quoad exantlatis laboribus, Dei iudicium imprimis ac deinde clementiā experiantur, & illa Ierusalē sancta atq. cælestis his etiam ciuibz cooptatis frequentetur. Huius verò rei occasione quatuor orbis imperiorū ratio Vati ad cognoscendū proposita est, quorū dominationem Israëlita etiā & Iudæi tulerunt, hoc est, Babylōnici, quod iā defecerat, Persici, quod tum vigeat, & futurorū postea Græci atq. Romani. his autē ipsis imperiis quatuor extrema clades, ob publicæ iniuriæ noxiā, diuino iudicio afferendæ subiūguntur. Post horū autē imperiorū finē, Israëlitarū, qui verē Israëlita sint, ascriptionē in cæleste regnū futurā esse, atq. cælestē illam Ierusalē (quæ in terris fundata in celis perficitur) lōgē lateq. dilatandā & propagandā, adeo, vt murorū ambitu nō contenta, vicatim diuisa atq. extensa colatur & habitetur frequentissimē. Tum demum autē Israëlitis filios, qui Assyriorum vi quondā abducti atq. dispersi perierant, & eos etiam, qui ex Ierosolymitano excidio supersuerint, in eam, quam significauimus, ciuitatē recipiendos fore, Deo vicem illorum vlciscente: ita vt ea res magnā ceteris gentibus omnibus admirationem moueat. Interea verò singulare quoddam ac priuatum beneficium Vates prospicit, quo Iesu pontificis maximi posteritas ob patris virtutem & pietatem afficiendā fuit interim, dum templum secundum maneret vsque ad Machabeorum ætatem. Præterea & Græcorum aduersus



aduersus Ierosolymitanos insidias, odia & similitates maximè Antiocho regnante futuras prouideri atque horum etiam hostium cladem ab Aegyptijs afferendam praedicat. Sacerdotè verò ipsum diuino iussu sacris vestibus ad pontificij dignitatem declarandam ornatū fuisse, atq. huius posteritati retinendae in posterum dignitatis legem propositam esse ostendit; nimirum si officium suum purè sanctèq. semper certissimo Dei consilio constitutum iam decretumque illud fuerit, ut non multo post illa tempora maximus ille diuinæ voluntatis & consilij minister, nuntius & procurator SHEMAHH nomine, hoc est, Christus, adueniret. Tunc vero fore ait, ut lapidis illius, qui coram Iesu sacerdote erat, hoc est, templi, quod tum lapidibus edificabatur, maiestas & dignitas mirum in modum augetetur; utpote cui septem celestibus ornamentis illustrandum fore, per quem & terra antiquorum scelerum maximisque & aeternae cuiusdam ac diuinæ pacis domicilium erit. Ob eam verò rem candelabrum aureum Vati ostenditur, quod humanum genus in diuinam gratiam receptum significat: cui maximum & perpetuum decus & ornamentum Dei prospicientis consilio & beneficio accesserit. duas præterea oliuas, hoc est, regni & sacerdotij perpetuam dignitatem, quæ vnctionibus huiusmodi significantur, Vates contempletur, quo in loco Christum ex Zorobabelis præfecti familia & stirpe oriturum Deus declarat. Fore autem ait, ut quemadmodum Zorobabelis manu secundi templi fundamenta iacta sunt, sic etiam sacrosancti illius tertij templi fabricatio Christi Iesu virtute atque opera efficiatur.

*In die vicesima & quarta vndecimi mēsis Sabbat: in anno secundo Darij regis factū est verbum Domini ad Zachariam filium Barachiae filij Addo prophetā, dicens.*

**T**RIA in huius vaticinii initio obseruanda cum primis occurrunt, quæ indicata attentionem & diligentem interpretum ad explicandum sedulitatem requirunt: explicata autem pretium operæ legentium absoluent. atque primum ipsa exacta temporis notatio est, qua vicesima quarta vndecimi mensis indicatur dies. secundum verò nomen mensis expressum. cuiusmodi rationem Vates hic solus inter cæteros nouam suscitauit, neque tamen alibi, quàm in secundo hoc & proximo tertio vaticinio persequitur. Tertium porro paterni & auiti nominum repetita deintegro appellatio est; qua, præterquam in primo & secundo vaticinijs, nusquā aliàs in toto opere Vates vtitur, sui tantum nominis commemoratione & persona propria contentus. namque in omnibus alijs locis legimus, [*Fuit verbum Domini ad Zachariam, &c.*] Hæc autem omnia quam ob rem diligenter notarentur, perspecta Vati ipsi vaticinii magnitudo & grauitas in causa (ut videtur) fuit, cui tantarum rerum tam frequens visio, tamque perpetuum & sublime argumentum, nimirum tota suæ gentis rerum futura species & ratio digna iudicata fuerit, quam auctoritatis & dignitatis ostendendæ gratia, & suo, & patris, & aui etiam prophetæ nominibus appellatis confirmaret, ostenderetq. eam rem sibi Vati in vatis aui familia & domo atq. paternæ disciplinæ diu versato; tamen, præter alia omnia vaticiniorum & visionum exempla, maximam admirationem excitauisse, adeo ut nisi ab interprete diuino doceretur, quamuis sapiens & pius, quamuis in vaticiniorum cognitione atque vsu & suo munere & aui memoria Dei versatus: tamē quid tot tamque arcanarum rerum apparatus spectaculum portenderet, significationis incertus miraretur. Quamobrem & visionis, & interrogationis verba in singulis exemplis vsurpat, ut sibi ostensas quidem, nō tamen sine indice intellectas res fuisse fateatur. Atq. illud, quod in postremo ferè versus loco agnomen prophetæ positum est, ad auum potius, quàm ad Zachariam referendum esse & sententiæ Hebrææ & linguæ ratio docet. nam quæ nomina in libri initio ad certam Vatis & familiæ notationem & veritatis professionem ex aliorum vatum cōsuetudine inducta sunt, ad certam quandam earum, quæ dicendæ sunt, rerum magnitudinem & admirabilitatem ostendendam secundo vaticinio denuò repetita pertinent. Atque hætenus de nominum repetitione. Nunc verò de dierum & mensis notatione illud ex historia coniicimus, Persicum imperium ad quantumnam tempus duraturum esset, certa quadam significatione definiri, nimirum quinquaginta & nouem annos, quibus Persæ & Medi post Assyrios deuictos rerum potiti sunt. in antiquis enim Hebreorum monumentis legimus, Persis Israëlitas decem & nouem annis ante secundum templum ædificatum paruisse; atque ab anno quadragesimo post conditam denuò ædem Græci imperij annorum in publicis actis rationem apud Iudæos haberi cœptam: de qua ratione aliàs suo loco oportune dicemus. Atque vterque numerus vnde sexagenarium simul

simul iunctus efficit. quo tempore Alexandro Macedoni victori succumbentes Persæ orbis imperium amiserunt. Igitur Persici imperij rationes, quas visu & arcano spectro doctus Vates relaturus in hac prima imagine erat, vt certo temporis etiam spatio definiret, dierum numerum obseruandum exposuit, qui ad annos traductus totidem indicat, quot imperiū illud durasse cognouimus. namq. ex Haggæi lectione tēpli fundamenta vicesimo quarto noni mensis die iacta fuisse accepimus: duobus autē præcis diebū mensibus, hoc est, quinquagesimo nono die Vati nostro hæc, quā modo narrat, ostēsa est res. Quod verò id sibi indicatū esse hac dierū obseruatione voluerit, argumento est Assyrium mensis nomen ad significationis notandam rationem consultò præter consuetudinem vsurpatum, & demonstratiuo pronomine sic Hebraicè indicatum. *Vndecimi mensis, ipse est mensis Sebat*, muta litera, T, non aspirata in fine scribendū nomen. At verò *Sebat*, Chaldaicè, Hebraicè *Sebet* pronuntiatur: significatq. sceptrū & imperatorem siue dominatē principem: quo verbo Alexandri imperium, cui Persæ quinquaginta noueni annis rerum potiti concessuri erant, arcanè indicatum est. Deinde illud etiam ad eandem rem obseruandum est, ex duobus nominibus quibus mensis apud Hebræos vocatur, alterum certa ad hanc sententiam ratione consulto à Vate hoc in loco fuisse vsurpatum, idque esse *Hhadaß*, quod innouationem, siue nouitatem significat. Atque huius loco Hebraicam orationem ad verbum Latine redditam habita etiam mysterij aperiendi ratione sic sonare, [ *In die vicecima quarta vndecimi mensis.* ] quod nomē nouitatē sonat. ipsa est nouitas sceptri. nullo neque commodiori, neque certiori modo ea, quam Vates intendebat, temporis ratio aut celari, aut explicari potuit. namque apertè rem illa tempestate dici noluit Deus, cū Persarum res florebant, ne quod Israëlitz ob eam causam detrimentum acciperent. Quam ob rem & yniversa ipsa, quæ de hisce rebus Vati decantata est, ratio non apertis, vt futura erat, imaginibus, sed arcanis quibusdam spectris ac notis ostensa est. Possēmus etiam & eandem rem numeri quoque vndecimi contemplatione ex Hebraico suscepta amplificare, nisi breuitatis cupiditate ad vteriora explicanda raperemur. Ex quo fit, vt multa quæ nobis inter commētandum suggeruntur, vel inuiti prætermittamus, nō ingrata profecto non properantibus futura, qualia quæ de mensium prisco Israëlitarum populo ignotis & à remigrante è babilone Iudæorū gente adiectis nominibus narrari percomodè possent. Porro omnē tum ostensorum, tū interpretationum rationē non priuatē cuiusdā cogitationis, sed planē diuinam esse his verbis Vates cōfirmat, [ *Fuit verbum Domini ad, &c. dicens, vidi &c.* ] vt visæ & explicationes visorū diuini verbi auctoritatem & fidē auditoribus probent, quæ neq. sua ipsius neq. aliqua humana aut incerta, sed diuina prorsus explicatione à Vate commendentur. Is enim quamuis Vatem patre sapiente, & auo propheta prognatū, doctum ac ductū sese profiteatur, tamen difficiliora quædam vidisse ait, quæ nisi à Deo doctus esset, certa ratione exponere & literis mādare minus ausus fortasse fuisset. Quod verò in tertiā personā sui primum mentionem facit, ad rei exponendæ grauitatem & difficultatē ostendendā, vt superius annotauimus, pertinet. Grauius enim & significantius de se quispiam inter-  
Ici. 1.  
dum in tertiā, quā in primā personā loquitur, cuiusmodi illud est: Dereliquerunt Dominum, blasphemauerunt sanctum Israël, &c. quo in loco de se ipso Deus agebat.

*Vidi per noctem.*

H v i v s arcani vaticinij consultò obscuratam & abditam rationem ab aliis cōpluribus rebus & cogitationibus, quas expositores variè explicant, ad vnā argumenti ipsius, de quo agitur, grauitatem & magnitudinem reuocamus. Voluit enim Deus ea, quæ à vatibus suis populo Israëlitz priuatē prænuntiabantur, vel apertiora & planiora, vel certè minoribus & rarioribus nebulis inuoluta ostendere: maxime quæ ad futurarum ipsis rerum certam noticiā prædicenda essent (qualia calamitates, bella, pestes, abductiones, dispersiones & dissipationes fuere) vel quæ ad humanæ salutis promissionem spectarent: cuius mysterium etsi commune omnibus gentibus esset, vni tamen Israëlitarum genti illis temporibus tractandum, atque ( prout illa ætas ferebat ) cognoscendum traditum fuerat. Neque enim illius tantæ rei certa & aperta communicatio deo cum gētibz erat, si quæ tamen per Sibyllarum carmina (vt aliqui auctores tradūt) fuerit, certè eam minima cura, minimaque animaduersione tractatam per angustè apud illos patuisse, vel nulla, vel rarissima atque obscurissima, vehementerque incerta apud illorum auctores mentio arguit, namque certi & aperti salutis huius nuntij ab  
Tr  
Israëli-

Iai. 49.

Israëlitico populo ad omnes gentes primum ex diuini consilij decreto perferendi  
 „ erant, sicut scriptum est: Parum est vt sis mihi seruus ad suscitandas tribus Iacob & se-  
 „ ces Israël conuertendas. Ecce dedi te in lucem gentium, vt sit salus mea vsque ad ex-  
 tremum terræ. Igitur in eas, quæ cognitione explicationeque sui, aut denique officio ali-  
 quo Israëlitici populi nomen attingerent, quæque à cæteris gentibus vel ignorarentur,  
 vel negligenter curarentur, apertius & planius per Vates præcini Deus voluit. Eas verò  
 quæ cum Israëlitarum causa gentium etiam aliarum rationes in se maximas & publicas  
 continebant, multis obscurorum simulachrorum inuolucris tectas, & quasi velis quibusdā  
 obtentas Israëlitici tantum populi sapientissimis magna cura perspicandas tradi; neq.  
 ab aliis nationibus antè capi posse & intelligi, quàm vel ab Israëlitis ostensa, vel exi-  
 tu ipso declarata essent. Atque hanc causam esse arbitramur, quam ob rem quæcun-  
 „ que in sacris libris, de quatuor orbis imperiorum successione constantissime & certissi-  
 me scripta sunt, obscurissime tamen & per quædam inuolucra & integumenta ostensa  
 prenuntiataque fuerint; cuiusmodi sunt, quæ ab Ezechiele in Vaticiniis suorum ini-  
 tio scribuntur, & Nabuchodonosori per quietem visus multiplici materia conflatus co-  
 lossus: Danielis etiam spectra illa decantatissima. quæ omnia cæteris nationibus aliqua-  
 „ do celata, Israëlitarum verò sapientibus ad cognoscendum obseruandūq. exposita sunt,  
 sicut scriptum est: Notas fecit Dominus vias suas, filiis Israël voluntates suas. Igitur hanc  
 „ de quatuor orbis imperiis certam atque cum re ipsa conuenientem rationem, ne quid  
 vnquā sapientiam & prouidentiam suam fugere putari posset, consolidatā omnino habes  
 Deus vatibus atq. aliis ostendit: ita tamen vmbis & nubibus obuelatam, vt non cuius,  
 nisi sapienti & diuina interpretatione edocto subductam habere contingeret, neq. ve-  
 rō hæc Vatis huius in hac re obscuritas illis post dirutum & incensum primum sanum  
 temporibus tribuenda est, in quibus propheticus spiritus rarius & obscurius homini-  
 bus communicatus fuisse à nonnullis dicitur: namq. vt de frequentia nihil modò aga-  
 mus, aliàs commodius etiam fortassis acturi, certè obscuritatem vel perspicuitatem, nō  
 „ tam certis temporibus, quàm rerum & argumentorum generibus ascribimus. quippe  
 non modò Ezechiel & Haggæus atque Malachias, qui iisdem tēporibus vaticinati sunt,  
 multa aperta, & omni etiam populo exposita dixerunt, sed & hic idem Zacharias de  
 magnis quoque rebus ita apertè sæpe aliàs est locutus, vt nemo (modò eadem qua ipse,  
 „ lingua vteretur) apertius de iisdē agere potuisset: vt ex iis, qui ad populum habitū sunt,  
 sermonibus & ex templi restituendi, & religionis instaurandæ atq. diuinorum de Chri-  
 sto promissorum plenis orationibus dilucidè probatur. Quam ob rem horum spectro-  
 rum obscuritas ad res ipsas, quæ significantur, hoc est, imperiorum orbis grauissimam ra-  
 tionem à nobis refertur:

*Vidi per noctem, & ecce vir ascendens super equum rufum, & ipse stabat inter  
 mirtheta, quæ erant in profundo: & post eum equi rufi varij & albi: &  
 dixi, Quid sunt isti, Domine mi? & dixit ad me angelus qui loquebatur in  
 me, Ego ostendam tibi quid sint hæc.*

Cum descripta anni, mensis & diei certa notatio satis esse videri posset, tamen tem-  
 poris etiam horas atq. partes animaduersione dignas Vates nō sine causa indicauit *vidi  
 per noctem*, siue vt Hebraicè est, *vidi noctem*, addito articulo demonstratiuo *Hæc*: Solent  
 aliquando homines magnis in quiete somniis adeo stimulari, vt in ipso etiam somniandi  
 „ articulo, verene an secus illæ sibi offerantur species, incerti ambigant, quas postea ex-  
 tati, quamuis mirabiles, somniorum tamen nomine narrant: quibus non secus stimula-  
 tos atque affectos sese fuisse affirmant ac si veræ essent. cuius exēpli illud est: Vidit Pha-  
 „ raō somnium, putabat se stare super fluuium &c. & cum ipse etiam narraret, aiebat, *vidi*  
 „ *somnia* &c. In iis autē, quibus humana mens ad futuras absentesve & occultas res cog-  
 noscendas (quæ diuinitas dicitur) agitatur modis, postremū & infimum gradū som-  
 „ nia tenent; quod in eo ordine sunt, in quo multa sæpe visa incepta, multa vana & nihili  
 habenda dormientibus ostendantur; utpote ab alijs, quæ diuinis causis obiecta: quan-  
 quam ea, quæ Deus prouidēdi causa nonnunquā dat, certis quibusdam notationibus,  
 „ vt agnoscantur, confirmare solet. de quibus nos aliàs, modò ille vōtis ad sit, dicemus. ne  
 quis verò ex tēporis ratione, quodnam specierum genus hoc fuisset, quærere posset, di-  
 „ birationem expositione præueniens Vates tollit, se nocte quidem, tamē non somnian-  
 tem

rem sed vigilante species eas, quas narrare paret, fuisse intuitum: atq; ob eam rem hoc verbo vitur, *vidi nocte illa*. namq; alijs fortasse noctibus aliquid somniauerit; illa tamen nocte non somnias, sed vigilans viderit, quæ nobis narraturus est. [Ecce vir ascendens super equum rufum.] Orbis imperiū Alexandri Macedonis virtute à Persis adimendū ad Græcosq; transferendum hoc spectrum significabat: in quo vini species vati obiecta est, quæ vox hominem præstantem & rebus gerendis idoneum indicare in sacro sermone solet, ut illud: Nunquid non vir tu es? & quis alius similis tui in Israël? &c. Qualis etiam Alexander Macedo fuit, vir omnium, quos Prisca ætas inter gētes tulerit, vere maximus, qui duodecim annorū exiguo spatio tot tantasq; res bello gessit, ut nemini alij ex mortalibus fuerit cōparandus. Huic præter alia plurima adiumenta, quæ terrarū orbis imperiū portendere iudicata sunt, mirabilis ille equus vni domino ad vsus parens contigit: quem ob formæ & coloris speciem Bucephalon sui nominarunt. de cuius monstrosa erga ceteros ferocitate, & incredibili atq; studiosa etiam erga Dominum mansuetudine & facilitate plura etiam apud Iosephū Gorionis filium Hebraicè leguntur, quæ ab vilo vel Latinorum, vel Græcorum scriptorum tradita sunt. Huius autem equi rufi, hoc est, bouinam pellem referentis colore (nam rufi plerunque boues sunt, maxime autem in calidioribus regionibus) imaginem Vati Deus spectandam proposuit cū equite ipso, qui inter profundi myrthæ cōstitutus erat: quæ omnium antiquorū communi sententia, Babylonis regionis & vrbs ipsius situm significant. quippe Babylon in Senaaris regione sita Euphratis tum alueo, tum deductis per fossas aquis omnis ambitur: in qua maximam myrthetorum copiā gigni, & loci calidi atque fertilis commoditas, & eorum, qui eō venerint, obseruatio docet, ut Abrahami Eldæ filij etiam testimonio confirmatur. Illa autem tota regio ad Israëlitem collata humilis omnino & depressa iacere videtur, sicut scriptum est: Hi sunt autem prouinciæ filij, qui ascenderunt de captiuitate, quam transtulerat Nabuchodonosor rex Babylonis &c. Quod verò in eo loco visus fuisse vir dicatur, id nimirum significat, eius regionis Alexandrum portum extremam Dario eiusque imperio cladem attulisse: in qua etiam regione ipse quoque vltimum obierit diem, ut præter alios auctores Iosephus etiam Hebræus memoriz prodidit. Eius verò vita iam functi imperiū in quatuor præcipue partes diuisum, quatuor regibus gerendum cessit, atque in cōplures præterea principatus distributum est, in duodecim videlicet, ut quidam ex auctoribus enumerant, sed qui præcipui & maximi, post eius mortem, rerum potiti sunt, quatuor dicuntur, vxor videlicet Alexandri ipsius cum posthumo, ut aiunt, filio, cui Macedonia & reliqua fere Græcia cecidit, & Ptolomæus, cui Ægyptus atque Alexandria; Seleucus, cui Assyria ac Babylon, atque Antigonus, cui Persis regio & reliquæ Asiæ partes obtigere. Hos & ceteros, qui prius prouinciis & regionibus post Alexandri obitum præfuerint, non tanta auctoritate atque potentia illustres, rebus tamen gerendis & bello idoneos, variorum equorum imagine Zacharias vidit, nempe coloris rufi, varij & albi, quod neque ex hisdem generibus & familijs omnes, neq; ijdem vitæ & agendi moribus & cōsuetudine vterentur, siue quod certis varijs ornamentorum atque insignium, delectarentur generibus, quæ alios ab alijs singulariter distingueret: quorum exacta descriptio, quod res ipsa nimis minuta esset, à scriptoribus prætermissa, nobis etiā ignota est. Vbi Latine legimus varij, Hebraicè est, *serakim*: cuius nominis nullam certā notationem Hebræi grammai describunt, vox tamē ipsa, sericū aut sericeum significat, & in sacris libris vestes aliquando elegantissimæ, quales sericæ sunt, hoc nomine dicuntur: idemque verbum Arabicè sericū, ex quo vestes cōficiuntur, indicat, ut fulius ille inter flauum color, quo sericum, antequā alio fūco infectum sit, conspicitur, nobis significari videatur. Quis vero proprie rufus color, hoc est, bouinus sit, Chaldaus paraphrastes docet, reddens *sermak* est autē *sumak* planta ex arborum generibus, quæ exciecata coriatij ad pelles cōdidas paradasq; vtiuntur, cuius etiā fructum cōmolitum antiqui Græci pro sale mēsis adhibebant. Appellat autē medici plantā *Rhus*, Hispani pariter eum Chaldaus & Arabibus *sumak*, quæ fructumodi colore non modò pelles, sed manus etiā vnguesq; cerdentibus tractatā inficit. Siue igitur Alexandri regnū quatuor hæredibus distributum, filiorumque eiusdem generis cū sit, eodem patre rufi cū patre significatus est, & alijs tribus, quos diximus, qui equorum rufi, sericeo & albo coloribus distinctorum specieris ostēsi fuere, siue in duodecim in vniuersum partes, ut iam indicauimus, diuisum, & varij ingenij hominibus delatum intelligere placeat, integra vtrinq; & sibi constans



- visionis interpretatio & sententia est: quā Danielis expositio vehemēter cōfirmat. Porro  
 Daniel 7. inquit, hircus caprarū rex Græcorū est, & cornu grāde, quod erat inter oculos eius, p  
 „ est rex primus. Quod autē fracto illo surrexerūt quatuor pro eo, quatuor reges post  
 „ confurgēt, sed nō in fortitudine eius. hęc Daniel, qui & alibi etiā de Alexandro pr  
 Daniel 11. dicēs ait: Surget verō rex fortis, & dominabitur potestate multa: & faciet, quod placue  
 „ rit ei, & cū steterit, cōteretur regnū eius, & diuidetur in quatuor vētos celi: sed nō in p  
 „ steros eius, neq. secundū potentiā illius, qua dominatus est. lacerabitur enim regnū ei  
 „ etiā in externos exceptis his, &c. Igitur maximē Alexāder ceteris pręstare eo signifi  
 „ dicatus est, quod ipse equestris viri, alij verō equorū tantū simulachris Vati ostēdi fue  
 rint, neq. viri appellari, vt ille, quod viri nomē magna cū excellentia pręstantiaq. reli  
 quorū appellari soleat. At verō visi magnitudinē admiratus Vates, interpretationē d  
 ceri ab eo angelo, qui sibi dux & vaticiniij à Deo minister cōtigerat, cupit & rogat. [E  
 dixi, quid sunt isti domine mi? Angelū Dei sibi ad propheticū munus destinatū, interrogat  
 esse & tertie, personę pronomē, & respondētis indicatio arguit, neq. enim virū eque  
 streū rogās, quid sunt isti? sed, quā estis dixisset. Ipse autē qui respōderit, interrogatū  
 se esse ostēdit. *[Et respondit angelus qui loquebatur in me.]* Angelorū opera & ministeria  
 spiritu diuino ad prophetas vaticinandi munus delatū olim fuisse, pręterquā quod D.  
 Paulus apertē confirmet, ipsorū etiā vatū testimoniis docemur. Multifariā multaq.  
 modis olim Deus per angelos locutus est in prophetis &c. Zacharias angelum in visa  
 cutum ait. est autem illa huius orationis sententia, angelus, qui diuinas res & rationes  
 „ orationesq. instillans mihi suggerēbat, is ita respōdit, *[Ego ostendam tibi, quid sim hec He-*  
 „ braicē & Chaldaicē sic: *Ego videre te faciam quid ipsa hęc.]* non respondit sese Vati spectri  
 illius rationē explicaturum, neq. docturū, quid illis imaginibus portenderetur (neq. id  
 etiā ab angelo factū narratur, nēpe vt visio oratione explicaretur) sed magis videre fa  
 cturum, quid ipsa res esset, promittit. Neq. verō videre per excellentiā eius sensus, pro 25  
 audire vel intelligere, vt aliquando cōtingit, interpretamur, sed simplicem potius vo  
 bi significationem obseruantes, promissam Vati rerum ipsarū veram speciem non  
 longo adeo tēpore post viuētī atq. sentiētī spectandā promitti arbitramur, vt Persij im  
 perij ætas nō diuturna fore hoc etiā argumento probaretur: nimirū intra quadraginta  
 annos omnino exigenda: cuius rei vidēda & noui Græcorū imperij faciē spectādī vti  
 ad Alexandri obitū, & eorum, qui succederēt, diuisionē, quod quinquennio fere pot  
 transigendū esset, copia Vati adhuc superstiti daretur: cui per ætatē, quo minus id con  
 tingeret, nihil obstabat, vt pote tu ne iuueni adhuc cū hęc ostēderentur, id quod infe  
 rius indicatur, Dic puerō huic &c. Itaq. nō quid hęc spectra significarēt, auditurū modō,  
 sed quid verē & re ipsa essent, visurū tandē Zachariam, angelus illa oratione promittit.  
*[Ego ostendam tibi quid ipsamet hęc.]* hoc Hebraicē scientibus verba *Hema elle*, significat.  
*Et respondit vir qui stabat inter myrtheta, & dixit, Isti sunt, quos misit Dominus,*  
*vt perambulēt terram.*

- RESPONDERE hoc in loco nō tā Latina, quā Hebraica significatione accipimus,  
 vt verba faciētī vel sermonē habenti etiā non rogato, sed vltro inchoanti cuius re  
 bum aptē cōueniat, vt: Et respōdit Iob, & dixit, & respondēs Iesus dixit. Cōfiteor tibi  
 Iob 1. „ pater &c. neq. enim hic rogatus autā Vate, aut ab angelo fuerat, vt responderet: sed  
 „ quod Alexāder ipse iā fermē moriēs de imperio in quatuor illos pręcipuos hęredes  
 vidēdo respōsum decretumq. fecerit, id nō casu, sed diuino consilio factū esse ostēdit  
 volens Vates a se auditū prędicat, atq. ita omniū rerū, vt gestę tandē sunt, ordinē  
 oculos positū, ad diuinam magis prouidentia, quā ad humanā virtutē aut sapientiam  
 referendū docemur. *[Vir qui stabat inter myrtheta.]* Alexander vir ille, qui apud Baby  
 Daniel 11. „ niam & regno & vita perfunctus hęredes regni quatuor pręcipuē non inuitus, sed  
 „ sciens prudensq. ac volens reliquit, id quod & Daniel indicat dicens: Exceptis his, qui  
 „ bus ex diuini consilij decreto, terrę quatuor partes ad subigendum tribui cōfirmaret  
 „ deinde verō que admodū eas res agenda cōficiendaq. tandem esset, ipsorum meere  
 „ gum & principū reddita ratione confirmatur, qui grandiori voce sublata suas vni  
 „ quęmq. partes diligenter ac strenuē egisse significarunt.

*Et responderunt angelo Domini, qui stabat inter myrtheta, & dixerunt, Peram  
 bulauimus terram, & ecce omnis terra habitatur & quiescit.*

M V N V S, quod sibi ex diuino consilio delatum esset, diligenter & sedulo explere

rum ex euentus indicatione singuli ex ijs, qui stabāt inter myrtheta, corā angelo professi sunt. nāq. orationem illam, *Qui stabat inter myrtheta*, verbis, responderunt & dixerunt, potius, quā angelo Domini coniungendā arbitramur. quippe hæc Hebraici sermonis non infrequens figura est, vt cū de pluribus aliquid dicatur, quod singulos attingat, verbum pluraliter, nomina verò singulariter proferatur vt: Audite populi vnusquisque. quæ figura syllepsis Græcis dicta est. neq. enim angelū aliquē inter myrtheta fuisse antea audieramus, quē relatiuū illud, *qui stabat*, nunc indicaret, imō angelum apud Zachariā docendi & alloquēdi causa proximē fuisse cognouimus: qui autem responderint & dixerint, nisi illi, qui stabāt inter myrtheta, quos & vir muneri obeundo à Deo præpositos dixerat, nulli planē alij hætenus ostēsi sunt. eosdē verò illos fuisse subiuncta singulorū oratio declarat, *Perambulauimus terrā*. Oēs regiones sibi iam subiectas imperioq. parentes atq. omnino pacatas narrant: ita vt libera sibi & integra vndiq. perambulatio fuerit, nulla iā aut bellorū aut nouarū rerū vel suspicione minima retardata, quod omnis terra inhabitetur, & omnibus omnino bellorū motibus cōpressis quiescat. hoc enim in hoc atq. alijs locis verba hæc significant, [*habitatur & quiescit*, siue, vt Hebraicē est, *sedet & quiescit*.] ita apud Iosue verbū *Sakat*, id est, quiescere, bellorū finē & regionē planē subactā ostendit. Iosue 11. Cepit ergo Iosue omnē terram sicut locutus est Dominus, & tradidit eam in possessionem filijs Israël: quieuitq. terra à præliis &c. eiusdē sentētiæ & illud apud latinos est: "

*Te cede gaudentes Sicambri,*

*Compositis venerantur armis.*

Horat lib. 4.  
od. 14.

20 adde quod perambulare Hebraicē, est liberē & sine vllō impedimento, vt Domini follen, loca peragrarē, cū quintæ coniugationis verbū sit atq. hætenus hæc prima visio est.

*Et respondit angelus Domini, & dixit, Domine Deus exercituum, vsq. quo tu non misereberis Ierusalē & vrbiū Iuda, quibus iratus es, iste iā septuagesimus annus est:*

In regnorum & terrarum omnium tranquillitate, quā futuram prædixerant illi, qui inter myrtheta erant, Ierosolymorū tamē & Iudææ gentis miseriam & ærumnas non al-  
25 leuari angelus Dei, cui Israëlitarū rerum cura erat, vidit, atq. de ea re studiose cū Deo agit, tantarū calamitatū modum ac finē, quīnam foret, cognoscere desiderans: ac tandē felicitis exitus respōsum à Deo oblatū Vari ad publicā populī spem edendum reddit. Respondit orationis habitæ index verbum est. Constat autem oratio exordio, propositione & confirmatione, atq. omnis oportunis argumentis vsa commodissimis affectibus omnino abundat, & in summa breuitate maxima rerū & verborū ad impetrandū mōmentum habet, vt planē angelicū opus probet. [*Domine Deus exercituum*.] Prius nomē absolutū diuinæ clementiæ ac misericordiæ immensas rationes cōtinet, cuius & pia appellatio multum ad impetrandum ponderis habeat, sicut scriptum est: Propē est Dominus omnibus  
30 inuocātibus eum. porrō syntacticum nomē exercituum, Dei virtutē & ad quasq. vel maximas res agendas facultatē summa significat; vtpote cui non vnus, sed plurimi exercitus maximi & instructissimi ac dicto parētes proprii sint. neq. enim alius præter ipsum, variorum, hoc est, superiorum & inferiorū exercituum Dominus dici iure potest: ita ex ostensa facultate propositionē suā angelus cōfirmat, vna tātū diuina, nulla alia præterea humana vi effici, vt Iudaicæ res tā diu in summa miseria, in metu & calamitate ver-

40 sentur. [*Vsquequo tu nō misereberis Ierusalē?*] vsquequo modi atq. finis incerta ratio in miseris rebus animū suspensum grauius etiā premit. [*tu non misereberis*.] Argumentū ex comparatione est. quanquā, inquit, terra omnis, quæ istis tributa est, aliquando bellis perturbata sit, quiete tamē & trāquillitate breui fruatur, atq. vnaquæq. regio principi suo subiecta, studiosē nihilominus fouebitur & coletur: cui tamē neq. propria est, neq. hæreditatis, sed permissi à te belli iure obuenerit, neq. propterea deterius & grauius affecta, quod nouo principi & Domino suscipiēdo sumptis etiam armis repugnauerit, tamen in victos & captos nō hostili sæuitia, sed regia clementia actū est, neq. ira tēpus bellū ipsum superauit. Tu verò, cuius propriū misereri semper & parcere est, vsquequo nō misereberis Ierusalē,

50 ciuitatis tibi vni cōsecratæ, atq. in regiā propriā delectæ, & vrbiū Iuda, cuius te principē ac regem egregiis atq. illustribus rationibus præbueras. Notus enim in Iudæa Deus: in Israël magnū nomen eius. et factus est in Salē locus eius, & habitatio eius in Siō. ibi confregit potētiæ arcuū, scutū & gladiū & bellū. illuminans tu mirabiliter à mōtibus æternis &c. [*quibus iratus es, iā iste septuagesimus annus est*.] Atqui si cæterarū regionū & regnorum, quæ te nō nouerūt, quæ nomē tuū nō inuocauerūt, ærumnæ & calamitates, vt abs te iustissime decretæ, cū Iudæorū diuturna miseria conferatur, tua in illos ira breuior multo arguetur, quā copiosius effundi in eos qui nomē illud sanctissimū tuū negligunt, Psaltes

Psal. 75.

orauerat; si verò adhibita in subiectis misericordia consideretur, celerior ac maior hominum inimicorum, atque ad potentiā & opes ambitione magis, quàm publicæ rei studio contendentiū, erga eos, quos repugnantes coegerint, quā tua erga hos, quos peccantes corrigis, videbitur; quippe cum hic pace terra mariq. parta, omnē regionem ad quietē sibi reuocatam prædicet, idq. adeo breuissimo tempore: tu verò tuis viribus & populis septuagesimo iam anno iratus & infensus, nullū haecenus misericordiarum modum statuisse populisq. videris, cū nomē istud misericordiæ, & benignissima natura humanæ clemētiæ rationes & vsum omnē infinito superet intervallo. Huiusmodi angelicæ orationis breuiter explicata sententia est: cuius exemplū atq. exitus suscepta à beatis spiritibus humanarum rerū patrocinia nō solum probat, sed optanda etiā expetendaq. nobis cōmendat. Vt verò Iudaicarū rerū curā & solitudine angelus adhuc etiā restitutis iā in patriā Iudæis ageretur, illud in causā fuit, quòd regnorum & regum aliorum etiam in occupato regnō quiete præuisa, Iudæorū tamen res in ancipiti & incerto esse videretur loco, vtpote quæ ex Babylonica seruitute vix nuper erepta, Persis eo tempore suberant: quorū fidei & voluntati nihil credendum esset, nimirum incōstanti, & cui inceptū tēpli opus rursus impedire, si liberet, facile esset. id quod prohibita mœnium restitutio arguebat. Porro subeunda illis Græcorū quoq. potentia diuinā iram quodāmodo perpetuā minari videbatur. cuius finē admirabili oratione procurans angelus tandē impetrata re intellexit, atq. pro summo suo in gentem illā studio ad perpetuā hominū memoriā & communē spem subministrandam Vati decantandā tradidit. Quod verò ad temporum rationem, quam angelus indicauit, pertinet, secundus Darii annus, cū Vates hæc vidit, septuagesimus à Solymorum excisione erat.

*Et respondit Dominus angelo, qui loquebatur in me verba bona, verba cōsolatoria.*

TANTVM piæ sanctorum & Deo dilectorum spirituum, quales angeli, quales beati etiam, qui in cælesti curia versantur, sunt, in miserorum atq. afflictorum hominū causā; orationes valent, vt responsa non modò argumento ipso & sentētia bona, sed verbis etiam lenibus & placidis, ac pronuntiationis modo suauissimis cōsolatoria à Deo, quæ summo iure iratum deprecantur, auferant: Quia suauis Dominus vniuersis, & misericordia eius super omnia opera eius. Neq. verò leuiter animaduertenda nobis hæc adiuncta Vates proposuit, [verba bona, verba cōsolatoria:] quæ si diligenter perpendantur, plus de diuinæ natura, de iustitia, de misericordia, de lenitate atque paterna cura, de sanctorum patrocinio, de miserorum spe atq. afflictarum rerum remedio ponderis habere probentur, quàm in tanta breuitate existimari à quoquam possit. Eorum verò verborum, quæ angelus audierit, si non modos & suauitatem, sententiam tamen consolationis & spei plenā, maximorūq. mysteriorū abundantem Zachariæ in hominum salutē peruulgadam reddidit: atque prius verba bona, quæ ad iustitiam æquitatemq. pertinent, referuntur.

*Et dixit ad me angelus, qui loquebatur in me, Clama, dicens: Hæc dicit Dominus exercituum, Zelatus sum Ierusalem, & Sion zelo magno. & ira magna irascor ego super gentes opulētas: quia ego iratus sum parum, ipsi verò adiuuerunt in malum.*

DIVINAS rationes quamuis hominibus ob imperitiā aliquando obscuras, certas tamen atq. sibi ipsis consentaneas esse, hoc ab angelo ad sapientum & piorum vtilitatem edi iussum præconium declarat, Clama dicens; & angeli sedulitatem ac studium, & rei ipsius magnitudinem atque vtilitatem publica notitia dignissimā, hæc peruulgandā cura probat, quòd misericordiæ & clemētiæ diuinæ ratio integra semper esse, ac perpetuo vñ sibi constans docetur; sed hominum malitia persæpe fieri, vt hæc res minus fortassis appareat, quam tamen Deus ipse oportunē in lucem editam ab omni falsā & mendaci impiorū aut imperitorū opinione vel sententia vindicet: vt quod de suæ & hominū iræ, de vtrorūq. misericordiæ cōparatione superius dictū fuerat, ita explicet, vt nunquā vel suā irā tantā, vel misericordiā adeo angustā fuisse asserat, atq. hominū ipsorū peruersitate, vt viderentur, cōmissum fuerit. nam quæ ille in alijs hominibus ad aliorum correctionē & paternā animaduersionē permittit, nonnunquā eorū, qui superiores sunt, culpa & crudelitate, contra ius contraq. fas, modum omnē excedunt; atq. ijs, qui de diuinis rebus malē aut indoctē sentiunt, ad prauas interpretationes ansam dant: quas tamē magno eorum, qui commenti fuerint, malo redarguere & diluere Deus ipse solet, vt in Ierol.

Ierosolymorum & Iudæorū causa ostēditur, in qua dicit dominus exercitūū, cui & in cō  
 filijs misericordia, & in agēdis ijs, quæ decreuerit, facultas summa est. Ipse igitur & mi-  
 sericors & potēs, hæc de suis & de hominū rationibus proficitur. [*Zelatus sum Ierusalē &  
 Sion zelo magno.*] Religionis res magna cura se suscipere, neq. inultū pati, vt cū nominis &  
 laudū suarū offensione populus aliquis, quē ille corrigendū curarit, vehemētius etiā, quā  
 æquitatis ratio fert, lædatur, magnis editis iudicijs, & grauissimo de impijs & nocētibus  
 sumpto supplicio, sese iā ostēdisse, & porro ostensurū cōfirmat. [*Zelatus sum Ierusalē & Sion  
 zelo magno.*] Grauiissimas de Babylonijs pœnas, ob vexatā cū nominis honorūq. suorū de-  
 tractione plus æquo Ierosolymā ciuitatē, sibi vltori sumptas significat, illi namq. nō foci-  
 modò, sed in numinis contēptū sui, neq. aris etiā Ierosolymitanis pepercerāt, omnia loca  
 ac maximē sanū ipsum celeberrimū vni deo vero in ea vrbe cōsecratū studiōsē ac nefariē  
 illato igni vastarūt. Hic est Zelus ille magnus, quod grauissima se vltiōe in Assyrios ob im-  
 manitatē & impietatē vsum ostēdat, tantū abest, vt misericors erga Ierosolymitanas res  
 nō fuerit, vt etiā suū de ea causa iudiciū, istorū populorū maxima calamitate & regū ex-  
 tinctionē pronūtiauerit: Zelus & zelari, idē hoc in loco, quod Latinis vlscisci est, KANAH  
 Hebraicē. Hęc ad Assyrios nuper supplicio affectos sentētia spectat, ad Persas verò & Grę-  
 corū regna in magna tranquillitate cōstitutas gentes, perpetuæ felicitatis opinione atq.  
 spe cōcepta, erga sacram Dei religionem nefariē, inhumanē ac impiē sese gerentes, illa  
 etiā dicūtur, [*Et ira magna ergo irascor super gētes opulentas.*] Vt verba tēporibus, sic res ipsæ  
 sentētijs diuisæ explicatur: illa prima præteritū, hæc præsentia futurū respiciūt, tā Persarū  
 quā Græcorū imperij cū maxima clade, mutationes, quæ ira magna diuina iā tūc parabā-  
 tur, cū Vates hæc audierit, *super gētes opulētas*. Hebraicē SAANANIM, quiete & trāquillita-  
 te plenas significat, nihilq. sibi aduersi metuentes: cuiusmodi spes occupatū ac fundatū  
 imperiū hominibus facere solent, qualē tamē rerū statū nihil in toto orbe, præter veræ sa-  
 pietiæ cū summa pietate & innocētia studiū, cōfirmare potest, sicut scriptū est. Qui autē  
 me audierit, absq. terrore requiescet, & abūdantia rerū perfruetur, terrore malorū subla-  
 to. vbi idē verbū SAANAN est. Itaq. primū idē diuinū iudiciū alijs editū, alijs intētū vidi-  
 mus, deinde cōmune omnibus crimē ascribitur, quod Ierosolymorū imminutas res, nō  
 diuini cōsiliij, sed suę ipsorū virtutis & felicitatis rationibus interpretati, immaniter & ne-  
 fariē etiā cum numinis & religionis contēptione protriuerint. [*Quia ego iratus sum parum,  
 ipsi verò adiuuerūt in malū.*] Deus parētis modo ad correctionē, ad religionis & pietatis vin-  
 dicationē exigua, sed vtilē iram gesserat: illi verò diuinæ iræ ministros non eodē studio,  
 sed in malū, in contrariā omnino & peruersam rationē sese præbuerūt. Nāq. Assyrij pri-  
 mū omnē pietatis & humanitatis finē prætergressi, in omnē ætatē & sexū sauiētes, func-  
 stos ignes etiā tēplo per summum nefas intulerunt, sicut scriptum est: Iratus sum super  
 populū meū, contaminaui hæreditatē meā, & dedi eos in manu tua: non posuisti eis mi-  
 sericordias, super summum aggrauasti iūgū tuum valde. & dixisti, In sempiternū ero do-  
 mina, &c. Idē iudiciū à Deo iustissimo & incorruptissimo iudice Persas & Græcos eandē  
 culpā sustinētes exspectare cōsequens fuit. etenim apud Persas Assuērus falsis criminibus  
 & calūnijs attendens, animū, vt omnes Iudæos occideret, induxerat, præter alia etiā quę  
 perferte gēs illa, quoad rerū potiretur, indigne cōēgit. At vero à Græcis post Alexandrum  
 ad impiū Antiochū vsq. & vltiā etiā, quot, quā impij & vehemētes in Iudæā & Ierusalē  
 impetus facti fuerint, qui cognoscere cupit, præter Danielis vaticiniā, Machabæorū etiā  
 historiā legat. Ex his verò quæ descriptæ hoc in loco sunt, sentētijs illud docemur, regnorū  
 & imperiorū omniū rationes nō humana felicitate, virtute, facultate & opera, sed diuino  
 cōsilio & voluntate cōstare, mutationes verò hominū ipsorum culpa & diuina sententia  
 prouidentiaque fieri, sicut scriptum est: Hunc humiliat & hunc exaltat: quia calix in  
 manu Domini, &c. Hactenus verba bona, nunc deinceps consolatoria verba sunt.

Isai. 47.

Psal. 74.

Propterea hæc dicit Dominus, Reuertar ad Ierusalē in misericordijs: domus mea edi-  
 ficabitur in ea, ait Dominus exercitūū: & perpendicularis extēdetur super Ierusalē.

CONSILIUM illud antiquum suum, quod de cōmuni hominū salute Ierosolymis  
 tandē per Christū Iesum Nazarenum expleturus erat Deus, adhuc se exequi apud hunc  
 Vatem etiā, vt apud ceteros proficitur, atq. ad eam expediendā rem quæ cōmoda & ido-  
 nea sunt, regnis etiā & imperijs, omnibusque, qui contrā conentur, cū terrenis tū infernis  
 hostibus contēptis, apparare fouereq. se dicit, vt Ierosolymorū murorū refectiōē, ciuiū  
 restitutionē, & tēpli illius materialis (quod tertiū longē præstātissimū significabat) reedi-  
 ficationē, sacrorū & religionis instaurationē, hæc omnia suo illo benignissimo vultu, quo



Luc. 1.

Celū tēpestatesq. serenat, promouēda iā suscipiebat. [reuerſar,] qui per irā auerſus videbar, unde res oēs interire conſequebatur, ſicut ſcriptū eſt: Auertente te faciē tuā turbabūtur &c. Idē reuerſus omnia promouens recreabo & fouebo. [In miſericordijs.] Hebraicū nomē viscera miſericordiā, qualia matris aduerſum filios ſunt, ſignificat; atq. vt ex frequenti lectione obſeruauimus, Deo in ijs rationibus, quę ad peccatorū condonationē ſpectant, ſæpiſſime aſcribitur. eſtq. ea maxima diuinā miſericordiā in Hebræa, Chaldeā, Arabicaq. lingua appellatio, quā ad magnitudinē & immenſitatē indicandā plurali numero uſurpatur. Hęc ſunt viscera illa miſericordiā Dei noſtri, in quibus viſitauit nos oriens ex alto &c. hęc verō ſeſe facturū potētīſſimus Deus, utpote Dominus exercitūū recipit. [Et domus mea ædificabitur in ea.] ſecurō animo ædificationis opus vrgere iubentur Ieroſolymitani, illud ſibi ex diuino verbo perſuaſi, nullis iam hominū inimicorū conatibus impeditū iri: neq. verō hoc ſolū, ſed ſublato etiam demolitione muros, additis ac diſpoſitis turribus, reficiēdos eſſe ait. [Et perpendiculū extendetur ſupra Ieruſalē.] Hebraicē CHA vlineā potius quā perpendiculū ſignificat, id quod adiunctū verbum extendetur, arguit. namque ædificatores perpendiculū demittunt, lineā extendunt, altero murorum rectitudinē examinant, altera verō longitudinē metaturi. atq. de mœnibus ipſis, quibus vrbes cinguntur, agit nunc Deus, quā ob rē vrbis nomen abſolutē appellat. Vt vero diuinū etiam promiſſum, hoc Nehemia procurate, præſtitū fuerit, ex illius narratione aperte cognoſcitur. cauſam porrō quā ob rem hęc decernat paretq. Deus, publicē proclamatione & decantatione indicare Vates iubetur, videlicet id, quod ſuperius diximus, de humana ſalute ſuſceptum conſilium, quod adhuc exequabatur.

*Adhuc clama dicens, Hęc dicit Dominus exercituum, Adhuc affluent ciuitates mee bonis: & conſolabitur adhuc Dominus Sion, & eliget adhuc Ieruſalem.*

Heb. 1.

ADHUC clama. Chaldeus bene explicuit, adhuc vaticinare. Maximā rē & alterius etiā generis à ſuperiori arguit hęc vaticiniū ab angelo repetita procuratio, nimirū ex earū rerū genere eſſe oportere, propter quas angeli erga homines libētīſſimē ſeſe miniſtros præſtat, in miniſteriū miſſi propter eos, qui hæreditatē capiunt ſalutis. atq. de alia re, quā de Ieroſolymorū illa reſtitutione, quā Zachariæ etate cōtigit, hoc in loco agi, præterquā quod repetita de integro vaticinatio, & verba illa, adhuc, adhuc, & conſolabitur, & eliget, arguūt, ipſa verbi affluent Hebraica viſ manifeſtē probat. eſt enim Hebraicē verbū NAPASZ, quod propriē diſperſionē ſiue effuſionē ſignificat: qualis fuit illa filiorū Noë per vniuerſum orbem, propriis ſedibus, vbi nati & educati fuerant, relictis. Itaq. affluent, idē eſſe dicimus, quod effluent. quo verbo ſecūdam illam Iudæorum calamitatem, in qua ob repudiātū Chriſtū haſtenus etiā ſunt, & futurū in Dei gratiā reditum præcini exiſtimamus. vnū, inquit angelus, quod adhuc Ieroſolymis & cæteris Iudææ regionis vrbibus, ob incolarū ſcelera, periculū procreatur, adhuc denūtia, vnūq. poſtremū ſalutis optandum exitū, qui diuinæ gratiæ dono cōtinget, vaticinare. [Adhuc affluent ciuitates mee bonis, Hebraicē, adhuc diſpergētur ſiue effuēt ciuitates mee à bono,] ita vt ſibi ipſis cauſæ ſint, quā ob rē à bono rerū ſtatu, in quo erāt deiectę, diſſipētur: haſtenus dimidiū carminis eſt: ſequitur alterū cū particula rerū conuerſionē & exitū in loco indicatē. [Et cōſolabitur adhuc Dominus Sio.] Nō illa cōſolatione magis terrena, quā ſpirituali, in qua iā tunc erant, ex Babylone videlicet reuerſi & tēplum ædificātes, domos atq. agros colētes, ſed alia adhuc planē diuina cōſolatione eius generis, de qua dictū eſt: Conſolamini, cōſolamini populum meū, &c. huius verō cōſolationis Deus ipſe auctor erit, Dominus. Igitur diuinam eſſe oportet per ſpiritū ſanctū illis datū ex veri Meſſiæ Ieſu Nazareni cognitione: quā quidē felicitatem ex his in quibus nūc iacēt tenebris, nō ſuo cōſilio & opera, ſed Dei miſerentis volūtate & benignitate erepti viſuri ſunt. Quod verō Dei donū hoc verē ſit, explicat, addēs illud: Et eliget adhuc Ieruſalem. Electio nō volentis nec currētis, ſed miſerentis Dei opus eſt; qui vt gentes ex iſtorum caſu ad vitā vocauit, ſic iſtos rursus ex gētium plenitudine Sion & Ieruſalem cæleſtis ciues verē facturū vocabit. Atq. hoc ipſum myſteriū vox illa adhuc, indicat, quę Hebræis eſt Ghod, nō tantū tēporis, ſed rerum magis argumentū ſignificans, vix omnibus illis latinis explicabilis, adhuc, præterea, vltērius, ampliū etiā: quæ vox quater in hoc verſu repetita nō pleonaſmum, ſed cuiuſmodi myſterium indicauimus, arguit.

Iſai. 40.

Rom. 9.

*Et leuavi oculos meos, & vidi: & ecce quatuor cornua. & dixi ad angelum, qui loquebatur in me, Quid ſunt hæc? & dixit ad me, Hęc ſunt cornua, quæ titlauerunt Iudam, & Iſraël, & Ieruſalem.*

QUARTAM Ierosolymorū calamitatē doctus, à quo tamen hoste afferendā esse putaret incertus vates, hoc secūdo spectro docetur, non à Persis neq. à Græcis, sed ab vltimo Romano imperio importandā fore. quippe ita diuino consilio decretum erat, vt Israël & Iudæi scelerū suorū aduersus Deū suū impiæ offensionis quatuor orbis imperiorum tēporibus poenas darent, in gratiam tandē ex diuina benignitate reuocandi, postquam illis, per quos puniti essent, sua etiā ob publicam iniuriā cōstituta supplicia afferrentur. ita enim Deus sese erga sceleratos & nocētes seuerū iudicem, erga miserrimos tandē clementissimum præbet. [Et leuauit oculos meos & vidi.] Vigilanti & sui sensus mentisque compoti ostensum visumq. spectrum esse significat, vtpote cui vltro leuauit oculos & conspicienti obiectum fuerit. [Ecce quatuor cornua.] Non tam regnum, Ier. 47. quā regni potentiam & ad impugnandā propugnandāq. facultatem significat, iuxta illud: Abscissum est cornu Moab, & brachium eius cōtritum est, ait Dominus &c. Quam significationem & apud alias etiā nationes obseruantes, Græcorum & Romanorum regum atque Cæsarum numismata quædam visimus, quorum coronæ cornibus rectis non indecorē muniebantur. ex qua ratione illa apud poetas leguntur:

*Cane, cane, namq. in malos asperrimus parata tollo cornua. &: Viresque, & addis cornua pauperi.* Hora. lib. 1. cam. Od. 21.

Vt igitur omnis Israëlitarum & Iudæicarum calamitatum integra Vati constaret ratio, atque diuinæ iustitiæ ac providentiæ simul in vniuersum orbem exempla grauissima probarentur, quatuor imperiorū, Babylonici, quod iā nuper excisum erat, Persici, quod tunc florebat, & Græci atque vltimi Romani potētiae simulachrum obiectū ab interprete angelo explicatur. [Hæc sunt cornua, quæ ventilauerunt Iudam & Israël & Ierusalem.] Cornu nomen satis clarē Vati Hebraicē scienti potentiam depinxit. quam ob rem alio verbo cælestis interpres nō explicuit. Iuda & Israël cū regna essent, & regio nomine ac dignitate florent, Assyriorū cornibus ventilata sunt. Ierusalem verò non ad regiā maiestatem, sed ad quandam reipub. faciem, postquam ex Assyria remigrauit, redactam Persæ & Græci primum vexarunt, ac Romani tandem maximis cladibus affectam & prostritam omnino dissiparūt. à quibus tamen omnibus, quoniam seuitia magis & odio, quā diuini consilij aut mandati exequendi animo actum est, debitas poenas sumendas esse Vates ipse etiam videt.

Et ostendit mihi Dominus quatuor fabros. & dixi, Quid isti veniunt facere? Qui ait, dicens, Hæc sunt cornua, quæ ventilauerunt Iudam per singulos viros. & nemo eorum leuauit caput suum: & veniunt isti deterrere ea, vt deiciant cornua gentium, quæ leuauerunt cornu super terram Iuda, vt dispergerent eam.

Et ostendit mihi Dominus. Hebraicē, Et fecit me videre Dominus. Ipse Deus iustitiam suam Vati probaturus, quatuor orbis imperiorū exitus ostendit, nō fortuitos, sed planē ex diuini iudicij certa sententia futuros. etenim quæ per fabros fiunt opera, certam rationem, quam referant, habent. namque ars non casu constat, sed rebus in vnum exitū expectantibus & nunquā fallentibus continetur. faber autē Hebraicē *Aharas* dicitur. quod verbum cogitationē & consilium, vt putatur, apud Latinos significat. fabros igitur lignarios, aut ex iis potius, qui cornuū materiam torquere, dirigere & ad cōmodos vsus formare norunt, Vates viderat, per quos imperia illa quatuor flectenda atq. tandē abscindenda fore intellexit, ob illatas publicē tum Israëlitis, tum aliis à se victis gentibus grauissimas iniurias. ijdem autē fabri qui & cornua fuere, maximē in tribus primis impetis euertēdis, Persæ Assyriis, Persis Græci, his Romani. quibus demum septentrionales gentes cladem attulerunt. Quamobrem in explicatione vtriusq. rei ratio ab angelo simul coniuncta cōmonstratur, tamen altera tantum res fuerat quæsitā. [Hæc sunt cornua, quæ ventilauerunt Iudam per singulos viros, Hebraicē; Quæ ventilauerunt Iudam, vt vir non leuaret caput suum.] Translatione à monocerotibus perpetuò obseruata Iudæicas res ita ab istis regnis prostratas esse ait, vt nullo nisi tantū diuino auxilio restitui posse putandum sit. est enim eius animatis magna ad impellendū, ventilandū atq. illidendū in cornu vis, ita, vt qui eius illidētis impetū experiatur, grauissimo casu iactatus resurgere amplius nequeat. Cuius rei exēpla olim in Romanis ludis spectata legimus. Nāq. binos geminos cornu sic exsulit vsos, iactat vt impositas taurus in astra pilas. & vt scriptū est. Cornua rhinocerotis cornua illius, in ipsis vētilabit gētes vsq. ad terminos terræ, &c. Et veniunt isti deterrere, turbare, siue, vt Chaldeus exponit, cōcutere, coagitare ea, donec cōuulsa aut excisa deiciantur. At verò regna orbis hæc esse, angelus ipse explicuit, cornua gentiū appellās.

Cic. Tuscul.

Martial. Deut. 32.

## CAPVT II.

**E**tleuauit oculos meos, & vidi: & ecce vir, & in manu eius funiculus mensurorum & dixi: quo tu vadis? & dixit ad me, vt metiar Ierusalem, & videam, quanta sit latitudo eius, & quanta longitudo eius.

**F**VT VRAM cælestis atq. propriè vereq. dictæ Ierusalem celebritatē & frequentia eius terrenæ, quæ Vatis tēporibus reficiebatur, cōparatione indicari Deus voluit, quādo huic loci atq. situs, in quo reficiēda erat, certus modus præferberetur: illi verò nullo aut locorū aut regionū aut situū sine, nullo magnitudinis certo indicato termino, integra habitationē, & sedes vbiq. dilatandi relinqueretur facultas & copia. Quæ res, ne à quopiam dubitari possit, palā à diuinis interpretibus aperitur. Hactenus enim antiquæ Ierusalem & Iudæorū res, quo in statu primū fuissent & quemadmodū per hostes labefactæ & perfractæ reponēdæ aliqua ex parte essent, visæ fuerāt, atq. eadē tandē ad quē dignitatis & diuinitatis potius locū per Christum restitutæ deducendæ essent, indicatæ sunt. nūc verò quā latē huiusmodi ciuitatis ius atq. omnis felicitatis ratio patere possit, magno rerū & verborū apparatu Vates docetur, nimirū cælestem illam Ierusalem nō angustis illis spatiis Solymi siue Iebus definiri oportere, quæ muris lapideis & ductilibus cōmodē cingi possent, sed liberē per omnē partē & ad omnes etiā terræ cæliq. regiones extendi dilatariq. necesse esse, vtpotē quæ non Iudæis modò secundum carnem, sed Iraelitis cæteris in gratiam quoq. diuinam recipiendis, atque adeo gentibus omnibus & nationibus communis patria & ciuitas futura esset. hæc ratio omnis huiusmodi mysteriis adornata est. [Ecce vir, & in manibus eius funiculus mensurorum.] Ex architectorum vsu & disciplina (quam nemoolim sapiens ignorauit, pauci nunc tenent) quid facere vir ille instituisset, satis Vates noster intellexit: nimirum certum alicui propositæ ædificationi situm & locum metiri & definire non immensis spatiis terminatum. id quod funiculus, ipse arguebat, qui cū mensuræ genus fuerit, siue longioris siue breuioris, præscribendos locorum fines arguebat, alioqui, nisi ad eam rem pararetur, superuacaneus. Quam ob rem Vates virum illum funiculū ferentem non quid ageret rogabat, sed [quo tu vadis?] dimensurum aliquid intellexerat: locum verò dimetiendum ignorans rogabat. doctus est igitur locum ipsum, atque ex dimensionum ratione rem ipsam, quæ ostendebatur, cognouit. nempe Ierosolymam vrbem ita restituendam fore, vt populum, qui tunc primum transmigrauerat, cū omnibus ex eadem gente familiis capere posset. Vt metiar Ierusalem & videam, quanta sit latitudo eius, & quanta longitudo eius. Continentis loci mensura & modus maximè siā sapienti metatore censeatur, contentarum rerum rationi respondeat, necesse est, ne quid latius angustiusve, quàm rei ipsius commoditas ratioque postulet, definiatur. atque hoc cū in omni re, tum maximè in vrbibus locandis ædificandisque obseruari plurimum interest. nam minor & angustior situs multa ad habitationis publicos & priuatos vsus incommoda fert: Is verò qui plus æquo laxus est, præter indecoros locorum hiatus non mediocres ad defensionem & propugnationem difficultates habens, pluribus & crassioribus cingi mœniis postulat: ac neque sic etiam satis est tutus, vt & antiquorum & nostrorum temporum periculis comperitum est. Igitur terrenæ eius, quæ tunc reficiebatur, Ierusalem spatia satis commoda essent & ad habitandum & ad ciues locumque tuendum necne, censere velle vir ille Zachariæ declarauit, qui cū nuper de duplici Ierosolymorum restitutione audisset, eodem fortasse modo vtriusque spatium animo & cogitatione apud se definiuit, vtpotē iunior adhuc, quoddidæ ætatis homines non tam in rerum distinctione & compositione, in consentaneorum & dissimilium cōparatione existimanda, quàm in maturioris commemorari soleant, neque extremos fines cognoscere vsque adeo curent, sed ex obiecta primum specie plerūque rerum exitus & euentus iudicent. Id quod in illis duobus, qui in Iesu Christi sepulchrum visebant obseruatum est, quorum iunior visis tantum linteaminibus redibat aliter, quā oporteret, de præceptoris resurrectione arbitratus. Senior verò ingressus ac singulā contemplatus, rem ipsam, vt erat, cognouit, alteriq. cognoscendam indicauit. Huiusmodi itaque festinantē Zachariæ iuuenis cogitationem angelus quidā diuinus interpres, atq. hominis naturæ conscius auertendam sedulo curauit, res ipsas suis tēporibus & rationibus distinctas quæ admodū futuræ essent exponēs. Et ecce angelus, qui loquebatur in me, egrediebatur, & angelus alius egrediebatur in occursum eius: & dixit ad eum, Curre, loquere ad puerum istum.

V. r. munerum & officiorum, sic & intelligendi agendi que certum apud angelos

gelos ordinem obseruari: ita vt ex alijs alij suarum actionum atque gerendarum rerum rationes apta quadam & connexa vsque ad Deum ipsum primum agendi caput & fontem accipiant, atque sua quisque munera recte explicent, præter alia multa sacrorum librorum loca, ex hoc vaticinio aperte docemur. Quid Zacharias audita à menfore viro Ierosolymorum censura cogitare potuisset, ac de vtriusque simul ciuitatis ratione arbitrari, interpres angelus probè cognouit. quid verò de ea re doceri oportuisset, diligenter curans alium quendam angelum, à quo acciperet, petebat. is demum angelus rem ipsam vt cognosci expediuerat, diligenter aperiri procurauit. Vidit igitur in ea re Vates magnum caelestis hierarchiae in ministeriis suis obeundis consensum, magnam singulorum ordinum in officio præstando sedulitatem & fidem, magnam & planè diuinam omnium inuicem sine vlla ambitione mutuam charitatem, cum posterior priorem diligenter petat, prior posteriori vltro occurrat, rem ipsam, ob quam petitur, communice, atque ad homines tandem sine vlla inuidia perferendam commendet, quòd nulla illis cura maior, nulla antiquior sit, quam Dei consilijs omnino parère atque obsequi. Porro egressionem hanc, quam angelis Vates ascribit, non locali motu, sed attentionis & diligentiae atque sedulitatis rationibus definiri conuenit. Quòd verò currere interpres iubeatur, rem magni momenti esse, quam explicari expediriq; Deus velit, indicat. nam quas res tales cognouimus omni diligentia curandas, currendi aut festinandi verbo commendare solemus: quanquam non corporis tantum motum, sed animi magis attentionem studiumq; postulent. Quid verò ab his angelis procuratum fuerit, subiuncto carmine exponitur, nimirum cogitationem illam, quam de futura Ierusalem Zacharias vtpote iuuenis festinè suscepit, maturè, antequàm omnino infingatur, auertere, ne quid videlicet altera Ierusalem alteri frequentiae & celebritatis rationibus comparetur, vt neq. dignitate comparanda est. Quantum autem referat alienas & minus dignas de rebus magnis opiniones irrepisse, nisi cito in meliores adducamur, satis ex hoc loco arguitur, vbi angelus eiusmodi periculum, quàm maturimè propulsandum censet.

Dionys de  
caelest. hierarchia.

*Absque muro habitabitur Ierusalem præ multitudine hominum & iumentorum in medio eius.*

Vt apud Latinos vrbs, oppidum, pagus, vicus & alia nomina conjunctiones & conuentus significant; sed ædificiorum & frequentiae rationibus inter se distinguuntur: sic apud Hebræos multa huiusmodi significationis verba cum sint, certam tamen singula frequentiae aut infrequentiae, splendoris ciuilem aut obscuritatis notationem habent. ex quibus vnum est PARAZ, quod oppidum nullis mœnibus cinctum, sed latè & libero ad ædificandum situ patens significat. quod verbum tametsi Hebraicè simplex sit, nullo tamen simplici Latine planè redditur, sed circuitione quadam describitur, vt illud: Absque oppidis innumeris, quæ non habebant muros. Hebraicè tantum est PARA. Deut. 3. zm. Hoc itaque nomen pluraliter hoc in loco ab angelo vsurpatum magnam & multiplicem futuram illius, quam Vates præcognouerat, Ierusalem frequentiam & celebritatem ex omnibus gentibus & linguis ad ciuitatis societatem vocatis fore declarauit. Itaque pluralis numerus non vnum tantum vrbs, sed plura loca, nomen verò ipsum incincta mœnibus fore ostendat, quòd eius ciuitatis ius & communiò longè lateq; pertineret: ne verò murorum defectum ob infrequentiam populi interpretari quis possit, quòd rara & exigua vicinia mœnia sibi ædificare præ pecuniarum tenuitate non valeret, id aliter omnino se habere explicatur. non ob raritatem id accidet, inquam, imò potius præ multitudine hominum & iumentorum in medio eius. In medio populi alius esse, est notum celebremq; agere ciuem, atque legum, iuris totiusque publici communione cum cæteris coniungi, vt illud: Peribit anima illius de medio populi sui. & : Illud in medio populi mei ego sedeo. Quòd verò homines & iumenta habitationis, & vrbiũ communione ac societate in illa altera Ierusalem, quam diximus, coniungantur, mysterio non caret suo, nempe Ecclesiam hanc militantem, quoad in illam caelestem patriam commigrauerit, non tantum perfectis hominibus, qui secundum Deum creati sint in sanctitate & veritate, sed imperfectioribus etiam quibusdam, atque animalibus, vt Paulus vocat, constare. quorum alteri Adam non illius antiqui, sed noui, cuius spiritum & virtutem referunt; alteri verò B E H E M A, hoc est, iumen-

Deut. 3.

Exod. 34.

2. Reg 44.



iumentorum non ferarum nominibus occultè significantur. alteri omnino spirituales & perfecti diuina benignitate redditi; alteri animales, sed qui ad illum tamen virtutis & dignitatis gradum aspirare, ac certis rationibus à Deo præscriptis contendere ex ipsius auxilio possunt. neque enim tanta Deo de bobus aut iumentis cura est, ut eorum causa spiritualement Ierusalem dilatandam etiam suscipiat, quin neque ea natura commodè in urbibus contenta hæret, quæ magis agris & siluis gaudet. Hoc hominum & animalium discrimen diligenter obseruatum, plurimum profecto lucis & utilitatis; neglectum verò, tenebrarum & difficultatis ad noui testamenti libros intelligendos afferre potest. Qua de re plura suo in loco, si Deus eò deducat, sumus dicturi. nunc verò ad propositum redeamus. Habitationem illam, quæ oppidatim (ut sic loquamur) diuisa longè lateque patet, quanquam ad liberiores vitæ vsus aliàs oportunam, vnum tamen incommodum consequitur, loci & ciuium ab hostium impetu defendendorum difficultas, cum latius patens situs neque muris cinctus copiam inuadendi, ad nocendum facere existimetur. Quam ob rem quæcunque hoc modo coluntur loca in pace multis commodis, belli verò tempore prima omnium incommodis multis afficiuntur, ac periculis (nisi in munitiora oppida receptus habeantur) funguntur maximis, sicut scriptum est: Cessauerunt *Parazim* in Israël, & quieuerunt donec surgeret Debora, surgeret mater in Israël. & illud: Ascendam ad terram absque muro. veniam ad quiescentes habitantesque securè. Hi omnes habitant sine muro, vestes & portæ non sunt eis, ut diripias spolia, & diuidas prædam, ut inferas manum tuam super eos &c. Huiusmodi enim cum muros, quibus sese aliquandiu tueantur, non habeant, fortissimo aliquo principe & strenuissimo duce opus est, in cuius virtutis, auctoritatis atque curæ præsidio lateant, sicut scriptum est: Ibi narrentur iustitiæ Domini & clementia in *Parazonoth*, Israël. miram igitur ciuitati suæ longè lateq. patenti securitatem & diligentiam præstaturum sese promittit, qui nō lapideo aut aliàs humanis operibus ædificato, sed planè igneo & hostibus inaccessibili muro futurum profitetur.

*Et ego ero ei, ait Dominus, murus ignis in circuitu: & in gloria ero in medio eius.*

**Psalm. 26.** NULLA maior humanis rebus, nulla certior, nulla optabilior securitas, quam diuina esse potest, sicut scriptum est. Dominus illuminatio mea & salus mea, quem timebo? Dominus protector vitæ meæ, à quo trepidabo? Nullius autem earum, quæ videntur, rerum naturæ vis & efficiendi celeritas, aut maior, aut acrior, aut vehementior est, aut magis formidata, quam ignis, qui vel durissima saxa findere ac dissoluere potest, sicut scriptum est: Indignatio eius effusa est sicut ignis, & petreæ dissolutæ sunt ab eo: sed cum ignis natura, quas restèperato calore fouet, rescicere & recreare soleat, atque humanæ cum primis vitæ vtilissima multas & maximas commoditates afferat, ut scriptum est: Prunæ, quibus calefiant, & focus, ut sedeant ad eum. Huiusmodi vsum suum præbiturum sese populo suo Deus pollicetur, ut dum aduersum hostiles impetus pro muro igneo ad ciuium securitatem sit, rursus aduersus ciues ignem quendam temperantissimum, fouentem ac recreantem, atque ipsorum vitæ multis modis vtilem se præstet. Etenim hoc modo geminam ac diuersam diuinæ virtutis in suos atq. in alienos efficientiam esse, sacra oracula canunt: Ante faciem eius quis stabit? & quis resistet in ira furoris eius? Bonus Dominus & confortans in die tribulationis, & sciens sperantes in se, &c.

**Isai. 47.** [Et in gloria ero in medio eius.] Quod verbum Latine vertimus *gloriam*, Hebraicè est. **כבוד** *chod*, adeo magnæ atque diffusæ in vna eademque sententia significationis, ut non dicam vnū, sed neq. plura hæcenus inuenire potuerimus Latina aut Græca verba, quibus plenè reddi huius vnus verbi pondus possit. Interim tamen vnū reperimus, quod vmbra quadam in loco imitetur. id est, *Amplitudo*, de quo aliàs dicemus. Ut verò res ipsa aliqua ex parte cognoscatur, illud modò indicemus; partem illam ex animalis corpore, ex qua concoctum commodè alimētum in reliquas partes omnes transfunditur, Latinis Iecur vocatam, hoc verbo Hebraicè dici: cuius calor in sanis corporibus ita temperatus est, ita oportunus, ut commodissimum ceterisque membris & partibus alendis idoneum sanguinem pareret & transmittat. ea verò princeps ad vitam fouendam pars in corporis ipsius medio atque adeo in dextro latere sita est: cuius, si valeat & bene habeat virtus & utilitas quanta sit, ex contrario habitus vsu arguitur sicut: scriptum est, Effusum est in

**Thren. 2.**

in terra iecur meum, super contitionē filie populi mei. qua oratione omnibus se prorsus viribus destitutum Vates lamētabatur. Hanc adeo similitudinē à natura ad se transferens Deus hoc verbo vsus est, quo suam diuinam vitam & virtutem cum populo, hoc est, ecclesia sua (cuius caput Christus, Christi verò ipse est) cōmunicaturum se pollicetur. Nam verò quis expressam felicissimā noui testamenti ac planē aureæ ætatis imaginem in hoc vaticinio non videt, qui modò diuinam Christi Iesu in eos, qui spiritu sancto aguntur, efficientiā vel ex sacrorū lectione, quantā futura esset, cognouerit? illis enim maximū aduersus inuisibiles & visibiles etiā hostes præsidium in spiritus sancti tutela maxima in eiusdem virtute & gratia ad bene beateque viuendum commoditas & facultas est. Vt nam ipse nobis præstet, vt hæc omnia mysteria re ipsa & proprio experimento intelligere, aliisque optanda & repetenda monstrare possimus. Sanē omnia hæc diuina sunt, & diuino spiritu auctum interpretem, vt pro dignitate explicentur, requirūt. Huiusmodi autem de eadem re vaticinium apud Ezechielem etiam est. Hanc verò rem omnem atque adeo hanc sanctæ ciuitatis latissimē patetē societatem Deo auctore, Christi opera, spiritus sancti virtute futuram Isaias etiam olim canebat: Adhuc dicent in auribus tuis filij sterilitatis tuæ. Angustus est mihi locus, fac spatium mihi, vt habitem: & dices in corde tuo. Quis genuit mihi istos? ego sterilis & non parens, &c. Thren. 2.

O, o, fugite de terra Aquilonis, dicit Dominus: quoniā in quatuor ventos celi dispersi vos, dicit Dominus.

CARMEN hoc non tam ad Iudæorum reliquias, quæ in Babylone māsērunt, Ierolymam illam, quæ tunc reficiebatur, aduocandas, quàm ad cæteras Israëlitarum tribus per orbem dispersas & dissipatas, vt alteram Ierusalem petant, exhortandas pertinet. siquidem non tantā illius restitutæ Ierusalem in transmigratione Babylonica dignitas & felicitas fuit, vt ea causā omnes Iudæi ad colendū habitandūq. tanta cura & sedulitate à Deo per Vatem vocarentur: quinimo illius, quæ tunc reficiebatur, vrbs tanta calamitas futura aliquando esse à vatibus prædicta, atque à sapientibus ex oraculo cognita erat, vt multi, ne ipsi aut eorum posteri eius miseræ spectatores participesque aliquando essent, ædificatō iam secūdo tēplo & aliis publicis & priuatis operibus refectionis Babylonē denuo sponte exules redierint: in quibus Zorobabel etiā fuit. Quin & oratio illa: [Quoniā in quatuor ventos celi dispersi vos,] non Iudæos Babylone exulantes, sed Israëlitas cæteros indicat, qui ab Assyriorum exercitu abducti per totum ferē orbē perinde, ac si quatuor principibus ventis impellerentur, dispersi sunt. Incœpit autem dispersio ab Aquilonis terra, quæ Israëlitis Assyria est. vnde per enthusiasmon ad futuræ felicitatis & ecclesiæ (in qua vna salutis publicæ vsus est) communionem excitantur. o, o, vocadi verba ad studij significationem repetita sunt. Fugite: plura apud Hebræos verba fugam significat, sed n v z s eam fugam, quæ salutis petendæ causā, aut ad asylum aut ad perfugiū aliquod tutumq. & firmum præsidium fit. atque in hac significatione ferē semper vsurpatur, vt illud: Sex oppida erunt ad fugitiuorum perfugium separata, vt fugiat ad ea, qui effuderit sanguinē. Quod verò bis repetitur, [dicit Dominus,] id nimirum significat, eiusdem Dei misericordia reuocandos & in sanctam ciuitatem recipiendos esse, cuius puro atque insigni iudicio, non casu aliquo in exilium pulsi & totò orbē dispersi fuerant. Commiserationē autem erga hos illud auget, quòd in Septentrionali terræ parte, ad quam primum abducti fuerant, quæ siti & vocati non inueniantur, sed longè lateque diffusi ac dispersi esse deprehendantur, longoque à Iudæis, qui Babylone sint, interuallo distent. Sed posteaquam is, qui priores exulauerant, in gratiam atque in ecclesiam redeundi spes, reuocatioq. per enthusiasmon facta est, Iudæis etiam eodem modo cum diuinæ clementiæ & prouidentie maxima commendatione etiam eadem spes certo signo confirmata proponitur. Num. 25.

O Sion fuge, quæ habitas apud filiam Babylonis.

HACTENVS versus integer est, cuius sentētia & oratio ad Iudæos pertinet. qui quāuis ex patria pulsi, non tamen ita vt Israëlitz, dispersi fuerant, sed omnes simul in Chaldaeorum regione Babylonis agro confederant. Itaque diuinam hac in re clemētiam magis etiam, quàm Israëlitz fuerant experti, quibus nunc cum futuræ salutis certa spe diuinæ in se curæ ratio exponitur. [Fuge, inquit, o Sion,] & recipe te in sanctam istam ciuitatem commune omnium piorum perfugiū ac portū, atque vnicum salutis præsidium.

[*quæ habitas apud filiam Babilonis.*] non quòd tunc habitaret, quæ iam remigrauerat, sed quòd captiuitatis atq. exilij còdicione minus, quàm Israëlita ceteri, misera hæcenus uia fuisset; utpote non in quatuor ventos dispersa, sed [*habitans apud filiam Babylonis.*] Sic Hebraicè in participio vox est, atque ad distinctionem potius Israëlitarum, quàm ad præsentem statum refertur. Porro filia Babylonis, Babylonici agri vrbes & oppida, ac velut coloniar & municipia vocantur, in quibus Iudæi agebant. ex quibus vna præcipua Nearda siue Nehardagha fuisse dicitur, sic appellata, quòd in illa maxime diuinæ legis & sacrorum librorum studia florerent. his verò Iudæis futuræ salutis propositam spem dandi propediem signi expectatione confirmat.

*Quia hæc dicit Dominus exercituum, Post gloriam misit me ad gentes, quæ spoliauerunt vos: qui enim tetigerit vos, tanget pupillam oculi mei. Quia ecce ego leuo manum meam super eos, & erunt praeda ijs, qui seruebant sibi: & cognoscetis, quia Dominus exercituum misit me.*

IN IIS, quæ ad examinandam vatum auctoritatem & fidem notata sunt, ponderibus vnum genus est, cum futura propediem res aliqua prædicitur, quæ còsentaneo prædictionibus exitu munus probat, secus verò omnino improbat, sicut scriptum est: Hoc habebis signum, quod in nomine meo propheta ille prædixerit, & non euenierit, hoc Dominus non est locutus, &c. quæ de re nos aliàs plura (modò Deus adsit) differere cupimus. Igitur Zacharias muneris sui auctoritatem Persici imperij sine propediem futuro examinandam probandamq. præbet, quòd eo signo eius amplitudinis, ad quam per Christum deducendi erant, certam spem illis esse Deus voluit, cui, quicquid decreuerit, facere integrum omnino est, utpote exercituum Domino. [*Post gloriam.*] Vbi inquit, gloriam illam, quæ vobis promissa est, ego ipso eodem docente cognoscens prædicere iussus fui, atque illius nomine enuntiaui. Et in gloria ero in medio eius. missus etiam sum ad gentes, quæ spoliauerunt vos, ut futuram in illos ex diuino consilio ultionem prædicerem; à quibus quamuis reficiendi templi & incolendæ de integro vrbis facultatem adepti, tamen graui imperio & intolerabilibus tributis expoliimini. [*Expoliauerunt vos.*] Hebraicè præsentis temporis verbum est: namque hæc expoliatio nominis mei offensionem in se continet, adq. hanc rem, quæ ego in ista ciuitate efficiendam paro, importunior est; utpote quæ vos oppressos & expoliatos urbem istam restituere, & templum non ita ex animi vestri sententia resectum sacro atque legitimo ritu frequentare sinat: denique satis est minus commode vobiscum agi, ut ego illis irascar. [*Nam qui tetigerit vos, tanget pupillam oculi mei.*] Hebraicè utrobique est in præsentem tangit. Oculi Dei prouidentia diuina dicitur, ut: Oculi Domini super iustos. Hæc prouidentia quamuis res humanas omnes, nec solum vniuersas, sed etiam singulas curet, tamè eius populi, apud quem vera religio est, rationibus præcipuo quodam atque familiari magis modo consulit, sicut in illo psalmo elegantissimè traditur: Fundamenta eius in montibus sanctis, &c. Huius verò priuati & dilecti populi ratio & ius, ut nunc penes Christianos, penes Iudæos quondam fuit, quoad ille totius orbis redemptor, & diuinorum consiliorum procurator ac particeps Christus ex illa gente natus, munus officiumque impletet suum. Hanc adeo peculiarem ac præcipuam erga eam gentem, ob eas, quas diximus causas, curam Deus oculi sui pupillam nominat, quæ medium in rebus & consiliis suis locum ac præcipuam sedem obtineret, quæque magnum illud de publica salute consilium exspectaret: cui qui obstare conaretur, pupillam, qua nihil charius tota facie est, tangere atq. lacerare existimaretur. Quoniam verò diuina in Persas animaduersio per Græcos Græcorumque socios iungi etiam & imperij intolerabiliūq. tributorum pertesos iam tum imminebat, ob eam rem dicit: [*Quia ecce ego leuo manum, &c.*] Hanc nostram prioris carminis expositionem Chaldaeus paraphrastes confirmat hoc modo: [*Quia hæc dicit Dominus exercituum, post gloriam, quæ dicta & ventura super vos, &c. Et cognoscetis quia Dominus misit me.*] Vatisipius oratio est, nomen suum inter eos, qui verissima & certissima prædixerint, professi, atque fidem suam de proposita futura olim Iudæis gratiæ spe illa, quæ ventura propediem Persis fuerat, calamitate expectanda liberantis.

Psalm. 33.

Psalm. 86.



*Lauda & letare filia Sion, quia ecce ego venio, & habitabo in medio tui, ait*

*Dominus.*

FELICIS illius & admirandi status, in quo piorum hominū res noui testamēti tempore collocandæ erant, amplitudinē & dignitatē maximā commendaturus, omni plausu & summis laudibus excipiendam Deus ipse docet, utpote quæ tum auctoris nomine & præstantia, tum ipsa sua natura & virtute omnem præteritorum seculorū vsum tam superet & vincat, quàm diuina humanis, æterna caducis & mobilibus præstare possunt. nāq. illa omnis, quæ olim patribus veteris testamenti felicitas data est, quanquam quidem ex Dei consilio & beneficio, angelorū tamen & hominū ministerio contigit, eademq. terrenis ferè rebus est definita: quæ præterquā quòd admirandæ huius alterius felicitatis imagine quadam & umbra spem proponebant, nihil præterea quòd mortale gradū excederet, nihil, quod planè diuinū diceretur, in se continuere. Hæc verò etsi Deum ipsum auctore & parentem sui propriè habet, diuinā, immortalē, æternam omnibusque numeris absolutam virtutē speciemque præbet. quamobrem digna existimata semper est, quæ magno desiderio expectaretur, ingenti applausu & studio adueniens exciperetur, maximoq. præconio & summis laudibus ab iis, quibusea cōtigisset, celebraretur. Igitur vox Dei ad ecclesiam optimum & iucundissimū nuntiū mox audiam illa est. [*Lauda & letare.*] Prius verbum canticum & præconium significat. Cuius modi habitu & gestu vñ olim Israëlitarū dicuntur, dum consecratō tabernaculo Deum per ignem cælestem adesse cognouissent, sicut scriptum est: Quod cum vidissent turbæ, laudauerūt ruētes in facies suas. [*Filia Sion.*] Ierusalem dicitur, sed clarius & planius Christiana ecclesia synagoga antiquæ filia est. Atqui huius publicæ lætitiæ illam præcipuam & amplissimā causam Deus ipse explicat, quòd futuræ illis libertatis & salutis auctorem, parentem & effectorem non Cyrum quempiam, non etiam Moysen, sed ipsummet sese præbiturus est. [*Quia ecce ego venio, & habitabo in medio tui.*] Verbum illud quod erat in principio apud Deū, idemque Deus ipse Dei filius, patri natura, virtute & dignitate æqualis, rerum omnium, quæ extra diuinam naturam sunt, efficientia par, idemque paterni consilij sapientissimus explicator ac minister, in quo vita erat, & vita erat lux hominū, idem ipse huius maximæ hominum salutis effectorem sese certissimè pollicetur. Quoniam ad tantam explicandā efficiendamq. rem nullus alius, præter Deū, sapiētia, consilio & virtute idoneus esse potuit, qui & vasserrimi astutissimique hostis antiqui machinationibus artibusq. turbatis & ruptis, calliditatem prudentia, conatus virtute superaret. Eius verò rei, quemadmodum explicanda esset, rationem in incerto occultoque latere omnibus & seculis & generationibus, antequam conficeretur, Deus volens, illud tantum interim, quo fieri posse crederetur, atque expectatione desiderioque sui animos piorum incenderet, indicauit. [*Et habitabo in medio tui.*] Ut non modò certum & felicem, sed perpetuo constantem exitum res habitura esse crederetur: quam Deus ipse promiserat in seque receperat. Porro autē eodem modo præstitam fuisse, atque cum summa dignitate & amplitudine absolutam, summa etiam cum admiratione ab hominibus exceptam & cognitam grauissimis testimoniis ipsorum, qui participes fuere, testimonio docemur. Et verbum caro factum est, & habitauit in nobis, de qua tota ratione idoneo tempore, oportunoque loco dicere ut cōtingat, idem Deus nobis exorandus est. [*Ait Dominus.*] Hebraicum nomen tetragrammaton & misericordiæ & constantiæ rationes continens rei ipsius dignitatem, causas & certitudinem durationemque significat: maxime autem cum verbum ait, certum pondus auctoritatemque atque decretam consilioque firmatam sententiam ostendat, quòd Hebraicè *NE V M*, est, nunquam nisi in huiusmodi rationibus indicandis vsurpatum, ut: Hæc autem sunt verba nouissima, quæ dixit Dauid filius Isai, dixit vir, cui constitutum est de Christo Dei Iacob. utrobique idem verbum repetitur. Hic autem rerum status, quem Deus ipse veniens sua præsentia conuersurus erat, quam longè multumque antiqua illa tempora superet, quis non videat? maxime cum secūdi templi ætate vsque ad Christi aduentum, & illa etiam peculiaris prouidentię & familiaritatis antiqua indicia (quantula illa his collata fuerint) desiderarentur, ut ignis iugis calitus immisus, vim & thumim, & vaticini) oraculorumque vsus rarissimus & obscurissimus esset. At verò eam, quæ denuntiata est, felicitatem, non intra priuatos Iudæorum secundum carnem parietes continendam, sed ad omnium gentium nationes per omnes orbis partes dilatandam esse, ut apud alios etiam, sic & apud hunc Vatem Deus prædictum esse voluit.



*Et applicabuntur gentes multe ad Dominum in die illa, & erunt mihi in populum.*

- Rem. 1. EVANGELII Christi, (quæ virtus Dei est ad salutem omni credenti Iudæo primæ  
 „ & Græco) prædicatione & annuntiatione omnium gentium homines inuitandos in cæ-  
 lestis regni societatem & ciuitatem receptum iri, diuino consilio decretum est. qua de  
 Sophon. 3. re multa & amplissima oracula olim fusa ab antiquis vatribus fuere. Cuius generis illud  
 „ est: Quia tunc reddam populis labium electum, vt inuocent omnes nomen Domini, &  
 „ seruiant ei humero vno. Hanc adeo omnem orationem Dei verbi esse, hoc est filij Dei,  
 qui maximum hoc consilium explicaturus, atque grauissimam huiusmodi expeditionē,  
 Luc. 26. vt Lucas inquit, Ierosolymis completurus erat, ipsa sententiæ ratio, manifesta que conse-  
 quentia arguit. cuius orationis illa etiam pars est:

*Et habitabo in medio tui, & scies: quia Dominus exercituum misit me ad te.*

- Superiori sermone Vates legationis sui auctoritatem certo quodam ac prope-  
 diem expectando argumento probaturus illa oratione vsus est, & cognoscetis quia Do-  
 minus misit me. nunc verò Dei verbum sui causa ac muneris proprii confirmandi ob-  
 seruationem certis notis docturus eadem oratione, verbo tamen, *ad te*, addito, vsus est.  
 etenim non Vatis hæc, vt superior, sed Dei filij oratio est, eiusdem qui dixerat, [*Et erunt*  
*mihi in populum.*] quiq. addidit. [*Et habitabo in medio tui.*] namque hoc signum certissimum  
 ille haberi vult, quod à Domino exercituum sit missus. Id verò ad quinque illa illustrissi-  
 ma & præclarissima signa, quibus verus Dei Christus hominibus in terra probatus fue-  
 rat, cum primis pertinet: de quibus aliàs plura & exactius, eodem inspirante, dicturi, nunc  
 ea tantum, quæ ad loci huius indicationem facient, breuiter perstringemus. Israëlítico  
 populo certam ac perpetuam felicitatem esse cupiens olim Moses supplex, non angeli  
 cuiuspiam, sed ipsius potius Dei præsentiam adesse efflagitabat. Intellexerat enim bene  
 beateque viuendi, atque pericula omnia declinandi perrumpendique rationes omnes  
 nulla alia re æquæ, atque Dei ipsius potenti, placido benignoque spiritu contineri posse;  
 cuius si quis præsentem virtutem experiatur, huic ad cæteras summas vtilitates, ad hu-  
 mana vitia effugienda, ad studiosam & piam vitæ rationem ineundam oportunitas ad-  
 iungatur necesse est, sicut scriptum est: Faciem tuam illumina super seruum tuum: &  
 Psal. 117. doce me iustificationes tuas. Huiusmodi autem de hac re Moyses actio oratioque habita  
 Exod. 39. refertur. Festinusque Moyses curuatus est pronus in terram, & adorans ait: Si inueni gra-  
 „ tiam in conspectu tuo Domine, obsecro, vt gradiaris nobiscum: populus enim duræ cer-  
 „ uicis est: & auferas iniquitates nostras atque peccata, nosque possideas. qua oratione il-  
 lud tantum impetrare potuit, vt Dei præcedentis tutelam experiri, faciem verò videre  
 populus ille non posset, quam aliquando hominibus aliis, hoc est noui testamenti & ec-  
 Exod. 33. „ clesiæ ciuibus cum summa vtilitate, cum maxima dignitate ostendere constituerat. Di-  
 „ xitque Dominus, facies mea præcedet te: & requiem dabo tibi, &c. & paulo inferius ad  
 „ Moysen ipsum: Videbis, inquit, posteriora mea, faciem verò meam videre non poteris.  
 „ Illo præterea antiquus Israëlitarum populus diuino beneficio affectus est, vt ad promissam  
 optatamque regionem deducendus angelo præcurfore vteretur: cuius opera pul-  
 lis indigenis locum liberum & vacuum ad occupandum inueniret. Et mittam, inquit  
 Exod. 35. „ Deus, præcursorem tui angelum, vt euiciam Chananaeum, &c. & intres in terram fluen-  
 „ tem lacte & melle. non enim ascendam tecum, quia populus duræ ceruicis es, ne forte  
 disperdam te in via. Igitur diuinam faciem antiquus populus videre non potuit. horum  
 autem posterius videndam aliquando fore sperantes, atque eam vnā absolutam salutis  
 Psal. 79. „ & felicitatis publicæ rationem definientes, temporibus suis experiri cupierunt. Excita  
 „ potentiam tuam & veni, vt saluos facias nos: Deus conuerte nos: ostende faciem tuam,  
 „ & salui erimus. neque enim illius, quæ per omnia antiqua secula expectata est, salutis  
 ratio alio euidentiore argumento, quam verbi ipsius præsentia & familiari quadā cōsue-  
 tudine piis hominibus cognosci probarique potuit, si sacrorum librorum arcanis nota-  
 Isai. 52. „ tionibus vtendū esset, sicut scriptū est: Propter hoc sciet populus meus nomē meū in die  
 „ illa, quia ego ipse sum, qui loquebar: Ecce adsum. Atqui expressam Dei faciē & certā præ-  
 „ sentia iis aperte declarari, quibus filius Dei cōspectus fuerit, idē ipse docet. Philippe, in-  
 „ quit, q. videt me, videt & patrē meū. Porro declaratā re ipsa fuisse Ioannes, & suo, & alio-  
 Ioan. 1. „ rū nomine testatur: Et verbū caro factū est, & habitauit in nobis, & vidimus gloriā eius,  
 gloriā

gloriam quasi vnigeniti à patre, plenū gratiæ & veritatis. Plenum veritatis propterea inquit, quòd quæ apud hunc & alios vates de ea re promissa expectabatur, reipsa præstita, hominibusque piis obseruata fuerint. [Et scies, quia Dominus exercituum misit me ad te,] vt in medio tui habitarem, quasi vnigenitus à patre missus plenus gratiæ. At verò cuiusmodi hæc visio & habitatio fuerit, alias ab eodē Deo nobis, vt spero, explicandi dabitur locus. Hactenus huius, quam audiuius, felicitatis amplitudo ex auctoris nomine & dignitate cōmēdata est; nūc verò ex admiranda rerū ipsarū mutatione & nouo splendore celebratur.

*Et possidebit Dominus Iudam partem suam in terra sanctificata: & eliget adhuc Ierusalem.*

VNAM imprimis ecclesiā vnā cōmunem omniū priorū ciuitatē constituendā esse, quæ vno nomine, iisdē legibus, eodemq. iure omnibus totius orbis nationibus, quæ legitime admitti studerent, daretur, vt à ceteris vatibus prædictū, sic ab hoc expressum expositumq. est. namque olim dum Israëlitarū terrestres res florent, vna omnibus regia ac princeps ciuitas constabat, Ierusalē, in qua & de religione & de cōmuni iure conuentus publici & celeberrimi vndiq. fierent: in eaque fanum illud amplissimū erat, vbi verus & vnicus Deus sanctē & purē cultus peculiarem tutelā & prouidentia suā præsentia cultoribus declarabat; tam diūque illa omnis respublica vixit, quamdiu Ierosolymorū ratio integra illaesaq. mansit, ita vt gens illa omnis vnus Dei populus diceretur, cuius sedes in regia vrbe esset. Notus in Iudæa Deus, in Israël magnum nomen eius. & factus est in Salem locus eius, & habitatio eius in Sion, &c. At verò Ierusalē quanquā cōmunis omnium aliarum tribuum patria dici potuit, tamen Iudææ nomini præcipuē ascribēbatur, quòd & Beniaminitarum tribui locus ille sorte obuēisset. Ex quibus rebus illud etiam effectum est, vt Israëlita omnes vno nomine Iudæi non raro appellarentur. Huiusmodi namque præcipuis dotibus & beneficiis auctum Iudā filium Iacob volens testamēto iam ferme moriens prædixerat. Iuda te laudabunt fratres tui, &c. Adorabunt te filij fratris tui, &c. Hæc verò omnia cū non tantū terrenarū rationes rerum, sed multo etiā magis celestium mysteriorū obseruationes haberēt, omnino ad veritatē Christianā, vt ad certū exemplar reuocare oportuerit. nā quæ in figura illis contigerunt, eruditionis atq. vtilitatis nostræ causā, vt D. Paulus affirmat, scripta sunt. Igitur vnū ex omnib. gētibus Iudæis primū & Græcis populū in celestis regni societate conuocatū sibi deligere Deus cōstituerat, cui ob perpetuas ex accepto beneficio laudes, Iudæ, hoc est laudatoris nomē esset. Is verò populus Ierusalē celestis muneris iura, atque cætera ciuilia commoda adeptus regem ac principē Deū in sacrosancto tēplo suo, hoc est in illorum animis inhabitantē perpetua ac purissima sanctitate colerēt. quæ res certū atq. stabilē virtutis, pietatis, & optimarū omniū rerū vsum populo ipsi viuenti adhuc, atq. in hoc seculo agenti allatura fuerat: ita vt neq. carne & sanguine, neq. ab illis antiquis hostibus iam vltērius perturbato in summa tranquillitate & pace, quod reliquū vitæ esset, peragere cōtingeret: nimirū quibus Deus ipse gratia spirituq. suo perpetuo adesset, atq. ab hostibus & metu vindicatis vires & animū ad præclaras gerēdas agendasq. res adderet. hæc breuis quadā illius uersus sententia est. nunc verba ipsa breuius etiā explicemus. [Et possidebit Dominus.] Misericors Deus Iudam illū spiritualē hereditatis nomine & iure tenebit. sic in Hebræo, [Et hereditabit] vt ita redamus verbi vim [Iudam partem suam.] quam Christi filij sui morte & resurrectione ab hostiū potestate vindicatam iuris omnino sui fecerit, neq. minus suā appellare possit, quā illā terrenā olim, de qua scriptum est: Pars autem Domini populus eius, Israël funiculus hereditatis eius, &c. [In terra sanctificata.] namq. illa prior terrestris Iudæa cū in terra sterili spinarumq. atq. carduorū feraci, hoc est in veteris Adami carne sita esset, neq. officio satisfaciens suo, neq. Deo probata variis & multis calamitatibus atq. miseriis premi sape cōmerita est. Ea verò, quā nūc hereditatē Deus initurus dicitur, in terra sanctificata erit, quā ipse spiritu benignitateq. sua augens maximarū virtutū feracē reddet, sicut scriptū est. Etenim Dominus dabit benignitatē, & terra nostra dabit fructū suū. Huius verò tantæ felicitatis laus Deo auctori tribuēda est, cui ex propria misericordia sua adducto Ierusalē sanctā sibi in sedē ac regnū suisque cultoribus in cōmunē ciuitatē admirandis & nouis modis optare placuerit. [Et eliget adhuc Ierusalem.] Vox illa adhuc, nouum & augustissimū electionis genus indicat, quæ multis olim huiusmodi præconiis celebrata est. Quoniā elegit Dominus Sion, elegit eam in habitationē sibi. hæc requies mea in seculū

Psal. 75.

que hic inuoluit de impo  
rurata scientia sine  
reuelatione & in re  
ge xyste superius notata

Exod. 38.

Genes. 3.

Psal. 84.

Psal. 40.

qui in culcat de imperio  
 nota scientia sine curia  
 revelare in intelligere  
 ta superis notata.

seculi, hic habitabo, quoniam elegi eam. Qualis verò eorū hominū, qui hac sancta ciuitate donati, & maximis arcanisq. muneribus aucti essent, status, qualis rerum & vitæ vsus futurus esset, non sine magna audientium admiratione Vates significauit; nimirum diuinā quandā subindicans mutationē & regenerationē, cuius qui participes essent animi, nihil paruum aut sapienter, aut curarent, sed sublimibus cogitationibus rectissima studia consentaneasq. actiones cōiungerēt, ita vt, quemadmodū Isaias cecinit, omnes qui viderint eos, cognoscāt illos, & dicāt, Isti sunt semen cui benedixit Dominus. vtpote qui à diuino spiritu acti & ducti nulla inimica carnis vi abstrahi ac retardari possint, quominus cōtento cursu patriā suā celestē petant. Tantā illis virtutē, tātas vires diuina illa verbi cōsuetudo ac familiaritas datura & tātū carnis & veteris hominis impetus repressura erat. 10

*Sileat omnis caro à facie Domini: quia consurrexit de habitaculo sancto suo.*

FVRENTIS carnis impetus conatusque perditos omnino cohibere semper & ab omni labe cōtinere cupiditatē tantū opus est, vt Dei gratiā, virtutē & efficacitatē desideret, aliās non bene ex contententis animi sententia successurū. Quam maximā difficultatem & infinitū penē laborē carnalis ille homo, qui à Paulo inducitur, expertus atq. cō- 15  
 Rom. 7. 22 fessus hac vnā ratione peruincendū sperare docetur. Infelix ego homo, inquit, quis me liberabit de corpore mortis huius? Respōdit Paulus, Gratia Dei per Iesum Christū. Huiusmodi autē victoriæ spēs & expectationē piis hominibus ex diuina Christi virtute Vates non tā denuntiat, quā offert: nā carnē ipsam tacere & quiescere per Enthusiasmon iubet, quæ Deū quasi negligentē & dormientē hactenus experta, experrectū, diligentē, atq. ve- 20  
 hementer efficacē porro deinceps sit expertura. Hanc verò curā vehementer Deo susceptā ostēdere volēs Vates sermonē repēte ad carnē transfert, cuius insolentiā & contumaciā Deo perspectā & ad reprimendū contundendumq. notatā propositamq. esse, huiusmodi minis docet. [Taceat] Hebraicum verbū tacere & quiescere simul significat, atq. in tumultu, temeritate, turba seditioneq. sedāda imō cōpescenda vsurpatur: est autem ver- 25  
 Nam. 13. 22 bium H A S Z A, quod Latinus interpres alias cōpesci, vertit. Inter hæc Caleb compescens murmur populi, quod oriebatur cōtra Moysen, &c. Non modò igitur hominibus piis salus & felicitas enuntiatur, sed carnī ipsi minā intendūtur, & silentij atq. quietis lex indicitur, inquit Vates, cogniturā tandē, quānā diuina in se vis & efficientia sit. [Omnis caro.] Malarū omniū nō actionū modò, sed cupiditatū etiā summā his verbis cōplexus est, quā- 30  
 rum facultatē si maximē humana virtus, diuina gratia adiuuante, minuere ante Christi mortē & resurrectionē potuit, non tamē exhaustire omnino potuit. namq. hoc absolutū opus planē diuinū & à Deo petendū expectandumq. est. Qua de re huiusmodi orationes antiqui patres habebāt. Ab occultis meis munda me Domine, & ab alienis parce ser- 35  
 uo tuo. Si mei non fuerint dominati, tunc immaculatus ero, & emundabor à delicto max- 40  
 Jacob. 1. 22 ximo, &c. Hoc genus dati optimi & doni perfecti de sursum esse atque à patre luminum descēdere, Diuus Iacobus docet. Cōmunis etiā theologorū sentētia, peccata singula arbitrio & gratia vinci & posse & solere, vniuersum verò vitiōrū fontē exhaustiri, venasq. sic- 45  
 cari, auctioris cuiusdā gratiæ & præsēntioris Dei efficacitatis esse, statuitur. [Quia consurrexit.] Hebraicus sermo humanā cogitādi & dicendi figurā, vt sæpe aliās, imitatus hoc mo- 50  
 do habet. [Quia excitatus siue experrectus est.] quale etiā & illud est. Et excitatus tanquam dormiēs Dominus, tanquā potēs crapulatus à vino, &c. Quod verò additur, [De habita- 55  
 culo sancto suo.] vno eodemq. dicendi modo, & virtutē & consiliū ad gerendā rem, siue (vt ex vulgatis artū verbis loquamur) efficientē & finalē causam significat, hoc est, qua vir- 60  
 tute, qua facultate instructus prodeat, & cuius rei causā ad agendū excitetur. In Ioēlis & 48  
 Ios. 3. Amos. 1. 22 Amosī varū cōmentariis docuimus, de, præpositionē in sacro sermone, & locum à quo, & finē etiā siue causam indicare. Dominus de Siō rugiet, & Ierusalē dabit vocē suā, hoc est, 65  
 Sionis & Ierofolymorū causa, ex ipsa etiā Ierusalē & Sione terribilē vocē editurus est. Igitur hoc in loco Dei virtus significatur, atq. propositē etiā rei gerendæ cura maxima, qui ex loco sancto suo celo, vbi potentissimus & quietissimus habitat habitaculi sancti sui, hoc 70  
 est, ecclesiæ (quæ templū sanctū Domini est) vicē vlturus, resq. oēs curaturus excitetur. neque dissimilē vim apud Latīnos, de, præpositio obtinet, vt apud Ciceronem: Is, de quo 75  
 Cic. ad Attic. Horat. serm. 1. sat. 5. 22 angor & erucior, &c. [Misi magnis de rebus vterque Legati.] Atq. hic vnus locus ad domini- 80  
 cam Christi precationē, Pater noster, explicandā plurimū adiuuenti, si cui nostra interpretatio satis pertipiatur, attulerit: sed multa nos interim, qui in singulis verbis explicadis 85  
 aperiri poterant, mysteria, quamuis inuiti, tamen ob breuitatis studium prætermittimus.



**E**t ostendit mihi Dominus Iesum sacerdotem magnum stantem coram angelo Domini, & Satan stabat à dextris eius, ut aduersaretur ei.

**O**MNEM ferè eam, quæ in Machabæorum libris narratur, historiam hac visione Vates à Deo edoctus præcinit, adeo obscure, ut variæ & multiplici exppositorum commentationi campum aperuisse videatur. namq. cætera, quæ antea viderat, spectra vel ipse cognoscens aliquando indicabat, vel ab interprete edoctus referebat. Huius verò rationem, quemadmodum contemplatus spectauerit, narrans, explicationem prorsus prætermisit, lectoribusque vel cogitatione comprehendendam, vel (quod commodissimū fuerit) à Deo impetrandam, vel ex sacris libris petendā reliquit. Qua quidem in re quid alij agant, nos non multū laboramus, neq. singulorū explicationes refellere, nostrasq. cōtentione & æmulatione defendere studemus; quippe ea neq. nobis, neq. ecclesiæ sanctæ Dei, (cuius disciplinā profitemur) consuetudo est: sed quam viā semel munuimus perpetuo secuti, quæ de inexhausto sacrorū librorum thesauro à Deo (quem supplices assidue exorare studemus) suppeditata fuerint, ad nostram vtilitatem & sanctissimæ ecclesiæ vsum promemmus, minime fucatis & splendidis, sed iis tantum coloribus vti, quibus descriptarum imaginum simplicitas, sine vllō linearū detrimento, vmbra etiam opportunis locis addita significatas & obscuras partium eminentias indicemus. Atqui ne in huius loci cōmensatione breuitatis institutæ obseruatio obscuritatem parere possit, lectori consultū volumus, ut eā quæ Machabæorū nomine in sacris libris & in Iosephi cōmentariis scribitur, historiā diligenter accurateq. legat. Igitur futurarū calamitatū, barbarum & bellorū, victoriarumq. insigniū, omnium deniq. rerum vicissitudines, quibus Iudeorum respublica Antiochi impij & Machabæorum Iesu sacerdote prognantium temporibus agenda fuerat, in vna ipsius Iesu persona Vates ostensæ sunt. namque ad illius iam vita defuncti nomē omnis eius seculi, quod ad secundum templū spectabat, ratio relata est, utpote cuius ætate & auspicio reficiendū tēplū & religionis cultusque sacri restituendi fundamenta iacta essent: idque ex diuinis responsis ab Haggeō Vate sacerdotis huius nomen appellante non semel redditis. At verò Iesum sacerdotē, quo tēpore Zacharias ostēsum sibi narrat, vita iam functū fuisse, ut nonnulli Hebræi scriptores tradunt, non leuia argumēta nobis confirmant: atq. imprimis consultatio quæstioq. illa, quam Haggæus apud sacerdotū collegium de victimarū ratione & sanctitate habuit. Qua de re nō sacerdotū senatus, sed ipse potius maximus pontifex (si viueret) sententiā ex more rogandus fuerat, sicut scriptū est: Labia sacerdotis custodient scientiā, & legem requirēt ex ore eius: quia angelus Domini est. præcipue autem cum cæteris in actionibus omnibus Iesu sacerdotis maxima ab Haggeō Vate ratio habita fuerit, ex quo vaticiniij munus obiri cœptū est, à prima sexti mensis die secundo Darij regis anno vsque ad vicesimam primā septimi mensis, cum secundæ domus amplitudo Messia venturi indicatione enuntiata fuit. Itaque à primo remigrationis tēpore quamdiu in cœptū tēplī opus intermissum est, videlicet temporibus Cyri & filij eius, atq. Assueri, vsq. ad septimū secundi anni Darij mensem, Iesum religionis rebus omnibus non modò interfuisse, sed præfuisse etiā cōperimus. ab eius verò mensis die vicesimo primo & deinceps nullibi aliās appellatum audimus, præterquā apud hanc Vatem, qui sibi in spectro visum narrat. atq. visione opus nō erat, si viuente cōspicere quotidie contingeret: sed illius tunc nuper mortui & superstitū desiderantiū desiderio crebrisq. sermonibus (ut fieri solet) celebrati rationes & res ut habituræ essent, Vates edocuisse. namq. vicesima quarta noni mēsis eiusdemq. anni Haggæus legationē suā de sacrorū ritu & significatione obiit, eademq. die Zorobabelē solū alloqui iussus est, cū antea utrūq. simul alloqueretur. hic verò Vates vicesima quarta die vndecimi mēsis ostensam narrat, ut nō solum futuræ lōgū post tēpus Iudeorū vicissitudines, sed quæ paulo post sua tēpora expectanda erāt, cognoscerētur. Igitur Iesum iā vita functū, atq. alterius seculi gentibus annumeratū sibi visum fuisse narrat. ait vero corā angelo Domini stantē. quo argumēto piorū & sanctorū societatis ciuem ascriptū docet, utpote quæ angelo Domini altantē viderit, cui angelo sacerdotis ipsius posteritatē, res & nomē curæ esse cognosceret. namq. is vir omni studio, sedulitate, exēplo atq. doctrina egerat, ut sacra religio diuinusque cultus, & oēs, quæ ad hæc pertinet res, magna diligētia & sanctitate, & suis, & futuris temporibus procurarentur. sed huic consilio atque studio grauissimus & acerrimus, qui sese iatendens obtrestartet, aduersarius non defuit, videlicet Antiochus ille cognomēto

Abben. E.  
dræ.  
Isaac, Hispa.  
Salom. Iarch.

Malach. 2.  
Hagg. 1.



- Machab. 1. Epiphanes, quem ob violandæ religionis & diuini nominis obscurandi studiū radicem peccati sacri scriptores nominant. Eundē Satanā, hoc est, aduersariū & detractōrē Vates dicit. quo nomine omnes, qui vel diuinis, vel aliis magnis rebus obfistunt, vocari in sacris audimus. quo etiā Petrus humani generis grauissimū & durissimū redimendi modum
- Matth. 16. Christo dissuadens audiuit: Vade post me Satana, scandalum es mihi: quia non sapis ea, 5  
 „ quæ Dei sunt. Hic autē Satan à dextris Iesu stare visus est, nimirū eo cōsilio, vt publicam religionis rē, quā sacerdos auctā florētemq. esse curabat, oppugnaret. namq. dextere aliquis opponere sese, hoc in arcano sermone significat: in quo magna ad res agēdas vis & constātia dextera nomine describitur, vt: Dextera Domini fecit virtutē: dextera Domini exaltauit me. At verò cum à dextera esse ambigua sententiæ oratio sit, namq. vel auxilij 10  
 Psalm. 118. 63. ferēdi causā id fieri etiā potest, vt illud: Quoniā à dextris est mihi, ne cōmouear, vel ob-
- Psalm. 118. 15. trectādi, vt: A resistētibus dextera tua custodi me, &c. Satane hoc in loco cōsiliū, tametsi nomen ipsum arguere poterat, Vates tamē declarauit, [vt aduersaretur ei.] Fuit autē Iesus sacerdotis dextera illustris illa & fortissima Mathathie & filiorū familia, q. Iudaicis rebus oppressis ac penē obrutis auxiliū magnū tulerūt, ad præclarū etiā splendorē & dignitatis 15  
 locū peruēturis, nisi potētissimus atq. acerrimus hostis & prædo sacrilegus ille Antiochus obfuisset. q. ob eā rē dextere, hoc est, potētiæ, & dexteritati sacerdotalis familiæ illius oppositus rectē pingitur. [vt aduersaretur ei.] Hebraicū eiusdē cū nomine ipso significationis
- Num. 22. verbū est, *Le Satano*, vt à proposito institutoque deterritū abduceret, vt illud: Ego veni, vt aduersarer tibi, quia peruersa est via tua mihiq. cōtraria. Vt igitur de honestatis & verē 20  
 pietatis via defletere coactū populū in cōtaminatæ superstitionis errorē fraudemq. impelleret, urbemq. ipsam Ierosolymā Deo sacra sibi prophanatā ad regni & potētiæ præsidij muniret, maximo conatu studioq. contendit Antiochus, cui, vt diximus, populi animos corrumpere, & urbē ipsam occupare in animo fuit, sicut scriptum est: Et facti sunt
- Machab. 1. in insidias sanctificationis, & in diabolum malum in Israël. Quod Vates dixerat He- 25  
 „ braicē *Satan*, Græcus Machabæorū interpres ad significationem alludēs, vertit diabolū; nimirum ex eodem verbo *Satan*, quod apud Hebræos, si libri illi Hebraicē extarēt, utiq. legeremus. Atque illud etiam sibi visum narrat Vates, quemadmodum tyranni illius atque etiam eius exercitus consilium studiumq. vehemēter inuisum improbatumq., & impetus tandem cum magna ipsorum calamitate cohibitus fuerit. 30

*Et dixit Dominus ad Satan, increpet Dominus in te Satan, & increpet Dominus in te: qui elegit Ierusalem: nunquid non iste torris est erutus de igne?*

- ANGELVS ille, qui sacerdotis rebus curandis præfectus aderat, Domini eius, à quo
- Iudic. 6. legatus erat, nomē hoc in loco sustinet. [Dixit Dominus.] vt idē cēlitus ad Gedeonē missus 35  
 nuntius, Angelus Domini interdū etiā Dominus vocatur. Atq. hic angelus auctoritatis & confirmationis causā Dominus dictus diuini aduersus Antiochū & Macedones iudicij sententiā execrantis modo pronūtiat, *Increpet, increpet*, Hebraicē *increpabit* in futuro: quod ad confirmationē magis, quā imperatiuus, facit. Huius verò verbi ea vis est, vt non solū redarguere atq. accusare, vt Latine solet, sed etiā perrūpere & cōminuere significet, 40  
 Psalm. 79. præcipuē, cū in diuina iudigatione vsurpatur, vt: Incensa igni & suffossa ab increpatione vultus tui peribunt. Quod verò verbū repetit, non ad vehementiam aut ad heterosim figuram (namque heterosis diuersis magis, quā iisdē verbis fit, sed ad geminum Satane cōsiliū conatumq. frangendū pertinet, alterū quoddā sanctā & Deo dicatam urbē occu-
- Psal. 231. pare & nefaria superstitione contaminare constituerat. ob eamq. rem additum est: [Qui 45  
 Psalm. 67. *elegit Ierusalem*] in habitationē sibi, vt Psalter ait, Mons in quo beneplacitū est Domino
- „ habitare in eo. Alter verò conatus consiliumq. inimicum fuit, Iudeam & Ierosolymitanā
- „ gentē, quæ ex omnibus tribubus antiquis tātū in ea regione superfuerat, cum Mathathie eius ætatis ac reipublicæ principis familia funditus delere, sicut scriptum de viroq. 50  
 Machab. 1. consilio est: Et edificauerūt ciuitatē David muro magno & turribus firmis: & facta est il-
- „ lis in arcem, & posuerunt illic gentē peccatricem viros iniquos: & effuderunt sanguinē
- „ innocentem per circuitum sanctificationis, & contaminauerunt sanctificationem, &c. Huius alterius cōsiliij causa repetitum est, *Increpet*, & ratio etiam addita, quod tanquam igne agens omnia vastauerit, parumq. abfuerit, quin vniuersā illam piorum gentem perderet, nisi Mathathias eiusq. filij ex eo incēdio erepti & seruati Dei nomine auxilioq. 55  
 inuocato arma sumentes afflictæ & prostratæ religioni dextrā porrigerent. Hunc itaque torrim

torrim de igne erutum angelus appellat, qui cum filiis & familia in montē Mogdhih confugerat, vnde coactus piorum hominum copiis exiguis maximas memorabilesque pro aris & focis gessit res. Appellantur autem [*Torris ereptus ab igne,*] quod & cladē illam, piorumque virorum cādem, & regis de violāda religione imperium ad restituendā rem effugerint, sicut scriptū est: Et venerunt illuc, qui missi fuerant à rege Antiocho, vt cogerent eos, qui missi fuerant in ciuitatē Modin, immolare & accendete thura, & à lege Dei discedere. & multi de populo Israël consentientes acceperunt ad eos. Sed Mathathias & filij eius constanter steterunt, &c. Grauiissimam verò & vehementer oportunam significationem Hebraicē habet nomen A v d, pro quo Latine ex simplicium verborū inopia, torrim vertimus. Significat enim Iesu familiam eosque, qui illarum partium fuerint; quanquam afflictos & vexatos magno tamen vsui ad ignem ipsum dissipandum & minuendum, atque ad alios eripiendum seruandumque fuisse. namque A v d per diphthongon fustis illa est, qua in focis carbones mouentur, disperguntur aut congregantur, & ligna, si quæ non vri placeat, separantur, ac totus interdum dispersus ignis debilitatur & minuitur. Hispanice *Tizonero* dicitur. Hæc autem fustis ne forte cum aliis lignis per negligentiam confusē coniecta ardeat, caueri & curari solet: quod ad vsū magis oportuna, quam cetera ligna, habeatur. Hanc explicationem nos docuit Amos: Subueri vos sicut subueri Sodomam & Gomorriham: & facti estis quasi torris raptus ab incendio, &c.

Machab. 2.

Amos 4.

*Et Iesus erat indutus vestibis sordidis, & stabat ante faciem angeli: qui respondit & ait ad eos, qui stabant coram se, dicens:*

Non de ipsius Iesu nuper vita functi, & iam coram angelis stantis atque in conciliū eorumque piorum adducti persona hæc dicuntur, sed de sacerdotum progenie, quæ posteriori ætate munus, nomen famamque illius conseruatura fuit: quam sordidis vestibis indutam fuisse dicens, illud significat, regium munus & bellicæ rei administrationem pro temporis ratione illis susceptam perpetuo occupari non decere; vtpote quos legitimum potius sacerdotium atque hæreditario iure proprium purē sancteque tueri & curare oporteret, quàm vsurpatum à regia Davidis familia apicem sibi que impositū cruento, & à sacerdotis puritate longè alieno bellorum vsu conseruare velle: hic enim habitus regum proprius est, non sacerdotum: quos magis diuinarum rerum, sacrificiorū, supplicationum, expiationum cura exercitatioque decet; maximè cum suā vtrique officio & muneri sustinendo familia fuerit à Deo præposita, quæ vt purè, legitime atque ex præscripti iuris rationibus conseruata, plurimum decori honestatisque habent, sic contra confusa & permixta, præter illatam ei, qui de professione pulsus fuerit, iniuriam, omnem publicæ rei illustrem distinctionem ordinemque perturbat. Namque bellorū, ac sacrarū rerum exercitationem & curam, quamdiu hæc popularis hominum ratio constiterit, distinctam esse Deus voverat, sancitisque legibus decreuerat. secus in hominum regeneratione erit. Hæc itaque sunt sordidæ vestes, quibus indutū sacerdotem Vates conspexit: quæ quamuis iis, qui ex ambitione non ex ratione res definiunt, elegantes videri fortasse possent, vt idem rex pontifexque sit, tamen ad publicæ rei vtilitatem atque ad diuinum iudicium relata sordidæ habentur. Ea igitur ex parte, qua vsurpatum ad tempus opportunum munus regium sustinebat Iesus, indecoro habitu vsus videbatur; qua verò amplissimo illi, quo præditus erat, sacerdotio diligenter præerat, placebat maximè. [*Et stabat ante faciem angeli.*] Stare ante faciem alicuius, vt iam sæpè alias docuimus, idem est, quod negotium sibi ab illo datum sedulo atque fideliter administrare. Igitur vt seruato rerum ordine munus proprium sanctè à sacerdotum familia administraretur, regij vestitus purpurei & cruenti, hoc est, crudelitatem referentis depositione angelus curauit, nempe Iudeos, [*qui stabant coram se,*] coram ipso Iesu ministrantes vt rege & sacerdote, allocutus, ac sic dicens:

*Auferte vestimenta sordida ab eo.*

VESTIMENTA regia tantum exuere eum iubetur, non autem mūdiora aliqua vestire, quod sacerdotij ius integrum illi maneret, in quo nihil per eos noui agi aut parari oporteret, sed tantum in regni administratione regiæ potius, quam sacerdotali familiæ restituenda. Sed ne forte suam voluntatem aliter, quàm haberet, ex hac re Iesus sacerdotis familia interpretaretur, Deus ipse præsentī oratione declarauit.

Et dixit

*Et dixit ad eum, Ecce abstuli à te iniquitatem tuam, & indui te mutatoris.*

HÆC ex Hebraico ad verbum reddita hoc modo ad explicationis commoditatem, & si minus Latine, vertuntur. [*Vide transfusi de super te distortionē tuā: et vestire te mutatoris.*] Consiliū sententiamq. suā sacerdoti ipsi examinandā probandamq. Deus proponit, cū dicat, *Vide*. atq. rem ipsam, vt rectē indicata curataq. sit, deinde docet: nimirū quod quæ aliena illiq. minimē cōcinna essent, remouenda, suoq. in loco ponēda curauerit, illique suū ius integrū purumq. cōseruatum voluerit; nēpe sacerdotalibus ornamentis sacroq. vestitu oportunē riteq. vti. hoc enim verbū infinitū *vestire te*, atque in tertia Hebræorū cōiugatione pronuntiatū significat, quod illi antiquū propriūq. fuerat, id vehementer probatū confirmatumq. fore statuere. neq. enim alios iusserat, vt vestirent, neque ipse nunc primū vestiebat, sed ipsum admonebat officij sui, quod esset, non purpureo pallio (vt reges cōsueuere) perpetuo vti, sed mutatorias vestes induere, quæ propriē sacerdotū sunt: quos alio ad rem diuinā, alio ad cōmunes vsus vestimentorū genere ornari, ex lege & more oporteat, sicut scriptū est: Depositisque vestibus, quibus prius indutus erat, cum intraret in sanctuariū relictisq. ibi, lauabit carnē suā in loco sancto, indueturq. vestibus suis, &c. [*Iniquitatē,*] distortionē vertimus, vt à vulgari & recepta illius nominis, iniquitas, significatione, quæ peccatū ex translatione definitur, ad eam, quæ propria est, cogitationē conuertamus, videlicet deflectionem à recto, quam & prauitatē dicimus, non solum in moribus, sed in cuiuscunq. rei ratione & vsu deprauato: vt quod sacerdos belli muneribus perpetuo fungatur, quod testis iudex, quod pluribus vnus, qui singulis vix sufficiat. Hoc enim in bene instituta republica rectum nō est, nisi forte tēpestatis vis & necessitas ad tēpus cogat. sed hæc vbi sedata fuerit, singula suis locis restitui collocariq. postulant. Itaque pondus potius & decoram confusionem, quam peccatum, nomē iniquitatis hoc in loco explicabimus, id videlicet, quod recto decentique aduersatur, ex præsentis argumenti ratione definiendum, vt hoc in loco vsurpatum sacerdotibus regni diadema & munus, atque ob eam causam retentum, quod aliquando arma capere necessitas cōgerit, erroris & legis inscientiæ vitio magis, quā sceleri vertendum esse videatur: quod tamen recta rerum cognitione & officiorum distincta obseruatione faciliē corrigi in illis poterat. id quod Vates ipse intelligens curariq. cupiens ait:

*Et dixit, Ponite cidarim mundam super caput eius.*

Et dixit. Vates ipse Zacharias dixit. namque hæc oratio Vatis est, vt Hebraicum verbū apertē indicat, quod verò dixerit, illud est, nēpe cognitionē & certā scientiā sibi in sacerdotū familia illa desiderari & requiri, multū ad alienū officiū magistratumq. depōnendū suūq. rectē administrandū valiturā: atq. ob eam causam curatū fuisse, vt ea, qua indigere videbatur, sapientia & scientia familia illa augetur ornareturq. Hoc enim munda cidaris pontificis capiti imposita significabat: nimirum puram & ab omni erroris & ignorationis vitio carentem scientiā, ex qua perfectum virtutis opus sanctitatis diuinæ studiū cæteris imitabile ostēderetur, sicut scriptū est: Et coronauit eum in vasis virtutis. & paulo inferius: Coronā aureā super mitrā eius expressam signo sanctitatis & gloria honoris & opus virtutis, desideria oculorū ornata, &c. Neq. enim de ornāmēto ipso tantū, sed de ornāmēti significatione agitur hoc in loco. Quā rem Vates in sacerdotali illa familia desiderasse ait, quod ex illius defectu regni & sacerdotij rationes permixtæ essent. cōmodissimū autē fore intellexit, vt suū munus officiūq. ab aliis indictus tueretur, quādo ipse ex sese nō cognouisset. Fuit autē hæc non angeli, sed Vatis ipsius sapiens cogitatio & sententia, quæ euentu ipso & angeli auctoritate & præsentia cōprobata est.

*Et posuerunt cidarim mundam super caput eius, & induerunt eum vestibus:*

*& Angelus Domini stabat.*

Hic locus planē docet orationem illam superiorem, [*vestire te mutatoris,*] ad officij admonitionem pertinuisse, vt illud: Pascere Iacob seruum suum, Israël hæreditatē suā, quo in loco res ipsa præstita exhibitaq. mox fuisse declaratur. Et pauit, inquit, eos in innocentia cordis sui, &c. Sic etiam hic & diuinæ admonitioni, & Vatis desiderio satisfactum tādē fuisse narratur, vt sacerdotalis familia regni & principatus magistratu omnino abdicata muneris atque sacerdotij sui fidem tueretur. Id quod Herodis tyranni tempestate effectum est: qui quanquam nefariē & crudeliter, tamen non sine Dei permissu ac sanctione fortassis, hanc familiam principatu spoliata sacerdotij tantum muneribus

neribus fungi curauit, iis, qui regni administrationem aut tenebant aut sperabant, occi-  
 nis: vt in Iosephi historia & in tēpli secundi hebraicis annabilis legimus. Omnibus verò  
 rebus his Angelū Domini astitisse docet Vates, vt qui ex diuino consilio illam familiam  
 hoc modo purgatam, & ad pristinum nitorem restitutam, officij conseruādi admonens,  
 stultarum & feliciū futuris seculis rerum promissionibus confirmaret.

*Et contestabatur Angelus Domini Iesum, dicens.*

CONTESTARI hoc in loco idē quod latinis prædicendo præcipere, officijque  
 admonere, commendareq. significat. tanta vnius verbi, I A G H E D, vis est.

*Hac dicit Dominus exercituum, Si in viis meis ambulaueris, & custodiam  
 meam custodieris: tu quoque iudicabis domum meam, & custodies atria  
 mea, & dabo tibi ambulantes de his, qui nunc hic assistunt.*

SACERDOTALIS muneris legem & fidem maximis præmijs propositis prædi-  
 citatq. commendat, promittentis Dei virtute & potentia ad pactorum cōfirmationem  
 cum primis proposita. Duabus autem præcipue partibus omne id, quod vocatur sacer-  
 dotis officium, conflatur, propria ipsius, qui officio præfuerit, innocentia & pietate, &  
 summa erga sacrū cultum & populi eruditionem animi attentione & diligentia. Atqui  
 pro huiusmodi officio præstando duplex præmium persoluendum sacerdoti Iesu pro-  
 ponitur; alterum quod illa dignitas ad plurimos ex illius posteritate futuris ætatibus ad  
 Christum vsq. diuinitus concessa pertingeret: cuius dignitatis illa munera sunt, supre-  
 ma religionis & morum censura, ac de obscuro ambiguoq. iure responsio, & sacrorum  
 legitima procuratio. [*Iudicabis domum meam, & custodies atria mea.*] Alterum verò, quod  
 omnium bonorum finis extremūque est, æternæ & cælestis felicitatis communicatio  
 & societas vnā cum angelis ministrisq. dei illius etiam posteritati futura, ita vt, tametsi  
 non omnes eius posteri in amplissimum sacerdotium venire possint, tamen in aliud mul-  
 to felicius multoque augustius ministerium cooptari omnes possint: nempe in ange-  
 lorum collegium atque consortium: idq. virtute cuiusdam a se mittendi maximi ponti-  
 ficis futurum esse ait, qui arcanis diuinisq. modis non modò eos, qui ex priuata sacerdo-  
 tum antiqua familia fuerint, sed omnes quotquot sibi credētes dicto obtemperauerint,  
 reges & sacerdotes, gentem sanctam populumque acquisitionis deo & patri suo efficiat.  
 quam rem vt omnibus optatam expetendamque à se enuntiatam sapientibus viris ob-  
 seruari deus iubet & suadet. [*Dabo tibi ambulantes de his, qui hic assistunt.* Hebraicè apertissi-  
 ma sententia est, *Inter stantes hos.*] Atque stantes angelos Dei & cælestes illos spiritus esse,  
 & locus ipse apud Deum, & situs standique habitus arguit, & ipse Vates sæpe etiam do-  
 cuit. Appellantur autem regio more astantes, ob ministerij assiduitatem: quomodo apud  
 reges continuos quosdam nuncupari videmus. Quod verò dicit, *Ambulantes*, familiari-  
 tatem consuetudinemque significat, maxime Hebraicè coniugationis perspecta vi, quod  
 in aulis regisq. domibus nulli interstantes versari & ambulare vltro citroque soleāt,  
 nisi qui ex eadem familia oportunisque officiis functi fuerint. Quod verò omnes hæc,  
 quæ ad posteritatem Iesu spectabāt, tū aduersæ tū secunde res ipsi familiæ parētī iā vita fun-  
 do prædicentur & indicentur, id ex prophetarum more fit, qui futuras toti alicui gene-  
 ri rationes ad caput vnum, vnde nomen genus habeat, referre consueuerunt. Etenim hæc  
 prædicta non soli Iesu fuisse illud arguit, quod viro satis spectata officij fide, & probato  
 integritatis exemplo iam vita defuncto, neque illa iā gesta prædici, neque hæc ipsi præ-  
 dita denuntiari commendarique opus erat, sed ad illas orationis & actionis figuras, quæ  
 in vatum libris frequentissimæ sunt, hæc referi omnia consentaneum fuerit, vt quod de  
 tota Iacob gente dicitur. Hæc dicit Dominus formās & faciens te ab vtero, noli timere  
 serue meus Iacob, & rectissime quem elegi &c. & illud: Et reuertetur Iacob, & quiescet  
 &c. et quæ de Christo Dauidici regni herede Dauid ipse audit & sustinet. Et Dauid ser-  
 uus meus princeps in medio eorum. Quod nos de angelorum societate exposuimus,  
 Chaldaus paraphrastes eadem ferme sententia ad piorum post resurrectionem, præmia  
 refert. Cum verò præsens de future vite præmijs sermo in oportunam Christi, qui om-  
 nis vaticinij scopus est, mentionem incidere, per quem huiusmodi maxima præmia de-  
 ferenda erant, admirandum illius mysteriū, Iesu alijsque, quos id cognoscere oportebat,  
 commodè angelus enuntiavit.

Isai. 44.

Jeremia. 36

Ezech. 34.



*Audi Iesu sacerdos magne, tu & amici tui, qui habitant coram te, quia viri portendentes sunt.*

MAGNAM & planè diuinam rem, de qua dicturus est, attentisq̃ue animis obseruandam esse indicat, cùm tantos tamque grauibz nominibus & titulis illustres auditores postulet; nempe sacerdotem magnum & viros eos etiam, qui in felici illa piorum societate coram sacerdote ipso sedebant, magnis mysteriis cognoscendis idoneos; vtpote *viros portendentes*, siue, vt Hebraicè est, *viros portenti*, hoc est, præcipuè & diuinæ cuiusdam auctoritatis viros, quorum ob sanctissimam & præter vulgarem vsum admirandam ac planè portentosam vitæ rationem, cùm dignitas, tum testimoniij grauitas summa est. Itaque hoc arcanum ipsi Iesu atque iis, qui tecum in illis piorum sedibus collocati erant, vt maximum & beatis animis magis dignum aperitur.

*Ecce enim ego adducam seruum meum orientem.*

CHRISTI Iesu hominum seruatoris rationes oratio hæc diuinâq̃. enuntiatio indicat, quem ob perpetuam obedientiam diligentissimamq̃ue erga paterna mandata studium, seruum suum Deus appellat, eundemq̃. cùm ob admirandum nascendi modum, tum ob diuinâ planè instituendarum gerendarumq̃. rerum rationem, notæ apud Vates & arcane significationis nomine [*Orientem*] vocat, ea significatione, qua plantæ oriri dicuntur. namq̃. verbû est SZAMAH, quod propriè ad sponte atq̃. feliciter nascentia crescentiaq̃. virgulta pertinet. est aut ab illo Isaia vaticinio trãslatû verbû, Et egredietur virga de radice Iesse, & flos de radice eius ascendet. namque stirps illa ex Iesse radice non humana operâ confita, sed sponte sua, hoc est, diuina virtute virgine matre protueniens, exiguis & humilibus, pro humanæ superbiz gloriæq̃ue ratione, initiis pulcherrimis ramis latissimè sese per orbem diffudit. de quo illud etiam Ieremias eodẽ verbo vsus cecinit: In tempore illo germinare faciam Dauid germẽ iustitiæ. Est autem vnum ex arcanis Christi nominibus oriens siue germen vel stirps: de quibus loco suo ex eiusdem benignitate differemus. huius autem stirpis virtus quanta futura sit, Iesu sacerdoti magno ceterisq̃ue viris portenti indicatur, videlicet quòd illius dudum resecti templi dignitatẽ ad diuinæ sanctitatis gloriam & inenarrabilem quandam amplitudinem auctura esset, quæ tantum huius templi magnitudini præstaret, quantum ex, quæ diuinitus parantur res, humana opera & industria factis antecellunt. idque ex vtriusque templi, hoc est, præsentis atque eius, quod per stirpem illam amplificandum erat, comparatione ostendit.

*Quia ecce lapis, quem dedi coram Iesu: super lapidem vnum septem oculi sunt.*

*Ecce ego calabo sculpturam eius, ait Dominus exercituum, & auferam iniquitatem terra illius in die vna.*

FANVM illud, quod Iesu sacerdote procurante ædificatum fuerat, quanquam diuino consilio & beneficio, humana tamen opera constans lapidem coram Iesu datû vocat. namque in antiquis arcanisq̃ue sermonibus lapidem Deo sacrâ ædem significare vel ex illa Iacob oratione cognouimus: Et lapis iste, quẽ erexi in titulum, erit domus Dei. Igitur huius lapidis dignitatem, maiestatem durationemq̃ue cùm illo tertio, quem Deus erecturus erat, comparandam non esse docet, quòd hic hominẽs artifices, & Iesum illum, ad quem sermo fit, procuratorem sortitus fuerit, ille vero alius Deum ipsum architectum, artificem curatoremq̃. sit habiturus. [*Super lapidem vnum septem oculi sunt.*] Distinctio ipsa punctorum & magis etiam sententiæ, ac sermonis ratio de duobus lapidibus orationem institutam esse docet: namque alia ostensa re ad aliam sermo comparatio cõueri solet, vt: Vides hanc mulierẽ: intraui in domum tuam, &c. Maximam verò & assiduam vigilantemq̃ue curam, studium, sapientiam & diligentiam Dei ipsius in illo lapide tum celando & aptando, tum etiam aptissimè collocando, atque, ne quid detrimenti accipiat, conseruando, septẽ oculi significant, numero certo pro indefinito ex sacri sermonis vsu accepto, vt: Septies in die cadit iustus. Atque huius arcane orationis sententiam Deus ipse explicat. [*Ecce ego calabo sculpturam eius.*] Diuinum planè opus omnibusq̃ue numeris absolutum, & iis quæ ad pulchritudinẽ, vtilitatem firmitudinẽq̃ue faciant, partibus cunctis constans esse oportet, quod à sapientissimo architecto septem oculos adiecturo suscipiatur, tabernaculum profecto non manu factum, id est, non huius creationis, imò templum sanctum Domini omnibus gemmarum vitionumq̃ue virtutibus exornatum,

exornatum: cuius templi felicissima & aurea ætate terra ipsa omnino expiata, pura, sancta, Deoque ipsi gratissima erit, quæ expiationis atque puritatis suæ summam Deo optimo maximoque opifici & architecto accepta referat, *Qui dilexit ecclesiam, & seipsum* Ephes. 5. tradidit pro ea, ut eam sanctificaret, mundans eam lauacro aquæ in verbo vitæ, ut exhiberet ipse sibi gloriosam ecclesiam, non habentem maculam, aut rugam, aut aliquid huiusmodi, sed ut sit sancta & immaculata, &c. [*Auferam iniquitatem terre illius.*] Demonstratiuum pronomen non terram quamuis communi significatione, sed certam quandam propria nota insignem indicat, humanam videlicet societatem, & orbis vniuersi, quæ habitabilis est, coniunctionem, quam tertij huius templi ætate, vna die terram nostram ex- Hebr. 9. piatam sibi consecrauit, vna victima occisa, vno cruento sacrificio eius, qui semel in con- summatione seculorum ad destructionem peccati per hostiam suam apparuit, semelque oblatum est ad multorum exhaurienda peccata: qui tamē ex propria culpa & fidei atque poenitiæ defectu tanto sese beneficio indignos non reddiderint. Iam verò quantum huius templi aurea ætas primi, illius & secundi temporibus præstet, ex hoc etiā demonstratur, quod primi & secundi ætatibus frequentissima scelerum & vitiorum labe, & religionis atque virtutis ruina fuerit: at verò ijs, quos in vnum templum sibi sacrauerit; nulla huiusmodi probra sint inferenda, sed omnes, qui viderint illos, agnoscent eos: Quia isti sunt semen, cui benedixit Dominus. Quantus verò summæ felicitatis, tranquillitatis ac pacis usus, quanta communicatio futura sit ijs, qui ad hunc locum ex diuino beneficio deuenerint, vna tantum, sed multiplici imagine Vates docuit.

*In illa die dicit Dominus exercituum, vocabit vir amicum suum subter vineam & subter ficum.*

MAXIMAM fertilitatem rerumque copiam (quas tamen spirituales & cælestes magis, quam terrenas definire oporteat) illud significat, quod vitis & vmbra & fructus non solum dominis ipsis, sed amicis etiam aliis abunde sufficere possit. namque huiusmodi argumento Chananaea terræ fertilitatem Israëlitis populo exploratores probauerunt: summam verò quietem & pacem illud arguit, quod subter ficum & vitē tutò considerare & otari liceat, non modò Domino, sed fociis etiam ad conuiuium vocatis. qualem statum Salomonis tempore Israëlitas res tenuisse legimus: Habitabatque Iuda & Israël absque timore vllò, vnusquisque sub vite sua, & sub ficu sua, à Dan vsque ad Bersabam cunctis diebus Salomonis. Egregiæ demum cuiusdam charitatis & familiaritatis virtutem illa amicorum ad prædia inuitatio, illaque rerum largitio, societas & communicatio utilitatum arguit: quam eo benignius futuram ostendit, quod communem fructuum usum sine certa alicuius possessionis adscriptione indicat. Non enim ait *subter vitem suam & subter ficum suam*, sed, *subter vitem & ficum.* Id autem verè & re ipsa ab ijs, quos in illam felicitatis amplitudinem Deus deduxerit, præstitum esse præstarique solère, sacra scripta manifeste confirmant: Nec quisquam eorum, quæ possidebat, dicebat aliquid esse suum, sed erant illis omnia cõmunia. [*subter vineam.*] Subter vitem exponimus ex Hebraico nomine & ex sententia ipsa. nãque subter vineam nunquā agitur aut sedetur. Itaque sententia ipsa, quid verba latina significare velint, saepe indicat. Huiusmodi pacis & tranquillitatis descriptiones in externis etiam libris legimus, ut:

*Condu quisque diem collibus in suis,  
Et vitem viduas ducit ad arbores, &c.*

Horat. lib. 4.  
Od. 5.

## CAPVT QVARTVM.

**E**T reuersus est angelus, qui loquebatur in me, & suscitauit me quasi-vivum, qui susciatur de somno suo.

IN acerrima & attentissima de Iesu sacerdotis rebus, quas edoctus fuerat, cogitatione sese defixum fuisse Vates indicat, à quā ad aliam rem grauissimam etiam cognoscendam angeli interpretis opera & cura traduci opus fuerit, aliàs non animaduersurum; utpote illorum spectrorum magnitudine ut arctissimo quodam somno occupatum. Hæc carminis huius sententia est, qua narrata iam rei summa grauitas, narrandarum denuo mole

mole superari arguitur. [*Quasi virum qui suscitatur de somno suo.*] Non quòd dormiret, sed quòd se eo modo affectum sensisse fateatur, ut cum quis ex somno suo, hoc est, ex vero somno & quiete experrefactus fuerit. hoc significant illa verba, *Quasi, &c. somno suo.* Atque se ipsum, quemadmodum affectus fuerit, indicare hac oratione Vates voluit; nimirum quod ab angelo excitatus visus fuerit sibi ex somno quodam, in quo alitè somnians demersus esset, euocari, Particula, *quasi*, Hebraicè *חַלּ*, tempus etiam cum similitudine adsignificat, quod Latinus dicit, ut cum, ut illa: quasi post tres menses, quasi media nocte, & alia innumera in sacro sermone exēpla. eadē oratione tēpus indicare videtur, quo hęc sibi res acciderit, nempe matutinum tempus, cum homines ē somno spōte excitari solent, animæ vi & efficientia ad superiores corporis partes sese reuocante, cum mens valet, & somnia purgatissima esse putantur, quorum experrefacti homines imaginē recordati retinēt; ita etiā sibi accidisse ait, cui cogitatio, quā grauissimā primum habuerat; tamen nouæ contemplationis accessu conuulsa non fuerit; verū dignitate & magnitudine longē victa, quātum ea, quæ purgatissimē etiā somniamus, ab ijs, quæ vigilātes cernimus, vincuntur. Quòd verò Zacharias, qui aliorū ante spectrorum significationē rogare solebat, nunc ab angelo rogatus fuerit, illud in causa esse arbitramur, quod ex antecedētib<sup>us</sup> rebus, quas diuinitus edocta fuerit humana mens, & ex cōmunicata sibi ā spiritu virtute, consequentes; quæ ad idem argumentum referuntur, etiam rationes conueniens atque cōponens cognoscere soleat, & secum cogitans interpretari; atque aliquando similitudinibus, allegorijs, & translationibus ā se excogitatis pronuntiare. Igitur cum multa, quæ Iudæorum publicā & priuatam rem attingebāt, in sacerdotali illo spectaculo Vates conspexisset, quæ in præsenti spectro sexto & in septimo plenius etiā intueretur, ab angelo, quatenus nam in earum rerum cognitione progressus fuerit, periculū faciēte rogatur: id quod antea factū nō videmus, dum rudis adhuc Vatis mens primarū imaginum spectris conspiciendis imbuta significationem doceri postularer.

Moses Aegyptius de prophetia.

*Et dixit ad me, quid tu vides?*

QVId est, inquit, quod ex aliarum rerum, quas ante edoctus es, rationibus in præsenti spectaculo oblatum cognoscis? cuiusmodi nam imagine & figura describendum dicendumque id esse censēs? Huic interrogationi Vates præsenti tempore rogatus, præterito verbo responder.

*Et dixi, vidi.*

RESPONSIONIS verbum interrogationis explicat sententiam. neque enim angelus de spectro ipso, & non de significatione quærens dixisset: [*Quid tu vidisti?*] Viderat enim iam Vates imaginem ipsam cum primum ab angelo excitatus, hoc est, ad eam intuentiam ab altera cogitatione traductus est. atque ob eam rem dicit: [*Vidi.*] & non ait, video, ut aliās ipse & Ieremias in loco respondent. Itaque videre in angeli interrogatione, pro considerare & cogitare usurpatum est, ut sæpe in Hebraico, Græco, Latinoque sermone usurpatur. *Vidi.* Quantum, inquit, ego cognoui, atque ex virtute spiritus interpretationeque tua intellexi. Id quod ego viderim huiusmodi imagine describendum arbitror.

*Ecce candelabrum aureum totum.*

NON omnia, quæ à vatibus per translationem, similitudines, allegorias, atq. exempla dicuntur, iisdem omnino rationibus & imaginibus visa illis fuere: sed quædā etiā aperte demonstrata figurato dicēdi genere, atq. ad eum modum, quo etiā aliās ipsi edocti sunt, relato proferuntur. ita fit, ut aliquādo quæ visa obscurius fuerint, eodē prorsus modo, nunquā verò explicatius, interdum autē quæ apertius ostēsa fuerint, obscurius referantur. quorū generū exēpla in singulis vatibus frequentissima sunt. Hactenus Vates noster quæ imagine & similitudine difficiliori spectauerat, edoceri cupiēs, interpretē suum rogabat; nunc quæ ipse simplicius & clarius fortē viderat, obscuriori & interpretis egente oratione refert: quæ, quòd ipse probē cognosceret, explicari sibi nō rogat, sed aliis magis explicanda relinquit. Huiusmodi autē imaginis siue symboli explicatio nobis illa cōmodissima est, ut Iudæorū, qui euangelio crederēt, futurā per spiritū Christi virtutē & dignitatem, felicitatē & gloriā gratiāq. cum apud homines, tum apud Deū in eadē aurei candelabri clarissima luce splēdentis imagine describeret. cuiusmodi felicitatis, virtutis, gratiæ, auro & lumine significatæ exemplum apostoli & discipuli illi antiqui præbuere: de quibus

quibus illud præcantatum fuerat: Quia ecce tenebræ operient terram, & caligo populos: Isa. 60  
super te autem orietur Dominus, & gloria eius in te videbitur, & ambulabunt gentes in  
lumine tuo, & reges in splendore ortus tui, &c. Id quod sibi visum atq. explicatum Za-  
charias ipse aliàs etiã concinebat: Lauda & lætare filia Sion, quia ecce ego venio & ha-  
bitabo in medio tui, &c. [*Aureum totum,*] Hebraicè, *adiunctum*. Totum, perfectionē & con-  
summationem significat; vt ecclesiæ integritatem & pulchritudinem auream omnino,  
omnisque vitij expertem hac imagine describat. Huius autem candelabri mirum artifi-  
cium Moysi in mōte demonstratum, & per Bezalaëlem summū architectum fustum olim  
fuerat: nunquam tamen ita plenè, vt à Vate nostro nunc describitur, absolutum est.

10 Et lampas eius super caput ipsius: & septem lucernæ eius super illud: & septem  
infusoria lucernis, quæ erant super caput eius.

Et lampas.] Quid hoc nomen significet, quidue res ipsa sit, Hebraica lingua & Chal-  
daica paraphrasis declarant; coronamq. quandā auream circularem Vati visam explicāt,  
quæ totum candelabrum ornando superius ambiret, regium diadema significans, Chri-  
stum videlicet, à quo ex antiqua seruitute ad ingenuā libertatē traducta ecclesia, tanquā  
sponsa dulcissima multis diuinis muneribus aucta, regij honoris causā coronato in thala-  
mo sedet, sicut scriptū de ecclesia verē est: Qui propitiatur omnibus iniquitatibus tuis,  
qui sanat oēs infirmitates tuas: qui redemit de interitu viam tuā: qui coronat te in mise-  
ricordia & miserationibus: qui replet in bonis desiderium tuum, renouabitur vt aquilæ  
iuuentus tua. Id quod antiquis tēporibus synagoge diu desideratū & expectatū ecclesię  
tandē ex diuino per Christū beneficio cōtigit, qui semetipsum tradidit, vt exhiberet im-  
maculatam Deo, &c. quam coronatā diadematisq. gloriā Christo acceptā, referentem  
Ioannes vidit. Fecisti, inquit, nos regnū Dei patri tuo. & D. Petr⁹: Vos, inquit, genus ele-  
ctum, regale sacerdotiū, &c. quo in loco, quid candelabra, quid lucernæ, quid corona sig-  
nificet, apertē docemur. nam candelabrū ecclesiā vnica multis lucernis splendentē; stel-  
las angelos ecclesię ad custodiā, tutelā ministeriūq. p̄fectos; coronā verō seipsum: & ω,  
sum mum ecclesiæ suæ ornamentū indicat Christus. [ Et septem infusoria lucernis, quę erāt su-  
per caput eius, Hebraicē, *septē & septē*: ] ita vt singulis lucernis septē infusoria ad olei mini-  
sterium destinata essent. quæ res nihil aliud nobis significat, quā stellæ illæ in dextera  
Christi cōstitutæ Ioanni significarunt; cælestes videlicet spiritus certis ordinibus distin-  
ctos, atq. ad diuina beneficia ecclesię ministrāda deputatos: nōne oēs sunt administrato-  
rij spiritus in ministeriū missi propter eos, qui hæreditatē capiunt salutis? Animaduerten-  
dum tamen est nomen latinum *infusoria*, ex hebraico *Muszak*, versum esse; quod nō vasa,  
in quibus oleum aut liquor aliquis continetur, sed propriē canaliculos vasis additos, per  
quos liquor cōmodē ad v̄sus effunditur, significat. atq. ita Salomon mari illi æneo infu-  
sorum siue effusoriū potius aptasse dicitur. Quæ res gratiæ & aliorū diuinorū beneficio-  
rum v̄sum per angelos tanquā ministros; copiā verō & facultatē à Deo per Christum eius  
(de cuius plenitudine oēs accepimus) ecclesiæ gigni suppeditariq. significat. Quamob-  
rem & stellæ in dextera Christi à Ioanne cōspectæ sunt, & ab hoc *Vate effusoria*, nō can-  
delabri coronæ, *lucernis, quę erant super caput eius*, admota notantur.

*Et duæ oliuæ super illud, vna à dextris lampadis, & vna à sinistris eius.*

A d omne candelabri ornamentum duæ oliuæ vario dignitatis loco constitutæ acce-  
ferunt: quarû ratio & significatio Vatem latuisse, ex interrogatione & cognoscendi desi-  
derio intelligimus; cui nihil antea de candelabro eiusq. partibus, vtpote perspectis atq.  
exploratis, quæritu esse videmus. [*a dextris & à sinistris.*] Imparè dignitatis locû, quâquâ  
vtrûq. honestissimû dextra & sinistra maximorum principum aut dignissimarum ferum  
significat, vt: Longitudo dierum in dextera eius; in sinistra illius diuitiæ & gloria. &: Dic  
vt hi duo filij mei sedeant, vnus ad dexteram, & alter ad sinistram tuam.

50 Et respondi & aio ad angelum, qui loquebatur in me, dicens, Quid sunt hæc Domine mi: & respōdit angelus qui loquebatur in me, dicens, Nunquid nescis quid sunt hæc? & dixi, Non domine mi.

PARVM vtrunque candelabro altantium oliuarum pulchritudinem & situm miratus Vates, rationem ignorans, doceri cupit, admirationemq. angelo interpreti ex eo, quod non cognouerit, mouere videtur: a quo nunquam alias huiusmodi sermone exceptus fuerat. [Nunquid nescis quid sum hat?] Qua oratione Vates si diligentius attenderet,

X x 2      oliuarum



olivarum rationem, ex ijs, quæ antea edoctus erat, quæque ipse intellexerat, percipere etiam potuisse arguitur. quam cum ipse sibi consideratam neget, non quidem plena tractatione, sed breui quadam, verum notata obscurioris partis significatione abunde docetur: nimirum duas oliuas duo esse maxima ac præcipua munera, alterum regium, sacerdotale alterum; quibus publica res omnis amplificatur, stabiliturque. quarum rationem Vati ex antecedentibus rebus non adeo obscuram esse oportuerat; maxime sacerdotij seriem omnem & exitum, futurosque eventus in Iesu sacerdotis tractata paulo antè, & sibi attentissimè cogitata causa edocto, quam prætermittens alteram regni videlicet, indicat magis, quàm aperiat, Zorobabele tantum appellato: ex cuius posteritate maximus ille princeps expectandus erat, qui ut sacerdotij res ad se translata ad publicam utilitatem omnium optimè & dignissimè administraturus: sic etiam regni munus & officium maxima & planè diuina virtute præstiturus erat.

*Et respondit, & ait ad me, dicens, Hoc est verbum Domini ad Zorobabel, dicens, Non in exercitu, neque in robore: sed in spiritu meo, dicit Dominus exercituum.*

NON respondet angelus rem omnem ut habitura erat, videlicet, hoc est sacerdotium & hoc est regnum, &c. sed alterius tantum partis euentuum certam causam indicat: ex qua omnis vtriusque ratio vati statim subducitur. namque ut sacerdotium firmandum perpetuumque stabiliendum per Christum altera oliua candelabro muniendo apposita, atque perpetuo virore & certissimo fructu umbram oleumque suppeditans significabant: sic regnum maxima virtute & felicitate ad æternitatem propagandum, Zorobabelis progeniei altera portendebat. quod mysterium ut Vates sibi cognitum Zorobabeli ipsi (qui futuri Christi personam, principatum inter Ierosolymitanos gerens, tunc sustinebat) indicaret, illam ex oraculo editam recolit, atque commendat breuem definitionem, qua dictum sibi fuerat, [*Non in exercitu,*] neque humanæ bellicæ virtutis apparatu atque potentia, sed tantum diuini spiritus efficientia & vi, illam æterni regni felicitatem certam, stabilem constantemque fore. Quomodo responso, quavis breuissimo, maxima diuinorum patris Dei & Christi eius, atque spiritus sancti mysteriorum argumenta, quæ non breues explicatus habeant, continentur. Itaque publicam hominum salutem, & æternam illam felicitatem, qua ecclesia per Christum usura fuit, oliue, hoc est, diuini spiritus virtuti acceptam referri omnino oportere, sacris oraculis est definitum. [*Dicit Dominus exercituum.*] cui ad omnem maximam conficiendam perficiendamque rem vis & facultas infinita est. Idem enim ipse de eodem regno eiusdem spiritus virtute per orituram illam oliuam, iamque nobis ortam, stabiliendo huiusmodi olim oracula fundebat: Egre-  
ditur virga de radice Iesse, & flos de radice eius ascendet, & requiescet super eum spiritus Domini, &c. & iterum: Ecce seruus meus, suscipiam eum; electus meus: complacuit sibi in illo anima mea, dedi spiritum meum super eum, &c. addit & illud: Calamum quassatum non confringet. Verum enimvero Christi potentiam, auctoritatem & maiestatem, ne minor fortasse existimari ob eam rem posset, quod ea non armis aut bellica virtute (quibus rerum summam constare humana sapientia censet) sed diuini spiritus efficientia constituenda conseruandaque esse diceretur, maximam, grauissimam & efficientissimam fore confirmat: idque ex præsentis rei comparatione admirabundus Vates arguit, docetque. non minores, sed maiores longeque præstantiores diuini spiritus virtute & efficientia, quam armis, bello, omnibusque alijs humanis facultatibus gerere res, atque hoc præsentem Zorobabelis ipsius periculo facto demonstrat: qui non humana potentia aut armorum, sed diuini spiritus virtute eductum ex Babylo-nica seruitute Iudaicum populum rectè, prudenter feliciterque moderatus ad absolutum usque templi opus nullo omnino deinceps accepto incommodo gubernaturus adhuc sit.

*Quis tu mons magne coram Zorobabel in planum: & educet lapidem primarium, & æquabit gratiam gratie eius.*

ARGUMENTUM ex cõtentione nactus, maximam futuri Christi virtutem & efficientiam in simili, sed longe dispari re expectandam docet Vates, tum personarum, tum rerum & actionum, tum euentuum comparatione facta. quod Christus Zorobabeli naturæ, virtutis ac dignitatis magnitudine, quantum editissimus mors depressio, atque humililoco adiacenti excellat. quod etiam templi illius sanctissimi fundamenta cum summa Dei & hominum approbatione iaciens ipsum perfectum omnino sit. Montem autem magnam appellat Christum Vates, eodem tropico principes motuum nostre dici in sacris non raro solet, ut: Triturabis montes & conminues, &c. sic seipsum suamque virtutem Christum etiam significabat: Non potest ciuitas abscondi supra montem posita. Atque

Atque ex pluribus, quibus terræ tumores Hebraicè dici solent, nominibus vnum petis-  
 simum hoc in loco usurpatum *Har*, prægnantè atq. multarum rerum vim in se continentè  
 locum significat: quod ijs tantum tribuitur montibus, qui præter mineralia aquarumq.  
 scaturientiū origines, magnā atque multiplicem herbis, arboribus gignendis & confer-  
 uandis idoneā vim in se habent, qua de re latius suo loco philosophari, si Deus annuerit,  
 meditamur. Quis verò Christi diuinā naturā & maximā illā multiplicemq., virtutē arca-  
 nis his verbis indicatā non videat: cuius cōparatione Zorobabel, quāuis princeps & dux  
 a Deo electus, quāuis ad munus suum obeundū diuino spiritu auctus, quāuis gerēdis in-  
 rebus felix & strenuus; tamen in planū monti adiacens iudicandus habendusque sit, cui  
 per exigua virtus ex se esset: ex vicino autē monte multa & eximia cōmunicaretur. nā-  
 que planum hoc in loco *Missor*, monti adiacēs notatur. Huius igitur montis virtutē atq.  
 opera primum sacrosancti templi & probatissimum, firmissimumq. lapidē optimis auspi-  
 ciis locandū esse Vates asseuerat; cuius ratio, situs & locatio, & Deo ipsi imprimis & ho-  
 minibus gratissima sit. [Et *equabit gratiam gratiæ eius.*] hoc est, vtramq. simul gratiā lapis  
 ille inibit, sed huius loci sententia apertior Hebraicè, quā in nostra latina versione est:  
 [Et *clamores gratia, gratia illi.*] Sic nomen plurale *THESSVAOTH* apud Iob, Sophoniam  
 aliosq. auctores, vel tumultum, vel rugitum, vel clamorē etiam noster vertit interpres,  
 & sententiæ ratio verti postulat. Significat autem hoc in loco plausum & clamorē illum,  
 quo vel gratissimæ, vel vtilissimæ res publicè excipiuntur; qualis in theatris, in triūphis, in  
 templis, & sacris instituēdis à populo edi audiriq. solet. Cōmunem autē & publicam om-  
 nium vocem illam fore ait, *gratia gratia illi*, hoc est, feliciter, feliciter, &c. At verò lapis hic,  
 quem Vates primum; siue, vt Hebraicè est, principem fundamentalemq. articulum  
 etiam antonomasticum addens appellat, quidnā sit, ab alijs magis discere cupimus; qui-  
 bus tanti arcani significatio exploratā fuerit, vel à nobis ex diuino beneficio expectari,  
 quoad mirabile templi huius artificium cognoscere & referre concedatur, & huius lapi-  
 dis virtutem indagare, cuius causa diuus Petrus à Christo audierit: Beatus es Simon  
 Bariona, quia caro & sanguis non reuelauit tibi, sed pater meus qui in cælis est. & ego  
 tibi dico, quod tu es Petrus, &c. Huic autē tantæ, tam admirandæ rei à Deo promissæ,  
 atque à Vate propositæ, vt fides haberetur summa, præsentis argumenti, signiq. pondus  
 additum est, videlicet templi, quo à Zorobabele iactis fundamentis est incœptū, perfi-  
 cienda propediem absolutio.

Iob 39.  
 Isai. 22.  
 Sophon. I.

Math. 16.

*Et factum est verbum Domini ad me, dicens, Manus Zorobabel fundauerunt  
 domum istam, & manus eius perficient eam: & scietis, quia Dominus ex-  
 ercituum misit me ad vos.*

VATEM ipsum primum, deinde cæteros omnes venturi Christi fide & spe præsentis  
 argumenti periculo confirmari Deus voluit: atque ob eā rem Vati magnitudinē mysterij  
 huius cogitanti oraculū fufum, [Et *factum est verbum Domini ad me:*] cæteris deinde suæ  
 gentis hominibus, ad quos res etiam pertinebat, editurum. [Tunc *scietis, quod Dominus misit*  
*me ad vos.* Signum igitur & argumentum est, quod in illis miseris & turbulentis tempo-  
 ribus inter vicinos finitimosque hostes eosdemq. acerrimos templi efficiendi obtreda-  
 tores; tamē nō incipiendi modò, sed absoluēdi omnino potestas & facultas summa Zoro-  
 babeli cōcedenda esset, duci optimo & sanctissimo, verum spiritu & virtute cum Messie  
 dignitate nō cōparando. [Et *scies quod Dominus.*] Sic Hebraicè Vati ipsi arcani magnitudi-  
 ne & difficultate implicito cūprimis; deinde & cæteris omnibus testimoniū illud & diui-  
 næ virtutis argumentū obseruandum proponitur. [Quod *Dominus misit me ad vos.*] Angeli  
 oratio hæc est. Minimè verò mirum videri debet, Vate tam alti mysterij cogitatione &  
 verborū illorū, mōs magnus, lapis primarius, &c. notatione implicatū & constrictum ita  
 fuisse, vt nouē & proximæ rei expectatione cōfirmari oporteret, quando rationē integrā  
 nulli antiquorū patrum; sed neq. angelorū, quoad euentu ipso aperire Deus voluit, sub-  
 ductā habuere, sicut scriptū est: De qua salute exquisierunt atq. scrutati sunt prophætæ,  
 qui de futura in vobis gratia prophetauerunt, &c. Idē etiam apertissimè D. Paulus con-  
 firmat: Mysteriū seculis & generationibus ante se celatū, suo verò tēpore reuelatū præ-  
 dicando. Neque verò eam secundi templi ædificationē propterea negligendā contem-  
 nendamq. esse angelus ait, quod prioris templi magnitudini atq. operi cōparata exigua  
 prorsus & humilis, vt apud Haggæū legimus, censeatur; imò summa lætitia, magnisq. po-  
 puli

1. Pet. 2.

Coloss. 1.

puli plausibus excipiedam, quod illa humilitate & breuitate, maxima dignitatis momenta habere cōstaret. nam præter certā & breuē Christi venturi expectationē, quam illud tēplum afferebat, illustrem etiam eiusdē illa humilitate illaq. latente virtute significationē habebat, quam eleganti, sed obscuriore sermone angelus per Zachariam innuit.

*Quis enim despexit dies paruos? & letabūtur, & videbunt lapidē stanneū in manu Zorobabel: Septē isti oculi sunt Domini, qui discurrūt in vniuersam terrā.*

- QV I S enim despexit dies paruos? Hebraicē sic: Nam quis despexit diē paruitatis? Paruitatis diē vocat primā & vicesimā septimi mensis anni 1. Darij regis, quæ cū Judaicæ genti ob restitutū populū celebris esse debuisset, tamen ex prioris ædis magnificentiæ desiderio despecta ac penē lugubris fuit, sicut scriptū est: Quis in vobis est derelictus, qui vidit domū istā in gloria sua prima, & quid vos videtis hanc nunc? Nūquid nō est ita, quasi nō sit in oculis vestris? Hanc verō nō despiciendā esse Vates noster ait, sed magna lætitia celebrandā; tunc maximē cū finito absolutoq. opere postremus lapis, hoc est, ille, qui ex opere ipso reliquus fuerit atq. reiectus, in manu Zorobabelis & populi & operis principio conspicietur. Solent enim qui operibus & ædificiis magnificis præfunt, & primo in fundamētis iaciendis lapidi locando bene precaturi interesse, & absoluendo etiā operi gratulabundi adesse. neque alienum ducunt lapides ipsos primum & postremum manu sua tractare. Postremum autem voco eum, qui absoluto iam operi suppeditatus satis superque esse dicitur: quo reiecto absoluti operis gratulatio iucunda sit. Atque ad hanc rationem illud pertinet, quod olim Iosue dux Iericho vrbis restitutionem execratus dixerat: In primogenito suo fundamenta illius iaciat: & in nouissimo liberorum ponat portas eius. quo in loco Hebraicum nomē vsurpatum est, *Ben*, quod lapidē & filium significat. [Et videbunt lapidē stanneū in manu Zorobabel.] Maximam populi & communem lætitiā esse oportere ait, cū extremus lapis in manu Zorobabelis cōspectus fuerit, vt primus etiā fuerat cōspectus, vt superius dixerat: Manus Zorobabel fundauerunt domū istam, & manus eius perficient eam. Sed quod Latini interpretes vertunt, *stanneum lapidē*, nos non ex materiæ, sed ex verbi & sententiæ ratione exponimus lapidē separatū, siue sepositū. quāquam enim *Bedil* metallū illud, quod ab argenti puritate fecerni solet, significet; propriē tamē separationē, siue secretionē, separatāq. rem significat: neq. ad ædificatorium perpendiculū rectē hæc referuntur, cuius vsus magis ad fabros ipsos, quā ad operis principē spectat, & in absoluto opere superuacaneus est; sed vltimū lapidē, qui extremo operi nō tam collocandus, quā reiciendus addi solet, definimus: cui nullus in ædificio locus relictus esse cū ædificantū plausu indicari solet. Atq. hunc etiā nos morem nō semel apud ædificatores nostros obseruauimus. Quandā autē eximiā huius publicæ lætitiæ causam nobis hebraica lectio, & ipsa tam diligens apud Vatem notatio quæredam inueniendāq. indicat. namq. vtrūq. nomē lapidis & separationis notationis articulū adiunctū habet, vt certū quendā lapidē insigniter separandū ostēdat; idq. in manu Zorobabelis futurū esse dicat: nepe hic est lapis ille qui ab ædificatibus reprobatus à Deo in caput anguli, cū magna omniū spectantiū admiratione, cōstitutus est. Idēq. Messias Iesus Nazarenus Zorobabelis filius, qui à Iudæis reiectus principē tamē in ecclesiæ fundamentis locū obtinet. [Quis igitur despexit diē paruitatis?] quod hæc maxima mysteria significata sunt: Imò cōfortare Zorobabel dicit Dominus, & cōfortare Iesu sacerdos magne, & confortare omnis populus terræ, dicit Dominus exercituum; & facite, quoniā ego vobiscū sum, dicit Dominus exercituum. verbū quod pepigi vobiscū cū egredere mini de terra Ægypti: & spiritus meus erit in medio vestri, & cætera, quæ de hac eadē re à Ioēle decantata sunt. Interim verō Vates quoniā candelabri partiū quarundā significationē cogitabundus animaduvertebat, ab angelo interprete docetur magno spei exēplo eorū, qui sese diuinis mysterijs cognoscēdis totos tradiderint. Eos namq. abstrusas & difficillimas rerū rationes diuino beneficio & cælesti præceptore vsos oportunē cōsecuturos credendū est; dū modo id studiū purē, sanctē, sedulō acriterq. susceptū sit. Si quis vestrū indiget sapientia, potest à Deo, qui dat omnibus affluentē, & nō impropert, & dabitur ei, adeo affluēt, vt multa rogatus respondeat; multa itē, antequā rogetur, vltro doceat. [Septē isti oculi Domini sunt.] naturam omnē Dei immortalis ratione, potestate, mente, numine; siue, vt planius significemus, prouidentia diuinitus regi, aliās copiosius docuimus, & communi sapientissimorum sententia comprobatur. Hanc multis nominibus diuina appellant oracula, ex quibus vnum est oculus, quod is sensus & plures rerum differētiæ, & melius, plenius

plenius, longius etiam percipiat. Dei autem oculos considerationem definimus; qui qualis quisque sit, quid agat, quid admittat, qua mente, qua pietate religionem colat, piorum & impiorum rationem habet, sicut scriptum est: Qui finxit oculum, non considerat, qui docet hominem scientiam. Huius providentiae multiplicem vim, & maximam infinitamque virtutem septē oculis significatam Vates ab angelo est edoctus: oculos verò ardentes & illuminantes, non qui luce exterius petita ad videndum egeant, sed qui lumen potius omnia alia naturae & vniuerso mundo porrigant & tendant; utpote lucernae ipsae undique lucentes, & perfectissimum numerum septenarium continentes: quo præter quatuor mundi cardines cælum etiā supremum & infima terra, & quod medium est, firmamentum prospectantur atque gubernantur. Sed quāquam diuini oculi tanquā speculatores omnia longè lateque orbis loca circūspicientes illustrent & moderentur, tamen singulari quodam benignitatis beneficio pium & verè religiosum populum ut altissimum & magis proprium locum obtinere dicuntur, eosque propius aspicere, fouere & moderari, quorum virtute & pietate, sanctitate pura ac simplici, charitateque mutua & sincera aurei huius candelabri admirandum opus conflatur, sicut scriptum est: Intellectum tibi dabo, & instruaui te in via hac, qua gradieris: Firmabo super te oculos meos. &: Ecce oculi Domini super iustos. atque hanc rationem Vates ab angelo aperte edoctus est. [Septem isti.] non dixit, septem lucernae, aut infusoria septena, sed in vniuersum omnē septenarium numerum, videlicet, vasa, quibus infusoria coniuncta erant, & lucernas indicabat: id quod hebraica punctorum distinctio docet. [Oculi Domini sunt, qui discurrunt in vniuersam terram.] Copiosas vehemēterque exquisitas providentiae rationes verbum discurrunt, Hebraicè significat: quas opportuno alias loco eiusdem providentiae beneficio commodius explicabimus. Quae verò de candelabri integra ratione dici possent, cum plenè exponi commentarii nostri breuitas non sinat, non minus tamen latenter indicata pio atque sapienti lectori sunt. Caterum Vatem ipsum rursum etiam interrogantem audiamus.

*Et respondi, & dixi ad eum: Quid sunt duae oliuae istae ad dexteram candelabri, & ad sinistram eius?*

DOCENTIS vltro angelib. benignitate vehementer animatus rem omnem, quam ignorabat, doceri rogat. igitur oliuarum numeri & situs rationem scire cupit. [Quid sunt duae oliuae istae.] nam quae de Zorobabele ex angelo interprete audierat, alterius tantum oliuae rationibus accommodari posse videbantur; sed an altera etiam oliua eundem ipsum referret, incertus erat; præterea quae situs ratio esset, cognoscere cupiebat; cur candelabrum utriusque ambae oliuae, à dextera altera, altera verò à sinistra munirent. deinde etiam & illud inquit, quod antea in spectro intuitus, neque narrauerat, neque quid esset, cognouerat. namque illa ea præcipue narrauit, quae probè sese cognoscere putabat. sed quae haecenus narrando prætermissa fuerant, illa sunt:

*Et respondi secundo, & dixi ad eum: Quid sunt duae spicae oliuarum, quae sunt iuxta duo rostra aurea, in quibus sunt suffusoria ex auro?*

Hic versus, quod obscurior sit, ex Hebraico ad verbum vertendus nobis est.

*Quid duae spicae oliuarum, quae in manu duorum cantharorum aurei euacuantes, desuper se aurum.*

SINGULOS ex utraque oliua ramos oleis multis in triticeae spicae modum confertos, intraque duo vasa, quae paulum diuerso à latina pronuntiatione nomine Cantharos vocat, constitutos vidit: quae res oleum ex oliuis expressum, in cantharis excipiendum esse docere videbatur. namque oliuas non aridas viderat, sed virentes potius atque fructu edito, ut nunc exponit, commendabiles: tamen ex singulis oliuis, singuli tantum rami, iidemque oleis refertissimi erant. Eas autem spicas vidit aurum ex sese effundentes atque euacuantes; ita ut pro oleo puro aurum putumque remitterent: id quod articulus notationis auro additus indicat. sed has adeo abstrusas, difficilesque Vati quaestiones difficiliore sanè definitione diuinus interpretes tarditatem hominis imprimis notans absolvere videtur: vnoque sermone utramque interrogationem concludens, rogantem sic excipit.

*Et ait ad me, dicens: Nunquid nescis quid sunt haec?*

DICENTIS vehementiam & admirationem notationemque verbum dicere, bis repetitum



titum arguit. quòd vtramq. rem ex superioribus cognosci à Vate oporteret. quā tamen ipse obscuram sibi ignotamque esse ingenuè fatetur.

*Et dixi, non Domine mi.*

MODESTIAM summam & ingenuitatem Vatis oratio indicat, qui se nescire fateatur, & doceri cupidus officiosusq. postulet magna sermonis & studij atque obseruationis ostensione, quam vox illa, *Domine mi*, Hebraice notat. Atque ex auditis cognitisque antea Iesu sacerdotis & Zorobabelis rationibus oliuarū numerum & situm cognoscere Vatem potuisse Angelus innuit, & cum spicarum simul expositione nunc indicat tantū eandem esse duarum oliuarum & spicarum interpretationem docens.

*Et dixit, isti sunt duo filij olei splendoris, qui assistunt dominatori vniuersæ terre.* 10

Ex duobus verbis *Filij olei*, & *assistere dominatori*, &c. desideratam obseruationum rerū significationem satis intellexit Vates. namque filius olei idem, quod filius oleatus, vt sic latine loquamur, virum oleo ritè inunctum, & propriè, qui eius vnctionis ius optimum summumq. habeat, significat. Astare autem apud aliquem, ministerij certum officium, vt iam saepe alias obseruauimus, arguit. Igitur duos iure optimo ritè legitimeq. inunctos, penes quos omnium, quæ ad diuinum cultum atque ministerium spectant, rerum summa esset, Vates ex angeli responso cognouit. Hi autem duo nulli alij præter regem sacerdotemque sunt, quorum dignitate atque auctoritate, publica hominum res administratur. Hos autem non plures, sed singulos tantum eiusdemque omnino sententiæ, consilij & studij in publicis & priuatis gerendis rebus Deus esse voluit, atque in populo statuit suo; alterum verò à dextris, à sinistris alterum: quòd regia dignitas, quàm sacerdotalis, antiquior sit, & diuinam illam, quæ cuncta moderatur, maiestatem auctoritatemq. proprius referat. namque Deus propriè, frequentissimè atq. rectissimè rex dicitur; sacerdos autem vel nunquam, vel minus propriè appellatur: homo etiam prius constitutus fuit rex, vt præfesset animantibus terræ, & volatilibus cali, & piscibus maris, quàm aut sacerdotio fungeretur, aut egeret, siquidē eius muneris vsus ad placandū conciliandūq. hominibus Deum est constitutus. Ad hæc pontifex omnis ex hominibus assumptus, pro hoibus constituitur in ijs, quæ sunt ad Deū, vt offerat dona & sacrificia pro peccatis. Quibus ex rebus omnibus regia dignitas prior & antiquior esse arguitur, priorēq. in locorū sermonumque ordine locum obtinet, sicut scriptum est: Regnum & sacerdotium & sanctificationem, & cæt. Iam verò quis non magni regis & pontificis nostri Christi Iesu imaginem, officium & virtutem ex oliuarum descriptione expressam intuetur? Qui duabus naturis constans, altera diuina, qua ante omnia secula rex regum, dominantiq. dominus, atque paternæ maiestatis, dignitatis, imperijq. legitimus æqualisq. particeps dicitur; altera verò humana, qua in regem etiā sacerdotēq. vnctus vniuersæ terræ dominatori ad publicam hominū vtilitatē commodissimè, sanctissimè, gratissimèq. ministras regni & sacerdotij dignitatē sibi cū primis propriā & certā suis etiā omnibus conciliauit, sicut scriptū est: A Iesu Christo, qui est testis fidelis, primogenitus mortuorū, & princeps regum terræ: qui dilexit nos, & lauit nos à peccatis nostris in sanguine suo: & fecit nos regnū & sacerdotes Deo & patri suo, &c. Huius Christi duplici natura & vtriusq. dignitatis regiē & pōtificiē munere & virtute omnis humani cædelabri fabricatio nō modò vndiq. munitur, sed cōmunicato aureo vnctionis oleo perficitur & illustratur. Huius vnus virtute tantum in vtroq. munere fungendo præstitū esse, & diuinorū scriptorum, & sacrosanctæ ecclesiæ testimonio cognouimus, quantum ab omnibus antea regibus & pontificibus desideratum, à nullis verò fuerat præstitum. Omnis enim sacerdos (antiquus) præfessus erat quotidie ministrans, & easdem quotidie offerens hostias, quæ nunquā potuerūt aure ferre peccata: hic autē vnā pro peccatis offerēs hostiā in sempiternum, sedet in dextera Dei, de cætero expectās, donec ponatur inimici eius scabellū pedum eius: vna enim oblatione cōsummabit in sempiternū sanctificatos, &c. Duas verò Christi naturas, quibus tamē vnum tantū cōstat suppositum, ob insignē etiā vtriusq. dignitatis distinctionē, ad dexteram & sinistram collocatas Vates vidit; quòd altera prior & excellentior diuinitatē propria ex natura habeat; altera verò & loco & tēpore impar ex alterius cōmunicatione diuinitatē quoq. obtineat. cæterū vtraq. suo in genere omnino illustris, aurea efficacissimaq. sit; quippe qua Deus est, purissimus atq. simplicissimus; qua verò homo est, patre Deo, matre Virgine sanctissima natus, omnis experte labis, & ad omne hominum expiandum

expian- dum genus idoneo corpore, & gratissima atque præstantissima constat anima: cuius arcana & infinita, nemini quæ vnquam mortalium satis explorata vtriusq. naturæ coniunctionis virtute euenit, vt quæ de altera dicuntur, alteri etiã rectè quædrent. quæ ratio omnem humanæ philosophiæ artem modumq. superat. Huius verò maximi regis & pontificis vtramque legitimam & propriam dignitatem cogitatã esse volumus, quor- ties in diuinis libris, aut in nostris commentariis Christi siue Messie cognomen appel- latum fuerit: vtrumque enim vñctum significat, & duplicem olei splendoris filium, hoc est, duplici vñctione præstantem, qui vtriusque muneris dignitate officioq. functus assi- sit dominatori vniuersæ terræ. Cuius ratio ob id obscura Vati visã est, quòd ad vnã eandemque personam accommodanda esset; vt verò ab angelo est indicata, cognita sta- tim fuisse ipso Vatis silentio declaratur.

## CAPVT QVINTVM.

**E**t conuersus sum, & leuaui oculos meos, & vidi: & ecce volumen volans.

**H**ACTENVS felicissimam illam humanæ salutis rationem in superioribus spectris Vates edoctus fuerat, ad quam futura Iudaici populi restitutio referenda fuit: nunc verò publicas & ærumnosas statim, post euangelij denuntiationem, subeundas Iudæis calamitates oportune docetur, vt omnem temporum & rerum consequentiã seriemq. agnoscat simul, & diuinæ clementiæ atq. misericordiæ admirandas diuitias, patientiæq. rationes consideret, quòd genti illi iam tum grauissimis sceleribus obligatæ tam diu pœ- næ propter pœnitentiæ expectationem dilatæ fuerint, quoad auctis flagitiis & euangelij repudiatione cumulatis criminibus grauiore multo fuerint inferendæ. namque ex hu- iusmodi misericordiæ collecta ratione effectum est, vt Vates illam temporum varietatẽ & distinctionem minus miraretur. rerum enim ipsarum consequentia postulare vide- batur, vt omnes genti clades ærumnæq. simul afferretur, simulq. Vati ostenderetur, quas futura post cõmunis felicitas consecutura esset: sed tamen diuina misericordia effectum est, vt calamitas alia longa respiratione & diuturna expectatione aliã antecederet, atq. eo etiam modo Vati proponeretur. [Et conuersus sum, & leuaui oculos meos, & vidi.] Gestus ipse habitusque Vatis rem, de qua dicturus est, non eo ordine quo gerenda esset, ante- cedentibus adnecti arguit, sed priorem futuram, tamen posterius visã, narratãq. sibi esse ostendit. nam si postea tempora, quæ antehac notata descriptaq. sunt, venturam docendus esset, ante se etiam vltius ostensam prospiceret; nõ autem relictã cõuersus atq. respiciens contẽplaretur. neq. verò se solũ conuersum, sed sublatis oculis cõspexisse dicit, vt rem calitus & diuino consilio auctoritateq. allatã ostenderet. [Et ecce volumen volans.] Codicem, in quem accepti & expensi, aliarumue rationũ summę nominaq. refe- runtur, volumen Vates nominat, quòd antiquo more non libris & foliis, vt nunc, sed plu- ribus commissis simul membranis huiusmodi res conscriberentur: quæ, quòd ob cõmo- ditatem in breue cogi possent, à voluendo volumina; siue, vt Hebraicè est idem signifi- cationis nomen, *Megiloth* dicta sunt. Latinus interpres apud Ezechielem inuolutum li- brum nominat. Quod verò volans visum fuerit volumẽ, oportunam nominum exactio- nem maturamque atque diligenter curatã significat: ne quis existimet Deũ, qui con- sectari semper debita non soleat, quod debeat, nisi aliàs legitimè debitoribus prospe- ctum fuerit, per negligentiã remissurum. Et quoniam huius Iudaicæ calamitatis euen- tum certum ex superioribus visionibus arguere potuit, ab angelo, an cognouerit, rogatur.

Et dixit ad me, Quid tu vides?

**N**AMQVÆ ex futuræ salutis restitutionisque præcognitis rationibus antecedentis salutem illam miseriæ tempora Vatem cogitare consentaneum fuerat.

Et dixi, Ecce, ego video volumen volans: longitudo eius viginti cubitorum, & latitudo eius decem cubitorum.

**ANGELVS** non visã imaginem, sed rem ipsã, quæ futura esset, hoc est, diui- nam de repetendis pœnis sententiã an Vates cognosceret, rogabat. Ille autem ait, volumen

volumen ipsum siue codicem nominum conspectum sibi, magnitudinemq. fuisse oculis exacte cognitam; quid verò illis nominibus ascribendum foret, nō satis esse exploratum. latitudinem verò & longitudinem tantum observauit, quod voluminis superficiei vicem tantum referentis altitudo nulla censeatur. Erat autem viginti cubitis longum: decem verò, hoc est, dupla mensura latum volumen. quæ ratio eius porticus iconographiam omnino æquabat, quam ante facram ædem Salomon quondam fecerat, ad hærentis Deo populi significationem habentem. Ex illius igitur porticus sapissime notata observataque mensura volantis voluminis æqualis omnino ratio facile Vati argui cognosci que potuit. Sed quod latitudinem & longitudinem tantum viderit, templum illud iterum etiam euertendum complanandumq. fore portendebat: idque ex eiusdem sententiæ decreto, quo semel antea dirutum fuerat. namque eam sententiam volumen illud significabat, quod in facie & in tergo conscriptum, Ezechieli templi excisione significans, visum etiam fuit. Id quod angelus ipse Vati subiiciens explicat, eiusq. sententiæ ferendæ causam grauissimis gentis illius sceleribus ascribit.

Ezech. 2.

*Et dixit ad me, Hæc est maledictio, quæ egreditur super faciem omnis terræ: quia omnis fur, sicut ibi scriptum est, iudicabitur: & omnis iurans, ex hoc similiter iudicabitur.*

CONSTITUTÆ ob scelera pœnæ repetitiones, maledictione egredientē, angelus nominat, eandēque quod publica & cōmunis esset, super facie omnis terræ extendendā dilandāq. esse ait. atq. ob eā rem volās volumē Vati esse visum. [*Hæc est maledictio.*] Hebraicū nomē, *Alah*, quod Latini maledictionē vertunt, dictā & propositā ad scelus cauendū pœnarū Deo auctore & vindicæ repetendā legē significat, quā latino sermone legē simul

Terent. And. act. 1. scen. 3.

& omen dicimus, vt ille apud Comicū inquit: *Ea lege atque omine, vt si te inde exemerim, ego pro te molam.* Huiusmodi legibus omnibusq. multis omnis illa oratio constat, quā in rogandis cōstituendis, sancientisq. diuinis legibus Moses olim habuit: cuius illa in nefarios

Deut. 26.

& sceleratos pœro ratio est: Dominus nō ignoscat ei, sed tunc quā maxime furor eius furemet, & zelus contra hominē illū, & sedeant super eū omnia maledicta, quæ scripta sunt in hoc volumine, & deleat Dominus nomē eius sub calo, & cōsumat eū in perditionem ex oībus Israël, iuxta maledictiones, quæ in libro legis huius ac fœderis cōtinentur, &c.

Igitur huiusmodi maledictionē singulis sceleratis & nefarijs hominibus propositam vniuersæ Israëlitarū terræ ob publicā impietate & scelera imminere Vates vidit. Id quod templi iconographia nuda atq. à sciographiæ descriptione separata significabat, cum enim cōmuni omnium & publico loco excidiū prædicitur, eos, qui ad illum locū pertineat, eadē calamitate premēndos esse consequitur: maxime autē cū sacro etiā loco non parcatur, ob eamq. rem ait. [*Quæ egreditur super faciem vniuersæ terræ.*] confessura videlicet super omnes terræ habitatores, iuxta omen illud: Et sedeant super eum omnia maledicta, &c. Itaque

lata ad publicam pœnam sententia hac oratione ab angelo indicata est. Criminū verò summa duobus furandi & iurandi verbis fit. [*Quia omnis fur, sicut ibi scriptum est, iudicabitur: & omnis iurans ex hoc similiter iudicabitur.*] Pietatem officiumque omne ab illis, in quos pœna decretæ sunt, violatum esse ostēdit angelus. Vtrūque genus duobus verbis cōprehendit, *furari* & *iurare*. namque furari omne in vniuersum fraudē & debiti hominibus officij

Genes. 31.

violationē significat, ex verbo *Ganab* hebraico, nō solum rerum direptionē, sed fallaciam dolumq. omne, & quicquid iuri æquitatiq. opponitur, significat, vt cum Iacob à Labano fraudis doliq. inculcābatur, hoc modo cōpellatus est. Cur ignorante me fugere volui-  
sti: vbi Hebraicē est: Cur furatus es cor meū? & Israëlitarū tribus quādā accusatæ ab aliis

1. Reg. 13.

sunt, quod regē sibi tantum optatū vsurpassent, quæ omnibus cōmunem esse oporteret: Quare, inquiūt, te furati sunt fratres nostri, & traduxerunt regē & domū eius Iordanē? At verò *iurare*, verbum religionis rationes summas continet, maxime autem passivē, vt in hoc loco pronuntiatum. [*omnis iurans.*] sic Hebraicē est. Iuratus autem iurisiurandi religionē astrictum, neque seruata & præstita fide solutum significat: quæ extrema violatæ & contemptæ religionis linea est, namque vt ritā legitime sancteq. iuratum cōseruatumq. iusiurandū, pietatē, dei que immortalis metum religionemq. arguit, ita neglectum atq. violatum, impietate cōtemptioneque, vel quod grauissimū & flagitiosissimū est, negationem prædit. nam qui Deū immortale tum iudicē, tum testē firmando dicto suo interpositum negligit, vel cōtempnit, vel nullū esse putasse deprehenditur, eum scriptū sit: Neque

Neque enim habebit infontem Dominus eum, qui assumpserit nomē Domini Dei sui Exod. 20.  
frustra. Qui autem hoc modo erga diuinam naturam affectus est, eum omnem pietatis,  
& religionis rationem peruertisse consequitur. Atque officij causam pietatis & religio-  
nis violatæ culpam in his criminibus indicandis priorem Vates ob eam rem vidit, quod  
iurandi officij violatio in religionis neglectiōe homines plerumque deducat. Ete-  
nim studiose conceptum admissumque scelus impietate etiam adhibita facili conflat  
atque perficitur. Incitata enim semel ab antiquo humanique ingenij non ignaro ho-  
ste exiguis initijs mala in procliuē ad profundissimum vsque nefas sapissime labuntur,  
sicut scriptum est: Linguis suis dolose agebant, venenum aspidum sub labijs eorum: Psal. 13.  
quorum os maledictione & amaritudine plenum est. veloces pedes eorum ad effun-  
dendum sanguinem, contritio & infelicitas in viis eorum; viam pacis nō cognouerunt:  
denique non est timor Dei ante oculos eorum. Vt igitur officij violatio religionis ne-  
gligendæ causa esse solet, ita contra officij conseruatio magnum ad pietatem conserua-  
dam atque probandam momentum argumentumque habet. Quamobrem officium  
sacrificio anteponendum esse præceptor docebat: Nam qui fratrem suum, quem videt, Math. 5.  
non diligit, Deum quē non videt, quomodo potest diligere? Porro porticus illa tēpli cō-  
munis omni populo singulorū vestigia cōtinens, personas etiā, vt publica loca solent, refe-  
rebat: sic enī theatrū, senatus, forū pro ijs, à quibus frequētantur, accipimus. Atq. eadē  
omnino ratio in voluminis vtrāq. facie porticus arēā referente obseruabatur, hinc furū,  
illinc verò iuratorum nominibus cōscriptis. atque hæc illius orationis sentētia est: 1. Ioan. 4.  
*[Om-  
nis fur, sicut ibi scriptū est, iudicabitur. & omnis iurans ex hoc, similiter iudicabitur.]* Sermonis He-  
braici ratio omnes officij & iurandi communi scelere, & priuatis etiam singulorū  
nominibus reos constituit destinataque sententia pœnis repetendis addicit. Hebraicē  
hic locus sic habet: *[Quia omnis fur ex hoc, sicut ipsum succiditur: & omnis iurans ex hoc, sicut ipsum  
succiditur.]* ex hoc & ex hoc, vtramque membranæ faciē significat. nam in facie & in ter-  
go volumen scriptum erat, sua vtrinq. lege & maledictione inscriptionis modo addi-  
ta; ex altera enim partē fraudis, ex altera impietatis pœna maledictioque subiectis reorū  
nominibus præfixa erat, vt in nominum codicibus hinc dati, hinc accepti inscriptiones  
leguntur. *[Sicut ipsum.]* Vt in ipso volumine vnumquodque nomen est, sic etiam succi-  
detur & damnabitur, tam in altero, quā in altero contentus voluminis latere. Magnum  
verò & satis expectatum misericordiæ suæ exemplū iudicij & pœnarum serius repe-  
tendarum obseruatione probat Deus, quod Iudaicū populum multiplici & nefario  
scelere obligatum tam diu ad pœnitentiam expectauerit, quoad Christi vltro salutem  
affertis repulsæ etiam reum factum impietatis damnare & perdere necessum fuerit.  
Id quod vt caueretur & opportunē oblata venia euitaretur, per illum prophetarum om-  
nium maximum procuratum diligenter fuit, illud etiam identidem inculcantem: Ge. Math. 3.  
*nimma viperarum quis docuit vos fugere à ventura ira? Facite ergo fructus dignos pœ-  
nitentiæ: iam enim securis ad radicem arboris posita est, &c. Igitur tanta Dei miseri-  
cordia & salute neglecta sceleribus auctis cumulatiores pœnas luere commeruerunt.*  
40 *qui diuinam expectationem negligentiam interpretati nullas metuebāt. Quamobrem*

*Educā illud, dicit Dominus exercituum: & veniet ad domum furis: & ad do-  
mum iurantis in nomine meo mendaciter: & commorabitur in medio domus  
eius, & consumet eum, & ligna eius & lapides eius.*

ED. V C A M illud, dicit Dominus.] Asseuerantis & futuram præter opinionē expectatio-  
nemque calamitatē obnuntiantis Dei oratio, hæc est, qui tardiores pœnas ob cumula-  
tam culpæ noxiam auctiōe & grauitate compensabit; ita vt volumen illud contentæ  
maledictionis vi singulorum domus à fundamento euertat.

*Et egressus est angelus, qui loquebatur in me: & dixit ad me, Leua oculos tuos  
& vide quid hoc est, quod egreditur. & dixi, quid nam est? & ait: Hæc est  
amphora egrediens. & dixit, hic est oculus eorum in vniuersa terra!*

MALEDICTIONIS & iudicij sententia criminumque summis generibus co-  
gnitis, species etiam cognoscere ab angelo Vates iubetur: ne quis astuta translatione  
verborum nimis breui atque subtili definitione crimen effugere, iudiciumque decli-  
nare



nare posset, quòd se nequefurem, neque periurum esse defenderet, utpote qui neque res alienas rapuisset, neque iuratus aliquid præter ius atque fas esset mentitus, cum tamen nemo esset, qui si non furto & raptu, tamen fraude alienas appeteret, inuadereq. conaretur res; & si non iureiurando, tamen contemnendo numen violaret. Abundabat tibus exuberabat; quo tempore secundo fano diruto natio illa meritis poenas luit. Eam igitur rem docendus Vates leuare oculos iubetur & videre, quidnam illud esset, quod de integro prodiret, quod tamen ipse non planè agnoscens rogat, & audit. [*Hæc est amphora egrediens.*] Iubebat angelus rem ipsam, quidnam significaret, cognoscere & definire, sed ille oculos animumque intendens nondum viderat mensuram, quam statim angelo indice videt. [*Hæc est amphora egrediens.*] Non docet quid sit, sed indicat, ut videat. Quidnam videre me iubes? Vates ait. respondet angelus: Hanc amphoram prodeuntem. Amphora. Mensuræ genus interpretamur; cuius apud Israëlitas vsus erat, quæ eos impia fraude obligatos arguebat; utpote quæ summa iniquitate deprauata erat. Hebraice & Chaldaice satis aperta verbi huius significatio est. ΕΡΗΑ enim mensuræ genus certum est: cuius nomen pro omni mēsurā vsurpatur, ut: Statera iusta, & Ephraim iustum, & batus iustus erit vobis. Quod verò Ephraim iniquum & fraudulentum egrediens Vates viderit, illud significabat, fraudes non priuatè à quibusdam conceptas, sed publicè vagantes aperteque ac libere grassantes à Deo deprehensas ad iudicium produci eodem exemplo, quo iudices solent adulterinas & fraudulentas mensuras publicè productas in medio foro præconio etiam additò suspendere. Quam rem ipse ab angelo interprete statim docetur, videlicet commune omnium studium & cogitationem in fraude faciēda esse positam; idque quam diligentissimè curari. [*Hic est oculus eorum in vniuersa terra.*] Præconij vox est. Omnium, inquit, huius terræ hominum mens & oculi ad admittendam fraudē attentissimi sunt: tumque sibi quisque maxime placet, maximeque perspicere putat, cum callidissime socium fraudauerit & deceperit. neque verò id flagitium occultum aut latens est, sed ante omnium oculos palam ac publicè admissum versatur. Hæc huius visionis interpretatio vehementer & temporum illorum rationi & verbis ipsis conuenit; quam ex Chaldaico etiam vertere placuit, sic: *Et dixi hi sunt populus, qui accipiunt & dant in mensura falsa, & dixi, Ecce id manifestum coram omnibus habitatoribus terræ.* Sic Paraphrastes Ionathan. Porro iudicium hoc vniuersum plenè absoluteque edendum Vates præuidit, ut ex diuinæ sententiæ decreto Iudæa gens meritis poenas litura ad supplicium producenda esset.

*Et ecce talentum plumbi portabatur: & ecce mulier una sedens in medio amphoræ. Et dixit: Hæc est impietas: & proiecit eam in medio amphoræ, & misit massam plumbeam in os eius.*

DAMNATA persona, poena & damnationis causa hæc oratione referuntur. Vidit enim Vates plumbi talentum præferri, quod ad supplicium sumendum parabatur: deinde vidit feminam quandam, hoc est, Iudæorum synagogam scelerum impietatisque conuictam & damnatam in ipsa mensura, qua ad fraudes faciendas vsa fuerat, conclusam produci. Causam præterea præconis voce prædicatam audiuit. [*Hæc est impietas.*] Antiquo more causa breui oratione, & quæ facile percipi ab omnibus possit, pronuntiatur, ut illud: Posuerunt super eum causam eius inscriptā, HIC EST REX IUDÆORUM. Sic præco ille Amphorā siue Ephraim ostendens, cuius fraudatæ mulier illa damnata erat, prædicabat. [*Hæc est impietas.*] Tandem supplicium dantem feminā spectauit: supplicij autem genus illud fuit, ut in Ephraim ipsum coactæ tota illa plumbi massa in os obtruderetur. quo spectaculo illud Vates edoctus est, eadem mensura supplicium illi persoluum esse; qua in admittenda fraude fuisset vsa. quòd verò plumbum omne deuorare coacta mulier illa fuerit, illud significabat, synagogam graui & diuturna miseria opprimendā fore, quam exspuere minimè ipsa posset; neque ante lenire, quam Dei misericordia tandem liberaretur. nulla enim mulier tam valido capite est, ut in capsam quandam arctissimā summa vi coacta, & coniecto in os plumbi magno pondere extare & resurgere iam amplius queat. Genus supplicij quoddam grauissimum apud Israëlitas olim fuit, liquidum & feruens plumbum damnato in os ingerere, quod ad ventriculum & intestina penetrans animam agere efflareque citissimè cogeret. huiusmodique supplicio ij præcipue afficiebātur, qui impietatis & violatæ religionis essent conuicti. Atque hoc supplicij genus

genus combustio vocabatur excogitata ratione ex eo exemplo inuentum, quod Nadab & Abiu Aaronis filiis & sacrorum ministris igni de celo tactis est editum: quos quanquā igni deuoratos diuina historia narret, exterius tamē integros illesosq. mansisse ex illo ar-  
 5 guitur: Cōfestimq. pergētes tulerūt eos, sicut iacebāt, vestitos lineis tunicis, & eiecerunt foras. Atq. supplicij huius integrā rationē ex Deuterosean libro Hebraico petere licet in eo loco, qui de *Sanhedrin*, siue de magistratibus inscribitur. Siue igitur hoc modo ali-  
 quantum plumbum in mulieris illius os fustum fuerit, vt ratio ipsa & antiqua consuetu-  
 do indicat; siue totum frigidum & concretum intrusum, grauissimum suppliciū vtrouis  
 modo cognoscimus, quod tanta copia & vi tantoque pondere paratum fuerit.

Leuit. 16.  
 Misnaiothi  
 de Sanhe-  
 drin.

Et leuauit oculos meos & vidi: & ecce duæ mulieres egredientes, & spiritus  
 in alis earum, & habebant alas quasi alas milui: & leuauerunt ampho-  
 ram inter terram & celum.

IUDÆORVM ex patrio solo migrationem & miseram illam, qua inter alias natio-  
 nes vtuntur, vitæ condicionem diuturnam fore Vates hac visione edoctus est: cuius mi-  
 serix modum & finem anxie cognoscere cupiens, certis notis ab interprete suo didicit.  
 Mensuram siue Amphoram siue Ephī Latinè vertamus, in quam femina illa pœnas da-  
 15 tura coniecta coactaq. fuerat, Dei iudicium purissimum & sincerissimum esse diximus,  
 qui reddit vnicuique iuxta opera sua, æqualique fraudulentis mensura refert. Quā in-  
 quit, mensura mensi fueritis, remetietur vobis. Igitur suas pœnas iustissimè Iudæorum  
 Synagoge ferendas mensura illa significauit, quæ quamdiu sustinendæ essent, nondum  
 ex visionibus fuerat satis Vati nostro compertum. sed ne ex earum, quas hactenus Iudæi  
 in Babylonico exilio exoluerant, rationibus harum etiam duratione definita breues for-  
 25 tasse, atque illis, quas Israëlitarum cætera tribus decem pende bāt, inæquales fore puta-  
 rentur, nona hac visione Vatem monere Deus curauit, ostenditq. parem de cætero vtri-  
 que populo in exilij dispersionisque sustinendis pœnis cōdicionem futuram esse, quam-  
 uis hactenus imparē ex diuina clementia Iudæi fuissent experti, quod non tantum for-  
 tasse, quantum Israëlitarū sceleribus obligati fuissent, sed tandem omnem maiorum suo-  
 30 rum mensuram implentes, pœnarum quoque consimilem æqualemque exitum exspe-  
 ctare oporteret. Igitur duæ feminæ visæ sunt, hoc est, Israëlitarum & Iudæorum factio-  
 nes duæ, quæ ex eadem matre ortas *Ahalam* & *Ahalibam* Ezechiel Vates appellauit, Ezech. 24.  
 iisdemq. aptatæ pennæ celerrimā aliquam profectionem migrationemque portende-  
 bant. alæ enim non ad cursum, aut aliās terrestrem & commodam deambulationem, sed  
 35 ad volatum comparantur, sicut scriptum est: Quis dabit mihi pennas sicut columbæ, & Psalm.  
 volabo? Veruntamen illas non sua sponte, sed impulsas euolatum ire ventus in alas in-  
 cumbens significat, quod earum volatum non tam aër sustineat, quam vehemēs ventus  
 agat, atque ad peregrinas longèque distantes regiones impellat: neque ad altius, sed ma-  
 gis ad longius volandum idoneis alis visæ sunt. [Et habebant alas quasi alas milui.] Latinus  
 40 interpres in auium cæterarumque animantium nominibus reddendis parum perspi-  
 cuus est, namque id negotium expositoribus fortasse dare cogitauerit: quod qui fugerit  
 magna cū sententiæ iactura sæpe inuertat. Igitur Hebraicū auis nomē est *H H A S Z I D A*,  
 quod ex etymologia atque ex descriptione pariter ciconiam significat. hæc namq. auis  
 ultra cæterarum ingenium in prolem parentesque suos gratissima benignissimaque esse  
 45 dicitur, vnde misericordis nomen Hebraicè sortita est: deinde etiam ab antiquis He-  
 brais candido colore describitur. ea verò peregrina est aduentanteque vere in nostras  
 regiones propagandæ sobolis causa migrat. quamobrem hospitis, cui nullibi certa sit  
 sedes, imaginem refert. Sic apud Iob ferè describitur: atque à poëta etiam Latino pere-  
 grina depingitur.

Cum vere rubenti

Candida venit auis.

Iob 39.  
 Georgicæ  
 lib. 2.

Huius auis pennas in mulieribus illis agnouit Vates, satisque ex ea re intellexit Israëlitas  
 & Iudæos ex diuini iudicij sententia instabiles vagosque fore, atque pœnas illas, qui-  
 bus luendis addictos viderat, vario & longis intervallis diffuso errore sustentaturos, in-  
 certoque animo dubia semper euentuum expectatione pendere cogendos, vtpotē qui-  
 55 bus neque diuini illius auxilij, quo olim vsi fuerant, neque hominum etiam atque natio-  
 num, inter quas agent, gratiæ & præsidij, neque consilij copia, neque certus, quò se reci-

piant ac tueantur, locus erit: sed poenae illae suspensis atque sollicitis rependendae sustinendaeque sint. id quod amphora inter caelum & terram leuata significatum est; pariciconis modo, quibus nullus in terra nidus, nullus in caernis aut domibus, aut muro-  
rum vel rupium fenestris, quò se recipiant, locus est, sed inter caelum & terram vita sub-  
dio & trepidis in rebus, aëri, ventis, solibus & imbris exposita agitur, tantumq. quan-  
tum ad alendos pullos vix sufficiat, lignorum, plumarum, tomentis ceterarumque neo-  
bilium rerum comparatur. Videmus enim hanc auem vel in fenarum turrium culmini-  
bus, vel quod frequentissimum est, in altissimis arboribus nidum ponere, quod facile mi-  
graturae relinquitur, sicut scriptum est: Ciconiae domus in abietes, sic Hebraice, ubi no-  
stra versio habet, Herodij domus, &c. Eam verò instabilitatem & perpetuam peregrina-  
tionem atque animi solitudinem, qua Israelitas atque Iudeos agendos indicabat visio,  
Vates finem & modum rogans ex interprete clare agnoscit.

*Et dixi ad angelum, qui loquebatur in me, Quid ista ferunt amphoram?*

IN PROXIMA visione, cum proferri videret Ephī, nihil interpretem Vates ro-  
gavit, quod ad supplicium de muliere sumendum prolatum agnosceret: id quod  
euentus ipse statim docuit. nunc verò quò proferatur, interrogat, quò eam prola-  
tionem ad exilium quoddam longinquum & celerrimum mari: terraque petitem spe-  
ctare intelligeret; sed quorsum tandem euasura esset, non satis constitutum habe-  
ret. docetur autem nullo certo loco exilium peregrinationemque esse definiendam:  
nam quòd inter caelum & terram Ephī illud sublatum esset, spem aliquam redi-  
tus & restitutionis facere videbatur: sed quo tamen interim in loco esset colloca-  
dum, incertum erat.

*Et dixit ad me, vt adificetur ei domus in terra Sennaar, & stabiliatur, & po-  
natur ibi super basim suam.*

ROGABAT Vates quonam in loco tandem consistentes feminae poenas illas luitu-  
rae essent ex certo locorum consuetudinisq. vsu, & quadam, quanquam nō vera, minus  
tamen sollicita requie leuiores fortasse futuras. illud quoq. quærebat, an locorum etiam  
mutatio miseras mutatura, minuitura lenituraue esset. Vtrumque verò in responsione  
negatur, scilicet, neque certam vllam ac perpetuam sedem illis, qua poenas sustineat de-  
finiri, neque in maxima locorum mutatione & stabilitate labores, pericula, miserasque  
aut tolli aut mutatum leuatumue iri saltem, sed quocūque migrandū diuertendūq.  
sit, condicionem illam miseram circumferendam esse, huiusque magnam constantiam  
in maxima vitæ inconstantia futuram. id verò certis verbis vatiq. optimè cognitis in-  
dicatum est. [ *Vt adificetur ei domus in terra Sennaar.* ] Feminis nullam; amphorae verò cer-  
tam domum, delubrum basimque praescibit. Sennaar autem incertam magis, quam cer-  
tam sedem hoc in loco propriè significat. namque compositum nomen est ex *se*, parti-  
cula idem significante cum latino, *quod*, & ex *NA CHAR* verbo, quod excutere ex-  
cludereque significat; vnde nomen illi olim regioni factum est: ex qua Noë posteritas  
cum turrim nominis causa adificare moliretur, vel inuita excussa fuit. secundum  
huius interpretationis verbum est, *domus*, qua locus certus atque constitutus definitus-  
que significatur. tertium, *stabilire*, siue, vt Hebraicè est, *quiescere, facere*, siue *constituere*.  
quartum verò est *BASIS* à verbo Hebraico deductum, quod firmare significat. Atque  
figuratae huius orationis huiusmodi sententia est, Iudeos & Israëlitas incertos atque  
suspensos nimium, toto ferè orbe exules diu vagaturos, eandem à gentibus & nationi-  
bus, inter quas versabuntur, vitæ & libertatis oppressionem experturos, qua ipsi alios ac  
praecipue Christiani euangelij ac nominis cultores opprefferint: eamque in tanto vaga-  
tionis errore tantaque incertitudine certissimam & perpetuò perferendam ante finitum  
ex diuina misericordia exilium minime deposituros, ita vt caelum, non animum  
animique miseras & æumnas mutari sibi sentiant, cum trans mare excussi fuerint.  
qua vitæ condicione nulla inferior aut incommoda magis inueniri potest. Huius autem  
orationis verba ex antiquo templorū more trāsata sunt; quorū dedicatio huiusmodi est,  
vt cōstructa primū æde, deinde basis cōmodè collocetur: in qua vel statua aliqua, vel aliud  
religiosum

religiosum monumentum ad cōmunem cultum ponatur. Vt igitur Israëlita olim, dum in deserto agerent, sacram illam diuinæque gratiæ indicem arcam quocunque migrarēt circumferentes, vbi castra ponerent, primum omnium tabernaculo fixo & mēsa posita, collocabant: sic nunc errabundi multorum scelerum & innocentis ab Abel ad Christum vsque sanguinis vlticem lagenam siue mensuram, & diuino iudicio, & Vatum oraculo circumferunt. interea autem in terra Sennaar exules errabundi que vagantur. Harum verò, quas angelus apud Vatem denuntiabat, quasque nostro etiam tempore Israëlita sustinent, poenarum sententia, omen & lex, quam maledictionem dicimus, iam inde à principio prædicta pronuntiataque fuerat. Disperget te Dominus in omnes populos à summitate terræ vsque ad terminos eius, &c. In gentibus quoque illis non quiesces, neque erit requies vestigio pedis tui: dabit enim tibi Dominus ibi cor pauidum, & deficientes oculos, & animam consumptam mœrore: & erit vita tua quasi pendēs ante te. Quis sapiens, & obseruet hæc: & ponat super cor suum, intelligatque prouidentiam Domini, atque diuinorum librorum certitudinem, fidem, veritatemque fateatur?

Deut. 37.

## CAPVT V I.

**E**t conuersus sum, & leuavi oculos meos, & vidi: Et ecce quatuor quadrigæ egredientes de medio duorum montium: & montes, montes ærei.

QUANTA quamque perpetua Israëlitarum rerum calamitatis expectatio, quam multiplex futurus esset labor, hætenus Vates edoctus narrauerat: quis verò finis, quisque expectandus fuerat modus, nunc iam certior factus referre parat. tam diu enim sustinendas Israëlitis & Iudæis poenas esse denuntiat, quoad earum, quæ ad quatuor orbis imperia spectarent, nationum summa quadrans confecta fuerit. namque horum satellitum ministerio ad repetēdas ab illa gente poenas Deus vti decreuerat. Quamquam verò in superioribus visionibus quatuor cornuum spectaculo imperiorum orbis imago Vati conspecta fuerat, integra tamen atque plena ratio rerum ad imperia ipsa pertinentiū cognoscere cupienti desiderata, ac nunc demum in decima hac visione edita est. Atque huius quidem cognoscendæ rei studium suum Vates ipse indicat. [Et conuersus sum, & leuavi oculos meos.] quod visam sibi iam semel atque iterum rem nondum tamen satis exploratam diligentius iam intueri perspicereque curaret. quamquam enim quatuor imperia cognouisset, an multis, an paucis principibus, an populi tantum & reipublicæ nomine singula gerenda essent, nondum intellexerat; eorum etiam imperiorum loca & situs, quibus dominatio stabilienda esset, singulorum præterea notas, quibus cognosci possent, minus clarè obseruarat. Quas omnes res hac in visione apertè discreteque intueretur. namque quatuor quadrigas non eiusdem omnino cum equis illis, quos antè cōspexerat, significationis videt. Illi namque Alexandri & hæredum regum priuatam historiam retulere. hæ verò quadrigæ integras imperiorum imagines propriis singulorum notis distinctas referunt. [Et ecce quatuor quadrigæ.] Imperia non populari & publica dominatione, sed multorum principum auctoritate constituta videt. quadrigæ namque ad bellum paratæ quatuor equis trahuntur, bellatoremque principem aut etiam victorem triumphantemque vehunt. Ex antiqua autem historiarum ratione singulis imperiis, quamquam singuli maximi imperatores fuerint, plures tamen vel belli iure, vel societatis foedere & fide deuinctos principes ac reges fuisse cognouimus. Quatuor verò sibi visæ ait, videlicet Assyrium, Persicum, Græcum & Romanum imperia. Quod ex duobus tantum montibus iisque æneis prodeuntes quadrigas viderit, illam significationem habet, maxima imperia sine duobus maximis & firmissimis fundamentis, consilio & vi constitui non posse: quæ tamen fundamenta ex diuinæ prouidentiae auctoritate & auspiciis firmitatem nanciscantur, aliàs leui impetu & fundamenta euertantur & opera corruant vniuersa. Nisi enim Dominus ædificauerit domum, in vanum laborauerunt, qui ædificant eam. Eam rem ut ita interpretemur, verborum consulto à Vate obseruatorum, atque certis notis pronuntiatorum notatione adducimur. namque vnamquamque quadrigarum ex duobus certis & notationis particula indicatis mon-



Iob 25.  
Isai. 59.

tibus prodeuntem describit: deinde montes illos ita notatos non quouis Hebraico montium nomine appellat, sed *H A R I M*, quod concipientes, pręgnantes parientesque significat: de quo nomine iam aliās diximus. Igitur alter mons ad conceptum & graviditatem; alter ad parturitionem siue procreationem referendus est: atque concipienti verbo consilium cogitationeque susceptam significari iis, qui in sacro sermone versati sunt, est compertissimum, ut: Cœcepit dolorem, & peperit iniquitatem, &c. & apud Isaiam: Concepimus & locuti sumus de corde verba mendacij. in quibus aliisq; locis idem verbum, a quo montis nomen deducitur, est *H A R A*. Earum autem, quę ab hominibus publicę priuatęque geruntur, rerum duplex origo est, cogitatio & facultas, quam alterius montis, hoc est, generationis, nomine definimus. nam neque consilium sine facultate, neque vis consilij expers, valet. vtraque verò res ut in maximis & grauissimis negotiis secundos euentus habeat, diuina auctoritate atq; efficientia indiget: id quod à Vate studiose notatum indicatumq; est. [*Ei montes, montes aerei*, Hebraicę, & *montes illi montes Nehhosseth*.] Atque *Nehhosseth* proprię id metallū est, quod à nostris chalybs vocatur, cuius accessione gladiorum acies cęterorumq; armorū mucrones parum aliās, sine huius vi atque robore, valitura firmantur. At verò nomen ipsum *Nehhosseth*, à verbo *Nahhas* deducitur, quod alij verbo *Hhus* affine est; quorum alterum augurari atque auspicari; alterum verò festinare significat. Exponimus autem verba iis vocibus, quę latinis in vfu sunt, quibus magis res ipsa indicatur, quàm declaratur. namque augurij superstitioso nonnihil nomine honesta tamen ratio, hoc est, rerum bene gerendarum diuina auctoritas continetur. Igitur maxima illa imperia duabus potissimum rebus, consilio & virtute, iisdemq; diuinę providentię auctoritate & ad celeriter conficiendum facultate firmatis, profecta docere volens Vates verborum huiusmodi cogitandas expendendasq; rationes certis notulis indicatas consulto protulit. Ex qua re in eam nos sententiā facile adducimur, ut præter quatuor orbis imperia suis temporibus ætatibusq; discretam nullam fore de cętero monarchiam arbitremur, frustra q; cuiquam homini vel populo tentandam, quam nulla vnquam vatum oracula prædixerint, nulla diuinę auctoritatis auspicia fundent. Iam verò singulorum imperiorum notas obseruemus.

Cicer. de  
diuinat.

*Et in quadriga prima equi rufi, & in quadriga secunda equi nigri: & in quadriga tertia equi albi, & in quadriga quarta equi varij & fortes.*

Genes.

Dan. 5.

Nahhū 2.

2. Corin. 1.

NON eodem, sed alio atque alio tempore quatuor imperiorum rationes, certa tamę successionis serie, explicandas esse ille ordinalis numerus, *prima, secunda, tertia, quarta*que, significat. Color autem equorum & nationum mores rerumq; gerendarum modos & moribus conuenientem habitum indicat. namque primi equi Assyriorum reges & principes fuerunt, a quibus imperium bello sanguine atque vi fundatum propagatumq; fuit, Nimrothi primi ipsorū parentis mores imitatis, qui cœpit esse potēs in terra, & erat robustus venator coram Domino. Hos purpura & coccino auroque in vestibus vti solitos multa antiquorum scriptorum testimonia docent: atque is color rufus est ex purpura auroque refulgens, quem à *Rhus* plantę natura expressum iam aliās explicuimus. qua de re sic scriptum est: Quicumque legerit scripturam hanc & interpretationem eius manifestam mihi fecerit, purpura vestietur, & torquem auream habebit in collo, & tertius in regno meo erit. item illud: Aspectus eorum quasi lampades, quasi fulgura discurrentia de Babyloniorum vestibus in bello decantatum. Secundę quadrigę equi nigri, siue, ut Hebraicę est, crepusculini pinguntur: cuiusmodi color calliditate magis quęsitam, quàm virtute comparatam Persis & Medis dominationem arguebat. cuius rei historiam nos & apud hunc Vatem, & apud alios etiam latius exposuimus. Hos etiā coloris genere suffusco in vestibus vsos Persicum nomen ad Latinos vsque deductum declarat. Gręcos præterea consilio, prudentia sapientięque præcipuę magis, quàm armis imperij summam tenuisse, ipsorum historię Alexandri felicitatē virtuti simul & consilio prudentięque ascribentes declarant, qui doctissimis hominibus tum præceptoribus, tum familiaribus vsus maximas & instructissimas hostiū copias, ordine, disciplina, arte & consequenti virtute superauit, fudit & cecidit. Atque Gręcos sapientię rationibus (cuius in coloribus albus imaginē refert) res inire tractareq; solitos esse, D. Paulus testis est: eosdem etiam candidis vestibus declarari conseruatus ad nostrā vsque etatē vsus

fus docet. demum quarta quadriga variatis, siue, vt in Hebraico est, grandinatis equis  
 trahebatur, hoc est, certis punctis & notis grandinis modo resperfis: in qua imaginie præ-  
 ter propriam illam Romanorū prætextā auro interdum distinctam, præter chlamydem,  
 togam aliāq. variarum vestium genera, gerendarū rerum ratio, quā varia multiplexq.  
 ad imperium obtinendum fuerit, indicatur. namque illi partim armis, consilio partim,  
 nunc vi, interdum facilitate & clementia vsi rerum potiti superioresque facti sunt, sicut  
 scriptum est: Et audiuit Iudas nomen Romanorum, quia sunt potentes viribus, & ac-  
 quiescunt ad omnia quæ postulantur ab eis: & quicumque accesserunt ad eos, statuerunt  
 cum eis amicitias. & quia sunt potentes viribus, hoc est, [equi varij & fortes.] Neque ve-  
 rō hæc varietas Romanorum tantum imperatores variis originibus discretos, hos Italos,  
 Græcos illos, Hispanos alios significare videtur; sed futuram etiam Romanæ ditio-  
 nis diuisionem apertè indicare videtur, quam, cum vna olim fuerit, Machometus  
 Arabs noua superstitione excogitata & inducta partim cœpit, atque bellum imprimis  
 inferendum percipiens sectæ suæ studiosis principibus deterendam diuidendamque re-  
 liquit: à quibus nostra iam ætate maxima Romanæ olim dominationis pars Asia atque  
 Africa, & Europæ non ignobilis portio occupata est. Eam autem rem, vt hætenus  
 euentu ipso explicata est, non Zacharias modò, sed Nabuchodonosor etiam futuram il-  
 la per quietem visa statua prospexit, cuius pedum pars quædam ferrea, quædam ve-  
 rō fictilis erat. Spectata igitur ad hanc rationem imago duplices equos ostendit, va-  
 rios, hoc est, eos, qui Romano imperio iis, quos indicauimus, modis propriè præfue-  
 rint, & fortes, hoc est Ismaëlitas quorum omne ius & agendi ratio in vi armisque  
 est, pseudopropheta sui præceptis frequentissimis per totum Alcoranum tradita. Mi-  
 rum enim dictu est, quā sapissimè Barbarus ille sanguinarius bellorum & prælij  
 perpetuum vsum religiosa vel superstitiosa potius commendatione inculcet: idque  
 vnum maximum & grauissimum probandæ pietatis argumentum & periculum suis  
 sectatoribus constituat. qua de re nos aliàs fortasse honestum otium nacti pluribus  
 agemus. Quod Latinus interpret vertit, Fortes & benè, Chaldaicus paraphrastes non  
 malè reddit Cinereos. est enim verbum Hebraicum א מ ו ר ז, quod robustam impri-  
 mis, & duplicis aspirationis additione ח ח א מ ו ר ז, cinereum, qualis illa natio est,  
 significat.

1. Mac. 7.

Daniel. 2.

Et dixi ad angelum qui loquebatur in me, quid sunt hæc, Domine mi? Et re-  
 spondit angelus, & ait ad me, isti sunt quatuor venti cæli, qui egredium-  
 tur, vt stent coram dominatore vniuersæ terræ.

Non quanam quadrigarum significatio, sed quidnam illa ipsa significata essent,  
 quonam modo sese vnaquæque haberent, Vates rogat. nam quatuor imperia orbis  
 esse iam probè cognoscens, quanta vi, quanta auctoritate singula valerent, quoadque  
 pertinerent, nondum satis perspexerat. Eas igitur, quas cognoscere cupiebat, res ab in-  
 terprete discit; nempe quatuor potentissimas dominationes illas esse, quæ terrarum  
 imperium diuersis temporibus, ex diuinæ prouidentiae decreto auctoritateque, obti-  
 nerent. ob eamque rem cæli venti siue spiritus appellarentur, quod ex prouidentiae  
 diuinæ consilio excitati, tanquam venti aliqui in terras incumbentes, omnem populo-  
 rum & regnorum statum pro arbitrio turbatum sibi subigerent. ita hoc in loco inter-  
 pretamur ventos cæli, spiritus cælitus excitatos, vt illud: Excitauit Dominus spiritum  
 Cyri, &c. Et suscitauit Dominus spiritum regum Medorum, & contra Babylonē mens  
 eius est, vt perdat eam. Neque hic nunc de quatuor cæli partibus, quas aliàs ventos dici-  
 mus, sed quatuor imperiorum vi atque potentia & auguratione, vt ita loquamur, agi  
 videtur. nam quatuor quadrigæ celeres & fortes, quatuor spiritus, duo montes ca-  
 lybei, vt antea explicuimus, cælorum vim auctoritatemque significant. Duali autem  
 numero cælorum nomen pronuntiatur, ita numerus numero, res rei, locus loco aptè  
 congruit. Horum igitur spirituum, hoc est, potentiarum facultas non casu, non propria  
 virtute, sed Dei potius cuncta moderantis arbitrio & auctoritate cōstare ostenditur. [Qui  
 egrediuntur, vt stent coram dominatore vniuersæ terræ.] Hebraicè ad verbum vtcunque Latinè  
 explicandi causa vertere possumus: [Quæ egrediuntur à statuendo sese per dominatorem vni-  
 uersæ terræ.] Adeo omnem gentium atque orbis dominatum vni tantum Deo conditori

Jerem. 51.

& moderatori sacra sapientia tribuit, ut illius auctoritate tantum omnem aliam potentiam niti confirmet, repente alias hoc fundamento submoto ruituram, itaq. *ut stent*, siue de stando, passiuè vel reciproce interpretamur. Porro imperiorum ipsorum rationes planius adhuc, vari angelus exponens, vno tantum Assyrio, quod iam tum esse desierat, prætermisso, à Persico, quod etate illa florebat, explicationis summam repetit.

*In qua erant equi nigri, egrediebantur in terram Aquilonis: & albi egressi sunt post eos: & varij egressi sunt ad terram Austri.*

IMPERIVM a Persis & Medis in Assyrios Babyloniosq. dominandi causa factum, loci situs aperte indicat. namq. Mediæ ac Persidæ Assyria regio Aquilonaris est. quoniam Assyriorum imperium a Nimroth Babylone primum fundatum legimus. Fuit autem principium regni eius Babylō, & Arach, & Achad, & Chalane in terra Sennaar. & De terra illa egressus est Assur, & edificauit Niniuen &c. Persæ verò meridionalē huic regioni plagam incoluisse, Ethiopibusq. & Libijs cōterminos siue mari, siue terra fines habuisse, ab Ezechiele dicuntur. Persæ, Ethiopes & Libij cum eis &c. Hos autē ad meridiem positos, septentrionalium regionum adiuncta ab eodem notatione demonstratur. Ghomer, & vniuersa agmina eius domus Togarma latera Aquilonis &c. Itaq. Persæ apud Babylonem superatis Assyrijs rerum potiti sunt, quos etiam Græci eodem loco victos imperio expoliarunt: quamobrem tertij equi albi secundos insequuti fuisse referuntur. [Et albi egressi sunt post eos.] Alexander, ut alias diximus, Persas in Babylonica regione vicit. Itaq. egredi, bellum mouere, exercitumq. in expeditionem educere interpretamur. Verum ex ijs, qui in quartis quadrigis cōspecti fuerat, equis, varij, hoc est, ad australē plagā excurrere vili illud significabant, Romani imperij affectatores primos, quales Iulius, Augustusq. fuerunt, ciuilia bella, quibus tyrannidem tandē occuparunt, in Italia incepta atq. per Philippos gesta in Ægypto, quæ Italiæ Australis est, Pompeis, Anthonijs Cleopatrisque occitis, confecturos. At verò equis illis vltimis robustis, quibus vltimarum quadrigarum pars altera trahebatur, nulla certa orbis plaga, quam peterent, definita, sed omnis ferè terra, quam bello, armis, atq. effrenata occupandi libidine turbarent, permissa Dei iudicio est, publica hominū scelera & peccata satellitū horum licentia animaduertentis.

*Qui autem erant robustissimi, exierunt, & querebant ire & discurrere per omnem terram.*

LVTEOS quosdam & terrestres fictilesq. planè homines vltimi imperij partem alteram tandem habituros ex sacris libris cognouimus interprete Daniele, sicut scriptum est: Porro quia vidisti pedum & digitorum partem testeam figuli & partem ferream, regnum diuisum erit &c. Hos autem nullis certis limitibus contētos, in omnes regiones inusitata quadam temeritate & occupandi libidine inuasuros Zacharias vidit, atq. omnia sua consilia conatusq. omnes in ea re posituos, repetitis ambulandi excurrendiq. verbis ostēdit. [Exierunt, & querebant, ut versarentur in terra.] sic hebraicè est. qua oratione totius à Machōmeto conscripti Alcorani summā rationē expressam videre nobis videmur: cuius illud ferè frequentissimum argumentum est. Nonne terra Dei spatiofa satis & immensa, qua profectum versatumq. eatis, existit &c. & paulo inferius: Terrarum, inquit, propter Deum expugnatores, & ē domibus proprijs propter Deum atq. prophetam, ad quarendum euntes, in terris abundantiam adipiscuntur: ibique morientes Dei misericordiam plenè consequuntur. Hæc barbarus Pseudopropheta ac sanguinolentus legislator, qui & alias terram suā libidini explendæ nimium angustam atq. cæteris eius genti tantum suę occupandam tradit. Cauendum vehementer, inquit, est, ne vobis in terra, cum illa sit angustissima, participes vel vestrorum negotiorum executores efficiantur. Idem etiam alio in loco bellorum finem aut modum nullum esse præcipit, quoad nulla de religione dissensio sit: suosque vno maximo bellorum suscipendorum, periculo probari vult. Hæc ad verbum non incommode referre visum est, quibus illorum verborum sententiam exponeremus. [Exierunt, & querebant ire, ut versarentur in terra.] namque his illa respondent, Qua profectum, versatumque eatis, & terrarum expugnatores & ē domibus proprijs ad quarendum euntes. Ad quarendum, hoc est, ad expugnandū occupandūq. Atq. istorum hominum furorē & petulantia in omnes ferè terrę partes incurfare & inuadere grauissimo Dei iudicio permissū iri Vates audiuit.

Et dixit,

*Et dixit, Ite, perambulate terram.*

CHRISTIANORVM aliorumque principum discordia & intestina bella, cateraque. Deo inuisa flagitia huic importunissime pesti ad liberius vagandū viam substruxerunt: quæ ab anno salutis D. C. XX. & Heraclij principis X I I. quo primum orta dicitur, per totum fere orbem allata est, atq. vt hic Vates noster ait, [*perambulauerunt terram:*] usque adeo, vt totam ferè Asiam, Africani, Europæ bonam partem sua secta infectam occuparint, Hispaniam diu obtinuerint, neque Galliam Italiamue intactam reliquerint. namq. & Siciliam insulā, & Neopolitanam regionē captas possederunt. Sed quis huius gentis exitus exspectādus sit, in Danielis oraculis exponendis, Deo nobis propitio, indicabimus. Sed quanquam regnorum, imperiorumque omnium auctoritatē veram Deo vni regum omnium principi maximo & terrarum Domino acceptam referre debeant, nullam tamen tyrannidem, nullum crudelē aut superbum dominatum probari, imò vehementer displicere, præter sacrorum oraculorum testimonia, exitus etiam ipsi aperte indicant, quales illa tria imperia, vbi iam dominandi fines & termini, & ambitione, & cupiditatē transferint, habuerunt. Cuius rei recens ac penè tunc præsens exemplum Zachariæ omnibus alijs etiam hominibus & ætatibus referendum per angelum proponi atq. indicari Deus curauit.

20 *Et vocauit me, & locutus est ad me, dicens, Ecce qui ingrediuntur in terram Aquilonis, requiescere fecerunt spiritum meum in terra Aquilonis.*

IRAM indignationemq. in Babylonios & Assyrios ob publicam iniuriam, ob religionis veræ contemptum, Deo conceptā Persas ultos fuisse, ad aliorum postea imperiorum regnorumq. exemplum magno etiam clamore Vates docetur. [*Et vocauit me.* Hebraicè, 25 *Et vehementer clamauit, est. Et dixit ad me, vide.*] rem magno studio ostensam, magna etiam attentione cognoscendam duo verba significant, [*Dixit & vide, requiescere fecerunt spiritum meum.*] Commodissime ab iratis translatio sumitur, quorum spiritus, non nisi ultā expletaq. ira, conquiescit: ad eamque rem excitati fuisse Persæ dicuntur, vt diuinas de Assyriis regibus, deque illorum populis iras, extincta etiam principum posteritate, vlciscerentur, sicut iisdem ferè verbis apud alios vates etiam scriptum est, vt apud Isaiam 30 de Cyro: Congregamini omnes vos, & audite, quis de iis annuntiavit hæc: Dominus dixit eum, faciet voluntatem suam in Babylone, & brachium suum in Chaldeis, &c. 35 Hanc de prouidentia sua certissimam sententiam omnibus hominum mentibus infixam Deus voluit, qua perpetuum in futuris ætatibus de eadem re iudicium, vel metuendum, vel sine dubio subeundum probaretur. Postquam verò quatuor imperiorum series omnis exposita Vati est, Iudaicarum etiam rerum ratio oportune subiūgitur: idq. Iosue sacerdotis, qui futurorum ad Christum vsq. temporum partes sustinere iam visus fuerat, recordatione repetita fit. Atq. hic locus ex iis, qui apud hunc Vatem obscurissimi censentur, vnus est, in quo explicando interpretes multum insudarunt: neq. nimium ta- 40 men difficilis nostra legentibus commentaria censendus.

45 *Et factum est verbum Domini ad me, dicens, Sume à transmigratione ab Holdai, & à Tobia, & ab Jdaia: & venies tu in die illa, & intrabis domum Josæ filij Sophonia, qui venerunt de Babylone. & sumes aurum & argentum, & facies coronas: & pones in capite Jesu fili Josedec sacerdotis magni.*

EAM, de qua oratio instituitur, rem arcano & ad futura tempora spectanti argumento constare illud cum primis indicat, quod negotium ipsum, & ad gerendum, & ad dicendum, Vati omnino mandatum sit, vtpote muneri officioq. suo omnino conueniens. 50 namq. ex offerendo propediem & præuiso iam sibi munere coronas cōficere, & in prædicēdi exspectādūq. diuini beneficii signū monumentūq. statuere Vates iubetur. Atq. ex hoc alijsq. sacrarū historiarum locis facile argui potest, eos, qui ad reficiendum templum præfecti fuerant, à fociis comitibusq. suis, atq. adeo à remigrationis consortibus dona libenter accepisse; ab iis verò, qui secum venire neglexerint, recusasse, cum ex regia auctoritate Iudæis omnibus libera in patriam remeandi facta copia; alijs verò Assyriæ regionis hominibus munere opus adiuuandi concessa fuisset facultas: sic enim ex decreto



Jerem. 1. „ decreto pronuntiatum est. Quis est in vobis de vniuerso populo eius, sit Deus cum ipso:  
 „ ascendat in Ierusalem, quæ est in Iudæa, & ædificet domum Domini Dei Israël, &c. Et  
 „ omnes reliqui in cunctis locis, vbicunque habitent, adiuuent eum viri de loco suo ar-  
 „ gento & auro, &c. Atque Iudæorum dona illa censentur, quæ à transmigrantibus data  
 2. Esdr. 2. „ sunt, qui secundum vires suas dederunt impensas operis auri solidos quadraginta  
 „ millia & mille, argenti minas quinque millia, & vestes sacerdotales centum. Itaque in-  
 „ ter eos pro cuiusque censu impendenda in opus pecunia exacta est. Iam verò bonorum  
 quorundam virorum Ierosolymam Babylone cum muneribus religionis ergo aduentari-  
 tium animum imprimis & pietatē ostensam Vates commendare atque donum etiam  
 gratē suscipi & in illustrissimi cuiusdam monimenti opus impendi à Deo iubetur, quo-  
 rum nomina quoque tum honoris, tum vaticinij certitudinis causa appellantur: hospitii  
 etiam, à quo recipiendi erant viri honestissimi & cum primis noti, cuius officium etiam  
 probatur, mentio fit. hoc itaque horum versuum argumentum est: orationem tamen  
 ipsam paraphrastice explicabimus. Quanquam, inquit, ab iis, qui vobiscum remigraue-  
 runt & vrbes suas nūc incolūt, pecunia in opus collata cogatur: tamen quorundā priorū  
 virorum ex iis, qui Babylone manserant, aduentum propediem expectato, muneraque  
 gratē accipito. Hi autem sunt Holdai, Tobias & Idaia, quorum mores cum nominibus,  
 Tempestiuus, Bonus & Cognitor, planè conueniunt; eorumque virtutem & pietatem  
 ex hospitii, apud quem versabuntur, nomine & probitate expectare licet Iosia filij So-  
 phoniae (siue vatis illius nobilissimi, siue alterius spectatissime virtutis viri, qui celebris il-  
 la ætate esset) cuius tu eadem die, qua illi aduenerint, domum petes; aurumque & ar-  
 gentum, quod afferunt, accipies, &c. [*Et venies tu in die illa, & intrabis domum Iosia fi-*  
*lij Sophonia, qui venerunt de Babylone, Hebraicè, in die illa, & intrabis, &c. qua venerint.*]  
 Sic relatiuum ad diem simul & personas commodè in Hebræo refertur, hoc est, eadem  
 die, qua illi venerint. *Transmigrationem* verò eos, qui in Babylone agebant, metony-  
 micè dixit: cuius dicendi figuræ frequens in sacris sermonibus vsus est. Itaque Vati  
 omnia hæc, antequam ederentur, ostensa mandataque fuere, quæ tandem edita  
 eorum, quæ statim enuntiaturus est, mysteriorum argumento signoque perpetuo esse  
 vult. Igitur ex auro argentoque coronas parare imprimis iubetur; nimirum ex auro  
 alteram, alteram verò ex argento, quod ipsa metallorum discretio & coronarum no-  
 men in Hebraici sermonis breuitate satis indicat. Coronas autem regium diadema  
 hoc loco definimus *GHATEROTH* Hebraicè. namque sacerdotali illa Cydari cum  
 aurea lamina nihil opus nunc erat, cum illa in sacerdotalibus vestibus, quarum  
 magna copia illis parata iam erat, connumeretur. sed coronas regium gestamen  
 auream alteram, argenteam vero alteram, quam in capite Iesu sacerdotis magni, cuius  
 rationem antea præuisam nunc denuo refert, ponendam elogio addito curat Deus.  
 ob eamque rem non ait pones eas, sed pones. Ex duabus verò regiis coronis aurea  
 & argentea, auream verò ac legitimo regi tribui oportere ius ratioque docet; sacer-  
 doti verò si regia corona simul tribuenda sit, argentea conueniat; utpote cui regnum  
 non proprium neque perpetuum, sed ad tempus fortasse gubernandum sit commen-  
 datum. quin & ipsa muneris proprii appellatione hoc etiam declaratur. [*Sacerdotis*  
*magni.*] & quoniam præsentis atque futuri etiam temporis mysteria vna atque eadem  
 oratione enuntiare parat Vates, rem ipsam, ut ostensa est, paulo altius repetitam in-  
 tueamur. Diximus in præcedentibus tertij capitis commentariis Iesum sacerdotem vi-  
 ta iam functum, posteritatis tantum suæ partes; Zorobabilem verò adhuc supersti-  
 tem suam posteritatisque personam sustinere: illi de posteritatis rebus; huic de pro-  
 priis & posteritatis rationibus oracula esse fusa. Nunc verò Vatem ex duabus paran-  
 dis coronis alteram argenteam Iesu sacerdoti magno imponere iussum audimus; de  
 altera verò, quam Zorobabeli paratam ratio ipsa docere videtur, nihil dixisse, ni-  
 mirum illud hæc res significat, Zorobabilem, cuius generi atque familiæ legitimū  
 Dauidicæ domus regnum esset & regni dignitate & munere templi illius à se resecti  
 temporibus cariturum esse, quibus interim tamen sacerdotum familia, quanquam  
 illegitimè fungeretur, quoad per expectatissimum illum Christum ex Zorobabelis  
 genere domoque oriturum publica atque priuata res omnis eum, quem deceret, lo-  
 cum cum summa Zorobabelis familiæ gloria tandem obtineret. Itaque permissum  
 fuisse sacerdoti interim coronari, sed argentea tamen, quæ dignitatis atque mune-  
 ris mi-

ris minus proprium ius vsumq. argueret : idque vt futurum atque sibi visum à Deoque ostensum doceret Vates, hoc curando atque adornando argumento significare, posteritatisque memoria commendare imprimis; deinde verò & sermone de eadem re cum Iesu sacerdote habito explicare iussus est.

*Et loqueris ad eum, dicens: Hæc dicit Dominus exercituum, dicens. Hebraicè, Et dices ad eum, dicens.*

VT ORATIONEM grauem sententiæ rationum consiliorumque plenam verbum dicere, repetitum probet, ac deinde etiam maximi ponderis atque momenti rem esse doceat, quam Deus facultatis ad agendum suæ titulis & cognominibus appellatis enuntiari mandauerit.

*Ecce vir, oriens nomen eius: & subter eum orietur, & ædificabit templum Domino.* Hactenus versus vnus est.

ZOROBABELIS dignitatis, quamuis eo tempore minoris, magna expectatione sacerdotes, populumque teneri Deus vult, quæ per ipsum quidè ducè tēplo reficiendo concitata per Christum ex illius genere oriturum explenda erat, qui sanctissimum illud atque gratissimū Deo templum ædificaturus, consecraturus dedicaturusq. esse statim dicitur. Itaq. prior hic versus Zorobabelis ipsius rationes continet, qui propterea quòd Iudaicas res, quæ ad civilem vitam atq. ad illius ætatis religionem spectabant, populo reducendo, templo ædificando restituere cœperat, oriens appellatur, translato à plantis & arbusculis verbo, quæ primum nascentes oriri dicuntur. Hebraicè significatio aperta est: SZAMAH enim ad rusticam pertinet rem, indeq. per translationem in alijs generibus vsurpatur. Igitur Zorobabelem, cui corona imposita non fuerit, tum primum oriri, neq. ea dignitate florentē esse ait, vt regio diademate ornatum spectari contingat, rebus tamē gestis illustrem & posteritatis expectatione illustrissimum fore cōfirmat, quippe quem nunc orientem appellare liceat, & templum Domini ædificaturum absoluturūq. sperandum sit, ac maximum præterea illustrissimumque ex posteritate soboleque sua germen sortiturum, cui ob ædificatum Deo templum, ob publicam hominum salutem partam, ob res omnes diuinè gestas, æterni regni diadema, decus & honor merito feratur. Itaq. duæ personæ hoc versu indicantur. [*vir oriens nomen eius*, Zorobabel, *Et subter eum orietur*] Christus: deinde suæ utriusque gerendarum rerum laus eodem ordine tribuitur, Zorobabeli illa, [*Et ædificabit templum Domino*,] id templum, quod iam refici adificandūq. cœptum erat, absoluet. Quare expedienda certam templi illius desideratissimi & præstantissimi per eum, qui sub se, hoc est, ex radicibus suis oriturus est, ædificandi expectationem dabit, vt ille illud sibi susceptum ædificabit, sic etiam ille alter, qui subter eum orietur.

*Et ipse extruet templum Domino: & ipse portabit gloriam, & sedebit, et dominabitur super solio suo: & erit sacerdos super solio suo, & consilium pacis erit inter illos duos.*

*Et ipse, & ipse.*] Observationem magnam indicatio hæc repetita habet: eumque verè demonstrat, cuius illa ædificandi tēpli & regie dignitatis obeundæ confirmandeq. laus propria fuerit, nempe oriturum subter orientē. Hic, inquit, templū illud sanctissimū, spirituale, ex viuis lapidibus constructum arcana & diuina virtutis & cognitionis sui patrisque cōmunicatione vt firmissimo saxo fundatum ædificabit, idē hostibus victis & spoliatis palam triumphans, suosq. in semet ipso traducens, gloriam portabit, atq. rex à Deo appellatus, sedebit [*& dominabitur in solio suo*,] super sedem Dauid patris sui: quam maxima virtute tuebitur, omniumque & diuinorum spirituum, & sanctissimorum virorum plausu obtinebit. Dignus est enim agnus, qui occisus est, accipere virtutem, & diuinitatem, & sapientiam, & fortitudinem, & honorem, & gloriam, & benedictionem, &c. Apocal. 5. Congestā horum verborum omnium, videlicet virtutis, diuinitatis, sapientiæ & fortitudinis, honoris & gloriæ significationem vnū nomen KABBOD, quod ab interprete nostro כבוד reddi-

redditum est, *gloriam*, continet, de quo nomine aliàs. Neque verò regni tantum, sed sacerdotij partes officiaque omnia vnius Christi virtute & opera præstanda esse ait, ut nihil omnino in vno vtriusque muneris ministro, quod ad omnem virtutis & integritatis laudem pertineat, desiderari amplius possit: id quod antea non in vno tantum, sed in pluribus etiam, imò in omnibus desideratum semper fuit. nemo enim vel vtriusque simul, vel alteri tantum regio aut sacerdotali muneri ante Christum ita dignè præfuit, ut diuino iudicio desiderioque satisfecerit. Hic verò vtrumque sibi susceptum munus adeò dignè sustinuit, adeò plenè præstitit & expleuit, ut perpetuò obtinere meritis, ad dexteram virtutis Dei sedeat rex & sacerdos in æternum, secundum ordinem Melchisedech, vnus persona, duplex natura Deus & homo; qua Deus est, rex æternus, mundum sibi & patri suo reconcilians, qua homo est, sacerdos in æternum, reconciliator & pacificator. Idem etiam, qua homo est, ob partum sibi aliisque propria obedientia & virtute regnum, rex omnium suffragio patrisque iudicio appellatus: ut qui non solum regem sacerdotemque strenuè egerit, sed eos, qui suæ partis fuerint, vtriusque muneris dignitate communicata auxerit & ornauerit, sicut scriptum est: *Dignus es Domine accipere librum, & aperire signacula eius: quoniam occisus es, & redemisti nos Deo in sanguine tuo: ex omnibus, & lingua, & populo, & natione, fecisti nos Deo nostro regnum & sacerdotes, & regnabimus super terram.* Hanc adeo arcanam sententiam nostra aurea ætate iam certam atque exploratam Hebraici sermonis observatio apud hunc Vatem indicat, qui sacerdotis nomen ita pronuntiauit, ut officium magis, quam personam ab altera distinctam interpretari conueniat, maxime cum indicatæ per articulos & pronomina demonstratiua regis Christi personæ officij, nomen, nullo alterius personæ indice verbo addito, appositum sit. nam si de altera persona à rege iam appellato discreta sermo esset, ex linguæ vsu additò articulo demonstratiuo dicendum fuit. [*Et erit ha sacerdos.*] Ha certam rem Hebraicè verò Græcè indicat: cuiusmodi vsu latini carent. Placuit autem hemistichium hoc barbarè quidè, tamè ad verbu quò res ipsa planior fiat, reddere. [*Et erit sacerdotans super folium, & consilium pacis erit inter vtrumque.*] ille idem, inquit, qui regis coronæ gloriam adeptus [*sedebit & dominabitur super folio suo.* In eodè etià folio regio erit sacerdotans.] Sacerdotis officio in æternu fungetur. Talis autè decebat, ut nobis esset pontifex sanctus, innocens, im- pollutus, segregatus à peccatoribus, & excelsior cælis factus. Talè verò habemus pontificem, qui cõsedit in dextera sedis magnitudinis in cælis sanctoru minister & tabernaculi veri quod fixit Dominus & non homo. qua oratione apertius explicari versus hic potuit: quod verò additur, [*Et consiliu pacis erit inter duos illos,*] cõmuni publicæ salutis pacisque consilio, studio atque vsu vtrumque munus in vno Christo constare significat, qui ut duas naturas, diuinam & humanam, tantis rationum & definitionum interualis distinctas, tamen vna in persona plenè planeque coniunctas, atque in vnius suppositi fœdus amicitiamque conflatas habet: sic vtriusque muneris partes & officia perfectissimè sine vlla nota in perpetuum sustinens præstat: ita ut ad publicam hominum pacem cum Deo conciliandam ad publicam etiam gerendam rem nihil in hoc rege, nihil in hoc eodem sacerdote requiri desiderariue possit. Id quod nemini vnquã mortalium vel regum vel sacerdotum contigit, ut vel altero vel vtroque munere præstando sufficere, diuinamque pacè & perfectionè gētibus, quibus præflet, integrā reconciliaret, propterea quòd nemo ante hunc, maximum illud & salutare pacis consilium, cuius hic angelus, interpret & minister fuit, instituire aut suscipere potuerit. Consilium autem pacis in rege & sacerdote, siue ut eodem Hebraico verbo significatur, pacis & perfectionis procurandæ & afferendæ hominibus apud Deum reconciliationis, gratiæ, salutis atque felicitatis certam rationem, studium atque facultatem definimus, ex illo Sapientiæ à repugnātibus explicato argumento: Dolus in corde cogitantium mala, qui autem pacis ineunt consilia, sequitur eos gaudium. Huiusmodi consilium nemini hominum, qui caro & sanguis essent, constitit, quòd id planè diuinum, diuinu etià ministrum exspectaret. De cuius gratiæ plenitudine ceteri omnes acciperent, de quo Paulus: Quoniam quidè, ait, Deus erat in Christo mundum recõcilians sibi. Summum verò & perfectissimum pacis consilium inter eos ministros esse oportet, qui ipsi vnum etiam omnino sint. id quod alij ministri, qui modò legitimè vtrique muneri præfuerint, nunquam antea fuerunt. Atque maximam & diuini cõsiliij plenam rem maximis & arcanis verbis

verbis Vati nostro Deus fuggessit: cuius tamen cognitio non omnibus illo tēpore constare posset, admiratio tamen, desiderium & expectatio excitata dataque est, atque præfenti signo argumentoque confirmata.

*Et coronæ erunt Helem, & Tobia, & Idia, & Hen filio Sophonia, memoriale in templo Domini.*

FORVM, à quibus aurū argentumq. accipiendū erat, & hospitibus etiā illorū ad probandam liberandamq. vaticini, sui fidē testimonio vti iubetur Vates: quod in ore duorum vel trium fiet omne verbum. tribus itaque hospitibus & vno ciue nobilissimo appellatis, & adductis testibus nominibusque inscriptis coronas ex auro argentoque factas in templo suspendurus Zacharias esset: quæcum se ita, vt prædictum de ipsis fuerat, expectatas, allatas, factas suspendasque spectantibus exhiberent, ienuntiata quoque & expectanda in posterum, maximè rei memoriā sui spectatione, & nominum eorum, à quibus data fuerant, inscriptione renouare conseruareque possent. *Helem* verò & *Hen* idem qui *Holdai* & *Iosias* sunt, qui duplici nomine (vt de iis aliisq. dicere Deus dabit) appellarentur: ex quorum nominibus illa potissimum describenda sumuntur, quæ paucioribus literis constarent, quæq. in coronis incidi commodius, legiq. possent. breuior namq. illa inscriptio fuerat,

לחלם : לטוביה : לירעיה : לחן

quàm illa

לחולדי : לטוביהו : לירעיה : לאשיה

Posterior enim priore sex literis, iisque ferè procul attendentium sensum magis fallentibus longior est, videlicet *חלם*, quæ tenuiori aut obscuriori figura constant. Quod verò vtramque coronā in tēplo à Vate suspendendam legimus, sententiā confirmat nostram, qui institutam de Iesu sacerdotis rebus orationem vaticinij munere, hoc est, prædictionibus & sermone habendam ad posteritatem Iesu potius, quàm ad ipsum iam vitā functum propriè pertinere interpretamur. nam si alicui personæ imponenda esset aurea corona, cur ante obitum detraheretur, non videmus. vtramque autē suspendendam simul ad significatā rei recordationem audimus, positam verò atque suspensam, diuque in secundo templo spectatam in antiquo Deuterosean libro, vbi de templi illius mensuris atque structuris agitur, legimus. Quam lectionem huic loco opportunam interpretari placuit. & catenæ aureæ fixæ fuerunt in contignatione porticus, per quas sacerdotij flosculi ascendere, coronasque in fenestris locatas videre consueuerant, de quibus scriptum est: [*Et coronæ erunt Helem, & Tobia, & Idia, & Hen filio Sophonia, in memoriam in templo Domini.*] hæc in illo libro. Sacerdotij autem flosculi sacerdotum filij sacris rebus addiscendis operam in templo dantes dicuntur. Atque memoria illa, quam dicatæ in templo coronæ renouaturæ erant, illam in spectantium animos rem reuocare potuit, regni dignitatem plenam atque veram, & sacerdotij absolutum munus ad quendam, cui coronæ illæ simul repositæ, nemini antea impositæ essent, spectare. Habet etiam nomina hæc propriam, & rei ipsi, de qua sermo est, accommodatam significationem. quamobrem ea incidi in descriptione à Deo iussa interpretari etiā possumus: *H H A L A N* impinguationem & viuificationē, *T O B I A S* bonū & perfectionē diuinam, *I E D A C H I A* diuinam cognitionem, *H E N* gratiā significat: quas virtutes illi proprias fore inscriptio portendebat, ad quem legitimū coronarum illarum ius spectaret. neque verò eam felicitatem per oriturum illum vni solū Iudæorum genti priuatè afferendam esse Vates ait, sed aliis etiam nationibus, quæ procul ab illa luce & notitia abesse viderentur, communicandam confirmat: quæ communis vatum prædicendi & significandi cura est, cum de humana salute, de Christo, de euangelij virtute sermo instituitur.

Misnaioth  
de mensuris.

*Et qui procul sunt, venient, & edificabunt in templo Domini.*

OPORTUNE de gentium vocatione dixit, quæ cum lege diuināque promissione & apertis vaticiniis carerēt, longissimè à salute abesse, atque ad Dei templū, ad religionē minimè pertinere putabātur: quos tamen in illius tertij diuini tēpli aurea ætate ad vitā, salutē, diuināq. felicitatē atq. ad cælestis ciuitatis communicationē vocandos admit- tendosque esse dicit, cuius rei argumentum atque exemplū in illis ipsis statuit, quorum, quanquam extra numerum & censum serius Ierosolymam aduenientium, tamen dona accepta



- accepta, & coronarum operi ad templi ornamentum, tantaque salutis recordatione dedicata sunt. Itaque gētes, quanquam à salutis cognitione & vſu remotas, euangelij nuntio è tenebris in lucem vocandas libenter venturas, suasque diuitias, aurum, gemmas, margaritas, hoc est, fidem, charitatem ceterasque animorum à Deo donatas, auctas, illustratas virtutes ad sanctissimi illius templi opus collaturas esse docet. Quam rem vt ab hoc aliisque Vatribus enuntiatam ac coronarum monumento perpetuo repetitam, sic demum per Christum regem & sacerdotem optimum & praeſtantissimum praeſtitam, ab
- Ephes. 7.** ipsis euangelij, & nuntiis, & praeconibus accepimus. Et veniens euangelizauit pacem vobis, qui longè fuistis, & pacem iis, qui prope: quoniam per ipsum habemus accessum ambō in vno spiritu ad patrem. Ergo iam non estis hospites & aduenae, sed estis ciues sanctorum & domestici Dei, superaedificati super fundamentum Apostolorum & Prophetarum, ipso summo angulari lapide Iesu Christo: in quo omnis edificatio constructa creditur in templum sanctum in Domino, in quo & vos coedificamini in habitaculum Dei in spiritu sancto. Quoniam verò Hebraica verba, vt sunt, mysterium interpretatione dignum habent, vertere ad verbum placuit. [*Et remoti venient, & aedificabunt in templo Domini.*]
- Ephes. 2.** Remoti à lege, à promissionum notitia, à peculiari gratia olim longo intervallo separati, qui erant illo tempore sine Christo alienati à conuersatione Israël, & hospites testamentorum promissionis spem non habentes, & sine Deo in hoc mundo. Quod verò articulum demonstratiuum non remoti, additum sit, illud significat, non omnes etiam omnium nationum homines in templi aedificatione communicuros. neque enim omnes euangelio credunt, sed tamen neminem tam remotum esse, quin si credere velit, communicare possit. itaque remotio ipsa definita est omnis, remoti verò omnes non item. [*venient.*] Fidem & obedientiam euangelio praestandam verbum *venire* in sacris significat. duplici enim lege euangelica salus promissa, duplici officio hominibus, qui cupiunt, constat, fide & poenitentia vera, in qua malorum & vitiorum fuga virtutumque exercitatio
- Hebr. 11.** est, alias frustra ab iis, qui praestare valeant, petenda. Sine fide enim Deo placere impossibile est.
- Luc. 13.** sibile est &: Nisi poenitentiam egeritis, omnes simul peribitis. hoc verbo in hac significatione non semel Christus ipse est vſus. Venite ad me omnes, qui laboratis & onerati estis,
- Math. 11.** & ego reficiam vos, &c. Huius igitur tanti promissi constantiam & fidem future mox rei expectatione, hoc est, eorum, de quibus dixit, aduentu, dono, coronarum dedicatione confirmare Vates curat, quam suo tempore liberandam asseuerat, dummodo per eos, quibus data est, quo minus liberetur, non stet.

*Et scietis, quia Dominus exercituum misit me ad vos.*

Cum eius, quam proximè futuram praedico, rei spectatores fueritis, maximi illius alterius promissi rationem constantissimam, vt pote Deo potentissimo auctore praedictam, cognoscetis, certissimamque fore statuetis, atque omni fide, omni pietatis officio praestando expectabitis, alias minimè consecuturi aut adepturi.

*Erit autem hoc, si auditu audieritis vocem Domini Dei vestri.*

- Non de signo & argumento hic loquitur, sed de ea re, quae ad omnem populi utilitatem pertinebat, hoc est, de Christi regis & sacerdotis virtute & dignitate, de templo illo aedificando, &c. cuius illud, quod breui futurum enuntiauerat, signum argumentumque statuit. Sic Deus per virum illum suum Heli sacerdotis posteritatem de dignitatis illius gradu in perpetuum dimouendam fore proxima duorum filiorum eodem die edenda caede confirmat. Ecce dies veniet, &c. Cui orationi deinde illud subiungitur: Hoc autem erit tibi signum quod venturum est duobus filiis tuis Ophni & Phinees, in die vno morientur ambo. Et suscitabo mihi virum fidelem, &c.
- 1. Sam. 2.**

EX iis, qui Babylone detenti fuerant, Iudeorum principibus viris plurimi expetitam diu in patriam  
 redeundi facultatem, quamuis à Persarum regibus concessam atque ultro oblatam; tamen ob eam  
 rem pratermisere, quod neq. certam, neq. perpetuam, neq. ex animi sententia fore arbitrati sunt: quos, ut sic  
 cogitarent, multa cum primis mouere potuerunt, nempe quod illam antiquam diuini numinis priuatam in il-  
 los prouidentiam, qua sese presentem ac tantum non corporis oculis conspiciendam olim exhibebat, desiderandam  
 porro sibi esse intelligerent, minusq. quam antea, prospicientem fore metuerent. deinde quo minus perpetuam  
 sibi in terra mansionem putarent, Persarum inconstantia suspicioni locum dare potuit, quorum edicto vix  
 incipit reficiendi templi opus intermissum, imò interturbatum repente fuerit, callidissima & maleuo-  
 lentissima Sanbalei, atque aliorum delatione: quorum inuidiam inueteratumque odium falsorum crimi-  
 num plenis epistolis assidue mittendis conflari adhuc, imò magis ali augerique indies videbatur. Prate-  
 rea quòd illa gentis & rerum suarum restitutio exigua admodum obscuraque, atque ideo minus expe-  
 tenda censeretur: in qua non modò decem mille tribus iam olim abducte desiderantur, sed magna etiam  
 Iudeorum pars, qua Ierosolymorum temporibus per Ægyptum, Moab & Ammon, per Græciam, Ita-  
 liam, Gallias, atque ad Hispaniam vsque dispersa fuerat. His accedit, quòd illam antiquam & tam  
 diu spectatam regionis agrorumque suorum fertilitatem & fecunditatem in sterilitatem atque inopiam  
 quandam perpetuam & naturalem mutatam viderent. qua res diuinam illis erga locum illum ne-  
 glectionem & improbationem coarguebat. Illud etiam istorum opinionem de intempestiua atq. imma-  
 turæ restitutione confirmabat, quòd sua natio omnibus, apud quas versarentur, gentibus ludibrio despe-  
 ctique omnino esset. Quid quòd maximam atque optimam regionum suarum partem à Cuthæis, alijsq.  
 hostilibus & inimicis nationibus occupatam sciebant? quorum neque inuidiam declinare, neque multi-  
 tudinem superare, neque aduersa molientium impetum sustinere tam exigua atque impar in patriam  
 remigrantium, ac penè hospitum, videlicet XLIIICIO. CCCCLX. copia posse crederetur: maximè  
 verò cum nullus rex, nullus ex regia familia summus ac potentissimus princeps, cuius consilio & vir-  
 tute intererent, superesset; præter vnum Zorobabelem remigrantium ducem, templique edificandi  
 procuratorem, qui fortasse etiam absoluto opere Babylonem rediturus, ut certe erat, credebatur &  
 dicebatur. Cur verò omnia hæc illis Iudeorum principibus in hac restitutione & remigratione, quam  
 secuti ipsi non essent, requirerentur, in causa fuit illa ab antiquis vatibus de Israël libertate ac salute  
 omnibus numeris absoluta & sepius repetita atque decantata descriptio: in qua diuinæ tutelæ præ-  
 sentia illustrissimusque prouidentia vsus quidam auditur; securitas etiam atque perpetua quies, plena  
 quoq. tribuum cunctarum in patriam reuocatio, admiranda terræ fertilitas & felicitas, observatio &  
 honor à ceteris nationibus adferendus; maxima præterea & frequentissima populi celebritas, atq. demum  
 rex quidam præstantissimus & potentissimus, idemq. eternus ex Davidis genere oriundus promittitur.  
 que quidem in presenti illorum temporum restitutione illis requisita, neque tamen reperta, ne illam quam-  
 vis iniustam; tamen consuetam captiuitatis & exilij miseriam incerta, ut videbatur, & sollicita su-  
 spectaque libertate & patriæ repetitione commutarent, persuadere cogitantibus potuerunt; maximè  
 verò principibus & ditissimis quibusque, qui ex terrenis commoditatibus, quibus assueuerunt, magis, quam  
 diuinis & arcanis rationibus, de quacunque graui gerenda re. consulti, consulentesque deliberare, ac  
 tandem statuere solent. Communi igitur huiusmodi principum hominum mandato legatus Ierosolymam  
 missus est; qui prophetas atque sacerdotes de huius libertatis definitione. consuleret. Mandati autem  
 exponendi illa summa questio ac deliberatio fuit: Num ieiunium, quod quinto mense Ab, dicto, ob Ierosoly-  
 mam captam, templumque incensum publicè indictum institutumque fuerat; obseruandum deinceps  
 etiam an prorsus remittendum esset. Huius enim consultationis dubitatio non nisi restitutione, certane esset,  
 an secus, definienda tolli posse videretur. Fuit autem captiuis admodum interrogationis genus; quo  
 eorum, qui reficiendo templo & opera & pecunia sua incumbabant, animos contentionemque remit-  
 tere atque minuire potuerunt, nisi ut per Vatem sapientissimè respondentem rem ipsam omnibus suis  
 definitionibus declaratam exponi curaret Deus. cuius oraculi illud argumentum est: Ieiunium illud re-  
 cens institutum, in quo nihil aliud præter publicum luctum & planctum ob acceptum calamitatem con-  
 timeretur, non esse illis necessarium, neque adeò oportunum, ut summo & contento eius studio ex mi-  
 seriis illis eripi omnino possent. quin aliam esse certissimam depellendi mali rationem & modum,  
 quem sibi statuere, seruare diligenterque exequi vtilissimum consultissimumque foret, nempe pietatis  
 vere solidæque virtutis curam studiumque assiduum, quod si ab ijs, qui ex captiuitate remigrauerant,  
 prave, sanctè atque legitime susciperetur, desideratum illum felicitatis omnibus numeris absolutæ usum,  
 certum atque perpetuum ex diuinis olim & nunc confirmatis promissis sine ulla dubitatione esset reddi-  
 tarum, eoque non nisi ob suam ipsorum culpam carendum illis fore, alias magna & perpetua quadam  
 felicitate

felicitate vsuris, omni mœrore, tristitia, omni luctu, ipso ieiunio in hilaritatem latitiamque publicam conuerso. Atque ita consultiſſimum ijs, qui templum reficerent, eſſe; vt opus non intermitterent, ſed magis etiam aucto pietatis ſtudio ac maxima concepta ſpe promouere atque abſoluere. Poſtquam verò ſuam Deus Vati de populi illius perfectâ virtute & conſequenti felicitate voluntatē, aut contra de certis ob culpam & noxiam miſerijs & arumnis iudicium declarauit, deprauatam hominum illorum ſecundi ſ templi temporibus morum & vitæ conſuetudinem, eamque genere & malignitate triplicem deinceps oſtendit: eamque cauſam futuram eſſe ſignificat, quam obrem Iudæi à gratia atque ab eorum bonorum, quæ vltro ſibi à Deo oblata fuerant, vſu, denique ab hominum omnium beneuolentia ab alienati illo etiam templo diruto ab hoſtibus debellandi, capiendi abducendique eſſent. Haſtenus argumentum eſt, quod deinceps Vatis lectione explicanda exponere diuini ac veridici ſpiritus præſidio muniri aggre-  
grediemur.

*Qui mentem bonus uſque p̄ys, o ſpiritus, addis  
Vatibus, ipſe tuas me ſinito ire vias.*

## CAPVT VII.

**E**T factum eſt in anno quarto Darij regis, factum eſt verbum Domini ad Zachariam, in quarta menſis noni, qui eſt Caſſeu.

**I**VDÆORVM, qui Ieroſolymitanæ reſtitutionis tempore Babylone manere voluerunt, conſilium non tam contemptiōis aut negligentiae nomine reprehendi, quam humanæ cuiusdam prouidentiae & proſpicientiae ratione probari fortaliſſe quibuſdā potuit: quod eam libertatem neque abſolutam, neque certam fore putantibus conſuetam miſeriarum & exilij condicione vti, quam noua & grauiori onerari conſultius viſum fuerit. multa autem illos, vt ita ſtatuendum eſſe in animum inducerent, commouebant: primum, quod ſacra illa antiqua templi ac religionis ornamenta, quibus magnum ad diuinam tutelam & beneuolentiam erga ſe retinendam, momentum ineſſe crederetur, deficere iam deſiderarique omnino cognoscerent, ea fuerant, arca, propitiatorium, Cherubin, &c. deinde quod vaticinijs apud eos vſum rarum atque breuiſſimum fore multis argumentis intelligerent. his itaque atque alijs, quas in argumēto expoſuimus, rationibus adducti remigrare illi in patriam noluerunt: id quod neque ſoli, neque ſine magnis etiam exemplis ſtatuērunt. quippe neque Daniel ſanctiſſimus vir diuiniſque Vates etiam remigrauerat; neque ij etiam, qui remigrationis auctores ducesque fuerant, Ieroſolymis permalerunt. Nāque Mardocheum pientiſſimum & ſapientiſſimum, aliosque cōplures principes viros, ſtatim, vbi populū deduxiſſent, Suſam, Habirā, atque in alias Perſidis & Aſſyrię vrbes domum ſeſe recepiſſe audierant, & Zorobabelem etiam ipſum, templo, cuius operi præfectus erat, reſecto recipiendū etiā exſpectabāt. Neque verò hæc ceſſatio Babylonienſibus tantum exulibus obijci debuerat, cum cōmunis oībus alijs Iudæis eſſet, quicumque vel Aegyptū, vel Græciā, vel occidentales regiones, aut orientales etiā (quacūque diſperſi fuerant) incolerent; quibus non minus, quam his integra redeundi condiciocōſtabat: ratio autē & cupiditas maior ineſſe debere videbatur; nimirum ſua regione & patria longiori interuallo abſentibus, communis tamen omnibus his ob certas & publicè circumlatas Danielis de futura captiuitate &c. prædictiones, hac in re ceſſatio erat. Quod verò huius legationis & vaticinijs ſui tempus certum anno menſeq. indicato notaueſſet Vates, illud ſignificare voluit, legationis huius orationē ſi maturius habita eſſet, multorum animos & operas à reſciciendi templi ſpe & conatu vehementer remittere potuiſſe, quando nunc etiam cum bona iam operis pars abſoluta eſſet; tamen nonnullorum incenſa ſtudia remitterentur, vt ex illa Vatis exhortatione arguitur. Et nunc roborētur manus veſtræ, &c. At verò ædificationē ſatis multū proceſſiſſe oportuit, cum huiusmodi mandatū Babylone allatū eſſet. namque ea ſecūdo Darij anno incepta quatuor annis abſoluta fuiſſe narratur. Igitur à ſexto ſecundi anni menſe vſque ad nonum quarti viginti ſeptem mēſes, hoc eſt, tres vltra biennium ſunt, quibus parietes ductos & contignationes additas fuiſſe, rationi conſentaneū eſt. Conſulto autē Vates menſem nomine ſuo appellauit Caſſeu, ſiue Cifſen, vt menſis perpetua appellatione dignam legationi notam inureret. Eſt enim Caſſeu ſiue

siue *Cislen*, à verbo *Cassal* deductum, quod stultè agere significat. atq. nomen ipsum *Casleu* לְכָל  
 ita, vt scriptum est, alijs punctis pronuntiatum, Itulitiam eius latine sonat, siue temeri-  
 tatem & importunitatem eius (quod ad eandem sententiã spectat) interpretari placeat;  
 importunitatē, inquā, eius mandati, quod eo mense Babylone Ierosolyma delatum fuit.  
 Atq. in hac tēporis notatione, & vaticinij oportunitatē, & occasionem Vates indicauit:  
 prior enim anni obseruatio ad vaticiniū pertinet, videlicet se à Deo respōsum accepisse,  
 quod populo referret anno quarto Darij; posterior verò mēsis atq. diei ad vaticinij opor-  
 tunitatem & argumentū, quod ea die de ieiunio, &c. Babylonienſium nomine ad Iero-  
 solymitanum collegiū relatū fuerit. At verò vt restitutio hæc Babylonienſibus Iudæis  
 neq. propria neq. certa, sic nec tēpli etiam reſectio, quam tantis ornamentorū splendo-  
 ribus carere compertum erat, vera aut legitima esse videbatur; sed tantū synagogæ  
 cuiusdam & orationis domus nomine censenda: qualis ipsis etiam Babylone erat satis  
 illustris & oratione ac sacrarum literarum studiis longè omnium aliarum, quæ in singu-  
 lis ciuitatibus, vbi Iudæi essent, colebantur, celeberrima; vtpote quæ præter alia multa  
 librorum volumina Thargum Babylonicum & Thalamud Assyriū pepererat. erat præ-  
 terea illa ex insigni disciplinarum exercitatione fluuij scientiæ nomen sortita *Naharda-*  
*gha*, quam nostri *Neardam* dicunt. Huius autem Babylonienſis communitatis societatisque  
 collegium, quod omnis hic supplicationis & lectionis causa fiebat, domus Dei di-  
 cebatur, Hebraicè, *Bethel*, ex illius loci imitatione, quem Iacob olim sacrum pronuntia-  
 uerat; ita, vt quæcūque huiusmodi sacris exercitationibus dedicata ædes, domus Dei di-  
 citur. namque hoc in loco Vates Ierosolymitanum templū non videtur iudicare, quod  
 ipse vnā cum alijs vatibus nunquam *Bethel*, sed *Beth-Adonai* perpetuò nominat. Atq. Ba-  
 bylonienſem conuentum illum suos patronos ex ijs, qui apud regem gratia, & Babyloni-  
 cum Persicumq. populum auctoritate, plurimum valerent, adoptasse res ipsa, & perpe-  
 tuum inter illos exemplum docet, vt Mardochæum, Daniele, Sidrac, Misac, & alios.  
 horum autem patronorum auctoritate, diligentia & officio publica priuataque omnia  
 curabantur. Igitur de communi illius Babylonienſis conuentus consilio, principibus au-  
 tem viris & patronis certis auctoribus legationem hanc ad Ierosolymitanos datā fuisse  
 Vates docet, atque hoc modo explicandam narrationem exponit.

Et miserunt ad domum Dei Sarassar & Rogom-melech, & viri qui erant cum eo  
 ad deprecandam faciem Domini: vt dicerent sacerdotibus domus Domini ex-  
 ercituū & prophetis, loquentes.

Et miserunt, inquit, omnes, qui ad domum Dei pertinebant, videlicet, *Sarassar*, &c., &  
*Rogom-melech*, & viri eius ad deprecandam faciem Domini, &c. Itaque omnis ille conuentus  
 principibus appellatis nominibus & cæteris in vniuersum coniunctis, [viri eius,] domus  
 Deidicitur, quod omnium communi sententia & principum illorum decreto legatio  
 illa gesta sit. Quod si domum Dei Ierosolymitanū templum interpretari magis placeat,  
 nomen ex Babylonienſium definitione & sententia magis, quàm ex Vatis mente expo-  
 nendum est: cui Ierosolymitana ædes, domus Domini, hoc eodem versu & aliàs perpetuò  
 appellatur. Atque nomina hæc ipsa *Sarassar* & *Rogom-melech*, dignitatem atque auctori-  
 tatem, qua viri illi prædiri essent magis, quàm personas ipsas significant, *Sarassar* reposi-  
 tionis siue conseruationis princeps, *Rogom-melech*, regium ducem vertimus: quos, quan-  
 quam alijs nominibus propriè dicerentur, his tamen, quibus dignitas notabatur, coop-  
 tatos, atque in legationibus aliisque publicis actionibus appellatos intelligimus, vt Ana-  
 nias Azarias, & Misacel, qui ex munerū, quibus præfecti fuerant, ratione Sidrach, Misach  
 & Abdenago dicuntur. [viri qui erant cum eo, siue, viri eius.] Ad principū nomina pro-  
 nomen, cum eo, vel, eius, referri potest; sed rectius ad domum Dei refertur. namque no-  
 men, domus, Hebraicè masculinum est. Communi autem populi voluntate, sed tamen  
 senatus, cuius consilium & auctoritatē reliquus populus iure sequitur, consulto & decre-  
 to legationem relatam esse nomen, viri, indicat. Hi igitur duo viri cum alijs vel ipsi Iero-  
 solymam venerunt, vel alios honestos nobilesque viros miserunt. namque vtraque sig-  
 nificatio sine vilo sententiæ detrimento ex Hebraica oratione haberi potest. Legatio-  
 nis autem dandæ ratio imprimis à Vate significatur: causa verò & argumentum aper-  
 te exponitur. atque ratio quidem illa fuit, quod præter sacerdotum collegium etiam  
 vates, qui responsa referrent, Ierosolymis celebres illa ætate essent, Haggæus, Zacha-  
 rias, &



rias, & Malachias, apud quos, si quis in quæstionibus consultationibusq. sacerdotū aut nouum, aut difficillimum incidisset, quod neque ex sacris libris, neque cōsuetudine decideri, planeque statui posse videretur, responsis à Deo petendis agi commodè posset. hæc legationis ratio est. causa verò illa: [*Ad deprecandam faciem Domini.*] Non precum & supplicationum significationem verbum, *ad deprecandam*, habet (ita vt idem quod orare siue adorare in sacris, dicat, vt: Ascenderunt in templū ad orādum, &c. Moses autem orabat Dominum, dicens, Cur Domine irascitur furor tuus, &c. Et dixi, nunc descendent Philisthiim ad me in Galgala, & faciē Domini non placavi: deprecare faciē Domini Dei tui, & ora pro me vt restituatur manus mea mihi) sed magis exorandi atq. impetrādi aliquā certā rem. nāque ea huius tropi, *faciē deprecari*, obseruatio est, quod latino sermone gratiā alicuius ad beneficiū petendum aucupari dicimus. Id quod exemplis planius fiet, vt ex illa oratione Saulis: Et dixi, Nūc descendēt Philisthiim ad me in Galgala, & Dominū nō placavi, &c. & Ieroboā ad prophetā ait: Et nunc deprecare faciē Domini Dei tui, & ora pro me, vt restituatur manus mea mihi, orauitq. vir Dei faciē Domini. & Iob etiā amicus ille cōsulens denuntiabat: Requiesces & nō erit qui te exterreat, & deprecabuntur faciē tuā plurimi. In his atq. aliis eiusdē argumenti locis verbū *Hhala*, hebraicū, nō tam orationem, quā orationis euentū, hoc est, gratiæ cōciliationem certæ cuiusdā impetrandę rei causa significat. Eandē sententiā Tullius apud Latinos propitios deos sibi velle dicendo expressit. hanc etiā orationis huius sententiā apud hunc Vate subiuncta causę expositio explicat. Inquit enim faciei Domini deprecandę illā Babyloniensibus fuisse causam, auferre videlicet à Deo responsum sacerdotibus & prophetis, à quibus redditū ipsi etiā cognosceret. hoc est quod dicitur: [*Vt dicerēt sacerdotibus domus Domini exercituum & prophetis loquētes.* Hebraicū exēplar apertā huius loci interpretationē docet, *ad deprecandā faciē Domini ad dicendū sacerdotibus domus Domini exercituum & prophetis ad dicendū.*] Repetitio illa verbi *ad dicendū*, eodē versu hoc obseruata aliās rarissima illud indicat, illos Deū sibi propitiū voluisse, qui spiritu suo & virtute audis sacerdotibus & vatibus responderet, quod ipsis à vatibus, deinde à sacerdotibus etiam responderetur. hætenus ratio & causa: nunc deinceps legationis argumentum.

*Nunquid flendum est mihi in quinto mense, vel sanctificare me debeo: sicut feci multis annis?*

TEIVNI publicè indicendi plures causę esse solent. vnū tamen legitimū consilium diuinę irę placatio, vel misericordię cōciliatio est. Atq. ex causis illa prima & præcipua censetur, peccatorū videlicet & scelerum detestatio & poenitentis animi argumentum. qua de re in lege sancitū, atq. inter ceteros ritus solenne quoddam ieiunium certo anni tēpore ac die est indictū, atq. ille etiā nō vulgaris ieiuniorū vsus est, qui ad temperantię siue continētię virtutis exercitationē spectat: cuius magna & frequēs in vtriusque testamenti libris laus commendatioq. est. His proximum illud est genus, quod vel priuatę aut publicę calamitatis, vel futurę, vel præsentis, vel præteritę etiā deplorandę causa vel occasione indicitur, vel solenni ritu repetendum instituitur, cui præter ciborum & voluptatum interdictionem communis fletus publicęque lætitiæ additur, qua vel futurę instantēs formidatęque miserię excipiantur, vel præsentēs communi dolore defleantur, vel præteritę commemorantur. cuius generis illa sunt: Et ieiunauit Dauid ieiunio, & ingressus seorsum, iacuit super terram, &c. & illud: Iosaphat autem timore perterritus, totum se contulit ad rogandum Dominum: & prædicauit ieiunium vniuerso Iuda. illud etiam: Apprehendens autem Dauid vestimenta sua, scidit; omnesq. viri, qui erāt cum eo, & planxerunt & fleuerunt & ieiunauerunt vsque ad vespēram super Saul, & super Ionathan filium eius, & super populum Domini, & super domum Israël, eo quod corruissent gladio. Huius ieiuniorum generis ratio aut modus nullis certis diuinis præceptis traditur, sed hominum ipsorum, quorum interest, consilio permittitur, vt pro periculorū occasione aut miserię sensu, pro accepto ex calamitate dolore, vel priuatę, vel publicę, vel ad tempus, vel anniuersaria cōmmemoratione luctus publico concursu habeatur. Atque de ieiuniorum ratione, studio & vsu nos aliās Deo dante differemus. Igitur ex eo genere & causā, quam ad communem mœrorem publicumq. desiderium spectare diximus, multa Iudæis à primi templi diruti temponibus anniuersaria ieiunia squalore & luctu peragenda instituta, susceptęque sunt, vt ferē nullus fuerit in anno mensis, cuius certi dies ieiuniis & luctibus nō sint ascripti; inter quos illi præcipue

præcipue commemorantur. Ieiunium quarti mensis, quo vrbs expugnata atque excisa fuit; Ieiunium quinti, quo templum Domini incensum est; Ieiunium septimi, quo Gadalia Ahikami filio occiso Ierosolymitanus populus abductus fuit; Ieiunium mensis noni, quo Assyriorum imperator manu Ierosolymæ vrbi subiugationis causa imposuisse dicitur. Atq. omnia hæc, vt diximus, ieiunia præter voluptatû imò & oportunorû ac necessariorû ciborum interdictione, lamenta, sordes luctusq. habet. Atq. de reliquis tribus ieiunijs nihil omnino cõsultum a Babylonienfibus propterea fuit, quod restituta ciuibussuis vrbe lamentationes ob eius expugnatione & occupatione fieri solitas luctusque ex desiderio perceptos deponi debere certû fuerat. Verum enimvero templi refectione illâ minus integrâ, absolutamq. minus, imò nullâ prorsus existimantibus ille non minimus adhuc scrupulus residebat, qui non nisi religionis atq. oraculi auctoritate auelli posse putaretur. An videlicet in quinto mense, quo templi illa maiestas omnes adhuc etiam desideranda soluta, ille tam frequens & multiplex cultus prohibitus fuerat, in foribus, lamentis luctuq. iacendum illis esset, nâque de cæteris voluptatum & deliciarum interdictionibus non dubium esse, quin eo modo, quo hætenus fuerat statutû, deinceps etiam censeretur atq. ageretur: quoad Iudaicæ res omnes eum, quæ antea tenuissent, vel etiam (vt ex vatum responsis expectadum fuerit) meliorẽ locum statumq. recuperaret. Itaq. de luctu tollẽdo, vel retinẽdo dubitatio hæc & cõsultatio fuit: de deuotione autẽ voluptatû & deliciarum certẽ omnino eadẽ, quæ antea, sentẽtia stabat. Atq. hæc huius loci expositio est, quam Hebraici sermonis ratio apertẽ docet. [*Nunquid lugebo in mense quinto? sanctificari sicut feci his quamplurimis annis.*] Duplici parte oratio constat, quarû altera in consultationem venit; altera verò omnino statuitur & confirmatur. sed quod verbum hic *sanctificari* latinẽ reddimus, hebraicẽ est *Hinazer*. quod explicationis causa *Nazareari* interpretari nobis permissum cupimus, quando *Nazarei* nomen in ecclesiastici etiam sermonis vsu & Latinis & Græcis etiam sit. Erit autem Nazareari idem quod Latinis vouere simul & interdici; vt si quis sibiipsi, quoad amissa & desiderata res aliqua recuperetur, vino & mundo atque eleganti habitu interdicens sponte voueat: vt leuitæ & sacerdotes illi, dum Babylone detinerentur, desideratæ Ierosolymæ gratia & citharæ & Psal. 136. cantus atq. omni lætitiæ & iucunditatis vsu se spontanea deuotione priuarunt: Si oblitus fuero tui Ierusalẽ, obliuioni tradatur dextera mea. Adhæreat lingua faucibus meis, si nõ meminero tui, si non proposuero Ierusalem in principio lætitiæ meæ. Iam igitur ratio à nobis explicata est, quamobrem cum de luctu ab istis quæreretur, de ieiunio ciborumq. interdictione, quæ altera in eo genere pars est, non solum nõ quæsitum, sed constanter etiã asseueranterq. pronuntiatû fuit; ita vt illa totius orationis explicatio sit. Nunquid quinti mensis dies illos, quos lugubri incensi templi memoriæ desiderioq. destinaui, luctu, publicisq. lamentis consumam! quando neq. illa templi dignitas, neq. cultus & sacrorum celebritas, neq. diuini numinis præsentia illa antiqua; neq. vrbs & ciuium ab hostibus & regibus securitas atq. permanẽdi certa spes; neq. deniq. gentis omnis plena restitutio; sed maximû etiam desiderium, maximaq. miseriarum atq. calamitatum & ludibriorû apud oẽs alias nationes non solum persuasio, sed noua indies expectatio sit. nec tamen istis paucissimis, qui Ierosolymâ rediẽre, vllus ex Davidis familia rex aut potentissimus princeps, in cuius præsidio lateant, sit. nam quod ad interdictionis votum pertinet, perinde atq. tot his antea actis annis agere certum est, quos omnes (non quosdã tantû dies) à voluptate, lætitiâ atq. iucundis alijs rebus me vltro abstinui, singulari verò numero deferantû interrogauit Babylonienfis synagoga. neque dixit, nunquid flebimus omnes: namq. intellexerat illis, qui Ierosolymis agerent non constitutû esse lugere, quod templi tamen non illa maiestas. tamen maxima dignitas refectione restitui & Haggæi caterorumq. vatum exhortationibus promitti & confirmari existimaretur. Igitur nihil illos de Ierosolymitanis ciuibus rogare, quibus restitutionem certam ac propriam fore cupiebant, tantum abest, vt inuiderent, sed de se ipsis, qui adhuc Babylone agerẽt, quid in hac re certi statuendum esset, doceri diuinitus cupere, neque euellendi ex animo scrupuli vllam aliam rationem probare. huic verò legationi, quæ restitutionis illius existimatione imminuere, & templi dignitatem plurimum frangere atq. eleuare, infirmiorum hominum voluntates abalienare, perficiendique operis studia restringere, vt dicebamus, vehementer posset, vt consolationis, veritatis atque sapientiæ plena, aperta, distinctaque oratione per Vatem satisfaceret, diuinitus cõsultum curatumque fuit.

*Et factum est verbum Domini exercituum ad me, dicens, Loquere ad populum terræ, & ad sacerdotes, dicens.*

I AM ex superioribus aperta esseratio videtur, quam obrem Zacharias mandatū hoc ad populū terræ & sacerdotes acceperit, Babyloniosq. legatos responso referendo ex Dei sententia indignos censuerit, nempe quod istorū legatio nihil aliud egerat, quam vt imbecillam de restitutione illa opinionem, & in sacro opere perficiendo negligentiam, ac denique eandem qua legationis auctores essent, populo terræ mentem iniiceret; præterquam quod ipsa etiam legatio causa, quam tractabat, rationibus perperā putatis & collatis vitiosa & stulta iudicaretur; neq. satis digna, cui respondendo satisfaceret, maxime cū eo consilio data à Babyloniēsis esse videretur, vt ex incerta Ierosolymitanæ restitutionis definitione, suam ipsorum redeundi neglectiōem atq. cessationē probaret. Igitur nō ad istos, sed ad populum terræ istorū oratione exanimatum, & ad sacerdotes non parum etiā iisdē vocibus commotos responsū Dei exercituum, hoc est, potētissimi atque efficacissimi nominē cælitus redditū est. [*Loquere ad populū terræ.*] Eos, inquit, qui Babylone legationē aut dederunt aut tulerunt, omnino negligito; vtpote qui malē de restitutione hac existimantes, perperam etiā de reditu suo statuerūt: sic quonā pacto de ieiunio atq. luctu in sua illa, qua vltro manere optauēre, captiuitatis condicione statuere agereq. velint, nihil sibi laborandū est. Iis itaq. neglectis populū tu hunc, qui beneficiū consiliumq. meū secutus huc redijt, de reditu, de restitutione, de ieiuniis & luctibus mensū omnium, deq. cæteris, quos Babylonienses malē intelligētes, perperā omnino separauēre, quē ad modum existimare iudicareq. cōueniat, quatenusq. sperare oporteat, in eo nomine doceto. neq. enim in huiusmodi ieiuniorū genere luctus ab interdictione, vt isti putauēre, separari debet. neque quinti mensis ratio à certorū mensū, qui huiusmodi votis ascripti fuerint, ratione seiungitur; imō quamdiu illa captiuitatis atq. seruitutis, vel cōmunis miseriz, cuius causa hi luctus habericoeperunt, manere credatur; tam diu hanc durioris vitæ atq. luctus sordidationisq. deuotionē cōiunctam & cōmissam esse putari oportuerit. Quod si pars altera tollēda esse censeatur, consentaneū est, alterā sublatū etiam iri, cū alterum alteri consequēs esse, institutionis ratio ipsa doceat. Igitur hunc primū errorem vtriusq. simul partis enuntiatione depellere Vates iubetur. Cum ieiunaretis & plangeretis, &c. Deinde ille etiā in iudicando Babyloniensis iudicij error, atq. legationis referēda vitium fuit, ieiunium quinti mēsis à septimi mensis ieiunij causā diuidere, cū & eadē vtriusq. ratio & idē argumentū fuerit, Solymorum excisionē ciuiumq. cladem & abductionem spectans: cuius tamen nonnulla in occisorū dispari numero differentia fuit; nulla tamen in rebus ipsis, vt superius annotauimus, dissimilitudo est. Constat igitur Babylonienses in vtroq. hoc ieiunij & luctus quinti & septimi mensis genere iudicando & referēdo valde errasse: quāquā in duobus aliis ieiuniis quarti & noni mensis interpretādis nō ita longē falsos esse dicamus. nāque illorū mensium cōmemoratio nullam ciuiū cladem, sed vrbis expugnationem, dirutionem atque occupationem repræsentabat, quam restituta iam legitimis possessoribus regio & refecta vrbs rectē tollere & antiquare videbatur: sed de quinto & septimo mense eadem omnino, vel instituendi, vel antiquandi, vel restaurandi ieiunij ratio erat. quam obrem Vates Dei nomine respondens dixit:

*Cum ieiunaretis & plangeretis in quinto & septimo, & per hos septuaginta annos: nunquid ieiunium ieiunastis mihi, &c.*

VT planior nobis redargutionis huius diuinæ sententia reddatur, præter ea, quæ superius de ieiuniorum generibus & causis indicata sunt; quædam etiam sunt adnotanda. ex quibus illud primum est, huiusmodi ex calamitatis euentu suscepta ieiunia suis auctoribus, hoc est, hominibus ipsis qui indixerint, ascribi solere; quamdiu nullum Dei de ea re priuatē statuentis præceptum traditum constet: quemadmodum nullum Iudeis constabat, quo illorum septuaginta annorum ieiunia certis mensium diebus præscripta definirentur. deinde illud etiam est cogitandum istius generis ieiuniorum rationes, quæ tantum acceptæ calamitatis dolorem desideratarumq. rerum memoriam renouare videntur, postremum in religionis & pietatis exercitationibus habere locum, magisq. calamitatis acceptæ causam, hoc est, scelera propria hominibus repræsentare, quàm misericordiam repetitione & natura sua leuare posse. deinde hæc ieiunia & lamenta quamuis diuinam indignationem atque iram sedare, clementiamq. conciliare quodāmodo valeant, non

non tamen ad plenam atque integram misericordiam capiendam, ad reconciliandam omnino vel tenendam gratiam, ad publicam rerum salutem, vel restituendam, vel conseruandam momentum habere omne putanda statuendaq. sunt. namq. hæc diuina beneficia, hæc diuinæ in homines virtutes iis præcipuè rebus & artibus cõciliantur, quibus Deus ipse vt sibi propriis atq. perpetuis maximè delectatur; seque ab ijs, qui suam familiaritatem exoptant, imitatione, quoad id fieri rectè possit, exprimi gaudet, innocetia, gratia, misericordia, officio deniq. præstando. neque verò saluis & integris rebus, dū hæc adiunt, vllum istius generis ieiuniorum vsum esse; neq. afflictis & profligatis, vt salus & minor restituatur, tāquam singulariter oportuno aut necessarium requiri & postulari.

10 Babylonienſes autem Iudæi calamitatem illam, ieiunio tantum cum cæteris Iudæis ad deplorandum instituto, detrahendā sibi esse putantes de nulla alia religionis atq. pietatis parte consulere voluerunt: cum tamen neq. ex aliarum rerum cõparatione, neq. ex institutionis auctoritate illa ieiunij & fletus ratio ad diuina oracula pertinere existimanda esset. His adnotatis, locum ipsum, vt latine versus est, legemus; deinde ex hebræo ad verbum redditum subiiciemus. *Quod ieiunastis, &c.* [Nunquid ieiunium ieiunastis mihi? & cum comedistis & bibistis, nunquid non vobis comedistis, & vobismetipsis bibistis? Hebraicè ad verbū sic: Nunquid ieiunare ieiunastis mihi ego? & quod comedetis & bibetis, nonne vos comedetis & bibetis?] Huius orationis illud breuiter argumentum est. neque ob ieiunia & luctus, neque ob illas dytiores interdictiones rem publicam Iudæis à Deo restitutam esse, neque rursus ob liberaliorem ciborum vsum illis esse conseruadam; sed ob illorum scelera atque impietatem his septuaginta annis oppressam atque vastatam, nunc misericordis Dei beneficio tantū excitatam exurgere, tam diu conseruandam, quoad ille diuinorū promissorū procurator maximus hominum generi salutem allaturus aduenerit. Inquit itaq. Deus: Nunquid me his septuaginta annis, vel totis, vel aliquot saltem grauioris luctus diebus ieiunium luctumque vestrum secutum obseruastis, vt simul vobiscum aut ieiunando aut plangendo, vel consilij vel facti pœnitentem sententiam mutasse affirmare possitis? Atqui vt neque comedere, neque ieiunare & abstinere naturæ meæ harum rerum experti; sic neque lugere etiam à culpa omni abhorrenti conuenit. ita adeo quamquam vos ex dolore amissèq. rei desiderio ieiunastis, plaxistis abstinuistisque, ego tamē nec simili vel dolore, vel desiderio vobiscū affectus, vt sententiā, quo minus totos septuaginta hos annos terra vasta atq. inculta esset, mutarē, adductus sum: vos vestro dolore magno ieiunastis & plaxistis; ego nullo meo vel ieiunare, vel plāgere potui: vobis ipsis molestiā attulistis atq. desideriu auxistis; mihi verò nullū huiusmodi affectū cõmouistis: id quod tēpora ipsa testantur; cum neq. tot annis, neq. certis grauioris luctus diebus vestra miseriā aut mutari, aut minui senseritis: ita neq. abstinētia, neq. interdictione, neq. luctu vestro affectus sum, vt pariter dolēs ipse etiā iisdē diebus ieiunarē, quē ad modum neq. vestris epulis aut conuiuiis afficior, vt simul accumbēs delecter aut fruār. nam quod vos deinceps terræ huius ciborū & potuū suauitate soli sine me fruemini, neq. enim ego vobiscū aut comedo, aut bibo; id etiā vos tantū non me itē his annis ieiunasse, caruisse atq. desiderasse arguit: earū rerum, quibus nunc fruemini, inopia & desiderio vos tantū laborasse vsus ipse cõfirmat; quod vos tantū comedistis & bibistis, ego nō comedo neq. bibo. igitur neq. ob ieiuniorū istorum & lamentationū in vobis defectionē (quia rebus integris nō requirebātur huiusmodi) vos hinc pulsos, vsus iste rerum, quē vos habetis habituriq. estis, manifestè docet. neq. enim vobis allatus nunc de integro esset, si mihi fuisset ingratus. neque verò ob eorūdem ieiuniorum frequentiam restitutos existimare cōuenit, vt constat ex vsu, quem percipitis, non percepturi, nisi ipse afferrme; neque etiam istis ieiuniis me ad vestri restitutionem commouisse putare debetis, quasi aut ego vobiscum dolerē & ieiunarē, desiderioq. earū rerum, quibus non ego, sed vos nunc deinceps fruemini, tenerer. Id quod priscorum vatū eo tempore cum res publica ista maximè floreret, decātatis prædictionibus testatissimum vobis esse potuit & debuit: in quibus nulla ieiuniorum & luctus ex actio, quæ tum superuacanea esset, nullum fructuum aut ciborum & potuū suauitatis, quæ tum maximè abundabat, desiderium, nulla istarum rerum, tanquam mihi gratissimarum, aut exspectatio aut postulatio vel audita olim est, vel nunc legitur; sed certa ob veram pietatis officijq. culturam salutis securitatisq. promissio, vel rursus ob neglectionē & prodicionem septuaginta annorum terræ vastitatis & exilij seruitutisq. vestræ prædictione euentu tandem ipso confirmata obseruatur.



*Nunquid non sunt verba quæ locutus est Dominus in manu prophetarum priorum, cum adhuc Ierusalem habitaretur, & esset opulenta, ipsa, & vrbes in circuitu eius & ad Austrum & in campestribus habitaretur.*

VOLUNTATEM, consilium iudiciumque, de omni huiusmodi causa suum ex scripto & sententia cum euentu ipso comparata confirmat Deus. Orationem verò interrogatione informat, quæ plurimum in controuersis causis ad sua confirmanda aduersariaque euertenda ponderis ac momenti habet. Extant, inquit, diuini sermones prophetarum illius ætatis diligenti & summo officio palam habiti, cum hæc regio omnis feliciter ac tranquille non in montanis modò locis, sed in planis etiam vndique habitata & culta ageret: quibus in sermonibus diuina verba in manu prophetarum dicta, siue, vt in Hebraico est, prædicta & proclamata continentur, quæ omnem diuinæ voluntatis & sententiæ rationem manifestè exponunt, tum eā quæ ad conseruandā vobis, vel rursus labefactandā, tum etiā quæ ad restituendā denuo rem spectat, quibus cum omnis etiā euentus conueniat & constet, aliā rationē nouè suscitātam, vel denuo petitam & rogatam aut opponere aut addere minimè consentaneū fuerit. itaq. hæc res neque causa neque euentu, neque etiam alia ex parte ad vestrum, sed ad meum iudicium pronuntiatione iam patefactum, vel ad cognoscendum referenda, vel ad procurandum deinceps est reuocanda, quando Dei simplicissimi, veracissimi constantissimi que sententia & oraculis aperta iam explorataque esse omnibus potuerit: quæ si reperatur, non alia profecto nunc demum futura est, ab illa eadem, quæ quondam fuerat. Etenim cōmendatarum per Vates artium, quibus eos, qui suā tutelam & prouidentia certā sibi cupientes precari impetrariq. vellēt, instructos esse oportuit, illa à Ieremia subducta summa est, cui postquā ea ratio quæ ad plandus atque lamentationē spectat, repudiata fuit, illud tandē ad pronuntiandum diuinū mandatum est delatum. Hæc dicit Dominus: Non oret sapiens in sapientia sua, & non oret fortis in fortitudine sua, & non oret diues in diuitiis suis; sed in hoc oret, qui orat, scire & nosse me, quia ego sum Dominus, qui facio misericordiā & iudiciū & iustitiam in terra: Hæc enim placet mihi ait Dominus. Igitur harum rerum studio, exercitatione & cōmunicatione Dei erga terræ culturā, quietem & tranquillitatem voluntas atque cura impetranda fuerit; non ieiuniorum istorum lugubrium vel conuiuiorum communione, quæ nulla Deo cum hominibus est. Huius diuini oraculi sententia longius fortasse; quàm expectaretur, explicata propterea est, quòd grauitate breuitateq. sua, negotiū non paruum nobis dederit; & quòd non nisi attenta cogitatione, diligenti studio, atq. magno imprimis desiderio & integra diei vnus precibus & suspiriis apud Deū actione & cōtentione expedire potuerimus: cuius nos benignitati quidquid boni & recti præstābim⁹ acceptum referimus. Porro suam Deus sententiam atq. omnem cum illis hominibus tractatā olim causam vt iustissimā & constantissimā vati suo cognoscendam imprimis, deinde etiā populo referendam denuo recitat, quo se planè semper & apertè egisse confirmet, illorum verò culpam fuisse quòd perierint. idque nouo responso dato tractatur.

*Et factum est verbum Domini ad Zachariā, dicens, Hæc ait Dominus exercituum, dicens, Iudiciū verū iudicate: & misericordiā & miserationes facite vnusquisq. cum fratre suo. & viduā, & pupillum, & aduenam, & pauperē nolite calumniari: & malum vir fratri suo non cogitet in corde suo.*

PROMISSÆ à se per antiquos vates populo securitatis & felicitatis condiciones legesq. vt apertissimas, ita etiā æquissimas recitat Deus, quibus vltra sui ipsius imitationē gratissimā omnis honestatis & officij ratio absoluitur. [Et factum, inquit, est verbum Domini ad Zachariā,] non inquit, ad me, sed ad Zachariā: quòd hæc actio cōmodè illi ex nomine cōueniret. nāque Zacharias cōmemoratorē, siue, recordatorē Dei significat, ita vt meritò hæc Zachariā, quæ genti suæ cōmemoret, atq. ex diuina auctoritate referat, narrentur. Hanc verò appellati nominis causam Vates ipse indicat. [Et factū, inquit, est verbum Domini ad Zachariā, dicens. Hebraicè est, ad dicendum.] vt recitatam sibi orationē ipse etiam apud populū qui sibi prædictā sæpissimè inficias ire nō poterit, narraret. Orationū autem & prædictionum à vatibus omnibus repetitarū summa illa est, vt de publicis & priuatis rebus quā rectissime æquissimeque, sine cuiusquā mortaliū iniuria, iudicaretur, vt beneficentia, bonitas & humanitas, quibus nihil ad communem societatem conseruandam melius

melius aut præstantius est; nõ re solum, sed animo magis atq. studio mutuo tribueretur. hoc est, [*miser cordias & miserationes facite vnusquisq. cum fratre suo.*] vt ne quis quemquam per tutelam, vel fiduciã, vel calliditatis, vel potentia rationem fraudaret, deniq. ne quis cuiuspiam malè omnino cuperet. hæc sunt ieiunia, hæc conuiuia, quibus Deum delectari, affici, quorum communione imitationeq. sese exprimi, facilem, benignum, presentemq. semper haberi posse Vates olim docuerant: Scire & nosse me, quia ego sum Dominus, Ierem. 9: qui facio misericordiam & iudicium & iustitiam in terra: hæc enim placent mihi, dicit Dominus. Sed quãquam hæc apud istos grauissimo Domini exercituũ potentissimi vin- dicis atq. ultoris nomine acta sæpius proclamataq. fuerint, tamen

10 *Et noluerunt attendere, & auerterunt scapulam recedentes, & aures suas ag-  
grauauerunt, ne audirent: & cor suũ posuerunt vt adamantem, ne audirent  
legem. & verba quæ misit Deus exercituum in spiritu suo per manum pro-  
phetarum priorum.*

MISERIAM calamitatemq. omnem, quam hætenus Iudei accipissent, suo tantum  
15 ipso studio, opera & culpa accidisse Deus ipse confirmat, qua in re grauissimũ diuinæ  
lenitatis imprimis & æquitatis deinde, atq. humanæ demũ vitiositatis & perfidiæ exem-  
plum proponitur. quod quæ summa & maxima bona diuinitus parata promissa oblataq.  
vltro atq. etiam frequentissimè commendata nobis fuerint, tamen nostrorum morũ cul-  
20 pa tantum auertantur atq. arceantur, vt scriptum est: Peccata vestra prohibuerunt à vo-  
bis bonum. & aliàs etiam: Perditio tua ex te Israël; salus autẽ ex me. Atq. humanæ culpæ  
grauitatem iudicijq. diuini æquitatem maximam tradita diuinitus disciplinæ contem-  
nendæ atque penitus repellendæ studiũ, conatus contentioq. coarguit, quod id maximè  
homines curare deprehendantur, vt pietatis veræ honestatisq. curã quàm longissimè ab-  
25 ijiciant. Id quod sensus mentis, animi, voluntatis, affectus, conatusq. omnis indicatione à  
Deo explicatur: quæ omnia in eo solũ poni arguuntur, vt legi consiliis, admonitionibus,  
prædictionibusq. suis reiiciendis diligentissimè studeatur, atq. singula verba, [*attendere,  
scapulam auertere, aures aggrauare, cor vt adamantem ponere ne audirẽt,*] magnos & graues admo-  
dum explicatus habent, quos nos indicantes in aliũ commodiorem locũ, si Deus dedu-  
30 xerit, reseruamus in librũ de sermonibus. Illud verò animaduersione dignum est, quod  
post legem dicitur, [*& verba, quæ misit Dominus exercituum in spiritu suo. &c.*] Quippe oratio  
hæc ad vaticiniorũ auctoritatẽ confirmandam diuinamq. esse definiendã spectat. neque  
enim habitos aliquando apud Israëlitas à vatibus sermones atq. actiones sententiarum,  
sed diuinorum responsorũ nomine definire oportet. Nõ enim voluntate humana allata  
35 est aliquando prophetia, sed spiritu sancto inspirati locuti sunt sancti Dei homines, D. Pe-  
trus ait. Igitur vatibus relatam repulsam (ne leuius peccatũ defendere quis posset) maie-  
statis auctoritatisq. suæ violatæ crimẽ Deus interpretatur. Id quod etiã ex Dei exercituũ  
nomine interposito confirmatur. namque huius nominis appellatione Vates causarum  
actionumq. suarum auctoritatem comprobauẽre. quippe non legislatorum, sed recita-  
40 torum hortatorumq. negotium pro sua fide & diligentia ex voluntate potentissimi Dei,  
qui rem sibi magnam arduamq. commiserat, gerebant. Atque legislatori quidem olim,  
vt fides haberetur, miracula, signa atq. prodigia addi oportuit. recitantibus autẽ legem  
& officium repetetibus vatibus satis superq. ad fidem faciendam momenti ponderisq.  
præter orationis ipsius honestatem & veritatem ex Domini exercituum nomine inter-  
45 posito accedere potuit, quo illo verbo maximam ad præstada fidem habentibus & obe-  
dientibus promissa virtutem, & contrã maximã negligentium & cõtumacium ad vlcif-  
cenda scelera potentiam significari, compertum esset. Quamobrem huiusmodi nomen  
Dei exercituum, ab Hanna Samuëlis matre primum appellatum (antea enim nunquã pro-  
50 nuntiatum legimus) ab omnibus deinde vatibus (qui priores dicuntur) oportune inter-  
positum; tandem certis vel secundarum rerum, vel prædictarum pœnarũ euentibus con-  
firmatum fuit, sicut scriptum est: Qui per angelos dictus est sermo, certus factus est: &  
omnis præuaricatio atq. inobedientia iustam accepit mercedis retributionem, &c. sicut  
etiã hic apud Vatem nostrum Deus exponit.

55 *Et facta est indignatio magna à Domino exercituum.*

NAMQVE tot repulsis, tanta contumacia irritatus Deus prohibita diu & cõpressam  
pœnitentiã

pœnitentiæ expectatione irā tandē crebris & impudentissimis offensionibus intensam & concitatā pœnis repetendis euomit, serō iam tum ab ijs exorandus, qui non tam culpæ odio, quā pœnarum sensu affecti dolent & lamentantur.

*Et factum est sicut locutus est, & sicut non audierunt: sic clamabunt, & non exaudiam, dicit Dominus exercituum.*

INDIGNVS, qui audiatur, clamor est, cū non tam ob sceleris detestationem, quā ob pœnarum deprecationem editur; magisque plagarum dolorem atque quietis incolumitatisque desiderium, quā antiquorum vitiorum tædium indicat. quamobrem fera nimium pœnitentia, aut pœnitentia verē non appellanda, aut plerūque inutilis esse putanda est. Animaduertendum autem est, quā sapienter hæc ratio diuina oratione distinguatur atque indicetur: non enim ait Deus, clamabūt ad me, sed, [clamabunt.] Vt enim illi se loquentem sapissimē clamantemq. cōtentissimē, ac si nihil ad eos pertineret, omnino neglexerunt, atque perinde quasi suas, non illorum, res agentem nihil curarunt; cū tamen illorum omnino res atque salus ageretur: sic Deus, inquit, cū illi ob pœnarum sensum amissarumque rerum desideria clamauerint, quod verē suorum tantum commodorum, non mei causa aut studio teneantur, doleant & clament, non exaudiendi sunt, quo minus certas iam decretasque pœnas sustineāt. Id quod euentu ipso confirmatum est, vt per totos septuaginta annos, quemadmodum Vates nomine Dei exercituum prædixerant, captiuitatis, exilij, atque oppressionis incommoditatibus & miseriis cooperti fuerint, cæterisque omnibus ærumnis pressi, quas neque quintis ac septimis ieiunijs, neque septuagenarijs interdictionibus alleuare sibi potuēre.

*Et dispersi eos per omnia regna, quæ nesciunt: & terra desolata est ab eis, eo quod non esset transiens neque reuertens: & posuerunt terram desiderabilem in desertum.*

PŒNAS oraculorum prædictionibus obnuntiatas à scelerata & cōtumaci genere petitas, causam ipsam, quamobrem relatæ fuerint, apertē indicare atq. arguere posse docet Deus. nam cōmunem illā scelerū, impietatis & iniuriarū contentionē, quæ publico studio ac mutuo exēplo adhibebatur, dispersio quādā Babylonicorū adificatorū per similes, grauior tamen secuta est. namq. Synagharæi illi ad nouas, certas, & expositas regiones occupandas, singulis tamē familiis integris, deducti, vt primi incolæ summa cūpa ce vitā degerūt, & nōminis perpetuā gloriā apud posteritatē vt benemerētes adepti sunt. horū verō dispersio, siue potius dissipatio nō obscura modō, sed vt cæteris gētibz inuisa; sic ipsis grauissima calamitosissimaq. fuit. neq. enim vt coloni in certa loca deducti, sed tanquā turbines acti atq. impulsī, in mortaliū omniū, quocūq. deuenerint, inuidiā, odiū, offensionēq. incurrere. Hæc illi<sup>9</sup> hemistichij sentētia est. [Et dispersi eos per omnia regna, quæ nesciūt. Ex Hebræo ad verbū significationis causa sic vertere, quāquam minus latine, liceat: Et turbinaui eos super gētes, quæ nō nouerūt eos.] Quā molestū, quā miserū & turbulentū illis exiliū, quā ignobile & inuidiosum apud cæteras gentes hospitij fuerit, satis verba declarant. nāque nō vt hospitū aut amicorū vel sociorū cæteris gētibz aduentū fuisse gratū, nō vt exulū & miserorū dolendū, sed vt turbine offensione plenū & inuidiosum fore ait, maximē gētibz, quibus nulla aut amicitie aut societatis necessitudine, aut rerū gestarū gloria, aut vtilitatis spe fuerāt cōmendabiles, [sed super gentes, quæ nō nouerant eos.] quarum in se, neq. magis propensa voluntates, neq. suauiora officia constabūt, quā earū quondā

Exod. 1.

„ in maiores suos cōstitere, de quibus scriptū est: Et surrexit interea rex nouus super Egyptum, qui ignorabat Ioseph, & ait ad populū suū: Ecce populus Israël multus & fortior nobis est, venite, sapienter opprimam<sup>9</sup> eū, &c. [Et terra desolata est ab eis. Hebraicē, Post eos à transeunte & reuertente.] Quæ olim in montanis & cāpestribz locis frequēti populo colebatur, eō vastitatis redacta est, vt neq. itineris alio faciendi causā à quoquam vel eundo vel redeundo peteretur, nedum habitationis gratia frequentata esset. Causam porro, quamobrem adeo neglecta atque inuisa regio illa omnibus etiam alienis hominibus fuerit, Deus ipse ad sterilitatem & horriditatem loci antiquæ & natiuæ quondam amœnitatis, culturæ & fertilitatis vsu, longē alienam refert. Hæc verō maxima mutatio hominū ipsorū, quorū discessionē consecuta est, nefaria scelera Deoq. inuisam causam arguebat, eam sterilitatem ad præcludendam redditus commoditatē, & spē inducentem.

[Et pa-

[Et posuerunt terram desiderabilem in desertum. Hebraicè est, Et ponere fecerunt terram appetitionis inibi quid?] Hæc verborum vis est: sententia verò illa breuiter explicanda mutationem tantam tamque repentinam, cultorum ipsorum culpa accidisse facie atque habitu, in quem locus illis abscedentibus mutatus est, facile declarari. ob eam rem ait. [Et terra desolata est post eos.] Vix dum, inquit, abscefferant, cum terra adeo mutata fuit, vt neque iter agentibus esset commoda. nam quæ nulli antea mortalium nõ exoptanda patriæq. loco desideranda visebatur, redacta fuit in desertum. Ex multis nominibus Hebraicis, pro quibus Latinus desertum aut solitudinẽ reddit, vnum est *SAMMA*, quod ex admiratum ibi quid: quæ vox magnæ mutationis admirationem indicat. Vnde & verbũ Hebraicum *Sammam*, deductum aliquando desolare & vastare; aliquando verò ob eiusmodi spectaculũ obstupescere est. Ita adeo Iudæorũ vitia & culpas tantã regioni illi vastitatẽ effecisse ait Deus, vt ex summa omni appetitione, quã digna olim terra fuerat, summo omniũ stupore & detestatione indigna, quã vel viator pertransiens obiter peteret, reddita est.

## CAPVT VIII.

**E**T factum est verbum Domini exercituum, dicens, Sic dicit Dominus exercituum: Zelatus sum Sion zelo magno, & indignatione magna zelatus sum eam.

**C**AUSAM, quamobrem Ierosolymę omnisq. Iudæę regionis res eò vastitatis & solitudinis redacta esset, ciuiũ & cultorũ suorum vitio & culpæ ascripserat Deus. quod verò nunc restituta deinceps etiã cõseruanda esset, non lugubribus ieiuniis illis, nõ illorũ interdictionibus, quorũ culpa perierat, sed voluntati, benignitati. consilioq. suo ascribendam esse manifeste docet. nãque vastationis causam cognoscentibus restitutionis etiã tum causam, tum modũ & formã, quatenus expectari cõueniret, cognoscendi cupiditas accedebat. maximã enim esse & dignissimã rem oportebat, cuius causa hæc etiã tanta tãq. repentina renouatio fieret, vt terra ex vastitate in culturã & fertilitatẽ, homines verò ex odio & offensione in gratiã diuinã redirẽt. Sed cum ab hac ratione & meriti definitione illorũ ieiunia lugubria interdictionesq. exceptæ iam essent, aut alia quædã illorũ maxima merita & officia cõstare, aut arcanũ aliud Dei cõsiliũ exquiri necesse erat, quod tanta res tamq. repentina, tamq. maturẽ vt videbatur ferẽ iã absoluta, non casu, nõ rerũ humanarũ volubilitate definienda esset, maximẽ quibus religionis & diuinæ providentię notitia fuerit. Igitur cum nullo istorũ magno merito rem excitatã atq. redintegratã dicere possemus; quippe quorũ neq. voces, neq. clamores tristes exauditu digni per oēs hos antea cõtos annos fuissent, sua tantũ sententia cõstantiq. de hominũ salute cõsilio hanc renouationẽ effectam, atq. omni cõmoditate augendam perficiendamq. esse Deus ait: eamque perpetuam illis fore confirmat, qui vitiorum detestatione & fuga, ac virtutum pietatisq. cultura, certam sibi reddi curauerint. [Et fuit verbum Domini exercituum, dicens.] Responsum à potentissimi efficacissimique Dei consilio & sententia non solum sibi cognoscendum, sed aliis etiam exponendum redditum fuisse Vates ait. [dicens. Hebraicè est, ad dicendum.] vt illud verbum cuicunque cognoscere liberet, enuntiaretur, cuius fides ex misericordia diuina atque virtute firmata esset. [Sic dicit Dominus exercituum.] Prius nomen ex misericordiæ rationibus; posterius verò adiunctum ex virtutis atq. potentię immensitate diuinæ conuenit naturæ. Oraculi verò summa propositio illa est: [Zelatus sum Sion zelo magno.] **KAN** a verbum, pro quo latinus interpret græcavoce, *zelare* & *zelus*, vel latina, *emulari* & *emulatio*, plerũq. reddit, cũ datiuo constructũ ardentissimũ studiũ erga eius, ad quem refertur, dignitatẽ atq. auctoritatẽ vindicandã tuendãq. significare Moses Iosue ministrũ suum eiusmodi oratione excipiens docet: Quid, inquit, æmularis mihi? quis tribuat, vt omnis populus prophetet, &c. & apud Moysen Phineæ Aaronis filij pietas vehementer illo nomine cõmendata à Deo est. Quia zelatus est zelo suo, & expiauit scelus filiorum Israël. Igitur consilij illius magni, quod à Deo de publica hominum salute initum fuerat, ratio & pars aliqua, eaq. non exigua, ad Ierosolymam vrbe spectabat, quam illius arcani spectaculi tandem edendi theatrum fore præscriptum, certumq. fuerat. id quod non nisi cõseruata ibidem religione diuinarumq. rerum & promissionum notitia & spe, tũ lectionibus & prædicationibus, tum significationibus & arcanis hostiis assidue

Numer. 11.

Numer. 25.



assiduè sacrificatis redintegrata expediri commodè poterat, ita effectum est, ut nò ex Iudæorum merito, sed ex consilio voluntateque Dei & dictorum promissorumq. constantia & veritate Ierosolymitana restituta res atque illa religionis arcana & nostrorum temporum index ratio atque forma instaurata fuerit. Atque ex duobus vrbis illius nominibus; alterum, nempe Sion in ijs orationibus pleriq. usurpabatur, quæ ad regni Davidici & religionis pariter atque pietatis indicationem pertinerent, futuraq. ecclesiæ Christianæ omnibus nominibus illustrissimæ imaginem exprimerent, ut in toto illo elegantissimo hymno obseruatur: Fundamēta eius in montibus sanctis, diligit Dominus portas Sion super omnia tabernacula Jacob: Gloriosa dicta sunt de te ciuitas Dei, &c. Ait autē Deus magno sese erga locū ad publicā salutē delectum restituendū studio teneri; itaq. ob habitatorum culpam ab hostibus vastatum nunc demum non sine vastatorum magna clade denuo restitutum confirmat. [*Zelo magno & indignatione magna zelatus sum eam.*] *Zelus magnus*, indignatio magna, & quidquid de Deo adiunctis magnitudinis cognomentis dicitur, ad illam illustrissimam & præstantissimam laudem referimus, quam ex renouandi mundi consideratione, fide atque spe, aut ex renouati tandē notitia, Deo sacra scripta tribuunt. Ex hoc genere illa sunt: Magnus Dominus & laudabilis nimis, in ciuitate Dei nostri, in monte sancto eius, &c. & innumera ferè alia, quorū admiranda & adoranda explicatio in noui testamenti libris cōtinetur, à nobis vel ab aliis, quibus Deus id præstiterit, aliquando exponenda. Atque in hoc Vatis huius carmine duplicē Sioniam nos descriptam intueri videmur, & duplicem indignationis zeliq. diuini rationē comprehensam agnoscimus; sed quoniam nondum solidum cibum suppeditare opportunum fuerit, lactescentem tantū adhibere consilium est; ut eorum, qui diuina lectione alaciunt, reficiantur vires, non opprimantur. Igitur hanc Ierosolymorum veram quidem restitutionem, non tamen absolutam & plenam Iudæorum omnium salutem & libertatem definiri Deus vult: verū enim uero initium illius esse confirmat, propriāque atque perpetuam iis futuram, qui fide, pietate vitæque sanctitate conseruare studuerint. id quod frequentibus responsis declaratur.

*Hæc dicit Dominus exercituum, reuersus sum ad Sion: & habitabo in medio Ierusalem: & vocabitur Ierusalem ciuitas veritatis, & mons Domini exercituum, mons sanctificationis.*

Dv o tempora nobis ad vaticinij huius explicationem cogitanda sunt, & illud quo Babylonienſium Iudæorum pars Zorobabele duce in patriam reducta urbē templumq. refecit, & hoc noui testamenti, in quo diuinis promissis omnibus ac receptis abunde factis est factum: cuius & significandæ imago illo altero ferebatur & euenturæ etiam ponabatur initium. Diximus autem restitutionem illam templiq. refectionem Babylonienſium synagogæ atq. alijs etiā nec veram proſus, nec certam fuisse existimatā ob septē illustrium rerum, quæ in ea requirebantur, desiderium; quarum prima erat diuina illa assiduitas & præſentia multis & grauissimis argumentis olim probata & cognita. Eam igitur certam deinceps fore multoq. quā antea, illustriorem Deus in se recipit; atq. eius maximi beneficij ferendi gratia se denuo Sionā rediſſe reficiendamq. curasse ait, ut videlicet Ierusalem illam, quam denuo ædificare parat, præſentiæ, prouidentia atque sanctitatis maiestatisque suæ communicatione priore illa altera multo commendabiliorem, cognominibusq. magnis & gratiosis illustriorem reddat. Itaque temporibus verborum ad res ipsas accommodatis locus hic rectè explicatur, non ut incertā aut obscuram restitutionem hanc, Deus inquit, censere conuenit, sed certissimam atque manifestam. namque verè reuersus sum ad Sion, & propediem habitabo in medio Ierusalem: diuitias meas maximaq. munera & virtutes, cum illius sacrosanctæ vrbis ciuibus communicaturus; ita ut ciuitas ipsa & verè & iure Ierusalem appelletur; cuius nomen, pacem perfectionemq. euidentem significat. id quod huic priori ciuitati nondū contigerat: quæ tamen aliquando ciuitas fidelis, nunquam verò veritatis ciuitas dicta; postea tamen meretrix cognominata est. Rationem verò, quam obrem ciuitas dicta; tatis ciuitas appellanda sit, Deus ipse continuo affert, quod mons, qui antea Domini exercituum diceretur, sanctificationis mons deinceps futurus dicendusque sit, Christi diuini montis atque sacrosancti templi fundamenti verissimi dignitatem, virtutem & efficientiam hæc oratio nobis, si qua alia, maximè significauit: de quo illud editum

editum etiam oraculum præter cætera plurima extat: Et erit in nouissimis diebus præ-  
 paratus mons domus Domini in vertice montium, & eleuabitur super colles, &c. Ma-  
 gnæ autem arcanæque explicationem illud etiam habet, quod mons hæcenus Do-  
 mini exercituum vocatus, sanctificationis cognomen deinceps porro habiturus di-  
 catur, quod diuinæ naturæ virtus, præstantia & efficientia antiquis temporibus poten-  
 tiæ & sapientiæ argumentis multis & maximis (quæ ratio ad exercituum cognomen  
 spectat) sese hominibus probauerit. Cæterum felicissima noui testamenti ætate, præ-  
 ter miracula & prodigia, quibus Christi dignitas proposita primum fuit, illa maxima  
 ad hominum sanctificationem virtus, illa singularis atque inenarrabilis efficientia addi-  
 ta est, quam olim auditam desideratamque, non antea tamen præstitam fuisse euange-  
 listæ docent, quàm Christo significaretur: Qui declaratus est filius Dei in virtute secun-  
 dum spiritum sanctificationis ex resurrectione mortuorum, &c. Quamquam noui te-  
 stamenti & Christianæ causæ auctoritas & grauitas miraculorum & signorum pondus  
 maximum habeat, plurimum tamen hoc sanctificationis spiritu nititur, sicut scriptum  
 de hac salute est: Quæ cum initium accepisset enarrari per dominum ab ijs, qui audie-  
 runt, in nos confirmata est, contestate Deo signis, portentis & variis virtutibus, & spiritus  
 sancti distributionibus secundum suam voluntatem. Quamobrem montem Domini  
 exercituū antea dictū sanctificationis montē singulari quadam laude etiam appellandū  
 esse Deus confirmat. Aduertendum autem non incommodè est adiunctū illud *exercituū*,  
 Hebraicè in huius versus initio propterea non legi, quod omnis ratio hæc, quāquam ad  
 virtutes omnes diuinas referatur, misericordiam præcipuo quodam iure spectaret. Est  
 autem illa Hebraica lectio, [*Hæc dicit Dominus, Reuersus sum ad Sion, &c.*] Atque hæc ad  
 huius oraculi explicationem satis pro breuitatis ratione fuerint.

25 *Hæc dicit Dominus exercituum, Adhuc habitabunt senes, & anus in medio Je-  
 rusalem: & viri baculus in manu eius præ multitudinem dierum.*

Ioan. 17.

Rom. 1.

Hebr. 2.

E A QVÆ ad humani generis salutem publicam in illa terrestri Ierusalem expedi-  
 endam oportuna visa fuerint, paratum statutumque iri Deus in se recipit. ex quo gene-  
 rat Ierosolymitanorum ciuium restitutorum quies, cætaque diu manendi in loco  
 spes; quam, quod Babylonienfes Iudæi sua illa dubitatione & consultatione debilitaue-  
 rant, hoc responso cõfirmandam Deus curauit; id videlicet fore pollicitus, vt vrbs illius  
 ciues ad summam senectam viuant, adeo vt præ ingrauescente ætate bacillis vtantur,  
 idque & viris & feminis commune sit. Quod verò dicit, [*in medio Ierusalem*], otium bel-  
 lissimum senectuti subsidium significat, cum dignitate coniunctum; quale senibus con-  
 tingere, gratissimum est. Eius verò otij fructum non contentionem animi, sed relaxatio-  
 nem potius fore baculorum, qui deambulandi causa parantur, gestatio indicat. [*viru  
 baculum manu eius.*] Viris & feminis hoc proprium fore sperandum erat. namque *vir*, di-  
 stributiuum nomen, vt aliàs docuimus, est. diu igitur in vrbe regioneq. sua futuros af-  
 firmat, quos Babylonienfium synagoga à Persis, vt nuper sollicitates cito pellendos for-  
 tasse fore suspicabantur. Quod verò de paucitate illi arguebant, adiuncta promissione  
 refellit Deus, maximam copiam & frequentiam vrbi fore, multa ex illis paucis propagan-  
 da sobole, fore prædicens.

Et plateæ ciuitatis complebuntur puellis & infantibus ludentibus in pla-  
 teis eius.

PRÆTER QVAM quod ætatis cuiusque mores & naturam aptissimè describens  
 Vates senibus bacilla & otium, paruulis ludos & pueriles delectationes tribuit, vt illud:

Hor. poetie.

*Reddere qui voces iam scit puer, & pede certo*

*Signatum humum, gestit paribus colludere, &c.*

Loci etiam salubritatis & corporum sanitatis, necnon & annonæ copię plateis omnibus  
 ludentes pueri signum manifestum sunt; vt contrà, & plateæ, & fora pueris vacua loci  
 vastationem, vel ob pestem, vel ob bellum arguunt, sicut scriptum est: Attendit mors  
 per fenestras, ingressa est domos nostras, disperdere paruulos de foris, iuuenes de pla-  
 teis, &c. Igitur hæc quæ de senum otio, deque puerorum frequentia & ludis prædicta  
 sunt, certam diuturnamque vrbs habitationem fore cõfirman. Illud præterea mirum  
 in modum Babylonienfium de hac restitutione iudicium disturbabat, quod tam exiguis

& tenuibus Iudaicæ tribus reliquijs tantum Ierosolymis collectis innumerabilium penè Israëlitarum copiarum toto orbe disperfarum desiderium refricaretur, nunquam, nisi integra omnium reductione, deponendum, quod citra miraculum fieri posse non videbatur, cum ob longæ toto ferè orbe parentis dispersionis rationem, tum ob loci, quo reducendæ essent, angustias tantæ hominum multitudini capiendæ atque alendæ longè dispares. Huiusmodi autem argumentum ita colligit Vates, ut confirmando Babyloniensium etiam sententiam frangat. nam & hoc nomine verè etiam restitutionem illà existimandam esse confirmat, ex qua variè dispersis Israëlitis commoditas magna ad reditum atque ad salutem creanda sit. id tamè miraculis diuinis, atque ideo maiori & illustriori beneficio ascribendum censet.

*Hæc dicit Dominus exercituum, Si videbitur difficile in oculis reliquiarum populi huius in diebus illis, nunquid in oculis meis difficile erit, dicit Dominus exercituum.*

Hæc versio nihil, quod hominibus difficile videatur, Deo difficile esse indicat, iuxta illud: Quia non erit impossibile apud Deum omne verbum. sed cum reliquiarum populi illud opus futurum non esset, sed magis Dei ipsius, qui in se præstandum receperat, non erat, cur sibi difficile factum iudicaret, cui non pertinebat. ut autem Deo difficile putaret, absurdum omnino erat: sed & lectio ipsa, & lectionis aperta sententia ex Hebraica versione ad verbum constat. [Sic dicit Dominus exercituum, quod mirificetur in oculis reliquiarum populi huius in diebus illis, etiam in oculis meis mirificabitur, dicit Dominus exercituum.] Non modo hominum, sed suo etiam iudicio rem illam non naturæ, sed miraculorum terminis definiendam esse, sibi quæ soli ut maximam admirandam quæ, atque singularis cuiusdam erga homines beneficij & gratiæ argumentum ad efficiendum susceptam demum præstandam fore, magna quæ omnium admiratione probandam, quicumque præscriptis legibus & condicionibus habiti fuerint digni, quibus tanta gratia concilietur. Itaque mirificari hoc in loco illius est sententiæ: A Domino factum est istud, & est mirabile in oculis nostris. Quod verò hæc res magna mirabilis quæ, neque ex vulgato iam & consueto, sed ex singulari quodam & nouo miraculorum genere futura esset, ideo nomen Dei exercituum bis in eodem versu appellatur, & in principio, dum prædicitur, in fine, dum confirmatur, atque in adiuncto etiam carmine tertio repetitur. Eius autem propositæ rei ratio illa est.

*Ecce ego saluabo populum meum de terra Orientis, & de terra Occasus solis. & adducam eos, & habitabunt in medio Ierusalem: & erunt mihi in populum, & ego ero eis in Deum in veritate & in iustitia.*

Huius etiam carminis initium ex nomine Dei exercituum, ut indicauimus, Hebraicè ducitur. [Sic dicit Dominus exercituum, ecce ego, &c.] rem maximam quidem & vehementer admirandam, tamen sibi ipsi, qui suscepit, præstandam; idque nomine Dei exercituum potentissimi, qui ad difficillima quæque expedienda celerrimis & promptissimis exercitibus, cælo, terra, mari quæ. uti possit: quibus nihil tam arduum sit, quin minimo negotio conficiatur, maximè cum sese ipse ducem auctorem quæ. exhibuerit. qualem hac in re fore proficetur, in qua de publica hominum salute agitur: ad quam omnes ij, qui in populo suo conscriberentur, vocandi sunt, non solum ex Israëlitis, sed ex gentibus etiam ab illa vitiorum & diaboli seruitute miserrima seruandi, & in communem sanctam ciuitatem Ierusalem recipiendi, ubi perpetuis veritatis & iustitiæ muneribus donati atque aucti prosperè fungantur; utpote qui verus & sanctus iustus quæque populus Dei audiant: cuius singulari prospicientia, tutela, gratia, atque sancto denique spiritu gubernetur, hoc est, in veritate & iustitia. vtrumque enim verbum ad Deum & populum referendum est. veritas Dei est promissorum fides & constantia. Iustitia Dei admiranda illa iustificatio: de qua multa quidem sæpe, nunquàm verò satis diximus. Veritas populi est illa promissorum diuinorum in se agnitio, quorum virtute maxima etiam promissis diuinis fides habetur. Iustitia autem populi, est acceptæ in se iustitiæ diuinæ omnibus in periculis faciendis argumentum exemplum quæ. certum, de qua sic scriptum extat: Filioli, nemo vos seducat: qui facit iustitiam, iustus est, sicut & ille iustus est, &c. Atque hæc res triplici miraculo efficienda fuerat, populo primum omni, ubicumque dispersus esset, qua omnis orbis pater,

vna expeditionis opera Ierosolymis sumpta seruando. Cuius expeditionis arcana ratio in sacrosancta illa Christi cena & corporis ac sanguinis communionem cooptam in morte & resurrectione consolidata fuit; deinde etiam populo adducendo, quod euangelij prædicatione præstitum fuit; tandemque in medio Ierusalem collocando, quæ res & ciuitatis dilatationem, & omnibus aliis tribubus & gentibus communicationem, & maximam ciuium frequentiam futuram indicat; multiplicia videlicet mysteria, & quæ longam ad cognoscendum explicationem postulent. Horum itaque triplicium miraculorum causa nomen Dei exercituum ter in hac oratione appellatum est. omnisq. terrarum orbis ex hac longitudinis ratione illis verbis definitur. [Terra Orientis & Occasus solis.] Atq. earum argumentationum, quæ Babylonienfium consultatione continebantur, dilutioni infirmationique peroratio oportuna commodissime à Vate adiungitur; eademque ultra rationes atque expositiones rerum, quibus confirmata fuerat, vaticiniorum etiam auctoritate corroboratur: atque ita vna opera & Babylonienfium ratio oratioq. redarguta est, & Ierosolymitanorum animi, quos illa oratio demiserat, redintegrati firmatiq. fuere.

15 *Hec dicit Dominus exercituum, confortentur manus vestre, qui auditis in his diebus sermones istos per os prophetarum in die qua fundata est domus Domini exercituum, vt templum Domini adificaretur.*

NON modò nunc, vbi tam expresse atque aperte dubitationum ratio exposita fuerit, atque hoc tempore, quo maxima operis pars in templi refectione absoluta est; sed à primis etiam iaciendi fundamenti diebus omni studio atque opera in opus incumbere oportuisse ait eos, qui similes ex aliis vatibus sermones audierint & legerint. quales multi in Ieremix, Ezechielis atque Danielis vaticiniis de futura secundi templi ætatibus felicitate habiti fuerunt. nam præter Haggæi etiam vaticinia, quæ plus apud illos ad ædificandum, quam Babylonienfium legatio ad remittendum, ponderis ac momēti habere debuerunt, vel vnica tantorum promissorum spes animos illis, quò sese ad tanta diuina beneficia oportunè pararent, erigere & renouare debuisset. grauiorem namque etiam non incepto opere vatum auctoritatem, quàm omnem aliam orationem vel sententiā esse oportuit. Hanc autem argumentationem ex contentionis loco repetitam nomine Dei exercituum tractat: cuius appellatio in maximis operibus suscipiēdis auspiciatissima est. [Confortentur manus vestre. Hebraicè in futuro est, confortabuntur.] quod tamē non temporis, sed dignitatis & decori significationē habet, vt iam alias de futuri verbi ratione disseruimus, quando non ad venturas, sed ad præsentēs vel præteritas res efferendas conferri videtur, vt hoc in loco, quem totum ex Hebraico ad verbū explicationis causa vertere placuit. [Confortabuntur manus vestre audientes in diebus istis verba ea ex ore prophetarum, quæ in die (quæ) fundata est domus Domini exercituum, templum ad ædificandum.] Non modò nunc cum iam ferè absolutum opus est, sed in die, qua primum fundamenta iacta sunt, templum totum ædificandum suscipi ab ijs oportuit, quibus verba illa à veracissimis vatibus facta constabant. Cæterum quod ad sterilitatem terræ & illius antiquæ fertilitatis desiderium atinebat, quod Babylonienfibus aliisque ad eleuandam restitutionis auctoritatem & fidem quartum fuerat argumentum, id etiam perperam cū primis ductum docet Vates: deinde verò recto modo expositum sapienter colligit. Etenim illud in hac argumentatione vitium inerat, quod colendæ atque habitandæ regionis oportunitas vel importunum tempus ex fertilitatis vel sterilitatis notatione statueretur, quando agrorum felicitas, vel inopia & sterilitas non tam ex cultorum defectu & desiderio, quàm ex vitio vel officio penderet. id quod ex legis prædictionibus, & ominibus cū primis, a quæ ex ipso etiam temporum & seculorum exemplo obseruare conueniret. namque lex magnam ipsis etiam dum terra incoleretur, ob scelera & vitia minatur sterilitatem: quam etiam allatā Amos alijque vates suis temporibus indicant. Vt autem regionis sterilitas incolentium vitia, sic virtutem & pietatem magna vbertas & copia ex diuinis denuntiationibus vel promissis consequitur, sicut scriptum est: Sit cælum, quod super te est, aneum, Deut. 28 & terra, quam calcas, ferrea: det Dominus imbrem terræ tuæ puluerem, &c. Maledictus eris in ciuitate, & maledictus in agro: maledictum horreum tuum, maledictæ reliquæ tuæ: maledictus fructus ventris tui, & fructus terræ tuæ, armenta bouum tuorum, & greges ouium tuarum: maledictus eris ingrediens, & maledictus egrediens. mittet Dominus super



super te famem & esuriem, & increpationem in omnia opera tua, quæ facies, & car. Atqui Amos alijque vates huiusmodi calamitates terræ atque populo nequissimorum principum temporibus allatas apertè indicant, vt merito nunc Babylonienſium & Ierofolymitanorum Iudæorum inſcitia redarguatur, qui temporum cauſarumque diſtinctionis ignari, varias euentuum rationes permifcentes confundebant. Ex quo vitio in ſa-  
 terorum & diuinorum oraculorum interpretatione multa & grauiffima ad eos, quorum intereſt, incommoda perueniunt. Hæc itaque eorum, qui ſubiunguntur, verſum ſententia eſt.

*Siquidem ante dies illos merces hominum non erat, nec merces iumentorum erat, neque introeunti neque exeunti erat. pax præ tribulatione: & dimiſi omnes homines vnumquemque contra proximum ſuum.*

NON nouam neque deſolationis templi tempora conſecutam terræ ſterilitatem, & finitimorum atque vicinorum hominum importunitatem, ſed hæc omnia incolentium vitijs magis, quàm terræ vaſtitati adiunctam eſſe, periculo ipſo atq. exemplo præteritorum temporum Vates declarat; [*siquidem ante dies illos,*] cum deſolata vrbs, regioq. vaſtata atq. cultoribus viduata eſſet ſuis, etiã extante templo, neq. agricolæ neq. pecuarij pro laboris & aſſiduitatis ratione mercedem diurnam ex artibus ſuis accipiebāt, nedum vberiores fructus perciperent. neq. in alijs negotijs & artibus, quæ vitæ alendæ cauſa exercentur, qualis mercatura, nauigatio, aliæque multæ ſunt, aut fidem, aut vtilitatem, aut felicitatis virtutem aliquam experiri licebat. hoc eſt *neque introeunti neque exeunti pax erat præ tribulatione* & miſeria, adeo anguſtæ res eorum vrgebantur. deinde ad ſummam etiã miſeriam ſumma malitia & ſumma iniuria accedente eſſeſrenata quædã fraudis inuicem faciendæ & diripiendi libido ſingulos ferme inuaſerat; adeo, vt nō ſolùm à finitimis hoſtibus, ſed à vicinis conciuibusq. ſuis contraſctas & debilitatas nimium res defendere & conſeruare nemo poſſet. [*Et dimiſi omnes homines vnumquemque contra proximum ſuum.*] Grauiſſi-  
 morum ſclerum pœnæ pars nonnunquam eſſeſrenata iam libidinis laxamentum, & op-  
 tata ad nocendum diuinitus permiſſa licentia eſt, ſicut ſcriptũ eſt: Percutiat te Dominus  
 Deut. 27. „amētia & cæcitate ac furore mētis: & palpes in meridie ſicut palpare ſolet cæcus in te-  
 „nebris, & non dirigas vias tuas: omniq. tempore calumniam ſuſtineas, & opprimaris vio-  
 „lencia, neque habeas qui liberet te. Ea res, quod non Dei ſtudio, ſed permiſſu fiat, dimi-  
 tendi verbo in Vatis noſtri oratione ſignificatur: qua etiam prona ac præceps hominum  
 ad malũ propenſio, & Dei, ne in deterius procedatur, retinentis & coercentis cura aper-  
 tiſſimè ſignificatur. Eam igitur & miſerarum & anguſtarum experientiam rerum, quæ  
 ex agrorum ſterilitate & hominum fraudatione iſti arguebant, non his temporibus pro-  
 priam, ſed diſſolutis hominum & perditis moribus ex diuino iudicio conſequentem eſſe  
 Vates hoc loco confirmat: cuius in melius mutationem idem etiam cum alijs promiſſis  
 coniungit, vt ne hac etiam parte vel felicitatis minui ſpes, vel ſacrũ impediiri poſſit opus.

*Nunc autem non iuxta dies priores ego faciam reliquijs populi huius, dicit Dominus exercituum, ſed ſemen pacis erit: vinea dabit fructum ſuum, & terra dabit germen ſuum: & celi dabunt rorem ſuum: & poſſidere faciam reliquias populi huius vniuerſa hæc.*

FVTVRÆ noui teſtamenti ætate, cuius iam ſecula illa initia quædam & præludia erunt hominum felicitatis imago, terrenæ fertilitatis & vbertatis coloribus (vt res ipſa  
 45  
 46  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100  
 101  
 102  
 103  
 104  
 105  
 106  
 107  
 108  
 109  
 110  
 111  
 112  
 113  
 114  
 115  
 116  
 117  
 118  
 119  
 120  
 121  
 122  
 123  
 124  
 125  
 126  
 127  
 128  
 129  
 130  
 131  
 132  
 133  
 134  
 135  
 136  
 137  
 138  
 139  
 140  
 141  
 142  
 143  
 144  
 145  
 146  
 147  
 148  
 149  
 150  
 151  
 152  
 153  
 154  
 155  
 156  
 157  
 158  
 159  
 160  
 161  
 162  
 163  
 164  
 165  
 166  
 167  
 168  
 169  
 170  
 171  
 172  
 173  
 174  
 175  
 176  
 177  
 178  
 179  
 180  
 181  
 182  
 183  
 184  
 185  
 186  
 187  
 188  
 189  
 190  
 191  
 192  
 193  
 194  
 195  
 196  
 197  
 198  
 199  
 200  
 201  
 202  
 203  
 204  
 205  
 206  
 207  
 208  
 209  
 210  
 211  
 212  
 213  
 214  
 215  
 216  
 217  
 218  
 219  
 220  
 221  
 222  
 223  
 224  
 225  
 226  
 227  
 228  
 229  
 230  
 231  
 232  
 233  
 234  
 235  
 236  
 237  
 238  
 239  
 240  
 241  
 242  
 243  
 244  
 245  
 246  
 247  
 248  
 249  
 250  
 251  
 252  
 253  
 254  
 255  
 256  
 257  
 258  
 259  
 260  
 261  
 262  
 263  
 264  
 265  
 266  
 267  
 268  
 269  
 270  
 271  
 272  
 273  
 274  
 275  
 276  
 277  
 278  
 279  
 280  
 281  
 282  
 283  
 284  
 285  
 286  
 287  
 288  
 289  
 290  
 291  
 292  
 293  
 294  
 295  
 296  
 297  
 298  
 299  
 300  
 301  
 302  
 303  
 304  
 305  
 306  
 307  
 308  
 309  
 310  
 311  
 312  
 313  
 314  
 315  
 316  
 317  
 318  
 319  
 320  
 321  
 322  
 323  
 324  
 325  
 326  
 327  
 328  
 329  
 330  
 331  
 332  
 333  
 334  
 335  
 336  
 337  
 338  
 339  
 340  
 341  
 342  
 343  
 344  
 345  
 346  
 347  
 348  
 349  
 350  
 351  
 352  
 353  
 354  
 355  
 356  
 357  
 358  
 359  
 360  
 361  
 362  
 363  
 364  
 365  
 366  
 367  
 368  
 369  
 370  
 371  
 372  
 373  
 374  
 375  
 376  
 377  
 378  
 379  
 380  
 381  
 382  
 383  
 384  
 385  
 386  
 387  
 388  
 389  
 390  
 391  
 392  
 393  
 394  
 395  
 396  
 397  
 398  
 399  
 400  
 401  
 402  
 403  
 404  
 405  
 406  
 407  
 408  
 409  
 410  
 411  
 412  
 413  
 414  
 415  
 416  
 417  
 418  
 419  
 420  
 421  
 422  
 423  
 424  
 425  
 426  
 427  
 428  
 429  
 430  
 431  
 432  
 433  
 434  
 435  
 436  
 437  
 438  
 439  
 440  
 441  
 442  
 443  
 444  
 445  
 446  
 447  
 448  
 449  
 450  
 451  
 452  
 453  
 454  
 455  
 456  
 457  
 458  
 459  
 460  
 461  
 462  
 463  
 464  
 465  
 466  
 467  
 468  
 469  
 470  
 471  
 472  
 473  
 474  
 475  
 476  
 477  
 478  
 479  
 480  
 481  
 482  
 483  
 484  
 485  
 486  
 487  
 488  
 489  
 490  
 491  
 492  
 493  
 494  
 495  
 496  
 497  
 498  
 499  
 500  
 501  
 502  
 503  
 504  
 505  
 506  
 507  
 508  
 509  
 510  
 511  
 512  
 513  
 514  
 515  
 516  
 517  
 518  
 519  
 520  
 521  
 522  
 523  
 524  
 525  
 526  
 527  
 528  
 529  
 530  
 531  
 532  
 533  
 534  
 535  
 536  
 537  
 538  
 539  
 540  
 541  
 542  
 543  
 544  
 545  
 546  
 547  
 548  
 549  
 550  
 551  
 552  
 553  
 554  
 555  
 556  
 557  
 558  
 559  
 560  
 561  
 562  
 563  
 564  
 565  
 566  
 567  
 568  
 569  
 570  
 571  
 572  
 573  
 574  
 575  
 576  
 577  
 578  
 579  
 580  
 581  
 582  
 583  
 584  
 585  
 586  
 587  
 588  
 589  
 590  
 591  
 592  
 593  
 594  
 595  
 596  
 597  
 598  
 599  
 600  
 601  
 602  
 603  
 604  
 605  
 606  
 607  
 608  
 609  
 610  
 611  
 612  
 613  
 614  
 615  
 616  
 617  
 618  
 619  
 620  
 621  
 622  
 623  
 624  
 625  
 626  
 627  
 628  
 629  
 630  
 631  
 632  
 633  
 634  
 635  
 636  
 637  
 638  
 639  
 640  
 641  
 642  
 643  
 644  
 645  
 646  
 647  
 648  
 649  
 650  
 651  
 652  
 653  
 654  
 655  
 656  
 657  
 658  
 659  
 660  
 661  
 662  
 663  
 664  
 665  
 666  
 667  
 668  
 669  
 670  
 671  
 672  
 673  
 674  
 675  
 676  
 677  
 678  
 679  
 680  
 681  
 682  
 683  
 684  
 685  
 686  
 687  
 688  
 689  
 690  
 691  
 692  
 693  
 694  
 695  
 696  
 697  
 698  
 699  
 700  
 701  
 702  
 703  
 704  
 705  
 706  
 707  
 708  
 709  
 710  
 711  
 712  
 713  
 714  
 715  
 716  
 717  
 718  
 719  
 720  
 721  
 722  
 723  
 724  
 725  
 726  
 727  
 728  
 729  
 730  
 731  
 732  
 733  
 734  
 735  
 736  
 737  
 738  
 739  
 740  
 741  
 742  
 743  
 744  
 745  
 746  
 747  
 748  
 749  
 750  
 751  
 752  
 753  
 754  
 755  
 756  
 757  
 758  
 759  
 760  
 761  
 762  
 763  
 764  
 765  
 766  
 767  
 768  
 769  
 770  
 771  
 772  
 773  
 774  
 775  
 776  
 777  
 778  
 779  
 780  
 781  
 782  
 783  
 784  
 785  
 786  
 787  
 788  
 789  
 790  
 791  
 792  
 793  
 794  
 795  
 796  
 797  
 798  
 799  
 800  
 801  
 802  
 803  
 804  
 805  
 806  
 807  
 808  
 809  
 810  
 811  
 812  
 813  
 814  
 815  
 816  
 817  
 818  
 819  
 820  
 821  
 822  
 823  
 824  
 825  
 826  
 827  
 828  
 829  
 830  
 831  
 832  
 833  
 834  
 835  
 836  
 837  
 838  
 839  
 840  
 841  
 842  
 843  
 844  
 845  
 846  
 847  
 848  
 849  
 850  
 851  
 852  
 853  
 854  
 855  
 856  
 857  
 858  
 859  
 860  
 861  
 862  
 863  
 864  
 865  
 866  
 867  
 868  
 869  
 870  
 871  
 872  
 873  
 874  
 875  
 876  
 877  
 878  
 879  
 880  
 881  
 882  
 883  
 884  
 885  
 886  
 887  
 888  
 889  
 890  
 891  
 892  
 893  
 894  
 895  
 896  
 897  
 898  
 899  
 900  
 901  
 902  
 903  
 904  
 905  
 906  
 907  
 908  
 909  
 910  
 911  
 912  
 913  
 914  
 915  
 916  
 917  
 918  
 919  
 920  
 921  
 922  
 923  
 924  
 925  
 926  
 927  
 928  
 929  
 930  
 931  
 932  
 933  
 934  
 935  
 936  
 937  
 938  
 939  
 940  
 941  
 942  
 943  
 944  
 945  
 946  
 947  
 948  
 949  
 950  
 951  
 952  
 953  
 954  
 955  
 956  
 957  
 958  
 959  
 960  
 961  
 962  
 963  
 964  
 965  
 966  
 967  
 968  
 969  
 970  
 971  
 972  
 973  
 974  
 975  
 976  
 977  
 978  
 979  
 980  
 981  
 982  
 983  
 984  
 985  
 986  
 987  
 988  
 989  
 990  
 991  
 992  
 993  
 994  
 995  
 996  
 997  
 998  
 999  
 1000

legitimè accedere voluerit, de quibus scriptum est: Si fuerit numerus filiorum Israel  
 quali arena maris, reliquæ tantum saluabuntur. Has autem ita sitas reliquias tanta vir-  
 tute diuinitus augendas fore, sacri vates cecinere, quantam vix quisquâ mortalium, nisi  
 particeps iam factus, cognoscere expressam valeat; imaginibus tamen quibusdam adum-  
 bratam intueri omnes possunt. Neque enim oculus vidit, neque auris audiuit; neque in  
 cor hominis ascendit, quanta præparauit Dominus diligentibus se. quod ut aliquo mo-  
 do, quantum ad cupiendum satis fuerit cognoscatur, earum rerum, quæ beatas regiones  
 habitationesque hominum in terris efficere solent, specie describitur, agrorum vinea-  
 rumque vbertate, in qua non solum frugum omnium copia, sed cæli solique temperata  
 salubritas est. Diximus autem iam sæpe aliàs terram humanæ naturæ; cælum verò di-  
 uinæ providentiæ atque tutelæ; fructus verò humanarum actionum, artium, studiorum  
 operumque vicem in sacris & arcanis verbis reddere, iuxta illud: Benedixisti Domine  
 terram tuam, auertisti captiuitatem Iacob, &c. Iam verò vineæ nomine piorum socie-  
 tatem, quam ecclesiam vocamus, dici, apertius est, quàm ut nostra expositione egeat.  
 Igitur in illa maxima & rerum humanarum planè diuina renouatione summam eiuf-  
 modi felicitatem spectandam fore Deus enuntiabat, ut sparso imprimis atque conce-  
 pro comprehensoq. diuinæ virtutis in hominum animis semine, & ecclesia ipsa, ut san-  
 ctificata, & humana natura, ut renouata, suos, quos oporteat ac deceat, reddat fructus: ad  
 quorum perfectionem & maturitatem cæli diuinæ providentiæ assidua virtute foueatur  
 augeaturque, ut illud merito prædicare & fateri ipsa hominum pietas possit: Non su-  
 mus sufficientes cogitare aliquid ex nobis, sed sufficientia omnis nostra ex Deo est. & il-  
 lud: Deus est, qui operatur in vobis velle & perficere pro bona voluntate, videlicet Dei.  
 Hoc autem proprium certumque ex diuino beneficio ijs, quibus contigerit, fore, ora-  
 culis etiam confirmatum est. [Et possidere faciam, &c.] Ut verò mysterij huius ratio ex  
 Hebraicæ orationis contextu apertior aliquanto fiat, locus hic ad verbum nobis red-  
 datur. [Et nunc non sicut diebus primis ego (ero) reliquiis populi huius dictum Domini exerci-  
 tum. nam semen pacis (ero) vinea dabit fructum suum, & terra dabit deductionem suam, &  
 celi dabunt rorem suum: & possidere faciam reliquias populi huius vniuersa hæc.] Illa ta-  
 men, quod magnam vim notationemque etiam habet, latinè reddi non potest, Græ-  
 cè commodius redditur, articulorum videlicet significatio nominibus, pacis, vineæ,  
 terre, calorūque Hebraicè adiuncta; quæ certam quandam obseruandamque pacem,  
 certam vineam & terram, certa que ratione definiendum cælum indicant. Pacis autem,  
 verbo quietem, tranquillitatem, & perfectionem etiam significari aliàs docuimus, quod  
 illolatio exemplo aperte cognoscitur: Est ne pax puero Absalom? Atque vltimam po-  
 sterioris versus partem optime Chaldaicus paraphrastes exposuit: [Et possidere faciam reli-  
 quias populi huius vniuersas benedictiones has.] Huius autem status dignitas & præstantia ex  
 antiquorum temporum comparatione & diuersis hominum de utroque genere iudican-  
 tium sententijs aperte ostenditur.

Et erit: sicut eratis maledictio in gentibus, domus Iuda & domus Israel: sic sal-  
 uabo vos, & eritis benedictio: nolite timere, confortentur manus vestrae.

Ad futura euangelij secula hanc omnem felicitatis promissæ rationem spectare  
 Iudæ & Israelis domus, quibus certa salus enuntiatur, appellatæ simul indicant. namque  
 in secundi templi temporibus Israelitas non resututos fuisse constat, sed inter varias gen-  
 tium nationes dispersos, ludibrioque, & opprobrio summo habitos: atque execratio-  
 nibus tanquam auspiciū malum ad detestandum expositos: quorum reliquias tandem  
 in diuinam gratiam reconciliatas, omnium rursus gētium summo studio & amore pro-  
 sequendos, & sanctitatis veræ nomine atque exemplo probandos laudandosque esse ait.  
 [Sicut eratis maledictio in gentibus.] Inuidiosos, detestabiles atque execrandos Iudæos Is-  
 raelitæque aliis gentibus fuisse, suis ipsorum assiduis lamentationibus, & aliorum aucto-  
 rum testimoniis compertum est.

Hodie tricesima sabbatha, vñ tu

Curtis Iudæ, &c.

Hor. ser. lib.  
 1. sat. 9.

adeo, ut nullus hominum fuerit, qui minus aliquid, quàm Iudæum senatum esse opta-  
 ret, sed

ret, sed diuino beneficio efficiendum effectumque esse intelleximus, vt paucorum Iudæorum & Israëlitarum opera & sedulitate magnam in omnibus gentibus operepretium ad veram pietatem atque ad euangelij propagationem factum sit. Quæ res apostolorum & discipulorum rebus gestis aperte satis ostenditur, qui ob nuntiatam gentem hoc in loco benedictio ex agricolarum sermone verbum trassatum significat, quod semen aut virgultum, ex quo multa & felix plantarum propagatio exspectetur, vt in hac eandem cum Zacharia nostro sententiam Isaias olim præcinit: Hæc dicit Dominus, Quomodo si inueniatur granum in botro & dicatur, ne dissipet illud, quoniam benedictio est, sic faciam propter seruos meos, & non disperdam totum, & educam de Iacob semen, & de Iuda possidentem montes meos, &c. Ad hanc igitur gloriæ atque magnitudinis spem excitatos sui temporis homines, pietatis, templi religionisq. res curare diligenterq. parare adhortatus est Vates, [nolite timere, confortetur manus vestre.] Id quod præsentis beneficii vltro collati exemplo confirmando atque in futuræ salutis spem atque signum statuendo comprobatur.

Isa. 65.

*Quia hæc dicit Dominus exercituum, Sicut cogitavi vt affligerem vos, cum ad iracundiam prouocassent patres vestri me, & non sum misertus: sic conuersus cogitavi in diebus istis, vt benefaciam domui Iuda & Ierusalem: nolite timere.*

PRÆSENTIS restitutionis veritatem ex temporum comparatione demonstratam confirmat Deus; causam verò consilium, clementiam benignitatemq. suam indicando explicat; atq. ad opus perficiendum beneq. de cætero sperandum hortatur. dixerat enim superioribus annis parentum ipsorum, quos alloquitur, sceleribus ad poenas repetendas prouocatum, ieiunijs & clamoribus, quo minus repeteret, non fuisse aut retardatum aut reuocatum, quoniam certa de ea re sententia fuerat, quam luendo ipsi experti fuerint. Nunc verò benignum & misericordiæ plenum ex certa voluntate profectum consilium suum, vel ex hac ipsa temporum in melius mutatione iam patere posse ait. Israëlitarum autem non meminit, quod hæc restitutio, quæ illius publicæ præludium, vt diximus, fuerat, ad Iudæos tantum Ierosolymitanosque pertinebat: quam ipsis certam perpetuamque reddi, & cum illa alia ad sperandum proposita coniungi posse ait, modò certis iisdemque æquissimis condicionibus ac legibus stabilienda confirmandaque curetur. Incussum igitur illis ex Babylonensium legatione metum, definienda præsentis restitutionis ratione, & certitudinis atq. perpetuitatis cōdicionibus proponendis adimit.

*Hæc sunt ergo verba quæ facietis, Loquimini veritatem vnusquisque cum proximo suo: veritatem & iudicium pacis iudicate in portis vestris. Et vnusquisque malum contra amicum suum ne cogitetis in cordibus vestris: & iuramentum mendax ne diligatis. omnia enim hæc sunt, quæ odi, dicit Dominus.*

Ad virtutis pietatisque studium (quæ ad diuinam accipiendam & figendam in hominibus beneficia certissima via est) populum illa modo oratione excitatum, confortentur manus vestre: nunc quid sequi, quid fugere debeat, definiendo aperte docet; adeo manifestam Iudiciorum suorum, consilij atque voluntatis rationem hominibus esse Deus vult, adeo inexcusabilem eorum, qui perierint, culpam fore testatur. vitæ nam nobis nunc aduersus omnem humanam sapientiam, ne dicam insolentiam & philosophicam stultitiam, de hac re copiosius & accuratius differendi locus daretur. Omne autem honestæ vitæ studium in duplex genus partitur Deus, alterum fugiendarum, alterum expectandarum rerum formas continet. alterius autem ratio omnis in innocentia, alterius verò in officio sita est. Etenim duabus his partibus rectè cultis hominum inter se coniunctionem atque societatem seruari, rempublicamque florere, stabiliri atque amplificari; contra verò neglectis labefactari conuelli que voluit, atque officium vel priuatum vel publicum est; priuati illæ summæ rationes sunt,

sunt, Quod tibi fieri non vis, alteri ne facito: quæcunque vis tibi ab hominibus præstari, eadem præstato. In his generibus omnis doli mali, fraudisq. detestatio, omneque bene aliorum rebus consulendi studium est. Publici verò officij finis & causa, publica pax & tranquillitas, exercitatio verò æquitatis seruandæ, perpetuum studium est. Vtrumque verò, nisi ab æquo omniq. dolo, fraude, odio maleuolentiaq. carente animo proficitur, quamuis aliis vtile fortasse videretur; tamen neque Deo, qui consilia imprimis, probat, gratum; neque ei ipsi, qui suscipit, ad veram felicitatem vtile est. Quamobrem ne qua parte sibi homines desint, quibus ipse sese non defuturum pollicetur, consilijs, monitis, exhortationibus, paternisque præceptis curat. [*Loquimini veritatem vnusquisque cum proximo suo.*] Non modò rebus ipsis & opera præstanda; sed verbis & oratione omnem integritatem simplicitatemque pietas à cultoribus exigit suis. hæc priuati officij summa est: publici verò illa, [*Et iudicium pacis indicate in portis vestris.*] Publicus iudicum confessus in portis erat, atque ex loco res indicatur per metonymiam, sicut scriptum est: Iudices & magistros constitues in Deut. 16. omnibus portis tuis. quid autem iudicium sit, in Habbakuq. commentariis abundè docuimus. Appellatur autem iudicium pacis, quòd nulla ad publicam pacem, ciuilemque charitatem & tranquillitatem conseruandam, vel certior, vel præstantior ars, quam si directum veri & iusti, & vt dicitur, æqui & boni studium patrociniūque sit. Hæc ratio non regibus modò, sed regnis certam perpetuamque felicitatem reddit: Deus iudicium tuum regi da, iustitiam tuam filio regis: iudicare populum tuum in iustitia, & pauperes tuos in iudicio: suscipiant montes pacem populo, & colles iustitiam. Iudicabit pauperes populi, & saluos faciet filios pauperum, & humiliabit calumniatorem, & permanebit cum sole & ante lunam in generatione & generationem, & cæt. Hæc autem non modò re, sed studio atque fidelitate omni præstari oportere docemur, vt ab omni simulatione, odio, inuidia, contentione alieni vitam innocentem imò officiosam omnino traducamus. At quoniam in iudicijs exercendis non satis est iudicis æquitas, nisi & actorum atque testium etiam certa fides & integritas accedat. His enim personis causarum & iudiciorum ratio absoluitur; actionum etiam & testimoniorum sanctitatem commendat Deus, horumque falsitatem aut leuitatem vehementer sibi inuisam detestandam esse ait. [*Et vnusquisque malum contra proximum suum non cogitetis in cordibus vestris.*] Litium calumniam & calliditatem in petendo atque in defendendo improbat: quam non modò re atque actione, sed neque priuata quidem cogitatione tractandam esse ait. Testimoniorum verò fidem sanctissimam esse vult: iusiurandi autem quo fides illa arctissime vincitur, contemptionem, violationem, vt sibi inuisam, sic suis prorsus detestabilem. [*Et iuramentum mendax ne diligatis.*] Grauiissima scelera nemini iniurto coactione, sed volenti atque optanti admitti solere locus hic docet: neque enim quisquam vel inferioris animi imbecillitate, vel alterius etiam potentissimi hominis impulsione ad violandam testimoniorum fidem actum se dicere verè possit. Sunt enim quædam flagitiorum genera, quæ magis ex deliberatione atque electione, quam ex naturæ imbecillitate vel inscitia (quod errorem vel inordinationem sacro sermone dicimus) suscipiuntur, vt dolus malus, proditio, fraus, antiqua odia, testimonia falsa. omnia hæc non impulsu animi impetum, non temerarium appetitum, sed deliberatam malitiam, certumque consilium indicant. atque ideo & grauioris poenæ, & difficilioris expiationis legibus cauentur. Quamobrem alia omnia etiam cogitando admitti, hoc postremum amari vetat Deus, rationem subiungens, quòd hæc omnia sibi vehementer inuisa detestandaque sint. Impium autem est ea aut agere, aut diligere, quæ summo odio Deus prosequatur. [*Omnia enim hæc sunt, quæ odij, dicit Dominus.*] Magnam sententiæ grauitatem vehementemque pronuntiationis actionem oratio hæc Hebraicè indicat, videturque ex comparatione argumentari. His rebus cum superiori luctus & interdictionum ratione collatis, ex quibus nihil ad se, aut odij, aut studij nomine pertinere ostenderat. nunc verò quid sibi summe placeat, quid vehementer displiceat, aperire ostendit, nimirum officiorum studium probari, scelera autem admittendorum, vel voluntatem ipsam maxime improbari. Non potest nobis latine huius loci grauitas suis, vt Hebraicè est, ponderibus



& momentis reddi, ob verborum latinorum simplicitatem & indeclinabilium vocum inopiam: quibus partibus felicissima omnium illa lingua est. Igitur restitutionem illam, quam in dubium Babylonienfium oratio vocauerat, non modò certam esse, sed his, quæ expositæ iam sunt, artibus & modis procuratam, perpetuam, plenam absolutam, titiæ & iucunditatis plenam fore Deus confirmat, potentiæ & facultatis suæ ad omnem rem præstandam, insigni titulo auctoritatis causa orationi præfixo.

*Et factum est verbum Domini exercituum ad me, dicens. Hebraicè, ad dicendum.*

Hoc responso plura se de omni illa ieiuniorum tertij generis ratione diuinitus edoctum Vates, eaque ad Babylonienfium orationem redarguendam, atque Ierosolymitanorum animos confirmandos referre iussu fuisse indicat: quorum illud argumentum est.

*Hæc dicit Dominus exercituum, Ieiunium quarti & ieiunium quinti, & ieiunium septimi, & ieiunium decimi erit domui Iudæ in gaudium & letitiam & in solennitates præclaras: veritatem tantum & pacem diligite.*

OMNEM ieiuniorum olim, ob rem publicam vibemque excisam, susceptorum interdictionem & interdictionum perpetuam illam curam rebus iam restitutis in publicam letitiam & iucundæ vitæ usum communisque charitatis fructum cōuersam illis de cætero certa ac propria Deoque probante ac prospiciente fausta feliciaque fore vaticinio confirmantur, modò diligēte propositarum conditionum obseruatione procurata sint: atque hoc modo & quid legatis respondeatur, & plura etiam ad suam vtilitatem spectanda Iudæi docentur. Duplex autem in legatorum oratione argumentum fuerat, alterum de publico luctu, antiquandus nec ne ille esset, querebat, alterū de interdictione, quæ non illo die tantum, sed omnibus aliis stabilienda sibi esse affirmabatur. de vtroque autem argumento contrarium Babylonienfium sententiæ iudicium interponit Deus. nempe quod ad luctum pertinet, non modò quinti mensis, sed quarti, quinti, septimi, & decimi dies lugubres in gaudium & letitiam conuertendos: quod verò de interdictionibus asseueratum est, non modò non admittitur, sed hilaritatis & suauitatis accessione excluditur. [Et in solennitates præclaras. Hebraicè est, Et in conuentus bonos.] quod Latini epularia sacrificia, vel epulares dies dicunt, hoc Hebræi dies bonos appellant. sed conuentus præter diei letitiam, iucunditatem & suauitatem inter multos communicatam, & idcirco auctiorem significat: cuiusmodi aliqui in sacra lege ad publicam exhilarationem cum diuinorum beneficiorum recordatione præscripti dies obseruantur. Iam igitur illum ieiuniorum & interdictionum usum non modò aliis diebus, sed ipsidem ipsis, quibus ob acceptam calamitatem aliquam indicta fuerant, deinceps exoletum, imò suauiori ratione mutatum in priuatæ publicæque Iudæis ait. illud verò, quod magis ad tenendam, stabiliendam, conseruandamque rem facit, perpetuo studio colendum. [Veritatem tantum & pacem diligite.] veritas ad priuatorum, pax ad publicorum officiorum rationem pertinet. [Erit domui Iudæ in gaudium.] Quatuor illa ieiunia, quæ ob excisam & ab hostibus occupatam Ierosolymam indicta fuerant, Iudæis tantum curabantur: cæteris tribubus non item. Iisdem itaque in publicam letitiam mutanda iam deinceps esse dicuntur. nam de ieiuniorum, quæ à tribubus aliis ob proprias calamitates instituta sunt, mutatione nihil interim hic agitur, quando hæc restitutio & salus Ierosolymitanorum tantum sit.

*Sic dicit Dominus exercituum, Usquequo venient populi, & habitent in ciuitatibus multis, & vadant habitatores unus ad alterum, dicentes, Eamus, & deprecemur faciem Domini, & queramus Dominum exercituum, vadam etiam ego.*

QVINTO Babylonienfium argumento quo restitutionis fides eleuabatur, quemadmodum

admodum respondeatur, ex oraculo Vates retulit, atque hoc in loco exponit. Fuerat autem argumentum inuidia illa, quam Iudæorum tum religio, tum natio ipsa apud omnes gentes alias maximam sustinebat: ea enim, quoad extincta esset, satis expretium nondum perfoluturum illis pœnarum signum esse putabatur. Iudæorum namque imprimis institutum, quod vnius Dei cultu definiretur, superstitiosum esse olim & stultis gentibus atque etiam humanæ sapientiæ professoribus putabatur.

*Quidam fortiti metuentem sabbatha patrem,  
Nil præter nubes & cæli numen adorant,  
Nec distare putant humana carne suillam,  
Qua pater abstinnit: mox & præputia ponunt.  
Romanas autem soliti contemnere leges  
Iudæicum ediscunt, & seruant, ac metuunt ius,  
Tradidit arcano quodcunque volumine Moses.*

Iuuenal.  
sat. 14.

Huiusmodi de Iudæorum religione iudicia apud gentium scriptores alia extant, in ipsos autem Iudæos quanta fuerit inuidia, iam iudicauimus. Huius autem vtriusque rei exitum felicissimum secundi etiam templi ætate, hoc est, euangelij enuntiandi initio fore Vates præcinit, ut gentes, quæ Dei vnius Iudæis noti cultum improbauerant, mutata sententia vehementer probent, studioque suscipiant, atque veræ pietatis religionisque purissimam rationem docti ineant, eiusque rei consequendæ causâ Iudæis ipsis adiungantur, atque hoc ita, ut prædictum fuerit, euenturum esse, nomine Dei exercituum in se recipientis confirmatur. [*Vsque quo veniant populi. Hebraicè, Vsque eo venient etiam populi & habitatores urbium multarum.*] Eatenus, inquit Deus, hæc felicitas atque restitutio pertinebit, ut non solum Ierosolymitanorum religionis inuidia extinguatur, sed communi multorum consilio & studio probata & inita ratio vniusque veri Dei notitia, cultus atque observatio & sapientiæ & salutis veræ petendæ causâ publicè suscipiatur. Communis autem multorum sententia, propensa voluntas studiumque incensum mutux exhortationis atque incitationis inductione ostenditur. [*vnus ad alterum.*] Bonum manifestum exploratumque esse oportet, quod tanto studio & consiliorum cōmunicatione expetatur. [*dicentes, Eamus, & deprecemur faciem Domini.*] Idem hac oratione quod latinis gratiam quærere atque inire significari iam docuimus: idque ad aliam impetrandam rem ut viam quandam muniri ostendimus. Ea autem alia causâ hîc statim subiungitur. [*Et queramus Dominum exercituum.*] Religionis veræ tum ratio plena, tum finis ipse hac oratione continetur. Finis est veri Dei misericordissimi & potentissimi propriæ salutis causâ inuentio; cuius petendi initium fides (Accedentē enim ad Deū credere oportet, quod sit, & quod inquirentibus se remunerator sit) via autem est pœnitentia, in qua turpitudinis viratio & honesti expetitiō studiumque est. hanc viam quisquis munierit, faciem Domini deprecari sibi, idemque Dominum exercituum quærere dicetur, quem tandem inueniet. Atqui apostolorum historiæ huiusmodi exemplis plenæ sunt. [*Vadam etiam ego.*] Inductio Actōrum est colloquij eorum, qui cōmunicatione consiliorum ad veram pietatem atq. ad Christianam religionem suscipiendam sese mutuo hortantur. namque is qui verba alijs de ea re facit, suum etiam consilium studiumque proficitur. oportet namque primum ad virtutis excitantis viri exemplum esse. Igitur sacra religio & pietas cuiusmodi tandem gentium iudicia habitura esset, hoc versu pronuntiatur.

*Et venient populi multi & gentes robustæ ad querendum Dominum exercituum in Ierusalem, & deprecandam faciem Domini.*

CHRISTIANÆ pietatis propagandæ series & continuatio vtroque versu indicata est: namque quorundam se mutuo excitantium iudicium & studium ciuitates ipse, ciuitates populi frequentes; populos verò gentes fortes & regna ipsa secuta sunt. Atque illud ad hunc aliaque ex diuinis libris loca explicanda mente comprehensum cogitatione percurrere operæpretium est, Iudaicæ religionis rationem à Christiana non dissentire, sed tantum distare modo, quantum à perfecta absolutaque natura eadem res nondum perfecta distat. namque gentilium superstitionum genera omnia, & quæ post excitatæ sunt hæreticorum vel sectariorum sententiæ, cuiusmodi Ismaëlitæ institutum est, ea vel quod obscurissimas & vanas atque stultas de Deo opiniones habeant, vel quod de hominum salute, illiusque pontifice

pontifice & procuratore auctoreque Christo vel falsa vel minus digna pronuntiât; omnino cum veritate ipsa pugnando, non minus, quàm à luce tenebrę absunt, sicut scriptū est: *Rom. 14.* Omne quod non est ex fide, peccatum est. At verò Iudæorum vera & sincera antiquaque doctrina sacris veteris instrumenti contenta libris nostrę veritati tam proxima, quàm umbra corpori, est; tamque consentiens, quàm figura & imago rei illius, ad cuius exemplar ab optimo artifice est depicta. *1. Cor. 10.* Omnia enim in figura contingebant illis. scripta sunt autem propter nos, in quos fines seculorum peruenerunt. Christianus verus & simplex, Iudæus verus perfectusque, hoc est, Dei laudator & cultor integer est, & qui diuinorum promissorum virtutis compos est, is verè israelita, in quo dolus non sit, appellatur. Huius tamē rei copiosam disputationem aliàs, Deo annuente, suscepturi argumētum breuē nunc pro cōmentarij ratione proposuimus. Religio igitur & pietas, cuiusmodi tandem gentium iudicium & studium habitura esset, his veribus pronuntiatum & confirmatum est: quales verò gentium animos & voluntates in se Iudæi ipsi, qui verè Deum cognoscentes, purè sanctęque colerent, experturi essent, illo etiam declaratur.

*Hec dicit Dominus exercituum, In diebus illis, in quibus apprehendent decem homines ex omnibus linguis gentium, & apprehendent simbram viri Iudæi, dicentes, Ibimus vobiscum: audiui enim quoniam Deus vobiscum est.*

RESTITUTIONEM illā futurę salutis præludiū atq. apparatū Vates semper interpretatus est: quam salutē tum demum absoluendā expectari docet, cū paucorū hominum Iudæorū generis secundū carnē, Christianorū verò disciplinę secundū operā & doctrinā magna gentiū ex omnibus linguis copia veram religionem studiose suscipiet. Singulis autem Iudæis deni viri, qui vellem apprehendant, ascripti, magnam stipatorum manum arguunt; siquidem non plures quàm decem vnius hominis ductoris vestē apprehendere possunt: possunt tamen apprehensores illi ab aliis etiam sibi adiunctis apprehendi. itaque hic certus numerus magni & incerti index est. [*Ibimus vobiscum: audiui enim Deum vobiscum esse.*] Antiquam & consuetam viam, patrumque instituta, quanquam erroribus omnia plena; nunquam tamen homines deserunt, nisi magnam illi, ad quam vocantur, disciplinę excellentiam præstantiamque rationum reliquarum inesse intellexerint: qualem in Christiana disciplina olim gentes cognouerunt; non modò Dei notitiam, sed virtutem etiam & efficientiam ijs, qui susciperent, communicantem. Quid verò illud sit, [*Deus vobiscum,*] vel ex aliis nostrorum commentariorum locis indicatum petere, vel longiore tractatione exponendum expectare licet. Huius autem sententię illa D. Pauli prædicatio est: Non erubescō euangelium: virtus enim Dei est in salutē omni credenti Iudæo primum & Græco. Huius porrò vaticinii cū multa exempla producere possemus, illud satis esse explicandī causā duximus, quod D. Petrus, *Roman. 1.* quamobrem à Cornelio vocatus esset, editum agnouit. A nudius quarta die vsque ad *Act. 10.* hanc horam, Cornelius inquit, orans eram hora nona in domo mea, & ecce vir stetit ante me in veste candida, & ait, Corneli, exaudita est oratio tua, & eleemosynę tuę commemoratae sunt in conspectu Dei. mitte ergo in Ioppē & accerse Simonem, qui cognominatur Petrus. hic hospitatur in domo Simonis Coriarij iuxta mare. Confestim ergo, nisi ad te, & tu benefecisti veniendo. nunc ergo omnes nos in conspectu tuo adsumus, audire omnia quęcunque tibi præcepta sunt à Domino, &c.

## CAPVT NONVM.



*Novs verbi Domini in terra Hadrach, & Damasci requiei eius: quia Domini est oculus hominis, & omnium tribuum Israel.*

**O** N V S verbi Domini in terra Hadrach, & Damasci, requiei, & cat. ] Ex ijs etiam rebus, quibus Babylonienſes in restitutionis huius dubitationem adducti fuerant, illa non parum momenti habebat, hominum videlicet restitutorum exiguus admodum numerus

numerus cum regionis magnitudine, vel cum antiqua Israëlitarum frequentia, vel cum  
 vatum de restitutione prædictionibus comparatus, quando angustissima fore vrbs illa;  
 tot ciuibz capiendis, dicta fuerit. atque ideo ruptis muris longissime dilatanda esse à  
 vatribz prædicetur. nunc verò cum tantum vel antiquæ multitudinis reliquæ quæ-  
 5 dam, vel speratæ frequentiæ vix initia restituti illi videri possent, nisi per Vatem etiam  
 eximeretur, hic non exiguus scrupulus residebat: quem tamē Zacharias diuino respon-  
 so prorsus euellit, eam Ierosolymitanorum ciuium, eam Israëlitarum hominum fre-  
 quentiam fore confirmans, vt antiquis regionis finibus non contentam ad vicinas &  
 finitimas vrbes dilatari, atque inde colonijs eductis longè lateque diffundi ac propa-  
 10 garinecesse sit. ex quo illud consequitur, vt diuini imperij sacræque religionis leges  
 & iura non in illis, quibus quondam versabantur, regionis angustis; sed in omnibus  
 terrarum gentiumque locis promulgata religiose colantur: id quod diuina virtute tan-  
 tum per paucos eosque humillimos viros omni hominum tum potentia, tum sapien-  
 tia etiam repugnante & obistente atque inuita, imò victa efficiendum esse declaratur.  
 15 namque ea diuini verbi vis & efficientia est, vt debilioribus ad sui administrationem de-  
 lectis fortissima quæque demoliatur & euertat. Atque vaticinij huius argumentum &  
 sententiam hæcenus exposuimus. nunc deinceps orationem ipsam exponamus. [*Onus*  
*verbi Domini.*] In Habbakuq commentariis, quam vim hoc verbum *onus* habeat, satis  
 20 expressisse videmur, cuius summa definitio illa fuit, vt *onus* sententiam latam in ali-  
 quem pronuntiatam tandemque impositam nullo conatu frangendam, nulloque pa-  
 tio, quin perferatur, declinandam. Igitur sacrosancti Christi euangelij gentibus enun-  
 tiandi legem in omni Syria primum promulgandam iubendamque, atque deinde in  
 alias orbis terræ regiones proferendam esse Vates huiusmodi oratione significat.  
 25 [*Onus verbi Domini in terra Hadrac, & Damasci requies eius.*] Translato oneris nomini aptum  
 verbum adiunctum est, [*requies eius.*] *Onus* enim vel iumentorum dorso, vel hominum  
 humeris impositum, qua ratione *onus* est, requiescere; siue, vt Hebraica proprietas  
 habet, fini & componi videtur. Atque ita verbi diuini *onus* discipulos Ierosolymitanæ  
 afflictionis occasione Damascum delatum à Damascenis acceptum est, quod neque  
 30 oppugnantium ciuium impetu, neque Sauli Tarsensis conatibus, quo minus maiori  
 cum celebritate impositum acceptumque sustineretur, abijci potuit. Quod verò la-  
 tine, *sustinere onus*, dicimus, verbo ad eum, qui accipit, translato, hoc Hebraicè ad *onus*  
 ipsum relato verbo, *quiescere onus*, dicitur. Cuius verò loci nomen *Hadrac* fuerit, cum  
 semel in sacris libris legatur, compertum satis non est. nam quod auctores quidam Sy-  
 35 riam Damasci nomine significari putent, inde effectum esse videtur, quod in antiquis  
 Hebræorum disputationibus Iosæus quidam Damascenus Romæ-Kithi filius locum  
 Damasci hoc nomine dictum celo & terra testibus iuratus affirmat. Verum cum  
 ex sacris libris nihil de nomine ipso apertè aliàs dicatur, loci situm vel ratione conij-  
 cere, vel antiqua aliqua auctoritate indicare licebit. Atqui non vnum eundemque  
 40 locum *Hadrac* & *Damascum*, à Vate appellari, & orationis ipsa series, & subiuncta ex-  
 plicatio docet. namque oratio illa, [*in terra Hadrac, & Damasci requies eius.*] propositio-  
 nem comparatione continere videtur, aliamque esse *Hadrac*, aliam *Damasci* terram  
 indicat. Eius verò partitionis membra confirmatione ipsa deinceps exponuntur, am-  
 plificanda *Damasci* ratione primum, & deinde ad Syriam, Palæstinam, Phœniciam  
 sermone translato. Ex quibus rebus illud colligi posse videtur, *Hadrac* terram Palæ-  
 45 stinam & Phœniciæ partem esse; *Damascum* verò Syriæ, vt aliàs docuimus, caput: cu-  
 ius posterior in partitione, prior in expositione ratio explicata à Vate est, non inuenusta  
 ordinis figura, vt:

*Penè occupatam seditionibus*

*Deleuit orbem Dacus & Æthiops,*

*Hic classe formidatus, ille*

*Missilibus melior sagittis.*

Atque huic expositioni Ionathas antiquus paraphrastes consentire valde videtur, dum  
 sic vertit: *Verbum Domini in terra Australi, & Damascus conuertetur, vt sit pavimentum do-*  
 50 *mus diuinitatis eius.* Atque Damascena Syria Ierosolymis borealis est. Palæstina verò om-  
 nis australis occidentalisque est, maximè ea parte, quæ ad Gazam antiquissimam Pa-  
 55 lestinae urbem pertinet. namque has regiones omnes quæ Palæstinae Phœniciæq. olim  
 nomine

Lege dispu-  
 tationes no-  
 stras proce-  
 diales in  
 hos comēt.  
 de onere.

Act. 7. & 9.

D. Ieron. de  
 locis Hebr.

Ex commēt.  
 Deuter. com.  
 Camhi, Iarhi,  
 Isaac Hispanus.

Hor. carm.  
 lib. 3.



nomine nuncupatae fuerunt, ad Israëlitis filios promissionis diuinæ iure pertinere constat: quas cum Israëlitis illi prisci nunquam possederint, nouis Israëlitis ex promissionū fide atque constantia habitandas fore consentaneum fuit. ex ijs autem, quæ promissæ, sed nondum priscis seculis obtentæ fuerant, terris, Kinororum, Kenesæorum, Kadmoreorumque regiones fuere, quæ terræ Hadrac, quam hic Vates appellat, ascribi videntur. Præter has autem regiones Christi imperium à mari usque ad mare, à flumine usque ad terminos orbis terrarum dilatandum esse accepimus. neque enim Israëlitem salutis auctorem tandem agnoscentes pietate & religione colendum suscepturæ prædicuntur. [*Quia Dominus est oculus hominis, & omnium tribuum Israël.* Hebraicè, *Quia Domino oculus Adæ, &c.*] Israëlites ab alijs nationibus nomine Adæ interdum distinguuntur, quanquam enim omnes homines Adam filij, ut sunt, sic etiam Adam nominentur; maximè cum ratio ad deteriore naturæ statum refertur, in quem de pristino illo conuulsæ res hominum primorum parentum vitio & culpa peruenerant, quam rem Latini hominum plurali nomine explicant: tamen cum certorum Dei promissorum & pietatis veræ, atque purioris cuiusdam diuinarum rerum notitiæ ratio habetur, Israëlitis nomen propriè appellatur, ad quem huiusmodi mysteria tenendi atque enuntiandi singulæ beneficii primæ delatæ sunt, sicut scriptum est: *Notas fecit vias suas Moyse, filiis Israël voluntates suas, &c.* Cæteri verò mortales Adam dicuntur, ad quos tamen salutis rationem, quanquam scelerum vitio obscuratam & perturbatam, pertinere nomen ipsum Adam, cui restitutionis promissum factum fuerat, docet. Igitur non Israëlitarum modò tribus, quibus retentiora promissa apertiora que sunt, sed aliorum hominum nationes, euangelij nuntio audito, suaue illud ac leue veræ pietatis iugum subituras esse Vates præcinit: his enim quauis minus aperta explorataque salutis tunc esset, non tamè minus propria spes esse debuit: quæ olim Adæ horum parenti primo non minus certa, quam postea Israëlitisque tribubus & familijs facta est. nam si Iacob dictum fuit, „Non vocaberis vltrà Iacob, sed Israël erit nomen tuum: & appellauit eum Dominus Israël, „dixitque ei: Ego Dominus omnipotēs, cresce & multiplicare: gentes & populi nationum ex te erunt: reges de lumbis tuis egredientur, &c. Adam quoque similiter illud in sua posteritatisque suæ causa audiuit: Inimicitias ponam inter te & mulierem, & semē tuum, & semen illius: ipsum conteret caput tuum, &c. Ex quo factum est, ut Adam propriam filiorum salutem à Deo promissam expectari sibi non vno loco profiteretur: Posuit, inquit, mihi Deus semen aliud pro Abel, quem occidit Cain. Hanc itaque spem atque adeo attentam Adæ & Israëlitarum communis à Deoque promissæ salutis expectationem illa oratione significauit Vates, [*Quia Dominus est oculus hominis, &c.*] Sunt enim oculi præter aliorum sensuum instrumenta, desiderij, spei, expectationisque indices non obscuri, ut illud apud nostros: *Oculi mei semper ad Dominum: quoniam ipse euellet de laqueo pedes meos. & apud exteros:*

Horat. lib. 4.  
Od. 5.

*Curuo nec faciem littore dimouet.*

Atque huius desiderij expectationisque euentum certum fore, propositione diuisioneque iam constituta, prædixerat. deinde & generis in varias formas partitione confirmat.

*Emath quoque in terminis eius, & Tyrus, & Sidon: assumpserunt quippe sibi sapientiam valde. Hebraicè, Etiam Emath terminabitur in illa: Tyrus & Sidon, quod sapientiam valde.*

ILLUD significat oratio, nullam humanam potentiam, sapientiam, calliditatem, nullam denique opum vim tantam fore, quæ euangelij virtuti & auctoritati obistere valeat. Meminit autem *Emath*, quod in Syria regione potentissima celeberrimaque fuerat. quamobrem *Emath* magna ab Amosest cognominata. deinde Tyri & Sidonis antiquissimarum & munitissimarum Phœniciæ urbium, communisque totius orbis terre emporij, ad se conseruandum prospicientiæ atque opum comparatarum magnitudine nulla alia in orbe urbs comparari potuit, cum & situs natura & operum structura ad defensionem & propugnationem, tum congesti auri & argenti maxima vis fuisse dicitur. atque hæc humanæ ad stabiliendas res prouidentia ratio summæ sapientiæ vulgo prædicari, Deo autem stultitiæ nomine notari solet: etiam, inquit, Ierosolymitanæ illius futuræ

futuræ ciuitatis terminus Emath cognomēto magnam attinget, imò continebit: neque propterea Tyrus & Sidon imperium effugiēt, quod sibi in situ orbis deligendo & opere ædificando opibus ac diuitiis ad quamcunque grauem rem agendam ferendamq. comparatis singularem sibi præ aliis ciuitatibus sapientiam arrogant. [Quod sapientiam valde.] In agendarum & stabiliendarum rerum prospicientia, sapientia & sapere verbum eleganter vsurpatur. cuius illud commodissimum exemplum est: Ecce populus Israël multus & fortior nobis est, venite sapienter opprimamus eum, &c. Hebraicè est, venite & sapientes fiamus aduersus eum. Huiusmodi autem sapientiæ laudem pro sua vindicare cogitabat Tyri Sidonisque ciuitas locorum natura opereque munitissimorum, maximarum etiam pecuniarum publicè priuateque comparata facultate.

*Et edificauit Tyrus munitiōem suam, & coaceruauit argentum quasi humum, & aurum vt lutum platearum.*

QUANTÆ olim Tyri & Sidonis diuitiæ, quantæq. opes fuerint, Ieremias, Ezechiel aliiq. Vates apertè indicant. à quibus loci situs, munitio, molesque describitur, quibus gens illa religionis vel superstitionis reipublicæque suæ statum retinere tuerique cogitabat: quem tamen antequam euangelium orbi denūtiaretur, amisit, semel à Nabuchodonosore ante Zachariæ Vatis tempora, iterumque ab Alexandro certis post annis capta & diruta, ita vt non modò euangelio annuntiando, verbiq. Dei atque Christiani nominis gloriæ amplificandæ obfistere non potuit, sed suo casu ceteris etiam vicinis vrribus, quamuis magnis, ad diuinorum dictorum expectandos exitus exemplo fuit grauissimum. [Et coaceruauit argētum vt puluerem.] Variis & multiplicibus atque frequētibus mercatorum omniū negotiationibus aurum argentumq. sibi comparauerat Tyrus, quod omnes vndiq. cum mercibus atque oneribus commeari solere auctor est Ieremias. Asportabatur autem ex Hispania maxima argenti copia Carthaginē in Africam, inde verò ad Tyrum Carthaginensium matrem mercium causa vehabatur, aurū verò abvsque orientali India & terra omni Hauila, atque ab aliis pluribus, vbicunque effoderetur locis, eò conferri solitum apud vates legimus. At verò tantam consiliorum, rerum atque opum molem Tyrum ab euangelici imperij virtute defendere non posse ait, quam ante euangelij tempus expugnatam & dirutam diuinæ potentix & sapientiæ magnitudinem agnoscere & confiteri necesse sit.

*Ecce Dominus possidebit eam, & percutiet in mari fortitudinem eius, & hæc igni deuorabitur.*

Dvo s diuerso tempore expectandos Tyri exitus vaticinium hoc continet, prior ad euangelij ætatem, posterior ad futura paulo post sub Alexandro tempora spectat: atq. prioris posterius signum futurum esse dicitur. namque gētem ipsam Tyriam sub Christiani nominis ditionem subiugandam tandem esse prædicit Vates: antequam, quàm hoc eueniat, vrhem incendio dirutioneq. vastadam esse ait. Quæ res ab Ezechiele etiā prædicta, per Alexandrū Macedonē gesta, à Iosepho Hebræo, Q. Curtio, Plutarcho, alijsq. scriptoribus narratur. [Et Dominus possidebit eam.] Ciuitatē ipsam tandē sibi vindicaturus est Dominus; de vrbe verò, quæ muros & ædificia cōtinet, subiūgit, [Percutiet in mari fortitudinem eius.] Ad situs indicationē alludit oratio. namque Tyrus maritimū oppidum nunc, insula quondam fuit septingentis passibus à continenti diuisa, mari præalto, vt ex Iosue, Ieremiæ & Ezechielis obseruauimus lectione: sed Alexandri oppugnatis operibus continenti coniuncta est, olim portu clariss. vrbus genitis Lepti, Vtica & Carthaginē, Gadibusq. in Oceano conditis olim Sarram nuncupatā Gellius testatur: quod nomen Hebræo planè conuenit, s z o r: eius autem vrbis excisæ populum, Carthaginem, Vticam & Leptin, atque adeo Gades in colonias migrasse vero simillimū est. Sunt qui Veneros originem hinc habere tradant: quos omnes tandem Christianæ pietatis cultores extitisse, manifestum est. Atque vrhem ipsam expugnatam excisamq. iuxta Vatum oracula fuisse, illius verò populum Christi miraculis cognitis doctrinā non difficulter susceprum fore Christus apud Matthæum docebat, huius autē vrbis prædicti excidij euentum, magno vicinis vrribus diuinarum de ipsis prædictionum veritatis & expectationis exemplo fore Vates ait.

Isai. 23.  
Plin. lib. 9.  
c. 9.  
Iosue 19.  
Gell. lib. 9.

Matth. 23.

*Et videbit Aſcalon & timebit: & Gaza, & dolebit nimis: & Accaron, quoniam confuſa eſt ſpes eius: & peribit rex de Gaza, & Aſcalon non habitabitur.*

Iofue 13.

Ierem. 25.

Amos 4.

Iudic. 14.

Hebraei au-

tores in tra-

ctatu de vo-

lumine.

Iofeph. lib. 5.

cap. 3.

Genef. 10.

Genef. 10.

OMNES hæ ciuitates, quæ quondam Iſraëlitis religionis æmulatione & inuidia inſenſiſſimæ fuerant, victæ tandem & exciſæ diuino cõſilio perituræ eſſe dicuntur; eadẽ verò atque Tyri Sidonisq. caſu ſibi vt prædictæ etiam calamitates accidat, magno metu exſpectare cogentur, tandemq. ſuarum rerum occaſum expertæ lugebunt. Aſcalon autẽ vt antiquiſſima, ita prima in Paleſtinæ urbibus cenſetur à Ieroſolymis ſeptingentis & viginti ſtadiis diſtans, quæ Iſraëlitis olim à Samſonis ætate non leue negotium faciebat. Hanc ſuperiori Idumææ Hebræi ſcriptores cum Iofepho aſcribunt. regiam etiam urbem fuiſſe Aſcalonitarum regum cognomentum indicat. Gaza etiam regia & opulentiſſima Paleſtinæ urbs atque regionis à meridie terminus auctore Moſe: de qua plura in Amofi commentariis diximus. Tertia verò Accaron inſignis regionis illius ciuitas fuit: quam ingenti tum dolore, tum metu & Tyri caſu afficiendam quoque Vates ait, quod harum omnium urbium res in Tyri præſidio latere putarentur, quæ prima in illis prouinciis & celeberrima fuerat, cæterisq. urbibus, & ob magnitudinis opumq. præſtantiam, & ob generis affinitatem, vt princeps obſeruata, ſicut ſcriptũ eſt: Chanaan autẽ genuit Sidõnem primogenitum ſuum, & Hethæum, &c. Factiq. ſunt termini Chanaan venientibus à Sidõne Geraram uſque ad Gazam, &c. Hanc urbem tunc regiam fuiſſe Vates indicat, cuius regem periturum eſſe ait; Aſcalonem proſus deſertam incultamq. fore; reliquas verò urbes aduenis & peregrinis tenendas eſſe, ita vt illa antiquitatis & conſeruati generis gloria, quam Paleſtini ſibi alere tenereq. viſi ſunt, abiicere tandẽ cogatur.

*Et ſedebit ſeparator in Azoto: & diſperdam ſuperbiam Paleſtinorum.*

Separator, Hebraicum nomen M A M Z E R, idem, quod Latinum, ſpurius, ſignificat: cuius quamuis certa mater, nullus certus ex lege pater indicari queat. Ex verborum autem, vnde deducitur, vi ſeparatum confuſum alienatumq. ſignificat. cuiusmodi confuſo ac promiſcuo populo Azotum habitandam fore Vates ait, ita vt illa tandem Paleſtinorum generis & ſplendoris arrogantia (quo morbo plurimi homines laborant) fundamento, quo innitebatur, euerſo corruat. deinde verò vanũ illum & ſuperſtitioſum Deorum cultum, omnem ſacrificiorum & epularum ritum, qui in falſorum numinum gratiam ſeruabatur, euangelij virtute abolendum proſus eſſe Vates canit.

*Et auferam ſanguinem eius de ore eius, & abominationes eius de medio dentium eius: & relinquetur etiam ipſe Deo noſtro.*

INTER fœdos ritus & mœurs, ſanguinis eſus numeratur, gentibus olim ex præceptis filiorum Noë prohibitus; qui tamen ad ſuæ ſuperſtitionis cultum cum aliis turpibus rebus additus fuit: quem ſuperſtitionis magis tollendæ, quàm rei ipſius damndæ cauſa in Ieroſolymitano concilio vetuerunt apoſtoli. Bibebant autẽ ſanguinẽ cum lacte aut vino aliisq. rebus in ſacrificiis; qui ritus libatio dicebatur: carnes verò ipſas hoſtiarum comedentes Deorum epulas appellabāt. Atque huius loci explicationem ſatis illuſtrem Chaldaica paraphraſi vertendã afferre nobis videmur. [Et conſummabo comedentes ſanguinem, & abominationem ex (iis, qui ſunt) inter illos, & addetur exercitus illorum & aduena eorum, qui reliquerunt in eis: addentur etiam ipſi ad populũ Dei noſtri.] Hæc Chaldaicè. [Relinquetur etiam ipſe Deo noſtro.] Paleſtinorum reliquiæ, vt aliarum etiam gentium, ad Dei noſtri cultum ſeſe conuerterent; neque ſuam factionem de cætero fouere & retinere defendereq. ſtudentes regem ſibi, rempublicam, religionisq. ſeparatæ formam habebunt, ſed ad vnã eandẽq. eccleſiã, vt membrum aliquod ad corpus referentur. Hoc eſt, quod ſubiungitur.

*Et erit quaſi dux in Iuda, & Accaron quaſi Ieſuſeus. Chaldaicè ſic:*

Et erunt vt principes domus Iuda, & Accaron implebitur domus recta in Ieruſalem. Non regis cuiuſpiam aut regni partes ager Paleſtinus populus, maximè Gazenſis, qui hætenus regis dignitatem obtinuerat, ſed ducis cuiuſdam, hoc eſt, vniuerſalis eccleſiæ

ecclesiæ partis, communi cum aliis consilio, studio, simili more; atque in Iudaica republica princeps quidam & dux millenarius, qui rex non sit, censei solet: Accaronis autem populus in ciuitatis societate communionēque manens, magno sese beneficio affectum agnosceret; perinde vt Iebusæus olim Ierosolymis cum Iuda & Benjamin conseruatus: quæ res olim futurorum seculorum imaginem quandā expresserat. Summa verò atque perpetua pax pio populo diuinitus gignenda confirmandaque nuntiatur, ab omni non modò belli metu, sed exactionis tributorum condicione aliena, quæ diuina tutela præsidio confirmanda sit.

*Et circumdabo domum meam ex his, qui militant mihi euntes & reuertentes, & non transibit super eos ultra exactor: quia nunc vidi in oculis meis.*

OPTIMI principis providentissimique patriæ patris nomen ac munus præstiturū sese profitetur Deus: cuius illa perpetua atque constas cura sit, ne quid detrimenti foris damniue respublica accipiat. Eam verò felicitatem non modò bellorum depulsione, sed vectigalium & tributorum conferendorum sine allato constat. satis bene reipublicæ princeps consulit, qui necessarij belli molestias & miseras tributi condicionibus non nimium iniquis lenit, sed optimè atque saluberrimè prospicit: qui populum non à bellis modò, sed à tributis omnibus vindicat. Talein sese principem patremque præbiturum Deus pollicitus est, qui deuictis & pacatis hostibus omnibus, pace vbique parta, tranquillitatem & securitatem omnis metus omnisque damni expertem populo suo præstaret: quem maioris familiaritatis causa domum suam vocat, patrem sese ex relatiuorum ratione professus. Illud autem arcanæ huius loci sententiæ argumentum est. Hominum vita perpetuis bellis tum à diabolo acerrimo hoste, tum à propriis vitiis infestatur; deinde & acerbissimis tributorū exactionibus à propria concupiscentia, quæ peccati regnum ac potius tyrannis est, vexatur ac perturbatur adeo, vt, nisi diuinam imploret exposcatque misericordiam, infelix profecto lamentari debeat, sicut scriptum est: Infelix ego homo, quis me liberabit à corpore mortis huius? Huius- Rom. 8.  
modi pestiferum calamitosumque bellum studio, diligentia, cura ac labore multo attenuatum fortasse atque imminutum antiqua hominum ætas experiri potuit; prorsus verò extinctum desiderauit quidem atque poposcit, nunquam tamen experta est, donec Christi virtute atque opera, victis hostibus, propulsatum tandem, summa pace & tranquillitate mutatum est, spiritu sancto in apostolos & discipulos misso: qui ex antiqua illa seruitute per filium liberati verè liberi euadentes in domo non Ioan. 7.  
vt serui, sed vt filij in æternum manserunt, hæredes quidem Dei, cohæredes autem Christi. Atque huiusmodi in ecclesia, ecclesiæque sanctissimis membris (quales apostoli discipuli que illi fuerunt) verè & absoluta libertatis exemplum, antiquorum temporum sancti vates, reges & patriarchæ, longo interuallo præcipientes, & sibi optabant, & ætati nostræ aureæ noui testamenti edendum summa cum gratulatione prædicebāt. Latrabuntur & exultabunt coram te, sicut qui lætantur in messe multa: sicut exultant Isai. 9.  
victores capta præda, quando diuidunt spolia. Iugum enim oneris eius, & virgam humeris, & sceptrum exactoris eius superasti, sicut in die Madian. Huius exempli expectationem verè piis atque probatis discipulis cultoribusque suis Christus ipse dat. Matth. 11.  
Venite, inquit, ad me omnes, qui laboratis & onerati estis, & ego reficiam vos: tollite iugum meum super vos, & discite à me, quia mitis sum & humilis corde: & inuenietis requiem animabus vestris. Hanc verò salutis, pacis, & tranquillitatis rationem non imputatione aut cogitatione adscriptioneque, sed re ipsa, atque certa diuinæ virtute definiendam esse, innumerabilibus diuinorum librorum testimoniis accepimus: cuius quòd tempestate nostra rarius exemplum constet, obscura & difficilis explicatio habetur, atque ab aliis, qui meliores in religione partes tuentur, nondum pro dignitate rei exposita, ab aliis ad imputationis antiquæ similitudinē reuocata tractatur: sed hi tamē posteriores tam longè à veritate & virtute Christi absunt, quantū à noui testamenti & legis perfectione veteris legis, quæ nihil ad perfectum adduxit, infirmitas aberat. Christus enim non reputat homines iustos, sed verè iustificat in sanctitate, iustitia & veritate: ita vt nihil damnationis sit iis, qui verè in Christo sunt, qui non



Rom. 8. „ secundum carnem ambulant. Lex enim spiritus vitæ in Christo liberauit me, ait Paulus, à lege peccati & mortis. nam quod impossibile erat legi, in quo infirmabatur per carnem: Deus filium suum mittens in similitudinem carnis peccati, & de peccato damnauit peccatum in carne, vt iustificatio legis impleretur in nobis, qui non secundum carnem ambulamus, &c. Verum enimvero longior & plenior de hoc summo & constanti Dei erga ecclesiam suam beneficio expectanda nobis disputatio est, in qua ventas hæc subtilius etiam limata magnum piis hominibus ad salutem propriam studiosius etiam petendam momentum afferat, nullumque vel dubitationi, vel errori relinquat locum. Quod vt fiat, contento studio assiduisque precationibus, ex Deo omnis sapientiæ & copiosissimo, & purissimo fonte peti impetrarique oportuerit: qui se suæ domus propugnatorem atque defensorem fore apud hunc Vatem pollicetur. Sed quoniam promissionis Latine lectæ sententia obscurior paulo, ob linguæ inopiam, est, ad verbum ex Hebræo reddita & explicatis verbis dilucidior fiet. [*Et castrametabor domui meæ à militia, à transiuntibus, & à redeuntibus: & non transibit super eos ultra exactor.*] Sese populo suo propugnaculum & præsidium tutissimum fore ait, ita vt militiæ & belli molestiis liberato in summa pace & tranquillitate agere liceat, nullis denique nouarum rerum nuntiis, nullis belli denuntiatoribus perturbando, nulla exactoris importunitate vexando. omnis autem huius efficiendæ rei ratio diuina plane fore primo verbo indicatur. [*Castrametabor.*] Hebraica vox H H A N I T H I, ad suos fontes reuocata stationem, castrametationem, mansionem, misericordiam, domum gratiamque significat. Quibus obseruationibus illud efficitur, vt hanc propugnationem ac defensionem Dei in ecclesia manentis misericordiæ dono & gratia definire oporteat. nam neque tanta res præstari humanis viribus potuit, neque vt à Deo præstita fuerit, vlla hominū virtute, sed diuina misericordia & gratia effectū est. Deum enim familiarem tutorem, defensorem, atque adeo patrem sibi promereri quis mortalium potuit, nisi sese vltro ipse pollicitus præbuisset, sicut scriptum est: Apparuit benignitas & humanitas saluatoris nostri Dei: non ex operibus iustitiæ, quæ fecimus nos, sed secundum misericordiam suā saluos nos fecit per lauacrū regenerationis & renouationis spiritus sancti: quem effudit super nos per Iesum Christū Dominū nostrum, vt iustificati gratia ipsius, hæredes sumus secundum spem vitæ æternæ. Huius verò tantæ tamque admirandi beneficii hominibus conferendi auctorem & ministrum futurum Ierosolymæ ciuitati certis cognoscendum notis indicaturus Vates, sibi ipsi spectandum in visione illa ostensum affirmat. id quod exclamatione pronuntiat primum, deinde præconio gratulationeque magna expectationis mouendæ causâ prosequitur. [*Quia nunc vidi in oculis meis.*] Hemistichium hoc admirantis Vatis orationem continet, in qua eius, quæ subiungitur, adhortationis atque indicationis certum testimonium est: ait enim sese oculis propriis mentis eam expectandi seruatoris pompam maximis notis illustrem, quam describendo indicare parat, vidisse arque obseruasse: seque eius rei præconem præbet studiosissimum.

*Exulta satis filia Sion, iubila filia Ierusalem: ecce rex tuus veniet tibi iustus, & saluator: ipse pauper & ascendens super asinum, & super pullum filium asinæ.*

OPTATISSIMUM atque iucundissimum nuntium afferre se docet Vates iis, quos vel audiendo solum lætari & exultare iubet, ob maximæ & felicissimæ rei expectatione: quæ sperandæ salutis vltimum atque certissimum argumentum fuerat. hætenus enim cæteris Babylonienfium aliorumque exulum Iudæorum argumentis abundè satisfaciens Vates, illam Ierosolymitanā restitutionem certam esse confirmauerat, quæque consecutura esset felicitas, ostenderat. Huius verò tanti diuini beneficii ministrum & auctorem ab aliis vatibus prædictum, atque genti ipsi desiderandum nondum indicauerat, quem regem ex Davidis familia optimum & fortissimum fore, publicè decantatum fuerat. Huius igitur magni regis certam expectationem illi, templi secundi seculi propriam esse, aduentum etiam certis insignibus & notis obseruandum commonstrat: virtutem autem atque efficientiam illustribus adiunctis indicat, [*Iustus, & Saluator.*] Constat autem oratio omnis descriptionibus & notis: namque ad definitiū statū pertinet, atque iudicandi partem eam spectat, quæ rerum naturam, quæ qualis quæque sit, tractandam

sibi vendicat. cuius multa in sacris libris, maximè autem in prouerbis exempla sunt: sed ad rei magnitudinem tum indicandam, tum confirmandam atque commendandam sermo exhortationibus, expolitionibus, amplificationibus, exclamationibus, aliisque opportunis figurarum generibus exornatur, in quibus illa vox, *Ecce*, certam imprimis admirandamque rem, & præter cõmunem modum consuetudinemque exspectandam indicat, vt: *Ecce* » Isai. 6. 12.  
 virgo concipiet & pariet filium. *Ecce* pono in Sion lapidem, &c. Appellatur autem »  
 Sionis & Ierusalem nomina, quod sermo fiat de rege exspectando ex familia Dauid, cuius propria domus regio cognomento illustris Sion, regni autem ciuitas Ierusalem fuerat. Vtriusque verò rei instar rex hic, quem indicare parat, habiturus erat, vt genus à Sion  
 10 nis Dauidisque familia duceret, & regni sedem in Ierusalem non tam terrestri illa & angusta, quàm illius filia atque omnis felicitatis & dignitatis hærede collocaret. neque enim mysterio caret, quod non Sion & Ierusalem, sed Sionis Ierusalemque filia appellata sit; neque aliam Sion & Ierusalem filiam, quàm catholicam Christi ecclesiam cognoscimus, quæ Synagogæ matrisiam, olim sepultæ pietatis & diuinorum beneficio-  
 15 rum accipiendi facultatis hæres vnica est. Huic autem rex suus venturus nuntiatur, non alienigena, non hostis, cui vi vel dolo, sed proprius & legitimus atque vnicus, cui diuino iure regnum deferendum sit: is denique rex, quem suum agnoscere illa solum debeat. neque verò sua ipsius filia Ierusalem opera & suffragio constitutus, neque euocatus aut  
 20 restitutus, neque suarum opum & facultatum impensis instructus, neque magnis sumptibus inductis excipiendus, sed à Deo vnctus & constitutus vltro ipse, omnibus, quæ diuinum regem deceant, virtutibus instructissimus, populoque suo imprimis felicissimus & vtilissimus venturus esse dicitur. [*veniet tibi.*] Tantum namque regem, nisi vltro  
 venientem experireris, optare quidem tibi desiderareque poteras, constituere verò atque adducere nullis humanis artibus aut opibus valebas. atque adeo hac orationis figura  
 25 diuinitus mittendum esse regem illum significauit. quibus verò ad rem gerendam, quantisque virtutibus instructum experiri liceat, ex efficientiæ notationibus docemur. [*Iustus & saluator.*] Duas cõprimis optimi principis artes proprias duplexque studium constare oportet; alterum in iis, quibus præest, regedis, gubernandis; alterum verò iisdem ab omni  
 externa iniuria atque incommoditate defendendis declaratur. nam publicarum rerum  
 30 salus vtraque hac parte petitur: pernicies verò & interitus vtriusvis defectu affertur. Prior autem & antiquior gubernandi & regedi populi ratio principi bono est. namque & huius proprius perpetuusque esse debet vsus; illius verò alterius, hoc est defendendi & seruandi tantum in afflictis rebus oportunus est; cum videlicet populus malum ex hoste vel sustinet, vel metuit. maxima autem ad vtramque rem virtute prædi-  
 35 tum regem hunc describit Vates; Iustum, qui diuina illa sua iustitia cultores suos iustificare atque sanctissimis moribus & legibus in cordibus inscriptis gubernare & regere possit; Saluatorem verò, qui de infernæ seruitutis iugo & potestate tenebrarum liberatos defendat & tueatur. sed iustitiæ cognomentum seruatori præpositum est ob eam, quam annotauimus, rem, & quod ipse rex iustitiæ suæ exemplum perpetuum prius  
 40 quam fortitudinis etiam editurus erat. namque se iustum omni vitæ actione, omni gerenda re præbuit; victorem verò fortissimum & potentissimum in illo cum morte atque diabolo confictu, & in illo clarissimo resurrectionis triumpho exhibuit. Hoc autem fuerat eius colloquij argumentum, quod cum illo à Mose & Helia factum grauissimi testes obseruarunt. De excessu, inquit, quem completurus erat in Ierusalem. quem excessum  
 45 D. Lucas *ἡξόδον*, hoc est, expeditionem vocat. Antea enim quis scire posset aut regis huius fortitudinem noscere; cum primum spectandus excipiendusque hominibus oblatu-  
 50 tus est: tanta humilitatis & lenitatis, mansuetudinis paupertatisque specie, vt quanquā-  
 talem à vatribus descriptum & indicatum, non tamen discipuli sui vaticinio planè conferre agnoscereque valuerint? Quis enim humanæ potentiæ & facultatis atque ampli-  
 tudinis rationibus assuetus, quibus maximæ res obiri, geri atque conseruari creduntur,  
 tanta de homine paupere, humillimo & lenissimo cogitare potuisset, nisi diuino oraculo  
 fuisse admonitus? [*Et ipse pauper & ascendens super asinum, & super pullum filium asinæ. Et ipse.*] notationem & asseuerationem habet hæc indicatio, quod cum promissis & descriptis  
 55 virtutibus hæc etiam consentiant, quæ dissentire humana sapiëntia putat. Illud enim vehementer pugnare videtur, Iustum & saluatorem esse, & pauperem & humillimum; ab omni fastu & ambitione alienum. At verò ipse idem, qui iustus & seruator à Vate  
 dictus

dictus est, pauper Hebraicè, **G H A N I** pauperem humilemque significat. Propositam verò rem ex hoc loco, qui à destinatis dicitur, confirmat Vates, hec est, ex apparatu & pompa, qua sese suis excipiendum exhibiturus erat. [*Super asinum.*] quod animal ut semper bello & pugnis ineptum, sic etiam illis temporibus principibus & summis viris ad vehendum etiam ignobile & humillimum haberetur, tantoque magis, quanto viribus & robore minus valeret: nam insidere asino, ignobile & humile putatur, pullo autem asine infirmiori etiam, multo humilior & ignavior ducitur. [*Pullum filium asine.*] qui propter ætatis infirmitatem nondum matrem sequi desierit: sic vitulus filius vaccæ Hebraicè eadem significatione dicitur. atque hoc factu, hac pompa Christum regem Ierosolymam ingressum euangelistæ testantur, non qui equo vectus ferocem metuendumque, sed qui a sello siue pullo insidens ceteræ turbæ eminentior conspicuum agnoscendumque sese exhiberet: suamque agenda gerendamque rei rationem non humanis modis, sed diuinis arcanisque virtutibus definiendam esse, vel ipso spectaculo doceret, magnā pauperiem, magnam humanarum opum cōtemptionem & despicientiam professus, suisque vtilem, nulla verò re grauem difficilemque ostendens. neque verò mirandū Iudæis illo seculo corruptis moribus & regni regisque rationem humanæ amplitudinis modo definiendis hoc spectaculo atque certo vaticinij signo Christum regem suum prorsus agnitū, acceptum non fuisse, quando neque à discipulis propriis ante illius glorificationē huius signi certa ratio perspecta fuerit, sicut scriptum est: Hæc non cognouerunt discipuli eius, primum, sed quando glorificatus est Iesus, tunc recordati sunt, quia hæc erant scripta de eo: & hæc fecerunt ei, tunc, inquit, cum pugna, victoriæ, prædæ, triumphi, regni denique administrandi ratio omnis, cum illa humilitate & paupertate maxime conueniēs, aperta illis fuit: quæ tamen propter seculi & morum vitium, & diuinæ virtutis ignorationem Christianis etiam principibus non minus fortasse ad imitandum obscuro exemplo est, quam Iudæis olim ad credendum fuerat. In causa est, quod nullam magnam & præclaram, aut cum hostibus, aut cum ciuibus sine magnis pecuniis, opibus, & sine maximo hominum, equorum curruumque strepitu geri posse communis hominum sententia sit: cum tamen contra maximas, maximeque admirandas res non his humanis impedimentis, sed diuino consilio, virtute atque efficientia constare, & maximorum olim virorum exempla docuerint, & rex hic, de quo sermo est, inuisibilibus & visibilibus hostibus deuictis, & pace ubique parta confirmaturus esse prædictus fuerit, tandemque re præclarissime gesta confirmauerit.


Joan. 12.

*Et disperdam quadrigam ex Ephraim, & equum de Ierusalem, & dissipabitur arcus belli.*

**V T R I V S Q V E** populi Israëlitarum & Iudæorum olim dissidentium animi ad pacem per Christum conuertendi esse prædicuntur: cuius rei argumentū à destinatis colligitur. namque apparatus bellici omnis armorumque sublatio bellorum finem pacisque vsum indicat, ut illud: Et cōflabunt gladios suos in vomeres, & lances suas in falces, &c. Res autē ipsa, ex qua translatio sumitur, aptissime descripta est. namque Ephraim, quod spatiosa & campestris magis loca teneret, curribus uti commodius poterat. Ierosolyma verò, quod montoso & asperiori solo sita esset, equis tantum utebatur. atque ita in Israëlitarum regum historiis frequēs curruum mētio est, ut Tolle currum, & mitte in occursum eorum, &c. Sunt autem utrequeres, & currus & equi, ad gerenda bella iudicio hominum commendatissime. Hi in curribus & hi in equis, nos autem in nomine Domini sperabimus. Arcus etiam, qui illis temporibus in missili armorum genere præstabat, pro omnibus telis armisque ponitur. arcus belli à venationis arcu non refortasse, sed usu distinguitur. venari feras non belli, sed pacis exercitatio est: quæ & corporis valetudini, si quis oportunè fuerit vltus, cōsultitur. Causam autem, quamobrem arma huius regis virtute atque præcepto abiicienda sint, Vates exponit, quod publicæ pacis auctor & conciliator non solum illis duobus olim dissidentibus regnis, sed omnibus etiam aliis, quauis inimicis, gentibus & nationibus futurus ille sit.

*Et loquetur pacem gentibus, & potestas eius erit à mari vsque ad mare, & à fluminibus vsque ad fines terre.*

**N O N** bello indicendo, sed vera, pia, æternaque animorum pace nuntianda, hoc est, euangelio



euangelio (quod diuinæ salutis nuntium est) prædicando omnes orbis nationes sub Christi-  
 stiani nominis imperiū ditionemque subiugandas Vates hic cum sacro psal morū auctore Psal. 71.  
 concinuit. Et dominabitur à mari vsque ad mare, & à flumine vsque ad terminos orbis  
 terrarum. Cuiusmodi verò Christi futura dominatio esset, nimirum iustissima, innocen-  
 tissima atque æquissima, lenis & ad ferendum suauissima, ad publicam vtilitatem omni-  
 no confirmata, ipso etiam verbo manifestè declaratur. Est enim verbū *Massal*, quod præ-  
 esse, comparare, exemplis & parabolis docere, gubernare fouereque significat. cuius ra-  
 tio planè duobus exemplis solis & lunæ perspicitur, quæ à Deo in firmamento constituta  
 esse hoc verbo dicuntur, alter vt diei, alter vt nocti præesset. Terrarum verò omnium Genes. 1.  
 quatuor partibus distinctus orbis duorum marium & fluminis atque termini nomi-  
 bus est descriptus, atque descriptionis initium à proximo & notissimo termino sumptū  
 est, videlicet à meridionali Oceano, quod in orbis situ dextrum latus obtinet, indicantiq.  
 primum sese offert. nam si ortum spectes, quæ prima lucis & motus diurni regio est, in-  
 dicemque vtriusque manus extendas, meridianum mare dextra, læua verò septentrionale  
 indicabis. deinde verò si extentis brachiis à dextra in læuam, quæ naturalis motus ratio  
 est, mouearis, dexteræ orientalis plaga, sinistra verò occidua occurrit. atque adeo hæc ra-  
 tio perpetua in sacra geographia est, vt dextræ & sinistræ nominibus meridiè & septem-  
 trionem definire conueniat, vt Hobab, quæ est ad dexteram Damasci, quam septentriona-  
 lem Chaldaeus paraphrastes interpretatur. Constat autem ex hoc aliisque sacrorum li- Genes. 14.  
 brorum locis terram, vt à meridie, sic à septentrione mari cingi, & orbem vtrinque secun-  
 dum longitudinem navigatione lustrari posse, quod & nostro seculo nostrisque homini-  
 bus ab altera parte iam est exploratum; altera verò tentatum, incerto tamen (vt ex An-  
 glis accepimus) euentu, propter nimiam frigoris importunitatem. Atque ab oriēte ter-  
 minus certus à Vate in flumine constitutus est; ab occasu verò nullus certus est finis præ-  
 scriptus, quod multa magnaque terrarum pars occidui oceani navigatione petenda atq.  
 exploranda superesse significaretur. Quod verò flumen hoc loco indicet Vates, faciliè co-  
 gnitu est, esse ex quatuor illis illustrissimi fluuij capitibus, quæ sacra geographia indicat:  
 vnum, quod ad orientalem plagam præter vnum penitissime pertineat. id autem Phison  
 ex aquarum copia cursusque longitudine dictum, idemque omnium primum & cele-  
 berrimum, quod circuit omnem terram Hauilath, vbi nascitur aurum, &c. Chri- Genes. 2.  
 stianæ itaque religionis ditio orbis terrarum terminis à vatibus est definita. Atque gētes  
 quidem, quibus nulla antea lex, nulla salutis promissa aperta erant, pace enuntiata ab il-  
 lo caliginoso ignorationis errore deductas ad sacræ ciuitatis communicationem admit-  
 tendas diuini consilij oraculis decretum est. Iudæos verò Israëlitasque, ex pacti & conuen-  
 tus antiqui renouatione mirabili, ab illa veteris legis durissima seruitute, vel ab illo po-  
 tius carcere in veram piamque libertatem esse vindicandos.

*Tu quoque in sanguine testamenti tui emisisti vinctos tuos de lucis in quo  
 non est aqua.*

40 HEBRAICA lectio verbum in prima persona *emisi* habet, & Chaldaica etiam pa-  
 raphrasis *liberavi* interpretatur, ita vt redemptor siue liberator Deus ipse, diuinumque ver-  
 bum sit; Israëlitarum verò synagoga ea sit, quæ secunda persona feminina appellatur. [*Tu  
 quoque,*] cui quoddam promissa, aperta atque testamenti sanguine confirmata olim fuerant,  
 45 nunc etiam præstanda nouique testamenti sanguine renouanda prædicuntur. mysteriū  
 magnum in hoc carmine significatum, breui commentatione indicabimus. Antiquite-  
 stamenti minister Moses, vbi diuinam legem iure rogatam atque per populum sancti-  
 tam sacrosanctam promulgans huiusmodi ritu verbisque sacrauit, Tulit Moses dimidiā Exod. 14.  
 partem, & misit in crateras; partem autem residuam fudit super altare, assumensque vo-  
 50 lumen fœderis legit audiente populo, qui dixerunt, Omnia, quæ locutus est Dominus,  
 faciemus, & erimus obediētes. Hactenus rogatio sanctioque: nunc deinceps sacratio  
 est: Ille verò sumptum sanguinem resperxit in populum & ait, Hic est sanguis fœde-  
 ris, quod pepigit Dominus vobiscum super cunctis sermonibus his. Hæc olim acta  
 fuerant, quæ, quoniam propter suam infirmitatem perfectos, cultores præstare non  
 55 potuerunt, nouo exemplo diuinæ virtute atque efficientia pleno instaurari  
 ac renouari oportuit, non vituli ad hominum virtutem stabiliendam inutilis, sed



sed Christi agni immaculati efficacissimo ad eam rem præstandam sanguine, cuius ille antiquus sanguis non vim habens, sed imaginem exprimens expectationem fecerat, sicut scriptum est: Vnde nec primum quidem testamentum sine sanguine dedicatum est, &c. & paulo inferius. Et omnia penè in sanguine secundum legem mundantur, & sine sanguinis effusione non fit remissio. necesse est ergo exemplaria quidem cælestium, his mundari, ipsa autem cælestia melioribus hostiis, quàm istis, &c. hic verò sanguis testamenti est, quem hoc loco Vates indicat, Israëlitisque magis propriè propterea ascribit, quòd illius ratio ad Israëliticum populum primum ex pacti antiqui promissorumque conuentu pertineret, utpote quem sanguis ille vituli aspersus & legis cognitio atq. sanctitas iam inde à priscis temporibus in huius noui testamenti expectationem adduxisset, sicut scriptum est: Qui sunt Israëlita, quorum adoptio est filiorum, & gloria, & testamentum, & legislatio, & obsequium, &c. Quam etiam rem ipse immaculatus agnus in sacrosancta illa sui sanguinis communicatione apertis verbis exponēs obseruauit. namque apostolos allocutus, qui Israëlita omnes erant, Israelitarumque personam sustinebant, ait: Qui pro vobis & pro multis effundetur in remissionem peccatorum. pro vobis Israelitis & pro multis gentibus, qui non ex Israël genere secundum carnem sunt. Hoc modo etiam Ioannes Israelitas & gentes alias distinxit. Christus mortuus est pro peccatis nostris, & non pro nostris tantum, sed etià pro totius mundi. In huius itaque testamenti sanguine Israelitas à seruitutis durissimæ & inutilis vinculis relaxandos liberandosque esse Deus pollicetur, ergastulis illis, in quibus olim omnes fuerant: nunc verò maxime illorum reliquæ sunt. namque ad plenam Israelitarum liberationem hoc vaticiniū spectat. Appellatur autem illa Israelitarum condicio lacus, in quo non est aqua. quæ descriptio cum omnibus illis temporibus aptè, sed cum his aptissimè collata conuenit, quando illa olim Israelitarum seruitus parum utilis existimata sit; quippe quæ nihil ad perfectum adduxerit: nunc verò non inutilis modò, sed perniciosa etiam sit: accedente namque atque extante Christi luce, omnis illa rituum, ceremoniarum atque traditionum Iudaica umbra parum olim salubris obsolescens tandem pestilens esse cœpit, sicut scriptum est: Neque circumcisio, neque præputium aliquid valet. & alio loco: Si circumcidimini, à gratia excidistis. atque hæc res aptissima translatione à Vate explicata est: namque subterraneus lacus, in quo aqua vel non fuerit, vel esse desierit, tum humido, caliginoso; crassoque aëre propter corruptas terræ exhalationes offunditur; tum maleficis & nocentibus serpentū bestiarumque generibus abundat. omnis autem hæc descriptio ad antiquam Egyptiacæ seruitutis imaginem refertur. neque enim hæc, in qua nunc Israëlita sunt, aut leuior, aut clementior, quàm illa est, de qua olim fuit scriptum: Ego Dominus Deus tuus, qui eduxi te de terra Egypti, de domo seruorum, &c. adeo sibi sacra omnis scriptura vbique constans consonaque est. Atque hoc in loco Israëlita secundum carnem olim fuere, in quo, sed deteriore multo, ut diximus, ij etià, qui illud nomen adhuc tuentur, sunt: quibus diuinæ libertatis & salutis desiderium & expectationem Vates ipse ex diuino responso commouere studet.

*Conuertimini ad munitionem vincti spei, hodie quoque annuntians duplicia reddam tibi.*

ISRAELITÆ in tantis miseriis hætenus nulla propria, sed promissorum diuinorum virtute & efficientia conseruati [vincti spei] à Vate nominantur, quòd vna ea, qua iussi sunt, spe nixi, quamuis innumeris incommodis affecti sustententur. nam quanquam illis promissæ salutis obscura admodum cognitio maneat, certa tamen spes ex diuinorum oraculorum lectione & tractatione superest: quibus multo plura atque præstatiore, quàm dici possint, beneficia accipienda esse illa oratione Vates declarauit, [Hodie quoque annuntians duplicia reddam tibi. Hebraicè, Etiam hodie annuntians duplex, &c.] Quanquam enim plura hodie in hoc responso iis, quæ superius dicta sunt, promissa beneficia accesserint, re ipsa tamen, cum præstanda fuerint, expectationem tuam longè multum superatura sunt. Neque enim oculus vidit, neque auris audiuit, neque in cor hominis ascendit, quanta præparauit Deus diligentibus se. ea verò, quæ hodie annuntiata sunt, quanquā magna hætenus fuerint, expositione tamen adhuc amplificantur. neque vero ita etiam dicendo amplificada, rem ipsam, cum exhibebitur, æquare possunt.

*Quoniam extendi tibi Iudam, quasi arcum, impleui Ephraim: & suscitabo filios tuos Sion super filios tuos Gracia, & ponam te, quasi gladium fortium.*

MAXIMARVM rerum, quæ à Deo per apostolos atque discipulos ad euangelium propagandum gerendæ erant, definitio quædam hæc est a iaculatorum ritu & more commodissime translata. constat enim oratio omnis Hebræicæ allegoria, quæ perpetuâ translationem Latini dicunt. Est autem huiusmodi verborum vsus, Arcus imprimis, deinde extensio, siue, vt Latini dicunt, intentio, tum sagittarum prompta copia, atque tandè exercitatio ac iaculatio: igitur magnæ sibi curæ Israëlitarum salutē esse ostendit Deus, quod eorum opera ad gentes in Christianā ditionē redigendas vti cogitauerit. Rem autem illis modis gerendam esse docet, vt ex filiis Iuda & Israël quidam deligantur, quibus prouinciarum ex diuina auctoritate susceptæ magno studio obitæ optimo euentu administrantur, alij autem in ipsa Israëlitarum regione, hoc est, Ierosolymis maneat, qui veræ pietatis Christianæque veritatis causam constantissime defendant. Quinam apostolorum gesta hic manifestè legendo non agnoscit? atq. ex apostolis & discipulis quosdam ad Græcos, gentesq. alias euangelij causa missos, quosdā verò cum Iacobo aliisque fratribus Ierosolymis & rem Christiana strenuè agentes, & consiliis atq. consultationibus ac iis rationibus, quæ ad alias gentes, atq. ad veritatē Christianā aduersus improbos & oppugnantes defendendam spectant, decernentes, quis, in quâ, hæc non planè in hoc versu decripta cernit? hoc est, [ *Extendi Iudam quasi arcum, impleui Ephraim.* ] Impleri enim in sacris sermonibus cum ad iaculationē refertur, idem est, quod manum vel pharetra sagittis oportune promendis instruere, vt in psalmo: Beatus vir, qui impleuit pharetram suam ex ipsis. & apud Ieremiam: Acuite sagittas, implete pharetras. suscitare autem, commouere & iaculari est, vt: Suscitans suscitabis arcum tuum. [ *Filios tuos Sion super filios tuos Gracia.* ] Apostrophe figura res absentes sub aspectum subiiciuntur. Siona autem & Graciam vtraiusque partium Israëlitarum & gentium personas sustinere iam alias docuimus. [ *Et ponam te quasi gladium.* ] Gladio cominus pugnatur, arcu eminus: vtriusque magna in conficiendo celeritas, maius tamen in gladio robur, atque ad sustinendum impetum plus virium est: ita maius negotium cum Iudæis euangelij iugo iungendis, quàm cum gentibus fore significatur. Sunt & aliæ elegantissimæ rationes, quamobrem his translationibus vsus Vates fuerit, hic consulto nobis prætermittæ, atque alijs, Deo annuente, explicandæ. Hæc igitur omnia non ad Iudæorum historias, sed ad Christi res gestas retulimus, cui illud proprie conuenit, Et dominabitur à mari vsque ad mare, &c. Id quod nulli alij ex Iudæorum regibus aut ducibus conuenit, sed vni Christo Iesu, cuius admiranda virtus diuinæque natura euangelij enuntiandi efficientia perspicitur, cum paucorum hominum incertum atque humillimorum opera tantum Christiana religio in gentibus propagabitur, omni humana sapientia, fortitudine contentioneque deuicta. huius autem rei causam illam esse facile intelligetur, quod

Psalm. 126.

Habba. 3.

*Et Dominus Deus super eos videbitur, & exibit, vt fulgur iaculum eius: &*

*Dominus Deus in tuba canet, & vadet in turbine austri.*

MANIFESTAM Dei virtutē in discipulis apostolisq. Christi non solū miraculorum, sed vitæ & morū sanctitatis exēplo omni perspectā exploratamque gentibus fore, inter quas lucerent, vt luminaria in celo, in medio nationis prauæ & peruersæ, hoc versu Vates docuit. neque enim tanta tamque solida virtus sine præcipua quadam Dei ipsius præsentia constare posset. Itaque Deus ipse illis hominibus adesse, plane ei, qui rem rectè existimauerit, perspectum erit: quorum præter summā in se virtutem, maximam etiā in agendo vim & efficacitatem, atque in conficiendo celeritatē experiri licebit, non secus atque iaculivim & velocitatem experimur, imò vehementius multo. namque exhibunt iacula vt fulgur, quæ attendentium oculos splendore, cogitationem claritate, fugam vi sua repellunt: quale iaculum, vt alios breuitatis causa omittam, Paulus fuit, vas a Deo electū ad gentes, vt poraret nomen suum corā gentibus & regibus & filiis Israël. Hæc autem de gentibus gentiumq. potentia reportanda victoria diuinæ virtutis atque euangelij efficacitati ascribetur, quod euangelium non priuata alicuius ministrorum ope, sed Dei, cuius omnes apostoli ministri sunt, consilio, præsidio atque voluntate nitatur. [ *Dominus Deus in tuba canet.* ] Est autem tuba bellicum instrumentum ad pugnam ciendam comparatum: cuiusmodi & euangelij vsus est, quod non ad pacem hominum componendam, sed

Ad. 9.

sed magis ad separationem, disjunctionem atque ad bellum concitandum missum est, ut videlicet piis & bonis cum impiis & improbis nunquā cōueniat. Putatis, inquit Chri-  
 Luc. 12. „stus, quod veni pacem mittere in terram: non, sed separationem. quantum vero sonitū,  
 quamque efficacem esse oporteat, quem tuba nō ex humana, sed diuino spiritu reddat:  
 atqui Deus ipse in tuba canet. Celeritatem verō atque vim in conficiendo maximam,  
 eamque planē diuinam illa oratio significat, ut Latine legitur, [Et vadet in turbine austri.]  
 Psal. 49. „Turbo namque siue tempestas, quæ Hebrais Z Z A G H A R A H dicitur, vehementem &  
 „eius tempestas magna. Est autem austro vento in tēpestatibus præcipua vis, utpote Orio-  
 Job 9. „ni, & Hyadis humidis astris affinis, ut scriptū est: Quis facit Arcturum, & Orionem, & Hia-  
 „das, & interiora austri. quod si verbum ex verbo reddere placeat, sic Hebraica vertentur:  
 [Et ibit in tempestatibus Theman.] est autem Theman & meridionalis venti & ciuitatis  
 in terra Edom principis nomen. Edom verō gentium omnium ab Israël alienarū perso-  
 nam sustinere etiā, ut Graciā, sepe iā docuimus. atq. hoc pacto locus hic præter superio-  
 rem expositionē istam etiā habet, ut gentiū illā potentiam, amplitudinē, florentiā & ce-  
 lebritatē diuini euāgelij vi ut turbinibus & tempestatibus quibusdā celerrimē iactandā,  
 conuellendam ac dissipandam fore accipiamus. atque ita Theman duplex significatio  
 constabit venti & viris etiā, oratioq. ipsa omnis duplici modo, actiuo ad Deū, & passiuo  
 ad Edom referendo explicabitur, idq. sine vlla sententiæ aut iactura aut perturbatione:  
 cuiusmodi multas orationes apud vates esse, nōnullas indicādo aliās animaduertimus.  
 Quis verō in hac euangelica pugna vtriusque partis, hoc est, proborum & diuinam vir-  
 tutem agnoscentium disciplinamque accipientium, & improborum repugnantiumque  
 futurus exitus esset, apertē satis subiunctis carminibus ostenditur.

*Dominus exercituum proteget eos: & deuorabunt, & subiicient lapidibus  
 fundæ: & bibentes inebriabuntur quasi à vino, & replebuntur ut phiale,  
 & quasi cornua altaris.*

MAXIMA illam salutem & illustrem victoriā, quæ paucis & inermibus atq. hu-  
 millimis, de multiplici fortissimoq. hominū exercitu afferenda erat, nō humanis viribus  
 aut consiliis, sed Dei præsidio atq. virtuti acceptā referri docet. neq. enim tam exiguis  
 & humilis populus tantū impugnantium impetum sustinere vlla humana vel vi, vel arte  
 posset. Ast [Dominus exercituum, potētissimus & fortissimus, proteget eos. Hebraicē est ver-  
 bum Scutabitur super eos.] erit, inquit, illis clypeus ad defendēdum, atque etiā virtus forti-  
 tudoq. magna ad vincendū, tanto robore augendis, ut hostes suos non secus atq. lapides  
 in calcem coctos redigere detur. [Et deuorabunt, & subiicient lapidibus fundæ.] Ignea & effi-  
 cacissima euāgelij vis hac trāslatione indicatur, quæ tanta futura erat, ut piis & obedien-  
 tibus præsidium, repugnantibus verō & cōtendentibus exitiū foret, sicut scriptū de vtraq.  
 Rom. 9. „euāgelij efficientia est. Verbū enim consummans & abbrevians in equitate: quia verbū  
 „abbreviatum faciet Dominus super terram. Hæc autē sententia oportuna atque integra  
 translatione à Vate pronuntiatur. Hebraicē enim sunt verba, [Deuorabunt, & subiicient la-  
 pides fundæ.] Itaque lapidibus in nostra visione non septimo, sed tertio casu legimus. Est  
 enim huiusmodi orationis sensus, Duros & euāgelio Christianæq. discipline obistentes  
 perinde esse cōminuēdos, atq. lapides durissimi, vilissimi tamē & ad fundā tantū idonei  
 in ardente fornace in calcem rediguntur. in lapidum genere quidam pretiosissimi, viles  
 quidā sunt, ex his rursus, qui ad edificiā murosq. fabricandos, vel figura, vel colore facere  
 possunt, ad eam rem seliguntur, qui verō rotundiores durioresq. sunt, omniū vilissimi ha-  
 bitū vel iaculatoribus ad fundas reponuntur, vel ad coquendā calcem in fornaces confe-  
 runtur. Ex his namq. optimū & candidissimū calcis genus fit; nempe ex lapidibus duris  
 & rotundioribus atque læuioribus: quales in fluuiis torrentibusq. esse solent. Atque hi  
 „proprie lapides fundæ, in sacro sermone dicuntur, ut apud Iob: In stipulam ei versi sunt  
 Iob 41. „lapides fundæ. reliqua sunt duo verba, [Deuorabunt, & subiicient,] quorum alterum ignis  
 Iob 20. „nomini adiungi solet, ut: Deuorabit eos ignis; alterum verō coctarum in fornace rerum,  
 Psalm. 20. „maximē autem lapidum, fragilitatē ostendit namque Hebraicē C H A B A S est, ex quo  
 verbo nomen C H I B S A N fornaci est factum. Igitur euāgelij hostes diuina virtute ut  
 vilissimos durissimosq. lapides fornacis igne comburendos atque cōminuēdos ab apo-  
 stolis fore Vates prædixit, eorumq. deuictorum sanguinē bibendū, hostili more, non ut  
 crudeliter.

crudelitatem, sed victoriæ magnitudinē hoc in loco interpretemur. neque enim armis, equis, curribusque, sed diuini verbi vi bellū faciendū esse superius audieramus, sed incepta semel in sacris sermonibus translatio perpetua verborum æconomia perducī solet, vt: Exultabunt sancti in gloria, lætabuntur in cubilibus suis. exultationes Dei in gutture eorum, & gladij ancipites in manibus eorum. Ad faciendā vindictā in nationibus & increpationes in populis. ad alligandos reges eorū in cōpedibus, & nobiles eorū in manicis ferreis, &c. Ad hunc modum hic victoria describitur, vt qui potiti fuerint, victorum à se sanguine epoto vt vino inebrientur, atque præ effusionis largitate omnes rubeant vestibus manibusque intinctis, non secus atque mactatarum hostiarū cruore phialæ impletæ altarisque anguli intincti sacrificiorum ritu conspiciuntur. Magnum itaque ex horum victoria sacrificium Deo victori facitandum statuendumq. fore Vates præcinit: illustre rursus, plurimam, dulcissimamque salutem piis allatam feliciter retentum iri docet.

Psal. 249.

*Et saluabit eos Dominus Deus eorum in die illa, vt gregem populi sui: quia lapides sancti eleuabuntur super terram eius.*

15 SALVTEM piorum populo spiritualē videlicet, qualem euangeliū promittit, Deo auctore restituendam: eamq. summa cura diuina retinendā præcinit, certis ministris ad eam curandā rem in terra constitutis. Diuina verò cura, providentia atque voluntas in summa hominū suorum infirmitate maximè prospicitur, vt pastoris optimi cura & diligentia non in taurorum equorumue armētis, sed in ouium gregibus custodiēdis defendendisq. cognoscitur. Bonus enim pastor animam suam pro ouibus ponit suis. sic igitur diuina, vt ita dicamus, humanitas (quam D. Paulus *φιλανθρωπία* appellat, Latinus interpretes humanitatē reddit) cultores suos etsi pauciores & infirmiores, ex omni periculo, maximè verò spirituali eripiendos custodiendosque suscipit, vt gregem, quē vt olim 25 Israëlitas in manu Moysi & Aaronis per solitudinem deduxerat: sic nunc in terra sua custodiet, certis ad eam præstandam rem ministris vsus, hoc est apostolis, & qui horum vice fungūtur, ecclesiasticis patribus & doctoribus, qui doctrinæ verbo populum pascant, atq. sub diuina tutela custodiaque teneant. Hos autem Vates ex antithetis lapides sanctos, siue, vt Hebraicè est, lapides separationis cognominat, hoc est, lapides delectos, & ad vsum vtilitatemque certam sepositos, omnino contraria voce & sententia ab illis, quos fundæ lapides superius dixerat. In quem verò vsum secernēdi sunt, ipse idem declarat, nimirum in 30 signum & documētum certum, ne pecus errare aut vagari temere possit. [Eleuabuntur,] Hebraicum verbum à signo longè conspieuo translatus est, quod nos sententiæ causā, assignabuntur, dicamus, hoc est, in signa statuētur: vt solēt in agris certi lapides, vel ad vias vel ad certas stationes indicandum locari. Atque publici in ecclesia ministri huiusmodi 35 etiam instar habent, qui quo sunt excelsiores, eo clariora pietatis indicia dare, & periculorum signa patefacere cæteris hominibus, vt ouibus infirmis debēt. Magnum verò huius rei ita procuratæ atque constitutæ fructum rōre Vates pollicetur translatione terræ & lapidum ad sententiæ finem perducta.

40 *Quid enim bonum eius est, & quid pulchrum eius nisi frumentum electorum, & vinum germinans virgines.*

HEBRAICE vox nisi non est, neq. Chaldaicè, sed interrogationi responsio affirmādo subiicitur: eadē tamen, vt rōis modo vertamus, loci sentētia constat. vt ex agro optimo & optimè culto magni atque vberes fructus percipiuntur: sic ex rectè instituta republica sua magnum pietatis vsum habendum esse Vates confirmat. ager enim, quamuis fertilis, sine cultura fructuosus esse non potest. est autem optimo & probatissimo solo illa cultura præcipuè adhibenda, vt inutilibus saxis purgato commodissimi quiq. lapides ad vsum seligantur opportunum, sicut scriptum est: Vineam factam dilecto meo in cornu filio olei, & sepiuit eam, & lapides elegit ex ea, &c. Ex huiusmodi autem culto atque distincto agro frumenta & vina saluberrima, & magnam ad alendum viam habentia exspectari oportet, atque adeo, vt à translatione ad rem ipsam reducamur, suauissimos pietatis fructus, quibus iuuentus alatur & firmetur. namque vt ager natura per se bonus & diligenti cultura melior factus fructuum copia & præstantia pueros iuuenesque validos ac puellas elegantes alit: sic terra hæc sancta, quam humanam naturam 55 sapius interpretati sumus, diuinæ Christi virtutis sancti spiritus efficientia compos facta, atque assidua etiam optimorum ministrorum opera indies culta vberimos ad propagan-

Iai. 5.



**Palm.** „ propagandam piorum sobolem fructus, & præstantissimos gignit, sicut scriptum est: Etenim Dominus dabit benignitatem, & terra nostra dabit fructum suum. quod vero terra nomine humana natura significetur, eodem psalmo aperte declaratum est: Veritas de terra orta est. namque Christus veritas illa summa secundum carnem ex humana natura ortus fuit. hæc huius versus sententia est, [Et quid bonum eius est, & quid pulchrum eius.] 5 Quis, inquit, fructus, quæque suauitas atque iucunditas expectanda Deo fuerit ex terra hoc modo culta; nempe frumentum iuuenum siue adolescentium & vinum, quod puellas florentes reddat. Hebraicè, [Et vinum latificans puellas.] Hunc versum sic Chaldeus paraphrastes exponit eleganter: [Nam quid bonum & quæ pulchritudo: doctrina legis & iudicium rectitudinis stabilitum in ecclesiis.] Quinam fructus, quiue pueri, quæque puellæ sint hæc, aperte 10 atque egregiè hac paraphrasi exponitur.

## CAPVT X.

**B** *Etite à Domino pluuiam in tempore serotino, & Dominus faciet nives, & pluuiam imbris dabit eis, singulis herbam in agro.* 15

**H** **O** **R** **V** **M** versus explicatio & sententia cum superioribus connexa est, ut multa etiam huiusmodi in sacris libris obseruantur: quæ, nisi ad antecedentis capitis finem relata fuerint, turbare lectorem possint, eum maximè, qui Hebraica, Chaldaica, Græca antiqua non consuluerit, in quibus huiusmodi capitum partitio facta non est, ut alias animaduertimus. Horum autem carminum sententia illa est, Deum noui testamenti cultoribus verè piis egregièque sui cultoribus purè sanctèque exoratum iustificationem gratiamque suam maxima illa beneficia, quæ promissa olim fuerant, oportune aperteque collaturum. Hæc verò res à Vate nostro ea, quam semel instituerat, translatione perducta 25 dicitur. ut enim superius terræ, agri, ouium, erigèdorum lapidum nomina verbaque usurpata fuerant: sic nunc pluuiæ, fulgurum, herbarum commoda appellatio adiuncta est. Atque adeo allegoriarum ratio sic in sacris obseruanda est: in quibus cum non omnia per translationem dicantur, quidnam allegoricos, quid simpliciter exponendum fuerit, facile iis indicatur, qui non omnia vno eodemque tenore ac modo explicanda esse censent. Igitur ut olim veteris testamenti hominibus, quibus terrena promissa facta seruataque fuere, illud etiam inter cetera Dei beneficia deferri solebat, ut siue aliis in regionibus oportune plueret, siue non, in illorum tamen agris singulis annis bini certè imbres, ii que ad terræ soli que naturam commodissimè gignendis que fructibus maximè idonei effluerent; quorum alter temporaneus in nostra versione; alter serotinus dicitur: sic ad 35 hunc, de quo nunc agimus, humanæ terræ agrum beandum, atque omni maximorum & probatissimorum fructuum fecunditate augendum, binas item gratiæ suæ oportunas pluuias immissurum sese Deus in sacris libris pollicetur: ex quibus altera alterius efficientiam præcedat & adornet. Est enim duplex hominū ad diuinam felicitatem rectè ac legitime contendendum status; alter fidei atque honestarum actionum studio definitur, 40 quem diuina gratia præueniri, iuuari conseruarique oportet; alter verò sancti spiritus a Deo dati effusione certo quodam atque efficacissimo gratiæ modo iis tantum, qui acceperint, cognito, ceteris verò optabili quidem, nunquam tamen satis explicato constat. quo modo qui affecti sunt, sancti, irreprehensibiles immaculati que dicuntur: qualis sanctissima illa virginum que prima; quales apostoli discipuli que plurimi fuerunt; quales 45 quo minus multi etiam sint, nisi propria culpa defectu que prohibeantur, per diuinam virtutem atque voluntatem non stat, maximè in nouo testamento: cuius ætati hoc à Deo beneficium & promissum fuerat, & tributum tandem est. Ego, inquit, sto ad hostium, & pulso, si quis aperuerit mihi, intrabo ad eum, & cænabo cum eo, & ostendā ei meipsum, 50 &c. Priori illi conditioni diuinitus allatæ gratiæ ratio ad temporaneam, quam vocamus, quæ verò huic posteriori conuenit, ad serotinam in imagine ipsa siue figura refertur, sicut scriptum de re ipsa magis, quam de imagine est: Pluuiam voluntariam segregabis Domine hæreditati tuæ, &c. Sed quanquā vtraque gratia Dei simplicissimi & efficacissimi donum sit, posterioris tamē in hominum animis effectus multo, quam prioris præstantiores illustriores que sunt, sicut scriptum est: Vos genus electum, regale sacerdotium, 55 gens sancta, populus acquisitionis, offerentes spirituales hostias acceptabiles Deo per Iesum

Iesum Christum. Atque hoc est, quod admirabili sua translatione perpetuò vsus Vates pronuntiat, mutatis prophetico more personis. [*Petite à Domino pluuiam in tempore serotino.*] Felicitatem hanc neminem de se ipso præstare, sed à Deo petitam accipere posse docet Vates. [*Et Dominus faciet nives.*] Hebraicum verbum *ח ח א ז י ז י מ*, quod a themate *ח ח א ז א* deductum spectationem siue visionem significat, estque propriè id, quod latini cæli fulgura dicunt ante tonitruum sonitum prospecta. vetus interpres noster apud Iob viam sonantis tonitruum reddidit: Plinius fulgetram siue fulgetrum no-  
 minauit. hæc autem res & tonitruum & pluuiam præcedens significat, atque ad nostrum argumentum relatum manifestam gratiæ illius, quæ spiritu sancto misso hominibus affertur, demonstrationem indicat, ita vt non solum ab ijs, qui accipiunt, sed ab ijs, qui spectant, diuina virtus cognoscatur & probetur. vt in illo Ierosolymitano spectaculo in Pentecoste festo, atque in Cæsarea apud Cornelium Centurionem ostensum est: Cum Petro adhuc loquente cecidit Spiritus sanctus super eos, qui audiebant verbum, & ob-  
 stupuerunt ex circuncisione fideles, qui venerant cum Petro: quod & in nationes gratia Spiritus sancti effusa est. Hanc autem gratiam quod largissima efficacissimaq. esset, & oportunas unicuique ad honestè, sanctè feliciterque agendum commoditates afferret, [*pluuiam imbris,*] hoc est, largam abundantemque Vates vocat: idque efficientem, quod cuique commodissimum fuerit. [*Singulis herbam in agro.*] Id quod priuatam quandam atque peculiarem Dei erga suos prouidentiam probabit. neque enim omnia omnibus sanctis communiter, ac promiscuè donata sunt, sed præter iustitiam & sanctitatè, qua omnes ex diuino dono præditi fuerint, diuisiones etiam gratiarum sunt, idem autè spiritus: & diuisiones ministrarum sunt, idem autè Dominus: & diuisiones operationum sunt, idè verò Deus. Maximum enim diuinæ prouidentie signum argumentumq. esset, si in singulorū agris nō omnia promiscuè, sed oportunissima cuiq. herbarum genera nascerentur: sic etiam in humanæ animorū felicitatis ratione certam Dei prouidentiam, voluntatem atque gratiam cognoscere oportuerit; non autem vel ad communem & consuetum naturæ cursum, vel ad astrorum vim, vel ad propriam cuiusque vel personæ, vel nationis fortunam, vel ad aliud cæli excogitatum, fictumque nomen referre.

*Quia simulachra locuta sunt inutile, & diuini viderunt mendacium, & somniores locuti sunt frustra, & vanè consolabantur: idcirco abducti sunt quasi grex, affligentur, quia non est eis pastor.*

PVRÆ religionis veritatem Dei que virtutis constantiam atq. prouidentie erga homines, maxime verò erga pios, præcipuam rationem hoc argumento probatū demonstratumq. iri aduersus vanas & stultas gentium de deorū multitudine, numinibus & vi, deque cælorū astrorumq. efficiētia opiniones Vates confirmat. cæteræ namq. rationes vel rerum vtilium atq. secundarum, quæ hominibus vel prædictæ, vel expectatæ, vel inuentæ sunt, vanas omnino esse; hic certus felix atque constans erga pios homines euentus vaticiniis & responsis omnino consentiens arguit. Alij namque ex sortibus & augurijs, alij ex somniis & diuinationibus aliisque auspiciis modis, atque ex falso dictis numinibus oracula petentes vel falsa omnino, vel incerta atque ambigua responsa retulerunt: quod in huiusmodi rebus vel hominum ipsorum qui præessent, fallacia, vel temeritas & casus, non ratio & consilium valeret. [*Quia simulachra locuta sunt inutile.*] Quæ hic simulachra ob verborum latinorum penuriam vertimus, non erant deorum effigies propriè, sed quædam alia excogitata, atque ad certas horarū obseruationes conformata instrumenta, quæ ad futurarum atque absentium rerum consultationem delusi homines, adhibebant ex illarum inter se comparatione situ, atque aliis rationibus coniectorum opera ac potius fallacia responsa illa ambigua, quæ noster interpres inutilia appellat, Hebraicè verò obliqua dicuntur, referentes. Hæc Hebraicè *Theraphim* nominantur. Ex hebraicis nominis ratione & locorum collatione diuini hic notantur, qui per mortuorum manes atque huiusmodi mali dæmonis præstigias futura præuidere putabantur. [*Et somniores locuti sunt frustra.*] Hebraicè, *locuti sunt vanum.*] Erat & hoc diuinationis genus gentibus obseruatum: de quo & præcepta tradita librique conscripti sunt. ex eo tamen nihil magis, quàm ex aliis certi atq. oportuni relatum gentibus fuisse Vates confirmat.

somniorum namque natiatores & cōiectores obiectis formis delusi ceteros etiam elu-  
debant, atque ita vana de futura suarum rerum felicitate, de secundis actionum even-  
tibus, ceterisque huiusmodi publicis cōsultationibus responsa referentes, cācam omni-  
no expectationem cōmouebant. neque enim vlla aut bona expectatio, aut cācam omni-  
solatio grata esse potuit ijs, qui deos ex auspiciis responsis propitios sibi esse audissent; s  
quillitatemque afferendam promitterent arioli, vanē, inquit Vates, consolabantur. Ex  
qua re factum est, vt cōsilio certo destituerentur, & de omni totius vitæ statu sese ipsos  
frustrarentur. hoc est quod Vates ait, [*Idcirco abducti sunt quasi grex,*] vt muta, inquit, pe-  
cora, quæ cū ratione careant, si vel nullum vel malum pastorem nācā fuerint, in pe- 10  
riculum, quod declinare non valeant, sese immittunt. [*Abducti sunt à suis diuinatoribus, af-  
fligentur, quia non est eis pastor,*] Deum, quem sequantur, nullum certum habent, verum  
Deum non secuti, necesse est, vt affligantur. Atqui verē pio populo longē aliter eue-  
niet, cui & futurarum rerum prædictiones consolationesque veræ aperta que constāt,  
& secundo euentu confirmanda sunt; vtpote cui veri vates ministri que cōstituti sint, 15  
optimusque pastor sapientissimus & potentissimus Deus præsit. atque oratio hæc illi  
suprà 9. alteri ex antitheto est opposita: Et saluabit eos Dominus Deus eorum in die illa, vt  
gregem populi sui, &c.

*Super pastores iratus est furor meus, & super hircos visitabo: quia visita- 20  
bit Dominus exercituum gregem suum domum Iuda, & posuit eos quasi  
equum glorie suæ in bello.*

INSTAURATIONEM vel potius conuersionem status rerumque renouationem  
futuram synagoga ad ecclesiam translata & regno à principibus magistratibusque auge- 25  
rendo, deinde genti facienti fructus eius committendo hoc in loco prædicens Vates de-  
scribit: neque enim in tanta perturbatione, in tanta ambitione atque auaritia inclina-  
ta res teneri iam vltius, quo minus corrueret, poterat. Id quod principum summo-  
rumque magistratuum atque populi patrum vitio & culpa acciderat, à quibus, nisi 30  
publicæ rei clauus & gubernacula eriperentur, omnis profectio reliquus populus eua-  
nuisset penitus exturbatus. Hanc autem rem eadem gregis pastorumque translatione,  
qua hactenus vltus est, eloquitur per Vatem Deus, aitque se, cū populo suo piē clemen-  
terque consuluerit, in principes ipsos populi que primarios, qui errandi ceteris aucto- 35  
res fuerint, seuerē esse animaduersurum; quod videlicet clauem regni tulerint, ipsi au-  
tem non introierint, neque ceteros intrare permiserint. Hos verō pastores atque hircos  
nominat, videlicet, principes ipsos sacerdotum & magistratuum, quibus populi cu-  
ra commissa est, pastores; reliquos verō seniores populi, doctores, scribas, qui doctrina  
atque exemplo ceteris anteire deberent, hircos. est enim Hebraicum nomen *Ghathu-* 40  
*dim*, quod non quemlibet caprum, sed eos tantum, quos velut doctores præcedentes  
grex omnis sequitur, significat. Atque ex horum temeritate pastorumque negligentia  
omne gregibus periculum esse solet, sicut scriptū est: Estote quasi hirci ante gregem.  
& quos interpretes noster apud Isaiam, principes terræ vertit, ipse Vates Hebraicē terræ  
hircos nominauerat. Hos igitur vtrosque, qui negligentia sua Deum in se offensum  
reddiderint, iratum experturos esse ait, quo tempore Iudaicæ res corrigantur ac reno- 45  
uentur stabilianturque. Id quod noui testamenti tempore fore, vates omnes prædixere,  
cū ex illa synagoga antiqua populus simplex atque fidelis deligendus erat, quem sibi  
gratum Deus emendaret sectatorem bonorum operum, vt Paulus ait. Hoc est, quod Va-  
tes noster dicit, [*Quia visitauit Dominus exercituum domum Iuda.*] Quia non modò rationis,  
sed affirmationis atque indicationis particula est. affirmat namque rem, & agendi tem- 50  
pus indicat, vt: Quia fecit mihi magna qui potens, &c. Visitare verbum variē cō-  
structum variam significationem sortitur. Visitare super pastores, in illos animaduertere  
est. Visitare verō domum Iuda, eiusdē domus res animaduertere, cōsiderare atq. guber-  
nare est. Vtriusque significationis exempla sunt. Et visitabo super orbis mala, & cōtra im-  
pios iniquitatem eorum, &c. Quid est homo quod memor es eius, aut filius hominis, 55  
quoniam visitas eum? Igitur iis magistris principibusque reiectis, alios sibi ministros,  
per

Jerem. 50.  
Isa. 14.

Luc. 1.

Isa. 7.  
Psalm. 7.

per quos euangelica res rectè ac strenuè geratur, ex eodem populo delecturum Deus pollicetur. [Et posuit eos quasi equum gloriæ suæ in bello. Hebraicè, quasi equum gloriæ eius in bello. idem est quod latine, cuius gloria in bello est.] Vsurum se esse Iudæorum familiam, hoc est, apostolis, discipulis, leuitis, aliisque ministris ad pugnas euangelicas aduersus veritatis hostes: vt equo, cuius virtus & contentio in præliorum periculis explorata laudatâq. est. huiusmodi namq. equi expeti & quæri à maximis imperatoribus solent. quod autem in genere dictum est, partitione in species expolitur.

*Ex ipso angulus, & ex ipso paxillus, ex ipso arcus prælij, ex ipso egredietur omnis exactor simul.*

FIGURATA sacrorum librorum oratio expositorem etiam properantem persæpe moratur, aliàs neque rebus ipsis, neque legentibus, neque officio suo satisfacturum. In superiori versu populum suum, hoc est, ecclesiam sibi constituendam stabiliendamque fore Deus prædixerat. Eam rem ex Iudæ familia reiecto à gubernaculis magistratu illo indigno inchoandam esse, domus & bellici equi translatione elocutus est. *Visitauit Dominus domum Iuda, &c.* Visitare autem domum, vt in translatione maneamus, est fartam rectam integramque esse curare. Aedium autem ædificia duabus rebus rectè comparatis maximè nituntur, & ab omni detrimento conseruantur, angulorum videlicet & lignorum firmitudine. anguli lapide firmissimo constare debent: ligna paxillis contineri commodissimis oportet. namque his deficientibus omnè domum corruiere necesse est; in quibus vt firmissimis, ita postremis detrimentum accipit, sicut scriptum est: Repente <sup>Iob 1.</sup> ventus vehemens irruit à regione deserti, & concussit quatuor angulos domus. de paxillis autem sic: Quanto magis hi, qui habitant domos luteas, qui terrenum habent fundamentum, <sup>Iob 4.</sup> consumuntur velut à tineâ, nōne euellentur paxilli eorum cum eis? Omnem igitur cum ad ædificandam domum, tum ad hostes feriendos & debellandos vim, auctoritatem, omnèq. ad gerendam rem pondus & momentum ex grege suo, ex domo Iuda, ex ipsâ, inquam, familia afferendum esse dicit. namque Christus, qui angulus paxillusq. totius ædificij est, ex tribu Iuda fuit secundum carnem. Idem autè arcus belli, cuius virtute & efficientia sagittæ, quas apostolos diximus, iaciuntur. Est autem paxilli nomen Hebraicū *lether* excellentiæ atque præstantiæ, qualis Christo fuit, significatiōnem habens. atque cætera ecclesiæ membra ad domus translationem relata, lapides, ligna aliamque materiam vocare possumus. Christum autè angulum parietes continentem, paxillumq. firmum vocemus oportet: arcum etiam in bello, ex quo sagittæ mittantur. sagittæ autem missilium armorum sunt genus, quo nomine & hebraicè dicuntur. eodem verò nomine & Græcè & Hebraicè apostoli appellantur: Apostolus enim missus Græcè, Hebraicè & Syriacè *SELVAH*, vel *SELVHA* dicitur. [Ab ipso egredietur omnis exactor simul.] Hebraicū nomen appropinquatorem, arcuatorem, exactoremque significat. Est autem sagittarum periphrasis, quæ directè iactæ, eum, in què intenduntur, velocissime attingentes, neque effugere sinerites petunt & feriunt. Huiusmodi euangelij vis apostolorum administrationi credita commissaque fuit. Quamquam autem plures deinde discipuli Christianique nominis propagatores ex omnibus gentibus futuri essent, qui alio atque alio tempore constituti rem strenuè gererent, qui tamè primi omnium constituti simul legatiq. sunt, ex Israëlitarum siue Iudæorū familia fuere, sicut scriptum est: Vocauit discipulos suos, & elegit duodecim ex ipsis: quos & apostolos <sup>Lucæ 6.</sup> nominauit, &c. & misit illos, &c. atque ita exactores omnes, qui simul missi sunt, excofuerunt. Animaduertendum hoc in loco est, in nonnullis latinis vulgatæ editionis libris, vbi nos legimus *angulus*, esse angelus, non ex interpretis consilio, sed ex librariorum incitia & affine veritati errore, sed qui nullam planè etiam ijs, qui Hebraicè nesciunt, sententiam reddat. Huiusmodi multa in latinis libris perperam scripta loca sunt, quæ vel librariorum negligentia, vel audaciæ ascribi oportuerit, qui quæ minus intelligerent, leui coniectura mutabant nonnunquam, vt mutatio sensum aliquem exprimeret, vt in illo psalmi versu secundo: Sitiuit anima mea ad Deum fontem viuum. <sup>Psal. 41.</sup> Nonnunquam verò nulla mutationi sententia subest, vt hîc angelus pro angulus, & apud Iob etiam in quibusdam exemplaribus: Et concussit quatuor angelos domus, pro quatuor angulos. Hæc obiter admonere placuit, ne huiusmodi vitia veteris interpretis auctoritati obesse, aut lectori possint imponere. Iam verò quàm strenuè, quâq. feliciter ab



apostolis aliisque discipulis, qui primi ex Iudæa in expeditionem proficiscerentur, quamvis paucis numero gerenda foret res, expositione Vates docet.

*Et erunt quasi fortes conculcantes lutum viarum in prælio, & bellabunt: quia Dominus cum eis: & confundentur ascensores equorum.*

OMNEM potentiam, sapientiam, auctoritatemque humanam paucorum inermium atque mundi iudicio imperitorum & humillimorum hominum virtute fractum, imminutum victumque iri & Vates præcinnere, & apostoli etiam factum attestantur: Vi-  
 1. Cor. 1. „dete vocationem vestram fratres: quia non multi sapientes secundum carnem non multi  
 „potentes, non multi nobiles: sed quæ stulta sunt mundi elegit Deus, ut confundat sapien-  
 „tes: & infirma mundi elegit Deus, ut confundat fortia: & ignobilia mundi & contemp-  
 „tibia elegit Deus, & ea, quæ non sunt, ut ea quæ sunt, destrueret. Huiusmodi belli &  
 præliorum similitudinibus hæc res à vatis aliisque sacris auctoribus pronuntiatur, quod  
 & agendi ratione & exitu ipso, hoc est, victoria reportanda non minus, quam bellum ar-  
 Ephes. 6. dentissimum paucorum aduersus plurimos oppugnantes fuerit: atque his nominibus,  
 „& verbis bellum certamen, prælium, pugna & cæteris aptissime enuntietur, ut: Non est  
 „nobis colluctatio aduersus carnem & sanguinem, sed aduersus principes & potestates &  
 rectores tenebrarum harum, & cæt. Hos itaque maximos & fortissimos non specie ipsa,  
 sed virtute & rebus gerendis sese præbituros ait Vates, non qui fortitudinem sibi arro-  
 gantes iactent, sed qui verè & re ipsa præstent. [Quasi fortes.] Nomen fortes non adie-  
 ctivum, sed substantivum hoc loco est propter latinorum verborum penuriam. nam-  
 que Hebraicè CIBOR fortissimum aliquem & celeberrimum rebus à se gestis virum  
 Iudic. 6. significat: quem Græci ἐρῶα dicunt: quales Hercules, Theseos, Castoras Pollu-  
 Iudic. 11. cesque suos antiquitas prædicabat. Hispani Barragan vocant. quo nomine Gedeon ab  
 Ruth 2. angelo salutat, & Iephte Gilghadites, & Boos, & David celebrantur. Atque vox quasi,  
 1. Sam. 17. non quantitatis, sed similitudinis est, quæ aut collationem habet aut imaginem. Itaque  
 fortiter adeo acturos ait ministros illos, ut vel nominatissimis & celeberrimis heroi-  
 bus (si ita loqui licet) comparari oporteat, tanto etiam excellentiores, quanto gravius  
 honestiusque bellum spirituale videlicet, nulla humana potentia aut facultate freti  
 aduersus potentiorē hostem susceptum maiori virtute, dexteritate contentioneque  
 confectum victores triumphantesque spectare contingeret. Est autem in hoc versu trans-  
 positus orationis ordo, ut sæpe in carminibus fit, Et erunt in prælio ut fortes conculcan-  
 tes in luto platearum. tam facile & expeditum erit illis, inquit, hostes protèrere, quam  
 fortissimis viris est facile, lutum platearum conculcare. estque locus à comparatione du-  
 plici cum amplificatione coniuncta. tantæ autem fortitudinis causam, quæ sola esse  
 potest, certissimam indicat. [Quia Dominus cum eis.] Id quod ipsi fortissimi etiam at-  
 que instructissimi ex hostibus pudefacti agnoscent, cum se à paucissimis atque in spe-  
 ciem humillimis superari sentiant. [Et confundentur ascensores equorum.] Infirma enim  
 1. Cor. 1. mundi elegit Deus, ut confundat fortia: ut non glorificetur omnis caro in conspe-  
 „ctu eius, quemadmodum scriptum est: Qui gloriatur, in Domino gloriatur. Atque  
 hæc antea iam secula aliud tempus tandem secuturum esse indicatur, cum omni Is-  
 raelitarum familiæ integra restitutio atque salus ex diuina misericordia afferatur,

*Et confortabo domum Iuda, & domum Ioseph saluabo: & conuertam eos, quia miserebor eorum: & erunt sicut fuerunt, quando non proieceram eos: ego enim Dominus Deus eorum, & exaudiam eos.*

IUDÆORUM primum, quod hi Latinæ ecclesiæ propinquiores fuerint, ex ijs, in quibus versantur miserijs, animos tandem ereptos diuini spiritus gratia renouatum formatumque, deinde reliquas decem tribus, quæ longius latiusque dissipatæ patent, seruatim iri confirmat Deus. [Et confortabo domum Iuda (Hebraicè est, & virificabo, vel, fortificabo) & domum Ioseph.] Israël significat, qui Iosephi nomine ex antiquo pa-  
 Psal. tris testamento appellari solet. Qui regis Israël intende, qui deducis velut ouem Ioseph. [Et conuertam eos.] Sunt enim nunc à Deo omnino auersi, & in reprobum sensum, iusto

iusto ac seueri iudicio traditi, unde ut liberentur optare quidē & desiderare atq. orare ipsi possunt; suis verò aut conatibus aut studiis efficere non possunt, neque alia, quàm Dei miserentis virtute atque benignitate obtinere, sicut scriptum est: *Conuertere nos Domine, & conuertemur, innoua dies nostros sicut à principio.* Etenim, ut de hac re aliàs commodius, Deo præstante, demonstrabitur, Israëlitis dum præsens repudiationis condicio manet, non ita facilis atque oportuna ad suam salutem reditio est, ut olim ante Christianam repulsam fuerat, vel aliis gentibus à Deo ab alienatis nunc etiam est. Atque hæc causa est, quam obrem ab ecclesia perfidorum & obstinatorum cognomine impositæ istius res alia orandi & commendandi formula commendatur, ut in sacris precibus, quibus cum aliis, tum in sacra hebdomadis sexta die de hac re cum Deo agitur, obseruare est. Itaque omnis huius promissæ salutis causa & ratio ad diuinam voluntatem misericordiamque reuocanda est. [*Quia miserebor eorum.*] Id quod ex plena atque integra salute, qua vsuri sunt, manifeste arguetur: neque enim repudiatis & ab alienatis ob suam culpam tanta salus vllò merito vel actione propria constare potuit, nec nisi sola diuina misericordia afferri. [*Et erunt sicut fuerunt, quando non proieceram eos.*]  
 15 Hebraicè, *Et erunt, ut si non proiecissem eos.* Maiorem gloriam, dignitatem ac rerum felicitatem, quam antiquam hæc illis oratio promittit; eamque ex sola Dei miserentis & præterita crimina benignè cōdonantis voluntate pendere docet. [*Ego Dominus Deus eorum, & exaudiam eos.*] Rationem ostendit, quam obrem seruaturus sit, quod se misericordem his primum omnium mortalium nomine illo suo tetragrammato indicando exhibuerit, eoque nomine Deum gubernatoremque futurum fuerit pollicitus: quo nomine erga illos, quanquam ipsi sese indignos rediderint, tamen ipse tandem, cui perpetuum constansque consilium est, utetur. [*Dominus Deus eorum.*] hoc nomine patribus eorum olim oblatus atque exhibitus, quod semper ipse tueatur, tametsi illi populi sui nomen abiecerint. neque enim hīc subiunctum est, *Et ipsi populus meus*: nam antequam restituantur, ab alienatus repudiatusque populus dicuntur: quibus ut salus adferatur, nulla alia via certa muniri potest, quàm assiduæ preces, clamores & lamentationes, quæ illius condicionis hominibus integra ratio manet. cuiusmodi illa sunt: *Tu autem Domine in æternum permanebis, solium tuum in generatione & generationem.* Quare in perpetuum obliuisceris nostri, derelinques nos in longitudinem dierum, &c.  
 20 Hic vatis Ieremiæ locus eiusdem planè argumenti cum præsentis est. [*Et exaudiam eos.*] Significationem certam habet verbum *exaudire*, est enim oranti, imploranti exposcentique benignè respondere. Hebraicè, *G H A N A N*, ut: Cum inuocarem, exaudiuit me Deus iustitiæ meæ.

Thren. 5.

Thren. 5.

Psal. 4.

22

25 *Et erunt quasi fortes Ephraim, & letabitur cor eorum quasi à vino: & filij eorum videbunt, & latabuntur, & exultabit cor eorum in Domino.*

IUDÆORVM salutem & restitutionem Israëlitarum felicitas consecutura prædicatur, quibus diuini euangelij virtutem expertis magna & publica lætitia, verumque animorum gaudium cumulandum est, non ex leui & momentanea aliqua externaque causa, sed ex animi quodam intimo sensu erupturum: perinde atque ijs accidere solet, qui optimi vini liberalius exhausti efficientia hilares læti que sunt, quibus ipsum vinum lætitiæ argumenta orationisque atque exultationis oportunitatem facultatemque præbet etiam solis, nulla externa ad gaudendum specie visa exhilaratis: Vinum enim lætificat cor hominis. adeo ut filiis etiam paruulis, quos consueta patrum tristitia & moestitia ad rogandam causam, condolendumque mouebat, tanta nouitas spectata & cognita lætitiā, gratulationem, diuinarumque laudum studium incitet. paruuli enim ob atatis feruorem & exiguam incommodorum experientiam, lætitiæ magis, quàm moestitiæ alienæ sensu commouentur atque excitantur. Ita patrum lætitiā filij planè cogniti gaudiumque proprio sensu gratulationeque Deo facta cumulaturi esse dicuntur. Quarta verò, quamque certa in his restituendis atque seruandis Dei cura atque prouidentia perspicienda sit, aperta expositione declaratur.

Psal. 103.

30 *Sibilabo eis, & congregabo illos, quia redemi eos: & multiplicabo eos sicut antequam fuerant multiplicati.*  
 LÆTISSIMVM euangelij nuntium per omnes orbis regiones, quacunq. Israëlitiæ dispersi

disperſi fuerint, perferendum diuinus ſibilus hoc loco appellatur. cuius vocis illa ſententiæ ſumma eſt. [*Quia, redemi eos.*] Hoc nuntio audito congregandos atque vnius eccleſiæ communionem ſocietateque coniungendos, omniſque tum felicitatis, tum multitudinis ac frequentiæ copia augendos fore ait: ita vt neque dignitate, neque numero illi antiquo populo, qui olim celeberrimus fuerat, impares, ſed longè etiam ſuperiores reddantur. [*Et multiplicabo eos ſicut antea fuerant multiplicati.* Hebraice, *Et multiplicabuntur, ſicut multiplicati ſunt.*] Multiplicari verbum, non ad numerum modò, ſed ad omnem dignitatis & felicitatis amplitudinem refertur, ob eamq. rem ex multis, quæ Hebræis ſunt, ſimilitudinis vocibus hoc in loco vna eſt κ ε μ ο, quæ quantitatem, qualitatem admirationemque ſignificat. eam pluribus latinis vix aptè interpretari poſſumus. [*Multiplicabuntur quàm maximè, ſi quando vnquam maximè.*] idque admirando pronuntiandum eſt, vt nulla vel maxima antè multiplicatio huic æquanda eſſe dicatur: quantaque illa ſit quam ex paruo numero auctam, cum illorum rebus Deus benignè provideret Moſes miratus indicauerat: Dominus Deus veſter multiplicauit vos, & eſtis hodie, ſicut ſtel.  
 Deut. 1. læ cæli, plurimi: Dominus Deus patrum veſtrorum addat ad hunc numerum multa  
 „ millia, & benedicat vobis, ſicut locutus eſt. Illud ad ſermonis arcani rationem obſer-  
 „ uandum eſt, ſibilationem in ſacris vocationis excitationisque ſignum aliquando eſſe, vt:  
 Iudic. 5. Quare habitas inter terminos vt audias ſibilum gregum. & illud: Leuabit ſignum in  
 Ia. 5. „ nationibus, & ſibilabit ad eum de finibus terræ: & ecce feſtinus velociter veniet, &c.  
 „ quanquam alia huius verbi ſignificatio etiã ſit, de qua ſuo loco dicemus, quæ huic planè  
 „ non conuenit. Prædictis autem promiſſis illud etiam additur, quod à vatibus omnibus  
 „ non rarò enuntiatum eſt. Iſraëlitæ reſtitutionem neque terrenæ felicitatis nomini-  
 „ bus interpretari, neque terminis deſiniri oportere, quamuis illius antiquæ, qua olim in  
 Chananæa regione uſi Iſraëlitæ fuerint, verbis aliquando deſcribatur. Hoc enim pro-  
 „ pterea fieri, quòd rem ipſam ad imaginem ſuam referri, figurataque oratione enuntiar  
 „ conueniat: vt tamen iſdem omnino modis hæc futura felicitas atque illa antiqua, expe-  
 „ ctanda ſit, neque ex diuinorum beneficiorum magnitudine, neque ex gentis ipſius cele-  
 „ berrima frequentia eſſe, quam tam anguſtis finibus contineri non fuerit par.

*Et ſeminabo eos in populis, & de longè recordabuntur mei.* Hebraicè,  
*Et ſeminabo eos in populis: & in longinquis recordabuntur mei.*

ISRAELITAS per omnes ferè orbis regiones cum ſumma ignominia diſperſos & diſſipatos, ubi ſalutis diuinarumque virtutum ex Dei dono còpotes facti fuerint, magno cæteris nationibus ad diuinarum laudum ſtudium exemplo fore ait. namq. & vitæ ſan-  
 „ ctitate, & tantorum à Deo beneficiorum uſu admirandum hominibus alijs ſpectaculum  
 „ edent, quod narratione etiam celebrando explicabunt: atque ita fiet, vt ipſi etiam alijs,  
 „ qui Deum vel non nouerant, vel non rectè nouerant, ad eiſdem ſalutis communionē  
 „ vocandis adminiſtri ſint.

*Et uiuent cum filiis ſuis, & reuertentur.*

SI VE filios ſimpliciter ſecundum carnem, ſiue diſcipulos & à ſe euangelio enuntian-  
 „ do genitos cum Paulo interpretemur, ſiue vtroſque, ſententia planè conſtans aperta  
 „ eſt. Ait verò illos victuros, quod humana ante iuſtificationem & ſanctitatem obtentam  
 „ non vita, ſed mors planè appellanda ſit; imò ipſum mortis corpus, à quo ſe liberari ille  
 Rom. 7. apud D. Paulum expetebat; vita verò ea verè dicatur, quæ diuini ſpiritus efficiencia da-  
 „ tur: quam ſpiritus vitam Apoſtolus nominat. de qua ſic vnus ex confortibus ſcripſit:  
 1. Ioan. 3. Nos ſcimus, quòd translati ſumus de morte ad vitam: quoniam diligimus fratres, &c.  
 „ Hos autem, qui ſic vixerint, reuertèdos eſſe Vates ait, eò quòd in maximam gratiam re-  
 „ ductos nouis & planè eximijs atque liberaliſſimis ſtudijs deditos fore præuideat, ſicut  
 Galat. 5. ſcriptum eſt: Qui ſunt Chriſti, carnem ſuam crucifixerunt cum vitijs & còcupiſcentijs:  
 „ Si viuimus ſpiritu, & ſpiritu ambulemus, & cæt. Hæc itaque conuerſio, de qua hic  
 „ agitur, eſt ab illa miſera ſeruitute & morte ad ſanctitatem filiorum atque veram ſan-  
 Ephes. 1. ctorum ciuitatem & Dei familiaritatem traductio: Id quod ſubiunctis verſibus ex-  
 „ ponitur.

*Et red-*

*Et reducam eos de terra Aegypti, & de Assyrijs congregabo eos: & ad terram  
Galaad, & Libani adducam eos: & non inuenietur eis locus.*

STVDIORVM & vitæ in melius mutationem, felicitatis vsum, frequentiam cele-  
britatemque magnam Israëlitarum in gratiam restitutorum, atque in Dei ciuitatem re-  
ceptorum ostendit. reductio namque ex terra Aegypti & Assur libertatem totis ferè sa-  
eculis libris decantatam indicat: quam illa antiqua apud Aegyptios misera angustaque de-  
rentio significabat: Assyriaca autem abductio & dispersio, quæ Israelitis contigit, gra-  
uissimam Dei offensionem arguebat. quam obrem à gratia excidentes abducti dissi-  
patione illi fuere. Hæc omnia optimum tandem exitum ex suo beneficio habitatura esse  
Deus docet: quæ cum figurate dicantur, verbis tantum indicatis facile intelliguntur.  
[Ad terram Galaad, & Libani adducam eos.] Nota est omnibus historia duarum tribuum  
cum dimidia, quibus ultra antiquorum promissorum præscriptum, Galaaditis etiam re-  
gio occupanda colendaq: concessa est: sed quod ad nostram interpretationem facit, myste-  
rium in verbis ipsis latet. Ex duobus namq. regionis illius nominibus Moab & Galaad,  
posterius vsurpatum ea causa fuit, quod Galaad cumulum testimonij significans eius ami-  
citæ & gratiæ monumentum præbebat, quam Iacob apud Laban renouatam perpetuo  
firmandam iniit. Ad huiusmodi igitur perpetuæ gratiæ & familiaritatis suæ regionem  
Isrælitæ reducendos, cumulatiusq. etiam ornandos amplificandosque Deus in se reci-  
pit, atque ad Libanum, quod præter montem illum, quo Damascena Syria à Palæstina  
distinguitur, terram etiam ipsam sanctam appellatam significat. Ita enim à Mose vocatur:  
Transibo & videbo terram hanc optimam trans Iordanem, & montem istum egregium  
& Libanum. significat autem nomen ipsum candorem & pulchritudinem: quo nomine  
vitæ illius vsum & fructus, quo filij Dei sanctorumq. ciues fruuntur, indicatur. quod verò  
ad celebritatem frequentiamq. attinet, illos non solum illis angustis terminis Chananæ  
regionis, videlicet Gilghad & Libano continendos (namq. ille locus non sufficeret) sed  
propagandos etiam per omnes regiones, ita, vt terra, quæ nunc habitabilis dicitur, tanto  
numero capiendo angustior visa mari etiam arctato augenda dilatandaque sit.

Deuter. 3.

*Et transibit in maris freto, & percutiet in mari fluctus, & confundentur  
omnia profunda fluminis: & humiliabitur superbia Assur, & sceptrum  
Aegypti recedet.*

NULLAM orbis terrarum partem, quamuis incognitam vel remotam esse, neque  
viarum & fluminum difficultate, vel interiecti maris vastitate sepositam, quod sacrosancti  
euangelij lux, virtus & salutifera gentibus victoria peruentura non sit, hoc vaticinio do-  
cemur. Quanquam enim antiquis Græcis atque Latinis terræ habitabilis imperium  
Oceano tantum finiri & claudi putatum sit, neque ultra freta angustiasque maris aut  
facile aut vtiliter nauigari posse fuerit traditum; Christiano tamen nomini propagando  
ampliorē campum longiusq. iter omni maris fluminumq. difficultate contempta & su-  
perata apertum iri vates prædixerunt. namque illis terrarum & gentium, quam latè pa-  
teret, habitatio cognita fuit, vt aliàs, Deo conatibus nostris præsentē, docebimus. Iam  
verò nostro seculo, quanquam huius prædictionis plena ratio nondum constet, vt tamen  
plenè tandem constare possit, via apertissimè munitur, peragrato nuper non semel se-  
cundum longitudinem orbe cum magna Christiani nominis notitia & fama, cum ma-  
xima porro Christi virtutis & efficacitatis experientia, ad publicam hominum salutem  
posthac ex vatum responsis, qua longè lateque is patet, peragrando. [Et transibit in maris  
freto. Hebraicè sic: Et transibit in mare angustia.] Angustia maris idem, quod apud inter-  
pretem nostrum significat; videlicet fretum, quo maria aliàs interiectis terris diuisa con-  
iunguntur & separantur. vt Eymærium, Thracium, & Gaditanum; & quod à nostris  
iam ter aut quater secundo exitu tentatum est, Magallanicum. Huiusmodi ob-  
continuos maris æstus difficillimas nauigationes habent, quas tamen Christiani no-  
minis virtus, si antea bonas, optimas tandem veris atque piis euangelij nuntijs  
datura est. [Et percutiet in mari fluctus.] Oceani feruorem constantissimum  
& tempestatis fluctus à Deo ad euangelij propagationem frangendos esse ait;



neque vilo prater ea lacu, palude, aut flumine eorum, qui euangelium propagatum sunt, iter, quo minus felicissime conficiatur, impediendum esse. [Et confundentur omnia profunda da flumina. Hebraicè, Et siccabuntur omnia profunda I A O R.] Significat autem I A O R fluium, non omnem tamen, sed eum, cuius decursu vel inundatione paludes, lacus stagnaque crescunt. qualis in Africa Nilus, & in Asia Tigris est, qui hoc nomine in sacris libris dicuntur. solent autem ex regiones, quæ huiusmodi lacubus & fluminibus defenduntur, ab hostium aduenarumque incursione tutissimæ, atque ad eam prædam, quæ aliunde allata eò fuerit, conservandam munitissimæ existimari. Hac opinione quondam Egyptij & Assyrij decepti perpetuè sibi felicitatem, ut apud Amosum alioquin vates cognouimus, promittebant: quam tamen suo periculo finire labefactarique posse intellexere. Cum verò de huiusmodi fluminibus mentionem Vates fecerit, comode duas illas regiones, quæ hoc nomine celebres fuerant, subiungit: quarum exemplo ad ceterarum eiusdem generis arrogantiam deprimendam usus est. [Et humiliabitur superbia Assur, & sceptrum Egypti recedet.] Huius loci sententia ex similitudine & significatione magis, quam ex verborum pronuntiatione explicanda est: namque de Assyriorum imperio, deque Egypti in Israëlitis dominatione, sui etiam ipsius ætate planum fuit, cum iam Assyriorum tyrannis nulla, Egyptiorumque potentia exigua admodum esset. Sed ad similitudinem relata ratio illud significat, omnem humanam vim, superbiam, & potentiam, quæ huiusmodi vel naturæ, vel operis præfidiis niteretur, vanam inanemque aduersus Dei virtutem fore. Ad significationem verò illud. Peccati iugum atque diuinæ offensionis magnitudinem, quibus hominum animi ut Egyptiaca seruitute atque Assyria dispersione, ab inferiorum tyranno Lucifero oppressi dissectique essent, Dei misericordia, & Christi eiusefficientia obliteranda esse: quæ res subiuncto carmine exponitur.

*Confortabo eos in Domino: & in nomine eius ambulabunt, dicit Dominus.*

E O R V M qui à diabolica tyrannide & Egyptiaca seruitute liberati per diuinum spiritum fuerint, sancta, pia, illustis atq. honestissima vita est; mores præterea pristinis dissimiles omni integritate & virtute præditi, omni que malo metu, terrore atque consternatione immunes animi; quippe qui Dei in sese manentis virtute roborentur & confortentur, sicut scriptum est: Ut iam non desideris hominum, sed voluntati Dei, quod reliquum est, in carne vivant temporis, &c. quæ D. Petrus ceterique apostoli de hac re dixerunt. quam rem Israëlitis in gratiam receptis, ceterisque ad eandem ciuitatem ex diuino beneficio pertinentibus hominibus præstiturum sese Deus pollicitus est. [Et confortabo eos.] Confortare, corroborare, siue, ut illo verbo utamur, heroicare est. de quo superius diximus. [in Domino.] nomen illud arcanum hoc in loco appellatur, quod ad misericordiarum rationem præcipuè significandam plerumque interponi ostendimus. [Et in nomine eius ambulabunt.] Nomen in sacris sermonibus idem, quod vim, virtutem efficientiamque significat, ut: Qui numerat multitudinem stellarum, & omnibus eis nomina vocat. &: In nomine tuo laxabo rete. Ambulare verò, reciprocum verbum Hebraicè est, certaque coniugatione pronuntiatum: in qua omnem vitæ usum consuetudinemque significat. cuius multa exempla sunt, ut illud: Ambula corâ me, & esto perfectus. Ambulauitque cum Deo Noë. Hæc verò omnia rata & certa fore Deus in se recipit. [Dicit Dominus. Hebraicè, N E V M Domini.] Est autem N E V M dictum firmissimum, siue affirmationem interpretari placeat.

## C A P V T X I.



**A**PERI Libane portas tuas, & comedat ignis cedros tuas. Vlula abies, quia excidit cedrus, quoniam magnifici vastati sunt: Vlulate quercus Basan, quoniam succisus est saltus munitus.

**V**A R I A ac multiplex huius capituli vaticiniorum expositio apud interpretes tum Hebræos & Chaldæos, tum Græcos & Latinos est: neque tamè alicubi satis perspicua

ipicua & delucida difficultatem quidem loci magnam arguit & indicat; explicationis  
 vero laborem magis auget, quàm leuet: tanta in inueniendo argumento dissensio atque  
 in explicando obfcuritas & rerum temporumque repugnantia est. nobis verò cum in-  
 stitutum non fuerit, aliorum sententias recitando vel superstitiosè sequi, vel ambitiosè  
 aut inuidiosè magis, quàm vtiliter frangere, operæpretium visum est ex antea tarum  
 rerum, historiarum temporumque ratione & obseruatione vaticinium exponere; ne-  
 que ab aliorum legendis scriptis quemquam auocare, in quibus plurima doctè pieque  
 cogitata atque dicta sunt. Igitur huius vaticinij argumentum illud nobis est, Deum,  
 postquam Vati futuram secundi templi ætatibus felicitatem, atque Iudæis fidem pie-  
 tatemque præstantibus afferendam ostendisset, suamque omnino de publica tam Iu-  
 dæorum, quàm aliarum gentium salute voluntatem manifestè declarasset, nunc rursus  
 quantum malorum & calamitatum gens illa sua culpa, vitio atque nefariis vitijs com-  
 meritura sibi que ipsi machinatura eilet, non tam verbis, quàm rerum ipsarum actione re-  
 præsentationeque veluti spectandum ante oculos proponere, vt vel ipso repræsentatio-  
 nis spectaculo magis, quàm oratione populus ille permotus sibi suisque rebus vtilius atq.  
 sapientius prospiciendo consuleret. Ante verò quàm res ipsa Vati agenda repræsentan-  
 daque suscipiatur, oportuna præparatione adornatur; loco videlicet, in quo edendum  
 tandem erat huiusmodi spectaculum, indicando atque repræsentationis actionisque sue  
 narrando argumento. Atque hæc oratio omnis, quòd ad futuras res spectaret, tran-  
 slationibus & allegoriis componitur: cuius illa summa est, Israëliticam regionem  
 maximè verò Iudæam, quæ templo & regia vrbe cum primis celebris illustrisque  
 esset, principibus viris, pontificibusque occisis, reliquoque populo partim cæso, partim  
 capto ob sua ipsorum scelera & culpas vastatum exinanitumque iri. Ea verò res, quod  
 Vati pastorum, gregis, pecorumque imagini repræsentanda esset, rusticis etiam loco-  
 rum, plantarum arborumque nominibus & verbis aptè inchoatur. [*Aperi Libane portas  
 tuas.*] Ierosolymitana ciuitas totius regionis caput & præsidium Libani portæ appel-  
 lantur, quòd ijs saluis & integris cætera tuta fore; contra verò illis ipsis ruptis atq. aper-  
 tis omnia vastatum perditumque iri putandum esset. Est autem ea, quam Vates actu-  
 rus deinceps est, quædam veluti tragœdia grauiissima: cuius argumenta & prologos  
 cantari magis, quàm recitari mos fuerat. namque id actionis genus rei magnitudo mo-  
 lesque exigit, quòd spectatorum auditorumque animi vehementius moueantur. Ma-  
 ximam verò & grauiissimam rem eandemque certissimam expectari oportet, quam  
 tanto verborum apparatu, sublimi carminis genere, atque pronuntiandi modis impe-  
 ratiuo & permissiuo præcini iubet Deus, vt: Attollite portas principes vestras, & ele-  
 uamini portæ æternales: & introibit rex gloriæ. Atque omnis hæc ratio per parasce-  
 uen, vt diximus, agitur. [*Et comedat ignis cedros tuas.* Hebraicè, *Et comedet.*] Non  
 imperantis, sed permittentis modus est. Certa, inquit, iam res est, fore videlicet, vt  
 ignis comedat atque absumat cedros tuas: quamobrem aperi tandem portas tuas, qua  
 subeat incendium. appellatur autem Libanus ex gloriæ atque amœnitatis compara-  
 tione Iudæa regio, vt iam superius docuimus. Est verò Libanus ipse mons omnium,  
 qui in terris cogniti sunt, amœnissimus, & arborum plantarumque vario elegantissi-  
 moque genere longè celeberrimus. Quòd verò ad arcanam significationem spectat,  
 vt Libanus Iudæam regionem, portæ Ierosolymam, sic cedri (quæ probatissimæ in  
 illo monte arbores sunt: procures primoresque regionis viros significant: ijs verò (cum  
 natura robustiores atque minus corruptibiles esse ferantur) absumptis atque vastatis  
 nullam sibi cæteræ arbores securitatem promittere, sed eundem exitum expectare  
 possunt. [*Vlula Abies, quia excidit cedrus.*] Non modò cedri vicem dolere, sed suam ip-  
 sius timere atque magno gemitu vlulatuque expectare iubetur. *Abies.* Hebraicum no-  
 men BERO S. buxum latine interpretatur: constat ea planta firmiori quidem ma-  
 teria, sed minus etiam quàm cedri ad contendendum igni atque ferro valida. In  
 populo autem qui sint abietes à cedris secundi, facile cognosci possunt. ne verò tran-  
 slationis interpretatio auditoris cogitationi omnino permitteretur, eaque ratione  
 certà minus esse posset, a Vate ipso obiter indicata est. [*Quoniam magnifici  
 vastati sunt.*] Hac oratione nostræ expositionis sententia satis aperitur. [*Magni-  
 fici.*] Hebraicum nomen A D L R I M, potentissimos robustissimosque significat;  
 nimirum

nimirum populi ordinumque ductores & primarios viros. nihilo verò mitius cum cæteris regionis partibus ac locis eæue loca incolentibus viris, principibus & patribus agendum esse putandum fuit, vbi tam durè atque acriter cum capite ipso principeque omnium ciuitate ageretur. [*Vlulate quercus Bassan, quoniam succisus est saltus munitus.*] Proxima in Syria Libano monti honore *Bassan* regio olim fuit nemoribus & filiois frequentissima pastionumque magnitudine nobilissima; quòd non herbis modò, sed arborum frondibus greges armenta que alere abundè satis posset. Quamobrem cum Libano in eiusmodi rationibus coniungitur, vt apud Isaïam: Et super omnes cedros Libani sublimes & erectas, & super omnes quercus Bassan. Atque adeo hac arcana oratione populo etiam periculum denuntiatur, qui in pascuorum pastionumque similitudinibus gregis locum obtinet; populi verò magistratus reliqui minores familiarumque patres quercuum nomen imaginemque referunt: quarum vmbra greges protegi frondibusque deciduis pasci interdum consueuere. [*Quoniam succisus est saltus munitus.*] Libanum atque in arcana significatione Ierosolymam ciuitatem Iudææ caput intelligimus, quòd tota regio Libanus dicatur; sed munitionis adiunctio regiam ipsam indicet. Atqui destructum vastatumque locum nò modò pastorum & gregum desiderium, sed ferarum etiam defectus, ac denique desertissima quadam solitudo consequitur.

*Vox vlulatus pastorum, quia vastata est magnificentia eorum: vox rugitus leonum, quoniam vastata est superbia Jordanis.*

BASSAN regio ultra Iordanem sita describitur; præruptis autem atque nemorosis Jordanis locis leonum copia erat, qui in proximos greges vi illata viuebant: quales Psal. 42. Sanir & Hermon montes prope Iordanem esse ex Psalmo didicimus: Memor ero tui Cant. 4. de terra Iordanis & Hermonij, à monte modico. Atque hæc leonum cubilia in Can. 2. tici dicuntur: De vertice Sanir & Hermon, de cubilibus leonum, & de montibus pardorum. Necessè verò est vbi gregum & mansuetiorum animantium penuria sit, feras; quæ raptu viuunt, deficere; maximè verò cum non modò cibi subtracti, sed saltus ipsi & cubilia, & omnis latendi commoditas adempta fuerit. nam catuli leonum rugiunt, vt rapiant & quærant à Deo escam sibi. Atque ad significationem imaginere lata, non modò pastores ipsos, hoc est, sacerdotes, qui ambitiosè magis, quam officiosè munus administrarent, honore priuandos; sed & magistratus & principes, quibus prædæ commoditas potior, quàm publica causa fuerat, non modò omni diripiendi spe, sed ipsorum etiam dignitate atque superbo dominatu deturbandos esse. Alterius ordinis vitium admissum magnificentia pastorum; alterius verò superbia Jordanis appellatur. sed hæc Hebraicè significantius etiam dicuntur. Haftenus igitur spectandarum rerum theatrum indicatum & quædam veluti cauea præparata, atque argumentum ipsum propositum à Vate est: nunc verò deinceps futurarum populo illi perturbationum, calamitatum atque miseriarum à Vate ipso acta describitur tragædia.

*Hæc dicit Dominus Deus meus, Pæce pecora occisionis.*

QUANTA Iudæorum genti felicitas, quanta dignitas Deo auctore obtinenda esset, modò ille pietate, honestate, atque legitimis officiis quæreretur, multis antea vaticiniis à Zacharia fuerat expositum: hic verò quanta contra clades miseria atque infelicitas ob proditum omnium ordinum hominibus officium Deo iudice atque vindice immineret, ab eodem exponitur; sed vt diximus actione magis, quam oratione res explicatur. Ad huiusmodi verò actionum rationes exponendas illa nobis breuiter repetere operæpretium fuerit; quæ in primum Hosæ caput commentatis longius tractata sunt. Plures esse Deo cum vatibus agendi modos ac formas, quæ ad tria genera à nobis referri possint. Vnum genus est, cum res vel præterita, vel præsens, vel futura etiam oratione tantum transigitur. quam orationem vates, vt ipsi, exceperint, sic etiam narrare consueuere. cuiusmodi illud exemplum est: Væ genti peccatrici, populo graui iniquitate, semini malorum, filiis corruptis, dereliquerunt Dominum, blasphem-

blasphemauerunt sanctum Israël, ab alienati sunt retrorsum, &c. Alterum genus est, cum rerum futurarum ratio non tam oratione, quam specie aliqua vatum mentibus obiecta, siue oculis etiam subiecta exponitur, quæ vel ab ipsis planè cognoscatur, vel præsentis interpretis opera declaratur, vt illud: Vidi per noctem, & ecce vir ascendens super equum, &c. Et dixi, Qui sunt isti Domine mihi? &c. Tercium verò genus est, cum neque oratione, neque visione quid fiat, factum futurumque sit, Vates docetur & refert. Sed ipse potius aut solus, aut adhibitis etiam sociis agere & representare, spectantiūq. oculis subijcere iubetur. quo vaticinandi genere ad hominum permo- uendos animos, atque adeo ad memoriam vel diutius conseruandam, vel recordatio- nem vehementius excitandam, nullum neque præsentius, neque efficacius esse demon- strauimus. quamobrem genus hoc signum propriè appellatum in sacro sermone est, vt: Ecce ego & pueri mei, quos dedit mihi Dominus in signum & portentum in Is- rael à Domino exercituum, &c. Atque adeo tertium & postremum genus hoc alte- ro ex duobus modis à vatibus excipitur. nam per sepe accidit, vt actio ipsa ratione etiam atque oratione subiuncta explicetur, quæ alias obscurior difficiliorque futura esset. nonnunquam vero, vt Vati clara aperta que vique adeo sit, contingit, vt neque iudice, neque oratione ad cognoscendum egeat. Prioris formæ exemplum illud apud Isaiam est: Vade & solue saccum de lumbis tuis, & calciamenta de pedibus tuis, & fecit sic, vadens nudus & discalceatus: & dixit Dominus, Sic ambulauit ser- uus meus Isaias nudus & discalciatus tribus annis: signum & portentum erit super Egyptium & super Æthiopiam, &c. & quod apud Ieremiam de lineo lumbare abscondito & putrescente longius narratur expositione neque etiam adiuncta declara- tur: Hæc dicit Dominus, Sic putrescere faciam superbiam Iuda & superbiam Ie- rusalem multam, &c. Multa etiam huiusmodi apud Ezechielem exempla sunt. Posterioris verò formæ illud cum primis Isaias nobis præbet: Sume tibi librum gran- dem, & scribe in eo stylo hominis: velociter spolia detrahe, cito prædare. Cuius iussionis sententiam, quod Vates intellexerit, non rogauit, sed vt certam fore osten- deret, adhibuit sibi testes fideles, Vriam sacerdotem, & Zachariam filium Bara- chiz, &c. Et Ezechiel etiam laterem sumere, vrbisque icnographiam describe- re nulla alia rei sibi cognitæ interpretatione addita iubetur. In hoc autem rerum genere nonnullæ aliquando vatibus imperari solent, quæ vel ad agendum duriores, vel ad spectandum mirabiles magis esse videantur: quarum quod perspecta sit ra- tio aut causa, quamobrem imperentur, non queritur. Sic Ezechiel quod nouacu- la sibi barbam capillumque radere iubeatur, neque causam ipse rogat, neque etiam non interrogans docetur, sed simul cum mandato cognitam, ipse idem vbi egerit, ex- ponit. Hanc prorsus rationem noster Vates hoc in loco persecutus, mandata atque iussa diligenter egit; neque, quamobrem ita agere iuberetur, causam sibi, vtpote planè perspectam, exponi postulauit, qui alias monstratorum spectrorum, visionumque significationes doceri cupiens curare rogareque maxima cura solebat. actionis au- tem genere cognito actio ipsa spectanda, quamque breuiter dilucideque maximè præstari à nobis possit, diuini spiritus auxilio explicanda restat. Igitur Dei erga Iu- deam gentem & gentis ipsius erga Deum rationes, cuiusmodi deinceps futuræ sint, non tam præmonstratæ aut verbis expositæ, quam sua ipsius actione representatæ atque ostensæ Vati nostro hoc in loco describuntur. Neque enim Deus pastorem seipsum populi esse nunc apud Vatem professus est, sed ipsum pastorem esse, suisque ipsius actionibus, quid populo futurum esset, intelligere iussit. [*Hæc dicit Dominus Deus meus. Hebraicè, Hæc dixit Dominus Deus meus.*] Eam, quam narraturus est, rem sibi à Deo iudice, gubernatore, imperatoreq. suo iniunctam fuisse profitetur: atque hac ora- tione certam, attentioneq. & cognitione dignissimam docet. [*Pasce pecora occisionis.*] Ipsa primum obiectarum rerum natura, deinde verò significatio cognoscenda explicandaq. nobis ex more est. Atque, vt quænam occisionis pecora sint, & quamobrem sic dicta, scia- mus, illud obseruare oportuerit, duplex in pastionum cura atque arte pecorum genus esse, alterum ad sobolem sufficiendam propagandamque idoneum, atque idem ob eam rem vtilissimum, quod foetu a lacte vellereque interdum dominos alit, & indies lo- cupletat. Id autem magna cura & diligentia tum pasci, tum foueri, atque

ne qua



nequa ex parte aut morbo, aut ferarum impetula datur, custodiri solet. quod qui quā copiosissimum habuerit, ditissimus esse credatur. neque is vendere ad macellum, neque ad familiæ pastum occidi ex iis vel vnum patiatur, quod maiori sobolis vsui & lactis fructui esse credat. Cuiusmodi greges apud Labanum socerum Iacob magna cura sibi susceptos, pastos altosque commemorat: Viginti annis fui tecum, oves tuæ & capræ steriles non fuerunt, arietes gregis tui non comedi, neque captum à bestia ostendi tibi: ego damnum onine reddebam: quod furtim perierat, à me exigebas, &c. Alterum verò pecoris genus esse, quod cum ad sobolem inutile fore cognoscatur, macello destinatum, interim pascitur & curatur; quoad emptor aliquis opportunus accedat, cui diuenditum tum mactandum tradatur. Cuius generis caprorum arietumque maxima pars est: & ex femellis eæ, quæ vel naturali sterilitate, vel ætate inutiles ad sobolem censentur: huiusmodi quæcunque sunt, & pastores quamcitissime à se diuenditas abduci, & emptores quam maturissime mactatas cupiunt. ut quas sibi occisas emolumenti non nihil, diu autē conseruatas detrimenti plurimum facturasputant. Quamobrem singulis diebus partē aliquam saltem ex his mactari curant, sicut scriptum est: Quia propter te mortificamur, tota die, existimati sumus sicut oves occisionis. Huiusmodi gregem, quem pasceret, sibi parare Vates iubetur, omnibus, quas iam exposuimus, notis descriptum hoc modo:

*Quæ qui possederant, occidebant, & non dolebant: & vendebant ea dicentes, Benedictus Dominus, diuites facti sumus: & pastores eorum non parcabant eis. Hebraicè ad verbum sic: Quæ ementes ea occident, & non culpabuntur: & vendentes ea dicet, Benedictus Dominus, & ditabor: pastores eorum non indulgent super ea.*

Eius rei, quæ pecus occisionis dicta fuerat, expositio per definitionem siue descriptionem explicata hæc est. Educitur autem definitio ex sententiæ & consilij locis. enim quodnam pecus curari, quod rursus occisioni addici dignum sit, ex eorum qui possident, iudicio & sententia cognoscitur. nam quæ Dominus à se abducta cupiat, neque pastor ipse abduci doleat, neque emptor retinere velit, ea mactationi tantū idonea esse consequitur. quæ verò fructu aliquo prodesse possunt, tum Dominus si vendat, damno magis, quàm lucro apponit, tum pastor ex pascendi consuetudine & vtilitatis vsu pecus amans vendita dolet ac desiderat, tum etiam emptor non occidit, sed ad augendam rem conseruat: quod si occiderit, à vicinis culpatur, ut qui vtilem fecundamque sibi futurā rem temerè perdat. Itaque occisionis pecus ex horum trium animo & consilio cognoscitur, quod qui emerit, occidet, & non culpabitur; & qui vendit, putat se diuitem factum, quod inutilis pecoris pascendi & custodiendi molestia liberatus fuerit: atque etiam ea pecunia auctus, quæ indies minor fieret, si diutius expectandus esset emptor. Quamobrem Deo gratulatur, cuius beneficio sibi in pecore vendendo consultū esse credit. [*Benedictus Dominus, & ditabor.*] Iam videor, inquit, mihi fore diues, qui inutilem rem à me non sine emolumento abijcerim, quod felix faustumque sit. [*Et pastores eorum non indulgebant.*] Hebraicum verbum *indulgere*, parcere, clementerque agere significat. Est autem clementia eius rei, quæ alioqui utilis fore credatur, conseruatio. ut illud: Et apprehenderunt manus eius, & manum vxoris eius, ac duarum filiarum eius, eo quod parceret Dominus illi, &c. [*Ementes ea occident, & non culpabuntur.*] Non enim alia causa emūt, nisi ut occidant. Igitur huiusmodi gregem macello destinatum dum Vates parat & pascit, expectatque quoad emptores qui occisuri sunt, accesserint, illud portendebat, Deum Iudæam gentem tot annis magna cura gubernatam & omni beneficio auctam; neque tamen vel villo fructu commendabilem, vel vtilitatis veræ spe iam ulterius ferendam; interim ita pasturum & ducturum, quoad cumulatis sceleribus indignitateque aucta emptoribus ad mactandum tradat. Atque Romanorum exercitus emptores futuri erant, quibus quanquam non nimium magno pretio, non gratis tamen addictam fuisse constat, ut ex Iosephi, aliorumque auctorum historia accepimus. atque in ipsis translationis verbis magna rei significatio subest. Appellatur enim emptores, qui res antea non suas persoluto pretio sui iuris reddunt: pretium verò Hebraicè sanguines dicuntur. atque ita populus ille Romanis non incruento bello vendicatus est, à quibus ob eam rem præter omne antiquum exemplum vexatus, direptus atque omni crudelitate laceratus est. Fuerunt enim dies illi tribulationis tales, quales non fuerant ab initio creaturæ, quam

condidit Deus vsque nunc, neque fient. &: Nisi breuiasset Dominus dies, non fuisset salua omnis caro, &c. hoc est, quod ait, [*Quod ementes ea occident, & non culpabuntur.*] neque enim à quoquam mortalium culpæ datum Romanis fuisse, imò contrà laudi ascriptum legimus, quod Iudæos, quos tanto sanguine & belli obsidionisque tædio tandem victos sibi addixissent, nullis neque religionis, neque publicæ, neque priuata rei vîbus idoneos iudicatos sine clementia occiderent. hæc omnia ex iis, quæ apud nos extant, historiis nota sunt. namque Iudæi ex quo Deum sibi infensum reddidere, nullius erga se mortalium æqua aut clementia habuere iudicia, neque societatem vel amicitiam satis aut ipsis tutam, aut aliis vtilem gerere potuerunt. Etenim Pharaon, qui quosdam ex illis profugos susceperat, in Assyriorum offensionem acerbissimo incommodo suo cecidit, ita ut cum illos à se depulso tradidisset, illud non ineptè dicere posset: [*Benedictus Deus, & ditabor.*] Sed neque pastor ipsorum Deus indulsit eis, quos ob nefaria antiqua & diuturna scelera iam diu ad pœnitentiam expectatos emptoribus tradere tandem decreuit, sicut scriptum est: Ecce anni tres sunt, quærens fructum in ficulnea hac, & non inuenio. succide ergo illam, ut quid enim terram occupat? hunc itaque Iudææ gentis futurum exitum pécoribus ad macellum sibi pascendis Zachariás indicabat. interim autem dum emptores accederent, gregem pasci, hoc est, populum illum à Deo regi, deduci, tolerari curarique oportebat: sed quibuscumque modis id agendum foret, varia tempestatum futurarum repræsentatione Vates docet, eius, quam ipse susceperit atque adhibuerit, actionis imagine ex diuino oraculo prius declarata.

*Et ego non parcam vltra super habitantes terram, dicit Dominus.*

GREGEM populi, seque pastorem Dei pastoris Israël & Iudæ personam sustinere satis intellexerat Vates, tum quod scriptum esset, Qui regis Israël, intende, qui deducis, velut ouem Ioseph. rei verò exitum tum ex iis, quæ à se antea in sacerdotum, voluminis volantis, duarumque feminarum spectris viderat, probe cognoscebat. ex qua re effectum est, ut non rogaret ipse, sed diuinam de hac re sententiam, quam aliis referret, vltro prolata audiret. Ita, inquit Deus, eueniet, ut sicut tu non parces vendendis pecudibus, ego etiam non parcam super habitantes terram. itaque hæc oratio asseuerationem magis, quam interpretationem habet, ut illa etiam, quæ ad hoc vaticinandi genus adfertur. Sume tibi uxorem fornicationum, & fac filios: Quia fornicans fornicabitur terra à Domino. fuerit autem magnum operæpretium, singulis vaticiniorum generibus suas etiam sermonum orationumque formas ac modos obseruando conferre, quibus & sententiæ ratio, & actionum ipsarum proprietas illustrari maxime potest. consilij itaque diuini sententia atque asseueratio hæc est, quæ oportuna expositione continuo amplificatur.

*Ecce ego tradam homines, unumquemque in manu proximi sui, & in manu regis sui: & concident terram, & non erunt de manu eorum.*

MAXIMAM illam crudelitatem tum eorum regum & principum, qui post Christi in celos ascensionem, Neronis & Vespasiani tempestatibus Iudæis præfuerunt, tum etiam quorundam Iudæorum, qui seditione intra urbem Ierosolymam facta, cæteris concubibus direptis aut trucidatis grauissime nocuerunt, Deus hoc in loco significat. namque Ierosolymitana illa acerbissima clades & perniciēs ab vtrisque his illata est, Deo id in sceleratorum hominum poenam permittente. [*Ecce ego tradam.* Hebraicè, *Ecce ego inuenire faciam.*] humanam nocendi cupiditatem & diuinam permissionem hoc verbum significat. namque inuentio inquisitionem præcedentem arguit. Quod si quid Deus inuenire faciat, profecto consequitur quosdam esse, qui inquisierint. atque plurima quotidie mortalibus procreari pericula, plurimos vndique proponi laqueos, manifestis exemplis assidue deprehendimus, ut scriptum est: A sagitta volante in die, a negotio perambulante in tenebris, ab incurſu & dæmonio meridiano. Ea verò ut declinentur, Dei protegentis cura prouidentiaque efficitur. Domini namque salus est, in cuius præsidio quæcunque latet, tutissima sunt. Cadent à latere tuo mille, & decem millia à dextris tuis: ad te autem non appropinquabunt. hæc itaque tutela si quis ob propriam culpam vacuus relinquitur, dum inimicorum insidiis, nequissimorum & auarissimorum hominum prædæ, aliisque quam plurimis periculis, à quibus non longè abest, peruium esse consequitur. [*Unumquemque in manu*

*manu proximi sui.*] Ea, quæ à Iosepho atque Aegypto de sceleratissimis illis *Perusim*, id est, irruptoribus vocatis narrata sunt, hoc loco aperte significantur. [*Et in manu regis sui.*] Herodes Agrippas, atque alios Solymorum cladis primos, Vespasianos item & Titos potestatos Ierosolymitanæ cladis auctores indicat. [*Et concident terram.*] Iudaicam vastationem urbisque excisionem prædicit, quæ Deo spectatore tantum, non item vindice edentibus nostris? ob eam rem ait, [*Et non erunt de manu eorum.*] namque in illius tantum voluntate & defensione certam salutem esse cognouimus. Da nobis auxilium de sancto, quia vana salus hominum: in Deo faciemus virtutem, & ipse ad nihilum deducet insurgentes in nos.

*Et pascam pecus occisionis, propter hoc o pauperes gregis: & assumpsi mihi duas virgas, unam vocavi Decorem, & alteram vocavi Funiculum: & pavi gregem.*

IMPERATAM ac datam actionem summa fide & diligentia susceptam sibi, atque ex futurarum rerum ratione administratam fuisse Vates docet. ipsius namque oratio hæc est, asserentis se pecus occisionis pavisse, non quod eo studio teneretur, sed quod eam rem agere iussus à Deo esset: qua quid populo futurum esset, aptissime significaretur. mirum enim & absurdum videri poterat, virum sapientem, prophetico spiritu auditum, & qui ad publicam constituendam rem plurimum & consilio & opera conferre posset, ad humile pastoralis curæ genus studio translato pecus pascendum, neque verò id utilitatis, sed mactationis causa suscepisse, sed eam hominum cogitationem & reprehensionem ipse anteuertit, infirmissimas & mansuetissimas quasque ex grege allocutus: quarum misericordia commotus pecoris mactationi destinati pascendi curam suscepit. [*Propter hoc o pauperes gregis.*] Pavi, inquit, ego pecus occisionis, propterea quod iussus & quod vestri, o pauperes gregis, fuerim miseris. Verbum Hebraicum, *Propter hoc*, ex sententiæ & Massoreth ratione simul, & propter vos, & propter hoc, significat. [*Et pascam.*] Futurum pro præterito vel pro diuturno tempore, ut diximus ponitur; cuius nota est coniunctio præposita. illa verò huius loci arcana interpretatio est, Iudaicum populum ob multa & nefaria scelera supplicio additum, paucorum tamen bonorum & piorum, qui inter eos essent, causa fuisse à Deo interea gubernatum, quoad mactationis tempus cumulatis iam criminibus & culpis maturum prorsus accideret: quo tempore & noxiis atque sceleratis supplicium, & piis atque probis liberatio ac salus afferenda esset, sicut scriptum est: Sed propter electos, quos elegit, breuiavit dies hos. Electos, quos elegit, hoc in loco pauperum gregis nomine significat Vates: quos pusillum gregem eadem dicendi figura Christus nominavit. Nolite, inquit timere, pusillus grex, quia complacuit patri vestro dare vobis regnum. at verò in hoc diuino consilio deferendo gubernandoque Iudaico populo, quemadmodum res habitura esset, muneris personæque suæ partibus adornandis peragendisque docuit. nam virgas ad eam rem sibi comparatas fuisse ait, quod id genus pastorici instrumenti ad ducendum gubernandumque pecus idoneum sit: pedum latini vocant, sicut scriptum est: Bouis & ouis, & capræ: quæ sub pastoris virga transeunt. huiusmodi autem binas pro varia temporum & rerum ratione, ut visibus, ita & nominibus distinctas aptasse sibi Vates ait, alteri nomen *Decor*, alteri *Funiculus*, siue, ut Hebraicè est, [*Funiculi tenuantes,*] factum. Atque hanc rem ad arcanum sensum referendam esse impositorum nominum ratio indicat. utque actionem ipsam exponamus, Vatem ex eodem ligno duo peda confecisse intelligimus: quorum alterum forma & firmitudine alteri præstiterit, cuiusmodi à pastoribus parari solent elegantia operariis etiam ipsis spectabilia, ut illud:

Virgil. ecloga 5.

*At tu sume pedum, quod me cum saepe rogaret,*

*Non tulit Antigènes.*

Huic ex operis & roboris præstantia nomen *Decor* inditum est; alterum verò & forma & firmitate longè impar, quod funiculorum magis quam baculi imaginem referret, [*Funiculi tenues appellatum est.*] Huius verò rei quæ sit interpretatio, breuiter videamus. Baculi siue peda hæc sacerdotes apud me significant, quorum auctoritate, consilio & opera præcipue Iudæorum

Iudæorum res secundi templi temporibus procuratae ac gesta fuerunt. Ex quibus tres celeberrimi habiti sunt, per quos respublica illa à Græcis propè conuulsa & obruta excitari, erigi, atque aliquamdiu contineri visa est. Hi fuere ex Hasmonæorum familia, Iudas cognomento Machabæus, Simeon & Ionathas fratres, virtute, pietate & fortitudine præstantes viri, quibus *decori* cognomen meritò conueniret. ex his autem nemo rex dictus vel salutat fuit, sed vel ductores populi vel vncti belli vocati sunt. huiusmodi namque agnominibus in literis à Romanis ad eam gentem datis appellatos fuisse, Iosephus Hebræus auctor scribit. quarum etiam literarum argumentum in nostris Machabæorum libris est. hos autem tres summos viros alij ex eadem familia felicitate quidem & rerum gestarum gloria longè impares, temeritate verò & audacia atque arrogantia præcipuè notabiles, qui regium nomen præterius atque fas, præter vllum in rempublicam magnum meritum sibi vsurpauerunt, quos debilitantes funiculos vocari par est: vtpote qui ad trahendam magis, quàm ducendam & gubernandam rem effecti esse viderentur. non ab re autem sacerdotes virgarum imagine à Vate nostro significatur. namque ab ipsis instituti sacerdotij initiis pontificia auctoritas virga Aaronis frondente ac florente fructumque gignente indicata confirmataque fuit. Cum autem varia regum, iudicum sacerdotumque huiusmodi instrumenta sunt, ita & variis nominibus Hebraicè dicuntur, atque pastorum & sacerdotum proprium est pedum, quod Hebraica lingua *MAKAL* vocatur, quo & Iacob pecorum pastor, & Aaron populi sacerdos vsi sunt. igitur Iudæorum res à tribus illis magnis sacerdotibus administratas rectè atque decenter habituras; contrà verò sub cæteris pontificibus contractiones deterioresque indies fore Vates hac baculorum distinctione portendebat: atque hoc modo sibi gregem pastum esse ait, vt significaret populum pium & Deo gratum charumque fore, quamdiu optimis & pienssimis sacerdotibus regi contingeret; contra verò negligentioribus & insolationibus pontificibus vsum deteriorem Deoque ingratiorem euasurum.

*Et succidi mihi tres pastores in mense vno, & contracta est anima mea in eis: siquidem & anima eorum variavit in me.*

OPTIME profecto Latinus interpres noster vertit, [*Siquidem & anima eorum variavit in me:*] neque enim diuina erga homines tutela & cura antè remittitur, quàm ab ipsis, quamobrem remittantur, commissum fuerit, sicut scriptum est: Et dimisit eos secundum desideria cordis eorum, &c. Atque explicationis gratia quædam huius carminis verba ex Hebræo, vt cumque poterimus, vertemus. [*Et abscondi feci [certos] tres [illos] pastores in lunatione vna, & contracta est anima mea in eis: siquidem & anima eorum veloc fuit in me.*] Quid significet velocem esse animam eorum, interpres noster apertè exposuit. [*Variavit in me.*] hoc est, temere & inconstanter erga me sese gessit. Ait verò Zacharias se ipsum gregis à se gubernari tædere cœpisse, quòd post desideratos tres pastores à se insolenter abalienatum cognosceret. Atque illud verè à Vate actum accipimus, videlicet tres à se pecori præfectos pastores intra mensis tempus dimissos atque discedere iussos fuisse: statim verò temeritate quadam pecudum erga se cognita tædio fuisse affectum. [*Et abscondi feci, Latine dicitur, desiderari feci.*] neque vllum verbum aptius ad eam significationem Latine succurrit: illud verò Hispanè ad Hebraicam elegantiam proximè accedit, *hixè de-spacerer.* [*certos] tres [illos].* Hebraicè articuli notationis sunt, qui cum in latina lingua desiderantur, huiusmodi pronominebus & relatiuis indicari solent. sententia porro ipsa nobiles & illustres pastores fuisse docet, quos Vates intra mensem dimiserit ex arcana futurarum rerum significatione: quæ iuxta expositionis nostræ rationem ad eandem rem, quæ virga decora superius nominata est, referri commodissimum fuerit, hoc est, ad tres Mathathiaæ sacerdotis maximi filios cognomento Hasmonæos, qui quòd munere suo optimè perfuncti fuerint, pastores verè appellantur. hos autem intra lunationem vnā desideratos fuisse dicit. namque vt Vates tres illos intra mensem sustulit; ita hi triginta annorum spatio, alius alij succedens, mortem obièrunt. Iudas enim Machabæus sexennium, & exercitui, & sacris præfuit; Simeon decem & octo annis: Ionathas verò sex: qui omnes anni simul triginta sunt. Atque mensis lunaris triginta ferè dierum cum sit, diesque pro annis in sacro sermone sæpe vsurpentur (vt maneat puella nobiscum dies aut decem menses) lunationis nomine trigenarium numerum notamus. Quamob-



rem nomen medium à Vate pronuntiatum videtur IE A H H, quod consonantibus literis lunam siue mensem; vocalibus verò lunationem siue lunarem numerum significat. namque luna siue mensis I A R E A H H dicitur: Mathathia verò tēpus non annumeratur ultra annum versatus. fieri etiam potuit, vt tres illi sacerdotes eodem mense, alio historia compertum est. his igitur pastoribus desideratis Deū populo illi à pietatis cultu ad vitia malæque consuetudinis corruptelam translato abalienandum Vates suscepti videlicet pecoris tadium apertè declarans retulit. *[Et contracta est anima mea in eis: sicut anima eorum variavit in me.]* Animæ contractio tadium Latine dicitur: Est autem hoc loco anima non qua sapimus, sed qua appetimus aut aspernamur, in qua tadia fastidiaque sunt: hoc enim *Nephes* Hebraicum nomen hominibus & brutis commune significat. Adeo autem offensum sese exhibet, adeoque Deum offendendum docet, vt priori iam illa cura laxata pecus ipsum temeritati propriæ permissum periculis consequenter cinctum fungi permittat.

*Et dixi, non pascam vos: quod moritur, moriatur: & quod succiditur succidatur, & reliqui deuorent vnusquisque carnem proximi sui.*

NEGLECTIONEM atque tadium hæc oratio manifestè indicat, vt pastor, quid pecori fiat, quid mali accidat, securus iam vel pertusus potius minimè sibi laborandum ducat: neque quid, quoue modo pereat, morbo, an furto, an rapina, curet. Hæc verò ad arcanam significationem translata, quid significant, apertum esse arbitramur, videlicet multiplex miseriarum calamitatumque genus, quo Iudææ res tum ciuili tumultu ac dissensione, tum hostili impetu premendæ erant.

*Et tuli virgam meam, quæ vocabatur Decus, & abscidi eam: vt irritum facerem fœdus meum, quod percussi cum omnibus populis.*

QVOD pecus suum à Vate pedo illo illustri gubernatum fuit, nihil periculi neque à feris, neque à furibus atque inimicis hominibus allatum est: vbi verò pastoribus illis sublati grex ille temere agere cœpit, illa gubernandi forma, quæ prius expressa fuerat, extincta tandem est, atque illa etiam cura laxata, locus & rapinis & furtis aliisque incommodis est relictus. Quæ res illud nimirum portendebat, Iudæorum publicæ rei, post triū illorum sacerdotum mortem, dignitatem, decus & splendorem omnem turpissimis moribus obsolescentem, in deteriore & contemptibilem gētibus omnibus obscuritatem fore mutandum, ita vt alio, quàm antè, modo gubernatis illis exterarum finitimarumque nationum, neque parem gratiam, neque iudicium, neq. fidem in sese experiri contingat. *[Vt irritum facerem fœdus meum, quod percussi cum omnibus populis.]* Illorum trium fratrum consilio & virtute magnam tandem Iudæis Deo auctore securitatem præstitam fuisse, inita cum Romanis societatis atque communis iuris fœdera confirmant, præter Græcorum Ægyptiorumque, vel inducias, vel amicitias conciliatas, sicut scriptum est: Bene sit Romanis & Genti Iudæorum in mari & in terra in æternum, gladiusque & hostis p̄tocol sit ab eis, &c. Hæc verò omnia viris illis vita fundis irrita infectaq. fore, atque in summam apud Gentes omnes inuidiam conuertenda, Vates illa oratione docuerat, *[Vt irritum facerem fœdus meum, quod percussi cum omnibus populis.]* Fœdus à Iuda cum Romanis iunctum atque à Ionatha renouatum, & cum Sparthiatis initum, amicitiasque ab eodem cum Alexandro Antiochi filio, alteroque Antiocho Alexandri hærede initas, literas etiam fœderis & immunitatis à Demetrio rege per Simeonem impetratas, confirmatumque per eundem cum Romanis & Sparthiatis fœdus, præterea Antiochi Demetrii filij cum Simeone amicitiam, & commendatam ac defensam per Romanos apud cæteras nationes Iudæorum tranquillitatem & dignitatem, cæteraque omnia quæcunque ad hanc referuntur rationem, vsque ad Simeonis mortem, hac oratione Vates complexus, deterrima & calamitosa, quæ post ætatem illam deinde extiterint, tempora apertissime significauit, adeo vt res hæc omnis pientissimo & sapientissimo cuique ætatis illius constituisse dicatur.

Mach. 7.  
10. 11.

Machab. 11.

Machab. 12.

Machab. 13.

*Et in irritum deductum est in die illa: & cognouerunt sic pauperes gregis, qui custodiunt mihi, quia Verbum Domini est.*

Post Simeonis mortem Iudæorum moribus vehementius iudices perditis Iudæi eam rem tum a finitimis & vicinis, atque etiam a longinquis nationibus, fœdere omni rupto, tum ab ipsis met, domi pace turbata, debilitati ac labefacti incipiendam esse, & Vates ostendit, & qui pii bonique illo tempore erant, expectata Vatis actione intellexerunt. neque verò sese aut odio, aut malevolentia à pecoris custodia abalienatum fuisse Vates ait, quin potius renouato consilio curam suscipere & repetere voluisse, modo sibi gratia aliqua ab iis, qui maximam deberent, referenda esset.

*Et dixi ad eos, Si bonum est in oculis vestris, afferte mihi mercedem meam:*

*& si non, quiescite. & appenderunt mercedem meam triginta argenteos.*

*Et dixit Dominus ad me, proice illud ad statuarii decòrum pretium, quo appetiatus sum ab eis. & tuli triginta argenteos, & proieci illos in domum Domini ad statuarum.*

Quæ verè tandem re ipsa inter Deum & populum transigenda erant, eadem ad significandum verè etiam & re ipsa à Vate nostro acta commemoratur, qui sese restituenti & conseruandi gregis illius studio adhuc detentum, eos, quorum intererat, adisse, deque certà mercedè referentem allocutum fuisse dicit, atque mercedis loco triginta argenteos accepisse: quos demum Dei iussu in templum ad figulum quendam ipse proiecerit. [Et dixit ad eos.] Ex multorum pastorum ac dominorù gregibus inutilissima quæq. & occisioni destinata deligendo pecus illud sibi Vates comparauerat, cuius importunitatis studio affectum se fuisse ait, sed misericordia rursus commotum curamque renouare eandem paratum, atque officij erga gregum pastores faciendi cupidum sermonem de pretij laborisque sui mercede instituisse. Si vobis, inquit, cura, diligètia atque opera mea placet, laboris & industriæ mercedem æquam mihi tribuit, sin minus vel placuerim, vel placere vobis iudicor, vt mercedem exoluatis, non postulabo: vestrum de meo labore atque officio iudiciù, de mercede tribuenda consiliùm esto. [Si non, quiescite.] Si non placeo, inquit, vobis, desinite mihi vel mercedè proponere, vel dare, igitur appensi sunt triginta argentei Vati. tanti enim illis viri & sapientissimi & officiosissimi cura, sollicitudo & industria æstimata est, tanti redèpta in suos vsus seruitus & opera eà mercedè, q. iniuriosa & contumeliosa magis, quàm honoraria videretur. Proicere in templo Vates, atque figulo cuidam, qui templi ministeriis idonea fictilia parabat, tradere iubetur, vt ex actione ipsa actionisque personis & nominibus gesta rei memoria populo relicta futura arcanæque rei cuiusdam signum atque expectationem daret. [Decorum pretium, Hebraicè est, Fortitudo pretij.] Estque figura ironia, ac si dicat: Importunum spectate iudicium hominum, quanti me esse putauerùt, quem tam paruo pretio redemptum suo iuri, auctoritati atque seruituti addicerent. Quamobrem iussus sum id pretium in domum Domini allatù figulo ad ea, quæ ex terra in aliquos sacros vsus finguntur, exponere. [Et tuli triginta argenteos, & proieci illos in domo Domini ad statuarum.] Ita actum à Zacharia esse intelligimus, vt scriptum est. quidnam verò statuarij nomine significetur, & Hebraicum verbum *IOSZER*, apertè declarat, & D. Mattheus clarè interpretatur figulum. neque enim statuas, hoc est, simulachra aliqua in templo esse, neque eorù artificem aliquem templo addictum lex permittebat: figulos autem ad multarum rerum vsu nihil prohibuit esse. atque ita nomen ipsum cum notationis particula pronuntiatù, Hebraicè scientibus certum quendam & notum figulum, & inter ceteros templi opifices connumeratum significare videtur. hæc actionis historia fuit. Rei verò huius agenda ratio & certa narratio quæ fuerit, breuiter nobis est aperienda. Post desideratos tres illos illustrissimos ex Hasmonæorum familia sacerdotes, cœca nimium & turbulenta tempora consecuta sunt sacerdotibus nonnunquam imperitissimis & improbissimis, nunquam minus legitimis succedètib, principibus præterea nunc nequissimis, interdum etiam tyrannis manifestis rem gerentibus: neque vllis præterea vatibus aut certis oraculis extantibus, quorù auctoritate & consiliò gubernari aut procurari posset res, ita vt neglecta Deo & dimissa iam illa respublica videretur: atq. illud manifesto omniù periculo con-

staret, quod per hunc Vatem scriptum fuerat, Non pascam vos, &c. quos tantis antea tamque illustribus ministris, varibus, sacerdotibus paueram. Tandem verò Deus populi illius misertus sese ultro pastore præbuit, susceptamque antea curam singulariter, etiamnum renouans se ipsum, hoc est, verbum suum sibi æquale, idemque omnino natura, virtute atque integritate, atque omnibus iis rebus instructum, quibus diuina auctoritas constituta agnoscisci posset, ad eam rem misit, ut populi illius imprimis aliarumque etiam gentium salutem consulere, atque rebus omnibus, quæcunque ad veram felicitatem pertinerent, præficeret, qui cum plurimis & maximis tum naturæ dignitatisque suæ, tum diuinæ legationis ac muneris ad publicam salutem suscepti atque obiti tandemque explendi sibi argumentis & exemplis præbuerit illorum erga se officium postularet. eiusmodi tamen suorum de se iudicia & studia habuit, ut ab omni non solum dignitate, sed ciuitatis etiam suæ cõmunionem alienus existimatus cum offensiones plurimas acciperet, tum demum repudiatus repulsam tulente grauissimam, neque pluris, quam triginta argenteis nummis æstimatus, ad mandandum emptus fuerit: neque vel ipse, vel ipsius pretium ad alium pietatis usum valere posse iudicatum est, nisi tantum ut figuli agro in peregrinorum sepulturam emendo impenderetur, ut ex eo homine, qui omnium primorum sententiis damnatus sacerque iudicatus esset, aliquis tamen pietatis fructus non sublimis, ille quidem & templi aliis ritibus, aut rebus cõparandus, verum tamen aliquis minoris notæ Deo gratus haberetur, sicut scriptum est: Non mittamus eos in corbana, quia pretium sanguinis est. consilio autem inito emerunt ex illis agrum figuli in sepulturam peregrinorum. Consilium initum fuisse ait euangelista, cuiusmodi in rerum Deo grato genere exigua illa pecunia infumi posset, quæ hominis à Synagoga sua repudiati, sacri atque infamis supplicioque digni iudicati pretium fuisset: neque enim dignioris notæ in iis, quæ ad pietatem pertinent, rebus vsui idonea iudicata illis fuit. huius autem loci simplicem ac dilucidam expositionem ab euangelista edocui.

*Ibidem.* Cui sumus, ita referente: Propter hoc vocatus est ager ille Haceldama, hoc est, ager sanguinis, usque in hodiernum diem. Tunc impletum est, quod dictum est per Ieremiam prophetam: Et acceperunt triginta argenteos pretium appretiati, quem appretiauerunt à filiis Israel, & dederunt eos in agrum figuli, sicut constituit mihi Dominus. Zachariæ constitutum est, ut triginta æstimationis suæ argenteos figulo pro terreis vasculis daret, pontifices, sacerdotes & ceteri triginta etiam illos nummos, quos sanguinis pretium dixerant, figulo pro terræ portione in sepulturam hospitem exoluere.

*Et præscidi virgam meam secundam, quæ appellabatur Funiculus, ut dissoluerem germanitatem inter Iudam & Israël.*

IUDÆICARVM rerum deferendarum causa prædicta oportunitas à Vate indicatur. ea autem fuit acerrima quædam inter Hircanum & Aristobulum fratres de regno contentio: quæ & ciuilem discordiam induxit, & Romanorum potentia dirimenda litis occasione aditum ad dominatum occupandum patefecit. fuere autem hi duo, quorum vehementi æmulatione & dissidio res publica illa iam à trium illorum pastorum tempore paulatim indies inclinata demum præcipitata est, Alexandri cognomine Lincei, siue Ioannis filij, quorum vterque appetiti sibi regni causa obtentum & continuatum diu in sua familia principatum magis alienis proditum detulit, quam sibi confirmavit. Hæc res præter ciuilia bella externas etiam calamitates, prædas, direptiones vexationesque plures à Pompeio atque ab aliis inferendas machinata est. Quam rem Vates secundam illam virgam debilem admodum ac lentam, utcunque tamen pecori trahendo, si non ducendo, idoneam conscindens portendebat: cuius concisione non minorem populo dissensionem commouendam significauit, quam ea fuerat, quæ quondam Iudæis & Israëlitis de regno contendentibus, hisque Roboam, illis verò Ieroboam partibus secutis facta est, cum Israëliticæ gentis status conuelli ac labefactari inciperet, fraternæ necessitudine atque concordia dirempta. [Ut dissoluerem germanitatem inter Iudam & Israël.] Iudæorum inter se discordiam, variaque erga Aristobulum & Hircanum fratres studia & dissidia, ad exempli similitudinem, Iudæicæ & Israëliticæ defensionis antiquæ nominibus notat. est autem hoc auctoribus non inusitatum synecdoches genus, cum res altera

tera ex alterius nominatur exemplo. quod omnino eadē vtriusque ratio spectanda fuerit, vt: In domibus habitabit Kedar, & apud exteros:

*Captatorque dabit risus Nafica Corano.*

Isai. 42.  
Horat. lib. 2.  
scdm. satyr. 5.

Verè etiam inter Iudam & Israëllem dissensio futura erat, si multos etiam ex Israëlitis, in Iudra reliquos fuisse intelligamus, vt leuitas & sacerdotes, atque ex cæteris tribubus nonnullos quoque. cuiusmodi verò post Hasmonæorum sacerdotia & principatum tempora Iudæis instarent, cuiusmodique pericula struerentur, apertè satis nobis Vates significare subiunctis versibus videtur.

*Et dixit Dominus ad me, Adhuc sume tibi vasa pastoris stulti: quia ecce ego suscitabo pastorem in terra, qui derelicta non visitabit, & dispersum non queret, & contritum non sanabit, & id quod stat non enutriet: & carnes pinguium comedet: & vngulas eorum dissoluet.*

ALIVM omnino habitū induere aliaque instrumenta gestare Zacharias iussus, atque pastoris temerarij personam agens, impendens Iudæis domesticum malum externæque cladis initia indicauit. neque enim baculis iam, vt antea, sed armis, gladio & hasta aliisque ferendi instrumentis vsus est: quæ ad ouium magis cædem, quam custodiam parantur. Sunt autem hæc stulti pastoris & suis magis, quam pecorum commodis con-  
sulentis arma & supellex, vt illa rursus boni & studiosi pastoris instrumenta atque apparatus sunt virga, funes, vites, oleum, & quæcunque ad ducendas, reuocandas, defendendas curandasque pecudes idonea sunt. atque ex vitrouis instrumentorum genere & vsu pastoris animus & ingenium arguitur. bonus autem misericordia, sollicitudine ac sedulitate; improbus verò negligentia contemptione atque crudelitate erga pecus vtitur. Vtriusque notæ satis expressæ apud Vates sunt. Nonne greges à pastoribus pascuntur: lac comedebatis, & lanis operiebamini: gregem autem meum nō pascebatis, quod infirmum erat, non consolidastis, & quod ægrorum, non sanastis, & quod abiectum est, non reduxistis, & quod perierat, non quæsitistis: sed cum austeritate imperabatis eis, & cum potentia: & dispersæ sunt oues meæ, eo quod non esset pastor: & factæ sunt in deuoratione omnium bestiarum, &c. huiusmodi pastoris instrumenta gestare Vates est iussus, vt Herodianæ dominationis vel potius tyrannidis tempora apertè significaret: cuius quisquis historiam apud Iosephum aliosque Hebræos auctores legit, temerarij & stultissimi, imò & crudelissimi pastoris intuetur imaginem. illi enim occupatam tyrannidem ad sua tantum commoda conuertentes magna in populum & primores viros, atque in proprios etiam liberos & familiares crudelitate adhibita exercitaque stabilire studuere, nulla publicæ rei cura, nullo studio affecti, nisi quantum utilitatis propriæ aut ambitionis causa popularia quædam ornamenta magno ciuium sumptu procurauere. Variam autem pro condicionum varietate pecoris custodiendi curam esse oportet: nam quæ furto aut rapina ablata fuerint, recensenda, vestiganda redimendaque sunt: quæ vel rōvel terrore, vel metu, vel inscitia errauerint, vel ob ætatis imbecillitatem relicta fuerint, quærenda ac reducenda: quæ autem casu, vel impetu, vel alia offensione lædantur, curanda, fouenda & alliganda: quæ præ valetudine & macilentia mouere sese nequeunt, suppeditis herbis & cibis alenda; ea demum, quæ valida robustaque constiterint, conseruanda amplificandaque sunt. Intueantur reges, principes cæteri que tum ecclesiastici, tum laici magistratus, qui nomen suum inter pastores profitentur, cuiusmodi nam susceptum munus qua ratione, qua cura, qua diligetia & fide obeant. Pinguium & vngularum earum, quæ à pastore comedendæ dissoluendæque erant, nominibus Dauidicæ domus & omnium principum virorum strages & debilitatio ab illis tyrannis facta significatur. Quem autem horum pastorum, hoc est, Herodum regum & regni res exitum habetur, quisque tandem illorum, quæ à se descripta erant, temporum finis futurus esset, cantilena actionem suam concludens ex tragædiarum more Vates declarauit.

„Ezech. 34.

*O Pastor & Idolum, derelinquens gregem: gladius super brachium eius & super oculum dexterum eius: brachium eius ariditate siccabitur, & oculus dexter eius tenebrescens obscurabitur.*

HERODVM familiā ob negligentiam, impietatem & crudelitatem, regno & dignitate



Jerem. 47.  
Virgil. Ec-  
logs.

tate omni amissa, prorsus extinctum iri Vates præcinit: id quod euētus ipse declarauit. ultimus namque ex herodum posteritate Agrippa rex magis adeo nomine, quàm re ipsa à Romanis dictus & cōstitutus, Ierosolyma per Titum capta Romam captiuus ductus, cum vnico filio occisus tandem est. cuius vicem non lamentabundus; sed minitabundus Vates noster canebat. [*O pastor,*] ô minantis & acerbum fatum dicentis vox est, vt: *O mucro Domini, usquequo non quiesces. & apud exteros: O virgo infelix, &c.* [*Pastor & Idolum.* Hebraicè, *Pastor idolum.*] Pastorem significat, qui præter nomen nihil præterea pastoriciū obtineret, neque pecoris cura teneretur, neque vllō comodo ad eam rem fungeretur officio, sed velut simulachrum quoddam pastoris inter pecus esset. qualem Agrippam regem erga Iudaicum populum fuisse legimus, qui à Romanis rex dictus, non maiorem tamen, quàm præfectus quispiam auctoritatem tenebat: quippe qui neq. Paulum post datam ad Cæsarem prouocationem, quanquam innocentem iudicatum, liberum tamen pronuntiare ac dimittere potuit. quidnam illud regis dignitatis, maiestatis & auctoritatis fuit! & tamen illud nihil, quodcunque fuit, bello gladioque est ademptum. Et vrbs ipsa Ierosolyma, quæ principium regni & lumen erat, extincta omnino abscissaque est. Appellatur autem regia potestas & auctoritas brachium, vt: *Tuum brachium cum potentia, &c.* Saluauit sibi dextera eius, & brachium sanctum eius. Vrbs verò Ierosolyma, quæ excindenda vastandaq. erat, oculus dexter dicitur, siue quod omnis consilij capiendi atque ineundi ratio Ierosolymis vt regia atque metropoli ciuitate sita fuerit, quæ ob eam rem sancta ciuitas, hoc est, præcipua & separata dicebatur; siue ad nomen ipsum, allusio fiat. quod Ierusalem visio perfecta, siue, vt alij volunt, visio pacis ex etymo exponatur.

#### VATICINII QUARTI ARGUMENTVM.

**Q**UÆ tempora, quæ statuum & conditionum mutationes ac varietates Iudeorum gentem publicamque rem manerent, in proximo vaticinio aperte satis explicata sunt. Illa verò omnia eius vel felicitatis, vel miserie rationibus, quæ in humanis & ad huius vitæ usum pertinentibus rebus spectatur, definienda fuere. at cum vera & summa, vel beatitudo, vel miseria ex animorum tranquillitate, aut perturbatione agnoscitur, eorum maximam ac præcipuam rationem haberi oportet. huic etiam parti postremo loco, vt grauissimo & opportunissimo argumento, cuius causa cetera suscipiuntur, à Deo per Vatem est satisfactum, ostensumque quisnam Iudeorum & aliarum gentium in ea, quæ ad animorum salutem vel perniciem pertineat, causa futurus esset exitus: Docet autem fore, vt gentium omnium atque adeo Iudeorum ipsorum maxima acerrimaque aduersus Ierusalem, hoc est, ciuitatem sanctam, quæ Deus constituere moliretur, contentio quidem, inimicitia atque emulatio infestissima sit; quæ tamen non sine summa in eos, qui insensu esse perrexerint, animaduersione & ultione tandem remittatur. quæ in re diuina virtus atque erga vera pietatis cultores prouidentia apertis argumentis declaranda fuerit. quamquàm enim plurimorum & potentissimorum aduersus paucos & infirmiores bello concitato & magnis conatibus & viribus gesto, ipse minoris & humilioris partis dux captus occisusque sit, victoriæ tamen laus, usus & possessio paucioribus atque imbecillioribus existimatis propria perpetuaque fiet. Fore autem porro, vt post desideratum atque publico luctu & lamentatione deploratum ducem illum, limpidissimus & dulcissimus vberimeque fluens aqua fons in Ierusalem Deo auctore atque demonstrante aperiat, cuius virtute omnes hominum sordes expientur & eluantur. omnis deinde vani cultus superstitionisque error ex terrarum orbe hominumque mentibus ademptus tollatur, plurimis tamen in ea contentione tum ex aliis nationibus, tum ex Iudeorum gente perditis & occisis, iis verò, qui superfuierint, magno præmio honore & dignitate affectis & auctis. atque eo tempore diuina virtus maximorum miraculorum spectaculo illustris orbi probanda fuerit, plurima & dulcissima salute, pia atque perpetua pace, piis allis & confirmata. Ex qua re illud effectum iri dicitur, vt Ierosolymitana ciuitas maxima nō solum Iudeorum, sed omnium undique confluentium nationum frequentia communique studio celebretur, atque vera tandem & simplicissima religionis cultus communiter suscipiatur: quod si qui negligentia vel contemp-  
ptione, vel alio quouis animi vitio corrupti imitari ac sequi recusauerint, suo tādē magno malo ac publica priuataque perniciē, quantam salutem neglexerint ac repudiauē, omnino sentiant.



*Onus verbi Domini super Israel.*

**C**VM indicato per Vatem exitiali & calamitoso Iudæorum gentis, regionis & regni, totiusque publicæ rei, propter ipsorum scelera, exitu atque vrbis excidio, multa tamen tum in lege, tum in cæteris diuinis oraculis à Deo facta promissa superessent: quæ quoniam tempore præstanda forent, in dubium vocari possent iis, qui diuinorum dictorum & pactorum constantiam cum tanta illius gentis clade atque abalienatione conferrent. dubitationem hanc postremo tandem responso apud Zachariam tollere Deus voluit, ostenditque fore vt promissa à se in hominum salutem maxima & pretiosissima dona, atque misericordiæ præstandæ rationes cum iudiciorum seueritate pœnisque de improbitissimo quoque fumendis constarent. eamque rem ad sapientiæ providentiæque suæ summa & præstantissima quæq. consilia esse referendam: quæ quoniam modo transigenda sit, dilucida expositione declaratur. Quod autem diuinum consilium, quod hoc vaticinio repetitum exponitur, consideratum, certum constansq. definiri oporteret, ipso statim initio & oraculi inscriptione indicatur. [*Onus verbi Domini super Israël.*] In iis, quæ in Habbakuq aliosque Vates conscripsimus, commetariis, verbi huius, *onus*, vim & significationem aperte satis exposuisse nobis videmur: cuius præcipuam rationem ad dictorum sententiarumq. constantiam & veritatem pertinere docuimus. atque ita huius in scriptiois illa sententia est, Vaticinationem hanc, in qua promissa multa diuina Israeli facta referuntur; certam constantemque esse, & rato tempore ac re ipsa exponendâ. Et quanquam ex humani ingenij tenuitate difficile hoc atque repugnans videatur, ex Dei tamen auctoris virtute & efficacia, & ex eius, in quo agenda præstandaque sunt, natura & distinctione factu explicatuque facile, & expectatu non incredibile nec absonum esse; quippe cuius Deus auctor sit, qui cum cælum & terram tam dissimiles disparesq. natura res, eodem tamen mundi opificio à se coniunctas contineat, facillimè ac nullo negotio, ea quæ pugnare vehementer secum ac temporibus rationibusque distinctissima esse existimantur, componere atque aptare ita potest, vt alterum sine alterius detrimento constet, maximè autem cum hæc, quæ ad diuina erga Israël promissa præstantissima referuntur, humanum spiritum spectent: cui multa, quæ præter naturam esse videntur, contingere tamen ex diuina virtute possunt, sicut ex eadem virtute accidit, vt ipse cum simplex, leuis, agilis atque incorruptibilis, & vt ita dicam, cælestis, imò celesti natura purior planè & simplicior sit, in humano corpore crasso, graui, variis elementis corruptibilibusque constante & terreno, atque magis etiam, quam terra ipsa, concreto & impuro, membris tamen omnibus & partibus accommodatus conformatusque insit & contineatur. erit itaque hæc illius hemistichij sententia. [*Onus verbi Domini super Israël.*] Quæcumque Dominus super Israël olim promissa atque nunc referenda demandauit, *onus*, hoc est, certi consilij decretum est, quod semel dictum, decretum ac fixum, nullis difficultatum aut pugnantia argumentis in dubium vocandum est.

*Dicit Dominus extendens calum, & fundans terram, & fingens spiritum hominis in eo.*

**D**ICENDARVM promittendarumque rerum constantiam & fidem earumq. expectatione ex facultate & efficientia Dei atq. ex eiusdem consilio confirmat. facultas in conditarum rerum admiranda nature consonantia & stabilitate spectatur. Consiliū vero in earundem rerum causis & vñbus perspicitur, ad facultatem rursus duo pertinent, sapientia & virtus. vtrumq. in rerum creatione & conseruatione probatur. maximæ namque sapientiæ, virtutis item maximæ opus fuit, cæli ambitum ita equabiliter partes omnes mudi cæteras amplecti, vt animantis cuiuspiã corpus pelle sua contactū munitumq. est, sicut scriptū est: Extendens cælū sicut pellem, qui tegis aquis superiora eius. neq. minoris etiā vel efficientiæ vel artis fuerat, terre globum à mari eminentem in medio mundi vniuersi loco, fixū suis ponderibus librandū, suis nutibus tenendū figere, vt neq. illud ambitus sui formā variēt, neque hic locum situmq. suū in tanta leuiorū & tenuiorū elementorum vicinia mutet, sicut scriptum est: Posuisti terram super stabilitatem suā, non inclinabitur in seculum seculi. illud etiam admirandæ sapientiæ & virtutis maximum argumen-

Psalm. 104.

argumentum est, spiritum hominis natura sua simplicissimum, nullis partibus aut membris distinctum, leuissimum & tenuissimum, in humano tamen corpore inclusum continentem, & membris omnibus sic adaptari, sic particulis cunctis insinuari, ut ubique praeuens integraque pars spiritus praesentia destituta est, alioqui, ubicumque ille desit, inter-  
Prou. 20. moritura inutilisque omnino futura, sicut scriptum est: Lucerna Domini, spiraculum hominis, quae inuestigat omnia secreta ventris. Quamobrem miraculi notatione alienum à spiritus natura verbum usurpatum à Vate est. [*Fingens spiritum hominis in interiori eius.*] namque fingere figulorum proprium est, iisque rebus conuenit, quae proprios terminos, quibus contineantur, sequi nata sunt, ut argilla, cera, & cetera, quae ad plastice terminos, artem referri possunt, mirum igitur & maximae virtutis atque eximiae artis argumentum est, spiritum in interioribus hominis membris fingi. Verum enim uero horum etiam omnium certum, quamobrem facta sunt, quoque tendant, consilium & finem intelligere, idque neque poenitentia abiiciendum, neque frustratione impediendum esse credere oportuerat: cuius illa summa ratio est, caelum & terram, quibus Deus non indiget, hominum causa facta conditaque fuisse, duplicemque in homine partem esse; alteram corpus, cui terrae locus conueniat; alteram verò animam, cuius propria & commodissima sedes caelum sit. ex diuino autem consilio & virtute effici, ut spiritus hominis natura sua caelo idoneus, propter eam tamen quam cum corpore coniunctionem & consuetudinem fortitus est, terris aliquando contentus commoretur. Ex eodem autem consilio ac virtute, atque ex rerum ipsarum dignitate etiam esse, ut corpus rursus propter eandem consensionem & societatem habilis etiam agiliusque redditum, in propria & opportunissima spiritus ipsius patria, hoc est, in caelo degat & conuerteretur. ex ipsa autem appellatarum rerum, caeli, terrae, spiritus corporisque natura, & Dei ad efficiendum virtutem & facultatem, & ad perficiendum etiam consilium considerari atque cognosci, dicendis rebus fidem haberi Vates voluit. Cum verò de iis, qui ad terrenae habitationis, atque ad corporis usum spectarent, euentibus abunde satis Vates dixisset, de iis etiam, qui ad alteram rerum partem, hoc est, ad caelum & spiritum referendi essent, dicere hoc in loco instituit.

*Ecce ego ponam Ierusalem super liminare crapulae omnibus populis in circuitu: sed & Iuda erit in obsidione contra Ierusalem.*

Quia verba proprie significant, cognoscere primum, deinde sententiam interpretari commodissimum fuerit. [*Super liminare crapulae.*] Hebraicum nomen *szaph*, vas proprie significat, sed ad portarum postes in architecturae vocabulis transfertur. Quae de re nos alias, Deo annuente, agemus. nunc locus ipse planè docet, [*superliminare,*] siue *szaph*, vas potorium significare, idemque esse, quod Graeci ac Latini pariter scyphum nominant: constat namque iisdem consonantibus primis. quod verò crapulam Latine legimus, venenatam potionem exponendum est: cuius ad percelerem interitum afferendum mira vis sit. deductum namque verbum est à verbo *raghal*, quod vehementer tremere, concuti absorberi que significat, ut apud Nahhum: Et cogitatores confos-  
Nahhum 2. piti sunt, siue quod idem est, quamuis per metaphoram dictum, & buxi contremuerunt.  
Psalm. 59. atque ex hac natura & vinum compunctionis, & calix soporis, quae apud psalmem & Vates legimus, Latine explicanda sunt. huiusmodi poculum à se Ierosolymis aduersus gentes multas, atque adeo aduersus Iudaeos ipsos paratum iri Deus ait, cuius potione illius ciuitatis hostes celerrimè tollantur: idque ex translatione ductum illud significat, fore ut multi cum ex gentibus tum ex Iudaeis, dum Christi veritatem oppugnant, euangelij virtute & efficientia excitati & obruti pereant. duplicem enim euangelij vim esse, & factis literis aperte demonstratum, & periculis multis comprobatum cognouimus; alteram, ut piis, modestis diuinoque dicto audientibus & credentibus admissum & acceptum vitam & salutem; alteram verò, ut impiis & repugnantibus ac reuocantibus, perfidis & inofficiosis repulsum cecitatem interitumque afferret, sicut scriptum est: Non erubescio euangelium: virtus enim Dei est in salutem omni credenti Iudaeo primum & Graeco. Iustitia enim Dei in eo reuelatur ex fide in fidem, sicut scriptum est: Iustus autem ex fide de viuit. Reuelatur autem ira Dei de caelo super omnem impietatem & iniustitiam hominum eorum, qui veritatem Dei in iniustitia detinent, &c. plurima quae nos aliquando, si Deo gratum fuerit, de utraque euangelij efficacia plenius apertiusque differemus.

Igitur

igitur Christum atque Christi euangelium & veritatem multis tum gentibus, tum Iudeis expugnatibus exitio fore, & hic Vates docet, & Dauid futurum prædixerat, & Petrus aliique apostoli testantur, qui cum acerrimam illam aduersus Christianum nomen à sacerdotibus & senioribus contentionem susceptam cognouissent, vnanimiter leua-  
uerunt vocem, & dixerunt: Domine tu, qui fecisti calū, & terrā, & mare, & omnia, quæ in eis sunt: qui spiritu sancto per os patris nostri Dauid pueri tui dixisti. Quare fremue-  
runt gentes, & populi meditati sunt inania. astiterunt reges terræ & principes conue-  
runt in vnum, aduersus Dominum, & aduersus Christum eius. conuenerunt enim verè  
in ciuitate ista Herodes & Pontius Pilatus cum gētibz & populis Israël facere quæ ma-  
nus tua & consilium tuum decreuerunt fieri. & nunc Domine respice in minas eorum,  
& da seruis tuis cum omni fiducia loqui verbum, &c. Huiusmodi itaque scyphum cra-  
pulæ sibi ad euangelij sanctæque ciuitatis oppugnatores interimendos parandum esse  
Deus dicebat, de quo scriptum est: Qui habitat in calis, irridebit eos, & Dominus sub-  
sannabit illos: Tunc loquetur ad eos in ira sua, & in furore suo conturbabit eos. [sed  
Iuda erit in obsidione contra Ierusalem.] Ita, vt hic locus latinè redditus est, illud significat,  
non modò exteras nationes, quibus euangelij promissio ignota antè fuerat, sed Iudæos  
etiam ipsos regni promissionis non ignaros, imò, nisi sese sua culpa abdicassent, filios vnā  
cum aliis euangelij dignitatem Christianumq. nomen & sanctam illam Ierusalem ci-  
uitatem expugnatos, sicut scriptum est: In propria venit, & sui eum non receperunt,  
&c. Porro autem quantum deinceps ciuitati huic soliditatis, firmitudinis, roboris  
ad hostiles impetus frangendos futurum Deo auctore sit, elegantissima similitudine  
significatur.

*Et erit in die illa, ponam Ierusalem lapidem oneris cunctis populis: omnes qui  
leuabunt eum, concisione lacerabuntur: & colligentur aduersus eam om-  
nia regna terræ.*

Ex temporum comparatione ecclesiæ magnitudo, amplitudo & firmitas futura  
Vari ostendebatur. siquidē Ierusalem nostra cum illa antiqua, atque vtriusque hostibus  
inter se collatis, quantum hæc illam dignitate, felicitate, gratia & diuini præsidij mune-  
ribz vincat, facile perspicitur. Illa enim antiqua Ierusalem, in qua summa religionis &  
diuini cultus fuerat, à vicinis & finitimis gentibus sæpius exagitata, perturbata atq. non  
semel oppressa fuerat, cum magna sacrorum faciēdorū, & totius ad diuinum cultum  
pertinentis rationis detrimento, cum bonorum & piorum virorum iactura, calamitate,  
cum regionis & veræ pietatis contemptione, sicut scriptū est: Deus venerunt gentes in  
hereditatem tuam, polluerunt templum sanctum tuum: posuerunt Ierusalē in pomorū,  
custodiam. posuerunt morticina seruorū tuorū escas volatilibz cæli, carnes sanctorū  
tuorū bestiis terræ. facti sumus opprobrium vicinis nostris, sublānnatio & illusio iis,  
qui in circuitu nostro sunt, &c. ita vt Ierusalem illa omnibus finitimis & vicinis nationi-  
bus exercendi belli, & prædarum, gloriæ & triumphī deportandi velut materia quædam  
subiecta fuisse censeretur. Verum enimvero in renouata hac & instaurata ciuitate longè  
secus euenturum fore Deus prædicit, quam tanto tamque firmo præsidio muniendam  
ipse suscipiat, vt non vicinarum modò gentium, sed regnorum omnium potētia, arte, in-  
dustria, impetu, conatu, contentione superiorem semper tueatur, cum summa ciuiū & vti-  
litate & gloria, sicut scriptū est: Fidelis Deus, qui non patietur vos tentari ultra id, quod  
potestis, sed faciet etiam cum tentatione prouentū. atque ex hoc loco quantæ, quamq.  
multæ aduersus Christi ecclesiā à Dei humanique generis acerrimo ac sempiterno ho-  
ste, cum per gentium errores & Iudæorum perfidiā, tum etiam per hæreticorū insaniā,  
atq. adeo per nequissimorū hominum insolentiam excitadæ essent tempestates ac pro-  
cellæ, manifestè agnoscitur. Qua in re illud tandem ab istorū conatibus parandum effi-  
ciendumq. fuerat, vt cum maxima sui ipsorū pernicie, & diuini præsidij virtus, & eccle-  
siæ ipsius dignitas & sanctitas illustrior indiebatur euaderet, sicut scriptum est: Et portæ in-  
feri non præualebunt aduersus eam. hæc autem res commodissima similitudine enun-  
tiata est. consueuere nonnunquam ij, qui corporis firmitudine ac robore valere ac præ-  
stare se putant, variis in periculis vires exercere suas. ex quibus vnum est, grauiissimi pon-  
deris lapidem ad certamen expositum arte atque virtute sublatū humerisq. impositum  
ad cer-



ad certum spatium perferre: qua exercitatione nulla magis membrorum robur firmitudinemque arguit, ut ex naturæ & philosophiæ rationibus docere possemus. Huiusmodi lapidem ecclesiam fore Deus ait, quem singula orbis terræ regna nationesque singulæ, nocendi ac vincendi cupiditate aggressæ ac tentantes, solidissimum grauiissimumque suo magno periculo atque damno offensioneque sui experiatur. atque hæc virtus euangelij semper fuit, quod iis, quibus auditum, cognitum, plausumque, atque approbatione exceptum fuerit, salutem; iis vero, quibus contentione est explosum, perniciem maximam & publicam & priuatam cum summa etiam ignominia attulerit. nullum enim regnum euangelio olim infensæ ecclesiæ Christianæ solidissima atque grauiissima virtus, dignitas & gloria omnibus periculis examinata & superior victrix semper est duratura, sicut scriptum est: Sicut audiuiimus, *Psal. 47.* sic vidimus in ciuitate Dei nostri: Deus fundauit eam in æternum. [*lapidem oneris.*] Hebraicum verbum onerare & portare pariter significat. huiusmodi autem lapides illi dicuntur, qui ad periclitandas vires corporis comparati atque expositi publice sunt, eodem dicendi modo, quo lapides fundæ superius definiuimus. [*Et omnes, qui leuabunt eum, concisione lacerabuntur.*] Soliditate, asperitate & pondere pressi, manibus primum, deinde toto corpore fracti ruptique tandem oneri succumbent. *Concisionem* vocat Vates verbo carnis rupturis & lacerationibus propriè accommodato Hebraicè: cuius illud exemplum est, Et super mortuo non incideris carnes vestras. Hæc autem, quæ Deus erga ecclesiæ suæ defensionem, propugnationem atque incolumitatem in se recipit, ad omne quidem sacrosancti euangelij tempus in vniuersum pertinent, sed singulas tamen partes suis interuallis atque articulis exponendo distinguere operæpretium est. namque dies illa, quæ à Vate appellatur, non certam, vnam singularemque diem, sed totum tempus, quo res aliqua geritur, significat, ut apud Habbakuk annotauimus. atque eandem translationem siue allegoriam persecutus Vates, omnem artem, potentiam, sapientiam, industriam, quibus gentes aduersum Dei veritatem & euangelij virtutem instructæ valere posse existimentur, inanem cassamque fore confirmat.

*In die illa, dicit Dominus, percutiam omnem equum in stuporem, & ascensorem eius in amentiam: & super domum Iuda aperiā oculos meos, & omnem equum populorum percutiam cecitate.*

MAXIMIS & admirandis argumentis & notis veræ pietatis & euangelij rationes ab impietate omni, potestate, sapientia, calliditate, astu, copiis, aliisque rebus, quibus homines aduersum euangelicam simplicitatem niti posse sibi videbuntur, distinctum in docet: idque exitu ipso & euentu demonstrandum fore prædicit. solent enim belli duces & principes equorum tam multitudine, tum robore, hominum præterea exercitatorum frequenti copia plurimum ad res gerendas fidere & exultare, sicut scriptum est: In equis sperantes & habentes fiduciam, & super quadrigis, quia multæ sunt: & super equitibus, quia præualidi nimis. Hæc autem vana inutiliaque omnino atque adeo perniciofa iis, qui aduersum diuinum consilium vtantur, iis vero, qui diuinas partes sequuntur, superuacanea onerosaque magis, quam vtilia esse, iam sæpius legimus, & multorum etiam nostro tempore periculis cognouimus. Non in fortitudine equi voluntatem habebit, neque in tibiis viri beneplacitum est ei. beneplacitum est Domino super timentes eum, & in iis, qui sperant super misericordia eius. hæc translatione omnes res, quibus homines instructi aduersum diuinam veritatem, in valere sese arbitrantur, significata sunt. Est enim eadem huius cum illius vaticinii sententia, Perdam sapientiam sapientum, & prudentiam prudentum reprobabo [*Equum in stuporem.*] Perturbationem mentis atque animi eneruationem & desponsionem Hebraicum verbum significat, quod furorem mentis alias interpretes noster vertit. [*Et ascensorem eius in amentiam.*] Huius in mente vitij ratio ex consequenti effectu arguitur. effectus vero in diris detestationibus aperte describitur. Percutiat te Dominus amentia & cecitate, ac furore mentis, & palpes in meridie, sicut palpare solet cæcus in tenebris, & non dirigas vias tuas. & paulo inferius: Et stupens ad terrorem eorum, quæ videbunt oculi tui. Idem verbum nunc stupere, nunc amentia agi, reddit interpretes. est autem verbum SAGACH. [*Et super domum Iuda aperiā oculos meos.*] Prouidentiam, propugnationem defensionemque suam domui Iuda, hoc est, Christianorum familiæ (cuius caput est Christus legitimus Iudæ & David hæres) promittit

promittit Deus: namque aperire oculos, tum ex eorum, quæ dicta sunt, antithesi, tum ex sacri sermonis usu hæc omnia significat. Est autem contentio illa præclarissima populos, equos stupentibus & viris amentibus aduersus Iudæ domum; hanc verò Dei apertis oculis prospicientis consilio, virtute atque ope vsuram, illique perpetuò sacram atque gratam fore, non minus, imo multo etiam magis, quàm antiquum illud templum à Salomone dicatum: cuius piam & sacram frequentiam commendatam sibi fore Deus ipse in se receperat. Oculi quoque mei erunt aperti, & aures meæ erectæ ad orationem 2. Paral. 7. eius, qui in loco isto orauerit. elegi enim & sanctificaui locum istum, vt sit nomen meum ibi in sempiternum, & permaneant oculi mei & cor meum ibi cunctis diebus. Hanc autem suam tutelam à templo illo terreno & lapideo ad Iudæ domum translaturum in, hoc in loco Deus est pollicitus, & aliàs etiam sæpe: Hæc requies mea in seculum seculi, hic habitabo: quoniam elegi eam, & cæt. [Et omnem equum populorum percutiam cecitate.] Oculorum sensus priuatio propriè cæcitas est, quæ stupori addita eum, cui acciderit, inutilem prorsus reddit. Atque ita nihil omnino à populis aduersus euangelium neque consili, neque prospici, neque in rem præsentem inueniri posse, quod vllius momenti futurum sit, Vates præcinebat. contrà verò magnam apostolorum atque cæterorum ad expugnandos, vincendos & capiendos euangelij hostes virtutem & fortitudinem, magnâque in re gerenda dexteritatem & felicitatem aiebat futuram.

Et dicent duces Iuda in corde suo, Confortentur mihi habitatores Ierusalem in Domino exercituum Deo eorum.

NEGOTIVM per paucos apostolos aduersus plurimoseuangelij hostes susceptum, quanquam difficillimum existimetur, multorum tamè piorum precibus & supplicationibus, Deo tutori & imperatori maximo commendatum obcundum strenueq. administrandum, atq. felicissimo euentu ex Dei auxilio conficiendum, & hoc, & sequenti versu declaratur. [Et dicent duces Iuda in corde suo.] Dum rei à se susceptæ magnitudinem cogitabunt, diuino nihilominus auxilio multorum piorum precibus supplicationibusq. impetrato, vincendam expediendamq. sibi promittet. itaque omni studio & toto corde hoc agent, vt pios ad assiduas preces excitent. [Confortentur mihi habitatores Ierusalem.] Omnes, inquit, qui huius ciuitatis sanctæ communicatione & iure vtuntur, vt susceptam à nobis rem sua etiam opera adiuuent, hortari atq. admonere oportuerit. idque non armis, aut humanis viribus definiendum est, sed in potentissimo Domino exercituum eorum ipsorum gubernatore: cui ad ciuitatis huius defensionem & tutelam, & voluntas consiliumque certum, & summa virtus ac potètia est: vtpote cui tria illustrissima nomina atque cognomina, & natura, & proprio iure, & admirandis rerum bello paceq. gestarum exemplis propria perpetuaq. sint. [Dominus exercituum gubernator. confortetur mihi.] Hebraicè est, Confortabo mihi. vt singulorum apostolorum cogitatio oratioq. sit, quam de fratribus ad preces & supplicationes exhortandis secum habet. Atque illius populorum & equorum amentia & cæcitas, diuinæq. erga domum Iuda prouidentia & defensionis exempla multa in sacris apostolorum gestis leguntur, vt illud: Non poterant resistere sapientiæ & spiritui, qui loquebatur. Huius verò exhortationis plurima etià sunt exempla. Orationi militate vigilantes in ea in gratiarum actione, orantes simul & pro nobis, vt Deus aperiat, nobis ostium sermonis ad loquendum in mysterium Christi (propter quod etiam vnctus sum) vt manifestem illud ita vt oportet me loqui, &c. Quàm verò certum illis omnibus De hoc ipsum volentis auxilium & subsidium futurum esset, continuò Vates exposuit.

In die illa, ponam duces Iudæ sicut caminum ignis in lignis, & sicut facem ignis in feno: & deuorabunt ad dexteram & ad sinistram omnes populos in circuitu: & habitabitur Ierusalem rursus in loco suo in Ierusalem.

CELERRIMAM & vehemētissimam euangelij Christi ab apostolis enuntiatis efficacitatem ignis naturæ rerum omnium, quæ conspici possunt, efficacissimæ & præsentissimæ Vates assimilauit. cuius vim apud Nahum diffusius descriptam Christus ipse ad euangelium referens exposuit: Ignem veni mittere in terram, & quid volo, nisi vt accendatur? Putatis quia pacem veni dare in terram: non dico vobis, sed separationem. Erunt enim ex hoc. quinq. in domo vna diuisi, tres in duos, & duo in tres, & cæt. ita vt alijs

idem ignis probationi, aliis consumptioni exitioque sit. Verum ignis celeritas in leuioribus fragilioribusque rebus, quales paleæ stipulæque sunt; vehementia verò & vis in durioribus, qualia sunt ligna, spectatur. Nihil igitur adeo durum adeoque firmum fore, quod non euangelij virtute, idque quam celerrimè; vincatur, duplici ignis in dissimili materia efficacitatis comparatione declaratum est. [*Sicut caminum ignis. Hebraicè, conchâ ignis in lignis.*] vehementem, densum coactumque ignem, cuius vis durissima quæque ligna penetrare possit, interpretamur: cuiusmodi in fornacibus & caminis esse solet, atque hoc ad vehementiam; illud verò ad celeritatem spectat. [*Et sicut facem ignis in feno. Hebraicè, in manipulo.*] Aridos culmos & spicas simul coniunctas intelligit, quales a messoribus componi solent: hæc quod simul aliæ aliis coniunctæ sunt, ad motum ignem facilius concipientes incendio vehementius & celerius conflaurant. [*Ad dexteram & ad sinistram, id est, Chaldaicè optimè hæc exponuntur, A meridie & septentrione.*] omnes populi in circuitu videntur. Totius terræ orbis descriptio est. à meridie namque ad septentrionem in circuitu tendentibus oriens & occasus etiam peragrat. Qui ab interprete nostro dicti sunt duces Iudæ, in Hebræo milliati Iudæ dicuntur. quo verbo per paucos illos fore intelligimus, quales apostoli fuere, Iudæi pauci & humiles, vt è millibus multis vix vnus delectus esset, eosdem tamen in re gerenda præstantissimos. [*Et habitabitur Ierusalem rursus in loco suo in Ierusalem.*] Arcanam expositionem locus hic habet, quam ex nominis explicatione petere oporteat. Ierusalem conspicuam Salem significat, cui nomen ex eo factum videtur, quod altera Salem in Sichimis Samariæ agro fuerit; huic, quæ in Iebusensi regione erat, situ & magnitudine longè impar; siquidem hæc & regia vrbs habitata semper est, & in editiori loco illustribus montibus sita fuit, sicut scriptum est: Fundamenta eius in montibus sanctis, &c. Euenit autem, vt præter vrbs notationem arcana etiam nomini ratio significatioque esset, quod ad veram etymologiæ rationem relatum, conspicuam pacem & conspicuam perfectionem significat. Conspicua autem & illustris ciuitatis Ierusalæ pax & perfectio desiderata quidem olim diu fuit; spectata verò non fuit vsque ad Christi tempus, qui tradidit seipsum pro ea, vt eam sanctificaret, mundans eam lauacro aquæ viuæ in verbo. vt exhiberet ipse sibi gloriosam ecclesiam non habentem maculam aut rugam, aut aliquid huiusmodi, sed vt sit sancta & immaculata, cui & Christi pax, quæ exuperat omnem sensum, conciliata etiam fuit. Hæc itaque sancta atque beata ciuitas proprium & commodissimum locum nata, quæ perpetuo Dei beneficio teneat, propriè ac verè Ierusalem appellanda est. Fuerat quidem olim altera hoc nomine dicta Ierusalæ illa antiquis celebrata historiis, & multorum & maximorum virorum genitrix, quæ tamen nunquam proprium locum ita obtinuit, vt in Ierusalem, hoc est, in conspicua perfectione & pace diuina, vt hæc altera sita esset, sicut scriptum est: Sina mons est in Arabia, qui coniunctus est ei, quæ nunc est Ierusalem, & seruit cum filiis suis. illa autem, quæ sursum est Ierusalem, libera est, quæ est mater nostra, &c. Conspicuam verò esse oportet Ierusalem illam, quæ ab Apostolo sursum esse dicta est. Illud etiam à Vate declaratum est, salutem hanc & felicitatem non solum ijs Iudæis, qui Ierosolymis habitaret, sed alijs etiam cum humilioribus, tum exulibus & vagis communem futuram, atque in exterasetiam & hospites nationes fore propagandam.

*Et saluabit Dominus tabernacula Iudæ, sicut in principio: vt non magnificetur domus Dauid, & gloria habitantium Ierusalem contra Iudam.*

GERENDARVM atque conficiendarum rerum series sapienter artificioseque à Vate, vt præuisa erat, canendo obseruatur. certum olim atque exploratum fuerat, illam publicam salutem Iudæis & gentibus auctore quodam principe ex Dauidis familia esse afferendam, quod de ea re multa diuina huiusmodi relata fuissent responsa: Iurauit Dominus Dauid veritatem, & non frustrabitur eum: de fructu ventris tui ponam super sedem tuam, &c. Atque adeo ex ea spe (vt hominum arrogantia est) Dauidis secundum carnem illustis posteritas & Ierosolymitani ciues, qui Dauidis nomen iactabant, agendæ rei laudem, auctoritatemque sibi promittere & tribuere potuerunt, seque primos fore affirmare, quibus illa salus allata cum cæteris Iudææ urbibus, & populis communicanda esset, atque hoc nomine etiam alijs omnibus præstituros, vt & familiæ splendore, & ciuitatis nobilitate & claritate præstabant: sed contra euenturum fore Vates hoc loco prædicat

dicit: fore enim ait, vt Iudæis omnium gentium primis salus hæc afferatur, ea tamen  
 serie, vt ab humilioribus & ignobilioribus ad illustriores tandem deueniatur. Primum  
 namque publicæ salutis exemplum in Apostolis & discipulis editum est, Iudæis quidem  
 genere, humilibus tamen & ignobilibus fere, si cum Dauidis domo & regię vrbs ciui-  
 bus humana gloria conferantur; vtpote Galilæis & Ierosolymæ non ciuibus, sed ho-  
 spitibus, atque adeo non propria domo, sed alieno hospitio, eoque satis angusto vsis:  
 nimirum centum viginti in eadem domo, vt in tentorio quodam congregatis, & salu-  
 tem illam ibidem expectantibus, vt scriptum est: Et præcepit eis ab Ierosolymis ne  
 discederent, sed expectarent promissionē patris, & cæt. Ab his igitur primum accepta  
 salus Ierosolymitanis ciuibus primum oblata ex diuino decreto est, à quibus cum prin-  
 cipio repulsa esset, ad vicinas Iudæorum hospitem vrbes, Antiochiam, Damascum, Sa-  
 mariam, &c. perlata; deinde Ierosolymam reuēta & renuntiata à quibusdam ciuibus  
 est admissa. Ab humillimis enim hæc ratio primum accepta est, Deo suum morem ser-  
 uante, qui excelsus cum sit, humilia respicit, & alta à longè cognoscit: vt non gloriatur  
 omnis caro, vt D. Paulus de eadem hac re differens docuit. [Tabernacula Iuda.] Apo-  
 stolos ceterosque discipulos, qui primi omnium spiritu sancto aucti salutis illius diuinæ  
 compotes extiterē. ij autem omnes hospites erant: quod tabernaculi nomine signifi-  
 catur, est enim tabernaculum non ciuium, sed hospitem, vel vagantium, quo sese à  
 celi iniuriis tueantur, receptaculum, domus verò ciuium sunt, sicut scriptum est: Et  
 domos non ædificabitis, &c. sed in tabernaculis habitabitis cunctis diebus vestris, vt vi-  
 uatis diebus multis super faciem terræ, in qua vos peregrinamini, &c. [Sicut in prin-  
 cipio. Hebraicè & Chaldaicè, in principio, vt sicut ex literarum Hebraicarum affinitate  
 à latino interprete additum non similitudinis, verum confirmationis & asseuera-  
 tionis vox sit. [Domus Dauid.] Ierosolymitanos ciues etiam Hebræi hoc in loco in-  
 terpretantur. [Habitantium Ierusalem.] ceterarum ex aliis tribubus familiarum, quæ  
 in Ierusalem Christi ætate fuerunt, vt illud: In die illa erit fons apertus domui Dauid,  
 & habitatoribus Ierusalem. diuina itaque salus Iudæis hospitibus primum afferenda  
 promittitur; deinde etiam eodem tempore & Ierosolymitanis expectanda enuntia-  
 tur: cuius quanta magnitudo & amplitudo ac dignitas futura sit, comparationis gra-  
 dibus certis indicandis declaratur.

Act. 1.

Act. 2.

Psalm. 137.

Ierem. 33.

Isaac Hispanus in eundē  
Vatem.

*In die illa proteget Dominus habitatores Ierusalem, & erit qui offenderit ex  
 eis in die illa, quasi Dauid: & domus Dauid quasi Dei, sicut angelus  
 Domini in conspectu eorum.*

VIRTUTIS, pietatis, fortitudinis, iustitiæ, atque aliorum animi ornamentorum;  
 quibus Christi cultores ex diuino beneficio redundaturi essent, magnitudinem & præ-  
 stantiam in eadem bellorum & gerendarum rerum translatione commoratus Vates  
 indicauit, simul & quàm multum longèque noui testamenti sanctorum virtus & am-  
 plitudo cum veteribus collata præstet, ostendit. siquidem Dauid inter antiquos vt for-  
 titudinis, ita virtutis exemplum summum fuit; vtpote qui secundum Dei cor opta-  
 tus electusque fuisse prædicetur: ille tamen neque animi fortitudine tantum valuit,  
 vt non aliquando carnis oneribus humano more succubuerit. namque de antiquis  
 iustis illud scriptum est: Septies in die cadit iustus. At verò in nouo testamento  
 spiritus sanctificationis in hominum piorum animos illabente virtute maxima, longè  
 digniores atque altiores gratiæ, sanctitatis & perfectionis gradus, vt à pijs comple-  
 rentur, ædificati sunt: quorum exemplar iam tantum Zacharias prospiciebat. nam  
 qui summi quondam habebantur, eos infimos ferè iudicandos fore prædixit. Quis  
 enim Dauidem non modò diuæ Virgini Iesu matri, sed apostolis aliis post Spiritus  
 sancti illapsus comparatum, non longè inferiorem inueniat? quis sanctos viros alios  
 quosdam, quanquam apostolis impares, cum Dauidis virtute & probitate conferre  
 non audeat? namque & Ioannes Baptista antiquorum sanctorum ferè vltimus, idem-  
 que vatum omnium, qui ante se fuerant, auctoritate & virtute maximus appellatus;  
 ab eo tamen, qui in regno cælorum minimus censeretur, superari dictus est. Igitur  
 vtriusque testamenti sanctorum comparatione ex diuinorum librorum iudicio facta  
 illud

Psalm. 83

Proverb. 24.



illud obseruatur, eos, qui inter huius testamenti sanctos infirmi viderentur, summis illius viris pares esse. [Qui offenderit ex eis in die illa quasi David.] summos verò & perfectos, qui propter præstantiam in Dauidis familia connumerentur, omnem humani exempli imitationem antiquam longe vincere, moribus, vita, integritate, fortitudine, magnitudine, omnibus denique maximis virtutibus, dijs, hoc est, angelis per similes. Ad puli, qui ad eandem familiam secundum carnem pertinebant; imò & omnes, qui in eam familiam secundum spiritum adoptati sunt, ex Dei gratia perueniunt. [Et domus David quasi Dei.] Hanc comparationem Vates ipse exposuit. [Sicut angelus Domini in conspectu eorum.] Præstantissimos & selectissimos hos cum alijs, quos Dauidi similes futuros dixerat, comparatos, angelo Domini simillimos censendos. [In conspectu eorum.] Si contentio quædam & comparatio fiat, utriusque præsent. Quod verò appellatum in vaticinijs huius inscriptione Israël nomen non fuerit iterum præterea usurpatum, sed omnis de Iuda & Dauidis familia sit habitus sermo, eò pertinere videtur, ut Israël nomen non ad unam illius gentis, quæ ex Iacob orta fuerat, partem, sed omnem ecclesiam ad omnes in vniuersum tribus pertinens tandem Christo rege constituto ab omni factione & dissensione ad communionem & concordiam traductum in pristinam dignitatem antiquumque statum multo autem ampliorem restituendum esse. Vt enim olim dum Dauid reipublicæ clauum teneret, atque rei gerendæ summa penes Iudæ familiam esset, Israël tamen regnum ipsum appellabatur, neque ante discessionem regni Iuda seorsum ab Israël regno nominatum est; sic per Christum legitimum ex Iudæ tribu & Dauidis posteritate regem institutis rebus nomen etiam Israël integrum atque sanctum ab omni animorum & studiorum dissensione alienum, eodem, ut antea, modo appellatum in Vates significauit. Vt autem ex ipsis rerum euentibus eius temporis, ad quod hæc spectarent, ratio obseruaretur, notas omnes & signa sibi præuisa Vates ostendit, subinde illud repetens, [In die illa, &c.]

*Et erit in die illa, quæram conterere omnes gentes, quæ veniunt contra Ierusalem.*

Vbi, quamnam ea sit, quam hoc in loco appellat Ierusalem, cognouerimus, cætera faciles habent explicatus. eodem namque tempore, quo Christus captus, traditus occisusque est, cum maxime euangelij cælorumque regni res labefactari quibusdam videbantur, eodem tempore eademque opera, maxima euangelio victoria, maxima gloria, maxima item euangelij & ecclesiæ hostibus demolitio & vastatio parabatur: id quod tandem Dei atque hominum antiquus & vaser hostis agnoscens impedire atque auertere sero nimium conatus frustra est, Pilati vxoris à se exterritæ intercessione ad eam rem usus, Magnam itaque gentium & sectarum aliorumque errorum, quæ gentium nomine continentur, depopulationem in illo tempore Deus moliebatur. cum maxime illæ firmatum stabilitumque iri putarentur. huiusmodi namque diuinæ sapientiæ mos est, ut aduersarios in suis ipsorum negotijs & probatissimis, ipsorum iudicio, consilijs capiat, sicut scriptum est: Cum peruerso peruerteris, quoniam tu populū humile saluum facies, & oculos superborum humiliabis, &c. [Quæram conterere. Hebraicè, curabo delendas.] Quænam hostilium rerum & omnis infernæ potentie inclinatio & conuersio status per Christi mortem & resurrectionis victoriam futura esset, audiuius: quæ rursus pij atque diuino timore ac religione imbuti populi in melius mutatio efficienda foret, audiamus.

*Et effundam super domum David, & super habitatores Ierusalem spiritum gratiæ & precum: & aspicient ad me, quem confixerunt: & plangent eum planctu quasi super unigenitum, & dolebunt super eum, ut doli solet in morte primogeniti.*

Huius loci expositio antiquis non parum difficilis & obscura, aperta nobis ex sacri euangelij interpretatione est. Antiqui Hebræi Messiam quendam Iosephi filium futurum expectabant fortissimum Deoque gratissimum virum, qui Ierosolymis in prælio pro patriæ salute inito, validissime pugnās, occumberet. id autem vnde illi acceperint, querere longum est. illud certè non fuerit prætermittendum, apud antiquos Hebræos constituisse, tum Messiam mortem pro populi salute oppetiturum, tum etiā in æternum mansurum,

manfurum, sicut scriptum est: Nos audiuius ex lege, quod Christus manet in æternū. Ioan. 12.  
 Ex quo factum est, vt cum Christum moriturum, & rursus Christum in æternum man-  
 surum acceperint, illud intelligerēt & traderent, Messiam duplicem fore, alterum filiū  
 Ioseph, qui pro suis mortem obiret; alterum filiū Dauid, qui in æternum maneret. Hāc  
 rem, quod obscurius in Hebræis & Chaldæis auctoribus significatam negotium facere Hebræi in volumine. Jonathan Chaldæus in hoc loco & Jonathan Cæcus in Canticis. Lucæ 3.  
 nonnullis ex nostris intellexerimus, indicare breuiter placuit, eandemq. ad verum sen-  
 sum relatum explicare. Igitur Messiam nostrum, qui vnus tantū est; vtrisque tamē rebus  
 abundē satisfecisse confirmamus, ita vt idem filius Ioseph legitima existimatione fue-  
 rit, sicut scriptum est: Vt putabatur filius Ioseph, &c. atque etiā ex Dauidis familia cer-  
 tissima regia stirpe ortus, idemq. mortem vltro ob publicam salutem ex diuini consilij  
 10 decreto obierit, atq. etiā ex mortuis extans, in æternū viuat; ita cum illis cæteris in rebus  
 conuenimus, præterquā quod illi duos Messias cōstituunt, nos verò vnum tantū recipi-  
 mus: in quo tamen duas naturas diuinā atq. humanā confitemur. quem à Iudæorum  
 pontificibus & populi principibus viris traditum, falsisq. criminibus & varia neque sibi  
 constāte delatione accusatum Pontius Pilatus magis adeo illorum importunitate & po-  
 15 puli temeritate impulsus, quā vlla, vel causa, vel lege inductus in crucem sustulerit. Cuius  
 mortem tanta miraculorum prodigiorumq. magnitudo & frequentia comitata & con-  
 secuta fuit, vt eos qui spectarēt, tum pauore & timore, tum religione vehementer tactos  
 lugere ac lamentari necesse fuerit, vt adimpleretur id, quod scriptum est per Prophetam  
 dicentem: *[Et effundam super domum Dauid, & super habitatores Ierusalem, spiritum gratiæ &*  
 20 *precum.]* Duo nomina Hebraica sunt ex eodem verbo deducta, H H E N, & T H A H H A-  
 N V N I M, alterum misericordiam, quam aliqui compassionem dicunt, alterum deprecā-  
 tionem significat: quæ ex misericordiæ cogitatione & sensu plerumq. proficiscitur, vt  
 cum quis cuiuspiam iniuria affecti, innocentia perspecta, & factum doleat, & vltio-  
 nem deprecetur. Estq. deprecatio miserantis animi voce, fletu atque lamentatione  
 25 indicatio; ita vt miseratio siue misericordia in mente, deprecatio in gestu, ore, habitu &  
 pronuntiatione sit. cuius illa exempla: Exaudi Domine vocem deprecationis meæ, dum  
 oro ad te, dum extendo manus meas ad templum sanctum tuum. Ne simul tradas me  
 cum peccatoribus, & cum operantibus iniquitatem ne perdas me, &c. &: Benedictus  
 30 Deus, quoniam exaudiuit vocem deprecationis meæ. &c. Huiusmodi ergo & misera-  
 tionis & doloris atque lamentationis repletum animum, spiritum gratiæ & precum in-  
 terpres vertit, vt gratiam hoc loco animi motum definiamus, quo optimum quemque  
 virum indignaque passum prosequimur. Id quod hoc in loco effundere spiritum He-  
 bræus sermo dicit, Latine immittere vel injicere mentem dicimus. *[Et aspicient in me,*  
 35 *quem compunxerunt, & plangent, &c.]* Apertissime diuinum verbum seipsum ab illis, hoc  
 est, à suis Ierosolymitanis ciuibus confixum iri declarauit: qui cum Dei filium tantis in-  
 dicijs, argumentis atque miraculis indicatum agnoscere noluisent, traditum tamen &  
 occisum consequentibus signis admirandisq. notis obseruatum multi filium Dei cōfessi  
 40 sunt, sicut scriptū est: Centurio autem, & qui cum eo erant custodientes Iesum, viso ter-  
 ramotu, & his, quæ fiebant, timuerunt valde, dicentes, Verè filius Dei erat iste. & omnis  
 turba eorum, qui simul aderant ad spectaculum istud, & videbant, quæ fiebant, percu-  
 45 ties capita sua reuertebantur. *[Quem compunxerunt. Hebraicè, transfixerunt.]* Ita sibi  
 ab illis cruci affixo non manus & pedes modò, sed latus etiam lancea aperiendum fore  
 significauit. sic hunc locum & D. Ioannes interpretatus exposuit, & iterum alia scriptu-  
 radicit, Videbunt in quem transfixerunt.

Psalm. 27.

Matth. 27.  
Lucæ 13.

Ioan. 19.

In die illa magnus erit planctus Ierusalem, sicut planctus Adadremmon in  
 campo Magedon: & planget terra, familie & familie seorsum: fami-  
 50 lie domus Dauid seorsum, & mulieres eorum seorsum: familie domus  
 Nathan seorsum, & mulieres eorum seorsum: familie domus Leui seor-  
 sum, & mulieres eorum seorsum: familie Semei seorsum, & mulieres  
 eorum seorsum. omnes familie reliquæ, familie & familie seorsum, &  
 55 mulieres eorum seorsum.

IESV Christi secundum carnem genus ex Dauidis nobilitate &amp; semine fore aperte

Vates hoc in loco exponens indicauit, eorum hominum familiis appellatis, quibus propter occisi desiderium acerbi luctus atque lamenta futura erant. dixerat enim eius mortem perinde atque primogeniti & vnici alicuius honestissimæ familiæ filij lugendam fore Ierosolymis; ad quos verò potissimum is luctus pertineret, deinceps ostendit. interim autem indicauit eius luctum & desiderium non obscurum fore, sed grauissimum & apertissimum, omnibusque terræ habitatoribus non minus notum, quam fuerit olim luctus Adadremmon & lamentatio in campo Magedon, ob charos, salutare beneficosque viros quosdam facta; quorum historia illa ætate vulgatissima; nostra verò obscura incertaque est, nisi quantum Iosiam Iudæ regem pium & patriæ optimè consulentem à Pharaone Necho secundum Magedo occisum, indeque cum maximo gentis suæ desiderio Ierosolymam delatum esse legimus. fuit autem Magedo vrbs in tribu Iuda à Iosue ascripta, atque à Salomone ædificijs operibusque instaurata & aucta: quam eandem esse cum Magedon affirmare ex sacris libris non possumus, cum hoc & Adadremmon nomen semel tantum, idque in hoc Zachariæ loco scriptum inuenimus, certè Chaldaus paraphrastes, qui non longè post Vatis huius ætatem floruit, duas in huius loci explicatione historias indicat, hoc modo: *In tempore illo multiplicabitur luctus in Ierusalem, vt luctus Ahhab filij Ghamri, quem occidit Hadarrimon filius Tabrimon, & sicut luctus Iosie filij Ammon, quem occidit Phurao Claudus in valle Megidon.* Cætera verò, quæ ad huius luctus rationem explicandam appellata sunt nomina, eò pertinere videntur, vt Christi Ierosolymis occisi genus ad Dauidis domum referendum esse cognoscatur: cuius mortem ex quæ tempestate illa ex regio genere exstarent familiæ, vt sibi notissimi, & propter perspectam virtutem atque maximam tum vitæ sanctitatem, tum doctrinæ miraculis probatæ auctoritatem charissimi & acceptissimi magno desiderio, luctu atque lachrymis profecuturae erant: id quod factum esse euangelistæ satis clare significauere, cum plures tum viros, tum feminas, easque alias Galilæas, alias Mariæ sorores dictas tristi spectaculo affuisse eodem loco scribant, vbi de spectatorum luctu & planctu mentionem faciunt. Erant autè ibi mulieres multæ de longè, quæ secutæ erant Iesum à Galilæa, ministrantes ei, &c. & cum essent in Galilæa, sequebantur eum, & ministrabant ei; & aliæ multæ, inquit Marcus, quæ simul cum eo ascenderant Ierosolymam. Has autem & à viris etiam, qui spectauerint & luxerint, separatas fuisse euangelistæ ipsi declarant, & grauius etiam atque lugubrius fuisse lamentatas, ipsa feminei animi longè viris tenerioris ratio arguit. Quod vero tres illas Dauidis familias nominatim Vates appellat *Nathan, Leui, Semei*, eò pertinet, quod horum nomina illustria magis & nota illa ætate futura Vates præuidisset, eorundemque cognatione Christi genus attingere foret omnibus manifestum. Sunt autè nomina *Nathan, Leui, Semei*, quæ in Christi genealogia à D. Luca recensentur, Vt putabatur filius Ioseph, qui fuit Heli, qui fuit Mathath, qui fuit Leui, &c. qui fuit Mathathias, qui fuit Semei, &c. qui fuit Mahath, qui fuit Nathan, qui fuit Dauid, &c. Hæc namque nomina omnia ad Dauidis familiam referenda esse, nomen Leui ostendit. quod si ad sacerdotalem prosapiam referantur, vel nihil, vel minimum ad Christum pertinent: quem non ex Leui, sed ex Iudæ per Dauid genere oriturum antiqua oracula prodidère, & noui etiam testamenti scriptores ortum testantur. Porro huius mortem magna & communi omnium ordinum, & tribuum partim notatione, partim lamentatione & mœstitia fuisse notam & publicè permulgatam, illa duorum discipulorum oratio arguit, qui vel vni tantum illis diebus Ierosolymis hospiti ignotam esse admirati sunt: Tu solus peregrinus in Ierusalem, & non cognouisti quæ facta sunt in illa his diebus, de Iesu Nazareno, qui fuit vir propheta, potens in opere, & sermone coram Deo & omni populo, & quomodo eum tradiderunt summi sacerdotes & principes nostri in damnationem mortis, & crucifixerunt eum, &c. [Et omnes familia reliqua.] Iuxta Dauidis prosapiam, quas Matthæus & Lucas recensent, minus fortasse, quam tres illæ nominatim prolatae Christi temporibus illustres.



*N* die illa erit Fons patens Domui David & habitantibus Ierusalem, in  
ablutionem peccatoris & menstruata.

**M**AXIMAM & illustrissimam humanarum rerum status conuersionem & commu-  
tationem Christi crucifixi virtute faciendam, & antiquis oraculis proditum, & fa-  
ctam fuisse nostrorum auctorum testimoniis atque grauissimis exemplis est comproba-  
tum: siquidem eorum vitiorum, quibus hominum natura à primis ætatis suæ tempori-  
bus corrupta inquinataque fuerat, non sordes modò eluendas, sed fontem ipsum, vnde  
turpes actiones oriuntur, clausum iri pronuntiatum fuit: Circumcidet Dominus cor Deuter. 10.  
tuum & cor seminis tui, vt diligas Dominum Deum tuum in toto corde tuo, & in tota  
anima tua, vt possis viuere, &c. namque imperfecta illa externæ carnis circumcisio per-  
fectam hanc expetendam exspectandamq. significabat cordis circumcisionem in spiritu,  
non in litera, cuius laus non ex hominibus, sed ex Deo est. Cùm hæc Christianæ virtu- Rom. 2.  
tis & sanctitatis puritatisq. ratio ac significatio omnis illo antiquæ legis rituum & cere-  
moniarum crassiori cortice obducta fuerit, illud communi omnium ferè vatum consue-  
tudine est obseruatum, vt cùm quippiam de ijsdem rebus iudicandum esset, per illa ve-  
lut inuolucra & integumenta quædam perspicendum exponeretur, quoad tempus ac-  
cederet, cùm explicatè, distinctè atq. apertè res ipsa, non rei imago spectanda atq. pro-  
banda hominibus concederetur. Igitur vt corporis turpitudinū & sordium nominibus  
interioris hominis vitia animorumq. labes & morbi indicabatur, sic rursus eluendi, ab-  
stergendi & purgandi verbis, & ijs, quæ ad hæc faciunt, rebus appellandis, vt aqua, san-  
guine, hyssopo & cæteris, vitiorum animi sanitas & puritas, & interioris hominis signifi-  
catur integritas. In istorum verò vitiorū genere duæ partes siue species notissimæ in an-  
tiquo expiationū ritu sunt, quæ aquis viuus elui abstergiq. oportebat: altera **N I D A**,  
altera **N I D A** dicta: pro quibus latinus interpres, *Peccatum & menstruata* reddit; ipsa ve-  
rò verbi vis separationem significat. Peccatum autem ex rituali sermone adhærentem ex  
mortuorum cōtagione umbræ labem appellamus, de cuius expiatione scriptū sic fuit:  
Tollentq. de cineribus combustionis atq. peccati, & mittet aquas viuas super eos in vas, Num. 19.  
in quibus cùm homo mundus tinxerit hyssopum, absterget ex eo omne tentoriū & cun-  
ctam supellectilē, & homines huiusmodi contagione pollutos. atque hoc modo mun-  
dum lustrabit immundum tertio & septimo die, expiatusq. die septimo lauabit & se &  
vestimenta sua: & immundus erit vsq. ad vespèram. si quis hoc modo non fuerit expia-  
tus, peribit anima illius de medio ecclesiæ, quia sanctuarium Domini polluit, & non est  
aqua lustrationis aspersus. At verò **N I D A** siue menstruata non externa cōtagione, sed  
interiori vitio impurum & inquinatum corpus est, quod à sanctorum communione in-  
terim, quoad expietur, est separandum: atq. ad vtriusq. vitij eluendas sordes aquam vi-  
uam olim certis ritibus & ceremonijs consecrandam instituit Deus, quæ iuuenæ rufæ  
maçatæ atq. exustæ cedrini quoque ligni hyssopi & purpuræ dibaphæ cineribus com-  
mixta esset, sicut scriptum est: Vt sint multitudini filiorum Israël inconstodiam & in  
aquam asperfusionis, &c. Huiusmodi asperfusionis Latine dicta aqua, **N I D A** frequentissime  
lex vocat: quam eandem lustrationis interdū Latinus interpres dicit, quæ duabus potissi-  
mum partibus, aqua viuenti, & exustæ vitulæ cineribus constabat. Accidit autem, vt in  
illa antiqua Ierusalem nullæ essent viuentes aquæ. neque enim fontem aliquem aut flu-  
uium perpetuò manantem in tota vrbe fuisse legimus. namque & ille Chedron appella-  
tus torrens magis, quàm fluuius fuit: neque tamen ipse interius, sed exterius vrbe præ-  
terfluebat. ex qua re effectū est, vt asportatis aliunde aquis in sacròrum ritibus vti ne- cesse  
fuerit, quæadmodū in antiquis Deuteroseon libris legimus. In tanta autem aquarū viuē-  
tium penuria Ierusalem illa antiqua adeo impura & sordida effecta fuisse vates lamen-  
tati sunt, vt ob eā rem repulsam atq. à diuina humanaq. gratia separatā fateatur, sicut scri-  
ptū est: Peccatū peccauit Ierusalē: propter hoc instabilis facta est. Hebraicè, Propter hoc  
**N I D A** facta est omnes qui glorificabant eam, spreuerunt illam: quia viderunt igno-  
miniam eius, &c. & ibidem: Facta est Ierusalem quasi polluta menstruis inter eos.

Misnaiorū  
tractatu de  
mensuris.

Thren. 1.



At verò huic nouæ Ierusalem & instaurandæ per Christum familiæ David longe meliorem commodioremque condicionem fore Vates noster affirmavit; nempe fontem in medio & oportunissimo loco diuino beneficio aperiendum: cuius aquis occisæ & sacrificatæ Christi carnis virtute commixtis vniuersæ peccatorum & separationum labes atque sordes eluantur. Id verò beneficium Davidis domui, hoc est, discipulis ipsis & familiaribus Christi & vniuersæ ciuitati Ierusalem, veris, inquam, Dei cultoribus aquam ex eodem fonte petentibus adeo commune fore, vt vnicuique aquæ suæ commodissime scaturiant, atque ita omnibus communis, vt singulis proprius fons ille fore prædictus fuerat. domum autem David & Ierusalem ciues illos definire oportet, qui & fide, & pietatis exercitatione, honestisque actionibus diuina promissa certa sibi reddere studeant, sicut idem ipse, de quo nunc nobis est sermo, hunc eundem locum exponens prædicabat: Qui credit in me, sicut dicit scriptura, flumina de ventre eius fluent aquæ viue. hoc autem dixit de spiritu quem erant accepturi credentes in eum. id quod olim promissum, re ipsa tandem præstitum constituisse D. Petrus publicè testatus est. Deus patrum nostrorum suscitauit Iesum, quem vos interemistis, suspendentes in ligno: Hunc principem & saluatorem Deus exaltauit dextera sua, ad dandam poenitentiam Israël, & remissionem peccatorum. Et nos sumus testes horum verborum, & Spiritus sanctus, quæ dedit Deus omnibus obedientibus sibi. [Et erit fons patens. Hebraicè, scaturigo aperta.] quam præceptor noster flumina fluentia propriè dixit: est namq. verbum hebraicum *Makor*. Magna verò ex hoc fonte in vniuersum terrarum orbem atque in omnem hominum vitam, utilitatem & virtutem permanaturâ fore Vates ait, qua illud videlicet efficiatur, vt omnibus de Deo diuinâque natura falsis atq. obscuris opinionibus conuulsis, religionis veræ ratio ac virtus constare publicè possit, atque humanæ sapientiæ insana ac temeraria assensio Christianæ simplicitatis & euangelicæ efficientiæ vi cohibeatur.

*Et erit in die illa, dicit Dominus exercituum, Disperdam nomina idolorum de terra, & non memorabuntur ultra: & pseudopphetas & spiritum immundum auferam de terra.*

NVLLE doctrinæ, nulli disputationi atque orationi illa de diis Deorumque natura opinionum vanitas vel certius, vel celerius, quam Christi efficientiæ & veritati cessit: siquidem omnis alia de diuina natura pro veritate aduersus falsitatem excitata contentio oppugnatores offendere potuit, si non ratione & causâ; fictione tamen, excogitatione & mendacio, popularique oratione valentes, qui imperitiæ multitudini imponere, ac tuendum errorem persuadere possent. Ex qua re effectum est, vt illa superstitiosi cultus consuetudo toto ferè terrarum orbe dilatata & propagata tot secula manserit, dum non deessent, qui vel ex verisimili & ementita oratione, vel ex commentis fabulis, vel fictis auguriis & oraculis, aliisque miraculorum & prodigiorum interpretationibus orationem inuenire potuerunt, quæ propter propriam vel commoditatem, vel gloriam, deorum multitudinem & reliquam omnem falsam rationem gentibus ad errorem, quam ad veritatem amplectendam procliuioribus persuaderent. At verò ubi homines ad euangelij audiendum nuntium tanquam ad aspiciendam lucem reuocati sunt, illamque spiritus Christi in eos, qui credentes obedirent, efficientiam spectauere, illam, inquam, salutem, quam & apostoli prædicabant, & verè ex diuina virtute afferebant, continuo illa errorum caligine discussa, omnes de dijs stultæ opiniones & sententiæ euauerunt, quacunque Christianæ doctrinæ veræ & simplicissimæ notitia aperta, & illustrissimo illo sancti spiritus in credentium animos illabentis testimonio confirmata fuit, sicut scriptum est: De spiritualibus autem nolo vos ignorare fratres. Scitis quòd cum gentes essetis, ad simulachra muta prout ducebamini euntes. ideo notum vobis facio, quòd nemo in spiritu Dei loquens, dicit anathema Iesu; & nemo potest dicere Dominus Iesus, nisi in Spiritu sancto, & cæc. Hæc indicasse hoc loco ad Vatis sententiam aperiendam satis fuerit, quæ aliàs nobis, ipsius diuini spiritus fauente gratia, latius explicanda erunt. Atqui Chaldaeus paraphrastes hunc locum omnem non multum aliena a nobis sententia exposuit. [In tempore illo erit doctrina legis reuelata, vt scaturigo aquarum domui David & habitantibus Ierusalē, & parcam debitis eorum, vt expiare soleant aquas]

aqua aspersiois & cineribus legis de peccato. Et erit in tempore illo dicit Dominus exercituum, pra-  
 cidam nomen abominationis. populus de terra, & non erit mentio nominis eorum ulterius, &c.  
 Hæc ex Chaldaeo ad verbum. Verum enim vero cum non in deorum modo multitu-  
 dine colenda summus ac maximus error, sed etiam in vniuersi Dei cultu profanandi  
 & variis perditionum sectis contaminando summa peruersitas & hominum generi  
 vehementer perniciofa sit, id etiam malum euangelij Christi veritate & virtute depel-  
 lendum esse Vates noster, atque alij etiam prædixerunt. [Et pseudoprophetas & spiritum  
 immundum auferam de terra.] Latinus interpretes & sententiam & Chaldaicum paraphrasit,  
 (quem sæpe consuluit) secutus, Pseudoprophetas optime vertit: ne quis in Hebraico ver-  
 10 bo N E B I I M ex linguae ignorantia fallatur. namque nomen N E B I I M non vates נב  
 modo, sed stulte loquaces garrulosq. significat, eos nimirum, qui vanæ orationis, cui nul-  
 la virtutis ratio re ipsa subest, artifices sunt, atque sermonis & verborum præstigijs po-  
 pulum capiunt, à verbo N I B, quod fructum siue productionem vel germinationem signi-  
 ficat. unde N I B S E P H A T A I M, id est, fructum laborum, Isaias dixit. Ab huiusmodi  
 15 multis prophetis veram & puram religionem olim violatam fuisse, & post se etiam vio-  
 landam fore Christus & apostoli aperte indicauere, & frequentibus ac perniciosi nimium  
 exemplis à Christianæ ecclesiæ florentis ætate ad nostra vsque tempora compertum est.  
 Fuerunt, inquit Petrus, pseudoprophetae in populo, sicut & in vobis erunt magistri men- 1. Pet. 2.  
 20 daces, qui introducent sectas perditionis: & eum, qui emittit eos, Dominum negant: superin-  
 ducentes sibi celerem perditionem, &c. Quod vero istorum hominum res ex fraude, falla-  
 ciis & mendacijs, aut ad quæstum, aut ad errorem constet, ac ultra accuratam orationem ex-  
 cogitataq. luxuriantium verborum commeta, quas fabulas Paulus vocat, nihil præterea vir-  
 tutis aut vtilitatis habeat, manifeste ab Apostolo notata est, hoc verbum Zachariæ Nebijm  
 25 ad verum & germanum huius loci sensum exponente. Et multi, inquit, sequentur eorum  
 luxurias, per quos via veritatis blasphemabitur: & in avaritia fictis verbis de vobis nego-  
 tiabuntur. atq. hi, vt apertissimis sacræ doctrinæ testimonijs & sententijs à doctis & pijs  
 viris palam redarguti, vbi omni reliquo præsidio, quo mendacium tæntur, defecti sunt,  
 illud postremum, vt imperita multitudini imponat, insolentissimè iactare consueverunt,  
 30 sibi spiritui sancto auctis magis, quam aut rationi, aut apertæ & nudæ veritati, aut produ-  
 ctis ex diuino libro testimonijs, vel argumentis vllis credi oportere, pleni sunt istorum libri,  
 disputationes, quotidiani sermones, atque eæ, quæ ad populum sunt, orationes, istiusmo-  
 di spiritus iactatione assidua: nemoq. illorum est, quin scelestum illum hæreticorum prin-  
 cipem Machometum hac in re imitetur. ille enim cum rerum, quas perperam docet, veri-  
 35 tati nititur non possit, subinde ad dati sibi spiritus auctoritatem appellandam se recipit. Pi-  
 get profecto atque etiam pudet ætatem nostram in eiusmodi tempora incidisse, quibus  
 nulla vnquam hac in parte corruptiora & misera magis extitisse credimus: optandumq.  
 est aut illa mutari, aut nos ex tā turpi & indigno spectaculo maturius discedere. fatemur  
 quidem & coram etiam fassi aliquando sumus, istiusmodi homines spiritum habere, ne-  
 40 que enim tales, ad nouandas perturbandasq. ecclesiæ & religionis res, animi ijs, qui spi-  
 ritu præter ceteros mortales magno aucti non fuerint, concipi possunt. quamobrem &  
 spiritum illis tribuamus necesse est: sed spiritum tamen erroris definire consentaneum fuerit,  
 quo vehementer aucti sunt, vt credant mendacio, vt iudicentur omnes qui non credide-  
 runt veritati, sed consenserunt iniquitati. de cuius spiritus natura, moribus & efficientia  
 multa exempla prodita sunt, ex quibus illud est vnum: Processit spiritus, & stetit coram  
 45 Domino, & ait, Ego decipiam Achab: cui Dominus, In quo, inquit, decipies? & dixit spi- 2. Paral. 17.  
 ritus, Egrediar & ero spiritus mendax in ore omnium prophetarum eius: dixitq. Domi-  
 nus, Decipies & praualebis, egredere, & fac ita, &c. Huiusmodi quicumq. spiritus fuerint,  
 quia mendacio contra veritatem, à discordia aduersus concordiam, à licentia aduersus  
 Christianam religionem & honestatem pugnatores ministros obsident & occupant,  
 50 in sacro sermone spiritus immundi vocantur: contrario omnino cognomine spiritus  
 sancti, vel spiritus recti. Latina verò lingua contaminatum spiritum vocat eum,  
 qui ei, cui inest, aliisque perniciem affert. Huiusmodi spiritum non minus, quam  
 vanorum deorum cultus, nocentem & pestiferum Christi virtute redarguendum, reprimendum  
 & tandem auferendum esse Vates noster prædixit, atq. eius efficiendæ rei au-  
 thoritas & potestas apostolis & legitimis diuini verbi legatis atque ministris à Christo  
 communi-

Matt. 10. communicata est: Et conuocatis duodecim discipulis, dedit eis potestatem spirituum  
 „ immundorum, ut eijcerent eos, &c. Tres autem ex eo spirituum genere iisdem agendi  
 „ & nocendi notis descriptos à se visos Ioannes testatus est: Et vidi de ore draconis, & de  
 Apoc. 16. ore bestiae, & de ore pseudoprophetae, spiritus tres imundos in modum ranarum: sunt  
 „ enim spiritus daemoniorum facientes signa, &c. At omnes huiusmodi ad quæstum, aut  
 ad popularè gratiam & gloriolam ficta & commentitia fabula in tenebrisque summo  
 otio composita, euangelij sapientissimis rationibus & validissima virtute redarguta tan-  
 dem detegitur, & vanitatis leuitatisque summæ plena esse demonstratur, sicut scriptum  
 Ephes. 5. est: Omnia autem quæ arguuntur à lumine, manifestantur: omne enim quod manife-  
 „ statur, lumen est. Neque verò aliam vel certiorē, vel commodiorem ad huiusmodi  
 „ sectariorum orationes redarguendas atque conuincendas muniri viam, neque ad istas  
 Babylonicas verberandas turres & deiiciendas tormentum aliquod efficacius ab ijs, qui  
 veritatem & simplicitatem colunt, viris, quàm sacrorum librorum auctoritatem inue-  
 niri posse arbitramur, maximè verò si ad assiduum studium diligentemque exercitatio-  
 nem illius, quæ in euangelio reuelatur, virtutis notitia accedat. Hæc namque & Chri-  
 stianæ pietatis veritatem illustrat, & sectarum omnium, quæcunque ex humana co-  
 gitatione profectæ sunt, vanitatem ex fraude & mendacio constantem arguit, eadem-  
 que studiosos sui animos istiusmodi perniciosas, atque dissensionum altrices nugas de-  
 testatos ad veritatem, simplicitatem, modestiam, pacem, charitatemque colendam,  
 atque omnem denique verè ecclesiasticam & Christianam perfectionem sequendam  
 2. Timoth. 3. informat, sicut scriptum est: Tu verò permane in ijs, quæ didicisti & credita sunt tibi,  
 „ sciens à quo didiceris: & quia ab infantia sacras literas nosti, quæ te possint instruere ad  
 „ salutem per fidem, quæ est in Christo Iesu. Omnis scriptura diuinitus inspirata, utilis est  
 „ ad docendum, ad arguendum, ad corrigendum, ad erudiendum in iustitia, ut perfectus  
 „ sit homo Dei ad omne opus bonum instructus, &c. quæ de hac re multa ab apostolis  
 docentur. Hanc igitur diuini euangelij sancti Christi spiritus virtute instructi, ad homi-  
 num excogitata mendacia redarguenda & referenda efficacitatem hoc in loco Vates  
 indicabat.

*Et erit cum prophetauerit ultra quispiam, dicent ei pater eius & mater  
 eius qui genuerunt eum, Non viues: quia mendacium locutus es in  
 nomine Domini. & configent eum pater eius & mater eius geni-  
 tores eius cum prophetauerit.*

QVANTA sit ijs, qui verè pij dicuntur, integritas ac fides, ex eo declaratur, quòd stu-  
 dium omne ad veritatis defensionem conferatur, omnibus etiam vel propriis, vel suorum  
 sibi que necessitudine coniunctissimorum rebus posthabitis. neque enim vlla in homi-  
 num vita, vel coniunctior necessitudo, vel charitas maior, quàm parentum erga proprios  
 liberos est: quæ usque adeo animos occupare solet, ut quæ in ijs vitia esse consent, non-  
 nunquam virtutis nominibus defendantur vel occultentur, vel leuius etiam corrigantur.  
 quæ verò manifesta scelera sunt, ea reprehendi & dissuaderi aliquando contingit:  
 publicè verò à parentibus in filios animaduerti, rari admodum admirandique exempli  
 fuerit. Vbi verò verus Dei cultus puraque religio suscepta est, diuinarum rerum veri-  
 tatisque tuendæ causa omnibus aliis priuatis maximis commodis antefertur; ita ut ne-  
 que pater, neque mater, quæ vehementius amare solet, filio, quæ à recta pietatis via aber-  
 rare deprehenderit, parcendum esse existimet. In maximorum autem atque Deo ve-  
 hementer detestabilium scelerum genere vanæ vaticinationis studium notatur, quod  
 Deut. 21. capitis poena ex diuina lege vindicandum fuit, sicut scriptum est: Propheta autem ille  
 „ aut fictor somniorum interficietur: quia locutus est, ut vos auerteret à Deo vestro. si tibi  
 „ voluerit persuadere frater tuus filius matris tuæ, aut filius tuus, vel filia, siue vxor, quæ est  
 „ in sinu tuo, aut amicus, quæ diligis ut animam tuam, clam dicēs, Eamus, & seruiam⁹ dijs alie-  
 „ nis, non acquiescas ei, nec audias, neque parcat ei oculus tuus, ut miserearis & occultes  
 „ cum: sit primum manus tua super eum, & post te omnis populus mittat manum, lapi-  
 „ dibus obrutus necabitur: quia voluit te abstrahere à Deo tuo, & cæt. Ex his omni-  
 bus necessitudinis & charitatis gradibus, supremus à Vate nostro indicatus est, quem

quem cum veritati postponendum prædixerit, cæterorum exemplum manifestum statuit. neque verò ob hoc solum patres in filios animaduersuros esse dicit, quòd vani cultus vanorumque deorum prædicatores esse deprehenderint, sed etiam, quòd novorum dogmatum & alienorum à Christiana simplicitate præceptorum auctores, mendacium suum diuini nominis auctoritate tuentes cognouerint. [*Quia mendacium locutus es in nomine Domini.*] Satis apertè expositum est, quid in hoc loco verbum prophetare significet, loqui mendacium in nomine Domini. Neque verò eorum, qui veram euangelij rationem tenent, integritas tantum, sed iudicium etiam & verum à falso discernendi facultas commendatur. facile enim à patre & matre in filij dogmatibus & orationibus vanitatem & mendacium deprehendendum esse indicat, dum pronuntiandam sententiam atque animaduersionem narrat. [*Et confitent eum cum prophetauerit.*] Tantum abest ut sibi filium prophetantem populo admirabilem gratulentur, ut ipsi agentem & verba facientem sibi redargutum magno pietatis & integritatis exemplo vltro petentes feriant, iuxta illud: Si oculus tuus scandalizat te, erue illum & proijce abs te. Quam verò manifestè omnis huiusmodi excogitata doctrinæ falsitas admoto euangelij lumine prodita argui refelli que possit, ex euentu ipso Vates docuit, quòd veritate perspecta vanitatè ipsam cum eorum, qui professi fuerint, perturbatione, & pudenda confessione, patefactum iri confirmet.

20 *Et erit in die illa, confundentur propheta unusquisque ex visione sua cum prophetauerint, neque operientur pallio sacco, ut mentiantur.*

MULTA fuisse olim ab ijs, qui sanctioris vitæ nomine popularem plausum admirationemque sui captarent, ad eam rem parata intelleximus, quæ vel austeritate & duntie, vel nouitate imperitioribus & virtutem non tam moribus & officijs, quam externo habitu & cultu definientibus imponent. Plurimi ex philosophis qui humanam felicitatem in doctrinæ instituti que sui studio sitam asserentes discipulis promittebāt suis spectatæ virtutis opinionem & auctoritatem atque orationi fidem prolixa barba, rugosa fronte remissoque supercilio, horrido etiam vestitu cultuque facere, atque obtinere arbitrati, in eam rem studiosè incumbēbant, quæ in veræ virtutis rationibus aut nullū aut postremum locum habet, in vulgi verò opinione fortasse primum, neque hæc gentilium modò philosophorum exempla fuere, sed eorum etiam, quibus diuini verbi notitia erat, qui non minus huiusmodi rebus vñ imperitæ multitudinis studia & gratiam inire, atque hoc modo dogmata placitaque sua pro diuinis præceptis venditare solebant. Huius notæ Phariseos fuisse Christustristes appellans indicauit: Cum ieiunatis, nolite fieri sicut hy- Matth. 6.  
 35 pocitæ tristes: exterminant enim facies suas, ut appareant hominibus ieiunantes, & omnia opera sua faciunt, ut videantur ab hominibus. dilatant enim phylacteria sua, & magnificant fimbrias, &c. Ex hoc genere sunt vestimentorum asperitas, & à vulgari consuetudine remoti colores, qualibus eos, qui Hebraicè *Commarim*, à latino interprete aruspices, alias verò æditi dicuntur, uti solitos legimus: de quo genere omni, & quatenus hæc laudari, quatenus rursus improbari possint, alias, Deo annuente, ex diuinorum dogmatum ratione differemus. namque stultitiæ & ignorationis turpissimæ est, de huiusmodi rebus citra distinctionem ad summam laudem, aut ad summam inuidiam definire & statuere. Illud certè hoc in loco satis erit dixisse, nonnunquam hæc rerum genera non virtutis veræ, sed ambitiosæ cuiusdam opinionis causa ad falsum populo persuadendum peti, ut à Vate nostro distinctè est adnotatum. [*Nec operientur, inquit, pallio sacco, ut mentiantur.*] Neque enim saccum indui, aut malum, aut euangelica sententia improbatum est, sed ea causa indui, ut mentiantur, id euangelij luce deprehendendum arguendumque esse Vates denuntiauerat. namque vbi quid istorum pseudoprophetarum mendacium, quid rursus euangelica veritas promittat, diligenter perspectum fuerit, & quemadmodum id, quod ab utraq. parte promissum est, præstari possit & soleat, fuerit obseruatum: tunc verò omnes illæ philosophicæ præstigiæ, quæ sub honestatis ostentatione mendacium, turpitudinemque celabant, manifeste euanescent, & euangelicæ veritatis illustrissima ratio veritasque in illa summa simplicitate cõstat, sicut de vtroque hoc genere scriptum est: Quid desperantes semetipsos tradiderunt impudiciæ in Ephes. 4.  
 40 operatione in immunditiâ, omnis in auaritiâ, vos autem non ita didicistis Christum, si tamen



” si tamen illum audistis, & in ipso edocti estis (sicut est veritas Iesu) deponere vos secundum  
 ” dum pristinam conuersationem veterem hominem, qui corrumpitur secundum desideria  
 ” ria erroris, &c. Verbum Hebraicum *Chebhoss*, macrescere, attenuari, denegare, mentiri-  
 que significat: ita vno verbo omnem tristem hypocrisim interius exteriusque depictam  
 expressit Vates. namque & ad macerationem, quam dicunt carnis, saccus parabatur, &  
 maceratio fallendi causa à simulatoribus istis procurabatur. Atque in eiusmodi commen-  
 torum generibus, quæ ad sanctitatis opinionem & plausum captandum simulatione &  
 inani ostentatione magis, quam veritate, gloriæ illa ambitiosa cupiditas excogitauit.  
 sunt etiam quædam in corporis membris insignitæ notæ, siue plagis & vulneribus vltro  
 factis, siue igne, ferro, alioue instrumento inustæ atque impressæ, quæ pro diuini collo-  
 quij & consuetudinis vestigiis iactantur. quem morem antiquum fuisse diuina lex ve-  
 Luit. 21. tendo ostendit. neque figuras aliquas aut stigmata facietis vobis, &c. Hodieque etiam  
 ” apud Ismaelitas nonnulli barbaris notis puncta membra aut impressa sigilla, aut fa-  
 cti vltro vulneris cicatrices certa figura infamiliaris cum Deo colloquij, vel singularis  
 amicitia argumentum vulgo harum rerum admiratori ostendunt. Hæc tamen om-  
 nia vt adumbrata, ficta atque simulata sunt, euangelij lumine appposito tandem de-  
 lecta euanescent. ita futurum esse Vates dixerat, vt quicumque sese his rebus vendi-  
 tarum sacri sermonis interpretem, nuntium, alioue nomine professus appellaret, vbi  
 Christianæ virtutis trutina exanimatus, quidnam esset, rogaretur, se quod antea iactau-  
 rat, esse, negaret, idque quod verè esset, confiteretur.

*Sed dicet, Non sum propheta, homo agricola ego sum : quoniam Adam exem-  
 plum meum ab adolescentia mea.*

PRIVS illud auaritiæ atque ambitionis plenum consilium modestiori & tu-  
 tiori vitæ conditione mutandum esse ijs, qui euangelici luminis veritate conuicti  
 fuerint, Vates ostendit, ijsque rem omnem, quemadmodum sese habuerit, manifesta  
 confessione esse aperiendam. rogatus enim quispiam ex ijs, quamobrem non, vt antea  
 propheta munere fungatur, sese prophetam fuisse aut esse, aperte negabit, sed illud  
 tantum profiteri nomen, quod proprium sibi sit, hominem agricolam priuatum, inquit,  
 quendam hominem, quem communi industria & labore sibi victum parare magis,  
 quam illa otiosa vaticinij professione deceat, cum ipse non à Deo creatus & legatus pro-  
 pheta repente extiterit, instar eorum, qui verè vates sunt, sed ex hominû disciplina, in-  
 stitutione & exemplo vel æmulatione, ad illam propheticam personam, quam antea  
 sustinuerat, agendam fuerit ab adolescentia sua præceptis, exercitatione atque medi-  
 tatione fictus & informatus. [*Adam exemplum meum ab adolescentia mea.*] Non fuit  
 Deus, inquit, cuius consilium & voluntatem in eo munere secutus ego repente pro-  
 pheta prodire, sed homo fuit exemplum mihi ad eam rem, quam non sine studio,  
 labore & diuturna meditatione assecutus fui. Quod nos legimus, [*Exemplum meum,*]  
 Heb. 21. Hebraeo verbo responderet H I K N A N I, cuius primû thema significat emere, possi-  
 dere, negotiari, in ea vero coniugatione, quam hic obtinet, quæ tertia Hebræis, signifi-  
 cat alium ad emendum possidendumque inducere. Est igitur huius loci sententia,  
 se non diuino consilio & iussu, sed humano præcepto & exemplo adductum eiusmodi  
 quæstum ocepisse. Hispanè ad verbum sic vertitur hic locus, *Hombre me pûso en  
 grangerin.* Non ineleganter igitur interpretes noster, quod aliud simplex verbum ad eas  
 omnes res significandas latinum non haberet, exemplum reddidit. atque illud in hac re  
 consultius statuius, latinis hominibus vulgatam editionem esse commodam:  
 eius tamen interpretationem ex Hebraica veritate & proprietate esse petendam, quod  
 si minus eius linguæ facultas contingat, varias translationes, quæ tamen probatæ sint, vt  
 Augustinus censet, consulendas conferendasque esse. Sed vt ad propositum reuertamur,  
 non modo futurum esse Vates ait, vt euangelij virtute & sapientia verà à falsa doctrina  
 dignoscatur, sed vt earum rerum, quæ refelli atque conuinci difficilius posse videntur,  
 vanitas, ars & commentum aperte prodatur, vt signorum & miraculorum etiam, quæ  
 vel humano ingenio, vel malorum demoniorum præstigiis ostendi magis, quam  
 2. Theff. 2. edi possunt. de quo genere sic est scriptum: Cuius est aduentus secundum opera-  
 tionem

tionem Satanae in omni virtute, & signis, & prodigiis intendacibus, & in omni seductione, iniquitatis, &c. huiusmodi Antichristi ministros nobis subindicasse Zacharias videtur, quem spiritu oris Domini Iesu, hoc est, euangelij virtute interficiendum tandem fore Paulus confirmat.

*Erdicent ei, Quae sunt istae plagae in medio manuum tuarum? & dicet, His plagatus sum in domo eorum, qui diligebant me.*

QUONIAM cicatrices, notae ac signa illa, quibus istiusmodi & sanctitatis simulatores imponere populo solent, adhuc in iis, qui fraudem antiquam confessi damnent, haerentia, magnum nescio quid & diuinum indicare videbantur, utque Vates rem hanc persecutus est, ut huiusmodi signa non diuina auctoritate, sed humano ingenio studio, & arte parari posse doceat, idque ex indicatione eiusdem, quem praeteritae ostentationis vanitatem confessum induxerat, ostendit. namque interrogatum illum, qui fieri possit, cum propheta non sit, ut plagas & signa illa impressa gerat, quae non nisi diuinitus imprimi credita fuerint, responsurum ait se non à Deo, aut ab angelo quopiam tactum plagas illas retulisse, sed humana arte accepisse, non ab hostibus aut inimicis, verum in ea familia, cuius disciplinae se addixerat: atque adeo inter eos versatus, à quibus diligebatur, ut inter collegas magistrosque suos, hanc sibi munitam fuisse viam, qua populo admirabilis repente extaret. *[In domo eorum, qui diligebant me.]* siue ipse sibi plagas imposuerit, siue ab aliis eiusdem consilij & fraudis consiliis acceperit: utrumque enim modum Vates hac oratione indicauit, illud omnino certum esse, eas neque caelitus à Deo in familiaritatis signum, neque ab hominibus foris ob religionis defensionem sibi esse inflatas, sed in domo eorum, qui ipsum diligebant. consequens ergo est, consultò illas venisse. *[In medio manuum tuarum.]* Hebraice ad verbum inter manus tuas. quo dicendi modo non solum manus, sed totum corpus ab anteriori parte significatur, quacunque manuum ministerium liberè pertingere potest. solent autem huiusmodi consultò impressa signa in pectore vel femoribus, vel brachiis, atque adeo in manibus ipsis, plerumque verò in posteriore corporis parte ab istis ostentari, quod & iis etiam, qua sine euangelij lumine sapienter de rebus existimant, fraudis suspicionem augere potest, qui eiusmodi signa & plagas scientibus & videntibus certoque loco & modo sine villo periculo acceptas fuisse facile intelligunt. atqui dum haec commentamur in media Africa, vel in sancto sabba secundum Iordanem esse, & plures ex istis KADOS S I N, id est, sanctis & separatis Ismaëlis videre nobis videbamus, cuiusmodi hominum dolos Iesus spiritu oris sui, & euangelio veritatis aperturus esse à vaticiniis & apostolis dictus est. Verum enimvero hanc diuini euangelij victoriam spirituales fore, eandemque non armis, non humanis viribus, aut potentia, sed diuina virtute & sapientia parandam interpretari oportere, Deus ipse proximis carminibus declarat: in quibus tota euangelij ratio rerumque gerendarum series, ut futura fuerat, manifestè exponitur. Hoc nimirum pacto, ut si externae humanae vires & opes, atque adeo praesentes & primi euentus spectentur, euangelij pars inferior videri possit, si verò aeterna veraque virtus & efficientia atque ipse tandem rerum exitus obseruetur, superior atque praestantior omnino & diuinis planè muneribus auctissima & illustrissima euangelica pars euadere intelligatur: namque id non casus aut infirmitatis, verum diuini consilij, providentiae ac virtutis fuit, ut maior, potentior ac sublimior, superior & victrix secundum carnem pars à minori, humillima & exagitata atque lacerata iuxta carnem etiam spiritu tandem & virtute vinceretur, & per triumphum captiua duceretur. Hoc enim pacto, & gloriae causaeque, & suorum probationi, vtilitati & amplitudini consultum esse Deus voluit, cum is debilia & infirma ad eam rem, ut fortia confunderet, elegerit. igitur vaticiniis de hac re editis, & providentiae suae rationibus, & piorum hominum animis, spe & promissione atque exemplo confirmandis consultum voluit Deus: qui non casu hanc rem, aut melioris partis imbecillitate, sed consilio & providentia promissioneque constare ait: quam tandem exitus ipse felicissimus admirabilem planeque diuinam esse declaraturus fuerat, imprimis illam, quae humano iudicio calamitas & ærumna putanda existimandaque erat, ipsi maximo piorum omnium duci Christo esse propositam, quam is summa virtute & constantia perpeffus, summa cum nominis sui gloria, ac suorum vtilitate & exemplo

A. 14.

emplo superaret: atque eandem etiam, leniorem tamen & magis tolerabilem conditionem ducis huius discipulis veris & fidis statuendam esse, ut multarum tribulationum tolerantia periculorumque ac mortis contemptione regni Dei & sacrosanctae civitatis usus & dignitas quæreretur. maximum autem iis, qui fortitudine, patientia, atque animi virtute & spe ad finem usque perstitissent, & auxilium a Deo promissum & praeium tandem esse propositum: huius verò rei ordinem seriemque omnē breui oratione Deus per Vatem persequitur, & tanquam praesentem iam indicat: quam ut consilio suo confirmationem confirmet, ipse ultro appellat, & ut sese explicet, hortatur.

*Phramea suscitare super pastorem meum, & super virum coherentem mihi, dicit Dominus exercituum: percutite pastorem, & dispergentur oves.*

10

OMNIVM nostrum iniquitates, hoc est, culpas & scelerum crimina Christo Iesu ad expiandum suaque morte luendum diuino decreto imponendas esse sacra oracula prodiderunt, atque diuinam aduersus homines iam illam antiquam supplicio illo pro nobis ultro perferendo expeditum iei, quantum videlicet ex sacrificij illius ratione diuina postulasset iustitia, nam si qui reipla & effectu tantae reconciliationis expertes existant, sibi suoque vitio & culpae asscubant, qui tantae salutis sufficienter cunctis allatae & propositae condicionibus aequissimis fide & poenitentia uti noluerunt. igitur tempus illud turbulentum, quo Deus in Christum suum peccata hominum animaduertendo tenebrarum potestati locum daturus erat, iam nunc Vates noster diuina oratione velut praesens constituit, permissaque tenebrarum rectoribus sauiendi in Christum potestate rerum consequentiam omnem indicat. iubet gladium, hoc est, mortem, ut super pastorem verum suum suscitatus & districtus sauiat, suum autem pastorem virum sibi coniunctum appellans, non solum diuinæ auctoritatis, sed naturae participem confirmat. [Virum coherentem mihi,] Manifeste hominem fortissimum & praestantissimum eundemque secum natura communicantem indicat, maxime verbo Hebraico *CHAMITHI*, quod socium meum vnà mecum significat: socius autem Dei vnà secum nullus dici possit, qui idem Deus eiusdem naturae non sit, alioqui quamnam vnà cum Deo societas esse possit, non planè intelligere quis queat. adeo autem aperte hoc significatur, ut neque Iudaei negare aut refellere queant, modò orationem à Vate Dei personam sustinente haberi fateantur, quod plerique omnes interpretes ex illis cum Chaldaeo paraphrasae consentiunt. hoc autem idem ipse Vates aperte docet, [Dicit Dominus exercituum.] Qui hominum peccata in Christum animaduersurus angelorum legiones, quas ad tenebrarum potestatem & petulantiam frangendam mittere posset, interim retinet, quoad expiatio illa absoluat, omnem postea consulto in innocentem allatam iniuriam tandem ulturus. neque verò ipsum solum Christum & piorum ducem, summum ignominia, probris, plagis, verberibus ac morte affectum, sed illius etiam discipulos tanto praecceptore tantoque duce priuatos, tamque tristi & inopinato spectaculo attonitos, & sibi ipsis metuentes perturbatum iri, sicut scriptum est: Omnes vos scandalum patiemini in me in nocte ista. quos quam perturbandos praedixerit, sibi tamen non deferendos esse promittit, sicut scriptum est. Pater sancte serua eos in nomine tuo, quos dedisti mihi, ut sint vnum, sicut & nos. cum essem cum eis, ego seruabam eos in nomine tuo, quos dedisti mihi custodiri eos, & nemo ex iis periit, nisi filius perditionis, ut scriptura impleretur. nunc autem ad te venio, & haec loquor, ut in mundo habeant gaudium meum impletum in semetipsis, &c. Hanc autem à Christo discipulorum suorum commendatam curam suscipiendam Deus in se recipit.

Matt. 16.

Joan. 17.

Math. 11.

*Et conuertam manum meam ad paruulos.*

NON modò discipulos illos, qui tunc Christum pastorem sequebantur, verum omnes etiam alios ex Iudaeorum aliarumque gentium nationibus suscepturum sese Deus pollicetur, quos, quòd iuxta existimationem & iudicium humanum humillimae & abiectissimae conditionis praeter ceteris mundi sapientibus potentibusque videretur, paruulos appellat, iuxta illud: Cōfiteor tibi pater, quoniam abscondisti haec à sapientibus & prudentibus, & reuelasti ea paruulis. ita pater, quoniam sic placitum fuit ante te, &c. Atque hactenus breuiter quidem, sed aperte tamen illud significatum est, quemadmodum ecclesiae res Christi capitis illius proditi, capti & occisi atque resurgenti temporibus habiturae essent,

essent: utque dies illi quanquam breues, varia tamen rerum mutatione, atque animorum  
 mori, dolore, dubitatione, suspitione, timore ac rursus consolatione, lætitia, confirma-  
 tione & desiderio transigendi essent: iam verò quid post missum spiritum sanctum (quæ  
 agendam per Christum publicè rerum vltima in hac vita expectatio futura erat)  
 coniecuturum in Iudæorum populo esset, ostenditur.

*Et erunt in omni terra, dicit Dominus: partes due in ea disperdentur, & defi-  
 cient, & tertia pars relinquetur in ea.*

DELECTVM illud piorum & simplicissimorum hominum, qui Christo illiusque  
 euangelio credentes in gregem annumerandi erant, hoc in loco Vates significauit: quos  
 multis periculis & difficultatibus modis exercitandos, atque in omni militiæ Chri-  
 stianæ disciplina ad victoriā probandos maximæ & præstantissimæ dignitatis compotes  
 factos, pulcherrimo & honestissimo nomine, cælestis ciuitatis ciues à Deo appellandos  
 ore confirmat: hic autem post spiritum sanctum missum factus delectus fuit, cum apo-  
 stolis euangelium annuntiantibus noua quotidie discipulorum ad ecclesiam fieret ac-  
 cessio: ita & tertia illius gentis parte delecta, ceteri ob euangelium repulsum reiicien-  
 di, atque euangelij virtute & efficientia ab illius spiritualis vitæ communicatione depel-  
 lendi, sicut scriptum est: Cuius ventilabrum in manu eius, & emundabit aream suam, Matth. 3.  
 & congregabit triticum in horreum, paleas autem comburet igni inextinguibili. [In  
omni terra.] Quanquam rectè ad omnem terrarum orbem hæc ratio referri possit, in quo  
 factis magna hominum pars euangelium recepit, minor tamen, quàm ea fuerit, quæ re-  
 pulsit, terram nihilominus Iudææ & Israëlitem regionem hic propriè interpretabi-  
 mur, in qua primus ille delectus factus est eorum, qui aliis orbis partibus salutis nuntij  
 fuerant, sicut scriptum erat: Dedi te in lucem gentum, ut sit salus mea usque ad extre- Isai. 49.  
 mum terræ. Atque in omni terra, ex adiuncta notationis particula & ex sententia ipsa  
 orationis à Vate institutæ ratione Israëliticam terram exponimus, ut illud apud  
 euangelistas: Et tenebræ factę sunt super vniuersam terram, &c. [Dicit Dominus.] Certam Matth. 27.  
 predictarum rerum expectationem oratio hæc parat. etenim ea, quæ à Deo dicta sunt,  
 facta effataque haberi oportet, utpote qui, quid ab aliis faciendum sit, optimè nouerit;  
 quidque à se sit etiam præstandum, sapientissimè & certissimè decreuerit & constitue-  
 rit. Decreuit igitur in hac re duabus partibus, iis videlicet, qui neque sibi credere, neque  
 obedire vellent, euangelij efficientia reiectis & repudiatis, reliquam tertiam partem, quæ  
 per angustam portam intrare non recusauerit, sibi deligere, in populumque charissimum  
 adoptare. [Disperdentur & deficient.] Duo in legis sermonibus familiaria verba hoc loco  
 usurpata sunt, alterum CHATH, quod in huiusmodi sententiis frequentissimū est: Genes. 17.  
 Excindetur anima illa de populo suo; alterum GAVACH, quod deficere, solui atque כרה  
 paulatim ac sensim perire significat: cuius in seniorum morte describenda frequens est נזק  
 usus, ut: Et deficiens mortuus est in senectute bona. & illud: Consumptusque ætate mor- Gen. 25.  
 tuus est, &c. Vtrumque autem verbum in diluuij antiqui rationibus usurpatum, indeque Ibidem.  
 ad hoc vaticinium translatum obseruatur. alterius exemplum illud est: Et non interfi- Genes. 9.  
 ciatur ultra omnis caro aquis diluuij, &c. alterius verò illud: Et vniuersa, quæ sunt in ter- Genes. 8.  
 ra, consummentur. atque verbum prius ad naturæ proprietatem versum scindere absin-  
 dere significat, ita duplicem ex euangelio, vel recepto, vel repulso euentum nobis hæc  
 oratio indicat; alterum impiorum & incredulorum excacationem & reiectionem, al-  
 terum piorum delectum & conseruationem, sicut de vtroque etiam ex eadem diluuij  
 ratione scriptum fuerat. Aquæ inundabunt, & delebitur fœdus vestrum cum morte, & Isai. 28.  
 pactum vestrum cum inferno non stabit, &c. atque ad prius verbum alludens Ioannes Matth. 4.  
 dicebat: Ecce securis ad radicem arborum posita est: omnis albor, quæ non fecerit fru-  
 ctum bonum, excidetur, & in ignem mittetur, &c. posterioris verò plurima in testamen- 2. Cor. 2.  
 ti noui libris orationum & sententiarum indicatio est, ut: Deus autem huius seculi ex-  
 cacauit mentes incredulorum: si quis autem templum Dei violauerit, disperdet illum Rom. 16.  
 Dominus: & Christi bonus odor sumus in iis, qui pereunt, & in iis, qui salui fiunt, &c.  
 Quod verò tertiam partem, quæ in cælorum regni ciuitatem recipiatur, relictum iri ait;  
 cum illo planè D. Pauli testimonio conuenit. Reliqui mihi septem millia virorum, qui  
 non curuauerunt genua sua ante Baal: sic ergo & in hoc tempore reliquæ secundum  
 electionem gratiæ salutis factę sunt, &c. Quantis verò periculis, quantis rerum difficulta-  
 tibus



tibus & laboribus illi, qui reliqui futuri erant, diuini nominis atque communis orbis totius vtilitatis causa perfunduntur essent, deinceps exponitur.

*Et deducam tertiam partem per ignem, & vram eos sicut uritur argentum: & probabo eos sicut probatur aurum.*

EXCITANDAS aduersum discipulos Christi, atque eos, qui iustissime & pietissime viuentes Christianam causam susceperant, inuidia hominum & maximorum peccatorum tempestates, contumelias, necessitates, persecutiones, angustias ceteraque omnia, quaecunque ab Apostolo infinitatis nomine dicta sunt, hoc vaticinio significat. Vnde duplex namque baptismus eos, qui Christum seruatorem sibi recepissent, exspectare Ioannes docuerat, alterum spiritus sancti, ignis alterum: atque spiritus sancti baptismi illorum regenerationem; ignis vero probationem & gloriam fuerat effecturum: ignis enim praeter illam, quam saepe commemorauimus, agendi celeritatem, duplex est efficientia: altera ut impura a puris seceraret, altera, ut pura omnino perficeret. Quamobrem argentum ab omni inferioris notae corporis admistione liberatum, purum atque integrum reddit, sicut scriptum est: Aufer rubiginem de argento, & egredietur vas purissimum. & illud: Argentum igne examinatum, probatum terrae, purgatum septuplum, aurum vero, quod natura purum, atque omnis alterius generis expers plerumque inuenitur, ignis tantum probat & perficit, sicut scriptum est: Quomodo probatur in fornace aurum, &c. Vtramque autem naturam atque efficientiam duobus propriis verbis Hebraicus sermo indicat, namque argento S Z A R A P H, quod fundere ac purificare significat, iungitur: atque vero B A H H A N, quod latinis probare est, igitur in primitiua, quam appellamus, ecclesia, hoc est, primis Christianae pietatis temporibus duplex piorum hominum condicio fuit; altera eorum, qui spiritu sancto diuinitus accepto regenerationis illius admirandae beneficio & vsu puri, iusti, immaculati & irreprehensibiles coram Deo effecti erant, cuiusmodi apostoli atque alij multi, quos perfectos, spirituales, sanctos atque Dei viuentis filios diuina scripta appellant; altera vero eorum, qui ad eum perfectionis gradum nondum peruenierant, ad quem tamen omni cura, studio atque pietatis exercitatione contendebant. hos infirmos, infantes, pusillos & aliis in hanc sententiam nominibus apostoli vocant. Vtrisque autem ignis illud periculum paratum fore Vates ait felici omnino eventu, ut alteris videlicet puritas & sanctitas; alteris autem summam perfectionis & constantis dignitas & gloria compareretur, praeter summam illam ceteris hominibus illo exemplo asferendam vtilitatem & Dei nominis celebrationem, qui sese etiam in illis suorum periculis & exercitationibus tutorem defensoresque praesentissimum fore profiteretur.

*Ipse vocabit nomen meum, & ego exaudiam eum, & dicam, populus meus est: & ipse dicet, Dominus Deus meus.*

HONESTISSIMUM profecto atque omni ex parte celeberrimum certamen porum est, quibus tanti principis, hoc est, Dei certissimum auxilium & numen ostendendum promittitur: atque praemium deinde, quo nullum maius esse possit, cum praecara nominis celebritate deferendum proponitur. in mediis namque illis afflictationibus & rerum tempestatibus inuocatum sese praesentem tutoremque fore Deus pollicetur. quare reeorum ipsorum, qui experti fuere, testimonio confirmatur. Propter quod, inquit Paulus, 2. Corint. 12. ter Dominum rogaui, ut discederet, & dixit mihi, Sufficit tibi gratia mea. nam virtus in infirmitate perficitur. libenter igitur gloriabor in infirmitatibus meis, ut inhabitet in me virtus Christi: propter quod placeo mihi in infirmitatibus, in contumeliis, in necessitatibus, in persecutionibus, in angustis pro Christo. cum enim infirmus, tunc potens sum. & quis ergo nos separabit a charitate Christi? tribulatio? an angustia? an fames? an nuditas? an periculum? an persecutio? an gladius? sicut scriptum est: Quia propter te mortificamur tota die, existimati sumus tanquam oues occisionis: sed in his omnibus superamus propter eum, qui dilexit nos.

**E**cce dies Domini venient, dicit Dominus; & diuidentur spolia tua in medio tui.

**R**ERVUM omnium, quæcunque à seculo suo ad Christi vsque & apostolorum tempora expectandæ essent, ordinem, consequentiam exitumq. omnem hætenus Vates est persecutus: nunc verò deinceps eam rerum partem describit, quæ ad nouissima tempora, hoc est, ad integram & plenam totius terrarum orbis mutationem pertinent. de quibus ab aliis etiam vaticiniis multa, à Christo verò & apostolis plurima prædicta scriptaque fuerunt, fore videlicet, vt Christiana ecclesia, quæ vera Ierusalè est, hostibus omnibus deuictis & dissipatis, pace vbique parta, expetitam diu sibi tranquillitatem, diuina gratia donisque aucta maximis, perpetuo sequatur: quibus verò rationibus, quæ ferè id efficiendum sit, quibusque signis obseruandum, certo atque consequenti ordine docet. imprimis autem rei ipsius euentum proponit, deinde acta, ex quibus euentus processurus fuerit, exponit. [*Ecce dies Domini veniet, Hebraicè; Ecce dies Domino veniet.*] cuiusmodi oratione non solum certum tempus indicatur, sed illustrissimū & præclarissimū atque adeo ad virtutis, dignitatis, sapientiæ & misericordiæ suæ exempla edenda singulariter constitutum: cuius tamen prima ratio misericordiam spectatura sit. ob eam namque rem arcanum nomen *Domini*, est appellatum. [*Et diuidentur spolia tua in medio tui.*] Quidquid ab hostibus cum apertis, tum maximè occultis Ierusalem ciuitati sanctæ per vim, dolum atque iniuriam detractum fuerit, restituendum tandem fore Vates confirmat; nempe virtutes, sapientiam, gratiam, spiritum, animorumque diuitias & facultates omnes, ceteraque ornamenta maxima omnia hæc ex diuina virtute & vindicatione ad legitimos possessores postliminio reditura esse prædicuntur. Omnis verò hæc ratio translata à bello & bellicis euentibus oratione describitur. quam, si ad simplicem verborum significationem interpretari placeret, facilis & aperta satis expositio sequeretur, ex antiquis temporum & rerum historiis nobis petita, quam aliàs fortasse indicabimus: nunc verò præcipuum Vatis & vaticinij argumentum persequi, explicataq. prius translatione exponere statuimus. Omnis igitur ratio arcana nobis hic erit, arcaniq. sermonis explicationibus tractanda, in quo Ierusalem ecclesiā Christi, hostes, infernam præcipuè potestatem & vim, atque huius satellites & administratos improbos homines, propugnaculum verò & defendentem diuinam naturam, virtutem & efficientiam interpretamur. Vt igitur vrbs alicuius expugnatoribus, per summum aliquem & strenuissimum ducem deuictis, præda omnis, quæ ab illis acta fuerat, rursus recepta antiquis dominis diuidenda restituitur, sicut ab Abrahamo cum Sodomorum & Gomorrhæorum populis liberalissimè actum est: ita etiā spolia omnia à Deo victore & vindice Christianæ ecclesiæ hominibus restituenda ac singulis sua diuidenda esse dicuntur. atque hæc totius agendæ rei propositio est, cuius expediendæ ratio deinceps subiungitur.

*Et congregabo omnes gentes ad Ierusalem in prælium, & capietur ciuitas, & vastabuntur domus, & mulieres violabuntur: & egredietur media pars ciuitatis in captiuitatem, & reliquum populi non auferetur ex urbe.*

**Q**UID QUID detrimenti, damni ac mali Christiano populo, tum à gentibus & Iudeis, tum verò ab Ismaëlitis Machiometo seductore illarum hætenus est, diuino permisso ad bonorum probationem, improborum verò patefactionem & animaduersionem accidisse, ex hoc vaticinio intelligimus. Primum namque idololatræ gentes vario in ecclesiam impetu facto vehementer sauerunt, à qua iniuria neque Iudeorum natio abstinuit, deinde hæretici pluri ad nostram vsque tempestatem extiterunt, qui grauissimum detrimentum Christianæ reipublicæ importarent: inter quos nefaria illa Ismaëlitæ secta fuit, quæ tum vi & armis, tum legibus & institutis nocentissimis, magnam etiam Christianorum partem abduxit, non modò imbecillis & timidis animis fraude & dolo callidæque doctrinæ ratione delusis, sed prophana connubiorum ratione excogitata, quæ libera ducendarum vxorum licentia & prolem multiplicem auget, & libidini, ad quam hominum ingenium procliuè est, laxas habenas remitteret. Quibus ex rebus omnibus effectum est, vt dimidia Christiani populi parte relicta, hoc est, probata atque in fide officioque manente, dimidia altera, vel vi, vel metu, vel dolo & fraude in er-

rorem captiua raperetur. Quo in statu Christianæ res hæcenus etiam sunt, quarum tamen restitutio, quemadmodum expectanda sit, deinceps indicatur.

*Et egredietur Dominus, & praeliabitur contra Gentes illas: sicut praeliatus est in die certaminis.*

Exod. 14.  
& 15.

NEQUE enim tantam inferorum hostium & pessimorum hominum potentiam & vim vlla alia, quam diuina virtute superari & repelli posse putandum erat. quamobrem in perturbatissimis & difficillimis rebus suum vnicum præsidium spectandum præbere solet Deus, qui huius tantæ ruinæ restituendæ curam in sese recipit, eodem exemplo, quo desperata propemodum olim salute perturbatis Israelitis solus ipse sua virtute, nullis hominum, vel consiliis, vel opibus usus, ingentem & validissimum Ægyptiorum exercitum prorsus deleuit & perdidit: quo die sese cultorum suorum propugnatorem maximum & fortissimum, & ante prælij conflictum professus est, & post victoriam partem declarauit, sicut scriptum est: Dominus pugnavit pro vobis, & vos tacebitis. & Dominus quasi vir pugnator omnipotens nomen eius, &c. Fortitudo mea & laus mea Dominus, & factus est mihi in salutem. hic est certaminis dies, quem Vates noster indicat, Hebraicè sic descriptus: [*Sicut die prælii ipsummet in die commissi prælij.* Chaldaicè verò sic expositus: *Sicut die pugnare ipsum super mare rubrum.*] Hanc autem diuinæ virtutis efficientiam maximam atque spectabilem omnibusque manifestam fore figurato admirabilique sermone Vates renuntiat.

*Et stabunt pedes eius in die illa super Montem oliuarum, qui est contra Ierusalem ad Orientem: & scindetur Mons oliuarum ex media parte sui ad Orientem & ad Occidentem præruptu grandi valde, & separabitur medium montis ad Aquilonem, & medium eius ad Meridiem. Et fugietis ad vallem montium eorum, quoniam contingetur vallis montium vsque ad proximum: & fugietis sicut fugistis à facie terra motus in diebus Osie regis Iuda: & veniet Dominus Deus meus, omnesque sancti eius cum eo.*

VT SACRI sermonis ratio, pedes cætera descripta Deoque attributa membra efficientia magis, quam re ipsa interpretari: sic & hunc locum non ex verborum sono, sed ex significatione exponere docet. diuinæ virtutis robur pedes, quibus corpus firmari solet, significant. Mons verò oliuarum, qui est contra Ierusalem ad Orientem, eum statum, in quo res hominum futuræ sunt ante hanc, de qua loquimur, ecclesiæ instaurationem. namque oliuarum mons Ierosolymis terrenis ab Oriente adiacet, sed verborum ipsorum arcana interpretatio hoc modo sonat, [*Super prægnantem oliuarum, qui super faciem Ierusalem ab ante.*] Causam aliàs docuimus, quamobrem montibus nomen prægnantium impositum fuerit. ad faciem esse, idem est, quod præsentem atque conspicuum esse. ante & tempus significat, & eam mundi partem, vnde sol nobis oriri conspicitur: ita quæ verborum cortice velatur, sententia illa est, illum humanarum rerum statum, qui aduersus ecclesiam illo tempore futurus erat, virtutis diuinæ firmitudine & robore ita discutendum esse, vt veri hostes à veris & studiosis pietatis cultoribus longo interuallo seiundi dignoscantur, atque hi etiam omnibus veræ felicitatis rationibus, omnis dignitatis veræ nominibus affecti & donis illustrati, illi verò longè inferiores relinquantur, vtpote cum hi ad Orientem & florentem semper statum, illi verò ad Occasum pertinere dicantur. quo præruptu longè alij ab aliis determinandi sunt, atque deinde alij ad Aquilonem, qui Hebraicè absconsionem & protectionem significat, alij verò ad meridiem, qui æstus & ariditatis instar habet, spectabunt. namq. MIZRAHH ortui & vinditati, IAMMA morti, SZAPHON absconsioni & protectioni, NEGBE ariditati proxima nomina sunt: quibus quatuor orbis partes appellantur. atque in hac rerum & status diuisione maximam vtriusque partis studiosorum trepidationem fore Vates enuntiat. ij namque, qui infirmiores erunt, & minus aperte vel probi vel improbi, ad mediam vallem, quæ vtrumque montem ita diuidit, vt tangat etiam, confugient, vtriusvis partis exitum expectantes. huius autem fugæ exemplum ex notissima illis seculis historia petitur, terræ motus in die-

in diebus Oſie regis Iuda facti biennio poſt Amos iſta uaticinium, eodemque anno, quo Iſa- Amos 1.  
ias propheticum munus obijt. allegitur autem hoc loco Vates ſua tempeſtatis homi-  
nes, ut prateritorum, ſic futurorum, etiam temporum & ſeculorum perſonam ſuſtinen-  
tes, idem namque humanum genus vnumque & ſpecie, & ratione, & definitione omni  
5 cenſetur, ut illud: Serui eramus Pharaonis in Egypto, & eduxit nos Dominus, &c. Ex Deut. 6.  
illo autem oliuarum monte, qui Ierofolymis proximus fuerat, Deum in ciuitatem illam  
ſancſtam peruenturum eſſe dicit, quem omnes ſancti & perfecti viri ab illaque vulgari &  
prophana conſuetudine ſeparati ſequantur: ita ut tanta Dei maiestate, tam illuſtri & ce-  
leſti ſanctorum frequentia ciuitas ipſa dignitatem amplitudinemque ſuam obtineat.  
10 atque hanc ſententiam Hebraica oratio indicat, [Et omnes ſancti tecum.] eſtque pronomen  
tecum femininum. Verum enimvero, ut diuinorum beneficiorum ratio apertior & illu-  
ſtrior conſtet, priorum hominum res in ſummas anguſtias primum adductas, in latiſſimū  
felicitatis campum reuocandas fore, allegoricos Vates docet.

15 *Et erit in die illa: non erit lux, ſed frigus & gelu.*

IN IPSA naturæ rerum contemplatione dies abſolute, non tempore, ſed claritate  
& luce; nox verò contrà, tenebris & obſcuritate definitur, ſicut ſcriptum eſt: Et lucem Geneſi 1.  
appellauit diem, & tenebras noctem. ita ut quæ dies nubilofa & obſcura ſolisque calore  
priuata ſit, non propriè dies, neque nox propriè dici poſſit: quales dies brumæ ſunt, in  
20 quibus pruinæ ac niues proferuntur. dies autem & lux arcano ſermone pacem & læti-  
tiam tranquillitatemque; nox verò contrà, metum, triftitiam & perturbationem ſigni-  
ficat, ut: Nox præceſſit, dies autem appropinquauit. illo igitur tempore, quo Deus ec- 1. Theſſ. 5.  
cleſiam ſuam inſtauraturus eſt, ob magnum vtriuſque partis conſlictum, duriores & an-  
guſtiores etiam bonis & piis videri potuerint res: quæ tamen illis optimum & illuſtriſſi-  
mum exitum habituræ ſint. id quod ſubiuncto etiam carmine explicatur.

25 *Et erit dies una (qua nota eſt Domino,) non dies neque nox, & in tempore  
veſperi erit lux.*

PRIMUM, inquit, tribulatio & preſſura præcedet, quæ tamen impios tantum, non  
30 item pios perdat: quos veſpertina tandem lux exſpectans latiſſimos excipiet. Hanc verò  
diem Domino notam & certam eſſe ait, qua ſuperatis & reiectis atque diſſipatis om-  
nium errorum, ſectarum & peccatorum tenebris, perpetua quædam lux tandem, nulla  
amplius obſcuritate occupanda, ſuccedat, ita ut quo tempore aliàs veſper eſſe ſolebat, ta-  
men lux iam de cætero futura perpetuò ſit. de qua luce ſpiritali multa à vaticibus omni-  
35 bus & ab apoſtolis pluriſima prædicantur, ut: Abiciamus opera tenebrarum, & induamur, Rom. 13.  
arma lucis, & quali in die honeſtè ambulemus. Beatum verò atque omnibus veris bo-  
nis & copiis affluentem perpetua diuini ſpiritus gratia auctum eccleſiæ ſtatum fore de-  
inceps Vates prædicit.

40 *Et erit in die illa: exhibunt aquæ viuæ de Ieruſalem: medium earum ad  
mare Orientale, & medium earum ad mare nouiſſimum: in æſtate, &  
in hyeme erunt.*

PERPETVAM & copioſam ſancti ſpiritus affluentiam & gratiam, quam diuino be-  
neficio ex Chriſti ſeruatoris morte & reſurrectione ſacroſancta atque catholica eccle-  
45 ſia conſecutura erat, multi ex vaticibus præuidentes, aquarum, fontium fluuiorumque no-  
minibus ſignificauit. ſic Ioël: Et fons de domo Domini egredietur, & irrigabit torren- 3.  
tem ſpinarum. ſic Ezechiel: Et ecce aquæ redundantes à latere dextro, &c. Et hic idem 47  
Vates ſuperius: In die illa erit fons patens domui Dauid, &c. huius verò diuinæ aque be- 3.  
neficio omni eccleſiæ commune, ad extremas uſque orbis partes deferendum eſſe,  
50 tum ipſa affluentia, tum locorum apud vates deſcriptio ſignificat. [Medium earum ad mare  
Orientale.] Oceanum orientalem, quo terra ab ortu ambitur, ut nouiſſimum mare, extre-  
mum Oceanum, quod tadem ab occaſu ſoluentibus nauigari poteſt, exponimus. peren-  
nes verò & inexhauſtas ſemperque abundantes aquas fore ex eo, quod ſubiunctum eſt,  
ostenditur. [In æſtate, & in hyeme erunt.] namque verbum, erunt, affirmatiuè additum, om-  
55 nem mutationem atque defectum excludit. duobus namque anni tēporibus aquarum  
defluxus vel minui, vel ſiſti ſolet, æſtate propter nimium ſolis abſumentis feruorem,  
FF 4 hyeme



hyeme propter immodicum frigus, quo aqua in glaciem coguntur: ita igitur nullis vel immodicis afflictionum aestibus, vel rerum pressuris & angustiis aquam illam atque diuini spiritus gratiam & manifestam prouidentiam ecclesiae vniuersae defuturam Vates ait. Hæc verò omnia ad perpetuam & veram sapientiae diuinæ disciplinam Chaldaeus paraphraestes non aliena à nostris definitionibus sententia retulit, sicut scriptum est: De Sion exhibet lex, & verbum Domini de Ierusalem. magnum verò omnium gentium de religione consensum, & commune pietatis & veri cultus studium porro fore confirmat Vates: quod ij, qui infirmiores fuerint, & minus antea veræ pietatis rationes tenuerint, sanctissimæ partis exemplo & admiratione ad eandem omnino de Deo diuinisq; rebus sententiam traducantur.

*Et erit Deus rex super omnem terram: in die illa erit Deus vnus, & erit nomen eius vnum.*

CERTAM carminis huius sententiam Chaldaeus paraphraestes breuiter exponit. [Et reuelabitur regnum Dei super omnes habitatores terræ: in tempore illo seruiant coram Domino humero vno, quoniam nomen eius firmabitur in seculo, & non prater ipsum.] Itaque vnum verum Deum, vnamque diuinam naturam publicè ab omnibus cognoscendam, diligendā, atque communianimorum & sententiarum consensu ac pietatis studio colendam tunc fore, cum gentes omnes in vnum ouile redactæ vnicum pastorem Christum secutæ supremum Dei nomen in iustitia, sanctitate & veritate sanctificent, regniq; celestis participes omnes fiant. Quanta verò quamque expetenda res hæc sit, Christus apertè docuit, qui nostrarum ad Deum supplicationum argumentum primum atque maximum hoc esse voluit. Sic, inquit, orabit, Pater noster qui es in calis, sanctificetur nomen tuum: adueniat regnum tuum, &c. atque hoc maximum & præstantissimum mysterium iam inde à prima nascentis ecclesiae etate coeptum, quanquam temporibus nostris inter tot tantasque errorum & sectarum nebulas minus perspicuum sit, futurum tamē est, vt plenè absoluat, aperteque omnibus pateat, vt adimpleatur quod per hunc aliosque prophetas scriptum est: Quia tunc reddam populis labium electum, vt inuocent omnes in nomine Domini, & seruiant ei humero vno, &c. quod verò de vnico Dei nomine hic indicatur, ad veritatem Christi cognoscendam pertinet, in quo sunt omnes thesauri sapientiae & scientiae Dei: quem qui videt, videt & patrem, atque virtutem nominis illius arcani experitur, quod nemini mortalium sine diuina reuelatione satis vnquam, aut notum, aut explicatum fuit. At verò Ierosolymam urbem illam, de qua sermo institutus nobis est, tum locorum dilatatione, tum etiam populi celebritate & frequentia longè lateque propugnandam atque situs elegantia conspicuam omnino fore hic Vates cum aliis præcinit.

*Et reuertetur omnis terra vsque ad desertum, de colle Remmor ad Austrum Ierusalem: & exaltabitur, & habitabit in loco suo, à porta Benjamin vsque ad locum portæ prioris, vsque ad portam angulorum: & à turre Hanneel vsque ad torcularia regis.*

IEROSOLYMAM antiquam urbem in edito loco sitam fuisse ex sacra typographia didicimus. Fundamenta eius in montibus sanctis, &c. eius verò, quanquam altioris, prospectum circumiacentes montes non parum impediabant, sicut scriptum est: Montes in circuitu eius. ex qua re illud eueniebat, vt neque ita latè extensa, neque cōspicua esse posset. at verò rebus ecclesiae ad summum gradum adductis, illud etiam ex diuinæ virtutis efficientia accessurum vates cecinerunt, vt omni obice remoto, omni difficultate emollita, huius sacrae ciuitatis prospectus longè lateque pateat, & situs etiam ab illis antiquis veteris Ierosolymæ angustiis productus & dilatatus, nullis aliis, quàm orbis terminis definiatur. [Et reuertetur omnis terra vsque ad desertum.] Hebraicè est, *Reuertetur omnis terra in Gharaba*. Est autem GHARABA multiplex nomen: significat enim mixtionem, dulcedinem, planitiem & desertum. atque ita nullum alium montem, nullum doctrinae alienæ, aut vanæ sapientiae, vel inutilis religionis cultum fore Vates ait, cuius obiectu Christianæ & Catholicæ ecclesiae prospectui atque amplitudini quicquam detrahatur, sicut aliàs etiam eadem translationis ratione scriptum extat: Et erit in nouissimis diebus præparatus mons

mons domus Domini in vertice montium, & eleuabitur supercolles; & fluent ad eum, omnes gentes. id quod Isaias montis eleuandi imagine descripserat, Zacharias totius, terra deprimenda & complananda similitudine significauit. vtrumque verò Ioannes Baptista complexus dicit: Omnis mōs & collis humiliabitur, & omnis collis implebitur, & videbit omnis caro pariter salutare Dei. hoc itaque est mitescere, dulcescere, complanari, desertumque fieri, atque campestre, vt sic dicamus, reddi. [De colle Remmon ad Austrum Ierusalem.] Septentrionalem & meridiālem plagam hoc loco Vates indicat, si Hebraeorum verborum vis & notatio apte obseruetur. ad verbum namque sic oratio redditur. [Ab altitudine Remmon ad Austrum Ierusalem.] namque in terrā vniuersali situ borealis pars altior describitur, quod montes frequentiores atque editiores habeat. eam autem partem collem siue altitudinem Vates dixit: quam vt apertius indicaret, loci ad septentrionem siti nomine adiuncto annotauit. est enim Remmon scopulosus & saxosus in Beniamin tribu mons antiquo Beniaminitarum presidio celebris, vt scriptum est: Quod cum vidissent, qui remanserant de Beniamin, fugerunt in solitudinem, & pergebant ad petram, cuius vocabulum est Remmon, &c. Beniamini verò tribum ad septentrionem Ierosolymis adiacere ex sacra geographia cognouimus. ipsum præterea nomen Remmon, & malum granatum, & altitudinem etiam significat: atque ita factum est, vt dum Vates de libera illa Ierusalem sermonem instituit, verba, nomina resque inueniret, quæ cum terrenæ Ierosolymæ conuenirent, arcana etiam significatione ad illam alteram referri apte possent. [Et exaltabitur.] iis quibus antea ambiebat, collibus depressis, eam solam exaltatam & conspicuam relictū iri consequitur. [Et habitabit in loco suo.] Hebraica hæc phrasis quietam, liberam atque omnibus commoditatibus auctam habitationem, eandemque perpetuam, significat. Hebraicè ad verbum dicitur. [Et habitabit subtus se:] hoc est locum omnē suum commodissimè tenebit. huius dicendi modi frequens in sacris sermonibus vsus est, vt: Stemus in loco nostro: & illud: Maneat quisque apud semetipsum, & nullus egrediatur de loco suo die sabbathi. [A porta Beniamin.] Beniamin, filius dextræ arcanè significat, atque dexteram orbis terre partem nobis indicat, vt porta prior siue prima orientem. namque portæ nomen Hebraicum, cogitationem & mensuram latine significat. duobus autem modis orbem terræ geometræ metiuntur, longitudine & latitudine. [vsque ad portam angulorum.] Mensuram angulorum arcticum, antarcticum polos, in quibus circuli omnes, quibus orbem secundum longitudinem metimur, concurrentes angulos constituunt innumerabiles. deinde verò [A turre Hananeel vsque ad torcularia regis.] Terram omnem, quacunque patet, ad ambientem oceanum vsque interpretamur. Hebraicè sic locus habet, [Et turris Hananal vsque, &c.] ita vt turrim Hananeel omnem habitandam esse indicet vsque ad torcularia regis. quæ tametsi certa apud Ierosolymam olim loca fuerint, significatione tamen arcana ad nostrā rationem transferuntur. Est autem nomen turri Hebraicum מִגְדָּאֵל, quod magnitudinem siue magnificationem significat. Hananeel verò Dei condonationem atque misericordiā ad verbum sonat. Est igitur huiusmodi loci interpretatio, Dei misericordiæ & condonationis magnitudinem omni terræ, quacunque orbis patet, ad torcularia regia vsque fore impertientiam. atque hoc pacto Ierosolymæ huius, de qua loquimur, situm longè lateque dilatandum, & hic Vates, & alij prædixerunt, eandemque Ieremias iisdem ferè verbis est persecutus, quam non tam ex vulgata, quam ex arcana vocū significatione interpretari oportere, antiqui etiam Hebræi docuerunt: quibus noua quædam Ierusalem, quæ totum orbem occuparet, futura credita expectataque fuit. Cæterum perpetuam deinceps ecclesiæ & securitatem & tranquillitatem extremis iam periculis & difficultatibus superatis, piam etiam & æternam pacem sacra omnia oracula promittunt.

Hebræi expositores in Midras Agg. ra.

Et habitabunt in ea, & anathema non erit amplius: sed sedebit Ierusalem secunda.

OMNI non solum externo & alienæ factionis & superstitiosæ ac vanæ religionis metu, sed domesticæ etiam seditionis, sectarum & improbi ac nefarii dogmatis suspicionem alienam & liberam ecclesiam fore aperte significat his verbis: [Et habitabunt in ea, & anathema non erit amplius.] Quoniam verò salus, securitas atque libertas summa hætenus ecclesiæ promissa aperte erat, sed quisnam tantorum, tamque immānium hostium

hostium exitus futurus esset, nondum fuerat satis explicatum; ei quoque parti prædicando satisfacit Vates, ostenditque magnam illis paratam esse ultionem, quam qui euaserint, planè diuinam agnoscentes sacræ & puræ religioni, & veræ Christianæ pietatis se totos dedant, magnam & salutarem in se Dei virtutem, si id fecerint, sin minus, magnâ iram & vim experturi.

*Et hæc erit plaga, qua percutiet Dominus omnes gentes, quæ pugnauerunt aduersus Ierusalem, Tabescet caro uniuscuiusque stantis super pedes suos, & oculi eius contabescunt in foraminibus suis, & lingua eorum contabescet in ore suo.*

Hippocrat.  
de præfagiis,  
lib. I. c. I.

OMNIA hæc per translationem dicta primum ad verbum, deinde ad sententiâ explicanda sunt. Igitur Ierusalem infestis antea hostes, qui ingenti robore, potentia vique valere visi fuerant, summa infirmitate debilitateque fore subito afficiendos ait; ita ut videntes sentientesque ante se perire cognoscant, quam prospicere & cauere exitum possint. planè enim hæc omnia signa, quæ à Vate indicata sunt, certam mortis prænotationem ac prædictionem medicis faciunt, maximè cum subito in aliquo homine, & non ex manifesta vel nimia purgationis vel vigiliarum causa accidisse visa fuerint. est enim hoc primum ab Hippocrate indicatum mortis iudicium. [*Tabescet caro uniuscuiusque stantis supra pedes suos.*] Subito, inquit, nullius antea morbi debilitatione aut vi, neque longa valetudine in lecto decumbentis, sed valentis & stantis caro contabescet, oculique caui & ad videndum imbecilli reddentur, neque linguæ suus vsus erit nervis & musculis omnibus debilitatis. atque hac figura debilitationisque imagine expressa humanam potentiâ, sapientiam, dolum, calliditatem & eloquentiam, quibus ecclesiæ hostes aduersus Christianam simplicitatem valere se plurimum putauerat, fractum, comminutum, debilitatum ac tandem perditum iri Vates ostendit. Magnam verò in ipsis confusionem perturbationemque edendam fore docet, ut dum quis alterius auxilium petere studuerit, ab aliena voluntate & apertas experiatur inimicitias.

*In die illa erit tumultus Domini magnus in eis: & apprehendet vir manum proximi sui, & conseretur manus eius super manum proximi sui.*

PRO mutuo auxilio mutuum periculum ecclesiæ hostibus denuntiatur, tantaque animorum perturbatio futura dicitur, ut cum quis propriæ debilitatis & infirmitatis fulcien-  
dæ causa alterius manum apprehenderit, infestam sibi ex nimia suspicionis perturbatione sentiat. id autem solenne semper Christianæ veritatis aduersariis & detractoribus fuit, ut cum separati minus ad repugnandum se posse intelligerent, quanquam aliâs opinione & studio dissidentes, tamen aduersus Dominum & aduersus Christum eius mutuo auxilio copias cõiungerent. sic Pharisei & Sadducæi apud Iudæos: sic apud gætes Epicurei & stoici agebant. sic omnes denique gentes, sectæ & factiones, quæcunque Christianam veritatem & simplicitatem oppugnare contenderint: quorum tamen non solum potentiam, sed consilia artesque omnes irritas & inutiles, imò sibi ipsis mutuo infestas tunc fore, Vates ait, cum absolutam plenamque gratiam & salutem ecclesiæ suæ Deus est allaturus. neque verò illa tempestate gentes & sectas vanorumque cultuum studiosos modò, sed Iudæorum etiam non modicam partem hostilem aduersus ecclesiâ animum & conatum paraturos esse dicit: quos tamen omnes Deus spiritu oris sui, & evangelica virtute superatos partim delebit, partim reprimet, & ad deditionem coget.

*Sed & Iuda pugnabit aduersus Ierusalem, & congregabuntur diuitie omnium gentium in circuitu, aurum & argentum, & vestes multe satis.*

CÆTERÆ gentes errore, superstitione obscuris & falsis de diuina natura opinionibus armatæ aduersus ecclesiâ contendere solent: Iudæi verò domestici magis hostes & periculosi habentur, qui paribus, ut videtur, & simillimis armis, hoc est, sacrarum scripturarum auctoritate, Christianam veritatem oppugnare conantur: quorum tamen vanos & irritos conatus fuisse exitus ipse arguet. nam quidquid in illorû libris boni veri-  
atque certi fuerit, id non illis, sed Christianæ ecclesiæ in vsum cedit: propter quam, quæcunque scripta à spiritu sancto sunt, scripta fuisse manifestè probabitur; siquid præterea apud aliàs gentes erit, quod ad veram sapientiam atque probatam virtutem referri possit, id liberali causa manu assertum ad ecclesiâ Christianam postliminio reditum esse

esse confirmat. sunt autem aurum, argentum & vestes verorum bonorum, ut sapientia & scientia atque virtutum ceterorumque diuinorum donorum, quæ à patre luminum descendent symbola, ut: Suadebo tibi emere à me aurum ignitum probatum, ut locuples fias, „ Apostol. 3. & vestimentis albis induaris, &c. Id verò, quod superius dictum fuerat de restituendis „ Ierusalem spoliis, [Et diuidemur spolia tua in medio tui, &c.] nunc expositione explicatur, Aurum argentum, & vestes multa satis, siue ut Hebraice est, ad multum valde,] ut copia hæc ad aurum, argentum vestemque referatur. Quidquid igitur veri & perfecti boni apud hostes fuerit, ut proprium ecclesiæ restituendum esse ait: cetera verò, quæ hostium ipsorum esse deprehenduntur, quibusque illi maxime niterentur & fiderent, ut ecclesiæ superuacanea, imò inutilia prorsus damnatum excisumque iri dicuntur: cuiusmodi potentia vis, fraus, dolus, temeritas & stultitia, ceteraque hominum aduersus veritatem & simplicitatem præsidia sunt.

Et sic erit ruina equi, & muli, & cameli, & asini, & omnium iumentorum, quæ fuerint in castris illis, sicut ruina hæc.

EXORVM, mulorum ceterorumque iumentorum, quæ ad belli usum valere putantur, mentio in hoc loco propterea facta est, quòd ad spoliis & prædæ rationem hæc genera etiam referri soleat: quæ tamē ut inutilia cum suis Dominis excisum perditumque in Vates ait. [Sicut ruina hæc.] Illam dominorum ruinam subitam, quam paulo antè descripsit, indicat à Deo ipso mirabiliter edendam, qua omnis hominum aduersariorum potentia & ars, omnisque inferni hostis excogitatio irrita fiat. neque verò horum iumentorum interitus cum dominorum plaga commemoratus est, quòd is locus opportunus non esset; quippe cum hæc genera non ad victoriæ, sed ad spoliis & prædæ rationem pertinent. porro equum, mulum, camelum & asinum ac cetera, quæ in hominum castris expetuntur, iumenta vitæ magis, quam virtutis rationem arcano sermone obtinere, in nostris de ea re præceptis abunde, si Deus concesserit, docebimus, ubi equo superbia & vis, mulo dolus & fraus, camelo temeritas, asino stultitia & conatus tribuitur. Hanc verò diuinam de vniuersis ecclesiæ, euangelique hostibus, aduersariis & obrectatoribus, deque eorum potentia & sapientia, artibusque ceteris partâ victoriâ, certa & perpetua eorum, qui reliqui fuerint, deditio & fides consecutura à vatibus hoc modo enuntiatur.

Et omnes, qui reliqui fuerint de vniuersis gentibus, quæ venerunt contra Ierusalem, ascendent ab anno in annum, ut adorent regem Dominum exercituum, & celebrent festiuitatem tabernaculorum.

FESTORVM dierum celebratio legitima publicam accepti diuinitus beneficii professionem & commemorationem continet, sicut scriptum est: Habebitis autem hunc diem in monumentum, & celebrabitis, &c. Omnium igitur gentium quæ illa tempestate reliquæ fuerint, animos tantarum Dei virtutum magnitudine & euangelice veritatis certa & manifesta obseruatione permotos veræ vnicæque Christianæ religioni sponte iam & summo studio addictum atque in suam ipsorum salutem ascriptum iri Vates confirmat, ita ut tanti beneficii memoria instituti annui festi celebratione publice ab omnibus communi consilio replicanda sit. Causam verò, quam obrem tabernaculorum potius, quam aliud festum ex antiquis ab huiusmodi deditis & Deo additis gentibus colendum indicatum fuerit, illam esse arbitramur, quòd tabernaculorum festum variæ olim & incertæ ac peregrinæ prorsus vitæ quam Israëlita, antequam in promissas patriæ sedes deducti essent, degerunt, solennem recordationem repetebat, sicut scriptum est: Ut discant posteri vestri quòd in tabernaculis habitare feci filios Israel, cum educares eos de terra Egypti. Simili verò omnino antea variis opinionum, „ superstitionum, sectarum aliorumque errorum generibus vitæ monumento gentibus ad „ veritatem reuocatis diuinum erga se beneficium celebrandum communi & solenni in ecclesiâ conuentu facto. [Ascendent de anno in annum, ut adorent regem Dominum exercituum.] Nulla oratione ex iis, quibus Vates arcanè alias loquentes vtuntur, regnum Dei apertius indicari potuit. cuius rex Christus est sedens ad dexteram patris caput ecclesiæ constitutus caputque ipse suum Deum patrem habens, à quo omnium rerum hominum, „ tum amicorum, tum inimicorum dominatum accepturus esse omnium vatum oraculis, aut



aut aperte, aut arcane dictus est. nomen verò *Domini* misericordiam, vt alias diximus, indicat; *Exercituum* autem cognomen virtutem, qua subicere sibi omnia possit, interpretati sæpe sumus: illa enim virtute maxima sese ac ceteros similibus errorum quoniamnes vltio fatendo, quòd ad tantam salutem atque dignitatem peruenierint, diuinam misericordiam acceptum ferentes profitebuntur. [*Regem Dominum exercituum*], sic ita, vt Latine vt Hebraici sermonis diligens observatio indicat, [*Regem Domini*], dicamus, aperta etiam sententia est: quæ Christum Domini significat, regem regum & dominantium Domini à Deo patre constitutum, sicut scriptum est: Ego autem constitutus sum rex ab eo super Sion. motem sanctum eius, prædicans præceptum eius. Dominus dixit ad me, Filius meus es tu, ego hodie genui te, &c. Hebraice sic locus habet: Ego autem constitui regem meum super Sion, &c. Verum enimvero adeo certam, simplicem atque omni ex parte solidam hanc religionis veræ communionem omnibus gentibus fore Vates declarat, vt præter eam nulla alia ad Dei gratiam consequendam atque retinendam ratio constet. quicunque enim huius ecclesiæ communicationis expertes permanerint, præter omnium commodissimarum rerum defectum, magnam etiam Dei in se vltionem, & vim experiri cogentur.

*Et erit qui non ascenderit de familiis terræ ad Ierusalem, vt adorent regem Dominum exercituum, non erit super eos imber.*

INTER præcipua & frequentissima diuinæ prouidentiae argumenta pluuiarum imbriumque natura & commoditas in sacris libris enumeratur; vtpote quæ tum opportunitate, tum vtilitate sua vel rusticissimum quemque diuinorum beneficiorum adfectione, sicut scriptum est: Præcinite Domino in confessione, psallite Deo nostro in Cithara: Qui operit calum nubibus, & parat terræ pluuiam. namque & ceteris, quæ ex cælo in terram deferuntur, commoditatibus, vt lumine, calore & aliis, quæcumque huiusmodi assidue perpetuæque sunt, quanquam omni ex parte admirandis, tardiora tamé ingenia & obscuriores hominum quorundam sensus minus ad contemplationem excitantur; vtpote quæ iam inde à principio, ex quo semel incœpère, cum nunquam defecerint, naturæ suæ vim perpetuam tueri & conseruare magis, quam rectoris & principis cui uspiam consilio atque imperio parere nonnullis videntur, neque, vt deficient, fieri posse, quæ nunquam defecisse visa fuerint, creduntur. quæ res quosdam stultè magis, quam verè acutè philosophantes, in eam sententiam adduxit, vt mundi aternitatem asserentes omnia naturæ & necessitati, non autem diuino consilio & voluntati arbitrioque tribueret: cum tamen illud verissimum sit, perpetuam hanc motuum, actionum, officiorum atque vtilitatum constantiam & concordiam non rerum ipsarum necessaria ratione, sed conditoris iussu atque institutione seruari, sicut scriptum est: Ipse dixit, & facta sunt, ipse madauit & creata sunt: statuit ea in æternum & in seculum seculi: præceptum posuit, & non præteribit. at verò ex eorum, quæ in sublimi sunt, maximè autem in pluuiarum & imbrium ratione consideranda, nouum quotidie prouidentie & diuini consilij ac præsentis voluntatis nascitur argumentum, cum earum rerum vsus neque perpetuitate, neque temeritate, sed oportunitate atque vtilitate euidenti omnibusque aperta hominibus definiatur. quamobrem scriptum de hoc genere est: Ignis, grando, nix, glacies, spiritus procellarum, quæ faciunt verbum eius. vt hæc non tam præceptum aliquod antiquum seruare, quam nouum semper & opportunum mandatum exequi videantur. atque pluuiæ (quas in hoc genere omni vtilissimas esse constat) diuinæ prouidentiae numen singularibus apertisque argumentis magis etiam declarant, in his enim discrimen quoddam esse obseruarique Deus voluit, videlicet, vt singulis terræ partibus ad loci & situs naturam & vsum quam commodissimè pluat; maximè autem Israëliti regiōi certos & opportunissimos temporaneus & serotinus dictos imbres effluere olim curabat, sicut scriptum est: Qui dat pluuiam super faciem terræ: & irrigat aquis vniuersa. quo in loco commodam & opportunam pluuiarum copiam à Deo terræ fieri, verbum dare significat, & singularem atque priuatam pro cuiusque regionis natura prouidentiam altera orationis pars docet, irrigat, inquit, aquis, vniuersa, siue ex Hebraico ad verbum, mittens aquas super facies externorum siue exceptorum [locorum] vbi verbum mittens & externorum nomen ea, quæ

quæ à nobis annotata sunt, indicant. Eius igitur, qui Ierosolymam ciuitatem sanctam, supplicandi causa, petere neglexerint, ut diuina prospicientia & tutela indignis, præter iminentem & communem impiis omnibus vitionem, aquarum penuriam Vates, ut poenarum etiam partem, denuntiat, hoc est, neglectiorem erga se Dei: qua ad certam & celerem perditionem expectandam, nihil hominibus accidere potest infelicius. atque ut ad eam, quam habet germanam sententiam oratio explicetur, his omnibus, qui ab ecclesiæ huius, de qua sermo est, catholicæ ratione & communione sese abalienauerint, diuinæ gratiæ usum auferendum esse significat; sine quo humana natura nullos veræ ac sincere pietatis Deo gratos fructus gignere potest, sicut scriptum est: Etenim Dominus dabit benignitatem, & terra nostra dabit fructum suum. atque hæc ratio eos cōcernit, qui post agnitam veritatem acceptum quæ sanctum mandatum, post gustatum bonum Dei verbum virtutemque sæculi venturi prolapsi rursus sunt; quos per poenitentiam renouari impossibile esse, & Pauli, & Petri apostolorum sententia definitum est. de quo horrendo Dei iudicio nobis alias commodior differendi dabitur, ut spero; locus: Ut verò Vates eam, quam denuntiauerat, aquarum penuriam & pluuiarum defectum non simplici, sed arcana ratione explicandam atque definiendam esse doceret, Ægyptios etiam, si idem peccauerint, eidem poenæ obnoxios fore confirmat: cum tamen illorum regioni pluuiarum usus non modo superuacaneus, sed inutilis etiam sit; utpote quæ Nili inundationibus oportune irrigata, nullas vnquam ex celo pluuias desideret.

Psalm. 84.

*Quod si familia Ægypti non ascenderit, & non venerit: nec super eos erit, sed erit ruina, qua percutiet Dominus omnes gentes, quæ non ascenderint ad celebrandam festiuitatem tabernaculorum.*

ÆGYPTI terræ fecunditatem & fertilitatem Nilus efficit, amnium in nostrum mare permeantium maximis & celeberrimis: cuius commodas inundationes summa annonæ vilitas, incommodas vero ac deficientes summa rei frumentariæ inopia & caritas consequitur, sicut scriptum est: Putabat se stare super fluuium, de quo ascenderant septem boues pulchræ & crassæ nimis, & pascebantur in locis palustribus, aliæ quoque septem emergebant de flumine fædæ confectæque macie & pascebantur in ipsa amnis ripa in locis videntibus, &c. Quo in loco fertiles & steriles annos ex flumine extare Iosepho iusto interprete cognouimus. verum enimvero Ægyptios, quanquam soli cæli quæratione & usu præ cæteris orbis nationibus singulari pluuiis non indigentes, simul tamen cum aliis negligentia & contemptionis reos factos à poenæ etiam communione excipiendos non esse Vates confirmat, quod plaga hæc pluuiarum subtractio, non terram, sed homines afflictura atque oppressura sit. Ut autem eadem omnium hominum generi natura est, neque solo loco, sed moribus magis & vitio atque virtute alij ab aliis distinguuntur: sic euenturum esse dicitur, ut communis poenâ ad eiusdem criminis participes; vbicunque terrarum fuerint, perueniant. hæc itaque huius loci sententia est. quanquam enim, inquit Ægypti familia pluuiis ad annonæ spem non indigeat, attamen, si non ascenderit, & non venerit ad solennem & legitimum Dei seruatoris cultum, super eos nequiquam erit pluuiæ illa cælestis, quam spiritu non litera definire oportuerit; utpote cum plaga hæc non terris & agris, verum hominibus ipsis iniicienda est. [Sed erit, inquit, ruina omnium gentium.]

Genes. 41.

*Hoc erit peccatum Ægypti, & hoc peccatum omnium gentium, quæ non ascenderint ad celebrandam festiuitatem tabernaculorum.*

COMMUNE omnium gentium negligentia & ingrati animi crimen communi supplicio vindicandum fore ait, ita ut peccatum hoc loco & vitium ipsum, & poenam vitio propositam interpretemur. atque ita Chaldaus paraphrastes reddit: [Hæc erit retributio Ægypti.] Est autem propriè ΗΗΑΤΑ, quod interpretes noster peccatum vertit, latine culpam & culpæ obligationem dicimus. atque hoc nominis obseruata significatio eorum hominum, qui ab ecclesiâ descuerint, grauissimam culpam & poenam fore docet, ita ut culpa ipsa poenæ pars etiam sit. qua de re in excacationis argumento explicando oportuna disputatio est.

*In die illa erit, quod super frenum equi est sanctum Domino: & erunt lebetes in domo Domini quasi phiala coram altari. & erit omnis lebes in Ierusalem & in Iuda sanctificatus Domino exercituum: & venient omnes immolantes, & sument ex eis, & coquent in eis: & non erit mercator ultrà in domo Domini exercituum in die illo.*

PLENUM atque integrum sacri & legitimi cultus ac diuinarum laudum studium omnibus illius ætatis hominibus, qui in ecclesiæ calorūque regnum & societatem ascripti fuerint, arcana hæc oratio prædicendo significat; quippe non verbis & actionibus modò, sed omni etiam externo cultu & habitu sese Deo dicatos & consecratos homines illi pij professuri esse dicuntur, ita ut res suas omnes & iumenta etiam, quibus utentur, ab omni alio consilio ad pietatis usum exercitationemque translaturi sint. huius sententiæ ratio ut ex verborum expositione constet, explicanda nobis primum translatio est, verbis ipsis ad Hebraici sermonis normam expositis. [*In die illa erit quod super frenum equi est sanctum Domino.* Hebraicè, *Erit super MESILOTH sanctum Domino.*] Equorum frenis phaleras aliaque ornamenta, tum ad splendorem, tum ad voluptatem, interdum etiam ad belli aut itineris usum addi, antiquum & vetus omnibusque ferè gentibus, quæ equis utuntur, solenne est. in hoc autem genere tintinabula quædam sunt ab aliis atque aliis aliter confecta, quæ equorum fronti aut collo appensa crepitum & sonum non ingratum fundunt: quo tum equis ipsis, tum sessoribus viæ labor leuatur, & animi ad agendum alacriores redduntur. sed quoniam equi ad bellum atque ad itinera parari solent, huiusmodi ornamenta ad eas etiam res aptantur. Omnem igitur equorum apparatus non ad alium, quàm ad pietatis usum petendum esse Vates ait. namque ut gentes illas quotannis Ierosolymam ad tabernaculorum festum celebrandum venturas dixerat, sic ad illud iter omnia paranda fore subiungit, ut pij studij & consilij argumento esse possint: atque in ipsis frenorum ornamentis & tintinabulis eius rei professio inscripta sit; nempe huiusmodi inscriptione olim rituali & solenni, [*sanctum Domino:*] adeo ut non hominum solum voces & cantus diuinas laudes inter eundem celebrent, sed & equorum tintinabula & phalerae his etiam assonent. atque hoc modo omne harum gentium consiliū, studium, otium & negotium in pietate exercenda & colenda ponendū esse dicitur. præterea eum cultum non vnius Ierosolymitani templi angustiis definiri oportere docemur, sed omnibus in locis & partibus, quacunque Ierosolyma & Iuda, hoc est, fidei & pietatis veræ confessio & professio pertinuerit, propagandum esse, maximamque omnibus spiritualium beneficiorum & lætitiæ, gratissimamque rerum suarum inter se communionem fore. [*Et erunt lebetes in domo Domini quasi phiala coram altari.*] Multa & frequentia sacrificia ab illis gentibus assidue celebranda, maximè quæ ad gratias, laudes ac supplicationes pro accepto beneficio pertineant: hæc lebetum copia, quam describit Vates, significat: namque in tabernaculorum festo hoc genere epularum sacrarum publica omnium lætitia & carminibus sacris cantandis celebrabatur. ad quam imaginem hæc omnia relata spiritualiter intelligenda explicandaque sunt: id quod locus ipse docet, dum non priuatam aliquam tribum, non familiam quandam, aut certam vrbis partem huiusmodi sacris faciendis adiectam fore, sed omnibus hominibus atque in omni ciuitatis & totius regionis parte eandem iuris, facultatis, dignitatis communicationem fore ostendit. [*Et erit omnis lebes in Ierusalem & Iuda sanctificatus Domino exercituum,* victori, seruatori & triumphatori: *Et venient omnes immolantes, & sument ex eis, & coquent in eis.*] sicut scriptum est: Veniet hora, quando neque in monte hoc, neque in Ierosolymis adorabitis patrem, &c. sed veri adoratores adorabunt patrem in spiritu & veritate. & illud: Vos genus electum, regale sacerdotium, gens sancta, populus acquisitionis, offerentes spirituales hostias acceptabiles Deo per Iesum Christum, &c. Itaque omnem locum, omne caput sacrum Deo in illa sancta ciuitate fore dicit, in qua maximam commoditatem & utilitatem publicè priuatèque communicationem ciuibz ipsis futuram ostendit, ut circa omnem quæstus aut lucri cupiditatem alij aliorum rebus pro cuiusque oportuno usu fruantur, sicut scriptum est: Multitudinis credentium erat cor vnum & anima vna: nec quisquam

Ioan. 4.

1. Pet.

42. 4.

quisquam eorum, quæ possidebat, dicebat aliquid suum esse, sed distribuebatur singulis, prout cuique opus erat. neque verò externorum bonorum modò, sed multo magis interiorum & spiritualium societas ab omni negotiatione & auaritia aliena illis gentibus in ecclesiam receptis atque vniuersis ciuibz promittitur, ita vt nihil in templo, vt olim in Ierosolymis prospiciebatur mercatura bouum, columbarum vel nummorum permutatione opus sit, quando ingens cuique sacrarum & spiritualium rerum ad diuinas laudes celebrandas copia affluet. hoc est, quod subiungit: [*Et non erit mercator ultra in domo Domini exercituum in die illo.*] Summam gratiam, iucundissimam rerum omnium societatem, publici & communis boni studium, magnam & felicissimam maximorum bonorum abundantiam hoc vaticinium significat: denique rem ipsam, quemadmodum interpretari oporteat, aperit, nempe talem fore, quæ mercari aut vendi non possit, cum spiritualis omnino & diuina, gratis atque liberaliter iis, quibus expetetur, donanda sit, de qua scriptum est: Pecunia tua tecum sit in perditione: quoniam existimasti donum Dei pecunia possideri. His itaque decem rationibus maximam illam ecclesie felicitatem omnibus vatibus decantatam, omnibus hominum votis expetendam, à Deoque eandem auctum cumulatamque iri Zacharias annotauit, qui quanquam antiquorum vatum postremus ferè fuerit, futurorum tamen post se temporum consequentiam & seriem plenissimè cernens persecutus est.

*Antuerpiæ mense Septembri anno Christi 1568.  
commentabatur Arias Montanus.*

GG 2

IN



IN ZACHARIÆ PROPHETÆ  
COMMENTARIA HYMNVS  
EX VOTO.

**I**AM densa ac tenebris horrida tristibus,  
 Quæ rerum nitidum polluerat decus,  
 Nox umbras picei carceris infimas  
 Auroram fugiens subit.  
 Iam clarus roseo progrediens loco  
 Sol orbi faciem protulit auream,  
 Qui cursu celeri conficit ætheris  
 Immensam repetens viam;  
 Quo vultu superum sidereas domos  
 Illustrat placidus, quo liquidum aëra,  
 Prescripta atque auibus regna vagantibus,  
 Telluris que fouet sinus.  
 Undarum rapidos continet impetus,  
 Et sistens tumido flumina margine.  
 Constratum pelagus ferre iubet virum  
 Gressus insolitis modis.  
 Effundit celebrem latitiam polus,  
 Et montes niuium frigore turgidi  
 Depulso, variam suauibus implicant  
 Vestem floribus & comam.  
 Nunc & spem variis copia fluctibus  
 Confirmans veterem, munera parturit  
 Nunquam visa aliàs temporibus noui  
 Mundi, nec patribus piis.  
 Mirandus fluidis mittitur imbribus  
 Æterni patris è perpetuo sinu  
 Panis, qui superum ciuibus efficit  
 Experteis epulas mali.  
 Pacem cuncta sonant, pacis & integra  
 Signum purpureo candida fert avis  
 Rostro raptam oleæ particulam sacra,  
 Placatumque canit Deum.  
 Quin & lethiferis anguibus ardua  
 Cristæ felle graui deposito iacent,  
 Vel quos vis Libyci feruida littoris,  
 Vel tellus Arabum parit.

Et

Et qui Bassanæis senior in iugis,  
 Et silvis Ephrates in pecudes gravis  
 Duro dente leo sana cubilia,  
 Quique ursus posuit ferus.

Atque audax lupo, & pestis agrestium  
 Vulpes, immemores sanguinis ac doli,  
 Nunc prato in viridi gramina mollia  
 Carpunt cum socio boue.

Antiquusque draco, qui superum prius  
 Partem perculerat pestifer inuido  
 Fundens ore malum, & terrigenum genus  
 Lingua perdidit improba.

Iam vix pressa trahens pectora languidus  
 Duram reptat humum, collaque sibilans  
 Torquet lasa, caputque edomitum cupit  
 Umbris abdere tristibus.

Extinctasque faces iurgia deferunt,  
 Occultusque dolus, fraudesque nocentior,  
 Has & quod Furias progeniuit, Scelus  
 Languet multifidum caput:

Nec iam sic nimis imperiis premit  
 Humanos animos, multaque condolet  
 Effugisse iugum colla, miserrimis  
 Quæ quondam tenuit modis.

Sed quæ tanta nouis temporibus diem  
 Lux quæ vis celebrem letitiam parit?  
 Quid morbos hominum debilitat graueis,  
 Et fert commoda dulcia?

Nam qui nec veteres peruoluunt libros,  
 Nec doctos coluit discipulus patres;  
 Sed lino insidias piscibus abdere  
 Assuerat, sapit, ac docet.

Diuina & pueri virginibus pares  
 Responso inualidis cum senibus canunt,  
 Atque hi certa ferunt somnia prouidis  
 Edocti monitis Dei.

Quæis non usque nimis docta superbus,  
 Quæ nomen sapiens arrogat & decus,  
 Contendisse queat Græcia, sed magis  
 Doctrinam stupeat nouam.

Iam mens eximij dicere gaudij  
 Causas gestit auens, raptaque curribus  
 Flammatis placido prospicit, & cupit  
 Admitti superum choro.  
 Nam me (vera canam) rupibus arduis  
 Semotum populo, cum fugerem leueis  
 Curas, assiduus ac studiis vigil  
 Arcanos peterem libros:  
 Aurem nocte premens admonuit Deus,  
 Quo lucem è tenebris numine separat,  
 Ex umbrisque bonus promit & in diem  
 Formas conspicuas refert.  
 Tum miranda sacri munera consili  
 Antiquis foliis condita cernere,  
 Et laudare iubet; quæ nimis & inuent,  
 Et mortale beent genus.  
 Ut cum Dothainis collibus excito  
 Ostendit iuueni multiplices virum,  
 Ac turmas equitum, presidium celer  
 Missum fatidico seni.  
 Vel celfo Thaboris culmine lucidum  
 Nati cum pavidis discipulis decus,  
 Et regni species auspicio breui  
 Mirandas tamen obtulit.  
 Et tunc ille quidem creditus aut prior,  
 Aut vatum veterum præcipuis minor,  
 Nec quisquam comitum præter Jonada  
 Maius quicquam homine indicat.  
 Namque ille & sobolem numinis unicam,  
 Et nostro generi presidium datum  
 Testatus, Solidum nomen, & audiit  
 Summi discipulus patris.  
 Sed, quæ tunc modicis credita testibus,  
 Virtus magna fuit, numen & integrum  
 Nati magnificis laudibus, atque honor  
 Et patri similis decor.  
 Hac orbi, ac populis nota stupentibus  
 Sunt, postquam stygia mortis & inferi  
 Perruptis micuit postibus, & polum  
 Scandit cum grege libero.

Non

*Non illa aut Libya sole calentibus  
Virtus aut populis Æthiopum fuit  
Celata, aut fluminis quos Hauila bibit  
Cultor diuite margine.*

*Audiuere Arabes, audiit & celer  
Ac Mædo propior Persa volantibus  
Pugnator calamis, & Babylonicus  
Euphrates pater Assuris.*

*Et Nilus tumidus, Cretæque nobilis,  
Cum Parthis Galata, Pontus & algidus,  
Et rerum dominus qui tenet arbiter  
Romana imperium toga.*

*Ast heu culpa hominum, & fraudibus inuidi  
Hostis tanta boni munera maximi  
Obscurata diu, & pene miserrimis  
Subducta è populis latent.*

*Sed spes, atque animum certa fides leuat,  
Et firmare iubet numine dextero  
Instauranda citò veridicos Deus,  
Vates scribere quæ dabat.*

*Namque inter nebulas temporis, & graues  
Errorum cumulos, turbine stridulo,  
Cum simplex pietas, nudæque veritas  
Audaci premitur dolo:*

*Antiquum retinet consilium tamen,  
Et præstare Deus tendit, & instruit  
Celestis acies agmina flammea  
Dictum certa sequi Ducis.*

*Humanis oculis sint licet hæc minus  
Nunc perspecta, tamen protinus & piis  
Grata & fausta ferent indicium sui,  
Et sentire malis dabunt.*

*Exstructam Solymum montibus in sacris  
Vrbem, quam superis quàmque hominum genus  
Risere altisonis crescere plausibus,  
Instaurare parat pater.*

*Qui cali imbriferis nubibus insidet,  
Et rector celeri quadriungos regens  
Ventos arte, bonus visitat ultimos  
Terrarum ac pelagi sinus.*



Hanc ille eximio consilio fouens  
 Et donis colere, & constituit sibi  
 Sedem perpetuo tempore principem  
 Et cura celebrem sua:  
 Nunc cœptam grauibz principiis potens  
 Perduxisse bonos tendit ad exitus,  
 Et complere piis ciuibz undique  
 Exemptam vitio ac metu.  
 Sed ne tanta operis prosperitas noui  
 Jam iam contiguo sidera vertice  
 Tangat, compositis impediit dolis  
 Hostili & Zabulus manu:  
 Interrupta aliis mœnia partibus  
 Et vexata graui cætera turbine  
 (Prô mores hominum, prô pudor & dolor!)  
 Sauro tempore vidimus.  
 Hinc atrox Babylon, hinc Susanes ferus,  
 Et cum Terphaleo Reumus & acrior  
 Ercnaus, Teneus, Sampsâque perfidis  
 Oppugnant studiis opus.  
 Quin & disidiis seua domesticis  
 Tradebat facilem perdere ad hostium  
 Crudele arbitrium seditio domum,  
 Dilectam penitus Deo:  
 Ni dexter tacitis consiliis trucis  
 Præcidi iubeat materiam mali,  
 Qui fluctus, tumidas æquoris & minas  
 Molli debilitat luto.  
 Iamque auctis operum molibus ac solo  
 Extendet penitus larga frequentibus  
 Fundamenta locis, qua liquor ambiens  
 Tellurem subit, aut premit.  
 Hac cunctis requies unica gentibus,  
 Quas quondam Babylon barbara vocibus  
 Turbatis varias fuderat in vias,  
 Pacem restituet bonam.  
 Gemmas & lapides, quôdque Physon parit  
 Fuluum aurum atque Erythræs munera fulgida,  
 Mirandum numerum congerit artifex  
 Ornatura micans opus.

Quin

Quin templum in medio conspicitur loco  
 Moles turrigeris ardua mœnibus,  
 Quæ celsò superet sidera culmine,  
 Supremas feriâtque aquas.

Hanc sedem Deus & propositi tenax,  
 Et culpa veteris protinus immemor,  
 Præsentique fauens numine diliget,  
 Dum nec sit mare, nec polus.

Hic leges placidas, sanctæque ciuibus  
 Felix iura piis perpetuò dabit,  
 Componetque animos, & facili ingo  
 Parentem populum reget.

Jam mixtos penitus, iam celeres iuuat  
 Hic spectare probis ciuibus angelos,  
 Et conferre bonis commoda mentibus,  
 Ac vita auxilium dare.

Iamque incensa virum pectora viuidis  
 Virtutum studiis dia negotia  
 Euentu facili percolere, & decus  
 Laudare emeritum libet.

Sed quid tot gradibus structa micantibus  
 Terram scala premens tangit olympicum  
 Culmen, qua celerum spissa recurrere  
 Visa est spirituum cohors.

Atqui sacra via est, quæ patet intimos  
 In celos iter, & quæ geminam simul  
 Coniungit Solymam (sic placuit Patri)  
 Quæ terris sita, quæ polo est.

Audebo, & cupido pectore nuntiis  
 Addam me comitem, scilicet ut statum  
 Perdoctus, faciémque alterius meis  
 Narrando rediens canam.

O me, me stupidum, qui penetralia  
 Hæc lustranda meis sensibus arbitrer:  
 Splendore insoliti fulguris, heu, propè  
 Primo limine decidi.

BENEDI-

BENEDICTI ARIÆ MONTANI  
HISPALENSIS IN MALACHIAM PROPHE-  
TAM COMMENTARIUS, DE RELIGIONIS  
CVLTV AC STUDIO PRÆFATIO.



**C**V M nihil in humanis studiis sanctius antiquiusque pietate  
esse debeat, ut quæ & Dei responsis & sapientissimorum ho-  
minum iudicio, virtutum omnium fundamentum, & totius  
vitæ præsidium certissimum sit, primam & præcipuam homi-  
nis curam in pietatis veræ rationibus aperte cognoscendis, de-  
inde verò purè sanctæque colendis versari & consumi oportere  
consequitur. Homo namque non ut cætera animalia, quæ  
natura motu & impulsu aguntur, quocunque impetus tulerit, rapi, sed certo consilio  
atque iudicio gubernari duci que inbet, sicut scriptum est: Nolite fieri sicut equus &  
mulus, quibus non est intellectus. Etenim cætera animantes omnes ad generis vna-  
quæque sui nomen tuendum, tum ad hominum usum nata & comparata cum sint,  
certas & perpetuas, quatenus ad sese spectat, agendirationes & formulas, quas se-  
quantur, à natura præscriptas constitutasque sortite sunt, sicut scriptum est: Produ-  
cat terra animam viventem in genere suo, iumenta & reptilia & bestias terræ secun-  
dum species suas, &c. quatenus verò ad hominum usum utilitatemque pertinent, ut  
doceantur aganturque necesse est, ut scriptum est: Et dominamini piscibus maris &  
volatilibus celi & vniuersis animantibus, quæ mouentur super terram, &c. & il-  
lud: Flagellum equo & camus asino, &c. Homo autem quanquam animantium omnium  
natura, dignitate & præstantia longè princeps sit, officij tamen exercitationum actio-  
numque condicione ac lege pluribus partibus & nominibus est astrictissimus. neque  
enim is ea solùm, quæ ad se, vitam corpusque suum tuendum & fouendum faciunt,  
sed multo etiam magis ea, quorum causa natus effectusque est, prospicere atque cura-  
re debet. id verò, quod humano generi ad curandum agendumque semper propositum  
est, diuinæ imprimis naturæ cognitio & contemplatio est: cuius exemplar in omni vitæ  
actione imitando intueri, ad id quæ se exercere homo debet, si modò is esse velit, quem  
Deus fingendo & efficiendo, illum esse voluerit. ad imaginem namque & similitudi-  
nem Dei, huiusmodi præ cæteris animantibus præstantissimam naturam effectam con-  
formatamque fuisse, cum ipsa facultatis & ingenij illius observatio docet, tum verò  
sacra sapientiæ doctrina aperte confirmat. Et ait Deus, Faciamus hominem ad imagi-  
nem & similitudinem nostram, &c. Igitur hominem, illius exemplaris, quenam ratio  
sit, cognoscere imprimis oportuerit, deinde ita sese omni studio & conatu cõparare &  
gerere, ne qua parte ad propositum exemplar imaginis similitudo deficiat. Huiusmodi  
rectam diuinæ naturæ sui quæ ipsius in homine notitiā cæterarum rerum naturæ cog-  
nitio & vera optimi vsus ratio consequitur: qua qui præditus est, is vitam (si modò  
sibi constare velit) & sapienter instituere & feliciter agere potest, Deo ad eam rem  
auxilij sui fundamētum nunquam subtrahente, sicut scriptum est: Appellauit quæ Adā  
nominibus suis cuncta animantia & vniuersa volatilia celi, & omnes bestias terræ:  
Adā verò non inueniebatur adiutor similis eius. & paulo post: Et edificauit Deus co-  
stam, quam tulerat de Adam in mulierem & adduxit eam ad Adam: dixit quæ Adam,

Hoc nunc os ex ossibus meis, & caro de carne mea, &c. ac tandem: Erat autem, inquit, uterque nudus, Adam scilicet & uxor eius, & non erubescabant. est & aliud, praeterea hominis huic superiori proximum officium, videlicet consiliorum, studiorum, atque rerum utilitatumque aliarum, quae ad se pertinere putentur, cum aliis eiusdem generis hominibus communicatio. neque enim ex hominibus (qui tantum hominis nomen tueantur) quisquam aut tanta dignitate praeditus est, ut solus omnia habere, aut tanta virtute, ut solus gerere & tractare omnia possit. Quamobrem & ad communem rerum administrationem, communemque, pro singulorum ratione & munere usum societas quaedam hominibus inter se perpetuo iure colenda à Deo instituta

10 & praescripta est: quorum animis ad eam rem & propriae imbecillitatis cognitio, & ardens quaedam charitatis est indita vis, sicut scriptum est: Non est bonum hominem, esse solum: faciamus ei adiutorium simile sibi. atque ita homini muliere adiuncta hu-  
manum omne genus iisdem omnino & viuendi & agendi condicionibus ac legi-  
bus est propagatum, ne videlicet sibi unusquisque aut vinceret, aut desereretur: sed  
15 perinde atq. eorum parentes, cum unus antea esset, duo ob eam rem facti sunt, ut sese mutuis inuarent officiis: sic & posterius etiam ex illa una naturae & carnis eiusdem coniunctione & necessitudine procreati, quo plures, hoc minus soli, hocque magis inter se sibi mutuo forent adiumento. nam si ut solus homo sit, bonum non esse diuina pronuntiauit sententia, eaque causa adiutorium ut soli-  
20 tudinis incommoda propulsaturum laudatum est, quo maior & frequentior societas adiutorique copia sit, hoc meliorem humanae vitae agenda condicionem & societatis colendae studium diligentius esse oportuerit. Pluribus itaque, quam ullum aliud animal, officiorum legibus homo rationis particeps astrictus tenetur erga Deum, erga homines alios, necnon & erga ceteras animantes, quibus, ut pre-  
25 sit, non ut abutatur, praefectus fuisse dicitur. est enim & his prospiciendum etiam, & quemadmodum ad suam aliorumque utilitatem, atque etiam ad Dei conditoris cultum & laudem ut legitimè deceat, fuerit diligenter considerandum. Nouit  
eum iustus iumentorum suorum animas: viscera autem impiorum crudelia. Verum  
enimvero quoniam homo, ut non à seipso factus conditusque est, sic neque dignita-  
30 tem facultatemque suam à seipso, sed planè à conditore Deo habet. ex eo fit, ut rerum omnium & vitae totius rationem, quemadmodum gerenda haec tractandaque sunt, non ex arbitrio suo aut libidine, sed ex auctorum consilio, praeceptis institutisque petere oporteat, modò sibi ipsi naturaeque suae constare officioque satisfacere velit: nam aliàs ubi de hac via deflexerit, atque à Dei timore, obseruatione & institutione  
35 descinerit, protinus in varias turbulenti erroris opiniones discedens, neque cogitare sapienter, neque rectè consulere, neque commodè quicquam aut agere, aut efficere potest, sicut scriptum est: Dominus de calo prospexit super filios hominum, ut videat, si est intelligens aut requirens deum. Omnes declinauerunt, simul inutiles facti, non est qui faciat bonum, non est usque ad vnum, &c.

40 Quamobrem illud in omni actione, denique in tota vita diligenter curandum obseruandumque est, ne quid praeter diuinæ voluntatis praescriptum normamque fiat, si modo propositum exemplar naturae suae dignitatem obtinere & conseruare homines velint, sicut scriptum est: Pax multa diligentibus legem tuam: & non est illis scandalum. Igitur hac illius virtutis ratio & vis est, quam pietatem religionemque dicimus, ut vite

Genes. 2.

Prover. 12.

Genes. 2.

Psalm. 13.

Psalm. 115.



ut vite institutum ac modum ex Dei præscripto homines teneant, quo erga Deum  
 atque generis sui participes ac socios homines alios officio, tum cognoscendo, tum facien-  
 do, studentes, & diuinam in se gratiam concilient ac retineant, & felicitati propria  
 consulant, veramque cum cæterorum hominum, tum beatorum spirituum laudem pro-  
 mereantur. quanquam verò homines cum natura ipsius impulsu ac ductu, tum boni  
 Rom. 2. etiam ac mali cognitionis accessione, diuinæ voluntatis rationem non ignorare, atque  
 „ officij erga Deum & homines modum tenere posse credantur: ut qui etiam legem  
 „ non habentes, legis opus in cordibus suis scriptum ostendant, ob mala tamen com-  
 munis hostis dolo & studio sparsa semina accidit, ut in hac ipsa diuinæ naturæ  
 cognoscendæ colendæque ratione, & in eius, quod ex hac oritur, officij constitu-  
 tione magna & multa perturbatio & confusio incesse- 10  
 rit: quæ veritatem egregiam  
 formam in multorum animis vel omnino extingueret, vel turpiter obfuscaret.  
 Ex quo malorum atque errorum fonte variæ de diuinæ naturæ opiniones, varia  
 etiam ac penè innumera peruersarum religionum commenta fluxerunt, sicut scri-  
 ptum est: Quia cum cognouissent Deum, non sicut Deum glorificauerunt, aut gra-  
 Roman. 1. tias egerunt: sed euauerunt in cogitationibus suis, & obscuratum est insipiens cor  
 „ eorum: dicentes enim se esse sapientes stulti facti sunt, & mutauerunt gloriam  
 „ incorruptibilis Dei in similitudinem imaginis corruptibilis hominis, & volucrum,  
 & quadrupedum, & serpentium, &c. Ex qua re effectum est, ut homines Deum  
 à seipsis, quem rectè cognoscendo & colendo retinere sibi & promereri poterant, 10  
 superstitionis errore capti, vehementer abalienauerint, quemque sibi propitium  
 Ierem. 2. ducem & magistrum optatum habere licuisset, in sensum videremque reddiderint,  
 „ sicut scriptum est: Nunquid non istud factum est tibi, quia dereliquisti Dominum  
 „ Deum tuum eo tempore, quo ducebat te per viam? &c. Iliusmodi verò errorum  
 hominibus non natium, sed delectum, infinitum, ac in omni tam orbe serpens malum 15  
 nulla ratione commodius curari, nulla medicina sanari certius potuit, quam si Deus  
 ipse, qui veritatis, lucis atque salutis princeps & pater est, veritatis, voluntatis-  
 que suæ ac sancti officij doctorem & præceptorem sese hominibus præberet. Id  
 quod cum nullo mortalium egregio merito expectari posset, sola benignitate, mis-  
 „ ricordia & gratia erat præstandum, sicut scriptum est: Quid est homo, quod 20  
 Psalm. 8. „ memor es eius, aut filius hominis, quoniam visitas eum? &c. & tandem sub-  
 „ iungitur: Domine Dominus noster, quàm admirabile est nomen tuum in vniuer-  
 „ sa terra. Igitur cum hoc diuinum & maximum beneficium ad vtilitatem ho-  
 minum in terrarum orbe ferendum, nulli nationi præcipuo aliquo meritum in-  
 re deberetur, in quam potissimum gente primo ponendum, indeque ac cæteras 35  
 orbis nationes conferendum esset, cogitare, optare & efficere, diuini consilij ar-  
 bitriique fuit. Placuit autem præ cæteris hominibus Abrahami & Isaaci genus  
 ad eam rem atque ad salutis tandem publicæ arcanam rationem expediendam  
 deligere. in eo autem genere Esau Isaaci filio, qui prior natus fuerat, reiecto, Ja-  
 cob posterioris natu familia delecta est, cui Deus & consilij sui mysteria enuntia- 40  
 ret, & voluntatis suæ sanctissimique iuris, & officij rationes ac modos  
 apertè ostenderet. Quanto autem, quamque singulari amore eos, in quos primos  
 beneficium hoc collocavit, prosequutus fuerit Deus, existimari, quàm aut scribi,  
 aut dici facilius est. etenim nationibus aliis, quanquam ex natura impulsu  
 continua-

communiqué omnibus mentis ac rationis usu, atque earum, quae factae sunt, rerum, quaeque videntur, contemplatione multa contingere potuerunt, quae ad Dei cognitionem atq. officij definitionem conduceret: non tamen illa aut in tantis tenebris ita clarè illustrare, aut in tanta iam peruersitate morum ita efficienter hominum animos commovere atque afficere potuerunt, ut diuina ipsa oratio distinctis rerum & sententiarum luminibus ad illustrandum aptissima, atque admiranda verborum auctoritate & virtute ad mouendū suadendūq. efficacissima, sicut in illo elegantissimo carmine de vtrisque generibus fuit à sacro Vate praedicatum. Celi enarrant gloriam Dei, & opera manuum eius annuntiat firmamentum. Dies diei eructat verbum, & nox nocti indicat scientiam. non sunt loquela, neque sermones, quorum non audiantur voces eorum. In omnem terram exiit sonus eorum, & in fines orbis terrae verba eorum, &c. tandem de altero doctrinae genere subiungitur: Lex Domini immaculata conuertens animas, testimonium Domini fidele, sapientiam praestans paruulis: iustitia Domini recte letificantes corda: praeceptum Domini lucidum illuminans oculos, &c. Quibus omnibus rebus illud etiam accedit, quod ad permouendum omne hominum genus, tum eorum, à quibus officium virtutis honestatisque amore & studio suscipitur, tum eorum verò, qui poenae metu à vitio & iniuria abstinent, certa atque aperta & premiorum & poenarum ratio constare optimè hoc modo potuit, quae altero naturae & humanae cogitationis modo obscura nimium atque certa minus fuisset, sicut scriptum est: Etenim seruus tuus custodit ea, in custodiendis illis retributio multa, &c. Quamobrem cum illam aliam & veri Dei cognoscendi & officij perspicendi atque ad certam pietatis formulam praestandi rationem paucissimis aliarum nationum hominibus, idque rarè in locis, constare sacri vates concederent, hanc tamen alteram illustrissimam atque diuinam planè omni Israhelico populo (si tamen is esse vellet, quem Deus illum familiariter & singularibus beneficiis prosequutus esse voluerat) communè constanterque esse confirmarunt, sicut scriptum est: Memor ero Raab & Babylonis scientium me. ecce alienigenae, & Tyrus, & populus Aethiopum, hi fuerunt illic. nunquid Sion dicet, Homo & homo natus est in ea: & ipse fundauit eam altissimus: sicut letantium omnium habitatio est in te, &c. Ut autem religionis verae ac diuinæ fides, auctoritas atque utilitas cultoribus certissima, & melius cognosceretur, & usu, exemplo, ac celebritate longius etiā propagata dilataretur, nō solum miraculis (quae primū apud infideles suscipiendae religioni fundamentū iaciunt) illustrata fuit, sed beneficiis maximis in eos, qui suscepissent, collocatis, est comprobata. Qua quidem in re praeter ipsam legis equitatem praceptorūque honestatem nullis aliarum gentium doctrinis comparandam, consilium sententiāque suam firmari, amorem praeterea erga eos, qui susceperāt, declarari Deus voluit. atque haec causa est, quamobrem Israheliticum populum miraculorum, prodigiorum, maximè autem beneficiorum praeteritorū recordari saepe iubeat, ut non solum accepti beneficii memoria deuinctos contineat, sed futurorū spe atq. expectatione ad officium conseruandū excitaret, sicut scriptum est: Cum interrogauerit te filius tuus cras, dicens, Quid sibi volunt testimonia haec & ceremonia atq. iudicia, quae praecepit Dominus Deus noster nobis, dices ei, Serui eramus Pharaonis in Aegypto, & eduxit nos Dominus de Aegypto in manu forti, fecitq. signa atq. prodigia magna & pessima in Aegypto, contra Pharaonē & omnem domum illius in conspectu nostro, & eduxit nos inde, ut introductis daret terram, super qua iurauit patribus nostris. Pracepitq. nobis Dominus, ut faciamus omnia legitima haec, & timeamus Dominum

Psal. 17.

Psal. 89.

Deuter. 6.

Deum nostrum, ut bene sit nobis cunctis diebus vita nostra, sicut est hodie, eritq. nostri misericors, si custodierimus, &c. Verum enimvero cū hominū vitio & perfidia accidit, ut non solū illa omnibus communis Dei cognoscendi, & honestatis expetendæ officijq. præstādi ratio perturbata sit, sed hac etiā diuina discipline sanctissima & illustrissima institutio cōtempta deferatur, omnē profectō natura morumq. splendorem extinctum, humaneq. vitæ statū omnē labefactatū atq. conuulsum in summā infelicitatē, Deo iudice atq. ultore, mutātū iri consequitur. nam quo maiore impudētia & cōtemptione peccatū fuerit, eo grauiorē ultionē exspectare necesse est. Nūquid me ad iracundiam prouocant, dicit Dominus, nonne semetipsos in confusionē vultus sui? Idēo hæc, dicit dominus Deus, Ecce furor meus & indignatio mea conflatur super locum istum, super viros, & super iumenta, & super lignis regionis, & super fruges terræ, & succendetur, & non extinguetur, &c. Etenim quicunq. huiusmodi nefaria improbitate fuerint homines, ut perceptā diuino munere disciplinam, certā, apertā, satisq. per se illustrem, negligendo tamē deferant, eos non perfidia solū, sed cōtentionis etiā erga Deū diuina sententia notat: Va genti peccatrici, populo graui iniquitate, semini nequam, filijs sceleratis, dereliquerūt Dominū, blasphemauerunt sanctū Israel, &c. Eos autē, qui à sese Deū abalienauerint, miseriarū omnium malis opprimi necesse est. maxime verò ab ijs abalienatur Deus, à quibus semel agnitus susceptusq. cōtēnitur, sicut scriptum est: Quia ecce ego mittam vobis serpentes igneos, quibus non est incantatio: mordebūt vos, ait Dominus. Ecce vox clamantis filie populi mei de terra longinqua, nunquid Dominus non est in Sion, aut rex eius non est in ea? Quare ergo me ad iracundiā citauerunt in sculpilibus suis, & in vanitatibus alienis? &c. Sed illa tamē summa Dei benignitas, illa inexhausta est misericordia, ut ea, quæ semel ad hominum vilitatē instituta sibi cœptaq. sint, quāquam nequissimorū improbitate & perfidia intermuti aut interturbari videat; ulterius tamen foueat & persequatur, ac tandem perficiat: interim verò, quæ peruersæ ab hominibus deprauata sunt, aut admonendo, hortando & obiurgādo corrigi, aut puniendo vlcisci atq. asseri & restitui caret. neque verò ille iudicij, ultionis ac pœna auctoritate antè uti solet, quā omnibus alijs modis & rationibus, quæ ad clementiam veniamq. pertinent, experiat, ita ut officiorū potēdo amantissimum & clementissimum patrem prius, quā scelere animaduertendo seuerum iudicem sese præbeat; utpote qui nollet aliquem perire, sed omnes ad pœnitētiā conuertere. At neque adeo grauius, adeoq. seuerè de violata religione, deq. officij rationibus turbatis agere cum ijs solet, qui cōmuni cogitatione ac iudicio, naturarūq. rerū cognitione verum & falsum, turpe & obliquum, honestum rectūq. dijudicant, ut cū illis, quibus præter hac diuinorum mysteriorum & consiliorum ratio exposita est, quod illi ut maioribus beneficijs deuincti, illustrioribusq. modis edocti & instructi, arētioris etiam pietatis atque virtutis præstandæ legibus priores teneantur. ex quare fit, ut hoc genus hominum, & prius in crimen vocetur, & grauius etiam accusatum seuerioris iudicij puniatur sententia: atque ut in premijs ob officium factum ferendis priori & meliori, sic in pœnis etiam ob culpam sustinendis duriori sit conditioni obnoxium, sicut scriptū est: Ille autē seruus, qui cognouerit voluntatē Domini sui, & se non preparauit, nec fecit secundū voluntatē eius, vapulabit multis; qui autē non cognouit, & fecit digna plagis, vapulabit paucis. Huiusmodi autē deserti ac proditi officij, & violatæ pietatis crimen aduersus Iudæos verè quondā religionis compotes perorandum Malachie Vati Deus commiserat, idēque literarum monumentis & memoria

morie mandatum esse in posterum voluit, ut perpetuum futuris temporibus atque Christianis praesertim hominibus esset exemplum: quos ut maioribus colligatos beneficijs illustrioribusq. auctos donis, creditarum sibi diuinitus rerum rationem aut probabiliorem & constantiorem tenere, aut grauiorem exquisitioremque reddere necesse est. Nobis autem huius Vatis oracula exponere cupientibus diuinum imprimis nomen ex more inuocandum est.

## V O T V M.

*Da pure sancteque, Deus, tua sacra referri,*

*Tequae animis casta religione coli:*

*Nec patere arcanis mysteria condita chartis*

*Culpa hominum in caca nocte latere diu.*

*Ut tibi grata pijs feliciter ardeat aris*

*Victima, qua terras alluit oceanus.*

*Te regem dominumque omnes agnoscere gentes*

*Possunt: da pater, & posse salutiferum.*

## A R G V M E N T V M V A T I C I N I I.

**D** I V I N A legatione functus Vates Iudeorum gentem neglectae religionis ac pietatis officijque omnis prodiu accusat, quo in crimine sacerdotes cum primis inuoluit, à quibus supina quadam negligentia ob auaritiam laborantibus non modò exemplo, sed malo etiam sermone diuini cultus ratio, maiestas & dignitas in populi animis eleuata locum dissolutis moribus & impudenti licentiae dederat. Quae quidem ex re populum hunc, qui Deo maximis & singularibus beneficijs obligatissimus fuerat, gentium omnium aliarum ingratiissimum esse constabat, cum aliae omnes terrarum orbis nationes communis mundi rectoris & gubernatoris nomine & numine cultum debitum tribuentes, victimarum & sacrificiorum rationem diligentius ac melius procurarent. Sacerdotes autem grauius in hoc crimine urgentur, quòd eos & muneris proprii dignitate, & officij debito atque maiorum suorum exemplo, praemij etiam illustrioris spe, religionis res diligentissimè curare, & reliquum populum docere oportuerat. Id quòd secus omnino facientes populo, & proprio scelere, & indignis exemplis vehementer nocebant: quibus ad cetera illud nefarium scelus accesserat, ut legitimis matrimonijs incestas ex alienigenis adductas uxores contra ius contraque fas addidissent. Quoniam verò improbissimorum quorundam illius tempestatis hominum sermo percrebuerat, quo diuina erga populum illum prouidentia in dubium vocabatur, quae res adiutum ad religionis contentionem facile munierat, huius etiam erroris auctores confutat & frangit Vates, diuinamque in eos prouidentiam, quam ex beneficijs non agnouerint, poenis scelerum repetendis probatum iri confirmat, idque si vnquam aliàs, illis maximè posterioris templi temporibus apud Iudeos còstans certissimumque fore docet. nam Messiam illum, cuius causa maximè Israëliticus populus delectus fuerat, paulo post ex diuini consilij decreto aduenturum esse ait: cuius virtus & efficientia pijs hominibus Deique cultoribus deligendis, ornandis ac sanctificandis, impijs verò & perfidis reijciendis, puniendis, & grauissima diuinæ prouidentiae & apertissima argumenta publicè priuateque dabit.





NVS verbi Domini ad Israël in manu Malachie prophete.

**T**OTIVS libri argumentum actionis genus, dignitatē & auctoritatē, modum etiam  
 & fidem hęc prima operis inscriptio indicat. namq. legationem quandam à Deo  
 datam apud Israëlitas habendā, eandemq. à Malachia Vate obitā & gestam ex verbis  
 ipsis cognoscimus. Legati verò ipsius nomē appellatū, *Malachias*, ostēdit rem nō obscurē  
 aut negligenter, sed palam diligentissimeq. gestam fuisse, Vatemq. officio suo summa  
 fide & sedulitate functum, nomē suum libere & constanter fuisse professum, utpote qui  
 neque quicquam sibi pratermissum ex munere cognosceret, neque prädictionibus suis  
 dubitationem vllam accidere posse intēligeret: quas ut diuina auctoritate grauiissimas,  
 sic euentu ipso expectando certissimas confirmaret. Atque res quidem ipsa, legationis  
 fides, sententiarum & verborum dignitas, satis iam omnibus, qui sacra scripta legerint,  
 constare potest: cum ex hoc vaticinio nō modo testimonia grauiissima in noui testamēti  
 rationibus à Christo atq. apostolis dantur, sed integræ etiam sententiæ, & versus verbaq.  
 commodè referuntur, ut suis locis ostendemus. De nomine verò auctoris magna dubi-  
 ratio & sententiarum varietas apud interpretes est. quidam enim nomen hoc non pro-  
 prium, sed cognomē esse volunt, verborum significationem magis, quam rem ipsam spe-  
 ctantes. quam quidem rationem sapienter D. Hieronymus euerit. docet enim perso-  
 næ appellatæ natura non esse perpetuò ex nominis interpretatione definiendā. Quam-  
 obrem huius libri auctorem non ob eam rem angelum & spiritum quendam fuisse ar-  
 bitrari oportere, quod nomen ipsum angelus suus, ut græcam versionē habere dicit, siue,  
 ut ille interpretatur, angelus meus sonet. Ita cum angelum, hoc est, vnum ex ministris  
 spiritibus fuisse hunc neget, hominem fuisse asserit: id quod re vera auctor fuit. Quisnā  
 verò homo ille fuerit, & num hoc nomen ab infantia sortitus, an ex muneris & officij  
 ratione fuerit adeptus, nihil planè certi atq. explorati apud antiquos inuenimus scriptū.  
 quidam enim hunc Mardochæum fuisse aiunt; alij verò & frequentiores Esdrā eundē  
 esse propterea affirmāt, quod de iisdem rebus in hoc & in Esdra libro agatur, hoc est, de  
 prophanis Israëlitarū coniugijs grauiissimè reprehendendis. Nos autē, quibus illud in sa-  
 crorum librorum expositione suscipienda perpetuum consiliū est, ut ne quid de re vlla  
 vel temerè, vel minus firmiter statuamus, neue obscuris argumentis adducti parū certa  
 pro certis habeamus, officio nostro eo modo satisfactū iri arbitramur, si nihil affirmaue-  
 rimus, quod ex sanctorū voluminū testimoniis cōfirmari non possit. Igitur Malachiam  
 nō eundē ideo cum Esdra esse cōsequitur, quod idē vtriusq. libri argumentū sit. nemini  
 namque aut obscurū aut dubiū esse potest, idē argumentū eandē etiā causam, imò idem  
 in eadē causa orationis, genus iisdemq. penè verbis à duobus pluribusq. interdum vati-  
 bus tractari solere: id quod à nobis in ijs, quæ antea scripsimus, cæterorum vatum com-  
 mentariis non semel indicatū est. Quin & illud est etiam obseruatum, grauiissimas qual-  
 que causas pluribus vatribus agēdas propter eā rem committi, ut diuinū de ea re consiliū  
 certissimū testatissimūque, & iudiciū tandē omnibus probatissimū sit, sicut scriptū est:  
 „ In ore duorū vel trium stabit omne verbum. nisi quis quatuor euangelia vnus tantum  
 scriptoris opus propterea esse contendat, quod eadē planè omnium sententia, imò toti-  
 dem ferè verbis pronūtiata obseruetur. Itaq. nihil hęc sententiæ aut argumenti similitu-  
 do impedit, quo minus res, causa & actio varijs auctoribus ascribatur. Præterea tamen  
 Malachiæ & Esdræ vnum tantū argumentū de prophanatis nuptiis commune sit; plura  
 tamen alia sunt, quæ alter solum tractasse videtur: quorū partem nullā in altero indicare  
 reperireue possis. nam Malachias sacerdotes & prophanatæ religionis, & diuini nominis  
 neglecti, & polluti sacrificij reos facit: populum ipsum etiam de decimis & primitijs nō  
 legitime solutis postulat. Quarū rerū nulla in Esdræ libris metio est, neq. tunc, cum ille  
 scriberet, hoc vitio vel sacerdotes vel populū publicè vfos fuisse apud vllū aliū scriptorē  
 extat. Præterea hic auctor nihil de tēplo instaurando perficiēdoq. agit: quod argumentū  
 Esdræ perpetuū ferè est, in quo etiā cū Haggæo & Zacharia plurimū illi cōuenit, qui de  
 tēpli ædificatione nō solum admonēdo & exhortando, sed postulādo, & etiā grauius ac-  
 cusando dixerūt. his accedit, quod in nullo suorū, vel alterius scriptoris sacrilibrorū loco  
 Esdræ

Esdra aut aliud proprium nomen, quā Esdrae scribae cognomine adiuncto auditur; neque inter prophetas vīquā recensitus extat. quin & nouū nimis illud esset, vt cum ceteri vates auctoritatis & asseuerationis causa nomina sua apertē profiteri semper cōsueuerint; hic tantū nomen celasse, & excogitato agnomine cōsultō obscurasse diceretur: quod vt ad fidem faciendū nihil, sic ad periculum declinandum minimū valere poterat. neque enim auctor hic obscurē in vmbra aliquid ex diuino mandato scripsit, quod celato aut dissimulato nomine in vulgus ederet, sed ipse idem causam palam summa cum gravitate egit, vt manifestē illa verba arguunt. [*Ad Israël in manu Malachiae.*] Neque nomē Malachiae, si nuntium meū interpretari placet, ita Esdrae propriū esse potuit, vt nō alijs etiā  
10 vatibus conueniret, sicut & Ioanni Baptista iure ex officio tribui idem hic Vates praedicat, Ecce ego mitto angelum meum. quo in loco idē verbum *Malachi* vsurpatur. Qui, bus ex rebus omnibus illud sit, Malachiae nomen, tametsi ex interpretatione officium significet, tamen certi cuiusdam boni & sapientis viri proprium fuisse, cui idoneum nomini munus fuerit à Deo mandatum. quamobrem in duodecim vatum catalogo, cum  
15 vndecim ceterorum nominibus proprijs duodecimū Malachiae appellatur: cui si aliud proprium fuisset, cur obscurandum esset, nihil causae fuisse arbitramur, siue Esdrae ille; siue alterius auctoris fuerit, non laboro: certē sanctum & magnae apud me auctoritatis volumen est. Et nunc, inquit, frater aspice, quae gloria, & vide populum venientē ab  
20 oriente, quibus dabo ducatum Abraham, Isaac, & Iacob, & Hosea, & Amos, & Michae, & Ioel, & Abdia, & Ionas, & Nahhum, & Habbakuk, Sophonia, Haggai, Zachariae & Malachiae, qui & angelus Domini vocatus est. Quo in loco illud, quod antea adnotauimus, adnotatur, proprium huius Vatis nomen ita cum officio quadrasse, vt exigua mutatione, hoc est, vna litera addita, qui Malachi antea diceretur, coepit Malachia appellari, Malachi nuntium meum; Malachia verò Dei nuntium significante. Ex rerum verò  
25 notatione & obseruatione conijcere licet, Malachiam horum omnium postremū fuisse vaticinatū. namq. à templi restituti initio sacerdotio atq. operi praefuit, resq. à se sociisq. suis gestas cōscripsit. Eadē ferē tēpestate Haggaeus & Zacharias prophetico munere perfuncti de templi restitutione alter longiores, alter breuiore actiones suscepit, vt idē  
30 scripsit Esdras: Et prophetauerunt Haggaeus vates & Zacharias filius Addo prophetae. & alio loco: Seniores autē Iudaeorū aedificabāt & prosperabantur iuxta prophetiā Haggai prophetae & Zachariae filij Addo, &c. Malachias verò nihil de templi aedificatione egit: neq. de ea re in hac causa Esdras meminit. quamobrem Vates hic post alios duos, atq. post  
35 aedificatū iam tēplum vaticinatus fuisse videtur. Haggaeus enim ante aedificationem primus de ea re egit, cuius cōsilio opus inceptum, deinde verò eiusdem & Zachariae exhortationibus absolutum est. nam Zacharias sub operis finē munus suum obire coepit, vt in vtriusque commentarijs docuimus. Malachias autem post hos atque operis fini proximus omnium illius seculi & veteris testamenti prophetarum vsque ad Ioannem postremus fuit. Qui, quasi illam prophetici muneris commoditatem post sua tempora desiderandam fore intelligeret, religionis ac pietatis verae rationem duobus capitibus  
40 maximis comprehensam persecutus (hoc est, de cultu erga Deum & de officio erga homines locutus) hanc summam habuit orationis: Mementote legis Moysi serui mei, quod in prophetarum desiderio illa solum certa eis ac perpetua ad bene beateque viuendum oracula, constantemque normam esse significaret, vt diuinæ legis studium nunquam intermitteretur. Iam verò cetera inscriptionis verba explicemus. [*Onus verbi Domini ad*  
45 *Israël in manu Malachiae.*] Et res ipsa, & Vatis nomen ad translationē accommodata sunt elegantissimē. eiusmodi namque munus Vari demandatum est, quod cum ipsius nomine conueniret: cuius breuiter nobis expendenda ratio est. Ex vatibus alijs eo cōsilio creati sunt, vt in populo perpetuū officio functi certa, pro temporum rerumque ratione, rogati responsa redderent; sic Samuel, sic Osea, sic Heliseus, alijsque multi fuisse dicuntur:  
50 rursus alijs etiam ad certa tempora constituti fuerunt; non tam vt rogati sententiam dicerent, quā vt iussi de certis causis ex Dei persona agerent: quibus peroratis vaticinari amplius desierunt, vt Amos, qui per duos ante terramotum annos, vt vidimus, est vaticinatus. alijs etiam fuere, quibus semel tantum vaticinij & munus demandatum & officium factum sit, vt Ionas apud Niniuitas, & Abdias apud Edom. Huius tertiae classis Malachias est, qui vno tantum vaticinio, hoc est, vna actione munus confecit suum, idq. nuntij siue legati nomine magis, quā perpetui ministri aut prophetae, cui semper

officij ratio constare putaretur. Hæc rerū ratio breuiter supposita cum verbis ipsis com-  
 mode quadrat. non enim perpetuum aliquod vaticinandi munus, sed mandatum  
 quoddam ad tempus Vati datum oratio significat, quod Dei nomine ad Israëlitas per-  
 ferretur. etenim Deum illo tēpore propter grauem & neglecti cultus ac deserti officij  
 „offensionem à populo illo abalienatum fuisse vaticinio indicatur ipso. Non, inquit, est  
 „mihi voluntas in vobis, & munus non accipiam de manibus vestris, &c. & illud. Dilexi  
 vos, &c. Quamobrem eo nomine Vates mittitur quo Deum ab illis discessisse maxime  
 argui possit: quale nomen nuntij est, quod inter absentes interpretem significat. Igitur  
 quod latinus interpretes vertit *onus*, de quo nomine plura aliàs diximus, cum à verbo ferre  
 siue portare deductum sit, hic non tam prophetiam grauem & sententiam latam in po-  
 pulum ipsum, quam legationis munus & onus Vati ipsi impositum interpretamur. Id  
 quod & orationis verborumque observatio indicat. aliud namque est onus ad Israël,  
 aliud onus super Israël. & Hebraicè, aliud est *על*, aliud *עליו*. posterior modus susce-  
 ptionem, prior acceptionem significat, vt, suscepi mandatum tuum, aliud est, quam,  
 accepi mandatum tuum; alterum sibi iniunctū & ferendum; alterum verò ab alio susce-  
 ptum ad se perlatum docet. [Itaque onus verbi Domini ad Israël, ad verbum illud significat,  
 Portatio verbi Domini ad Israël.] cuius latina expositio, mandatum, quo Malachias onera-  
 tus à Deo fuit, vt ad Israëlitas perlatum totidem verbis exponeret. Gallicè sic proprie  
 veritas: *Portée de la parole de Dieu à Israël en la main de Malachie*. Hispanè, *Recado de la palabra*  
*de Dios, &c.* Quod verò explicatur, [verbi Domini,] præter actionis & muneris auctori-  
 tem & fidem, quam facit, illud etiam significat, hoc vaticinium tantum mandatum sim-  
 plex esse, iisdem verbis exponendum, quibus acceptum à Deo fuerit. neque enim Vates  
 liberam legationem, sed certis tantum mādatis & verbis præscriptam profiterur, vt cau-  
 sæ fides & grauitas etiam augeatur: atque vaticinandi munus non ita, vt antea, frequens  
 iam esse, cum plures vates variis etiam vaticinandi modis instructi, vel perpetuò in po-  
 pulo essent, vel crebrius etiam extarent, quibus cum multifariam multisque modis vati-  
 cinandi officio fungi contingeret, nunc obiectis per quietem visis, nunc orationibus &  
 monitis dormienti factis, nunc vigilantibus oculis & sensu, nunc verò animo solum spectris  
 fenit, interdum verbis auditis: quæ alio etiam dicendi genere exponi liceret, nonnun-  
 quam autem eodem omnino modo & formula referendis, se tantum vno genere eoque  
 simplicissimo vsum Malachias ait, vt nuntij more mandatum sibi creditum & præscri-  
 ptum, totidem verbis omnino exponeret, nullaque in orationis parte suam ipsius, sed  
 Dei semper ageret personam. omnis enim sermo Dei nomine & persona habetur, vt:  
 „Dilexi vos: & illud: Et nunc ad vos mandatum hoc o sacerdotes: &c. Ecce ego mitto an-  
 „gelum meum. illud denique: Et nunc vobis timentibus nomen meum. ita vt eum  
 nuntium & legatum egisse Vates hic videatur, qui epistolam ab absente principe sibi ad  
 „populum commissum & diligenter attulerit, & summa fide recitauerit. ob eamq. rem  
 ait: [In manu Malachie.] Idem namque est in manu dare, vel afferre, quod apud Latinos  
 „credere, committere & perferre. hæc etenim verba in nuntiorum & epistolarum ratio-  
 „nibus vsurpantur, vt: Misitque in omnes terminos Israël per manus nuntiorum, dicens,  
 „&c. & illud: Faciet enim tibi Dominus sicut locutus est in manu mea: & scindet regnum  
 „tuum de domo tua. hoc est, id faciet, quod ex ipsius mādato prædixeram tibi. Exposuc-  
 „rat autem Samuel Sauli diuinum mandatum iisdem, quibus acceperat, verbis, sicut ipse  
 „idem præfatus ait: Sine me & indicabo tibi, quæ locutus sit Dominus ad me nocte, &c.  
 Itaque verba in manu perferre, idem quod simpliciter & sine vlla variatione exponere  
 significat, cum manus verba sibi commissa mutare non possit, lingua & mens possit, ea-  
 dem sententia observata etiam aut omnia, aut quædam verbo aliter, atque acceperit,  
 reddere. Vltimum verò inscriptionis verbum, [ad Israël,] argumentum ipsum & actionis  
 genus, ad quod sermo omnis referatur, aperte indicat. esse enim quandam de officio po-  
 stulationem, quam à Deo dictatam Vates referat aduersus Israël: quod nomen ob-  
 tentam dignitatem & amplitudinem Deo auctori acceptam referendam arguit. cuius  
 gratia populus ille ex propria antiqua humilitate & obscuritate nominis Iacob, in eum  
 nominis, familiæ, vitæque splendorem fuerit traductus, quem Israëlitis appellatione obti-  
 nebat. omne autem officium, studium, pietatem, denique summa omnia deberi ei, per  
 quem ad illum, quem complebat gradum, peruenisset. Hactenus inscriptionis ratio: nunc  
 verò deinceps causam ipsam, quemadmodum Vates egerit, audiamus.



*Dilexi vos, dicit Dominus: & dixistis, in quo dilexisti nos?*

ISRAELITAS. Deus ingrati animi & violati officij insinuat, studia & beneficia in illos sua commemorando, quæ omni in genere summa omnino constarent. magnū enim est a Deo, optimo maximo hominum omnium auctore, principe & gubernatore, egregiis præter ceteros beneficiis fuisse affectum. longè verò maximum est, singulari eiusdē amore fuisse familiariter semper exceptum & tractatum, sed generosissimus quisq. animum non tam dolere solet, quod beneficia in ingratis & inofficiosis hominibus collocata perierint, quam quod amoris studijque sui fuerit neglecta ratio. ideoq. Deus de amore dilectioneque sua (quod summum bonum ducere oportuerat) principio postulat, beneficia verò, non vt optimā partem, sed vt amoris sui erga illos argumentum cōmemorat, qui neque amoris magnitudine cognita adduci, neque beneficiorum pondere ac vi cogi voluerunt, vt debitum tanto atque de se optimè merito principi Deo officium vel pietatem potius præstarent. Est itaque totius actionis & postulationis propositio illa, [*Dilexi vos,*] cum affectu & animi quodam præcipuo sensu prænuntianda oratio, quæ amorem suū maximi æstimet, & negligi ab iis, quibus impenderit, indigne ferat. ex rei verò ipsius dignitate & personarum comparatione illorum improbitatem arguit. Est enim Dominus Deus misericors, beneficentissimus (quod illo nomine Dominus Hebraicè indicatur) actor: rei verò homines, quos nulla ex parte posse cum Deo confetti manifestū est, maxime verò si ingratos immemoresq. beneficij esse constet. Postulatū autē de amore dilectioneq. est, se omnium, quæ cuius optimo animo ab alio animo expeti posset, optima & præstantissima, nedum si a Deo expetatur, aut vltro etiā oblata præstetur. Igitur [*dilexi vos,*] eiusmodi sententiā habet. in quibus hominibus tantū amoris & studij ego Dominus misericors & beneficentissimus impenderim? nempe Israelitis nullo suo merito ante amari dignis, & deinde, ob ingrati animi vitium, tanto amore indignissimis. Quod vero, *dilexi*, in præterito tempore dicit, antiquum & perpetuum hætenus amorē omnibus argumentis constantem & probatum fuisse significat; quem neque tot offensionibus irritatus, hætenus tamen deposuerit. nam si quando in eos animaduernerit, id paterno amore, nō autem hostili odio effectū est: quia sicut homo erudit filium suū, sic Dominus Deus tuus erudiuit te. castigatio autē amorē non minus, quā indulgentia probat. Suum autē in eam gentē amorē singulārē fuisse, cōparatione docet, eadēque opera illorū improbitatē maximā arguit. [*Et dixistis, in quo dilexisti nos?*] Certi ac singularis amoris demonstratio, illos, præter ceteros mortales ingratißimos cōfirmat. neq. enim cōmuni quadā beneuolētia se illos prosecutū, neq. debito fortasse patribus eorū amorē dilexisse ait, quēadmodū ipsi aut putare aut obijcere poterant, quo intentū in se crimen aut eleuaret, aut certe cū aliis cōmunicaret. [*& dixistis.*] Præteritū cū adiuncta cōiunctione futuri vim obtinet. [*dicetis autē,*] respondit antipophoræ, quā ex humani ingenij cognitione in promptu reis fore intellēxerat [*in quo dilexisti nos.*] Antipophoræ huius sententia nō ea est, in qua amor negatur, qui summus esse omnibus rationibus constabat, sed quod se præ ceteris hominibus maxime dilectos fuisse Abrahami patris merito accidisset, quē sibi vnicē charū Deus ipse propter fidē & pietatē erga se præstitam fuisset professus, sicut scriptū est: Semen Abraham amici mei. Quoniā verò Abraham a Deo ob amorē redamatus videretur sibi, qui ex Abrahamo orti essent, deberi etiā illū amorē antiquum, nō haberi singulārē aut nouū defendere poterant, vel illo testimonio producto, Quia dilexit patres tuos, & elegit semē eorū post eos. ita homines ingrati atq. improbi, quæ in se misericordia & benignitate singulari diuini amoris cōstabant beneficia, ea non vt in ipsis singulariter fata, sed vt pietatis fructū, quē patres meruerint, retributa interpretari auderēt. hæc illius obiectionis sentētia est, *in quo dilexisti nos?* Præpositio, *in*, causam hoc loco significat, vt: Exurge Domine in præcepto, quod mandasti, &c. Quomobrem, inquit, dilexisti nos? scimus iam quamobrem, nimirū propter patrē nostrū Abraham, unde non nouim, neq. singulārē in nos Israelitas amorē, neq. in nobis collocatū priuatē, sed antiquū illū vt cōceptū ita cōseruatū fuisse intelligimus, magisq. cōmunē patribus nobiscum, quā nobis propriū putamus. Hætenus humana improbitas ingeniosa esse potuit, & singularis in se dei amoris magnitudinē, vt priuati debiti obligationē faciliorem ostēderet, interpretari. Est autē hæc in dicēdi facultate causæ infirmatio dicta: quā tamē Deus sapiētissimē re ipsa & manifestis argumētis exēplisq. refellēs demolitur; atq. propositam a se singularis amoris magnitudinē miris modis illustrat & cōfirmat.

Ira. 41.

Deut. 4.

Palm. 7.

Cicero de Inuentione.



*Nonne frater erat Esau Jacob? dicit Dominus, & Jacob dilexi?*

AMOREM erga Israëlitas suum singularem & præcipuum ex sola voluntate ac misericordia profectum, non ex patrum merito debitum fuisse, illustribus exemplis commemorandis confirmat Deus. producitur enim varia multumque diuersa voluntatis suæ erga geminos fratres Jacob & Esau argumenta, quæ disparibus omnino vtriusque familiarum meritis illustria publicè constarent, Quod, inquit, vos non parentum vestrorum merito, sed præcipuo quodam meo studio dilexerim, ex ea re perspicui potest, quòd cum Esau Iacob frater natuque prior ex eodem patre Isaac Abrahami filio, ex eademque matre Rebecca fuerit, Iacob tamen maximis atque illustrissimis beneficiis affectu à me præcipuè diligi, perpetuò fuerim testatus: id quòd si propter parentum merita faciendum esset, fieri hoc modo non oportuit. aut enim priori filio maior, aut certè par vtriusque amor parentum merito esset impendendus. [*Sed Iacob dilexi.*] Iacob generis & nominis vestri parente & principè perpetuis in tota vita & assiduus affectu & ornatu beneficiis complexum me fuisse constat, ita ut illius cõparatione dicere illud verè possim: *Esau autem odio habui.*

LIBET aliquantulùm hoc in loco indicãdo cõmorari, qui & propter ipsius rei, de qua agitur, grauitatẽ, & propter totius veteris & noui testamenti rationes explicari difficilimas, plus etiã diligentiã & opere, quàm quæ in breuib; cõmentariis poni possit, desiderat. Nos tamẽ rem ipsam ex Dei, quẽ semper inuocamus, auxilio breuiter expediemus, longiori oratione & præsentis sermone aliàs oportunius persecuturi. Igitur cum Deo arcu illud de publica humani generis salute consiliũ executuro familia aliqua inter homines optanda esset, ex qua ille summus rei gerẽdæ p̃otifex & minister nasceretur, quẽ ex mulieris semine oriturũ diuinis oraculis fuerat decretũ, Abrahami sobole non omnẽ, sed Isaacum filium optare placuit, sicut scriptum est: In semine tuo benedicentur omnes gentes terræ. & alio in loco: In Isaac, inquit, vocabitur tibi semen. Ex Isaac autem cum gemini futuri essent filij, à quibus duo populi propagarentur, alterum posteriorem natu ad eam, quam parabat, rem deligere Deus voluit, cuius vitam, res, familiã, nomen, dignitatẽ atque amplitudinẽ præcipua ac singulari quadam omni quẽ orbi conspicienda cura foueret, & ad propositi negotij finem perduceret. Hunc autem virum eiũque familiam & genus multis commodis & ornamentis, ex ijs, quæ ad huius vitæ vsum, suauitatẽ & splendorem pertinent, afficiendum, promissis ad patres factis in se receperat. Semini tuo dabo terram hanc, &c. & alio loco: Peregrinum erit nomen tuum, &c. & paulopost: Veruntamen gentem, cui seruituri sunt, ego iudicabo, & post hæc egredientur cum magna substantia, &c. quæ ad hanc rem pertinent, promissa quæ plurima. Huius autem Iacobi eiũque familiæ felicitatis & amplitudinis, atque tantib; beneficij aduersarium & obtrectatorem Esau fratrem fore præuiderat Deus, qui quantum humana felicitas inuidiæ subiecta sit, optime nouit: quo vitio fraternæ etiã necessitudinis iura contaminari, violari & perueri manifestum est, maximè cum maior frater à minori se gloria aut dignitate superari egerimè ferat. id quod vel vno & altero Caini & fratrum Iosephi exemplo manifestum est: à quibus propter fraternæ felicitatis non iam spectationem, sed opinionem & cogitationem tantum, grauissima scelera per summum nefas admissa sunt. Deum igitur, qui Iacobi sibi ad eam rem delecti & temporalib; commodis atque ornamentis beneficio suo redundaturi partes facturus defensusque fuerat, Esau inuidiatque inimici obtrectationem studiaque, conatus atque impetus omnes, quibus ille fratris felicitatem oppugnare contenderet, fracturum esse, & consequens erat: atque ita sibi hac in causa, & sustinenda, & defendenda, & confirmanda, Iacobum sibi singulariter diligi charumque haberi, Esau inimici atque obtrectatores rebus, quæ contrà moliendæ essent, euertendis aduersarium esse ostensurus erat. neque verò hic de animorum felicitate, sed de terrenis illis promissionibus atque huius vitæ splendore & gloria, quam Esau Iacobo fratri vehementer inuidit, agebatur. namque illam cælestis beatitudinis consequendæ facultatẽ, nulli eorum, qui in hunc mundum venerint, hominum Deus adimit aut eripit, nisi iis tantum, qui sua culpa & vitio, quo minus assequerentur, commiserint, sicut scriptum est: Erat lux vera, quæ illuminat omnem hominem venientem in hunc mundum. & qui peccauerit mihi, delebo eum de libro vitæ. & patienter agit Deus nolens aliquem perire. nemo enim neque angelus neque homo causam primam, quam obrem damnatus fuerit, diuinæ voluntati, aut

aut præscientiæ, quam vocant, verè ascribet; sed suæ potius impietati & peccatis atque sceleribus, quibus sese ipse volens ac sciens alligando, pœnitentia vera suscipienda, diuinæque misericordia imploranda, solui tandem recusauerit, sicut scriptum est: Nunquid iniquus est Deus, qui inferat iram? absit: alioqui quomodo iudicabit Deus hunc mundum? Quod si quis Esau ipsum damnatum pœnisque æternis addictum esse confirmet, eius iudicij causam fuisse contendemus; non hunc Iacob fratris delectum illiusque repudiationem, antequam nati essent, aut quicquam boni vel mali, vt diuus Paulus, inquit, egissent: sed propriam hominis impietatem & nefariam culpam, celestium virtutum atque diuinorum consiliorum maximarumque spiritualium rerum contempTIONem, quibus ipse sceleribus sese non solum vltro alligauit, sed additis etiã nouis nodis, arctissime astrinxit. Etenim primogenituræ ius, in quo celestium donorum diuina atque arcana ratio latebat, non modo negligere, sed vilissimo pretio vendere, deinde irridere, denique nihili facere est ausus, imò & nomen ob eam rem, notamque perpetuam subire libenter passus fuit. Quam ob causam vocatus est Edom. cui dixit Iacob, Vende mihi primogenita tua, ille respõdit: En morior, quid mihi proderunt primogenita. ait Iacob, Iura ergo mihi. Iurauitque Esau & vëdedit primogenita. & sic accepto pane & lentis edulio, comedit, & abiit, paruipendens, quod primogenita vendidisset. Hanc itaque veram causam fuent, nos cū Apostolo defendemus. Ne quis, inquit, fornicator aut prophanus, vt Esau, qui propter vnā escām, eamque vilissimā, panis & lentis vëdedit primogenita sua, &c. Aliam igitur longēque diuersam esse vtriusque de Esau facti iudicij rationem constat, hancque, de qua proximè disseruimus, quæ ad æternæ felicitatis amissionem pertinet, improbationem siue reprobationē, ob proprium hominis crimen dici debere, illam verò alteram priorem, quæ delectum ad rem aliquā parandam factum consecuta sit, reiectionem propriè appellari. namque vbi res aliqua per omnes gerenda non est, quisnam potissimum ad eam expediendam sit deligendus, auctoris ipsius consilium arbitriumque fuerit, qui quem maluerit, deligere, ornare, atque ad expediendam rem instituere & conformare, sine alterius cuiuspiam iniuria, potest. Atque de huiusmodi priuatorum ad munia publica ad aliaque negotia delectum genere, & de illa communi omnium hominum ad vitam æternam electione, à qua nemo, nisi ob culpam, reijcitur, nos plura dicere & cupimus & speramus, quæ ad nostrorum temporum controuersias, atque ad multorum piorum hominum tollendas dubitationes, sacrorumque librorum de his rebus aperiendam sententiam plurimum profutura esse cognouimus. Intèrim autem commentariis nostris legendis multum ad huiusmodi argumenta lucis accedet ijs, qui non contentione aut vlla alia animi perturbatione, sed simplici & Christiana veri cognoscendi cupiditate adducti curam studiumque adhibentes, quemadmodum res ipsæ à nobis expositæ cum diuinarum lectionum sententia quadrent, perspexerint. Igitur hoc modo Iacob ad eam, quam diximus, rem delectum sibi fuisse Deus proficitur, vt illius omādi amplificandique causa suscepta, fratrē inuidum & maleuolentissimum ita oderit & oppresserit, vt ne quid contra Israël dignitatem & gloriam moliri posset; si verò contenderet, aut nullos omnino, aut consilij contrarios haberet exitus. neque verò de ipso tantum Esau Isaac filio sermo est, sed de illo illiusque genere omni Idumæorum; quorum res Deus sæpe diminuit & dissipauit, vt Israël, hoc est, Iacobi cum familiis suis res augeret, amplificaret & conseruaret, id quod apertè cū ex tota confirmatione ad hanc sententiam allata, tum etiam ex propositione ipsa explicatur. inquit enim, dilexi vos. quæ commemoratio ad omne Israëliticum genus spectat, vt & ipsa etiam inscriptio apertè docet. Onus verbi Domini ad Israël. Ait autem se dilexisse gētem ipsam iam inde ab initio, idque confirmat earum rerum commemoratione, quæ sibi ipsorum causa etiam aduersus inimicorum & detractorum inuidiam & conatus susceptæ atque præstitæ fuerint: id quod neque patrum merito factum dici iure possit, cū vtriusque generis auctores fratres fuerint, & is cui se aduersarium Deus declarauerit, prior natu extiterit. neque etiam id aliqua culpa aut scelere Esau, neque contrā aliquo merito Iacobi cœptum sibi fuisse ostendit. nam antequam nati essent, antequam quicquam vel boni vel mali egissent, non ex currēte neque volente, sed ex vocante dictum est ei, Maior seruiet minori. Quibus ex rebus omnibus illud fit, vt hæc Israëlitarum felicitas, & il-

Genes. 25.

Hebr. 12.

Rom. 9.

& illustris electio atque gloria nulli parentum bono, nulli Esau olim malo merito ascribenda, sed vni Dei benignitati, gratiæ, singularique in illos amoris accepta referenda sit. Iam diximus id, quod perpetuò meminisse oportuerit, de temporali, non de æterna vtri-  
 usque populi felicitate hoc in loco agi. Qua in re liberum semper & consilium &  
 iudicium Dei fuit, cui res eas, quæ ad omnes non pertineant, ad eos, quos velit, de-  
 ferre, integrum omni ex parte est. plura verò de hac re in nouo testamento dicen-  
 da sunt. hac autem ratione cognita, quemadmodum res ipsa sese habuerit, obser-  
 uandum est, hoc est, quemadmodum Deus electum ad eam rem, quam diximus, Is-  
 rael ab initio generis ad extremum vsque negotij expediendi finem, comparaue-  
 rit, fouerit, ornauerit, amplificauerit, denique charum vniceque dilectum sibi declara-  
 pugnatum & oppressum sibi inuisum & repulsum esse multis argumentis ostenderit.  
 Ait enim Deus se ita Esau inuisum habuisse, vt montes eius in solitudinem, & heredi-  
 tatem eius in dracones deserti posuerit. Ex sacrarum autem historiarum lectione  
 Israël & Edom non diuersas modò, sed aduersas omnino rationes fuisse deprehendi-  
 mus, ita vt Israël à Deo optatus & dilectus, Esau verò reiectus, atque ob æmulationis &  
 obrectationis aduersus fratrem studium & contentionē impugnatus fuisse intelligatur.  
 etenim statim ab ipso initio infantibus in matris utero conceptis, vbi alter delectus esset,  
 grauissima & contentiosa luctatio fuit, ita vt ià alter alterius dignitati inuidere & æmu-  
 lari; alter verò alteri cedere nolle intelligeretur. quod ita esse, ex diuinis responsis est  
 Genes. 25. declaratum: Duæ gentes sunt in utero tuo, & duo populi ex ventre tuo diuidentur, po-  
 pulusque populum superabit, & maior seruiet minori. Ita autem euenit, vt non modò  
 studiis, sed exitu rerum diuisi dissidentesque forent. alterius enim populi florentibus  
 rebus alterius res debilitatæ sunt. id etiam in ipso vtriusque ortu significatum est, Esau  
 pede in Iacobi manu tenacissimè comprehenso: quæ res magno ad illius conatus impe-  
 dimento hunc fore portendebat, qui ex eo nomen Iacobi accepit. Iam verò ipsorum,  
 quanquam non nimis diuersis temporibus genitorum, certè eodem ferè horæ momen-  
 to nascentium, diuersa tamen ingenia esse, diuersaque omnino studia voluntatesque  
 fore, & ipsa corporum specie, & morum etiam atque exercitationum ratione facile co-  
 gnosci potuit. Erat enim Esau rufus totus in moremque pellis hispidus, quod san-  
 guinarij & robusti bellicosique hominis indicium est: vehementer namque calidæ  
 fumosæque naturæ huiusmodi sunt; contrà verò Iacob lenis, molli cute & corpore  
 bene constituto, sicut scriptum est: Nosti quòd Esau frater meus homo pilosus sit,  
 & ego lenis, & cæt. quod moderatos, temperatos, religiososque mores indicabat.  
 Id quod vtriusque à puero diuersa studia & meditationes exercitationesque demon-  
 strarunt: Factus, inquit, est Esau vir gnarus venandi & homo agricola, Iacob autem  
 vir simplex habitans in tabernaculis. quæ res ijs illum studiis delectatum & dedi-  
 tum significat: quæ cum simplicitate perfectioneque vitæ atque pace & tranquilli-  
 tate animorum conuenirent, ita cum geminorum natura, formæ, mores & studia si-  
 millima ferè esse soleant, horum distinctissima & dissimilia omnia esse voluit Deus,  
 quo suum in Israël amorem singularem, atque delectum à se factum, idque vo-  
 luntate sua præter communem naturæ voluntatem euenisse testaretur. Qua de re  
 nos aliàs plura ex diuinæ & humanæ philosophiæ rationibus, Deo duce, differemus.  
 Ita etiam eos, vt ingenio & moribus, consuetudine quoque & loco separatos Deus vo-  
 luit, Esau in montes Seir prius relegato, vt Israël posteritati felicem illam atque cele-  
 brem sibi singulariter curatam regionem vacuum & integrà reseruaret, sicut scriptum  
 est: Elegit nobis hereditatem suam, speciem Iacob, quem dilexit; SEELAH. In prom-  
 ptu autem erat, vt Esau huiusmodi ingenio & moribus elato & sublimi animo, robusto  
 corpore, & ad magnas res appetendas idoneus natus, fratris, quos se maiorem & præstan-  
 tiorem, aut certè non inferiore putabat, crescenti florentique dignitati, atque secundis rebus  
 inuideret: quâdo hoc inuidiæ obrectationisque morbo non nisi ijs ferè iactantur, qui vel su-  
 periores, vel certè pares ijs, quibus inuident, sese esse putant, sicut scriptum est: Et dispi-  
 cit in oculis regis sermo iste, dixitque, Dederunt Dauid decem millia, & mihi mille dede-  
 runt. Quamobrè Esau sese fraternæ dignitatis æmulatorem atque apertum inimicum declarauit,  
 sicut scriptum est: Oderat ergo semper Esau Iacob pro benedictione, qua benedixerat ei  
 pater,



pater, dixitque in corde suo, Venient dies luctus patris mei, & occidam Iacob fratrem meum, & cat. Ex hoc autem tempore & deinceps Deus amorem, quem erga Iacobum suscepit, perpetuis argumentis est prosecutus; tum rebus illius augendis & amplificali labefactando & conuellendo: ita qui alteri auxilio & praesidio esse decreuerat, alteri qui ex inuidia atque aemulatione contra contenderet, aduersarium se prebere opus fuit, radicesque omnes conuellere, quibus illi Iacobum fratrem superare & premere conaretur, opes, facultates, potentiam & gloriam. Quod quidem Dei in Israël beneficium, multis & assiduis olim constitit argumentis: quamdiu enim Iacob pietate officioque colendo testis eum Deo & eum sanctis fidelis fuit, amplissimis & florētissimis, contra verò Edom tenuissimis rebus est usus. quam rem sacra historia aperte indicauit, sicut scriptum est: Reges autem, qui regnauerunt in terra Edom, antequam haberent regem filij Israël, fuerunt hi, &c. Quo in loco illud nimirum significatur, Idumaeos tam diu regibus atque regni splendore usos esse, quoad Israëlitis regnum rexque contigit: statim enim ab ipsis Israëlitis regnantijs Idumaeis regno à Dauide adempto, praefecti, qui ius dicerent, missi sunt, sicut scriptum est: Et posuit in Idumaea custodes, statuitque praesidium. & facta est vniuersa Idumaea seruiens David, &c. Atque hic vtriusque populi rerum status vsque ad Ioram regis tempora fuit, qui paternorum scelerum imitatione, cum alia multa, tum illam etiam apud Idumaeos auctoritatem dignitatemque amisit, sicut scriptum est: In diebus eius recessit Edom ne esset sub Iuda, & constituit sibi regem, &c. Secundi autem templi temporibus Iudaeorum rebus per Machabaeos restitutis, Idumaeos etiam debellatos fuisse, atque in circuncisionis etiam foedus, ab Hircano coactos, transiisse, Iosepho Hebreo auctore legimus. Et debellabat Iudas filios Esau in Idumaea, &c. quae in Secundo Machabaeorum libro longius de hac re scripra sunt. quo in loco huius vaticinij & nostrae interpretationis argumentum in Iudaeorum precibus & votis indicatur, vt sibi propitius, inimicis autem eorum esset inimicus, & aduersarijs aduersator, sicut lex dicit, &c. denique obseruatis diligenter historiis, illud constabit, Idumaeos Israëlitarum rebus, vel florentibus languisse, vel emergētibus depresso fuisse. Atque hac omnia singularem Dei erga Israël amorem nō patrum meritis debitum, sed vltro ac sponte ex mera voluntate profectum confirmant. id quod diuus Paulus aperte docet. Igitur, inquit, non volentis, neque currentis, sed Dei misericordiae est. Quod si quis sublata iam de aeternae felicitatis (ad quas locus hic non pertinet) obscuritate & dubitatione, illud tamen curiose, seu potius morose inquirere pergat, quænam ratio fuit, quam obrem Deus, Esau priore natu reiecto, Iacobum dilexerit, quemadmodum huiusmodi curiositatibus satisfaciam, me planè non habere fatebor: quemadmodum verò mihi hac in re, ne quid ultra quæram, abundè satisfactum sit, à Ieremia & diuo Paulo accepisse. O homo tu quis es, vt respondeas Deo: nunquid non habet potestatem figulus ex eadem massa? & cat. quem locum nos, si Deus eò deduxerit, magno, vt speramus, cum piorum hominum fructu, exponemus. Quicumque de hac re ambitiose, siue, vt diximus, morose disputare porro contendat, eò demum euadet, vt abundantem Dei erga Israëlitas singularemque amorem merà & libera voluntate susceptum admiratus, Israëlitis tanto beneficio deuotissimis, Deum perpetuò redamatum, cultum, diligentissimeque obseruatum fuisse oportere credat. Atque hoc ipsum est, quod Deus agit, quod videlicet vel à morosissimo quoque disputatore negari non possit, se videlicet Iacobum dilexisse, Esau autem illius causa odio habuisse. ita vt interim dum alterius res prosperæ essent, alterius se auctore & oppugnatore debilitarentur, regni-que & florentis populi nomen, facultatem & personam, quicquid moliti contra essent, deponere cogerentur: hoc enim argumento singularem suum in Israëlitas amorem Esau rerum comparatione probat Deus.

*Et posui montes eius in solitudinem, & hereditatem eius in dracones deserti.*

AMPLISSIMUM Idumaeorum statum secundasque res fuisse, antequam Israëlitis vel Chanaanæ regio obtēta, vel rex constitutus esset, Mose etiā auctore, cognouimus, qui Seir montes ab Esau, fortissima etiā & frequentissima inde pulsa gente, occupatos, sedecim tum filijs,

tum



tum nepotibus abūde fuisse, vt singuli ducatum obtinerent. deinde verò regionē ipsam omnē in regni formam redactam, perpetuis secūdis rebus ad octauum vsq. regem fuisse vsam. eodem autem tempore, quo sub regibus esset, vndecim principes, quos *Aluphim* Hebraei vocāt, habuisse dicit, qui vt statum illum summum, firmum, ac florentem illis temporibus fuisse doceret, tandem subiunxit: Hi duces Edom habitantes in terra imperij sui, ipse est Esau pater Idumæorum. Huius itaque montes ex tanta frequentia & celebritate ad eam solitudinem & vastitatem redacti, vt pro ducibus filiorum Israël in cognationibus, locis & vocabulis suis, vt Moses ait, serpentes & dracones deserti alerēt, Dei ultoris iudicium & consilium auctoritatemque apertè indicabant. Maxime verò cum non semel vastati fuissent, sed quoties ab incolis omni consilio, studio & conatu maximo restitui iam viderentur, toties etiā vasti ac deserti redditi essent: quæ res nō casui aut rerū vicissitudini, sed manifesto Dei consilio ascribenda fuerat. neq. enim sicut consiliū, ita casus perpetuas & consimiles rerum rationes atque exitus habet, præsertim cum humano consilio, prudentia & contentione omni, declinandis aduersis rebus secundisque procurandis prospicitur. hoc est quod à Vate confirmationis causa subiunctum est.

*Quod si dixerit Idumæa, Destructi sumus, sed reuertentes ædificabimus quæ destructa sunt: Hac dicit Dominus Deus exercituum, Ipsi ædificabunt, & ego destruam.*

QVO D si Idumæi, inquit, infimam suam condicionem temporum varietatibus, fortunæque vicissitudinibus ascribentes, rebus, quæ fortunam vincere posse putantur, consilio, industria, diligentia, arte atque assiduitate corrigere conati fuerint; infestus quidam, constans & quasi fatalis euentus cum eisdē ipsos redarguet, tum nationes & gentes cæteras non casu, sed infensō numine id fieri docebit. [Quod si dixerit Idumæa, destructi sumus. Hebraicè, depauperati sumus.] Quæ oratio varium humanarum rerum euentum indicat, cum assiduo in vita exemplo eisdem homines ex summa copia ad summam inopiam redactos, rursus consilio, ingenio & industria restitui videamus. Verbum autem, *sed reuertentes*, vicissitudinem rerum; illud verò, *ædificabimus*, cōsiliū, ingenium, studium, que publicum significat, vt: Nisi Dominus ædificauerit domum, in vanum laborat qui ædificant eam, &c. [Dominum exercituum,] ultorem, oppugnatorem atque fortissimū appellat. Horum igitur diligens studium certa & constans calamitas consecuta, diuinum numen illis infensum apud omnes gentes probatura fuit.

*Et vocabuntur termini impietatis, & populus cui iratus est Dominus vsque in æternum.*

ET vocabuntur. Hebraicè, *Et vocabunt eos.* Nationes aliæ, inquit, tantam calamitatis constantiam non ex casibus aut humanis vicissitudinibus, sed ex gentis culpa & scelerebus atque ex Dei infensi cōsiliis interpretatæ terram ipsam agrumque omnem Idumæū nefastum, vitiosum, durumque populum vero numini perpetuò inuisum esse dicent. Hunc locum Chaldaicus paraphrastes ita exponit: [Et vocabunt illos viciniam, cuius populus impij, & populum super quos venit maledictio vsque in seculum.] Manifestum igitur argumentum diuini in illos odij hoc fuerit: Israëlitis verò præter hæc manifestissimum diuini in se amoris signum inimicorum perpetua calamitas, & suarum rerum felix restitutio esse debuit.

*Et oculi vestri videbunt: & vos dicetis, Magnificetur Dominus super terminum Israël.*

NECESSARIAM diuini in se amoris confessionem ab Israëlitis tanto vtriusque populi rerum discrimine extorquendam esse Vates ait. namque illi destructæ & vastatæ toties Idumææ, suis rebus restitutis, spectatores facti. id quod oculis prospicient, diffitē minime poterant, sed cum summa diuini atque singularis in se amoris laude prædicare cogentur. Est autem zeugmatis genus in hac oratione, qua illud: [Super terminū Israël,] vtrique verbo respondet, hoc modo: [Et oculi vestri videbunt super terminum Israël, & vos dicetis]

dicetis super terminum Israël, magnificetur Dominus.] Idumæorū vastationis restitutionisq. suæ testes & cōpotes factos Domino misericordissimo suiq. amantissimo laudem & gratulationē omnemq. summū cultū deberi à vobis cognoscetis & prædicabitis. quibus terminus Israël cōseruatus & redditus, colendus atq. frequentandus cōcessus fuerit. id quod non ab alijs aut factū aut futurum acceperitis, sed vos ipsi præsentēs experiamini. Hoc autem dictum est, quod non solum antiqui, sed secundi etiam templi temporibus, Iudæorum restitutis rebus, Idumæorum res vehementer depresso afflicteq. (vt iam ostendimus) essent. Quibus ex rebus omnibus illud consequitur, maximum Deo, vt patri amantissimo, cultum, maximam, vt Domino beneficentissimo, obseruantiam reuerentiamque ab illis deberi. id quod ipsorum confessione est manifestum. [Magnificetur Dominus.] Magnum, inquit, & sublime atque omnibus modis admirandum vniuerso orbi Domini misericordis nomen reddatur, qui Israëlítico termino præcipuè ornando & amplificando magnum sese semper exhibuerit. Hactenus autem totius orationis exordiū est, quo Vates Dei partes agens Israëlitas omni obseruationis officijque debito, ex diuini amoris beneficiorumque singularium magnitudine manifestò teneri ostendit. Constat autem ratio omnis integra argumentatione, qua ex propositione aiente eaque generali, & singulari assumptione negante, negans etiam conclusio colligitur hoc modo: Omnis, qui amatus non redamat, iure repudiatur, Israël amatus non redamat: igitur iure Israël repudiatur. In exordio autem propositio dicta atque confirmata est. namque in singulari, [dilexi vos,] generalis continetur. omnis qui à Deo diligitur, redamare debet, quæ vt manifesta, est prætermissa, singularis expressa est. Israëlita à Deo dilecti sunt, eaque est satis aperte ostensa. ex quo etiam illud rationis vi colligitur, summum amorem summamque reuerentiam Deo ab Israëlitis deberi. qua conclusione in secunda actionis parte repetenda criminis propositio subiungitur, Israëlitas videlicet deferti officij & amoris neglecti culpa grauissimè teneri.

*Filius honorat patrem, & seruus Dominum suum: si ergo pater ego sum, ubi est honor meus? & si Dominus ego sum, ubi est timor meus?*

DVPLEX officij faciendi ratio est, alteri, quod liberali & ingenua virtute atque gratia referenda consistet, pietas nomen est, quæ & Deo imprimis, & patriæ, ac parētibus, & amicissimis benemerentibusque præstatur; altera verò quod debito soluendo minus liberam propensionem, ac fracti magis animi obedientiam adhibet, seruitus nominatur. Vtraque verò in diuinis libris timor, non tamen sine distinctione & notatione appellatur: de quo aliàs longius, annuente Deo, disseremus. Habet verò vtrumque genus suas, quibus distribuitur, partes, vt pietatis pars est honor, qui Hebreis ק א ב ו ד vocatur, Latine vix pluribus verbis explicari possit. Seruitutis illa fracti animi obedientia, quæ communi nomine latinis, timor, Hebræis מ ו ר א ה, dicitur. de altera parte scriptum est: Honora patrem tuum & matrem tuam; de altera verò: Serui obedite dominis carnalibus cum timore & tremore & simplicitate cordis vestri, &c. Sunt & aliæ horum generum partes, quas nunc persequi longius fuerit. hæc verò, quas indicauimus affectus impulsionesque animi filij erga patrem, seruique erga dominum, ex quibus cætera officia proficiunt, continent. ex ipso autem orationis exordia illud consequebatur, non modò timorem & obedientiam, seruitutemque, sed amorem, honorem atque pietatem omnem Deo ab Israëlitis deberi: quem illi non modò, vt cæteræ gentes, dominum & gubernatorem, sed amantissimum patrem experti semper fuissent. nunc verò contrà in populo hoc euenisse, Deus criminatur, à quo se non amari modò & coli vt patrem, sed timeri etiam vt dominum negat. atque id rebus cum rebus ipsis definiendis ponderat, tum comparationibus aliarum gentium, quibus ipse sese gubernatorem magis, quàm patrem hactenus exhibitum, religiose magis timeri & obseruari affirmat. Est autem vtriusque officij definitionis summa illa, [Filius honorat patrem, & seruus dominum timeet.] Quanquam verò in definitione verbum, timeet, desideratur, ex nominum tamen ipsorum mutua relatione consequitur, vt filij erga patrem officium, honor, siue cultus, serui verò erga dominum, timor & reuerentia sit. id quod in assumptione explicatū est. [Et si Dominus ego, ubi est timor mei?] Diximus autem filij officiū hebraico verbo ק א ב א ד, significari, cui nullum latinum pari sententiæ pondere quod respondeat, inueniatur, præter colere, quod propè accedere videtur. complectitur enim verbum ק א ב א ד omnes dignitatis

Exod. 20.

Coloss. 3.

723

dignitatis, amplitudinis, magnitudinis, ornamenti & suspicientiæ, amoris deniq. rationes, & summa omnia, quæ ex homine quopiam in alterum charissimum, benemerentissimum & dignissimum expectari possunt officia: quæ si exëplis nobis ex sacra lectione essent declaranda, vix commentarij nostri modò capi possent. huiusmodi officium parentibus à filiis debetur. [*Filius honorat patrem.*] dominis verò à servis reuerentia & timor. [*Et servus dominum timet.*] Negat autem Deus cū primis sibi aut patri aut domino debitum officium ab Israëlitis tribui. quæ ex re illud consequitur, se nullo ab illis dignitatis nomine cultum negligi & contemni. [*Nam si pater ego, ubi est honor meus? & si dominus ego, ubi est timor meus?*] Interrogatione negat id, quod aduersarius, vt exponat, petitur. estq. firmissima & vehementissima ad confirmandum exornatio. Iam verò illud crimen est, tantum patrem dignissimum & benevolentissimum negligi, illud verò longè maximum scelus, eundem ab ijs, quibus omni officio ac potius pietate coli semper oportuit, per summum tamē nefas contemni ac despici: cuius sceleris tamen si omni populo communis, culpa tamen maxima in sacerdotes, vt in auctores, confertur. illi namque nō solum neglectione, sed improba etiam & impia oratione atque doctrina diuinas res in contemptionem adduxerant. Quamobrem cū omnes tum sacerdotes, tum populum vt Israëlitis nominis participis, sic eodem negligentia & deserti officij crimine Deus inuoluisset, grauiorem tamen sceleris notam sacerdotibus inurit, diuinæ nimirum dignitatis prudenter & consultò violatæ ac deformatæ: quæ accusatio sanctissimo Dei nomine aduersus sacerdotes facta multis & grauissimis argumentis amplificatur.

*Dicit Dominus exercituum ad vos o sacerdotes, qui despicitis nomen meum, & dixistis, In quo despiciamus nomen tuum? offertis super altare meum panem pollutum: & dicitis, In quo polluimus te? In eo quod dicitis, Mensa Domini despecta est.*

Ex omni illo prisco & veteri sacrarum rerum apparatu, quibus diuinorum beneficiorum monumenta conseruabantur, totiusque religionis arcana ratio vel significati, vel exerceri & procurari solebat, sola sacrificiorum & hostiarum, earumque, quæ ad hæc referri deberent, ceremoniarum ritus & vsus Iudæis post Babylonica tempora reliquus fuerat. namque testamenti arca cum cæteris, quæ inerant, sanctis rebus, thurim & vim, aliaque iam à nobis enumerata, reductis ex illa captiuitate omnino desiderata sunt. oportuerat autem eam partem, quæ reliqua fuisset, in qua diuinarum & humanarum apud Deum rationum, & familiaritatis momenta arcana essent, sanctissimè & religiosissimè purissimeque curari & coli. neque, cū aliud nihil in eo genere extaret, illud, quod vnum superaret, cultorum negligentia & culpa infirmari, pati fas fuerat. Id verò cū totius populi, tum sacerdotum maximè curare intererat, quorum summa cura & diligentia ad hanc rem collata vix officio plenè satisfacere, nedum negligentia, prætermisio & contemptus admitti sine scelere potuisset. Quamquam verò sacerdotes illati sibi criminis culpam negando effugere aut deriuare studerent, admisisse tamen maximam atque habere suis ipsorum tum actionibus, tum orationibus redarguuntur. [*Qui despicitis nomen meum.*] Diuinum atque omni studio colendum, aut alioqui vehementer metuendum nomen suum, [*Domini exercituum,*] à sacerdotibus despectum esse criminatur. quibus ob eam rem grauius etiam scelus, quàm populo admissum ostendit. etenim populus omnis & grati & debiti officij neglecti accusatus est. sacerdotes verò manifestè iniuriæ scelerisque obiti, imò & prodicionis insimulantur, quòd debitam ab hominibus aduersus diuinam maiestatem, reuerentiam & obseruantiam, exemplo, actionibus sermonibusque suis excluderint. Ita populus vel ignorance, inscitia & errore prætexendo, crimè sibi illatum eleuare; sacerdotum verò exemplo, aut etià iudicio proposito deriuare quoquo modo potest: sacerdotibus verò, qui vel quid agendum sibi ac populo sit, non ignorant, vel ignorare sine magno scelere & officij prodicione non possunt, nulla parari potest excusatio. Quamobrem grauissimis exemplis in hunc ordinem olim calatus animaduersum fuisse accepimus, sicut scriptum est: Hoc est, quod locutus est Dominus, Sanctificabor in ijs, qui appropinquant mihi: & in conspectu omnis populi glorificabor,

glorificabor, &c. Quoniam tamen hominum improbitas culpa crimen negatione de-  
 nuare magis, quam confessione deprecari aliquando solet, ne quid à Deo non verissime  
 & grauissimè dici vnquam putetur, non coniecturis, sed manifestis ipsorum verbis & fa-  
 ctis coniungitur. [*In quo despeximus nomen tuum?*] quasi verò religionis & pietatis violatio  
 verbis solum, & non multo etiam magis factis constet. Iurarent fortasse sacerdotes De-  
 illud nomen arcanum sanctum sibi semper religioseque pronuntiatum fuisse, semper se  
 de Deo cum summa obseruantia fuisse locutos. Itaque si vera virtus verbis tantum, non  
 item actionibus & studijs definiretur, maximam à se præstitam contendere isti possent,  
 qui diuinum nomen sibi summa cum reuerentia pronuntiatum semperque prædicatū  
 affirmantes dicunt, [*In quo despeximus nomen tuum?*] Obseruata hoc in loco humanæ sa-  
 pientiaë calliditas est, quæ in manifesta & simplicissima re, verborum tamen sonum im-  
 pugnare audet, syllabas etiam interdum, quibus sese defendere conetur, arripit. Verum  
 enimvero diuina sapientia, quæ virtutem actionum potius & rerum ponderibus, quàm  
 verborum copia examinat, debitum sibi à populo cultum, istorum studio & iudicio ne-  
 glectum & violatum arguit. atque ex consequenti nomen suum, quod ore pro-  
 nuntiatum recte illi defendendum animo & iudicio prophanatum & violatum confir-  
 mat, sicut scriptum est: *Populus hic labiis me honorat, cor autem eorum longe est à*  
*me, &c.* [*Offeritis super altare meum panem pollutum: & dicitis, In quo polluiimus te?*]  
 Sanctarum atque à Deo institutarum rerum desipientia & contemptio populum  
 paulatim ad omnem pietatis rationem peruertendam & violandam perducit. quam-  
 obrem magnam sacrificijs faciendis diligentiam & curam adhiberi Deus interim  
 voluit, quoad illius immaculatæ & integerrimæ victimæ feriendæ tempus accede-  
 ret. cuius arcanam rationem & diuinam efficientiam omnis ille antiqui cultus ac  
 ceremoniarum apparatus & ritus significabat, nullumque in omni sacrorum illorum ra-  
 tione verbum fuit, quod non ad sacrificij Christiani dignitatem virtutemque spectaret:  
 cuius auctoritate & expectatione efficiebatur, quicquid illorum assiduitate & procu-  
 ratione præstari potuit. Oportuit ergo diligentia opera, studio atque obseruatione il-  
 la à suis ministris curari, quibus præter religionis obseruantiam & populi disciplinam  
 magna etiam futurarum rerum & diuinorum consiliorum arcana ratio continebatur,  
 id quod multis antiquorum librorum, vbi de hac re agitur, locis indicatur, cauetur  
 ac præcipitur. Quibus ex rebus illud consequitur, hanc religionis partem, quæ sola  
 ex antiquo sacrarum rerum apparatu supererat, non potuisse à sacerdotibus, sine ma-  
 gno scelere atque pernicioso populi exemplo veræque disciplinæ detrimento, negligi  
 aut prætermitti. Id quod sui temporis sacerdotibus Vates noster obiicit, affirmans il-  
 los non solum re ipsa & actione sacrificiorum sanctitatem violasse, sed, quod grauissi-  
 mum etiam fuerit, iudicio & sententia apertoque sermone populo contemnendam  
 prodidisse. in quotidianis namque sacrificijs faciendis illas pecudes mactasse dicun-  
 tur, quæ in omni ad eam rem comparato grege deterrimæ essent, quæque ipsis ad  
 vsum suum ineptæ putarentur, cæteras verò, quæ meliores forent, sibi delectas ser-  
 uasse, cum tamen non modo præcepti & instituti significationisque, sed dignitatis  
 etiam iure optimo, integerrima & præstantissima quæque ex omni genere, Deo di-  
 gnissimo & præstantissimo rerum omnium auctori & Domino debeantur: quæ qui  
 vel temere, vel imprudenter subtraxerit, sine culpa esse non potest; nedum si con-  
 sultò prudenterque id admittat, atque scelus etiam ratione & disputatione defen-  
 dere confirmareque studeat. [*Offeritis super mensam meam.*] Aræ ritè & sanctè conse-  
 cratæ mensarum rationem nomenque subeunt, quibus Deus, familiaritatis, benig-  
 nitatis & placationis causa, sese hominibus conuiuiam præbet, interdumque ille so-  
 lus cum sacerdotibus & ministris, nonnunquam & cum populo ipso epulatur. qua  
 de re nos aliàs ex illius benignitate agemus. Sic Ezechiel altare mensam appellauit, Ezech. 41.  
 Altaris lignei trium cubitorum altitudo, &c. Et locutus est ad me, Hæc est men-  
 sa coram Domino, &c. Maxima ergo reuerentia obseruari, magna diligentia, pu-  
 nitate integritateque curari & instrui mensam eam oportuit, in qua tanti principis,  
 ac Domini maiestas ad ipsorum qui inuitarent, vtilitatem atque ornamentum exci-  
 pienda erat. Id verò sacerdotum ipsorum non modò negligentia contemptum, sed  
 scelerata etiam iudicij sententia pollutum fuisse ostendit. [*In eo quod dicitis, Mensa*  
 II 2 Domini



*Domini despecta est.*] Antiquus & vetus auarorum hominum mos est, ut quas res à melioribus vñibus ad suam vñilitatem transferri cupiant, excogitata aliqua oratione sibi vendicare studeant; cuius sententia similitudinem quandam, speciemque sapientiae gerat, re ipsa verò illorum cupiditatem arguat. sic discipuli illi vel potius discipulus ille furum omnium auarissimus & improbissimus vñguenti in sanctissimos præceptoris sui pedes laudatissimo mulieris officio impeni profusionem (ut is vocauit) liberalitatis in pauperes comparatione accusabat, Vt quid perditio hæc? & cæt. Sic etiam sacerdotes hi, apud quos Malachias agebat, pecudum deterrimas & abiectissimas quasque ad sacrificia destinantes, probatiores omnes sibi ipsis in vñus reseruabant, illam scilicet prætexentes orationem, Dei nullarum ex nobis rerum indigentis mensam, quamcumque re etiam despectissima, commodè apparari & instrui, modò integer sacrificantium fuerit animus: id verò illa ratione probare populo studebant, quod infimas, vilissimas atque despectissimas ex victimis partes Deus sibi ad aras deposceret, nimirum, omenta, adipēs & sanguinem, quæ nulli ferè vñui hominibus ad esum esse possunt, ut vel minimis & vilissimis rebus sibi sacrificandis contentus cætera sacerdotibus & leuitis ad fruendum relinquere videretur. atque hoc modo de rebus ex naturæ æstimatione non significatione disputantes, auaritiæ cupiditatibusque suis cum religionis detrimento & pietatis contemptu consulebant. [*Quia dicitis, mensa Domini despecta est, & cibus eius despectus, &c.*] ut inferius subiungetur. Primum igitur illorum oratione prophana & impia redarguta, sceleris causa, hoc est, auaritia illorum patefacta, studio & voluntate accusata, & in iudicio manifestè declarata, opus etiam ipsum malum atque improbandum arguitur, ne quid ab istis malum non esse defendi aut excusari ratione, ut putabatur, aliqua posset.

*Si offeratis cæcum ad immolandum, nonne malum est?*

TAMETS I Deus ad religionis suæ cultum non omnes hominum facultates expectierit, sed quasdam tantum res, easque modico sumptu parabiles, attamen, quæcunque illæ fuerint, suo in genere, selectas purasque, esse oportere docet. dedecet namque in quocunque munus ac donum cuius homini vñtro etiam mittendum infima quæque & abiectissima seponere, nedum si principibus & dignissimis viris ex debito etiam officio aut honoris causa inhonestum mittatur munus, maximè dedecebit. Est autem hic causæ status legitimus, quòd istorum factum ex diuinæ legis præscripto & interdicto accusatur. *Leuit. 22.* in lege enim sic scriptum est: Si cæcum fuerit, si fractum, si cicatricem habens, si pūlas, aut scabiem, aut impetiginem, non offeretis ea Domino. Id quod cum illi præceptum negligerent, & ex rerum ratione & natura disputantes, non malefactum esse defenderent, eodem etiam disputandi genere & modo redarguuntur. Aut enim, inquit, res ad præcepti normam (quod tutissimum & certissimum semper fuerit) dirigendæ, aut ad sapientiæ rationem reuocandæ sunt. si lege agendum sit, violatam esse à vobis legem constat; sin verò (ut est hominum improbitas) à certo & manifesto præcepto, ad ingeniosam disputationem trāsfigitur, nullus in eo etiam genere locus erit, quo sese homines tueri atque defendere posse putent, vñde vera & sapienti atque manifesta ratione non statim deiiciantur: ut in hoc genere sacerdotes ex honesto & decoro, atque ex contentione redarguti manifesti sceleris conuincantur.

*Offer illud duci tuo, si placuerit ei, aut si susceperit faciem tuam, dicit Dominus exercituum.*

ARGUMENTATIO hoc modo concluditur: Munus quod à minore ad maiorem mittatur, ex eius, ad quem mittitur, dignitate æstimari oportet: idque in quocunque rerum genere sit, elegantissimum magis qualitate, quam magnitudine & copia esse decuit: vos Deo opt. & max. pessima quæque destinatis & offertis: cōsequēs ergo est, nō modò præceptū à vobis violari, sed rationē omnē honesti & decori perueri. propositio ex sese nota & certa est; assumptio à vobis negata, hoc est, pessima & deterrima esse, quæ offeratis, ex comparatione probatur. Nemo principum hominum dignitate, puritate & magnitudine

dine cum Deo vlla ex parte comparandus est. vos autem ea Deo offertis, quæ non modò regi, sed neque duci aut præfecto vestro, sine manifesta gratiæ iactura, mittere auderetis: multo igitur magis Deo huiusmodi abiectissima vel non offerri oportuerat, vel non minorem tantæ dignitatis offensionem vereri, quàm si homini cuiuspiam summo hæc darentur. Huius enthymematis propositio prætermissa est vt notissima: assumptio verò permissione huiusmodi fit, [*Offer illud duci tuo.*] Fac, inquit, periculum iudicij & voluntatis erga te ducis tui, qui tibi familiaris magis & æqualis ferè esse videatur, cum tu sacerdos sis, ille dux, homo vt tu, rege inferior. Experire hoc modo illius erga te voluntatem & gratiam inire parato, præfecto offensionem certissimam atque ab alienationem animi concitaueris. quòd si hoc tibi tanta ista audacia & contemp-  
 10 ptione apud ducem tuum mali & odij merito conciliaueris, quid timeri oporteat ex me Domino exercituum, qui dignitatis & auctoritatis meæ magnitudinem contemni ægrè & grauiter feram, despici non patiar, tueri & vindicare possum? vtpote qui plurimos & instructissimos ad eam rem exercitus habeam. præfecto summæ non modò  
 15 temeritatis, sed impudentiæ fuerit, vos me tanta à vobis contempzione affectum, aut gratum vobis, aut populo, pro quo sacrum facitis, placatum promittere. hæc totius argumentationis conclusio est, quæ statim subiungitur. Ducem verò propterea appellat, quòd illa restituti templi ætate, Iudæorum respublica, non, vt antea, per reges, sed per duces ex Iudæ tribu gubernaretur. Sic Zorobabel Iudæ dux ab Haggæo est  
 20 appellatus. Quòd si huiusmodi munera duci ingratisima, ijs, qui adferrentur, inutilissima essent, quid si eadem regi cuiuspiam præexcellenti eodem studio & iudicio eodè-  
 que modo concinnata mitterentur, quoniam modo, quo sensu & ore spectanda essent, quo animo accipienda?

Hagg. 2.

15 *Et nunc deprecamini vultum Dei, vt misereatur nostri (de manu enim vestra factum est hoc) si quomodo suscipiat facies vestras, dicit Dominus exercituum.*

TOTIVS institutæ argumentationis conclusio atque intentio hæc est, qua colligitur, improborum sacerdotum culpa & offensione committi, vt Deus populo iratus nò  
 30 placetur. sacerdos etenim populi & Dei legatus internuntiusque est: cuius illud officium & munus est, vt oratione precibusque & oblatis muneribus Deum populo placatum reddat, & doctrina vitæque instituto exemploque suo populum Deo gratum exhibeat & retineat. Oportet eum, qui conciliandæ gratiæ internuntium se præbeat, nò ingratum neque inuisum Deo esse. nam si quis culpæ, cuius auctor ipse maximus aliis  
 35 & antea fuerat, & tunc etiam cum deprecatur, sit, veniam impetrare studeat, sua ipse improbitate & impudentia Deum magis offendant, quàm placet, sicut scriptum est: Peccatori autem dixit Deus, Quare tu enarras iustitias meas, & assumis testimonium meum per os tuum? Tu verò odisti disciplinam, & abiiecisti sermones meos retrorsum. Psalm. 49.  
 Magnam ergo curam pietatis, magnumque diuini cultus studium illis esse oportet, qui-  
 40 bus populo etiam negligenti & perduto Deum placandi munus est legitimè mandatum: quales ministros sacerdotes esse in sacris libris docemur, sicut scriptum est: Inter vestibulum & altare plorabunt sacerdotes ministri Domini, & dicent, Parce Domine populo tuo, &c. tandem subiungitur: Zelatus est Dominus terram suam, & pepercit popu- Iocel. 2.  
 lo suo. Atque hoc loco non de sacrificiorum virtute, sed de sacrificantium probitate & gratia agitur. nam sacrificium antiquum nullius virtutis natura sua compos erat, sed futuri Christi sacrificij arcana vi & significatione id, quod prodesse poterant, valebant. nostrum verò sacrificium natura sua maximum atque efficacissimum est, à quocunq. ministro, modò legitimo, id fiat, permagni non refert. neque enim ministri improbitas sacrificij dignitati detrudere potest. Agitur autem hîc de ipsâ sacerdotum causâ,  
 50 quatenus internuntij atque interpretes inter Deum & populum sunt. quo in genere eum qui optimus fuerit, gratissimum & ad impetrandum etiam magis idoneum; eum verò ingratisimum & minus ad placandum numen efficacem, qui improbissimus aliisque suo exemplo peccandi auctor atque dux extiterit. atque de hac re omni satis doctè à theologis differitur, facili & expedita distinctione operis operantis & operis operati. Vt vero cò redeamus, vnde digressi sumus, Negat Deus improbos & religionis contemptoris sacerdotes veniam eius culpæ populo impetraturos, cuius iidem ipsi au-  
 55 ctiores

- dores, principes, atque præcipue rei facti sunt: neque tamẽ tam vitium corrigere, quàm defendere & fouere studeant, quippe qui deterrima quæque cum diuinæ dignitatis contumptione pro populo pietatis contemptore sacrificare non modò non erubescant, sed etiam rectè id fieri defendant. Hæc verò totius argumentationis conclusio ironia dicta à rhetoribus figura pronuntiatur. [Et nunc, inquit, deprecamini vultu Dei, vt misereatur vestri.]
- Psalm. 2.** Nunc, illatiua particula est, vt igitur, apud Latinos, & sic apud Psaltem: Et nunc reges intelligite, &c. & apud exterum Poëtam: Nunc agite ô socij, &c. Quod verò addit, deprecamini, &c. non iabendo aut permittendo, sed irridendo magis atque detestando dicit. ait enim imperatiuus modus, & apud nostros & alienos auctores ad ironiam explicandam aptissimus, vt ille: Et vos domus Israël, Hæc dicit Dominus, Singuli post idola vestra ambulate, & seruite eis, & illud:
- Ezech. 2.** In nunc & ventis animam committe, &c.
- Iuuenalis Saty. 12.** Pergite, inquit, si placet, pergite hoc modo deprecari faciem Dei, [vt misereatur vestri, Hebraicè est, & miserebitur vestri.] Perstat in ironia, sacerdotumq. orationem per mimosim refert Vates, alluditq. ad solennem illam precationem, qua pro populo sacerdotibus in sacrificio utebantur: Benedicat tibi Dominus & custodiat te. ostendat Dominus faciem suam tibi, & misereatur tui: conuertat vultum suum ad te, & det tibi pacem, &c. Hæc omnia vt rectè, legitime sancteque honestis sacerdotibus curata vtilissima populo erant, sicut scriptum est: Inuocabuntque nomen meum super filios Israël, & ego benedicam eis, ita rursus ab improbis ministris non purè neque ritè acta diuinam offensionem concitabant magis, quàm lenirent, sicut scriptum est: Et cum extenditis manus vestras, auertam oculos meos à vobis, & cum multiplicaueritis orationem, non exaudiam: manus enim vestrae sanguine plenæ sunt, &c. Puras namque & culpa vacantes manus coru esse oportet, qui pro aliis deprecaturi eas tendunt. culpam autè quomodo redimere aliis possit, quam idem auctor & princeps imprimis sustineat? [De manu vestra factum est hoc.] Iam, inquit, non tam populi vitium, quàm vestrum scelus & crimen agitur: Vos auctores impietatis populo estis, manusque, quas pro populo tenditis, vos primi pollutas scelere & contaminatas habetis. Igitur videmini vobis satis digni, quibus Deus annuat, & quæ poposceritis, facile concedat? [Si quomodo suscipiat facies vestras, dicit Dominus exercituum. Hebraicè est, Num suscipiet à vobis facies, dicit Dominus exercituum.] Ex contentione argumentatus ingratos & inuisos Deo illos esse concludit. negauerat enim prius huiusmodi munera eodem studio & animo duci offerentem gratum fore, Si placuerit, inquit, ei, aut si susceperit faciem tuam. nunc verò eundem exitum orationum, precationum & munerum à Deo expectari oportere ait, qui non homo, sed Deus natura purissimus & omnibus rebus præstantissimus; imperio verò, dignitate atque auctoritate suprema, imperatorum regumque omnium citra omnem comparisonem longè maximus sit; vtpote [Dominus exercituum.] Suscipere facies, est gratum benignumque alicui & propitium se exhibere, quod Hebraicè tollere facies, latinè, frontem exhilarare, dicitur. contrarium est huic sententiæ, concidere, dimittere, vel confundere facies, vt:
- Genes. 4.** Quare concidit facies tua: nonne si bene egeris, recipies? hoc est, restitutam habebis faciei hilaritatem? Hebraicè est, Tollere faciem, quæ verò ironicòs dicta superius erant, permissionemq. siue iussionem præferre videbantur, ea aperta oratione, semotis figuris, continuò exponuntur, atque sacrificia illa cum sacrificantibus ipsis ab offenso iratoque Deo repudiata indicantur.

*Quis est in vobis, qui claudat ostia, & incendat altare meum gratuito? non est mihi voluntas in vobis, dicit Dominus exercituum, & munus non suscipiam de manu vestra.*

SACRIFICIA illa à istiusmodi sacerdotibus facta, atque ab errante & vitioso populo hostias præbere oblata, adeo sibi ingrata esse Deus ait, adeo à vero & legitimo cultu aliena, vt consultius esse dicat, omnino prætermitti & deseri, quàm hoc modo inutiliter frequentari. neque enim hæ sacræ res eius generis sunt, vt consuetudinis tantum retinendæ, sed magis veræ animorum pietatis ostendendæ & exercendæ causa & factitari, atque ideo purissime & sanctissime, quatenus id præstari ab hominibus potest, curari debeant. Quod si hac ratione neglecta, tamen in specie tantum & pietatis simulatione, non virtute frequententur, relinqui omnino minus inutile fuerit: quandoquidè operam solum, quàm oleum simul perdere, sit satius. Quamobrem id sibi ingratum minus ac potius admittent-

admittendum fore Deus ait, si quis extaret, qui templi foribus clausis hoc sacrificandi modo & consuetudine sacerdotibus interdiceret. ea vero cum stomachi fastidio quodam rei indignitate commoti pronuntiata sunt. Hebraice sic ad verbum legimus. [Quis etiam in vobis, & claudet fores, & non incendetis altare meum frustra &c. Chaldaice verò sic: Quis etiam in vobis, & claudet fores domus sanctuarij mei, & non offeretis super altare meum munus abominabile.] Ita ut quemadmodum omnes eiusdem sententiae, ad res diuitias prophanandas: & contemnendas, fuere, velit Deus quempiam illo consilio extare, ut clausis templi foribus illum sacrificandi usum superuacaneum diceret & prohiberet: cuius sententiam potiorē, & factum minus improbandū sibi iudicari Deus ait, ut omnino nulla sacrificia fieret potius; quàm & polluta & perperam factitarentur. [Et non incendatis altare meum gratis.] frustra & sine vlla probabili ratione, aut utilitate aliqua. sic apud Psalterem: Odio habuerunt me gratis, &: Cum loquebar illis, impugnabant me gratis. Iam verò quæ restant, aperte loquitur Deus, ingratumq. sibi & hunc cultū & cultores ipsos esse declarat. [Non est voluntas mihi in vobis, dicit Dominus, & munus non suscipiam de manu vestra.] huiusmodi etenim munera nō ex natura rerū ipsarū, sed magis ex colētis animo æstimari solēt. pietas itaq. & sanctitas placatū hominibus propitiumq. Deū efficit. quarum virtutū qui expertem sese præbuerit, eundē incensis etiā hostiis ingrātū esse, sacræ rationes arguunt. Respexit Deus ad Abel, & ad munera eius, ad Cain autē, & ad munera eius non respexit. Sic hoc loco, [Quoniam, inquit, non est mihi voluntas in vobis: ob eam rem, neque munus accipiam de manu vestra.] Munus autē hebraicē hoc in loco minhha vocatur: quod quāquā natura sua neque cæcū neque claudum esse possit, ut in sacrificiorum generibus indicatur, non tamē illud sibi gratū fore ab illis oblatū ait. Ob eam rem, inquit, [de manu vestra.] nam aliās minhharum si tetigit manus, Non sumptuosa blandior hostia, Mollibit auersos penates Favre pio & saliente Horat. mica. ex hoc enim genere minhha fuit. Duplex autē violati officij crimen Iudæorū populo & sacerdotibus, ut auctoribus, illatū fuisse superius vidimus: alterum quod ab ijs neque Deus ut pater coleretur, neque, ut Dominus obseruaretur. Id quod facto ipso probatum & confirmatum est. nāque huiusmodi cultū summa cum contēptione filiorū erga patrē nō esse, atque ex cōsequenti singularibus & constātissimis Dei in Israëlē beneficijs minimē respondere manifestum est. illud verò alterum comparatione etiam arguitur, videlicet neque seruorū erga dominum cultum officiūue istiusmodi dici posse, quando nulla orbis terrarum natio sit, quæ Deum, tametsi non singularibus beneficiorum exemplis & manifestis rebus atq. verbis, familiaritateq. magna, cōmuni tamen mundi gubernatoris & rectoris nomine à se cognitum non sanctius & purius, quàm Israëlita, colat, hostiisque selectioribus & elegantioribus placandum assidue curet.

*Ab ortu enim solis usque, ad occasum magnum est nomen meum in gentibus, & in omni loco sacrificatur & offertur nomini meo oblatio munda.*

Huius loci quanquam aperta ex verbis ipsis sententia est, arcana tamen significationis ratio ex verborum constructione obseruanda subest, quam antiqui interpretes diligenter à se consideratam, certē non satis explicatam reliquerunt. Reprehēderat acriter Deus sacerdotes, quod nomen suum ita contempnissent & imminuissent, ut quocunque modo, quacunque hostia coleretur, nihil referre arbitrarentur & docerent. quā in re neque seruorum, neque filiorum officiū ab illis præstitum arguebat & repudiabat. Quam longē autem à filiorum cultu illi abessent, facile ostensū fuit. illud verò nunc ostenditur, eosdem à seruorum reuerentia nimium etiam distare, quā aduersus se exhibenda omnes alias orbis nationes, quibus sese Dominū, non autem ita manifestis argumentis, ut Israëlī patrem hactenus ostendisset, longē Israëlitis antecellere confirmat: at verò cæteras gentes non legis & diuinorum sermonum aperta notitia, sed tantū rerum naturæ contemplatione adduci, ut Deū, quem Dominum & rectorem crederēt, diligenter atque attentē colerent, selectisq. victimis placatū propitiumq. sibi & vellent & curarent. Quo nomine autem id ab illis susciperetur, Deus ipse exponit. [Magnum est nomen meum in gentibus.] Magnitudinis ratione & definitione se ab illis colī testatur, eoque iure etiam vehementer Iudæos vinci, quibus nomen suū contemptū esset: itaque quam proprium Dei nomen gentibus esset ignotum (ut Egyptiis religionum suarū superstitionum omniū magistris & auctoribus ignotum fuisse Pharaon testatus est) quis

*que hic dicunt de gentibus  
sententia de us. caute legi  
ista notata super Abacuc  
et omnino intelligi sum  
ay de sacrificiis Iudæis  
est ne.*



Exod. 5. est יהוה, inquit, ut audiam vocem eius, & dimittam Israël, nescio יהוה, & Israël non dimittam. dixeruntque, Deus Hebræorum, &c. tamen certe magni cognomen, quod natura sua Deus habuerat, sibi apud omnes etiam gentes, ipsis tantum diurnis nocturnisque vicissitudinibus & commutationibus temporum quadripartitis & constantibus, pepererat, sicut scriptum est: Domine Dominus noster, quam admirabile est nomen tuum in universa terra, &c. Quoniam videbo cælos tuos, & opera digitorum tuorum, lunam & stellas, quæ tu fundasti: Satis autem momenti & ponderis hæc tanta rerum concordia, atque variorum motuum cæli constantia & efficientia habuit, ad supremum aliquem gubernatorem & Dominum gentibus probandum, sicut scriptum est: Cæli enarrant gloriam Dei, &c. id quod illorum ipsorum de ea re differentium sententiis frequentius confirmatum legimus.

Et adhuc, inquit ille, *sublimia cures?*

Horat. lib. 1.  
Epist. 12.

*Quæ mare compefcent cause: quid temperet annum:*

*Stellæ sponte sua, iussu vagentur & errent:*

*Quid velit & possit rerum concordia discors, &c.*

Sublimia curare dixit eum, qui rerum harum rectorem & gubernatorem, sublimem & maximum ex actionum & motuum discordia concordia confiteri cogeretur. huius enim argumenti efficacia quanta esset, rectè existimans addebat, *Quid velit & possit*, & cæ. Igitur quisnam ille Deus esset, qui cætera omnia sub se haberet, temperaret atque regeret, quâquam id gentes olim fugerit, quendâ tamen summum, optimum maximumque esse non latuit. At ô deorum quisquis in cælo regis, terras & humanum genus. Ignotum quidem hunc deum Athenienses appellarunt, cui aram consecratâ Paulus vidit & probavit. quoniam verò horum omnium motuum, tæporum & vicissitudinum index, atque præcipuus administrator sol est, cuius præsentia atque absentia, cætera metiri & observare homines possunt, ob eam rem Deus sibi magnum cognomen apud omnes gentes ex solis ortu & occasu partum esse docet. namque primus, supremus, acerrimus & velocissimus cælorum motus is est, quem sol singulis diebus ab ortu ad occasum conficiens indicat, ita ut propositio illa, [*à solis ortu, &c.*] duplici officio functa, & orbis terminum atque extremum locum, ut solet, simplicitet significet, & causam etiam rationemque explicet, quam ob rem Deus mundi rector magnus apud omnes gentes cognominetur. solet enim hic, cuius præpositionis usus eleganter in sacris observari, ut: Dominus de Sion rugiet, & de Ierusalem dabit vocem suam. quo in loco huius Hebraicæ vocis מן, pro quo latine reddimus, *à, de, è, ex*, à nobis est indicata vis. Propterea autem arcanam orationem hanc esse initio docuimus; utpote quæ eadem verborum simplici pronuntiatione duplicem simul complectitur sententiam, magnum esse nomen Dei ab ortu solis ad occasum; atque ortu ipso occasuque solis eam diuini nominis magnitudinem probari. consentaneum autem fuerat eodem magnitudinis nomine Deum gentibus, ut cognitum, sic etiam cultum esse: neque enim quem maximum crederent & faterentur, abiectissimis victimis placari & coli par fuerat. ob eam itaque rem addidit, [*Et in omni loco sacrificatur & offertur nomini meo oblatio munda.* Hebraicè ad verbum, *Et in omni loco incensum offertur nomini meo, & oblatio munda.*] Sacrificia, quæ mactatis hostiis fiunt, incensum, cætera verò, quæ sale, vino, farre, oleo aliisque simplicibus rebus offeruntur, oblationem vocat. atque ita intuisa sibi esse Iudæorum impura sacrificia ostenderat, quæ à gentiū etiam sacrificiis delectu & dignitate vincerentur. neque etiam placere illorum oblationem affirmaverat, quæ quâquam ex mundi rebus pararetur, ab impuris tamen & nominis sui contemptoribus oblata forent, cum etiam hac in parte gentium iudicium & officium probatius multo sit, à quibus non minus munda oblatio offeratur, si rerum spectetur; si verò animi sententia & studium, multo dignior & sanctior horum ratio, quàm Iudæorum esse cognoscetur: in illis enim magnitudinis appellatio & reuerentia; in his verò contemptio & despicientia arguitur. hoc est, quod subiungitur.

*Quia magnum est nomen meum in gentibus, dicit Dominus exercituum. & vos polluitis illud, in eo quod dicitis, Mensa Domini contaminata est: & quod superponitur, contemptibile est cum igne, qui illud deuorat.*

TAMETSÍ Dei optimi maximi sanctissimum arcanumque nomen gentibus ignotum fuerit, agnomé tamé summa cum reuerentia & observatione ac magnitudinis præconio

ab his pronuntiari ait; qui aliquē esse maximum omnium rerum & causarum principem Deum, cuius nutu cetera gubernarentur, ex primo illo & maximo motu cognouerant; cuius prima in motu ratione efficientia obseruabatur: cum deniq; in motoribus atq; in motibus ordinē esse oportere intellexerant, qui tamen tametsi deos alienos esse putarent, vnū tamen supremum agnoscere necesse fuit, vel qui solus omnia, vel qui ceteros primus ipse gubernaret: quo verò nomine is diceretur, aut quisnā eorum, qui à gentibus pro dijs colerentur, potissimū esset, ignotum ijs fuit, quicquid, quem Israelitæ adorarent, virtutem, efficientia resq; gestas nondum cognouerant, nam quibus hæc planē cognita & perspecta fuerunt, ijs idē summus & magnus Deus, qui & Israelitarū Deus est appellatus, quod ex Iethro Madianitæ principis viri confessione animaduertimus. Nunc, inquit, cognoui, quod magnus nūc super oēs deos, hoc est, nūc cognoui nūc, quē vos colitis, esse magnū illū, quē super omnes deos necessariō esse intelligebā: quisnam verò ille esset, ignorabā. neq; verò tam gētium sacrificia sibi grata esse, quā eorum mentē & studiū multo magis, quā Iudæorū probari Deus ait. gentes namque post promulgatam legem, cum non ex diuino præscripto & instituto, sed suo ipsorū arbitrio facerēt, neque rerum naturā modū & significationē certā, quē in sacrificiis obseruari oportebat, obseruare, atq; ideo, neq; sua sacrificia, quatenus talia essent, probare Deo poterāt: Israelitæ verò, quibus & rerum natura, & cultus formula, & sacrificiorū significatio certā & omniū denique rituum ratio præscripta fuerat, non gratē modo, sed vtiliter valde facere poterāt, si modō legitimē & sanctē procurarēt. permagni enim refert, an quod fit, ex diuini consilij sentētia esse cognoscatur, an ex proprio arbitrio & opinione, aut alio antiquo vsu, sine certa rerum & diuinæ voluntatis notitia, fiat, sicut scriptū est: Vos adoratis quod nescitis, nos adoramus, quod scimus: quia salus ex Iudæis. Sed quod in gentibus ad Iudæorū opprobrium & grauissimā reprehensionē cōmendatur, illud est, Gētes, quibus diuina de sacrificiis & cultu sui voluntas & sentētia ex certo legis præscripto aut ex vaticiniorū oraculis manifestis nota nō esset, eo tamen nomine quo Deū cognouissent, reuererētur & obseruaret, & quantū opinione & cogitatione assequi poterant, religiosē colerēt. hoc est, supremi motoris & primæ causarū causæ nomine à solis ortu vsque ad occasum magni Dei cognomēto augustē sanctēq; veneraretur, sicut in eandē sententiā Vates testatus est: A solis ortu vsque ad occasum, laudabile nomen Domini, &c. nam quē omniū rerū maxima virtute pollere intelligerēt, summa laude dignissimū fateri & prosequi debuerūt. [Et omni loco.] in terris suis, in gētibus suis incensum offertur nomini meo. nō sibi, sed nomini suo offerri dixit, hoc est, ei nomini, quo cognitus à gentibus appellatusq; fuerit, colendo & adorādo victimas studiosē mactari. nā quæ à populo docto ex diuinæ sententiæ decreto & præscripto legitimē & purē fiebāt, ea Deo ipsi grata & accepta lex attribuit, sicut scriptū est: Homo, qui obtulerit ex vobis hostiā Domino, &c. & alio loco: Si autē de aubus holocausti oblatio fuerit Domino, &c. Itaque gentium sacrificia ea parte probat Deus, quatenus nominis sui magni celebrādi & colēdi studiū declarat: idq; ex eo confirmat, quod illi nomini ita cognito selectū, & quatenus rerū natura & ipsorū opinio ferebat, purū munus offerretur. [Et offertur nomini meo oblatio munda.] ex quo maximū Iudæorū sacerdotū scelus arguitur, qui non solum illud nomē, quod in gētibus magnū & cultissimū erat, sed illud aliud præstātissimū & arcanū nomē illis creditū, nunquā temere vsurpādū, sicut scriptū est: Nō assumes nomē Domini Dei tui in vanū. illud, inquā, [Dominus exercitū], quod maximis misericordiæ, & seueris ultionis atq; iudicij rationibus cognitū illis fuerat, nō modō tamē cōtēpserant, sed pronūtiata sentētia & prophanis sermonibus polluerant, affirmātes populo mēsam Domini cōtaminatā esse, atq; ita esse oportere, ne quicquā referre, qualis nā hostia ad eā mēsam offerretur, quā De⁹ ipse sanguine & adipe vilissimis & sordidissimis animalis corporis partibus imbui & instrui voluerit, & deum castres igni absumēdas tradi iusserit. Sic humani ingenij stulta sapientia diserta esse soler, vt à certo præcepto & instituto, atq; à vera rerū significatione desciscens; diuinarum rationes rerum nō ad propositū certūmq; cōsiliū, sed ad propria commoda excogitata philosophandi specie interpretetur & definiat, sicut scriptū est: Vt filij desertores, dicit Dominus, vt faceretis consilia, & non ex me: & ordiremini telam, & non per spiritum meum. [Et quod superponitur, contemptibile est.] Hebraicē est, Nibo. quæ vox duo significat, videlicet primo diūtū eius, deinde eius cibus: ita vt nostræ versionis periphrasis, quod superponitur, illā sententiā referat, & quod Deus ipse præcepit imponendū, contemptibile est. atque

Ioan. 4.

Psal. 111.

Leuit. 2.

qui dicunt de gentibus  
valentibus deus causam  
iustitiam tanto superfluum  
et omnino intelligibile  
huius de sacrificiis hostiarum  
nihil.

Isai. 30.

atque hoc modo diuini verbi falso excogitata sententia & auctoritate suum illi iudiciū firmare nitebantur. ignis tamen nomen neque in hebraico exemplari, neque in Chaldaica paraphrasi expressum est, sed quod obscurior locus esset, ab interprete ex argumentatione est expositus. namque Hebraicè est *וְעָרַו*, pro quo ad verbum comedere illud, vel comedens illud, redditur. Ignis autem ea, quæ in ara incendebantur, absumebat. Atque hoc loco non obscure significabat Deus, quanto studio & cōsilio, quantæ pietate nomen suum Domini exercituum gentibus celebrandum, quàmque putris & gratis hostiis colendum esset, vbi illis Christi euangelio annuntiato fuisset cognitum, quantoque intervallo noui testamenti hominum pietas & religio erga Deum Iudeorum illius temporis maxime rationibus esset anteponenda. sed de his aliis. Hæc enim autem aduersus sacerdotes: nunc deinceps aduersus populum ipsum causa oratur, qui non minus malitiosè & scelestè, quàm sacerdotes religionis rem agebāt. illi namque abiectissima & indignissima quæque ad sacrificia afferentes, tamen & verbis ornate, & fraudibus etiam dissimulare studebāt. id quod illorum artem & malitiam potius, quàm imprudentiam arguebat.

*Et dixistis, Ecce de labore: & exussflastis illud, dicit Dominus exercituum.*

**CALLIDITATE** & dissimulatione concepta scelera, generosissimum & fortissimū quemque virum vehementius etiam, quàm ea, quæ aperte admissa sunt, offendere solent. in his enim eius, qui concipit, audacia aut animi impotentia, in illis verò summa aduersus eum, qui laceratus fuerit, contēptio & irrisio arguitur, sicut scriptum est: *Abominatio iustorum vir tortuosus, &c.* Quæ ex re illud consequitur, maximam Deo simplicissimo & rectissimo offensionem ab eo concitari, qui pietatis officio malitiosa dissimulatione prodit. Virum sanguinum & dolosum abominabitur Dominus. Iudæi cum optima & integerrima quæque ex pecoribus & pietatis & significationis lege ad sacrificium afferenda sibi esse satis cognoscerēt, vilissima tamē afferenda dissimulata & arrogantioratione iactabant, afferentes se ponderosi pecoris humeris allati molestia & labore vehementer fatigatos esse: id quod ut gestu etiam confingerent, vehementer ex imis pulmonibus anhelantes, simulata spiritus angustia, ostentabāt. Hebraicè est, [*Et dixistis, Ecce labor,*] id est, en quantum defessus sum, [*& exussflastis illum.*] Laborem anhelitu frequenter commoto testati estis. [*Dicit Dominus exercituum,*] qui & simplicissimus atq. optimus, idemque scelerum fortissimus vindex est. Atque orationem quidem & gestum eiusmodi illorum esse, quæ allatam rem, quanquā integram & idoneā, ex fastu tamē & iactatione fastidio dignam ingratiāque redderet, nedum si rem ipsam, quæ afferretur, deterrimam & abiectissimam ineptamque omnino deprehendi contingeret, ut profecto deprehendebatur.

*Et intulistis de rapinis claudum & languidum, & intulistis munus. nunquid suscipiā illud de manu vestra, dicit Dominus. Hebraicè, & intulistis raptū,*

**A D E O**, inquit, falso afferendi pecoris labor à vobis iactatus est, ut nō modò in afferendo, sed neque nutriendo illo labore vllū consumperitis; quippe quod non vestro vobis, sed alieno magis pauperiorū & oppressorū labore cōstitit, à quibus furto, rapina, vel vi, aut calūnia vos abstuleritis, quæ vnica ratio inuisum atq. ingratū nimis munus efficeret: sed illud longè ingratiū est, quod ex rapina nō optimum, sed inutile vobis profus claudum & languidum inferatis, atq. iniuriæ à vobis admissæ poenā rebus ex iniuria partitis, iisdemque omnino inutilibus, deprecari & redimere studeatis. Quod si huic sacrificio munus etiam *minha* dictum addideritis, quanquam id & naturæ simplicitate & vilitate facilitateque sua idoneum ad offerendum sit, [*tamen de manu vestra suscipiā illud: dicit Dominus.*] nihil equidem minus: quandoquidem non solum debitum munus, sed id etiā, quod vltro promissum est, si minus honestum legitimūque sit, ingratiū esse, & ei, qui concinnauerit, infautissimum esse oportet.

*Maledictus dolosus, qui habet in grege suo masculū, & votū faciēs, immolat debile Domino: quia rex magnus ego, dicit Dominus, & nomē meū horribile in gentibus.*

**E O D E M** comparationis argumento populus impietatis & contemtionis arguitur, quo sacerdotes paulo antè redarguti fuerant, nullam, inquam, inter mortales omnes nationem ita barbaram, ita à communi sensu alienam esse, quæ Deum eo nomine, quo sibi no-



sibi notus est, non maiori sanctitate & reuerentia, quàm populus iste, colat, à quo illum ex maiori & clariori Dei diuinarumque rerum notitia maxime, sanctissime, & religiosissime cultum esse oportuit. namque his & Dei nomen illud præstantissimum creditum, & vitæ lex lata, & sacrificiorum cultusque omnis ratio præscripta constat: illis vero cum illud tantum ex naturæ contemplatione, atque ex sapientum placitis & doctrina constet, Deum optimum maximum regem esse, qui ceteros omnes, quos illi deos putant, gubernet, neque ex ipsius præscriptis & decreto habeatur, quibus ritibus & sacris coli ab ipsis velit; utpote, qui diuina lege ad eam rem careant, ad ea tamen sacrificia, quæ non iussi, sed sponte sua & conceptis votis faciunt, non selectissimas quasque, & studiosissime conquisitas hostias præbere, magnū nefas ducunt, ita ut sinistra, dira & vitiosa omnia illi euentura putentur. cui cum ut susceptum sponte votum soluat, integra & decora victima in grege contigerit, tamen vitiosa mactetur. quippe cum Domino regiue magnonon optima quæque afferre, impium nefariumque esse credatur. etenim in illa etiam, quam falsò putabant, deorum multitudine & turba, quibus hostiis immolandum cuique Deo, cui maioribus, cui lactantibus, cui maribus, cui feminis, studiose & diligenter ab illis curatum & prouisum fuisse constat, eiusmodique horum vouentium orationes passim referuntur,

Cicero cōtra Rullum.

De Diuinat.

Horat. lib. 4. ode 2.

Te decem tauri, totidemque vacca,

Me tener soluet vitulus relictæ

Matre, qui largis iuuenescit herbis

In mea vota,

Fronte curuatos imitatus ignes

Tertium lunc referentis ortum,

Quæ notam duxit, niueus videri,

Cetera fuluus.

Igitur iudiciorum, consiliorum & factorum etiam contentione proposita, nefarie atque impie agere populus ille Iudæorum arguitur, qui cum Dei maximi & arcani illius nominis notitiam, cum legem, vitæ instituta, cum sacrorum & rituum certam disciplinam habeat, nulla tamen magnitudinis, diuinitatis, beneficiorum atque miraculorum, nulla denique vltionum ratione deterritus numen illud scelerata contemptione, vel, quod grauius est, irrisione profecutus, in dira & vitiosa incurrere sit commisit: quod si nulla alia lex, qua hi damnarentur, esset, abunde satis esset gentium de ea re iudicium, qui Deum, quem Domini supremi & regis magni nomine tantum cognouerint, non tamen optimis & ex singulorum generum maribus hostijs, etiam ex voto sponte suscepto, colere, impium nefariumque esse statuunt. [Maledictus dolosus.] detestandus & sacer atque vitandus omnibus iudicatur, qui diuinas res dolose & malitiose agat. eiusmodi enim illorum de hac re sententia fuit.

Horat. lib. 3. carm. od. 2.

Sæpe Diespiter

Neglectus, incesto addidit integrum.

Rarò antecedentem scelestum

Deseruit pede pæna claudo.

[Qui habet in grege suo masculum.] Masculum pro integro, absoluto atque perfecto in sacris sermonibus & in exteris etiam, unde hæc oratio affertur, usurpari solet, ut apud Isaiam: Isa. 66. Antequam veniret partus eius, peperit masculum: cum tamen de voce Domini illo in loco agatur. & Satyricus masculam bilem dixit. Erat autem masculum genus religioni præcipue tributum: ex quo factum est, ut ad sacros suffitus thura etiam seligerentur, quæ ob præstantem virtutem mascula dicebantur. Religione, inquit Plinius, tributum Plin. lib. 12. cap. 14. ne sexus alter usurparetur. [Et votum faciens.] quanquam nullis legibus teneatur, sed tantum voti sponte suscepti causa impius fraudulentusque iudicatur, [si immolet debile Domino.] Hoc loco nomen, Domino, non est redditum pro illo arcano Dei Israëlitis noto ceterisque, gētibus ignoto nomine, sed simpliciter pro cognomine A D O N A I, quod proprie dominia siue dominos significat: ea enim ratione Deus ille supremus gētibus notus colebatur. [debile.] Hebraice est, Mashhath, quod corruptū vitiatūq. significat. est autē verbū religiosum & in pontificum sermonibus usurpatū etiā apud gētes: latine vitiosum dicebāt, ut illud: Vitiosa quæ defixerit Augur, irrita infectaq. sunt. verbū est integro oppositū. [Quia rex magnus ego, dicit Dominus exercituum.] Magni regis nomē sibi apud gētes cōstare, atque

Cicero de leg. 2.



atque id nomen auguste sancteque colendum, omni que reuerentia dignissimum haberi & prædicari, [ait Dominus exercituum.] à Iudæis tanti nominis notitiam habentibus tamē contemptus. [Et nomen meum horribile in gentibus.] Verbum horribile non ad odium & detestationem, vt latine significare videtur, sed ad reuerentiam, religionem & sanctitatem, atque augustam & diuinam rationem est referendum. namque Hebraicè est **N O R A H**: quod verbum ad Dei timorem & cultum religionemque pertinet: proprie enim interpretari possumus, cognoscendum & timendū. His autem rationibus timor Dei definitur, hoc est, cognitionis & religionis erga Deum, sicut scriptum est: Timor Domini est scientiæ religiositas. atque ita proposita ratio perorata est, seruos etiam in Deum officium sanctius, studiosius & augustius apud omnes gentes, quàm apud Iudæos consistere, quos non tam seruos, quàm filios pietissimos præbere sese oportuerat.

## CAPVT II.



*E* tunc ad vos mandatum hoc o sacerdotes.

**A**RGVMENTO à contentione producto, sacerdotes qui violatæ & contemptæ religionis rei præcipue facti fuerant, conuicti correctione & officio requirèdo ad bonam frugem munerisque sui probandam curam sese vt conferant, iubentur. alioqui constitutas negligentiae & vitij poenas certissimas daturi. Cōuertitur autem sermo à populo ad sacerdotes, qui vel negligendæ vel suscipiendæ & colendæ religionis reliquo vulgo, cum officij sui auctoritate, tum sermone & exemplo auctores esse possent. atque eos maxime huius, quo populus hactenus premebatur, argumenti stimulis pungi consequitur. gentium etenim erga diuini nominis auctoritatem, dignitatem, amplitudinem & cultum non solum officium, sed iudicium etiam & sanctum quoddam quasi legis decretum præceptumque relatum fuerat, quod non modò sermonibus, sed actionibus ipsis publice per totum orbem obseruaretur: cuius illa sententia fuit, *Maledictus dolosus, qui habet in grege suo masculum, & votum faciens immolat debile Domino, &c.* Quo quidem præcepto recitato atque officio demonstrato, cum populum ipsum Iudæorum, tum sacerdotum ordinem maxime reprehensum conuictum & fractum iri consequbatur. Quamobrem relicto populo sacerdotes iudicij causa appellantur, vt sese, qui tantum gentibus omnibus sanctitate & dignitate præcellere iactarent, vel gentium ipsarum decreto & sententia damnatos intelligerēt. [Et nunc ad vos mandatum hoc o sacerdotes.] Et nunc, *emphasim* habet, & victoriæ atque constantis rationis & conclusionis vim obtinet, vt alias docuimus. [vos o sacerdotes.] Vos, inquam, appellatos atque gentium præcepto & instituto conuictos volo: quod cum ex naturali tantum vi & cogitatione traditum sit, vos, quibus tanta sapientiæ & diuinarum rerum & rationum copia diuinitus facta, tanta muneris auctoritas adiuncta, tanta officij cura credita & iniecta fuerit, vos, inquam, maxime omnium premit. Hispanè in hanc sententiā elegantissime dici solet, *Essa carta os escriuo.* Itaque non tam legibus illis iam olim præscriptis, quàm gentium præcepto & more cum sacerdotibus nunc agitur, vt illos iam vel gentium legibus appellatos & conuictos pigeat & pudeat.

*Si nolueritis audire, & si nolueritis ponere super cor, vt detis gloriam nomini meo, ait Dominus exercituum: mittam in vos egestatem, & maledicam benedictionibus vestris: & maledicam illis: quonia non posuistis super cor.*

**G**RAVISSIMA tum poena, tum ignominia populum omnem Iudæorum ac maxime sacerdotes vt auctores afficiendos esse Deus ait, nisi vel proposito gentium exemplo respiscere tandem & renouanda instaurandaque religionis ratione sapientius sibi de cetero consulant: nisi, inquit, vel hoc gentium præcepto, compuncti, eam nominis mei Domini exercituum, colendi & celebrandi rationē habueritis. quam vel gentes regij nominis mihi tributis & habent, & omni studio ac diligentia curant. [mittam in vos egestatem.] Hebraicè, *maledictionem* illam videlicet, qua à gentibus dignus esse iudicatur, is, qui non

non purè, sanctè augusteque nomen meum colit. Itaque vel nomini meo, quod vobis, vt  
 clarius & illustrius, sic sanctius etià esse debuit, quanquam nulla alia beneficia singulari-  
 ter in vos constaret; cum tamè plurima & illustrissima consent, nomini, inquà, meo om-  
 nis magnus honor decernendus habendusque est. sin minus id prastiteritis, [mittam in vos  
 5 maledictionem.] omniù rerum vestrarum infelicem exitum esse sinam, ait Deus, & quæ ea  
 nuper vobis restituta & renouata rursus per me fuerat, ciuitatis & terre possessæ, & fru-  
 ctus, templi maiestas & ornamentum, sacrificiorum & rituum vsus, & multa, quibus pri-  
 stina dignitas vobis iam per me reddebatur, & facta in Babylonica trās migratione dama-  
 10 na resarciiebantur, ea omnia à me deserta abiecta que fore denuntio. [Quoniam non posuistis  
 super cor.] Quoniam, inquit, non modò præceptis meis, sed neque ratione & sapiente cogi-  
 tatione, quidnam oporteret, quid maximè deceret, percipere voluistis. Quod latinus  
 sermo rationem habere, cogitare, atque in animum inducere, idem Hebræus, ponere su-  
 per cor, dicit, vt apud Isaiam: Et dixisti, In sempiternum ero domina. non posuisti hæc  
 15 super cor tuum, neque recordata es nouissimi tui. Animaduertenda verò hoc loco di-  
 uini iudicij ratio est, quòd maledictionis pœna in eos constituitur, qui non posuerint su-  
 per cor, hoc est, qui Deum, vel recta animi cogitatione cognoscere & colere negligunt.  
 in eos verò, à quibus pietatis officium ex præscripto & pacto solui oportuerit, aliud etià  
 pœnæ genus est comparatum, nimirum ignominia & contumelia, atque earum detra-  
 ctio rerum, quæ ex rectè administrati muneris lege, præmij loco promissæ erant. atque  
 20 ita duplicis animaduersionis metu sacerdotes ad sanitatem reuocantur; & quòd iuxta  
 gentium iustissimum decretum infeliciissimi futuri sint, nisi Dei nomen studiosè colere  
 cogitent & curent & quòd ijs, quibus ex singulari promisso augendi ornandique erant;  
 beneficiis cū summa ignominia sint carituri, nisi proprio ac summo officio respoderint.

25 *Ecce ego proijciam vobis brachium, & dispergam super vultum vestrum ster-  
 cus solennitatum vestrarum: & assumet vos secum.*

REPUDIATIONEM & aspersionem cum malè oblatorum munerum, tum sui  
 ipsorū qui ea concinnaret, sacerdotum cum maxima ignominia futuram minatur Deus,  
 30 nisi diligentior & accuratior officij ratio ab illis de cætero ineatur. Ea verò res commo-  
 dissima similitudine denuntiata est, fore videlicet, vt cum ad Deum, vt Domi-  
 num colendum, eiusmodi munera attulerint, eam erga se illius indignationem & iracun-  
 diam experiantur, quam improbus seruus importunum & sordidum ministerium fasti-  
 diantis domini experire solet, cibo, potuue, qui indignè allatus fuerit, in ipsius faciè reie-  
 35 ctio. quæ res & ministerij & ministri ipsius prauitate dominū inensum atque fastidio ab-  
 alienatum aperire indicat. [Ecce ego proijciā vobis brachiū.] Hebraicè nomē est זֶרְאֵחַ,  
 quod semen & brachiū significat: atque vtramq. significationē hic locus habet. duplex  
 namq. earum quæ à sacerdotibus ad aram fierent, rerum genus esse diximus, alterū sim-  
 plicius & natura sua purius, *minhha* Hebræis, latinè *munus* dictum. alterū quod commu-  
 40 ni vocabulo *korban*, à nobis sacrificium appellaretur. id verò victimis mactandis cōstabat.  
 priori quidem immolabatur, posteriori sacrificabatur. Vtrumque genus si ab huiusmodi  
 improbis sacerdotibus aræ ad moueatur, sibi, vt istorum prauitate offenso fastiditū atque  
 reiectum iri Deus ait, ita vt eorum extantā manum cum patera, in qua munus esset, bra-  
 45 chio & cubitu suo repellens reijceret: atq. hoc modo munus ipsum in eos ipsos resper-  
 geret. Munus autem ex femine frumenti puro adipe, oleo, sale, aliquando etiam & thu-  
 re concinnari solebat, vt in Leuitico legimus. Itaq. brachio suo muneris ab illis allati se-  
 men sibi offenso & increpātū reijciendū, in eisdemq. respergendum esse Deus ait, vsus etià  
 ad eā rem significandā verbo duplici, *Gaghar*, quod increpare & proijcere pariter signi-  
 50 ficat. Increpando reijciam vobis brachium meum; & semen istud muneris vestri; de-  
 inde verò cætera sacrificia vitiosa, impura & abiectissima ad facies vestras à me illisa ad-  
 hærescent. [stercus.] vitiosas illas & contaminatas victimas cōtemptionis & fastidij causā  
 stercus nominat, ipsumq. nomen subiuncta expositione declarat. [Stercus solennitatum ve-  
 strarum.] Est autem genus antitheti satis ad rem significandam idoneum, vt non solum in  
 quotidianis, sed solennibus etiam sacris deterrimas victimas ab illis mactari declararet,  
 55 quibus solenniter etiam & publicè repudiati grauiorem multo adferrent ignominiam.  
 Locus autē hic hebraicè sic legitur: [Ecce ego proijciens vobis brachium, & dispergam stercus  
 super

Cicer. de  
Orat.

*super facies vestras, stercus solennitatum vestrarum assumet vos ad se.]* Adhærebit, inquit, vobis magnavi iniectum: adeo macilentas & tenues atque impuras victimarum carnes fuisse significat, ut allisæ illorum faciebz adhærescerent. Hispano sermone cum huiusmodi carnes significantur, dici solet: *Dio me vn estiercol de carne, que era para arrojarlo alas paredes.* atque stercus nomen ad abiectissimam & impurissimam rem significadam figurato sermone usurpatur. Sic Cicero stercus Curia Glauciam dixit. Magnam verò ignominia & contumeliam sacerdotes his rationibus, tum cōpellatos, tum exceptos pasturos fore intelligi ex ea re potest, quod non iam cum illis, ut cum sacerdotibus officij negligentibus, sed veluti cum remotissimis & alienissimis gentiū aliarū hominibus agatur. nam si cum illis pristino iure ageretur, non gentium decretis & sententiis, sed suo ipsorum iure & pacto esset agendum, hoc est pacto Levi & sacerdotij legibus: quo nomine & titulo sese indignos iam illi reddiderunt. itaque vel ea ratione pudere illos oportuerat, quod præter sacerdotalis ordinis sui morem ob suā ipsorū culpam cōmunissima lege compellarentur.

*Et scietis, quia misi ad vos mandatum istud.*

His modis, inquit, excepti vos o sacerdotes tandem scietis præceptum istud ex gentium placitis & sententia datum ad vos contumeliæ causa iure fuisse demandatum: quæ res quantum vos à pristina illa muneris vestri consuetudine, disciplina & gravitate degeneraueritis, ostendit, quibus cum dignissimum illud & amplissimum leuitarum fœdus summa religione fuisset sancitum. hoc est, quod subiungit.

*Ut esset pactum meum cum Levi, dicit Dominus exercituum.*

ARGUMENTUM ex comparatione est, quo sacerdotum degeneratio ex consequenti iudicio arguitur, quod turpissimum ipsis fuerit commississe, ut illo gentium præcepto, tamquā alienissimi quique hominū, compellarentur, quibus pactum cum ipsorū maioribus amplissima & celeberrima dignitatis condicione factum constare oportuerit. itaque illos maioribus dedecori esse, nefas vitiumq. putandum est primum: deinde illud grauius est, eisdem sibi ipsis dignitatem suam magnoprobo & ignominia deformasse. denique illud grauissimum non cogitasse, quanto cum principe sancitum fœdus neglectum ab ipsis violatumque esset. [*Pactum meum cum Levi, dicit Dominus exercituum.*] Quod ad linguæ rationem attinet, prior orationis huius pars, ut esset, comparationem potius, quàm causam indicat. Hebraicè ad verbum sic est: [*Ad esse pactum meum, &c.*] Latine rectè ad vocem verti non potest in eadem significatione, sed hoc modo vtrunque sententia reddi possit: [*Cum tamen esset pactum meum, &c.*] Hispanè commodissimè vertitur eodem modo, quo Hebraicè est: *Para ser mi pleytesia cum Levi, &c.* Sed apud Isaiā ali- quando, si Deus eò nos deduxerit, de hac orationis formula agemus. igitur quæ sacerdotum amplitudo cum ex maiorum suorum splendore, tum ex diuina dignitate fuisset, significatum in propositione est. quanta verò etiam rerum & utilitatis magnitudo, pacti ipsius expositione declaratur.

*Pactum meum fuit cum eo vita & pacis: & dedi ei timorem: & timuit me, & à facie nominis mei pauebat.*

Pacti condiciones fuisse dicit, ut Deus, qui primus bonorum omnium auctor est, Levi, hoc est, Aarone & Phinees illius nepoti totius posteritatis nomine ultro ex cæteris tribubz delectis, pax & vita promissa, & tandem præstita fuerit. pacem autem, omnem veræ prosperitatis & tranquillitatis ex diuina gratia & liberalitate perceptum fructum definimus. vitam verò æternam illam felicitatē & immortalitatem quæ iis, quibus cum misericordiæ suæ diuitias maximas communicat, contingit, interpretamur. quas res & Leuiticæ tribui promissas & præstitas fuisse in Aarone & Phinea apertè satis demonstratum est. namque Aaron summa cum inuidorum & obrectatorum ignominia ac perniciæ, amplissimis & honorificentissimis rebus gloriæque insignibus adornatus, magna hominum celebritatē & frequentia, illustri florentis virgæ miraculo est decoratus. quo quidem ille vitæ vñ & splendore ad summam vsq. senectutem fuit, sicut scriptum est: *Excelsum fecit Aaron fratre eius de tribu Levi: statuit ei testamentum æternū, & dedit illi sacerdotium gentis: & beatificauit illum gloria, &c.* quæ de illo prædicantur plurima. tandemque

tandemque subiungitur. Cæterorum in terra gentes non hæreditabit, & pars non est illi in gente. ipse est enim pars eius, & hæreditas eius, &c. Phinees verò Aaronis nepoti, quia auitæ virtutis & dignitatis hæres fuit, idem Dei iudicium, & posteritatis omnis præconium tributum, & præclarum à sacris scriptoribus testimonium impertitum est. Phinees filius Eleazari filij Aaron sacerdotis auertit iram meam a filiis Israël: quia zelo meo commotus est contra eos, ut non ipse perderem filios Israël in zelo meo. idcirco loquere ad eum. ecce ego do ei pacem fœderis mei, &c. & erit tam ipsi, quam semini eius, pactû sacerdotij sempiternum, &c. huic autem sacerdoti, ob vehemens & incensum religionis & diuini nominis studium, huius etiam vitæ ætas ultra trecentessimum annum producta fuit. eum namque concilio ab Israëlitis de Beniaminitarum causa conuocato interfuisse, vel potius præfuisse legimus. Eo, inquit, tempore ibi erat arca fœderis Domini, & Phinees filius Eleazari filij Aaron præpositus domus, &c. quamobrem scriptû etiam de illo fuit: Phinees filius Eleazari tertius in gloria est, imitando eum in timore Domini, & stare in reuerentia gentis: in bonitate & alacritate animæ suæ placuit Deo Israël. ideo statuit illi testamentum pacis, &c. Fœderis igitur sui quænam aduersus illos ratio fuerit, satis clarè Deus indicauit, quæ rursus pacti condiciones, quanquā honestæ illis & propositæ ac latæ fuerint, continuò subiunxit. [Et dedi ei timorem, & timuit me, & à facie nominis mei pauebat.] Religionis colendæ condicionem à Deo datam Aaroni & Phinees diligenter acceptam fuisse ait. timor enim (ut aliàs docuimus) religionem in sacris plerumque significat, quem scientiæ religiositatem Sapiens definiuit. quamobrem hic locus pulchrè à Chaldæo paraphraste est explicatus. [Et dedi ei disciplinam legis meæ: compleuit & timuit à facie mea, & à facie nominis mei timuit ipse.] Concionem sibi propositam honestissimam & æquissimam esse, sacerdotes illos perspexisse, ex eorum perpetuo vsu ostenditur. [Timuit me, & à facie nominis mei pauebat.] Ex qua re facilè arguitur, quantum sacerdoteshi, aduersum quos agitur, à paternâ illa virtute degenerauerint; utpote quibus fœdus violatum condicionesque per summum nefas repudiata fuerint. tantum enim abfuit, ut ab illis diuinum nomen timeretur, ut etiam contemptum sit. Iam verò horum negligentia & improbitas, cum illorum sacerdotum virtute & integritate comparata, hos illorum loco indignissimos arguit. etenim hi non solum summa rerum diuinarum ignoratione, & negligentia diuinum nomen contempsisse, sed aliis eiusdem flagitij auctores fuisse dicuntur: cum tamen olim Aaron non sibi soli sapere contentus fuerit, sed diuinarum rerum studio flagrans populum etiam in religione officioque continuerit.

Lex veritatis fuit in ore eius, & iniquitas non est inuenta in labiis eius: in pace & in æquitate ambulauit mecum, & multos auertit ab iniquitate.

Non solum ipse sese pium atq. bonum virum præbuit, sed populo doctorem sapientem & integrum, tum diuina lege præceptisq. docendis, tum æquissimis & sanctissimis cõsiliis dandis exhibuit. [Lex veritatis.] Diuini iuris studiosissimum consultum fuisse hæc oratio ostendit, ut alios pietatis rationes doceret. idque quod ipse ex lege docebat, actionibus etiam suis præstitisse dicitur. [Et iniquitas non est inuenta in ore eius.] Verbum iniquitas propriè hoc loco vsurpatur. est enim iniquitas cogniti iuris peruersio & deprauatio, Hebraicè CHAVLA dicta, ut illud: Nolite facere iniquitatem in iudicio, in regula, in pondere & mensura, &c. Certat autem iniquitas hæc cum æquitate & veritate, ut ex illo loco obseruatur: Deus fidelis & absque vlla iniquitate, iustus & rectus. huius verò diuinæ æquitatis imaginem moribus & actionibus cõsiliisque suis expressam Deo probasse Aaron prædicatur. [In pace & in æquitate ambulauit mecum.] Hebraica verba significantissima sunt: quorum sententia est, Summum illum sacerdotem Aaron, vita, actionibus, munereque suo, sine vlla, vel negligentia, vel perfidia, Deo hominibusque approbantibus fuisse perfunctum. Verbum pax, perfectionem, simplicitatem, gratiam & benevolentiam significat. [In æquitate, Hebraicè, in planitie & rectitudine.] nam cum translatio sumpta fuerit à verbo, ambulauit, cætera verba ad eandem sententiam accommodata sunt, ut planum, simplicem & rectum vitæ cursum regia, aperta, & certissima via Aaron confecisse, in eoque conficiendo à Dei, quem sibi



ad imitandum proposuit, vestigiis nunquam flexisse dicatur, [Ambulavit mecum.] Vitæ suæ rationem Deo probasse, hoc tropo significatur, ut de Noë etiam legimus. Noë vir iustus atque perfectus fuit in generationibus suis, cum Deo ambulavit. quantum verò simplicitas & aq̄uitas Deo simplicissimo atque aq̄uissimo placeat, quantum fraus, dolus, calliditas & astus, atque cætera, quæ humano ingenio edi solent, monstra displiceant, ex eo perspicitur, quòd cum illis ambulare, ab iis abhorre dicatur. neque verò tantum huius vitæ suæ fructum Aaron solum percepisse, sed magnum etiam & vberem aliis tulisse narratur. [Et multos auertit ab iniquitate.] Cum doctrina, sapientia, studio, opera, labore & cura, tum etiam vi & exemplo multos in officio retinuisse, plurimos etiam ab erroris insania ad sanitatem reuocatos in Deigratiam reduxit, ut in vituli apud te solitudinē colendi detestatione & dissuasionē, atque in re à Phinees fortissimè & grauissimè ad cæterorum exemplum contra Zambri & Cozbi gesta manifestè ostenditur. [ab iniquitate.] hoc loco verbum CHAVON est, quod prauitatem latinè significat, pertinet ad ea, quæ tam in priuatis moribus, quàm in publica consuetudine atque in muneribus obeundis concipi possunt, vitia. itaque vocabulum latius etiam patet, quàm CHAVLA: atque adeo his rebus omnibus non sibi solum, sed omni posteritati, statuto à se officij exemplo, consultum iri voluisse Aaron perhibetur; quippe qui non modò quæ priuati hominis, sed quæ sacerdotis partes essent, probe intellexerat. itaque non minus quid posteris agendum, quàm quid ipse egisset, testatum reliquit. cognouerat enim non modò, quanta muneris illius dignitas esset, sed quanta etià cura, quanta grauitas, quanta studij, officijque sollicitudo esse deberet.

*Labia enim sacerdotis custodient scientiam, & legem requirent ex ore eius: quia angelus Domini exercituum est.*

DVPLEX eius, quæ ad pietatem spectat, sapientiæ pars est, altera in diuinarum humanarumque rerum cognitione, altera in morum actionumque componenda ratione versatur. illam scientiam, hanc legem Vates nominat. Vtraque verò ex diuinis petitur libris, quæ iis, qui rectè, legitimè & summo cum studio curauerint, diuina benignitate profecto maximè contingeret, sicut scriptum est: Si quis ex vobis indiget sapientia, postulet à Deo, qui dat omnibus affluenter, & non impropert, & dabitur ei, & illud. Sed in lege Domini voluntas eius: & in lege eius meditabitur die ac nocte. & erit, &c. maxime autem hoc eueniet sacerdotibus, quorum illæ cum primis partes sunt, ut diuinæ sapientiæ, cuius reliquo populo doctores sese præbere debent, studiis assidue vacent, sicut de Leuitica tribu, quam à sacerdotibus nostris, & imitatione referri, & perfectione superari oportet, scriptum est: Perfectio tua & doctrina tua viro sancto tuo, quem probasti in tentatione. hi custodierunt eloquium tuum, & pactum tuum seruauerunt: docebunt iudicia tua Iacob, & legem tuam Israël, &c. Huiusmodi etenim voluntatis suæ interpretes & ministros esse voluit Deus, quorum officio præcipuè cæteri homines ad pietatem & virtutem instituti, precibus etiam & supplicationibus adiuuantur. [Quia angelus Domini exercituum est.] qui vel Domini misericordiæ commemoratione populi animos ad pietatem incendat, vel potentia & seueritatis ostensione ab errore & vitio deterreat. Iam verò quanta sacerdotum sapientia, quanta grauitas, quanta actionum & sermonum dignitas esse debeat, ex eo perspicitur, quod summo cum iudicio dictum est, [Labia sacerdotis custodient scientiam:] ita ut nullum verbum illis labijs pronuntietur, quod à scientiæ aut legis rationibus alienum sit, id quod cum eorum, quibus viles esse debent, causa curandum est, populi videlicet, qui [legem requirent ex ore eius,] tum ex eius, cuius ministri nuntijque sunt, auctoritate & dignitate est præstandum. [Quia angelus Domini exercituum est.] nuntius eius, qui summa sapientiâ, summa misericordiâ, summa etiam efficientiâ, seueritate auctoritateque summa præditus est. Verbum custodire idem hoc in loco significat, quòd apud latinos, officio satisfacere, sicut illud: Ut custodiant iustificationes eius. & illud: Super custodiam meam stabo, & figam gradum super stationem meam. estque verbum correlatiuum verbo PAKAD, quod committere, præficere, mandare deponereque significat, ut qui munus alicui deferat, PAKAD Hebraicè, latinè commédare vel præcipere: qui verò suscipit & præstat, custodire dicatur. quantum verò ab hac perenni contestataque maiorum suorum virtute & grauitate

grauitate sacerdotes ij, ad quos sermo est, degenerauerint, & antea indicatum fuerat, & nunc deinceps exponitur.

*Vos autem recessistis de via, & scandalizastis plurimos in lege: irritum fecistis pactum Leui, dicit Dominus exercituum.*

5 ANTI THETO & comparatione sacerdotum istorum mores & studia, atque officij neglectio & violatio arguuntur. Leuitæ illi antiqui in pace & æquitate ambulauerant coram me, dicit Dominus. vos autem recessistis de via mea. illi diligentia, cura & integritate maxima populum diuinam legem docentes multos ab iniquitate auerterunt: vos  
10 verò contrà, [*Scandalizastis plurimos in lege.*] etiam iis, qui vitæ suæ cursum legitimè conficere studebant, exemplo iudicioque isto offensionem grauissimam fuistis: tantum abest, vt officio vestro fatisfeceritis, adeo vt sancitum olim cum leuitis fœdus, quod in condicione manentibus perpetuum futurum erat, vestra culpa vestroque scelere violatum, à me sit etiam rumpendū, dicit Dominus exercituum, scelerum seuenissimus & potentissimus  
15 vindex. [*Irritū fecistis pactum Leui, Hebraicè, violastis & corrupistis.*] Quamobrem à me etiā ita frangetur, vt quod legitimè obseruatum vitæ & paci atque splendori futurum erat, nunc violatum dedecori, ignominia & contemtionem vobis sit.

20 *Propter quod & ego dedi vos contemptibiles, & humiles omnibus populis, sicut non seruastis vias meas, & accepistis faciem in lege.*

PRIVATORVM morum corruptio & officij etiam violatio atque negligentia sacerdotes in populi odium inuidiam & cōtemptionem præsentem etiam in hac vita poenam ex diuini iudicij sententia adducit. vtque hunc ordinem vitæ ac muneris integritas & sanctitas ex Dei pacto gratum auctoritateque grauem conseruat: sic contrà, popularis & minus honestus consuetudinis & officij vsus contemnendos leuesque sacerdotes populo reddit. quæ res & antiquis & nostri etiam seculi præsentibus exemplis apertior est, quàm vt expositione indigeat. atque vtinam per sacerdotum quorundam improbitatem, & per vulgi etiam atque eorum, qui vulgus decipiunt, peruersum iudicium  
30 nunquam committeretur, vt priuatorum vitiorum nota ordinibus ipsis iniquè inusta esset. quæ quanquam & vulgi, & fraudulentorum vulgi ducum & magistrorum summa peruersitas dicenda sit, eius tamen culpæ magna pars ab iis sustinetur, qui manifestis vitiis ac peccatis officijque prodicionibus ansam ad se ordinemque suum reprehendendum dederint, sicut scriptum est: Væ mundo à scandalis, necesse est enim vt veniant scandala: veruntamen væ homini illi, per quem scandalum venit. namque vt ij  
35 tantum, qui in vitio & culpa fuerint (citra muneris tamen & ordinis contumeliam) contemnantur, diuino iudicio atque iure optimo euenit. Æquissimum enim est eos, qui primi dignitatem auctoritatemque suam abiecerint, vehementer apud ceteros imminutam sentire. hoc est quod a Deo hoc loco decretum indicatur. [*Et ego dedi vos contemptibiles.* Hebraicè, *Et etiam ego dedi vos contemptos.*] Qua oratione illi priores fœdus violasse indicantur, quod consequenti iudicio à Deo ruptum etiam sit, id quod ex illo quoque confirmatur. [*Sicut non seruastis vias meas,* Hebraicè ad verbum, *Sicut quod non custodistis vias meas.*] Quid viæ, quid custodire, significet, iam exposuimus. pertinent autem viæ ad omne cum priuatum, tum publicum officium. illud verò propriè ad muneris  
45 publici integritatem spectat. [*Et accepistis faciem in lege.*] Deus bone, quàm minimo labore, quanta cum dignitate, quamque aperto, exposito & prompto modo sacerdotes ceterique publici ministri grauitatem auctoritatemque suam apud populum obtinere, atque Deo & hominibus approbantibus tueri amplificareque possunt: nimirum, si in obeundo munere legis, iuris atque æquitatis maximam, personarum verò nullam rationem habeant. etenim qui sese Dei ministrum profectetur, ceterarum omnium personarum supremam & grauissimam personam in ea re agenda sustinere, cogitare debet. Dei videlicet officio faciendo, integritate & grauitate summa non se, sed munus  
50 ipsum ornando incitari oportuerit, sicut scriptum est: Non accipietis vnius cuiusque personam: quia Dei iudicium est, cuius præcepti summa est, vt nullo priuato commodo ductis æquitatis tantum & iuris ratio habeatur. quanquam enim summa ministri ipsius lenitas in communi vitæ consuetudine maxime & requiratur & commendetur, in

muneris tamen rationibus consolidandis integritas & gravitas exigitur summa, ita ut nihil sibi, sed plurimum causæ ipsi consuleire oporteat. contra verò evenit, ut dum ministris in rebus gerendis priuata magis commoda, quam rerum ipsarum æquitas proponuntur, & res ipsæ prodantur, & illa nefarie expetita & comparata commoda labefactentur; dumque vel populi, vel summorum quorundam hominum gratia queritur, maxima populi totius contemptio & inuidia patetur: [*E: humiles omnibus populi.*] Populis ipsis, apud quos officio prodendo splendidos & gratiosos vos fore cogitaueritis, vestra, inquam, genti, nedum alienæ contemptui & ludibrio eritis. Hebraice, *omni populo*. Iam verò illud æquitatis atque iuris sacerdotum vitio & culpa violati, & rerum ex personarum magis, quam ex veritatis & legis ratione æstimatarum crimen populo illatum, certissimo exemplo & argumento, ex grauissima causa productio, peroratur.

*Nunquid non pater vnus omnium nostrum, nunquid non Deus vnus creauit nos: quare ergo despicit vnusquisque nostrum fratrem suum, violans pactum patrum vestrorum.*

DETESTABILE cum primis scelus à Iudæis per sacerdotum negligentiam & dissimulationem admissum hoc loco Vates accusat, quod non solum ea parte, quæ diuinum cultum & reuerentiam spectat, sed ea etiam, quæ ad communem hominum inter se societatem pertinet, pietas omnino violata sit. cuius demonstrandæ rei argumentum ex casti & legitimi matrimonij, (cuius coniunctionis societate nullum aliud inter mortales aut sanctius aut antiquius fœdus est) sublatione & contemptione colligitur. etenim quibus matrimoniorum & coniugij fides leuissima est, iisdem nullam aliam fidei rationem grauem & constantem fore consequitur. Ut autem huius flagitij magnitudo & gravitas agnoscat, totius rei ratio paulo altius à Vate repetita est. [*Nunquid non pater vnus omnium nostrum, &c.*] Diligendi sensum & benevolentiam charitatem in hominibus à natura genitum esse, diuina sententia cum primis docet: cui humana etiam experientia subscribit, sicut scriptum est: Non est bonum hominem esse solum: faciamus ei adiutorium simile sibi. &c. Hoc nunc os ex ossibus meis, & caro de carne mea, &c. Primum verò & antiquissimum hominum inter se fœdus coniugij est, in paradiso integris humanis rebus Dei auspiciis atque auctoritate sanctum, sicut scriptum est: Quos Deus coniunxit, &c. Huius autem fœdens fidem, alias per se grauissimam & maximam, eo firmiorem & præstantiorem esse oportet, quo maiores & grauioribus necessitudinis causæ inter eos, qui paciscuntur, intercesserint. duæ verò præcipuæ & maximæ coniunctæ hominum inter se dilectionis & charitatis causæ sunt; altera est generis communio, quam (ut hoc verbo nobis uti liceat, quod ad pietatis rationes significandas conducit) fraternitatem vocamus: altera verò religionis eiusdem societas est. natura enim ipsa hominem impellit primum, ut eos, quos eadem secum familia, iisdem parietibus natos nouerit, vehementer diligit: quæ charitas aut dirimi, aut violari, nisi detestabili scelere, non potest. deinde verò ubi rationis iam & consilij compos homo est, eos, quos eiusdem religionis & cultus socios habet, præcipue sibi diligendos putat. quanquam verò hæc posterior ratio natura sua dignissima sit, illa tamen prior, quod ab ipsa natura genita, atque à primis infantie sensibus exercita sit, hominibus ipsis prior esse videtur, ut multa alia etiam in rerum vniuersitate sunt, quæ cum secundum in natura locum obtineant, nobis tamè prima sese offerunt. Duos igitur necessitudinis & benevolentiam supremos gradus esse, alterum eiusdem generis, alterum eiusdem numinis atque religionis eiusdem communione niti ostendimus. atque vtramque dilectionis causam filij Israel habita apud Ioseph oratione significarunt, quod benevolentiam & charitatem necessitudinis ipsorum morte patris adimi non decere confirmantes, iniuriæ atque offensionis antiquæ veniam impetrarent. namque priorem causam illa orationis pars continet. Obsecro ut obliuiscaris scelus fratrum tuorum, & peccati ac malitiæ, quam exerceuerunt in te: posteriorem verò illa, Nos quoque oramus, ut seruis Dei patris tui dimittas iniquitatem hanc. Ita fraternitatis & erga eundem Deum seruitutis siue cultus commemoratione omnem summæ charitatis rationem in illa oratione complexi sunt. vtraque hæc res ad Christianam religionis fraternam necessitudinem explicandam plurimum & mysteriorum & dignitatis habet: quæ de re nos alias, Deo annuente, dicemus. nunc enim huius loci tantum explanationi breuiter consulemus. Igitur Deus cum populum, cui religionis mysteria tenenda, & ceteris

Aristot. Physic. lib. 1.

Genes. 30.



& cæteris gentibus enuntianda credere decreuerat, archissima gratia & charitatis neces-  
 situdine coniunctum voluit, quod veræ pietatis rationes inter eos maxime conseruētur,  
 qui contordia & dilectione coniunctissimi sint. quamobrem eos non tantum vnus Dei  
 notitia & cultu, sed vnus generis & sanguinis (quæ multum valet) cõmunione iuxit. omnes  
 itaque ex vno primū parente Abrahamo propagauit, ex cuius familia omni Isaac vnus;  
 in quo semen vocaretur, delectus est. ex huius autē geminis natis alter tantum Jacob sin-  
 gulariter ad eā rem est appellatus: cui quanquā plures fuerint filij, omnes tamē vnus do-  
 duobus, Abraham verò pluribus filiis audi fuerint, tamen q̃ magni mysterij res hæc esset,  
 vnus tantum in singulis his patribus habita ratio est. de Abraham etenim scriptum est: Vnum  
 vocauit eū, &c. de Isaac verò: In Isaac vocabitur tibi semen, &c. de Jacob verò, cui plures  
 filij, vnus verò familiæ & nomen & ius futurum esset, Non vocaberis, inquit, ultra Jacob,  
 sed Israël erit nomen tuum. Appellauitque eum Israël, dixitque ei: Ego Deus omnipo-  
 tens, cresce & multiplicare. Gentes & populi nationum ex te erunt, & reges de lumbis  
 tuis egredientur: terramque, quam dedi Abraham & Isaac, dabo tibi & semini tuo post  
 te, &c. Hæc verò omnia mysteria illo Balaami vaticinio significata sunt, à quo Israëliticus  
 populus, & ex antiquis patribus ortus, & in vnus Israël familia & gente omnis censerī  
 decantatus est. De summis filicibus videbo eum, hoc de patribus dictum est: & de col-  
 libus considerabo illum, hoc de matribus quatuor Iacobi vxoribus dicitur. deinde ve-  
 rò illud additum est, quo populus vnus fore cognosceretur. Populus solus habitabit, &  
 inter gentes non computabitur. Diuini itaque consilij efficiendi, & maximi illius ad fu-  
 tura euangelij tempora pertinentis arcani causa, vt Israël vnus populus vnaque fami-  
 lia esset, ex diuino decreto fuerat constitutum cautumque, ne exterarum nuptiarum  
 confusione, & sacra perturbarentur, & gens ipsa contaminaretur. hunc enim & vnionis  
 & charitatis, & eiusdem religionis conseruatum statum summa quadam familiæ & gen-  
 tis illius propagatio & felicitas (quam benedictionem scriptura nominat) consecutura  
 fore eodem vaticinio indicatur. Quis numerare possit puluerem Iacob, & numerum  
 stirpis Israël? Neque verò genti ipsi in vniuersum hanc stirpis & familiæ suæ necessitu-  
 dinem simplicem incorruptamque coli, sed ministris etiam ipsis sacrorum sancte obser-  
 uari voluit, vt illa generis coniunctio amorem magis conciliaret, & studiorum atque  
 voluntatum concordia virtutum etiam consensum, & conspiratione magnas vtilitates  
 allaturam conflaret, sicut scriptum est, Ecce quam bonum & quam iucundum habita-  
 re fratres in vnum, &c. Quoniam illic mandauit Dominus benedictionem & vitam, &c.  
 Quamobrem ad sacrarum rerum administrationem vna tantum Leuitica tribus oprata  
 est, quæ pro cæterarum tribuum primogenitis officio fungeretur ex eadem verò tribu  
 vna Aaronis posteritas, quæ sacerdotijs præfesset, est electa. adeo namque vnus, dem-  
 q̃ simplicissimus Deus simplicitate & vnitatem delectatur, vt ijs. sese libentissime insinu-  
 et, qui charitatis & dilectionis necessitudine honesta fuerant coniunctissimi. Illud ita-  
 que semper omni studio ijs curandum fuit, qui diuinæ felicitatis participes esse expe-  
 tuerint, vt sicut vnus Deus, vnus etiam populus ac potius vnum omnes corpus, vna ani-  
 ma sint. Hanc legem perpetuam populo esse, hanc à sacerdotibus & diuinarum rerum  
 doctoribus assidue promulgari atq. recitari oportuerit, quæ ferè in omnium tum prophe-  
 tarum, tum apostolorum orationibus & sermonibus perpetua est. Ex his autē, quæ à no-  
 bis de amicitia, charitatis & necessitudinis ratione disceptata sunt, criminis à Vate nostro  
 perorati argumentum satis aperte explicatur: cuius illa sententia est, Sacerdotes illos ius  
 & fas omne deleuisse, qui legitimi matrimonij sanctitatem incestis & prophanis con-  
 nubijs & ipsi violarent, & à cæteris violari paterentur. namque id iam publicè admissum  
 fuerat, vt præter legitimas vxores, atque ex sua gēte ductas, honestasq. feminas, alia etia  
 & quæ exteræ gentibus appeterentur. qua in re non modo diuina lex, qua, vt ne id  
 fieret, cautum erat, sed maximarum etiam necessitudinum charitatisque iura, & omnis  
 iurifurandi & religionis fides violabatur. [Nunquid non pater vnus omnium nostrum?] Iaco-  
 bum significat, cuius posteritas omnis Israël filij est appellata. hæc altera necessitu-  
 dinis & charitatis ratio ex fraternitate, illa verò ex religionis communione petitur.  
 [Nunquid non Deus vnus creauit nos.] vt non modo vnus Dei, sed creatoris & gubernatoris  
 communis notitia ab illis acceptam requiret, qui cum se & ex vno patre ortos, & ab vno  
 Deo delectos constitutosq. ag. iocerer, charitatem erga vxores maximè colere debebat,



quas eiusdē, tum familiæ, tum religionis, ideoque sibi cōiunctissimas esse scirent. atque verbū *creavit*, hoc loco propria magis & latine simili significatione vsurpatur, quam communi illa, qua Deus rerum omnium à principio creator dicitur. est enim elegatissimus etiā huius vocis vsus in sacris, cum de noua aliqua & arcana rerum institutione agitur, ut illud: Quia creauit Dominus nouum super terram: femina circundabit virum, &c. Hac significatione is, qui antea Iacob dicebatur, ubi ad arcanam sacrorum mysteriorū fidem, atque ad religionis dignitatem & singularem illam amplitudinem ex diuini consilij gratia deductus Israëlisque nomine appellatus fuit, creatus à Deo esse dicitur, sicut scriptū est: Et nunc hæc dicit Dominus creans te Iacob & formans te Israël, &c. Non aliena ab hoc genere sententia latini, creare imperium, prætorem & magistratum dicunt: & Romanum vrbis creatorem appellant. ut etiam apud nostros de Ierosolymis scriptum extat: Quia ecce ego creo Ierusalem, &c. nam si de communi illa rerum & hominum creatione omnium exponatur verbum, nulla culpæ reprehensio, nulla violati iuris & charitatis vituperatio esse videretur: neque crimini Iudæo homini dandum, quod uxorem ex aliena gente duceret, quam ex eo etiam amandam putaret, quod ad communem creatorem Deum referendam esse certò sciret. Itaque de singulari creatione & adoptione hic agitur: cuius necessitudo & charitatis ratio atq. officium illis præcipuè deberetur, qui in eadem & familia & religione censerentur, iisdemque creatoris & institutoris legibus & præceptis imbuti essent. quæ ratio, quoniam neglecta fuerat, grauissimo crimini huiusmodi argumentatione à Vate datur. *Quare ergo despiciat unusquisque fratrem suum violans pactum patrum vestrorum*, Hebraicè *nostrorum*.] Oratio hæc officij omnis à Iudæis cum religionis violatione proditi expostulationem habet: quæ rerum deinde & personarum locorumque circumstantiis amplificatur. primum enim prius illud necessitudinis & charitatis ius violatum ostenditur, quod unusquisque fratrem suum despiciat, hoc est, quod vir uxorem suam sibi generis necessitudine coniunctissimam indignis modis tractatam vexet. in sacrorum sermonum vsu & consuetudine positum est, ut omnes tam viri, quam feminae, perinde atque homines dicuntur, ita etiam fratres appellentur. Hebraicum idem utriusque sexui ac tantum generis nota distinctum nomen est. Græci ac Latini varia in utroque genere nomina vsurpant, quæ tamen apud nostros vna fratris appellatione significantur, ut apud Iacobum: Omne gaudium existimate fratres mei, cum in tentationes varias incideritis, &c. Deinde verò altera illa religionis coniunctio, quam sanctissimam & maxime obseruatam, omnique charitatis officio cultam esse oportuit, labefactata & perfracta significatur. *[Violans pactum patrum nostrorum]* fuerat autem pactum patrum, ut omnibus illis illorumque posteritati vnus tantum Deus & cognosceretur & coleretur, vnusque populus vni Deo consecratus additusque esset. Dominum, inquit, Deum tuum adorabis, & illi soli seruias. Est autem postulatio fidei violata: quod crimen latinus interpret illis verbis indicauit, *despicere & violare*. despiciere Hebraicè est *BA G A D*, Latine præuaricari & deficere significat, ut apud Ieremiam: Omnes amici spreuerunt eam, & facti sunt inimici. Atque ita interpretatur Chaldaeus paraphrastes, *Mentitus est vir in fratre suo*, &c. illatum verò crimen subiuncta expositio ne à Vate agitur.

*Transgressus est Iuda, & abominatio facta est in Israël, & in Ierusalem: quia contaminauit Iudas sanctificationem Domini, quam dilexit, & habuit filiam Dei alieni.*

FACTI indignitas & turpitudine verborum & personarum collationibus augeatur: quod Iudas, qui confitentis & fidelis nomen habet, transgressus & præuaricatus, & à Deo & ab officio & charitate defecerit: nam verbum *Transgressus*, idem est, quod in proximo versu, *despicit*, eodemque modo Chaldaicè redditur, *mentitus est*. Fuit autem Iudæ defectio, quod alieni sanguinis, connubiorum & affinitatum participes illi esse voluerint. *[Abominatio facta est in Israël]* qui cum potentem cum Deo sese cognominet, generis sui sanctitatem alienorum deorum filiabus ductis polluerunt. Est enim abominatio idem, quod nefas atque probum, cum videlicet ea admittuntur, quæ per ius atque fas, per antiquum institutum, per legum atque morum consuetudinem minime decent, ut illud: Quia abominatio Ægyptiis omnis pastor, &c. atque in hac ratione commiscen-

miscendi feminis frequentissimè verba hæc, abominatio & abominari, vsurpantur, vbi,,  
 ne quid præter ius aut fas fiat, cauetur, vt in Leuitico alijsq. in locis: Omnis anima, quæ Leuit. 18.  
 fecerit de abominationibus his quippiam, peribit de medio populi sui: quia abominatio,,  
 est. loci autem dignitas & sanctitudo, pernicioso cæteris exemplo, violata culpam au-,,  
 5 get, [Et in Ierusalem,] vrbe regia & principe, vnde vel honestatis imitatio, vel vitij & ma-  
 lorum contagiones profectè latius manare possunt. [Quia contaminauit Iudas sanctificationem  
 Domini.] Vtramque charitatis rationem & integritatem à Iuda corruptam esse dicit, vbi  
 coniugij lex, quæ cum generis sui feminis instituta, atque à Deo sancita firmataque, &  
 ab ipso libenter & studiosè olim accepta, tamen nunc iam adiunctis alienis vxoribus  
 10 & alieni Dei filiabus conculcata fuerit. atque hoc modo non solum coniugij fœdus,  
 sed Dei vnus colendi pactum violatum est, adductis domum vxoribus iis, quæ alienos  
 Deos patres sibi creditos, & à se, & à viris suis, maximè autem à filiis colendos putent &  
 curent. Habent omnia verba pondus & significationem grauissimam. [Sanctitas Domini,  
 quam amauit filia Dei alieni.] quæ omnia à nobis indicantur magis, quàm explicantur.  
 15 quàm demum grauis huiusmodi culpam consequens pœna expectanda esset, sub-  
 iuncta sententia exponitur.

*Disperdet Dominus virum, qui fecerit hoc, magistrum & discipulum de ta-  
 bernaculo Iacob, & offerentem munus Domino exercituum.*

20 MERITO is à societate repulsus seiungitur, qui societatem labefactat. Deus domū  
 Israël ita simplicem integramque esse voluerat, ita vnum illius populum fore curauerat,  
 vt tabernaculi nomine sæpe appellauerit. est enim tabernaculum omnium, quæ ad coha-  
 bitandum construi solent, domiciliorum simplicissimum, & quod non perinde atque  
 25 ades pluribus partibus, cubiculis, conclauibus, vestibulis, atriis arcisque diuisum, sed  
 vno tantum velo contentum, vno etiam plerumque malo fultum. cuiusmodi taberna-  
 cula qui habitent, eos mutua charitate, iisdem studiis, iisdem religionis legibus con-  
 iunctissimè teneri oportuerit; vtpote qui ab eadem consuetudine atque omni vitæ  
 30 communionem ob loci simplicis vsum separari non possunt. hæc verò omnis populi  
 vnus domus, atque adeo vnus tabernaculi ratio, cum vnus Domini exercituum no-  
 titia, religione & cultu simplici mirificè conueniebat. quicumque verò vtriusuis rei in-  
 tegritatem violauerit, indignū profecto sese illius fructu & vso reddet, nedum si vtrius-  
 que fœderis iura corruerit; siue is sacerdos, siue alius quispiam ex cæteris populi ordi-  
 nibus fuerit. [Disperdet Dominus, Hebraicè excindet,] vt illud sæpe in lege repetitum:  
 35 Et excinetur anima illa de populo suo, & peribit anima illa de cœtu, &c. [Virum,  
 qui fecerit hoc,] Absoluta & sine vlla exceptione sententia est. [Magistrum & discipulum.]  
 Hæc interpretatio ab interprete nostro ex Hebræis expositionibus assumpta vide-  
 40 tur, magis ad significationem, quàm ad vocem ipsam redditis verbis. Hebraicum enim  
 exemplar ad verbum sic habet, [Excitantem & respondentem:] quod nobis illud signifi-  
 cat, nullum videlicet hominem ex iis, qui sese prophanis huiusmodi coniugijs conta-  
 minauerit, pœnam effugituum: neque vllum etiam ex illorum familia superstitem fu-  
 turum. excitare enim & respondere, viuentiū est. nam qui dormiunt, excitati respon-  
 dere possunt; qui verò mortui sunt, neque excitare, neque excitantibus valent respon-  
 dere. Vacuas igitur & inanes hominum istorum domos relictum iri significat, quarum  
 45 fores nemo foris veniens pulset, neq. intus prodiēs pulsanti aperiat. Hispanè sic: *Niquede  
 quien llame ni quien responde.* Vulgatæ autem versionis sententia aperta est, vt eadem pœna  
 & populo & sacerdotibus ac legis interpretibus, quos populus auctores habuerit, decer-  
 natur. sed quæ sacerdotes propriè spectat, illa sententiæ pars est. [Offerentem munus Domino  
 exercituum.] Nam neque sacerdotes etiam ipsos hac culpa abstinuisse, testis est Es-  
 50 dras, cuius grauissimæ hac de re actiones supplicationesq. extant. Hunc locum sic Chal-  
 dæus paraphrastes exponit. [Exterminabit Dominus virum, qui facit eam filium & filium filij  
 de vrbibus Iacob, & si sacerdos ipse, non erit illi offerens oblationes in domo sanctuarij Dei Sze-  
 baoth.] Quoniam autem admissio prophanorum coniugiorum sceleri illud etiam flagi-  
 tium accefferat, vt exteræ & à proprio genere & cultu alienæ mulieres vehementissimè  
 55 & studiosissimè etiam cum summa religionis & legitimarum vxorum contumelia ama-  
 rentur, huiusmodi etiam improbitatem & iniuriam maximam acerbè Vates insectatur.

*Et hoc*

*Et hoc rursum fecistis, Operiebatis lachrymis altare Domini fletu & mugitu,  
ita vt non respiciam vltra ad sacrificium, neque accipiam placabile quid  
de manu vestra.*

NEFARIO violatæ tum charitatis, tum religionis & fidei flagitio iniuriâ publicè,  
priuateque additam accusat. iam enim illud primum scelus maximum fuerat, gene-  
ris integritatem & necessitudinem, deinde religionis propriæ sanctitatē prophanis con-  
nubiis violando, superstitionem aliarum gentium vna cū vxoribus admisisse: at verò &  
præter hoc etiam, honestas & pias legitimasque vxores Israëlitas summa iniuria afficere.  
id profecto indignissimum facinus & seuerissimè vindicandum fuerit, quodque Deum  
ab hominibus adeo abalienet, vt neque cultui, neque sacrificiis adesse placatum finat.  
[*Et hoc rursum fecistis.* Hebraicè, *Et hoc secundo fecistis.*] Contentum sceleris suscipiendi stu-  
dium, consilium & voluntatem illud maximè arguit & confirmat, quod non simplici-  
ter, sed multipliciter peccatum sit. Dei à nobis abalienandi duplex causa esse potest, al-  
tera fœderis de religione sanciti violatio; altera officij erga homines neglectio. Vtrauis  
autem seorsum id efficere potest, nedum vtraque simul efficiat. quod si ad earum rerum  
cumulum iniuriarum etiam in fratres studium accesserit, ea res profecto fraudis, impro-  
bitatis, malitiæque pondus maximum ad Dei voluntatem alienandam habet, sicut scri-  
ptum est: Et cū extenderitis manus vestras, auertam oculos meos à vobis: & cū mul-  
tiplicaueritis orationem, non exaudiam. manus enim vestræ sanguine plenæ sunt, &c.  
[*Operiebatis lachrymis altare Domini.*] Muliebris luctus miserabiliter fatis describitur, qui  
virosum ipsorum culpa & iniuria grauissimus & assiduus accidisse significatur. vehemē-  
tem enim eum dolorem esse oportuit, qui tantum lachrymarum effundere cogeret, vt  
illis altare, ad quod miseris subsidij causa cōfugeretur, esset omnino opertū; deinde etiā  
lamenta, singultus atque eiulatus, imò & mugitus consequerentur, quibus grauissimus  
animi moeror, atque maxima ex accepta iniuria anxietas declararetur. Cū verò mun-  
dam omni macula omni que iniuria vacante, deniq. omnino puram sibi aram & sacran-  
& conseruari Deus voluerit, ita vt neque lapides ipsos ferro incidi passus sit, ingratis-  
simā illam sibi fore consequitur, quæ lachrymis, singultibus, lamentisque miserorum opple-  
ta sit. his accedunt voces illæ miserabiles vlulantium & gementium, quibus sacrifican-  
tium cantus & preces interturbatæ, quo minus à Deo exaudiantur, impediri solēt. atqui  
oppressorum & calamitosorum lachrymis & lamentis commoueri se & dolere testatur  
Deus, offendi autem non ipsis, sed eorum, qui in causa fuerint, culpa. ob eamq. rem ait,  
[*Operiebatis lachrymis.*] non ij qui flent, sed ij, qui flere coëgerint, arguuntur. [*Altare Do-  
mini.*] Omnem humani officij & pietatis atque præsidij spem illis negatam significat,  
quibus vnica diuinæ fidei implorandæ ratio relicta esset. est enim summæ oppressionis  
signum, cū miseri & iniuria affecti ad aras plorabundi & lamentabundi confugiant,  
vt quæ nullum iam in hominum consiliis, auxiliis, nullum in magistratibus atque iu-  
dicibus principibusque suis contra iniuriam præsidium, nullū propugnaculum habeant,  
sicut scriptum est: Expectaui vt faceret iudicium, & ecce iniquitas, & iustitia, & ecce cla-  
mor. [*Neque accipiam placabile quid de manu vestra.* Hebraicè, *non etiam respicere ad munus,  
& accipere voluntarium de manu vestra.*] Hæc verborum figurata negatio illorum sacrificia  
& munera Deo ingrata esse significat: namque accipere voluntarium, idem est, quod  
gratum ratumque habere. At verò cū eam illi culpam improbitate & impudētia ma-  
gis, quàm causā aliqua à se deriuare niterentur, manifesta & grauissima redargutione su-  
stinere conuincuntur.

*Et dixistis, Quam ob causam?*

Mulierum fletum, lachrymas & lamenta naturæ ipsarum importunitati & in-  
firmitati potius, quàm illatis à se iniuriis ascribere hominum improbitas contendebat,  
quod feminæ ad fletus & lamenta, vel nulla, vel exigua, vel ficta & falsa causa promptissi-  
mæ sint. Vberibus semper lachrymis, semperq. paratis In statione sua, atque expectantibus illam,

Quo inbeat manare modo, &c.

Sic humana calliditas priuatas causas com-  
munibus argumentis inuertas in alios transferre solet. Verum enimvero has feminarū  
lachrymas non inanes, sed grauissimis iniuriis expressas esse, Deus ipse testatur, cuius  
solaiudicij fides incorrupta & sancta semper est. namque vt iam nullum, neque in cau-  
sæ honestate, neque in hominum officiis, neque in iudiciis, neque in sacerdotibus,  
neque

Itai. 5.

Iuuenæ.  
lib. 6.

neque in aliis magistratibus præsidium reliquum fuerit, illa tamen diuinæ auctoritatis integritas & sanctitas perpetua superest, cuius vnus vel iudicium, vel testimonium in omni informanda atque tractanda causâ omnino valet.

*Quia Dominus testificatus est inter te & uxorem pubertatis tue, quam tu despexisti: & hæc particeps tua & uxor fœderis tui.*

MVLIERES cæteris auxiliis omnibus expoliatas ad vnicam Dei fidem, quam sanctissimam & integerrimam semperque constantem esse manifestum est, confugisse, eamque certâ vt omnes alij, miseri & afflicti expertas esse, locus hic indicat. quanquam enim mulierum causa cæteris omnibus leuis aut falsa existimetur, à Domino tamen sanctissimo & misericordissimo integerrimoque teste iustissima & grauissima esse confirmatur. ille enim multorum inter virum & uxorem fœderum se auspice sancitorum grauissimorumque à viris erga uxores debitorum testis citatus iniuriarum testimonium contra viros dicit. atque primum quidem cōiugij fœdus inter te & uxorem se præsentem atque inuocato actum, idem & sancitum, nominisque sui inscriptione conscriptum, & obsignatum testatur; deinde illam tibi delectam, gratam, iucundam atque suauem cum lam duxeris. neque enim nouum aut recens debiti vestri nomen est, neque ita obscurum, vt negari aut leue videri possit; quinimo antiquum vetusque est, ab adolescentia vestra factum. [*Uxorem pubertatis tue.*] Hoc tu nomen nulla causa, nullo iure corruptum expunxisti. nihil etenim ab uxore, [*quam tu despexisti,*] commissum est, quamobrem fidei & fœderis mutuius violari aliqua, vel iniqua causa posset. siquidem illa semper in officio & tuis obsequiis, & fœderis me præsentem sanciti legibus astricta permansit. hoc est, quod dicitur. [*Et hæc particeps tua, & uxor fœderis tui,* quam tamen, *tu vir despexisti.* Hebraicè est, *fraudaſti.* Chaldaicè *mentiſtus fuiſti.* [*particeps tua,* generis necessitudine vitæq. societate coniuncta, *& uxor fœderis tui,*] quæ fœderis legitimè, me teste, initi religionem obseruat: ita vt domi tuæ etiam asperimè tractata, fidelis tamè perseueret. Hoc autem scelus cum ab vno susceptum, omnibus nominibus improbandum detestandumque fuerit, tum verò maximè exagitandum & vindicandum esse Deus ait, quod publicè & nulla vel ini-  
30 quarationis specie, sed sola impietate & libidine sit à pluribus admissum.

*Nonne vnus fecit, & residuum spiritus eius est? & quid vnus querit, nisi semen Dei.*

AD HVIVS loci explicationem à quibusdam Adam primus, ab aliis verò Abraham est appellatus; quorum cum neutrum nomen, neque vestigium quidè in ipsa lectione extet, nos mentione etiam hoc loco venerati, ad sententiæ tamen argumentum, vt non necessariam intermitteremus, locumque ipsum facilius obtinebimus, Hebraicorum tantum verborum simplicitatem secuti. Sic igitur ad verbum Hebraicè, [*Et non vnus fecit, & residuum spiritus illi: & quid vnus ille querens semen Dei.*] Commune vitium, imò commune omnium flagitium illud esse ait, quodque nullo alio, quàm libidinis nomine interpretandum sit. neque enim, inquit, dici potest vnum quempiam priuato vitio & errore, vel singulari audacia hoc fecisse, non inquam vnum tantum hoc consciuisse facimus, reliquos verò à libidine & iniuria continentes meliori & sapientiori mente fuisse. hoc  
45 est, [*Et residuum spiritus illi.*] Spiritum pro mente, consilio, iudicioque hoc loco, vt  
sæpe aliàs, vsurpatur. vt: Neque remansit in eis spiritus. & illud: Et conuertit spiritum regis. hoc est, consilium & propositum. neque verò si vni tantum admissum facinus fuisset, ab aliis vlla ratione ferendum, nedum exprimendum imitatione foret, quod nulla neque simulata rationis specie excusationem habere posset. nam  
50 quo consilio, qua ratione, qua oratione vel vnus quispiam è populo alienas feminas à se expetitas probare posset? profectò nihil excogitare valeat, quo peccatum excuset suum, nisi illud fortasse non modò ineptè, sed impudenter & nefarie prætendat consilium, se ex vxoribus illis ductis sobolem propagare sanctam & religiosam cupiisse, quæ aliàs prophana & impia futura esset, si gentilibus etiam patribus propagaretur. Huiusmodi autem summæ stultitiæ excusatione, quicumque vti studeret, summæ improbitatis odium sibi potius, quàm veniâ conciliaret. nam præterquam  
quod



quod spem maleficij pæsentis in honesto euentu collocare nefas fuerit, cum id & diuina omnia iura, & humanæ necessitudinis ratio vetarent, euentus etiam ipse huiusmodi consilij rationem redarguere & refellere satis potest: quippe cum ab eiusmodi variæ religionis parentibus improbissimi euadant impiæ aut superstitiosa matris disciplina educati. cuius rei non vnum, sed innumera cum ex communi vitæ exemplo, tum in sacris libris & historiis testimonia dari possunt. fere enim regum omnium improborum & impiorum vitia maternæ educationi ascribi solent, vt de Ocholia Achab, bi filio scriptum est. Et fecit malum in conspectu Domini, & ambulauit in via patris sui, & matris suæ, &c. cuius etiam argumenti illa apud Ieremiam sententia est: Et mittam te & matrem tuam, quæ genuit te, in terram alienam, &c. Itaque huiusmodi ineptæ nuptiæ non matrimonij dignitatis, non prolis, sed libidinis causa coniunctæ arguentur. ex quæ in vno etiam, nedum in pluribus damnandæ sunt. hæc illius orationis simplex sententia est. [Et quid vnus ille querens? semen Dei.] hoc est, quærit num ille fortasse religionem hoc modo dilatare, prolemque Deo gratam propagare & pro filiis hominum sufficere filios Dei possit? nihil minus profecto aut efficitur, aut quaritur hoc modo, nisi forte ad religiosos & pios liberos suscipiendos alienæ mulieres propriis & necessariis, atque genere & disciplinæ societate coniunctissimis, item prophanæ nuptiæ legitimis & sacris antependantur: quod quanquam sine vllius iniuria fieret, iniquum tamen & indignum vehementer, atque ab omni spiritu & recta cogitatione alienissimum esse, ipsa rerum inter se comparatione declaratur.

*Custodite ergo spiritum vestrum, & uxorem adolescentiæ tuæ noli despicere.*

HEBRAÏCE, [Et custodietis in spiritu vestro.] Significat hæc oratio eam, quæ tractatur, causam grauissimam esse: quamque non negligentia, sed certo consilio recteque putata ratione in suam propriam dignitatem vindicare oporteat. *Custodite spiritum vestrum*, vel, *custodietis in spiritu vestro*, idem est, atque rem ipsam animo & cogitatione suis ponderibus examinatam obseruabitis; neque committetis, vt vel ab vno ex vobis huiusmodi grauissimum facinus cum summa in uxorem optimè de se merentem iniuria admittatur. summum autem artificio vterque numerus, pluralis & singularis, in hac oratione usurpatus est: quod ad consilium ineundum capiendumque pertinet, [Custodite spiritum vestrum, quod verò ad scelus admittendū, uxorem adolescentiæ tuæ noli despicere.] namque si maxime quispiam in facinore faciēdo aliquo stultitiam consilij excuset, eam tamen plures excusare minimè possunt: plus enim collatis consiliis & cogitationibus communicatis & examinatis à multis, quam ab vno tantum in rerū ratione expendenda perspicitur: neque in consilio capiēdo tantum vnius, quantum multorum grauis & turpis est error. Igitur communi consilio prouidendum statuendumque est, quid fieri, quidue cauere deceat: neque præter eius communis consilij rationem & sententiam quicquam priuato homini, aut agere, aut admittere licet. vtraque verò facinoris indignitas breuiter significata est, & rei ipsius, inquam turpitudine, quamuis etiam sine alterius iniuria admittatur, & eiusdem etiam cum iniuria coniunctæ grauitas, alterum illa pars indicat, [Custodite spiritum vestrum; alterū verò illa, uxorem adolescentiæ tuæ noli despicere, siue fraudare.] Hæc enim res apertum odium & manifestam iniuriam arguit. quæ quidem peccata Israëlitis nomine indignissima à Deo ultore vindicanda sunt.

*Cum odio habueris, dimitte, dicit Dominus Deus Israel. operiet autem iniquitas vestimentum eius, dicit Dominus Deus exercituum.*

UTILITATIS publicæ causa (quam nobis moderatricem consiliorum nostrorum constituimus) cogimur hoc loco præter institutum nostrum, aliorum qui rectius videntur scripsisse, recitare sententias, maxime autem antiquorum Hebræorum, quorum vestigia ceteri expositores sunt persecuti. atque hunc locum difficilè iudicatū fuisse, varia illorum & elaborata interpretatio declarat. primus enim omnium & eorum, qui nunc extant, antiquissimus paraphrastres, magnoque ingenio vir Ionathas Onkeli F. de repudio & dimissione vxoris hic agi opinatus, Hebraicam orationem sic exposuit: [Nam si odisti eam, dimitte eam, dicit Dominus Deus Israel, & non operias peccatum in vestimento tuo, dicit Dominus]

*Dominus exercituum. & custodiemini in animabus vestris, & nō mētiamini.*] Hāc explicationē vulgarē versionis interpres secutus videtur, quā ad latini sermonis phrasim accedere magis, quā Hebraicā orationē putaret. In eandē etiā sententiā Hebrēi cōmentatores frequētes ierūt, vt de repudio agi arbitrarētur: cuius tamen argumēti rationē alius aliam, tenuēre. nā cū hęc de repudio disputatio grauissima semper & difficillima cū in Synagoga, tū etiā in Ecclesia Christiana ad hęc vsq. tēpora fuerit, vt quisq. de ea re sentiret, ita loca, quæ huc pertinere viderētur, exposuit. vt verò omni ex parte officio nostro satisfaciētēs viā ad huius loci interpretationē muniamus, orationē ipsā ex Hebraico ad verbū imprimis vertendā esse duximus. [*Nam odisse mittere dicit Dominus Deus Israël, & operuit iniquitas su*  
*per vestimentū eius, dicit Dominus exercituum.*] Recentiorū igitur expositorū sentētiis præter-  
 10 missis, quòd omnes hi antiquorū vestigia persequuti sunt, eos, qui ante mille annos scripserunt, referemus. In Ierosolymitano disputationū libro, eo capite, quod de spōsalibus & sanctis inscribitur, sic de hac re legimus: nā odisse mittere dicit Dominus Deus Israël: in Israël dedirepudiationes, & nō in nationibus seculi, dixit, Hhananus ex sentētia Pinhas. In omni Parassa scriptū est, Dominus exercituum. & hic scriptum est, Dominus Deus  
 15 Israël, quòd nō profiteatur sanctus ille & benedictus nomē suū, nisi apud Israëlē tantūmodo. eodē loco alij sic exponūt, [*nā odisse mittere,*] id est, sanctus ille & benedictus odit eū, qui dimittit vxorē suā. Haggeus etiā in capite de dimissiōe ait: In omnilibro Malachie  
 20 scriptū est, Dominus exercituum, & hic scribitur, Deus Israël, quasi auertēs dicat, ne prophanetur nomē meū super repudia, sed Deus Israël. Præterea & Iudas & Ioānes doctores inquitūt, nam odisse misit, odisse dimittentē. & non explicatū est, an in priori cōiugio, an in posteriori. Eleazarus autē scripsit: Quicūq. eiecerit vxorem suā, lachrymas super altare defluere facit. has ita varias expositionū formas cæteri interpretes pro sua quisq. sententia referentes, nihil præterea ad loci veritatem patefaciendā & illustrandā contulerunt. Verum in iis, quæ recitata iam sunt, nihil ita planē illustre est, vt eius rei, quā quaerimus aditū patefacere possit, nisi quātum ex his varias de repudio antiquorū Hebræorum sentētiās fuisse obseruamus, id quòd nos Tridenti sententiā rogati publicē in Concilio diximus, anno 1561. ad D. XIII. kalend. Martias. qui dies honestissimus nobis in illo sacro senatū fuit, cū de grauissima illa repudij causa ageretur. Verū enim uero cū nullum  
 30 nos in hoc Malachie loco verbū de dimittēda vxore, neq. Hebraicē in exēplari ipso, neq. Latine in versione nostra adnotauerimus, in eā sententiā adducti sumus, vt nihil hic de repudio agi existimarem, præsertim cū omnis hęc repudij ratio nō tā à Deo instituta, quā à Mose propter hominū duritiem permissa fuisse, & à Christo indicatur, & ab ipsis etiā Phariseis recipitur: qui, vt D. Marcus scripsit, dixerūt: Moses permisi scribere libellum repudij, & dimittere &c. neq. enim toto illo capite de repudio Deus, vt eius rei auctor appellatur, sed Moses tantū, qui latā à Deo legē nūc exponēdo, nūc verò permittēdo in omni illo Deuteronomio libro interpretatus est, qua de re nos aliās Deo volēte, plenius differemus. atqui hoc loco Vates noster nō Mosē, sed Deū eius, quā ipse pronūtiat, sententia appellat auctore, [*dicit Dominus Deus Israël.*] quē tamē repudij instituēdi auctore  
 40 neq. Moses quondā prædicauerat, neq. Christus, neq. Pharisei & Scribæ protulerūt. neq. verò hoc Vatis respōsum prætermittendū illis putaretur, quin ad eā rē si facerēt, quocūq. nomine, siue præcepti, siue cōsilij aut permissionis, cū primis esset relatū, vtpote quod diuina auctoritate apertioribus etiā verbis, quā illud Mosaicū niteretur. Quibus argumētis efficitur, huius loci expositionē antiquissimos doctores simplicius multo, magisq. ex  
 45 verborū ratione & vsu, atq. ex ipsius, de quo agitur, argumēti causa, quā ex repudij annotatione habuisse: quā nos eidē insistentes viæ, perspicuā & dilucidā, vt spero, afferemus. Meminisse igitur oportet in primis duorū illorū locorū, ex quibus ad omnē hāc causam perorandā producta sunt à Vate nostro argumēta, charitatis videlicet vtriusq. archissimi vinculi, quod naturali necessitudine, & religionis cōmunionē cōstare docuimus: quorū  
 50 vel vtrumq. vel alterum negligentia laxari flagitiosum valde, iniuria verò & odio rumpi, longē esset sceleratissimū. Vtrumq. autem crimē & negligētiæ & iniuriæ in his, qui accusantur, Iudæis hærere, ipsa causæ narratione Deus ostēderat. Sed ne illi alterius leuioris cōcessionē alterā grauissimā elabi posse, viderētur, id agit Deus, vt cōfirmet, nō solū officij neglectiōem illis vitio dari, iniuriæ verò illationem obscuram esse, sed hanc apertissime, publicē atq. manifestē sese ipsam prodidisse, nullumq. vel deriuādi, vel negandi, vel aliqua ex parte occultādi reliquisse locū, quippe quæ ita longē lateq. crescēs  
 55

- emineat & appareat, vt nullis vestibus opprimi absconditue possit. hæc loci huius sententia nobis est, quæ iâ facile ex orationis & verborum ratione ostēdetur. [Nā odisse mittere dicit Dominus Deus Israël.] Primū illud ad cōfirmationem pertinet, quod Dominus Deus Israël id testatur & dicit, qui sese testem inter virū & vxorē antea fuerat professus. deinde eam rē sibi diligenter notatā esse confirmat, vtpote, cui Israël gubernādi, regēdi, fouēdi, atq. ab iniuria defendēdi iam olim fuerit suscepta cura: cuius vt dignitas & felicitas cōseruaretur, magnū in ipsius familia animorū & consiliorū in omni re cōsensum, præsertim in religionis cōmunionē & societate, postulabat, sicut scriptū est: Interea locutus est Deus ad Iacob, Surge & ascēde Bethel, & habita ibi, facq. altare Deo, qui apparuit tibi quādo fugiebas Esau fratrē tuū. Iacob verò cōuocata omni domo sua ait, Abiicite Deos alienos, qui in medio vestri sunt, & mūdāmini ac mutate vestimēta vestra. surgite & ascēdamus in Bethel, & faciamus ibi altare Deo, qui exaudiuit me in tribulatione mea, & socius fuit itineris mei, &c. & eodē loco paulo inferius scribitur: Apparuit autē Dominus Iacob postquā reuerfusus est ex Mesopotamia Syrię, benedixitq. ei dicēs: Nō vocaberis vltrā Iacob, sed Israël erit nomē tuū. & appellauit eum Israël, & dixit, Ego Deus omnipotens, cresce & multiplicare, &c. huc pertinet nomē, [Dominus Deus Israël,] hoc tātū loco à Vate appellatū, cuius appellationis prima pars Dominus, misericordiæ & cōstantiæ significationē, Deus gubernatorē, iudicē & præfektū præcipuē significat. qualē cum sese singulariter in omni causa Israël Deus præbuerit, sicut scriptū est: Qui regis Israël, &c. tū etiā in hac ratione dilectionis vel cōseruatæ benignissimū & prouidentissimū gubernatorē, vel violatæ vltorē & vindicē esse confirmat, atq. ob eam rem vbi iniuriā manifestā in huiusmodi causa esse demonstrauit, alterū illud, quod vltionem spectat, nomē appellat. [dicit Dominus exercituum.] Iam verò illa nobis exponēda verba reliqua sunt, [Nā odisse mittere, & operuit iniquitas super vestimentū eius.] nam nō modò causā, sed affirmationis etiam vim obtinet, Chi, Hebraicū, cui Latina, nā & quippe, respōdent. de qua voce iam sēpē aliās docuimus. Odisse, infinitiuus Græcē & Latine sæpe, Hebraicē autē sapissimē, pronomine vsurpatur, vt mori morieris, visitare visitabit, & innumera alia: sic hoc loco odisse idē quod odium, sed elegantius etiā & vehemētius dicit mittere. verbū *Selabb*, quod nullum apud Latinos cōmodius repræsentat, quā mittere, variæ & elegantis est apud Hebræos significationis, quæ tamē in sentētia conueniat secū magis, quā pugnet, vtpote te quæ elegātibus analogiis ad alias atq. alias restrāsferatur. ex quibus vnum genus est, quod ad extensionē, dilatationē, propagationēq. pertinet, atq. in agriculturę rationibus cōmodissimē vsurpatur. Ex hoc genere orationes illæ sunt: Extēdit palmites suos vsque ad mare, & vsq. ad flumē propagines eius, & emissiones tuæ paradisi granatorū. & illud etiam quod Isaias de vinea canit: Et flagella eius vsque ad Iazer perueniūt, propagines eius relictæ sunt. quibus in orationibus vbi Latine legimus, extēdit, emissiones, propagines, idem verbū *Salabb*, aut ex eo deducta vox aliqua est. In aquarū autē effluxione & redundantia idē verbū vsurpatur elegāter, vt apud Ezechielē: Et eleuati sunt rami eius præ aquis multis. ex quo verbo nomen Natatorię illi in Ierosolymis factum esse *Silabb*, apud Nehemiā annotauimus. Eiusmodi itaq. nobis orationis huius est sensus, vt Iudæorum in vxores odium non leue, neq. occultum, sed grauissimū & maximum esse arguatur, quod ita omni ex parte erūpat, vt occultari nullo modo possit, quippe quod penitus in animis insitum ramos & propagines suas adeo emisit, vt vestis etiam hominum, quibus occultari multa solent, omnino eminens manifestis factis iniuriis, operuerit, & supra vestimenta ipsa iam longē appareat. hoc est, quod dicit, [operiet autem iniquitas super vestimentum eius. Hebraicē, & operuit iniquitas.] Quo in sermone illud est propriē ad hanc rem obseruandum, aliud esse operire vestimentum, aliud operire super vestimentum, operire vestimentum, est vestimentū studio occultādi tegere; operire verò super vestimentum, est ita redundare atq. eminere, vt nullo vestimento occultari aut dissimulari possit res. Huiusmodi verborū constructiones in illis locis annotantur. Neq. parcat ei oculus tuus, vt miserearis & occultes eum, Hebraicē, & occultes super eum. & illud multo clari-  
Deut. 15. rius: Et adduxit super eos mare, & operuit super eos, & operiebant Cherubin super arcem. & apud Nehemiam: Ne operias super iniquitatem eorum. his omnibus atque aliis in locis verbum *Chizzah* cum præpositione *Ghal* constructum, redundare, eminere atque dissimulare, & obtegere significat. iniquitas Hebraicē *Hhamazz*, Latine iniuria, Hispanē significātius, *agratio*. [Super vestimentum eius.] Pronomen eius masculinum est Hebraicē

braicè, atque ita cùm oratio, tum ratio omnis, sententiæ huius expositionem adiuuat, tum illud etiam cõfirmat, quod his subiungitur, [*Custodite spiritum vestrum, & nolite despicere.* Hebraicè, & custodiemini in spiritu vestro, & non despicietis. Chaldaicè, & custodiemini in spiritu vestro, & non preuaricabimini.] Quamquam oratio ipsa diuini iussi formulam exprimeret videatur, ex Hebraici tamen sermonis ratione, atque ex sententiæ etiam & actionis ipsius modo & imperu ad contentionem mihi magis & antitheton referenda putatur. est enim ironicas pronuntiatum, vt rei indignitas vehementius augeatur. Id autem grauius & certius efficitur, cùm indicato sceleri officium debitum contrà opponitur & requiritur, atque id quod constare oportuerat, sublatum omnino esse oratione vehemèti subiuncta ostenditur, vt apud Ieremiam: Confusi sunt, quia abominatio-

10 nem fecerunt: quin potius, inquit, non sunt confusi, & erubescere nescierunt. Sic hoc loco nimirum, inquit Deus, qui huiusmodi iniuriæ faciendæ manifesta insania flagrant, sapienter sibi consulere, & officium sanctè colere dicendi sunt, nihil minus omnino, imò hæc tanta flagitia aliis nefarijs cumulata atque aucta ab illis fuisse, nouo illato crimine ostenduntur, laborare fecistis, &c. Quod ad sermonis notationem facit, futurum

15 verbum hoc loco non ad tempus ipsum, sed ad consuetudinem & officium est referendum, vt sæpe alias docuimus. sic custodiemini & non despicietis, custodiri soletis, non soletis despicere. quæ omnia ironicas dici, & ratio ipsa, & illud etiam crimen declarat.

Ierem. 6.

20 *Laborare fecistis Dominum in sermonibus vestris, & dixistis, In quo cum fecimus laborare? in eo quod dicitis, Omnis, qui facit malum, bonus est in conspectu Domini, & tales ei placent: aut certè vbi est Deus iudicij?*

HACTENVS grauißimum violatæ pietatis crimen peroratum est in illos, qui omnia officiorum iura peruertisse conuinceretur: nunc verò maiestatis etiam non modò offensa, sed grauißimè etiam læsæ causa agitur, aduersus eos, qui non modò factis erga homines iniuriosi, sed impietate, sententijs & sermonibus ipsis erga Deum contumeliosi essent. quod scelus, & natura sua grauißimum, & nocendi consequentia atque contagione maximum est. vbi enim Dei in homines prouidentia negatur, ibi facinoribus, flagitijs iniurijsq. omnibus admittendis locus datur amplissimus. In eum autè locum homines deducuntur, admissis vitijs, & neglectis paulatim religionis rebus, vt hi, qui à sacrorum neglectione ad officiorum violationem, inde demum ad religionem penitus ex suis atq. cæterorum animis delendam deuenerant. namque improbißimi & sceleratissimi homines reprehensionem & criminationem tum pietatis violatæ, tum officij proditi sibi à Vate, vt vidimus, oblatam illa improbißima & pestifera nefariorum & perditissimorum sententia depellebant, quæ pietatis colendæ fructum aliquem esse negat. id verò non apud Vatem ipsum, qui redarguere posset, sed apud imperitum populum frequentibus sermonibus argumentationibusq. inuentis, cum maxima audientium pernecie diuulgabatur. namque illi abrogatam Vatis actioni & reprehensioni fidem cùm licentiæ, tum suæ apud populum existimationi conducere arbitrabatur. Quod verò inquit, [*Laborare fecistis Dominum in sermonibus vestris,*] non ea ratione exponendum nobis videtur, vt Deo ab istis labor impositus fuerit, si tamen illius natura capere laborem posset. neque enim quisquam alteri sermone & oratione laborem aut fatigationem efficere possit, quanquã huiusmodi verba sapius inculcet: ille nihil agit, nihil prouidet, nihil curat. &c.

35 namq. huiusmodi sermones offensionem fortasse ei, de quo habetur, afferre possint, fatigationem & lassitudinem, quemadmodum propriè afferant, non video. Atqui verbum [*laborare fecistis*, Hebraicè *Hoghtem*], ad lassitudinem & fatigationem, quæ ex nimia laborandi contentione accidit, significandam propriè vsurpatur. ex qua fatigatione contentionem remitti omnino, aut curam atque operam ad aliud studium relaxationis causa transferri, necesse sit. cuius verbi exempla plurima passim in sacris libris obseruantur, vt: Afflictionem meam & laborè manuum mearum respexit Deus. & illud: Quippe

40 qui lassus est, & solutis manibus, &c. et illud etiam in eandem sententiã elegatissimum: Ipse stetit & percussit Philisthæos donec deficeret manus eius & obrigesceret cùm gladio: &c. Atqui huiusmodi labor & defatigatio Deo istorum hominum sermonibus

45 non afferebatur quidè, sed ascribebatur tamen, cui iam illa antiqua pios & probos viros non afferebatur quidè, sed ascribebatur tamen, cui iam illa antiqua pios & probos viros

Genes. 31.

2. Samuel 17.

2. Samuel 23



tis & audaciæ adiuuandæ studium paratum & susceptum esse diceretur: ita vt hæc illius orationis expositio sit. Vos Dominum natura sua misericordem, & in misericordia atque virtute constantissimum, sermonibus vestris laborantem iamque lassum, statuis, ita vt iam illo nomine arcano, quod ad bonitatem, benignitatem & constantiam ostendendam pertinet, tuendo atque obtinendo lassum ac defatigatum aliam rem scogitare atque agere prædicetis: idque non cogitatione & sententia modò, sed impro-  
bissimis sermonibus & argumentationibus imperitæ multitudini inculcetis. Atque hoc modo non laborem ab illis Deo impositum, sed attributum fuisse interpretamur. Itaque sententia & sermone hominum non re ipsa hoc statuebatur, vt & apud gentes etiam cùm de hoc eodem argumento ageretur, Dei providentia neque firmari, neque infirmari, neque adiuuari, neque impediri re ipsa, sed sententia tantum & oratione aut tolli aut stabiliri & affirmari solere dicenda fuit, vt apud Poëtam:

Claudian. in  
Rufinum.

*Sed cùm res hominum tanta caligine volui*

*Aspicerem, letosque diu florere nocentes,*

*Vexarique pios, rursus labefacta cadebat*

*Religio.*

Cadere religionem non re, sed sententia sua aiebat ille, vt ipse idẽ superius exposuerat, 15  
*Tunc omnia rebar*

*Consilio firmata Dei.* &c. Hæc itaque ex cogitatione & sententia hominum, non ex re definienda sunt, vt illud etiam, quod tandem est ab eodem subiunctum:

*Abstulit hunc tandem Rufini poena tumultum,*

*Absoluitque Deos.* Huiusmodi autem impias de Deo opiniones atque sententias cū 20  
magna nominis illius violatione Vates noster illis exprobrat, quod Domino illi miseri-

cordissimo, æquissimo atq. constantissimo labor & defatigatio in ea re, quæ maximè notum illius deceret, sermonibus illorū esset attributa: id verò cū ab illis apertè vnquam factum negaretur, Vates argumentatione & consequentia apertissima factū instat. [*In eo quod dicitis, Omnis qui facit malū, bonus est in conspectu Domini.* Hebraicè, *Omnis faciens malū, bonus est in oculis Domini.*] nō modò iudiciū, sed consilium, cura atq. studium Domini relaxatum & immutatū omnino esse, illorum sermonibus affirmabatur. fieri namq. potest, vt quis nō tam ex sua sententia, quā ex tēporum aut rerum ratione deteriorem partē opera & studio atque cura iuuet, cū aliud sibi consilium aut capere aut sequi integrum fore minus speraret. non solum autem consilium Deo, sed voluntatem etiam immutatam sententiamq. de bonorū & piorum hominū dignitate & præstantia planè esse depositam isti asseuerasse dicuntur. prioris partis illud est: [*Omnis qui facit malum, bonus in oculis Domini.*]

Deut. 6.

Bonū in oculis alicuius esse, idem, quod illius iudicio probari, est vt: Fac quod placitū est, & bonum in conspectu Domini. &: Quod bonum est in oculis tuis, feci. Itaque probari primum à Deo scelera atq. sceleratos, deinde etiam & foueri atque adiuuari dice-  
bant, [*Et tales ei placent.* Hebraicè, *Et in eis ille volens.*] Est autem verbum *Hhaphesx*, pro

Isai. 38.

Psal. 135.

Numer. 14.

1. Samuel. 2.

Psal. 5.

quo Latine nunc velle, nunc placere & propitium esse, vertimus, quod studiosam voluntatem & efficacem significat, vt in Psalmo: Omnia quæcunque voluit, fecit. &: Si propitius fuerit Dominus: inducet nos in terram, & tradet, &c. & illud apertissimè: Et non audierūt vocē patris sui, quia voluit Dominus occidere eos. nulla verò ad pietatem tolerantiam, & ad hominum perturbandas res, perniciofa magis pestiferaque esse potest opinio, quàm quæ hominum res à Deo vel curari, vel acta atque facta iudicari neget, sed ab istis grauius etiam & sceleratius pronuntiabatur, pristinum de virtute & pietate sensum à Deo, vt iam lasso & vnius contentionis pertæso, depositum, & omnem cogitationem, voluntatem & studium ad nocentes maleficosq. fouendos atq. adiuuandos fuisse conuersa, contra quàm scriptum sit: Quoniam nō Deus volens iniquitatē tu es: neque permanebunt iniusti ante oculos tuos. Odisti omnes, qui operantur iniquitatem, perdes omnes, qui loquuntur mendacium. virum sanguinū & dolosum abominabitur Dominus &c. magno verò studio & excogitato consilio huiusmodi impios nefariosq. sermones ab istis dispergi & disseminari solere, ex ipsorum subtili argumentatione à Vate relata arguitur, quæ non modò vulgo & imperitis, sed multis etiā, qui sese philosophos iactabant, imponere potuerit. [*Aut certè ubi est Deus iudicij.*] Omnium rerum dominum ac moderatorem Deum esse, eaque, quæ geratur, eius gerit ditione ac numine, eundemque optime de hominum genere mereri, & qualis quisque sit, quid agat, quid in se admittat, qua mēte, qua pietate religionem colat, piorum & impiorum habere rationem, non modò sacris libris & literis proditum, sed sapientissimorum etiam hominum sententia

rentia & oratione fuit omnibus gentibus persuasum. Extiterunt autem interdum non-  
 nulli, rari quidem illi, sed improbiſſimi & perditiffimi, atque adeo peſtiferi, qui hanc Dei  
 ad iudicandum voluntatem & vim, ex improborum prosperitatibus à se ſpectatis, redar-  
 guerent. Qua de re nos apud Habbakuk rationibus conſiſtitis accurate diſſerebamus,  
 5 & aliàs, etiam, ſi noſtra Deo probentur conſilia, longius diſſerere cogitamus: nunc for-  
 taſſe brevius, quàm cauſa deſiderat; ſed pro commentationis breuitate, quantum ſa-  
 tis eſſe poſſit. Igitur argumentum, ſive, ut dialectici loquuntur, dilemma ſic ab iſtis  
 inſtituebatur. Ex humanarum rerum ſpectatione alterum manifeſtè arguitur, aut no-  
 centes & maleficos Deo gratos charoſq. eſſe, aut hominum facta ab eo non iudicari.  
 10 nam ſi ille humana cognoscit & curat, ea maximè curare dicendus eſt, quæ maximè  
 prosperantur & fouentur. at verò maleficia & malefici maximè prosperantur, ma-  
 leficia igitur à Deo curantur maximè. hæc hæcenus altera dilemmatis ſive comple-  
 xionis pars eſt: illa deinceps altera. Si verò inquiunt, Deus maleficiorum partes tueri  
 negetur, igitur vel iudicat homines, vel non; ſi non iudicat, rectè igitur cum malefi-  
 15 cis & ſcleratis agitur, quos tamenſi Deus non adiuuet, neque impedit aut deterret ta-  
 men: ſin verò iudicat, ſcleratorum res malè ſe habeat oportet. ſed illis nihilominus  
 prosperè omnia cedunt. ergo vel Deus ſuperbos, maleficos, crudeles & ingratos non  
 aſpernatur, vel ſaltem non iudicat: utrumvis ſtatuatur, pro impijs facit: ſed prius tamè  
 diuinam dignitatem & hominum erga Deum ſtudia conſeruare & retinere magis  
 20 iſtis videbatur: ob eamque rem prior complexionis pars aſſeuerantius etiam pronun-  
 tiata & confirmata ab illis videbatur. [*Omnis qui facit malum, bonus eſt in conſpectu Domini. Job. 14*  
*m, & tales ei placent.*] Poſterior verò per interrogationem ex conſequentia. Atqui inter-  
 rogatio illa negationis obtinet vim, ut: Homo verò cum mortuus fuerit, & nudatus,  
 atq. conſumptus, ubi quæſo eſt? quomodo ſi recedat aquæ de mari, & fluuius vacueſca-  
 25 tus areſcat. &c. Verum enimvero Deus ab iſtis, non quod ſit, ſed quod hominum ſit iu-  
 dex, negabatur, [*ubi eſt Deus iudicij?*] neque enim nullam vim numenue Dei eſſe arbi-  
 trari is poſſet, quem ſol ille, quem cæli & ſignorum motus, quem viciffitudines rerum  
 atque ordines admonerent, quem (id quod maximum eſt) maiorum ſapientia excitaret,  
 qui Deum conſeſſi, ſacra ceremoniasque ſanctiſſimè coluerunt, & plurimorum ac ma-  
 30 ximorum Dei erga ſe gentemque ſuam beneficiorum memoriàm ſcriptis libris, & gra-  
 uiſſimis monumentis poſteritati ſuæ teſtati ſunt. Neque etiam diuina ab iſtis providen-  
 tia in dubium omnino vocata eſt, ſed quadam excogitata ratione, quæ cum præſen-  
 tium rerum exſpectatione conſtare poſſe videretur, eſt aſſerta, nimirum Deum eſſe, &  
 eius providentia mundum imprimis ipſum adminiſtrari, eundèq. conſulere rebus huma-  
 35 nis, non tamen ſingulis, ſed vniuerſis hoc pacto, ut nunc virtutis & innocentie ſtudioſos  
 cultoresq. defenderet ut olim patres maioresq. ſuos, nunc verò hanc contentione remiſſa  
 aliarum partium homines, hoc eſt, audaces, insolentes, facinorofos & potètes, atq. magnarum  
 appetètes rerum ſoticeret iuuaretque: id quod præſenti improborum prosperitate ab iſtis cõ-  
 firmabatur, atq. hoc modo nunc hos nuncillos Dei voluntati, pro rerum ſtatu ſuarum, vel ob-  
 40 ſecundare vel cedere oportere. Itaq. vno excepto de hominum factis iudicio cæterarum om-  
 nium rerum vis & numen, magnitudo, ſapientia, potentia, providentia & gubernatio  
 ex iſtorum hominum opinione & ſententia Deo tribuebatur, qui non ubi Deus, ſed, ubi  
 nam Deus iudicij eſſet, requirebant. [*Deus iudicij, Hebraicè Elohe hamiſpat.*] atque no-  
 men Elohim, omnium publicorum munerum & adminiſtrationum rationes continere,  
 45 cum ſapè alias, tum in noſtris de arcaao ſermone libris docuimus. ex quibus omnibus  
 rationibus vna tantum ab iſtis requirebatur. *hamiſpat*, hoc eſt, iudicij certi & ſpectari, cæte-  
 ra omnia ſatis ſpectata ſibi concedentibus & conſeſſis. articulus *ha*, nomini additus, cer-  
 tam, & quæ iudicari facile poſſit, rem ſignificat. ita adeo hæc de diuina providen-  
 tia opinio acutior quidè & ſubtilior, quàm vulgaris illa epicuræorum, atq. etiam quàm  
 50 illa ingenioſa ſtoicorum diſputatio, & ad religionem etiam retinendam & colendam  
 commodior ſpecie ipſa videtur: re ipſa verò omnium pernicioſiſſima & maximè peſti-  
 fera eſt, ut quæ malorum auctorem Deum ſtatuat, atque hominum animos ad maxi-  
 ma facinora admittenda diuini auxilij ſpe propoſita incendat. Verum enimvero cum  
 cætera diuinæ erga vniuerſos & ſingulos homines providentiæ & miſericordie argu-  
 55 menta perpetua omnibus temporibus obſeruanda atque ſpectanda, & Deus ipſe pro-  
 poſuerit, & maiorum noſtrorum ſapientia docuerit, iudicij tamen exempla non ſemper  
 ſpectari

אלהים

Non ex præ-  
 ſenti neque  
 præſentio ſed  
 ex futuro  
 etiam.

spectari, sed opportunè expectari oportere, certum iis semper fuit, qui vel ex diuinis  
 libris, vel ex diuinarum contemplatione rerum, humanarumque vfu aliquam sapien-  
 tia partem affecuti sunt. nam si quis non vniuersorum modò, sed singulorum ho-  
 minum res contemplatus ad diuinæ prouidentia rationes referat, nullam sanè par-  
 tem vel virtute, vel sapientia, vel misericordia Dei vacuam deprehendet, qui bo-  
 norum & piorum non vitia, sed res omnes alias fouet. Qui solem suum oriri facit super  
 bonos & malos, & pluit super iustos & iniustos. Itaq. cetera omnia diuinæ prouidentia  
 & misericordia argumèta quocunque tempore, quocunque loco, quacunque huma-  
 narum rerum parte quarantur & obseruentur, plurima profecto atque certissima consta-  
 bunt; iudiciij verò cum in singulos homines, tum in populos gentesq. exercendi non ex  
 præterito neque ex præsentis illorum statu, sed futuro euentu expectandum tandem  
 manifestum, integerrimum atque feuerissimū apparet. Etenim Deus iustus iudex, for-  
 tis & patiens, dissimulans peccata hominum propter pœnitentiam, qui aufert iniquita-  
 tes & scelera atque peccata; apud quem tamen nullus per se innocens est &c. Dei igitur  
 in vniuersos atque in singulos homines prouidentia semper oportunā est; iudicia verò  
 certissima quidem in omnes, maturo tamen tempore in vnumquemque sunt. Qua  
 quidem in re à multis, propter stultitiam & sapientia defectum, grauissimè est offen-  
 sum, qui harum in Deo virtutum exempla requirètes, non satis bene temporibus, qui-  
 bus edi soleant, distribuerunt, atque ex præsentis aut etiam præteriti arguentes futura-  
 rum expectationem rerum, magno suo errore & magno multorum incommodo, præ-  
 termisere, sicut scriptum est: Mei autem penè moti sunt pedes: penè effusi sunt gressus  
 mei. quia zelaui super iniquos, pacem peccatorū videns &c. At verò qui sapientius ha-  
 rum rerum rationes putauere, diuini iudiciij exemplum & argumentum non ex ipsis re-  
 rum atque factorum initijs, non ex incremento aut statu, sed ex euentu atque exitu pe-  
 tendum esse arbitrati sunt, sicut scriptum est: Noli amulari in eo, qui prosperatur in via  
 sua, in homine faciente iniustitias. &c. Vidi impium superexaltatum & eleuatum sicut  
 cedros Libani, & transiit, & ecce non erat: & quæsiui eum, & ecce non est inuentus lo-  
 cuseius. Ex qua sententia illud quoque consilium cum maximo sapientia fructu coeptū  
 institutumque sibi fuisse Rex ille Vatesq. canebat: Donec intrem in sanctuarium Dei,  
 & intelligam in nouissimis eorum. Veruntamen propter dolos posuisti eis: deiecisti eos,  
 dum alleuiarentur, &c. Igitur problematis, quod hactenus & populo & sibi propositum  
 ab impijs & perditis hominibus fuerat, explicandi oratio certissima ex eodem, quem  
 nos iam indicauimus, loco petita, atque cum magno diuinorum mysteriorum & pro-  
 missorum molimine & apparatu à Vate nostro eadem actione grauissimè ostensa est:  
 eaque ratio omnis sequenti capite exponitur.

## CAPVT III.



ECCE ego mitto angelum meum, & preparabit viam ante faciem  
 tuam, &c.

QUANTUM huius Vatis tempestate, & libertas Iudæis ex Babylone restituta,  
 & reedificati templi commoditas, & sacrorum vsus contigisset, nonnullis tamen  
 ipsorum ob Persarum regum imperium, cui parent, & ob multarum sacrarum rerum  
 desiderium, vt ignis cælestis, vrim & thumim, & cæterarum diuina tutela à se abalie-  
 nata, atque ad imperiorum partes fouendas translata esse & putabatur, & frequentibus  
 etiam sermonibus dictitabatur, à quibus cum populo & Vati ipsi illud problema obie-  
 ctum esset, Omnis faciens malum, bonus in oculis Domini, & tales ei placent, aut certe  
 ubi est Deus Iudiciij: idque problema improborum hominum prosperitatibus confir-  
 maretur, explicandum Vati ex diuini consilij sententia susceptum est. qua in explica-  
 tione præterquam, quòd omnes aduersus diuinum iudicium tractatæ argumentationes  
 tentantur & labefactantur, maxima etiam & planè abstrusa noui testamenti atque sa-  
 crosancti euangelij ratio & series tota breuissimè quidem, sed commodissimè contine-  
 tur: quam nos cum propter commentationis angustias, maximè autem propter inge-  
 nij tenuitatem rei que ipsius magnitudinem exponere non valeamus, quoad id præsta-  
 re liceat, breuiter & dilucidè indicabimus. Principio igitur communis illa sapientium

omnium sententia à Vate nostro cogitanda præponitur, diuinum in singulos homines atque vniuersam etiam gentem aliquam iudicium non semper præsentissimum spectandum, sed suo tempore maturo atque oportuno expectandum esse. Quæ res cum præteritorum temporum & hominum commemorandis historiis certa iam explorataque esse omnibus debeat, ad eundem etiam modum fuerit in posterum expectanda. haec enim ita sese Deus æquissimum & integerrimum iudicem præbuit, ut misericordem prius patrem exhibuerit, nullumque populum, nullam gentem prius exilio, exilio aut alio supplicio damnauit, quin per prophetas prius, aut aliis modis ad poenitentiam atque ad officium ab infamia & vitio reuocandam curauerit: ex eaq. re illud euenit, ut aut verè resipiscences & misericordiam implorantes, venia, aut contra contumaces & obstinati, iustissima afficerentur poena. Huiusmodi itaq. iudicii publicè ac priuatè exercendi antiquam rationem rerum tamen & euentuum magnitudine longè illustrissimam à se propediem expectari iubet hoc loco Deus. iram enim sese maximum quoddam opus moliri ait, quo piis & sanæ mentis hominibus misericordiæ suæ, magnitudinem probaret, impijs verò & contumacibus atque vitij tenacibus iudicii sui seueritatem experiri faceret. Eius verò explicandæ rei rationem eiusmodi fore ait, ut per nuntium à se missum prius de poenitentia cum hominibus agendum sit, diuinumq. de vtraque & proborum & improborum parte consilium publicè omnibus exponatur: idque statim rebus atque euentibus certissimis præstetur, adueniente illo omnium hominum seruatore eodemque viuorum & mortuorum constituto iudice, cuius admirabilis in vtrâque partem vis ostendenda fuit. maxima videlicet in pijs & fidelibus hominibus seruandis efficacitas, maxima etiam in impijs & repugnantibus iudicandis vlciscendisque seueritas & potentia. Atque hoc in loco duæ personæ recognoscendæ indicantur, & vtriusque etiam muneris ratio obseruanda exponitur, altera angeli, quæ Ioannes Baptista Zachariæ filius magnæ à puero expectationis, egregiaq. & probatissimæ sanctitatis vir expressit, qui muneris sui auctoritatem diuinam, tum signis ipsius ortum præcedentibus & sequentibus, tum fungendi integritate & gravitate populo principibusque probauit: altera verò dominatoris & angeli testamenti, cui datas vtrâque partes maxima cum dignitate actas fuisse, maximis illustrissimisque miraculorum, actionum, sermonum, rerum atque euentuum testimonijs est confirmatum. Atque sanctissimum Christi euangelium duabus præcipuè rebus definiendum esse, antiquis oraculis fuerat proditum, hominum ad poenitentiam & fidem exhortatione, eorundemque pro cuiusque obedientia & fide, vel repudiatione & neglectione, salutè aut perniciè. Prioris autem muneris duos ministros fore diuino consilio fuerat constitutum: alterum, qui salutem aduenientem indicaret, & quemadmodum peti oportuisset, doceret: alterum verò, qui & id ipsum ageret, & præterea etiam ipse id, quod annuntiatum esset, re ipsa præstaret. prioris ministerij partes Ioanni Baptistæ datæ sunt, qui idem propter animi, morum atque studiorum totiusq. vita similitudinem, alter Helias est dictus. Hoc igitur est, quod hoc loco Deus ipse significat, [ *Ecce ego mitto.* ] Non humano consilio aut ambitione, sed diuina auctoritate Ioannis illius munus partesq. niti his verbis docemur. atque vox *Ecce*, certam cum primis & expectandam, eamque illustrem & publicam rem indicat. quod vero verbum præsentis tempore pronuntiatum sit, illud videlicet significat, decretum atque propediem expectandum opus esse, quod non minus certum, non magis euitabile sit, atq. si iam omnino præsens coram spectaretur. quæ præsentis temporis elegas vis in loco est, ut: *Ecce eicio dæmonia, & perficio sanitates hodie & cras, & tertia die consumor.* & apud exteros: *Tuum tibi reddo.* [ *Et præparabit viam ante faciem meam.* ] Elegantissimum verbum Hebraicum *Pine*, hoc in loco, & apud Elaiam in eodem argumento usurpatum, omnem eam curam & operam, quæ in locis ad certas actiones, res, vel personas pro dignitate aptandis consumitur, significat: ita ut per loci commoditatem nihil obstat, quo minus id, quod agendum fuerit, perficiatur. Sic ille olim dum Abrahamæ procuratori occurrens hospitij officium, quod inuitabat, probauerat: *Ingredere benedictæ Domini, cur foris stas! præparavi domum & locum camelis, &c.* huius verbi in viis muniendis usus propriè etiam obseruatur: cuius in Latina versione nostra eiusmodi di expositio est, *Viam facite, præbete iter, declinate de semita: auferte offendicula de via populi mei.* Hoc igitur nomine Ioannes legatus fuerat, ut posita fidei & poenitentiae lege, aduentati saluti viam muniret, atq. boni & exoptati nuntij, hoc est, euangelij

Luc. 13.  
Terent. Heaut.  
contimor.  
act. 4. Scen. 4

Genes 24.

Isai. 57.



Marc. i.

Isai. 40.

primus apud homines auctor esset: id quod etiam effectum sacer historiographus testatur. Initium euangelij Iesu Christi filij Dei, sicut scriptum est in Isaia propheta: Ecce ego mitto angelum meum ante faciem tuam, qui præparabit viam tuam ante te. Vox clamantis in deserto, parate vias Domini, rectas facite semitas eius. fuit Ioannes in deserto baptizans & prædicans baptismum poenitentiae, in remissionem peccatorum, & cætera, quæ de Ioannis persona, munere ac functione scripta apud euangelistas leguntur. Illud autem maximæ dignitatis hoc in loco obseruandum pronomen fuerit, quo Deus ipse qui loquitur, sese euangelij salutisquæ auctorem profitetur & declarat: quod profecto certissimum & grauissimum diuinæ in Christo naturæ testimonium est. [Ante faciem meam.] Deum enim ipsum venturum & seruaturum esse nos, Isaïas etiam prædixerat. Huic verò nuntio munere iam suo perfuncto, statim illum totius orbis seruatorem, atque euangelij etiam apud Israëlitas legatum successurum fore, ex iisdem vatum responsis fuerat acceptum.

*Et statim veniet ad templum suum dominator, quem vos queritis, & angelus testamenti, quem vos vultis.*

ops

Deut. 17.

Rom. 15.

CHRISTVS filius Dei ex diuini arcanique consilij decreto & orbis omnis seruator ac Dominus, & circumcissionis minister fuerat constitutus. vtrumque autem illius munus est à Vate hoc loco indicatum. [dominator quem vos queritis.] namque ab illis ille totius orbis Dominus iudexque (vt in superiori capite intelleximus) requirebatur, atque adeo à pijs etiam desiderabatur. alij enim illius in homines iudicium negantes requirebant, alij verò qui saniore mente essent, desiderantes expectabant. Vtrique parti aptum verbum, queritis vsurpatum est, Hebraicè *Bakaß*, quod & requirere & desiderare significat. [angelus verò testamenti,] idem propterea appellatur, quod, quanquam toti orbi salutis, auctor & iudex constitutus fuerit, eius tamen legationis minister Israëlitis tantum promissus, & in antiquis pactioibus & fœderibus declaratus fuit, sicut scriptum est: Prophetam suscitabo eis de medio fratrum suorum similem tui, & ponam verba mea in ore eius: loqueturque ad eos omnia, quæ præcepero illi. Qui autem verba eius, quæ loquitur in nomine meo, audire noluerit, ego ultor existam. Qua de re D. Paulus, ait: Dico enim Christum ministrum fuisse circumcissionis propter veritatem Dei ad confirmandas promissiones patrum. Promissiones patrum dicit Apostolus idem, quod testamentum, siue fœdus Vates hic nominat, angelumque testamenti circumcissionis ministrum eiusdem significationis titulo inscribit. [quem vos vultis.] quem singulari beneficio vobis promissum expectatis quidem, alij verò iam requiritis, qui videlicet Deum huius templi & populi curam abiecissem arbitramini. [Veniet ad templum suum.] Ierosolymitanum illud templum indicatur, in quo extare, docere, agere, munusque & legationem suam publice obire Christum ex diuino decreto oportuit, atque ibidem templum illud aliud propriè suum ædificandum parare & curare, quod viuus ex lapidibus in sedem Deo gratissimam constructum est. habet autem interdum præpositio *El*, Hebraica, causæ vim elegantem, [Veniet ad templum suum.] Ad igitur non solum loci, sed causæ & finis significatione est exponendum ad templum suum, & propter templum suum. Ecclesiam Christianam oratio hæc subindicauit. [Et statim veniet, Hebraicè, subito.] Vbi namque Ioannes suo legationis munere defunctus esset, Christum eidem poenitentiae prædicationi, deinde Euangelij negotio præfuturum sacra oracula indicauerant. idque Iesum Nazarenum præstitisse, sacri auctores testantur. Postquam autem traditus est Ioannes, venit Iesus in Galilæam prædicans euangelium regni Dei, & dicens: Quoniam impletum est tempus, & appropinquauit regnum Dei, poenitemini & credite euangelio. huius autem aduentus non solum certa, sed admiranda expectatio subiuncta oratione mouetur, ipsiusque euangelij dignitas, atque maxima in vtramque hominum partem efficacia indicatur.

Marc. i.

*Ecce venit, dicit Dominus exercituum, & quis poterit cogitare diem aduentus eius? & quis stabit ad videndum eum?*

FUTVRVS aduentus certissimæ expectationis causa præterito tempore prædictur: vt sæpe aliàs apud sacros Vates obseruauimus. neque verò hoc tantum consilio præ-

præteritum tempus usurpatum hic est: sed ut illius aduentus tum gravitas, tum auctoritas atque efficientia, quanta præsens futura esset, existimaretur, quæ antequam appropinquaret, tam grauem tamque tremendam expectationem sui moueret. maxima namque efficacitate & vi non solum ad misericordiam & beneficentiam in eos, qui susciperent, sed ad ultionem etiam atque animaduersionem in eos, qui oppugnarent, euangelium futurum esse, vel ex illo titulo *Domini exercituum*, intelligi facile poterat, qui grauissimis rebus, & quæ ad diuinam potentiam, & animaduersionem, siue ultionem ostendendam pertinent, ascribi solet. sed eadem res apertius etiam omni ferè reliqua actione exponitur. [*Quis poterit cogitare diem aduentus eius.*] Quis, inquit, vel cogitatione solum, nedum re ipsa, dici illius vim perferre queat! qui non minus improbis formidabilis, quam pijs atque bonis desiderabilis esse debet. itaque Latinum *cogitare*, cogitatione saltem sustinere interpretamur, ex Hebraico verbo, *Mechalchel*, quod sustinere perferreque significat. Duplicem autem euangelij effectum in hominibus, & videntum esse antiqua oracula prodiderunt, & utrumque etiam fuisse visum, posterioris testamenti scriptores testati sunt; alterum iudicii & reprobationis eorum, qui vel promissis credere, vel condicionibus parere nolissent; alterum verò salutis & sanctificationis atque iustificationis eorum, qui credere & obedire vellent. Vtrumque autem genus planè magnum & admirandum futurum, quoque diuina euangelij virtus esse probaretur, variis nominibus ex euentu fuit appellatum; alterum namque reprobatio, execratio, iudicium, mors, anathema, &c. alterum verò sanctificatio, iustificatio, deificatio, adoptio, salus, vitaque dicitur. atque hoc posterius ipsius euangelij effectio propriè est: illud verò prius non ita propriè effectio, sed euentus tamen ex repulso euangelio dici potest. ut enim eos, quibus sol admissus accipitur, calore atque luce propriè ipsius astri vi & efficientia affici; eos verò, quibus idem fugitur & vitatur, frigore obrigere, tenebrisque obscurari videmus, idque non ex solis ipsius efficientia, sed absentia potius accidere: sic & eos, qui euangelio credentes obedirent, vitam lucemque illam admittere, qui verò renuntiantes resisterent, mortem & tenebras ultro subire interpretamur. tantam ex illius amissione virtutem experiri, tantum rursus ex eiusdem repudiatione & exclusionem defectum atque detrimentum sentire contigit. Vtrumque autem euangelij effectum Simeon iustus virgini matri de puero ipso euangelij auctore vaticinatus indicauit: Ecce positus est hic in ruinam & resurrectionem multorum in Israël, & in signum, cui, contradicetur, &c. Vtriusque igitur effectus causa à Vate nostro dictum est, [*Et quis poterit cogitare diem aduentus eius, & quis stabit ad videndum eum?*] Quisnam, inquit, tanta vi tantoque robore esse possit, ut diem illum resistētibus grauissimum perferre queat? quis rursus tam idoneus, ut lucem illam videre possit clarissimam? profecto vtrumque humanam omnem facultatem vincit: neque quisquam est, qui vel sustinere alterum, vel sibi alterum vendicare possit, nisi Dei gratia accesserit, quæ pijs & fideles euangelioque parentes, ad tantam lucem videndam idonei reddantur. ita adeo vtramque rem maximam, atqui omni præstantia excellentem fore significauit: cuius etiam efficiendæ rationem eleganti similitudine exposuit.

*Ipse enim quasi ignis conflans, & quasi herba fullonum. & sedebit conflans & emundans argentum, & purgabit filios Leui, & colabit eos quasi aurum & quasi argentum: & erunt Domino offerentes sacrificia in iustitia.*

EVANGELIO describendo varia & illustria ex effectu nomina in sacris libris imposita sunt, quorum numerum atque interpretationem nos aliàs iusto sermone, si Deus annuerit, persequemur. ex iis autem vnum est ignis, alterum, herba fullonum. vtræque autem res natura sua impuritati aduersatur atque elegantiae, & rerum nitore puritati que conducit. vtriusque eadem efficiendi ratio est: ignis namque aliena & dissimilia imprimis secerit, similiaque coniungit, quæque ex eis meliorem & puriorem naturam sortita sunt, comprobatur & perficit, cætera verò impura & humida consumit & dissipat, eadem etiam ad maculas atque sordes eluendas fullonum herba (quam saponariam Latini dicunt) secerit & illustrandi vis est. atque vtrique rei summa in genere suo efficientia secundum naturam tribuitur, sicut de igne scriptum est: Probasti me Domine & visitasti cor meum, igne me examinasti, &c. de fullonum

fullonum herba & arte. Et vestimenta eius facta sunt splendentia, & candida nimis velut nix, qualia fullo non potest super terram candida facere. Christiani igitur euangelij tandem atque perspectam noui testamenti scriptores suo & aliorum experimento testati sunt. Incredulos namque & repugnatores à diuina gratia separatos, atque grauissima mentis cæcitate, ob repulsum Euangelium, affectos D. Paulus, de Iudæis verba faciens, ait: Deus huius seculi excæcavit mentes incredulorum, vt non fulgeat illis illuminatio euangelij Christi: vt iudicentur omnes, qui non crediderunt veritati, sed consenserunt iniquitati. &c. Eos verò rursus, qui euangelio credentes tam ex gentibus, quam ex Iudæis obediērūt, sordibus elutis omnibus, & spiritu sancto & igni baptizatos, adeo auctos, perfectos & illustratos accepimus, vt ex filiis Adæ Dei filios effectos esse constet. Quotquot autē receperunt eum, dedit eis potestatem filios Dei fieri, ijs qui credūt in nomine eius, qui non ex sanguinibus, neq. ex voluntate carnis, neque ex voluntate viri (nā quis stabit ad videndū eum.) sed ex Deo nati sunt. Eandem omnino rem, eādem ferè rationem non multum absimili imagine Ioannes baptista, qui Dei nuntius ab hoc Vate est appellatus, indicabat. Cuius ventilabrum in manu eius, & permundabit aream suam: & triticum congregabit in horreū, paleas autem comburet igni inextinguibili. & quod ad credentium & obedientium delectum faciendum pertinet, nihil exponi potuit apertius, quàm, iam securis ad radicem arboris posita est: Omnis arbor. &c. Hoc verò Christi munus & efficientiam, eamq. Euangelij virtutem certam, constantem, perpetuam atque magno iudicio & summo consilio firmatam fore, ex ipsa habitus & situs descriptione significauit. sedentem namque illum operique intentionem depingit, vt: Et sedens docebat eos. Quòd verò argentum inter metalla ad hanc rationem fuerit præcipuè vsurpatum, eò pertinet, vt magna hominum mutatio per euangelium efficienda significetur. argenti etenim natura hoc præ cæteris habet, quòd multorum mineralium, non modò metallorum, sed aliorum succorum mixtionem, quam maximè omnium sub terris contraxerit artis industria, atque ignis virtute penitus exurens, pura nitensq. redditur. Quam rem sacrosancta Christi mortis & resurrectionis virtus in ijs, qui euangelio crediderint, sancteq. obediērint, maximè refert, sicut scriptū est: Et vos cum mortui essetis in delictis & præputio carnis vestræ, conuiuificauit eū illo donans vobis omnia delicta, delens, quod aduersus nos erat, charographū decreti, &c. Hanc eandem purgationem veterum delictorum D. Petrus appellauit, atque hoc modo nouum templum argenteis basibus & columnis fultum, nouos sacerdotes nouum & egregium gratissimumq. sacrificiorum genus paratū constitutumq. iri prædictum est: ita vt non iam amplius negligentibus illis sacerdotibus, neq. illo natura sua infirmo & procurantiū vitio & culpa prophanato cultu de cætero vtendū sit. [Sed purgabit filios Leui, & colabit eos quasi aurū & quasi argēum: & erunt Domino offerentes sacrificia in iustitia.] Non de iis, qui secundum carnem, sed de ijs qui secundum spiritum filij Leui, hoc est, sacerdotes veri & legitimi, atque in perpetuum & sanctum gratumque Deo cultum dicati sunt, tanto illis antiquis præstantiores, quanto melioris testamenti ministri diuinioribusque rationibus consecrati sunt. de quibus scriptum est: Vos genus electum, regale sacerdotium, gens sancta, populus acquisitionis, offerentes spirituales hostias acceptabiles Deo per Iesum Christum: vt virtutes annuntietis eius, qui de tenebris vocauit vos in admirabile lumen suum. quam profecto incomparabilem dignitatem iisdem ipsi spirituales leuitæ Christo Domino acceptam referentes prædicant. Qui lauit nos à peccatis in sanguine suo, & fecit nos regnum & sacerdotes Deo & patri suo, &c. atque huiusmodi sacerdotibus institutis, tam grato ac dilecto populo, tanta pietate, sanctitate, atque iustitia facta sacrificia grata & probata Deo, vt si quando vnquam maximè, fore oportuerit.

*Et placebit Domino sacrificium Iuda & Ierusalem, sicut Dies seculi, & sicut anni antiqui.*

IUDA & Ierusalem ad noui testamenti mysterium relata nomina, quam gentem, quamue ciuitatem significant, iam sæpe aliàs indicauimus. huius sacrificia sancta & pura, gratissima Deo fore Vates pollicetur: si quando vlla antiqua sacrificia & oblationes placuerint, hæc profecto, quorum illa prisca figura & vmbra fuerant, sint

- sint præcipuè placitura. *sicut*, non comparationis, sed notationis & indicationis vim hoc in loco obtinet, recte enim ad superiorem partem ex inferiori annotandam vsurpatur, vt: Dimitte nobis debita nostra: sicut & nos dimittimus debitoribus nostris. Ita igitur noua hæc sacrificia certa quidem fore, vt quæ certissima fuisse scriptum fuerit, longè tamen, quàm vlla antiqua fuerint, gratiora. *sicut*, itaque non similitudinis, sed certitudinis, vt ita dicamus, nota est. Indicantur autem hoc in loco sacrificia, quæ sancta, pura Deoque grata fuisse commemorantur, imprimisque illud Abel, de quo scriptum est: Et respexit Dominus ad Abel, & ad munera eius. illud etiam de Noë, de quo scriptum est: Et odoratus est Dominus odorem suauitatis, &c. hæc fuere sacrificia dierum seculi, seculi inquam primum conditi & restituti, cum nondum per annos, sed per ætates & generationes temporum ratio subduceretur: Fuerunt & alia illustria Deoque apprimè grata sacrificia post tertiam temporum constitutionem, vbi annorum rationes magis, quàm seculorum haberi cœptæ sunt, sicut scriptum est: Hic mensis erit vobis primus in mensibus anni, & anno primo egressionis filiorum Israël ex
- 15 Ægypto, & anno secundo, &c. Vnum autem grati sacrificij exemplum in annis antiquis illud fuit, quo constitutum in solitudine tabernaculum, alterum verò, quo consecratum à Salomone templum dedicatum est, de quo scriptum est: Apparuitque gloria Domini omni multitudini. Et ecce egressus ignis à Domino deuorauit holocaustum, &c. de altero verò: Sed & omnes filij Israël videbant descendentem ignem & gloriam
- 20 Domini super domum, &c. Exposito autem altero euangelij effectu, Dei que munere & consilio, quod misericordiam spectaret; alterum, quod ad Iudicium pertinet, subiungitur; ostenditurque in delecto illo piorum & fidelium faciendo; impios & sceleratos omnes, qui neque euangelio credere, neque poenitere voluerint, iustissimè iudicatos reiectum iri, eiusque iudicij nullum non modò effugium, sed neq. declinationem
- 25 vllam reis fore; vt pote quibus Deus ipse testis futurus, cuius integritate, constantia & cognitione nulla exceptione possunt excludi.

- Et accedam ad vos in iudicio, & ero testis velox maleficis, adulteris & periuris, & qui calumniantur mercedem mercenarij, & humiliant viduas & pupillos, & opprimunt peregrinum, nec timuerunt me, dicit Dominus exercituum.*
- 30

- DIVINVM illud à quibusdam requisitum iudicium, quod in malos & sceleratos homines exercendum esse vates omnes dicerent, non modò publicis & manifestis sceleribus, sed occultis etiam flagitiis iudicandis euangelij tempore à se editum
- 35 iri Deus confirmat. in quo flagitiosi homines notati & conuicti, à Dei regno & ciuitate in tenebras exteriores reiecti, contemptas aliquando poenas tandem subeunt. [ *Et accedam ad vos in iudicio*, Hebraicè *ad iudicium*. ] Præsens, apertum manifestumque iudicium fore ait, ita vt qui Deum iudicij vel nusquam esse, vel longè abesse dicebant, præsentem tamen & proximum sentiant. [ *Et ero testis ve-*
- 40 *lox.* ] Certissimum & præsentissimum testem sese hominibus esse declarat Deus, non modò earum iniuriarum, quæ per vim & audaciam apertè fiant, sed eorum etiam scelerum, quæ occulta fraude & dolo admittuntur, & fallendi spem proponere auctoribus solent suis: cuius generis incantatores, venefici, adulteri & periuri sunt, & qui calumniantur mercedem mercenarij, & viduas & pupillos opprimunt, cæ-
- 45 terosque miseros & humana ope auctoritateque destitutos, vt peregrinos fraudant; me verò horum tutorem & præsidium non timuerunt, putantes me non adesse aut non prospicere in miseros fraudulenter factis iniurijs cognoscendis aut propulsandis, cum tamen vliscendis affuturum me professus fuerim. quod & illo grauiissimo nomine, [ *Domini exercituum*, ] toties appellato, atque nunc repetito constare oportuerit. atque hi profectò, qui me suis fraudibus longè abesse putantes
- 50 fallere cogitabant, mirabuntur singularum rerum testandi præsentem & certam rationem, & cognoscendi atque perspicendi celeritatem agnoscent. Illud hoc loco obseruari operæpretium fuerit, pauperum & viduarum cæterorumque, qui humana ope destituti sunt, hominum res in tutela & præsidio diuini timoris latere:
- 55 cuius auctoritatem solam maximam, grauiissimam & sanctissimam, vel potentissimo cuique esse oporteat, alioqui diuinæ ultionis vim experturo, sicut scriptum est: Non



Deut. 25.

Exod. 22.

Corinth. 6.

Non negabis mercedem indigentis & pauperis fratris tui, siue aduenæ, qui tecum moratur in terra, & intra portas tuas est, & c. ne clamet contra te ad Dominum, & reputetur tibi in peccatum. & alio loco: Si laeseris eos, vociferabuntur ad me, & ego audiam clamorem eorum: & indignabitur furor meus, percutiamque vos gladio: & erunt vxores vestrae viduae, & filij vestri pupilli, & c. & tandem subiungitur, Si clamauerint ad me, exaudiam eos: quia misericors sum. Igitur non modo publica scelera iudicaturum, sed occulta etiam flagitia atque illatas miseris per fraudem iniurias, quorum causam & fidem ipse receperat, ulturum se esse declarat, omnibusque huiusmodi flagitiosis, neque tamen legitime poenitentibus, ab euangelij conuiuio reiiciendis testem celerrimum futurum, sicut factum esse ipsi euangelij regni ministri testantur. Nolite errare, neque fornicarij, neque idolis seruientes; neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt, & c. atque ita magnam dictorum, promissorum, consiliorumque suorum constantiam omni ex parte probat Deus. Quod si cui minus id propterea certum exploratumque sit, quod publicæ animaduersiones rarius spectentur, interimque dum eduntur, multi ex flagitiosis & sceleratis inulti, rebus integris & vita fruuntur & defungantur: non ideo tamen negandum fuerit; quandoquidem vel ex vno diuini iudicij exemplo cætera omnia probari expectarique oporteat. neque verò si quispiam hinc inultus discesserit, is impunitus ac liber euasisse dicendus fuerit, quando & idem Deus scelerum iudex atque ultor semper constet, & is qui è vita discesserit, non omnino consumptus fuerit. Superest enim illi altera etiam vita, cui etiam Deus pietatis renumerator sanctissimus & benignissimus, & impietatis atque scelerum iudex æquissimus ultorque potentissimus præest.

*Ego enim Dominus, & non mutor: & vos filij Iacob non estis consumpti.*

Hic locus multa & maxima de diuina natura & efficientia, de humanæ animæ immortalitate, de bonorum & malorum finibus mysteria continet. docemur impiis Dei consilia, actiones, vel ex paucis exemplis perpetuas & constantes probari. neque enim diuina natura mutationis capax est. id quod ex nomine illo sanctissimo & maxime arcano cognosci potest, quod præter misericordiæ rationes constantiam æternitatemque significat. ut autem nomen illud, ita & non mutari proprium Deo perpetuumque est. [*Ego enim Dominus.*] & relatiui atque affirmantis pronominis vim obtinet, qui non mutor. [*& vos filij Iacob.*] Iam sæpius alias annotauimus, filios Iacob antiquæ humilitatis commemorandæ causâ appellari: idque nomen tum propriè sursum paritercum significetur, aut illos ex magna humilitate ad magnam dignitatem fuisse traductos, aut diuinorum beneficiorum immemores officijque desertores, atque adeo Israël nomine indignos sese præbuisse. Atque hæc profectò ratio ad hunc explicandum locum aptè accommodatur, cum illa fides illaque de Deo notitia in istis requiritur, quæ in Israël magna ac illustis fuerat; quibus cum tantum, ut cum humillimis & vulgaribus hominibus, nihil planè dignum Israël sapientibus agitur. [*non estis consumpti.*] Hebraicum verbum *Cala*, omnimodam penitus consumptionem significat, ita, ut nihil ex ea super sit, ut: Defecerunt, sicut fumus dies mei. & illud: & conteret scelestos & peccatores simul. & qui dereliquerint Dominum, consumentur. Igitur materiam sibi iudicij in illos exercendi superesse Deus ait. quanquam enim multi ex eis ante illud publicum iudicium, quod euangelij tempore edendum fuerat, discessissent, eos tamen non protinus liberos atque impunitos euasisse affirmandum erat, cum non omnia letho finirentur, superessentque animæ in quas seuerissimum iudicium exercendum esset, quæ poenas etiam cum corpore post resurrectionem daturæ essent. quandoquidem corporis mors ex sacræ sapientiæ rationibus non consumptio, sed separatio dicenda est. Quibus ex rebus illud consequitur, diuinum iudicium à nemine vel publicè vel priuatè effugi posse, posse tamen (idque consultißimum esse) ab iis, quos legitime, sanctè pureque scelerum & vitiorum poeniteret, præuerti & declinari. Quam ob rem aut hoc illi consiliū studiosè capere, aut seuerum in se iudicium tum publicè, tum priuatè expectare monentur. vtrumque enim, & misericordiæ, & iudicij rationem satis testatam esse oportet.

oportere, plurimis atque frequentibus obseruatis exemplis arguitur: quæ tamen ab ipsis, officio suo peruertendo, neglecta sunt.

*A diebus enim patrum vestrorum recessistis a legitimis meis, & non custodistis:*

*Reuertimini ad me & reuertar ad vos, dicit Dominus exercituum.*

ANTIQUVM & vetus illis esse officium suum violare, proprium autem & solenne sibi Deus ait officium ab illis requirere, suamque misericordiam & gratiam poenitentia lege proposita polliceri: qua tamen ut minus aliquando vtantur, eorum ipsorum culpa accidere, qui non modò peccatum & vitium corrigere, sed agnoscere etiam fateri quæ negligant. [*A legitimis meis.*] Quæ legitima hîc latine, Hebraicè נהנכ"מ dicuntur: suntque proprie eæ, quæ cuique muneris alicuius, quo fungitur, nomine reddenda ex lege vel pacto sunt, ut quæ regibus, sacerdotibus, magistratibus stipendia, tributa vel munera debentur: quæ omnia נהנכ"מ, latine, *legitima*, hispanè *fueros* siue *derechos* dicuntur. huius nominis ratio multis in sacrorum librorum locis aperta, in illo verò apertissima est, ubi de Egyptiorum sacerdotum iure & libertate fundorumque immunitate agitur, quibus statuta cibaria ex horreis publicis præbebantur. Hebraicè, ק"ו ב"ו ס', Genes. 47. נהנכ", &c. Filij autem Iacob admissæ in hoc genere aduersus Deum fraudis accusantur: atque ad officium faciendum veniæ & misericordiæ pollicitationibus, vel rursus ultionis minis reuocantur: sed quoniam illis ex diuturna consuetudine fraus & peccatum non agnoscebatur, atque impudenti sermone negabatur, & iure & crimine exponendo à Vate indicatur.

*Et dixistis, In quo reuertemur?*

IURA atque legitima sua ab illis repetens requirebat Deus; atque ita verbum reuertimini, & reuertar, actiue & passiue exponendum est. utrumque enim vox ipsa indicat, ut latine ad verbum dicendum sit, *reddite & reddimini mihi, & reddam reddarque vobis.* atque hoc modo non solum illorum voluntatem, sed officium debitum desiderari ab ipsis est cognitum: qui cum debitum suum ex diuturna exsoluendi negligentia non agnoscerent, respondebant, [*In quo reddemus reddemurque?* Quidnam est, quod à nobis debeatur, quodque reddendum Deo sit, quod tamen non fuerit redditum? tantum est fraudi faciendæ assueuisse, ut quæ verè debeantur, ex diuturnitate & usu fraudandi non deberi putentur.

*Si affliget homo Deum? quia vos configitis me? & dixistis, In quo configimus te? In decimis & primitiis.*

IURA & legitima sua sibi per summam & nefariam fraudem direpta ab his criminabatur Deus: à quo crimine cum illi sese alienos ignorationis nomine defendere vellet, acutissimè tamen teneri arguuntur; quod Deo ipsorum principi & gubernatori debita, iusta & legitima tributa essent negata. ex qua etiam re eneniret, ut minus illis annonæ copia suppeteret: Argumentatur autem primum à iure & debito, deinde à facto: tandem ab euentu. Ius est, ne quis quem fraudet, ex quo consequitur iniuriæ genus grauissimum fraudem esse; deinde maiorem & grauiorem esse fraudem, ubi quis quæquam maiori audacia & contemptione fraudauerit, ut si eum, cui plurimum debeat, cuius auctoritatem reuereri atque suscipere, quem plurimum colere oporteat, defraudet, ut regem, principem, aut iudicem sacerdotemque suum. Huius argumentationis vim omnem illa interrogatio complectitur, [*Si affliget homo Deum?*] estque locus à comparatione personarum, ut maior audacia & contemptio arguatur. [*Homo Deum.*] Alterum nomen hebraice est *Adam*, alterum verò *Elohim*. Adam hominem significat, qui nihil illustre egregiumque præter ceteros habeat, tantum nomen hominis tueatur. is si principibus & illustribus in republica magistratibus fraudem aut iniuriam prudens volensque faciat, sceleris audacissimi reus sit, maxime si ea subducatur, quæ iure optimo debeantur. longe autem grauius & impudentius id facinus fuerit, si aduersum non quemlibet principem & magistratu fungentem hominem, sed aduersum principem & gubernatorem Deum ab homine Adam commissum sit. Quamobrem *Elohim* nomen quod Deum, principem, iudicem gubernatoremque significat, appellatum est. indignum enim est, hominem homini, etiam humillimo, fraudem facere; principi verò indignissimū, Deo autem opt. & max. principi & gubernatori, omnino nefariū flagitium est. Hactenus propositio

in legitimo statu: nunc deinceps crimen ipsum in assumptione ostenditur. [Quia vos configitis me] Vos me, quos ut maioribus & illustrioribus, quam ceteros mortales, beneficiis affectos obseruantiores & colentiores mei esse oportuerat. Confirmatur autem assumptio, in qua omnis criminis vis inest, indicatione rerum, in quibus fraus Deo facta est. & iure in vniuersum quærebatur. quæ ratio cum per se ipsa luceat, neq. ab improbi-  
 affligere & cōfigere, idem enim vtriq. voci responderet hebraicum verbum, ad alienarū re-  
 rum direptionem, maximè quæ per fraudem fiat, significandam proprie vsurpatur, cuius  
 illud satis apertum exemplum etiam in nostra versione est: Non facies violentiam pau-  
 peri, quia pauper est, neque conteras egenum in porta, quia iudicabit Dominus causam  
 eius: & configet eos, qui confixerunt animam eius. Igitur decimas & primitias, quas ad  
 sacerdotes alendos sanctaq. omnia curanda, sibi ex annuis fructibus perfoluendas consi-  
 tuerat Deus, per fraudem à populo subductas criminatur; atq. ita nō solum sacerdotes,  
 sed omnem hominum ordinem accusat, quod vnusquisq. propter auaritiā & cupiditatē  
 officiū suū prodiderit & violarit, dum sacerdotes debitū Deo cultū negligunt, populus  
 ea tributa subripit, quæ nō modò propter muneris dignitatē & ministerium, sed ipsius  
 etiam annonæ augendæ causa perfoluenda fuerant, neq. tamen cōsequentem inopiā &  
 frugum defectum suæ culpæ, sed temporū & diuinæ voluntatis mutationi ascribebant.

*Et in penuria vos maledicti estis, & me vos configitis gens tota.*

OMNIS humanæ mentis error in diuinis rationibus nō rectè & sapienter interpre-  
 tandis versatur: idque fit ex diuini verbi ignoratione. Imperauerat populo Deus an-  
 nuorum fructuum decimas & primitias, præmiumq. eius rei sanctè obseruatæ summā  
 fertilitatem & copiam posuerat. Omnes, inquit, decimæ terræ, siue de frugibus, siue de  
 pomis arborum, Domini sunt, & illi sanctificatur. & in Deuteronomio: Decimas & pri-  
 mitias manuum vestrarum, & vota atque donaria, primogenita boum & ouium. Et co-  
 medetis ibi in conspectu Domini Dei vestri, & letabimini in cūctis, ad quæ miseritis ma-  
 num vos & domus vestræ, in quibus benedixerit vobis Dominus Deus vester. Atque  
 hoc modo vel rerum augendarum causa decimas & primitias soluere, fuerat consulti-  
 mum, qui tamen id, quod per fraudem surriperetur, suis rebus accessurum putantes,  
 magnæ sibi ipsis fraudi fuerant, dum ob eam causam inopia & caritate summa labora-  
 rent. cum verò in dies maiori premerentur penuria, cogitare oportuerat & providere,  
 num illa miseriæ constantia & incrementa ipsorum culpa aut defectu aliquo magis, quā  
 casu accideret: idque quemadmodū corrigi posset, providere. secus verò ab ipsis & pu-  
 tabatur & curabatur. publica namque & priuata omnium voluntas & mens ad fraudem  
 intenta erat: interim verò annorum sterilitas quotidie maior & miserior vel casui, vel  
 Deo ab ipsis alienato; non sua culpa, sed illius voluntate & mutationis studio ascri-  
 bebatur. hoc est quod Deus ait. [Et penuria maledicti estis, & me vos configitis gens tota.]  
 Omnium enim communis error atque commune nefariæ fraudis studium erat: quod  
 tamē ut deponerent, adhortatus magnā rerum in melius conuersionē pollicetur, adeo,  
 ut apertè cognoscere possint, ipsum sibi semper consilio & sententia; atque beneficentiæ  
 studio constare, illos autem sua culpa sese ab ipso atque ab omni felicitate abalienare.

*Inferte omnem decimam in horreum, & sit cibus in domo mea, & probate me  
 super hoc, dicit Dominus: si non aperuero vobis cataractas cali, & effu-  
 dero vobis benedictionem usque ad abundantiam.*

A DEO constantem atque præsentem sese ad beneficentiam præbet Deus, ut polli-  
 ceatur nunquā per se stantem, quo minus homines maximis atque à se promissis bonis  
 & commoditatibus afficiantur, si modò ipsi pactis condicionibus etiam intermissis stare  
 velint. atq. in ea re fidē & constantiā suā probari nō patiatur modò, sed etiā cupiat, vltro-  
 que iubeat. Iubet igitur hoc loco populū decimarum & primitiarum exoluendarum ra-  
 tionem diligenter & religiosè procurare, atque in ea re vel ipsius constantiæ & benigni-  
 tatis periculum fieri illis permittit: idque vno anno eoq. proximo obseruari. quod si  
 ex animi eorum sententia euenerit, imò abundantius & felicius etiam, quā vel op-  
 tati ab ipsis possit, successerit, diuinum consilium cum vaticinio consentiens inter-  
 pretati, id porrò deinceps sequantur: sin minus, liberam relinqui illis de cetero sen-  
 tentiam.

rentiam. adeo certam, adeo testatam suam benignitatem Deus hominibus esse vult, ut vel eos, qui propter deprauatas & veteres opiniones secus existiment, experiri patiatur, vltroq. roget. neque verò hoc illi præcepto aduersatur, Non tentabis Dominum „ Deum tuum. vbi, ne quid præter præscriptum cum Deo agatur, cautum est. hic verò infirmioribus iam & sua culpa errantibus, vt ex præscripto agatur, suatum est. [Sinon aperuerit vobis cataractas celi.] Iurandi & confirmandi forma sacre lingue familiarissima est: altera enim orationis parte expressa, altera, de qua quaritur, ad consequentiã vel tollenda vel statuenda referuatur, vt: Si non humiliter sentiebam. magnam verò & certam non „ Psal. 130. respondente euentum, & vota etiã superante successum fore, ita vt res nõ casu, sed certo consilio, atq. ex condicito adducta & effecta aperte cognoscatur, illa rerum consequentia indicatum est: vt cum primum decimæ & primitiæ, quæ eo anno per fraudẽ subductæ erant, in horreum sacrum ad sacerdotum & leuitarum cibos restitutæ essent, proximo statim anno cataractæ celi oportunis pluuijs aperiendæ essent, quibus terra adeo fecunda redderetur, vt benedictio, hoc est, copia vsque ad abundantiam efflueret. Hebraicè, *vsque ad non sufficiens*: hoc est, non modò sufficiens, sed vltius etiã, quàm sufficiens: raro enim satis superq. agricolis esse solet. Deus verò hoc loco promittit non modò satis, sed etiam superfuturum. Hanc sententiam interpretes noster abundantia nomine significauit. nam quod abundat, satis superq. est, atque fertilitatem vt certissimam atque constanti cõsilio „ 20 probet, pluribus partibus amplificandam ornandamq. esse confirmat.

*Et increpabo pro vobis deuorantem, & non corrumpet fructu terræ vestræ: neq. erit sterilis vinea in agro, dicit Dominus exercituum. & beatos vos dicet omnes gentes: eritis enim vos terra desiderabilis, dicit Dominus exercituum.*

LOCUSTARVM & bestiolarum noxiarum genus omne, quod irati in eos Dei, quasi „ 25 satellites quidam & ministri, agros vineasq. hætenus vltra illã celi intemperie deuastaret, auertendũ ita ab illis esse dicit, vt cæteris omnibus gentibus probaretur, eius regionis præteritam sterilitatem, & præsentẽ vbertatẽ non casu & rerum vicissitudine, non solinatura, sed Dei consilio & voluntate constare. neq. enim tanta, tam cõstans & certa mutatio casu, neq. vlla alia ratione, nisi Dei tãtũ volũtate definiri poterat. certã enim „ 30 & præsentem tutelam esse oportuit, quæ vno anno & deinceps maximam terræ fecunditatem omni celi soli. oportuna constitutione efficeret: neq. quicquam tamẽ noxiũ supereffe sineret, sed locustam cæteraq. infesta animalia fugaret, cum tamen cæteris regionibus neque tanta, neque cunctis partibus constans ac temporibus perpetua felicitas accideret. Solet namque qui frumentariæ rei commodus annus est, plerũque arboribus „ 35 & vitibus esse incommodus. neque idem semper & pecoribus & cæteræ rusticæ rei augendæ idoneum atq. æquum tempus est. vbi verò omnia ex sententia eueniunt, singularis & præsentissima quædam diuinæ prouidentia atque voluntatis ratio probatur. id autem illis cum summa gloria vtilitateq. ipsorum, cum magno & illustri admirandoque cæteris gentibus exemplo euenturum Deus pollicetur. [Eritis enim vos terra desiderabilis. „ 40 Hebraicè, *terra voluntatis*.] Terra, quã Dominus exercituum vult, omnibusq. modis tuetur & fouet, sicut scriptum est: Deus autem noster in cælo, omnia, quæcunque voluit, „ Psal. 113. fecit. hoc autem nõ ipsius terræ studio, sed hominum ipsorum, quos Deus amaret, causã, & futurum & à gentibus agnoscendum esse ait.

*Inualuerunt super me verba vestra, dicit Dominus, &c.*

ARGVMENTVM de prouidentia ac religionis vsu vt grauissimum & maximi ad humanæ vitæ institutionem ponderis atque momenti Vates hoc loco persequitur: idque diuini consilij, publicè expectandi expositione absoluit. ea etenim, quæ hætenus reprehenderat, in populo scelera, vt prophanarum nuptiarum appetentiã, religionis etiã „ 50 & diuini cultus violationẽ, in qua decimarũ & primitiarũ negatio & subductio publica fuit, ex hoc errorũ fonte irrigata crescere indies videbantur: quòd diuina erga homines pios prouidentia & cura, non modò in dubium vocata, sed etiam improbissimorum hominum sermonibus oppugnata, atque ex imperitorũ animis penè sublata esset. cumque de rebus ipsis antea actum sit, hoc est, de fide, officioq. cum erga homines, tum erga Deũ „ 55 violato, de voluntate nunc etiam agitur, ex qua præcipuè humana facta probari improbariq. solent, ostenditurq. grauissimis iam notatis sceleribus grauiorẽ nequiorẽq. multo



animi impulsus voluntatemq. fuisse. Atq. adeo ob eam rem Deū illis magis infensum cogitare, quemadmodū vel illi ad mentē officiumq. redeant, vel, quā pertinaciter negauerint, prouidentiam magno suo incommodo fateri & agnoscere cogantur. Quoniam verò Deus, qui spiritus simplicissimus atq. optimus est, animorū impulsus prius, quam res ipsas & facta examinat, & quæ ad offensionē cultūque suum pertineāt, ex sententiæ & consilij rationibus magis, quā ex rebus ipsis æstimat, quāquā facta ipsa, quæ vel malitia, vel fraude notantur, vehementer improbarer, vehemētissimè tamē consilia sententiasque impiorum & turpissimorum reprehendit: eaq. ob eam rem sibi grauiora & molestiora esse dicit, quod cum spiritualia magis natura sua sint, diuinā dignitatē (si capere id res possit) proprius & certius lædere & offendere videantur. Hæc illius propositionis sententiā est. [*Inualuerūt super me verba vestra. Hebraicè, fortificauerūt.*] Durissimis & contentissimis aduersum me sermonib<sup>9</sup> egistis. quod cum illi ex more negātes, prius quā tentare, an Deo notum esset, viderentur, obiectum tamen sibi & expositum audiunt, atque hoc modo nō solum humana facta, sed neq. effata, neq. cogitata Deū latere intelligūt.

*Et dixistis, Quid locuti sumus contra te?*

NEGARI profectō non poterat id, quod ab ipsis dictum fuisset: sed tamen fugere atq. latere Deum putabant, utpote quem res hominum negligere crebris inter se sermonibus asserebant. Itaq. huiusmodi interrogatio non ad negationē, sed ad tentationem spectat. qua sententiā suam, si minus clarè à Deo responsum esset, confirmarent, hoc est, hominum dicta aut facta Deo vel ignorari, vel negligi. [*Quid locuti sumus cōtra te?*] Hebraicum verbū passiuū est, quo latina lingua caret; cum, loquor, ex deponentium genere sit. quāquam verò expositores actiue interpretentur, magnā tamen significationem passiuæ vox hoc loco habet, quæ cū eorum, qui reprehenduntur, sententiā conueniat. nam cum isti hominum res à Deo non curari affirmarent, sermones etiam, qui minus, quā facta, aperti & expositi sunt, non intelligi asserebant. si quid autem à vaticinijs Dei nomine diceretur, vel id esse ab ipsis confictum, vel aliās ex aliis auditum, non autem ut planè vaticinijs virtute cognitum, aut à Deo illis expositum & creditum: quod an ex alijs acceptum fuerit, facile deprehendi posset, si recitare & referre iuberentur. nam quæ narrata ex aliorum sermonibus referuntur, ferè nunquam totidem verbis iisdemque modis repeti solent: sed tametsi eadem sententiā, alijs tamen atque alijs verbis narrantur, ut nō eadem omnibus sermonis ratio & elocutionis forma est. Hæc igitur illius interrogationis expositio est. [*Quid locuti sumus contra te? quidnā dicti sumus super te?*] Quid, inquiunt, delatū aduersum te de nobis est? neq. enim te diuinasse, sed audisse arbitramur. Eam verò improbam & astutam interrogationē Vates redarguit, iisdem qui ab istis proferrentur, sermonibus ad verbum recitandis.

*Dixistis, Vanus est qui seruit Deo: & quod emolumētum, quia custodiimus præcepta eius, & quia ambulauimus tristes coram Domino exercituum.*

NON impudentissimi modò, sed superbissimi sermones à Vate Dei nomine referuntur, quibus impij illi homines diuinā prouidentiam, & humanarū rerū curā, misericordiā & iustitiā nō solum negare, sed apertè oppugnare atq. euertere cōtenderent: ob eamq. rem inualuisse aduersum se istorū sermones dicebat Deus, quod multo quā antè insolentiores & improbiores iactarentur. antea enim omnē prouidentiam vim & efficientiam vna iudiciorum ratione excepta Deo tribuebāt: nunc verò omnia negant, omnia detrahūt, diuinorūq. honores apertè dissuadēt: idq. cū maxima bonorū & piorū hominū offensione & commotione faciunt. Continet autē oratio hæc omnia ferè religionis capita, quæ petere atq. euertere molitur. Religionis autē prima & summa capita duo sunt, fides & obedientia. Accedentē enim ad Deum, primū oportet credere, quod est, & quod diligētibus remunerator est. hac fide imbutū animū diuinū cultum & pietatis officia omnia suscipere etiā oportet, sicut scriptū est: Ambula corā me & esto perfectus, &c. Posteriora verò religionis capita duo etiam sunt, præmiorum pro rectè factis firma spes, aut pœnarū pro vitijs & peccatis certissima expectatio, sicut scriptum est: Nonne si bene egeris, recipies: si autē malum, statim in foribus peccatum est? Omnia autē capita hæc firmissimæ religionis arces istorū oratione oppugnabātur. primum enim illud iactatū est, [*Vanus est, qui seruit Deo!*] Frustra operam oleumq. impēdit, qui Deum colit, inquiunt: quo sermone & fides omnis de Deo, & de hominum erga Deum ratione & obseruantia impugnatur. asseritur enim diuinam

diuinam naturā longē à rebus hominū sepositā, nihil cum hominibus cōmune habere, nihil humanarū rerū aut indigere, aut expetere, nihil mortaliū cultu affici aut iuuari, superuacaneumq. hominibus & ineptum esse, ijs rebus studium operamq. impedere, quæ ad illum, cui impendatur, minimē pertineāt, sicut & ille de eadē re dicebat: Porro si iuste egeris, quid donabis ei? aut quid de manu tua accipiet: homini, qui tui similis est, nocebit impietas tua, & filiū hominis adiuuabit iustitia tua, &c. Hoc itaq. sermone asserēbant diuinum cultum vanū & superuacaneum ex parte ipsius culti Dei esse, utpote ad eū non pertinentem. deinde etiā idem ex parte colentis astruebant, cui nihil commodi ex ea re accidere cōtenderent. [*Et quod emolumentū, quia custodiimus precepta eius?*] Primū honestas, deinde & utilitas omnis negatur: aut enim ipsius Dei causa, quia bonus est, quia omni cultu ac pietate dignissimus colendus est; sed tamē ad eum non pertinet humanū quicquam, imō vana sunt, quæ ipsi à mortalibus tribuūtur: quæ verò vana sunt, honesta esse nō possunt. Igitur si non propter Deum colendus Deus sit, queritur, an propter homines ipsos fuerit colendus: quod quāquam ille nulla nostra re indiget, nobis tamen exorari, ut prosit, colendo, vel saltem, ut ne auersis à se noceat, abstinendo & continendo possit. [*Sed quod emolumentum, quia custodiimus precepta eius? & quia ambulauimus tristes corā Domino exercituum.*] Agendarum rerum utilitas altera ex duabus rationibus, vel vtrāq. simul definitur, ut bene & feliciter, vel ut non malē & infeliciter eueniat. Pietatis autem studium post fidem duplici cura consumitur; altera beneficentiæ & agendarum rerum; cauendarum verò & continentię altera. priori quidem præmia magna & diuina; posteriori verò securitas proposita est. Vtrāque autem isti labefactare atq. euertere nitēbātur, tum nullū benefactis præmium, tum nullam etiam maleficiis apud Deum pœnam constare asserentes. [*Et quia ambulauimus tristes coram Domino exercituum.*] Ambulare tristem, siue, ut hebraicē est, obscurum & humilē, idem significat, quod apud Latinos humiliter, patienter modesteq. agere. estq. propria illorū descriptio, qui vel propter inopiā & imbecillitatē, vel magis propter pietatem diuinamq. timorem, neque quēquam laedunt, neq. læsi etiā sese violēter vliscuntur, sed omnia potius pati, quā superbe quicquam agere malunt, iniuriarumq. suarū priuatam causam Deo potius vltori vindicandā committunt, quā ipsi suscipiant, illud certissimē credentes quod scriptū est: Mihi vindictā, & ego retribuā eis in tēpore, &c. huius sententiæ illud apud Iob est: Mœrens incedebam sine furore, confurgens in tuba clamabam, & apud Psalter: Quare contristatus incedo, dum affligit me inimicus. [*coram Domino exercituum,*] Deo vltore, ut aliās exposuimus. Itaque religionis & pietatis obseruantia neq. Deo gratam, neque hominibus vilem esse dicebant, ut quæ neq. cultores bearet suos, neque etiam iniuriis accipiendis defenderet, neq. acceptis conuiolaretur aut vlisceretur. Vtriusque autem requisitæ rei exemplum in seipsis illi statuebant, seq. proprio periculo obseruasse aiebant, nihil videlicet sibi in vtroque genere religionis obseruantiam profuisse, quasi seipsos iustos, innocentes & pios prædicantes: atque hoc modo & existimationi gloriæque suæ consulebant, & diuinæ prouidentię ac religioni vehementius detrahebant. neque enim alios iustos & pios proferunt, quibus pietas nihil profuerit, quoniam id refelli faciliē posse videbant ab ijs, qui audirēt, dicentibus, nec sibi, nec ipsis exploratum esse, an illi, quos appellarent, pietatem & innocentiam purē sanctēq. coluerint. nemo enim homo alterius cōscientię certus testis esse potest; suæ verò vnusquisq. certissimus est. hi de alijs in pietatis & religionis cultæ rationibus nihil affirmāt, se verò ipsos sui testes, quāquā mentiri, probabilius tamē statuere, quā alios appellare posse arbitrantur. [*quia custodiimus & ambulauimus.*] O stultissimā hominum improbitatē, ô humanā argutiam pestiferā! ô impijssimā audaciā: quæ eò vsq. procedat, ut nō solum proprijs exēplis, falsō productis, diuinas rationes neget, sed alienis etiā tentare atq. euertere molietur. hoc est, inualere sermones hominum contra Deum religionis fidem & pietatis obseruantia à se primū, deinde & à cæteris hominibus negligi & violari, imō labefactari & eueritū conari. hoc est, bellum cælo inferre, Deūque e sede maiestatis suæ deturbare, tentare: id autē quia cæteris hominibus audacissimū & terribilissimū iudicatur, sibi, ij qui ausi fuerint, cū vtilissimū, tum gloriosissimū facinus fore ducunt. ut ille impius de quodam huiusmodi impietatis audacissimo duce prædicabat.

Iob 35.

Rom. 12.  
Cant.  
Iob. 30.

Lucet. lib. 1.

Humana ante oculos sædē cū vita iaceret

Horribili super aspectu mortalibus instans.

In terris depressa gravi sub religione,

Primum Graius homo mortaleis tollere contra

Quæ caput è cali regionibus ostendebat;

Est oculos ausus, primusq. obistere contra.

M M 3

quāquam

quanquam non ille primus huius temeritatis & improbitatis dux fuerit. namque ante Epicurum plurimi etiam apud Israëlitas, nedum apud gentes eius impietatis professores extiterunt. Itaque & misericordia & iustitia diuina, atque omnis Dei erga homines ratio ab istis suorum ipsorum, falso quidem, sed tamē astuto testimonio & exemplo negata & oppugnata est: eadem autem res alterius contrariæ partis comparatione ab istis affirmatur. asseritur enim non modò pietatem inutilem, sed impietatem contrà atque scelus vtilissima hominibus esse.

*Ergo nunc beatos dicimus arrogantes: siquidē ædificati sunt facientes impietatem.*

IMPROBorum hominum prosperitatibus Dei prouidentiam apud homines redargui: id quæ esse perpetuum impiorum argumētum, iam aliàs ostendimus. Igitur idem nunc ab istis vsurpatum est, quo non modò pietatis ratio eleuetur, sed impietas etiā anteponatur. dixerant autem pietatis exercitationem superuacaneam inutilem quæ esse, nunc impietatis vsus & studium honestum atq. vtile esse addunt, quod illis neq. gloriā, neq. commoda hominibus comparari suo exemplo statuerent: his verò vtrumq. præstari affirmant: id quæ aliorum exemplo, quorum scelera & insolenter superbeque gesta res, quod publicè confiterint, negari non possent. nam de factis aliorum apertum testimoniū esse potest, præsertim de facinoribus, quæ ex superbia, ambitione atq. audacia profisciscuntur, quæ ut notentur, ipsi etiam, qui admiserunt, volunt, sicut ille dixit:

Iuuenal.  
sat. i.

*Aude aliquid breuibz gyaris & carcere dignum,*

*Si vis esse aliquis. Probitas laudatur & alget.*

Ita isti se pietatis & officij cultura sibi tantum peperisse aiunt commodi, ut intelligerent pietatis partes ad vitæ vsus, commoda & splendorem potiores esse, quando illius cultores miseros suo periculo; huius verò felices aliorum exemplo probarent: ita, ut suæ fortis poenitentia, aliorum verò inuidia duci cogerentur. [*Ergo nunc beatos dicimus.* Hebraicè, *Et nunc nos, &c.*] Nunc tandem, inquit, nos qui officium, modestiam, temperantiam innocentiamque coluimus, id solum nobis præstitisse affirmamus, ut alterius partis sectatores sapientes felicesque esse, non sine inuidia, dicamus. nobis namque humilitas & tristitia illa nihil, præter miseriam & ignobilitatem, obscuritatem & cōtemptum attulit: superbis verò & arrogantibus sua illa vitæ ratio gloriā imprimis, splendorem, amplitudinem dignitatemque afferre conspicitur; utpote qui iniuriam omnem à se propulantes, alijs facere cum impune, tum gloriose possunt: quando illustres homines ij dicuntur, qui potentia, viribus, audacia atque insolentia alijs formidabiles admirabilesque sunt. hos mundus laudat, hos celebrat, hos frequenter commemorat; innocentes verò, modestos, pios & mansuetos signauit atque inertia nomine reprehendit: atque ijs ipsis, quamuis exiguis rebus, quas possidere cognouit, indignos ob id ipsum arbitratur, quod contentos esse intelligat. Hos itaque solum sapere & optimè viuere dicimus, qui superbissime insolentissimeque agunt, quantum ad nominis celebritatem, vitæ securitatem, splendorem atque vsus, quantum ad commoda spectat, cum ijs cōmodissime agi videmus, qui impiissime & iniustissime viuunt. [*Et ædificati sunt facientes impietatem.*] non modò, inquit, re familiarem iniuria, dolo & fraude cōseruari & tueri, sed comparari etiam atque amplificari videmus: ita ut qui nihil omnino aut habuerant, aut bonis artibus sibi pepercerat, postquam malis rationibus agere cœperint, & pecuniam innumerabilem corraferint, & ex nihili hominibus tanti euaserint, ut omnium aliorum dignitatem exequent. hoc est ædificare hebraicè in loco, quod apud latinos familiam, & familiarem atque domesticam rem patrimoniumque constituere, ut: Nisi Dominus ædificauerit domum, in vanum laborauerunt, qui ædificant eam. [*Facientes impietatem.*] Impietas & impius, solennia in iure & in foro verba sunt apud Hebræos. nam qui causam tuetur iniustam, siue reus, siue actor fuerit, RESSAGH; ipsa verò iniqua & iniusta causa RISGHAH vocatur. vbi enim nos legimus, Et dixit Moses ei, qui faciebat iniuriam, Quare percutis fratrem tuum? Hebraicè est, Et dixit le RESSAGH. & in iudicialibus institutis: Infonem & iustum non occides: subiūgitur autem, quia auersor impium. denique in hoc genere nomen impius, iusto opponitur, ut: Absit à te, ut rem hanc facias, & occidas iustum cum impio, fiatque iustus sicut impius. non est hoc tuum, qui iudicas omnem terram, &c. Itaque iniuria, fraude, dolo, furto, rapina, alea non modò patrimonia cōseruata, sed comparata amplissimeque constituta fuisse asseuerant. [*Et ædificati sunt facientes impietatem.*]

*Criminibus debent hortos, prætoria, mensas, Argentum vetus, &c.*

& vt

& vt Pfalteriaiebat: Ecce ipsi peccatores & abundantes in seculo obtinuerunt diuitias. <sup>Psal.</sup>  
 Atque huiusmodi quidem scelera non solum hominum iniuria, sed numinis etiam con-  
 temptione studiose ab hominibus suscepta & impune perpetrata, commodo potius,  
 quam fraudi suis auctoribus fuisse, impij isti addunt: ita vt commodius & melius cum  
 5 audacibus & sceleratis atque impijs, quam cum pijs & innocentibus agi contendant.  
 alij namque obscuro & ignauia sepulti iacet; alij vero ab hominibus formidati, à numine  
 minimè repressi, opulenti, potentes, clari summiq̃ue euadunt. huiusmodi eius quæ sub-  
 iungitur, orationis sententia est: [Et tentauerunt Deum, & salui facti sunt.] Non modò ve-  
 xationem direptionemq̃ue hominum, sed numinis etiam contemtionem, atque con-  
 10 sulto & summo impieratis studio suscepta scelera inulta ac libera multis fuisse aiunt,  
 ita vt ex tanta importunitate & audacia peccandi securitas, & cupiditatum licentia ma-  
 gis obtenta & aucta, quam pœna vlla suscepta videatur. Fuere enim nonnulli, qui gra-  
 uissima & nefaria scelera diuini iudicij tentandi causâ admiserint, cum apud Hebræos,  
 15 tum apud gentes etiam: qui quoniam Dei patientia impræsentiarum abusi, appetitis re-  
 bus frui aliquandiu spectati sunt, causam omnem aduersus Dei prouidentiam & iudi-  
 cium obtinuisse, stultis & impijs audacibusq̃ue hominibus visi sunt. nam & Nabucho-  
 donosor supellectilem omnem sacram è templo cum numinis contemptione diripiisse  
 dicitur. & Pompeius magnus secundi etiam templi temporibus idem etiam ausus est.  
 præterea & Roboam religionem Dei veram omnem apud Israëlitas evertit & perturba-  
 20 uit: idq̃ue ea tempestate qua moliretur, impune visus est tulisse. Rapface etiam neq. sibi, <sup>Isa. 36.</sup>  
 neque principi suo vllum tantum deorum numen existimatum fuisse iactabat, quod nō  
 fuissent cum felici euentu periclitati. Phalarim præterea aiunt deorum simulachra cum  
 summa non tam deorum ipsorum (qui re ipsa nulli erant) quā religionum omnium con-  
 temptione & cōtumelia (quod nefario sceleri etiam Gentibus ascribebatur) expoliassē.  
 Huiusmodi verò exempla ab istis hoc loco indicantur, eorum, quorum audacia & furor  
 25 Dei etiā iudicium periclitatus impunitate ali magis, quam ultione reprimi putaretur.  
 Quoniam verò non ex sua tantum gente, sed ex alijs etiam nationibus exempla ab istis  
 indicabantur, consulto nomen Dei commune ΕΛΟΗΙΜ, quod gubernatores, præsidēs  
 atque iudices significat, appellabatur: quo nomine Deum gentibus omnibus notum &  
 cultum esse, iam alijs edocti sumus. Hunc igitur Deum, quisquis in cælo terras & huma-  
 30 num genus regere putaretur, impune tentatum fuisse isti dicebant. [Et salui facti sunt.  
 Hebraicè, Et euaserunt.] liberi & impuniti, cum summa scelera diuini iudicij  
 tentandi animo atque studio perpetrarint: quæ tamen Deum se vel hominum re-  
 rum, vel suæ etiam dignitatis vindicem oportune probaturum prætermittere non opor-  
 tuisset. Hæ istorum importunissimæ pariter & acutissimæ sententiæ argumentaq̃ue  
 35 sunt, quæ humanæ tantum sapientiæ artificio & præsentis sensu expensa nonnihil firmi-  
 tudinis & roboris habere videantur ad imperitorum hominum animos de prouidentia  
 sententia deducēdos, adeo vt hæc res his tantum modis tractata pijs etiam viris negotiū  
 molestiam q̃. exhibeat cogitandi, quemadmodum vel hæc argumenta labefactari, vel im-  
 peritis & infirmioribus hominibus consuli atq. satisfieri in hac causa possit, sicut scriptū <sup>Psal. 71.</sup>  
 40 est: Si dicebā, Narrabo sic: ecce nationem filiorum tuorum reprobauī. rursus verò: Exi-  
 stimabam, vt cognoscerem hoc: labor est ante me. atq. hoc est, quod ex huiusmodi im-  
 piorum disputatione euenire Vates noster ait.

*Tunc locuti sunt timentes Dominum, unusquisque cum proximo suo.*

45 S I ex cōmuni verbi latini Loquor, significatione locus hic sit explicandus, facilis cog-  
 nitu totius orationis fuerit sententia: cuius argumentum eiusmodi est. Pios homines  
 hanc impiorum de prouidentia disputationem audientes inter se egisse & deliberasse,  
 quemadmodū his argumentis respondentes satisfacere vulgo imperitorū aut infirmiorū  
 hominū possent: vel sese mutuo exhortatos fuisse, ne videlicet ob huiusmodi argumen-  
 50 ta & sermones animum desponderent, atque à pietate ad scelera desciscerent, quando  
 vnus Dei timor in animis conceptus, abundè satis sibi esse posset ad virtutis studium co-  
 lendum religionemq̃ue retinendam, etiam si nihil ad respondendum atque aliorum ar-  
 gumenta euertendum suppeteret, vnā diuinā legem & traditam à maioribus disci-  
 plinā sibi ad religionis custodiā sufficere, quibus Deum humanarū rerum gubernatōrē  
 55 & iudicem edocti crederent. neque ab hac fidei statione vllis rationibus, vllis argumen-  
 tationibus, quauis præsentibus exemplis, petiti & oppugnati decedere deberent.



Hæc quidem huius loci satis idonea, atque ad argumentum ipsum accommodata expositio videretur, si nobis ex coniectura diuinantibus, quid ipsi sentiremus, ac non modo cauimus, ne quid viuētis & sapientis Dei sermonibus ingeniose adderemus, quod verborum ipsorum notatione minus cōtineretur, aliā non minus commodā, ac magis fortasse trium integrū lectori relinquentes: quandoquidē nihil ex alterutra, neq. de pietatis, neq. de rerum & sapientiæ rationibus derogatur. [Tunc locuti sunt.] Omnis omnino sententiæ ratio in verbo D A B A R hebraico posita est: quod vt latinè loqui, frequentissimè redditur; sic etiā excidere, perdere, vastare, non infrequēter ab interprete nostro vertitur. vt a-  
 2. Paral. 22. que enim significationē sortitum est: vtram verò sequi cōueniat, locus ipse, & sententiæ  
 „ ratio indicare apertè solet. In hac significatione vsurpatur verbū, vbi nostra versio latina  
 Psalm. 17. legit, Neq. erat vltra spes aliqua de stirpe, quis regnaret, Ezechia. & apud Psaltē: Deus,  
 Psalm. 46. „ qui das vindictā mihi, & subdis populos sub me. Et subiecit populos nobis. & in illo aper-  
 „ tum, loqui ad eos, posteriori hemistichio exponitur. Et in furore suo conturbabit eos. Ex  
 „ hac autē significatione D E B E R, nomen est, quod pestilentiam & internationē, & M I D-  
 B A R, quod solitudinem desertumq. vertimus. Atq. hoc loco verbum passiuè vsurpatū  
 est. [Tunc locuti sunt timentes Dominum vnusquisque cū proximo suo. Tunc vastati sunt timentes Do-  
 minum.] Est autem illa loci huius sententia cū præcedētibz connectenda. quod postquā  
 eōusq. quorundā hominum audacia processerit, vt Deus etiam ipse tentatus impunè sit, 20  
 plurimū detrimētī pietas acceperit, pijs hominibus multis partim à suis vicinis & socijs  
 oppressis & vexatis, partim perturbatis, ita vt timentes Dominum excisi sint. [vnusquisq.  
 cum proximo suo, siue, vt Hebraicè est, ad proximum suum.] vt pijs hominibus aliorū hominū  
 societas, cū ob suam ipsorum perniciem, tum ob impium exemplum non tuta fuisse, 25  
 ostenderetur. atque hoc modo aperta & simplex loci huius sententia sine vlla adiectione  
 constiterit. Hanc verò causam natura sua grauissimā, plurimum ad humanæ vitæ insti-  
 tutionem momenti ac ponderis habentē, nō solū sibi susceptā & iudicandā, sed suum  
 etiā de ea re consiliū vt sibi certissimū, ita & pijs hominibus apertissimū & testa-  
 tissimū esse Deus voluit. quamobrē per Vates exponendū & docendum curauit; non  
 modò piorum & impiorum hominum facta, sed dicta omnia sibi nota obseruataq. esse: 30  
 atq. huiusmodi impios aduersus prouidentia iudiciūq. suum sermones, cū ingenti  
 auctōrū suorū perniciē, & piorū & constantiū hominū fructu fore demū redarguendos.

*Et attendit Dominus, & audiuit: & scriptus est liber monumenti coram eo ti-  
 mentibus Dominum, & cogitantibus nomen eius.*

S E R M O N E S illos, quibus diuina prouidentia oppugnabatur, non negligenter, sed  
 attentissimè auditos à Deo, atq. de ea re statim commodissimè in gratiam atq. vtilitatē  
 piorum prouisum fuisse Vates docet: ita vt quid respondendum de cætero, quid speran-  
 dum expectandumq. pijs fuerit, apertum iam atque testatum. omnibusq. deinceps ma- 40  
 nifestum sit. [Et attendit Dominus, & exaudiuit.] quod illi nō curari & nesciri à Deo arbitra-  
 bantur, attentè tamen obseruatum auditumque est. habet verbum attendit, adiunctā  
 curam, & diligentiam ex hebraico verbo K A S A B, vt: Intende voci orationis meæ,  
 2. Paral. 6. rex meus & Deus meus, &c. Aperiantur quæso oculi tui, & aures tuæ intentæ sint ad  
 „ orationem, quæ fit in loco isto. est autem propriè auribus accommodatum verbum. 45  
 Nō ergo leuiter curari res hominum à Deo putandū fuerit; à quo vel sermones ipsi tam  
 attentè & diligenter audiuntur, atque prouidetur statim, quemadmodum pijs & bonis  
 viris consultum esse, & omnibus etiam aliis fieri satis possit. [Et scriptus est liber monumenti  
 coram eo.] Hæc oratio non pertinet tantū ad rerum & personarū rationes omnes, quæ  
 „ præsentēs, apertæ atq. exploratæ à Deo sunt, sicut scriptū est: Et in libro tuo omnes scri- 50  
 bentur, &c. quantū ad curam & consiliū diuinum, quo prouisum est, quēadmodum  
 pijs diuina de hac re sententia & ratio certa atq. nota & animū adderet, & fidē spemque  
 firmaret. Quāobrem librū coram ipso Deo eodemq. dictante, propriamq. sententiā suis  
 verbis certissimis aperiente scriptum, eundemque à se recitatum Vates ait. namque li-  
 bri nomine in sacris, epistola etiam & tabula publicè figenda, & deniq. quicquid scribi- 55  
 tur, significatur. monumenti, Hebraicè, recordationis. non tam vt Deus ipse recorderetur,  
 qui

qui neq. obliuione capi potest, neq. admonitione opus habet, quàm homines ipsi, quibus voluntatē sententiamq. suā certā, testatam, constantemq. esse vult. id autem cōmodius fit libro scripto, quod diutius durat, quàm sermone solū semel pronūtiato, quod excidere ex auditorum mentibus plerūq. solet: deinde & scripto semper eadē cum verbis sententia cōstat, ex pronūtiato non eadē semper ab auditoribus reddi solet. Quamobrē quod certissimū & cōstantissimum, atq. ab astuta aut maligna interpretatione tutum & vindicatum fore Deus voluit, id scribendū curauit, vt de eodē hoc argumento, eodē planē cōsilio, eadē sentētia, atq. iisdē ferē verbis, apertius tamē, Habbakūq. agere iussus est. Et respondit mihi Dominus, & dixit, Scribe visum, & explana eū super tabulas, vt percurrat qui legerit eū. quia adhuc visus procul, & apparebit in finē, & non mentietur. si morā fecerit, exspecta illum: quia veniēs veniet, & non tardabit. Ecce qui incredulus est, non erit recta anima eius in semetipso. iustus autē in fide sua viuet. Iustus igitur & pijs, quibus diuinū verbum graue, sanctum, maximāq. auctoritatis est, hoc monumentū, quod legant, quod intueantur, quod exspectent, scribi atque proponi curatum est. [Timentibus Dominū & cogitantibus nomen eius,] ijs, inquam, qui sanctissimū illius nomen, quod misericordiam, constantiam omnemq. perfectionem significat & promittit, in omni causā, cōsilio, cōsultatione, in omni deniq. vita cogitant. neq. ab eo cogitando vllis, quamuis difficillimis, rebus & argumentis petiti, desistunt. ijs enim Deus ipse præsens animū tandē & spē cōsilio suo aperiendo atq. statuendo cōfirmat, sicut de eodē argumento scriptum est: Quam bonus Israēl Deus ijs, qui recto sunt corde. Iam igitur certum de hac re cōsiliū diuinamque sententiā, quam Vates noster sibi dictatam atq. exceptam scribere est iussus, legamus.

*Et erunt mihi, ait Dominus exercituum, in die, qua ego facio, in peculium: & parcam eis, sicut parcat vir filio suo seruienti sibi.*

25 PVBLCVM proborum & improborū hominū delectum euangelij tēpore apud Iudaeos aliasq. etiam gentes habendū hoc loco Deus significauit. quo in iudicio quantum altera pars alteri præstiterit, ipso euentu manifestē erat ostendendum: ita, vt ij, qui in fide & officio permāsisent, in diuinā familiam adoptati, & maximis cōmodis, & illustri dignitate fruerentur, sicut scriptum est: Quotquot autē receperunt eum, dedit eis potestatem Ioan. 1. filios Dei fieri, ijs, qui credunt in nomine eius, &c. ceteri verò, qui vel diuinis verbis credere, vel praeceptis parēre noluisent, iustissimo Dei iudicio reiecti grauissimas impietatis atq. improbitatis poenas, tum in hac vita ignominiosē expulsi, tum in futura vehementer cruciandi darēt. atque de pijs & timentibus Dominum & cogitantibus nomē eius illud decretum est à potente Domino exercituum, vltore & vindice. [Et erunt mihi.] Et, coniunctio illationis vim obtinet hoc in loco, atque initium orationi sententiāq. dat, vt apud latinos, ergo, aut, igitur, apud græcos, & οὖν, apud Arabes, P H E, Sunt autem plurima in sacris libris huius officij exempla, vt: Et factum est post mortem Moyli, &c. Quam verò Iosue. 1. chari, quàm dilecti, quāq. omni tutela, omnibus dignitatis ornamentis præcipuē affecti futuri essent ij, qui per euangelium Deo erant deligendi, peculij nomine significatum est: quod vt proprium atque propria industria paratum, & amari vehementius, & custodiri diligentius ab ijs, qui possident, solet. Est autē hebraicū nomen ז ז ע ג ו ל א, dignius etiam & liberalius, quàm latinorum peculium. hoc enim proprium seruorum lucrum plerūque est: illud verò liberorū, charissima & selectissima diuitiarum pars, quæ vel natura sua, vel opere præstantissima sit, vt aurum, gemmæ, vasa, &c. quare & nomen in regis etiam rationibus vsurpatur, vt: Coaceruau mihi argentū & aurum, & ז ז ע ג ו - Eccl. 2. ל א, regum & prouinciarum. Huiusmodi autem rerum carissimarum & pretiosissimarum loco sibi habendos eos, qui nomen suum cogitauerint, Deus pollicetur. Habet autem Hebraica oratio certam quādam significationem, si ad verbum reddatur: [Et erunt mihi, ait Dominus exercituum, in die, qua ego faciens peculium.] Euangelij tempus diem 30 peculij sibi faciendi, & delectus habendi Deus vocat, sicut scriptum est: Separatio- Luc. 12. nem veni facere, & cæt. Ex hoc enim erunt tres in domo vna diuisi, pater in filium, & filius in patrem suum, & cæt. &: Nolite timere pusillus grex: quia complacuit patri vestro dare vobis regnum, In illa igitur die hos sibi ascribendos recipit, vt impleatur in eis id, quod in figura olim scriptum fuerat: Si ergo audieritis vocem meam, Exod. 19. & custodieritis pactum meum, eritis mihi in peculium de cunctis populis: mea est, enim omnis terra. Et vos eritis mihi in regnum sacerdotale & gens sancta. [Et parcam

[*Et parcam eis.*] Cura cōsilioq. prospecturū se illis fore ait, vt quā optime & quā honestissime sit. est enim eiusmodi significatio verbi *hhamat*, pro quo latine reddidimus, *parcere*, vt: Pepercit rex Miphiboseph filio Ionathæ filij Saul, propter iusiurandū, quod fuerat inter David & inter Ionathā filium Saul. quanta verò cura, benignitate atq. commoditate prospecturus esset pijs, Deus ipse declarauit, [*Sicut parcat vir filio suo seruienti sibi.*] quē tum vt filium amat, tum verò ob prastitam erga se pietatem plurimum diligit. Illud autem ex ea re euenturum esse ostenditur, vt vtriusque partis hominum delectus atq. discrimen non solum sit, sed apertè etiam cognoscatur.

*Et conuertemini, & videbitis, quid sit inter iustum & impium: & inter seruientem Deo, & non seruientem ei.*

Ex euentuum notatione cognoscendum esse ait, magnū inter pietatem atq. impietatem, magnum etiam inter virtutem & negligentiam atque ignauia discrimen non modo re ipsa esse, sed Dei iudicio constitui: idque adeo apertum fore, vt vel alii agentes commoueat atque moneat, ad cognoscendumq. excitet, sicut scriptum est: In medio nationis prauæ & peruersæ, inter quos lucetis sicut luminaria in cælo. est autem iusti & impij ea, quam superius annotauimus, differentia hoc loco obseruanda; seruientis verò & non seruientis Deo in religionis cura discrimen est, alterius quidem partis erga homines, erga Deum alterius officium definitur. At verò eam, quam exposuerit, rem vt certā decretamq. diuinitus, atq. iam iam certo cōstituto ad explicandum die paratā ab hoibus expectare oportere, indicādo atq. asseuerādo Vates docet: idq. sequēti capite exponitur.

## CAPVT IIII.

**E**CCE enim dies veniet succensa quasi caminus: & erunt omnes superbi, & omnes facientes impietatem stipula: & inflammabit eos dies veniens, dicit Dominus exercituum: quæ non derelinquet eis radicē & germen.

**A**D MIRANDAM atque maximam Christiani euangelij virtutem & efficientiam hoc loco à se indicatam expectandam Deus proponebat: cuius varia pro pietatis ac fidei, vel pro impietatis ac incredulitatis diuersa ratione in hominibus euenta spectanda essent. Christi etenim virtus per euangelium annuntiata, credentes atque pios dictoq. obediētes homines à peccatis vitiisq. purgatos, diuino spiritu immisso sanat, atq. in nouam vitam & sanctitatem recreat; rursus verò incredulos & inobediētes ob suam ipsorum culpam non tam præsentia, quā subtractione ab alienationeq. sui in suo ipsorum peccato relictos & improbatos damnat & perdit, sicut scriptum est: Ego lux in mundum veni, vt omnis qui credit in me, in tenebris non maneat. & si quis audierit verba mea, & non custodierit ea, ego non iudico eum, &c. & iterum: Ego vado, & quæretis me, & in peccato vestro moriemini, &c. Hæc igitur euangelij alijs felicissima, alijs verò, hoc est, incredulis & inobediētibz durissima tempora diem succensam quasi caminum vocat Vates, quæ superbos & impietatem facientes omnes vt stipulam inflammet, ita vt non re-  
inquantur eis aut radix aut germen. est enim vltima & extrema impietatis linea euangelium aut contempsisse aut abiecis-  
se: quo crimine quicūque tenentur, ipsi sibi iudicium, damnationē atq. exitium moliti sunt, sicut scriptū est: Non veni iudicare mundum, sed vt saluificem mundum. Qui spernit me & non accipit verba mea, habet qui iudicet eum: sermo quē locutus sum, ille iudicabit eum in nouissimo die. Atque de vtrāq. hac euangelij efficiētia multa à nobis in hoc opere indicata, & plurima in sacris libris scripta sunt, vt illud: Non erubescō euangelium: virtus enim Dei est in salutē omni credenti, Iudæo primum & Græco. Iustitia enim Dei in eo reuelatur ex fide in fidem, sicut scriptum est: Iustus autem ex fide viuit. Reuelatur enim ira Dei de cælo super omnem impietatem & iniustitiam hominum eorum, qui veritatem Dei in iniustitia detinēt, &c. Appellatur autem omne hoc noui testamenti tempus dies; id verò, quod vltimis fuerat, nox dicitur, tum ob nouam, & sapientiæ, & diuinæ virtutis illatā orbi lucem, tum ob manifestatā rationem multarum rerum, quæ antè obscuræ fuerant. atque ita sapissimè in sacris libris legimus: Nox præcessit, dies autē appropinquauit: & sicut in die honestè ambulemus. Quoniam verò diem eum, qui secundum naturam est, sol efficit, astrorum omnium nobilissimum

bilissimum & efficacissimum. cuius ea virtus cernitur, ut quæ crassiora asperioraq. in liquidarum natura rerum sunt, exurat, & duriora etiam magisq. concreta reddat, ut sal; quæ verò molliores & tenuiores fortita sunt partes, emolliat & purget, atque omnino perficiendum esse Vates canebant; cuius maxima & igneavis cum ad impios & incredulos improbosq. homines in peccato suo relictos exurendos & reijciendos, tum verò ad pios & credentes atque dicto audientes, emolliendos, sanandos, purissimos candidissimosq. reddendos efficientissima virtus esset.

Et orietur vobis timētibz nomē meū sol iustitiæ, & sanitas in pennis eius: & egre-  
diemini. & salietis sicut vituli de armento, & calcabitis impios, cū fuerint cinis  
sub plantā pedum vestrorum in die, quā ego facio, dicit Dominus exercituum.

DISPAREM piorum & impiorum condicionē euangelij efficacitate & re ipsa fore  
& publice spectandam esse vaticinio primum & apostolicis etiā testimoniis ita evenisse  
edocti sumus, horum quidem durissimam, illorum verò optimā & illustrissimam. ij enim  
ob incredulitatem & improbitatem, improbi atq. in tenebras exteriores reiecti sunt:  
illi verò ob præstitam euangelio fidem & obedientiam ab antiqua labe & propriis sordi-  
bus atque infirmitatibus & morbis vitijsq. expurgati & sanati, iusti, sancti & immacu-  
lati, denique Dei viventis filij effecti sunt. Videte qualem charitatē dederit nobis Deus, i. Ioan. 3.  
ut filij Dei nominemur, & simus: id quæ nō per imputationem, sed re ipsa atque effectu  
certo & manifesto per lauacrum regenerationis & renouationis spiritus sancti, quem ef-  
fudit super nos abundē, ut iustificati gratia ipsius hæredes simus secundum spem vitæ  
æternæ. sic Ioannes, sic Paulus, sic omnes alij Apostoli de hac re testantur. Hæc ergo vis, Tit. 3.  
hæc efficientia solis iustitiæ est. de quo sic etiam Zacharias canebat: Per viscera miseri-  
cordiæ Dei nostri, in quibus visitauit nos oriens ex alto. Illuminare ijs, qui in tenebris &  
in vmbra mortis sedent, ad dirigendos pedes nostros in viam pacis. Sol igitur iustitiæ iu-  
stificans eos, qui illum credendo obediendoq. admitterent. [Et sanitas in pennis suis: He-  
braicè, Et sanans in alis suis.] qui cum sit splendor gloriæ, & figura substantiæ eius, portans  
quæ omnia verbo virtutis suæ, purgationem peccatorum facit, &c. Ut autem soli ob ce-  
leritatē cursus alæ & pennæ eleganter affinguntur: sic huius iustitiæ solis Christi in con-  
ficiendo vis & celeritas maxime alarum nomine describitur. de vtroque enim sole, al-  
tero quidem in figura, altero verò re & efficientia scriptum est: Exultauit ut gigas ad cur- Psalm.  
rendam viam: à summo calo egressio eius. Et occurſus eius vsq. ad summum eius: nec  
est, qui se abscondat à calore eius. At verò ut in volucris alæ nō accidentis, sed naturæ partes  
sunt, nam quatenus volucris est, alas habet, & si nō habet, volucris propriè dici nō potest,  
quanquā animal dici possit, neque volucrum naturam ab aliarum animantium generibus  
distinguere comodius nobis datur: quam alarum indicio (veræ namque huiusmodi rerū  
differentiæ hominibus incognitæ ferè sunt) ob eā rem Deus huic à se descripto soli alas  
addidit, partes ipsi naturæ ita proprias, ut separari ab ea ne cogitando quidem sine to-  
tius rei solutione possent. Quæ descriptione duplex natura & diuina & humana, quibus  
Christus constans mundo apparuit, accommodata ad humanum caput imagine signifi-  
catur. Vtriusq. naturæ coniunctio, quā vnionem theologi dicunt, similitudinibus magis  
inuestigari, quā re ipsa percipi & cognosci à mortalibus potest. Atque ob eā causam non  
tam ex philosophiæ rationibus tenuissimis, quā ex facilibus rerū similitudinibus hæc my-  
steria dicenda à sacris auctoribus peti solent, ut rerum ipsarum magnitudo augustior esse  
cognoscatur, quā ut vlla humana cogitatione percipi possit. Itaq. nobis consiliū semper  
erit, huiusmodi maximarū imagines rerum orationis & verborum significatione indica-  
re potius, quā ex audaci aliqua ingenij ostentatione explicare. Igitur Christivtræque si-  
mul naturā, tum diuinā sua virtute, tum humanā ex diuinæ sibi cōiunctæ vi, quæ cōmu-  
nicatio à theologis dicitur, sanitatis cū corporū, tum verò animorū præcipue effectricem  
fore Malachias promittebat. quo carmine mirandū illud & planè diuinū sacramentū sig-  
nificatū est, cōmunicationis corporis & sanguinis Christi, quod in sacrosancta illa & my-  
steriis refertissima cœna est institutū, vbi arcanis & mirificis rationibus vtrāq. suā naturā  
suis largit° cōmunicauit. cuius cōmunicationis rationes admirari semper, explicare autē  
modò, nec integrū, nec oportunū nobis est, donec ab ipso eodē ad tatarū expositionē rerū  
spiritus sancti nobis addatur & afferatur comoditas. Christus igitur vtræque natura lar-  
gienda



gienda & communicanda, ita suis sanitatem effecturus: esse dictus est, ut ex priori imbecillitate atq. infirmitate liberatis & confirmatis vitā felicem ac beatā & iustissimāq. degere, necnon ex omni externarū difficultatū timore & suspitione liberis & victoribus triū phare contingeret. [*Ei salietis sicut vituli de armento.* Hebraicē, *sicut vituli saginarii.*] Solent enim saginati vituli prae nimia sanitate & optimo membrorum & totius corporis habitu magis etiam, quā cetera armenta exultare & gestire, atq. hac similitudine, sanitas iustorū & vera ac propria animorū laetitia causa indicatur. ceterarum verō rerum, quae antehunc felicitatem terribiles hominibus videntur, contemtionē consequutura illis etiam significavit: cuiusmodi res sunt humana potentia, sapientia, fraus, dolus, minae, crudelitas, & ceterae, quibus mundus aduersus pios, probos, modestos, innocentes, vel humiles & imbecilles valere putatur: quae tamē omnes ab ijs, quos sol ille iustitiae sanauerit, despiciendae, cōculcandae ac proterendae fore dicuntur. [*Et calcabitis impios cum fuerint cinis.*] euangelij virtute & efficiētia deiectioni exusti, atque in nihilū redacti, sicut scriptum est: Ecce dedi vobis potestatem calcandi super serpentes & scorpiones, & super omnē virtutē inimici, & nihil vobis nocebit & alibi: Ego dabo vobis os & sapientiā, cui nō poterunt resistere & cōtra dicere omnes aduersarij vestri, &c. [*In die quā ego facio, dicit Dominus exercituum.* Hebraicē, *in die quam ego facio.*] Nouum tempus atque admirandū nouandis rebus oportunū significat, quod ad cōmunem naturae consuetudinē referri non possit, sed magno miraculo à Deo excitatū. itaq. proprium Dei opus dicendum illa etenim admirabilis iustificatio & sanctificatio, quanquā nō sine fide & obedientia hominibus cōtingat, Deo tamē ipsi auctori, nō autē humanae alicui secundū naturā virtuti accepta est referenda, sicut scriptū est: Gratia saluati estis per fidē: & hoc non ex vobis. donum enim Dei est. Igitur vt omnis illa salutis & sanctitatis atq. regenerandorū hominū ratio auctore Deo cōstare intelligeretur, dictū est, [*In die quam ego facio,*] die Domini exercituum, maximi & potentissimi, quae credentes salui, qui verō non crederēt, damnati euaderēt: cuius diei felicitē sibi aduentū antiqui patres cogitantes, atq. ijs, qui cōpotes futuri essent, gratulabundicanebant. Haec est dies, quam fecit Dominus, exultemus & laetemur in ea. Quoniā verō ab huius Vatis tempestate vsque ad Christi tēpus hoc loco indicatum, & vatibus & vaticinijs nouis carendum Iudaeis fuerat, quidnam illis porro agendum sit, vt tum verae disciplinae, tum pietatis & officij ratio integra constet, Deus admonet.

*Mementote legis Moysi serui mei, quam mandauit ei in Horeb ad omnem Israël praecepta & iudicia.*

VNUM diuinæ legis assiduū studiū pijs hominibus interim satis fore ostēditur, dum illud omni orbi annuntiandū euangelii aduentaret: quippe in lege illa, quidquid ab hominibus de Deo, de sua ipsorū natura, de pietate, de officio, de bonorū & malorū finibus cognosci percipiūque, quidquid agi etiā rectē potest, continetur, ita vt ad hominū eruditionem nihil in illo libro desideretur, quanquā à perfectione illa vitæ, & humanae naturae dignitate, quae per euangelii conciliatur, longē legis absit ratio. Nihil enim ad perfectum adduxit lex: erudire illa quidē, primaque sapientiae rudimenta, eaq. maxima, & quae animi malis homo capere posset, docere potuit, perficere autē hominē, & ex homine filiū Dei reddere, nō potuit hoc enim euangelij Christi propriū est. Prius enim, quā veniret fides, sub lege custodiebamur cōclusi in eā fidē, quae reuelata erat. itaq. lex paedagogus noster fuit in Christo, &c. Quamobrē lex nō iustificatio, sed iustificationū via appellata est. Legē pone mihi Domine via iustificationū tuarum, & exquirā eam semper. eius enim diligens studium multas atq. egregias ad iustitiam Dei commoditates habet, vt pote quo fidei ac spei officio, & honestarum actionum disciplina custodiatur: sine quibus rebus & exercitationibus haberi illud summum Dei donum non potest, sicut scriptum est: Inclinaui cor meū ad faciendas iustificationes tuas propter retributionem. Huius igitur legis studium & ad omnem vitæ partem vtilis cura Iudaeis commendabatur à Deo, interim suscipienda & sustinenda, quoad euangelij omnia perfecturi tempus extaret, cuius initio Helias index atque nuntius venturus praedicebatur. Appellata autem legem Moysi serui sui, non quo humanam humanoque consilio inuentam significaret (est enim lex sancta & spiritalis, atque Deo auctore planē edita: id quod ab ipso statim declaratur, *quam mandauit ei in Horeb ad omnem Israël*) sed vt ab illa altera lege distingueret, quae gratiae tempore per Christum in credentium cordibus erat inscribenda. Itaque

ex ministrorum itaque comparatione vtriusque legis ratio ostenditur. illa enim Moſi non in corde ſcripta, neque ea virtute auctoritateq. tradita eſt, vt inſcribere ipſe in aliorum cordibus poſſet, ſed mandata ipſi accipienda & ad omnem Iſraël referenda; hæc verò altera Chriſto vt proprio filio, per quem omnia facta eſſent, vt auctori atque ſi legiſlatori integra conſtituta erat, quam is non modò ferret, ſed ſpiritus ſancti virtute in ſuorù mentibus conſtabiliret. itaque quanquã vtraque diuina & ſancta, altera tamen tum miniſtri dignitate, tum virtute atque efficientia multo, quàm altera, præſtantior, atque etiam communicatione ſui dignior futura eſſe caneatur, vt illa ad omnē Iſraël, hæc ad omnes fines terræ pertineret. quæ verò in illa continerentur, hæc fuere: [Præcepta & iudicia.] Præceptorù nomine, quidquid ad ſingulorù mores cõponendos, atq. etiã quidquid ad priuatas cuiusque ordinis rationes inſtituendas pertinet, definitur, ex Hebraica voce ח נ ו כ י מ, ſtatutum latinè, Hiſpanè *fuerod* dicitur. Iudicia eadem, quæ latinis iura ſunt, quæ vel à priuatis inter ſe religioſè coli, vel à iudicibus & magiſtratibus dici ac defendi oporteat: atque in vtroque genere non ſolùm vitæ priuatæ ac publicæ inſtituendæ rationes, ſed magna etiam ſapientiæ & diuinarum atque humanarum rerum cognitionis argumenta, vel apertè tractata, vel arcanè ſignificata ſunt. quamobrè vtriuſque partis ſtudium interim à Deo commendatur, dum lucifer ille oriretur, qui omnia eſſet illuſtraturus. ad hunc etiam modum Chriſtus diuinorum librorum teſtimonia de ſe cauſaque ſua cognoscere Iudæis ſuadebat. Scrutamini ſcripturas, quia vos putatis in ipsis vitam æternam habere: & illæ ſunt, quæ teſtimonium perhibent de me. ſi enim crederetis Moſi, crederetis forſitan & mihi, de me enim ille ſcripſit, &c. Huic itaque ſtudio intentos Iudæos tempus illud iam propediem aduentaturum exſpectare iubebat Deus, atque eius ſigna certis à ſe nominatis indiçiis diligenter obſeruare. neq. enim tanta res tacitè aut obſcurè peragenda erat, ſed legato prius miſſo, qui præſentem orbis ſalutem annuntiaret, ad eamque accipiendam hominum animos præparandos curaret.

*Ecce ego mittam vobis Heliam prophetam, antequam veniat dies Domini magnus & horribilis: & conuertet cor patrum ad filios, & cor filiorum ad patres eorum: ne fortè veniam, & percutiam terram anathemate.*

EVANGELII, hoc eſt, boni & ſalutaris nuntij initia, vt illuſtria omnibus aperta que eſſent, ab Helix legatione facièda eſſe, Deus apud hunc Vatem manifeſtè, & apud alios etiã certà ſignificatione prædixit. cuius legati quanta auctoritas, quales partes, quæ munerà, quod officiij genus, quanta etiam in agendo dignitas futura eſſet, vel vno Helix nomine & exemplo ſignificatum eſt. etenim vt Helias turbulentiffimis Iſraëliticarum rerum temporibus, maxima & diuina planè auctoritate præditus, religionis violatæ & pietatis proditæ cauſam aduerſus populos & reges grauiffimè & conſtantiffimè egit, diuinaſque partes per omnem vitam defendit: ſic eodem exemplo prophetam quendam exiturum eſſe Deus per vates prædixerat, qui ab alienatum à vera & integra pietate populum, ad fidem officiũque reuocaret, atque diuinis accipiendis beneficiis aptum habilemque redderet. Hunc autem propter auctoritatis, officiij & actionum ſimilitudinem Heliam alterum appellauit Deus. atque his rebus nominibusque cunctis Ioannis Zachariæ filij cognomento Baptiſtæ ratio omnis deſcripta & ſignificata, atque a caeleſti demum interprete explicata eſt. Et ipſe præcedet ante illum in ſpiritu & virtute Helix, vt conuertat corda patrum in filios. Spiritum & virtutem Helix repræſentaturum, atque ex ea re nomen etiam Helix ſibi comparaturum eſſe Ioannem Dei nuntius Gabriel docebat. nomina enim à Deo ex officiij rationibus indi ſolent, vt: Qui numerat multitudinẽ ſtellarum, & omnibus eis nomina vocat, &c. eundem verò prophetam atque prophetarum omnium maximum fore vates dixerant, atque ita eſſe Chriſtus conſeſſatus eſt. Et tu puer propheta altiffimi vocaberis: præbis enim ante faciem Domini parare vias eius. Prophetam altiffimi appellauit pater, quem Deus ipſe angelum ſuum alias appellauerat, quemque pluſquam prophetam exiſtimandum eſſe Chriſtus confirmauit, addito elogio, neminem inter natos mulierum maiore illo prophetam eſſe. nullus enim præter vnum Ioannem propheta fuit, quem venturum alij vates nominatim prædicarent. nullus præter hunc vnum, qui quod futurum vaticinatus eſſet, præſens ad eſſe teſtaretur

- „ atque indicaret. Appropinquauit, inquit, regnum calorū. Et altera die stabat Ioannes,  
 „ & discipuli eius duo, & respiciens Iesum ambulantiem, dicit, Ecce agnūs Dei, &c. huius  
 autem prophetae munus officiumque illud fore decretum fuerat, [*Et conuerter corda patrū*  
*ad filios, & corda filiorum ad patres eorum.*] Pœnitentiæ hominibus prædicandæ ac persua-  
 dendæ munus publicum & illustre Ioanni committendum hæc oratio significat. id verò  
 ex Hebraicis verbis apertum est. etenim HESSIB, latine ad verbum redditur, *conuertere*  
 fecit, atq. ex eodē verbo THESSVBAH nomē oritur, quod latine pœnitentiā vertimus.  
 Id itaque ab illo propheta curandum erat, vt omnium ætatum atque ordinum homines  
 ad veram pœnitentiam, atque ad optimam salutis cogitationē cōuerterentur. ob eamq.  
 rem significanter dictum est *corda*. pœnitentiæ namque veræ & probatæ ratio ex corde  
 præcipuè proficiscitur, cuius argumenta & signa certissima vitæ in melius mutatione  
 spectantur. eos autem pœnitentiæ fructus Ioannes in suis illis celeberrimis ad populū  
 „ & principes concionibus exigebat. Facite ergo fructus dignos pœnitentiæ, &c. [*Corda*  
*patrum in filios, Hebraicè, super filios, & filiorum super patres.*] Qua sermonis forma om-  
 „ nis ætas, omnis gradus ordoque hominum significatur, ita vt eadem auctoritate &  
 grauitate, eodemque muneris officio, & apud maiores, & apud minores functurus  
 „ esse Ioannes diceretur. Huiusmodi loquendi figura in illo præcepto est, Non tenebis  
 „ matrem super filios, sed abire patieris captos tenens filios, &c. & illud: Congregate  
 „ illi sanctos eius, qui ordinant testamētum eius super sacrificia, &c. hanc autem huius lo-  
 „ ci interpretationem Gabriel etiam angelus mē docuit. Et conuerter corda patrum in  
 „ filios, & incredulos ad prudentiam iustorum, parare Domino plebem perfectam.  
 „ [*Antequam veniat dies Domini magnus & horribilis.*] Domini diem piis & legitime præpara-  
 tis magnum, impiis verò & incredulis horribilem dicit, de quo ipse Ioannes aiebat:  
 „ Cuius ventilabrum in manu eius, & permundabit aream suam, & congregabit triti-  
 „ cum suum in horreum: paleas autem comburet igni inextinguibili. atque diem hunc  
 „ magnum & horribilem non iudicii extremi, sed Messiaæ aduenientis tempus antiqui  
 scribæ sapienter interpretabantur: idque à Christo & probatum & confirmatum est.  
 „ Quid ergo dicunt scribæ, quod Heliam oportet primum venire? at ille respondens  
 „ ait eis, Helias quidem venturus est, & restituet omnia: dico autem vobis, quia Helias  
 „ iam venit, & non cognouerunt eum, sed fecerunt in eum quæcunque voluerunt: sic  
 „ & filius hominis passurus est. tunc intellexerunt discipuli, quod de Ioanne Baptista di-  
 xisset eis. Atque hæc quidem orationis huius pars ad Dei iudicium, per euangelium in  
 singulos homines, pro cuiusque vel fide atque obsequio, vel rursus incredulitate ac  
 vitio exercendum pertinuit; illa verò ad publicum iudicium in gentem regionemque  
 ipsam Iudæorum edendum spectat, [*Ne forte veniam & percutiam terram anathemate.*] 35  
 Seuerissimam illam & iustissimam animaduersionem & pœnam, quæ in Iudæorum gen-  
 tem cum ob quamplurima alia scelera, tum ob Christum Christi que euangelium re-  
 pulsam constituta est, per hunc vatem prædicens Deus, vitare & cauere monebat,  
 qui nolit quenquam perire, sed omnes ad pœnitentiam reuerti magis optarit. Quam-  
 obrem ipse misericordiam suam semper propositam æquissimis condicionibus vltro  
 polliceri consuevit, vel aliàs se iudicem integerrimum profiteri, vt bonorum & malo-  
 rum propositis finibus, vtrum sibi expetendum fugiendumue sit, homines ipsi prouideant  
 optentque; semper tamen Deus ipse suam illis voluntatem exponit, quodque  
 consultissimum optimumque sit, & se illis vltro cupere, & vt frui liceat, proponere,  
 „ atque, vt petatur, suadere. Testes, inquit, inuocō hodie cælum & terram, quod propo-  
 „ fuerim vobis vitam & bonum, benedictionem & maledictionem. elige ergo vitam, vt  
 „ tu viuas & semen tuum, & diligas Dominum Deum tuum, atque obedias voci eius,  
 „ & illi adhæreas: ipse enim est vitæ tua, & longitudo dierum tuorum, &c. Hunc igitur  
 „ suum planè diuinum paternumque morem, Deus tum sapē aliàs, tum etiam hoc in  
 „ loco seruat antiquumque obtinet; cumque iam ostenderit, quantum bonum, quanta  
 „ felicitas expectanda sit iis, qui pietatem atque officium obseruare ac sancte colere stu-  
 „ duerint, ceteros etiam ab impietate & vitio propositis cum priuatis, tum publicis luen-  
 „ dis pœnis deterret: docetque non solum fore, vt singuli, qui euangelio credere & obe-  
 „ dire noluerint, reprobentur & puniantur, sed vt omnis etiam Iudæa gens illa, fame, pe-  
 „ silentia & bello affecta, tandem disiecta atque dissipata, patrio solo cedere & perpe-  
 tuo

rud exulare cogeretur. atque hoc modo diuini iudicii, quod multis nominibus affirmatum, multis argumentis frustra impiis ostensum, publice tamen sentire & confiteri necessarium fuerat: id quod hodie etiam ab illa gente grauissimis miseriis pressa agnoscitur & ploratur. Ferire terram anathemate, est, desertam, incultam vastamque reddere. 5 qualis Iudæa regio à Titi Vespasiani filij temporibus ad hæc vsque tempora perseuerat, adeo horrida atque vasta, vt cum illo antiquæ felicitatis splendore collata, deserta & inhospita tescua dici profecto possit, vt & Gregorius Nazianzenus, & complures alij docti & pij viri, qui visentes obseruauere, testati sunt, & hodie omnes, qui viderint, testantur. hunc miserrimum Ierosolymæ principis vrbs, & totius regionis Iudææ statum Christus prauidentem deplorabat. Qui videns ciuitatem, fleuit super eam dicens: quia si cog- 10 nouisses & tu, & quidem in hac die tua ea, quæ ad pacem tibi, nunc autem abscondita sunt ab oculis tuis: quia venient dies in te, &c. Hanc etiam rem Ioannes Baptista significans Pharisæis aliisque ex Iudæis vitare suadebat. Genimina viperarum, quis docuit 15 vos fugere à ventura ira? Omnem itaque Christiani euangelij rationem, atque eos, qui vel excipientibus, vel reiicientibus, cum priuatè, tum publicè expectandi essent euentus breui quidem & arcano, sed certissimo sermone Vates indicauit. quæ nos diuino beneficio, ex vtriusque testamenti sacris arcanisque lectionibus, in Christianorum vsum, & sanctæ matris nostræ ecclesiæ gratiam, ad Dei immortalis gloriæ, hætenus interpretati sumus.

Luc. 19.

Matth. 3.

*Antuerpie Brabantinorum 3. Non. Ianuar. cId Io. Lxix.*

NN 2

IN



## IN MALACHIÆ VATIS

FINEM HYMNVS EX VOTO.

ODE SAPPHICA.

NOSTRA si magno superum parenti &  
Mentibus puris procul usque inani  
Fabula Vatis meditantis olim

Grata fuit vox:

Ore nunc culto magis & canoro  
Dicere, & blanda fide personare  
Poscimus, qualem Jescides solebat  
Tendere flammis.

Ille seu molli pecori minantem  
Ursus & audaces lacerans leones,  
Signa virtutis puer & futuri

Roboris edit:

Impij vel si & populis tremendi  
Golia sternens onerosa terra  
Membra pertuso capite & cruentis

Exiit armis:

Aut per abrupti nemorosa montis  
Saxa periurum socerum, trucesque  
Dum minas ultor potuit domare,

Flectere mauult:

Quidquid aut duro metuit periclo,  
Aut graui perfert iuuenis labore,  
Unicum cali canit usque numen

Præsidiumque.

Vel fide extremos superante casus  
Gratus auctorem memorat salutis,  
Et noua & prisca monumenta laudis

Personat ore.

Quo fera durum posuere cantu  
Robur, & tutas sociis latébras,  
Cedit Hermonus leo, & ipse custos

Excubat antris.

Quin & undati fluuii quietas  
Peruehit lymphas, lacubusque magnis  
Nomen eterni recinens tonantis

Narrat farden.

An'ne

*An'ne mirandum? rabiosa quando,  
Qua solet saeuos furiare reges,  
Umbra Satana fugit imperante  
Carmine victa.*

*Ergo nos tanti studium secuti  
Vatis, aeterno meditamur usque  
Numini castis numeris probandas  
Dicere laudes.*

*Non ut immensum decus & nitentem  
Boghzidis laurum tenues putemur  
Persequi: at fas sit petiisse amandas  
Arboris umbras.*

*Fas sit exemplis Iesidis perenni  
Carmine excelsi coluisse regis  
Nomen, & clara memorare voce  
Dona superna.*

*Fas & attentos populos docere,  
Vt Deus nostrum studium benignè  
Fouerit: mentemque animumque auentem  
Profore multis:*

*Quamlibet duris maris & viarum  
Casibus rerumque agitatus undis  
Curia densa mediisque ferrer  
Æstibus ardens.*

*Vt tamen norint genus & piorum,  
Orbis & cunctus quibus ille possit  
Viribus magnas tenui ministro  
Vertere moles:*

*Qui mei partem specièmq; voti in  
Exitum duxit bonus, & precanti  
Annuat prasens duodena vatum ex-  
ponere dicta.*

*Magna quæis quondam dederat suarum  
Signa virtutum & cecinisse laudum,  
Quæque mens mundum regat, atque certis  
Temperet horis.*

*Quid sit humanum genus, & quis olim  
Finxerit fœdis vitis remotum;  
Unde conceptus labor & vagantis  
Semina mortis.*

Rursus ut casus miserata nostros  
 Mens patris rebus penitus recisis,  
 Pignus aterna melius salutis  
 Annuit ultro.

Aurea & secli meminere quando  
 Tempora hi nostri, quibus o precati  
 Vocibus tantam propius petebant  
 Cernere lucem.

Ut per occultos veniens recessus  
 Spiritus mentes hominum beatas  
 Formet, & magni sobolem vocari  
 Numinis addat.

Quæ patres, & quæ cupiere clari  
 Principes, nostra ut meliora duci  
 Invidi, at lati tamen audire  
 Munera sortis.

Atque ne tanti, monumenta doni  
 Negligens culpa, aut scelus auocaret,  
 Hostis aut nobis studio maligno &  
 Fraude perirent:

Multa presenti monuere Vates  
 Voce, quæ sensus hominum profundos  
 Excitent, pulso & releuent, veterno  
 Languida corda.

Nunc quod iis magna cecinisse lingua  
 Flumine, & verbis solide disertis  
 Est datum, nobis leniore reddi  
 Contigit arte.

Possit ut simplex populus piusque  
 Limen insueti penetrare dicti,  
 Quæ tamen nostros superent labores  
 Poscere Christum.

Ergo nos grato soluisse cantu  
 Debitas laudes decuit benigno  
 Numini certa & bene nuncupati  
 Munera voti.

Nam potens imo solet is iacentem,  
 Pauperem fundo retulisse in auras,  
 Regio & latas decorare frontes  
 Prouidus auro.

Exuli ac tardo pecorum magistro  
Cum sene & posse, & metuenda præbet  
Dicere, ut cedant, malè pertinacis

Sceptra tyranni.

(redit arcani veneranda præsens  
Consili parvis gregibus proborum  
Dona, quæ celet tumidis potentum

Mentibus idem.

Principem celi liquidi tenentem  
Regna, te auctorem memoramus unum,  
Quidquid in magnis sapienter olim

Possumus ausis.

Quidquid aut plausus meruit probandos,  
Tu bonus præstas, tibi que auctor esto:  
Esto sed nostrum posuisse grata

Munera mentis.

Tu modo addictum facilis poetam  
Audiens præstes meliore semper  
Debitum tantis meritis honorem

Dicere versu.

Otium quod si maneat quietum,  
Sæpe quod votis cupidus rogabam,  
Meque si vulgo procul insolenti ex-  
spectat agellus.

Qualis in celsis nebulis propinqua  
Rupe (ubi sanctas tibi letus aras,  
Virgini & summa posui sacellum)

Contigit olim.

Qui locus te (nam fateor) docente  
Multa in arcanis penetrare libris,  
Et dabat puro sonuisse primam

Gutturè linguam.

Tum mea si quid superest agendum  
Temporis vitæ, statuo perennem  
Et tibi laudem, & populis tuorum im-  
pendere curam.

F I N I S.





2112

# CHRISTOPHORVS PLANTINVS

CHRISTIANO LECTORI. S.



**V**ARIVS ac multiplex vsus, qui ex sacrorum librorum lectione capitur, tribus præcipuis generibus, velut capitibus summis, definiri commodè potest: Quorum primum est diuinarum rerum cognitio; quo in genere ea insunt, quæ ad diuinæ naturæ contemplationem, & diuinorum, de humana creatione, perfectione, restitutione & sanctificatione, ac demum felicitate omnium consiliorum rationem explicandam faciunt. Secundum genus varias continet naturarum, rerum, atque adeo mundi ipsius vniuersi, omniumque partium ac temporum notiones, & in his veri inuentio & confirmatio vtilissima pariter & iucundissima. Tertia autem pars in hominum moribus atq. in expetendarum & fugiendarum ratione rerum componenda versatur, vt perfectus sit homo Dei ad omne opus bonum instructus, sicut D. Paulus docet. Hoc autem genus multas, tum religionis rectè instituendæ & purè administrandæ, tum etiam in formandorum ad virtutem animorum partes complectitur: Atque nullum verbum vel minimū in sacris libris est, cuius exacta cognitio magna in vno aliquo ex his generibus, aut etiā in omnibus argumenta, magnaq. mysteria nō habeat, quæ à nēmine vnquam mortalium vel dicendo vel scribendo æquata hactenus fuisse existimamus, cū infinitus sit ille sapiētiae thesaurus, qui tam breuib. librorum voluminibus conseruatur. In his autem duodecim prophetarum commentarijs adeo magna rerum & verborum, ad hæc, quæ obseruauimus genera pertinens copia, partim indicata, partim etiam explicata est, vt si nobis in indicem esset singulatim redigenda, excrecere opus ad ingentem molem, necessarium foret: neque tamen exactam differendarum rationem rerum explicari contingeret. Quam ob rem cōsultissimum arbitrati sumus indicem, obseruata litterarum serie, per communes locos exponere, vt hoc modo lectores, pro oblato argumenti vsu & oportunitate, rerum & verborum tractationem, non ex indice (vt fieri solet) adnotatam; sed ex ipsis commentariis diligētius tractatā peterent: maximè, cū sciremus nullius laboris aut temporis in hoc libro collocati curam suscipi posse poenitendam: omnem autem diligentiam, industriam & operam, quam in iuuandis & promouendis bonarum, maximè autem sacrarum litterarum studiis ponimus, Christianis & Catholicæ Ecclesiæ, piisque omnibus, singulatim, non tantum ex facultate ipsa, quātum ex propensa in Christianam Rempubl. voluntate æstimari cupimus. Vale in Christo Iesu Domino nostro, quem semper oro, vt inexhaustos sapientiæ & scientiæ suæ thesauros nobis communicare dignetur: detque omnibus idem sapere, idemq. velle, vt omnes, in veritate ipsius, vnum simus. A M E N.

# INDEX RERVM ET VERBORVM, QVÆ IN HIS COMMENTARIIS EXPLICANTVR.

Prior numerus folium, posterior lineam indicat. A

|          |   |  |   |
|----------|---|--|---|
| <b>A</b> | <b>BDUCTIONIS</b> dolor gra-<br>uissimus. 331. 35.    | Animantes infestæ 70. 30.  | Articulorum notationum defectus 837.                    |
|          | Abraham appellatus 589. 10.                           | Animus liber 244. 10.  |   |
|          | Accaron 846. 14.                                      | Animi obstinati facultas 483. 21.  | Aræ efficitur in 670. 94.                               |
|          | Acclamatio 451. 38.                                   | Antayx λαός 157. 16.   | Arx 151. 35.  |
|          | Accusationis & defensionis ratio 108. 3.              | Ante faciem 478. 27.   | Ascalon 846. 8.   |
|          | Actionum Prophetarum forma 866. 48.                   | Anticipatio 272. 32.   | Asiatice sermo 267. 2.                                  |
|          | Adama & Seboim 185. 25.                               | Antipophora 684. 31.   | Asinus 810. 3.  |
|          | A designatis argumentum 552. 48.                      | Antiochus illustris. 702. 1.   | Asspicere in aliquem 557. 13.                           |
|          | Ad cor loqui 64. 33.                                  | Antiqua medicina 138. 25.  | Assyrium imperium 814. 10.                              |
|          | Adhuc 789. 54.  | Antiqua & noua ætas 847. 30.   | Assyriorum & Chaldeorum aries 616.                      |
|          | Admiratio 745. 52.                                    | Antiqua doctrina mutanda difficultas 45. & 618. 5.                                   | Assyriorum origo 596. 6.                                |
|          | Aduersus Christi 265. 43.                             | Antiqui & noui testamenti comparatio 788. 35.  | Assyrii hostes 562. 34.                                 |
|          | Aduersus 567. 41.                                     | Antihæresis 149. 30.   | Assyrii reges 477. 28.                                  |
|          | Ades principum 314. 45.                               | Apostopesis 130. 15.   | Assyrii Peroboam 199. 27.                               |
|          | Aegrotantium stultorum mores 141. 7.                  | Apostoli 855. 27. 859. 36. & 882. 15.  | Assyria diuina 707. 13.                                 |
|          | Aedificiorum initiationes 802. 15.                    | Apostrophe 853. 25.  | Audire 561. 43.   |
|          | AEgyptus 905. 25.                                     | Aqua profusa 114. 35.  | Auditio 676. 18.  |
|          | AEgypti plurali numero 321. 35.                       | Aqua signis edendis apta 688. 18.  | Auersio diuina 183. 6.                                  |
|          | AEgypti ferules 567. 18.                              | Aquarum fluxus bursatur 899. 55.   | Auersio humana 183. 7.                                  |
|          | AEgyptio affines 293. 45.                             | Aqua Ierusalem 887. 45.  | Aues quadam 720. 40.                                    |
|          | AEs 812. 14.  | Aqua maris 666. 48.  | Auina nomina 809. 40.                                   |
|          | AEstus 396. 13.                                       | Aquila 447. 32. & 647. 19.   | Auim genus velocissimum 189. 5.                         |
|          | Ætatis noui testamenti felicitas 268. 36.             | Aquila significatio 143. 29.   | Augurium 812. 18.                                       |
|          | Æternitas 559. 52. & 684. 2.                          | Aquilo 720. 7.   | Auri & argenti vsus & abusus 672. 45.                   |
|          | Æthiopum filij serui 418. 15.                         | Aratio 172. 19.  | Auriferi & argentiferi 845. 20.                         |
|          | Affectus orationis varius 276. 38.                    | Arbeel 176. 28.  | Aurora 177. 13.   |
|          | Agilis 316. 3.  | Arbele vastatio 176. 24.   |   |
|          | Agricultura. 357. 54.                                 | Arbores 234. 16.   | <b>B</b>  |
|          | Agricultura partes 233. 35.                           | Arcana oratio 897. 29.   | <b>BABYLON</b> 775. 19.                                 |
|          | Agrippa Herodum ultimus 876. 2.                       | Architectura 432. 6. & 782. 10.  | Babylonensis captiuitas aliquo mo-<br>do utilis 823. 7. |
|          | Alichoram doctrina cruenta 813. 21.                   | Arena maris 648. 10.   | Babylonis situs 710. 5.                                 |
|          | Ale 809. 35.  | Argentum 82. 10. & 200. 54.  | Babylonicum regnum 359. 38.                             |
|          | Alga 494. 39.   | Argumenta actionum sacrarum confer-<br>uatio 604. 10.                                | Baculus 871. 22.  |
|          | Alexander 229. 8.                                     | Argumenta duo aduersus providentiam<br>651. 1.                                       | Baladad 668. 42.  |
|          | Alexandri successores 775. 29.                        | Argumentum quorundam refellitur de<br>fide & iustitia. 656. 30.                      | Baptisma duplex 896. 8.                                 |
|          | Allegoria 227. 44. 651. 23. & 853. 4.                 | Argumentum ab inexpectato 637. 20.   | Baptisma 151. 40.                                       |
|          | Allegoria ratio 856. 27.                              | Argumentum a contentione 507. 20.  | Baptisma 328. 16. & 866. 6.                             |
|          | Amaritudo 376. 10.                                    | Argumentum a repugnantibus 99. 17.   | Bassan 608. 43.   |
|          | Amarum 644. 28.                                       | Argumentum a coniugatis 128. 17.   | Benedictio 757. 40. & 838. 6.                           |
|          | Ambisio 659. 10.                                      | Argumentum duplex comparatione<br>167. 1.  | Bersabe 344. 29.  |
|          | Amphora 808. 12.                                      | Argumentum orationum prophetarum<br>828. 50.   | Bethel 333. 17. & 344. 11.                              |
|          | Amplitudo 784. 43.                                    | Argumentatio ab vsu 672. 33.   | Bethlehem duo 559. 16.                                  |
|          | Amphibia animalia 637. 2.                             | Argumentatio ab abstracto 635. 5.  | Bitumen 423. 22.  |
|          | Angeli astantes 795. 33.                              | Argumentatio de necessitate, fide, &<br>de operum bonorum iustitia diuina<br>657. 2. | Bonarum sententiarum abusus 932. 2.                     |
|          | Angelorum ministeria 799. 35.                         | Aristobulus 874. 38.   | Bona temporalia & spiritalia 59. 3.                     |
|          | An idola moueatur aut loquatur 674. 5.                | Armæ & munitionum inuictio 564. 4.   | Bonorum officium 49. 22.                                |
|          | Anima 494. 31. & 663. 16.                             |  | Bonorum definitiones peruentie diabolus<br>385. 30.     |
|          | Animalia principem agnoscunt præter<br>piscis 637. 5. |  | Bonum summum 727. 23.                                   |
|          | Animalia hominum vsus 90. 15.                         |  | Bostra 303. 6. 453. 5. & 541. 23.                       |
|          | Animalia pro hominibus usurpata 705.<br>24.           |  | Boum  |

# INDEX.

|  |                  |   |                  |  |                   |
|--|------------------|---|------------------|--|-------------------|
| Boni natura                            | 328.21.          | Civitas Dei                               | 459.45           | Cunctatio nocet                        | 502.14            |
| Brachium                               | 876.17           | Civitas Ierusalem                         | 661.55           | Cupiditas malorum fons                 | 536.8             |
| Bruta & homo quibus modis mouent       |                  | Ciuitatis optime cōstituta ratio          | 303.10           | Cupiditatis incrementa                 | 567.3             |
| misericordiam                          | 507.17.          | Clamor                                    | 544.10           | Curatio malorum animi                  | 141.51            |
| C                                      |                  | Clamor in causa certa                     | 572.50           | Currus & equi                          | 850.42            |
| CADERE                                 | 342.27.          | Clementia Dei                             | 491.13. & 868.40 | Cursus                                 | 243.23. & 646.3   |
| Calum 496.12.837.9. & 877.50.          |                  | Clementia expectatio                      | 115.23           | Custodia                               | 653.3             |
| Calamitates a Deo permittuntur.        | 897.43.          | Cali duali numero                         | 813.50           | Custos sanctorum prouidentia           | 387.24            |
| Calamitatum distinctio                 | 336.27           | Cogitatio & facultas rerum huma-          | 812.10.          | D                                      |                   |
| Calamitatum publicarum genera tria     | 377.55           | narum                                     | 317.3            | DAVID                                  | 883.40            |
| Calcare                                | 563.15           | Cognatio                                  | 311.2            | David tabernaculum                     | 343.50            |
| Calumnia                               | 386.40.          | Collatio scelerum                         | 683.25           | Damascus                               | 295.33            |
| Calumniarum mos                        | 387.34.          | Colles                                    | 812.34           | Damascus Grabbati                      | 323.38            |
| Calx                                   | 854.44           | Colores                                   | 359.30           | Damascus Syria caput                   | 843.42            |
| Camini antiqui                         | 202.45           | Coluber                                   | 88.53            | Damnatio impietatis ante diem iudicii  | 465.32            |
| Candelabrum                            | 804.42           | Columba simplicitas                       | 650.50           | Debitorum exactio                      | 805.45            |
| Candelabrum Ecclesia                   | 799.42           | Commemoratio figura                       | 695.35           | Decimatio                              | 113.56            |
| Capillus mulierum                      | 534.39           | Commentariorum ratio                      | 534.20           | De elocutione                          | 798.42            |
| Capitum distinctio in lectione         | 189.30           | Commune studium quid posuit               | 116.35           | Defectio                               | 294.38            |
| Captiuorum habitus                     | 405.20           | Commune viriusque brachij studium         | 751.24.          | Defluuium                              | 403.50            |
| Carmen lugubre                         | 342.22           | in Ecclesia.                              | 751.24.          | Dei benignitas                         | 632.44            |
| Carminum nomina varia                  | 677.30           | Concionum diuersitas                      | 540.24           | Dei consilium                          | 877.45            |
| Carnalis prudentia callida             | 385.35           | Concipere                                 | 812.6            | Dei consuetudo in ratum legationibus   | 417.50            |
| Carnis impetus                         | 790.12           | Conditio Iſraēlis in solitudine & in ter- | 180.24           | Dei cura erga pios                     | 654.16            |
| Caro                                   | 261.40           | ra  | 637.43           | Dei custodia tantum certa              | 621.39            |
| Castigatio                             | 383.45           | Confirmatio per amplificationē            | 643.50           | Dei electio                            | 924.20            |
| Casus                                  | 105.39. & 485.5  | Conformatio figura                        | 752.56           | De idololatria disputatio              | 670.35            |
| Casus & fortuna fulſire cōpta          | 643.10           | Confortari                                | 453.54. & 663.20 | Dei exercitus                          | 348.42            |
| Causa pœna culpa                       | 831.21           | Confessio                                 | 250.6            | Dei facultas                           | 877.45            |
| Causa querendæ pecunia                 | 98.10            | Congregare populum                        | 90.40            | Dei irā placari piorum precibus        | 383.54            |
| Causa salutis misericordia Dei         | 831.24           | Congregare verbum                         | 154.51           | Dei iudicii equitas                    | 384.21            |
| Cepie                                  | 115.14           | Connubia illicita                         | 508.50           | Dei iuramentum                         | 371.17            |
| Ceremoniarum integra ratio & vtilis    | 360.20.          | Conscientia iudicium & iudicium           | 105.40. & 811.54 | Dei iustitia, lenitas & seueritas      | 600.26.           |
| Certa via ad salutem                   | 217.2            | Consilium                                 | 144.51. & 928.20 | Dei lenitas, clementia, iudicium & se- | 829.15            |
| Chalanne                               | 365.30           | Consilium diuinum                         | 773.50           | ueritas                                | 415.20            |
| Chaldaea                               | 643.38           | Consilium magnum                          | 475.35           | Dei misericordia & iudicii seueritas   | 604.33            |
| Chaldaicus paraphraſtes locorum tem-   | 620.11           | Cōſilij & verbi diuini firmitudo          | 678.22           | Dei nomen.                             | 357.28. & 499.8   |
| pora obseruat.                         | 356.30           | Consolationes quæ                         | 751.1            | Dei opus                               | 677.37            |
| Charitas ecclesiastica                 | 894.12.          | Constantia in diuinis iussis.             | 103.14           | Dei potestas                           | 414.30            |
| Christus 785.2. 796.14. & 859.28.      |                  | Consuetudo                                | 574.4            | Dei salus                              | 211.8             |
| Christus aurea corona                  | 799.11           | Consuetudo hominum                        | 456.8            | Dei spectra ignea                      | 682.10            |
| Christus rex & sacerdos                | 804.30. & 818.5. | Consuetudo & societas                     | 198.41           | Dei tutela                             | 284.29.           |
| Christus in corde terra                | 493.25           | Contēptio grauis magnus animus            | 795.6            | Delectus ad munera                     | 925.29            |
| Christi duplex natura                  | 559.8            | Contestari                                | 710.30           | Deliberationum genus                   | 684.54            |
| Christi lux                            | 852.25           | Conticere                                 | 625.2            | Delicia duplex                         | 366.54            |
| Christi nomen                          | 805.5            | Contradictio                              | 351.27           | De mendis in latinis codicibus         | 859.47            |
| Christi patria                         | 559.7            | Conuentus in porta                        | 247.9            | Dementia ex proprietate                | 649.10            |
| Christi victus                         | 258.40. & 790.18 | Conuersio                                 | 511.1            | Denarius numerus                       | 373.4             |
| Christi victoria de impijs             | 442.30           | Conuerti à via mala                       | 368.3            | Deo magis quàm hominibus obedi-        | 393.25            |
| Christiana pax                         | 257.40           | Conuiuiorum luxus                         | 339.48           | dum                                    | 663.53            |
| Christianorum de bonis vtriusque ratio | 259.10           | Copias expendere                          | 59.44            | Deorum tutela falso credita            | 61.50             |
| Christianorum principum vera prou-     |                  | Copia & inopia vsus                       | 493.38           | Deprecari quid significet              | 824.5             |
| identia cuiusmodi optatur              | 338.37           | Cor quid significet                       | 376.35. & 557.43 | Deprecationis loci                     | 111.45. & 112.19. |
| Christi corona parata                  | 819.43           | Cornua                                    | 249.55           | De predestinatione                     | 347.15            |
| Chus                                   | 684.12           | Cornu sonitus                             | 383.40           | De prapofitio                          | 492.14. & 790.42  |
| Chusan                                 | ibidem           | Corruptio diuina                          | 50.2             | De prouidentia cognitione              | 349.10            |
| Cidaris Pontificalis                   | 794.36           | Coruus                                    | 695.54           | Desiſcentes à religione                | 707.22            |
|  |                  | Cubile cogitationum locus                 | 535.40           | Defi-                                  |                   |
|  |                  | Culpa diuturna, diuturna pœna             | 145.45           |  |                   |



# INDEX.

INDEX.

|  |                  |  |                        |   |                          |
|--|------------------|--|------------------------|---|--------------------------|
| Desiderabile   | 614.38           | Divini iudicij æquitas                   | 476.48                 | Error   | 838.42. & 889.4          |
| Desiderata in secundo templo                         | 822.25           | Divinorum librorum res & verba admiranda | 422.30                 | Erubescencia  | 546.4                    |
| Destinata  | 645.55           | Divinorum oraculorum argumenta           | 398.12                 | Erubescencia vitium   | 663.24                   |
| De vatum miraculis                                   | 503.17           |  |                        | Eruca   | 336.53                   |
| Deus bonorum auctor                                  | 857.2            | Divinorū iudiciorum formula              | 114.12                 | Esfau Edumai  | 905.43                   |
| Deus cali dominus                                    | 675.40           | Dolus                                    | 190.7                  | Esfau scelera   | 905.5                    |
| Deus corda scrutatur                                 | 203.51           | Dominus                                  | 251.6. & 679.1         | Est replendum   | 536.21                   |
| Deus exercituum                                      |                  | Dominus Deus                             | 707.42                 | Et  | 125.39                   |
| Deus fide se vinci patitur & gaudet                  | 339.52           | Dominus exercituum                       | 414.45. 524.17         | Et non  | 335.3                    |
| Deus gentium cultus                                  | 939.55           |  |                        | Euangelium  | 861.55                   |
| Deus optimus & veracissimus                          | 72.43.           | Domini Dei nomina                        | 379.31                 | Euangelij bellum  | 417.27                   |
| Deus pastor  | 869.23           | Domus Dei                                | 823.18                 | Euangelij communicatio  | 863.35                   |
| Deus pater Israël filius                             | 177.43           | Domus firmitudo                          | 859.22                 | Euangelij duplex effectio   | 563.33                   |
| Deus recedit ab hominibus; ipsorum cultus pa. rectus | 161.20           | Domus maior                              | 374.20                 | Euangelij pax   | 899.40                   |
| Dextra   | 851.15           | Domus minor                              | 374.21                 | Euangelij victoria  | 893.44                   |
| Dextra Dei   | 792.9            | Dona misericordie Dei erga ecclesiam     | 72.7                   | Euangelij virtus  | 880.2                    |
| Dicendi libertas                                     | 498.47           | Dua tribus vno nomine                    | 113.56                 | Exercitationes  | 879.55                   |
| Dicere   | 322.54. & 511.18 | Duplex effectus spiritus                 | 262.7                  | Ex euentis Dei iudicii cognosci                                       | 746.25                   |
| Dicta factis firmat Deus                             | 372.33           | Duplex piorum status                     | 856.40                 | Expolitio   | 651.55                   |
| Dictum nro   | 987.12           | Duplex perversitas Israëlitarū           | 211.15                 |   |                          |
| Dies   | 425.2. & 889.16  | Duplicis sententia orationes multe       | 854.18                 |   |                          |
| Dies boni  | 840.34           | Duplex vinea plantanda ratio.            | 528.40                 |   |                          |
| Dies & tempus quid significant                       | 195.31           |  |                        |   |                          |
| Dies malus   | 366.20           |  |                        |   |                          |
| Dies optatissimus hominibus                          | 121.7            |  |                        |   |                          |
| Difficultas expositionis lib. prophetico- rum        | 132.6            |  |                        |   |                          |
| Dij nulli sunt                                       | 675.44           |  |                        |   |                          |
| Diluuium   | 403.50           |  |                        |   |                          |
| Dimitto  | 836.31           |  |                        |   |                          |
| Disciplina   | 726.3            |  |                        |   |                          |
| Disciplinarum & artium vocabula translata            | 677.40           |  |                        |   |                          |
| Discordia ponenda ratio                              | 183.25           |  |                        |   |                          |
| Dispersio gentium                                    | 830.32           |  |                        |   |                          |
| Dispersio Israëlitarum                               | 830.34           |  |                        |   |                          |
| Divina beneficia                                     | 313.4            |  |                        |   |                          |
| Divina cura erga improbiſſimorum ambitionem          | 50.40            |  |                        |   |                          |
| Divina cura in infirmitate                           | 855.17           |  |                        |   |                          |
| Divina expectatio certa                              | 631.36           |  |                        |   |                          |
| Divina humanitas                                     | 855.22           |  |                        |   |                          |
| Divina misericordia infinita                         | 631.35           |  |                        |   |                          |
| Divina misericordia fides                            | 695.40           |  |                        |   |                          |
| Divina providentia constans                          | 857.34           |  |                        |   |                          |
| Divina severitas gentium quarundam vastatio          | 422.45           |  |                        |   |                          |
| Divina virtus eiusq; ministri                        | 843.16           |  |                        |   |                          |
| Divina virtus in universo                            | 413.15           |  |                        |   |                          |
| Divina salutis consilium                             | 458.39           |  |                        |   |                          |
| Divinandi ratio ex coniecturis                       | 545.25           |  |                        |   |                          |
| Divinarum rerum cura humanas tuetur                  | 744.7            |  |                        |   |                          |
| Divinationum forma & ceremonia augurum               | 100.10           |  |                        |   |                          |
| Divinationū genera                                   | 774.43. & 857.45 |  |                        |   |                          |
| Divini auxilij facultas                              | 491.4            |  |                        |   |                          |
| Divini consilij argumenta ex natura observatione     | 748.18           |  |                        |   |                          |
| Divini consilij firmitudo                            | 148.40           |  |                        |   |                          |
| Divini ministerij cognitio ex visu ipso              | 727.25           |  |                        |   |                          |
| Divini spiritus possessio                            | 261.2            |  |                        |   |                          |
|  |                  | Ecclēsia                                 | 267.44. 787.24. 849.15 |   |                          |
|  |                  |  | 882.27. & 884.15       |   |                          |
|  |                  | Ecclēsia excellit veterem synagogam      | 557.35                 |   |                          |
|  |                  | Ecclēsia militās & triumphans.           | 268.25                 |   |                          |
|  |                  | Ecclēsia populus accinctus               | 694.3                  |   |                          |
|  |                  | Ecclēsia vna                             | 789.11                 |   |                          |
|  |                  | Ecclēsia causa sunt sacra omnia scripta  | 902.48                 |   |                          |
|  |                  | Ecclēsia coactio ex duobus populis       | 585.38                 |   |                          |
|  |                  | Ecclēsia corpus                          | 426.10                 |   |                          |
|  |                  | Ecclēsia excitata tempestas              | 879.47                 |   |                          |
|  |                  | Ecclēsia hostes                          | 461.44                 |   |                          |
|  |                  | Ecclēsia membra varia                    | 783.55                 |   |                          |
|  |                  | Ecclēsiasticus                           | 250.11                 |   |                          |
|  |                  | Eclipsis                                 | 323.3                  |   |                          |
|  |                  | Edumai                                   | 905.43                 |   |                          |
|  |                  | Effecta                                  | 671.26                 |   |                          |
|  |                  | Effusio spiritus                         | 261.52                 |   |                          |
|  |                  | Egressus                                 | 559.34                 |   |                          |
|  |                  | Eiusdem sceleris eadem poena             | 318.25                 |   |                          |
|  |                  | Elchus an fuerit oppidum                 | 547.53                 |   |                          |
|  |                  | Elchus vnde dictus                       | 597.40                 |   |                          |
|  |                  | Electio                                  | 836.54                 |   |                          |
|  |                  | Electio spiritualis                      | 904.46                 |   |                          |
|  |                  | Electio temporalis                       | 904.40                 |   |                          |
|  |                  | Elegia                                   | 531.32                 |   |                          |
|  |                  | Elegiarum ratio                          | 185.43. & 532.35       |   |                          |
|  |                  | Elementorum natura                       | 344.18.                |   |                          |
|  |                  | Enthusiasmus                             | 276.50. & 322.15       |   |                          |
|  |                  | Epilogus                                 | 164.3                  |   |                          |
|  |                  | Epiphonema                               | 643.17. & 664.32       |   |                          |
|  |                  | Ephraim                                  | 199.47                 |   |                          |
|  |                  | Ephraim pro Israël                       | 138.14                 |   |                          |
|  |                  | Equi                                     | 646.2. & 850.42        |   |                          |
|  |                  | Equi Dei                                 | 685.48                 |   |                          |
|  |                  | Equi Aegyptij                            | 211.23                 |   |                          |
|  |                  | Ergo Italicè dunque                      | 530.49                 |   |                          |
|  |                  |  |                        | Facere verbum   | 152.10                   |
|  |                  |  |                        | Facies Dei  | 118.25                   |
|  |                  |  |                        | Fama  | 322.2                    |
|  |                  |  |                        | Fames   | 407.9                    |
|  |                  |  |                        | Fames multis modis accidit  | 378.11                   |
|  |                  |  |                        | Familia   | 423.40                   |
|  |                  |  |                        | Familiares Deo & remotiores populo con- siderationes                  | 317.45                   |
|  |                  |  |                        | Felicitas antiquorum  | 429.39                   |
|  |                  |  |                        | Femina ad superstitionem pro- pense                                   | 332.21                   |
|  |                  |  |                        | Femina tenero animo   | 886.31                   |
|  |                  |  |                        | Feminarum frena   | 49.55                    |
|  |                  |  |                        | Feminiuum genus pro neutro  | 578.27                   |
|  |                  |  |                        | Ferrum  | 552.50                   |
|  |                  |  |                        | Fertioris regionis homines corruptiores                               | 128.35                   |
|  |                  |  |                        | Festi dies & sacra letitiā afferunt                                   | 154.7                    |
|  |                  |  |                        | Festi regum dies  | 136.23                   |
|  |                  |  |                        | Festorum dicrū causa  | 61.21. & 803.36          |
|  |                  |  |                        | Ficus   | 234.15. 257.28. & 694.33 |
|  |                  |  |                        | Fides   | 119.48. & 841.32         |
|  |                  |  |                        | Fides cum pœnitentia cōiuncta   | 119.29                   |
|  |                  |  |                        | Fides & opera simul   | 120.3                    |
|  |                  |  |                        | Fides fundamentum pietatis & virtu- rum                               | 656.10                   |
|  |                  |  |                        | Fidei duplex ratio  | 72.37                    |
|  |                  |  |                        | Fidei & pietatis officia necessaria ad con- sequendā Dei misericordiā | 174.15                   |
|  |                  |  |                        | Fidei ratio altera  | 73.27                    |
|  |                  |  |                        | Figulus   | 873.44                   |
|  |                  |  |                        | Figurarum vis in oratione   | 664.20                   |
|  |                  |  |                        | Filia cœtus gentilitas  | 558.30                   |
|  |                  |  |                        | Filia Sion  | 558.31. & 787.21         |
|  |                  |  |                        | Filij Dei   | 277.13                   |
|  |                  |  |                        | Filij hominum   | ibidem                   |
|  |                  |  |                        | Filij Israëlita   | 188.43                   |
|  |                  |  |                        | Fingere   | 878.8                    |
|  |                  |  |                        | Finis religionis via  | 841.32                   |
|  |                  |  |                        | Firmitudo   | 859.22                   |
|  |                  |  |                        | Firmitudo regnerum & ciuitatum  |                          |
|  |                  |  |                        |   | 374.40                   |
|  |                  |  |                        | Forma denuntianda vltionis  | 616.54                   |
|  |                  |  |                        | Fortis  | 311.46                   |
|  |                  |  |                        |   | Forti-                   |

# INDEX.

|  |                  |  |                          |   |                               |
|--|------------------|--|--------------------------|---|-------------------------------|
| <b>Fortitudo</b>   | 450.32           | <b>Hereses</b>                                       | 889.5                    | <b>Ieiunia antiqua</b>                          | 504.31                        |
| <b>Fortitudo nostra Deus</b>                             | 695.46           | <b>Hasmonei</b>                                      | 871.3                    | <b>Ieiunia quadam privata</b>                   | 825.1                         |
| <b>Fraus</b>   | 638.10           | <b>Hebraica cognitionis commoditas</b>               | 678.2.                   | <b>Ieiunij publici causa &amp; consilium</b>    | 824.32                        |
| <b>Fraus studium</b>                                     | 808.21           | <b>Hebraica lingua</b>                               | 252.50. & 396.19         | <b>Ieiunium</b>                                 | 247.10                        |
| <b>Fraus</b>   | 837.10           | <b>Hemath</b>  | 377.12.                  | <b>Ieroboam ex tribu Ephraim</b>                | 106.32                        |
| <b>Fructus diuturniores</b>                              | 233.46           | <b>Herodes</b>                                       | 875.31                   | <b>Ierosolyma iude facies</b>                   | 611.1                         |
| <b>Fructus fugaces</b>                                   | 233.50. & 345.54 | <b>Hircanus</b>                                      | 874.38                   | <b>Ierusalem</b>                                | 247.10                        |
| <b>Fructus opinionibus congruunt</b>                     | 175.13           | <b>Historia</b>                                      | 227.1                    | <b>Ierusalem gemina</b>                         | 268.18. & 267.50              |
| <b>Fructus regenerantium</b>                             | 120.27           | <b>Historia Indicarum occidentarum</b>               | 646.28                   | <b>Ierusalem noua</b>                           | 785.24                        |
| <b>Fructuum consideratio</b>                             | 395.50           | <b>Historiarum notitia</b>                           | 226.28                   | <b>Ierusalem sancta ciuitas</b>                 | 876.20                        |
| <b>Fulgur</b>  | 612.34           | <b>Homines</b>                                       | 705.40. & 783.52         | <b>Ierusalem vetus</b>                          | 785.21                        |
| <b>Funiculi Dei clementes</b>                            | 180.45           | <b>Homines maledici prouidentia sentientes</b>       | 420.23                   | <b>Iesua</b>                                    | 695.28                        |
| <b>Furari</b>  | 806.42           | <b>Homines odio habent malorum mutationes</b>        | 390.25                   | <b>Iesus sacerdos quando mortuus</b>            | 791.35                        |
| <b>Furnus</b>  | 137.2            | <b>Homines rebus secundis desipiunt</b>              | 648.55                   | <b>Ignis</b>                                    | 57.17.132.5. 507.14. & 808.18 |
| <b>Futurum</b>   | 455.37           | <b>Homines sibi malum maturant &amp; sollicitant</b> | 366.12                   | <b>Ignis efficientia</b>                        | 784.33                        |
| <b>Futurum absolutum</b>                                 | 180.32           | <b>Homines sua culpa peccant</b>                     | 905.5                    | <b>Ignis Euangelij virtus</b>                   | 461.26                        |
| <b>Futurum pro imperatino</b>                            | 150.2            | <b>Homo aut simile, aut inferius sibi facit</b>      | 671.2                    | <b>Ignis genus pestis</b>                       | 381.16                        |
| <b>Futurum verbum</b>                                    | 129.30           | <b>Homini praestantia</b>                            | 671.28                   | <b>Ignis natura</b>                             | 713.40. & 82.1                |
| <b>G</b>   |                  | <b>Hominum ad vitia propensio</b>                    | 135.31                   | <b>Ignorantia</b>                               | 839.42                        |
| <b>GALAAD</b>  | 863.12           | <b>Hominum auxilia</b>                               | 211.6                    | <b>Imperiorum orbis exitus</b>                  | 782.38                        |
| <b>Galgala</b>   | 344.17           | <b>Hominum bellum &amp; malitia</b>                  | 847.25                   | <b>Imperiorum rationes</b>                      | 812.35                        |
| <b>Gaza</b>  | 846.12           | <b>hominum insolentia</b>                            | 351.9                    | <b>Impia cogitatio de diuina prouidentia</b>    | 538.24                        |
| <b>Generis arrogantia</b>                                | 846.26           | <b>Hominum res</b>                                   | 844.13                   | <b>Impietatis causa</b>                         | 676.28                        |
| <b>Genius</b>  | 649.15           | <b>Homonyma</b>                                      | 51.10                    | <b>Implere</b>                                  | 853.18                        |
| <b>Gentes in plurali numero</b>                          | 49.1             | <b>Hordeum</b>                                       | 82.46                    | <b>Improbiorum mors</b>                         | 266.20                        |
| <b>Gentes sapientiam ad differendum querunt</b>          | 674.48           | <b>Horti</b>   | 336.50                   | <b>Improbiorum sententia</b>                    | 655.50                        |
| <b>Gentilitas</b>  | 889.1.           | <b>Hostes Sanctorum</b>                              | 386.10                   | <b>Incensum accendere</b>                       | 63.28                         |
| <b>Gentilitas ecclesie hostis</b>                        | 558.20           | <b>Humana praedictio incerta</b>                     | 857.25                   | <b>Incertitudo</b>                              | 777.38                        |
| <b>Gentilitas filia ceteris</b>                          | 558.30           | <b>Humana prudentia</b>                              | 387.29                   | <b>Incestus</b>                                 | 310.33                        |
| <b>Gentium cultus</b>                                    | 939.29           | <b>Humana sapientia</b>                              | 937.46                   | <b>Incrementum Figura</b>                       | 642.39                        |
| <b>Gentium euocandarum &amp; repudiandarum discrimen</b> | 589.1            | <b>Humana simulatio</b>                              | 368.52                   | <b>Incurabilis morbi signum</b>                 | 134.35                        |
| <b>Gentium sacrificia</b>                                | 937.35. & 939.8  | <b>Humana socordia</b>                               | 338.23                   | <b>Indeclinabiles voces</b>                     | 90.35                         |
| <b>Gentium vocatio</b>                                   | 428.28           | <b>Humana vita</b>                                   | 862.44                   | <b>In domo</b>                                  | 531.40                        |
| <b>Geographia antiqua</b>                                | 863.38           | <b>Humana viciostas</b>                              | 829.19                   | <b>Inductio personarum</b>                      | 795.43                        |
| <b>Geographia noua</b>                                   | 863.40           | <b>Humana potentia imbecillitas</b>                  | 614.10                   | <b>Infernus</b>                                 | 659.32                        |
| <b>Geographia ratio</b>                                  | 103.40           | <b>Humani ingenij instituendi ratio</b>              | 172.2                    | <b>In finem</b>                                 | 640.47                        |
| <b>Geth</b>  | 365.43           | <b>Humani spiritus capacitas</b>                     | 877.30                   | <b>Infirmis</b>                                 | 896.45                        |
| <b>Genus virorum quomodo referatur</b>                   | 744.37           | <b>Humani iudicij ratio perturbata &amp; superba</b> | 849.54                   | <b>Iniquitas</b>                                | 794.16. 310.12. 133.1         |
| <b>Ghomer</b>  | 82.36            | <b>Humanum genus idem</b>                            | 899.3                    | <b>Iniquitas rerum publicarum ruina</b>         | 366.25                        |
| <b>Gladus</b>  | 413.45. & 562.39 | <b>Humanus apparatus illudatur</b>                   | 850.25                   | <b>Initium</b>                                  | 559.49                        |
| <b>Glorificatio Dei</b>                                  | 747.30           | <b>Humiliari</b>                                     | 575.5                    | <b>Iniuria publica</b>                          | 617.8                         |
| <b>Glorificatio Iudeorum</b>                             | 747.31           | <b>Hypothetica</b>                                   | 419.17                   | <b>Iniuria publica nocumenta</b>                | 402.40                        |
| <b>Gracia</b>  | 267.5            | <b>I</b>   |                          | <b>Iniuria poenas accelerat</b>                 | 309.20                        |
| <b>Graci</b>   | 814.18           | <b>IACOB</b>   | 325.19. 370.29. & 507.28 | <b>Iniuriarum capita ex affectionibus animi</b> | 638.4                         |
| <b>Gracorum regnum</b>                                   | 359.43           | <b>Iacob Israel</b>                                  | 86.16. & 546.45          | <b>Iniuriarum genera duo</b>                    | 617.13                        |
| <b>Gracorum imperia</b>                                  | 775.2            | <b>Iacobi &amp; Esau figura</b>                      | 460.20                   | <b>Iniuriarum genera sex</b>                    | 306.48                        |
| <b>Gracorum ratio antiqua</b>                            | 812.50           | <b>Iacobi visum quid portenderit</b>                 | 588.15                   | <b>In medio populi esse</b>                     | 783.36                        |
| <b>Grandinis nocumenta</b>                               | 757.3            | <b>Iambus pes</b>                                    | 642.55                   | <b>Instrumenta</b>                              | 99.40                         |
| <b>Gratia</b>  | 206.42           | <b>Idololatria quomodo extirpatur</b>                | 509.50                   | <b>Intelligens quis</b>                         | 217.20                        |
| <b>Gratia diuina</b>                                     | 769.40           | <b>Idololatria ruina</b>                             | 565.26                   | <b>Intercessionis &amp; preces viles</b>        | 318.23                        |
| <b>Gratia praeueniens &amp; subsequens</b>               | 258.30           | <b>Idololatria studium</b>                           | 164.53                   | <b>Interrogatio</b>                             | 418.50. 528.1. 573.27         |
| <b>Gratia subsequens &amp; praeueniens</b>               | 751.15           | <b>Idumeorum calamitates duae</b>                    | 452.8                    | <b>Interrogatio ad insultationem</b>            | 205.20                        |
| <b>H</b>   |                  | <b>Idumeorum natio</b>                               | 442.48                   | <b>Interrogatio negans</b>                      | 930.6                         |
| <b>Gratiarum diuisiones</b>                              | 261.26           | <b>Idumeorum res</b>                                 | 729.55                   | <b>Inter vestibulum &amp; altare</b>            | 250.39                        |
| <b>Gratis</b>  | 935.10           | <b>Iecur</b>   | 784.50                   | <b>Ioannes Baptista</b>                         | 883.52                        |
| <b>Gubernator</b>  | 483.23           | <b>II</b>  |                          | <b>Ioannes Bouius</b>                           | 252.35                        |
| <b>H</b>   |                  | <b>Idumeorum res</b>                                 | 729.55                   | <b>Iona figura de Christo</b>                   | 491.46                        |
| <b>HABBAKUK</b>  | 632.25           | <b>Iecur</b>   | 784.50                   | <b>Ioppe</b>                                    | 478.6                         |
| <b>Hadrac locus</b>                                      | 843.32           | <b>III</b>   |                          | <b>Ioseph</b>                                   | 370.37                        |
|  |                  |  |                          | <b>Ire verbum</b>                               | 487.44                        |
|  |                  |  |                          | <b>Ironia</b>                                   |                               |

# INDEX.

|   |                 |   |                  |   |                   |
|---|-----------------|---|------------------|---|-------------------|
| <i>Ironia</i>   | 734.4           | <i>Iustificatio</i>                                     | 72.32            | <i>Lunatio</i>  |                   |
| <i>Irridetur, qui spote improbi sunt</i>                      | 152.30          | <i>Iustitia</i> 375.54.381.1. & 778.35                  |                  | <i>Lupus</i>  | 646.35. & 871.50  |
| <i>Isaas</i>  | 589.1           | <i>Iustitia diuina</i> 111.28. 174.45. & 824.50         |                  | <i>Lutum</i>  | 1423.28. & 724.49 |
| <i>Isaia pater</i>  | 704.38          | <i>Iustitia aeternorum</i>                              | 636.1            | <i>Luxuries vite</i>  | 661.11            |
| <i>Israel 32.5.24. 339.53. &amp; 507.42.</i>                  |                 | <i>Iustitia, &amp; iudicium res publicas conseruant</i> | 378.43           | <i>Luxus seminarum</i>  | 366.46            |
| <i>Israel &amp; Edom nomina</i>                               | 428.2           | <i>Iustitia fidelium</i>                                | 636.8            |   | 328.7             |
| <i>Israelis &amp; Edom comparatio</i>                         | 426.10          | <i>Iustitia humana</i>                                  | 635.20           | <b>M</b>  |                   |
| <i>Israelites res</i>   | 844.14          | <i>Iustitia partes due</i>                              | 398.45           |   |                   |
| <i>Israelis terra fecunditas</i>                              | 695.9           | <i>Iustitia rationes due</i>                            | 173.41           | <i>MACHOMETVS</i> 813.12. & 889.33                            |                   |
| <i>Israelis terminus</i>                                      | 461.37          | <i>Iustitia rationes iustus iustificatus</i>            | 72.32            | <i>Magedo vrbs</i>  | 886.10            |
| <i>Israelitarum condicio</i>                                  | 857.18          | <i>Iustus</i>   | 72.32. & 173.40  | <i>Magistratus</i>  | 866.12            |
| <i>Israelitarum condicio post casum</i>                       | 143.15          | <i>Inuencā</i>  | 104.45           | <i>Magistratuū ignotitia nō excusat</i>                       | 543.1             |
| <i>Israelitarum dispersio</i>                                 | 188.15          | <b>L</b>  |                  | <i>Magna mala ex paruis initijs</i>                           | 133.39            |
| <i>Israelitarum ignorantia</i>                                | 406.47          |   |                  | <i>Magnarū rerū grauisimus casus</i>                          | 621.3             |
| <i>Israelitarum miseria</i> 359.14. & 431.12                  |                 | <i>LABOR</i>  | 634.46           | <i>Magna potentia exitus ignominiosus</i>                     | 618.50            |
| <i>Israelitarū rerum inclinationes</i>                        | 115.40          | <i>Laboro</i>   | 339.52           | <i>Magna sacrorum librorum eloquentia &amp; grauitas</i>      | 201.20            |
| <i>Israelitarum reuocatio</i>                                 | 861.24          | <i>Lacus</i>  | 852.22           | <i>Malachia nomen</i>   | 920.20            |
| <i>Israelitarum secundum carnem condicio praesens</i>         | 861.8           | <i>Lamentationum interpretatio</i>                      | 537.35           | <i>Magnus</i>   | 578.25            |
| <i>Israelitarum status</i>                                    | 161.30          | <i>Lapides</i>  | 423.10. & 855.38 | <i>Maledictio</i>   | 806.22            |
| <i>Israelitarum umbra</i>                                     | 852.25          | <i>Lapides funda</i>                                    | 854.51           | <i>Malefactorum exitus</i>                                    | 661.35            |
| <i>Israelitica regio</i>                                      | 62.45           | <i>Lapis Christus</i>                                   | 801.12           | <i>Male partorum exitus</i>                                   | 322.41            |
| <i>Iter</i>   | 612.35          | <i>Lapis primus &amp; postremus</i>                     | 802.25           | <i>Malitia</i> 476.10.511.23. & 839.32                        |                   |
| <i>Itinera seculi</i>   | 683.34          | <i>Lapis reprobatus</i>                                 | 802.38           | <i>Malitiosa calliditas hominum</i>                           | 388.34            |
| <i>Itineris impediendi ratio</i>                              | 57.32           | <i>Lectionis &amp; partitionis capita</i> 751.33        |                  | <i>Malorum concordia</i>                                      | 902.35            |
| <i>Iubileus</i>   | 239.21          | <i>Lectionum continuatio</i>                            | 856.19           | <i>Malum culpa &amp; poena</i>                                | 320.16            |
| <i>Iucunda vita publica</i>                                   | 405.30          | <i>Leana &amp; pardus</i>                               | 203.31           | <i>Malum grauisimum insuetis</i>                              | 342.45            |
| <i>Iuda</i>   | 884.15          | <i>Legis auctoritas &amp; fides</i>                     | 829.40           | <i>Malum hominibus ex culpa</i>                               | 451.41            |
| <i>Iudaica religio &amp; Christiana</i>                       | 841.53          | <i>Leo</i> 204.15.318.40. 359.28. & 564.14              |                  | <i>Manum extendere</i>  | 705.53            |
| <i>Iudaica captiuitatis tempus</i>                            | 744.8           | <i>Leones</i>   | 724.48           | <i>Manus significatio</i> 508.31. & 688.54                    |                   |
| <i>Iudaea montibus frequens</i>                               | 151.52          | <i>Leonis natura</i>                                    | 323.24           | <i>Mareffa vrbs</i>   | 524.47            |
| <i>Iudaei Israelitae</i>                                      | 789.24          | <i>Leonum nomina &amp; natura</i>                       | 117.12           | <i>Mari profundum</i>   | 587.45            |
| <i>Iudeorum argumenta aduersus Christum</i> 560.34            |                 | <i>Latitia, exultatio</i>                               | 152.50           | <i>Mareth</i>   | 532.41            |
| <i>Iudeorum calamitates</i>                                   | 359.22          | <i>Latitā popularis tempora</i>                         | 152.15           | <i>Masculus</i>   | 939.42            |
| <i>Iudeorum &amp; Christianorum differentia</i>               | 885.11          | <i>Letheco mensura</i>                                  | 82.43            | <i>Matthaei familia</i>                                       | 792.14            |
| <i>Iudeorum exercitatio</i>                                   | 581.48          | <i>Lex antiqua &amp; noua</i>                           | 552.15           | <i>Matthiae locus</i>   | 559.27            |
| <i>Iudeorum importuna condicio</i>                            | 869.4           | <i>Libanus</i> 669.47. & 863.19. & 864.44               |                  | <i>Medica prognostica</i>                                     | 902.15            |
| <i>Iudeorum transmigratione ad Babylonem</i>                  | 365.21          | <i>Libanus Ierosolyma</i>                               | 866.14           | <i>Medicorum officium</i>                                     | 57.10             |
| <i>Iudeus verus</i>   | 842.7           | <i>Libanus mons</i>                                     | 214.12           | <i>Medium</i>   | 680.14            |
| <i>Iudicij diuini aequitas</i> 307.18.106.20. 142.50. & 143.1 |                 | <i>Liberatio ex Aegypto, eiusque significatio</i>       | 585.15           | <i>Medium amorum</i>  | 680.4             |
| <i>Iudicij diuini formulae</i>                                | 97.57           | <i>Libertas dicendi hominibus odiosa</i> 351.45         |                  | <i>Mensis</i>   | 772.23. & 871.54  |
| <i>Iudicij diuini ratio</i>                                   | 266.22          | <i>Licentia pietatis nomine inducta</i>                 |                  | <i>Mensis Ab</i>  | 112.52            |
| <i>Iudiciorum Dei aequitas</i> 199.5.324.6. & 383.50          |                 | <i>Limen</i>  | 710.49           | <i>Mensis certus index diuini iudicij aduersus Israelitas</i> | 113.1             |
| <i>Iudiciorum gradus</i>                                      | 327.15          | <i>Limen arroganter transire</i>                        | 709.12           | <i>Mensis sexti dies prima</i>                                | 767.35            |
| <i>Iudicium</i> 375.54.543.24.546.40. 628.14. & 640.33        |                 | <i>Linguarum varietas in sententia reddenda</i> 90.2    |                  | <i>Menstruatio</i>  | 887.27            |
| <i>Iudicium Dei</i>   | 170.44. & 194.5 | <i>Linguarum vsus</i>                                   | 61.39            | <i>Mentis perturbatio ex metu vel dolore</i>                  | 404.33            |
| <i>Iudicium edi</i>   | 325.3           | <i>Loca gentibus cur sacra</i>                          | 101.1            | <i>Mercator</i>   | 194.29            |
| <i>Iudicium pacis</i>   | 839.17          | <i>Locorum &amp; vrbiū memoratio</i> 525.42             |                  | <i>Mercatura</i>  | 478.52            |
| <i>Iumenta</i>  | 783.23          | <i>Locorum notatio &amp; nomina</i> 559.12. & 783.13    |                  | <i>Messias verus</i>  | 884.55            |
| <i>Iumentorum symbola</i>                                     | 903.53          | <i>Locorum oportunitas</i>                              | 129.20           | <i>Messia ab antiquis definitio</i>                           | 884.53            |
| <i>Iuramenta</i>  | 408.38          | <i>Locusta</i> 228.6.254.10. & 336.33                   |                  | <i>Metonymia</i>  | 681.28            |
| <i>Iuramenta religionem arguunt</i>                           | 706.40          | <i>Loqui</i>  | 511.15           | <i>Milites meretricibus assuescūt</i>                         | 530.4             |
| <i>Iuramentorum materia</i>                                   | 167.13          | <i>Lucena</i>   | 464.2            | <i>Militum &amp; exercituum ratio.</i>                        | 243.7             |
| <i>Iuramentorum negligentia</i>                               | 807.3           | <i>Lugentium habitus</i>                                | 405.15           | <i>Mimosis</i> 158.18.205.26. & 375.2                         |                   |
| <i>Iurandi forma</i>  | 408.49          | <i>Lugere</i>   | 233.14           | <i>Minarum Dei catastrophe</i>                                | 63.44             |
| <i>Iurate</i>   | 866.42          | <i>Lugubres dies mortuorum</i>                          | 154.25           | <i>Minas Dei euentu carere Deus cupit</i>                     | 687.3             |
| <i>Iurare in anima</i>  | 371.25          | <i>Lumbi</i>  | 611.12           | <i>Minatio</i>  | 531.32            |
| <i>Iurgium</i>  | 381.1           | <i>Lumen Christi</i>                                    | 582.20           | <i>Minha</i>  | 935.20            |
| <i>Iustificatio</i>   | 635.47          |   |                  | <i>Ministri Dei</i>   | 601.25. & 778.31  |
|   |                 |   |                  | <i>Ministri Ecclesiae</i>                                     | 855.27            |

# INDEX.

|   |         |
|---|---------|
| <i>Ministorum animi &amp; studia</i>                            | 351.34  |
| <i>Ministorum publicorum ordines quatuor</i>                    | 724.30  |
| <i>Miracula</i>   | 491.33  |
| <i>Misericordia</i> 57. 14. 194.5. 347. 10. 680. 28. & 928. 51. |         |
| <i>Misericordia Dei</i> 50. 44. & 87. 44 & 170. 37              |         |
| <i>Misericordia &amp; lenitas Dei</i>                           | 587. 7  |
| <i>Misericordia &amp; iustitia</i>                              | 130. 32 |
| <i>Misericordia perpetua est</i>                                | 125. 8  |
| <i>Misericordia semper in oportunitate</i> 655. 10              |         |
| <i>Misericordie definitio</i>                                   | 123. 19 |
| <i>Misericordia &amp; iustitie rationes</i>                     | 117. 52 |
| <i>Misericordia magnitudo</i>                                   | 174. 23 |
| <i>Mispat mons</i>  | 109. 3  |
| <i>Moab</i>   | 305. 25 |
| <i>Modestia</i>   | 804. 5  |
| <i>Mosis vaticiniorum laudatio</i>                              | 443. 22 |
| <i>Monarchia nulla futura</i>                                   | 812. 25 |
| <i>Mons Oliuarum</i>  | 898. 35 |
| <i>Mons religionem significat</i>                               | 551. 5  |
| <i>Mons Sion</i>  | 465. 16 |
| <i>Mons sanctus</i>   | 239. 43 |
| <i>Montana</i>  | 328. 20 |
| <i>Montes</i> 101. 9. 688. 5. & 812. 1                          |         |
| <i>Montes appellati</i>   | 567. 24 |
| <i>Montes colles</i>  | 683. 25 |
| <i>Montes venatione abundanti</i>                               | 109. 6  |
| <i>Montis Dei altitudo</i>                                      | 551. 23 |
| <i>Montium natura</i>   | 801. 1  |
| <i>Mores</i>  | 199. 35 |
| <i>Mors</i>   | 862. 45 |
| <i>Mors Dei ministra</i>  | 682. 30 |
| <i>Mors inexpugnabilis</i>                                      | 659. 18 |
| <i>Morbi ex prosperitate</i>                                    | 57. 12  |
| <i>Mortis nomina</i>  | 682. 40 |
| <i>Mortui cum Christo</i>                                       | 693. 45 |
| <i>Mos expugnationum</i>  | 375. 15 |
| <i>Mulieres</i>   | 327. 41 |
| <i>Mundi aternitas falso existimata</i>                         | 904. 37 |
| <i>Munia publica ad publicam vilitatem</i> 579. 5               |         |
| <i>Muri</i>   | 712. 43 |
| <i>Musica genera</i>  | 369. 20 |
| <i>Musica ratio</i>   | 368. 27 |
| <i>Musica vsus</i>  | 369. 15 |
| <i>Mutatio &amp; innouatio natura</i>                           | 884. 50 |
| <i>Mutationes rerum Deo cura</i>                                | 448. 5  |
| <i>Mysteriorum indicatio &amp; interpretatio</i>                | 584. 50 |

## N

NABUCHODONOSORIS

epit beton 610.44

|                       |                 |
|-----------------------|-----------------|
| Naturalium rerum usus | 349.39          |
| Natura obedientia     | 335.33          |
| Naues antiquæ         | 488.45          |
| Nazareati             | 825.26          |
| Negativa vniuersalis  | 674.35          |
| Nilus                 | 415.6           |
| Nimrod tyrannus       | 565.3           |
| Ninias                | 477.28          |
| Ninine                | 499.31 & 720.13 |

|  |                  |
|--|------------------|
| Niniua urbis conditores                      | 596.6            |
| Nomen  | 727.1C. & 864.37 |
| Nomen arcanum Dei                            | 193.40           |
| Nomen Dei ineffabile apud gētes              | 503.1            |
| Nomen Prophetæ de Idumæis                    | 443.14           |
| Nomina                                       | 772.24           |
| Nomina diuina                                | 184.44           |
| Nomina ex muneribus imposita                 | 823.             |
| 43--   |                  |
| Nominis proprii appellatio causa humilitatis | 389.3            |
| Nominum partium mundi significatio           | 898.45           |
| Nominum reducendorum ratio                   | 463.12           |
| Nominum varietas                             | 505.2            |
| Noui testamenti ætas aurea                   | 836.44           |
| Noui testamenti felicitas                    | 212.51           |
| Nouum testamentum                            | 785.5            |
| Nox  | 899.17           |
| Nubes maritima                               | 202.19           |
| Nuditatis                                    | 530.9            |
| Nullum verbum otiosum in sacris libris       | 320.36           |
| Numen  | 59.15            |
| Numerorum collectio                          | 661.45           |
| Numinum religiones quibus modis autæ         | 151.45           |
| Numismata                                    | 143.31           |
| Nunc   | 934.6. & 112.39  |
| Nunc exhortans                               | 752.54           |
| Nunc illatio                                 | 551.49           |
| Nuntiatio                                    | 679.25           |
| Nuntius                                      | 934.6            |

## 0

OBSEVATIO *studium* 804. 5

|  |        |
|--|--------|
| Oculi  | 844.36 |
| Oculi Dei  | 413.50 |
| Oculus Dei providentio                                     | 786.35 |
| Oculus Domini  | 802.55 |
| Odiſſa imprecatus  | 358.21 |
| Oder   | 214.1  |
| Odor gravis  | 337.46 |
| Oidium in poſteros Iudaorum Chriſtia-<br>nos non probandum | 456.46 |
| Officij ratio duplex                                       | 929.29 |
| Officiorum genera tria in pietate                          | 87.34  |
| Olei uſus  | 575.34 |
| Oleum  | 234.16 |
| Oſſactus   | 337.40 |
| Oliva  | 214.2  |
| Omnēs  | 109.33 |
| Omne ut ſit vniuerſale                                     | 705.3  |
| Omnia à Deo gubernari                                      | 802.54 |
| Omnia diuino conſilio regi                                 | 683.44 |
| Onager   | 148.26 |
| Onus 330. 39.631. 30. 843. 20. &<br>877.17                 |        |
| Operari  | 642.49 |
| Opibus & diuitijs puniuntur homines                        |        |
| 642.4  |        |
| Opiniones aliena euellende                                 | 783.25 |
| Oppida urbibus ſalubriora                                  | 564.48 |
| Optimorum victus   | 154.7  |
| Oracula prophetarum certiffima                             | 644.12 |

|                                      |        |
|--------------------------------------|--------|
| Oratio                               | 677.2  |
| Orationes                            | 778.24 |
| Orationis fructus                    | 251.38 |
| Orationum piarum exitus              | 585.3  |
| Orationum vis                        | 632.44 |
| Orbis partes                         | 719.30 |
| Orbis terra                          | 852.23 |
| Ordo distinctus in religionis ordine | 706.   |
| 32                                   |        |
| Ordo in acie                         | 243.49 |
| Oriens                               | 796.18 |
| Os oris                              | 545.4  |
| Ones                                 | 105.43 |

*P*

PALESTINA 843.56.

|                                 |                  |
|---------------------------------|------------------|
| Palastini                       | 321.38           |
| Parabolam sumere                | 660.29           |
| Paradisus                       | 128.1. & 555.10  |
| Paranomasia & allusiones        | 532.10           |
| Parcere                         | 251.46           |
| Pardi                           | 646.13           |
| Parentum amor                   | 890.37           |
| Pastio                          | 233.41           |
| Pastor prudens                  | 875.11           |
| Pastor stultus                  | ibidem           |
| Pastores                        | 293.17. & 379.10 |
| Pastorum officium               | 392.37           |
| Paterna doctrina                | 226.45           |
| Patria notatio                  | 204.40           |
| Pauoris effectus                | 586.40           |
| Pax                             | 840.42           |
| Pax Christi                     | 562.21           |
| Pax & securitas filiorum Dei    | 69.50            |
| Pax vera                        | 552.43           |
| Peccata peccati corpus          | 790.35           |
| Peccatum                        | 887.27           |
| Peccatum à Deo auertit homines  | 94.6             |
| Peccatum peccati poena          | 101.36           |
| Peccatum pro hostia             | 95.44            |
| Peccatum voluntarium est        | 454.44           |
| Pecuarie res                    | 808.1            |
| Peculiaris Dei populus          | 786.40           |
| Pecunia conficienda modi        | 543.44           |
| Pedes Dei                       | 898.32           |
| Pedum                           | 870.24           |
| Penuria verbi Dei               | 406.14           |
| Permutatio figura               | 75.12            |
| Perpendiculum                   | 383.16           |
| Perpetua lectio                 | 751.30           |
| Persarum imperium               | 359.40           |
| Persarum mutatio                | 536.46           |
| Persa                           | 814.15           |
| Persecutiones Ecclesia          | 896.9            |
| Personarum mutatio              | 536.46           |
| Pertinacia                      | 115.17           |
| Pestis causa                    | 381.43           |
| Petrus Villegas pictor insignis | 277.38           |
| Phalera                         | 906.17           |
| Phanum                          | 101.12           |
| Pharam                          | 681.19           |
| Philosophorum via               | 551.55           |
| Pictura                         | 227.30           |
| Pietas prapouenda               | 890.44           |
| Pietatis consuetudo             | 491.42           |
| O O 4                           | Pietatis         |



# INDEX.


|   |                 |   |        |   |                  |
|---|-----------------|---|--------|---|------------------|
| Pietatis definitio & partes                               | 572.23          | Prædicationes non omnes necessarias                                 | 511.28 | Querendus Deus quomodo                              | 355.12           |
| Pietatis officia omnia                                    | 574.21          | Præscientia   | 905.1  | Quia illatna  | 667.7            |
| Pietatis partes duæ                                       | 87.15           | Præsens Dei virtus & facultas                                       | 601.13 | Quinquæ Christi signa                               | 788.20           |
| Pietatis studium  | 838.44          | Præsens tempus  | 498.41 | Quintilianus  | 261.5            |
| Pietatis vsus ex rectè constituta repu-<br>blica          | 855.4           | Præsidium verum Deus  | 376.43 | Quis  | 664.25           |
| Pij populi dispersio                                      | 272.48          | Præteritum  | 251.47 | Quisquilia  | 604.8            |
| Pij populi fortitudo Deus                                 | 880.32          | Preces  | 778.25 | Quomodo vox   | 202.28           |
| Piorum cura Dei   | 604.40          | Primogenitus  | 905.14 |   | 185.18           |
| Piorum delectus   | 895.9           | Principes consulentissimi   | 847.14 | R   |                  |
| Piorum & incredulorum discrimen                           | 655.40          | Principibus adest gratia  | 751.20 |   |                  |
| Piorum hominum preces efficaces                           | 382.30          | Principi equitas seruanda   | 536.35 | R ADIX peccati satan                                | 792.2            |
| Pisces  | 90.41. & 705.32 | Principum sententia quantum valeat<br>in populo                     | 129.7  | Reconciliatio Iudaorum                              | 212.15           |
| Pisces brutissimi   | 637.45          | Prinatum & publicum populi officium                                 | 92.16  | Recordari, visitare                                 | 158.46           |
| Piscium respiratio  | 494.25          | Prinatum officium   | 839.2  | Reges   | 379.10. & 804.32 |
| Platanus  | 505.29          | Proderio  | 150.4  | Regna diuino iudicio euerri                         | 815.25           |
| Plantarum nomina  | 505.5           | Promissa regiones non optenta                                       | 844.2  | Regnum Dei  | 963.53           |
| Plethoria   | 57.7            | Prophetarum illustratio   | 653.55 | Regia & pontificalis dignitas                       | 793.43           |
| Plumbi pœna   | 808.48          | Prophetarum officia duo   | 545.20 | Regnorum rationes                                   | 779.44           |
| Pluuiarum commoditas                                      | 856.33          | Prophetarum patres  | 10.13  | Regum arces   | 332.1            |
| Pluuiarum oportunitas                                     | 378.33          | Prophetarum patriæ s. i. 7. 36. & 704.14                            | 11.36  | Regum Israel exitus                                 | 177.8            |
| Pœna fastidientium verbum Dei                             | 407.43          | Prophetarum tempora   | 11.36  | Regum notatio in vatibus                            | 525.1            |
| Pœna malum publicum                                       | 310.17          | Prophetas hominum vtilitatis causa crea-<br>tos                     | 653.8  | Regum Iudaorum dignitas                             | ibidem           |
| Pœna nunquam sine culpa                                   | 647.2           | Propheta  | 889.8  | Relectio  | 905.25           |
| Pœna peccati peccatum                                     | 836.25          | Prophetia   | 262.2  | Relatiua  | 659.43           |
| Pœna temporalis   | 103.15          | Prophetica auctoritas   | 82.28  | Religio   | 896.38           |
| Pœna ad correctionem exacta, earumq;<br>argumenta         | 574.37          | Prophetici gradus   | 264.2  | Religio erga diuina verba                           | 396.38           |
| Pœne ferenda Israelitis tempus                            | 63.18           | Prophetici modi   | 195.54 | Religio societatis conseruatrix                     | 103.44           |
| Pœnitentia 141. 50. 508. 1. & 841.35                      | 119.43          | Propitii  | 379.39 | Religionis & superstitionis discrimen               | 172.9            |
| Pœnitentia virtus   | 182.49          | Propterea   | 322.53 | Religionis prophatio malorum ini-<br>tium & causa   | 147.34           |
| Pœnitentia auersio  | 655.7           | Propugnatio fortissima  | 612.53 | Religionis pura simplicitas & facilitas             | 175.20           |
| Pollutus in anima   | 755.20          | Prosperitas vera cum pietate  | 152.38 | Religionis ratio                                    | 124.33           |
| Pons principis partes                                     | 849.30          | Providentia 21. 59. 413. 55. 476. 36.<br>802. 54 815. 33. & 904. 41 | 373.10 | Reliquia  | 836.54           |
| Populi  | 526.4           | Providentia argumentum 105. 36. &<br>373.10                         | 334.49 | Repetitio   | 239.51           |
| Populi auaritia, prodigalitas & super-<br>sticio          | 145.23          | Prudentia   | 354.23 | Repetitio verbi                                     | 75.18            |
| Populi auctoritas ad intercedendum in<br>legibus ferendis | 109.40          | Prudentia definitio   | 450.25 | Reprehenduntur vitia                                | 351.13           |
| Populi ingenium sacerdotum officium                       | 92.41           | Pseudopropheta  | 889.8  | Reprobatio  | 905.23           |
| Populi officium erga religionis sancti-<br>moniam         | 145.3           | Publica iniuria publice calamitatis cau-<br>sa                      | 451.30 | Rerum agrorumq; legitimus vsus                      | 232.1            |
| Populus Dei   | 251.11          | Publicarum pœnarum tempus   | 535.3  | Rerum natura  | 604.28           |
| Populus magistratus                                       | 866.12          | Publica salutis consilium   | 459.1  | Respublica  | 534.35           |
| Populus regum studia imitatur                             | 154.47          | Publicum officium   | 839.14 | Restitutionis humana ratio                          | 173.20           |
| Porta pscium  | 709.34          | Pudet homines mali exitus   | 662.50 | Rete sagena   | 651.55           |
| Portarum membra   | 411.12          | Pulus   | 531.30 | Resurrectio mortuorum Christi                       | 120.27           |
| Porta   | 839.14          | Pueri   | 250.19 | Retributio diuina                                   | 156.34           |
| Posteritas & expectatio in sacris quid                    | 743.44          | Punitio principum & populi  | 527.1  | Rex Christus  | 848.45. & 904.8  |
| Præceptorum quorundam ratio                               | 153.35          | Q   |        | Ricinus   | 505.25           |
| Præcipua ratio Deo conciliandi                            | 827.2           |   |        | Rixa  | 638.30           |
| Præconia in montibus                                      | 609.40          | Q V A D R I G A E   | 812.45 | Rogata oblatis minora                               | 621.2            |
| Præconij lona argumentum                                  | 500.16          | Quasdam res sine crimine non<br>haberi                              | 573.48 | Roma vrbs   | 113.38           |
| Præconium   | 808.42          | Quasi dictio  | 798.6  | Roma  | 322.10           |
| Præda   | 634.50          | Quatuor imperia   | 228.29 | Romani  | 229.14. & 814.20 |
| Prædestinatio non sapienter intelligitur<br>a quibusdam   | 143.20          | Quatuor imperiorum absoluta imago                                   | 811.29 | Roma pietatis christiane in<br>propugnande exemplum | 541.33           |
| Predictiones natura sua vera & certa<br>causa manente     | 655.1           | Quatuor insectorum genera   | 228.4  | Ros mane transiens                                  | 202.20           |
|   |                 | Quæsonunc   | 567.11 | Rubigo  | 336.33           |
|   |                 |   |        | Rustica rei vtilitas                                | 336.45           |
|   |                 |   |        | S   |                  |
|   |                 |   |        |   |                  |
|   |                 |   |        | S A A D I A S                                       | 658.11           |
|   |                 |   |        | Saccus  | 505.14           |
|   |                 |   |        | Sacerdos  |                  |

# I N D E X.

|  |                         |   |                  |   |                          |
|--|-------------------------|---|------------------|---|--------------------------|
| <i>Sacerdos</i>  | 804.34                  | <i>Signorum genus duplex</i>                      | 265.7            | <i>Tempestatum causa</i>                                  | 480.9                    |
| <i>Sacerdotes</i>  | 866.31. & 870.52        | <i>Similitudo</i>                                 | 196.4            | <i>Templi descriptio</i>                                  | 230.35                   |
| <i>Sacerdotes ministri</i>   | 234.41                  | <i>Similitudines in arte</i>                      | 138.30           | <i>Templi edificatio</i>                                  | 766.26                   |
| <i>Sacerdotes ob populi scelus reprehenduntur</i>                        | 92.35                   | <i>Simulachra capta</i>                           | 305.1            | <i>Templi euentus</i>                                     | 71.28                    |
| <i>Sacerdotum officium</i>   | 795.14                  | <i>Simulachrorum deorum utilitas nulla</i>        | 672.16           | <i>Templi excisi dies</i>                                 | ibidem                   |
| <i>Sacerdotum auctoritas</i>   | 129.11                  | <i>Singularis pro plurali</i>                     | 200.48           | <i>Tempora à Ieremiis predicta</i>                        | 745.28                   |
| <i>Sacerdotum officium &amp; populi erga sacerdotes obseruantia</i>      | 95.20                   | <i>Singularis prouidentia Dei in populum suum</i> | 803.10           | <i>Tempora discipulorum</i>                               | 561.15                   |
| <i>Sacerdotum peccata</i>  | 94.8                    | <i>Singula secte expugnantur ipsorum armis</i>    | 675.3            | <i>Temporis tractus descriptio</i>                        | 69.1                     |
| <i>Sacrificia antiqua</i>  | 124.47                  | <i>Sinistra</i>                                   | 851.15           | <i>Temporaria notatio</i>                                 | 766.45                   |
| <i>Sacrificia antiqua deserunt</i>                                       | 125.7                   | <i>Sion</i>                                       | 555.3            | <i>Temporum ratio</i>                                     | 176.26. & 524.54         |
| <i>Sacrificia non perpetua</i>   | 363.18                  | <i>Sion christiana ecclesia</i>                   | 459.40. & 465.21 | <i>Tempus</i>   | 745.15                   |
| <i>Sacrificia noui testamenti</i>  | 124.47                  | <i>Sion filia</i>                                 | 849.7            | <i>Tempus, dies</i>                                       | 159.51                   |
| <i>Sacrificiorum ratio</i>   | 933.50                  | <i>Sion Ierusalem</i>                             | Ibidem           | <i>Tempus Ione</i>  | 475.50                   |
| <i>Sacrificiorum ratio atque usus</i>                                    | 150.24                  | <i>Sitis importuna</i>                            | 407.25           | <i>Tempus prophetae posterioris</i>                       | 766.24                   |
| <i>Sacrificium &amp; libatio</i>   | 232.50                  | <i>Sol</i>  | 936.23           | <i>Tenebrae</i>   | 359.2                    |
| <i>Sacri libraliorum auctorum rationes componuntur</i>                   | 597.12                  | <i>Solus &amp; Luna vis</i>                       | 52.20            | <i>Termini Israël</i>                                     | 344.42                   |
| <i>Sacrorum genera duo</i>   | 101.14                  | <i>Sollicitudo erga Deum</i>                      | 572.30           | <i>Ternarius</i>  | 71.18                    |
| <i>Sacrorum studiorum commendatio</i>                                    | 260.41                  | <i>Somnium</i>                                    | 262.45           | <i>Terra</i>  | 837.9. & 877.55          |
| <i>Sacrorum verborum ratio cognoscenda</i>                               | 294.25                  | <i>Sors noui testamenti</i>                       | 429.33           | <i>Terra Domini</i>                                       | 155.49                   |
| <i>Sagena, rete</i>  | 651.55                  | <i>Spes Israëlitarum</i>                          | 852.45           | <i>Terra consideratio</i>                                 | 344.27                   |
| <i>Salem altera</i>  | 268.2                   | <i>Spina</i>                                      | 57.27            | <i>Terre sanctae ratio</i>                                | 127.15                   |
| <i>Saluator, Deus</i>  | 581.12                  | <i>Spiritualia commoda</i>                        | 797.25           | <i>Terra translationes in sermonem</i>                    | 90.9                     |
| <i>Salus &amp; felicitas animorum, Dei donum</i>                         | 258.20                  | <i>Spiritus</i>                                   | 157.20. & 659.34 | <i>Testamenti confirmatio</i>                             | 851.45                   |
| <i>Samaria</i>   | 322.3                   | <i>Spiritus communicatio</i>                      | 261.19           | <i>Testimonia veritatis ab hostibus etiam Thaber mons</i> | 109.3                    |
| <i>Samaria impietatis caput</i>  | 208.15                  | <i>Spiritus cum genituo</i>                       | 100.32           | <i>Tharsis</i>  | 478.1                    |
| <i>Sanctificare</i>  | 707.12                  | <i>Spiritus diuini misericordia</i>               | 238.25           | <i>Themam</i>   | 303.6. 451.18. & 681.19  |
| <i>Sanctificare populum</i>  | 250.6                   | <i>Spiritus diuini virtus</i>                     | 557.45           | <i>Theologicae rationes &amp; linguarum cognitio</i>      | 534.20                   |
| <i>Sanctificatio</i>   | 459.34. & 755.31        | <i>Spiritus hominis</i>                           | 878.1            | <i>Timere</i>   | 481.33                   |
| <i>Sanctorum distinctio</i>  | 754.43                  | <i>Spiritus ministratus</i>                       | 264.37           | <i>Timor</i>  | 490.40                   |
| <i>Sanctorum virorum pietas &amp; cura erga populos</i>                  | 379.25                  | <i>Spiritus sancti eloquentia</i>                 | 686.8            | <i>Timor Dei robur addit</i>                              | 386.25                   |
| <i>Sanctus quid significet</i>   | 185.2                   | <i>Spiritus sanctificatio</i>                     | 262.18           | <i>Timor Domini</i>                                       | 726.1                    |
| <i>Sanguinis efus</i>  | 846.37                  | <i>Spiritus sanctificationis</i>                  | 264.35           | <i>Tonosconcoleros</i>                                    | 603.46                   |
| <i>Sapiens quis</i>  | 217.20                  | <i>Spiritus sanctus</i>                           | 268.30           | <i>Tonsio tributa</i>                                     | 379.15                   |
| <i>Sapientia</i>   | 845.4                   | <i>Spiritus sanctus fidem amplificat</i>          | 72.19            | <i>Torris</i>   | 793.15                   |
| <i>Sapientia Dei</i>   | 877.55                  | <i>Spiritus varij</i>                             | 889.40           | <i>Tortum argumentum</i>                                  | 265.1                    |
| <i>Sapientia ratio</i>   | 727.36                  | <i>Sponsalium rationes</i>                        | 72.21            | <i>Transmigratio</i>                                      | 816.25                   |
| <i>Sarcasmos</i>   | 142.30. 152.21. & 660.2 | <i>Sponse luctus</i>                              | 232.15           | <i>Trepidare</i>  | 188.43                   |
| <i>Sarcasmi amplificatio</i>   | 156.5                   | <i>Sponsi</i>                                     | 250.20           | <i>Tributorum &amp; bellorum comparatio</i>               | 149.15                   |
| <i>Sardanapalus ac Tonosconcoleros</i>                                   | 475. & 477.30           | <i>Status</i>                                     | 99.32            | <i>Triplex lex ad ciuitatem diuinam optinendam</i>        | 267.26                   |
| <i>Sardanapalus Assyriorum ultimus</i>                                   | 603.47                  | <i>Stillare</i>                                   | 393.35           | <i>Triticum</i>   | 214.30. & 234.15         |
| <i>Sarphath</i>  | 462.29                  | <i>Stimulus quintus</i>                           | 337.52           | <i>Tritura</i>  | 172.20                   |
| <i>Scelera alia alijs diutius dissimulari à Deo propter poenitentiam</i> | 324.25                  | <i>Stirps</i>                                     | 796.18           | <i>Triumphatores</i>                                      | 648.19                   |
| <i>Scelera sponte admitti</i>  | 839.41                  | <i>Studium</i>                                    | 227.2            | <i>Trophaea &amp; tituli</i>                              | 558.7                    |
| <i>Scelerum gradus</i>   | 535.24                  | <i>Studij proprii cupiditas</i>                   | 110.32           | <i>Tuba canere</i>  | 239.18                   |
| <i>Scelerum partes prima</i>   | 508.15                  | <i>Studiorum praecipua praecepta</i>              | 132.33           | <i>Tullius</i>  | 664.23                   |
| <i>Scelerum poena</i>  | 453.45                  | <i>Stultorum sera sapientia</i>                   | 156.29           | <i>Turbatorum temporum licentia</i>                       | 166.6                    |
| <i>Scelus</i>  | 400.50                  | <i>Sua culpa homines male habet</i>               | 871.30           | <i>Turbo</i>  | 601.10                   |
| <i>Scientia Dei</i>  | 87.48                   | <i>Subolanus</i>                                  | 151.36. & 647.42 | <i>Turris gregis</i>                                      | 555.12. & 712.44         |
| <i>Scientia quid</i>   | 132.12                  | <i>Super</i>                                      | 708.54           | <i>Tyrannis nulla perpetua</i>                            | 662.58                   |
| <i>Scribere</i>  | 654.33                  | <i>Superstitionis vulgus appetens</i>             | 110.10           | <i>Tyrannorum casus plausibilis</i>                       | 623.7                    |
| <i>Scriptura nostra causa dictata</i>                                    | 339.16                  | <i>Supra</i>                                      | 659.38           | <i>Tyrannus</i>   | 638.10. & 648.20.        |
| <i>Scripturarum finis</i>  | 424.38                  | <i>Suscitari</i>                                  | 853.23           | <i>Tyrus vrbs</i>   | 648.40. 844.50. & 845.36 |
| <i>Sibylla</i>   | 773.53                  | <i>Syllepsis</i>                                  | 777.4            | <i>Vacca</i>  | 327.16. 328.13. & 41     |
| <i>Sichem vrbs</i>   | 129.35                  | <b>T</b>  |                  | <i>Variarum colorum significatio</i>                      | 813.1                    |
| <i>Sicut</i>   | 883.22                  | <i>Tabernaculum</i>                               | 645.11. & 883.15 | <i>Variis prophetarum usus</i>                            | 773.47                   |
| <i>Sidon</i>   | 844.50                  | <i>Tabernaculi pelles</i>                         | 684.47           | <i>Vas</i>  | 208.2. & 482.18          |
| <i>Sigilla</i>   | 758.49                  | <i>Tacere</i>                                     | 645.11. 790.24   | <i>Vasa</i>   | 370.10. & 614.35         |
| <i>Signa secundi aduentus</i>  | 266.30                  | <i>Tadium</i>                                     | 872.10           | <i>Vases cui aliquid interrogati</i>                      | 383.50                   |
|  |                         | <i>Tempestas</i>                                  | 601.10           | <i>Vases</i>  |                          |
|  |                         | <i>Tempestates mouent impios</i>                  | 481.9            |   |                          |

# INDEX.

|  |                       |  |                            |   |                |
|--|-----------------------|--|----------------------------|---|----------------|
| <i>Vates quidecim de restitutione Iudeo-</i>     |                       | <i>Vestium notatio</i>                           | 708.38                     | <i>Vitis</i>                            |                |
| <i>rum prae dixerē</i>                           | 82.14                 | <i>Vestium scissio</i>                           | 247.16                     | <i>Vitiosum debile</i>                  | 257.28         |
| <i>Vaticiniorum causa</i>                        | 767.6                 | <i>Vetatio figura</i>                            | 455.32.                    | <i>Vmbrarum &amp; plantarum natura</i>  | 939.52         |
| <i>Vaticiniorum certitudo</i>                    | 177.4                 | <i>Veteris &amp; noui testamēti sancti</i>       | 883                        |   |                |
| <i>Vaticiniorum obscuritas</i>                   | 774.22.               |  | 44.                        |   | 514.52         |
| <i>Vaticinium</i>                                | 313.33                | <i>Via Gallicana</i>                             | 409.45                     | <i>Vnguenta</i>                         |                |
| <i>Vatum diligentia &amp; exitus</i>             | 123.33                | <i>Victoria euangelij</i>                        | 557.55                     | <i>Vnigeniti lactus</i>                 | 570.14         |
| <i>Vatum exordia quadam ad magnam sa-</i>        |                       | <i>Victoria spiritalis</i>                       | 574.21                     | <i>Vocare</i>                           | 405.28         |
| <i>lutem cauendam</i>                            | 260.50                | <i>Victoris &amp; victi condicio</i>             | 273.8                      | <i>Vocatio</i>                          | 788.12         |
| <i>Vatum prae dictiones diuinae prouidentiae</i> |                       | <i>Victorum superbiorum insultatio in vi-</i>    |                            | <i>Voces lamentis aptae</i>             | 836.55         |
| <i>argumenta</i>                                 | 116.54                | <i>Etos grauisima est</i>                        | 667.24                     | <i>vocula conuersua</i>                 | 530.38         |
| <i>Va</i>  | 617.12                | <i>Videre in aliquem</i>                         | 582.53                     | <i>Volatilia</i>                        | 654.5          |
| <i>Velox</i>                                     | 315.45                | <i>Via Domini</i>                                | 551.53                     | <i>Volumen</i>                          | 705.30         |
| <i>Venatio pro bello</i>                         | 377.5                 | <i>Vindicatio</i>                                | 582.8                      | <i>Volumen sine altitudine</i>          | 805.58         |
| <i>Venatores</i>                                 | 376.53                | <i>Vinea</i>                                     | 234.15. & 837.15           | <i>Voluntas signi &amp; beneplaciti</i> | 806.3          |
| <i>Venter</i>                                    | 693.9                 | <i>Vini in sacrificijs vsus</i>                  | 154.18                     | <i>Voluntaria oblationes</i>            | 511.38         |
| <i>Vera &amp; falsa doctrina distincta</i>       | 891.7                 | <i>Vini mixtiones</i>                            | 99.8                       | <i>Vorum</i>                            | 333.51         |
| <i>Verba bona</i>                                | 903.1                 | <i>Vini vis</i>                                  | 658.28                     | <i>Vrbes apertae</i>                    | 939.48         |
| <i>Verba inania</i>                              | 158.23                | <i>Violentum contra naturam</i>                  | 663.56                     | <i>Vrbes sacrae</i>                     | 784.16         |
| <i>Verba lugubria</i>                            | 373.40                | <i>Vir 243.54. 482.4. 502.32. &amp; 833.</i>     |                            | <i>Vrbis situs</i>                      | 128.49         |
| <i>Verba artis propria &amp; simplicia</i>       | 740.34                |  | 38.                        | <i>Vredo</i>                            | 709.39         |
| <i>Verbum</i>                                    | 505.43                | <i>Vir relatiuum</i>                             | 61.12                      | <i>Visa</i>                             | 336.33         |
| <i>Verbum causa</i>                              | 524.35                | <i>Virgo</i>                                     | 342.42                     | <i>Vrsus</i>                            | 203.36         |
| <i>Verbum Domini</i>                             | 475.22                | <i>Virgo Christi mater.</i>                      | 635.28                     | <i>Vsura tributum</i>                   | 359.28         |
| <i>Verbum Domini eiusque efficientia</i>         |                       | <i>Virtutem omnem in Deo eminenter esse</i>      |                            | <i>Vsus nosler ex antiquis rebus</i>    | 543.47         |
|  | 552.35 / vi. 36. 29.  |  | 170.27                     | <i>Ut, affirmat</i>                     | 789.30         |
| <i>Veritas Dei</i>                               | 87.4. 834. 50. & 840. | <i>Virtutis cultus</i>                           | 176.50                     | <i>Vua ficus</i>                        | 496.8          |
|  | 42.                   | <i>Virtus perpetua</i>                           | 363.15                     | <i>Vulgus</i>                           | 62.23          |
| <i>Veritas populi</i>                            | 834.53                | <i>Virtutum &amp; vitiorum bellum</i>            | 385.50                     | <i>Vulgi ingenium</i>                   | 455.48         |
| <i>Veritatem dare</i>                            | 588.35                | <i>Vis</i>                                       | 194.46. 634.24. 811.55.    | <i>Vultus fingendi artifex</i>          | 94.38. & 111.2 |
| <i>Veritatis euangelij lux &amp; commoditas</i>  |                       | <i>Visio</i>                                     | 262.45. 525.48. & 631.45.  |   |                |
|  | 890.12                | <i>Viscare</i>                                   | 97.40. 151.2. 158.32. 708. |   |                |
| <i>Veritatis &amp; sapientiae victoria</i>       | 158.42                |  | 54. 858.51. & 859.16.      |   |                |
| <i>Verorum &amp; popularium prophetarum</i>      |                       | <i>Visus certissimus</i>                         | 585.53                     | <i>Zacharias</i>                        | 828.48         |
| <i>differentia</i>                               | 157.45                | <i>Visus sensus</i>                              | 582.51. & 688.9            | <i>Zelus</i>                            | 779.14         |
| <i>Versio vulgata</i>                            | 693.35                | <i>Vita humana prudenter &amp; feliciter in-</i> |                            | <i>Zeugma</i>                           | 684.46         |
| <i>Veruntamen</i>                                | 194.42                | <i>stituenda ratio</i>                           | 727.5                      | <i>Zorobabel oriens dicitur</i>         | 817.17         |
| <i>Vestes regia</i>                              | 505.54                | <i>Vites collibus gaudent</i>                    | 214.43                     | <i>Zorobabelis electio quid</i>         | 759.14         |



ANTVVERPIÆ EXCVDEBAT CHRIS-  
TOPHORVS PLANTINVS REGIVS  
PROTOTYPOGRAPHVS, ANNO  
cdo. Id. LXX. MENSE DECEMB.



ANNUAL REPORT OF THE  
STATIONERS' AND ALIENISTS  
PROTOTOYOCRAHY, ANNO  
CL. LX. MENSE DECEMBER







120671507



